

**ANDREAE
CHRYSTOSTOMI
IN ZALUSKIE
ZALUSKI ...
EPISCOPI, ...**





**ANDREÆ
CHRYSOStOMI
IN ZAŁVSKIE
ZAŁUSKI,**

Primò Kijoviensis, postea Plocensis,
& nunc Varmiensis

**EPISCOPI,
SACRI ROMANI IMPERII
PRINCIPIS,**

DUCIS SIELUNENSIS,

**TERRARVM PRVSSIÆ PRÆSIDIS,
ET SUPREMI REGNI POLONIÆ
CANCELLARII.**

**EPISTOLARUM
HISTORICO-FAMILIARIUM
TOMVS TERTIVS.**

*GESTA IN POLONIA TOTIVS DECENNII
AB ANNO 1701*

CONTINENS.

BRUNSBERGÆ

ANNO SALVTIS MDCCXI. TYPIS, MANDATUS.





LECTORI.



GO & pergo, quâ cœpi viâ.
Concordem faciunt exordia
finem. Non potuit hoc sine
adminiculo Numinis fieri,
quia ultra spem & opinio-
nem meam, omnia in eo possum, qui me
confortat, nullum inchoo, quod non & fi-
niam opus, nec dicere possunt iniqua lo-
quentes: Venerunt usque ad partum, &
virtus non erat pariendi.

Facio, quod in itinere fieri solet, qui
tardiùs exierunt, velocitate pensant mo-
ram, ita quando aliquod tempus vacabat,
otium in hoc honestum negotium conver-
tere placuit, cum illa in opere suo occupa-
ta sollicitudo ingens oblectamentum in hac
habuerit occupatione. Non doctrinæ ve-

rò ostentandæ causâ, ut arguit Eusebius, ad scribendum me applicui, sed ne supersederem profuturis ; nullus per otium dies exijt, omnes alias curas hæc una occupavit, ut memoriam æternam his , qui post me futuri sunt, relinquerem, dedecus arbitratu inceptis desistere, referre pedem, passu non stare tenaci.

Etsi inter occupationes catenatas Ministerij mei curæ impediverint, quo minus in hoc labore omnem curam ac diligentiam consumerem, accommodavi me tamen, & tradidi, ne præsentium temporum series, atq; veritas lateret posteros, de quibus mereri volui, hæc quæ scio, non erubescendo confiteri cum Aristotele, me nescire, quod nescio, stylo, memoriæq; mandando, sum etenim, si gloriari licet, quanquam non expediat , sollicitudine non piger , spe gaudens, in tribulatione patiens, impendendæ salutis, nec impensæ pœnitens, ubi vita est pro Patria impendenda.

Non pœnituit laboris, quanquam sæpius ignaviæ amplissima merces, industriæ nulla.

Crevit mihi animus ipsâ rerum difficultate , & quamvis singuli dies aliquid subtrahebant viribus, non tamen sensi in animo

mo ætatis injuriam, cùm sentirem in corpore, & utrum possit adhuc aliquid à me agi, an non possit, expertus sum. Non mutavi sententiam, nec modum scribendi; Nam Apollinis oraculo is bonus vir judicatus est, qui non tum hoc, tum illud, ut pleriq; (qui negotia urgent, differunt, aut mutant, pro modo rei privatæ, ad quam omnia metiuntur) sed qui idem dicit, & facit semper. Summopere dictum Agesilai mihi placuit, hic admonitus, ipse sibi parceret ob incertam fortunam: At ego me, inquit, ipsum assuefacio, ut in nulla mutatione admittam mutationem.

Timeo tamen LECTOR bone, sis ipse iudex, nam ego index tantum, ne dum curris ad frumentum, paleas offendas. Nam scio hac affectum ætate, meliora his, quæ prius edita, & fortè cum aliquo applausu excepta sunt, afferre non posse. Si deteriora protulero, gloriæ meæ multum decedet, hoc enim iter destinatum assequi arduum est. Natus jam grandior, minusque perferendis laboribus idoneus, credo, me vesperam prætergressum, & in conspectu esse senectutis, imò jam vereor, ne senectutem post me reliquerim, quamvis adhuc

a 3

inter

inter decrepitos & extrema tangentes, non me vellem numerare, dū non univēso pondere senectus incubuit. Atteritur nihilominus caro, & liquefcit, neq; quas attulimus ad res arduas vires, spirituū more referimus.

Debilitavit imprimis me series immēsa laborum, & si non omnes senectus vires ademit, sævientis tamen fortunæ vis & malignitas plura inopinata, plura subita ita immisit, ut nesciam, an quis in majores possit incidere calamitates, quàm quas ego pertuli, quas vix lingua exprimere, vix calamus scribentis posset exarare.

Sed neq; id ego fortunæ imputo, quamvis nesciam causam, sed ipsius Rectori & Dominatori omnium D E O, cujus est, in quemcunque voluerit usum, vasa formare. Conscientiæ nostræ testis est Dominus. Hostes habere suave est, sed quos virtute facis. Fumum mox flamma dissipat, dies noctem, invidiam gloria. Cauterium videtur esse vulnus, & reverà est vulnerum remedium. Vexatio videtur esse malum, & sæpe mali remedium est.

Æstimo ergo singula famâ remotâ, & quæro, quid sint, non quid vocentur. Multas cū passus fuerim (extra Patriam aliquan-

quando, extra me nunquam) nullas sensisse angustias visus sum, injurias eò æquius tolerans, quò ab Instigatoribus meis injuriùs inferrentur. Perfectam inimicorum desævientiù audaciam, tolerantia ex necessitatis impulsu inevitabili fregi armis. Nonùm proinde, qui fueram, periit pars maxima nostri. In tã tenui valetudine adversã fortunã fractus, cui vires consumptæ abiectæ senectâ, respondere expectationi **LECTORIS** omnino me non posse scio. Auleo tamen scribere, in multis scribendi brevitate utens, ut compendio sim copiosior, nam sicut per proclive currentium, non ubi visum est, gradus sistitur, sed incitato corporis pondere se rapit ac longiùs, quàm voluit, effertur, ita & mihi in ulteriori Historiæ contextu sepositis Pòëtarum Metaphoribus, & abdicato lenocinantis Eloquentiæ ornatu, simplici sed propriâ & competente verborum phrasi veniunt enarranda, more eorum, qui fluminibus innatant, & non eant, sed feruntur.

Dedi me quandoq; referentibus, sed non captavi dubia pro certis, non modò satis esse credidi, quid factum esset, pronunciare, sed etiam quo consilio, quâq; ratione gesta esset

essent, demonstrare. Continui me intra meos fines, nec illa alta, profundiora, secretiora scandebar, ne, ut imperitus tegulandi, è sublimi caderem ridendus.

More autem interim meo palàm facio, quòd sicut in alijs, quæ edidi, sic & in hoc tomo, qui fortè ultimus erit, nihil omnino approbo, nisi quod à Catholica Ecclesia tantum decretum atque assertum est, semper paratus contrarium sentientibus veritate duce refragari : ac proinde de patrocinio supremæ in Terris Potestatis certus, de venia, si quid (quod omnino abnego) incautius irrepperit, securus, de absolutione, si hæc veniret necessaria non dubito.

Metus, odium, favor, tria Historicorum sunt vitia, quanquam Gregorius Magnus quatuor numerat. Timorem, dum metu alicujus Potestatis veritatem loqui pertimescimus; nam metus exercitam quoque eloquentiam debilitat. Cupiditatem, dum præmio alterius animus corrumpitur. Odium, dum contra adversarium aliquid molimur. Amorem, dum amico, vel propinquo præstare auxilium contendimus. Arguitur Vellejus suspectus in Cæsares adulationis, Seneca durioris scruptionis, Cicero Atti-

Attici sui nimiae dilectionis. &c.

Ego sine ullo metu offensæ, Historicæ professionis studium colo, & ad veritatis scopum, velut ad magneticæ pyxidis ductum navigantes solent, filum narrationis meæ circumduco, non obnoxius cuicumque, ut immeritos laudem; non injurius ulli, ut præclarè facta supprimam. Ex compilatis nostri temporis memorialibus hæc composui, & id in ante, confiteor ingenuè, laturum me æquiori animo odium propter veritatem. Non celo quidquam, tanquam pavidus Scriptores, aut nimium blandi, ubi possum, bonos laudo, sin minus, transeo. Non accuso quendam, nisi publici criminis reum. Venitorem ago, cui ubere vindemiâ, ut dulces, aut acidæ uvæ sunt, reconduntur omnes usui, eo, quo natura sapore dotaverit. Et mihi eodem modo constituunt Historiam, qui gessere; trado ego, illi materiam operi, fidem laboremque commodo. Vera, pura, & ab omni imagine falsitatis ita aliena, ut dimotis fallacium affectionum tenebris, splendorem veræ lucis quisque possit agnoscere. Ea memoriæ mando, quæ aut laude, aut vituperio digna nostra tulit ætas. Nemo procuratam à ver-

b

bis

bis commendationem, à gratia laudes, ab assentatione encomia speret. Nemo imperatum à timore silentium, ab odio vexam, à malignitate Asteriscum, arbitretur. Sincerâ veritatis indagatione nemini cedere volo, unde si non merui laudem, culpâ me caruisse arbitror. Dum narro veriùs, quàm orno & amplifico, sincerè quò ad veritatem, simpliciter, quò ad stylum, rerum transactarum seriem, solo boni publici motivo trado. Decet enim cunctos homines Patriæ suæ augmenta cogitare, maximè eos, quos sibi Respubl: summis honoribus obligavit, cui in testificanda cura & solitudine de incolumitate ejus nec minimam occasionem omitto, & desiderarem, ut ita possim, quàm volo. Quia omnia mihi detrahi paterer potiùs, quàm amorẽ Patriæ, in quo vellem residuum annorum meorũ consumere.

Ideoq; honestati præsentis propositi, & futuræ ætatis utilitati hunc laborem, adhortantibus multis, suscipere non recusavi, quanquam hoc opus judicio multitudinis imperitæ aut elevabitur, aut premetur, aut varijs reprehensionibus mordebitur. Hæc conditio scribentium omni ævo fu-

fuit, negligi, sperni, premi. Assurgit contrà virtus, & in gloriæ argumentum omnem sævientis lingvæ & calami vim & malignitatem convertit. Tantò magis, quòd tutela veritatis, quasi Ajacis clypeo hæc munita in hominum oculos prodeant, tuta, nec vituperonum lingvas cote livoris (ut eleganter ille) naturaliter acuminatas, & aspidum morsu nocentiores reformident. De reliquo invidi non attendunt, quid fecerim, sed in quo defecerim.

Induunt illi maledictionem sicut vestimentum, quibus libido est malè loqui, vanitatem potiùs ostentantes ingenij, quàm sensûs veritatem. Latent tenebræ vel sepias, sed vident, quæ alij non vident. Habet quippe hoc Historiæ pelagus suas syrtes, charybdesq;, quia illud rarò destituunt venti odij & malignitatis. Quibusdam canibus innatum est, ut non pro feritate, sed pro consuetudine latrent. Non ubiq; tutum vera loqui, ubiq; tamen suâ vi palmã & victoriam, teste Gregorio, reportat veritas. Si persequentur ergo inimici, gloria, si detrahent, lucrum erit. Malevolorum telis nemo magis obnoxius, quàm qui maximè sublimis est. Narrant Cecropes quos-

b 2

dam

dam Ephesi fuisse notæ fraudulentia viros, qui suis dolis conati sunt ipsi Jovi imponere. Si ergo aliquis vitium operi meo aut commodabit, aut imprimet, aut inscienti allinet, minus habebō; spero enim, quòd si aliquis error fuerit, dabunt veniam posteri, cui gratiam dare non poterunt. Audiant interim, qui malè loquuntur de melioribus, Hieronymum: quando detraho fratri meo, lingvâ meâ interficio eum.

Apud Posterōs habebō gratiam, dum duratura nomina educam, quemadmodū Virgilius duobus memoriam promisit, & præstat. Nomen Attici perire Ciceronis Epistolæ non sinunt; nihil illi profuissent gener Agrippas, & Tiberius Progener, & Drusus Cæsar Pronepos inter tam magna nomina taceretur, nisi Cicero illum extulisset. Si gloriâ tangeris, inquit ille, notior te Epistolæ meæ facient, quàm omnia ista, quæ colis & propter quæ coleris.

Si imagines nobis amicorum absēntium jucundæ sunt, quæ memoriam renovant, & desiderium absēntiæ falso atque inani solatio levant: quantò jucundiores debent esse hæ Epistolæ, quæ vera magnorum ho-

hominum vestigia, veras notas afferunt. Quàm multos clarissimos suis temporibus viros scriptorum inops delevit oblivio, quanquam & ipsa scripta cum suis Authoribus premit longior atque obscura vetustas, nec qui scribit, longum scriptis proferre sibi credat nomen in ævum. Nónne Majores nostri pleni gloriæ, optimæ famæ, quorum virtus etiam nunc vitia nostra sustentat, ita abiêre, ut etiam nunc vix memoria apud nos extet?

Implevi omnem numerum perfectæ diligentiae, ultimum de potentia tentando, nam in isto tomo subsistam, hærebo, deficiam, nec ulterius progredi volo. Non quia non multum restet operis, restabit certè multum, nec ulli præcluditur occasio aliquid adhuc adjiciendi. Non quia dispendij aliquid inde possit proficisci, quia credo plus emolumenti, si non in præsens, certè in futurum, si non nobis, at saltem posteris veniret, sed quia inprimis vellem inter vitæ negotia, mortisque diem, spatium aliquod intercedat, deinde quia à nobis indumento verecundiæ multa pudenda velari deberent, & ego mecum decrevi, nunquam officium Dissimulatoris

exercere, & tam mirabilia legenti, quàm mihi tristitia scribenti essent. Laudare non possum, quem amare Patriæ bonum vetat, non me ludit inanium imago rerum. Hodiernum ævum nihil aliud dixerim, quàm omnium errorum præteritorum receptaculum & sentinam, omniumque humanarum calamitatum additamentum.


Ætas parentum vidit, quid in pace optimum, nos quid in bello deterri-
mum, experimur. Lassat infesta fata omnibus major calamitatibus Polonia, circumsitæ Gentes, ac si stirpitis Sarmatiam eradicari oporteret, studia, manusque destruendæ commodant. Exercitus & exoticus & Noster lacrymâ populi reficitur, gemitu spirat, sudore alitur. Quis præsentium malorum considerans crudam imaginem, sollicitus de futuro magnas non ad morbum modò, verùm ad interitum quoque dolendas & erubescendas videns causas, quis Hieremias deplorare sufficienter potest caliginem hanc, qui solus lamentationes calamitatibus exæquare novit. Libenter scriberem ulterius, si Polonis meis unanimes forent in
ar-

ma dextræ , si tumidæ spei mentes , & becæcata mollis desidiæ, minor esset umra , sed mens & calamus cadit , cùm omnia curamus magis , quàm nos ipsos in ac pressura temporum. Scribere quis ellet de miserijs l'atriæ, cui partim metu, atim potentiâ affertur jam consuetudo erviendi. Ecclesiarû Patrimonia sacrilegè ivaduntur , sacerdotum redditus interciuntur, fundationes auferuntur, & alia, ico iterum & alia miranda & miseran-a fiunt extremi mali indicia, scimus e-im, quid jam olim, quid hodie in æquo st dolor amissæ rei & amittendæ, si Potentiæ Othomannicæ immolabimur. Ita Astra Sarmaticis inimica rebus , fata nostris non bene partibus propensâ minantur. Et hæc ratio est, quòd prius remigassè, nunc à remigibus cessare volo, quod magnitudini tempestatis assignandum essè cupio, ubi etiam scientissimi Nautæ ac præstantissimi Gubernatores perturbantur, & inopes consilij fiunt. Nam remiges, quibus adversus infestas, immensasque undas est obluendum, ubi quò tendas, ubi declines, incertum est, & in ipso conatu inter se remi non modò

dò implicantur, sed etiam sæpe franguntur.

Verbô, multa occurrunt, quæ vituperabunt potiùs , quàm laudabunt Posterì, sed plura, quibus nec credere poterunt Nepotes. In tot ergo salebris difficultatum non scribantur Historiæ, cùm fiant , cùm & exprimendæ rei haud sanè facilis patet via.

Finio proinde, & hanc Præfationem, & librum , vitamque brevi finiam voto Tullij: Nihil mihi à D E O immortalì majus dari potest, quàm ut moriens Patriam meam liberam relinquam.





I.

ANNUS
CHRISTI
1704.


ANDREAS CHRYSOS: ZALUSKI

Princeps, Episcopus Varm: & Samb.

CARDINALI BARBERINI,

21mâ Januarij Seeburgô.

Actus coronationis Regis Prussia.



Nitium Anni tibi gratulor, ut prosperè tibi decurrat, in intimis mihi votis est; secundet illum feliciter hic, à quo omnia secunda, cunctaque fausta promanant, nō verbis id, sed corde apprecor. Cum novo anno nova vobis, Romæ certè inexpectata denuntio; formaliaque quæ mihi Regiomonto scribuntur, quanquam terminis fortè minus proprijs literis meis fideliter Inferenda judicavi.

Ad initium Mensis currentis intimatio Præfectis formalitiorum & civitatum, facta est cum mandato, ut eadem die exploderentur tormenta, campanarum pulsus fieret; insuper pro eodem die in omni-
bus templis conciones supra textum ab aula datum intimatæ, adaptatum arcense Lutheranismi templum, destinati ministerio hujus actûs duo Prædicantes; unus est Ursinus Concionator aulicus Religionis, ut vocant, Reformatæ, alter doctor Sandius aulicus in templo Arcensi Concionator primarius Lutheranus. Titulum Regis in Prussia Elector accepit. Die 17ma in vigilia coronationis instituit Elector, & jam Neo-Rex Ordinem novum, eumque 17 personis, filio Principi, fratribus duobus, Principi Holsteinio, & quatuor non jam ut ante Ducalis Prussiae, sed regni Regentibus appellatis Generalibus, Tettau, Barffus, Dönhoff, & alijs contulit.

Decimâ octavâ autem sumptâ veste rubei coloris auro contexta cum globulis adamantinis, paludamentum Regium holerici Cremosini ex auro contextis coronis, & aquilis exquisito labore; ipsemet in conclavi suo Coronam sibi super caput imposuit, magnis plenam adamantibus; in vertice pomum cum cruce, & scepro, itidem ex adamantibus elaboratum erat, in manibus portando scepro, supra quod aquila cum alis adamantinis coronaque, pectus ex rubino ingenti habens. Postquam ita coronatus ex suo exiverat conclavi, ad residentiam Reginae declinavit, cui egredienti itidem pretiosissimam coronam super caput imposuit. Post ceremonias has privatim absolutas, ingens strepitus tympanorum, tubarumque auditus, & omnis ille apparatus ad vicinam arcem Ecclesiam optimo ordine progrediebatur. Præibant imprimis duo caduceatores, in vestitu cæruleo, aquilis auro retro & antè contextis, vestitus verò fuit ad normam casulæ, quæ

A

Rutheni

A.C. 1701 Rutheni Sacerdotes ad altare utuntur; duo sceptrata ex ligno deaurata in manibus portabant. Sequebantur quinquaginta Staphyri, seu servi à pedibus in vestibus cæruleis, cum aureis fimbrijs satis numerosis, portantes in manibus pileos, itidem cum fimbrijs aureis; Hos sequebantur alij duo Caduceatores eò quò primi vestiti modò, cum sceptris; post illos triginta Ephæbi Nobiles, ejusdem coloris cærulei ut Staphyri, sed multò ex auro ditiores; erant aliquot Hungarico modo in ejusdem coloris vestimentis, qui sequebantur; post aulici magnificè & ditissimè vestiti oetodecim, post consiliarij, judices aulici in ejusdem coloris scilicet in holoserici cærulei vestibus comparebant, post hos Equester Ordo numerosus, & pulchrè ornatus, sequebantur Capitanei, Officiales, Deputati, ex civitatibus in vestibus nigri coloris, sine pallijs, cum gladijs tamen, uti & Professores Academiæ Regiomontanæ, post hos Ministri Prædicantes oetò in pallijs longis ex panno nigro, quos comitabatur immediatè Ursinus consecrator cum sandio in tegis, uti supra innui, sequebantur Marechalei aulæ cum scipionibus argenteo circumductis. Post hos camera Ephæbi, camera ut vocant Domini, Generales Exercitus & alij, post illos Regentes Prussiæ cum suis insignibus, tandem Princeps Olstienensis, Princeps filius à comite Dönhoff manu ductus, Marechalei magni cum scipionibus argenteis, supra quos erant aquilæ itidem argenteæ, tandem Neo-Rex sub Baldachino coloris Cremosini auro intertexto, supra quod multæ aquilæ, coronæ plurimæ ex auro erant elaboratæ, sex Generales baldachinum hocce portarunt, extremitatem autem pallij supremus Camerarius Comes de Wartenberg. Sequebatur immediatè Regina sub simili per ònia, ut Rex Baldachino, extremitates vestis portatæ à Principe Olsteinia, quatuor autè primariæ matronæ extremitates portabāt paludamēti, ducebatur Regina à fratribus Regis Adalb. & Christ. Brädeburgicis, sequebatur Princeps Curlandiæ cum filio & Gynecæum Regina. Præcedebant hanc Processionem Helveti sub vexillo ditissimo satis numerosi, & magnificè vestiti, viginti quatuor Tubicines vestiti ad normam Ephæborum tubas argenteas portantes cum velis aureis, tympana argentea erant, Ecclesia erat satis adordinata, scamna ut in dialogis fieri solet, disposita, rubeoq; panno cooperta; viciniora verò throno Regis, holoserico, sicuti & terrâ, quâ à throno ad altare Rex procedebat, cui impositus Crucifixus, duo candelabra argentea sine candelis ara altaris sine mappis, ex omnibus partibus holoserico circumducta, in medio pulpiti itidem holoserico coopertum; sicuti & ambona. Inter altare & thronum pendebat Baldachinum magnum & ditissimum ex auro, coronæ & aquilæ insigniaque domus Brandeburgicæ erant elaborata; Duo throni cum tribus gradibus holoserico coopertis ad normam sedium, in quarum vertice duæ personæ jacentes deauratas coronas tenebant; Super has sedes duplex baldachinum æquale ex holoserico, auroq; elaboratū. Super duplex Baldachinum duæ aquilæ vivæ, fulmina una, altera sceptrata alligata portabat. Prædicantes ministri Religionis Reformatæ & Lutheranæ circa altare stabant; Post illos Ministræ Augustanæ confessionis sat numerosæ; in medio altaris Consecrator cum Assistente facie ad Majestates conversi. Throno regio assidebat in parvo & inferiori sedeli Princeps Filius penes Reginam verò Marchiones Brandeburgici, ex qualibet parte erant quatuor Drabanti cum armis in manibus; In primo scamno sedebant ministri, Cæsareus, Danus, Hannonianus. Circa thronos varij variæque; Cum verò omnes jam sederent, strepitui tympanorum tubarumq; indictum silentium; Ursinus verò Consecrator post humilem Majestatem venerationem stando ante altare dixit; Ingradientur benedicti Domini Rex noster.

noster & Regina in virtute DEi nostri, sitque illorum ingressus & exitus *A.C. 1701* benedictus ante Dominum ex hoc, nunc, usque in sæculum per Christum D. nostrum Amen. Post hæc Chori in tribus partibus dispositi concertabant, unam Lutheranam cantionem canentes cum adiutorio etiam totius populi; postquam dixit aliquam devotam orationem Doct̃or Sandius, & cantato *Gloria in excelsis*, conscendit cathedram Ursinus, & germanicè concionatus super hoc thema: *Quicumq; glorificaverit me, glorificabo eum*. Post concionem cantati sunt varij versus ex Psalmis Davidicis; tandem *Veni Creator* idiomate germanico, quod antequam finitum fuisset, descendit Rex ex throno ad altare, & flexis genibus deposuit coronam ex capite, sceptrum ex manibus, recepit Unctionem à Consecratore in fronte & humeris, quā exterlit Comes de Wartenberg linteo, quod post reddidit Consecratori, qui pro finali adiecit suas benedictiones; Chorus interim utriusque sexus plausum addebat, quo durante recessit Rex ad thronum suum assumptā coronā & sceptrō, & Regina à Marchionibus conducta accessit ad altare post factam humillimam Regi reverentiam; eodem ritu uncta ab Ursino, & Princeps Olstina exterlit linteo, Consecratori post reddito. Cantatæ interim à Choris variæ cantilenæ, Regina ad thronum suum secedit; Consecrator, Allistens, & Prædicantes alij post trinam adorationem felix imperium ore Consecratoris Regi & Reginae gratulabantur. Repetitum iterum *Gloria in excelsis*, post quod finitum Consecrator voce clara intonuit: Timete DEum, honorate Regem & Reginam. Post quod cantatus Psalmus *Benedic Domine domui* &c. post quem publicam fecit orationem Sandius, & Consecrator benedictione datā finivit, post quam germanicè cantatum *Te DEum laudamus*; & dato signo in omnibus Ecclesijs pulsus campanarum auditus, per totam horam, tormenta explosa, & supremus Prussiae Burgravius Generalem veniam publicavit omnibus incarcerationis, exceptis ijs, qui crimine læsæ Majestatis, & ære alieno sunt obnoxij; Post has cæremonias eodem ordine, quæ venerant, ex Ecclesia abierunt. Interim dispositi Pedites, Equitesq; in Curia Regia selopeta sua exploderunt; Cum in Palatium ingressæ Majestates, liber omnibus apertis portis concessus ingressus, pannus qui ab Ecclesia ad Palatium erat extensus à populo direptus; Thesaurarius in equo albo pecuniam in auro & argento non sine lite colligentium projiciebat. Horā adā post meridiem in coronis & paludamentis iverunt ad mensam, & sub duplici Baldachino per omnia primis simili consederunt; in parte dextra sedebat Princeps Filius & Marchio Albertus, in sinistra Princeps Curlandica, & Marchio Christianus, fenestræ erant oclusæ, candelabra ex auro puro magnâ erant numero quatuordecim candelas præferentia. Regi assistebat ad mensam Comes à Wartenberg, Reginae Princeps Olstina; Omnis apparatus mensæ erat ex auro puro, inter multiplices choros, tormentorumq; bonus. Duravit prandium usque ad 4tam horam; Candelabra plena candelis per totam illam ingentis magnitudinis salamargentea deaurata visa sunt. Post secessum Majestatum plures quàm viginti mensæ paratæ erant, ubi nobilitas tractabatur. In area bos integer assabatur, cujus frustum à Præfecto culinæ amputatum, Regiq; in aureo orbe portatum, & post in disreptionem datus ille bos cum ea præcautione, quod ille, qui cornua, quæ erant deaurata portaverit, præmium viginti talerorum habiturus esset, aliquot vasa ingentia vini in holocaustum furenti & debacchanti cessit plebi. Sub vesperam non tantum domus civitatis, sed etiam turres Ecclesiarum, portæque illuminatæ erant cum expositione variarum arborum,

A. C. 1701 rum, imaginum, figurarum ante domos cum emblematis. Pulchrum erat oculis non tantum exterorum, sed & Neo-coronatarum Majestatum ubiq; per civitatem dispositum spectaculum, quod in comitatu ducentarum fere rhedarum non sine speciali gaudio videbant, & gloriabantur in honore Majestatis, suæ. Ignes artificiales, venatio & alia in alios dies dilata. &c.

II.

A. C. ZALUSKI PRINCEPS, EPISCOPUS VARM. ET SAMB.
AMICO CONFIDENTI, 22. Januarij.

Consilium Varavia habitum de coronatione Regis Prussie

ITa est, ut audivisti aiquid obscure & per nebulam, Coronatio sub titulo Regis in Prussia 18 currentis perfecta est, in quod usque adhuc toto voto ferebatur, re jam præstitit Elector Brandenburgicus. Quid gratius illi accidere potuit ad metam eunti? mitto tibi brevem sed accuratam actus hujus descriptionem in copia literarum Cardinali Barberini scriptarum, ubi leges ad hilaritatem compolita omnia, fuerunt gratulationes, vota, festivitates, joci, susurri, & quidquid magnarum est deliciarum, & Regiæ pompæ, rerumque prudens, secundis temporibus dujijque rectus, quid factum fuerit, vide, lege, judica. DEUS nos spiritu suo gubernet, virtute fulciat, præsidio tueatur.

Consilium Varavia Consilium Varaviæ eadem die fuit, quid faciendum ad impediendam istam coronationem, deliberare re non integra, sed jam facta an convenit? Istaque est ante omnia declaratio Electoris adhuc anno præterito facta, quæ omnimodam securitatem continet, quod hic Regius titulus nihil præjudicij jurius nostris allaturus sit. Ego nescio, DEUS scit. Cum verò ex turno loqui in illo consilio debui, dixi *mustarda* (latinum verbum mihi non occurrit) nisi sinapi dicere velis, simile est, ut dicunt Galli, *post prandium*, cum id jam factum sit, mane enim surgere in consuetudine Elector habet, nos consulimus, quomodo sit impediendum, ne fiat, herba Anthenis quo magis deprimitur, eò latius se diffundit, palma quò gravius oneratur, eò fortius assurgit, olet fragrantius, aromata si atterantur, spirant odoratius, hic est verus casus, id jam obtinuit, cui resistere non possumus, ac proinde nunc non modò facile nos pati, sed etiam gaudere demonstramus, efficiamusque ut Elector coronatus, quem spero optimum fore, sit etiam melior operâ nostrâ, a quo multa speranda bona in rem Reipub: si volet, nihil timendum mali, quia non audebit. In eodem consilio commemoravit quispiam Demeclis dictum sapiens, nolentibus enim Atheniensibus divinos honores Alexandro decernere: videte inquit ne dum cælum custoditis, terram amittatis. Addidi in eodem consilio multa contra statum præsentem Litvaniæ, famæ satisfactum putans, si conscientiæ etiam meæ & officio satisfacerem, consuetudinem vitijs inducimus nisi reprehendimus, honestius autem credo offendere, quàm odisse, quamvis sciam difficile esse aulam nostram ab eo, quod sibi semel proposuit retrahere, jam sibi à civibus magnæ æstimationis metuere doctam, quamvis nemo doctus unquâ mutationem consilij inconstantiam duxit esse. Sustinui tamen & vadam hoc tentavi publicæ famæ, votum meum & bonorum omnium explorantium omnia, videntium singula, commemoravi, stabuli Præfectum Patris & Patriæ delictum breve, explicui nihil gerendum esse, quod postea excusandû, svasi rationibus fortissimis, hanc tam generalem promissionem datam à Serenissimo Rege illis, qui sunt contra Domum Sapiehanam extradandarum literarum universalium, convocandæ nobilitatis abolendam esse. Magna hæc malorum est leaturigo consuetudinis jam planè pravæ licentiosè intro-

introducenda, quæ per cuniculos irrepit verius quam irrumpit, & citius ve- A.C. 1701.
niet inde periculum, cum contemnitur, procliviorque usus in pejora datur.

Præsenti rerum fortuna aucta fiducia audebit semper majora. Legamus *Litteras*
has universales literas, & inveniemus quod in illis semper plus intelligitur, *universales*

quam dicitur, plus insinuant quam inducunt, verborum non mole, sed pon-
dere æstimanda, istu ferientes inexpectato, & Rex non connivet modo sed
fert, probat, & applaudit, alienis oculis ac fide oberrans, imò diplomate
confirmavit se in omnibus quæ proposita haberent conficiendis, auxilio iplis
futurum, multis se ex nobilitate, ut qui prospero Regis utebantur affectu
adjungentibus, & legum ratione calcata, novam, nec ante auditam Rei-
publicæ formam instituentibus, cum Princeps beneficium alijs præstando non
ntendere debeat alijs nocere, quomodo generaliter omnibus possunt conce-
di ea, quæ cuivis in specie non sunt concedenda, rei hujus pericula quan-
tum tenuitas intelligentiæ meæ pervidere potuit, explicui, cum meritò dici
potest Litvania mare, quod tot ventorum imperia patiatur. Allegavi e-
xempla quæ omnium Magistrorum præcepta superant, Serenissimorum
Antecessorum argumentum optimum usu & ratione esse, quod tamdiu,
& tam multis Regibus placuit qui id ut pupillam oculi observabant, ne
quis sibi Regalia hæc usurpare præsumat. Reduxi in memoriam avunculum
neum Olizovium Archiepiscopum Gnesnensem, qui dum Rex Joannes in
randi satis periculo sub Zorawno à Turcis & Tartaris obsessus esset, im-
ellente & urgente Regina Casimira universales litetas tanquam Primas
d Palatinatus minoris Poloniæ expeditisset, ut Regi assistere quantocius non
ntermitterent. Nihilominus quantumvis in favorem Regis facta hæc, lite-
æque universales satis cautè scriptæ fuerint & prudenter sine minimo Re-
giæ dignitatis præjudicio, non ita tamen gratæ erant, ut credebantur, &
nalle se Rex periculum pati ab hoste, quam Regiæ authoritatis & præro-
gativæ vel minimam diminutionem à Primate palam demonstravit, quia
æc est prærogativæ Regiæ hæreditas, quæ neque eripi à quoquam, nec
ransferri ad alium potest, quæ nunc interveniente tempore, convalescente
niquâ consuetudine tam leviter, tam inconsultè in Litvania conceditur.
n die bonorum ne immemores simus malorum, uti in die malorum bona,
l est dignitatem nostram non obliviscamur. Non dubito offensiones me
currisse, quanquam nemo est tam timidus offensarum, qui in i-las etiam si
itet, incurrat, odium virtute partum, & veritate gloriæ mihi duco, & sug-
ero subministroque ea ut debeo, ut non Senatorem tantum, sed & medi-
um agere videar, malo præsentem remedia propinans efficacia, si non suc-
esserint, magnarum rerum etiam si successus non fuerit honestus, est ta-
nen ipse conatus, timeo enim ne eruptura sint hæc aliquando in flammâ
uæ faciem præferant euntibus ad majora. Cum multa ergo exhortatione
bsceravi & petij Regem numinis ritu regat orbem, placidaq; pace civibus
tiari donet, omnia enim bella minantur excidium, intestina adferunt,
cura scelera sunt, quia vindicem non timent. Sicut pastoris, ita & Prin-
pis non potest esse excusatio, si lupo oves comedit, pastor nescit. Utque
anquam parens sit communis, vires ejus magis sentiant omnes subditi be-
eficijs, quam injurijs, dissimulatio autem & fortè consensus tacitus Re-
is ad movendos hosce tumultus nemini (futura & impendentia conside-
anti) arridere possunt, cum sciamus nolle eum posse qui velle.

*Exemplum
Joannis III*

Valdè frigide ab Eminentissimo Primate hæc materia tractabatur
ocq; statu qui una omnium voce deploratur neque verbo ejus
blevatus, cui quodlibet nunc in pretio magis est, nam more
lito dum aliquid ab aula desiderat, favorabilia & placentia dicere
olet. Si verò quæris quid prætendat? non executio tam deformis myste-
rium

*Primas
Regni*

A. C. 1701 rium nec Pr.... dēnudo, ne quid apparet risu dignum. Dicam tamen tibi ut pulchrum aliquem adamantem præmium allati nuntij par Dominus suus juvenis Towianski primæ secunda causa, acquirat, mittere eum destinavit Regiomontum, tanquam gemmulas contexendo huic panno, & flosculos huic telæ, cum gratulatione neo Regi à nostro, ut verò id consequi possit, omnia permittit Regi. Adeo miro modo dissentit utilitas à decore. Et Domini Sapiehæ qui multum in gratia ejus confidebant, valde sunt contristati. Nulla alia magis vitia hanc purpurâ dehonestant, nihil prorsus aliud curat nisi agros, nisi divitias, nisi nummulos, nisi ut omnes qui in circuitu sunt ab extra, & ab intra afferant munera deferendo potius Rempublicam, quàm rem familiarem, hanc curâ curis omnib9 habet potiore, unde crescunt sæcunda malorum semina, quòd magno conatu nugas agat, hoc est omni nisu neglectâ omni aliâ quæ deceret Primatem sollicitudine, non nisi fortunæ & utilitati Domini sui junioris Towianski se impendat, & videtur rebus etiam Reip: desperatis de illo tantum cum attentione ad rem & in rem ejus sollicitus esse & ad naturam recidere suam, ut semper aliquid lucretur, quando inest novumque, bonumque ut scilicet à corrente flumine tantum habeat, quantum haurire potest, cui nihil satis est, ei nihil turpe est exprobrabat Timotheus Ariophonti. Et nos interim deploramus damna omni æstimatione majora, dum nova in dies subnascuntur pericula, & terrores, ille oblitus fati, quo humana jactantur, sibi uni fortuitorum constantiam spondet, & publicis calamitatibus pro suo & summo utitur questu, præsentibus malis futura meliora sperans. Cum verò ab initio Rex negasset bene meritis conferenda esse ratus, quæ malè meritis adjiciuntur, quamvis alias sævit frustrata ambitio, imò desperata ferere solet, tamen tunc non illum simplex repulsa terruit, tanquam rei privatæ constantem amatorem, quo minus iterum atque iterum descenderit in campum petitor, & arduum hoc opus non frustra tentavit, quamquam cum nominis sui & famæ jactura. Sed de his literarius sermo narrare singula non patitur. Quia verò Dominus Procancellarius Litvaniæ Sczuka (nulla mihi statuent finem te fata canendi) multa contra hanc Coronationem dixit, Regemque cum publica manifestatione in consilio rogavit, ne Electorem pro Rege unquam recognosceret, valde illi Primas iratus est, sed non licuit ordinata destruere, coactusque illas, quas nolebat inire vias, permissivè se habendo, & Primati se reconciliando. Iter ergo Dominus Ne-pos jam parat propositum, quis finis peregrinationis?

Scias me rescivisse secreto, omnes curas Regis in eo versari, ut Dominum Sapiehanam perdat, & ego qui multa in favorem eorum dixi, imò in favorem Reipublicæ prævidendo futura, valde à me alienatum Regis animum notavi: Voluit quispiam cadentem montem capite retinere, sed & ipse obrutus, nec mons à casu impeditus. Succurras perituro, sed ut ipse non pereas. Non intermisi tamen & boni civis & optimi amici partes, dum pericula inde Patriæ imminencia Illustrissimo Pinatelli Nuntio Apostolico exposui, petijque ut ea autoritate Apostolica amovere dignaretur, capax quidem ille, & multa bona facere potuisset, sed respectus humani non permittunt dicere veritatem, & nunc mollissima sunt fandi tempora; ergo resolutionem sumpsi redeundi in Varmiam, domus me & rura nostra delectant, unde hæc &c.

DECLARATIO ELECTORIS BRANDEBURGICI.

Fridericus III. DEI gratia Marchio Brandenburgensis S. R. I. Archi-Camerarius & Princeps Elector Prussiæ, Magdeburgi, Cliviæ, Juliæ, Mon-
tum

tium, Stetini, Pomeraniae, Cassubiorum, Vandalorumq; nec non in A.C. 1701
Silesia Crosnae Dux, Burgravius Norimbergensis, Princeps Holber-
stadij, Mindae & Camini, Comes de Hohenzollern, Marcae & Ravens-
bergi Dominus in Ravenstein, Lavenburg, & Butow, &c. &c.

Omnibus quorum interest, notum facimus, cum titulum & di-
gnitatem, quibus ante plura secula Ducalis nostra fulgebat Prus-
sia reassumendum merito censeamus, praesenti hoc diplomate fir-
miter valituro fide verboq; Electorali declaramus, nihil ex hac Maje-
stata prerogativa Prussiae nostrae, quae nunc Ducalis appellatur, pra-
judicij inferendum, nec inferri posse juri ac possessioni Regalis Prussiae,
qua Serenissimus Rex & inclita Respublica Polonia gaudent, neque
illam in eandem Prussiam Regalem praeensionem à nobis ac successo-
ribus nostris inde vindicandam, pacta quoq; Bydgosciensia perpetui
cederis inter Serenissimam Regiam Majestatem, inclytamq; Remp:
& nos inita, praecipue verò articulum VI, quo cautum est, ut defici-
entibus masculis ex linea legitima Divi quondam Domini Parentis
nostri descenditibus Ser. Regibus & Reip. Poloniae jus suum integrum,
in praenominatam Prussiam Ducalem plenè, ac sacrosanctè servandū,
nec ullatenus vel in toto, vel in parte à nobis, ac successoribus nostris
infringendum, aut violandum. In quorum fidem praesentes manu no-
stra propria subscripsimus, & sigillo Electorali roborari jussimus. Co-
loniae ad Suaeaviam die 30. Novembris 1700.

(L.S.)

Fridericus Elector.

III.

A. C. ŻALUSKI PRINCEPS, EPISCOPUS VARMIEN: & SAMB.
CAROLO DUCI RADZIVILIO PROCANCELLARIO M.D.L.

27. Januarij.

Lapsui domus Sapiehae indolet.

Lætatus sum in his, quæ scripta mihi à te sunt, dedisti honorem
& solatium literas dando, quibus aliquot hebdomadis carueram,
compensasti famæ de te silentis invidiam, eaque natam exemi-
sti sollicitudinem, de incolumitate tua, quam non atteri, tot ani-
mi & corporis laboribus propè impossibile. Crastina die consili-
um futurum est cujus puncta à Sarnecki habebis. Ego mecum luctor, hinc
afflictione calamitatis, & Christiana compassione animum subeunte, quæ
nim non moveat, tantæ, tamque pollentis domus, ad incitas, à summo ad
num, subita ruina, inde vivaci omnium apprehensione, mentem occu-
pante, quæ laudari & approbari impossibilia, Majestati utpote, libertati &
unioni derogantia geruntur, & gesta sunt in Litvania ingentium per uni-
versum orbem motuum causæ & origo non tam futura, quam jam actu
existentia. Si non excessisset civilem modum illarum partium consilium, se-
cundior intentis respondisset eventus, at verò dum studio rei privatae, ne-
gligentia publicæ, his rapiuntur honores, ut alijs dentur, idque non ex ar-
bitrio Majestatis, sed libitu suo, dum bona sine figura judicij, iisdem Judi-
cibus & aëtoribus confiscationi subijciuntur, possessiones Nobilium nullo
espectu indemnitate habito, ad incitas rediguntur, jam quod latet in her-
ba,

A.C.1701 ba, manifestatur in spica, & quod celatur in gramine aperitur in fructu, quod servitus mutata magis fuerit, quam extincta, & ita auferunt hæ turbæ, & in isto mari, quotidie majores fluctus, communi motu, quem non nisi Regibus, à comitijs ad comitia speciali constitutione Respublica sanxit, & decrevit, nobilitas convocatur, conjurationes expresso jure vetitæ consurgunt, & his similia attentantur: impossibile talia impugnantes non approbare, aut me ipsum non in contrarium niti, quia atrox hæc injuria, erimini proxima. Cuivis metuendum ab hoc præjudicato, ne ex hoc fonte omnia fluant mala, quia cuivis accidere, quod cuiquam accidit, potest, rejiciendum ergo, superbæ quorundam Dominationis jugum. Efficaciora quandoque exempla, præsertim mala sunt, quàm justæ leges. Id ex plenitudine affectûs tuæ reflexioni insinuo, velis quod sequitur spectare; quæ enim initio invalida sunt, tractu temporis firmari nequeunt. Crede mihi vel eum sanguinis dispendio laborarem, ut ne tantum, illi consilio tuum dedisses nomen aut interfuisses, scis quàm omnia velim tuâ causâ. Quantum conjicio & colligo, nondum ita desperata fortuna Sapientiarum est, quamvis implexa infortunio continuo, nec ita jacet, ut consurgere iterumque erecta stare nequeat, quis scit an vires non colligent, qui videntur cecidisse? pluribus præsertim, non tantum ex compaſsione, sed etiam per respectum, ut futuris provideant, validam offerentibus assistentiam. Ego nihilominus pro affectu in te meo, quantum possum & poterò, rem tuam ago, agamque, existimo autem te minimè, juratam fidem violaturum, etsi de fervore remiseris. Sanæ enim Theologiæ is sensus est, juramentum contra charitatem proximi factum non tenere. Dabis veniam meo in te non fucato, nec mutato unquam affectui, quo factum est: ut quod mihi in Domino videbatur, exprimerem confidenti ut alias calamo & corde, quia tempestas est, ex qua hic emergit, ille suffocatur. Alter securus qui tempestivè metuit. Jędrzejowienſis confederatio, toto cœlo differt. His cursim intimatis constanti me tuæ gratiæ commendo.

LITERÆ PRINCIPIS CANCELLARII M.D.L. RESPONSORIÆ
AD LITERAS PRINCIPIS VARMIENSIS.

Literis tuis nunc me primum respondere parces: occupationes meæ & iter ad Comitiola Brestensia in causa fuerunt. Redux illinc redeo ad dilatum tunc per officium, solitamq; tibi venerationem exsolvo. Nihil verò novorum, quod quidem te dignum sit habens (nam in his terris omnia pristinum statum retinent) ad contenta literarum tuarum illis responsurus accedo.

Attonitus planè constiti, ubi tibi acta omnium Ordinum M.D.L. nullo prorsus Palatinatu & districtu exceptis (omnium enim unum velle & nolle fuit, & etiamnum est terra unius oris & labij) non probari intellexi, eoq; insuper argumento usum legi; quo inferres quacunq; illic acta fuissent, in præjudicium Majestatis, libertatis & unionis acta fuisse. Quod ad libertatem attinet, violatam illam aut labefactam non memini: cum nullam habuerimus, si quæ illa fuit non nisi nomine tenus, inani & vacuo fuisse scias. Actionum igitur præsentium non aliud objectum habuimus, quàm recuperationem libertatis. Unde quomodo reatam culpæ velut eâ violatâ contraxerimus? ignoramus. Nec Majestati ulla in re derogatum: non enim metus debita Majestati

Stati submissionis excessimus; siquidem non privatis quibusdam uni-
 versalibus, sed publicis suctisq; Majestatis ac eodem prorsus, quo ad
 regnum universum, stylo scriptis vocati convenimus in unum ad con-
 sulendum de securitate interna & externa insistendo intimatis à S.R.
 Majestate. Quia verò sub Oszmiana & Olkinikis offensivè adverse
 parti nos contra agere placuit, nobilibus interim nonnisi defensivè se
 habentibus; quid nos culpemur? disponentibus superis ea accidisse quæ
 iam acciderunt? Eonè ledatur Majestas Principis? quòd ad senjum
 & literam universalium implenda connisi simus? sacrosanctè ne pun-
 ctum aut apicem quidem omittendo? Idem dicendum de unione: quam
 nos aut non servasse, aut noluisse servare, ne dicam violare voluisse,
 ætuzq; violasse, quibus rationibus evinci potest? Si enim libertatem (quæ
 nihil pretiosius & sine qua paratis mori potius quàm seruitutem pati
 nec vivere amplius libuit) vel per arma petimus: profectò gratia no-
 bis magis debentur quàm odia; eà utpote generositate contem-
 dentibus, quàm ipsimet Regni Poloniae veri ciues contenderent, si non
 iam aliquot annorum decadibus, sed uel unâ duntaxat hebdomadâ
 sub ejusmodi jugo ingemuissent. Quæ enim causa fuit, quod nobilitas
 Regni tam impensè faverit, opemq; tulerit, ut coæquatio sanciretur?
 nonnè ea: quòd jam aures illius non sufficerent audiendis, quibus la-
 borabamus, oppressionibus. Præterea (scienti loquor) quanto motu, la-
 bore, & sanguine parta libertas Polona est? quæ tandem nostras et-
 iam respexit terras sub Vladislao Jagiellone, post verò iisdem sub glo-
 riosæ immortalisq; memoriæ Joanne III. excessit (de quo uti tibi con-
 stat vel millenas vices Clementissimus Princeps queri auditus est.) Jam
 verò prout gravior semper recidiva est; ita & nunc minimè miran-
 dum acrius assertam & vindicatam libertatem, quàm parta fuerat,
 fuisse. Eo potius dissolvere videremur unionem & comitia tollere, quæ
 sine statibus Reipub. M.D. Lit. esse nequeunt; quorum primum prin-
 cipale & cardinalissimum objectum est authoratio militis & contribu-
 tionum indictio: si novum militem conscriberemus sine respectu scripti
 directè ad archivum in novissimis comitijs dati; in quo Magno Du-
 catui Lit. tertia pars exercitus habenda, & quia sub Cauna exautho-
 rata ea militia fuerat, rursus erigenda imperatur: si novum militem
 ex agrariis contributionibus cogeremus: verùm quia non friuolè sed se-
 cundum ordinationes Reipub: copie conscriptæ sunt, eaq; tantum de-
 cretæ contributiones; quæ nunquam in regno cessant, uti teloniorum,
 bibernorum, à potu item tam quoad uendentes quàm ementes; his ut-
 tendo juxta jura coæquationis non jam vituperio sed laude digni sumus
 quòd nonnisi his sumptibus sine omni agraria contributione tam insi-
 gnis in obsequium Majestatis & Reipub: surrexerit exercitus.

Scribis honores adimi alijsq; dari, de quo nescio: si tamen id fit,
 naturali ratione soluo. In potestate adimentis utiq; potestas dandi est.
 Hic verò status M.D.L. nolentes præpedire justitiam distributivam
 S.R. Mtis nihil per se faciunt, sed tantum de consensu omnium va-
 cantes

A.C. 1701 cantes quosdam honores subjiciunt dispositioni Majestatis, fusiſſimè
 caſſis in conſtitutis ſuis expreſſis, quibus compulſi ad eam vacantium
 exhibitionem proceſſerint. Inſinuas etiam nobilitatem communi motu à
 ſtatibus M. D. L. convocata. Ea ſic convocata ſi aliquid audere aut
 attentare, quod concedi nequit, uellet contra Majestatem atq; Remp:
 facile aſſentior ejuſmodi motum communem condemnandum & de-
 lendum eſſe: jam uerò quia nobilitas animitus de excuſſa ſeruitute læ-
 ta, uel umbram metuit recidiuæ in priorem infelicitatem; tum pro con-
 ſervatione recuperata libertatis totis laborat uiribus, nec interim ex-
 cedit metas, intenta utpote duntaxat iis qua rebus ſtorem reddant ac-
 quiſitam libertatem; proſectò nihil tale uideo, quod ſcrupulum parere
 debeat, nec cenſura ſubjiciendum, quod libera gens non aſſueta ad ſer-
 uitutem poſt libertatem uindicatam illud pro teſſera habeat: Dulciùs
 in libertate mori, quàm in ſeruitute uiuere. Conjuraciones in uitam Sa-
 pieharum factas eſſe aut fieri proſus ignoro, non ignoraturus utiq; ſi
 quid tale attentaretur. Si enim omnes conjurant, quod & ego libens
 feci unico utpote naturaliq; amore libertatis ductus, ſciens bene nec na-
 ſciturum, qui ſolus omnibus praualeſcere poſſit, non ullum aliud timori
 meo præfixum objectum habens ac ſolum Altiffimum, dein furorem po-
 puli: non eſt quod metuant; id enim agunt pro communi bono liber-
 tatis, juriũ & prærogatiuarum nobilitatis, utq; habeamus tam
 ſalutarium pro libertate actionum fundamentum, id eſt unionem a-
 nimorum fide juratâ obſtrictum, & exinde emanantem confidentiam,
 que eſt anima totius operis. Scribis poſt hæc præjudicata aliquando
 plus ualere quàm leges, ideoq; metuis illud; cuius accidere poſſe quod
 cuiquam acciderit: ea uerba præſenti rerum ſtatui ſeruire nequeunt;
 præjudicata enim nociua fauentium Patriæ filiorum reflexionem ac-
 curatam provocare deberent; non autem ejuſmodi, que non præſe-
 runt aliquod priuatum commodum, & ex privato promanans odio;
 ſed ſolummodo obſequium libertati debitum, excuſſionemq; ſeruitutis.
 Non apprehendenda ulli nec metuenda talia præjudicata ſunt; niſi for-
 ſan illi qui pari gradi uia uellet. Verum ſcio fruſtra talem inquiren-
 dum per Poloniam in tam pulchra, generoſa, numeroſiſſima nobilitate,
 cui coena eſt libertas. Ideo ſupra omnia nec apud nos in Lituania in-
 poſterum poſt ejuſmodi tractationem reperietur, qui major eſſe uelit,
 libertatq; ac equalitate nobilium altior, quàm tamen nihil melius orbis
 habet. Quare enim olim tanti motus non fuerunt? niſi quia omnes ob-
 ſeruabant libertatem, nemo eminere alijs affectabat nec tenuior no-
 bilitas poſtponeretur, cuius ſuo jure equaliter fruebatur: nunc uerò
 ſus deq; omnibus uerſis non mirum hæc etiam facta eſſe, que etſi im-
 probes atq; cenſures, ego nihilominus ejuſ ſpei ſum, quòd ubi Conſti-
 tutiones ſtatuum M. D. L. prælegeris, mitiorem indues ueſtem & fa-
 teberis per omnem juſtitiam & equalitatem non aliter fieri potuiſſe
 nec alio remedio ſananda fuiſſe mala, quàm pari modo.

Ais non ita deſperatam fortunam eſſe Sapieharum, quin iterum
 erigi

erigi & consergere possit, item plurimos validam illis promittere assi- A.C. 1701
stentiam: credo his omnibus, quia tu id affirmas. Sed & illud certò scio,
tuq; velim certissimo persuadeas cum nunc M. D. L. ordines non tan-
tum non sint in malo statu, sed planè in perfectò felicitatis, unione in-
super juratâ fide neminem unum alteri defuturum colligati, semper ad
minimum millia militum selectorum centum, præter conductum exer-
citum habere posse, quod est infallibile.

Plurimum scandalizantur Status M. D. L. vocibus quorundam
 Senatorum in Senatus-Consilio consentium; ut mandatis nobiscum a-
 gatur: in quibus istud improbant imò, quod communitates nunquam
 respondeant & per consequens illi subjacere non possint punitiõni. 2dò
 quis unquam vidit tam gravem materiam status extraditionis man-
 datorum ad universos Palatinatus & Districtus M. D. L. in Senatus-
 consilio tractari & decerni? nonne Senatus-consilia ita legibus sunt cir-
 cumscripta, ut ne ex orbita sua exerrent nec concedatur illis de tali-
 bus tractare materiis, quæ comitijs integris definienda essent? præser-
 tim cum nihil de ejusmodi objecto intimatum à Rege constet. Quis un-
 quam audivit ut duæ provincia tertiam in jus citarent & judicarent.
 Parce mihi, quòd hic videam lesionem unionis & non in constituto
 statu M. D. L. in quo nihil vituperio dignum inveniri potest, quia
 totum quidquid ibi est, decisum fuit pro parte libertatis & rerum ad
 bonum ordinem in M. D. Lit. spectantium sine quo hæcenus viximus.
 Demum quandoquidem par super parem non habet potestatem: quis
 sponsor provinciam M. D. L. se permissuram judicio, libenterq; doceri
 vellem, quis ille qui id muneris susciperet executionem per totum M.
 D. Lituania factururus? Quamvis verò replicare posses, non de tota Lit-
 vania executionem futuram, neq; consultum fuisse, ut mandatis cum
 omnibus ageretur, sed cum aliquot duntaxat principalibus ac si in eo-
 rum verba nobilitas jurasset. At id nunquam fuit, nec ita in re est:
 Nobilitas enim tota communem causam id est defensionem libertatis
 habens pro unico objecto non eget hoc in puncto ullo alterius consilio,
 sed ipsa sponte & ardentè ruit in obsequium libertatis; quod quia ita
 est, quomodo in aliquos culpa evolvatur, ij judicentur de rebus, quas
 omnes intenderunt facere actūq; sunt executi. Adde non vidiſſe me
 nec audiſſe, ut alicui lis intentaretur aut judicaretur de hoc, quòd ju-
 gum & servitutem excuſſerit, tanquam liber nobilis. Aliquot igitur in
 hoc puncto libertatis per mandata citatis & commotis (nam nullum
 aliud peccatum in nobis agnoscamus præter amorem libertatis & vo-
 luntatis nostræ affectum, quo desideramus in eo flore posteris decus i-
 ſtud conſignare, quo illud à Majoribus nostris accepimus) infallibiliter
 movebuntur omnes, quia ut dixi communis omnium causa est defen-
 ſio libertatis, ſequetur inde ſumma difficultas ſingulos judicandi, me-
 tuendumq; erit ne extrema ejusmodi ſemente prodeat calamitas, quam
 Deus avertat in diebus nostris. Finito ſub hæc literas meas intiman-
 do ingentem dolorem meum, quem non admodum ſarventium quorun-
 dam

A.C. 1701 dam amicorum causavit malevolentia, quamvis nullam in me agnoscam culpam nec meminerim à me quempiam offensum.

Traducunt quidam nomen meum, lacerant famam impingendo mihi, ac si ea non zelo libertatis egissem, quæ jam egi, sed privatis meis in transversum actum talia attentasse. Slucensis Ducatus ad eam me adegisse gaudetur. Omnia hæc à ratione & vero procul absunt. Quæro enim quid lucri ex gratia nobilitatis mihi accesserit? nihil utique nisi sola tutela Ducatus Slucensis, quæ ante jam pridem ex statuto M. D. L. mihi competeat, quæq; nihil aliud mihi importat comodi quàm solam molestiam & solitudinem. Habenti enim bonam conscientiam omnis proventus reddendus, mihi nonnisi decimo asse relicto. Omnia cedunt alia Principi Neoburgico: quantillum verò id est? quod curis meis datur? nudam veritatem dico, expensis meis computatis, ne unius quidem hebdomada sumptibus sufficeret.

Salvum jus postmodum prætensionibus & subscriptionibus Status M. D. Lit. decreverunt, eo usq; dum nuberet Principissa Neoburgica Consobrina mea, & in eo undequaq; iustitiæ satisfactum. Nam quia cum Parente præfata tractari non potuit nec agi de hoc; qui utpote non pertinebat ad ea bona, nec erat indigena, per consequens nomine non re Tutor: ita semper id sentiebam expectandos annos esse heredis, ideoq; nolebam ullis tractatibus cum Parente agere nec cum DD. Sapientibus, qui sibi à fati Principissa arrogabant præsumptivam successionem. Vel igitur pro gratia tua datâ occasione inimicis meis hanc pessimam de me suspicionem eximere. Testor enim DEum me nunquam privatum commodum per ardua & illicita quasi visse sed soli honesto intentum decori viâ processisse, & nunc ex ea ratione libertati faveo, eam defendo, quam iteratò (DEum testor) totus M. D. L. à me sumpto initio non habuit. Nam non fuit sub celo infelicior populus ac nos qui extrinsecè res nostras & superficie tenus duntaxat æstimantibus, videbamur esse liberi; intrinsecè & penitiùs penetrantibus mancipia, qualia ne quidem per despotica dominia inveneris. Commendo me sub hac gratia tue & claudio testando me esse &c.

RESPONSUM PRINCIPIS EPISCOPI VARMIENSIS

ad Literas Principis Cancellarij M. D. L. datum 15. Febr. 1701

A Ccepi literas tuas, in quibus, quamvis nulla mensis & diei quo datæ sunt, mentio fiat; nihilominus existimo, quandoquidem eæ responsoriæ sunt, ad meas 17 Januarij ad te datas, diu alicubi remoratas fuisse: siquidem nunc primum 15 Februarij in manus meas venerunt & solverunt metu timentem gratis. Metuebam enim, ne forsitan prædictæ literæ te offendissent, quod confidenter sensum meum in illis expresseram. Plurimum gavisus fuisset, si illæ adhuc Varsaviæ me deprehendissent; servissent enim mihi ad convincendos eos, qui hætenus sibi persuadere nequeunt, bene gestum & actum esse, quod jam factum est. Ego memor illius moniti veteris cujusdam Philosophi: loquere aut rarissime aut jucundissime, imposueram ori & calamo silentium; verum quia tuæ literæ necdum me plenè convincunt; dabis veniam quod adhu

adhuc semel loquar. Expendi gravissima pro & contra rationum momenta, libensq; idem sentirem; quod & tu, si possem captivare intellectum meum probè sciendo contra Principia constitutionum Reip. quæ illic acta sunt, acta esse. Vel Panegyristam agerem & ad sydera tollerem omnes actus, si consonarent institutis majorum. Sufficit nobis in Polonia innuāne id aut illud novitatem esse; ex nunc omnes rationes, quamvis gravissimæ cedere coguntur, statim dicitur, bene curris, sed extra viam. Evincere laboras, nihil contra libertatem tentari, aut tentatum esse ex suppositione, quod illa in Litvania non fuerit, nisi solo nomine deq; sola recuperatione illi contendisse nobilitatem verum aliud mihi persuadent voces fratrum ex diversis Palatinatibus ad nos usque delatæ, coactos scilicet facere, quidquid faciunt; executione forti potius & metu, qui in constantem virum cadit, quàm zelo libertatis adductos ad idem velle, quod tu commemoras. Vis igitur pro ratione fuit, ut se declararent contra domum Sapiehanam, contra illos conjurarent, & se subscriberent. Unde quæro, coacta voluntas estne voluntas? possibile nē libertatem reparare servitute. Condimus leges nemine contradicente, quod summum statūs nostri arcanum est, cuique majores nostri impensissimo studio incubuerunt, tanquam pupillam libertatis conservando, nos verò impræsentiarū dum ferventissimè pro libertate certamus, manifestissime libertatem amittimus. Si Domini Sapiehæ libertati aut insidiati sunt, aut sustulerunt; si supra æqualitatem assurgere tentarunt, nunquid provida futurorum Reip. non ejusmodi consuluit medijs, quibus fieret, ut servatis de jure gradibus hi extollentes se velut radio eminens supra modium frumentum, humiliarentur, & ædes illorum non in planum modo deferrentur, sed colli etiā subicerentur. Quod ad læsionem Majestatis attinet, Deorum injuriæ Dijs sint curæ, illud duntaxat novi, universalia non eo fine extradita fuisse: regendi exercitus munus administrandique thesauri non nisi à Principe dari convēte. Quo ad unionem nihil manifestius, eam lædi, magno Ducatu Litvaniæ solo ea agente, quæ ad nos pariter pertinent. Nullum ejusmodi præjudicatum in Polonia mecum, quinimò semper ad quævis judicia Regni etiam M. D. Litvaniæ admittebatur, placet mihi conscriptus exercitus, quia ex justitia ad tertiam partem, tenetur magnus D. Litvaniæ erigendā; id tamen hic innuo vel eo tempore, quo status Reip. exauthorarunt militem, vel nunc dum sine comitijs iteratò novum conscripserunt, errorem intervenisse: duo enim contraria directè paris similisq; laudis incapacia sunt. De contributionibus verò tam à vendentibus quàm eumentibus potum pendi solitis, istud duntaxat memini, eas si jam ad certum tempus alligatæ, eo exacto cessassent, nec comitijs constitutæ fuissent, ex Senatus consilio decretas, non autem ex beneplacito Rege & Senatu in seipsi fuisse. Faxit Deus ut is exercitus gloriam genti & commoda pariat, non turbas ulteriores. Centum millia frameati exercitus in campum prodire posse non dubito, sed tantum quæro, quem habituræ hæ copię hostem? & num haberet hæ victoria laudem? non audiavi ullum in senatus consilio qui sentiret mandatis citandos omnes, sic enim in comitijs major citatorum quàm judicum foret numerus: sed dictum est ut de eade patrata Præfecti stabuli auctores citarentur, siquidem patebat paucos principales hujus facinoris reos esse. Quomodo communitates respondeant, quidque senatus consilia possint? probe novi. Ratio tua, qua pari in parem potestas non datur, magna est, utinam contrarium in Litvania non vidissemus. Ut quis totum Ducatum Litvaniæ judicare vellet; non capio, nec puto inveniendum: in hoc tamen convinci nequeo, ut putem deesse capita & Principales, qui hanc

A.C.1701 machinam dirigant. Ab aliquo te traductum in publico absolutè ignoro, in privato si id continget, satisfaciam effectui meo, defensionique honoris tui. Absit verò ut accusem fratres. Tutelam naturaliter tibi competere clarum est, incapaci parente ob inæqualitatem. In reliquo comprimo calamū sciens iratam potentiam tantò placari ægrius, quantò reputat illa honestius nocere cum possit, velle: modò patriæ bene sit, nec medicina peior morbo audiat, modò cognatæ acies & amica cominus arma hebetentur, nec patria hoc turbine rerum allidatur scopulis, desinatque in abominationem: & desolationem: sepe enim globus pyrio pulvere plenus, dum damna facit, ipse rumpitur. Paratus sum sensum meum sentui publico subicere, & omnia quæ Reip. salutaria sunt, eadem iusta atque legitima habere. Si cui sensus meus displicet, mihi censeo; mihi erro: ita loqui characteri meo obligor, non ut hominibus placeam sed ut Deo. Dicens in Sacrificio Missæ; pax vobis, in quotidianis verò precibus: Deus charitas est, quomodo tibi non optem gloriosissimum ulciscendi modum? hostes ita evertere, ut surgant amici. Hoc claudio me juxta paratum, citra offensam cuiusquam, vel candidè dicere quod scio, vel ingenuè discere, quod ignoro, illud solummodo metuo, quod in nuperis precibus legi; ultima tribulatio multis tribulationibus prævenitur, & per crebra mala quæ præveniunt, indicantur mala perpetua quæ subsequuntur. De affectu verò meo in te oro ne dubites, ubicunque enim personam tuam magnamque domum concernens quidpiam occurrerit, semper obsequium meum ad nutum experieris, quod & nunc sincerè renovando sum &c.

COPIA LITERARUM A NOVO REGE PRUSSIÆ
AD CARDINALEM PRIMATEM 27. Jan. Regiomontò.

Non dubito, quin hilari & grato animo Dilectio vestra, pro ea, quæ erga nos pollet, singulari benevolentia, intellectu sit, nostrā quæ nuper Regiomonti contigit in Regem Prussiæ Septentrionalis, quā supremā potestate possidemus, inaugurationem, & coronationē. Primatem quippe Regni potentissimi & Seren: Reip. Præsulem, illumq; tantā rerū experiētiā, peritiāq; sapientissimum latere minimè potest, tantundem in clytæ Polonæ genti decoris & gloria accedere, quantum amicissimo Principi Regiq; provenit ex aruito ditionis suæ jam feliciter restaurato regalis fastigij ornamento.

Novum sanè dignitatis decus, idcirco & præsertim acceptabile nobis fuit, eritque, ut clarius omnium oculis exponatur inconcussa nostra in celeberrimam toto orbe Polonicam Nobilitatem, de vincēssimæque voluntas, & clariora pateant nostri erga illam amoris argumenta. Superest ut Dilectio vestra, quam excelsus, quem in Republica tenet locus, ast multò magis insignia illustrent merita, crebras nobis suppeditæ occasiones, nostræ erga se, & semper paratæ propensionis luculenta specimina exhibendi, quæ omnia dum Illustrissimus Supremus Prussiæ hujus nostræ Consiliarius, & Marechalculus, Abligatus noster extraordinarius sincere nobis fidelis ac dilectus Christophorus Comes à Wallenrod Dilectioni vestræ uberius exponet, eidem plenam, & eandem, quam nobis ipsis stipulamur fidem. Anno Regni nostri primo,

RESPON.

RESPONSUM CARDINALIS PRIMATIS. die 12. Febr. Varaviae. A.C. 1701

Non jam ex rumore, sed ex distincta Majestatis V. recordatione dum de peracta nuper Regiomonti Regali M. V. inauguratione ac coronatione Nunciū accipio, non possum non latari, affectum in contextu ejusdem literarum legens: Septentrionalis Borussia temporum oblivione sepultum Regale nomen primæva luci à Majestate V. restitutum, in majus vicina Polonia decq, amicitia, ac inconcussi cū Rep. fœderis firminus gluten à M. V. assumptū. Optasse equidē, ut gloriosa hac prisca dignitatis exhumatio à congregata in unum Rep. voto ac plausu publico celebraretur, sed, cū tēporis fors rationes differre eandē non permiserint, privati saltē obsequij, ac devotionis meæ cultu festivum hunc diē celebrari M. V. patiatur. Uberius hac deferet M. V. Illust. Comes Ablegatus ejusdē extraordinarius, dum ipse prosperā æquē ac gloriosa exoptans humillimā Majestati Vestrae inclinor veneratione.

INSTRUCTIO S. R. MAJE. DOMINI N. CLEMENTISSIMI ad Serenissimum Electorem Brandenburgicum Generoso Christophoro Towianski Pocillatori Regni data in Cancellaria ejusdem Sacræ Regiæ Majestatis die 29 Mensis Januarij Varaviae.

Postquam Serenissimus Elector Brandenburgicus, nunc Rex in Prussia per Ablegatum suum extraordinarium hic commorantem, de jam assumpta Regia dignitate, simulque de securitate Majestati suæ, Regnoque Poloniæ præstanda, ne hoc Regij nominis in Prussia assumptum decus juribus ac prærogativis, Regi regnoque tam in Prussia, quam alibi competentibus præjudicio vel damno sit, Majestatem suam certiore reddidit, haud intermittendum sibi esse credidit Majestas sua, quin noviter facto Regi, Reginæque in Prussia gratulationis officium præstari curaret. Demandato itaque hoc negotio Generoso Christophoro Towianski Ablegato extraordinario Sacra Regia Majestas ipsum Ablegatum suum hac instructione munitum, & mox à primordio monitū voluit, ut quantocius iter suum Regiomontum versus ingrediatur, ubi quàm primū advenerit notitia super adventu suo, debito modo datā, petitaque audientiā literas Majestatis suæ gratulatorias, credentialesque novo Regi exhibebit, simulque nomine Regio oretenus de Regia dignitate assumpta fusius gratulabitur, omniaque humanitatis, sinceræque amicitiae officia, quæ à Majestate sua, tam vicinitatis, quàm consanguinitatis, fœderumque respectu expectari possint, abunde testabitur. Idem gratulationis officium apud Serenissimam Reginam decenti modo expediet, & ut semper, & ubique nulla non urbanitatis, comitatisque documenta præbeat, curabit, observatā tamen characteris sui dignitate, ne quid illi indecorum, vel præjudicabile admittat, fieri vè patiatur. De cætero non apertè quidem, & directè postulandum, sed sub manu quali, & solerter saltem indagandum Regia Majestas Ablegato suo cōmittit, quā ratione, quibusve modis, medijsve Serenissimo in Prussia Rex Majestati suæ Regnoque Poloniæ omnimodam securitatem præstare intendat, ne Regium nomen in Prussia assumptum Regi, Reipublicæq; Poloniæ aliquid detrimenti adferat; quo factō, expeditiq; his gratulationis officijs, reditū suū accelerabit Legatus Majestatiq; suæ de actis in aula Prusica rationē reddet. Reliqua huic instructioni expressè non inserta prudentiæ fideiq; Ablegati Extraordinarij cōmittuntur.

RECRENTIALES REGIS PRUSSIAE
AD REGEM POLONIAE. 21 Febr. Regiomonti.

Litteras Regia Vestra Majestatis die 28. mensis Januarij ad nos datas, ejusdem ad nos Ablegatus extraordinarius Illustris & Magnus Towianski ritè nobis exhibuit, & de Regia, quàn nunc gaudemus dignitate, amplissimis verbis nobis gratulatus est, quòd cum non poterit nobis non esse longè gratissimum R. V. M. in nos benevolentia argumentum, meritò de eo eidem maximas persolvimus gratias, Regiamq; V. M. certissimam esse volumus; Nos, si aliquid nostro in eandem affectui, & res, commodaq; ejusdem promovendi studio superaddi potest, id nos una cum diademate nostro assumpsisse, & omni loco, tempore, occasioneq; ita re & facto palàm facturos esse, ut R. M. Vestra, quod in nobis, qui tot ac tantis jam olim eidem alligamur vinculis, desideret, profectò habitura non sit. Pradietus R. M. Ablegatus extraordinarius ea de re mentem nostram eidem uberius exponet, adeoq; nihil nobis superest, nisi ut R. M. V. optimam valetudinem, & optatos ubicunq; rerum successus toto corde apprecemur. Dabantur Regiomonti 21. Februarij. Anno Regni nostri I.

RESPONSUM AD INSTRUCTIONEM SEREN: REGIS POLONIAE, A SER: REGE PRUSSIAE. 4. Junij Coloniae ad Svecv.

Notū testatūq; facim; omnib; quorū interest, aut quomodolibet interesse potest. Cum Regium diadema, quo olim Prussia hujus nostrae Domini decorabantur, nuper postliminio quasi nobis reimpositum sit, & inter ceteros Europa Reges Regia huic nostrae dignitati applaudentes Serenis: & Potent: Princeps D. AUGUSTUS II. Rex Polonia &c. factā eidem ea de re notificatione non per literas tantum, sed per suum quoq; ad nos Ablegatum extraordinarium Illustrē & Magnificū Comitem Towianski Supremum Regni Potillatorem tam scripto, quàm oretenus nos pro Rege agnoverit, & honores dignitati huic nostrae debitos exhiberi nobis fecerit. Nos cupientes omnem scrupulum, sinistrasq; opiniones, quae inclytæ Reipub, propter Regium, quem nunc adepti sumus, titulum, forsā moveri possent optimo, plenissimq;, quo id fieri potest, modo, tollere & submovere, eum in finem non tantum Regia Suae Majestati certas extradiderimus literas reversales tenoris sequentis:

FRIDERICUS &c. Omnibus, quorum interest, notum facimus. Cum titulum & dignitatem Regalem, quibus ante plura saecula fugebat Ducalis nostra Prussia reassumendam meritò censeamus, presenti hoc diplomate firmiter valituro, fide, verboq; Electorali declaramus; nihil ex hac Majestati prerogativa Prussiae nostrae, quae nunc Ducalis appellatur, praedicti inferendum, nec inferri posse, juri ac possessioni Regalis Prussiae, quā Seren: Rex & Respublica Poloniae gaudent, neq; ullam in eandem Prussiam Regalem praetensionem à nobis ac successoribus nostris inde vindicandam. Pacta quoq; Bydgo-

gostien-

stiensia, perpetui fœderis inter Seren: R. M, inclytamq, Rempub. & A.C. 1701
nos inita, præcipue verò articulum ultimum; quo cautum est, ut defi-
cientibus masculis ex linea legitima Divi quondam Parentis nostri de-
scendentibus, Ser. Regib9, & Reip. Polonæ jus suum integrum in altè
memoratam Prusiam Ducalem reservetur, plenè ac sacrosanctè ser-
vanda, neq, ullatenus vel in toto, vel in parte à nobis ac successoribus
nostris infringenda ac violanda. In quorum fidem hæc manu nostrâ
subscripsimus, & sigillo nostro Electorali communiri jussimus.

Fridericus Elector. (L.S.)

Sed pro majori etiam prælaudatæ Reipub. securitate denuo eidem
promittendum duxerimus, prout hisce fide, verboq, nostro Regio, etiam
pro heredibus, successoribusq, nostris futuris in Prussia Regibus, spon-
demus & promittimus. Nos non tantum ea, quæ prædictis Reversa-
libus, quarum novum exemplar Reipub. omni, quo id desiderabitur,
tempore, exhibebimus, continentur, sanctè servaturos, & Regia digni-
tate, quâ in præsentiarum gaudemus, nullo unquam tempore, & sub
nullo prætextu ita usuros esse, ut exinde quidquam, quo Reip. damno-
sum, pactis, quæ eandem inter, & nos intercedunt, contrarium, aut ad
præsentem Reip. Statum ullatenus immutandum pertineat, provenire
possit, quin potius, si hæc declaratio nostræ cuipiam haud sufficiens vi-
deri potest, de majori etiam securitate inclytæ Reip. circa hanc dignis-
tatem præstanda cum eadem eodem modo conventuros esse, ut exin-
de novum, ætiusq, bonæ vicinitatis, amicitia, mutuaq, salutis invi-
cem procuranda vinculum stimulusq, exsurgat. In quorum fidem, ma-
jusq, robur præsentis manu nostrâ subscripsimus, & sigillo nostro Re-
gio corroborari fecimus. Dabantur Regiomonti die 21. Februarij.
Anno Regni nostri primo.

COPIA LITERARUM ILLUSTRIS D. PALATINI LANCIC:

AD S. R. M. IN PRUSSIA. die 4. Martij Varfaviæ.

PAtiebatur benignè S. R. Mtas V. humillimam interpellationem
meam tam ex vi muneris mei Generalis Majoris Poloniæ, Pa-
latinatibus debitam, quàm etiam ex præterito nuper Conventu
mibi recommendatam, ut nomine Palatinatum assecuratam erga
Remp. in literis ad me clementer nuper datis experiar benevolentiam
magisq, Palatinatus nostri confirmetur, Regium S. Mtis V. sceptris
esse legum, libertatum, & securitatis Reip. fulcrum. Percrebuit per
Palatinatus fama novum extraneum exercitum per ditiones S. R.
Mtis V. velle in majorem Poloniâ querere transitum, quod etiam si
non metuum tam ex parte optimi Principis, S. R. Mtis D. mei cle-
mentissimi, quàm etiam ex tenerrima Mtis V. erga Remp. expressi-
one, ut transitum permittat, gratulor tamen ipsi, quòd hic etiam, ut
credo, rumor, cedat in obligationem Reipub. erga S. R. Mtis V. ni-
hilq, Respub. ex erectione in solium Mtis V. habeat, quod observet,
sed tantum, quod revereatur. Expecto igitur profundissimo respectu

4.C.1701 *benignum S. R. Mtis V. responsum, cum plena optimi eventus fiducia, quæ majora dabit argumenta testificandi, ut sim S. R. Mtis humillimas & obsequentissimus servus.*

COPIA LITERARUM SERENISSIMI REGIS PRUSSIE,
AD D. PALATINUM LANCICIEN. 8. Martij Regiomonto.

Fideliter nobis reddita sunt litera Illmæ Dominationis Vestræ die 4. Martij ad nos data, quibus de novo extraneo exercitu per ditiones nostras in Majorem Poloniam transiture ad nos perscribere voluit, quod cum certissimum nobis sit documentum Illust: Dominationem V. non minorem pro Reip. salute gerere curam, quàm de nostro in eandem studio concepisse fiduciam. Non est, quòd dubitet Illust: Dominatio V., quin, si aliquod immineat Polonia periculum, Nos probè conscij eorum, quæ inter eandem & nos intercedunt, fœderum omnem finis moturi lapidem, ne quidquam Reip. detrimenti capiat, sed integra & illibata stet securitas, & libertas. Illust: Dominationi V. interea hisce significandum duximus, spargi passim rumores, quasi Serenissimus & Potent: Polonia Rex majores in Poloniam evocare copias necessum habeat, ut contra motus ibidem non aliam propter rationem, quàm ob initam Regiam nostram dignitatem excitatos, melius, faciliusq; se tueatur, eaq; propter certi sumus Illust: Dominationem V. cum reliquis Regni Senatoribus, Magnatibusq; operam daturam esse sedulam, ut hoc, quidquid est suspicionis, quamprimum, penitusq; tollatur. Quod, dum ab Illust: Dominatione V. etiam atq; etiam contendimus, ei fausta & felicia quævis toto corde appetcamur. Anno Regni nostri primo.

IV.

A. C. ZALUSKI PRINCEPS, EPISCOPUS VARM. ET SAMB.
AMICO CONFIDENTI, 13 Martij Guttstadio.

Origo lapsus domus Sapiehana.

Quòd silentium tuum excusas, occupationes tuas obtendas, non excuso imò indignor, sed indignatione tibi non ingrata, cujus fons ab amore tuî & studio, quo fit ut nec offendam cum offendo.

Aliquot dies impendi combinando statui Episcopatus mei, quem ad manus Domini Canonici Fantoni Romam euntis mitto. Visitavit me etiam per modum transeuntis Marechalculus Magnus Litvaniæ Sapieha, non video cum nimis affligi statu quanquam satis afflicto domus suæ, quem multi (si meministi quæ tunc communicavi) primum fuisse motore ruinæ domus suæ accusarunt, quia arcanum revelavit, quomodo possit humiliari, per manutentionem illius confœderationis Oginscianæ tempore interregni, quæ directè contra eos inceperat, & usque ad præsentem diem eadem consilia, & eadem intentio durat. Revoces tibi velim in memoriam interregnum ultimum, & literas meas quibus tibi exposui immemorem legum fuisse Domum Sapiehanam (ubi semel decerratum est, in præceps nititur) sub ultimis Regni temporibus Sacræ memoriæ Joannister-tij, cujus virtutis potentiam, tanquam suis luminibus officientem graviter tolerabant, sed statim eo sublato pessima experti, in pœnam peccati; & post

post confessi sunt, neminem potuisse in tanto fastigio se moderatiorem, ne- A.C. 1701
 que in ea mansuetudine graviolem præstare, atque odiosam illam poten-
 tiam nunc salutare fuisse præsidium Reipub. & sibi asserunt. Nam appa-
 ruit tanta post eum pravitas, molesque malitiæ contra illos incepit, & li-
 centiam nacta omni remedio superior evasit, cum post longam in Nobili-
 tate toties oppressa Litvana mansuetudinem commotam, gravem & impla- Laus Regis
Joannis.
 cabilem videmus. Ille optimus & maximus vivens Monarcha, ita se cum
 omnibus gessit subditis, ut inimicus apud eum minus quam amicus repre-
 hensionis mereretur. Nemini enim inimicorum quanquam & modus &
 causæ non deerant nocendi, specificè Dominis Sapientis injustè oberat, a-
 micos verò in rebus justis adjuvabat, affectum pleno modio in illos effun-
 dendo. Inimicos si quid præclari gessissent non afficere honore turpitudi-
 ni ducebat, amicos delinquentes vituperare quidem debuit, sed auxilium e-
 is operamque præbere peccantibus, laudi sibi habebat, nimirum existimans,
 nullum quod amico tribueret officium turpe esse. Dissidentium a se cum
 adversam fortunam passi essent primus omnium miserebatur, rogatusque
 promptam operam navabat, & ijs rebus omnium in se studia convertere
 potuisset, nisi calamitatis loco non duxissent se à tanto Rege amari, & ni-
 mens tam læva fuisset. Nemo alius majora vel amicis beneficia, vel hosti-
 bus Patriæ damna dedit, & plus sibi ipsi virtutis, quam imperij nomine
 arrogavit. Ille pro Republica sudavit quantum nemo, in quo virtutes simul
 omnes vigeant, quæ singulæ in omnibus prædicantur, ejus fama nun-
 quam quamdiu hic mundus stabit, exolecet. Utinam similem illi nobis De-
 us dedisset, sed parca hîc si unquam naturæ manus, quæ si virum ma-
 gnum orbi dederit, pro mille annis imò sæculis semel nec ultra elargitur.
 Res loquitur nobis tacentibus. Quod infinitis præclare gestis rebus, apud
 cives magni, apud socios maximi, apud hostes fortissimi, ac fortunatissimi
 imperatoris nomen invenit, & quod mirari illum alijs Regibus dabitur ma-
 gis, quam imitari.

Memini à quopiam me præsentem & audiente ei dictum, ex occasione
 insurgentis & insultantis graviori jam fortissimi Regis ætati, domus hujus Sapientia ad-
versari Re-
gi feruntur.
 adversus te Rex isti impetum faciunt? nimirum inquit nam quis me defen-
 dit, ferebat quidem æquissimo animo hanc injuriam, neque ob tantam re-
 rum & animorum mutationem, de magnitudine animi quidquam diminu-
 erat, sed simulatam eorum benevolentiam re toties detectam, gravissimè
 ferebat, & non sine lacrymis necessitate pudorem superante, cælum aspi-
 ciens vindictam (quæ nunc satis superque evidens est, & testatam illam
 fecerunt ea quæ deinde acciderunt) invocabat. Post mortem ergo ejus om-
 nibus deplorandam ætatibus, nacti sunt multi ex oppressis & justam &
 probabilem contra eos occasionem, & uti ante multa alijs mala intulerunt,
 sic multa ipsi ferre coacti, & passi sunt, & usque ad præsentem diem pa-
 tiuntur. Nuper (fortunæ sese ostendentis specimen) ita insolentes erant
 imperata facere, ut non ex libidine sua vivere, servitutem esse putarent.
 Nunc quid nisi victis dolor? nuper non nisi fastuosa, superba, elataque
 contra optimum Regem loquebantur, nunc silentium præ metu tenent, ut Eis fortu-
na adversa
 qui tantis viribus nullâ posse resisti ratione vident. Nuper fortunam magis,
 quam consilium sequebantur, & de potestate animi exhibant, nunc sicut De-
 us in tabulis providentiæ suæ scripsit, spes de majoribus rebus exiguas se
 habere ostendunt, dolent se plus pompæ, minus habuisse soliditatis, nihil
 enim nunc hæc blandiens aura reliquit, nisi tristem præteritorum memo-
 riam. Improbam nunquam spes lætatur diu. Ita sunt res humanæ atque
 eâ lege nati sumus, ut nullum cuiquam perpetuum sit bonum. Quid no-
 va molimur mox casuri? res ipsa quasi loquens monstrat, & non tan-
 tum

A.C. 1701 tūm vanitatis arguit, sed convincit. Superbia eorum, & indignatio eorum, & arrogantia eorum, plusquā fortitudo eorum. Insultabant Episcopo & nunc ijs insultant Canonici, Dominus Białozor colaphum impigisse ante mortem stabuli Præfecto dicitur, Dominus autem Szaniawski quæ faciat aut quæ non faciat contra illos? multos proferre possem, an illi non sunt inter illos, quibus nostrā memoriā id quo adepti se beatos fore putabant, infeliceiter cesserit. Mortem expectabant, vitam oderant Regis Joannis, qui paucissimos pares, nullum superiorem in fortitudine & bonitate habuit, cujus integritas tanta effulgit, ut non videretur modò, sed etiam esset optimus, & ex hac exoptata messe, quā pauculas habuerunt spicas, ô spes hominum fallaces & in casu positas, nunc à Regnante, cum Homero dicam, portis inferni odio habentur deterius. Naturā se ad parendum præterito Regi difficiles sentiebant, & monstrabant, nunc inferioribus sibi obedire debent, & omnis vis fortunam sequitur, & parum abest quin finis fato destinatus propè adsit, quod ipsi partim metu futurorum, partim præsentium fastidio, atque molestiā gravi non sine doloris sensu agnoscunt. Quamvis aliquando quam pro temporis ratione ambitiosiores, mutua quandoque faciunt gravibus convicia verbis, cum eos qui illis prius obnoxij erant, neque donis capere, neque metu in suas partes iterum compellere possunt, ut in fidem eorum atque amicitiam concedant. Gurgites maris citius expleveris & dolia Danaïdum, quā hoc tempore amicos, qui similes canes, qui quidquid excipit protinus integrum devorat, & semper attentus est ad spem futuri, utque libra in eam vergit partem, unde plus accepit, sic illi nunc huc, nunc illi favent qui plurimum det. Non sunt tales fideles, quos munus non gratia copulat, nam citò deserunt, nisi semper accipiant. Quid mirum amicitiam solis opibus metiuntur, cui si materiam subtrahas, diffugiunt, cadis cum fæce siccacis. Nemo amicus verò cum fortuna amicitiam mutat, si facit, fortunæ amicus est, non hominis, alienum cibum quasi mures edere solitus, muscisque in culina haud absimilis, quæ cum ipso ardore confluunt & recedunt. Vident hæc nunc Domini Sapiehæ & dolent, sed malè quidem dolere, aut queri possunt si hæc à Deo? si hæc justè? pari levitate ab amicitia eorum desciscunt, qua accesserant amici, nonne & illi similiter faciebant, nonne aliud ore ostentabant, aliud corde meditabantur, & fronte politi rapido gestabant semper sub pectore vulpē, non tār rationem judiciumque sequentes, quā impetum ingenij. Sed quod dolorem eorum imprimis angit, illud est, quod ita omnia turbata atque permista contra illos cernuntur, ut quinam sit futurus tantorum malorum finis, vix unquam conjectura assequi possit, summa atque præsentis Dei ope auxilioque opus est eis, ut ab illo robur sumant in hoc mœrorum deliquio, quod omnem dolorem eorum mitiget, aut mergat, & nobis omnibus totique Reipublicæ, quid nisi brevi sit timendum, ne omnia ad extremum casum sint ventura. Sed redeo ad Mareschaleum, qui confederationem à Domino Oginski contra Patrem suum inceptam fovit, auxit, & autoritate Serenissimæ Reginae viduæ fultus sustinuit, à qua post contemptui habitus. Nunc frangat, oportet, qui nucleum esse vult. Ipse solus rebus præesse, & gloriam cum nemine communem habere voluit, sed Dominus Oginski & alij sequaces non assveti, vel fastidientes superbiam domūs Sapiehanæ perferre, opus laudabant, opificem contemnebant. Sicut ungento & purpura delectamur, & unguentarios, & tinctores pro illiberalibus

bua hominibus ducimus. Sic ergo ex capite hoc immensas sinuoso vidimus d. C. 1701
emitti turbas. Desiderasset potest moderari ille, sed tardius quam oportebat, prosequitur enim quæ cepit nobilitas nec cursum suum potuit revocare aut suppressere.

Sicut ignem qui gladio fodit, scintillas in se plures excitat, ita Domino Marechalco accidit, melius illi fuisset, si nunquam turbata quies ab illo fuisset. Nam ut fruges aliæ in herba pereunt, aliæ in culmo, aut in arista, aliæ denique maturescunt, & metuntur, sic nostræ intentiones, sic destinata nostra, alium quandoque finem habent, non eum quem credebamus. Multi in cursu sunt, pauci ad metam veniunt. Nulla pestis efficacior est ad nocendum, quam quæ sub plausibili vocabulo, & honestis nominibus tegitur, nullæque insidiæ capitaliores, quam quæ latent sub velo aut pietatis, aut libertatis. Sic fieri nunc credunt omnes, qui de proximo norunt zelatores hos libertatis, & legum Patriarum, nec scimus nunc, quò pondus istud verget, ubi ponet minas, circumstant etenim eos mala, aut minantur, ingruunt etiam & premunt. Varios enim rebus sic intricatis casus, quis ita è culmine videt, ut prævidere non possit aut augurari, sed nimium diffundor, provocante materia, finio illam. Abiit Dominus Marechaleus fastu majori quam pro sua fortuna elatus Varsaviam, unam diem tantum apud me moratus.

Ego verò sub finem hujus mensis conclusi iter meum Regiomontum, *Consecratio*
sicut defacto ibi fui, ubi post consecrationem Ecclesiæ meæ, quæ ab *Ecclesia Regiomontana*
aliquot centenis annis non erat consecrata, post confirmationem per aliquot dies (tam magna multitudo erat) fui in Palatio & cum jam Rex noster, Primas, & tot Magnates agnoverint eum pro Rege in Prussia, nec mihi differendum erat, cum præsertim nemo sit in Polonia cui protectio Principis hujus & amicitia sit magis necessaria, quam mihi, ejus Episcopatus ab ejus dominijs undequaque est circumdatus. 3tia ergo Martij solennem ingressum pro honore & decore habui in arcem, optimè acceptus & multas assecurationes in rem Reip. habui, sincereque nobis affectum. 6ta currentis reliqui domumq; redij, continuando reliquarum Ecclesiarum visitationes. Ecclesiam mihi à DEO commissam, ita mihi caram crede ut omnibus honoribus ac commodis anteponendam existimem. Cum verò Pascha appropinquet, vocato ad me Patre Regente Seminarij Brunsbergensis recollectiones peragam, in quibus ut Deus augeat in me gratiam suam, tuis me precibus impensius recomendo.

DIPLOMA ASSECURATIONIS SACRÆ REGIÆ MAJEST: DATUM MAGNO DUCATUI LITVANIE.

AUGUSTUS REX.

UNiversis & singulis quorum interest, notum testatumq; facimus, quia nos, certo fine conciliandorum ex occasione præsentis belli negotiorum descendentes in hæc oras, posteaquam cognovimus malitia nonnullorum sparsos esse per Palatinatus & istius inclytæ Patriæ rumores, ac si præsens locatio Militiæ nostræ Saxonica in partibus M. D. L. ex sola necessitate proveniens, nihil aliud intenderet, quam inductionem absoluti dominijs, continuamq; ejusdem militiæ in M. D. L. perpetuationem, has frivolas & studio comparatas suspensiones de mentibus omnibus eximere volentes, verbo Regio declaravimus. & declaramus, nos velle semper & unice desiderare Pa-

Elis

A.C. 1701 *His Conventis per nos juramento comprobatis insistere, libertates, immunitates & omnia jura libera gentis sacrosanctè tenere & observare, totum verò id quidquid ex necessitate factum, nullatenus posse in sequelam trahi, aut deinceps in futurum usurpari, & quemadmodum præterita omnia præter mentem nostram accesserunt, ita de futuris similibus evitandis firmiter spondemus, ac in majus robur & fidem manus nostra præsentis subscriptas sigillo communiri jussimus. Dabantur Bierzijs die 11 Martij. Anno millesimo septingentesimo primo.*

(L.S.) Pro-Cancellarius Magni Ducatus Litvaniæ.

INFORMATIO M. GEORGIO OGINSKI SAMOGITIÆ Capitaneo Generali, unà cum Venerabili Christophoro Bialozor Canonico Vilm. in diem 10 mens. præsentis congregando data Nomine S. R. Majestatis in Cancellaria M. D. Litvaniæ. 2da Mensis Martij 1701.

Constitutus M. Dominus Capitaneus, unà cum Venerabili Canonico in loco & termino, pro sua solita activitate, & prudentia explicare curabit, S. R. Majestatem D. N. C. Non habere verba, quibus possit exprimere gravem animi sui sensum, quòd non solum militia Saxonicæ præter mentem illius sit longè lateque per Litvaniam dispersa, sed quòd inde variæ suspiciones, & figmenta projiciantur, per ora malevolorum, cum tamen nunquam in pectore Regio, quidquam simile fundatum, aut conceptum sit, hos vanos eximendo metus, præsentabit S. Regiæ Majestati scripto tenus datam ad manus suas esse cautionem de teneritudine Sacræ Regiæ Majestatis erga jura & immunitates liberæ gentis, tum de cavendis futuris.

„ Desiderabit interim nomine Regio, ne quo modo sparsis fidem adhibeant, sed potius duræ necessitati inopinata facta attribuentes, æqui bonique consulant, quidquid iniquior casus, ex locatione ista amaritudinis adferre potuit, casu verò quo necessitas exposculetur, Intimationesq; S. R. Majestatis, eo nomine receperint, ut virtute Martiali & generosis pectoribus parati sint vim hostilem viriliter retundere, fortiaq; agere atque inde gloriam fortitudinis suæ adferre.

„ Dedit præterea Sacra Regiæ Majestatem affirmabit, seria mandata, ut possint omnes injuriæ, & oppressiones circa attendentiam commissariorum, à Palatinatibus vel Districtibus designandorum examinari & inquiri. Ad extremum totum id gratiâ, & bonitate Regiæ, pensandum fore assecurabit, sibi que & ipsi easdem à Sacra Regia Majestate, omnidatâ occasione polliceatur, sitque securus,

Ad Mandatum Sacræ Regiæ Majestatis proprium.

Albertus Dłuzewski Secretarius S. R. Majestatis.

(L.S.) Pro-Cancellarius Magni Ducatus Litvaniæ.

COPIA INSTRUCTIONIS REGIÆ CUM QUÀ VILNAM VENIT promovere, proponere in Sessione generali pro 2da Maji, Generoso fidelique nobis dilecto Lubinski Cubiculario nostro supremoque vigiliarum Præfecto data Varsoviæ.

Certior reddet Nobilitatem Ablegatus noster, de maximo studio, quod ex damnis per milites nostros uni alterive Districtui Magni Ducatus Litvaniæ illatis cepimus, exponet idem insimul uberius nos quidem

, quidem omnia fecisse, ut in hostico copiae nostrae hyberna habere possent; *A.C. 1701*
, sed, cum illud effectu impossibile fuerit, necessitate eò adductos fuisse, ut
, partem earum in Litvaniam transferremus, eā tamen lege, ut hæredita-
, ria Nobilium bona iisdem non onerarentur. Sperare nos igitur de bene-
, volentia & affectu singulari erga nos, & in remunerationem eidem distri-
, butorum officiorum postulare, ut inevitabilem hunc necessitatis casum ex-
, celsationis loco eò facilius admittant, quò certius eisdem perivassum esse qu-
, pimus, copias hæc nostras sine ulla mora educendas, & nullo tempore
, in Magnum Ducatum Litvaniæ reversuras esse; & ad Generalem earun-
, dem Præfectum de rebellibus mandata nostra jam tum dedimus, quæ
, Ablegatus noster eodem tempore Nobilitati communicabit.

„ Imprimis verò ad id operam dabit Ablegatus noster, ut Nobilitas,
, aut saltem potiores ex illa peculiari scripto fidem suam obligent, se in fu-
, turis comitijs Generalibus ratione dictarum copiarum neque per alios ul-
, lo modo quidquam moturos, nec permissuros esse, ut à possessoribus fun-
, dorum præstatio damnorum & incommodorum quocunque modo præ-
, tendatur. Econtra, si à militibus, eorumque Præfectis contra mandatum
, aliquid factum, aut per violentiam exortum fuerit, nostro nomine pro-
, mittet, hoc casu nostros ad satisfactionem debitam præstandam sine mo-
, ra adigendos fore, & nos de cætero Nobilitatem, si desiderijs hæc nostris
, annuet, gratiâ nostrâ Regiâ complexuros, nullamque, quæ se modò of-
, feret, occasionem prætermitturos esse, quin eidem de vero, propensoque
, nostro affectu, magisq; constare possit. Ablegatus noster porrò Nobilita-
, ti maximè commendabit, ut, quod ad bellum Livonicum attinet, instru-
, ctiones & plenipotentiae Palatinatum & Districtuum M. D. L. ad pro-
, ximè futura comitia eò dirigantur, ut nobis, præcipuè, quòd in commo-
, dum totius Reip. tam insignem Provinciam recuperare in animum indu-
, xerimus, gratiæ agantur, insimulque maximum M. D. L. desiderium nos
, in hoc bello re & consilio adjuvandi, exprimatur. Cui fini ulterius com-
, mendabit, ut Deputatis ad hæc comitia plena potestas concedatur sequen-
, di circa hoc belli negotium, nostrum, & totius Reipub. votum secundum
, statum rerum præsentem, seque in omnibus ad voluntatem nostram con-
, formandi pro communi Reip. bono. Non minus enixè commendabit Nobi-
, litati Ablegatus noster, quo promissa ista tam per instrumentum publi-
, cum Grodnensi in Conventu facta, quam privatim toties repetita in pro-
, ximè futuris comitijs ita ad effectum deducantur, ut Supremus Electo-
, ratûs nostri Cancellarius de Bechlingen Indigenatûs jure, & prærogativâ,
, idque instructioni Deputatis ad comitia dandæ peculiariter inferatur. Quod
, reliquum est; nos certò confidimus M. Ducatum Litvaniæ tam in præce-
, dentibus, quam in omnibus rebus in proximè futuris comitijs universali-
, bus ita se gesturum esse, ut nullus prorsus nobis relinquatur locus, de gra-
, to erga nos animo, benevolentia, & favore ulterius dubitandi, utpote quæ
, amorè, affectû, ardensque studiû pro nostro, cõmuniq; interesse consecravit.

„ Nos in recompensationem tantorum officiorum postulamus, quæ sub-
, inde iisdem distribuimus, quibus ut odia tot aliorum nobis concitavimus,
, ut, quod Ablegatus noster nobilitati ulterius exponet, & simul nomine no-
, stro confirmabit; nos, inquam, intermissuros esse bene nobis merentibus
, beneficia & munera in posterum vacantia conferre, eosque omnes ac sin-
, gulos gratiâ nostrâ, & affectu Regio amplecti, quæ cum alijs scopo huic
, intendentibus fidelitati & prudentiæ Ablegati nostri relinqvuntur. Cui de
, cætero gratiâ nostrâ benignissimâ semper propensi manemus. In quorum
, fidem hanc instructionem à nobis subscriptam sigillo nostro Regio commu-
, niri iussimus.

(L. S.)

A. C. ZALU-

A. C. ZALUSKI PRINCEPS, EPISCOPUS VARM. ET SAMB.
EIDEM ſta Maji Heilsbergâ.

Rogatus fert ſententiam de Ss. Patribus

INſperatæ nuper mihi venere literæ tuæ, attamen gratæ, quibus deſiderio meo ſeriùs tibi reſpondeo. At cur non citiùs inquires? moram iniecerunt tum occupationes meæ, ſolitò importuniores, quæ velut venti ſubitas agunt nubes, cælumque obnubunt; tum tuâ quoq; accidit culpâ, talem enim moviſti quæſtionem, cui ne reſponderem (quanquam mihi indecorum, tibi ingratum fuiſſet) facile me excuſare potui, ſed nolui, ut tibi pateat, ita me totum tibi conglutinatum atque conjunctum eſſe, ut etiam periculo reputationem meam libens exponam, dummodo tibi obediam. Non ſoleo enim committere, ut quidquam mihi, quod ego quidem præſtare poſſum, fruſtra mandes. Non ſœnerabor ſoli lucem, nec doctum docebo, id tamen quodeunque eſt officij, non debui omittere, ut teſtatum tibi facerem nunquam legiſſe me Sanctos Patres ſine fruſtu quos quò ſæpius lego, eò plus aufero. Quæris ergo à me judicium de Sanctis Eccleſiæ Doctõribus, cedere didici & mirari, in alijs quæ deeſſe mihi ſentio, & libens agnoſco, judiciũque ferre nequeo, quos tamen imitandos mihi propoſuerim, & quid in unoquoq; invenerim brevibus accipe.

Imprimis Baſilium magnum & Gregorium quorum in altero facilitatem cum cura, in altero ſingularem gravitatem, & ſplendorem, in utroque eruditam pietatem admirari ſatis non poſſum. Nec Theodoreti lenitatem in dicendo, in interpretando ſine ambitione ulla candorem, in errorum confutatione planam & nervoſam argumentorum copiam antiquitatis cognitione inſtructam, Tertulliani eruditiffimi ſcriptoris vim, ac lacertos, Lactantij diſcuſum, & cum ſolo Cicerone conferendam eloquentiam, Clementis Alexandrini Patrum Græcorum doctiffimi exactam eruditionem, Athanaſij in aſſerenda veritate conſtantiam, Hieronymi lingvarum peritiam, & dexteritatem ſingularem interpretandi ſcripturas, Auguſtini acumen in diſputando, in ſcriptis paſſim ſententias acres, penetrantes, & quod caput eſt ſalutares, Chryſoſtomi copiam, ſimilitudines, figuras, & ſermonis ornamenta, digreſſiones quoque melle dulciores, Bernardi acrimoniam ubique & ſententiarum argutam ſeravitatem, ac eruditam elegantiam, quas crebro & ſalubriter miſcet, & unus in eo genere triumphat. Taceo alios quos minùs novi, imò & de his prædicare, & judicium ferre, vix non ut aſinus de muſica, ſurdus de ſonis, cæcus de coloribus auſus ſum. Peto proinde à te, ut dum hæc leges, non omnia ad exactam acerrimi judicij tui normam velis exigere ab eo, qui nunquam cum ſe & inſcitiam ſuam noſſet, eſt auſus ſeſe in doctõrum hominum numerum ac cœtus inferre, & ſtellis nebulam ſpargere candidis, verum æquis hæc oculis velut aliquis paterfamilias aſpicias, & credas diſcere me (cum eſt commodum, cum licet) non docere. Imò me ad diſcipulorum tuorum numerum adſcribito, quòd erit mihi gratiſſimum. Doctõribus Sanctis potius tenebras, quàm lucem addidi. Sed nolui deſiderari à te obedientiam meam. Cæterùm literas tuas vellem ut mittas in vium vendentem thus & piper, ut ex communi chartarum ineptarum fato in forum olitorum deportentur, vel ad cetarios ire cogantur, ut leguminibus involuera præbeant, vel garum veſtiant. Peto iterum ut liberè & candidè mecum agas & ſi quæ emendanda irreperint, ingenuè ſuggeras, imò deſidero ut vapulent atque errati pœnas ungue aut litura luant. Tales enim, ut tu es, amici utroque calculo uti debent, albo & nigro etiam cum eſt opus. Optimus quiſque fateor gloriâ ducitur, ſed
gloriâ

gloriâ quæ veritate nititur, non errore imperitæ, vel nimium amantis tur-
bæ, quæ non tam acuit ingenia quàm inflat vanâ fiduciæ aurâ, imò sæpè
quem extulit, spernit deplorata gratia novitatis.

Videre te videor stomacho & iracundia efferri, qui hæc apud te susti-
neam, quæ tu melius nosti, scribendi proinde finem facio, si non quæsi-
ses plus fortè de me credidisses, ergo de tota hac re quasi ego nihil dixisse,
statuas tu ipse velim & me discere volentem doceas, cujus auctoritatem
non soleo defugere, imò quameunque rem agere occipiam, te mihi semper
obijcio, cùm tui juris esse cupiam semper. Corrigas ergo errata mea ite-
rum iterumque precor, atque eo confidentius, quod ut animus mihi tuus
abundè perspectus est, ita de meo erga te arbitror, nec dubitare te nec se-
quius quidquam ominari.

VI.

A. C. ZALUSKI PRINCEPS, EPISCOPUS VARMIEŃ: & SAMB.

EIDEM 30 Maji Varlaviâ.

Significat aliquorum conversionem ab heresi

Quod breviores, quàm vellem hæc meæ ad te veniant temporis
angustiæ, in quas redactus sum, faciunt, ijs enim planè ex-
cludor quominus scribendo licentius indulgeam.

Implexa laborum, molestiarum, anxietatum, & negotio-
rum series, ita me distractum habet, ut pene mei cogor ipsi-
us oblivisci. In his tamen verborum loco, animum ad te mitto, sic tuū
ut cujusquam ex intimis & ex assè amicis.

Non possum vero intermittere, quin tibi summam meam consolati-
onem communicem, quam nuper habui, cum novem ex aula mea à Lu-
therano errore ad nostram fidem per Dei gratiam conversi sunt, publi-
câque abjurationem in Heilsbergensi mea in manibus meis Ecclesia fe-
cerunt, cum summa populi ædificatione & solatio. Utinam plures ta-
les videam, inter curas alias hæc non minima est. Sed inefficax est ad
svadendū ijs instrumentum, qui magis affectui, quàm rationi parent, &
propterea nihil diligenter in fluctu cernunt. Plures ex illis sunt, quibus
omnia lutei coloris apparent, quæcunque oculis observant, propter læ-
sam præventionem videndi facultatem. Haud facile enim vera examinât,
quibus semel mentis offusæ aciem pertinacia perstrinxit, sed perinde res
æstimant, ut eorum svadet opinio, quam penitus animis inbiberunt, &
ut oculus, in quem humor illapsus est, parū clarè videt, sic mens, in
quam affectus; ac proinde præcipiti torrentis hujus æstu non trahuntur
solum, sed abripiuntur, & clavam citiùs de manu Herculis extorseris,
quàm ex animis eorum præjudicatas sententias.

Canonicus Butler fatis cessit, cui per electionem Capituli ex recom-
mendatione mea & ipsius meritis de hac provincia, LUARENTIUS
NYCZ Præpositus Guttstadiensis successit.

Et quoniam comitia imminebant, Varlaviam abire debui, consecra-
tâque Ecclesia in Butrim, & datâ benedictione matrimoniali meo Zakrze-
wscio antiquo, cum filia Burgrabij SmoleŃensis, die 28tavâ iter arripui,
& ultimū hic comparui, unde hæc. Ubi si quid est in toto me, quo
toto, aut in parte servire tibi possim, aut tuis, significa, id est impera,
habes promptum & paratum, tibi que libens ut iam pridem feci, dedico
consecroque quidquid possum promittere curæ.

A. C. ZALUSKI PRINCEPS EPISCOPUS VARM. ET SAMB.
CARDINALI BARBERINI Varavia 30ma Maji

Mittit concernentia coronationem Regis Prussiae

Propter imminetia his diebus comitia, reliqua quamvis illibenter Diocesi mea comparui hic publico labores consuetos litaturus. Inveni autem aliqua contra & pro nova Regis in Prussia Coronatione scripta, quae pro ulteriori notitia non ingrata tibi fore minimè dubito. Primum quidem sub titulo Parænesis, videtur mihi magis fortè, quàm pro tempore. Ita nati Reges, ut injuriarum altè meminerint, beneficia in se conferri posse negent, pro debito accipiunt ipsi obsequia, & statim obliviscuntur, neglectis aut offensis ira est, quam nec tempus, nec officia diluunt. Durus est aliquatenus sermo & stylus, quis potest eum audire, & timendum ne contra formam verbis pugnando majora detrimenta Reip. infligantur. Necessitas ante rationem est, maximè cum in actuali altero simus bello, in quo raro permittitur pugnandi tempora ad clepsydram exigere, & loca conflictus decempera anxie definire. Timendum, ne, postquam à respectu in Patriam nostram desvescere, & ad contemptum paulisper assvescere coeperit, usus tollat difficultatem, inveniaturque facile esse, quod aliquis impossibile ante putaverit, ne denique rogemus, à quo rogari deberemus; ego crederem ut Respub. non invita, neque coacta, sed liberaliter prompta in eo se monstret quod hoc præcipue tempore impedire nequit, ad quid, tendere retia accipitri & milvo? In quibus opera luditur. Expediret satius non tam esse Rempub. præcipitem ad severitatem, quàm propensam ad affectum à quo non est sine gravi causa descendendum. Quin imò pro sensu meo sapienter facturos nos existimarem, si in hoc genere medicorum consuetudinem nobis imitandam duxerimus, qui, quoties alia spes reliqua est, nunquam ad urendum, vel secandum accedunt. Quid enim tam periculosum est? quid saluti magis contrarium, quàm cum relictus est lenitati locus, objurgationes, cæteraque acriora remedia ægrotis animis adhibere. Ascensionem Rex in Prussia jam in corde suo disposuit, jam est in actu exercito dignitatis suæ, promittit nobis omnem securitatem, quid agendum, nisi credere id, quod videtur certissimum, dictis habeatur fides, memoresque simus nullo unquam sæculo causas Regibus defuisse mutuo Regna ambiendi, DEO interim res nostræ offerendæ, qui cuncta vigili semper lumine aspicit, cadere in terram non possunt Regna, quorum basis est in cælo.

In secundo scripto videbis Eminentissime Princeps rationes pro ista dignitatis Regiæ assumptione seu (ut aliqui volunt) usurpatione. Judicium tuum, quod est semper maximum & penè divinum, super res præsentes nostras formare non dedignaberis &c.

PARÆNESIS AD SERENISSIMÆ POLONIARUM REIPUBLICÆ ET M. DUC. LITVANIÆ PROCERES DE USURPATO NUPER REGIS PRUSSIAE TITULO.

Potentia rerum! non patitur duos soles Olympus stellifero licet Athlante fultus; vos geminos Reges, ne dicam ternos feretis? nec Regna socium ferre, nec tædæ sciunt. Excipio superbum illud Bizantinum effatum Imperatoris: unus in cælo sol, unus in terris Solimanus. Non bene conveniunt, nec in una sede morantur Rex & Vassallus, per extorta gravissimo.

,vissimorum vi bellorum pacta, per mille artes, per damna & cædes à suis A.C.1701
 ,destinata Majoribus ad Borussiae sceptrum vectus. Ex ruinis Patriæ nostræ
 , (inquit Lubienus) creverunt Pomeraniæ Duces, olim Poloniæ subditi, qui
 , commisso ad certum tempus regimine per fraudem abusi, directi Domini ti-
 , tulum sibi usurpârunt; creverunt & Brandeburgenses Marchiones, usur-
 , patâ sibi eâ Poloniæ parte, quæ nunc nova Marchia appellatur. Singula-
 , res porro Reges Prussiae aliquando extitisse, à Lutheranæ quoque fidei Hi-
 , storicis fabulas inter, recensetur. Unde quod tam pudendum Polonus or-
 , bis tot retrò sæculis theatrum vidit, in quo perpetuus fœderatus, & Feuda-
 , tarius singulari Regum Poloniæ favore & benevolentia his titulis auctus,
 , sibi regium diadema sibi arrogaret, ubi Rex Poloniarum naturalis, & dire-
 , ctus Prussiae Dominus & hæres titulum tantum Ducis habet. Horrore qua-
 , tior, facta quò vergant, timens. Ubi illa subjectionis recognitio, quæ se-
 , renissimi Electoris Antecessores stimulabat (teste Piasceccio) ut repetitas
 , adornarent legationes, quatenus locum inter Reipublicæ Poloniæ Ordines
 , in comitijs possent obtinere? dicebant se membrum esse Reipub. adeoque
 , à publicis Regni consilijs excludi jure merito non debere, tanquam vel in-
 , dignos, vel suspectos. Extrema primo nemo tentavit gradu, unus est Seren-
 , Elector Brandenburgicus illorum exempla secutus, qui capiendam rebus in-
 , malis præcipitem viam arbitrantur, ut antiquæ injuriæ novis obruantur,
 , scilicet perpetuo fœderato, & feudatario Poloniæ illud unicum præ oculis
 , principium; fac & excusa; quod ratio nequit, sæpè sanavit mora; sed hu-
 , jus Principis erudita tot successibus ambitio nescit modum. Piget prioris fa-
 , cti, & novum struit, imò quin etiam, quod metuit, auget, pudetque primo
 , stare loco otiosam indust. iam. Nimirum ubi animus errat, optimum est
 , casum sequi. Credetis io credite Sarmatæ, tam recentis fulgor purpuræ
 , in Borussia tam inopinato resplendentis, cometa est nunquam terris im-
 , punè refulgens. Captiva pergama, & diu victos Phrygas novus hic A-
 , chylles arte non contemnendâ petit. Occupanda est ambitio, nec danda
 , mora Sceptris. Tuta est, latetque culpa, si patimur ignavi, si leges, si ju-
 , ra cessant; ferrum & ignis infausti sæpè sunt medicina morbi. Supremi
 , Dominiij titulus ad hoc punctum concessus per Commissarios, ne quis à
 , Serenissimi Electoris Brandenburgici sententia ad Cancellarij Regni Curie
 , riam (inoribus antiquis) appellaret, minimè præsentem Majestatis usur-
 , pationem tueretur. Clara sunt pactorum Vielaviensium verba; non tamen
 , perpetua Feudi alienatio inde sequitur, paulò post; tali pacto Ducatus
 , præfatus à Rep. non avelletur. Quid plura? Commissarij Regni priva-
 , tâ autoritate neque hoc potuerunt concludere, ut non interrogatam
 , prius Nobilitatem Pruthenicam, neque obtento totius Reipub. consensu
 , ad tam diram servitutem Brandenburgicæ Cancellariæ tam liberaliter dam-
 , narent. Par enim in parem sibi frustra jus ita severum usurpaverit. Huc
 , posthumis Romani Senatoris effatum, quod in Patrum consensu gravissi-
 , mo protulisse in simili occasione memoratur, referri potest; *sponsione,*
 , *quæ injussu populi Romani facta est, non teneri populum Romanum.*
 , Jam palàm sit toti Europæ, quàm ingeniosè, & quàm sublime Serenissi-
 , mus Elector Brandenburgicus construxerit sibi solium, ex quo Poloniam
 , Altricem suam facilius possit despicere, ridereque. Gradus, quibus illud
 , conscendit, demonstrari possunt universis. Præluxêre, ad Thronum vigi-
 , lantissimæ in omnes partes sive Antecessorum, sive Majorum domûs isti-
 , us excubiæ, quæ nihil omnino prætermisere, quod ad toxendam, & ali-
 , quando perficiendam Regiam purpuram, quamvis è longinquo spectabat.
 , Semper enim expectabatur cælum Reipublicæ turbidum, in quo liberius

A.C.1701, piscari liceret illicita. Addidere faces ambitioni continuæ Regum Poloniæ exuberantes gratiæ, & inconsultæ privilegiorum (in seipſâ Republicâ) largitiones, quæ plura sibi quotidie à Feudatarijs grati animi testimonia promittebant, quàm illi profundâ destinatione molirentur. Edificabatur ergo vobis Domini mei Poloni vicinæ Palladis astu æquus Trojano similis, qui pacta omnia Feudi, tanquam non secura ob non servatas condiciones legitimas, quocunque demum pede obtereret. Alebatur hucusque in Feudatarij & Fœderati vestri sinu immortale hoc fulmen in Polonas cervices ex insidijs aliquando erupturum, perturbata hinc inde bellorum turbinibus infelici Repub. Arguti nimium ad fundandum in Feudo absolutum Dominium Possessores non tam ibant ad soenicum hoc diadema, quàm ferebantur, non segni solertiæ alas ad dente, cæco sui sanguinis Regum Poloniæ amore. Rem totam per cõpendium ab origine repeto ad memoriâ temporum (quibus licebit pauciter vera loqui) sed imprimis ad incautæ Polonorum gentis, & simplicis quotidie libertatis invidendæ candore gloriantis animadversionem, sinceræ ubique veritati non passioni operam & folia hæc litaturus; salvis Serenissimi Electoris Brandenburgici titulis, non tamen Regiæ Majestatis, suspensâ hucusque admirationis supercilio Polonâ Republicâ.

» Nimirum Albertus Brandenburgicus Anspachiano stipite oriundus, Canonicus imprimis Colonienſis Crucigerorum, deinde in Prussia Magister electus ejuratis professæ Religionis votis, Lutheri sectam amplexus, ideoque Pontificiæ censuræ fulmine percussus, nec non à Carolo V. proscriptus imminente sibi undique non vano metu Sigismundo I Poloniarum Regi, avunculo suo, ut ad homagium Prussiæ admitteretur, humillimè supplicavit; & obtinuit facîle Sororius sanguis apud Sigismundum, quod tam divinæ, quàm humanæ leges vetuere. Tot ergo Sacri-legia ad Principatum Prussiæ, & infelicem thalamum, tiaratum Apostatam deduxere. Quàm porro gratus fuerit, acceptæ dignitatis palam demonstravit, quando Maximilianum Imperatorem ad fœdus cum Moscho contra Polonos ineundum flagitiosissimè pertraxit. Fortè exigente vindictam divinâ Nemese à Polonis, quòd tamdiu in Vasallagio Prussiæ sacrilegum apostatam ipso facto & jure convictum paterentur. His virtutum ornamentis commendatus Feudatarius adiit, & continuavit Prussiæ Principatum. Unde poterant Reges Poloniæ extinctâ stirpe Anspachianæ successionis facîle metiri spem ulterioris fortunæ Regni, si alios præterea Feudo Prussiæ dignarentur: sed vicit iterum favor Sigismundi Augusti tam graves justosque metus, admisit aliam lineam Electoralem seu Berlinensis domûs itidem Brandenburgicæ, quam nulloatenus Feudum Pruthenicum attingebat. Neque hic stetit in præfatam familiam regalis munificentie dignatio. Albertienim Friderici homagium non minori benevolentia Sigismundi Augusti, quàm novi Feudatarij astu Joachimus Marchio Elector per simultaneum vexilli contactum (quo subordinati Nuntij prohibiti à Rege non fuerunt) astutissimè secutus est. Frustra deinde vel mussitantibus vel protestantibus ordinum Regni Nuntiis, juraque sua repetitâ toties reclamazione proferentibus, nimirum intravit ut vulpes, regnavit ut leo, quotidie prædæ inhians. Imò ne quid fortè deesset ad exquisitæ ambitionis industriam, obtinuit à Sigismundo III. novum pro se & Fratribus suis jus Feudi exclusâ publicis tabulis successione Domûs Columbacenſis Onaldinæ Franconiorum Marchionum. Quanquam & hanc exclusionem ita solemniter perfectam infucârunt Paeta Bidgostiensia sub belli Svetici tempestatem privatâ tantum Regis affli-

• Et interim autoritate protrusâ potius vel extortâ, quàm composîtâ, ne-
 • què unquam nisi fortè subreptitiè ignorante, & non constante sibi Repu-
 • blicâ ultimo abdicationis Casimirianæ die, quo jam Rex Imperio suo va-
 • ledixerat, visa paucis admodum, atque illis tantùm in angulo familiari pro-
 • bata, quibus non decus publicum, sed privatum commodum in primis cor-
 • di fuit. Et hi sunt primi gradus, hoc fundamentum usurpati nuper Thro-
 • ni Borussiae nunquam Poloniae Regibus antea somniati. Nimirum, ut ibi
 • se Regem ipse eligeret, jactaretque Filius, ubi nuper illius Parens in jura-
 • mento Feudali Regem Poloniae Dominum suum naturalem appellabat. Ita-
 • ne servantur jura bonæ viciniae? hocine est Feudatarium & amicum esse,
 • hocine perpetuum & inviolabilem Foederatum ubique censeret? appello Eu-
 • ropæum orbem, & quidquid infra illum Regnorum est, ut ferant senten-
 • tiam, an ita Regum beneficia tractari debeant? certè Medosinter & Per-
 • sas, imò ipsos inter & Garamantas non est ista lex aut refragatio, meritò
 • porrò digna, quæ suâ purpurâ orbe universo coram erubescat, hæc re-
 • censentur tam ab Historicis gravissimis, & ad quos cognitio spectabat ju-
 • re, quàm à recentissima semper majorum recordatione. Pacta turbulen-
 • tissimo semper Reipublicæ tempore ex arte procurata, observata nunquā
 • in integro, nunquam legitimè determinata, nisi per Commissarios, quibus
 • in Regno Poloniae non esse jus integrum tribunitiâ intercessione reclaman-
 • te palam est omnibus, qui leges vestras obiter introspectere. Libelli cau-
 • tionum scripti, non observati. V. G. *Nos, Successoresque nostri quot
 annis in ararium publicum inferre tenebimur triginta florenorum mil-
 lia annua Polonicae, quoties, verò necessitate aliquâ postulante in
 Regno tributum decretum publicè fuerit, totidem alia 30000 ejusdem
 valoris seu moneta, ita ut cùm tributum scitum fuerit, sexaginta
 millia à nobis dependantur. Quarum quidem summarum nomine
 quoties numerata fuerint, Regni Thesaurarius nos, Ministròsve no-
 stros liberare seu quietare tenebitur; Et eodem proximè anno, quoti-
 es necessitas postulaverit, quatuor naves ad tuendam oram mariti-
 mam Prussiae nostro sumptu habebimus.* Producantur præfatæ quietæ-
 • tiones in facie Regni ordinum, producantur tabulæ testes servatæ fidei, &
 • bella sunt finita. Et tamen Sigismundus III ad molestas preces Joanni Si-
 • gismundo Duci in Prussia in hanc formam responsum dedisse memoratur
 • à Zavaccio Castellano Culmensi, Gubernatore Lipinensi in speculo histo-
 • rico annalium de imminuenda, quæ ex pactis habetur pensione non nisi
 • in comitijs agi potest. Quare nec Commissarij, qui à Regia Majestate dan-
 • tur hac de re quidquam, vel indagandi, vel statuendi potestatem habere
 • possunt. Utinam hujus rescripti Regij recentem habuissent memoriam illi
 • quoque Commissarij ad novissimum tractatum Elbingensem Deputati non
 • ita probrosè & injuriosè negotium publicum conclusissent, neque thesau-
 • rum Regni inconsultâ Repub. absente Regni Thesaurario, alijsque ad e-
 • andem spartam electis referâssent, multò minus (si vera fama est) E-
 • lectorem Brandenburgicum ex tam liquidis prætensionibus privatâ faculta-
 • te quietâssent. Tam feliciter in partem Electoris Serenissimi composita &
 • conciliata tractatio, quidni illius de novo Regno in Prussia fundando me-
 • ditationem auxisset. Huc enim olim collimabat usurpatum contra jus &
 • fas publicum Balchici maris dominium absolutum, huc portuum, littorum
 • & teloniorum inessio cum ingenti detrimento ærarij Regij, & vicinarum
 • civitatum incomparabili & manifesta injuria. Huc Episcopatus Sambien-
 • sis nunquam satis æstimata detentio contra tot requisitiones, & si non in
 • perpetu-

A.C. 1701, perpetuum elusa, & erepti proventus Antistiti Varmiensi cum armamen-
 ,tario Provincie; sed quia hæc injuria Romanum in primis Pontificem di-
 ,rectè petit, tanquam immediatum Varmie Protectorem, ego secularis e-
 ,ques plura non audeo. Quid deinde bellum Sveticum contra Poloniam
 ,viginti millibus Brandenburgici militis ipsomet Parente, theatralis hujus
 ,Borussie Regis præliorum antesignato auctum, & efficacissimè promotum
 ,usque ad ultimam cladem prope Varsaviae littora hucusque memorandam machi-
 ,nabatur? nisi syrna Borussicum, graduque Successori suo ad absoluti domini
 ,Thronum construebat. Et tamen, me hercule, minus egerat olim Lo-
 ,tharingus in Ducatu Barensi Regni Galliarum pariter Feudatarius. Hic
 ,nihilominus ob datas interim Adversariis Gallie suppetias à Ludovico
 ,XIV. egregiè Feudo suo pulsus, & Parlamenti Parisiensis edicto redire
 ,prohibitus ad Principatum, quantumvis nullam fraude occupatum & pos-
 ,sessum. Thekielio quoque reducendo ad hæreditates in Hungaria prope
 ,amplissimas nullorum Europæ Principum apud Romanum Imperatorem
 ,valuere suffragia, postquam directo & naturali suo Domino fidem non
 ,servasse deprehensus est. Quid? si Regis prærogativam sibi, quemadmo-
 ,dum Serenissimus Elector Brandenburgicus alter illorum usurpasset; pri-
 ,us certè, quam ego hæc scribam, jure merito exulasset. Sed Polonos ita
 ,fecit innocentes natura Parens, ut ab omnibus facile possint decipi.
 ,Tota in verbis libertas, nimia vicinorum observantia nemine prote-
 ,stante publicè ignorantur illatae injuriæ, dissimulantur leges, imò e-
 ,tiam fraudes ipsæ majoribus officiis præmiantur. Et hæc est ultima Re-
 ,gnorum calamitas. Festino ad reliquos novæ istius & ante hac inaudi-
 ,tæ in Polonia Borussicæ Majestatis splendoris insolitos & præcipuas u-
 ,surpatæ coronæ gemmas. Quam insigniter merita de Polonis Regibus
 ,& Rep. Domus hæc, testantur sub bellum Sveticum Pacta de Prussia, de
 ,Varmia, de Palatinatu Posnaniensi, Calisiensi, Terra Vielunensi sta-
 ,bilita. Varmiensis Episcopatus titulo Ducatus secularis indignam meta-
 ,morphosi appellatus. Posnania præsidio Brandenburgico infessa, Sveci pe-
 ,cunia & comætu maximè tunc laborantes refecti, ut Rex Casimirus
 ,ex urbe Gedanensi in Poloniam reditu arceretur,

, Male tandem jacta rebus Sveticis aleam ingeniosis artibus quid non
 ,molitus Elector Brandenburgicus? ut supremum Borussicæ dominium nul-
 ,lo consensu, ac ne scitu quidem Pruthenorum Lemburgum, Bitoviam
 ,Elbingam, Drahimum, summas ingentes in turbido caperet & extor-
 ,queret. Prædictæ injuriæ expectant hucusque totius Reip. approbatio-
 ,nem legitimam. Non enim Commissariorum legationi tanta unquam
 ,(integris Reip. legibus) dari facultas à Rege solo potest, non compul-
 ,sato Regni ordinum assensu. Præterea potestne pondus aliquod habere?
 ,præsertim in facie Regni, quingentorum Equitum singulis bellis Polo-
 ,niæ subministratio insciæ Rep. quasi in perpetuum abolita. Est adhuc
 ,in recenti memoria Roht & Kalksteinus. Et Joannes III vindicasset,
 ,profectò tam fœdam læsæ Majestatis labem, nisi Viennensis interve-
 ,nisset belli occasio. Habetis, nullus ambigo, præ oculis Feudatarij ve-
 ,stri monetam; & manibus quotidie versatis, superbo supremi Prussicæ
 ,Domini & Hæredis titulo donatam, jactatamque ad Poloniæ probrum,
 ,& dedecus immortale. Quasi verò non satis fuerit Electori Brandenburgi-
 ,co, toto cælo, marique in Poloniam deliquisse, nisi etiam in auro, ar-
 ,gentoque tam splendide, publicèque peccare placuisset. Sed quacunq;
 ,demum arte quæsierit alibi Brandenburgicus Elector pretium ambitioni
 ,sue apud generosissimam liberæ adhuc gentis indolem, frustra est, quæ
 Pruthe-

Pruthenicz Nobilitatis servitutem nunquam non ægris spectare potest de- A.C.1701
 lis. Quid tamen hucusque hæretis? Vistulæ trajetibus à Brandenburgico ve-
 lut prætorianâ potestate violentissimè usurpatus, vos premit, non sentitis
 Gvarantias, ligas, cum Regibus & Principibus, toties contra vos ab ami-
 co, à fœderato perpetuo & Feudatario compositas, quotiescunque alia bel-
 la imminerent, non intelligitis? iam ne indulistis supremi titulum Domi-
 ni in Lemburg & Bitow, neque legibus Feudi, nec ullâ tractatione, aut
 à Principio statim traditi domini nominatione concessum, coæquationis
 monetæ Pruthenicz toties negatæ, vel elusæ ingentia damna non com-
 putatis, violenta Drahimi occupatio ad famam abdicationis Regiæ sine
 ullo respectu pactorum, sine inquisitione summæ apud Rempub. & de-
 nuntiatione, itane tam profundè apud vos sepulta, novissima tandem il-
 la Elbingæ occupatio tunc intentata & perfectâ, quando Serenissimus Au-
 gustus vester comparatis armis versus Camenecum expeditionem suam
 adornaverat; tamne citò exolevit? Dij vos jam perdent ô Poloni! nisi
 tot tantasque injurias (si non æquo jure) ferro certè & igne strenuè pro-
 cul morâ vindicaveritis. Turcas, Scythas, Moschos, Svecos, Hungaros,
 Cosacos, & quidquid extremus Orbis ad perniciem humani generis sub
 adusta infauſtis syderibus plaga educat, toties domuistis triumphalissimè,
 & scenicum hunc Borussia Imperatorem, an usurpatorem Serenissimum
 frangere, fugare aut proscribere non poteritis? placetne tantum fidere
 huic Feudatario coronato, quantum ille vobis nocere quotidie meditatur,
 ad arma; ad arma Lechi, ne brevî annorum spatio quærat, Lechiæ quis
 fuerit locus? Talia enim nullis officiis cicurantur monstra, & tardis ni-
 mium Polonis lentior est chalybs, quibus passim, in ludo gladius frangi-
 tur, aliàs, quod parat vincere Elector Brandenburgicus per singulares cum
 privatis tractatus, jam victum est; mortis habent vices lentè cum tra-
 huntur sceptrâ gementibus (una salus inferre; si hostis displicet, quem
 nulla tellus silet, aut si non sublimis inter læta civium omina securus incedit)

Cyrrhaa Paan templa per ætheream Domum

Serpente casu mervit.

Pronum est sperare, ut arma superi nostra comprobent, in quos collecta
 undique per tot ætates mala redundârunt, gravi sæculo premente semper
 Patriam. Tandem hoc unum timere discat hostis, quod nihil timeat. Opta-
 tus ille portus ærumnis erit, stare Polonos illo, quo Thronum sibi posuit
 loco ambitio. Iam præcox, avaraque fortuna, vires ipsa consumet suas,
 nec si velit nocere, habebit, quo noceat. Reddite ipsi titulos, quos Feu-
 do attulit, & satis pœnæ feret,

Vet si in propinquos nil properè constitui decet, in jus aliquando Re-
 gni vocetur Feudatarius post sua tot acta nullis æquanda malis. Hoc sal-
 tem à vobis postulant Pactorum sacra fœderum toties violata, elusa toti-
 es. Hoc expectant sublatâ appellatione in servitutem acti nobiles Pruth-
 eni; hoc suspirant populi à vero numinis cultu abdueti. Hoc imprimis e-
 xigit læsa Majestas Vaticana, cujus est sceptrâ dare. Vindicate innocen-
 tissimum orbis Christiani caput à tam insolenti contumelia, quod probè
 quidem intelligit inusitatum hunc in Regnis orthodoxis supremæ suæ po-
 testatis contemptum; sed expectat tantisper zelum vestrum continuâ
 Regum Poloniæ serie Romani Pontificis. Tenet Paternâ suâ manu ful-
 men, ne citius erumpat, quàm Religionis vestræ capiat argumentum.
 Puræ nec ullum hostem metuentes manus liberatæ à tam probroso de-
 decore tot Regum vestrorum beneficia. Meretur hoc procul dubio ju-
 ratur Regibus amor, & honor tam publico ludibrio adversâ prostitu-
 tus

A.C.1701, tus vicini solij Majestate. Palmaris enim benevolentiae contumelia est, apertè decipi. Serenissimi Poloniae Reges nunquam antiquos Haliciae Regni titulos voluerunt usurpare, qui tamen Reip. suae visceribus continetur. Illi Praefecturam Haliciensis Gubernatoris traditâ, qui (absque Regis Borussiae offensâ) exceptis Serenissimis compellationibus, Illustrissimâ origine & fortunis par cuique Feudatario. Non ambigite de suffragiis semper misereantis caeli, quotidie injurias vestras tot oculis spectat, quot syderibus orthodoxum hoc Regnum contemplatur. Infelix regnat, vel non diu, quicumque quos odit, premit. An tam apud vos futurorum perdidit vires amor, tantumque ab illo trahit infelix status, ut illicita amentur? Excidit, quidquid licet! O nullâ dolor contenta poenâ! scilla & charybdis Sicula contorquens freta mingit est timenda vicinis littoribus, quam novus hic Coronatus. Nulla non melior fera est, quam inconsultis beneficijs facta diu, nutritque ambitio, quae novas à proximis sumit opes, animumque damnis, & velut vicina jacens sub rupe tigris deliberato passu in agrum profilit alienum, ut non humiles praedas agat. Non queror commune malum. Nulla enim Regna pares vobis vicinos habent. Potest equidem Serenissimus Elector in futuris Regni comitijs speciosas verbis, & rebus vacuas adferre Reipub. excusationes, sed meminisse oportet dubiam salutem qui dat afflictis, negat. Cæca dominandi libido, ut fortius quotidie nocere valeat, cupit esse potens. Nulla fides illi, postquam vobis melior fortuna ruit. Nullam pacem diu ferre potest superba audacia sed felici temeritate in praepes fertur. Profecto si tubae, si Regni jura silent, si ponitis arma Poloni, neque adultam ferro domatis feram, facile adducor, ut credam perniciem vobis, & dira saevos fata moliri Deos. Videte quaeso, si vobis aliquando appareat ille, cui veniam semper vestram opus est; idè, quod nunquam vobis pepercerit. Id esse novi Regni jus, fasque putabit semper, si quod vobis non ita facile licebit, illi quotidie liceat, moribus antiquis, & ex usu. Non aliam legem observabit in solio, nisi quam privatus ita fortiter tuebatur. Praeceptum est, & cæca temeritas, quae amat casum Ducem. Quod si neque hoc levamen vestris ærumnis datur, ut videatis, quo pereatis modo, si omnes officio stupent relicto, & remos timet manus pereunte navi, si quisquis Trojam subruit, felix vocatur, si ponitis hastas, & quasi fessum ense miles exonerat latus, quando primum armari decet; jam divisa praeda est. Iam Varmia, & reliquum quidquid Prussiae in meta. Iam ad jus lentè trahimur Imperij cum Rege Borussiae; jam ad ruinam supremam properantibus omnis mora nimium longa erit, & priusquam Romae consulatur, Saguntum capietur. Augebunt vires audaciae coronatae, nondum compositi Litvaniae motus, addent faciem arma Svetica, redibit ad ingenium suum leo sagax, ut ex vicinorum campis agat praedas, quae tantâ sitim extinguant sanguine, & ungves impleant. Vel si aliquando quiescet, semper tamen apertis in vos oculis victorias suas somniabit, interim hi officijs Legatorum, illi precibus fatigabuntur amicorum, plures vincentur pretio, sub specie publicae tranquillitatis, ut novum Regem non in Clivia, non in Montibus, sed in Regali Prussia, cum muneribus venientes adorent. Praemia evictae pacis invidet Pyrrhus Patri, Ajaci Ulysses, Hectori Atrides minor, Priamo Agamemnon; ipsa demum se Reipublicae clasis premet jam ruptis velis inclinata, & prora proriae, & lateri latus nocet, Serenissimus verò Elector Brandenburgicus aequalis astris gradietur.

„Hæc quæ bono publico non ex Rabularum folijs, sed ex Justiniani codicibus derivata exaravi, vobis Domini Poloni unâ mecum dedico, oroque

noque, ne antiqua paræmia fidem apud vos inveniat aliquando, Phryx A.C. 1701
plagis melior.

REGIAM DIGNITATEM AB ELECTORE BRANDEBURGICO in Prussia nuper, assumptam nihil in se habere, quod juribus Regni Poloniæ Pactisque inter illud & Domum Brandenburgicam olim initis repugnet, aut Regi & Reipubl. Poloniæ fraudi & detrimento esse possit Anno M. D. C. C.

Fama fert, imò ex scriptis publicè editis constat esse nonnullos in Serenissima Repub. Polona, qui Regium titulum, quo non ita pridem Serenissimus Elector Brandenburgicus insignitus est, ita interpretantur, ac si inde detrimenti aliquid ad inclytam Remp. redundare possit. Qui error cum arctissimum illud amicitiae, conjunctionis ac vincinitatis vinculum, æterno fœdere utramque inter Gentem constrictum, labefactare aliquo modo posset, ut ex omnium animis funditus evellatur, paucis, sed solidè demonstrabitur.

AD SUMPTIONEM ISTAM REGIÆ DIGNITATIS

Neque contra æternum Velavienſe ac Bydgostienſe Fœdus per pacem Olivenſem corroboratum, neque contra amicitiam ac conjunctionem in eodem utrinque stabilitam.

„ Neque contra jura & interesse, ut vocant inclytæ Reip. ullo modo esse, quin potius ejusdem quam maximè interesse, ut Serenissima Resp. Principem æterno fœdere junctum, ad exemplum Imperatoris, ac aliorum plerorumque Regum, quòd sine ullo suo detrimento facere possit, imò ut faciat ex legibus fœderis, quò alter alterius honorem ac commodum quærere tenetur, obstricta sit, agnoscat.

„ Vix credibile videri merito debet, esse quenquam Status Europæ publici adeo rudem, quem fugiat, quâ ratione domus Electoralis Brandenburgica per Pacta, quæ primum Anno 1657. Velaviæ inita, deinceps Bydgostiæ ratihabita, & non multò post Olivæ in celebri isto pacis tractatu corroborata, summi & absoluti Imperij jura, in illam, quam possidet, Prussiæ partem consecuta, isque ex eo tempore, nemine turbante aut contradicente usa sit, eademque hodie dum quierè exercet. Quoniam tamen nonnulli non dubitavère, summum illud Domûs Brandenburgicæ in certam Prussiæ partem dominium, potestatemque à nemine dependentem publicè oppugnare atque aded affirmare.

„ Illam partem Prussiæ quam Domus Brandenburgica possidet, esse Reip. dominium & hæreditatem, Electoremque Brandenburgicum dignitatem regalem super istas Prussiæ terras, non potuisse sine insigni in Repub. Poloniæ injuria sibi circumdare, necessarium est istum errorem inconcussis rationibus evertere. Inficias equidem non iverim, istam ipsam, de qua nunc disquiritur, Prussiæ partem, olim ex eo tempore, quo Albertus Marchio Brandenburgicus armorum vi constrictus, & à Domino Feudi, quem hætenus agnoverat, Imperatore scilicet ac Imperio destitutus, eandem à Regno Poloniæ in Feudum recognoscere fuit adactus, usque ad Fridericum Vilhelmum Electorem Brandenburgicum fuisse Feudum Regni Poloniæ.

„ Facile etiam id conceditur, si illis temporibus, & durante adhuc Vasallagio Polonico, Ducibus Prussiæ visum fuisset Regium titulum sibi assumere, quod quidem nihil absurdi habiturum fuisset, certè exemplis non careret, siquidem & alij, per Europam Reges numerantur, quorum Regna Feudorum indolem habent, & ab alijs Principibus clientat

A.C.1071, tari jure conferuntur, id quod exempla Regnorum Neapolis, Siciliae, & Bohemiae, comprobant. Non potuisse tamen istius mutationis consilium haberi ratum, nisi Rex & Resp. Poloniae id suo consensu atque calculo firmassent.

„ Verum enimvero Prussia Brandenburgica inde ab anno 1657 diversa, iam prorsus à priori faciem, naturamque induit. Illo enim anno Rex Joannes Casimirus, qui tum in Polonia rerum potiebatur, tam suo, quam Successorum nomine suffragante, ac plene approbante Repub. Poloniae, Fridericum Vilhelmum Electorem Brandenburgicum, omnesque eius descendentes, Successores Masculos per pacta solennia ac aeterna, quibus tum temporis Reip. reintegratio, salus, ac securitas restabita, & quorum firmitatem inviolabilem diversi, ijque maximè per Europam, auctoritatis Principes susceperè Vassallagij, jurisque Feudalis vinculo, quo Elector modo dictus, ac ipsius Antecessores, à tempore primi Ducis Alberti Poloniae fuerant obstricti, penitus exolvit, atque liberavit, eisque universis ac singulis pro Dominis Principibus Prussiae Brandenburgicae summis declaratis, potestatem absolutam, neminique mortali um ullà ratione obnoxiam tradidit.

„ Eà de re ne cuiquam ullus supersit scrupulus, verba pactorum Velaviae anno jam indicato 1657, constitutorum hic subnectimus, quibus ea, quae diximus liquidò docentur, formulis, quae jam sequuntur.

ARTICULUS QUINTUS.

Quorum intuitu & aliorum praesertim infra Specificatorum & aliorum justis de causis Ducatum Prussiae ijs finibus circumscriptum, quibus Serenissimus Elector illum olim jure Feudali, ante hoc bellum exortum possidebat, ipse deinceps & descendentes ejusdem Masculi, ex thoro ejus legitime procreati, indeque descendentes omnes, donec quisquam supererit ex descendantibus Masculis Sacrae Serenitatis Electoralis jure supremi Dominij cum summa, absolutaque potestate sibi habebunt, possidebunt, regentque absque omnibus ante hac praestitis oneribus.

„ De Pactorum jam allegatorum validitate ac vi obligandi, & quod eadem inter Regnum Poloniae, Domumque Brandenburgicam lex sit Sacrosancta, inviolabilis ac aeterna, quodque nisi foederis aperte rupti, violatique opprobrium ac notam temerè quis velit illorum, quae in ijs stipulata sunt, atque promissa, in dubium vocare inemini, qui circumstantias sequentes expendere voluerit, ulla dubitandi relinquetur causa.

1.

„ Fœdus istud cum summa absoluteque in Prussiam Brandenburgicam potestatis concessione, quae eodem fœdere comprehensa est, non desultoriâ tractatione, aut sine gravissimis, sufficientibusque rationibus, sed quae ipsorum Pactorum verba sunt, idè à Regno Poloniae decretum fuit, atque initum, quod Deo clementer annuente Serenissimus Elector Brandenburgicus ad sinceram pacem & amicitiam cum Serenissimo Rege, Regno Poloniae, & Magno Ducatu Litvaniae conjunxerit, ut mutuum utilitatem, commodum & securitatem sincerè procurare, ac promovere teneatur. Quod porro Serenissimus Rex ac inelyta Resp. probe perpenderit, tum pericula, quae suae Serenitati Electorali ter-

risque

, risque ipsius per ipsam separationem à partibus hostilibus imminebant, A.C. 1701
 , tum quanti interlit Regis ac Reip. vicinum Principem justis devincire
 , modis tum in primis quanta, quamque utilia Regi, Regnoque Poloniae
 , per effectivam & actualem armorum conjunctionem præstare sua Sere-
 , nitas Electoralis deinceps possit tam belli, quàm pacis tempore.

II

„ Etiam hanc ob causam Pacta hæc ed sanctiora, eoque firmitus ob-
 , bligantia habenda sunt, quòd ea non isto tantum tempore, quo sancita
 , fuere à Rege Poloniae & Senatoribus ei assistentibus, sed à sequentibus
 , quoque Regibus Michaele, Joanne, & nunc regnante Augusto, quando
 , auspiciis Regni primitus iniverunt, per Commissarios ex ordine Sena-
 , torio & Equestri mandatis ad eam rem necessarijs instructos, juramen-
 , to corporali in animam Regum, qui ipsi hujus rei facultatē dederant,
 , præstito sunt roborata; imò in comitijs Reipub. generalibus anno 1658
 , habitis, re in conventibus particularibus ante propositâ, deliberatâque
 , nullo planè ex Regni ordinibus repugnante, protestante, aut contra-
 , dicente, sed omnibus unanimiter consentientibus, lege publicâ appre-
 , bata & confirmata.

III.

„ Tabulis etiam publicis inserta.

IV.

„ Insecutis dein anno 1660 Pactis Olivenfisibus repetita. Nec minus

V.

„ Ordines Prussiae Brandenburgicae non solum Pactorum Olivenfisium
 , articulo VII. hisce verbis: sua Regia Majestas atque Respublica Poloniae
 , hoc ipso exolvunt Status Officiales, omnesq; Prussiae Ducalis subditos pri-
 , ori juramento, quo hactenus illis obstricti fuerunt.

„ Sed postea quoque per Commissarios anno 1663 à Rege & Reipub.
 , Regiomontum missos à dependentia & jurejurando, quibus eo usque Re-
 , gi & Regno Poloniae, seu Domino suo directo devincti fuerant, exoluti,
 , atque cum plenaria subjectione ad Domum Electoralem Brandenburgicam,
 , quamdiu quisquam ex Friderici Vilhelmi descendantibus masculis reliquus
 , fuerit, remissi sunt. Quâ occasione

VI.

„ Nova formula homagij, quod ordines Prussiae Brandenburgicae (1)
 , Principi suo Supremo & Territorij Domino & (a) in eventum saltem ca-
 , ducitatis Regi, ac Regno Poloniae præstarent, introducta & recepta fuit.
 , Et Principi quidem ac Domino suo supremo Electori nimirum Brande-
 , burgico, quovis tempore successuro status jubebantur, sequenti jurejuran-
 , do se obstringere.

„ Ego N. promitto, atque juro me Serenissimo Principi ac Domino,
 , Domino Friderico Vilhelmo Marchioni Brandenburgico, S. R. I. Archi-Ca-
 , merario, & Electori, tot. tit. Electori atque Domino meo Clementissimo,
 , suæque Serenitatis Successoribus, juxta tenorem Pactorum Velaviensium,
 , ceu soli legitimo & immediato meo hæreditario, ac Supremo Duci Prus-
 , siæ fidem ac obedientiam præstiturum, suæque Serenitatis Electoralis, e-
 , jusque Hæredum salutem & commoda promoturum, ejusdemq; ac ipsius
 , terrarum, ac subditorum detrimenta ac incommoda pro virili mea parte,
 , & quantum in me situm est, anteverfurum, præmoniturum, ac submo-
 , turum, sicuti fidelem, probumq; subditum decet. Meque nullâ prorsus
 , re, quameunque humani vis ingenij cogitando reperire queat, ab hoc a-
 , nimo abductum aut impeditum iri, omnia fideliter & sine dolo. Ita me
 , DEUS adjuvet post IESUM CHRISTUM! Regno verò Poloniae hæc ju-
 risju-

A.C. 1701, iurjurandi formulâ ordines Prussici jussi sunt se obstringere.

„ Ego N. juro etiam, quod existente casu, quo suæ Serenitatis Electoralis Hæredes, ex ipsius sanguine procreati, non amplius futuri sint, adeoque tunc possessio Ducatus Prussiae ad suam Regiam Majestatem & Regnum Poloniae redierit, Ego tunc & non citius juxta tenorem tractatum inter suam Regiam Majestatem, & Serenitatem Electoralem die 19 Septembris 1657 initum Regiam Majestatem, Regesque successuros & Rempub. Poloniae, pro solis legitimis, & immediatis Dominis meis perinde, ac reliqui Regni Indigenae, agnoscam. Ita me DEUS adjuvet

„ Qui utramque hanc iurjurandi formam inter se conferre voluerit, facile in hæc duo capita nobiscum consentiet.

„ (1) Vi istius iurjurandi præsentis hoc tempore, & quamdiu Electoris Friderici Vilhelmi posteritas durabit, eam solam summum Dominum Prussiae Brandenburgicæ esse, &

„ (2) Indigenas Prussiae Brandenburgicæ tunc demum, quando Electoris Friderici Vilhelmi descendentes masculi desinent, neque id citius Regnum Poloniae pro Domino suo debere agnoscere; quamdiu verò quisquam istorum descendendum superfuturus est, dominium, quod Regnum Poloniae in Prussiam Brandenburgicam olim, cum nexus Feudalis adhuc duraret, habuit, sublatum abolitumque esse.

„ Monendum hic simul est, ista iurjuranda non à sola aula Brandenburgica propriâ authoritate, & clanculum ita concepta ac formata, aut clam absque rescitu Regni Poloniae præstita esse. Minimè id quidem, sed mutatio ista facta est, & juramenta dicta jam ratione sunt præstita, consentientibus, approbantibus, ac præsentibus Commissariis ad istum homagij actum, à Rege & Repub. delegatis, fueruntque hi Commissarii in primo, quod post obtentam supremam potestatem anno 1663 Electori Friderico Vilhelmo præstitum est homagio Dominus Joannes Stephanus Wydzga Episcopus Varmiensis, & Dominus Joannes Comes in Leszno Leszcynski Pro-Cancellarius Regni & in secundo, quod post mortem Patris filio Friderico anno 1690 tum Electori nunc Regi præstabatur, Dominus Hieronymus Lubomirski S. R. I. Princeps Curiae Regni Mareschalcus, & Dominus Stanislaus Szczuka Referendarius Regni.

„ Quomodo ergo rebus his comparatis, ullo argumento probabili dici potest: Prussiam Brandenburgicam etiamnum esse Reipub. Poloniae dominium & hæreditatem? Ejusve proprietatem, ac dominium directum ad Rempub. Poloniae pertinere? vel hanc Prussiae partem (ut non nemo loquitur) ex sola tantummodo benevolentia Domui Brandenburgicæ hætenus esse permissam?

„ Diversi planè tenoris est articulus V. Pactorum Velavienſium jã supra insinuatus, qui expressum discrimen instituit inter jura illa, quæ Domui Brandenburgicæ olim in Prussiam competeabant, & ista, quibus vi istorum tractatum ex eo tempore, & deinceps gaudere debet.

„ Quæ olim in Prussiam habuit Domus Brandenburgica jura hisce verbis indicantur.

„ Ducatum Prussiae, quem Serenissimus Elector olim jure Feudi possidebat.

„ Illa verò jura, quibus ex eo tempore, ac porro Domus Brandenburgica in Prussiam frui debet, sequenti modo sunt expressa: ipse deinceps, & descendentes ejusdem masculi omnes, donec quisquam supererit, jure supremi dominij, cum summa absolutaque potestate, sibi habebunt, possidebunt, regentq; absque omnibus antehac præstitis oneribus.

„ Concessa igitur, atque tradita Domui Brandenburgicæ per Pacta æterna, jam sæpius memoratâ hæc in Prussiam Brandenburgicam potestate, ac dominio

, dominio, nullâ prorsus ratione Feudalitas, ac dependentia, qua ista Prussiae A. C. 1701
 , pars, Poloniae adhuc innexa dicitur, cum ea conciliari, nec verba reperi-
 , ri possint, quæ clariùs istis ipsis doceant, dependentiam istam ac Feudali-
 , tatem veterem, quamdiu Electoris Friderici Vilhelmi descendentes mascu-
 , li adhuc supersunt, sublatam, extinctam, atque abolitam esse &c: Quoniam
 , de Domo Brandenburgica in articulo, cujus aliquoties jam mentio facta est,
 , dicitur: Quod Prussiam Brandenburgicam jure supremi dominij sibi habere,
 , & eam cum summa, absolutaque potestate regere debeat &c: consequitur
 , eam in Dominio & Patrimonio alieno esse non posse. Rem etenim aliquam
 , jure supremi dominij sibi habere, nihil aliud est, aut significat, quàm esse
 , ejusdem Dominum aut Proprietarium, quamvis ista proprietas ac domini-
 , um existente certo casu tollatur, & ad alium devolvatur, quòd tamen an-
 , tequam casus ille accidat proprietati ac dominio ejus, ad quem, istud tan-
 , tisper pertinet, ne hilum quidem derogare, aut detrudere potest.

„ Paëtis equidem Bydgosstiensibus hæc verba inserta sunt: *Quòd ex tra-
 dito à Republica Polonia Electori Friderico Vilhelmo, ejusq; descenden-
 tibus, absoluto dominio non sequatur perpetua Feudi alienatio.*

„ Nec id à quoquam negatur, interim ex eo pronâ justâque interpre-
 , tatione necessariò sequitur factam esse paëtis Bydgosstiensibus alienatione
 , Feudi temporariam, quâ videlicet nexus Feudalis, & ex eo oriunda de-
 , pendentia, quamdiu Electoris Friderici Vilhelmi posteritas mascula super-
 , stes erit, sunt abolita adeo, ut non nisi extinctâ istâ posteritate debeant
 , reviviscere, & hoc est, quòd à Domo Brandenburgica tantummodo urgetur,
 , quippe, quæ saltem ad id usque tempus, quo Friderici Vilhelmi descenden-
 , tes masculi extabunt, summam, absolutamque in Prussiam Brandeburgi-
 , cam potestatem ex clara æterni fœderis dispositione, adeoque jure opti-
 , mo sibi vendicat, & adferit.

„ Quòdli ergo hæc omnia immoto fundamento nituntur, sicuti per
 , hætenus dicta & deducta evidentissimè est demonstratum, sique Electro-
 , ris Friderici Vilhelmi posteritas quamdiu eam durare propitia fata siverint,
 , Prussiam Brandenburgicam cum summa absolutaque potestate possidet ac re-
 , git, consequens est, ut ei quoque liceat titulum Ducis supremi, quo hæ-
 , tenus Prussiam suam complexa fuit, in nomen ac titulum Regis mutare,
 , eumque ritulum Regium ab alijs sibi datum atque oblatum acceptare, si-
 , quidem

„ 1. Hæc agendi libertas & facultas in tradito per Paëta Bydgosstiensia
 , supremo dominio, summaque ac absoluta potestate, simul comprehensa est
 , &c. Quæ enim quæso plena summa, absolutaque potestas ea esset, quæ
 , facultate novos honores sibi adrogandi, & ab alijs oblatos acceptandi sit
 , destituta? Merito sanè censendum est, istâ verborum emphasi contineri
 , omnes actus, quoscunque unquam Princeps summus ac independens in suis
 , terris exerceat, qui quidem nec in sese injusti quicquam habeant, nec ju-
 , ribus aliorum quæsitis, ullo modo derogent; quorum utrumque de as-
 , sumpta in Prussia, regali dignitate dici nullâ ratione potest.

„ Quod verò temporibus tam antiquioribus, quàm nuperis hi, qui in Re-
 , gione aliqua supremum dominium cum summa absolutaque potesta-
 , te habuerunt, Domini, Ducis, Comitis, vel alio ejusmodi titulo, pro-
 , pria authoritate pro suo libitu deposito, illius loco Reges sese nominave-
 , rint, Regiumque diadema sibi imposuerint, omnibus, qui historiarum non
 , prorsus sunt expertes, constat.

„ Quamvis enim ex aliquot sæculis Imperatores, horumque exemplo Ponti-
 , fices Romani, certum quoddam jus appellandi Reges arrogaverunt, mul-

A.C.1071, ta tamen exstant exempla diversorum Principum, qui etiam ab isto tempore nulla Imperatoris vel Pontificis Romani authoritate, sed virtute tantum supremi in terras suas Imperij, ac summæ absolutæque potestatis sumpto Regio titulo, coronari sese fecerunt. Castilia, Portugallia, & exigua, Algarbiæ Regio, Arragonia etiam, hæc ratione è comitatibus Regna fuere facta, & qui in illis terris rerum potiebantur, ipsi sese non adminiculante aliorum authoritate, solius summæ potestatis sibi competentis vi in Regiam dignitatem evexere. De Hybernia notum est, eam ante sesqui sæculum adhuc dominium Hyberniæ fuisse dictum, quo titulo deinde Rex Angliæ, Henricus XII propriâ authoritate mutato Regem Hyberniæ sese appellavit nullo alio jure, quàm vi competentis sibi in istam Insulam supremi, absoluti summique domini, quibus omnibus Domus Electoralis Brandenburgica perinde ac simili prorsus modo ac mensura in Prussiâ suam gaudet.

„ Et quo tandem jure, quove prætextu sustineat quisquam supremo, absolutæque potestatis Principi obniti, quo minus novum titulum jure assumat, & ab alijs summæ potestatis Principibus sibi ultro oblatum, & quo isti eum judicare dignum, admittat, eoque utatur.

„ Cum ergo diversi potentissimi, maximique Europæ Reges, Electores & Principes, intra & extra Imperium Romanum, diversæ liberæ, potentesque Respublicæ, & qui primo loco nominandus erat, Imperator ipse, qui gloriosissimorum suorum Antecessorum exemplo, nec sine fundamento circa jus renunciandi Reges sibi prærogativam aliquam sumit, ultro declaraverint atque obtulerint sese Electorem Brandenburgicum deinceps pro Rege habituros, ac agituros, omnesque eum ejusmodi dignitate connexos honores pari cum reliquis Europæ Regibus ratione, non habito ullo inter illos, ipsumque discrimine, exhibituros, tum legationibus solennibus re ipsa exhibeant, ipsius legationes suis in aulis, seu Regias recipiant, atque colant, nec præterea ulla in re eum eo aliter, quàm cum reliquis Regibus Europeis agant, sicut hoc toti terrarum Orbi nunc certum est, ad exploratum. Quæ quæso æqui justivè specie quisquam hinc obnitatur, contradicat suæ Regiæ Majestati Prussicæ, lites moveat, eique ne oblatos honores sibi honores novos acceptet, sit impedimento aut remoræ.

„ Cæterum reperiuntur per Poloniam nonnulli, qui Electori Brandenburgico titulum Regis fortè non invideant, verum hoc habet illos sollicitos, quòd sumpto Prussicæ Regis titulo, ea res fraudi ac detrimento Regno Poloniæ cessura videatur.

„ Hanc autem sollicitudinem supervacaneam prorsus esse, Reique Polonorum publicæ suscepto ab Electore Brandenburgico titulo Regis Prussicæ neque in præsentiarum re ipsa quisquam præjudicari, nec secuturis temporibus aliquod præjudicium aut damnum hac ex re enasciturum, aut nasci posse jam ulterius demonstrabitur. Quem in finem hoc inprimis tantum certum & indubitatum est ponendum; novum titulum, quem Elector Brandenburgicus hac mutatione nanciscitur, non esse titulum novi juris, sed tantummodo novi honoris ac dignitatis, hoc est, quòd postquam, qui hætenus fuit Dux Prussicæ, deinceps Rex Prussicæ appellabitur, majoribus ille quidem honoris ac titulorum ornamentis insignietur, exempli causa: loco Serenissimi deinceps Serenissimus & Potentissimus dicatur, & pro isto affamine: Serenitas vestra Electoralis, ipsi Regia Majestas vestra scribetur; ita tamen, ut ipse, & quotquot post eum ex posteris ipsius Reges Prussicæ futuri sunt, & nominabuntur, ampliora ac pingviora jura ex eo accepturi, aut captaturi non sint, aut captare possint, quàm illa fuere, quibus antea per illum temporis tractum, quo tantum Supremus in Prussia Dux appellatus est, vigore Paſtorum Poloniam inter & Domum Brandenburgi-

, débürgicam constitutorum usus est, siquidem eorundem pactorum vinculo A.C. 1701
 , lo deinceps, ut antea tenebitur, novaque hæc dignitas, ne minimum
 , quidem jus, fundamentum, aut prætextum suppeditat à pactis istis rec-
 , dendi, minimè omnium verò infestis quicquam contra Rempubl. Poloniæ,
 , Prussiamque Polonicam suscipiendi, Prussiam istam Polonicam, vel inte-
 , gram, vel aliquam ejus portionem suam redigendi, jus Successionis, quo
 , Resp. Poloniæ (si contingat Electoris Friderici Vilhelmi descendentes ma-
 , sculos desinere) Prussiam Brandenburgicam ad sese revolvendam expectat
 , ambiguum reddendi, Reip. Poloniæ auxilia in certis casibus mittenda re-
 , cusandi, aut aliud quicquam moliendi, quo Respub. Poloniæ, Provinciæ-
 , que ac Regionis eidem unitæ & incorporatæ, ut loquuntur, aliquâ ratio-
 , ne lædi, aut injuriâ ac molestiâ affici possint. Ita enim omnia paritem, ac
 , antea valorem, ac obligandi vim retinebunt, nec ulla hic suscipitur muta-
 , tio. Simul ac etiam Regia sua Prussiæ Majestas certior facta est, indulge-
 , ri a nonnullis per Poloniam hoc ob negotium suspitionibus, misit ea suo,
 , quem Varavia habebat, Legato specialem suâque manu subscriptam as-
 , securationem, quam ille ubique locorum divulgaret, actisque traderet in-
 , ferendam, quæ sequentis est tenoris.

NOS FRIDERICUS III. DEI gratiâ Elector &c. Omnibus,
 quorum interest notum facimus, cum titulum & dignitatem
 Regalem, quibus ante plura secula fulgebat Ducalis nostra Prus-
 sia reassumendum meritò censeamus, nihil ex hac Majestatica præro-
 gativa Prussie nostræ, quæ nunc Ducalis appellatur præjudicii infe-
 rendum, nec inferri posse juri ac possessioni Regalis Prussie, quâ Seren:
 Rex & Respub. Poloniæ gaudent, neque ullam in eandem Prussiam
 Regalem prætensionem, à nobis ac successoribus nostris inde vindican-
 dam. Pacta quoq; Bydgosiensia perpetui fœderis inter S. R. Maje-
 statem, inclutamq; Remp: & nos inita præcipuè verò articulum VI,
 quo cautum est: ut deficientibus masculis ex linea legitima Divi quon-
 dam Domini Parentis nostri descendantibus Seren: Regibus, Reipub:
 Poloniæ jus suum integrum in altè memoratam Prussiam Ducalem
 reservetur plenè, ac sacrosanctè servanda neq; ullatenus vel in toto;
 vel in parte à nobis successoribusq; nostris infringenda, ac violanda.
 In quorum fidem &c Colonia 8. Junij 1700.

Quinimò ut Sua Regia Majestas, sinceram, nihilque commodi,
 vel cum minima Nationis Polonicæ injuria sibi quærentem animi
 sententiam testaretur, super eadem ulterius sese aperuit, ac pollici-
 ta est, uti sequens explicabit declaratio.

NOS FRIDERICUS DEI GRATIA REX &c. Notum testa-
 tumq; facimus, omnibus quorum interest, aut quomodolibet in-
 teresse potest. Cum Regium Diadema, quo olim Prussie hujus
 nostræ Domini decorabantur, nuper postliminio quasi nobis reimposi-
 tum sit, & inter ceteros Europa Reges, Regia huic nostræ dignitati
 applaudentes, Seren: & Potent: Poloniæ Rex, Frater noster charissi-
 mus, facta eidem eâ de re notificatione, non per literas tantum, sed
 per suum quoq; ad nos Ablegatum Extraordinarium, Illustrem &
 Magnificum Towianski, supremum Regni Pocillatorem, nos pro Rege

A.C. 1701 agnoverit, & honores dignitati huic nostra debitos exhiberi nobis fecerit. Nos cupientes omnem scrupulum, sinistrasq; opiniones, quæ inclytæ Reipub. propter, Regium quem nunc adepti sumus, titulum, forsân moveri possent, optimo plenissimôq; quo id fieri potest modo tollere, & submovere eum in finem non tantum R. S. Majestati certas extradiderimus literas Reversales tenoris sequentis.

Sequitur Asscuratio jam supra inserta.

Sed pro majori etiam prelaudatæ Reipub. securitate denuo promittendum eidem duxerimus, prout hisce fide verboq; nostro Regio pro Hæredibus successoribusq; nostris futuris in Prussia spondemus, & promittimus, nos non tantum ea, quæ prædictis literis Reversalibus, quarum novum exemplar, omni, quo id desiderabitur tempore Reip. exhibebimus, continentur, sanctè servaturos, & Regia, qua nunc gaudemus, dignitate, nunquam & sub nullo pretextu ita usuros esse, ut exinde quicquam, quod Reipub. damnosum, pactis, quæ eandem inter & nos intercedunt, contrarium aut ad præsentem Reip. statum ulla-tenus immutandum, juraq; imminuenda pertinet, provenire possit. Quin potius, si hæc declaratio nostra cuiquam haud sufficiens videatur, de majore etiam securitate inclytæ Reipub. circa hanc dignitatem nostram præstanda, cum eadem eo modo usq; conditionibus conventuros esse, ut exinde novum arctiusq; bonæ vicinitatis, amicitiae, mutuaq; salutis invicem procuranda vinculum stimulusq; exurgat. In quorum omnium fidem. Dabantur Regiomonti 21. Febr. 1700.

„ Neque verò titulus Regis Prussiae, quo Elector Brandenburgicus jam claret, eum unicuique effectum habere potest, ut isto jus in Prussia Brandenburgica succedendi, quod in casum caducitatis Regno Poloniae reservatum est, non dicam, tollatur, sed ne minimâ quidem ratione imminuatur, aut infringatur.

„ Ubi gentium reperietur Regnum, in quo successiones non sint in certos casus ad certas pactorum regulas restrictæ? quâ nimirum ratione, à familia in familiam, vel à natione in nationem debeant devolvi, eadem ratione, qua successioni in Prussia Brandenburgica per leges Pactorum Bydgosstiensium inter Poloniam & Domum Brandenburgicam inviolabilis modus præscriptus est.

„ In Regno Angliæ eo tempore, quo præsens Rex Vilhelmus in solium subvehebatur, constitutum est, ut si illi ex conjugæ Maria, quam tunc habebat, nulli nascerentur Hæredes, hujus soror succederet, & Regis proles, quam forsân ex alio conjugio suscepturus esset, sorori Reginae, Principi Annæ, ejusque descendens in successione posthaberetur. Electrix Brunsvicensis Vidua denominata est, quæ Principi Annæ, si contingat eam, ut & Regem Gvilielmum sine liberis vitâ excedere, in sceptri hæreditate succedat.

„ Quis autem præsentis Angliæ Regi ideo Regni possessionem labefactante, vel hanc causam, cur ille Rex vocari nequeat, allegare audeat, quod post ipsius mortem Regnum Magnæ Britanniae aliam quam suam familiam atque adeo, si ita casum fata dispensent, ab Anglica ad Germanicam nationem sit transiturum?

„ Regna, quorum supra mentionem fecimus, Neapolis & Siciliae, ut constat, sunt Feuda Sedis Romanæ. Si ergo accideret, ut ista familia, quæ

quæ illa hætenus à Sede Pontificia in Feudum recognovit, planè extin- *A.C. 1701*
 , gveretur, futurum esset ut illa Regna Possessore clientelari vasa, ad Ecce-
 , siam Romanam reciderent, Neque tamen ex hacce ratione Pontifex, aut
 , alius quispiam Regum, Principum, aut Rerumpubl. Regibus Hispaniæ, qui
 , Regnum istud hætenus possedêre, titulum Regalem unquam reddidit
 , dubium.

„ Quodsi ergo titulus ejusmodi regalis potest dari, reque ipsâ datus est,
 , ejusmodi Principi, qui in præsentiarum Vasallagij nomine alij est obnoxii-
 , us, idque vel ab ipso Domino suo beneficiario, multo minori certè jure
 , ac æquitate titulus Regis oppugnari, aut in dubium vocari potest in eo
 , Principe qui terras suas cum summa, absolutaque potestate, ceu Pæcta Byd-
 , gostiensia loqvuntur, regit, & quæ terræ tantum certò inque sinu DEI re-
 , cumbente casu, hoc est post extinctam Electoris Friderici Vilhelmi poste-
 , ritatem, quod quidem an & quando eventurum sit, valde incertum ad
 , Feudi naturam redituræ sunt, adhuc semel repetitur, novum Regis Prus-
 , siæ titulum, Domui Electorali Brandenburgicæ, si vicinos ac præsertim, si
 , Regnum Poloniæ respicias, ne tantillum quidem amplioris juris, potesta-
 , tis authoritatisque afferre, quam illa antea secundum Pæcta Bydgoſtien-
 , sia habuit, adeoque fore non tantum injustum, sed ridiculum etiam, at-
 , que impium, si is, qui Prussiae Brandenburgicæ, Regis titulo, sive nunc præ-
 , est, sive olim præerit, nomen Regium cupiditati suæ, vel latum pedem Prus-
 , siæ Polonicæ ad sese pertrahendi prætexat.

„ Distinctio illa, qua Prussia Polonica ac Brandenburgica sejunguntur
 , futuro tempore perennabit perinde, atque illa hætenus fuit Prussia Po-
 , lonica, manet, & manebit annexa Poloniæ, Brandenburgica verò Domui
 , Brandenburgicæ, quamdiu Pæcta Bydgoſtensia eîndem huic tanquam pro-
 , priam attribuunt. Regnum Poloniæ retinet suum, quod habet, jus, cer-
 , to casu in Prussia Brandenburgica succedendi. Contra verò Domus bran-
 , deburgica ejusmodi jus in Prussia Polonica succedendi, ne minima quidem
 , specie sibi potest vindicare eosdem fines, qui Prussiam Polonicam à Bran-
 , deburgica hætenus diremerunt, manere etiam in posterum necesse est,
 , Domus Electoralis Brandenburgica ante acceptatam dignitatem regalem,
 , ne vel animo quidem cogitatum jus in Prussiam Polonicam habuit, nec
 , adoptatâ dignitate regali quicquam ejusmodi in illam est adepta, quod
 , nec sibi expetit, quærit, aut affectat, quin potius agnoscit sibi vigore Pa-
 , etorum Bydgoſtensium incumbere, ut ad conservandam libertatem jura
 , ac Privilegia totius Poloniæ, Prussiaeque Polonicæ, omnem quam potest,
 , curam, studium, & diligentiam conferat.

„ Consideretur & expendatur quæso, titulos Imperatoris, Regis, Ele-
 , ctoris, Principis, Ducis, Marchionis, Comitis & Domini meros esse titulos
 , honoris, perque illos ne in eam quidem Regionem, in qua Supremus Ma-
 , gistratus ejusmodi nomine effulget, multò verò minus in ipsius vicinos &
 , exteros, certam quandam potestatis aut jurisdictionis speciem significari,
 , aut acquiri. In populo Romano sæpe emergere Magistratus, qui sub nu-
 , do Principis nomine veros sese præstitère tyrannos & alibi Reges eluxère
 , qui veri Patriæ Patres fuerunt, præsentibus quoque temporibus reperi-
 , untur Reges, qui in suis ditionibus, ne tantâ quidem potestate, quantâ
 , alibi vel comes in suo comitatu pollet.

„ Quare ergo nomen Regium in Domo Brandenburgica adeo cense-
 , tur formidandum? & quas ob causas isto audito deflectuntur animi in ne-
 , scio, quas suspiciones, opinionesque sinistrores? præsertim cum is, qui in
 , ista Domo hocce titulo decoratur, ex eodem, uti supradictum est, tantum
 , novos quosdam honores, minimè verò novam aliquam, aut ampliorem

4.C.1701, potestatem, ne in suos quidem subditos, ne dum in vicinos expetit ac sibi
accommodat.

„ Omnibus mortalibus iste affectus congenitus, laudeque dignus est
habendus, ut suam quisque suæque familiæ conditionem, ac statum lauti-
orem, splendidioremque reddere satagat. Exempla aliorum Principum, qui
prius tenues titulos gessere, ac postea dignitatem regalem Domibus suis in-
tulere, nunquam eam ob causam sunt reprehensa,

„ Quis est nationis Polonæ, qui non nitatur sibi, suisque insigniorem ho-
norem ac dignitatem adstruere? Nonne hæc indoles animos erectos atq;
Nobiles à reliquis fecernit? Et cui in acceptis referet suam præ plebe præ-
rogativam Nobilitas Polona, nisi curæ illi, quâ majores illorum cupide
elaboraverunt, ut sese ab infimæ sortis hominibus segregarent, inque al-
tiorum honoris gradum ascenderent. Quo autem jure in Electore Bran-
deburgico vituperabitur illa generosioris animi indoles, quæ in alijs habe-
tur bona ac laudabilis, & in qua Imperatorem, totque alios Europæ Re-
ges, Principes & Potestates habuit, applaudentes? præsertim cum, quod
supra demonstratum est, ista cum nullius mortalium injuria aut molestia
sit conjuncta, concessis etiam sibi à Deo opibus, quibus regalem statum
debito decore ac splendore sustinere, ac ornare possit.

„ Nec offendere quendam debet titulus ille Regis Prussiæ, ac si Ele-
ctor per eundem Prussiæ totius ac imprimis etiam Poloniæ cupiat esse
Dominus &c. Minimè id verò &c. Quæ enim superius scripto huic in-
tertextæ sunt declarationes, clarè, perspicueq; testantur, non fovere
Regiam S. M. hanc animo sententiam: Præterea id se invicem minimè
consequitur, ut is, qui sibi titulum alienius Regionis adaptat, velit esse
totius Regionis Dominus solitarius, exclusis etiam alijs, qui jure sibi a-
liquam ejusdem potestatem vendicant.

„ Reges Galliæ atq; Hispaniæ utriq; utuntur titulo Regum Navar-
ræ licet uterq; certam tantum Regni Navarra portionem possideat, nec
alter in alterius partem jus ullum sibi vendicet. Reges Sveciæ ac Daniæ
utro citroq; se Regum Vandaliciæ titulo appellitant. Elector Brandebur-
gicus & Duces Megapolitani ex utraq; parte Duces Vandaliciæ dicuntur:
nec tamen ideo ullus horum Principum metuit, ne reliqui, qui secum titulum
huncce usurpant, se à jure sibi in istud Regnum, Ducatumve Vandaliciæ
competente excludere velint. Imò in ipsa Polonia reperire est quidam
Magnates, qui titulum Principis S. R. I. gerunt, quam tamen ob causam
credibile non est quenquam eorum, potestatem in totum Romanum Im-
perium sibi arrogare velle, ut silentio præteream Reges quoq; ipsos Po-
loniæ, insignioresq; Reip. Proceres, Ducis Prussiæ, istis quoq; tempori-
bus, quibus ista Regio Vasallagio Polonico subsistit, titulum Dux Prussiæ
& Dux in Prussia promiscue de hisse, probè gnaros non in hoc esse situm
rei momentum, nec Ducem ex tota Regione ideo sibi plus, quam pacta
ipsi tribuunt, vendicare posse, sive isto, sive alio alloquio compellatur.

„ Spes certa est fore, ut Polonorum nobilis natio, cujus prudentia
insigne ingenij acumen & æquitas præ alijs gentibus orbi inela-
ruit, ex ijs, quæ hætenus dicta sunt, facile prospiciat, atq; cognoscat
solicitudinem, quâ illa visa est ex acceptato ab Electore Brandenburgico
Regio titulo perturbari, inanè esse, omnemque mutationem, quæ in Re-
gnum Poloniæ inde possit redundare, in hoc solo consistere, quod Prus-
sia Brandenburgica aliàs sub titulo Ducatus, si Electoris Friderici Wilhel-
mi posteritatem masculam desinere contingat, ad Poloniam reditura,
nunc Regni titulo ornata in ipsius sinum tali casu sit revolvenda.

Quod.

, Quod si tamen contra omnem spem adhuc aliquid dubitationis, in 4.C. 1701
 , nationis Polonicae animis maneat reliquum, nulla est ex Regiae Suae Ma-
 , jestatis Prussiae parte mora, quin ab utrinque delegatis quantoque am-
 , cabile instituat colloquium, perceptisque, quae Polonia desideret, aut
 , expetat, ulterius ejusmodi proferatur declaratio, & securitatis praestatio
 , ut totus orbis, atque adeo vel illi ipsi, qui ex hoc negotio, nescio, quid si-
 , nistri extorquere, aut privati sui commodi studio Poloniam ac domum
 , Brandenburgicam excitata inter illos dissidentia disjungere allaborant,
 , convincantur novae haece dignitate a parte Regis Prussiae nihil plane qua-
 , situm, quod ad praedictum, aut detrimentum Poloniae referri possit,
 , sed Majestatem Suam in pactis Bydgosstiensibus per singula illorum capi-
 , ta sancte atque inviolabiliter perstituram, ea, quae pacta saepius laudata
 , Regno Poloniae asserunt, illibata relicturam, eamque fidem, si quidem id
 , necessitas videatur exigere, novo quodam vinculo, quantaeque id fir-
 , mitatis atque valoris in societate humana potest excogitari roboraturam,
 , atque praeterea generosae hujus nationis emolumenta, libertatem, flo-
 , rem, ac incrementum omnibus a DEO sibi concessis viribus istius con-
 , versis ac impensis quaesituram, atque promoturam esse. &c. &c.

VIII.

A. C. ZALUSKI PRINCEPS, EPISCOPUS VARM. ET, SAMB.
 AMICO CONFIDENTI 30ma Augusti Heilsbergae.

De actis Varaviae

Accepi quae scripsisti & laudes in quas te esse effusum video lon-
 ge supra meritum, & quae neque verecundiae, neque mediocri-
 tati meae convenient. Utinam verius haec, quam amicitius, in-
 dulgentiae istud est, non iudicii, & si iudicii, indulgentia tibi impo-
 nit. Nempe oculus in quem humor illapsus est, parum clare
 videt sic mens in quam amor. Novi ego tenuitatem ingenij, novi res meas
 quae longe infra illud, quod summum ac perfectum est jaceant. Quanquam
 vero ab ambitione alienus sum, gaudeo tamen, vel testimonio hoc vel sen-
 tentia, quia utrumque liberaliter erga me promissis, tam humaniter ad me,
 tam honorifice de me scribendo. Ut Ulysses apud Alcinoem nihil habet,
 quod rependat pro ingentibus meritis, praeter vota, & grates, ita ego ni-
 hil pro affectu & instructione, quam mihi circa Doctores Sanctae Eccle-
 siae mittis, nihil praeter munera animi, & gratiae mentis. Persevera inte-
 rim amare, qui te veneratur & colit.

Magnus insultus Varaviae in initio statim Comitiorum contra Sa- *Tumultus*
 xones fuit, & quamvis Rex Serenissimus declarationem suam dederit, & *in Saxones*
 spe futurorum tristitia, & dolorem leniverit quod nimirum illos expedi-
 turus sit ex Polonia, scire tamen omnino voluit conclave Nuntiorum quo-
 modo & quando haec eventura? timens ne haec fiant post decennium u-
 na cum Ulyse Delphis, scire volebant etiam quam transaturi sunt? tan-
 quam retia timentes & casses, quibus incauti implicantur, nec ante se
 captos esse sentiunt, quam dum capti; nolentes praesenti pretio emere
 spem incertissimam magisque adversos rerum exitus metuentes, quam
 sperantes secundos. Occasio arripienda dum sese offert, elapsa semel non
 redit quidquid horum sit, dies dicet. Destinavit Interim Rex Serenissi-
 mus (quem ad falsa devius error adducit saepius) Sessionem ad recon-
 ciliandas res Litvaniae quas Ignorare peregrini est, dissimulare improbi, *Sessio in*
 ubi & ego vocatus, sed in illa in vanum laboravimus, exacerbatis nimium *negotio Sa-*
 animis *piebarum*

A. C. 1701 animis contra Domum Sapiehanam. Inimicis eorum connivere apertè videtur aula, & ideo multum temporis impendimus in hac seria sollicitudine, sed nihil effectum. Inprimis volebant adversarij Dominorum Sapieharum qui fortunæ prioris affectu desiderioque tabescunt, ut ante tractatum agnoscant, quòd cum toto Magno D. Litvaniæ hic tractatus incipiat, quod videtur esse æquum, cum nullum illi habuerint pro parte sua Nuntium. Quanta rerum mutatio! quàm nescit fortuna eodem stare diu loco! quàm quidquid in alto est, labitur ingentemque trahit fors magna ruinam! Illi prius omnia regebant, vix aliquis erat ex nuntijs, qui non dependens fuisset, & nunc neminem habent. Terribilia puncta contra illos, inprimis accusabant eos, quòd tam brevi temporis spatio, tam sæpe mutarentur, non tam melioris conditionis assequendæ proposito, quàm genio quodam ab una prodicione in aliam impellente. Responsum etiam cruda, quorum copiam tibi adnecto. Permisit autem illi Republicanes Litvani, ut etiam ex Equestri ordine assignarentur ad hanc concordiam, sed tantum quasi amici partium essent, & non Cameram Nuntiorum repræsentantes. Misit Rex Dominum Episcopum Chelmsensem Nicolaum Wyzycki & Palatinum Siradiensem Piniæzek ad Cameram Nuntiorum declarando, quòd sit paratus, ut optabant, nova indicere comitia, sed illi declarationem, quando expediendi sint Saxones omnino urgebant, sed de his par fuit loqui vel non loqui.

12ma Maji magnus fuit tumultus, Dominus enim Lubomirski Santumulus decensis Capitaneus, scis bene quòd sit Nepos Palatini Vilnensis, cum inter Lubomirski & Wisniowiecki casu & fortuna congressi ad arma profilierunt, unde tota nocte motus, Serenissimus ad utramque partem suos mitti jussit pro securitate eorundem.

Ad finem in Sessionibus provincialibus conclusum est, longius si itur, extra terminos itur, & in vastum illud infinitum, ut comitia nova expedirentur, nec sibi persuaderi permiserunt, continuanda potius hæc, quæ jam inceperant, quàm nova expectanda, ob hanc præcipuè rationem, quòd Resp. videre voluit utrum defacto Saxones Rex expediet, toties in hoc puncto elusa, Fraus mendaci corrupta colore, ab occasione exequendi sui consilij intento & maluit nova expectare quàm incepta prosequi, unde justior latandi nobis causa est, quàm querendi, ita enim se habent vota hominum ad credulitatem festinantium, ut quòd optant, verum esse credant. Conclusum ergo (prætereo multa, libet enim præterire nota) tempus in Decembri & interim se expediturum promisit Rex Saxones, cui quidam credebant, quidam autem non credebant, & sic dissoluta comitia absque Electione novi Directoris.

Die 19 fecit Rex magnum convivium in Bielanis, ubi habui occasionem loquendi Regi & repræsentandi quanta & ejus & nostra esset felicitas perennis, perpetua, diuturna, durabilis, si pacem cum vicinis servare, nullumque bellum incipere vellet, ac si classica sæva tacerent; at ille malle se non vivere, quàm vivere sine gloria, unde pessimè meus divinat animus, nunquam nos pacatos fore. Nihil boni Reip. futurum prævidi divinatione quâdam, id perferutatus incertum, fata prævideri possunt evitari non possunt.

Subsequentibus diebus voluimus omnino reassumere tractatum inter partes proponentes prætensæ Reip. Litvaniæ, hoc medio ut Rex & Respub. (ut uni placere nolens, sic & alteri displicere) faciat gvarantiam & quod illi assistet parti, quæ se gravatam senserit, quæ puncta hic conclusa servare noluerit, & eo nomine declaratio Regis & Reipub. informa

ma authentica extradi debebat, ſed illi Regiſ (neq; cælum ut ajunt neq; 4.C.1701
 terram attingentes) tacita ſuperbientes protectione, nec audire pacatas
 propoſitiones unquam voluerunt, ſed etiam lædere lædiq; conjunctum e-
 rat. Ex perſuaſione igitur noſtra, palam declaravit Cardinalis Primas,
 facturum ſe nomine Reip. proteſtationem ſolennem, & Regi graviter lo-
 cutus eſt, quod nec comitia ſunt neceſſaria, & quod Reſp. debeat ſecu- *Primus Re-*
 ritati ſuæ providere, videns evidenter quid fiat. Quibus permotus Rex *gi acerbè lo-*
 ſentibiliter tactus, facto aliquo privato cum Primato & Caſtellano Cra- *quitur.*
 covienſi colloquio, iterum in craſtinum reaſſumi hunc tractatum ordi-
 navit; ſed nec hoc profuit, pleræq; res humanæ neceſſitate quâdam & vi *Tractatus re-*
 peraguntur, totaliter enim diſſolvi debuit, ob acerbias utriuſq; partis præ- *ſumitur.*
 tentiones. Dilatio ergo ejus facta Vilnam, in peſtilentia ſedes mutare li-
 cet, nullum malum ſine effugio eſt, quanquam & ibi meliora videntur,
 certè non ſperantur. Conſilium hoc tamen exitus probabit, ſæpe quan-
 doq; ea quæ ſanari non poſſunt ratione, ſanantur tempore, & poſt navi-
 gationem portus occupatur, cum ut hi turbines huiantur plurimorum
 eſt ſententia, ne dicam votum. Utinam qui poſſint, etiam velint. In cau-
 ſas non penetro, neq; etiam culpo eos, qui rebus præſunt, ſed tamen vi-
 dere mihi videor hunc ægrum, diu ſpirare non poſſe ſine celeri medici-
 na. Unde dixi Regi & Primati, non quòd volebant audire, ſed quod audiſ-
 ſe ſe ſemper volent, quia nunquam conſilia mea, & amicitia inimicitiaq;
 finem niſi bono publico metiri ſoleam, & relictis veris non apprehendo
 falſa. Commemoravi cum omni quem debeo reſpectu, ſed & libertate, ſæ-
 pius mortales in rebus humanis ſpes atq; opinionem fallere, & timendum
 ne diluendæ ignominia cupidi, non tantum ſua tueri, ſed & aliena aggre-
 di, non præſumant, & proinde ſopienda hæc ſcintilla quantocius, occasio
 negotij huius finiendi non omittenda, ne nullum remedium perditis re-
 bus eſſe cernentes, ad hoſtes deſciſcant, lentè cum trahitur vita gemen-
 tibus, & poſt læſæ opinionis damna fleamus, magnæ hæc non ad morbum
 modo Reipub, verum ad interitum quoq; cauſæ, nemo tam timidus eſt
 ut malit ſemper pendere, ſemper cavere, quàm ſemel cadere, ne poſt, dū
 à volentibus nequeunt, ab invitis juſ expetant, cum vitam & milerias ha-
 bere difficilis ſit labor. Pluraq; quæ venerant in mentem & linguam, ni-
 hil enim erat modò quid boni ſperarem, ſed vix ea quæ auderem optare.
 Scimus illos ſecunda nunquam moderatè tuliffè, quomodo credere poſſu-
 mus, quod hanc non ſolum adverſam, ſed etiam everſam funditus fortu-
 nam fortiter ferre poterunt? cum quidquid ſiniſtri cadere in homines po-
 teſt in ſe cecidiſſe queruntur, cum domum quo tramite revertantur igno-
 rant, deſiderantur autem quæ abſunt. Cur hoc tempore iras & injuria-
 rum memoriam reſuſcitamus quo maximè ea deponi deberent? Similia e-
 go dicebam & loquebar ex anima, cum ingenium non ſit mihi fictum, te-
 natus, cuncta qui ſpectat, DEum, non me ea alio dicere motivo, niſi pu-
 blici & Regij boni vero & ſincero zelo, ſed videns ſurdis fabulam narra-
 ri, nolui effundere ſermonem ampliùs, ubi non erat auditus, imò conſi-
 derans quòd reſidentia mea Varſavienſis publico inutilis erat, redij domū
 & hic ago quæ debeo in cura paſtorali. Accipio alias tuas hoc momen-
 to dum hæc finio & ſic occupari te non excuſo tantum, ſed laudo, eni-
 tendum tamen ut è curis & occupationibus innoxia hilaritate emergas,
 teq; ſaltem pro horulis aliquot in portum recipias, mihiq; dones, ſed præ-
 ſentia tuæ accedat alia gratia celeritatis, niſi facias, decimam muſam
 habeas in omne ævum iratam, nam te videre cupio, opto, exopto, uti-

A. C. 1701 nam quantocius, ut sermones misceam. Videam, audiam, discam.

Adnecto tibi quasdam copias, veræ ne sint, an falsæ, nescio. Tempus cebit.

COPIA LITERARUM REGIS SVECIE AD CARDINALEM
PRIMATEM, ex Castris propè Bautske die 30. Julij.

QUæ nobis à Rege Polonia contra pacta, iurjurandum, datamq; fidem illata sit vis, atq; injuria, quantumq; damni & lesionis eò ipsò vestra perpeffa est Respublica, notius Eminentia Vestra est, quam ut ijs recensendis immorari opera ducamus pretium; Certi Eminentiam Vestram ista dudum omnia æquo considerasse animo, atq; agrè tulisse, cum viderit Reip. neq; pauca, neq; exigua enata fuisse incommoda, ex bello, quod, eâ tamen insciâ, atq; invitâ, & sine ulla dissensionis causa ceptum, gestumq; est. Speramus itaq; E. V. & haud levi fuisse letitia ac delectamento, cum insignem inaudiverit, quam ab hoste nostro fœdifrago, Summi Numinis auxilio nuper reportavimus victoriam: quâ tam feliciter casus fugatusq; hostis fuit, ut incertum sit, turpior ne fuga nunc ejus, an iniquior terrarum nostrarum invasio fuerit. Non solum liberata sic est incursionibus ejus hostilibus Livonia, sed etiam multum commodi & emolumentum vestra allatum Reip, quippe quæ hinc spem certam concipere potest, se à multis, magnisq; imminentibus periculis, nec non jura, ac libertatem ejus, à minitante oppressionem ac interitum usurpatione vindicare hac occasione optimè posse. Perpendite rogamus, bellum hocce citra Reip. consentum, ut credere fas est, susceptum, nec non aliorum consilijs, quam qui Reip. non bene cupiunt, decretum, gestumq; esse. Quin & Rex Vester secreta cum alijs Potestatibus percusserat fœdera, & tractatus confecerat non paucos, quorum nec habuit notitiâ Resp, nec bono publico, & scopo ejusdem saluari erant adequata; pro libitu disposuerat, quæ è diametro cum Senatus-consultis, & Reip. pugnant constitutionibus; Pacta conventa eludere quo vis modo & artificio satagebat, curamq; adhibebat maximam, quo inter præcipua Regni Polonici membra, atq; concives discordias, & internecina odia concitaret, & aleret. Ex quibus omnibus, alijsq; quibus supersedendum nunc putamus, luce meridianâ evadit clarius, nihil Regi vestro fuisse deliberatius quidquam, quam formidandas sibi acquirere utrinq; vires, debilitare cives, & Regni incolas, eorum atrectare paulatim jura, constitutiones publicas perrumpere, ac destruere, & supremum tandem arripere cum Reip. eversione arbitrium atq; dominium. Hocce immoderatum vasti animi deslinatum nunc quidem nostrâ victoriâ existimari potest quodâmodo repressû. Sed artibus ejus non confidendû, tempestivis consilijs, fortibus remedijs, ac citâ executione opus est, si salva Regni jura, & incorruptâ libertatem V. cupitis. Dubio enim caret, postquam in animam semel induxerat absolutum regimen sibi vindicare, ne conceptâ spe suâ magnisq; ausis excidat, nihili eum quidquâ relicturum intentatum, quo illud perficiat; nihil pensi habens, si finis, quem

quem sibi proposuit, obtinendi gratiâ, & totam Remp, & præcipua e-a. C. 1701
 jus membra noxa & interitui immolaret. Huic igitur malo maturè
 præsciendando medium accommodatius vix adhiberi potest ullum, quam
 si Rex iste throno quàm primùm dejiciatur, quippe quò se infractæ tor-
 ties legum & jurata capitulationis fide reddidit indignum. In quo cum
 non minus Reip. Vestræ, quàm nostræ posita sit securitas, non possu-
 mus non huic rei perficiendæ summopere insistere. Neq; quisquam re-
 rum peritus Rempub. propterea iniquitatis accusabit. Accusabit enim
 fortassis posteritas nimia lenitatis, ac imprudentiæ, si id infectum re-
 liquerit, nec nobis imputari poterit culpa, si necessitate adacli hostem
 nostrum persecuti fuerimus, ubicunq; ipsi securitas & sustentatio con-
 tingat præstari. Cum satis superq; constet nobis nihil magis in votis
 esse, quàm ut quies duarum Nationum quas nativa quadam & per-
 petua communis utilitatis ratio propiori amicitia nexu conjunxit, quan-
 tum in nobis situm est, non perturbetur. De hac re tota in literis no-
 stris ad Remp. perscripsimus prolixius, quas opportuno tempore tra-
 dendas Eminentia Vestræ commendamus. Simulq; ab ea benevolè &
 amicè contendimus, ut iisdem pondus authoritatis suæ, summaq; quâ
 pollet prudentiæ, & consiliorum dexteritatem adungere non grave-
 tur. Quod si fiat, nulli ambigemus, quin & vim habeant efficacissi-
 mam, & nobis optatum adveniat quantocytus responsum. Si quid o-
 pis & auxilij à nobis desideretur, lubentes promittimus. Nos præsen-
 te nunc exercitu nostro, eidem Reip. pro rei exigentiâ adfuturos, nec
 immemores erimus, aut æli, aut laboris ab Emin. V. præstiti, aut te-
 stificandi erga eam quacunq; occasione grati animi, Regiæq; nostræ be-
 nevolentia. De cætero Eminentiam Vestræ divina tutela commen-
 datam, & quàm diutissimè incolumem cupimus. Eminentia Vestræ
 benevolus amicus.

Carolus.

COPIA LITERARUM REGIS SVECIAE AD ORDINES RE-
 GNI POLONIAE, ex Castris propè Bautskie die 30. Julij.

R Eipublica Vestræ ignota esse non potest insignis victoria, quam DE-
 us justus iniquitatis vindex contra hostem fœdisfragum Regem
 Poloniae nuper nostris concesserat armis. In conspectu scilicet ho-
 stis Dubnam fluvium die 9. mensis presentis cum parte exercitus no-
 stri feliciter trajecimus; nec morabantur transitum, aut quæ in op-
 posito littore locata erant copiae, aut quæ prope ripam decurrentis di-
 cti fluminis in locis opportunioribus erecta fuere multo labore valla,
 varijque generis munimenta fossis circumsepta & sudibus. Verùm ho-
 stem ipsum, cujus nos more militari instructa excepit acies ita proflig-
 avimus; ut in fugam coniectus post se coactus sit relinquere castra
 sua, tormentaque nonnulla bellica, tum tentoria atq; supellectilem
 castrensem aliam, inharebamus quidem mox, quantum fieri potuit,
 fugientium tergis, tam celeris autem eos abstulerat fuga, ut assequi eos
 fuerit impossibile. Omnes verò in Poloniam se recepisse viâ, quâ cla-
 psi

A.C. 1701 pfi sunt, ut publico confirmatur rumore. Quod, cum ita sit, facile nobis in memoriam revocamus arctissima fœdera nos inter & Rempub: vestram inita, quæ etiamnum sarta tecta servare serio cupimus, quatenus à parte vestra non fuerint interrupta, quod hac ratione fieri potissimum posse censemus, si quocumq; nomine, aut pretextu impij belli contra nos sine ulla causa à Rege Vestro suscepti vos reddideritis participes, id quod tamen speramus, à vobis eò magis fore alienum, quò firmiorem habemus in perspecta equanimitate vestra ac prudentia singulari repositam fiduciam, vos haud temerè immutatuos pristinum animum colendi sincerè mutuam, & pactis multoties stabilitam inter nos amicitiam, fidamq; viciniam. Cum autem Rex Polonia tam gravibus & atrocibus nos affecerit injurijs, tamq; perfidè nobiscum egerit ut neq; dolori justo nostro, neq; securitati utrinq; nostra satisfacere reputemus, nisi throno quo se se reddidit indignum, dejiciatur, quippe qui tam multa edidit, & abominanda violata fidei, contemptiq; jurisjurandi documenta, ut in promissis, pactisq; ejus nulla locari amplius securitas, aut fiducia possit. Equum itaq; non minus, quàm necessarium esse duximus, vobis hisce consulere, ut Regè vestrū ad abducendum primò extra Polonia fines peregrinum militem adactō, coronā, quā abusus est, abq; mora privetis, deq; novo sitis solliciti eligendo Rege, quo cum pristinam amicitiam fœdusq; æternum renovare ac colere tutò possimus. Quod ni fiat, haud iniquum reputari debet, si copie nostræ Polonicos transgressa limites hostem nostrum, ubicumq; sit, persequi perrexerint; utpote quod jura omnium gentium sinunt, & ipsa ratio licitum esse dicat. Prius istud cum vestra etiā conjunctum esse salute & conservatione non obscure cognoscetis, si perpendere intimius velitis, quàm indignè Rex iste vos, legesq; Reip: vestræ fundamentales toto Regni sui tempore habuerit. Quid enim, quasumus, intentatum reliquit? quo jura ac libertatem vestram everteret, sibiq; arrogaret summum ac supremum rerum vestrarum arbitrium. Inter bona libertatis vestræ precipua sunt & pretiosissima belli ac pacis jura, hæc ita attrectavit, usurpavitq; ut veritus haud sit bellum in nos decernere, non modo inuitā, & insciā, ut opinamur, Rempub: Vestrā, verum etiam contra Pacta solennia Oliuensia cum eadem pariter ac Rege conclusa. Et quanquā per præcautiones tēpestivas declinari ea artes in præsentiarum possint, in posterum tamen nequaquam eisdem confidendum. Nihil enim intentatum relinquet, quod inter Reip: Vestra membra, & concives semina serere discordiarum, & eos inter se commiscere possit, Potentioribusq; sic mutuā contentione debilitatis, atq; consumptis, omnes illaqueet, nec non nescijs hucusq; cogit cervicibus fœdum servitutis jugum imponat. Nemo itaq; constitutionum Poloniarum gnarus improbabit unquam, si Resp: U. cum throno suo judicaverit indignum, qui precipua jurata capitulationis capita toties fregit, atq; opprimere studuit. Quin & pro virili annixus est bello injusto ac periculoso implicare Rempub, sibiq; jura ejusdem vindicare,

dicare, tam inquieta & noxia semper fovens destinata, ut non potuerint non in destructionem legum vestrarum, in oppressionem vestra libertatis, exitialemq; prorsus Reip. Vestra interitum vergere. Ut igitur animi vestri sensa super hacce nobis aperiatis quantocius, cernere rogamus. Interea adversus hostem nostrum, utpote pactorum, amicitia, conventionum, consanguinitatis, & æquitatis nullum respectum habentem ad ultimam juris rationem, quæ vim vi propulsat, confugiendum censemus, freti iustitiæ causæ nostræ, & ope Divinæ, quæ nobis contra hostis ausa quæcunq; & molimina scutum erit, & munimentum tutissimum. De cætero quævis fausta & prospera ex animo aprecamur.

COPIA LITERARUM REGIS SVECIE AD ILLUSTRIS. D.
SUPREMUM M. D. L. EXERCITUUM DUCEM,
ex Castris propè Bautskie 16. Aug. 1701.

Attulerat nobis Excellentia Vestra Nuntius literas ejusdem Tykocinij datas, quibus testari placuit, quod inter hos motus (quorum temerarius non minus, quam impius Author Rex ipse Polonia censeretur debet) inclyta Vestra Respub. inconcussam nobiscum alere amicitiam fidemq; viciniam colere constituerit. Quod cum nobis gratum cognoscere, nos semper fuimus initorum fœderum datæq; fidei religiosi observatores adeo ut in eo nulli hucusq; locum fecerimus querelæ, ita quoq; in posterum providebimus, ne à parte nostra quidquam admittatur, quod pro infractione pacis veterumq; pactorum violatione reputari jure possit, nisi contrario aliquo ipsius Reip. conatu ad id fuerimus coacti. Cum autem mentem nostram hac in re amplius Illustri Reip. exponi jam nunc curavimus, ejus itaq; responsum quantocius expectamus eoq; reddito adequatas inibimus rationes presentium rerum statui, nobisq; eo acceptior erit Reip. declaratio, quò magis communi securitati ac bono congruo intelligatur. De cætero ut Eminentia Vestra sibi habeat persuasum, nos eandem sincero affectu complecti Deoq; commendatam, & quàm diutissimè incolumem cupere. Dabantur ut suprâ. Excellentia Vestra benevolus amicus.

Carolus.

COPIA DECLARATIONIS REGIS SVECIE.

Sacra Regia Majestas Sveciæ testari voluit, se se firmo, & inconcussò persistere animo servandè incorruptè inita cum inclyta Repub. fœdera, colendiq; fidem vicinitatem & amicitiam, quamdiu ipsa sese non reddiderit participem belli à Rege suo iniquè, & contra pacta, datamque fidem suscepti. Et quoniam Rex Poloniæ factus sit suæ Majestatis hostis, non solum quod dicto modo nullâ laesit Injuriâ fœdisfragò Regiam suam Majestatem aggressus sit impetu, sed & nunc varia proferat exasperatæ inimicitia, & molestorum moliminum documenta omnia adhibens artificia, quibus credit, ut inclytam Rempubl. ad detestandi belli Societatem alliciat, permoveri posse, adeo, ut eo regnante neque Regiæ suæ Majestati sufficiens præstari satisfactio, nec stabiliendæ in posterum securitati prospici queat. Eos itaque Regia sua Majestas haud censere potest à gravissima

A.C. 1701, vixima culpa alienos, qui Regis Poloniæ paribus adherentes, eundem nã tam impijs, & tam illegitimiis destinatis desiliat, quodammodo fulciunt, & conservare volunt. Boni, æqui, & cordati omnes, qui suæ Regiæ Majestatis causæ non advertantur, amicitiamque ejus & subsidium fide integrâ ambiunt, de Regis ipsius favore vicinaque ope & benevolentia, de defensione tam personarum, quàm & bonorum suorum persuasi omnino, & securiores esse poterunt; aliqui autem sibi ipsis imputent, si eis aliter evenerit. Tam procul verò à sua Regia Majestate abest velle eam quidquam injuriæ aut præjudicii inelytæ Reipub. inferre, ut firmiter unicuique persuasum esse debeat Regiam suam Majestatem juxta studium propriæ securitatis supradictâ ratione firmandæ, tanta tamque eximiâ esse erga inelytam Rempublicam propensione, ut, si de ejusdem requisitione certior facta fuerit, haud denegatura sit desiderantibus promptam cooperationem suam ad conservanda facta testâ ab omni turbatione eorundem, ac insignia libertatis & privilegiorum jura.

Porro cum sine dubio innotuerit aliquot cohortes aut sub Illustrissimo Comite Domino Oginski militantes, aut ex quorumvis prædantium colluvie contractas à Litvania in Curlandiam non semel irruisse, & nonnullos Regiæ suæ Majestatis milites in captivitatem abduxisse, nec non alia infensæ voluntatis dedisse specimina. Sperat igitur Regia Sua Majestas id neminem sibi venturum vicio, si rationes idoneas inveniat, quibus similes ausus possent opprimi, atque vis vi propelli; ad mandatum Regiæ suæ Majestatis.

COPIA LITERARÛ EMINENTISSIMI CARDINALIS AD REGEM SVECIE, AD REQUISITIONEM REGIS POLONIARÛ.

26. Julij 1701.

Asvetus genti nostræ erga vicinos sincera amicitia cultus, tantò magis constans Religio uniti sacri fœderis cum Regno Sveciæ, monebant ejus fidei, ne in statu præsentis Respub: Polona se immisceret bello, aut justitiæ, aut fatidico rerum eventu. Accessere ex congregatis proximè ac dilatis comitiis patentia candoris nostri documenta, indicantem esse S. R. Mtem Poloniarum ad cogitationes eorum, quæ pacis sunt, & nihil aliud desiderari post commissum ab utrinq; virium discrimen, nisi finem cruenti certaminis concordiam & amorem. Si verò vel Diis disponentibus vel fortuna fauentiori darentur S. R. Mtu V. votiui successus solatia, hac sine periculo secuturi deinceps dubij eventus sustentanda, fortunam autem moderandam suaserim. Quod persuaderi nequeat, hoc unicum pro statione mea & totius Reipub: nomine ac voto efflagito, ut S. R. Mtas V. limites Regni hujus & annexarum Reip. Prouinciarum, si qua iter belli daretur non infestet, tantò magis non transgrediatur, seruando nobis vicissim eam amicitiam quam in præsentis casu nullo nauo inspersam coluimus, geminatis exposcendo vicibus humillima inclinor veneratione.

MANIFESTATIO NOMINE MAG. DUC. LITVANIÆ
Actum Varfaviæ in Conventione Regni Generali feria V. post festum Ss Vitti & Modesti Martyrum proximâ.

AD judiciam Sacræ Regiæ Majestatis actaque præsentia Conventionalia Regni Generalia Varfaviensia personaliter veniens Illustris & Magni-

Magnificus Vladislaus Bork Livoniæ Castellanus, atque Magnificus Mar-
tinus Wołowiez Notarius M. D. Litvaniæ Vexillifer Mſeislaviensis Nun-
tius Terreſtris Vilnenſis ac Generoſus Dominus Boguslaus Leo de Ole-
chno Blus Inciſor & Nuntius Terreſtris Ducatûs Olmianenſis ſuo & toti-
us M. D. L. nomine ſolenniter contra quendam Anonymum infamis ſeri-
pti & famoſi libelli Authorem, qui ſeriâ inquisitionis quæſitus, indagari
protunc non potuit ipſumq; ejus illud infame & aggravans ſcriptum &
famoſum libellum in aggravationem illibati honoris malevoſe fabricatum,
contentaque ejus tenorem & textum libertati & unioni M. D. L. cum Re-
gno Poloniæ per Divos Antecēſſores ſuos tot ſudoribus, & indiſſolubili
vinculo compactæ ad hæc uſque tempora Sacroſanctè duranti & pe-
rennaturæ præjudicioſum, protunc & maniſeſtati ſunt in eo, cum id præ-
cipuum ſit mortalium ſtudio, ut jure naturali unde aurea cuique pullu-
lavit libertas gentis Poloniæ, & M. D. Litvaniæ præcipuum decus & or-
namentum, ſuæque & independens ab alieno arbitrio maneat rerum a-
gendarum facultas, & bello quoque quæſiti ex jugo ſervitutis ſuſpirent,
ad libertatem hanc tot annorum ſerie in hoc inconcuſſi orbis Poloni tot
procellis malorum quaſſati theatro, armis variè jaçtis, licet, ſi ardor ci-
vium adeo tueatur, ut militari gloriâ, & triumphorum ſpectaculis cir-
cumjeçtarum gentium, & totius orbis mentem in ſe convertat, nihilomi-
nus anonymi Authoris ſubortus livor edax auſus eſt ſcripto ſuo infami, &
famoſo libello injurioſè eam irrogare ſervitutis infamiam quaſi maniſeſtan-
do ſuo, totiuſque Magni Ducatûs Litvaniæ nomine contra jus naturæ pro-
cedendo (quo omnes liberi naſcimur) abdicatâ ultro aureâ vivendi liber-
tate, inæſtimabili ſanguinis diluvio, fortunarumque jaçturâ, ubi ob Divo-
rum ſuorum Prædeceſſorum quæſita. ſic non ita pridem ad oppidum Ol-
kiniki per maniſeſtandos ipſius non degeneres avitæ virtutis Majorum ſu-
orum ſurculos contra oppreſſores libertatis, & æqualitatis Sphæram e-
gredi auſos dominandi ſuper pares effræni & inordinatâ licentiâ civilem
modum egreſſa accenſos ſimili diluvio ſanguinis hic aſſerta & deſenſa in-
ſtrumentum meritum quoddam crudum ſervitutis, ſubjeçtionis & abſolu-
ti dominiij tempora induens, & favorem quaſi Sereniſſimi Auguſti II mo-
derni feliciter regnantis, liberis vocibus Senatus Populique Poloni, & M.
D. Litvaniæ ſub libero jove electi & Suceſſorum ejus de lumbis deſcen-
dentium conſcriptum, eidemque quaſi obligatum, ac datum cauſa conci-
liandi contra maniſeſtanda apud Nobilitatem Regni & Magni Ducatûs
Litvaniæ odij, & invidiæ calumnioſè compilavit, & fabricavit, adjeçtisq;
nominum, cognominum, & honorum ſubſcriptionibus, idem ipſe ſcriptū
nefarium hic Varſaviæ tempore comitiorum præſentium Regni & Magni
Ducatûs Litvaniæ Generalium diſjecit, & publicavit, eoque ipſo infami
ſcripto ſuo quaſi moderno Sereniſſimo Regnanti abdicatæ libertatis obla-
to hic Varſaviæ ſub initium comitiorum aucupandorum, forſitan Nobili-
tatis favoribus adſtruendæ ſibi fidei, augendæque inter Concives diffiden-
tiæ quo iterum affectata libido dominandi ſuper pares licentioſè reſtaura-
ri valeat; diſieçto honore maniſeſtanda injurioſè traduxit, & læſit, Ne i-
gitur talibus commentis malitioſè pro more & natura anonymorum ſeri-
ptorum præſcripto in odium maniſeſtandorum quæſitis, communis mater
libertas omni pretioſior aurû ad arctos terminos redigatur, fidesq; intami-
nata maniſeſtanti, ſuo, totiuſque M. D. L. nomine, & illibatus honor va-
cillet, ac in dubium vocetur, iterum atque iterum promulgetur, prout
nullum à ſe Sereniſſimo Regnanti ad effectum abſoluti Dominiij datum
ſuiſſe inſtrumentum, projeçtaque ejus per cavillantes illicito ſtudio ſparſa
unâ cum authore ejusdem ad rogam damnandum eſſe cenſent, authorem

A.C. 1701, prædicti instrumenti inquirere se paratos offerunt, pariter se prius spoliari, & privari vitâ, honore, & fortunâ, & si quid carius est, quam unum jota super absoluto dominio, & abdicanda libertate, verbo vel scriptis à se datum fuisse, vel in posterum dari passuros declarant, & spondent, ut videat eos sol melius mori, quos olim in libertate & æqualitate benè nasci vidit.

**MANIFESTATIO EMINENTISSIMI PRIMATIS
& Illustrissimorum Commissariorum ad mediationem Magni Ducatus Litvaniz deputatorum Varsoviæ die 28 Junij**

Nos Senatores, Dignitarij, Officiales Regni Poloniz ad examen, mediationem, ac medelam turbarum ac tumultuum M. D. L. ex occasione dissidiorum Nobilitatis ejusdem Ducatus cum domo Sapiehana exortorum, quæ primùm mutuis ad invicem querelis dein cruentis culta civili ac fraterno sanguine maduere, à Serenissima Regia Majestate Domino Nostro Clementissimo Deputati Commissarij, tum à partibus ex Equestri Ordine, sub tempus comitiorum Generalium rogati & assumpti moderatores ac amici, ad notitiam omnium deducimus. Quia nos, quod magis pertæsi miseræ ac calamitosæ fortis vicinæ gentis, æqualitate nascendi, libertatis usu, jurium cœquatione, fratrum nostrorum charissimorum civilibus odijs vix non ad exterminium laborantium, eò lætiores Sacræ Regiæ Majestatis sollicitudine congressus, publici autoritate nostro studio his malis finem imponendum alacres, ac intenti Sacræ Regiæ Majestatis mandato, populorum votis obtemperavimus, & negotium hoc salutis publicæ 20 Junij mensis præsentis ad latus S. R. M. in arce Varsoviensi ex partium consensu inchoavimus. Hæsitatum aliquantum hinc & inde in præliminaribus, pars à Sessione Provinciali M. D. L. admissa, & proponens gravamina ac læsiones, contra personas, Ministeria, voce ac scripto proposuit, communicata hæc parti, quæ pariter voce ac scripto non solum Domûs suæ, sed & tot familiarum ejusdem Ducatus Litvaniz, quibus nihil ad causam commune erat, extremum casum, ruinam, devastationem ad horrorem usque exposuerunt. Cum verò auditis hinc & inde querimonijs ad amicam compositionem deveniendum erat, & varia partibus propinabantur media, Pars proponens se ad nulla descendere velle, declaravit, ni Ministeria ac dignitates pro vacantibus declararentur. Quod cum nec M. D. L. autoritatis decernere, nec nostræ facultatis approbare judicarenus, proposita nobis media, ac lenitiva, ut ad futura Deo dante comitia, negotium ad totius Reip. decisionem pertinens remitteretur. Quod autem citra jus & æquum hucusque actum est, in integrum restitueretur. De occupatio videlicet Bonorum nulliter interceptorum, pro securitate autem quietis ac tranquillitatis, gvarrantia Eminentissimi ac Reverendissimi Primatis, tum Illustrissimorum ac Excellentissimorum Castellani & Palatini Cracov. Exercituum Regni belli Ducum ad comitia usque Regni offerebatur, ut in casum alicujus molestiæ, aut contraventionis autoritate ac robore parti offensæ assistant. Sed cum nec media hæc, nec ullæ persuasiones inducere partem proponentem valuerint, quæ nec audire, multò minùs respondere voluit ad universam Nobilitatem ac Palatinatus totum negotium provocando, tam laboriosum tractatum inutiliter solvere debuimus. Ut autem studium nostrum, & reducendæ postliminio pacis conatus, cunctis pateat, prout res gestæ fuerunt, citra passionem ac fucum enarramus. Ne verò dilatis

tis ad proximum Decembrem Regni comitijs longior mora calamitates *A.C. 1701*
 , publicas augeat, & è cardinibus motæ leges in abusum & corruptelam
 , transeant, pro munere Senatoriæ dignitatis nostræ, ac vinculo Sa-
 , cramenti prospiciendo quieti ac securitati publicæ, tum juribus, Statu-
 , tis, consuetudinibus, & recentiori cœquationis juri inhærendo consti-
 , tutionibus, annorum, & primo statuto Herburti tit. Possessionatus. I-
 , bidem tit. Rex. Ibidem tit. Nobilis. Constitutioni 1676. tit. Disciplina
 , militaris. Constitutioni 1649 O niezaciaganiu. Constitutioni 1572. tit.
 , Kaptur 1609. tit. O Ludziach. 1624 tit. Postanowienie. 1629 tit. O Ku-
 , pach swywołnych. 1635 tit. O tumultach. 1643 tit. Securitas interna.
 , 1590 tit. Disciplina 1601 tit. Deklaracya. 1607 tit. O Żołnierzach. 1609
 , tit. Porządek. Si quid hætenus contra easdem deviatum, vel tractu tem-
 , poris quacunque parte deviaetur, quàm sollemnissimè protestamur, ac
 , manifestamur, parati eandem manifestationem, in futuris Deo dante
 , comitijs explicare, tueri, & omne devium ad pristinum statum redu-
 , cere pro debito obligationis ac vinculi Senatorij. Michæl Cardinalis
 , Radziejowski Primas Regni & M. D. Litvaniæ mpp. Andreas Załuski
 , Episcopus Varmiensis & Sambienis, Stanislaus Jabłonowski Castella-
 , nus Cracoviensis Exercituum Poloniæ Dux Supremus. Felicianus Po-
 , tocki Palatinus Cracoviensis Dux Campestris Regni. Alexander Felix
 , Lipski Palatinus Calissiensis Raven. Medice. Inovloden. Capitaneus.
 , Martinus Kątski Palatinus Kijoviensis Generalis Podoliæ & Artilleriæ
 , Regni. Hieronymus Lubomirski Supremus Regni Thesaurarius. Dzia-
 , linski, Stephanus Potocki Capitaneus Circassiensis amicus ad modera-
 , tionem invitatus; Stephanus Humiecki amicus ad moderationem in-
 , vitatus Dapifer Podoliæ.

UNIVERSALIA CONTRIBUTIONUM SVETICARUM
 Sacra Regia Majestas Dominus meus Clementissimus literis suis de
 data 23 hujus.

Commissariatui Generali notificavit, quamvis supra fata Sacra Re-
 gia Majestas Generali Majori Mørner protunc Mitaviæ existen-
 ti demandaverit pro conservatione exercitûs S. R. M. hic existen-
 tis, ex tota Provincia contributionem exigere. Quoniam verò Possessio-
 ribus hic in propinquitate habitantibus grave videretur, si contingen-
 tiam contributionis suæ primum Mitaviam, & postmodum inde post
 exercitum devehere deberent, siquidem illi tali modo duplici itinere
 gravarentur; propterea Sacra Regia Majestas pro clementia sua in hoc
 passu incolas hujus Provinciæ, quantum fieri potest alleviare inclinat,
 clementissimeque demandavit, quatenus omnes in propinquitate habi-
 tantes possessores, quomocunque nominandi, tam Ducalia, quàm &
 Terrestria bona possidentes teneantur de quolibet unco ad rationem
 per Generalem Majorem Mørner conscriptæ contributionis in instanti,
 & absque ulteriori devectione hic & nunc ad exercitum depromere;
 tres equos, tres boves, sive vaccas steriles, tres ovès, & postmodum
 post præterlapsos sex dies ab infra scripto dato numerando 10 taleros,
 30 pondo panis aridi, quinque dolia cerevisiæ, 12 modios Rigenis men-
 suræ avenæ, 2 modios pultis vel pisorum, 5 pondo butyri, sive lardi,
 quod cuilibet possessori de sua contingentia præfatæ contributionis de-
 curtari & bonificari debebit, &, quoniam S. R. M. clementissima volun-
 tas est, ut hoc cuilibet ad debitam notitiam deducatur, ideo hæc pro

A.C.1701, subiectissima devotione hisce debite emanavit annexâ hac seriâ admonitione, quod quamvis non dubitatur, quod quilibet hanc contributivonem sponte congeret, attamen casu quo quidam auderet hoc negligere atque non omnia & singula ad minimum in præfixis terminis convehere, talis gravem executionem militarem in se contrahet, quæ postmodum hæc omnia ex quolibet unco cum pœna duplicis pensionis exequetur, atque talis sibi ipsi culpam adscribere poterit. Datum in Castris Regijs Sveticis penes Buseum die 28 Julij ad elementissimum mandatum Sacræ Regiæ Majestatis, & pro munere officij Martinus Trozio, Sacræ Regiæ Majestatis Sveticæ Consiliarius Gverricus, & director ejusdem Commissariatûs Generalis militaris.

„ Quoniam propriè non constat, quot uncas quædam bona habent, ideo possessores, vel ijs absentibus bonorum Præfeti seriò hisce admonentur, juxta verum numerum uncorum eorundem bonorum, præscriptam contingentiam extradere, casu autem contrario, si quid de numero uncorum occultatum, atque hæc contributio per hoc diminuta fuerit, id per militarem executionem indilate cum duplici pensione exequetur, qui tunc se ipsum inculpate poterit, propterea possessores, aut eorundem Præfeti tenentur circa devectionem contributionis, verum inventarium, in quo numerus uncorum debite conscriptus est, secum adferre pro documento se super fatam contingentiam suæ contributionis juxta verum numerum uncorum probè extradidisse, si gravem executionem militarem evitare, voluerit, contra quam ipsum nulla excusatio defendere poterit. Martinus Trozio.

„ Quoniam Domino Woldemaro Joanni Mejerfeldt à Sacra Regia Majestate hæc executio additis copijs militaribus demandata est, ut universales sibi traditas inter possessores bonorum vel ijs absentibus eorundem Præfetos disseminet, & propterea seriò urgeat, quatenus hæc contributio ad minimum extradatur. Ideo hoc Domino Vice-Colonello pro commoda informatione adjungitur 1. Dominus vice-Colonellus datus sibi universales in bonis singulis insinuari faciat, urgendo, ut contingentiam suam quoad boves, equos, & oves juxta numerum uncorum suorum indilate extradant; cæteras verò res spatio 6. dierum post insinuationem universalium, ut probè huc devehant, illis demandabit, sub evitatione gravis executionis.

„ Si aliquis conquereretur sibi impossibile esse cerevisiam, aut avenam devehere, talis hoc paratâ pecuniâ suppleat, scilicet pro quolibet dolio cerevisiæ duos imperiales, & pro quolibet modio avenæ 4 Carolinos. Post præterlapsam dilationem, quo spatio, quilibet contingentiam suam expromere debuit, Dominus vice-Colonellus apud quemlibet possessorem exactissimè inquireret, quonam modo contingentiam sibi injunctam exsolverit, & qui hanc exsolutionem vel quietatione Proviandmeisteri, & quoad pecuniam exactoris militaris non poterit sufficienter demonstrare, quod omnia & singula plenaria juxta numerum uncorum exsolverit, omnes ejusmodi residuitates tenore universalium mediante executione militari cum duplici pensione exequatur.

„ Quantum ex Ducatu Curlandiæ & Semigalliæ in conservationem exercitûs Regis Svetici ex quolibet equestri servitio 200 imperiales In parata pecunia 300 pondo panis biscocti. 200 pondo carnis fumatæ 100 dolia cerevisiæ, 270 modios avenæ 3-3 dolia vini cremati. Quoniam etiam impossibile est, ut equites pro hac executione demandati sufficientem

tem

, tē vīsum tempore hujus executionis secum habere possint, ideo Do- A.C. 1701
 , minus Vice-colonellus Dominis possessoribus, ad quos hæc portio per-
 , venerit, intimabit, ut eidem parthæ necessariam alimentationem tam
 , pro hominibus, quàm & equis provideant, de qua Regiminis Quater-
 , magistri vel demandati Officiales quietabunt.

COPIA LITERARUM AB INTERNUNTIIS CURLANDIÆ
 ET SEMIGALLIÆ, Varaviae die 29. Julij.

DUm non solum ultro constituta Serenissimorum Regum ac incly-
 ta Reipublica Regni liberè ad corpus illius incorporata Ducatus
 Curlandiae & Semigalliae Provincia legibus formulaq; Regimi-
 nis sat abundè circumscripta, à pertas legum suarum antiquitus benè
 conditarum convulsiones patitur, sed & Equestris Ordo in bonis me-
 rè terrestribus non modò stativis hyemalibus, portionibus & horum
 similibus varijs contribuendi modis, militari inauditâque exequendi
 praxi, qua nec ædibus, nec mansionibus Equestris Ordinis parcitum est,
 fortunis & substantiâ, exhaustus & quod majus est, bonis & posses-
 sionibus imò officijs, honoribusq; violentâ manu, & pro solo arbitrio
 contra expressas leges & inscriptiones in nonnullis privatur. Nunc au-
 tem prò dolor! ad id deventum est, quòd belli sedes Suetici omniumq;
 belligerantium in limitibus Curlandiae, & Semigalliae formata sit.
 Quamobrem non tantum in periculo avulsionis à corpore Reip. ver-
 samur, sed summopere verendum, ne præfatus Curlandiae & Semigal-
 liae Ducatus in similes, & adhuc dolendas rescissarum Provinciarum
 devolvatur calamitates. Ne itaq; hæc attentata ulterius serpent, præ-
 missâ Majestatis auctoritate, & clementiâ, gratiam Eminentissimæ
 Celsitudinis per nos Internuntios suos unicum ultimumq; antydo-
 tum arripit. Cum profundissima igitur humilitate ad Eminentissimâ
 Celsitudinem Vestrâ recurrimus, auctoritatemq; ejus Primatiatē,
 quâ, leges, libertatesq; Patria pollent, exorando, quatenus Ser. R. Mti.
 D. nostro clementissimo conculcatas Ducatus Curlandiae & Semigal-
 liae leges, afflictionesq; Ordinis Equestris deducere, in futuris verò
 DEo dante Comitij preces & vota ejusdem Ordinis Equestris pro-
 mulgare dignetur. Cum quibus humillima nostra obsequia ad plantas
 Eminentissimæ Celsitudinis devolvendo manemus Eminentissimæ Cel-
 situdinis Vestræ humillimi servi. Henricus à Trolta Treyden Capi-
 taneus Doblenensis, Wilhelmus Ernestus Schröders excubiarum Præ-
 fectus S. R. Mtis. Joannes Ernestus à Diepskirch Capitaneus S. R.
 Mtis Internuntij Equestris Ordinis Ducatum Curlandiae & Semi-
 galliae.

RESPONSUM PRIMATIS. I. Augusti.

EX literis suarum Dominationum colligo querelas, & amaritus
 dines, quibus cum hic & nunc mederi non sit de tempore, com-
 pati est de justitia. Quantò enim delicatius ab omnibus divæ
 memoria Regni hujus Principibus conservabatur circa immunitatem
 jurium

A.C. 1701 *jurium, securitatem substantiarum, prerogativas Ordinis Equestris, ceteraq; libertatum suarum praesidia, decora hac Provincia, tanto majori animi nostri sensu dolebamus eandem in hunc indignum fortuna adversa deuenisse casum, ex quo civium tranquillitas, honor, & opes aut in versa, aut imminuta; non posse me tamen aliter existimare, de innata S. R. M. pietate & clementia, quod ea fieri nullatenus pateretur, nisi urssissent fundandi ibidem belli Suetici rationes. Sicuti enim omnium bellorum hoc dirum accidens est; quidquid propius ad funestam illorum accedit flammam, urere, & consumere, ita & in presenti casu, Ducatus hic solâ suâ vicinitate infelix, pressurisq; militiae nunquam non gravaminosa expositus, quas (utrobique, certum est) nec evitare poterat, nec tolerare merebatur. Procul dubio acerbum id Reip, sciendumq; illam tantò impensius velle tueri jura, prohibere injurias! hujus decori Ducatus, ex cujus famosa incorporatione ad se, Regnum istud finium latitudinem, auctoramentum gloriae, ceteraque sua participavit ornamenta. Ex me, quantum auctoritatis, consilij, & opis esse poterit, votis suarum Dominationum succurrere in tempore non intermittam. Nunc verò mirabili factorum dispositione ademptâ subito ulteriorum ibidem afflictionum materiam demirari satis non valeo, repertam scilicet in bello quietem, in hostico amicitiam, & ipsum Regem Sueciae cum victore exercitu in hanc provinciam, non ut hostem, non ut inimicum, sed ut inimicos suos, ejusdemq; provinciae oppressores ulturum venisse. Exinde sicut ibi nullam metuo ex hoc, quasi hospitaliter permorante exercitu secururam aggravationem. Ita ulteriora, quae ad pacem & felicitatem universi pertinebunt, praevidere, Divinâ auxiliante gratiâ cum efficaciter uelim, in reliquo maneo &c.*

INSTRUCTIO SACRAE REGIAE MAJESTATIS
Domini Nostri CLEMENTISSIMI pro Comitibus Ante-comitibus,
Comitiorum Generalium Sex-hebdomadalium Varsoviensium
pro die 22 Mensis Decembris in anno praesenti determinantum.

P Aterna bonitas, & sincera ad pacandos status Reipubl. applicatio non potuit unquam clarius patere, quam quando ipso actu datam in proximè praeteritis comitijs, translatis ex aestate in hyemem, de evacuatione exercitus sui exotici declarationem Sacra Regia Majestas D. N. C., benignè exequi & explere dignata est. Ostendit realiter mancipatum cor, amore erga hanc insignem Patriam, quae illi non haereditate, sed amore civium cessit, dedit exemplum laudabile; quomodo gratificando libera, liberæ genti ad hoc Regnum suffragia, majori pretio aestimavit publicam satisfactionem, quam omnes votivas felicitates, accessus, & incrementa, quando acclinatâ se totaliter ad vota populorum tam magna expensa impensorum sumptuum pro recuperandis avulsis, gravem laborum suorum, jacturam, & omnia bello parata sub tempus operationis bellicæ praeterito anno in Livonia ferè cruentas de sanguine messes abjecit in partem, & quod majus, devicto heroico corde, honorem, famam, & reputationem suam infra posuit beneplacito Reipubl. cum constanti testando clementia Popule mi! quid amplius tibi facere potui, & non feci. Eat in posterita-

stetam magna, & insolita alijs Monarchis moderatio, gloriosior omni triumpho, & imminetia non sine invidia considerent tempora, hoc ipso stringat libera & magnifica corda Heroica, quæ, quod Deo, & Ecclesiæ Sanctæ, quod Majestati & Patrijs juribus, immunitatibus & libertatibus debetur, sine detrimento semper reddant. Non cecidit unquam hæc macula in insignem gentem Polonam, nec illi quisquam objecerit, vel seditione interemptos, vel in prælio desertos Reges. Fertur per totum orbem intacta avita Polonorum virtus, & innatus erga Reges Dominos suos amor, fides, aperte deducit: quod tutior & securior est Domus Principis, defensa exuberans amoris, quam armorum. Experiri hoc in persona sua dignatur S. R. Majestas D. N. C, dum circa Majestatem ejus insigni fervore mordicus stetit zelus Nobilitatis, & à contumelijs vindicavit, Dijs proximam Regum Majestatem, & jam securè in fidis pectoribus fundat tuitionem & præsidium suum; connectit confidenter Majestatem cum libertate, cum hoc obtestando affectu quod omnia Reipubl. tam læta, quam tristia vult habere communia sibi, nec magis se felicem sine Reipubl. quam Rempubl. sine se fore, & hoc erit unicum centrum, & meta intentionum Regiarum, & laboriosi conatus, ut juvante Deo altissimo, delicata immunitas, fama & fortuna Polona, humilitate omnium inimicorum in altum ad sydera enitatur, & immortalibus floreat decoribus, quod sicut à principio Dominationis suæ, summo desiderio his insignibus, & magnis ex corde precata est gentibus S. R. Majestas, sic nil dubitat, imò fortiter huic credit, quod perspectæ pro veteri reëtitudine in sinceris illius intentionibus, quas in futuris (Deo dante) Comitijs statibus Reipubl. lucidius explicabit, non tantum filiali affectu Sacram Regiam Majestatem complectentur, sed optimas cogitationes, & è converso occultas fabricas, adversas factiones, & varias intricaciones, quæcunque revelari poterunt, ruinanda, bonum commune prudenti suo agnoscent judicio. Cum autem supra omnem spem hæc proximè imminetia comitia (sicut jam de hoc vocalis fama) ad optatum non possint venire effectum, deberet S. R. Majestas D. N. Clementissimus, ut Respublica inermis & indefensa non maneret, resolvere se ad ultimum remedium, congressus totius Reipubl. communi motu, ut eadem in unum congregata non tantum immunitati Regiæ tuitionem, sed & sibi securitatem ab hostilibus moliminibus, & pacis domesticam provideret, & omnia pericula rerum invicto animorum robore amoveret, ostenderetur protunc meridianâ luce clariùs diligens cura, & paterna sollicitudo circa bonum commune, verus zelus, & candidum studium S. R. Majestatis D. N. Clementissimi discerneret optimè, Status Equestris, quod omnes obliquæ interpretationes, & malitiosæ impressiones, quibus fortè malevoli deturbare conantur S. R. Majestatem D. N. Clementissimum ab amore civium, leves, injustæ, & fictæ sunt, & fuerunt, & ab ijs in vulgus proclamatae, qui S. R. Majestatis & hujus Reip. ipsi morantur exoptatam felicitatem. Non perdit tamen S. R. Majestas bonam spem de optata determinatione horum comitiorum, & sic tenet, quod animadvertet se Patria, & omnium corda, status rerum præsentium inclinabit ad solida consilia. Ex persona etiam sua S. R. Majestas offert obnixam, & solertem applicationem & vigiles pro bono publico curas, ad quod felicem dent superi accessum, faciundo materiam tractandorum in futuris antecomitalibus Comitiosis clementer suggerere, & alia puncta ex præterita instructione, ex qua adhuc non deprompta consilia publica reassumere, & supplere dignatur. Sistit in primo consiliorum publicorum campo securitas publica, quæ in tali passu, & circumstantijs

A.C.1701, stantijs ingruentium periculorum, non tantum consilium, sed & manum requirit. Iam etenim non belli praeludia, non terror, non clarigatio, sed, aperta hostilitas, qui æquali Antecessorum suorum eundo viâ, utilitate, non fide metiens fœdera, non tantum audacter intravit limites Regni, sine data occasione, sed etiam intra viscera Regni dilatat se, fundat, & fortificat. Non pacem à bello, eivem discernit ab hoste. Non dedit illi, Respublica ad hæc abrupta & præcipitia ullam causam. Manutenuit sanctè & religiosè pacta Olivenfis, dimisit cum admiratione Orbis, tam magnas & similes occasiones, ad rehabenda propria, fermè ipsam S. R. Majestatem obligavit, ad deponendum bellum, & educendum exercitum exoticum, stitit ultiores progressus quia variae non defecissent ad agendum & resistendum vires, si paratis ex Saxonia in subsidium auxiliariis, transitum in Livoniam non impedivisset. Reddit non æquali mensurâ Reipublicæ Rex Sveciæ, quando jus omne & fas violat. Occupavit Curlandiam, Semigalliam, & Districtum Piltinensem, patrimonium Reipublicæ, Munivit præsijs civitates portorias illas, Libaviam, Vindaviam, & alias, Nitaviam, & Bowsk recepit: Juramentum fidelitatis, ad quod & Nobilitatem ibi degentem voluit adigere, & his, qui huic resistebant, aliquorum substantias confiscavit, alios ferro & igne delevit. Imposuit graves & intolerabiles contributiones, quas per militarem extorquet executionem, ita, ut sub jugo potentis oppressionis gemant nominatæ partes ad jus & Imperium Regni spectantes; factumque quidquid uspiam libuit tantò flagrantius, quantò minus lieuit. Non satis in hoc, adhuc majora ausus, dum non tantum tormenta Reip. sed & propria deposita Sacræ Regiæ Majestatis D. N. Clementissimi ex Feudo Reipubl. fortalitis Bierzenli terrore ictus recepit. Ordinavit & in Samogitiam milites suos sub prætextu salvoguardiæ, tetigit sensibiler Districtum Upitscensem. Insuper Eminentissimû Cardinalem præcavendo, ut fortunæ secundo cursu limites Poloniæ non transenderet, etiam in expostulatorias Ministrorum statûs utriusque gentis non rescripsit, & Generosum Podolski Pincernam Ciechanoviensem, nec in conspectum admilit. solo contemptu absoluto. Simili modo Legatos M. D. Litv. non suscipientes probrosas suas tentationes, nec responsione, nec admissione dignatus.

„Quem similia attentata, & apertæ hostilitatis actus non commovebunt? quem non commoveret ista facies rerum? quem non excitabit insignium Majorum gloria? qui tremendi fuerant hostibus, Domesticum Ordinem pulchrè tenuerunt, incunabula & incrementa hujus vasti Regni iure & ordine extollebant: hoc memorando salus Reipubl. suprema lex est. Ad talem in publicum amorem, & audaciam accendere dignatur Sacra Regia Majestas D. N. Clementissimus, generosa civium pectora. ut in hac impromptitudine bulliens supra cervicem non obruat Rempublicam tempestas, dum, nec nervum habet belli, nec completum exercitum Regni, qui in præsentī casu deberet esse numerosus, & nervosus. Tradit ergo sub providam curam, fidam tutelam hujus insignis Patriæ, vovet adæquatis consulere remedijs, ut justum exercitûs numerum, & proportionatas vires pro omnibus periculis habeat in promptu, & peditatum, quam optime erectam, etsi Rex Sveciæ non cedet ex Curlandia, cum refartione damnorum, quid consilij, tempestivè reflectere se oportet, ut non sit Resp. ludibrio exteris, prædæ vicinis, & tandem tenuis, & per partes lacerata, (avertant superi) non cadat, & in illa fides sancta, libertatis communia, decora, & quodeunque ex insignibus Majoribus earum, sanctum, & religiosum. Et dum hæc omnia Sacra Regia Majestas D. N. Clementissimû, tradit in deliberationem Statuum hujus Reip. eandem conjunctionem animo.

animorum, & armorum, cum iisdem conditionibus, & viribus, sicut in præ- A.C. 1701
terita expressum instructione in eventum belli, ex amicitia Cæsareæ Ma-
jestatis Molchovitice defacto pollicetur, si hoc videbitur, & placebit Reip.
& sic tenet, quod Cæsareæ Majestas Molchovitica strictam cum Republica
exoptat sibi amicitiam, cum plena & solida, eo nomine, instructione, Le-
gatum suum pro comitijs mittet.

„Ergo quia in præsidio bellicæ virtutis subsidium & præsidium Reipub.
pendet, & sanguinaria stipendia optimè meriti exercitus Regni, cum di-
spendio propriarum fortunarum, merentur justam mercedem, & satisfac- *Solutio mi-*
tionem, Regium ducit Sacra Regia Majestas D. N. C. sicut singu- *liana*
laris, & præcipuus æstimator insignium Heroum, ut primis respectibus
Reipubl. quàm efficacissimam satisfactionem commendet, non obliviscen-
do infimul Ducum Regni, erogatos de proprio peculio sumptus Tantun-
dem enim est nullum habere militem, quam non solutum. Modus pun-
ctualis solutionis non esset difficilis, & gravis, si sua cives in hac insigni
Patria nôrint bona, & tenerentur pro viribus ad parvum aliquod unum,
& universale tributum, quod sicut Sacra Regia Majestas D. N. C. in
præteritis comitijs, sic & in præsentibus, intimæ omnium curæ reddere
dignatur, nullum, quàm quod cunctorum redimit commodum.

„Causa magni in Rempubl. periculi, & imminenti in perditionem no-
stram hosti attollit cristas, ventilans hucusque concordia, & inextinguibilia *Discordiam*
dissidia M. D. Litv. dirumpi debet, cor S. R. Majestatis D. N. Clem. *Litvanica*
qui mallet videre hos gladios in hostili sanguine immerfos, quàm in pro-
prias afflictiones, exinanitiones, & profundam vastationem convertos. Non
hoc civilia bella, ut vivamus, agunt. Rident extranei, lætantur malevo-
li ex discordia nostra, & S. R. Majestas D. N. C. eò sensibilius appre-
hendit, considerando necessariam concordiam Domi, amorem fraternum
civium, & indissolubilem eorum & animorum unionem, & idè impen-
sos effudit conatus S. R. M. D. N. C. sustulit omnes labores, & enixas
curas, qualiter ab intra exoptatam reducere tranquillitatem, dum adeo ab
extra adurit, interposuit auctoritatem suam Regiam, & mediationem ex-
pedivit plenipotentem Commisarius suum Illustrem Stanislaum in Szezu-
czyn & Radzyn Szezuka Procancellarium M. D. Litv. cum sufficien-
tissima instructione. Quid? quando tam felicem ceptorum tractatum de-
terminationem adhuc adversa fors bono publico moratur: ira ista numi-
nū, an hominū in res nostras, non despondet tamen animū S. R. M. D. N. C.
facit, quod potest, & si finaliter non posset perficere hoc ingens, & ardu-
um opus pacis sanctæ, invocat opem totius Reipubl. ut in futuris Deo
dante comitijs ad eundem finem individuos suos jungat conatus, & ad ex-
tinguendum ignem domesticum, sicut ad signum campanæ incendiariæ
totis viribus cooperetur.

„Pacem optatam cum Porta in initijs Dominationis S. R. M. D. N. C. *Pignus re-*
laudabiliter Patriæ huic, post tot pericula rerum restitutam, commiscue- *dimendum*
rat notabiliter inopinata in Elbingam Principis Brandenburgici intromissio, *à Brande-*
sed & hæc innixâ curâ S. R. M. D. N. C. reddita, & restituit res integras *burgico*
& tranquillæ. Manet tamen in onere Respublica exolvendi juris Hypo-
thecæ trecentorum millium imperialium pro vindicando pignore per Se-
natūs consilium oppignoratum. Quinquaginta millia, certum est, imperi-
alium rigor Commissionis imposuit in civitatem, sed fortè supra vires. Re-
siduum verò, semitrecenta millia Imperialium ad providendum Reipubli-
cæ pertinet, tam strictè, quod si illa post comitia aut conclusa, aut (aver-
tat Deus) rupta non provideret, & non redderet intra duodecim heb-
domadas, Elector Brandenburgicus habet potestatem recipiendi territoriū
Elbin.

A.C. 1701, Elbingense, & tenendi illud simul cum pignore usque ad exemptionem, cum quali hoc esset damno, & obstaculo Reipubl. quisque consideret. Et interim debitum hoc instantius, instantissimè, S. R. Mtas. commendare dignatur, ut etiam in casu (avertat Deus) ruptorum comiti-
 orum possit statim in modernis comitiolis provisionaliter provideri. Et quia idem Princeps Brandenburgicus recenter modo in Principatu suo
Coronatio Prussico declaravit se, & coronavit Regem: sicut ergo hanc materiam
Regis Prus- jam per consilium antecomitiale S. R. M. D. N. Clementissimus repo-
sia. suit ad comitia, ita modo omnibus statibus defert, ut expedita suppe-
 ditare possint consilia, & has res ita accommodare, ut quàm optime
 indemnitati Reipub. provisum sit. Multum prodesset ad publica emolu-
 menta provida vulgo Mennicæ reclusio, pro restauratione, & saltem
 æqualis cursûs monetæ. Mirari non semel debet S. R. M. D. N. C. &
 forte quilibet, quomodo tam magnum, insigne, liberum, & celebre Do-
 minium, sine propria Mennica mutuando tantùm ex alienis viliores
 pecunias, suis melioribus subistere tam longo tempore potest, & cu-
Moneta cu- jus voluntate, & autoritate in uno Regno, vix non quilibet Palatina-
renda. tus, & civitas, easdem pecunias, alio cursu accipit, & expendit, re-
 fertur hoc non postremum damnum, & inconveniens, non tantùm ad
 utile, sed etiam ad dignitatem Reipubl. quàm citissimè avertere, & non
 dubitat S. R. M. D. N. C. quod hoc seriò introspicere & decernere vo-
 lent omnes status.

„ Camenecum restitutum, quantum gloriæ, tantùm doloris Reip.
Cameneo adferre debet desolatione suâ, & ruinâ, & quod dolendum maximè, quod
providen- ab ipsa repetitione non est, quo provideatur præsidium existens. Exo-
dum. ptat S. R. Majestas D. N. Clementissimus, ut Respub. accipiat præci-
 puam, & singularem meditationem, tam restaurationis; & providendi
 necessariâ munitione hujus fortalitij, quam etiam faciendi semel pro
 semper debiti ordinis.

„ Artilleriæ etiam rationes ultrò præsentantur, quando non tantùm
Artilleria assignata quarta sufficere necessitatibus illius potest, & quod majus,
declaranda quia & hanc ipsam Possessores jam dedidicerunt reddere, sine præcipu-
 is aggravationibus & arduis executionibus. Ut interea modus, & faci-
 litas providendarum assiduarum expensarum, pro hac bellica œconomia
 possent in modernis comitijs adinveniri, judicat S. R. Majestas apprimè
 necessarium.

„ In his ergo publicis materijs, ut comitia publicè tractentur, & in
 tempore sexhebdomadali finiantur, sicut S. R. M. D. N. C. intimè pre-
 catur, ita obnixè commendat, ut Generosi Legati Terrestres à suis Prin-
 cipalibus ad hoc singularissimè obstringantur. Reliquum sinceræ &
 perfectæ in eundem finem exprimendi prudentiæ & judicio Legati in-
 junctum est &c.

IX.

A. C. ZALUSKI PRINCEPS, EPISCOPUS VARM. ET SAMB.
 MAGISTRATUI GEDANENSI, 7. Augusti.

Urget solutionem contributionis.

DEstinaveram non tam propter præsentis nundinas, quàm ex
 ratione publicæ rei invisere Gedanum, ibiq; cum Prænobili-
 bus ac Spectabilibus Dominationibus Vestriscoràm conferre.
 Sed cum mandata Regis mei, quæ exequi non interpretari,
 debiti mei duco, avocent me Varfaviam, & forsan longius i-
 ter

ter arripere cogar, calamo id exprimere, quod ore nequeo in animum *A.C. 1701*
induxi. Moveor ad id ipsiusmet civitatis Vestræ nobilissimæ bono, cui
semper, quoties occasio poscebat & vacabat, affectum testificandi, meum
desiderium erat. Notæ porro erunt Prænobilibus ac Spectabilibus DD.
Vestris illæ conferentiæ, quas in præsentia Secretarij Vestri, ad aulam
Regiam residentis Varsoviæ post dilata ultima comitia habuimus, in qui-
bus post multas disceptationes includi debuit, ut repartitionis Provin-
ciam nostram concernentis, pars tamdiu in visceribus Provinciæ relin-
quatur, donec assignationi, à Thesaurò Prussico in rem Supremi Exerci-
tuum Ducis, & primi in Regno Senatoris datæ, à Vestra civitate satis-
fiat. Literæ negativæ Prænobiliū DD. V. ad eundē datæ, & Declaratio D.
Secretarij planè ad easdē conformis, motivū non postremū erant resolutio-
nis hujus. Justitiæ enim congruū videbatur, ut non tantū compatiamur,
sed & ut succurramus necessitatibus, tam meritissimi togæ sagōq; Sena-
toris. Nos non tam libenter, quàm reverenter, cum Excellent: Episcopo
Culmenti, repartitioni huic consensuros, per mensesq; tres illud quod ex
distributione thesauri Episcopatus nostros concernit, soluturos declara-
vimus, cum hac nihilominus præcautione, quod si longius satisfactio præ-
nominatæ assignationis deferretur, non posse nos ullatenus ferre, ut hoc
onus, quod subditi nostri innocentissimè patiuntur, cum omnia,
quæcunq; eos concernunt, punctualiter solvant, diutius tolerare quea-
mus, quinimo omnia damna, ab ijs, qui eorum causa sunt, vindicanda
erunt, quo nomine manifestationem fecimus, & publicum ejus instru-
mentum palam erit. Hoc ideo Prænobilibus ac Spectabilibus Domina-
tionibus Vestris denuntiandum duxi, ne pōst ignorantia prætendatur.
Tam gravissimæ contributiones in ultimis finitis comitijs Mariæburgen-
sibus laudatæ vel jam solutæ, vel in proximo solvendæ à nobis sunt, cū
ergo, executionem militarem pati debeamus, cū publico laudo mini-
me contraveniamus, cur renitentia aliena, observantiam statutorum ag-
gravare debeat? Considerent Prænobiles, ac Spectabiles Dominationes
Vestræ, quantum inde præjudicij vobismet ipsis afferatis, si omnes qui-
cunq; obediētes legi sunt, injuriam hanc, & repartitionis tolerantiam,
coactam vindicare velint, ac maturius se reflectent super consequentias
si (DEus avertat) militem satis aliās moræ impatientem, & pro satis-
factione sua, non segniter urgentem, idem Supremus Exercituum Dux,
videns sibi illudi, totq; debitis, pro publico oneratum non sublevari, in
obsequio non retinuerit. Optarem libenter ut Prænobiles ac Spectabiles
Dominationes Vestræ, ea divinare vellent, quæ ego nec calamo quidem
attingere possum, quanta & quæ mala ab hac renitentia emergere poi-
sunt. Desiderarem ut post maturam, & seriam deliberationem, absq; ul-
teriori dilatione, cum mittendo hoc menie, ab Excellentissimo Domino
Castellano Cracoviensi, Commissario, non verbis sed rebus conferant,
concludant, & hanc repartitionem, eo solo & unico respectu, in visce-
ribus nostris, relictam amoveant, ne mala quæ sequuntur, eisdem at-
tribuantur. Quod ego non tantū pro interesse Episcopatus mei, quem
defendere ex vi obligationis teneor, sed ex affectu particulari in nobi-
lissimam Vestram civitatem, insinuare volui, favoribus me eorundem,
quàm diligentissimè recommendando, maneo.

Dabantur in arce nostra Heilsbergensi die 7ma Augusti. Anno Mil-
lesimo septingentesimo primo.

A. C. 1701 BREVE APOSTOLICUM AD SACRAM CÆSAREAM MA-
JESTATIEM die 16. April. Romæ.

CLEMENS PAPA XI.

Charissime in Christo Fili noster, salutem & Apostolicam Bene-
dictionem. Etsi nobis persuasum sit, Majestatem Tuam nullo
modo probare consilium, deterrimo in Christiana Republica e-
xemplo à Friderico Marchione Brandenburgensi susceptum, dum Re-
gium nomen publicè usurpare præsumpsit. In eo tamen quod factum
hujusmodi Apostolicarum sanctionum dispositioni contrarium, & hu-
jus sanctæ Sedis authoritati injuriosum esse cognoscitur, ex quo scilicet
Sacra Regalis Dignitatis insignia ab Acatolico homine non sinè Ec-
clesiæ contemptu assumuntur, & idem Marchio se Regem dicere non
dubitat ejus partis Prussia, quæ ad militarem Teutonicorum ordinem
antiquo jure pertinet, Nos rem silentio præterire non possumus, ne mu-
neri nostro deesse videamur. Quod ita à perspecta animi tui magni-
tudine alienum esse satis superq; cognoscimus. Ab hoc, ut nostro quoq;
hortatu temperare velis, expellimus, ne videlicet Regios honores tribu-
ere illi, qui illorum numero nimis incautè se junxit, quos increpat si-
mul & reprobatur sermo ille divinus: Ipsi regnaverunt, & non ex me,
Principes extiterunt, & non cognovi. Sensus autem super hac re no-
stros Venerabilis Frater Philippus Antonius Archi-Episcopus Athenarum
nostro nomine fusiùs explicabit Majestati Tuae. Cui felicitatem,
uberem copiam à Deo precamur, & Apostolicam Benedictionem a-
mantissimè impertimur. Datum Roma apud S. Petrum sub annulo
Piscatoris Annò Pontificatûs nostri I.

Ulysses Josephus Archi-episco-
pus Theodosiens.

BREVE APOSTOLICUM ROMÆ DATUM.

die 23. Aprilis.

CLEMENS PAPA XI.

Dilecte Fili noster salutem & Apostolicam Benedictionem. Etsi
dignam sublimitate gradûs, quem in Apostolico senatu obtines,
de te opinionem gerentes arbitremur te probè intelligere, in ma-
gnum Catholice Religionis dedecus verti indebitos honores, qui Aca-
tholicis Principibus deferuntur, cum eorum, qui à vera fide dissident,
consortium frequentare, nedum ambitum fovere ab Ecclesiastica dis-
ciplinæ legibus districtè prohibeatur; Tibi tamen reticere nequaquam
debemus, quòd coram ipso Cardinalium Collegio in proximè habito se-
creto consistorio, Pontificiâ vigilantia nos admonente, duximus esse
explicandum. Nos videlicet pro muneris nostri ratione dissimulare ne-
quaquam posse illud, quod publicè attentatum fuerat à Friderico Mar-
chione Brandenburgensi, qui se Regem Prussia dicere, tantaq; dignitatis,
quæ ut singulare Dei munus agnosci, veraq; columnen Religionis, atq;

ornamentum esse debet, nomen & insignia assumere, atq; usurpare A.C. 1701 præsumpserat. Dein verò prout rei momentum exposcebat, latè prosecuti sumus, quanta inde Orthodoxi nominis, & Apostolica Sedis Dignitati illata fuisset injuria. Quæ omnia in præsens satis esse arbitramur spectata tua prudentia indicare, ut illos, qui significationes honoris erga alios Reges adhiberi consuetas eidem Marchioni deferre vellent, ab inceptis eâ autoritate, quam Tibi in Regno isto eximia tua decora conciliant, retrahas, quemadmodum fusiùs à Ven: Fratre Archi-Episcopo Tarentino Nuntio isthic nostro percipies, dum Tibi cum multa felicitatis auspicio Apostolicam Benedictionem peramanter impertimur. Datum Roma sub annulo Piscatoris nostri Anno I.

Ulysses Josephus Archi-Episcopus Theodosiensis.

MICHAELI RADZIEJOWSKI CARDINALI PRIMATI REGNI,
die 12. Maji Romæ.

CLEMENS PAPA XI.

Dilecte Fili noster salutem & Apostolicam Benedictionem. Eousq; processit, ut accepimus nonnullorum hominum hæreticæ pravitate adherentium in istis Regionibus audacia, ut Varavia apud Acatolici Principis Administrum publicè conventus suos agere, ac Lutherana sectæ exercitijs operam palàm dare non vereantur. Quæ res paternæ nostræ charitatis viscera, ut par erat, cōmovit, ac perculit, cū indignum esse arbitremur, quòd impietas suos veluti triumphos agere in ipso Catholica veritatis conspectu præsumat. Perspectam itaq; pietatem tuam in præsidium nostræ vigilantie adhibemus, ac vehementer à te petimus ut omni studio nobiscum contendas, ut hujusmodi licentia omnino cōerceatur. Pluribus autem ea in re supersedes mus, cū sensus nostros uberius sis percepturus à Ven: Fratre Francisco Archi-Episcopo Tarentino, cui injunximus, ut prudentia ac zelo tuo in promovendo memorati scandali remedio admodum innitatur; dum Tibi Dilecte Fili noster Apostolicam Benedictionem peramanter impertimur. Datum Roma apud S. Petrum sub annulo Piscatoris Pontificatûs nostri Anno I.

Ulysses Josephus Archi-Episcopus Theodosiensis.

BREVE APOSTOLICUM A CLEMENTE PAPA XI.
missum. 27. Maji 1701.

CLEMENS PAPA XI.

Venerabilis Frater salutem & Apostolicam Benedictionem. Quò majori zelo pro Catholica Religionis integritate, ac communi tranquillitate custodienda flagrant illi, quibus administranda in-
elytæ istiq; Reip: cura demandata est, eò audaciùs insurgunt Religionis, & Regni ipsius hostes, & insidijs atq; dolis publicâ divini cultûs obser-
F 2 uanti-

A.C.1701 vantiam, ac animorum unionem euertere meditantur. Propugnabit tamen, ut confidimus, fidei & Patrie causam Fraternitas tua, cujus infula erit galea salatis ad propulsandos eorum conatus, quos exercere posse sibi pollicentur in proximè celebrandis Comitibus, dum maligno discordiarum gladio ad scindendum in diuersa studia Senatam accinguntur. Cumulabis itaq; tuas laudes, ubi nedum molimina eximie tue prudentia usu deteges, sed alios etiam admonebis, ut à prauis hæreticorum consilijs, imò ab omni cum eisdem commercio juxta sacram legem auctoritatem prorsus abstineant. Quin etiam ad amplificandam Reip: istius gloriam opportunum fore ducimus, ut omnes exemplo & unanimi consensu promoueant. De quibus omnibus Ven: Frater Franciscus Archi-Episcopus Tarentinus fusius disseret cum fraternitate tua, cui Apostolicam Benedictionem peramanter impertimur. Datum Roma apud S. Petrum sub annulo Piscatoris die 28. Maji Pontificatus nostri Anno I.

Ulysses Josephus Archi-Episcopus Theodosiensis.

CLEMENTI XI. PONTIFICI MAXIMO,

Varavia 30. Augusti.

Post oscula beatissimorum pedum. Benedictus sit DEUS, quod secundum magnitudinem misericordie sue eo tempore Sanctitatem Vestram Ecclesie sponsa sua dono quodam providentia præfecerit, quo vix alius par tanto oneri ferendo inveniri posset. Non tantum nunc Roma Romæ major, sed & dissita tot terris Patria mea felicitate ipsâ felicior, dum cura & sollicitudo paterna totum implens Christianum orbem, & à fine usq; ad finem intensissimâ diligentia pertingens suaviter etiam ad illam extenditur tam ferventer.

Docet cum alijs & me Sanctitas Vestra facere voluntatem suam, in benignissimo Breui ultimis Maji exarato, & nuper mihi cum expressione desiderij ab Illust: D. Nuntio tradito. Excusor cum omni, quâ par est, veneratione supremum nutum, quem exequi, non interpretari debiti mei duco. Et ut hætenus testimonium mihi reddente conscientia memor potius officij, quàm dignitatis, quarebam non quæ mea sed quæ JESU Christi, sic dum ab Optimo Patre currenti additur calcar à via mandatorum ejus non declinabo, eoq; dirigam ex gradu magis, quàm merito consilia mea, quò me Sanctitatis Vestre ducit voluntas, non invitum. DEum patientie & solatii cum miserrima nunc Diœcesi mea precabor, ut, cum non possit esse immortale, diutissimum, & felicissimum reddat ad gloriam nominis sui, & bonum Ecclesie Sanctitatis Vestre Imperium. Spem interim meam in salvante nos, & privatam desiderium in diligente nos, repono, & ut super mea quoque anima, Paterna dans vitam & Benedictionem, superabundet gratia de genu humillimè supplico, & paternis advolvor pedibus.

BREVE

BREVE APOSTOLICUM, AD EMINENTISSIMUM CARDINALEM PRIMATEM. 28. Maji Romæ. A.C. 1701

CLEMENS PAPA XI.

Dilecte Fili noster salutem & Apostolicam Benedictionem. Intellexerit intimi assiduique nostri maioris causas, quicunque serid perpendere, quot & quam graves nunc temporis Christianæ Reipub. impendeant calamitates, inter quas non postremo loco ob oculos nostros versantur insidie, quibus florentissimum Polonia Regnum appetitur, dum hæreticorum hominum audacia duplex forte eidem bellum inferre parat, unum quidem palam vi, & armis, quod certe minus timendum est, inspectâ eorum bellicâ virtute, quibus Remp: istam tueri tam facile erit, quam familiare profectò eisdem semper fuit triumphis propriam libertatem asserere, alterum eò periculosius, quò magis occultum novimus, siquidem ab eisdem hæreticis immitti in nonnullorum animos secretas discordiarum faces, quæ in proximè habendis comitijs in publicum incendium, quod difficulter extinguvi possit, erumpant; Excogitari id sinè multa sollicitudine, à paterna nostra charitate non potest, cum agi de Reip. istius salute, atque incolumitate, tum etiam de Catholica Religionis integritate videmus; dum itaque Divinam opem enixis precibus, quatenus ejusmodi pericula amoveantur, indefinenter expetimus, te amoris nostri magnitudine complexi, quò majori possumus studio, hortamur, ut eo, quo par est zelo, incensus, hostium fidei conatibus & publicæ tranquillitatis discrimini tempestivè occurras, ac Dei causâ fortiter propugnes, quod te feliciter affectum esse confidimus, si pro ea, quâ apud omnes præstas, auctoritate singulis periculum, in quo sacra res, ac humana versantur, detexeris, eosque serid monueris, celestem iram, ac spiritualium anathematum fulmina in caput suum evocare illos, qui hæreticorum hominum vocibus aures præbere, nedum consilijs adherere præsumperint. Erit etiam perspectæ prudentiæ tuæ, inclyti istius Senatûs suffragia in eam sententiam adducere, ut Charissimi in Christo Filij nostri AUGUSTI Polonia Regis studia ac desideria in ijs omnibus, quæ ad amplificandos Catholica veritatis fines pertinent, promoveantur, ut inde etiam celeberrima Reip. istius splendor, & gloria augeatur. Prolixius autem de hac re sanè gravi differentem Ven: Fratrem Franciscum Archi Episcopum Tarentinum Nuntium isthic nostrum, ut libenter audias, eique tuo præsidio adesse velis, cupimus, dum Tibi Dilecte Fili noster, Apostolicam Benedictionem peramanter impertimur. Datum ad S. Petrum sub annulo Piscatoris, Pontificatûs nostri Anno I.

Ulysses Josephus Archi Episcopus Theodosiensis.

SENATUS CONSILIUM Varsoviæ die 29. Julij expeditum.

Sacra Reip. Majestas Dominus Noster Clementissimus, cum nihil prius aut potius, quam observantiam pactorum, eorundemque effectivâ executionem censeat, multumque interesse publicæ tranquillitati vide-

4. G. 1701, at, si confinia illa juxta tractatum seu instrumentum pacis ad Karlowicz, conclusum, renovatis antiquis terminis, & limitibus quam optime stabiliantur, & integerrima vigeat amicitia. Quapropter pro paterna sua cura, & sollicitudine ad renovandos veteres limites, aliopendas differentias, & omnes denique tollendas suspiciones, inhærendo præfato tractatui necessario, expediendos Commissarios censet. Eos denique nominare dignatur utpote Magnificos & Generosos Joannem Jablonowski Palatinum Ruffiæ, Nicodemum Zaboklicki Castellanus Camenecensem. Bogusl Succamerariû Palatinatûs Podoliæ. Georgium Dziduszyci Capitaneum Camenecensem, Stephanum Humiecki Dapiferum Podoliæ, & Antonium Korniakt. Qui quidem Commissarii unius pluriumve absentia non obstante, constituto certo die, ac competenti tempore cum felicissimo Crimenli Hano, & Seraskiero per Illustrem & Magnificum Castellanus Cracoviensem Supremû exercitus Regni Ducem, ab eodemque provisâ sibi omni securitate, & decenti comitatu ad illa confinia indilatè sese conferent, inibidemque antiquas metas, & vetustissimos ante duo ultima bella constitutos limites inquirent, restituent, solidabunt, & solennibus signis metalibus distingvent, & consignabunt. Præcipuè verò indemnitati publicæ circa renovandam dissimulationem Palatinatûs Bracławiensis, & Districûs Snianetensis in campis desertis prospiciens, totumque hoc & integrum negotium pro sua prudentia, & integritate finaliter exequentur, ita ut juxta Articulum primû, nulla utrinque aut prætenso, aut extensio fiat, sed limites antiqui, sine mutatione, aut perturbatione, tanquam sacri religiose obvierventur, atque coalantur. Pro sustinendis verò sumptibus & expensis iisdem Magnificis & Generosis Commissariis, & quidem Senatoribus per unum mille talerorû imperialium. Deputatis verò ex Ordine Equestri per quingentos taleros imperiales Sacra Regia Majestas Dominus Noster Clementissimus assignare dignatur, quod in rationibus thesauri pro persoluto suscipietur. Porro pro meliori informatione eorundem Magnificorum ac Generosorum Commissariorum, ac luculenta veterum limitum elucidatione, si aliqua documenta in Archivo Regni reperiri possint, omnino investiganda, & communicanda. Sacra Regia Majestas Dominus Noster Clementissimus judicat, inque eum finem ad refectionem ejusdem Archivi in thesauro Regni existentis, circa hosce Senatores, & Custodem thesauri Regni, quibus id muneris ex lege publica competit, certos Commissarios adjungit & ordinat, videlicet Admodû Reverendum in Christo Patrem Georgium Albrachrum Dönnhoff Episcopum Cracoviensem Ducem Severiæ, Supremum Regni Cancellarium, Mag. Stanislaum Morfztyn Palatinum Maloviæ, & Generosos, Joannem Szebek Referendarium Regni, Franciscum Lanckoronski Succamerarium, Franciscum Wielopolski Capitaneum, atque Andream Zydzowski Vexilliferum, Cracovienses.

X.

A. C. ZALUSKI PRINCEPS, EPISCOPUS VARM. ET SAMB.
ALEXANDRO SALLAROLLI S. R. Mts. POLONIARUM
THEOLOGO ET MINISTRO ACTUALI ROMÆ,

Varfaviâ 4 Septembris

Nuntiat conflictum inter Svecos, Saxones & Moschos.

Dilectissime mihi scripsisse in diversis materijs sed video nec tuas ad me, nec meas ad te perlatas omnes. Nunc respondeo, quia nunc tuas accepe, si singula vis & cupis scire accipe paucis. Quæris à me, idque pro informatione magnorum in Curia Romana virorum initium, & progressum Svetici in Livonia belli.

Jam

Jam es informatus oretenus, dum in urbe essem de causis belli, & quod *A.C. 1701* ad initium anni præteriti Rex noster notabilem partem exercitus Saxoni-
ci versus Curlandiam direxerit, ut ibi stativa hyemis haberet. Quamvis
verò Rex Sveciæ fuerit informatus de motu harum Legionum, non crede-
bat, rem ut indebitam, ita minime speratam, nec putabat, nihilominus ne-
cessariam fore defensionem post securitatem a Rege Rex nostro libera-
lissimè datam Welingio Legato Sveciæ, qui aliquam in eo monstraverat
diffidentiam assecurans, quod non alio sine milites suos in Curlandiam direxe-
rit, nisi ad reducendos ad obedientiam Curlandos & Litvanos, de quibus
non erat satis eo tentus. Præterea Rex Sveciæ securus pacis inter suum
Regnum & Poloniam non potuit sibi imaginari Rempub. Poloniæ passurâ,
ut bellum sine suo consensu inciperet. Attamen paulò post contrarium pa-
tuit, dum Saxones aggressi fortalitium parvum Kobron, facile occuparunt,
quia nulla præcesserat defensio, fortalitium per se debile nec nisi a 50 ho-
minibus defendebatur.

Minabantur Saxones Metropoli Livoniæ Rigæ sat munitæ, & jam
aggredi illam tentârunt sub favore glaciei. Sed brevi post recesserunt, dum
Comes Dalberg Livoniæ Gubernator circa civitatem omnia combusserat,
& ad vigorosam se præparabat defensionem. Multa erant, quæ obicem tam,
audaci ponebant executioni, Comes Dalberg antiquus miles, & experien-
tiâ plenus fortalitium hominibus & munitione provisum, muri in bono sta-
tu, arx bene munita & Saxones non erant tam copiosi, ut aggredi possent;
unde Dunamindam duobus milliariis a Riga distantem cum tribus milli-
bus aggressi, sed a Colonello Butberg cui cura fortalitij commissa erat, 500 *Saxones oc-*
tantum habente milites, repulsi in primo assultu 1500 occisi, 100 capti, *cupant Du-*
corum 80 partim occisi partim vulnerati. Ex tam fortunato initio prospe- *nomindam*
rum licebat præfigere defensionis eventum, sed aliquot post dies tractatû
Inijt cum Generali Fleming qui præerat Saxonibus, diutius defendere se non
valens, ob defectum annonæ, ut patuit ex punctis Capitulationis. Accepto
nuntio de occupata Dunaminda Rex Sveciæ expedit Generalem Wellin-
gium, ad occurrendum ulterioribus Regis Poloniæ progressibus.

Ad quæsitum, utrum Respublica Polona intentiones Regis sui circa in- *An Respub.*
eundum bellum adjuverit? dictis tuis annuo ac respondeo, d. rectè non ad- *conscia in-*
juvisse, multos tamen non contravenisse, quosdam spe commodi alicujus pu- *choati belli.*
blici, alios pessimâ intentione Regis aggressuri hoc bellum, unde digne
extricare se poterit, sunt alij qui obtentu conscientiæ & religionis prætex-
tu persuasum habent, Regem indispensabiliter per juramentum obligari ad
recuperanda avulsa, & cum Livonia sit una ex Provinciis, à Polonia avul-
sis libenter eam Regno nostro adjicerent, & quia Respublica nollet incipe-
re bellum, cujus alea dubia, nec libenter offenderet illum Principem, cum
quo pacem post amissam hanc Provinciam iniêrat. Ideo multi in secre-
to (dum ego Romæ agerem) convenerant ut Rex Poloniæ cum solis Saxo-
nibus Livoniam aggrediretur, nec Respub. in hoc bello interessata appare-
ret. Occupatâ Dunamindâ appellataque Augustburg per aliquot mentes de-
populabantur Saxones Livoniam, donec Finlandiæ legiones venirent, & *Progressus*
progressus eorum impedirent. Expulerunt eos usque in Curlandiam, & mul- *Regis in Li-*
ta etiam tormenta ijs, præter alias reseripuerunt, dum interim Rex noster *voniam.*
comparuit in Curlandia & transivit Duhnam cum duodecim millibus duo-
bus tantum milliaribus Rigâ distantem non erat resistendo Welingius, octo
tantum millia militum habens, cum equitibus sub Ruen ivit, & pedites Rigæ
reliquit, quam Rex Poloniæ aggredi volebat, & defacto aggressus fuisset
nisi Ablegatus Galliæ de Heron (dicitur non fecisse id sine pretio) artibus
suis ultiores progressus impedivisset.

A.C.1701 Regi Sveciæ conclusa cum Dano non tam libenter, quàm reverenter pace in Scaniam reduci nunciatur Czarum Moscoviæ cum numerosissimo exercitu nullâ aliâs faciâ belli clarigatione Narvam oppugnare. Stuporem id movit Regi, cui id solum videtur rationem habere, quod iustitiam habet, quia nuper à Residente Czari Moscoviæ de amicitia quoque Domini sui securus est redditus. Non credebat proinde strictos & secretos tractatus inter Regem nostrum & Czarum fuisse conclusos; Narva celerem desiderabat succursum, attamen Rex Sveciæ in Livoniam penetrat, prius Rigæ à Saxonibus cinctæ, quàm Narvæ, quæ diutius secundum sensum eorum defendere se posse credebatur subsidium daturus; sed dum iter suum versùs Rigam disponebat, reliquit reliquissè Regem nostrum Rigam, & aggressum fortalitium Kokenhausen, quod postquam per aliquot dies ignibus impetitum fuisset per capitulationem tandem cessit. Ita Rex cuius solius interest, singula servare, audendum aliquid pro Patria proque salute subditorum ratus, cum octo millibus & sexcentis sumptis pro octiduo victualibus, versùs Narvam movit. Quod audiens Czar expeditionem hanc magis volebat impedire quàm posset, milit tamen sex millia equitum, quos Sveci omnes vicerunt, & centum sexaginta homines ex suis tantum desiderabant. Non tibi describo, qualem difficultatem, quales labores, quam periculosas vias cum defectu victualium, frigora, pluvias, nives, passus fuerit exercitus ille; cum verò certum locum de Piagege vocatum non sine maximo periculo transisset igna Novemb. inimicum aggressus est. Non memoro hic omnia, quæ acta sunt, quò notiora sunt, eò minùs egent stylo, satis est, quòd cadente copiosissimâ nive, ita, ut ultra quatuor passus nullus videri posset, & cum Generales ejus accusarent nimiam cadentem nivem, imò dixit Rex Sveciæ; gaudeo inde, quia Moschi milites meos numerare non poterunt. Innumeri erant Moschi, & vigorosissimè resistebant, sed resistentia non diu valuit contra ignem violentum Svecorum, fugere ergo cœperunt; & Rex Sveciæ prosequabatur usque ad fluvium Narva, per quem se salvabant per favorem pontis à se nuper exstructi. Multi ibi perire, quia fugere non poterant, cum ille pons per præcipitantiam fugientium ruptus fuisset, dumque nox supervenisset, & Rex à quadraginta Moschorum millibus circumdatus fuisset, dum minime sperabat, & ecce Deputati veniunt à Moschis capitulationem requirentes, quam Rex ultro concessit.

Rex Sveciæ a succursu Rigæ. Saxones occupant Kokenhausen. Rex Sveciæ a succursu Narvæ.

Cadit Usugor Moschorum. Numerus Moschorum ultra octoginta millia hominum tam peditum quàm equitum erat, ita non dominus sed colluvies timebatur, sed ex his occisi & submersi fere viginti millia, alia viginti millia inter fugitivos, dissipatos, & qui capitularunt numerantur, & quadraginta millia erant captivorum, quorum magnam partem remisit Rex in Moscoviam sine armis. Ista duo mutua se amplexatione consociant, qui æquitatem colit, fructum victoriæ possidet.

Clades Moschorum. Czarum Moscoviæ prudenter tribus ante diebus recessisse, antequàm Rex Sveciæ appropinquasset, sub prætextu occursum venienti succursui in duodecim millibus; Duci de Kroy relicto integro exercitus sui gubernio, qui quæ passus fuerit scio, quid meruerit nescio, centum octoginta tormenta cum numerosissima munitione belli accepta sunt; Ducenta & sexaginta duo millia talerorum in pecunia parata & præda ingentis nec explicandæ quantitatis. Vulnus sanabitur, cicatrix permanebit.

Jakobus Duce de Kroy. Sed ne longius quod mei moris non est, Patrem meum tædiosis demorer relationibus qui aliunde plus nimio descripta habebis plura non addam & à succursu dato Narvæ, à vicis Moschis, redeo ad Kokenhausen, ubi inter Saxones & Svecos parvi quidem, sed frequentes erant conflictus; sed dum Rex reliquisset Schlittenbachium in Livonia cum parte exer-

exer-

exercitus contra Moschos, appropinquavit Rige, cum viginti millibus *A.C. 1701* hominum. Fluvius Duhna est valde profundus in illo praesertim loco, per quem Rex transire debuit, & eo magis periculosus videbatur transitus, *Rex Sveciae redit versus Rigam.* quod meliores Saxonum legiones ex altera parte fluminis ad impediendum transitum collocati fuissent, sed notandum, ut in multis patuit occasionibus, quod Rex Sveciae nullas numerat difficultates, & quando semel aliquid in capite suo determinavit, securus quisque debet esse executionis. Consilium bellicum summo studio conabatur dissuadere Regi, ne fluvium transiret, utque id negotii, alicui ex suis Generalibus committeret, non potuit tam iustis petitis resistere Rex, & distulit rem, *Transit fluvium Duhnam.* consilium non abiecit; interim parvam naviculam praeparari secreto fecit, in qua cum aliquibus Officialibus confidentioribus absque scitu Generalium transire posset, & defacto ausus ea quae rarus etiam auderet privatus.

Dum omnia parata erant, imposuit super novem millia peditum, ducentos drabantos, & quinquaginta equites sub favorem noctis die octava Julij in nonam, & sub ipsum crepusculum in spatio horae unius in alteram partem fluminis illae transferunt legiones. Magnus ignis ex tormentis Saxonum incepit, sed nihil nocuit; praecedebant enim exercitum aliquot nave fumo impletae, ubi ignis superpositus fumum ingentem edebat, qui Saxonibus alias naves celabat.

Vix parvus numerus Svecorum in ordinem ex alia parte fluminis ordinare se coeperat, statim Generalis Steinau qui Saxonibus praerat, *Sveci perierunt.* cum equitibus Svecos aggressus illosque usque in aquam pepulit, parumque aberat quin omnes perierint. Tanta confusio inter Svecos erat, & videbantur initia valde pro illis periculosa, sed gravior quam timuerit hostis exstitit, dum ex improvise parva navicula Regis visa est, qui viciniore erant exclamarunt; Ecce Rex; Et hoc peropportune accidit, quod illi minime cogitabant, quia haec voces de bucca in aliam promotae obligarunt Svecos, ut lineam formarent etiam in aqua, & ita fortiter aggressi Saxones, ut illos iterum repellerent, ita, ut Generalis Steinau crediderit necessarium non amplius egressum ex navibus Svecis impedire, tantumque temporis spatium illis indulgit, sine impedimento ut se in ordinem disponendi satis temporis habuerint, siue quod ille non audebat ag- *Egreduntur ex navibus.* gredi Svecos ex navibus descendentes, quia sufficientem numerum tormentorum magnorum habuerunt, qui illos liberalissime tangebant, siue quod sperabat facilius eos in terra debellandos habens octo millia peditum & equitum; Et forte non credidit fortiores se Svecos fuisse, siue quod judicabat per primam Svecorum resistantiam, quod Saxones facile vinci potuissent in uno loco, in quo non poterant congregari omnes.

Cum ergo legiones Regis Sveciae fuissent in ordine, sinistram Rex pro se, dexteram reliquit Generali Liwen. Pedites Saxones fortissime resistere coeperant, sed vigore Svecorum constricti ad cedendum. Catonis ejus semper memores qui docet, quod servus charitati propriae non teneatur Domini sui amorem praeferre. Dum Sveci lucrabantur semper non obstante frequentissimo igne terram, & quamvis fortiter pugnarent, cedere tamen aliquomodo Svecis debebant, ita ut amissa spe victoriae, cum praecipitatione terga verterint versus Kokenhausen, & ad omnem aetatem tanti mali sensus penetrabit. Inveniebantur viginti quatuor millia Moschorum in vicinia ad sustinendos Saxones, sed timidae haec legiones statim fugerunt, dum Saxones perdidisse audiverunt. Ex Saxonibus de- *Saxones ceph.* siderati

A.C.1701 siderati duo millia & ducenti captivati, Sveci non nisi quadringentos perdidit. Si plures Equites habuissent, qui propter ingentem ventum transire non poterant, notabilior hæc victoria fuisset, prosequi enim Saxones non poterant, quoniam octo milliaria eodem die confecerunt.

Processit Rex Sveciæ de quo dicere ex certis relationibus cogor, quod cum fortuna ita virtutem conjungit, ut in utraq; pariter emineat versus Kobron, quod fortalitium primò à Moschis defendebatur, sed post armis victoriosis cecidit. Quando Equites Sveci transierunt, misit Rex versus Mittaviam Metropolim Curlandiæ, ubi Saxones, (de quibus dici potest quod sint auri argentiq; mancipia, qui DEum non adorant præter mammonam Matrem & Plutum Patrem) reliquerunt ingentes provisiones, sed Merner Marechaleus Campi nullos ibi invenit Saxones, qui versus Poloniam ita properanter currebant, quibus cum metu anxii omnia in portenta verterentur ut tantum in Varmia constiterint, ubi defæcto morantur; Quos ultra Sauromatas vellem hinc esse abreptos, in Saxoniam tutâ, ut sperant, viâ post aliquam quietem moturi, digni qui paterentur quod ego vellent. Hæc nunc; ulteriora habebis successive vale.

COPIA LITERARUM AB ILLUSTRIBUS MINISTRIS STATUS AD SERENISSIMUM REGEM SVECIE.

Varsoviæ die 6 Augusti.

Rumor certus de ingressu copiarum Sacræ Regiæ Majestatis Vestræ in limites Reipublicæ nostræ, quid de ipsa in civitatem Nitaviæ penetratione? nequaquam videtur Religioni ejusdem Reipubl^{icæ} erga fœdera cum inelyto Regno Sveciæ æque constanter ac viriliter servatæ correspondere, noluit illa inchoato nuper bello cum proprio Rege S. R. Majestate Domino Nostro Clementissimo, cui aliàs de liberrimis pectorib; nostris vita, sanguis, & quidquid horum carius, Sacra esse solent, quidquâ commune habere, certa reciproci pro solennitate eorundem fœderum ac juris-jurandi à S. R. Majestate Vestra certaminis, ne scilicet armorum ejusdem quovis dato successu limites nostri pactorum Religione tuti scanderentur. Occurrendo his prævit solennis ad Sacram Regiam Majestatem Vestram vigilantissimi Primatis Regni nostri Epistola, ast, cum secus rerum momenta processisse audiantur, suscipiet S. R. Majestas Vestra, cum iterata Eminentissimi Primatis sollicitudine; nostram quoque Ministrorum Statûs sinceram pro debito muneris, & servandorum pactorum interpellationem, quatenus animum Reipubl. sic probatum, & nuperis suspensis committijs, servandæ cum S. R. Majestate Vestra tranquillitati publicæ devotû; per contrarias fœderibus actiones infringere nolit. Quod solo mutæ pacis amore testati, confidimus, S. R. Majestatem Vestram vicissim religiosi cultibus erga pacta, ac rebus de limitibus Reipublicæ non minus promptè, ac justè perspecturam. De reliquo Sacro Regioque Capiti devotissima inclinamus obsequia. Sacræ Regiæ Majestatis Vestræ addictissimi servi.

„ Stanislaus Princeps Lubomirski Summus Reip. Polonæ Marechaleus.

„ Carolus Tarło Pro-Cancellarius Regni.

„ Stanislaus Szcuka Pro-Cancellarius Magni Ducatûs Litvaniæ.

COPIA LITERARUM AD DOMINUM CAMPI MARESCHALCUM STEINAU A CONGRESSU VILNENSI Vilnæ 6 Aug.

Expressum in literis Illustrissimæ Dominationis vestræ recursum ad congressum præsentem, quemadmodum debito cum respectu erga Sacram Regiam Majestatem recepimus, ita pari devotionis ac fidelitatis nostræ studio erga eandem certantes, instantissimè Illustrissimam Dominationem

tionem compellamus, quatenus destinatum, & declaratione suâ firmatû A.C. 1701
 , consilium in evacuando S. R. Majestatis milite extra fines Litvaniæ om-
 , ni celeritate contendat. Maturatâ hac executione non solum Illustrissima
 , Dominatio Vestra motibus popularibus obviabit, sed etiam indemnitatem
 , libertatum & jurium nostrorum, & potissimum pactorum conventorum
 , novellæ constitutionis in integro relinquet, quorum tuitionem æque ac
 , S. R. Majestatis pectoribus nostris servare convevimus. Cætera Domingo
 , Ablegatus Illustrissimæ Dominationi Vestræ uberius referet, Nos interim
 , manemus.

XI.

A. C. ZALUSKI PRINCEPS EPISCOPUS VARM. ET SAMB.
 DOMINO BOSSEN COMMISSARIO EXERCITUS

SAXONICI 5ta Septembris.

Queritur de excessibus Saxonum

R Edux Varlaviâ, ubi ad obsequia Sacræ Regiæ Majestatis Domi-
 ni mei accurreram, quæ vix ipse credere potui, non sine animi
 sensu video, & invenio, & quia tantum dolorem prælagire non
 debebam, neque etiam ferre possum, ac proinde Te compellare
 in animum induxi, ut saltem sciam, quo jure in bona Ecclesiastica
 desævis contra expressam voluntatem Regiæ Majestatis, locationem, non
 tantum permittere, sed etiam Ducibus, ut pro libitu suo (talis enim tenor
 est rescripti) eam faciant, jubere præsumpsisti. Habui benignissimum Regis
 mei promissum, de cujus justitia & clementia omnia non spero tantum sed
 credo, quod Exercitûs ejus necessitate sic cogente, transire tantum per
 Varmiam, satis alias, plus æquo & justo anterioribus annis, ab eodem rui-
 natam, sed non permanere debebat, & ecce facta promissis non respondent,
 cum scilicet tu, ut soles, malueris jussu Regis interpretari quam exequi. Ap-
 pellasse Te lachymas populi mei, alenis in oculis ridentem, a Rege malè in-
 formato ad melius informandum inaudivî, quasi verò in eo, boni Ministri
 consistat informatio, quomodo sit contra jus, fas, & leges populus oppri-
 mendus? licebit mihi verius & certius Sacram Regiam Majestatem infor-
 mare, quomodo tam terribiles & vix fidem inventuras exercuerit Ordina-
 tio tua extorsiones. Non satis erat viginti millia portionum pro pedestri,
 novem millia pro equestri ordinare, non satis erat in residentia mea Epi-
 scopali, quæ est privilegiata, tanquam in contemptum castra figere, non
 latis est subditorum fruges, & meas proprias pro libidine & placito consu-
 mere, debebant adhuc quinque regimina relinqui onerando priora sequen-
 tibus. Quanta inde damna legibus & antiquis moribus ex integro immu-
 tatis misero huic Episcopatu inferantur, documenta juramento firmanda
 docebunt. Neminem (agnosco in me) celerius capi, quam qui nihil timet.
 Securus eram verbo Regio & Eminentissimo Primati, Illustrissimo Nuntio
 Apostolico & mihi ipsi dato, quòd nullum hominem in Varmia invenire jam
 deberem, quod & literæ, post abitum meum Varlaviâ, ab Eminentissimo con-
 firmant, sed totum est contrarium, cum non tantum commeatus à miserri-
 mis subditis, sed etiam pecuniariæ portiones in immensum in hunc ulque di-
 em, ab insolentiore milite extorqueantur, qui cum omnia corrasisset, extre-
 mam quasi animam exigit, unde desperatio, quæ ignavissimo quoque for-
 titudinem addit. Quid enim amplius sperandum? nihil scilicet proficitur pa-
 tientia, nisi ut tanquam facile tolerantibus duriora crebris magis quam di-
 sty dignis extorsionibz imponantur. Excuses me ergo, ut qui collum non habeo,
 quod iugo supponam servitutis, prius te hinc compellam, & post Serenissimo Re-
 gi, pro quo nec affectus meus erit tepidior nec studium lentius, & Rep-
 publicæ

A. C. 1701 publicæ, ejus interest ex præterito consilium in futurum quærere, deferam, talia in nos laudare te in libero Regno quæ in absoluto non audes. Judicet Respublica quid externi vos agere præsumatis? Quid refert pium esse Regem, si impius Satrapa? Omne consilium vestrum est, ut in libero Regno nomen tantum inane libertatis, & svavissimum boni Principis regimen, jugo vestro insupportabili odiosum reddatis, ut omnia rescripta, promissa, fidem Regiam, leges fundatas immutetis, consilia turbida & à quiete aliena, ut melius scilicet in turbido piscemini, insinuetis, in intentione perdendi nos, gradatim constantiam, & summum ordinem teneatis, omnia pro jure legitimo habendo, quodcumque externam vestram potentiam firmat, super cervices liberas jugum imponitis, quod neque Patres nostri neque nos portare poterimus. Percundum enim potius, quam talia subeunda. Potius cum dignitate cadendum quam cum ignominia serviendum. Est ne aliquis angulus in Regno hoc? Estne aliquis Episcopatus, quem vatiniano odio, Ecclesias Ecclesiarumque Ministros persequendo, non inviseritis, quem fortunis & bonis non spoliaveritis, publicâ jacturâ privatam augendo fortunam, omnia pro destinatione vestra, leges contemptui habentes, in pejus disponitis. Ausu tuto, ideoque frequenti cuncta quæ vultis potestis, & plus quam æquum decorumque est, vultis, spem melioris fortunæ, leges pessimis artibus opprimendo plane executitis. Inquietus animus vester, quæ pacatis rebus sperare non potest, turbatis assequi conatur. Nunquam sincerius, nisi publica nostra calamitate lætamini. Quæ cogere vos putatis posse, rogare non amplius sustinetis. Plus odij quam gloriæ Regi optimo paratis. Vestra consilia, vestræ oppressiones causa sunt, quod gloriosas cogitationes eluserit fortuna, quod felicioribus eventis opposuerit se Deus. Propter gemitum enim pauperum nunc exurgam dicit Dominus. rursus hæc suo tempore, & loco exprimentur, garrula enim est calamitas, quæ nunc breviter ex intimo cordis dolore exaravi. Peto responsum positivum, utrum mandata Regiæ, ad executionem deducere intendas, & quanto tempore adhuc. Reipublicæ illudere, bona Ecclesiastica, & Nobilium pro libitu tuo ad ultimam deducere velis ruinam. Meliori me gratiæ ac favori, quam nunc experior, recommendando, ac manendo. Dabantur in arce nostra Seeburgensi.

LITERÆ MARESCHALCI LITVANIÆ AD PALATINUM

Mariburgensem 23 Octobris.

PLenum despotismi, & dignum theatro non in libera, uti sumus gente, sed tantum in hæreditario serviens dominio nomine Regio, indixisti mihi in aula mandatum sub figura quidem tantum, sed tamen insinuasti, quod mea in Regia turbet aliquatenus suam Majestatem præsentia, & quod melius esset, ut amplius eam non frequentarem. Mandata similia particularem totius Reipubl. reflexionem merentur, tantumquam apud nos nunquam audita, & in Saxonia quamvis rudi, quamvis ubi ad libitum omnia, & vis Imperantium lex est, nunquam praticari, nec approbari ab omnibus possunt. Vidi te, & præbebo coram omnibus testimonium, quod cum rubore sceleri huic in libertatem deferebas, quod injuriosa tibi ipsi videbatur obedientia dum hæc acriora denunciabas, imperia, & clarè apparebat, quod præ oculis habuisses in illo momento libertatem, in qua natus es, & quod Regem nostrum Dominum quidem optabas, sed non Monarcham absolutum. Notum ergo sit toti Poloniæ, sicut jam arbitrariæ potestatis maximè dominantur, cognoscat, quod

quòd mihi primo Officiali & Ministro statûs jam frequentare aulam,
 officium & munia Ministerij exercere per prohibitionem non licet. Jam
 condemnatur ante iudicium, leges nostræ, libertas sentiendi pro
 nihilo, quæ permissâ secretâ criminatione, conculcata. Quapropter
 per te ipsum volebam rogare, ut liceat mihi injuriosè accusato ju-
 stificationem facere. Sed quamvis & hæc submissio derogat aliqua-
 tenus libertati, non auditæ preces tanquam Dresdæ Saxoni alicui
 comparere in aula prohibitum esset. Non ita apud nos in Polonia,
 ut in absoluto vivitur imperio; Rex noster depositâ irâ sicuti sol bo-
 nis & malis æqualiter lucere debet, Regia hæc, & cubicula in ea
 existentia ex mente Reipub. ad homagia gentis sunt destinata &
 nunquam ulli nobili claudi, sed ita patere debent, sicuti & aures
 Principis justificationi. Regimen & directio ad Ministros statûs per-
 tinet, à quibus hætenus in Polonia nemo ab aula exulabat. Doleo
 proinde, quòd nomen tuum in facie gentium Polonarum involvis-
 tur. Nam Beichlingum, cujus est hæc inventio, & opus, non curo.
 Scribo id nunc Cardinali, & post denunciabo in Comitoliis, ubi
 credo compassionem injuria hæc ministerij mei inveniet, quæ ad om-
 nes pertinere debet, cum communis omnium cura, commune sit
 malum &c.

DISPUNCTIO LIBELLI AD EMINENT: REGNI POLONIA-
 RUM & M. D. L. PRIMATEM, NOMINE SUETICÆ MAJE-
 STATIS TRANSMISSI (vide fol. 46.) A JUSTO EQUITE
 Polono, Gotticarum Compositori Literarum dedicata.

NON Regi Sueciæ, non Gottorum, Vandalorumque Principi,
 cui facilius erat aciem componere, quàm Epistolam, facilius
 hostiles cuneos, quàm amicas literas ordinare, brevi hoc com-
 mento respondebo. Nefas enim foret, aut labem tantam Suxæ Ma-
 jestatis purpuræ adstruere, aut temeritatem tantam affingere capiti
 coronato. Aquila muscas non caprat, neq; leo venatur mures; non
 tangam igitur Seren: Adolescentis pupillam, parcam ætati primo
 bellorum æstu abreptæ; apes tantum summa fastigia delibantes
 non fucos imitabor, urticas præteribo, & humiles myricas. Ut quis
 cunq; demum Author es epistolæ hujus, partum ingenij tui detestas-
 ri incipias, quo in Seren: Regem nostrum imprudentissimè exar-
 stis; postquam me legeris in tuis criminationibus refellendis verecun-
 dum. Neque nos feris interea postposueris. Integri greges pro Du-
 ctore vel Principe bella gerunt. Apes pro inermi suo Rege præli-
 antur; Serpentes, qui etiamsi cætera amittant, diligentissimè tuen-
 tur caput. Et jam prodis in arenam clypeo Ulyssis cooperte Scri-
 ptor, primumque telum intorques in apertæ pupillam veritatis.

A.C. 1701

1. *Quæ nobis à Rege Polonia contra Pacta, iussurandum, datamq; fidem, illata vis sit, atq; injuria, quantumq; damni & læsionis eo ipso vestra perpeſſa sit Reſpub. notiùs Eminentia Veſtra quàm ut ijs immorari opera ducamus pretium.* Sæpè magis mali Medici nocus, ère, quàm morbi; quoties aliam imbecillitatis cauſam dixêre ab illa, quæ imbecillitatem pepererat. Scilicet ne tu quoq; vera ſcriberes, tria calamo reſtitêre: fraus, livor, inſcitia. Fraude livoreq; paginam tinxisti, quando procul ingenuâ fronte damna & læſiones, quas Reſpub. noſtra perpeſſa eſt, tanquam ſole meridiano clariores forent, proprijs nominibus appellare, operæ pretium non duxiſti, ut ſubtilius deciperes. Periculoſiùs enim fuit tibi palàm deprehendi, quàm auderes; & faciliùs iſta poteras aſſerere, quàm probare. Le-giſtine aliquando Maniſteſtum Regis noſtri, ſeu juſtas vindicias, in quibus ratio belli nunquam prius cogitati, non minus verè quàm clare adfertur; Erat fortè tibi tantum ingenij, ut intelligeres, ſed non tantum animi; ut inter cognatam ſervitutem, & deforme obſequium confiteri auderes veritatem: Audi jam vel lege, perinde mihi eſt à te legi, vel audiri. Seren: Rex noſter ab origine ſua ſemper Auguſtus, præter nomen, vim nullam vobis intulit, ſed expreſſit, temere laceſſitus, dum portum ad Polongam, & ſuum litrus extrueret, milesq; ipſius juxta præſcriptum Senatus Conſilij inſiſtendo legi publicæ anni 1690 huic operi incumberet. Quod Dumas munda ita opportuno capta tempore, quis requirat? Olores etiam mitiſſimi ſæpius aquilas domuêre. Domitiani Cæſaris leo, quantûs vis Africanus, & toties in amphitheatro ex inſidijs triumphavit, formicis nihilominus præda fuit. Legiſſes utinam legationem Scytharum ad Magnum Alexandrum in Curtio, coram quo uno conſtanter orbis terrarum ſiluit, modeſtiùs, credo, ſcripſiſſes. Pro eodem, video apud te eſt, vim inferre, quod reprimere; Pacta & datam fidem violare, quod iurijurando de repetendis avulſis in tempore opportuno reſpondere. Damna inſinuas bello præſenti Reipub: nata. Quis externum militem intra Regni viſcera hucusq; retinuit? quis ſerenitatem diu præoptatæ pacis diſſipavit? niſi Veſtra ſuſpecta & infida vicinia, quis tributa provinciis noſtris impoſuit? quis nobiliſſum ædibus ignes admovit? quis Senatorum curias occupavit, & ſuis inſedit præſidijs, Suerici nimirum turbinis procella in cauſa eſt, quæ nobis, quaſi ex inſidijs incubuit, & juſtiſſimas cogitationes Sereniſſimi AUGUSTI noſtri de educendo poſt pacificationis comitia externo milite, hucusq; diſtulit. Loquar clariùs Veſtra vicinia totanorû ſpatiis non minus formidanda Reipub. quàm toties perſpecta, prædictam omnium malorum, quæ nos premunt, Iliadem ex arte composuit. Ne verò putaveris me temere talia protuliſſe, interroga

ga Cuſ.

ga Curiam Regis Sveciæ, quàm funestum Reipub: nostræ tractatum (ut A.C. 1701
 , priora anteaſtis temporibus interea ſubſiceamus attentata) compoſuerit,
 , cùm Sereniſſimus JOANNES III. omnium ſæculorum gloriam promeri-
 , tus, ad eliberandam Viennam Auſtriæ arma ſua promoveret. Quam ni-
 , mirum in Regni noſtri provincias irruptionem adornâſtis, ſi non ita fe-
 , liciter totius Chriſtianitatis alea cecidiſſet? putatne nos ignorare amici-
 , tiæ veſtra ſimulacra? quæ nunquam integrâ fide adoravimus, poſt tot
 , bellorum experientiam, in quibus ſemper fortunam veſtram, & noſtrum
 , diſcrimen diligentiffimè quæſiviſtis, Credis demum, quæ nuper acta ſunt,
 , latere Rempub: ? nonne fœdum omnibus ſæculis fœdus intrâſtis? Si El-
 , bingam Poloni armis vindicare, non præmeditatis conditionibus repe-
 , re voluiſſent? Hæcine vera eſt erga Regnum Poloniæ amicitia? hæcne
 , bonæ viciniæ integritas? ſincerè pando vulnera, quæ innocenti Reipub:
 , infixiſtis. Quòd vera ſint, quæ attuli, Curiae Veſtræ conſcientiam ad ſu-
 , premum tribunal, in cujus oculis nuda, & aperta omnia ſunt, appello.
 , Fortè igitur hæc ignorare voluiſti, ut tantæ benevolentiae ſignificationē
 , felicius ſimulando, poſſes imitari. Proſectò nullum nobis interea bellum
 , imminebat, quod externæ militiæ ſuppétias exigeret, præter inopina-
 , tum belli Svecici Nuntium, qui clauſum cecinit, ne civiles etiam Lit-
 , vaniæ motus ita facillè componerentur. Gratulante nimirum ſibi diſcor-
 , diâ, offerri ſpecioſam occaſionem ſe tuendi, & amplius Phariſaiam pro-
 , ferendi, ſub clypeo alieno. Quidquid ergo malorum hætenus, quidquid
 , damnorum emerſit Reipub. huic fonti debeas, neceſſe eſt, non Sereniſſi-
 , mi AUGUSTI noſtri armis, longè alia cogitantibus. Sed illa eſt calami
 , tui malignitas, ut cùm ipſi fueritis cunctorum authores damnorum, non
 , modò tantum, ſed continuâ ſerie annorum, ut ſuſq; deq; Polonum ever-
 , teretis Imperium. Nobis nihilominus infelicem hunc partum objicias tan-
 , tò impudentius quantò clariùs deliquiſtis. Quam præterea compoſitor
 , literarum profeſſus fuerit olim artem, ignoro, interea non credo ta-
 , men Eutrapelum Tonſorem, ita humana capita feliciter aliquando de-
 , pilâſſe, quemadmodum tu omnem hic authoritatem expilâſti. Sed vo-
 , luiſti modò in prima hac conviciorum tuorum periodo, quàm Gothi-
 , cæ, Vandalicæque innocentia exornâſti illam humani ſpongiam ſangvi-
 , nis, Domitianum inquam æmulari. Nunquam ille triſtior ſententi-
 , am ſine præſatione clementiæ pronuntiavit, neq; aliud tunc atrocis
 , exercitus ſignum erat, quàm principiſ lenitas.

2. *Credo Eminentiam Veſtram iſta dudum omnia equo confi-
 , râſſe animo atque agrè tuliffe, cùm viderit Reipubl. neq; pauca, neq;
 , exigua enata fuiſſe incōmoda, quæ Regni Provincijs attuliſtis hoc bello.*

, Quis enim fumantis Patriæ rogos ſiccis ſpectaret oculis? quis populorum
 , lachrymas innocentum, quæ pondera vocis habent, ſine intimo ſenſu ex-
 , audiret? gemunt ſub veſtro jugo geminæ Provinciæ, ſub tractatum pa-
 , cis inhumanâ vi ad graviffima tributa coactæ, trahuntur in imiti armorum
 , poteſtate ad fidelitatis præſtandum ſacramentum obviæ nobilitatis familiæ,
 , moventur ſedibus ſuis, quæ reſiſtunt, fumant domus populares veſtris igni-
 , bus, promoventur arma nemine repellente, eò, quòd viciniæ Litvaniæ vi-
 , res, quæ ſuos fines tueri in primis poterant, civili diſſenſione diſtractæ, &
 , externæ copiæ, quæ primo aſſultu diſſipare has inſidias potuerunt, in ſpem
 , tractatûs pacis, ediſto Regio admonitæ receptui cecinerunt; eo ſiquidem
 , proſpectabat Sereniſſimus noſter AUGUSTUS, cùm 12 millia armatorum
 , in Saxonia parata retinuit, ſpeſ deluſus pacis. Taceo auxiliares ſuppétias,

A.C.1701, quæ in præcinctu fuerunt nobis. Habeatis necesse est fortunæ vestræ gratiam, quod tantæ hostilitatis augures nusquam fuerimus. Nullus vestrum a pertis oculis in Patriam redisset, neque vestigium Sveticæ in Livonia Possessionis legeretur hodie. Provocatum inprimis à vobis bellum, deinde jurato pactorum Sacramento, cœlesti providentiæ devotum, in scia Republicâ invitâque geri potuisse credas. Quis hætenus Serenissimum AUGUSTUM nostrum à pectore cum Republ. fœdere, avulsa repetendi absolvit? quæ lex circumscripsit? fortè cogitas bellum hoc non ex comitiorum Regni præscripto effusum? quia nulla interea temporis consilia occurrebant, quæ non ex Republ. æstimarent bonæ vicinæ juribus insistendum, & non tam bellico, quam pacis artibus vigilandum. Invitum tamen non potest cogitari regnum, quod jusjurandum de repetendis avulsis Serenissimo Regi suo præscripsit. Cur non huc referas bellum hoc, quo pacta Vielavientia, Bydgoskientia, Oliventia turbido Reipubl. intervallo extorta potius, quam composita. Hæc enim non expectatis Regni comitijs coaluere, aliquot tantum Senatorum assensu Regijs partibus favente, neque interrogatâ prius Republicâ stetere cum aperta & enormi læsione, reclamante toties magniloquio Regni Pro-Cancellario, deinde Primatæ Regni meritissimo Andrea Olshowio. Legisses utinam illius super ea re sententiam in publicis dictâ comitijs, postea in censura Candidatorum solidissimis firmatam deductionibus. Non omisit ibidem præclarus Scriptor, oblatâ occasione Pactorum cum Polonia Sveticorum fidem ad temporum memoriam producere, quam tu in nobis imprudentissimè criminaris, videres, quis prior Sacrosanctam jusjurandi Religionem violâverit? nolo tibi tot, tantisque meditationibus obtento plura simul obtrudere; unum Joannem ex eodem codice oppono Sigismundi III parentem, qui promissâ inter condiciones de eligendo Esthonia non erubuit denegare eam Provinciam, causarique à Carolo V & Maximiliano II Comitibus Imperialibus commendâ jure belli commissam. Cum non minus Esthonia pars nostræ olim Livoniæ fuerit, quam Smolenscum Litvaniæ &c. En Sveticæ fidei Religio, sed concludo secundum hoc punctum Crispi Salustij responso: Graviter & iniquo animo maledicta tua, si reseirem, iudicio magis, quam morbo animi, petulantia istâ uti, sed cum in te neque modum, neque modestiam ullam animadverto, respondendo tibi, ut si quam voluptatem maledicentiæ cœpisti, eam malè audiendo amittas.

3 *Speramus Eminentie Vestre haud levi fuisse lætitiæ ac delectamento, cum insignem inaudiverit, quam ab hoste nostro fœdisfrago summi numinis auxilio, nuper reportavimus victoriam, quâ ita feliciter casus, fugatusq; hostis, ut incertum sit, turpiorne fuga nunc ejus, an iniquior terrarum invasio fuerit?*

Quæ tibi frons aderat, cum ista effunderes, vel potius effutires? Bacchi credo temulenti. Sobrij enim calamus talia non auderet exarare. Eminentissimo Primati nostro aliquam lætitiæ umbram de hostili Svecorum irruptione, qui vi fœderum eodem nobiscum vinculo tenebantur, tam publicè velle imponere, aut svadere, par impudentia orbis totius iudicio confutanda. Quis enim sanæ mentis talia præsumeret primo Regni Senatori, & sacrorum Mystæ etiam privatim insinuare, quæ tu ita publicè non erubisti intimare, ut te caput simul cum fronte prius amisisse demonstrares. Præterea nescimus hucusque, quam insignem victoriam reportaveritis, duabus tantum legionibus repressis, quæ jam à tergo fuere Exercitus nostri, aliò abeuntis, de Regis sui mandato ad instantiam Reipublicæ & vota populorum militiam illam ita ordinantis. Certè non perinde est

, numerari palmas, & mereri victorias. Nunquam fraudes in Capitolio triumpharunt. Male tractatus pacis tam iniquo Marte evincuntur, etsi aliquid, quando coalescant, non diu floret olea, quæ inter ignes Martios emicuit, diu non potest alios ferre fructus, præter folia, ad cuiusvis auræ motum inclinanda.

, Exercitum Regium in procinctu jam viæ deprehensum, neque à te visum fuisse, aut impudenter appellasti, aut nunquam alia Regum legitima mandata, quæ sæpe Ducibus militiæ, ut interim conflictu abstineant, transmittuntur. Ann superioris aciem cum imaginaria hac victoria vestra, (prout tu illam quidem appellasti) ritè compone, & à turpis fugæ nomine abstinebis. Neque Serenissimum Regem nostrum terrarum invalorem vestrarum dices, si Provincias nostras, quas rejecto pacis tractatu ingressi estis, probe reputaveris. Sed placuit conviciari. Male de Rege nostro AUGUSTO loqui didicisti, cum bene nescias. Nunquam Cato, nunquam Lælius talia de Cæsare, aut Pompejo scripisset, armis utrinque florentibus, irruptionem Svecicam insignis victoriæ titulo donasti. Talpa facilius deprehenditur, ubi plus terrarum foderit; Numina terrarum Reges Joves nostri sunt, non fulminantur, sed fulminant, ubi suas nubes composuerint. Disce à calamo meo reverentiam Majestatis; non tango pupillam tui Domini: Tu utrique injurius es, cum ita protervo stylo grassaris, in gloriam utriusque. Tamen incertum est Europæ, turpiusne vos tractatum pacis rejeceritis, quam miles Regius, mandato revocatus à cæde vestra abstinerit, cui non pridem insveverat. Vicisse vos tamen nuper fuisseque Serenissimo Regi nostro præsentī libuit, non triumphare.

4. *Non solum liberata est sic incursionibus ejus hostilibus, sed etiam multum commodi & emolumenti vestra allatum Reipub. quippe quæ hinc spem certam concipere potest, se à multis magnisque imminentibus periculis, nec non jura & libertatem ejus à minitante oppressionem ac interitum usurpatione vindicare hac occasione optime posse.*

, Quis per verba hæc Cupressis virentibus similia, minores Aquilæ, Polonæ volucres illaqueari posse non crederet? si ita omnem imposuisses larvam, ne interior ex insidijs vultus tuus appareret; nimirum postquam palmares seminasti injurias, gratias à nobis expectas, postquam ferali taxo adornasti, aperuisti que pericula, securitatem polliceris. Rifu Sardonio credo correptus decantas liberatam hostilibus incursionibus Livoniam, quam ibi fraudulenter invalistis. Quem ergo hostem triumphare pene provinciarum appellabimus, si Regem nostrum Serepi plus, quam aggressorem dixisti; Profectò nisi totius orbis judicio refutari malis, æquius est, ut miles Regis Poloniæ in sui Regni tellure subsistat quam externus.

, Summam proinde injuriam, quam nobis attulistis, nescias, ex quo nomenclatore multi commodi & emolumenti donasti compellatione. Quod enim maius discrimen? quod damnum cogitari potest execrabilius Reipub. quam in profunda provinciarum illius viscera ferro, & igne grassari, sub titulo & umbra, seu, ut tibi placet, sub clypeo commodorum. Nempe fortunatas insulas extra terras & maria promittis, infelici fertorio per maxima pericula, ad majus navigaturo periculum. Pueris ista in atrio, vel arenâ colludentibus, non Reipubl. proponenda. Spem certam concipere nos jubes, à multis magnisque periculis hac occasione vindicari posse. Hanc inter spatia imaginaria, vel inter ideas Platonicas sub concavo lunæ repositam credo, servas. Cur enim tam grandia pericu-

A. C. 1701, pericula, quæ nescio per quam Dioptram aspexisti, non recentes? Ego verò crediderim non posse manifestius nobis imminere discrimen, quam si Regni nostri provinciæ ab alieno, non ab Electo Rege nostro teneantur. Eadem simul viâ jura & libertatem servari posse ingeniosius, quam verius insinuas, qui verum libertatis nostræ gustum nunquam habuisti. Integram nobis per tot sæcula adhuc superesse libertatem, nullus orbis non videt, nullus non invidet. Si nihilominus tantis majorum nostrorū impensis comparatum hoc decus minus æstimaremus, aut viles inter animas rejecti quoquo modo mercaremur, profectò vicini Principes vindicando adessent, etiam non invitati. Arcanum pando: Olim enim omnes hodie periclitarentur hac sublata. Stamus adhuc ipsis suffulti casibus Poloni, nondum nos infestè sepulchro stamus, viresq; nobis, animiq; viriq; supersunt ad memoriam eorum, quæ nobis temporibus CASIMIRI III. infixistis, refricandam.

§. Perpendite, rogamus bellum hocce citra Reipub: consensum, ut credere fas est, susceptum nec non aliorum consilijs, quàm qui Reip. non bene cupiunt, decretum, gestumq; esse, quin & Rex vester secreta cum alijs potestatibus percussisset fœdera, & tractatus confecerat non paucos, quorum nec habuit notitiam Respub: nec bono publico, & scopo ejusdem salutaris erant adequata, pro libitu disposuerat, quæ è diametro cum Senatûs Consultis, & Reipub. pugnant constitutionibus pacta conventa eludere quovis modo, & artificio satagebat, curamq; adhibebat maximam, quo inter præcipua Regni Polonici membra, atq; concives discordias, & internecina odia concitaret, & aleret. Ex quibus omnibus, alijsq;, quibus supersedendum nunc putamus, luce meridiana evadit clarius nihil Regi vestro fuisse deliberatius, quàm formidandas sibi utrinq; acquirere vires, debilitare cives, & Regni incolas, eorumq; attrectare paulatim jura, constitutiones publicas perumpere, ac destruere, & supremum tandem arripere cum Reipublica everfione arbitrium, atq; dominium.

Immortales tibi ageremus gratias, quas referre non possumus pro supplici hoc libello, quo nos tantopere rogas, ut mala nostra perpendamus tempestivè. Si plûs solidæ probationis, quàm nudæ assertionis attulisses. Lege, si tibi libet Senatûs Consilij de hoc bello sententias, quæ comitia Regni in tempore præcesserunt; vel si hoc tibi non facile concedatur, expendas velim Magni Reipub: Mareschalcæ S. R. I. Principis Stanislai Lubomirij, ut ævo ita singulari experientiâ rerum eximij sensum publicis expressum typis, & de consensu, toties repetitam eramben, stomachanti palato non obtrudes. Seren: Regem nostrum arcana cum Principibus percussisse fœdera Ignorante Repub: perinde est conviciari, atq; non probare quando? & cum quibus? Profectò si vel umbram hujus veritatis latere intra profundissima terrarum viscera comperisses, tantus livor in publicum solem refudisset. Palàm quidem legerentur à nobis nomina eunctorum Principum, omnibus constaret typographis, quando? & ubi hæc alea de Regni nostri juribus & libertate jacta fuerit? Tu certè non eam, ut clare perspicio, habes reverentiam AUGUSTI nostri, tacueris, ut si non ignorares ipse, cujus calamitas talia promulgavit, quæ neque in octavi sapientum Græciæ legantur somniis. Pharsalicam inter concives discordiam ante electionem Ser: no-

stri Regis ex occasione coequationis iurium enatam bene novimus, aliam hucusque penitus ignoramus, de qua tu video, nuntium, nescio, ex qua orbis plaga accepisti, verilimilius tamen est nobis credere, qui hæc palpamus, spectamusque in Patria, quam tibi, qui ex peregrinis foliis, tanquam de Nilo, maculoso limo, stagnantibus otij septem hausisti, ut haberes, quod per otij licentiam effunderes. Pacta conventa ne eluderentur, de repetendis avulsis, providit inprimis Seren: Rex noster, proinde videbitque amplius, Divino numine aspirante, & causa meliori favente.

Concludis projectis tot obij, eriminationibus, & nunquam probatis, quibus non tantum Regiam Majestatem, sed ipsa etiam folia Epistolæ tuæ tœdasti, alterendo, luce meridianâ tibi clarius apparere, quod Serenissimus AUGUSTUS noster omnes eò curas verterit, ut effraetibus Regni legibus, in calcata civium colla ad absolutum evadat Principatû. Scilicet tu centoculo oculatior Argo, vel bifronte Jano perspicacior, ille præterita respiciebat tergo, & fronte venientia prævidebat, tu etiam illa introspeixisti curiose, quæ nunquam acciderunt, neque uno sæculo possunt tam facile advenire, quam tu temere cogitasti. Si forte Elector Brandenburgicus in meta tibi est, nobis nihil hucusque compertum. Notant tamen Astrologi sub ortum Connæ flare ventos, & nascentibus Imperij procellas excitari, certum est, quia non desunt animi semper præsentibus mœsti, & futurorum avidi, qui sive evidentia, sive metu, sive lucri & honoris cupidine, sive dolore contumeliæ, Principatum nondum hærentem sibi, nondum alta radice firmatum, acrius percellunt. Si clementia Serenissimi Regis, quam hucusque adhibuit, in moderanda dissensione Litvanicâ bilem tibi uni movit, aut obliquam iniecit suspicionem adversæ coniventia, fortè legisti, quæ adijeio. Multa sunt humanæ imbecillitati condonanda, ignorantia multa, quædam etiam affectui, pœnitentia omnia. Multos servare oportet etiam invisos, nec audiendi omnes, qui volunt perire (Quibusdam error imposuit, quibusdam opinio fucum fecit: alios magna consilia pessumdedere. Sunt etiam, quibus sola fortuna pro culpa est. Multos absolvent, qui se à Deo cupient absolvi. Nulla tamen solers cura, nulla tamen profusa benignitas, quæ omnes motus posset amoliri. Res populi est, aut nulla esse bella civilia, aut citò finiri. Interrogare igitur prius debueras iudicij tui Areopagum, vel conscientiam, licetne Regum præcipuè externorum, tantò minus vicinorum, tam audacter intimum Capitolium, imò etiam cogitationes profundas subintrare; Reges divini in terris imperij vices gerunt. Reverentius omni ævo visum de actis Deorum credere, quam scire, nisi ex illorum sis numero; ut scias mane, quid Jupiter de nocte locutus cum Junone? vel vices Ganimedis agas inter mensas Principum, inter Alexandrinos nuper pueros educatus. At non facile adducor, ut fidem adhibeam, si etiam omnes tabulas Poëtarum superares, qui tamen novæ apud nos historiae vis Author haberi. Itane verò nos lippos credis, ut plura propius non videamus, quam tu tot à nobis terrarum spatijs, & animo magis alienus. Crede mihi, si mereor aliquam apud te fidem, vel ambio: aliena & nimis procul à vero recitasti. Eum nacti sumus Poloni Principem, quem optimus quisque color decet, ut Aristippum, & nullius rei tantopere sitientem, quam gloriæ immortalis. Quomodo dilatare amissos Patriæ fines ita diligenter contenderet? si amaret, ut inquis, domi discordias, quomodo servaret ad bella cives, perdendo? non haberet profectò, cui tandem impareret. Nulli, si memini, Regum ejusmodi ratio dominantium successit hætenus. Neque Bohemia, neque Hungaria, omnes viros, viresque amisit, postquam novi habenas admisit imperij. Formidandas tandem

4.C.1701, dem contra Poloniam à Serenissimo Rege nostro nihil minus cogitante, conquiri vires, postquam buccinare non erubuisti, unde? & per quæ certarum spatia, vel per quem actorem in nos irrupturas, dicere omisisti sapienter, cum probe ignorares. Ad hoc tamen per compendium tibi repono, Nihil ita formidabile natura produxit, cui non vicissim aliquid opposuerit formidandum. Meministi modò, quàm feliciter non ita pridem Poloniae Regnum Svecis, Brandenburgicis, Moschis, Cosacis, Hungaris, Scythis, & quod his difficilius fuit civilibus discordijs eodem simul bello restiterit. Poloni enim ita volente supremo Numine, fortius suis fluminibus, quàm cæteri hæcæcum mari defenduntur. Quoties tamen ferventioribus solis radijs, vel nimij Martis æstu siccantur, illa quàm primum affuso sanguine hostium attollimus.

6 Hocce immoderatum vasti animi destinatum, nunc quidem nostra victoria existimari potest, quodammodo repressum, sed artibus ejus non confidendum, tempestivis consilijs, fortibus remedijs, & citâ executione opus est, si salva Regni jura, & incorruptam libertatem vestram cupitis. Dubio enim caret, postquam in animum semel induxerat absolutum regimen sibi vindicare, ne conceptâ spe suâ, magnisque ausis excidat, nihil cum relicturum intentatum, quo illud perficiat, nihil pensi habens, si finis, quem sibi proposuit, obtinendi gratiâ, & totam Rempubl. & præcipua ejus membra noxa & interitui immolaret.

, Hucusque ignota omnibus tam vasti animi destinata, quodammodo à vobis repressa, ne fidem quidem apud nos invenerunt, reprimi siquidem nequijt, quod nulli fuisse constat, præter opinionem tuam baculo suffultam arundineo. Quid verò Serenissimus AUGUSTUS noster tacitâ mente agitet, proxima Regni comitia fortè evolvant, & ver imminens toti Europæ aperiet clarius. Polona siquidem Respublica geminos habet oculos, Senatorium scilicet ordinem, & Equestrem, quibus incumbunt iuris antiquis, & libertati procul videre possit pericula. Externâ ad præsentem, quam temere minaris procellam, non egemus perspectivâ. Artibus Regum, quæ legibus nostris hucusque parvire, nunquam Poloni rebelles fuimus. Imperito medico, tu interea similis es, fortiaque, citaque svades remedia adhiberi, ubi nullus morbus adhuc apparuit, qui unâ dexterâ non posset in tempore dissipari. Tu verò tantum celerem svades executionem medicinæ, ut citius præcipitatis remedijs moriatur, qui nunquam ægravavit. Nominare prius morbi præsentis causas debuisti, non augurari, priusquam remedia tam violenta præscripisses. Profectò inutilitatem hætenus artem imitaris, morbum advocare contendis remedijs, sano adhuc, integroque corpore morem illorum secutus. qui rectè valentibus medicos svadent, ut luorum capiant, morte improvisâ pœnitendum illi, qui valuerat. Libertas etiam nostra nulli externorum carior est, quàm nobis, quibus tot, tantisque non fortunarum modò, sed sanguinis quoque stetit impensis. Aulae, Regnique Ministros censeamus illos, quos orbis exempla docuere: quid sit innocentem, vel merenti Rempubl. Tam difficilem proinde absoluti imperij cogitationem nemo Serenissimo Regi nostro poterat injecisse, nisi reus Majestatis, & illius securitati minus favens nec non tranquillitati publicæ in his præcipuè rerum terminis, qui nos circumstant. Si tamen similia tuo scripisses nomine non Sveticæ Tit. Majestatis, non defuere modi Reipubl. quibus petereris: interea sub tanto clypeo salvus es. Absolvistes nihilominus non Polonos tantum, sed totam etiam posteritatem, ita impor-

, importunâ clarâque malevolentiae tuae suspicione, si quid eorum probâsses A.C. 1701
 , in particulari, quæ sine ullo prorsus argumento, quasi oracula nescio ex
 , ejus Apollinis tripode audita, vel in bicolli somniata Parnasso, ita palam
 , protulisti. Odio præterea plus quam Vatiniano professæ nuper fideiâ Se-
 , renissimo Rege nostro, præcipua Reipubl. membra ad necem, & totum
 , Regnum ad interitum destinari asseris. Inter Medos & Perlas tanta ma-
 , lignitas ignoratur. Nunquâ Neronēs, nunquâ Maxentios, Diocletianos, nun-
 , quam Regū Poloniæ solia per tot sæcula conspexere. Longè sumus po-
 , siti ab ævo illo infelici, quo Tyranni purpuram suam non tam ultro
 , Tyrio, quam civium sanguine imbuebant. Habemus gratiam Dijs Tute-
 , laribus, quod in hanc usque diem illos Imperij nostri censeamus modera-
 , tores, ita pios & elementes, ut nullus civium illis Regnantibus pullam ve-
 , stem induerit. AUGUSTI demum nostri clementiam omnibus retro sæcu-
 , lis prædicandam, & procul a tam immani feritate, quam tu impudentissi-
 , me criminaris, nullus est, qui non videat, nullus, qui non amet. Utrum
 , te illius gloriæ, solique splendor ita excecavit, ut sol in assuetam suæ lu-
 , ci palpebram meridianis solet radijs flagellare. Non ideo tamen sydera Se-
 , renissima non sunt, non ideo mel non est dulce, quia ægris sic videtur; ne-
 , que ideo rosa non fragrat, quod mortem adferat lecarabæo.

7. *Hujus igitur malo maturè præscindendo medium accommodati-
 us vix adhiberi potest ullum, quàm si Rex iste throno, quàm primum
 deiciatur. Quippe quo se in fracta toties legum, & jurata capitulatio-
 nis fide, reddidit indignum. In quo cum non minus Reipub: vestra,
 quam nostra posita sit securitas, non possumus non huic rei perficien-
 da summopere insistere. Neq; quispian rerum peritus Rempub: pro-
 pterea iniquitatis accusabit, accusabit autem fortassis posteritas, nimia
 lenitatis ac imprudentiæ, si id infectum reliquerit, nec nobis imputari
 poterit culpa, si necessitate adacti hostem nostrum persecuti fuerimus,
 uoicunq; ipsi securitas & sustentatio contingat præstari; cum satis, su-
 perq; constet nobis nihil magis in votis esse, quàm ut quies duarum na-
 tionum, quas nativa quadam & perpetua communis utilitatis ratio
 propiori amicitia nexu conjunxit, quantum in nobis situm est, non
 perturbetur.*

, Dij boni! quantum prius pulverem excitasti, ut eò tandem demen-
 , tiæ pervenires, quò nulla fatuitas ausa est Polonos ducere, nimirum
 , quemadmodum onerati mero, non continent & cibum, & secretum,
 , sed quod suum, alienumq; est, pariter effundunt; ita tu nescio quo li-
 , vore in Seren: Regem nostrum, ævo immortalis dignum, tamdiu tortus
 , aperuisti mentem fastis nostris incognitam, & arcanum de exturbando
 , Rege innocentissimo consilium revelasti. Huccine illæ omnes crimina-
 , tiones, quibus Epistolam onerasti, collimabant? ut tam fœdam tandem
 , impietatem nobis persvaderes, quibus omnia sceptrâ sacra sunt & omnē
 , purpuram adoramus. Putasti ne Finlandis tuis aut Gothis scribere non
 , Polonis? qui eò religiosiores in fide servanda, quò liberiores, & quibus
 , illa est erga suos electos reverentia, illo Regum amor, ut gloriari omnes
 , possint, se in cujusvis civis sinu dulciorem capere quietem, quàm in Re-
 , gia. O solâ fortem garrulitate fecialem, qui nos more Andabatarum,
 , cum armatis umbris, incertum, in quò campo Martio dispositis omni-
 , no jubet præliari. Scilicet illa nobis, illa vobis remedia præscripsisti Ga-
 , lene Vandalice, quæ illum Reipub: morbum adferri possint, ex quo nun-
 quam

A. C. 1701, quam convalesceret. Violatâ toties legum & juratæ capitulationis fide, indignum solij Poloni Majestati Regem, plûs, quam prætoriano edicto, pronuntiasti, quem nemo te præter accusavit. In hoc uno Arcopagitas imitatus, quod clausis oculis, & submota luce protuleris, ita crudelem sententiam. Massagetis ista, vel barbaris obmurmurare poteras, apud quos tot Reges non licetâ morte ad Cereris generum descenderunt, non Polonis; qui etiam exulanti olim Regi suo Silesiam ad vitæ alimenta, concesserunt. Boleslaus audax sponte se Regno exiit, non vi pulsus. Miecislauum senem sua throno exturbavit inertia, Christinam impietas populi, Leszco albus Casimiri filius, à Svetopelco Pomeraniæ Governatore interemptus, Premislaus II. à Marchionibus Brandeburgicis vitâ simul & purpurâ per insidias exutus est. Idem fatum Sigismundum III. in Svecia expectabat, nisi se nostræ felicitati diligentius servâisset. Poloni ergo nunquam in suos Reges surrexerunt, aut savierunt. Jam metire, si potes, quantum hoc clasico perfeceris, quod instasti. Excivisti sedibus suis omnium Legatos provinciarum, qui vitam, fortunas, liberos & sanguinem sui Serenissimi Regis securitati nomine publico devoverunt. Armasti Regnum totum in prælia, non humili, exiguoq; sanguine dirimenda, dicam simul: Apes omnes pro Rege innocente ex alveari provocasti, aleyonia domesticæ tranquillitatis, quæ ex certissimæ pacis ominaminebamus tractatu, & jam de litore prospectabamus, infelici hæc turbâ diffasti. Quod velitis telam hanc aranearum, quam orsi estis perficere, nullatenus ambigo: sed neq; hoc incertum, quod Arachnam Minerva superare possit. Ex Ceraunijs porrò Sveticis prius tu legeris palmas, aut filia, quàm Poloni publicæ inde gloriæ folium recipiant, si Regē tantis Majoribus ortum, totque insignem trophæis, throno in quo eum non ita pridem posuerunt, nullâ causâ, præter tua commenta, quæ tantum apud nos conciliârunt fidei, quantum ubique probationis attulisti, movere contendant. Neq; ullam pro eo formidamus posteritatem, quod optimo Regi nostro, juratam semel fidelitatem, & nunquam ante nos violatam, illibatè, integreq; servaverimus. At vestræ hostilitatis culpam nullius unda Ponti satis eluet, si præter trium provinciarum usurpationem amplius signa vestra explicaveritis. Noveris quidem Polonos, didicisse sub frigido quoq; Jove fortiter militare & Sarmaticas ferre hyemes procul tentorijs, procul foco. Satis nobis est ignis Pyrius, quo Martius ignis incalescat. Flumina nobis longo gelu glaciuntur, non animi. Non ita pridem hastas posuimus; non imparatos proinde deprehenditis, neq; inter jejunos focos oscitantem militiam experiemini, si (quod minaris) adveneritis. Quodecunq; enim membrum ense recidendum vel effodiendum est, si non bene conveniat suo corpori; universi nihilominus excipiunt medici, Theologi; caput. Nostræ vestræq; Reipub: quietem cordi vobis esse inprimis, & inter vota præcipua, nemo est, qui intelligat, postquam illam tribus provincijs exturbastis. Certè non istis artibus Regni tranquillitas comparatur. Verùm, credat Judæus Apellæ, ego tamen à fide hac tantum abhorreo, quantum tu diffides à Romana.

8. De hac re tota in literis nostris ad Rempub: perscripsimus prolixius, quas opportuno tempore tradendas Eminentia Vestra commendamus, simulq; ab ea benevolè & amicè contendimus, ut iisdem pondus authoritatis suæ, summamq; quâ pollet, prudentiam, & consiliorum dexteritatem adjungere non gravetur. Quod si fiat, nulli ambigemus, quin & vim habeant efficacissimam, & nobis optatum adveni-

adveniat quantocius responsum. Si quid opis & auxilij à nobis desideretur, lubentes promittimus nos præsente nunc exercitu nostro, eidem Reipub. pro rei exigentia adfuturos, nec immemores erimus aut rei & laboris ab Eminentia Vestra præstiti, aut testificationis erga eam, quacumq; occasione grati animi Regiæq; nostræ benevolentia. De cætero Eminentiam Vestram Divina tutela commendatam, & quàm diutissimè incolumen cupimus. Dabantur in Castris nostris propè Bauskie die 30. Julij Anno 1701. A.C. 1701

, Insolitum quidem hætenus apud nos fuerit, ut Primas Regni nostri, vices externi ad Rempub. tabellarii aliquando ageret, præcipuè ubi de summa rei & seditione civium ferebatur sententia. Sed is menti tuæ calor incidit, ut non alteri libellum Regis Sueciæ, nisi Eminentissimo Cardinali commendares, simulque pondus & auctoritatem conciliares epistolæ. Dabis veniam, alibi imprudentiæ tam insigni fiduciam conciliare, aut saltem quærere debuisti, & priusquam auderes, atrium indolis explorare: cuinam literas Uriæ porrigeres? Non placuit fortè interrogare orbis exempla, & sæculorum memoriam, num fas esset ita palam feralem flammam Regiæ injicere alienæ per primum Senatorem, & Regni primum Principem. Profectò tam præcoci consilio felicem successum polliceri non possum. Errores impetu, consilia morâ valescunt, ita festinata ad Remp. literæ, procul Regni Comitibus, perfimiles arbitror excitato culinæ foco, perdice adhuc per ignotas sylvas, aut campos Elysios volitante. Summa præterea prudentia, & consiliorum dexteritas, quâ Eminentissimus Primas pollet, ante alios id præstabit, procul dubio ut se illis subducatur, quos reos esse læsæ Mtatis tam clarè intelligit. Auxiliares nobis suppetias, si necessitas postulaverit, præsentemq; exercitum liberalissimè polliceris. Quodsi tamen Balenæ venter, aut lari guttur hastibi Reip. nostræ tuendæ cogitationes peperit, & infessæ Regni Provinciæ famem adhuc accendunt, noveris etiam vultures, Harpiasque longam post inediam, escis, quas in ungvibus habent, minimè saturari, sed aliorum nidoribus cadaverum intuper inhiare. Leonem hæcibus non satiabis; majorem sitit prædam.

, In conclusione epistolæ ita peritè integri amici adornâsti imaginem, atque si Pyladem aliquando pinxisses, vel Orestem, grati animi significationibus, eos colores addidisti, quos neq; Apelles neq; Protogenes adhibebat, Helenam expressurus, vel unam Gratiarum.

, Fruere igitur tam felici ingenio Scriptor Regie & egregie jamq; nervos animi tui, tot criminationum, fraudiumq; meditatione fatigatos refice, & exiguo piperi, si sapis, adde piper. At ne fortè ad imaginem veritatis impotenti patientiæ exardescas, laudo jam per omnia literarum folia diffusam artem solertiæ tuæ. Piscatores peritos in turbido diligentissimè laborantes, vel adulatores imitari voluisti, qui nihil potius meditantur, quàm quod putant gratissimum Auditoribus fore. Nec enim aliter impetrabunt, quod petunt, nisi quasdam insidias oculis, auribusque fecerint. Ne non amicâ manu exarata hæc putes, iterum iterumq; calamum tuum moneo, caveat, ne in Serenissimi AUGUSTI nostri solium repetito ausu inolet, Aliàs non crabrones tantum, sed carbonem etiam Vulcani publici excitabit ulturos tam impudentem paginam. Vale, si potes, & me, si vis ama. Oppositum enim: Oderunt speculum deformes cernere vultus.

COPIA

A.C. 1701

COPIA LITERARUM REGIS SUECIÆ, AD EMINENTISSIMUM REGNI PRIMATEM.

Traditas esse Eminentiæ Vestræ literas ad eam nostras (ad quas adjunximus inclytæ Reipub: datas) eò minùs dubitamus, quòd nobis innotuerit priorum non solum divulgata esse contenta, sed etiam apud plerosq; scripta earum exemplaria reperiri. Declaramus in ijs prolixè propensionem nostram, & desiderium continuandæ decum Repub: vestrae sincerae amicitiae, stabiliendæq; initorum pactorum fidei, quatenus injusto ac perfido, quod nobis Rex Polonia intulerat, bello, sese non immisceat, simulq; à nobis rationibus perspicuis evictum est, æquitati, & communibono maximè congruum esse, ut Regi, qui contra nos pervicaci odio accensus, Reipub: etiam jura audacter contempsit, habiti indignè Regni habent sine temporis dispendio eriperentur, militesq; ejus è Saxonia adducti Territorijs Polonicis exterminarentur, & alius Regni fastigio dignus solio imponeretur, cum quo fida vicinia, pax & necessitudo tutò posset institui, ac coli. Requisivimus insuper Remp: ut mentem suam circa hoc negotium vellet nobis sincerè exponere, & significavimus vobis, si aliter evenerit, haud nobis imputari debere, quod ipsa rei necessitate exigente non poterimus non ulterius procedere, hostemq; insensissimum ubicunque commorantem persequi. Cum verò nihil nobis ad hunc usq; diem redditum sit responsi, operæ pretium esse duximus dicta propositioni nostræ iteratâ vice insistere non ambigentes, quin Remp: eam ipsam non modò æquitate suffultam, sed & cum emolumento suo proprio convictam esse judicet. Hæc enim unica est via, quâ liberari Respub: facillimè potest ab exitio suo & Rege, qui præcipua ac primaria jurata capitulationis momenta infringens temerè conatus est Reipub. libertatem ac inveterata jura convellere, durumq; liberæ genti imponere, affectatæ, illimitatæ potentie onus, cujus rei haud extare possunt documenta luculentiora iis, quæ ex actis omnibus ipsius Regis eluxerunt. Bellum gravissimum inconsultâ Republicâ indixerat; Pacem Olivensem Constitutionibus Regni & legum volumini insertam, quæ longo temporis tractu magno utriusq; Regni commodo culta pro tranquillitatis mutuæq; necessitatis præsidio, ac fulcro, cui innititur Reipub: salus, & incrementa semper habita temerè violaverat, quietem publicam turbaverat, excitans dis unde quaq; bellorum motibus operam impenderat, cum aliis potestatibus tectâ, noxia consilia implere satagebat, & omnimodam deniq; jurium vestrorum & privilegiorum depositionem pro libitu attrectaverat, ejusmodi inquietis, turbulentis, & perniciosis destinatis intentus, opprimendæ Reipub: ejusq; constitutionibus evertendis aptissimæ crediderat. Quantum ad nos attinet, haud ferendum existimamus, cum vicinæ Reipub: gubernando clavo assidere, qui protulit tot sprete fidei, contemptiq; jurisjurandi experimenta, ut præmissis assécurationibus ejus de instauranda pactorum antiquorum integritate

tate nulla prorsus superstrui securitas queat. Ut nobis igitur Illustris A.C. 1701
 Respub: quantocius animi sui sensa explicet, Eminentia Vestra mitte-
 re haud differat amplius, iterum iterumq; rogamus. De cetero sicu-
 ti Eminentiam Vestram Regio nostro favore complectimur, præstan-
 daq; ipsi grata mentis & existimationis nostræ indicia paratissimi, ita
 eandem Divina protectioni cōmendatam diu salvam, & incolumem
 cupimus. Dabantur in Castris nostris Grobin die 19. Novembris.
 Anno 1701.

Eminentia Vestra benevolus amicus.

Carolus.

ECHO PRIMI RESPONSI AD AURES, OCULOSQUE COM-
 positoris Literarum Gothicarum, nomine Serenissimi Regis Sveciæ
 Eminentissimo Regni & M. D. L. Primati secundo scripta-
 rum, directa & percussu.

A Dhuc ne telum Enecladus audax in Jovem torquet; neq; indomi-
 tus calor, ignes spargere noxios cessabit unquam? utinam tibi su-
 peri mentem ingenio meliorem infudissent! abominandam cram-
 ben, fortè caulibus enutritus calamus, iterum per levissima recoctæ, neq;
 tamen adhuc probè digestæ Epistolæ folia impudentissimè repetit; in-
 genuo palato regerendam. Ut ita probrosis criminationibus abstineres,
 publici Vulcani carbones tibi, tuisque meditationibus per tot paginas
 diffusis, sum prius comitatus, postquam ita petulanti stylo unctum Chri-
 sti petere, pungereq; ausus es.

, Non ita immemorem coronati sui Capitis reputare Poloniam debuisti!
 , mente inprimis tuâ, deinde argento vestro (quod fortè spargitis) ut inno-
 , centem Rempubicam trahatis ad interitum: purior est semper Polonis er-
 , ga suos Reges veneratio, & illibata fides, quàm Svecis, Gothis, Vandalis-
 , que. Datam semel Orthodoxo Principi fidem nunquam hætenus violâ-
 , runt. Duræ minus forent aures, si talia de Serenissimo suo Rege inflexæ
 , audirent, non averſæ. Duriore oculi, si legerent immoti, quæ de alio Re-
 , ge subrogando (fortè radio Caniculæ, cum primas literas exarares in ce-
 , rebro percussus) tam publicè insinuâsti. Certè si nullam aliam haberemq;
 , agendi vobiscum belli rationem, geminæ tuæ in repetitis literis, ex ver-
 , tuto, sed non versato ingenio compositæ offensiones satis essent ad classi-
 , cum, armis in vos immortalibus promovendum. Ob selem occisam Ægy-
 , ptijs tot millia Romanorum periëre; Tarentinam cladem Nautico exortam
 , convicio fasti memorant. Gvilielmus Anglorum Domitor, de præpingvi
 , suo ventre Philippi Regis Galliarum jocum (sinamus, inquit ille, puer-
 , peram decumbere partui, ut ex mole ventris apparet, jam vicinam) quot
 , cladibus Provinciarum Galliæ vindicavit, postquam ex morbo longiore con-
 , valuit? quot cædes populorum derisus venter peperit, Regiæ levitati quot
 , Heroſi animæ parentârunt? Trojani belli flammia ex quàm humili scintilla
 , sumpsit exordiū, referre vetat pudor. Toto decennio arſit Ilium, & mille
 , navibus quotidiano repetebatur periculo. Alexander Macedo ab Aristoteli
 , stotele puer adhuc admonitus, ut thuri largius profundendo parceret,
 , postquam adolevit, thuriferæ campos Arabiæ bello immani petijt, ut ha-
 , beret Præceptor, quod amplius posset exprobrare. Recentes bellorum cau-
 , sas non memoro, quas præſens bene experta ætas, inter Principes Euro-
 , pæos hodie usque repugnantes. Tardè movenda sunt fulmina quæ per-
 , culsi colant.

A.C. 1701

, Tu Serenissimum Regem nostrum tot convicijs ita publicè petijsti, tu
 , Regnum Poloniæ ad seditionem mille artibus invitasti; tu omnia Regni ju-
 , ra à Rege innocentissimo penitus violata (procul omni probatione) pha-
 , naticè pronuntiasti; tu Augustum nostrum hostem dixisti infernissimum,
 , qui tamen edicto Regio suam novissimè vetuit militiam, ne vos (in spem
 , facilius conciliandæ pacis) pari ut nuper Marte cæderet, fugaretque; tu
 , detrita fronte in jura Cardinalia liberæ gentis, & Regum electionem in-
 , solenti calamo involasti, ac si suffragia Electoris populi a tua potestate de-
 , penderent, & pro tuo beneplacito possent revocari. Regem præterea no-
 , strum per suprema Europæ fastigia, Regumque thrones, ab Augustissi-
 , ma Majorum suorum origine ad clavum Poloniæ pari omnibus Regibus
 , magnificentia deductum, unus Ardelio indignum solio Polono centuisti.
 , Tu perfidum bellum hoc quod præcipuè ideo susceptum fuit à provoca-
 , tis, ut solidius firmarentur utriusq; partis fœderum percussorum sancti-
 , ta, & Religio de repetendis avulsis clariùs constaret irritatis ad Polon-
 , gam. Interim nullæ à nobis in Svecia Provinciæ, perinde, atq; à vobis
 , nostræ ita hostiliter sunt occupatæ. Non enumero singula quia novæ
 , quotidie accedunt læsiones, pariter nobis recensendæ. Erit tempus o-
 , mnes læsiones, excarnificationes nobilium & rabiosam ultionem, ac tot
 , flagitia, devastationem, alieni usurpationem, rapinam, damna omnia
 , computandi, quæ per insidias hoc bello ex arte compositas innocenti
 , Reipubl: peperistis. Sinceræ amicitia, stabilendæq; initorum nobiscum
 , pactorum fidei, spem facis indubitata, non memor interea, quam fæ-
 , dum omnibus retrò sæculis fœdus nuper cum quodam Principe percus-
 , seritis, si Joanni III. ad Viennam Austriæ liberandam castra moventi
 , non ita feliciter belli Turcici alea cecidisset. Præterea non ignoramus,
 , quid cum alio vicino machinati fueritis, si Elbingam offensivo Marte
 , vindicare Poloni voluissent. Scilicet hæc sunt sinceræ amicitia & fir-
 , mandorum pactorum, fidei vera, solidaque documenta. Addo per com-
 , pendium. Tu nescio, quam epistolam nomine Tui principalis Eminen-
 , tissimi Prælati commendasti tradendam Reipubl, quæ tunc procul fuit, ut ad
 , generalia Regni totius comitia conveniret, quo tempore schedæ ejusmo-
 , di (extra perduellionis discrimen) à nemine possunt exhiberi Reip. Un-
 , de tue inprimis consilio, deinde publicæ Eminen: Prælati gloriæ huc-
 , usq; apud nos integerrimæ, insignem contumeliam attulisti. Responsum
 , expectas? menti tuæ amenti conforme. Erras toto mari, nescio quibus
 , Echeseijs illectus. Habebis Responsum ex Regni Comitibus, sed non illud
 , cui nefas est privatam manum, sigillumq; apponere in Polonia. Tu ubi-
 , cunq; commorantem persequi Seren: Regem nostrum insolentissime mi-
 , naris, quasi invitatus. Hæcine est bonæ vicinitatis & sinceræ amicitia
 , tessera: Hæcine pactorum cum Regno Sveciæ fœderum perpetua Reli-
 , gio? Fortè credis nos ita inermes esse pro Rege nostro semel electo, &
 , legitime coronato. Noveris, velim, conviciorum inferendorum nescios,
 , tolerandorum diu constantes contemptuum præsertim à talibus (qualis
 , tu es compositor) inter mensarum hilaria liberalissimos derisores. Me-
 , minerunt enim non procul se ab alia fortissimi cæli plaga genitos esse,
 , de qua scriptum olim acceperunt. Vires animiq; supersunt, jam prope
 , post animam, præcipuè ubi pro electo, & coronato jam Rege dimicandū
 , est. Tu, durum affectata, illimitatæq; potentia liberæ genti onus, &
 , nescio, quod jugum polliceris, de quo nemo fortassis mortalium, præter
 , te unum somniavit in Sveticarum Parnasso rupium novissimæ officina
 , tabulæ. Non unius sæculi hoc negotium esse Hungaria clariùs de-
 monstra-

, monstravit. Laphitarum hoc est & Centaurorum, nihil aliud bellando, A.C.1701
, quam bellum quærere. Legimus Tiberianorum & Herodianorum exi-
, tus. Novimus subdolum mentem non alio niti comitatu, nisi spe lubri-
, cã, certo quotidie metu, incertis consilijs, potestate brevi, aut nullã.
, Neque Athenæ Cæcropem, neque Spartani Reges fastigij sui gloriã la-
, seivientes diu tulere.

, Apud Polonos quoque nulla imperij diuturnitas securitatem facit
, vitiorum. Illos eligimus, coronamusque Reges, qui securè in omnium
, sinu civium, cives pariter in corde Regum securè possint hospitari.
, Tu primus utrosque illimitatæ potentie onere imaginario conviciaris.
, Neque possum facile adduci (ut credam interea) sincerè te odium ab-
, soluti Principatûs nobis persuadere velle, cui à tenero ungue ita torti-
, ter assevesti, nisi fortè tibi placeat palmarem injuriam Serenissimo tuo
, Principi, absoluto moderatori Regni & tuis contribulibus, libertatis
, nostræ colore adspargere. Fraus est soli cæco ignota. Parco reliquis
, justis in Sveciam belli rationibus, & jam concludo punctum hoc. Profe-
, sso neque Ægyptiorum catus, neque Tarentinæ cædis, fortè à calce-
, is provocatio, neque thus Alexandri Magni, neque Philippi Regis Gal-
, liarum jocus, neque Asiatica levitas, tam justa merebatur arma, atq;
, tuæ geminis jam epistolis proclamatæ criminationes, aut scommata.
, Dixisti prius: ideo Regis tui milites Regni nostri viscera Ingressos, ut
, externum militem limitibus Polonis exturbarent, pacemque hoc mo-
, do conciliarent Reipublicæ. Iam pridem clementissimi Regis nostri
, jussu præfatus exercitus Patriæ suæ limina repetijt felicissimè. Quare
, tamen hucusque Curlandiæ, Livoniæ, Samogitiæ, Litvaniæ hostilitate
, barbarâ imminetis? Cur ad tributa ferro cogitis populos innocentes?
, cur per tot exquisita supplicia sangvinem emungitis, insignes nobiles
, ad furcam damnatis? cur electum & coronatum Regem nostrum Se-
, renissimum solio exturbare contenditis? latet angvis in herba. Itane
, bonæ vicinæ & sinceræ amicitie fœdera, (quæ toties adducis) omniũ
, moribus gentium observantur.

, Hactenus contra Majestatem Serenissimi AUGUSTI nostri gravis-
, simè deliquisti, sed ne aliunde quoq; innocens appareres, postquam tot,
, tantarumque criminationum reus extitisti, etiam toti Reipubl: non fe-
, rendum vulnus infixisti, prius inclytam, deinde verò illustrem appel-
, lando, cui nullus hactenus Regum in Europa Serenissimæ Reipubl. ti-
, tulum detraxit te præter unum, omnis, ut lego, civilitatis & justitiæ pu-
, blicæ penitus ignorantem.

, Regem solio contendis exturbare. AUGUSTUS II. non est Chri-
, stianus. Quam feliciter vobis bellum contra Polonos regnante Joanne
, Casimiro cesserit (præter conflictum Pragensem assistentiã Brandebur-
, gici Electoris adornatum) velim, reputes. Omnes antea cæsi, semper
, fracti, vel fugati estis. Interroga ævo majores tuo, & disces sapere, nun-
, quam enim fortè numerasti, quot Duces militiæ in Sveciam ex Polo-
, niã, multò minùs audisti, quot milites redierunt integri, si non pigeret
, referre, numerarem reportatas continuâ serie armorum de Svecia
, victorias. Adducerem Carolum Chodkieviciũ, vix tria millia suorum
, in castris habentem, de cæsis tamen novem millibus Svecorum trium-
, phantem, cùm Carolus Sudormanus Livoniam invasisset. Lege si placet
, verba historici: Cùm ex Livonia nunciatur Carolum Sudermaniæ Prin-
, cipem infesto exercitu eam provinciam ingressum ad obtinendam Regi-
, am accingi, &c. Occupato per summum scelus Regno Sveciæ, mox Livo-
niam

A.C.1701, niam Regni Poloniæ provinciam latrocinij more infestans, aliquot ejus civitates interceperat, pronis nonnullorum Livonum, ut Lutheranae sectæ, quæ tota Livonia infecta est, in eum studijs, & ille, ubi vires Polonorum supervenissent, ad naves confugere solitus nunquam pugnae copiam faciebat, sed tum Polonorum paucitate contemptâ, quod Carolus Chodkiewiczus M. D. L. exercituum Dux contractis in unum copiis, vix tria millia equitum, peditumque sub signis haberet, ostentare vires, & prælio Polonos laceßere decernit. Ergo sine mora præfatam cladem obtodecim Svecorum millia à tribus Polonorum nondum integris accepere. Repeterem memoriam, quomodo Svecus fugatus uno prælio ab Electore Brandenburgico à Marchia & hostis Imperij declaratus, sed neq; liceat, neq; decet, neq; expedit illa narrare publicè, quæ prius orbis novit Europæus. Hæc nihilominus attuli, ut tibi eximie Scriptor constet, posse Polonos majus habere robur ad coercendam Sveciam, quam ad Jomandam habuerit olim Brandenburgicus, perpetuus Poloniæ fœderatus, & feudatarius. Prætereo insinuare, cur Reges Daniæ tria pariter diademata ferant, atq; Reges Sveciæ? fortè commodiorem habiturus eam de re scribendi olim occasionem. Deinde quid contra suos Reges Sveci aliquando ausi sunt, & cur à Polonis similia expectant, postulantq;.

Quare iterum, iterumq; amice te convenio, cave ne qui ita audacter fumos inanes spargis in publicum, fumo cum tuis scriptis pereas in foro publico. Interea, si quid potes valere, vale.

XIII.

A. C. ZALUSKI PRINCEPS EPISCOPUS VARM. ET SAMB.
AMICO CONFIDENTI, 30mâ Novembris.

Queritur de discordia in Litvania

TRactatus Litvanæ, ut se vocat, Reipub. (cui sicut Pœtis licere videmus quidquid libet) cum Domo Sapiehana nullo modo finiri potuit Varlavæ, nam cæca pectora, mentes Cimnærij tenebris attriores invenimus, quibus vindicta tantum potest svadere malorum, quæque jam peperit scelerata, atque impia facta, pro quibus timendum, ne detur celeri victima tarda DEO. Notavimus multos ex Litvanis, quibus tanquam discipuli fortasse Anaxagoræ essent, nives atramentum fuerunt, atque eadem cæcitas erat, ut vero falsitatis, mendacio veritatis nomen imponere sæpius ausi fuerint, timendum proinde, ne dum aures claudunt civibus precantibus, fores non aperiant hostibus. Proximus jam ardet Vealegon, Samogitia à Sveco possessa, & illi, qui deberent pro defensione Patriæ tranquillisse, concordisque, nituntur summâ diligentia in perditionem universi, utinam soli errare, soli desipere velint, dum diem noctem vocant, solem tenebras. Quanta caligo, quanta tenebrarum & errorum nubes pectora eorum obduxit, qui, cum se maxime pios putant maxime apparent impij. Diffidebant Senatui, qui non alliebat, ut illi objectabant, sed docebat quid faciendum, probabat quid timendum, pericula ostendebat. Doceant nunc illi è converso, si quæ illis fiducia veritatis est, loquantur, hiscant, audeant disputare nobiscum aliquid ejusmodi jam profectò cum damno publico ab aniculis quas contemnunt, & à pueris nostratibus error illorum, & stultitia irridebitur, quam nos videmus, illi scientes nescire se monstrant; imò insinuant se in mentes innocentis populi, & instigant nescios in furorem repræsentantes, quod tanquam aliquando Græcia alios Deos coluit, ut prodesent, alios ne nocerent, dominari ut possint, servire volunt.

Quare

Quare Rex obviando suspicioni alicui, quæ justo potest niti fundamen- A.C.1701
to, expedire aliquem in Litvaniam, iterum concordiam aliquam tentando,
determinavit; utinam sanè sincera hæc sit intentio & votum, & ne sint
hæc mella venenum tegentia. Utique quæ traduntur mysterijs, tandem
latè patebunt. Verbis insistendū, quando de intentione legislatoris dubitatur.

Destinatus ad hocce negotium perficiendum par cuique difficillimo, ma-
gno, & excellenti ingenio vir Stanislaus Sczuka Pro-Cancellarius Litvaniæ,
qui, quamvis eæ res infiniti sint ponderis, & immensi laboris, ut, si quis il-
las perficere, & exequi firmissimè velit, tanta illi difficultatum copia exu-
beret, ut nec operæ modum, nec finem reperiat; ac proinde licet, quid-
quid laboris poterat impendi contemptis omnibus & publicis & privatis
offensis ad perficiendum hoc sæculorum opus omne studium suum contu-
lit, non tantum futura præcinendo, sed etiam cohærentia loquendo, &
tam clara argumenta adferendo, lucidaque, ut magis mirum esse videatur,
tam obscuram visam fuisse illis veritatem, qui sapientes vulgò putantur,
& tamen ab errore, quo sunt implicati, ad rectiorem viam nullatenus po-
terant revocari, abruptum ergo negotium, cum Pro-Cancellarius cogitave-
rit, quòd qui narrat verbum non audienti similis sit ei, qui excitat dormi-
entem de gravi somno. Cum dormiente loquitur, qui enarrat furioso paca-
ta, quid ibi dixerit & ille, & Palatinus Siradiensis tanquam ex parte Sapi-
echarum mediator, adnecto libenter, quoniam in verbis suis agnoscitur vir,
cum non stat per eum ad quem pertinet, ut aliquod mandatum impleatur,
haberi debet perinde, ac si impletum fuisset.

SERMO EXCELLENTISSIMI DOMINI STANISLAI SCZUKA PRO-CANCELLARII LITVANIÆ AD STATUS M.D.L.

12mâ Octobris Grodnæ.

Non terrestris, cujus ego indignus vices ago, sed Dominus cæli & ter-
ræ, à quo, sicut vos Domini mei, regimen nunc tenetis (omnis enim
à DEO potestas) stet in medio frequentissimi congressûs, & omni-
, potenti Sanctissimi Spiritûs instinctu in corda omnium vestrum inducat:
, pax vobis.

, Non hæc necessaria est? si voluntas Domini DEI nostri, uti certum
, est constituit vos terræ Principes, quis dubitat, quòd non ideo, ut move-
, antur rerum cardines à Patribus nostris constituti, reganturque cuncta
, sine legum metu, quas arma vincunt. Nec pro excitando armorum stre-
, pitu, sub quo temporalis tantum timor, & non fundamentalis constitui-
, tur ordinatio; jus est in armis; opprimit leges timor, sed ideo præcipuè, ut
, sub sua sancta benedictione devia & aspera in vias planas convertantur,
, detestandæ cælo pauperis populi angariæ post ultimam expellantur Thu-
, len, civibus pax detur, Patriæ quies.

, Estis Domini in hoc portu; aspiciite circumquaque Patriam vestram,
, quid videbitis? nisi miseras, calamitates, angustias? lachrymæ ubique fun-
, duntur; nihil restat, nisi ut infelice subditâ testis pæce altus sepultas ob-
, ruat gentes cinis. Introspeciat quisque profundo in cor proximi sui oculo,
, nonne veritatem testabitur, & dicet; ipsa se metuit, oditque potestas. Ma-
, lum non transijt, sed in pejus mutatum est, obviam iri non potuit, dee-
, rant tempus & media, cum violenter & vehementer malum augeri cœ-
, pit, non vacabat vetus odisse malum, dum semper oriebatur novum, nec
, unum in uno. Ex his infelicibus constellationibus (periculum non tango
, quia digna, & mille honoranda coronis) apparuit nobis novus, nobis nun-
, quam clemens planeta; ex proprijs quidem nostris vaporibus, ex hæredi-

A. C. 1701, taria nostra terra, sed quid dico terrarum ex humiliato capite nostro non tantum similis altissimo sed superior esse omnino optari. Nonne dolere, & inclamare debet Patria, vidi Regij capitis diadema cum capite raptum. Creditisne Domini, quod hoc verendum gentibus nostris fidus non utetur (DEus avertat) ulteriori discordia nostra, ad confitendum nomini suo, quis DEus esse velit? Creditisne in tali conjunctura in caelo nostro suas non, quæsiturum stellas, suasque Perseus aureus stellas habet.

Et Rex Sveciae jura omnia religiosius illi, quam fidelius proprio Domino à nobis sustentata nomine amici polluens, potestne quid desiderabilius optare, quam umbram discordiae nostrae? non eget tenebris & furijs, non debet contra nos imprecari, veniat invisum scelus, suumque lambens sanguinem impietas ferox, errorque, & in se armatus furor. Videt jam hoc, habet, quod optavit, & obstante hoc dissidio, etiamsi optimis & Sanctissimis ad nos influat, & ingrediatur intentionibus, mutabit eas celeriter, in usus non nostros & relinquet nobis serum cavendi tempus in medijs malis; nolo de alijs non bene Patriae nostrae affectis loqui vicinis, unica illorum salus non esse nos salvos. Non audeo alia externa in memoriam revocare pericula, casus nostros ex utilitate sua, aut humiliantium, aut exaltantium in pejus; sufficit, quod antiquas non sunt obliti inscriptiones: o vicini! o amici! semper infidi. Hoc tantum unicum exprimere potest verus zelus, quod scilicet, si omnes inimici nostri & terrestres & plane infernales in unum congregarentur, nullum alium rebus nostris optarent statum, miscete cuncta, rapite in exitium omnia. Non hoc est tuum iter, stirps magna Palæmonia, gloriosa Litvaniae natio: monstrasti in omnes æternitates, quid soiat super liberos & æquales spretum jus æqualitatis. Duos ferrum æquales facit; affecuta es labore magis humano decus, eam, & à sæculis exoptatam cum Regno Poloniae juri coæquatione, quid ergo tibi deest? pectora longis habetata malis jam sollicitas ponite curas. Hæc die, hæc hora, hoc momento deponite ex cordibus vestris, projicite sub pedes cruci affixi Dei nostri periculosam satis tesseram, tantum potest, quantum odit; Reinducite ad omnes majores & minores exoptatam reintegrationem inter cives, constituite securitatem universi, monet id antiquus Polonus Fredro; periculum est, ne, dum fiunt seditiones cordium, disseccetur & corpus. Constituite in terrorem omnium inimicorum, inite concordiam, inducite tam necessariam tranquillitatem domi, detur aliquando otium, quiesque fessis.

Exigunt & requirunt hoc ipsum omnes supra nominatae conjecturae, & gravia jam nobis superimpendentia pericula; Nemo se tutum diu periculis offerre tam crebris potest. Necessitat hospitum adventus pacem reduci velle victori expedit. Requirit ipse DEus, & Christiana obligatio in ignoscendis reciprocis offensis, quod si invicem mordetis, & comeditis, videte, ne ab invicem consumamini.

Opus est, imò necesse est extinguere hunc ignem, penes quem tantumquam nix pauper populus liquefit, & cum illo totum Regnum, Dominus enim dicit; Exurgam propter gemitum pauperum. Non debet timori esse ne cadat coæquatio jam confirmata, si cedere etiam de illa velletis, Regnum Poloniae non permittet. Ordo jam stabilitus in pace per Tribunal coæquatum, & in bello per repartitionem constitutam, vindicta neque esse, neque apprehendi potest, quia id ipsum cavebitur, nomine publico sub rei peractae nullitate. In relicuo dato nec concessio casu, nonne hæc ipsa reget vos virtus & honestas? an tam citò post tot memoranda exempla extingui poterit ferox DEORUM terra, quem Dominum

, minum times. Invenit nunc heroica vestra resolutio, & in posterum, si A.C. 1701
 , necesse foret, inveniet viam, aut faciet. Credendum item fortiter DEi effato,
 , quia non derelinquet Dominus virgā peccatorū super sortē iustorū. Acced-
 , dit ad extremū Sacra R. M. D. N. C. nō postremo, loco sed pro rerū ponde-
 , re circumspicit omnes malas, & periculosas undiq; consequentias, moven-
 , tes cuncta divinat, metuitq; casus, mobiles rerum, dubiumq; tempus.
 , Et hinc voce Domini vel demisso imperio, precatur vos per sacra omnia,
 , sit irarum modus pudorve, rogat per sacratum caput suum, ad quod his
 , mali gradibus sacrilega adjecit tentatio ad dethronisandum, ad quod o-
 , mnis malitia tanquam ad nictam properat, tanquam Rex noster assūm-
 , ptus amore & electione aliter non posset tenere coronam, nisi turbine
 , civili, invidia factum ac sermo popularis premit. Educite proinde Re-
 , gem vestrum ex tam pessimis opinionibus, dando & incundo internam
 , pacem quam cum vita sua & imperio æqualiter optat. Erubescat ini-
 , mica & pudenda Regis externi invitatio, & fieri id potest sine ferro, ab-
 , scindendo illud in vaginam, mutando motus animi in vices concordiae
 , & amoris. Subsequetur post securissima personæ Regiæ contra omnia
 , molimina defensio, quia sicut sine unitate in campo electorali securus
 , esse non potuit, fraternis enim odijs Reges & Regna naufragantur, sic
 , in hac unione suam & Regnorum suorum deponit securitatem: certus
 , est immobilis semper gloriosissimæ nationis Litvanicæ affectus, & quod
 , ex hoc ipso congressu ad instar Palatinatum Regni vitam & sanguinem
 , pro integritate Regia offerentium eriget unitorum cordium umbonem,
 , qui est Spartanorum more murus aheneus, præcipuum fidei & devoti-
 , onis exemplar, quod nulla taceat ætas.

, Interponit verò S. R. M. se ipsum vadem negotijs feliciter confici-
 , endis, quidquid hic & mutuo consensu constituetis, & scribetis, confir-
 , mabitur publico applausu, & pagina nunquam temeranda erit; si verò
 , quispiam inveniretur (avertat Majestas divina) cui placeret ulterius dis-
 , sensionum spatium. Suggestit paterno & Regio monito, maturæ reflexio-
 , ni præter omnes superius nominatas pessimas circumstantias, quod nego-
 , tium hoc, & dissidia sint inter vos ea, quæ tota Respublica veretur, me-
 , tuit, &, (absit verbo injuria) detestatur; negotium est cum his, quos jam
 , vicistis; dolendum id bellum gentis, in quo optimum est vinci. Ducit om-
 , nes & conjurat, invitat omnes & quemvis ad idem secum sentiendum, ad
 , reciprocum amorem in publicum claris Apostoli verbis: implete gaudium
 , meum, ut idem sapiatis, eandem charitatem habentes, unanimes id ipsum
 , sentientes.

, Quod reliquum est, ponit ante oculos amorem filialem, repræsentat
 , Patriam matrem, quæ lachrymabunda coram vobis comparet, & exem-
 , plo flentis ad filium dicit matris: Patriam petendo perdis ut fiat tua, vis
 , esse nullam. Interponit pro illa pias, justas, & jam ultimas Regias preces,
 , uti ad proprios filios; Sancta, si pietas placet, donate matrem pace.

SERMO JOANNIS ODROWAZ PIENIAZEK PALATINI SI- RADIENSIS IN SESSIONE GRODNENSI.

Comparens in medio moderni Conventūs, in hac Excellentissima Illu-
 strissima, & amplissima, Magnorum, Celsissimorum, Illustrissimorum,
 Perillustrium, nominum coronâ assumo vocem & sermonem meum
 , in primis ordior ab invocatione & adoratione supremi numinis Divini, in-
 , vocatione hujus Domini Dei, qui licet, in magnitudine innumerabilium
 , attributorum divinitatis suæ, habet innumerabiles titulos; attamen inter
 alios

A.C.1701, alios gaudet eo nomine. Dominus Deus exercituum, est nomen ejus, hujus Dei, qui potens est, ex lapidibus formare filios Abraham, cujus omnipotentiae omnia subiacent. Invocatione hujus, qui gravibus offensis populi sui electi & dilecti, excitatus ad irae furorem in Synagogam, & circa eam numerosè, & turmatim stantes, devorantem immittit de cælo ignem, & Angelo suo ad internecionem delere jussit, sicuti in momento vastator gladius, viginti millia hominum stravit Quo viso Rectores & Duces populi DEI, duo Episcoporum, Moysen & Aaron arrepto in se Ephod, hoc est Episcopali ornatu, acceptis in manus suas thuribulis, igne sacro, & thure impletis, immisti medijs devorantis ignis flammis, imposito thure in sua thuribula exclamarunt ad Dominum DEUM suum, O DEUS! numquid uno vel altero peccante, delæviet furor tuus in omnes, aut parce, aut dele nos de libro viventium, ille zelus & amor erga conceditum sibi à DEO populum ita placuit, & ligavit DEI misericordiam, ut ignis cuncta devorans, in momento extingveretur. Gladius vastator in vaginas ab Angelo impositus, & scribit scriptura DEI quòd cessavit plaga. Incipio sermonem meum, ab invocatione hujus Domini DEI, de quo Princeps Apostolorum & Doctor gentium, Paulus S. scripsit. Ipse est primogenitus filius DEI, Princeps Regum terræ, qui ex amica incomprehensibili bonitate sua, nullo merito conditionis humanæ, per incarnationem naturæ divinæ in carnem humanam non tantum extulit nos ex inferni potentia & fecit cohæredes Regni sui, sed quod magis, mancipia & servos iræ DEI, adoptavit in filios DEI. Huic ergo DEO Regi Regum & Domino Dominantium indignus humiliter supplico, ut vicariæ in terris suæ potestatis Serenissimi Regis Domini nostri clementissimi curas, & sollicitudines pro bono pacis benedicat, ut zelosa ejus interpositio in promovenda tranquillitate publica, per magnum Oratorem suum dignissimum Ministrum statum hujus, M. D. Litvaniæ disertissimo & ponderoso sermone insinuata, animis, & pectoribus vestris, suum desideratum recipiat effectum, ut character Serenissimi Regis Domini nostri Clementissimi, procurandæ salutis & tranquillitatis publicæ, magis radiosus, & lucidissimus supra pretiosos lapides, & elenodia decorantia diadema Regium, desideratissimo votorum ejus successu resplendeat, & sanctas ejus coronet intentiones. Quia sicut S. R. Majestati Domino nostro clementissimo obligamus subjectionem, submissionem ita S. R. Majestas Dominus noster clementissimus, jurato vinculo huic Regno legibus & juribus illius se asscuravit, quòd pacem publicam & tranquillitatem, inter cives asseret, proteget, tuebitur, & defendet. Fervida pietas præsentium hic Reverendissimorum Episcoporum, sicut Aaronum hunc ignem dissidij civilis & animorum insignis Provinciæ, non extinctum hucusque, extingvat, ut amplius fraternus, & Christianus sanguis non seaturiat. Vastator gladius ut in vaginas immittatur, & cesset plaga. Et si illum præsidium Patriæ, evaginare juberet, satius mucronem suum vertat in hostes, & sclopeta, & omne genus armorum, quæ videntur in manibus malevolorum vicinorum, ad invidiam, elatis minari juribus, immunitatibus vitæ, & fortunæ hujus Reipubl. extremum excidium, aliquam prædominationem in discordijs civilibus & aliquomodo in hoc infortunio, submersionem Patriæ. Conciliet DEUS ita corda vestra, ut per mutuam concordiam, sit bona pax, secura, honesta, juribus Patrijs conformis, adferens cunctis, & singulis benedictionem, quibus plus offerre non valeo, tantum sincerum (fidele, promptum ad obsequium cor,) illibatam conscientiam nullâ partialitate, & passione laborantem, sed solum bonum, & felicitatem communem, tam Regni, quam M. Ducatus Litvaniæ, præ oculis habentem & promoventem. Dico in ea fiducia, dum spero, quòd

nemo

, nemo reperietur in hoc insigni gremio vestro, qui in pacificatione ab *A. C. 1701*
, intra tam salutare non cupiat opus. Loquor in fiducia sinceri animi,
, applicationis magnæ domûs, Sapieharum volentium reintegrationem,
, & stabilem constitutionem, dum per nos ad communem suam matrem,
, cum debita veneratione illius recurrunt, & in sinum ejus reponunt
, hoc studium, per nos ad hanc spartam mediationis petitos, quod abun-
, de perpensi, hoc obsequium suscepimus. Comparco invicem cum Suc-
, camerario Chelmeni, non alio insignitus charactere tantum sub um-
, bra authoritatis Sacræ Regiæ Majestatis Domini Nostri Clemen-
, tissimi, in charactere vocationis ex magna & emerita domo Sapieha-
, rum & magnarum Domuum in coligatione, etiam vobiscum existen-
, tium, ex charactere Senatorij Officij, quod sicut est intermedium in-
, ter status, ita illius est muneris, quotiescunque aliquæ diffidentia, dif-
, ferentia, & dissensiones inter status interveniunt, intermedie haberi
, ad illos, mediare, & inter dissonantiam illorum, ut consona sint, ope-
, rari, & ad felicem concordia, unionis adducere centrum. Quod tan-
, git alias propositiones, nullas habemus nobis commissas, nisi ut illos re-
, commendemus favorabili gratia vestra. Idem quod S. R. Majestas D.
, N. Clementissimus ex specula prudentia & providentia suæ Regiæ,
, per Plenipotentem Commissarium & Ministrum statûs vobis insinuat,
, precamur, ut quodecunque discordia, internè in juribus & animis de-
, finivit, præsens actus solennitate reuniat. Ut hoc salutare opus felici-
, ter, & securè procedat, pe imus securitatem postæ & personarum illa-
, rum partium commanentium hic, vel euntium inde, & quomodo in
, hoc negotio ulterius volueritis progredi, propensionem verò nostram
, militantem sub auspicijs S. R. Majestatis Domini N. Clementissimi, ab
, illius Regiæ authoritate, nostrum participantis derivamentum resigna-
, mus gratiosis affectibus vestris pleni spei, quod, non steriliter ex gra-
, tia vestra recipietur, sed honorem Regis, desiderium legis & expecta-
, tionem totius Reipublicæ, & orbis suspicientis in præsentem actum
, solabuntur, & contentabunt, ut tutò tota Patria hoc possit gloriari
, & laudare coram universo orbe, quod ex hoc feliciter finito congressu,
, in hoc insigni Regno Poloniæ, & annexarum ad illud Provinciarum pax
, & justitia, oscularæ sunt, & Deus est in nobis,

**PROJECTUM TRADITUM IN SESSIONE GRODNENSI,
PER VICE-CANCELLARIUM M. D. L. AD ULTIMUM RE-
MEDIUM CONCORDIÆ.**

Cooperatione & gratia Domini DEI cui sit æterna laus & gloria,
authoritate Sac. R. Majestatis Domini N. Clementissimi, per
Stanislaum Szczuka Procancellarium Litvaniæ, & Commis-
sarium suum Plenipotentem, mediatione Sanctissimi Papæ Clemen-
tis XI per Reverendissimum Constantinum Brzostowski, Episcopum
Vilnensem, interpositione petitorum amicorum Illustrissimi Domini
Joannis Odrowaz Pieniazek Palatini Siradiensis, & Magnifici Domi-
ni Romanowski Succamerarij Culmensis Capitanei Wiszlunensis, ad
sera tempora facta est immota nunquam gentis M. D. Lit. mediatio.

, Siquidem Domus Sapiehana ex personis suis, & amicorum omnium,
, ad se pertinentium, mutua charitatis, & publicæ quietis medijs per-
, pensis, ad gremium communis matris, Patriæ propriæ M. D. Litvaniæ
, sicut insignes & boni filij, redeunt, ergo amore & sinu aperto, ejusdem
matris,

A.C. 1701, matris, suscepti ad bona omnia sua, cum amicis suis, pleno jure restituantur, ad quæ reddenda à finito actu præsentis, post duas hebdomadas Commissarij designantur NN.

, lidem DD. Sapiehæ, cum amicis suis ad munia & honores gestos, in Patria, observatâ juxta leges Patrias securitate admittuntur, ita tamen ut propter invalidationem & inductionem debiti ordinis, juris coæquationis, erectus exercitus, qui ex necessitatibus & circumstantijs, statûs præsentis conservari debet, & conservatur, ad expirationem temporis constitutionis Olkienicensis, sub Regimine Generalis Colonelli M. Ducatûs Litvaniæ Principis Michaëlis Korybuth Wisniowiecki Capitanei Clinianscensis, Marechalei Tribunalis M. D. Litvaniæ cum debita & omnimoda disciplina militari, maneat sine omni à quocunque & qualicunque modo, impedimento. Pro quo Palatinus Vilnensis præbere debet consensum.

, Debita omnia & prætensiones ad Domum Sapiehanam, ut eo citiorem justitiæ sanctæ viam habere possint, in tribunali M. D. Litvaniæ ex speciali registro, qualibet septimana scilicet feriâ quartâ & feriâ quintâ judicari & disquiri debent, termino peremptorio, cum indilatâ satisfactiōe, & executione, juxta legem coæquationis, circumscriptâ causâ actûs, ut Sapiehæ, cum amicis suis securè in judicio comparere possint, omnes processus & condemnationes, in personis illorum, & amicorum ipsorum amoveantur.

, Ast quoniam inter has prætensiones magni ponderis, & consequentiæ, involvitur causa pupillaris, cum jure tutelæ cum alijs circumstantijs Principis Caroli Radziwił Cancellarij M. D. Litvaniæ, tunc pro finali pacificatione illius, designatur arbiter supremus Illustrissimus & Reverendissimus Episcopus Vilnensis cum duobus è gremio Deputatis, qui factâ obdestinatione, tam partium ad hoc pertinentium, quàm etiam præfatæ Principis Neuburgensis Caroli Neoburgiei Patris, observatis juribus & statutis M. D. Litvaniæ, quodecunque statuent, pro firmo & inviolabili esse debet in perpetuum,

, Bona verò omnia, quæcunque Domus Sapiehana jure nullo possidebat, & modò sunt restituta proprietarijs, ita ut Czereia in debito thesauri, conservantur circa legitimam ac debitam possessionem, salvâ tamen Domûs Sapiehanæ, si jus suum deducere possit in eodem tribunali M. Ducatûs Litvaniæ, & ex eodem registro ordinariâ juris viâ, præcustodiâ. Contractus thesauri, sicut & assignationes ex moderno statu promanantes ut nullum sit obstaculum, in salvo & integro conservantur, cum debita omni satisfactiōe ad futura DEO dante comitia.

, Injurie & læsiones omnes ab utrinque, & quod hætenus factum, verè & Christianè, ex cordibus suis ejectis, & sub pedes Crucifixi Domini DEI depositis, & vicissim sibi donatis, æternâ oblivione & amnitiâ, sepeliuntur.

Securitas omnium invicem personarum reducitur, ad reintegrationem juris Patrij, & rigoris legum, si verò postliminio, quæcunque prætextu vindicta, ad quæcunque personam (avertat DEUS) restitutâ primitate, & potentiâ ostendi debeat, aut pacificentie hujus in aliquo læsio, & coæquationis repartitionis, ordinis sancti, læsio insequatur, ergo hæc omnia reintegrare cavent sibi status M. D. Litvaniæ, libero communis motûs congressu, pro quo Sacra Regia Majestas Dominus N. Clementissimus, extradere dignabitur universales; & in casu talis mali (quod non putatur) vetant. Ad talem verò communem motum

, motum, omnes spectabunt, sub rigore legum, de expeditione bellica in- 4.C.1701
, remissibili.

, Quod sancitum & pacificatio, utinam feliciter, pro firmitate rei
, peracta, ad perpetuam legum observantiam, in comitijs futuris debet
, in volumen constitutionum inseri, & exprimi typo. Et modo propter
, meliorem fidem, manibus omnium, ad statum præsentem pertinenti-
, um subscriptum est. Datum Grodnæ 25 Octob. 1701.

RESRIPTUM AD INSTRUCTIONEM SERENISSIMI REGIS
Domini Nostri Clementissimi, datam Illustrissimo Domino Stanislao
Szczuka Procancellario M. D. Litvaniæ, Lublinensi, Warecensi &c.
Capitaneo Commissario Plenipotenti Sacræ Regiæ Majestatis, Do-
mini Nostri Clementissimi, à nobis statibus M. D. Lit. in Conventu
Grodnenfi congregatis die 28 Octob. Anno 1701

A Testamur fideles subditi Sacræ Regiæ Majestatis Domini Nostri
Clementissimi, quod ab apprehensione sceptri Polonici, sinceram
experimur applicationem, ad id solum ut sit bene omnibus. Do-
, cumenta adducere non est necessum, ipsa in propatulo palpantur, quo-
, modo pacato orientali bello, cum hoste crucis sanctæ, assiduæ coope-
, rationis exercentur, ut redeat huic Patriæ florida quies, civium con-
, cordia, & omne desiderabile, quod cum Domino felici, benefico, cle-
, menti, bellaci fideles subditos manere potest. Ecce & modo experimur
, paternum S. R. Majestatis D. N. Clementissimi amorem, dum pro lo-
, piendis differentiis inter status M. Ducatus Litvaniæ, & Dominos Sa-
, piehas cum charactere Plenipotentis Commissarij, delegavit in hunc
, congressum Illustrissimum Dominum Pro-Cancellarium M. D. Litva-
, niæ, pro quo, sicut humiles S. R. Majestati Domino Nostro Clemen-
, tissimo ferimus gratiarum actiones, ita & affari debemus, ut quod po-
, tuit adinvenire melius prudentia consummatissima, quod fingere soli-
, dius activitas incomparabilis, quod proponere ardentius perfectio ma-
, turissima, hoc omni Illustrissimus Dominus Pro-Cancellarius M. D.
, Litvaniæ quasi in unam compagem congesto, vicit, & vinxit corda no-
, stra, ut in propositas persuationes, videremur esse in portu intentorū
, saniorum S. R. Majestatis optatæ pacis, ast adhuc videmus nos divi-
, na dispositio, pro peccatis nostris, in eodem voluit haberi statu, quod
, quomodo actum, sicut in fidissimam referimus nos Illustrissimi Domi-
, ni Commissarij Plenipotentis relationem ita instantaneè de hoc ipso Sa-
, cræ Regiæ Majestati Domino Nostro Clementissimo deferendo, distin-
, ctam legationem, à congressu moderno expeditimus.

, Pensionem Szawelsensem non solum sicut materiam ad comitijs in-
, tegra pertinentem siquidem modo nulla in magno Ducatu Litvaniæ sunt
, lauda, quia seponere placet, patienter Sacram Regiam Majestatem Do-
, minum Nostrum Clementissimum petimus expectare.

*Pensio Sza-
welsensis*

, Summa Teloniorum antiquorum M. D. Litvaniæ, pro duobus an-
, nis centum millia S. R. Majestatis mensæ debita quia hæc contributio,
, propter expensas magnas pro exercitu M. D. Litvaniæ exolvi per Magni-
, ficos Dominos Administratores Teloniorum non potuit, petimus Sacram
, Regiam Majestatem gratiosum interstitium, quod in altera currentia tri-
, buti exolvetur.

Telonia

, Domini Leyman interesse, ita expeditur. Telonia S. R. Majestatis
, sunt jam apud Administratores, qui contractus ullatenus immutari non
, potest, summam datam pro contractu, post Olkienicensem omnem perce-
pit,

*Leyman Te-
lonarius*

A.C.1701, pit, & hoc tenendo ad Martium, primum semestre, quia verò ulterius, non detinuit, ipse sibi in culpa, dum contractui & reversali se dato non, satisfecit, quia non confecit vestimenta pro decem millibus imperialium, ultimis Marti, quæ se confecturum appromiserat, sub nullitate contractus. Jā, ergo in hoc satisfit in pacto, sine damno tamen Domino Leyman quod, libet totum semestre cessit in sortem pro recompensa datæ ad rationem, summæ.

, Debitum in Czereia jam fuit sopitum, & habuit in possessione sua
Leyman, Dominus Leyman traditam sibi a Commissarijs & statibus M. D. Litva-
pratenfio in, niæ partem Czereia, ignotum quali modo aliquis alius occupavit, expul-
Czereiam, sus ante omnia restituatur, nihil æquius, ad hoc verò Dominus Leyman, devenire non potest, nisi viâ juris, per ad citationem ubi de jure competierit.

, Debitum Domini Leyman ab Illustrissimo Domino Palatino Viloen-
 si, Marechalco Magno vindicari non potest per statum M. D. Litvania, tantum ut viâ ordinariâ in tribunali agat D. Leyman, & cum cæteris debitoribus ad Possessionem bonorum veniat.

, Cætera sicut probatæ prudentiæ Ministri statum, alto judicio, & fidelissimæ nostræ erga Sacram Regiam Majestatem propensionis, relationi committimus, ita sinceritatem nostram subjectam pro honore Regio sanguinem & salutem nostram, & si quid his carius est, litare declaramus. Datum Grodnæ ut supra.

INSTRUCTIO AD S. R. MAJESTATEM D. N. CLEMENT:
 à nobis inferius specificatis, tam per constitutionem Generalem sub Olkieniki designatis, quàm & modo, ex omnibus Palatinatibus & Districtibus M. Ducatus Litvania Grodnam die 26ta pro conventu consilij publici, autoritate Sacræ Regiæ Majestatis Domini Nostri Clementissimi, approbato congregatis, data Magnificis Dominis Legatis Nostris Perillustri Magnifico Domino Oginski Thesaurario Magni Ducatus Litvania, & Magnifico Domino Krajewski, Commissario Orszanenfi.

Non tantum ad vocem Domini, non in tonitru, aut fulgure, ast palam lucem amoris experiendo, sed etiam propriâ non declaratâ unquam, erga S. R. Mtem D. N. C. perciti virtute comparemus cum, debita uncti Domini adoratione, simul etiam plena cordium purorum & intaminatorum, ac si coram Domino & Patre, claritate, quod dum ab initio Dominationis suæ S. R. Mtas D. N. C, verum Patrem gerit, & conjuvit cunctis in somni semper circa bonum commune vigilantia, universorum redimit quietem, sic eos magis modò Paterna amplectitur providentiâ quos jam opprimit malitia fati. Jam non tantum feudalisi provincia Regni S. R. Mtis, Ducatus Curlandia gemit sub armis Exercituum Sveticorum, dum in illo Nobiles disarmant, tributa gravia extorquent, arces fortificant, obedientiam Dominis debitam subditis inhibent, sacra & profana violant, sed etiam ipsa rabies dilatatur in viscera Ducatus Litvania, sicut minora clumata, & præcipue Ducatus Samogitia, & Districtus Braclaviensis, eandem patiuntur sortem, & ulterius Magno Ducatui Litvania proponunt. Paterno S. R. Mtis D. N. C. insinuabunt cordi Legati nostri, & insimul ne det gentem suam in prædam, & opprobrium externis gentibus exorabunt, salvis per omnia juribus unionis, & libertatis. Expriment etiamnum profundum in cordibus nostris doloris sensum, quod sic excessit modum furor Sveticus, dum non tantum fortunas liberorum civium, sed etiam infractas Religionis, ut eo strictiores quo liberiores conscientias violare præsumperat,

ex ve-

ex veris cultoribus Domini sui, volendo alienorum DEorum an etiam A.C. 1701
Idololatrias efficere, ignominioso sibi, & non Polono Monarchæ, quem
tutatur amor civium, nocent stylo, pro cuius Majestate vitam & san-
guinem immolare parati sumus. Et sicut in illo per paternas gratias &
solicitudines, vivimus omnes, & movemur, ita vicissim S. R. Mtas D. N.
C. spiritus vitalis, mensque unica, Regum omnium vita, & vitam vivat,
hostes suos vincat, in Polonico perennet throno unanimi precamur voto.
Paternæ verò bonitatis S. R. Mtis D. N. C. notabilia documenta,
sicut moderna tempora in stuporem rapiunt, ita seræ posteritati tol-
vent in præconia lingvas, quando volendo ut maximus, sic optimus vi-
deri, hos etiã quos vanus impetus, ex malevola, & non iusta collisione elisit
è corpore gentis nostræ, vult reunire corpori. Et quos vindicta ma-
nebat, desperare vetat. Et possemus ne in aliquo magis sequi iustia Pa-
tris S. R. Mtis, quam inducentia armorum compagem, videndo hæc esse
duo fulera, quibus maximæ innituntur Monarchiæ. Fortitudo in hostes
& domi concordia, & dum sincerâ desudamus applicatione, qualiter
collere vicia, sanare vitiosos, ecce animus meminisse horret, fidelium
subditorum sæva inperniciem boni publici, & eversionem statûs Sapien-
tium intentio, magis adurit nefas per authenticum documentum ma-
nibus proprijs illorum subscriptum pro inductione Svecorum & ab-
renuntiatione homagij S. R. Mtis D. N. C. formatum, & sic quod exter-
ni Principis ferox levitas præconceperat, hoc inveterata & consveta er-
ga Mtem Regiã & libertatē nobilitatis illorū malitia adimplere statuerat.
Et quamvis jam cum notatis crimine perduellionis actu ipso comproba-
tæ differere de fœdere pacis non liceret, tamen sincerâ & vera coope-
ratione Illustrissimi D. Procancellarij M. D. I., sicut plenæ potestatis S.
R. Mtis Commissarij, reposito hoc actu ad comitia, volendo repræsen-
tare orbi iustè incipi & finire bella, & quòd non saturamur hoc tur-
bine rerum, ad magna media, quæ tantum restituere possent excussam
pacem orbi, hanc tamen securam, ut esset pax non pretij, sed virtutis,
& jam suspensis pœnis peculatûs, adhuc in pacifico statu, per declara-
tiones in illis obtentis prætensionibus, etiam usurpatis injustè per tem-
pus ministeriorum hybernis, possessis sub tempus interregni Oecono-
mij, conversis in usum proprium Reipublicæ tributis, restitutionem
bonorum declaravimus, si concomitaretur satisfactio injuriatorum, ad-
æquat numerus octo milliones excepto debito creditorū bona possidentiu,
& adhuc non comparentium cum suis prætensionibus Senatoriorum e-
tiam subselliorum, plenam capacitatem non impediendo nec etiam pres-
sè depositionem Ministeriorum, sed tantum seriam circumscriptionem
regiminis illorum, & hoc ad tempus prætendendo, quod vitam & for-
tunas nostras jugulare posset, & majora sanguinis nobilis causare dilu-
viam, & præsertim aperte videndo eorundem cum Sveco cointelligenti-
am, quia quisque salutem suam, & quæ juvant petit, læsura for-
midat, in omnes tamen plenos charitatis descensus cor induratum præ-
buerunt, in minimo publico nihil condonando bono in una tan-
tū ambitione sua, & externa collocando se protectione, volendo ve-
nire ad eum gradum potentiae, ut tot sæculis quæsitam, & sub Augu-
sto nomine S. R. M. D. N. C. vindicatam libertatem, & gloriam gen-
tis nostræ, Majestati gloriæ amicissimè devinctam, optimo ordine con-
stitutam, disrumpere & annihilare, liberas cervices nobilium sub an-
tiquo iugo tenere, & sanguine illarum possent ultrices implere iras, om-
nes

A. C. 1701, nes vias & media accommodata ad concordiam rejecerunt. Et sic omniū vota pacem clamantium in lædiolo reliquerunt statu, ulteriorem ergo discordiæ statum sicut nobis nulla potest imputare crisis, ita, ut S. R. M. D. N. Clementissimus fidelibus suis subditis sit præsidium, portus & aura favens, Magnifici Domini Legati supplici exorabunt cultu.

Gratia pro evacuatione militis, Et inprimis humiles deponent gratias, quod populorum vota, civium coronavit desideria per evacuationem sine regressu exercituum exoticorum extra limites Regni, quia hæc est boni Patris & Domini effigies dum illi explicuisse & obtinuisse licet petita.

Districus Rzecicensis vastatus, Imensos dolores fratrum nostrorum Districus Rzecicensis in sinum etiam S. R. Mtis D. N. C. jecimus, ejus curas ad hoc centrum directas videmus, ut quenilibet ex subditis dulcis, & tranquilla saturet quies. Nescimus ergo, quo numine læso, transeuntes Cosaci sub Rigam, adeo huic Districui fuerunt graves, ut relicta vestigia variarum violentiarum, & oppressionum non hospites probent. In quo ut S. R. Mtis D. N. C. autoritas, non lædendæ publicæ tranquillitati ab hac gente, & rebus medeatur læsis expostulabunt Legati.

Interesse Principis Jacobi, Non extincta ex dulcedine recordationis felicis Dominationis Serenissimi Monarchæ d. m. Joannis III in cordibus nostris, quam ardentissimè ad S. R. Mtem Dominum N. Clementissimum fundent vota, ut interesse Serenissimi Regij Principis Jacobi, pro justitia & dignitate Serenissimi Regis Domini N. C. possit esse totaliter acquietatus, per quod & comitiorum facilitabuntur desideria.

Aggravationes in Oeconomis, Deposita in medium S. R. Mtis D. N. C. per supplices libellos Magnificorum Dominorum Donatariorum Grodnensium, Mohiloviensium, Brzestensium, Kobryniensium, Oliteensium, per Plec, & milites ejus Saxonicos, quod contra jus Dispositionum Oeconomicarum, titulo requisitionis, interessando se statui Nobilitatis, imprædicta, cum plebeijs æquando important onera, hybernas & portiones, sicut nunquam in praxi viventibus Antecessoribus S. R. Mtis D. N. C. fuerunt, forti militari manu exigunt, Pro Commissarijs, lustratoribus, ignota nomina Saxones, ad superintendendam instituunt, cum abrogatione justitiæ, aggravatione nobilitatis, deferent Legati, quam humillimè exorabunt, ut S. R. Mtis D. N. C. statum Nobilitatis ab hoc onere liberare dignetur, & insistendo pactis conventis, & constitutioni ultimæ consiliarios & homines Saxonicos, à rebus & consilijs Oeconomicis removeat, & Nobiles bene possessionatos assignet.

PP. Camedulorum oppressio, Auget instantias & dolores nostros in eadem Oeconomia Grodnensi, gravis oppressio Patrum Camedulorum de occupatæ per Dominum Lebnicæ foundationis collatæ illis adhuc à Serenissimo Rege Sanctissimæ memorie Casimiro, constitutionibus, & commissionibus approbatæ, & non dubitamus quod tanget medullam cordis S. R. Mtis D. N. C. quem hucusque omnes gentes videre pium, videre fidelem, in conservandis juribus nostris, in quo simul provida placentinorum exorbitavit curiositas, ex bonis DEO consecratis Oeconomiam amplificare volens, ignara legum Patriæ. Quod Oeconomiae nec augeri nec minui debent, hoc S. R. Mtis, suprema corrigit pietas, dum quæ sunt Cæsaris Cæsari, & quæ sunt DEI DEO, per inductionem expulsum in bona, cum designatione ad hoc Commissariorum reddere jubebit.

D. Stryinski summæ ne periclitetur, Probatam erga S. R. Mtem D. N. C. fidem, & incessantem non sine discrimine salutis & fortunæ, Domini Stryinski, Pincernæ Sanocensis, pijsimo pectori S. R. Mtis, Legati nostri instabunt, ut non habeat in summa sua per contractum, à S. R. Mte pro Oeconomia Grodnensi, & ad

& adjunctis per judicium & jacturam, quam milites Saxonici devastarunt, A. C. 1701 deferent. Cætera fidei & dexteritati Legatorum committimus.

COPIA LITERARUM, AD PALATINATUS REGNI SCRIPTARUM EX SESSIONE GRODNENSI.

ET culnam profunda vulnera Provinciæ nostræ, in medelam aperire, fiducialem prementium malorum facere communicationem, si non filialibus & fraternis Vestris pectoribus quæ tam strictè lociavit unanimis virtus, ut in uno omnes lædamur; tam stabilia, in cardinibus jurium & libertatum mutuarum solidantur fœdera, ut prospera & adversa communia esse debeant, nec felices nec infelices nos, nisi invicem agnoscere debeamus. His temporibus tamen, quasi conjurata fata in presens gentis nostræ, omnem exegerunt rabiem, ita ut finis unius mali gradus sit alterius. Post recessum Exercitûs Saxonici Svecicus sine ulla in concussione pactorum datâ causâ non tantum feudalem Provinciam Curlandiam absorpsit, & in illa arces fortificat, tributa gravia exigit, Nobis *Gravamina à Svecis* incinerat, rusticis obedientiam Dominis suis debitam prohibet. sanctuaria DEI, quæ piorum in illis oris fundatorum plantavit pietas, in fœda, & horrendum dictu, loca transformat, sed eandem ipsam tyrannidem in adjacentibus Palatinatibus & Districtibus M. Ducatûs Litvaniæ, exercere incipit, præcipuè in Ducatu Samogitiæ & Districtu Braclaviensi, nullo discrimine sæviens in fortunas civium, solitâ fœdifragis animis normâ, quærente belli exitum non causam. Tam gravia imprimis pericula, dum nos jam premunt & terrent, vos contereant, & ad tempestivum juvenem fratrum suorum commoveant, quia dum unos calamitas premit manentibus in vicinia parem passis tristitiam adferre debet, naturalis reflexio, posse idem pati, uti solita, in parvo neglecta principio, sumere incendia vires, & totius in hoc Patriæ depascere corpus, sicut etiam conjunctis utriusque gentis viribus, centum stipata favoribus bella perennibus sunt finita trophæis, dat ad hæc vulnera vulnus minax in perniciem Dominorum Sapientiarum, intentio hucusque, nec ipsam S. R. Mtem, nec Rempublicam quiescere permittens, quia non bonum commune sinceræ concordie amore, sed sola æstuans vindicta, quæritant quo sit libertas; ferienda loco, illatas ultore DEO pœnas & in quas ipsi nemine impellente incurrerunt, crudeli non parvo tempore, in capita & fortunas liberorum civium oppressione totius Magni Ducatûs Litvaniæ perditione taliare nituntur, sperando ex cineribus nostris, primævæ suæ ambitionis & potentie renaturam felicitatem; certo hujus documento, scriptum authenticum, in moderno congressu nostro proditum, manibus proprijs illorum subscriptum, pro dethronizatione S. R. Mtis D. N. C. & pro conducendis Svecis formatum, cujus effectum patheticum videmus, dum Exercitus Svecici, in visceribus Ducatûs Litvaniæ, pro libitu & licentia hostili grassantur, & sonoram Domui huic canunt protectionem, cujus scripti pro informatione copiam mittimus. Non tardabit fortè decorare nobis, aut excusare actiones suas, quæsitis coloribus falsa eorundem relatio, quamvis etiam compassio sorti illorum potest esse animadversio, quod desperati ad desperata devenire debent remedia. Quia qui rapitur fati, quid præter fata requirit, sed protestamur coram DEO, & tota Patria, ipsismet vobis, quod mediatione Serenissimi Regis D. N. C. sincerâ & laboriosâ operatione Illust. D. Procancellarij M. D. L. sicut Plenipotentiarij S. R. Mtis, & volendo ipse ultro tranquillam & pacatam videre Remp. in moderno congressu nostro Grodnensi, omnia possibilia media, ad perfectam concordiam ex parte nostra illis offerebamus, in his tantum hærendo terminis,

*Querela
contra Sa-
piebas* A.C. 1701, minis, per quos securitas vitæ, libertatis, & fortunarum nostrarum subsistere posset. Inprimis eodem ipso scripto perduellionis, actu ipso jam obprobata, ad comitia dilato, suspensis pœnis peculatûs, adhuc in statu pacifico, in illos per decreta decisiss, injustè per tempus Ministeriorum in hybernis percipiendis sub tempus interregni in Oeconomis, conversis in usum proprium tributis Reipublicæ, restitutionem bonorum declaravimus, ut tantum concomitaretur, & satisfactio injuriarum, & hoc prævio juramento in tribunali, quorum injurias adæquat numerus octo millionum, excepto, quando creditorum possidentium bona, & adhuc non comparentium cum suis prætensionibus, Senatoriorum etiam subselliorum, plenam capacitatem non impediendo, nec etiam pressè depositionem ministeriorum, sed tantum seriam circumscriptionem authoramenti illorum ad tempus prætendendo, quod vitam & fortunas nostras jugulare posset, & majora nobilis sanguinis causare diluvia, præsertim apertam videndo eorundem cum Sveco cointelligentiam, in omnes tamen plenos charitatis descensus, Sapientie corduratum præbuerunt, in minimo puncto non condonando bono publico, in sola tantum ambitione sua, & exterorum protectione solidando se, volentes venire ad eum gradum potentie, ut libera colla nobilium sub jugo antiquo & ultrice tenerentur ferro, omnes vias & media congrua ad concordiam rejecerunt, quamvis à victis accipi, à victoribus dari leges solitæ, & sic omnium vota pacem clamantia, nocendi cupiditas, ulciscendi crudelitas, dominandi libido, sævientes illorum animi, in tædioso reliquerunt statu; & hoc nobis sicut nulla crisis adscribere potest, ita habemus spem quia evincant nos iidem Magnifici Domini cooperatores mediationis præteritæ, Illustrissimus Dominus Procancelarius M. D. L. sicut S. R. Mts plenæ potestatis Commissarius, & Illustrissimus D. Palatinus Siradiensis, etiam Dominus Succamerarius Chelmenis petiti Mediatores. Quod denique Magnificorum impulsus ausus, ut jam parietes nostri flagrent. Omnium vestrum notitiæ, serijs reflexionibus tradendo, scribimus nos. Datum Grodnæ.

**SERMO ILLUSTRISSIMI DOMINI ODROWAZ PIENIAZEK
PALATINI SIRADIENSIS IN VALEDICTIONE CON-
GRESSUS GRODNENSIS.**

Quicunq; imis introspectit reflexionibus, in tristem exitum congressus moderni, qui ex tam infelici successu futurorum negotiorum, tristissimas imminentes consequentias, afflictionem Patriæ, & omnes inundantes infelicitates, in hanc insignem provinciam & totum Regnum mæsto corde perpendit, potest cum cive Romano deplorante statum conturbatæ & mutatæ Reip: Romanæ exclamare. O dura fata! & inexorabilem sortem! Qui verò spectabit, ad quem scopulum alliditur hic desideratus à tota Republ: congressus in collisiones & oppositiones partium securè exclamare potest. Libertas libertate perit. Optavit S. R. Mts, D. N. C. & per suum Plenipotentem Commissarium omni possibili activitate intendebat, ut res & dissidia concluderentur cum concordia & pace, ad tam laudabilem intentionem Regiam, & nostrum omnium mediatorum, cæterorumq; in hac Republ: vota, studia, conatus & postulata humilia, ad idem centrum expectatum, ac desideratum à Domino & Patria, dirigebant negotium. Sed quando ad duo extrema devenit tractatus, recipiendi, aut non recipiendi Olkienicense statutum, omnes rationes debuerunt succumbere, dum rerum & fatorum, jura belli & pacis confusa, nullum in illis admiserunt temperamentum & lenimentum.

Video

,Video quòd hucusq; Divinæ justitiæ pro delictis nostris non satisfactum, *A.C. 1701*
,quando cœptum processum Oraculorum Divinorum, sub Olkieniki in
,suspensio relinquendo, præsentem actum decretis clementiæ & miseri-
,cordiæ suæ non finivit. Jam ergo voluntati illius sanctæ, cuncti parere
,debemus, & illius orare misericordiam, ne in furore suo arguat nos,
,neq; in ira corripiat. Attamen DEus misericors prosperabit, ut succe-
,dentia comitia, in plenitudine authoritatis Reipubl: dura, & aspera in
,plana convertant, emolliant malevolorum odia & inimicos in amicos
,coagulent affectus, neq; in finem irascetur nobis. Pro quo Divinæ sup-
,plicando Majestati, refero grates invicem cum Domino Succamerario
,Chelmenfi in humilitate nostra, pro exhibitis favoribus gratiarum
,suarum, quæ bono loco positæ, spero, quòd producent fructus debi-
,tæ gratitudinis, prompti, & fidelis obsequii in negotijs serviendi huic
,insigni Provinciæ vinculatæ irretortis nexibus sanctæ unionis cum Re-
,gno Poloniæ, qui ut reintegrentur, quocunq; sunt labefactati, hoc voto,
,hoc studio concludo meas humiles gratias.

RESPONSUM S. R. Mtis D. N. CLEM. PRO INSTRUCTIONE
Statuum M. D. L. Generosis Nicolao ex Kozielsko Ogincio The-
saurario Minori M. D. L. Radoszkoviensi Capitaneo, Colonello S.
R. Mtis, & Hieronymo Ważyński Vice Colonello S. R. Mtis, Lega-
tis pro congressu Grodnenfi expeditis. Datum in Cancellaria
Regni ob absentiam M. D. L. Varsaviæ 28 Novemb.

NON primum hoc est probatum affectuum, expressæ & non
fictæ erga Dominum propensionis Præclarorum Palatinatum
M. D. L. argumentum, non hic primus, neq; ultimus erga
,Mtem constantiæ & fidei dies. Ab ipsa felici in thronum Polonicum
,installatione S. R. Mtis D. N. C. per liberas liberarum gentium vos-
,ces semper patherico præclaræ fidelitatis signo, & immotâ fide glo-
,riatur celebris equitis propago. In nube semper videt amabili pe-
,ctus serenum, sonant adhuc in auribus Regiis sonora in campo ele-
,ctorali eligentium tripudia. Fama ante oculos laudabilis, virtus Nos-
,bilitum verus candor & probatus amor. Et suus in populi corde tri-
,umphat amor. Præsentat & modò palàm M. D. L. constantem fidem,
,inextinctam audaciam, robur innotum, & inconcussa arma, ferendo
,devota capita in tutamen S. R. Mtis D. N. C. exprimit plenis gratitu-
,dinis, & adorationis labiis teneritudinem sincerarum voluntatum
,suarum, & heroicæ resolutionis, in tuitionem sacratæ personæ Regiæ,
,cum tota ab hac anima populorum vita salusq; pendeat.

,Hæc etenim est cordium sincerorum magnificentia, hæc libero-
,rum & ingenuorum civium innata qualitas, quò remotiores à servi-
,tute eò promptiores ad obsequium Regum D. suorum. Muniant er-
,go se alii Monarchæ inoppugnatis Castellis & numerosis præcingant
,exercitibus; S. R. Mtis D. N. C. latus suum credit fidis civibus, & in pe-
,ctoribus nobilium primarium suum collocat robur. Excipit pater-
,no corde hanc sinceram ingenuorum statuum M. D. L. contestatio-
,nem, invicem sicut amans Pater, amorem amore rependit, & manen-
,do supremus Custos & portator hujus inæstmabilis clenodii, jurium,

A. C. 1701 ,immunitatum & libertatum, declarat hæc carissima pignora æqualiter cum vita gestare.

,Et sicut ex feroci insultu, & ferreo stylo Regis Sueciæ, sentit profunde illatum vulnus Dnus N. C. quia res inter Reges exemplum non habens, ita ex violenta irruptione & hucusq; impune grassantis, & intra viscera Regni se dilatantis hostis, attonitus, & sollicitus hæret. Deferre hoc dignata est S. R. M. statibus Reip. informavit per instructionem suam comitiola, antecomitiola, & si animadvertet Patria, qualiter illam ab ultimo Septemtrione, excita gentium examina molestant, qualiter ruptis pactis Olivenfisibus, non sacro, non profano abstinent. Providebit insignis gens Poloniæ, cum perpenderit penitus, quid cum illa agitur, quæ à sæculo bellicâ stetit gloriâ. Quotquot domitis Marte secundo populis, quondam arma, simulque provida, corda gessit prompta semper in hostem.

,Igitur plena est spei S. R. Mtas vivido libertatis impetu, domabit hostiles intentiones, & ad hunc finem consilia publica dirigere volet, ut manutentione S. R. Mtis D. N. C. justum sit provisum consilium, in reprehensionem hostium, & ordo domi bene compositus. In maxima infelicitatis ingluvie, & indomito ignis domestici incendio, vel maxime feliciter dominanti purpuræ, asperorum temporum austeritates, & hi intestinæ discordiæ æstus adurunt. Aurea rumpunt recta quiete, vigilesq; trahit purpura noctes. Dura hæc in Patriam oracula Dei, funestus cordi Dni nuntius, non stetisse concordiam, & unionem civium metuendam inimicis, summo opere necessariâ Reip. disunitam manere, & discordantes Cadmæo sanguine fratres, inter se luctari. Unde quæ fatales consequentiæ, & ardua concordia, nisi fatuus intellectus, & obduratū cor capere non potest. Illud sanè vinculū, per quod Resp. cohæret, ille spiritus vitalis, quem tot millia trahunt, nihil ipsa, per se futura, si mens ista, & unio imperii subtrahatur. Agehat ex persona sua S. R. Mtas D. N. C. omnia, quæ bonus Dnus debebat. Non libenter permitteret aureis cum antiquitate labi temporibus, si hoc unicum domi non esset impedimentum. Hoc solum felicitati suæ negatum dolet, & stupet, quando omnes Regiæ curæ, & paternæ sollicitudines, quasi inventum dissipatæ, susceptæ difficultates, & tam magna applicatio digni Ministri Illust. Stanislai Antonij in Szczuczyn, & Radzyn Szczuka, Pro Cancellarii M. D. L. Commissarii plenæ potestatis, impenso sumptus, fatigationes, insomnes noctes, dies consumpti, in cassum abiêre, nec ista capit discordia finem. Jam igitur tempus pacatè non tantum se, sed insimul totam Remp. quæ eò ipso graviter miscetur & alteratur. Jam oporteret lachrymis, civilibusq; armis secretum dare, ipsa atrocitas pendentium periculorum super Poloniam movere deberet peccata, longis heberata malis. Non esset Succus tam pertinax. Caderet cor horū omniū, qui mala machinantur, si scirent tam fortibus ab intra munimentis mutux concordix custoditam Patriam. Quapropter S. R. Mtas D. N. C. videndo Remp. in limine fatorum, adhuc appo-

nit

nit manum suam Regiam obligando non tantum reverentiam Ma- A.C. 1701
 jestatis, sed & amore communis Patriæ, repræsentando ruituræ huius
 pulcherrimæ molis, funestum exitium, obtestatur per omnia sa-
 cra, expressâ voluntate suâ publicè declarat, inclamat diligenter,
 ferventer compellendo, ut abjectis in partem omnibus passionibus
 non difficultando ulterius pacem sanctam, & salutare opus ullis ob-
 staculis, ex toto corde concurrant ad concordiam, & cum tali pro-
 futuris comitiis convenient facilitate, ut in ipso principio sine mo-
 ra oprata fiat pacificatio, & sicut veri amantes Patriæ filij, per hanc
 discordiam cadere ei non permitterent, ponerent odia, in perniciem
 itura, & quietam turbidis antehabere. Hoc suspirat dolens Ecclesia,
 clamat afflicta Patria, ingemiscunt concussæ Provinciæ & lacera-
 membra. Sacra Regia Mitas vero Dominus Noster Clementissimus
 inq; parentali pressus luctu ipse ad excelsum hæc ingeminat vota:
 Aufer cædis opus, redde quietis opes.

Quod attinet interesse Serenissimi Principis Regij Jacobi; scit *Principis
Jacobi in-
teresse*
 bene Sacra Regia Majestas, quod thronus Regius iustitiâ firmatur,
 & jam pridem pro cognata sibi æquitate, omnes prætensiones præ-
 fati Regij Principis Jacobi sopire dignata est, pro quo sunt apochæ,
 & authentica documenta.

Tactus sensibiliter Districtus Rzecicensis transitu Cosacorum
 Moschovitiorum, reperit in corde Regio justam compassionem, &
 volet S. R. Mtas D. N. Cl. ierò expostulare cum Czaro Moschoviæ, *Districtus
Rzecicensis*
 ut non tantum debita super hunc ausum sit animadversio, sed da-
 mnorum illatorum plena satisfactio, quia hæc est unica cura & sol-
 licitudo Sacræ Regiæ Majestatis Domini Nostri Clementissimi, ut
 creditarum sibi à DEO gentium integritatem tueatur.

Non occulta cuilibet jura, & constitutiones publicæ, quæ in bo-
 nis Mensæ S. R. Mtis severo rigore præcluserunt viam, ad qualem-
 cunq; possessionem, & tributa in Oeconomis, quocunq; nomine, ti-
 tulo, & colore, ex singulari tamen reflexione in statum Equestrem,
 & innata bonitate sua, S. R. Mtas, sicut D. Clementissimus, apud quæ
 citius beneficium invenitur, quam quæri potest, gratiosè huic indul-
 gere dignata est. Si verò hoc sit justum, ut generosi Donatarii tenen-
 do gratuito & contra jura hanc portionem deberent aufugere æqua-
 lium onerum Oeconomicorum, & in pauperes tantum subditos mas-
 gno cumulo dejicere hoc onus, tradit hoc justæ considerationi Sas-
 cra Regia Majestas Dominus Noster Clementissimus.

Venerabilium Patrum Camedulorum Wygiercensium queri-
 monia innocenter extenditur ad Generosum Lebnitz Venatorem Mis- *PP. Camedu-
duli.*
 norem M. D. Lit, dum hæc causa per Commissionem debito modo
 dijudicata. Si tamen aliquod prætenditur gravamen, & præjudici-
 um foundationis Seren: Antecessoris S. R. Mtis D. N. Cl. declarat S.
 R. Majestas, ex solita pietate, quod tempore futurorum Comitio-
 rum, ad audiendam causam designare Commissarios dignabitur,
 ita,

A.C. 1701 ita, ut indemnitati Venerabilium Patrum Camedulorum, omni modo provideatur.

Causa Do- Instantia Generosi Stryinski Pincernæ Sanocensis, respectu con-
mini Sirzy- servationis ejusdem, circa contractum pro Oeconomia Grodnenſi, &
inski. vulgò Leſnićtwo, justam exigit reflexionem, & relegare dignatur S.
R. Mtas D. N. Cl, hoc negotium, ad examen judiciorum theſauri,
ut ſatis fiat juſtitia ſuum cuique tribuenti.

Oginſcio fa- Inſignia in ſago & toga merita Generoſi Oginſcii Theſaurarij
vores Regij Minoris M. D. Lit, S. R. Mtas D. N. Cl, ſicut ſummus æſtimator be-
promittuntur. ne meritorum habet in diſidenti oculo, & conſideratione, in quibus-
libet occaſionibus gratis ſuis decorare, & munificentia fulcire, nul-
lum ſibi optando momentum aut beneficio ſterile, aut gratia.

Et modo omnibus in univerſum, & cuilibet in particulari, gra-
tias noſtras & favores Regios offerimus &c. &c.

XIV.

ANDREAS C. ZALUSKI EPISC. PRINC VARM. ET SAMB.

AMICO CONFIDENTI. 1. Decemb: Guttſtadiò.

Saxones Varmienſibus moleſti.

QUamvis deſidia me videris arguere, ea tamen accuſatio atq; que-
rela magnum mihi cedit in bonum, eſt enim indicio, quanti me fa-
cias, nam qui modus eſt amoris, idem eſt & æſtimationis. Benevo-
lencia enim tua, ita ſibi meum pridem adſtrinxit animum, ut ingratiſſi-
mus ſim mortalium, niſi eam libens agnoſcam, quam hîc mereris, nunquã
referam, habeo tamen, dum vivam. Scias autem, quòd nullas à te literas
accepi, quibus pluribus verbis reſponſum non dederim, nec paterer un-
quam accuſari à te officium meum, verbis quibus tuæ ſcriptæ ſunt literæ,
totidem penè verba rependo & ſemper optatis tuis diſigenter occurro, &
cùm quandoq; nihil, quod ſcribam, invenio, facio id, quod olim impera-
vit Attico Tullius, ut hoc etiam ſcribam, me nihil habere, quod ſcribam.

Non diu moratus ſum in Varmia, nam habitâ notitiâ Saxones tranſi-
turos per Varmiam, ne dominiis premar iniquis, iter Varſaviam direxi,
quo 15 Auguſti veni, literasq; Univerſales à Sua Mte habui, ut tranſeuntes
diſcretè ſe gerant, utinam effectum ſuum fortiantur. Longam conferen-
tiam habui cum D. Przependowski Palatino Mariæburgenſi de Exercitu
Saxonico, quem ad 40000 reductum dixit, in Poloniaq; hybernâ abſo-
luturum, quod vix adduci poſſum, ut credam; ſed ſi verum eſt, impoſſi-
bile eſt, ut id Reſpub: ferre poſſit. Venit etiam Cardinalis Primas, ſed ab
illo nulla in publicum conſolatio, dummodo in particulari ſatisfactione
ſuam à Rege habeat, nihil de primo cogitat, & hæc non eſt ſumma tan-
ti viri laudum.

Venit etiam 28 hujus epistoſa ferox & verè infamis contra Regem
noſtrum Regis Sueciæ, tanquam ſœdera, juſjurandum, fidem, pietatem,
religionem nihil faciat, ſemper in ſpem novam prominens, inſtabilis, mo-
bilisq; nec ſecundis rebus quietus, nec adverſarum patiens ſit.

Dum verò in craſtino veſperi in collatione fui apud Legatum Cæſa-
reum, miſit ad me Dñum Succamerarium Regni Bielinski Rex, ut nego-
tium Dñi Subdapiferi Lubomirski cum D. Episcopo Premislienſi Bokum
componam (nihil prodeſt initia rei ſolidare, ſi præſumptio ordinata de-
ſtruere valebit) & ut Regem videã. Feci primũ in craſtino, & ſunt reconci-
liati D. Episcopus, cum D. Subdapifero, unde cum uxore concordia ſub-
ſequi

sequi debet (non aliter, quam si arbor ponis graviora quæ ramos dimit- 4.C. 1701
 tit, & quasi invitat ad carpendum) quam ego nolui omnino tractare ma-
 teriam. nec viso Rege abi, & in Varmia adhuc Saxones inveni. Rever-
 tebantur hi expectatione multò citius ex Livonia, non factò modo tur-
 pi, sed & famâ sinistra laborantes. Si terribile est etiam absentis eubi *Sveci Dzwin-*
 le Leonis, tum eo magis cum Rex Sveciæ in tam recenti teneraque æ- *nam tran-*
 tate, occasione intentus ideoque festinans nihilque prius celeritate con- *scunt*
 filij exequendi habens, circumductis copiis ante ad hostium castra in con-
 spectu eorum fluvium Dzwinam transiens appropinquavit, quam pla-
 ne ab exercitu illo, in quo magna spes & magna expectatio fuit, sed ni-
 hil illo apparatu dignum egit, spectaculoque magis & ostentationi quàm
 usui fuit, videri, aut quid rei gereretur cognosci posset, superioresque
 fuerunt Sveci, qui non sunt circa folculos occupati, totus contextus il-
 lorum virilis est, & animi eorum excitati ad spem bene gerendæ rei,
 alienas virtutes & vel in hoste fortitudinem video facile, & visâ amo, luc-
 cessu spei respondente, paucis ex suis amissis, pluribus ex Saxonibus cæ-
 sis (valentiori pabulum sit minor) reliquos in confusionem & fugam *Saxonum*
 ita coniecerunt, ut quamvis naturâ loci & necessitate quæ etiam igna- *refugam*
 vos excitare solet, fidentes impetum hostium sustinere poterant, tamen *inf*
 mandata pigrè exequentes neque sui colligendi, neque consistendi facul-
 tatem dederunt, sed statim fugerunt, & post mentis terrarum spatia fu-
 giendo, & tanta detrimenta accepta, vix in Varmia respirarunt; & hoc
 multum est velle servari. Fugæ autem culpas in duces conferebant.
 Generalis autem Stenau ut verbis illum, quibus laudari tunc dignus e-
 rat, laudem, vir malus alibi non erat, fortisque & prudens audiebatur,
 sed hic non pro spe negligens & (nævus est hujus ævi) bibax fuisse di- *Stenau Ge-*
 citur, unde ex forti timidus, ex solerti iners mollisque evasit quanquam *neralis Sa-*
 suâ culpâ, ut plerique, sibi indulgebat. Sed quod virtute erat partum *xonum*
 intemperantia corripit. Quivisque intellexit ejus vitium fuisse, quod il-
 le dicebat rerum vel militum: Quid verò diversa ij, qui scribunt, refe-
 runt, difficile ad fidem est de exacto affirmare numero, sed credere libet,
 neq; tantum fuisse numerum Svecorum, ut asserunt Saxones, neq; tam
 exiguum, ut secundi volunt. Ipse fateor, propter confusionem non mi-
 hi de omnibus constare, nec certi quidquam sciri potest, quando aliquid
 est certi, statim te facio certiorum. Videmus evidenter, nulli cui ra-
 pina fortiter cessit, gaudium rapti durasse in posterum, & certum est
 accidisse id lege Divina, qua universa procedunt in pœnam tantæ de-
 solationis quam faciunt in Polonia cum summa pauperis populi op-
 pressionem. Unde litteras scripsi ad D. Commissarium Bosen, quarum tibi
 adnecto copias, sed hæc nec lacrymas pauperum, nec damna restituent, (*Vide fol. 71*)
 pœna ni culpas, premit quorum querelæ? Venit Dominus Szaszo-
 wski Vicecolonellus Domini Palatini Califfienlis centum in comi-
 tatu habens homines meis impensis conductos, cum quibus junctis meis
 Varmiensibus facere aliquid contra Saxones induxeram nisi prævenissent
 abitu suo in Prussiam ulteriorem Poloniam.

Ego autem excurri Tilsam ubi Ecclesiam novam sub titulo S. Mi- *Consecratio*
 chaelis consecravi, plurimis contuli Sacramentum Confirmationis, & nun- *Ecclesia Tib-*
 dinas satis bonas vidi & tertiâ Octobris redij. *senfis.*

Reassumpta erat reconciliatio DD: Sapieharum Varsaviæ, sed cum
 Rex omnino velit ut regimen armorum D. Palatino Vilnensi accipiatur
 non credo id fieri unquam posse.

Interim venerat ad me Domina Palatina Culmensis ad nuptias quas
 Fratri

4.6.1701 Fratri Domini mei Archipresbyteri Heilsbergensis Hattynski cum filia Domini Burgrabij Resselientis Holij feci, & post ad celebrandum Jubilæum huc veni, ubi tui memoria erit ad altare, ut idem facias precor, memorq; nostri, sicut facis, vive, & in tuis ad Dñum precibus, in quibus magnum mihi auxilium esse posse constituo, cum ores. non ut me divitijs locupletet, satis namq; superq; largâ manu dedit, & opibus auxit, non ut honoribus ornet, jam pridem enim compertum habeo, quàm sint hæc, quæ stultè vulgus admiratur, inania, atq; fragilia, sed ne æternas à sceleribus meis pœnas exigat, quæ in omni vita mea in Divinam illius Majestatem impie nefarieq; commisi.

XV.

A. C. ZALUSKI PRINCEPS EPISCOPUS VARM. ET SAMB.

EIDEM 26tâ Decemb. Guttstadiò

Sapientias in Varmia solatur & consulit.

EA est gratiæ, quâ me nuper in domo mea visitans ornasti, magnitudo, ut quibus verbis tibi gratias agam non reperiam, nam cum ea invenire studeam, nulla occurrunt nisi vulgaria, nisi communia, per quæq; non perinde exprimam, quantum me tibi debere profiteor, atque ipse cogitans sentio, quantum gratiæ præstiteris, optavi enim semper, sed ut fatear parum speravi. Quoniam igitur favori huic non modo non referre, sed nec agere quidem, ut par est, gratias possum, habeo quidem semper, & quando mihi ad remunerandum nihil suppetit præter voluntatem, & memoriam benevolentiae tuæ, hæc omnia quoad vivam tibi præstabo ut debeo.

Post abitum tuum continuavi residentiam meam in Collegiata Guttstadiensi, veniebant enim undique processiones ratione Jubilæi, quod in uno tantum loco ibi absolvebatur, cum qua occasione (ut te præsentem feceram) venientibus Sacramentum Confirmationis impertiebar. Comitola ante-comititia & in Prussia, & in magna Polonia sunt rupta, quia inde generosa consilia prævidebantur.

22da Decemb. Dominus Palatinus Vilenensis cum Domino Thesaurario Litvaniz venerunt ad me, & dici potest hi sunt, qui venerunt de tribulatione magna, quorum miserijs vehementius, quàm nescio qua meâ propriâ commoveor. Deducebant oculi eorum lachrymas, & palpebræ eorum defluebant aquis, status enim pristinus rerum in desiderium veniebat, nempe sine dolore non amittitur, quod cum amore possidetur. Neque in eo esse potui ut mœrorem eorum justum culparem, cum tanta se pati dicerent sine causa (si tamen sine causa) ut nullum remedium perditis rebus suis cernant, & in tam turbatis eorum rebus, nec quid capiant consilij, nec quid faciant, sciunt. Inimici eorum ex bonis eorum locupletati sunt, iidem & accusatores & iudices non dant requiem eis, magna jactura fortunæ totius domûs, & libido rehabendæ mole sub alta curarum premit eos. Interim altera, ex fine alterius oritur resolutio, more eorum qui fluminibus innatant, non eunt, sed feruntur, ita illi varijs jactati cogitationibus, non res in suam accipiunt potestatem, sed se ipsos rebus tribuunt, consilium verò neque utile neque honestum est, quod à passione subministratur, & ab ijs quos secum habebant, qui æstuant, distringuntur, multas habere cupiunt manus, modò in illam respiciunt partem, non minùs hanc timentes, quàm illam dolentes, minùs tardè illis mitti videntur, quæ cupiditatem illorum irritant ad paucos perventura, & expectata omnibus. Constituendum ego svadebam quæ velint, & quæ velle deberent & in eo perse-

severe.

severandum. Patriæ se committendum quid nobilius ad gloriam? quid certius ad salutem? quæ potens est omnia facere superabundanter, quæ peterent, per quam & quæcunq; habuerunt, acceperant omnia, & quæcunq; sperant, accepturi sunt. Et cum novissem novitatis furore, & mangonio, & aëre externo infectos, jam aliquatenus & Sveticè magis loqui advertissem, feci quæ potui ad revocandos in viam planam, opponendo multa quæ dehortarentur, insinuando quod optimus erranti portus sit, mutatio consilij in melius, & quod illorum intentio sit, velut sine remige puppis. Qui quod destinavit pervenire vult, unam sequatur viam, non per multas vagetur, non ire istud, sed errare est. Non properemus ante tempus, ne cessemus in tempore. Quod turpe, turpe est seu putes seu non putes. Prò dolor! cælitus missum ut illud est malum, cum quis videt meliora, nec sequitur tamen! nihil enim constitui potest contra Regem, contra Rempubl: quod non accidat in magnam aliquam difficultatem. Crudelitatem fati consoletur æqualitas. Quidquid cœpit & desinit. Revocent in memoriam præteritam fortunam (cum maximè sol splendet, urit) quæ quia ad summum pervenerat, incremento non reliquit locum. Brevis est vita & si rota bonæ menti impendatur. Quid vana moliuntur mox magis casuri? Mala incuriant, magni esse animi puto non commoveri, & ut maria navigantibus periculorum frequentia contemptum eorum tandem inducit, sic cuique malorum ingruentium crebritas patientiam. Proinde fugienda callida nimis consilia & tanquam de torculari spumantia, præsertim si sunt contraria Regis & Reipub. bono. Igneos enim fere eventus flammæque calor hic dare solet, in Domini caput arsuras. Ergo ab ijs quæ malè decreverunt, desistant, nec ea si quæ statuerunt, exequantur, quanquam in hoc conjectura magis, quàm cognitio mea erat. Dicebam tamen illis amicè, & vere. Quid sibi volunt altiores gemitus & fortiora inter lachrymas suspiria, ô quantum est sapere in loco? ut ea agant, ut omne sit illorum, ut restituantur in integrum, non erit autem nisi illi, nostrî hoc est Reipub. cœperint iterum, si destiterint, esse prius. Svadebam multis ijsque validissimis rationibus, ut ferant æquo animo & utantur tempore, quod fors conceiit, donec invicta felicitas finem malis imponat. Natura hic doloris recens suas fundat lachrymas, nam non sentire mala sua non est hominis, & homines illos esse scio, sed quos ratio temperet, patientia leniat, pietas extergat. E vita migret oportet, qui nihil incommodi ferre velit, sic enim habet natura rerum humanarum, ut nihil voluerit esse tam suave, quin aliquid aloes admiscuerit, palmæ sint similes, quæ oneri non cedit, nec intra flectitur, sed contra pondus assurgit; nauta in tempestate, & cum mors ante oculos, omnia tamen facit, fractoque etiam velo navigat, si cadit non cedit, si pici ardenti aquam affundas non extinguis illam, sed accendis, ita inimicorum eorum irritati semel animi facilius accenduntur, quàm placantur. Suspectum ergo habeant, quidquid ab eventu pendet. Malè incipit qui nimium properat. Interim ego in magna felicitatis parte id numarabo, si usui illorum esse potero, nihilque prætermittam, quod favori illorum serviat, aut honori, nec deero eorum causâ quæ adhuc in herba est, messem promovere. Amicitiam tantum meam non ore & vultu sed animo æstiment, & illam demum veram credant, quæ ingenua, aperta, non fucata, non simulationum involucris obtecta. Abies (si naturæ speculatoribus fides) adeo cohæret glutino, ut prius scindatur quàm solida est, quàm quàm glutino ferruminata, ita arctius quos vinculum copulavit mutæ amicitie, quàm quos natura conjunxit. In hac rerum catastrophe quid unquam dulcius esse potest istâ vitæ animâ amicitia? quæ contracta semel cum bonis perennat, & non ante nos destituit, quàm vita. Facilius erat ad agnoscendum errorem Palatinus Vilenfis, qui neque

re,

4.C.1701 re, neque omnium opinione malus, nesciebat tamen ipse quid volebat, magisque se ad Regem redire velle, quam posse ostendebat, nosti enim cum quod nullam rem usque ad exitum deducere soleat, aliunde alio transiliens, & persuadere illi idem est, ac si quis pondus paleis & plumis addere vellet.

Varfaviâ habui literas plenas pessimi ominis, imminentium comitiorum, in quibus fortè bellum concludetur, ad quod & voluntas Reipubl. & vires defunt, & melius esset ut Respubl. non sit contenta remedia monstrare, sed admoveat. Quæ ante festa immediate incepta dilata sunt. Accepi verò instantissimas alias, ut ego quoque veniam Varfaviam, quamvis publica tangere penè formido, & sumina ope nitebar, ut his temporibus vitâ silentio transigere possim. Neque enim ille solus militat, qui in acie stat, & cornu dextrum lævumque defendit, sed & qui portas tuetur, & statione minus periculosa non onerosa tamen fungitur, vigiliasque servat & armamentario præest. Quæ ministeria quamvis incruenta sunt in numerum stipendiorum veniunt. Dare operam volui, ut nullis in rebus Respublica studium meum desideraret, sed nolui quodammodo propriâ libertate esse captivus, & quanquam latere voluissem & otium meum abscondere, prodesse tamen cupiebam singulis & universis è longinquo, consilio, auxilio, destatus consortium aulae tendentis ad vitia & res ad perniciem Reipublice ducentis, hoc unum concupiscens, nihil concupiscere, sed cum nec otium quidem nunc tutum sit, abire debui Varfaviam, prius tamen volui constituere cum Dominis Sapientibus, qui omnes & quidem cum magno numero etiam militum venerunt, quod mihi summum movebat dolorem videns morem eos Litvanum observare, hoc est absque omni vivere discretione; exoptavi eo nomine cum Domino Palatino, sed non nisi bona verba & promissiones pro responso ferebam. Interim obligavi eos ad impetrandū Jubilæum & excepto Domino Mareschalco & Dominus Palatinus Vilnensis, & D. Thesaurarius absolverunt illud, ex qua occasione multa illis insinuavi quæ ob timorem DEI, ob amorem Patriæ vitare deberent, & quamvis constrikti, ne ad illa violenta accederent, quæ & ipsis & toti Reipub. perniciem afferre infallibiliter debebunt. Quæ vult habet, qui velle quod satis est potest.

Sed jam finio, & peto à te ut valeas, & constantem tuam erga me voluntatem conserves. Impetra interea mihi à DEO his Christi Natalitijs, quæ tibi prospera ac felicia evenire cupio, ut me corrigam nullaq; pravitate ac deformitate sim distortus. Mitto tibi aliqua tarde quidem eo tamen quo ad manus meas venerunt tempore.

COPIA LITERARUM REGIS SVECIE, AD PRIMATEM POLONIE.

NOS CAROLUS DEI gratiâ &c. *Literas Eminentie Vestrae die 14. Septembris ad Nos datas haud ita pridem Tabellarius paulò tardior attulit. Intelleximus ex iisdem id præcipue efflagitari, quòd cum toto Polonia Regno Saxonicus nunc cesserit miles, nobisq; hostis, quem persequamur, desit, Nostrum vicissim exercitum à finibus Reipub: revocemus, atq; sic restauranda paci studere dignemur, cui constituenda Eminentia Vestra presentem addidit inclita Reipub: operam, laude equidem non vulgari ornanda, & patefacta in hoc, ut in multis alijs Eminentia Vestrae vigilis, & indefessa Patrie suæ, ac boni publici cura; testari etiam possumus nos quoq; à parte nostra commodis, & conservationi Reipub, servandisq; incorrupte fœderis*

federum, quæ nobis cum ea intercesserant, vinculis, omni intensiori A.C. 1721
 curâ & solitudine incubuisse semper, nunc verò copias nostras è Cur-
 landia revocare adeo absurdum est, ut longius cum iisdem progredi *Caussæ cur*
 præsens requirat necessitas; Nulla enim aut satisfactionis aut securi- *exercitum*
 tatis spes erit, quousq; hostis noster gaudio illatarum impune injuria- *nō possit re-*
 rum exultans, & intumescens facultatem occasionemq; habuerit usi- *ducere in*
 tato prius artificio terras nostras infestandi. Præterea facta sunt è *Sueciam.*
 Curlandia gravissima irruptiones, hæc hosti non solum liberum transi-
 tum, & alimenta præbuit, hæc loca perstruenda securitatis, erigen-
 disq; armamentariis, & servando commeatui apta ultro tradidit, hæc
 legendi militis, convocandæque ad bellicos usus multitudinis veniam
 concessit; hæc prædonum nares nostris infensas suis partibus recipien-
 das statuit. In hac confluit sociatorum colluvies hostium; Saxonum
 pariter & Czarcorum, inter quos agitata sunt consilia, quibus nos po-
 tissimum cladibus premerent. Nec tantum magna vis incolarum &
 civium se se inimicis nostris adjunxerat, sed & ipse Ducatus Princeps
 & Rector hostium copiarum Dux, & antesignanus extiterat, adeo,
 ut ex hac Regione seu ejusdem patrocínio sine aridente situationis
 commoditate, omnia terris nostris invec̃ta mala, & tanquam è prom-
 ptuario ac officina congesta sint, in nos servi belli trahendi, sufflam-
 mandiq; instrumenta, adeo ut pro hostili merito haberi debeat. Rex
 insuper Polonia tot prodidit fracta fidei spretiq; juramenti documen-
 ta, ut ejus posthac confidere verbis atq; promissis vel maxime ob
 nova exacerbata mentis, & acerbissimorum contra nos molimi-
 num indicia non possimus. Nec dici potest deesse nobis in vicinia
 hostem, quamdiu ipse belli non depositi Author, & scaturigo ibidem
 versatur, & protegitur, summamq; consiliorum dirigit, & favore Rei-
 pub: erectior iterandis hostilitatis actibus se se accingit, quod utiq; haud
 ferendum est. Tempori interim callidè inserviens militem conducit, &
 magno numero auget, ut plures hostes, præsertim verò Rempub: bello
 implicet, atq; in detestandam impiorum armorum societatem alliciat,
 summopere connititur; in quem finem non modò actiones nostras in
 Reip: non minus, quàm propriam nostram securitatem vergentes ini-
 quâ ac inuisâ interpretatione præstringit, verum etiam operam sedu-
 lê impendit, ciendis ejusmodi turbulentis factionibus, quibus credit
 vasta ipsius destinata, collisis, attritisq; Reip: viribus, facilius perfici
 posse, nec potest non in Reip: nostrumque detrimentum cedere, quòd
 Tartaros sollicitet, communemq; cum communi utriusq; hoste, vel non
 amico magno Moschorum Duce causam agat. Omni igitur dubio ca-
 ret, quòd etiamsi Rex Polonia animi pacifici speciem præferat, novis
 monstris, novâ blandientis lingvæ astutiâ præsidium querens, nihil
 tamen ei optatius quidquam deliberatiusq; sit, quàm conquistâ virium
 occasione denuo nobis damna inferre, simulq; jura & libertatem Rei-
 pub: evertere, adeo, ut à subdolis machinationibus, quamdiu superstes
 sit, throno impositus sibi nunquam sit temperaturus, nec favorabilior

A.C. 1701. *Nulla ei affulgeret complenda malevolentia occasio, quam si hac tempe-
 state Exercitum nostrum revocaremus, & antea actis contenti justam
 causam nostram prosequi intermitteremus. Quapropter ab inclita Re-
 pub: nomen servata integra amicitia cultiorumq; rite pactorum mereri
 volentes, nobis jure pollicemur illam nobis haud velle ea invidere cō-
 moda, quae hostibus nostris, & pacis turbatoribus, aut connivendo, aut ex
 malorum antevertendorū impotentia indulserat. Quin nec jure possit Resp:
 subsistente hocce perfecta inter nos, & eam colenda necessitudinis impedi-
 mento, remoram ullam injicere, quominus assertum hostem nostrum,
 ubicunq; commoretur, quæramus, ut vel sic tandem omnia ista, qua
 tum nostra, tum praesertim Reipub: securitati officiant, è mediotollan-
 tur. Quam rem sicuti maximè necessariam, ita nunc omnino perfi-
 ciendam censemus, firmissimā duratura in posterum fide amicitiae tes-
 serā; alias enim Rex Polonia, eādem, quā usus est prius, aut non
 dissimili larvā eandem protinus scenam, quasi insciā & invitā Rep:
 cuderet, & praelium si perderet, in Poloniam se se iterum recipiens ju-
 stam vindictam, praestandaq; satisfactionis debitum effugeret. Nam,
 qui ijs imbutus est artibus, ut non vereatur incon'ultā Reipub: conglu-
 tinatum temporis diuturnitate & communis commodi ligamento fide
 amicitiae nexum rumpere, anne possit eādem larvā ejus redintegrandi
 studium eludere? Quin non verecundabatur nefarijs proditorum & per-
 duellium suggestionibus irretitus, fidem sub spe arctioris faciendi fe-
 deris cautè pollicitam fallere, an tanti habiturus sit factas à Reipub: in-
 tegrae viciniae pollicitationes, ut eas suis in contrarium voluntatibus
 reddere nolit irritas. Nullā re cum cohiberi posse creditur, apud quem
 dummodo summa imis misceat pactorum rigor, sanguinis reuerentia,
 juramenti vinculum, legum obligatio, & populi salus milescent. Qui
 talia ausus est, is scilicet animi infensi exuēt vitia, stimulum praeter-
 tim addentibus ijs, qui nostris libertatisq; Polonae juribus insidiantur.
 Examine cordatus quisque institutos à Rege Polonia clam, palamq;
 tractatus, & inuolvendo bello Reipub. consilia, indeque postea de in-
 ternis destinatis judicet. Nos equidem nihil magis in votis habuimus,
 quàm ut pro singulari, quo Rempub. amplectimur affectu, cum eadem
 imminentibus periculis erectam firmare mutuam amicitiam, corro-
 borareque utriusque Regni emolumenta potuissemus, cui rei efficiendae,
 uti praesentem occasionem maximè idoneam judicavimus, ita eandem
 fortiter arripiendam suavisimus, rati, malorum haud esse certius, tuti-
 usque remedium, quàm si causa eorum & radix rescindatur. Quod
 ipsum ut à nobis efficiatur, ni vires ad id Reipub. suppetant, operā
 dabimus. Porro quòd capia ab hoste nostro tormenta bellica attinet,
 haud perspicere possumus, quo eadem jure aut titulo à nobis expeti
 potestis. Cum enim inauditum, & incongruum sit, sese victoriae pra-
 miijs ac ornamentis privare, cordati cujusque dijudicationi relin-
 quimus, cujus sit hac res momenti, & quid ex ejusmodi pretensio-
 ne possit concludi? quam quodsi potius à laudanda Reipub. equani-
 mitate*

mitate expectare debeamus, ut ista ornamenta & apparatus belli-
cum, quem contra nos in bello hoc usurpatum fugatus Regis Polonia
exercitus secum in Regni Territorium adduxerat, tradere nobis, &
experrigere non detrectet. De cetero Eminentiam V. cum apprecati-
one omnigena prosperitatis sospitem diu, & incolumem cupimus. Da-
bantur in presidio Wargenensi 10. Decembris Anno 1701.

LITERÆ REGIS ANGLIÆ, AD REGEM SVECIÆ

in puncto mediationis belli Livonici 10. Decembris. 1701.

GVILHELMUS III. DEI GRATIA REX ANGLIÆ &c.
Serenissimo ac Potentissimo Principi, Domino Carolo eâdem gratiâ
Svecorum, Gothorum, Vandalorumq; Regi, &c. Fratri, consan-
gvineo, amico, & fœderato nostro salutem.

Cum primum Mtas Vestra fausto omine conscenderet majore ^{Stades p-}
rum solium, facillimè comparuit Mti Vestra inesse magnanimi- ^{cem}
tatis ac virtutum semina, quæ tantam deinceps non tam ex qua-
sita occasione quàm imposita rerum necessitate maturitatem assecuta
sunt, atq; admirationem omnibus mouerunt, quinimò gratissimum,
& perjucundum nobis fuit quod nauales nostræ copie, Ducesq; in par-
tem & testimonium uenerint primæ suæ & gloriosissimæ expeditionis
istius contra vicinum confectæ. His etiam controuersijs à Mte Vra
vix prius impositus est finis, quàm in alterum illico uictoriarum cam-
pum euocetur, nihil impeditus exeuntis jam anni aduersa milita-
ribus tempestate, nihil copiarum numero ita ad bellum instructa-
rum, ut ingruenti tanto hostium tumultui restitisse moramq; iniecisse
magnum aliquod, faustumq; alijs videretur. Sed majorem Mti V.
animum addidit rerum difficultas, & instantis periculi gravitas cum
Regia suæ personæ in prima acie pugnanti nulli hostium conatus, nul-
la militum pertinacia obstare valuerint. Novus posthac repente Mtis
V. provincijs imminuit hostis, qui direptâ earum aliqua in dubium
tulisset, nisi infracta Mtis V. & repulse nescia virtus obviam iuisset,
& separato interpositorum fluminum, militumq; adversorum obice
tam memorabilem reportasset victoriam. Ex quibus Mtis V. tam
fortiter, tamq; auspicate gestis ultiores armorum successus augura-
ri non difficile est, sed prudentis est nonnunquam felicissimum repri-
mere impetum, nec non eximia animi sui dotes, & cura sagaces alios
procul dubio polliceantur fructus, non minùs ditionibus Mtis Vestre,
subditisq; salutare, nomine dignos, & communi deniq; Christiani or-
bis causa accommodatos. Exigit enim præsens rerum constitutio, ut
ea ineantur consilia, quibus universa Europa ab immensa, & summâ
Imperium ambiente Gallorum potentia vindicari, atq; immunis præ-
stari possit. Cum verò ad optatissimum illum finem nequaquam per-
ueniendum esse existimemus, nisi restauratâ primum inter Mtem V.
& partes belligerantes pace. Cumq; certissimum nobis sit Mtem V. pu-
blicam Europæ salutem proprijs rationibus antepone, non potuimus

A.C. 1701 *quin studia nostra Mti V. aperiamus, ipsamque, quantum persuasio nostro, inductusque possumus, ad pacem Reip: Christiana adeo necessariam invitemus, quo optimum denique triumphum ceteris facile additura sit. Tam certe is est praesens, rerum temporumque habitus, ut eam non modò honestam securamque conciliare, sed & ejusdem leges dare, & quasi alijs imponere Mti V. liceat. Et ne quid ex parte nostra desideretur, quod ipsius rationibus & publica tranquillitati conducere posse videatur, operam nostram in omnibus, ubi opus fuerit, amicissimi offerendam duximus, non dubitantes, quin oblata hisce officia nostra, a quo animo admissura sit, & non nihil de justa sua satisfactione nostri gratia libenter detrahi patiatur, quo pax illa communi Europa utilitati, & Majestatis Vestra commodis gloriaque consentanea rogatu nostro quodammodo impetrata videatur.*

SERMO IN POST-COMITIALI CONSILIO PALATINI LENCICIENSIS GENERALIS MAJORIS POLONIAE

Varšaviae 18 Januarij habitus.

Felicia abiēre tempora Rex inelyte, quibus sine interprete sensa sua deprimere licuit, simulque vitare maligna sinistrè interpretantium ingenia quae Dominum, cives, & Rempub. collidere assueverunt. Loquimur ejus duntaxat consolationis intuitu, quòd si quando, tum modò praesentis hujus consilij Respub. arbitra, ipsa uniuscujusque interpretabitur dicta, ponderabuntur non numerabuntur sensus.

Loquar igitur, sed non nisi probata & librà affectus cordisque mei examinata, ejus scilicet cordis quo vix dum convalescens Cracoviam ad obsequia Majestatis V. adrepši, & quo fidelem semper probavi operam, id solummodo pro objecto habens: ut dulci inter Majestatem & libertatem obsecundans harmonia, V. Majestatem, Rempub. & me ipsum minime deciperem. Non assumo facundiae ornamenta, quia flores non apparuerunt in terra nostra: procedo ad puncta ante-comitialis consilij, quod proh Deum! sub Augusto Majestatis nomine spinas non rosas fert, dum lauream ab exteris pro merito coronam, spinis in Repub. nostra intertextam & alternatam videmus.

Benè punctum primum explicat, quamvis de hoc pauca dicat; plus ita sentit quam dicere possit. Detestabilis non tantum Reip: nostrae, sed etiam peregrinis nationibus casus, nunquam ab ævo in terra nostra auditus imperat claram suppressere vocem; ne posteritas audiat, fiantque ista palam & cupiant in acta referri populorum; apud quos nullo praevio argumento & ratione, jam de similibus actibus, proh dolor! sumus suspecti. Stupet haeretque non tantum Poloniae sed universae Christianitatis animus, totus attonitus super eo, quòd in diebus nostris, in Repub. nostra factum est, nam quamvis M. D. Litvaniae sibi separatam formet Rempub. mihi nihilominus una est, unum hoc corpus est Rex sub Majestate V. ceu uno Capite. Et id primum est, quod altissimo Majestatis V. subicio arbitrio: quid cum juribus Majestatis? quid cum auctoritate Senatūs, quid cum officina legum hypocausto Nuntiorum gestum & peractum sit? subversum jus omne manu: unde non tantum magno Ducatui Lit. sed toti Reipub. succurratur necesse est. Quis verò modus ea sanandi vulnera sit? mihi consilium non suppetit: altissimi manus Domini tetigit nos; non nisi igitur Vicariae potestatis esse

, se existimavero, cui dat sua dextera pondus, tantis malis mederi posse. Quia *A.C. 1701*.
, nihilominus ex vi Officij mihi consulere incumbit; dico, quod sentio.
, Ut verò securiora sequar, nec pro medicina venenum præseribam, non
, meum ingenium, sed morem legibus Patriæ munitum in consilium advo-
, co, danda utrique parti mandata censeo, quòd Remp. dum putant suam,
, tractant ut alienam. Hoc à Majestate V. efflagito; ut per id consilium
, se ostendat Dominum, Dominam autem Rempub. Non ea sunt tempo-
, ra Rex, quibus in scissione plenum clementiæ bonitatisq; pectus, ne in
, libertatem impingat, titubare necesse sit: nunc pro libertate & conserva-
, tione jurium Majestatem exardescere oportet, ne nobis in hoc consilio, in
, cujus exitum totius Reipub. oculi conversi sunt, congregatis illa affiga-
, tur censura: qui non vetat peccare, cum possit, jubet. Procul hinc jam
, assentatio, malum enim palando alitur, iustitiam nostram expectantes
, concives, si illa in executionem venerit, ingens inde sument solatium. Hoc
, igitur opto; tanquam strictissimam minimis dicti mei Patriæ & conscien-
, tiæ redditurus rationem, ut mandatis cum utraque parte agatur, Reipub.
, interim de senatûs consilio quàm rigidissima securitatis personarum, bo-
, norum, & ministeriorum remedia providebit, contributiones sine Repub.
, sanctiæ, hujus ignis fomenta, annihilentur, exercitus uti novâ forma ex-
, authoratus fuit, ita eadem erectus, ne involvat Rempub. ad ulteriorem
, ejusdem decisionem, sine qua nec exauthorare, nec authorare, nec in-
, ducere licet, exauthoretur. Credat mihi innocuè Majestas V. tanto ma-
, lo involvitur, simulque cum capite totum Reipub. corpus, quæ hoc prin-
, cipali delicatissimo & fundamentalissimo jure gaudet. Ita jam olim Au-
, gusti ferebant tempora; quibus in ejusmodi occasionibus non habebatur
, pro crimine amisisse ensen; at gravissimum censebatur scutum perdidit-
, se, quo corpus tegeretur: quo velut per symbolum innuebatur, grandius
, in conservatione momentum, quàm in aggressionem præclarissimorum &
, gloriosissimorum intentorum verti. His præmissis conclusa jure & præ-
, sentis ante-comitialis consilij vigore succedunt comitia; quæ dum in jure
, per expressum descripta video, ad nomen constitutionis venerabundus ai-
, surgo, & loqui contra eam erubescio, ne Senator existens merito illâ, quâ
, miles sago tenuis non ausis confixus fuit, perstringar crisi, quòd jussa Du-
, cis interpretaretur non sequeretur. Nulla me de hoc dimoverit ratio vel
, circumstantia, vel in partes traxerit reflexio. Fecissent superi! ut juxta con-
, stitutionum sancta locus fuisset comitijs; non vidissemus tam manifestam
, Reipub. cui extinguendæ utrum pares futuri simus, ignoramus, confli-
, grationem: nisi forsan (quòd DEUS avertat) extremum illud tentemus,
, ut extingvamus ignibus ignes. Delicata magni illo tempore Marschalei,
, modò autem Cancellarij manus adjuncta clementiâ Regiæ Majestatis asse-
, curatione & pacificatione Ordinum utriusque gentis auspiciò succurrit,
, feliciterque absolvit negotium; ut cessaverint venti & tempestates: verùm
, prudentissima Reipub. quam corrigere non præsumo, nondum satis ha-
, bens, ad perfectam respexit malaciam, primo vere comitia decernendo.
, Ea & ego desidero, ea quàm demississimè quantocius designari peto, tan-
, quam is, qui nec Majestatem V. nec Rempub. in fraudem inducere vo-
, lo. Major (avertat DEUS) Majestatis V. foret deceptio, tot actibus de-
, clarata & intimata, nec tamen stetisse comitia quàm illa, quâ Heroicum
, Majestatis pectus inaniter forsan lætatur, malo, Rex, candidè proferro
, sensum; ut fidele probem obsequium, ne olim sive coram Majestate, si-
, ve Reipub. sive conscientia mea erubescam.

, Alterum punctum est Rex importunissimè porrectum de coronatio-

A.C. 1701, ne Electoris Brandenburgiei; quia eo momento hesternâ luce, qua coronabatur admissum. Gladiatoris tantummodò est in arena sumere consilium, ejusmodi verò actus vel maturè priusquam fiant, proponendi sunt, vel ubi jam facti fuerint, secuturis comitijs, tanquam delicatissima materia relinquenda. Obligationem meam erga Reginam viduam etiamnum recognosco, ejusque me fuisse servum glorior. Libenter assentior, ut hoc devotionis beneficium per senatûs consilium concedatur. Quia nihilominus jura Reginæ à Repub. dependent; perfectè illorum securitati consulens, ad comitia remitto, nec cum periculo eorum per senatûs consilium officiosus esse volo. Illatum ad Majestatem V. punctum à Castellano Vilnensi metetur omnem tam Majestatis V. quam totius senatûs reflexionem, ac deinde decisionem. Res ipsa loquitur, eò usque acerbiter fatorum M. D. Litvanizê defuisse; ut etiam in abientes sine ulla intimatione crudelem, & absolutam legem tulerit decernens: ut eorum bona, qui non jurassent, confiscarentur. Quemadmodum igitur Castellanus circa hoc juramentum, quod est vinculum iniquitatis, meritò scrupulum habet, ita justæ ejusdè preces sunt, ut autoritate senatûs consilij per expressum securitati bonorum caveatur, hocq; punctum decidatur: ne pro fide sua erga V. Mtem totamq; Rempub. more Litvanico pœnas innocuus luat. In eadem mihi videtur navi navigare Pro-Cancellarius Litvanizê, cui nec V. Mtas, nec totus senatus deesse potest: silere enim nefas, jam illatâ quæstione, foret id dare jus iniquitati & approbare actus, quos uti videmus universus senatus abominatur & detestatur. Nunc verò Rex Serenissime precor; ut quemadmodum nobis primitus à Seren. domo Mtis V. collatam gratulamur coronam, & quemadmodum gratitudinis instinctu eadem Augusti Mtis V. tempora coronavimus, ita huic afflicte Rempub. nostræ sub Serenissimo nomine Majestatis omnis mensis sit Augustus.

LITERÆ PRINCIPIS WISNIOWIECKI AD PRIMATEM
CARDINALEM. 20. Januarij.

Cum merita & debita me sisto Tibi ueneratione, cultum ferens obligata submissionis meæ; ad quem me benevolentia Tua gratia & candida ad ulteriora obsequia excitat propensio. Sapientia non pridem innocui sanguinis nostri Vilnæ belluones, recenter autem tantæ Emathicæ cedis concinnum suorum ad Leypunos Authores, & ibidem Equestris Ordinis aggressores, modo ad latus R. Mtis existentes facundi existimo sunt, pro domo sua Oratores. Mihi verò pro omni asylo Tu unus es, de cujus gratia non dubito: uoles tam me, quem testata suprema Parentis mei mandata speciali Tue commendatum uoluere protectioni, quàm totum Ducatum Lit. & tot malis orbatam Patriam Tuâ complecti benevolentia & fouere. Nequeunt enim usquam alibi indagare asyllum, aut reperire conculcata per Lituaniam jura, legum contempta securitates, effusus nobilitatis cruor, madensq; civili sanguine tellus; nisi apud unicam Primatialis purpureæ auctoritatem, cui uni competit publicis mederi injurijs. Tuam igitur tam ex persona mea, quàm totius Lituania nomine, imploro gratiam; uelis tam recens authoratum exercitum tuâ fouere protectione, quàm me ipsum qui pro parta reputo gloria me Tuum esse &c.

P.S. Legatio Olkinikis tam ad Regem, quàm ad te destinata tradidit hæcenus; verùm intra breve tempus, ubi in lucem publicam instrumentum prodierit, festinabit ad exequendum munus suum. Mitto autem modo Tibi Copiam juramenti à Cancellario & alijs Colonelis Rozanæ peracti, item assecurationem ejusdem Principis Cancellarij ratione tutelæ bonorum Principis Neoburgicæ, cujus originale apud me depositum est.

FORMA JURAMENTI COMMUNIS MOTUS MAGNI DUCATUS LITVANIÆ.

EGO N. juro D^{no} Omnipotenti, uni in Trinitate super hoc; quod quidquid anno præterito 1700 congregati per communem motum Ordines M. D. L. ad Olkinikos constituerunt, non tantum suscipi, ani id totum: sed etiam propugnare, defendere, ab eo non recedere, illi subiacere non detrectaturus sum, imò ad id obligatum me profiteor, promittoque: quòd nullis modis, factionibus, corruptionibus me decipi aut abstrahi sinam: item respectui omni, colligationi, consanguinitati cum domo Sapiehana, quorum vi, illis opitulari deberem, renuntio, perpetuò sincerè & candidè unum velle & nolle cum tota Repub: M. D. L. conservaturus. Declaro etiam me obligatum futurum, & ubi id necessitas postulaverit, promptè ad defensionem libertatis, jurium coæquationis, & præsentis sanciti Generalis Reipub: pro communi motu accursurum pariturumq; innotescentijs Principis Generalis Colonelli. Nulli secessioni, si quæ prorumperet, me adjungam, non me avellam à Republ, nec auxilium, consilium, præcautiones adversantibus Reipub: suppeditabo, quidquid damnosum imminere Reip: aliunde intellexero, mature Principi Colonello intimabo, cum signis meis Mti & Reipub: fideliter & sincerè deserviam subordinatione Principis Generalis Colonelli; contra voluntatem & ordinationem Reipub. Milites meos & vexilla in exercitu non sustinebo, quinimò ad primam concordem Palatinatum & Districuum M. D. L. intimationem illa exauthorabo. Super his uti justè juro; sic me Deus adjuvet, & ejus sancta Passio.

ASSECURATIO PRINCIPIS CANCELLARII M. D. L. SUPER TUTELA BONORUM PRINCIPIS NEOBURGICÆ.

Carolus Stanislaus Radziwil &c. Accommodando me Generali sancito congregatorum Ordinum M. D. Lit. per communem motum Olkinikos, anno 1700, hanc do assecurationem: quòd recipiens in tutelam ex voluntate Reipub: Principem Neoburgicam Palatinidem Rheni, uti & bona ejusdem Slucensem, Kopylensem, Birzensem, Dubinensem Ducatus & alia fortalitia, possessionesq; in M. D. L. sitas, non alio modo, quàm qui publico instrumento Generalis sanciti descriptus est, præfata bona titulo tutela dependenter à Regia Mte & Reipub: insimul tenebo, proventibus ex iisdem in præjudiciũ libertatis & jurium coæquationis aliorumq; M. D. L. cum Regno Polonia non abutar, tantò magis nullos cum Principe Neoburgico contractus modo in Sapiehis à Reipub: reprehenso admittam, usq; ad desponsationem prædictæ Principis. Gubernatores arcium bene possessiona-

A. C. 1701 *sionatos ex Nobilitate Lituania de amicitia vel cointelligentia cum Sapien-
tibus non suspectos à Repub: designatos, & per Commissarios institu-
tos conservabo. Juramentum fidelitatis ab illis non aliter, quàm si à
Rege & Repub: simul dependerent, exigam (salvo per omnia jure meo
& inscriptione in castro Varsaviensi anno 1669. 28. Junij recognitâ,
uti & testamento defuncti Boguslaj Radziwilij Praefecti Stabuli M.
D. L. item in integro ad nobiles annos atateq; competentē prænominatæ
Principis conseruatione) ad quæ omnia manu tenenda, non tantum
hoc scripto à me in depositum Principis Michælis Seruatij Wisnio-
mecij &c: extradito, sed etiam fide, honore, & conscientia sub amis-
sione ejusdem tutela & restitutione illius ad dispositionem Reipub. me
obligo, volens hoc asssecurationis instrumentum ejus valoris & ponde-
ris esse, cujus esset, si actis authenticis fuisset roboratum, me manus
propria insuper sigillo applicito subscribo.*

Carolus Stanislaus Dux Radziwił
Cancellarius M. D. L.

ORATIO LUDOVICI POCEY PRÆFECTI VIGILIARUM M.
D. L. LEGATI à PALATINAT: & DISTRICTIBUS M. D. L.

15. Februarij habita in publica audientia.

SUB umbra Sarmaticæ Aquilæ & protectione Augustæ Mtis V. dex-
teræ, suaviter Polono orbe in pacis sinu quiescente; Magno Ducatui
Lit. eruentus Mavors funesta bella propinavit, quodque acerbius ad
dolorem est, per obstinata hætenus in ditionibus V. Mtis audita nun-
quam odia, parricidalis priorum Filiorum manu Parentis Patriæ serua-
tatis viscera, cum harfalicis simulachris totius subire oculos coegit uni-
versis, Rex Serenissime. Indoluit simili fato suo nuper urbs orbis Domi-
na Roma, & non jam leniendos sed memorandos duntaxat seræ polteri-
tati consignavit dolores, priscoq; honore & libertatibus suis in funesto
degenerum filiorum cinere tumulatis super stite solūmodo expressit gemitu:

Hæc quantum potuit terrâ pelagoq; parari

Hoc, quem civiles hauserunt, sanguine, dextra.

Unica adhuc nobis affulget spes à Regali providentia, & paterna solici-
tudine; quodd ingens hoc ultra non serpet malum, remittet furor, &
licentia ferri elata in commune nefas ad Patriæ hebescet jura, voletq;
recondi in vaginam. Hinc est, quodd hunc subierit eoque consistat loco
Litvanta, oculis Majestatis eruentum offerat spectaculum, inflictas ab
una domo supra omnem se se æqualitatem efferente cicatrices. Nume-
rat illa coram Mte V. in pectore suo tot alta civilis vulnera dextræ,
quot nimia ejusdem domus licentia infregit libertates: non commemo-
rat splendoribus suis nudatas, aut in favillam redactas Ecclesias; tacet
præposteræ pietatis opus, de raptis nimirum opibus, expilatis Regalibus
planè per Ducatum L. foundationibus, ex Augustissimis mœnibus amplif-
sima à prædicta familia excitata pauperum Nosocomia; nec illud dicen-
dum existimat, qualiter eadem vulpinis fraudibus protendens manus,
adorans vulgum, jaciens oscula, omnia serviliter attentavit pro Domi-
natione. Quantis dolis per Palatinatus & Districtus suis illudit illa con-
civibus; ut tot bono publico instituta comitia confunderet, sus deq; ver-
teret statum hypocaufti Nuntiorum, dishonore Majestatem minueret,

Cardi-

Cardinales leges infringeret, alienis opibus ditesceret, bene sentientes A.C. 1701
sed non faventes sibi opprimeret, subsellia tolleret, eorumque sancita violaret, cuncta paterent sceleris & ipsum scelus pro virtute censeretur, sisteret denique vocem & liberam per comitiola activitatem in tantum; ut rara temporum felicitate, ubi quæ velis sentias, & quæ sentis dicere liceat. Præterit abusus illos, quibus authorato ad defensionem Reip: militi jus fasque datum Patriam opprimendi, ut quod liberet, etiam eidem liceret. Non vult meminisse interversos quadraginta propemodum miliones contributionum, & pro publico Reipub: destinatos, ab illa privatis ulibus addictos. Supprimit silentio toties extra Regnum iteratas profectiones, contra jura, practicasque cum exoticis Principibus factiones, quod turbata Patria felicius sua consequeretur intentata. Silet & illud quod insensâ Repub: machinationes suas tot ab extraneis summis solvi sibi permiserit, & supra æqualitatem titulos Principatus longaque emolumenta cum detrimento Patriæ affectaverit, quod testantur vicinæ dextræ Sætica ad Olkinikos inter spolia vindicata sigilla. Denique non vult ostendere aures mentione palmarij, quod nec divino nec humano juri etiam in minimo puncto, quin violaret, pepercerit, quamvis nihil intactum est. Quid enim prodest enarrare scelera? in quorum vita momentis scelus aut ruina crevit. Stat igitur duntaxat præ oculis Mætis V. Litvania, cruentum toties Concivium nostrorum profusi sanguinis exhibens spectaculum: vocalis ille coram Dæo, vocalis & coram potestate Mætis Væstræ, invocat vindictam, exsurgat quispiam de nostris ossibus ultor. Gemunt cæsi ad Caunam, Jurburgum, Zilmoros, Rosienos, Osmianam, Olkinikos: resonat funesta echo de sub sepulchrali tumba à peremptis Bokieis, Cedrowscijs, Biafzorjs, Oginski, cui solâ exceptâ morte non fui associatus, de cætero nihil solam præter vitam mihi relictum est. Ostentant aliorum vulnerum meatus fuscumque cruorem pro libera in comitiolis voce tot ab adductis Tartaris equitibusque, per Ducatum Samogitiæ, Orsensem, Novogrodensem, Brestensem, Osmianensem, Mæseislaviensem aliosque quæ Palatinatus quæ districtus, mancipiorum instar imò hostium tractati. Præsentat se ipsa violata securitas tribunalium M. D. L. obsidione aliquot milium peditum cinctâ in ordine; ut ejus tollatur authoritas, ique solummodo, quos ipsi volunt, judices destinentur contra protestationes & rupta comitiola; sistit insuper Majestati Principis velut in sinu suo duo luminaria ducatûs sui Illustrissimos Principes Wisniowecios, in proprij naufragos sanguinis diluvio; cui inundaturo Calmi manus fontes & meatus reseravit. Ingemiscit ipsa indoletque tanto casui videns eos, ex quorum nuper domo Regali indutum purpura Serenissimo inauguravit throno, nunc alio longè murice proprij videlicet cruoris Dibapha diro ad posteros exemplo investitos.

Assyrias latio macularunt sanguine Carras.

Ostendit quidem domus illa, prodiditque dolorem, ac si impio facinore moveretur; verum id simulacrum Crocodili fuit: excusavit ore, per scelus corde patratum facinus, lachrymas non sponte cadentes elicit, gemitusque dedit de pectore læto, demum Serenissime Rex, quod vel ipse universus orbis manifestius hostilitatis in Patriam censere potest argumentum? quod insolentis arrogantis & odij in propriæ matris furentis viscera invisum magis unquam vidit spectaculum? ac illud fuit: quando malè ominatis auspicijs (domestici enim ululârunt in fata bubones) concivium suorum quos universalis V. Mætis securitas limitum à Svecia providenda, meditata cum prædicta domo compositio & approbanda concordis puncta in eum deseri-

A.C. 1701, descripta finem Vilnam evocaverant, & jam eo tendebant: nobili tinxerunt, sanguine campos, primum ad Olmianam, nullâ causâ aut occasione prævia: post needum expletâ eruentâ siti tanquam triumphatores, aliquot milibus militum sclopetariorum, totque tormentis instructi ad Leypunos, primâ statim fronte centenorum aliquot Nobilium corporibus instraverunt agros, uti residua à fatis præfecti stabuli charta propriâ manu ejusdem scripta denunciâns Vilnam triumphum testatur. Quomodo non jam, cum Palatinatus & districtus tantâ saltem hostilitate expergiscerentur? quomodo non moverentur tam ferali excidio? poterantne tolerare amplius sanguinisque inertes spectare diluvium, nec naturalem ipsisque brutis etiam mitissimis non insolitam arripere defensionem, expectarentne ultimum, jâ jam jugulo imminens exitium quando jam ipsa bellica latè divulgârunt tormenta, declarâruntque tot mortibus fratrum illos Patriæ civiumque hostes. Coegerunt hæc Ducatum Litvaniæ perenni antenatorum suorum zelo stringere frameam in aggressores, seque tueri, debuit ahencum, ex suorum pectoribus obtendere murum Litvania; ut vitæ fontem libertatem defenderet, debuit desuetam manum, viresque in prælia exercere, rudemque juventam à triginta annis Martis nesciam ad arma vocare. Si sæcula tantum aurea Saturni memorant, & nulla recentis gratia virtutis, aude tamen alta pubes, mento canescant alij, nos mente, nos animo; facie, nos pectore: tempora certè virtutem non prima negant, non ultima donant. Uti etiam factum est: benedixit justus DEUS, venit qui probra suorum ense pio redemit. Contrivit virtutem superbiorum, altas imaginationes redegit ad nihilum, deposuit potentes de sede. Et ita jam Rex Serenissime his præmissis Litvania non adfert novos codices jurium in constituto suo; sed antiquas leges sat amplo stylo in perduelles latas exsequitur. Non vult ut sterileseant leges, ubi scelera florere: neve desinant, vel illis ipsis assentientibus, qui Patriæ manifestis factis inimici voce quodâmodo faventes, proclamare non erubuerunt; Lit. ratificat, confirmat, & pro lege inviolabili conservare decernit. Offert igitur hæc statuta sua, quæ non ante scripsit, quàm sanguine proprio imbuisset, ad manus Mtis V. humiliter simul supplicans; ut sicut super omnia nobis juravit jura, ita & hæc, quandoquidem sola in illis jurium executio est, dignetur manu tenere, Ducatum verò ipsum ipsdem gloriosis manibus, quibus domare gentes feroces non insolens est Regiæ Majestati, ab ulterioribus defendere & protegere velit apertis sive occultis hostium impetitionibus, ad plantas Domini exorat.

INSTRUCTIO STANISLAO SUCHORZEWSKI ET LUDOVICO GORZENSKI NUNTIJS AD REGEM EX COMITIO-
LIS SRZEDENSIBUS 14 Febr. data

Si illæ potissimum Regum Majestates pretiosum orbis rapiunt affectum, quorum splendores fors nascendi magnificâ extollit basi, multò hæc fortuna manifestius in V Majestatis supereminet persona, in qua Cæsars de stirpe Ducale coruscat genus, Insuper, quod difficillimum censere orbis, Majestas verè V. supremum ingentis gloriæ debet reputare decus atque solatium, liberis gentis Polonæ votis & vocibus tot inter inelytos coronæ hujus competitores in Regem & Dominum nostrum est electa: ita qua velut basi quemadmodum invictum Regni nostri fundavimus propugnaculum, tanti splendoris invidiâ exteris relictâ, ita certi hujus spei vivimus, quod divine qualificatus Princeps animos populorum Regij amoris illicio occupare, hostium Regni domare proterviam dignabitur, & quid-
quid

quid Regi & legi debetur correlativâ sympathiâ clementissimè moderari *A.C. 1701*
 , volet, hoc modo infallibilem obedientiam, populorum harmoniam, Ma-
 , jestati verò suæ tanto profundiorē reverentiam causatura, pro ejus
 , Majestate uti universa Polonia, ita Palatinatus nostri vitam sanguinemq;
 , vovent, & perennes immortalesque dies ab altissimo Rege Regum suppli-
 , ei deprecant voto.

Quoniam verò juxta statuta Reipub. Nostræ legibus eadem firma-
 , tur ad diuturnitatem, & sine his veluti corpus sine anima consistere & *Postulata*
 , regi nequit: rogabunt nuntij Regiam Majestatem; ut circa hanc animam *ex comiti-*
 , viventem Respub. nostra conservetur, præsertim, sicut lex in comitijs, no- *olis Srze-*
 , vissimè prolata obloquitur circa cautionem Mti assecurantis Rempub. de *denfibus*
 , educatione externi militis, & non futura impofterum reductione ejusdem *Saxonum*
 , in viscera: qui nihilominus, quamvis lex vetet hætenus in Litvania distri- *evacuatio*
 , butus subsistit: unde nuntij nostri apud Mtem humiliter instabunt, non *petitur*
 , tantum nuperrimæ legi, sed etiam tot constitutionibus in ante-actum de
 , copijs & corporalibus custodijs externis sub Antecessoribus Majestatis pro-
 , latis; ut Respublica ab illis quantocius evacuetur, quibus educatis Re- *Bellum*
 , giæ Mti Nuntij nostri supplicabunt; ut bellum Svecicum ad decisionē *Svecicū*
 , Reipub. suspendat, & quidquid constitutione novissimâ sub prænomina-
 , to titulo descriptum est, clementissimè ad Reip. consilium & consensum dis-
 , ferre dignetur.

Perstringit Palatinatus nostros attentata præter spem à Duce Brande-
 , burgico Coronatio in Regem Prussiæ; quare quia hic titulus non tantum *Titulus Re-*
 , derogat Majestati, sed etiam Reip. ex jure feudali Prussiæ, Nuntij no- *gni Prussia*
 , stri seriò instabunt apud Regemque Cancellariæ ulla expeditiones ad Prin-
 , cipem Brandeburgicum faciat sub titulo Regis. Non minus nostri Palati-
 , natus eò affliguntur; quòd primus hujus Regni Ducatus, Litvania sei- *Discordia*
 , licet, bellis civilibus æstuet, indiesque augeatur majores concipiens ex co- *Litvanica*
 , gnato sanguine flammæ. Indolet plurimum quòd illustria Ducatus illius
 , decora, totiusque Reipub. Domus Sapiehana per suscitata injustè bella
 , in ruinam conciderit, & spes amplissima dignissimæ Domus, totiusque Re-
 , ipub. præmaturo succisa fato in Præfecto stabuli Litvaniz, ipsa togâ sa-
 , goque meritissima avitis spoliata fortunis, quodque maximum delicatis-
 , simâ vitæ portione, emeritis sit in Patria destituta honoribus. Quæ omnia
 , patheticè Nuntij nostri Regiæ Majestati proponendo, demisse supplicabunt;
 , ut Regiâ autoritate & personâ motas procellas tranquillare velit, & tam
 , grandem Ducatum in pristinum ordinem & legum observantiam redigat,
 , domum autem Sapiehanam ereptæ substantiæ, authoritati & jurisdictio-
 , ni honoris restituat, insimul ne benevolentes Reipub. vi & armis adacti
 , ad hanc infelicem secessionem ad indignum juramentum obligentur, quot-
 , quot in prædicto Ducatu possessiones habent, uti Castellanus Vilnensis, Pro-
 , Cancellarius Litvaniz, & Capitaneus Bobroycensis. Interest præterea Re-
 , ipub. & Palatinatum nostrorum; quòd comitia norma Reipub. nexusque *Comitia*
 , statuum, præteritâ assecurata constitutione differantur. Quo ad hoc etiâ *differenda*
 , per nuntios nostros humillimas ad Mtem profundimus preces ut Ordines
 , Reipublicæ tanto feliciter per mutuam in comitijs cointelligentiam
 , sibi constare possint, cui subveniendo instabunt Nuntij nostri urgebunt-
 , que, quantocius comitia designari. Actum Srzedz 14 Febr. 1701.

Alexander Radomicki Marechalcus.

M.C.1701 ORATIO SUCHORZEWSII NUNTII EX COMITIOLIS

Srzedensibus ad Regem 20. Martij Varfaviæ dicta.

AB ijs Palatinatibus, qui semper præ oculis & alta consideratione Mte
 ac libertatem in pectore habent, comparemus Rex Serenissime,
 pro Mte V. vitam, fortunas & sanguinem ponere, pro juribus & li-
 bertatibus nostris, si quid vitæ charius & carius est opponere parati. In-
 sinuamus quàm delicatissimè Clementissimi Principis cordi; ut illud de-
 licatâ gentium liberarum Dominatione delinitum, uberiora amoris in-
 eas & in bonum publicum solatia ferat, utq; V. Mtas ceu amantissimus
 Pater, plura affectus sui in nos & Rempub: meditetur argumenta; quàm
 nos lacrymis nostris facundi volumus persuadere Oratores. Cum leges
 condantur, ut servantur, conquerimur pleno fiduciâ pectore non tan-
 tum præteritorum Comitiorum sancita executione fraudari; sed etiam
 ipsa Comitia per novellam legem assecurata, tot actibus impræfatis in
 Polonia exemplo non tantum differri, sed videri auferri. Supplicamus
 quàm demississimè; ut Mtas V. quantocius hoc spiraculum vitæ Reip:
 indulgeat, sine quo status noster non nisi trahere vitam, non autem vi-
 vere potest. Eorundem comitiorum constitutio de assecuratione Ordinû
 Reipub. tanto cum rigore expressa, quoad educationem, non inductio-
 nem externi militis quid denotat aliud, nisi illibatum Polonoque sangvi-
 ni ab ævo congenitum in Principes suos candorem, unde quamvis illæ
 nobis non expleantur sancita; non tamen (avertat DEUS) ad media
 jure nobis, & ipsâ Regia Majestate V. assentiente concessa recurri-
 mus, non gravamur etiam deinceps quàm demississimis instare precibus
 ut Regium Mtis cor armis hostium invictum, subditorum supplicibus
 se vinci sinat tandemq; copias peregrinas penitus ex Regno educas ve-
 lit. Antecessores sanctos V. Mtis & feliciter nobis dominantes, non
 ullum exercitus robur, non grandia per urbes præsidia; sed civium
 tuebatur amor. Altissimo suo iisdem Principes arbitrati sunt judicio, me-
 liorem semper esse amatum, quàm armatum Principem. Promanat ex
 hisce inconvenientijs, finitro nostro fato, bellum Sveticum; quod etsi
 ignoraverit (se utpote insciâ) inchoatum, illius tamen mala Respub.
 experitur. Meminisse velit quàm demississimè precamur, ne se V. Mtas
 heroici pectoris sui impetu cordisque Regalis magnanimitate ad recu-
 peranda avulsa sic abripi sinat eaque cogitatione velut per extasim oc-
 cupari; ut interea inter Cardinalissimas leges illius potissimum fugi-
 at memoria, quæ bellum sine scitu Reipublicæ inchoare mutuo in-
 ter Majestatem & Rempublicam contractu Principem vetat & restrin-
 git. Supplicamus igitur; ut hic casus etiam tenerrimæ conscientiæ Ve-
 stræ Majestatis, ad resolutionem comitiorum Ordinumq; Reipub. suspen-
 datur, quia metus ineuit profundiores nostræ libertati, leges nostræ,
 Rex inelyte, non in lapideis tabulis, quæ ad rupem allisæ facili in par-
 tes diffiliunt, insculptæ sunt, sed papyro inscriptæ multoque magis in
 candore cordium, civiumque animis exarant. Iam autem cor primum
 vivens est, & ultimum moriens: ita nos cum juribus nostris vivimus, ita
 iisdem immori volumus. Tragicus M. D. L. casus tristem illam nobis
 accersit censuram: vix patrem, novère prius jam funera matris: quan-
 do in ipso initio Regni V. Mtis cernimus pereuntem in Litvania Remp.
 non enim hoc civilia bella, ut vivamus, agunt, horror civilis sanguinis
 heroicum Mtis pectus moveat, compellat Reipub. huic desponsus amor;
 ut metuendum hoc ipsa magnitudine suâ supprimatur incendium. Com-
 mise-

, miseratio & justitia tam emeritæ in Repub. domui Sapiehanæ debita, 4.C.1701
 , communisque dominantibus virtus restitutionem opum & honorum ju-
 , risdictionemque evincat: hanc enim Rempub. nostram opes magnorum
 , civium, & Ministeria æterno glutine firmant. Edunt argumentum Pala-
 , tinatus nostri doloris sui. qui de inverso illorum in Litvania statu sumpsit
 , initium, quando oblectant, ut Mtas V. in orbitam legum omnia reduces-
 , re velit, efficaciterq; cavere, ne immunes ab hac confusione cives, crimi-
 , nis ejusdem contagione involvantur, securitatem fortunarum honorumq;
 , Regia virtute provideat, néve verba jurantium dicant, quales potissimum
 , sunt Castellanus Vilnensis Campidux Litvaniæ vir non tantum in Duca-
 , tu illo, sed etiam in Regno sago togæque meritisissimus, Pro-Cancellarius
 , Litvaniæ, Capitaneus Bobroyscensis, alijq; &c. Hæc sunt vota Palatinatu-
 , um nostrorum Serenissime Princeps, hæc existimamus & populorum u-
 , niversæ Patriæ non privata quæpiam desideria esse, sed publica totius Re-
 , ipub. suspiria; ut quam à majoribus acceplimus Rempub. eandem poste-
 , ris relinquamus. Gens libera sumus, nemini servivimus unquam. In cujus
 , argumentum ipsam legimus instructionem, quæ non tantum pro decore
 , Reipub. sed etiam Serenissimi capitis Mtis V. ægrè fert usurpationem ti-
 , tuli in Prussiam. Ne autem in errorem major Cancellaria derogationis
 , Mti V. & Reipub. impingat, humiliter supplicamus. Hanc igitur instru-
 , ctionem ad plantas Mtis humiliter deponimus, non tamen animum ze-
 , lantem pro eadem Mte juribus & libertatibus nostris, quas sanguine no-
 , stro & majorum nostrorum meritis partas, hætenusque conservatas, ma-
 , jori curâ impofterum metuq; servamus servabimusque.

RESPONSUM REGIS AD INSTRUCTIONEM NUNTIO- RUM PRÆDICTORUM EXTRADITUM EX CANCELLARIA

Varlavizæ 23 Martij 1701.

INter alta AUGUSTI sanguinis Serenissimæ Domûs decora, hoc supre-
 mum reponit Majestas Regia; quòd liberis Electoris populi vocibus au-
 gustum Poloniæ infederit thronum; & ex eo tam dulci regimine domi-
 netur Princeps in cives ut parens in liberos. Quid enim ornando dignius?
 quid excelso Principis genio congruentius? ac tanto gloriâ & libertate im-
 perare Regno; cujus limites herous ardor, invicta dextera, & gloriosa
 Sarmatarum virtus in tantum ampliavit, ac diffusas provincias, suisque
 quondam absoluto imperio Dominis parentes terras sub unius sceptri &
 coronæ collegit auspicia. Vendicat id ipsum in sortem triumphalis Regni
 sui Majestas, paterno suscipit animo tam gratam inclytorum Palatinatuû
 contestationem; nec frustrabitur per gratiam DEL expectationem, & amo-
 rem populi, sed imò conjuncto consilio & auxilio Equestris Ordinis glori-
 am & fortunam magnorum Regum ingentibus factis exæquabit. Prout ve-
 rò non aliud motivum Mtem ad præsentis belli impulit initia; nisi sola
 militaris fortitudinis fama & obligatio juramenti Regij super recuperan-
 da ea, quæ fatorum iniquitate à Repub. illicitè avulsa fuerant: faventib;
 præsertim conjuncturis & occasione insuper datâ per violata pacta Oli-
 ventia, hostilitatisque attentatæ respectum (quæ omnia in universalibus
 Regijs ad omnes Palatinatus, terras, & districtus in vim diplomatis de ag-
 gregandis Reipub. bello partis, ex senatus consilio edictis expressa, Sveti-
 ticum pervaserunt bellum; mox in primo statim ejusdem exordio vindi-
 cata tantæ utilitatis fortalitia receptui canere & parta deferere trophæa
 in ludibrium externorum prohibuerunt, ita non debuerant delicatos gloriæ-
 que affectu occupatos alterare animos, nec candida omnisque commodi
 vel privati ambitûs suspicione prorsus libera Majestatis intentio varijs cen-
 suris

A. C. 1701, iuris & interpretationibus subijci; sed potius meritam justamque in generosis invenire civium pectoribus recognitionem, cum ipsimet conscientiam Regiæ Mitis in campo Electorali ad id obligaverint. Locatio verò exercitus Regij in confinijs intuitu tutelæ illarum partium defensionisque ab incursione hostili, si cui incommoda fuit, & Magno Ducatui Lit. injuria, existimat Mtas, ipsâ id necessitate executandum, & teneritudine sinceræ in Principem amoris affectuq; in commune bonum prorsus obliterandum & delendum: quod scilicet, uti vitam, fortunas, caritates & decora sua Rex ad bellicas operationes impendit, ita & has copias Reipub. usui eoque addixerit, quousque illa in unam compagem collecta mentem Principis non resolvet. Defendit igitur se Mtas contra invidiam purissimo candore regalis animi, & vero amore civium, tuctur sacramento juratæ fidei, & ipsâ actionum suarum innocentia. Jam verò ne Mtas & libertas ullius obicis dividatur, & separetur interventu, quinimò quam arctissimo nexu in unum coalescat, & Resp. de pijissimis intentionibus Principis in formata in tanta conjunctionum opportunitate consilia & rationes inire, & cuncta ad decorem imperij componere possit; jam nuper sub tempus itineris Birzanensis generalibus Comitijis, quæ per senatus consilium in septembrem dilata fuerant, ut vota populorum contentaret, pro 30ma Maji currentis anni Varsoviæ promulgatis, una universalis Bierzis, altera Varsoviæ ex Cancellaria expediri mandavit: confidit interim Rex nobili virtuti, & heroicis civium affectibus; quod omnes sinistras impressiones & diffidentias Reipub. fortunam morantes seponent, & quemadmodum Princeps Regium ducit conservare jurata jura, & libertates recognoscens, utpote totam fortunam suam & gloriam cum fortuna & gloria Reip. in eadem lance ab eodem pendere momento: ita non dubitat, & questrem ordinem constanti zelo, perfectoque affectu pectora & devota capita Majestati Regiæ in quavis occasione immolaturum.

Coronationem Electoris Brandenburgici in Regem in Prussia à prima statim noticia proposuit Rex in ante-Comitiali consilio; quæ ne juribus Reip. quopiam præjudicet detrimento, ad futura suspendit comitia: in ijs jam proximis securitatis & indemnitate jurium respectu, suberit decisioni totius Reipub. Civiles motus & domesticæ vulnera M. D. L. cujus si non Paternum Regis cor lancinent? siquidem post funestas cædes & tantum sanguinis diluvium, adhuc hic ignis ardet, internamque pacem & publicam alterat fortunam; quæ unicâ hæc solide subsistit basi, fortitudine adversus hostes, & mutuâ inter cives concordia. Occurrit Majestas impenso conatu suo, in auspicijs his in publicum eventibus; novis curis Regium exerceat caput, & jam interponit auctoritatem suam, designato termino pacificationis pro 21ma præsentis. Unde infallibiliter sibi polliceri Palatinatus possunt, non defuturam Principis applicationem; quatenus adjuvante numine, quam ocissime intestina diffidia componantur, liceant venti, redeat tranquillitas magna. Si nihilominus Rex cum senatu præsentem tam validum ex integro non determinaret negotium, tum adhibita in comitijs totâ Repub. ei perficiendo intendet. Quod attinet ad Castellanium Viliensensem, jam in ante-Comitiali consilio in casum impetitionis, respectu absentiae in consilijs & negati juramenti, debita Rex personæ ejus cavet securitate, alijs etiam nominatis supra (ubi id opus fuerit) idem declarat. Nunc verò paternas Patriæ gratias tam omnibus in genere, quam singulis in individuo, beneficos respectus, clementiam & favores Majestas offert.

VALEDICTIO NUNTIORUM REGI

Nolumus auditâ verborum farragine turbatam Princeps valetudinem distinere, qua salus universi subsistit, submisisse duntaxat gratias persolvimus, nos tandem aliquando admissos esse, in conspectum Principis, responsumque tulisse, quod jam ad Palatinatus nostros reportamus. Cum eo nihilominus puncto valedicimus, & hinc proficiscimur, cum quo advenimus, primumque dicendo: Ave, denuntiavimus, demississimè supplicantes S. R. Mti: ut serventur leges & cara libertas.

LITERÆ PRINCIPIS REGII JACOBI AD COMITIOLA

Olaviâ 5. Aprilis datæ.

Pupilla domui nostræ post fata pia memoria Regis quid esse potest solatio? nisi hoc solum & unicum, quod in protectione & tutela hujus inclytæ, ex qua incrementa sumpsit, Reipub, spem reponat. Exulat illa quidem extra limites Patriæ constituta, at animo jugiter eidem præsens æquè bona ac mala sentit, quæ huic dilectæ eveniunt Patriæ, gaudetq; prosperis, ac pro conservatione libertatis eam, quam hausit in illa vitam & sanguinem fundere vovet. Vicissim hæc spe erigitur, Rempub. suâ non defuturam ope, seu prospera seu adversa acciderint. Nec enim quidquam in tantum ambit, ac posse gloriari, quod totius Reipub: inumbretur protectione, quam generosa civium pectora minimè recusare volent. Cesserant in hypothecam Divo Parenti nostro per Constitutiones Regni Oeconomiae Szaulensis, Novodworščiana, & Pucensis, cautumq; sub tempus Electionis in pactis conventis erat; ut à Seren: Rege summa nobis debita solverentur. Illatæ quidem diversæ in hac materia protestationes fuere; verum ne in minimo Rex ejusmodi contrarius fuit redimibilitati. At modò contrarium cernimus: Oeconomia Szaulensis per stativa exotici militis primum ad insitas redacta, deinde per instrumentum Commissionis Regiæ nec presentatâ ne dum realiter præstitâ satisfactione tam originalis summa, quàm etiam censuum partim antiquatorum, partim non ad plenum receptorum sexennio, ob interregnum, tum consistentiam biennio Saxonum, demum sexto anno ob imperatam negationem proventuum postpositis Regni legibus, per Commissarios mihi est adempta, & in alienas manus resignata. Idem Capitaneatui Pucensi minatur exitium. Omnibus orphana domus nostra contendit modis, quâ mediationem Primatis & aliorum, quâ auctoritatem Caesaris adhibendo; ut potuisset Capitaalem summam & retentam provisionem censusq; ac proventus vindicare, sed irrita fuere omnia. Præsentio autem hac est, inprimis summa capitalis in hypothecam pro Oeconomia Szaulensi data, & lege publicâ asscurata centum millia imperialium sunt, census triennio retenti anno scilicet ante fata Divæ memoria Regis uno, duobus alijs post fata ad annum 1697. Computando igitur in singulos annos pro censu viginti millia imperialium, consurget summa millia sexaginta, item ab anno 1697 ad annum 1700 consistente Saxonico milite in prædicta Oeconomia, agrè tertia pars proventuum

A.C. 1701 persoluta: restant igitur ad complementum quadraginta duo millia imperialium. Idem residuum retardatorum censuum vivente adhuc D. Parente nostro ab anno 1681 ad annum 1689 liquidatum, & à Scultetis Oeconomia Szaulensis recognitum subscriptumq; facit summam 45815 imperialium. Huc pertinent expensa ex occasione impedimentorum collectionis censuum 20000 imperialium: summa summarum excurrit ad 273815 imperialium. In tantis igitur injurijs aliò recursus esse nequit, nisi ad inclutam Rempub: deponendo hunc dolorem in pietissimâ vestrum omnium pectora, eâ fiducia, quod excitaturus sit sinceram erga nos compassionem & zelum in tam manifesta aggravatione affectum, quò justam in recensita prætensione obtineamus cōpensationem, quorū protectioni me commendans maneo. Olavia 5. Apr.

LITERÆ CASTELLANI CRACOVENSIS
AD COMITIOLA.

Benedixit DEUS populorum votis per determinata jam Comitia ultimam in tam manifesto periculo naufragis, quam apprehendamus indulgens tabulam. Dubitare non licet hac specialissimâ spei nostræ anchorâ solide Patria sustinendas sortes, præsumo inde non vanus augur labenti libertati Statorem forem, quod ipsum supremo exopto voto; quatenus illa die 18. scilicet Aprilis, decora nostra reflorescant, & insequentia Comitia agonizantib; medelâ afferant libertatibus. Abstineo penitus à proponendo, quod primū & principale vestro congressui assumendum sit objectum? in genere loquor Rcipub: injuriæ civibus curæ sunt, ne orbis videat quibus malis impares sumus. Initium sumo à proprijs functionis meæ obligationibus. Exercitus Rcipub, sine quo quamvis egregia sunt invalida, in quanta consideratione esse debeat, ad cautelam de specula concredita potestatis admo-neo. Ad eam ille devenit calamitatem; ut obsequiorum suorum dies non nisi numerofo bonorum suorum damno aut extrema servitutis compedibus distingvat, siue alto vulnere character bellorum computet annos; non autem trimestrium exolutorum serie: complures ejusmodi sunt, quorum jam sub casside canuit atas; & necdum hæcenus communis Parentis Patriæ experiuntur respectum. Quot illa signa sunt? nondum annosis obsequijs in tadium & fastidium sterilis abrepta famulatus? quæ meris multorum nominum regestis toties recognitis, tineas pascunt inertes, se autem spe lactant inani. Et si tandem contingat cuipiam expectata per Palatinatus decerni stipendia; tum etiam innumera vexationum genera emeritum circumstant militem, ut emere potius quàm recipere stipendia, nihilq; tam venale quàm publica merces videatur. Et jam nihil tantam difficultatem habet apud quæstores & exactores (pace meliorum dixerim) ac pretia sanguinis sine nimia provisione mereri. Quod quàm injustum & infra fas decusq; publicum sit; decisioni vestra & animadversioni relinquo. Hibernorum annuorum, quàm languidâ praxis & executio currat,

currat, explicatione non indiget: sunt ista palam. Commissio hibernorum merito dies divisionis Apostolorum vocanda fuerit: quia ex illa in totam Poloniam missiones Deputatorum designantur, cum quantâ interim fraude & deceptione testantur assignationes in charta divites, re ipsâ vacua & inanes. Vestrum & id est, nōsse defectus hibernorum & prospicere: siquidem illorum securitati nupera non ad plenam providerunt comitia. In omnia enim expensa conflagrationis, & solubilia salaria, quadraginta duntaxat millia reliquerunt, unde praterita dua commissiones ad centum & aliquot decades millium ex possessoria summa necesse habuerunt contrahere delitorum cum publica sponfione reflexionis. Tribunal Radomiense tantæ spei promontorium quantis circumseptum sit scopulis, ipsi Commissarii edocebunt. Iam quartâ vice non licuit ex illius emergere procellis, portumque tenere: cujuslibet limitationis hic rationes insinuo. Prima motivum fuit, quod nec Quæstores cum duobus trimestribus juxta mentem constitutionis advenerant Radomiam, nec Palatinatus ullam contributionem decreverant. Accessit & illud non minus, quod complures Palatinatus necdum Commissarios deputassent: placuit igitur differre commissionem simulque publico hypocausti nomine designationem Comitiorum à Rege petere in materia præmissorū. Facta sunt ea omnia, nec tamen vocem facta secuta. Reassumptioni ejusdem tribunalis medijs Martij præter priores obices, tractatus Reipublicæ cum exercitu magnis motibus excitatus intervenit, magisque arduam reddidit, intercurrerant enim ab utrinque impracticabilia, possibilitasque deerat combinandi controversas Commissariorum, hinc non exiguâ classe hanc materiam ad Palatinatum decisionem suspendente, Deputatis vicissim aliquorum vexillorum ad sua signa se referentibus. Ijs potissimum hac optio placuit, qui majorum exorbitantiarum & pratensionum nondum pacificatarum sibi conscij erant. Quia ergo in fundamento juris certi eramus primo vere secutura Comititia; visum nobis est integram sub judice litem relinquere & ad ante-Comititalia suspendere Comitiola. Ex iisdem rationibus & tertia limitatio orta est, quarta autem ex spe Comitiorum est subsecuta. Uno de præstolamur diem decretoriam vestra decisionis, qua dicti tribunalis faciliat tractum. Hic insuper meminisse debeo quatuor & dimidij timestrium ante nonagesimum non ad plenum exolutorum, ob insufficientiam ejusdem nonagesimi declarationis; quorum satisfactionem ipsa promovet justitia. Stativorum militis jam prorsus inane nomen est, ibi enim subsistit ubi ab aliquot decennijs abominatio desolationis stetit, sine avena & comætu, toto censu vix prodigus emit exiguam Cererem, quodque acerbius est, agrè precario quo divertat habet, negantibus possessoribus in bonis suis diversorium. Quare & id deliberandum vobis incumbit; ut de certa & meliore provideatur locatione.

A. C. 1701 Venio ad externam militiam, quæ planè ac si nostra non esset, sine stipendio, sine supplemento, sine consistentia grande hæcenus ostendit patientiæ documentum, servavitque veteris disciplina decus. Si quando per summam injuriam in diem assibus anima & corpus astimata fuere; nunc profectò id in nostro peditatu vidimus, & tamen nos quoque metiri nostra Regna decet, nec tantum fraudato habitu pensisque debitis accersere opprobrium.

Peditum ex colonis insignia quondam subsidia jam prorsus ex indice militia sua cuique erasit utilitas; publico enim ij destinati obsequio, quæ privatis modò usibus possessorum deserviunt, quæ ipsorummet scultetorum in bellum jurata manus aulicam cogitur tractare aratrum; & tamen non tantum apud exteros omne in pedite robur est, sed etiam in nostra Patria ab hac non rarò militia summa rei bellicæ momenta pendent. Interest vestrà ejusmodi tollere abusus, & prædicto peditatui veterem asserere formam. Camenecum Podolia, in pace decus, in bello præsidium, tanti sanguinis nobilium & opum Reipubl. scopulus, quantà sepultum oblivione? desolationis & ruinae ejus oculi mei testes sunt; nisi alia Reipubl. dispositio accesserit, ubi steterunt pergama, fluctuabunt aristæ, vel (avertant superi) per ejusmodi viciniam novissima fient pejora prioribus. Quia autem ad meum etiam spectat officium meritorum censura; vestro respectui commendo candidatos ad indigenatum & prærogativam nobilitatis, quorum virtus longo ferri splendet ab usu. Constet orbi apud nos etiam esse virtuti locum, nec solam duci ab origine laudem. Hanc viam majorum nostrorum trivèrè vestigia, hæc posterorum generositas stimuletur ad fortia. Paley Colonellus Cosacorum, cui imaginariè multus in pectore vano Chmielnicki fervet, qui toties belli servilis prætulit facem, jam hæcenus me annitente diri fulminis ictu, sui que capitis cade sopiisset Ucrainiam; verum quid agerem? ipso Regiam protectionem pro scuto obtendente. Exspecto igitur vestram resolutionem, quis ulterior modus eundi per ejusmodi cinerem dolosum? Et hæc est propensionis mea materia, nunc itero vota mea, ut quidquid indulgentiæ fortuna prævisque magistris didicit audetque Reipublicæ fatum, præsentis consilij remedia in intentis suis sistant prohibeantque malum. Si quis autem post pignora tanta Pompejo locus, explicatis publicis, respectui & gratiæ vestræ exactam per obsequia publicæ atatem meam insinuo, & quadraginta aliquot annorum pro Patria laborum expeto memoriam. Erit id seris sæculis ad bene merendum illicium, meque firmitus obstringet ut residuum vite meæ usibus Reipublicæ cedat in victimam, eandem obligationem profiteor cuilibet uestrum manens &c.

Protestantur Nuntij terrestres Palatinatus Sandomiriensis contra A.C. 1701 indebitam Serenissimi Electoris Brandenburgici coronationem.

ACTUM IN CURIA REGIA VARSAVIENSI SABBATHO

in crastino festi Nativitatis S. Joannis Baptistæ. Anno 1701.

AD officium & acta præsentia Castrensia Capitanealia Varšaviensia personaliter venientes Magnifici Stanislaus in Jasieniec Chomętowski Radomiensis Złotorientis, Adamus de Czekarszewice Tarło Stazyceński Capitanei, Gaspar Theodorus à Siemianow Siemianowski Vexillifer Generalis & Judex Castrens Sandomiriensis, Sventoslaus de magna Skrzynno Dunin Dapifer Sandomiriensis & Judex Castrens Radomiensis, Joannes de Konarj Firley Konarski Camerarius Granetialis Pilznensis & Judex Castrens Neokorezynensis, Stanislaus Josephus de Szezeczno Borek Castellanides Radomiensis, Nuntij terrestres Palatinatus Sandomiriensis, nomine ejusdem Palatinatus sui, & totius Reipublicæ Polonæ in & contra Serenissimum Fridericum III Marchionem & Electorem Brandenburgicum protestati sunt, idque ideo, quia idem Serenissimus Marchio & Elector Brandenburgensis existens partis Prussiæ, quæ modò Ducalis vocatur, jure feudi cum titulo Ducis in Prussia, ad proprietatem & directum Dominium Serenissimorum Regum & Reipub. Polonæ spectantis Possessor, non attento eo quòd Provincia totalis Prussiæ uberrimò Polonorum à Crucigeris multis & diuturnis bellorum conflictibus totaliter debellatis vindicata in proprietatem & directum Dominium Polonorum transijt, postque concessum & extinctum cum familia ac linea Anspachiana Feudum eadem Ducalis Prussia ad directum & utile Dominium Serenissimorum Regum & Reipub. Polonæ jam dudum recidit, sola tantummodo benevolentia ejusdem Reip. ad familiam & personam Serenissimi Electoris modernì Brandenburgici sine tamen perpetua alienatione Feudi à Reipub. Polona devoluta est, in casu namque deficientium masculorum ex linea legitima Serenissimi Electoris supra memorati descendendum Serenissimis Regibus & Reipub. Polonæ jus integrum in præfatum Ducatum juxta obloquentiam pactorum & præsertim ultimariorum Bidgostiensium in anno 1557. die 19 Septemb. confectorum, est reservatum & tali pacto præfatus Ducatus à Reipub. Polona avelli non potest; interim verò pro recognitione directi Dominij Reipub. Polonæ ad eundem Ducatum quoties novum aliquod bellum contra Serenissimum Regem & Rempub. Polonam oriri contigerit, sua Serenitas Electoralis ejusque descendentes mille quingentos pedites & quingentos equites Serenissimo Regi ac Reip. subministrare eisdem pactis ultimarijs est adstricta, majores verò obligationes & conditiones Feudi ejusdem utpote pensionem annuam triginta millium florenorum Polonicalium, cum verò tributum in Regno Poloniæ sancitum fuerit, sexaginta millium florenorum Polonicalium ex Ducatu eodem ad thesaurum Reipubl. mediante quietatione thesaurarij Regni pendendorum, Serenissimus Patens Electoris modernì dignæ memoriæ Fridericus Wilhelmus Marchio & Elector Brandenburgensis partim non adimplevit, partim denegatione proventuum ex portu Pillaviensi per Ducem usurpato & ex telonijs Maris Baltici, Serenissimis Regibus & Reipublicæ Polonæ debitorum, nec Duci Prussiæ concessorum. Nec non usurpatione sub nova civitate in fundo Reip. per vistulam trajectus, sublequenter conjunctione armorum cum Svecis Regni Poloniæ hostibus, & apertis armis fuso sub Varšavia benefici populi sanguine cælo soloque Feudalis munificentiae magnitudinem exprobrante manifeste irritavit, tandemque versa jam in deterius fortuna Svetica libertatem à Vassallagij ejusdem nexu & conditionibus

A.C. 1701, ditionibus omnibus in legibus primitivi Feudi ejusdem pro parte Reipubl. expressis & præcustoditis per injuriola Reip. pacta Bidgostiensia difficillimis Reipubl. temporibus inscia nec informata Republica de contextu & obloquentia pactorum eorundem (siquidem in volumine legum Regni in hætenus non extant) obtinuit, atque pro conjunctione perpetuo ac irrevocabili fœdere Serenissimo Regi ac Reipub. Polonæ per quod utriusque partis stabiliretur securitas in perpetuum juxta obloquentiam pactorum eorundem, commutavit, aliaque præjudicia ingratitudinem fœderati Principis convincentia & damna Reipubl. Polonæ suo loco & tempore deducenda Serenissimus olim parens Electoris moderni Brandenburgici intulit. His non contentus Serenissimus Elector modernus Brandenburgicus quoniam in exemplum & sequelam ausum majorum contra Rempub. Polonæ nam assumptis nec non ratione privatæ per semetipsum interceptionis Elbingæ nuperrimè sub tempus expeditionis Reipublicæ contra Sanctæ fidei Christianæ hostes nondum reconciliatâ Republicâ honorem Serenissimi Poloniæ Regis & privationem Reipublicæ partis ejusdem Prussiæ attentare præsumpsit, dum sibi coronam ac si Regni Prussiæ quæ non nisi Ducatus nomine insignitur procurare & imponere nuper sine scitu & consensu Serenissimi Regis & Reip. Polonæ ausus & passus est. Quapropter superscripti protestantes nomine Palatinatus Sandomiriensis & totius Reipub. ab eodem Serenissimo Electore graviter læsæ præcavendo indemnitati honoris & juris Majestatis S. R. Majestatis Poloniæ Domini sui Clementissimi, qui existens solus Magnus Dux Prussiæ Regem in Prussia pati nec debet nec potest. Indemnitati quoque juris & directi dominij Reipublicæ ad totalem Prussiam, consulendo, ne alienatio perpetua à Repub. Feudi ejusdem subsequi & prætendi exinde videatur, de nullitate usurpatæ coronationis ejusdem ac tituli Regij indebite & cum læsione juris Reipubl. Polonæ affectati solenniter coram officio, & actis præsentibus Castrensibus Capitanealibus Varsaviensibus & coram universo orbe Christiano protestantur, declarando Palatinatum Sandomiriensem cum tota Republica læsa jura S. R. Mtis & totius Reip. Polonæ quomodo & quando jussu fuerit vindicatueros. Relatione quoque legationis ad prænominatum Serenissimum Electorem Brandenburgicum per quem & cum quibus contentis legationis expedita est ejusdem nuntij terrestres nomine Palatinatus Sandomiriensis & totius Reipub. etiam mediante mandato S. R. Mtis eo nomine extradando in comitijs Generalibus Regni Varsaviensibus proximè & immediate incidentibus faciendam ex commissio Palatinatus ejusdem præcustodiunt & reservant.

SERMO PONTIFICIS IN CONSISTORIO

die 29 Septembris 1701 habitus

Venerabiles Fratres. Acerbissimum ac verè luctuosum clarissimæ memoriæ JACOBI Magnæ Britanniæ Regis obitum, quem sinè maximo paterni cordis nostri mœrore audire non potuimus, suspiria inter & lachrymas vobis nuntiamus, nec sanè nobis dubium ullum esse potest, quin animos æquè vestros ingenti dolore afficiat gravissima hæc Christianæ Reipublicæ iactura, quam in amisso verè Christiano Principe, verè Ecclesiæ filio, veræ fidei defensore impensissimè defleamus. Verùm quia juxta monitum Apostoli contristari de dormientibus non debemus, sicut & cæteri, qui speram

Mors Jacobi
Regis
Britanniæ

spem non habent; iubet nos præclara defuncti Regis pietas, quam *A.C. 1701* nulla unquam ætas delebit, nulla sævæ posteritatis extingvet oblivio, iubet heroicus illius ac universo terrarum orbi notissimus rerum omnium humanarum pro Orthodoxa Religione contemptus, quippe cui Rex optimus, patriam, opes, regnum & vitam ipsam posthabere non dubitavit, iubet demum mors ab eo religiosissimò ac constanti animò obita, prout luculentius testimonijs comprobari percepimus, iuste nos sperare debere, illum à Deo Opt: Max: sicut dum viveret, tanquam aurum in fornace probatum, ita post mortem quasi hostiam acceptam esse. Nostras nihilominus pro animo Regio, & de hac Apostolica Sede optimè merito, ad Deum preces atq; suffragia deesse charitatis ratio non patitur. Id & privatim hætenus Nos ipsi agere non omisimus, & publicis quoque in Pontificio nostro Sacello exequijs Romanorum Pontificum Prædecessorum nostrorum exemplò suo tempore præstituri sumus.

Cæterum eximiam & Regis planè ejus animo dignam Charissimi in Christo Filij nostri LUDOVICI Francorum Regis Christianissimi virtutem hæc occasione silere non possumus, qui, quemadmodum ob eundem JACOBUM Regem e regno nefariè deturbatum cum Regia Coniuge & Nato magnificè & liberalissimè exceperat, ita ei semper omnibus benevolentia & humanitatis officijs usque ad extremum adstitit, &, quod illustrius est, superstitem illius Filium à Charissima in Christo Filia nostra Maria Regina ejus Matre ad paternarum virtutum æmulationem piissimè educatū benignè complexus, uti verum Britannici regni hæredem omni prorsus proprii commodi ratione neglectā palam agnovit, eumq; in Catholicæ fidei, quâcunque demum adveniente fortunâ, fortiter asserendæ proposito egregiè confirmavit. Quâ sanè in re cum ipsius Christianissimi Regis zelus, & animi magnitudo, magnificè eluceant nostræ, & omnium vestrum laudes ei meritò debentur, quas quidem uberimas posterum omnes illi reddent, dum pulchri facti memoriam recolent nunquam interituram.

Hæc etsi vobis vel ipso rumore publico nuntiante innotuisse iam credimus, nuperrimè tamen ad Nos per celerem cursorem à Venerabili Fratre Philippo Antonio Archiepiscopo Athenarum, nostro & hujus Apostolicæ Sedis apud eundem Christianissimū Regem Nuntio, qui omnia cognovit & vidit fideliter allata, confestim ex loco hoc referre opportunè duximus, ut scribantur in generatione altera, novumque hinc paternæ nostræ erga vos charitatis augmentum accedat.

Venerabiles Frattes fortibus vestris humeris, pijsque votis impositum infirmitati nostræ onus, quod his afflictis turbidisque temporibus gravius semper indies experimur, levatum confidimus.

ORA-

A. C. 1701 ORATIO HABITA A CLEMENTE XI IN CONSISTORIO
die Lunæ 5. Decemb.

Venerabiles Fratres, speculatores Domûs Israel super Cathedram Principis Apostolorum inscrutabili Divinæ Providentiæ arcano constituti non modo gravissima Ecclesiarum omnium sollicitudine premimur, sed ad universam, quæ sub cœlo est, ex omni tribu & lingua, & populo, & natione, gentium multitudinem, mentis nostræ oculos jugiter circumferimus. Quantum siquidem in nobis est, à solis ortu usque ad occasum, laudari nomen Domini summo opere cupimus, adeoque etiam ad remotissimas ab hac S. Sede Regiones Pastoralis vigilantia nostræ curam extendimus, ut ibidem Christiana Religio, quotidianâ fidelium accessione latius propagetur, & quo recens inducta fuit, magis in dies benedicente Domino stabiliatur. Paternum tamen præ cæteris animum pulsat, studiumque nostrum excitat, & impellit amplissimum Sinarum Imperium, in quo strenuâ Evangelicorum Ministrorum operâ à multis jam annis Christus annuncietur, & colitur; majoresque inde fructus, Deo incrementum dante expectari meritò possunt. Verùm quia in latissimis illis Regionibus, quæ albæ sunt jam ad messem, inimicus homo ab aliquot annis multipliciter zizania superseminare non cessat, ne Christianæ fidei seges, quæ, ut audivimus, ab Ethnicis illarum partium potestatibus crescere finitur (ejus profectò ope, qui suscitavit spiritum Cyri Regis Persarum, ut juberet prædicari in universo Regno suo) etiam per scripturam Apostolicorum Ministrorum, quod maximè deplendū est, in diversa tendentium velut spinis suffocetur, & pereat; utque simul pluribus, varijsq; vastissimæ illius missionis necessitatibus prospiciatur, ejusdemq; status, ac in ea laborantium operariorum studia huic S. Sedi fideliter innotescant, divino prius per nos diuturnis, atque accuratis precibus implorato præsidio, ut mentem nostram lumine suæ claritatis instrueret, habitaq; super præmissis cum quibusdam de fraternis ratibus vestris, nempe cum particulari Congregatione Cardinaliū negotiis propagandæ fidei præpositorū deliberatione maturâ virū aliquē morū integritate, doctrinâ atq; prudentiâ cōmendatū, Visitatorem Apostolicum, cum potestate Legati de latere ad præfatum Sinarum, aliasque finitima Indiarum Orientalium Regna, unâ cum congruo Missionariorum comitatu in nomine Domini mittere constituimus. Quo verò is majori cum honorificentia ad DEI gloriam, animarumque pretiosissimò unigeniti DEI Filij Domini nostri Jesu Christi sanguine redemptarum salutem, fungi valeat ministeriò Patriarchali cum titulo Antiochenæ Ecclesiæ de præsentis vacantis decorare intendimus. Opportunum scilicet ducimus, ut, qui ad novos Christi fideles mittendus est, ejus potissimum civitatis Pastor existat, ubi, ut in Apostolorum actibus habemus, primùm cognominati sunt discipuli Christiani. Vacat igitur Ecclesia Patriarchalis Antiochena per obitum Michæelis Angeli Matthæi ultimi illius Patriarchæ; Antio-
chena

chena civitas inter Regias Syriæ urbes primariâ dignitate non minùs A.C. 1701
quàm magnitudine celeberrima, nunc penè inhabitata sub Turcarum tyrannide reperitur: Ideo illius statum defleri magis, quàm enarrari congruum est.

Eidem Ecclesiæ Patriarchali præficere intendimus eum, quem, uti diximus, uti visitatorem Apoltolicum cum potestate etiam legati de latere ad Syarum aliaque Indiarum Orientalium Regna mittere decrevimus; videlicet dilectum Filium Carolum Thomam Mailer de Tournon ex Catholicis & nobilibus parentibus in civitate Taurinensi ortum, Juris utriusque Doctorem, Sacræ Theologiæ Magistrum in Sacro Presbyteratus ordine à pluribus annis constitutum, ac cubicularium nostrum honoris nuncupatum, virum sanè quemadmodum etiam familiari experientiâ novimus, pietate, doctrinâ & prudentiâ longè præstantem.

Quid vobis videtur?

Authoritate Omnipotentis DEI, Ss. Apostolorum Petri & Pauli ac nostrâ providemus Ecclesiæ Patriarchali Antiochenæ de persona præfati Caroli Thomæ præficientes eum in Patriarcham, & Pastorem cum retentione omnium, & quorumcunque quæ obtinet. In Nomine Patris, & Filij, & Spiritûs Sancti, Amen.

COPIA LITERARUM CASTELLANI LIVONIÆ AD PRIMATEM CARDINALEM 22 Augusti.

Reduci Varsoviâ ea quæ domi, quæ foris occurrit rerum facies, quam illinc abiens nunquam ominari aut metuere potui. Saxones à Svecis 19 Julij prorsus fusi, authorem cladis taceo, referent si uolent, illum Regiæ Majestati fideiiores Saxones. Mihi ingens & irreparabile damnum illatum Regi intimasse suffecerit. Amissa sunt omnia, apparatus bellicus, victualia, vestitus universo exercitui destinatus. Exercitu Moschovitico satis amplo pro ea actione uti non licuit. Etiam quoad id meum non putavi arguere processum: pro informatione duntaxat tua mitto typis editam à Svecis relationem. Hic finis grandium meditatorum & arcanorum Regis consiliorum inconsultâ Repub. non sine nostra pernicië: Nam & ditionibus nostris per novas de industria exactiones, inauditasque portiones illata vastitas, Ducatus Curlandie, Semigallie, Districtusque Piltinensis cum Livonia in prædam concessus Svecis; qui nullo presidio injeffa fortalitia Mitauiam, Guldingam, Bauskum, Grobinum, Schronum, Dublinum, Libauiam, aliasque ciuitates & portus nullo negotio occuparunt. Agit ergo Rex Suecia triumphum de exercitu Saxonico, & insuper gloriatur de lucro tot Prouinciæ Reip. nostræ; quas nullatenus cedere cogitat obtendens, ab hujatibus uiolata pacta dum anno priore Regi assisterent. Unde & bona mea hereditaria Szemberg dicta, in quibus gemina Ecclesiæ Catholica unica in his locis fidei nostræ propugnacula exstant expeditis in ea aliquot centenis equitibus in prædâ & di-

A.C. 1701. & direptionem abierunt, nec aulis nec subditis parsum, pecora & aliquot centeni abacti equi, opes & splendores mei expilati, hostilesque exercite violentie. Ita in exemplum hostilis animi Regis Suecia ad extremam reductus sum paupertatem, calamitosusque exul alieno lare me tegere cogor; cum in proprio nullam videam securitatem, captivatis ultra 80 colonis & patribus familias.

Difficulus explicuerim, quae & quanta ubique per has terras exactiones sint: ex quovis manso tres equos, totidem boves, 12 modos hujatis mensurae avenae, 10 Imperiales, quinque cados cerevisiae, arietes & quodvis aliud frumentum in magna quantitate sub spoliatione bonorum imperant: quae si ad calculum deducantur, impossibile ut provincia sufficiant. Unde consequens est infallibiliter jus dandum rapinae & vastationi, indeque non tantum Rigam egregie commecti muniendam, sed etiam illata à Saxonibus aamna decuplo Regi Sueciae resarcienda. Haec tibi tanquam Supremo Principi & Primati Patrique Patriae ex vi obligationis Senatoriae intimanda duxi; ut cognoscas afflictam fortunam nostram per consilia exterorum, qui inbian-tes substantiae nostrae, nostras opes, nos, & provincias haecenus ab Othomanica incurfione divina servatas gratia in ultimam precipitauerunt ruinam, ipsimet Principi insuper exitiosi. Non placuit neque dignata Majestas patrios & indigetes in consilium bellicum adhibere consules; forsitan si id fecisset, praedicta expeditio non tam calamitoso eventu fuisset coronata; nunc suis suorumque intimorum, qui nostris in immensum aucti substantijs, tanta imputet infortonia. Tantis defessa malis Livonia, Curlandia, Semigallia, & summa aestimationis districtus Piltinensis sub inexplicabili fatiscens iugo, ad te ceu supremum Principem & Primatem Reip. nostrae unicuique columen, atque solatium in tam afflictis recurrit rebus, insimul ad Serenissimam confugit Rempub. ceu amantissimam matrem, per amorem Dei ejusque Ecclesiarum, ac fidei sanctae Catholicae, denique per viscera materni cordis cum lachrymis supplex: ne perditas praedictas Provincias & à corpore Reipub. Nostrae velimus rescissas, cum infinita ignominia nominis & gentis nostrae, cui jam adeo Svetae insultant, unice cupidi has provincias per summum dedecus à Repub. alienandi sibi, afferendi: ac si hoc fulmine Svetico attonitis jam prorsus vires aut etiam vita defecisset. Arbitrare periculum manifestum amplissimarum provinciarum, quas iisdem artibus Svetae tentant auellere à corpore universi, quibus & Saxones obtendentes eas (ex quo carent activa voce in Comitibus) non incorporatas esse Reipub. Unde omnino expedire mihi videtur, ut equestris ordo prae-nominatorum Ducatum activam gaudeat voce; cui salutari operi in nuperis comitijs quae sine caruerunt omnem meum conatum consecravi. Compluribus ita explicato praesente harum Provinciarum statu, nihil nobis relictum est, praeter spem in tuo praesidio. Quare succurres pupillis, tegetesque orphanos, inculcabis Reip. ne per negligentiam oscitanter agat de praefatis terris, quas

quas facile amissas arduum aliquando recuperare erit. Sub hac me A.C. 1701 gratia tua commendo.

VNIVERSALE REGIS AUGUSTI AD PALATINATUS ET
DISTRICTUS die Augusti
AUGUSTUS II

OMnibus & singulis &c. Quandoquidem sic visum Reipubl. intenta nostra de recuperandis avulsis Livonia, quorum gloriosa initia jam publica latè vulgavit fama, terra quodammodo affligere; coacti sumus necdum in altum provec̃ti, velut ex spontaneo naufragio ad litus appellere, sumptibus nostris, conatibus, laboribus, honore, & reputatione predicta publice immolatis voluntati: quæ uti finium suorum quæ augendorum, quæ vindicandorum, ita progressum nostrorum pleno gaudet arbitrio & dispositione. Humiliatis igitur gloriosissimis conatibus nostris, per obedientiam dedecore terminatis, sub plantas Altissimæ M̃tis, supremæ nostræ in comitijs satisfaciētes declarationi mandavimus exercitui nostro Saxonico, relictis omnibus suam repetere Saxoniam, & jam ad hoc usq; tempus firmo verbo Regio assecuramus, prefatas copias ultimos Poloniae attingisse fines. Spei interim hujus fuimus, quod sicut Respub. nullatenus de hujus belli complicitate suspecta est, ita ditiones illius securitatem habitura à contactu hostili, & persona nostra Regia tutelam sub ejus umbra nemini tangendam & sacram inventura esset: cum contra inaudito hætenus exemplo Regem Sveciæ agere per literas ad Primate[m] datas, totamq; Rempub. comperimus, quibus eos concitat (horret animus) ad dethronizationem nostram, qui nos inthronizarunt, & pro Mte nostra non tantum sacris pactorum conventorum, sed etiam novissimorum comitiorum vinculis sanguinem & vitam se profusuros obligarunt. In hoc nunquam presumpto casu, cum nos per prenominatam publicam voluntatem proprijs nostris viribus & copijs nos exuerimus, dum Respub. plus equo forsā predicti Monarchæ confidit amicitia, ipso interim contra sacratam personam nostram cuncta omni loco declarante molimina, omnesque hujus inclyta Patriæ filios, quæ nescimus fiducia invitante ad nunquam practicatam in his liberis gentibus turpem perfidiam erga Principes suos (uti manifestius constabit ex copijs earundem literarum à Primatiali Cancellaria communicatarum) nos fidelitatibus & charitatibus vestris hunc ausum deferimus, certi existentes, quod nos opus libera Electionis vestræ, arbitrio & discretionis hostis criminosa liberrimis velut jure captis civibus suadentis, non permittetis. Aperite sensus vestros hic & nunc; quo tuta munimine nostra esse persona possit contra tales insidias? quidve consilij contra ejusmodi vetitos excitatores sit capiendum? Vestra igitur tot sæculis laudata Sarmatica virtuti & jurata fidei toti innixi, prout nos propriam nostram voluntate circa id bellum exuimus; ita in publicam voluntatem resignati non ullam spei nostræ (quam superi auerant) frustrationem, sed fida & prom-

A.C. 1701 *Opta securitatis persona Nostra, limitumque Patria expectamus remedia. Nunc verò felicem & optimam à Deo vobis precamur valetudinem. Universale hoc nostrum ut eò citius omnibus innotescat, per castra, Parochias & loca consueta publicari volumus; cui ad meliorem fidem nos nostrâ manu subscripsimus sigillumq; apprimi mandavimus.*

COPIA LITERARUM REGIS AD CASTELLANUM CRACOVIANSEM VARSAVIA DATA

RUM 25 August. 1701

AUGUSTUS II &c.

Etiam si vellemus, per respectum nihilominus interpretationis & censura aliorum suppressere silentio impossibile est; quando post egressum exercitus nostri Saxonici ex finibus Litvania & jam in Prussia limitibus existentis, Svetica copia in Curlandia nomine amicorum tantum sibi indulgent; quantum nec manifesta hostilitas sibi concedendum existimaret. Mitaviam, Bauskum, cum alijs alicujus momenti locis violentâ manu occupata fortificant, contributiones pecuniarias & com meatus supra modum imperant, bona complurimum in particulari subditorum Reip. sub pretextu quod minus sibi faveant, incendunt & vastant, orationibus insuper divinis pro nobis & Principibus illius terræ fieri solitis, velut criminalibus inhibitis, jam Jurborgum versus & Liomam nostram intendunt, quæ omnia tibi manifestiora sunt. Nihil jam nobis relictum est, quod ibi perdamus: judicabit secutura posteritas, an tam violenter erepta deposita nostra in hereditate inclytæ hujus Patriæ, cachinno levi excipi vel dissimulatione præteriri debuerint. Jam deest & hosti, quod amplius sub titulo nostro querat. Hoc quod soleâ equi sui calcât, quod per contributiones sibi vendicat, quod sub hastam vindictæ mittit, quod meditatur, totum id fundus & authoritas Reipub. est. Verendum (de quo te pro Regia obligatione tanquam armatum Reip. Custodem iteratò admonemus) ne sub hoc venditato nomine amici polluantur omnia jura, & tum prius tam speciosi nominis assumptam deponat larvam; quando nostro nervo robustior ex conscientia jurium suarum hostilem se sumere posse faciem confidet: præsertim, cum nunquam pretextus occasionis amicitia in inimicitiam transformandi deesse possit. Voles igitur his omnibus meritò perpensis, maturè prospicere, ne serum sequatur pœnitere. Quibus intimè commendatis bonam tibi precamur valetudinem. Datum Varavia 25 August. 1701

RESPONSUM CASTELLANI AD PRÆDICTAS LITERAS

MARIANOPOLI 31 Augusti 1701

Iam ad primas literas in materia ingressus Regis Sueciæ in ditiones Majestatis Vestræ respondi, in quibus significavi literas Majestatis jam dimisso ex castris exercitu ad hiberna in manus meas devenisse, rationesq; facti reddidi, quas jam antè ultimariè profecturus Varaviâ Majestati Vestræ intimaveram: ubi necessitatē dimissio-

nia in Augusto exercitûs eam attuli; ut miles sibi per hac deserta A.C. 1701
 stativa habiturus, maturè de fœno & alijs victualibus prospiceret.
 De actione verò copiarum Vestra Majestatis cum Sueticis sub
 Riga altum hic silentium semper fuit, nemoque infeliciorem eventû
 sibi persuadere potuit. Varjaviensis enim postea constanter sem-
 per asserbat, Succum imparem Narvam uersus contra Moschum
 mouisse. Quamuis verò exercitum ad statua sua dimiserim; tali
 nihilominus mandato caui, ne non tantum Officiales, sed nec etia
 am Commilitones à signis suis sese auellere & elongare præsumerent,
 post uerò etiam recentibus uniuersalibus egi, ut semper 'ad iter pa-
 rati essent. Mitto unum ex illis ad manus Procancellarij Ma-
 gni Ducatûs Lituania. Dignetur Vestra Majestas mihi man-
 dare; ut hic & nunc maturè prospiciam; ne serum sequatur pœ-
 nitere, actionesque presentes Sueticas perpendam. Aliquot an-
 norum decennia in obsequio Antecessorum Vestra Majestatis &
 Reipublica totius consumpsi, non defui unquam muneri & o-
 bligationi meae, & modò paratus sum, dummodo neruus bel-
 li non desit, qui ne deficiat, Reipublica interest providere. Ea
 uerò qualiter consueuerit suos nutrire exercitus, jam & Ve-
 stra Majestas sub tempus Regni sui abundè edocta est. Quo-
 modò ordinata & completa copia sint? deficiente præmio &
 mercede: jam tot annorum spatio hiberna soluta non sunt,
 & consistentia hyemales negata. Certissima hic Reipublica secu-
 ritas exspectatur à Comitijs. Jam breui expeditio bellica fini-
 atur oportet, comitia in proximo sunt: si hodie moueret ex con-
 sistentia sua exercitus; crediderim vix intra quatuor hebdo-
 madas in limitibus Livonia constiturum. Quomodò uerò ibi
 hiberna sumeret? quæ exercitui Litvania debentur. Mihi sa-
 tis existimo esse promptitudinem ad obsequia paratumque ani-
 mum tam Majestati Vestra, quàm Reipublica declarare:
 ad Majestatem uerò Vestram spectat in id incumbere; ut
 Respublica debite exercitum ad bellum expediat. Exosculor
 sub hac elementissimi Principis manum. Marianopoli 31 Au-
 gusti 1701.

COPIA LITERARUM EMINENTISSIMI
 CARDINALIS AD REGEM SVECIAE

die 14 Septembris.

SACRA REGIA MAJESTAS.

Recepi literas Majestatis Vestrae de data 30mâ Julij,
 ad quas tardius respondeo, cum ad anteriores meas sub
 data vigesima sexta Mensis ad Majestatem Vestram
 scriptas responsum præstolari & materia gravitas suadebat
 M 3

A.C. 1701 *¶* Polonorum suspirabat anxietas, communicanda insuper erat Statibus *¶* Ordinibus Regni eadem epistola, quae non prius, quam 12ma praesentis per loca Comitibus Provincialibus celebrandis solita innotescere valuit; scripseram cum militares Majestatis Vestrae acies limitibus Reipub. nostra viciniores inaudiueram, metuens, ne prosperiori flante Boreâ tumida fortune vela Martialem Majestatis Vestrae animum ultra gradiui metas evehant, amicaque vicinia armorum inuehant fragorem. Prauium hoc quidem non tamen prouisum celeriori Majestatis Vestrae cursu, quam opinione nostrâ, cum non modo occupatam, sed *¶* arinis ac milite in-
jessam Curlandiam inaudiuimus.

Sed cum obliquâ interpretatione Mti V. gesta premere constans hucusq; amicitia, ac bona vicinitatis cultura non praesumat, facile apud nos excusatum dum Saxonicus miles vicinior oberraret, *¶* militari Mti Vestrae prudentiae adscripta cautela.

Cum verò eundem jam non modo editionibus Litvania, sed *¶* toto Regno cecidisse, *¶* ad propria rediisse; Mti V. verò militem grauius Provinciae incumbentem constet; cum jam Mti V. hostis desit, uti Mti V. in persequendo, ita *¶* Reip. nostrae in sustinendo omnem cessare debere molestiam crediderim; promptiorem hunc recessum praeteriti publici nostri congressus eicit deliberatio, alimentum quippe provec-
ti flammæ adimere opera pretium ducebat, *¶* non alius continuandorum consiliorum nostrorum in praeteritis comitijs fuit obex quam externo milite gravata Regio pacatioribus consilijs obnoxia.

Cum verò reassumenda prope diem eadem consilia publica, consona quaq; ac placida requirant, placebit Mti V. Rempubl. internis jam solutam curis, etiam externis liberare, non modo à finium ejusdem recessu, sed *¶* seria pacis cogitatione, cujus nunquam spes major, quam sparsa per cades ira.

Oblivisci incipit praeteritorum Resp. amore hucusq; ac obsequio, nunquam odio in Principes suos spectabilis meliorum spe, *¶* si quid dilatandorum finium ac gloriae stimulo inconsultâ eadem à Seren. D. nostro ceptum displicuit, auctoritati ejusdem cessum, facile compensatur. Et hinc inauditum hucusque detronisationis vocabulum quod vel ipâ cogitatione 12 seculorum gloriam enervaret, laboriosius restaurandum, quam damna, delicatioris gentis nostrae aures non tantum permovit, sed *¶* teneritudinem auxit, quae devia, si quae in Principe invenirentur, privilegio libertatis corrigere, non extremis sanare Religioni haecenus duxit.

Eandem moderationem excelso Majestatis Vestrae animo uti sacrorum mysta omni insinuo veneratione, ad eandem tanquam supremum gloriae culmen hortor, non deerit Reipublica studium in reducenda Serenissimi Domini nostri pristina cum Majestate Vestra amicitia, *¶* peraget tranquilla potestas, ut rupta eadem fir-
miori nexu coalescant.

EST

Eſt quod adhuc Mtem V. nomine publico humiliter exorem, ut vi. A.C. 1701
delicet rem tormentariam ſub Electorali Regia Poloniarum Mtiſ ſtem-
mate exiſtente, & omnem bellicum apparatus, ceu in caſtris reper-
tum, ceu alibi reperiendum bellicis ſpolijs annumerare non dignetur.
Donata hæc quippe ſoleni inſtrumento ſtatibus ac ordinibus Reipub. in
perpetuum monumentū extincto bello Turcico, ſub data 18 menſis Au-
guſti Anno Dni 1699 brevem ac indemnem ejusdem contra Mtem V.
uſum citra Reip. placitum nec ex ejusdem armamentario additum cre-
dat, graviſ ſenſus publico foret, damnum tam inſigne alienā
offenſā pati. Hoc juſtitie in amicam gentem Mtiſ V documentum, in-
corruptæ gratitudinis trophaum ære perennius poſteritati erit. Cui lon-
gevam ætatem, nunquam morituram gloriam exoptans humillimā in-
clinor veneratione.

XVI.

A. C. ZALUSKI PRINCEPS EPISCOPUS VARM. ET SAMB.
 BENEDICTO SAPIEHÆ THESAURARIO M. D. LITVANIÆ

Varſaviâ 24 Decembris.

Refert acta in comitijs Varſaviae

Poſteaquam vos reliquiſſem, & aliquomodo priſtinæ ſaluti poſt
 gravem infirmitatem reſtitutus fuiſſem, inveni Varſaviæ jam
 comitia benè cœpta, quibus dies 22da Decembris initium dedit;
 prædicavit Pater Koſuchovius Regius concionator in Votiva de
 Spiritu Sancto probavitque quòd Rex verè ut pater amans fili-
 os ſuos. Præſentes ſunt multi Senatores & ex Equeſtri Ordine Nuntij.

In conclavi Nuntiorum prima die Przyłuſcius multa in favorem
 & laudem veſtram locutus, quòd ſcilicet quamdiu ſtabit Litvania, ma-
 ximis domûs veſtræ ſublevata laboribus, impleta victorijs, exornata tro-
 phæis memoriam veſtræ nunquam deponet, & ante omnia concordiam
 Litvaniæ perticiendam ſvaſit, ſine qua non amplius continuanda hæc
 comitia, ſed compeſtria indicenda; nec ullam unquam permiſſurum ſe
 dixit materiam, niſi prius hæc finiretur. Petitus fuit Miecieſcius Sub-
 judex Siradienſis, ut tanquam ex Provincia Majoris Poloniæ Nuntius
 Primus Scipionem elevaret, qui gratijs actis Regi, quòd deſiderijs Rei-
 pub. ſatiſfecerit in relegando Saxonico exercitu jam ad eum honorem
 capeſſendum aggreſſus erat, ſed Pużyna Capitaneus Viſnenſis contrariò
 erat aſſerens alternatam eſſe pro Ducatu Mazoviæ, ſed petitus ab alijs
 Nuntijs reſceſſit à propoſito ſuo, itaque Subjudex Siradienſis præcatus DE-
 UM, ut conſilia dirigat ad utilitatem Reip. & eliberet à tantis pericu-
 lis imminentibus. Ordinem conclavis Nuntiorum incepit; Multi non
 acceſſuros ſe ad ulla conſilia affirmabant, nec quidem ad Electionem
 novi Directoris, niſi prius in Ducatu Litvaniæ concordia concluderetur,
 cui Zaranek etiam cum diſpendio comitiorum contradicebat, aſſeverans,
 quòd domus veſtra apertiſſimi ſint hoſtes Patriæ, dum & nunc invoca-
 tâ protectione Sveticæ inducitis Regem Sveciæ in viſcera Ducatus Sa-
 mogitiæ, & quòd id de manu veſtra factum fuerit. Quod patere dixit
 ex ſcripto combinationis à vobis clām factæ cum Capitano Samogitiæ,
 in quo hoc punctum expreſſum eſt, ut exercitus Litvanicus jungeretur
 cum exercitu Regni & Svetico, ut Status fidelitate & obedientiâ Re-
 gnantis exuerentur, exercitus Saxoniz gravis protunc Litvaniæ oppu-
 gnaretur,

A. C. 1701 gnaretur, & deleteretur, cum igitur nota sint authentica documenta contra vos, iudicium petijt, nec concordiam ineundam permittebat, reproducens eo nomine instructionem suam, quod scilicet, si nuntij ejus Ducatus id permittere auderent, vitâ & fortunis privari deberent. Murmur erat contra talem illationem à Nuntijs Regni illum ipsum magis inculpando motorem, quod scilicet operibus attendentes agnoscant quis esset artifex, jam averteret à se culpam & in alios omnem transferret; cum ipse Svecos exacerbaverat sine ullo consensu Reip. unde est reus iudicii, & consequenter supplicij, & quod dissidia intestina toties moveret, quoties è re ejus est. Deventum est post ad verba contentiosa, quod scilicet Litvania, vi & armis opprimat alios, qui bene sentiunt pro libertate; si in vespertinum dies non declinasset, quæ & solutionem Sessionis fuisset, potuisset fieri aliquod inconveniens. In crastino hoc est agtia (vadebat Subjudex ut ea inciperent, quæ terrori hosti, Reip. utilitati esse possent, utque de fructu suæ prosperitatis cogitarent. Quælivit proinde, utrum non esset conveniens, ut quantocius concordia Litvanica ineunda, de Deputatione ad Regem Sveciæ destinanda conveniretur Rex; Mloccius Zakrocimensis Nuntius multis rationibus deducebat concordiam Litvanicæ esse necessariam bono publico, scandalizari se intulit ex instructione Samogitiæ, quæ prohibebat concordiam, & scripta est, tanquam aliquis famosus libellus cum magnis nominibus & bene meritis de Repub. parcendum erat, quorum vel sola nomina ad calculum revocare panegyres texere est, quia si aliquis illorum excessit, satis amplam egerunt penitentiam, & nunc novo infelicitatis eventu, sit dedecus Sapieharum scelus alienum & pessimus ad summos etiam conscendit honores, quamdiu multis ærarium publicum patuit de regimine, nunquam conquesti sunt. Promovebat igitur concordiam Litvanicæ, quam & Referendarius Regni Szembek (vadebat; Multi contra instructionem Samogitiæ tanquam aliquem famosum libellum insurgebant, nec instructio illa, quam rationem haberet, videbant.

Jerosalski Defensionem honoris vestri fortiter egit Jerosalscius asserendo quod *pro Sapiehis* arma juris non furoris adhiberi deberent, quod illi ipsi sint infames, & hostes Patriæ, qui concordiam impediunt.

In auctorē belli inquiritur Etiam hodie, hoc est in Vigilia Nativitatis Domini Sessio erat, cumque de auctore belli cum Svecis incepti conclave Nuntiorum diligentius quæreret, unus ex Siradiensi Palatinatu Nuntius non diu quærendum dicebat, cum ipse Rex illud motu proprio absq; ullo Reip. consensu inceptum. Zelo-

Mloccki iterato pro concordia sissimè iterum in favorem concordie Litvanicæ Mloccius dicebat, allegabatq; quod ad supervacua sudatur, & syrtes interni dissidij non consideramus, cum res dissidij & seditione laborant, lethalis morbus est post vulnera nolle sanari, ut tandem Litvani, quibus appropinquat malum, reflectant se, & nullâ interposita morâ concordiam ineant; absit omnis querela & si alius alium offendit, vicissim alter alteri largiatur. Svasitque ut omnes adirent Regem, unanimiq; voce concordiam hanc implorarent, ut scilicet per auctoritatem suæ Mtis quantocius inciperet, perficereturq; ne malum serpat & sit supra remedium. Venerant etiam literæ à fratre tuo Palatino Vilnensi, sed ne legerentur, Litvani impediabant, quamvis Rzevuscius Chelmenis Capitaneus deducebat, quod hic querelandi locus, & statuendi leges, licet unicuique injurias suas deferre, quis scit an literæ hæ submissæ scriptæ media pacis non proponant, utiq; & ex carceribus supplices libelli scribuntur, cur fratres fraternam recipere non debemus compellationem.

Volebat Slizen impedire lectionem literarum sed objecta citatio seu manda-

mandatum à Ierosolseio, cujus iudicium ad novam directionem differebat, 4.C.1701 cum verò quæreretur, quonam sigillo illud mandatum fuerit sigillatum, cumque responsum fuisset, quòd terræ Branscensis, allegavit constitutio- *Slizen com-*
nem anni millesimi sexcentissimi noni, quòd Respub. jam sustulit illum fa- *tra dicit*
vorem, quem terræ Branscensi durantibus tantum duobus annis concesserat, ac proinde illæ citationes sunt nullitatis. Contradixit itaque Slizenius, & lectioni literarum, & propositioni, ut omnes adirent Regem, quia hæc esset novitas sine praxi, posset Rex indignari, & publicam aggressionem interpretari, ita ut quondam Henricus Rex, qui ad arma quoque profiliit contra insperatas expostulationes. Precari verò Regem, ut seriò se ad hanc concordiam applicet, quid est aliud nisi exprobrare, quòd hætenus id minus sincere fecerit. Electionem proinde novi Directoris persvadebat, qui ultra sex septimanas nullatenus dilationem comitiorum permittere poterant; Replicavit ad hæc Gasowscius majorem novitatem allegans in statutis Olkinensibus in quibus sacra jura unionis *Gisowski*
non observata. Magna scilicet novitas, ut insimul Nuntij omnes ade- *huic se op-*
ant Regem, ut humiliter precentur Mtem suam, quatenus velit partes *ponit*
inter se concordare! Alexandrovicius urgebat, ut, quandoquidem universales literæ pro congreganda nobilitate in Litvania comparuerint, idq; factum esse ex senatus consilio allegabatur, ne transiret in usum quòd constat esse prohibitum, inquirendum omnino, qui protunc Senatores consilio illi aderant, petebant alij rationem à Pro-Cancellario Litvaniæ Sezuka in quo puncto scilicet concordia Grodnæ rupta erat. Et hæc sunt, quæ hætenus acta. Vellem interim Regi, Primati & nuntijs scribatis, sed fiat id fortiter & svaviter, seribo tibi sciens ut id quod dico faciatis non quomodo superetis, sed quomodo vincatis inquirendum.

XVII

A. C. ZALUSKI PRINCEPS EPISCOPUS VARM. ET SAMB.
MAGISTRATUI GEDANENSI 30 Decemb.

Suadet indictam contributionem pendendam

QUOD privatis literis toties impetrare contendebam à Prænobilibus Dominationibus vestris, ut assignatam à thesauro terrarum Prussiae summam tributariam sine longiori mora ærarium Gedanense Excellen. Domino Castellago Cracoviensi numeraret, idem præsentibus oro, imò (si quid ratio mea potest) etiam persuadere unloè desidero. Jam non privato, sed publico nomine Provincialis Prussiae senatus, qui hesternâ die, post factam in ædibus meis ea de re conferentiâ, id munus scribendi, à me ita constanter, fortiterq; postulavit, ut excusare non potuerim. Quanquam, si non essent instantiales ullæ, meretur profectò tanti Senatoris dignitas, & officium, non tantum ævo, sed immortalibus & continuis in Remp. promeritis insigne, non tantum apud Nobilem Magistratum Gedanensem, sed etiam apud orbem universum invenire illum respectum, ne diutius à consulatu vestro mortificari cujusdam politicæ elusionis specie videatur. Mereatur necesse est reverentiam, & amorem suorum civium, quem toties fortunas populorum invictò pectore propugnantem, tuentemq; ipse hostis barbarus semper est veneratus. Certè nunquam deesse possunt media Generalissimo Exercituum Duci, quibus aut civilitatem exhibitam regratificari, aut negatam egregiè vindicare valeat, & honoris sui punctum eò dignitatis reponere, quo semper fuerat, assequi debet. Proinde me, quemadmodum primi in Regno Poloniæ Senatoris reverentia, ita & nobilissimæ urbis vestræ singularis movet propensio, ut fortissimè desiderè persuadere, ne tamdiu otiosam, sterilemq; Illust. Incisoris Regni patiamini assigna-

A.C. 1701 assignationem, præcipuè tam turbulento Regni tempore, & liberiore militia propter negata sibi stipendia. Si quid ergo meriti excellentissimus Dominus Castellanus Cracov. si quid ego favoris & respectus habeo, oro atq; obtestor presentibus, nolite hoc agendi modo dignissimum immortali ævo Senatorem contristari, aut ad justas vindicias læsi honoris provocare, Nolite tam morosâ procrastinatione destinatæ contributionis ad importunam hanc ambiguitatem, me quoq; vestrum semper amicum perducere, ut dubitare incipiam aliquando, quod sim &c.

XVIII

A. C. ZALUSKI PRINCEPS EPISCOPUS VARM. ET SAMB.
GODOFREDO WERNERO ABLEGATO SEREN. REGIS IN
PRUSSIA 31 Decemb.

In negotio Religionis

Non comittam, quod tu soles, ut argumenti me inopia deterreat à scribendo; sæpius & ore, & calamo provocas me, cogisq; ut tibi fufius respondeam talesq; rationes opinioni tuæ opponam, quas solvere minimè poteris, & sicut in alijs fidei punctis frequentius convictus manes, ita & in hoc, quid respondere deberes, non habebis. Si materiam satis amplam dictis minùs æquavero, sufficet mihi modicam dicendi vim in magno consumpsisse argumento.

Dico ergo quod nemo alius præter Ecclesiam decidere debeat difficultates, & ambiguitates Sacræ Scripturæ, & imprimis, si ejus verbis uti velimus, illi dicendi potestas est, qui præest loco Domini Princeps Sacerdotum, qualis erat, qui olim præsidebat Levitis.

Omnes rationes, quas tibi afferam, in primo DEI præcepto, quod extat Deuteron. cap. XVII fundabuntur. Ubi hæc verba extant; *Si quid difficile & ambiguum in lege perspexeris, surge & ascende ad Sacerdotes Levitici generis, & Judicem qui fuerit eo tempore. Qui tibi judicabunt judicij veritatem, & docebunt te juxta legem, sequerisq; sententiam eorum, nec declinabis ad dexteram, neque ad sinistram.* Hoc præceptum sancitum est cum addita inobedientium pœna (quod considerari peto) *Qui, (inquit DEUS) superbièrit, & noluerit obedire Imperio Sacerdotis (notandum quod in singulari loquitur hic DEUS) qui eo tempore ministrat Domino DEO tuo, ex decreto judicis morietur homo ille, & auferetur malum de Israel, cunctusque populus audiens timebit, ut nullus deinceps intumescat superbiâ.*

Jure in considerationem venit cur omnipotens DEUS voluerit cultum suum dependere ab autoritate & Præside sacrorum. Nulla ejus rei fuit causa, quam hæc, quod sicut sunt varia & ingenia, & judicia humana, ita vararent pariter interpretationes, ac per consequens nullus certus foret cultus, sublatâ certitudine cultus tolleretur certitudo meriti, sublatâ certitudine meriti, tolleretur certitudo gratiæ, sublatâ certitudine gratiæ tolleretur certitudo beatitudinis & felicitatis æternæ, ad quem unum scopum & finem bonitas divina hominem creavit, ut nimirum esset creatura rationalis, & intelligens, quæ recognosceret beneficia DEI, & frueretur illis. Atq; ideo scriptura vocat supremum malum in Israel, quod & morte vult vindicari; schisma scilicet per quod tolleretur certitudo cultus, tolleretur simul scopus, & finis creationis divinæ; quod est extremum malum. Idcirco etiam toties in scriptura iteratur præscriptum illud; *Custodite ceremonias meas non declinando* (sic enim sonant verba mandati) *ad dexteram, neque ad sinistram.* Id nempe fit propter conservationem unitatis cultus, qui secundum præscriptum Prælidis sacrorum observari debet, nam alioquin tolleretur certitudo cultus.

Atque hæc est causa, ob quam S. Paulus non modò hortatur, sed rogat,
imò

imò per DEUM immortalem obtestatur; ne sint inter vos Schismata, ut nimirum conservaretur unitas dogmatis; Etsi enim inter Apostolos non erat dogma differens, inoleverat tamen inter novos Christianos mos compellendi seu nominandi se secundum titulos Apostolorum, à quibus baptizati seu evangelizati erant, hoc est Jacobini, Paulini &c. Non erat ibi differentia dogmatis, sed titulorum, ac subsequenti tempore facile inde occasio nata esset ad differentiam dogmatum, sicque cultus Divinus non Catholicus, seu universalis, sed particularis fuisset. Itaque S. Paulus zelosè rem hanc agit non ob schisma in dogmate, quod nondum tunc erat, sed ob occasionem ad schisma, quod manifestè repugnat voluntati DEI, qui vult unitatem cultûs nominis sui Sanctissimi, unitatem ceremoniarum seu rituum, unitatem dogmatis sine omni schismate. Nam sine illa unitate dogma non esset Catholicum, seu universale, non esset unum ovile Christi, nec unus Pastor.

Pariter S. Jacobus scrupulosissimè præcipit observare unitatem dogmatis cum ait; qui in uno deliquit, hoc est in ritu, in cultu, ceremonijs, omnium est reus. Nec sanè alius ullus conservandæ unitatis modus est, quam hic, quem asserimus.

Ideoque solus sacrorum Præses cum sua assistentia debet decidere omnes difficultates & ambiguitates legis.

Respiciamus exemplum Apostolorum, videamusque, quam viam illi in similibus occasionibus tenuerint. Orta erat tempore Apostolorum controversia de circumcisione, utrum ea Paganis ad Evangelium accedentibus esset necessaria, cum in lege DEI expressissimè præcepta esset, & Christus ipse eam sustinuisset, quamvis & baptismi legem subiit; sed quia sub lege natus erat, legem observare non recusavit. Quia verò in mundum venerat, ut legem gratiæ constitueret, id quod per baptismum fieri voluit, non damnavit quidem legem DEI, sed novâ lege constitutâ veterem reddidit non obligatoriam, eo quòd una lex constituta per verum Messiam sufficiebat cultui divino. Ad hæc nova lex erat, lex gratiæ, quia sustulit peccatum originale, quam gratiam circumcisio non habebat. Ingens itaque ansa scrupulandi erat tum DEI præceptum, tum exemplum Christi quorum utrumque favere videbatur circumcisioni. Convenerunt Apostoli super verbo hoc, ut scriptura loquitur.

In eo concilio Apostolico primus erat S. Petrus, qui dabat sententiam suam stylo Primatiali his verbis: *Viri fratres vos scitis, quoniam ab antiquis diebus DEUS in nobis elegit per os meum audire gentes, verbum Evangelij, & credere.* Cur non dicit per nos, sed tantum per os meum scilicet Petri habentis jus petræ, in qua fundata erat jurisdictio Ecclesiæ Christi.

In eodem concilio & aliud notandum, dicitur enim ibidem; *Et tacuit omnis multitudo.* Patet manifestè multitudinem Ecclesiæ ad audiendas decisiones à Magistratu Ecclesiæ factas non ad disputationes convenisse. Equidè locuti sunt ibi etiam alij Apostoli, præcipue S. Jacobus, qui sermone suo approbavit sententiam Petri, & aliqua puncta addidit, uti de contaminatione simulacrorum, de fornicatione, de sanguine & suffocatis. Omnia hæc approbata sunt in isto concilio, in quo Jacobus locutus est, ut Apostolus.

Sed accedamus ad ipsum decretum Apostolorum in hoc concilio pronuntiatum his verbis; *Quoniam audivimus, quia quidam ex nobis exeuntes turbaverunt vos verbis evertentes animas vestras, quibus non mandavimus &c.* Verba hæc examinare fas est, primo considerandum fateri Apostolos Authores dogmatis de necessitate Circumcisionis fuisse discipulos Apostolorum, nimirum primi fideles, qui ad doctrinam Apostolorum accesserant, seducti à Phariseis, usurpaverant sibi decisionem dogmatis, & in-

A.C. 1701

& interpretationem difficultatis scripturæ, cum ab Apostolis ad id non essent missi, ideoque non solum reprehensi, sed & pro hæreticis declarati sunt ab Apostolis talibus verbis: *Turbaverunt vos verbis*. Hoc signum reprehensionis, *evergentes animas vestras*, hæc est declaratio hæreticos; qui enim evertit per dogma animas hominum, est hæreticus.

Considerandum quoque, quod sequitur, *quibus non mandavimus*. Inde patet solos Apostolos debuisse decisores esse difficultatum, & ambiguitatum scripturæ, non eorum discipulos. Hoc exemplo patet Apostolos fuisse in possessione & usu decreti DEI ex libro Deuteronomij superius allati, nimirum solum Præsidem sacrorum cum alijs senioribus decidere debere difficultates & ambiguitates scripturæ. Liceat mihi interrogare te, & tuos, & omnes, quotquot sectarij in orbe sunt, num habeant tam apparentem rationem secessionis ab Ecclesia & damnandi Ecclesiam in dogmatibus suis, quam habuerunt discipuli Apostolorum, qui se fundabant super lege DEI, & exemplo Christi; quia tamen ab Apostolis ad promulgandum hoc dogma non erant missi, ideo non modo reprehensi, sed & hæretici declarati sunt, uti vidimus; Ipse tamen judices, & tui reputesque cum illis qualem sententiam ab Ecclesia reportare mereamini, cum inprimis nec ipsi inter vos consentiatis. Nam si concordessetis in dogmatibus, speciem aliquam, quantumvis levem habere videremini, sed dissidetis gravissime, vos ipsos mutuo damnatis, quia nulla inter vos certitudo cultus est. Hæc nimirum sunt portæ inferi, uti Christus ipse appellat. Inter vos dissentitis, & tamen damnatis Ecclesiam Catholicam. At hoc ipsum est signum infallibile veræ Ecclesiæ ab eodem S. Petro petiit, quando is Ananiam interrogavit; Num omnem substantiam suam, quam verbis obtulerat, dedisset communitati Ecclesiæ. Non erat hic ad tantam liberalitatem obligatus nam non omnes hoc faciebant, non peccavit malitiâ, quia nemini fecit injuriam, sed peccavit vanitate & ostentatione. Nihilominus severe punitus pro tuenda Ecclesiæ autoritate dignis consideratione verbis increpitus, *mentitus es Spiritui Sancto*. Unde patet in Congregatione Ecclesiæ legitimæ præsidere Spiritum Sanctum, nec aliunde natum illud Concilij Hierosolymitani Decretum; *Visum est Spiritui Sancto, & nobis*. Neque mirum ita eos loqui, cum non modo multas promissiones, & sponsiones Christi haberent perpetuæ Spiritus Sancti assistentiæ. *Ille vos docebit, & suggeret omnia*, neque solum promissa, sed & rem ipsam obtinuerant. Neque in ullum alium Spiritus Sanctus visibiliter descendit, quam in Apostolos, idque in lingvis ardentibus. Infallibile hoc documentum est, solos Apostolos habere jus decidendi dogmata, & difficultates, post Apostolos autem Successores eorum, non discipulos ex quibus nati sunt tot sectarij. Quin hi olim in gremio Ecclesiæ fuerint, negari non potest, sed non erant missi à Senioribus ad pronuntianda nova dogmata. Ostendatis vos aut missionem à Præside, aut gratiam visibilem Spiritus ad promulganda nova dogmata, & quod maximum inter se differentia, quâ ratione tollitur certitudo cultus, & Religionis ac per consequens certitudo beatitudinis æternæ, ut dictum superius. Sed accedamus ad exempla, & causas Secessionis sectariorum, non tamen singulos hos exequiemur. Id enim nimis longum foret. Sed sufficiat exemplum Lutheri tui, qui inter alios Secessionis prætextus & causas habuit impossibilitatem servandæ castitatis. Dilemmaticè ex ipso quæri potuit; siue possibile servare castitatem an non? an impossibile sit, probavit & ostendit id ipse in persona sua, cum in claustro esset

voto

voto castitatis obligatus. Non sufficit itaque ipse voto suo implendo. Hoc posito iterum quærere licet, quomodo per impuritatem vitæ suæ potuerit mereri gratiam Spiritûs S. quâ ad confirmandam Ecclesiam opus habuit. A.C. 1701

Sed ne injuriosus in illum videar, ex consequentijs eum damnando impuritatis: ponamus vixisse ipsum convenienter secundum regulam professionis & voti sui. Si ita vixit, ergo fuit possibile servare castitatem, cum id ipse suo exemplo demonstraverit honeste vivens in clauistro.

Falsum igitur dogma docuit, cum impossibile esse docuit, quod ipse in persona sua probavit esse possibile, male docuit cum soluit votum, cum monialem pariter voto obligatam duxit, Nonne pariter non solum S. Petrus, sed quilibet dicere potuit de Luthero: Mentitus est cum uxore sua Spiritui Sancto vota rumpendo, quæ DEUS scrupulosissime servari jussit; sed notandum adhuc discrimen est in hoc puncto possibilitatis, & impossibilitatis servandi voti castitatis. Qui contra votum hoc peccat ex sua solummodo persona, committit peccatum fragilitatis, sed qui contra votum peccat per dogma, committit peccatum extremæ & supremæ malitiæ. Nam est hoc peccatum multitudinis, hoc est multos ita peccare facit, multis etiam per falsum dogma adimit beatitudinem æternam. Attendamus ad decisionem ipsius Christi, videamusq; , quid de servanda castitate sentiat. Verba Servatoris apud S. Matthæum cap. 19 ita sonant: *Sunt Eunuchi, qui se ipsos castraverunt propter Regnum Cælorum, qui potest capere capiat.* Tria in isto dogmate nota expressisse Christum imo quæstio ista de Eunuchis non potest aliter intelligi, quàm de cœlibatu votivo. 2do Christus agnoscit rei difficultatem, sed non impossibilitatem. 3tio Tamen svadet cœlibatum Christus, cum dicit: qui potest capere, capiat.

In fundamento doctrinæ Christi innixus S. Paulus ait; *Qui matrimonio jungit filiam suam, bene facit; qui non jungit melius facit* 1. Cor. 7. In æstimatione fuit & esse debet castitas ex doctrina Christi & Apostolorum.

Sed hæc omnia subvertit doctrina Lutheri, qui non solum jussit frangere vota, sed ipse etiam fregit, tanquam impossibilia; laxavit ita habenas licentiæ in omnem impuritatem cum injuria omnium Ordinum seu Statuû. Certè Status virginum per hoc dogma patitur injuriam, quia omnes illæ ita fiunt, & debent fieri suspectæ ob impossibilitatem, quam hi statuunt, conservandæ castitatis. Injuriam patitur Status Maritalis in absentia maritorum propter eandem impossibilitatis opinionem; nam nemo ad impossibilia obligatur; patitur injuriam status viduus ob eandem causam; quid multa? patitur injuriam quilibet honestè vivens.

Et dogma hoc Lutheri est manifestè contra dogma Christi, & Apostolorum. Restat unum adhuc punctum tibi discutiendum. Soles multa verbis ad invidiam conceptis objicere Pontifici, & Catholicis imputas, quasi credamus ab arbitrio Pontificis salutem generis humani dependere, & huic fundamento superstruis alias blasphemias contra Pontificem, quas non memoro; sunt enim tibi melius notæ. Ad has vanitates nunc non respondebo, quia toties tibi ore respondi, & pro certo habeo Pontifici competere jus indicendi concilia, jus approbandi decisiones concilij, quia dictum est Petro, & in persona Petri Successoribus ejus. Tibi dabo claves Regni Cælorum, & quidquid ligaveris, & solveris in terris, id solutum & ligatum erit in cœlis. Hoc maxime in te miror, cur quod in Pontifice damnas id sibi sumunt tui Ministri pari voluntate, non pari, quâ Pontifices autoritate, quando nimirum jus sibi vendicant, non solum Pontificem cum tota Ecclesia damnandi, sed & se ipsos mutuo damnant, & per consequens, quando

A.C. 1701 do damnant, eo ipso cogunt alios ad suum dogma, cum asserunt non esse in aliorum dogmatibus salutem sperandam. At hoc faciunt omnes sectarum auctores, quorum magnus est numerus, & ut opinor, excedit centenarium, & omnes tamen sunt diversorum dogmatum.

Quæro jam quâ autoritate sectarij licentiam sibi usurpant solvendi unitatem cultûs divini, solvendi unitatem dogmatis in cultu unius DEI. Secundo fingunt tot Ecclesias quot sectas, easq; in solo privato iudicio & conscientie suæ distamine depravato, seu potius infeltia sua.

Ad injuriosas Pontifici objectiones non respondeo, sed tantum jam de certitudine dogmatû ago. Certitudo dogmatû haberi non potest, nisi à certitudine assistentiæ Spiritûs S. qualem habet Pontifex, quod probatur his rationib9.

Prima est promissio Christi; cum venerit paracletus, quem ego mitam vobis, ille vos docebit & suggeret omnia.

Secunda est promissi adimpletio, quando Spiritus S. descendit visibiliter super capita Apostolorum in lingvis ardentibus, descendit super solos Apostolos; nam his debebat suggerere, & docere necessaria ad cultum DEI.

Tertia est missio; solis enim Apostolis dictum est; ite in universum orbem, & prædicate Evangelium.

Quarta possessio autoritatis & assistentiæ Spiritus Sancti, ut ante demonstratum in concilio Apostolorum Hierosolymitano, ejus titulo pronuntiatum decretum est; visum est Spiritui Sancto & nobis.

Quinta specimen datum in congregatione fidelium, quando Ananias ad interrogationem primatiam falsû cômisit, dū dictû est ei; mentit9 est Spiritui S.

Sexta successio ab ipsis Apostolis, quam Pontifices probare possunt ad hodiernum diem in unitate dogmatum, unitate cultûs divini, & autoritate convictoriâ, quâ damnârunt omnes hæreticos ac sectarios, idque exemplo Apostolorum in concilio Hierosolymitano.

Ostendas tu cum tuis istas notas certitudinis in tuis dogmatibus, & sectis; non poteris, quia obest differentia dogmatum.

Damnant quidem tui à tuis dogmatibus dissidentes, Pontificem, cum Ecclesia, & alios omnes ab ipsis discrepantes cœtus; interim jus non habent concilij Oecumenici indicendi, ut ejus concilij autoritate possint alios damnare. Damnant se mutuò, sed privatorum non tam autoritate, nam & hac non possunt, sed præsumptione.

Successionē ab Apostolis ostendere nunquā potuerunt, nec poterunt. Monstrant quidē sectarios, qui ante Lutherû fuere, sed eos diveriorû à Lutherò dogmatû. Fuit Arius ante Lutherû, fuere alij multi infandi nominis, & tempore Lutheri Calving alteriq; Sectæ Author exsurrexit, & nūc usq; indies novæ suboleseunt sectæ. Provenit hoc ex licentia sentiendi, quâ Lutherus profuturâ rat9, promovit, sed obfuit ipsi, quia cōfusionē illa licētia peperit nō certitudinē.

Tuti9 itaq; credere doctrinæ Pontificis, tanquā Præsidis Ecclesiæ, quia illo habet certitudinē assistentiæ Spiritûs Sancti, qui ipsum docet, & suggerit ei omnia. Tuti9, inquā, huic credere, quā ingenijs, & inventionib9 privatorû.

Accipe ergo hæc ab amico, qui animam tuam amat sincerè. calamo, & crede, quòd humile adversæ gloriæ fastigium verborum est subsidium; si dicantur, sonus sunt, hoc est nihil, atra sepiâ, si scribantur, sed dum verba scripturæ S. allegantur, magnum est ad convincendum momentum; illud ergo meminisse deberes, quòd divinæ voluntati nos assentiri deceat, cui plus æquò dolendo modo adversaris, de quo nunquam dubitare deberes, cum deprehensis tenebris clara oculis lux pateat, & quòd nullus pudor sit ad meliora transire. Simplicis & mali est ad imitandum non

optima quæque sibi proponere.

ANNUS

ANNUUS 1702.

XIX

ANDREAS C. ZALUSKI EPISCOPUS VARM. ET SAMB.

ALEXANDRO ZALUSKI PALATINO RAVENSI FRATRI SUO

17 Januarij Varfaviâ

Consilia variorum in negotio Sapieharum

GRatias corde habeo, calamo dico, pro illis, quæ mihi in fraterna defers confidentia, nec potuisti magis scopum tangere sagittâ certiore, ego pariter pauca, quæ habeo, scribere tibi non intermitto, ex quibus non spes, sed dolor est major. Nam novo quodam morbo Respub. laborare videtur, & cum omnes ea, quæ aguntur, improbent, querantur, doleant, varietas in renulla est, aperte loquuntur, clarè gemunt, attamen medicina nulla affertur, & in primis literas quas DD. Sapiehæ Regi, Primati & Nuntijs scripserunt, tibi adnecto, ex quibus intelliges illos aggressuros, quidquid fors obtulerit, unde Patriæ infallibile & novum calamitatis genus, jactabimur scilicet sine spe portûs. Addo quoq; quod Rex illis responsum dedit. Multum in ordine ad concordiam tractabatur, multi multa dixerunt, uti & circa exercitum Palatino Vilnensi tradendum, vel non tradendum, cum alij novam & justam quidem suspicionem formaverint, de aliqua in Svecos inclinatione. Juramentum quidam à Palatino Vilnensi explendum proponebant. Alij ut major pars exercitûs minori Duci obediret. Alij ut totus Generali Regni Exercituum Duci subesset. Reduxit in memoriam Procancellarius Litvaniæ Szczuka confæderationem Tisiovecensem, qua durante exercitus per annos aliquot Duci magno non suberat, & Palatino Vilnensi minus uno anno expectandum erit ad recipiendum sub obedientiam suam exercitum, nec juramentum à Palatino faciendum approbavit, quanquam inde esset plus dedecoris in fuma, quam doloris in vulnere, nec Commissarios assignandos in diminutionem authoritatis Ducalis credidit. Divisio exercitûs inter duos Duces non arrisit, adæquatum esse credebat medium, ut exercitus Litvaniæ Regni Exercituum Duci obediat secundum præjudicatum per constitutionem regiminis Pacoviani. Addidit medium exauthorandi militis Litvanici, quamvis id appareat esse difficile. Cardinalis verò svadebat, ut ad fraternos amplexus redirent, cum scilicet nihil sit, quod opponi possit Sapiehis. Opponebatur ante perduellio metu magis, quam ex scientia, cum Sveci neque cogitarant ingressum per Curlandiam in Samogitiam, & ita vulgato arcano patuit dolus cum ex privata causa scelus publicum factum, unde atrocior injuria est, quam ut ferri possit; silentio transmitti nequit tanta calumnia. Oppressa clamant & queruntur, nec laurus sine strepitu ardet, nec viri boni injuriosè secum agi sine clamore patiuntur. Securitas verò concordiaë proposita, ut scilicet Rex & Senatus & exercitus Polonus guarrantiam offerat, & manuteneat, & super hoc fundamento inita & finita concordia est, secundum adnexum exemplar. Interim venerant literæ ad Regem Svecos relictâ certâ parte exercitûs Caunæ, aliam misisse Vilnam, sed his alij credunt, alij, ut fieri solet, non credunt, quamvis præsentibus graviora metuuntur.

COPIA LITERARUM DD. SAPIEHA AD REGEM
Reffelio 25 Decembris.

QUI fortunâ, salute, consiliô, manu & pectore, authoritatem, nomen, honorem Majestatis vestræ defendebamus, ornabamus, tuebamur, in profundo nunc calamitatum submersi abyssu flebili cantu Mtem vestram compellamus. Excluserunt nos ex domesticis laribus, fortunis, & substantijs nostris, livor, invidia, alieni appetitus, arcent à comparatione Varsaviae novæ diffidentiae, terculamenta, infidia. Et quod non sit ex vano metus, authentica in manibus nostris exstant documenta, quæ utilitas proinde in sanguine nostro Rex Serenissime, quomodo reliquum sanitatis evidenti periculo exponere possumus: privilegio ab ipso Deo fulti, si persecuti vos fuerint in una civitate, fugite in aliam. Non acceptamus, adhuc tamen eam conjuncturam, quo desperationis procella impellere solet: vivimus adhuc in hac tempestate, in Patrio littore, projicimus in eodem anchoram spei, & expectamus compassionem Mtis vestræ, cujus vicaria in terris potestas etiam ventis imperare debet. Judica Domine, in quo peccavimus, & si hi sunt laude digni, morum correctores sine Rege, sine lege, sine charitate operantes, qui in se assumptis Magistratuum nominibus pro libitu & libidine, ferro, rapinis, impune grassando jus omne confundunt manu, liceat tantummodo respondere miseris ac oppressis, quibus nihil nobiscum commune fiat, examen, cujus spolia, & in quo lucent & comparent, mirabitur futura ætas quomodo hæc ferri possunt, & tamen dissimulantur, necesse curæ securitatem nostram esse ultionem. Et quoniam facilius aliena fortunâ & substantiâ illudere possunt tam authoritati Mtis vestræ, sicut & publicæ tranquillitati, quam nobis ex omnibus rebus spoliatis diutius patientes esse, supplicamus Mti vestræ, ut supplices preces respectum & misericordiam apud Mtem Vestram inveniant, & hæc literæ, in quibus lachrymas effundimus, tanquam folium non arescant, quas negligere prorsus, qui Pater es, non potes. Manus interim Mtis vestræ humiliter exosculamur.

EORUNDEM AD CARDINALEM PRIMATEM.

TAM longa gratia & efficacia super innocentia & oppressione nostra Serenissimi Regis & Reipub. compassionis detenti expectatione, cum gravioribus semper adversæ partis assultibus premimur, recurrimus adhuc cum doloribus & angustiis nostris trito ad gratiam & protectionem tuam itinere, bene conscij, quod sicut totius Patriæ, curæq; libertatis manutentio in suprema tua reposita est sollicitudine, ita injuriæ in evidentes pro conservatione libertatis, afflictiones nostræ, diligenti tua animadversione vindicari possunt. Proposueramus non hæsitantes in præsentis Comitiorum comparere consilio, ex obligatione Ministeriorum nostrorum, cupientes audire ordinationem Reip. & ecce livor, qui hætenus fortunas, decora, famam indelebilem, in Patriam candorem & innocentiam nostram cum honoribus sine minimo nostro demerito carpebat, aggressus etiam enormem audaciam, dolendo, quod in præteritis Comitij illud ad executionem non perduxit, quod nunc effectuare intendit, ut scilicet omnibus nobis vitam adimere, omnino Varsaviae velit. Exhorruimus aliquomodo super istas præcustoditiones & tanto magis abominati sumus, non Christianam, non Polonam, quia antiquæ honestati ejus contrariam resolutionem, considerando,

derando, quòd ereptis nobis, honore, fortunâ, omnibusq; bonis, unicum id, quod per gratiâ Dei superest, vitæ spiraculum, incomprehensibilis per sicarios adimere constituit. Sumpseramus nihilominus animum, resolutique eramus innocentiam nostrâ Deo redditâ, terriculamenta hæc contemnere: sed cum in dies certiora & à conjuratis in patriæ ruinam, & innocentis Domûs nostræ depressionem malevolorum conspiratione ex certis locis veniant præcussoditiones, & extenuata per continuas expilationes & rapinas fortuna nostra media ad securam Varfaviæ subsistentiam providere non poterat, retinere aliquatenus desideria nostra cogimur, & ad tutiora divertere. Manemus proinde in pacificis Reipub. ditionibus in Varmiâ ab Episcopo loci reclinatorio nobis proviso, salutemq; nostram utcunq; conservamus, tanquam ultimas infortunij nostri tabulas, indefessis Domino exercituum humiliantes nos suspirijs, ut consilijs publicis assistricem prudentiam aspirare dignetur, ad finem felicissimi consiliorum publicorum exitus. Non cessamus nostram quinimo totius Litvaniæ oppressionem & ruinam à studiosis contra antiquas libertates Poloniæ conatibus in dies auctas insinuare, tibi Primatiali dignitate & autoritate insignito, ut S. R. Mtem precari & disporre non dedigneris, ut tandem bene sit Patriæ, ut insolens perditionem Patriæ cogitantium licentia abbreviari possit, ut pax publica & securitas genti liberæ redeat, ut subsellia & Ministeria ex cardinibus suis exclusâ redintegrentur. Ut Palatinatus, Districtus, & totus Equester Ordo libertatibus suis spoliatus sub dictaturam quinqueviratus despoticè subditus ad antiqua redeat decora, ut gemitus & lachrymæ populorum, quæ cœlos penetrant, & vindictam desuper invocant, justitiâ sanctâ leniri possint. Et ut nos etiam & tot, tantiq; in M. D. Litvaniæ injuriati ad bona, honores, substantias nostras actu redeamus, & in tam magnis damnis, oppressionibus, violentijs, depopulationibus, sine ulterioribus nocivis procrastinationibus nobis satisfiat. Adimplebit hæc omnia, dum sincerè volet autoritas Mtis Regiæ, dum ulterius depopulatoribus terrarum non indulgebit, ad pristinam orbitam ordines & Provincias M. D. Litv. reducendo. Quod cum tædio in visceribus Reipublicæ innocui ex Patrijs laribus exules expectamus. In quantum verò & nunc justitia nobis non administrabitur, & Regia protectio in tam gravibus damnis sincerè nobis non aderit, inviti exclamabimus: vim patimur, & publicam super has violentias manifestationem sollemnissimè Reipub. & toti orbi Christiano deferemus, quòd neq; justitiam neque judicium, neq; tranquillitatem Litvaniæ suppliciter exorare & habere per tot annos possimus, cogamurq; ad extremum aggredi observata in similibus injustitijs remedia. Cœlum interim & mundus judicabit, & evincet innocentiam nostram, quòd tam gravi ruinâ, tam ingenti injustitiâ, continuâ pro tuitione libertatis persecutione violentissimè aggravati & constricti sic, & non aliter juvare nos, nostraq; debuimus, justa quippe est defensio, cum opprimitur innocentia. Quod dum tibi cum solita exprimimus observantia.

EURUNDEM AD CONCLAVE NUNTIORUM.

Cum fideli in charam Patriam, cum debita pro integritate Reipub. cum devota in congregatos vos submissione comparemus per præsentis nostri vicarias, loqui liceat, aut saltem, quando vox interdictitur, liceat scripto monstrare innocentiam, & palam facere, quàm iniqua in nos postulatio est, vel ideo, quòd nobis execra-

A.C. 1702 bilis aliquot personarum super totam Lithvaniae Provinciam prædominantium, jus vitæ & necis violenter sibi vendicantium supina malitia liberum & securum ad vos concives concivibus præsentaneum non admittit accessum, omnia itinera & recursus nostros interessata implet potentia, & apertis publicoq; notis assultibus contra sancita majorum, & tacitis, secretisq; machinationibus, caras libertates Reipub. hujus aggrediuntur. Probatis insuper omnibus moliminibus antecederet fortunis exuere, nunc & vitâ privare constituit. In aliquot personis Dictaturam M. D. L. assumpserunt, per quam ex Patrimonijs, hæreditatibus, decoribus & fortunis nostris sine omni demerito spoliati violentissimè nunc ad extremum per dispositas insidias ac ficariatus capita nostra petuntur, ut tollantur. Confugiebamus semper afflicti contra jus ad infractam vestram protectionem ad quam & nunc venerabundi recurrimus supplices, petendo: Date modum lacrymis, date præjudicijs, date justo vindictam sanguini: non inclinamus adhuc ad extremos terminos, quia hic recursus & macula in virtute, honestate, & conservata in Majestates & Rempub. fidelitate, Domus nostra nunquam infecta. Sed per Deum oppressæ innocentiae nostræ vindicias à vobis quàm demississimè petimus, ut injurijs, violentijs, & injustitijs nobis factis justitiam & satisfactionem & simul publicam tranquillitatem Provinciæ M. D. L. autoritate vestra impertiri tandem dignemini, non claudite ostium, sed aperite. In quantum autem id & nunc per interpositionem vestram assequi non valeremus, actum est de spebus nostris in respectu vestro irradicatis, etsi in casum fundatæ bonæ spei amovebuntur nobis remedia, quoniam injustè & violenter fortunis, honoribus, substantijs spoliati recurrere debeamus, velitis, si non præscribere, saltem innuere, ne superet patientiam desperatio. Quod sicuti non optamus, ita eò ardentius secundum datas citationes aliquibus, qui Provinciam Litvaniae, quam nos tanquam communem Matrem veneramus propter privatam ambitionem turbant & devastant. Dulcissimo justitiæ & protectionis vestræ refrigerio contenti esse desiderantes, manemus.

COPIA LITERARUM REGIARUM AD DD. SAPIEHAS.

I. Januarij.

IN tam gravi innumera infelicitatis casu & durantis domesticis ignis in Litvania vix Paternum nostrum non fatiscit cor, vix sufficit caput inter tot fastidia laborum & alterationum, quæ vires nostras exhauriunt. Dies & horas Regni nostri tristibus his possemus distinguere curis. Si vobis gravis & insupportabilis esse debet hac novercantis fortune adversitas, atq; suos patientia questus exonerat, certè & nos sensibilibus ingemiscimus, penitus considerando, quòd per hanc ad intra disunionem non tantum Mtas nostra in opprobrio est hostibus, sed decora, immunitates, & gloria gentium nostrarum in derisu est, & contemptu exteris, ita ut dicere queamus; Fine quo stabunt mala? Et hinc ab initio infelicitium harum collisionum, quæ utinam nunquam apud nos fuissent, occurrebamus omnimoda applicatione illis, faciebamus ea omnia, quæ tantum humanitus fieri poterant, omnia media & gradus possibilibus

sibiles & in liberâ gente practicabiles pertentavimus. Nihil intentatum omisimus, quæ huic melius nota patent, qui profunda cordium nostrorum penetrat. Et nunc in eo desudant omnes curæ & sollicitudines nostræ, conjunctis studiis cum Senatu & Conclavi Nuntiorum, ad eum finem maximis collimamus conatibus, quatenus hanc molem salutiferi operis ad ultimam reducamus determinationem. Non dubiam spem in DEI bonitate habentes, quod benedicet operi sancto, & concordem voluntatem, unanime cor, & felicem animorum combinationem in defensionem Patriæ. Agnoscant tantum ita verè, ut est sincera applicatio nostra, recedant sinistra interpretationes, necessariam in nos non evertant confidentiam, quia hæc solita infelicitas innocenter actiones nostras sub alio palliat colore, & rectissimas intentiones semper carpere solet monstrando in persona nostra duo difficillima Principatus, prodesse Reipublicæ & placere. Verbo igitur Regio Sinceritates Vestras securas reddimus, de firmissima manutentione hujus concordie sanctæ, hoc unicum desideramus, ut quantocius sine mora ulla huc acceleretis, ubi cuius ex publico iure ad latus nostrum omnis moda provisa securitas. Et dum veneritis, spes & vota omnium adimpleturos nos non dubitamus.

PACIFICATIO M. D. Lit. facta Varſaviæ

16. Januarij.

EX particulari Domini DEI nostri in Patriam gratia & providentia, cum jam ipsa ab intra & ab extra ex discordia M. D. Litv. provenientia, & in immensum aucta pericula, & tædium malorum ac calamitatum omnium admonere cœperunt veteris & prisce moris, & quò sunt majora, eò ferventiora excitare vota ad concordiam & ad aversionem ab his omnibus inconvenientijs, quæ per aliquot annos in hac gente statum Reipubl: turbarunt ad præsidium legum. Status Regni ex mente S. R. Mris Dñi Nostri sub tempus Comitiorum Generalium Varſavien: per deputationem destinati, & per partes determinati sub præsentia Eminen: Cardinalis Radzieiowski Archiepiscopi Gnesnensis Primatis Regni hæc mala & dissidia talibus terminarunt & terminant medijs in ævum.

Sciendo Status Regni, quòd ad bona malaq; Gentis Litvaniæ pertineant, idem tanquam indivisibilis Respublica non tantum ex vinculo unionis, sed etiam ex novella constitutione coæquationis Jurium ejus cum Regno Poloniæ repetito velut nexu unum & indivisum corpus, ac omnibus quibusq; separatis consilijs ad unam compagem & orbitam legum pertinentes communicatione securitatis & legum suarum cavent, & quidquid ex orbita illorum dissensiones & disgustus domestici extraxerunt, illud omne ad jus antiquum & observantiam legum debitam reducunt. Dignitates omnes, munia, ministeria, officia in suis prærogativis antiquis secundum jus prisce & recentem coæquationis ordinem in omnibus personis majoris & minoris subsellij inviolabiliter manere debent, & liberum illorum exerciti-

A. C. 1702

citium sine ullo esse debet impedimento. Telonia tamen antiqua Russiæ ad mensam S. R. Mtis ex antiquo pertinentia circa antiquum usum inviolabiliter conservantur. Exercitum præsentem secundum coæquationem cum Regno abrogandum declarando, si non erit necessarius.

Bona quæcunque in hoc turbine domestico injustè erepta ad priores redeant possessores, statimque in effectu reddi debent. Officia Terrestria seu Castrensia locorum, ubi bona consistunt autoritate Reipub. deputantur condescensura ad requisitionem partis cui debentur. Omnes in hac gente sive potentiâ Domûs, sive fortunâ fulti, sive superioritatis beneficio elati, sive popularibus gratijs aucti, sub communi lege, judicio & pœna in æqualitate vivere debent, & terrestri tranquillitati, indemnitatibus nobilitatis, publicis consultationibus graves esse non debent in omnibus prætensionibus & differentiis, & jure mediante non vi experientur. Et in eo Magistratus omnium subfelliorum & judiciorum comonentur, ut in judiciis iustitiam cuius sine respectu quovis secundum legem & juramentum administrent. Contra aggressores & contemptores legum, & rebelles juri publico, procedendo secundum antiqua jura in volumine legum expressa, obviando similibus in hac Repub. in futurum exoriundis motibus.

Ut verò (avertat DEUS) eò non deveniat, hic & nunc omnes status, sive personæ injuriatæ & contrariæ omnes offensas inter se mutuas corde, honestate, & Christiano verò debito inter se condonando reciprocè, & in sæcula sæculorum extingvunt ad invicem, & æternæ oblivioni reddunt, tam in civilibus, quàm in criminalibus, non præiudicando quidpiam negotio in foro spirituali incepto de morte piæ memoriæ Stabuli Præfecti M. D. L. Si quis autem privatam vindictam ex his occasionibus in futurum aperte vel secreto per se sive media subordinata moliretur, tanquam communis pacis violator, & autoritatis legum contemptor, juri publico rebellis, & nocens subesse debet, sine ullo personarum respectu rigori legum.

Nihilominus tamen actiones & prætensiones inscriptæ super bonis ad Domum Sapiehanam, vel è converso ab aliis in vigore suo restare debent, imò propter celeriolem satisfactionem in Tribunalibus M. D. Litv. agitari & finiri debent non obstantibus nec operantibus quidquam processibus stante discordiarum motu à Novembri anni 1700 usque ad hodiernum terminum obtentis, imò in toto remotis manent de integro, & liberæ sunt omnes personæ, quæcunque stante hac civilis motus tempestate in judiciis comparere non poterant, & ex hac occasione processibus juris innodatae sunt, si id legitime deduxerint. Quibus similes processus Juridici, decreta, & condemnationes obesse non possunt, & semotis iisdem actiones eorum in negotio Principali pro exigentia juris & iustitiæ iudicari debent in foro competenti.

In negotio inter Palatinum Vilnensem filiosque ejus & Principem Radzivillium M. D. L. Cancellarium ratione bonorum Principis Neoburgicæ tutelæ prætensæ, utraq; pars committit se judicio compromissoriali, destinando pro superarbitro Cardinale Primate; quatuor autem amicos ex alterutra parte quicumque videbuntur, & id intra determinationem horum Comitiorum determinabunt; quod judicium quidquid decernet, pro firmo & rato acceptare, & hac decisione contentari, & tanquam finalem sententiam suscipere & observare declarant.

Quæ omnia ut eò firmitus sint constituta, autoritas S. R. Mtis D. N.

N. Clm̃i, Senatũs & Equestris Ordinis utriusque Provinciæ Regni & *A.C. 1702*
Magnificorum Generalium Regni Ducum ex consensu Provinciæ M.
D. Litv. in Gvarrantiam præsentis Tractatũs acceptatur maximè verò
quoad personarum securitatem.

In reliquo propter strictiorem inter gentes confidentiam omnia
unionis jura & vincula, quibus ab utrinque obligamur in securitatem
comunium fortunarum matris hujus indivisibilis Reipub. in mutuam
defensionem invadiamus, & propter æternam hujus concordie manu-
tentionem manibus nostris subscribimus, qui tractatus inter constitui-
ones Regni sine ulla contradictione, & in quantum iniquioribus (aver-
tat DEUS) prementibus fatis Comitia præsentia non finirentur, ad æ-
cta metrices Regni & M. D. Litv. in vim perpetuitatis inferi debent,
antequam alia Comitia feliciter non finiemus. Datum ut supra.

COPIA UNIVERSALIUUM LITERARUM A CARDINALE
PRIMATE ET SUPREMO EXERCITUS REGNI POLONIÆ DU-
CE AD STATUS LITVANIÆ Post factam concordiam expeditarum.

POST titulos. Est unde Patria lætetur nostra & futuræ felicitatis
resumat spem non dubiam, quòd tam magnum opus pacificatio-
nis M. D. L. diutius votis populorum exoptatum, toties incassum
prolatum propter malitiam horum, quibus in turbido maligna messis,
ex particulari gratia DEI, & sincera cooperatione horum, quorum cor-
da unicus boni publici possedit amor, tandem feliciter ad effectum ve-
nit per finitum inter M. D. L. & Domum Sapiehanam tractatum, non
in debili, & ad evertendum prompto fundamento, sed in vim perpe-
tuitatis stabilitum tali conditione, quòd etiam si fato aliquo minus pro-
pitio Comitia rumpi deberent, tractatus nihilominus casui huic sub-
jacere non debet, imò in eodem appositum est hoc punctum, ut indi-
latè ad metrices Regni & M. D. L. ingrossaretur, & postea in Comiti-
is, quæcunque demum feliciter finientur, in volumen legum & consti-
tutionum infereretur, & quicunque vellet per machinationes aliquas
tam sanctum impedire opus, & novas excitare turbas, hic secundum
tenorem verborum in tractatu expressorum, tanquam publicæ pacis
violator, & authoritatis legum contemptor, juri publico rebellis, & re-
us subjacere debet sine ullo personarum respectu, rigori legum. Quod
verò id non fuerit positum in ludificationem propter majorem securi-
tatem executionis, autoritas Regia, Senatũs & Statuum utriusq; Pro-
vinciæ in Gvarrantiam hujus tractatũs veniunt. Cum ergo his medi-
is permisit DEUS ex bonitate sua, aspera in vias planas reducere, obli-
qua in recta dirigere, quis non credidisset, quod omnes manibus & a-
nimis gratè datam hanc cœlitus quietem recipere debuissent, & tamen
arescit cor audiendo, quòd inveniantur tam im̃ericordes in hanc Pa-
triam filij, quibus magis placet tumultum ex tumultu, ex bello bellum
ferere, quàm tranquillam propriam videre Patriam, & tempora, quæ
prima mortales ducunt felicia, pertinaci in malum ingenio deteriora
curant facere, hunc felicem annihilando tractatum sub prætextu, quòd
sub antiquo fuerit factum id conclavis Nuntiorum regimine, & jam
post rupta Comitia ad executionem est deducta. Infert hanc paritatem,
quod uno simili subsistente actu ruere non potest & alter, & præcipuè
cum aliquid in vim præcipuitatis ex consensu utriusque partis est per-
actum. Quomodo semel placita non debent perennare. Adhuc non
impleverunt mensuram malitiæ, cum postliminio has discordias quæ-
runt,

4.C.1702 runt, monstrando discordantis Patriæ miserabiles fructus, domestici hætenus belli tristes victorias, toties effusum sanguinem, tot omittas occasiones vincendi hostis.

Inducti in limites Litvaniæ Moschi cum Cosacis, Sveci inconsultâ animositate exacerbati in titulo hujus aggressionis fundus innocens Reipub. tanquam persequendo inimicum aggressus, ruina Provinciarum irreparabili, externarum nationum excidia innocentis plebis, omnia hæc in ruinam suam malitiæ perfectæ sunt effectus. Sed & nunc recenter post proclamatum tractatum tumultuariis copijs Bichovia in circumferentia sua circumvallata & combusta. Moschus iterato damno Reipub. inductus, & sicuti ex illis partibus veniunt informationes non tantum non cessant hostilia, sed semper magis in vigore horrenda hæc civilis belli furia augetur. Proinde nos, quibus ex obligatione nostra, qui titulo Quarrantiæ ad firmitudinem istius tractatus comprehensi sumus, videndo quod universales S. R. Mtis in aversionem & retentionem hujus licentiæ ad M. D. Litv. extraditæ, nullum hætenus effectum adferant, volentes maturè occurrere exitio universi, hac denuntiatione nostrâ in subsidium autoritatis S. R. Mtis omnes illos, quicunque demum motores, authores, vel contemptores inveniuntur, & tumultus ad hostilitatem provocant ad observantiam jurium de cõmuni pace expressorum præmonemus, & quantumvis statim ad rigorem legum contra tales violatores severè extensum possemus descendere in fundamento roboris ejus tractatûs & tot constitutionum de Guerris, de tumultibus, de violatoribus pacis publicæ, de bellis insciâ Republicâ voluntariorum, & de abusu in extradendis literis universalibus pro convocatione nobilitatis, sicut & laudatione tributorum, Jurisdictione generosâ scriptarum, nolendo nihilominus omnes gradus, quicunque tantum inveniri possunt in tranquilla potestate omittere, præmonemus benignè, quòd si hæ turbæ nos cessaverint, si non successerit celeriter tranquillitas, præcipuè nunc cum legato ad Regem Sveciæ per hæc hostilia impediri potest, tum infallibiliter ad potestatem Guarrantiæ recurremus, & omnes delinquentes secundum rigorem legum de nomine & cognomine subsequenter literis, rebelles, contemptores jurium, & tractatûs violatores declarabimus. Quæ quia non credimus fore, ita per amorem Patriæ & legum reverentiam obtestamur, ut ad hæc extrema non deveniatur. Ut verò id notum sit omnibus &c. &c.

INSTRUCTIO ORDINUM & STATUUM REGNI & M. D. L.

AD SEREN: REGEM SVECIE.

Excellentissimis, Illustribus ac Magnificis Felici Comiti in Lipie Lipski Calissiensis, Andrea Casimiro à Kirchenstein Kryszpin Wiszypscensis Palatino, Stanislao Comiti in Melsztein Tarlo Supremo Culina Regni Præfecto, Josepho Potocki Haliciensis, Stanislavoviensis, Casimiro Oginski Gordoviensis, Capitaneis & Alexandro Mycielski Subjudici Territorij Siradiensis, legatis ex Senatu & Ordine Equestri ordinatis de data sub tempus Comitiorum Regni Generalium Varsaviensium 6. Februarij.

Laborabunt omni curâ & diligentia, ut superatis omnium itinerum difficultatibus quantocius in conspectum S. R. Mtis Sveciæ, ubicunq; demum præveniri poterit, sistere se valeant, ibidemq; servato

servato praesentis honore solennitateq; legatis debitâ adhibitâ, ubi ad congruam sibi audientiam & portanda muneris sui verba admissi fuerint, tali vel non absimili serie rem suam consono modestiâ juxta ac generositati Polonæ sensu ordiuntur.

Dedere Stat⁹ & Ordines Regni & M. D. L. non obscura nec ambigua amicitiarum & observantiæ pactorum cum Regia Mte Sveciæ, Regnoq; ejus documenta, dum actô nuper in Litvania per Saxoniam militiam bello maluit bonorum subditorum erga proprium Regem, quàm bonorum vicinorum partibus erga alienum in servandis foederibus desse; veritatis hujus liquida adesse argumenta non modò ex convocato grandi consilio, quo rationes belli Svetici satis abundè productæ, recusatæ, verùm etiam præteritis immediatè comitijs non acceptatis, eo vel maximè motivo, ne iisdem rationibus Status & Ordines Regni ad bellum nunquam meditatum afficerentur. Quantum inde rebus Sveticis emolumentum accesserit, vel tacente Polonorum modestiâ, mirabitur Posteritas, quòd eo tempore, quo conspirasse fata videbantur ad infortunia Svetica, maluerint victrices suas aquilas hybernare æstivo tempore per Pokuciam & Podoliam, quàm occasionibus suis ex infelicitate aliena, ut assolet semper infesta vicinia invigilare. Pares vel saltem reciprocas his præstitis Status & Ordines Regni non experiri vices à S. R. Mte Sveciæ, ubi loco gratiarum, quòd suo Regi se excusarent à bello, quòd militiam ejus Saxoniam eò usq; deprecati fuerint, donec extra fines Regni amandaretur, quòd tam adamantinum pectus opposuerint ad illecebras rehabendarum Provinciarum solito amore inviolabiliter servandæ cum vicinis amicitia, ubi, inquã, loco gratiarum S. R. Mtis Sveciæ amico quidem nomine, sed infestis signis Ducatum Curlandiæ, aliasq; contiguas Provincias à mense Julio anni elapsi inundaverit, portionibusq; militaribus, & mille gravaminibus agrum & terras Reipub: innocuas & nihil demeritas hucusq; liberè premat, præcipuis fortalitijs ejusdem Ducatûs Curlandiæ in morem hostilem captis, fortificatione præpropera reparatis, & milite suo Præfidiario infestis infausta omnia contra tam solidos & bonos amicos ominari videatur. Hinc est quòd ijdem Status & Ordines Regni, ubi primum congregati fuerant, plurimum hisce perturbarentur, non prius tamen se ad justum naturalis defensionis tutamen proripiant, donec S. R. Mtas Sveciæ amicæ requisitionis à Statibus & Ordinibus Regni, præsentis habitâ per legatos insinuatione, etiam mentem suam iisdem Statibus & Ordinibus Regni repræsentet. Hæc verò puri & non vitii titulo amici nequaquam repræsentari poterit, nisi eadem S. R. Mtas protinus arma & copias suas ex omnibus fortalitijs, civitatibus, atq; locis Ducatûs Curlandiæ, alijsq; Provincijs M. D. Lit. egredi faciat, taliterq; confinia Regni & M. D. L. secura & tranquilla ex debito Pactorum tum veterum tum recentium reddat & sinat in statu, in quo Pacta Olivensia limites Provinciarum Reipubl. constituerunt & assecurarunt.

Non posse eo loci adduci quampiam ultionem & prætensionem damnorum ad S. R. Mtem Poloniæ D. N. Cl. Iniquum enim & præter omnem rationem id per titulum Regis Poloniæ, à Provincijs Poloniæ innocuis prætere, quòd ex titulo Ducis Saxoniae, si quidpiam est commemorandum & agendum venit.

Literas S. R. Mtis Sveciæ ad Status & Ordines Regni datas, in præsentis congressu lectas fuisse, quibus omiſſâ mentione militarium
copi-

A.C. 1702 copiarum in Terras Reipub: inductarum in eo solum vis & basis amicitiae testari videtur, si Status & Ordines Regni ad eligendum novum Regem animos converterent. Quo ipso jus omne Regni confundi, primasq; & Cardinales leges Reipub. everti. Scire enim deberet S. R. Mtas Sveciae in Statutis Majorum Patriae nostrae similia meditamina stante vitâ Regis, æquè ac gravissime piacula offendendæ libertatis prohibita esse, utpotè cum electio novi Regis non vacuo Throno non possit esse, nisi perniciosissima integræ Reipub. Præterea scire deberet eadem Mtas illa etiam ipsa tempora, quibus vacante Throno de succollando novo Rege venit deliberatio, esse Statibus & Ordinibus Regni adeò molesta & impropitia, ut ex communi dolentis Patriae vocabulo vocentur Kaptur, id est velut cucullo ad pœnitendum confecto, unô verbô, lugubria nimirum appellentur, inde nasci, & manere semper in animis & cordibus Polonorum erga suos Reges heroicum votum, ut homines licet & mortales eligantur, semper tamen Numinum instar illos colant, & diuturnos saltem, si immortales esse non possint, verè & sincerè cupiant. Ex his colligere dignabitur S. R. Mtas Sveciae literas suas taliter, ut præmissum est, scriptas, ut etiam ex Epistola Primatiali cognoscere potuit, in populo Cardinalibus legibus contra electionem Regum extra tempus obfirmato, ac tandem suo etiam tempore nimis perhorrescente nihil aliud produxisse, quàm innatam & congenitam amoris erga suos Reges contestationē; vitam & sanguinem se potius pro Rege suo vivente fusuros, quàm de fatis ejus adversis ante diem non filiorum, sed privignorum more inquisituros.

Nec eam filialem erga Regem suum contestationem venire posse in aures S. R. Mtis Sveciae, insuetam ac gravem, salvo Rege, salvis legibus amicitiae cum eadem Mte & Regno ejusdem inviolabili, juxta vetera & recentia Pacta Olivenfia coli & reservari, dummodo ipsam & S. R. Mtas Sveciae æquam se præbeat tam justis & tam æquis cum eorundem Ordinum & Statuum amicitiarum cultibus.

Offerre illos etiamnum amore svadente & restabiliendæ vicinæ tranquillitatis propriam inter suas Seren: Regis nostri & Sveciae Mtes mediationem, quâ unicè laboraturos se appromittunt, ut pax æterna inter amicos Reges & vicina Regna securè & perfectè colantur. His tamen prius suppositis & evictis, antequam locus & tempus prædictæ mediationi, in quantum acceptata fuerit, destinetur conditionibus.

1mo. Ut Copiæ Sveticæ ex locis & Præfidiis omnibus Curlandiae & Provinciarum M. D. Lit. ut supra dictum est, cum sponsione justæ refarcitionis damnorum ijsdem Provinciis & locis illatorum, quantocius amoveantur & educantur.

2do Ut tormenta & mortaria ænea, totamq; rem tormentariam Saxoniam Reipubl: per S. R. Mtem Poloniam perpetuò donatam, recter verò in rehabito Dinamindæ fortalitio, ac ante in arce Birzensi interceptam S. R. Mtas Sveciae Reipub. Polonæ integrè restituat. Rationem abusus dictæ Artilleriæ, si adferatur, non posse admitti; cum enim eadem Artilleria per S. R. Mtem Poloniam D. N. Cl, ut videre est ex authentico ejusdem Diplomate, ex actis Metrices Regni deprompto, in manus legatorum tradito donata fuerit Reipub. cum reservato advitali Regio usu, Rempub. uti proprietariam ejusdem Artilleriæ excusatam à bello Svetico nequaquam demeruisse, quæ per alienum actum, utpotè Ducis Saxonici proprietatem Regni Poloniam perdat.

Super quæ omnia puncta legati categoricam positivam declarationem

tionem recepturi sunt, & ubi primum receperint, festinanter, festinantius per expressum Cursorē Status & Ordines Regni certiores reddi faciant, non omittentes de primis etiam progressibus suis, & quid sperandum conceperint, eosdem Status & Ordines Regni continuo notificare. Quodsi verò cognoverint ludificari, vel differri responsa, taliterq̃ spem Reipub: de iustitia S. R. Mtis Sveciæ & reciproca æquanimitate conceptam eludi, extunc Status & Ordines Regni, etsi ipsos legatos ultra morari contigerit, genuinè & sincerè omni meliori modo & viâ informare satagent & annitentur; Ultra verò hæc commissâ nihil amplius ausuri, vel usurpaturi sunt sibi potestatis legati, quinimò eadem omnia juratæ fidei Legatorum obligatæ, in publicum, prudentiæ & dexteritati nunquam demerendæ committuntur.

Lectum & probatum 27 Januarij Anno 1702.

*Michaël Cardinalis Radzjeiowski Primas Regni,
Joannes Szembek Referendarius Regni & Mar
reschalcus Comitiorum.*

PLENIPO T E N T I A

Illm̃is Excell. Illust. Mag. DD. Deputatis à Statibus & Ord. Regni Pol.
AD SEREN: REGEM SVECIE.

NOS Status & Ordines Regni Poloniæ & M. D. Lit. universis & singulis, quorum interest, aut quolibet modo interesse poterit, ad notitiam deducimus. Quia nos inhærendo unanimi consensui & beneplacito Seren: Reipub. sub tempus Comitiorum Regni Varſaviæ die 22 mensis Dec. Anno 1701 celebratorum congregatæ Illr̃nis & Excell: Felici Comiti in Lipie Lipski Palatino Calissienſi, ac alijs supra in Instructione nostra specificatis in Legatos ad Instructionem iisdem in Comitij Generalibus datam & manibus nostris subscriptam, electis, Deputatis unius duorumve absentia non obstante cum S. R. Mte Sveciæ, ad omne interesse, bonum, commodum, & utile Ser: Reipub. Poloniæ & M. D. L. Provinciarumq̃ eis annexarum ut & Ducatus Curlandiæ, Semigalliæ, & Districtus Piltinenſis, in quo fidem, conscientiam & amorem erga Patriam ipsorum obligamus, tractandum omni meliori modo perficiendum & concludendum, plenariam potestatem damus & tribuimus, promittentes, quòd nos Reipubl. Regni Poloniæ & M. D. L. Provinciarumq̃ eis annexarum id totum, quodcunq̃ vigore & tenore Instructionis ex re, commodo: & utili Reipub. per eosdem perficietur & concludetur, gratum & firmum habebimus & observabimus, & fidei causâ hæc præſentes manibus nostris subscribimus & sigillis muniri fecimus. Dat. Varſaviæ

*Michaël Card. Radzjeiowski Primas Regni & M.D.L.
Joannes Szembek Referendarius Regni Mareſchalcus
Ord. Equeſtris.*

COPIA LITERARUM REGIS SVECIE AD PRIMATEM REGNI POLONIE 6 Januarij.

NOS Carolus. Quoniam Colonellus de Saubre occasione ad has oras delatus Varſaviam discedere iterum constituit tam egregiam prætermittere nolimus occasionem, quin singularem nostrum

A.C. 1702

strum erga Eminentiam Vestram affectum, sincerumq; & ardens promovendi boni communis studium testaremur. Eminentiam Vestram facile perspecturam confidimus quantas nos longo intervallo perpeffi sumus injurias, quantumq; Reipub. accelerari potuisset incomodi, ex machinationibus istis & hostilitatibus, quas & Rex Poloniae, & ejus instigationibus concitatus Oginskius nobis temerè nimis ac perfidè inferre ausi sunt. Ipsa igitur necessitate non minus, quàm intolerabilibus minis compulsi tot è militibus nostris obviam tumultuanti isti turbæ missimus, quot eidem retundendæ, arcendæq; suffecturos iudicavimus. Haud enim credibile est, Oginskium tam horrendum facinus propriâ autoritate suscepisse, quin & persuasi sumus abusum fuisse hostem nostrum lenitate, bonitateq; Eminent. Vrae, quoniam percipimus talia ab Eminent. Vra expeti, quæ cum æquitate ipsa, securitateq; & Reipubl. ipsius utilitate è diametro pugnare videntur. Curlandiam deserere eò minus à nobis postulari debet, quò evidentius est ijs, quos pœnitere commissorum criminum oporteret, unde occasionem suppeditari superaddendi sceleri scelus, faciliusq; perficiendi fabricata contra nos infesti animi molimina. Speramus itaque à congregata nunc in Comitiiis Republica justis desideriis nostris satisfactum iri. Quòd si diutius differri contingat, nobisq; sic rei alibi bene gerendæ occasio eripiat, iudicet Eminentia Vra ipsa, an non uberem doloris materiam simus habituri, utinam Respub. aurem vellet præbere ijs, quæ nos ad firmandam utriusque Regni tranquillitatem proponimus. Certum planè est, quodlibet consilium abhorrens, infra hujus pretium subsistere, successus tanti operis, cui Reipub. salus innititur, gloriam Eminentiae Vrae conciliaret nunquam intermorituram, & quæ ab Eminentia Vra eidem negotio perficiendo impenditur opera, benevolentia nostrâ & efficaci gratæ mentis testificatione abundè eam rependemus. De cætero Eminentiam Vram diu salvam & incolumem cupimus. Dab. in Prædio War-gen. 6. Januarij.

Eminentiae Vestrae benevolus amicus.

XX.

AMICO CONFIDENTI, ANDREAS &c.

Varfaviâ I. Februarij.

De Comitij Varfaviensibus.

UT tibi (primas hoc anno scribens) gratuler, & vitam inoffensam, fortunam prosperam, placidam senectam, mortem seram, cum summa animi devotione precer, voveamq; & ut Annus tibi feliciter atq; ex sententia succedat, jubet officij mei ratio, urget affectus inter nos mutuus, impellit humanitas, ac benevolentia, quæ omnia ut in te summa sunt, ita me summè movent, ut id faciam, & si negem mihi ad hoc animum fuisse, mentior. Et quamvis varijs nunc curis non detrahor solum, sed importuno penè eorum laniatu discerpor, scribo tamen, ut officium meum impleam, & ne te diutius suspensum teneam, quid mecum & imprimis quid cum Repub. agatur? Sexta igitur currentis facta ordinatione ut Domini Sapiehæ Resselij ubi locum residentiae eorum destinaui, habeant omnem ex possibili commoditatem, eundo Varfaviam ad Comitiam jam incepta in via Seburgi morbo correptus sum, ita ut calculi dolores penè ad confinia mortis deduxerint, ætas mea, cur diffimu-

ſimulem, paulatim labitur, & vergit ad occaſum. Senex ſum, multa A.C. 1704
 audiſi, multa etiam meis oculis vidi, quæ mihi apertè demon-
 ſtrant, vim varietatemq; fortunæ; rerum humanarum inconstantiam,
 varios incertoſq; caſus, inanes hominum labores, & contentiones, ac
 proinde bona eſt mors homini, vitæ quæ extingvit mala; Aliquot ibi
 diebus imbecillis valetudo morari còegit, tandem tamen 11. Jan: mo-
 vi acceptâ Varſaviâ notitiâ, concordia cum Sapiehiſ conciliandæ ſpem
 aſſulgere optimam, cujuſ ipſos quoq; feci certiores.

14tâ Jan. veni Varſaviam ubi reſ expectatione mea pacatiores in-
 veni, ſed non benevolè ab aula ſum acceptuſ, quamobrem ego quoq;
 à crebra ejus frequentatione abſtinui. Fatiſ ceſſit Joſephuſ Siuſzka
 Caſtellanuſ Vilneſiſ, qui ſub finem dierum ſuorum tenui ac nullâ
 fermè erat valetudine, nihilq; ei tam familiare fuit, quàm ægrotare.
 Non pingimus Panegyreſ, ſed animi cujuſq; vultuſ, qui aliquâ lau-
 de præſtiterit, calamo tanquam penicillo deſcribimus. Prodeſſet non
 tantum qualeſ ſoleant eſſe magni viri dicere, formam eorum & linea-
 menta deducere, ſed qualeſ fuerint narrare ac exponere. Sed non in
 hoc caſu. Tranſeo iſtoſ quorum fama cum vita extincta eſt. Hic Ca-
 ſtellanuſ filiuſ fuit famoſæ illiuſ Annæ Potocka, quam jure Cybelem id
 eſt Matrem Deorum in una mea oratione nuptiali nominavi, quid-
 quid enim magni ſanguiniſ in Polonia & Litvania invenitur conſan-
 gvinitate & affinitate complexa eſt. Vacabat à fatiſ ejus Generalatuſ
 minor Exercituſ Litvanici, quem præſendit Princepſ Michâél Wiſ-
 niowiecki, quem ut obtineret ex via ſemitam faciebat, Aulæ autem
 parum reſ noſtraſ curanti grata ſunt quæ facimus, quæq; fecimus om-
 nia; omnia enim negligit, & nihili ducit. Itaq; ex concilio apud Card.
 Primatem formato inductuſ eſt idem Princepſ ad dandum certum ſcri-
 ptum ad manuſ ſuæ Eminentiaſ, quod & corporali juramento confir-
 mavit, amicum ſe fore Domui Sapiehanaſ; ſed vereor ut honor hic
 nullâ non arte ab alijs petituſ aliquando excruciet, grave ſiquidem tor-
 mentum eſt debere cum nolis. Aliquot igitur diebus omni conatu
 deſudavimus ut concordia optatuſ fortiretur finem. Habui in domo
 mea aliquot cum Principe Radzivilio & Viſniowiecciſ Principibuſ &
 Dño Pociey conferentiaſ, & tandem 17. elapſi menſiſ concluſuſ erat
 tractatuſ gravi mole, ſummâ difficultate, & maximis laboribuſ, quem
 & ſubſcripſimus & *Te DEum* in Eccleſia cantatuſ, quanquam ego, qui
 profundiuſ rem conſiderabam notavi non bono animo id factuſ fuiſ-
 ſe, & timeo ut hæc publica ſolemnitaſ eò pejor adferat periculum re-
 buſ publiciſ, nulluſ adhuc eorum malorum certuſ finiſ, nulla judicio
 meo paciſ & compoſitioniſ ſpeſ, ſed contrâ majorum incommodorum
 metuſ oſtenditur, & non ex vano timeo, ut ſicut ſementem fecimus,
 ita metamuſ, & poſtliminio noſ facti pœniteat, vereorq; ut etiam præ-
 ſenſ cautio, atq; promiſſio in ſummum diſcrimen omnia præcipitet,
 quanquam audiam frequenter Card. Primatem exclamanteſ ſæpiuſ:
 pulchrè, benè, rectè, non potuit meliuſ, ipſe tamen primuſ ut erat,
 haberi cupienſ, à multiſ, nescio quid perversi in eo notantibuſ poſt-
 ponebatur paſſimq; jactabatur, monſtroſa reſ eſt, ſedeſ prima, & vita
 ima, graduſ ſupremuſ, & ſtatuſ infimuſ, quiſ ut ſeditionem leniat,
 turbat Rempubl.? Quæ magiſ animuſ meum movent, quàm dele-
 ctant. Paciſ cum videam tantum nomen extrinſecuſ retineri, ſed in-
 tuſ in corde utriuſq; ſeditioneſ ac tumultuſ maximuſ adverto inclu-
 ſoſ, qui nullam nobiſ certè partem quietiſ ac otij indulgebunt. DEuſ

Joſephuſ
 Siuſzka
 moritur

Pacificatio
 Sapieharū.

A.C. 1702 avertat mala, nec finat me vatem fieri.

Collatio dignitatum Principi ergo Michàeli Wisniowiecki cessit regimen & Generalatus campestris Exercitus Litvaniæ; Castellanus Vilnen. ex vi Constitutionis, ne duo ministeria in una sint Domo, Principi Wisniowiecki majori natu, Mareschalco curiæ Litvaniæ. Mareschalcatus verò ad instantiam Principis Radziwił Cancellarij, Principi Sanguszko, cui non plus juris aderat, sed plus commendationis (etiam abolita sæculis nomina per successores novos fulgent) cum summo dolore Domini Pocey qui operis tantipars non vilis, qui promissum sibi hoc officium jam habuit, sed cum prævaluissent instantiæ, priori cessit. Nec pingvior sors aut gratia Regis destituet Dominum Pocey quæ nunc præteriit post auctior redibit.

Origo tumultuum inter Nuntios. Die verò 18 in Conclavi Nuntiorum magnus fuit strepitus, & nisi unus solus Nuntius ex M. D. Litv. obstitisset. turmatim se omnes ad Regem contulissent cum solenni instantia, & manifestatione in favorem Dñi Equitis Maltensis Pac, qui Mareschalcatum hunc jam à Rege subscriptum & sigillo M. D. L. sigillatum habuit, quod magnam difficultatem Comitij ne adferat timeo, metuo, formido.

Joannes Gmolinski. Disputabatur itidem in Conclavi Nuntiorum, an legatio ad Regem Sveciæ quæ jam est conclusa sub regimine antiquo mitti debeat, an expectari nova Mareschalci Electio? cujus erat magna difficultas stante concurrentiâ præter alios Dñi Referendarij Szembek, & Dñi Stephani Potocki fratris Episcopi Culmensis, cui Rex positivè promiserat deserturum se partes primas Dñi Referendarij & domui ejus gratiam exhibiturum, modò omnes ad bonum concurrant finem Comitiorum tam necessariorum, quanquam hoc promissum evanuit. Protestatus fuit D. Eques Pac, & exierat cum protestatione, sed revocatus rediit. Instantia etiam fuit solennis ut Dñus Bechlinck primus Saxoniae Minister relegaretur, quod ex parte promissum erat, sed ut cætera, dilatum. Volebat Princeps Radzivilius ut Regi reconciliarer, ego illi assentiebar, ejusq; arbitrij esse volebam, nec pugnabam, quidquid debeo, nolle non possum. Nec difficilis fui edoctus injurias ferre, & gratias agere. Paratus eram & ad beneficia accipienda, si benignè reconciliatus mihi ante fuerit, & si adhuc irasceretur ob accepta damna ad deprecandum, sed tamen imperari dolori silentium non poterat, ob Præposituram Plocensem prius Fratri meo Suffraganeo Plocensi, & post Dño Episcopo Kijoviensi subscriptam. Nulli alij nunc formantur discursus Varsoviæ, quàm de hac quotidiana in conferendis officijs & dignitatibus ex instinctu quorundam Aulicorum mutatione, cum nemo sit unquam securus gratiæ receptæ. Nulla quippe fiducia, & ideo assidua mutatio, & jam tam nota illorum susurronum insinceritas, ut nemo sine sponsione credat, quia consuetudo quæ rebus affert constantiam, hoc vitium in se quotidie altius figit, quod illi in se non ignorant, sed amant. O si assuescerent hi susurrones & dicere verum, & audire, quia sine fine multa spondent, pauca præstant, bonitatis verba imitari, major malitia est, & in hoc ut in aliis multis ipsi decipiuntur, id ideo contingit, quod alieno sæpè judicio de unoquoq; statuitur. Sed moderatè & æquo animo hujusmodi querelas ferre in vitio ponunt minimè curando, quæ de illis judicia posteritatis futura sunt.

Fuit etiam petitio Nuntiorum, ut Rex in Senatu permetteret colloquium se absente Senatui & Nuntiis, quod jam erat permissum, sed hâc conditione ut hæc conferentia in conclavi alio non in Senatu fieret, & ut

& ut ſolus Mareſchalcus Nuntiorum cum aliquot eſſet deputatis, ſed *A. C. 1702*
 hæc contra Regem inſtructa petitio verſa eſt contra Cardinalem, qui
 fodit foveam, incidit in eam, convertitur in eos pulvis, à quibus exci-
 tatus. Interim lecta eſt nobis epiſtola propè atrocior credita, quàm Re-
 gium erat, Regis Sveciæ contra noſtrum quæ magnum irarum irrita-
 mentum, magna odij fax erat, & hæc cauſa fomitem miniſtrabit. At
 nos interim vitioſi non ceſſamus peccata peccatis addendo, DEUM no-
 bis, quàm maximè infeſtum & inimicum reddere, quid enim aliud re-
 vera niſi peccata noſtra nobis vires, & animum minuent, hoſtibus au-
 gebunt. Palàm verbiſq; ſpecioſiſſimis non nemini pax & concordia cor-
 di eſſe videtur, ſed intrinſecus ac re ipſa nihil magis eſt odio; id ideo fit,
 quòd non æquitas, non ratio in nobis viget, ſed pravitas, iniquitas, cu-
 piditas, peſſimi conſultores dominantur, ut maximam gloriam Cardi-
 nalis Primas habeat. Facta poſt requiſitio in conclavi Nuntiorum,
 ut etiam ipſis legatur hæc epiſtola Regis Sveciæ, ſed tandem denega-
 tum, interim conſeſſum ut eligerentur inde Deputati ad eam audien-
 dam non jam à Dño Mareſchalco ut moris eſt ſemper electi, ſed à pri-
 mo ex Provincijs. Hac eàdem die hoc eſt 25. comparuit cum ſatis ma-
 gna aſſiſtentia Dominus Caſtellanus Cracoviensis & Domini Sapiehæ. *Stanisl. Jablonowski.*

26ta. in Camera ut nunc vocatur mediatorum, volebat Dñus
 Procancellarius Regni Tarlo diſſuadere legationem ad Regem uti ſta-
 tuti contrariam cum hæc (dicebat) legatio niſi vià quãdam proceſſerit
 in multos neceſſe eſt labatur errores, & unamquamq; rem ex cauſis
 concludere oporteret, expeditio hæc multò plus mœroris Reip. quàm
 reditu ſuo lætitiæ ſecum omnibus adferet &c. Sed non potuit evince-
 re, & ſic conſeſſum ut apud Cardinalem Primatem ſcriberetur inſtru-
 ctio legenda Senatui & Equeſtri Ordini. Quæ à Dño Procancellario Lit-
 vaniæ ſcripta, placuit omnibus, ad electionem tamen novi Mareſchalci
 accedere nullatenus volebant, uſq; dum primo nominarentur hi, qui
 ablegandi eſſent ad Regem Sveciæ. *Legatio ad Regem Sveciæ.*

Tandem 28va electus fuit in Mareſchalcum Dñus Szembek Refe-
 rendarius, jam majora ſperans, quàm illo ſæculo, quiſquam ſperare po-
 teſt. Præſens felicitas bonam ſpem etiam futurorum injiciebat, ſed ex
 hac electione parum aut nihil lucri in publicum redundaturum lice-
 bat conſeſſare, cum enim omnis expectatio noſtra in his Comitijs fun-
 detur, ſi felicem ſortientur exitum, incertum autem eſt, an expleturus
 ſis omnem expectationem, cum multos habeat ſibi adverſantes. Ego
 illi pro affectu diſſuadebam ominans, & timens partem eam quæ ſpe
 hoc honore potiundi defraudata, pudore quàm damno miſerior, ad ru-
 pturam Comitiorum contributuram; cum tremore enim, & timore ſa-
 lus Reipub. operanda eſſet. Hæc eàdem die ſalutavit Regem idem Ma-
 reſchalcus in pauciſſimo Senatorum numero. *Mareſchalci electo.*

Tres interim ultimos dies menſis hujus impenderunt Nuntij con-
 notandis vacantijs. Episcopus Præmiſlienſis ſummo ſtudio ad ſigillum
 Regni concurrit, jamq; habet in promiſſis, quamvis Episcopus Kijovi-
 enſis in ſcripto & ſigillato privilegio. *Bokum.*

Hodie tandem Cancellarius Princeps Radzivilius, in cujus arbitri-
 um voluntatem meam rejiciebam, à quo ne latum quidem ungvem re-
 cedere mihi fas eſſe ducebam, me ſecum ad Regem aſſumpſit, quem
 dudum vitæ ratio atque exacta ætas ab omni ambitione prorfus abſtra-
 xit, & qui ſtatui poſt hæc Comitia meum otium, in Diœceſi tantum
 quæ DEI ſunt laborans eligere, ut virtus tacita conſeneſcat, ne dum

A.C. 1702 studiosius obsequio Regis consulo, indigentius de mea salute cogitem, successit reconciliatio ad votum & contentationem. Hoc te scire volui ut quo loco servi tui sint res, minimè te lateat. Fui post apud Cardinalem Primatem, ubi Castellatum Cracoviensem inveni, video aliqua molientes ex instinctu Thesaurarii Litvaniæ, sed necdum quid sit scire possum, ille par ubiq; sibi & mæsto corde fremens, nihil cogitat, nisi ut sibi sit bene, & ut tanquam mercedem rerum gestarum in turbido consequatur. Quid cogitat scit nemo, sed quid faciat, patet, verum hæc mala principia finem non bonum sortientur. Has enim astutias quasi velum suæ impudentiæ appendit, sed alius erit de isto dicendi locus. Crastina enim festivitas non permittit plura.

XXI.

EIDEM AMICO IDEM 7. Februarij Varſaviâ.

Quoties ad me scribis, semper illud assequeris, ut nemo mihi melius scripsisse existimetur. Quid hoc literario commercio dulcius? quibus molestissimis & meis & tuis occupationibus animum aliquantulum relaxas. Ingratissimus proinde sim mortalium nisi ejusmodi officiis provocatus, me tibi plurimum debere testificer. Cum præcipue me amicè ac perhumaniter admones, ne cuncter, ne tempus elabi, ne commodas & opportunas è manibus occasiones effugere sinam. Vellem etiam ad imitationem & exemplo tuarum sic scribere, ac tales lacinias dictionis adhibere, quæ Tullianam ut tuæ spirent elegantiam, veterisq; Latij puritatem haud affectatam, ut habeant docti quæ facile cognoscant, indocti quæ discant & admirentur, in illis enim video & quod vincat antiquitatem, & quod vinci à vicinioribus non possit. Vellem ut dictio mea sicut tua simplex, nativa, facilis, ne sit Sybillinis folijs obscurior (verbaq; ipsis vix exaudita Cethegis) in ore nata, plus docens, quàm dicens, & quæ si fieri posset quid sentiat ostendere, quàm loqui mallet, elegantiam suam habens & aliena ab ijs qui sesquipedalia verba in populum projiciunt, & ampullas. Verum id tu semper optabis, nunquam assequeris. Nosti enim impatientiam meam, quæ non permittit, ut cogitem quid scribam, sed quidquid in salivam, quidquid in calamus venerit, extrudo potius, quàm scribo. Insuper variis gravibusq; sæpius urgeor occupationibus, & iniquitate temporis impedor. Sed veniamus ad id quod hic Varſaviæ agitur.

3tiâ Februarij litigabant de verbis quasi jam de rebus judicatum sit, & disputabatur in Senatu multis palam resistentibus, multis occultè insidiantibus, à quo esset incipiendum? an à distributione vacantiarum, an verò à lectione literarum Regis Sveciæ ad Cardinalem Primate plenarum contra Regem contumeliarum. Accepta pro more voce commemoravi modum in similibus rerum gerendarum, & rogavi Regem ut secundum usum, & antiquam consuetudinem, quoties similes interveniunt quæstiones sua Majestas determinet à throno, quid sit faciendum. Nec fefellit consilium ex determinatione enim Regis accessit, & non ægrè id quod petebat obtinuit Mareſchalcus ad legendas vacantias, vel potius recomendationes multorum à conclavi Nuntiorum, quibus finitis accedere volebant ad lectionem literarum, sed hoc non est permisum faciendaq; erat solutio Sessionis, non ejusdem est magna excitare mala, & compescere.

4tâ itidem disputatum de legendis literis, tempusq; extractum, &
cum

cum prolongatio nonniſi ad hunc diem fuerit conceſſa, petitus à Rege ut eam proponerem, feci, & planè omnes conſenſerant. Sed Dñs Eques Pac (acerrima oratio eſt, quam impetus animi & ultima neceſſitas excutit, facit enim indignatio verſum) dicitur tamen id feciſſe ex inſtinctu & informatione Sapiehana, acceptâ voce quidquid per totum tempus Regni videbatur erratum contra leges, uſus, conſuetudines, parato ſermone dixit, & exaggeravit, ſcilicet plurimum voluntati permiſſum eſſe, legibus minimum. Ad quid verò leges conſtituendæ, ſi effectu careant. Cogitanda potiùs ſunt alia, & animus adverſus ea quæ poſſunt evenire formandus firmioribus remediis. Quid futurum ſit neſcimus, quid fieri poſſit, & quid fiat ſcimus. Facta cernuntur, animus non videtur, quæque latent majora putantur, nam quemadmodum videm⁹ tanta contra leges Patrias accidere, ſic ſperemus & non utique ut deſiderantur caſura. Incrementa pro bono Reipub. lentè exeunt, feſtinatur in damnū, & mala undè minimè expectari deberent, erumpunt &c.

Notataſq; omnes læſiones Reipub. in ſcripto Dño Mareſchalco relinquens, exire voluit, ſed clauſam ubiq; ianuam inveniens non potuit. Ita Philippus Macedo à procaci proſciſſus, non permiſit exilio mulctare calumniatorem, ſubjectâ ratione ne inquit oberrans apud plures de nobis malè loquatur. Quamvis verò exire prohibitus, tamen pro more qui recentior eſt, nec ſequi eum deberet Reſpub. ſtitit activitatem, nec loqui permittebat, & ſic ſub dubio, cum ſpe tamen proſequendorum ulterius Comitiorum ſoluta Seſſio, etſi aliqui approbabant eum benè locutum, arguebant tamen peſſimè facere quod Comitiam rumpere vellet.

Ob Dominicam incidentem quintâ die vacabat conſiliū, interim per Episcopum Culmenſem tractabatur cum Caſtellano Cracoviensī, ut aulæ velit eſſe amicus, ſed hic conſilia providè impertiri aſſuetus, imitatur præſtantiffima majorum noſtrorum exempla, qui Patriæ comòdis nihil antiquiùs aut juſtiùs habuerunt. Moles & multitudo calamitatum quæ tum in Regnum inciderunt, magnum hunc virum eſſe ingentiq; valore animi præditum demonſtrant, qui non patitur ſe de ſuis conſilijs depelli, & in tota Repub. eſt vir optimus judicatus, gravitatem & conſtantiam habens cum manſvetudine conjunctam, ſed ſuper omnia Patriæ eſt amantiſſimus, utque eſt in efficiendo eo, quod ſemel conat⁹ eſt ſtrenuus, ita cunctanter, & timidè rem ſæpius aggreditur.

6tâ die langvida adhuc ſe ſpes quædam Comitiorum oſtendebat, diſputabaturque utrum abſente Nuntio qui proteſtatus eſt, proſequi poſſimus Comitiam, cogitando & quidquid in ſimilibus ſolet, & quidquid poteſt fieri, affirmante poſſe continuari Comitiam Episcopō Vladislaviensī ob intereſſe fratris ſui Mareſchalci, & alijs non ad præſcriptum legum euntibus, & his diſputationibus pro & contra, extractum tempus. Interim quærebat Dominus Pac jamq; inventus apud Nuntium Apoſtolicum fuerat, & ſcripſit declarationem ſuam Dño Mareſchalco maximè attonito, quòd paratus ſit reſtituere activitatem, ſed certis conditionibus publicum concernentibus, quæ conditiones, quia tangebant aulam, præcipuè de bellō Svetico, de libertate à principatu in tantum diſcrimen non adducenda, de oppreſſione Domus Sapiehanæ, de amovendo Bechleng, de caſſando exercitio Lutheranico in tot domibus publico, & de alijs exorbitantijs, ſupprimendam hanc ſchedulam credidit Mareſchalcus nec propalandam.

Scriberem plura ſed temporis anguſtiâ intercludor, & etiam ne prolixitas nimia ſatiſdium pariat, & ne tædioſa te demorer epistolâ, aliunde plus nimio diſtractum plura non addo & finio.

A.C. 1702

Pat Eques
rumpere
vnt comi-
ciaStanislaus
Szembek

A.C. 1702

PUNCTA AD CONSILIUM POSTCOMITIALE

14 Februarij.

1mo. Quomodo post rupta Comitia Provincijs Litvaniæ, Curlandiæ, Semigalliæ, & Districtus Piltinensis sub Contributionibus exercitus Svetici succurrere non tantum ex nexu sacræ & antiquæ unionis, sed etiam ex vinculo recentis Guarrantiæ Statuum Regni interpositæ instrumento Pacificationis M. D. Lit.

2do An sufficiens est remedium expeditio legationis conclusæ ad Regem Sveciæ, sive etiam, an aliquod occurrit medium efficacius & certius.

3tio Si ista legatio concludetur, unde pro illa sumptus, quantum cuique dandum, & quot personæ expediendæ ex Senatu & Equestri Ordine?

4to Ablegatus Czari Molchovitici continuo rogat, ut aliquis ad Principalem ejus expediatur, qui omnino vult aperire mentem suam Reipub. cum amicis & utilibus propositionibus ad concludendam optimam, & strictissimam amicitiam, & eo nomine dictus Ablegatus publicam petit audientiam.

5to Quid faciendum, si Exercitus Sveticus ulterius versus limites Poloniæ procedet, & quis modus securitatis, sicuti Sacræ Regiæ Majestatis, ita totius Reipublicæ?

6to Artilleria Regni, quamvis & in pace egeat semper, providendum quoque & fortalitium Cameneci, & Ssmæ Trinitatis, & quoniam ordinaria Quarta, cum sit præcipue impunctualis, sufficere nequit; petitur proinde supplementum.

7timo An Titulus Regius Electori Brandenburgico sit dandus, cui, cum trecenta millia Talerorum pro Elbingensi præensione debentur, quoniam Comitia rupta sunt intra 12 septimanas exsolutio summæ hujus imminet, aliàs Territorium Elbingense in periculo. Optat proinde Sua Mtas, ut huic obvietur, & medium aliquod inveniatur.

8vo Tam magni sumptus Ducum Regni merentur justam reflexionem, ut ad rationem liquidationum suarum debitam recipiant consolationem sicuti & Nuntij Exercitus consuetam gratitudinem.

DECLARATIO S. R. Mtis D. N. C. IN SENATUS CONSILIO POSTCOMITIALI FACTA 27 Februarij

RES exigit ut propositioni jam factæ plura ex utilitate & necessitate publica superaddamus. Notum est Sinceritatibus V, qualem exitum proxima Comitia habuerint, utpote quæ mero propriæ utilitatis studio infectis rebus dissoluta sunt, posthabitâ ac neglecta de promovendis nostris Reipublicæ commodis curâ, quæ tamen omnium potissima esse debebat, cum interea Rex Sveciæ in dies pergat, literis minimè Regiis, Regeq; prorsus indignis nobis insultare, & post infessam hostiliter Curlandiam cum Semigallia & Districtu Piltinensi progressus suos in Litvania proferre, eamq; magis ac magis pervastare, idq; adeo impunè, ut nec arma contra ipsum ferantur, nec saltem de remediis, quibus eidem obviâ iri possit, cogitetur, quin potius magna lætitia undiq; videatur, & invasori in opprimendis innocentibus, & justificandis reis leges ferre impunè quasi permittatur. De-
plo-

plorandum fanè est, quòd non sic videatur vigere ardor iste, qualis erat Polonæ Gentis tempore Majorum vestrorum, nostrorum autem Prædecessorum, indeq; satis luculenter apparet DEum vitiis, atq; peccatis hujus Reip. iratum, omnes bonos influxus avertere, quos Nobis sincera virtutis atq; æquitatis æmulatio aliàs promittebat, cum nunc nonnisi injustitia undiq; exaudiatur, delicta planè maneant impunita, nullusq; respectus & recognitio rectè factorum habeatur. Atq; id est, quod in præsentì rerum statu tantò magis nos movet, & adigit ut Sinceritatibus V. exponamus, quantæ necessitatis sit, ut post Reip. incolumitatem, nostra quoq; securitas stabiliatur. Non recensemus longâ serie, quæ nostra erga hoc Regnum hucusq; sint merita, cum certò persuasi simus Nos curam hanc honoris, & securitatis nostræ tantò majotì jure à Sinceritatibus V. requirere, quantò magis per orbem universum constat, quomodo nullis hactenus sumptibus pepercimus, nulla pericula horruimus, quin potius omnia fecimus, ut votis & expectationi Reip. de nobis in Electione nostri in Regem conceptæ satisfacere possemus, Regnoq; huic pristinum splendorem, atq; magnitudinem redintegrare valeremus. Juramenti vinculo adstricti fuimus, & per pacta conventa obligati, ut avulsa Reipub. recuperare curaremus, atque per hoc nos obligatos existimavimus, ut vinculo Juramenti quocunque modo satisfaceremus, restitutaq; Podoliâ, & Cameneco ulterius progredieremur, & operi magis profuturo nos accingeremus. In ea semper opinione fuimus, & adhuc sumus, articulum istum de recuperandis avulsis vel maximè ad nostram solam personam spectare, onusque effectuarii articuli istius nobis ipsis incumbere. Etenim si dicatur rem esse, quam consensu Reipub. inchoari oportebat, in vanum certè est, quòd illa pactis conventis inserta fuit, cum alijs Generalium factis nos conformare; sed, cum ita sit, uti præmisimus, quòd peculiari & solenni juramento adstricti fuimus, certè nemo nobis vitio vertere poterit, quòd operam dederimus, quomodo nos ipsi promissis nostris stare possemus. Testati sumus hoc ipso bonam nostram intentionem, & fuimus persuasi neminem inveniri potuisse, cui justa causa esse potuisset, nobis aliquid inde iniqui imputandi, cum potius optemus, ut omnes in Regno nostro fidei juramento confirmatæ memores sint, & muneri suo ac legibus eodem modo satisfaciant. Parati fuimus, & sumus justificare omnes nostras actiones in facie totius Reipub.; sed postquam vidimus, quot & quanta impedimenta nostris progressibus opponerentur, & quàm iniquè nostra bona intentio in pejus torqueretur; Non omisimus, ut tam per publicam nostram declarationem de ineunda pace honesta quam per reductionem copiarum nostrarum in Saxoniam malevolos eò melius convinceremus, eosque tantò plenius persuasos redderemus, de nostro sincero proposito, dum omnibus lucris, commodis, & emolumentis, quæ de hoste obtinueramus, libentissimè renuntiavimus, & incerto rerum eventui nos ipsos commisimus. Sed illud nunquam credidissemus hanc nostram indulgentiam, & ad vota populorum accommodatam promptitudinem, tam periculosos & fastidiosos effectus producturam, & quòd inde occasio emanare debuisset, hosti ea concedendi, ad quæ nos tanquam Rex aspirare neque præsumeremus quidem, quamvis ea omnia Reipub. commodum, atque utilitatem pro scopo haberent. Nihil igitur restat, quàm ut nunc Sinceritatibus vestris modis omnibus commendemus, quatenus omnes cogitationes suas huic negotio intendant, & remedia efficacia inveniant, qui-

A.C. 1702

quibus & persona nostra Regia ab omnibus insultibus tuta præstari, & ipsius Reipub. inde dependens salus promoveri possit. Nos sanè protestamur coram DEO & toto mundo nullas nos partes habituros ignominia, & certissimæ ruinæ Regni nostri, quæ sine dubio subsequi potest, modum tractandi hætenus assuetum, nisi adhuc malo huic serpenti tempestivè occurratur, remediaq; sufficientia eidem adhibeantur, ad quem finem pro facilitando negotio offerimus nos pro duobus Quartalibus Exercitui Reipub. stipendia provisuros, & exsoluturos, quàm primum in loco Castrorum destinato proximo finibus M. D. L. instructus comparebit, quandoquidem in Comitiiis præteritis cura solutionis ejusdem planè neglecta fuit.

Volumusq; persuasas esse sinceritates vestras, nullatenus à nobis intendi, ut Respub. per hoc, bello quodam involvatur, sed ut fines illius ab omni ulteriori irruptione tuti, & imunes efficiantur, & defendantur. Nulli dubitamus fiduciam hanc nostram, quam uti semper in amore huic nationi erga Regem suum & Patriam innato, & unde talem nominis gloriam consecuta est, posuimus; Ita & nunc eandem in salutaribus sinceritatum vestrarum consiliis habemus non fore frustraneam, sed tales effectus producturam esse, ut nullum amplius momentum prætermittatur, quin sinceritates vestrae honori, & securitati Regis, & totius Reipub. firmandæ idonea ac præsentia remedia inveniant, cum alias nobis nihil aliud superesset, quàm ut characterem Regium, quo fulgemus, integritatemq; totius Reipub. omni meliori modo tueri anniteremur, quorsum enim omnia tam naturæ, quàm gentium jura pro nobis militancia haberemus. Id igitur à Sinceritatibus vestris jure merito requirimus, ut omnes cogitationes suas huic rei seriò intendant, neque patiantur vanâ spe nos, totamq; Rempub. ulterius duci, & protrahi, cum urgens necessitas, & præsentia molimina omnem moram respuant, & prompta atque parata remedia exquirant.

SERMO EPISCOPI VARMIENSIS IN CONSILIO SUPER præmissa puncta 18 Februarij habitus.

INfaustus præsentium Comitiorum finis, verendum Serenissime Rex, ne sit omnimedæ infelicitatis nostræ initium, quivis enim nostrorum hostium nobiscum aget juxta placitum suum, cum Nos non agemus ea, quæ nostræ sunt obligationis. Dissidia nostra inimicorum sunt lucra, & sicut in his Comitiiis fructibus neglectis occupati cortice nec boni intellectum nec mali curam habuimus, ita potestas consulendi cum ingenti libertatis jactura ad duos Ordines est translata. In evidentibus periculis si procedere volumus, ut debemus, trito à Majoribus nostris itinere ire nequimus. Loqui hoc tempore difficile est, quando veniunt occasiones, quæ facta magis quàm verba postulant, & consulere quis poterit? quando omnibus resolutionibus ruptura Comitiorum obicem posuit. Sentimus certissimum dolorem, qui Nos ferit, sed invenire difficile remedium, quod leniat. Demittere animum tamen non licet, manus adhibere per Senatus-consilium non est modus. Omnis proinde infelicitas Patriæ, clades ejusdem cadat super hunc, qui Comitia rupit, & super hos, qui ad id contribuerunt cum pessima illa intentione, ut pro libera Reipub. habeamus nullam.

Legi porrecta ex Cancellaria Vrae Mtis puncta, & vidi majorem eorum partem non ad Nos, sed ad totam Remp. pertinentem. Hæret proin-

proinde mens, & ingenium, quid dicendum, quid non dicendum? Senatus-consilia nostra quamvis sint aut innocentissima, aut ea, supra quæ in Repub. nihil melius excogitari posset, tamen apud hos, in quorum conspectu stellæ non sunt mundæ, sinistræ subsunt interpretationi. Nemo ergo miretur, quod in his materijs in quibus vix cavet, etiamli quis cavisse ratus est; multa silentio sunt involvenda, & non tantum scrupulosè, sed & timidè loquendum.

Scio ego Rex Serenissime, quid debeamus ex vi unionis M. Ducatui L.; Gens enim una sumus. Non tantum convenit, sed & ex vi obligationis tenemur non solum compati, sed & succurrere Fratribus nostris. Obstringit ad id, & novus nexus in ultimo Tractatu expressus, ut securitati dependentibus ab Imperio Mtis V. Provinciis provideatur. Sed, cum super eo puncto cogitarem, præsentius medium non invenio præter illud, quod provida rebus suis integra existens reperit Respub, hoc est expeditionem legationis ad Regem Sveciæ. Instructio prudentissimè, & pro dignitate Mtis, & pro æquanimitate Reip. scripta, de quantitate Legatorum ex Senatu, quidq; dandum viris, conferemus apud Card. Primatem, quantitatem vero Legatorum ex Equestri Ordine non est nostrum aut diminuere, aut augere, quoniam id jam Conclave Nuntiorum determinavit. Quandoquidem verò video, aliquot ex electis se non tantum excusasse, sed & abivisse, cumque Instructio etiam sonet unius vel plurium absentiam non obstante, commodè id pro Republ. fiet, & inopia thesauri, quæ frequentius optima constituta retardat, quia, si alicubi, certè in Polonia nihil magis fatigat, quàm pecuniæ conquisitio. Si sumptu suo aliqui ire volunt; sicuti in Conclavi Nuntiorum publicè declaraverunt, optarem illos ex sensu meo quàm plurimos. Si autem sumptu Reipub. quàm paucissimos. Cum etiam non desit præjudicatum quod in magno itidem negotio Reip. pro receptione scilicet homagij eventualis unus tantum ex Senatu Magnus Thesaurarius Regni; alter ex Equestri Ordine Procellarius nunc Litvaniæ, tunc Referendarius Regni erant destinati Regiomontum, qui fortiter & magnificè pro Republica, gloriøsè pro se negotium egerunt. Ego credo quod & emollitus ferocior animus legatione nostrâ, & persuasione Colligatorum, qui in illa pace suum prætendunt interesse non irritabit amplius & Personam Mtis V. & Remp. vehementius, quàm justius non exacerbabit; In omnem nihilominus casum pro defensione, quæ cuivis naturalis, crederem primas Restium literas expediendas ad vocandam Nobilitatem tanquam robur Reipublicæ invincibile, hoc præcauto ut quàm prudentissimè scribantur palàm faciendo, id, quod, sicut non provocamus bellum ita nec timeamus, & quod pacem nunc voluntas, bellum illo tempore deberet habere necessitas. Interim, cum Respublica existens integra reliquit sibi jus belli, & pacis, quod dependet ex bono vel adverso hujus legationis eventu, quoniam expresse determinavit, ut relatio ejus in Comitibus fiat, deliberando solum, utrum Comitibus limitari, an alia nova à Majestate vestra evinci precibus deberent. Limitatio per rupta Comitibus esse non potest, ergo consequens est, ne disquiramus, utrum Comitibus esse debeant, sed illa tanquam ordinarium in similibus conjuncturis remedium humiliter à Majestate vestra petere debemus, in quibus ex responso legatis nostris dando, & ex re, ulteriora in rem Reipub. formabuntur consilia. Firmissimum verò medium crederem, mutam confidentiam; ubi charitas abest, nihil boni sperari potest. Fecit jam

Hieronymus
Lubomirski
Stanislaus
Szuka.

A.C. 1702 jam Mtas vestra ad illam gradum, per lectum immediate scriptum, in quo effudisti cor tuum Domine, deponendo in sinum presentis consilii, & personae tuae, & honoris tui securitatem. Declarare dignatur Mtas vestra Exercitui nostro consolationem, non ideo, ut bellum incipiant, quia hoc sine pleno consensu totius Reipub. cujus servi sunt, incipere non possunt, sed ut tantum in limitibus pro defensione & ostentatione maneant, quod & ego credo concessibile, & cum legibus nostris conveniens, ut scilicet Exercitus in excubiis ex illa sit parte, ubi est maximum periculum. Fecit etiam Mtas vestra in eo gradum, quando nos ab externo milite liberavit, & in pectoribus fidelium subditorum non tantum securitatem personae suae Regiae, sed & honorem suum, quo nihil homo delicatius habet, reposuit. Non dubitet Mtas vestra, quod confidentia in nobis est mutuae felicitatis maximum fundamentum, est lapis angularis, super quo fortuna nostra manutenebitur, quando talis erit, qualis esse debet, inter Patrem & filios, inter Dominum & subditos. Divulsio membrorum à capite utriusque est ruina. Debemus Mti vestrae non tantum fidem, ut subditi, sed & amorem, ut diligentes Patrem filii. Cum ergo Patris non Domini ritu agere nobiscum dignabitur, fortius certe, quam, per, nescio quam etiam fortissimam potentiam, gratam in cordibus nostris quietem, securum in affectu nostro imperium aget. De nobis nullum debet esse dubium. Non seducemus expectationem Mtis vestrae, quia haec est inter primas Gentis nostrae gloria, quod Regibus nostris servamus fidem, sanguine proprio salutem & securitatem eorum providere solemus. Dum nihil à te Rex timebimus, id testari debemus, quod debemus Domino; verbo, dum diliges, facies, quod vis. Dum enim verus & sincerus erit amor, tunc nihil adversi contra Rempub. tentabit. Ad stabiliendam proinde Rex Serenissime, & solide fundandam confidentiam duas res cum respectu debito opto, peto, precor. Prima est, ut auxiliares copiae nunquam amplius secundum recentem constitutam legem in viscera Regni intrent, quia haec plus ad personam Regiam diffidentiarum in Regno adferunt, & adferre possunt plus damni, plus & in Religione, & in libertate praedudicii, quam comodi & gloriae Mtis vestrae. Ita & Romani talia bella suscipiebant, quae proprio milite geri poterant, eo addito; in re Romana, Romanis magis credimus, quam Graecis. Sit Mtas vestra plus quam secuta, quod inveniet in affectu, & fortitudine Polona tantum animi & virium, quantum ad dandam resistantiam cuivis inimico satis erit. Disjuncti debiles, conjuncti erimus pro defensione Mtis vestrae, & Reipublicae fortissimi.

Aliud est, quod petere audeo, & vellem in hac materia per linguam effundere cor meum, ut pro strictiori stabilienda confidentia velut securos redderet Status Reipub. quod certi esse debeant jurium & libertatum suarum, quod amplius non inducetur per interpretationem patrum conventorum Cardinalia jura evertentem ad id, ut aliquando bellum aliquod incipere velit inconsulta hac Republica, quae nunquam Regibus suis iusta denegare solet. Si vero credidit vestra Mtas, quod conscientia ejus Regia in juramento de recuperandis avulsis est invalidata, liberabitur ab eo aut explicatione saniori, aut ad extremum, si Mtas vestra in hoc supposito juravit, & dispensatione ad repellendos quosvis scrupulos. Probabit vero fidem, excusabit pro bonitate sua libertatem illorum, qui ex obligatione jurata hanc securitatem humiliter expectant. Haec est natura Rex Serenissime liberae gentis nostrae, quod Dominos nostros, & amare & timere solemus. Diligimus pariter, pari-

pariterq̃ timemus. Quò majores re & nomine Reges in historiis nostris invenimus, & legimus, eò cautior semper erat cum illis Respub. A.C. 1701
Non ita id ex persona M^{ti}s vestræ requirimus, quia videndo per experientiam, quàm similia seducunt consilia, consilium futuri ex præterito veniet, sed id curamus, quòd R^{ip}ublica, cum sit imortalis, incidere possit post fera fata M^{ti}s vestræ in talem Regem, qui animi spiritu magis forti, quàm prudente incipere vellet ex præjudicato cum aliquo vicino bellum, & aut ad periculum ultimum Rempub. aut ad ruinam inducere. Ac proinde melius cavere semel quàm pavere semper. Dabis Serenissime Rex documentum ejus bonitatis, quæ omnes res difficillimas faciles reddit, & eris per hanc generosam & heroicam actionem gloriâ æternus, nomine imortalis. Faciet autem prudens, & cauta M^{ti}s vestræ Cancellaria eo modo, & tales inveniet terminos, quod illud ipsum loco dishonoris, quem avertat DEUS, cedit in gloriam, & interea devincet eò magis jam sibi devota corda. Amari, coli, diligi, majus imperio est. Optarem autem ex rationibus Statûs, quas dicere nolo in tanta arbitrorum frequentia, quia quandoq̃ incautus Confessarius peccare docet, ut hanc securitatem in authentica forma sumant secum hi, qui ad Regem Sveciæ destinantur, & pro opportunitate, si necesse fuerit, illam producant; producent autem, & pro gloria clementiæ, & affectûs M^{ti}s vestræ in Rempub. & pro melius pacandis rebus.

Ablegatum Czari Moschoviæ audiendum credo, sed an expediat mittere aliquem in Moschoviam subest dubium. Si mitteretur aliquis deberet ei dari gradus ad tractandum, sed potestne hoc sine Comitii fieri, ab omnibus cognosci debet, quod omnes tangit.

Artilleria Regni accusat semper in Comitiiis, & in consiliis indigentiam suam, quia nunquam in justissimis desideriis satisfactionem habet. Facit Palatinus Kijoviensis Generalis Artilleriæ, quæcunq̃ potest, cui debitas ex statione mea refero grates, quòd ex praxi continua circumspectè satis tam tenui in Artilleriam designato utatur sumptu, & qui judicio orbis non tantum apud M^{tem} vestram celerem & realem respectum, sed & apud totam Rempub. meretur. Facit ille, quæ potest, sed ex nihilo non potest esse nisi nihil; toties in Comitiiis, & in consiliis optabamus, ut duo Capitaneatus ex melioribus, & ex primis vacantiis ad Artilleriam applicarentur, & adjungerentur; quia per id & M^{tas} vestra ab ulteriori & frequenti impetitione libera esset, & necessitatibus tam prægnantibus provideretur. Quia verò nimis longinquum hoc videtur mihi medium, convenientius crederem id, quod in manibus M^{ti}s vestræ lex posuit, hoc est ut refractarii in exsolvenda quarta ad Artilleriam pertinente puniantur per datum ab ipsâ lege medium. Sit porro certa M^{tas} vestra, dum unus & alter privatione punietur, pœna ad unum, metus erit ad omnes. Quia verò Camenecum decus & robur nostrum in tanta invenietur necessitate, quantâ major esse non potest, sequor viam, quam lex demonstrat; quæ dum necessitates Artilleriæ quartâ novâ supplementabat, expressè id addidit, quòd si aliquid pro necessitate Artilleriæ ultra illam destinatam deesset Quartam, tunc thesaurus Regni supplere debet. Cum proinde necessitas hæc supra omnem necessitatem sit, audeo fraterne compellare Thesaurarium Regni, ut, quamvis cum molestia id fieri deberet, suppeditet hujus fortalitij necessitatibus, etiam ultra id, quod facere posset. Quia, si aliquid adversi, (quod DEUS avertat fortalitio huic accideret) damnum esset nunquam compensabile.

*Martino
Keki*

Inter

A.C.1.02

Inter alias rationes, quæ affligere debent animam, quòd Comititia rupta sint, id etiam auget dolorem, quòd nobis non est concessum, ut Reipub. integræ perfectam de Elbinga eliberata, & Reipub. restituta faceremus relationem. Quia insultus à quibusdam vel ignaris, vel malitiosis, & interpretationes sinistrae meliori & evidentiori relatione monstrando, quòd est, non quod videtur facillimè retundi potuissent. Sit segura Mtas vestra, fide jubeo & pro collegis meis tam insignibus in Repub. viris, & pro me ipso, quòd in eo loco & honori Mtis vestrae, & integritati Reipub. ita servivimus, ut nihil excusandum habeamus. Si DEUS indulserit vitam, & relatio fieri poterit in Comititiis, agnosceret quivis, quòd quæ nunc dico, sim probaturus. Medium propinatum à Cardinale Primate ad retinendum Electorem Brandenburgicum, ne sit rigorosus exactor, est tale; supra quod melius apud me non invenio; ut Senatus libertatem habeat, titulum Regium ipsi impertiri, quandoquidem super id publicum Reip. non antecessit beneplacitum, invenire satis justam causam non possum; quoniam verò Mtas vestra ex rationibus suis jam istum titulum concessit, potest eadem Mtas vestra, quod ex statione mea humiliter precor, autoritate suâ evincere, ut patientiam habeat super nos. Non dubito facturam id suam Serenitatem Electoralem, seu ut credo, indispensabiliter pro me dici posse, Mtem Regiam facturam id, pro conservatione veteris devinctionis ulteriorisque Reipub. affectûs. Prodeunt aliqui & se offerunt ad dandam eandem summam juribus præsentibus Electoris ut tantum gaudere possint, ad feliciora tempora satisfactionem à Repub. expectaturi. Non extinctus adhuc ille affectus, quem experti sumus, imò augeri videtur inter ardores Italici cœli in corde Serenissimæ Reginae Mariæ Casimiræ, quæ offert summam pecuniarum in numerato pro tam urgente Reipub. necessitate. Cur ergo provisionaliter in omnem casum, si debiti hujus exsolutio urgebitur, tractare non debemus cum Plenipotentariis ad decisionem Reipublicæ?

Quoniam verò ex hac occasione Serenissima Regina duplex desiderium præsentis consilio proponit: primum ut diutius Romæ commorari possit salvis omnibus suis juribus, quod est concessibile. Aliud ut proventus eidem ordinati realiter pro præterito persolvantur, in futurum omni meliori modo assecurentur, quod est justissimum. Digna est Regina hæc non tantum ob memoriam magni Regis, & tanti Reipub. totius benefactoris, sed & ex persona sua propria, quia nemo inficias ire potest, quòd Patriam hanc tenerrimè dilexerit, & in deliciis planè habuerit. Concernit ergo debita eandem gratitudo, & tenemur omnes ad Mtem vestram, quam ardentissimè instare, ut injustis & in dispensabilibus suis prætensionibus sine ulteriori mora realem & effectivam satisfactionem habere queat. Quod & ego non tantum ex obligationibus meis, quas nunquam satis exsolvere possum, sed & ex justitia humillimè peto.

Ducibus Regni ex debita gratitudine justas persolvi in Comititiis gratias, nunc commendo respectui Mtis V. cui currenti affectui suo in viros militares non addo calcar, & Nobis ut Thesaurarium Regni rogemus, quatenus ad rationem liquidationum notabili aliquâ summâ necessitates eorum præsentis, & continuas sublevare velit, quia, ut ibi dixi, non tantum hoc fieri potest, sed & debet. Quando verò fato nostro per rupta Comititia satisfacere Exercitui non possumus, audeo precari Mtem V. ut saltem Nuntiis Exercitûs pro meritis eorû gratitudinem restari

stari possimus, & ne permittamus, ut extenuati tam ingentibus sumptibus cum dolore sine consolatione revertantur ad castra murmurantes. Quoties feliciter finiuntur Comitia, ex more & usu mille florenos quisq; ex thesauro recipit. Cum verò ruptis Comitibus spes mercedis in ulteriora tempora protracta, publicum saltem dolorem privata in duplo leniamus consolatione.

Ad alia puncta nihil dicere volo, nec audeo quidem. Nonnulla jam sunt tam benè tractata, & non libenter dico id, quod jam est ante me dictum. Alia non ad Senatûs-consilium, sed ad Comitiam pertinent. Ad concordiam tantum M. Ducatus Litv. verbum addo, gratias referens Card. Primati, quòd in negotio tam difficili & intricato toties incepto nec finito pro munere suo, & solito in publicum zelo sudavit & alsit. Compensabit Dominus DEus labores bonâ sanitate, Respubl: gratitudine, videns plus realis candoris in corde, quàm purpuræ in corpore. Nunc oportet ac necesse est Rex Serenissime, ut Mtas V. gratiâ & protectione suâ confirmare dignetur, quod operata est; Det gloriam nomini suo, & confirmare velit autoritate, quod tanto evicit labore.

Interesse Principis Curlandiæ, & preces ejus videntur esse justæ, supplico proinde ex loco meo, ut id autoritate Suâ Mtas V. fulcire, manutenere, & finire dignetur. Interim voto magis quàm eloquio finio; & Dominum DEum cum tota Diœcesi precabor, ut Mtas Vra sicut bella conficere solet fortiter, ita pacem possit fundare gloriosè.

XXII.

AMICO CONFIDENTI ANDREAS C. ZALUSKI EPISCOPUS VARM. Seburgo 4. Martij.

Nullæ tuæ ad me literæ, sed meæ ad te semper. Tu taces, ego scribo, affectum meum erga te vides & tuum non declaras, de te non spero mutuum, sed habeo certum, & proinde credo majora te habere quæ cures, quàm quæ scribas. Tu scis quâ lætitiâ impleor, quo gaudio exulto, quantâ voluptate perfundor, quoties optatam ad te scribendi occasionem mihi in sinum delatam aspicio, & quàm libenter ea verè & fideliter tibi defero, quamvis & mihi scribenti, & tibi legenti dolorem injiciunt justum, quæ gerantur in hac infelici nunc, & fortè (avertat DEus omen) in dies infeliciori nostra Patria. Audivisti ante aliquot menses decus Regni nostri per mortem sublatum, quæ more suo fecit dum semper unumquemq; quod est bellissimum (ut dicit ille) carpit. Stanislaum nempe Lubomirski supremum Regni Mareschalcum virum prudentissimum, & Catonem Polonum, qui ita eò perduxerat affectu animum, ut non tantum malus esse Civis noluerit, sed nec potuerit. Diem suam finiens atque concludens illud Solonis acclamationis loco addere potuit: mors mea non caret lachrymis, linquamus amicis mœrorem, ut celebrent funera cum gemitu. Vir citra omnem ostentationem exquisitè doctus, & quod in eruditissimis quoq; rarum est, emunctæ naris, exactiq; judicij. Non socordem se, sed rerum affectibus vacuum, non timidum, sed cautum, non tardum, & in quacunque re suscipienda segnem, sed gravem esse atque constantem demonstravit, eaque erat ætate, quò adhuc consiliis animi robur corporis respondebat, sed mors ejus celerior, quàm meruerat, videtur, potuisset enim diutius vivere & debuisset. Varſavia imo tota Polonia perpetu-

Mors Stanisla
i Lubo-
mirski

A.C. 1702 am ipsius meritorum memoriam colet. Iracundum quidem illum, nunquam iratum, sed leniter aliquando dicunt, qui viderunt, & timidum non fuisse, aliquando tamen timuisse, id est vitio timoris caruisse non affectu. Nihil ei defuit omnium quæ ad felicitatem requiri censemus. Ita se semper componebat, ut conveniens erat fortunæ suæ. Felicissim⁹ est, qui felicitate non habet opus, potentissimus qui se habet in potestate. Habuit ingenium & grande & virile, tot libris & sacris (quis non movebitur ad compunctionem versibus illis de Passione Christi Domini, & quorundam Psalmorum explicatione) & prophanis, quis non erudietur in Politica ab his quæ legimus hoc authore, quibus se in memoriam nobis dedit. Quiete quidem se recreare, quàm laboribus conficere malebat, scripsit tamen multa, unde non nihil vita ejus qualis fuerit intelligi potest. Dicta ejus concisa, erudita, & semper plus sonantia. Mors ejus eum honorem, ac decus quæ vitæ responderent invenit. Eo tamen tempore vitam amisit, quomaximè eum salvum esse, & Reip. servire attinebat. Nec est in populo quisquam cui non dolorem mors hæc adferat, crudelitatemque fati horrere omnibus subit, quod non puidisset tantum luctum domui, gloriæ, & famæ bonæ plenæ immittere. Omnium enim fermè hominum deberet esse hostis, qui ejus fuisset inimicus. Ex qua occasione difficultas, nec parva quidem in his Comitibus incidit, ratione vacantis Mareschalcalis officii, quod cessit minori Domino Josepho Lubomirski, & minorem habere volebat Dñus Palatinus Lenciciensis Leszczynski, vir magnus cujus admirationi ne hoc quidem obstat, quòd nostro sæculo natus est, vir impiger animoque ad omnia consilia obverso, nihil intentatum relinquens, nec cunctatione in regenda, nec audaciâ in se promovendo, neq; magnum subterfugiens laborem neque parvum pro consequenda votorum suorum meta, indignum se ducens, sed non assecuta sua studia voti terminum, jam enim ut Succamerariatus Regni cederet Domino Subdapifero, ascendere debuit Dominus Casimirus Bielinski Succamerarius hunc dignitatis quo certe dignus est gradum. Spe ergo lactatus inani, perpetuo hæc mala suo sub corde volutans, manens in statu suo constans, ut solet, & quidquid evenit in suum colorem trahens, tanquam nihil interesset inter Catonis Præturam & repulsam, noluit amplius causas doloris sui accersere, nec levia hæc incommoda indignando cumulare, salubrius & honestius ratus contemnere, quàm utiliter quærere. Post tot labores ergo irritos factus piger, multa efficaci voluit proloqui compendio, tanquam aliorum secundis rebus non invideret, acceptâ publicâ in Senatu voce, dum disputabatur utrum Comitibus possint subsistere innatâ suâ eloquentiâ felicitatem Patriæ quam semper optabat, dum sperare vix unquam audeat, tranquillo tempore avidè domi frui se velle, quia quamdiu hoc contingere potest, incertum est, secunda expectare malis paratum esse, sicut nec amplius eas ambire dignitates in animo habeat, ac proinde desistere se à concurrentia.

Leszczynski Palatinus Lenciciensis

8va. Hunc resuscitare voluimus Lazarum, & reædificare Jericho, & an possit aliquid agi, an non possit stante protestatione in Comitibus disputavimus, tandem negatum ulterius procedere, & nomine publico Dñus Mareschalcus aliquot dierum, simul dignitatem hanc & incipere & finire visus, valedixit nunc postremò dolens, quòd noluerit sequi consilium amicorum. Habui in domo mea 13tia Sessionem terrarum Prusfiæ, ubi aliqua in favorem Dñi Castellani Cracoviensis erant conclusa, & omnes post pranderunt apud me. In crastino verò composui ne-

gotium Dñi Suffraganei Plocensis cum Domino Episcopo Kijovienſi *A.C. 1702*
circa Præpoſituram Plocenſem, quæ tandem per concordiam ceſſit fra-
tri meo.

1684. Incepit Senatus conſilium poſt Comitiale, ubi Rex legi juſſit
certum ſcriptum, cujus copiam tibi adnecto, quo ſe comittit Reipub. ut-
que concorditer ſecum agat requirit, duo ſe quartualia exercitui pro-
mittit ſolururum. Poſt factam propoſitionem à Procancellario Regni,
habuit votum ad concordiam mutuam frigide invitans, ad materiam
incipientis incendii nihil, quod maluit ſpectare quàm extingvere Car-
dinalis Primas, in obſequia Regis non tantum paratum ſe, ſed obvium
monſtrans nihil pro Repub. neque pro ſpe, quia notius erat, quàm ut
narrari debeat, quòd ſperabat Succamerariatum Regni ſe habiturum pro
ſuo nepote Tovianski. Omnes autem conveniebant, ut quamtocius le-
gatio mitteretur ad Regem Sveciæ, ut Comitìa extraordinaria indice-
rentur cum publicatione literarum, ut vocant reſtium, hoc eſt convo-
cationis totius nobilitatis. Dominus Sczuka Procancellarius non eſt o-
blitus Regem Pruſſiæ allegans illud; dat veniam facilis, cui veniã mul-
tã opus eſt.

Traſtabatur interim quis deberet mitti? Dominus Felix Lipſki
Palatinus Califfienſis, cum Domino Kryſpin Palatino Vitebſcenſi, cum
alijs ex Equeſtri Ordine nominati & expediti cum inſtructione publi-
ca. DEUM veneror, & precibus oro, ut conatus hos noſtros pro ſtabi-
lienda pace ſecundet, & ferente aura in portum votorum noſtrorum
ſiſtat, utque concordiæ pacisque DEUS diſperſa colligat, diſjuncta u-
niet, & denſis diſſidiorum iſtorum nebulis diſſipatis (hinc enim illæ
lachrymæ) ſerenum & lætum tranquillitatis ſolem nobis redonet, in
quo tanquam Palladio ſecuritatis apricari nobis liceat.

Ego interim non videns ulteriorem præſentiæ meæ Varſaviæ ne-
ceſſitatem, veni huc continuaturus ea quæ ad bonum Eccleſiæ meæ
pertinere reor.

COPIA LITERARUM LEGATORUM

Poloniæ ad D. Piper.

M Agnis paſſibus nec minori deſiderio properavimus, ut quanto *petito an-
dientia*
citius S. R. Mtem Sueticam debitis vicinæ ſœderatæque gentis
Polonæ venerari officiis poſſemus, quod quidem procul dubio
perfecifſemus, niſi nos Domini Sakin præcurſoris noſtri remorata fuiſ-
ſet innoſcentia; ubinam S. R. Mtas conveniri poſſit. Sed cum non ſi-
ne dolore ingenti ab eodem heſternâ die perceperimus à S. R. Mte Sue-
tica audientiam noſtram differri, nec tempus determinatum præfigi, è
re duximus eſſe Dominum Secretarium Legationis expedire, ut primas
modernis junctas præſeferens expetat audientiæ noſtræ locum & tem-
pus ſine mora declaratum poſſit deportare. Multum enim Reipub. no-
ſtræ intereſt (ut ex rationibus ex coram referendis conſtabit) ut deſi-
deria ejusdem per ſuos Legatos S. R. Mti Sueciæ, antequam ultra pro-
grediatur, proponendi copia concedatur. Quapropter Excellentiam ve-
ſtram enixe obteſtamur, ut præmiſſa de S. Mte Suetica gratioſè obtine-
re valeamus, favorem hunc juri gentium, & voto populorum conſo-
num quibuſvis officiis promereri obligabimur, prout ad præſens ma-
nemus in Olecko 30 Martij.

COPIA RESPONSI à DOMINO PIPER

*Grodna de-
terminatur
pro audien-
tia*

R Eddita mihi sunt à Domino Secretario Legationis, Excellentia vestrae literae, & cum ex ijs perceperim ab Illustrissimis Dominis audientiam ad S. R. Mtem Dnum meum Clementissimum Legationi Praefectis magnopere desiderari, ut tempus locusq; designetur, ubi possint ad dictum S. R. Mtis colloquium admitti, non possum non Excellentiam vestram hisce facere certiore, S. R. Mtem primo quidem desiderio Magnificis & Illustrissimis Legationis facile annuentem, Caunam ei rei maximè idoneam reputasse Dominoque de Saken significasse, ut id Illm̃is, & Magnificis Legationis Ministris notum faceret, postquam verò accidit, quòd D. Princeps Visnioviecki Copias S. R. M. haud procul Caunâ adortus sit, hancce mutandam necessario sententiam censuit S. R. Mtas, quæ opinione citius, aliâque viâ Exercitum nunc motura Caunam vix est aditura; ideoq; prænominato Dno Saken mox exponi curavit, quibus rationibus inducta recipiendæ legationi alium jam locum, & quidem Grodnam destinare oportuit; quò cum pergat S. R. Mtas spero Excellentiam vestram quantocius voto suo potituram, mihiq; eo ipso optatam acceleratum iri occasionem, quâ prolixius mea erga illam paratissima officia testari queam. Jurgenburgi 24 Martij.

COPIA LITERARUM AD D. COMITEM PIPER.

*Queritur
de loco au-
dientia
translato*

S Perabam me meliora per Dominum Secretarium Legationis percepturum, interea ipse non procul Jurgenburgum expectavi, ut in conspectum S. R. Mis Sveciæ admissus negotium Reipubl. quantocius ad mentem instructionis ab eadem datæ expedirem, difficultatemque intervenientem ex parte Excellentissimi Principis Visnoviecii, ut in suis ad me responsoialibus, quarum copiam in latinum translata adjuncto exaravit, laceffiti facilitarem, sed dum invidentibus fatis audientia nostra Grodnam usq; dilata & ego non sine molestia regredi cogor, attonitus hæreo, quo sensu Respublica nostra posteriores copiarum Sueticarum in viscera sua progressus interpretabitur, cujus tamen constans votum & propositum erat, ut ex fundo Provinciarum suarum indilate educerentur, & pax firma & perpetua stabiliri possit. Confidebat enim confœderatæ per pacta Olivenſia, & nunquam per se violatæ amicitia, ut ejusdem S. R. Mtas non immemor benignas sine mora præberet aures; quoniam autem ex incidenti secus factum, Excellentiam vestram enixe obtestor, ut S. R. Mti non obscure enucleare velit, Remp. nostram semper Regno Sueciæ amicam fuisse, nec disparem à dicto Regno expectare amicitiam; unde gratiosè S. R. Mti intimare placebit, ut mutata, si possibile est, declaratione, audire legatos, & responso instructos Regio, antequam Grodnam veniat, expedire ad Rempub. dignetur. Si verò aliter fieri nequiverit saltem dies certa Grodnæ præfigatur, & designetur, & Exercitus ab ulteriore in Provincias nostras progressu detineatur. Spem concipio firmam de æqua Excellentia vestra mente, & efficaci consilio, quod sæpius nominatam apud S. R. Mtem efficiet audientiam, & Regem amicum, ac pacificum, à vicina, amicæ, pacificæq; gentis Legatis, debitâ salutari veneratione procurabit, quàm, dum avidissimè expecto, benevolentia ipsius me recommendatum volo. Datum in Stolupian 6 April.

CO-

COPIA LITERARUM PER PALATINUM VILNENSEM
MISSARUM

Literas Excellentiae vestrae 6 hujus Mensis Stolupae accepi, ad quas sine circuitione, sed amico animo respondendum duxi, anticipari tempus locumque audientiae Illiis Dominis, qui publico nomine missi sunt, destinatum vel hac de causa minime posse, quod festinatis itineribus Exercitum suum Grodnam usque ducere S. R. Mtas cogatur, ob sumam ubique comestus inopiam, quae uno in loco diutius haerentem non parum affligeret. Ut autem certus dies praefigatur, quo in conspectum S. R. M. admittendi sunt, eo minus posse fieri Excellentia vestra facile judicabit, quod major copiarum ratio habenda est, ut commodè spatium hujus itineris emetiantur. Certò tamen persuasum sibi esse velit Excellentia vestra, quam primum S. R. Mtas propius Grodnam accesserit, diem admissionis indicandam esse. Cum vero eo animo Litvaniam ingressa sit S. R. Mtas, non ut suas tantum injurias in foedifrago hoste ulciscatur, verum etiam oppressa ab eo Reipub. Jura vindicet, eandem pristinae asserat libertati, non existimat S. R. Mtas inclytam Rempub. in sinistram partem accepturam esse, si eousque progrediatur, donec salubre hoc propositum, atque utrique genti utilissimum effectui datur, quanquam & maturius, quam initio constituit, & Exercitum hibernis educeret, latere Excellentiam vestram non potest temerariis Principis Vilsnoviecii incursionibus S. R. Mtem permotam esse, cujus Ducis nefaria intentio, qualemcumque illi colorem obducere satagat, vel inde manifestè cognoscitur, quod ne nunc quidem, quibuscumque modis possit Sueticas copias laceessere, ac infestare cessaverit. De cætero officia, quaecumque à me proficisci possint, paratissima sibi Excellentia vestra inveniet, quam etiam diutissimè sospitem, florentemque esse ex animo opto. In castris Regiis ad Olitam 6 April.

SERMO PALATINI CALISSIENSIS AD REGEM SVECIAE
4. Maji habitus.

Serenissime Rex, *Saeculorum numerando aetate felix semper. Serenissima Respub. nostra in conspectu Mti V. comparet, quae etsi supremi Numinis propitiam experitur gratiam, & favore illius nativo robore, fecundâ ubique gloriatur fortunâ, ut testantur sine fastu nostro victoriosa praelia, florentes predicant lauri, approbant fortunatam illam existere felices cum formidanda Europa potentia successus, attamen licet suis in penetralibus commoranti aequanimem Mti V. praebeat venerationem; cum tanti Regis sensum, & animum noverit, qui teneritudine suâ placidus in amorem & tranquillitatem propendet, sola frui cupiens magnanimitate. Eam igitur generosi pectoris sui praebeat contestationem, ut quod civilior extat, eò uberiores & humaniores actus Regni experiantur effectum, non eam per lentas mortes depopuletur, egestas, fames non enecet, non obruat calamitas. Horum enim non indiga, nam optat excusare causam. Justissimè tamen Rex candorem Statuum, ac ordinem Seren: hujus Reipub. perpende, sacra inviolabiliter conservata, pensa foedera, & alto decide sensu, an innocuarum Provinciarum*

A.C. 1702 querimonia, non solum hospitalitate inductus excipere, verum etiam fouere, & alere debeat legiones. Nonne luculentissima producit illa candidi animi Mti V. documenta, siquidem animosos fauentis Martis deseruit conatus, nec allicienti adfuit fortuna, suumque præbuit assensum colendum perferendo fœdus. Circa quod eundum & nunc in corde fouet candorem, nostrorumque proficitur, quod implacabilem non gerat animum, nec feritatem bellandi, libidinemque ultra fas dominandi. Quapropter solas vernantes prætendimus olivas, ne illas bellorum obruat seruities, sed circa hos ramos pax & iustitia invicem se osculentur. Si hæc vota nostra, nullas enim credimus animis celestibus iras. Cur ergo clavicum, nonne junctis rebus fortunatior eventus, antequam scintilla exventilentur, quæ in magna excrescere sœuerunt incendia. Suffocanda horum malorum semina, iurgiorum præscindenda occasiones. Invenias profectò prudentissime Rex, facilius arma ponere, quam temperare, & per hos etiam armorum strepitus, cum nos centaurorum non gerimus animos, bellando querere bellum, propera ad iustitiam, equanimitatem, ac concordiam, arma paci lites; quo obtento unanimi precabimur voto, ut Seren: Regiam Mtem V. quam nunc incolumem salutamus, superstitem fœderato Regno Superi foveant, Republicaque nostra semper amicum conservent. Ceteris verò firmis stabiliendis, deposcimus locum & tempus conferendi commodum, utque Officiales & Domestici nostri ad osculum Regiæ manus gratiosè valeant admitti.

SERMO M. D. CULINÆ PRÆFECTI LEGATI AB EQUESTRI Ordine ad Seren: Regem Sveciæ.

Miratur orbis Christianus Mtis V. Serenissima innumeris assuetum triumphis nomen, stupet eò quod innocua Respub. nostra Mtem V. hic usque in sua victrici conversum viscera dextera. Non tamen illam ad justum naturalis defensionis tutamen promptiorem, quam vicina & amica fidei tenacem experiri placeat. Enitet itaque Seren: Reipub. strictior pactorum observantia, demonstratur eò tenerior vicina & amica fidei & tranquillitatis sollicitudo, quò magis potens ipsa sibi videtur, & pluribus munimentis insistere. Sed & Mtem V. Seren: probè nobis cognitam habemus, & quamvis bellicis innutritam laudibus, pacis amantem, cum & profectò nulla fortuna tam dedita sit, ut plurima tentantibus ubique respondeat. Quapropter magnitudini sue modum facere debet Mtas V. Seren: dum fortuna non facit, paresque ac reciprocas Reipub. nostra gratitudinis vinculo tenetur reddere vices, & quem ob fidem Pactorum renuit Polonia experiri hostem, videat extra fines amicum & diuturnum Regem.

RESPONSUM A REGE SVECIAE.

Sacra Regia Mti D. meo Clmō perquam grata sunt, quæ Inclyta Respub: Polona interprete hac Illustri legatione de amicitia sua testari voluit. Sacra Regia Mtas etiam initorum fœderum semper fuit observantissima, ut eadem in posterum servare illibata cogitat; quæ autem hæcenus suscepta erant, non solum necessitas impulit, sed & fura Gentium sinunt. Non tamen alium S. R. Mtas sibi proposuit finem, quàm ut ademptâ aggressori licentiâ constringi validius mutua necessitudinis vinculum, & stabiliri communis securitas possit, nulla dubitans, quin & Inclyta Respub: pari zelo, operam suam perficiendo negotio tam salutari impendere velit. De cætero S. R. Mtas Commissarios nominabit, qui cum Excell: V. conferent, de iis, quæ earum fidei commissa sunt, personasq; Excellentiarum V. favore singulari, & Regiâ benevolentia præsequitur.

REGIS SVECIAE COMMISSARIORUM RESPONSUM

ad ea, quæ Legati Poloni Protocollo inferenda proposuerunt Tikocinii 10 Maji.

Speramus Excellentias vestras eò minùs in malam accepturas partem, quòd ulterior S. R. Mtis declaratio hoc in loco dari nequeat, cum non solum ipsâ necessitate, & rerum circumstantijs id jam suspendi contingat, sed & facilitas in Excellentiis vestris condigno honore excipiendis, ac testata toties S. R. M. singularis erga Rempublicam propensio, satis doceant, id ipsum fastidioso neutiquam, aut destinato evenisse animo. Evadet idem clariùs, si Excellentia vestra rei totius feriem in memoriam revocare non graventur. In primo enim, quem habuimus congressu, dixerunt, ipsa porrecta tunc puncta perspicaciori egere enucleatione, antequam declaratio ad illa S. R. Mtis ultima subsequeretur. Alterâ post die illam punctorum satis gravium explicationem desideravimus, quam tamen Excellentia vestra dare recusarunt, donec super eadem mentem nostram ratiocinando indicavissemus. Cum deinde initium fecissemus traditorum punctorum capita coràm examinandi, recesserunt Excellentia vestra, quoniam de iis, quæ ad singula momenta reponi deberent, inter ipsas ante deliberationem convenire non posset; præstare, ut seriùs res ageretur. Hoc quoque factò & demonstratis, quæ in punctis quiescerent, rerum difficultatibus, loco præmissæ primùm elucidationis alia & nova insuper expetitur declaratio, quæ circa totum negotium jam dudum fortassis haberi potuisset prolixior, si ea, quæ Excellentia vestra præseferabant, in recessu sese habere, sine mora fuissent prolata, atque adeo quanquam ex mandato nihil nunc dici nobis possit, affirmare tamen sustinemus has difficultates, quæ circa postulata Excellentiarum vestrarum, in primo responso nostro motæ sunt, etiamnum æquioribus propositionibus non mollitas subsistere, nunc verò, cum ob improvisam S. R. Mtis profectionem, quàm interea ad disturbanda adversæ partis, & rebellium consilia nostros transitu Bugi prohibere volentium necessariò suscepisse comperimus. Tum 2do ob Excellentiarum vestrarum instantiam, ut huc loci tandem copiam revertendi habeant, siquidem castra S. R. M. ulteriùs comitari non reputa-

A.C. 1702

reputaverunt. Et tertio denique cum ob penuriam comestus uno in loco ultra biduum exercitus commorari nequeat, sed cogatur longius progredi, praesertim quod incolae, qui propius viam degunt parce admodum ad loca praestituta annonam convexerint, remotiores vero nil omnino ad sustinendum amicum militem exhibuerint, S. R. M. quoque, ne anxia querelis praebeatur, tum quoque ut quisque Indigenarum inturbatus, & sine metu in Domibus suis manere queat, constituerat per militum extorsiones annonam non cogere, dummodo tenuis quoque victus copiosis haberi possit. Ideo speramus, quod Excellentiae vestrae ob colloquium hoc dilatum melius quam abruptum persuadeant, hoc pacto sinceram, quam S. R. M. inclytam Remp. Poloniae prosequitur, amicitiae nihil detractum iri, & si haec non intervenissent, aut si Excellentiae vestrae, sicut S. R. M. speraverat, reditum suum in castra praestolari utile duxissent, illas omni gratia, debitisque honoribus fuisse dimittendas, & quoniam probe nobis constat S. R. M. tem firmiter sibi proposuisse illam, fidamque amicitiam cum hac Repub. servare, quamdiu ipsa nullas partes in impiis Regis Poloniae destinatis sibi sumat, sed antiqua foedera & pacta, quae Regno Sveciae cum Polonia intercedunt, integra servet. Eapropter tanto fidentius assecurare possumus, quod S. R. M. in sincero erga Rempub. affectu, quem tot modis hactenus servare declaraverat, persistet, neque ab illo nisi coacta & invita discedet, quemadmodum certam quoque de Reipub. candore fiduciam habet, quod non tantum impiis Regis hujus destinatis sese non immisceat, verum etiam levitatem ejus, ne dicamus, perfidiam, quam Respub. non minus quam S. R. M. toties est experta, abominetur, atque adeo tanto fortiora consilia capiat, salutis suae prospiciendi, ut causam malorum omnium amota Regem quemcumque alium pro libitu & ex liberis suffragiis eligat, cum pro S. R. M. non modo veterem amicitiam renovare, & corroborare, sed etiam percusso arctiori foedere illam possit inire rationem, quam utrique Regno insignis limitum accessio fieri, nec non communis securitas, & Reipub. immunitates ac jura, quae jam conculcata sunt, in omne aevum firmari, ac stabiliri possint. De hoc S. R. M. instituto eo minus dubitare convenit, quod luculentiora erga Status, ordinesque Reipub. constantiae, & integerrimi animi documenta nuper quoque dederat, cum oblatae secretò lautissimas privatae pacificationis conditiones acceptare noluerit. Non opus est de atrocissimis injuriis S. R. M. illatis, deque violatis toties à Rege Poloniae Reipub. Juribus multa hic loqui, demonstrata haec alibi sunt, & nemini Reipub. Civi non nota, sed hoc paucis memorandum judicamus, quod, cum Rex Poloniae plenam fidem propositionibus, dictisque Comitissae Konigsmarchiae & D. Fixtuni adhiberi voluisset, & non solum efflagitaverint, ut de pace clam Reip. tractaretur, verum etiam assecuraverint S. R. M. nunquam tot, tamque insignes Regni sui accessiones habituram, si cum Rep. egerit, quin & id anxie petatum est, ut Fixtunius neutiquam in manus hujus Legationis, cui maxime diffidebat, extraderetur, magnanima insuper & generosa Polonae gentis gravioribus Comitibus promissa, quae hic repetere foret decorum, sed ex his Orthographicis legere praestaret. Constat exinde, quae Regis sit erga Remp. mens, atque fiducia, & quam intentione Saxonicas copias in Regnum revocare tantopere cupiat, atque ideo non dubitandum videtur, quin & ordines celeberrimi hujus Regni suae salutis vicissim consulentes praesentem firmandorum jurium, stabiliendae securitatis occasionem arripiant, & ex tenore pactorum conventorum con-

tra violatorem libertatis procedant. De hisce omnibus alio in loco, de quo conventum fuerit, si Excellentia vestra nunc discesserint, facultas ulterius agendi dabitur. A.C. 1702

COPIA LITERARUM EMINENT: CARD. RADZIEIOWSKI
PRIMATIS REGNI AD REGEM SVECIAE.

Sacra Regia Majestas.

Bonis amicis & vicinis nunquam non fida, non amica Resp: praeftitit etiam Sacrae Regiae Mti V. clara teneritudinis suae documenta, dum maluit animosos Principis sui deferere conatus, quam illa inscia susceptum ab eo complecti bellum, quod inoffensae Regni hujus cum Regno Sueciae amicitiae, & inito ab utrinque S. foederi è diametro repugnabat. Non praetermittit & nunc omnes humanitatis, innatae aequanimitatis suae gradus, cum non attempta ratione inductarum in Provincias Regno huic annexas S. R. Mti V. copiarum, non vult insensa cogitare, sed potius de injuria sua, quam innocens Reipub: hujus fundus ex aliena praecipitantia patitur. Conquestum suos ad S. R. Mtem V, Illustrissimum ac Excell. Alexandrum Felicem Comitem in Lipie Lipski Palatinum Cassiensem, Raven. Medice. Rzeczyce. Capitaneum; Andream à Kirtzenstein Palatinum Vitepsensem Comitem in Rawdan, Tarlo supremum Culinæ Regiae Praefectum, Casimirum de Rozielsk, Oginski Capitaneum Gorzden. ex utroque Ordine & Gente Legatos mittit, & efflagitat, ut intemeratam Reipubl. hujus in observandis hucusque Pactis Religionem S. R. Mti V. non pensi habeat, nihilque inimicum operanti reciproco affectu respondere non dedignetur. Plura exponent DD. Legati, quibus favorabilem S. R. Mti V. aurem efflagitamus, cunctosque optatos legationis hujus precamur successus tam in utriusque Regni commodum, quam in majorem renovandae amicitiae nostrae confirmationem. In reliquo votum est, ut Dominus Exercituum ardua quaeque in vias planas convertens S. R. Mtem V. omni incolumitate &c. Datum Varaviae 10 Martij.

COPIA LITERARUM REGIS POLONIAE AD AUGUSTISS.
ROMANORUM IMPERATOREM SCRIPTARUM.

Qualiter obligati precibus universae Reipub: & votis populorum annuendo sincere mentem nostram ad pacis studium, & deprimendum bellum in Livonia justis de causis motum fleximus, minimè latere dubitamus Mtem V. cum hoc ipsum luculentissima posteductum exercitum nostrum extra fines Regni, & reoentia bona voluntatis & omnigenae aequanimitatis loquantur documenta. Ast nobis tam facile ad complectendam pacem propendentibus, tum innocenti Reipub: religiosè colenti, & sanctè custodienti Pactorum Olivensum foedera, non eadem lance rependit Rex Suecia

A.C. 1702 cia, postquam transgressus limites Regni cum valido exercitu sub specie hospitii, & amici ea facit, quæ hosti placent. Quandoquidem verò in proximè præterito Post-Comitali consilio conclusum est de his omnibus attentatis, ad stipulatores & evictores Pacis Oliuensis vigore Generalis Guarantia præscribere, tantoq; vulnere medelam quærere. Proinde Præfato Senatûs consilio, & ipsis tabulis prædicti fœderis, manifestamus coram Mte V, cui tam auitum tueri fœdera, ut pro stipulatoria authoritate sua his omnibus mature providere, & tam restabiliendæ Pactorum Oliuensium integritati, quàm in posterum firmandæ securitati omni meliori modo subuenire velit. Quod instantissimè V. Mti insinuantes, eandem non de futuram congenita pietati suæ, imò æquum causæ nostræ & Reipub: delaturam, plenâ spe confidimus, cui ad præsens firmam à DEO valetudinem, & longissimam prolixioris aui seriem, & fluentes ex voto successus animitus precamur. Dabantur Varsavia die 6. mensis Martij Anno 1702 Regni verò Nostri Aº V.

EJUSDEM AD REGEM GALLIÆ.

TRanquillitatem retroactis temporibus Oliuæ Pæctis, Regnum nostrum ope, studio & mediatione Mtis V. & in præsentis casu inuasionis Sueticæ interpositam Guarrantiam, & tuitionem Mtis V. ex præscripto Pactorum Oliuensium, ac nuper concluso Post-Comitali Consilio, per præsentis nostras literas postulat, & requirit. Quo animo sit Rex Sueciæ, liquet è factis ejus, & grauissimis attentatis contra Nos & Remp, quæ in religiosa Pactorum Oliuensium obseruatione, belliq; declinatione præstitis fidei magnum, sed triste documentum, nihilq; in ea nocentiùs culpari potest, quàm ipsa innocentia. Porro à Nobis ipsis, quàm proclive fuerat pacem suadere, sat superq; compertum Mti V. existimamus, quam tamen tam impensè desideratam minimè obtinere potuimus, cum primis fortunatis auspicijs nemine resistente elatus Rex Sueciæ, eò securius vastas cogitationes suas extenderet, quò faciliùs cuncta sibi obviam palàm patuere. Apprehendit profundius hac proximè præteritû Post Comitiale Senatus-Consilium, neq; dubitat, quin Mtas V. bene perpensis omnibus circumstantijs, & grauissimis Reipub. injurijs tam suæ mediatrici authoritati, quàm nostræ ac Reip. indemnitati, violatæq; securitati optimè mederi, ac juxta stipulatoriam declarationem Articuli XXXVI. inconcussam Pactorum Oliuensium perpetuitatem seruare velit. Quod dum à Rege Seren: Christianissimog, Christianitatis propugnaculum expectat, & Nos pro certo Nobis pollicemur, eidem Mti V. inter prosperos rerum omnium successus, diuturnum à DEO Maximo precamur valetudinem. Dabantur Varsavia 6ta Martij.

COPIA LITERARUM CARDINALIS PRIMATIS AD PALATINATUM MAJORIS POLONIÆ. 16 Martij. A.C. 1702

Apparet post rupta (dolendum!) Comititia præsentia, & dejecto in terram in tam opportuno tempore, publico consilio, quòd sicuti decora & libera ingenia Palatinatum Majoris Poloniæ sunt semper re & nomine magno Patriæ hujus auxilio, ita econtra Nuntiorum eorum absentia non potest esse nisi dolenda & damnosa Reip. Totum enim tempus in solo partu Directoris extractum, reliquum ejus, & id minus modicum cessit consiliis publicis. Noluimus nihilominus otiosi & infructuosi in hoc consiliorum amphitheatro sedere, sed in eo, in quo antecedentia Comititia disjuncta sunt, penes sinceram & particularem Nuntiorum Majoris Poloniæ circa jura & immunitates Patriæ zelum, hoc imprimis præhabuimus, scilicet pacificationem Litvaniæ, omnium fomitem, fontemq; malorum. Benedixit Dominus dominans diligentissimæ nostræ applicationi, quandoquidem sub casu etiam ruptorum Comitiorum exoptatus hic stetit Tractatus sine casu, quia in vim perpetuitatis. Sed quandoquidem M. Ducatui Lit. placuit civilis discordiæ fructus, itaq; arrisit palato, ut etiam si omnes amaritudinem & acrimoniam eorum nauseant, nonnulli nihilominus falso & vitiato gustu illas arripiant, & constitutam magno nimis & molesto labore, autoritate totius Reipubl. concordiam, tanquam vellem inconfutilem, quia in ævum dividi non potest, malitiosè dissuere, & discindere satagunt. Propterea nos cum Castellano Cracoviensi, supremo Exercitus Poloni Duce, tanquam in hoc Tractatu positi Guarrantæ, considerantes, quod Regiæ Universales literæ pro pacificatione illorum tumultuum ad M. D. L. extraditæ, nescitur, quo fato, magisne adverso, an arcano, nullum expectatum adferunt effectum, recurrimus ad id, quod in manibus nostris est, solo calamo scribendo, & vovendo salutem Reipubl. per literas nostras eo nomine expeditas, quas per copiam communicando vobis, ita constantis in affectibus vestris erga nos, & in propriis conscientiis sumus fidei, quòd verum nostrum pro quiete publica zelum, & hoc adinventum medium admonendi tumultuantes non reprobabitis. Si verò verba & monita nostra ita excrescentis in magnitudine sua & seipsam vix capientis non movebunt licentiam, nec hoc malum acquiescet; jam de ulterioribus cogitandum erit remediis, & ad vos recurrimus, ut malum hoc pestilenti contactu suo serpere non sinatis in Poloniam. Consulite vobis, prospicite Patriæ Et cum non tantum interna, sed & externa indies viciniora sunt pericula, & continuus nos terret rumor, propinquaq; majora minatur. Si aliquid subsequi deberet, quod DEus avertat, vestrum erit prospicere, vestrum consulere, à vobis expecto tanquam ex Cortyna Themidis

A. C. 1702 midis responsum & voluntatem vestram, quorum me affectibus recomendo &c.

COPIA LITERARUM EXCELLENTISSIMI D. PIPER AD ILLUSTRISSIMUM D. PALATINUM CALISSIENSEM.

HAud parum miror priores literas meas Olitæ 6 hujus datas Excellentiae vestrae non esse, traditas cum eisdem tamen Illustrissimo Comiti Sapieha Supremo Exercituum Litvaniae Duci transmittendas commendaveram, nullus dubitans, quin eas certo cuidam homini Grodnam perferendas dederit. Testatus sum in iis satis prolixè S. R. Mtis Domini mei Clementissimi sinceram, quā inclytam Rempub. profequitur, propensionem simulq; indicavi rationes, quibus praepedita S. R. Mtas, nec anticipare tempus, locumq; nec diem adhuc audientiae, quam Excellentia vestra desiderat, praefigere possit, ut id ex adjuncto dictae epistolae apographo elucet amplius, quæ ipsa obstacula cum etiamnum subsistunt, hisce Excellentiae vestrae ulterius affirmare possum, S. R. M. quàm primum eò pervenerit, ut diem certum in rei perficiendae praestituere ac nominare possit, cum idipsum, quā fertur erga Majestatem hanc legationem insigni benèvolentia absq; mora facturum. De cætero Excellentiam vestram Divinae tutelae commendatam obtestor, ut de sincero erga sese studio meo, summaq; quā eam amplector aestimatione persuasa esse velit. Dabantur Leypaniae 15 April.

LITERÆ D. PIPER IN CASTRIS AD OLITAM 16 April.

Literas Excellentiae vestrae 6 hujus mensis Stolupæ scriptas accepi, ad quas sine circuitione sed amico animo respondendum duxi, anticipari tempus, locumq; audientiae Illustrissimis Dominis, qui publico nomine missi sunt, destinatum, vel hac de causa minimè posse, quòd festinatis itineribus Exercitum suum Grodnam usq; ducere S. R. Mtas cogatur, ob summam ubiq; comèatûs inopiam, quæ uno in loco diutius hærentem non parum affligeret; ut autem certus dies praefigatur, quo in conspectum S. R. Mtis admittendi sunt, eò minus posse fieri Excellentia vestra facile judicabit, quò major copiarum ratio habenda est, ut commodè spatium hujus itineris emetiantur. Certò tamen persuasum sibi esse velit Excellentia vestra, quàm primum S. R. Mtas propius Grodnam accesserit, diem admissionis indicandam esse. Cum vero eo animo Litvaniam intraverit S. R. Mtas, non ut suas tantum injurias in foedifrago hoste ulciscatur, verum etiam oppressa ab eo Rempub. jura vindicet, eandem pristinae asserat libertati, non existimat S. R. Mtas inclytam Rempub. in sinistram partem accepturam esse, si eonq; progrediatur, donec salubre hoc propositum, atque utriq; genti utilissimum effectui detur, quanquam & maturius, quàm initio constitisset, & exercitum hybernis educeret, latere Excellentiam vestram non potest, temerariis Principis Wisniovieci incursionibus S. R. Mtem permotam esse, cujus Ducis nefaria intentio, qualemcunq; illi colorem obducere satagat, vel inde manifestè cognoscitur, quòd ne nunc quidem quibuscunque modis possit copias Sueticas laceßere, ac infestare cessaverit. De cætero officia, quaecunq; à me proficisci possunt, paratissima sibi Excellentia vestra inveniet, quam etiam diutissimè sospitem, florentemq; esse ex animo opto.

ANDRE-

ANDREAS C. ZALUSKI EPISC. VARM. ET SAMB. MAGISTRATUI GEDANENSI 18. Aprilis.

Publica de præmaturo fato primi Reipub: nostræ Senatoris & Ducis calamitas, sicut omnium Patriæ benevolentium perstrinxit corda, ita minimè dubito Prænobilem Magistratum, si benè jam hanc consideraverit, in partem communis doloris jam ivisse. Cum verò non tantum luctu nunquam satis dolendam hanc mortem prosequi, sed & memoriam tantorum in Rempub. meritorum habere teneamur, non possum cum lacrymis continere calamum, quin ex publica obligatione in favorem Magni hujus in Republ: Civis, & reliquorum ætate non virtutibus minorum scribam successorum. Habuit Prænobilis Magistratus fortè usq; ad importunitatem toties à me repetitas instantias, ut debitis ac deservitis supremi hujus Ducis stipendiis per exsolutionem summæ ad se per thesaurum Terrarum Prussiæ directæ satisfieret. Dederunt favorabile Prænobiles DD. Vrä ultimatè responsum, & proinde eò audaciùs, quò justius nunc compello, ut afflictissimæ huic Domui afflictio non addatur retinentiâ debitæ satisfactionis, hæc enim cum Persona extingvi nullatenus potest, cum certò & liquidè constet omnem satis amplam substantiam pro zelo & affectu in Patriam ingenito non sine præjudicio privatæ Domus magnū hunc virum pro publico consumpsisse. Facient Prænobiles DD. Vrä rem se nobilissimamq; suā urbe dignam, dum eum affectum, quem vivo testatæ sunt, & testari adhuc ulterius destinabant, demortuo conservabunt, & quod quisq; in particulari sibi post mortem fieri vellet, hoc ex publico præstare non intermitterent. Accepit in fidem fiduciā vicinæ satisfactionis D. Colonellus Kamienski cum notitia & fortè beneplacito Prænobilis Magistratûs à quibusdam mercatoribus certam summam, pro qua nunc ab iisdem tanquam spe in longius protractâ impetitur, crederem ego æquitati consonum, & idipsum flagrantissimis precibus à Prænobilibus DD. Vris expeto, ut interim securos eosdem mercatores de exposita hac summa reddant, & in reliquo de ulteriori, quam proposuerant cogitare diligenter velint exsolutione. Quod dum instantè, instantius à Prænobilibus DD. VV. efflagito, de meo omnes & singulos non immutando unquam affectu securas reddo.

*Petitione de-
servitorum
pro Duce*

COPIA LITERARUM PALATINI CALISSIENSIS EPISCOPO
VARMIENSI Grodnâ 27 Aprilis.

Queritur de impedimentis Legationis sue

Magno mihi fuisset solatio, si transire Varmiam licuisset loci Dominum veneraturus, ast zelus boni publici recto suavit eundum itinere, ne omissionis peccato me involverem, sed dolendum, nos operam luisse, desideriaq; nostra ac spes delusas. Et si enim ex responso Sakini mihi pateret, negotia procrastinanda, attamen Secretarium meum expedivi cum literis ad Dnum Piper, urgendo quàm citissimè audientiam, verum absq; effectu, imo, loco Caunæ Grodnam facta dilatio, cum injuria juris gentium & quod majus in oppressionem Regionis, & in illa gementis populi. Hac proinde habita declaratione cum Stolupæ appropinquaremus, iterato compellavi Dnum Piper exponen-

A.C. 1702 ponendo rationes urgentes celerem expeditionem nostram, scripsi Cardinali repræsentando nocivas procrastinationes & meditationes nobis adversas, quas video, bona verba non avertent quia res jam aliter dispositæ. Respondebunt DEO, & Patriæ, qui illam, & me seduxerunt, quia video aliud in titulo, aliud in pyxide. Promissum erat, quod legatio corrigeret errores, & generosos impetus & ecce itur in contrarium, dum legiones in viscera tendunt, & jam Vilnæ dominantur, dispartitiones faciunt, omnem exercent hostilitatem, quam oculatus vidit, qui à me missus erat; abominabiles deferendo desolationes; redire proinde debuimus expectantes responsum à Cardinale & Ministris, quid facto opus sit, quia evidenter ludimur, nec quidquam inermes, coram armato agemus Marte, unde vix salus sperari potest. Mittere volui expressum ad te, requirendo tuum sensum, si progredientibus armis peragenda est legatio an Respub. de fato suo informanda, cum jam de certa scientia constet, nostra haud valitura carmina, quia sicut nostra puncta, totius instructionis nobis datæ, jam sunt apud illos vulgata, quantas inde audio blasphemias, præ dolore exprimere nequeo, utinam misericors DEUS innocuam conservet Rempub. in vias planas ardua quæque convertat. Est mihi quædam in misericordia DEI spes, quod devotio in Diœcesi tua cum supplicationibus destinata (Utinam exemplo tuo cuncti hæc faciant, pro quo particulares refero gratias, & in publicum, zelum tuum deprædicabo semper) propitium reddet Numen.

CARDINALLIS PRIMATIS AD PALATINUM CALISSIEN-
SEM Literæ 30 Aprilis.

*Suecili-
tes trans-
grediuntur*

Regulariter mihi literæ tuæ deferuntur de malis ac tristibus informatoriæ. Ego quoque plurimas scripsi, & ut credebam, sat securâ viâ expediti, video tamen suum eas non attigisse terminum, causam conjicio in mutatas sæpius stationes vestras aut in interceptionem mearum literarum, quod summo mihi præjudicio & damno est, hinc consilia in vanum cecidère, quibus fors his malis fuisset obviatum, quæ ubi tantum invaluere, curatu sunt difficiliora, maximè nos perculit ultima à te notitia, Regem Sueciæ destinata exequi, limites Regni transgredi. Licuit eum hucusque ut hospitem venerari, cum autem in visceribus sit Patriæ, & vester videtur cadere character, & instructio exinaniri, quia missi estis, ut hunc gradivum, ante limites detineretis Poloniae, evincere id non potuistis, cum hic, qui oculis vidit de præsentibus jam Tikocini Suecis, cum dolore & stupore, omnium relationem fecerit. De Sapieha Thesaurario Litvaniae varij varia, hoc tamen certum, quod non ex integro bonum arripuerit consilium, cujus finis domui ejus fatalis esse potest. Non respiciunt video isti Domini finem, nec credunt, sub specie boni extremum malum latere. Actio hæc in quam eos passio egit præcipites, Reipub. adferet calamitatem illis ultimam minatur ruinam, sequacibus autem horum consiliorum minimum aut nullum fortè pariet solatium, quid hîc statuetur brevi habebis, literas tuas in manus Regis Sueciæ non incidisse, fortunæ ascribo, magnum enim faceffivissent negotium, & fortè minus gratè tractati fuissetis. Cautius proinde scribendum, ne liberior stylus, aliquod & characteri vestro, & personis adferat exitium. Ego etiam ad sonum hujus classici, non abibo in longinquiora, sed manebo hic, ut è viciniore commodè redeuntibus vos videam cum illisque confiderenter conferre queam. Scriberem plura, sed periculum postæ comprimit calamum &c.

CO.

AUGUSTUS REX &c.

Expeditis nuper literis Universalibus primâ pro duabus vicibus, Nobilium convocantibus, credebamus, quod Civilibus dissidiis quassata, irruptione Regis Sueciæ in Curlandiam Semigalliam & Districtum Piltinensem attrita, quiescere aliquatenus potuit Respub, quæ non pridem desideratâ pace, per nos ab Oriente donata est. Et ecce sævior à Septentrione adversam libertati, immunitatis bus & Provinciis ejus parat tempestatem. Pertinax enim Regis Sueciæ intentio, primo fastuoso titulo amici decorata, & sub hac grata facie, periculosa abscondendo venena, gratiosis Rempub. demulcebat verbis, sed nunc jam levato velo, hoc, quod intendit, demonstrat, rem seriò aggrediendo. Non enim contentus invasione Curlandiae, Semigalliae, & Districtus Piltinensis, ubi nihil ommissum, quidquid violenta possessio permisit, aut plena ferocis Imperij potestas suavit, fidem ponit, gementi sub contributione Samogitiæ, ubi animus horret, & liberum cor, vix audire potest, quomodo disarmata Nobilitas, tam pecuniarias contributiones, quàm & victualia advehere cogitur. Promotq; ulteriq; furentiq; animo procedens vel non sentientis mala sua Reip. inductus occasione, vel publico infortunio privata medicantium excitatus insurrectione, super quos suspicax Patriæ amor, reflexionem facere debet, Litv. aggressus, ubi nihil intactum reliquit, expilata enim lascivientis militis manu, domq; militaribq; contributionibus extenuata. Non retinuit legatio nostra, & testificatio sinceri affectus Reipub. non promovit: Volentes enim auspicijs & consilijs tranquillitatem, quàm telis & manibus parare, & insimul sitienti Reip. procurare pacem, euntibus à Reipub. legatis, ne ex persona nostra aliquod occurreret impedimentum, volumus publicam legationem, privatâ nostrâ precedere. Sed nec hoc bene acceptum, imò in convicia mutatum, innocentem conscientiam nostram, verbis non rebus, quia nulla, quæ ledant, producent documenta Fictomij pro informatione impressa palàm facit, & promulgatas confundet imposturas, quorum refutatione non moramur, innocentiam nostram congregata Reipub. per falsitatem probrorum in nos conjectorum, demonstraturi, sicuti & declaratio nostra, in Post-Comitiali Senatûs Consilio lecta, & Senatui producta, & nunc pro informatione Reip., impressa, candorem, amorem, & curas nostras erga bonum publicum, pleno corde explicat. Nunc verò & ipsa legatio Reip. cum dishonore Gentis, & quod majus est innocentis, sub pretextu adinvento Caunâ Grodnâ, Grodnâ ad longam Villam pro libitu tanquam in dominijs suis translata, & ibi ceremonialiter audientiâ expeditâ limites Regni transivit, universalibus literis suis, ad castra Regni missis, contributiones solvere jubet, monstrando fronte pacem, & arcano ubere bella lactans.

AL. 1702 siderent proinde omnes, si aliquid plena livore malitia, intacta nostra objicit conscientia, ipsa in se evidentia non demonstrat documenta, non dicendo sed faciendo; Et hoc non sufficit, sed impleto lesionibus honoris nostri calamo, famam nostram proscindendo, ad novam quandam inusitato exemplo, & inaudito flante vitâ Principis electionem invitat, & per calcatas Cardinales libera electionis leges, quæ non tantum in campo Electorali, sed in comitijs pacificationis confirmata, residuo libertatis retia tendit, & in libera Gente, servilia, quia armatâ pressa manu proponit suffragia, sed potens est DEUS, à quo inconsulti impetus, cæpta initijs valida spatio langvescunt, cum præcipuè sciamus quòd majorum sanguine partam, ab avis atavisq; præferendo fortitudinem pro DEO, fide Catholica, pro corona & defensione Regia, & legum, immunitatum, & libertatum fortia & invincibilia opponere non intermittetis pectora. Et quamvis constitueramus tertias restium expedire literas, sed ex Consilio Senatûs nuper habito habentes respectum sanguinis nobilitaris magnis actionibus gloriosi, & considerato eo, quòd jam nonnulli Palatinatus, hoc ferocientis animi Regis Sueciæ incendio circumdati, non tantum venire & in unum convenire non possunt, sed etiam subsistentiæ propria, securitatiq; domuum attendere debeant, & alia domesticarum curarum considerando negotia, expeditionem ex Palatinatibus ad proportionem, tot jam præjudicatis vicibus confirmatam proponimus, ultimas vires pro ultimis conservando periculis; damus hoc ipsum libero vestro arbitrio, quia credimus quod considerabitis nihil esse gloriosum, nisi & tutum, & sicut fortitudini vestra salutem & integritatem nostram committimus, ita hoc ipsum cum libertatibus consilio vestro reddimus & eo fine comitiola vobis indicimus, ubi firmiter credimus, quòd equali nobiscum zelo ad defensionem charæ Patriæ media adhibebitis. Si verò hoc saluandæ Reip. in his conjuncturis non videbitur medium, tunc desumum ad defensionem boni publici, integritatem Patriæ & conservationis nostræ tertias literas Universales Restium expediemus. Et nunc fuustos meditantium fortia consiliorum exitus apprecando, ordinatas ad salutem publicam expectamus expeditiones.

COPIA LITERARUM CARDINALIS PRIMATIS AD FELICEM

Potocki Palatinum Cracovien: Campiductorem Regni

29. April.

Mors Palatini Cracoviensis

Inductus literis Regijs Varfaviam in publicæ consternationis, etiam non possum sine gravi animi sensu hanc Reip. ferre calamitatem, tamen literis tuis ad me scriptis, plenis affectûs & confidentiæ recreatus particulariter maneo. Mors Castellani Cracoviensis magni amici colligati, & collegæ tui, credo quòd summam attulit tibi afflictionem quo sensibilibior esse videtur, ex tot amissis in uno casu titulis, & solatjis jactura, præcipuè in præsentî Reipublicæ statu, importu-

nisi-

nissima tanti viri fata non possunt in cordibus nostris proportionatam doloribus ponere metam. Ita ingens materia luctus excedit modum lugendi. Sed quia hoc voluntati Divinae, sub cujus nutu omnes sumus, placuit, Patientia. Nunc verò cum transfertur utraq; potestas, majoris clavæ, & Senatoris primarij subsellij ad te, sincerè apprecor, ut ad hos heroicos labores, addat Dñus DEus, vires, sanitatem, & longam vitam, ut duplici spiritu pro te & defuncto in salutem hujus Putriæ longævus spirando videre possis in diebus tuis omnia gloriosa, omnia pacata & prospera. Quod verò attinet ad excubias, quæ integritati Reip. debentur, in præsentis periculorum farragine dispensat ipsum officium, & ministerium, lexq; ordinaria, à custidia limitum permittit, ubicunq; ex re videtur, ut loces ex necessitate castra, sicuti ad modernum timorē importuni hospitis potes prudentissimè omnia hæc agere, & sic castra locare, ut Sueci potius hoc adscribant cautelæ nostræ, quàm hostilitati. In reliquo felicia festa reciprocè apprecor, cum resurgente Christo, omnimodas in ævum consolationes voveo.

COPIA LITERARUM A SENATORIBUS ET MINISTRIS

Statûs penes Regem Residentibus ad Card. Primatem 12 Aprilis.

TAM infausti successus Legationis nostræ ad Regem Sueciæ sicuti cor Regium perstrinxerunt, ita Residentes ad præsens ad latus Regium congregarunt pro consilio Senatores, qui sumis omnes sensibilibus adverso hoc fato tacti, quia quid ultra superest? dum loco educationis exercitus Suetici, Grodnæ tantum audientia destinata, & Rex Sueciæ semper profundius in viscera Regni progreditur. Occasiones autem non acceptatæ, ut decet, Legationis hujus, Ministri Suetici allegant, expeditionem imprimis Fictomii Regij domestici, & aggressionem nuperam à Principe Wisnioviecio partis Sueticæ. Quantum ad primum comunicavit nobis Rex instrumentum instructionis dicti Fictomii, in qua præter sinceram propensionem ad concordiam & pacem, & omnimodam æquanimitem Regiam nihil aliud invenitur, quàm malignitas humana, & fama malum quo non velocius ullum finistrè interpretatur non sine injuria innocentiae Regis illata. Non deberet etiam aggressio, aut, ut melius exprimamus, coërtio quæ grassantis licentiæ Sueticæ igne & gladio partes illas ruinas sistere voluit, & Legationem Reipub. difficultare, quia ipsum jus naturalis defensionis ad id movit, induxitq; questus, & gemitus oppressorum Principem Wisniovieccium, sicuti in literis suis exprimit; undè, quoniam Rex Sueciæ, accepto hoc prætextu difficultates novas reperit, ut declinet admissionem Legatorum nostrorum differendo illos Grodnam, ac, dum Palatinus Califfiensis cum Collegis suis in his circumstantijs quàm celerissimam exigit resolutionem, quæ cum à sua Majestate, qui in illa Legatione nullam partem activam habet, esse non possit, & tota vis in humeris tuis posita, integraque autoritas hisce remediis servata. Recurrimus proinde ad te instantissimè rogando, ut pro summo, quod Dij dedere judicio, Legatos nostros sine mora resolvere velis, & ad exoptatam determinationem adoptatis mediis subvenire, & in omnem casum, si Legatio hæc ulterius difficultari, aut quoquo modo trahi & eludi deberet, nec votis Reipub. & unanimi zelo penes integritatem Regiæ Mris responderet. Ulteriores gradus conformes instructioni status Reipub. suggerere digneris, in quo non dubitamus, quòd prudentia tua rerum

*Legationis
Sueticæ re-
vardatio*

A.C. 1702 fatis major omnes applanando difficultates, efficacia inveniet media cuius nos gratiæ.

CONTENTA INSTRUCTIONIS S. R. M^{tis} POLONIARUM
Cubiculario & Stabuli Præfecto Fictomio vice Domino ab Ecrstedt
datæ.

• *Articulus I. & II.*

Commendat accelerationem itineris, continetque, simul instructionem Generalem ratione negotii commissi relinquendo vice Domini arbitrio, utrum literas ad Regem Sueciæ acceptas tradere consultum sit? nec ne?

Articulus III.

Quod si traditio harum literarum necessaria foret, tunc ipsi injungitur Aulæ Præfectum de Dulen imprimis adire, ut per hunc apud Generalem de Rehnshieldt introducat, quem de hinc de gratia & propensione Regia certiore facere, ipsique insimul fiduciam S. R. M^{tis} exponere debet, quàm in ipsius auxilio circa promovendum hoc utriusque Regi maximè salutare negotium poneret, & vi cuius prædictus vice Dominus in mandatis haberet, consiliis ejus se conformare.

Articulus IV.

Quod si modò dictus Generalis institutum hoc approbaverit, suamque mentem circa modum tractandi exposuerit, tunc nominatus vice-Dominus jubetur traditis Regi Sueciæ literis Regiis oretenus simul declarare. Cum S. R. M^{tis} initium interrupti cum Rege Sueciæ commercii, idque eò magis, cum non tantum cõmunis sanguinis nexus id maximè suadeat, sed etiam utriusque Regis cõmodum insigniter inde promoveatur, & ne alii tam vicini, quàm subditi propriis cõmodis hac parte inservientes occasionem ulteriorem habeant, ex alieno damno & disfidio lucrum captandi. Cui addendum sit S. R. M^{tem} restitutâ cum Rege Sueciæ priori amicitia non intermissuram esse, quin sinceram suam intentionem ipsis rerum argumentis probatam det.

Articulus V.

Traditione & expeditione ita factâ sæpius memorati vice-Domini judicio relinquatur, utrum mox reverti velit, nec ne? ipsique posteriori casu, si diutius ibi commorari consultum foret, injungitur, per certum Nuntium referre, quæ circa hoc negotium acta sunt, & quale responsum à Rege Sueciæ tulerit.

Articulus VI.

Sin circa unum alterumve varias ipsi quæstiones movere contingeret, tunc eidem in mandatis datur, ut cum modestia ad omnia respondeat, & in ejusmodi terminis, uti cõmodum S. R. M^{tis} id postulare visum fuerit. In primis circa materiam Successionis Hispanicæ interrogatus, declarare debet Sacram quidem R. M^{tem} eo in loco esse, ut istius accessio maximum momentum causæ decidendæ afferre possit, eam tamen certi aliquid haud facile decreturam esse, antequam cum Rege Sueciæ res ita compositæ sint, ut cum eodem conformibus consiliis hac parte agi possit.

Articulus VII.

lis, quosquos apud Regem Sueciæ præ aliis valere, & intentioni Regiæ imprimis favere posse videbit, vice-Dominus post certiorationem gratiæ Regiæ certas pecuniæ summas, aliaque munera & dona ipsis gratiæ &

& accepta futura offerre debet.

A.C. 1702

Articulus VIII.

Tandem sapius dicto vice-Domino commendatur omni opere eò anniti, quò apud Regem Sueciæ ejusque Ministros se insinuare, eosque sibi devincire possit, quorsum ipse monetur, ut nihil loquatur, aut proferat, inde offensionis occasio sumi possit, cæteris omnibus ejusdem prudentiæ & dexteritati relictis. Varisaviæ 6ta Januarij.

RESPONSUM CARDINALIS AD LITERAS SUPERIORES.

14. Aprilis.

I Psã die patientis Christi legi literas vestras, & vidi tanquam in Veronica repræsentatam Regni nostri Passionem, quod ne in minus faustum transeat omen, DEum precor; utq; ab hac die, quã sol obscuratus est, quã petraë scissæ sunt. reddat nobis soles clarius nitentes, largiatur soliditatem consilij, & necessariam inter status confidentiam, tanquam petram inscissibilem. Sub eadem data, hoc est quintã præsentis habui literas à Palatino Calissiensis, quò assignatam imprimis Caunæ audientiam distulerit Rex Sueciæ Grodnam, irritatus conflictu & fervore Principis Wisniowieccij, quod ego maximè verebar, dum de hoc prælio inaudivi, quod scilicet stante solenni legatione non erat pro remedio, sed magis incendio, & quò hæc præsens læsio facile sumi debebat opportuno obtentui in dilationem audientiaë legatorum. Firætomij ad Regem Sueciæ expeditio omnibus jam est nota, sed quò Rex Sueciæ argumentum ex illa offensionis contra nos sumere deberet, est hoc extra scientiam & captum meum. Ad Regem autem nostrum, si nihil est Reip. obliquum præter id quod Cancellaria Regia consilia communicavit & vos mihi, res non est, nec ad capturam hominis, nec ad captionem innocentis populi.

Accedo ad id, quod est essentiale responsi. Audientia, ubicunque demum sive Caunæ, sive Grodnæ assignabitur, credo acceptandam; & in hoc casu sinuanda vela, ut tempestas jubet; quia sive propius vel longinquius, utrobiq; ingens sollicitudo esset, quò nobis apud nos audientiam destiner. Alterum est, quod ex hac audientia jam aperietur mens hætenus abscondita Regis Sueciæ, qui nomine amici non invitatus semper profundius in viscera Regni hujus procedit. Ad extremum post omnes humanitatis gradus nihil supererit, nisi quò Rex Sueciæ detrudere debet veritati & intentionibus suis, si quò est simulacrum; unde solidum concludi poterit consilium, si, & in quantum diutius, & profundius continuare deberet hunc Atticum inquilinum. Quantum ex me facio quæ possum, sine tupa, non ut meritum habeã, quia pretium illorum hæc ætate attenuatum, sicuti frumentorum Gedani. Scripsi Palatino Calissiensis, sicuti ex Sakino ea, quæ ex re, & utili Reip. esse credidi, infelix malitia, suspicio, invidia omne operatum invertit. Si Rex Sueciæ eam confidentiam in me haberet, quam malevoli promulgant, & in novis imprimi faciunt exoticis, melius servire possem, & si minor esset aulaë ad fabulas attendentia, confidentius consulerem, sed in tali casu cum campanis hodiernis obmutesco. Vobis pro hac confidentia gratias ago, felicia festa gratulor, cum voto, ut resurgant omnia prospera, ruant & dissipentur adversa.

*Felix Poroc-
ki.*

COPIA

A.C. 1702

COPIA LITERARUM REGIARUM ANDREÆ C. ZALUSKI
EPISCOPO PRINCIPI VARMIENSI & SAMBIEN.

14 Aprilis.

Suetica ag-
gravatio-
nes

JAM non incertus rumor, sed ipsa veritas, quia genuina Legatorū Reipub. ad Regem Sueciæ expeditorum abundè confirmat relatio; quòd illos dolor ad irritum cadentis spei summè affligat, audientia prius Caunæ determinata, post Grodnam quæsito prætextu sine apparentia ullius in publicum fructus, sub strepitu circumstantium armorum translata, ita ut hi, qui præcesserant, jam nunc Regem Sueciæ retrò sequi cogantur; Sed & ipsa evidentia ex omnibus circumstantiis pericula profundè incepta, domestica mala, & factiones, & nullo còercita modo malitia humana, & absconditæ obscuræq; intentiones funestum ruituræ Patriæ repræsentant exitium. Adimit nunc hanc larvam simulatæ amicitiae ille tam bonus vicinus, quem hætenus sub nomine amici & hospitis benevolentes vocabant, & jam eò securius & audacius tribus viis spirans minarum, usq; sub ipsam Varsaviam extendit gressus suos, tanquam tam projectæ patientiæ essemus, ut resistere nequeamus, aut nolumus, aut tanquam robur & arma perdiderimus. Gemit sub gravi jugo Gothicæ servitutis Curlandica, Samogitica, & Livonica Nobilitas, premit M. Ducatum Lit. vastator gladius, ita ut vocales lacrymæ, quæ cælum penetrant, & Christiana deberent movere corda, templa DEi, aræ Dñi in abominabilem eant desolationem; eunt in orbem ad contemptum Gentis Polonæ turpes relationes, & impressa nova per externas Regiones, quomodo per universales inprimis Regis Sueciæ literas congregata Nobilitas in Samogitia, primo disarmata post coacta ad sciscendum tributum per 8. Taleros ex fumo, sanguinem quasi fundit, cum crudeliter emungitur, & ad hæc præstanda adigitur, quæ jubere consueverat. Ergo, dum præsentium periculorum magnitudo præsens invocat consilium, ut sine auxilio & consilio inermem hujus Reipub. cervicem non inclinemus ad ictum lethalem, diligenter & ferventer à te exigimus, ut magnis passibus huc Varsaviam vel ubi substiterimus. accelerare, & validò consiliò ad salutem publicam concurrere non negligas; cui bonam valetudinem.

EJUSDEM EPISCOPI VARMIENSIS JOANNI SZEMBEK RE-
FERENDARIO REGNI Smolanijs 20 Aprilis.

AD literas Serenissimi Regis Domini mei non respondeo, quia non responsum sed mandatorum executionem similes literæ in tam evidenti Reipub. necessitate requirunt. Nec ego soleo excusare me ubicunq; mandatum prævenit Mtis suæ, nec soleo evitare obsequium, quod præstare Patriæ possum, scis non venire me, nisi vocer, vocatum præstò adesse. Et si scirem quòd præsentia mea esset necessaria Varsaviæ, recederem etiam à medicamentis, quæ incepti, & ad nutum Regium more meo celeriter me expedirem; sed quia inceptum etiam quoddam obsequium pro interesse ipsiusmet Mtis indispensabiliter manere me obligat, precor, ut idipsum pro affectu suæ Majestati velis repræsentare; utique licet DEum propter DEum relinquere, postquam deliberàsem ubi major obligatio, ubi magis necessaria ad efficax obsequium ratio. Non morabor ego, & perseverans in constanti quocunque demum casu, fidelitate, & non cessante unquam, quamvis repellar
affe-

affectu, ita in eo zelo, quem debeo & ex fide, & ex infinitis obligationibus; spem non dubiam habeo, quòd hanc parvam moram benignè apud Regem interpretaberis, & post confidenter, si quis mei. usus, docebis facere voluntatem Domini mei; quia ego omnes gressus, studia, & conatus eò dirigere desidero, quò evidens & Regi & Patriæ, quia hæc apud me indivisibilia, vocat obsequium.

XXIV.

ANDREAS C. ZALUSKI EPISC. PRINCEPS VARM: & SAMB.
KONOPACIO CASTELLANO CULMENS. 16 April.

CUM ad hos terminos infelicitas Patriæ devenerit, ut si prompta consilia cursu infortunij non retinuerint, celeris ruina & publico & privatis imminere debeat; non licet mihi ex motivo conscientiae, & ex amore in Patriam quasi demissis otari manibus & tacere. Præmissa proinde solita meâ Personæ tuæ veneratione paucis te compello recentissima mittens nova, quæ ab Episcopo Samogitiæ hic in Principatu meo degente accepi; quod in ejus Episcopatu non satis gratus hospes Patremfamilias agit. Adnecto etiam ea, quæ à Palatino Calissiensi habeo; Factâ proinde maturè super præsentem nunc in Litvania nobis brevi imminentem statum, & pericula, concludas, si unquam nunc certè consilio efficaci opus Nos habere. Possem ego quidem divinare, quid facto opus sit, & quæ secuturis malis inveniri deberent remedia, sed quia exquisita malitia hætenus os & manus ligat, intra vota manendum est. Cum tamen in ea incidimus tempora, in quibus, si nos ipsi de nobis non cogitabimus, potest aliquis, sim falsus Vates, de nobis cogitare. Offero proinde obsequia mea prompta, & toti Provinciæ, & tibi in particulari, enixè rogando, ut pro amore tuo in hanc Provinciam & autoritate ea mediteris media, quæ nos salvare possunt, quæ non sunt ita difficilia inventu, modò velimus; Ego omnes vires quascunq; in Provincia mea habeo, pro conservatione & integritate totius Prussiæ convertere paratus, modò ab ipsismet vobis tale consilium habeam, quod me ad efficaciter agendum incitare possit. Certus verò sis, quòd sicut nunquam alius in me erat ambitus, nisi ut pro munere meo sincerè & diligenter inclytæ huic Provinciæ servirem, sic & nunc in tam ingentibus periculis nihil magis exopto, nisi ut me in victimam publici immolem obsequij. Privatum verò desiderium id in me manet, ut tibi promptam offeram alacritatem corde magis, manu illam inscribendo &c.

COPIA LITERARUM EPISCOPI SAMOGITIÆ
EPISCOPO VARMIENSI.

ORDINARIA Samogitiæ Posta ingravescencia attulit mala, quamvis Sueci Grodnam versùs moverint, reliquerunt tamen duas legiones sub Rozanis ubi ad construendam fortificationem subditos nostros impellunt, specialiter meos, qui jam non sufficiunt exsolutioni impositorum onerum. Alternat & noster noviter conductus Exercitus, qui contra novellam Constitutionem & juramentum constitutæ immunitatis Ecclesiæ à Palatino Vilnensi immittitur. Quærere deberem, nunquid redditur malum pro bono? Timendum est, ne ad recidivam cogamur, ne posthac is sit in alios, qui in me fuit; Qui præmefero præclarum illud ulciscendorum inimicorum genus, ut pro iis Numen

A.C. 1702 men placare, & benignè facere studeamus; DEUS ipse vicem nostram ulciscetur, pœnasq; ab eis repetet, omnium opinione majores, quod utinam secus eveniat. Dulces mihi sunt hæ cordis amaritudines sub favore & protectione tua, quam immeritus experior; DEUS, qui charitas est, optimam reddat benedictionibus suis talionem, & in fœdus gratitudinis &c.

XXV.

ANDREAS C. ZAŁUSKI EPISCOPUS VARM. ET SAMB. ALEXANDRO SALLAROLI TEATINO THEOLOGO ET MINISTRO REGIO Romam 20 Aprilis.

Quanti humanissimam tuam compellationem & affectum tuum literarium, faciam facilius sentio, quàm exprimo, nunquam mihi grata eveniant, si non gratæ semper epistolæ tuæ obveniunt. Unum tantum amicè queror, quod injustius, quàm veriùs in laudes meas te ire video, quas, quia non tam ratio tibi suggerit, quàm affectus, hunc pleno pectoris ostio admitto, illas non nisi semiclauso, ut proculos suos blandientes futuræ sponsæ solent. Multi laudes suas eò pronius accipiunt, quò facilius credunt. Sui ipsius verò nimium admirator non honestatis studiosus est ille, qui se ipsum ubique optimum ac præstantissimum judicat, quòd est à meo alienum ingenio, præterquam quòd non sum ille quem me facis, sed esse conor, & hæc tua encomia, non tanquam indicia admitto, sed ad virtutem stimulos, atque adhortamenta, in quibus utinam sic alijs, & mihi ipsi, ut tibi videtur, sed sicut per aquam qui videt majora omnia judicat, sic qui per favorem; at verò quanquam ab ambitione alienior, gaudeo tamen, vel testimoniò, vel benevolentia, quæ utraq; tam liberaliter erga me promissis.

Accepi literas Varfaviæ & gaudeo me abivisse, execranda enim non vanæ mihi author rei scribit, quæ diebus ultimis Bacchanaliorum sunt acta, planè ac si non esset DEUS, qui jam videtur esse in cordibus eorum mortuus, & tamen videt hæc & audit.

Excurri Fraumburgum ad videndum utrum ea decreta reformationis quæ cum tanta cura, & labore observanda transmissi, sint in usu, & aliquot dies ibidem impendi, ubi notitiam habui à Domino Palatino Czernichoviensi mortuum esse Dönhoff Episcopum Cracoviensem, suadet mihi ut concurram quantocius, sed renuo; frustra jacitur ante oculos pennatorum contentus Episcopatu meo, quem non ambitu vel gratia, sed virtutum studiis quæsi, quinimo non intelligo, quod adeo Divina pietas parvitatem nostram, & addam etiam pravitatem extulerit, non vitæ bonitas hæc meruit quæ habeo. Cognosco imperfectum meum, & me ipsum sæpe cogitans non extollor, primas cathedras non appeto, ascensiones ex corde meo expello, & magis his quæ possideo per DEI gratiam erubesco, & confundor timens utrum officio meo (quamvis in DEI gratia spem repono) satisfacere queam: scis me vera hæc proferre, & in nulla me unquam laude jactasse. Minuit enim quodammodo se probantis conscientia secretum, quoties ostentando quis factum recipit famæ pretium, & ut ait S. Ambrosius, abundat sibi satis locuples testis conscientia.

- Dum 23tia Maji Ecclesiam novæ civitatis Brunsbergensis consecravi, venit notitia, datum esse Episcopatum Cracoviensem Episcopo Præmisliensi.

In crastino consecravi alteram Ecclesiam uno & medio à Fraumburgo

Mors Dönhoff Episcopi Cracoviensis

Consecratio Ecclesie novæ civitatis Brunsbergensis

burgo distante milliari.

2da Aprilis consecravi Ecclesiam in Lichnau, 3tia itidem Ecclesiam in Peterswald, ubi venerunt nova de morte Guielmi Regis Angliæ, & de promulgatione Annæ Filiae Regis Jacobi, cum Principe Georgio Daniae maritata. Accepi literas à Dño Palatino Calissienfi iter suum prosequente ad Regem Sueciæ, cui rescripsi imediatè & fortissima motiva ad pacem concludendam attuli, prævideo enim pessimè nobiscum actū iri, si DEus non miserebitur. Nescio si habes instructionis & plenipotentiae copiam, ergo illam adjungo cum Senatus consilio Varfaviæ die 2da Maji habito.

9na inquam incidebat Dominica Palmarum, consecravi Joachimum Skirmont Suffraganeum Samogitiæ in assistentia Episcopi Samogitiæ, & Suffraganei Varmiensis in Collegiata Guttstadiensi. Quod reliquum est, rogo feriis istis Christo Dño dira & acerba supplicia pro nobis passo, sacris atque solennibus, tuis mihi à DEO precibus impetra, ut in eadem cruce, quā ille diem supremum obivit, carnem meam cum vitis ac concupiscentiis habeam timoris vel potius amoris sui clavo defixam, quo una cum illo in sempiternam, ac seclusis malis affluentem bonis omnibus vitam evadam &c.

Consecratio
Joachimi
Skirmont

CONCLUSUM SENATUS CONSILII 2. Maji CELEBRATI.

Ad primum. Indolet S. R. Mtas Dñus N. Cl. huic Reipubl, quòd intentiones suæ Pacis ex Tractatu Legatorum obtinendæ optatum hætenus nequeunt sortiri effectum & finem. Quippe Rex Sueciæ considerata imbecillitate publica virium & dispositionibus subjectorum studia provehentium excussis eò audaciùs progreditur, quò certior est de mediis in defensionem S. R. Mtis & Reipubl. efficacibus nondum esse consultum. Itaq; censet S. R. Mtas sine cunctatione valida securitatis arripienda media, nec efficacius quidquam fore putat, quàm Exercitū Regni huic negotio accommodatum, ut Palatinus Cracoviensis Campiductor, eundem jam quantocius in loco determinato sistat; unde Exercitui Suetico opportunè opponi, progressusq; ejusdem Suetici Exercitus in viscera Regni reprimi possit. Cum verò Exercitus Regni authoramenti externi propter defectum supplementorum, & aliorum necessariorum, tam citò usui neq; ad operationes suas sisti possit, igitur in casum hunc, si Tractatus effectum sortitus non fuerit, & Rex Sueciæ ultra progredi, neq; exercitum suum ex M. D. Lit. Curlandia, Semigallia, & Districtu Piltinensi educere decreverit, S. R. Mtas D. N. Cl. innitendo exhibitioni circa pacta conventa declaratae pro summa necessitate sui, ac Reipub. defensionis promittit legiones suas proprias sub pleno regimine Illust: Regni Ducum Exercitui Suetico opponendas se adducturum, cum ea conditione, quòd easdem legiones proprio sumptu sustentare, & pace ac tranquillitate Reip. reddita easdem legiones è Ditionibus Reipub. educere tenebitur sub vigore Constitutionis anni 1699.

Ad 2dum. Quoad publicam belli expeditionem existimat S. R. Mtas Dñus N. Cl. ex facultatibus promptiorem & commodiorem fore. Et ad eum finem Comitola Palatinatibus & Districtibus Regni, atq; M. D. Lit. ex nunc indicenda & in literis universalibus idipsum proponendum esse censet. Quodsi verò urgens necessitas postulaverit in tali tum demum casu secundum leges expeditis ejusmodi ex Personis necessariò

A.C.1702 riò statui debet, & extraditionem literarum Restium tertiarum pro ultima necessitate S. R. Mtas Dñus N. Cl. reservat. Quæ quidem copiae ex facultatibus congregatae in Regno, lateri S. R. Mtis assistent. Copiae verò Litvanicae locum in universalibus Sacrae R. Mtis capeissent designandum.

Ad 3tium Siquidem S. R. Mtas Dñus N. Cl. literas ad Seren. Principes mediatores & evictores pro manutentione pactorum Olivenfiū scripsit, & expediri jam pridem curavit, idem repetere adhuc non desinet, quibus literis suis annectendas esse, Illustrissimi & Rñdmi Primatis Regni, & M. D. L. censet.

Ad 4tum Tractatum non minus opportunum, quàm & necessariū cum Seren: Electore Brandenburgico S. R. Mtas Dñus N. Cl. ex interesse Reip. & praesenti rerum statu esse judicat; Sed ne magnum huic operi ex assumpto titulo Regis in Prussia oboriatur impedimentum; idcirco conferentiam Illmī ac Rñdmi Primatis Regni, & M. D. Lit. & personis à nobis deputandis cum Ablegato Brandenburgico Varšaviae commorante aptam esse censet; Siquid & hoc concessio titulo commodi & utilitatis Reip. eveniat, tum si illaesa jura & sancita Reip. manere possint. Postquam conferentiam peractam S. R. Mtas Dñus N. Cl. expediendam esse ad prænominatum Seren: Electorem Brandenburgicum legationem necessarium esse videt; ubi non prius titulum hunc Legatus declarare debebit, nisi in antecessum provideat non solum securitati jurium Reip, sed & aliquod insigne ex hoc concessio titulo eliciatur commodum tam ad praesens, quàm in futurum. Quapropter expeditionem ad praefatum Tractatum S. R. Mtas Cancellariae Regni praeparare ordinabit.

Ad 5tum. Cum legato Moschovitico conferentia determinabitur, ubi mentem Principalis sui declarabit, & commoda utilitatesq; Reip. ex acceptanda colligatione profluentia edisseret, postquam conferentiam responsum & resolutio ex re dabitur.

Ad 6tum. De augendis Copiis: hoc S. R. Mtas D. N. Cl. & ad Comitola Palatinatum & Districtuum remittit, ubi per literas suas hocce negotium exponet. Quod verà attinet dislimitationem cum fulgida Porta, illam non omittendam esse S. R. Mtas D. N. Cl. in tempore determinato censet, etsi copiae ad conducendos Commissarios ex ordinationib⁹ Ostroviana Zamoysciana & Myszohviana in tempore congregari possunt easdem Sacra R. Mtas designat, sin min⁹ ut ex copiis Reip. dentur; Diminutionem verò per hoc Exercitūs Regni copiae ex ordinationibus suppleant, S.R. Mtas Magnifico Campiduci commendabit.

Ad ultimum Ratione securitatis Civitatis & Arcis Varšaviensis, cum hoc ad Generosum Capitaneum loci istius vi legis, & nexu Juramenti pertineat, hoc idem negotium S. R. Mtas eidem commendabit; sin verò aliquod impedimentum commorari illi non permittet, alium idoneum S. R. Mtas Dñus N. Clementissimus ordinare dignabitur.

Michaël Card. Radzieiowski Primas Regni & M. D. L. Nicolaus Święcicki Episc. Połnan. excepto puncto Tractatus Brandeb. Nicolaus Wyzicki Episc. Chelmenfis mpp. Raphaël Leszcynski W. L. G. W. mpp. F. Z. Gałęcki Palat. Inowr. Stanisł. Moršzyn Palat. de Masovia mpp. J. Prebendowski Palat. Mariæb mpp. Franc. Grzybowski Castell. Inowład. Nicodemus Zaboklicki Cast. Camenec:

necen: mpp. Adam Naramowski Castell. Szrzemski. Carol: Tarlo *A.C. 1702*
Procancell. Regni Stanisl: Szczuka Procancell: M. D. Lit. Hieron:
Lubomirski Supremus Regni Thesaurarius.

XXVI.

ANDREAS C. ZALUSKI EPISC. PRINC. VARM. ET SAMB.
FELICI POTOCKI CASTELLANO CRACOVIANSI, SUPREMO EXERCITUUM
REGNI DUCI 2 Maji.

PEr didimus tam magnum, cui lux æterna luceat, re & nomine Du-
cem Stanislaum Jablonovium, sed non potuit melius tam ingens
Reipub. reparari ruina, nisi & in prima curuli, & in primo Exer-
citus Poloni ministerio tu succederes. Eo proinde in plausum cum to-
ta Patria, quod dignitates hæ, quæ alibi hospitantur, in domo tua pla-
nè hæreditariæ sunt, & ad te postliminio redeunt. Particularem verò
& singularem, ut constans & observantissimus nominis tui testor satis-
factionem, paucis his verbis vota fundo, ut fortunæ huic, dum non potest
perpetuitas, addatur diuturnitas, minimè dubitans, quòd & tu affectum
meum, quem semper es expertus, ulterius mihi, Diœcesique meæ
testaberis, cujus sum perpetuus cultor &c.

*Apprecatio
dignitatis*

IDEM HIERONYMO LUBOMIRSKI PALATINO CRACOVIANSI,
CAMPESTRI EXERCITUUM DUCI.

QUod pridem meritis tuis, necessitati afflictæ Patriæ debebatur,
hoc nunc alibi benefica, hic æquè & iusta dextera Regis nostri
adimplet. Possúmne ego ab antiquo, & imutabiliter amans te
frater continere calamum. Non tantum ergo ex privata mea satisfacti-
one, sed ex publico interesse: mihi gaudeo, tibi gratulor. Et cum ma-
gis semper factis, quam verbis gloriari soleo, DEum precabor, ut fir-
mam valetudinem, antiquum vigorem, hæreditarium in Patriam ze-
lum, quem semper habuisti, publico bono augeat, & mihi occasiones,
impertiatur, qui sum perpetuus cultor tuæ dignitatis, ut tibi servire
valeam &c.

IDEM ALEXANDRO SALLAROLLI MINISTRO REGIO
Romam 8 Maji.

QUod semper ad me scribere, atque adeo scriptitare non inter-
mittas, gaudeo, sed injustè subaccusas, quòd antè per raro, po-
stea verò nihil prorsus literarum dederim, imò nec scribenti ti-
bi responderim. Libenter tibi scribo, dum vacat, quia sincerè amo, si
verò quæris, quid agam, nonne scis Episcopum me esse, ac proinde à
labore nec esse, nec debere esse omnino vacuum. Cæterum dicerem ti-
bi, quòd Horatius Pòeta egregius, laudans vitam suam, scribit se in ur-
be Roma omnium celeberrima solitum obambulare forum, percun-
ctantem, quanti olus aut far emeretur, sed gloriari otio iners ambitio
est. Ad nova; post diuturnam & tædiosam Legatorum nostrorum ex-
pectationem, post tot dilationes & moras, tandem resolvit Rex Sueciæ
in conspectum suum cum votis Reipub. Legatos admittere, & quam-
vis id Grodnæ esse deberet, quod avidissime expectabatur, venit tamen
alia mutatio & in Rozanystok tribus milliaribus Grodnâ dissitum præ-
dium die ipsâ Inventionis Sanctissimæ Crucis, auspiciatissimo omine de-
stinata est. Sine mora proinde Legati ex consilio unanimi secundâ præ-

*Legatio ad
Regem Sue-
ciæ*

A.C. 1702

sentis ad Haraszymowice, ubi consistentia illis destinata erat, moverunt. Rex verò Sueciæ ob commoditatem meliorem sui exercitus in Rozanystok ad œconomiam Regiam pertinente villa substitit. Hac eadem die miserunt nostri Legati ad Comitem Piper Secretarium Legationis, ut de ceremonialibus admissionis sequentia proponeret puncta. *1mo.* Ut Rex Sueciæ personam qualificatam ex Senatoribus suis præsentibus cum curru Regio usq; ad consistentiam Legatorum mitteret. *2do.* Ut Legati in conspectum Regium cum debito honore reciperentur, & ut præsentantibus arma custodibus corporis, vexillis expansis, resonantibus tympanis, & musicâ introducerentur, & tectis capitibus ad Regem venirent; tandem trinis inclinationibus factis, tectis capitibus cum Rege sederent. *3tio.* Ut iisdem honoribus & gradibus reverterentur, ut erant introducti. Post hæc proposita puncta Comes Piper multis in favorem Reipub. dictis, ad referendum Regi accepit, solitum ceremoniale reassumendum promisit, in crastinum resolutionem. Tertiâ currentis secundum datum verbum literis primum compellati tandem oretenus à Domino Cederlein primo Cancellariæ Secretario talem acceperunt resolutionem. Quoniam Rex Sueciæ unum solum Senatorem, eumq; à se indivisibilem Comitem Piper ad latus suum habet, tunc primum ex generalibus locum tenentibus Ministrum statûs deputabit & quoniam currus tanquam in castris esistenti desunt, equos suos mittere declaravit & Legatos cum debito honore, qui exhiberi solet maximorum Principum Legatis extraordinariis recipere in majorem Reipub. Polonæ amicitiae contestationem, promittit, omnia conformiter & sine ulla difficultate concedendo, quæ concedi possunt, & monstrando antiquum ceremoniale. Dum ergo venit destinatum audientiae tempus, missus est Dominus Lieben Generalis locotenens Gubernator Vismariensis cum 30, vel 40, Officialibus ex Primoribus & 120 Drabantibus; cum verò præmisisset duos Officiales, de suo significans nomine Regis salutaturus adventu, & ad destinatam invitaturus audientiam, responsum; quòd expectaretur: venit ergo dictus Generalis ornatissime, & descendens ex equo salutatus à Secretario Legationis, & post in atrio à Legatis exceptus, & in alio cubiculo dextram habens Suetico idioma te nomine Regis Sueciæ explicante Wachtschlagerio, Salutavit Legatos. Respondit Palatinus Calissiensis cum debita reciprocae amicitiae contestatione; cum verò hora immineret, concenderunt equos, Generali dexteram Legatis nostris cedente. Præcedebant Drabantes in numero 120 selecti militis, nemo enim nisi ex Capitaneis in numerum eorum recipitur, & Rex ipse eorum est Capitaneus. Sequebantur varii Colonelli, post Generalis Lieben, & tandem Legati nostri, quos 20 vel plures Officiales comitabantur à parte utraque numerosissima Legatorum procedebat assistentia, claudebant agmen Equites Suetici, eoque ordine procedebatur; dumque viciniore essent omnes custodes corporis expansis vexillis, sonantibus tympanis & instrumentis musicalibus arma præsentabant. Paratum erat tentorium non quidem Regium, quia illud deerat, sed cujusdam Officialis, in cujus primo limine Mareschalcus Curiae expectans Legatos, usq; ad ipsas cubiculi Regii duxit fores; exivit interim Mareschalcus Magnus ad audientiam Regis invitando, ingrediebantur ergo Legati nostri tectis capitibus, & dum primam faciebant inclinationem, sedendo Rex pileum deposuit; ad secundam surrexit; post tertiam præmisso titulo suo caput textit, &, ut Legati idem facerent, indicavit. Orsus proinde Palatinus Calissiensis modestis ver-

bis

Felix Lipski

bis sermonem suum, generositati tamen Polonæ correspondentibus, instructioni conformibus, cætera ad conferentiam habendam distulit. Secundo loco ab Ordine Equestri peroravit Tarlo Culinæ Regni Præfæctus stylo & verbis generosis fortunam Regis Sueciæ extollentibus, modum tamen ponere debere insinuantibus; copiam utriusque adjungo: ad utrumq; sermonem Comes Piper breviter generalibus terminis amicitiam Reipub. magnificando, reciprocam pactorum sancitorum observantiam inviolabilem asscurando; nihil aliud Regem Sueciæ summis exoptare votis dixit, nisi id, quod è re, & utili utriusq; Regni esse posset. Post datum responsum Palatinus Califfiensis literas credentiales Regi ad manus reddidit, utq; ad osculum dexteræ Regiæ Officiales & Domestici admitterentur, petiit, quod Comes gratiose fieri posse respondit. Tandem post finitas solennitates prædictas, Comes Piper benevolentiam Regis Sueciæ in personas Legatorum intimavit, de resolutione & tempore conferentiæ notitiam se daturum promisit, postea iisdem ceremonialibus & ordine Legati, quo inducti erant, ad consistentiam reducti, ubi Generales & Officiales optimè & lautissimè tractati, & pari humanitate cumulati, dimissi sunt. Vesperi autem Secretarius Cancellariæ cum hac declaratione venit, quod in crastino horâ nonâ ad conferentiam expectabuntur, quam & quintâ Maji habuerunt primum locum habentes, quæ resolutio subsequetur, videbimus. Interim Rex ad expeditionem ex Palatinatibus proportionatam literis suis, quarum mitto copiam, excitat, utinam non frustra. Tu verò in expressione affectûs tui, noli esse verbis multus, mihi enim, qui de voluntate tua æquè certus sum, supervacanea ista videntur apud sic amantem sic amans peccat.

PATRI SALLAROLLI MINISTRO REGIO

6tâ Maji.

NON es primus, qui mireris, quòd ærarium Sueciæ hætenus non nimis amplum tantis sufficere possit impensis; sed tamen, ut scias longè esse nunc, quàm præteritis temporibus amplius, breviter te informabo, unde fuerit notabiliter auctum.

In primis in memoriam tibi revoco; scio enim legisse te multa, nec ignorare quòd Regnum Sueciæ compositum sit ex 4. Statibus, hoc est, Nobilitate, Clero, Civitatibus & Rusticis. Quilibet ex his Statibus admittebatur ad sessiones, & vocem deliberativam in Comitibus Generalibus habebat, quos Rex Sueciæ, ut quolibet anno convocaret, legibus obligabatur, ut scilicet illos Status de negotiis publicis informaret, consilium ab eis peteret, & succursum necessarium in necessitatibus Regnum prementibus. Sed ab eo tempore, à quo Corona Sueciæ facta est hæreditaria in descendantibus Gustavi Vasa & post in Familia Carolina cum honore imperandi absolutè; Rex secundum consuetudines antiquas convocat quidem aliquando Status ad informandos de suis intentionibus, sed nullam aliam partem in eo habent, nisi executionem, & honorem approbandorum mandatorum sui Domini per consensum Generalem.

*Ærarium
Regis Sue-
ciæ*

Interea differentia negotia illorum Statuum magnas causarunt in Suecia revolutiones, & non descendendo ad antiquiora, legimus, quòd Gustavus Vasa habens bellum cum Vicinis Potentiis, & occupatus ad intra, ad humiliandam ambitionem Cleri, quæ omnia ejus impediabat proposita, obligatus erat devincire sibi Nobilitatem magnis donis, &

Tom. III.

R2

grati-

A. C. 1702 gratificationibus extraordinariis. Unde factum quòd magna pars bonorum Regni intra manus Magnatum Regni hæserit.

Reges Successores Vasæ modum agendi ejus pro ratione Statûs, & ut ajunt, Maxima regnandi acceperunt. Non videndo solidius & efficacius medium, ut securos se redderent fidelitatis subditorum suorum, ut se manutenerent contra rebelliones, & contra dissidia, quæ inimici Regni illius, cum cura sæpius excitabant.

Hæc Maxima non poterat semper practicari, & propterea etiam Regina Christina continuando eundem modum omnes planè redditus Coronæ absorptos vidit. Omnia bona regalia, aut data, aut ad tempus concessa Magnatibus Aulæ fuerunt. Ita ut Successor ejus Carolus Gustavus Rex factus tam se destitutum omnibus invenerit, quæ erant necessaria ad sustinendum decorem, & magnitudinem Coronæ, sicut etiam pro manutenendo Imperio Statûs, ut voluisset immediatè abdicare, si Clerus, Civitates, & rusticæ villæ non dedissent tanta subsidia extraordinaria ad exequendas intentiones, quas formaverat contra Poloniam. Miseria publica eò major erat, quòd Nobilitas nihil contribuere volebat, & eam diminuere; nullas audiendo Propositiones concordia, nec cogitando unquam de concurrando cum aliis Statibus in solatium malorum, quæ reddebant Imperium tædiosum & infelix. Rex iste frequentius dicere solebat, quod remedium in necessitatibus ejus hoc posset esse efficax, & præsentaneum, si recuperarentur à Nobilitate omnia ea bona, quæ Reges sui Prædecessores illi dederant, sed impeditus bello Danico & Polonico; sub idem fermè tempus magna erat difficultas in exequendo, quod proposuerat.

Filius ejus Carolus XI finivit feliciter bellum Danicum, sed terribiles difficultates habuit in conquisitione pecuniæ, quæ in omni de erat occasione, & quibus nemo eum juvare volebat, non obstantibus ardentissimis precibus Senatui factis, & Statibus Regni sui; quòd illū tantò magis animavit in reditu Stockolmiam, ut omnem curam eò verteret, quatenus redditus stabilire Coronæ posset, per idque evitaret illa extrema, ex quibus cum tanta difficultate eluctatus est.

Clerus, Civitates, & Rustici non possidendo ulla bona Coronæ immediatè dispositi erant, ad approbandas intentiones, quas Rex habebat, reuniendi omnia bona, & terras, quæ Reges & Prædecessores ejus alienaverant, sustinendo, quòd unicum medium hoc esset ad relevandam potentiam Regni, quæ semper vergit ad diminutionem, quamdiu bona publica manent in possessione particularium, & quamdiu pauperes rustici obligati erunt ad dandas faciendasq; omnes pro Statu necessarias expensas.

Omnes curas & sollicitudines eò vertit Nobilitas, nihilq; intermisit, ut averteret terribilem hunc ictum; Sed Rex Sueciæ ita benè res omnes ordinavit pro executione intentionis suæ, ut tandem feliciter ad desideratam attigerit metam, eoq; justius fieri hæc posse constituit, quod integrè id conformaretur Constitutionibus Regni. Convocatis proinde quatuor Statibus Stockolmiam pro Comitibus Generalibus præsentari fecit Statui Nobilitatis leges Regni, quærendo sensus ejus super statutum, cujus hæc erat substantia: Quòd Rex Sueciæ legitimè electus, & consecratus, potest, si vult, alienare, & donare quidquid voluerit ex suis bonis, sed ejus Successor potest illa retrahere, & reunire quoties voluerit. Deputati Nobilitatis facilè divinârunt intentiones Regias, & malas consequentias, quæ minabantur toti corpori Nobilitatis;

tis; interea non erat modus nec medium declinandi in sinistram super responsum dandum, quod Rex exigebat. Propositio erat tam clara ex seipsa, ut Nobilitas non auderet, se opponere illis, quæ prævidebat, nec posset publicum assensum præbere, quòd leges Sueciæ dederint Regi potestatem illimitatam agendi, & faciendi secundum suum placitum in omnibus his, quæ concernunt reunionem bonorum alienatorum.

Nobilitas tamen per consensum potestatem dedit Regi Generalem & unanimem ad executionem intentionis. Immediatè proinde Rex duas Cameras absolutas constituit, quæ cognoscerent super negotium hoc importantissimum sub directione Comitiss Gillenborgk, qui illis præsidebat. Una ex his vocatur Camera Reductionis, quia ibi fiunt Decreta, quæ reuniunt ad Fiscum Regium omnia bona, quæ ab illo erant alienata. Altera Camera vocatur liquidationis, quia hæc examinat prætensiones, & rationes particularium, qui possident bona regalia, aut pro numerata pecunia, aut in virtute alicujus Regiæ obligationis.

Sicut Nobilitas in hac liquidatione suum non reperit commodum, ita nunquam cessabit contra istam Camera querulari, tanquam contra fontem omnis injustitiæ, quam credit sibi fieri, & omnium malorum, quæ probat.

Verum tamen est, quòd omnes Creditores Coronæ præsentatis rationibus & Regestris huic Camera, & demonstratis ei justis prætensionibus non tantum perdiderunt bona quæ illis fuerant concessa, sed etiam condemnati sunt ad solvendas considerabiles Regi summas. Et ideo per totam divulgatum erat Sueciam, quòd illud Tribunal non occupabatur alio, nisi in facienda injustitia Creditoribus publicis, & in spoliandis illis omni fortuna.

Interea tamen propius res examinando, & cum æquitate apparebat, quòd alia Camera sequebatur regulam à Rege præscriptam secundum leges procedendo ad istam liquidationem, & quòd non faciebat injuriam bonis particularium, si non erant debitores Coronæ aliquarum summarum, quas solvere cgebantur. Quia quando illa Camera aggrediebatur aliquem Nobilem, ad recuperanda ex ejus manibus bona Coronæ, quæ possidebat per emptionem, aut in aliqua summa, quam dedit, offertur illi per actum liquidatum pretium, quod dedit, & obligatur ad recipiendum. Sed quia super hunc articulum non semper convenitur, ideo datur occasio querulandi, quia valor monetæ in ultimis temporibus multum auctus est. Creditor alterius sæculi summæ alicujus notabilis recipit nunc summam satis mediocrem, & id campum aperit inculcandi judicii Camera non factâ reflexione, quòd si redderetur illi sub valore specierum, quas dedit, multò plura haberet, quàm dederat.

Illi qui præstiterunt Summas Regi, & eo nomine aliqua bona Domini possederunt, non suum quoque inveniunt commodum in examine suarum prætensionum. Quia, quando præsentant sua memorialia Camera, examinat illa, utrum sint justa, sive quòd illi Nobiles mutuò dederint Regi aliquas pecunias, sive quòd munitiones belli suppeditaverint, sub conditione gaudendi usque ad integram satisfactionem de redditibus certarum terrarum à Camera destinatarum, Liquidationis Tribunal adjudicat illis has prætensiones sinè ulla diminutione, modò non plus ex illis terris jam receperint fructuum, quàm illa summa importat. Sed si inveniuntur malâ fide agentes, & quòd imposuerint gabellas, ad quas non pertinebant, & quod frequentius accidit, tunc Tribunal

A.C. 1702 Liquidationis illa ab illis percepta numerat, & diminuit super illud, quod illis debetur. Quod frequentius tam ingens auxit pretium, ut non tantum æquaverit principale capitale, sed illud etiam superaverit, & Creditor notabiles summas Regi reddere tenebatur.

Hinc est, quod illa Nobilitas Suetica in his ultimis temporibus valde se humiliatam sensit, & redditus Coronæ considerabiliter aucti per imensos thesauros, qui ex eo processerunt tempore. Si inveniuntur aliquæ familiæ potentes, & antiquæ in Suecia, apparet, quod particulares illarum familiarum, qui reddebant aliqua obsequia, quocunque demum modo statui, sciebant bene leges Regni, & ideo à Principe pecuniam numerârunt, quæ non subest liquidationi, & non possidendo quidquam ad Dominum pertinens tranquilli manent.

Et hæc sunt, quæ ex omnium bene scientium habui relatione, nec difficile sanè est paucorum hominum pravè sentientium redarguere mendacia, testimonio proborum in hac re non dissentientium.

LITERÆ UNIVERSALES REGIS SVECIE AD PALATINATUM TENISINI 8. Maji.

NOS CAROLUS XII. Significamus &c. Postquam nobis delatum plurimos Reipub: Polonæ Senatores, Dignitarios, Nobiles, Incolas terreri & apprehendere hostilitatem Exercitûs nostri, quem Curia Polona Regia, & sequaces ejus sinistrè detulerunt, nimis inolescere, bona Nobilium & Ecclesiastica, quod nunquam probari potest, deprædari, ac extorsionibus gravem esse, hæc autem fama ad hunc finem formata, ut mens Reipub. his apprehendendis intensa, de primis authoribus belli, insciâ Repub. moti, aliorumq; præjudiciorum & malorum Reipub. causatorum, non recordaretur, neq; ipsorum molimina investigaret. Quapropter ne præoccupatio animorum invaleseat, iteratis præsentibus Universalibus nostris literis omnibus notum esse volumus. Quia dum Seren: Fridericus Augustus Dux Saxoniae, uti in Regem Poloniam per scissionem Reipub. electus, hocce inclytum Poloniam Regnum per violatum jus ejus libertatis Cardinale, in unius nobilis contradicentis voce consistens, coactione & oppressione plurium, non tam liberè electus, adeptus est, sed verius cum exercitu suo exotico invasit, & violenter occupavit. Ita violentum continuando Regimen, Exercitum suum non requisito Reipubl. consensu, in viscera Regni induxit, gravissimas stativas extorsit, Ordini Equestri, & Constitutioni Comitiali ejusdem Ordinis, eo nomine sancitæ, & consentiendo, & illud cogitando & faciendo illudit. In nullo puncto Pacta Conventa & fidem juratam Reip. eidem servavit nec adimplevit, insuper omnia juxta suum beneplacitum sibi tanquam in absoluto Dominio liberè præsumens ac sensim absolutum se efficere satagens, bellum injustum sine scitu, & consensu Reipub. sine ulla justa causa nobis cum hac Reipub. Polona, pacem, concordiam, & amicitiam Pactis Olivenfisibus ac juramento patris utriusq; firmatam sacrosanctè observavimus, Rep. Polonâ, tam diuturno bello Turcico defatigatâ pacem suspirante, ad pacem disposita induxit, Ditiones nostras ac Dominia cum exercitu suo hostiliter invasit ac devastavit, cum Czaro Moschorum Reip. satis injurioso, privatim contra libertates Polonas conspiravit, ut quò potentior esset, eò validius & facilius mutationem Reip. in absolutum Dominium perficeret. Unde omnia in Reipubl. disturbata discordiis ac dissensionibus ple-

plena, in omnem licentiam dissoluta, omnia pessumdata, ac ipsa Civium excidia, seu potius latrocinia, & quævis crimina impunita oriri, ac manere, & ipsam justitiam legum sine quovis præsidio invalidam excitare procuravit, ac abominabilem Provinciæ M. D.L. desolationem causavit, sed humina propter injurias & gemitum pauperum exigentia, libertati verò Polonæ singulariter providentia & opitulantia, atq; bellis ac machinationibus injustis nunquam propitia properaverunt, impias memorati Ducis Saxonæ, contra fidem juratam intentiones, & superbam ejus de sua potentia præsumptionem attriverunt, & alliserunt, per debellatum à nobis, dispersum atq; ex finibus Reipub. præsentibus propulsatum Exercitum Saxonæ. Ut itaq; Seren: Respub. hoc Exercitu Saxonum, per nostram victoriam ac fortunam evacuata, etiam à metu gravissimi Regis personæ, plurimos ex suo privato utili, partim ex animo libertatibus Polonis intento faventes, ac sequaces suos habentes libera esse, & in perfectò libertatis primitivæ statu constituta de læsionibus jurium suorum, idque inhærendo legibus, de non præstanda obedientia sancitis consulere, & ex documentis moliminum Regis, quæ ad evertendum Reipub. statum, idem Rex per fœminam Königsmarck, nuncupatam, & Fixton intimum suum aulicum, utpote personas exoticas tacitè expeditas, cum præjudicio Legatorum ad nos à Repub. expeditorum, in discrimen Reipub. attentaverat, quæ per nos Reipub. demonstrata patefient, fidem ejusdem sui Regis cognoscere, & in judicium justum cum illo, & cum sequacibus ejus intrare valeat ex nexu amicitiae inter hæc Regna Poloniæ, & Sueciæ observatæ, ex amore jurium Reipub. Polonæ, quæ ut primum per Jagiellonicam Domum, de sanguine Antecessorum nostrorum Regum Sueciæ ad sceptrum ejusdem Regni inclyti assumptam plantata sunt, & communibus ex commutatione statûs ejusdem Reipub. Polonæ, sequentibus incommodis obvian- do, dum nos ipsemet idem Rex, prius per Saxonicum Exercitum, postea per Oginscium, & Visniovieccium ad id provocavit, & provocat, ipsius Saxonicum, tanquam hostem nostrum persequendo, cum robore exercitûs nostri huc in Poloniam advenimus. Ubi præsentibus manifestamur, & virtute nostrâ Regiâ, in qua totam, & perpetuam nominis nostri gloriam, opusq; fundamus, attestamur & profiteamur, quòd nihil hostilitatis Reipub. nec personis militaribus, nec bonis eorundem, juribus, ac libertatibus inferre, neque Regnum Poloniæ, aut minimam ejus partem affectare, neque aliam quampiam personam, in Regem Poloniæ proponere eligendam, & promovere meditamur, intendimus, vel cogitamus, sed tantum ut hoc Serenissima Respub. gravi sibi & juribus suis Dominio, se liberare, obedientiam per juro ac scædifrago Regi renuntiare, & alium, quem voluerit Regem, liberis concordibus votis, juxta suum beneplacitum eligere, Leges & consuetudines de libera Regis electione læsas, & alia jura, sub regimine præsentis infracta restaurare, justitiam exulantem revocare, ejusque Administrationem, ut ejus Patriæ cives non vi, nec cædibus, sed jure mediante inter se experiantur ad praxim antiquam reducere queat & valeat. Quàm primum id perfectum fuerit, ex tunc nos sine ulla prætensione, cum exercitu nostro ex finibus Reipub. ad nostra Dominia ire parati erimus, hoc unico præcustodito, quatenus annona pro sustentando milite nostro transituro, vel subsistente concedatur, convehatur, & miles ad procurandum & accipiendum vitæ alimentum, ex indeque ad dandam occasionem, violentiam, & querimoniam non necessitetur. Quâ ordinatione interveniente

A.C. 1702 ente, pro modestia militiæ nostræ, quæ rigorosis mandatis nostris coercita est, cavemus. In quorum omnium pleniorē fidem, præsentēs ad quosvis Palatinatus, & Districtus, & terras transmittendo, manu nostrā subscribimus, & sigillo nostro communiri mandavimus.

COPIA LITERARUM CARD. PRIMATIS AD REGEM
SVECIE. Radzieiovijs 10 Maji.

Celeriores S. R. Mtis V. gressus imperfecto licet opere reditum DD. Legatis nostris suaserunt, pro faciendā legationis relatione sumendoq; consilio, quid factū opus, ne fortē instructionis limites transgressos Respub. in iisdem argueret. Apparuerunt hic nuper Illust: & Excell. Dñi, & totius legationis seriem exposuerunt, quā perpensā cū & in rescripto S. R. Mtis V. dilati, non abrupti Tractatus clausulam observaverimus, & quod magis observandum, nec valedictionis adhuc facultatem DD. Legati obtinuerint, commissa iisdem DD. consummandi operis cura, & ceu regressus, ubi Majestatem reperire possint, ceu ante Rubriconis transitum Vræ Mti occursum iisdem suusus. Placeat ergo Mti V. Martis cogitatione tantisper sepositā ad ea, quæ pacis sunt, animum convertere, & utriusq; Gentis quieti ac securitati operam dare, ut omnis deprædicet ætas S. R. Mti Vræ æquē ex pacis olea ac Martiali lauro posse enasci perennes gloriæ fructus. Cui dum longævam ac perennantem precor valetudinem, humillimā Mti V. inclinor veneratione.

RESPONSUM REGIS SVECIE 23 Maji.

CUM ad postulata illa, quæ ab Illustri legatione proposita sunt, per Commissarios nostros ante sufficienter responsum sit, arbitramur Eminentiam V. pro sua prudentia facillè perspicere eadē, neq; ullo posthac fructu ulterius ventilare posse, nec esse huic tempori accommodata, postquam rerum facies tantopere mutata est. Nam præterquam quòd non alijs mandatis, quàm quæ dudum circa eorum habitum, accesserant, Illmī DD. Legati jam instructi esse possunt, etiam Rex Poloniæ interea plura infesti animi documenta dederat, cū non tantum novos hostes primos concitare allaboraverat, sed etiam Jura Gentium in familia Residentis nostri, qui ad Remp. simul fuerat missus violato, veteres injurias prona jam cumulaverat, quin & postmodum quædam Reipub. Polonæ valde perniciosā clam molitus est. Quapropter consultius longè videtur, ut Inclyta Respubl. ad alia consilia, quæ tollendis his, & vobis magis idonea fuerint, cogitationes suas convertat, de quibus cū Varsaviam venerimus, commodior erit agendi locus. Interea Eminentiam V. Divinæ tutelæ commendatam, diu salvam, & sospitem cupimus. Dab. in Stativis nostris ad Radziminiam.

COPIA LITERARUM REGIS SVECIE AD CARDINALEM RADZIEIOWSKI. Pragæ 24 Maji.

Quibus causis permoti cum exercitu nostro hucusq; Varsaviam accesserimus, confidimus Eminentiam V. tantò minus latere posse, quantò pluribus antea documentis intentionem nostrā

nostram exposuimus. Jam autem nobis quanquam nihil magis in *A.C.1702* votis est, quàm ut maturari possint illa consilia, quæ ad salutem nostri, Poloniæque Regni stabiliendam pertinent, cùm tamen videamus hunc scopum non posse attingi, sed instabile, & imperfectum opus esse, quamdiu à Capite Respub. gubernatur, quod fœdere inter nos renovando non possit comprehendì. Ideo desideramus, ut convocatâ Repub. liberis suffragiis quantocius Rex eligatur, cum quo simul, atq; universis Regni Ordinibus pristinam redintegrare amicitiam possimus, de ijs rebus tractare, unde uberrima in utrumq; Regnum commoda redundatura certi sumus. De qua re Eminentia V. quamprimùm responsum postulamus, ut consilia deinceps tempori accommodata possint capi. Interea Eminentiam Vestram Divinæ gratiæ commendatam quàm prosperrimè vivere optamus. Eminentia Vestræ

Benevolus Amicus *Carolus*

RESPONSUM CARDINALIS. Lovicij 26. Maji.

PRæter credentiales S. R. Mtis V. quibus insignitus G. D. Wachslager hîc comparuit, reddidit in tractu colloquij districtas S. R. Mtis literas quas secundiùs secundo omine cuperem, ut scilicet in tanto rerum discrimine, quæ initio dura, & graviora successivè mollescant, intellexi luculenter rationes, tam profundi S. Regiæ Mtis V. cum copiis ingressûs, studio & intento novum caput parti utrique acceptum ex liberis Gentis hujus suffragiis Regno aptandi, atq; eo fine in unum locum & animum universa confluat Nobilitas, indilatum ejus facti desiderium. Ad quæ primâ statim apprehensione menti attonitæ arduum licet sit in promptu responsum, seriò tamen & quantum series consequentiarum deposcebat, contuli cum eodem Dño Residente, hinc inde rationes scrupulosè librando, quidve possit esse utriq; Regno salutaris ac securius exponendo; cùm autem hic eadem recensere prolixum esset, & legenti fors tædiosum, ex ore memorati D. Residentis singula discursûs nostri puncta, & expunctiones fideliter patebunt S. R. Mtis V, cui longævus æquè ac prosperrimos vovendo successus, humillimâ inclinor veneratione.

LICENTIA A REGE SVECIE DATA LEGATIS POL. AD ABEUNDUM Pragæ 22 Junij.

NON ita pridem nos Stativa Brozovicijs habentes adierunt Illm̃i & Excell. ex utroq; Ordine Legati, Dñi Felix Comes in Lipie Lipski Calissien: Palatinus, Medien: Involoden: Rzezycen: Stanislavien: Capitaneus. Andreas Casimirus à Kirszenstein Kryszpin Witepscen. Palatinus, Szcznovien. Capitaneus, Stanisl. Comes in Mielstyn Tarlo Supremus Præfectus Culinæ Regni, Casimirus Oginski Gordovien. Capitaneus, & Casimirus à Kirszenstein Kryszpin Płungianen: Capitaneus, quos ob inclytæ Reip. Polonæ postulata ad nos præferentes debito honore & benevolentia excepimus. Datis mox Commissarijs qui cum illis de negotijs ad utriusq; Regni salutem pertinentibus agerent. Digressis verò illis ad rationem eorum, quæ apud nos acta

A.C. 1702 acta Reipub. sunt, reddendam. Cur nos interea cum exercitu nostro Varſaviam profecti causas statim indicavimus. Quare cum ipsa Rep. potius agendum censuerimus, ita prædictos DD. Legatos cum bona gratia dimittere hisce volumus, atque etiam hac laude ornare, quòd illa, quæ ipsorum fidei commissa fuerunt, summâ diligentia exposuerint. Quamobrem ut speramus prolixè illis constare de propenso in Inclytam Rempub. animo, quamdiu culpæ Regis participem se non fecerit, sic pariter confidimus illos de integerrima hac intentione eo candore relatuſuros, quo Remp. in perpetuo erga nos amore, ac immoto fœdera & pacta conservandi proposito persistere ipsis nobis asseverârunt. De cætero Eminentiam V. cum universa Rep. quàm diutissimè sospitem esse ac vigentem ex animo vovemus.

**MANIFESTATIO DOMUS SAPIEHANÆ IN CASTRO
BRANSCENSI facta die 6 Martij.**

Coram DEO, urbe, Rege, Senatu, & Equestri Ordine Regni Poloniae, & M. D. L. tanquam statibus totius, indivisæ Reipub. manifestamur, & quàm solennissimè protestamur. Quòd nos post exortas quorundam ambitioso suggestu in M. D. L. concitatorum contra domum nostram, de Regibus totaq; Reipub. (absit arrogantia verbis) à tot sæculis optimè meritam, ex privato rancore & odio machinationes, nolentes per repressalia publicos augere tumultus, verùm potius communem Reipub. in consideratione habentes, & intendentes tranquillitatem, omnes injurias & oppressiones cum omni æquanimitate, toleravimus, & quàm civilissimis mediis, pro possibilitate nostra, cum nostro bono insens egimus, verùm cum oppressiones, & injuriæ omnem civilem & humanum modum excedebant, præjudiciaq; præjudiciis, & violentiæ violentiis ex parte eorum contra nos accumulabantur, adeo ut in honores ministeriorumq; nostrorum dignitates, nobis ab Antecessoribus moderni Regnantis collatas, & ad hæc usque tempora, in bonum Reipub. sub tot tantisque assultibus, ac pressuris conservatas, imò & contra nos ipsos, vitamq; nostram usq; ad internecionem insurrexerint, non alibi, malorum nostrorum remedium & medelam, quàm sub Regia protectione, Senatus, Primatisq; Cardinalis tutela, Equestri Ordinis defensione, ac totius indivisæ Reipub. cõsideratione quærere volumus, vulnera, injurias, damna, præjudicia ac oppressiones nostras in sinum communis Matris Patriæ reponentes, dolores nostros & afflictiones providæ ejus animadversioni commisimus. Ex comitialibus etiam Reipub. consilijs extrema adaçti necessitate, propter structas vitæ nostræ insidias ad tutiores Regni recessus salutem periculis subducentes, totius Reipub. in his turbinibus medelam, & decisionem votis omnibus precibusq; expetebamus. Dum verò auctoritate Regia, mediatione inclyti Senatûs & Equestri Ordinis, sub tempus generalium Regni Poloniae & M. D. L. Comitiorum Varſaviæ tractatorum, tam per Legatos Terreſtres, Regni Poloniae & M. D. L. ex speciali super afflictam hanc Patriam DEI misericordia, & providentia, ac per deputationem ex mandato Regio, partesque impetratorum, qua Senatorii, qua Equestri Ordinis Mediatorum, sub præſidentia Michaélis Radziejowski S. R. E. Cardinalis, Archiepiscopi Gnesnensis, Primatis Regni Poloniae, & M. D. L. interna mala, & diffidia, quæ ab aliquot annis in hac inclyta gente status Reipub. inquietabant, civilibus, & adæqua-

tis

tis mediis, ut eo nomine gloriosissimè conclusus tractatus, & pacificatio perpetua M. D. L. abundè exprimit; sunt sopita, & quidquid ex orbita legum unionis M. D. L. & novellæ legis coæquationis jurium M. D. L. cum Regno Poloniæ, dissensiones & similitates internæ, dimoverunt, totum ad jus antiquum & pristinam legum observantiam revocatum; Regimina omnia, authoritates & potestates, munia, ministeria & officia, in suis prærogativis, juxta antiquas, & novellam legem coæquationis jurium relicta, illorum usus & dispositio, sine ullo impedimento relicta, bona si cuiuspiam hoc tempore internorum motuum, violenter ac tumultuosè erepta erant, ut ex nunc per officia Terrestria & Castrensia, Palatinatum, & Districtuum, in quibus bona consistunt, ad requisitionem partium, ad quas pertinent, efficaciter restituerentur, auctoritate Reipub. injunctum & imperatum decreta omnia in Tribunali aliisque subfelliis M. D. L. contra nos aliosque in eodem Ducatu injuriatos, in contumaciam civilis dissidii lata, cum omnibus pertinentiis ac gravaminibus abrogata & cassata: sibi mutuo infensæ Palatinatum & Districtuum M. D. L. personæ, ut invicem in perpetuum Christiano pectore, virtute & obligatione, sibi condonando, tam in criminalibus, quàm in civilibus (salvo tamen jure vindicandi necem Præfecti stabuli M. D. L.) ut omnia odia & dissidia extinguerent, sancitum. Cum eo verò, qui, novos inchoare, antiquos fovere & concitare auderet tumultus, quiq; privatas vindictas his de causis sive apertè, sive occultè moliri attentaret tanquam cum violatore communis tranquillitatis & auctoritatis legum contemptore, juri publico rebeli, secundum rigorem legum sine ullo respectu personarum, procedere declaratum, jura & præfensiones privatæ mutuo intervenientes, ut in Tribunali M. D. L. judicarentur, judiciaq; & decisiones in eis acceptarentur, roboratum.

Propter meliorem verò & diuturniorem partium ad invicem securitatem, authoritas Regis, Primatis Cardinalis, Senatus utriusq; gentis, & Ducum Exercituum Poloniæ potestas in guarrantiam, seu mediationem nominati pacificationis tractatûs interposita, & ut sine ulla contradictione facta hæc M. D. L. complanatio in volumen legum, si comitia conclusa fuerint, in casum verò rumpendorum comitiorum, ut in acta metricæ Regni propter perennem valorem infereretur, & publicaretur, providè cautum, utq; Varsaviam tanquam ad publicum consiliorû locum veniremus; eadem authoritas & protectio totius indivisæ Reip. nos vocavit, asscuravitq; & persuasit, id, quod tractabitur, interpositâ publicâ fide, fore firmum, stabile & inviolabile; venimus Varsaviam & conformando nos conclusioni tractatûs & pacificationi in omnibus, modò sit bene Patriæ, offensas nostras, quascunq; ex occasione injuriarum & oppressionum illatarum adversus quempiam habuimus, Christiano pectore, animo, & obligatione, tam in civilibus, quàm in criminalibus donavimus, & penitus extinximus, salvo solummodo jure vindicandi necem præfecti stabuli M. D. L. ut supra nominatum, in omnibus cavendo, & allaborando, ne Respubl. ulteriorum tumultuum incommoda pateretur, & ad ultimam (quod Superi avertant) ruinam perveniret; in omnibus hanc pacificationē & complanationē acceptavimus, illique nomina nostra, propter firmiorem, melioremve certitudinem, subscripsimus. Dum verò efficacem hujus tractatûs executionem, & effectum, invicem à parte adversa expectamus, ut illi in omnibus punctis fiat satisfactio, potestas, dignitates, munia, ministeria, & officia restituantur, bona nostra hæreditaria & œconomiae, officia Terrestria & Ca-

A. C. 1702 & Castrenſia, Palatinatum, & Diſtrictuum M. D. L. juxta obloquentionem perpetuæ pacificationis, nobis, aliisq; injuriatis in poſſeſſionem reddantur, ut in omnibus pacificationis tractatui ſatisſiat; ſpem, & expectationem noſtram luſam eſſe, accepta probavit notitia affirmans, in aliquorum Diſtrictuum actis, contra hanc pacificationem, autoritate Regis, & totius Reipub. roboratam, proteſtationes, à quibuſdam, interitum M. D. L. intendentibus, eſſe factas. Unde, univerſalia Regis, Palatinatibus & Diſtrictibus M. D. L. hanc pacificationem denunciante, in actis publicari, non permiſſa, ad valuas Eccleſiarum per Diœceſes & Parochias M. D. L. affixa, abripiebantur & ſupprimebantur, & ne Palatinatibus & Diſtrictibus M. D. L. innoteſcerent, omnibus modis impediabantur, & hætenus impediuntur, Officia Terreſtria & Caſtrenſia, metu durantis hætenus in malè cœptis obſtinationis, perterrita, authoritati & deciſioni totius Reipub. ſatisſacere renuunt, nec Exercitum M. D. L. poteſtati Ducali majoris clavæ tradere volunt, verum pro libitu privato, ultra conſenſum totius Reipub. ſupra eum ſibi uſurpant poteſtatem; dumq; Equeſtris Ordo M. D. L. tempeſtivè hanc pacificationem acceptare vellet, id facere, per quosdam Colonellos non permiſſus, à quibus hac occasione bona Nobilium invaſionibus, contributionibus, & ſub prætextu contributionum rapinis funditus ſunt vaſtata, idem factum Regalibus, Spiritualibus & Terreſtribus bonis, violentâ manu expilatis. Non ceſſant hætenus iidem adverſarii totum M. D. L. opprimere, ad ulteriores ſtatuum Reipub. colluſiones & tumultus viam ſternentes. Jam poſt factam & vulgatam hanc M. D. L. pacificationem, bona, Rozana dicta, prius contributionibus, conſiſtentiis, rapiniſque vaſtata, tandem per eos incinerata; iidem in Ruſſia, in Bychoviènſem comitatum aliaq; hæreditaria bona igne & ferro hoſtiliter læviunt, vocatis in ſubſidium 25000 Moſchorum fortalitium Bychoviènſe expugnare nîuntur, arma Reipub. non contra hoſtem, ſed in civile excidium vertunt. Alia complura bona ſuper quæ ante unionem, ſummas lege publica domus noſtra habet aſſecuratas, hætenus tenentes vaſtant, ultimisq; ruinis Rempublicam, & domum noſtram ſepeliunt. De tanta igitur eluſione, & convulſione authoritatis Regiæ, inclyti Senatûs, Equeſtris Ordinis, totiuſq; indiviſæ Reipub. & de violatione concluſæ, DEI miſeratione & providentiâ, tam laudabilis pacificationis, conſequenter de enormi præjudicio, oppreſſione, & aggravatione noſtra, manifeſtamus nos quàm ſolenniſſimè contra vaſtantes domum noſtram privato auſu, & authoritatem Reipub. poſtponentes; cum ea declaratione, quòd, ſicut ſemel, quidquid autoritate Regis, mediatione Senatûs, Equeſtris Ordinis, & totius indiviſæ Reipub. ſub tempus generalium, ſex ſeptimanarum, comitiorum Varſaviènſium, per Legatorum Terreſtrium utriuſq; gentis, interpoſitionem concluſum eſt, plenè ſuſcepimus, & ad ſatiſfactionem in toto, nos ſubmiſimus, ita, in quantum, per non ceſſantes hætenus oppreſſiones, violentias, rapinas, depopulationes bonorum noſtrorum, per violationem jurium & libertatis, ſtructas demum vitæ noſtræ inſidias, laſſata patientia noſtra, inviti planeq; impulſi hiſce violentiis, & adacti, aliqua deſenſionis noſtræ arripere neceſſitabimur media, manifeſtamus nos, & proteſtamur, ſolenniſſimè coram DEO, cœlo, Rege, inclyto Senatu; omnibuſq; Statibus totius indiviſæ Reipub. nos non fore eorum cauſam, ſi quæ in aliquali deſenſione libertatis & noſtri ipſorum intervenerint. Charam tamen Patriam præcavimus, quod quocunq; tandem Divina nos voluerit ordinare providentia,

dentia, libertates, jura Reipub. conservare, & tueri adnitemur, pro eorumq; integritate, sanguinem, vitam, fortunas nostras Patriæ consecramus. Huicq; manifestationi manu propriâ nomina nostra subscribimus.

Casimirus Sapieha Palatinus Vilnensis, Magn⁹ Dux Exercituum M. D. L.

Benedictus Sapieha, Thesaurarius M. D. L.

Michaël Sapieha Notarius Campestris M. D. L.

Alexander Sapieha Mareschalcus M. D. L.

Georgius Sapieha, Dapifer M. D. L.

(L. S.)

XXVII.

ANDREAS C. ZALUSKI EPISC. PRINCEPS VARM. & SAMB.

THOMÆ DZIALYNSKI PALATINO CULMENSIS.

24. Junij.

CUM jam ultimæ Varsaviâ literæ prævisam quidem, sed fato Reipub. non averfam adferunt nobis infelicitatem, deferendo, quòd jam securis ad radicem posita, quòdq; pons unus sub Wyskovia extructus, alter sub Pultovia dejectus, quòdq; ulterius Rex Sueciæ progrediatur, quem non terreant secutura? non licet & per conscientiam, & per amorem communis Patriæ dormire, imò convenit omni conatu prævenire pericula, ne ab illis præveniamur. Sed quid agendum? quid incipiendum? ego in tenui meo intellectu efficacia non invenio media. Ad primam notitiam à Legatis ad Regem Sueciæ missis, quòd modica spes vel nulla esset publicæ tranquillitatis, visum est mihi renuntiando hæc exquirere sensus multorum, quibus cura incumbit hujus; expetij consilium, sed non sum inventus dignus, ut mihi responderetur. Etiam si proinde iteratò promptum meum offerrem animum in commune obsequium, certè eandem vereor & timeo sortem. Ad te tamen in eo puncto recurro, fraternum & confidentialem exquirens sensum; si verò, uti ex præmissis conjectura sumi debet, habebis in promptu ea consilia, quæ etiam sine me Provinciæ salutaria, & in omnem casum secuta sunt, facias me certiores, ut etiam ego, dum in communi consulere non licet, privatæ Episcopatus mei provideam defensionem. Sufficit, quòd me offeram, tanquam ille bos, sive ad aram, sive ad aratrum, paratus & immolari pro publico obsequio, promptus & privatim ad aras coram Divina humiliari Majestate, & de meis ovibus separatim cogitare. Docete ergo me viam mandatorum vestrorum, aggredior propter privata mea negotia versus Gedanum iter, si te 29. currentis Mariæburgi invenirem, quòd etiam Episcopo nostro Culmensi propono, illuc deflecterem & pro eo termino scriberem libens ad alios, quia in similibus occasionibus opportunè, importunè urgendum est. Sed nesciens odióne an gratiâ sim dignus, satius credo te precari, ut velis hos ad communem conferentiam invitare, à quorum consiliis salus publica dependere debet. Quòd iterum, iterumq; amore Patriæ testando &c.

*Inquire
consilium*

COPIA UNIVERSALIS EPISCOPI VARMIEN. TERRARUM

Prussiæ Præsidis ad Palatinatus Prussiæ 29 Maji Mariæb.

Post tit. Quamvis hætenus ab hac activitate obsequij Provinciæ Prussiæ nos Episcopi arcemur, ad quòd sicuti constat clarè ex Traditionibus Prædecessores nostri invitabantur, nihilominus non licet nobis promptitudinem nostram deferere, ubi circumstantia temporis

Tom. III.

S

ris

A.C. 1702 ris publica exigit consilia ubi occasio bene merendi de hac inclyta Provincia campum aperit, & invitat. Cum proinde fortuna potius, quam casu cum Episcopo Culmensi, & multis aliis Senatoribus & Consiliariis Provinciae hujus in hoc loco comparuerimus, & acceptâ in reflectionem debitam stupendâ vertentium temporum Patriae nostrae vice, non licuit ex obligatione & amore in communem matrem, quando nulla spes Comitiorum nostrorum Generalium, usq; dum affulget, insimul consulere, & ex communi consensu concludere, quomodo praesentibus mederi, futuris, & proximis cavere debeamus periculis. Cum autem omnis nociva est mora, quando malum adauget hora, insistendo laudo anni 1699 quod sede utraq; Episcopali vacante conclusum erat, compulsus à praedictis Senatoribus & Consiliariis sum, & quia jam antecederet publico nomine Palatinatûs Culmensis ad comunem defensionem compellati sumus Episcopi in fundamento laudi hujus ex officio Praesidentiali Palatinatibus Culmen. Mariæburgensi & Pomeraniae denuntiarem, ut per alienos casus prudenter providere Provinciae, & rebus aptare possimus consilia. Morem proinde gero necessitati ingruenti, desiderisq; tantorum nominum, & non praedjudicando quidquam juribus inclytae hujus Provinciae, per amorem Matris hujus, cui vitam, fortunas, & quidquid demum carum esse potest, debemus, obtestor ut pro 13 Junij Mariæburgum pro generali consilio conveniatis, & quod quisq; faceret, si aedes ejus arderent hoc in publico & vicino incendio facere non recusetis. In hoc verò generali consilio dum pro Cynosura, scopo, & polo unice habebimus, salutem publicam securitatemq; Provinciae, omnia bona, quaecunq; è re & in rem Provinciae videbuntur cum auxilio Domini Exercituum, & mutua unione in defensionem nostram constituemus. Ut ergo sine mora pro termino & loco nominato compareatis, precor, ne tardiora sint remedia, quam mala; dum tempus habemus, operemur bonum; quod ut securius innotescat, ad omnia Palatinatum castra mitto. &c.

NICOLAO SVIĘCICKI EPISCOPO POSNANIENSI

Mariæburgô 29 Maji.

QUàm sit miserandus Reipub. nostrae status, sentimus omnes, & utinam amplius non sentiamus! & proinde infelicitates nostras non numero, potius confidenter ad te recurro, deferoq; quod comparens hic cum multis Senatoribus, & harum Prussiae Terrarum Consiliariis compellatus sum ab illis, ut pro officio meo Praesidentiali, cum nulla spes Comitiorum affulgeat, convocarem omnes ex nobilitate, & pro more ex Majoribus Civitatibus ad consilium 13 Junij hic indictum. Quia verò libenter illud cum communi aliorum Palatinatuum sensu jungere vellemus, sciens pro certo manere te nunc Posnaniae, cū omni fiducia ad te, cui amor & zelus publici boni inest, recurro, ut me velis informare, quae sint meditationes, quae dispositiones illis Palatinatibus, à quibus plerumq; alij regulam sumere solent, ut rebus consilia aptando, eò melius accommodando sensus nostros ad vota vestra, & nos hic praesentibus mederi, futuris possimus cavere periculis. Facies rem gratam huic Provinciae, publico bono perutilem, quando sensu tuo, & aliorum Majoris Poloniae Civium futura nostra illuminabis consilia. Si verò ex limitatione Comitiorum ibi erunt, vellem informari de tempore, ut pro communicandis consiliis ibi per Ablegatos compare-
re

re possimus: Spem firmam in Dño habeo, quòd non permittet adhuc *A.C.1702*
propter tot bonas animas perditionem nostram; & modò confidenter
fensus & manus vicini saltem Palatinatus jungant non deerunt media
cum auxilio Divino salvandæ Reip. Expectando proinde hanc, quam
iterum, iterumq; expecto gratiam, maneo cum indebili caractere. &c.

MAGISTRATIBUS CIVITATUM. Mariæbur-
gi 29 Maji.

QUàm sit miserandus præsens Reip. nostræ Status magis omnibus
patet, quàm ut verbis explicari queat, & nota loquerer scienti-
bus, si eum pluribus describere vellem. Stupendam hanc ver-
tentium temporum Reip. vicem fortunâ potiùs, quàm casu cum mul-
tis Excell. RR. Senatoribus, & Illñis Provinciæ hujus Consiliariis Ma-
riæburgi inventis, non tam considerantibus, quàm deflentibus propi-
ores fuimus. Cum verò & præsentibus mederi, & futuris interlit ca-
vere periculis, & nulla interim spes comitiorum solitorum & Genera-
lis congressûs affulgeat, visum est omni malum adaugente horâ insi-
stendo laudò anni 1699. 29 Maji sede utraque Episcopali tunc vacante
concluso compellare me, ut in fundamento ejusdem laudi ex officio
Præsidentiali Culmensem, Mariæb. & Pomeraniæ Palatinatus pro die
13 Junij ad Generale invitarem consilium Mariæburgum, ut eo die &
loco per alienos casus prudenter Provinciæ providendo, consilia rebus
aptemus. Morem proinde gerens necessitati ingruenti desideriisque
prædictorum Excell. RR. & Illñorum non præjudicando juribus Pro-
vinciæ id jam executus sum. Cum verò & instituta Majorum, & tenor
hujus nominati laudi vocandas quoq; majores civitates jubeat, uti li-
bens Prænobiles ac Spect. DD. Vestras pro hoc destinato tempore in-
vito; sic minimè ambigo illud, quod quisq; si ædes ejus conflagrarent,
pro se faceret, id in publico & vicino hoc totius Regni incendio, fa-
cere non recausabunt, ut omnes dum tempus habemus, operemur bo-
num. Quod dum iterum, iterumq; nomine publico à Præn. & Spect.
DD. Vestris requiro, particularem meum, nec unquam immutan-
dum in nobilissimam Vestram Civitatem contestor & profiteor affe-
ctum.

CONCLUSIO CONSILII MARIÆBURGI HABITI.

17 Junij

NOS Dignitarij, Officiales, totusq; Equestris Ordo Terrarum Prus-
siæ Universalibus literis Celsissimi Principis Andreae Zaluski E-
piscopi Varmien. & Samb. Præsidentis nostri ex consilio & com-
pellatione nostra sub 29 Maji expediti, congregati. Videndo, quòd Pa-
tria nostra ex cardinibus jurium & libertatum commota, & ad casum
vix eluctabilem sub mole malorum inclinata jam fatiscit, cum eviden-
ti aureæ libertatis periculo, cum fatis luctatur, non obliviscimur ea,
quæ in cordibus nostris innatus in libertatem zelus, in Patriam amor,
solita & insita Polonæ Genti penes integritatem R. Majestatis feliciter
Regnantis fides, & naturalis in defensionem Provinciæ hujus inclina-
tio & debitum, excitat obligationes nostras, dum pro præsentis consi-
lio comparentes, & præsentissima, quæ jam sunt proxima pericula, con-
siderantes, ne nos eò magis involverent, quò minus paratos inveni-
rent, quandoquidem comitiola, quæ ad omnes Palatinatus sunt expe-

A. C. 1702 dita, nos habere non possumus, talia arripimus remedia, rogamus & obstringimus Principem Episcopum Varmiensem, ut urgentissime Regi supplicet pro expeditione Universalium literarum pro commotione Reip. ad tuitionem limitum Provinciæ, & destinationem Generalium Terrarum Prussiæ Comitiorum juxta cadentiam hic Mariæburgi in decursu trium septimanarum. Pro quibus si expeditio non fuerit expedita, vel fato aliquo Comititia non finirentur, tunc vigore laudi securitatis anni 1699. nolendo videre Provinciam in tam gravibus periculis sine consilio, & defensione determinamus nobis congressum generalē hic Mariæburgi 10 Julij, pro quo uti omnes hic præsentēs amore boni publici conveniemus, ita omnes Fratres domi manentes, sicut etiam majores Civitates, quas Princeps Varmien. particularibus invitabit literis, ad mutuū hoc expectamus consilium non aliam ejus metam interponendo nisi tuitionem Mtis, libertatis, & internæ hujus Provinciæ securitatis, & quoniam in præsentibus tam periculosis conjuncturis unio animorum, activitas & usus prerogativarum DD. Senatorum super omnia est necessaria, præcipuē cum Dñi Episcopi amore publici boni & Provinciæ subsidia declarant, tunc petimus dictos Dños Episcopos & Palatinum Culmensē, ut pro præfixo consilij termino veniant, & prævio juramento communi, ope & operâ Provinciæ adesse velint. Petimus etiam Dños Ductores Distriktuum, ut per universales literas suas omnes fratres in periculis præsentibus & imminētibz admoneant ad omnia præparamenta conscendendi equos, & movendi se illam in partem, quo necessitas publica feret, animare non negligant. Quod ut melius omnibus pateat. &c.

XXIII.

ANDREAS C. ZALUSKI EPISC. PRINC. VARM. ET SAMB.
MAGISTRATIBUS CIVITATUM Mariæburgi die 17 Junij.

IN nuperno consilij Provincialis Mariæburgi incepti termino eò magis Prænobiles ac Spectabiles Dominationes Vestræ meæ nomine publico delatæ interpellationi responsuras, & è gremio sui Ablegatos submissuras, sperabam; quò majorum eorundem in publicum bonum Patriæ & hujus inclytæ Provinciæ studiorum, vel ipse conscius sum, legum observantia tum viget, dum ipsæ leges, sed ubi præsentia Reip. pericula exposcunt, etiam ea remedia capeßenda, quæ pacatis aliis temporibus minus valerent. Quòd aliud medium Provincia eo tempore, dum quibusvis Palatinatibus & Terris Regni Poloniæ Comitiorum & Conventus ex Cancellaria Regni extradita, & soli Prussiæ subtrahita sunt, opportunius arripere potuit, quàm dum præsto Illustrissimorum & Excellentissimorum harum terrarum Senatorum & Dignitatorum consilio, calamo Præsidentiali Generale consilium indixit, quò minus respiciendo mala, quæ totam Remp. involvendo, vix nobis elutabilia censentur, pro Mte, libertate, & securitate harum Terrarum consilia conferret. Multum obsuit absentia Prænobilium, ac Spectabilium Dominationū Vestrarum, quatenus finem suum debitum assequeretur congressus ille Provincialis. Alio tempore Sanctimonia sancitorum servari & observari deberet, non eo, dum piæ leges præsentissimo cum libertate expositæ sunt periculo. Pluribus non distraho cum ea omnia, quæ novissimè Mariæburgi intercesserunt Prænobilibus ac Spectabilibus Dominationibus Vestris prolixius enarraturus sit D. Secreta:

us. Quod unum & solum salvandarum rerum nostrarum superfuit, conclusum, ut pro expeditione ad conventum Generalem harum terrarum S. R. Mtem D. N. Clementissimum nomine publico interpellarem, quæ si non venerit, Status & Ordines Prussiæ pro die 10 Junij iterum Mariæburgum pro ineundo in moderno, sat superq̃ periculoso rerum modernarum statu, consilio convocarem. Satisfacio publico voto, & Prænobilibus ac Spectabilibus Dominationibus Vestris tam de præterito consilio rationem, quàm de futuro notitiam reddo, urgentissimè instando, quatenus Prænobiles ac Spectabiles Dominationes Vrae se bono publico, & sibi subtrahere nolint, ac pro futuro Generalis consilij termino, five expeditio ex Cancellaria Regni pro Conventu Generali venerit, five eâ expeditâ fato aliquo idem Conventus Generalis non sit substitutus, per Alegatos suos compareant: nihil se prorsus Ordinariis consuetudinibus derogaturas ratæ, ubi cum fatis luctanti Patriæ, ac in casum præsentissimum inclinatæ Provinciæ Terrarum Prussiæ consilio & auxilio præstò fuerint, utrumq̃ vicissim à reliquis statibus harum Terrarum in casu prægnantis necessitatis experturæ. Hoc dum à Prænobilibus ac Spectabilibus Dominationibus Vestris eo, quo possum vigore & favore desidero, pariter amica studia mea ejisdem ex animo defero & maneo.

FRANCISCO PIGNIATELLI EPISCOPO TARENTINO, NUNTIO APOSTOLICO Mariæburgi 18 Junij.

Hodie primum accepi honorem benignissimarum literarum Excell. Vrae Cracoviæ 31 Maji exaratarum, in quibus constantem suum testari affectum benevolè mihi dignatur. Certa sit Excellentia Vra antiquis meis iisque perennibus obligationibus hanc novam accessisse, & desiderium meum, quo semper feror, eò magis augeri crescereq̃ ad demerendam ulteriorem gratiam, ad serviendumq̃, si id liceret, & occasio ab ipsamet Excell. Vra benignè & confidenter daretur. Literas Serenissimi Regis Domini mei, de quibus mentionem Excell. Vra in suis facere dignatur, non vidi, non licuit mihi esse tam beatum. Venirem nihilominus, & necessitate tantâ miserandi Reip. statûs compulsus, & mandatò Excell. Vrae excitatus, si expediret deferere gregem, quem nunc vel maximè, nesciens à qua parte venire possit malum, custodire obligor. Accedit, quòd Cracoviæ modicus mei usus, hic major pro meliori Mtis suæ servitio. Non segniter nihilominus, non obstantibus quibusvis in contrarium rationibus accurram, post 10 Junij Comitij Pruthenicis destinatum, à quibus pro officio meo nullatenus absens esse possum, si venerit Regium mandatum, cui servire & obedire honoris imò debiti mei duco. De continuis in Diœcesi mea ad DEUM precibus non dubitet Excell. Vra, sicut de sincera ad quævis mandata ejusdem mea voluntate, & quòd cum debita veneratione sim perpetuo cultu.

Cur non possit ire Cracoviam

COPIA LITERARUM ADELECTOREM BRANDEBURGICUM CARDINALIS PRIMATIS REGNI Lovicij 29 Maji.

Quod jam volitans per orbem fama sparsit, seu prospera, seu adversa partium in Livonia, tædiosus forem, si quæ distinctius Serenitati Vrae Electorali patent, repeterem. Bellum ne hoc, an levis in vicinia dissidium appellem, quidquid sit, sollicitudinem Paterum, curam, ac vigilantiam meam provocat, ne quid ex inopinato ad-

Perit ne transitum det Suecis per Pomeraniam

A.C. 1702 versi Reip. eveniat & hinc fidæ & amicæ compellationis meæ occasio, non vanus rumor Suecos per Pomeraniam hostilia arma Majoris Poloniæ meditari, id metuere stante valido Serenitatis Vrä Electoralis robore & quod validius stante fœdere, ac tot constantis in Remp. amicitiae documentis, idem esset, quod de ejusdem affectu dubitare. Si tamen vel vi, vel tractatu aliquo ille à Suecis transitus tentaretur, id suam Serenitatem Electoralem non modò impedituram, imò opportunè Remp. præmonituram, nullus dubito, secus, si quæ auxiliares copiae in subsidium Reipub. vocatae, transitum per ditiones Serenitatis Vrä Electoralis expeterent, mutuo pactorum fœdere, non denegaturam, & in hoc omnem viciniae illic securitatem locans Serenitatem Vram obnixè rogo, ut candoris sui in Rempub. continuata documenta orbi miranda producat. Cujus benevolentiae me ipsum comendans, maneo in cultu ac veneratione.

Serenitatis Electoralis
Affectus & Obsequentissimus Servitor.

BENEDICTO SAPIEHA THESAURARIO LITVANIAE
A CARD. PRIMATE 31 Maji.

*Dethroni-
zationē di-
suadet*

EX literis tuis intelligo te Varfaviam venisse, de adventu tuo gaudeo, de confortio Suetico affligor. Spes quam de adventu meo Varfaviam concepisti, falli posset, nisi tractatus reconciliationis mihi foret incitamento, quanquam & hunc effectum suo cariturum prævideo, audiens fremitum in omnibus pene Palatinatibus obortum propter appropinquantem Regem Sueciæ.

*Stanisl. Ja-
blonowski.
Raphaël
Lesczynski*

Gaudebam aurâ populi defendendo pro virili bellum, & illius principium negando, sed nunc hæc cythara in luctum versa, dum limitibus Litvaniæ, jam egressi in Polonia hospitantur Sueci, & qui antea compatiiebantur vobis, nunc exclamant; Contra me prius hosanna, nunc auditur crucifige, tanquam ego Suecos vobiscum in Poloniam induxissem, à quo semper abhorruì, uti id tempestivè vobis denuntiavi, & dehortabar, ut has intentiones deponeretis ex quibus non aliud expectari potest triumphus, nisi vastitas & desolatio Reipub. vestri ultima ruina, & tristis nominum vestrorum memoria. Nonne recordaris dum nobiscum te separabas, quòd omnes cum Castellano p. m. Cracoviensi & Generali Majoris Poloniæ per omnia sacra à vobis petimus, ne ad Suecos transfiretis, qui nihil magis desiderabant, quam aliquem ex vobis penes se habere; Certè in hanc horam non ausus fuisset Rex Sueciæ limites Regni transire, si ita fecissetis, uti consulimus. Dethronisatio est res impracticabilis, nec ullum inveniri potest consilium, ut Nobilitas in illam consentiat; Prævideo quod & cogi non poterit, præcipuè si desperatio accesserit, superior erit repellendo, & inde ex utroq; perditio vestra. Opto proinde & per omnia sacra precor, ut reassumptionem Tractatus cum Rege Sueciæ suadeatis, hic verò non potest incipi, nisi sublato Dethronisationis Sisthemate, quo sublato firmam in DEo spem habeo, quod cuncta è voto Reip. cedent. In maturam proinde accipe id, quod peto, reflexionem. Dum Tractatus fiet, & Regnum, & M. D. Lit. de pleno pacificari debent, ac proinde & Personarum Vestrarum, & fortunarum securitati providebitur; Executio autem horum certior & celerior erit, quàm à Comitibus facta

con-

concordia; Hæc pro affectu & metu pessimarum in publicum con- A.C 1702
sequentiarum &c.

XXIX.

ANDREAS C. ZALUSKI EPISC. PRINC. VARM. & SAMB.
AMICO CONFIDENTI 2dâ Junij.

NON doleo, quòd dederim occasionem dulci tuo calamo, quia vix tetigi fontem sapientiæ, & ecce haurio vivas aquas omnis veritatis, quæ in his circumstantiis miseræ Patriæ pro refrigerio mihi sunt. Agnosco cum aliis imò præ aliis, quòd ruinæ nostræ factores sumus; ambulavimus per abrupta & obliqua, & proinde nunc tanquam errantes oves quibus in terris simus, ipsi ignoramus. Et supremus Pastor à nobis in oblivione relictus, fortè mutuae oblivionis vicem reddit. Clamandum tamen voce magnâ & cælum suspirijs & gemitibus pulsandum: Solve vincla reis, profer lumen cæcis.

Varfaviâ mihi scribitur, quòd D. Wachtschlager iterum adivit Primatem nomine Regis Sueciæ invitando Varfaviam, nescitur an veniet; Rex Sueciæ versùs Cracoviam cogitat persistens semper in cogitatione dethronisationis. Interim confluxus quotidianus exercitûs, & in dies augetur, victualia providentur, sed non sine gravi Suetica executione. Protectio Primatialis nihil juvat; dicunt enim Sueci vento exercitum vivere non posse, cur vocâstis nos in defensionem libertatû vestrarum? Judicibus Castren. Varfaviën. indictum est, ut sub nomine Regis Sueciæ judicia absolvant, aliàs in locum eorum alia subjecta substituenda; quamvis Aloysius Łoski Pocillator Zakrocimensis Subjudex Castrensis Varfaviënsis, generosissimè responderit, nullû ex Polonis ausurum locum suum sumere; externos verò statutum Regni non intelligere. Thesaurarius Litvaniæ vult bene, ut scribitur, sed nō valet, omnes dicunt, quòd, dum Artilleria venerit, statim versùs Cracoviam movebunt. Aula nostra sine viribus, assistentiæ curta supellex, Cracoviâ omnes fugiunt. Interim literæ Cracoviâ à Rege nostrò ad Senatores veniunt, quorum tibi copiam adnecto.

COPIA LITERARUM REGIS POLONIÆ AD SENATORES
Cracoviâ 30 Maji.

IN oculis totius mundi, & apud exteras Nationes in admiratione effusa ferocia Suecorum contra nos, quòd scilicet in dies profundius procedendo omnium Provinciarum possessionem recipit; & jam novissimè in Regia nostra residentia dominatur, quasi hæc inclyta Patria suis servata triumphis, imperioque foret, sub pallio & veste simulati amici, & hospitis nunquam invitati à tota Repub. libero pede procedit, & virulentiae suæ potentiam sub suavis veneni specie trahit ad se Regnum, quòd à Majoribus nostris, sine aliena dependentia proprijs regebatur, & florebat legibus, & sub unum sceptrum tot ingentes congregabat Provincias. Et nunc tutelam, nescimus qualem, vel curatelam sibi usurpant, utque statum evertant, libertatis speciem præferunt, quem si perverterint, libertatem ipsam aggredientur, perniciose destinante & apparenti ea supervestiente prætextu. Asserit se exacerbatum esse ab exercitu Litvaniæ, & ad ultiores progressus necessitatum, sed facile ex fructibus ejus cognoscitur, quia non tantum primo armorum impetu possedit Curlandiam, Semigalliam, & Districtum Piltinensem,
sine

A.C. 1702

sine ulla data causa ultro quaerendo occasiones per manuductionem adhaerentium suorum in viscera Litvaniae intravit, cui quod eo tempore tanquam invasori, & fortiter grassanti, cum aggravatione bonorum nostrorum Regalium, Spiritualium, & Nobilitarium aliqua pars Exercitus Litvanici restitit, & arma naturalis defensionis opposuit, queritur, quasi innocentem Patriae cervicem ad lethalem ictum inclinare debuisset; unde insolita inter Reges praxi, & indiscreto stylo, cum atrocissimis in publicum prodit injurijs, ut nos eo modo ab amore civium separet. Expeditionem Fictomij nostri cum civilissima contestatione ad emolliendum ferocitatis, ut abunde praesenti Senatui Varsoviae deduximus, sinistre interpretantur, & novum contra nos eruunt commentum. Sed agnoscat veritatem clara perspicax aquilae Polonae pupilla, agnoscat non depravatus gustus sub melle venenum, quia nec hoc in mente & cogitatione nostra unquam fuit, ut antiqua libertate inclytam hanc gentem privare vellemus, quae nos liberis vocibus, & concordia sensuum in hoc stabiliverunt throno, & penes integritatem nostram per legem publicam pacificationis Comitiorum firmiter agere se obligarunt; sicuti ad primum Nuntium inaudita hujus dethronisationis per externam potestatem generosa pectora in praeteritis Comitiolis laudabilem sensum monstrarunt, sanguinem proprium effundere, fortunas & vitas proprias impendere declararunt. Quomodo id cor nostrum non sentiat, quomodo tam ferventia in nos studia Nobilitati non recompensemus, & gratos nos exhibeamus, quinimo si aliquid ex orbita jurium Patriarum exiit, si in aliquo antiquae libertates augeri possunt, prompti & parati sumus alacriter, & grato id facere corde certi, quod Status Reip. agnoscent id, quod in libera Repub. cives Regi debent, cujus Majestas fulciri solet amore, veneratione & obsequio in omnes partes inimicas nobilia opponendo pectora. Proprio ille palleat pudore, aut potius sanguine rubeat, qui nobis libertates adimit, & per tam graves calumnias coram DEO, & mundo insupportabilem facit injuriam. Accipiet Sueticas intentiones & attentata in examen Respub. & quivis, quicumque ea bene consideraverit, inveniet unicum in illis exitium, omnium civium sub nomine legum, dum per domesticas factiones crudelium in Matrem filiorum proditio & Suetica hostilitas altius ad intima penetrat. Monstrat se arroganter Rex Sueciae assertorem libertatis, & cardines liberae electionis, & sacrosancte custoditas leges a fundamentis commovet, & evertit, dum non tantum Ratisbonae in Comitibus Germanicis per Legatum suum declaravit, quod intret in Poloniam a magna parte Procerum requisitus, ut novum constituat Regem, sed & recenter nunc Viennae per suum quoque Ablegatum duos Imperatori proposuit candidatos, Principem scilicet Jacobum, & Principem Carolum Neoburgum, ut unum ex his Imperator eligeret, & illi insimul junctis viribus assisteret. Tantum facinus quae diluet aetas? Gloriatur jactabundè, quod venit ad liberandam liberam gentem a gravi nostra dominatione, & nos teste caelo & terrae nemini vel minimam fecisse nos agnoscimus injuriam. Mundam in hoc puncto habentes conscientiam, & si ad recuperanda avulsa & propagandos Patriae hujus fines ex nexu juramenti nostri praetendebamus, utique dum id Reipub. non videbatur, non tantum bellum, sed & omnia bello parata abjecimus, honorem nostrum, expensas, damna, beneplacito publico sacrificantes è converso sub innumerabilibus Sueticis aggravationibus patitur Status noster Regius spiritualis & saecularis. Gemunt pauperes & oppressi, & quod

quod contumeliosius, liberis gentibus ad arma natis indicuntur tributa, quæ jubere consueverunt. Convertit in hoc tota Patria oculos, gemit justitia sine vindicta, levant manus iam sub jugum coactæ Provinciæ, aliæ in limite fatorum ultimam expectant ruinam, dum pro libitu hostis leges imponit, & cuncta observantur. Cecidit spes expeditæ Legationis à Statibus Reip. quæ post longas collisiones, cum summa indignitate Reipub. tandem à Ministro Sueciæ ad majorem contemptum responsum accepit, quod Regi Sueciæ per pompam Legationis, & has ambages negotia non videantur pertractanda, cum eoque cum exercitu processerit.

Horret animus cogitare, calamus scribere ea, quæ sequuntur, quando universales literæ parantur ad Palatinatus, quasi alienis justis obnoxia Respub. audire debeat externi Principis jussa, & tentationes ad flagitiosam perfidiam, & mandato ejus comparere debeat ad parendum, quæ omnia non alio fine tam luculenter deferimus vobis, quam ut scilicet quivis plenam præmissorum habeat notitiam, & concivibus ante imminetia Comitola debitam faciat remonstrationem, nos verò dolore victi solatia conquirimus in cordibus Senatorum diligenter, & ferventer optando, ut sine mora ad latus nostrum compareas, & inter hæc Reipub. vulnera & tumultus præsentis consilio nobis adesse velis. Ad quod faciendum non tantum generosus sanguis excitabit, sed etiam ipsa impendentis periculi magnitudo movebit, cui bonam valetudinē &c.

SEREN: REGI AUGUSTO NOMINE TERRARUM PRUS.
SIÆ Mariæburgô 18 Junij.

NON permittit primum passum Provincia Prussiæ in ea quæ est toti Genti Poloniæ connaturalis in Reges suos fidelitate, sed pleno zelo comparet, & comparere vult pro defensione Mtis V, quod ut non verbis, sed re ipsâ eo clarius testari queat, commisit mihi ut supplicarem Mti V. quatenus tertias restium literas Universales expedire, nobisq; Generalia Prussiæ Comitia, ex Cancellaria Regia expediri faciat; Quod dum cum debita Nominis Regij veneratione, & sincero affectu exequor, DEum incessanter cum tota Diœcesi precabor, ut salutem Mtis V. conservet, taliaq; suppeditet consilia, quæ aspera in vias planas deducere, & nos fideles subditos hac possint beare felicitate, ut quam citius videre possimus in eo statu Mtis Vestræ Personam in quo esse debet.

XXX.

ANDREAS C. ZAŁUSKI EPISC. PRINC. VARM: & SAMB.
AMICO CONFIDENTI 4. Junij Guttstadiô.

GRata mihi per literas compellatio tua Laconica quidem, sed plena prolixo in me affectus, hoc habet ingrati, quod adhuc ab ægro: Et quod quamvis jam feбри liberatus, vires tamen quas illa secum abstulit, adhuc recipere non valeas. Labores tui continui, certò morbi hujus causa fuerunt; nunquid fortitudo lapidum fortitudo tua? nunquid caro tua ænea est? Ex omnibus amicitiae vinculo devinctis, quos tuus nuper iste morbus tam atrox, tamq; anceps habuit anxios, atq; sollicitos, præcipuo quodam animi dolore metuq; me fuisse distractum, facile tibi persuadebis, si tua in me merita, si meus in te affectus venerint in mentem. Quod tibi non per Epistolam scriptum, sed

A. C. 1702 sed velut per syngrapham consignatum vellem.

Mors Ja- Tristem Nuntium Leopoli habui, de cujus morbo nescivimus, au-
blonowscij divimus de morte Stanislai Jablonowski Castellani Cracovien. supre-
Ducis mi Exercituum Ducis. In morte necessitas, ordo non est. Ivit quò i-
mus omnes (non sine aliqua suspicione veneni) nec meta sed tempus
nos secernit, & futuris sæculis non interituram memoriam reliquit.

Non est mei ingenij, quenquam laude merita fraudare, ut nec per-
sonæ studio laudem improbanda, nec odio damnam quæ laudem pro-
merentur, non raptim relinquitur magnus Vir, & cum cura dicendus.
Vellem potius imitari pictores, qui facie & vultu, ex quibus potissi-
mum natura hominis apparet, similitudines exprimunt, minimâ reli-
quarum partium habita ratione, ita & ego desiderarem, ut signa ani-
mi colligens iisq; vitam hujus viri depingens, aliis magnitudinem fa-
ctorum relinquam, commemorans tantum strictum vinculum trium
virtutum, fortitudinis, prudentiæ, & humanitatis. Vir fuit ut alia o-
mittam (non enim historiam scribo sed epistolam) bellicis sine dubio
laudibus plurimum excellens, cujus sive animus, sive egregia rei mili-
taris scientia, quanti momenti fuerit ex actionibus ejus factisq; pru-
denti maximis consilio, facile intelligi potest, vir manuum promptitu-
dine audaciâq; bellica insignis, ad hæc consilij de rebus maximis pru-
dentis? Magnus honor generis, magnus honor Patriæ. Quam fortibus
& placidis conducto tempore mortem Parca ferat. Erat ille non re-
bus modo magnis utilis, sed & per otium Regi p. m. JOANNI III. (au-
thenticum, & magnum maximarum qualitatum quippe testimonium)
grata ejus erat, & suavis, ut nullius aliàs consuetudo, & ille etiam non
vivum tantum summâ coluit, & observavit constantiâ, sed mortui quoq;
necessariorum curam fideliter, & quantum potuit gessit. Quod si egre-
gij sit Imperatoris non solum præsentia rectè agere, sed & futura pro-
spicere, in eo ille multum erravit, nam non rectè futura prospexit, ut
calamitas Patriæ testatur, in hoc eum uno longissimè aberrasse à sco-
po infelicitas nostra arguit, sæpius gloriam suam, quòd in id malorum
conjecerit miseratus quasi multis certaminibus, bellisq; auctam famam
unius actionis, & planè unius horæ momento amisisse visus fuerit. E-
rat insuper ille benignus in audiendo, facundus in respondendo, in con-
ciliandis hominibus egregius artifex, & in consuetudine colendoq; ali-
os accuratus, amans quietis animus, & amicis bonus. Toties demon-
stravit quanta sibi virtus, quantaq; animi magnitudo esset, consilio neq;
industria neq; audacia deerat. Vigilare, festinare, cuncta obire, quæ aut
strenuo milite aut egregio Imperatore digna videbantur. Quanquam
inerat in animo ejus naturalis quædam cunctatio, vulgò lenitudo pu-
tabatur. Neminem quemquam privatarum injuriarum causâ offendit,
injusta certamina, quæ sunt bonis moribus inimica, non eum delecta-
bant. Commune est cunctis in suis imperiis prædicari, sed illud erat
omnino in eo singulare, quòd in extranea gente laudes proprias inve-
niret. Ibi sunt vera indicia, ubi neminem comprimit vera timiditas,
sed cur me diffundo? pridem enim tibi ejus viri actiones accuratissi-
me cognitas scio. Mors ei non calamitas, sed liberatio à malis, & salus
accidit quod unum inter tot mala superat & in laborante quidem, sed
adhuc libera Patria expirasset, cum desiderio tamen Tulliano, quod il-
li major gloria à DEo dari non potuisset, quàm si moriens Patriam su-
am liberam relinqueret, quanquam de divino speramus auxilio, &
quæ semper fuit libera nullius insidiantis decolorabitur injuria.

AN-

ANDREAS C. ZALUSKI EPISC. PRINC. VARM. ET SAMB.
AMICO CONFIDENTI Smolanijs 28 Junij.

LEgo in tuis & gaudeo per orationes nostras donatum te nobis, bene jam valere, & quod auget lætitiā meam nec mediocriter, quod excursionem ad nos minaris, & quando hæc? anni mihi dies, & nihil hoc videtur longius, & tardè ire horas queror, desiderium enim tui ferre non possum qui te ut animam meam diligo, ac proinde vola, dum sanitas permittit, non sine diu hanc spem ferre tui. Nam quod deficientibus aqua frigida, hoc mihi sub mole afflictionum laboranti, præsentia tua, & alloquium, quo testor conscientiæ meæ fidem, nihil mihi optatius, amplius non invito, ne invitum, imò non invito ne urfisse videar. Quanquam eò adducor tamen, ut non sine affectu dicā, cum illo veni, & viam vora, impatienti quippè desiderio, non satis festinatur. Et quamvis expectem hic aliquos, eoque gratos hospites, tamen erit nemo, quicum sim libentius, quàm tecum, & pauci quibus cum æquè libenter. Quod ego non modò de me tibi spondere possim, sed de te etiam mihi.

Pessima nova Varfaviā, manus amici, qui mihi scribit torpere videtur, & vix ut ait calamum potuit sumere. Persuade tibi præter culpam, & peccatum quo carere debemus, nihil nobis accidere posse, quod sit magis horribile, aut pertimescendum, Sueci iam vicini, quid hoc significat? nisi ruinam, & desolationem Patriæ vicinam? exercitus more fluminis, dum irrigat, opprimit. Hoc sensus ostendit, animus credit, quomodocunq; res cessura est, rebus ad eum statum perductis, Patria nostra in servitutem, aut cadet, aut ibit. Ego ea quæ sunt obligationis curo, & ne quid potius agerem habens, imò neglectis cæteris rebus omnibus in hoc unum toto animo, & libens intentus sum, ut appareat, maxima cura Diœcesis, quam summā caritate complector, & honestum in cura Pastoralis otij mei oblectamentum quæro, in qua fructuosius meum tempus contererem, nec sollicitudo animi quā angor, premor, vel conficior aliter, vel facilius diminui, vel justius allevari potest, quàm hac mihi semper votivā occupatione.

*Sueci ruina
Patriæ*

VII. Ego consecravi Ecclesiam in Suburbio Resselienfi, & post ivi obviam Domino Episcopo Culmensi, qui XVI. venit, satis diu expectatus, & aliquot dies moratus est, sed infausta notitia de morte Domini Felicis Potocki noviter declarati Castellani Cracoviensis, & exercituum Supremi Ducis, qui in ore famæ ferebatur, & quanquam adhuc incerta putabatur, ad calamitatem tamen quilibet rumor valet, afflixit proinde sumopere hospitem meum, & me, cum præcipuè non diu circa verum errabatur, & brevi certo constitit defacto, cui mortuo omnia bona omnes boni precari summo iure debent. Celerius multò, quàm Reip. opus fuerat, finem vivendi fecit, nam si diutius huius usuram lucis usurpare potuisset, meliore loco res nostræ, quàm nunc esse possunt, essent; sic clarorum virorum fata parem iacturæ luctum efflagitant, virtus ubi quis moritur non extingvitur, sed viva manet etiam post fata, at si quis malus intereat ejus cuncta sub terram cadunt, ac proinde serius mori, vel ocius parum interest, benè mori aut malè hic labor hoc opus est, benè autem mori est effugere malè vivendi periculum. Vicit ergo mœror publicus privatam lætitiā cōmuniq; Poloniae luctus, hilaritatem nostram seriò impedivit. Sciebam dolori Domini Episcopi occu-
cui ren-

*Mors Du-
cis Potocki*

A.C. 1702 currendum non esse, ne ipsum solatia irritarent, & accenderent. Nam in morbis quoque nihil est magis periculosum, nec perniciosum, quam immatura medicina. Expectabam dum ipse vires suas frangeret, & ad sustinenda remedia mora fatigatus, mitigatusque tangi se, ac tractari pateretur. Verebarque ne hæc non consolatio esset, sed exulceratio. Consolabar nihilominus suaviter, & lacrymas ejus si suppressere non poteram, abstergebam, sua cuique calamitas tanquam ars assignatur. Alium alio tempore fata comprehendunt, neminem præteribunt. Non sentire mala sua non est hominis, & non ferre non est viri, flere, queri, gemere, à natura desciscere est, fruges quoque maturitatē spectato tempore expectant, quanquam omne tempus Clodios non omne Catones ferat. Mortem tamen ejus eodem animo ferendam judicet, quo expectat suam.

Venit etiam alter rumor de morte Dominae Mareschalcaë Magnæ Lubomirska de Domo Dönhoffiorum; quæ 13 obiit, & de Suecis quod in Wyżzkow, neque expectantibus pontem erigant, unde de bello scribere horret animus, nam spes pacis exclusa. Vocatus sum interea maximis instantiis Mariæburgum, ad consulendum quid facto opus sit in his circumstantiis, nec potui resistere tot repetitis instantiis, sciens arrogantiam solitudinis esse sociam, ubi reperi jam D. Episcopum, & Palatinum Culmenses, tandem ex communi illorum, qui convenerant consilio, expediui literas meas ad convocandos Status Prussiae pro 13. Junij (cum miserior res unquam accidit, tum nec deliberatio quidem difficilior) ut salvis rebus colloqui possimus inter nos, & aliquid opis laboranti Provinciae ferre, & erat sincera mea intentio, ut non negligentes omnino rei faciendæ videat Provincia, non ut malignitas Cracoviae divulgavit, ut me redderet aulae odiosum. Periculosum est, in tot humanis erroribus solâ innocentiam vivere. Quod armorum genus homines sub invidiæ telis tutari poterunt? Quod tutamen adversus invidiam, cum omnia invidiam plena comperiamus, invidiæ filij sumus, cum invidia nascimur, cum invidia morimur. Non sanum tamen consilium arbitror, ut effugiatur invidia, à virtute velle illi inimica secedere. Ipsi odores, quò magis conteruntur, eò suavius redolent. Si Cracovia de mea benevolentia, aut aula aliquid suspicatur facta me mea ob omni hujusmodi impetione tuebuntur. Testis est mihi DEus, quomodo concupiscam omnes in visceribus Regis, & ut stent in uno spiritu unanimes. Hoc prædicavi præsens sermone, absens continuis literis, similis Demostheni, qui solitus erat suis dicere: Vos Athenientes Consultorem me vel inviti habebitis, calumniatorem autem nunquam, utcumque cupiatis. Et contrarium qui dicere velit, insignis est calumniae, sed livoris dentem, qui vult effugere, contemnat. Devorandum strenuè quidquid sinistrarum relationum sese offert in hoc concursu, magno excipiendo animo, quæ vitari non possunt, etiam lingua mala lassari solet, & calamitas. DEus respicit veritatem, non præsumptionem, sed moris est nostri, in sententia optima accusare id, quod est optimum. Alia hæc ætas, alia quæ post nos subibit, aspiciet, nunc estimatio hominum dubia semper est, & in partem utramque dividitur. Frustra ergo timebat aula congressus hos nostros, qui ex agentium intentione, cum nihil prætermittamus, quod ex usu Provinciae putamus, & publicæ utilitatis ratione commoiti (quæ me cura libenter semper onerat) ad ea consilia procedamus, quæ necessitas excusat, ratio sublevat, tum pericula imminencia jubent, cui nemo succensere potest, qui & rei conditionem considerabit & factorum rationem audiet, malè facere

cere non potuerunt, sed bene.

3. Junij habui literas à Rege Sueciæ, sed eas non aperui, nec aperiam intactoq; sigillo suo tempore Regi reddam. Habui etiam à Domino Thesaurario Litvaniæ Sapielha invitatorias Varfaviam, ubi brevi expectabatur Cardinalis Primas, cur? nec scio nec si sciam, dicere auserim. Tandem pro 13 destinata veni Mariæburgum in pompis à Dño Palatino introductus, ubi & processionem Corporis Christi à Domino loci Ordinario invitatus absolvi. Interim difficultas fuit circa indigenatum nostrum, vel potius juramentum, ad quod nisi certò pretiò admittere nos nolebant, scilicet Dñum Episcopum & Palatinum Culmenses, & me, quod nos indignum putantes recusavimus.

Interim ne minimo rationis dictamine Dñus Kczewski Capitaneus cum protestatione contra actum exivit Ego seriò satagebam omnesque alias cogitationes relictas habebam præ cura Provinciæ. Quid possem nescio, vel potius me parum posse sentio, illud tamen polliceri de me possum, quæcunq; saluti & bono publico conducere arbitror, tanto studio facio, quanto semper feci, convocatis Senatoribus, & nobilitati tantum tribui, quantum non mihi arrogavi, certò quòd nos cõmuni sententia statuissemus, id omnes probassent. Videmus omninò tanquam ex specula, & prospicimus proximam tempestatem futuram, quare hunc confessum non mea sponte sed multis monentibus, imò quasi cogentibus convocavi, sed de pluribus paucorum hominum contentio optimas intentiones calliditatibus eorum illaqueatas evertit. Ita tricena vulpium si forte millia in unum contraxeris locum, erit per omnes unus ingenij tenor, & inter homines, quot sunt numero corpora, totidem videre est studia, & sentiendi diversos modos. Ita nec profutura liberum est consulere, victa cedit Provincia interessatis, & peccantibus illis in favorem aulae injustè apprehendentis, & non minori studio, quàm periculo Provinciæ se opposentis, periclitatur salus ubi peiores vicere bonos, & zelosos Patriæ cives, quænam hoc modo subsistere Patria potest? Videbunt quàm latus est iste error ipsorum, si error potius quàm malitia appellanda est, cum scientes quid sibi sit conducibile non agnoscunt, & in errores ipsi se injiciunt, præteritorum obliviscuntur, præsentia negligunt, de futuro non timent, nec rationem patiuntur, nec æquitate mitigantur, nec ulla prece flectuntur. Meminisse debent qui auctoritatem & consilium nostrum sequi noluerunt, suâ pertinaciâ perituros cum nostra prudentia salvi esse potuissent, & faller eos, quod plurimos.

Utinam liceat aliquando, aliquo Reipub. statu nos frui, dum non licet inter nos conferre sollicitudines nostras, & perferre consilia, timidi nunc putamur, quia quæ dicimus futura, infallibiliter fient. Nihil intendebamus, nisi ut lumen aliquod cæteris daremus in his circumstantijs, utq; prævidendo infallibilia provideamus imminentibus jam jam periculis, quod licuit, semper licebit pro defensione Provinciæ. Quia verò ex proposito destinata non fluxerunt, limitavimus actum pro 10 Julij, 20 Junij redij domum, ubi inveni meum Pleszewscium, de ulteriori Suecorum intentione nihil cognosci, nihil præcipi, nihil certi sciri posse dixit, retulit tamen, quòd scilicet Rex Sueciæ non tantum habeat vincendi votum, sed etiam adversarij creditur quærere detrimentum, & qualem in corde gestet voluntatem, ostendit, dum audiens se præparare Regem nostrum contra illum, dixerit ut quondam Pompejus adero, & contra eos, qui gladios minantur, cum clypeo gladium quoq; afferam, prosequendo Regem nostrum versùs Cracoviam,

A.C. 1702 viam, sed quæ ibi aguntur cum ad te perferantur arbitror tibi esse melius nota quam mihi.

10. hujus tanta fuit tempestas ut 30 fulmina ceciderint intra spatium duarum horarum, & horrea in suburbio Heilsbergensi combusserint.

Mariæburgo habui, quòd malè habeat nobilitas, quòd non fuerim pro 10 Julij, & ego consultò id evitaui, cum ut dixi Cracoviæ non benè audiantur nostri congressus, quanquam revera non sunt nisi in ordine ad capiendum consilium in omni subitaneo casu, & nihil planè contra Regiam Mtem nostram, quanquam non desint sinistrae aliquorū interpretationes.

Habuiamus autem Cracoviâ Castellatum Cracoviensem, & supremum regimen armorum translatum in Hieronymum Lubomirski cui nuper minor clava cesserat, hæc nunc ad illius instantiam translata in Palatinum Belzensem Sieniawski nepti suæ ex sorore matrimonio junctum.

XXXII.

ANDREAS C. ZALUSKI EPISC. PRINC. VARM. ET SAMB.
ALEXANDRO SALLAROLLI REGIO MINISTRO Romam 13 Julij.

Postulatis tuis pridem satisfecissem, nisi intervenientes obstitissent occupationes & nisi magna foret congeries gestorum, à te, ut intelligo summo Pontifici referendorum, quæ in epitomen redigere, ardui est laboris. Sincerè tibi fateor, libenter publicis negotijs Nuntium remitterem. Scio enim minimè convenire ijs, qui sacris addicti sunt, diutius publicis immorari, eorum officium est salutem hominum procurare, easq; inire rationes, quibus quàm plurimi ad rectam virtutis pietatisq; viam reduci possint. Sed jam lege quod desiderare videris.

Videns Rex Sueciæ, Rempub. non libenter arma Regi suo juncturam, formare dicitur intentionem dethronizandi Regis, & idipsum Reipub. proponendi scribendo, ut conservando libertates suas ad electionem alterius Regis accedant, securosq; reddit validi succursus ad sustinendum hocce opus, acsi non illaturus injuriam, sed redditurus, & manum suppositurus, cum Poloni suam opposuerint, quanquam ego credam firmiter, difficile futurum tot millibus persuadere, ut quod prius ædificârunt, destruant, & adducant semetipsos in prævaricationem.

Interim Moschus sub favore absentiae Regis Sueciæ Livoniam invaserat, quamvis sub Sawnicz duo millia Suecorum, ita viginti millia Moschorum ceciderint ducente Schlittenbachio, ut in confusione ultra sedecim tormenta perdiderint. Sub hoc idem tempus exacerbaverat Oginfcus Regem Sueciæ, dum cum aliquot millibus Domûs Sapiehanæ bona ruinabat, sed, dum Sueci apparuerunt, ille disparuit.

Venerat Rex Sueciæ usq; Caenam cum mille octingentis Equitibus. Interim Duhneminda recepta erat, ubi ultra munitiones belli 60 tormenta ex armamentario Dresdeni introducta invenerunt Sueci.

Missus erat Baro de Saken ad Regem Sueciæ nomine Reipub. nuntians, quòd Legati magni ab eadem destinati venirent, quorum propositiones sciens Rex Sueciæ, videntq; nihil aliud quæri præter dilationes quas nolens indulgere Rex Sueciæ Legatis nostris, non nisi sedecim miliaribus Varsaviâ audientiam dedit, quid in ea dictum jam habuisti. Post hæc venit Rex Sueciæ Varsaviam, Rex autem noster Serenissim⁹ movit Cracoviâ, ibique iterum suas legationes cum Polono exercitu congregabat.

Inte-

Interim Rex Sueciæ intentionem constantem habens aggrediendi Regis nostri Guldenstierno in Pomerania degenti, ut cum duodecim millibus & Marechalco campi Mernero in vicinia Vilnæ existenti, ut cum sex millibus quantocius properaret in mandatis dedit. Rebus sic dispositis procedebat Rex Sueciæ contra nostrum versûs Cracoviam, quem non tantum pede firmo noster expectare, sed etiam aggredi omnino volebat, scriptis literis ad Cardinalem, quod satis virium haberet, comprimendæ insolentiæ Suecorum, & certè multum confidebat numero & valori legionum suarum, felicem omnino, si Generali acie conflictum fuisset. Innotuit Saxonibus cum sex millibus versûs Cracoviam Regem Sueciæ procedere, expectareque tam ex Pomerania, quam ex Litvania succursum, prævenire eorum adventum volendo, omnino prælium tentarunt.

Cum verò 8vâ Julij Rex Sueciæ Klissowiam venisset, medio miliari tantum distantem exercitum Saxonicum reperit. De quo informatus Rex noster misit mille & octingentos Equites ad recognoscendum Exercitum Sueticum, sed exploratoribus captis nulla certa notitia de numero Suecorum haberi potuit, Rex verò Sueciæ ex captivis Saxonibus intellexit, exercitum Regis nostri sedecim millibus Saxonum constare, in momenta octo millia Polonorum expectari. Miserat in occursum Mernero mandatum, ut quantocius appropinquaret. Et in crastino 9na Julij Rex Sueciæ non expectato aliunde succursu versûs Saxones processit, dumq; eos vidisset, inclinare sarissas vexillaq; jussit, ne quantitas militum dignosceretur, ipse dexteræ, Dux Holstainensis lævæ alæ præfuturus.

Rex noster sciens Regem Sueciæ dexteræ alæ præesse, fortissimas & optimas legiones opposuit, ut etiam ipsemet eum tantò facilius ferens Regium in pericula caput oppugnare potuisset. Sed cum ingens lutum impedivisset Regem Sueciæ, quin frontem Regis nostri aggredideretur, Ducem Holsteinensem ad dexteram transposuit, ipse ad sinistram pugnaturus. Jam pugna inceperat satis fervens, aggressi sunt Saxones satis audacter, & cum clamoribus, Sueci verò tam fortem & violentum ignem contra Equites Polonos dirigebant, ut etiamsi aliquoties eisdem aggrederentur, nihilominus tamen sustinere non possent. Volebat Rex noster terga inimici petere transeundo pontem, in eum finem erectum, dum alij faciem eorum aggrederentur, sed antequam id efficeret, apparuerunt in facie Sueci, coactique Saxones cedere. Prælium hoc duravit à prima hora pomeridiana, usq; ad 5tam, cum sufficienti pertinacia & valore utriusq; exercitus. Cæsi Saxonum duo milia, mille quingenti fuerunt capti, & Regimen Generalis Steinau se subdidit, Artilleria victori cessit. Suecorum dicuntur quingenti cæsi, sexcenti vulnerati, victoriæ suæ pæana cecinissent Sueci, nisi nœnias expressisset mors Ducis Holsteinensis, qui dicitur manu Kætci Palatini Kijovien-sis Generalis Artilleriæ nostræ tormentum contra Suecos dirigentis cecidisse. Magnum virum & fortem hunc Principem fuisse constat, audivi multos eum laudantes, & virtutes ejus in arcum retrahendo dicentes, aut nasci nunquam, aut semper vivere eum debuisse.

5. Junij Cracoviâ expeditæ.

AUGUSTUS II. Sc.

Post tit. Post expeditas primas pro duabus Universalibus Resti-
um pro communi motu Nobilitatis, dum intracelabilis malitia
nec moderatione nostrâ, nec omnimodâ equanimitate, nec le-
gatione à Statibus Reipub. ullatenus emolita, indies arma Scæ-
des madentes, crudelesque manus extendit, Sc destinatam prius
Cauna audientiam post Grodnam, Sc in alia loca quæsito pretextu
distulit, Sc Legatos nostros retrogrado passu cum summa indi-
gnitate Reip. infectis rebus expedit, Varavia spretâ mediatione
Reip. Sc contemptâ ejus legatione omnem ademit spem exoptata
pacis. Quando post creptas Provincias primo impetu irruptionis
Curlandia, Semigallia, Sc Districtus Piltinensis, possessâ Livoniâ
nostrâ, postquam Universalibus Sueticis congregata Nobilitas dis-
armata in contemptum Status Nobilitatis, Sc post adaçta ad con-
tributiones, tracta sub obedientiam magna pars M. D. Lit. jam in
meditullio Regni Varavia impune hospitatur, Sc inde Cracoviâ
dirigit gressus suos novum pro continuatione belli per mare Stetis
no in Poloniam conducit exercitum, libera Genti pecuniam Sc viclus
alia absolutâ authoritate per contributiones imponit, Sc militari ex-
torquet executione, Sc conclusis secretis quibusdam cum malè ani-
matis civibus Patriæ factionibus Sc scriptis per abstrusa molimina
per calcatam Patriam inceptas ad effectum deducere intendit inten-
siones, nunquam à tota Rep. eo nomine invitata. Cùm verò ad re-
primendam furientis hostis potentiam, Sc compefcendum intestinū
malum celerius Sc efficacius medium, nec securius persona nostræ
presidium inveniamus præter communem motum, Sc generosa for-
tium Civium pectora; nam expedita legationis Sc Tractatum jam
omnis evanuit spes. Insuper Sc contestatio nostra in terminis a-
micis bone in futurum amicitia Sc optima correspondentia per ex-
peditum Fictomium expressa indignè recepta Sc adhuc sinistrè ad
famam publicam divulgata, ut falsò Sc callidè vulgata temgrè cres-
deretur. In Deo proinde Optimo Sc exercituum fortissimo Domis-
no omni spe inò Sc fiduciâ collocatâ, Sc innocentis Reip. injusteque
patientis justâ vindictâ sequendo sensum Sc conclusionem Postco-
mitialis Consilij in numerofo Senatu congregati, satisfaciendo publi-
cis desideriis tot Palatinatum ad nos in Comitibus, Sc nunc res-
centissimè per expeditas legationes illatis jam tertias Sc ultimas U-
niversales Restium literas expedimus plenâ fiduciâ liberum, bella-
toremq; populum in arma vocamus. Gloriam DEI, fidem sanctam
Catholicam, coronam Sc caput nostrum Regium, defensionem cha-
ræ Patriæ, curam jurium, legum, immunitatum, antiquæ Polona
virtu-

virtuti, & non debilitata fortitudini reddimus, & quàm fervens A.C 1702
 zissimè exigimus per salutem Patria, & quidquid sacrum in ea, ut
 tanquam non degeneres avorum, atavorumq; vestrorum successores
 res ad conservationem Patria, more militari in debito ordine secundum
 leges, & secundum quantitatem honorum & reddituum vestrorum
 conformiter conformando res ad constitutionem 1621 pro
 19 Julij sub Korczyn indilate compareatis, ubi & nos in persona nostra
 aderimus. Quoniam verò in Palatinatibus plerisque, expeditio
 militaris jam indicta, & ordo belli jam constitutus est, tunc tantum
 Palatinatibus & Terris ad faciendum cum ordinem in locis
 consuetis pro quinta presentis comitiola indicimus. Pro eo proinde
 termino & loco viritim accelerabitis, & congregati omnes contra
 illos, qui obliti DEI & Patria, nobisque jurata fidelitatis partes Regis
 Suecia sequuntur, aut ejus protectionem susceperunt, ut privata
 vulnera Reipub. operirent malis, iustam habebitis animadversionem.
 In quantum verò, avertat DEUS ad Generalem congressum
 insperato aggressu aliquos Palatinatus occupare deberet, ut saltem
 Nuntios mittat; si verò aliquis favore Universalium Sueticarum
 vellet inter nos motus cire, tunc cum illo tanquam cum hoste
 Patria & rebeli in rigore communis legis agetis. Quia verò per
 non cessantes imposturas pro avertendis cordibus Nobilium id ad
 implendas populi aures latum & sonans commentum spargitur,
 quòd nobiscum seorsus sine Repub. fiat pacis Tractatus, quòd
 uti nunquam cogitavimus, nec id in cor nostrum unquam ascendit,
 ita coram DEO & Orbe universo protestamur, quòd nullos unquam
 sine Repub. privatos Tractatus faciemus, quamvis id cum
 maximo nostro fieri posset commodo & utilitate. In quo juratam
 Regiam Statibus Reip. invadiamus fidem. Quae Universales literae
 ut melius pateant, publicari eas in solitis locis jubemus. &c.

XXXIII.

ANDREAS C. ZALUSKI EPISC. PRINC. VARM. & SAMB.
 CAPITULO VARMIENSI Smolanijs 24 Junij.

NON opus est verbis ad indigitanda pericula, quae orbi universo
 patent. Perillustribus DD. Vestris incognita non possunt esse
 mala, quae totam Remp. involvunt, nobis quoque vix eluctabilia
 censenda sunt. Nihil utilium curarum, quae in me humanitus inveniri
 possunt, subtraho, quò minus à grege mihi caelitus credito extremam
 saltem ruinam, si non totale malum avertam; sed sine nervo vix id
 praticari posse, vel ipsae Perill. Dones V. cognoscent. Unde Statibus
 & Ordinibus hujus Episcopatus contributionem hybernalem ad normam
 agrariarum 24 indicendam tempestivè censeo, ac idipsum Perill.
 DD. Vestris fraternè propono, ut licet ad ærarium Diœcesanum pecunia
 non inferatur, saltem ad omnem casum subitanæ necessitatis in
 Cameratis & Civitatibus parata sit: Ne deinde fatalitas, quam DEUS
 omnipotens avertat, diutius nos teneat, quae celeri redemptione fortè

A. C. Z. cito abigeretur. Quod dum Perill. DD. Vestris paternè insinuo, pariter maneo. Dab. ut suprà.

CARDINALIS PRIMAS ALEXANDRO ZALUSKI PALATINO RAVENSI. 28 Julij.

Literas tuas ex castris scriptas omni gratitudine recipio, quòd in hac vicinia memoriam personæ meæ habeas. Eductum sub signis Inelytum hunc Palatinum concomiteretur omnis fortuna & gloria, profluens etiam in te Ductorem, ex animo opto. In præsentibus indies diversis, & toties mutantibus se novis, & casibus, difficile est uni adhærere consilio. Mutatur rerum sisthema, mutantur consilia. Congressus proinde vestri continuas approbo limitationes. Melius enim est & securius habere semper limitatum ad contingentia congressum, & præfens exercitus Saxonici clades multos ita perstrinxit, ut apprehensio ejus cuncta reddat difficilia ad solvendum. Rex Seren: reliquias exercitus sui colligati vult sub Korczyno jungere cum exercitu nostro & nobilitate congregata. Rex verò Sueciæ de Pinszow movit copias 26 præsentis, volens communicationem impedire hujus conjunctionis. Octo Regimenta quæ Regi nostro in succursum eunt, jam transierunt Vratislaviam, sed ex illa parte occurrere vult etiam exercitus Sueticus ex Pomerania, per limites Silesiæ procedens, cum hac intentione, ut hoc subsidium Saxonicum impediat. Si ibi res deveniret ad conflictum, & similis clades Saxonibus accideret, nescio, qualia superessent media juvandi Regis nostri. Precor te, ut ulteriorem ad me habeas confidentiam, cujus sum voto & obsequio.

P. S. Literas Castellani Cracoviensis, & responsum meum mitto tibi ad considerationem eventuum & mediorum in subsequens. Habeo notitiam quòd Rex expediverit universales literas, quarum etiam copiam adjungo, invitando accelerationem ad latus suum. Æquum proinde puto, ut vestra moveatis castra.

COPIA LITERARUM CASTELLANI CRACOVIENSIS HERONIMI Lubomirski ad Cardinalem. 22 Julij sub Korczyn.

*Præliū sub
Pinczovia.*

VIX comparui hic cum exercitu, optabam lætiores habere materiam literarum mearum ad te, sed quia iniquo fato in his terminis res sunt constitutæ, ne mendax fama sinistra deferat & affligat cor tuum de salute publica, genuinam hanc in compendio perditum prælium cum Suecis facio relationem. Cum comparuissem sub Pinszow in vicinia Castrorum Regionum, appropinquavi cum exercitu cum hac sola intentione, ut nos Regi præsentaremus, sed statim ex tempore significatum est nobis, quòd exercitus Sueticus appropinquaret jam ordinatus contra exercitum Saxonicum. Obligatus proinde fui non præmeditatè, nec formatò consiliò bellicò de dispositione & ordine ire in succursum Regi, ubi ad dexteram alam Saxonici exercitus consistens, inveni maximum Sueticum ignem, quia ibi fortissimus peditatus cum armatura fortium erat, non licuit per honorem Gentis stationem deferere & retrocedere. Aggressus ergo cum meis, & cohorte Hussarica Principis Alexandri dictum Peditatum, ubi in calido ab utrinque prælio quindecim Equites principaliores, cum duobus loci tenentibus Krosznovio scilicet Vexillifero Podoliensi & Præremscio cecide-

ciderunt. Nullæ cohortes in prælio hoc fuerunt, ac propterea nullum damnum senferunt; sub illud fermè tempus Equites & Desultorij Saxonici conflictui initium dederant, sed Sueci in ultima acie ita confuderunt Saxones, ut ad præcipitem inclinantes fugam, magnam hosti cesserint victoriam perdendo aliquot millia hominum; noster verò exercitus videns Saxonum fugam, bono ordine recessit sine minimo damno, quia etiam exercitus Sueticus contra nos non movit. Plures Pedites, quàm Equites ex Saxonibus perierunt, & Artilleria omnis Regia Victori cessit. Habui & ego parva tormenta mecum, ordinante ea Palatino Cracoviensi Kancio, quæ & ex prælio integrè educta præter parvum unum tormentum ob occisos equos ibi relictum. Hæc eò fine & integrâ fide tibi describo, ut ex sinistris relationibus, quæ pro partialitate augeri solent, de Rep. non desperes, quia exercitus est in eodem statu capax juvandæ Reip: desideratur tantum id, ut tu tanquam primus Nauclerus eò consilia publica dirigas, ut ex hoc naufragio eam educas, & mihi quid factò opus sit, insinuare velis, cum ego debitâ veneratione omne consilium tuum ad effectum deducendum curabo. Maneo hic cum Palatinatu Sendomiriensi & aliis in vicinia Cracoviensi, cum quibus acceptâ informatione tuâ agam, si cogitatio Tractatûs redire posset. Hoc enim efficacissimum medium credo celerioris Reipub. tranquillitatis, sed prudentia tua perfectius hæc ponderabit, nec dubito talia te propinaturum consilia, quæ poterunt pacificare Remp. ad quod ego pariter concurrere ex persona mea non intermittam.

RESPONSUM à CARDINALE EIDEM 24 Julij.

FAteor supra modum me miratum fuisse, quòd cum habuissem per tam longum tempus culturam amicitiae tecum, datis documentis affectûs, æstimationis & curæ commodorum tuorum fui, quasi in neglectu ab habitu tuo Varfaviâ, nec habui occasionem gratulandi tibi primas in Repub. tam in Senatu, quàm in Exercitu dignitates, quæ ante officium etiam Thesaurariatûs te spectare debebant, cum persona tua habilior ad clavam, quàm ad claves videretur. Cum ergo occasio publicæ calamitatis veteris amicitiae ac styli literam ad me expressit, gratulatus tibi imprimis dignitatem & gratiam Regiam, cujus, ut sicut Antecessores hujus officij, immortalia nomina augeas, magnitudinem, usum ejus gloriosum æquè ac longævum, devoto apprecor corde.

Memorandæ cladis opinione celerior ad me venit notitia; ingemui super sortem Patriæ nostræ, quæ infons ac innocens fraternalium odiorum theatrum, cognati sanguinis facta est receptaculum. Non habui usque in hanc horam quidquam de exercitu nec veram relationē, lætatus sum literis tuis, quibus & salutem Principis defers, & Aquilas salvas.

Volantem ac currentem per Poloniam famam tempus tantum ipsū retinere potest, nobis tantum rem ipsam curare convenit, & fata in melius vertere. Et quoniam in præsentī conjunctura sensum meum exploras, qui is est. Stet Mars in gradu suo, Palatinatus in destinatum locum convenient, exercitus penes ipsos maneat, legatio ab ipsis expediatur tam ad nostrum, quàm ad Sueciæ Regem pacem suadendo, mediationem partibus offerendo. Accedat etiam declaratio, quòd quæcunq; pars honestis ac æquis acquiescere nollet mediis, tunc contra eam Respub. se declarabit, habendo assumptam ex ipso Rege Sueciæ declarationem, qui

A. C. 1702

Raphaël
Lejczewski

qui id ex Litvania Legatis, & mihi cum magno Thesaurario Regni persuadentibus hoc reposuit, quod cum tota Repub. tractare paratus erit. Mediatio Angliæ & Hollandiæ, bellum Danicum & Holstienense sedavit. Cogitare autem, ut reciprocum reddatur, nec tutum, nec consultum. Tormenta, pulverem, provisionemq; bellicam non habemus. Peditatus diminutus, & rarior factus, qui autem fugerant, non sunt numerandi, numerus enim erunt, non viri. Suecus spoliis auctus & robore, exercitus pars ex Pomerania venit; exponere proinde Palatinatus & exercitum in aciem quid est? nisi jacere aleam de libertate Polona, quæ non resurgeret post ruinam. Hoc pro fide mea ac amore in publicum insinuo, per sacra hortando, ut longius prospicias, & ita res dirigas, ne ruina hæc sit sub manutua. Si Rex Sueciæ esset in limitibus, aliter consulerem, sed est in medio florentissimarum Provinciarum, quod sat sapienti.

COPIA LITERARUM SEREN: REGIS AD CARDINALEM
PRIMATEM. 18 Julij.

EXistimo jam per famam publicam innotuisse meam cum exercitu Suetico infelicem transactionem. Clades quidem non tanta (nam quæ caesorum, quæ captivorum, & vulneratorum, non nisi mille ducentos amisimus, prætereaq; mille pedites) sed sequela longè majores, ut ex relatione latoris plenius informaberis. Sincerè dicendo, culpa tota in insinceritate, & metu panico mea dextera a causato per insperatam desertionem exercitus Poloni, qui primi ignis & impetus hostilis impatiens opinione citius de statione recessit, timentibus interim meis magis desertores, quàm hostes; quod putarent se à tergo circumveniendos: unde non tam ante se existentem inimicam respiciebant, quàm post sua terga. Poloni verò ajunt sibi persuasum fuisse, ac si Sueci & Saxones ex condicito perniciem illis inferre simul & semel voluissent. Hac dissidentia mutua utrisq; partis prædictam causavit cladem; in qua maximum est, nos omnia mobilia & tormenta bellica amisisse ob vada & tesqua, quæ illis transitum negabant. Modò iterum legiones nostras colligimus, quæ duplici viâ sibi consulere nolentes dissipata fuerant, versusq; communem motum iter intenderant. Generalis Rubren cum octo novis legionibus approximat Cracovia. Interea existimo, si te interposueris, junctâ manu cum tota nobilitate communi motu convocata citius hoc incendium extinguere posse, antequam uniuersa Respub. in suo sanguine naufraget. Persuasi sumus te honesti rationem eam habiturum, ut debiliorem non deseras, & oppressum, & innixi tibi expectamus eam ab actiuitate tua efficaciam, qualem estimatione nostra præconcepimus.

Augustus Rex.

AMICO CONFIDENTI. 20 Augusti.

Stanis. Jaz
blonowski
mors.

AUdivisti, quod non sine ingenti animi dolore ego legi accidisse fortuitum casum Metatori castrorum Regni, eumq; illi supremum, quia

quia inter venandum 30. Julij ipsâ Dominicâ die suo fato succubuit. *A.C. 1702*
 Præcesserunt malorum prodromi, si mens non læva fuisset: nam die
 S. Jacobi unus ex honorariis cervice fractâ imminenti præludit calamita- *Prodromi*
 tati. Die verò S. Annæ subditus ad casses constitutus pro fera ipsemet *mortis.*
 propria manu occidit. Monitor insuper accessit unus ex Patribus Tri-
 nitariis, obtendens profanationem festi, sed frustra monita fuerunt.

Posta Cracoviensis de data 5. Augusti hoc nobis attulit, Regem
 Sueciæ inter Brestam & Uscium Vistulam transmisisse, postquam jam
 antè secundâ præsentis sex millia suorum contra Saxonicas copias tran-
 sportasset, & ex altera ripa Vistulæ collocasset. Notitiâ de his acceptâ Rex
 noster die proximè sequente universis suis, tam qui recenter à Tarno-
 viensibus montibus in succursum venerant, quàm etiam, quos Craco-
 viam induxerat, decrevit iter, & duobus pontibus, quibus fluvium jun-
 xerat, trajecit eâ mente; ut alteri parti exercitûs trans Vistulam existen-
 ti succurreret, & cum Suecis congredieretur. Tam præceps Cracoviâ e-
 gressus Saxonici peditatûs fuit, ut trium horarum spatio ex tot nec u-
 nus superfuerit, ægris etiam & captivis, quos diversis excursionibus cir-
 cumventos ceperant secum ductis. Moverunt etiam Polonica vexilla
 levioris armaturæ, quæ sub Cracoviam & Pinczoviam venerant paulò
 ante adventum copiarum Regni sub Opatowiec. Serenissimus Rex eâ-
 dem & tertiâ præsentis secutus est exercitum, in comitatu suo habens
 Illustrissimum Nuntium Spada, qui per postam illuc insperatissimè ad-
 venerat Pszczynâ, tumque optabat quàm citissimis passibus Varsovi-
 am versus movere, unde in hunc finem suo Auditori aliisq; demandaverat,
 Pszczynâ Czenstochoviam contenderent.

Fama hæc recessûs Regis cum exercitibus Cracoviâ commovit,
 turbavitq; cõmuni motu congregatam Nobilitatem. Verùm, dum præ-
 cedenti in magno numero peditatui, per castra nostra numerosæ supra
 20 millia Equitum subsequi cernerentur catervæ, non amplius time-
 bant causam, finemq; tam remoti discessûs, relictâ Cracoviâ prius igno-
 rantes. Venit ergo cum exercitu Rex sub Sandomiriam 13 præsentis;
 ibidem intra octo dierum spatium habiturus consilium, convocatis ad
 illud vicinioribus Palatinatibus, Cracoviensi scilicet, Sandomiriensi, Wol-
 hiniensi, Lublinensi, Terrâ Chelmeni &c. Transiens ad Palatinatum
 Lublensem congregatum, & militari locatum ordine, lustravit mili- *Stanislaus*
 tem, divertere voluit ad tentoria Pro-Cancellarij M. D. L. sed ductu *Szczuka*
 suusq; cujuspiam ex aulicis alio vertit iter.

Motum hunc retrogrado passu in Poloniam Serenissimi tot comi-
 tantur, præeuntq; diversi sensus & Judicia, quot vulgi capita, quibus-
 dam in Prussiam, alijs in Litvaniam dirigenda ab eo pro hybernis ca-
 stra, suspicantibus: utrumq; extremo non minus judicio, formidat po-
 pulus à Suetico, Saxonico, domesticoq; exercitu, & à transeunte illac
 communi motu, ad incitas redactus.

Expeditionis auxilium copiarum adversus Sueticam potentiam,
 licet iam extructus pons est, nulla prorsus affulget spes. Sueci verò al-
 teram Vistulæ partem petierunt 11 præsentis. Frequentes ab exercitu
 nostro ad hostilem non sine felici successu fiunt excursiones, qui etiam- *Potocki*
 num cum reditu Palatini Kijoviensis non infortunatus speratur.

Numerosi interim non sine debito splendore & ordine jam com-
 parent Palatinatus, ut Cracoviensis cum Ducatu Zatorienfi & Ofwie-
 cimenfi, Sandomiriensis, Ruffiæ, Belzensis, Lublinensis, Wolhiniensis,
 Terra Chelmenfis & Haliciens, Palatinatus Siradiensis, Ravens, Len-
 cicien-

A.C. 1702 ciciensis, compluresq; alij. Convolant indies variæ ex varijs ad Serenissimum cum denuntiatione fidelitatis, legationes, designationem militaris circuli ab eo postulantes, cui in altera Vistulæ parte celebrando dies 22 determinata; intra breve id temporis spatium confici prætenditur, factâ more militari mutuâ, quò ad armorum, animorumq; unionem conjuratione, ad normam Tyszoviciensis sub Rege Casimiro confœderationis, fient quoq; seriæ animadversiones & disquisitiones in adhærentes partibus Sueticis, ut fomes ulteriorum in Repub. turbinum restingvatur. Palatinatus Sendomiriensis in conscriptam cum omni rigore jurium confœderationem contra rebelles, & hostes Patriæ, jam juravit, cui alii accedunt Palatinatus, ut in generali circulo nihil tractetur amplius, nisi determinatio, quò ad ultiores progressus bellicos. Summus hic contra certarum prodicionem intentionum, & interceptionem literarum fremitus, quod non sine animi sensu cernit Serenissimus, cum civilia incendi videat odia, qui ad communem solummodo defensionem subditorum suorum corda incendere vellet. Fautorum & Adhærentium Sueticorum, arcanarumq; machinationum investigationem, pacatoribus relinquendo temporibus. Invitati ad Generalem circulum Duces Exercituum, selecti quidam de militibus Seniores Veterani, ut concernentia bellum eò secretius tractentur, quò perniciosius sæpe est vulgari facienda, priusquam fiant. Cracoviâ verò scribitur, quòd pro imminutione injuncti ad valla conficienda lytri, supplicavit civitas supremo Generali Steinbock. Sed in ventum inanes ivère preces, irremissibiliter injunctâ jussit, sub severitatis interminatione, extradi summi, dumq; nec ad Regem Sueciæ accessus patuisset, nec D. Thesaurarius M. D. L. pro hoc suppliciter interpellatus succurrere potuisset, civitas cum plebe, & omnis conditionis, statusq; populi ingentem numeraverunt pecuniam. Capitulum præter alia decora domûs DEI subtracta, grandis pretij, & miræ pulchritudinis argenteas sanctorum præsulum statuas dedit. Academia tum pecuniâ, tum argento redemit vexam. Eadem infelicitas tetigit tenuitq; Religiosorum claustra, civium suburbia, graves supra modum census in argento (cui enim tantum pecuniæ suppetere potuit) etiam Ecclesiastico solvere jussa. Kleparz Suburbium in dies singulos 200 cerevisiæ tonnas, præter alium in victualibus commeatum ad castra mittere debet. Expulsus à Cathedrali Ecclesia Clerus, duobus non nisi relictis Sacerdotibus, omnia revisa Sacella, sepulchra & scrinia. & alia argenti & rerum Ecclesiasticarum receptacula succedente revisioni appensione sigilli, & militari custodiâ, usque ad decisionem Regis. Post hæc, omnes lapideæ Capituli revisæ, collocatis in eis Officialibus, DD. Suffraganeo, Decano, Archidiacono, omnia ablata frumenta, idem factum civibus præcipuis, idem nobilium depositis. Multa mala ibi recurunt, vix injunctam exsolverunt, pro nova contributione ad sustentandum equitatum, mandatum exiit. Præter acceptas ex civitate summas, soli spirituales & Religiosi ducenta quinquaginta solverunt millia. Cracovia, præter innumera alia, dare jussa decem millia solearum, tabaci decem millia pondo, carniû millia sexaginta pondo, panis totidem, lardi pondo duodecim millia. Materias item ad cervicalia pro infirmis, syndones, & alia sine numero. Tristia scribo, cum læta non occurrant, dolenda hæc & erubescenda sunt. Quis nunc dicet Polonos collum non habere, quod jugo supponant servitutis? Poloni enses non ad defendendum Nobilem sangvinem, sed ad opprimendum populum amplius accuuntur. Pœnas suo utinam det denique damno, qui horum causa maiorum

lorum. Nonne est metuendum, ut Rex Sueciæ faciliora perficiat, qui A.C. 1702 jam difficiliora perfecit &c.

EXPOSITIO FACTA SANCTISSIMO D. N. CLEMENTI XI.
in publico Consistorio die Jovis 20 Julij à Carolo Cardinale Barbe-
rino redeunte à sua Legatione ad Philippum V. Hispaniarum Regem
Catholicum Neapolim appulsum.

Beatissime Pater.

Perfunctus munere quod Sanctitas Vra eximiâ in me clementiâ im-
merenti licet imponere dignata est; sistor Ssmis pedibus tuis, qui-
bus, quâ par est, demissione advolutus, quod unum profiteri ve-
rissimè possum, hoc est sacrosanctam Apostolicam dexteram tuam su-
scepiſſe me, ac in virtute tua deduxiſſe me, eandemque cum gaudio re-
duxisse me, adeò, ut exploratum planè sit votorum tuorum pretium
extitisse obedientiæ meæ, in exequendis mandatis tuis complementum.

Quæ autem Ssme Pater Catholico Hispaniarum Regi Philippo V.
de tenerrimi amoris tui paternæque benevolentiæ, ac intimæ Pontifi-
ciæ charitatis sensu exposui, longè minora fuerunt eloquio tuo præ exi-
litate sermonis mei. Quæ verò reposuit Rex pietate ac zelo præclarus,
de sua filiali devotione, parataque obedientia in Sanctitatem Vram, ac
in Apostolicam Sedem, quos ambos Parentes suos amantissimos itera-
tò compellavit signanter, dum exciperet auream Dñi crucem gemmis,
terrenis atque cœlestibus pretiosissimam ditatam, ipsemet à Sanctitate
Vra dono missam; hæc inquam majora profectò sunt, quàm ego verbis
ullis valeam explicare.

Reliquum est, ut meum esse dignoscam, in quibus aut defecerim,
aut defuerim veniam humillimè ac obnixè deprecari; tuum deinde fu-
erit Beatissime Pater, ingenti, quâ unicè polles, animi magnitudine be-
nignissimè ignovisse, ac Apostolicâ largitate condonâsse.

RESPONSIO SANCTISSIMI D. N. AD VERBA D. CARDINA-
LIS BARBERINI LEGATI.

Injunctum tibi munus dilecti Fili noster tam præclarè gessisti, votis
ac expectationi de te nostris tam cumulatè, ac prorsus ex hujus San-
ctæ Sedis dignitate respondisti, ut merito tibi nunc à peracta Lega-
tione feliciter redeunti Pontificiæ laudes, collegarum plausus ac univer-
sæ planè urbis gratulationes debeantur. Cæterum quæ de eximia cha-
rissimi in Christo Filii Nri Philippi Hispaniarum Regis Catholici pie-
tate, filialiq; in nos & Apostolicam Sedem observantia retulisti, tamenſi
nobis plurimorum literis, & sermone, imò etiam famâ ipsâ nuntiante
jam pridem innotuerint, à te tamen hoc loco commemorari libenter
audivimus; hinc siquidem omnium, quotquot hic adsunt, preces exci-
tare confidimus, ad Divinam bonitatem exorandam, ut cor Regis indi-
es roboret, ad ea peragenda, quæ Christianæ Reipub. ac Catholicæ Ec-
clesiæ læta esse possunt, & salutaria, inter quæ illud sanè præcipuum es-
se omnes intelligunt, ut tam ipse, quàm reliqui Christiani Principes
translatis in infidelium terras ijsdemmet, quibus inter se digladiantur,
armis, non alia in posterum, quàm prælia Domini prælientur.

BREVE

BREVE APOSTOLICUM
 VENERABILIBUS FRATRIBUS ARCHIEPISCOPIS ET EPI-
 SCOPIS REGNI POLONIÆ ac M. D. L.

CLEMENS PP. XI.

Venerabiles Fratres salutem &c. Afflictum inclytæ hujus Reipub. statum, & parata adversus eandem, ut videre est, Divinæ iræ flagella paternis oculis non sine intimo dolore spectantes, moresq; quanto olim zelo fidelium istorum præsertim verò Ecclesiasticorum corda incenderentur, ubi vel in minimum discrimen cum Patriæ tranquillitate Catholicæ Religionis cultum adduci viderent; perpendentes verò vicissim, quàm in præsens eorundem charitas in communi isto ac gravissimo periculo refrigescere videatur, postquam diu, multumq; præsentium malorum causas nobiscum perscrutati sumus, fateri coacti sumus diem tandem advenisse, quò DEUS statuit visitare in verberibus peccata populorum, eò, quòd dereliquerint legem ejus, & mandata ipsius non custodierint. Porro licet hæc ipsa cogitatio amaritudinem animæ nostræ supra modum cumlaret, de misericordia tamen illius, qui propitiabilis est super malitia hominum, merito confisi vigilantiam ac zelum vestrum Venerabiles Fratres adjungere sollicitudini nostræ decrevimus, quatenus fideles curæ nostræ crediti, Pastoralis vestræ voce admoniti intelligant adeundum sibi thronum Omnipotentis clementiæ ad exorandam imprimis peccatorum veniam, mox etiam ad implorandam Regni istius necessitatibus cœlestem opem, sine qua frustra semper consilia humana laborant; verum quia nemo magis hortatione suâ proficit, fructumque uberiores colligit, quàm qui cæteris suo exemplo præire non renuit, pertinet in primis ad uniuscujusque vestrum officium ad eam morum pietatem atque integritatem vos ipsos conformare, quæ eos, qui authoritati vestræ subsunt vel solo intuitu erudire, & per viam salutis post ipsa vestra vestigia facillè perducere possit. Quòd si hac occasione omnes zeli vestri partes implere non satagetis, earum calamitatum, quibus Regnum istud in præsens tam vehementer impetitur, illarumq; etiam, quæ impendere eidem facillè possent, Authores quodammodo dicemini, multò acrius, multoque æquius hanc notam subituri, ubi quis vestrum (quod DEUS perpetuò avertat) zizania superseminantibus adstipulari quoquo modo videretur. Quod ne cogitare quidem de ullo eorum, qui Venerabili isti Ordini adscribuntur, patitur virtus vestra & charitas, quâ Fraternitates vestras in Domino complectimur, sed imò commune bonum singulis cordi fore confidimus, & vos insimul curaturos esse, ut in hunc scopum populorum omnium studia, preces ac vota dirigantur. Hinc ad incendendos eò magis eosdem Regni Poloniæ, & M. D. L. populos, ad conquirendam per salutarem pœnitentiam opportuna in his urgentissimis necessitatibus Divina ejus remedia cœlestium gratiarum dispositioni nostræ divinitus creditarum Thesauris largâ manu proferre decrevimus, quemadmodum ex alio diplomate, quod expediri jussimus agnoscent Fraternitates vestræ, quarum interim partes erunt, greges sibi commissos hortari, ut hujusmodi Thesauros lucrandi, occasionem non dimittant; nosq; idem à DEO humiliter assiduis precibus expostulabimus, & Fraternitatibus vestris Apostolicam benedictionem peramanter impertimur. Romæ 28 Octob.

(L S) Annulus Piscatoris)

Fr. Oliverius.

COPIA

COPIA LITERARUM LEGATI REGIS GALLIÆ
AD COMITEM PIPER 20. Julij.

Indolere cogor repulsæ factæ à Rege Sueciæ, non permittere secum mihi in castris colloquium, quo plenius informari possim de obtenta victoria; rem plurimum gratam Regi meo facerem datâ sufficienti relatione tam validi conflictûs, cujus successus non minus Regi meo gratus accidet, quàm tuo Regi fuit optabilis. Deferas velim Regi tuo ingentem mœrorem Domini mei habendum super fata Principis Holsatiæ, ut primum de eis resciverit, inde maximè, quòd exultans alias tam insigni victoriâ, & inter prodigia fortitudinis & prudentiæ orbis judicio numerata cor Regis tui illis angatur, & turbetur. Faustum hoc exordium omen sit, eritq; & augurium ulteriorum successuum bellicorum. Innuï nuper me libenter velle sub signis Regis tui militare, nunc idem, ne sim molestus, non repeto; si tamen id Regi tuo placuerit, paratum inveniet. Graviter tuli me de publicis negotiis tecum & cum Rege tuo non tractasse, cum quo Rex Dominus meus desiderat renovare antiquæ amicitiae fœdera, cum Antecessoribus ejus conservata, assumereq; efficaciores, & convenientiores modos promovendorum ejus negotiorum. Copia literarum D. N. ad D. N. ad Regem meum missa conturbabit non dubito, Regem meum; quanquam jam illi nuntiavi me aliud non quod illæ sonant literæ, tecum tractasse. Tibi quoq; eandem communico Epistolam, ut mihi significes, quid tibi & Regi de contentis ejus videbitur. Consideratâ immutabilitate Domini, nec meum animum subire potuit, Regem Sueciæ, vel Principem Holsatiæ potuisse habere vel momentum ejus judicij, de quo dictus Dominus scribit. Certum utiq; & manifestum est, Cæsarem tractasse cum hostibus Regis Sueciæ, promississe illis subsidia; concessisse exercitibus eorum transitum per dominia sua, vendidisse captivos Gallos, ut contra Regem Sueciæ militarent, permisisset, ut transirent Regionem ejus, ab ipsâ Vienna ad limites usq; Poloniæ, & nisi exercitus Cæsariani in Italia, & circa Rhenum distraherentur, belloq; quod Rex meus gerit cum Cæsare, distinerentur, totum pridem impetum verteret contra Regem Sveciæ; hoc quoq; bellum, quod Rex Sueciæ coactus gerit, non exiguam facit hostium diversionem in gratiam Regis Domini mei, sicq; de se mutuò merentur Reges, licet de hoc inter se non contulerint, quantò jam agerent confidentius? si conferrent. Non dubito Regem Sveciæ, ubi libertatem Poloniam stabiliverit, iturum in Germaniam ad vindicandas illorum Principum libertates. Scripsi ad Duces Exercituum Poloniæ, tanquam legatus illius Regis, qui est Pactorum Olivensum mediator.

COPIA LITERARUM LEGATI REGIS GALLIÆ Ad
THESAURARIUM M. D. L. 20 Julij

EX Cracoviensi posta innotuit nobis infortunium exercitûs Saxonici, aliquot diebus, antequam tuus ad me expressus venisset; summè gratulor Te & Notarium M. D. L. de tam valido conflictu evasisse incolumes; pro cujus exacta relatione ago gratias. Scire anhelant omnes, quidnam amplius post tantam fortunam intendat Rex Sueciæ: si quando, nunc certè illi, probati adhibendi essent Consiliarij. Probè nôsti, ut nemo melius ingenium Polonorum; non illos latet,

A.C 1702 neutralitatem, quam hactenus coluerunt, Regi Sueciæ dedisse campū, obtinendæ tam insignis victoriæ. Timendum, ne, ubi Rex Poloniæ iverit in Russiam, post eumq; Rex Sueciæ, Poloni pressi exercitibus, heroicas assumant resolutiones. Ordo exigendi commeatum, & severissima licet disciplina militaris minimè evincant, quominus sentiat onus à populo. Nemo, quàm tu melius novit heroica Polonorum peccata, qui nimium pressi de potentissimis triumphare nōrunt hostibus, etiam in medio Poloniæ hospitantibus. Tuum erit persuadere Regi Sueciæ, ne nimis eos premendo laceſſat exactionibus, aliàs læſa eorū patientia facilè degenerabit in furorem. Meo iudicio præter duo hæc Rex Sueciæ optare nequit; scilicet vel coronam detrahere Regi Poloniæ, vel illi pro arbitrio & placito suo porrigere conditiones, ut alterutrum eorum fiat, adimenda sunt omnino subsidia, quæ ex Saxonia haberi possunt; quò, si Rex Sueciæ iret cum exercitu; hæc divisio, quam habet in hoc Regno Rex Poloniæ nullā morā ab eo recederet, quo facto Rex alibi extra Regnum quærere asyllum cogeretur. Non diffiteor hac protectione in Saxoniam Regem Sueciæ multum promoturum interessè Regis Dñi mei, sed non minus suum, maximè verò hujus Reipublicæ, & domūs tuæ. Gratum mihi Regiq; meo faceres, si inter eum & Regem Sueciæ illam renovares amicitia, quam cum ejus antecessoribus Rex meus habuit. Hæc renovatio amicitiae plurimum esset Reipubl. utilis, tuæq; personæ. Vterq; enim Monarcha in conservationem modis omnibus libertatis Polonæ in honorum & fortunarum tuarum restitutionem, damnorum illatorum compensationē conspiraret. Non graveris seriam impendere operam, conciliandæ tam optatæ unionis, quam ubi feceris, utrumq; Regem ad magnam gratitudinem obligabis. Ingentia acta, quibus sinè ullo colligatorum auxilio orbi innotuit Rex Sueciæ, nullius eum operā indigere demonstrant, ad perficienda ea, quæ intendit. Certior tamen, magisq; indubitata ejus foret intentionum executio, si circa eam ageret unitā virtute cum sibi sincerè faventibus. Si tractandum fuerit de pace inter Regem Poloniæ & Sueciæ, quam non spero, mediationis honor mihi pertinere videretur ad Regem Galliæ, cum manifestè Cæsar pro parte Polonorum se se declaraverit.

COPIA LITERARŪ à PALATINATIB9 MAJORIS POLONIÆ
AD CASTELLANUM CRACOVIAN. 30 Julij.

JAM cum gratiā Divinā ad Szrzedam armati pro lustratione subsistebamus & ulteriora intuitu expeditionis bellicæ internæq; securitatis promebamus consilia: cum interim allatum nobis est à civitate universale Guldenſternij Suetici Generalis, in quo civitatibus intimat, se nostros transgressum limites in interiora Provinciæ progredi, ibidemq; imperat, ut de commeatu provideant, eum congregent ac extradant, hinc jure meritò assentire jussis ejus indebitum putavimus tanquam gens libera quidque nemini servivimus unquam, constituim⁹ exnunc militari more proficisci sub Poshniam ad protegendas partes illas tamdiu; dum tertia innotescant à Regia Mte, aliunde (nam hactenus nullam in nostris castris habuimus) evocaverit. Quia verò limitibus Provinciæ nostræ & civitatibus non minus necessaria securitas est; præsentibus Castellanium Cracoviensem rogatum volumus, ut Generalem Brandt ad repartitionem nostram pertinentem missō mandatō expediat, jubeatque ut quantocius acceleret cum copiis suis ad Palatinatus

natus nostros & in absentia nostra limitibus attendat, peditatum etiam nostrum ex possessionibus & bonis lectum sub directione Zlotnicki Magistri Equitum existentem haftenus Posnaniae pro praesidio uti & alios milites nostros eidem committimus, simulq; declaramus, nos ubi exercitus fidelitatem in Remp. & generositatem adverterimus, stipendia debita repartitionis nostrae libenter exsoluturos. Szrzedae 30 Julij

Adamus Zychlinski PCFK.

Mareschalcus Circuli Equestris Comitiorum Palatinatum
Majoris Poloniae

COPIA LITERARUM à D. BRUN SCRIPTARUM

Chorzelevis 17 Octob.

EX castris Regni sui expeditus ad Regem Sueciae, ut ultimum acciperem responsum, quid sperare velit Remp. redivi cum responso non admodum grato; asserit enim Rex Sueciae se pro mediatrice non posse habere Rempub. quae se ream fecit, Ducibus non inhibendo infestationem Suecorum: unde desiderat, si se ream non agnoscit Respub. ut Duces puniat, aliosq; infestantes: quo ipso significant Sueci, ut liberè illis grassandi licentiam & pro libito agendi omnia concedamus; hoc illorum votum est, ut contributiones exigant, arces, civitates, pagos exurant, nobis interim silentiariis nec sensu doloris relicto, imò gratis velut pro beneficio & re bene gesta imperatis. Commissarios non agnoscunt esse legitimos, per respectum; quia Major Polonia non adfuit actui, solusq; Castellanus Inovroclaviensis in vim rati habitationis subscripsit volens Capitaneum Ostrzeszoviensem hoc munere defungi: itaq; concluditur ab illis non suscipi modernam Legationem, quia illam remittunt ad resolvenda puncta posita superius. Interea tempus Sueci habebunt, exigendi gravissimas contributiones, & commeatus; praepediendique ne sibi consulat Respub. Jam Rex Sueciae hodie constitutus erat cum universo exercitu sub Opatovia, illicq; forsan aliquantum morabitur imminutis aquis navigationem cum tormentis retardantibus. Haftenus non trajecit in alterum litus tantumq; auditur versus Casimiriam proficisci velle, eo intento: ut hiberna stativa Janovci, Lublini, Zamolci, & in Volinia Generali Maidel aggregati fortiantur. Regi nostro ejusque copiis in Prussia hyematuris intesti esse nolunt, verum timendum ne decipiant sub hac larva: ajunt nec Varaviae se futuros, nihilominus quivis suae securitati & rebus suis consulat.

*Legatio &
mediatio
Reip. non
admissa*

Legatus Caesareus spem facit pacis intra duos menses, verum non credendum, consultius est esse paratum ad omnem eventum.

Galli autem omnem movent lapidem ut in eo statu sustineant Septemtrionem. Rex Sueciae sinistram solummodo pedem supra genua fregit, & cuticulam de naso amisit: non id illi nocebit, exercitus ipsius paratus omnimodo subsistit pauperibus ubiq; gravis, hoc solo & uno misericors, quod vitae & ignibus parcant. Valachi nostri illis accensi ad majorem desolationem praecclare manus accommodant. Copiae Regni hodie versus Provorscum abierunt, illinc Sendziszoviam versus Castellaniam Sendomirien. iturae, ut Russiae partes objectu sui ab incursione tueantur. Quantumvis flos militiae loricati Equites de inopia querantur; patiendum illis nihilominus est, & dilatio duarum hebdomadarum illis acceptanda, quod spem faciant stipendiorum Dñi Commissarij.

In Castris feci relationem DD. Ducibus, spem nullam tractatus superesse: quod minimè terruit tam Duces quam etiam milites, fortia

A.C. 1702 & hi & illi clamârunt. Vellet modò Nobilitas, posset illa jugum excutere: verùm dum opinionibus laboratur, vix credibile, ut se salvare velint. Conveniunt secum valdè benè concordēsque sunt Duces & exercitus, solus Præfectus vigiliarum Regni aliquid attentare ausus est, sed nequaquã id potuit; contumacia illi malè vertit. Citatus enim in jusdũ jam jam decretali sententia obruendus esset, revocavit perperam dicta, inculpando potissimũ ebrietatem, quo inclinatus læsus Dux pro illo intercessit, & sic misericordiam reus obtinuit. Hodie nihilominus ex apprehensione febri laborare cœpit. Generalis Maidel cum Palatino Vilnensi jam constitisse ad Crasnostavum dicuntur sicque videmus indies plures & plures succedere, fruges consumere natos, ac si priores non suffecissent.

Suasum à Commissariis & Ducibus, ut proximè ab adventu Varšaviam ex nunc legatio ad Reges Prussiæ & Daniæ, item ad Carum Moschoviæ expediretur, invitando illos in societateem armorum.

XXXIV.

ANDREAS C. ZALUSKI EPISC. PRINC. VARM. ET SAMB.
SIGISMUNDO STANISLAWSCIO JUDICI VARMIENSI.

I. Novemb.

Possibile non est, ut capias afflictionem cordis mei nunquam cessantem; quia incessanter aut legere aut audire querelas cogor, similes huic in literis tuis expressæ. Nollem discoopere unum altare, ut alterum cooperiatur. Nollem ut unus gaudeat se liberatum esse, alter lamentetur se sub onere fatiscere, perdifficilis res est, hoc tã calamitoso tempore sex millium nongentarum viginti quinque portionum exdivisio; quibus ea res commissa est, vellent nescire literas pro ut ipsi scribunt. Libenter si possibile foret omnes liberarem ab hoc onere, utque ipsi immunes essent, per mea dispendia agerẽ; quin jam mandavi, remandavi, expectavi reexpectavi, videns verò me nihil proficere, ipse me in proximo accingam itineri Thorunium, supplicaturus Regiæ Mti pro populo, qui certò succumbet si non miserebitur Dnus. Quæsi vi hætenus media & quæro adhuc, ut alleviatur onus, quo omnibus præsertim tibi sincerè mihi dilecto levamen aliquod contingat. His delatis sum &c.

CONFOEDERATIO VEXILLORUM IN MAJORE POLO-
NIA CONSISTENTIUM

IN NOMINE Ss. TRINITATIS

NOta sit orbi, iterata jam, utrobique injusta à Suetico Exercitu facta, Patriæ nostræ invasio, nostra verò moderatio & in extremis etiam infortunijs constans erga Monarchas liberæ gentis fidelitas. Arbitrabamur hætenus, Regem Sueciæ, velut nullas ad Rempub. habentem prætensiones, pacta, juraque nostra in integro servaturum; verum contrarium, per biennalem ejus in Regno nostro commorationem, experti sumus; quòd scilicet, per omnia hostis non hospes venit; frustra que nomen inane Protectoris, in tot universalibus sibi usurpans, re oppressor & hostis, nihil hætenus egit, nisi in nostri confusionem & oppressionem, eversionem jurium & libertatum, perniciem Regni & Majestatis. Post infelicem enim sub Kliszovia, propter arcanas Exercitus Saxonici seditiones, dispersionem; Metropolim Regni, Cracovi-

am

am dolosè occupavit, ab Ecclesijs & civitate ingentia extorsit lytra, ex *A.C. 1702*
armamentario omnes abstulit amuntiones, deposita Nobiliū, etiā sepul-
chra mortuorum scrutatus, eripuit; ærarium Regni, spe auferendæ co-
ronæ, devastavit; & quod summa inter damna censendum est, sacratam
Regum Poloniae sedem, toti Europæ nota antiquitatis pergama, Hero-
straticis bustis incineravit: inde toto diffusus Regno, cum summo No-
bilitatis gravamine, contributiones comminationibus ignis & ferri ex-
torquebat, in casu non extraditæ minimæ portione, oppida & pagos in-
cendebat, in Nobilium domibus stativa Exercitui statuebat, violentias
& rapinas in eis fieri permittebat, tot nostros fratres domibus ex-
pulit, fortunis spoliavit, deposita variis in locis abscondita sine respe-
ctu privilegiati loci, diripuit, quosdam captivavit, quosdam premi fa-
me, alios morti adjudicari iussit, peneq; nomen Nobilitatis cum juri-
bus, bonisq; eorum, delere contendit; Thorunii fortalitium, post diutur-
nam obsidionem, fide illi non servatâ, solo æquavit, portas, turesque
cuniculis dejecit, amuntiones & deposita nobilium abstulit, templa om-
nibus splendoribus spoliavit, etiam campanis ex eis ablatis: quam vio-
lentiam & oppressiones omnibus civitatibus tam Castrensibus, quam
aliis munitioribus in Regno Poloniae, præsertim verò in Prussia, con-
tra Regiam affecurationem intulit; Gedano quoque, ultimo Regni Po-
loniae fortalitio, licet ingenti lytro toties redimenti vexam, hætenus
vim inferre meditatur, templa in toto pene Regno splendoribus spo-
liata, in granaria & ferè stabula convertit, Sacerdotes, aliasq; spiritua-
les personas longa incarceratione pressit, montem Czestochoviensem,
tot prodigiis clarum, dicata DEO & Matri ejus Gazophylacia expilatu-
rus, suo cinctum Exercitu, aliquot septimanis tenuit, vexilla nostra con-
fistentius pepulit, alia sustulit, totque fratres nostros, cum depressione
Poloni, heroiq; nominis, in captivitatem abduxit. Deniq; per abomina-
bilem cum quibusdam Principalioribus, in eversionem statūs, oppressi-
onem Nobilitatis, conspirationem, in eam desperationem, & servitutem
quosdam filiorum hujus Patriæ induxit, ut ad illius universalium pro-
mulgationem arma capeffere, prohibita legibus conventicula, sub præ-
textu confæderationis, cogere non dubitaverint, ultra verò eos per ab-
rupta ducens, dulcedine tractatūs, bienniō propositi, illectos, falsisque
promissionibus, alleviandarum contributionum deceptos, ita dementa-
vit; ut legitimum Regem Augustum secundum, ruptō vinculō jura-
menti, in Comitibus pacificationis super præstanda illi fidelitate, facti, de-
thronizare, interregnum & novi Principis electionem proclamare, om-
nesque Reipub. cives, perniciosis eorum intentionibus contrarios, pro
hostibus Patriæ declarare ausi fuerint: per quod domesticorum turbi-
num, belli Moschovitici, & Cosatici, detestanda jecit semina, ut mensurā
impleret hostilitatis, Avi sui, nondum obductæ cicatrici atrociora vulnera
superinducens. Quapropter nos militaris Ordo Regni Poloniae, à Ladislao
Biernacki Ensisfero Wischoviensi nostrorū regiminū Præfecto cōvocati,
universalibus Regis, de proximo interitu, communis matris nostræ Pa-
triæ, præmoniti, practicata sub Tyszowciis in similibus Patriæ infor-
tuniis, media defensionis, arripere statuimus. Hinc protestamur corā
DEO, toto universo, statibusq; Reipub, quod non propter ullum pri-
vatum interesse, nec contra Remp. molimina, aut fovendas sub præ-
textu libertatis alienas intentiones, nec propter exigendas portiones,
quibus juxta constitutionem comitiorum Lublinensium contenti esse
debeamus, nec deniq; propter repetendam, deservitam obsequis mer-
cedem

A.C. 1702

cedem, quam in sinum fratrum, donec pacificetur Patria, reponimus; verum ad naturalem hujus Patriæ nostriq; ipsorum defensionem, Nos resolventes, confœderationem Majoris Poloniæ, ejusq; perniciosos progressus detestamur, non ideo solum, quia confœderatio in scissionibus formata, hostem per comitia declaratum, in Protectorem suscipit, atrociora bella in viscera Regni inducit, liberam electionem tollit, nec exercitui stipendia assecurare potest; verum etiam ex ratione perjurij, DEO & hominibus detestandi: Tarnopoli enim, elapso anno, instinctu & exemplo Ducum circa fidem S., jura, libertatem, dignitatemq; AUGUSTI II. Regis nostri, facto totus exercitus juramento; in contrarium jurare nequit. Econtra verò pensis animis & affectibus, confœderationem Palatinatûs Sandomiriensis, in omnibus comitiolis, omnium votis promotam, & per electionem Mareschalci, Stanislaï Comitis Dönhoff Venatoris M. D. L. finitam, amplectimur; pro evictione personarum nostrarum & assecuratione mutuæ confidentiæ, unionisq; tam armorum, quàm consiliorum, referimus gratias quodve ab hinc velut unum corpus, & unus spiritus cum inclyto hoc Palatinatu futuri simus, declaramus; mutuam dantes sponsonem, quod ad defensionem, tam totius Reipub, quàm hujus Palatinatûs, sangvinem & vitam impendimus; nec eum in adversis deseremus; Consiliarios nostros juratos ad latus Mareschalci Confœderationis, ad gremium ejus consiliariorum designamus, hacq; mutuâ cum Palatinatu & tota Repub. fundatâ confidentiâ, omnibus modis, vitæ non parcentes & sangvini, armati cives, Patriam hanc ab hostilibus oppressionibus liberare desideramus; AUGUSTUM verò II, sicut pro Rege agnoscimus; ita dignitatis ejus defensionem, sangvinem & vitam immolare parati sumus; nomen Nobilitatis, non tantum in filiis Regni hujus profanatum, verum etiam ex Livonia à Regno avulsa, unâ cum fide sancta Catholica, contra pacta Olivensia ejectum, vindicare & conservare appromittimus, hocq; sine, ejurantes Ducalem super nos potestatem, & obedientiam, donec, tam ab intra, quàm ab extra pacificetur Respub, hoc salutare militaris confœderationis opus, velut efficacissimum salutis publicæ medium, assumimus, ad quod omnes, jure nobilitatis gaudentes sub amissione hujus nominis, & characteris, universalibus Mareschalci nostri invitamus, & convocamus. In Mareschalcum verò Confœderationis nostræ; Stanislaum Chomentowski, Radomicensem, Złotoriensemq; Capitaneum, eligimus; cui obedientiam, juxta leges Ducales, militaresq; articulos, sacrosanctè præstandam, appromittimus, scissionem nullam facere, & ne à quopiam fiat, præcavere, declaramus, & conjuramus, non prius evinculationem facturi, quàm in toto pacificetur Respub. Mareschalcus quoque, mutuo sese Nobis obstringet juramento; quod in omnibus, integritatem S. Fidei Catholicæ, jura, libertates nobilitatis, dignitatem Regis AUGUSTI II. sit conservaturus, nomen Nobilitatis vindicaturus, omnia puncta Confœderationis hujus observaturus, hostem, non fictis conatibus, pro viribus Exercitûs, infestaturus, nec cum eo, aut ejus adhærentibus, ulla cointelligentias & correspondentias sit habiturus, nec ulli alteri directionem Exercitûs commissurus, in omnibus verò præsentium ad latus suum Consiliariorum sit secuturus consilia.

ACTUS VARSAVIENSIS CONSILII. in Octobri.

Sine viribus, unione, consiliis, penèq; suis fatis permissam cernens Rempub. Cardinalis Primas, extremamq; ejus ruinam, è suæ potestatis specula contemplans, in tam gravibus civium pressuris & emunctionibus, ubi, alij per orbem dispersi, alij boni communis prorsus incurii, omnes studia in contraria scissi, sui & Reipub. immemores, se Patriamq; exinaniri sinunt, unicè ob defectum unionis & confidentiæ, cujus reinducendæ nullum adæquatius & efficacius adinveniens medium Cardinalis Primas, scripsit circulares ad Senatores Regni & M. D. L. convocando eos, Varsaviam pro 15 Februarij, ut ij, quorum prima ordine & dignitate vox in consiliis, adinvenirent media pacificandæ & salvandæ Reipub. Quò pro præfixo termino quidam Senatores conveniunt, in exordio Senatûs consilij Cardinalis Primas tales fecit propositiones.

1^{mo}. Utrum in hac calamitate, ubi jam Patria in extremum ruit interitum, confidentia civium exulat, quemque suum rapit studium, in tanto disordine pressis, & emunctis Regni Provinciis, fuerit necessaria determinatio hujus, planè confidentialis consilii, licet illud, extortis quorundam persuasionibus revocatoriis, Cancellaria, privati conventiculi nomine appellavit?

2^{do}. Quia, post tam longas primatis Cardinalis persuasiones & sollicitationes, opportunè tandem venerunt literæ à Rege Sueciæ, indicantes ejus ad quietem inclinationem, ita tamen, ut hoc, independens esse, & in loco libero, possit tractari, negotium: Quid in hoc puncto agendum?

3^{io}. Congressus hic, ad quod, & quantum tempus limitandus sit, siquidem in his occurrentiis, ubi pacificationis erumpunt indicia, tempus, & Palatinatum resolutio sunt necessaria?

CONCLUSUM.

Ad primum. Quicumque hunc Patriæ bene vovet & favet, alterius sensus esse nequit, quàm justè Candinalem Primatem, scripsisse literas, præsentem convocasse Senatum, gratiâ capiendi consilii in ordine ad inveniendâ media, pacificandæ, extremè turbatæ & confusæ Reipubl.

Quia verò Cancellaria proprii forsan fœcunditate ingenij, congressum hunc privatum vocavit conventiculum, indolet huic nomenclaturæ præsens Senatus, vultq; deferri Palatinatibus & terris Primatiam per hoc, & Senatûs authoritatem, cum magna ejus injuria tam indignum incidisse vocabulum.

Ad secundum. Votis omnium tamdiu desideratum interesse pacificationis totius Reipubl. quia invenit sui amplexum in pectore Regis Sueciæ hætenus ad id summè difficili, hocq; factum est curâ, & persuasionibus Primatis Cardinalis, cui tanti meriti, in posterorum cordibus perenne inde sit Mnemosinon, visum est præsentis consilio, opportunum esse, ut eas literas, copiatim in sequentibus Comitibus Nobilitati Primas communicaret, suis simul literis invitando, ut huc suos Legatos ex Palatinatibus & terris expedirent. Et quia Rex Sueciæ exigit, ut hoc negotium à libera, & non coacta Reipubl. sine metu & scissione institatur, præcavendo insuper apertè, quòd nulla consilia & tractatus in ordine ad pacificationem in præsentia Regis Poloniæ acceptare velit, ideo, si est verum in Principe tranquillitatis Reipub. hujus, desiderium, uti spes est, quod & ipse Rex noster propter solatium universi in eam
sic

A.C. 1702 fit consensurus, ita, ut in hac materia, Cardinalis Primas literas illi scriberet, est conclusum.

Ad tertium. Limitationis congressus terminus opportunè designatus est, die 27 Martij ut præcedens Thorunij 16 ejuldem, consilium, ex præsentibus comitiolis literisque Regis Sueciæ de intentionibus ejus informatum, suum addere posset momentum, secuturo huic ex limitatione consilio.

COPIA LITERARŪ D. TWORZYANSKI AD PALATI-
num Masoviæ in Octobri scriptarum.

*Acta apud
Suicos &
Sapiehas*

Post tot sollicitationes Regis Sueciæ abruptâ fere spe tractatûs, ultiores forsan Reipub. in tam deplorabili statu assumendæ erunt meditationes. Ex nunc post meum huc adventum reddidi literas Comiti Piper, additô complementô, Regem Sueciæ jam nullum in negotio Tractatûs scrupulum habiturum, me nunc ab omnibus tribus Provincijs unitis, & mediationem amplectentibus, adveniente nomine Commissariorum; qui in proximo existentes ruere exoptant in Regis conspectum, tamq̃ sanctum opus inchoare. Unionis hujus Provinciarum documenta me habere asserui, petendo insuper, ut quemadmodum à principio ostendebat se propendere in publicam tranquillitatem, ita nunc ab eadem procuranda non desisteret, ad quæ omnia sat affabili responso dato, me remisit ad Wachtschlager, cum documentis, quæ illi reddidi; scilicet limitationem Magni Consilij, Excerptum laudi Ducatûs Masoviæ, & literas Generalis, nomine publico scriptas: copias laudorum Srzedensis & aliorum vix relegi, ex nunc Secretarij statûs præsentis apud Wachtschlager asseruerunt, scissiones esse & similitates in Polonia. Ad hæc replicui, hos, qui dicuntur esse in scissione, nihil certi adhuc conclusisse, sed actum cum toto suo effectu, in aliud tempus limitasse, satisq̃ esse, quod non contraveniant Sendomiriensi sancito. His alijsq̃, quæ ex re & opportunitate occurrerunt expositis, ivi ad locum mihi pro consistentia assignatum. In via deflexi ad habitantes in proximo pago Sapiehas, ubi majores difficultates, fereq̃ impossibilitates hujus negotij inveni. Scimus, inquiunt, quæ aguntur Varsoviæ, quæ in Litvania, non nos latet, de Majore Polonia, quantæ ibi non tam in sensibus scissiones, quàm usq̃ in lanienam contra justè protestantes, conspirationes, liberæ vocis oppressiones. Dum verò in contra relationē comitioliorū & Generalis sub circulo Consilij opponerem, nullatenus assertis invenire potui fidem uno præcipuè aulico Bobroycensis Capitanei omnia à me dicta, falsa esse, eo probante, quod nunc ex Majore Polonia redux omnia ibi contraria vidisset & audisset, asserens, nulla in tota Polonia fuisse comitiola sine scissione & reclamationibus. Ex his inferre poteris, quantas exprobrationes & convicia contra innocuum præsertim Principem audiverim. Replicui satis omnibus ex rationibus, quas sensûs rectitudo suppeditare potuit, circa zelum pereuntis propter privatū quorundam interesse, Poloniæ, sed nihil profuere obstinatae in perversis suis intentionibus malitiæ. His itaq̃ fortè eorum impressionibus præoccupata aula Suetica, ad meam sollicitam requisitionem, nuper cadente sole, misit ad me ut venirem pro responso, parui, veni, & priusquam responsum apud Wachtschlager, inveni redargutiones, quas præcipuè ab hac cœpit quæstione: Quare Rex Cardinalem expectare noluit? plura huic adjecta sunt de scissionibus in Polonia. Quibus dum iterum replicui, nihil in Posnaniensi

nienſi & Califfienſi Palatinatibus actum eſſe contra mediationem, dato tamen quòd aliquid contra fuerit ; duo Palatinatus non conſtituunt Provinciam, utiq; etiam in Comitiiſ, licet aliquod ſupra 10 comitiola rupta fuerint in Provinciis, modò tamen aliqui Palatinatus per Legatos repræſentent Provinciam, agenda aguntur, & concluduntur, abſentesq; partes non integritati comitiorum, aut Corpori Reipubl, ſed ſibi nocent. Sed mea hæc aſſertio ſub diſtinctione acceptata eſt.

Aliud inquirunt eſt in levioribus materiis, at hic, ubi de re tanti momenti agitur, quæ ſapit perpetuitatem, omnino neceſſarius eſt conformis omnium, ſine contradictione & ſciſſione, aſſenſus. His, aliisq; aſſertionibus, datâ pro exigentia negotij replicatione, ivi ad Comitem Piper, à quo acceptis literis, poſt aliquantum diſcurſum & valedictionem, iterum cum ardentiore zelo ivi ad Theſaurarium M. D. L.; cui, inter valedicendum, demonſtrando, deplorandum innocentis Poloniae, ex eorum occasione ſtatum, ea dixi, quæ æquitas cauſæ, & juſtus furor ex læſa prorumpens patientia, ſuggeſſit. Explicato itaq; præſenti rerû ſtatu; tam publicæ forti, quàm magno Characteri Collegij veſtri compatior, qui ultra authoritatem vos demittendo, poſt tantas ſollicitationes ad tractatum, intuitu publicæ tranquillitatis, eam habere felicitatem non potuiſtis, ut pacis Authores diceremini: Judicet eos DEus, qui tanto operi obicem poſuerunt. Inter prima pacis obſtacula, conſervatio eſt Sapieharum, cujus modum in hunc uſq; diem, invenire non poſſunt. Hæc ego infelicis negotij Nuntius deſero, & cum concludendi Tractatus ſpes non aſſulgeat, declaratione obſequiorum concludo epiſtolam.

COPIA LITERARUM DUCUM EXERCITUUM REGNI POLONIE AD CARDINALEM PRIMATEM.

Exercitûs univerſi, ſimulq; noſtri officij cauſam ante te ſtatuimus, ut excelſo tuo iudicio, utriuſque præjudicium pateat, & injuria, ex eiſq; ſecuturis inconvenientiis, è ſpecula Primatialis gradûs obſtacula tempeſtivè prævideantur, & ſubmoveantur. Inter tot infortunia & calamitates publicas, etiam hoc non poſtremo eſt ponendum loco, quod ex rationibus injuriarum, & juſtis querimoniis Exercitûs noſtri elicitur, cujus conſistentiarum ſpatia per Exercitum externum circum circa ex diſpoſitione locatum, ita anguſtiata ſunt, ut in uno pene angulo ad confinia Hungariæ arctentur, hincque promptitudo ad obſequia Reipublicæ ita conſtringitur, ut ob infrequentiam militum ſub vexillis, non ſit, quod invaleſcenti Coſaticæ opponamus rebellionem, nomenque planè Exercitûs non corpus, illas in partes moveamus. Non exiguum certè id eſt Reipub. intereſſe, ut noſtri miniſterii jura manuteneat, quæ per dictam externi Exercitus diſpoſitionem vim patiuntur. Exponi ergo per te Sereniſſimo Regi petimus, noſtras & Exercitûs injurias, ut juſto eius dolori ſatiſſiat, totiuſque Reipub. ſitum in Exercitûs iniuriis intereſſe, tua authoritate promoveri. Nec hoc tuam latere volumus notitiam, quòd Generali Steinbock non tantum per iteratas nomine Regis Sueciæ literas, & per invaſionem oppreſſionemq; omnium bonorum Rzeſzoviienſium, omnino urgente reſtitutionem militum Suecorum in præterita expeditione captorum, vel reſuſionem pro quovis Equite trecentorum, pro Pedite ducentorum Imperialium, verum etiam ſub Leopoli tendere, (pro quo jam habet ordinationem Regiam)

Locatio militum externi

Extraditio Suecorum captorum.

A.C. 1702 am) intendente propter eliberationem dictorum militum, occurrendo ruinæ totius Russiæ, resolverimus nos in nupera sessione, non expectatâ totius Reipub. decisione, (quæ esse tam citò nequit, aliunde verò rumpere moras instantia cogunt pericula) restituere nominatos captivos pretio conservationis, non tantum fortunarum nostrarum, verum etiam tam magnæ Provinciæ Russiæ, habito tamen ad id assensu magnorum nominum, nobiscum in eadem conferentia præsentium, ut ex copia datæ nobis assecurationis patebit. Tuam quoque auctoritatem obsecramus & obtestamur, ut inevitabilem eiusmodi facti necessitatem, explicare Reipub. ubi opus fuerit, non graveris. Ex eadem præacta copia, sensum hic præsentium intelliges huiusmodi, ut scilicet ad sopiendos tumultus Ucrainensium, expediatur Legatus ad Imperatorem Tartarorum pro subsidio. Ut verò id maiore pondere fiat, & efficaciam, petimus à te persuaderi Regi, ut ad eundem Imperatorem, ea de re literas scribat, tuque tuas adjungas. Alteravit nos non mediocriter notitia illatæ, contra jura gentium, characteri Legati Galliæ Regis, violentiæ inde enim, quantum periculum ultionis tam potentis Monarchæ, tua consummata id profundius penetrabit prudentia? Visum ergo etiam in hoc puncto, si res concordat cum fama publica, proponere, ut tui interpositione consilii, Rex cogitet, de mediis satisfactionis Ministro huic pro injuria illata. Præterea, quia ex interesse totius Reipub. omnino videtur necessarium, justificari nos coram Rege Galliæ, exponendo per seorsivas, excessum hunc ultra omnem notitiam Reipub. contigisse, id ut pro tua statione & zelo in bonum publicum te facturum, minime dubitamus, sic conjunctis sensibus & precibus postulamus.

*Violentia
Legato Gallico
illata*

COPIA RESPONSI PRIMATIS CARDINALIS DATA DUCIBUS

Literæ vestræ, erga me confidentiæ, erga Patriam filialis amoris, erga vestra officia vigilis sollicitudinis, indices, evincunt à me distinctas tribus hisce functionibus venerationes, non in ternario tamen, verum ultra milleno gratiarum actionum numero. Dum enim altiore volvo consideratione, tam unanimem vestrum, circa bonum publicum, zelum, bonum mihi resultat omen, hanc Rempub. tantos sortitam Duces, ex præsentibus tenebris, sine errore prodituram in lucem, clariusq; nitentes soles. Quidquam ne optabilius aut iustius in tantis tumultibus, à duobus pene titionibus incensæ Reipub. esse potest? quam ut exemplò inclytæ Provinciæ Russiæ, etiam alij Palatinatus invicem secum conferant, cum tota simul Respub. nequeat de mediis suæ salutis agere & consulere, quo fit, ut dispersi omnes, cæcâ nocte premanantur & nec convocare se possint, nec habere in promptu consilia. Detuli Regi inevitabilem necessitatem Sueticos extradendi captivos, non dubito, etiam in illo consilio conformem fore resolutionem illi, quæ vobiscum in extraditione eorum dispensavit: quantum enim fieri potest vitari convenit mala non provocare, nec hi captivi tantæ sunt considerationis, ut propter eos Regio illa ire debeat sub casum vindictæ & desolationis. Proposui quoq; Regi, per injustè occupatas ab externo milite consistentias, grandem Exercitui Polono, vestraq; jurisdictioni fieri injuriam, permoturumq; id totam Rempublicam, cujus salus & integritas, vi & auctoritate vestrâ, velut firmissima basi sustentatur: quid ad hæc aula dicet; audiemus. Triste factum & omni genti scandalosum, violenta Legati Galliæ Regis interceptio, novorum Reipub. infortuniorum,

orum, justa formido est, & meditatio. Quis enim ignorat longas Regibus esse manus, huncq; tam potentem Monarcham, dissitus quantumvis à nobis sit, terrâq; mariq; extendere posse, manum suam, & fulminis instar, unde minimè sperabimus, ferire. Ne tamen Achivorum casu innocens pro delicto hoc patiatur Respub. quod præter ejus mentè & notitiam, tam infamis, juris gentium, facta sit violatio; præviâ in publicum Manifestatione scribam de hoc Gallix Regi, tam delicatè & nervosè, ut non statuatur nobis hoc peccatum, quo se absolutè Respubl: non polluit.

Rebellionis Cosaticæ magis indies invalescens Gigantomachia, quia per Briaræos suos & Centimanos ferè caput ingerit astris, nihil justius, quàm ut ad suppressendum barbarum hunc furorem; cum extinguendo propriis viribus non sufficiamus, Scythia nobis adsit subsidio, & pro tot agnitis Reipub. beneficiis, suis nunc assistat officiis. Ut Rex hoc in puncto scribat ad Imperatorem Tartarorum, minimè id literis meis gravabor proponere, id tamen facturum ex multis rationibus, quæ ex interceptis literis constare poterunt, vix suppono: ego interim nomine Reipub. ad eundem scribo Imperatorem, vobisq; literas communico. Quidquid ergo in vim gratitudinis pro hoc succursu illis promiseritis, licet cum summo gravamine ærarium Reipub. totum tenebitur reportare.

DEUS interim secundet, & benedicat, gloriosos gressus conatusq; vestros, & sub auspiciis eorum conferat quàm fortunatissimos Exercitui successus, ut pacatis hac hyeme illis partibus, pro æstate valeat usibus Reipub. quæ, ut procul dubio labores, incommoda & fortes heroum ausus grato imprimet pectori, ita, ubi occasio fuerit, ego vestris non deero commodis, quin eorum suavem mihi & voluptuosam magnorum nominum culturam commendem Reipub. non minus, ac me nunc vestro affectui.

CARDINALIS PRIMAS ALEXANDRO ZALUSKI PALATINO RAVENSI. 2dâ Augusti.

Literas tuas cum tanto accipio affectu, qualis convenit candidæ tuæ in me propensioni. Hic, qui temulenter, vel pervicaciter honorem meum aggreditur, habebit consolationem ex morso non ex vulnere. Agit hoc aliorum malitia, nonnullorum stultitia. Divinare tamen facile possum, quis sit ille Zoilus alienam lacerans fama, facile esset aut vindicias agere, nisi mallem contemnere in eo existens statu, in quo cespitare nequeo.

Communico tibi, quod Regi nostro novus venerit succursus 8000 sub Generali Revel. Rex Sueciæ post nuperam victoriam 14000 hominum numerat, expectat ex Pomerania venientem succursum; cogitabat Rex noster de reciproco reddendo, sed benè mensuratis viribus deseruit has cogitationes, & vult se jungere cum Exercitu nostro, & Nobilitate congregata; Exercitus ex Pomerania veniens, jam est defacto in Polonia &c.

COPIA LITERARUM D. REFERENDARII AD CARDINALEM PRIMATEM. 13 Augusti.

IN ipso Cracoviâ motu Rex tibi misit Epistolam, adjuncte me comendatitias Palatinæ Lenciciensi celeriore urgentium literarum cursum evicturas. Expedit cum ea specialiter ad id lectum è plu-

A.C. 1702

è pluribus, hinc redditam tibi non ambigo, in casum tamen, si fuerit intercepta, breviter quæ continebant innuo. Ad pacem quæ est omnium bellorum finis, ex parte utriusque tam scilicet Poloniæ, quàm Sueciæ, Regnantis magnam esse dispositionem, quædam conjuncturæ, & certæ docent præcautiones. Hæc tamen cupita diu pax optima rerum, aliter nequit, nisi per te coalescere, ad hocq; tam salutare Reip. negotium, prius ad te datis invitabar. Alium enim præter te Sueciæ Rex adhiberi ad Tractatum non vult, tanquam super arbitrum à Rege nostro vel inde summè contento, quod te eligat, cujus illibato candori, juratæ fidelitati, alto, pariq; orbis negotijs judicio, incomparabili rerum experientiæ, fidit unice. Utroq; ergo id in te negotij devolvente, Monarcha brevi, dubio procul, profanatis malè pulsa terris, & salus & pax, niveis reviset oppida bigis. Nemo enim est, qui te omissurum hanc optimè merendi de Rep. putet occasionem, quin indubitanter censeat, illi seriò admoturam manum negotio, quod fortunatè conclusum, coram DEo, meritorum cumulum, apud utrumq; Regnantem & Remp. obligationem, coram orbe gloriæ faciet accessione, & perennem secuturis sæculis relinquet memoriam. Cras hinc moveamus, versùs Sendomiriam, quo venturos speramus Palatinatus, utinà cum eis Angelos pacis habeamus &c.

COPIA REGIARUM LITERARUM. Ex Castris
sub Sendomiria. 14 Aug.

P*ost tit.* Primà accepta notiã de transitu Suecorum, in hanc partem Vistulæ sub Uscie & ex alia deprehensis eorum moliminibus, quibus nos à Palatinatibus rescindere & separare à Corpore Reip. intendebant, judicavimus, relicto sub Cracovia situ obviam eundum esse communi motui, atq; sic ope Numinis, Sueticas prætergressi Legiones, cuncta feliciter superavimus pericula, jamq; hic cum auxiliari milite nostro consistimus, ubi quorundam congregatorum Palatinatum, aliorumq; proximè adventantium diu desiderato fruemur conspectu, anhelis præstolantes votis, in unione cordium & animorum solidum Reip. consilium, justum præsidium. Hunc in finem, in hanc Vistulæ partem universali motu venimus, locumq; sub Sendomiria circulari consilio pro die 22 Augusti designavimus, quod aliàs celebrandum erat sub Korcino, nisi in hoc usq; tempus, quorundam tarditas Palatinatum distulisset. Invitamus itaq; omnes, celeremq; ad præfixum locum in tempore præstolamur adventum, quorum illibato candori & zelo, tam Regiam nostram dignitatem, quàm pupillam libertatis commendamus, sperantes indubiè in unita Civium concordia, ac animorum invicto robore, totam Rempub. fidem Catholicam, Majestatem cū libertate firmissimum inventuram propugnaculum. Concordia est vinculum, quo cohæret spiritus; quo vivit Respub, nihil per se futura, si unio subtrahatur. Vindicabit DEus ex altiore ruinæ abyssu, in qua pridem interiisset non una fatorum clade sepulta, concordem

dem Remp. Exurget etiamnum in adiutorium vindex & ultor oppressi-
onis infantis Patriæ, modò conjunctis viribus, ausu imperter-
rito, invicto robore, inclyta hæroum corda concurrant, ad tuendā
salutem publicam, ad quod dum ingenita promptitudo & ardens
accendet in prælia virtus; Nos tædiolè adventum Vestrum expe-
ctantes, incolumitatem cælitus, & omnia fausta precamur &c.

CONFOEDERATIO SENDOMIRIENSIS Facta 22 Augusti

IN NOMINE Ss. TRINITATIS

AUGUSTUS II. DEI gratiā Rex Poloniae. Post titulos. Deferimus
omnibus & singulis, quorum interest, quòd ubi cum exercitibus
nostris approximaverimus ad Palatinatus sub Sendomiria con-
gregatos, ut eò copiosius illis, & liberis gentibus, quibus nos Divinā pro-
videntia, liberis eorum suffragantibus votis, Regio sceptro præesse fe-
cit, amorem, & clementiam, in libertate sentiendi testaremur, nullam ex
parte nostra facientes propositionem, prius concessimus in circulo ge-
nerali pro die 22da Aug. destinato, liberrimis arbitriis de fortuna præ-
sentis Reip. decernere, & quidquid ex utilitate salutis universæ videbi-
tur, proponere, deinde traditis eorum beneplacito & plenæ dispositioni
auxiliaribus exercitibus nostris, per nos introductis, ut de illis ex me-
liori usu suo disponderent, asscuravimus status, sub nexu jurisjurandi, de
conservandis inviolabiliter liberæ gentis legibus, libertatibus. & præro-
gativis, de manutenendis pactis, & fœderibus cum vicinis Principibus,
de non ineundis, cum iisdem vicinis, seorsivis, sine Rep. tractatibus, de
non inferendo iisdem bello, sine scitu & consensu Ordinum, de relegan-
dis consiliariis exoticis, de cogendis quàm primum, post concludendam
pacem cum Rege Sueciæ, equestribus exorbitantiarum Comitibus, addi-
tâ cautione, quòd nullatenus per Senatûs consilium sint invalidanda,
ut id fufius seorsivo diplomate asscurationi nostræ inserto, & post de-
positum utrinque juramentum, à nobis subscribendo & in Cancellaria
Regni & M. D. L. ad Archivum consignando, & ad acta publica por-
rigendo, exprimimus & roboramus. Post hujusmodi itaque robora-
tionem factâ prius inter se per Palatinatus cointelligentiâ, quamvis o-
ptaverint præstolari confratres, cæterorum remotiorum Palatinatum,
in tractu ad eandem Patriæ defensionem existentes, verùm quia matura
urgent pericula, factâ protestatione coram DEO & cœlo, de non vi-
olato unquam per se pactorum Olivenfium fœdere, & jurejurando, imò
in hanc usque horam, in statu innocenti conservato; sterilibus per tot
scripta publicatæ amicitiae, Regis Sueciæ, promissionibus posthabitis
pro fidei Catholicæ Ecclesiæ, nostræque contra propositam dethroniza-
tionem, dignitatis defensione, pro integritate legum, & libertatis suæ
sanguinem & vitam consecrando, supradictis omnibus roboraturi fidem,
heroicam assumunt resolutionem, & acceptâ à nobis per prænominatâ
asscurationem legum, & libertatum suarum firmitudine, daturi, non
degeneris à Majoribus, virtutis documenta inclytæ hujus Reip. statûs,
nectuntur concordi pectore, animo, voluntate, circa fidem, Majestatem,
& libertatem tuendas, habitâ quàm primum notitiâ, de non acceptatis
à Rege Sueciæ conditionibus pacis, conjurabunt, in castris propriis, vel
publicis tenore sequeti.

Ego N. juro Omnipotenti DEO, me fidem Catholicam, dignita-

Tom. III,

X

tem

A.C. 1702 tem Regis AUGUSTI II, libertatem nostram, & totius Reip. fortunis, sanguine & vitâ defensurum, pro possibilitate virium facultatumq; mearum. Et quicumque Sueciæ Regi, quocunq; modo, ratione & prætextu assistere, arcanas machinationes moliri attentaret, hocq; commune Reip. vinculum vellet dissolvere, talem pro hoste Patriæ declaro, & obligo me habiturum, in ejus juxta leges, condemnationem consensurû, bonaq; illius delaturum Serenissimo Regi & confiscationem in bene meritos.

Nos quoque supra prænominatum Diploma coram designatis Palatinatum & terrarum Plenipotentariis, vicissim juramentum depouimus, idemq; diploma typo prius mandatum, ad Cancellarias utriusque gentis, porrigi curabimus. ex nuncq; iidem Plenipotentarii nomine Palatinatum & terrarum suarum, nobis sese juramento adstringent, juxta votum ut supra.

Ut orbi fiat palàm, generositatem Polonam licet innutritam bellis, nunquam tamen cum vicinis & fœderatis Principibus gerere bella, nisi laceffitam, & quidem post toleratam omnium mediorum pacis patientiam. Congregati nunc statûs, de medio sui deputant, Commissarios Reip. ex Senatorio ordine Stanislaum de Raciborzck Morsztin, Palatinum Mazoviæ, ex equestri verò ordine, ex Provincia Minoris Poloniæ, Andream de Zydow Zydowski, Vexilliferum Cracoviensem, ex Majori Polonia Stephanum Lefzczynski, Capitaneum Ostrzeszoviensem, ex M. D. L. Christophorum Komorowski Præfectum Culinæ, M. D. L. Capitaneum Lukoviensem, & Wolkoviensem eam illis concedentes facultatem, ut in quantum Rex Sueciæ, pro ea, quam tot diplomatibus declaravit, erga Remp. amicitia proposuerit, vel acceptaverit honesta & adæquata pacis media, acceptato tractatu, ad pristinam, juxta pacta Olivenfia, utramque hanc inclytam gentem, reducant amicitiam, ita tamen ut Rex Sueciæ, præferens amicitiam Reip. privato respectui eorum, qui Reip. refractarii belli huius causa fuere, judicio ejusdem Reip. relinquat, quæ utpote juris sui Domina, decernet de eis ex justitia & æquitate. Quo nomine committunt Regni Poloniæ status Cancellariis, & Procancellariis utriusque gentis expeditionem, ad hæc pertinentium instrumentorum. Ad hæc ut iidem Commissarii Reip. ad tractandum designati, promptas in omnibus casibus possint habere resolutiones, designant & deligunt Palatinatus & terræ, ad normam Deputatorum pro tribunali Regni, non accidendo tamen numerum, duos Plenipotentes, qui condicito Varfaviam, vel ubi placuerit consilii loco, convenire debebunt pro 22 Septemb. ibiq; post depositum juramentum, habere absolutam resolvendi & concludendi facultatem, in omnibus sive bellum sive pacem concernentibus negotiis, per pluralitatem votorum, hoc placito ut in nullas avulsiones Provinciarum Reip. & nec particularum ejus, aut in præjudicium & detrimentum jurium, & dominiorum Reip. consentiant, Plenipotentarii verò ex Palatinatibus qui ad hoc consilium pertinebunt, hæc formâ deponent, juramentum. Ego N. juro Omnipotenti DEO, me muneri meo, mihi, in generali circulo sub Sandomiria à Palatinatibus imposito, satisfacturum, juxta possibilitatem & obligationem meam, in consilio sensuque meo quem proponam juxta conscientiam meam, legesq; publicas, nec ullos fructus, aut commoda privata quæram, amicitia, aut inimicitia, nec ullis ducar promissionib; in nullo ullas faciam machinationes, sed in omnibus consiliis, negotiisq; Reip. commune bonum procurabo, conscientia meæ judicium secutus,

cutus, arcana consilia nemini revelabo; sic me DEUS adjuvet & innovans Christi passio. Iisdem Commissariis Reip. cum Plenipotentariis, à Palatinatibus supra designatis, dat Respub. facultatem, ex re & occasione boni publici, in præsentia Cancellariorum & Ministrorum statûs utriusque gentis, decernendi legationes ad Principes vicinos, & fœderatos, de ineunda armorum conjunctione, cum speciali tamen cautione, ut hæc sit per diversionem, non introducendo exercitus Colligatorum, in viscera Reip. Hoc quoque præcavendo, ne quid detrimenti Resp. per has legationes patiatur. Ut itaque unita virtus fortius agat, invitant congregati Reip. Status, tam seipsos, quàm Palatinatus absentes, vinculô unionis conjunctæ Reip. simulq; virtute jurium de cômuni motu, sine divisione belli, quatenus omnes, ut communis Matris filij, provisâ ad defensionem ejus media acceptare, illaq; unanimiter ad effectum deducere velint, & conentur. Ea propter de medio delegerunt Legatos, scilicet ad Provinciam Majoris Poloniæ Casimirum Ligeza Castellatum Chelmemsem, Wybranowski Vexilliferum Podoliæ, ad M. D. L. in Ryszki Ryszkowski Pocillatorem terræ Lucoviensis, & Casimirum Bilski Pincernam Varsoviensem Notarium Castrensem Lublinensem. Eodem vinculo etiam exercitus Regni tenebuntur, qui ut eò promptiores sint, ad operationes bellicas, omnes unanimiter Palatinatus illos, ceu ejusdem matris filios affecurent, quartualia stipendia, quàm primum poterunt se persoluturos. Ut ergo eò majores Respub. vires habere possit, statuunt Palatinatus auctorem exercitûs, juxta repartitionem anni 1690 à 1 Augusti, anni præsentis pro 4 quartualibus stipendium toti exercitui promittentes, ita ut pars una veterano, altera æqualis evocando noviter militi in stipendium cedat, quod fieri, intra spatium sex septimanarum debebit; Palatinatus tamen Sandomiriensis, si quidem per laudum alium modum augendarum virium Reip. constituit, circa idem laudum conservatur, ad ulteriorem ejusdem Palatinatûs dispositionem, hic verò auctualis exercitus, ad summum post 3 Septimanas, ad operationes bellicas, comparere debebit. Et quoniam plurimum Reip. interest, quàm ordinatissima conservatio, œconomiarum, & bonorum mensæ Regiæ, quæ non exiguum inde patiuntur detrimentum, quod sine scitu Thesaurarii Curiae Regni, sub Administrationibus & tenutis, etiam exoticarum personarum, contra omnia jura hærent, præsentî in perpetuum cavetur constitutione, ne ab hinc dictas œconomias, & bona mensæ Regiæ, ullus audeat distribuere ad tenutas, & Administrationes, præter solum Thesaurarium Regni, contractusq; si qui cum quocunq; circa hoc conscripti fuerint, nullitati subesse debebunt. A potiori verò, si persona plebeia conditionis, etiam sub nomine alieno, in administrationem & tenutam bonorum huiusmodi sese intruserit, confiscationi bonorum, & rigori subjacebit. Et quia ex ultima necessitate, latè grassante in Dominiis nostris cum suis exercitibus Rege Sueciæ occupatâ Regni Metropoli, eò devenum est, ut Resp. directionis circuli præsentis, & publicorum consiliorum tempus abbreviando Castellatum Cracoviensem, pro hac sola vice petierit, id in sequelam in posterum nullatenus trahi debet, nec prærogativis detrahi status equestris. In quantum verò DEus pacis huic mediationi benedixerit, rebus tranquillis stipendium pro 4 quartualibus, exercitui declaratum numerari debebit, ex summa pro antiquioribus meritis debita. Dûces verò exercituum ex nunc ad computum in quo nunc est, exercitum reducere debebunt, similiter etiam nos auxiliares

A.C. 1702 xiliares exercitus nostros, in Saxoniam relegare declaramus. Plenipotentarii similiter, ex nunc post transactionem abstinebunt à legatione & ipso facto excharacterisatos se se censere debebunt, & sicut ad hunc locum convenimus pro tuitione sanctuariorum, Mtis, & libertatis, ita nobis invicem appromittimus, quod quicumque post præsentem congressum nostrum vel in partes Sueticas abierit, vel qualicunque modo, arcanas cum eis correspondentias habuerit, talem per formam iudicii convictum pro hoste Patriæ declaramus, ut verò peditatus actu in castris existens, habeat quo in obsequiis Reip. subsistat, designamus & committimus, ut ærarium Reip. ex ordinariis proventibus, ex nunc provideat & numeret summam 40000, quæ æquali proportionem in regimina pedestria, aliaq; more exteri militis militantium pro hebdomadaria sustentatione partienda erit, juxta dispositionem & dispartimentum Ducum. Armamentarium quoque Regni, quia ex proventibus ordinariis, vix tempore pacis sufficientibus, hoc tempore nequit subsistere sine supplemento pecuniario, pro augendis ex necessitate belli tormentis, & amunitionibus, ideo ex eodem ærario Regni, in ejus subsidium numerari debet summa 30000 pro fundendis tormentis & amunitionibus pro hac expeditione. Duces quoque Exercituum quia in tam longa & operosa expeditione magnos fundunt sumptus, & impensas pro publico, ideo idem ærarium Regni obligatur, ut sine mora Castellano Cracoviensi Magno Duci exercituum Regni provideat summam 40000, Palatino verò Belsensi, Campestri exercituum Duci 20000 ad rationem liquidationis, quæ omnia Resp. in rationibus ex ærario computabit: desideria Palatinatum omnia ad Comitum equestrium exorbitantium reservat Resp.

Siquidem Palatinatus aliqui hic præsentem sicut etiam & absentes non elegerunt Plenipotentarios supra nominatos vel electos hic non denuntiaverunt, ideo tam electi, quam eligendi credentiales debebunt à Colonellis Palatinatum & terrarum suarum habere ferreque ad Collegium suum, quibus productis, & facto juxta rotam juramento activitatem habebunt, illi verò qui hic conscripti sunt, credentialibus non indigebunt.

Electi ergo sunt ex Palatinatu Sendomiriensi Michæl Tyminski Judex terrestris, & Thomas de Rzechow Rzechowski, Capitaneus Droh-zoviensis, ex Palatinatûs Russiæ terra Leopoliensi, Georgius Dziduszkycki Zydzaceviensis, ex terra Przemyssliensi Alexander Cetner Capitaneus Szczuroviensis, ex terra Sanocensi Generalis Artilleriæ M.D.L. ex terra Chelmeni Joannes Romanowski Succamerarius Generalis ejusdem terræ, Capitaneus Vistiniensis. Ex terra Haliciensi, Stephanus de Potock Potocki, Capitaneus Circassiensis, ex Palatinatu Kijoviensi Vladislaus Terzyfzkowski Capitaneus Vlodzimiriensis, & Adamus Olyzar Wlofzkiewicz Dapifer Volhinia. Ex Palatinatu Volhinia, Venceslaus Wielohurski Succamerarius Vlodzimiriensis, & Stanislaus Duchowski Succamerarius Terzeminicensis. Ex Palatinatu Podoliae Franciscus Markowiecki Pocillator Podoliae & Adalbertus de Brzeza Lanckoronski Thesaurarius Podoliae. Ex Palatinatûs Lublinensi terra Lukoviensi Joannes Męczyrski Vexillifer Lukoviensis & Joannes de Nowoszelic Nowosielski Capitaneus Lukoviensis, ex Palatinatu Belzensi Antonius Glogowski Dapifer Belzensis, & Antonius Draminski Vexillifer Chorodolensis. Ex Palatinatu Braclaviensi, Joannes Wyzycki Vexillifer Kijoviensis, Capitaneus Braclaviensis, & Casimirus Dulzewski Pocilla-
tor

tor Chelmenſis Capitaneus Chocimenſis. Ex Palatinatu Czernichovi-
enſi Athanaſius in Miączyn Miączynſki Theſaurarius Curia Regni
Luceorienſis, Terzepicientis, Loſicenſis Capitaneus, & Nicolaus Olszan-
ski Vexillifer Volhinia.

Terminus pro Comitiolis relationis Palatinatibus designatur, in
craftinum poſt Comitola Deputatorum, Palatinatibus verò & Terris
hactenus in campo demorantibus duabus ſeptimanis poſt Comitola
Deputatorum, ut & terris Ducatus Maſovia.

In quantum verò Proſzevicijs aliquod impedimentum interven-
rit, locus & tempus designandum conceditur per innotefcentias Colo-
nelli Palatinatus ejusdem.

Palatinatus Podolia quia ob diſtantiã loci Camenecum conveni-
re nequit, ideo pro Comitiolis relationis designat ſibi diem in craftinum
poſt feſtum S. Franciſci.

Hanc verò confœderationem Statuum Reip. in vim naturalis de-
ſenſionis conſcriptam, declaratam, roboratam à Deputatis ex Palati-
natibus & à multis Senatoribus ſubſcriptam typis mandandam, ut om-
nibus innotefcat ad acta Caſtrènſia mittendam, Cancellariis Regni &
M. D. L. committimus. Actum die ut ſupra.

ALEXANDRO SALLAROLLI TEATINO REGIO MINI-
ſtro Romæ degenti. 30 Auguſti.

M Inimè gravor, ſcitu digna referre, qui ſi centimanus eſſem, a-
gere ea non deſiſterem, quibus diſcere poſſis, quod verum eſt,
quòdve falſum, ea enim nunc iniquitas temporum eſt, ut vel
ipſæ notiçiæ, majorem pareant incertitudinem, quàm ſcientiam. Gra-
viter tuli, duabus hebdomadis nullam me ab aula habuiſſe notiçiam,
nunc tantæ remoræ didici cauſam, Regiæ poſtæ, quæ inter bidui ſpa-
tium, mihi ſemper ſcienda ferebat, liberum paſſum eſſe interceptum,
nec niſi extraordinaria curſoria, id, quod tibi deſero, habere potui.
Hactenus nihil poſitivè concludum, in circulari Statuum conſilio, multi
impenſi dies diſceptationi, de nomine, quonam appellanda ſint, quæ
concludentur, utrum ſcilicet Confœderationis, an ſtatuti ſtatuum Reip. *Puncta tra-*
communi motu congregatorum. Projectum in ordine ad tractanda & *ctanda in cō-*
concludenda in conſilio hæc puncta continet. *ſilio.*
1mo. Rex ſeorſivo Di-
plomate faciet aſſecurationem Reipub. ſe ejus omnia jura conſervatu-
rum. Status verò Reip. deputabunt de medio ſui Legatos, cum inter-
ponenda mediatione Reipubl. inter Mtem Polonia & Sueciæ, puncta
antiqua & recentia declarantes, & ſponſionem toti Reipubl. facientes.
Regem illis integrè ſatiſfacturum; in ordine ad quod, inſtrumenta Can-
cellaria Regni, cum omni cautela, conſervandæ integritatis, jurium li-
beræ Eleçtionis & finium Regni Polonia, & M. D. L. annexarumque
Provinciarum exactè conficiet, & deſtinatos à Statibus hic & nunc ad
latus Primatis Cardinalis in aſſiſtentia Cancellariorum, utriusq; Gentis
expediet, cum ardenti Statuum expoſtulatione, quatenus eã, quã pol-
let authoritate, ſic bonum publicum concernentia moderetur, ut ſuo
nomini immortalẽ relinquat memoriã. *2do.* Ut Plenipotentiarij ad
concludendos tractatus pacis ſint jurati. *3tio.* Ut auctio exercitûs ſit ea
quæ in antepenultimis comitijs eſt conſtituta, utq; pro eodem exerci-
tu contribuendi quartualis ſalarij, modi in particularibus comitiolis
provideantur, quibus ex nunc terminum Rex designabit. *4to.* Diſpen-

A.C. 1702 *fat*io fiat communis motus, & in ejus locum expeditio ex Palatinatibus, & Terris. *5to*. In casum non concludendi Tractatus, decernendæ legationes ad vicinos Principes, invitando ad conjunctionem armorum. *6to*. Si fuerit Tractatus conclusus, auxiliares exercitus ex nunc extra limites relegandi. *7mo*. Adhærentes Regi Sueciæ, nisi in spatio quatuor septimanarum destiterint à malè cœptis, pro hostibus Patriæ declarandi, bonis eorum confiscationi subjectis, econtra verò redeuntibus ad Dominum, omnibus ab eo & Repub: declaranda securitas. *8vo* Si concludentur Tractatus, summa destinata evocato sub signa, pro auctione exercitus, militi cedit in quartuale stipendium veteranorum militum, fietq; reductio exercitus, ad numerum præsentem, noviter expeditis, ad propria redeuntibus. Dum hæc in medio congregatorum, die 26 præsentis legerentur, puncto legationis ad Regem Sueciæ, & mediationis, unus ex Palatinatu Sendomiriensi contradixit, tandem tamē in sessione in præsentia Castellani Cracoviensis, Cancellariorum utriusq; Gentis & Deputatorum inclinatus ad consensum utriq; puncto, hac conditione, ut Palatinatus omnes viritim evocentur sub Cracoviam, indeq; legati expediantur, ut in præsentia Reip. tractatus fiat.

*Velitatio-
nes varie*

Princeps Wisniowieccius conflixit cum Suecis, & Domino Boryczewski, utrinque non exigua clade, nocte pugnantes dirimente. D. Palatinus Vilnensis ivit in Samogitiam, lociaturus signa Generali Maydel, quos D. Zaranek, aliquot incursionibus infestavit. Sub Bichovia D. Bildzuikiewicz superavit Dñum Castellatum Vitebscensem, aliquot centenis ejus commilitonibus prostratis in acie, Castellano verò pedibus se salvante.

*Puncta tra-
ctatus*

Cracovia in summo metu 5 Augusti fuit, à Sueco expugnationem urbis intentante. Cardinalis Primas, dicitur puncta Tractatus misisse à Rege Sueciæ; sunt verò hæc, quamvis ego omnino id credere nequeo. *1mo*. Ut Electoratum Rex cedat Filio. *2do* Ut Regi Sueciæ numeret 6. milliones, pro illatis sub Riga damnis. *3to* Ut primo Vere contra Moschum, simul cum Republ. bellum moveat, quidquid eo occupaverit Reip. redditurus, exceptâ Livoniâ & Curlandiâ. *4to* Ut Rex juret super pactis conventis. *5to* Ut DD. Sapiehas penes habitos honores relinquat & conservet. *6to* Ut Regi Sueciæ liberum concedat passum per Cracoviam in Hungariam, inde in Silesiam. *7mo* Ut ultimis Augusti, suum Exercitu releget in Saxoniam.

*Cracovia
occupatur*

Exercitus Poloniæ in dies, augetur. Palatinus Kijoviensis, cum II. vexillis. Dñus quoq; Zamoyski magnâ comitante catervâ comparuit.

Tandem venit notitia, Suecum, occupatâ Cracoviâ, magnum populo metum intulisse, & terrorem: Contributionum jam imperatarum, miseranda necessitas. Rex noster retrogrado passu, sese cum exercitu recepturus est in Poloniam.

COPIA LITERARUM CASTELLANI CRACOVIEN. AD PALATINATUM. Ex Castris 8. Aug.

*Nuntiat a-
lia ab utra-
que parte*

CRescit ad obsequia Reip. animus & obligatio, dum tam evidens Regis nostri, Vestris in pectoribus, meum in Remp. candorem, respectus & gratia comitatur, ut eò promptius vestris correspondeam votis, & expectationi. Eas inter angustias redacta est fortuna publica, ut ruinæ proxima sit, nisi comuni consilio & fœderatâ manu sustineatur, cui, ut promptam feratis opem, impigros gressus, eas in partes

tes dirigite, ubi sine mora, Palatinatus Minoris Poloniae comparebunt, *A.C. 1702* ut quantocius formetur consilium, & certa methodus salvandae Patriae. In quo verò statu res sunt hujus Climatis, pro vestra informatione in-
nuo per compendium. Rex vitando conflictum cum hoste, ex inten-
tione conferendi prius, & cointelligendi cum Rep. recessit cum Exer-
citibus Cracoviâ sub Tarnoviam, Exercitus verò Sueticus, subsistit ad-
huc circa Bochniam. Divinare difficile; quo suas est directurus inten-
tiones. Ego majoris aptitudinis gratiâ ad obsequia publica, curribus
aliq; graviore apparatu directis aliò, cum levioribus equitum copiis,
movebo versùs hostilem exercitum, ad ultiores gressus ejus impe-
diendos, pro capacitate virium nostrarum. Toto hoc tempore conti-
nuis incurSIONIBUS, non cessavi incommodare castra hostilia, non infe-
lici successu, quod famâ publicâ omnibus delatum esse non ambigo.
Unicum superest ut ad concludendam summam rei, vestram quanto-
cius operam apponatis, consilioq; & auxilio nostros conatus roboretis.
Ego ad omnium nutum arbitriumq; paratus, etiam vitam eorum tui-
tioni consecrabo.

COPIA LITERARUM A PALATINATIBUS AD CASTEL-
lanum Cracoviensem. II. Augusti.

NON destitit tutrix Regnorum Numinis providentia, etiam in de-
speratis casibus hanc erigere Remp, dum etiamnum in tanto
aestu, & motu publico, dissolutas ruptasq; ejus compages, unita-
te sensuum velut indissolubili necit vinculo, hinc expressio benevolæ
in Palatinatus nostros tuæ propensionis, ut urgentius, ad subvenien-
dum unanimi subsidio infelicitati publicæ nos stimulat; ita ad funden-
das pro candore in Remp. urget gratias. Nec nos segni manu agenda
in defensionem aggredimur, qui communia omnibus Palatinatibus
imminentia pericula, cõmuni succursu juvare statuimus, & quia geminatis
ad celeriolem defensionem ejus, Regis nostri literis accendimur, ru-
ptâ morâ, gressus nostros in ultimam viam prosperitatis, dirigemus,
in loco congressui designato, paribus votis & studiis ad obsequia tua &
Reip. comparituri, quodsi subitum quid, hisce in partibus, cum aliquo
earum periculo eruperit, minime gravabimur tibi communica-
re, mutuam, hac in parte à te vicem, præstolantes simulq; volunta-
tis tuæ intimationem, quonam vias nostras simus directuri? cui omnia
nostra studia & ad obsequia promptitudinem deferimus.

COPIA LITERARUM DUCIS EXERCITUUM REGNI
AD EPISCOPUM VARMIENSEM 28 Augusti.

IN hac tempestate rerum, prementibus nos undiq; malis, magnam
mihi solatorum accessionem, gratia, & affectus tuus erga me fecit
simulq; ad reciprocas obsequiorum vices, quantum in me virium
erit, obligavit. Non dubito me etiam in ijs regionibus vapulasse à
malevolis, cui, quia tu obstrueto ore loquentium iniqua cum apolo-
geticis adfuisti verbis, summas cum obsequiis refero grates. Hæc sem-
per mihi per vitæ meæ tempora fortuna est, ut cum omnia bene fe-
cerim, servus audiam inutilis, fusâq; in usus publicos, extremâ etiam
guttâ sanguinis, omnia, minime vitiata agendo intentione, mille fini-
stris subsim interpretationibus: juxta suas quovis sentiente passiones.
Sed discernet causas omnium, qui solus scrutatur corda hominum ju-
stus Judex. Quanto enim etiamnum conatu, utile quidpiam pro com-
muni

A.C. 1702 muni bono agere & concludere laboraverim, quisquis recti continens est, appello fidem, sed moribus antiquis Poloniæ, lentâ manu fiunt omnia, suspenso gradu procedimus, ac si in alta pace viveremus. Septimanam insumpsimus inaniter, diu de vocabuli scripti, quo securitati publicæ providendum erit, disputatum, aliis illud confœderationis, exemplo antiquiorum, aliis, statuti, seu uniformis constitutionis; quibusdam: defensionis fidei, legum & libertatis, nomine compellantibus, pro, & contra rationibus disceptatum, post longa verborum certamina, conclusum magnum nihil, hacq; de causa tuum hucusq; tenui Ablegatum, quod ante conclusionem Consilij nihil dignum fuerat, quod referret, quo nondum concluso, deferat, quod occurrit, spero tamen sequenti biduo, nos tandem ad finem perventuros, tuncq; conclusa nostra denuntiare non omitam. Exercitus Saxonicus, quem Reip. placito tradebat Rex, hinc movit versus Casimiriam, varij variorum de eo sentes erant, aliis in toto relinquendum, aliis partiendum, quibusdam per diversionem, alias in partes dirigendum esse judicantibus. Ab Ukraina continuis percellimur literis, Samus Cosacum, Ducem quondam Zaporoviensem rebellionem cudere perhibentibus. Jamq; Boguslaviâ, & Cursunum civitates, Catholicosq; in eis, & Judæos dedisse excidio solis Ruthienis relictâ vitâ. Hæc scilicet sunt solatia nostra, nisi DEus visitet repleatq; melioribus. Ab exteris correspondentibus intercepto passu Cracoviensis postæ, nulla habeo nova; abundare te eis non ambigo. Vicini nostri, utrum non aliquid in perniciem nostrî, jam jam aliunde imminentem machinantur? à te erudiri cupio, utq; pro innato in bonum publicum amore, pro tua agendi dexteritate, & pro ea, quâ polles etiam à longè præsciente secutura circumspèctione, pericula, si quæ apparent, præcaveas, obnixè postulo. Eò loci consisto, ubi quâ privatis, quâ publicis expensis, de meis facultatibus impar, promissum subsidium summis accensebo gratiis. Non minus, opulentam hac largitate fortunam, meas verò ad obsequendum, in omni passu eo cumulatius augebis obligationes, quo citius promissam, præstabis gratiam. Non fui hoc in puncto aliis gravis Diœcesibus, sufficit mihi gratia, cui semper vivam obligatus &c.

COPIA LITERARUM LEGATI GALLIÆ AD D. REFERENDARIUM REGNI. 26 Aug.

PLena Varfavia scriptorum, quæ mera passio aut effrænis furor, & tenebris digna, seminandi, Regem inter Galliæ & Remp. discordias, intentio, in lucem publicam protrusit, insigniverunt ea Authores Illustri tuo & D. Kczewski, Vexilliferi Mariæburgensis nomine, ut Majorem in populo captarent fidem. Verum vos utpote summæ apud Regem admissionis, & confidentiæ, nôstis optimè, quomodo Principalis meus, tam cum Rege Poloniæ, quàm cum Rep. ab ipsis bellî huius primordiis processerit, vester verò honesti amor, certè nullatenus sineret genti Polonæ huiusmodi ideas imprimi, quæ cum probata vestra fide minimè conveniunt. Non minus mihi, quàm vobis notum, non alio me fine, in has Legatum venisse partes, nisi ut id persuaderem Regi Poloniæ, quatenus ab incepto desisteret bello, Resp. verò illi minimè immisceretur. Nec hoc ignotum esse arbitror, quibus modis tractaverim cum Senatoribus, quos in adventu meo congregatos inveni, pro Senatûs consilio, quantasve curas adhibuerim, ut Regem à præmeditato

ditato in Livoniam itinere, reducerem. Non satis mihi erat, datas à Rege rationes ab eo retrahentes proposuisse, toties eas Palatino Mariae-burgensi inculcavi. Revocet sibi in memoriam, quomodo acceptâ noti-
Joannes Przepedowski.
 tiâ conclusi tractatûs Travendalensis suadere Regi ausus fuerim, ut illi se suumq; nomen curaret imponere. Vidisti satis & audisti tam frequen-
 tes à me factas de expresso Domini mei mandato, instantias, quibus id unice evincere adnitebar, ut antiqua amicitia inter Poloniae & Sueciae Majestates renovaretur. Jamq; in ea consenserat Rex Poloniae, quæ Domino meo porrigebant modos, quietandarum differentiarum, inter hos Monarchas intervenientium. Nisi Regi Poloniae placuisset postea suum mutare sensum, tractareq; Biërzis cum Czaro Moschoviae, cujus tractatûs acceptâ notiâ, non tantum Regi Sueciae in suspensionem venit, intentiones Regis Poloniae, sed etiam Officialibus Regis Galliae, jam eum pro partitante habentibus. Interea dum M. Legatus Domini mei, in aula Suetica degens, incessanter disponderet Regem Sueciae, ad ineundam pacem, petiit me, ut proponerem Regi Poloniae, utrum non placeret, concedere illi plenipotentiam suam, quâ uti posset, ubi proximè viderit dispositionem aliquam ad pacem in Rege Sueciae. Dispositiones Regis Poloniae, ad conjunctionem armorum, cum hostibus Christianissimi Regis, nullam causârunt, in Domino meo mutationem, nec imminuerunt ejus desiderium agendi, circa finem imponendum bello, quod foret Polonis gravissimum. Quæ licet Domino meo certè innotuerit, commiserat tamen mihi, ut in ultimis Comitibus offerrem Reip. summam ducentorum millium imperialium, ut de ea disponere posset, in favorem Regis Sueciae illique aliquali esse satisfactioni, genuinâ dedi de hoc Regi Poloniae informationem testatus & Reip. amicitiam erga eam Domini mei, eoque puriorem ejus candorem, hoc argumento comprobando, quo liberalius, sine ulla conditione, id mihi commissum habueram, nisi ruptio Comitiorum, externorum Legatorum audientiam impedivisset. Hæc particularitas, fors tibi hætenus ignota fuit, poteris, si velis, de ea informari, Rege ipso Poloniae, ejus veritatem tibi manifestante, ut manifestavit Procancellario M. D. L. me id ab illo postulante, ut de ea curaret, ab ipso Rege informationem. Non hæc esse deberet Reip. erga Regem Dominum meum obligatio, qui eo fine prænominatam summam, ejus utilitatibus voluit sacrificare, ut pacatis, quos ei nunquam optaverat, tumultibus pacem conciliaret, maluitque aliquantisper sustinere insultus Saxonum, ne eorum reditus esset nimium Polonis onerosus, obtestabar, & persuadebam Regi Poloniae, usus ad hoc terminis quàm exquisitissimis, quatenus auctoritatem suam, ad stabiliendam tranquillitatem, & unionem interponeret, ut bene nôsti me de hoc tecum tractasse. Minimè supervacaneum duxi, revocare in mentem quasdam, non minus tibi, quàm mihi notas circumstantias, ut ex eis intelligas, aliisque proponas, intelligendum, utrum vel minima fuerit apparentia, Dominum meum causam fuisse inchoati belli in Livonia, aut illi fomitem addidisse? non te latet, cuinam tribui debeat ejus exordium, & continuatio, meum non est indigitare. Non tibi ignotum est, quàm prudenter processerit Rex Dominus meus, ab eo tempore, quo facta scissio Regem inter Poloniae, & Sueciae, hæcque notitia formabit tibi, non dubito, sensuum ideas, ab eis differentes, quibus non ita affectus Domini mei in Poloniam perspectus est, nec ita de eo, ut tu, sunt instructi, quem obnixè peto, & obtestor, ut æquiores habens de Domino meo opinionem, informes eos, præcavealve, qui
 scri-

A.C. 1702 scriptis magno tuo nomine auctoritatis seduci possent. Authores eorum convenerunt equidem, quo ad intentionem satis faciendi passioni suæ, contra Galliam, non tamen satis concentrarunt modos intentionibus servituros. Quidam enim scribunt: Domini Comitis Piper interceptas esse literas, scriptas ad Legatum Regis Sueciæ; alij affirmant easdem literas fuisse scriptas per eundem Legatum ad D. Piper. Scripta eorum nemini persuadebunt, Galliam aliquas in Polonia fecisse factiones, nec ullus Polonorum asserere audebit, ejus Legatum aliquid sibi insinuasse, cum ijs conveniens quæ dicti Authores calumniosè innuunt. Fallet eos non dubito vana spes, passioque eorum nihil evincet à Repub. nisi gratitudinem pro ijs, quæ ei Rex Dominus meus præstat, & præstare intendit. Conclusâ pace erat Rex Dñus meus, in eo statu, in quo electionem Principis de Conti armis firmare potuerat, maluit nihilominus eo privari honore, qui ei à potiore Reip. parte deferebatur, quàm aggredi bellum, quod effundendi sanguinis, plurimorumve aliorum infortuniorum esset causa, quæ, ut etiamnum vitet Polonia, Rex Dominus meus ope non deerit. Literas has Dño Kczewski, communicari plurimum desidero. Utriusque affectui me commendo.

COPIA LITERARUM THESAURARII AD SERENISSIMUM REGEM. 30 Augusti.

Apologeti-
ce

Incubuit acerbissimum & mihi fatum, quale fidelissimis & zelosissimis in obsequio Dominorum suorum famulis consuevit: qui bene de illis meriti pro præmio victimæ cadunt furoris Dñi. Subeat animus S. R. Mtis miseratio mei, meminerit Coronationis suæ, reputet in Regali corde, quid actum postea? quâ fidelitate inservierim? nonne de genibus precatus sum in principio turbarum Litvanicarum Bielanos me conferendo eâ mente, ut quantocius hanc flammam extinguerem? nonne in supremis Comitibus idem à me non frustra tentatum coactis planè ad reditum DD. Sapiehis. Ipsa S. Regia Mtas ex sua benevolentia meum id opus fuisse confessa est, quòd in desperationem præcipites prædictos DD. retraxerim, in qua modo persistunt. Nonne cum Eminent. Cardinale feliciter apud Regem Sueciæ laboravi? ut posthabitis odiosis propositionibus suis per manifesta declaratis contrario illis stylo procederet, & in omnibus conferentiis S. R. Mtem nominaret Regem. Præmium hujus obsequij non aliud, quàm quòd in eodem puncto, in quo laboravi per summam fraudem & calumniam ad Sacram Regiam Majestatem delatus sim; me portam Suecis in patriam aperuisse, me cum illis correspondisse. Hoc asserit Palatinus Mariæburgensis: pro argumento ejus autoritas, pro ratione fraus & dolus. Occupavit aures Palatinatum, jactat luce clariora contra me haberi documenta, me interim silentiario parcenteque divulgare ipsumet cardinem, & primum mobile, omnium turbarum esse, quibus cū Rege Regnum hætenus involvitur. Dignetur S. Regia Mtas mea & illius conferre, & distingvere consilia, profectò deprehendet, quis fraudi faverit. Nunquam mea consilia ejusmodi fuisse comperiet, quibus modernus Status Regis & Regni possit imputari. Velit me meis literis convincere, unis à Generali Guldenstern, ad quem meâ vitâ nec scripsi, nec cum eodem locutus sum, nec simile officium ab eodem expectavi; alteris quas ad Dominam Palatinam Lenciciensem dedi. Judicet S. R. M. an crimen sit à me scriptum: mihi non videri, ut impares viribus aggredieremur Suecos. Nonne hic sensus etiam Regis fuit?
 memi-

memini Imperij, ne per terras euntem Suecum lacefferem. Hæc sunt crimina mea, quæ utinam publica facerent! verum malunt, ut clanculariis insusurrectionibus plures contra me crescant calumniæ. Tragicum exemplum Palatini Calissiensis; tristes & falsæ respectûs mei circumstantiæ mihi secessum imperant tantisper, donec in facie universæ Reip. tutè comparere liceat, ibi mundabo me à labe, quam non contraxi, etsi mihi imputetur. Appello judicem & vindicem DEUM, ad conscientiam Regiam provoco; potestne non jam condemnare me, sed vel suspicari de me ejusmodi tot argumentis & probationibus me etiam à suspitione absolventibus. Excedo cum filio meo, non ut consulam calamitosæ vitæ securitati, quia miserâ Repub. etiam vivere miserum est, sed ut mori intaminatè liceat, ut me illi tempori servem, quo palàm toti Reip. nostram innocentiam probem, exemplumq; eidem consignem, non sufficere traduci, culpari, & deferri hominem. Affecuro nihilominus S. R. Mtem tam studiosum me esse honoris mei, ut nulla me etiam justa in transversum actura sit desperatio, quæ ilibatam fidelitatem meam vel minimâ labe dehonestare persuadeat. Justè DEUS! hæcne sub Augusto Imperio Mtis V. timere potui? tot obsequiis eximius, non tamen exemptus ab hoc calice indignationis. Supplico S. R. Mti parcat meæ in scribendo brevitati. Quò mihi honestas potior præ omnibus, eò majora patior. Jam exul Patriâ, in tenebris expecto lucem, quæ totam illuminet Rempublicam. Sum interim S. R. Mtis &c.

COPIA RESPONSI REGII AD SUPERIORES LITERAS

dati. 6 Septemb. Pulaviis.

R Edditz nobis sunt literæ tuæ, seu manifestum in Polonicum versum, & totâ latè Poloniâ sparsum in ipso præcinctu itineris. Judicio id tuo committimus, quis ab ipsis Regni nostri auspiciis foverit dissidia, turbasq; Litvanizæ? revocet sibi quoties institerit cum defuncto Castellano Vilnensi, quantis odiis in Domum Sapiehanam arserit, donec tandem contrariis in se studiis incensæ partes his tristibus consequentiis aperirent originem. Non negamus te mutatâ mente, translatoq; in Domum Sapiehanam affectu sub tempus præteritorum Comitiorum plurimum desudasse, ut Varlaviam venirent Sapiehæ, sed etiam multi testes sunt nostrorum conatuum, quanta sinceritate egerimus circa Tractatus illorum, sperantes hæc viâ tranquillitatem ex Litvanicis turbis nos consecuturos. Et procul dubio respondisset successus intentionibus nostris, nisi Domus Sapiehana nostras sat benignas propositiones abnuisset, mediationem Reip. etiam respuisset, jam palàm protectioni Regis Sueciæ se committendo, quam fortissimè jam necdum incepto Tractatu clam susceperat. Nbn diffitemur etiam te cò profectum cum scitu nostro, & ad id opus designatione. Quòd Rex Sueciæ in omnibus conferentiis titulum nobis Regium non negaverit, tantopere exaggerandum nobis non est; hoc enim cardine tractatus vertebantur, aliàs nec inchoandi, nec continuandi. Literæ Generalis Guldenstern, in quibus exactam relationem præsentis Statûs annotavit,

in

A. C. 1702 in manibus nostris sunt, & in illis Personam tuam iis exprimit terminis, ex quibus clarè patet amicitiam fuisse reciprocam. Præterea habemus literas ad Palatinam Lenciciensem datas, & Palatinæ ad Thesaurarium Litvaniæ, in quibus prædicta Palatina bene meritum te de Rege Sueciæ ostendit, & quod amici tui tam fideliter & exactè in majore Polonia ipsi deservierint. Felicis ex gratia DEI adhuc sumus memoriæ, nec tamen meminimus imperatum à Nobis, ut pertransseuntibus Suecis parceretur. Imò distingvendæ & examinandæ circumstantiæ temporis erant: quia tecum non nisi ante Tractatum contulimus, quo tempore Cardinalis Primas, & defunctus Castellanus Cracovien: universalia pro Litvania ediderunt impediendo omnes actus hostilitatis contra Suecos, verùm rupto, & non concluso Tractatu omnia aliter verti debuerant. Nec tum quidem recordamur, à nobis veritum, ne quis quidquam attentaret in Suecos: recordamur autem Nos mandasse, ne ex vi officij ut Generalis Majoris Poloniæ convocaret Nobilitatem ante triplicem innotescentiam nostram. Injuria est Palatino Mariæburgensi insimulando illum dati consilij de suscipiendo bello contra Suecos, quinimò pluribus rationibus suavit, ne id attentaremus; Nobis vero pro omni ratione purus zelus fuit, ut Poloniam pristino flori restitueremus, pactis conventis ad hoc Nos obligantibus, & tot Senatoribus in Senatûs consilio idipsum subscripto nomine approbantibus. Credimus successisset id votis nostris magno Reipub. inde incremento, nisi Rex Sueciæ tot fulcra & amicos in Polonia reperisset, adauctus insuper partitantibus Gallicis, qui invigilabant; ut nos impedirent à succursu dando Cæsari vi Electoratûs Saxonici. Elapsi hic sunt aliquot dies, ex quo Vallachi Capitanei Crasnostavien: captivum Belecki nomine præsentârunt, missum à Capiteano Bobroyscensi ad Thesaurarium Litvaniæ, cum literis, quibus precatur, ut pacis curam suscipiat, quod nisi fiat, periculum vitæ suæ, ruinam verò toti Domui Sapiehanæ imminere. Hic ad Czêstochoviam captus eam nobis relationem fecit, quæ fucatam multorum sinceritatem satis probaret, & à literis diversam, quibus nobis persuadere conantur integerrimâ mente se nobiscum agere, quidquid agunt. In reliquo plurimùm dolemus te hic & nunc tanta pati, quibus omnibus felicius mederi non poteris, nisi sincerè allaborando, ut redeat tranquillitas nobis animitus exoptata, cui omnem impendimus operam &c.

XXXV.

ANDREAS C. ZALUSKI EPISC. PRINC. VARM. ET SAMB.
LUDOVICO ZALUSKI EPISCOPO PŁOCENSI FRATRI SUO

30 Augusti.

Hodie venit ex Castris posta sed utinam non venisset, aut tulisset faustiora, tulit enim funesta, ea tamen, quæ pridem constante omine à cominuni motu metuebamus. Accipe genuinam eorum narra-

narrationem, ex Castris sub Sendomiria 23 Augusti, secundâ (sed infelicissimâ) feriâ præteritâ, hoc est die 21 præsentis sub Vieruszna factum est funestum in necem Palatini Califfiensis attentatum, præmissâ ejus insimulatione cointelligentiæ cum Suecis. Cujus evidentem falsitatem, non solum integrâ fide exhibitum Regnanti in publica legationis functione obsequium, postpositis salutis Patriæ largioribus promissis, verum etiam illud maximè probat, & evincit, quòd cum Domino Thesaurario M. D. L. & Ministris Regis Sueciæ, acri sermone decertaverit, zelando contra irruptionem in Poloniam, quibus tamen gloriosè peractis, factus innocens victima furori publico. Fugit in Sendomiriensem Palatinatum captaturus amorem populi, visitandi gratiâ, ubi invento circulari exercitûs consilio, vix subsellium occupavit, immaturis & ipse fatis occupatur, Nobiles enim quidam (nisi nomen ignobili facinore vitiaissent) Wolski alteri, alteri Chlewicki nomen, privato rancore simul & furiis acti, hunc esse consiliarium, hunc ductorem in Poloniam Sueci inclamant, idem crepant, fremuntque eorum adhærentes, fit ingens tumultus ratione nulla (hujus enim locum furor occupaverat) nulla persuasione placabilis, in quo evaginatiis gladiis tam crudeliter dilaniato Palatino, à planta pedis usque ad verticem capitis non est relicta sanitas. Semivivus delatus est ad tentorium à Radomensi, & Malogostensi Castellanis, sub prætextu confessionis sacræque communionis ministrandæ, ac conficiendi testamenti, ut saltem pietatis obtentu effrœnatæ tyrannidis impetus mitigaretur. Ex nunc interea misit Rex doctorem medicinæ & chirurgos pro cura, lethaliter tot ictibus sauciati, sed id nullatenus permittentis, in hoc stetit rabies licentiæ, ut unus omnino pro populo moreretur. Scripsit dein Rex dolore plenus, super hoc tragico casu. Dumque tandem deservescente furore populi, regali testimonio non esse Palatinum Suecis fœderatum persuasisset, & evicisset, misit Episcopum Chelmemensem, qui sedatâ procellâ tumultuantium, ad Regale habitaculum, proprio natantem sanguine, vixque extremos trahentem spiritus, rhedâ vexit Palatinum. Traditus curæ Regionum medicorum, & chirurgorum, à lecto nec passu, sic volente Rege, recedentium, modica tamen spes, restituendæ sanitatis affulget, oculus profundè faucibus, jam effluxit, pes ferè totaliter resectus, in viam ægrum disponit æternitatis, in capite, reliquove corpore, vulnera sine numero, totidem portas pandunt animæ, brevi fors de corpore, vix sibi cohærente egressuræ. Die 22 post Votivam in templo Corzycensi auditam, agente Rege cum Senatu & Equestri Ordine, de modis pacificandæ Reip. reprimendæ hostilis potentiæ, auctione exercitûs, ejusq; stipendio, venerunt Legati Palatinatûs Cracoviensis, reduces à Rege Sueciæ, quem nullatenus, ab intenta dethronizatione, velle desistere retulerunt, omninoq; persuasum, eo se Remp. adaكتورum, ut hoc dethronizato novum sibi Regnantem eligat. Palatinatus Majoris Poloniæ huc accelerant, excitatus in ijs fuerat tumultus, contra Palatinum Posnaniensem, & Generalem Majoris Poloniæ qui nisi se frementi Nobilitati subduxissent, subjam evaginatorum tribus millibus gladiorum, animas posuissent, post magnas tamen Sueticæ factionis ejurationes restituti. Hæc pro affectus tessera habe relata, adnecto copiam literarum, quas moribundus scripsit. Inchoatum verò nuper consilium circulare, Senatorum & Equitum, magna ex parte coalescere cœpit constitutis mediis ad reassumendos tractatus, saltem ad speciem, donec vires exercitûs augeantur, minimè à communi motu congregatis, sperandæ, præsertim,

A.C. 1702

quo ad peditatum. Primò enim declaraverat Rex suum auxiliarem militem Ducum regimini subdendum esse, sed post ex certis rationibus mutata mente, partem exercitus pedestris ordinavit ad Brestensem œconomiam. Electi bini ex quovis Palatinatu deputati, ad conscribenda puncta, & legati ad Regem, ratione exercitus Saxonici, qui ab eo reduces eandem, quam Varfaviæ in Senatûs consilio fecerat, retulerunt declarationem, scilicet tandem resolutum esse Regem, ut subjiceretur regimini Ducum Poloniæ, miles Saxonicus, modò illi subministraretur à Palatinatibus commeatus.

Puncta conscripta à Deputatis. *1mo.* Exercitus Saxonici finito bello relegandi. *2do.* Consiliarij Saxonici nullatenus admittendi. *3tio.* Fœdera cum Principibus externis sine scitu Reip. non tractanda. *4to.* Fœdera, si quæ facta sunt, insciâ Rep. cum externis præscindenda. *5to.* Cum Sueco nihil tractandum insciâ Repub. *6to.* Exercitui promissa implenda. *7mo.* Summæ tum antea tum nunc tempore belli Suetici erogatæ nec per se, nec per subordinatas personas nec per Successores, à Rege vindicandæ. *8vo.* Comitia Equestria, sine mora cogenda. *9no.* Authores belli Suetici prodendi.

Desideria Exercitus Poloniæ à Magno Duce proposita. *1mo.* Asscurandum servitium militibus. *2do.* Stipendium providendum. *3tio.* Quartalis saltem solutio hic & nunc providenda ad alliciendum militem. *4to.* Respectus habendus hætenus solutione carentium regiminum, ut illis hebdomadaria pensio (vulgò Lenungi) pro victu provideatur.

**COPIA LITERARUM PALATINI CALISSIENSIS, POST
lethalem sui dilaniationem ad congregatos pro Circulari Con-
silio. 24 Augusti.**

A primis meæ ætatis annis, nunquam non in publico, ut semper intemeratam fidem Regnantibus, sic innatum Patriæ amorē, conservandarum libertatum, legumq; Reip. non frigidum cordi habui zelum ipsâ id tranquillitate conscientiæ, innocentia securitate attestante. Utiq; semper usibus servivi publicis, sic non alio fine legationis, ad Regem Sueciæ, suscepi functionem, nisi ut averso sævientis hostis gladio, bene per me esset Patriæ. Fui, sumptibus propriis, paternam in matris Patriæ commoda, non illiberali manu fundens substantiam, usq; intra limites Samogitiæ in occursum Regi Sueciæ, nihilq; curarum intermisi, ad audientiam tamen cum collegis non admissus, ex uno ad alium trahebar loco, & ludebar, ad ipsam usq; sic inani passu reductus Varfaviam. Feci fidam non Regi solum, sed & Primati, omnium relationem, qui mihi nullatenus, nisi confectis rebus, abitum suasit, nullâ licet spe secururi affectûs affulgente. Nam manifestè & autoritas immutata Reip. datis mihi, cum intitulatione, non ad eam sed ad solum Cardinalem Primatem Recredentialibus. Pro quo quanto zelo fervoreq; certaverim? non ambigo, publicâ omnibus esse delatum famâ. Redux ergo peractâ irritò licet conatu, expeditione, ad latus Domini, expectabam, totius congressum Reip. ut non erubescendam actorum & impositi, à Senatorio Equistriq; ordine, in generali circulo facerem relationem. Verum puram intentionem, iniqua vis fatorum impedivit; positus enim in portis mortis, non jam voce, sed gemitu lamentabili nomen opemq; invocare cogor matris Patriæ, cujus non degener filius Monarchæ judicio in Curuli locatus Senator, opprobriis nuper contumeliosè saturatus, proprio sanguini, de
cœlo

cælo vindictam inclamanti, à quibusdam, nescio quâ furiâ motis immerfus jaceo. Sic nocet innocuo nocuus, causamque nocendi invenit. Calamus, & lingua deficit, defuntq; verba, quibus doloris exprimatur magnitudo. Non accusatus, non convictus, factus sum innocens victima. Confusus innocentiae, rectè factorum conscius. Ille Legatus, qui facultatibus meis publicam quæsi felicitatem. Comparui in Generali Circulo Palatinatus Sendomiriensis, ad id à congregatis concivibus requisitus; ex nunc iniquis, nec unquam suppositis, nullo documento, aut ratione probandis impetor, objectionibus infensorum honori meo, & implacabili sævitie, in necem meam conjuratorum, Suecum à me introductum esse iniquè calumniantium. Ita nocuit fuisse innoxium, quo jura DEûm, quo leges cecidère poli, ista tuta omnia in libero hoc Christiano Regno, neminem, etiam abjectissimæ sortis hominem, captivare, nisi jure convictum jubent. At ego, tam in persona mea, quam in antenatis, nullius criminis reus, nulla unquam notatus labe, hoc publicæ legis carui beneficio: tædet vivere etiam extrema hæc momenta vitæ, si uno jam pede insistens sepulchro, omni spoliatus honore, descensurus sum ad tumulum inglorius. Supplices ergo per viscera Christi fundo preces, ut mihi instantaneè in generali congressu probetur perduellio, hæcque ostensâ, qui cœperunt, ipsi consummant me, hocque vix jâ pendulū è collo caput ultimo subjiciant ictui, quodsi probando defecerint, Christianâ tot hiantib⁹ vulneribus invoco compassionem, exoro protectionem, sit jus adversus injuriosos, sit misericordia cum supplicante, fingentibusque scelera aut non credant homines, aut non agnoscant. Benedicet DEus hæroicis Vestris intentionibus, si justitiæ locum vos inter dederitis, quæ in me vindictam cœlitus, à vobis pro me implorat opem, qui etiamnum hanc dulcedinem solatii, à clementia expecto matris Patriæ, quo in fidis Fratrum reperto pectoribus, reliquas vitæ horas eorum consecrabo obsequijs.

XXXVI.

ANDREAS C. ZALUSKI EPISC. PRINC. VARM. & SAMB.
ALEXANDRO SALLAROLI THEATINO REGIO MINISTRO. 4. Septemb.

Varia nunc multa, certa pauca scribuntur, quæ habeo, tibi communico, penes authores, qui scribunt ad me, fidem relinquendo. Resistere ab initio copijs Sueticis Vistulam trajicientibus Palatinatum Cracoviensem voluisse dicunt, verum consideratâ potentiâ Suetica, ne temeritatis pœnas lueret, recepisse se versus Visniczum. Decreti inde Legati ad Regem Sueciæ, electique Zydowski, & Dembinski Vexilliferi Cracoviensis & Oswiecimensis cum punctis, qua de causa ad ipsam Metropolim Regni Cracoviam proximè accesserit? Item cur tantis contributionibus Palatinatum aggravet? Requirit etiam jussi ut quantocius finibus Regni excederet, nec cogitaret, in posterum de dethronizatione Regis, pro cujus Majestate Palatinatus Cracoviensis quemadmodum primus eidem in campo electorali adscriptisset suffragia; sic primus vitam & sanguinem litare paratus esset. Et quia tanquam ad hostem ea legatio destinabatur, præmissus est tubicen ad Comitem Piperum ad literas liberi passus impetrandas: quæ an concessæ fuerint, postea videbimus. Quod verò ad Seren: Regem attinet, is priusquam moveret Cracoviâ, ejusdem securitati provisorius, manda-

*Legatio à
Palatino
Cracoviensi
ad Sueciæ
Regem*

A.C. 1702 verat peditatui, lineam novam duceret, in quem finem per universalia ad pagos, oppida, & suburbia Cracoviensia imparatae angariae stetitq; intra paucos dies à Vistula inter Dembium & Patrum Carmelitarum Novitiatum, adusq; Ecclesiam S. Floriani novum utcunq; vallum, verum id ipsum mutatâ Principis voluntate mox desertum milite educto, operisq; dilapsis, remansit imperfectum. Nec justum quidem praesidium Urbi Regiae tuendae impositum, trecenti enim tantum pedites, quibus Thausch vice-colonellus Capitanei Cracoviensis praesset, relicti. Publicatum interim edictum ultimâ Julij, ut quivis Cracoviae incola annonam trium mensium paratam haberet, vel cederet civitate.

Litera intercepta Sub idem tempus deprehensus Cubicularius Principis Olstinenfis nuper in praelio caesi, & ad Regem cum literis adductus est, cum quibus expeditus fuerat Stockholmiâ. In ijs hæc contenta fuerunt, descripta pugna sub Kliszovo, specificatio adhærentium Coronae Sueciae, quod Christianissimo Galliae promissa implebit, & Principem de Conti inthronizabit in throno Poloniae. Praesentati etiam tredecim captivi Sueci, quos inter duo insigniores Officiales, quos Palatinus Kijoviensis in arce novae civitatis expugnata paucis caesis vivos in suam potestatem redegerat.

Porocki 2dâ Augusti evenit aliquid Principi coelitus malè ominatum. Vix enim ex templo PP. Bernardinorum Stradomiae excesserat, cum lustraret militem, qui recenter cum Generali Reblen advenerat cum valida tempestate aer insonuit, fulmine copula templi praedicti tacta, majoris altaris coronae pluresq; statuæ aliorum altarium violenter dissipatae, vela flammis consumpta; quibus effectis per fenestram in hortum delatum est. 3tiâ Augusti interceptus cum literis Stockholmiæ datus Zawadzki, hætenus sub custodia habitus, dum cum aliis captivis post exercitum ducitur, praeteriens templum Bernardinorum, se salvare volens, ad illud confugit; verum frustra id tentatum ab illo fuit, extraditus enim sortem aliorum captivorum subire debuit ad castra cum illis deductus. In exercitu Regio censa cum recente succursu 24 millia. Hæc in minore Polonia.

Fulmen. Ex Litvania fama attulit, sub Kamionka in Districtu Grodnensi ducentos de nobilitate, centum de vulgari milite Principis Wisniowieccij cecidisse, quos inter insignior de Principalibus unus D. Wołowicz, item Officiales Schreider & Reimer.

Cedes in Livonia. Ex Livonia habetur eam centum millibus Moschorum à Plescoviae partibus inundatam, hos exigere contributiones, praedas agere, Suecis interim, quia numero, & viribus impares sunt, ex Fortalitiis calamitatem provinciae non nisi miserantibus. Evenit nihilominus aliquid, quod victores victis similes fecit. Navis Suetica sub Pokossarum tendens, nec obtinere valens portum, ob contrarios ventos in brevibus hæsit. Hanc ut suam facerent Moschi lintribus (vulgò Czayki) eam invaserunt, jamq; suae potestatis factam causa curiositatis eam lustraturi ingressi, octoginta numero, uno non nisi de suis in quovis lintre relicto, tractati à Capitano Pulverflut dicto mox perniciem suam tractationem soluturi. Nam sub tempus infelicium epularum pyrio pulveri admoto fomite se cum hospitibus momento in mari esca piscibus futurus eiecit.

Epula funesta. Palatinatus Russiae 17mâ Julij statione Rzeszoviae sub Lonka delectâ renuit juramentum quod Princeps Cancellarius M. D. L. tanquam Capitanus Premisliensis proposuerat eâ mente, ut confederationem no-

novam pro tuenda Majestate conficeret. Unde etsi ipse præisset exemplo, juramentò coram imagine Crucifixi editò; nullo Magnatum Russiæ secundante, infectis rebus cum aliquot vexillis suorum ex comitibus versùs Cracoviam se recipere coactus est. A. C. 1702

Ultimis Julij castra Regni sub Polanka, Cracoviensis Palatinatus ad Wyśniczum, Sandomiriensis ad Soleciam, Lublinensis ad Sietecho-
viam, Voliniæ ad Sami ripam, ubi Vistulam ingreditur, Russiæ ad Lon-
kam propè Rzecзовium, Haliciensis verò terra propè Leopolim con-
stiterunt Zubræ.

Comes Zincendorf pro extraordinario Ablegato à Cæsare ad Re- Legatio Cæ-
saris,
gem Sueciæ missus mediationem offerendo & sistendo arma, ex Prin-
cipalis sui mandato domum redire debuit negotiò nec inceptò quidem.
Hic ante prælium Klissoviense Malogoscij existens, quamvis impensè
audientiam Kelcijs postularet, semper tamen à Rege Sueciæ rejectus,
audaci consilio studiosè obvius Regi Sueciæ credentiales reddidit, quas
ille quidem recepit, sed additâ censurâ id fieri non debuisse sine li-
centia obtenta: quare nec audientiâ nec responsò dignatum meritò,
Cæsar Ministrum suum revocavit. Nec meliore fortunâ Comes Strat-
man ejusdem Cæsaris apud Regem nostrum Legatus suum absolvit
munus. Hic Pszczyna per postam ad Regem delatus privatâ obtentâ
audientiâ eidem exposuit querelas contra Saxones Silesiam in transitu
damnificantes, requirendo satisfactionem. Item suavitè non iterandum
cum Suecis prælium simulq; declaravit Cæsarem pro hac vice renun-
tiare Saxonibus auxiliis, quæ aliàs per pacta Saxonica imperio deberet,
eo respectu, ut vice versâ Cæsar ad præsens non teneretur suis succur-
rere auxiliis. Dum res seriò ageretur non ad placitum responso Prin-
cipis irritatus Legatus, nec dicto vale excessit Cracoviâ.

Ex Litvania adfertur inter Republicanos plures comparere pecuni-
as Moschoviticas. Putatur pro sesqui milione Moscho Bychoviâ, Dom-
brownam, Hory-Horki, & alias possessiones ad limites Moscoviticos
jacentes oppignoratas esse; alij existimant Vitebscensem & Mcislavien-
sem Palatinatus his pecuniis cessuros. Veritatem tempus docebit. Po-
lnania scribitur, quòd 9 Augusti certò communis motus Majoris Polo-
niæ ad Calissium constitit, eò quòd jam egressus sit exercitus Sueticus
ex eo Palatinatu, & ingressus Siradiensem, qui ante prælium Klissovi-
ense agni speciem gerebat, nunc gerit lupi, rapit, contributionibus pre-
mit, vix domus tutæ.

Ex Curlandia habetur à Generali Stuarlo Gubernatore illius Pro-
vinciæ in quemlibet mansum imperatam contributionem 30 flor.

Ab eodem emanavit edictum, ut ex nunc nobilitas intra spatium
mensis Augusti ad bona sua rediret sub pœna in contumaces confisca-
tionis bonorum.

XXXVII.

EIDEM IDEM 9nâ Septembris.

QUod habeo Varfaviâ fideliter communico, quòd Rex non bene
valeat Varfaviæ, nec die Dominico in publico comparuit, etiam
sacrificio missæ non nisi in privato interfuit, diciturq; ingenti e-
um laborare catharro. Venerat eo die Episcopus Culmenis, sed frustra
expectavit audientiam, quæ illi non nisi circa vespèram concessa est.
Procancellarius Litvaniæ literis Serenissimum admonuit imminere Sue-
ticum Generalem Maidel dictum Varfaviæ, jamq; post devastatam pos-
sessio-

Stanislaus
Szuka.

A.C. 1702 sessionem suam Szydrum nominatam, eò rectà tendere, quam ob causam Rex ex nunc sex millia suorum versùs Lukoviam expedit, immediatè ante præmissis ad explorandum aliquot centenis Walachorum.

Thorunium pro consistentia quatuor millia peditum Saxoniorum destinantur. Cardinalis Varaviae comparuit, & in arce cum Episcopo Culmensi, Palatino Lenciciensi, & Pocillatore Regni fuit, ibiq; solus in conclavi Regio cum Serenissimo moratus est, ante eius abitum invitatus Culmensis Episcopus brevissimo tempore, quo vix tria Pater noster recitari possent absolutus à Serenissimo est. Suadent aliqui Regi iterandum cum Suecis prælium pro nominis sui gloria gentisque Polonae: sed hæc propositio ex multis rationibus vix acceptabilis Principi. Capitaneus Inovroclaviensis scripsit ad Serenissimum Majoris Poloniae Palatinatus consensisse in confederationem, seque electum suffragante calculo fratrum in Mareschalcum. Verùm longè aliter se res habet ut Castellanus Szezembski, & mox eventus edocuit. Nam ipse Mareschalcus vix de suo evasit subsellio scissis in partes studiis & affectibus Palatinatus Lenciciensis Majorisq; Poloniae, certatum acriter ab utrinq; convicijs, secessum ab invicem, inculpatus Palatinatus Majoris Poloniae partium Sueticarum, comminatoriae auditæ ab iisdem, ituros se Lovicium ad Comiticia generalia continuanda. Verùm ex tantatempestate nihil secutum, redeuntibus omnibus in tabernacula sua, solus prædictus Mareschalcus cum suis adhærentibus ad Serenissimum profectus sperans se Regni exercitum ad Varaviam inventurum. Legatus Cæsaris assiduus apud Regem conferendo cum eodem.

Terræ Visensis nobilitas summâ modestiâ & ordine versus Lublinum perrexerat, cui persuasus reditus à Procancellario Litvaniae, unde compositis signis contenderunt privatim Varaviam ad generalia Comiticia Deputatorum. Palatinatus Majoris Poloniae abnuunt acceptare decisionem confederationis Sendomiriensis, unde nulla spes Comitiorum jam designatorum. Serenissimus Sendomiriâ profectus & Procancellarium Litvaniae affecutus eundem apprehensum per manum secum adiegit discedere aliquot milliaria varijs discursibus cum illo tempus fallendo. Proximè ad Pulaviam Nuntiis Palatinatus Ravensis audientiam dedit, (ibi enim tantisper substiterat) Semonos Procancellarij affecutus illorum se musicâ recreans quærentibus Nuntijs quid sibi agendum foret? respondit: vel acceptanda conclusa sub Sendomiria, vel melius aliquid faciendum. Nuntijs Masoviae nullum adhuc responsum redditum, nec citius reddetur, quàm Nuntij Majoris Poloniae advenerint, ut uno responso omnes absolvantur.

COPIA LITERARUM PROCANCELLARIORUM REGNI ET
M. D. L. AD REGEM SUECIAE 4 Septemb.

NOS Status & Ordines Regni & Magni Ducatus Litvaniae salutem & continuum amicitiarum incrementum.

Congregata Respubl. nostra Generali bellicâ expeditione nunquam docta, rationes belli offensivi sumere, hucusque solum ad promissorum tot scriptis publicis S. R. M^{ti}s V^{rae} instauratâ legatione nostrâ ultimariè accedere, ac si quidpiam causarum & originis ad hæc insperata Patriæ nostræ mala de fontibus Nobis emerfit, intelligere; sin verò alienis condemnatur factis, justitiam ejusdem, quâ

quâ prædicatur, probare, & denique, si venturum aliquid ex attentionis metuitur toti Reip. Nostræ S. R. Mtem Nram inter & Vestram mediatione intercedere, atque non modò vetera & antiqua fœdera reddere firma, sed nova etiam omnino strictiori mutux amicitix nexu inter amica Regna S. R. Mtis & nostrum ad invidiam sæculorum pangere. Instructos proinde eo nomine mediante ad id operâ Eminentissimi & Reverendissimi in Christo Patris Domini Michælis S. R. E. Cardinalis Radziejowski Archiepiscopi Gnesnensis, Legati Nati, Primatis, primique Principis Regni Poloniæ & M. D. Litv. magnos & extraordinarios Commissarios Nostros Illustrissimos, Excellentissimos, Magnificos, Stanislaum de Raciborsko Morłztyn Palatinum Masoviæ, Joannem de Zydow Zydowski Vexilliferum Generalem Palatinatûs Cracoviæ, Stephanum Comitem de Lelzno Leszczynski Ostrissoviensem Capitaneum, Christophorum Komorowski Magistrum Culinæ M. D. Litv. Capitaneum Wokoviensem, ex Senatu & Ordine Equestri designatos dignabitur S. R. Mtas Vra benignè audire, seque verum amicum probare in ijs, quæ desiderant amici, & sine quibus Resp. Nostra nec libera, nec salva esse potest. Hæc experti vicissim in certamen mutux amicitix ac perpetui fœderis clara daturi sumus documenta. In præsentiarum vero S. R. Mtem Vram optimè valere nominique suo prosperrimam parare immortalitatem cupimus. Dabantur in campo congressus nostri Generalis ad Sendomiriam.

Sacrae Regiæ Mtis ad obsequia paratissimi
Carolus Tarlo Procancellarius Regni
Stanislaus Szczuka Procancellarius M. D. L.

PLENIPOTENTIA DATA ILLUSTRISSIMIS COMMISSARIIS
js ad Tractatum cum Rege Sueciæ ab Ordinibus Reipublicæ
sub Sendomiria.

NOS Status & Ordines Reipublicæ Polonæ Generali bellicâ expeditione congregati, quorum interest, universis & singulis per præsentis notum, testatumque facimus. Quia Nos habitâ informatione, quòd mediatio Serenissimæ Reipub. nostræ inter S. R. Mtem Poloniæ Dñum Nostrum Clementissimum ab una, & S. R. Mtem Sueciæ ab altera parte, interpositâ operâ Eminentissimi & Rndm in Christo Patris Michælis S. R. E. Cardinalis Archiepiscopi Gnesnensis Legati Nati, Primatis primique Principis Regni & M. D. L. motos & excitatos quovis modo inter memoratas Sacras R. Mtes inimiciarum possit componere & terminare tumultus, ad eandem mediationem ocyus instruendam designavimus de medio nostri ex Senatu & Ordine Equestri magnos extraordinarios Commissarios Illustrissimos, Excellentissimos, Magnificos, Stanislaum de Raciborsko Morłztyn Palatinum Generalem Terrarum Masoviæ, Joannem de Zydow Zydowski Vexilliferum Generalem Palatinatus Cracoviensis, Stephanum de Lelzno Comitem Leszczynski Ostrissoviensem Capitaneum, Christophorum Komorowski Magistrum Culinæ M. D. L. Capitaneum Volkoviensem, dantes, & concedentes ipsis plenariam & omnimodam facultatem juxta præscriptum instru-

A. C. 1702 instructionis suæ opus hoc sibi præmissum peragendi, tractandi, concludendi, in tabulas mutuorum instrumentorum referendi, subscribendi, atque sigillis muniendi, ita, ut quidquid per ipsos taliter, ut præmissum est, gestum, conclusum, subscriptum, sigillis munitum fuerit; nos in perpetuum pro rato, grato, & firmo habituri simus. In quorum fidem præsentem ex mandato Statuum & Ordinum Reipublicæ manibus Cancellariæ Ministrorum Statûs utriusque gentis subscriptæ sunt, sigillisq; illorum communitæ. Dabantur ut supra &c.

Carolus de Tenczyn Tarlo Procancellarius Regni
Stanislaus Szczuka Procancellarius M. D. Litv.

INSTRUCTIO

STATUUM ET ORDINUM REIPUBLICÆ POLONÆ expeditione bellicâ in Congressu Generali Congregatorum, ad Seren: & Potent: Principem Carolum Regem Sueciæ Illrñs Excell: ac Magnificis DD. Stanislao de Raciborsko Morſztyn Palatino Generali Terrarum Masoviæ, Joanni Andreæ de Zydwow Zydzowski Vexillifero Generali Palatinatûs Cracoviensis, Stephano Comiti de Leszno Leszczynski Oſtrzeſſoviensi Capitaneo, Christophoro Komorowski Magistro Culinæ M. D. L. junctâ operâ Eminen. & Rndm̃i in Christo Patris D. Michaëlis S. R. E. Cardinalis Radzieiowski A. Gn.

Legati nati, Primatis primiq; Principis Regni, & M. D. Lit.

Extraordinarijs Magnis Commissarijs data in Campo
ad Sandomiriam die 4. mensis Sept.

Acceptâ quàmprimùm Illust. Excell. M. Dñi Commissarij ex Cancellaria expeditione denuntiabunt instantaneè S. R. Mti Sueciæ vel suis Ministris Reipubl. mediationem S. R. Mtem Poloniæ D. suum Clement. inter, & Sueciæ, desiderabuntq; operationes bellicas, & hostilitatem mutuam sine motu armorum, prout sunt in gradu stare, & aliquo temporis spatio limitare, donec limitationis oblatae propositio resolvatur. Ipsi verò confestim ad Emin. & Rndmum in Christo Patrem D. Michaëlem Card. Primatem Regni properabunt, ibidemq; junctâ manu & consilio, de modo, loco, circumstantijs instaurandæ negotiationis per Tractatum mediationis Reipubl. maturè decernent, & concludent unâ cum Deputatis Palatinatum & Terrarum ex præfenti congressu designatis.

Quòd si ita visum fuerit ex collato Consilio, ut Commissarijs magnis extraordinarijs intersit facere, ad Seren: Regiam Mtem Sueciæ curabunt sine mora descendere comitatu modesto & decoro, servatis debitis solennitatibus, & honore Gentis Polonæ.

Habitâ ad audientiam admissione S. R. Mtem Sueciæ nomine Seren: Reipub. Polonæ congruis verbis & sermone amicè salutabunt, reiꝑ negotium vel ibidem tangent, vel in congressu cum Ministris impetrandò, ordientur hoc vel simili sensu; Remp. Polonam eòusq; Paſtorũ & fœderũ cum S. R. M. Sueciæ memorè & tenacem esse, ut nec S. R. Mtis D. sui Clementissimi, ab hoc vel præmissis, imò & ipsius ad initia aridentis fortunæ illecebris ad communionem incepti belli, se inducere permiserit, nec ad illata signa cum jure & onere militari S. R. Mtis Sueciæ innocuis Reipubl. Terris & Provincijs justam naturalem opponere defensionem ad solam ejusdem S. R. Mtis Sueciæ testificati-
onem

onem venire illam, uti verum amicum, & in usum servandis decoribus liberae Gentis hucusq; ansa fuerit, donec congregatâ in unum expeditione bellicâ in eum finem sumptâ, tum ut causas & principia rerum perscrutaretur, tû ut pollicita sub suavi amicitiarum nomine S. R. Mtis Sueciæ intimius penetraret. A.C. 1702

Et hinc est, quòd in tam arduis & ambiguis, ubi populorû erumpit gemitus & amicitiae promissae nondum gustatur dulcedo, initò maturò consiliò instauratum est magnae legationis munus, cum offerenda totius Reipubl. amicâ mediatione pro aeternitatis Sueciæ inter & Poloniae Regna pactis & foederibus.

Si enim S. R. Mtas Sueciæ ex compilatis nuper Saxonico milite & consilio, ac fortè quorundam Patriotarum belli rationibus providè veretur, ne similia in futurum eveniant in Reipubl. imprimis renovationem foederum omnium cum optima voluntate Regnorum Poloniae ac Sueciæ contra mutuos hostes conjunctionis; deinde eandem offerre Jus vadimonij, & mediationem propriam inter S. R. Mtem D. suum Cl. ab una, & S. R. Mtem Sueciæ ab altera parte tali nempe vinculo, ut si (quod Superi avertant, nec timetur unquam) S. R. Mtas D. suus Cl. excitare vellet, adhuc quocunq; modo infractionem pactorum & foederum cum Regno Sueciæ exnunc Reipubl. declarare se per legum vigorem in partes foederum cum S. R. Mte Sueciæ tuendas.

Quâ fixâ omni meliori modo firmitudine dicent Legati exinaniri impositionem dethronisationis. Hæc enim in tantum per Status & Ordines Regni crederetur à S. R. Mte Sueciæ urgenda, in quantum posset dubitare de certitudine manutenendae pacis & quietis populorum, ast cum ipsa Respub. ponat se vadem pro suo Rege, nullum amplius restare potest dubium infringendae aliquando sic stabilitae mutuae pacis, præcipuè cum hæc eadem Respub. ad hanc descendens mediationem, donec & ipsa novâ solenni sponfione per publicum diploma contra exotica aulae consilia in præmissis omnibus atq; juribus suis cardinalibus muniretur.

Cum itaq; à proprio Rege repetita sit in Juribus cardinalibus obligatio, quidni S. R. Mti Sueciæ eodem promissarum non vanè amicitiarum titulo se obligare liceat, ut, si verum & candidû, prout non dubitatur, Reip. Polonae profitetur amicum, desinat illam proposito novae Electionis stante Regis negotio onerare, cum ea sit contra prima principia Juris cardinalis, & deniq; contra totam esset libertatem, jussam Poloniam in campum Electoralem descendere; quod etsi vellet præstare, jam hoc ipso, quia jubetur, vel dicitur, non potest; Si enim ad unum Principis amicum licet nutum præstaret, jam perpetuò aliorum Principum simile exemplum sequentium periculosissimis exponeretur Imperijs, & hoc solo admissio tot sæculorum opus libera Gens & Respub. periret, vel in jus cujuscumque potentissimi transfiret.

Si proinde S. R. Mtas, uti dictum, amicam se probat, ab amicis ea contendat, quæ ipsos salvant, non jugulent, amicis gratias, non injurias adferat, ab amicis honorificam excipiat mediationem, cum amicis paciscatur, amicorum tot damna, tot incommoda Regiâ justitiâ comprehendat, cum amicis amicus perpetuus æternum pangat foedus, nullâ relictâ amaritudinis memoriâ, ac deniq; ut nullus injustitiæ ac querelæ relinquatur locus restitutis omnibus Patriis & Saxonis donatis Reipubl. tormentis & machinis, Exercitûs sui copias quantocius ex Regno & M. D. Litv. ac in universum ex omnibus Provinciis ad Remp. per-

A.C. 1702 pertinentibus compendioso tractu & sine omni populorum molestia amovere & educere faciat; Juxta quæ præscripta desideria & sensum punctorum curabunt Legati perficere, & extendere Tractatum.

Quod si verò ad eum spem dubiam vel prorsus abruptam cognoverit, extunc belli Ducibus denunciare curabit, tum & Deputatis à Terris & Palatinatibus designatis, ubicunq; tunc cum Primate Regni ad latus S. R. Mtis Dñi Clementissimi congregati fuerint.

Si autem difficultates insperatæ aliquæ ad Tractatum intervenierint, in iis resolvendis promptam à consilio Primatiali & Deputatorum capient expeditionem, semper tamen exclusâ omni prætensione, cujuscunq; avulsionis & electionis novæ. Cætera prudentiæ, dexteritati & fidei Deputatorum, quæ per sacrosanctum nostri DEI & Patriæ obligatur, plenariè committuntur.

Carolus de Teczyn Tarlo Procancellarius Regni Pol.
(L.S.) Stanislaus Szczuka Procancellarius M. D. L.

DIPLOMA DONATORIUM OECONOMIÆ BELLICÆ SAXONICÆ, Statibus, & Ordinibus Reipublicæ. Varsaviæ 18 Augusti.

AUGUSTUS II. Significamus præsentibus literis nostris quorum interest, universis & singulis. Quia nos altâ & semper memori revolventes mente, æquè generosos ac sinceros & fidos Statuum & Ordinum Regni, ac M. D. Litv. non tantum in nupera ad capeffendum Regium Thronum electione, tum & felicitis Coronationis nostræ inauguratione, sed etiam in immediato Conventu Generali Varsavien. satis abundè testificatos animos; nequaquam patientes Regiæ munificentiae amplitudinem liberrimis sincerè ac fideliter dilectorum subditotum nostrorum superari actibus. Posteaquam cognovimus eosdem Status & Ordines, à quadam in eodem Conventu Generali Varsavien. repetendarum injuriarum contra militiam Saxonicam formata lege recessisse, singulari verò aliâ pro persona ac Mte nostra Regia, fortunas, vitam, sanguinem suum, & quidquid horum carius est, nobis consecrâsse. Habitâ ratione, quòd Camenecum Regni, & Christianitatis antemurale spoliatum sit per Turcas omnibus tormentis, & machinis bellicis, in redhibitionem tanti amoris & fidelitatis civium dignissimæ hujus Patriæ, inque perpetuum erga eandem sensûs nostri gratissimi monumentum, inductas nuper in Regnum hocce machinas nostras æneas cum ammunitione & apparatu bellico ad prosequendum bellum Turcicum, nunc jam per DEI gratiam auspicijs nostris, atque intimis studijs, pace subsecutâ extinctum, totam nempe œconomiam bellicam tormentis, & mortariis æneis centum octoginta octo, triginta duabus cupreis pro ponte volatili navibus, pulveris sulphurei quinque millibus centenariorum, plumbi mille quingentis centenarijs, tribus millibus, & quingentis carcassis seu bombis & granatis, octo millibus bombardarum longiorum, centum millibus globorum varij generis, duodecim millibus granatorum manualium, quatuordecim millibus ligonum, aliâque sufficienti & insigni re tormentariâ comprehensam & constitutam memoratis Statibus & Ordinibus Regni & Magni Ducatus Litvaniæ totique inclytæ Reipublicæ dono dedimus, donavimus, ac perpetuò, & in ævum resignavimus. Pro ut defacto præsentibus literis nostris, dono damus, donamus, ac perpetuò & in ævum resignamus. Nihil nobis

bis Serenissimisque Successoribus nostris, vel cuiquam alteri, libero tantum nobis quoadusque vixerimus ejusdem rei tormentariae, ad bellicas occasiones reservato usu, Juris, Dominij, aut prætectus reservando, & excipiendo, sed integrè & plenariè jus nostrum & Dominium in Reipublicam transferendo & transcribendo, Vigore cujus quidem donationis nostræ perpetuæ liberam facultatem supremo Armamentarii Regni Magistro nunc & pro tempore existenti, vel cuiquam alteri ad id legitime delegato damus & concedimus, quatenus præactam œconomiam bellicam ad inventaria Artilleriæ Reipub. introduci, inscribi, & per Arsenalia diversa distribui, seu etiam in uno quopiam deponi, & conservari faciat ad perpetuam nostri memoriam, hoc nostro ad præmissa mediante donatorio Diplomate. In cujus rei fidem præsentis manu nostra subscriptas sigillo Regni communiri jussimus. Anno Regni Nostri 3tio.

CONCLUSIO CONSILII Varfaviæ habiti 23 Septemb.

NOS Confiliarii & Plenipotentarii laudo Ordinum Reipub. per communem motum congregatorum in campo inter Vistulam & Sanum ad Sendomiriam 22 Augusti anni currentis constituto, à Palatinatibus electi delati Varfaviam ad latus S. R. Mtis, die 22 Septembris per idem laudum designatâ imprimis è medio nostri Castellani Inovroclaviensem Athanasium Maczynski Thesaurarium Curiae Regni, Balthazarem Belchacki Capitaneum Lipnicensem delegavimus ad Eminentissimum D. Michaelem Cardinalem Radziejowski Archiepiscopum Gnesnensem Primate Regni Poloniae, invitando illum, ut in hoc Tractatu per Remp. comendato secundum instrumenta ex Cancellaria extradita cooperetur, & Primatum teneat, paxq; & tranquillitas sub auspiciis ejus in statu integro manutentionis & conservationis pactorum & foederum Olivæ restituatur. Ad quam invitationem, & instantiam nostram postquam Eminentissimus Princeps Cardinalis & Primas ad locum congressus nostri venit, locumq; Præsidis occupavit; actum præsentem à relectione laudi supra nominati inchoavimus, post perlectionem ejus frequentiae majoris DD. Plenipotentiariorum gratiâ conferentiam ulteriorem in crastinum distulimus. Sequentem ergo die iterum convenimus, ad arcem Varfaviensem locum sessioni electum sub Præsidentia Primatis in præsentia tum coram existentium Ministrorum Statu, & ante omnia ad præstandum juramentum secundum normam in laudo à Reip. Ordinibus descriptam, accessimus, illudq; explevimus, quo expleto Stephanum Leszczyński Kowaliensem & Olsztiszoviensem Capitaneum laudo supra expresso pro Commissario ad Tractatum ex majore Polonia designatum, protunc Varfaviæ præsentem ad eandem Sessionem & conferentiam invitavimus, & ut functionem Commissariatus susciperet, in spem rati-habitionis Palatinatum Provinciae Majoris Poloniae, rogavimus. Hoc itaque actu taliter faxit DEUS, feliciter inchoato in Secretarium Legationis delegimus D. Petrum Tworzyński Thesaurarium Cracoviensem, quem etiam instantaneè ante Commissarios ad Tractatum electos expedimus, ut cum denuntiatione ad Serenissimum Regem Sueciae præveniat, ordinatos à nobis Commissarios sine mora consecuturos, qui per laudum in instrumentis extraditis expressum illis commendata ad finem optatum perducant. Quia verò Palatinatus Provinciae majoris Poloniae proximè Comitola habituri sunt, ut in illis de communi salute patriæ, & electione Deputatorum ad Tra-

ctatus

A.C. 1702 Status deliberare possint. Stantibus ideo præmissis & legatione ac functione Illustrissimorum Commissariorum ad Regem Sveciæ congressum præsentem ad diem 23 Octobris limitamus, & differimus, locum verò congressus nostri futuri pro ulteriore conferentia hic Varsaviæ, vel ibi, ubi opportunitas loci suadebit, ad latus S. R. Mtis designamus, & pro eodem termino nos conventuros esse pollicemur; in quorum fidem manibus nostris nos subscripsimus.

UNIVERSALE AD PALATINATUS IN UNIVERSUM IN-
vitans Nobilitatem ad Confœderationem datum Varsaviæ
26 Septemb.

AUGUSTUS II. Sc.

OMnibus & singulis &c. Expressimus abundè per literas & responsa nostra ad Palatinatus, qualiter à 19 Julij ad usq; Autumnum Generalem congressum congregatorum per communem motum Reipub. Ordinum detinuerimus, & tanto tempore distulerimus consilia publica non vanè sperantes maturos in Autumno fructus à nobis colligendos: at postquam præsentis Palatinatus post longam expectationem finalis cupidi decisionis ad eam progressi sunt; placuit & nobis communi acquiescere beneplacito. Quia verò postea inclyti Palatinatus majoris Poloniæ non pari zelo & ardore ad communem contenderunt defensionem, & per viam confœderationis pro aris & focus, pro fide S. Catholica & Mre nostra, juribus & libertatibus Patriæ gloriosos fundaverunt conatus: Nos hæc omnia faventia optimorum Civium studia & zelosos affectus prout gratè & peramanter in sinum paternum recipimus; ita ut ea ipsa Confœderatio optato in publicum non destituatur effectu, nondum provisus paratisq; mediis competentis naturalis defensionis, qualia tam magnæ circumstantiæ & necessitates ad Statum Reipub. pertinentes exigunt, intervientes ideo usibus publicis quondam Palatinatum & Terrarum inclinati, decrevimus in eum finem Comitola indicare & designare; prout effectivè hoc universali pro die 16 Octob: currentis anni ea Fidelitatibus Vestris in loco consueto celebranda, Generalem verò congressum Ducatus Masoviæ pro 30 ejusdem Octob. determinamus & designamus, obligantes Fidelitates Vestras, per amorem DEi, Matrisq; communis Patriæ, cujus uberibus lactati estis; ut communi defensionis & retundendo hosti unioniq; Vestra accommodetis consilia & salutare opus pro salute publica erigatis: de nobis verò ita supponere & absque omni scrupulo sinistraq; imaginatione id persuadere velitis; quod quemadmodum nunquam mente nostra ejusmodi concepimus destinatum, ac si intenderemus liberam gentem spoliare parto antiquitus libertatis decore; cujus velut pupillæ primum custodem Nos profitemur & verè sumus ita ad mutuum amoris & fidei ligamentum oblatum Ordinibus Reip. à nobis solenne diploma de manutenendis juribus, libertatibus & prærogativis consignare parati sumus:

tum

tum post acceptum circa Fidem, Majestatem & Libertatem tuendam per Palatinatus juramentum, vicissim coram Deputatis Plenipotentiariis juramento confirmabimus: modò verò prosperrimos in Remp. defensionis effectus Paterno optantes voto universale hoc manu nostra subscriptum & sigillo Regni roboratum ut ad notitiã universorum deveniat per Caltra & loca consueta publicandum commendamus.

COPIA LITERARUM MARESCHALCI CONFOEDERATIONIS AD PALATINATUS MAJORIS POLONIÆ. *Dąbski*

Quemadmodum impressum commissæ mihi in Congressu Generali ad Osttroucum directionis liberis Dominationum VV. suffragiis characterem integrâ gero fide; ita non alium ob finem ad latus Principis me propius in persona contuli, nisi ut in omnem casum & circumstantiam gravescentibus indies malis publicis Argo intendâ oculo, vigilesq; agam pro munere curas. Non enim me ad hanc spartam suscipiendam aliud impulit illicium, præter solam & unicam sinceram in publicum obsequij gloriam, non spes honorum, non studium lucri; procul ab omni ambitu & cupiditate intaminatum servabo honorem, publico bono pro meta laborum destinato. Quandoquidem verò ex præsentis consilio & permoventibus rationibus visum est S. R. Mti, quò felicem coalita confœderatio sortiatur effectum & promoveantur media naturalis defensionis, clementissimè decernere & designare Comitola cum determinatione Generalis congressûs circularis in vim communicationis consiliorum, Palatinatui verò Masoviae hic Varsoviae solito more itidem Generalis indictione, hinc est quòd ego Dñes VV. his literis compellem vegetamq; & perennem ad cultus & obsequia Dñum promptitudinem declarem pro término designato ad circulum infallibiliter acceleraturus, ut non tantum indefessi studij & ardoris defendendæ Reip. in me exhibeam argumentum sed ut etiam singulis Dñum VV. pronam impendam venerationem quam &c.

Adalbertus Dąbski Capitaneus Inowrocławienſis
Mareschalcus Confœd. Generalis.

COPIA RESPONSI PALATINI MARIÆBURGENSIS AD THESAURARIUM REGNI Varlaviâ dati 13 Septemb. *JoanPrze- pendowski. Rapbâdl Ła*

Binas acerbissimo dolore plenas literas, unas in Originali ad Serenissimum Regem per copiam, alteras ad Palatinatus Majoris Poloniae datas, non minore, quàm quo scriptæ sunt dolore lego, in quibus quærens in publico, qui tibi compatiatur, me provocas in arenam, & per ruinam meam tuam erigere volens innocentiam deficiente omni rationum & argumentorum, quæ vel minimum convincant, pondere, ferreo planè stylo honorem invadis meum, oblitus non idem esse liberè dicere, aut scribere, quod conviciari. Quærens captivatam libertatem sentiendi & dicendi, & ipsemet eâ abutens, dum me tibi nascendi sorte, dignitate ac meritis Concivem & Senatorem destinas in victimam publicam, tui obtegens, in alios criminator. Non erubesco mea acta, Domino enim & Patriæ integrâ mente & fide ex ratione honesti

AC. 1702 nesti probavi obsequium, nec fui accusator fratrum: sed mihi hæc regula vitæ, neminem lædere, honestè vivere, jus suum cuique tribuere. A primis diebus Regni Serenissimi Regis omnimodâ applicatione eò collimavi, ut pacata & tranquilla forent Reipub. tempora, cujus testis placidis mediis pacificata scissio, à præterita Electione aliis flammæ & arma vibrantibus. Bellum Sueticum nunquam meo probavi consilio, imò semper contrarius fui ob certas meas considerationes, uti testimonium ipsius Principis in Responso ad te dato expressum de me evincit. Et verò etiam quare mea vis culpæ consilia? cum in recenti & proximè à suscepta expeditione Livonica Generale Varfaviense Senatûs Consilium successerit, ubi prima in Republ. nomina non tantum reclamant; verum insuper propriis viribus hoc bellum Serenissimo Regi prosequendum indulserunt, adjecto: ut tuendæ primæ personæ Regiæ Mtis, limitumq; Regni munus Ducibus committeretur. Pergo ulterius ad objecta de inducto exercitu Saxonico in Litvaniam, & exauthorato Litvanico milite. Bene notum tibi, quanta tulerim pro nomine Sapiehanæ, & quantam sustinuerim invidiam ab Ordinibus M. D. Lit. intestino statim à fatis gloriosæ memoriæ JOANNIS III. inflammato incendio, nec oleum affudi, nec ullo modo fomentavi, veritus ignes suppositos cineri doloso, quinimo omnem impendi conatum, ut in scintilla opprimerem, & pacificarem partes, pro quo fidem & conscientiam tuam invoco, verum postquam nos offensâ vitiis nostris fata, hoc intestino malo plectere decreverunt, erupit flamma in incendium, & adhuc ad Brzezanos de oppressione sui querula nobilitas M. D. Lit. imploratam protectionem Principis me inscio & inconsulto sibi conciliavit, eadem Regiis copiis callem in Litvaniam aperuit, uti super hoc extant in manibus S. R. Mtis authentica instrumenta, cum subscriptione plurium tam Senatorum, quàm Equestris Ordinis. Eadem nobilitas propè Grodnam effectivè viginti sex millia castris positis adlegit sibi Regium militem, ibiq; imprimis cataphractas & loricatas legiones convocavit publico laudo: tum viso hastatos Equites, prædictamq; militiam pro eo tempore Ducis sui abnuisse obsequium, vulgarem Equitarum, & Tartarica vexilla prætenso gravamine exauthoravit. Fatendum omnino tibi, (nam præsens fuisti Grodnæ) me huic transactioni nec sponte operam accommodasse, nec ad eam admissum ex odio, quasi plus nimio addictus essem domui Sapiehanæ, etiam per publicam Legationem Wołowicij moderni Notarij M. D. Lit. postulatum à Rege fuit, excipiendo personam meam à Litvanicis negotiis, atq; suum Secretarium Bialosorum substituerunt. Nonne sic luce meridianâ clarior innocentia mea? prorsus non capio, quomodo in eum scribere potuisti, & mihi tantam imponere injuriam. Jubes à me quæri, cujus consilio inductus miles Saxonicus contra pacta & constitutiones? Bene utiq; meminisse potes, quòd post evacuationem Saxonici exercitûs, certa pars Equitum ad condendum portum Polongæ juxta constitutionem 1690 ex post-Comitiali Senatûs Consilio ordinata & relicta fuerit, quod Senatûs Consilium, si non fallor, ipsemet ante abitum tuum Constantinopolim subscripsisti. Conferentiis Moschoviticiis me non immiscui, nec Birsæ fui, quod extra me, nihil ad me. Expeditio Dñi Ficiumij ad placandum Regem Sueciæ, ad facilitandos tractatus, uti ex Cancellaria Saxonica prodit, ita prorsus mihi ignota fuit. Laudi Olkienicensis approbatio (Augustus Rex approbo) ad me non pertinet, quia ad hoc Ministri Senatûs M. D. Lit. fuerunt custodes legum. Objectos mihi Cosacos, Tartaros

ros & Moschos nondum videmus in Polonia, verum qui colluviem A.C.1702
Gotticam introduxit in Poloniam, sub specioso nomine amici, hospitis,
& focii; Deo & Patriæ gravissimam reddet rationem. De Dño Patkol
id unum scio, quod exul ab oppressa nobilitate Livonica expeditus con-
fugerit ad asylum & protectionem S. R. Mtis; apud quem verò inti-
miorem admissionem invenerit, cum quo capitulationem fecerit, solus
& unus completè informare potest. Hæc brevi objectorum factâ eluci-
datione ad te judicem appello; meisne meritis tanta à te debebatur in-
juria? & an non à Christiano homine læsi honoris debeat restitutio?
præsertim cum intra vitæ meæ decursum occasionem ad hæc abrupta
non dederim. Rancore solo instigante non bene examinatâ causâ me
tuum iudicavisti inimicum, multos absolvemus, si cœperimus ante ju-
dicare, quàm irasci. His candidè expressis expecto justum remedium
doloris mei, & in hac expectatione maneo &c.

COPIA LITERARUM PALATINI MASOVIÆ

AD D. PIPER 16 Sept.

Post spretos sinceræ amicitiae conatus, illatumq; sine omni respectu
in ipsa Regni præcordia bellum ignoscet forsitan Orbis Christia-
nus Reip. Nostræ, etiamsi in proximè habito Conventu Generali
omissâ ulterioris mediationis sollicitudine, solis tantummodo bellicis,
& quæ ad naturalem defensionem spectabunt, incubuisset cogitationi-
bus, non tamen ea, quamvis jam forsitan ex præmissis licita corripuit
media, nisi tentatis ante omnibus, quæcunq; ad restaurandam pacem
& manutenenda pacta cum amica & fœderata Gente pertinebant. Scit
enim juratæ fidei constantiam, & non nisi ultimâ necessitate sumpto-
rum armorum tarditatem felici tandem exitu compensari solitam, cre-
ditq; S. R. Mtem Sueciæ non unius, alteriusve prælij tumultuariè com-
missi successum, sed totius belli fortunam & incommoda reparatorum,
innataq; quæ magnos heroes nunquam deserit, processuram cum Re-
pub. Nostra, quæ tam ex Senatu, quàm ex Equestri Ordine lectos ite-
rum deputavit, qui mediationem suam offerant certis conditionibus,
dummodo sint æquæ & possibiles, restaurarent inter inclytas Nationes
Pacta Olivenfia, & antequam amicitiae horum nomine, & consensu Il-
lust. Dñem compellare placuit per Generosum Tworzianski Thesau-
rarium Cracovien. hucusq; legationis nostræ secretarium, cujus prom-
ptam expeditionem quàm maximè recomendatam esse volumus, non
minimam spem faciente humanitate & prudentiâ Excellentiae V. eam
nempe libenter allaboraturam, ut negotio tam laudabili ingressus pa-
teat facilis, & exitus optatus adjungatur, utq; fama Seren. Principis,
cui hætenus infructuosè studuit, crescat certiore & stabiliore proven-
tu ex adunatis in mutuam, & antiquam amicitiam vicinis Gentibus,
mentem quoad hæc Seren: Regis Sueciæ, ut quamprimum Nobis Il-
lust. Dnaõ V. aperiat, petimus, & simul instaurare fœdera, quæ Nobis
hætenus fuerunt sancta, & inviolabilia, animus est S. R. M. locum &
tempus commodum expectabimus. Quidquid Illmæ Dnaõ V. commu-
ni utilitati operæ impenderit, honori ad Posteris suos, tum Nobis et-
iam iter aperiet ad mutuam in consequens conferendi, & agendi op-
portunitatem, nec minùs (postquam in tuto publica fuerint) ad pri-
vatæ amicitiae Jura fundanda, commendo me iterum favori & respec-
tui benevolo.

A.C. 1702

COPIA RESPONSI A D. COMITE PIPER AD LITERAS ILLUST. D. PALATINI MASOVIÆ.

Literas Excell. Vrae eo nomine gratas, quod pacis, præferant studium, non possum dissimulare, in cæteris bilem sapere acerbiorrem, quam illius muneri, qui pacificatoris personam sustinere debuit, omnino existimo. Primum enim quod spretos sinceræ amicitiae conatus tradat. Nescio an S. R. Mtas Sueciæ D. meus Cl. jure possit reprehendi, si semel iterumq; decepta cavere voluisset, ne semper deciperetur. Quod verò illatum sine omni respectu in præcordia Reipub. bellum dicatur, qua ratione, obsecro Excell. Vra arguet S. R. Mtem bellum intulisse? quæ crudelissimum in se hostis impetum represserat tantum, neq; Remp. aut Regem Poloniae verbo læserat, cum improvisè & subdolè irrumpens è Polonia Exercitus Provincias Sueticas igne, ferroq; popularetur. Non opus repetere, quam indignis dolis cum hæc fierent, illusa esset S. R. Mtas Sueciæ, quæ damna Provinciis suis inflicta toleraret, quas querelas ea de causa ad Rempub. Poloniam deferret, antequam arma censuisset arripienda; quam verò parum cordi esset Reipub, cujus tamen maximè intererat, malum hoc in herba suppressere, ne nasceretur, vel enatum confestim elidere, ne amplius cresceret, cum universo Orbi Christiano notum sit, usq; Excell. Vestra non potest ignorare. Non igitur intulit bellum Rex meus, qui illatum sibi repellit, hostemq; communi omnium Gentium jure, in eam Regionem persequitur, unde primum eruperat, atq; in quam se post illata damna receperat. Quod si incommodi quidpiam inde percipiat Respubl, non Regis mei culpa est, qui in licito actu versatur, sed Reipubl, quæ aggressori non tantum receptaculum præbuit, verum etiam vires suppeditavit non exiguas. Quare enim ab initio non prohibuit? quare noxam intra viscera sua admisit? & deniq; ut sæpius efflagitatum, cur finibus suis excedere non jussit. Quo facto nunquam fundum Reipubl. ingressa fuisset S. R. Mtas Sueciæ, sed hostem alibi quæisivisset. Quapropter cum naturali jure permissum sit salutem suam contra vim, insidiasq; tueri, quomodo naturalis defensio appellanda, si Respubl. arma sumpsisset ad eum protegendum, qui innocenti damna inflixerat gravissima; Alterum verò à justissima vindicta prohibendum, qui damna passus est. An licita hæc essent remedia, quæ cum naturali dictamini tam fœderibus & amicitiae dudum inter Regna hæc stabilitæ repugnare, ideoq; illicita prorsus, & damnanda fuisse, nemo paulò humanior diffitebitur? Equidem si beneficium est injuriam non fecisse, laudanda est Respub, quod ab injusti belli societate abstinuerit; Si verò vituperari meretur, non tantum is, qui maleficium adjuvat, perspicuum est, gravissimo crimine Remp. se induisse, si ruptorem fœderum, & totius orbis judicio aggressorem injustissimum armis suis sublevavit. Quid enim hoc est, quam injurias passum novâ cumulare injuriâ, adeoque omnium criminum, quæ alter patraverat, se reddere participem. Præterea tanta Regis mei moderatio in hoc bello emicuit, ut vel illa Remp. ab inimica voluntate retinere debuerit. Injurias suas ita ulcisci voluit, ut Reipub. rationem habere nunquam omiserit, neque arma quanquam lautis conditionibus invitatus, prius deponere, quam Reip. securitati prospectum esset. Novit enim quantum boni publici referat, salvam esse Poloniam, ejusq; jura, quæ tot modis infracta sunt, facta

recta

recta conservari. Quare opem suam obtulit, ut mederi hisce posset malis, existimans non adeo prodigum salutis suæ fore, aut pulcherrimam opportunitatem se privilegia sua, & libertatem in tuto collocandi, prætermitteret. Credidit saluberrimum hoc consilium, non avidè tantum ab inclyta gente, quæ legum suarum fuerat semper tenacissima, arreptum iri, sed etiam gratias sibi deberi, qui hoste suis armis fracto Reipublicæ Polonæ insidiis Saxonis oppressæ, inque ultimum discrimen vocatæ, initium bene sperandi attulisset. Contra ea si paulò accuratius singula examinentur, quæ ab altera parte acta sint, non illam amicæ Regis mei intentioni utquequaque respondere Excellentia Vra sponte fatebitur. Non enim adduci possum, ut credam Excell. Vra probari ea & laudari, quæ circa primordia hujus belli gesta sunt, quæ postea subordinatis Oginscianis in Litvania, tum quæ in Klissoviensi nuper acie, ubi integer Exercitus Polonus Ducibus Primariis in Repub. viris, infesta Suecis signa intulit, & denique quæ quotidie in perniciem Suecorum à milite Polono tractantur. An hinc juratæ fidei constantia eluceat, & fœdera Olivenfis sacra & inviolabilia conserventur, orbis judicium esto. Sed qualiacunque hæc fuerint, ea communi utilitatis causa sibi conferenda S. R. Mtas Suecæ statuerat, tempusq; opperiendam, quoad Respub. sibi consulere posset, eaque consilia inire, quæ ad perpetuandam utriusq; gentis amicitiam conducere putarentur. Quare ex hisce Excell. Vra vel invita agnoscat Regem meum magnâ æquanimi- tate in stupendis etiam armorum successibus usum esse, qui cum hunc hostem suum bis justâ acie, & aperto Marte profligasset, à veteri tamen cum Repub. amicitia non deflexit. Nam non fuisse hæc prælia tumultuariè commissa, quemadmodum Excell. Vra judicat, non minus Excell. Vra si interfuisset, quàm eorum, qui præsentibus fuerant testimonio proculdubio confirmatum haberemus, quanquam non diffidendum majori strage incepti tempore belli pœnas daturos fuisse hostes, nisi præcipiti fugâ salutem maturius quæsivissent. Non diffidit Rex meus, cœleste Numen, quod pia bella secundare solet, porò justissimis armis adfuturum, conatusq; hostis ad irritum cum sempiterna nominis sui gloria redacturum. Hæc erant, quæ Excell. Vra penè minitanti respondere debui, tum ut vindicarem Regis mei innocentiam, tum ut ostenderem non hanc esse viam, quæ tot aculeis insternitur, ad finem nobis optatum perveniendi. Et si quò hæ amaritudines tendant, con- jicere non multæ est sagacitatis. Cætera quæ ad ipsam rem pertinent, cum S. R. Mtas in suo responso explicuerit, non existimo huc transcribere. Hoc tantum adjungendum putabam, non videre S. R. M. op⁹ esse, ut pacta cum Repub. restaurentur, quæ nunquam rupta sunt, quæ à se quidem nunquam violata esse meminit. Si verò ad amicitiam inter se Regemq; Poloniæ reconciliandam constituti fuerint Commissarij, officium quidem Reipub. non improbare, cæterum cum tot machinationes quotidie in perniciem suam fieri, infestaq; fabricari consilia intelligat, non existimare suæ securitati hoc tractatu satis fore pro- spectum. Huc & illud accedit, quòd pro certo compertum est, nonnullos tantum Palatinatus Sendomiriensi consilio adfuisse, quorum an tanta sit auctoritas, ut in hoc negotio quidquam nomine totius Reipubl. agere, atque decernere possint, non immeritò dubitatur. Sed hæc non obstabunt, quin quantum viribus junctis eniti possim, allaboraturus sim, ut communis utilitas observetur, atq; utriusq; gentis amicitia firmiori in dies nexu adstringatur; minimè dubitans, quin Resp. Polona, per-

A.C. 1702 spectâ S. R. Mtis propensissimâ in se voluntate, ea consilia sequatur, quæ obtinendæ hujus felicitatis spem non remorabuntur. Me denique benevolentiae suæ commendatum habeat Excell. Vra, precor, qui semper futurus sum Excell. Vrae ad officia paratus, & humillimus servus.

Comes Piper

LITERÆ PALATINI MASOVIAE AD REGEM SUECIAE.

Sacra Regia Majestas

Convocata nuper ad Sendomiriam Repub. Nostra, iterum suos ad restaurandam inter Cognatos Principes, & fœderata Regna votis populorum expetitam pacem, ac felicitatem constituit Commissarios, quâ de re S. R. Mtem V. certiolem reddere volentes, omni, quâ par est, efflagitamus veneratione, quatenus S. R. Mtas V, iterum suos omnimodo instructos mandato Commissarios expedire, tempus & locum, huic tam salutari negotio aptiorem resignare non dedignetur; Nos Regni nostri optimam præferentes intentionem, bonæ & nusquam violatæ viciniae ex arctiori necessitudine firmatam inominamur amicitiam, quo inominando fœdere faventiolem successum, & de optima S. R. Mtis V. post continuas Martis cogitationes, ad ea etiam, quæ pacis sunt Regium convertere animum, nobisq; summo cum tædio præstolantibus intimare, ubinam re ipsâ adniti possimus, ut in conspectum S. R. Mtis V. admissis probare liceat, quanto studio & ardore in æstimationem tanti Regis ex fœderato Regno Commissarij ferimur.

Oblequentissimus & Humill. Servus.

COPIA LITERARUM REGIS SUECIAE AD PALATINUM MASOVIAE.

Percepimus ex epistola Excell. Vrae quæ 28. Septemb. scripta est, constitutos esse in Conventu Sendomiriensi Commissarios, qui Nos inter & Regem, Regnumq; Poloniae pacem, fœdusq; restaurarent, & propterea à Nobis expeti, ut huic negotio perficiendo constituto tempore & loco Nra quoq; parte certos designemus Ministros; enimverò sicut officium hoc, quod res Polona offert, si bona præsertim sit, profectum intentione neutiquam censemus reprehendere, ita priusquam super re talis momenti mentem nostram declaremus, necessè est Nos quoq; paulò persuasiores fieri, de incorrupto erga nos Reipub. studio; Nobis quidem non sumus conscii, inimicitias contra Remp. exercuisse, tametsi ad persequendum hostem, qui gravissimis Nos injuriis laceraverat, Poloniam coacti fuerimus ingredi, interea tamen multa sunt in Nos commissa, quæ ab amicæ & fœderatæ Gentis officio gravissimè abhorre inveniuntur. Quare ut diffidentia hæc tollatur, non abs re æstimamus prius doceri velle, quorum consiliis hoc bellum conflatum sit, cujus auspiciis Exercitus Regni in Clissoviensi acie contra Nos armatus tulerit, & deniq; cujus jussu, quotidie in Nos hostilia miles Polonus perpetret præter eas machinationes, quæ in exteris aulis contra Nos adhuc intendi comperimus, si autoritate publicâ hæc acta sunt Excell. Vrae perpendendum relinquimus, an Respubl, quæ simul rea

erit

erit, habilis fuerit ad arbitrium pacificationis, seu mediationis suscipiendum, si verò culpam à se derivet, oportet ut segreget se à Turbatoribus, inq; eos animadvertat suppliciis, ut fidem amicitiae Nobis faciat. Quo pacto cum adversæ Partis suspicione, nexuque se liberaverit, majori fiduciâ cogitata nostra cum illa communicare poterimus. Interea Excell. Vram, Rempub. salvam florentemq; esse ex animo cupimus. Datum in Castris ad Cracoviam 23 Sept.

Excellentiæ Vestræ benevolus Carolus.

COPIA LITERARUM REGIS SUECIÆ AD EMINENTISSIMUM CARDINALEM.

Quamvis sit Eminentiae Vrae erga Nos studium, ex literis ejus, quæ 29 Septembris redditæ sunt, non obscure intelleximus, & quanquam non recordamur nos, dum Varsoviæ eramus de ullo cum Rege Poloniae reconciliandi modo quidquam promississe, utpote in quo securitatem nullam prævidere poteramus, sed omnia tunc ad afflictam Reip. libertatem restabiliendam consilia nostra intendebamus, volumus tamen Eminentia Vra omnino sibi persuadeat, nos tantam fiduciam in æquanimitate ejus & eximio animi dotibus collocare, ut officium, quod offerre voluerat, non dubitaremus admittere, si ita res constitutæ essent, ut commune periculum pacto hoc averti tutò posse crederemus, Eminentia Vra sibi in mentem revocabit faciliè difficultates illas, quas antea expositas audivit, eas cum jam modò non remotas esse, verum ex iis, quæ Adversarii in perniciem nostram quotidie machinantur auctas potius intelligamus, non possumus non suspicari amico pacis vocabulo occultas latere insidias, adversus quas cum salutem nostram tueri debeamus, cum Repub. tamen Polona sicut pacem nunquam abrupimus, porrò in veteri cum illo amicitia perseverare cogitamus, quatenus ipsa perniciosi consilii se non immiscuerit; Vestram verò Eminentiam diu superstitem incolumemque optamus. Datæ in Castris ad Cracoviam 23 Septemb.

Eminentiae Vrae benevolus Amicus Carolus.

COPIA LITERARUM à DD. COMMISSARIIS AD D. PIPER Scriptarum.

Reditæ sunt Nobis per D. Tworzyanski exaratae in Castris ad Cracoviam S. R. Mtis Sueciæ, & Excell. Vrae literæ, in quibus Nobis non posset sufficienter constare mens S. R. Mtis Sueciæ, utrum oblatam à Repub. nostra pacis mediationem S. R. Mtas pro communi populorum salute acceptare velit, pro munere nostro iterum ad Excellentiam Vram præsentem expedire duximus enixè efflagitantes, ut sepositis verborum expressionibus & controversiis, quæ potius ad inchoandum DEO volente optatæ pacis tractatum pertinent, informari plenè possimus, de mente Serenissimi Regis, utrum ea, quæ sincero conatu à Repub. nostra proponuntur, à suo animo non sint aliena, nec est,

A.C. 1702 est, quòd ad perfectam hujus negotii inchoationem, & supremi Numinis bonitate consumationem felicem, Excellentia Vra aliquos moveat scrupulos, quædam inter Provincias Majoris & minoris Poloniæ orta dissensio, quæ cum inter se in aliquibus clausulis ad jurium suorum conservationem pertinentibus discordent, in puncto tamen adeo salutari mutux pacis & tranquillitatis quantocius restaurandæ apprimè consentiant; instetq; magnum à tota Repub. Deputatorum videlicet pro 23 præsen. Consilium, ubi negotiationis nostræ injunctum est reddere rationem Nobis, & ideo ultimariam in præmissis resolutionem avidissimè expectantes. Nos interim favori & benevolentix Excellentix Vrx summopere commendamus.

COPIA RESPONSI ITERATI à COMITE PIPER AD COMMISSARIOS 13 Octob.

*Respub. non
poteft esse
mediatrix*

Quanquam S. R. Mtas Dñus meus Clementissimus in superiori ad Excell. Vram responso tam perspicuè mentem suam explicaverat, ut cuique de illa sufficienter constare possit, cum tamen, præter opinionem Excell. Vra cum Dominis Collegis suis, in his, quæ heri mihi redditæ sunt, plenius de intento S. R. Mtis informari cupiat, non possum Excell. Vram celare, aliam à S. R. Mte, quàm quæ in priori epistola exposita est, determinationem non posse jure postulari, priusquam super ijs momentis, quæ in eadem desiderari inveniuntur, Resp. Polona candidè & citra ambagem se declaraverit. Utrique Excell. Vra rationi & prudentiæ quàm maximè consentaneum judicabit oportere illos, qui mediationis officium gerent, culpâ partiumq; studiis esse vacuos, cum non facile eos ad arbitrium pacis restaurandæ admissos unquam auditum sit, in quos hostilis actus crimen aut suspicio cadat. Jam verò citra controversiam est, multa esse in S. R. Mtem hic patrata, quibus hostiles animi, quàm maximè arguuntur. Si à Republ. hæc profecta sunt, quomodo illa, quæ sic iisdem cum hoste consiliis, offensionibusq; innectitur, ad munus hoc suscipiendum apta erit? Si verò culpam in alios removeat, æquum est, ut certa documenta exhibeat, relictam esse adversam factionem, judicet noxios inq; eos justo modo animadvertat. Cum hæc sinceræ benevolentix & incorrupti studii signa ostenderit, non cessabit S. R. Mtas mutuis officiis respondere. Præterea cum certò constet Commissarios non ab universa Repub. sed à quibusdam tantum Provinciis esse delectos, quid Republ. in partes scissâ, negotiatio hæc operabitur, nisi ut majores turbas, motusq; excitet, non apparet, siquidem Excell. Vrx melius, quàm nobis constat, nihil in Polonia censi legitimum, nisi quod consensu totius Reip. discernatur. Non potest igitur S. R. Mtas Sueciæ à rationibus in responso suo antea expositis discedere, quas ut Excell. Vra cum Collegis honoratissimis æquâ lance perpendat & Reipub. simul considerandas tradat, ego quâ par est observantiâ rogo. Interim DEO T. O. M. Excell. Vram cum Dnis Collegis commendatam esse volo. Ad obsequia paratus.

COPIA LITERARUM PALATINI MASOVIAE AD COMITEM PIPER.

NEC humanitatem Excell. Vrx fatigari puto, novo recurso literariæ compellationis meæ, nec tanti momenti negotio nimium impendi operæ potest, cum de felicitate utriusq; inclytæ Gentis, per

per redintegrationem amicitiae stabiliendae agatur. Tantò verò fidentius in destinatum operis conatum redeo, quòd in consilio magno novissimè inclinationes suas ad manutenenda Pacta Olivenfia explicantes, conspirent in eundem sensum Provinciæ totius Reip, vel universalibus, vel particularibus decretis plenipotentarios assignando. Cùm ergo fundamento hoc stabilito, circa quod nonnulla Excell. Vrae suboriebantur dubia, de valore & securitate Tractatûs, (si Numen annuat) futura, ambigi non possit, maximè verò congruat, ut dum amicitiae stabiliendae insudamus, non minore id studio, quàm candore agamus. Reliqua, quæ inchoando hætenus Tractatui obstare videbantur, facile credimus ingressu ipso negotij abigenda, & continuato mutuarum conferentiarum cursu complanda: Meo igitur & meorum Collegarum nomine, quos ut magno consilio adessent à me digressos expresseram, enixè peto, ut Excell. Vra & summæ prudentiæ suæ, & studio in pacem, quod in suis anteaetis expressit, laudem adjungat istam, quam posteritas gratâ commemoratione approbet, & Gentes celebrent; negotioq; tam laudabili initium tandem fiat, & coronis optata accedat; nunc verò ut ex mente S. R. Mtis suæ locum & tempus quamprimum sciamus, quoad venerationem tanti Regis admissis vota nostra exolvere liceat, expectabimus; per G. D. Tworzyanski Palatinatûs Cracoviensis Thesaurarium, legationis verò nostræ Secretarium citum responsum, & securitatis literas Interim me favori benevolo Illmæ Excell. V. cum alacri promptitudine recomendo. E. V. ad officia promptissimus amicus & humill. Servus.

COPIA LITERARUM D. COMITIS PIPER AD PALATINUM Masoviae. 13 Novemb.

QUamvis nihil mihi optatius contingeret, quàm ut amicitiae inter utramque Gentem stabiliendae manum admoveere possemus, tamen non debeo dissimulare, tam salubri proposito, nondum ita præparatam munitamq; viam mihi videri, ut tutius jam, quàm antehac, illi queamus insistere. Scribit quidem Excell. Vestra in hunc sensum conspirare provincias totius Reipub. & tum universalibus, tum particularibus illarum decretis Tractatum inchoandi, atque ex documento illo, quod ab Illmo Mareschalco Regni subscriptum G. D. Tworzyancius attulerat, non mihi promptum est colligere. In illo certè non occurrunt nomina Deputatorum ex majore Polonia cui tamen magnas in Repub. partes solere tribui, potius est, quàm ut negari possit. Præterea quibus diffidiis illa agitetur, neminem latet, quæ manifesto arguere videntur, non esse eam animorum conspiracyonem, quàm ad negotium hujus indolis perficiendum imprimis requiri nemo diffitebitur; adeoq; dubia illa, & obstacula, ad quæ hætenus res hæsitaverat, nondum esse sublata. Nihil jam dico in decreto illo, quod transmissum est, nullam fieri mentionem illius satisfactionis, quam postulaverat S. R. Mtas Sueciæ D. meus Cl. prius executioni mandandam esse, quàm Tractatus inceptaretur, tanquam quo certissimo indicio Respub. Polona suam innocentiam fidemq; sinceræ intentioni ipsi approbraret. Quapropter quamdiu hic rerum habitus duraverit, non video, quâ securitate hoc negotium aggredi possimus, quâve fiducia, & jure exegerint alii, ut S. R. Mtas Sueciæ huic petitioni consensum præbeat. Quod ad me attinet, nihil mihi jucundius erit, quàm illa officia posse Excell. Vrae præstare, ex quibus mea in se studia, ac voluntatē pos-

A.C. 1702 posset intelligere. Dab. &c.

Stanislaus
Szczuka

COPIA LITERARUM PROCANCELLARII M. D. Litv. AD D.
Kczewski Regentem Cancellariæ Regni, Radzyno de data
16. Septemb.

Raphaël
Lejczynski
Ioan. Prze-
pendowski.

Joan. Go-
molinski.

Obtigit mihi ex hesternâ postea copia Literarum, tam quas The-
saurius Regni ad Palatinatus majoris Poloniæ dedit, quàm qui-
bus Mariæburgensis Palatinus eidem D. Thesaurario respondit,
cum adjuncto Seren: Regis Responso, ad eundem itidem D. Thesaura-
rium. In Palatini Mariæburgensis literis mirari satis non possum, ab-
sentiam suam Birzâ illi pro argumento placuisse. Inde enim facile in-
ferri potest nôsse Palatinum, actum esse Birzæ aliquid contra Remp.
Ad minimum tale quid indigitat, quo innocentem meam, & invitam
merèq; de mandato Principis susceptam peregrinationem populari in-
volvitur suspicioni. Ego verò conscientiam fretus, cum Comite meo Epi-
scopo Kijoviensi, jurare paratus sum, nihil didicisse nos, aut inaudisse,
præter graves & Principe dignos, Cari, & Ministrorum ejus discursus,
pro Rep: quod ipsum sæpius lingvâ & calamo testatus sum, & inpo-
sterum, si opus fuerit, vel millenis vicibus paratus sum propalare. Fa-
xit DEus ut Moschi molimina prodant, in quantum tractatus non con-
cludetur. Quandoquidem ergo ignoramus quid Birzæ malorum atten-
tatum sit, clarum est, si quid actum ibi, clam nobis definitum esse. Per
consequens Palatinus Mariæburgensis, vel Mtem arguit, vel me inson-
tem publico audax calamo traducere & societati malè de Patria me-
rentium intrudere præsumpsit. Quæ omnia ex illibatis & ab omni re-
spectu depuratis considerationibus meis explicata, seriæ reflexioni cõ-
mitto, decuerit ne scriptum ejusmodi, de ore sapientis, & proximi in
publicum Poloni Orbis prodire, quòd nihil tale meritos obliviosâ pre-
mit suspicionem? Tu ipse judex esto, cujus ut semper maneo &c.

COPIA LITERARUM CASTELLANI CRACOV. EPISCOPO
Principi Varmienfi, ex Castris, ad Pokrzywnicam datarum,
17. Septemb.

Quid in circulo nostro minoris Poloniæ ad Sendomiriam actum
sit? abundè tibi innotuit. Discessum ex illo est, utcunq; prævisâ
ne quid Respub. capiat detrimenti, defensione, casu in quo ma-
gis quàm in aliis modis salutem publicam fundabamus, hoc calami-
toso tot colligationum tempore suum non fortiretur finem. Verùm
frustravit spem omnium bene sentientium Provincia majoris Poloniæ,
quæ nihil constituit causata solennitates, quarum exercitium utiq; li-
berum illi fuerat relictum, aut si quid ex necessitate hac in re, per o-
missionem peccatum, poterat sequentium Comitiorum emendationi
relinquere. In extremis ergo periculis positi sumus, & aut salvari no-
lumus, aut differimus medicinam, hosti interim per lares nostros, non
jam hospiti, sed velut Patrifamilias domi nostræ omnia pro libito per-
mittentes. Copiæ quæ modò ad manum sunt nonnisi pacatis rebus pa-
res, quietisq; temporibus servandis concessæ nunc dum gravissimi bel-
li incumbit onus, quomodo sustinebunt, tam manco peditatu nec eo
numero, quo illum esse secundum novissimam computationem, oport-
eret existente. Agimus nihilominus & possibilia tentamus, ne interi-
ora Regni Suetico Exercitui aperiantur, qui tamen non ita me terret,
ut

ut rebellio Cosatica. Putavimus hoc malum facile sopiendum, quod A. C. 1702
privatæ duntaxat Samussii injuriæ, pro causa prætexerentur. Sed jam
ex literis & universalibus ejusdem aliud longè constat, nimirum Mo-
schi patrocinium, ab eo imploratum, & obtentum, siquidem Samussi-
us jam se Cari scribit Colonellum. Quibus verò modis insolentia hæc
Cosacorum, toti Patriæ metuenda dilatetur, patet ex adjunctis. Urun-
tur illi occasione deficientibus hic & nunc, apud nos modis coercen-
di, dum hic externa potentia triumphat. Per DEum! nunc consilio
nobis opus est, agitando salutaria, in simplicitate cordis sepositis priva-
tis odiis, non deero, quantum ex me facienda faciam, sed eo jam de-
ventum est, ut res ferro & manu egeat. Bona intentio & amor in Pa-
triam, tam activus non est, ut hostem frangat, nisi concordia univer-
salis accesserit. Nolit obsecro pro veteri confidentia Celsitudo V. mei
oblivisci Fratris & servi sui, sed correspondere & communicare ma-
gnos sensus, ex gratia sua, quam expeto &c.

AMICO CONFIDENTI 22 Septembris.

QUæ Varsoviâ habui, accipe. Die Dominicâ circa primam, sacro,
quod præter consuetudinem sine musica absolvebatur, interfuit
Rex Serenissimus, assistentibus Regi Culmensi Episcopo, alijsq;
Magnatibus. Recenter comparuerunt hic Palatinus & Castellanus Ca-
lissiensis, Gnesnensis, Rogozinensis, Raciâzensis, Naclensis Castellani.
Primas Cardinalis semel duntaxat habitâ cum Rege secretâ conferen-
tiâ imposterum in arce visus non est, sine illo nihilominus per subor-
dinatas personas, uti per Referendarium Regni propositæ materiæ ex-
pensæ, & acriter impugnatae. Capitaneus Inovroclaviensis, Marechal-
cus confœderationis à Palatinatu Lenciciensi factæ, post suum ad au-
lam adventum à Rege quæsit, quid confœderatis agendum esset? re-
sponsum retulit, optare se, ut reliqui Palatinatus in ea consentiant, quæ
Sendomiriæ sunt constituta, nec obscure Rex suam mentem esse expli-
cuit, ut missis innotescentiis, hunc in finem Comitiola indicerentur.
Valachi & Tartari præclari sanè œconomi, dum nihil relinquunt reli-
qui, circulum Varsoviensem vastant, expilant horrea, pecora campis
modo furtivo abigunt, nec fœminis potum venalem exponentibus par-
cunt, assidue ebrii inconditis omnia clamoribus implent. Circa vespere-
ram rumor attulit Præfectum vigiliarum Litvaniæ jam se ijs Saxoni-
bus conjunxisse, qui Brestam Litvaniæ destinati fuerant; eumq; Siemi-
aticijs in Podlachia his sociis impune audere mirabilia, sui insuper mi-
litis viginti aliquot vexilla secum ducere. Præteritâ feriâ sextâ puta-
tur prælium fuisse in Podlachia inter Bochi & Bielscium; nam jam an-
tè Palatinus Vilnensis aliquot Suecorum millibus sub Generali Mai-
del succinctus prædicto loco constiterat, Principe Wisnioviecki eodem
tendente cum suis copijs.

Pro mediatione ad Regem Sueciæ designati, Palatinus Masoviæ,
Vexillifer Cracoviensis, & Capitaneus Ostrozovienensis, effectum expe-
ctamus. Cracoviâ verò hæc mihi formalia de data 16 Septembris scri-
buntur: ferale spectaculum hæc nox nobis exhibuit, Regali Palatio in
arce Cracoviensi in favillam flammis concidente. Cœpit ignis circa de-
cimam ante concubiam noctem, senaculum, magnifica conclavia, &
pulcherrimum illud opus Kurza Stopa, hoc est planta galli dictum, re-
liquaq; in nihilum prorsus desiêrunt, solis muris, & abominatione de-
solationis superstite. Illud fastigium sub quo Nuntiorum est hypocau-
stum

Theodorus
Potocki,

Joannes
Szembicki
Dybiski

Stanislaus
Morzyczyn.
Andreas Zy-
dowski.
Lesczynski.

tempore, ne Varſaviâ diſcederet. Decretum etiam, ut legationis for-
maretur ſcriptum, die proximè ſequentē apud Cardinalem Primateſ,
quod eodem die ſubſcriptum cum expreſſione nominum & cognomi-
num committeretur Tworzyanſcio Secretario Legationis, ut Præcur-
ſori. His peractis nemine diſſentiente ex arce diſceſſum eſt.

Feriâ quintâ ſignificatum eſt à Patribus Paulinis Suecos obſidi-
one cinxiſſe Clarum-montem, intendereque eum expugnare. Quare
Rex Sereniſſimus exnunc à Ducibus Exercituum requiſivit pro eo lo-
co ſuppetias, quæ & miſſæ ſunt; de eventu hujus expeditionis nulla
adhuc habetur relatio. Exercitus Regni ſubſiſtit ad Pokrzywniciam,
Saxonicus verò in Pruſſiam movebit. Sequentē primum die Plenipo-
tentiarii (id eſt 23tiâ præſentis) juramentum explêrunt ſecundùm præ-
ſcriptum in conſtitutione expreſſum, quovis ſigillatim, quòd aliter for-
tiri activitatem non potuiſſent. Primus juravit Belchacki, ſecutus hunc
Capitaneus Vlodimirienſis, tum Succamerarius ejuſdem terræ, quart⁹
Plenipotentiarius Podoliæ, ultimò Theſaurarius Curia Regni, Prin-
ceps Cardinalis heri ipſo diluculo movit Radziejovicios. Rex Sereniſ-
ſimus infallibiliter Thorunium ſe conferet, nonniſi 28vâ Octobris ad
nos rediturus. Palatinus Mariæburgenſis & Theſaurarius Regni com-
miſſi ſtylo extra reſpectum nominis, & prærogativæ Senatoriæ, om-
ni reverentiâ poſitâ mutuò ſe proſcindunt, criminationeſq; ut nemo
alter magis, aut turpius exercent. Metuenda inde novi ignis inflam-
matio. Deſolatio hic ingens, terra ſine habitatoribus egenis omnium
ruſticis ſua etiam tuguria deferentibus.

*Czeſtocho-
via obſide-
tur à Suecis*

XXXVIII.

ANDREAS C. ZALUSKI EPISC. PRINC. VARM. ET SAMB.

LUDOVICO ZALUSKI EPISCOPO PLOCENSI FRATRI SUO

Regiomontô ultimâ Septemb.

QUÆ mihi ſcribuntur, accipe paucis; adductum fuiſſe ad Regem
Officialem Sueticum interceptum ſub Czeſtochovia cum literis
ad Regem Sueciæ, continentibus relationem conflictûs, & vi-
ctoriæ de Suecis per Moſchum obtentæ ſub Derpato, cedentibus in ſpo-
lium victori caſtris, cum toto bellico apparatu, & peditatu, literæ hæ
transcripto eorum per copiam relicto miſſæ ſunt Regi Sueciæ per Cra-
coviam. Palatinus Califfienſis poſt accepta nuper lethalia vulnera, jam
fatis ceſſit. Caſtra verò Regia ſub Cracovia conſiſtunt, non imminu-
to, imò aucto numero, per advenientes à Czeſtochovia; de motu Ex-
ercitûs ſub Sendomiriam, jam ibi rumoribus vulgato, nec cogitatum,
ægrorum ad ſeſqui mille militum, in lapideis urbis diſpoſitorum, cu-
ram habet Cracovia, excuſiones ab Exercitu Suetico contra Valachos
in proximis huic ſylvis latitantes, frequentes fiunt, ſi quem vel mini-
ma cointelligentiæ cum eis laborantem ſuſpicionē deprehenderint, ar-
ctiſſimæ mandant cuſtodia, ut factum cum Patre Priore Camedulenſi-
um, cui dato ſub cuſtodiam ob meram ſervatorum Valachorum ſu-
ſpicionem, graviffima quæq; minabantur, niſi Legatus Cæſareus cum
Theſaurario Regni interceſſionibus ſuccuriſſet. Eadem ſuſpicio cauſa
fuit extremi infortunij Proſovicorum funditus vaſtatorum. Notitia
Moſchum in Livonia ferro & igne graſſari perhibens, magis contra
illam civitatem Suecorum accendit rigorem, extremam illi, ſi diutius
Reſpub. Regi adſtiterit, ruinam minantium. Legatus Cæſareus com-

Tom. III.

Aa

parandæ

A.C. 1702 parandæ paci impendit operam, post habitam apud Regem Sueciæ audientiam, id se responsi ab eo narravit accepisse à Rege Poloniæ inæstimabilia sibi sub Riga esse illata damna, nec eum minora passurum. Miseri homines furori se se subducentes fugâ vitæ consulunt, fortunis, quæ domi habentur, direptioni, quæ in conseminatis succrescunt agris, conculcationi relictis. Expressus ab Episcopo Samogitiæ Palatino Vitepscensi tulit, Moschos jam in Oeconomia Szavelensi comparuisse, Litvaniam petituros, quod ubi resciverint Palatinatus sub Corcinum congregati, probabile est eos Sueco arma sociaturos. 9. Sept: Rex venit Ujasdoviam, ubi sumpto prandio, sub vesperam ingressus Varſaviam in comitatu Palatini Mariæburgensis, Referendarij Regni, & alius, præsertim de Gente Germanica, quam plurimis. Saxones inundârunt Varſaviam aliquot eorum millibus etiam in Insula Vistulana consistentibus, magna in civitate rerum caristiâ, quæ iussa 1000 Saxoniorum hominum suis sumptibus alere; dum vellet pro liberatione ab hoc onere supplicare dilata est in posterum audientia. Hæc malorum copia pluribus miseriis sternit viam, venturis fors cum Rege Sueciæ, cujus iterum Varſaviæ præsentia cum exercitu potius timetur, quam speratur.

XXXIX.

IDEM EIDEM. Regiomontô 18 Octobris.

ATA cum
Suecis

Continuus, & constans sum in mittendis tibi, quæ ad manus veniunt, quandoque etiam sine ordine, nova, ex quibus informari possis, quo in statu miseræ res nostræ sint. Rex noster priusquam copias Saxonicas in Prussiam & majorem Poloniam dimitteret, eas prius reformavit, ex quibus pro securitate sua sex legiones retinuit. Putatur non diu Varſaviæ moraturus, alij existimant expectaturum notitiam à Legatis ad Regem Sueciæ missis: residentia ejus pro hyeme in Prussiam transferetur. Palatinus Vilnensis cum Suecis Brestæ & Bialæ subsistit, indictæ ibidem contributiones trium imperialium in domum unam, sive ut vocant fumum, præter panem, fœnum, avenam, &c. Moschi Generalem Grangora in Esthonia ad arcem Terninû dictam, & fluvium ejusdem nominis vicerunt, & mox à prælio duo millia Suecorum obsidione cinxerunt; de quibus incertum hætenus, an evadere ex ijs angustiis, & salvare se Narvam potuerint. Confirmatur in Curlandia 15 millia Moschorum sub Selburgo subsistere, quorû pars adjuncta Oginscio, eum expeditiorem ad excurrendum reddidit, à quo infesta omnia. Bauschum usq; progressus Suecos circiter 80 per oppidula inventos trucidavit. Nihilominus Sueci, proximo hoste, continuant fortificationem Mitaviæ abundè com meatu & rebus ad defensionē spectantibus à Governatore Rigenſi instructi. Generalis Stuard nobilitatē Curlandicâ, quæ ad partes Oginscianas accesserat, affligit, aulas partiantium ignibus absumendo, & consanguineos eorum ad carceres damnando. Certa præcautio huc delata est de Republicanis Litvaniæ, ac si novum quid attentent, ut avulsi à Regno Poloniæ ad Moschum deficiant, de quo fertur eum cum 40 millibus Litvaniam ingressurû. Dñi Legati nostri nuper profecti, sunt Præcursorē D. Tworzyanski secuti ad Regem Sueciæ. Piotrkoviæ die 28 Sept. circa decimam ante meridiem aliquot centena Suecorum, qui nuper pro comæatu Piotrkoviam venerant, substiterunt apud PP. Bernardinos in suburbio, imperatâ trium millium imperialium in solido pecuniâ, eaq; spe citius à Piotrkoviensi civi-

civitate expressâ, per oppida similia ausuri jam se itineri accinxerant, *AC. 1702* cum rumor delatus velites Polonos aliâs Valachos nominatos non procul inde remotos esse, detinuit. Tentârunt vi in civitatem irrumpere, ut ut se muris tuerentur, sed visâ resistere paratâ in mœniis plebe, arripuerunt iter unâ cum curribus suis versus Bugajum: ibi ad molidinum consistentes, initio nostros Valachos provocare ausi sunt, at ubi Equestrem militiam sub directione Generalis Brandt appropinquare adverterunt, tubicine classicum canente, posuerunt arma, missisque ad Stanislaum Rzewuski Incisorem Regni in potestate se illius futuros declarârunt, actuque ultrâ decem amissis, subierunt jugum, Equites verò Bransciani ultra illos primos quadringentos circiter captivos mancipârunt, nec Nuntio quidem cladis relicto. Habuerunt secum currus sex quorum cuivis 12 boves juncti erant, ingens pecuniæ vis in curribus reperta, pridie illis Administrator Territorii Volboriensis viginti septem millia tymphorum exolverat. Jam se accingere itineri Cracoviâ Suecos, & jam ligna, ut in illis flumine devehantur, diligenter componere scribunt, nec tamen adhuc se movent, nesciturq; quando illis locis valedicent. Copiæ, quæ ex Pomerania delatæ ad Jangrotum tamdiu substiterunt, ante aliquot dies transtulerunt castra sua in ipsam viam publicam versus Varfaviam sub oppidum Slomniki dictum. In montes ad diversa loca pro contributionibus extorquendis varias & sat potentes ivisse partes certum est, quas reverti videmus. Civitatem cum omnibus circumferentiis etiam minimam personam non excipiendo describi imperârunt. Præteritâ feriâ quartâ ex decreto Generalis Nobilis cum duobus famulis Ciesielscius convictus de latrocinio in foro, & eade perpetratâ pœnas luit. Necdum incendium arcis penitus oppressum est. Conclavia inferiora ab illo adhuc in ruinam eunt, ignes ex diversis locis erumpunt non sine periculo templi, die, nocteq; custodiæ adhibentur, quæ igni sopiendo & extinguendo invigilent, grandis profectò ruina Regiæ quondam arcis etiam fornicibus solutâ flammis compage subsidentibus. Aliquot homines, qui ad spectandum venerant, & super rudera securi, nescii infra dolosum latere Vulcanum, constiterant, soluto fornice in inferiorem jam ardentem delapsi cameram, calamitoso eventu cineribus sunt insepulti; quos inter, duo Sacerdotes, duo itidem mercatores honesti, cum primis homines fatum, quod non timuerunt, invenerunt. Civitas Leopoliensis rebellionem Cosaticam in Ukraina inchoatam valde timet, nam Samusius indies potentior jam decem millibus in scelestum fœdus còalitis, auctior esse dicitur, Palsio Duce interim, quamvis alium præferat, simuletq; non se favere Rebellibus, & ad speciem Samusii procedendi modum redarguat; clanculum nihilominus consilio & auxilio oleum igni addente, Bialocerkiew civitatem exusserunt, tentârunt arcem, verum amissis aliquot centenis suorum receptui canere coacti sunt. Nunc malè peregrini à loco ad locum vagantur, vias occupant, Polonos & Judæos, ubicunq; prehenderint, cædunt. Scintillæ hæ sunt gravioris ignis præludia. Quod pessimum est, jam per Voliniam & Podoliam circa Zloczevum, & Socalam, conspirare advertuntur rustici & agrestes; unde capita, & Principales illorum in diversis locis ad carceres rapti. Aliquot illorum Wielohurski Succamerarius Vlodimiriensis in sua civitate Horoczkow dicta meritis supplicij affecit. Palatinus Belzensis hætenus substitit non procul Dubnâ in armis, speratur in brevi Ukrainam versus propter securitatem moturus. Fertur Satanoviæ non procul à Cameneco sitæ Poloni

A. C. 1702 nominis homines & Judæos excisos. A divisione verò sive parte exercitus sub directione Succamerarii Regni existente, delatum est, eam præsentis cum Suecīs conflixisse sub Uscio. Usus est stratagemate Succamerarius, ut prius metu vinceret, quàm armis. Circa primam pomeridianam casam incendit, tum à Dembino & vadis Strzeleceſibus sat resolutè sine ordine militem emiſit, ſublatisq; ſignis toto agmine Suecum aggreſſus eſt; ex quibus aliquot captis, ultra decem cæſis, receptui cani juſſit, ſuis parcere volens iniquiore loco conſtitutis. Rediit nullo ſuorum amiſſo, & nunc cum Diſiſione ſua ad Barczkovum ſubſtitit. Suecorum cum quibus experimentum iſtud peractum eſt, fuerunt quingenti quindecim ordinati pro comparandis majoribus & minoribus cymbis, ad transportandum Cracoviâ militem neceſſariis. Iteratò præſatus Succamerarius cum Suecīs conflictum habuit, qui adverſo, ſe impares eſſe, ædibus quibusdam ſuam ſalutem crediderunt; ſed fruſtra iſdem velut carcere clauſi, miſerando modo incenſâ domo, conſumpti ſunt. Fuerunt ij Pedites numero quinquaginta. Eodẽ die aliquot centenis peditũ idem occurrit, cum quibus certatum acriter, victoriâ penes illum manente, ſed non ſine clade ſuorũ, amiſſo Chomentowſciõ Janitzciõ, ex Suecīs præter amiſſos, aliquot capti ſunt, qui etiam huc adducti. Pergrata veniſſe nova de Rege Sueciæ aulæ noſtræ Cracoviâ unus ex amicis mihi ſcribit, quorum id contentum eſſe dicitur; præterito Sabbatho abſolutâ poſtâ præſatum Seren: Sueciæ recenter conſcriptos Valachos probare & experiri imperaſſe, & quidem arte ſuâ tentarent incognito caſtra Suetica, juſſiſſe. Paruere illi, Rege ipſo non tantum præſente, ſed etiam immixto illis ceu ſocio & Commilitone, irruerunt feliciter, ſed mox felicitatem hanc communis propemodum luſtus corrupit: ingreſſus enim Rex eo impetu, quo Valachi ſolent, caſtra, incidit in extantes clavos & perticas in uſum tentoriorum terræ infixas, funesque eorundem tentoriorum, quibus impeditus equus ſefforem impatiens excuſſit. Caſum hunc ulteriora exceperunt mala, Valachorum equis Principem proterentibus, nec proprio equo parcente, cui in genis acceptum vulnus debet, pedem conſractum, cervicem læſam &c. Toto abhinc triduo, ore, & naribus ſangvine fluxit. De Commiſſarijs noſtris id habetur, tractatum non eſſe acceptatum, eosq; cum nihilo expeditos. Copiæ Sueticæ moturæ erant Cracoviâ rectâ Varſaviam, peditatus ſecundo flumine, equites terrâ. Reſponſum Generalis Majoris Poloniæ ad literas Illm̃i Palatini Mariæburgenſis in aula per conclavia fuit præſentatum, ſed ægrius à Palatino Mariæburgenſi ſuſceptum, utpotè rigidiorẽ calamo ſcriptum, præſertim ubi mentio fit domũs & originis. Honorem ejus graviffimè impetit, oppoſito domũs ſuæ ſplendore, quem à quingentis annis clariffimum demonſtraturum ſe promittit, & quibus initijs in tantum nomen creverint, probaturum. Fluctuat Palatinus diverſas inter cogitationes, an reſpondendum Antagoniſtæ? ne ſemper auditor tantum audiat, an diſſimulandum? ne ad aſperiora provocet viri animoſitatem. Aula totis viribus laborat, ut his diebus inter Regem Sueciæ, & noſtrum amiſtitium conciliet; quid per hoc intendatur, conſiderationi relinquo; duæ cauſæ allegantur. Prima videtur eſſe, ut ſub tempus amiſtitij Comitij locus ſit, in quibus Seren: Rex favorem Palatinatum præſare poſſit, quòd ij jam videantur in nomen victoris propter ſuſpiciones de Sereniſſimo deſciſcere; ſecunda cauſa in contrarium, ut Seren: Rex per lucra temporis ſuam fundet potentiam, viresq; acquirat exequendis iis, quod hætenus ſub involu-

*Georgius
Lubomirski.*

*Suecorum
aliquot caſi*

*Cauſa Re-
gis Sueciæ*

involucro cogitationum hærent occultæ. Ex occasione crescentis in dies Vistulæ Seren: Rex plurimum alteratur, metuens ne aquarum abundantia adventum Suecorum acceleret; unde irremisso oculo hodie ex pergula speculatus est, an non aliquis Villâ novâ aquis Varšaviam deferatur. Advenit missus à Capitaneo Samogitiæ, referens suum Principalem ad Bnuscum insignem intulisse cladem Suecis, duabus legionibus illorum in fugam actis, trecentis cæsis: unde Gurlandia arma corripuit urgendis successibus præfati Capitanei operam accommodatura. Legatus Gallicus Bonak Rigâ protectus Valachis Oginſcianis in manus incidit; detinetur velut in carcere in bonis ejusdem Oginſcij. Post fata Palatini Brestensis, cessit Palatina dignitas Archimagyro Litvaniæ Komorovio, officium verò Archimagyri Dapifero Samogitiæ Grużewſcio. Dapiferatus Germano ejusdem Domini. Idem missus detulit Bichoviam receptam.

Serenissimus Sueciæ decumbit in Palatio D. Capitanei novæ civitatis. Unde scribunt, quòd hic casus, qui Mtem suam afflixit, illis partibus non minus calamitosus sit, exercitu ejus ad majorem mileriam, & oppressionem pauperum penes Regem suum perseverante. Planè nunc in servitute esse queruntur se, Dominio nullius rei sibi relicto, quidquid fœni Paterfamilias, suis pecoribus volens consulere per pagos & alibi occultaverat; id totum à tribus, quatuorvè milliaribus rapitur & advehitur, avenam & hordeum violentè diripiunt, nec iis quidem parcendo, qui contributionem jam exsolverunt. Jam etiam extendunt manus ad pecora, uno verbo; vastant Provinciam cum summa pauperum oppressionem. Die nuperâ cymbas onerando majores tormentis, duo ex illis majora amiserunt, nudârunt eadem tormenta ferramentis, rotas & currus combusserunt. Die 5tâ D. Tworzyanski Thesaurarius Cracoviensis, Secretarius legationis accepit expeditionem à Comite Piper Cancellario Seren: Regis Sueciæ ad Commissarios, & literas ad Eminent. Principem Cardinalem. Fertur in favorem Reip. præfatum D. expeditum esse, ac si acceptet Serenissimus Sueciæ mediationem Reip. quod ut fiat, DEum ardentissimè petimus. Præsidium, quod præteritâ hebdomadâ movit Pinczoviâ, nunc ad Opatoviam cum tormentis captis subſistit. Nuntij Palatinatûs Kijoviensis querelas deposuerunt apud Seren: contra Samuſſium, ad quem exnunc ex Cancellaria universalialia extradi jussa sunt, inhibendo ultioſam rebellionem, sub pœna Rebel-libus inferri solita.

Oginſcius partem Suecorum cecidit; hinc Generalis Stuart ad eum circumveniendum aliquot millia Suecorum ex Gurlandia miſit. Hic apud nos confirmatur Derpatum & Mariæburgum Moschum occupâſſe, editaq; Universalialia ab eodem esse ad totum Ducatum Livoniæ; ut com meatum pro ejus exercitu convehant. Lublino 8vâ præſentis fertur Litvanos ibi jam conſtitisse, ceu Præcursores, quos proximâ feriâ tertiâ Sueci cum Palatino Vilnenſi ſequentur.

Proclamatum erat Cracoviæ Regem Sueciæ à nupero casu diem suum obiisse: at nunc mutata fama incolumem esse denunciat, quem recreandi gratiâ præterito Sabbatho & Dominicâ, aula ipsius celebravit Comœdiam. Nonâ currentis ſecundùm antiquum Calendarium celebrârunt ſolemnitatem S. Michâélis, habueruntque manè devotionem suam in officinis, alij in lapidea Palatini Kijoviensis, tertij in aula Castellani Camenecensis in arenis. Toto eo die portæ clauſæ fuerunt usq; ad vesperam, nullusq; ſive Suecorum, ſive noſtrorum emiſſus est. Cau-

A.C.1702 sa hujus clausuræ fuit cædes perpetrata ab Officiali Suetico, qui priore nocte alterum itidem Officialem occiderat. Is se occultavit, nec inventus est. &c.

Raphael
Lesczynski

COPIA LITERARUM THESAURARII REGNI AD NOBILITATEM Szrodæ pro Comitibus congregatam, 28. Octobr.

Joan Przependowski.

SCire vultis, idq; si non vivâ voce, saltem secreto cordis quæritis, cur litera non debita tempori, & loco illi, nostra præsentia vos salutat? facilis, sed gravis nimium responsio; nempe si Palatinus Mariæburgensis pudore pridem perduto non erubescit, meus certè niveus erga Rempub: & inclytos ejus Palatinatus candor, donec manifestè pateat veritas, pallefcere cogitur, nunc præsertim, dum livor pertinax ejus contra me cærulescit, cujus testimonium, fabricatæ ab eodem Varſaviæ sub ficto nomine Projecti mei literæ abundè loquuntur. Ita scilicet, dum nihil de me etiam per quintam essentiam exprimi potest, quod salutis publicæ adversetur, à perduellione mihi calumniosè objecta non probata ad collisionem mei cum magnis Civibus & Palatinatibus divertunt malevoli. Nec his satiat livor plura in nostrum cudit malum. Ex eadem enim Varſaviensi officina in vulgus perversè spargitur, me per factiones complicem esse sicariatûs contra quosdam hujus Palatinatûs Cives, in eorumq; necem (quod absit) cum sibi infensis inspirasse. Hic jam tam crudo impietatis bolo (priusquam è maledicis egeratur faucibus) strangulari deberet, plus quam canina rabies, redireq; ad vomitum. Quisquàmne hanc de me vel in primam apprehensionem admisisset opinionem? Nónne jam manifestas hic mentitæ sibi iniquitatis palpatas fallacias? cur ergo emerito oppresso civi vestro non succurritis? Ad hæcne tam atrociam crimina pronam à Majoribus meis sumpsi indolem? qui nec nasci, nisi bono publico voluissim. Semel vobiscum conjuravi sub Posnania, nunquam me perjurum crimina hæc, mihi per crimen imposita probare poterunt. Prodeat nunc, acuatq; contra me, ut gladium, linguam suam, si quis est, cujus honoribus aut vitæ fui injurius. Ipsi vosmet, arcanaq; veritatis introspicite, alto pensantes judicio, quantum vos perpetrata hujusmodi contra me calumniæ monere debeant, & movere? Factionis infandum detestor nomen, utriusq; inclyti Palatinatûs cives veneror, ut Principales, non ut amicos, quorum fuissim Principalis. Non mihi hujusmodi convenit, aut congruit vestis, gentilis hæc, barbaris aptior, quàm Christianis humeris diplomis est; quæ latè diffusis alis universos non minùs divisione Provinciarum, quàm collisione in Palatinatibus animorum complectitur, ut perdat. Nondumne sub ea extremo suffocamur deliquio? Quid ergo emolumenti vestro adferemus congressui? etiamsi (non ut sumus minimi) divini essemus capaces consilij, dirigere nesciremus. Revolvendus est positus in impedimentum, & petram scandali lapis, deponenda, injuriosè nos Suecos esse persuadens suspicio, alias iniqua judicabuntur optima licet consilia. Concurrите itaq; vestrâ gratiâ & cooperatione, ad quam celerrimam nostri nominis justificationem, ut mihi nuper sub Brzeznicâ nobili verbo spondidistis; nondum confugio sub totius Reipub. protectionem, ad nullum hoc in puncto scripsi Palatinatum, præterquam ad vos, vicinamq; & amicam terram Viennensem. In nido nostro purgari penitus volumus, & ubi nostram inno-

innocentiam palpaveritis, iustissimâ protectione honorumq; nostrorum vindicatione gloriari. Compensabimus magnâ promptitudine ommissa obsequia, ubi viderimus in hac Repub. malos terreri pœnis, bonos præmiis conservari, incitariq;. In quibusdam Comitibus infensi nomini meo quidam ex Aulæ Regiæ Ministris struebant mihi insidias, me cum exteris factiosas correspondencias habere mussitantes, volentesq; eam de me opinionem singulis per congregatos, tum per legatos vulgari Palatinatibus; Asseveravit coram legatis Palatinatum nostrorum vir quidam magni nominis, cujus anima sit nunc in benedictionibus, se id de me in scripto à Rege accepisse; impetratâ voce habitâ Auctoris notitiâ, nihil concludi permisi, aut proponi, donec id, quod per mussitationes spargebatur, deductum esset. Non diu suspensum tenuit meam innocentiam clementia Domini, nec eam ulteriori permisit disputationi non expectato Cancellario ipsa de throno relictâ Mte assurgens, vivæ vocis oraculo mendacium id esse exclamavit; me nunquam Regi aut Reip. infidum esse, fuisseq; asseverans, sicq; mei confusione operi inimici, mihi in integro relictâ innocentia. Plenus itaq; fiducia & conscientia recti erga Patriam, inclytosq; hos Palatinatus supplico, quod rectum est, judicate, ac secundum DEum & conscientiam vindicate. Quisq; Concivium altè, quid inde erupturum sit, consideret exemploq; meo miseris succurrere discat. In publicis os mihi conclusum, & oppresso corde spiritus angustiatum grande calumniarum jugum super humeros, dolorem explicare non sinit, cælumq; tueri. Unicum illud, sed tragicum cujusvis auribus intonatur. Depone veteres animos, fume quos casus dedit. In solo DEo spes unica, ille miserebitur, vestraq; consilia benedicet; nam mihi secundum tenuitatem meam judicanti, articulus fidei est, ab hisce Comitibus vel integram (quod absit) mutationem statum vel salvandæ Reipubl. initium dependere. Postnania mihi nuntiat partem exercitus Saxonici gressus suos illam ad urbem dirigere, quæ, cum meæ subsit jurisdictioni, ad meq; pertineat, & ego ad vos; Expecto hoc in passu prudentissimam consiliorum vestrorum decisionem, quibus nulli obnoxiam mutationi obsequiorum defero promptitudinem, quam, etiam ultimo vitæ meæ expirio, spirare volo &c.

XL.

ANDREAS C. ZALUSKI EPISC. PRINC. VARM: & SAMB.
JOANNI SZEMBEK REFERENDARIO REGNI.

Heilsbergâ 18 Octobr.

Versa est in luctum cythara nostra. Attulerunt mihi Prælati mei verbis magnifica non tamen usquequaq; talia, re autem inania, ut mihi significat datis Thorunio meus Canonicus Nycz; Ablegatæ quidem aliò sunt duæ legiones, at quatuor restantibus ferendis adhuc impar est Episcopatus. Unde necdum querelas mihi ponere licet, quia prævideo universalem pauperum meorum per Varmiam planctum. Recurro itaq; de novo ad solitum gratiarum fontem, pro prioribus gratijs gratias ago, novas supplex quàm ardentissimè postulo, reducat legionum numerus ad binarium. Num enim adeo lacrymis egenorum opus est quæ cælos penetrant, ut in illis naufragemur. Nonne melius contentum esse? ut duæ solum legiones cum beneplacito hîc subsistant, quàm ut pluribus miser populus simul & semel oppressus cogatur alienos quærere DEos, fortunam suam in vicini

*Diminutio
militum pe-
titur.*

A. C. 1702 *nia* hæretica cum periculo salutis quærendo. Quæ verò etiam mea tū conditio futura est, subtractis alimentis (omnis enim meus proventus ab his pauperibus pendet, nobis illi arant, occant & metunt) nonne similiter & mihi indagandus erit angulus aliquis? in quo delitescere tutè & supremum vitæ diem liceat expectare. Omnis spes mea gratiam fraternam, & Christianam commiserationem tuam respicit. Misi ex meis unum ad limites, ut conferat cum D. Generali Jordan, ex cujus persona contentus sum, magisq; adhuc essem; si tam numerosissimis copiis comitatus non veniret. Quia verò id felicitati imputo vel domesticorum tuorum alicui inservire, quoties se aliqua offert occasio; ideo hujus spei vivo, mihi vicem à te reddendam, meq; experturum reciprocum affectum: Unde commendo Canonicum Plocensem ejusdem mecum cognominis & sanguinis, impenseq; te oro, velis illum S. R. Mti præsentare. Aliquot annis ex jussu meo se exteri orbis lustratione occupavit, ut in virum evaderet, qui obsequijs Principis dignus esset; nunc rebus domi suæ utcunq; compositis assidue invigilare poterit, measq; supplere vices; quandoquidem mihi jam annis gravi, & laboribus fracto, quodq; summum est ad Residentiam in Episcopatu obligato non licet esse tam beatum. Referet is oretenus tibi infinitas meas obligationes, postulabit pro me ulteriorem gratiam, cui, ut liberam aurem accommodes, postulatisq; annuas ardentissimè peto, maneoque.

IDEM JOANNI PRZEBENDOWSKI PALATINO
MARIÆBURGENSI eâdem die.

*Ejusdem
Argumenti*

Persuasus & inductus novissimè datis literis tuis, jam me accingebam itineri, eâ mente ut 23 currentis comparerem Varsoviæ, & Seren: Regi, afflictæque Patriæ, in persona, si quis mei usus quoad modernos Tractatus (faxit DEUS) quam citissimos & felicissimos meum probarem obsequium. Verùm quia jam comparuerunt hic tres Magistri equitum ab equitatu, tres Capitanei à peditatu tanquam præcuriores suarum legionum; quibus ut Episcopatus sufficiat prorsus est impossibile, cogor hinc tantisper subsistere expectando misericordiam DEI, quæ sola potest tam duras res emollire. Posses utiq; etiam tu succurrere vel propter DEUM, cui nihil gratius exhibetur, quam dum miseris hominibus opitulamur, nec protectionem negamus; perinde enim est, alimenta neges, an neces? omnia adimas, an mortem inferas? hinc à fame aut temporaliter morituris, aut in anima perimendis; quia cum residuo dierum suorum, cum periculo salutis ad vicinam hæresim confugient. Posses & mihi hac in re salutarem porrigere dexteram; quandoquidem ego, si gloriari licet, non expedit autem modo, servio tibi proximè effectui non fucatum animum & necessarium certè obsequium probaturus. Erit hac super re nomine meo ejusdem cognominis & sanguinis Canonicus Plocensis recenter Parisiis redux, tibi importunus. Velis ergo hunc mihi testari affectum, velis & hunc juvenem sacerdotio non pridem inauguratum protegere, certus interim me vicè versâ futurum constantissimè &c.

IDEM

IDEM PETRO KCZEWSKI VEXILLIFERO MARIAEBURG. A.C. 1702
sub eadem data.

NON interpolata afflictio ex præfenti misero Reipub. ftatu, & de futuro anceps cogitatio literarum mihi tecum invidet commercium, quod aliàs mihi unico erat folatio. Amaritudo cordis omnem in me certandi literis & correspondendi fupprimit affectum; unde jam rarò meis epiftolis fum importunus; quia illarum non alia materia, nifi querela & lamentatio. Repulfæ id tuæ debeo, etiam queri vetanti, ratione additâ, quòd adjuvare non poffis, cum te ipfum nequiveris; nihilominus opportunè, importunè infelicitatem meam arguendo, obfecro Te, ut propter DEum, qui humanis calamitatibus, pauperumq; miferiis ad mifericordiam movetur, & propter fratrem tuum plenum obfequendi defiderijs vel verbulo Te interponas, ut quandoquidem immunitas Ecclefiaftica ad obtinendam plenam libertatem afpirare non potefl, juftam faltem emendicare poffit diminutionem. Quæ omnia pluribus exponet cognominis & fangvinis mei Canonici Plocenfis à deliciis Parifienfibus ad noftras miferias redux, quo uti & bono Ecclefie meæ gratiæ tuæ quàm impenfiffimè commendato fum &c.

Ejusd. Argumenti.

Paulus Zaluski.

COPIA LITERARUM THESAURARI REGNI
AD PRIMATEM.

Raphael Leſzczyński.

EXpeditis ad te curforiâ viâ literis, copia literarum Regis difjecta ad me allata efl; fequenti verò die ipfum Originale, quod cum Regiæ manus osculo perlegi. Luctabar mecum, reſcriberè me Regi an ſubmiſſo venerarer ſilentio, nec rationibus cum Principe certarem. Conſultius tandem duxi ad te recurrere, ne aut ex ſilentio convictus, aut ex ſcripto minus reverens fuiſſe arguerer Mtiſ. Scribo ergo tanquam Senator ad Primateſ, cujus eſt libram tenere Mtem inter & libertatem; eodem jure & mihi ad te in ſimilibus occaſionibus oſtendente viam, quòd te ad protectionem Civis oppreſſi obligat. Indignationem Domini video; exiſtimat enim me non tam literas, quàm manifeſtum ſcripſiſſe, illudq; juffu meo in vernaculam verſum latè per Poloniam ſparſiſſe. Quis enim verò modus jam ſupererat? publicante Swinaſcio Palatinum Mariaeburgenſem omnes ſibi fraudes & attentatas à me proditiones detexiſſe. Silendùm me amplius fuerat ſub graviffima calumnia ægrè reſpirâti. Dimiſit ad privatos literas, ſingulos edocens meridianâ luce clariora eſſe contra Theſaurariũ documenta; at Rex non vult mortem peccatoris, ſed ut convertatur & vivat. Ita eſt? dignus adhuc forem vitâ (nihil enim in annis meis deprehendo) niſi in indignatione mea pro libertate locutus eſſem. Arguit me Rex omnium ſequeſtrarum fontem eſſe; Si de Litvania agitur, gloriôr & non confundor; optavi cœquationem, cujus neceſſitatem perſpexit Reſpub. eamq; approbavit; hoſtis æqualitatis eſt, qui illam vituperat. Sub tẽpus cœquationis à cædibus & rapinis ceſſatum eſt. Interfui Seſſioni contra domum Sapiehanam & contra teipſum habitæ; liberum mihi erat accedere ad utrâ vellem partem: Acceſſi ad modernâ Mtem, nemini ſecundus fidelitate probavi obſequium, at non per ſangvinem, non per accuſationes falſas, imò Palatino Mariaeburgenſi velut ex tripode Apollinis contra Palatinum Vilnenſem illud proferente; oportet ut unus moria-

Apologia.

A. C. 1702 moriatur pro populo, exivimus ex confilio. Piæ verò memoriæ Castellanus Vilnensis acrius exarsit, Palatinoq; his formalibus respondit; Non igitur opus est nostris capitibus tanquam nulli usui futuris, ut ipsum Palatinum fateri necesse est ingenuè; nec enim sine testibus res gesta est. Frustra igitur & quidē falsè liberaliter peractæ cædes, rapinæ totiusq; Reipub. hætenus inaudita, nec, quod memini, historia similis consignata, imputatur mihi confusio. Illud verum est, me cum p. m. Castellano Vilnensi sincerâ operâ de Domino semper benè mereri conatos esse, sustentavimus Principem iis medijs, quorum nec ipsum, nec me fidelem etsi infelicem servum pœnituit unquam, aut puduit. Subeat memoriâ illud tempus, quo primitus partialis esse Sapienharum incepti (ut mihi objicit Rex in literis suis, facilius verò per accessum Sapienharum repræsentabitur, tum, si quæ fuit, aut dici hoc nomine potest, inimicitia mea, non aliâ fluxit origine nisi necessitate publicâ; per inimicitiam amicus Principis eram, quòd illâ collimarem ad sustentandam in throno Mtem. Quanta virium Principi de Conte facta fuisset accessio, nisi illas avulsas moderno Regnanti coæquatio addixisset. Primâ vice Grodnæ comparueram, cum Rex se operâ meâ velle uti declaravit, verum & ibi ex legibus Patriæ sententiam meam dixi, optando, ne copiæ Litvanicæ sine consensu Reip. exauthorarentur, opposui me pro posse nihil effecturus. Non dissimili eventu Castellanus Vilnensis tum Campidux actum egit. Non ergo cruenta nostra fuere consilia, nec alio forsan molesti fuimus Domino, quàm quòd fidelitati in obsequijs honesti rationem junximus, & id unicè contenderimus, ut in manibus Principem omnibus portare liceret. Si quid ergo perperam evenit, non coæquationis culpa est, sed abusûs. Mere-tur ne crism Evangelicus Paterfamilias, quòd granum ejus secus viâ cecidit, vel inter spinas? mihi ne respondere incumbat? quòd inimicus homo venit, & superseminavit zizania. Agnoscit idipsum Princeps ex sua clementia, me fecisse quod potui, ut Sapienharum redirent Varfaviâ. Exoscolor & calamum ejus, qui scripsit, & plantas Domini, qui id imperavit, ut scriberetur. Quæ igitur apparentia? ut vel optare voluerim ingressum Suecorum in Poloniam, cum eo ipso tempore Sapienhas in provisionem meam accepissem, quòd ipsum ideo feci, ut virtute unita & amore Mti adhærentes melioribus nixam fundamentis (ut pacem potius vellet, quàm Poloniam invadere) Regi Sueciæ suggererent reflexionem. Nec illud (avertat DEus) Regi detraho, ac si clementis instar Domini, & Patris, concordiam non studuisset: Propalavi id ubiq; privatim, & publicè, quomodo Princeps partem alteram ad subscribendum adegerit. Cur verò ea unio discissa sit, quo Authore ei renuntiatum? studiosè taceo. Sit pro Authore fatum infelix, aut Divina voluntas. Si jam Sapienharum ante concordiam sub protectionem Sueticam declinaverant, non accuso ipse videns me accusatum, at, ut sol hic lucet, ut DEus districtus Judex meus est, sic verum est, me zelosissimè dissuasisse ejusmodi desperata; tu ipse, quæ non scripsisti, quæ nō egisti? Ratione tituli Regij quantæ difficultates intervenerint? te ipsū in testem appello, nostro labori deberi, quòd datus sit. Benè nihilominus in literis suis Rex scribit id tantopere in meritis non reputandum, quia ex obligatione factum. Credendum insuper Mti referenti bonam meam fuisse intentionem, quæ eò respexerit, ut faciliior pax inter cognatos Principes coalesceret; verum me eò profectum esse sine Regis assensu & mandato, id quomodo credendum? appello testimo-

nium Referendarij Regni, appello ad literas ejusdem nomine Mris ad me scriptas, quibus impensè petit, ut tibi adjunctus labori non parcerem tuus hac in re cooperator, appello ad literas ipsius Regis, quas ad te dedit, quomodo in illis clementissimus Princeps hanc operam meam affectat, & æstimat, quomodo se excusat singularibus ad me non scripsisse, magnis utpote difficultatibus impeditum, demum in instructione & responso dato ad instructiones Nuntiorum nostrorum Palatinatum exprimere dignatur mediationem tuam & meam apud Regem Sueciæ in irritum cecidisse. Et si hæc omnia deessent, supersunt literæ ipsius Principis ad me cum gratiarum actione datæ, quarum copiam tibi transmitto. Quod ad literas Generalis Guldenstern pertinet, quibus me vult convincere per rationem, quia persona mea ijs terminis descripta est, ut pluribus opus non sit probandæ cum hoste correspondentiæ. DEum testor, grandem mihi infligi injuriam, non habui etiam minimam non tantum per literas, sed etiam per Commissarios communicationem. Indulgeat mihi Rex, ut ad Regem Sueciæ scribā, certus sum eum ut Monarcham, apud quem verba singula pondus habent, daturum testimonium veritati; Princeps est, traditionem amat, sed non traditores. Literas ad Palatinam Lenciciensem à me exaratas in manibus Regis esse gaudeo, nullatenus sollicitus, quia hæ ipsæ defensioni meæ favebunt, dum in illis tanta illata damna querulus expono. Sine crimine semper tecum Varfaviæ me laboribus impendi, meritò ob illos aliquem potui prætereundum respectum; Quòd verò Palatina Lenciciensis aliquomodo me de Rege Sueciæ meritum esse literis suis intulit, meum respondere ad id non est; sic existimo; Interprete hæ literæ indigent, sed non tali, qualis apud Regem in eas est commentatus. Excidit memoria Principi mihi ab eo imperatum fuisse, ne Suecos laceggerem etiam habitâ occasione, velis ipse meminisse, nam tum temporis aderas, cum valediceremus Principi, id singulariter nobis commendatum. Quantum deceptus fuisset, si expectasssem ultimam innotescentiam Regis, nec universalia pro convocanda nobilitate per Palatinatus dimissem. Facit quidem mentionem suarum reflexionum Clementissimus Dñus, at quomodo eæ subsisterent nobis tanto exercitui imparibus, peditatu destitutis: Unde periculum certum, ne secundum exemplum præteriti Suetici belli vel potentiâ adaçti in partes illius, aut victi in prædam concederent Palatinatus. Nescio ergo utrum moderna rerum facies aliam debuerit causare reflexionem. Addo tot literas Regem ad Palatinatus sat longo dedisse tempore, Suecis jam hac, illac vagantibus, nec tamen ullum in illis deprehendi imperium, ut in Suecos aliquid attentaremus, id solum innuunt, ut festinaremus (festinatio autem ea laceffito hoste impossibilis fuisset) nam nobis injurijs, Principi non commodi, per vulnera, quæ nobis ipsis intulissemus, nullam fecissemus medicinam Majestati. Quin viginti gregarij unius Nobilis non æquant vitam, solius Regis est Nobilitate uti, & vel sanguinis profusionem pro integritate sua imperare, sic legibus nostris cautum est; res enim pretiosa sanguis Nobilium est. Unde Palatinatus meos petii, ut me liberum vellent, & concederent ad latus Majestatis protectionem, quòd de illa benè mererer. Nam utrumque providebam, quod jam innocuo mihi evenit, quòd, sive attentarem in Suecos aliquid, sive superfederem, perinde futurum esset. Palatino Mariæburgensi dicenti me esse occasionem Suetici belli, me esse injurium, per debitam erga Principem venerationem credo:

A.C. 1702 do; sed non minus & illud verum est; Palatinum subscripsisse Senatûs consilio dictum bellum approbanti, prout ipse Serenissimus idem Senatus-Consilium pro sua invocat tutela. Domino Cielecki, quem non novi, relationem suam de infincero meo cum Principe agendi modo probare incumbit. Infra Majestatem esse existimo hanc Principem inire viam, ut me convincat. Locutus sum palàm in templo, non est, quòd erubescam. quidquid feci, dixi, consului, & quando, Regi ex præ-occupatione inimicorum meorum patebit. Facilius tum se reflectere licebit, alia fortunæ munera mihi expectanda fuisse, nec solvendas calumniis virtutes. Circumdederunt me inimici mei, & fortassis (si benè Rex consideret) non tantum mei inimici, sed multò amplius ipsius Mtis hostes. Pro clausula literarum suarum clementia Principis medium evadendi ex ijs, quæ patior, mihi porrigit, innuens, ut sincere conatus & labores meos ad pacificandam Patriam convertam. Reddam rationem Judici DEO; si aliquando hoc turbidum intendi, aut confusioni cooperatus sum. Nunc ergo adeo calumniæ me circumdederunt, ut sim extra motum, nec imposterus me commoturus, donec quia alia remedia desunt, innocentia mea manifestetur; Erumpit nihilominus ad vocem Domini contumeliis affectus, velutque calumniis consputus honesti amor, quo semper arsi, non possum in intellectu convinci, ut benè consuluisse dicam, qui novum diploma Majestati suasit edendum, aut novam confœderationem condendam, cui etsi contrarius non sum, tamen in utroque puncto summam læsionem, & diminutionem Mtis adverto. Sed quid ego consulo ipse calumniis oppressus, omnis consilij inops existens. Submissè tibi supplico, redam in gratiam, torquear, producantur crimina mea, recurro ad te Divinorum & Humanorum Præsidentem, judicet secundum DEUM & homines. Hoc expecto, hoc flagito, tuus qui semper &c.

INSTRUMENTUM CONFOEDERATIONIS EX LIMITATIONE
ANTERIORI 20 Octob.

NOS Plenipotentarii & Consilarii Reipub. congregati Varsaviam ad latus Regium pro die 27 Octobris pro Sessione ex anteriori limitatione in loco solito designata ex nunc seriam adhibere volumus operam nobis impositæ functioni; verum, quia in ipso ejus exordio pervenerunt ad nos literæ, adventum Varsaviam Plenipotentiariorum M. D. Litv. ad idem nobiscum munus designatorum, jam in proximo existentium, deferentes, actum in crastinum distulimus, quem, ubi horâ solitâ jam cum præsentibus Plenipotentariis M. D. Litv. reassumpserimus, quia adhuc ex Provinciæ Majoricæ Palatinatibus quidam Plenipotentarii sperabantur, collato consilio in tertiam usque diem sessionem prorogavimus. Tandem omnes congregati ex informatione Commissariorum ad Tractatum cum Rege Sueciæ à Repub: designatorum, acceptâ notitiâ, Regem Sueciæ adhuc in dubiis præliminaribus hære, & donec illi ad ea replicetur Commissarios ad alloquium admittere nolle, opponendo præcipuè dictam confœderationem, & electionem Commissariorum non ab universa fuisse Republ. Hinc nos conservantes tenerrimè constantem Reipublicæ resolutionē nolentis pati suspensionem violatorum pactorum Olivenium hætenus in innocenti statu conservatorum, petimus fraterno candore Commissarios, ut ex motivis sibi datæ instructionis Regis Sueciæ dubiis curent

rent satisfacere, eumque informare, hunc Tractatum totius Reipubl. assensu assumptum esse; nos interim intuitu obtinendæ ultimariæ resolutionis à Rege Sueciæ per Commissarios nostros tentandæ, etiam Cæsare sua ad id officia offerente; indulgendo quoque adversæ valetudini Primatis Cardinalis, ob quam in præsentî congressu comparere nequit, eundem ad 27 Novembris limitamus, locumq; illi ad Regium latus designamus, pro præfixo termino comparituri.

LITERÆ A CONFESSARIO PRINCIPIS JACOBI AD DOMINUM PATKUL.

G Ratissimas datas 21 Octobris ex manibus Domini Baronis Smettau recepi, doleo, quod ipse excurrere non possim, & amplecti Excellentiam Vram, prout æquè in partem felicitatis meæ duco, etiam Excellentia Vra huc excurrere non potest. Ergo fidei Excellentiae Vrae exponere me cogor, atque rem calamo fidere arctissimum meo Principi, & mihi secretum paciscendi. Summa ergo rei, quam propositurus eram, hæc est, quod Rex Sueciæ sciens Excellentiam Vram peregrinis Regis Poloniæ actionibus amplius non fidere, Principi meo obtulerit, si is Excell. Vram ad hoc inducere posset, ut particularem cum Czaro Moschoviæ pacem. promovere vellet, aut si id succedere non posset, eò rem disponere vellet, ut nihil hostile in Livonia singulariter, vicinisque Provincijs is contra se tentaret, prædictum hunc Regem Sueciæ abolitionem omnium intentarum erga Excellentiam Vram actionum non tantum, sed priorem gratiam Excell. Vrae facturum, quanquam nunc sciat Excell. Vram quidem innocentiam in editis Apologis luculenter demonstrasse, ex quo tamen etiam cum hac sua innocentia, Excellentia nullibi de vita sua secura esse potest, crederem Excell. Vrae eandem rem gratam futuram. Spondet Serenissimus meus, si Excell. Vra declarationem suam ad hoc miserit, se effecturum; nihil enim Rex Sueciæ ita intendit, ac suas intentiones contra Regem Poloniæ exequi. Si Excellentia Vra hoc effecto tunc amplius subsistere in Moschovia nollet, velle se procurare ipsi servitia Cæsarea, aut Arendas Matris Reginae. Proinde expecto proximâ postâ ad hoc aliquid resolutionis. Nihil de hoc scire debet Dominus Zincendorf, vel alter quispiam, Domino Smettau rem communicavi. De sequenti autem propositione nihil etiam sciat idem Dñus Smettau quæ est hæc: cum successivum non sit Matrimonium inter Czari Filium & Archiducissam Austriæ, offert Serenissimus meus suam primogenitam Principissam Romæ apud Reginam Matrem existentem jam decennè, eximiâ formâ, educatione, & lingvarum 4. peritiâ in finem ita, ut, si Excellentia Vestra eam negotiationem ad finem deducere posset, insignem ei gratitudinem oblatura sit. Si Excell. Vra eam negotiationem in se suscipere vellet, vellet Serenissimus meus Excellentiae Vrae ejus effigiem mittere. Opto ad hæc aliquid responsi, persuasa sit Excellentia Vra omni sinceritate agere Serenissimum meum, cogor caligantibus oculis scriptioni ad candelam finem facere. Quod reliquum est, avidissimè responsum expecto; & maneo cum omni respectu Excell. Vrae obedientissimus Kietten. Olaviæ 26 Octobris.

A.C. 1702 COPIA LITERARUM UNIVERSALIUM REGIS AD PALATINATUM, TERRAS, & DISTRICTUS REGNI.

P*ost* tit. Minimè fucata fuit intentio nostra, unicumque votum, ut facturi recursum ad Electoris populi praesidium, in primo generalis sub Korcynum congressus puncto personaliter compareremus, atq; in intemerata candidi nobilitatis Poloniae pectoris virtute, & omnibus memoranda saeculis, motus communis resolutione, quae dictu majorem Reipubl. fecit decorum & immunitatum accessionem, securum fundaremus propugnaculum. Quod enim munimen tutius, quam in invicto bellicosissimae, maximaeq; gentis robore esse potest, aut cogitari? Quod grandius cordis Paterni solatium? quam vividos amantium cernere vultus filiorum; & cum civibus non minus, quam cum chara sobole jucundari? Non enim sunt chariores parentibus filij, quam bono Principi cives. Sed cum nobis tumida Martis Suetici praesumptio, longè lateq; apertae hostilitatis distendens documenta, positis ubiq; obstaculis viam interceperit, cujus unicus erat terminus, tutamen communi motu congregatae nobilitatis, ipsoq; die, qui congregavit Reipub. cives, aciem nobis opposuerit; confligendum nobis erat, & cruento cum hostilibus castris certandum praelio, adjunctis auxiliaribus nostris copiis, Polono exercitui, verum quae miscet adversa secundis invida rebus nostris, & Reipub. felicitati fortuna, insperata consternatione, cujus mater mutua erat diffidentia, ita utrumq; confudit exercitum, ut adverso Marti campum ad victoriam quam tunc obtinuit, patefecerit. In Domini exercituum manus & in bellicorum eventuum moderatoris vulnera, hanc nostram & Reipublicae plagam conjicimus: Cum bona suscipimus de manu DEI, quid ni mala? Non tamen quispiam cladem hanc grandem fuisse suspicetur. Non enim ultra sesqui mille interfectorum mansit in acie, pari utrinq; certatum caede. Quis jam in condicto (ut virulentae sinistrè sentientium spargebant linguae) tam ferox bellum arbitrabitur, in quo, in facie Poloni Orbis, conspectuque totius exercitus prodigè fuso sanguine, tot sublatorum in cruento Bellonae campo Generalium, Colonellorum, & Officialium nostrorum morte, opposita confirmatur veritas. Cui vel inde plena fide credere haecenus incredulorum deberent corda, subintrareque animos Divini honoris, fideiq; Catholicae conservandae ratio; cui abominabilis imminet desolatio; & ipsum jus naturae ad communem defensionem; saeculis retroactis nota Majorum gloria, modicae etiam Principum injurias acriter ulciscendum; ipsa deniq; conscientiae obligatio ad servandam Patriae integritatem, legumq; ac libertatis acrius incitare. Meminissent modo anteaeternae Sueticae crudelitatis, & superbiae, nec aliquid sibi reliquum superesse, quam tenere libertatem, aut mori ante servitium. Nisi enim resoluti ausu imminenti cum hostibus malo obviam iverit Respubl. procul dubio

dubio sævienti furori submitter colla, & sub jugo Suetici gemit A.C. 1702
dominarus. Nec gemitus sui liberabunt, tantumq; sibi quotidie
metuendum erit, quantum pati victus, audere victor poterit. Lu-
minis expers ratio, quæ non cernit, indignumque Christiano cor
pectore, quod fatalibus inde secuturis non tangitur consequentiis,
post convulsas, penitusq; everfas liberæ electionis leges, interitum
libertatis inferentibus. Nisi placuerit Imperium penitus de stirpe
revelli, & uno deleri sæcula lapsu. Nunquam nutare potuit sce-
ptum hoc in Serenissimorum Antecessorum nostrorum manu, nec
illud pro placito externa exagitare potestas, quod semper etiam, con-
tra centuriatos hostium intultus invicta civium sustentavit fortitus
do. Eadem etiamnum virtus, nec degener à Majoribus bellandi
ardor, roburq; nos in spem non vanam erigit, & fiducialiter ad fi-
da pectora vestrarum fidelitatum manuducit, quas per amorem
hujus Patriæ, & quidquid in ea sacrum per obligatam fidem, per
cara pignora legum & libertatis serio obtestamur, quatenus in ma-
gnitudine periculorum circumspectè cauti, utile à dulci, falsumq;
discernatis à vero, nec fidem dulce canenti hosti præbeatis, arma
potius in defensionem capeffuri. Movit ille armavitq; non univer-
sam modò Sueciam, verum omnes subjectas sibi Regiones, ut uno
Poloniam doleret ictu. Cur nos potius omnibus in defensionem in-
clytæ Patriæ viribus conspirabimus. Quodsi cuiuspiam auxiliares co-
piæ nostræ inanem scrupulum ingenerant, & has ad justum redu-
cere numerum non gravabimur. In cunctis cum sensu statuum
Reipub. convenire parati, juratâ universos & singulos assecurantes
fide, nunquam in cogitationem multò minus in intentionem nos
quidpiam admisisse, nec admissuros, quod contra jura & libertates
Patrias esse posset, quas integrè & sanctè conservare augereq; o-
mni conatu adnitemur. Nos interim probato zelo, & illibato can-
dori vestro commendamus, expectantes celerem, nostrum ad latus
adventum, quarum pervigili curæ, tam nostram, quàm Reipubl.
commendamus felicitatem. Quia verò in hoc rerum passu, & cir-
cumstantijs, tempusq; vacat, prohibetq; moras, benedicent propi-
tij cæli insonti Reip. ut ex spinis uvas, è tribulis colligat ficus. Nos
verò insomnes noctes, & dies in laboribus inter exanthlandos mu-
rabilis vices æris, incommoda omnia, in æquali vobiscum pro sa-
lute publicâ ferre & pati non recusabimus. Quarum heroico affe-
ctui & tutamini nos totaliter committendo, omnia cælitus bona pre-
camur.

XLI.

ANDREAS C. ZALUSKI EPISC. PRINC. VARM: & SAMB.
CARDINALI CAROLO BARBARINI die 15 Octob.

AGO humillimas quas debeo gratias Eminentiae Vestrae pro pa-
trocinio in causa Capitulari Ecclesiae meae Cathedralis Varmi- *Causa Can-*
ensis contra prætensum à Domino Canonico Bassani inductum *Bassani.*

A. C. 1702 in Sacra Congregatione Eminentissimorum Patrum proximè exhibito. Hoc ipsum semper mihi promittebam de singulari zelo & justitia Eminentiae Vrae, & ipsius sacrae Congregationis, quòd exquisitis illius Domini Canonici vanis prætexitibus tandem modum ponere, eundemq; ad sustinendam hanc onerosam penes hanc Ecclesiam residentiam restringere dignarentur. Hoc finito alia jam vigore Plenipotentiae nostrae, & meo, & Capituli mei, & ipsius Ecclesiae meae Cathedralis specialiter datae majoris momenti negotia tractanda incumbunt Domino Canonico Fantoni Statùs hujus Diocesis, & Ecclesiae Cathedralis à plurimis jam annis optimè gnaro; cujus ego, uti & Capitulum meum insigni & rebus agendis activitati cum probitate morum, & modestia conjunctae plurimum confidimus. Unde humillimè rogo, dignetur Eminentia Vra Eminentissimorum sacrae Congregationis Patrum in favorem istius nostri Plenipotentis eo flectere studia, ne, dum Canonicus Bassani demeritis ipsius ita exigentibus ex mandato Sacrae Congregationis Romae excedere jure merito cogitur, huic alteri Plenipotentis & meo, & Capitulari pro facilitandis alijs extrajudicialibus negotijs ulterior mora, quoad desiderato exitu non finiatur, in Romana Curia non interdicator. Quidquid exinde circa ipsius negotiationem ex amplissima Eminentiae Vrae protectione & gratia emolumenti & decoris accedet Ecclesiae Cathedrali & Capitulo meo, inter summa beneficia reputabo, DEum precaturus incessanter, ut Eminentia Vestra in bonum & commodum universae Ecclesiae diu sospitem conservet, cujus sacram purpuram venerabundus deosculor.

XLII.

ANDREAS C. ZALUSKI EPISC. PRINC. VARM. & SAMB.
BEKENDORFIO COMMISSARIO REGIO Smolanijs 17 Octobris

*Diminutio
militum pe-
ritur*

Reduces Varsoviâ Canonici mei Varmien. plenam dederant mihi informationem de æquanimitate & justitia tua spem non dubiam facientes notabilis diminutionis destinati in stativas in hunc Episcopatum meum militis, in qua confusus statim alium ex Canonicis scilicet Laurentium Nycz Thorunium ad urgendam & efflagitandam præmissam, Varsoviae speratam à me diminutionem. Quæ quidem facta; duo enim Regimenta aliò destinata, sed quia reliqua quatuor tanto oneri Episcopatui huic sint futura, recurro eò confidentius, quò majori jam obstringor obligatione ad tuum Christianum cor, ut compatiatur populo huic misero, & per indiscretum Antecessorem suum, ad incitas, anno proximè elapso, redactò. Facies rem suae Majestati successu temporis pergratam, rem rectitudine tuâ & æquanimitate dignam, rem his, qui hic locati erunt, commodam, ac demum ita me tibi in perpetuum devincies, ut obligato obligator fiam. Quod fusiùs nomine meo dictus Canonicus meus præsentium lator deferet, cui ut aurem benignam & fidem perfectam non velis denegare, precor, maneoq; &c.

ALEXAN.

R Equiris nova ex Polonia, fortè dolebis requisivisse: cùm nisi mala legere licebit, scribitur Cracoviâ, quòd imperatum fuerit sartoribus à Suecis; ut pectoribus tegendis consuetas per Septentrionem vestes ex tela, pecudumq; comis mille conficerent militi servituras. Legio peditum in Pomerania lectorum urbem ingressa est, distributaq; per cœnobias, solo Collegio Societatis JESU ad S. Petrum exempto, quòd illud mille tymis se ab hac importunitate redemisset. Numerosa ea legio est, constat enim mille ducentis. Satis discretè in suis illis hospitijis se gesserunt hi novi hospites, nec ullum damnum intulerunt. Imperatum etiam, ut sequente die summo manè alio profectura parata esset militia, quod & factum. Nam die decimâ præsentis quinq; millia equitum hinc moverunt, ferunturq; ivisse versùs Sandomiriam, à prandijis exivit peditatus, deductis etiam secum infirmis, quos lintribus imposuerunt. Undecimâ reliquus peditatus ante meridiem, & Officiales profecti sunt. Ejus diei vespere emanavit mandatum à Rege Sueciæ, ut omnes nullo excepto Cracoviâ excederent: unde duodecimâ præsentis circa tertiam post mediam noctem signum profectiioni datum est, cui ex nunc cœnobias & lapideas deferendo paruerunt Sueci, solo præsidio relicto, dum ad complementum sexaginta millium imperialium, supremum mille civitas exsolveret urgente potissimum hoc restans pensum Generali Steinbock, nec exiturum se ex urbe seriò promittente; nisi ad novissimum quadrantem omnibus persolutis. Coacta igitur civitas est reliquas procurare pecunias; ut his liberaretur hospitibus, quibus solutis quietationem dedit Generalis, & sic pro centum millibus imperialium computatis contributionibus, com meatibus, censu capitali, nihil aliud recepit, præter pretiosam chartam, quâ civibus in manus datâ, ipse Generalis horâ undecimâ in forum, ante curiam in habitu Ungarico, frameâ Polonicâ succinctus, jam legione illum armis, & ordine velut ad prælium instructâ expectante comparuit, & custodijis portarum abductis, clavibus redditis ex civitate, discessit; sicq; liberati sunt à servitute leonis. Post exitum præsidij inquisitio facta per plateas, signumq; tympano datum; ut reliqui comparerent (deerant enim adhuc septuaginta) mandatumq; Consuli; ut si quis Suecicæ gentis aliquando prodiret, ex nunc ad exercitum remitteretur. Et quia Casimiriani adhuc debebant quatuor millia contributionis; in arrestum accepti sunt usque ad vespèram, custodiæ ad portas relicte, dum ad obolum solverent. Eodem vespere cymbæ majores numero quindecim, infirmis præsertim & tormentis onustæ à litore solverunt, item ligna, trabesq; compactæ ferendis oneribus pares, req; ipsâ, com meatu, & rebus alijs graves septuaginta in habitu suo salve, an vale dederunt. Eâdem die Brun Ablegatus ab Illustrissimis Commissarijs Ghorzelevio adfuit cum literis ad Regem Sueciæ, ad Piperum, Dominosq; Sapiehas, uti etiam ad Ablegatum Cæsareum, quos omnes, quia jam abiisse comperit, heri manè illos est insecutus. Fertur advenisse ratione loci designandi pro tractatu, quandoquidem Rex Sueciæ ad illum inclinare dicitur. Relicti illi pro assistentia & securitate quinquaginta Sueci Equites, quorum autem exercitus hic externus contendet, difficile divinare est, opinantur nihilominus tribus tractibus, Sandomiriam, Lublinum, Varsaviam tendere. Domini Sapie-

Sueci Cracoviam

A. C. 1702 hæ in numeroſo comitatu ſecuti ſunt Regem Sueciæ, cujus etiam quotidie interſuere conſilio.

Acta in Vo-
lynia. Addo ea, quæ habui ex Voſynia, unde notitia allata eſt Ruſzczycium cum exploratoria cohorte excurriſſe, pluresq; quàm decem Coſacos ab eo circumventos, alijs interim hac, illacq; vagantibus, ſpoliantibus, pluresq; indies Ruſticos ſibi aggregantibus: unde Rebellionẽ ſumere incrementa conſtat. Prædictus Ruſzczyc expectabat Capitaneum Chmielniceſem, duo vexilla ſub directione ſua habentem. In luſtratione Palatinatûs Voſyniæ per communem motum congregati comperta ſunt quinq; millia, præter Ducis Radivilij Cancellarij Litvaniæ, & Capitanei Sendomiriensis homines. Arripuerunt ij iter verſus Sendomiriam, ubi illos Palatinatus Kijoviensis mille ducentis potens expectabat. Quid hi ulterius facturi ſint? tempus edocebit. Valachi Niemierovij miſerunt petitum auxilia contra rebelles, qui etiam ibi jam eſſe inceperunt, cæſi ab illis non pauci Ruſtici, qui aut favere, aut ipſi conſurgere videbantur, velle feruntur. De Coſaco Palejo, dicitur, ipſum etiam Białocerkwiam ad Samuſſium profecturum.

Varſaviâ autẽ hæc habeo. Senatus-conſiliũ de die in diẽ limitatur, in ſpem adventûs Principis Cardinalis, qui an adventurus ſit incertũ eſt: unde ſi Rex Sueciæ advenerit; ſenatûs-conſilio locus non erit. Comparuit hic famulus Venatoris Premisliensis, qui refert à ſe Caſimiriâ tranſeunte, viſum Palatinum Vilnenſem cum exercitu, Suecorum autem ſedecim millia caſtra metata Pulavijs, Regem Sueciæ cum alijs copijs ſuis adhuc in itinere eſſe, quod Viſtulæ alveus aquâ deſtitutus ſufficiente, accelerare eum cum tormentis, & comœatu non permittat. Heſternâ die, hoc eſt 27. præſentis Dux Wiſniowiecki 50 Valachos expedit, injungens illis, ut uſque in hanc partem Pulaviorum excurrerent, notitiâq; ſufficiente de Suecis habitâ quantocyus redirent. Ex Litvania deputati ad Regem numero 60 præter aſſiſtentiam Varſaviam ingreſſi ſunt. Heri itidem Valachus illorum unus, qui PP. Reformatis vim intulerant in foro Varſaviæ capite plexus eſt aſſiſtentibus illi pro diſpoſitione Patribus Societatis JESU, inſtantia omnes pro illo apud Regem in caſſum fuerunt.

Saxonicus exercitus in Majorem Poloniam expeditus, dicitur pro hybernis in Sileſia futurus, ſunt illius octo millia declarata jam in ſubſidium Cæſari pro proſecutione belli in ſequenti anno. Hinc alij concludunt ſpem pacis eſſe, accedentibus præſertim & ſuadentibus id ex conſilio in Suecia Stokolmij habito literis ad Comitem Piperum datis, quibus jubetur, ut ſuadeat Regi quàm citiſſimum reditum in Sueciam ob infeſtationem Moſchorum. Datæ etiam ex conſilio eodem literæ ad ipſum Regem in eundem ſenſum, quin & Mater eidem re-præſentat; ſatis jam vindictæ ſumptum eſſe, vellet reverenter fortunâ uti ſibi à DEO conceſſa, innuit. De Saxoniciſ copiis in Pruſſia ſubſiſtentibus, ne litera quidem eſt; quæ indicet eas ex Pruſſia abituras. Milites Palatini Vilnenſis graviter exorbitant, itinerantibus non parant, ſpoliant, diripiuntq;. Lublini 15 millia timforum præter comœatum acceperunt; timentur illorum excuſſiones ad nos ponte ad Caſimiriam illis viam aperturo. De Generali Brandt dicitur eum ad Lublinum morari, occupatâ propè ſylvas ſtatione, habereq; ſelectum de quovis vexillo militem, putatur tamen minimẽ potentiam Sueticam velle experiri.

Tandem poſt multas expoſtulationes promittit Princeps Cardinalis

nalis adventum suum pro hodierna die; innuit nihilominus per litteras, quòd etsi consilium limitatum sit ad sex hebdomadas, nihil tamen stabiliri possit sine Majore Polonia. A.C. 1702

COPIA UNIVERSALIUM LITERARUM A REGE EXTRADITARUM pro congressu Nobilitatis dicto Polpolite.

P*ost tit.* Ab ipsa in Thronum Polonicum per liberas voces elevatione, hoc unicum omnium cogitationum, & continuæ sollicitudinis habuimus objectum, ut stante regimine nostro antiquâ gloriosæ Gentis Polonæ fortitudine, & liberali sanguinis effusione partâ gloriâ in conservatione Religionis S. Catholicæ, in extensione Patriorum limitum, in manutentione iurium, libertatum, & immunitatum, cum inviolabili fidelitate, & sincero in Reges suos zelo hætenus per tot discrimina variarum tempestatum culta & custodita non tantum in intacto maneat vigore, sed semper magis cum invidia externarum nationum accipere queat augmenta. Quod etiamsi ex ingenito, & à nævo jactantiæ alieno tacere vellemus genio, ipsa nihilominus præstitorum nobis ab hac Reipub. obsequiorum, & gratiarum nostrarum veniunt in memoriam satis clara documenta, & in oculis gratorum filiorum comparere debent erogati in publicum milliones, illati ex hæreditate propria in hoc Regnum tot numerosi splendores, expensi tot thesauri in decus Mtis Regiæ & totius Reip. exposita in pericula salus propria propter integritatem boni publici, reddita sitibundæ Patriæ cum Porta Orthomanica pax, receptum Camenecum, assecurata illius Partis à Tartaris securitas, & insuper in recuperandis avulsis laudabile & salutiferum desiderium, & teste illo, per quem Reges regnant, & justa decernunt ex vinculo juramenti nostri purâ innocentis cordis intentione susceptum studium. Ad expletionem hujus non privatus bellicæ gloriæ stimulus, aut particulare commodum, & secreta intentio, uti malitia interpretatur humana, sed amor boni publici, zelus justitiæ vindicativæ, jurata in Pactis conventis obligatio, desideratæ à sæculis per Antecessores nostros, à posteris fortè nunquam sperandæ conjuncturæ favorabiles ad prosecutionē spon-siones, certa subsidia, & alia valida motiva ex magnis circumstantijs, & profundiori consideratione promanantes nos planè còegerunt. Uti dextera Domini fecit virtutem concessis tam felicibus victoriarum initiis, quæ tum sequior interpretatio sub velo publici commodi abscondita malitia impedire, & quò secretiori, eò efficaciori impedimento sinceras intentiones nostras evertere cœpit. Nos conformando nosmet ipsos ad vota, ad elucidationem sincerarum nostrarum intentionum coram omnibus Reipublicæ Statibus Comititia in anni præteriti mense Maio congregavimus, in quibus eadem malevolentia per subtilia media in tam graves turbas & dis-fiden-

A.C. 1702

fidentias Statûs Reipublicæ induxit, quod inaudito exemplo, cum damno & præjudicio prærogativarum conclavis Nuntiorû Comitiam in Comitijis quærebantur, & cum illa impossibilia erant inventu, ad instantiam eorundem Reipub. Statuum alia Generalia Comitiam expeditis in instanti literis universalibus indiximus, & volentes statim omnes avertere contrarias interpretationes, & sinistras impressiones, exercitum nostrum ex limitibus Regni & M. D. Lit. omillis omnibus bello partis eduximus. Posita more Antecessorum nostrorum securitate integritatis nostræ in sinu & fide civium petitoribus. Ac proinde jure merito in his secundis Comitijis feliciorum consiliorum effectum, securitatem Majestatis nostræ, & totius Reipub. defensionem saltem provisionalem contra imminencia pericula sperabamus, & idipsum ardentissimâ curabamus applicatione facilitatis omnibus obstaculis, & particularibus dissidiis, magnis conatibus perfectè acquireratis. Etece irreconciliabilis in commune nefas oblivio, postquam intellexerit finem suum, cum Status Reip. antiquâ Polonâ virtute commoti ad solida & solita pro tuenda Majestate & libertate inclinabant media, maluit viperino ictu per rupturam tam necessariorum Comitiorum Rempublicam iugulare, quàm contra exercitum Sueticum in visceribus Regni grassantem talem qualem monstrare resistantiam, & naturalem Reipublicæ providere defensionem. In tam ergo gravi casu, & imminetibus in Rempubl. periculis, dum potentia externa contra sacratam personam nostram extrema pertentat molimina, calcat impunè fundum Reipubl. M. Ducatum Litv. Samogitiam & Curlandiam hostiliter premit, & cardinalissimas leges liberæ Electionis nostræ convellere intendit. Cum defendere nos solitis medijs non possumus, ad arcanam vim Reipub. totius Nobilitatis publicam commotionem ex sensu Post-Comitialis consilij, & voto publico recurrimus, cum ea coram Deo & universo orbe manifestatione, quod nihil aliud in pijsimis intentionibus habeamus, nisi sinceram boni publici, jurium, immunitatum, libertatum Patriarum, & integritatis nostræ conservandæ, & totalem Reipublicæ tranquillitatem. Quod pro primo & ultimo actionum nostrarum objecto & meta proponimus, has restium literas unâ cum illis expeditimus, & publicam nobilitatis motionem vocamus, ardentissimè desiderando, & amore communis Patriæ obligando, ut quicumque filium se hujus Reipubl. dicit, & quicumque per legem publicam ad hanc expeditionem obligatur, compareat, dum ultimis literis vocabitur, quia non prius quietem domesticam interrumpere, & ad castrenses labores invitare volumus, nisi ad id extrema constringamur necessitate. Ut verò id secundum ordinem constitutionis millesimi sexcentissimi vigesimi primi fiat, volumus &c.

PUNCTA AD CONFERENDUM CUM ILLUST. EXCELL.

D. Comite de Stradtman Legato extraordinario Sacrae Cæsareæ Majestatis.

1mo. **D**Eclarata amica officia S. Cæsareæ Mtis, & in ultimis literis expressa sicuti S. R. Mtas Dñus N. Clem. & Respub. ex omnibus Provincijs nunc integrè coadunata gratè accipit, ita in re ipsa explorata habere desiderat.

2do Si quæstio mota fuerit de acceptanda mediatione S. Cæs. Mtis respondendum erit, quòd cum pactis Olivenfibus sit constituta S. Cæsarea Mtas stipulator, Gvarranta & Eviçtor, ideo eo ipso naturaliter est mediator.

3tio Quandoquidem Comes de Zincendorf jam ex Commissio S. Cæs. Mtis negotium Pacis in Aula Suetica pertentavit, nobisq; necessariò persuasit cessionem armorum, cum interim Nos gravissima incommoda, & depopulationem Regionum patiamur; scire cupit S. Regia Mtas, & Respub. in quibus gradibus hoc negotium pacis hæsit, & quid nobis reliquum spei sit, quæve de causa optimum destinatum S. Cæsareæ Mtis non sit ad effectum deductum.

4to Quodsi nulla affulgeat spes Pacis, nec conditionibus justis & honestis sine ulla Provinciarum, & cujuscunq; particulæ avulsione transigi possit, quomodo S. Cæs. Mtas vigore stipulationis Pactorum Olivenfium, & interpositæ Guarrantiæ succurrere dignabitur, apertam mentem S. Regia Mtas & Respub. habere vellet, ut inde res suas metiri possit.

5to Siquidem in contrarium paci Vestphalicæ numerosus Sueticus Exercitus e Pomerania Poloniam inundavit, casu quo S. Regia Mtas & Respub. non subsecuta pace justa repressalia fecerit, præcaverit id sibi nequaquam nociturum.

6to Subministrandi com meatûs bellici tum novo delectui militum Sueticorum in Poloniam transmittendorum, ut amplius liber transitus per ditiones S. Cæs. Mtis non transmittatur, instat S. Regia Mtas & Respub.

7mo Quemadmodum S. Cæsarea Mtas sua officia obtulit, ita eandem rogatam vult S. Regia Mtas & Respub. ut omnium Colligatorum suorum terrâ mariq; optima studia in rem Poloniæ disponere dignetur, ne abhinc plures Sueticæ copiæ, & bellicus apparatus eorum conniventia & permissione transmittantur, imò ut ad virilem defensionē conjunctis viribus concurrere velint.

RESPONSUM ILLUST. & EXCELL. COMITIS DE STRAT-
man Legati extraordinarij S. Cæsareæ Mtis ad puncta in con-
ferentia proposita.

Ad primum Officia S. Cæsareæ Mtis offerri directè ad restabiliendam in Polonia pacem, cum omni sincera opera, nec desperando successu. In quem finem S. Cæsarea Mtas jam Seren: Reginam Angliæ & fœderatos Status fœderati Belgij disposuit. Jamq; ab ipsis ad Aulam Sueticam expeditæ sunt legationes ad firmiter promovendam pacem.

Ad 2dum Quæsit utrum Respubl. mediationem S. Cæsareæ Mtis acceptet, ad quod tale responsum tulit, quod Pacta Olivenfia Guarran-
tam

A.C. 1702 tam & evictorem, perindeq; naturaliter mediantem S. Cæs. Mtem esse voluit. Reposuit nescivisse in hucusq; utrum Resp. mediationem S. Cæsareæ Mtis pro rato & grato haberet, dum propriam mediationem Seren: Regi Suecorum obtulit. Quodsi aula Suetica eandem Reip. mediationem acceptaverit, declarat S. Cæsaream Mtem conjunctim cum mediatrice Rep. cooperaturam ad media pacis. Porro si Rex Sueciæ mediationem Reip. recusaverit, ex tunc seorsivè cum Colligatis suis ad restituendam pacem sese seriò S. Cæsareæ Mtas applicare dignabitur.

Ad 3tium Quamprimum S. Cæs. Mtas notitiam acceperit acceptatam suam mediationem, nova statim mandata datura est Comiti de Zincendorff, qui à Seren: Rege Suecorum magnam spem conciliandæ pacis se habere retulit, quanquam ad conditiones pacis nondum se Ministri Suetici explicaverint, multiq; fuerint, qui negotium pacis impedirent, & ulteriorem profusionem sanguinis Christiani sitirent.

Ad 4tum Sperare se intra 4tuor vel quinq; septimanarum spatium obtenturum positivam declarationem ratione perficiendæ pacis, & nunc viriliter, & majori efficacia posse agere S. Cæsaream Mtem post acceptatam mediationem suam. Porro quoad ferenda subsidia Poloniæ in casum non subsecutæ pacis, accipit ad referendum S. Cæs. Mti.

Ad 6tum Similiter recipit ad referendum S. Cæsareæ Mti, & semel & infimul se daturum declarationem promittit.

Ad 6tum Itidem ad referendum S. Cæsareæ Mti accipit.

Ad 7mum Pariter ad referendum, securam reddendo S. Reg. Mtem, & Remp. omnimodæ curæ, & applicationis, offerendo se, si S. Regia Mtas, & Resp. commissionem ei dederit, ratione armistitij, & sistendi ulterioris Suecorum progressus & exactionis contributionum illico se allaboraturum. Quodsi S. Regia Mtas & Respub. restitutionem captivorum Sueticorum consentire voluerit, probe hoc multum obligare, Seren: Regem Sueciæ facilitare, & futuram pacem conciliare bonamq; correspondentiam solidare.

XLIII.

ANDREAS C. ZALUSKI EPISC. PRINC. VARM ET SAMB.
AD CAPITULUM VARMIENSE 31 Octobris.

*Calamitas
Varmie.*

Cogitanti mihi quæ in præsentî inter multiplicatas ærumnas miserabili rerum nostrarum Statu convenientibus in unum coincidenti Capitulo proponere debeam, veniunt in mentem verba magni illius Consulis ad Senatum Romanum, quid scribam vobis Patres conscripti, aut quomodo scribam, aut quid omnino non scribam hoc tempore, Dii me Deæque pejus perdant, quàm perire me quotidie sentio, si scio. Miserum Perillustres Confratres charissimi lædi ab illo, de quo queri non est tutum. Ita jam infelicitate nostrâ ad scopulos servilis patientiæ redacti sumus, ut Ecclesiasticam immunitatem, quæ erat libera, factam ancillam, missam sub jugum & tributum A catholicæ manus, nec deplorare quidem nisi clam sit securum. Eugit proinde mens & consilium. Magnâ curâ ingentiq; studio hætenus providebatur. Quærendo bona populo nostro multo labore in omnes partes sudatum est; mandavimus, remandavimus, expectavimus, reexpectavimus, speravimus meliora; præstolati sumus gratiam, & non est, majorem diminutionem, & elongata est à nobis. Imò calamitas, quæ opprimit, major est, quàm ut supportari queat, & timendum, ne multiplicentur, qui tri-
bulant

bulant nos. Quid ergo agendum? brevibus me expedio; admiratio enim super iniquam nostram sortem in amaritudinem versa, vix & hæc tacto dolore cordis intrinsecus exarare permittit. Si liceret mihi etiam cum periculo vitæ propriæ justis impulso causis ea cum lege aggredi, quæ in defensionem ovilis mei necessaria crederem, non diu certè deliberarem. Tædet enim vitæ animam meam, & libentius mori, quàm hæc (quæ quia inexpectata, nec debita plus aggravant) vellem ferre. Sed cum consequentiarum intercedat metus, & ex metu consilium, cum fieri nequeat, quòd vellem, id, quod potest fieri, velle cogor. Remis utendum, cum deficit aura, ac imprimis ad DEum, ut sit adjutor in tribulationibus, quæ invenerunt nos nimis, recurrendum. Postea hoc, quod credentes per me posse fieri, Perillustres Dominationes Vrx cogitaverint, nec sanitati satis nunc debili parcendo libens faciam. Ad Serenissimum Regem me Thorunium conferam, modò hi ex Perillustribus, qui jam negotium hoc tractârunt, mihi assistant, præviâ ipsidem ultra gratias debitâ pro labore & solitudine; quorum ego testis, gratitudine, ut per eandem ad ulteriora Provinciæ reddenda obsequia, alacriores reddantur. Non defuissem certè, & ego contulissem me Varsaviam, nisi præteriti anni experientia me retraxisset, ubi promissa erant bona, & tamen venerant nobis mala. Accedebant & aliæ eæque validæ rationes quæ ne hoc minus utile iter suscepissem, impediverunt. Nunc verò (si aliter fieri non poterit) humiliari sub manu potentissimi Regis, petere opportunè, importunè, obsecrare, ut veniat petitiō nostra, & ut, quod justè desideramus, tribuatur nobis, paratus ero. Si verò & justitia causæ, & miseria populi, dura non emolliet corda, si non respicient ad nos, & ad munera nostra, quæ necessaria erunt, si milites, qui jam in visceribus Provinciæ sunt, per sex menses invitis nobis relinquentur; quomodo de petra aquam, quomodo plebi miseræ succurrendum? an in subsidium egestatis supellex Ecclesiastica, factâ per omnes Ecclesias diligenti ejusdem connotatione non oppignoranda? an pecunia, quæcunq; penes Ecclesias inveniri poterit, cum securitate restitutionis, ad hunc usum non convertenda? an Parochi ad aliquod subsidium non invitandi? an & ubi aliqua summa prævisâ omnimodâ securitate mutuò non quærenda? deliberationi maturæ Perillustrium D. D. Vrarum committam. Scribendum interea cum summo dolore, & vera ac genuina miserandi Status nostri repræsentatione ad Illustrissimum Nuntium crederem, scribendum itidem quod & ego ex parte mea ad summum Pontificem faciam, ad Perillustrem Fantoni, ut calamitatem nostram repræsentet, & auctoritatem supremi Patris invocet. Si enim (ut palam minantur) sex menses integros hic morari volent, veniret in tempore auxilium, & Româ nobis. Hæc ergo quæ afflictio cordis permittit, insinuanda duxi, non dubius cogitationes meas, cogitationes Vestras Perillustres Confratres mei esse, foreq;. Benedicat interim Dominus DEUS consilijs eorundem pro utilitate totius Ecclesiæ nostræ. Quorum fraterno affectui me recommendando, maneo.

COPIA LITERARUM CARDINALIS PRIMATIS, AD EPISCOPUM POSNANIENSEM 10 Novemb.

EX Ukraina nova pessima; Colaci Miedzybusium, Niemirowiam, & Vinicam occupârunt; misit Castellanus Cracoviensis plura vexilla, ad 30 tum equitum, tum peditum antea expedita

A.C. 1702 dita, sed quid hæc contra tam numerosum tumultum rebellium? Pro ratione rebellionis allegatur oppressio & afflictio à quibusdam Dominis: Ita scilicet plebeia pectora impatientia injuriæ. Castellanus Cracoviensis in summa anxietate, Generali Steinbock cum sex millibus expedito Rzeszoviam fors in redemptionem sui dare cogetur captivos Suecos, quos ferè ultra 50 habet, quia sinè ulla dilatione requiruntur. Episcopus Culmensis dicitur jam esse Thorunij, quò collimat etiam Princeps Varmensis, utinam redeant cum desiderato omnium solatio! Nuntius Apostolicus dixisse fertur se inventurum fuisse securitatis medium, si Episcopi ad se per literas recurrissent. Ego suppono neminem non scripsisse, sed querelas, quas nec te tacere velim, ut responsum acceptum etiam mihi communices. Miedzyrzecium pro quadringentis portionibus datum.

XLIV.

ANDREAS C. ZALUSKI PRINC. EPISC. VARM. ET SAMR.
AD MAGISTRATUM GEDANENSEM Thorunio 16 Novembris.

IN ipso prope limine Tractatûs Thorunenſis, ad quem præcipui terrarum Prussiæ descenderunt Proceres, recepi literas communis calamitatis & procellæ testes. Legi non alio sensu, quàm illo, quo septem millia portionum militarium ferat mea Varmia. Tamen, nullus ambigo, quòd neminem possit latere, quàm tempestivè singula eorum, quæ nunc mihi deferuntur, quasi in speculo præviderim, & providere media efficacissima, in tempore non alieno omni diligentia studuerim, nisi resistantia illorum obstitisset, & omnem prorsus deliberati consilii seriem abrupisset, qui hodie fortius conqueruntur, postquam tempestivi remedii cogitationi (ad quam fortè invitati) publicè recusarunt interesse. Quantum nihilominus per tam obliqui temporis momenta licuerit mihi consequi, laborabo totis viribus, ut neque Prænobiles ac spectabiles D.D. Vras ad me recurrisset, neque me diligentissimas curas huic studio impendisse pœniteat. Utinam verò ille omnium nostrum vota sequatur eventus, quem intimis desideriis concepimus. Ego interim testor, quòd sim constanter P.P. ac Ss. Dominationum vestrarum benevolus Amicus, & ad officia paratus.

IDEM AD MAGISTRATUM ELBINGENSEM de die ut supra.

Non aliæ curæ ad Thorunenſem Conventum impulere, nisi, ut possim clariùs testari, quantum sim addictus indemnitati, & tranquillitati Terrarum Prussiæ, præcipuè tamen illorum, quos mihi sæpiùs & candidiùs probatos expertus sum. Fortè vota nostra celeriore eventum fuissent consecuta, si Thorunii Serenissimi Augusti Nostri præsentem reperissemus Mtem. Interim tamen, quia brevi rediturum expectamus, non omnino spei nostræ diffidimus. Ego quantum mearum erit virium, non tantum me impendam, sed etiam superimpendam, ut votis & desideriis non singulorum modò, sed omnium simul respondere valeam. Quod, dum constanter polliceor, testor, quòd sim.

COPIA LITERARUM CIVITATIS GEDANENSIS AD CELSISSIMUM PRINC. EPISC. VARMIENSEM SUPREMUM REGNI CANCELLARIUM de data die 10 Julij A.C. 1703

NON inanem fuisse sollicitudinem, quâ conjecturam futurorum eventuum ex præteritis facientes & Provinciæ, & civitati huic timuimus, ne utraque tandem in societatem istius calamitatis, quâ cum potior Sarmaticæ compaginis pars colluctata aliquamdiu fuit, traheretur, tristis eorum, quæ evenerunt, series comprobat. Quippe non modò copias suas intra fines terrarum Prussiæ producere, & in ipso Thorunensis urbis conspectu castra constituere, minorumq; civitatum plerasq; exactionum gravissimarum onere (quod hisce diebus Elbingensium bonis pariter indictum accepimus) premere, sed à nobis quoque ratione patrimonialium civitatis hujus paranda militi suo subsidia, sub durissimo contributionis vocabulo per Ablegatum ad nos tres, & quod excurrit, ante hebdomadas, Illustrissimum Comitem Steinbock inter alia, sed operâ leviori diluta requirere Serenissimo Suecorum Regi placuit. Cujus mali dispendiis nos, & ærarium nostrum variis, tum in Regis, & Dñi nostri Clementissimi, tum in Reipub. usus, tum in proprias necessitates collatis impensis tantopere jam attritum subducturi, etsi nihil, quod eo pertinere potuit, intermiserimus, Illustrissimoq; Dño Comiti bellicam observantiam, & præcipuè nostram erga Saxonicum militem præteritis temporibus indulgentiam urgenti, oblatam promissamq; per eundem Regiam gratiam, cujus potior, quàm aut belli, cui nos obnoxios nulla nec culpa nec injuria nostra reddidit, aut eorum, quæ Saxonicae copiae proprio ausu nobis perpetuò reclamantibus, & invitis extorserunt, paternâ Regis & Dñi nostri Clementissimi munificentia olim pensandâ, ratio habenda esset, opposuerimus; tamen superare præactum ejusdem desiderium, à quo recedere ob instructionis sibi datæ tenorem integrum, sibi non esse asserebat, non valuim9. Quare ad ipsius S. R. Mtis Sueciæ æquanimitem recurrendum arbitrati, submissis eandem literis imploravimus, dignaretur civitati innocentissimæ istius, quam & nuperæ Regiæ epistolæ earundem exhibitor Illustrissimus Dñus Ablegatus, in civitatis hujus emolumenta propensissimam significaverant, clementiæ efficax hoc indulgere beneficium, ut ab adimplendæ Regiæ voluntatis prædicto onere prorsus absolutæ juxta Olivenfis fœderis sancita priscâ tranquillitate, commerciorumq; securitate non interruptâ uti frui liceat. Verum & istam spem infeliciores successus excepit, Serenissimo Suecorum Rege in ijs, quas rescribere dignatus est literis arbitrante, declaratæ propensionis suæ Regiæ non leve pignus esse, quòd civitati isti liberam de contributionum præstatione cum Illustrissimo Domino Comite Steinbock conferendi facultatem relinquere, quàm per modum executionis cum gravi, evidentioriq; nostro incommodo exigere maluerit. Cæterum uti exsolvendæ de bonis civitatis Patrimonialibus contributionis necessitatem extra controversiam ponendam esse, ita ab omni iniquitate alienum se reputare quòd ijsdem medijs, quibus Saxonicus miles suam adversus se potentiam augere aliquoties potuit, ipse ad reprimendam eandem uti consultum duxerit, & proinde quid post perpensum maturius negotium civitati insuper animi sit, sæpè nominato Illustrissimo Ablegato suo ulterius indicandum fore. Ista quemadmodum Celsitudini Vrae, ad cujus sollicitudinem ex muneris, quod in Regno æquè & Provincia hac

A. C. 1703 gerit, dignitate, utramque civitatis istius fortunam pertinere, persuasi sumus, eo, quo acciderunt, ordine exponere, observantiae erga eandem nostrae consonum credidimus: ita, quin eum, quem merentur locum apud Celsitudinem Vram repertura anxietatiq; nostrae, & æquanimi ejusdem miseratione fomentum aliquod conciliatura sint nulli ambigentes, ea cum reliquis civitatis Ordinibus consilia inire allaboramus, quibus & fidei, quam Regi & Dño nostro Clementissimo intemeratam perpetim testabimur, integritas, & civitatis hujus, ac eorū, quæ ad istam spectant, bonorum incolumitas facta tectaq; præstari, & conservari quàm convenientissimè poterit. Quod superest propitio Numini supplicantes, ut Celsitudini Vrae prosperrimos rerum & consiliorum successus, atque per hos Regno, Provinciæ ac civitati huic redudem quantocius pristinae tranquillitatis securitatem largiatur. &c.

PUNCTA CIVITATIS GEDANENSIS AD SEREN: REGEM POLONIÆ.

1mo Cum S. Regiæ Mti Dño nostro clementissimo ignotum esse nequeat, quantopere patrimonialia hujus civitatis bona per nuperimas Saxonici militis exactiones exhausta, proventusq; eorundem imminuti sint. Proinde S. Regiæ Mti humillimè supplicat Gedanensis civitas, dignetur juxta laudatissimam Divorum Antecessorum munificentiam; summas istas quas præmemoratorum bonorum intuitu statis anni vicibus S. Regiæ Mti, sub nomine *Rah tengelder* solvere obstricta, & solita est, sibi clementissimè ad certum tempus condonare & remittere, usq; dum meliori fortunæ restituta ad pristinae promptitudinis debitum reverti possit.

2do Non dubitat porro eadem civitas, quin S. Regiæ Mtas pro consuetas in eandem paterni animi propensione, gravissimis sumptibus, quos in communem propriæq; salutis, ac conservationis tutelam & defensionem impendere quotidie cogitur, benignissima ex Prætorio proventuum largitione, hoc afflicto rerum statu subvenire sit dignatura.

3tio Submississimis apud S. Regiam Mtem precibus eadem instat, ut summarum, quæ se circumstant, calamitatum, & gravissimi æris alieni jam inde à tempore Suetici belli in usus Reip. contracti æquanimi ratione habitâ Regiam suam auctoritatem interponere velit, quo collectas ex subsidio personali in civitate hac ante aliquod tempus pecunias proprijs necessitatibus asservandi, & in istas, si è re visum fuerit, convertendi, liberam facultatem obtineat. Quo ipso S. R. Mtas juribus Provinciæ hujus, per nupera (uti fama est) comitiorum Lublinskiū sancita insigniter læsis, & per nos, quamprimum certius de eo constiterit competenti remedio vindicandis benignissimè succurret.

4to Deniq; 4to pari, quâ antea devotione rogat, ut superiori, cæterarumq; quas adducere prolixum foret, rationes, æquissimo intuitu juxta anteriorum temporum, & novissimorum annorum 1628, & 1638 exemplum accisæ, si quas in futuro terrarum harum Conventu laudari contigerit civitatis hujus relinquatur de illis dispositio, & per publicam legem in sequentibus Regni Comitijis eidem concedatur & stabilatur humillimis apud S. Regiam Mtem supplicamus precibus, ut vicina civitati loca, videlicet Schotlandiam, montem Episcopalem, Stoltzenberg, Hoppenbruch &c: quæ prout semper civitati huic & Civibus maximopere præjudiciofa, & nociva, ita ubi res ad arma devenerint in sum-

summum civitatē possint adducere periculum, in rem & commodum civitatis ejusdem jurisdictioni, permutatione aliove titulo addicantur. A.C. 1703

DILUCIDATIO DESIDERIORŪ CIVITATIS GEDANENSIS.

Nemini mirum videri potest civitatem hoc tempore quatuor illa S. R. Mtis petita per Secretarium Residentem in aula obtulisse. Nihil enim aliud de munificentia Principis sibi persuadere poterat, quā ut urgente gravi necessitate iusta imprimis ac debita media pro vitando publicæ rei interitu à Dño suo clementissimo rogaret.

Neq; etiam illā novitate quædam inventa recens nituntur, verū exigente eā ratione naturali, varia ea propter præstò sunt præjudicata multoties anteaëtis temporibus expetita impetrata. Portorium pro parte Regia, uti & Accisæ Agrariæ civitati temporibus primi & secundi belli Suetici concessæ sunt, sicut ipsæmet Regni Constitutiones de 1628 tit. Miasto Gdansk & Constit. anni 1658 tit. Pozwolenij Akcyfy Miastu Gdansku, tum etiam specialis concessio Regia de anno 1656, quā semper exhibere possunt, evidentissimè demonstrant.

Pro retentione pecuniæ ex Personali subsidio Capitationis collectæ militat eadem ratio, ob quam Accisæ civitati concessæ sunt, quā etiam ratione pecuniæ *Kah tengelder* dictæ allegare possum, quæ regnante JOANNE CASIMIRO, cui tamen primum ea stipulata fuit, civitati tempore belli relicta, ac in proprios usus convertendi facultas data fuit: Nunc autem ubi Territorium à consistentia Saxonici militis debilitatum est, ac à Suecis etiam variè agitur, solvere illam impossibile quid est. Quod Schotlandiam, Montem Episcopalem, & Stoltzenberg attinet, testantur quovis regimine Serenissimorum repetita desideria, illa etiam, quæ anno 1698. die 27 Martij jam imperanti Serenissimo nostro Gedani oblata sunt. Civitatem quippe semper petere, ut loca hæc urbi, quocunq; titulo tribuerentur, proprietariisq; à Repub. aliā ratione satisfaceret. Quare cum Præfatis DD. Proprietariis tractare, remq; ibi promoveri S. Regia Mtas omni tempore clementissimè promiserat.

COPIA LITERARUM EMIN: CARDINALIS AD CIVITATEM GEDANENSEM.

FIdem Dominationum VV, quam in prosperis & adversis æquè constanter experiri consuevit hæc Relp. nunc vel maxime sollicitat, cū de vindicandis libertatibus, & reintroducendo pristinae tranquillitatis statu agitur, ad quem scopum unicè collimare Generalem confederationem nostram nemini non notum aut ratum, nisi quos turbo, vel privatorum studia delectant. Quid enim hucusq; fuisse Rempub. nisi appellationem tantū sine corpore & specie cuncta civilibus discordiis concussa, jura everta, calcata, belorum incommoda, populi gementis lacrymas, nihilq; propius ad perniciem liberæ gentis accidere, quā mutationem statūs antiqui, & figuram novi. Quapropter adimendo amplius sævientibus malis intumescendi licentiam, confederationem eandem, typis impressam authenticè communicandam Dōnibus VV. esse censui, & com-

A. C. 1702 munico; obligando teneritudines earundem ad statum hunc, ad quem se determinarunt Palatinatus & Terræ confœderatæ, etiam DD. Vrä suscipere non abnuant, conformiq; ad intentiones nostras sensu nexibus confœderationis satisfaciant, & ab aliis satisfieri curent; quibus ex gradu Primatiali meo delatis circa votum prosperorum successuum maneo. Varlaviz mensis Maji 1704.

AMICO CONFIDENTI Thoruniô 28 Novembris.

Nihil est, quod multa ad tua respondeam, velim tantum, ut tuorū in me studiorum & officiorum recorderis, quorum cum tibi liceat, mihi nefas est, oblivisci, non modò virum bonum me existimabis, verum etiam te à me amari plurimum, judicabis. Minimè miror mirari te attonitum super repentinis casibus, quomodo se habeat Orbis noster Polonus, quod non tantum ardeat bello, urbes sine legibus, sine judiciis, sine jure, sine fide relicte direptioni, & incendiis pateant; ubiq; strages, depopulationes, lanienæ, facultatum direptiones, ærarij expilationes, civitatum, & municipiorum deprædationes intolerandæ, atque inauditæ exactiones. Sed etiam nullo tali exemplo ante in Repub. cognito tam crudeles reperiantur, qui in innocuos cives bene meritos de Patria, nec ullo crimine notatos tam immaniter mittere manus, & occidere audeant. Timendum enim ne in posterum simili exemplo similia fiant, jureq; fieri credantur, nè verso pollice, quos volent, ex nobis mactent, tanquam licitum sit vita exuere oppressos, & illi magis perire debeant, qui citius parere festinarunt. Quam iniquum est, Dominum Palatinum Calissiensē vitæ passum fuisse dispendium, qui fecit & pro Rege, & pro Repub. accuratè omnia, curans, quæ ipsi imposita erant, nihilque egit ex commodo suo, & ecce pro meritis nihil nisi ferre crucem? Quid prodest innocentia ad omnem legem exacta? nam si aliqua in eo erant vitia, redimebat illa virtutibus, & plus habebat, quod laudares, quam quod ignosceres. Crede ergo fortunæ hominum caducis. Sed teneo te fortasse nimis jam tibi notis, sermonem perfringo & ad rem propero.

Felix Lipski

Post funestam istam mortem & conscriptam confœderationem, cujus tibi copiam adjungo, movit Rex Serenissimus versus Varlaviam, ubi & consilium magnum à confœderatione Sendomiriensi destinatum habuit, illudq; Thorunium limitavit. Nova legatio ad Regem Sueciæ expedita cum conditionibus pacis, qui repræsentent non fidendum fortunæ, quæ belli aleam alternat. Legati autem sunt, Stanislaus Morstinus Palatinus Mazoviæ, Leszczynski Ostrzeszoviensis Capitaneus & Zydwowski Vexillifer Cracoviensis.

Interim nos futuros hospites, quando ita in fatis est, pro hyeme in Prussia speramus, vel potius timemus Saxones, & veremur ne vñ unum abeat, & veniant adhuc duo vñ post hæc. Misi Dominum Canonicum Nycz Thorunium, ubi Commissariatus Saxonicus sine misericordia, & discretione disponit hyberna. Fulminum ea natura est, ut cedenti materiæ parcant, obstantia quæque perstringant. Habui interim apud me Officiales à sex Regimentis, qui sunt destinati pro hybernis in Varmiam. Et quamvis sciam decreta DEI firma esse, & statuta, nec magis mutari posse, quam ipsum DEum, tamen quia ijs exsolvendis impar est humana fragilitas, ad pias, & ardentes orationes confugiendum

dum credo, ac proinde ordinavi eas adjungendo & jejunium in Dice-
cessi, faciens id ipsum cum toto grege in rigore. Anima in angustiis, &
spiritus anxius clamant ad Dominum, ut misereatur.

Turpis est navigii rector cui gubernacula fluctus eripit, qui flu-
ctuantia vela deferit, permittit tempestati omnia, at ille vel in naufra-
gio laudandus, quem obruit mare clavam tenentem, & cum desint hu-
mana auxilia ad divina recurrendum.

Habuius Cracoviâ, arcem in cineres abiisse, dolendum, tam pul-
chram fabricam, tam miserè periisse, is solus nihil carum amittit, cui
omnia cara sunt in eo qui non amittitur. Dicitur Rex Sueciæ volens
nominis sui famam in templo memoriæ æternitati per hoc consecrare
ipse accurrerit ex castris, sed non erat modus juvandi, & ab igne præ-
servandi.

Defertur quòd Rex Prussiæ non permiserit Saxones transire in Var-
miâ per Ostrot, & sic aliam viam per Elbingam quærere debuerint;
quod differtur non aufertur, quâcunq; demùm viâ venerint, non mul-
tum adferent solarij. Nec hæc res est vani terroris, cujus reprehendi-
tur ille, qui Neptunum timebat, ne is terra disrupta inferos detegat.
Turbari me his certò scias. Quidni? homines sumus non scopuli & il-
lisione rerum fortuitarum movemur. Quanquam hunc dolorem, quem
immittit ratio, etiam còercet, & lenit, sicut enim paleæ ab omni ven-
to, sic nos rapi affectûs turbine debemus, sed simul rationis pondere
animum nostrum stabilire, ad quam componit nos sapientia, & neces-
sitas ferre non suadet solum, sed cogit. Ita nempe cælesti illi Patri vi-
sum est exercere suos in hac mundi palæstra, ut doloribus & damnis
agitati verum colligant robur. Quid proinde agamus? serviendum non-
nunquam, & rationi temporum & eorum voluntati, quorum nobis in-
primis captanda est benevolentia.

26ta Octob. ingressi sunt Saxones in Varmiam, & prætendunt ut à
1. Septembris illis currat menstrualis, de qua convenerunt, solutio, quâ-
tùm volunt, tantùm possunt. Nulla est alterius, tota sui cura. Hoc tam
inopinatum malum, & penè inauditum non miror, quòd sinè metu ni-
mio meis subditis fuit, cum esset sine exemplo. Omnibus quos fortuna
publicè affligit, quod passuri sunt, timere permittit, Lacedæmona servi-
re jubet, Athenas tacere. Videns proinde ego oppressionem populi mei
determinavi iter Thorunium, ubi Rex sperabatur post consilium, quod
incepit quidem Varsoviæ, sed translatus est Thorunium, ut lacrymas
Episcopatus totius tam justè cadentes repræsentarem. Quod scilicet ni-
mis dura præcipiunt, quæ exequi nec possumus, nec nos posse credi-
mus, supervacua requirunt non contenti quidquid necessitati satis est.
Cum præcipuè D. Jordan Colonellus vir ingenij magni magis quàm
boni extendere suam per terrorem potentiam incipit. Nec spes quidè
ulla integræ libertatis animis nostris poterat offerri, nec ulli remedio
locus apparebat contra tantam vim malorum, ut saltem discretio fie-
ret, petere institui, & ut Rex Seren: compassionem habeat, & depellat
hæc, quæ nos non ex vano aut irritant, aut territant; Maneant illi semel
placita, nec ulla in decreto litura sit, quod hyberna esse debeant, quan-
quam & hoc contra leges in Varmia, modò ad ultimam ruinam bona
Ecclesiæ non reducantur. Utere nobis modicè ut diutius uti possis. Sed
ut magnum bonum est, ubi sunt præparata pectora, in quæ tutò sup-
plices preces descendant, ita fortè quæ excelsa mihi spes facit, præru-
pta inveniam indignusq; ero, cui aliquis favor fieri possit.

A.C. 1702

Cardinalis Primas nolebat venire primò Varſaviam; Lex apud Romanos ut ſacerdos nunquam juret, nec unquam niſi per ſuam Veſtam. Nunc ſacerdos primus in Polonia nihil facit, quòd cicada (quæ ut ta-cta fuerit nunquam ſilet) non permittit.

Succamerariatus Regni ceſſit D. Georgio Lubomirski Subdapifero Regni, hinc lacrymæ, dolor, & planè furor, quòd non filio Dñæ Palatinæ Lencicienſis; hinc absoluta pro more prohibitio, ne Cardinalis veniret Varſaviam, quaſi nullus ſit ſupra cæteros eminendi modus, niſi ut nullum ante ſe ferri videat. Sic animum ambitio, & amor inordinatus obſident pravum in alijs, excuſatius eſt peccare voluntate, quàm caſu in hoc maxima culpa eſt ſpontè delinquere. Etiamſi malè facit, nescit, vel nescire vult ſe facere malè.

Actio tamen recta non eſt, niſi recta fuerit voluntas, ab hac enim eſt actio. Rurſus non erit recta, niſi habitus animi rectus fuerit. Hic certè privatum intereſſe in omnibus quæritur, honeſtatis oblivio invaſit. Nihil turpe eſt cujus placet pretium. Ambitio fingit ſibi perpetuam felicitatem, fingit ſibi ſemper ſe ſuosq; creſcere debere, & quæcunq; vacant ſibi adſciſcere, oblitaq; fati quo humana jaſtantur, fortuitorum ſibi conſtantiam ſpondet. Non vellem loqui, ſed noſti me, quòd non poſſum tacere, ne aliquid contra vitia aſperè ſcribam, contra pericula animoſè, contra fortunam ſuperbè, contra ambitionem fortiter, da mihi quemcunq; vis magni nominis virum, dicam quòd illi ætas ſua ignoverit, quòd in illo ſciens diſſimulaverit.

Tandem tamen per mediationem Dñi Nuntij reconciliatus eſt Regi, ſcis quo pretio? Vacabat Capitaneatus Miedzyrzycenſis, datus eſt ei, & venit, & fecit, & omnia permisit, ſic omiſſis benè, ac melius meritis, juveni tam bona portio ex pane benè meritorum ceſſit. Quanquam cum annos meritorum non habeat, nec jus habere credatur. Benè & appoſitè Plutarchus: Plorant ſe non geſtare veſtem patritiam, & ſi ferant quòd non ſint Prætores, & hoc adepti quòd non conſules, & conſules, quòd non priores, ſed poſteriores fuerint renuntiati. Magis eos unus lædit qui præcedit, quàm recreant mille, qui ſequuntur. Ita ſanè dici de Primate poteſt; vos felium more, & infano amore magnitudinis falſæ, quantò magis demulcemini, tantò altiùs caudam elevatis. Noli hæc ſecreta putare, omnes hoc ſciunt, omnes loquuntur, nemo tacet; Ille beatus eſt, & cupiditati terminum ponit, qui verò pro ſe, & ſuis nimios optat honores, nimias poſcit opes, is ſibi exceſſæ turris tabulatum erigit, unde altiùs cadat, majoremq; det ruinam, quàm opinionem. Velint ſuperi, ut durent hæc, quæ tanto conatu, tanto cum publico damno quærantur.

Cum irem Thorunium accepi literas Dñi Episcopi Culmenſis in nova civitate, ubi expectare me Regem cum ſumma impatientia ſcribit favoresq; promittit, ut levius ſcilicet onus hybernorum feram, placida verba parantur. Vidi ibi œconomum Dñi Palatini Culmenſis, qui parum ebrius narravit mihi, quantos exceſſus fecerint Saxones in bonis ejus, & quòd Dñus Palatinus eam reſolutionem acceperat, ut omnia bona ſua combureret, ne ipſi haberent conſolationem, ſed dolendū (ſic bonus œconomus exaggeravit) Dña Palatina impedivit. Nos riſimus, & ille ſemper idem non ſine affectu confirmavit, quaſi doluiſſet non factum fuiſſe.

Dum pergebam Thorunium, & pernoctarem in Golub reſcivi Regem inſperatè in Saxoniam abiviſſe, ſed brevì rediturum. Acceperam qui-

quidem literas Regias ad Dominum Jordan, sed illusio magis erat, A.C. 1702
quàm defensio. Luci tenebras veritati mendacium præferentem.

Tandem aliquot diebus impensis in Lonkoreka apud Dominum
Palatinum Culmensẽ, abivimus Thorunium ubi 13. Novembris ha-
bui conferentias varias cum illis Commissariis, qui tam magnam quan-
tatem militum mihi miserunt.

Adductus est Dñs de Heron 15 Novembris Ablegatus Gallix, ac-
ceptus vi Varavia à Dño Bretsnaider, & in custodia habitus Thorunii,
scripsit tamen mihi schedam accusans, quòd contra jus Gentium id ta-
ctum fuerit. Quàm malè est ibi esse, unde rarus est cum honestate re-
ditus.

Ego tanquam Senator & Episcopus in cujus manu calix est musto
plenus, quique possum ex hoc in hoc miscere, volui juvare amicum, sed
operam meam non esse illi proficuum agnovi, quanquam veritatem ju-
vare, & boni viri officio fungi voluissem, non solum enim præsentia
considerabam, sed futura etiam longè præmeditabar, amator Patriæ
meæ, & alienæ non inimicus. Sed nihil profuit, præsertim in absentia
Regis, cujus mandato detinebatur. Visitavit illum Domina Cameraria
Regni Lubomirska, & omnes condoluimus. Vale dignitate parens, æ-
tate frater, dilectioneq; socie, & me ut facis ama, sed ut non facis, utere.

EIDEM AMICO CONFIDENTI Thorunio 21 Novembris.

NON esse te mei oblitum video, & memoriam mei, tibi semper
esse jucundam. Ita enim res meas curas, ut nihil sit opus scribe-
re nisi velim tibi gratias agere, quæ pro factis non est digna re-
compensatio; scio quòd me amas, & amanti est amati prosperitatem
ducere suam. Nec apud te ut hodie hæc amicitia viget, cui utilitas est
adnexa.

Significas mihi de morte Domini Caroli Tarlo Regni Procancel-
larii qui vixit cum virtute, mortuus est cum pietate, & simul suades,
ut concurram, ut curem, ut accipiam sigillum, & ego illud debeo Te-
rentianum objicere, tu si hic sis, aliter sentias.

Statui amicorum more, absque præfationibus quod mihi in corde
est tibi aperire, & sincerè scribere, si secus agerem non esset mihi ex
usu, nec te velle scio; dicam ergo brevissimè inter amicos enim prohi-
bita est verbositas, quod menti sedet, ut & tu, & posterì sciant, quia
sunt homines in malas suspiciones prompti, & ad criminandum, ma-
gis quàm ad laudandum nati, satis mundo servivi imò nimis, & hinc
satis est tibi nosse quid velim. Pauca amico sufficiunt, sat est te nosse
desiderium meum, si tu amplius, & fortasse melius cogitaveris, qui me-
os mores calles, amicum te qui es erga me ostenderes, scis bene quòd
oblectamenta ista terræ pro magnis ac veris bonis nunquam habui,
nec ijs credidi, quia experienciâ rerum magistrâ didici non tantum
fallacia dubia, verum etiam insidiosa esse, quæ apparent dulcia. Pauca
de multis quæ dicenda essent percurram: non sum ex ijs, qui ut divi-
tias comparent, ut honores assequantur libertatem vendunt, & se in-
volvunt tam difficilibus occupationibus, ut vix, manus dextra quot
habeat digitos noscant. Non augeri honor potest, quin & labores cre-
scant, omnis potentia subjecta est invidiæ, omnes quippè destrui cupi-
unt, si quis se non possit provehere, si quis potens est mille circa se o-
culos habet, & totidem lingvas ad ruinam ejus aspirantes, & unus hinc,
alius

*Cur molit
construere
ad Procen-
cellarium*

A.C. 1702 alius illinc premit. Ruunt turres, quæ juxta flumen sitæ perpetuum in se aquæ cursum recipiunt. Outinam, dico cum Juvenale, figam aliquid, quo sit tuta senectus à tegete, & baculo. Nonne Horatius dixit laborem ideo ferre homines, ut senes in otia tuta recedant. In hoc officio nonne semper ante oculos inimici sunt, osculariq; manum persæpè cogeris, quam velles truncatam videre, facileq; plus amaritudinis, quam dulcedinis visus tuus ex curia reportabit, sic enim habet natura rerum humanarum, ut nihil voluerit esse tam suave, quin aliquid aloe admiscuerit. Si potest picem tangere, & ab ea non inquinari, si potest ignem ingredi & non uri, non illum, curiam sequi prohibeo. Vellem tibi communicare omnia ore, quæ literis nequeo, quia calamus impotens est omnia referre, & haberem multa, ut verbo illo utar, quæ mihi expuenda essent, sed non est ultra quod tibi aperiā, quandoquidem jam tibi, & mihi cognitum est, unam esse tuam, & meam, more Aristophanis animam. Quid miserius est, quam id officij gerere, cui nequeas satisfacere, non eadem est ætas, non vigor.

Nullius miserior vita est, quam eorum qui ad alienum comedunt appetitum, ad alienam sitim bibunt, ad alienum somnum dormiunt, nunquam absque gravi cura comedendum, nunquam sine suspitione loquendum, sine timore cubandum. Nihil præter mendacia in illis venditur fortunæ nundinis, nihil creditur, nisi captis pignoribus famæ nostræ, nihil nisi vitæ nostræ stipe solvitur. Non mare à periculis tutum, navigare me vis. Non emere carnes absque ossibus, incedere per limum, nec deturpari, colligere triticum sine stipulis, tueri famam honestā sine jactura inhonestarū fortunarū. Ut multas similtates partim occultas, partim apertas subeam jubes. Nunc verè me ad triremem, quasi factuum, & delirum senem damnandum judicas, servitium mihi monstrans Dominumq; paratum, minimè cogitans quòd quamdiu in hoc officio victurus sum, oportere æquo animo ferre quæcunq; passim eveniunt, quippè quæ arbitrio alieno aguntur, si enim mundus pacificus, stabilis, sobrius, verax, correctioni obnoxius esset, non utiq; mundus esset, nec ratione alia hoc nomine censetur, quam quòd in toto terrarum orbe, nihil stabile insit, ac proinde quis tam pravis oblectare animum in vita vult, si vera cognoscit? Scias ergo in arctum desideria mea me constringere, votorum. cupiditatum, optionum, appetitionum; jam sensum & desiderium perdidisse, unicum optare, ut DEo vivam, si superi velent, ut simul simus, & vitam ducamus beatam, extra Curiae clamores atq; miseras. Occurrunt mihi nunc quidam ultra millenos, qui aliud suadent: Cum Menippus adolescens apud Homerum Hesiodumque diversa scelera Deorum legisset eaq; licita esse, atq; honesta credebat, nam quod Dij faciant, quis non arbitretur honestum? Hic vir postea factus, cum illa tanquam turpia prohiberi legibus animadverteret, incertus animi Philosophos adiit sciscitaturus ab eis, quamnam esset optima vita? sed neq; Philosophi satisfecerunt, cum inter se dissentirent, & alij voluptatem, alij vacuitatem doloris, alij virtutem, quidam verò animi & corporis fortunæq; bona simul juncta, vitam dicerent præstare beatam. Incertior igitur ille multò quam antea, ut verbis utar Terentij consilere mortuos decrevit, & ad inferos penetravit, ac ex Thyressia, qui ipse vates Divinatorq; fuit, ubi vita beata esset perquisivit, cui cum Vates diu respondere negasset in aures tandem insusurrans apud privatos inquit optimam vitam, hoc est felicitatem invenies. Alius venit in mentem Gyges Lydorum Rex, qui se præ cæteris fortunatissimum reputabat,

habat, Apollinem consuluit quis suo tempore felix esset, contempsit oraculum Regias opes, & apparatus, atque Aglaum quendam Arcadem modici ruris cultorem, cujus metas agelli cupiditas nunquam excesserat, felicem esse respondit. Divus Augustus (ait ille) cui Dij plura, quam ulli præstiterunt, non desit quietem sibi precari, vacationem à Repub. petere, omnis ejus sermo ad hoc semper revolutus erat, ut sibi pararet otium. Rerum non providens, cum non liberum esset inchoatas res relinquare in quietem, ne puero enim sibi unquam ferias contigisse ait. Nonne aliquid simile in me invenies, & justè me id desiderare, quod aveo, concludes. Insuper didici virtutes felicitatis esse effectrices, quæ à Principum domicilijs exclusæ, si quando casu, aut errore limen ingrediuntur, è vestigio coguntur fugere perterritæ sinistris moribus, quibus in altis Palatiis vivitur, & ut Juvenalis verba resumam: Minor est hodie res, heri quam fuit, hæc eadem cras ex his detrahet aliquid. Si id desiderarem nulla certè esset ratio major, & prior, quam ambitio, quæ tanquam æmula charitatis omnia fert onera, quamvis gravissima ut honoribus sæculi, ac popularibus laudibus efferatur, ego verò honestam famam parandi, quam magnas divitias coacervandi sum studiosior, nec curo, ut super Cathedram Moyfis sedeam, ascensiones in corde non pono, in excelsis non ambulo. Quæ cum tu bene consideraveris, non voles prophetare mihi malum, sed bonum. Omnia scis propter te libens facio, hanc autem rem facere non possum, nolo semper servire, mihi vivere aliquando decrevi. Petitus interim scripsi Regi in favorem D. Referendarij Szembek (quilibet sibi studet, omnes præferri volunt) ut sæculare sigillum habeat, dignus est operarius mercede sua, qui laborat, opus est, ut manducet. Finio, & te precor, ut tibi persuadeas, me tuum semper esse.

EIDEM AMICO, 26 Novemb. Thoruniò

DE affectu tuo, nec unquam addubitabam, nec conqueri poteram, & ingratitude ipsa videar ingrator, ni agnoscam eam, ni respondeam reciproco, ni recognoscam, ita enim me tibi obstringis, ut nullam grati animi partem intermittere posse videar, sine nota hominis sordidi, atq; immemoris beneficij. Non sunt omnes accepti beneficij memores, magna pars hominum eos perijsse expetunt, ex quibus beneficia consecuti sunt, sic enim se vinculo solvi credunt, quo tenerentur. Ego verò confiteor istud, neq; me amicum habuisse unquam scio, qui te verior ac sincerior fuerit. Quis tam eviscerata charitati satisfacere potest? ergo cum sciam, quòd debeo, faciam semper, quod valebo, & dabunt aliquando testimonium non verba, sed opera. Jam tibi mea mens sic aperta liquet in materia, circa quam, ut quò mea me fortuna vocet, dubitare non possis, sed non tantum oscitanter, & negligerem rem hanc ago, sed etiam aliquid quidvis potius agere malletm, quam dare operam. Ab omni genere ambitionis semper abhorruì, nec unquam, ubi aliquis popularis gloriolæ status ostendebatur, eò vela dedi. Imò literis tuis lectis magnum mihi pudorem ex conscientia meæ tenuitatis incuti sentio, & consilium ad rationem non ad tuum (meus enim certè non est) appetitum referre par est. At enim tot mihi curis confecto, tot laboribus exhausto, & corporis vires attenuatæ, & animus fatigatus est, satis haberem, si citra periculum quiete uti possem. Propterea id maximè timeo, quòd lubrica Aulæ voluntas in unius co-

Ejusd. Argumenti.

loris

A.C. 1702

loris favorem nunquam migrabit. Libertatis meae naturalis in dicendo fructus, jam nuper sensi, & quomodo conceptum à puero tenere sermonem? praesertim si occasio detur, quomodo tacendum? non dicenda optima? quae ex usu Patriae sunt. Nulla est apud Principes diuturna potestas nulliusque Status debilior, nullius incertior, nullius infirmior est, quam ejus qui apud Principem videtur esse potentior, sunt æmuli simultates, odia incidunt, suspiciones parantur, insidiae, perstrepunt ubique delatores, atque ut oculus parvâ festucâ turbatur, sic Principum gratia offensuscula vel minimâ cadit. Ego praecipue in hoc periculo essem, cum viri boni officium esse semper judicaverim, me ipsum Patriae usibus conservare, cavereque ne temere pereat debito suo, neque dicendo deesse, neque agendo, neque mortem etiam pro salute ejus detrectando. Cogitare insuper oportet de descensu, antequam quis velit ascendere, neque enim fortuna quemque extollit, de quo rejiciendi potestatem non hac conditione ascendimus, ut cum illa velit è vestigio descendamus. Nunc longum tenet una, comas, nunc populus umbras inquit ille. Caduca omnia sub luna. Quanto altius extollimur, tanto periculosius cadimus, volubilis rota fortunae est, nemo clavam illi affixit, inconstans & fidelis hera fortuna, nulli perpetuo bona est, magis ergo præparo pectus adversus omnes fortunae contumelias, si contra me velit irasci, quamvis in hanc usque diem non habeo quod fortunam accusem. Nam sive honores, sive opes, sive alia hujus sæculi bona inter homines aequè distrahuntur, scio me plus virili parte assecutum. Scribo ergo tibi libero calamo, & nihil suppressi. Quamobrem, & tu mecum credes non oportere imò nec necesse esse, ut ea cogitem, sed omnino evitem, ne hac moles in meum caput irruat. Non quod sim ex illis contra quos Poëta: vos genus ignavum tecto gaudetis, & umbra, sed quod nullo, ut plerisque moris est, elatus favore fortunae in cothurnum me magnae potestatis erigere volo, sed æquitate cuncta moderans, nolo inter tot concurrentes mediis elidi.

Habuius Sessiones nostras cum magna, & copiosa nobilitate, quae oppressa à Saxonibus media quærebat levaminis, conclusimus reduci Majestati publico nomine Provinciae supplicandum, ut aliquod levamen sentiat, ut verò ego nomine ejus in assistentia omnium id officii sumerem petitus sum, & ut Praeses Provinciae denegare nequivi.

21. Comparuit Rex sed audientiam habere non potuimus, nisi 24. ubi quid me officium meum loqui coegerit, habes in copia, nec tamen omnibus acta & prolata placere praecipue Dño Czapski Castellano Elbingensi, qui mihi id in publico totius Provinciae confessu exprobravit. Ego autem didici humilem semper esse debere coram Rege, & ad Regem orationem, & ita suaviter ordinavi verba, ut tamen me fortiter loquutum quisque audierit.

Declaravit nobis notabilem Rex alleviationem, & comitia Provinciae promisit, petijt interim à me Provincia, ut Cardinali Primati, quae facta sint, scriberem, & quo ordine facta narrarem, quod & feci, quanquam id nullius esse utilitatis cognovi.

Interim multa loquuti sunt, ne consilio Thorunii futuro adessemus, ego autem necessitatem praesentiae exposui. Quidquid enim nunc promissi habemus à Rege, praesentibus manutenebitur, absentibus pollicita detrahentur, saepe quod heri placuit, hodie displicet, & quod privata dispositione constituitur, cujusvis occasionis surreptione mutari poterit, nullum est in atriis Principum majus studium, quam ut paucos erigant

erigant, plures de gradu præcipitent, adesse ergo debemus, ut hanc mutationem impediamus. Finio te precatus, ut quod tibi jam persuadere semel debueras, immobiliter credas, me tuum semper esse. A.C. 1702

SERMO EPISCOPI VARMIENSIS ET SAMBIENSIS,
nomine totius Provinciæ Prussiæ dictus ad Serenissimum Regem
Thorunij 24 Novembris.

Venit in conspectum Mti Vrä supplex Provincia Prussiæ, antemurale Religionis Orthodoxæ, flos terrarum Regni & maris Baltici munimentum. Venit hæc Prussia, quæ continua annorum serie, suis Regibus fidelissima, prima olim jugum excussit Theutonicum, ut colla libera non tam subderet, quàm libero Poloniæ adjungeret Regno. Venit vultu miserabili fortunæ suæ præsentis teste, cum omni respectu & submississimâ veneratione, humilis enim etiam in causa bona coram Mte debet esse oratio. Compareret in nobis Status Spiritualis cum suis disputationi ulli non subjectis immunitatibus, agmen nobilium, non inania nomina præferentium cum Progenitorum suorum fide, virtute, & sanguine partis Juribus, civitates decora in pace, munimenta Regni in bello cum suis à Serenissimis Mti Vrä Antecessoribus concessis, ab ipsamet clementissimè confirmatis privilegiis: populus ultra quàm credi potest afflictus, turba mœrentium cum exhaustis in fletu domestico oculis. Præsentat ex privato cujusvis factus publicus dolor documenta fidei, documenta patientiæ. Optabat equidem Provincia nostra lætorem frontem induere coram Serenissima Mte comparitura, optabat non querelas aut lacrymas, sed festivos applausus tanto hospiti componere, sed quoniam digna visa est DEO, in qua experiretur quantum humana natura posset pati, quoniam inopinata indiscreti militis inundatio & dira tanquam signo ad permiscenda omnia dato in prædam libido cõmunis lætitiæ corrumpit malaciam, fortunæ publicæ vultum inducit decorem, dies festi ejus conversi sunt in luctum, Sabbatha ejus in opprobrium, honores ejus in nihilum. Nequit Regum clementissime tacta calamitas silentio transmitti, ipsa inanima clamant oppressa & queruntur. Nec laurus sine strepitu ardet, nec boni viri injuriosè secum agi sine clamore patiuntur. Gratio-
ra dictu ego maxime tot nominibus Mti Vrä devotus alia esse scio, sed tristia pro gratis loqui, & si me meum ingenium non moveret, necessitas cogit. Liceat ergo reverenter insinuare, quæ patimur; miseros utiq; nemo queri vetat. Quis potest, cum propria sibi eripiuntur, tacere? Scimus ad auxilium singulorum, non ad perniciem universorum Mtem Vram inclinatam malle felicitati nostræ, quàm calamitati præesse. Novimus augustissimo natum sanguine animum, proprias gazas munificentissimè alijs largientem, procul ab alienæ miseriæ distare suffragio. Paternæ proinde gratiæ thronum tantò candidiore pulsamus fiduciâ, quantò clarius nobis constare debet, quòd tam insolita Provinciæ gravamina insciâ facta fuerint fiantq; Mte. Non congero hîc querelas lachrymasq; populorum, nimis enim amarum & ingratum Mti Vrä offerrem munus, humillimâ tantum voce totius Provinciæ S. R. Mti Vrä supplico, ut servet integros, quibus possit diutissime imperare. Jam enim incipit terra nostra ante desiderabilis esse deserta, nec brevi erit, qui inhabitet in ea, si plorantibus in tribulatione, quæ invenit nos nimis, manur potenti & brachio excelsa, clementissime Rex potentissime

A.C. 1702 tissimè non succurres, si lacrymas ab omni vultu non auferes, si patieris toto spiritu & anima tibi subiectos, deturbari à libertate illa, quam à divīs Prædecessoribus acceptam hæreditariam in nos Patres nostri transfuderunt. Aperiantur ergo clementissimi oculi M̃tis Ṽræ ad deprecationem nostram, inveniamus gratiam ante eos, felices fac populos, non expecta, converte luctum nostrum in gaudium & quod humillimè petimus, clementissimè tribuatur nobis. Nōne enim Domine noster omnes servi tui sumus? Non patiaris Regum optime, ut quispiam delectetur in perditionibus nostris, tam enim male nobiscum agitur, ut injuria putetur, quod non libenter pereamus. Dignetur verò M̃tas Ṽra, hæc non lædendi avertat DEUS studio, sed simplici & sincerâ fide, non citra ultimam necessitatem ad se humillimè delata, in benigniorem partem interpretari, ac pio ut solet affectu in animum admittere, & hæc benignitate subditos fideles ad flagrantiora fidei & devotionis obsequia provocare. In una clementissima M̃tis Ṽræ gratia spes tota recumbit, ex tam alta publicæ felicitatis fiducia repentè dejectis, non alia restat anchora, quam supremam ejus dexteram lapsis Provinciæ rebus implorare. Me verò jam prolixioribus populorum querelis non decet clementissimas M̃tis Ṽræ aures interpellare, leget clarius, nihil ambigimus, per Regiarum curarum otium, supplicis quem reverentissimè porrigimus contenta libelli, plorantis Provinciæ lacrymis exarata. Supplicamus itidem M̃ti Ṽræ ut hoc, quod omnibus Provinciis, Palatinatibus, & Districtibus est concessum, nostræ etiam tanquam non minori in Regno Provinciæ clementissimè concedatur, ut scilicet non tantum consulere, sed etiam documenta fidelitatis nostræ in M̃tem Ṽram & veri in publicum palam ostendere possimus, zeli, in utroq; certe à nulla Republicæ parte superari nos passuri. Quod reliquum est M̃ti Ṽræ longævam vitam, felix à DEO Opt: Maximo ex animo vovemus Imperium. Respiciat ergo nos Dominus noster, ut læti serviamus Regi.

INSTRUCTIO TERRARUM PRUSSIÆ AD SEREN. REGEM
POLONIÆ, DATA CELSISSIMQ; PRINCIPI EPISCOPO VAR-
MIENSI. 17 Novemb.

Andree
Zaluski

NOS Senatores, Consiliarii & ex Equestri Ordine Terrarum Prussiae Thorunij pro die 12. Novemb. Anni 1702 ex mente S. R. M̃tis D. N. Clementissimi congregati super infra scriptis per Celsissimum Principem Episcopum Varmensem & Sambiensem Terrarum Prussiae Præsidem, Regiæ M̃ti Dno N. Clementissimo humillimè deferendis convenimus.

Quamprimùm S. R. M̃tas D. N. Clementissimus annuente Divinâ gratiâ in Civitatem Thorunensem feliciter redierit Celsissimus Princeps circa publicam audientiam præviâ debitæ, ac intemeratæ fidei & subjectionis contestatione S. R. M̃ti humillimè exponet jura, libertates, Privilegia, ac immunitates, cum quibus Terræ Prussiae spontaneè ac liberè ad Remp. sub Divo CASIMIRO Rege Poloniae reciprocâ curatâ sponcione testante accessere. Allegabit quoq; eo, quo decet humilitatis studio Constitutiones Regni tum veteres, tum quoq; recentiores. Pacta Conventa juramento firmata, Constitutionem Regni, Pacificationis ultimam assecurationem Regiam ad Sandomiriam fide Regiâ datam
mediis

mediante, quâ miles Saxonicus aut Regno educi, aut stante bello sumptibus Regijs proprijs sustentari debebat. Cum verò in contrarium horum Copiæ Saxonicae Provinciam hanc non requisitis etiam nobis inundaverint, & cum maximo Incolarum, & Colonorum, Bonorum Reipub: Spiritualium, ac Civitatum omnium præcipuè majorum, quæ ab omni exactione militari etiam proprij Reipub. militis solenni legum auxilio libera sunt, imò totius Provinciæ onere, ac insigni & irreparabili damno exactiones pecuniarias in numero excessivo sub nomine nunquam antehac audito portionum, non solum pro sustentando, sed & vestiendo, ac armando, denuò reaugendo milite percipiant, atq; etiam exequantur, & quod dolorem magis, ac magis acuit, tanta potestas in liberam Gentem Consiliarijs & Commissarijs Saxonis, quos S. R. Mtas à latere suo remove clementissimè promiserat, concessa sit, qui pro arbitrio suo gravius, quàm in absolutis Dominijs fieri potest, Bona Reipub. Spiritualia, & Civitatum indebitis, & insolitis exactionibus etiam cum præjudicio libertatis adeò aggravant, ut inhabilia in futurum contributionibus. & hybernis, in subsidium Reip. comportandis reddantur, & ad ultimam redigantur ruinam. Deducet quoque Celsissimus Princeps nec ab his angarijs nonnulla Bona terrestria immunia manere, sed etiam inibi insolentias militares exerceri, & ut S.R. Mtas D. N. Clementissimus Terras Prussiæ ab hoc insupportabili insolito, & Reip. militi proprio nunquam concesso onere per evacuationem liberas & immunes facere, & benignissimè injungere dignetur, ut damna per militem eundem causata, & pecuniæ exactæ, non obstantibus quibusvis extorsivis quietationibus refundantur, & restituantur, & ne in futurum simile onus Provinciæ imponatur, clementissimè providere, humillimè expetet; Cum etiam reliquis Provinciis Regni ex gratia Regia conventus suos celebrare licuerit, illeque exinde his terris feliciores extiterint cum ipsis calamitosis his temporibus de salute propria consulere concessum fuerit. Ut proinde S. R. Mtas & Statibus ac Ordinibus Terrarum Prussiæ conventum Generalem indicere clementissimè velit, submississimè sollicitabit.

P. S. Ex hac occasione visum est mihi adnectere tibi id, quod de Juramento meo historicus scribit & formam ipsiusmet Juramenti.

*De Juramento Episcopi Varmiensis ex Statutis Janusse-
vij pag. 909 910.*

Inprimis quòd quilibet Episcopus Varmiensis Successor Noster futurus, seu alij omnes pro tempore existentes in perpetuum infra tres menses à die receptionis literarum Apostolicarum Provisionis Ecclesiæ Varmiensis tenebitur, seu tenebuntur personaliter venire ad præsentiam Regiæ Mtis & suorum Successorum, dummodo in Terris Prussiæ essent constituti, aut in illorum absentia in Castrum Margenburg, & ibidem in manibus Episcopi, & non alterius, quem ad hoc sua Celsitudo designaverit, in Ecclesia majori ad altare suum, sub præsentia Palatini Mariæburgensis & Capitanei, ac etiam Magistrorum Civium de Thorun, Elbing, & Gedano præsentium, & in futurum existentium teneantur juramentum facere, quod & nos Nicolaus fecimus, sub ea, quæ sequitur forma, & in castrum præfatum descendere sub tempore descripto avifati: Casu verò, quò unus vel plures descriptorum interesse impediretur, nihilominus in manibus dicti Episcopi coram præsentibus qui convenirent Episcopus, seu Episcopi in futurum existentes

A.C. 1702 Varmienſes jurare tenebuntur in hæc verba:

Ego Episcopus Varmienſis promitto, & juro, quòd ex nunc, & ut antea fidelis ero Sereniſſimo Domino meo N. Regi Polonia, ejusq; Successoribus Regibus, & Regno Polonia tanquam Domino & Protectori Eccleſiæ meæ, ac etiam Capituli Suae Serenitati & Regno aſſiſtam, nec non ejus Successoribus uti Suae Serenitatis Conſiliarius contra quemlibet inimicum, cum quo nullos Tractatus, fœdera aut inducias faciam, ſine Suae Mtis conſenſu. Inſcriptionemq; Pacis perpetuæ in omnibus Capitulis, & punctis, ac etiam inſcriptionem per meum Anteceſſorem D. Nicolaum Episcopum Varmienſem cum conſenſu Capituli factam inviolabiliter tenebo, conſilium mihi creditum ad Suae Serenitatis damnum non revelabo, omnemq; machinationem, quam practicari ſubodoraverò in præjudicium & incommodum Regiæ Mtis Successorum, aut Regni Polonia existentium, pro quibus fideliter conſulam, præcuſtodiam tempeſtivè & ariſabo. Sic me DEUS adjuvet, & hæc Sancta DEI Evangelia;

Casu autem quo aliquis Episcopus Varmienſis pro tempore exiſtens juramentum fidelitatis juxta formam & tempus præſcriptum præſtare non curaret, extunc Vaſallis & Subditis prædictæ Eccleſiæ Varmienſis licebit cum honore, & impunè ab obedientia dicti Episcopi vi juramenti firmata reſilire, & Regiæ Majeſtati uſquequo juraverit, adhærere.

CONSILIUM LEOPOLIENSE die 22. Novembris PERACTU.

NOS infra in ſubſcriptione nominati, congregati in loco hoc ad Caſtellanum Cracoviensem Magnum Ducem Exercituum Polonia, Leopoli eo temporis commorantem, conferendî, & cointelligendi gratiâ, in materijs infra expreſſis, ad conſervationem Palatinatum pertinentibus, tales fecimus deciſiones, & pro cujuſvis ſenſu reſolutiones ſequentium punctorum.

Imprimis. Quid agendum cum Generali Steinbock, qui non tantum iteratis literis, nomine Regis Sueciæ ſcriptis, urget omninò reſtitutionem Suecorum, in præterita expeditione, per noſtrorum excuſſiones captorum, verum etiam intuitu ejusdem prætenſionis cum aliquot millibus exercitûs, omnia bona Rzeſzoviensia invaſit, eaq; hætenus intolerabilibus premit exactionibus, exigendo dictos homines cum omni apparatu bellico, vel pro quovis Equite 300 imperiales, pro Pedite 200. Quam ſummam vix tota Ducis ſubſtantia exæquaret; Nec occupatâ contentus Rzeſzoviâ jactat ſeſe cum exercitu iturum ſub Leopolim pro liberatione ſuorum captivorum: Unde grande periculum, devaſtandæ totius Ruſſiæ. Utrum ergo nominatus Dux in tam arduis poſitus circumſtantiis poſſit non expectatâ reſolutione (quæ tam citò eſſe nequit) totius Reip. reſtituere dictos captivos?

Deciſum, quòd, cum in præſentibus conjuncturis, tam citò hoc in puncto, deciſio à tota Repub. fieri nequeat, & aliunde per juſtitiam, Caſtellano à Sueticis Exercitibus oppreſſo, pro fidelibus in Remp. obſequiis ſuccuſſus debeatur, & vindictio ex hoſtili manu fortunarum ejus, ſimulq; timeatur periculum deſolationis totius Ruſſiæ, expedit, ut omnes in præterita expeditione accepti Sueci reſtituantur.

2do Acceptâ plenâ & perfectâ notitiâ de violenta interceptione, contra jura gentium Legati Galliae, à militibus Saxonis, unde periculum vindictæ toti Reip. à Rege Galliae metuendum est; Utrum expediat scribere ad Cardinalem Primatem, ut pericula ex hoc ausu imminetia proponat Regi nostro, postuletq; ut illis per reconciliationem & satisfactionem Legato, occurratur. Idemq; Cardinalis Primas explicet per literas, Regi Galliae hanc violentiam, Legato ejus, insciâ Rep. ejusdemq; ministris, esse illatam?

Conclusum, cum factis ex tam inhumano ausu, consequentiis, notabilis, & justa certò, Regis Galliae timeatur offensio, cui est omnino obviandum in tam arduis præsertim Reip. conjuncturis; interesse Castellani Cracoviensis, tanquam custodis securitatis publicæ, scribere ad Cardinalem Primatem, quatenus per literas justificet totam nostram Remp, Regi Galliae, nostroq; Regi exponat, quanta inde subsequi possunt infortunia.

3tio Invalescente rebellionem Cosatica, cui suppressandæ, propter exiguitatem Regiminum, & parvum numerum Exercitus, desunt in promptu ad manum modi, utrum in hoc passu Castellanus Cracoviensis expedire possit ad Scytharum Hanum, petendo aliquot millia, in succursum contra rebelles? & utrum certus futurus sit refusionis sumptus, sine quo legatio hæc peragi nequit; ubi donis, tum ipse Hanus, tum Proceres captandi sunt?

Resolutum hoc dubium, quod, cum alia non occurrant media, cohibendæ, refrœnandæq; Cosaticæ rebellionis, quæ majora indies sumit incrementa, jamque circa penè Leopolum, in variis Nobilium bonis, audiatur passim hic nequam spiritus rebellandi inter rusticos, necesse est, practicata jam olim in talibus circumstantiis assumere media, recurrendo per Legationem ad Hanum Tartarorum pro militari subsidio. Pro quo undecunq; Castellanus mutuam acceperit pecuniam, ratum habebit, contractumq; debitum, in dictam ad Hanum Tartarorum legationem, restituet debitum Respubl.; quod nostro suffragio efficaci promittimus nos apud eandem Rempub. promoturos.

*Hieronymus Lubomirski Castellanus Cracoviensis Exercitus
um Generalis Dux.*

Joannes Jablonowski Palatinus Russia.

Alexander Joannes Jablonowski Vexillifer Regni Polonia.

Martinus Ratski Palatinus Cracoviensis

Janusius Korybut Wyszniowiecki Castellanus Vilnensis.

*Adamus Sieniawski Palatinus Belzensis Campestris exerci-
tuum Dux.*

COPIA UNIVERSALIS MAGNI DUCIS EXERCITUUM POLONIE AD TERRAS PRUSSIE.

PRimâ acceptâ notitiâ, de ordinatione Exercitus Saxonici ad Provinciam Prussiae pro consistentia, magna & justa Exercitum nostrum tenuit sollicitudo, ne per hoc hybernæ inde debitæ aliquod poneretur impedimentum: nunc verò de tam magnarum portionum exactionibus accepto nuntio, majore fervore instabat exercitus ad me, ut pro ejus sustentatione illam saltem conservarem

A.C. 1702 portionem, desperato aliunde penitus vastatis ubique Regionibus subsidio. Communico itaque vobis postulationem & justam prætensionem Exercitus, ne scilicet hyberna ex Provincia Prussiae illi debita, alicui exotico militi extradatur, verum ut congregata, collectaque pecunia asseruetur, donec dentur assignationes pro exercitu Polono, vel ut comportetur ad ærarium, hanc enim sibi debitam mercedem nemini debet cedere, aut potest exercitus, quam favore legum & proprio meretur sanguine. Tempestive ergo præcusto, dio securitatem summarum hybernalium in Provincia Prussiae nomine totius exercitus, Actum Rzeszoviae 5 Novembris.

COPIA LITERARUM PRIMATIS CARDINALIS AD EPISCOPUM
VARMIENSEM 24 Novembris.

R Eddita mihi est tua epistola de data 19 præsentis Thorunio, ex qua elicitur, nondum Regem, rediisse. Interim hic orbitas, sine Patre Patriæ, resolvit manus & audaciam Saxonibus ad graviores indies repressionses, quæ in liberis gentibus, sine earum, apud externos opprobrio esse nequeunt. Consilium & zelum ejus Provinciæ adeo abest, absitque ut reprobem, ut laudem potius, nisi enim id ferveret in his circumstantiis, certè nunc more servorum habiti, dein tractaremur ut mancipia. Id tamen laudari nequit, quod concludenda à vobis, usque ad Regis adventum differtis, per quod datur spatium debilitandorum consiliorum, & virium, vividique spiritus, & intentiones per moram emoriuntur, timendum, ne noceat differre paratis; postea vel animis, vel temporis opportunitatibus, variatis. Ego certè ut in scissione hac immobili constantia steti pro integritate jurium & libertatum; aliisque spartam deferentibus, non movi passum, usque ad honorificam pacis per accessum meum vocationem. Ita etiamnum certum te, & per te alios fieri velim, me, totus licet labatur orbis, à voto & charitate ejus Provinciæ minimè separandum, cujus dulcedinem hætenus à temporibus meæ ibi quondam præsentia memori mente volvo. In reliquo, latori præsentium, quidquid meo nomine dixerit, habeto fidem, mihi quoque de progressu, successuque consilii, dicenda manda, imprimis verò, in quo me tibi servire velis.

COPIA LITERARUM REGIS AD VARIOS SENATORES
25 Novembris.

A D probatum tuum, fiducialiter recurrimus affectum in præsentibus conjuncturis, in quibus non solum innati in Patriam amoris, verum etiam constantis erga nos fidelitatis dare poteris documenta. Nunc certè ut nunquam magis, quisque cernit, coelum hoc non posse unius humeris inniti, ideoque cum nihil ex parte nostra omittamus, quidquid ad integritatem, & conservationem publicam utile esse judicamus; nihil quoque magis optaremus, quam omnes, sincere suam amantes Patriam, ad efficacem applicationem, seriamque circa bonum ejus cogitationem excitare. Agimus nos quidquid videtur in præsentis statu proficuum, & neces-

necessarium, verum occultâ quædam nequitia, sperantibus hætenus meliora, non assecutis, optimas turbat intentiones, omnesque pro bono publico meditationes parum amica manu, & animo impedit vel corrumpit. In hodierna ergo devotione, humiliati Neonato Deo, dolore nostro & injuriis illi tanquam innocentia Proteçtori & vindici commissis, & sinceræ alta inter suspiria precati ut tandem aliquando obscuras has, & tenebris dignas malevolorum nequitias in lucem producat, occultos & pro feritate, & consuetudine; revelet latratus, ostendatque Polono orbi integerrimas intentiones, & actiones nostras, qui nunquam egimus, nec agere intendimus, nisi quod utilitatem afferret bono publico: firmam in Deo moderatore Regnorum, habemus fiduciam, qui liberabit timentes gratis ab eo metu, quo nos pertinax iniquitas, varia publicando commenta, perscellit, quæ nec in cor nostrum unquam ascenderunt. Manifestabit etiam illos authores & fomentatores, qui rebellionem Cosaticam in perniciem Patriæ vel concitarunt vel hætenus fovent, cui nos nec directè, nec indirectè unquam sumus cooperati, imò nihil intermisimus, quod suffocandæ exurgenti flammæ utile videbatur. Expedivimus ad Czarum Moschoviæ cum ardenti postulatione, quatenus pro potestate sua hos ausus cohiberet, nec ipsi gravaremur in persona nostra, quàm libenter pro defensione hujus Reipub. omnibus opponimus periculis, etiam in illas excurrere partes, optando si fieri posset, etiam per replicationem in omni eo loco esse & agere, in quo exigit necessitas, & quo nos promptitudo ad defensionem omnium & singulorum, trahit. Indolemus sincerè gemitibus pauperum, querelisque auxiliaris nostri Exercitus, quem antea in spem inveniendæ domesticæ defensionis, libenter remisseramus, sed hac per malevolos deficiente, iterum ex Senatûs consiliis & indispensabili necessitate induximus, severas dando ordinationes, ut quàm arctissimè militaris disciplina servaretur, nihilque magis nobis in votis est, quàm ut pauperes promptam à pressura habeant liberationem, Regnumque hoc diu optatâ fruatur pace; & nisi occultæ machinationes, factionesque, in causa essent, jam pridem occasio, & radix gemituum, & querelarum tolleretur. In hoc quoque assecuramus omnes & singulos, quod ubi DEus optatam pacem Regno huic contulerit, nemini ullum amplius milites nostri facturi sint incommodum. Quo fiducialiter delato, ad probatum tuum iterum iterumque recurrimus affectum, ut in omni occurrente occasione, honorem nostrum & interesse tueri velis, osque loquentium iniqua obstruere, nos quoque, qui à nemine superari nos affectu patimur, nostrum tibi in omnibus occurrentiis, domuique tuæ respectum promittimus, cui omnia bona, à bonorum Largitore DEO precamur.

A.C. 1702

AMICO CONFIDENTI 30 Novemb. Theruniô.

*Cur sigillum
magis accep-
taverit.*

QUID tandem dices fecisse me planè coactum, quod voluntariè recusassem, unde tamen certus sum me apud omnes æquos, & profundius rem considerantes, laudem potius, quàm vituperiũ, & odium inventurum, cum non ambitione ductus, à qua absum longissimè, sed quod verum, aut verius, miseriarum Episcopatus mei, imò totius Patriæ momenta id maximè requirunt, cujus commodi communis ratione, oblitus meæ infirmitatis, sed solo ardore defendendæ Rempub. nostræ raptus, quanquam nullum meritum, exiguam capacitatem in me scio, sola divinæ pietatis, & misericordiæ spe fultus aggredior, id quod ut benè exequar non in me est, sed in DEo. Illud quoq; consideravi, nullum nostrum sibi soli natum esse, sed ortus nostri partem sibi Patriam vindicare, partem parentes, partem amicos, multa præterea pro temporum diversitate nobis accidere, quibus vita nostra occupata est. Vocanti me igitur Patriæ ipsi ad Rempub. gubernandam absurdum forsan esset non parere, præsertim cum simul accidat, ut aditus pravis hominibus relinquatur, qui nulla ipsius, quod optimum est, ratione proficiscuntur ad publica, insuper malui per obedientiam videri sapiens, nec mihi licuit non facere quod iussus sum, & onus meis humeris in his præsertim circumstantiis penè intolerandum subivi, confusus ejus auxilio, qui victimis obedientiam prætulit, nec timeo sub tanto fasce deficere, si præstò sint, qui vel cadenti mihi manum porrigant, vel currentem adjuvent, vel solum ne desidiâ, aut maliciâ (quod esset pejus) suâ diligentiam meam impendant. Tu es conscius, nullum me ad hunc Magistratum, nisi commune omnium bonorum votum detulisse. Quia si de me vir bonus (te intelligo) bene sentit, eodem loco sum, quo, si omnes boni idem sentirent, par illis, idemq; iudicium est; Æquè verò non insistitur ab his, qui dissidere non possunt, ita pro eo est, ac si idem omnes, quia aliud sentire non possunt; ad gloriam, & famam satis est unius boni opinio, hoc enim potest unius boni sententia, quod omnium, quia omnium bonorum, si prorogetur, unum votum esse solet. Cum præcipuè ego nihil unquam tentans, nisi honorificum, honestumq; omnia pro æquo & bono conabor, nec cujusquam odium DEo fretus timebo. Inviçtum muneribus animum, & in tanto avaritiæ certamine geram, nec unquam manum suppositam lucro videbit quisquam; adversus minores humanitatem, adversus majores, ut semper soleo, testabor humilitatem, & reverentiam. Quæ mea intentio si alicui non satisfaciet (ut neq; ipse mihi ubiq; satisfacere possum) is cum animo suo reputet in tam difficili negotio proclive esse, vel errare, vel hallucinari. Cum præsertim nullam in me sentiens ad hunc honorem dignitatem, in tanta Patriæ necessitate non misereri ejus non potui, relinquere curam Episcopatus mei non licuit, nec debui, quia respectu hujus ministerij ab ultima, quæ imminet liberari poterit ruina, laborem quippe non refugit, qui virtutis gloriam concupiscit, & ideo juvante DEo, quo auctore omnia prosperanter curabo, ut de arte veniat, quod vincat naturam, & ne te pœniteat (sortem quoniam hanc mihi fata dedere consilio tuo) tantum onus humeris imposuisse meis, cumq; propositum fuerim mutare coactus, tenuitatis reparabo damna labore meæ. Est quidem verum, multis ante sæculis lege sancitum esse, quòd Episcopatus Varmiensis sit ex incompatibilibus cum sigillo Regni, sed id re ipsâ non observatum & toties dispensatum. Si in primis

Comi-

Comitijs Regni minima difficultas fuerit, libenter pro me, revertenter pro legibus alteri lampada tradam, paratus ut ille obediens bos, sive ad aram, sive ad aratrum, redibo ad Ecclesiam libens, laborabo in ministerio pro ea, & pro Republ. coactus, & si quid adversi hac in parte advenerit, id cum Terentio nostro reputabo esse in lucro, quanquam puto, quia tenentes tenebunt; Cæterum æquo animo feram fortunæ, & si novercans fuerit impetum, quia hic est mundi cursus, ut is rectè utatur eo qui minus movetur adversis. Ille sapiens homo est, qui ea vult, quæ velle DEum novit.

Meministi, & credo adhuc tibi non satis veterum memoria ministratur, quod anno 1688, Sigillum, mihi promissum & die 27 Novemb. fuerit non sine præjudicio mei declaratum Dño Georgio Dönhoff Episcopo tunc Camenecensi, quod nunc hoc anno die eadem hoc est 27 Novembris mihi est collatum, ita prædestinata neminem prætereunt, pleraq; ubi nihil memoratu magnopere dignum, actum est prætereo, quæ autem referre operæ pretium existimo, breviter recenseo, quia hæc quæ fortuito accidisse creduntur, consultò DEI voluntate facta sunt. Recordaberis & id quòd post evectionem scilicet ad Episcopatum Cracoviensem D. Dönhoff Dño Episcopo Kijoviensi Gomolinski, Dño Bokum Episcopo Præmisliensi, tandem Dno Episcopo Culmensi Potocki, ut taceam D. Episcopum Chelmensem Wyzycki hoc sigillum destinatum erat. Postremò novissimè tanquam eadem, ut ajunt filia plures sibi adsciscerentur generi, Domino Casimiro Lubinski Suffraganeo Cracoviensi Nominato Chelmensi fuit destinatum, & positivè declaratum, qui etiam accepto rumore de morte Procancellarii accurrit huc Thorunium certusque rei suæ erat, & ego libenter eum in hoc ministerio vidissem antiquum amicum, & mihi còetaneum. Omnes credebamus id fieri posse, & debere, cum præcipuè ego laboribus & æumnis confectus, neq; jam vel corpore, vel animo perdurare potens, prævidens præterea invidiam, & odia, quæ multi etiam contra optimos viros suscipiunt insidiasq; ex ijs nascentes, ultra multitudinem inimicorum magnitudine officii territus sæpius suspiraverim, & potius privatim cum gloria vivere, quàm hoc ministerium in tam periculoso gerere statu desideraverim. Pro meo autem more confidenter tibi dico, quòd Dominus Referendarius Szembek magnam partem in confidentia Regis habens accepit declarationem sigilli majoris, ut quidem Turnus pro sæculari videbatur esse; sed quia vel audacia ei, vel voluntas deerat, & in experientia, & in fortuna non se sentiebat sufficientem huic primo ministerio Regni, nolebat verò ut D. Lubinski cum quo secreta aliqua fuit dissensio, præcederet eum, felicitatem ejus, suum damnum, ejus emolumenta suum infortunium putans, effecit ne is, qui animo jam certum habebat, re possideret, libentius me videre in hoc gradu testatus, ut res ipsæ loquuntur, quæ evenerunt. Venit etiam Varsoviâ declaratio à jurisperitis, quod jure Ecclesiastico hoc tempore deberet conferri, ut ex annexis patebit. Petiit ergo idem Dominus Referendarius, & institit apud Regem, ut mihi cederet sigillum, in quo & D. Beckling; qui volebat omninò amicitiam meam, desideravit, & sic vespere 26 declaratio facta, privilegium subscriptum, & manè 27 à Dño Mareschalco Bielinski, qui tum erat præsens utrumq; sigillum, in consilio Senatûs ob necessitatem evidentem (cum sigillum utrumq; vacaret) declaratio publica, & traditio facta; Divina potentia tum potissimum

A.C.1702 tissimum demonstratur, cum subleuat, quæ sunt minima; faxit DEUS, ut si non implemus opiniones hominum, saltem ne confundamus eos, qui de nobis bene sperant. Multa fortunæ fluctuantis incertæq; arbitrio reguntur, causæq; plures existunt, cur non omnia ex animi sententia mortalibus eveniant. Fortuna celeres habet mutationes, & modò hos, modò illos fovet, aut affligit. Boni viri interim est administrationem Reipub. si qui ipso uti vellent non subterfugere, neque tamen eam ultra quam convenit expetere.

Habes ergo me, quod totâ mente petiisti Cancellarium, & literis his, quibus cum scirem tibi jucundam silere non potui, non tam promotionem meam, quàm per multorum cognovisti epistolas, sed animû meum erga te illum esse confirmo, qui semper fuit, nec veram amicitiam ulla dignitas tollet; obedientia mea vadit, quò ducitur, non quò debet, quòd impositum mihi est ferendo. Tu si visum fuerit & amicis, & inimicis communicare hæc poteris, illis ad gaudium, istis ad pœnam, noti sunt tibi universi, & amici, & inimici mei, illis utere, istis resiste eo utriusq; addito, quòd non propter fratres, cognatos, affines (ut malignitas interpretari poterit) quorum mihi magna, & honesta copia est, sed unico motivo id oneris suscepi, corde perfecto, & animo voluntario, ut possim prodesse Patriæ, cui natus sum, & spero in eo à quo omnia, putoq; virtutem, quæ sola mihi ad honorem hunc suffragata est, tarditatis suæ pœnituisse, ac superioris temporis moram hâc festinatione emendasse. Non obliviscar certè officij, nec puncto discedam ab eo, & memor ero, quibus de causis Cancellarii justitiæ, & legum custodes appellentur Thesaurus famæ publicæ, Patriorum jurium armarium. Cum verò in DEI manibus sortes meas reposuerim, ut impleat petitiones meas, ut desiderium meum audiat, ut benedicat, & principio, & novissimis, ut omnia quæcunq; faciam prosperentur, ut salvum me faciat ab omnibus persequentibus me. Dominus spes mea, quoniam sicut Domino placuit, ita factum est, ad eundem, qui ipse fines mundi intuetur, & omnia quæ sub cœlo sunt respicit, qui ponit pluvijs legem, & viam procellis sonantibus, qui considerat vias meas, & cunctos gressus meos enumerat, recursum faciendum credidi; justum enim adjutorium à Domino, qui salvos facit rectos corde, scripsi imprimis ad omnes Provinciales, & aliquos Conventus Religiosorum, & Religiosarum, ut pro me in tam difficillimis temporibus assistentiam Spiritus Sancti implorent. DEus refugium & adjutor meus, sperabo in eum. Ita invocato DEI nomine accinxi me operi, & imprimis scripsi Cardinali Primati non recordatus injuriarum, solent enim hæc magis instigare, quàm mitigare discordias, solum quòd mihi magis est cordi locutus, ut scilicet mihi eum devincirem, quia ex bona cum eodem correspondentia, & Regi majus obsequium, & Reipub. major utilitas esse potest, sperans quòd submissioni meæ, & votis piè conceptis facile cederet, cum dependentiam meam ab eo, (modò verus, & sincerus ut esse debet, sit publici zelus) offerebam, sciens autem ejus ingenium tale esse, ut præsentia commoda, quæ à certa rerum occasione ostenderentur, omnibus alijs suis rationibus anteponenda censeat. Sic populi sermo celebrat, creber, & irrita nunquam fama cadit penitus, cum talia sint, qualia omnes audivimus. Ut verò ille qui eodem nonnunquam die commutatis voluntatibus modò his, modò illis favere consuevit, constantior esset, & sciens illum blanditijs Dñæ Palatinæ Lenciciensis delinitum importunæ mulieris libidini non læpè, sed semper obtemperare, quæ quia

quia majores, quàm muliebris animus fert, ad res publicas spiritus gerit; speciosa verba dare illi necessarium credidi, & quamvis ex arcanis cubiculi sordibus in lucem repente sit producta, & pessimã ejus voluntatem noverim, & omnia comperta habeam, quòd illa scilicet sit in causa, ut res malè se habeant, sive conviciando, sive maledicendo omnibus bonis, sive supplantando, quia tamen una arbitrata suo agit omnia, leges etiam non nunquam prætexuit, & ludibrio habens civilitate mea, & observantia potentiae ejus obviam ivi separatas literas scribens. Videbantur enim mihi ex hoc ceu fonte nasci mala publica, & proinde hac curata secuturam sanitatem sperabam celerem. Cum Cardinalis solus res moderari, nec rationi reddendae obnoxius esse, more veterum volens, non cavens, nec se movens, tametsi Polonia multis iam diu, & diris modis lædatur, neq; quidquam vel Repub. vel se dignum faciens, nihilq; pensi habens, ut Patriae prosper ventus aspires, nec id procurans, imò eam evertere, & demergere, quantum in se est, desiderans operamque dans, ut in hostium potestatem redigatur. Rempub. non iam communem, sed privatim suam existimando, clam contra aulam modis omnibus agit, desideratq; ut Regnum semper magis involvatur bonis carens Ministris.

Quia ergo potestatis muliebris, & ipsius Primatis visibilem malitiam non erat possibile tollere, necesse erat varijs modis debilitare potentiam. Sed unde publicum emolumentum sperabam, vix non privata ab initio statim dignitatis meae accessit ruina, unde solatia expectabam, convicia accepi; Mulier enim hæc inter malas pessima, reti me implicare voluit, criminis omnis expertem, & extra omnis suspicionis aleam positum, & qui integritatis meae conscientia fretus præmonito prius Rege, & quid scriberem informato, rationeq; quod bono servienti melius animo faciebam, falsitate calumniae conquistata perdere voluit, & fecisset, nisi in defensionis progressu & crimen falsum demonstrassem, & quæ id afferre ausa fuit nefariam calumniatricem, id nimirum omni conatu curabam, ut nunquam sim reus, nec quisquam mihi infundat aquam; Misit literas à me in originali scriptas, quarum adeo non me puduit, ut eas laudi quoq; mihi ducerem, & vitæ meae bonarumq; intentionum Regi cognitarum censores ostendi, & sic falsum probrum ultra oculos, & aures Regis non penetravit. Vellem tamen ut lex, quæ exstabat apud Romanos, apud nos fiat, quæ scribere falsa prohibeat, sed quid? ista scæmina cum privatim mala sit, nunquam fiet publicè bona, quis non videt id eam facere, ut multa non vertere, sed pervertere dicenda sit. Rebus secundis iniqua, & insolens erga omnes, in calamitatibus supplex, ac mox impetratâ, vel gratiâ vel veniâ recedit à scædere, & promissis, ut hoc usu Rex Seren: est edoctus, cum toties jam fuerit affectus, & amicitiae frustra professio super professione, vovebatur, proponebatur, quod non tenebatur, sed veniet veniet dies judicij, ubi plus valebunt pura corda (dico cum Bernardo) quàm astuta verba, & conscientia bona, quàm marsupia plena, quandoquidem judex ille non fallitur verbis, nec flectetur donis. Sed jam satis nimis longo discursu hoc exaro punctum, & invitus scribo rem silentio dignam; sic tantis circuitibus ad veritatem ambulamus, dum pudenda quandoq; relevare timemus, quæ dictu parum verecunda sunt, ea nec satis honestè scribi possunt, scribimus tamen ea & cum pudore, quod multis cognitum, occultare etiamsi vellem tibi præsertim non valeo. Si vera occultanda sunt, nihil dicere necesse esset.

Quid

A.C. 1702

Quid me scribere pudeat, quod illos non pudet facere? si pudeat audire quod impudenter agunt, non pudeat emendare, quod non libenter audiunt, & hoc non timide tanquam ad extraneum, sed fidentissime scribo quaecumque volo, qui quandoque, & nota scire laboras; Mihi qui canit omnia dira, dira domum referat & nato suo illa reservet; Arcana non sunt, totus quæ novit orbis.

*Lefzczyn-
sio suade-
tur recon-
ciliatio cum
Rege*

Scripsi item D. Lefzczynski Thesaurario Regni, in quo summa sapientia, eximia virtus, & singularis est humanitas, meumque Pleßovium ad eum misi tanquam ad antiquum amicum, persuadendo ei omnia pacata, invitando ad confidentiam Regis, cuius ego pro vade me reddebam, explicavi mala quæ imminet, sic enim mihi contigit, semper beare amicos, id est terrendo salubriter, non adulando fallaciter, & ad istud me provocat, qui dicit: Beatus homo, qui semper est pavidus, ab hoc revocat qui ait: Popule meus, qui te beatificant, in errorem inducunt, nunquam videri volo, ut aliqui, ad gratiam loqui, nec deligo assentandi viam, quæ sub velamento libertatis delitescit, sed ea suadere semper eis vellem, quæ in posterum prodesse; Deducebam ei quod Rex, nec illi inimicus sit, nec unquam (per me saltem) flagitabit ea, quæ nobis sunt indecora. Quo pacto autem reconciliatio confidentiæ cum Rege integrè fieri debeat, id explicare ut consulentis officium est, volui, ut scilicet si non potest Thorunium venire, medium itineris conficiat ex parte hac, ego idem facturum, ut rationes nostras coram explicemus, mediaque salvandæ Patriæ, ad quod unice tenemur, inquiramus. Deduxi clarè, quod mihi nunquam sit propositum, præsentis gratiæ causa, quidquid dicere apud illum, quod non etiam in posterum profuturum existimem, & quod ad præsentia negotia nihil cadere queat optatius, quam ut omnes iuncta opera, communicatis consilijs publicum bonum pro meta habeamus, & ea agamus, ad quæ & conscientia, & propria utilitas non invitat, sed cogit, ut verò res maxime nudas dijudicet repudiatis verbis omnibus, quæ seducere possunt, ipsius veritatis, & virtutis solum rationem habendo, palam ei feci, cum præsertim persuadere mihi non possim, quidquid alij sentiant, quod sciens, vel volens perdere velit Rempub. & famæ suæ studiosum esse, nam tantum quorum vita turpis est, ij non honorant hanc Deam, quam immortalem habituri sunt accusatricem.

Quæ igitur à me in his primordijs præstari fuit æquum, ea præstita sunt omnia, fiducia enim animi nullis laboribus cedens progredi constitui, & vides majores à me res gestas, quam pro spatio temporis. Petebam ab omnibus ea, quæ etiam non roganti præstari erat æquum. Dixi & scripsi omnibus, & non dissimulavi, quæ utilia & necessaria credidi. Ut enim mihi meum, sic suum cuique iudicium in re præsertim momenti tam magni, liberum sed exactum & diligens esse decet.

*Item Sapi-
entias*

Expediti etiam ad D. Thesaurarium Litv. meum, V. Colonellum Hammer, ut insimul hac occasione rem exploraret tanquam agendo aliud, & videret ad oculum Regem Sueciæ, mors enim ejus necdum divulgari cessat, Sic plebs mirum in modum incertis rumoribus servire solet. Dedi per illum Domui Sapientianæ consilium, quod mihi rectissimum videbatur, exposui sæpe usuvenire, ut idem homo in alio erret, in alio rectè sentiat, & quod ea suadebam, quæ illi cupere deberent, quibus fatale est, nunquam in secundis rebus sapere. Ut enim fecundi agri noxias herbas gignunt; sic magna ingenia, ut Plato prudenter ait, magnis etiam vitijs aliquando abundant, idque omnium ætatum histo-

rijs sic est declaratum, ut ineptum fuerit hanc sententiam exemplis ap- A.C. 1702
probare; Ne ergo alia ex alia spe suspensi, & pollicitationibus deliniti,
res in extremum discrimen adduci patiantur.

Quanta ex his quæ agunt & Reip. & in privatum Domui eorum
immineant pericula ostendi facile potuit, nec erat justarum rationum
inopia. Quis scit an post de rebus agendis consulere liberum erit, ut
nunc esse potest, quis scit an res eorum in angusto sitæ diuturno, ac an-
cipiti bello semper magis non atterentur, & credant non deesse media,
quibus omnia aspera in viam planam reduci possent, & hæc non sunt
speciosa tantum verba, nec factis contraria esse manifestè per me per-
spicient, modò colloquendi mutuò detur copia, & facultas. Desinant
navigare inter spem, & metum melioris fortunæ, certa pro incertis non
abjiciant, nec enim nisi accepto malo erunt prudentiores, si diutius spem
publicam ad speciosè otiosam anchoram alligabunt pari semper illorū
hoc est mala fortuna ac nostro infortunio. Quod ego suadeo ratio evin-
cit, DEus jubet, natura suadet. Meminerint, quòd umbram pro corpo-
re sectantur, & cum vera sperare non possunt fumo pascuntur inani.
Ut verò omnia tibi pateant, mitto & literarum & instructionum mea-
rum copias cum voto, ut benè valeas, & me constanter quod, ego fa-
cio ames.

SERMO ANDRÆ C. ZALUSKI EPISCOPI PRINCIPIS VAR-
MIENSIS ET SAMBIENSIS

in Gratiarum Actionem pro collato sibi Sigillo Majori Thorunij
27 Novembris

EGO ne ultra opinionem omnium, ultra spem, & securè dicere pos-
sum, ultra vota mea propria ex dispositione supremæ manus in
cujus manu cor Regis, ex voluntate Mtis Vrä minimus homi-
num, magnus hodie fio Cancellarius. Quantumvis speràssem, etiamsi
quàm diligentissimè quærerem paria ad gratias referendas non inve-
nirem verba, quantò magis tam insperatum beneficium stuporem ex-
citat, & linguam ligat, Domine nescio loqui. Perdideram jam Rex Se-
renissime & gustum etiam ipsum ad similia Ministeria, quæ integrum,
sanum, & vigorosum requirunt hominem, & ego continuò per tot an-
norum decades, & in privato Serenissimi Antecessoris tui obsequio, &
in interrupto tam ab extra, quàm ad intra functionum ordine conquisi-
tus posueram fines meos pacem; omnes ascensiones à corde & à men-
te etiam exclusi. Proposueram in hac Diœcesi, in qua me benefica Mtis
Vrä collocavit dextera pro bona valetudine, felici regimine, fortuna-
tis miseræ Patriæ successibus, quiete, Deum precari, & æternitati labora-
re. Et ecce ad maxima Regum optime evehis, qui & mediocribus con-
tensus erat. Extrahis ex tenebris in lucem, ex domestica commoditate
in laborem tam ingentem, tam in istis conjuncturis necessarium. Sere-
no cœlo navem regit ultimus Nauta; collocas in publico candelabro,
jubes esse custodem legum, immunitatum & libertatum. Curandum
ergo mihi, enitendum ut non seducam judicium Mtis Vrä & expecta-
tionem populorum, ut sic hæc custodiam, ne quid unquam coram Deo,
coram Republica, coram posteritate excusandum habeam: in defectu
verò verborum quia paria, ut dixi, invenire nequeo, obedientissimas
aures confesco & reddo ut audiam viam mandatorum tuorum, ut au-
diam quid loquetur mihi Dominus: reddo simplicia & incapacia labia,
ut

A.C.Z. 02 ut loquar, quod jubet Dominus. Scio enim & in hac fiducia hanc accepto dignitatem, suscipio onus, quod nihil jubeat contrarium juribus, legibus, & Patriis consuetudinibus. Reddo ad extremum cor, & totum me ipsum, dispone Domine eo magis fidelitate, submissione, obsequio servi tui, quod sum obligator; faciam verò, & levabo me supra me, ut videas me promptum non ad privatum solum Mris Vrae, sed & ad publicum, quia hoc est apud me indivisibile Reipubl. obsequium. Agam id, DEus mihi sit in testem, cui modò juravi, & non me pœnitebit, agam id, quod me fides, juramentum debitum, & honestas Nobilis, Senatoria, Episcopalis, & jam Ministerio alligata obligabit.

BENEDICTIO SAPIEHA 28 Novembris.

Intermisi per aliquod tempus solitum scribendi officium. Quomodo enim scribere debui? nunc defero; quod heri dixit me Rex Magnum Regni Cancellarium. Insperato mandato dato, ut ab hoc labore me non excusarem. Factum est, ut imperavit. Maximum meum esset solatium, si & publico & privato amicorum prodesse valerem cōmodo, quod quidem unice opto. Vice Colonellus custodum corporis mei ad castra vestra properat, cui in certo negotio instantiales denegare non potui, rogo te, ut eum audias, & si possibile est, exaudias, quoniam justa petit pro æquitate, & ego sum.

MEMORIALE VICECOLONELLO HAMER.

Quam citissime ad locum destinatum properabit, ubi dum comparuerit, referet, quod ultra spem omnium, & meam quoque propriam 27 Novemb. contulerit mihi Rex sigillum magnum Regni. Cum proinde in hoc ministerio vellem ita vivere, ne non tantum per commissionem aliquid mali contra expletum juramentum faciam, sed nec per omissionem vel in minima occasione, quæ posset bono publico servire; jungo ad id sincerum desiderium, ut omnibus bonis amicis ita serviam, ut naturali ad obligandum quemvis feror inclinatione.

Hinc est, quod in ea existens meditatione venit mihi in mentem modus, & publici Patriæ, & privati Domûs Sapiehanæ obsequij. Propterea non utor extraneis, sed antiquum ante eorum, nunc meum mitto domesticum, qui contestabitur inveteratum meum affectum. Si eum testatus non sum his immediate temporibus, quia mihi non licebat per conscientiam & per debitum communicare cum illis, qui contra Regē & contra Patriam (quia ruina tam ingens Regni evidens dat eorum, quæ dico, documentum) palam agere.

Compatiebar semper afflictionibus Domûs Sapiehanæ, sed tamen nunquam extrema hæc, quæ sunt aggressi, placere poterant, & ex antiquo affectu optarem, ut hæc quantocius finiantur, quia exoptatum absolute non credo sperari posse finem, & nullum inde aliud fieri potest lucrum, nisi desolatio integra Poloniæ, & pro ea terribilis DEo reddenda erit ratio, & omnis contra se assumenda invidia. Hæc proinde habens in manibus media, ad bonum finem, non gravarer etiam ad aliquem destinatum excurrere locum, ubi modò securitatem habeam passus, & felicitis negotiationis hujus exitus. Urgebit proinde dictus Vice-Colonellus quam celerrimam in hoc puncto declarationem, illud ante omnia rogando, ut hæc conferentia sit quam secretissima. Scio enim

bene

bene, quòd optimas etiam res humana malitia destruere & evertere so-
let. In eo quoq; asscurando, quòd omnes hi, qui se amicos dicunt,
veri amici non sunt; si non optant pacificationem eorum, quia tales in
turbido sua promovendo comoda, quæ sua sunt, quærunt, in quo docu-
mentaliter, si libuerit conferre, referam me ad convictionem.

Pro prudentia sine affectu addet, quomodo tot Palatinatus sincerè volunt assistere Regi, & quamvis multi sint, qui in contrarium fo-
mentant, & sua magnificant, potior tamen pars hic invenitur; & quo-
niam omnes accusant, & contra Saxones clamant, tunc per id ipsum
major invidia contra eos, qui assistunt inimicis, & qui malorum sunt
causa; si non essent Sueci, non essent quoq; Saxones.

Referet etiam, quomodo notabiliter augetur exercitus Regis, &
quòd seriò se præparet, ut deleat præteritos dishonores, & errata cor-
rigat, quòd scit pro certo magnus ex variis locis venisse pecuniarum
summas, & majores adhuc sperari. Cæterum omnes adhibeat modos,
ut illos terreat, quia etiam veras timor esse debet. Quantocius curabit
expeditionem, & per ordinatos Cosacos in posta dispositos secundum
informationem si conferentiæ huic deferent, & si est aliqua apparentia
ad bonum finem, denunciât, In nullas verò intrabit relationes, brevi-
ter quod bene fecerit, quæ fient omnia, aut (DEUS avertat, quod ex
nihilò nihil) deferet, si nihil effecerit Varsaviam properet, & ibi man-
datum meum expectet, postquam ut superius de se significaverit. Inter-
rim tam secretè agat, ut nec hic, quò it, nec illic, unde venerit, ullus
sciat. Roget etiam Thesaurarium Litvaniæ, ut id quoq; secretum sit
coram fratre ejus, quia omnia destruerentur. &c.

RAPHAELI LESCZYNSKI MAGNO REGNI THESAURA-
rio idem Episcopus die eadem.

ECce insperatè non curando, nec fortè vovendo dixit me heri Rex
supremum Cancellarium. Sum plus quàm certus, quòd mihi vi-
tio id non vertes, quòd obsequium acceptaverim publicum. In-
cipere autem illud melius non possum, nisi à contestatione veteris &
constantis amicitiae, quæ in corde meo tam altas posuit radices, ut evel-
li nunquam ab eo queat. Offero proinde obsequia mea prompta, ad
antiquam recurro confidentiam. Referet alia præsentium lator, aurem
tantum liberam, benignum cor illi præbe.

Affectus ille, & amicitia stricta, quam à tenera ætate inter nos co-
luimus, non sunt extincta in corde meo, & vellem rebus non verbis id
testari. Testari autem melius non possum, quàm dum ad gloriosum
pacificationis publicæ invito opus. Non multis agendum in deducen-
do, quid nobiscum agatur, quia manifesta non eget indicatione. Om-
nia hæc procedunt tanquam ex fonte & diffidentia inter status, illa ve-
rò in eo constituitur, quòd nos ad invicem non intelligimus, quòd mi-
nima scintilla, dum eam malevolentia excitat, excrescit in flammam,
quam extinguere deberent lacrymæ tam magnæ multitudinis depau-
peratæ, quæ cœlos penetrant, iusto gemitu. Et quoniam DEUS intima
cordis in aperto habet, & illud, quod coram hominibus abscondimus,
coram illo occultari non potest, vindicabit super illos injurias oppres-
sorum, qui vel per commissionem ad hæc turbulenta occurrunt, vel
per omissionem ignem hunc non extinguunt. Non tantum ex anteces-
soribus tuis, qui sincerè Rempub. amabant, & propterea etiam Domui

A.C. 1702 tam magnæ usq; in hanc horam benedixit DEus, sed ex naturali zelo obligaris cogitare ea, & seriò agere, ut inclinata tam fortiter ad ruinâ Patria eluctari possit; & non potest aliter, nisi per restitutam confidentiam. Proinde ego pro officio Ministerij opto, & volo, vivit Dominus sincerè, omnia inire media, ut antiqua in integrum restituatur confidentia. Scio profectò, quòd hic omnia oblivisci, quòd sincerè antiquam reassumere confidentiam, publicam restituere tranquillitatem, ita parati sunt, ut quæcunq; ex æquo & justo requiremus, formabimus omnia, tanquam ex cera, modò ipsi velimus. Si ergo possibile est, ut flectatur cor tuum, quod scio, bene vult Patriæ, cur non deberemus in aliquo loco convenire; conficerem & ego medium itineris, & ita fectò, ne id quisquam sciat; idem à te peto, conferamus nobiscum de omnibus, nam scribere longum esset, & præcipuè his particulariter temporibus cautela est necessaria. Destines ergo locum, & tempus, & ego rejectis in partem omnibus negotijs, sumpto aliquo alio prætextu excurram, & in DEo spem firmam habeo, quòd multa inde provenire possunt bona, quòd invenies media faciendæ optimæ dispositionis ad exolvendum debitum Senatorium, quod in eo vel maximè consistit, ut circa bonum publicum non perfunctoriè laboretur, ante omnia verò recomendo secretum, quod est anima rerum &c.

SERENISS. MARIE CASIMIRÆ REGINÆ POLONIÆ

Romæ degenti idem sub eodem die.

FActum est id, quod non tantum non optavi, & tantò minus speravi, die scilicet hesternâ non cogitanti, nec concurrenti, non dico, dedit, sed accipere omninò jussit Rex Seren: supremum Regni sigillum. Novit Dominus cor meum, cum quanta id actum sit renitentia; minimus enim angulus privatus majorem mihi præberet satisfactionem, quàm hæc dignitas, quæ his pessimis temporibus eò difficilius administrari potest, quòd ego jam senior & debilior. Quoniam verò aliter fieri non potuit, exosculor dexteram Mtis V, maternam ejus implorando benedictionem, & eò fidentiora expecto mandata, quò majorem ministerium hoc subministrat mihi ad obsequia ejus capacitatem, quam dum ex toto corde opto, cum debita gratitudine & respectu sum.

XLV.

ANDREAS C. ZALUSKI EPISC. PRINC. VARM: & SAMB
CARDINALI PRIMATI 4. Decemb.

NOsco imperfectum meum, & propter id flecto genua coram Patre luminum, ut tenuitati meæ monstret viam, quâ gradiendo possim in periculoso hoc, & tam difficili tempore ita ministerium administrare, ne cespitem. Sumo audaciam interim, & ad te, cui non frustra DEus primum & supremum gradum, in Patria nostra indulgit, confidenter recurro, & demississimè supplico, quatenus velis autoritate, quam idem DEus dedit, fulcire conatus, & rectissimas intentiones meas in serviendo sincero, & diligenti Patriæ huic zelo, extra quam non est salus. Non tango mala Gentis, quia hæc satis, superq; quemvis tetigerunt, aut tangent, novimus morbum nostrum, & tamen difficiliora sunt remedia, & si in Patre misericordiarum, quod non peribimus

in fi-

in finem, spem non haberemus, desperandum esset, sed non licet. Grata mihi erat solitudo Varmiensis, quamvis tamen non sine scrupulo morabar in illa, nunc pro peccato reputarem positus, quamvis indignus in candelabro, si non cogitarem, quæ officij mei esse credo. Inter primas verò cogitationes scio, quòd tu Eminentissime Princeps ex gradu supremo, & incomparabili tua prudentia plus per unum quadrantem, quam ego per integrum annum in rem Reipub. excogitare potes. Recurro proinde confidenter, & non ad pompam, sed ad usum, calamum moveo, sine cura verborum invocans misericordiam super afflictum statum miseræ hujus Patriæ, projicere lapidem in puteum, minus est, ut extrahatur manibus, & consilio opus. Non eo in disquisitionem, quis causa fuerit, sitq; infortunij nostri, sed invoco magni Primatis sanum consilium, ut eluctari possimus, & ad ultimam, quæ certò imminet, non veniamus perditionem.

Confiteor tibi Pater, quod incepto non tam libenter, quam reverenter hoc ministerio tetigi pulsum, & volui omninò expiscari sensus Regis, qui me ad hoc publicum ex privato angulo eruderavit obsequiū. Possum id scribere tam sincerè quam verè quòd cupiat pacem, optet internam tranquillitatem, & assecuret, quòd non tantum omnia concedet, sed & omnia religiosè promissa adimplebit, nulla media amovendo, quæ faciant ad nostram securitatem.

Intellexi etiam, quòd res, quæ ad manutentionem personæ ejus & honoris pertinent, sunt tam in securo, ut in illo tempore, dum eas in pessimo Statu quis esse crederet, sint futuræ in optimo.

Intellexi in consilii hujus nostri sessionibus, quòd poterit bene esse Patriæ nostræ, si ipsi voluerimus.

His positis, eur ergo Eminentissime Princeps non debemus ea agere, quæ ad bonum publicum directè pertinent.

Quantum ad me, protestor coram DEO, quod sicuti post acceptā possessionem hujus oneris, potius, quam honoris, insomnes duco noctes, nec requiem mihi dabo, donec immoler, & me consumam in hoc publico obsequio, aut videam felicitatem nostram. Nosco delicatissimam conscientiam tuam, nosco verum in publicum zelum; doce ergo Novitium, voca servum tuum, impera, indica, quomodo sit salvanda Patria. Si opus esset, ut veniam ad te, ecce ego, mitte pro me, scribe, & curram. Utinam posses non in hoc folio, quod vento rapitur, sed in corde meo legere sincerissimas in publicum pro Patria, in privatum pro obsequio tuo, cogitationes.

Habuius notitias ex illis Palatinatibus, qui patiuntur Sueticas extorsiones; audimus hic, & ipsi patimur tam ab externis, quam nostris intolerabiles aggravationes, cohortibus. Aures jam dolent, cor sicatur super tantos gemitus, & desolationem innocentis populi. Convenit ergo imò necesse est ex officio, ne à nobis vindicet DEUS sanguinem, super hæc consilia capere salutifera.

Audivimus hic à Legato Cæsareo, qualem talem optatæ pacis spē, offert sese alius Minister, & copiis militum & nervo bello hoc assistere, non intro in ea, si hæc acceptanda; sed vellem videre, aut pacem exoptatam, aut bonum bellum, ne in tanto contemptu simus, quia exacti-
onibus nostris, nisi subsanatio. Bellum absolutè mihi non arridet, quia ex illo nec resultat utilitas, neque honor, & non nisi ulterior gentis nostræ desolatio. Cur ergo arripienda pax, post quam finitam non de-

A.C. 1702 erunt unquam media, & sunt in manu internæ pacificationis. Quò diutius hoc bellum durat, & expectatio nostra, eò gravius & fidei, & libertatis periculum. Cessabunt devotiones, tacebunt Ecclesiæ, dispergentur omnes religiosæ & Religiosi quia unde habebunt panes pro victu, dum ex integro ruinabuntur. Conservemus proinde quoquo demum modo reliquias Israël. Expecto confidentiale tuum in hac publica infelicitate consilium, nec gravabor excurrere illud, ubi feliciter cum Curia constitutus fueris, enixè petendo, ut hanc cum omni veneratione expressam fiduciam in meliorem partem interpretari velis, quam sine ullo impulsu ex ipsius tantum conscientiae dictamine soli tibi currenti calamo reverenter defero. Quidquid verò à te habebo, nullus hæc leget, habendo non tantum spem, sed & spei fiduciam, quòd pro innato tuo in hanc Patriam, quæ nos alit, affectu, & beneficâ in me gratiâ sensum tuum sublimissimum exprimes, quid nos agere expediat? libertati meæ ignoscendo, quam cum omni cultu & veneratione &c.

XLVI.

ANDREAS C. ZALUSKI EPISC. PRINC. VARM ET SAMB.
SUPREMUS REGNI CANCELL. SUMMO PONTIFICI
29 Novemb.

IN ipso apparatu obtinendæ meis postulatis supremæ à paterno & vicino Beatitudinis V. Tribunali sententiæ offertur mihi à Seren: Rege nostro supremi in Regno Cancellarij officium, quod consideranti calamitatem temporis & rerum, deinde tuendæ Mtis & Religionis circumstantias, non licuit per bonæ conscientiae leges quantumvis invito, & nihil minus cogitanti deprecari. Suscepi ergo munus hoc, ut facilius possem obtinere à Sanctitate V. humillimi postulati mei decisionem. Interim desudabo fortissimè securus paternæ benedictionis, ut in publicis Regni ceris, quas tractabo, non minus Ecclesiæ; quàm Reip. tranquillitas integritasq; quotidie exprimatur. Quod cum intimis votis pro viribus meis desidero, simul Natalis, & nascentis anni felicissima auguria indignissimis ad quotidianas aras precibus meis pro integerrima & diutissima incolumitate, nec non felicissimo tam difficili tempore Sanctitatis V. imperio devoveo.

IMPERATORI LEOPOLDO. Idem eodem die.

NON ex meritis meis, voto aut spe, multò minus applicatione mea, sed bonorum, ut reor, amicorum suffragio præcipuè S. Cæsareæ Mtis V. apud Seren: Regem nostrum legati viri prudentissimi æquè ac cautissimi interventione favorabili accidit, ut mihi nuper Magni Cancellarij Regni hujus officium deferretur. Nullus ambigo tum ex Statione Varmiensi tum ex præsentis muneris mei obligatione interesse, ut S. Cæsareæ Mti profundissimam meam tester venerationem. Cum hac constantissima voluntatis submissione, quòd ita sim publicas Regni hujus ceras tractaturus, ut in illis omni revolutione temporum non magis Reip. nostræ, quàm Sacri Romani Imperii Aquilæ, quoties id cum bono Patriæ meæ conveniet, exprimantur. Quod dum integerrimâ fide, & reverentissimo cultu S. Cæsareæ Mti polliceor, augustissimæ purpuræ fimbriam humillimâ iterum iterumque veneratione delibo.

CA-

CAPITULO VARMIENSI idem eâdem die.

EX arce quietis altissimæ, & desideratissimo semper nobis sacri littore otij, ad quod nos, tum privatæ rationes tum publica Regni procella impulerat, iterum ad Provinciæ curas, & boni publici consilium importunè quantumvis revocati omne nostrum studium, cogitationesq; singulas impendimus, ut carissimæ Diœcesis nostræ præcipuam in hoc occurso rerum haberemus rationem. Et præstitimus e- quidem in levamen afflictæ Gregis nostri ea omnia, quæ nostrarū erant partium, viriumq; nec non circumstantiarum præsentium, reliqua tamen in communi omnium Provinciarum calamitate ferenda sunt nobis pariter, quæ nullos prætereunt. Perinde atq; in universali illo totius orbis diluvio, singuli minus sua damna æstimabant, eò, quòd nemini parceretur, omnibus tunc de vitæ suæ cogitantibus emendatione magis, quàm de fortunis aliquando perituris, vel successu temporum reparandis. Et vos Fratres mei carissimi eâdem cogitatione armari necesse est, ne fortè impatientiâ nostrâ majorem iram DEi provocemus. Benè moratus filius non largientem tantum sed etiam flagellantem Patris sui manum solet osculari. Hoc tamen præcipuè cogitandum est, quòd peccatis nostris hostes faciamus fortiores, quæ, si tempestivus dolor imminuerit, & capita singulorum intimæ contritionis dolor asperferit, omnes feri maris fluctus, qui nos circumtonant, brevi frangentur, vel detumescent. Quia verò de publica hic tranquillitate consulentibus Regni & Provinciarum partibus ultra spem & curam quamcunq; nostram tam arduo nobis tempore magni Cancellarij munus à Seren: Rege D. N. clementissimo accepimus, recurrimus impensissimè præsentibus ad sacra vestra coram omnipotente DEo suffragia, quatenus Regni hujus aquilam eâ felicitate contingat moderari, ut & Religionis decus illibatum, & Mtas secura, & populorum triste gementium intaminata integritas sub umbra magnarum alarum tandem conquiescat. Hoc ut efficacius consequi valeamus &c.

PROVINCIALIBUS RELIGIOSORUM Idem die eâdem.

DEUS Opt: Max. in cujus conspectu nuda & aperta sunt omnia videt, quòd longè diversa cogitanti officium magni Cancellarij Regni hujus à Serenis: Rege nostro Indignitati meæ sit collatum. Probè intelligo imbecillitatem meam, tantò muneri difficillimis præsertim temporibus objectam haud suffecturam, nisi sanctissimis Provinciæ vestræ suffragiis fulciatur ad aras. Has dum præsentibus meis impensissimè efflagito, polliceor simul, quia non in sterilem glebam grati mei animi suffragiorum vestrorum sementem jacietis. Recordabor in eventu rerum felici V. benevolentia in me, adnitariq; diligenter ne officij mei quenquam vestrū possit pœnitere. Quare jam precum pro me vestrarum aurâ fretus, quantumvis tot aliis laboribus concussam promoveo cymbam, in magnarum difficultatum æquor ex altæ quietis littore revocatus. Si tamen ita publica Provinciæ meæ navigatio cursum non obtinuerit desideratum, vestram mei coram DEO Maximo oblivionem accusabo quotidie. Interim testor quòd sim &c.

A.C. 1702

COPIA RESPONSI CARDINALIS PRIMATIS
EPISCOPO PRINCIPI VARMIENSI Scriptarum Lovicio 10 Decemb.

Video ex literis tuis diu te quievisse. Illæ enim omnes, quas exprimere dignaris super præsentem Polonæ Reipub. Statum reflexiones profundæ meditationis recens ac vividum demonstrant ingenium, & inde solatium mihi, dum continuis laboribus ab excessu Sanctæ memoriæ Regis Joannis fatigatus, ætate pressus ministerium Reipubl. in persona tua videns innovatum novam tenebris nostris in signo arietis ominor lucem & felicitatem.

Non notavi adhuc, ut aliquando cespitare deberes; quidquid cogitasti, semper effecisti rara in aliis felicitate, cur ergo tantum te humilias? quæsitam meritis sume superbiam.

Regem & adhuc Juvenem ab hæreditario Throno super nostrum legibus circumscriptum translatum non arguo, sed accuso illos, qui aut per assentationem interpretabantur, aut malitiose Jus libertatis abscondebant.

Erubui nuper legens nova Mediolano, ubi Rex Hispaniæ ordinaverat locationem in civitate Hispanicis & Gallicis cohortibus. Obstitit huic dispositioni sexaginta Decurionum Magistratus, allegando quod hoc directè esset contra privilegia civitati indulta ex antiquo, & nunc recenter juramento firmata. Si una civitas pro juribus suis loquitur coram Rege hæreditario, quomodo non debet Respub. calcata jura sua, ac libertates exaggerare? Non vacat, nec licet in longum hæc commemorare coram Ministro legum custode, satis est insinuasse.

Jubes me, ut de misera hac Patria pro gradu meo cogitem, & quis plus de illa cogitavit per totum hocce tempus? quis etiam cum periculo offensionis plura egit? quis plus in tranquillitate Litvaniæ constituenda laboravit? Nonne prædixi ante Olkinensem adhuc Regi Sereñissimo, quod desperatio periculosissimus fieri debebat inimicus; quis removebat Sapiehas ab accessu ad Suecos? quis illos Varlaviam venire induxit? quis Varfaviæ retinuit? cum rupti jam aggeres, cum Suecus versus limites Poloniæ appropinquabat, quis dissuadebat iisdem Sapiehis hæc extrema continuis missionibus, literis? cum Rex Sueciæ esset Varfaviæ, quis magis pacem persuadebat? promovebat? Invoco testimonium Collegæ tui Procancellarij Regni.

Raphael
Lesczynski

Quæ verò recompensa laborum meorum, curarum, solitudinum, ecce Suetico à malitia quorundam inductus sum vestitu, penes quos summa consiliorum, sicuti etiam præsens Thesaurarius Regni, qui unus & solus insimul mecum laborando meliore dignus erat gratitudine.

Credo, quod Rex sincerè optet Pacem, nec scio quis illam non optaret; quantum ad me, libenter eam proprio etiam emerem sanguine, sed necesse esset, ut idem Rex desideret & tranquillitatem internam, pro qua non justæ dispositæ mensuræ, nec miror, quod Thorunij consilia non procedant, nam initiis malis positis difficiliore sunt gressus. Malum principium in aliquo ædificio etiamsi optimus Architectus non corriget, nisi illud ex fundamento dejiciat, & de nova radice incipiat. Cur Rex Varfaviâ discessit? Jam consilium hocce in frequentia deceniori absolutum fuisset, quia ex minori Polonia plures convenissent, uti me compellarunt rogando, ut hæc reassumptio non Thorunii, sed Varfaviæ

saviæ fieret. Si verò Thorunium ego ivissem, ad scissionem viam mon-
strassem. A.C. 1702

Credo & huic, quòd Rex media habeat tam ad manutenendum personā suam, quā honorē suum & crederem omnem illum fatuum, qui contrarium mente coqueret; expressi idipsum in consilio Varlavienti, quòd scilicet corona capiti Regis irradicetur. Et Thesaurarius Litvaniæ habuit nuper à me super hanc materiam bonam & sinceram enucleationem. Inde verò gaudeo, quòd mihi significas intellexisse te in sessionibus quòd benè fieri possit, si ipsi voluerimus. Volumus & anathema sit, qui nollet.

Facite ergo quod creditis necessarium, pro bono publico, ego omne, quidquid ex utili & honesto erit Reipubl. libenter concedam, ut tantum sit pax cum securitate, & securitas in pace. Mitto tibi pro informatione consilii non copiam, sed ipsum originale, literarum Palatini Siradiensis, quas fortè hac intentione mihi scripsit, ut essent juris publici, & multorum hic est sensus, ut comitia indicantur, quia in illis maxima est spes tranquillitatis Reipublicæ.

Cogito iter Varsaviam, ut cum Comite Zincendorff conferam, ubi de conditionibus pacis informabor, in quibus gradibus hæreat, quia nihil scio, nec me Thesaurarius Litvaniæ de illa informavit. Divinare possum facile, quis sit ille, qui & pecunias, & exercitus nobis offert; quantum ad pecunias has, acceptare malumus, quā exercitum, quia hæ auxiliares copię multum nobis nocuerunt, parum profuerunt. Et, si hoc verum est, uti Leopoli scribitur, & ex interceptis literis probatur, quòd Cosatici motus ex mandato hujus sint amici, fugere satius ab hac confidentia conveniret &c.

RAPHAELI LESZCZYNSKI MAGNO THESAURARIO REGNI, EPISCOPUS VARMIENSIS, REGNI CANCELLARIUS Thorunio 16 Decembris.

LEgi, & interpretatus sum de verbo ad verbum literas Majestati Suæ, voluissem te præsentem habere, cum quanta exaggeratione teneritudinis audivit, & locutus est. Porro unum necessarium esset, ut nos intelligamus & id optarem; vivit Dominus propter bonum Patriæ, præveniendo ultimam ruinam, quæ imminet, si diutius bellum duraverit. Per DEum proinde crucifixum supplico, & misericordiam invoco, & cuilibet supplicabo; amemus Patriam, extra quam non est salus. Si fecerimus, de quo omnis & mea & cujusvis deberet esse primogenita cogitatio, pacem faciemus, omnia corrigemus, eluctabimur, & spem in DEO habeo non dubiam, felices nos fore. Si bellum ardebit, ad quod omnes video apparentias, peribimus sinè remedio. Neglecto proinde Ægidio, qui jam mortuus est, nec resurget, de quo informas, quandoquidem DEus justus nullam actionem finit esse impunitam, accedamus ad publicam ex obligatione & conscientia universi conservationem, ne olim dicatur, quòd his consulibus, his Ministris tam pulchra periit Patria; vellem corde non calamo scribere, quia scio cui scribo, & ex domo tam magna, & ex inclinatione naturali in Patriam facile convenies, & moveberis mecum, ut non perfunctoriè cogitemus de Patria, ne DEus nos judicet saltem de omissione. Ego jam vix vivo, & utinam prius mortuus fuisset, quā viderem, si sub tempus Ministerii mei perire deberet Respublica, & video, video, tertioq; repeto,
video

A.C. 1702 video; peribit & brevi, si non iniverimus sincerè rationes salvandæ. Si essem præsens, flecterem genua coram te, & non dimitterem, donec benedixeris, donec tu ipse ex antecedentibus quia in eo novum me agnosco hominem, propines media, quò nos vertere debeamus.

Non possum celare; tibi enim sum ex integro addictus, totus quantus tuus, quòd Rex ingentem habeat dolorem ex certis relationibus, quòd honori ejus in sermonibus & discursibus tuis non parcas, qui te tenerrimè semper dilexit, & non tantum diligere, sed & amare in futurum cupit, modò ipse velis. Velle autem cordialissime frater debes, etiamsi aliam non haberes rationem, propter DEum, qui nobis eum præfecit, & voluntatem suam, ut eum amaremus, patefecit. Hoc in omni confidentia cursim, nec literæ hujus mittetur copia; originaliter enim à tanto tempore sum, & ero constanter tuus.

COPIA LITERARŪ HIERONYMI LUBOMIRSKI CASTEL-
lani Cracoviensis exercituum Ducis ad Senatores & Consilia-
rios Varsoviæ congregatos 13 Novemb.

Reitero, quæ jam scripsi, & in partem curarum non postremæ reflexionis præsentō materiam, utq; in consilio vestro agitari queat, justum esse credo. Comes Piper per expressum compellat me denuntiando exacerbata mentem Regis Sueciæ contra personam meam, & inde fortunæ, bonisq; meis in proximo existentibus evidens intimat periculum, uti jam non vanum metum habere incipio ex recepta hodie notitiâ, quòd cum aliquot millibus Suecorum Generalis Steinbock jam est in vicino. Hujus verò offensæ, & contra me vindictæ non alia causa, nisi hæc, quòd pro munere meo frequentioribus expeditionibus illorum retinebam excursiones, & graves portionum Sueticarum exactiones. Mitto pro informatione copiam literæ prædicti Comitæ Piper, & responsi, quod dedi. Est materia etiam deliberatione digna, cum ad me requisitio venit, ut extradam Suecos in detentione apud me existentes. Ex una parte conservatio bonorum meorum, sine quibus non essem capax obsequij publici, ex alia sine expressa voluntate Reip. ministerii mei ratio non permittit quidquam agere, & proinde inter incudem & malleum positus ad vos recurro, & quid hoc in casu agere debeam, resolutionem inquirō; Non obliviscor etiâ negotium hoc Ukrainæ, ubi rebellio Cosatica indies augetur, Niemi-rovienſe fortalitium acceptum ab illis, & omne præsidium deletum. Ex responso Zamuſſij Cosaci, & alijs relationibus, quæ communico, parva vel nulla ex illa parte pacificationis spes; Quia verò in dicto responso Samus exprimit rationes, unde hæc rebellio originem trahat, quòd scilicet ex occasione nonnullorum possessorum in illis partibus hæc rebellio incepit per constituta nova genera contributionum, & onerum super Cosacos. Optarem pro sensu meo destinandos Commissarios, qui Cosaticas videant prætensiones, & media inveniant satisfactionis læsorū horum rusticorum. Ego pro capacitate virium Reip. non desum, & in illa parte jam ordinavi certum peditatum, ad Baar, Polonne, & Labul. Sequentur brevi & Polonica cohortes; Palatinus Belzensis collega meus optavit sibi hanc Provinciam, & gloriam, & jam in illam partem his diebus gressum movet. De exercitu verò denuntio, quòd diutius eum in campo detinere non potui, quia sex mensibus continuo in campo erat, & Provisiones, quas habuit, exinanivit, & equi ob defectum

festum annonæ in magna parte ruinati, & authumnalis tempestatis instabat metus. Et hæc etiam juvit ratio, quòd imminebat exspiratio Quartualis, à quo multi tædio diutiorum incommoditatum Castrensiū veniam & licentiam petiissent; sicuti jam multi abire cœperant, cui obviando accedere debui ad dispositionem locorum ad quietem destinatorum locando cohortes in tribus lineis, ut eò citiùs ad illos, quibus regimen commissum est, in casu necessitatis convenire possint. Commissionem pro commodiori hyemis locatione vellem indicare, sed primo considerare teneor gressus exercitûs Suetici, & ulterioris eorum intentionis &c.

A.C. 1702

MARTINO ZALUSKI EPISCOPO ROSMENSIS SUFFRAGANEO ET PRÆPOSITO PŁOCENSI, DUCI SIELUNENSI
FRATRI SUO 30 Novembris.

A Ccepi tuas, & morem gero petitioni, mittoque quæ habeo. Ex Ukraina vani, nec sibi constantes indies veniunt rumores; priore enim affirmatum, succedens negat, boni tamen nihil inde, rebellionem invalescente, sperandum est. Paleij Privignus supra Tyram ad 20 Civitates, præter pagos, dominatum extendit, rustici instinctu ejus superintendentibus Judæis interfectis, illum Dominum fecerunt decimarum. Scriptum non ita pridem Mazepam Ducem Post-Borysthenensem ex utraque Tyræ parte, in portis locasse custodias, ad interceptum Cosacis ad rebelles venientibus passum. Nunc scribitur, legionem unam flumen trajecisse successurasque alias intentione oppugnandæ arcis Bialocerkiew, quod minimè ausim affirmare. Nostri impares numero, & viribus aggredi nihil audent. In ipso abitu postæ nuntiatur Miedzybozio de data 21. præsentis, à Cosacis Niemieroviam esse occupatam, qui in civitatem præsidio destitutam irruentes, arcem vi occuparunt, gubernatore viro insigni, cum duobus Sacerdotibus, interfecto. Pedites Præsidarios, plebis magnam copiam, & Judæos ad internecionem delêrunt, crescit eorum numerus, rusticis ad rebellionem concitatis. Cracoviâ verò nunciatur, quòd Sueci non in toto, sed in aliqua parte hyematuri sunt in arce Niepolonensi, ubi jam commoditates contra rigorem hyemis præparantur. Generalissimo Exercituum in Pomerania demorantium in assistentia 200 Equitum, totidemq; Peditum, & Officialium, in majore numero; Proszevicios transeunte, quidam Officialium dixit Nominatum Generalissimum hinc iturum ad providendam securitatem, terris Pomeraniæ adjacentibus, venturumq; primo vere majorem ex Suecia Exercitum, & nisi ante hyemem concludatur tractatus pacis, majores verno tempore turbines timendos esse. Exercitus Suetici ex Pomerania tendunt in Majoricam, ad obviandum Saxonibus, & dispergendam Majoris Poloniæ confœderationem, quæ ut in scissione cœpit, sic sub contentionibus, fors, quo volebat, non pertinet; aulâ circa id seriò laborante. Hinc timendum est, ne Generalis Majoris Poloniæ, cujus funditus bona vastârunt Saxones, desperata, exemplo Sapieharum, media arripiat. Ad Plocensem Diœcesim sex vexilla Saxonum pro hybernali consistentia sunt ordinata. Exercitus quoq; Polonus jam suis consistit in stativis, quem Dux Castellanus Cracoviensis pro aliquali respirio dimittere debuit, ita tamen, ut in quemcunq; ingruentis expeditionis casum in promptu esse, facileq; congregari

Acta in Ukraina

Collocatio militum

A.C. 1,02 gari possit, sive contra Suecum, sive contra Cosacos rebellantes, ideoque una duntaxat linea à Ducatu Zatorienti, usq; sub Leopolum locatus est. Rex Sueciæ 15 milliaribus Cracoviâ subsistit, tardioris motus adversus hostem, has rationes Ablegato Palatini Masoviae innuit, quod scilicet expectet, tum adventum & conjunctionem Generalis Maidel, tum eventum magni consilii, cujus conclusione, ultiores suos vult metiri gressus. Pacis media non respuit, modo pax sit stabilis, & securâ. Comes tamen Piper nec cogitandum de pace dixit, quamdiu hærebunt Saxones in visceribus Reipubl. mediationem quoq; admittit Rex Sueciæ Reipub. modo consilia ejus remota sint à suggestionem Regis. Comes Piper in quodam discursu asseruit Regem Poloniae neminem ex exteris Principibus accersere posse in conjunctionem armorum, non Regem Daniae, ab hoc enim spes nulla, non Brandeburgicum, cui, cum de Regali titulo agatur, ad hunc illi à Repub. dandum circa tractatum Rex Sueciæ poterit esse auxilio, nonnisi ergo à Czaro Moschoviae sperandum subsidium, sed hunc Sueci dicunt non esse formidini Regi Sueciæ, cum quo jam pridem bella gesserit. Adnecto etiam consilij Leopoliensis resolutionem.

COPIA LITERARUM HIERONYMI LUBOMIRSKI CASTEL-
lani Cracoviensis Exercituum Ducis ad Senatores & Consilia-
rios Thorunij congregatos 17 Novemb.

CUM ex præterito Varsoviensi consilio ad porrectas à me reflexiones in trutinam magnorum sensuum vestrorum, nullam habuerim resolutionem, compareo & in hoc reassumpto congressu cum profundissimo cultu debitæ cuivis ex vobis sigillatim venerationis, & insimul opto, ut publicum hoc consilium totius Reipub. faciem repræsentans Populorum satisfaciât votis. Tam magnæ infelicitatis causas non examino, quia hæc magnitudine suâ vivum cuivis impressit dolorem, & publicam sui notitiam. Unde efficacissima arripienda media ad sublevandam Gentem nostram ex tam miserabili statu. Præsentes occurrentias in confesso vestro pro objecto consiliorum repræsentato, quod supra omnes malitia Suetica fortunam meam opprimere, in eamq; favire intendat. Generalis Steinbock cum exercitu quinque millium hominum collocavit se in bonis meis, & extortâ jam in potiori parte pecuniariâ contributione, & victualibus urgentissimè per literas suas à me requirit, ut omnes captivos Sueticos cum perfecto ut erant, statu, & cum illis 10 millia talerorum per exercitum nostrum sub Petricovia accepta in toto restituam, declarando, quod in casu contraventionis igne & gladio, omnia vastabit. Ratio verò hujus in persona mea insultus non est alia, nisi quod hoc anno sub directione mea Exercitus Polonicus pro capacitate virium suarum non otando frequentius Sueticum aggrediebatur. Uti proinde sine consensu Reip. nondum ex integro operationes belli inceperam, ita in restituendis dictis captivis ad consensum ejusdem me refero; Vosq; cum ferventissimis conventio precibus, ut ex præsentis consilio plenam possim habere resolutionem. Aliàs totius fortunæ meæ non ex vano timeo jacturam, & nunquam compensabilem vereor ruinam. Et in eo quæro in pectoribus vestris compassionem, & quàm celerrimum per publicum instrumentum ex consilio præsentis requiro suffragium.

Jam hic totum Palatinatū Russiæ eadem Suetica tetigit exactio; Jam Leopolum, Præmisliam, Sanocum, Jaroslaviam & Samboriam mis-

isæ

sz assignationes ad exsolvendās pro libitu impositas contributiones hostilem etiam minando executionem; potentiae verò huic non est possibilitas resistendi præcipuè in tanta penuria exercitus in magna parte diminuti, qui post sex mensium labores campestris jam ad talem qualē recessit quietē, & brevi pro expeditione in Ukrainā congregari debebit. Auctio ejusdē exercitus cum sit in aliquib9 Palatinatib9, præcipuè majoris Polon. dilata magna inde remora ad augendas majores vires, sine quibus rueret intentio nostra succurrendi Patriæ. Et per id crederē ad meliorē formā reduci posse exercitū, si celerem & realem in deservita mercede saltē in parte providere possent satisfactionē; præcipuè in his Quartualibus à Majo hujus anni incipiendo; Aliter enim peditatum pro tam necessaria expeditione nullatenus habere poterimus. Quod ut præsens vester Congressus efficaciter promoveat, magnum in eo publicum interesse sufficienti motivo esse debet, & quoniam peditatui, antequam subsequatur exolutio deservitæ mercedis laudum Sandomiriense destinavit ex Thesauro Regni 70 millia flor. & Thesaurus satisfactionem titulo impossibilitatis denegat; quærenda sunt alia media, pro quibus recurro ad vos, ut hic suppleatur defectus, quia absq; hoc celeri subsidio multi Officiales in obsequio hoc absq; solutione nullatenus subsistere poterunt, nec suas cohortes retinere. Ad eundem respectum pertinet & Artilleria Regni in declaratis ibidem 30 millibus flor. sine quibus & fortalitia conservare, & præsentem in Ukrainam expeditionem quomodo poterit incipere? Scribo ea scientibus, quòd antea in similibus infelicitatibus Patriæ pro simili necessitate inveniebat tamen Respub. in Civitatibus Prussiæ in fidem publicam aliquas Summas; posset & nunc idem servire medium, vel aliud perfectæ vestra inveniat dexteritas. Inter principalia quoq; puncta pono conservationem exercitus per hyemem, & interim anxia me exercet sollicitudo, ut Exercitus Saxonicus acceptā in partem suam Provinciā Prussiæ non retrahat tantā portionem exercitui nostro per hyemem cedere solitam. In quo ut ad æquanimitatē suæ Mtis recurat præsens consilium, ex statione mea, & ex voto totius exercitus humillimè precor; Vellem ut eo nomine expediti ab Exercitu legati exoptatam declarationem reportent pro imminente in Decembri Commissione. Motus Cosatici indies augentur, cum post dispersam partem unam exercitus nostri sub regimine Gubernatoris Chmielnicensis omnia planè fortalitia Ukrainæ, Civitates, & villas, ad eandem confluunt rebellionem, & jam in Podoliam & Volhyniam appropinquant. Obviando proinde insolentiae huic Cosaticæ parat se contra eandem Palatinus Belzensis collega meus cum majori parte exercitus, quem sine provisione efficaci in deservita mercede & pane hybernali difficile erit in bono ordine ad resistendum hostibus expedire. Ut ergo præsens consilium vestrum prospiciat securitati exsolutionis debitorum exercitui, obtestor publico zelo providentiam vestram. Et quoniam in hoc casu non est in nobis salus, propter magnā hic & nunc indigentiam impossibile mihi videtur, ut sine externo agere possimus auxilio. Crederem ergo ex sensu meo, ut contra hos Ukrainæ rebelles inducamus Tartaros, & ut ex hoc præsentis consilio expediatur cum Donarijs legatio ad Hanum Tartarorum, ut cum prima glacie aliquem notabilem suorum expediat numerum; libens id in præsentis acceptabit conjunctura, & malitia Cosatica coerceretur. Quod consummatissimis vestris propono sensibus, & opperior executionem voluntatis, & beneplaciti vestri &c.

Adam Sie-
niawski

COPIA

COPIA RESPONSI AD SUPERIORES LITERAS NOMINE
CONSILII Thorunij 10 Decembris.

Duas literas eodem tempore tuas recepimus. In utrisque eadem expressa contenta tam particularium tuarum afflictionum, quam infeliciū in publicū conjecturarū. Non mirari sed stupere quivis debet, super publicam hanc Patriæ charæ Matris infelicitatem, ruinam, & evidentem perditionem, dum decus & fama Polona cadit, planè & marcescit. Alia post aliam it sub hastam contributionum Provincia, & jam te ipsum eadem tangit hostilitas, probrosas imponendo condiciones pectori tuo magnanimo, cujus nota toti orbi fortitudo & generositas. Indolemus proinde sensibilter super afflictionem tuam, à cujus Regente vires Reipublicæ dextera ipsimet sperabamus auxilia, defensionem illarum partium, & resistentiæ grassanti instar torrentis Sueticæ potentiae. Et quoniam in tam gravi casu ad nostrum recurris consilium præsens, & sine expressa ejus determinatione, nihil in negotio extradendorum vel non captivorum Sueticorum vis resolvere, & in publicis privatisque habuimus notitiis, quòd jam id sit factum; in quo nostrum requiris sensum.

Accedimus ad inceptos Cosaticos motus, qui ex parvis initiis cur in tantam excreverint molem non tantum concipere non valemus, sed planè attoniti hæremus, sine quo stabunt mala? Ut verò aut per Commissionem hæc rebellium colluvies sopiri, aut vocatis Tartarorum auxiliis coerceri possit, utrumque non probatur præsentī consilio. Non ignoras quo fine terminatæ fuerunt Cosaticæ antecedentes Commissiones, quā audaciā superbiam rusticanam impleverint, ut etiam cum Statu Nobilitatis per Hadziacensem Commissionem coæquari voluerit. Tartaros in Poloniam inducere, nonne esset hoc impingere contra ultimos cum Porta Ottomanica tractatus. Monstremus tantummodo illis iter in Poloniam, ibit hoc in exemplum & nunquam satis dolendas trahet post se consequentias. Possumus adhuc cum gratia omnipotentis propriis subsistere viribus, & optimè facis, quòd ad extingvendum illum ignem certam partem exercitūs sub Regimine Palatini Belzensis campestris exercituum Ducis destinaveris, ad quam, si accessissent hæ cohortes, quæ in majorem Poloniam sunt missæ, fortior fuisset itura hæc in Vkrainā manus. Jam & hic habere potuisti notitiā tam ex responso Legatis exercitūs dato, quam ex literis à sua Mte tibi scriptis, quòd Rex Serenissimus ex bonitate sua, & singulari in exercitum Reipubl. respectu panem hybernalem ex peculio & ærario suo privato exsolvere, declaraverit, qui deberetur ex ijs locis, quæ auxiliares copiae occuparunt. Quare ferventissimè à te requirimus, ut dictas cohortes indilatè revocare, & ad sistendos progressus rebellium Cosacorum applicare velis. Destinata ex Thesauro Reipubl. per laudum Sendomirienſe pro exsolvendis septimanatim peditatui stipendiis, & pro necessitatibus Artilleriæ Regni pecunia in eodem Thesauro requiri debet, & nihil superest, nisi executio sanciti publici. Hic magna pars Palatinatum ordinatam & justam expeditionem laudavit, & constituit, & quoniam præsens magnum consilium nondum est finitum, & adhuc in determinio sui vertitur, ultiores ejus progressus & effectus, post felicem, utinam, conclusionem tibi patebunt. Nunc verò ultimas jungimus preces, ut ex naturali tua heroica virtute, fidelitate in Reges, zelo pro conservanda Reipublicæ integritate, quæ te in sinu suo & gremio fovit, & edu-

vit,

vit, in defensionem publicam, & reinductionem gloriæ Polonæ langven- A.C.1702
tes omnes vires impendere velis. Cedit hoc in sortem immortalis me-
moræ nominis tui, recognoscet suo tempore grata Patria omnes hos
sumptus, labores, sollicitudines, & bonorum ruinas. Rependet liberalis
Regis munificencia, & nos erimus semper &c.

COPIA LITERARŪ HIERONYMI LUBOMIRSKI CASTEL-
lani Cracoviensis ad Episcopum Principem Varmiensem supre-
mum Regni Cancellarium 13 Decemb.

AD primam famam collati tibi sigilli magni ultro volebam ire in
applausum, & contestationem solatij mei, sed me prævenit gra-
tia tua, & honor, quem in literis tuis accipio; ergo etiam si præ-
postere gratulor inprimis Reip. eam sortem, quod in tam periculoso suo
casu Aquila Polona in manibus tuis sub favore amplissimæ capacitatis
aliquatenus quiescat. Gratulor etiam & officio, ministerioq; meo, quod,
dum nunc difficillima Jurium Patriorum impendit mihi defensio, cu-
ræ & sollicitudini tuæ custodia legum reddita est. Invoco cum officio
meo confidentiam dictæ prærogativæ tuæ, & à primis auspiciis mini-
sterij tui commodis Reip. quæro, & conquiro subsidia.

Motuum Ukrainæ pacificatio sit primum objectum activitatis; Jam
hoc documentaliter certum est ex relationibus, quod hic Cosacorum
ausus, principium & progressus est ex fiducia in protectione Moscho-
vitica, sicuti idipsum fatentur, quod obsidio Bialocierkieviensis ex ex-
pressa fuit voluntate Maseppæ Ducis Zadneprensis, & jam hoc fortali-
tium cum magno damno Reipub. cedere illis debuit. Et hoc magnam
mover suspitionem, & dictam confirmat opinionem, cum ultra 20000
Cosacorum videntur in hac parte Borysthenis sub Kijovia; Magnum
est & ipsius Seren: Regis interesse, ut serio exoptulet cum Czaro Mos-
choviæ, cur rebellio hæc nomen & auctoritatem illius in se sumit. Pre-
cor te, ut pro tua ingenti prudentia velis hoc Mti suæ repræsentare, &
damnosas inferre consequentias.

Generalis Steinbock non tantum jam bona mea Refzoviensia gra-
vi manu tenet, sed & toti Palatinatui Russiæ jugum imponere parat.
In literis suis Palatino Russiæ scriptis expressit, quod in quantum totus
hic Palatinatus in spatio octo dierum ab octava præsentis numerando
ad Regem Sueciæ non accedet, omnes incolas ejus Palatinatûs pro ho-
stibus declarabit, & propterea nunc id ago, curoq; ne civitas Leopoli-
ensis cedat prima præda furenti, modò non præveniat conatus meos
promptitudo Vicinorum Suecorum; Ut ut est, ego in partem aliquam
cedere obligarer &c.

RESPONSUM EPISCOPI VARMIENSIS CASTELL. CRACO-
vieni Exercituum Duci 27 Decemb. Thoruniô.

ACcepi literas tuas 13 Dec. Leopoli exaratas, in quibus veteris affe-
ctûs, & confidentiæ lego documenta. Tam grave hoc, nec opta-
tum ministerium levius mihi videretur, si ad obsequium tuum
efficaciter servire posset. Non deerit promptitudo mea & seria appli-
catio, modò sciam in quo, & quomodo servire debeam. Et hoc est in-
ter prima solamen meum, quod eo tempore, dum tu probata tot pu-
blicis & authenticis documentis manu Rempub. tueberis, ego congrua
saltem, si non condigna parabo publica encomia, & privatim Regi D.
meo,

A.C. 1702 meo, quamvis magna merita non egent, deferam recommendationem.

Confidentia mea, quam habui semper tecum, & illâ gloriabar coram Gentibus, nullo modo diminuetur, quinimò indies augebitur, quia ita optarem affectui tuo intrinsecari, ut sit unum velle & nolle. Nosco integerrimas semper pro bono publico intentiones tuas. Agamus ergo uterq; nomine DEi invocato, hoc quod debemus. Ego agam sincere, & diligenter circa ea, quæ pacis sunt, & tu facies illam bonam, cum pro solito in publicum zelo nullam intermitteres occasionem bene gerendæ rei. Quomodo enim pax potest esse bona? si contemptui habebimur. Non tractabitur nobiscum, sed imponetur talis qualis placebit pax. Scio ergo, quòd constrictum undiq; & publicâ calamitate, & privatis notabilis substantiæ dispendiis animum tuum difficilius est movere non ideo, quod non sit, ut esse solet, promptus, sed quia debiles protunc vires publicæ coarctant. Superare nihilominus omnia debet ille amor in Patriam, qui alibi accidentalis, tibi est naturalis. Non deerunt ut ego (nec fallor) credo, & vires ad resistendum, & media ad persuadendum his, quorum vel maximè interest, ut quantocius Resp. tranquilla reddatur, quia quò magis in sylvam intramus, eò plura inveniuntur ligna. Non promittant sibi hoc, quod facile credebant, quia est impracticabile. Si agitur de securitate, hæc non erit major intra unum vel duos annos, sicut est hodie, quæ vili iudicio meo est bona, & fidendum illi; Misi ego jam insinuando aliqua, & optarem, ut tu quoq; seriò persuadeas pacatiora, si sensus est futurorum.

De motibus Ukrainæ à prima hora Ministerij mei cogitavi, cogitoq; ut quamprimùm comprimi possint. Jurat Ablegatus Moschoviæ hic præsens, homo aliàs super naturam antiquam Gentis honestus, ex antiqua illa Dolorukiorum familia, quòd Czar Moschoviæ hæc nesciat, quinimò audivi hominem, qui ad illum nuper fuit expeditus, quòd dum Czar Moschoviæ de his motibus audivit, dum de progressu Samusij relationem habuit, ad suos præsentis dixit Cancellarios: Quàm infelix Polonia! quòd quivis illam aggrediatur, quia de isto Samusio nemo unquam audivit, & ille nunc tanta audet.

Expedit Rex expressum ad Czarum Moschoviæ Cursorem, cum his literis, quarum tibi copiam adjungo. Scribit iterum idem Ablegatus ad Ducem Maseppa; Originales tibi ex mente suæ Mtis mitto, ut cum iis aliquem expedias, & datam mihi copiam in documentum, quòd Czar Moschoviæ id nesciat, adnecto. Sperandum ergo, quòd hi motus compescentur eò magis, quòd Palatinus Belzensis dignissimus collega tuus jam eò moverit.

Dziski.

Mareschalcus minoris officium cessit nepoti Coronatoris.

Ego libenter quàm frequentissimè corresponderem, sed apparet literas meas ire, quò non mittuntur, quandoquidem ad tantas nihil à te responsi. Et hic est fructus belli, quòd strictissimæ amicitiae disjungantur, nihil tamen me separare potest & ab affectu, qui est imutabilis, & à desiderio, quod est ferventissimum, ut non intra verba tester, quòd sim &c.

CARDINALI PRIMATI ANDREAS C. EPISCOPUS PRINCEPS VARMIE NSIS SUPREMUS REGNI CANCELLARIUS

16 Decembris.

NON habui tempus commodum respondendi benignissimis tuis de data 10 Decembris, quia vix tria verba cursim cum omni possibili

bili veneratione potui exarare, & quamvis hæ literæ sint, responsum meis confidenter, tanquam ad Primatem scriptis, replicandum tamen reverenter iterum censeo.

Nihil dico; quòd post quietem in illis pascuis, ubi usq; dum nunc suavissimi regiminis tui dulcis recordatio, recens ac vividum meum apparere videtur ingenium, nihil dico, quòd quæsitam meritis debeam sumere superbiam, quia hoc pro benigno ioco reputo, qui me confundit infimul & animat.

Fateor & eo in sensum tuum, quòd Rex sit juvenis, & propterea si vividum gloriæ desiderium in hac ætate longius ire jussit, quia de aliis intentionibus fortè nec suspicari licet, dandum aliquid ætati, quòd sibi persuaderi permiserit id, quod cum gloria nominis sui, & utilitate aliqua hujus Regni, propter quod & hæreditarium reliquit Thronum, qui illum fortè removisset ab æstu amaritudinum, in quibus continuè usq; ad nauseam.

Nova Mediolanensia excitare in nobis deberent zelum, si ibi opponendo leges & privilegia non monstrarentur statim alia loca pro victu auxiliarium copiarum, & mediorum ad manutenendum hunc Regem, quem acceptarunt. Credas mihi Princeps, veritatem enim scribo, quod hæ oppressiones & aggravationes si nos premunt & affligunt, penetrant certo sincerè & vividè cor Regis, & si ultima hæc non stringeret necessitas, nec ille esset gravis. Hodie dies est tertius, exponebã hæc pro officio Mti Suæ; & non sine ingenti dolore hoc habui responsum: Cogita per amorem Dei media pacis, & nec unum hominem in Polonia habebo. Gratúmne potest esse Regi ex natura ad benefaciendũ inclinato continuas audire querelas, quæ vix jam cerebrum è suo non moverunt loco. Utinam non supervixissem isti Ministerio! utinam nunquam custos legum fuisset declaratus! quæ inter arma silent.

Si libertatem sumpsi supplicandi tibi, ut de hac misera cogites Patria, & consulas, feci hoc ex his suppositis, quæ in literis tuis, & gloriosissimè anteaëctis exprimis. Scio ego bene omnia illa, quæ pro Patria fecisti, novi, quid valeant humeri, quid agere possis, & propterea pulso, pulsareq; non cessabo ad hoc cor, quod, quia est primum hujus Regni mobile, & poterit, & sciet agere plurima, facere optima. Plura ego scio, & plura à me sciet posteritas, quàm tu insinuas ex conscientia recte factorum. DEUS magna erit merces, tam tibi, quàm Thesaurario Regni digno socio Primatium curarum. Si verò inimica semper magnis meritis & conatibus fama aliter interpretatur, aliter vestit, quia DEUS reliquit tibi mercedem, & magis durabilem, magisq; perfectam.

Quòd Rex Thorunium distulerit consilia, non fecit id sine consilio, cui deferre solet, quamvis illa non semper satisfaciunt. Sed Princeps Eminentissime jam hoc est factum, infectum fieri nequit, remis utendum, dum deficit aura. Abivit Rex Varsaviâ, sed cælum tantum non animum mutavit. Eò major te manet, & coram DEO, & coram hominibus laus & gloria, quòd etiam in distans ages, quòd etiam in absentia Regis ad hanc sincerè contribues pacem, quæ à pressura paupertatem & miseriam omnium liberabit.

Domini Palatini Siradiensis meditationes sunt pulcherrimæ, sed cum venia sit dictum. Multa dicunt. Vult Comitiam, & quis illa sigillasset, & quæ securitas loci, ubi destinanda, quis sponsor, armistitium fore certũ. Ad alia puncta, quæ contra nos aliqua habent, respondere possem, si tempus superfluum esset; qui non habet, quid agat, literas scribit.

A.C. 1702

Majorem ego habeo spem in hoc itinere, quod præfers Varſaviam, quia spem in DEO habeo, quòd ibi non oriaberis, sed eam procurabis pacem, quam alius dare non potest. Promptus & ego essem ad excurrendum non tam pro auxilio, quia quis ego sum, sed ut exaltandi postea occasionem habeam, nominis & laborum tuorum coram fratribus.

De subsidiis in natura extraneis nemo prudens cogitare potest, sicuti pecunias, si illas quis daret in hac extrema necessitate, abjicere & contemnere quis vellet? Patebit hoc universo orbi, tempus optimus rerum Judex decideret, quod nihil intrabit stante ministerio meo, quod sit bono publico contrarium.

Hæc proinde cum omni respectu ad literas tuas dum respondi, liceat mihi adhuc Princeps Eminentissime iterum, iterumque supplicare, ut velis, & autoritate, quam habes, & mediis, quæ Divina suppetat prudentia, uti, ne pereamus in finem, quia huic viciores sumus, quam credere possumus.

Terret nos hic adventus Suecorum, sed hi nihil faciunt, cui pessimè volunt. Ruinabunt tantum Regionem, ubique solitudinem relinquent, & verendum, ne dum hostilitas aperta incipiet, ex integro non pereamus.

Habe proinde compassionem ô Princeps, & si est aliquis modus retinendarum lachrymarum, quæ penetrant cœlos, & sanguinis effusionis, quæ infallibiliter imminet. Fac misericordiam, & contine manum extensam inceptæ contra nos, (quia nihil superioribus faciet) hostilitatis. Hoc verò, quod confidenter scribo, ex inenarrabili tua bonitate, æqui, bonique consulere velis, quia DEUS est testis, non alio motivo, tantum ex sincero, puroque in publicum zelo, & veteri in te affectu, ex quo procedit, ut & hic, & coram DEO infallibile tibi exoptem meritum. Ex contextu verò hujus inconcinnae literæ, facile intelliges, quod cor magis loquatur, quid enim ego infelix homo agere debeo, quò me vertere, si non ad naturalem tuum in hanc Patriam amorem, & nolens pluribus obstrepere, properoque de charactere oculos lædere, sacram purpuram reverenter exosculor, optoque ut Verbum Incarnatum sub tempus imminentium festorum plura dicat, longitudine dierum & omnibus consolationibus beando, & in hoc voto finio &c.

RESPONSUM A REGE SUECIÆ LEGATIS PALATINATUS LUBLINENSIS.

Sacra Regia Mtas Sueciæ propositis sibi per Deputatos, Palatinatus Lublinensis desiderijs quamvis gratificari lubens vellet, attamen exercitus sui necessitates maturius ponderando, non nisi cum summo ejusdem detrimento, mutari quidquam posse advertit in ijs, quæ à destinatis ejusdem conservationi annona præfectis, seu Commissarijs in hunc finem sunt instituta. Caterum levandis, quæ dicto Palatinatui molesta videntur, alendi S. R. Mtis Sueciæ Exercitus, oneribus haud aliud eidem præsentius videtur remediũ, quàm si incluta Resp. Palatinatum animis, junctisq; consilijs S. R. Mtis Sueciæ conatus, & destinata quantocius, ad optatam conducere metam eniteretur, quandoquidem, toties jam iteratis sponſionibus,

bus promissisq, Regijs doceri, certiorq, fieri potuit, non aliam M^{ti}s 4C. 1702
consiliorum, actionumq, esse rationem, quàm ut levando Regnorum
Suecia, & Polonia necessitates, & ea quæ huic, tã salutarì operi obstant
impedimenta removendo, utriusq, Gentis quieti, securitati, turbataq,
hactenus saluti consulatur. Datum Gorgensanij 18 Xbris.

ALEXANDRO SALLAROLLI MINISTRO REGIO

24 Decembris.

Quod ego à te quærere debuisssem, tu à me quæris; nonne Romæ
tu degis, & publicam personam agens hoc scire non deberes, *Levesi no-
mine Pon-
tificis ad
Regem Sue-
cia*
quod scire à me desideras. Notum jam omnibus, missum fuisse
ex consilio Cardinalis Jansson, & fortè Reginâ etiam Casimira in id con-
tribuente in Poloniam Augustinum Levesi Ordinis S. Dominici Re-
formatorum; virum pietate imprimis, scientiâ, prudentiâ, & in rebus
agendis dexteritate eximium, qui ante religiosam vitam satis se clarû
in scientia & activitate demonstravit. Hic ergo cùm venisset in Polo-
niam ad Thesaurarium Litvaniæ, qui semper penes Regem Sueciæ
moratur, ante omnes se contulit, qui eum Regi Sueciæ præsentavit; &
postquam duas vel tres privatas audientias habuisset, in publica hæc
verba nomine Pontificis dixit, uti ex certa informatione habeo; forma-
lia enim orationis ejus sunt mihi missa. Serenissime Rex Adventus
Mtis Vrä in Regnum Româ vicinior, uti per situationem, ita per re-
gionem faciliorem Sanctissimo Patri Pontifici Maximo reddidit no-
ticiam, virtutum tuarum heroicarum, & Regiarum, & insimul magna-
rum benedictionum, quibus D. DEus te replevit. Quapropter Sanctitas
sua jussit me adire te, & tibi testari Rex æstimationem omnino parti-
cularem, quam personæ tuæ facit.

Sanctitas sua considerat te Rex non tantum sicut Regem Sueciæ,
hoc est Regem potentissimum, sed etiam sicut Regem, qui jam plenus
omnis gloriæ dat spem magnæ famæ etiam inter sanctos mundi præ-
sentis & futuri.

Sanctissimus Pater dedit mihi in mandatis ô Rex, ut tibi palam
facerem, quanta sit semper veneratio in corde ejus, quam habuit pro
domo Regia, & Regno Sueciæ cujus fama multum est aucta per pul-
chras actiones & tam ingentia Mtis Vrä merita.

Vix finivit cursum studiorum suorum, statim honorem habuit de-
vinciendæ sibi benevolentia magnæ illius Reginæ Christinæ. Post mor-
tem ejus factus Cardinalis, prima cura ejus fuit, ut protectionem nati-
onis Sueticæ sibi procurâset, quam eodem zelo exercebat, quo illam de-
siderabat. Majorem satisfactionem non habuit, quàm dum Nationi huic
Romam venienti serviendi & succurrendi commodam habuit occasio-
nem. Domus ejus, mensa ejus, ærarium ejus promptum paratum sem-
per erat Suecis. Pontifex vix factus statim in Ecclesia S. Petri elevari
epitaphium magnæ huic Reginæ jussit non tantum in testimonium suæ
gratitudinis, sed etiam ut æternam redderet memoriam ejus Reginæ,
quæ cedendo Thronum Sueciæ gloriosis Regibus suis Successoribus tam
considerabiliter ejus auxit gloriam.

Basis & fundamentum ô Rex æstimationis in Sancto Patre perso-
næ Mtis Vrä non est aliud, nisi illa pietas exemplaris, ille Spiritus ju-
stitiæ, qui trahit post se respectum, & hominum admirationem.

Miratur Sua Sanctitas, quòd in tam teneris annis tam solidum re-

A.C. 1702 periatur iudicium, prudentia consummata, scientia gubernandi rara etiam in Principibus experientia plenis. Stupet super pias reflexiones, quas fecisti in admittendis juramentis, & super inviolabili fidelitate, cum qua promissa tua exequeris; stupet super puritatem cordis, ex quo exclusæ sunt etiam minimæ debilitates, ubi regnat fortitudo, constantia, intrepiditas, iustitia, clementia, & omnes virtutes magno dignæ Rege; stupet super exempla ædificantia pietatis, charitatis, modestiæ, quæ monstras tuis militibus, & tuis omnibus subditis; stupet super ingenium pacificum, quo geris bella, & qui te obligat gerere illa, tantummodo propter amorem pacis. Illa iustitia, per quam mereris, & habes favorem cæli, illa moderatio in tuis victoriis, illa modestia Christiana, quæ soli DEO gloriam tribuit, illa nobilis generositas, quæ implet gratis hos, quos vicisti, & quæ illos tibi submittit; stupet ad extremum super tuam constantiam, patientiam, resignationem, cum qua victis capitibus coronatis, vicisti temetipsum in ultimis hisce doloribus, quos tam Christianè obtulisti huic, qui pro te passus est in cruce.

Agnoscit Sanctitas Sua ô Rex, quod raræ tuæ virtutes datæ sunt tibi ab eo, qui vocatur in Sanctis libris, Rex Regum, DEus Regum, & Rex DEorum. Et qui particulariter in persona Mtis Vrä nobis palam fecit veritatem textûs Divini: Corda Regum sunt in manu DEI, & conducit illa, sicuti illi placet.

Et hoc est, quod Sanctitatem Suam integrè certam reddit, quod Princeps tam bonus, tam suavis in imperando Regnis mutationi subiectis, monstrabit se semper promptum ad instrumentum pacis universalis, & Protectorem Regni JESU CHRISTI.

Hæc & similia P. Augustinus in publica sua audientia, cui Rex Sueciæ gratum in Pontificem exhibuit animum, quodq; promptus esset ad danda documenta æstimationis suæ & benevolentia, quod sciat benè, quanto affectu feratur Pontifex in Nationem suam, dum Romæ comparet, quod eandem habebit attentionem, & similem sollicitudinem in similibus occasionibus, & quod conservabit cum integra satisfactione vivam amicitiam, & veram in personam Pontificis, & quia felicibus ejus applaudit successibus, quibus eum DEus beavit, securum reddere debet Pontificem, quod nihil in Polonia facere prætendat, quod esset Principe Christiano indignum.

Franciscus
Pinarella.

Vides ergo, quod Pontifex toti palam fecit Europæ, præcipuè tamen illis Polonis, qui ratione ducuntur, quod bellum à Rege Sueciæ in Poloniam inductum, non sit omnino injustum, & quod libenter apud nos videret solidam pacem. Sed dolendum, quod Ministri ambitiosi obicem ponant, credendo, quod hi motus, & divisiones favorabiles sint eorum, quam spe devorant, elevationi. Unde Pater hic à Pontifice missus, quia non ita dependebat à Nuntio, ut ille voluisset, maximas persecutiones passus est, & intra breve spatium temporis, quantumvis Cardinalis Primas multum illum protexerit, Poloniâ abire coactus est.

COPIA LITERARUM GENERALIS STEINBOCK AD PALATINUM RUSSIÆ.

Quandoquidem S. R. Mtas Sueciæ, Rex & D. meus clementissimus cum satis magna copiarum manu in has Poloniæ partes me misit, tam ut contributionem sustentando exercitui suo necessariâ exige-

exigerem, quàm ut omnibus & singulis hujus Reip: incolis sincerum S. R. Mtis Sueciæ inferam affectum, ut amicitiam testificer. Itaq; audiens, quòd Primores Nobilium proximâ hebdomadâ consilium quoddâ inter se in civitate Viſninenſi mutuò inituri ſunt, non potui non iſtos Illm̃os, Nobiles, firmosq; Dños ejusdem conſilij ac congregationis nomine ac juffu Seren: Regis mei admonere, ut diligenter, & quâ decet æſtimatione perpendant S. R. Mtis Sueciæ prætenſiones toties ad Rempub. factas, & repetitas de accipienda ſatiſfactione ob hoſtiles illas, ac injuſtiſſimas invaſiones, quas in Regiones ac terras ſuas neſciâ Repub. fecit Rex Poloniæ, ut ſicuti adhuc in recenti eſt memoria Illm̃æ Dominationi, quàm ſanctam & inviolatam ad hunc uſq; diem, & horam Polonia veſtra, & noſtra Suecia poſt pacem Olivenſem amicitiam mutuâ conſervaverit, ita neminem Chriſtianum tam perverſæ mentis fore credo, qui non ſummopere deteſtari debet, vulpina illa Regis Poloniæ conſilia, ac machinationes, quibus ſperabat ſe furto quaſi ex corona S. R. Mtis Sueciæ pretioſiſſimam erepturum gemmam. Quæ pernicioſiſſima conſilia, niſi per divinam clementiam; & Seren: Regis felicitatem fuiſſent everſa, & in nihilum redacta, certò certius Livonico ſolo, & Saxo-nico ſuo milite jugi inſtar uſus fuiſſet, ad opprimendam & funditus extingvendam pretioſiſſimam veſtram libertatem, voſq; Illm̃os, Nobiles, ac Primates Regni infimæ plebi, & iſpis ruſticis ſimiles reddendos. Quoniam itaq; Rex Poloniæ non ſolummodo S. R. Mtem Sueciæ contra omne Jus Gentium, ac Reip. voluntatem hoſtiliter aggreſſus, ſed etiam maximam ſtragem & ruinam veſtrûm omnium libertati machinatus eſt. Cum tamen Serenil. Rex Sueciæ plus quàm heroicâ virtute ac magnanimitate ſemper ſe oſtendit ſtrenuiſſimum libertatis veſtræ vindicatorem, impugnatoremq; adeò, ut ſuas proprias Regiones reliquerit quas jam plus quàm barbaricâ feritate læviens hoſtis depopulatur, uritq; cujus infernalis furor omnem ſuperat fidem, omne vincit exemplum, ſed vindictam Divinam depoſtulâ; in tot calamitarum tam auctorem, quàm in illos, qui, cum ſatis habeant, ad illas inhibendas poteſtatis, adhuc tamen hæſitant in tribuendo cuiq; ſuo. Quapropter juſſu & nomine S. R. Mtis Sueciæ oro, precorq; Illuſtriſſimam Dominationem, ut in hac veſtra nobiliſſima Congregatione vobiſcû conſultetis, quàm ſalubre vobis, ac utile ſit, idem cum Sereniſſimo Rege meo facere, & in ſuam descendere voluntatem, quæ alium finem præ ſe non fert, quàm juſtam ſibi illatarû injuriarum vindictam, & omnium veſtrûm cum tempore ſalutem, ad quod præſtandum vos etiam obligare videtur immortalis illa chariſſimorum veſtrorum Majorum laus, ac gloria, quam poſt tot ſæculorum ſpatia meruit, ac conſervavit magnanima gens Polona datam fidem, & amicitiam, quàm ſeveriſſimè ſemper colendo. Quod equidem tantò libentiùs jam vos facturos ſpero, quantò ſanctiùs Sereniſſimus Rex Sueciæ ſuam obſervat, obſervavit, & obſervaturus eſt. Cæterum quoque Gvarrantia illa, quam virtute pacis Olivenſis præſtare debetis, non juſtam ſolummodo ac tempeſtivam reddit Sereniſſimi Regis voluntatem, ſed vos quoque ad debita præſtanda obſtringit. Si DEum aliquem dari credatis, & illum juſtum; maxime vobis timendum eſt, ne iram ejus & ſtrenuam vindictam in vos provocetis, quod facile accidere poteſt, niſi deteſtationi & odio habeatis hoſtilia illa arma, quibus Rex veſter nullâ datâ occaſione Sereniſſimum Regem Sueciæ invaſit, quibuſcum & vos adhuc tot mala hic in Polonia patimini, & tot millia hominum ad extremam redacta ſunt

A.C. 1702 sunt ruinam. Quid vobis itaque utilius quam ejusmodi Reges eligere, qui libertatem vestram, qua nihil pretiosius habetis, diminuere non laborant, quidque gloriosius? quam non solummodo ab hoc Regis vestri facto abhorruisse, sed etiam privilegia, ac libertatem vestram propriam defendisse. Quod ad Serenissimum Regem Sueciæ attinet, tantum abest, ut vobis præscriberet aliquem eligendum, potius primus erit, qui à vobis electum suo sanguine & gladio defender, & ne timeatis crimen læsæ M̃tis, commissuros vos fore, Primus ille Rex vester læsæ datæ fidei crimen, contra leges fundamentales, & Pacta Reipub commisit. Quapropter, si quid in vobis amoris ac studii libertatis est, frangente illo fidem etiam fides frangenda est. Nullatenus itaque dubito, quin examinando in cordibus vestris has omnes rationes, & intelligendo quam maximè è re vestra est, S. R. M̃tis Sueciæ tutelam ac protectionem implorare, sicuti plurimi magnæ Poloniæ Nobiles ac Magnates jam pridem imploravere, ad partes Serenissimi & Potentissimi Regis Sueciæ, quâ decet reverentiâ accedatis. Ad quod exequendum tam majori promptitudine vobis opus est, quod vos non fugit, Ducem Moschoviæ non solum maximas, fortissimasque vobis jam pridem Provincias eripuisse, sed hoc insuper tempore, & hac ipsâ die varia hostilitatis in Rempub. vestram per Cosacos & Tartaros præbere exempla. Nunquam nobilissimæ Dominationes, pulchriorem recuperandi Provincias amissas occasionem, nunquam proferendis, ac stabiliendis Regni Poloniæ confiniis potentius invenient auxilium, quam si jam unum idem cum Serenissimo Rege facient. Ad quod faciendum datâ, promissâque fide, & in Rempub. vestram amore obstricti estis. Expecto itaque quamprimum super hæc responsa vestra, si ad amplectendam Regis Sueciæ amicitiam, ac protectionem parati estis, vel non, ut deinceps D. M. C. Vrae voluntatis ac animi certiore reddere queam. Interim, sicuti ad omnia vobis sinceræ amicitiae officia paratissimus sum, ita toto remaneo corde.

Obstrictissimus & addictissimus Comes de Steinbock.

RESP. AD LITERAS GENERALIS STEINBOCK.

Literas Excellentiae V. Rzeszoviâ datas omni humanitate recepimus, quibus experimur super gravissimis Statûs Reipub. rebus sensum, & ad universos Ordines decidendas spectare resolutiones; Minimè dubitamus Excellentiam Vram optimè esse informatam, Rempub. nostram omnium Palatinatum, & cunctarum Provinciarum mutuo vinculo esse concatenatam ita, ut, si vel una Provincia seu Palatinatus sine alterius unanimi consensu se declaret, pro nihilo habeatur. Parvi pretij igitur esset, nostros depromere sensus, sine cunctorum Palatinatum unanimi consensu, qui Generalem consensum, ut explicari possimus, inducias temporis necessarias omnino esse judicamus. Nihil ergo votivius Excell. Vrae Palatinatus noster ad quietem Populorum facere poterit, quam, si obtinuerit apud Seren: Regem Sueciæ, & contributionum tam gravium diminutionem, & temporis prolongationem ad illarum exsolutionem, cum & evidens sit magnam partem Palatinatûs nostri in terra præcipuè Leopoliensi & Præmisliensi, vix ab Incurſionibus Tartaricis liberam respirare. Magnum gloriæ culmen hæc Excell. Vrae humanitas assequetur, si vota nostra, & petita ab ipsius assequemur officio.

COPIA LITERARŪ D. STEINBOCK GENERALIS SUETICI
ad Palatinum Volhyniæ.

Illustrissimæ Dnāni Vrae ignotum esse non potest, quòd primò ad mandatum Seren: Regis Sueciæ, D. Vrae universalia scripsi de contributione debita pro bonis vestris solvenda. Deinde quòd Dñatio V. sub specie submissionis per literas suas mihi scriptas saluum conductum pro quodam desideravit, Dñi Vrae non solum saluum conductum desideratum sed etiam literas sub manu mea scriptas, & maxime modestas misi. Quia nullum mihi alium proposui scopum, quàm summā civilitate Dñem Vra, ut Dñum maxime consideratum, & in Districtu suo æstimatum in majoris utilitatem tam Reip. quàm propriæ personæ in Seren: Regis Sueciæ trahere partes. Sed loco amicitiae, quam cū Dñe V. erigere cupidissimè monstravi, Dominatio V. varijs suis industrijs fraudulentissimis Nos deludere voluit. DEUS Max: Dñi V. tantam concessit bonorum opulentiam, ut sine minima incommoditate contributionem debitam, & ordinatam pro bonis suis statim in puncto solvere, & per hanc obedientiam, promissam gratiam clementissimi Regis mei sibi acquirere potuisset. Sed per tantam moram non solummodo ipse universalia S. R. Mtis contempsit, sed varios ad non solvendum seduxit, Dñatio V. fraudulenter liberum passum de Commissariatu Regio sibi acquisivit sine dubio, ut sicut isto modo licito non est usus, ad damnum & hostilitatem clementissimi Regis mei abuteretur, quod hinc clarè elucescit, quòd Dñatio V. non solum omnem supellectilem suam aliò transportandi parata erat, sed etiam nuper ante nostrorum adventū 4000 militum collecta, congregata habuerit, sine dubio, ut eorum auxilio se & bona sua contra Suecos defenderet, si Contributionem exigere voluissemus.

Ut scelerato hoc vestro agendi modo Seren: Regis mei autoritas Regia maxime est læsa; ita hoc vestrum crimen non aliter, quàm per privationem omnium bonorum vestrorum puniri potest, & tantò justius, ut unicuiq; notum sit. Quomodo Dñatio V. Regis mei clementissimi hostem maximum, & pacis communis Turbatorem perniciosissimum Regem Poloniae varijs vicibus, magnis pecuniarum summis contra Seren: Regem Sueciæ, & autoritatem publicam sublevavit, sic si utilitatis & libertatis vestrae propriæ Dñatio V. sit amicus, coram toto mundo id sub manu vestra propria submissionem integram monstrare oportet, probeq; confiteri, gratiā Regiā Dñem V. se abusum fuisse, & insuper de novo gratiam petere, pœnæ loco pro criminibus suis magnis oportet, Dñem V. tantum efficere ad utilitatem, & commoditatem Seren: Regis Sueciæ, ut pro Rege Poloniarum fecit, & ut Seren: & clementissimi iram perpetuam evitare possit, ex causis enumeratis 60 millia imperialium solvere debet, & obligatus esse vestram propriam fidem mihi præstare pro totius Districtus Sanocensis obedientia, & fidelitate pro S. R. Mte Sueciæ, quam obligationem scriptam sub manu & sigillo vestro statim dare necesse est, postquam præstanda intra octo dierum spatium sint præstita, & D. Vra se sincerè pro Partibus Regis mei clementissimi declaraverit, & ne directè vel indirectè ne minimum contra Seren: Regem dolum fovere velle promiserit. Tunc Dñis V. omnia, & quidem minima sua bona, tam pecuniæ, quàm supellectilis reddendæ, & ipsi integerrima sua libertas restituetur; si autem

A.C. 1703 rem in desideratam hanc satisfactionem consentire non placet, non aliud, quam bonorum suorum totalem ruinam, & propriam mortificationem sibi promittere debet. Jaroslavia 27 Xbris.

INSTRUCTIO AD. REGEM SUECIAE LEGATIS Palatinatus Russiae.

Palatinatus Russiae in priori congressu literis Illustrissimi Generalis Steinbock compellatus, tum in moderno congressu ex mandato S. R. Mtis Sueciae renovatis amplissimis compulsus, ut oblatam amicitiam S. R. Mtis Sueciae interpretem veri candoris, & inviolati erga Regiam Mtem affectus Legationem destinat. Hi ergo Illustrissimi Legati nostri debitam primo tanto Regi venerationem à toto Palatinatu deponent, veterem adhuc ante ingressum Serenissimi Regis Sueciae Pactorum Olivenium fidem authenticis documentis explicabunt, quibus patet, nos nunquam bello illato consensisse, imò, quin in Comitibus Generalibus conservationem Pacis per Deputatos nostros promovisse. Post ingressum verò in Poloniam Serenissimi Regis explicabunt DD. Legati nullum actum hostilitatis erga Regiam Mtem vel consilio, vel armis exercuisse. Quibus omnibus probamus, & amicitiae foedera intaminatè coluisse, & in votis optatae pacis, & verae sinceræque amicitiae nos actu hærere. Dubitare igitur minimè potest, de cultu debito S. R. Mtas, cum ultra hæc omnia ulterior declaratio à nobis exigatur, quæ à nullo Palatinatu vel Ministro facta est. Exponent DD. Legati nostri Statum Reipub. nostræ cum aliis Palatinatibus, quæ in dissolubili compage cum sit in gravissimis, & minimis Statibus negotijs concatenata, nec unus Palatinatus sine alio audet quidquam decernere, nec, si decernat, aliquam rebus utilitatem adfert, nisi in liberrima Gente collisionem. Unde justissimus metus exorundæ inter Concives nostros discordiæ, imò ab ipsdem honoris fumen dæ pœnæ. Si ante alios hæc primi faciamus, quod spectat ad omnes. Non immemores erunt, & periculorum, quæ primum Palatinatum Nostrum ante omnes spectant, Moschovitiorum Exercituum in Litvania, eorundem cum Cosacis rebellibus in Vkraina degentium, quorum arma si accedant, ipsorum subditorum nostrorum immemorabili augebuntur felicitate, cujus jam notitiam hoc autumno habuimus. Accedunt mediationes Augustissimi Cæsaris pro pace ineunda, quas Eminentissimus Cardinalis Primas cum Legato Cæsareo actu tenet. Informamur & de Legatis Angliæ & Hollandiæ, qui ejusdem pacis operæ se accingunt, hac spe pacis fulti, sine primorum Regni Palatinatum, & procerum publico accessu, quomodo à nobis principium exigì potest. Quæ omnia S. R. Mtis nullam sequelam, nobis verò inevitabilem damnorum molem attrahent; Illustrissimus Palatinus Volhyniæ Concivis nobis emeritissimus, & aliorum clarissimorum meritis insignis exposcit, ut libertatis S. R. Mtem assertorem obtineat. Instabunt igitur pro innocenti, & innocentia suâ freto domi Senatore à captivitate personæ, & bonorum suorum gravamine æquanimitas & Regia justitia liberum illum faciat. Idem pro concive nostro M. Gosciminski optimè nobis merito, nec ullâ re Regiæ Mti notato Magnifici Legati exponent. Civitas Leopoliensis in exsolvendis contributionibus in tempore acclinis, neque ullo delinquens erga S. R. Mtem Sueciæ peccato, ut ab Exercitu S. R. Mtis Sueciæ immunem se sentiat, instantissimè supplicabunt. Pro restitutione rerum personis tam sæcularibus, quam Spiritualibus, ubivis locorum

receptarum apud S. R. Mtem Sueciæ instabunt. Cæterum non tantum
tanti Regis amicitia, sed & potentia ejus unita cum Repub. unitos nos
contra immanes hostes nostros, veterum propensionum nostratrum
quærere vindictas explicabunt Magnifici Legati. Quorum cætera fidei,
& dexteritati committimus. A.C. 1703

COPIA LITERARUM GENERALIS STEINBOCK AD PA-
LATINATUM RUSSIÆ. Rzeszoviæ 4. Januarij.

*Celsissimis, Illmīs, M. DD. Palatinatūs Russiæ; Fratribus &
Amicis maximè colendis.*

NON dubito Celsissimi, Illmī Dñi vos has illas, quas non ita pri-
dem ad nobilissimum vestrum in Vistria Conventum jussu & no-
mine S. R. Mtis Sueciæ Regis mei, & D. clementissimi scripsi, be-
ne intellexisse, responſique quod tunc mihi dabatur, recordari, de qui-
bus omnibus quàm fidelissimè Seren: Regem meum statim certiozem
reddidi, qui, ut est semper mitissimus, ita me quoq; intercedente volu-
it per clementiam suam hucusq; patienter ultima vestra responſa, ac re-
solutiones expectare, quòd copię Serenissimi Regis Sueciæ coactæ fu-
erint hac tempeſtate quibusdam in locis graviores, quàm aliis admo-
vere manus tantum; Vobis omnia summa cum prudentia, & judicio
perspicacissimo ponderantibus, facilius intellectui erit, quòd optimè ſci-
atis justas S. R. Mtis Sueciæ prætenſiones, summamq; authoritatem,
& triumphantem gloriam, nunquam perpeſſuram fore, ut vel inobe-
dientiā, vel malitioſā contumaciā in mandata & universalia ſua peccet-
tur, supervacaneum eſſet hic explicare, quo jure, & quas ob cauſas po-
tentissimus ac Serenissimus Rex Sueciæ cum victricibus ſuis armis ad
conſervandam immortalem ſui nominis memoriam, acquirendamq; im-
perio ſuo nunquam morituram gloriam hucusq; penetraverit. Siquidem
hujus unusquisque Reipub. civis ac incola, cujuſcunque fuerit demum
dignitatis, vel fortunæ, & quem propria utilitas partialitate aliquā non
adhuc maligniter infecit; DEO, & univerſo terrarum orbi confitea-
tur neceſſum habeat, Serenissimum Regem Sueciæ contra omnium gen-
tium & populorum juſ, nullāque laceſſendi datā cauſā neſciente Repu-
blica hoſtiliter, & deteſtabili gerendi belli modo ab Electore Saxonico
nuper in ſolium Poloni Imperii aſcendente, conſentientibus quibusdam
incolis, aliis verò repugnantibus laceſſitum fuiſſe. Quantum ad vos op-
primendos, & funditus perdendos talia machinando laboravit Rex Po-
loniæ, vobiſmet ipsis, qui libertate veſtrā nihil antiquius, nihil pretio-
ſius habetis ad inquirendum relinquo. Quandoquidem plurimi veſtrū
adhuc in Polonia reperiuntur, qui non ignorant, quàm parum promiſ-
ſis Regis veſtri fidendum eſt, fluctuante huc, illucque ejus fide. Itaq; ſi-
quidem S. R. Mtas Sueciæ Rex & Dñus meus clementissimus, quanti a-
micitiā, conſœderationemq; Reipublicæ facit, ſatis declaravit, adeo, ut
cum univerſis exercituum ſuorum viribus impeditum venerit, ne diutius
à tali & extraneo hoc Rege ad nutum ejus opprimendi eſſetis. Qua-
propter nomine Seren: Regis mei, expecto jam à vobis hanc virilem,
& Excell. DD. Vris digniſſimam resolutionem, quod cum univerſis Pa-
latinatūs veſtri viribus abſq; ulterioris temporis jactura ad partes ju-
ſtiſſimas Seren: Regis Sueciæ accedatis; debitamq; in agendo ſuæ S. R.
Mti ſatisfactionem detis. Cæterum ad propriam libertatis veſtræ con-
ſervationem ejuſmodi Regem vobiſmet ipsis eligere debetis, cujuſ
mici

A.C. 1703 miti Imperio Reip. V, Regisq; mei amicitia, & Confœderatione felices, & beati, unâ cum Suecia orbi Europæo universo non pares solum, sed insuper timendi vivere potestis, quantam gloriam apud omnem posteritatem Polonia vestra sibi procreabit, si jam Privilegia sua SSm̃e defendendo sese immutabilem ostenderit, probaveritq; inviolabiliter ipsam justitiam, & Olivenſia pacta observando, summæ se conscientia vires habere. Satis docet Anglia, quæ ad finem præsentis sæculi, memorabile incomparabilis, suæ & nunquam moritura edidit exemplum gloriae pro libertate suæ suavissima contra oppressores Regis sui, tam fortiter gladio & sanguine suo, cum universi terrarum Orbis, & omnium Gentium summa approbatione & applausu pugnando, nec miror, vos Excell. Dñi, & Palatinatum vestrorum gloria manet, utpotè qui lucem duobus gloriosissimis, Christianissimis, ac fortissimis Regibus dedit; si primi jam estis, qui justam causam amplectimini, propriaeque salutis ac conservationi consulitis; & quanquam primi in Ordine non estis, tamen tanquam primos S. R. Mtis vos considerat. Reliquum est, ut vobis Excell. Dñi ostendam, quanquam non sum nescius, quod perfectam harum rerum teneatis notitiam, quantam utilitatem, & quot commoda ex amicitia S. R. Mtis Sueciæ expectare potestis, quantaq; è contrario damna provocaturi eritis, si illam Seren: Regis amicitiam jam flocci faciatis, vosq; mercenariis factionibus quibusdam ad defendendum Electorem Saxoniae, inq; propriam & inevitabilem ruinam incurrendam seduci patiamini. Nam sicuti Seren: Regis Sueciæ, & propria vestrorum virtute, ac armorum fortitudine innixi, omnibus inimicis, & hostibus vestris formidabiles & tremendi esse poteritis, amissamq; tranquillitatem & concordiam recuperare; ita è contrario persuasum habere vobis debetis; Quod quidem adhuc gutta Suetici, & antiqui Gothici sanguinis in venis nostris maneat; nunquam hinc ex Regno vestro aliter Seren: Rex Sueciæ discedet, nec ea, quæ S. R. Mti per Pacta Olivenſia debetis, obliviscetur. Cæterum quoq; majora arma timenda vobis à Saxone milite scit, quàm usquam antea vobis, & charissimæ Patriæ vestrae per annos jam aliquot. Huc insuper accedet Tertius Hospes Moschovita, barbarâ suâ ferocitate, & infernali furore solummodo memorabilis, quem etiam contra omnia Regni Pacta vobis nescientibus ad vestram propriam oppressionem & ruinam impiè in societatem, & amicitiam Rex vester adscivit. Nec est dubitandum, quin crudelissimus, & scædisfragus ille Czar omnem movebit lapidem, quando & Electorem amicum suum, si amicitia inter fractores fidei aliqua esse potest, juvabit, & voscum charissima vestra Patria & libertate funditus opprimet, posteaquam imperata fuerint, vos volentes, nolentes metum vel vim facturi, documento vobis & omni Posteritati erit perfidia Moschovitica Czari in Seren: Regem, quàm parum verbis & promissis ejuscemodi confœderanti credendum erit? cujus politicum interesse à Patria vestra, terrâ & cœlo longius differt, nec est, quod credatis hunc tertium intervenientem, ut est semper ad nequissima paratus, hanc pulcherrimam in turbida hac aqua piscandi occasionem è manibus amissurum fore. Nam nec antea unquam talem, quando habuit, amisit, & videor mihi videre vestras amissas Provincias, ac Regiones sub ejus crudelissimo, & Tyrannico Imperio gementes vindictam in ipsum deprecari, ad vos supplices manus extendere, & auxilium vestrum die nocteq; invocantes. Vobis itaq; non immeritò hoc loco illud in memoriam revocandum est, Vestigia nos terrent; Nullus itaq; dubito, quin æquâ judicij lance

lance, & purâ mente hæc omnia examinantibus vobis unanimiter, & quotquot estis, conclamabitis; Concedimus. Neq; ullam inter nos tergiversationem committetis; Nam non est, quòd credatis S. R. Mtem Sueciæ liberas & genuinas causas ignorare, propter quas vobis hucusq; concessum non fuit, datæ dexteræ, & promissis vestris hoc turbido tempore stare. Perniciosissimæ sunt enim illæ tam externarum Potestatum, quàm internarum factionum corruptelæ, & aureorum montium promissiones ad quosdam Primores, & Senatores Regni, quorum nomina jam propter majorem inter vos concordiam silentio prætereo, siquidē multi vestrūm illos ignorare amant, hoc tantum mihi restat adhuc orare, precariq;. Si Excell. ac Illmæ Dōnes quidem aliam decernet sententiā, quàm prædictæ Seren: Regis Sueciæ prætensiones exposculant, & Reipubl. utrumq; omnium consentanea sit, ut statim omnes ei illudatis, tanquam salutis vestræ inimicissimo, & ad contrariandum communi bono nefariè empto. Et quanquam in propinquo cum magna Exercitūs Suetici parte versor, non ad interrompendum hunc Celsissimarum Excellentissimarumq; DD. VV. conventum moror, sed expecto tantummodo ultimaria & decidentia responsa vestra. Cæterum quoq; hisce nomine & jussu Serenis: Regis mei declaro, quòd pro justissima ejus causâ, & victricibus ejus armis vos stare ostenditis, fidelissimum amicum & propugnatorem habebitis, ita è contrario, si amicitiam tanti Regis contemnetis, semper in illo & tremendis suis armis persecutorem & inimicum fortissimum invenietis. Hæc ad mandatum S. Reg. Majestatis Sueciæ Regis, Dñi mei clementissimi, & maneo totus Cellitudinum Vestrarum

M. Comes de Steinbock.

RESPONSUM REGIS SUECIÆ LEGATIS PALATINATUS RUSSIÆ

Sacra Regia Majestas Sueciæ perpensis ijs, quæ Magnifici ac Illustris Domini Antonius Stamirowski Subdapifer Terræ Haliciensis, Marechalculus Tribunalis, Regni Generalis, Constantinus in Nieczajow Wapowski Dapifer Regni Poloniæ Succamerarius Præmissiensis, Nicolaus de Stawow Stawski Vexillifer Latigoviensis nomine Palatinatūs Russiæ proposuerant hoc responso illos unpertire voluit dato in hibernis ad Jakulovice 13 Februarij

CUM Sacra Regia Majestas Sueciæ non antea modò, sed nuper per Supremum vigiliarum Præfectum Comitem Steinbock Palatinatui Russiæ candidè indicaverat, quàm prolixâ sit in Rempublicam Polonam voluntate, quàmque sincero feratur studio ad libertatem ejus, quæ hostium insidiis collabefacta est, stabiliendam, tantò justius sperare poterat Palatinatum hunc pari animorum propensione hanc benevolentiam amplexurum, quanto manifestius emolumentum exinde proventurum viderat, si factâ societate arma in communem hostem arripere non pigeret. Quapropter ex his, quæ DD. Legati exposuerant, non sine sensu aliquo percepit, tergiversatione vestra tam salubre propositum differri, neque perficiendo operi, quod Regno Poloniæ non minùs quàm Sueciæ utile est, debitam adferri curam. Nam quòd

imo. Fidem Pactorum Olivenſium à se non violatam esse contendit,

A.C. 1703 dit, hic Palatinatus; id quanquam eatenus admitti potest, quod in bellum hoc iniquissimum non consensisset; attamen cum tenore foederis Olivenfis illa paciscentium pars fractæ pacis arguitur, non tantum quæ hostilia infert, verum & quæ non prohibet, ne inferantur, connivendoq; efficit, ut alteri damna infligantur, consequens est, non magis hunc Palatinatum, quam ipsam Rempub. cui tanquam corpori membrum, innexus est, culpæ non esse expertem. Nam ut alia jam silentio transmittantur, ubique verum est; bellum hoc à Rege Poloniae inchoatum; Exercitum quoque Regni Poloniae in Clissoviensi nuper acie, infesta contra S. R. Mtem signa tulisse, attamen nondum compertum est, ab ullo Palatinatu impeditum hoc facinus, ne fieret, aut postquam peractum erat, in Authores ejus animadversum. Notius præterea est, quam ut contradici possit, erupisse ex hoc Palatinatu plurimas catervas, quæ exercitum Sueticum infestassent, atque rursus in eundem factis damnis se recepisse, atque domicilia illic habere. Quapropter si causam suam à turbatoribus dissociare cupiat Palatinatus Russiae, oportet contrario facto aboleat culpam, armaque in ruptores Pacis Olivenfis stringendo innocentiam suam testetur.

2do. Nec cuiquam mirum sit, hoc à S. R. Mte postulari. Jam enim annus abiit, postquam S. R. Mtas Poloniam, unde in Provincias suas hostilis facta est irruptio, cum exercitu ingressa, cum universæ Reipubl. tum singulis Palatinatibus causam adventus sui significaverat. Ostendebat tunc gravissimis se ad id provocatum injuriis fuisse, pro quibus neque satisfactio justa haberi poterat, neque securitas in posterum, nisi amoto illo, qui non tantum æternæ pacis Religionem perfidè violasset, verum etiam eo ingenio esset, ut, quamdiu Poloniae dominaretur, nunquam possit sperari solidâ ac diuturnâ pace hæc duo Regna valitura. Exposuerat simul ante omnium oculos, quantum discrimen Reip. immineret. Et, cum ea sit Regnorum Sueciæ, ac Poloniae ratio, ut uno concusso alterum periclitari necessum sit, opem suam adversus Insidiatores obtulit, declaravitq; se non magis vindictam suam, quam Reipublicæ salutem querere, neque ex bello hoc difficillimo, quod tantis sumptibus, & gravissimis proprii Regni incommodis geritur, aliud lucrari velle, quam securitatem suam, & Reipub. incolumitatem, verum tam sinceræ amicitiae contestatio inita fuerat, nec in hunc usque diem hisce malis remedium est adhibitum. Providentissimus quisq; periculum depulsum optat, pacem Reipub. & jura læsa fatetur, sed sanando vulnere nemo manum admoveere sustinet, dum alter alterum respicit, singuli destituunt, quo ad omniū salutem spectat. Quare S. R. Mtas fatigata à patientiâ prolationem hanc ut rei communi inimicam suspectans. Turbis hisce, quibus utrumq; Regnum gravissimè affligitur, finem imponere cupit seriò, creditque Palatinatum Russiae ut opum armorumq; claritudine præstantem, ita de gloria liberatæ Patriæ reliquis non concessurum. Non est quod offensas cæterorum prætexat, qui, cum inchoaverit, instituti tam salubris omnes habebit socios, atque ut auctoritate antecellit, ita infirmiores, qui signum tantum pro libertate erectum expectant, suo exemplo accendet. Nec metus alterius hostis Palatinatum deterreat, Moscho communi horum Regnorum hosti tantum negotij alibi facessendi spes est, ut Poloniae facilè obliviscatur. Nec dubitandum, quin Cosaci, cæteraque rebellium lues, conspicientes tot fortissimos viros arma induisse, ab assueta insolentia desistant, præsertim cum S. R. Mtas in Comitium acceptos nequiquam destitueret, sed o-

pe suâ totisq; viribus sublevare omnia cordi haberet. Quod verò ad mediationem attinet, quam à Legatis Cæsaris, Angliæ, atque Hollandiæ tentari putant, sciendum est, mera esse hæc figmenta ab ijs vulgata, qui pacem omnem & fiduciam inter S. R. Mtem & Rempub. disturbare meditantur. Prædictos Status ut amicos arctoq; fœdere sibi junctos magni facit S. R. Mtas, sed neque mediationem eorum accepit, neque illi officia fœderato Regi obtrudere unquam putabant æquum, ut rumor calumniatus est, sed potius, quantum in se operæ est, conferent, ut castigato turbatore sufficientem aliquando securitatem Regna hæc inveniant.

310. Illa verò, quæ nomine amicorum, suarumque necessitudinum Palatinatus detulit, S. R. Mtas ad Comitem Steinbock remittere, justū censuit, qui curam impendet, ne quisquam præter suum meritum damno afficiatur, siquidem de his negotiis hic cōmodum agendi tempus non erit, priusquam de ijs, quæ suam rei tangunt, transactum fuerit.

410. Quod deniq; unitis cum S. R. Mte armis ad veteres Provincias Reipub. recuperandas imanes hostes aggredi voluerit; id quidem S. R. Mti non ingratum esset, & Reipub. honorē maximamq; adferret utilitatem. Verum antequam huic operi cura impendatur, longè major moles est superanda. Internæ turbæ, quibus Respubl. concutitur, prius sopiendæ, componendæq; ne gravius ex domestico malo, quàm externo periculum adeat. Obturandus fons & origo morbi, ne illo neglecto periculosius postea recrudescat, atq; mora omnis abrumpenda est, ne diuturniori tempore corpus infectum omnem respuat medicinam. Compositis domi rebus ad externa animum adijcere æquum est, ut utrumq; consequantur, domi securitatem, foris verò honorem, decusq;. S. R. Mtas operam suam offert, quâ si jam uti neglexerint, similem postea opportunitatem frustra quærent. Proinde depositâ omni simulatione ad partes illius transirent, quem eâ voluntate esse vident, ut sibi totique Reipub. quàm optimè consultum velit; ijs quoq; viribus & præsentī necessitati opitulari possit. Quodsi ulterius tergiversentur, pronuntiat S. R. Mtas se suspectam eorum moram habere, motumq; quemcunq; pro hostili signo accipere. Quod S. R. Mtem invitam licet impellet, ut consilia perinde capiat. Ut super hoc negotio quàm primum se declaret Palatinatus Russiæ, S. R. Mtas Sueciæ expetit, quæ de cæterò Illustres & Magnificos Dominos Legatos Regio favore prosequi, & amplecti non desinet. Ad mandatum S. R. Mtis Sueciæ.

C. Piper

AMICO CONFIDENTI. 26 Decemb.

Imparem esse me referendæ gratiæ pro ista inusitata, quàm in tuis ultimis agnosco benevolentia, & hoc primum in ipso limine fateri debeo, quòd tantus tuus in me extitit hætenus affectus, ut omnem mihi remunerandi spem præcidat, voluntatem tamen relinquat. Ut tantisper saltem velle me re gratum esse videas, donec potero quod volo. Amavi te olim vir humanissime, ac nunc amo affectu (cur negem) puro, & defecato, quem debere me profiteor ingenio tuo modestiæ, & eruditionis pleno, & tum desinâ cum tu amoris causas subtraxeris, & scias tã difficile à me in amore finē impetrabis, quàm modū. Ad nostra.

Die 7. Octob. Valedixi Regi, & ad manus Dñi Ablegati Hollandiæ dedi 200 ungarios pro N.N. petens ut avertat id, quod maxime timebam, ne Rex Sueciæ veniat in Varmiam pro hyeme, quid miseri-

A.C. 1703 us autem, quàm angustis futuris, nec se tormento reservare, sed accerere, sibi afflictiones, & admove, quas optimum esset differre, si discutere non possis.

8vâ. Abij, & quò propior eram Varmiae, eò pejora nova habui, semel enim Brandenburgicos intraturos, alterâ vice Suecos ominabantur, significabant. Ego omnibus credidi quanquam nemo quidquam facile credit, quo credito dolendum est, nec moratus ivi versus Regiomontum, ut aliquid certi rescirem, & si possibile esset, averterem.

Inveni ibi aliquos ex meis Capitularibus, cum quibus habui conferentiam, quid sit faciendum cum Dñus Werner, & imprimis D. Dux Olsteinensis proposuit mihi, ut acciperem milites Brandenburgicos præviâ omni securitate, quò postquam Sueci exiverint ex Prussia illi ex Varmia. Ab initio videbatur nobis, quibus inest ratio, ipsis etiam inest nolendi volendiq; libertas, sed hanc non in omnibus æquam esse adverti, & cum omnem curam posteriorem ducebam præsentē, quando maturam reflexionem fecimus, melius credidimus illos pati ex duobus malis, quàm Suecos videre. Pro optimo est minimè malus.

17mâ. Habuimus infausta nova de accepto Thorunio, quod sine magna defensione reddidit, se melius se Saxones possunt jactare, quàm defendere, quamvis dicant pro ratione, optimum virtutis finem esse antequam deficiat desinere. Omnes milites in captivitatem missi Stokholmum, Generales, Officiales, Varavia autem, quò jam accipitis expeditionibus DD. Legati nostri vias parent, & quò Rex Varaviâ movere debeat, non enim sibi securum esse credit, sicut aliquos post dies, tanquam nihil laudari possit quàm recessus hoc est 23. ex insperato, & cum præcipitantia abiit in Russiam, & ego habui vocatorias pro consilio Zamoyscium, habuimus etiam quò Thorunij muros demolliri, & omnem fortificationem intendat Sueci, dolendum sanè de tam pulchra civitate. Asscuravit me D. Princeps Olsteinensis, qui totus se in solatium meum conferebat, & Dñus Werner, quò si Brandenburgicos milites in Varmia esse permittam, nullus Suecus intrabit quod optaverim mihi magis, quàm promiserim, agebatur ergo tantum de securitate, nihil invitatus facit, sapiens necessitatem effugit, quia vult, quod ipsa coactura est. Repugnans non nolens necessitas est in voluntate necessitas non est, qui imperia libens excipit partem acerbissimam servitutis effugit, facere quid nolit. Sic ego assentiri debebam non repugnare, cum clarè videam non me ulterius interrogaturos, & defacto Brunbergam non expectato meo responso intraverunt, unde dolorem non ostendi, sed habui, quanquam naturâ sim imperturbatus, & intrepidus, quem nulla vis frangit, quem nec attollunt fortuita nec deprimunt.

Vocatus ad consilium, jam abieram, sed cum Ilavia essem venit Epistola D. Nycz, & post à Principe Olstein præmonet uterq; esse expeditos 300 Valachos, qui jam erant in Allensteinensi Cameratu, qui in mandatis habent, ut me quoquo modo captivum ducerent ad Regem Sueciæ, qui scio quantum invidiæ secunda mea fortuna obnoxia est, & quò ob Comitata feliciter Lublini finita sint mihi infensi, & excitari à D. Cardinale, qui ultionem implevit, perfecitq; quantum veræ pœnæ satis superq; erat, & DD. Sapiehis, qui voluissent illa comitata rupta, & ut dignitates eorum non fuissent distributæ, quorum ego non fui certè causa, & præmonitus ab eodem Duce, & meo Canonico pretium etiam capitis mei fuisse constitutum. Redire ergo debui Regiomontum, ubi aliquot diebus incognito fui, & habito consilio cum Fratre meo

Episco-

Episcopo Plocensi, & cum DD. Canonicis conclusimus non esse securū, *A. C. 1702* ut ego abirem Regiomonto, conduxī ergo mihi domum mansurus ibidem ad tempora feliciora, misso Ruzyccio in Russiam cum excusatione ad D. Palatinum Cziernichoviensem, qui ibi jam erat, & illuc etiam expediveram meos currus.

II. Fui in Schwandzfeldt, quo res meas ex Varmia conducere mihi visum est, vidi etiam Dñam Palatinam Vilnensem transeundo, quæ satis afflicta est, quod in bonis ejus hæreditariis consistentiæ sint militibus assignatæ.

Sed hoc magis me afflixit jam Varmiæ meæ vicinos esse Suecos, & protectio nihil prodest Brandeburgica, expedivi per postam Thausium meum Berlinum petens, ut hic securè possim manere, Rex Sueciæ intravit Elbingam sine minima resistantia, portas apertas invenit, non delector, non gaudeo his, imò doleo magis. Malevoli solatij genus est turba miserorum.

29. Habui favorabile responsum Berlino, quòd sit hic securitas pro me, sed Sueci jam sunt in Varmia, DEus scit quanta sim in afflictione. Heri die Natalis Dñi prædicavi in Ecclesia mea & magnam hominum, etiam ex A catholicis habui frequentiam.

Venit etiam hodie D. Palatinus Czernichoviensis ex Russia, qui multa dixit de aulæ arrogantia, mirum ibi extolli aliquem, ubi omnes deprimuntur, ibi stare, ubi omnes jacent, ac proinde mutat omne consilium nec implere illos ulla infelicitas potest, & quia sciunt cautum Dñum esse, id illi suadent, quod sibi suaderet ipse, aut quia adulatores, & blandi ea consilia dant, quæ deliberanti gratiora suspicantur vitii ejus nomen virtutis imponendo. Adjice & eos, qui nō inconstantia vitio parum laceffunt, sed inertia vivunt, non quomodo volunt, sed quomodo cœperunt. Alij alienis se negotiis efferunt, semper aliquid agentibus similes, sed ista satis de istis; Ita rarò Albutio respondet fortuna, semper opinio. Vale & me quando id reciprocum ama, & amicorum quidquid habeo, salvum dicito.

CONFOEDERATIO MAJORIS POLONIÆ 30 Decembris.

NOS Consilarii, Dignitarii quæ Senatorii, quæ Equestris ordinis, ex Palatinatibus & Terris Majoris Poloniæ, diplomate Regio pro Comitulis particularibus, per Palatinatus, & terras misso, ad hunc circulum pro die 30 Decemb. congregati, convenienter ad confederationem sub Ostrovia factam, die 12 Mensis Septemb. Anni præsentis, per quam sperabamus alienatos ab invicem cooperatione malevolorū animos civium, ad communicationem consiliorum, naturalemq; defensionem, coadunandos: verum quia Invasores Protectores, alendo in Repub. dissidia illis volunt media se salvandi adimere, interea hostilis militis impietas ad prælia dura procellis bellum, urget caligine tantā ut non tantum innocentia Reipub. sua hucusq; mala dissimulantis, illum ad mitius agendum non commoveat, verum etiam eo pertinaciorum in malè cœptis faciat, urgeatq; ad majorem Reipub. ruinam, tum per discordias civiles, tum per expilationes Provinciarum; urbium oppidorumq; vastationes, inferendam. In hoc ergo calamitoso Reipublicæ statu ejus amore inductus Rex noster, se Regem Patremque gerit, & consulit cunctis, ostendensq; non sentientibus, mala gentis, & tragicos rerum casus, qui ex diffidentiis inter cives orti, ultimum Rei-

A.C. 1702 pub. minantur exitium, ad factæ sub Ostrovia confœderationis, nos ad hunc locum convocare dignatur, confirmationem. Conformiter itaque ad Ostroviensem confœderationem, sub directione Adalberti in Lubraniec Dąbski Capitanei Inowroclavientis factam, talem inter nos facimus constitutionem.

Imprimis mente revolvendo Regis Sueciæ ausum, qui per violentam Regni hujus invasionem jus omne, fasq; confudit, nullâ datâ causâ pacta Olivenfis jurejurando roborata violavit, inductisq; in viscera Regni Exercitibus, pro sua voluntate, ad novam Regis electionem, in præjudiciū legū de libera electione sancitarum, status Regni Poloniæ, & M. D. L. armis adigere voluit, ad probrosam nec unquam in libera gente auditam, pro suo libitu nobiles adegit contributionem, Provincias, Palatinatus, Terras, Districtusq; Reipublicæ extortis violentâ manu per summam immanitatem, tributis, vastavit & exspilavit. Legationem publicam Reipub. contra omne jus & fas gentium, procrastinando Legatis audientiam, contempsit, projectis, diplomatibus & protestationibus per suos adhærentes, quod amicus & hospes veniat, inaniqu; fallacia pacis ludendo Rempub. ad milliaria ultra 100, inermem, quia minimè sperantem, peragravit, domos Nobilium per modum executionis pro non extraditis contributionum tributis per suos milites vastari jussit, status omnes, Spiritualium, Nobilium, civium, plebejorum, pro voluntate sua contributionibus, sub comminatione ignis & ferri injunctis & extortis, gravissimè oppressit; Vilnam, Metropolim Litvaniæ, Varsoviæ, & Cracoviam Regni Metropolim omnibus spoliata divitiis, & splendoribus, ereptis quoq; tormentis, &munitionibus, evacuatis ubiq; armamentariis. in opprobrium Regni, disarmavit. Arcem Cracoviensem unicum Regni decus & ornamentum ex summo odio Polonæ gentis incendi & incinerari permisit. Urbes, pagosq; nec actis Castrensibus & Terrestribus parcens, exuri non inhibuit. Ærarium Reipub. coronam quærendo evacuavit, quidquid in eo invenit, & pretiosissima quæque nec satis æstimabilia monilia, sanguine Polonorum à Moschis, Turcis, aliisq; hostibus acquisita, & pro memoria futuris sæculis in monumentū immortalis gloriæ & heroicorū facinorū Antecessorum nostrorum asservata, abstulit. Nec Ecclesiis, sepulchrisque mortuorum, (ut nihil esset, quod non pertransiret luxuria ejus) prædandi licentiâ pepercit. Vasa Ecclesiastica in honorem DEI & decorum Domûs ejus, à majoribus nostris dedicata, in usus profanos convertens, fecit vasa contumeliæ. Devotiones hæreticas in præsentia Catholicorum Sacerdotum in veris DEI Ecclesijs prædicantibus Lutheranae, Calvinisticæ, & Finnonisticæ sectæ, in oppressionem fidei Catholicæ celebrandam, injunxit, ubi in ludibrium Sanctæ Catholicæ fidei, suæque sectæ celebrationem, & in opprobrium Polonæ gentis, se flagellū Polonorum, de suggestibus vocari jussit. Quid plura? Sacerdotes misericordiam pro ijs postulantes, qui, securitati suæ immunitate Ecclesiastica consulturi, ad Ecclesias confugerant, innocentes, immanissimè occisi, moniales opprobriis saturatæ, vastatæ, & quidquid sacrum, carum ac religiosum in Regno erat, profanatum. Nobiles liberi, qui pro securitate interna ex mente suorum Palatinatum vexilla erexerant, eò ignominia à Suetico milite deducti sunt, ut ad indusium usq; spoliati, in opprobrium Poloni nominis, multa tormenta flagellaque passi, multi vix spirant, alii immanitate ictuum & vulnorum confecti sunt. Tam grandibus ergo, nec satis æstimandis damnis, injuriis, & oppressionibus

tionibus consideratis, propter defensionem fidei Romanæ Catholicæ, vindictam profanatarum Ecclesiarum, Sacerdotumq; oppressorum, intaminatam hætenus Reipub. gloriam, ab omni dedecoris labe vindicaturi, secuti Majorum nostrorum vestigia, qui zelo circa fidem, Majestatem, & integritatem jurium, virtute, robore, unioneq; sensuum, & animorum, orbi noti fuere; simulq; occurrendo ulterioribus turbinib⁹, per Regem Sueciæ faciendis, volentes roborare fundamentum tuitionis nostræ, conformando nos, simulq; confirmando gloriosum opus Palatinatus Siradiensis, per conjuratam Confederationem, circa fidem, Majestatem & libertatem, propter perfectiorem roborationem confederationis inter status Reipub. in quam Palatinatus Brestensis, Cujavien: Inovladislaviensis & Terra Dobrynensis ex nunc consenserunt, facto sibi invicem juramento: protestatione coram DEo, cui manifesta sunt abscondita cordium, quem in testimonium, & adjutorium assumimus, quod sicut nullam ei violentæ invasionis, & hostilitatis causam præbui-
mus, ita occurrendo ulterioribus inconvenientiis, principaliter verò extirpationi S. Catholicæ Fidei, pro Ecclesia, majestate, & libertate certaturi, eundem Regem Sueciæ cum suis Exercitibus pro hoste Patriæ declaramus, contra illumq; & Exercitus ejus, ceu contra hostes Patriæ arma nos sumpturos appromittimus, fidemq; Catholicam, Mtem & libertatem, fortunarum & vitæ dispendia, omnes in commune nos defensuros juramus. Quia verò in hoc Reipubl. turbido, solo dissidio civili, tot fratres nostri & concives ad hanc unionem & societatem prodandis repressalibus, huic invasori, & hosti, lento passu accedunt, imò facta inter vos, per factiones, scissione illius intentionibus studiisq; favere supponuntur, hinc nos etiam hos ceu fratres nostros, Filios ejusdem matris Patriæ, cujus ubere lactati sumus, fraterno zelo & amore, jamq; expirantis Patriæ voce ad idem tam sanctum vinculum invitamus, certâ sperantes fiducia, illos, ubi primam de eo acceperint notitiam, relictis privatis cum Rege Sueciæ machinationibus, ad commune nobiscum consilium, defensionemq; Ecclesiæ, Mtis, & libertatis affuturos. Quod si tamen aliqui concivium reperientur in Rep. & ex correspondentiis documentis evidentiis manifestabuntur, qui cura, studio, & opere Regem Sueciæ cum exercitibus in viscera Regni introduxerunt, illumq; suâ protectione & factionibus foverunt, unde omnes collisiones & dissidia inter cives exitium Reipub. & nostrum omnium, exorta sunt, tales excludendo nomen Amistiæ, omniq; juris beneficio seposito, congregata DEo dante Rep. juxta leges contra perduelles, judicandos, & pro hostibus Patriæ declarandos, omnes simul appromittimus. Consideratis nihilominus circumstantiis in hac Regni disunionem, quæ in tam premente Reipub. casu etiam sanctissimum confundit opus, nullum efficacius censemus remedium, quàm si Seren: Rex usitata ad unionem consiliorum statuum Reip. media, deficiente securiore loco, etiam sub dio determinare dignetur, ut uniti, juxta antiquas praxes, consulere Reip. illiusq; saluti prospicere possimus, pro quo seorsivo instrumento per legatos Ser: Regi supplicamus, ut hoc uniendæ toti⁹ Reip. consiliorum inventum, quàm citissime poterit, sub titulo continuationis confederationis, clementer dignetur confirmare. In casum tamen non consummandæ unionis consiliorum & pacificandæ Reip. eandem confederationem sub nexu & juramento, in integro quo ad omnia nobis reservamus, & prorogamus, dispositioni Marechalci, temporis & loci, pro sequenti congressu, determinationem, committentes, cui omnes invicem
indi-

A.C. 1702 indivisi, evictionem spondemus, illiq; in omni occasione, & tempestate, donec fluctus hi turbatae Reipublicae quiescant, fortunis & vitâ assistemus, nec illum, donec in toto Respubl. tranquilletur, in ullis circumstantiis, aut periculis deferemus. Ut ergo eo firmior defensio subsequatur de cordibusq; civium diffidentia (quam malevoli conantur imprimere) eradicetur; habentes factam à Serenissimo Rege promissionem, ad roborandum erga hanc Patriam amorem, diplomatis, obsecramus ut idem Serenissimus super eo coram Deputatis ex Palatinatibus facere juramentum promittendo se Paterno amore & viribus, hanc Rempub. defensurum idq; universalibus datis pro Comitibus particularibus clementer declarare dignetur, ad quod perficiendum, petimus & delegimus de medio nostri, jam nobis conjuratos & confœderatos Senatores & Deputatos mox nominandos.

Ex Palatinatibus majoris Poloniae D. de Konary Małachowski Judicem terrestrem Polesniensem, Adamum Szczygielski Capitaneum Gnesnensem, Maximilianum Slichtynk Tribunum Wschoviensem, Franciscum Josephum Skoraszewski Vexilliferum Polesniensem, Michaellem Pstrokoński Dapiferum Brestensem, Kujaviensem, Antonium Olszewski Ensisferum Terrae Dobryniensis, Ioannem Szieminski Judicem Terrestrum Siradiensem, Petrum Iwanski. Ex Terra Wielunensi, & Palatinatu Łęczycyensi Legati differunt electionem Commissariorum ad comitiola ex limitatione imminencia. Ex Palatinatibus Kujaviensibus, Andream in Głębokie Głębocki Capitaneum Brześćensem Kujaviensem, Casimirum Volski Thesaurarium Brześćensem Kujaviensem; Stanislaum Jarnowski Pincernam Inowladislaviensem. Ladislaum Niemojewski Judicem Terrestrum Inowladislaviensem. Terrae Dobryniensis & Palatinatus Ravenfis Legati differunt electionem Deputatorum ad imminencia comitiola. Ad Serenissimum Regem ex generali praesenti circulo Legatos eligimus: Michaellem de Buzenin Pstrokoński Dapiferum Brześćensem Kujaviensem, Mathiam Małachowski Judicem Terrestrum Polesniensem, qui fidelia obsequia subditorum & promptitudinem, circa tuendam Mtem Serenissimo Regi declarantes, eidem supplicabunt, ut quam optatissima & celerrima adinvenire dignetur media, quibus tota Respub. in tanta afflictione congregatarum simul calamitatum, cum omnibus simul statibus ad pristinam possit reduci unionem, item ut Exercitus Saxonici strictiori subdantur disciplinae, & conjuncti cum Exercitibus Regni & M. D. Litv. ad danda repressalia Suecis, ordinentur. Ad extremum si qui quâ Senatorii, quâ Equestris Ordinis, tum ex Provinciis minoris Poloniae, tum ex Prussia, tum ex M. D. L. amore succensi Patriae, ad ejus defensionem accurrere voluerint, propter impediendum periculum ab hoste imminens, eique passum intercipiendum, sive expeditione sive auctione militis, sive in sua quisq; persona; nos fraternè eos invitantes, assecuramus, quod ubi in consortium gremiumq; nostri adfuerint, facto tamen ab eis corporali juramento, illos, Deputatos, & Commissarios in societatem consiliorum admitteremus, ut sicut praesenti consilio nostro, uniformitate sensuum Dominus benedixit, ita intentiones nostras, & gloriosum hoc vinculum, in defensionem Patriae factum, desiderato & celeri effectu coronet. Exercitus quoq; Polonos cum Ducibus fraternò affectu stringimus, ut nobis, nostrisq; optimis conatibus sincera promptitudine, ad obsequia Patriae fœderati, eò vivaciores nobiscum ad fortia agenda assumant animos, nobiscumq; contra insurgentes adversus Patriam & Mtem seditiones,

& machinationes, conjungantur: quapropter ad Duces Exercituum, de A.C. 1702
gremio nostri Legatos expeditimus ad tam sanctam eos cum Exer-
citibus invitando unionem. Civitates quoq; Regni Poloniae præcipuè
Prussiae ad eandem confœderationem convocamus utq; juramenta, vel
in Regis, vel in moderatoris consiliorum nostrorum, vel in Commis-
sariorum delegatorum manibus, in spatio 4 septimanarum, ab inscri-
ptione confœderationis nostræ ad acta Castrensia deponant, obnixè pe-
timus. Quia verò quævis Respub. armis & consiliis florescit, quæ eò
validiora præsentis motus publici exigunt, ideo ad latus Mareschalci
nostri petimus & designamus coconsiliarios: Ex Palatinatibus Majoris Po-
loniae, Joannem Vzatowski Subdapiferum Dobrinensem, Alexandrum
Zychlinski Subcameraridem Calitliensem, Adalbertum Trzebicki Ca-
stellanidem Spicimiriensem, Joannem Zakrzewski. Ex Palatinatu Si-
radiensi Michaëlem Raciborski Morstyn Capitaneum Siradiensem;
Adalbertū in Buzenin Pstrokonski Dapiferū Siradiensē, Josephū Wieru-
sza Kowalski, Stanislaū Pstrokonski. Terra Vielunensis differt electionē
Consiliariorū ad comitiola proximè ex limitatione imminetia. Idē facit Pa-
latinat⁹ Lenciciensis. Ex Palatinatib⁹ Cujavientib⁹ Andreā de Lubraniec
Dąbski, Capitaneū Nakielensē, Mathiā Gęslerowski Capitaneū Radzie-
iowski, Chrysoſt: Dorżowski Generalem adjutantem Exercituum Po-
loniae, Adalbertum Poleski Subdapiferum Inovladislaviens. Terra Do-
brynensis, item Palatinatus Ravensis per legatos Terræ Gostynensis dif-
fert electionem Consiliariorum, ad Comitiola proximè ex limitatione
imminetia. Quibus Consiliarijs unā cum Mareschalco Deputatis ad
latus Regium commoraturis damus facultatem, & potestatem ex re, &
occasione boni publici in omni necessitatis circumstantia in præsentis
temporis conjuncturis, judicandi, exequendi, & per pluralitatem voto-
rum concludendi, & quidquid ex re & opportunitate, pro bono Reip.
occurrerit, effectuandi. Et sicut in unione animorum exoptamus ani-
mitus subsidium ferre Patriæ, ita ad commune bonum, communemq;
defensionem relinquimus spatium Palatinatibus & terris qui nobiscum
viritim non cōparent, eligendi, tū ad Principis tū ad Mareschalci lat⁹ Con-
siliarios eligendi, quorum quisq; ostensis suæ electionis patentib⁹, prævio
juramento locum sui Palatinatūs vel Terræ in consiliis occupabit. Hæc
itaq; Confœderatio ut eò certius firmiusve suum possit sortiri effectū,
juramento tam à nobis Mareschalco, quàm à Mareschalco nobis uti et-
iam nobismetipsis invicem deponendo conscientias nostras obligamus.

JURAMENTUM SENATORUM & MARESCHALCI.

*Ego N. juro DEo Omnipotenti me muneri officij mei & obli-
gationi mihi in hac Confœderatione impositæ à Civibus Regni Po-
lonie pro viribus & facultatibus meis satisfacturum, & quidquid
officium meum concernit, juxta DEum, conscientiam, legesq; publi-
cas executurum, postposito omni respectu, & privato quovis emol-
lumento, nec in tractatus quosvis, vel consilia in perniciem Reipub:
cum quibuscunq; personis per conferentias & correspondentias me
intermiscendo, in omnibus tum alijs occurrentibus Reip. tum etiam
bellicis negotijs, omnia ad bonum publicum directurum, nec ulla ar-
cana consiliorum nostrorum cuiquam proditurum, sic me DEus ad-
juvet.*

A.C.1702 *juvet, & innocens Christi Passio.*

JURAMENTUM COMMISSARIORUM & CONSILIARIORUM.

Ego N. juro DEO Omnipotenti, quod meæ obligationi, mihi in hac Confœderatione à Civibus Regni injunctæ satisfacere conabor pro possibilitate, & debito meo, in consilijs sensibusq; meis, quos proponam, juxta DEUM, conscientiam, legesq; publicas, nulla quærendo privata commoda, aut emolumenta, nec in judicijs amicitia & inimicitia, munerum vel promissionum habendo rationem; nullas cum ullo privatas habebo conferentias, aut correspondentias, in perniciem Reip. in omnibus conscientia dictamen secutus, arcana consilia, judicijq; nemini prodam, sic me DEUS adjuvet & innocens Christi Passio.

JURAMENTUM CIVIUM REGNI POLONIÆ.

Nos NN. juramus DEO omnipotenti, juxta obligationem nostram factam Mareschalco circuli nostri, nostrisq; Commissariis, pro fide, & Ecclesia Catholica, pro Mte & libertatibus nostris sine ulla dismembratione, & divisione nostri, eo usque, donec perfectè tota Respub: pacificata fuerit, & donec nobilium fratrum nostrorum hoc vinculum duraverit, constanter nos sub directione Mareschalci & Commissariorum ad latus ejus designatorum, perseveraturos, nullas ab aliquo suscipiendo corruptiones, nulla privata faciendo conventicula, nec ullis sese turbinibus immiscendo, unicè DEUM & integritatem Reipub: intendendo, illi vitam & sanguinem consecrando, sic nos DEUS adjuvet, & innocens Christi Passio.

Quia verò nondum Commissarij ad latus Regium & Consiliarij ad latus Mareschalci Deputati, supra nominato se obstrinxerunt juramento nullus eorum ad consilia quævis admissionem prætendat, donec Confœderationis nostræ coram Mareschalco impleat juramentum. Secundet itaq; , & benedicat intentis nostris DEUS Optimus quem in auxilium nobis assumimus, conformandoq; nos tam fortunato vinculo, trita Majorum viâ communi defensionis nos accingimus, expeditionem in quibusdam Palatinatibus & Terris conductam, in aliis per comitiola constitutam approbamus, præsertim in Palatinatu Siradiensi, Cujaviensi & terra Dobrynenfi, aliis verò Palatinatibus & Terris concludendo firmiter nostræ Confœderationis juramenti confirmatæ, conclusionem mediorum pro defensione differendam permittimus ad conferendum cum fratribus, sperantes, quod, sicut in hoc loco unâ nobiscum pro fine habuerunt salutem publicam, ita seriam navabunt operam, ut quàm promptissima naturalis defensionis media provideant. Palatinatus verò, qui ex limitatione non essent habituri comitiola, eorum designationem instantaneè à Rege postulabunt, ex fine præcisè invenientium mediorum defensionis, in tam arduis circumstantiis, & conjuncturis Reip. legati verò ex circulo nostro designati intimabunt Mareschalco, non tantum expeditionem in quibusdam Palatinatibus jam conclusam, in quibusdam brevi in comitiolis ex limitatione imminentib⁹ conclu-

concludendam, verum etiam, nostrum futurum pro ulterioribus consilijs congressum, ad locum ab eo ex circumstantia temporum, & rerum designandum, ut quidquid ex convenienti casu & motu hostilitatis emanaverit, consulatur, & occurratur.

Quoniam verò Palatinatus Majoris Poloniæ ex certis rationibus juramentum distulerunt, spem habentes, omnes fratres, qui nondum huic tam sancto operi accesserunt, vota sua apposituros, & in majore brevi numero nobis conjunctos, idem juramentum expleturos, ideo documenta juramentorum cum subscriptionibus manûs propriæ Directori Consiliorum nostrorum reddenda erunt. Si verò per malevolentiam fati illos nunc non comparentes, afflictâ Patria ad corroborandum, & exequendum juramentum non comoveret, in primo congressu nostro, per innotescantias à Mareschalco determinando, sine quavis prolongatione, tam Senatores nobis confœderati, quàm fratres nostri, unâ nobiscum circa bonum publicum zelantes, juramentum sese deposituros nobili verbo appromittunt; quod & alii Palatinatus & Terræ hic nobiscum ad comune consilium congregati, quia nondum idem fecerunt juramentum, facturos sese assurant, non comparentes verò, Patriæ, & fraterno amore invitantur. Quæ confœderatio statuum Reipublicæ, Provinciæ Majoris Poloniæ in vim naturalis defensionis facta, subscriptionibus, præsentium ex Palatinatibus, & Terris Legatorum & Senatorum roborata, ut omnibus innotescat, ad Castrensia acta mittendam, & typo mandandam Mareschalco committimus.

XLVII.

ANDREAS C. ZALUSKI EPISC. PRINC. VARMEN: & SAMB.
CARDINALI PRIMATI. 1. Januarij.

An. 1703

Quandoquidem consilium ultimum commisit nobis dispositive & dextrè exquirere sensum & affectum in nos vicinorum, quid ab illis sperandum sit in præsentibus tam necessarijs & difficilibus conjuncturis; eodem planè momento, quo comparuit hic Baro Hoverbeck Regis in Prussia Ablegatus, compellavimus illum in conferentia privata, an habeat plenipotentiam & Instructionem ad conferendum & tractandum, sed ille reposuit, utrumq; sibi deesse, attamen scripturum se & utrumq; à Principali suo requisiturum appromittit. Interim lucrando tempus an non melius foret per tertias personas sine charactere probare illam aulam, altissimum tuum expectamus consilium humillimè precando, ut confidenter exprimere digneris, quid proponi, quid requiri, & quid promitti illi debeat. Adde Eminen: Princeps non tantum bono publico, quod ab altissima tua mente vel maximè dependet, magnum momentum, sed & Regem Seren: obligabis, & nobis qui nihil magis desideramus, quàm ut benè sit Patriæ, hanc monstrabis viam, quæ ad consequendum finem maximè convenit. Quòd cum debito cultu gratulando hodie incipientem annum dum exprimo &c.

IDEM CASTELLANO CRACOVIANSI. 8 Januarij.

Nescio quo infortunio meo inter iratæ sortis procellas id accidit; ut cum omni ordinario scribam, à te nullum responsum accipio, & id eò gravius est, quod alij eam fortunam habeant, quâ ego fatò meò privor. Ac propterea etiam cautius scribere debeo, cum credam

A.C. 1703 dam literas meas ad te non pervenire, quando nullo meo demerito responsa non recipio.

Reflexio tua secretiore stylo expressa, quod certæ personæ aliquo modo in partem Regis induci possunt, magnam reflexionem meretur, & credo, quod id ad mentem tuam fiet quandoquidem nihil magis optamus, quam ut ea inveniri possint efficacia media, ut tandem aliquando tranquillam videamus Rempub.

Legatio ab Anglia & Hollandia jam appropinquans cum determinatione positiva quod velint pacem, spem nobis talem qualem facit, quod tandem melior veniet reflexio, & quod amplius amicum & fœderatum Regnum non manebit sub malleo. Ego libenter haberem pro antiquo affectu, ut hi, qui spem in armis ponunt reflectere se vellent, & maturè satius mediis pacis, quam strepitu armorum securitatem sibi providerent, quia quidquid præcipiti via certum deserit ordinem, lætum non habet exitum. Et ego pro conscientia credo, scis ea tu ipse & multi non ignorant, & præcaveo, quod nulla salus bello. Quod tibi pro omni confidentia insinuare potius volui, ne quid unquam excusandum habeam.

Cosatici motus, spero brevi cessabunt, & confundentur illi, qui causam eorum in Regem rejiciunt, ad quos nec directè, neq; indirectè pertinet. Det aliquando DEus potens, & imponat his diffidentiis finem, redeat antiqua, debita & solita inter status combinatio, tunc redibit etiam antiqua Regno nostro fortuna. Notitias aulæ nostræ habes aliundè, nihil etiam est particulare quod cōmunicatione & tuâ curiositate sit dignum, ac proinde finio voto ab initio novi anni antiquo, ut Domum tuam benedictionibus suis impleat, & mihi suppeditet occasiones ad demonstrandum in effectu, quàm sim &c.

Raphaëli
Lefczynski

IDEM SUPREMO REGNI THESAURARIO eadem die.

Literæ tuæ de data 27 Xbris anxium me reddiderunt; nescivi enim, quò respondere deberem. Scripseram jam in Majorem Poloniā, sed frustra, quia dum sigillabam, accepi notitiam in alias te mi-grasse terras, & habui fundamentum credibilitatis ex iisdem tuis literis, quod te præparares ad iter etiam in debilitate sanitatis tuæ; Et hic statim liceat incusare, sed fraternè modicum affectum tuum; Ita nocentius vulnus est, quod cordi propius, quod mihi non nuntiaveris in tempore, quamvis enim & senex & debilis, obviâssem, & ubicunq; voluisses, excurrissem, ut tecum conferre potuissem, nam etiam celeritas desiderio mora est. In Domino enim mihi videtur, quod si te inter certamen amoris, & officij alloqui possem, fieri multa in rem boni publici possent cum pluribus suspicionibus, & sinistris interpretationibus à te amotis palàm tibi facerem, quod præsumptiones, quanquam aliquando parum justæ multum noceant; Sicuti v. g. nunc prælidium Posnaniense, quanquam absolutè sine nostra Ministrorum destinatum fuerit notitia, non tamen sine ratione, & sine ullo libertatis præjudicio, quia nunc de opprimenda nulla est cogitatio, & id fide honesti viri assevero.

Iter tuum Varſaviam multis subest interpretationibus, ego verò in meliorem illud accipio partem, quia te scio causam libertatis suscipere, & debere & posse, & dico, quia bonæ fidei sum Catholicus, quod prudentia tua sit convicta in eo, quod si malè erit in Patria, malè erit & nobis & quod nec fortunæ, nec personæ nostræ possint esse extra pericu-

riculum, & quod majus est & Religio, & libertas casui subjicientur. *A.C. 1703*
 Spem firmam habeo, illudq; credo, quod & Primas avertet hæc, quæ
 sunt inevitabilia, fidei libertatisq; pericula, & in consortio tuo aspera in
 vias planas reducere conabitur, cum nec boves usq; ad radices herbam
 carpant. Scriberem plura, sed ex experientia vereor, quia malevolus a-
 nimus abditos sed crudeles dentes habet, quia jam & confidentes sche-
 dulas scribere non licet, quandoquidem copiae earum septuaginta &
 pluribus interpretationibus subsunt; facessant istæ criminationes & re-
 criminationes ineptæ; illud tantum dico, quod nobis debitum, & neces-
 sitas imposita est, nunc tempus adventat, vel potius jam adest, ut om-
 nes de pace stabilienda cogitemus, si volumus servare universum,
 quia, si falsus vates, non ita res procedent, ut supponimus, nec spes
 emergendi nisi nova consilia capiantur. Premitur non perfunctorie cor
 meum, dum considero, imò dum apud me experior, quod innocens,
 & miser populus ad ultimam vergit ruinam, & id propter internas
 dissidentias. Ah si liceret coram te alloqui; miserere charissime frater,
 cogita, quod DEO reddemus rationem, & posteritati omnium actorum
 nostrorum. Si quis ad procurandam juvabit pacem, DEUS illi bene-
 dicet; si quis contra agat, si quis dissidia in populi desolationem exci-
 tabit, DEUS, qui potens est, deprimet eum. Domus Sapiehanæ fortuna
 in eo consistit, ut ad pacem ducant, si finem miseriarum quærunt non
 mutationem, dico id coram DEO, quod alias subtrahet DEUS suam ab
 illis benedictionem, dant animum ad scribendum ultimæ miseriæ. Se-
 curitas in manu est & talis, quâ nullâ melior. Effundo cor meum co-
 ram te; necesse enim est, ut Patriam & illos juvemus, ad quod ego om-
 nem conatum applicabo. Faciamus ergo quod in nobis est, & DEUS
 non deerit bonæ voluntati nostræ, & in manu forti ex hoc infortunio
 nos educet.

De affectu Regis non dubites; plus amaris, quàm credere possis,
 nec plura.

AD REGEM DANIE

AUGUSTUS II. &c. Serenissimo & Potentissimo Principi Domi-
 no Friderico IV eadem gratiâ Daniæ, Norvegiæ, Vandalorum,
 Gottorumque Regi &c. salutem &c.

Serenissime & Potentissime Princeps &c. In quo ad præsens res
 rum statu versemur, tam benè cognitum Mti Vra existima-
 mus, quò minùs eandem latet, quàm impensis conatibus cælo &
 orbe testibus ad restabiliendam tranquillitatem, & ineundam hos-
 nestam & securam pacem cum Rege Sueciæ enixè inhuc usq; allabo-
 raverimus. Ast videntes in irritum cadere omnes sollicitas curas, &
 applicationes nostras, maturè colligimus, quod optimæ intentiones nos-
 stræ exoptato sint caritura effectus, nec spes jam fœderis aut pacis ex-
 tet. Hinc omni meliori modo prospecturi salutis publicæ nuperrimo
 tempore magnum consilium ex omnibus Provinciis integrè coadun-
 natis congregavimus ad providenda media, expurgandi hostibus
 Poloniam, & hisce periculis liberandi. In quo præfato consilio ma-
 gno tandem post maturas deliberationes ad attingendum hunc sco-
 pum nihil expeditius visum fuit, quàm si conjunctis viribus arma
 Tom. III. *Lib* *E*

A. C. 1703 *Et* studia cum vicinis Principibus sociarentur, taliterq; conclusum *Et* determinatum est, nemine contradicente, ut eo nomine externas potestates sine mora invitavimus, cum iisdemq; medio tractatus conveniremus, qualiter Rex Suecia obligari possit ad amplectendam pacem, *Et* restituendam publicam quietem. Porro cum Serenissimis Antecessoribus nostris toti Reipub. sanctæ semper fuerunt leges amicitiae, *Et* vetustissima fœdera ex communi interesse quod nos naturaliter connectit ad mutuam utilitatem, commodum, *Et* securitatem sincerè procurandam *Et* promovendam; in hac itaq; optima fiducia minimè dubitamus, quin *Et* anteriorum temporum memoranda exempla, *Et* singularis Serenissimorum Mitis Vra Antecessorum pro integra Reipub. hujus conservatione attendentia, *Et* ita conjuncta ab omni ævo communis habita causa, quæ inter utraq; Regna intercedit, *Et* Mitem Vram inclinatura sit, ut ipsamet opportunis remediis succurrere, *Et* obviare velit, ne Corona Suecia vastata destinata sua, quæ aliùs, quàm par est, intendit, perducatur ad effectum. Commoveant pectus Mitis Vra *Et* præterita reflexiones, *Et* præsentissima nobis impendentia pericula, ut tales tempestivè adinveniat rationes, quomodo conjunctim nobiscum ac Reipub. Mitas Vra hunc torrentem malorum sistere possit. Indicatura nobis sine mora intentiones *Et* dispositiones suas, quarum communicatio in his circumstantiis nullam moram patitur. Augebit perinde Mitas Vra tantò magis fura amicitiae, cumulabit gratas obligationes, quas omni tempore debito cultu *Et* affectu hac recognoscet Respub. quæ *Et* antea cuncta subsidia sibi à Corona Daniae exhibita tristi illorum temporum fato, quo jam conclamatum erat Poloniae exitium, perenni recolit memoriâ, nihilq; deesse patietur, quod ad demonstrandam mutui officiorum testimoniis gratitudinem necesse fuerit. Præstolabimur igitur avidissimè indilatam à Mite Vra certitudinis notitiam. Cui de cætero bonam valetudinem, *Et* prosperrima quæque à DEO precamur. Dabantur Thorunij Mense Januarij.

XLVIII.

ANDREAS C. ZALUSKI EPISC. PRINC. VARMEN: & SAMB.
MAGNUS REGNI CANCELLARIUS, ALEXANDRO SAL-
LAROLI THEATINO REGIO MINISTRO. 4. Jan.

Stephanus
Potocki.

Fecit Rex, quæcunq; potuit pro lucrando Domûs Potocianæ affectu, & quandoquidem Scipio minor, quod ego ex corde optaveram cedere non potuit Capitaneo Cziercassienfi, data tamen & non tantum verbo Regio, sed etiam scripto confirmata spes primi vacaturi Regni officij, & pro meliori demonstranda confidentia expeditus est idem Potocius Varsoviæ, & ultra, ut stabiliendis in partem Regis & Reip. invigilaret commodis, & utilitatibus. Obstrictus imprimis amore Patriæ, sepositis quibusvis, quæ provenire possunt, ex dilata satisfactione rationibus, in supposito appromissæ gratiæ omnia ea faceret, quæcunq;

cunq; amor in Patriam, naturalis Domûs Potocianæ in Reges fidelitas, *A.C. 170;* explorata ejusdem suadebit prudentia. Cumq; venerit Varſaviam, ante omnia curabit, ut Cardinali Primati deferat, quòd Rex Seren: toto conatu procuret pacem, toto corde illam optet. Deinde, quòd, quidquid ad correctionem jurium, immunitatum, & libertatum pertinet, omnia ea non tantum promittere sed & effectu adimplere paratus est. Securû insuper reddet eundem Cardinalem, quòd, quidquid in ordine ad stabiliendam fecerit pacem, non tantum coram DEo meritum, quòd à pressura pauperes homines liberabuntur, non tantum coram toto orbe famam, & gloriam, quod per cooperationem solidam ejusdem tam grave finietur bellum, sed etiam in corde Regis particularis manebit obligatio, si illum ex his extraxerit difficultatibus, in quas involuntariè ingressum se agnoscit. Finietur per pacem non tantum omnis undique pauperis populi oppressio, sed & justus metus, ne omnes nemine excepto pereamus, quia si hic ignis promptè, & indilatè non extingvetur; Si ulterior hostilitas continuabitur, potestne in Polonia esse aliquis, qui personæ suæ, & fortunis perpetuam possit sperare & promittere securitatem. Idipsum & omnibus, quos vel Varſaviæ, vel in itinere videbit, & alloquetur, pro prudentia explicaturus est dictus Gubernator explicando semper verum & sincerum Regis desiderium, ut antiquam reintroducatur tranquillitatem.

Si accideret casu vel occasione videre quempiam ex Domo Sapiehana, pro confidentia, libertatem habebit repræsentandi, tam gravem undique ruinam, tam frequentes inde contra Domum eorum acclamationes, quæ eò magis augebuntur, quò diutius durabit bellum, eò difficiliore in partem illorum erunt conditiones, quò major erat nobilitatis læsio; ac proinde nonne melius est, ut citius hæc finiantur, quæ tamen finiri debent, & fortè non ita finientur, ut illi credunt; imprudentium ista fiducia est, fortunam sibi spondere; quandoquidem spes dethronisationis nulla, cum evidentia manutentionis in manibus sint media; assequi possunt omnia si properabunt, amittere si cunctantur, & in quibusdam rebus satius est decipi, quam diffidere.

Punctum securitatis, ut ea, quæ instat tempestas prætereat, quod videtur difficillimum, ulterius tempus non facilitabit, imò majores ponet obices. Hæc autem provideri poterit non tantum per Guarrantiã vicinarum & remotiorum potentiarum, sed etiam in Polonia ita stabiliri potest, ut eam securè acceptare possint, non sint in numero illorû, qui, ut aliis noceant, sui sunt negligentes, modò sincerè ad desideratam omnibus pacem cooperari velint.

Cum venerit in Russiam, ante omnia id curaturus est, ut domum suam exemplo Prædecessorum suorum, qui semper Majestatibus fideles erant, nec solebant se ventilare in omnem ventum, certitudine sinceri affectûs Regii, & imprimis amore in Patriam. in partes trahat Regis, ad cujus electionem vel maximè contribuerunt, securos reddendo omnes & singulos de sincero debitoq; cum omnimoda gratitudine Regia respectu.

Si verò venerit occasio colloquendi cum viris militaribus, Regium ex corde dolorem explicaturus est, quòd exercitui non tantum in deferuitis stipendiis, sed etiam in hyberno pane non sit satisfactum, cum hæc necessitas indispensabilis Regiæ personæ defensionis interceperit. Illud verò certum est, quòd ubicunq; copiæ auxiliares exercitûs Saxo-

A.C. 1703 nici consistunt, ibi ærarium privatum M^{ti}s suæ hybernalem exsolvet panem secundum datam declarationem legatis ab Exercitu missis. De satisfactione verò stipendiorum quàm celerrimè, & quàm perfectissimè, modo Dñus DEus Patriæ reddat tranquillitatem omni nisu sua M^{tas} conabitur.

Et hæc sunt quæ genuinè tibi significanda credidi, ut possint aliquando recedere verba, quæ charitatem vulnerant, & ne dicatur de nobis, quòd agere aliquid videamur, cum nihil prorsus agamus. Non dubitando quòd tu rem ad rationem reduces &c.

EIDEM IDEM Thorunio 10 Januarij

NON est quòd metuas, à multis retrò annis contractam familiaritatem, unquam silentio direptum iri, non enim ita torpet, aut langvet mutuus amor nostrum ut frequentioribus literarum alloquiis fovere eum sit opus. Absentem cœlo, animo (scribas, vel non scribas) semper te habeo præsentem, & frustra tarditatem literarum tuarum excusas reciprocatione, quam interdum diligentius præstant, qui minus amant, quia illam ego re & factis metiri soleo.

Eodem die, quo sigillum mihi datum erat inceperat consilium, ut vocatur justè magnum Thorunii, cujus hoc est fundamentum. Respub. planè universa congregata, sub Sendomiria generalem formavit confœderationem pro salvanda fide orthodoxa, legibus Patriis, & Rege nostro legitime electo, quia verò ex re, & serie rerum cohærentium, multa consilia inire est necesse, ne Rex sit sine consilio, limitans actum destinavit, eadem confœderatio, ultra Ministros Statûs pro more, & Senatores protunc ad latus Regis manentes, tot, & tantos ex Equestri Ordine Deputatos, quos sibi in Comitoliis à Rege tunc extraditis, quivis Palatinatus, & Districtus eligere debebat, qui pro libitu Regis ad locum, & tempus à S. M. destinatum convenirent, & jus tractandi omnes materias Statûs, concludendiq; omnia haberent. Est hoc quidem inusitatum in Regno nostro, sed imprimis in bello pereunt discrimine nullo amissæ leges, quid liceat nescimus adhuc, sed cuncta licere credimus. Item extrema mala extremis remediis curari debent, ego non sum author, non eram, non fuisse me sub Sendomiria fateor, & forsan glorior.

Hoc ergo consilium magnum Varsaviæ inceptum, sed propter paucitatem Deputatorum limitatum, & Thorunium translatum, DEI nomine invocato incepimus absente Rege, ut eo major libertas consulendi apareret. In quo lento passu procedere debuimus, majorem consulentium expectando numerum.

Cum verò fuisset facta confœderatio Provinciæ majoris Poloniæ, sub directione D. Dąbski Inowroclaviensis Gubernatoris volumus, ut eadem confœderatio jungeretur nobiscum, sed multæ erant difficultates; sciendum autem, quod Palatinatus Posnaniensis, & Calissiensis contrarii sint huic confœderationi. Interim Legati Angliæ, & Hollandiæ ad Regem Sueciæ tendebant, Rubisson Angliæ, & Craneburg Hollandiæ, & disputatum utrum hac transire deberent, sed non permissum, cum nihil ad Regem Serenissimum haberent.

Tandem 2 Decembris venit ad nos confœderatio Majoris Poloniæ, sed sine Marechalco obstante Dño Stephano Potocki Capitaneo Czerkasseni sed postea condescendente.

IV. Decembris venit epistola Dñi Castellani Cracoviensis, qui tenebat

nebat, ne exercitus in tot loca distractus infirmior redderetur ad omnia, quam & publicè legimus, atq; ei ut responderem injunctum habui, & habuimus conferentiam apud D. Procancellarium, qui tum infirmabatur, quomodo sit expediendus Ablegatus ille, qui ab eo venerat. Desiderassem complacere ei, & non tantum verba dare, quæ ventrem non implent, & idcirco sollicitabam cum omni calore aliquam consolationem effectivam pro exercitu, quam ego libenter apud suam Mtem evicissem, si evinci id potuisset quod non est, & sic rationibus tantum, & verbis certatum est. Reduxi in memoriam Ablegato homini capacissimo, quòd dum magnus ille Romanorum Dux non potuisset solvere, quod tunc prætendebat exercitui suo, hostilem eis monstravit campum; cur me querelis exanimatis vestris? Ecce viri stipendia vestra, ecce spes præmij, solatium laborum! eamus audacter, vincamus fortiter, & nobis ex hoste solvamus. Quod ab inope pro tunc Repub. habere nequeunt, credant, quòd hæc, non quia difficilia sunt non audemus, sed quia non audemus difficilia sunt; in malo interim successu bonam spem concipiant, nihil insperatum, omnia bona speranda sunt, nam certè plus habebunt, quam cupiunt.

Fuerunt multæ ablegationes ex diversis Palatinatibus invehentes contra Saxones, quorum inhumana quædam crudelitas causa est, ut multi Saxonici imperii pertæsi Sueticam partem in desiderio habeant, sed aliter responderi à me (cujus dignatur ab ore Rex in hoc orbe loqui) pro tempore non potuit, nisi ut pellamus ex Patria Suecos, tunc non erunt Saxones. Quod non tantum ad gratiam dixi, sed ita sentio, & candidè scit Rex Serenissimus quæ vellet, videt quæ nollet, nec paterentur sceptræ monitores, & bis ad eundem lapidem nemo offenderet. Redijt meus Pleszowski cujus relatio explicationem meam longè superavit, & nihil est quod dubitem, quòd vota suos habuere Deos, optimum responsum tulit à Thesaurario Regni Leszczynski, undè lætatus sum Reipub. & Regis causa, & mihi supercillium saliit, venturum se, & se in meam commissurum fidem promissit, dummodo convaluerit, maximo enim calculi dolore tunc afficiebatur; usque adeo variat fors variatq; citò, quod conabor manifestum facere, dum illum videro, ô si mihi daret tabulam cordis sui, essem illi Moyses, (si dicere fas est) inscriberem digito DEI Decalogum novum serviendi Patriæ, inscriberem brevem ejus salutis viam, lumen lumini conferendo, & veritati veritatem conciliando.

Ablegati Litvani D. Pocieij D. Wolowicz, & alij instabant fortissime, ut hic & nunc declaretur Regimen majus exercitus Litvanici, & aliæ dignitates. Quantam difficultatem in eo habuerimus impossibile esset exprimere, sed postquam multum sudavi, & alsi, nam collega in lecto, cesserunt precibus, & rationibus meis satis appositis ad persuadendum, dum persuasi emolumento publico, vel maximo ostentatione nulla, & tandem vexare quidem fluctus, sed mergere cymbam non potuere, dum post multas difficiles, & quæ consuetudine in controversias omnium injustissimas introducta, ab initio impossibiles videbantur contrarietates, contradictiones superavi cum DEI auxilio; 15 Decemb. finitum est hoc consilium grande, cujus brevi originale impressum videbis, nec credo tibi displiciturum, si verò invenientur, ut facile credo, quibus displicebit, quanquam me scio cavisse, ne ulli meritò contumelia fieri à quoquam possit, si iniqua audebit Zoilorum licentia, malè loqui, qui Diis etiam detrahunt in promptu, & ut nihil quandoque

A.C. 1703 que sciunt, ita omnia carpunt, respondebo cuivis cum Aristippo, qui contumeliis à quodam petitus dixit, penes te est maledicere, penes me autem rectè agere.

Contempto livore ratem procellis commisimus, forsitan æquus rerum æstimator, aut conatum nostrum laudabit, aut saltem non reprehendet, ego quod potui feci, non ignarus bonitatem divinam, animum etiam, ubi vires deficiunt, paternè respicere, cæterum dicam, ut Socrates ex Ethnicis sapientissimus mortalium, calcè à quodam percussus in publico, monitus ut hominem reprecuteret: An inquit si asinus mihi calcem imegisset, recalcitrarem. Verustas olim lamias finxit domicas, foris oculatas, tales isti aliena viria in oculis habent, à tergo sua, & alienos mores, curiosa nimis quærunt indagine, proprios non attendunt.

De morte interim venit notitia Dñi Josephi Lubomirski Magni Regni Mareschalci, qui virtutis nullum signum ostendere valuit & in malignitate sua consumptus est, ita ut spes de eo, quam Sanctæ memoriæ Rex Joannes conceperat, tanquam lanugo fuerit, quæ à vento tollitur, tanquam spuma gracilis, quæ à procella dispergitur, tanquam fumus qui ab aère diffusus est, tanquam memoria hospitis unius diei prætereuntis, fuitq; tanquam extincta lucerna, quæ neque priusquam accenderetur, lumen habuit, neq; cum extincta est, habet, scis illum ante aliquot annos cum sua conjuge Principissâ tot virtutum, separatim fuisse. Ministerium hoc vacans declaratum est D. Belinski Mareschalco minori, & nos volumus minorem Dño Stephano Potocki, sed evicit alia pars, & sic cessit Dño Dabski, tempus feret de illo olim judicium. Interim ego jurisdictionem fundavi in judiciis & multas causas præsertim Thorunenses judicavi.

Rediit etiam meus V. Colonellus Hammer, vivere Regem Sueciæ retulit, quem oculis suis vidit; DD. Sapiehas, modò securitatem habent à sua Mte, libenter redire velle attulit, sed jam non licebat gradum referre rebus (ut est in proverbio) admotis jam ad novaculam.

Habui aliquam differentiam cum D. Prependowski Palatino Mariæburgensi circa Succamerariatum Culmensem, sustinui tamen eum, cui verbum dederam D. Capitaneum Brodnicensem Kaweczynski & doleo valde non esse contentum Palatinum, sed quia pertinaciter instabat, quæ ego per honorem nunquam potui facere.

Venerunt etiam D. Episcopus, & Palatinus Culmenses, quos ego cum omni cura, & sollicitudine volo amicos reddere Regi, & ut plena cum utroq; esse possit confidentia, omninò curare, & evici, quòd Rex in expectatione alicujus melioris subscriberet officium Metatoris Generalis Castrorum D. Capitaneo Czerkasensi illudq; suo sigillo parvo sigillatum reddidit D. Episcopo, sed necdum eis satisfactum.

Ex promotione interim D. Palatini Mariæburgensis Prependowski tanquam colligati destinatus fuit ad Regem Prussiæ D. Generalis Fleming tanquam Polonus titulo magni Stabuli Litvaniæ Præfecti insignitus, utq; expeditio in Cancellaria mea fieret, cum totali agnitione Regis nostri jussus sum, sed expedire nec potui, nec debui, cum hæc materia, sit materia statûs, & non est tractata, nec conclusa in consilio magno. Nec expediebat mihi in ipsis primordiis Ministerij tam insignem sollacismum contra statum facere, hinc magnus contra me, & Generalis & colligatorum fremitus, qui mihi suo, & fortè brevi tempore nocere poterit, sed inferius hæc duco, aspernor imò rideo simultates has,

has, & odia, quæ virtus mihi conciliat, & illibatæ vitæ conscientia, DE- A.C. 1702
US adjutor meus, refugium meum, sperabo in eum.

Suadebam & scripseram expeditionem, ut Rex mitteret D. Lubinski in Angliam & Hollandiam, ut quàm strictissimè cum illis potentiis conveniret, hoc enim necesse credidi, sed repositum mihi, habere Regem suos ibidem Ministros, & ego optabam ut Poloni ubiq; essent. Videndo multa inconvenientia; scripsimus ad omnes Ministros extraneos, ut quæcunq; expeditiones non veniunt sub sigillis Regni, non habeantur pro veris, & legitimis.

Volebant DD. Sapiehæ ut ego venirem Varſaviam, & jam Rex inclinaverat, sed mota est à quibusdam suspicio, ego etiam libens remansi. Amandaverat D. Palatinus Mariæburgensis D. Arcemberski Varſaviam ad Cardinalem, sed parvo & nullo fructu, cui ego, quid & quo zelo scribam videbis in his, quæ tibi adnecto.

CONCLUSUM CONSILII THORUNENSIS in Decembri.

AUGUSTUS &c. Significamus, quibus interest, quod dum subsequuta sunt violenta in hanc Rempub. pericula, post congregata & pessimè finita in uno anno reiterata Comitia Generalia, recursum fecimus ad Generalem congressum, solitum & necessarium in similibus casibus remedium per expeditionem Universalium literarum Restium, vigore quarum in virtute constituti Sendomiriensis & Confœderationis Majoris Poloniæ & M. D. Lit. cum Senatoribus, Ministris & Officialibus, omnibusq; illis, qui tam ex statuto Sendomiriensi, quàm ex Confœderatione Provinciæ Majoris Poloniæ ex Palatinatibus & Districtibus, sicut etiam ex M. D. Lit. deputatis pro die 27. mensis Novembris hic Thorunium congregatis, satisfaciendo evidentibus Reip. necessitatibus, periculosis conjuncturis, & casibus, & quod maximum est, tædio publico, quod tamdiu sine debito consilio & efficaci defensione fuimus, respondendo debito nostro circa indictionem Comitiorum, & Constitutionibus eo nomine scriptis in suo robore manentibus singulariter pro manutentione Fidei Sanctæ Catholicæ, legum, immunitatum, & libertatum Poloniæ antiquarum, insimul pro manutentione integritatis nostræ & boni publici talem modum in tam difficillimo Reip. Statu ad efficacem ab extra & intra defensionem exemplo Antecessorum nostrorum adinvenimus.

Et inprimis nos ex parte nostra Regia testando debitam gratitudinem Statibus Reip. qui nos liberis & concordibus vocibus in Throno Regio, uti prius collocarunt, sic & nunc pro defensione personæ nostræ, & boni publici integritate reciproco & jurato vinculo se obligarunt. Tunc pro pacificatione interna, & conjunctione animorum inter nos, & omnes Reipublicæ Status id declaramus, quod sicuti pacta Conventa secundum formam juramenti à Republica nobis porrectam juramento confirmavimus, ita illa inviolabiliter in omnibus punctis exequemur, præcipuè de manutenendis pactis & fœderibus cum vicinis Principibus, de non ineundis cum iisdem potentiis externis, seorsivis à Rep. Tractatibus, de bello non inferendo cuiquam sine scitu & consensu Ordinum, de indicendis Comitiiis exorbitantiarū, de educatione exercitus nostri Saxonici, post stabilitam Reipub. tranquillitatem, & cum Corona Sueciæ Pacem, uti fufius diploma eo nomine in publico congressu

A.C. 1702

gressu sub Sendomiria à nobis Statibus Reip. datum loquitur, quod desiderando in perpetuo robore conservare, ut in volumen legum inferatur, permittimus; ultra id pro confirmatione sinceræ inter nos & Status Reipubl. confidentiæ, & indissolubilis unionis constitutionem anni 1699 reassumimus, cujus rigorem etiam nunc manutenuissemus, si necessitas indispensabilis non impedivisset; permittendo Statibus Reipub. in casu contraventionis legi publicæ processu in hac constitutione descripto, nos præmonendi, & illud faciendi, quod dicta lex in se continet, quam æternis temporibus in suo valore & vigore conservamus. Insimul omnes leges ab Antecessoribus nostris Regibus Poloniae & Magnus Ducibus Litvaniae observatas non fundando nos unquam in pluralitate votorum in omnibus consiliis, quæ derogare posset Juri vetandi, Statibus Regni & M. D. Litv. & Provinciis annexis inviolabiliter manutenere nos obligamus: Quam asssecurationem nostram Consiliarii Ecclesiastici, & Sæculares, & superius nominati tam ad latus nostrum, quam ad Mareschalcum confæderationis Provinciæ Majoris Poloniae. Deputati in hoc consilio præsentis gratè acceperunt, suo, & totius Reipublicæ nomine propter manutentionem fundamentalis securitatis, tranquillitatis & integritatis boni publici, pro defensione personæ nostræ exemplo Antecessorum suorum, antiquo Polono zelo erga fidem orthodoxam, Rempub. & Mtem nostram Regiam volendo occurrere tam nocivo Reipub. motui, salutaribus intentionibus & imitando voto, sincero consilio, & inconfringibili cordium propriorum constantiâ unanimiter & sine divisione sub juramento & vinculo conscientiae, fidei Sanctæ Catholicæ se obligarunt & id nobis, sibiq; sub fide, honore jurarunt, quòd omnes insimul, & quivis separatim, unus alium non deferendo, tanquam unius matris Reipub. filii, unius corporis membra, penes personam nostram tanquam caput suum, penes leges, immunitates, & libertates suas contra omnes inimicos hujus Reipub. se opponere, & dignitatem, securitatemq; nostram Regiam sicuti virtuosus Polonis in Reges suos convenit, non tantum secundum posse, sed & cum propriæ vitæ oblatione, ultimis viribus assistere, & manutenere obligant se. Et si quis inveniretur cujuscunq; conditionis & Status homo, qui huic communi unioni & conjunctioni nostræ cum Repub. quocunq; modo contrarius esset, dissolvendo eandem, & factiones sive publicas, sive secretas in Repub. faciendo, contra talem, tanquam violatorem, & contra hostem Patriæ (quandoquidem nec amor Christianus, nec Justitia DEI hoc patitur, ut omnes propter aliquos sui oblitos perire debeamus) imò præferendo contra tales, & revocandotam Antecessorum nostrorum omnes confæderationes, omnia vincula, quæ illi contra pacis & tranquillitatis publicæ turbatores in similibus casibus statuerunt, sicuti etiam propria lauda, constitutiones, confæderationes, nunc & in posterum tam in Regno, quam in M. D. Lity. laudata vel laudanda consurgere debebunt. Contra hos verò, qui actu inter adhærentes Suecorum inveniuntur & ipso facto juris publici beneficio se privarunt, ex quo secundum constitutum Sendomiriense ad corpus Reipub. redire noluerunt, in quantum adhuc in spatio imminenti futuri consilij non resipiscunt, sicuti contra manifestos hostes & perduelles Patriæ ad executionem pœnarum indilatè accedemus.

Item. Notum sit omnibus vicinioribus & remotioribus totius mundi Nationibus, quòd post ingressum violentum coronæ Sueciæ cum Exercitibus suis in Dominia & viscera hujus Reipub. sincerâ & verâ applica-

plicatione curavimus, ut ad effusionem sanguinis Christiani non veniretur, sed potius per tractatus honestos personæ nostræ & Reipub. & conditiones justas ulteriori bello occurreretur per Commissarios nostros ex mente Reipub. totius sacrosanctæ fœdera cum vicinis Principibus manutenentis ad consequendam pacem destinavimus, sed corona Sueciæ non tantum oblata media pacis, sed & ipsos Commissarios quæsitis prætextibus cum dishonore & postpositione gentis nostræ acceptare, & consequenter ad tractatum admittere hætenus noluit: differendo consulto tempus, ut omnibus Dominiis Reipub. hujus penitus ruinatis, nos ob spem tractatûs imparatos ad defensionem inveniret, & ad injustas induceret conditiones. Manifestamur proinde coram DEO & externis Principibus, præsertim verò communibus Pactorum Olivenfium Gwarantibus, quod non ex nobis procedit, sed à Corona Sueciæ ulteriorum nocivarum consequentiarum causa nos enim ad naturalem defensionem, & maturam præparationem, pro vindicandis DEI templis, persona nostra, & integritate boni publici, pro stabiliendis antiquis jurib⁹ & libertatibus Nobilitatis, auctoritate præsentis consilii nos præparare cogimur; ad quod Status Regni & M. D. Litv. adesse nobis sincerè & perfectè intendunt; exercitum in hoc congressu nostro inter nos constitutum & inter Palatinatus, Districtusq; proportionaliter divisum expeditione Terrestris, sive autione ejus erigere pro tempore & die, de quo per universales literas ipsis denuntiabitur; nonnulli determinatè, qui eo nomine plenam habuerunt potestatem, alij salvo beneplacito fratrum obtulerunt. Quapropter universales literas nostras pro Comitibus ad omnes Palatinatus Regni & M. D. Litv. ex consensu communi extradimus, & potestate nostrâ constituimus, in quibus qualiacunq; tributa secundum proprium beneplacitum, sive id pro expeditione jã dicta, sive pro autione exercitûs erecti constituent, sicuti etiam solutionem exercitui actu in obsequio Reipub. existenti, & media pro reparatione Artilleriæ Regni, & autione peditatûs invenient: sive etiam propriis pectoribus per communem nobilitatis motum integritatem Reipub. conservare volent; auctoritate præsentis consilij approbamus, & ut hæc tributa quocunq; titulo à Palatinatibus laudata ab omnibus solvantur, à quo civitates nullatenus se excusare poterunt, constituimus, & ut omnes incolæ tam Regni, quàm M. D. Litv. in iisdem Comitibus ad unionem animorum, & armorum studia sua combinent, & jungere curent, per amorem Patriæ obligamus, Insuper Duces Regni & M. D. L. exercituumq; utriusq; gentis expertam in Remp. fidem habendo, & fortes in castris recentibus & antiquioribus resolutiones, sicuti realem illis deservitæ mercedis declaramus satisfactionem, ita per amorem Patriæ obligamus, ut ex usu & arte militari securitatem & Reipub. & personæ nostræ procurare non intermittant.

Ut tamen penes hanc promptitudinem & provisionalem defensionem non occludatur via ad honestam & exoptatam pacem sine ulla avulsione minimæ partis hujus Reipub. quoniam Imperator ad publicam requisitionem, quam ad Garrantas dicti Olivenfies tractatus fecimus, non tantum responso nobis & Reipub. dato officia sua, sed & per Legatum proprium propositiones mediationis offerre dignatus est; ita, sicuti propositiones hæc mediationis in destinata conferentia audivimus, & acceptavimus, ita & ulterius audire & acceptare non intermittemus, salvo charactere Commissariorum nostrorum ad eum finem primo à congressu generali destinatorum; & propterea si certam spem
de

A.C. 1703

de hoc tractatu acceperimus collato cum Consiliariis & Officialibus nostris ad latus nostrum existentibus consilio, insimul cum Deputatis ex Palatinatibus & Districtibus tam secundum constitutum Sendomiriense, quam confederationis Majoris Poloniae & M. D. Lit. electis, vel qui in futuris Comitibus, ubi non sunt electi, deputati erunt, universalibus literis nostris certiores facere appromittimus, qui pro termino & loco praefixo cum plena facultate concludendi ad pacem, vel ulteriorem efficacem defensionem ad latus nostrum aderunt, & mensuras accipiendo ex successu, & opportunitate rerum agent & perficient. Insimul, si propriis viribus nostris defensionem sufficere efficaci non possumus, tunc penes Consiliarios & Officiales nostros iidem Deputati pro ineunda armorum conjunctione, cum Principibus vicinis & foederati ex re & occasione boni publici eâ conditione, ut per diversionem belli non introducendo exercitus Colligatorum in viscera Regni, & sine ullo detrimento illius stabiliri possit, plenam habebunt potestatem. Interea Ministris nostris in vim praeparamenti & Consiliariis praesentibus pro Informatione nostra & statuum Reipub. dispositivè non definitivè cum Ministris eorum Principum externorum conferre, & tractare permittimus. Desideria verò omnium Palatinatuum & Districtuum ad maintenancem boni publici pertinentia, quæ ex Comitibus futuris in imminente consilio proponuntur, acceptare promittimus.

Quæ unio & securitas stabilita Regni & totius Reip. ut eò citius ad notitiam omnium devenire possit, ad Palatinatus & Districtus eam impressam ut mittant, & publicare faciant, Ministris nostris committimus.

BREVE APOSTOLICUM PRINCIPI EPISCOPO VARMIENSI SUPREMO REGNI CANCELLARIO

Venerabilis Frater salutem & Apostolicam benedictionem. Contigit fraternitati tuæ insignis occasio explicandi propriam virtutem, & ælum publici boni, atq; salutis in munere Supremi in Regno Poloniae Cancellarij, quod tibi Regiâ benignitate collatum fuisse nobis significasti; nos certè qui de incolumitate & tranquillitate istius Reipub. vehementer solliciti sumus, DEUM enixè precamur, ut ea, quæ tuæ pietatis atq; prudentia consilio egeris, tam feliciter tibi cedant, ut præter cumulatam apud DEUM meritum laudem quoq; præcipuam, perpetuamq; apud homines assequaris, atque his auspiciis respondemus ijs, quæ recurrente Dominici Natalis solemnitatem obsequenter ad nos detulisti, Tibiq; Venerabilis Frater Apostolicam benedictionem peramanter impertimur. Datum Romæ apud S. Petrum sub annulo Piscatoris die 13 Januarii; Pontificatus nostri anno 3tio.

SERMO

Sanctissimi Dni Nri Clementis XI Pontificis maximi habitus in Consistorio secreto 15 Januarij.

Venerabiles Fratres. Præteritâ nocte, ut probè nôstis, dedit Dominus metuentibus se significationem, ut fugiant à facie arcûs. Commovit terram, & conturbavit eam, sanavit contritiones ejus, quia mota est, iratus est, & misertus est nobis. Sunt hæc profecto

etò miserantis DEI monita, qui ostendit populo suo dura, ut potaret nos vino compunctionis: sunt Patris amantissimi voces, quas nos uti filios obsequentissimos auscultare convenit, ne alias inter tot, quibus circumdamur, obstrepentium malorum pericula miserè indormientes exprobrari nobis audiamus Propheticum illud: percussisti eos, & non doluerunt, attrivisti eos, & renuerunt accipere disciplinam; fecerunt peccata nostra, ut in ea propemodum luctuosissima tempora incidere videamur, de quibus Salvator noster prædixit; surget gens contra gentem, & Regnum adversus Regnum, & erunt terræ motus per loca. Quod tamen Christi Domini verbis utentes non sine lachrymis dicimus. Hæc omnia initia sunt dolorum. Adeamus igitur nullâ interpositâ morâ ad thronum gratiæ, & deposito per veram pœnitentiam peccatorum pondere, obsecrationibus, jejuniis, eleemosynis, alijsque pietatis operibus Divinam nobis misericordiam conciliemus, & Domino cujus dies propè est, corda nostra præparemus. Hæc autem ut ferventiori charitate, uberioriç fructu fiant, cœlestium munerum thesauros quorum dispensationem nobis credidit Altissimus, quantò citius proferre, & liberali manu erogare non omitemus. Interim ijs omnibus, qui mox DEO dante ad gloriosum & nunquam desitutum Beatorum Apostolorum urbis nostræ Patronorum sepulchrum nobiscum accedent, ac nostris opportunâ necessitatibus opem, quam nos privato nostro sacrificio ibidem hac ipsâ die humiliter invocabimus, conjunctis precibus implorabunt, triginta annos, & totidem quadragenas de injunctis eis, aut alias quomodo libet debitis pœnitentiis in forma Ecclesiæ consueta relaxamus. Agite ergo Venerabiles Fratres, quippe statuti estis custodes super muros Jerusalem, noctu atq; interdiu clamare, ac iram Domini flagitiis hominum provocatam, placare contendite, exinanite calicem furoris & ruinæ, calicem doloris & tribulationis. Arripite thuribulum, hoc est, preces Sanctorum, & medii inter ignem & arsurum populum consistite. Ponite ob oculos institutum, quod profitemini, personam, quam sustinetis, sacram, & Christi sanguine rubentem purpuram, quam induitis. Sint pedes vestri, pedes Evangelizantium pacem, ut ita contendantur arcus & sagittæ, atq; imperet DEus ventis, & faciat tranquillitatem.

SUPPLEMENTUM INSTRUCTIONIS REGIÆ COMMIS-
SARIIS AD EXLIMITATIONEM CUM PORTA OTTOMANNI-
CA DESTINATIS Elbingæ 14 Maji.

Post expeditam instructionem quandoquidem Illm̃us Hospodar seu Gubernator Terrarum Moldaviæ cum variis per delegatum suum comparuit prætensionibus, Sua Regia Mtas ex mente præsentis consilij recomẽdare dignatur plenariam satisfactionem in his omnibus dictis prætensionibus, ita, ut & Pactis Carlovicensibus æternæ pacis & justitiæ sanctæ in omnibus satisfiat.

Cum hac occasione requirent Commissarij nostri mutuas quoque Reip. prætensiones; & id curabunt, quatenus omnia omni meliori modo combinent, & ne mutuò transitus permittatur ex utraque parte mercatorib⁹ extra limites fundamentaliter constituent.

Quod attinet ad corpus B. Jvani, & supellectiles Ecclesiasticas, quæ post mortem, sanctæ memoriæ JOANNIS III hætenus in manu Serenissimorum Principum filiorum ejus hærent, convenire illos Serenissimus Rex dignabitur, ut scilicet Domus Regia quàm citissimè hæc omnia

A. C. 1703 omnia restituat. Omnia alia occurrentia, ut efficaciter accommodari queant, committit id consummato iudicio & activitati dictorum Commissariorum Sua Mtas.

XLIX

ANDREAS C. ZALUSKI PRINC. EPISC. VARM. ET SAMB.
CARDINALI PRIMATI 15 Januarij

AD literas meas in materia publica tibi scriptas, quòd nullum receperim responsum, meæ adscribo infelicitati, quòd concurrendo ad antiquam gratiam, & confidentiam, diligenti quantumvis applicatione meâ, eam mihi devincire non possum. Sisthema Aulæ nostræ est idem quod esse debet cujusvis etiam particularis in hoc mundo viventis, hoc est, ut cogitet, quatenus honorem, vitam, & quod sequitur, manutenere possit, quod & particulari etiam personæ, vitio verti non debet, si id, quod unâ non successit, alterâ aggrediatur viâ. Pax & tranquillitas est primum objectum cordis, intentionum & desideriorum Regis, quod deberet etiam esse cujusvis, qui bene vult Patriæ. Si hoc factò nostro, & pro pœna gravium delictorum nostrorum esse non potest, cum prorâ non possit, lateribus navigandum censet Sua Mtas, quærendo & augendo media & colligationes, quæ illi possint auxilio esse, aut ad honestam pacem, aut ad justum bellum.

Dum hæc scribo, accipio tuas desideratissimas, ubi imprimis de Kircheris & Kopernicis joculari videris, quod posset in me excitare curiositatem, quatenus consilium aliquod etiam si à mortuis capiam, videamq, quid nobis promittant; præcipuè cum unius ad manum sint opera, & aliquando illa legi, dum vacabat; alter tuus nuper, nunc meus erat Canonicus. Uterq, horum, si DEus illos ex cineribus surgere permetteret, facile convenirent, consideratis nonnullis, quæ nos premunt, aliis, quæ nobis imminet, infelicitatibus, quòd omnia Reipub. tam læta, quàm tristia cuilibet ex nobis, quos DEus in candelabro posuit, & curam boni publici imposuit, debent esse communia, ac proinde desiderando quoquo demum modo hæc majora metu evitare mala, confidenter à te petii, & nunc reverenter quæro, quid factò opus sit, suppono enim pro infallibili, quòd scias bene, quid agatur cum Patria, scias, quomodo sit providendum, ulterioribus ne serpent malis.

Diffidentia in partibus Russiæ non est justa, & video, quòd illi ipsi, quî ab initio excitârunt, eam fovent & fomentant. In formicarum agmen, qui expuit, ei labra intumescunt. Ad primam notitiam suspitionis injustæ missus est expressus cursor ad Czarum Moschoviticum cû literis, quarum copiam tibi adjungo. Missæ literæ Universales satis severæ ad rebellisantes serventissimæ instantiæ à Legato Moschovitico ad Mazeppam Ducem Cosacorum. Est etiam notitia inde, quòd quidâ ad invidiam continuandam, alii malè loquentes, quia bene nesciunt, ex malitia tales in populo seminant fabulas, quæ longè sunt à veritate. De cointelligentia cum Suecis ego nihil prorsus scio, sed tempus monstrabit, quis sciat. Contributiones tam severæ, & plus nimio rigidæ in omnibus partibus exhauriunt populum, quasi id illis opus sit, ut hocagant, ne quis quidquam habeat: sed DEum nunc Judicem, mox ultorem infallibiliter habebunt. Certum enim est, quod ultimum extrahant sangvinem. Palatinatus Ravensis, impossibile mihi videtur, ut possit tam gravibus fumariis sufficere. Bonorum meorum jam oblitus sum, quasi nunquam ad se reductorum: sed quid faciendum? dum hæc est

DEI

DEI voluntas; Dominus dedit, Dominus abstulit; nihil eripuit fortuna, nisi id, quod dedit: illud tamen miror, quòd ille assertor libertatis his gradibus ad restituendas libertates procedit, & non laborat in cortice, sed occupatur in nucleo. Loquentur interim animanda in querelas saxa, ipsi sacri lapides, quorum lachrymæ excitantur.

Domini Sapientiae dum comparuerint Varaviae, & dum oculi eorū aperientur, mutabunt, credo, animum pertinacem, paratumq; vel perdere, vel perire. Primum nimis difficile, secundum cum summo animi mei mœrore videtur facilius. Centum Doctorem consilia sola Domina fortuna vincit, idem fatum in omnes ingruit, quod nunc nos affligit, & suam quisq; fortunam in consideratione habeat, cum de aliena cogitat. DEUS imprimis vindex injuriarum, pauperi populo illatarum, quæ ex hac occasione fiunt, impossibile est, ut possit benedicere, nam qui exurgit ad gemitum pauperum, quomodo hæc feret? Alterum est, quòd diutior hostilitas, eò major animositas in depauperatis, cum sciant ex privata injuria hoc fuisse natum dissidium publicum. Tertio, quòd Respublica immortalis sit, & cura habenda est boni nominis & posteritatis. Quarto, quòd intentio, quæ prætenditur, videtur impracticabilis. Nihil tam certum, tamq; exploratum est, quod in dubium vocari non possit. Cur ergo nolunt facere citius, quod faciendum est semel? cur non retinentur flumina lachrymarum miseri populi; quæ nos infallibiliter submergent. Gaudent protectione tuâ, sperare possunt pro veteri amicitia, & nostrum tale quale obsequium. Securitas provideri potest, quæ quò celerior, eò efficacior & securior. Verendum autem, nec sine causâ id scribo, ne post hæc velimus, quæ non erunt amplius in nostra potestate: quis scit, an non recipient vulnera, quæ in alieno pectore designarunt. Hæc satis, aut etiam fortassis nimium multò, tanquam garulus medicus, cujus est sonare, & non sanare; precor veniam, quia dum incipio tibi scribere, continere amplius nequeo calamum, quia illud cor sincerum movet & promovet; si mihi id arrego, & ultrò me ingero, scias, quòd etiamsi, aliter malevolè quispiam interpretari velit, hæc me cura fatiget, ut nomen tuum per introductam tranquillitatem Patriæ reddatur immortale. Ut in tractu Ministerii mei videas, quàm optem sincerè, ut in hac tabula rasa, cum qua sub directionem tuam me obtuli, nec me pudebit, quamvis id exiverit inter fratres, scribere me velle oracula tua & mandata, quid me facere oporteat, nam id pridem didici, quomodo Patria sit amanda? Habes ergo in me, dico iterum, tabulam rasam, scribere securè potes in illa non atramento, sed Spiritu DEI vivi, ut hodie legimus in Breviario, & agnosces, quòd, quidquid scribo, quidquid facio, scribam & faciam non alio certè animo & motivo, nisi propter magnam gloriam nominis tui, cujus &c. &c.

COPIA LITERARUM REGIARUM AD CZARUM MOSCHOVIAE
13 Decembris 1702

Post ritulos. Considerans tota Respublica varias in his difficillimis temporibus circumstantias cum Legato tuo sub tempore præsentis consilii, conferentiam habuit, & ulterius conferendi ad latus nostrum existentibus Ministris licentiam dedit. Quapropter libenter haberemus, ut dicto Legato tuo in aula nostra existentibus na potestas, ne quid desit, si ad concludendum aliquem accesserimus tractas

A.C. 1702 tractatum, mitti possit.

Publica fama tulit, quòd Cosaci Zaporovienses ex dominijs tuis se immiscuerint rebellionì Samusij, aliorumq; rebellium contra hanc Rempubl. sinistrè publicando, quòd hoc fiat cum plena notitia tua, imò & permisso. Non adhibemus unquam rei huic fidem, imò si miles impressiones à quovis amovemus, quia nunquam hoc fieri posse credimus, ut tu æternam pacem nobiscum & cum hac Repub. habens, contraria facere, aut permittere velles. Diligenter proinde, & ferventissimè te compellamus, precamurq;, ut non tantum Cosacos tuos, si in ea inveniuntur rebellionè, revocare, sed etiam ad puniendam rebellionem, auxilio nobis velis adesse &c.

COPIA LITERARUM PRINCIPIS DOLORUKI LEGATI MOSCHOVITICI AD MAZEPPAM DUCEM ZAPOROVIANSEM.

Post titulos. Manens ad aulam Regis Poloniæ, accepi notitiam, quòd mutui nostri inimici Ministri excogitatis novis, consilio inducti malè affectorum Regi, & Reipub. Poloniæ, desiderando in Regno excitare scandala, infringere æternam pacem & amicitiam inter Czarum meum, & facere ultimam Regno Poloniæ ruinam, hoc publicant, quasi ex mandato Czari nostri aliquis transire debuisset Borysthenem cum viginti millibus Cosacorum in hanc partem juvando & succurrendo Samusio, qui se dicit & scribit Ductorem Exercitus Moschovitici. Accedit, quòd istæ omnes rebelliones, de quibus non alius, nisi inimici nostri hic publicant, fieri debeant ex instigatione consilii, & permisso nostri Monarchæ; quòd Respublica audiendo, magnas incepit habere suscipiones, ita, ut me obligatum esse credam deferre id tibi, ut clarè & in effectu possis monstrare, quòd hæc rebellio sine voluntate Domini nostri, sine ullo consilio & minima instigatione incepta fuerit, nec ad commodum aliquod, interesseq; nostrum pertineat, quærendo non tantum in hoc puncto quam efficacissimas justificationes, sed etiam quantum possibile est, curando, ne hæc flamma in ignem excrescat, & quæ impediat, ne Respub. ad naturalem defensionem contra communem hostem concurrere possit. Pro majori confirmatione velis habere cum Ducibus Polonicis exactam correspondentiam, non dubitando de eo, quòd sit necessarium ad concludendam eò citius cum nostro Czaro colligationem, ad humiliandum hunc inimicum, qui est utrique Dominio hostis, ad asscurandam Rempubl. quòd ex parte nostra non tantum æternam manutinemus pacem, sed quòd omni modo contra inimicum communem Dominus noster armis & argento succurrere velit, cum continui in Dominio istius inimici exercitu suo non tantum ruinando totam Livoniam, sed etiam exercitus hostiles delendo, & in persona sua fortalitia inimica in Ingria recipiendo, cum summo communis hostis hujus detrimento, & in Litvania non sine proprio damno suis armis & expensis Fortalitium Bichoviense recepit, & iterum Reipub. reddidit, recenterq; certam peditatus manum in auxilium Litvanis misit, desiderando amicitiam cum Repub. & colligationem contra eum, qui Regi & Reipub. tantum nocet, qui incolas ruinat, arcem Cracoviensem in cineres redegit, & hactenus cum exercitu suo gravissimas extorquendo contributiones, in libero Regno Dominus fieri vult

• ab-

absolutus. Non dubito, quòd tu tanquam fidelis servus nostri Czari facies ea, quæ expediunt, impediendo impressiones ab inimicis factas, & non permittendo auctorem harum rebellionum, quoniam id inimicus noster considerat, & inde utilitatem suam quærit. &c.

COPIA SECUNDARUM LITERARUM AD CZARUM MOSCHOVIÆ die 12 Januarij.

Post titulos. Jam semel per expressum literis nostris Regiis detulimus tibi, quomodo hic promulgatum fuerit, quòd Cosaci Zaporovienses ad rebellionem Samusij, & aliorum hujus Reipub. rebellionem ex voluntate, notitia, & mandato tuo fuerint obligati. Unde in illis literis petimus, quatenus indilatè hoc averteretur malum. Quia verò hæ sinistræ relationes fortè à communi nostro inimico consultò divulgari non cessant, imò, ut invidia in nos vergat, indies augetur, confirmamus instantiam nostram ad te fratrem nostrum jam factam diligenter, & ferventer obligando, ut non tantum indilatè mandatum tuum Duci tuo Mazeppæ mittas, ut quantocius hos adjuutores revocet, & omnem ad sopiendam hancce rebellionem adhibeat diligentiam. &c.

Confirmavit idem Legatus iteratis suis ad Mazeppam literis.

COPIA UNIVERSALIUM LITERARUM REGIS AD SAMU-
SIUM, ET ALIOS REBELLES. 17 Januarij

Omibus, quorum interest, præcipuè verò Samusio, & aliis exercitus nostri Zaporoviensis Colonellis, omnibusque Artamanis, Assavulis, & quoquo nomine, dignitateque insignitis Officialibus notum esse volumus, quòd, cum jam expresserimus in præteritis nostris literis Universalibus dolorem nostrum, quòd vos sub hoc tempus, dum omnes vires contra grassantem in visceribus Reipub. hostem movere deberetis sub prætextu privatarum injuriarum magnos in Ukraina incepistis motus, tumultus, dissidia, in quibus, quia non cessatis, quinimò obliti debitæ in nos, & Rempublicam fidei, semper in pejus vertitis, & crudelius, tractatis, igne & gladio insolentiam vestram dilatando, oppida & fortalitia recipiendo, visum est nobis iteratis literis universalibus præmonere vos, & seriò præcustodire, ut id, quod DEO, legibus, nobis & Reipub. debetis sic agatis, ut post promulgatum hocce prælens Universale ab hac insolentia cesseris, in domus vestras redeatis, & in malo hoc non amplius progrediamini, & hoc sub forti rigore legis publicæ contra commoventes pacem publicam expressæ. Si quis verò aliquam prætendit injuriam, si cui aliqua injustitia facta, non deest campus æquitatis habendæ, nec desunt solita media ad satisfactionem cujusvis injuriati. Et in eo iterum, iterumque vos præmonendo, universale hoc in omnibus oppidis publicari fecimus.

COPIA LITERARUM CARDINALIS PRIMATIS EPISCOPO
VARMIENSI 18 Januarij.

Accepi literas tuas sub data 15 illo ipso tempore quo Thesaurarius Litvaniæ erat præsens, cui, quod erat communicandum, com-

A.C. 1703 municavi. Omnia sunt vera, & vera esse experimur, quæcunq; scribis. Perimus, & si manus Omnipotentis DEI non sustinuerit, peribim⁹. Jam Sueci non sunt illi, nectales, ut illos primo illo tempore, quo Varavia fuerunt, cognovimus. Et Polonia insufficiens tam in ferendo, quàm in agendo. Venit huc in consortio Thesaurarij Litvaniæ Wachtschlagerius, cum quo jam seriò locutus est Comes Zincendorff Imperatorius Legatus, facimus hic quæcunq; humanitus fieri possunt sine pompa, & in sola spe retributionis à DEO. Non me diffundo in eo puncto, hoc tantum insinuare possum, quod usq; in hanc horam erravimus omnes in opinionibus nostris, Dominus Thesaurarius lætam quidem faciem monstrat, sed nihilominus cor tristius prœdit mœrorem, & meretur compassionem. Repræsentavi Wachtschlagerio impossibilitatem tam gravium in hac Regione contributionum, quæ alleviari debent, & eo nomine scripsi jam Generali Reinschioldio, à cujus nutu exercitus Sueticus dependet. Palatinus Vilnensis in nova civitate cum suis cohortibus. Apparet in exercitu Suetico, quòd Rex longè absit, ut id expertus est Castellanus Zawichostensis, & vicina mea Sieciechoviensis Abbatia. Rex Sueciæ adhuc gnâ præsentis fuit Zawichostiæ. Quid agatur in Russia ego concipere non possum. Commissio hibernalis Tarnopolim translata. Generalis Steinbock versùs Leopolum movet. Sueci autem hic degentes sæpe Thorunium nominant. Unum Regimen, Varaviæ manere debet ex peditatu. Non vitio veritas quòd nesciverim respondere ad præteritas, non procedit id ex diffidentia, sed ex metu sinistrorum interpretum, clam enim usu didici, quòd in multis præterea, in aliquibus ad ludibrium consulor. Hoc tantum securè scribere possum, quòd sum in affectu & æstimatione.

RESPONSUM EIDEM AB EODEM 26 Januarij ad S. Tiliam.

Literæ tuæ invenerunt me in loco Sancto, ubi quanquam indign⁹ obtuli Sanctæ Matri afflictas, ultra, quàm dici potest, res nostras, easdemque dignioribus coram DEO recommendavi personis.

Quod tu excipis, ad hoc ego seriò, nec perfunctoriè concurro, hoc est, ut in tabula rasâ scribam hoc, quod exequi felicitatis meæ non potestrem ducere, & invenies me certè tam exactum in agendo ut ego te optarem habere in jubendo. Prævides causas, & provides illis, dum sine pompa, & in sola retributionis spe à Domino DEO ea agis, quorū meritum solo tantum recompensari potest cœlo, quamvis tamen sciam pro certo, quòd Rex magnus sit æstimator non tantum dignitatis, sed & personæ tuæ, & de gratitudine ejus minimè dubitandum, in qua nec Patria se vinci patietur.

Quod pereamus irreparabili damno, res est evidens, quia & hostis est talis, à quo omnia metuenda, dum omnia apud illum pro jure legitimo sunt, quæcunq; potentiam firman^t. Et Respub. ita commota, ut despectui sit, & nihil certius dico id & scribo tanquam coram DEO, quòd confodiemur invicem, & mutuis vulneribus cademus. Jam enim res ad nucleum veniunt, & quisq; ad Dñum resolvere se debet, neque enim neutralitas licita erit. Quæ verò sequentur, is solum non intelligit, qui intellectu caret.

Thesaurario Litvaniæ sincerè & ego condoleo, quamvis magna pars Poloniæ desolationem suam illi adscribit, & causam rejicit in præcipitantiam illorum nimiam, illudque in omnium cordibus tanquam certum est, quòd possent, si vellent, pacem facere, & quòd nolle in causa sit.

la sit, & non posse prætendatur, & prout quis affectus est, ita res aliæ, *A.C. 1703* atque aliæ videntur, sed dictus Thesaurarius, longius jam ita credo progressus est, quàm ut regredi possit, scripsi & ego illi ex antiqua confidentia, & optarem, ut rejectis ijs, quæ non sunt tuta, quia indecora, removeret vetera, & aspera in vias planas reducere vellet, num mirum, aut novum est, revocare cursum, quem quis instituit? Authoritas tua ô Princeps multum in eo juvabit, jam de summa rei agitur, ea adhibenda consilia, quæ nos ex hoc præcipitio educere possint. Ego iterum iterumque dico, quòd Regi nihil facere mali possunt, parum aliquatenus infamiae, quòd ex loco in locum transeat, quamvis & hoc ipsum excusatur, eò, quòd derelictus sit ab ijs, qui eum defendere obligantur. Nihilominus non sunt adhuc res ejus ita desperatae, ut non possint eluctari, & fortè cum sænore reddere inimicis quæ patitur. Ex corde compatior Sieciechoviae, & eò sensibilius id mihi est, dum recogito, quòd eadem manus, & me, & illos pariter tangat secundum relationem, quam nunc accepi ita expertus, & expectantibus idem periculum.

In Russia pessimè res eunt, sed promittunt meliora & fortiora, & video quòd in Polonia nihil boni sperari debeat, usque dum omnia pessimè agantur. Peius autem, eo quod nunc est, fieri non potest. In proximo ergo est melior fortuna, & cum DEI auxilio verificabitur de nobis, tum nos optimos esse, dum infirmi sumus.

Humillimè te precor, ut menti tuæ non hæreat literas tuas septuaginta interpretationibus subesse, quia sicuti ego sine cura verborum, & cursim scribo tibi soli, ita etiam propter me ipsum gratiam & honorem manûs tuæ conservo, nec vellem ut id, quod plenâ confidentiâ, tanquam ad Primatem scribo, publici juris fiat.

In quo debemus præteriri, vel (DEus avertat) ad ludibrium consuli, ego hætenus nescio, & pro præsentî Ministerio fidejungere possumus, quòd sciamus cui, & quid debeamus, spemque non dubiam habeo, quòd quantumvis primâ fronte potuit esse aliquis, cui non visa est hæc Ministeriorum distributio, dum cognoscet & ad oculum videbit, quòd non quæramus quæ nostra sunt. Non adscribet id ambitioni, dico ego de me, quia nec in mentem unquam ascendit meam, sed voluntati Dei, cum in Diario meo invenerim, eadem die hoc est 27ma Novembris, exclusum me à sigillo & declaratum illud Dönhoffio secretò fuisse, quòd tunc scivi & notavi, hoc eodem die apparuit benignitas Regis dum nec speranti illud contulit, ac proinde ut jam dixi plenâ certitudine promittere possum, quòd mihi nihil mali, sine mendacio quifquam adscribere poterit, modò me constans tua sustineat gratia. Levabo me, supra me, nec me officio meo satis facere credam nisi id tu approbes.

Hæc ergo immediatè post sacra pleno corde effundo, renovando vota, & humiliter ad DEum preces, tibi eam mentem, & efficacia media suppeditet, quatenus tibi, laudes & gratias referamus, pro pacata Patria, & nominis ejus gloriam enarrare coram gentibus, & in hoc voto finio.

COPIA LITERARUM STEPHANI CZARNECKI NOTARII
CAMPESTRIS REGNI EPISCOPO VARMIENSI II Januarij

INveniam facile fidem apud te, quòd quamvis propter infirmitatem, quæ me à sex septimanis in lecto detinet, intermisi verbis, sed non affectu gratulari tibi eum gradum, in quo prior, & certè sincerior

A.C. 1703 esse non poterat quisquam, quòd tandem magnis virtutibus & admirabili circa bonum publicum studio, traxisti ad manus tuas Aquilam Polonam, quas pridem ad id officium DEus destinavit, ut praelint, & prosint commotæ pertot mala Patriæ. Fortuna rebus adversa meis prostraverat me, & lecto per tantum tempus affixerat, dum primum spirare permittit, statim pariter cum spiritu spiro punctum magni nominis tui & quamvis absens eo spiritu in venerationem officii tui & dignitatis, cum universo totius Patriæ applausu. Nec credo aliquem inveniri, qui non iudicium Regis, hac in collatione veneretur, & approbet, quin imò tota quæ latè patet Polonia gratulatur tibi, quòd his malis temporibus parem, & supra videamus Cancellarium, & nihil desideratur ad vota omnium, nisi ut ipsemet DEus, cui tam facile est suprema tueri quàm dare, cum millenis felicitatibus ætatis spatium augeat & temporis, & illud cum omni prosperitate vitæ tuæ adjungat. Et cū jam æquè bona, ac mala nostra ad te pertinent, multa tibi invenirem, ex hoc loco denuntianda, sed nolo incipientis Principis curas onerare, portabit ea publicæ vocis echo, & non dubito, quòd jam tibi innotuerit fors Palatinatum nostrorum, in quibus tanquam hospites sumus, decretorium expectando diem, & eundo tanquam herbæ primo vere accensæ igne in exinanitionem. Veneramur consilia vestra, sed tarda remedia nulla sunt; effectus consiliorum horum non nisi in Junio, Julio, & quid defendendum, quo bellandum supererit, in Majo, quando in Martio, & ante Martium omnia miles perdet. Scio ab antiquo bella sanguine extingvi, sed quando desistent & sanguinis Poloni siccabuntur flumina, sterilis est Matrona Bellona, ex bellis bella nascuntur, & confluxus gentium in exinanita terra, consumpto pane, extinctis hominibus, verendum ne omnia mala in nos decurrant, & omne Polonum fabula nomen fiat. Communis Nobilitatis motus, laudabilis promptitudo & alacritas, sed in memoriam revocando, quòd cum Rege felicis memoriæ Michæele, sub Goslab, Lublino, & mecum ipso factum est, vereor, nè cum tempore bona voluntas refrigescat. Superstes huic transactioni maneo, dum fervens populi affectus, planè vi ad recipiendum illud regimen, me obligaverat, jure gladii dato, judicandi recentia crimina, usum sigilli in casum renitentiae defuncti Olszovij Procancellarij Regni Avunculi tui dignissimi, ad distribuendos caducos concedendo, & alia ut erant nonnulli, qui desiderantes apud ultimum Regnantem, confidentiam mihi diminuere iniquè interpretabantur, quòd non haberet plus Primus Vesirius apud Imperatorem Turcarum, quàm ego Marechalceus Equestris ex affectu Polonorum. Declararunt mihi relinquendo castra, quatuor millia hominum ad custodiam corporis, cum submissione, quòd ad minimum meum nutum equos conscendere debebant, videndo in quales & cum quo propter Regem & Nobilitatem intraverim hostilitates, & tamen ex illis, nec unum hominem, & Regi, & mihi reliquerunt, domum abiverunt relicto me in offam, quasi adversariis meis, Unde Rex Michael attonitus dixerat mihi: Quid ergo faciemus Marechalce? ecce fratres nostri, armatas personas nostras, voluntate illorum deseruerunt, & nos reliquerunt satis & fortunæ, & cum ego debui ipse expositus in mille sicariatus, propter bonum publicum, & fateri, quòd breves & infausti fuerint populi Romani amores. Avertat Dñus DEus eundem cum Rege Serenissimo casum, novissima pejora prioribus essent, quod non est meum divinare, tanquam minimi Apostolorum, etsi tantum mihi in scribendo tribui deprecor, prote-



protectionem tuam invoco precorque ut sim tibi cordi, si usui esse possum Regi, & Patriæ, demissâ te veneratus submissione &c. A.C. 1703

RESPONSUM EIDEM AB EODEM ad Sanctam Tiliam

27 Januarij.

Sicut in summo angore hætenus fui, dum ad literas meas in crastino post collatum mihi sigillum, plenâ confidentiâ tibi scriptas, auxilium in tam difficillimis Patriæ conjuncturis invocans, nullum hætenus receperam responsum, jam non illud, quia forte infelicitate postæ meæ, ad te non venerant, sed benignam in veterem fidelem, & nunquam mutatum Fratrem, & seriam recipio gratiam. Exultavi præ gaudio, dum notam vidi manum, confirmatus in ea opinione, quam semper habui de singulari tuo in me affectu, ex quo omnes hæ, quas lego immeritus, procedunt expressiones. Gaudium verò meum esset plenum, si eodem tempore mandatum tuum aliquod recepissem, in executione cujus antiquum meum potuissem explere desiderium, ut non intra verba nec inutilis essem servus. Impera ergo jure tuo, audiet semper servus tuus.

Conveni ego semper in magnis sensibus tecum, qui errare nesciunt, & nunc facile convenio, eò libentius, quò liberius scribendo, & tales succursus, de quibus per experientiam mentionem facis, secundum sensum Antecessoris mei Widzgæ, magis visui, quàm usui esse credo, & hæc quæ de te scribis tam mirabilia posteritati erunt, quàm tibi tristitia sentienti fuerunt.

Ingemiscendum super infelicem Patriæ hujus sortem, quod propter diffidentiam nullatenus inter nos jungi volumus, ita omnis mutatio rerum, non sine quodam quasi fluctu continget animorum, cum tanta patimur, patiemurq; fortè ulterius, nisi Dominus succurrerit ab alto. Multa eo nomine, & ex hac occasione superessent scribenda, tristitia, miseranda, & erubescenda, nisi incertitudo postæ calamum detineret. Accedit quòd rara tua, & consummata prudentia, plura sibi ipsa dicere potest. Abbreviando ergo publica, in quorum expressionem plurima requirerentur folia, finio privatâ meâ (quanquam & hæc inter publica poni debet) petitione, ut me confidentibus tuis exercere non dedigneris mandatis, non enim me tamdiu reputabo felicem, donec aliquid jufferis &c.

COPIA LITERARUM STEPHANI BIDZYNSKI PALATINI

Sendomiriensis Episcopo Varmieni 19 Januarij.

IN decrepita ætate mea, nunc demum reviviscere incipio, post extinctas in me bonas de Rep. spes, quando ad Gubernium illius constituit te manus Domini, & in eo loco collocavit, quia sicuti alienus semper sum à dedecore adulatorio, ita ingenuè fateri debeo, quòd tibi soli hanc gloriam superi reliquerunt. In quo ut quàm efficacissimè DEus te adjuvet, humiliter eum precor, & si quid opera mea in eo juvare poterit, sincerissimè eam applicare paratus sum. Doce me Domine facere voluntatem tuam; Mandatis confidentibus, quomodo & in quo miseræ huic servire possimus Patriæ, quæ in his miseris nostris partibus, varijs dissensionibus quassatur. Ultimâ septimanâ ad comitia Wisnæ imminet aliqui, non satis in cogitationibus suis tranquilli,

A. C. 1703

quilli, quinimò spirantes naribus ignem, sed deficient, in adinventionibus, quando Duces nostri, convenientes inter se jam versus Tarnopolim moverunt, ubi & commissio hibernalis tractabitur & exercitus in illo loco congregabitur. Spes in DEo, quòd dabit meliora, ego verò te, quàm diligentissimè rogo, ut confidenter, quid me velis facere, scribas, sicut antiquo & fideli servo tuo, sciasq; quòd informationi tuæ conformiter, & valetudinem, & sanguinem litare sum paratus.

RESPONSUM EIDEM AB EODEM 27 Jan.

Accepi benignas tuas, quæ mihi particulare attulerunt solamen, non ideo tantum quòd immutatum tuum inveniam affectum, sed etiam, quòd de valetudine tua (quàm longissimam ex corde precor) certior fiam.

Gratias interim refero, quòd exuberante tuo affectu plura mihi adscribas, quàm ego noscendo memetipsum prætere posse. Hòc tantum gloriatur, & sumo superbiam, quòd à laudato viro non tantum laudor, sed excitor ad illud obsequium miseræ patriæ, quod in tam gravibus conjuncturis recipere coactus sum, cujus profundissimos sensus dum sequar, nunquam magnopere, quod alij de me judicaturi sunt laborabo. Invoco autem in testimonium ipsum DEum, quo conatu, quâ solitudine, & diligentia omnia agam, ut infelicitas publica propulsari, melior fortuna redire possit. Sed res difficilis est eversa in ordinem reducere, quòd contra tot mala remedium bene consultum, inconsultum est, si inimicis est usui. Et si DEus ipse non succurret, nunquam viciniore fuimus ultimæ desolationi, nisi illa de nobis verificetur, præsumptio: tunc optimos nos esse, cum infirmi sumus, bonus quippe animus in re mala dimidium est mali. Expectabimus cum impatientia effectum comitiorum Vîsnensium, sicuti & aliorum, quæ in Majori Polonia 5. Febr. peragi debent, unde aliquid boni, in rem Reipubl. nobis promittitur, nisi illi, quos sæper fucata & inania omnia magis, quàm vera, & solida delectant, impedian, & ita felix pro Rep. eventus, inter vota potius numerandus, quàm inter sperata, cum cognoscamus tales, quibus etiamsi spes melior non supersit, talem Patriam suam, malunt manibus suis, quàm hostium everti, & perniciem prius aliis, postea sibi invenire. Præstolor mandata tua, & pro summa felicitate reputabo, quoties me iisdem dignaberis &c.

L

ANDREAS C. ZALUSKI EPISC. PRINC. VARMIEN:&SAMB.
CARDINALI PRIMATI Thorunij 19 Januarij.

Miraris Princeps Eminentissime, quòd expeditio ad aulam Berolinam exclusis Polonis, non tanquam recepto sed tanquam inusitato more, Comiti Flemingio declarato stabuli Præfecto M. D. Lit. data fuerit. Non deduco Flemingium verum Indigenam Regni & M. D. Lit. esse, quia hæc probatio suo tempore eidem incumbet, ast solum assero non esse visum consilio Regio expressum aliquem cum characterem mittere, ne prius negotiatio ejus impediretur, antequam in illa aula compareret. Cum verò dictus Flemingius particularem suam in illam aulam, pro aliquo tempore transeundi habuerit rationem, cum via non pateret, conjecimus nos in semitam, & usus est eâ commoditate

te

te Rex Serenissimus, ut tantò secretius negotium agitari absque ulla suspicione posset. Ut verò scias: omni præcautione Cancellariam Regni id fecisse, nam ea, quæ tracto, utinam tam feliciter, ut laboriosè & cautè, breviter contenta memorialis, quod illi datum est, tibi insinuare placet, quæ sunt ejus tenoris.

Quandoquidem in consilio ultimo, cujus potestatis erat, cum id à Republica sibi concessum esset, incipere & prosequi tractatum, cum potentiis extraneis in conjuncturis præsentibus, nemo ex aula Berolinensi comparuerit, consilium magnum conclusit, ut id negotii committeretur Ministris Regis & Reipub. ut facerent dispositivè omnia ea, quæ crederent esse pro utilitate & Majestatis & Reipublicæ.

Cum verò Dominus Baro Overbeck comparuit Thorunij interrogatus est à Ministris: an haberet plenam potestatem, intrandi & colloquendi dispositivè de comunibus commoditatibus. Ille respondit quòd non tantum non haberet, sed nullatenus etiam esset instructus.

Crediderunt proinde Ministri, cum permissione Regis posse se uti occasione Domini Comitis Fleming euntis Berolinum, & precari eundem, ut hæc aulæ illi dicat.

Quòd amici mirentur, & inimici lætentur, quòd illo tempore difficili Rex noster & Respub. videt, non sine dolore tantam indifferentiam, quasi Polonia non esset tam vicina, & quòd post ejus ruinam (quam Deus avertat) non sequeretur immediatè ruina illius. Et si fortè responderetur, quòd illa aula non fuerit compellata à parte Reipubl. facile reponi potest, quòd post Comitiam, tantus disordo & hostilitates, in tantum dictam Rempub. turbaverunt, miscueruntq; ut fuerit impossibile jungere integram, & facere aliquid nomine ejusdem.

Interea honoris erat & utilitatis evidentis, Principis vicini non manere complicatis brachiis in tempore quo proximus ardet Ucalegon. Itaque

Insistet Dominus Comes, ut quod non est factum, fieri possit. Duæ sunt viæ, quibus assisti potest, ut Rex & Respublica maneant obligati & ad gratitudinem obstricti, via scilicet pacis, & via belli.

Quantum ad primam; Instantiæ sed bene propositæ, fortiter insistentes ad potentias colligatas possent facere facilem & promptum effectum, si præcipuè evinci posset ille idem modus, qui jam in usu fuit, in ultimo inter Sueciam & Daniam bello. Si potentiæ colligatæ sese declararent, contra eum qui turbaret quietem publicam hujus Europæ partis. Et certè Rex Sueciæ ad requisitionem illorum, qui interesse habent, ut impendant, ne bellum duret, ad meliora posset induci uti in causa comuni. Quia verò Rex Sueciæ nullum admittit extraordinarium Ministrum ad evitandas justas repræsentationes pacis, conveniens esset, ut saltem mitterentur Cursores cum literis urgentibus & positivis, in quo Anglia, Dania & Hollandia, & vicina aula multum & fortè totum facere posset.

Altera via est bellum, si illud continuatur; libenter scire vellemus, an aliqua sit spes ab illa aula, & super istis duobus punctis negotiatio dicti D. Comitis stabilietur.

Nec est unquam dubitandum, quòd affectus particularis, quo Rex noster ferebatur, fereturq; semper, non sit reciprocus, & quòd Respub. se patiatur vinci in illa amicitia, nunquam ex sua parte defuit. Quando videbit, cum qua magnus ille Princeps agat cum Rege nostro & Rep. omnino curabimus, ut quidquid imaginari potest ad obligandum illum Prin-

A. C. 1703 Principem fiat; eosq; faciemus unioni mutuae convenientes passus, in reciproca defensione, faciendoq; omnia, quae pertinent ad honorem & interesse Serenissimi Principis.

Omnem ergo diligentiam adhibebit D. Comes, ut positivè intelligere possit, quomodo se applicabit aula illa, quid faciet & quomodo assistet Reipubl. in conjunctura praesenti pro obtinenda pace, & supposito, quod haec stabiliri non posset, & quod Respub. ad bellum obligaretur, quam assistentiam sperare possumus ab aula Berolina? & si poterit se declarare pro nobis contra Sueciam, ut ex mutuo consilio reciprocam providere possimus securitatem?

Sicut aula Berolinensis nihil magis desiderat, à Reipubl., quam recognitionem pro Rege in Prussia, & negotium istud exercent curas Reipubl., timentis non sine ratione praedicia, & consequentias periculosas tantò magis, quod copia Reversalium non videatur esse sufficiens pro securitate, quam ante omnia oportebit meliorare.

Videtur quod aula Berolinensis minus facere possit, ut Respub. suis satisfaciatur desideriis, nisi reddendo vadia, quae recepit pro trecentis millibus talerorum, quae praetendebantur pro negotio Elbingensi. Renuntiando, in bona forma isti praetensioni, eò magis quod actio illa, quae intercessit in aggressione & possessione Elbingae, est nimis sensibilibus Reipubl. & difficulter oblivioni tradetur.

Et sicut in multis punctis pactorum Bidgostiensium, ex illa parte contraventum est, curabit Dominus Comes recipere securitates certas, ab aula illa, quod dicta puncta religiosè observabuntur in futurum, & quod Cujaviensi & Varmieni Episcopatibus satisfiet in suis praetensionibus.

Dominus Comes petet etiam mille quingentos homines, quos aula Berolinensis est obligata dare quovis bello secundum pacta, & finiet negotium istud semel pro semper, ut scilicet id faciat non solum ad inceptionem sed & continuationem belli.

Explicabit etiam aulae illi necessitatem regulandorum teloniorum Pilaviensium & aliorum locorum, quae sunt in Prussia, ut stabiliantur sub jure antiquorum pactorum, ne Polonis inde injuriae eveniant.

Requiret etiam extinctionem exactiois, quam vocant Strandtgeld, quae fuit supposita super omnes naves etiam parvas, quae veniunt Gedanò & Elbinga Regiomontum & petitio est haec tantò justior, quanto exactio est magis contraria pactis, siquidem illa prohibent nova telonia, contra quae, status Prussiae continuas faciunt querelas, cujus articuli facta est quoque mentio in recessu facto circa tractatum Elbingensem, ut remedia praedicio huic adhiberentur. Nam quodcunque demum nomen Officiales Brandenburgici dent huic exactiois, certum est, quod illa sit formaliter pactis contraria, & non est quaestio de nomine sed de re, quae est certa, quod hoc jus exactiois sit novum, & quod insistendo pactis non potest nec debet imponi ullum nisi illud, quod ex antiquo fuit stabilitum. Suspiciamus etiam nec ex vano, quod aula Berolinensis velit sibi attribuere transitum per Vistulam sub Neoburgo, considerando modum, quo Officiales illi utuntur. Quapropter necessarium est, ut super hoc punctum explicet se illa aula, & providendum, nè velit usurpare limites, qui sunt usq; ad ripam Vistulae, sed non ad Vistulam, quia fluvius ille pertinet ad Regnum Poloniae.

Est adhuc materia satis considerabilis ratione stagni nominati Drau-

Drausen, quod à tempore immemorabili ad œconomiam Mariæburgensem & civitatem Elbingensem pertinebat; interim tamen subditi Brandenburgici piscaturam sibi injustè attribuunt, in quo petitur satisfactio & severum mandatum, ne id in futurum dicti audeant subditi, neque unquam in dicto stagno piscari præsumant.

Subditi Brandenburgici præsumpserunt adhuc facere unum montē, qui vocatur Diga super fluvium de Sozgen cum magno præjudicio Palatini Mariæburgensis & aliorum nobilium ejusdem Palatinatūs. Requirit ergo, ut incessanter remedium huic adhibeatur, aut id fiat communibus sumptibus, & ut hic fluvius purgetur, & emundetut. Mons verò ita nocivus qui tanta damna adfert in planum redigatur.

Postquam ea omnia fient, & cum aula Berolinensis in omnibus conveniet, disponetur Respub. ut eum pro Rege in Prussia recognoscat habendo reversalia meliora, sicut jam dictum est, & securitatem certiorē eo modo, quo Respub. necessarium crederet esse, ut nec hic Princeps, nec ejus successor formare possint prætensiones super Prussia Regali Poloniae, in virtute tituli Regis in Prussia.

Si Dñus Comes invenerit, quod illa aula imaginetur sibi, quod possit esse sine recognitione Reipubl., recognitio Regis sufficiat, repræsentabit illi, quod plus nimio erret in sua opinione, nam cum Resp. sit Domina fundi Prussiae, agnitio Regis non potest esse valida, quia illam non facit nisi in tantum, in quantum aula Berolinensis tales dederit reversales, & securitates necessarias, ex quibus Respubl. posset esse contenta, & in casu, quod illa aula persisteret in illa opinione, dicat ipsi simpliciter, quod Rex noster in illo casu esset obligatus jungere se cum Republica & simultaneè cum illa facere protestationes in omni loco & in omnibus aulis, ubi jam est recognitus pro Rege in Prussia ex ista vel maxime ratione, quod Respubl. habeat dominium in Prussia, & quod pars illa, quæ pertinet ad aulam Berolinensem, est reversibilis ad Remp. in defectu successorum masculorum. Nonne homagium quod redditur Electori Brandenburgico à Prussia ejusdem, redditur insimul eventuale Reipubl. Sed si aula Berolinensis conformaverit se justis prætensionibus & desiderijs Reipubl. Et si Dñus Comes omnia concluderit, in vim dispositionis, mittat nobis projectum conclusum, pro informatione consilij futuri & poterit in eodem, super puncta, desiderabilis ab utrinque fieri conclusio, pro communi desiderio expletionē.

Ministri Regij & Reip. expectabunt, cum tædio & impatientia responsum positivum, & facient dispositivè omnia quaecumque erunt possibilia, jungendo ad istud memoriale resultatum consilii ultimi, ad eo magis authenticandam istam negotiationem.

Et hæc sunt Eminentissime Princeps quæ Dño Flemingio data sunt per modum memorialis à nobis ministris subscripta & credo eadem approbanda, cum nihil desideraverimus, desideremusque, nisi ut conditio Reipubl. reddatur semper melior. Si quid tamen occurrerit tibi vel addendum, vel diminuendum, vel corrigendum, confidenter denuntiare non dedigneris & facillimè id, tanquam per novum instrumentum vel supplementum fieri poterit. Interim me gratiæ &c.

20 Februarij.

Ad Aulam Brandeburgicam

Miratur Europa; lætantur hostes, quòd Serenissima Domus Brandeburgica in tam aperto Reipubl. nostræ discrimine, quasi omnium ignara malorum, quæ nos circumstant, placidissimè quiescat.

Omni prorsus excidit sibi memoriâ Serenissimus Rex Noster, tot titulis, nominibusq; Serenissimæ huic stirpi, non tantum sanguinis connexionione colligatus, verum etiam tum privatis, tum publicis tabulis fœderatus. Pluribus terrarum spatiis remotæ Coronæ Principum offerunt afflicto Regi nostro auxiliares suppetias, una Serenissimæ Domus Brandeburgicæ Aula, hætenus amica semper, videtur ex vicino littore, Augusti nostri spectare naufragium, nec ullam opem ferre, perinde, atq; si ultra Gangem vel Hydaspem resideret. Cum ergo novissimum consilium Thorunij nuper celebratum, hanc provinciam Ministris Statûs imprimis commendaverit, ut non definitivè, sed dispositivè vicinorum Principum aulas intelligant, quid in hoc rerum suarum articulo possit sperare auxilii nostra Respub. placet in primis nobis suæ Serenitatis adire aulam, æquè fortunæ nostræ atq; calamitati viciniorem. Duas præ oculis habemus vias, salvandæ Reipub. & Regiæ Mtis Nræ. Alteram pacis tractatus aperit, bellum demonstrat alteram.

Conciliatio desideratæ pacis Coronam inter Sueticam & Polonam, non multum adferret difficultatis, si aula suæ Serenitatis ita efficaciter Coronam Sueticam ad ineundum nobiscum pacis tractatum obligaret, atq; Anglia, Hollandia eandem cum Danis obligaverat, procul missis dissimulationibus, aut deliberationibus. Plurimum in hoc puncto se debere Coronæ Anglicæ, Danicæ, Statibusq; Hollandicis, non potest diffiteri Nra Respublica; sed quia ad Regem Sueciæ, nulli permittuntur venire Internuntii, aut literarum ejusmodi portitores, nihil videtur præsentius superesse, quàm si Serenitas sua procul ambagibus, declaret; palam se astituram potius, qui paci, quàm bello addictior est. Atque hoc imprimis decere vicinam, amicam, & fœderatam ab antiquo Serenitatem suam. Porro si pacis tractatus cuiquam fortè impracticabilis cum Corona Sueciæ, ex certis circumstantiis videatur, quid obstat, quominus vires suas Gradivus Pruthenicus, nostræ impendat Reipub. ut unitis viribus, cœloq; aspirante, communis hostis eliminetur. Non potest certè tota perire Polonia, salvâ integrâque Prussiâ, verum mittamus importunam fortè, quamvis indubitata consequentiam, hoc unum in præsentiarum Reipub. nostræ postulatum est, ut, postquam intelleximus, quid à Corona Suetica expectare debeamus, scire tandem possimus per NN. Commissarium nostrum, cui hæc provincia deman data est, quid tandem à cognato vicino, & fœderato suo Serenissima Polonia Mtas, & tota Respub. sperare possit? Quod si votis optatus responderit eventus, sciet non minùs Serenissimus Augustus noster, quàm tota, quanta est Respub. pace, belloq; testari, quantum suæ Serenitati debeat, pro tantæ benevolentiæ demonstratione, difficillimo tempore probata. Hoc dum pro officii nostri ratione Excellentissimis Dominationibus Vris in plena fiducia communicamus reverentissimè, testamur quòd simus &c.

PLENIPOTENTIA D. FLEMING AD TRACTANDUM A.C. 1703
CUM AULA BERLINENSI. ANDREAS C. IN ZAŁUSKIE ZAŁU-
SKI &c. ET JOANNES IN SŁUPOW SZEMBECK PRO-CANCEL-
LARIUS REGNI &c.

Notum testatumq; facimus præsentibus, quibus interest, univer-
sis & singulis. Quandoquidem immediatum consilium magnum
ex coadunatis integrè Provinciis Reipub. hic Thorunii nuper-
rimo tempore congregatum, nos Ministros Statûs per expressum ob-
ligavit, quatenus omnem meliorem modum pro defensione S. R. Mtis
Dñi nostri Clementissimi, & Reipub. cum vicinis Principibus inirem?
Quapropter inhærendo eidem determinationi consilii magni Illustri
& Magnifico Jacobo Henrico Comiti de Fleming Præfecto Stabuli M.
D. Litv. & Generali Exercituum S. R. Mtis Berlinum tendenti pro ea
fide & amore, quo fertur erga Rempub. congenitaq; sibi prudentia, &
activitate, quâ pollet in rebus gerendis, tum & celebri æstimatione sui,
& claritudinis Domûs suæ meritissimæ in illis oris committendum esse
duximus, committimusq; præsentibus, quatenus vigore instructionis
manibus nostris subscriptæ cum aula Berlinensi conferat, & in rem S.
R. Mtis & Reipub. omnia negotia dispositivè convertat, atque pro fa-
cilitando futuro tractatu omnem viam & modum disponat. In quorum
fidem præsens instrumentum manibus nostris subscripsimus, & genti-
litiis sigillis nostris munivimus. Dabantur Thorunii 16 Januarij.

COPIA LITERARUM CARDINALIS PRIMATIS AD SENA-
TORES 26 Januarij

Si liceret Antenatis nostris oculos in morte gravatos aperire, & in-
felicitatem caræ hujus Patriæ spectare; terribilem & à sæculis inau-
ditam frigiditatem filiorum super lachrymas & oppressiones pau-
peris populi stupere, & ex dolore iterum mori deberent, quòd in no-
bis nec mos, nec jus, nec virtus, nec libertas; tota planè alia rerum fa-
cies, nihil prisca & integri, quasi nihil in hac Patria perderemus, tan-
quam nihil sentiremus, tanquam id non videremus, quod ex tam pul-
chro & florentissimo Regno jam planè cineres, & flebile Troia solum,
& quòd hæc aquila, quæ nuper fuit aquila magnarum alarum latissi-
mos & longissimos tangens limites nunc in proprio suo nido constri-
cta, absq; ulla libertate permittens unam post aliam extrahere pennam
non sine fabula & subsannatione exterorum, ita particularis super nos
pœna Divina intravit cum otio, ignavia, per scissiones cordium & vi-
rium tanta irrepsit debilitas, & congregatis gentibus, cum imposita
quædam vincula terroris & torporis, ut instar Amyclarum nihil agen-
do, nihil consulendo, alii in diversa dispersi, alij in angulis domesticis
sedentes sua fata spectent. Comparui hic Varsaviæ jam ab aliquot septi-
manis mansurus in centro notitiarum, tam ex præsentibus Nuntio &
Ministris Principum extraneorum, scire cupiens, quam nobis erigunt
figuram, belli vel pacis, vitæ vel interitûs. Cum verò ex illis elicitur,
quòd sine nobis nos salvare non possumus. Mirabar multum, quòd per
tam longum tempus huc residendo, in hoc casu Reipub. quando non
est in æstuariis dormiendum, prius hic venerunt Sueci, quàm nostri,
quos & ipse Rex Sueciæ sequitur cum copiis, & hic ubi præceps capi-
enda via, nemo est, cum quo consilium capi, & aliquid agi posset. Cum

A.C. 1703 proinde in tam gravibus tenebris, quas à quatuor plagis congregata tempestas inducit, nullum ab astro lucis solatium; tunc ex se mutandum lumen, & nobismet ipsis de nobis cogitandum. Ut ergo coram DEO liberam conscientiam, coram mundo sinceram, & non neglectam applicationem in Patriam, fidelem & tenerum affectum, in officium & ministerium meum debitam monstrem diligentiam, non possum amplius publica fata in ulterius permittere præcipitium, sed ex specula gradus & dignitatis meæ convocando literis hisce Senatores & Commissarios ad tractatum pacis destinatos à Repub. hic Varsaviam pro die 15 Februarii enixè & te rogo, ut in vim cointelligentiæ nostræ comparere velis consulturus nobiscum, quibus mediis pereunti Patriæ dari potest succursus. Immolabis per hoc amoris illius gratissimum holocaustum, cum pro hoc congressu, in quo (avertat DEus) non scelus aggrediemur, non in miscenda coimus, sed ad dandum præsidium Patriæ ad procurandam tranquillitatem res disponemus, comparebis, cuius quò religiosius soleo prudentissimos venerari sensus, eò cum majori expecto promptitudine &c. &c.

COPIA LITERARUM REGIARUM AD SENATUM 29 Jan.

Post titulos. Ad publicas miseras, quæ undique hanc Patriam constringunt, ira iusta Numinum an hominum in res nostras; non est hæc minor, quæ perstringit planè medullas cordis nostri, quando oculis nostris videmus literas invitatorias Cardinalis Primatis pro quodam consilio die 15 Februarij destinata ad Senatores, ac Ministros Statûs lateri nostro assistentes tanquam advocatorias scriptas. Obstupuimus super hæc, & cognoscendo ingenium altum, jurium Reipub. perfectam notitiam, & longo rerum usu consummatissimum iudicium ejusdem, comprehendere non possumus, ut hæc liberè & ex se faciat, & infallibiliter supponimus, quòd debeat potestate armorum Sueticorum constrictus, & id facere adactus. Non ignota sunt cuivis jura Patria, & constitutiones publicæ, quæ fortè stante Regimine Regum similia prohibent conventicula, quia id non tantum directè contra supremam auctoritatem Regiam fiet, sed etiam tam pulchram harmoniam fortiter unitorum Statuum Reipublicæ miscebit. Tot sæculorû spatio compages hæc coaluit, nec convelli sine exitio convellentium potest. Nonne congregati motu Nobilitatis Generali Palatinatus, sicut hoc sub Senodominia, ita & hoc sub Kolo designarunt ad latus nostrum generale ad omnem casum cum plena facultate consilium, deeratne Paterna nostra sollicitudo? quando unum post aliud consilium publicum inducimus, & sine quiete in eo deludamus? quonam sanè consilio ex his intricatis fortunæ labyrinthis miseram possumus educere Patriam. Ecce nunc idem magnum consilium ex coadunatis in integro Palatinatibus convocamus ad latus nostrum die 16 Martii, ut ruituræ in præsens succurrant Patriæ, Jura, indemnitates, & immunitates ex ultimo liberent naufragio, & quàm optimè inter vis

te mortisque vias consulant. Pro eodem termino, & à te requiri-
mus, ut sine mora compareas non accedendo dicta conventicula,
quæ sunt è diametro Maiestati & legibus repugnantia, & illi consi-
lio à publico Nobilitatis motu constituto & fundato, ita non pos-
sunt nisi periculosas post se trahere consequentias. In quo te Pater-
nè præmonendo, non dubitamus, quod ad mentem legis accom-
modare te voles, & penes integritatem nostram pro vinculo jura-
menti Senatorii zelabis affectum, ut & nos datis occasionibus me-
mori reflexione, & singularibus gratiis fidelem tuam voluntatem
rependere possimus; & Respub. suo tempore benè vel malè gestorū
non requirat rationem. Verendum verò, ut hoc congregandum
consilium in compedes & vincula non vertant Sueci, uti factum est
cum Palatino Volhyniæ, & alijs. Idem metuendum, in vicinia fue-
rentis & armati hostis; quod dum tibi deferimus. &c. &c.

REGIS AUGUSTI UNIVERSALES LITERÆ

Convocando Senatores & Deputatos ad latus suum pro Consilio
16 Martij habendo Thorunij 21 Januarij.

Quando non sine gravissimo dolore nostro tempus illud elapsum
est, in quo spem tractatus cum Rege Sueciæ reposueramus co-
operante mediatione Sacrae Cæsareæ Mæstis, quando omnis evas-
nuit apparentia desiderata pacis, & clarè animadvertimus, quòd
omnes curæ nostræ irritæ, omnia studia otiosa, omnes applicationes
nostræ steriles; hostis interim in profundiora Regni nostri viscera
arma sua promovet, Provincias libero calcatur pede, populos ad gra-
vissima cogit tributa, sacra profanaq; impunè ubiq; violat, Altaria
& Sacerdotes Dei ignominiosissime tractat, Senatores Regni, Offi-
ciales & alias personas genere, & opibus Nobilissimas, in arcta sui
militis tenet custodia. Quæ attentata, & dedecus apertiore indices
famam noscimus; ut mirum quibus artibus ad flagitiosam perfidiam
nostros Palatinatus, Districtusq; cogat, quàm probrosè liberæ genti
insultat, & in perniciem illius longum atq; inutile bellum trahit, tã
numerosa militiâ introductâ, novum robur iterum vocat, ad extreo-
ram ruinam populorum, hoc est funditus extinguere cives nititur,
& nomen gentis delere laborat. In tanta ergo procella, atq; indes-
seviore tempestate, expedit tandem supra communia Reipub. mala
justam animadversionem demonstrare. Scilicet habendus metus est,
aut faciendus. Jam enim in illo calamitatis nostræ gradu stamus,
in quo fortioribus remediis jam nobis utendum sit, si Patria nostræ
subvenire, si Religionem Catholicam, si charissima pignora tueri, si
priscas immunitates, & libertates nostras multo sanguine Majorum
comparatas vindicare volumus. Significamus interim presentibus li-
teris nostris Fidelitatibus vestris cuncta hæc mala, quæ imminet,
& paternam nostram providentiâ antevertimus jam jam cervicibus nos-
tris

A.C. 1703 *stris impendentia discrimina, diligentissime universos requirendo, ut Generosi Deputati ad latus nostrum procul omni mora die 16 Mensis Martij anni currentis compareant. Hortamur simul omnes bene animatos erga Matrem nostram, & Rempub. ut quemcunque, cura honoris publici tangit, & sanguis generosus stimulat, quamprimum ad signa sua convolent, ad reprimendam viritum hostem, tam audacter grassantem. Precipue ut Illustres Regni Nostri Senatores, & Generosi Arcium Praefecti, imò, quicunque bello aptus, auxiliariis suis suppetiis nostras vires, & militiam augere velint; nos vero vitam nostram saluti publicae immolabimus, & securi de magnanimitate invicta, & imperterrita fidelitatum vestrarum, ad fortia agenda, solennissime praesentibus literis nostris obtestamur, & compellamus.*

BENEDICTO SAPIEHÆ THESAURARIO LITVANIÆ
EPISCOPUS PRINCEPS VARMIENSIS REGNI CANCELLARIUS

23 Januarij.

Habitâ licentiâ reliqui aulam, veniq; in Diœcesim meam pro consequendo Jubilæo; cum essem in itinere, multa cogitavi, sicuti fieri solet per otium in curru; materia meditationis est tempus praesens & conjuncturae infelices Patriæ, quæ non possunt habere nisi fatalem exitum, sagitta facile ingreditur, sed difficile extrahitur, & conclusi apud me adhuc semel pulsare ad pectus amicum cum antiqua confidentia, ut in te illam antiquam excites prudentiam, quam in te omnes admirabantur amici, ut velis respicere finem, & cuncta potius cum ratione, quam prospera cum casu præhabere consilia. Consideres chare amice, quod omnes ingemiscant gravati, & quod tempus sit ut te reflectas; justissima DEI poena est, ne abusus misericordiæ, victima fias justitiæ. Natura Polona indocilis ferre juga peregrina, potest ad eam induci desperationem, cui ponere modum non erit ejus potestatis, quæ ad eam induxit. Si in occasionis momento, cujus prætervolat opportunitas, cunctatus paulum fueris, ne mox amissam queraris. Ultra id securum te reddo in illa plena confidentia, quæ te nunquam fefellit, quod non deerunt unquam media, quibus Rex se manutenere valeat, in ruinam enim prona sunt, quæ sine fundamento crevere: Alterum est; certus esse debes, quod tantummodò velis & sincerè, poteris semper eadem gaudere confidentiâ, quam es expertus, quia non obstantibus quibusvis, non extinctus est affectus in corde Regis erga te; in quo ego omni conatu juvarem, quia ex corde vellem, ut quam celerrimè (quò citius eò esset melius) possis eluctari, & antiquâ redintegrare tranquillitatem. Cognoscendo enim genium tuum (novi enim ut dicitur Simonem, & Simon me) vereor, ut hi labores & angores non abbrevient dies, quos & tibi & mihi voverem longiores. Cogita ergo per viscera Christi oro, & mihi confidenter defer, quid me facere oporteat. Faciam omnia, quaecunque pro te potero; potero autem multa, modò ipse velis &c.

EIDEM THESAURARIO LITVANIÆ IDEM EPISCOPUS VARMIENSIS 17 Februarij.

MOveo omnes, quotquot possum, machinas, recurro ad omnia media, quaecunque demum credo necessaria in ordine ad procuran-

curandam pacem; scribo, rescribo, cogito, recogito, sed nihil proficio, dum vos plus vindictæ particulari, quàm securitati publicæ studetis. Quantumvis ergo vellem, non possum & per conscientiam, & per antiquū sincerumq̃, qui in corde non est extinctus, affectum, tacere, supplico tibi opportune, importune, ut & super nos, & super vos ipsos compassione moveamini. Dethronisatio impossibilis, bonus exitus in partem vestram impracticabilis; si bellum duraverit, peribimus omnes; æternâ constitutione, nexuq̃ causarum evenient, quæ prædico eventura, nec vos ullam habeatis spem; credite vera loquenti; in pace unica fiducia, quæ, si jam intra 10 Martij conclusa non fuerit, nihil est quid speremus amplius. Scribo id tanquam Ecclesiasticus, cui non est ingenium, aut votum inclarescendi per turbas, scribo tanquam tuus verus amicus; agite ergo, quæ pacis sunt, eo Mariæburgum, & hodie spero me ibi fore; agam omnia quæcunq̃ potero in ordine ad eandem pacem, & tu per amorem DEI reflectas te, satis casuum, satis eventuum.

Habete quæso aliquam super bona mea discretionem, quæ primò per Vallachos Palatini Vilnensis, nunc per Suecos sine ulla discretionem eunt in ruinam, & inclementer actum est, agiturq̃, meruine hæc de vobis? patientia! cecidi ego, cadet qui sequitur; pereant omnia mea, peream & ego ipse, modo Religio & libertas salvetur. Breves dies nostri, sed æternitas longa, & finem non habet, in qua respondendum erit Domino DEO; cum lachrymis, quibus pascor, sed non frangor, hæc scribo; DEUS videt, & vellem hoc animo non oculis &c.

LI

ANDREAS C. ZALUSKI EPISC. PRINC. VARMEN: & SAMB.
HIERONYMO LUBOMIRSKI CASTELLANO CRACOV.
ENSI EXERCITUM DUCI 20 Februarij.

EO jucundiora mihi tua sunt mandata, quò promptius ea exequi possum; redux ad stationem meam, obsequium Mris suæ, inveni integrum plausum tam magni tui pro libertatibus zeli, tam evidentis in Regem affectus, tam strictæ cum exercitu unionis. Confudisti & delevisti inimicas relationes tam pulchrâ actione, renovas sollicitam & naturalem tibi totq̃ meritis quæsitam gloriam, excitas spem restitutionis in integrum extinctæ jam gentis nostræ famæ, quò scilicet illa eò altius resurget, cum gratia Divina, quò eam magis malè amici in natale solum non tantum deprimere, sed & totaliter extinguere desiderabant. Non dubita, quò Rex Serenissimus videns hæc, & considerans, dum adhuc in effectu experietur, quò non intra verba ut inimici blaterant, hæc confœderatio stetit, dum omnes inimicos Patriæ antiquâ Polonâ fortitudine aggredi, vincere, superare, & tam graves Ecclesiarum, Religiosorum, & Statûs Nobilitaris vindicare injurias cœperis, dilatabitur cor Regis, manus Domini certè non abbreviabitur.

Absolvimus hic ultimos Bacchi dies, quanquam in paucos numero, nihilominus læti, si status præsens miseræ Patriæ, & cura futurorū, gaudia nostra non temperaret. Excurret his diebus Rex Elbingam, ubi prohibuit, ne ponerentur arcus, portæ, omnisq̃ pompa vitaretur, quæ in primo ingressu (primâ enim vice ibi erit) Regibus exstrui solet. Ibi dispositis rebus, & securitate loco provisâ, ita credo, divertet ad locum consilio destinandum, qui nondum est determinatus. Credo tamen quò pro commoditate horum, qui ex Polonia venturi sunt,

4.C. 1703 Thorunium eligitur.

Legatus Angliæ Gedani est, properat ad Regem Sueciæ, & transibit nostro Rege insalutato; nullum enim ad aulam nostram habet commissum.

Expectamus hîc Nuntios à Majori Polonia, qui satis generosas à principalibus suis ferunt propositiones, dethronisationem detestantur, fortia meditantur, & universales literas pro communi motu expetunt, in quo viciniore quôque Palatinatus cum illis concordant, & per id spes desperatione abjectâ melior.

LII

ANDREAS C. ZALUSKI PRINC. EPISC. VARM. ET SAMB.
STEPHANO BIDZINSKI PALATINO SENDOMIRIENSI
die ut supra.

Literæ tuæ de septima Februarij animant me ad id, cui destinatus voluntate DEI, ut in cura boni publici progrediar diligenter; addis currenti calcar, dum antiquo tuo Polono in Regem & miseram Patriam zelo indignaris illis, qui optimis ingeniis malè utuntur, in quibus major emolumenti privati species, quam metus publici damni apparet, unde illi qui ad sua commoda, omnia quæcunque agunt, referunt, viri boni esse non possunt. Incusas malignitatem pessimarum factionum illorum, quibus nihil videtur turpe, quod est questuosum, & per id demonstras generosum illud pectus, quod ego semper mirabar, & venerabar. Convenio verò in eo tecum, quòd Dominus DEUS, uti jam incepit, per unionem animorum exercitûs & Ducum ita confundet perversa hæc capita; naturaliter enim quod procedere non potest, recedit.

Tarlo

Gubernator Stenficiensis est semper apud me non tantum ex respectu magni sui Patris, & ex persona propria in summa æstimatione. Non gravabor certè merita ejus ex recommendatione tua Mti suæ repræsentare. Capiet nos hæc Macedonia, experietur brevi, quòd virtus temporibus non jaceat depressa nostris, speroq; monstraturum me ei reale meum obsequium, & promptam nutibus tuis obedientiam &c.

COPIA LITERARUM REGIS SUECIÆ ADEMI-
NENTISSIMUM CARDINALEM.

NOS CAROLUS &c. Postquam jam diu nullum hisce turbis, quæ arma nostra inutiliter in hoc Regno detinuerunt, remedium adferri videmus, ut aliquando finis illis imponatur, nihil magis in voto est, quam ut consilia huic instituto idonea possent inveniri. Nam quamvis nullum nobis cum Republ. Polona bellum geritur, sentit tamen hac commoratione utrumq; Regnum illa incommoda, quæ non possunt illis non esse, quam maxime exitiosa, nisi maturè hisce malis occurratur. Neq; enim adeo dulcis fuit nobis armorum gloria, quin etiam de danda amico Populo quiete cogitaremus. Quas propter ut ea media adhiberi possint, non minùs Reipubl. Polonæ tranquillitatem, quam Regni Sueciæ commoda & securitatem continebunt; De iis autem cum illo in loco consuli frustra speretur ubi odium, invidia, spes, terror, aliq; animi motuum genera, parti-
umq;

umq; studia sentiendi dicendiq; libertate hactenus erupere; saluberrimum nobis videtur, si de re tanti momenti illic institueretur, ubi libera Gens non coacta, sed plena libertate absq; metu & censura depromere sententiam, justos duratura quietis, & securitatis modos inire, atq; saluti communi providere possit. Hanc nostram mentem Eminentia V. aperire consultum ducimus, ut illa, quæ præcipuas in Repub. partes gerit, non modò occasionem habeat liberandi Patriam suam ex periculis, quæ ultimam perniciem ei minari videntur, verùm etiam illam magnis incrementis conjunctâ armorum societate augendi, easq; Provincias recuperandi, quas communis hostis Polonia ereptas possidet. De cætero Eminentiam V. Divina tutela commendatam quàm diutissimè salvam & sospitem esse cupimus. Dabantur Jakubovice 24 Januarij.

LITERÆ CARDINALIS PRIMATIS AD SENATORES CONVOCANDO EOS VARSAVIAM PRO CONSILIO 25 Jan.

SI liceret Majoribus nostris oculos in morte gravatos, aperire, ad miserabilem hujus Reip. statum, ad inauditam à sæculis desidiâ Polonorum, ad infelices lachrymas exhausti, oppressiq; populi, profunda defixi admiratione insolito dolori succumbere deberent, eò quòd in nostris pectoribus, neque Mars, neque jus, nec virtus, nec libertas suam retinere stationem videatur. Omnino alia rerum facies. Nihil prisci & integri. Quasi nihil detrimenti Respub. pateretur, quasi extremâ nostram non sentiremus calamitatem, quasi non videremus fumantes, florentissimæ olim Patriæ nostræ, cineres, & flebile Trojæ solum. quasi non intelligeremus, quòd Polona Aquila, quæ nuper magnarum aquila alarum, è verò dici poterat, eò quòd suâ amplitudine remotos limites attingeret; hodie prò dolor, neque in suo nido Patriæ libera, & adstricta, permittit se plumis suis, quibus in altum ferebatur, spoliari, non sine fabula, & subfannatione externarum Provinciarum. Ita plectente nos Divina Nemesis, intravit cum otio, ignavia, per diversiones animorum, & attritas vires, irrepsit debilitas, & consequenter inundatio gentium diversarum, injecit nobis quædam vincula terroris, & torporis ut instar Amylcarum, nihil penitus agendo, alii variè dispersi, alii domi suæ, attoniti sua fata spectent desides. Ego descendi Varsaviam, ab aliquot jam prope septimanis, ut in centro omnium noticiarum subsistens, clarius possem intelligere, ex præsentē hîc Illustrissimo Nuntio Apostolico & aliis externorum Principum Ministris, quam figuram Reipubl. nostræ erigant, pacisne an belli? vitæ, vel interitûs? Cum verò ex illis ipsis non aliud eliciatur, quàm quòd salvare nos non possimus sine nobis, satis mirari non poteram, quòd per tantum temporis spatium expectans, in tam aperto Reipubl. discrimine (ubi non potest, in æstuariis dormiendum) prius Suecos adventantes conspexi, quàm nostros, quibus ipsemet Rex Sueciæ propè it obviâ cum suis copiis, at ubi præcepit est capienda via, non est cum quo possit formari consilium, multò minùs aliquid agi. Cum itaq; in tam gravibus periculosissq; circumstantiis, quas à quatuor plagis composita tempestas adducit, nullû ab astro lucis solatium, igitur ex se mutuandum lumen. Atque ideo, ut DEO Opt. Max. integram conscientiam, orbis universi sinceram, & dili-

A. C. 1703 diligentem meam applicationem, Patriæ fidem, & intimam propensionem, dignitati, & officio meo impendam obligationem, non possum facta publica Regni hujus, in profundius, mea dissimulatione trudere præcipitium; sed ex specula gradûs, & dignitatis meæ convocaturus præsentibus hisce Illustrissimos Senatores, Varšaviam, pro 15 die Mensis Februarij ad tractatus Reipub. Nomine destinatos, enixè invito, & singulariter Illust. Dñem Vram, ut non dedignetur adesse in vim melioris cointelligentiæ: quibus mediis pereunti Patriæ possimus succurrere. Immolabit hoc factò Illustrissima Dominatio Vra, amor illius publico gratissimum holocaustum, si huic conventui, in quo (avertant superi) non scelus aggredimur, non in miscenda cogimus, sed subsidia laboranti Patriæ disponimus, comparebit. Cujus quò religiosius veneror profundissimos sensus, eò avidius illius expectabo adventum. Varšaviæ 25. Januarij.

LITERÆ REGIS AUGUSTI CONTRA PRÆCEDENTES

Cardinalis convocando ad consilium pro 16 Martij.

INter publicas calamitates, quæ Nos undiq; & Rempub: hanc circumstant, irâ justâ Numinum an hominum? non minus intimam cordis nostri ferit medullam, quando nobis contingit legere Invitatorias quasdam literas, quas Rdmus in Christo Cardinalis Archiepiscopus Gnesnensis Primas Regni & M. D. Lit. nescimus pro quali Consilio, Senatores invitaturus, & præsentibus ad nostrum latus, Ministros statûs, quasi advocaturus, exaravit, & sparsit per Regni Provincias. Admirati sumus haud mediocriter ejusmodi actionem, & cum probè perspectam habeamus singularem ejus prudentiam, & legum perfectam notitiam; nec non longo rerum usu consummatissimum judicium, adduci non possumus, ut credamus, ex se ipso, & liberè id egisse; verùm supponimus potestate armorum Sueticorum adaçtum. Palàm sunt omnibus Paterna jura, legesque publicæ, & Regni Constitutiones, quæ stante Regimine superstitis Principis, similia vetant conventicula. Siquidem id non tantùm directè contra supremam auctoritatem Regiam pugnat, verùm etiam pulcherrimam Regni Ordinum harmoniam intimè sibi coherens, & tot sæculorum spatijs compagem dissolvit, nec convelli, sine exitio convellentium potest. Nōne congregatæ nuper publico motu Regni Provinciæ propè Sandomiriam, & ad Kolo, ejusmodi consilium, ad latus nostrum tantùm instituendum, singuli assensu sanxerunt concluderuntq;? Quid desideratur ad Paternam nostram de bono publico sollicitudinem, quando repetita Provinciis indulgemus consilia, & sine interstitio huic uni cogitationi continuo incumbimus, quomodo possimus implicatam Patriam, ex tam difficili Labyrintho in libertatem asserere. En & præsens Consilium ex coadunatis Regni Provinciis ad latus nostrum convocamus, pro die 16 mensis Martij, ut corruenti succurrant Patriæ, immunitates, & libertates, ex aperto vindicent interitu, sibiq; inter vitæ mortisque

vias

vias positis, opportuneq; consulant. Pro eodem die Sinceritatem V. *A.C. 1703* invitamus, ut non cunctanter comparere velit, procul omnino à privatis aliis conventiculis, quæ sicut è diametro repugnant, Mti & legibus Patriis, & Universali huic Consilio, ab omnibus Regni Ordinibus approbato, & condicito; ita innumeras, illasque periculosas trahunt post se consequentias. In quo Paternè Sinceritatem V. requirentes, non dubitamus, quia se ad mentem legis publicæ accommodabit, & ita vi juramenti Senatorij pro Mte nostra zelabit, ut & nostrum pariter singulariter respectum in omnibus, quæ se evolvant occurrentibus, mereatur & Respub: malè gestorum non requirat aliquando rationem. Jure præterea metuendum, ne præfata Conventicula privata, Suecus agat in vincula, quemadmodum nuper egit Illust: Palatinum Volhyniæ, & complures alios. Nimirum idem omnino timendum est, ad latus furentis & armati Hostis, consilia sua instituere volentibus. Quod dum clarè exprimimus, bonam à DEO Opt. Max. Sinceritati V. precamur valetudinem. Thorunij die 29 mensis Januarij Anno MDCCIII. Regni nostri VI.

COPIA LITERARUM CARDINALIS PRIMATIS AD PALATINUM Maloviæ Commissarium ex Senatorio ordine à Repub. ad Tractatum cum Rege Sueciæ designatum.

Varisaviæ die 29 Jan.

UT naufragantes mediis in fluctibus ad ultimas prensandas tabulas, naturali impelluntur impetu, ita nobis in præsentibus Reip. infortuniis, undique pressis, omni destitutis auxilio, aliis dispersis, aliis sua super fata attonitis, dum alia congregandi in unum & excutiendi lethalis soporis deessent media hoc assumendum censui, velut extremum, ut in virtute gradûs & potestatis ministerii mei, resolverem me, circulares scribere ad Senatores, eos, pro die 15 Febr. Varisaviam convocando, ut in hac Patriæ calamitate, ubi ab aula solatium exiguum, consilium tenue, ut id ex effectibus elucescit, hinc verò Sueci, inde Saxones graviter incumbunt, salutaria adferrent consilia, quibus hæc Respubl. salvari posset. Ad bella nec animus nec belli nervus, tam enormiter emunctis, tractatûs concludendi modica affulget spes, me licet circa illum sollicitè operante: attamen etiam inter ardua desperare minimè licet sinuq; manus recondere, potest enim, quod longum distulit tempus, unica conferre hora, quæ cum soli sit nota DEO, nos nulum, quin in eo in utilitatem publicam operemur bonum, elabi sinamus momentum, ut tandem in illam incidamus. Quis scit, an non etiam in hoc congressu, in præsentia Nuntii Apostolici, aliorumq; externorum Ministrorum aliquod succedet simul consulentium inventû, quod claudere templum Jani, tractatui januam possit aperire. Opto itaque & obnixè peto, pro designato termino, minimè venire tardes, cujus præsentiam, tum ex obligatione præsentis, quem geris, characteris debitam, tum ex soliditate sani semper consilii, quò magis optabilem eò ardentius expeto, & expecto.

A.C. 1703 COPIA LITERARUM EMINEN: CARDINALIS AD REGEM
Sueciæ pro Civitate Lublinensi.

Miseram Civitatem Lublinensem, & nisi solâ Regni Tribuna-
lium sede conspicuam, audiens incurrisse in indignationem
S. R. Mtis V. quasi ex eo motivo, quòd prætereunti cum
Exercitu ejus D. Generali Merner, portas suas occluserit, absq; de-
meritis iram S. R. Mtis V. concitaverit, dissimulare nequeo, ut ma-
la & sinistra informatio illudat pietati & justitiæ S. R. Mtis V, sed
præsentibus id, quòd mihi notum in tutamen innocentiae veneras-
bundus insinuo; Et quidem præactam Civitatem, non esse tam o-
pibus viribusq; valentem, aut circa tenuitatem suam tam inconsul-
tam, ut temeritate aliquâ, audeat provocare potentiam S. R. Mtis
V. nec etiam adeo ignaram sui, ut non calleat arma tenentibus, om-
nia ab illis dari, qui justa negant, eodem quippe momento, quo
requisita fuit, procul dubio recessisset, ad se facilem & apertum a-
ditum, nisi pertimesceret ex subitanea venientis turmatim, copiarum
admissione, subsequi aliquem aliunde, ut in simili casu contigit, tu-
multum ad boni ordinis cautorumq; non refragariorum incolarum
conditionem obtinet, tum quia ipsa protunc juris sui esse non va-
lens, sed sub jurisdictione commorantis ibidem adhuc Tribunalis
Regni Mareschalci existens, interdicto ejusdem parere necessum ha-
buit omnino, qui postquam ea die ex urbe secessit, alterâ sequenti
statim Commissarios Exercitus S. R. Mtis solutis portarum repa-
gulis admisit, cum iisdem transegit & juxta stipulationem, ad assem-
totum receptâ quietatione exolvit, cujus rei pro teneritudine cons-
scientiæ suæ, testimonium exhibere poterit idem ipse D. Merner.
Exinde evincitur maximè non deliquisse, quæ in tali casu & secu-
ritatem suam pacisci, & jurisdictioni Mareschalci Tribunalis sub-
esse debuit, quasi simul cum annuo ejusdem Magistratu cessante,
utrum pro illius temporanea auctoritate plecti debeat innocens ci-
vitas, subsit altissimo S. R. Mtis V. judicio. Quod verò attinet pa-
trata circa Lublinum homicidia, horum absolutè complex & cor-
rea esse nequit, cujus tam arcta & limitata est potestas, ut se tan-
tùm intra muros extendens, nequeat quidquam etiam in suburbis
præsumere, quorum distincta & varia est jurisdictio, tantò magis
extra pomerium, tum in trium vel quatuor milliarium, distantia, si
quod scelus accidit, utrum ad id referibilis esse debeat, ut pro inso-
lentibus latronum turbis respondere, vel mulctari teneatur, denuo
mihi & in hoc puncto est recursus ad justissimum pectus S. R. Mtis
V. sunt & alia magis ficta, quàm facta, & vera, scilicet ac si Sue-
cos per vim necessitarint ad suscipiendam fidem nostram, quæ dum
in tranquilla nunquam fiunt Repub. stante libero, legibusque cir-
cumscripto Religionum exercitio, quomodo fierent ista consula, &
tantis,

tantis, quæ patitur malis exagitata. Supplico itaq; S. R. Mti V. ut *A.C. 1703*
mandatum comminatorium, in vim solvendorum 50 millium ta-
lerorum, per D. Generalem Steinbock 10 Januarij extraditum pro
clementia sua revocare dignetur, aliàs S. R. Mtas V. ingentem toti
Reipub, adferret dolorem, si hæc civitas, quæ justitiæ Regni est do-
micilium, subiret aliquam ruinam, quam uti derivaturam à justis-
simo & sapientissimo Principe, ita his in sinceritate expressis ipse hu-
millimâ inclinor veneratione. Varsoviæ 30 Januarii.

COPIA LITERARUM REGIS DANIÆ AD REGEM POLO-
NIÆ, in Februario.

FRIDERICUS IV. DEI GRATIA REX DANIÆ &c.

Seren: & Potent: Princeps Domine Frater Consanguinee, & Vicine no-
ster charissime.

TRadita sunt nobis literæ de 27 præteriti mensis Januarij ad Nos
exarata, sigilloq; majori Reip. munita, ex quibus haud exis-
guò animi mœrore intelleximus mala Regno Polonia per ali-
quod tempus jam sat gravia in dies gravescere, nec ullam ferè spem
superesse eadem firmâ & aqua pace cum Seren: Rege Suecia sublatum
iri, ita, ut consilio magno Mtis V. ex omnibus Provincijs integrè
coadunatis congregato è re visum fuerit exteras potestates ad spem
desperatis rebus ferendam, sinè mora invitare, cum iisdemq; me-
diante Tractatu convenire, quomodo Rex Suecia induci possit ad
amplectendam pacem, & restituendam publicam quietem.

Haud equidem dubitamus Mtem V. & Procures Reipub: ex
anteactis satis superq; persuasos esse, Nos pacem illam & quietem
publicam sincero animo reduces optare, cum in eo non solum unis-
versa Europa jam satis afflictæ, sed & specialis Mtis V. conjun-
ctissimi nobis & sanguinis & amicitia nexu Regis ratio versetur,
ipsaque Respublica & Procures Regni Polonia omnes & singu-
li tantâ semper Nos & Reges Prædecessores nostros coluerint
observantiâ, ut malis eorundem nonnisi summopere affecti esse quea-
mus, nihilq; in ijs optandum nobis relictum sit, quàm ut sepositis
contentionibus privatis, unitis animis & consiliis utilitati publicæ
consulere velint. Non finit Nos de eo desperare sola eorum pru-
dentia, & innatus amor Patriæ. Hinc si missis cum sufficiente man-
dato Mtis V. & communis Reipub. legatis de commodis reducens
de tranquillitatis medijs nobiscum consulere, aut mediante Tracta-
tu eodem quò cum aliis exteris potestatibus modo convenire volent
(quo simul tempore antiqua fœdera Nos inter & Inclytam Polon-
ia Rempub. renouari poterunt) omni studio allaborabimus, ut ple-
nè Mti V. & Resp. constet, nullius rei in nobis esse moram, quæ ad
salutarem hunc finem conducere possit. Mti V. de cætero bonam va-
letudinem, & prosperrima quæq; à DEO precamur. Dabantur
in Arce nostra Regia Hafnia 3 Martij. Mtis V. Bonus Frater,
Consanguineus & Vicinus

FRIDERICUS.

A.C. 1703 MANIFESTUM REGIS AUGUSTI IN CONSILIO MARIE-
BURGENSI in Februario

Molestissima Regnantibus Imperia, quibus non liceat post gravissimas Reipub. curas, in securo pectore populorum aliquando requiescere. Quid juvat vectorem classis ornatissima, plena majorum meritis, quam Dux inquieti turbidus Adriæ, vexat insolenti procellâ, nec patitur suum adire litus. Solis etiam ipsius aspectus, ingratus oculis, quoties immissis hinc, inde nubibus oppugnatur, ne plenam cœlo suo diffundat lucem. Non benè capiti adheret Corona, quæ pluribus spinis, quàm gemmis distinguitur. Non sumus ita obliviosi, ut non omni horâ recordaremur, quâ votorum teneritudine electi, invitati, & coronati simus, omissis compluribus Candidatis. Servamus alto corde singulorum tam nomina, quàm suffragia, hoc uno fato infelices, quòd in tempora obliquis revolutionibus obnoxia, totam causam cogamur retorquere; cur nobis non liceat tam turbido cœlo, clariùs dignoscere, cui priùs ante alios, par præmium meritis debeat. Et hæc est deploranda sors Regnantium, dum procellæ domesticæ ita vultus civium gratissimos regunt, ut ægrè possit adverti sincera facies singulorum, quoties conferenda beneficia ordinantur. Nos quando coram Divina Mte, per quam Reges terrarum regnant, & Principes imperant, in veram primamque tam publicæ perturbationis causam penitiùs inquirimus, solliciti de prisca illa Polonorum ad nostros Antecessores confidentia, tres scopulos advertimus, in quos fons totius mali tam publicè quàm privatim refunditur. Nimirum bellum Sueco indictum; Litvania perturbata, miles Saxonicus. Singula hæc capita indigent animadversione sincerâ, non fucatâ neque ad lucernam privati cujusdam Diogenis, sed ad solem publicæ veritatis expendenda. Lacesiti ad Polonkam occasionem sumpsimus, illegitimè avulsa & pariter possessa repetendi, *vi Pactorum Conuentorum*; innixi Senatorum, Ministrorumque Regni consilio; non absimili omnino methodo; quâ primum *bellum Sueticum* compositum fuit sub JOANNE CASIMIRO paucorum admodum Senatorum suffragiis; bellum, inquâ, illud, quod in societatem atrocissimæ calamitatis traxit simul Moschos, Vngaros, Cosacos, & civiles motus. Nemo tamen inventus, qui tam insignes Poloniæ plagas, in Regiæ Mris culpam, merito retorqueret. Nobis non licet ita felicibus esse, quantumvis suscepto à nobis bello mellior proculdubio respondisset eventus, si accessisset sincerior quorundam coram Regni Ordinibus interpretatio. Sed quia acculatur Cæsar, quod facit Antonius aut Catilina, & actiones nostræ in obliquos inciderunt Commentarios, patimur omnes Scyllam, cupientes vitare Charybdim. Non revocamus recentissimæ recordationi, apparatus bellicos, & impensas Regiâ gazas

majores, postquam in prædam cesserunt hostibus, qui ad gloriam *A.C. 1703*
Regni propagandam à nobis fuere destinati.

Collisio Litvanica longius ante nostram Coronationem, sumpsit exordium, viresque acquirit eundo. Redire ita facile ad antiquam secum amicitiam partes nequeunt, novis quotidie læsæ injuriis, & imaginariâ reæ conscientiæ desperatione, dubitant de vera ab utrinque reconciliatione animorum, plus nimio sibi præfidentium. Et dum uni vulneri mederi nitimur, alia & alia vulnera infliguntur, simulque antiquæ cicatrices recrudescent. Facilius fuit Reip. nascentem sub tempus Electionis nostræ scintillam hanc ex occasione coæquationis jurium, in primo apparatu extinxisse; quam nobis interea temporis suffocare incendium, quod tamdiu indomitam concepit, diffuditque flammam. Palam est omnibus, quam frustra à totis Comitibus, frustra ab Internuntiis nostris toties totiesque Grodnæ præcipue sudatum sit, neque tamen obtineri hucusque potuit, quod optatur. Interim Annibal ad portas, civium felix discordiâ, non ubi urbi, sed orbi, Regnoque imminet universo, nostris armatus machinis, & spontaneo auctus comœatu. Securas ubique habet vias, tributumque paratum miles habet, nemine renitente. Jam Aras omnes subvertisset, & focos, si militiam nostram in visceribus Regni non sensisset præsentem. Quam solam in Regni, vitæque nostræ tutelam, tam jure naturæ, quam pactis conventis, & Senatûs consilio indultam reservamus, eâ praxi, quâ licuit olim suas cohortes alere Henrico Valesio, Stephano Bathoreo, & Sigismundo III, procul omni censurâ, & securiore, quam nos fruamur solio. Si tamen propter nos tempestas hæc totius Reipub. versat classem, proptereaque petit, ne forte quid ad communem tranquillitatem ex parte nostra desiderari videatur, protestamur præsentibus hisce coram universis utriusque gentis Ordinibus, atque imprimis coram DEO Opt. Max. in cujus manibus sortes nostræ, quod deinde nulli hostium arma illaturi simus, totâ Repub. inconsultâ; Litvaniæ componendæ omnia adhibebimus media, quæcunque suggereritis; militiæ nostræ signa vertemus eò, unde venit, hoste quoquo modo finibus Regni depulso. Simul universis æquè ac singulis sinceram veniam in præsentiarum donamus, quicunque nos, Regnaque nostra in hoc publicæ gloriæ discrimen adegerunt. Porro ut hæc Manifestatio nostra majoris sit momenti, ita firmam volumus, atque si novæ Religionis Sacramento firmaretur.

LIII.

ANDREAS PRINCEPS EPISCOPUS VARMIENSIS SUPRE-
MUS REGNI CANCELLARIUS AD DNUM SAPIEHA MARES-
CHALCUM M. D. L. Elbingæ 11 Februarij.

E Pistolam tuam die 24 Januarij datam, hodie tandem accipio, apparet quod plures tabellarios fatigaverit. Nam & ego per hoc temporis intervallum complures mutavi stationes. Referrem ti-

A. C. 1703 bilgratias, quòd mihi grande curarum theatrum gratuleris, nisi hic & nunc, pro veteri in me tuo affectu singularissimam potius speràssem compassionem, ex eo, quòd mihi in tam gravibus Regni circumstantiis honor iste obtigerit, cui ferendo, nescio utrùm vires meæ tot laboribus attritæ, sufficient. Quanquam ad eam metam animum meum intendam, ad hanc omnes conatus (sine ostentatione ulla) dirigam, ut sævienti fortunæ occurram, ut possim consolari eos, qui in omni pressura sunt. Accepto tamen eo, quo par est affectu, & veneratione seram licet, illam tamen quæ non debet reprehendi, gratulationem. Et quia invocas simul fidum pectus, & antiquam amicitiam meam in rerum tuarum subsidium, vellem ex corde invenire tandem illa media (quæ tamdiu quæro diligenter) ut liceret non tantum compati, verum etiam succurrere exuli fortunæ tuæ, cum non possim nisi approbare singularem hanc æquanimitem, quòd elegeris potius sub alieno tecto feliciora expectare tempora, quàm ad ejus perturbationem, vel ruinam, quocumq; demum modo concurrere. Dedissent hanc utinam mentem boni Superi senioribus tuis, ut pariter se continuissent, vel saltem ut donarent veris amicis tantum fidei, quantum ad eluctandum, ex præsentissimo discrimine, necesse est ut videant. Palam est quo ego semper affectu ferebar (vel cum periculo offensionis) erga domum vram; unde facile intelligere potest, quàm profundè doleam, omnia quæcunq; sunt hæcenus acta, & fiunt.

Quamprimum me publica infelicitas publico huic admovit Ministerio, nam felicioribus Patriæ temporibus certè tam onerosum officiū recusàssem, electâ semel tranquillissimâ solitudine domesticâ, expedivi statim unum ex meis collateralibus, qui aliquando famulabatur aulæ Palatini Vilnen. cum plena instructione, obtestando quàm pauci partibus illis adhæreant, & plures in officio suo maneant, non confideret potentia rarò sempiternæ, vellet se ad hoc imprimis reflectere: quòd dethronisatio sit impracticabilis ex eo capite, quòd gens nostra odit similia, immotamq; passim erga suos Principes mentem gerat, bonos exoptando, qualescunq; tolerando. Deinde promittebam facilem, atq; prorum ad oblivionem omnium transactionum Principis animum. Deduxi manifestè, quòd Serenissimus velit pristinam sincerè cum Thesaurario confidentiam renovare (quæ omnino vera & invidenda fuit) si candidè & constanter exemplo Principis excitatus, ea, quæ pacis sunt, efficaciter ad optatum cum corona Suetica tractatum promovere festinaret. Reddebam certum de omnimoda securitate. Demonstrabam: quia optimus quisq; Reipubl. causâ mæret, quod sopiti huc usque lethargo quodam Poloni jam domiti ut pareant, nondum ut serviant. Obtuli meam promptitudinem illuc excurrendi, quo placeret loco colloqui Thesaurario, sed ad omnia prorsus sterilissimum omnino accepi responsum. Postquam iterum Varfaviæ comparuit, idem repetii, & idem responsū obtinui. Credebam ergo quòd præfati aliam certiore & securiorem viam elegissent, & optabam ex corde, ut misererentur infelicitis Patriæ, quæ suæ calamitatis maximam rationem in eosdem devolvit, tandemq; suam culpam in decus converterent, & Regi Sueciæ pacatiora suaderent, manifestum discrimen personæ tanti principis & victoriosæ militiæ exponerent sincerè. Nam quando pressa non ferendis ultra contributionibus nobilitas advertet, quòd per speciem defendendæ libertatis, amittat libertatem, non est possibile, ut diutiùs hoc jugum ferat. Certum verò est, quòd omne principium sit grave, verum si in una Provinciâ su-

mentur

mentur arma contra Suecos, profecto tanquam dato signo ad societatem armorum reliqui trahentur, neque statim incendium hoc extinguere poterit; quivis verò in suo solo plus animi gerit, quam in alieno, quando suæ domi etiam imbelles fortiores sunt. Æquitas causæ ipsa pro innocenti Repub. tot tantasque ærumnas passa militabit. Hæc & paria congesti, sed nihil fraterna profuere consilia, & sincera persuasio mea, qui malo semper comperta, quam læta nunciare, neque consuevi unquam aliquid vero demere, vel addere.

Propterea recurro ad te & ultimas preces presentibus exprimo; satis jam eventuum, satis casuum; velis pro prudentia tua, & cura futurorum Majoribus persuadere, ut procul omni morâ, nam & paucorum dierum interjectus est periculosus, sepositis omnibus, & se & Regem Sueciæ ad pacis tractatum disponant. Propè sumus, & jacta erit alea belli, alterutrum morsura caput. Post breve intervallum res suum exitum sortietur. Undique Serenissimo scribuntur contestationes zeli, affectus, & animi ad fortia agenda. Non erit tempus amplius; Quis scit utrum tunc; quomodo exeant? non quid efferant? non quæretur? Quid juvat? evidenti se suaque periculo exponere. Cur potius obliterando præterita non demonstramus affectum erga Rempub., cur nos non applicamus fortiter, ut persuadeamus Regi Sueciæ, quatenus palam faciat orbi; & incipere se bella feliciter, & finire prudenter posse. Potes antequam stringantur gladii (quod jam est in proximo) persuasione tuâ indubitatam & immanem sanguinis effusionem cohibere. Velimus, quando possumus, quia non poterimus, quando volemus. Quod in sinceritate cordis tui non tantum ex solidæ amicitiae jure, sed etiam ex debita erga Rempubl. obligatione, defero & promptitudinem meam, ad efficaciter serviendum testor. &c.

COPIA LITERARUM MAGNI DUCIS MOSCHOVIÆ AD DUCEM Mazeppa datarum II Februarij.

Binas literas dedimus ad Te unas 2 Decembris anni præteriti 1702, alteras 25 Jan. currentis anni 1703 quibus severe sub pœna capitis tibi subdito nostro Duci & equiti mandavimus, ut partibus ad Borysthenem jacentibus forti custodia consuleres adimeresque tuæ Legionis Cosacis omnem transeundi facultatem ad terras Poloniæ, aggregandi que se voluntariis Colonellis Simoni Palejo & Ivoni Samussio. Commendavimus insuper, ut si tibi videretur, necessariumque censeret, scriberes ad prædictos Colonellos monendo; ut ab iniquis intentionibus suis desistentes ad debitam Regi Poloniæ obedientiam redirent & potius contra communem hostem nostrum Suecum militare vellent. Nunc verò innotuit nobis ex literis tuis à Ducibus Regni missum ad Te venisse Stephanum Piotrowski Thesaurarium Vielunensem, literasque attulisse ad te subditum nostrum scriptas; hunc ais te detinuisse domi tuæ, donec ex Cancellaria nostra responsum, quod à nobis petis, obtineas. Cum literis tuis insuper misisti etiam literas à Nicolao Francisco Oginski Thesaurario, quibus addidisti nova Crimensia & ex aliis partibus allata. Pro quo tibi subdito nostro Duci Exercituum Zaporoviensium & equiti gratiam testamur, & clementissimo verbo honoramus, quod fideliter in obsequiis nostris verferis. Mandamus autem iteratò severe, ut præfatas custodias de legionibus tuis ad Borysthenem constituas, & sub pœna capitis præcipias, ut nemo Cosacorum in Pro-

vinci-

A.C. 1703 vincias Poloniæ transire attentet aut audeat. Scribe etiam ad Samussium & Palejum Colonellos; ut tanquam subditi Regis Poloniæ & Reipub. ad obedientiam Dñi sui redeant, & à Rebellionē desistentes arma potius in Suecum vertant. Legatum Ducum Regni domum suam expedi; cum debito responso donis honoratum; edoce illum tam de præterito quàm præsentē mandato nostro, diligenter in omnibus cavendo; ne ullam ex nobis violandæ pacis & pactorum fuisse occasionem prætendi possit. Quæ omnia ut secundum nuperum & modernum nostrum mandatum exequaris, tibi subdito nostro Zaporoviensium copiarum ex utraq; parte Borysthenis Duci & Equiti districtè præcipimus, tuæq; prudentiæ commendamus. Nos interim de ulterioribus, quæ ibi gerentur, notitiam à te expectamus. Datum ut supra.

RESPONSUM DUCIS EXERCITUUM ZAPOROVIANSIUM
ad Instructionem Ducum Regni datum. 20 Febr.

Plurimum gratias agit Dux Zaporoviensium Ducibus Regni pro ea amicitia, quam contestati sunt conferendo per literas & ablegatum de publico & communi tam Careæ Mti quàm Reip. Poloniæ; intuitu cujus ipse etiam Dux Zaporoviensium suam promptitudinem & sinceritatem Ducibus Regni promittit obligatq; se ea omnia executurum, quæ sibi à Careæ Mte hac super re fuerint imperata.

1. Compatitur plurimum Dux Zaporoviensis calamitatibus Poloniæ, doletq; eo potissimum tempore, quo Rex Sueciæ cum copiis suis Regnum Poloniæ ad incitas redigit, hic in Ukraina à propriis subditis subito & insperatè tantas excitatas turbas; quas ut compescerent Duces Regni, adactos etiam hiberno tempore advolare cum exercitibus. Optat idem Dux felicem prudentissimæ Ducum Regni generositati & activitati in edomandis ejusmodi insolentiis Suecorumq; frangendis viribus eventum.

2. Quod Rex Sueciæ asserat & divulget Caream Mtem pro Authore & promotore hujus Rebellionis Ukrainensis; non miratur Dux, non ignarus utpote hostem portare nolle, ea quæ commodo & integritati Ruthenæ & Polonæ gentis servire possent. Suo lucro ea semina spargit, unice intendens, quò pacem perennem inter Regna Poloniæ, Moschoviæq; conditam rumpat, aut saltem offendat, arctamque inter Principes utriusq; gentis amicitiam dissolvat, cupidus ita sua intenta per Regnum Poloniæ augendi, suamq; potentiam per liberos populos ampliandi. Mirandum foret si quispiam Polonorum eam de Careæ Mte in contrarium conciperet opinionem, tam luculenta habendo argumenta sinceræ amicitiae cum Reipub: quàm arctissime observando, id tantum precari videtur Careæ Mtas, ut hostis ex Regno Poloniæ quanto-cius eliminetur. Multum hanc in partem laborat facitq; cum exercitibus suis Careæ Mtas. Sunt hujus rei indicia Livonia vastata, hostiles copiae cæsæ, adempta fortalitia; quæ quia jam orbi universo notissima famâ proclamante sunt, nec Poloniam latere possunt. Insuper grandius adhuc suæ amicitiae cum Rege & Reipub. dedit Careæ Mtas documentum, fortalitio Bychow in alba Russia recuperato, Regiæque Mti restituto, ingentibus pecuniis de thesauro suo in belli subsidium expensis. Quòd verò perduelles titulum Colonellorum Careæ Mtis sibi arrogaverint, non aliter interpretandum est: quàm ejusmodi homines in supremo vitæ periculo versando, omnibus modis sibi consulere volendo,

do, nec interim habendo vires huic operi pares, recurrere ad titulos; *A.C. 1703* quibus suam defendant vitam evadantq; iudicium de actis suis instituendum. Interim quamvis se subditos faciant, eo modo protectionem Careæ Mtis affectando; tamen re ipsa non sunt: unde nullum inde detrimentum confectæ paci & pristinæ amicitiae inter Caream Mtem & Rempub. consurgere debet, imò neq; suspicio exoriri de Carea Mte; cum ea habeat & vires & infallibilia media alia plurima vindicandi se de quolibet hoste suo, nec egeat perduellibus.

3. Notum & hoc est Duci Zaporoviensi Regem Poloniae scripsisse hac de rebellionem ad Caream Mtem, cui Carea Mtas magis re quam literis respondit, missa ad Samussium & Palejum epistolâ, in qua temerarios ausus severe reprehendit, admonetq; ut ad debitam Reip. & Regi obedientiam redeant; eam epistolam Dux ipse in suis manibus habuit utpote ad se missam, & ad prædictas personas primo quoq; tempore transmisit. Acceptis his monitorialibus promisit uterq; nullas imposterum excursiones futuras in Voliniam & Podoliam, modesteq; se demoratorios in iis locis in quibus modo persistunt. Quia verò etiam ex demandatione sibi desuper facta à S. R. Mte Duces Regni à Duce Zaporoviensium desiderant, ut compescendis rebellibus cooperetur in ea spe existentes, ipsum utpotè proximum civitatibus perduellium efficaci activitate suâ id posse quam citissimè efficere; hac etiam in parte se sincerè inservitutum Dux pollicetur, acturum & scripto & minis movendi exercitûs sui contra illos; ut tandem ab attentatis ausibus desistant & resipiscant, seq; Regi & Reipubl. ut subditos decet, supplices subjiciant. Quidquid deniq; à Carea Mte intuitu voluntatis Regiæ sibi deinceps præceptum fuerit, impleturum id & executurum promittit.

4. Quod verò Duces postulant ut ejusmodi monitorialia & comminatoria sine dilatione ad Palejum & Samussium mictantur, ex ratione; ut Respub. his terris pacificatis quantocius exercitu suo in Suecum uti possit, itidem Dux Zaporoviensium promittit ocissimè se literis suis illos conditionis suæ admoniturum, ut hoc opus quam citissimè effectu coronetur optato. Adjiciunt Duces Regni & pro medio proponunt desiderando ut deposita Paleji Kijoviæ existentia sub arestum accipiantur, quo Palejum emolliendum & adigendum sperant ad sedandam rebellionem: in hoc etiam Dux obsequetur, & pro ut scivit de his mobilibus Kijoviæ depositis longè antè, ita nunc fideli oculo & custodia suorum intimorum committet, imò si opus fuerit aresto publico imposito vetabit, ne quidquam earum rerum Kijoviâ evehatur.

5. Quod Regem Sueciæ attinet declarantem partem exercitûs sui pro tumultibus Vkrainiæ compescendis; quòd exinde speret bellum per Borysthenem in nostras partes transportari posse, prædicto modo: spem firmam in DEO reponit & viribus Careæ Mtis Dux Zaporoviensium, spemque hanc Regis Sueciæ effectu frustrandam affirmat, nec metuit nec persuadere sibi potest Dux, ut Sueci in longinquo à suo Regno positi in hanc terram per tot flumina & tot discrimina rerum translationem meditari velint. Aliud illud fuit; Suecis in Poloniam aditum patuisse ipsismet Polonis Ducibus, qui persuasi integra sibi omnia quo ad aras, focos, libertatesque relinquenda, per fluvios & Vistulam ipsimet trajectis & pontibus stratis hosti aperuerunt viam. Hic verò latissimus Borysthenes tranandus, vel si corporibus pro ponte congestis transire ad nos voluerint, DEUM hæc non permissurum confidit.

6. Commendantem Bialo-Cerkierviensem Kijovia non habet nec

A.C. 1703 nisi necessariis rebus sibi provisurum hic aut commorantem aut transeuntem vidit, nunc post traditam Bialo-Cerkierviam Chvastoviae sub protectione Paleji habitat. Interim ut votis Ducum Regni satisfaciat, promittit Dux Zaporoviensium se scripturum ad Palejum; ut praedictum Comendantem Baturynum remittat. Id si factum fuerit, ex nunc in favorem Ducum paratus erit eundem illis extradere. Quare verò praedictus Commendans tam facile fortalitia tradito manibus sese commiserit perduellium; de eo Duces edoceri poterunt ab iis hominibus, qui brevi obsidione tolerata ex praefato fortalitia liberi dimissi sunt. Postulant insuper Duces, ut Dux Zaporoviensium Palejum urgeat & inducat ad tradendum fortalitia Bialocerkiervienfe: ea res etsi difficilis imò impossibilis: nam quis persuadeat id Palejo quamvis simplici, ut sine conditione & respectu integritatis suae securitatisque id facere velit? nihilominus quemadmodum id maxime optat, ita per suum Ablegatum omnem operam impensurum se appromittit.

7. Postulatum Ducum per legatum propositum de suppetiis contra Suecum & perduelles effectum suum sortiri potest; dummodo mandatum Careae Mtis accedat. Interim quia impossibile, ut exercitus transeuntes aliquomodo molesti non sint hominibus in tractu existentibus, ex voluntate suae Careae Mtis Dux exigit; ut à Regia Mte & Repub. utriusque gentis asscuratio detur cum subscriptione Regis & Senatorum, ingressum in Dominia Regiae Mtis copiarum parvae Russiae non habendum fore pro occasione violatorum pactorum. Asscurationem praedictam ubi primum venerit, remittet Dux ad Caream Mtem, illinc acceptis mandatis promittit se pariturum.

8. Postam etiam conferentiis inde faciliore de bono publico utriusque gentis servitutam, Dux pollicetur, Baturino Czarnoblum usque cursores constituet, vult autem vicissim Polonna Czarnoblum cursores disponant Duces. Joannes Mazeppa Dux.

LIV.

ANDREAS C. ZALUSKI EPISC. PRINC. VARMEN. & SAMB.
CARDINALI PRIMATI, Vormditto 17 Feb.

PRoperanti Mariæburgum occurrit ordinaria Postā, & remittitur mihi à Magistro ejusdem Elbingensi, inter alias tua invitatoria, quae alicubi, & satis diu fuit in detentione cum magno meo angore; Credidi enim, quanquam id me non meruisse scio, offensum te mihi esse, cum viderer esse postpositus omnibus etiam ad aulam residentibus saecularibus Senatoribus, qui singularem tuam receperunt compellationem, quam mihi habere non licuerat. Augebat in me justam apprehensionem, quod literae meae ad Sanctam Tiliam ex abundantia cordis sincerè scriptae responsum non meruerant. Ergo nunc mihi satisfactum, & in cordis dolore cursim haec tria verba non tantum in testimonium consolationis meae, quod non sim à tua exclusus gratia, sed etiam quod nolim ullius momenti dispendium pati, & de impunctualitate accusari. Non respondeo illis literis, quia dies hesternā pro congressu illo est determinata, pro quo invitor, & proinde eo ipso excusor, quantumvis ab itinere Varsaviensi & aliae rationes me arceant, quas diviniissima mens tua facile cogitabit. Spem ego indubiam habeo, quod etiam sine his congressibus inspirabit Dominus DEUS tibi talia media, quae pereuntem Patriam ex tam gravi praecipitio, damno, infamia, & consequentiis mali extrahere poterunt. Folia nunc cadunt,
non

non diu expectandum, ut & arbores cadant, quia ex una parte confidero, quòd cui plus licet, quàm par est, plus volet, quàm licet; ex alia quòd supra modum & nobilitas, & plebs aggravata impossibile ut diutius possit juga peregrina ferre, ac proinde sine ingenti sanguinis fieri hæc non poterunt effusione & fortè posteriora remedia, quæ quærimus erunt quam mala. Intro ego iterum in locum communem, quia hæc unica cogitatio totum me occupat, & eandem peto gratiam, pro qua non multis agendum, quia id non te opus rogare, nec currenti addendum calcar; Venit hora & nunc est. Vereor nec ex vano, ut imposte- rum habeamus tempus. Ego ante aliquot septimanas abij ab aula, ubi optimas ad pacem reliqui dispositiones, quamvis non sine seria de bello cogitatione; Sciam tantum quid facto opus sit in ordine ad hunc finem impendam me, & superimpendam, nihil magis optando, nihil ferventiùs à DEO precando, nisi ut, & ab extra, & ab intra pax, tranquillitas, charitas, & confidentia.

LV

ANDREAS C. ZALUSKI PRINC. EPISC. VARM. ET SAMB.
REGNI CANCELLARIUS STEPHANO BRANICKI PALATINO
Podlachiaë 17 Februarij

G Avisus sum ex toto corde, dum de præsentia tua Varsoviæ notitiam accepi, & justum meum solamen confirmavit magna quædam & vera manus asserendo, quòd, quidquid ex persona & activitate tua potes, omnia facis in ordine ad tranquillitatem inducendam. Communicavi id ipsum Serenissimo Regi, & continere nequeo calamum, quin debitas tibi ex officio referam gratias, pro eo in publicum affectu. Manet imprimis à Dño DEO merces, qui justus est meritorum remunerator, à Patria gratitudo, quia hæc agnoscat olim, qui illam manutenere, qui vult perdere. Non demittas ulterius & manus & sollicitudinem, velisque habere curam futurorum. Venit hora, & nunc est, ut seriò agamus, & celeriter circa pacificandam Patriam, imminet enim pessima. Venietur in præceps, dum itur ad extrema. Siccatur cor meum, quoties, quod sequitur recogito. Parabam jam me Varsoviæ, quantumvis tam felix non fuerim, ut minimam privatam, vel publicam compellationem haberem, ut alij, sed quia video aliam congressus hujus apud Mtem suam esse interpretationem, non mihi licere pro debito Ministerii videtur in illo congressu comparere, qui præter mentem fit Regis. Quàm res pulchra, decora, & utilis fuisset? Si antequam hæc vocatoriae exiissent, consultus fuisset Princeps, quia eò modò sine scrupulo, etiam si non invitatus fuisset, ut nunc non sum, ivissem ultro, quia quidquid pro Republica agitur auspiciato agitur.

Defero tibi in confidentia, quòd Palatinus Vilnensis immemor affectus mei semper constantis, bona & mea, & fratrum meorum hæreditaria ad ultimam redigit ruinam, quia exercitui suo avaris & amaris exactoribus, in iisdem stationem & consistentiam ordinavit. Si merui hæc, tuimet ipsius invoco testimonium, nisi cui se sciat debere, optet perire. Explicuit se quidem ille cum aliqua offensa, dum œconomus meo res aliquas obijciebat, de quibus ego nec cogitavi, & hæc est ab antiquo infelicitas mea, quòd frequentius, imò semper ea mihi impuntur, quæ nec in cor meum ascenderunt, ita nunc pessimi homines, questui habent malè loqui de melioribus. Res evidens quòd similia cõ-
menta

A.C. 1703 *menta & Cardinalis Primatis, commutarunt in me animum, qui scribebat ante satis confidenter mihi, & nunc ex improvise, omnem abruptit confidentiam. Nihil me fecisse, quo hæc mererer, imò si gloriari licet, multum faciebam, facio, faciamq; non obstantibus quibusvis, ut bona harmonia inter Principem, & subditos coalescat, reflorescat, discerpamur, si dividemur. Memor illius quòd in reliquo reposita est mihi corona justitiæ, quam reddet mihi Dominus. Hæc proinde pro veteri confidentia dum exprimo, expecto à te sinceram præcautionem, est nè aliqua spes melioris conditionis nostræ &c.*

EIDEM IDEM 5. Februarij.

VIX non eodem die, quo confidenter infelicitatem meam coram te accusavi, quòd hæreditaria mea, Fratrumq; meorum bona, amica, & inimica evertit manus, eandem à te recipio querelam, sed contra alios, & ita, si possibile esset, videndo & sentiendo miserrum subditorum nostrorum ruinam, ex societate infortunij sumere solatium, inveniri inde posset, quòd bona fortunæq; nostræ innocentissime, uti tuæ, ita & meæ, in tributum erunt, & ruinam, sed non possum solari tuis ex damnis, mea. Indolendo proinde ut debeo meis, compatiior ex corde subditis tuis, super quos facilius possumus illachrymari, quàm illos defendere. Sciendo quòd in similibus bellis, plus militibus, quàm Ducibus liceat. Eo momento quo recepi tuas, statim detuli suæ Mti, & remedia, quàm citissima provocare volui, quia (non dubita) magis hoc fit ex licentia, quàm permissu, quia hætenus bonorum nobilium, Exercitus Regius secundum expressa mandata, magnam curam habuit, & quoties querela aliqua delata, seriò animadversum est, & omnimoda facta satisfactio. Exprimas ergo mihi specificè omnes officiales, qui talia audent, & servire tibi infallibiliter pro virili & efficaciter non intermittam. Utinam sanè lacrymis omiſſis illa nos cura occuparet, ut commune hoc malum communi cura & applicatione omnes propulsare vellemus, quia si mediis pacis, illud non avertemus, timendum nè bello augeatur, quæ enim contingere videmus, mala deteriora adhuc fient. Quis juxta viperas securos somnos ager? nec spes remedii, nec dilatio periculi, invenietur &c.

AMICO CONFIDENTI Mariæburgo 22 Februarij

Fuerunt hic nuper ex Palatinatibus Majoris Poloniæ & Siradiensi Ablegati cum contestatione affectûs in Regem, quibus sua Mtas ore meo, nec tumide nec timide respondit, & quidem imprimis, quòd non frustra Palatinatus Majoris Poloniæ, excellorum nomen habeant Palatinatum, quia adimpletur non minore famâ, quàm gloriâ, quod dicitur. Palàm faciunt in Comitibus, Comitibus, consiliis publicis functionibus, apparent ubique digna hæc mentium cacumina ubicunque altitudinis virtutem elevare possunt, monstrarunt idem in ultimis Comitibus Generalibus, non minus animosè, quàm feliciter, quòd non infirmetur altitudo, tam magnorum in illis Palatinatibus virorum, quando vestigiis insistendo Majorum, penes fidelitatem Regi debitam, & defensionem libertatum persistunt, & generosè persistere volunt, quomodo hoc gratum non debet esse Regi, quod subditis illius est tam laudabile? quomodo grato id recipere non debet corde, quidquid in defensionem personæ ejus fit, fietque, effundit cor suum, & certiores facit, quòd quandoquidem id expetunt, non tantum literas universales resti-

restium expediri faciet, sed etiam persona sua, quoties occasio poscet, A.C. 1703 assistere illis non intermittet.

Siradiensibus verò generosa proponentibus, eadem Mtas per me respondit, quòd Martem spiranti, nihil gratius venire potest, quàm fortes & vigorosæ fidelium subditorum resolutiones. Quis enim generosa credat nisi fortia? Nisi zelo plena, penes Sanctam Religionem, integritatem Regiam & libertates proposita. Non refrigerabit certè, viva Majestatis suæ, ad actiones bellicas applicatio, accensam sinceram promptitudinem, in defensionem illius Palatinatûs, cum sit animò maximus, exemplò major esse cupit, ibit obviàm publicis desiderijs, & non tantum exercitu suo, sed & personâ Regiâ, si necessitas feret, reciprocam Palatinatus illius accolis promptus est dare defensionem.

Et quia comendarunt aliquos, responsum est, non esse in usu Regi diutius morari, & in expectatione tenere vota subditorum, secundum merita munificæ munimenta dextræ, palàm facere solet, statimq; tribuit quæ statim dari possunt.

Consulto per expressam hanc occasionem id tibi significare volui, ut videas, quo zelo multi Palatinatus in Regem &c.

L VI.

ANDREAS C. ZALUSKI EPISC. PRINC. VARMEN. & SAMB.
CARDINALI PRIMATI. 24 Febr.

Lætatus sum in his, quæ scribuntur mihi Varsaviâ, nec possum, ad primam notitiam, qualis talis apparentiæ & spei optimæ pacis continere calamum & illud tibi non communicare solatium, quo cor meum impletum est. Augeat Dominus DEus ulteriora tibi media ad perficiendum opus tam gloriosum, tam necessarium. Si verò judicas me dignum mandatorum tuorum & executionis illorum in his circumstantiis, invenies certè sincerè cooperantem in obsequio Patriæ, promptè exequentem quidquid mihi à te indictum fuerit.

Hinc non multa occurrunt scribenda. Expeditivimus nuper Legatos à Majori Polonia, è Palatinatu Siradiensi, qui satis zelosè penes Religionem, Mtem, & libertatem acturos se declararunt.

Locus pro consilio imminenti 16 Martij Mariæburgum est destinatum, & jam Marechalculus Regni facit ex officio, ut omnis commoditas venientibus fiat. Si possem sperare præsentiam hîc tuam, quàm proxima spes esset felicitis omnium malorum finis, fortunati omnium bonorum principij &c.

COPIA LITERARUM REGIARUM AD CARDINALEM
PRIMATEM. 25 Februarij.

Quamvis post tot, studio, an fato inversos, ad fundamentalem Reipub. tranquillitatem conatus, applicationes, & curas nostras, nolumus nihilominus, de sorte Patriæ hujus desperare quam exteræ Gentes, coacto quantumvis respectu, invictam & nullis casibus superabilem semper colebant. Non diminuet certè laudabilem hanc famam querens exitium sui hostilitas, quæ usque dum terret, ne paveat, ubi pertimuerit, contemnetur, & auxilio DEi, ad nitorem gladiorum Polonicorum extingvi poterit & animus cadere

A.C. 1703 dere in pedes, praegravante fortunâ. Si saniora stabiliendâ pacis non acceptabunt consilia, & ulterius specie rerum nos decipere vellent. Quæ quoniam tu altissimo tuo ingenio concipere, & rerum exitus prudentiâ tuâ metiri, & immediatas & ultimas intelligere potuisti intentiones, per frequentes conferentias, & communicationes, ita te hisce compellamus, & non tantum pro informatione nostra & statuum in consilio futuro congregatorum sed etiam in partem curarum, circa conservationem integritatis boni publici, conformando se, ad sensus Palatinatum Majoris Poloniae Sieradiensis, & aliorum pro proximè imminente 16 Martij Magno Consilio, hic Mariæburgum invitamus, ut feliciter & efficacius pereuntem Patriam tecum, cui sub manu consilium nascitur, sociatis animis & studiis juvare queamus. Expectamus proinde avidissime præsentiam tuam &c.

LITERÆ MINISTRORUM STATUS 20 Februarij
Ad Ministros Status Regis Danie.

IN quo rerum articulo, & discrimine versetur nostra Respub. jam hucusq; toti constat Europæ, adeoq; Serenissimo Daniæ Regno; non exaggeramus fata nra; sed hoc solum per compendium Sacræ Regiæ Mti Vrä, præviâ submissâ veneratione, sincerè communicamus, quod post impensas tot curas, & diligentissima studia Serenissimæ Mti Dñi Nri Clementissimi pro concilianda tranquillitate publica, clarè advertimus in cassum positos, ita cecidisse labores, ut nullam omnino spem stabiliendæ pacis Rex Sueciæ nobis polliceri hucusq; videatur. Quibus probè intellectis Sra R. M. Dñus Nr Clementissimus, in magno consilio Thorunensi cum omnibus Reip. Ordinibus conclusit; ut vicini & fœderati Principes, ad suppetias ferendas, S. R. M. Dni. Nri clementissimi, & totius Reip. voto invitarentur. Quæ provincia cum nostro ministerio singulariter à magno consilio sit commendata; confidimus inprimis Smæ Mti Vrä benevolentiam, toties nobis probatam bonæ viciniae juribus responsuram, in tam difficili rerum nostrarum fortuna, quam speciosa stabiliendæ pacis spes comparavit; hac enim in hanc usq; diem lætabamur, iminentium Cosacorum procellæ depellendæ intenti. Erit hoc memorabile omnium sæculorum fastis, si Excellentiæ Dnationes Vrä Smæ Mti Vrä persuaferint, ut præsentis suppetias in tempore habere possimus. Non memoramus sacram fœderum fidem, quâ mutuâ Religione obligamur, ad hostem ita infestum amicæ viciniae propulsandum. Confidimus enim tam proximo Smi Regis Dñi Nri Clementissimi fraterno sanguini, confidimus amicis semper constantissimis, confidimus illæsis semper à Nobis Fœderatis, & vicinis longè Charissimis, quia favorabile responsum, quod avidissime præstolamur, obtinebimus. Interim cum profunda demissione, & immortali grati animi recordatione, manemus N. N.

COPIA LITERARUM CARDINALIS PRIMATIS AD PALATINATUM. 20 Febr.

PER infelices scissuras cordium, & vires intestino bello divisas, velut apertis omnium infortuniorum portis Mars Sueticus ingressus Ducatum Litvaniæ, tamq; longo tempore, cum summâ desol-

desolatione in eo commorans, an non debuisset illam nobis ingessisse reflexionem? Mantua, vae miseræ nimium vicina Cremonæ! Annon vicina post parietem grassante calamitate moneri debueramus eandem etiam ad nos moturam passum? Verum nos alto sopore pressi in utramq; aurem ad hæc sopiti, ac si eorum mala ex unionis vinculo nihil nostrâ interessent, nec ad nos essent perventura, aut nihil, aut aliud agendo, permisimus, ut idem Gradivus transgressus Rubiconem nostrorum limitum, non ipse solum introiret viscera Regni, verum milena pedissequa mala, diffidentias, scissiones, odia, & quotquot infortunia, perdendiq; Remp. artes esse possunt, introduceret. Hinc consilia, comitia, Exercitus, insuper communis motus extremum Regni robur enervata: Nos ipsos ita hæc palpabilis premit calamitas, ut pressi, emuncti, ad incitas redacti vix spiremus. In aula rarus comparet ad consilium, extra aulam consulere conventiculum est, & licet hæc abesset crisis, non est cum quo inchoentur & practicentur consilia, cum omnes dispersi, mente à corpore divisi particularia potius, & privata agitent, quam bonum universi, interea nostro disordine, & segnitie animatae exteræ gentes, eo vivacius, & ignominiosius ad servilia usq; arma in perniciem nostrâ invalescunt. In hac itaq; tempestate ne præceps agat omnia fatum per conscientiam & obligationem muneris mei, per amorem Patriæ, in qua, vita, & fortunæ nostrum omnium, integræ, nisi salvâ ejus integritate, esse nequeunt; Expedivi circulares ad Senatores utriusq; gentis, pro die 15 præsentis ad consilium convocando, ut ab iis, quorum vox Primatum obtinet, in consiliis Principium mediorum salvandi Rempub. inveniretur, effectus verò & optata conclusio ab Equestri Ordine non aliud, per hoc cordis mei (cujus arcana nota sunt scrutatori cordium) intendi centrum, quam ut concludendæ pacis, quæ sola ex abyssu calamitatum liberari poterimus, via inveniretur. Non defuerunt nihilominus, tam perversa Palatii ingenia, quæ id suis persuasionibus extorserunt à Dño, jam ad pacem quærendam, ut videbatur, inclinato, ut consilium nostrum pro privato conventiculo Curia recognosceret.

Altæ id considerationi vestræ judicandum communico, an id scilicet, quod in publicam salutem agitur, opus privatum dicendum sit? utrum clandestinum vocari debeat, ad quod omnes sine exceptione sunt compellati, & vocati? utrum Primas in circumstantiis prementibus & perimentibus Patriam, potestatem imò obligationem non habeat convocandi Senatum, adhortandi Cives, ut accurrant ad defensionem Reip.? Quia verò non minus mea sincera intentio, quam iniqua ejus per malevolos interpretatio, non inter ipsas duntaxat consistit voces, dat meæ negotiationis documenta, in qua verè mutando non vitando labores, continuis Regem Sueciæ urgendo persuasionibus, tandem illius ad me obtinui literas, quæ post tot contrarias ejus responsiones inanesq; contentiones, illius ad quietem publicam, exprimunt inclinationem, ita tamen, ut hoc publicæ felicitatis negotium, independens ab ullo alio esse possit, utq; in plena libertate, ipsa Resp. suis consulat malis, nec exterorum advocans aut suscipiens consilia, rem propriam, proprio genio curet, ut sensus literarum Regis Sueciæ sonat, quarum copiam inito consilio cum hûc præsentibus, quæ Senatorij, quæ Equestri Ordinis, vobis communicans, per amorem Patriæ, & quidquid in ea sacrum, postulo, ut de medio vestri omnia schismata tollentes ac offendicula, dictis literis profundiore trutina consideratis ac examinatis,

*Rex Sueciæ
inclinat ad
pacem.*

A.C. 1703

tis, de medio congressus vestri, comitali more pro die 27 Martij Legatos expedire velitis, qui unâ cum inclyto Senatu, opus salutis publici aggredi, & feliciter possint consummare: ad illud enim usq; tempus congressum nostrum limitavimus, provisâ ac procuratâ omni securitate fortunarum ac personarum euntium. Ipse interim precibus & lachrymis Divinam placabo Mtem, ut animis vestris immittat spiritum unionis & confidentiæ, donetq; lumen, ad ea invenienda media, quæ utilissima esse possint, in tam diuturnis turbinibus, vix spirantis Reipublicæ pacificandæ.

RESPONSUM CUJUSDAM SENATORIS AD UNIVERSALES
literas Cardinalis Primatis pro Consilio ex Palatinatibus Var-
saviæ 21 Februarij

Ipsiismet Cardinalis non ita pridem ad mensam discursus, quem taxando aulam nostram in frequentia multorum habuit, his usus verbis, quod fateri quisque debeat non posse bonum finem illud opus habere, quod in malo incepit fundamento; uti pulvis in eum à quo projectus est, ita & hic sermo in eum, à quo dictus, facile rejici potest. Nónne error errorem trudit, & nunc præcipue? nónne maximus apparet in expeditis pro comitiolis literis, quas 2dò jam misit, & in craftino post expeditam postam malitioso artificio promulgavit in spatio 6. dierum, non dato spatio aulæ reflectendi se, nec quidem de eo sciendi; quibus literis si glossiam adhibere velis, nónne occurrunt multa censuranda, plurima reprobanda?

Imprimis enim arguitur Polonia, quòd oscitanter Suecos in viscera intrare permiserit. Hic verò extant originalia responsa certis Districtibus Ducatûs Masoviæ ab ipso Cardinale data, ubi expressè suadet, quatenus illa nobilitas nebulae illi passum permetteret, quæ quia non afficiet Regnum, asscurabat addendo toties, quâ privatim, quâ publicè, quòd ulterius progredi non debuisset hic inimicus.

Frustra arguitur Regimen aulæ, & disordo ejus allegatur, scio enim in cujus domo maximus sit. Nec convocatorias præteritas iterum constituere facile erit, quia sicut illas Cancellaria reprehendit, ita ex vi legis ipso facto nullatenus subsistere possunt. Quia verò Equester Ordo postpositus, nec memoria illius facta, lenit nunc illius animum, quòd debebat Patrum sancita exequi. Quis crederet, quòd Nobilitas, tanquam carnifex exequi tantum debeat, quod judex jubet. Dominum DEum in testimonium candoris, conscientiae vocat: non vellem id, quia satis clarè ostendit, quòd ad judicium suum factionis hujus jam DEus vocaverit capita. Quis scit si illi, qui jam præcesserunt, in illum, qui sequitur, culpam non rejicient?

Vocandi Senatum, adhortandi cives, non invenio, ubinam potestas hæc data fuerit Primati stante vitâ Principis, quia non his præmissis gradibus solvitur ab obedientia populus. Nec habet, quo gloriatur, quòd ad mitiora Regem Sueciæ flexerit, & induxerit, quia tam funesta Lublinum & Sokalium monstrant documenta.

Gvarrantas & Vicinos, armorumq; colligatos postponere, eorumque mediationem & interpositionem minus habere contra fas & praxim mihi videtur, quia nescio, qualis nam alia major potest esse securitas. Debet etiam id tanquam spiritualis (præsertim cum non pridem erat in Italia) scire Cancellaria, quòd ubi Papa, ubi Roma; ac prom-
de

de melius illa consilia, quæ extra Principem & sub hasta absolvuntur vocari deberent schismata, cum etiam non sine ratione dubitandum foret, si huic conventiculo consilij nomen dari debet, quia tres tantum Capitulum formant, & non consilium formale apud nos in Polonia, quod in Gynæceo Palatinæ clauso ostio, nescio, quâ autoritate & solennitate tractatur, & limitatur res non incepta, & quod maximum sequitur inconveniens, Comitiali modo duo ordines convocantur, quod est inexcusabile, illud tamen ex his literis, Deo laus, didicimus, & jam scimus, in cujus sit manu, extendere & recondere gladium, in cujus dispositione vita & mors, quando datur sponsio & fidejussio euntibus, redeuntibus, & manentibus omnimodæ securitatis, sed quis ei credet? nisi qui bonum sensum perdidit, quia, quod Romanus desiderabat Nero, ut unam cervicem populus Romanus haberet, hoc forsân memorata hæc, sed conditionata securitas. Do, ut des, facio, ut facias. DEUS avertat à nobis, ut delecta tot nomina gentis in inextricabilem charybdim nolint impellere ratem. Reliqua punctatim, tanquam pura commenta refutare esset superfluum, sed oblivisci non possum, quod dicantur rarò nantes in consilio aulæ comparere. Nónne hæc apocrypha relatio? nónne in ultimo consilio Thorunensi tot Senatores, tot ex Equestri Ordine Plenipotentiarij aderant; nónne inchoationem hujus magni consilij ipsemet Primas dignissimâ suâ condecoravit præsentia. &c.

LVII.

ANDREAS C. ZALUSKI PRINC. EPISC. VARMIEN. & SAMB.

S. R. CANCELLARIUS, CASIMIRÆ REGINÆ POLONIÆ

Romæ Mariæburgô 21 Februarij.

Incipio ab ultimo puncto clementissimarum literarum M^{is} Vestræ sub data 13 Januarij humillimas referens gratias pro materna benedictione ad initium laborum horum, qui per gratiam DEi, in tantis infelicis Patriæ temporibus non deerunt. Expectatum in illis certè habebunt levamen, si servire M^{ti} V^{ræ} efficaciter & explere eâ promptitudine, omnes M^{is} V. nutus possem, uti est, & quanta debet esse in me, nunquam in corde extingvibilis gratitudo, & obligatio.

Quò ad primum punctum, quòd acceperim contra incompatibilitatem sigillum Regni, & quòd non in Comitibus. Utriusq; sunt exempla sub felicissimo M^{is} V. regimine. Stephanus Widzga, Cardinalis Radzieiowski Episcopi Varmiensis; illi à Comitibus, ego à Magno & Generali Consilio, quòd repræsentabat Comitibus, habui dispensationem; scit verò M^{as} V, quòd non venabar unquam Insignia, sed merebar. Joanni Wielopolski & Stephano Widzga Gedani, Oginscio Javoroviæ absq; Comitibus reddita itidem sunt sigilla, ac proinde & ego, sicuti de hac dignitate & hoc gradu minimè cogitabam, libentissimè enim tot laboribus defatigatus jam quiescerem, ita nunc cogitare debeo, ut me sustineam; agitur enim de honore. Quantumvis verò nihil in hoc officio & Ministerio facere possim, nisi ut manuteneam in throno eum Regem, cui & M^{as} V. non perfunctoriè calculum suum addidit, & ego eum agnovi pro Dño meo, fidemque juravi, ac proinde oblivisci penitus non possum, quòd juratus promisi. Satis esset pro me si impedirem æternam infamiam Gentis nostræ, quæ detestabatur semper, & ipsum nomen dethronisationis. Et hoc diu noctuq; cogito, hoc ago, & spero ex effectu ulteriori præsentium ministeriorum, visuram Patriam,

A.C. 1703 orbemq; universum, quodsi aliquid ex orbita legum, quæ inter arma silent, exivit, tunc alia fundamentalia conservabuntur, quod brevissimè inter mille occupationes, dum Mti V. defero, Regiam ejus cum profunda submissione exosculor dexteram.

ALLOCUTIO, QUAM M. D. RACZYNSKI SUBJUDEX PO-
lnaniensis, & Ablegatus ex Generalibus Majoris Poloniæ Comitio-
lis, ad S. R. Mtem: habuit Mariæburgi 22 Februarij

JAM tandem insolens illa malevolorum perfidia, Serenissimæ Mti Vrä semper adversa, quæ hætenus Heroicas suas extenuabat actiones, rectissimas detorquebat intentiones, omnes dominandi regnandiq; rationes depravabat, & cor Regium intimo vulnere penetrabat, virus, viresq; suas perdere cogitur, quando in Provincijs nostris, Posnaniensi nimirum, & Calissieni, abominabiles, & per universum Poloniæ orbem ingens scandalū disseminantes diffidentiae, occulta quadam vi fatorum, caput amiserunt: quando jam videtur ad illas rediisse pascens ruit concordia mentes. Jam & corona Suetica, gerens nimio stolidissima pectora fastu, supra suam, non tam gloriæ immortalis, quam spoliolum avidam præcipitantiam admirabunda hærebit, quando levissimis rationibus acta, sensim vires amittit suas, quando acatholica, & constantissimæ erga Regnantes gentis nostræ fidelitati contraria dethronisatio, ad extremos minoris Poloniæ acta defixaq; limites, ad eos qui illam abrogarunt, & ex animis, imò & intimis cogitationibus suis eradicatam repulerunt, ne respicere quidem audent Palatinatus, & vix oculos attollit humo. Quando videt, quòd jam fermè totam Majoris Poloniæ Provinciam, semper erga Serenissimos Reges fidelem, antiquus corripiat quærendi nominis ardor. Cum illo ergo, jam repetitis vicibus à meis Palatinatibus ad Serenissimam Mtem Vram ablegatus venio candore, quòd in illis nihil reperiatur, nisi erga Serenissimam Mtem Vram pietas, nec dubitatus amor. Cum ea fidelitate, quam in primo invicti S. R. Mtis Vrä nominis sensus, cum thronum Poloniæ occuparet, & insigni cultam diademate frontem inferret, unà cum subjectione nostra, in Paternum sinum deposuimus, eam nimirum sacrosanctè tuemur, & servaturos Mti Vrä pollicemur constantissimè. Venimus cum ea filialis benevolentiae significatione, quòd sicut sub felicissimo Seren. Mtis Vrä regimine dulce nobis pacis nomen, ita pariter prompti paratique sumus, ferrea sanguineâ bella movere manu. Et quemadmodum sincerè Patrem Patriæ profiteamur S. R. Mtem, ita reverentissimè nomine Provinciæ nostræ supplicamus, ut vindicem, & Protectorem jurium & libertatum nostrarum experiamur, & vigore illarum, per publicam Nobilitatis totius expeditionem pectora nostra hostibus Patriæ opponamus. Quòd si verò retardata nuper expeditio præterita, aliquid nobis apud Seren. Mtem Vram diffidentiae conciliavit, & de promptitudine nostra dubium fecit: nunc pudor incendit vires, & conscia virtus. Hoc est primum Provinciarum nostrarum desiderium, hæc ad obsequium Reipub. & Seren. Mtis Vrä promptitudo, hæc erga Mtem Vram filialis affectus nostri contestatio, hæc in nova hac rerum revolutione unio animorum, & talis Nobili sub pectore virtus. Sunt alia præterea Palatinatum nostrorum desideria, quæ porrecta instructio clarius uberiusque exponet Seren. Mti Vrä, ad cujus clementissimæ manus osculum, ut admittamur, Reverendissimè supplicam.

COPIA LITERARUM EPISCOPI POSNANIENSIS AD THE^o A.C. 1703
SAURARIUM REGNI 23 Februarij.

Nicolaus
Swięcicki
Joannes
Przepędo-
wski.

Querela de
oppressione

Accepi de data 13 præsentis Thorunio tuas literas, querelis contra me graves, quasi correspondendi tecum consuetudinem dedissem oblivioni, cum tamen memori teneam mente, me ad senas Polnaniâ datas unicâs à te & quidem soli DEO notum, quàm mihi gratas accepisse. Me ergo in hoc accusando, te reum facis, protexisse te bona mea à Saxonibus prædationibus scribis, fidem asserto invenires, nisi mihi res ipsa aliud loqueretur. Neminem enim latet, Saxonibus, imò Tartaris & Valachis in rapinam spiritualium bona circa Varsaviam esse data, quibus funditus vastatis, ad bona mea hæreditaria Swięcice hostilem verterunt manum, in quibus eâ immanitate grassabantur, ut intra unius diei spatium oneratos quâ aulæ quâ rusticorum frumentis 200 currus Varsaviam duxerint, omnibus simul ereptis victualibus: pro quo expostulare tecum volenti Officiali Varsaviensi nec aures præbui, Rege ipso querimoniis in indignationem acto. Quoties mei ad te, ut amicum pro solatio querulabundi accedebant, tristiores ipsa veritate attestante dimisisti. Unde quàm crudele vulnus tam Ecclesiasticis, quàm meis hæreditariis illatum sit? abunde patet. Et quod gravius inauditâ praxi in Polonia Commissariatum hæreticum ex quibusdam Mercatoribus, qui solvendo non erant pro creditis mercibus, constituit, quorum potestati & voluntati Ecclesiam DEI, unâ cum Patrimonio Christi subiecit, iidem crudeles exactores novo iterum exemplo bona spiritualia gravibus presserunt exactiõibus, quibus dum pauperes in singulos menses solvendis essent impares, omnia jumenta, & frumenta per summam violentiam rapuerunt, nec his contenta eorum rabies, etiam in homines quâ vinciendo, quâ in fumalibus suspendendo, quâ spuendo in facies, aliisque exquisitis artibus, inter abominandas contra orthodoxam fidem blasphemias tyrannidem exercuit. Quæ omnia ut orbi fierent palam, quibusdam personis capitularibus conscribenda commisi, & eorum veritatem coram actis juramento firmare iussi, eo fine, ut tota Respublica etiam cum summo orbis capite universalis Ecclesiæ Pastore inauditam hanc dijudicare posset oppressionem. Afferis, his hybernâ à Rege solvendam esse Exercitibus: at ex miseræ Diœcesis meæ omnibus spiritualibus bonis, etiam Abbatias includendo, non plenè quadraginta millia pro hyberna debentur. Saxones verò, extorserunt à pauperibus millionem, missis itaq; innumeris aliis oppressionibus & injuriis, revocando everfas, conculcatas & motas à cardinibus leges, unicum id te altiore trutinâ pensare velim, utrum scilicet proprium Catholicum Regem decuit, ad tam abominandas desolationes, exinanitiones & oppressiones Ecclesiæ DEI, se resolvere? Non me latet, nec te, ex Canonibus & Annalibus, quomodo à Præsulibus, pro levioribus oppressionibus Ecclesiarum DEI excommunicabantur Reges, initoq; cum Proceribus Regni consilio, tanquam Depressores dethronisabantur. Legisse te non dubito, ab Andrea Episcopo Posnaniensi, Regi Lokietko id esse factum, plurimum inductioni non immoror, prudenti & gnaro loquor: in nullo verò te fateberis reperisse volumine, Reges Episcopis quo ad eorum muneris exercitium ligasse manus, multo minus Primatiali dignitati, in materiis statûs, ut illi, cui inter Regem & libertatem prima autoritas, in arduis & periculosis Reip. negotiis, prima specula, non liceret convo-

A.C. 1703 care Senatum, ad concludenda ea, quæ concernunt commune bonum; primum hoc exemplum posteritas leget, in revocatoriis Regiis quibus jus libertatis primatiali authoritati vetitum. Habenda potius erat reflexio super conventicula M. D. L. omnium præsentium calamitatum sementem, quibus tamen Regia manu inscriptum lego: Approbo. Quod attinet Sapietas, de quibus scribis, non ignoro te ijs servivisse, & si ex ore tuo judicandus es, te illis esse sanguine junctum, scire vellem, quæ de causa Illustris hæc à tot sæculis Domus per Mtem oppressa gemit?

Defensio Sapietas. Si contra Mtem vel Remp. aliquod in eis delictum deprehensum, cur non mandato Regio juxta tenorem legum ad comitia vocati, convicti, judicati, tandem fortunis, & honoribus exuti sunt, non verò per subordinatas privato laborantes personas rancore, tumultusque civium? Utiq; in præteritis comitiis, per authoritatem Regis, & totius Reipub. facta est complanatio, quam utraq; pars subscriptis manibus roboravit, quis eam diffuit & ad longè pejora prioribus reduxit? tu scis Domine? Respondes ipsos Sapietas adhæsione partibus Sueticis complanationis rupisse vinculum, at illos quis non videt, dura coactos necessitatis lege id fecisse? Viderunt enim ad speciem factâ concordiam, structas vitæ insidias palliari, & sub pallio pacis, intenta latere bella, quorum sævitiam tot, primis in Litvania dignitatibus eminentes amici & colligati Sapietas jam post factam complanationem, enormissimè trucidati, experti sunt, ut omittam plura millia innocentum, in bonis & fortaliis, hostili modo expugnatis ad internecionem deletorum. Sed tu devolvis culpam in antiquum Nobilitatis odium? at cur hoc antiquum odium suum pridem virus non evomuit, cur non in recenti suas quisq; injurias vindicavit? nihil ad ea usq; tempora tentatum, nec jure, nec armis. Fateberis ergo non nisi sub protectione supremæ potestatis ea esse patrata, quæ explicare tibi supervacaneum esset, cui optimè perspecta Saxonica consilia, intentiq; consiliorum fines. Afferis minarive honores & fortunas per Senatûs-consilium receptas à Sapietis aliis esse dandas: Mirari satis nequeo, me id in literis tanti Statistæ relegisse; ubi enim Senatûs-consilium potestatem habet etiam abjectissimæ conditionis hominem, longè magis clarissimos in Republ. Viros necandi, condemnandi, privandi? nec in absoluto Dominio eam reperies iniquitatem, ut quis non judicatus condemnetur, & DEus ipse citatum ad se & evocatum primò judicat, tum juxta demeritorum rationem condemnat. Exemplar Radzieiovij & Lubomirij adeo tuæ non favent assertioni, ut ejus potius repugnent sensui, nam Princeps Janussius non tantum perduellis, sed etiam hostis Reipub. est judicatus, ubi cum Exercitu hosti Patriæ Sueco adhæsisset, nec præsens Regis Sueciæ actio hostilis censenda est, donec talis à Republ. declaretur. Radzieiovium & Lubomirium tota Respubl. judicavit, & licet eorum primum Regni Mareschalcus, per comitia tamen decreti postea facta est approbatio. Lubomirius quidem est per comitia judicatus, tantum tamen id Reipub. displicuit, ut omnes Palatinatus arma arripuerint, sanguineq; proprio ejus à Mte oppressionem vindicare contenderint, quod tibi plenius notum esse deberet, qui sub Czestochovia vix fugâ vitam periculis mortis eripuisti. Sequenti anno, sub Mätwa aliquot vexilla communis motûs Majoris Poloniæ omnem Regium Peditatum profligarunt, utrû tu inter victos fueris? melius nosti. Tam strenuè scilicet olim agebant Majores nostri pro Civiû oppressionem! Jam de capite ruebat corona s. m. CASIMIRO Regi vix eam precibus sustinuit licet tota Resp. quia per comi-

*Oppressio
Civium.*

comitia Lubomirium judicasset. Alta ergo velim revolvās mente, quantum hinc malorum omina, ubi error errorem trudit, oportuit scilicet, pro tot illatis malis, pro violatis juribus, oppressis Ecclesiis, & Civibus, deprecari Remp. horum loco majora illi vulnera inferuntur. An non ergo justissimus meus super oppressione Ecclesiæ dolor? An non merito tædet animam meam vitæ meæ, dum decorem Domūs DEi mutatum in luctum cerno? ipse ut prudentissimus Senator judica, an non justam habeam occasionem agendi pro charæ Patriæ juribus, quæ per summum nefas collapsa jacent. An non satis doloris est, tam magnarum Domorum, quæ velut firmissimæ columnæ armis & consiliis Patriam sustentabant, ruinam cernere, & oppressionem. Hincne aliquid sperandum boni? ubi gemitibus enarrabilibus oppressi pauperes, vindictam implorant cœlitus illius promissione à DEo habita: Propter miseriam inopum, & gemitum pauperum, nunc exurgam. Ante omnia itaq; modis possibilibus opto placandam Divinam Mtem per redemptionem eleemosinis & satisfactione peccatorum, non tam propter conservandam in capite coronam Poloniæ, quàm ad Poli obtinendam. Claves tibi datas ab ærario Regni gratulor, iis tibi aperiendos Divinæ thesauros misericordiæ precor.

COPIA LITERARUM CUJUSDAM AD CONFIDENTEM,
ex occasione literarum superiorum.

L Egistine ab Episcopo Posnaniensi ad Thesaurarium Regni virum prisce moris datas Varſaviâ in majore folio, quàm judicio. Mitto tibi earum copiam, ut agnoscas plus eas habere de Lyæo, quàm de Castali. Alius semper fuerat stylus ejus curiæ; huic epistolæ impendisse suam debuit operam, vel purpurâ felix vel alia quæpiam Cancellaria. Accusat Mechus Regem, Catilina Nicetam, imprimi curavit in tota filura, deposita fronte à quonam, nescio, Catone compositam contra Dominum querelam, quasi injurius fuisset bonis Ecclesiasticis. Nunquid hic aliquando in Palatio Varſaviensi admotis malleis successiones superstite Antecessore eruebat. Procul semper erat à tanto sacrilegio. Verùm quod natura jubet, lex nulla vetat. Dicit se legisse Canonistas & Legistas de usurpatione bonorum Ecclesiasticorum. Risum teneatis amici, interrogandus esset, utrum legerit aliquando Breviarium, ita enim alia est pietate occupatus, ut de familia semper piorum esse videretur. Carpit Dominum, quòd humilioris sortis hominibus utatur ad obsequia. Ostentat vel unicum in Europa Regem, qui non similia exempla reliquerit posteritati. Imò ipse Rex Regum, non Nervas vel Trajanos, sed infima mundi ad primæ admissionis ministeria eligebat, non tamen à quopiam de hoc Caipha arguebatur. Sapientis, dubito eam obventuram sortem, quæ aliquando post Judam cecidit super Mathiam, cum non omnes cœli juxta Copernicum violentum acceptent motum. Primatis Poloniæ prærogativæ orbi sunt à tot sæculis notæ, cum eas non Kryloviæ aut Radzieiowitiis Respub. inscripserit, ubi, cum de jure venerit, legere cuique licebit, quid valeant humeri, quid ferre recusent Athlantis hujus. Prorupit in iisdem literis Episcopus Posnaniensis, velut ille Philippus Evangelicus, (ostende nobis Patrem & sufficit) cum Andrea Episcopo & Loketko oblitus absurda non esse alleganda. Nunc præsertim cum facilius hæc dici possunt in trivio, quàm probari in theatro. Precatur in conclusione, conjungens vulnera mel-

A.C.1703 li, Thesaurario clavibus ærarii Regni aperiendum cœlum, fecisset melius, si in tanta egestate Regni claves illi à thesauris sui Antecessoris reddidisset. Ego interim claudio epistolam & scribo. Vale.

COPIA LITERARUM SAPIEHANARUM AD PALATINATUS REGNI POLONIÆ, 23 Febr.

INnocentes, non convicti, non judicati, contra jus, fasque omne, omnibus abjudicati, spoliati, & exuti, soli nonnisi restanti vitæ securitatem quærentes cum nihil jam præter Patriæ, juriumque ejus & vestri amorem habeamus, pro ijs vitam, & extremam fundere sanguinis guttam parati, eo, quod unicum nobis restat, pro integritate Reipub. immunitate legum, operari nos velle coram vobis & orbe toto protestamur. Referre, quid in pressa undique agatur Repub. esset supervacaneum, cum neminem usque ad intimi doloris sensum non tangant ejus mala. Jam enim cardinalissima Nobilitatis Polonæ jura tot Regum suorum autoritate firmata in his verbis: *Jura conservabimus nullique bona recipi mandabimus, aut captivari faciemus, nisi fuerit jure victus;* suis mota sunt è cardinibus & sublata. In magno Ducatu Lituaniæ, jura unionis violata, ubi sine Statibus Reipub. sine consiliis, & comitiis exercitus exauthorantur, alii eriguntur, tributa nobilibus imperantur, hæreditaria fortalitia eripiuntur, Saxonibus occupanda traduntur, invasiones, vastationes, latrocinia, omniaque flagitia, impunè grassantur, exanimis legum tabulæ & justitia (quæ firmissimum est Regnorum præsidium) prostrata jacet. In Litvania ortum habuit, sed jam latius hoc serpendo malum, etiam Regnum Poloniæ inundavit: ubi jam non est hic populus, quem pax tranquilla teneret, quem sola libertas immotis pasceret armis, omnia, mutuis diffidentiis, diffidiis & excidiis commixta, nihil ubique spectatur, nisi lachrymæ, auditur nihil nisi gemitus pauperum: ea ubique aguntur, quæ pedissequam Divinæ Nemesis vindictam, & Regni post se ruinam trahant. Primum in domum nostram calamitates hæ fecerunt impetum, jamque nos cum bonis nostris, fortunis & honoribus prostraverunt. Nec hic stetit pertinax conjuratorum in nostram perniciem furor, ubi nequit ferro, lingvâ sævit, calamo, & judicio, dum, quod naturæ jus est & negotium, crimen esse judicat. Nónne amissis omnibus, soli duntaxat restanti vitæ securitatem alibi quærere licuit, quam inter nostros, jam penitus à nobis alienos, habere non potuimus? Nihil nobis profuere tot ad Regem factæ supplicationes pro protectione & justitia: nihil instantiæ Senatûs & Equestris Ordinis, nihil designatum à tota Republ. collegium Mediatorum, nihil purè tractatûs autoritate Primatis Cardinalis, & Ducum Exercituum Poloniæ circumscripta & subscripta: nam post hæc omnia non solum nulla nobis bona sunt reddita in Litvania, verum etiam hic in Regno Poloniæ, vitæ nostræ amicorumque & Colligatorum nostrorum, qui nos recipiebant & fovebant, insidiæ struebantur, & hucusque per Exercitum Saxonicum, exquisita tributa ex bonis hæreditariis Palatini Podlachia colligati nostri, aliorumque amicorum per contemptum legum Patriarû extorquentem, ultio exercetur. Fortalitia nostra Cosatico & Moschovitico tradita præsidio, Caro Moschovia in acceptis summis invadiata. Quia ergo in his oppressionibus supremâ lege necessitatis coacti, recurrimus sub protectionem Regis Sueciæ, non nostri certè causa è tam longinquis ultromarinis regionibus cum Exercitu, venientis sed ex occasione

casione hostilitatis per Exercitum Saxonicum inchoatæ, post victoriam de eo sub Riga deportatam, fugientem hostem insequendo, limites intrantis; Principis indignatio reos ubi non invenit facit: Etiam in hoc puram innocentiam nostram hostilitatis obumbrare caligine conantur malevoli, suos palliantes errores, culpam inducti Suetici Exercitus in nos retorquent. Est ne hæc; pro sua quisque judicet prudentia, adæquata excusatio inchoati per Exercitum Saxonicum belli, contra pacta, & jura sine consensu Reipub. per contemptum constitutionis eo nomine in comitiis factæ? Idem Exercitus Saxonicus etiam alteri cum Suecis conflictui sedem belli fixit in Polonia, iterumque superatus, non se vertit in Saxoniam circulatim peragrans, Sueticumque post se ducens Exercitum, tantam Poloniæ, sub tam grandi pondere exoticorum Exercituum innocenter nullâ datâ causâ gementi, intulit calamitatem. Ita scilicet, ut suam servant Saxoniam, nostram ad incitas redigunt Poloniam, hocque per summum nefas intendunt, ut in eorum defensionem nobilis fundatur sanguis, totaque Respub. se in periculum desolationis conjiciat pro iis, quos publica in comitiis constitutio intrromittere in Regnum prohibuit, intrromissos expellere, & persequi concessit. Omnia hæc summas Reip. injurias in violatis juribus, & justitiâ, publicâ propulsatâ securitate, & nostram sat disertè loquuntur innocentiam ac oppressiones, in quibus, nostris ad Regem supplicationibus, Palatinatum, Districtum, & Terrarum, totiusque Reipub. per Mediatore quâ Senatorij quâ Equestris Ordinis, instantiis omnibusque aliis modis civilitatis adhibitis, sed minimè proficientibus pressuras nostras, vobis pro præsentis consilio congregatis exponimus, per amorem Patriæ, obtestantes, ut non solum innocentiam nostræ, verum etiam justitiæ Patriisq; legibus, & jamjam labanti Matri, amantes Filii subvenire, & eius prospicere velitis integritati.

DECLARATIO AMNISTIE COSACIS DANDÆ.

ADAMUS NICOLAUS &c. Universis & singulis quorum interest, præsentibus literis notum sit. Quò graviora vulnera Reip. iusligere solent bella intestina nullos habitura triumphos, eò majori curâ & ardore sopienda esse semper iudicârunt artis regnandi periti, qui Remp. salvam esse cupiunt. Fecit hoc pro paterno, quo Regnum hoc tueri ac defendere studet zelo & affectu Sereniss. ac Potentissimus Princeps ac D. AUGUSTUS II DEI gratiâ Rex Poloniæ, Magnus Dux Litvaniæ Sacri Romani imperij Archimareschalcus, Dux Saxoniz & Princeps Elector Dnus noster Clementissimus, quando novissimè Cosaci & rustici nostri contra heros ac dominos suos in debellando ac ejiciendo hoste, qui Patriam in partes, prò dolor! scissam, miseris modis in præsens affligit, intentos armis arreptis insurgere, cædibus ac incendiis oppida & prædia crudeliter passim devastare, ac nemini nec infantibus, nec seniori imbellique sexui parcentes, per Ukrainam infesta arma circumferre non dubitârunt. Non defuit S. R. Mtas, tumultuantes hosce literis universalibus ad eos iteratò missis à molimine tam exitioso, & sævitia tam immani ad officium, melioremque frugem reducere, omni-
aque

A. C. 1703

aque illa adhibere, quæ ad patriæ pacem & tranquillitatem stabilis-
 endam idonea esse arbitrata est, eo potissimum tempore, quo junctis
 omnium civium viribus ad expellendum hostem in visceribus Re-
 gni grassantem, laborantemq; Patriam tandem liberandam, quàm
 maximè opus erat. Cùm vero omnia Consilia humana ac placida
 apud hos propositi tenaces homines nihil prodesse, violenta adhi-
 bere visum fuit, sic urbibus, quas occupatas sanguine humano cru-
 delissimè contra datam fidem effuso conspurcârunt, expulsi propè
 Constantinoviam, Verbicium, aliisque in locis insigni clade mul-
 tati, barbarumque Authores aliquot, Ductoresque capti necatiq;
 meritis poenas lucrunt. Sed quoniam plures ex illis, qui supersunt,
 à multitudinis torrente abrepti præcedentem gregem ægrè ac invis-
 ti initio secuti jam calamitatem Patriæ serò dolent, inermes in syl-
 vas se recipiunt, ac ad pristinas sedes, prædiaq; revertere anhelant.
 Prudentes verò Statuum Rectores depulso periculo in hujusmodi
 casibus rigorem justitiæ clementiâ ac misericordiâ temperare solent,
 Illustrissimus atq; Excellentissimus Palatinus Belzensis & Exercituum
 Regni Campestris Dux eorum exemplum securus, hanc declarati-
 onem vi officii & mandati Rei pro tempore rerumq; præsentium
 ratione edendam esse censuit, ut finis tandem sit tantorum malo-
 rum, neq; nocens cum innocente tandem intereat, ac tota proges-
 nies extirpetur, prædiaq; à veteribus Colonis deserta maximo cum
 damno eorum ad quos pertinet, ulterius inculta jaceant, promittit
 nomine S. R. Mtis, & Seren: Reipub. Illr̃mus & Excell: Palatinus
 Belzensis, & Exercituum Regni Campestris Dux Amnistiam gene-
 ralem, ac omnium eorum, quæ gesta hætenus sunt, veniam atque
 plenariam absolutionem omnibus iis, qui ad obsequia veris Domi-
 nis debita redeunt tam officialibus proprio aulæ electis, quàm mili-
 tibus gregariis & rusticis captis, vel aliis quibuscunq;, qui eorum
 partes secuti sunt nemine prorsus excepto, usq; adeo, ut de re ne-
 mini unquam lis moveri, vel sub hoc prætextu aliquis in jus voca-
 ri, ac vel directè, vel indirectè vexari, aut aliquâ pœnâ affici possit,
 eum præcipuè in finem, ut dicta Cosacorum Gens in posterum le-
 gibus ac more bonorum ac fidelium subditorum vivat, nec unquâ
 similes motus ac res novas, quæ publicam tranquillitatem turbant,
 ac cædibus, incendiisq; Provinciam replent, excitare præsumat; Sic
 & eisdem omnibus respectivè gratia ac clementia S. R. Mtis, seren-
 issimæq; Reip. quin & benevolentia & æquum Imperium Proces-
 rum, Magnatum, Nobiliumq; Polonicorum quorum Jurisdictioni
 immediate subsunt, vicissim promittitur. Et quandoquidem Tri-
 bunus hujus Militiæ D. Paley Bialocierkviam non aliâ mente atq;
 intentione se occupâsse docuit, quàm ut impediret, ne hoc tempo-
 re belli in tam ancipiti fortuna oppidum adeò munitum, quo con-
 servatio atq; immunitas & securitas rotius Ukrainæ potissimum ni-
 titur, Imperio S. R. Mtis, serenissimæq; Reip: penitus subtrahere-
 tur,

tur, & tam ijs, qui de salute & defensione Mris & libertatis Poloniz parum solliciti sunt, quam imprimis Hosti in visceribus Regni jam grassanti alijsq; bono publico non faventibus ense eriperetur, intestinis hisce turbis, à rusticis primario excitatis sese immiscendi, ac flammæ huic in perniciem atque excidium totius Regni oleum affundendi, & quoniam cointelligentiam cum Cosacis & rusticis rebellibus omni modo detestatur, spondetq; se nec ope, nec consilio, clam nec apertè, directè vel indirectè eos, qui ad officium sive obedientiam R. Mris, Serenissimæq; Reip: debitâ redire detrectabunt adiuturum, verum potius omni studio ac conatu in id bonâ fide alaboraturum, ut ejus tam autoritate, quàm suasu, alioque quovis meliori modo ab ulteriori tumultu ac inobedientia quàm primum desistant. Deniq; quia Castellum Bialocierkvienſe S. R. Mris atque Seren: Reip. cum omnibus ad hoc munimentis spectantibus, armis ac tormentis bellicis, milite præſidiario, & generaliter quidquid præterea ad illud pertinet, prout recepit, reddidit, ac sinè noxâ bonâ fide reddere promittit, quidquid in ejus potestate existit, ut restitui possit, & sic ad reducendos immorigeros sive tumultuantes, Patriæq; pacem his in partibus restituendam, operam suam, fidem ac diligentiam, & præstitit, & in posterum semper, & ubivis contra quoscunq; hostes Patriæ ad nutum Seren: Reip. se præſtiturum promisit, hujus meriti in proximis Comitibus Generalibus digna ratio ad augmentum honoris & fortunæ prædicti Dni Paley habebitur; ut verò eò magis pax & tranquillitas in hisce partibus stabilia- tur, conserveturq;, ijsq; qui in posterum res novas vel seditionem quandam moliri vellent, protectionem à vicina quadam potentia præstolandi spes omnis præcidatur, S. Carea Mras ad alterius requisitionem facile promoveri posset ad officium ex promissoriis hujus negotij in se suscipiendam, ne exitiosis hujusmodi turbis, quas sopire tanta moles fuit, amica vicinitas convellatur. In quorum fidem præſens hæc declaratio propriæ manus subscriptione, appositoq; sigillo ab Illrmo & Excell: Exercituum Regni Camp. ductore corroborata. Datum in Castris sub Daskowo 24 Mensis Febr.

COPIA LITERARUM CAPITULI GNESNENSIS AD CARDINALEM PRIMATEM.

Approximante, jamq; vix aliquot milliaribus distante Exercitu Sue-tico; post abitum Saxonum, qui desertam circum circa post se reliquerunt Arabiam, in pagis enim rara domus custode tenetur, hinc Regioni, nobis verò præcipue, juxta est dies perditionis, & adesse festinant tempora extremæ ruinæ. Hospes sit licet apud nos Suecus & amicus personarum, quia tamen nos vestigia monent progressuum ejus cum aliis Ecclesiis & Capitulis, sumpto à Cracoviensi initio, ubi præter 108 millia cômune lytrum, pro capitali tributo à quavis Capitularium personarum, extorsit 108 tynfos, alieno edocti malo, fugimus amicum hostilia exercentem, dispersionemq; meditamur; Ecclesiam S. Ad-
alberti

A.C. 1703 alberti Paternæ tuæ protectioni, velut sponsum sponso relicturi: Miserum enim hoc Capitulum nullis simpliciter sufficiet contributionibus, si quid verò particularibus personis pecuniarii superest nervi, illo certè propriam sustentando trahere mallems vitam, deficientibus undiq̃ proventibus, quàm iniquè extorquentibus impendere: reliqui quoque cleri sat jam pusillum gregem, quia vix quinq̃ supra decem circa Ecclesias Sacerdotes sustentari erit impossibile, cum tritुरanti bovi os sit alligatum: Fiet fors brevi, quod utinam nostri non spectent oculi, ut impositò Divinis officiis silentiò, occlusa Ecclesia, in gemitu maneat & squallore. Supplicavimus jam tibi, nomine Generalis Capituli, sed ab intento fors majoribus curis, nihil responsi accepimus; secundò nunc, utinam felicius! supplicamus, qui siccam hic adhuc trahimus residenti-am, ut nobis, magis verò propriæ sponsæ succurrendi remedium pro Paterna tua solitudine adinvenias, ne primas hæc Basilica in desolationem detur vel prostitutionem. Expectamus in his sponsæ tuæ desideriiis paternum solamen, sacræ purpuræ fimbriam osculantes.

**COPIA RESPONSI CARDINALITII AD PRÆCEDENTES
LITERAS 24 Februarij.**

Primo apice lecto literarum vestrarum de approximatione illi regioni Exercitûs Suetici, incidi in dubium & admirationem, quomodo fieret istud, cùm hinc, nec explorationes, aliâ viâ nisi versus Thoronium, expédiantur, nec aliunde id audiatur, licet si quæ metuenda essent, publicâ pridem famâ in & ex majore Polonia prænuntiarentur: concludendum ergo, quod populi illis in partibus, nullo autore malorum, ipsi quæ finxere, timent. Reprehendere nihilominus non ausim cautelam ex maturo & prudenti metu promanantem, cum arma tenenti nunquam fidendum sit; qui fulminis instar, inde ferire potest, unde minimè metuitur. Consultè prudenterq̃ fecistis, Ecclesiasticum argentum periculis subtrahendo, interim Gnesnæ cum Cracovia comparatio nulla, ubi Rex Sueciæ tamdiu residens sat temporis habuit revidendæ opulentiae Capitularis hujus Civitatis; Gnesna verò comparata Cracoviæ, nescio quo facere deberet Suecis illicium. Præterea cum mea quoque bona in eodem sita sint tractu, si hæc calamitas vos tangere deberet, certè meam non transiret fortunam, quam defendendo vestro quoq̃ non deessem tutamini, ad quorum bona inseparabiliter pertineo.

PLENIPOTENTIA AD RECIPIENDUM BIALOCERCHVI-
am à Paley, Adami Nicolai à Granow Sieniawski Comitis in Szklów & Mysł Palatini Belsensis, Leopoliensis Generalis, Rohatiniensis &c.
Capitanei Exercituum Regni, Campestris Ducis.

Quandoquidem Perillustris Generosus atque Excellentissimus Dominus Joannes Regniholdus de Patkul Careæ Mris Minister Status ac Plenipotentarius, legationibus in Germania perfunctus per hanc Provinciam in Moschoviam revertere sibi proposuit, eum rogandum esse existimavi, ut quoniam Dñus Paley, non alia mente ac proposito Bialocerkuam se occupasse scripsit, quàm ut S. R. Mti ac Serenissimæ Reipub. Polonæ restitueret, cum ipso de restitutione hujus munimenti, reducendis seditiosis, ac pacanda penitus Provincia, nomine

mine meo ageret, ne dum his Cosacis & rusticis occupantur. Patria tota à Suecis devastetur. Cum hoc quidquid est negotij prono ac libenti animo in se susceperit, vi muneris quod in Exercitibus Regni gero & ex speciali mandato S. R. Mtis, hisce præsentiibus prædicto Dño de Patkul mandatum, cum libera in optima juris forma, cum solitis clausulis rati, grati, indemnitis actionis, & substituendi potestate concedo, ut liceat ei cum Domino Paley de deditioe hujus munimenti tractare, eidem quin & Samussio & reliquis Cosacis rusticisque, qui eorum partes secuti sunt, amnistiam ac jus postlimini impertiri; Mtem verò ad promissionis officium in se suspiciendum permovere, ne dum in expellendis è Regno Suecis occupamur, à tergo in hac Provincia omni præsidio destituta novæ seditiones à malevolis excitentur, denique omnia ea in hoc negotio agere, quæ ad Patriam nostram penitus pacandam, hostesque debellandos tendere posse judicaverit. In quorum fidem hæc propriâ manu subscripsi majorique sigillo muniri jussi, datum in Castris propè Daszkow die 24 mensis Februarij.

COPIA LITERARUM REGIARUM AD SENATORES.

25. Februarij.

Sciendo per quotidianam experientiam, quòd sine adminiculo publici consilij arduum cuncta regendi onus, reiteramus ferventia nostra desideria amore boni publici Sinceritatem Tuam obligantes, ut pro brevi imminente consilio 16 Martij hic Mariæburgi mature compareat pro dando auxilio cadenti Patria, & videnda perfecta distinctione inter sinceritatem & falsitatem, quæ in altum exurgens sub variis velaminibus Rempub. jugulare præsumit. Relinquendo alias cuiusvis notas & claras nonnullorum Patriæ oblitorum artes, proponimus considerationi & judicio Sinceritatis Tuae copiam literarum Regis Suecia pro promovendo unanimis nobilitatis circa bonum publicum zelo, pro amovendis mediis ad defensionem Reip. studio disseminatam, in qua suspensa & obscura verba, incerti & obscuri sensus plus captionis, quàm fidei in se continent, & sicut antè Suetica amicitia, ita nunc imagine pacis, totam Remp. detinere, & fallere proposuerunt, quod ad reflexionem Sinceritatis Tuae dum referimus, præsentiam desideramus, spe latiorum, cuncta quæ lent mala

*Invitatio
ad consiliū*

L VIII.

ANDREAS C. ZALUSKI PRINC. EPISC. VARM. & SAMB.
CARDINALI PRIMATI. Mariæburgò 10 Martij.

REcepi literas tuas de data 5 Martij, quibus reverentissimè respondeo; non ideo, ut intrem in aliquam tecum disputationem. quod à me semper alienum. Assuevi enim semper magnis tuis deferre sensibus, sed ut aliquomodo justificem me coram te ipso.

Certum est, id & ego confiteor, quòd ex diffidentia nihil boni sperandum: magnæ operæ, magnum nihil: ex motu nihil sequitur præter motum; & nihil magis à Dño DEo exoro, nihil majori diligentia curo

A.C 1703 curo, nisi ut hæc postliminio reintroducatur confidentia, non tantum inter Status, sed & inter cives, quâ stante renascetur certè felicitas Patriæ, & assequi possemus votorum terminum. Tollere omnes offensionum causas, non augere omni voto majus est.

Quod aula intra verba tantum desiderium monstret pacis, & factis neget, pro eo semper fui animo, ut de utilitate publica non minus sæpe, quàm de mea privata cogitaverim, nec unquam rationes meas publicis proposuerim: de aliis notitia, ex certa scientia idem credo, quòd non tantum voluntatem in pacem inclinatam, sed & cupiditatem incipiendo à Rege omnes habeamus, modò illa tractetur, concludaturq; sine præjudicio ejus Regiæ autoritatis, quam nulli disputationi subjectam, leges & consuetudines esse voluerunt. Non licet quoq; nec hoc in mentem quoq; ascendit, detrahere quidquam Primatiali prærogativæ. Tribuendum Jus cuiq; suum.

Jus convocandi senatum

Jus convocandi Senatûs & Nobilitatis sub Interregno est indisputabile. Vivente Principe, ut fieri possit, præsertim in his conjuncturis, justus ex præmissis timor, quando lex in favorem hujus rei, non est expressa, fidere non permittit. Ex antiquioribus Antecessoribus tuis Cardinalis Macieiowski compellatus à majori Reip. parte, ut idem faceret; respondit nec Senatum se privatâ autoritate convocaturû, cum id Regium munus sit: Ex recentioribus Andreas Olszowski Avunculus meus ferventissimè à Regina CASIMIRA petitus in ultima necessitate, quia Rex obsessus erat sub Zurawno; expedierat literas Universales Restium pro motu nobilitatis publico in defensionem Personæ Regiæ; quàm ægrè id tulit Rex JOANNES, multi sunt, qui meminerunt.

Monendi Principem Jus est Primatialis prærogativæ, modò id fiat suis gradibus per legem clarè descriptis.

Laudatio tributorum

Magnus Ducatus Litvaniæ habebat congressus, laudabat tributa. Ut primum legitimè facere possent, procurabant semper beneplacitum & consensum Regium. Laudatæ contributiones, non erant cum præjudicio libertatis, quando ipsimet benevolè, & libenter id oneris in se sine injuria volentium accipiebant.

Si Rex Sueciæ non vult tantum in libero loco tractare pacem, tunc locus ille non tantum ab armis Regis nostri Serenissimi debet esse liber, sed ab exercitu Suetico, ne dicatur, quòd eò redacti simus, ut salvi esse non possimus sine beneplacito servitutis, potius verò cum dignitate cadendum, quàm cum ignominia serviendum. Promittebatur in ingressu conservatio omnium libertatum, & nunc convulsa penitus omnia. Bona Nobilium, & imprimis templa DEi gement sub tributis. Quomodo verò securitas esse debeat tractatûs, quando uni parti omnia facere licet, alteri planè nihil, non est autem unum altare ita operiendum, ut aliud discooperiatur.

Quòd Procancellarius Regni in literis suis ad Nuntium datis expressit, quomodo illud verbum more Comitiorum magnos moverit scrupulos; scripsit id, quod in re ipsa erat, dolor sincerus & gravis non amat compendium, extorquent plerumq; pondera vocem, quia læsio creditur justa, dum, quòd uni injustè decedit, alteri accedit, mala res est Civis lege sapientior. Jam amplius non esset necesse, nisi ut absente & renuente Principe Comititia habeamus, & ego recordor quòd JOANNES III. s. m. zelosissimè id impediabat, ne unquam illo absente etiam colloquium Senatûs cum conclavi Nuntiorum Terrestrium habere-

beretur, quamvis id aliquoties urgebatur. Infero ergo à fortiori, est ne possibile, ut Rex eum congressum permittat? qui sine ipso de fatis Reipub. decernat, sine illo consulat, quia ad Tractatum sunt jam destinati specificè deputati. Quomodo id per obliquum concedi potuit, quod directè imprimis per leges prohibetur? Deinde averſio tua à Rege, & ex variis tuimet ipsius literis, & sermone suo apparebat, justum proinde scrupulum formabat, & defensionem parare authoritati Regis còegit. Accessit justus timor, quod in concluso consilij Varsaviensis non satisfactum declarationi, cujus hæc erant formalia: spem habemus, quòd & ipse Rex propter salutem universi idipsum permittet, & ut tu nomine illius consilii suæ Mti scriberes, decisum erat. Cum verò id non feceris, quinimo ex insperato literæ more Comitiorum convocantes apparuerint, non tantum aures, sed & cor Regium perstringi debuit. Qui Judici ex causis diffidit, quomodo se iudicio committere audebit? Si vetus illa, & perfecta fuisset confidentia, minus esset de solennitate cum constaret de realitate. Si tu præmonuisses, tanti non fuissent nati, & orti scrupuli, quia est Regis nostri animus tam compositus, ultra id, quòd sit inviétus adversus ea, quæ cæteros terrent, ut quivis, quidquid desiderat, ferat à volente. Sed quando ex privato publicus factus dolor, fateberis ipse, qui omnia maturè soles ponderare, quòd pro defensione authoritatis suæ (Regibus ita natis, ut utraq; ipsorum fortuna ad Remp. spectet) debuit publicum adhibere clypeum, & cavere semel, ne paveret semper. Quandoquidem publicum semper est, quidquid in Reges peccatur. Utinam videre posses & Regis, & omnium nostrum hic præsentium corda, videres certè cum solatio particulari & inclinationem perfectam ad pacem, & debitam nominis, dignitatis, & primi in Regno characteris æstimationem. Idque tibi non per epistolam scriptum, sed velut per syngrapham volo sponsum: & possum te insuper in eo plus quàm certiozem reddere, si tantum ex utraq; parte non daretur rumoribus locus, si fabulas, commenta, inventiones non audiremus omnes, & illas non poneremus ante salutem, rediret certè necessaria his præcipuè infelicissimis temporibus confidentia, & post sequeretur exoptata felicitas.

Libelli famosi, virulenti, detractorii, non ignota huic sæculo mala, ita sunt frequentes, ut nemo sit in oblivione eorum, ego jam facile inveni remedium, ut illa non curem, in memoriam reducendo frequenter magni illius orbis triumphatoris in similibus declarationem: si fabulæ nos debellare potuissent, pridem ex Asia fugissemus.

Hæc igitur cum omni veneratione ad literas tuas dum exprimo, finio non tam verbis, quàm voto, solitâ meâ & ardentissimâ instantiâ, cum spes miseras nulla sustineat nostras, ut non demittas animum in eo, quod pertinet ad veram Patriæ salutem, & Dominus DEUS non tantum magni tui nominis famam, extendet, sed & longitudine dierum, quod ego ex corde opto, adimplebit.

COPIA LITERARUM M. D. MOSCHOVIÆ DATARUM
Moschuâ 25 Februarij.

Post titulos utriusq; Monarchæ.

H Oc præſente anno 1703 die 12 Januarij nobis magno Dno
nostræ Careæ Mti à Fratre nostro magno Dno Vestra Regia
Tom. III. Nn Maje-

A.C. 1703 Majestate reddidit gratiosas literas ablegatus Ludovicus Darecki, in quibus scriptum Rempub. considerantem diversas circumstantias in difficultatibus suis confidentiale colloquium cum Legato nostræ C. M. ad aulam V. R. M. existente habuisse, quodq; vos frater noster Consiliarijs & Officialibus vestris ad latus nostrum existentibus cum nostro eodem legaro imperâstis conferentiam & id postulâstis, ut si accessus pateret ad conficiendum tractatum pacis, præfato legato nostro plenipotentiam concederemus. Quod verò proclamatum fuit quasi nostri Zaporovientes Cosaci perduellem Samussium eiq; adhærentes contra Remp. adjuvissent; hæc delatio falsa est: uti & illa, ac si per nostrâ indulgentiam id contigisset, cui quod V. R. M. fidem non adhibeat, aliosq; ab ejusmodi sensu abducatur, præclare facit: nec enim id vel cogitare potuimus, ut conclusâ pace in ævum duraturâ cum V. Mte & tota Republ. contrarium aliquid attentare vellemus, aut cuipiam alteri indulgere quid simile faciendum, & ideo instanter V. R. Mras me Fratrem suum obligatis, ut non tantum Cosacos nostros si forsan huic Rebellioni cooperati sunt, coërceamus, sed etiam operam & auxilium compescendis rebellibus opportunam submittere velimus. Additum fuit in prædictis literis Ablegatum Darecki oretenus fusiùs de Palejo relaturum, cui ut fidem demus, rogamur: Nos ergo Magnus Dominus nostra Carea Mras vobis Fratri nostro desideratum reddimus responsum, nos vobiscum & Rempub. juxta tractatum perpetuæ pacis in amicitia & affectu perseveraturos constantissimè sine ulla labefactione, quod nos unicè optamus. Quod verò ad illud attinet; quod vos Frater noster Senatoribus & Officialibus Reipub. ad latus V. Mtis existentibus commendâstis, ut cum Legato nostro ad Aulam V. Mtis residente conferrent, de faciendo tractatu pacis plurimum gratias agimus; jamq; plenariam potestatem Legato nostro in hac materia dedimus, habentes firmam spem V. Mtem pro fraterno erga nos amore cum Senatoribus & Republ. Polona Litvanaq; Ecclesiasticis & sæcularibus contra communem hostem Suecum, amicum & socium in hac conferentia se probaturam & juxta contractam per colligationis nexum obligationem, ubi & quando nobis opus fuerit, secundum affectationem per Legatum nostrum ad contentationem nobis declaraturam. Quod verò ad aulam Vestræ Mtis delatum est de Cosacis Zaporoviensibus ex parte nostra seu potius indulto Rebellibus contra Rempub. & Samussio se adjunxerint; nos candidè fatemur nobis hanc rem cordi fuisse, missaq; à nobis severa mandata esse ad Ducem exercituum Zaporoviensium Joannem Mazeppa imperando, ut ad Borysthenem in omnibus locis in quibus appareret opportunitas ad trajiciendum, firmas & frequentes custodias constitueret, inhiberetque ne ullo modo ex nostra parte ad Samussium transirent Cosaci perduellibus adjutorio futu-

futuri, nec illis aggregarentur, quo ita tractatus perpetuæ pacis in A.C. 1703 violatus conservaretur, mandavimus insuper ut hanc voluntatem nostram sub poena capitis omnibus manifestaret, nec non, quamvis, nec Palejus nec Samussius ad me attinerent, eò quod sint subditi V. Mris & Reip, expedivimus nihilominus mandata nostra etiam ad eos Cosacos ut ab ea Rebellionē desistant. Ad delationem verò oretenus factam, qua Palejus insimulatus fuit, vicissim oretenus prædicto Ablegato responsum amplum satis cum magna contentatione reddidimus. Quod ille V. Mri totum, non dubito, referet. Ad hæc precamur V. R. Mri à DEo longævam sanitatem felicemq; per ditiones Vestras Dominationem. Datum in Metropoli nostra Careæ urbe Moscuæ ut suprâ.

SENATUS CONSILIUM MARIÆBURGENSE. die 27 Febr.

IN præsentia Andreæ Chrysothomi Zaluski Episcopi Varmiensis & Sambienſis, Magni Cancellarii Regni Poloniæ. Thomæ Dzialynski Culmenſis, Petri Kczewski Mariæburgensis Palatinorum. Casimiri Ludovici Bielinski Regni Mareſchalci, Joannis Szembek Procancellarii. Georgij Przepedowski Thesaurarij Regni, propositum à Rège.

1mo. Accepit Rex recenter à belli Ducibus quasdam præcautiones & puncta, quæ altiores reflexiones & secretiorem exigunt resolutionem, proponitque ea præſenti consilio, ut ex mente ejus Cancellarius & Procancellarius, pro exigentia rei, & occurrentium circumſtantiarum ad illa rescribant.

2do. Nuntiis exercitûs Regni jurata fide & infractâ fortitudine pro Mte & integritate Reipub. se constanter opponentis, quæ, & quibus modis consolatio prævideri debeat?

3tio. Excogitatum in præjudiciū jurium, Mtis, iamq; in everſionem statûs prolongatum, per contemptum legum in ulteriorem confusionem & elongationem diu desideratæ tranquillitatis conventiculum Varſavienſe, quod, comitia & omnia Cardinalia libertatum jura tollit, imperando Terreſtribus Nuntiis more Comitiorum sub armis hostilibus comparere, quibus mediis evacuandum, & ne similia deinceps attententur occurrendum?

4to. Consilio imminenti locum hunc ex rationibus optat Rex determinandum, in quo præſentis consilii explorat sensum.

5to. Palatinatus Majoris Poloniæ & Siradiensis per Nuntios exigunt cōmunem motum, pro quo in particulari his Palatinatibus, an toti Regno, & M. D. Lit. extradendæ sunt literæ reſtium? præſentis consilii exquirat sensum.

CONCLUSUM IN SENATUS-CONSIPIO MARIÆBURGI 27 Febr.

Ad unum. Quemadmodum S. R. Mtas gloriosas Illuſtrium & Magnificorum belli Ducum pro bono publico resolutiones, & ingenuos pro defendenda Patria sensus gratissimo complectitur animo, ita insolitâ benignitate ad proposita ab iisdem puncta Reverendo in Christo Cancellario, & Magnifico Pro-Cancellario Regni juxta exigentiam rei & circumſtantias pendentium rerum præhabita privatâ conferens

A. C. 1703 *terentiâ competenter rescribere, continuamque in tam ancipiti rerum Statu correspondentiam habere auctoritate præsentis consilij demandat.*

Ad 2dum. Generosi Nuntij exercitus Regni qui dignum laude & immortaligloriâ integræ fidelitatis, & invictæ fortitudinis porârunt documentum, merentur specialem apud S. R. Mtem respectum, illamque beneficam declarationem, ut donec condignam meritis ex munificentia Regia assequantur recompensam, ad præsens in vim consolationis cuilibet illorum Magnificus Supremus Thesaurarius Regni ex ærario publico tria millia Tinfonum numerabit.

Ad 3tium. Quò ardentius S. R. Mtas de restabilienda pace, & reddenda tranquillitate publica universo Statui sollicitas impendit curas, eò vehementius & sensibilius dolet, quòd ab ijs, qui aliàs Regiarum curarum fideles deberent esse cooperatores tam salutare & ab omnibus exoptatum impediatur opus. Idque quæsitis artibus, & illicitis moliminibus cum adminiculo hostilium armorum per insidionem & coactionem vitiorum legibus Patriis conventiculorum. Quæ conventicula cum expressè & positivè tot statutis & constitutionibus Regni titulo o *Practyfantach* / & alijs in volumine expressis sint damnata & prohibita sub rigore poenarum ipso jure & facto incurrendarum, S. R. Mtas D. N. Clnñus virtute & præsidio earundem securitatem publicam, auctoritatem Mtis suæ, & integram Rempub. tueri & defendere constituit, & ut per eos, quibus de jure similia conventicula, & publicos motus cohibere competit, omni meliori modo occurratur, & animadvertatur, seriò se se invigilaturam, aliq; justa & practicabilia remedia juxta præscriptum & obloquentiam Patrii Juris tum ad præsens, tum ex mente imminētis magni consilii adhibituram declarat.

Ad 4tum. Celebrando consilio magno, quod auxiliante DEO 16 Martii inchoabitur hic Mariæburgi locum S. R. Maestas destinare dignatur.

Ad 5tum. Instantias Palatinatum Maioris Poloniæ, & Siradiensis pro extradendis literis universalibus Restium tot legationibus repetitas S. R. Mtas explorato aliorum Palatinatum ex Comitiohis hodiernis sensu, sine mora extradere dignabitur, & nunc Cancellariæ perficiendas demandat.

SERMO ANDREÆ C. ZALUSKI PRINCIPIS EPISCOPI VARMIIENSIS SUPREMI REGNI CANCELLarii IN CONSILIO
Mariæburgi in Martio.

NON labijs, quia hoc esset affectatum, uti ijsdem ad Mtem Vestram, quæ semel obsequio ejus consecrata à Mte loqui debent, sed corde, quod & V. Mti obligatum, & Patriæ insimul & indivisibiliter juramento consecratum, loquor hodie, sicut loqui semper debeo

beo, non didici, nec consuetudinem contraxi adulationibus, encomiis ad aurium voluptatem quæsitis, nimio obsequio mercari gratias, & ante fortunam, quam dum mihimet ipsi, sudore, honore, fidelitate in Reges & Patriam exædificavi, cum in Senatum admissus sum, nunquam aliter dicere sententiam soleo, nihil opinionis causâ, omnia conscientiæ faciens, & reddens semper, quod est Regis, Regi, quod Patriæ, Patriæ. Nemo mihi vitio vertere debebat, dum attribuebâ Regi, quod Regi conveniebat, quia eodẽ tempore zelabam pro Patria, quod Patriæ debebatur. Sequor proinde antiquum stylum meum, & confiteor imprimis id, quod Mri V. debemus; qui habet aures, audire, qui bonos oculos, videre debet. Oculi vitium est, solem, cum maximè fulget, non videre, qui non habet infectum, aut aliquo imaginario disgustu, aut privato commodo, aut quod dicere debeo, supinâ malitiâ intellectum, fateri debet, quod nullus contentus sit ex Regimine Mris V, nisi ille, qui contentus esse non vult. Primus jaciat lapidem contra regimen aulæ, & malas gubernandi artes, cui & ipsum non satisfacit cælum. Objicere quivis quidem potest infelicitates præsentis, exinanitiones, & ego omnia hæc fateor, quia hæc satis, superque experior, sed quando res ab origine accipiemus, facile ex præmissis concludemus, qui est causa causæ, est causa causati. Prohibuit Mtas Vra cum declaratione, quod non nisi coactus ad id accedet, ne ullus ex nobis Ministris, intraret profundius in hanc materiam, propterea & ego illud tantum tam audacter, quam verè, quod vidimus, quod audivimus, quod manus nostræ attrectaverunt, dicere, & testari debeo, quod quidcunq; demum actum est, quidcunq; agitur etiam inimicissimum in sola Mris Vra persona, si ad consilia ab iis ipsis data, quibus nunc displicent, rem revocemus, non inveniet culpam, quamvis eam quæreret. Licet proinde gratias referre, licet insimul & supplicare humiliter, ut finē malorum nostrorum, quocunq; demnū modo cæptorum videre possimus. Obstrinxit se Mtas vestra novo Sacramento, & sincero, uti credere fas est juramenti nexu. Obstrinximus & nos itidem eodem vinculo, quo nihil inveniri potest strictius, obligati agere debemus id, non obstantibus quibusvis, quia hæc ipse DEus amovebit, impedimentis, quidquid ad salutem reciprocam pertinet.

In turbidis Reipub. Romanæ rebus non potuit se determinare circa initium sermonis sui magnus ille & Patriam amans civis, & ita incipere eum debuit. Quid dicam vobis Patres conscripti, aut quomodo dicam, aut quid omnino non dicam? Dij me Deæque omnes perdant: si scio. Ego Deos (unum enim colo) non invoco, nec hanc ambiguitatem arripio, sed simpliciter absque omni hæsitazione primo puncto ad hoc consilium proposito respondeo. Pacem habeat voluntas, bellum necessitas. Quare Christus emere arma jubet, uti illis prohibet, respondeo cum Doctore Ecclesiæ; ut sit parata defensio, non ultio, ut videaris vindicare potuisse, sed noluisse. Ac propterea memor doctrinæ itidem Doctoris Ecclesiæ; Episcopi debent esse pro pace, aut debent non esse, nihil magis opto, & desidero, nisi celerrimam cum omnibus ad extra & intra pacificationem. Tentata toties, sed nondum perfecta media non omittenda. Si vera ad pacem apparuerit voluntas, arripiamus eam manibus, pedibusq;. Si non tam benevola, quam necessaria sumenda arma, oppressiones hæc non unum clavum usq; ad cerebrum capiti nostro imprimunt, & adhuc oscitamus, nisi tollentibus tunicam, & pallium relinquendum esse credimus. Quid agendum, si pacem volunt,

A.C. 1703

quam velle deberent. Vestra M^{tas} etiam illam sincerè cupit: nos circa eam laborare volumus. Palàm verò faciet justus DEUS, quicumque eam sincerè desiderat; si verò id fieri non poterit, non dubitandum inveni- enda tot media ad stabiliendam debitam defensionem & personam Ma- jestatis Vestræ & Reipub. integritatem, de quibus nunc taceo, ne præ- veniamur. Congressus Varfaviensis, si in confidentia cum debito respec- tu M^{tis} V^{ræ}, ut reddere eum necesse est, fuisset congregatus, scio pro- certò, quòd nec antea, neque nunc invenisset contradictionem nec re- periisset difficultates; & sol aliquando cedit stellis, quælibet statio tem- pestatem fugientibus pro portu habenda est, sed quia id factum est, tan- quam altare unum cooperiatur, ut aliud discooperiatur, non convenit negligere jura M^{tis} V^{ræ}, non licebat & nobis Ministris tacere, cum lo- qui deberemus, ne aut nobis diceretur, canis mute; aut objiceretur, quòd nesciamus, quid sint jura M^{tis}, & post non vexaremur, quòd Ma- jestas V^{ra} ministeria sua ignavis, incapacibus, aut negligentibus con- credidisset. Timenda tonitrua, ut vitentur fulmina. Videbit suo tempore Respub. librum diligentiarum nostrarum, fatebitur quòd sinè dimi- nutione (DEUS avertat) observantiæ, respectûs & venerationis secun- dum id, quod cuique debetur, scivimus dare vindicias impetito hono- ri, læsæq; dignitati M^{tis} V^{ræ}. Quod ergo factum est, infectum fieri ne- quit, firmiter spero, & constanter credo, quòd & hic, & ibi condonabi- mus Domino DEO omnes offensas, dum non illatâ, sed repositâ injuriâ dilatabuntur charismata & charitate cooperientur omnia, jus suum u- niverſi tribuendo. Fiat tractatus sive Varſaviæ, quod tamen nollem e- vitando hoc inconveniens, ne in Regia M^{tis} V^{ræ} dominando inimicus decidere de honore personæ ejus, & de fatiſ vellet Reipub. sive alibi, utiq; ad id destinati sunt Commissarij, & possunt augeri pro libitu & necessitate, tamen aliter fieri non potest per omnes rationes æqui & ju- sti, ut aliqua à M^{te} V^{ra} & præſenti consilio non sit dependentia, quod eò sine ad latus M^{tis} V^{ræ}, & à statuto Sendomiriensi, & à Confœdera- tione Majoris Poloniæ, & à Ducatu Litvaniæ, Masovięque; & aliis de- ſtinatum est Palatinatibus, quia occurrere possunt, nec difficile est cre- dere, quòd occurrent tales conjuncturæ, quæ sine decisione M^{tis} V^{ræ}, & consilio concludi non poterunt. Crederem ergo compellandum Car- dinalem Primatem cum omni affectu M^{tis} V^{ræ}, cum omni respectu consilij præſentis, ut velit tanquam primus, non tanquam solus, ita res (quandoquidem DEUS dedit ipsi gratiam, quòd & inimicus ipsi fidat) moderari, ut M^{tas} V^{ra}, dignitas Reipub. in tribus his statibus congre- gata manuteneri queat. Maneat tota laus, honor & gloria nomini Car- dinalis Primatis ex pacata Republica, sed tamen non fiat sine commu- nicatione & audacter dicam sine debita à M^{te} V^{ra} & Repub. dependen- tia. Per hanc compellationem, & M^{tis} V^{ræ} Regiæ, & consilij præſentis fraternè occurreretur diminutioni, authoritati M^{tis}, non impediendo bonas intentiones ad tractatum, limitabitur autem, si quæ est præſum- ptio, facere sinè nobis contra nos.

Tertium punctum de adhærentibus non licet loqui, nec contra sta- tutum Sendomiriense, nec contra confœderationem Majoris Poloniæ, sed licet in memoriam M^{tis} V^{ræ} revocare, quòd præcipuus sit Regum titulus Dominus Clemens; magnæ gloriæ est, posse fulmina projicere, sed majoris, retinere ea, nec quidquam gloriosius est Principe impune læso. Resurgant ergo clementiâ M^{tis} V^{ræ}, qui acerbitate fortunæ cor- ruerunt. Naturalis M^{tis} V^{ræ} bonitatis, quæ sæpius de ignoscendo, quàm de

de

de puniendo cogitat, publicum erit hoc exemplum. Senatores antè vocabamur Sanatores, quòd civium laborantium medici esse deberemus. Hi autem, cum alicui mederi, sanitatemque restituere volunt, non prius acerba ac urentia adhibent medicamenta, sed antecederent recurunt ad lenia. Ac proinde & ego ad thronum gratiæ, ad cor paternum cum multa fiducia recurro. Ignosce Domine, quia nesciunt, quid faciunt.

Quartum punctum est desideratissimum apud tam multos Palatinatus & secundum me omnino necessarium Patriæ. Multa bona fieri possunt in consiliis Senatûs, omnia verò & optima, & cum fundamento fieri solent & debent in comitiis. Senatûs consilium post-Comitiale Comititia duarum septimanarum extraordinaria conclusit; tam multi Palatinatus illud ipsum requirunt, necessitas publica exigit, quia sine comitiis suo res non eunt ordine; Vra Mtas non est illis contraria, cur ergo id in disquisitionem vocandum, cum sentiam, quod omnes, dicere non possum, nisi, quod omnes. Et locus potest inveniri securus, & tempus conveniens, quare inconvincibiliter illa persuadeo, à Mte Vra humiliter expeto, & in aliquot diebus in Cancellaria Mtis Vra expedire ea promptus ero. Pro securitate ejus & inimicus, si sincerè pacem cupit, providere potest securitatem, & ut eò facilius concludantur, optarem expediri unas pro duabus Restium universalium literis, ut Palatinatus in casum (DEus avertat) infausi finis Comitiorum prompti sint, sive ad externam potentiam avertendam, sive ad internam comprimendam.

De exercitu Polonico dicere sine affectu nequeo. Agit nunc, quæ potest; egit per hyemem posthabendo omnes commoditates, quidquid pro Repub. potuit, compescuit Cosaticos motus, DEus judicet, & puniat motorem eorum. Juravit in nomen Mtis V, cogitandum ergo & faciendum in rem ejus id, quod illos ad ultiores operationes possit excitare. Bonæ sunt, imò optimæ in eum finem dispositiones, quæ in publicum promulgari non debent; sed spem habeo firmam, quòd & Exercitus erit contentus, & Respubl. suam inveniet defensionem. Eodem includo puncto & Generales Exercituum Duces, quorum magnus in Remp. amor, evidens Mtis V. obsequium singularem meretur respectum, sicut & supplementum Artilleriæ Regni.

Colligationes cum vicinis Principibus non tantum non sunt rejiciendæ, sed quinimò quærendæ. Si non optarem Comititia, subdidissem reflexioni quosdam scrupulos in memoriam reducendo, quæ sub tempus ultimi belli Suetici acta sunt, dum in Senatûs-Consiliis & coronæ invadiabantur, Diplomata super Electionem in favorem Domûs Austriacæ dabantur, auxilia Tartarica inducebantur, colligationes inibantur; & nunc quamvis per diversionem sinè ulla nostra aggravatione, imò cum evidenti nostro fructu occurrendo, quæ superare ipsi non possumus, periculis, juvare possunt. Suadere tamen illas non licet, & crederem istam materiam ad Comititia rejiciendam, quamvis tamen posset interea fieri aliquid pro re & in rem nostram saltem dispositivè & provisionaliter.

Palatino Braslaviæ respondebit Cancellaria Mtis V, quidquid eidè & præsentì videbitur consilio. Non crederem tamen ego differendam hanc exlimitationem, quamvis occurrunt difficultates expediendæ cum honore & utilitate Reipub, quando nec pro Donariis, nec pro aliis necessarijs expensis difficilia sunt media, quia prius habendum, quam dandum.

A.C. 1703 dum. Crederem ego scribendum ad Castellatum Cracoviensem, ut omni possibili & meliori modo dislimitationem hanc civilissimis mediis per expeditum aliquem cursorem declinare possit. Non desunt utiq; rationes in præsentibus conjuncturis; si verò ex responso pateret inevitabilis necessitas, maturè optarem non tantum rogandum, sed assecurandum Thesaurarium Regni, quòd quidquid pro his expensis non tam ex thesauro, qui fortè vacuus est, sed ex solitis in fidem publicam accipiendis mediis faciet, id totum illi cum debita gratitudine pro numerato acceptabimus; quidquid verò ad expeditionem instrumentorū spectabit, officij erit Cancellariæ Mtis V. ea diligenter expedire.

Finio sermonem meum reservando mihi tempus & campum loquendi ad occurrentes materias pro debito juxta & voto. Rex vale, & prævale.

RELATIO CONGRESSUS HABITI APUD EMINEN. CARDINALEM PRIMATEM REGNI. 3 Martii.

DIE Sabbathi, quæ fuit 3. Martij visitârunt D. Nuntium D. Palatinus Podlachiaæ Supremus Thesaurarius Litvaniaæ, & Eques Melitenfis Pacz; post mutuas salutationes D. Thesaurarius Litvaniaæ cœperat bonorum D. Palatini Podlachiaæ per Saxonicas copias continuatas in hucusq; devastationes exaggerare, addendo, quòd & in bona filij sui, quidquid sit de bonis propriis, & Fratris sui videlicet Palatini Litvaniaæ cum aliqua ad præsens adversus eorum personas indignatio adferri, & supponi possit, aliorumq; sanguine aut affinitate junctorum innocenter prædictus Saxonicus sæviat miles; unde instabat apud D. Nuntium, an levamen aliquod aggravatis bonis reperiri possit, præmissâ compassione super sortem assertorum bonorum, his præstitâ, afflictioni huic solidum & universale apponendum esse remedium; respondit D. Nuntius, à quo, dum petitum fuit, ut illud specificaretur incunctanter; Idem D. Nuntius protulit pacem inter Reges necessariam esse. Quam uniformiter summis cupere desideriis constanter affirmârunt, modò ingressus aliquis & accessus ad eandem porrigeretur, & prius subministraretur concludenda pacis securitas, quam præcipuè non reperiri asseruit D. Thesaurarius; Ad hæc D. Nuntius reposuit; impossibile esse, ut non reperiatur aliquis securitatis modus, si tantum sedulo perquiratur.

Subintulit ergo D. Thesaurarius, dignaretur proinde D. Nuntius diligentiam hanc cum Primate adhibere, at reposuit illico D. Nuntius in vanum se id tentaturum solum, cum Primas eundem ad illosmet DD. remissurus esset; unde omnes præfati Dñi rogârunt D. Nuntium, quatenus unâ cum illis postridie ad Primatem in prædicta pacis materia descenderet. Et cum hoc proposito prædicti Domini à D. Nuntio sese licentiârunt. Vix hi Domini ex palatio D. Nuntii residentiali egressi fuère, cum subito familiarem suum D. Nuntius ad Dominam Palatinâ Lenciciensem emiserat ad deferenda omnia hic præmissa apud se peracta ad effectum ea Primati insinuandi, eundemq; de instituenda conferentia certiorandi, alacri animo Domina Palatina Lenciciensis insinuationem hanc suscepit, obtulitq; se indilatè eandem Primati delaturam.

Postera die Dominicâ prout constitutum erat, descendit D. Nuntius ad Primatem Regni D. Palatinus Vilmensis, D. Palatinus Podlachiaæ, supremus Thesaurarius Litvaniaæ, D. Wachschlager olim Residens Regis

gis Sueciæ in Polonia, quem ubi conspexerat D. Nuntius instantaneè Primati secretò insinuavit, se debere in præsentia istius hospitis mutare stylum & animum, nec se posse in illa conferentia primariò interloqui, D. Notarius Litvaniæ, D. Zawisza Capitaneus Minscensis, D. Castellanus Plocensis. Postquam consedissent memorati Dñi, primus D. Wachschager in verba prorupit, Regem Poloniæ plurima damna Regi Sueciæ principali suo injustissimè intulisse, optimamq; sui Regis ad pacem, inclinationem sinistris interpretationibus à Rege Poloniæ susceptam esse, hoc fortunatum Mariæburgi Senatûs-consilium, ex quo apparere dixit, nullam Regem Poloniæ ad pacem habere dispositionem; Unde declaravit defectu hujus sinceræ dispositionis difficulter sperari pacem posse. Credere se enim addidit, Regem Poloniæ post notificatâ eidem sui Regis inclinationem ad media pacis pariter omni studio cogitaturum de indifferenti (ut desideratur) Tractatui instituendo loco, aliisq; ad pacem facientibus. Sed omnia suæ opinioni contraria experitur. Confirmavit dicta hæc D. Wachschlageri D. Palatinus Vilnensis suæq; Domûs in hucusq; continuatas persecutus est afflictiones, in quibus pro præstitis Domûs suæ solatijs Ssño Dño Nostro profundas agit gratias, paternam ejus benevolentiam ulteriorem implorando, & Domui suæ tam benè de Ecclesia meritæ pro opportunis auxiliis supplicando. Post horum vota Cardinalis Primas interlocutus est. Consiliû in loco indifferenti necessarium esse ejusque potestatem convocandi se habere prolixis verbis asserendo, quibus firmandis plurimas adferre sedulò studuit rationes, deducendo exinde obsequium S. R. Mti, utilitatem Reip. secuturam esse. Deinde conversus ad D. Nuntium invitavit eundem ad depromendum sensum suum, ex illa æstimatione, quam de illo uti Apostolico Ministro gerebant præsentēs. Verùm D. Nuntius uti ante initium Congressûs hujus secretò Cardinali declaraverat, à præparatis abstinuit expressionibus, explanavit tantummodo æstimationem Regibus debitam, & desiderium bonæ ac firmæ pacis, quo desiderio paternum Ssni Dñi Nri pectus flagrare affirmavit, non alio respectu & voto, nisi quietis S. R. Mtis, utilitatis Reipub. & ante has integritatis Sacrosanctæ Religionis. Apposuit finaliter, quòd si crederent se ad aliquid operandum in habilienda pace stabilem esse, ut operam suam applicaret utilius petiit, ut quidquid tractandum veniret, totum id scripto exciperetur, prout & dicta in præsentī congressu pro limine ad ulteriorem progressum, adjunxit etiam D. Nuntius, quam figuram quærere deberet Respub? arbitræne? an mediatricis? Ad ultimum punctû Primas reposuit, quòd hujus congressûs dicta paucis comprehendī possint verbis: Videlicet desiderari congressum in loco indifferenti ad tractandam concludendamq; totaliter pacem, & nihil aliud, ad tollendam omnem suspicionem S. R. Mti, & post hæc dissolutus est congressus; Sequenti die D. Nuntius descendit ad Cardinalem, cum quo solo quatuor ferè horis colloquio usus est.

COPIA CONFOEDERATIONIS GENERALIS M. DUCATUS LITVANIÆ 7 Martij.

NOS infra in subscriptione expressi, per constitutum generale ad Olkinicos ex ordine tam Senatorio, quàm equestri designati ad Celsissimum Principem Dñum Michaëlem Servatium Korybut in Zbaraz & Wisnowlec Wisnowiecki, Comitem in Dolko, Komarno &

A. C. 1703 & Dabrovica, Campiducem M. D. Lit. Pinscensem, Glinianensem, Wilkoviscensem Capitaneum, Generalem ejusdem M. D. Lit. Colonelum. Item nos ex comitiolis, pro 6 Februarij anni currentis à S. R. Mte per universalia imperatis & habitis, electi Commissarii, qui huc Vilnam ex limitatione congressûs Rozanensis, primâ Decembr. anni præteriti absoluti, pro quinta Martij anni præsentis millesimi septingentesimi tertij advenimus. Quandoquidem fratres nostri domi suæ residui in comitiolis præteritis, habito imprimis præ oculis instrumento publico, typis Thorunij mandato, perq; ordinum Regni & M. D. Lit. eo tempore ibi congregatorum Commissarios constituto, & ad se ex majori Cancellaria sub sigillo M. D. Lit. transmissio, animati præterea ijdem fratres, propositionibus Celsissimi Principis Campiducis & Colonelli Generalis M. D. Lit. ad id ut sub tempus præteritorum comitiolorum in hoc turbido Reipub. statu quàm arctissimâ animorum unionem & confœderationem intuitu S. Catholicæ fidei, libertatum, prærogativarum, & jurium defendendorum, Sacræq; R. Mtis Dñi N. Clementissimi AUGUSTI II nunc feliciter regnantis tuendi, conglutinerentur, efficaciter his omnibus executioni mandatis & habitis comitiolis confœderationibusq; ejusmodi ibi tum conditis, quas omni cautelâ adhibitâ ad tantò majus robur suis circumscripserunt limitibus; nobis dederunt potestatem, ut in hoc congressu congregati instructionibus nostris collatis Generalem totius M. D. Lit. faceremus confœderationem: ideò accommodando nos instructionibus nobis extraditis, explendo desideria Principalium nostrorum, ejusmodi confœderationis nunquam rumpendo vinculo nomine nostro & omnium fratrum nostrorum domi residuorum, colligamus nos, & confœderamus. Imprimisq; dum videm⁹ Regem Sueciæ ab iniquis Patriæq; oblitis filiis nominatim à Dñis Sapiehis in constituto Olkinicensi cum adhærentibus suis expressis, ad id inductum, ut in viscera Patriæ admissus, ea depascendo & vastando non tantum in fortunas & vitam nobilium sæviret, sed etiam ut intenderet; quatenus nos manucentibus, consulentibus, & ex pertinaci odio id unice volentibus ijsdem Sapiehis liberâ electione, quâ nobis ipsi Monarchas Reges & Dños creamus, exueret: unde & omnes suos conatus convertit, ut inpræfatis in Polonia & M. D. Lit. à sæculis exemplo Seren. Regem AUGUSTUM II feliciter modernum, quem liberis votis & vocibus ad thronum exaltavimus, eodem dejiciat, & inauditam exequatur dethronizationem. Quare quemadmodum id impossibile nobis concessu est, ita declarantes Seren. AUGUSTO II Regi nostro Clementissimo fidelem ad vitæ & sanguinis usq; profusionem assistentiam, hoc vinculo unionis & nunquam rumpendæ confœderationis nostræ nexu roboramus nos & conscribimus, pollicentes; nos omnes quotquot sumus in magno D. Lit. cujuscunq; statûs & præminentia, nunquam huic confœderationi renunciuros; sed pro Ecclesia Dñi, pro libertatibus nostris, salute Seren. AUGUSTI II. Regis N. Dñi Clementissimi vitam posituros, & pectoribus nostris Mtem ejus defensuros: eos autem omnes, quotquot partibus Sueticis adhæserunt, illisq; adjuncti toto latè M. D. Lit. & Regno Poloniæ grassando substantiam nostram consumunt & etiamnum non respiciendo constituta Sendomiriensis & Thorunensis conventûs perseverant in malitia sua; pro hostibus Patriæ & capitibus invindicabilibus (pro qualibus eos actu declaramus) habituros. Quod si quispiam incolarum M. D. Lit. per Palatinatus & districtus contra liberam electionem, uti & contra Mtem Regiam aliqua

atten-

attentaret molimina, aut sive Suecis sive adhærentibus illorum opitulari, defendere, asylumq; præbere, vel quidpiam machinari ausus fuerit: contra ejusmodi tanquam hostem Patriæ nos insurrecturos, nec toleraturos in medio nostrî declaramus. In quibus omnibus reassumimus omnia juramenta nostra per Palatinatus & districtus facta, nec non sub fide, honore, conscientijs nostris obligamus nos, constanter nos vinculum hoc & sine ulla dissolutione conservaturos. Quocirca & modò delegamus de gremio nostro, cum hac confœderatione nostra manibus nostris subscripta & roborata ad conventum à Seren. Rege pro decima sexta præsentis determinatum, ad eum locum, ubi in persona sua Mtem morari contigerit, ut Legati nostri à toto corpore confœderati M. D. Lit. S. R. Mti nostram deferant præsententq; sinceritatem, & affectum; priusquam ex Palatinatibus & districtibus speciales ibidem per comitia electi conveniant Commissarij, declarentq; nos exemplo Majorum nostrorum, paratos futuros pro defensione Mtis & personæ Regiæ, pro juribus & libertatibus nostris, vel vitam ipsam immolare, de quo ipso instructio à nobis specialiter extradita Legatis fusiùs edocebit. Modò verò huic confœderationi manibus nostris nos subscribimus, quæ postquam in acta surrogatoria illata fuerit, ut typis mandetur pro perpetua rei memoria, Celsissimum Principem Dñum Campiducem Generalem M. D. Lit. Colonellum rogavimus. Actum Vilnæ &c.

LIX.

ANDREAS C. ZALUSKI PRINC. EPISC. VARMIEN. & SAMB.
CIVITATI GEDANENSI. 9. Martij.

E Tiam tacente meo calamo poterunt facta mea testari quantus semper fuerim Civitatum defensor, præcipuè verò illarum, quæ retinent adhuc priscae vestigia famæ, multò magis in hoc officij mei theatro, in quo pro muneris præsentis conscientia, & vigore legis publicæ præcipuam suscepi curæ protectionisq; provinciam. Et jam hodie Polonus Orbis vidisset omnes hos Balthici maris fluctus felicissimè compositos, si communis totius Regni calamitas modestius fuisset tolerata. Profunda vulnera non sentire non est hominis, sed non ferre pariter non est viri, præcipuè cum ab hominibus tolerentur. Quoties enim grande aliquod incendium extinguere laboramus, nemo est, quem proxima flamma non adurat; neq; tamen cum impatientia tum lamentamur, eò quòd aliter non possit publicum extinguvi incendium. Quòd internuntij ad Sacræ Regiæ Mtis conspectum non fuerint admissi; neminem jure merito accusare possunt, nisi quòd noluerint fateri vulnera quoquo modo inflicta cordi Principis Clementissimi, quæ à nemine ignorantur. Ego enim ex particulari affectu meo satius conferem deprecari cicatricem, quàm expectare clementiam, ut illa suæ benevolentiae teneritudo conservetur securius, quæ omni temporum intervallo imprimis est necessaria. Hæc pro candore meo insinuavi, cum eo voto, ut tranquilliora magis placeant consilia. Interim maneo.

COPIA LITERARUM CARDINALIS PRIMATIS REGI
SCRIPTARUM. 10 Martij.

G Ratias refero Mti V. pro hac dignatione, quòd me ad destinatū 16 præsentis invitare dignetur consilium Mariæburgum, nunquam

A.C.1703 quam neglexi ad classicum publicæ salutis currere, nulla intermis-
si comitia, consilium, ad quod vocatus eram, nunquam neglexi,
Et quod in ultimo Varaviensi infirmitate pressus non adfuerim, sas-
tis dolere nequeo; Supplicassem enim Mti V., ut circa Regiam Var-
saviensem mansisset, quæ propter absentiam ejus Mte vacua amu-
lam Mtem, eò citius attraxit. Commodior fuisset Et celerior in
publico presenti motu concursus, frequentiores curules, Et efficacio-
ra consilia. Quanquam à tam longo itinere deberet me brevitatem
poris excusare, resolutio Et incommoditas Mense Martio, res fa-
miliaris post tribulationem angustior. Superaret hoc nihilominus
promptitudo mea, ad obsequia Mtis V. semper parata. Sed quo-
modo ego Varaviam deferere possum, sine periculo Varavia: quo-
modo defensiones Ecclesiarum pro quibus laboro, quomodo hosce Pa-
latinatus Et Districtus relinquere, qui publicis instrumentis Et le-
gationibus hæc à me exigunt, ne stationem deferam, tanquam ni-
dum meum proprium, discretionem manus militaris relinquam custos
de remoto. Ad extremum, quomodo inceptum opus salutis publicæ
obsequij Mtis V. projicerem, quod quamvis Cancellaria Mtis V.
conventiculi nomine baptizavit, tempus rerum Magister monstrat-
bit, quod dignius vocabulum togata Mtas, alium plausum conatus
nostri merebantur. Placuerat presenti Senatorio consilio, deferre to-
ti Reip. Et omnibus Palatinatibus id, quod sub tempus consilij à Re-
ge Sueciæ venerat, celerrimam tranquillitatem optante, intererat ut
ceremoniale abbreviaretur, Et uno eodemque tractu, ad consilium
convocarentur Palatinatus, more comitiorum ad distinctionem tri-
bunalis, in quo ex Palatinatibus tantum Deputati, Et pluralitate res
deciduntur. Deferre Mti V. conclusum Senatûs, non intermisisset
debita observantia, sed tempus imminentium comitiorum non per-
misit, quia nec in aliquibus locis pervenire poterant, tempestive mis-
si, sufficit, quod antequam expeditio missa fuisset, habuit ejus copiam,
Et Nuntius Apostolicus, Et Legatus Cæsareus, vigiles pro interesse
Mtis V. custodes.

Sive hoc in majori, sive in minori choro fiat, modò symphonia
sit consona, auribus grata, falsus conatus omnium aures ledit. Scis-
unt novi recentesq; Catones aliorum censurare facta, Et tamen ni-
hil adhuc ipsi præstiterunt, seu laudabile, seu imitandum. Pacem ex-
optant, quæ abundantiam Et divitias adfert, Et tamen devastati-
onem, Et pauperiem canunt, queri etiam non permittunt, eripiunt
lacrymas, non consolando, sed minando; fulgor armorum Polonicos
rum erat terribilis hostibus, sed illo tempore, dum illum implebat
confidentia, amor, zelus, gloria, sed quando edax livor rubiginem
inducit, citius lingvâ, quam armis agimus, ex vagina gladius acus-
tus lingvæ eorum.

Desperandum tamen non est, summa calamitas prosperitatis
indis

indiciam. Duae res adferre possunt malaciam, minor Mti V. con- A. C. 1703
fidencia ad nonnullos, minor diffidentia ad alios, pronior ad solida,
quàm ad fabulas auris. Quod ad me pertinet, quanquam, non ha-
beam, nisi ad querelas occasionem, memor characteris charitate cun-
cta operio, quidquid salvâ conscientia, salvè juribus humanitus pra-
eticari potest, ad pondus & mensuram adimplere conor. Regis Sue-
cia experiri possum aestimationem, sed arcana ejus, dubito, an alicui
etiam viciniore sint manifesta. Literis ultimis quæ mihi scripsit, cre-
dere debeo, non habendo rationem, ut ijs diffidam, cum hætenus
nullam notam duplicitatis, omnem verò firmitatis in eo advertam,
quando post primas de Busk adhuc datas, hanc primam recipio, in
qua mitiora loquitur. Si proinde in hoc loco facere aliquid possum,
laborem, curam, & obsequium meum offero. Loquere Domine, cui
humillimâ inclinor veneratione. &c.

LX.

ANDREAS C. ZAŁUSKI PRINC. EPISC. VARM. ET SAMB.
 REGNI CANCELLARIUS, CARDINALI PRIMATI.

Mariæburgô 21 Martij.

Appropinquat consilium, in quo primus ex Stallo meo dicere sen-
 tentiam teneor, & postea abito, propterea breviter tuis cum omni
 veneratione respondeo.

Quod literæ meæ non ad pompam fuerint scriptæ, res ipsa mon-
 strat, quia nullus copiam earum habuit, nec tam citò habebit. Nuntio
 Apostolico potest esse (nam non bene memini) quòd aliquid in hac
 materia scripserim, sed respondendo ejus literis sine ulla intentione cu-
 riositatis excitandæ.

Pædagogum agere non est professionis meæ, Dii obliti sunt ejus,
 quem Pædagogum fecerunt, nec hoc in cor meum unquam ascendit,
 quinimo discere à te semper volui, cum tabula rasa optavi, & opto te
 frequentare, ut super ea scribas, quæ velis, & nemo inveniet me un-
 quam derogantem, vel in minima parte authoritati Primatiali; vitio
 verò nemo mihi vertere potest, si aliquid dico, vel ago, quod ad defen-
 sionem pertinet, ad quam jurata fides obligat, efficientem quæcunque
 possum, conantem etiam quæ non possum.

Indè credere potes verum fuisse desiderium meum pacis, & publi-
 cæ tranquillitatis, dum me obtulissem ad longissimum etiam iter, nec
 Varsaviam venire denegâssem, & jam pridem in ea me videre potuif-
 sem, si obstacula me non impedivissent, nam miserijs publicis, & pri-
 vatis victus, depressus, obrutus, necdum vocem adhuc & manum per-
 didi in tantis malis.

Erubescere non possum, quòd semper ad tuam recurrebam prote-
 ctionem, quia hæc semper mihi est necessaria, & tibi in similibus con-
 juncturis gloriosa.

In alijs punctis aliter me justificare non possum, nisi appellando
 ad eum, qui omnium nostrum intentiones, & facta judicabit. Cæterum
 non peto hominibus esse spectabilis, ne fiam invisus DEO, malo hîc con-
 temptus esse, quàm æternum inter contemptos.

Illud addo, quòd semper enixè orabam, ut dum etiam & apparen-

A.C. 1703 tia offerretur, non tantum iter, sed & semitam arripias ad procurandam pacem, quod & publico nomine tibi proponetur cum precibus, si consilium meum hodiernum venerit ad effectum.

Per amorem Christi Princeps Eminentissime omissis inanibus, oblatis omnibus Domino DEO injuriis, in quibus ego teste cælo & terrâ maximè gloriari possum, arripiamus eam, vel aliam viam, modo ad optatam pervenire possimus omnibus metam, si pax esse non potest consilium in hostes unicum armari manu; vel tantum monstrare media, & modos ulteriores, ut salvo honore Mtis, & autoritate Reipub. id fieri possit, nulla certè occurreret difficultas, facilitabuntur omnia, nisi sicuti apud te nullus adhuc mali sensus, ita nullus sit pereuntis Patriæ dolor, interim tamen timendum, ne collata testa testæ mutuò ruant. Interpretetur quomodo cuique placuerit, intentiones, & actiones meas, ego sequar semper eandem viam, & agnosces plus in me semper, & in bonum publicum, & in personam tuam sinceritatis, & observantiæ, quàm malitia hominum depingere me solet; inimici multi, invidi penè omnes. Quæ omnia in vulneribus Christi sepelio, nec me id deterrebit unquam, nec ab agendo, quidquid debeo Regi, Patriæ, nec à demonstrando, quod sim.

LXI

ANDREAS C. ZALUSKI PRINC. EPISC. VARMIEN. & SAMB.
CANCELLARIUS REGNI, CARDINALI PRIMATI. 2. April.

IN documentum sinceræ Seren: Regis nostri cooperationis, ut quantocius motus Cosatici cessare possint, nec illâ diversione operationes belli in Polonia impedian, miseram copias literarum tam ad Ducem Moschoviæ, quàm ad Mazeppam & alios; nunc responsa ab iisdem pro meliori informatione tibi transmittenda putavi, unde colligere possis, nullum à Duce Moschoviæ usque in hanc horam impendere periculum. Video Palatinum Belzenssem Campiductorem Regni operâ Patkulij usum fuisse, cujus binas quoque literas libens adnecto; quanquàm miror diversimodè eum scripsisse; nam in literis 3. Febr. datis Palejum detestatur, quem post in aliis literis laudare videtur. Adjungo quoque recenter Vilnæ factam Confoederationem M. D. Lit. ut videas parem zelum ubique pro Majestate. Hæc dum tibi defero affectui perenni me recommendatum cupio.

COPIA LITERARUM à PATKUL DATARUM AD PALATINUM BELZENSEM. 3. Febr.

PRæsentium lator Kalinowski plenam tibi dabit informationem de ijs omnibus, quæ hic gesta sunt, quantum laboraverim, quibus promissis & minis tam nomine Regis, & Reipubl, quàm Careæ Mtis animum Paley tentaverim, ut ad resignandum fortalitium inducerem. Omnia in vanum fuerunt, unico hoc responso spem nostram incidit, Bialocerkieviam se è manibus non dimissurum. dum hic sol in cælo luceret, nisi habito expresso à Carea Mte & Duce Mazeppa mandato. Ostendi illi, & reddidi universalia cum literis R. Mtis omni possibili modo persuadendo, ut ad debitam reditum maturet obedientiam, securus interim & certus, si id faceret, non sine premio futurum non tantum à R. Mte Poloniæ, sed etiam Carea Mte, cujus eò desideria collimant, ut arctissimâ cum Repub. colligatione factâ unitis animis & viribus

ribus bellum contra communem utriusque Regni hostem promoveat, *A.C. 1703* quod non aliter fieri posse satis intelligit, nisi per prius pristinae tranquillitati istae Provinciae restituantur. Addidi in cassum illum respicere Careæ Mts mandatum illudq; excusationi prætexere, quandoquidē ut ipse fatetur, nullum habuerit de occupando fortalicio, manuque tenendo præceptum, à Carea Mte, quam constat nolle, nec posse affectare præfatam arcem, vetante id Tractatu Pacis, & colligationis factæ, in ipsa Metropoli Moscuæ An. 1686 Articulo 4to & 5to, in quo hæc formalia sunt; nullatenus Caream Mtem Cosacorum ex hac parte Borysthenis manentium rebus & causis (ac si ij ad se pertinerent) operam suam accommodaturam, nec illis ope aut protectione suffragaturam; unde gravis foret excessus, velle, ut tantus Monarcha verbo & promissis suis renuntiaret, eo potissimum tempore, quo jussit, ut ad Aulam Poloniae Regis omnibus viribus ejus legatus annitatur, quatenus vera amicitia & confidentia cum Rege & Republ. conservetur. Quam ob causam pollicetur suppetias, quæ cogant rebelles, & boni publici hostes ad pristinam obedientiam, quam hic & nunc Paley excutit, ejusmodi præmissis attentatis, quæ non nisi Suecorum commodo militant; illorumq; fortunam extollunt, uti ex publica fama constat, & communi omnium voce Palejum adversæ parti favere, inque favorem illius his ausis tam turpiter inclarescere, divulgante. Dicenti non tam in possessionem suam, quàm potius tutelam eam Arcem acceptam, reposui, obligatum esse omni jure, & ipsâ æquitate id postulante reddere fortalitiū quocunq; tempore, quo verus illius Dominus & Possessor ejusmodi redditionem affectat, & imperat, alias necessario secuturum, ut pro perduelli habeatur, quam labem contrahere, pœnasque sceleris tanti præmia sibi eum velle accersere, me non putare; dixi me ita persuasum esse, quod uti Carea Mtas nunquam permetteret, ut exterus quispiam Princeps pro suo libitu & licentia negotia & causas inter suos subditos dirimeret, vicissim ipsa alteri ejusmodi injuriam non faceret, in ejus ditiones involando, alienasq; lites ad suum trahendo forum, certoque pararet vindictam in eos, qui suis talibus facinoribus ab illa favorem & protectionem sperarent. Demum explicui illi literas ipsius interceptas in præsentia Colonelli Abazyni ejusmodi fuisse, ut satis ex illis constaret eum & complicem & reum perduellionis æquè ac cæteros jam merito supplicio pro ausis suis affectos; modò nihilominus adhuc favere tempus recuperandæ gratiæ, & famæ, quam primitus habuit, apud Regē & Remp. intuitu fidelitatis & impensi, prout subditum decet, obsequij, quòd si id negligat, jam nunc me ominari seriâ quidem, sed serâ pœnitentiâ doliturum, meo eum non paruisse consilio, præsertim ubi Carea Mtas fideliter à me edocta de omnibus meliora eum sapere docebit Seren: Regi hoc in negotio opem & operam ferendo. Juxta 5tum Articulum prænominati Tractatus inter Regem & Remp. ex una, & Caream Mtem ex altera parte certè eò deveniendum fore, ut Paley captus in manus sui Domini resignetur, mercedem debitam temeritati & audaciæ ab eo recepturus. Objicienda tum illi scelera, eo patrata tempore, quo vires suas impendere iis frangendis debuerat, qui eum de Throno dejicere laborabant. His omnibus & aliis pro possibili dictis, nihil aliud evici, nec excerpere potui, præter primam resolutionem. Compertò igitur eum in proposito suo pertinacem, & flecti impossibilem esse, visum mihi consulere ei, ut saltem ad tempus belli operationes suspenderet, quo tempus Regi & Reip. lucraret aliis consiliis in-

A.C. 1703

tendendi. Videbatur initio hanc meam propositionem acceptare, verum, quamprimum illi Articulos Tractatus, quos tibi mitto, ostendi, respondit se de nulla re acturum, nisi prius ad Ducem Mazeppa totum quidquid id esset, detulisset. Reposui: indignum igitur illum esse tam contestato affectu, quam etiam gratiâ Regis, mererique ut in effectu, iram, & justitiæ pœnas tali debitas, qualis ipse ab omnibus habetur, experiatur, & sentiat. Considerando ergo, & ad oculum videndo eum non ratione suâ regi, sed ab alterius nescio cujus pendere arbitrio, non existimo competens esse, ut Rex & Respub. imposterum cum illo tractet, cum prorsus impotens nulliusq; reflexionis homo sit, diu noctuq; ebrietati deditus, imò, ut patet, partium Regi adversarum. Pro conclusione affecuravi illum à me, ut honesti amans sum iis coloribus, coram Caro depingendum, qualibus meretur, secuturâ inde procul dubio Magni Ducis indignatione. Admonui severè, casu, quo pergeret, aut novam cuderet ipse, aut Cosaci rebellionē contra Regē & Remp. omnes vires in illum exerendas, jamq; nunc expectandâ illi esse declarationem Careæ Mtis, siquidem toties illam suis ausis prætexeret. Tandem ad ea verba devenimus, ut censeam indignissimum hunc hominem esse, cum quo quis conferat, utpote nec DEum, nec infernum timente, prout Kalinowski horum omnium testis ob suam activitatem, meâ commendatione non fraudandus, pluribus tibi etiam circumstantias non negligendas referet. Potes igitur certus esse hunc tam præcipitis ingenii hominem rebellionem non renovaturum, tantumq; mœniis fortalitii se defensurum, casu quo quispiam in illum, ut perduellem consurgeret. Quia verò abundat populo ad defensionem sui, videor mihi non aliter posse consulere tibi, si forsan subiret animus hic vel Chvastoviæ illum oppugnandi, nisi ut supersedeas: quin rogo per amorem DEI, ne te, & ultimas vires Reipub. tuamque reputationem exponas periculo, plurimum enim dubito te posse aut debere aggredi tam potentem & desperatum hostem. Quod ad magnum Ducem Moschoviæ attinet, id tibi affirmare possum, nullam illum ad perduellem habere relationem; aliunde rebellis hic sibi adoptavit fulcra, prodentibus id certis verbis, magnam hujus rei suspicionem facientibus, & ita si contra prædictum Palejum moveres, in ejusmodi te sponte conjiceres periculum, ex quo revocare gradum hic labor, hoc opus foret, hostilibus undique copiis circumdato, eoq; rem deduceres, ut brevi post erratum intelligenti errorem corrigere non liceret, præsertim hoc tempore, quo alibi es necessarius. Optarem potius sancire amnistiam, & publicare aut veniam perperam actorum ijs, tantummodo servituram, qui damnatâ rebellionē ad obedientiam convolaverint, exposito Regem & Rempub. effusioni sanguinis Subditorum suorum imposterum velle parcere, præcipiendoq; ut omnes hoc reatu obstricti, securè bona & domos suas repetant, vivantq; quietè, certi se non turbandos, tum etiam vellem, ut exercitui tuo reditum in Patriam imperes. Hoc factò liceret tibi iteratò belli operationibus intendere, suppeteretq; tempus colligationi cum Czarea Mte finiendæ, in qua eæ conditiones apponi possent, quæ viderentur optimæ & efficacissimæ ad coercendum perduellem nullo fanè respectu dignantem suum Principem, nec agnoscentem, ob quam causam acerrimâ invektivâ supremum cum illo egi, clarissimis verbis meum exponendo votum, nullatenus me cum tali homine communicare velle, quem perduellem nôssẽ, Dominoq; suo infidelem, cui servire & obsequi mihi unicè honori duco. Proficiscor hinc imprimis ad Du-

Ducem Maseppa, ut in hac causa apud eum laborem. Reddam illi tuas literas, responsumque ejus meis adjungam innotescentiis, ex quibus intelligas, quid tibi sperandum imposterum, aut potius metuendum, ab illo sit? quo vultu relata de actis Paleji exceperit? quid de fortalitia reddendo cogitet? an & ipse hac in parte à Czareæ Mæis arbitrio pendeat, edocebo. Existimo tanquam rem necessariam Niemirowiæ in eo numero pedites relinqui, quo tuendo illi propugnaculo sufficient, ut in proximo sint, quibus extradita arx commendari, & credi possit. Scias denique gravissimè me id affecisse, te spe tuâ frustratum esse, & expectatione. Verum utcumque ea res se habet, ego, ut semel me addixi obsequiis Serenissimi, me specialiter obligatum agnoscens usque ad supremum vitæ diem tam Regi, quam Reipub. inservire, velut dilectæ Patriæ meæ, ita allaborabo tam in præsentē occasione, quam aliis successuris, ut gratiâ, benevolentia, & protectione dignus fuisse existimer. Significabo ergo tibi fideliter & confidenter, tanquam sincerè tibi obligatus, quem certum de omnibus his esse volens maneo &c.

P. S. Adjicio id necessariò; Ducis Maseppa hominem Stephanum nomine nuper à te in Castris donis honoratum, pessimè de te meritum esse. Audeo id asserere ipsum suspicionum & sinistrarum interpretationum tam Palejo quam aliis Cosacis Authorem esse. Ille furentibus calcar addidit, idque me præsentē ad omne nefas, prodiditque non nisi vilissimè se Regem, Rempub. compluresque ex Polonis Dominis æstimare. Existimo Kalinowio non defutura verba, quibus hujus hominis oracula referat. Reddidi illi pro tam insolente lingua egregiam talionem. Certus propemodum sum, si Rex & Respub. coram Czarea Mte ejusmodi ausum proponeret, satisfactionemque postularet, ad exemplum aliorum perduellium, hanc causam, Authorem, & Ducem puniendum fore. Exponam id Duci Maseppa, & exposculabo, ut secundum leges justitiæ de illo decernatur, fortassis tamen felicius res procederet, si nomine Regis & Reipub. instantia aliqua contra hunc incentorem fieret.

COPIA LITERARUM D. PATKUL AD D. PALATINUM
BELZENSEM Bialocerkviâ ima Martij.

OMnem movi lapidem, fortissimis egi verbis, ut Palejo persuaderem hujus fortalitii resignationem in manus tuas, sed frustra omnia fuere: excusationem attulit non aliam, quam quòd id sibi jam non integrum foret facere, sine expresso Czari mandato; assecuravit interim fidelem se esse servum Regis, Reipub. & tuum. Testor eum esse virum ejusmodi, qui his temporibus Regi operam navare possit, speroque eum id ipso effectu probaturum. Protestatus est coram me, se neutiquam culpandum de ijs, quæ in his terris facta sunt, nec alio modo occupasse fortalitium, sed solis precibus Commendantis impulsus. Vtcumque se res habet, mihi videtur adhuc cum illo lenius agendum, magna enim ejus autoritas est inter Cosacos, possesque, per illum, si aliquam gratiam expertus fuerit, totam hanc Provinciam in obedientia Reipub. retinere. Veritatem verò dicendo; expectatio illa mendati Moschovitici magnam reflexionem causat; significavit enim Magno Duci Moschoviæ jam occupatum à se fortalitium à Duce possidendum. Demonstravi illi perperam id ab illo factum, explicuique, ut potui; his non obstantibus iteratò testor bonum mihi hominem videri, non prætermittam de hoc negotio ipsum magnum Ducem, & Ma-

A.C. 1703 zeppam informare, reputaboq; pro magna fortuna, si feliciter id mihi cesserit, satisfiet enim tam Regi, quam tuo beneplacito, cujus gratiam unice æstimo, sumq; semper &c.

P. S. Defero etiam id tibi, Palejum noluisse suscipere literas datas ad Samussium, mecum ergo illas accipiam Kijoviâ per Cursorem Czareæ M^{ts} ad præfatum Samussium expediendas.

COPIA LITERARUM MAGNI DUCIS MOSCOVIÆ AD
SAMUSSIUM die 25 Februarij.

Notum nobis est, quæ scripseris ad subditum nostrum Ducem Zaporoviensem Maseppam, & præterea, prout non tantum ex literis tuis constat, sed etiam ex relatione Michæelis Christophori Bialosor Canonici Vilnen. Residentis nomine Magni Ducatus Litvaniz in aula nostra, uti etiam legati nostri residentis apud Regem Poloniz; quod te cum Colonello equitum voluntariorum Simone Palejo, & aliis Cosacis ad Borysthenem conjunxeris, terrasq; Fratris nostri Regis Poloniz invaseris, Fortalitium Bialocerkiam vi occupaveris, Nobilitatem & Judæos in eodem fortalitio, & aliis oppidis excideris, à quibus omnibus ausis necdum desistis. Quamobrem non tantum Senatores Regni, sed totus etiam M. D. Lit. non mediocriter conturbatur, nobisque supplicat, ut ejusmodi turbas compescamus. Certiorem ergo te reddimus, nobiscum Regem Poloniz arctissimam amicitiam inivisse, in eaq; hætenus perseverare secundum pacta nobiscum conventa de perenni pace, item Litvanicas copias ejusdem Regis Poloniz nostris associatas esse, ea intentione: ut contra communem hostem Suecum, ejusque adhærentes præliantur; quin præteritâ æstate fortiter nobiscum egerunt, & Arcem Bichov pro parte Regis Poloniz occuparunt. Quare tibi Generoso Colonello etiamsi aliqua injuria facta fuisset, sive tuo socio Simoni Palejo (quam nullam fuisse ex tot argumentis nobis constat) non sic procedendum erat. Jam reverere profundissimè Regiam M^{tem} Poloniz ex nunc, eo modo adversa omnia pacificabuntur, redibit quies & tranquillitas turbatae Genti. Misimus, ut ostenderemus nostram gratiam vobis nostras literas, concedendo, ut cum Generoso Colonello Simone Palejo contractam amicitiam conservare possis, cum ea tamen conditione; ut attentatis hætenus contra M^{tem} Poloniz impostero renuntietis, pro quibus succedant cogitationes belli contra communem hostem Suecum, si id opus fuerit. Resolutionem de hoc à vobis expectamus, gratiam nostram pro ejusmodi resolutione promitemus.

COPIA LITERARUM A PALEJO AD CASTELLANUM
Cracoviensem, Bialocerkviâ 10 Martii.

Quod præter morem & consuetudinem Ablegatum S. R. M^{ts} & Tuum apud me detinuerim, scias hoc facto opus fuisse ex ratione

ne

ne copiarum cum Campiduce Regni imminentium, & Principum *A.C. 1703*
Wisnovieciorum cum Litvanico exercitu, aliorumque Senatorum,
quos ipse melius nôsti, fortalitio huic appropinquantium. Porro hic
Ablegatus tuus Capitaneus Jonga à me sic detentus de nulla conqueri
potest molestia sive à me, sive ab aliis sibi illata; illi suus honor man-
sit integer, nec defuit sustentatio, qualis ejusmodi personæ congruit.
Hunc, quamprimum Copiæ Regni à nobis recesserunt, Te sic imperan-
te; salvo honore & substantia remitto, brevi etiam cæteros remissurus;
retinui enim illos duntaxat per respectum ulterioris Postæ, ad Mtes
utrinq; ordinatæ. Quod puncta attinet, quæ mihi per præfatum Capita-
neum transmisisti, resolutionem dare nequeo; pendet ea ab arbitrio
Monarcharum; Quoad bellum verò promitto, quamprimum in manus
meas mandata super hoc devenerint, me consueto tempore cum meis
non defuturum. Id verò enixè peto, ut residuo Christiano populo jam
ad sua domestica reverso, quietè vivere, paceq; frui per te liceat, ces-
sentq; omnes incursiones ab exercitu Polonico, latrocinia & expilatio-
nes inhibeantur, præsertim imminente vere; nam & à me severis in-
hibitoriis ad meos transmissis similia vetita sunt, quibus & pœnas ex-
pressi, pollicitus me ejusmodi insolentes, cujuscunq; partis fuerint, ca-
ptivaturum, & debitis pœnis, si quos tales comperero, puniturum. Id
iteratò à te petens tibi à DEo integram valetudinem, felicesque succes-
sus precor, maneoque &c.

P. S. Declaro etiam & promitto Nobilitati me provisurum, de se-
curitate, ut bonorum suorum quietâ possessione, & usu gaudere pos-
sint, vicissim concedes id mihi, ut viæ publicæ quietæ & securæ sint,
more pristino commercia vigeant, negotiatores non turbentur, omnia
cessent impedimenta & obices, ut vel ipse debere fieri judicare potes.

LXII.

ANDREAS C. ZALUSKI PRINC. EPISC. VARM. ET SAMB.
ALEXANDRO SALLAROLI THEATINO REGIO MINISTRO
Mariæburgo 4ta Aprilis.

A Nimum meum referendi officij cupidum metiaris non tantum
ex frequenti literarum compellatione, sed ex propensa scriben-
tis voluntate, quæ in ratione meæ erga te observantiæ, utramq;
paginam facit.

Jam tibi Mariæburgo hæc scribo, habens enim necessitates meas
particulares licentiâ petita, & impetratâ abieram Thorunio in Varmi-
am, sed vix pedem movi, statim plurima contra me more aulæ, quæ
in absentes immisericors esse solet, conficta, quæ literis meis ad Regem
& Dñum Procancellarium Collegam meum facile dilui. Quam vellem
ut tempora similia aboleantur, quæ sub Adriano Imperatore erant, sub
quo adeo delatorum voces valebant ut amicos, quos ad consilium pro-
vehebat, si fuerint accusati, in hostium loco haberentur, falsitatem à
consortio veritatis non ejiciendo, sed æquè primam, ac secundam con-
siderando, cum ordinariè cuncta turbantur, si integritas cum fraudib⁹
misceatur, si maledictis & calumniis subjiciatur. Non erit hoc ultimum,
sufficit autem mihi conscientia mea. Scio in dies me majora, & magis
indigna passurum, quia omnes qui justè, ac secundum leges vivere vo-
lunt, persecutionem patiuntur, & hoc præsertim tempore, quo qui viâ
rectâ incedunt non carent suspicione. Patiar sapius non modicam ja-
ctu-

A.C. 1703

etiam, sed eâ utar modestiâ, ac gravitate in meo officio prosequendo, ut nullius (vindictam quærens) unquam honori detrahâ, nullius famæ præjudicabo, nullius personam in discrimen adducam, & morem meum quem hætenus tenui, constanter tenebo, ut ijs qui mihi malè, ego faciam benè, de ijs qui de me pessimè, ego loquar optimè, penes innocentiam in sola pietate, & in misericordia DEI sperabo, qui nescit abesse piè sperantibus. Quanquam ita planè sit, ut nonnunquam miseros fortunæ fulmina feriant, quàm contumeliarum aculei lace- rent atq; cruentent, sed sit sanè, fervida illa nimis, & turbulenta inge- nia veritatis causam sub præclaro schemate zeli, & obsequij obtentu ab- scondant, laborare hæc potest, vinci non potest, & quotquot hunc im- petum incurrent, fluctus fracti dissilient, & paulò post tristes erunt ini- mici mei, qui me abesse, nunc sunt læti.

Et cum Rex Sueciæ vertere arma sua contra Thorunium destinasset, nec ibi securam esse residentiam Rex Serenissimus videret, relicto ibi sex, vel septem millium peditum præsidio, Mariæburgum iter direxit, ubi ut ego compaream in mandatis accepi. Mansi a prima Febr. aliquot dies Elbingæ expectans Regis adventum in loco destinato, & seriò revidendo decreta reformationis, utrum sint in executione, & utrum civitas secundum ultima decreta Commissionis Reipub. cui præfui, & multa in favorem Ecclesiæ ejus constituta sunt, non faciant aliqua ut ante Ecclesiæ illi (quæ ut scis ad meam Dioccesim pertinet) præjudicia.

Venerunt interim literæ D. Cardinalis Primatis ad consilium Var- saviense more Comitiorum invitantes, mitto tibi, & illarum, & Regi- arum copias, quæ sunt in contrarium expeditæ, elucidabunt primæ af- fectum ejus in Regem, nec amplius sinent caligini locum. Ecce effe- ctus tot protestationum post habitum Capitaneatum Miedzyrzycensem, facere hæc scribunt Varsaviâ constanter Dñam Palatinam Lencicien- sem, nihil unquam facit quidquam grande, vel parvum eiq; prius om- nia indicat. Mulier hæc plerumq; vel verius dicam semper graviori- bus consiliis sese arrogantius quàm mulierem deceret immiscet, & cum semel irreperit ad summam semper potentiam junctis artibus conten- dit, & si ancipiti suspensus cura quandoq; Primas, in pari spe, & æquali metu, ne consilia malè explicentur hæsitat, & in incerto hæret, illa ju- bet explicare vela, & quo fata vocant in altum, quasi ad quærendos im- mortalis gloriæ titulos pertinaci provehit aura, & subinde ad ea faci- enda inducit, quæ & ipse minus esse recta sæpius fatetur, quoties abit quocunq; eum D. Palatinæ fert voluntas, inde mores & ingenium ex actionibus his, & rebus gestis spectari debent; scio pro certo quòd Pri- mas tametsi ambitione præceps in diversa ab æquo, & bono aliquando rapitur multis tamen optimis artibus abundè instructus flagitiosa ejus consilia mirificè contegit æternitatis appetens, & gloriæ avidus, sed per- versis ejus persuasionibus victus inania pro solidis sectatur. Ut pleriq; Principes solent qui veræ virtutis obliti, per superbiam, animi vanita- tem, atq; malitiosa sœminarum consilia insaniunt. Sed consilium hoc, modò Reipub. non sit calamitosum, certè sibi & suis exitiale futurum, ita cum quemquam lædit ira Divûm, mentem bonam ejus pectori pri- mum eripit, & ad mala eundem consilia flectens, facit peccata nun- quam cernere ut queat sua. Clara est res hæc in casu nostro, & omni- bus ad intelligendum exposita, multos (ex quibus fateor & ego sum) majoris mali tenet suspicio, cum præsertim paulatim cum injuriis me- tus

tus crescat, juris, & legum contemptus. Commota enim sunt omnia, *A.C. 1703* & erumpere incipiunt, quæ prius suppurata latebant. Sed noster Cardinalis, si quam malè scribendo voluptatem cœpit, malè legendo amittet, cogi debet, ut sit quietus, qui suo vitio renuit esse pacificus.

Commisit enim hac in parte errores supinos, & crassos, qui satis essent, quamvis nunquam alibi peccasset, ad eum perpetuò vituperandum, culpandum, & hoc & omni tempore condemnandum, & jure potes dicere multa in illis deprehendi literis, quæ defendi non possunt, agit enim ea, quæ non sunt è Repub. non sufficit hoc, quòd Senatores, & Nuntios requirat more Comitiali, sed sine Rege, ad circum nesciunt convenire Catones, respondetur ipsi solidè, & fortiter quia metus cohibet, quos fides promissa non retinet, expectamus, donec videamus, quem res exitum habeat. Interim non transibunt hæc absque pœna, & animadversione, timeat sibi quia nulla temeritas tuta est, & nulla injuria stabilis, cogitavit consilia, quæ non poterit unquam stabilire, & pro frumento, quod sperabat, orietur ipsi tribulus, & pro hordeo spina, cum hæc consilia etiam si convenirent plures, nec mentem habere possunt, nec caput, nec pedes, nam dissidiis vastare ea omnino vult, quæ concordia exædificata sunt. Sed id durius factum, vel dictum, quod ferre debeat, meminerit & de Rege ea se scripsisse acerbius, quàm decuit. Formidolosam ergo hanc rerum gerendarum occasionem per curam & diligentiam nostram certè amisit, & amittet; Erepti autem à me sibi quasi è manibus triumphii, contumeliâ accensus, nunquam se eam injuriam animo depositurum esse jurejurando affirmavit. Sed DEUS auxilium meum, & spes mea in DEO est, his non commoveor, relictis corde lætitia, elevati sunt ad modicum, & non subsistent, & humiliabuntur, sicut omnia, multi insurgunt adversus me, Dominus autem susceptor meus, gloria mea, & exaltans caput meum.

6^{ta} Febr: venit notitia de morte D. Raphaélis Leszczyński The-
saurarij Regni, quem ego venturum Thorunium, & rediturum in gratiam Regis non arbitrabar solùm, sed sciebam, quanquam de mortuis non est nostrum judicare, quid facturi fuissent in humanis agentes, dubia enim res erat apud multos, & necdum veritate comperta, omnes enim inimici multò magis illos criminantur, cum jam se non possunt defendere, successura tamen erant, si venire potuisset, quemadmodum speravimus ex voto, sed cum illum Thorunium sperarem, vel in viciniam venturum, citatis equis eò se contulit, quo iter est omnibus. Nemo me dicere prohibet, quid sentiam de hoc magno viro, quia tuta est in mortuos reprehensio. Vicit ille famam virtutibus suis, & terrarum orbem nominis sui magnitudine, & fama ita implevit, ut semel eum vidisse in aliquo vitæ fructu poneretur. In illo scientia rerum erat eximia, virtus excellens, autoritas evidens, præsumpta felicitas, fuit laboriosus in negotijs, fortis in periculis, industrius in agendo, celer in conficiendo, consultus in præ- & providendo. De ejus capacitate dignitateq; dicere parum attinet, cum judicia hominum, & honores habiti testimonium dent evidens. Viæ ejus, viæ pulchræ, nec noviviventem, nec legi de mortuo quoquam, qui tot honores cum decoro gessisset; Imprimis Subdapifer, post Dapifer, tandem Incisor, deinde Vexillifer Regni, Mareschalcus Comitiorum colligationis cujus operæ, & curæ Vienna, & cum illa Christianitas liberationem suam jure debet, nam si hæc Comititia activitate ejus non fuissent perfecta, nec colligatio conclusa, nec suppetiæ datæ, ac proinde Vienna capi à Turcis, Christi-

*Mors Gen-
cominū Ra-
phaélis Les-
zczyński.*

anitas

AC. 1703 anitas perire poterat. Calissiensis post, & Pofnaniensis Palatinus, tandem Generalatu Majoris Poloniae accepto, Palatinus Lenciciensis declaratus, magnus Legatus ad Portam Othomanam missus, quam cum summo sumptu, ingenti nationis honore absolvit, ac demum Thesaurarius Regni renuntiatus in quo & finivit. DEus bone quot honores ab uno gesti! & semper, & ubiq; optimè! pauci & ferè nulli inveniuntur, qui tot gradibus ad summos dignitatum pervenerunt apices. Crede me potius tenebras, quàm lucem tanto viro addere, sed nolui desiderari à te fidem meam, ex cuius morte dolor multum me perstrinxit, & quidem acerbius, quàm ferebat opinio, anima mea in amaritudine est. Etiam ij tandem pereunt, qui res præclaras gesserunt? Quanquam bona fama durat, etiam post hominem, & quod gloriøsè geritur, sine temporis non tenetur. DEus illi misereatur, & locum pacis concedat, levandus verbis est dolor, & ad jucundiores cogitationes traducendus.

Thesaurarius cessit Dño Prependowski Palatino Mariæburgensi, Palatinatus verò Dño Kzewski Referendario Regni nuper factò, Referendariatus Dño Rzewuski Incisori Regni, Incisoriatus verò Dño Potocki Capitaneo Czerkasensi, castrorum verò Metator factus Dñus Lubomirski Capitaneus Sandecensis, Generalatus verò Majoris Poloniae Dño Radomicki Palatino Calissiensis datus est, quia verò secundum leges Patrias Palatinatum simul tenere non posset, commutatio facta cum D. Galecki, ita ut hic Palatinus Calissiensis, ille Inovladislaviensis fuerit declaratus, quanta mutatio morte unius! ita planè unius corruptio, aliorum fit generatio.

Tandem 17 Febr. veni Mariæburgum, retuli Regi quomodo expeditur Rozyccium meum Varfaviam, datà ipsi secretà instructione ad persuadendam pacem Generalibus Suecis, præsertim Reinschildto, quod Rex approbavit.

Disputabatur de loco consilij ab his qui nullibi esse minus volunt, quàm ubi sunt, sed tandem evictum ut Mariæburgi absolveretur, idq; in præsentia Regis ex rationibus, quas ex tractu Diarij mei scies.

Venit etiam notitia, quòd Cosaci qui contra nos multa faciebant per D. Potocki Palatinum Kijoviensem, Sieniawski Palatinum Belzensem, & Principes Wisniowieccios fuerint deleti.

27. Fuit ex improvviso Senatûs-Consilium, mitto tibi puncta, & meam propositionem, & conclusum, videbis, quàm generosa contra superbi Cardinalis consilia accepta fuerint, certò hoc mihi imputabitur, quanquam ego more meo modestè egerim, sed aliter fieri non potuit, qui dicit quæ vult, audit quæ non vult.

*Theodorus
Potocki.*

Interim Dñus Episcopus Culmensis inito consilio cum Dño novo Thesaurario Prependowski miserunt Varfaviam, & vellent independentem à nobis combinare Cardinalem, & suberat fortè spei non nihil, cui ego me non oppono, sed dubito valdè, ut id fieri possit; inde maxima orta est diffidentia D. Episcopi Culmensis contra me, & longè aliter sese habet, quàm ut putavimus, vel nobis de ipso persuasum fuit, sed quia ego innocens sum, DEO meo ut soleo reddo injuriam vindicandam, & decrevi bonum pro malo rependere. Interim impediens, & quiescentibus alijs, qui mihi auxilio esse deberent, insto in publicis, urgeo, nihil omitto ex his quæ facultates meæ permittunt, quidquid autem ex invidia dicitur, veritas non putatur.

Venit etiam notitia 9 Martij, quomodo Palatinatus Lublinensis declaraverit se in partes Regis Sueciæ, quomodo Tykocin fortalitium acce-

acceptum ab iisdem Suecis fuerit.

A.C. 1703

Interim ex maturo consilio visum est, (prout jam dixi) ut præsente Rege consilium fieret, & 15 Martij incepit, feci propositionem, Rex juravit tacto pectore post datam in lucem manifestationem non se nos deserturum, & nos pariter juramentum firmatum exsolvimus, magna in me indignatio fuit, quærentis quòd nequibat invenire D. Pro-cancellarii Regni (de quo expertus sum, quod prius non credidi) quòd ego non in furore, nec ira procedendum arbitratus sum, ille verò cum aliis non nisi ignem spirabat, contentus tamen dum me explicui Rex Serenissimus fuit, non decent enim nos Ecclesiasticos, nisi modesta, quæ illis non placent, quibus non tam pax, & otium, quàm contentiones, & bella sunt usui.

Quemvis Præsulem pacis convenit esse custodem, nam à quo melius moderatio debet sperari, quàm cui potuit Ecclesiæ regimen committi. Jam video quòd illi soli libertas est, quidquid facere velit, & dicere, cujus plenam confidentiam invenire non possum, nescio sua an mea culpa? Ita humana est conditio: omnes pluris apud nosmet ipsos, quàm apud alios sumus; ego verò ita suadeo non incerta spei ratione, quod & hi propè esse possint, modò eos non repellamus, qui à nobis longè sunt.

Quidquid sit, nunquam aliter loquor, quàm sentio, nec unquam ad gratiam loqui institui, nisi idem, & profuturum Regi, & Reipub. persuasum habeam, & nunc quæ sentiebam simpliciter omnia, sine ulla tergiversatione libereq; sum elocutus, nec à dando utili consilio unquam prohibebor. Passionis multorum impetus modestiæ clypeo domare soleo, satis tuta innocentia est. Habui etiam à Rege promissum, quòd nihil inculpabit, prius quàm à me intelligat, non prius arguet, quàm sensu perquirat, ne aliter instructus sit, quàm veritas inquirat, possunt enim multa dici de me, sed veritas in suo loco manebit, & post tenebras sequetur aliquando lux.

In consilio 30 Martij D. Gąszewski ex Palatinatu Podlachiaë investus est in Litvanos, sed & illi ore Domini Pocielij fortiter responderunt, & parum abfuit, quin hoc consilium non fuisset ruptum, sed tamen per gratiam DEI sumâ nostrâ applicatione ex insperato die 2 Aprilis finitum, & à Serenissimo Rege subscriptum, & ab omnibus cum plausu nostrorum, & confusione inimicorum, & malevolorum. Hæc sunt quæ mihi scribenda tibi de novo occurrerunt omissis nugis, aut levibus rebus, de quibus in vulgo semper est rumor; res notas iterum significare obtundentis est, inania verò attingere, & nihil nisi verba dare dementis. Ego pro festis Paschatis abeo in Varmiam, tu verò scias quòd te amem, colam, observem, sumq; tuus.

COPIA LITERARUM A LUDOVICO ZALUSKI EPISCOPO
PLOCENSI, AD PRINCIPEM CANCELLARIUM REGNI
FRATREM 14 Aprilis.

TAntas inter calamitates viribusq; nostris majores, adeoque ipsi calamo & linguæ eas referre volentibus, difficiles, Diocesis meæ ^{Quærelæ de oppressione} oppressiones nullum ex omnibus charis meis videns, qui con-
soletur, aut consolari possit, ad te recurro, à quo ad latus Mtis existente, si non opem, saltem spongiam lachrymis meis & pauperum detergendis spero, mihiq; promitto. Jam annus totus elapsus est, ex quo a-
vulsis

A.C. 1703 vullis de cardinibus suis juribus, & immunitate Ecclesiasticâ, iisdemq; conculcatis, miles Saxonicus paratior ire in perniciem civium, quàm hostium, Ecclesiastica bona sibi in prædam destinavit, inauditas à sæculo indixit, indictasq; exvadi imperavit portiones. Nulla jam aulis, nobisq; autoritas, furore & audacia omnia sibi pro libitu insolenter vendicante, nec aliam licentiæ causam prætexente; quàm, quia Dominus his opus habet. Quæsi ex his hospitibus, quod tandem peccatum in me tam severâ pœnâ & pœnitentiâ punirent? responsum sufficere ad peccatum, quòd impar essem resistendo. Testis mihi DEus est, cui servo, testes omnes, in quorum oculis fidem meam & sollicitudinem tot inter turbas Mti, ejusq; rebus probavi. Nolui meâ personâ Turbatorum augere numerum, proprium oppignoravi argentum, ut egenos redimerem; nec hoc satiat miles, utpote cui nihil satis est. Ergo evacua stabula pecoribus, quæ vilissimo pretio in singula prænunciato venderent; seu potius prodigerent: expilatæ aulæ, direptæ quadrigæ, equi Nobilitati, & Senatoribus adempti, quos inter Castellanus Visensis suo tempore causam dicet. Scripsi ad aulam, nihil profecturus, innui viscum etiam in parva quantitate magnis alis illaqueandis posse sufficere, eodem cultro panem scindi, & digitum vulnerari: verba pro re recepi, decreta inquisitio, Commissio assignata, ad speciem omnia, & joci gratiâ, quia sine effectu. Nam interim Saxones antiqui moris retinentes vastationem promovent, contributiones extorquent. Occupavit Diœcesim meam tam Saxonicus quàm Litvanicus exercitus, volens his malis occurrere, ceu sideratus præcipitavi iter, ut quantocyus Mariæburgi comparere possem: verum nescio, quò fato meo, proxim^o loco consiliorum existens, jam illum congressum finitum esse comperi, indubiè, si ibi in tempore adfuisssem, tacturus ulcus, & linguam moderaturus versus affectum dentem: forsân tamen melius factum est me ab eo consilio absentem fuisse, quia un noble ressentiment ne s' évapore point en paroles. Addo occupatam Pultovix arcem, effracta cellaria, vivaria piscium exhausta, ejectos conclavibus inquilinos, pulsos ex stabulis equos. Quin nec aulis per prædia parsum, interversæ operæ, excussa frumenta, Domus Canonorum in hospitia excubiarum mutata, in singulos rusticos quini aut seni milites distributi, uno verbo, ceu jam adforet supremus judicii dies, ploratus & ululatus inter maledicta & execrationes ubiq; plurimus, lachrymæq; cælum penetrantes. Lator præsentium pluribus si poterit, referet calamitatem; nam mihi dolor verba eripit. Unicum à te peto, id inter maxima gratiæ, & benevolentix tuæ erga me habiturus argumenta, ut authorem malorum indages, quis ille Consul fuerit, ut Ecclesiastica bona tam diræ direptioni exponerentur; pateat manus, quæ hunc lapidem in nostrum direxit vulnus, spem firmam habeo in DEO me huic sangvisugæ à corpore universi avellendæ, expressoq; quem bibit, sanguine, ad quisquillas ejiciendæ non imparem futurum. Indixi confratribus, Prælati & Canonicis meis conventum, ex quo imprimis deputatos ad revisionem designabo & mittam, certò millionem in damnis reperiam, computationem factam & exorbitantias typo datas per Comitola spargam, Romæ, & Præsulibus nostris communicabo, exercitui nostro exponam ipsi panem benemeritorum ereptum, demum cum afflictis meis levabo ad cælum manus meas, orans; ut venenum aspidum, & hoc fel Draconum pro felle piscis Sarmaticis nostris Tobijs oculos restituat.

P. 3. Quod Zamoscio habui, tibi adjungo, hoc est quod 15. Febr. Sue-

Suecorum aliquot millia die Dominico nobis circa meridiem prandentibus insperatè sub Zamostium venerunt, non ausi tamen propius muros accedere. Generalis Steinbock per aliquot Ablegatos misit literas ad Ordinatum Zamoyski, deditionem arcis persuadendo, responsum illi, ut non se turbet cum exercitu, statimq; post discessum Cursorum, conclusum vim vi repellere. Facta ergo est terna tormentorum explosio, primà interfectus Generalis major Horn cum aliquot Officialibus, unde sumpto bono omine animus crevit, & resolutio; alterà aliquot corruerunt, tertià omnes in dispersionem acti, reliqui verò locati in suburbijs, relictis capillitiis, sclopetis, gladiis, aliq; apparatu, vix vitam imminenti morti eripuerunt. His peractis exnunc Ordinatus ex muro demitti jussit 30 milites cum accensis facibus, qui suburbia incenderent, quæ ex omni parte incensa quatuor diebus & noctibus ardebant, sicq; Sueci nihil à nobis præter confusionem retulerunt. Publica in crastinum in gratiarum actionem circa urbem facta processio, in cujus complemento vix ad templum delato Venerabili, exorti terrores in populo, Suecum esse in proximo nunciante, quo audito exnunc ad val-la & muros concurrerunt nobiles & milites, ubi dato explosione tormentorum igne, Sueci iterum redeunt, murisq; propius accedentes, in fugam acti, tandem Ordinatus explorandi gratià expedit 70 Equites sclopetarios, totidemq; lectos nobiles bellandi gnaros, qui aliquot occisis Suecis, captivos aliquot duxerunt ad arcem. Interea Generalis Steinbock misit ad Regem Sueciæ, quærendo, utrum obsidenda, impugnandaq; civitas esset, nec ne? nondum habetur à Rege resolutio.

SERMO PALATINI MASOVIE AD REGEM SUECIE

in Audientia. 16 Aprilis Pragæ.

Serenissime ac Potentissime Rex.

VENIT iterum ductu & operâ Eminentissimi Cardinalis Primatis Regni Respub. nostra cum symbolo pacis, & amicitie tessera, ad S. R. Mtem V. Illa nimirum Respub. quæ non ita pridem Leonis Suetici progeniem ad solium Mtis suæ, liberis evectam suffragiis vidit fidei obsequio, quo semper constantissimè regnantes colit, venerata est, & uberiores, nullo ævo, tacendi manipuli collegit fructus. Quæ pacta & fœdera cum Serenissimæ Mtis V. Domo, Regnoq; Sueciæ, sacrosanctè semper tenuit, & quod miretur, quod æstimet Posteritas, vel per abrupta manutenere satagit, asseritq;, ex rationibus statûs confirmata non debuisse, nec potuisse violari insciâ illâ, & non consentiente. Quæ gratularetur etiam sine dubio tantum sibi datum hospitem, nisi miseriæ ipsæ viscera consumentis belli, gemitusq; innocentium Civium, & jus omne & sensum confunderent. Eadem tamen Respub. confidit, & non sine fundamento firmiter sperat S. R. Mtem V. magis sinceram affectûs contestationem, quàm dubios belli eventus & fortunæ, quæ rarò diu satis constanter arridet, æstimaturam. Hæc se adhuc impetitam credit, licet latè diffusa calamitas aliter suadeat, obstantibus tot amicis S. R. Mtis aurem & Regium cor, à cognato sanguine quo ipsa ducit pietas, non aversa inventuram, cum præsertim eò usque (uti res ipsa testatur) nihil prorsus hostile sit actum ex consensu Ordinum Regni, quibus semper firmum mansit, manetq; usq; ad extrema proposita, successûs potius, quàm datæ fidei detrimentum pati. Probavimus hanc veritatem Serenissime Rex capiti Mti in correspondente corpore,

A.C. 1703

quæ unita & simul juncta aliam forsân rebus induissent faciem. Probamus & nunc pacem bello, & oleam lauro præferentes. Nec adeo S. R. Mtis indignationem incurrere debemus, quòd libera Gens, liberæ Electionis Sacramentum Seren: Regis Nostri, Nomen sanctum, Mtem & integritatem sanguine, & vitâ cariora esse profiteamur, cum constantia deceat viros, nulliusq; magis interest, quàm coronatorum Capitum, ne facilis, sed damnandæ subditorum levitatis exempla dentur. Cæterum extremis his externis, quæ aut voluntariè obligatam, & juramento comprobata fidem, præcipuum statûs nostri arcanum, aut coalitarum Provinciarum compagem dissolvunt, ad omnia honesta & possibilia, pro comprobandis pactis Olivenfibus, pro firmanda, inter inclytas Gentes, stabili & perpetuâ pace, pro restauranda veteri ac fida amicitia, S. R. Mtas faciles nos semper & justitiæ amantes inveniet. Quod ut sit manifestum, Deputati ad inchoandum tantæ molis negotium, Commissarii obnixè petimus.

RESPONSUM A REGE SUECIÆ, seu MANIFESTATIO.

Quemadmodum nemo, nisi apertè sit iniquus, inficias iverit, bellum hoc à Rege Poloniæ temere ac sine justa causâ susceptum indignoq; prorsus modo gestum esse, ita in dubium non vocabit, quin S. R. Mtas Sueciæ, tam injustè ab eo laceßita, jus habeat, non tantum pro damnis, quæ inde tolluntur gravissima, satisfactionem exigendi, verum etiam de futuro cautionem tantò majorem, quantò plura innocentia suæ documenta idem dederit. Tertius jam annus abiit, cum neutram harum obtinuit S. R. Mtas Sueciæ, & ut eam amicâ ratione obtineat, spem superesse videat exiguam. Etenim, si quando Rex Poloniæ, cum armis Sueticis in angustias se redactum sentiret, Pacis præ se desiderium tulisset, illud tamen quamprimum spes aliqua successûs blandiretur, ex animo ejecisse deprehensus est, ex quo palam, eum occultè infesta quævis moliri. Unde colligere haud difficile erat, ex industria hoc fuisse compositum, quo imminens discrimen evitaret, aut impetum victoris tam diu, donec nova fabricarentur consilia, eluderet. Inprimis verò ut aliis persuaderet pacis amorem sibi esse, culpam autem protracti longius belli, apud S. R. Mtem Sueciæ residere, odio propterea tam Reip. quàm Fœderatorum dignam. Posset hoc ex illis, quæ hætenus gesta sunt clarissimè demonstrari, nisi quod ante oculos expositum est, ab omnibus perspicui æstimaretur. Hæc causa erat quare S. R. Mtas Sueciæ, jam cautior facta, ne promissis ejusmodi, sub quibus tantum latere insidiarum deprehenderat, fideret, neq; viam lubricam adeo & infidam nisi magnâ cum circumspectione ingrederetur. Nihilominus, ut cum Repub. Polona tum universus Christianus orbis intelligeret non dulcem adeo sibi esse armorum gloriam, ut de quiete populorum non cogitaret, in medio victoriarum cursu cum tramite institit, quem pacandis hisce turbis, quàm accommodatissimum esse crediderunt, atq; adeo manifestum reddit, publicam salutem magis sibi cordi esse, quàm quodcunque bello lucrum decusque. Quapropter missis 4. Mensis Febr. ad Emin. Cardinalem tanquam Primatem totius Poloniæ literis, propensionem suam ad bellum hoc secundum, apertè indicaverat, eoq; sine Conventum totius Reipub. indicendum proposuerat, in quo quisq; statuum absq; metu, ac coactione sententiam diceret, eaq; consilia depromeret, quæ salubri huic instituto,

to, quàm maximè viderentur concedere, existimavit S. R. Mtas Sueciæ *A.C. 1703* propositionem hanc eò minùs rejiciendam esse, quòd à legibus hujus Reip. non aliena esset, propterea compendiosissimam, tutissimamq; esse deceptam se intellexit. Tantum enim obfuit, ut eam approbaret Rex Poloniæ, ut inde ansam arriperet conviciis existimationem S. R. Mtis Sueciæ proscindendi, Ordinibus Reip. suspectam ejus reddendi intentionem, atq; inutilem, quemadmodum literæ ejus ad Senatores paulò post circummissæ, clarius evincunt. Quo pacto in lucem erumpit, quod magnà solitudine tectum erat, invisam esse nempe illi gentis hujus tranquillitatem, qui unicum fermè illius reducendæ, remedium impedivisset.

Cùm verò Eminentissimus Cardinalis consilio eorum, qui pro Reipub. bene animati erant, conditionemq; hanc non modò æquam, justâque, sed etiam opportunam huic tempori indicavisset, & proinde consultum duxisset, consilium tale indicare, in quo libere quisq; procul metu, & corruptione, procul partium studiis, sensa animi aperiret, deque ijs deliberaret, quæ communi bono idonea credidisset. Rex Poloniæ obviàm ivit, illud conventiculi nomine traducendo, intentatâ etiam illis ultimâ pœnâ, qui illuc convenire ausi fuissent. Hisce artibus in irritum cecidit, quidquid ex parte S. R. Mtis Sueciæ componendis hisce turbis factum esset. Idem enim Rex alium cœtum, huicq; oppositum Mariæburgum convocavit, cui non adfuit tantum, sed etiam præfuit ipse, qui bellum hoc iniquissimum conflaverat, præsentiumq; alios minis, alios donis, atq; pollicitationibus eò deduxit, ut ea concluderent, statuerentq; quæ à pacifico animo, eò minùs profecta esse apparet, quò in S. R. Mtem Sueciæ iniquiora sunt, & alendo potius quàm restringendo huic bello plura continent.

Ab hoc consilio, quod præsentia ipsius & spiritu animabatur, qui non modò Author hujus belli esset. verum etiam ex ejus continuatione utilitatem capiat maximam, quem negotii hujus successum sperare quisquam poterit, siquidem is ipse pacem, quæ fido stabiliq; fundamento innitatur, & suis adversam destinatis remoratur, eamq; suam potestatem adeo coerceri, constringiq; metuit, ne illa, quæ adversus libertatem Polonam animo suo defixa habet, perpetrare possit, bello verò in longum producto, præsertim, si Rempub. in societatem ipsius pertraxerit, non defore sibi occasionem videt, ea perficiendi, quæ diu in perniciem ejus agitaverat.

Tantò verò facilius ipsi jam fuerant præsentis, in suam adjicere sententiam, quòd eorum multi, præsertim Litvani, jam diu hostes se esse Suecorum professi sunt, præterq; sævitiam insolentiamq; in populares suos effusam, nisi per bellum promeritam effugere pœnam, se non posse animadvertunt, quo durante, sanguine, atq; fortunis eorum, quos convulserant, diutius se ingurgitandi solitam habituros se licentiam sperant. Quanquam verò credibile est, non paucos illorum, qui consilio huic interfuerunt seriò pacem exoptasse, adeoq; alterius longè sententiæ fuisse, si quæ voluissent, liberam habuissent dicendi facultatem, quoniam tamen sub oculis, ac imperio illius constituti fuerant, qui plurimum pollebant, ad nutum ejus, voluntatemq; se componere sunt coacti. Propterea cum Mariæburgense hoc consilium, eidem fundamento, quod Sendomiriensis posuerat Conventus, innitatur, rationem non esse existimat S. R. Mtas Sueciæ, quare illud in aliâ consideratione habeat, quàm origo illius sit. Hic enim tametsi ex unius tantummodo

A.C. 1703 do Provinciæ Palatinatibus constabat, vim tamen totius Reip. repræsentare voluit, atq; eo nomine Pacificatoris seu Mediatoris personam induere, inter belligerantes Reges. Quòd si quis legerat posteriori illi plurium Palatinatum suffragia accessisse, consilii tamen ab universa Repub. constituti vim nomenque habere nequit, à quo præcipuæ primæque authoritatis in Repub. viri, abstinerunt, quodq; non audierunt Palatini non exigui nominis, neq; unquam in illud concesserunt, Quâ securitate S. R. Mtas Sueciæ, cum illo tractatum institueret, cui intercedendi jus habent alij, quodq; ex legibus Patriæ, cum ita videretur, illegitimum pronuntiare potuerunt? quid statuta Polonica in hoc casu valeant, quidq; exigant, ut justum validumque habeatur, idq; conclusum fuerit, non in obscuro est. Quidquid Legatis his, quo consilium Mariæburgense, nemini non aliud mandatum, quàm quod Sendomiriæ acceperant, datum esse liquet, in quo injunctum illis erat suo interventu Pacificationem inter ambos Reges constituere, atqui rationes, quæ tunc S. R. Mtem Sueciæ impulerunt, ut mediationem Reipub. non aptam satis judicaret, non modò ut antea huic negotio, opponuntur; verum etiam eo magis evaluisse jam censetur, quòd præterquam à consuetudine omnium gentium, atque à prudentia longius remotum, eorum officiis, uti in controversiis componendis, quo justissimas ob causas, quisquam suspectare potuerit, non esse à partium studiis vacuos. Tales etiam ij inventi sunt, qui in partem culpæ veniant, mediatione quoque ab eo consilio, sic demandatâ, quòd infesti animi magis, quàm pacifici, luculenta exhibuerit indicia. Quamvis enim in concluso Mariæburgensi pacis mentio inferatur, perspicuum tamen est, specie tenuis illam fieri, cum maximam partem illud de bello & clarificationibus loquatur. Planum hoc evadit ex confictis criminationibus, quibus S. R. Mtas Sueciæ injustè laceratur. Jam verò comminationes illæ, quibus refertum est, & consilium cum Moscho tam Polonia, quam Regni Sueciæ acerbissimo hoste, fœdus arctissimum pangendi, quid aliud, quàm infesta quævis spirant, animum certè hæc amicæ compositioni intentum non arguunt. Indigna verò res esset, victore Rege qui toties hostes suos perculerat, ijsque & viribus est instructus, quibus invitos & nolentes, ad æquas condiciones cogere possit, si minis ejusmodi ad iniquas condiciones accipiendas terreretur, pariter ac eorum muneri, qui mediationem suscipere cupiunt, minimè videtur convenire, ut alteri parti velificari nimis velint, alteri autem minentur leges præscribere duras, & iniquas, aggrediantur. Ita quidquid S. R. Mti probrosum sit atque infensum non omittitur. Quo autem pacto damna, quæ ex hoc bello, inflicta sunt, resarcientur, quanquam securitatem adversus levis adeo ingenij hostem nanciscetur, in posterum ne verbo quidè meminit. Hisce rationibus ritè perpensis non consultum habet S. R. Mtas Sueciæ, Tractatū aliquē, qui super hoc fundamento instituatur, incipere, utpote ex quo non decus sibi, non satisfactionem, nec securitatem ullam polliceatur. Quanquam nec Reip. Polonæ commodi inde quidquam proventurum certò prævidet, contra verò perniciem ultimam accelerari, periculumq; fore, ut Boni, quod pretiosissimum habet, ipsius libertatis, tandem faciat jacturam. S. R. Mtas Sueciæ, honestam, securam pacem, non respuit, quoniam tamen semper æstimaverat incolumitatem Regnorum Sueciæ, ac Polonia, ita esse combinatam, ut altero concusso periclitari alterum necesse sit, talem amicitiam redintegrandam optat, quæ utriq; populo diuturna sit, ac proficua. Tot autem in Remp. Polonam

lonam benevolentia suæ signa confidit exstare, ut de integerrima sua intentione dubitare minimè debeat, sed minimæ potius amicitia pignora sibi exhibere, ut reliqua silentio jam prætereantur, sufficere aliud existimat, ad indicium constantis & non fucati animi, quòd peculiarem pacem, quamvis sibi quæstuosissimam nunquam voluisset admittere, rejectis optimis conditionibus, quæ cum detrimento Reipub. fuissent conjunctæ, eandem propensionem Respub. in posterum servare constituit, cumq; illa arctioris amicitia fœdus inire parata est, ex quo gloriam & incrementa sperare poterit uberrima. Non alienum ab hoc proposito ducit, si Reip. paulò intentius ad animum revocet, in quod discrimen se conjiceret, quamque inexplicabilibus se incommodis involveret, sic eo tempore, quo cum S. R. Mtas Sueciæ, certas rationes iniret, eorum consilia disturbandi, qui libertati ipsi insidiantur; illa cum Regis sui, tum Czari iniquissimis bellis se ingereret, fidos veteresq; amicos, qui sartam tectamq; ejus posteritatem cupiunt, à se alienaret, in illorum verò casses incideret, quos in perniciem suam conspirasse notum est, de quibus nemo dubitavit, quin ad maturanda ea, de quibus dudum convenerant, hac opportunitate uterentur, & quemadmodum illius culpæ quàm hostis S. R. Mtis Sueciæ contraheret, se hoc modo redderet participem, ita omnia hujusmodi incommoda præstantemq; illius satisfactionis, quæ læso debeat, cum ingenti suo damno in se devolveret. Hoc verò periculo non tantum carere potest Respublica, verum etiam libertati, privilegiisque suis in omne tempus prospicere, si pignorata sibi amicitia Sacrae Regiæ Majestatis Sueciæ, occasione præsentis frueretur, se in tuto collocandi, quâ jam neglectâ sera pœnitentia subibit, cum illi⁹ quoq; vitâ facilè, benignâque tã offert operam, judicio meritis suæ injuriæ pœnas lueret, illud quoq; ante omnia considerari æquum est, Regna Sueciæ ac Poloniæ naturâ illum situm habere, ut alterum alterius ope indigeat, eamq; invicem præstare commodissimè queat, ita quoq; comparata esse, ut illibatam fidemq; amicitiam, eò diutius conservare possint, quò minus causæ habent, quare & inter vicinas nationes fieri consuevit, bello colliderentur omnes controversiæ, quæ mutuis olim damnis hæc Regna afflixerant. Inde originem traxerunt, quòd peculiaribus Regum suorum negotiis & ad Poloniam non spectantibus, Respublica inconsulto quodam ardore se immiscuisset. Hoc verò offensionis lapide jam sublato postquam Wazæa hic familia extincta est, tantò firmioris necessitudinis vinculo jam adstringi possunt, atque adeo fas est, ut novam dissidiorum causam gens Polona non amplectatur, præteritisq; damnis admonita, ne iisdem Syrtibus iterum allidatur, diligenter caveat. Non iniqui quidquam se postulare putat S. R. Mtas Sueciæ, si efflagitet, ut hæc, aliæque circumstantiæ, paulò accuratiori perpendantur lance. Et quamvis ab initio usq; hujus belli propensissima integerrimaq; sua studia, in Rep. sæpius declarasset, magnaq; indulgentiâ illud expectasset, quòd suæ responderet benignitati, ab ea tamen mente, nondum decedere statuit, sed Reip. tempus relinquit deliberandi, majus ne emolumentum in ejus amicitia, qui salutem ejus candidè stabilitam cupit, inveniat. An verò in illorum partibus, quos toties intellexerat, pestē sibi moliri, quosq; certos sibi persuadeat, occasionem tantum quærere, ea aliquando perficiendi, quæ ad libertatem juraq; ejus avertenda cum animis suis constituerant. Indicaverat jam Seren. R. Mtas Sueciæ, viam tollendi has controversias, quam utiq; credi debet, à Rege Poloniæ non rejectum iri,

A.C. 1703 nisi ansam quæreret infaustissimum hoc bellum protrahendi, aut compositam utcunq; quietem, si quæ alio, quam hoc modo haberentur prohibitu, aliquando sollicitandi. Eò jam pridem consilia sua provexerat. Eò quoq; non pauca Reipub. membra deduxerat, ut si S. R. Mtas Sueciæ, jure suo uteretur, præcipitantis & devij gressûs effectum Reipub. repræsentare posset, verum ut tum illa, tum universus cognoscat orbis se & justam causam persequi, & sincerâ esse intentione, habere se præterea rationem præsentis Europæ statûs, & fœderatorum votis relinquere. Nunc quemadmodum profitetur S. R. Mtas Sueciæ, atq; declarat, si convocante Emin: Cardinale, & Primate Regni Poloniæ, atque moderante consilium instituat, pro ea fiducia quam utraque pars in illius æquitate tamq; fore ad ea audienda, suscipiendaq;, quæ tranquillandis hisce motibus, amicitiaque firmandæ idonea & apta censeantur. Hoc jacto fundamento S. R. Mtas Sueciæ ostendet, nihil sibi antiquius esse, quam ut sublatâ penitus omni desideriorum causâ rebus utriusq; populi malis temerario ac injusto ausu laceffitam esse dolet atq; illud quidem hac conditione, quisquam Polonæ Gentis, interea militem, copiasq; Sueticas infenset, sibi que crimini non vertatur, si ab illis, qui contravenire sustinuerunt pariter ac vicinis eam pœnam exigat, quæ damna sibi illata æquare iudicabit. Datum in Statibus ad Pragam.

COPIA LITERARUM REGIARUM CARDINALI
Mariæburgo 18 Aprilis.

JAM tibi innotuerunt rationes, propter quas consilium more Comitiali intimatum placere nobis, & præsentis consilio nullatenus potuit. Tractatus verò pacis, sicuti apud nos inter prima desideria & vota, ita nullus, nec invenitur, nec inveniri potest, qui tam pio & desiderabili operi possit aut velit contrarius esse, tantò minus impedire, & invertere optimas pro pace intentiones, quin imò omnes ad hunc finem modos, & media adhibemus, & in eo fundamento præsentibus te compellare visum est, ut cum Commissarijs ad Tractatum cum Corona Suetica à Repub. destinatis tecum secundum Instructionem sibi datam consilia juncturis, quibus ut auxilio adsis, ferventissimè desideramus, obtestando per communem amorem universi, ut exoptatum hócce opus omni meliori modo in rem Patriæ continuare, & perficere velis, ut & nos particularem obligationem & Patriæ debitam pro bene operato gratitudinem, & posteritas memorem nomini tuo rependat recordationem; à quo sicuti optatum optimarum intentionum nostrarum exitum præstolamur, ita optimam ex animo precamur valetudinem.

COPIA LITERARUM REGIARUM EADEM DIE COMMISSARIIS AD TRACTATUS DESTINATIS.

Habemus notitiam, Cardinalem Primate, agrè tulisse, quòd in ultimo Mariæburgen. consilio lege publicâ pro superarbitro ad Tractatum pacis destinatus mentionem sui non habuerit. Detulit jam hunc honorem magnis ejus meritis Sandomiriense constitutus

*stitutum. Dedit plenum fuis instructio vobis à Republ. eo nomine A.C. 1703 data, nec ultimi consilij ea mens unquam fuit, ut semel placita pro aternis non haberentur. Quinimò quando jam Cardinalis Primas & auctoritate gradus sui, & ex particulari in instructione dicta requisitione potuit legitimo jure hanc sibi pretendere provinciam; super-
vacaneum visum est nobis novum robur addere. Fuerunt quidem unanimes sensus, ut Cardinalis Primas actum hunc sub Tractatus nomine non in forma consilij, quòd jura M^{ti}s nostræ non permittunt, incipiat & perficiat, sed per hoc non intendebatur, ut gloriosus hic & exoptatus actus tranquillitatis publicæ interrumperetur. Expressimus hujus perplexitatis geminam in literis nostris eidem Cardinali scriptis elucidationem, deferimus idem vobis, instantissime requirendo, ut hoc salutis publicæ opus quàm efficacissimè in assistentia Primatialis auctoritatis juxta præscriptos in instructione vobis data gradus, dependenter à nobis & Consilio magno promovere, & ad effectum deducere curetis. &c.*

LXIII.

ANDREAS C. ZALUSKI PRINC. EPISC. VARMIEN. REGNI
CANCELLARIUS STANISLAO MORSZTYN, PALATINO
MASOVIÆ, COMMIS. AD TRACTAT. DESTINATO 18. Apr.

Utinam & Rex tam bonos subditos, & Respub. tam bonos cives habere posset, uti non sine præcipuo instinctu in illa multitudine sub Sendomiria elegit; meliores certè sibi de factis suis formare spes posset. Comparent hic, nuncianturq; plausibilia, optabilia, utinam nos non fallant, ut hætenus; ego ex omnibus illis, quæcunque sive à te, sive ab aliis scio, nihil boni sperare possum, nisi Dñus DEUS solita miracula super nos monstraverit. Tempus jam esset, ut audientiam habere possitis, quæ denegari non deberet, etiamsi intentio non esset faciendi aliquid ad mentem.

Hæc persona in Ecclesia inventa, optâssem, ut saltem in Ecclesia verum confessâ fuisset, quia Principalis ejus toto cælo diversa ad amicos hic suos scribere non desistit, & injustè reprehendit aliena, qui pejora profert, sed quod assequi nequit, vituperare invidiosè mavult.

Invertitur cerebrum authenticas recipiendo, quibus tanquam Evangelio credere debeo, relationes, & postea contraria legere, bibereque cum melle venenum. Video stultè facere eum, qui in potestate eligendi prætermisissimis optimis deteriora sectatur.

Spero juvenem Dominum in intentionibus suis defecturum, si ex præmissis conclusionem formare volet. Crede mihi, nec vellem dicere falsum; dico iterum, quòd deficiet, credere multa poterit, habere, dubito, an possit? Non licet omnia postæ concredere, sed generalibusterminis possum insinuare. Regi nostro nihil mali facere possunt, nos opprimere & mortificare poterunt, & ij, qui sibi meliora promittunt, peribunt, & Regem illum, cui favent, & famulantur, fortè, si non in integro, tunc ex magna parte fallent. Ego jam de bonis & meis & fratrum meorum amplius cogitare nolo, quia non est, qui adjuvet ex illa parte. Palatium meum Varlaviæ inter amissa quoq; numero, & nihil est amplius, quod perdam, propter bonum interim publicum opto, &

A. C. 1703 ex corde DEum precor, ut pax fieri possit, ex amore in amicos, ex charitate in inimicos, quia hic ignis cineri suppositus doloso, dum in flammam erumpet, non erit in potestate nostra, ut eum extinguamus, & justus DEus illos vel maximè hoc igne accendet, qui ligna ei apponunt.

In Saxonia non sunt timendi motus. Exercitus noster ut solet, dum necessitas requiret, non erit tam tenuis: in Rege optima voluntas, & ad fortia alacritas, si illam non mitigaremus; haud dubiè multum ausurus, dum licebit. Nobilitas virilia clamat, & fortè tunc optimi esse incipiemus, cum infirmiores apparebimus. Si liceret mihi omnes dispositiones ab extra & ab intra exprimere, ut libenter in omni confidentia facere vellem, ne præjudicata multorum opinio, cujusquam aut animum avocet, aut vestram retardet industriam; diceret & ipse, quòd res nostræ non sint ita desperatæ, ut idem DEus, qui videt, auditque causæ nostræ justitiam, non debeat nobis assistere, in quo ego singularem repono fiduciam: misera dum cupit pacem Patria, belli metu, ferium bellum incipere debet.

Habuius heri conferentiam cum Legato Cæsareo, nec fefellit nos spes, nam, ubi nullam habuimus, solatium invenire non debebamus, hodie Moschovitica poterit solari in publicum, quia in privatum (perfricent frontem, qui non habent) nihil faciet, subsequetur & Brandeburgica; omnes hæ bonum publicum concernunt, & cum ijs fiunt necessariae dispositiones &c.

CONCLUSUM CONSILII MARIAEBURGENSIS

22dâ Aprilis.

AUGUSTUS II. &c. Significamus cum Consiliarijs nostris & Ministris, cum Plenipotentarijs quoq; ex Palatinatibus & Districtibus Regni, & M. D. Lit. ad latus nostrum deputatis, tam ex limitatione immediati Thoruniensis, quàm vigore Universalium Literarum nostrarum, pro præsentis consilio, pro 16 Martij in anno præsentis Mariæburgum, vigore Confœderationis Majoris Poloniæ, M. D. Lit. & constituti Sendomiriensis congregatis juxta præscriptum ejus tenorem, ex consensu omnium statuum constituimus.

Transgressis imprimis omnibus tam longæ patientiæ gradibus, post probatos omnes modos, & media per exteras mediationes, & proprias à tota Rep. legationes, cum desideratam ab omnibus pacē coronæ Sueciæ hætenus persuadere nō potuim⁹ fundati in fide & virtute Gētis Polonæ nobis & Seren: Antecessoribus nostris, constanter, & indelebiter conservata, insimul stabiliendo immobilem & indivisam inter nos, & status unius & indivisæ Reipub. confidentiam super puncta in constituto Sendomiriensi descripta, & in diplomate nostro fusè expressa circa observationem legum, immunitatum, & libertatum antiquarū sacramento tacti pectoris Regij in facie utriusq; statûs, vicissim, uterq; status Senatorius & Equestris, per Plenipotentarios, nomine Palatinatum & Districtuum unanimiter omnes rotâ in eodem statuto expressâ, in hæc verba:

Ego N. juro DEO omnipotenti in Trinitate Uni, quòd penes fidem S. Catholicam, penes integritatem Seren: Regis AUGUSTI II, penes libertates & immunitates nostras, penes conservationem Reipub. indivisibilis, vitâ, sanguine & fortunâ meâ adesse, & omnia hæc

hæc defendere secundum vires & potestatem meam me ipsum obli- A.C. 1703
go, & obligatus ero. Et si aliquis Regi Suecia, quocumq; modo, præ-
textu adesse, illi favere, factiones inire auderet, & hanc mutuam
Reipub: obligationem observare nollet, talem pro hoste habendum,
& contra eum, me insurrecturum declaro, bona ejus Regi ad con-
fiscationem, designandi in bene meritos &c.

In publica & solenni forma, jusjurandum hocce explevimus, & mutue nobis penes fidem S. Catholicam, integritatem legum & libertatum Patriarum, & personam nostram, constanter adesse & Remp. in quacunq; fortuna manentem non derelinquere, quinimò vitâ, fortunâ, omnibus viribus, usq; ad ultimam guttam sanguinis defendere, & sustinere juravimus, & ut omnes incolæ, in Palatinatibus, Districtibus & terris, in Regno & M. D. Lit. tam Equestris, quàm Senatorij Ordinis, qui necdum juramentum hoc expleverunt, in castris vel comitiolis futuris, idem expleant, vigore constituti Sandomiriensis, Confœderationis Majoris Poloniae & M. D. L. & consilij præsentis obligamus. In quo juratæ obligationis fundamento, animando totam Rempublicam ad generalem animorum & armorum unionem, exemplo tot Palatinatum Confœderatorum, Provinciarum Majoris, Minoris Russiae & Magni Ducat. Lit. unanimi zelo, non videndo in hoc præcipiti periculo & casu Patriæ, efficaciorum juvandi nos modum, conjunctim & indivisim, in solidum omnes tres status pro uno, & unusquisq;, pro tribus hoc vinculo unionis jungimur, nos fortificamus, & strictissimè ligamus, manutenendo in integro jus vetandi. Et quoniam Corona Sueciae tam numerosum exercitum suum, hostili animo, in viscera Reipub. induxit, & jam diutius, quàm anno integro, omnia Dominia ejus, Provinciam Livoniae, Palatinatus, terras, & Districtus ruinat, devastat, & ad incitas reducit, Ecclesias, Conventus Religiosos, Civitates, Domus, Curias Nobilium devastat, bona Nobilia, & Ecclesiastica, omnibus oneribus libera, contributionibus, & exactionibus, multò majoribus, quàm possunt, onerat, & pro arbitrio, libituq; suo, extradere pecunias paratas, aliaq; onera, jubet; Senatores, Sacerdotes & Nobiles tyrannicè carcerare, occidere, sibi permittit; thesauros, clenodia, splendores, & omnia decora, sacra & profana sibi attribuit, magnam eorum partem extra limites mittit, reliquum secum educere intendit, fortalitia, Castella aliqua recipit, suis præsidariis firmat, alia comburit, ad extremum Universalibus literis rescriptis & inventionibus suis, Palatinatus, ad acceptandas & explendas, abominatas DEO, & omnibus Gentibus intentiones cogit, aliasque innumerabiles, & evidentes hostilitates exercet. Videndo proinde tam evidens in nos & Regimen nostrum, sicuti in totam Rempub. integritatemq; ejus, periculum, & gravem vim, quæ, sicuti ulteriorem moram non patitur, ita conjunctis, & unanimis viribus, defendere nos intendentes, omnia media & modos, ad exoptatam & fundamentalem defensionem impendimus, & vigore præsentis Consilii, ex concordi consensu, constituimus, obligando per amorem Patriæ Duces Regni & M. D. L. fideliter, & constanter, circa tuitionem Mtis, & libertatis existentes, Exercitum Regni & M. D. L. quorum deservitam mercedem, securissimâ certitudine assecuramus, ut cum exercitu nostro auxiliari, unanimiter secundum propriam, & nostram obligationem, juramento firmatam, more militari contra omnes hostiles & violentos progressus debite resistendo, integram personæ nostræ, & totius

A.C. 1703 us Reip. securitatem, manutenere & defendere solitâ fortitudine & resolutione curent.

Habendo etiam in recenti memoria nuperos, æternâ memoriâ dignos actus Adami Sieniawski Palatini Belzensis Campi-Ductoris Regni, Janussij Principis Wisniowieccij Vilnensis Castellani, Josephi Potocij Palatini Kijoviensis, Lubomirsciorum, Succamerarij & Castrorum Metatoris Regni, Jacobi Potocij Gubernatoris Chmielnicensis, in extinguenda rebellione Cosatica, Zamoscij, in manutenendo proprio fortitio, non tantum illos, sed & omnes in genere, & specie, excitamus, ad similes in defensionem Patriæ resolutiones, ut cohortibus & hominibus ad se pertinentibus, hostium intentiones & vires minuere velint, quibus particularem, & debitam gratitudinem declaramus & respectum.

Insimul pro medicandis omnibus vulneribus publicis, pro tranquillitanda, in tam terribili motu Repub. & pro pleniori efficacioriq; defensione, publicum motum nobilitatis, secundum leges & constitutiones, ultimas universales Ræstium literas, ex quo jam primæ intimantes sunt expeditæ, & eadem ejusdem periculi permanentia urget cum destinatione Comitiorum, ad omnes Palatinatus Regni & M. D. L. etiam non obstante tractatûs conclusione expeditus, obsecrando omnes, ut in his comitiolis, omnem apparatus & ordinem constituent, propriis pectoribus, pro consilio & præsidio, ubi necessitas belli vocabit, & ratio boni publici suadebit, ad destinationem nostram compareant sub pœnis in legibus expressis. Asscuramus etiam statûs Reipub. quod eodem tempore, dum Palatinatus comparuerint, equosq; conscenderint, comitia duarum septimanarum extraordinaria exorbitantiarum, spectatâ temporis & loci securitate, ad mentem constituti Sendomiriensis, & præsentis Generalis consilij indicare non intermitteremus.

Contra adhærentes Sueticos antiquiores & recentiores legum & sancitorum rigores reassumimus, hos verò cujuscunq; sint statûs, & conditionis, qui insolentes cohortes congregarunt, sub quibuscunq; vel suis nominibus, cum hoste contra Rempub. bellum gerunt, illiq; assistunt, in quantum acceptâ notitiâ hujus obligationis juramento firmatæ, non deferent exercitum Sueticum, & partisans illorum, pro infamibus hostibus Patriæ, & capitibus invindicabilibus declaramus, & bona illorum confiscamus, distributuri inter benemeritos in exercitu Regni & M. D. L. hæc bona, tanquam post Proditores Patriæ vacantia.

Congressus Varfaviensis sub armis hostilibus more Comitiorum intimatus, cum salvâ Regiâ autoritate, nec ex lege, nec ex amore, & consuetudine, nec ex exemplis & præjudicatis legitimitatem suam deducere potest, tunc illum inhærendo ultimo Senatûs consilio, autoritate præsentis consilij, pro insubsistenti declaramus. Non tamen per hanc animadversionem debitam, jurium, Mtis, tuitionem, ad tractatum exoptatæ pacis, solitam viam, & veram claudimus; quin imo Sranislao Morstinio Palatino Masoviae, Stephano Lescynio Gubernatori nostro Ostrzezoviensi, ex Majori Polonia Andrea Zydzowski, Vexillifero Cracoviensi ex minori Polonia ex M. D. L. verò Komorovio, Culinae M. D. L. Præfecto, cum de loco & tempore avisati fuerint, ut suo officio, secundum instructionem sibi datam fungantur, seriò committimus, & pro Secretario legationis, Petrum Tworzyanski Thesaurarium Cracoviensem designamus, cum ea limitatione, ut pax hæc sine avulsione minimæ partis Reipub. & annexarum Provinciarum præcipuè Livoniæ, Curlandiæ, & Districtûs Piltensis, sicuti sine involutione, in aliud exter-

externum bellum concludatur, & si aliquis aliud bellum proponere & *A C. 1703*
incipere, quocunq; prætextu, sine pleno consensu totius Reipub. aude-
ret, pro hoste Patriæ declaramus. Ergo eo modo cum statibus Reip.
vicissim juncti, & obligati ad inveniendâ alia media, & modos effica-
cissimos pro salvandâ Repub. plenum vigorem & ulteriorem præsen-
tis consilij continuationem, sicuti cognitionem necessitatis, ad conclu-
dendâs colligationes cum externis conservamus, & hoc consilium, ad
diem Mercurii post Dominicam conductus, ad latus nostrum limita-
mus, hanc verò juramento firmatam obligationem, ut imprimi, Mini-
stri nostri publicariq; in Palatinatibus & Districtibus, faciant, commit-
timus &c.

LITERÆ UNIVERSALES RESTIUM MARIÆBURGI**22dâ Aprilis expeditarum.**

Post tit. In memoriâ revocare gloriosæ Genti Regni, & M. D. L.
antenatorum ejus parta gesta; decora, & dilatatos non tantum
Dominiorum, sed & gloriæ limites calamo exprimere, tunc lice-
ret, si innatam illorum in publicum promptitudinem, & capaces ma-
ximarum quoq; rerum vires, novis incentivis ad bella offensiva solici-
tare vellemus, tranquillatam dulci quiete pupillam, immaturis excitân-
do classicis, & ad arma sub gloriosas aquilas & famam spirantes equi-
tes, ex bona voluntate & libera inter pacem & bellum electione con-
vocaremus, sed quia infracta obligatio, & magis, quàm adamantina
necessitas, à maligno hoste ex limitibus suis in viscera Reip. hujus in-
trantis, & jam post invasionem violentam, altero anno hic manentis
imposita defensionem nobis persuadet, & ipsa natura quæ nos vitâ, &
DEus Omnipotens, super alias nationes libertate donavit, & illi nos
super illas extulit, ad tuitionem propriam admonet, & nobis obligati-
onem nostram Regiam conservandarum libertatum & integritatis Po-
loni Orbis ante oculos ponit, quorum inermi, aut insufficienter arma-
tâ manu conservationem manutenere difficile, & interim intractabilis
coronæ Sueciæ intentio, sociata malis Civibus, seminatis tam multis in
innocenti populo impressionibus, tota Respub. funditus omnibus bo-
nis & decoribus spoliata, in viribus & intentionibus suis, in dies magis
augetur, & nec mediationibus externis deferre, nec ad pacem hone-
stam vult inclinare.

Collatis proinde in unum viribus, quæ diversis inimicis Rempub.
hanc aggredientibus, quondam sufficiebant, nunc contra hunc hostem,
ex consilio Senatorum & Ministrorum nostrorum, & legationibus re-
iteratis omnium planè Palatinatum, & Districtuum Regni, & M. D. L.
constituimus, ut hoc tam clarum innocentium actionum & intentionû
nostrarum, & insimul virtutis & fortitudinis Polonæ, & incidentes ab
Aquilone infelicitates avertere, & ex fundo Reip. expellere possimus,
ad communem Nobilitatis motum, uti ad unum robur & proprium
centrum, ad quod omnia tendunt, quæcunq; ad libertatem caram, &
manutentionem integritatis Reipub. pertinere potest, recurrimus inti-
mando paternè, omnibus Reip. Statibus, ut cum eo ordine, more mili-
tari secundum statuta, secundum quantitatem & possessionem bonorû,
& reddituum, secundum Ordinem in constitutione 1621 descriptum, vi-
ritim vel expeditione Ducum suorum, ubi necessitas salvandæ Patriæ
& ratio boni publici vocabit ad latus nostrum, ad manutentionem na-
turalem & defensionem, insimul & pro consilio, & præsidio sine mora
com-

A.C. 1703 compareatis, quos in tractu versus nos jam progredientes, & appropinquantes, acceptâ mensurâ, ex progressu hostium & subsequentibus circumstantiis de immediato loco, & tempore ad conjunctionem, in unam compagem totius Reipub: Universalibus literis nostris reddemus certiores &c.

ALEXANDRO JOSEPHO ZALUSKI PALATINO RAVENSI
FRATRI SUO 29 Aprilis.

*Audientia
Commissa-
riorum a-
pud Regem
Suecia*

QUod habui, libens comunico ac inprimis mihi scribitur, quod post quotidianas sollicitationes, quibus Thesaurarius Cracoviensis Tworzyanski urgebat, dari audientiam Commissariis Reipub. tandem 25 præsentis circa occasum solis à Comite Pipero in sequentem diem, circa horam decimam futura declarata est. 26ta, igitur die convenerunt ad Palatinum Mazoviæ, Vexillifer Cracoviensis, & Capitaneus Ostrzeszoviensis, auditoq; apud Patres Capucinos sacro, simul cum Præfato Palatino in ejusdem Rheda profecti sunt ad Cardinalem cum denuntiatione, horâ decimâ declaratam illis esse à Rege Sueciæ audientiam. Excepit eam denuntiationem gratissimè Princeps Cardinalis, obtulitq; Commissariis suam rhedam, adjectâ assistentia suorum aulicorum, equitum præterea & peditatûs Ungarici. Mediâ ad decimam moverunt ex Palatio Cardinalis, in ejusq; rheda profecti sunt Commissarij, præeuntibus rhedis Palatini Mazoviæ & aliorum Commissariorum, decoro Comitatu eos subsequente. Casus tulit ut in eodem ponte quo Vistulam Sueci junxerant, eorum currus cum diversis oneribus rhedis Commissariorum occurrerent, unde ob angustias equos retro agi necesse fuit, dum dicti currus transirent, quod ægrè trium quadrantum spatium perfectum est. Tum demum iteratò pontem inveci, ad stationem Regis Sueciæ inter hinc inde stantes custodias honorificè sua arma præsentantes (ut militum mos est) in ipso vestibulo ubi illis egrediendum ex rheda fuit, obviam habuerunt Præfectum conclavis Regis Sueciæ, cum aliquot insignioribus Equestris Ordinis, deductiq; ab illis per atrium ad Anticameram, ibidem salutati sunt ab uno ex Ministris statûs, tum denuntiatio Regi facta per prædictum Præfectum Conclavis, jam Commissarios advenisse & expectare declaratam audientiam. Vix effluxerat tantum temporis, quanto medium Ave MARIA recitari posset, apertum conclave est in quo Regem, solo Comite Pipero & Armelino Secretario Statûs assistente stantem invenerunt, aperto capite, & per civilitatem uno, alteròve passu occurrentem, mox exhibitâ congruâ Regiæ personæ reverentiâ, competenti & honorifico, utrisq; Regibus & Regnis sermone Regem allocutus est Palatinus Mazoviæ, finitoque eo literas statuum Reipub. in manus ipsi Regi resignavit. His ita peractis respondit nomine Regis latino itidem idiomate Armelinus in hunc sensum, gratum Regi Sueciæ, adventum Reip. legatorum esse, promittereq; se Commissarios suos indicaturum, præfixionem verò loci, & temporis ulteriori deliberationi relinquere, quo responso accepto, iteratis reverentiis Regi factis, Commissarij ex conclavi excesserunt, & per Ministrum Statûs ad januam anticameræ, per atrium verò usq; ad vestibulum, per Præfectum Regij cubiculi aliquot insignioribus equitum associatum, imò ad lecticam usque deducti sunt, tum eodem honore à custodia Regia, in excessu suo honorati, redierunt ad Palatinum Mazoviæ circa ipsum meridiem.

Leo-

Leopoli autem hoc habeo, quod absoluta expeditione in Ukraina A.C. 1703
 sub tempus rigidæ hyemis, defatigatus tam pedestris, quàm equestris
 exercitus ex ijs recessit terris, relictis ad continendos rebelles tribus
 legionibus & duobus vexillis Valachorum Niemieroviæ, Bari autem
 vexillo Valachorum, itidem & sexaginta peditibus Succamerarij Regni. Stanislaus
Rzewinski
 Contulit se verò exercitus in Volyniam, ibi respiraturus, altera pars
 sub directione Referendarii Regni Belzum versus, profecta est.

Palatinus Belzensis, hebdomodâ præteritâ Brzezanos advenit ibi
 Paschalia solennia celebraturus. Capita rebellium complura meritis Rebellio se-
fit
 suppliciis affecta sunt, Samussius solus evasit, in terras ultra Borysthe-
 nem sitas, Paleius verò Bialocerkviæ subsistit. Feriâ secundâ vesperti
 Castellanus Cracoviensis Leopolim ingressus est, inde absolutis festis
 ad exercitum profecturus. Custodes corporis Regij, qui hic pro præ-
 sidio tamdiu perstiterunt, sabbato migrarunt, ituri versus Zamoscium.
 Stephanus Czarnecki Notarius Campestris Regni in Volinia dicitur
 debitum mortalitatis persolvisse. Cameneco scribitur Turcas armari,
 idque forsan ea intentione ut præfatam urbem invadant.

INFORMATIO PRO NUNTIO APOSTOLICO

De Intentionibus & sensibus Aula Polonæ.

Supponendum quod Sacra Regia Majestas unâ cum Minis-
 tris & Consiliarijs suis omni possibili studio pacem sinceram &
 honestam desideravit, & hucusq; desiderat, excitando quævis
 offendicula eandem impediencia, non aggrediendo arma sibi infe-
 sta, quæ facile per totum Regnum dispersa incommodare & repris-
 mere potuisset. Insuper adimplendo & observando omnes præcau-
 tiones, & persuasiones Mediatorum, ut tali moderatione suâ adver-
 sam partem posset inclinare ad cogitationes pacificationis. Testan-
 tur hoc legationes à Republ. toties repetitæ, Consilia Varsoviæ &
 Thorunij ad hunc finem celebrata, & alia infinita plûs quàm no-
 toria documenta.

2do Supponendum S. R. Mtem & Consiliarios ejus id positivè,
 & irrevocabiler velle, ut ejusmodi tractatus cum dignitate & in-
 tegritate Regis & Reip. per Commissarios destinatos, aut alios ad
 placitum partium destinandos, in loco securo, libero, ab armis us-
 trisq; remoto incipiat, & finiatur.

3tio Supponendum juxta universalem omnium Gentium &
 Regnorum praxim Consilium publicum nec posse, nec debere esse
 in illo loco, ubi Tractatus fient, sed sufficere in præsentia Mediatorum
 existentiam Plenipotentiariorum, sive Commissariorum, qui
 juxta mandata Principalium suorum res & desideria ipsorum pro-
 movebunt & determinabunt.

4to Supponendum, quod consilium legitimum à Statibus Re-
 gni sub Sandomiria declaratum, postea ab omnibus Provinciis, Pa-
 latinatibus & Ordinibus Reip. acceptatum ad latus S. R. Mris cele-
 brandum poterit durante Tractatu protrahi, propter resolvendas es-
 mergentias, quas proprio motu Commissarij non valerent resolvere.

A.C. 1703

5to His præsuppositis legitime & demonstrative concluditur, quòd Emin. Cardinalis nullum Congressum in forma consilij publici convocare nec possit, nec debeat. Quia indictio sive convocatio Comitiorum, aut Consiliorum publicorum vivente Principe ad Jus regale sive Majestaticum pertinet, æquè ac justitia distributiva juxta leges & consuetudines antiquas, in quarum possessione pacifica & interrupta omnes Reges Poloniæ usque ad præsentem feliciter Regnantem fuerunt. Nec ullus apex in voluminibus Constitutionum, & Statutorum allegari potest, qui stante vitâ Regis Primati Regni tribuat facultatem intimandi, sive convocandi aliquod consilium, sive Congressum. Unde Eminen: olim Cardinalis Maciejowski Primas Regni in diversis circumstantiis tempore SIGISMUNDI III. à Senatoribus & plurimis Palatinatibus contra Regem malè affectis compellatus ad indicendum Congressum, viriliter recusavit, asserendo id non esse sui muneris, & potestatis. Nec importat, quòd habeat jus monendi Regem Primas Regni, ergo & indicendi Congressum. Nam hoc tempore Comitiorum à Rege indictorum mediante pleno consensu, & beneplacito omnium Ordinum Reipubl. juxta præscriptos praticare debet gradus in lege, in qua nec unum Jota de intimando Consilio per Primatem Regni scriptum est. In Jure autem non nisi expressa probant. Deniq; tota vis Reip. Poloniæ in hoc consistit, ut materias Statûs non nisi tres Ordines simul congregati concludere possint. Quomodo igitur in præsentì casu excluso primo Ordine, reliqui jam, non dico Ordines, sed aliquæ privatæ Personæ, audebunt in materiam Statûs nempe belli, aut pacis se intrudere cum derogatione & postpositione totius Reipub. quæ à similibus novitatibus eversionem Statûs, & Jurium Cardinalium sapientibus semper abhorrui, & maluit tot bella, & incommoda subire, quàm novam formam antiquis usibus & libertatibus contrariâ pati. Hinc quamvis S. R. Mtas ex se vellet permittere hunc improprium Congressum, nihilominus sine consensu omnium Ordinum Reipub. id præstare non posset, tum vetantibus legibus tum propter evidens & inevitabile discrimen totius Regni, quia in hoc consilio potior numerus esset, qui sponte aut metu Partibus Sueticis faverent. Unde id concluderetur, quòd Sueci vellent, in perniciem universæ Reip. Vel, quamvis plures cordati, & indifferentes essent, & quidquid in præjudicium Regni concedere nollent, cogerentur defacto præpotentibus armis prout recenter factum est cum Palatinatu Lublinensi, & sic uno ictu & Regē & Regnum talis Congressus infallibiliter perdere posset. Prævidendo itaque S. R. Mtas, Ministri & Consiliarij ejus ad has præjudiciosissimas Mtis tuæ, & Reip. consequentias solennissimè coram Nuntio Apostolico protestantur, quòd non per Suam Mtem stetit, stabitq; quominus optata restabliatur pax, sed per eos, qui verbis profitentur velle quietem, factis & operibus negant. Unde, si pro jure naturalis defensionis aliquæ com-

peten-

petentes evenerint resolutiones, Pars adversa sibi, non huic Aulæ *AC. 1703* imputare debet, quod constantissimè parata est semper justa & rationabilia acceptare pacis media, &c.

PUNCTA AD QUÆ DISTINCTÆ DESIDERANTUR
RESPONSIONES PRO SUBMINISTRANDO LUMINE AULÆ.

1^{um}. **U**trum potuerit, necne Eminētissimus Cardinalis Primas intimare congressum more Comitiorum (ut ex Aula scribitur) proprijs explicetur & deducatur rationibus

RESOLUTIO PUNCTORUM
PROPOSITORUM.

Ad 1^{um} **C**ardinalis potuit, imò pridè jam debuit convocasse congressum idq; à Senatoribus per literas, à Palatinatibus, publicis legationibus sollicitatus. Nimia discretio rem hucusq; protulit. Jus autem in hoc Primatis incontestabile, quod constitutionibus, exemplis, sat superq; probabitur, quo sublato vacillaret libertas ad cujus clavum Primas constitutus, cujus est prævidere ac providere.

Hoc autem verbum more Comitiorum prudenti reflexione ad cautelam adjunctum ad distinctionem sanciti Sendomiriensis, ubi more tribunalitio Deputati ad tractatum constituti. More autem tribunalitio duo tantum ex quovis Palatinatu eligendi essent, & per pluralitatem res decidenda, quod utrumq; displicuerat Reip. Vana itaque & nimium suspicax verbi hujus interpretatio.

2^{dum}. Utrum taliter intimatus congressus debeat esse liber? cum in illo tractandum sit interesse Regum Poloniae & Sueciae, & quod tractandum veniat per Eminētissimum Cardinalem Primatem, alias ne quidem adesse prædictum Eminētissimum Cardinalem expediret. Etenim hoc quæsitum decidendum est per primum hic præmissum, & purganda incumbit Eminētissimo Cardinali, quæ sparsa currit vox de cointelligentia cum Suecis, & cum alijs illi adherentibus.

Ad 2^{dum}. Error est in supposito. In illo quippe congressu de modo salvandæ Reipub., conciliandæ Statuum confidentiæ, obliniendis publicis vulneribus, sistendi Martis, de norma, loco, tractatus agitari debet. Cum autem ad tractatum (quod D. DEUS det) ventum fuerit, hoc absq; repræsentantibus utriusq; Mtis Poloniae ac Sueciae nullo modo fieri posset, res siquidem eorum tractanda. Circa autem cointelligentiam D. Cardinalis cum Suecis hæc à malevolis probanda, non per D. Cardinalem purganda venit, an non plus commercii cum Suecis, & illorum coherentibus, quam & Ministris externis, & hic moderatio D. Cardinalis, usque dum Suecus pro hoste Reipub. à Repub. integræ ac indivisa declaretur.

Proficua Reipublicæ uti patet ex ipsius operationibus, proficua Ecclesiæ, pro qua laborat, proficua civitati Regiæ Varsoviensi, quæ jam dudum per portas aufugisset, si eandem præsentia Domini Cardinalis non solidaret.

A.C. 1703

3^{ium}. Ob quale motivum Eminentissimus Cardinalis Primas, quando ad instantiam Sueticam convocatorias pro congressu literas suas ad Palatinatus dabat, non prius factum hoc Sacrae Regiae Mti communicavit, ut accordatè procederetur.

4^{um}. Si prius non concordatæ fuerint res, sequetur omnino expectandas esse resolutiones Regum quæ protrahentur in longū cum irreparabili partiū damno, & maximè Poloniae.

5^{um}. Desideraret Sacra Regia Majestas, ut declararetur fundamentum quo.

6^{um}. Dato quòd hic Varsoviae institueretur Tractatus tam grandis operis, necessarium erit, ut huc confluant Plenipotentarii omnium Interessatorum, prius ad S. R. Mtem præmittantur literæ, quæ absolute necessariae sunt. Petendus quoque erit ab eadem S. R. M. consensus pro celebrando hoc congressu.

7^{mo}. Hic consensus necessariiissimus est ad sanandos quosvis defectus, qui unquam occurrerent in congressu celebrando ad tollendas suspiciones & diffidentias, tum ad procedendum cum illa interna harmonia, sine qua nihil.

8^{vo}. Posito quòd inchoaretur tractatus, quid agendum esset de suspendenda hostilitate, exigendis novis contributionibus, & omni eo, quod populum gravare possit.

Ad 3^{ium} & 4^{um}. Si D. Cardinalis ad instantiam Sueticam operaretur, non literas convocatorias ad Palatinatus misisset, sed populum à nexu juramenti absolvisset, hoc enim à Suecis potentissimè sollicitatum, & pro sustinenda nova Electione copiae huic admotæ. Cujus autem consilio hoc factum, jam innotuit D. Nuntio Apostolico, agenda potius erant gratiae D. Cardinali pro virili ipsius resolutione, non posteriora facta, quæ ad salutem diriguntur, examinanda, cum & circulares ad DD. Senatores, & literæ convocatoriæ ad Palatinatus scriptæ in desiderio ac plausu omnium fuerunt, nec poterat Aula Regia hæc ignorare, quæ & D. Nuntio Apostolico, & D. Ablegato Cæsareo innotuerant, antequam emanarent.

Ad 5^{um}. Audivi interceptas fuisse literas ex Litvania venientes, ad Regem Poloniae pacem dehortantes, non modicas ex Moschouia sumas ad alendum bellum transmissas, & hinc vox garrula augeat apud Pop. suspicionē, Saxonum immisericordes devastationes, quòd Rex velit ad ultimam pauperiem Regnum deducere, ut eò facilius libertatem opprimat; & hæc communis vox. Reliqua puncta facile resolventur instituto Tractatu, & primum erit armistitii, cessationis gravaminum, sequentur alia securitatis loca, nunc autem merè tractari debet confidentia, unio, cognitio boni & mali, media pacis, securitas ejusdem manutenendæ, media belli, ne pax irritetur. &c.

9^{mo}. Ut D. Sapientia dent aliquod documentum S. R. Mti, quod velint amplecti pacem, & si possibile est, prius declarent media, quæ pro parte sua adferre velint.

10^{mo}. In casu quo suppositus hic Varavia celebrandus esset congressus, in quo loco is institueretur, cum arx forsan non permetteretur, multo minus domus aliqua particularis.

11^{mo}. Supposito quod congressus hic non coalesceret, aut celebratus nihil concluderet, cum ex nunc omnino alia excogitari deberent expedientia ad obtinendam pacem; si sincerè ab utrinque desideratur.

12^{mo}. Omnibus his punctis præstat celeritas responsionum ad eadem puncta exhibendarum, nec non inchoandi tractatus, & eundem gloriòse perficiendi, alias S. R. Mtas protestari cogetur, de posthabita facilitate sua multoties oblata ad pacem.

PUNCTA AB ILLUSTRIS. & EXCELLENTISSIMIS DD.
LEGATIS PORRECTA.

LUculenta Status & Ordines Regni Poloniae ac M. D. Lit. dedere amicitiae ac observantiae Pactorum cum S. R. Mte Sueciae Regno-que ejus documenta, ubi non modo omnis belli Suetici speciem recusarunt, verum etiam ne ullo modo in illud implicarentur, eo ipso tempore, quo fortuna ad Suetica infortunia conspirasse videbatur, observantissimi foederum sancta felices pace manere, quam ex aliena infelicitate aliquid attentare maluerunt.

2^{do}. His abunde præstitis reciprocas iidem Ordines Regni non experiuntur vices, à S. R. Mte Sueciae, ubi nomine quidem amico, sed infestis signis Ducat. Curland., aliasque Provincias annexas occupavit, variisque gravaminibus innocuum Reip. fundum liberè in hunc usque diem premit, fortalitiis in morem hostilem captis, aliis verò tumultuariâ manu restauratis, præsidioque suo custoditis, ambigua omnia suspectaque constanter solidis & bonis amicis minari videtur.

3^{tio}. Unde est quod prædicti Status & Ordines Regni plurimum perturbati, non prius tamen justum naturalis defensionis tutamen arripiunt, donec S. R. Mti Sueciae amicas præsentet requisitiones, ut securam & tranquillam Rempub. in eo relinquat statu, in quo Pacta Olivensia provinciarum suarum limites constituerunt, & longissimo tempore solidarunt.

4^{to}. Nec ultio aut vindicta quæpiam ab innocuis Reg. Polon. & M. D. Lit. provinciis sumenda venit, siquidem non per titulum Regis Poloniae, sed Ducis Saxoniae quærenda esset. Et, si quæ damna compensanda prætenduntur, iidem Status & Ordines causâ redintegrandæ bonæ viciniae, & amore, suam inter S. R. Mtes offerunt mediationem, ut pax perpetua inter cognatos Reges, & vicina Regna stabiliatur, his tamen adjectis; Imo ut Copiæ S. R. Mtis Sueciae ex fundo & Provin-

A.C. 1703 ciis Regni Poloniæ & M. D. Lit. sinè omni mora factâ tamen priùs iustâ damnorum illatorum compensatione moveantur, & educantur. 2do Ut tormenta, mortaria ænea, totaq; res tormentaria Saxonica Reipub. Poloniæ per S. R. Mtem perpetuò donata, & recenter in fortalitia Dühnemündensi rehabito, tum & in arce Birzensi intercepta S. R. Mtas Sueciæ Reipub. Poloniæ integræ restituat.

SACRÆ REGIÆ MAJESTATIS SUECIÆ COMMISSARI.

Puncta illa, quæ ab Excell. Illm̃is DD. Legatis nuper exhibita sunt, diligentius paulò perpendentes, non pàuca in illis inveniunt comprehensa, quæ neq; iustæ S. R. Mtis expectationi, neq; integerrimis studiis, quibus ad salutem libertatemq; Reipub. Poloniæ asserendam propendet, respondere videntur; nam licet amicitia aliquâ præseferant speciem, ejus tamen re ipsâ sunt indolis, ut non tantum non sint apta turbis hisce sedandis sed possint utrumq; Regnum gravioribus in posterum incommodis, periculisq; involvere.

Imo. Ordines quidem Regni Poloniæ, & M. D. L. luculenta se dedisse amicitia documenta tradunt, quòd non tantum bellum recusarint, verum etiam, ne illo implicarentur, pactorum fuerint observantissimi, eo præsertim tempore, quo fortuna adversus Sueciam conspirasse visa erat. Atq; à S. R. Mte Sueciæ abundè præstitum invenient, quo scædera religiose colendo nullam iisdem rumpendi scædera occasionem dederat.

Itaq; sicut Ordines Regni Poloniæ laude suâ defraudandi non sunt, quòd pacta servassent, ita præter jus fasq; censendi essent egisse, si Suecos culpæ immunes, & innoxios bello petiissent solâ temporum opportunitate illecti, nisi quis meritum vocaverit ab injuriis abstinere, quodq; ea non facit, quæ facere jure prohibetur, sed neq; conspiratione, perfidiaq; Vicinorum Principum impunè laceffitos esse Suecos testantur luctuosæ illorum clades, qui bellum hoc iniquissimum susceperunt. Interea Ordines Regni Poloniæ, si ea amicitia documenta, quæ rigor scæderum exigit, dedissent, facile videntur cohibere potuisse Regis sui molitiones, quibus usus est ad Provincias S. R. Mtis infestandas.

Nota utique sunt remedia, quibus generosa eorundem Majorum prudentia exorbitantes Regum suorum conatus coercere voluerat. Nā cum Rex Poloniæ legum fundamentalium vincula rumpens, semet eo ipso facto exuat Regiâ potestate, & Statibus Regni, secundum expressa Pactorum conventorum verba jusjurandum & obsequia remittat, jam Status Regni hoc nexu soluti per caput Reipub. conveniendi facultatē habent, deq; iis rebus consulendi, quæ ad Patriæ salutem pertineant, quod tamen in hoc casu neglectum erat. Tum quoque constat, quòd constitutionem Comitii anni 1699 sancitam, qua intra sex hebdomadarum spatium Saxones Regni finibus excedere debebant, executioni non mandassent Regi Poloniæ facultatem relictam fuisse Provincias Sueticas aggrediendi. Quid quod ingruente necessitate Remp. per Senatusconsilium rebus suis consulere posse, & exemplū nuperum confirmat, & alia superiori tempore acta. His remediis, si usi fuissent Ordines Regni Poloniæ, credere licet bellū hoc non exarsurū fuisse. Interea dici potest permisisse, atq; connivisse eosdem, ut Rex eorum violato scædere Oliveni bellum Sueciæ inferret, ut legiones & cohortes Prætoreas non minus, quàm Magnatum aliquot contra Suecos duceret, & copias in hybernis per Litvaniam Curlandiamque collocaret ut milites in

in diverfis Poloniæ Regionibus colligeret, ut Birzâ occupatâ hoc propugnaculo adverfûs Suecos uteretur, ut Suecorum hostis Moschorum Czarus in Litvaniam veniret, ad infefta ibi confilia adverfûs Suecos fabricanda, ut transitus 20000 Moschorum per fundum Reipub. concederetur, ut Minifter Sueticus, qui non minûs ad Remp. quàm ad Regem Poloniæ miſſus erat, Varſaviâ expelleretur, ut Oginiſcius antea, nuper Viſznioviecius copiis Sueticis inſultaret. Quodque maximum eſt, Regem hunc aggreſſorem, & auctorem tot malorum etiamnum Reſpub. tuetur, eiꝫ receptaculum præbet, unde non immeritò quis ſuſpicari poſſet Remp. eventum hujus belli ſpeculatam fuiſſe, ſed nolit tamen S. R. Mtas Sueciæ finiftre quidquam de Repub. opinari, quin potius credit illam in priſtina amicitia, ſicut Excell. & Illm̃i DD. Legati teſtati ſunt, perſiſtere inconcuſſam.

2do S. R. Mtas Sueciæ nunquam hoſtilem erga Remp. animum oſtenderat; Quidquid egiffet, tum neceſſitate ipſa coacta eſt facere, tum omnium Gentium Jure facere potuit; fines Reip. ingreſſa eſt, non animi cauſâ, non eâ intentione, ut quidquam lucretur; ſed graviffimis Regis Poloniæ injuriis laceſſita hunc hoſtem & turbatorem Pacis Olivenſis, qui tot damna Provinciis ſuis inflixerat, perſequi tantummodo inſtituit, atq; adverſus ejus inſidias non minûs eam Remp. quàm ſuum Regnum in tuto collocare. Si hac occasione incommoda quædam Reſpub. ſentiat, Regi ſuo imputet, qui S. R. Mtem Sueciæ ad hanc neceſſitatem adduxit, aliosq; ſeditioſos Cives incitavit ad perniciem Suecis inferendam, donec tum Regi tum iis receptum præbet, Reſpublica ad eorum auſâ connivet, tamdiu nullo jure queri poteſt, innocuum eſſe Reipub. fundum. Hinc, ſi antea Saxonici Copiæ tributa imperaſſent, quorum ſubſidio inſtructæ Sueticas Provincias invaſerant, neq; nunc eadem S. R. Mti denegari deberent, niſi unius partes magis foviffe videri malit Reſpub. quàm alterius, atq; adeo belli ſe participem feciſſe, & ſicut commeatus militi neceſſariò eſt ſubminiſtrandus, cum aliundè apportari nequeat, ſic quoq; cum ita moderari curabit S. R. Majeſtas, ut quantum fieri poſſit, quàm minimum onus exinde ſentiat, eâ maximè ſpe, ut Reſpubl. ſalutaris ſcopi intuitu facilem ſe præbeat ad ea ineunda, quæ optimo Jure S. R. Mtas poſtulaverat.

3tio Mirum quidem eſt Ordines Regni iis perturbari, quæ juſtitia & neceſſitatis innixa fundamentis perturbationē nullâ provocare deberent ſed rem ex æquo reputantibus majorem adferre admirationem, naturalis quoq; deſenſionis hic mentionem fieri, quâ non niſi adverſus hoſtes, & aggreſſores utimur. Juſtène hoc S. R. Mti Sueciæ crimini datur, quæ bellum non infert, ſed repellit, longè enim diverſa ſunt Regionem hoſtili animo invadere, & ingredi illam, eâ duntaxat intentione, ut hoſtem ibi commorantem perſequatur, ejusq; conata infringat, ut nocere deinceps nequeat. Sæpius autem S. R. Mtas Sueciæ declaraverat ſe pacem cum Repub. Polona conſtanter ſervare velle, omnesq; curas ſuas eò tendere, ut amoto malorum, quæ utraque Regna premunt, fomite, amicitia ſtabiliatur, nullo ævo interrumpenda, ut hac felicitate frui poſſint Ordines Regni Poloniæ, in quorum ſitum eſt poteſtate, qui, ſi ad propoſitū hoc S. R. Mtis ſublevandum concurrunt, brevi Rempub. in eo ſtatu collocatam videbunt, ut domi foriſque tranquilla; & ſecura effloreſcat.

4to. Quòd denique contendant Ordines Poloniæ non ex Rege Poloniæ, ſed Duce Saxonici ultionem eorum, quæ contra Sacram Regiam Mtem

A.C. 1703 Mtem patrata sunt in Livonia quærendum esse, obscurius paulò habetur. Nam ut nihil dicatur de jactata tantopere Regis intentione ea recuperandi, quæ Regno Poloniæ avulsa essent, notissimum quoq; est Saxoniam non esse Livoniæ vicinam, nec esse Duci Saxoniam eam in Rep. Polona potestatem, ut per hujus Regiones Exercitum suum duceret ad bellum amicis fœderatis inferendum. Aut quare Respub. Duci Saxoniam permisit, ut in suo fundo exercitum habere & alere posset, atq; inde non tantum in vicinos incursiones facere, verum etiam eo secum prædas recipere. Si regeratur, Ordines Poloniæ non id prohibere potuisse, fateantur necesse est, dissolutum esse imperium, in quo quisquis licentiam peccandi habet, quod tamen illos sufficienter excusare non potest, aut aliis populis necessitatem adferre, gratis injurias illas devorandi, quas lenitate Reip. abutentes inflixerint. Itaque, si Duci Saxoniam licitum erat, è Polonia Suecos infestare, quare Suecis non licebit, in Poloniam recedentem eadem viâ insectari.

Major enim favor esse debet injuriam repellentis, quàm inferentis, quin inhumanum esset, in actu licito versantem impedire, iniqua autem molientibus non obistere, aut denique si adhibenda sit distinctio inter Regem Poloniæ & Saxoniam Ducem, quid moræ est, quin Duce hoc Saxoniam expulso, Rex eligatur, qui tantam facultatem, opportunitatemq; nocendi non habeat. Quod nisi factum fuerit, ratio non apparet, diuturnæ fidæq; inter hæc Regna tranquillitatis. Sic autem reatus à Respub. tollitur, quæ quamdiu noxam retinebit, & proteget neq; S. R. Mti Sueciæ jure denegabit, ut illam, ubi reperitur, quæsitum veniat.

Mediatio, quam Respub. offert S. R. Mti gratissima esset, hic verò non exiguam difficultatem ob stare facile pro prudentia sua Ordines Poloniæ intelligent, quamdiu Rex Poloniæ & consiliis interest, & tantâ apud illos auctoritate valet. Neque enim quisquam discerptatorem illis elegerit, qui non tantum ab adversa parte dependet, verum etiam propensioris in illam favoris aperta signa præbet. Mediatoris est omni partium studio esse vacuum, neque uni magis addictum esse, quàm alteri. Quæ æquanimitas ex iis punctis, quæ jam ab Illustrissimis ac Excellentissimis Legatis proposita sunt, profectò non apparet.

Atqui si Ordinū Poloniæ interventu discordia hæc tolleretur, quam satisfactionem de injuriis, quam securitatem de non turbando regno Sueciæ imposterum pollicentur. Majora damna sunt, quæ Provinciis Sueticis inflixerat Rex Poloniæ, majores etiam sumptus, huic bello facti, quàm ut à Rege satisfactio justa sperari possit. Nec credi potest Ordines Reipub. hoc onus in se suscepturos, quos tantæ felicitatis brevi procul dubiò pœniteret.

Deinde quæ securitas haberi adversus eum poterit, cujus levem & instabilem animum tot documentis experta est S. R. Mtas Sueciæ, ut fidem promissis ejus habere nequeat. Non opus est singula repetere, quæ hoc bello dolosè ac injustè acta sunt. Ipsi Ordines Reipub. recenti memoriâ tenebunt, quot quibuscq; modis jusjurandum suum, pactaq; cum Rep. conventa violaverit. Quod si illa adjecerint, quæ per Königsmarkiam & per Cubicularium suum Fictumium S. R. Mti obtulerat, ut exclusâ Repub. separatam pacem iniret, clariùs perspicient, quæ hujus Regis adversus Rempub. intentio sit. Eo enim tempore, quo Illustris hæc Legatio à Respub. missa, per has personas fidem ejus imminuere, & elevare voluit, nisi tanta S. R. Mti constantia fuisset, ut cum absq; molestia questuosam habere pacem potuisset, sterile maluerit continuare

tinuare bellum, quàm è fundis Reipublicæ ditari.

Frustra legibus cupiditatem illius refrænandā sperant, qui jurisjurandi Religionem, & sanctum humanæ societatis vinculum temerare non veritus est; neq; Respub. si sponsionem suam interponeret, illum magis ad fœdera observanda adstringere posset, quàm antea, aut summorum Principum, qui Pacis Olivenfis sponsores fuerant, autoritas ab injuriis eum retinere potuit. Cum verò Respublica in illo Statu fuerit, ut tertiam personam, & Reipub. huic non obnoxiam repræsentare queat, tum demum de rebus pertinentibus tractandi locus esse poterit.

Illis autem conditionibus, quæ hic recensentur, tantum abest, ut ulla mediatio admitti, aut fida pax coire possit, ut averfi à pace Statuū Poloniæ animi potius ex illis cognoscantur. Cum justissimis S. R. Mtas causis inducta sit, ut fines Reipubl. intraret, iniquissimum esset postulare, ut illis antea egrederetur, quàm satisfactio justa ab eo accipiatur, qui tot injuriis illatis in Poloniæ receptaculum habet. Quam, cum obtinuerit, non modò copias, è Repub. confestim educet, verum etiam arma versus illam plagam convertet, unde utriq; Regno emolumentum insigne accresceret. S. R. Mtas longè plura damna ex hoc bello passa est, quàm Respub. unquam toleraverat, quæ utriq; ab illo refarciri æquum est, qui ansam belli dederat, atq; libidine suâ dominandi effecit, ut utrumq; Regnum tot incommodis affligeretur. Continget utrique satisfactio justa, si ejecto Turbatore vetus amicitia arctioribus vinculis adstringatur percusso fœdere, quo non tantum domi securitatem, sed & foris incrementum habeat. Deniq; sperare nemo poterat crambem de rei tormentariæ donatione, jam reiectum iri. Quæ mens S. R. Mtis super chymera illa fuisset antea, Ordinibus Reip. constat. Donare illa, quæ in potestate nostra non sunt, aut quæ dubiæ belli aleæ dudum sint exposita, inter illa censentur, quæ omnium populorum consensu obsecna existimabuntur. Neq; majus jus in Remp. transferre Rex potuit quàm ipse habebat, aut in ficto hoc prætextu S. R. Mtas illa eripere, quæ jure belli occupaverat, aut armis suis ita constricta teneret, ut manibus elabi non possent. Novum enim belli jus est, & ante hoc tempus inauditum, quo bello capta hosti reddere juberemur, aut aliis, quæ hostis voluerit, victoriæ nostræ præmia & ornamenta concedere.

Hæc ad illa, quæ Excell. & Illm̃i DD. Legati exhibuerant, visum est reponere, neq; alia expectari possunt, nisi illo, qui hodie Reip. præest, longius amoto, tale caput constituatur, cum quo firma & securâ amicitia restauretur, hoc eo magis fas est, si perpendatur, quàm atrociter læsa sit S. R. Mtas Sueciæ, &, quàm multa Reip. Polonæ inimica, & noxia molitus sit Rex Poloniæ, quibus avertendis nulla unquam melior, quàm quæ jam adest, occasio affulserit.

LXIV.

ANDREAS C. ZAŁUSKI PRINC. EPISC. VARM. ET SAMB.
ALEXANDRO SALLAROLI REGIO MINISTRO 1 Maji.

AD quæstionem tuam, quomodo valeam? ante omnia respondeo, valeo, ut soleo, id est vivo magis, quàm valeo,

Ad secundam post expeditionem Kleffoviensem venerunt ex Pomerania Sueci, cum summa mortificatione, quòd in prælio nupero præsentes esse non potuissent. Interim arx Cracoviensis tam pulchra,
&

A.C. 1703 & tam celebris ex accidenti tota igne periit, & Rex Sueciæ dum subsequi Regem nostrum voluit, pedem cadens cum equo ita læsit, ut undecim septimanas manere Cracoviæ coactus fuerit; fuerunt & hæten⁹ sunt non nulli, qui etiam mortem ejus publicarunt.

Dum Rex noster Cracoviam Regem Sueciæ petiisse scivit, versus Sendomiriam movit, ubi confœderatio nobilitatis non expectata Majoris Poloniæ nobilitate facta est in favorem Regis nostri contra Suecos, quam tibi mitto. Post quam finitam conclusâ ad Regem Sueciæ Legatio, destinatisq; ad id præstandum Legatis, movit Rex Varſaviam, ubi consilium tenuit illudq; distulit Thorunium.

Interim Rex Sueciæ, quanquam de salute ejus adversus quidam ita pertinaciter duravit rumor, ut pauci essent, qui vivum eum crederent; ille autem post datum aliquod restaurationi sanitatis suæ tempus exercitum movit, penes Viſtulam semper ibat, pro majori exercitûs comoditate. Acciderat, ut aliquot centeni Suecorum in multò plures nostrorum casu inciderint, omnesq; vel cæsi, vel captivi sunt; undè Rex Sueciæ misit Mareſchalcum campi Steinbockium cum quatuor milibus hominum contra Ducem nostrum Lubomirſcium, sed ille prævenit dispositis in hyberna suis militibus.

Comes Steinbock Palatinatus Russiæ, Districtus; Præmisliensem & Sanocensem sub obedientiam sui Regis reduxit, uti in annexis leges, quo tempore & Stadnicius Palatinus Volhynensis in arce propria, quam nullâ præcedente defensione statim reddidit, bonis spoliatus tandem sub custodia militari aliquo tempore non sine dedecore fuit. Rex Sueciæ post sex septimanarum iter ex integro pristinae restitutus sanitati Lublinum venerat, cui junctus est Mareſchalcus campi Maydel cum sex milibus, quos Rigâ duxit, quo tempore Rex Sueciæ Varſaviam misit Generalem locum tenentem Reinschielt virum prudentiæ singularis, & roboris particularis. Destinatus etiam Residens Wachtschlager, ad tractandum cum nostris Magnatibus in ordine ad dethronisationem Regis nostri AUGUSTI, qui induxit Cardinalem Primate ad cassandos omnes actus cum nonnullis Senatoribus sub Sendomiria conclusos, tanquam constitutiones regni, libertates, & comoda Reipub. impugnantes.

In Mense Aprili Rex Sueciæ reddidit se Varſaviæ, ubi cum Cardinale Primate habuit conferentiam repræsentando, quòd nullus sit, quicumq; æquitatem amat, qui non conveniat, quòd bellum hoc inceptum fuerit, sine ulla ratione justa, & quòd continuetur modo indigno; ita nemo dubitat, quòd Rex Sueciæ tam injustè impetitus, justam habeat causam, ut non tantum satisfactionem magnorum damnorum quæ tulit, exigat, sed etiam securitatem in futurum proportionatam &c. Jam tertius volvitur annus, ex quo Rex Sueciæ nec unum, nec aliud obtinuit, illudq; jam sperare non permittatur. Secundum reliqua quæ exprimuntur in responso à Rege Sueciæ dato Palatino Masoviæ, cujus sermonem & dictum responsum adnecto; sicuti & à consilio Primatiali Cancellariæ Regis Sueciæ dato. Quamvis Rex Sueciæ ex impatientia non expectato eò 30ma Aprilis movit versus Pultoviam, ubi Generalis Steinau cum magna parte exercitûs Saxonici hyberna agebat. Volebat quidem Stienau impedire transiitum per pontem, qui in fluvio Bug per unam tantum noctem constructus erat. Sed ita terror panicus illos occupaverat, dum Regem Sueciæ viderent, ut ad primum tormentorum strepitum fugerint, major quotidie fugiendi cupiditas, minor verecundia, ut herba irrigua, sic mores mali succrescunt uberri-

Stanislaus
Morſin

me,

me, & ut flumina per se dulcia cum in mare venerunt falefcunt, sic haud mali milites, consortio quasi facto inquinantur, quod adjicio non ut arguam, sed ne de omiffa veritate arguar. Transitus fluvii hujus non erat sine difficultate, non tantum quia rapidum cursum habet, sed etiam quia largior erat, quam credebatur, sed nullae unquam difficultates Regis Sueciae impedire solent intentiones, & cum sub ipsam auroram omnibus retentis quicunque passus custodiebant, Pultoviam venisset, & equites Saxones, quorum erant quinque millia in duabus lineis dispositos invenisset, qui credebant tantum aliquam exiguam partem Suecorum esse nec potuisse tam cito fluvium transire, sed, cum vidissent Regem Sueciae ducentem fortiterque audere, audacter exequi, statim retrocesserunt in civitatem, quae est quasi insula ex omnibus partibus brachiis fluvii circumdata, ita, ut sit quasi inaccessibleis, si ex omnibus partibus pontes rumpantur. Rex Sueciae, qui nolebat perdere fructum celerioris cursus sui, non illos persequabatur, sed aliam viam impediendo eorum Saxonum ex civitate exitum, illis occurrit, sed quia iter erat angustum, jam magna pars illorum transierat pontem, nec remanserant, nisi septingenti homines, quorum ducenti occisi, reliqui captivati, cum parvo damno Suecorum, quibus currus & omnes res Saxonum in praedam cesserunt. Generalis Steinau per pontem Collegij Soc. JESU salvavit se. Generalis Beist salvare se voluit in molendino funibus abscissis, & cursu fluminis reddito; sed a Rege Sueciae captivus factus, qui in crastino sexcentis secum ductis equitibus Saxones persequabatur. Certus etiamsi inaequali numero victoriae, sed frustra novem milliaria confecit; velociores erant enim pedes fugientium, ita & commissi praelii famam certae victoriae Sueticae rumorem accipe.

Tu vero quem amandum delegisti, non reijcies, ut spero, ab affectu cupientem eum ultroque ambientem, utar enim isto verbo, nam revera ambio amicitiam talium virorum, & te jam olim novi, & quia novi, amo.

RESPONSUM A CONSILIO PRIMATIALI AD MANIFESTATIONEM REGIS SUECIAE. Varlaviae die 5. Maij.

QUOD Resp. Polona nihil habeat antiquius sanctiusque, quam pacta & foedera cum vicinis semel inita semper inviolata servare, re ipsa testata est, nullam videlicet volens habere partem in his turbis, quae facto iniquo inter S. R. Mtes praeter scitum & voluntatem suam excitatae, tot tantaque ab utrinque damna intulerunt. Itaque sensu vicini, & nullam inconstantiam mutati affectus libellum nuper ex mandato S. R. Mtis Sueciae porrectum recepit, ad cujus contenta si punctatim respondere adnitatur, esset immensum & operosum nimis, potiusque exacerbando vulnere, quam levamini ferendo primum diu renovandis immorari doloribus. Sed cum domesticae calamitates tristitiam sunt operiendae, tantorumque malorum levamen non nisi ex solo eorundem malorum dependeat sine, qui est Regnorum quies, & tranquillitas. Ad hanc igitur toto & sincero aspirando pectore non alio id etiam recognoscit animo, omnia quae hactenus non sine ingenti ejus dolore acta sunt contra vota & intentionem suam facta esse, stipulaturque abhinc omnimoda se adhibituram praecautioem, fortiusque in futurum, acturam ne contra leges & sancita Regni, contra vincula foederatae amicitiae, demum contra ipsam justitiam suscipiendi ex inopinato belli similes in posterum erum-

A.C. 1703 erumpant ausus, metitur id quippe suo satis jam damno Resp., quantum pœnæ, & tribulationum reportaverit toties, quoties arcanas suorum Principum meditationes nimium tutâ prætermisit fiduciâ, quantumq; deinceps cavere debeat, ne super similibus eorum actionibus incauto sibiq; damno corripatur sopore. Quod ut tantò firmitus & fundamentalius peragatur per Commissarios suos plenariè in hoc puncto ab Ordinibus Regni & M. D. Lit. instructos cum Commissariis S. R. Mtis Sueciæ in ordine ad Tractatum, quantocius designandis, sincerè & sinè omni fuco rationes securitatis inire parata est.

Consilium præsens ab Eminentissimo Cardinale Primate Regni, & M. D. L. intimatum, quòd non fuerit ad palatum palatio, nemini potest esse mirandum, cum enim Respub. detestaretur semper bellum se insciâ fuscitatum, neutiquam tale consilium, in quo ejusdem belli rationes examinari, & improbari potuissent, gratum acceptumq; sibi nullatenus habere poterant infausti belli promotores.

Literis die 4. Men. Febr. ad Eminentissimum Cardinalem à S. R. Mte missis, ijsq; per Palatinatus communicatis, cum debita veneratione imò & cum intimo lætitiæ sensu, etiam Mariæburgense applausit consilium, quòd scilicet sint bajulæ & prænuntiæ optatæ pacis oleæ, meditationumq; S. R. Mtis Sueciæ à tristi cruentoque Marte ad dandam tandem populis quietem declinantium; sed quia eadem literæ cum contentis suis videbantur pronius referri ad hocce præsens consilium jam antè in visum, tum quia in Mariæburgensi illo congressu certò constat non omnes fuisse ejusdem ingenii, nec omnes bene dispositos ad ea, quæ salutis sunt publicæ, ideo res admiratione non eget, potuissent taliter contrarii ibidem emanare actus.

Quòd verò idem hic consilium conventiculi nomine per literas circulares repræsentatum fuerit, quodque literæ S. R. Mtis Sueciæ sub scrupulosiore stylum interpretantis eas liberius Cancellariæ inciderint, id sanè factum solis æmulationibus, & diffidentiis contra præsens consilium, quas Mater Respub. charitate cooperire contendit, ut scilicet tantò efficacius periculosa in uno membrorum corpore dissidia, ad votivam & salutarem componat unionem.

Consilium Mariæburgense licet quidem successivè ex congressu Sendomiriensi disputato, & per nonnullos in dubium vocato promanaverit, quia tamen ad diu optatam suavemque harmoniam res & animi civium deveniunt, oportet jam omnino scrupulos tollere, & sicut in discordi & dissona Repub. omnia transversa, suspecta, & dubia erant, ita in unanimi, pacemq; uno labio cupiente, omnia certa, firma, & fundamentalia existimanda sunt, ita, ut securè, & absque omni ambiguitate votivus utrique Regno tractatus institui possit.

Ad reliquum, quia pro unico præcipuoq; Statûs sui, & avitæ libertatis, quâ nihil carius se habere fatetur, fundamento semper habuit, habetq; liberam, ne ullâ vel minimâ coactionis umbrâ obscuratam Electionem, de qua vivente Principe vel cogitare nefas, cumq; Sacramento Regis fidei habeat corroboratas S. R. Mtis Dñi sui declarationes, eam nempe nunquam in posterum quidquam simile insciâ vel invitâ Rep. tentaturam. Tum quia tot Palatinatus circa tuitionem ejusdem Mtis Sacramento se obstrinxerant, illudque velut acta Deorum rescindere, nunquid coram Diis & hominibus æquum esset ideo rem & vocabulū haud antea in Polonia auditum, Dethronisationis Generali Ordinum, atq; moderni Consilij consensu deprecatur. Declarans, & sese ad Garantiam

rantiam obligans, S. R. Mtem D. suum clementissimum sacrosanctè jam *A.C. 1703*
nunc renovanda, & secundum gradus datæ instructionis, quàm melio-
ri modo restauranda Pacta Olivenfia, novaq; ineunda servaturum. Dat.
Varfaviæ in Consilio Primatiali 5 Martij.

RESPONSUM à REGE SUECIÆ DD. COMMISSARIIS.

QUàm cordi sit S. R. Mti Sueciæ, ut turbis hisce sedatis vetus a-
micitia inter Regna Sueciæ & Poloniæ stabiliatur, cum antea
sæpius, tum in hesternâ audientia non obscure indicatum est,
quoniam verò S. R. Mtas Sueciæ in libello quem Eminent. Cardinali ac
Primate Poloniæ exhiberi jussit, fusiùs voluntatem suam explicuerat,
monstratâ viâ, quam huic proposito obtinendo aptissimam fore credi-
derat. Itaq; super eodem priùs sese Ordines Reip. declarent. Conveni-
ens est, ut perinde actiones suas S. R. Mti possit dirigere. Quod Excel.
Vræ, & Illustribus Commissariis significandum erat, ne existiment S. R.
Mtem de optima erga Remp. propensione quidquam remisisse. Pragæ
17 April. *C. Piper.*

COPIA LITERARUM COMITIS PIPER AD EMIN. CARDI- dinalem ex Castris sub Bobrowniki 9 Maji.

EMinentiæ Vræ superiori Epistolâ indicavi responsum, quod à Con-
silio Varfaviensi die 5 Maji adornatum est, S. R. Mti Sueciæ Dño
meo clementissimo non visum esse ad declarationem à se antea
factam, usquequaq; accommodatum. Alienum enim ducit ab hoc
rerum statu, in isto non tantum propositionem suam omitti, verum et-
iam festinato, ut apparet, consulto præventos esse reliquos, quos Con-
silio huic adfuturos non dubium erat, sumptâ præcipuâ hujus facti ra-
tione à plurium Palatinatum consensu, ad tuendum illum, quem ho-
stem suæ Mtis esse non negaverint. Quod certè S. Regiæ Mtem Sueciæ
non magis adducere potuerit ad ea amplectenda, quæ Consilium Var-
faviense videtur intendere, quàm sperare, idem deprehenditur ad salu-
tem Reip. Polonæ, stabilemq; tranquillitatem. Quapropter existimat
S. R. Mtas Sueciæ justam sibi esse causam tale responsum expectan-
di, quod propositionem à se factam directè tangat. Et quemadmodum
cum illa in hoc convenire Consilium præsens apparet, quòd omnia, quæ
à Rege Poloniæ circa hoc bellum acta sunt, ac patrata, non modò im-
probet, damnetq; sed etiam eas adhiberi præcautiones posse confidat,
ne similes in posterum ausus erumpant. Ita S. R. Mtas Sueciæ, quæ ali-
um quàm sæpius indicaverat, modum hætenus invenit, quo fida, se-
cura, ac diuturna inter Regna Sueciæ ac Poloniæ amicitia instauraretur,
jam fas esse credit, ut Respub. suas, quibus justam securitatem ob-
tinere posse putat, rationes exponat, viamq; monstret, æquè tutam aptaq;
ad hunc scopum perveniendi. Cum hæc designata fuerit, S. R. Mtas
Sueciæ ulterius mentem suam aperiet, Commissariosq; quibus hoc ne-
gotium committatur, tunc rectius nominandos esse ducit. Interea sicut
illa hostem suum tantummodo persecuta omnem offensionis ansam cū
Rep. sedulò evitaverat toleratis etiam iis, quæ arma sibi gerenti non
ferenda essent, ita porro declarari jussit se, quamdiu non laceffatur, in-
corruptam cum eadem amicitiam servare velle, neque cuiquam pacato
vim inferre, non posse verò non pro hostili aggressione reputare, si Pa-
latinatus Exercitusq; Poloniæ se immiscuerint, quemadmodum etiam

A.C. 1703 toti orbi se excusatum cupit, si in eos, qui perstiterint insultare, illo rigore animadvertat, quem injuria sibi allata postulaverit. Hæc erant, quæ nomine Regis mei significare debui, cui summa Eñtiæ Vrä prudentia spem facit certatissimam, seriò hoc illorum animis repræsentatum iri, qui rem Pólonam conturbare magis, quàm tranquillam reddere annuntuntur. De cætero Eñtiam Vrä quàm diutissime sospitem esse voveo, meque ad omnia officia, quæ à me proficisci possint, totum offero, qui sum &c.

C. Piper.

RESPONSUM à MAJESTATE SUETICA DATū DD. COM-
missariis ad Tractatum. In Castris ad Plonsko 10 Maji.

SI scivisset Seren: Rex Sueciæ Dñus meus clementissimos, quòd tam allegoricæ prudentiæ, & inanis consilij viros, ad congressum hunc reperisset, non modò eos ad hoc consilium, quod levi staterâ pensatum, admisisset, verum etiam & de Regno Vro nunquam somniasset. Nec vos Consiliarij, sed verius dixerim, seductores estis. Virus enim vestrum hocce, non modò Regi meo clementissimo, sed & toti Regno Vro propinatis. Nam ubi illa Vestra toties publicata, & adjurata fides? & cùm res vestra agebatur, pernicies vestra perturbabat, ubi falsa denuntiatio Vestra, de fuga Regis Vestri in Saxoniam, ubi auxilia Vra promissa? tot cohortes? tot copię? qualis nunc contra Regem nostrum livor, qualis fremitus de everfione ab eo libertatis, cùm illi iterum fidelitatem juratis, hostesq; Vos Regi nostro declaratis, quem in protectionem libertatis vocastis? Timete, timete & videte, ne hic error vester pejor sit priore, errastis dum vocastis, & nunc erratis, dum dissimulatis; Simulacra vera Paganorum, & Idola Atheismi estis. Siccine DEo quem infimul colimus, servatur fides, experiemini ejus & Dñi mei clementissimi vindictam, quæ nunc statim fieret, nisi certis rebus, & rationibus priorem nos locum daremus. Effudistis nunc, quod subdolo, & falso corde formastis, suadebatis antea, nunc dissuadetis, promovebatis antea, nunc amovetis, qualiter ergo de Vobis judicandum? Primas vester est Hypocrita, Sapiehæ sunt prævaricatores, alii à DEo sunt puniti violentâ morte, cæteros sylvæ & nemora tenent, quâ fide? quo fine, ubi timor & reverentia Vestra erga Mtem Dñi mei clementissimi? dum nunc armari vultis contra eum. Non terretur his Dñus meus clementissimus, aderunt media, & subsidia, quibus Regno vestro non injurij modò, sed & vindices existemus. Etsi aliter fata voluerint, Rex meus clementissimus cum Rege vestro uti cognati facilè in caput vestrum paciscetur, & gravius, quàm antea fortuna excipiet. Scitote ergo hoc, & pensate deteriora manere vos, quàm speratis, jugum, quod excutere voluistis, ipsum ultro humeris vestris imponetur.

COPIA LITERARUM COMITIS PIPER AD EMIN. CARDI-
nalem 15 Maji in Castris ad Drevensam.

EX literis Emin: Vrä, quæ ad Illmum Thesaurarium Litvaniæ nuper datæ sunt, percepi Eminen: Vram cupere certiore fieri de pacto seu induciis operâ Ministri Cæsarei factis, inter S. R. Mtem Sueciæ Dñum meum clementissimum & Regem Poloniæ, quas violatas idem Rex queritur, cæsis ad Pultusciam Saxonibus, à se verò sanctè observatas dicit, jussu non tantum Steinavio Duce Copiarum suarum,

ut

ut à Suecis infestandis se abstineret, sed etiam transitu Ducì Sue-
tico Maydelio concessio, cum præteritâ æstate nova in Poloniam sup-
plementa adduceret, quin etiam respectu istius pacti Ducem Gene-
ralem Rheinschildium, quem in hybernis ad Błonie opprimere potu-
isset, illaceffitum relictum, absq; omni incursione intactum. Equidem
S. R. Mti Sueciæ omnino sunt incognita, quæ maximoperè miratur
voluisse quemquam tam enormia fingere, quæ ne speciem quidem ve-
ritatis præbuerint; Notius utiq; est Emin: Vra, quàm ut fusè hic in-
culcari debeat, neq; in Cæsaris, neque in alterius cujusquam mediatio-
nem adhuc esse consensum, semper autem expetivisse Sacram Regi-
am Majestatem Sueciæ, ut secura prius, tutaque designaretur ratio pa-
cis restaurandæ, quàm de eadem Tractatus aliquis institueretur.
Tale igitur pactum quo utriusq; Regis arma suspenderentur, cujus in-
terventu, aut quo in loco factum est, aut quis unquam extendit pote-
statem sibi datam tale quidquam instituendi, non opus est de hac re
plura addere, sufficit conscientia Ministri Cæsarei, qui tabulam hanc dis-
solvet. Quæ autem de Ducibus Sueticis, quorum mentio facta est, tra-
duntur merâ vanitate, ac jactantiâ tam liberaliter prædicari constat,
fuit uterq; horum ijs copiis instructus, ut laceras fugati hostis reliqui-
as non tam metuere deberet, quàm pugnae sibi copiam optare, cum ex
prioribus suetam sibi fortunam polliceretur. Et quid attinet morari?
Literæ Regis Poloniae, quæ inter prædam Pultoviensem sunt receptæ,
& ipsius Regis manu exaratæ manifestabunt, evincenq; hæc esse con-
ficta, atq; habuisse Steynavium à Rege Poloniae in mandatis Suecos ob-
ruere si quando opportunitas invitaret, sed quò tendant hæc cōmenta,
simulatæq; benignitatis commemoratio, neminem, qui aliquid de reb⁹
judicare potest, latebit. Quis enim non perspicuè videt, hæc ita divul-
gare, ut perniciosissimis destinatis, quæ adversus Suecos soventur, con-
tectis, cum Respub. Polona tum alij inducantur, ut credant aversari
S. R. Mtem Sueciæ pacem, illamq; quocunq; modo impedire, atque in-
vidiâ hujus belli in Suecos derivatâ Poloni facilius in societatem illius
alliciantur. Qui iniquissimum hoc & utriq; populo infauitissimum bel-
lum suscitavit, illudq; ignobilibus prorsus artibus protraxit, gessitque,
hanc autem genuinam mentem Regis Poloniae deprehendet, quisquis
novissima universalialia, quibus ad militarem expeditionem nobilitas Po-
lona convocatur, inspexerit; in illis enim causa huic convocationi ob-
tenditur, quòd S. R. Mtas Sueciæ pacem respuat, atq; abrupto omni
tractatu, rejectisq; propositionibus infestiora contra Rempub. in dies
patret, geratq; ut ita liberæ gentis jura tandem opprimat, atq; evertat,
idq; ex Dñis Commissariis, qui Reipub. nomine missi sunt, compertum
esse traditur; an verò ijdem Dñi Commissarii, qui rectius totam rem
edocti sunt, unquam talia potuerunt enuntiare, quàm falsa hæc sint,
quamq; malitiosè ficta, Eminentia Vra pro summa sua prudentia faci-
le discernet. Illa enim perspectissimum habet, S. R. Mtem Sueciæ, neq;
ab amica compositione abhorrere neq; unquam recusasse, propositio-
nes à Repub. factas audire, sed cum tot experimentis didicisset, rem
sibi esse cum Aula multæ levitatis ac inconstantia, voluisse tutissimam
viam insistere, adeoq; radicitus hujus mali originem evellere, ne in su-
am æquè ac Reipub. Polonæ perniciem repullulare illud unquam pos-
set, atq; non alium ei finem propositum esse, tum ex declaratione sum-
ma, tum ex epistola nuper ad Eminentiam Vram missa non obscure
indicaretur. Qui verò hoc præclarum institutum impedire, subruere, at-

A.C. 1793

que convellere allaborant, nōne illi mentem suam nimis in propatulo ponunt, indicantq; sibi constitutum esse, non tam revocare publicā tranquillitatem, quā huic funesto incendio, quo latē vicina Regna fumant, faces, tēdasq; aggerere, si ab amantissimo quoq; Patriæ suæ, ut fas erat, hæc expenderentur, non dubium esse, quin sinceram S. R. Mtis Sueciæ intentionem, quam toties testatam reliquerat, deprehenderent, imaginem verò animis conciperent imminentium malorum, si inconsulto quodam studio, ac fervore in illius sententiam præcipientes irent, qui tot præstigiis dolisque ingloriis utramq; nationem collidere satagit, quo fessis deinceps, damnosq; bello enervatis insultare posset. S. R. Mtas Sueciæ quanquam iniquo bello provocata vindictam tamen justissimam quieti orbis condonare cupiens, non alio, quā factum est modo, mentem suam hætenus explicare potuerat, & quamvis eidem nemo paulò humanior crimini verteret, si tot ludibriis circumducta diffidentiam paulò majorem adversus ea, quæ toties vana fuisse experta est, in posterum haberet, tamen in eodem proposito etiam nunc inconcussa permanet. Hoc si Respub. Polona sinistro genio impulsæ non probet, aliamq; viam ingrediatur, quā quæ jam sterni cœperat, quod suo jumento sibi accersiverit malum, suæ inconsiderantiæ aliquando imputabit. Confidit autem S. R. Mtas Sueciæ se toti orbi approbaturam, quæ hætenus à se acta sunt, easq; reportaturam actiones, quibus quævis hostium conata retundat, vindictamq; satis gravē de aggressoribus reportet. Hæc verò sicut jussu Clementissimi Regis mei perscribere debui, ita nullus ambigo, quin Eminentia Vra, eā, quæ solet sagacitate perpendat, quantæ sint malevolorum machinationes, quamq; nihil inexpertum omittant, ut radios illos Serenitatis publicæ, quæ elucescere nuper cœpit, extinguant, pellantq; quibus semel disjectis non vana est conjectura procellam tristiores incubiturā, quodque imprimis verendum, totum hoc negotium, quo tranquillitas plena restitui possit, longè difficilior redditum iri. Quō major spes me habet Eminentiam Vram, quæ pro sueta sua prudentia hæc satis prospiciet; consilia quoq; inhibendis ejusmodi machinationibus idonea inventuram, quod precatur Eminentiae Vestrae C. Piper.

COPIA LITERARUM REGIS SUECIÆ ad EMINEN. CARDINALEM ex CASTRIS ad Thorunium die 29 Maij.

Perlatæ ad Nos sunt literæ Eminentiae Vrae, quibus Rempub. bonā fide propendere affirmat ad sedandas hæc turbas; quæ nostrū pariter ac Poloniæ Regnū hætenus exercuerunt, spe factā non defuturas in ipso transactu rationes, quibus tam salubre intitutum perficiatur, si absq; mora Commissarios ad ipsum deligemus. Non potest esse nobis non pergratum, qui non minori desiderio tenemur, finem huic bello imponendi, in quod inviti prorsus protrahiti sumus, & ex quo compendium nullum quærimus, aut emolumentum, quā ut nostræ adversus futura securitati plenius prospiciatur, omnisq; præscindatur occasio, quā tranquillitas publica in posterum sollicitari possit. Quo autem pacto credimus vorum hoc potissimum esse implendum, sicut nos absq; ambagibus sæpius indicavimus, ita nunc conveniens judicamus, ut Resp. ingenuè nobis detegat

detegat aliam viam æquè tutam ac securam ad hunc finem perven- *A. C. 1703*
niendi, si quam nos monstravimus, insistere noluerit. Equidem
etsi non dubitemus, quin Reip. absque fuco pacem cupiat stabili-
tam, rationem tamen illius obtinendæ nondum expeditam satis atq;
que perspicuam videre licuit, quamdiu non planius nobis exponatur.
Nec immeritò hanc diffidentiam nobis esse fatebitur, quisquis in-
genium hostis arctissimosq; cum Czarò nexus, & occultas machina-
tiones consideraverit. Quapropter cum Reip. super hoc capite pro-
pius se declaverit, ut paulò majorem futuri Tractatùs spem concipi-
pere possimus, nos quoq; non morabimur in eam voluntatis certa
documenta exhibere, illumq; amplecti modum, qui motibus hisce
componendis aptissimus visus fuerit. Interea cunctis Reip. civibus,
qui arma nostra non provocaverint, integram quietem conserva-
bimus, neq; committemus, ut de milite nostro quisquam jure que-
ri possit. Omni hætenus à Reip. munimentis vi abstinuimus, idem-
q; porro constituimus facere. Quamdiu verò civitas Thorunensis hos-
tem sinu suo contineat, à ratione belli non discreparet, si eam non
ut Reip. urbem, sed ut receptaculum peregrini ex Saxonia militis
reputaremus. Quin, si quod Reip. interest, rectè æstimetur, facile
præsumi potest, quantum inde periculi immineat, illo munimenta
Regni præsidii suis tenente, qui non nobis magis, quàm Reipub.
gravis esse poterit, arcemq; Dominationis illic tandem constituere.
Sed nos, qui nullam ex amicorum incommodis voluptatem capis-
mus, nihil tam in votis habemus, quàm ut excisâ penitus omnis dis-
sidii causâ, vetus amicitia, tranquillitasq; reflorescat. Cujus felicitatis
curam Eminentia Vra. commendantes &c.

LITERÆ à REGE SUECIÆ AD DD. COMMISSARIOS
ex Castris ad Thorunium 29 Maji.

EX literis Vestris I. Junij exaratis percipimus, desiderare Excell:
Vestram, & Dnaõnes Vras, ut mentem nostram circa pacis
negotium propius exponamus; Nos verò, quanquam cum
superiori anno, tum nuper aliquoties causas indicavimus, quæ salu-
bre hoc utriq; Regno propositum remorantur, monstrato modo, quo
facillimè omne dissidium tolli posse credidimus, tamen non grava-
bimur ita denuò declarare nos seriò cupere, ut tranquillatis hisce
motibus, quibus Polonia jam concutitur, stabilis & secura nos inter
& Remp. Polonam amicitia reducat. Quo autem pacto ille scos-
pus obtineri posset, sicut animi nostri sensa candidè aperuimus, ita
si illud minus Reip. arrideat, fas esse arbitrabamur, ut ipsa aliam
indicaret viam, non minus quàm altera nobis visa est, huic fini ac-
commodatam. Nam tametsi pacem à Rep. desiderari significetis
rationesque in ipso Tractatu inveniendas, quibus securitati nostræ
sufficenter cautum erit, donec tamen circa generalia hæreat, nec

A.C. 1703 intimiùs, naturam earum explicuerit, non possumus optati exitus spem suscipere certam, adq; negotium hoc expediendi, propius accedere. Quod circumspèctius paulò nobis hic agendum arbitramur, non cuiquam improbabitur, qui cogitaverit, quo cum hoste nobis res sit, qui dum pacem crepat, infesta nobis moliri quàm maximè intendit. Quàm arcto foedere Moscho sit innexus, neminem latet, ab illo, cum non solùm nervum belli habeat, verùm etiam Litvas nos stipendiis ejusdem alligaverit, non spes est, nisi summâ vi à civa hac societate avulsum iri. Quapropter cùm jam Comitìa appropinquare audimus, ventilari hoc negotium accuratius par est, rationesq; certas & idoneas iniri, quibus hisce malis obviam eatur. Illis palamq; expositis, atq; ad nos perlatis non cessabimus testari, nihil tam nobis cordi esse, quàm æquis Reip: desideriis satisfacere, cujus amicitiam, salutemq; vindictâ quâvis potiore ducimus.

COPIA LITERARUM AD REGEM SUECIÆ A DD. COMMISSARIIS 1. Junij.

CUM in illo, quod ad Pragam nobis datum est, responso insertum fuisset, quædam dubia commodius per Eminen. Cardinalem Præmatem Regni nomine totius Reip. agentem elucidari posse; nos tantisper otiosi expectare debuimus, non tamen sine magna spe, remotâ ulteriori dilatione inchoandi adeo salutaris negotii. Verùm quia ad hoc usq; tempus nulla in literis ad Eminentiam suam ab Illmo Comite Piper datis invenimus certitudinem, terminus autem Generalium Comitiorum Regni immineat, ubi indispensabilis negotiationis nostræ ratio reddenda est; & insuper instructiones pro iisdem Comitiiis expeditæ ultro stimulant, allaborandum esse, ut Tractatus non differatur, videlicet à tota Repub. brevi congreganda ratificandus. Ipsa nos necessitas adigit, & excusat præmissis omni cultu & veneratione S. R. Mtem V. adire, cupientes non ex alieno discursu vel conjecturis, sed ab ipso S. R. Mtis V, ad quam missi sumus oraculo procedentem habere declarationem. Securitas concludendi, si DEo placuerit, Tractatûs, nullum movere debet scrupulum, cùm nobis sit plenum Jus, dataque facultas in Tractu negotij, omnia quæcunq; inveniri possunt media licita ac honesta amplectendi. Certi itaq; sumus S. R. Mtem Vrà Heroem tantæ magnanimitatis non passuram sinistrè interpretari hanc expostulationem nostram, universoq; orbi testaturam non minus se fortem & intrepidam contra inimicos quàm suavem & benignam cum amicis esse.

COPIA LITERARUM DD. COMMISSARIORUM AD COMITEM Piper. 2. Junij.

CUM characteris nostri obligatio crebram sollicitationem excusare debeat, non credimus aliquam incurrere posse reprehensionem S. R. Mtem omni cultu & veneratione, tanto Regi debitâ compellendo. Non enim nobis restat tempus ulterioris dilationis, cùm indicta comitia nondum inchoati negotij necessariò finem adferant, quæ in contrarium, in Tractu & spe optati finis existentis certissimum sunt

robur; securitas & ratificatio; Nunquam Excell. Vrae mentem à tranquillitate publica alienam esse cognovimus, & nunc itaq; certò confidimus operam & favorem Excell. Vrae nobis non defuturam.

LITERÆ AB EMINENT. CARDINALE AD REGEM SUECIAE Scriptæ Lublini 18 Julij.

NON vitio vertat Mtas Vra, quòd ad ultimas suas de datâ 8 Julij tardius respondeâ in materia præcipuè quæ quò gratior, eò promptior in resolvendo credebatur, Comitiorum Generalium hæc mora, ubi privatorum planctus ac querelæ sub sensum prius venerunt, quàm publicæ rationes. Expertus sum idipsum summâ gradus ac nominis mei molestiâ sub absentia adhuc mea, quando studium meum Mti Vrae optimè notum in procuranda publica quiete iniquius interpretatum, non quia non rectum, sed quia hucusque inefficax, & hæc quæ mihi Mtas Vra per literas suas amicæ in gentem nostram propensionis protulit documenta, documento fuere, dum hæc confidentia pro partialitate, media pro dilationibus vulgabantur, dissipavit aliquantû adventus Lublinum meus collectas has nubes, & mox cessavit quassatio. Apparet id ex ipso eventu, quando & Comitia felicem coronidem sortita, bellicus apparatus ad securitatem magis, quàm ad noxam erectus, dexteræ ad amplexum prius, quàm ad Capulum porrectæ, Illustrissimi ac Illustres DD. Commissarii iidem approbati, qui tractatum sub authoritate indicti ad hoc consilii reassumant. Et ego in hæc vocatus, qui Mti Vrae integræ, ac inconfutiles Reipub. Guarrantiam pro ejusdem tractatûs securitate toties insinuatam deferam, & ejusdem Religiosam appromittam manutentionem. Nec aliquis super eadem ex præteritis superveniat scrupulus; neglecti hæctenus super sancita nostra rigoris, hoc quippe recens S. R. Mtis Poloniae diploma jurisjurandi Sacramento vallatum explodit accuratior Reipub. specula, & tot pœnitendis casibus edocta cautela, quod tractatûs inchoationem moretur, dummodo assensus S. R. Mtis Vrae accedat. In cujus voto & gratiosissimum Mtis Vrae responsum præstolor, & ipso in distincto cultu humillimâ inclinor veneratione. Datum Lublini 20 ut supra.

RESPONSUM à REGE SUECIAE, AD EMINENTISSIMUM CARDINALEM ex Castris ad Thorunium 21

NOS Carolus &c. Eminentissimo &c. Jam anteaquam epistola Eminentia Vrae ad nos esset perlata, publicâ famâ compereceramus, quàm multa in nuperis Comitibus exultatione, meritisq; suis indigna pertulerit. Verùm quò intestiorem se ea factio ostendit, eò minùs quieti pacificisq; studiis amicam existimare illâ licet. Cùm nos ipsi testes sumus, quâ sollicitudine ad integritatem Eminentia Vra ea suggererit, quæ componendis hisce motibus, publicæque tranquillitati restituendæ visa sunt convenire. Edocti sumus hoc eventu, inque sententia nostra confirmati, imbecillum valde à legibus, pactisque, auxilium esse, neq; certam unquam stabilitq; securitatis rationem iniri posse, ubi effrænis licentiæ tantum laxantur habendæ, ubi ambitioni locus adeo patet, atq; ubi turbidis

A.C.1703 dis ingeniis facultas nunquam deesse potest ea fabricandi consilia; quæ in publicam demum immutabilemque erumperent perniciem. Non equidem dubitamus, quin erectæ indolis cives Patriæque amantes reperiantur, qui jusjurandum, pactaque summâ religione velint servata, quàm verò authoritas facile possit constringi, tollique præteritorum Comitiorum exemplo, clarum evadit, quod sicut justam diffidentiam nobis auget, ita, cum nondum compertum habemus, in quibus potissimum rebus securitas illa adversusque futura cautum consistat, quemvis tractatum tamdiu reddi posse irritum; multa quæ à natura & constitutionibus liberis Reip. longius abhorrent, Regi Poloniæ concessa esse traduntur, quàm verò hæc noxia sunt, quamque apta Remp. Poloniam in præceps ducere, non dubium, quin Eminentia Vra animo suo præviderit. Quæ nos præcipuè moverint, ut summâ circumspèctione uteremur, inclusum literarum exemplar, quas ad Commissarios Polonos scribi jussimus, fusiùs demonstrabit, ad illas jam Eminentiam Vram benignè remittentes, eam quàm diutissimè sospitem, florentemque esse vovemus. Dabantur in Castris nostris ad Thorunium.

COPIA LITERARUM COMITIS PIPER AD ILLUSTRISSIMOS DD. COMMISSARIOS ex Castris ad Thorunium 31 Julij

CUM ex literis Excellen. Dominationum Vestrarum, quas die 4tâ Mensis hujus Lublini scripserant, percepisset S. R. Mtas Sueciæ Dñus meus clementissimus illas in priori munere esse confirmatas, ac proinde jam expetere, ut ex hac quoque parte certi denominentur Ministri, quibuscum congregari, deque pacis negotio agere possint, jussus sum Excell. DD. Vris in animum revocare, quæ circa hunc tractatum antea fuissent inculcata, causasque simul exponere, quæ hoc institutum morari videantur. Indicavit autem S. R. Mtas rationem has turbas componendi, non tamen recusavit, quin Respub. si posset, aliam ostenderet viam, æquè tutam ac idoneam, ad hunc finem perveniendi; verum supradictæ literæ responsum nullum adferunt huic desiderio accommodatum, nec modum significant, quo paci restaurandæ in posterum foret prospectum, sed tantum in Comitibus Lublinensibus licitæ ac naturalis defensionis rationem esse habitam. Ecquidem quare ista cura potior sit visa quàm quo pacto S. R. Mti Sueciæ satisfieret, non difficilis fortasse conjectura est, attamen negari nequit juxta naturam licitæ defensionis favorẽ illum tantummodo nacti, non qui infert injurias sed qui propulsat. Jam verò toti orbi notum est, nec ulla cavillatio unquam contrarium evincet, non Remp. aut Regem Poloniæ verbo fuisse tunc læsos, cum subito erumpens è Polonia exercitus Saxonicus Provincias vastaret, bellumque hoc indigno prorsus illaudabilique more accenderet. Quod si publico universæ Reip. consensu hoc facin⁹ non sit inceptum, liquet tamen Regem Poloniæ hoc perpetrâsse, multos etiã Reip. Poloniæ Cives, quâ palam, quâ occultè non tantum approbâsse, verum etiam opibus suis adjuvisse hanc irruptionem. Quod, sicut verum est, etsi opus fuerit, planius evadet, quâ juris imagine naturalem defensionem pro se interpretabuntur, qui fœderatum & innocentem primi sunt aggressi.

gressi. Provocata S. R. Mtas Sueciæ, non provocans, cum nihil minus, quam bellum adversus Poloniam medicaretur, arma induere cogebatur, & cum jure naturæ hanc injuriam statim potuisset ulcisci, maluit tamen de illa primum exostulare datis ad Remp. ac Primores literis, quibus causam illati belli exquirebat, responsum autem tanto temporis spatio retulit nullum. Quo silentio quid aliud suspicaretur, quam speculari Remp. eventum hujus expeditionis, & perinde consilia capere velle. Nihil igitur supererat, quam ut ad defensionem sui ijs uteretur auxilijs, quæ natura ipsa, & omnium Gentium assensus licita statuit, lætisq; concedit. Provenierunt illa tam feliciter, ut aggressores fusos fugatosq; illuc sequeretur, unde non tantum eruperant primum, verum etiam quo se post damna illata receperant. Quod utiq; fas justumque fuisse, nemo paulò humanior unquam inficias ivit, nec dubitavit quicquam eodem loco habendum esse, qui noxam commisit, & qui malefico receptaculum præbuit. Quare etiamsi ex hoc motu incommodi quidquam sentiat Respub. sibi ipsa acceptum referat, cum evitari illud potuisset, si suo esset functa officio. Nunc damna fundo suo illata quem infimulabit, nisi se ipsam, quæ noxij capitis partes amplectendo hanc tempestatem in se concitavit. Quare enim ab initio non prohibuit? quare aggressorem sinu suo protexit? quare suam à nocente causam non dissociavit? Prohibere autem ex tenore pacti Olivenfis debuerat, ne quid mali suâ culpâ Suecis proveniret; & cum aggressorem protegeret, neq; se à noxa segregaret, approbasse factum intelligitur, eodemq; quo Princeps crimine se obstrinxisse. Quæ progressu temporis acta sunt, culpam adeo non diluunt, ut potius adaugeant. Immissi sunt non modo grassatorum globi, qui Suecos infestarent, verum & integer exercitus, ut in Clissoviensi acie hosti eorum auxilio submissus. Quod magis mirum est, cum apertis signis in partes aggressoris transitum sit, licitum tamen & naturalem hic defensionem increpari; cum tamen quamdiu in licito actu S. R. Mtas Sueciæ versatur, illicitum utiq; censeatur oportet, omne illud, quo impediatur justam exercere vindictam. Quodsi componi hanc Controversiam Resp. cupiat, an ut atrocissimas, quas passa est injurias gratis S. R. Mtas devoret, imperabitur; Damna Regionibus suis inflicta conterat, sumptusq; immensos, quos in hoc bello fecerat, compensatos non habeat. Et deniq; si omnia, quæ poscendi jus habent optimum, remittenda sint, quæ securitas in futurum dabitur? Nam solenni isto Diplomate, quo Rex Poloniæ cavisse traditur, se in Regnum Sueciæ nihil infesti posthac inchoaturum, eò minus omnem scrupulum tolli S. R. Mtas existimat, quò funestioribus documentis experta est, promissa, Pactorumque Religionem hosti parum esse cordi, quoque clarius hæc ipsa Comitia evincunt iis artibus, quibus novari, turbariq; res non difficulter queant, illum esse instructiorem, quam ut leviter hoc prætermitti, adq; animum non revocari debeat. Frustra enim à publicis legibus, sancitisq; præsidium petitur, ubi pro arbitrio hæc subruendi, evertendiq; expedita semper erit facultas. Non procul exemplum est arcessendum, cum ipsa hæc Respub. fidem faciat, nec tamen opus est retrò longius oculos reflectere, eaq; repetere, quæ annorum aliquot spatio sunt peracta, cum recentiori memoriâ obversantur, quæ Mariæburgi posset conficere Rex Poloniæ hac hyeme. Hic cum animis levium quorundam Civium in obsequiū suum præparatis multa in perniciem nostram esset machinatus viamque muniisset ad leges infringendas, vitiosa hæc auspicia Lublinum transtulit,

A.C. 1703 lic, ubi non fueto more, non ex legibus & statutis Patriis Comitia celebrata sunt, susq; deq; omnibus versis, & agendi concludendiq; potestate solerter in illos translata, qui consiliis ejus innexi, diu se apertos Suecorum hostes professi sunt, ijs verò rejectis, ac exclusis, quos pro publico bono, pro legibus & avita libertate benè animatos esse constabat. Cum Oginscianorum Caput Viszniovecius ab initio hujus belli Sueticos lacelliverat, societate inita cum Moscho acerbissimo eorum hoste, atq; continuata in hunc usq; diem hostilitate huic præcipuas dari oportebat partes, cum de satisfactione Suecis præstanda deliberaretur; quod ut fieri posset, Constitutiones etiam publicæ evertendæ erant. Hoc igitur summam Comitiorum moderante, illisq; suffragantibus, quos variis promissis, artibusq;, partim metu ac licentiâ sibi obnoxios servitioq; promptos Rex reddiderat, quid mirum? si laceraretur eorum existimatio, qui Reip. consulere voluissent, oclusis liberis vocibus, bonisq; Nobilissimorum Civium publicatis, Quid enim nisi istorum odiis tribuendum, quod in Domum Sapieharum tam dura & insolita decernerentur, quibus tamen aliud non potest objici, nisi quod adversariorum viribus oppressi, postquam à Rep. nullam adversus istos opem haberent, ad S. R. M. Sueciæ fidem confugissent: In Familiam innocentissimam quæ nullius in Remp. criminis rea est comperta, immerita acuetur pœna, illi verò, qui sanguine & fortunis istorum se paverant, qui Suecos non semel infestârunt, non tantum hoc impune ferent, sed etiam honoribus augebuntur immeritis. Quem verò sat enormia, insuetaque valuisse efficere, quem leges ac statuta Reip. eludere, quem factionem, quæ ad nutum ipsius omnia ageret, magnam comparare viderat S. R. Mtas Sueciæ cum Exercitu tam propè constituta, illum sublato hoc metu, nulloq; præsentē, cujus reverentia à cupiditate illicita retineatur nihil non ausurum moliturumq; putat, præpollentibus præsertim iis, qui miscere cuncta, publicamq; salutem privatis anteferre lucris jam nimium didicerunt. Hæc igitur quæ tam perspicue in oculos incurrunt, non animadvertere, dissoluti esse existimat, non prævenire imprudentis: Et cum è præteritis futura conjectari debent, non tantum jam non firmitus, quam antea rebus suis securitatis momentum accessisse, sed etiam ijs, quæ in hisce Comitibus contigerunt, opportunè admoneri se, ut adversus dubia ejusmodi ac ancipitia curam animumq; intendat; Confirmatur in hoc proposito certis quibusdam documentis, ex quibus jam nunc consilia agitari comperitur, quibus auxiliis Saxonum potentia, pace etiam redintegrata in Polonia gliscat, & firmetur. Hæc quidem jussu S. R. Mtis Dñi mei clementissimi paulò fusiùs perscribere debui, nihilominus sicut illa proluxâ in Remp. Polonam voluntate semper fuerat, ita in eadem sententia quoad liceat porro permanere decrevit. Quamvis verò ob causas supra memoratas non expeditum inveniat Commissarios jam nominare, Propositiones tamen scripto comprehensas, quas Excell. & DD. Vrae totius Reip. nomine communicaverint, suscipere non gravabitur, iisq; perpensis mentem suam propius explicare. Interea Excell. & DD. Vras quàm bellissimè valere, remque ex animi sententia gerere optat. Excellent. & Dominationum Vestrarum humillimus Servus

Comes Piper.

COPIA LITERARUM ILLMORUM COMMISSARIORUM ad
COMITEM PIPER Lublin. 18. Julji.

REspub. nostra in Comitibus generalibus non ita pridem conclusis ad ultimas S. R. Mtis Sueciæ literas debita cum veneratione perpensas, respondere gratissimam nobis imposuit necessitatem, quam libenti animo exsolvendo Excellen. Vram enixè obtestatam volumus, quatenus circa indilatam præsentium redditionem eidem S. R. Mti sinceram statuum Reipub. nostræ intentionem, pacisq; studium solito eloquio, & ad ea, quæ pacis sunt, inclinatione, insinuare non dedignetur, securitati & tranquillitati utriusq; fœderati Regni satis superq; providebitur, si Diploma à S. R. Mte Dño nostro Clementissimo, ne similia in futurum eveniant, latiori forma datum. Si societas nulla cum vicinis inita, si tandem concors universorum Ordinum eisdem Commissarios ad tractatum confirmantium approbatio (cæteris ad ipsum negotii tractum reservatis) ritè perpendatur, minimè dubitamus, quin Excellencia Vra propensum ad pacem animum comprobare velit allaboraturamq; ut universi operis successus magni nominis ejus cedat gloriæ.

COPIA LITERARUM COMMISSARIORUM REGNI POLO-
niæ ad Tractatum Pacis cum Serenissimo Rege Sueciæ ad eun-
dem Scriptarum unà cum Propositionibus & Punctis 20. Augusti.

Sperabamus equidem ad ultimas nostras Lublini scriptas optabile S. R. Mtis Vrä responsum, nec improbâ forsitan spe, ejus nimirū Reip. plenipotentarii, cujus amicitiam magni æstimatam tot publicis privatisq; scriptis S. R. Mtas vra non dedignata est manifestare, verum tanto etiam frustratis solatio, nihilò remissius S. R. Mtem Vrä alloquendi, audaciam faciunt, tum Regiis curis & negotiis excusandum silentium, tum summæ S. R. Mtis Vrä æquanimittatis perfectæ cognitio. Ad ea, quæ ex mandato S. R. M. Vrä Illmus Comes nobis præscripsit punctualiter respondemus, quamvis si liceat verum fateri, eam nobis vivæ vocis vocabulo ad Pragam Varsavien. redditum responsum fiduciam insinuaverat, debere nos tandem non exercitationem styli, sed expetito cum mutuo designandis Commissariis colloquio rem aggredi, & non minùs ingentem S. R. M. Vrä gloriam, quàm salutarem populorū felicitatem promittenti negotio ultimam imponere manum. Necdum patitur desperare cognita bonitas S. R. Mtis, nos quoq; paratos semper ad ea omnia, quæ æquitatis sunt, veteris amicitiae observantissimos, magni nominis S. R. Mtis V. cultores, cupidosq; novo & duraturo fœdere pacta antiqua confirmandi S. R. Mtas V. inveniet.

P U N C T A

& propositiones securitatem & firmitudinem tractatûs cum S. R. Mte Regnoq; Sueciæ ineundi spectantes, & à DD. Commissariis, Plenipotentariis Reipub. Polonæ Serenissimo Regi Sueciæ porrectæ, suppositâ mutuâ firmitudine, securitateq; Reipublicæ Polonæ.

Quoniam Respublica Polona novo se Sacramenti fœdere Serenissimo Regi ac Dño suo clementissimo obstrinxit, & eadem S. R. Mtas vicissim novo diplomate sacrosanctè omnia jura libertatum & im-

A. C. 1703 & immunitatum, tum pacta & fœdera inviolabiliter servaturam se verbo Regio, & sub juramento stipulavit, ideo in fundamento legum, & novissimi diplomatis nomine totius Reipub. sequentia proponuntur.

1mo. Pacta Olivenſia tum quævis alia fœdera cum Sereniſſimis Regibus Regnoq; Sueciæ inita religioſiſſimè obſervanda in ævum reaſſumentur, & novo Seren. Regis, Regniq; Poloniæ, & M. D. Lit. Procerum Sacramento firmabuntur.

2do. Cavebitur quàm fortiſſimè, ne auxiliares copiæ, & quocunq; titulo miles appellatus diutius in Regno Poloniæ, & M. D. Lit. Provinciisque annexis commorentur, ſed ab iſto fœdere conſeſtim extra fines Regni educantur, & in futurum ſub nullo prætextu & colore reinducantur.

3tio. Cavebitur, ne Sereniſſimus Rex Poloniæ modernus, & pro tempore exiſtens nullum unquam cum externis & vicinis Principibus fœdus inſciâ, inconfultâ, & non conſentiente Repub. ineat, & ſi aliqua ſunt inita, pro invalidis inſubſiſtentibus & nullis declarabuntur.

4to. Cavebitur, ne Seren. Rex Poloniæ modernus, & pro tempore exiſtens, per ſe aut per alium directè, vel indirectè, proprio vel conductitio milite terrâ vel mari Regnum Sueciæ, & Provincias annexas ullo modo infeſtet, hoſtiliter aggrediatur, & occupet, neque per ditio- nes Regni Poloniæ tranſire, & deduci permittatur.

5to. Cavebitur, ne Seren. Rex Poloniæ exercitum & copias ſuas, ſummas pecuniarias, & alia ſubſidia declaratis Regni Sueciæ hoſtibus ſubminiſtret, & provideat.

6to. Cavebitur, ne ullus in poſterum Regni Poloniæ civis ſimilibus ſe impunè ſine ſcitu Reipub. immiſceat, & quicunq; (quod tamen non ſperatur) adeo pervicax fuerit, uti turbator pacis publicæ ſecundùm leges Patrias, conſiſcatione bonorum, honoris, & pœnâ criminali mulctabitur.

7mo. Ut prædicta omnia & quævis alia in tractu negotii per mutuos Commiſſarios inſinuanda & conſtituenda firmiùs teneantur, ſtat⁹ Regni Poloniæ & M. D. Lit. & Provinciarum annexarum in caſu in- fractionis & contraventionis liberi à quibuſvis vinculis conſurgere unanimiter contra infractorem, conjunctionemq; armorum cum parte læſa pro conſervandis fœderibus legibuſq; ſuis ſacere tunc tenebuntur ſalvâ reciproçâ ſecuritate.

COPIA LITERARUM COMITIS PIPER AD PALATINUM MASOVIÆ ex Caſtris ad Thorunium II Septembris.

Propoſitiones ſcripto comprehenſas, quas die 31 Auguſti Excell. Vra huc tranſmiſerat, poſtquam ad juſtam rationis trutinam S. R. Mri Dño meo clementiſſimo exigere licuit, juſſus ſum reſcribere. Illas quidem in eo capite, quod ad ſecuritatem pacis futuræ ſpectat; ſicut ex parte non inidoneas, ita ad ejus diuturnitatem non uſquequa- que ſuſſecturas videre. Fundamenti loco huic ſecuritati ſubſternitur juſjurandum Regis Poloniæ, quoad leges Reipub. ſervandas denuo ſe obſtrinxiſſe dicitur. Atqui negari non poteſt, illum antea quoq; hoc vinculo adſtrictum fuiſſe ad Pacta Conventa, quæ ei cum Repub. in- tercedunt obſervanda. Quæ tamen ab illo infraçta eſſe liquidò conſtat. Qui verò ſemel atq; iterum nauci habuit conventiones illas etiam jurejurando confirmatas violare, eundem non denuo patraturum, quæ ſemel

semel ausus est patrare; quæ justa satis cautio erit? interponat Respub. A.C. 1703 sponfionem, Regem posthac illâ insciâ nihil suscepturum, submoto etiam è finibus Regni externo milite, vititoq; ne unquam in Poloniam pedem referat. Enim verò hæc providentia, & adversus futurum cautio, utcunq; specie aliquâ blandiatur, non immerito tamen ambigitur, an unquam præstari, tradique executioni possit. Nam & Comitiss 1699 constitutum erat, atq; à Rege promissum copias Saxonicas è Regno exituras, eas tamen non tantum remansisse, verum etiam in auspiciatissimo huic bello ansam præbuisse, certiori, quàm vellemus documento notum est, Respub. aut connivente, aut certè ad prohibendum invalidâ. Id profectò ipsum eò magis posthac metuendum, quò plura dominationis subsidia Rex Poloniæ ab eo tempore sibi circumposuerat, Majoremq; quàm antea nactus est facultatem insurgendi, cunctaque Reipub. munia ad se trahendi.

Nam si circa initia Regni nondum percognito Reipub. statu, ut Excell. Vra judicat suasu aut assentatione quorundam Reipub. civium se ad devia ac præcipitia consilia induci passus sit, evidens est, tantò flagrantiori spe destinata jam prosecuturum, postquam experiundo intellexerat Reipub. imbecillitatem, multorum pronos in corruptionem animos. Si examinet Excell. Vra præsentem Reipub. statum, non diffiteri poterit, eum ambitioni & pravorum consiliis ante omnia esse obnoxium, nec uspiam turbidis ingeniis patientiorem aperiri campum; non animus est longo contextu evolvere, quæ circa hanc materiam contigerant, ne nimis fortassis in aliena Respub. curiositatis arguar; occurrent scrutantibus exempla, sponteq; se oculis ingerent, quæ in propatulo positæ inveniuntur. Legum suarum & libertatis avitæ à multis retro sæculis retinentissima gens Polona fuisse perhibetur; quàm verò in isto proposito vacillare cœperit, multa hac tempestate documenta præstant, inter quæ non reticendum factionis Litvanæ institutum, suetam Reipub. formam in dominationem convertere, non ita pridem aggressæ. Quàm parum abfuit; quin effectum id fuisset, non adeo ignotum est, nec habitum horum temporum, cum Regi habenæ adeo laxantur, intuentibus, extra discrimen res videbitur.

Quâ enim sit in miscendis rebus solertiâ, re ipsâ cognitum est, & neminem nisi in propria causâ cæcutientem latere potest. Non procul est accersenda fides. Si quis illa percenseat quæ in Conventu Sandomiriensi, quæ Varsoviæ postea, Thorunij, Mariæburgi, & deniq; Lublini in frequenti Ordinum confessu acta sunt, & statuta, inveniet cuncta ad nutum arbriumque Regis fuisse attemperata, quidquid ipsi unquam libuisset, indultum, ipsasq; leges ac sanctiones, in quibus anima Reip. Poloniæ consistit, illius cupiditati esse immolatas. Quem tot enormia obtinuisse audit Rex meus, se validis copiis penetralia Regni insidente, illi submoto hoc metu invium fore, inexpertumq; non vanè se suspicari putat. Eadem enim instrumenta, & factiosorum hominum obsequia remanere intelligit, easdem artes suppetere, & exinde veterem cupiditatem fomitem tantò vehementius exarsurum, quantò liberiori aurâ relictus sibi agitabitur.

Quapropter quamdiu illâ potestate se jactet Rex Poloniæ, eamque copiam habeat res turbandi, quamcunq; conventionem apparet, fragili admodum niti fundamento, quod quâvis occasione subrui & potest, & non frustra metuitur, Remp. quoq; coercendis ejus inceptis eò minus idoneam fore, quo debilior interno morbo conspicitur non exi-

A.C. 1703 guâ parte jurium suorum arbitrio Regis permissâ. Quantum illa Regis sui consiliis se implicari sinat, quotidie S. R. Mtas Sueciæ experitur, festinato præcipitiq; Consilij Lublinensis effectû. Nihil adversi quod ad irritandos exacerbandosq; animos conducit, omittit, cernit publicata Sapieharum bona, quos in fidem suam receperat, suas copias crebris incursionibus infensari. Quæ actiones, quantum à pacifici animi studiis, quæ Respub. præsert, abhorreant, nemo paulo sanior non viderit. Non temerè quisquam sibi persuadebit, seriò pacem ab illo expecti, qui alterum, cujus amicitiam sibi conciliare cupit, retro lacessiverit. Quâ viâ, si cum S. R. Mte transigendum sibi Respub. putet, forsan non ideo citius finem attigerit. Interea ex hisce cæptis aliquis colliget, non vana esse, quæ in exotica quadam aula Minister Regis Poloniae venditaverat, non defore rationes in Polonia trahendi belli, pacisq; quamvis expetatur, impediendæ. Quæ omnia considerantibus non mirum fuerit, si promissis ejusmodi fidem habere Rex meus subdubitet, nullâ præsertim in illis factâ mentione, quibus modis satisfactio præstanda, quamvis illam à negotio securitatis nunquam separasset.

Quid? quodsi Tractatum non alia causa moraretur, quid tuti & solidi ab Lublinensium Comitiorum decreto sperari posset, cujus robur & auctoritatem non ignobilis Provincia in dubium vocat. Intercessit Major Polonia toti huic actui, inq; eadem sententia adhuc persistit sumptis armis ad everisionem jurium suorum vindicandam. Quodsi ipsi Cives Poloni hæc Comitia pronuntiassent illegitima, non quisquam demiretur, si extraneus, cujus securitas ab eorum integritate dependet, in iis agnoscendis aliquâ utatur circumspectione; Ab hisce cum auctoritatem habeant Commissarij Poloni ad fœdus cum S. R. Mte Sueciæ renovandum, quo fructu cum illis Tractatus instituetur? Conspici Remp: in confesso omnium Ordinum, quibus de illa constituendi jus competit, extra dubium est. Atqui illa ubi invenietur, quamdiu scissi in contraria studia Ordines diversos cætus instituunt, imò ne hi quidem ipsi, qui conspiraverant, concordēs agant; Quid Lublini actum sit, alij exponent, hoc utiq; notius est, quàm ut contradici queat, ipsa Comitia à prævalente Litvanorum factione moderata esse, eorumq; minis ac ferro reliquos vel coactos esse dicere quæ nollent, aut prohibitos effari, quæ sentirent. Proinde hoc rerum articulo, cum omnia lubrica adeo ac incerta sunt, cum armis hostiliter certatur, quî fide jussioni Reipub. locus esse possit Excellent. Vra expendendum relinquitur. Antequam discedatur ab armis, restituatur Sapieharum Domus, Resque publica hâc incertitudine liberata, pristinum statum recipiat, omnem negotiationem fore irritam liquet, quantumlibet demum mutui studij, ac proclivitatē ad amicitiam restaurandam, ab utraq; parte, ratio adferatur. Cætera quæ literis Excell. Vra continentur, quanquam excutere non abs re fuerit, ne tamen contentionis ferram ducere videamur, in negotio tanti momenti, præterire illa satius habetur. Hoc saltem monere liceat per literas expostulatorias, quarum mentio fit in superiori responso, illas intelligi, quas die 14 Martij anno 1700 statim à Saxo- num in Livoniam irruptione, ad Remp. exarari S. R. Mtas Sueciæ jussit. Quibus, quod nunquam responsum sit, intentio Reip: primum suspectari cæpit. Quod verò memoriam Caroli Gustavi omnis ævi Regis Clarissimi Excell. Vra exagitaverit, factum eâ ratione videtur, ut hoc exemplo invidiam iniquissimi belli, à Rege suo temere incepti obtegeret, minueretq;. Cum verò istius ætatis ingeniis diligentissimè discussæ

cussæ sint causæ, quæ illum Regem ad arma inducenda impulissent, *A.C. 1703* frustra in tanta rerum omnium luce, illius acta suggillantur. Constabit ex illis non rupisse illum inducias, sed intempestivâ Regis Poloniæ JOANNIS CASIMIRI protestatione, in solennibus illius coronationis factâ, tam occultis, perniciosisque istius moliminibus, ruptas violatasque bello vindicavisse. Quo igitur, majus discrimen utriusque causæ internoscitur, eò propius injuriam est, justissimis Caroli Gustavi armis subdolum, ipsisque Polonis damnatam invasionem contendere. Verum non attinet ea resuscitare, quorum memoriam subsecutum fœdus dudum aboleverat, optandum potius utriusque populo, ut omnes discordiæ quibus colliduntur, restaurata veteri amicitia, æternæ oblivioni quamprimum tradi, mandarique possint. Quod ego amicis voveo qui sum &c.

LITERÆ UNIVERSALES REGIS SUECIÆ AD PALATINATUM omnes Regni Poloniæ & M. D. Lit. II. Septembr.

NOS CAROLUS REX SUECIÆ &c. *Universis & singulis quorum ullo modo interest; imprimis verò Ordinibus In-*
clyti Regni Poloniæ, & M. D. Lit. cunctaque in illis Nobilitas
ti, presentibus hisce literis, notum testatumque facimus. Nos cum in-
justis Regis Poloniæ armis laceßiti Poloniam, cum exercitu intra-
vimus, nequaquam in animum induxisse, ut huic Regno Regnique
Incolis, aliquod adferremus damnum, verum ut labentem Poloniam
libertatem, quam bello hoc sine consensu Reip. nobis illato, concussam,
atque fundamentis suis motam vidimus, erigeremus, antiquas leges,
ex quarum conservatione vigore nostrorum cum Rep. pactorum des-
pendere liquet, pristino restitueremus usui, ac ritui, persistimus ad-
huc, in eodem proposito, neque à finibus hujus Regni, antea discedere
statuimus, quam sedatis hisce motibus, salutem, Reipaque libertatem,
extra discrimen positam, nostram simul incolumitatem, in tuo col-
locatam habeamus. Hanc nostram intentionem, ab initio ingressus
nostri candidè significamus, ingenti fiducia illam tantò promptius
arripiendam esse quantò justiore, ac Reip. magis salutarem aquis-
simus quisquam judicaret. Verum extra opinionem experti sumus,
non tantum indebitis studiis hanc propensionem nostram esse acces-
ptam, eam Reip. partem, quæ Lublini nuper congregata fuerat, eum
finem propositi nostri intueri, vetera fœdera renovare, consiliaque pro-
spiciendi, tum suæ tum nostræ securitati, capere deberet, specie des-
fensionis, inductam & illam non minus infesta quævis contra nos
decrevisse atque promulgasse, suisque legibus ultimum sancivisse exitum.
Quo pacto omnis quidem ratio pacanda Reip. abrupta videri pos-
terit, & quanquam nos contra Remp. Poloniam, quæ per nupera
Comitia injustissimobello se illigare passa est, jure nostro uti possemus,
cumque grandi ejus perniciæ, ac damno eidem representare ea mala,
quæ inimicis perversisque suis consiliis promoverat, attamen cum no-
bis satis constet, non paucos cives, qui hoc contagio illasi proque Pa-

A.C. 1703 tria libertate longè melius animati, nihil ardentioribus votis expetunt, quàm Patria tranquillitatem, juriumq; suorum integritatem, ac restitutionem, ad hanc tuendam certam contraxisse societatem, in q; cum finem manus invicem conjunxisse. Nos quoque sicut non dubitamus, quòd iisdem hisce malis iusta media sunt allaturi, eamq; adinventuri viam, quâ utriq; Regno tranquillitas securitasq; iusta acquiratur, ita ipsorum instituto libenter acquiescere volumus, propositionesq; quas exhibuerint, si paci reintegranda in se videantur idoneæ, amplecti. Quapropter iisdem civibus jam congregatis, aut in eum finem congregandis posthac, amicitiam nostram conservamus integram & illibatam, eorumq; bonis, ac personis omnimodam promittimus securitatem, parati illis opem ac tutelam nostram quovis modo præstare. Quos verò in transversum abreptos intelleximus, non præsentibus Reip. periculis commoveri, cumq; cæteris ad vindicandam libertatem non convenire, eosdem omnes pro hostibus nostris reputabimus. Jusq; illud, quod natura, & ratio dicat, contra eos eorumq; fortunas, ubiq; & omni rigore exercebimus. Hæc verò præmonere volumus, ut quidquid incommodi ipsis eorumq; bonis contigerit, non nobis amica omnia offerentibus, sed sibi met ipsis benevolentiam tantam aspernantibus acceptum referant. In quorum fidem &c.

PLENIPOTENTIA COMMISSARIIS REGIS ET REIPUBLICÆ
pro exlimitatione cum Commissariis à Porta Ottomanica destinatis
data ex Cancellaria Regni 6 Maji.

Significamus præsentibus literis quorum interest, universis & singulis. Quia nos reposita inter Sanctiores curas fœdera Principum vicinorum perenni amicitiae cultu, & constanti memoriâ revolventes in id seriò incumbimus, ut restituta postliminio pactorum interventu fausto amicitia cum fulgida Porta majora semper incrementa percipiat, & validior res coalescat. Hinc postquam illibatâ fide adimpleverimus Principaliora tractatus ad Karlowicz in Hungaria conclusi, extendimus sollicitudines nostras Regias, ut limitum Regni nostri ad mentem ejusdem tractatûs extensio, prout erat ante duo bella ultima ambitu vetusto complexa limitaneas Provincias, etiam securitatè perennaturâ complecti & beare possit. Eo fine destinavimus & designavimus ex parte nostra, uti quidem præsentibus destinamus, & designamus, ad perlustrandos & renovandos antiquos Regni nostri limites certos Commissarios nostros, nempe ex Senatu Magnificos Franciscum Dzieduszyci Podoliæ, & Martinum Chomentowski Braclaviæ Palatinos, & ex Ordine Equestri Generosum Joannem Koniecpolski Stabuli Regni Præfectum.

Qui præmissa omnia ad complementum memoratî tractatûs ratione renovationis antiquorum limitum spectantia ritè & legitimè sine intermissione peragere, exequi, & ad effectum debitumq; finem deducere, absentia unius duorumve ex Magnificis & Generosis Commissariis non obstante, debebunt. Taliter verò præmissa exequentes, ut ab omni-

omnibus pro veris & indubitatis Commissariis nostris habeantur, recognoscantur, promptamq; si in quopiam opus fuerit, obedientiam ac observantiam mandatorum suorum Commissorialium referant, hisce volumus, requirimus, fidem facimus, ac ad notitiam omnium deducimus. Quas ad majus robur & firmitatem manu nostrā subscriptas sigillo Regni communiri jussimus.

INSTRUCTIO S. R. Mtis COMMISSARIIS AD RENOVANDOS antiquos limites Regni à Dominiis Turcicis ex Senatûs Consilio destinatis data 6 Maji.

Fundamentalis omnium punctorum pacificatio per renovationem antiquorum limitum, à Porta Ottomanica, quandoquidem est tractatûs sub Carlovice in Hungaria conclusi essentiale resultatum, & ultima pacis perfectio, sicut hoc insinuavit Seraskierius, id est Dux exercitûs Turcici ad eandem exlimitationem destinatus, in memoriam revocando, & seriò requirendo cum Hano Tartarico in hoc puncto tractatûs executionem. Proinde ne quid desideretur ex nostra parte, quidquid pertinet ad debitam bonæ viciniae conservationem, accelerabunt Commissarii à nobis destinati Leopolim, & ibi seriò & perfectè consilia inibunt circa renovationem & conservationem antiquorum limitum, sicuti & de omnibus circumstantiis cum Castellano Cracoviensi Supremo Exercituum Duce, à quo cum decoro comitatu ex dignitate suæ Mtis & Reipub. expediti propter securitatem personarum suarum conferent se celerrimè ad controversa confinia, ubi locus destinabitur à mutuo consensu Commissariorum ex utraq; parte ad renovandos limites destinatum, in quo maturè conveniendum prius per literas cum Seraskierio.

Comparendo verò in determinato loco, si aliqua occurreret difficultas in recognoscendis suppressis limitibus, & præsertim ibi, ubi suspecta semper vicinia, frequentissima hostilitas expulsis pridem limitaneis possessionibus Kijoviensis & Braclaviensis Palatinatûs incolarum, in desertos redegit campos habitabilia quondam latifundia cum notabili præjudicio dictorum Palatinatum, tunc insistendo vestigiis civitatum, præcipuè verò viciniori Dniestri, Czeherini, Koniécpolij, novi super Boch, & super Dniestr jacentis Raskovij, & ulteriorum locorum, sicuti Budaki, & aliorum rudera monstrantium tantum dominium Regis & Reipublicæ in illis vastis solitudinibus repræsentantium investigabunt per omnes circumstantias Commissarii nostri antiquos limites, ductus trahentes se à civitatibus dictis cum his tribus fluminibus superius nominatis versus mare nigrum, quibus tandem repertis distinguvent à Dominiis Tartaricæ Crimensium subjectis jurisdictioni solennioribus notis, & renovabunt notabilioribus signis.

Provinciam Vallachicam, vel Collateralem Moldaviam, quandoquidem à Dominiis suæ Mtis & Reipub. ipsamet dislimitavit natura, destinato pro Rubicone Dniestro æternum & immobile monumentum, quamvis ex subjecto continuæ volubilitati elemento, tunc ex illa parte providendum tantum erit, si tam longè super littus Dniestri Dominium Regis, & Reipub. extenditur, sicuti in nominata Provincia in altero littore, & id propterea, quòd illa Provincia existens aliquando sub Dominio Antecessorum Regis, & Reipub. quandoquidem sequitur cursum fluminis extensione limitum usque versus Technam, tunc Polonia

A.C.1703 nia eò magis utriusque ripæ antecederet Domina ex parte sua præ-
tendere debet ex opposito super altero littore, ulteriorem adhuc Do-
minii sui extensionem, quibus omnibus ex documentis evidentibus,
aut probabilibus visis seriò tractandum erit in rem Patriæ Commissarijs
nostris, idq; nomine publico efficaciter evincendum, ut littus Dniestri,
& fluminis cursus incipiendo à Pokucie, usque ad desertos campos, si-
cuti pertinebat ex antiquo ad corpus Reipub. ita & nunc maneat in
possessione & usu pacifico incolarum Palatinatus Kijoviensis & Bracla-
viensis.

Dislimitatio ab illa Vallachicæ Provinciæ Pokucie, quò est vici-
nior & notior, eò facilior videtur ad pacificandam; quia tamen in lo-
cis quibusdam ultra Smiatinum, & præcipuè inter Dniestrum & Pru-
tum occurrunt circa limites differentiæ; proinde removendo occasio-
nes posteriores ad læsiones ex assueto inter finitimos certamine exactè
inquirent per omnes circumstantias, & antiquos ex hac parte exami-
nabunt ductus, si aliqui irrepererunt, corrigent defectus, distinguunt,
renovabunt dislimitantibus documentis & monumentis eorundem Com-
missariorum providentia & dexteritas. Factâ imprimis expostulatio-
ne & omni conatu adhibito, ut circa tractatum limitum ultra Smiat-
inum sit limes, Bukovina per medium incipiendo ductum à Gier usq;
ad Dniestrum, in quo specialiter activitas illorum obstringitur.

Reliquas omnes, quæ insperatè & ex inprovisò venire possunt dif-
ficultates, magnas post se trahentes consequentias, deferent opportunè
Castellano Cracoviensi, & sociabunt cum eo, ut jam dictum superius
est, mutua & necessaria consilia. Reliqua prudentiæ consummatæ, dex-
teritati & amoris in publicum Commissariorum committuntur.

COPIA LITERARUM CASTELLANO CRACOVIENSI à RE-
GE 7mâ Maji.

Post tit. Diutius effectum legationis Commissariorum ad tractatum
pacis à Repub. designatorum expectabamus, & hoc magnum con-
siliium cum summo tædio, præcipuè Deputatorum à Palatinatibus
in favorem exoptatæ pacis à termino unius postæ ad aliam differeba-
mus, sed quando ex relatione dictorum Commissariorum, sicuti & ex
litteris Cardinalis Primatis nihil positivi recipimus, quinimò conjicere
licet, quòd tantum mora fit, & ad ulteriorem elusionem detinemur:
debuimus consilia aptare rebus & tempori; mittimus conclusionem ti-
bi consilij hujus, quòd in his rerum circumstantiis dislimitationem cū
Porta Ottomanica, & finalem motuum Cosaticorum determinationem
per exdivisionem alicujus Paleio reclinatorii, bina scilicet tanti mo-
menti negotia virtuti tuæ committit. Quia verò defectus in thesauro
est tibi notus, nec aliud suppetit medium, tantum ut tu in fidem publi-
cam eâ authoritate, quâ polles, tantam invenias summam, quanta pro
necessariis expensis sufficere possit. Quæ omnia cum ex mente consilij
dicti tibi intimamus, certi omnino sumus, quod pro celebri tua in Pa-
triam cura, & indefesso studio ac zelo, spem & expectationem publi-
cam non defraudabis cui bonam valetudinem &c.

COPIA LITERARUM AD MAJORES PRUSSIÆ CIVITATES
Mariæburgi 6 Maji.

OTiosum esset recensere præsentibus, quantum hucusq; sudatum sit in concilianda pace & tranquillitate publica, sed quia pertinacissima hostium consilia vanâ spe Tractatûs hætenus Nos lætârunt, ut imparatam & quasi ex insidiis circumvenire possent Remp. diligentissimis externorum Principum mediationibus ingeniosâ dilatione elusis. Ideo post longam maturamq; deliberationem in supremo consilio Mariæburgensi versis ad fortia sententiis decisa conclusaq; defensio naturalis est, Generali omnium Regni Ordinum expeditione adornanda. In tam ergo præsentî discrimine, & totius Reipub. apparatu, primarias quoq; Prussîæ Civitates par est pro amore Patriæ communi necessitati suffragari. Et hæc est demum occasio, hic campus & theatrum demonstrandæ illius erga Mtem & Remp. fidelitatis, quam omni ævo imitetur & laudet Posteritas, hostes verò pertimescant. Quare pro nostri officii munere per amorem communis Patriæ nostræ obsecramus, ut non modo præsidii fides, sed etiam Civium animi, sicut com-
meatu, ita sint armis instructi, ne sibi hostis aditum quibuscunque demum artibus possit polliceri. Præcipuè cum sit jam non mediocriter attritus, & viribus nostris feliciter, aliquando non fortior, si nobis mutuo consenserimus. Probrum enim esset immortale solâ hostium famâ vinci, solâ opinione superari. Habemus quoq; præ oculis Europæ Civitatum Tragica exempla, quàm abominandos fructus ex deditione vel ab hostibus perceperint. Quod tantò majore fiduciâ Prænobilibus ac spectabilibus DD. Vestris comunicamus, quantò securiores sumus eam illibatæ erga Mtem fidelitatis, tum invicti amoris erga vestram communemq; Remp. cum eo voto, ut nobilissima hæc Civitas ille sit scopulus, ad quem ita ferox hostium illidatur & frangatur audacia. Quod dum non vano auguramur omine, felicissimum publicæ spei eventum precamur. Datum ut supra.

COPIA LITERARÛ ILLUSTR. REGNI DUCUM AD MINISTROS Prussîæ ex Caltris ad Siele 12 Junij.

CUM ita audacter hostis Reipub. per intima Regni Prussîæ viscera, arma sua promovere conetur, urgemur & nos ex obligatione muneris nostri ad defendendam hanc nobilissimam Regni portionem, prorsus omni morâ cum exercitu universo Reip. in illam Provinciam properaturi. Unde ex respectu bonæ vicinîæ & mutui fœderis exhibemus Excell: DD. Vestris debitum venerationis & constantis amicitîæ cultum, explorando mentem ab Excell: Illm̃is DD. Vestris, an hostibus, armis per ditiones suas, si precibus vel defacto transitum prætenderint, vel usurpaverint, permissuri sint; quia nos eodem jure omnibus licito hostem nostrum ubicunq; reperibilem persequi cogemur, salvis nihilominus Tabulis Pactorum, quæ ex parte nostra religiosissimè observare parati sumus, certi, securique de reciproca correspondentiâ, quam unicè desiderantes reverenter manemus.

CANCEL-

46. 1703 CANCELLARIUS ET PROCANCELLARIUS REGNI AD
PALATINATUS 12 Maji.

JUnxit nos voluntas DEI per manum Regis in obsequium Reipub. non nos disjungimus, & in his literis nolentes tam pretiosa & necessaria temporis momenta particularibus absumere literis, sed sicuti indissolubili studio & applicatione id agimus, ad quod nos & amor Patriæ, extra quam nullam salutem ponimus, & obligatio nostra jurata adigit, ita indivisim vos veneramur, totis exoptando cordibus, ut præsentia consilia secundet Dominus ex alto, quia in eo solo omnis spes reposita est. Agebamus per hos aliquot menses, quidquid ex re, vel in rem Reipub. visum est opportunissimum, arripiebamus omnes, quæcumq; demum occurrebant occasiones ad exoptatam pacem, non intermisimus & id, quidquid ad naturalem pertinere potest defensionem; sed quando adversitas factorum omnes nostros superavit conatus, quidquid antè exoptavimus, in eò nunc firmam reponimus spem, hoc est, ut Respub. Domina sui in tam gravi casu solitum à sæculis in se ipsa inveniat præsidium. Infortunatus Reipub. status est evidens, futura pericula, quæ indies videntur augeri, evidentia, inimicus non præ foribus, sed intra nos est, & facit nobiscum, quod vult, quia nos non facimus, ad quæ obligamur. Vicini amici nostri misereantur tantum, sed non succurrunt. Ivit in confœderationem exercitus penes Religionem, Regem & Patriam, sed & sui non est oblitus, indissolubili stringendo se nexu, ut satisfactio deservitæ mercedis fiat indilata. His omnibus in maturam acceptis reflexionem amplissima ad vestra consilia offert se materia. Si fortia, solida, & matura in præsentibus, futuris utinam felicibus Comitibus non accipiemus media, certò nostra hæc citius nos perdet, quàm se finiet infelicitas. Accipimus notitiam, quòd bellantes in Europa ultimas vires pro præsentì expeditione ita parant, ut malint triennem pro Exercitu impensam in unum annum jungere, ut eò citius pace frui possint. Daret utinam eam mentem Dominus DEustotì Reipub. quia quamdiu ultimas non exferemus vires, tamdiu nostra non finientur mala. Pulsamus proinde cum debita submissione ad fraterna corda vestra, invocamus eum in Patriam amorem, pro qua plus Antenati nostri sanguinis effuderunt, quàm in nostris reperiatur venis. Supplicamus vobis, ut repositis quibusvis impedimentis concorditer & unanimiter in charitate tam necessaria non tantum manus, sed & corda jungatis, ut reliquum legum nostrarum, fortunarum & immunitatum sustinere possimus per fortem & virilem resolutionem in agendo, per liberalem ad exsolvendam exercitui in reali mercedem, ad auctionem ejusdem faciendam, per vivam & Polono nomine dignam destinatis è medio vestrùm Nuntiis, instructionem, ut non tantum videant, ne Respub. aliquod detrimentum patiatur, sed etiam provideant, quatenus præsentibus, quibus jactamur, & planè immergimur, finiri queant calamitates, viamq; futuræ, quæ ex unionem armorum certa esse debet, faciant felicitati. Non moramur consilia vestra, insinuasse sufficiat, quia quivis ex vobis sentiendo aggravationes, & superaggravationes, videre debet necessitatem celerioris & indilati succursus. Nostrum erit non intermissa curâ hoc agere, quod publico debemus, expectando semper & privata cujusvis ex vobis mandata, inter prospera hoc numerando, ut possimus non verbis, sed re ipsâ testari, sicuti omnium ita & cunctorum nos esse &c.

COPIA LITERARUM STANISLAI MORSZTINII PALATINⁱ Masoviae, Andreæ Zydowski Vexilliferi Cracoviensis & Stephanⁱ Leszczyński Gubernatoris Oltrzeszoviensis Principi Cancellario Regni Magno. 21 Maji Varſaviâ.

Primâ vice collegialiter scribimus, quia non habendo hucusq; ullam ab adversâ parte catheticam declarationem, contenti eramus particulariter, sed fideli calamo deferre conjecturas, & quidquid rationabiliter sperare vel timere debeamus pro tempore. Si in quamcunq; partem ultimariam recepissemus resolutionem, cujus usq; nunc non sublata spes, non intermissemus certè publicam nostram deferre communicationem. Remedium ingentium Reipubl. malorum, quod non possit esse efficacius, & magis cum legibus Patriis concordans fatemur, quàm Comitia, præsertim communi nobilitatis motu fulta. Sed justumne est, quòd universales literæ pro utroq; congressu expeditæ fuerint, in eo nominatim supposito, quòd præcisè deferre debuerimus postpositionem Tractatûs, & quòd ille penitus à Corona Sueciæ fuerit rejectus. Meruisset discretionem præcustoditio, si illam affectûs & solliciti timoris plenus amor expressisset, imò magis videretur expediens, ut nos non fuisset nominati, quandoquidem hætenus nullam decisivam declarationem recepimus, nullam etiam decisivè referre potuimus, nec detulimus. Per quod inimico absq; hoc quærenti, quomodo se purgare, & in nos contrariam paci rejicere deberet inclinationem, facile obtulimus medium, quo certè uti non intermitteret. Minus est de nobis, quia omnia obligati sumus, & parati pati pro bono Patriæ, sed non videmus finem, propter quem hæc publicatio facta. Impossibile verò est dolorem nostrum continere, præsertim quòd consequentiæ subsequi possunt characterem, & intaminatam fidem nostram sinistrè interpretantes.

RESPONSUM AD EAS LITERAS PRINCIPIS EPISCOPI Varmiensis Supremi Regni Cancellarij. Elbingâ 25 Maji.

EXpressus in ultimis universalibus literis honoris & publicæ gloriæ causâ character vester non deberet contrariæ subesse interpretationi in tam reali, & toti mundo nota veritate. Quia etiam si fideles vestræ defuissent præcautiones, quorum illibata in Regem & Patriam fides celare id vel nesciret, vel non posset. Sufficeret pro convictione cujusvis ipsa notorietas abrupti tractatûs ex ultimo responso adversæ partis, & postea ex subsecutis tot apertæ hostilitatis attentatis resultans. Quæ quamdiu durabunt, non tantum ipse tractatus, sed & apparentia quævis ad illum, secundum jura, & consuetudines omnium gentium hære debent. Per id tamen sicuti authoritas characteris vestri minimè vacillat, ita & Comitia ex publico totius Reipub. voto destinata ad honestam pacem viam non occludunt: quinimò dum adversâ pars sincerè per acceptationem vestri, & designationem Commissariorum suorum tractatum suum stabilire volet, infallibiliter faciliiori, & feliciiori cursu negotia publica expediri poterunt, cum universali statuum totius Reipub. satisfactione, & immortalis laudabilium meritorum vestrorum reputatione; quorum magna nomina non tantum ex motivo fatalis ex sinistra interpretatione innocentissimarum actionum magni Antecessoris Vestri experientia, sed etiam ex mea particulari

1703 *culari in quemvis vestrum obligatione, publico veritatis elevare testimonio, pro actu meritorio apud me pono, & pro tessera sinceræ meæ in vos propensionis &c. &c.*

UNIVERSALES LITERÆ REGIS PRO COMITIIS DUARUM
septimanarum extraordinarijs Elbingâ 12. Maji expeditæ.

Post Tit. Detulimus omnibus per nuper extraditas ultimas universales literas Restium extremam necessitatem celerioris & fundamentalis Reip. hujus defensionis; Reiteramus iterum intensissimam sollicitudinem nostram, acceptâ non tantum reali à Commissariis nostris, de postposito & rejecto penitus per Coronam Sueciae Tractatu, quo nobis hæcenus & Reip. illusum est, sed etiam de graviore indies hostilitate, quæ post toleratam omnium mediore patientiam, ne diutius super liberâ Gente sæviat, in Omnipotentis Domini exercituum spe omni reposuâ, & in innocentia Reipub. dum caput nostrum Regium in defensionem fidei Catholicæ, templorum Deo consecratorum, manutentionem legum & immunitatum antiquarum offerimus; Vobis juxta obloquentiam universalium literarum Restium ad communem congressum, & unanimem in unam compagem totius Reip. congregationem diem 19nam mensis Junij in anno præsentis & locum sub Golab destinamus; Satisfaciendo verò simul & semel universali omnium Palatinatum Regni & M. D. L. desiderio, & evidenti necessitati ex Consilio Senatorum, Officialium, & Ministrorum ad latus nostrum existentium Comititia duarum septimanarum extraordinaria, sicuti in improvviso calu & ultimo periculo abbreviando terminum præcisis omnibus solennitatibus pro hac sola vice pro eodem die superius specificato Lublini authoritate nostrâ Regiâ indicimus, quàm diligentissimè & ferventissimè optando, ut in Comitiosis 31 præsentis imminentibus in præteritis immediate universalibus determinatis Nuntios Terrestris eligatis secundum mores & consuetudines, & illos plenâ facultate ad procurandam externa securitatis defensionem, ad manutentionem integritatis boni publici sine mora ordinetis, & fortunâ hujus Patriæ publicâ lege assecurare velitis, certi in ea spe, quod sicuti nos vitas, fortunas, jura, & libertates vestras vitâ nostrâ & substantiâ fulcimus, incommodatates etiam castrorum ferre parati sumus, ita vos vicissim ad mutuos labores, sumptus concurretis, & ita consilia vestra Comitiorum futurorum moderari, & dirigere voletis, ut momenta salutaris temporis ad dandam resistantiam intense in ruinam Regni intentioni inimico, non perdamus. Quas universales literas &c.

INSTRUCTIO S. R. M^{ti}s Dni N. Clⁿⁱ AD PALATINATUS
ex Cancellaria expedita.

Exprimere verbis summi discrimina fati, aut calamo delineare magnitudinem malorum, quibus in tam luctuoso statu Resp:
no-

nostra omni ex parte concutitur, supervacaneum esset, quando non verbis sed rebus momenta salutis publicæ metiri fas est, & cum infelices effectus, eventusq; majorem sensum imprimunt, quàm possint stylo exæquari. Non claudit vigilantissimam in omnes rerum partes sollicita S. R. Mtas D. N. Clēmus palpebram, in tam gravibus & tantum non perimentibus Patriæ periculis, sed quo majoribus Regni tranquillitas oppugnatur procellis, tantò clariora erga bonum commune benevolentia & diligentissimæ suæ sollicitudinis depromit in publicum documenta. Videre siquidem unusquisq; etiam ille, cujus ægro lumini lux invisæ, potest sufficientissimè, quàm operosos sollicitosq; conatus adhibuerit, ut concredis sibi populis ab illa Mte, per quam Reges regnant, & Principes imperant, dulcem aliquando quietem, & inconcussam restituere posset tranquillitatem; Quàm diligentissimas huic negotio curas impenderit, ut Corona Suetica desideratissimam sortiri posset coronidem. Quanto tandem etiam nunc Regiæ suæ valetudinis, & fortunarum dispensio redimere nitatur salutem universorum, quando per tot impensas & castrorum incommoda ad asserendam integritatem jurium & immunitatum Regni avitarum contendat. Quod verò pertinax rerum eventus tam sollicitis S. R. Mtis D. N. Clēmi non respondeat curis, & nihil ita efficaciter salutare illius intentiones ad exitum desideratum promovere possit, ultra supremas literas pro publica omnium Ordinum expeditione adornanda scriptas, Conventum præterea Generalem extraordinarium duabus septimanis definiendum indulgere, ad omnium Regni & M. D. L. Provinciarum mentem dignatus est, non tantum intimè optans, sed etiam firmiter sperans, quod probatum hoc remedium, & in similibus occasibus à Seren: Antecessoribus usurpatum, cunctis Reipub. vulneribus medebitur felicissimè, & convertet aspera in vias planas.

Et quamvis Seren: Mtas D. N. Clēmus curam honorificæ pacis non omnino adhuc recipiat, imò adæquatis gradibus Tractatū desideret, tamen quia neq; certitudinem pacis hucusq;, neque apparentiam ullam affulgere animadvertit: Primum & principale punctum defendendæ naturali jure hujus Patriæ non modò per jugulum ab immani & pertinaci hoste petita proponit omnium Ordinum maturæ reflexioni, optando, simulque per sacra & civilia obligando, ut mutuo amore concordia, & antiqua confidentiâ redditâ, quæ impenetrabilia consuevit populis munimèta, Generosis pro Conventu Generali Nuntiis plenam conferre non renitantur facultatem adinveniendæ solidæ defensionis, & providendæ securitatis publicæ.

Priusquam ipsa temporis felicitas magistra rerum efficaciora subministrabit S. R. Mti D. N. Clēmo salvandæ Reip. media consuetæ & quasi naturalia pronunc proponit; hoc est vel à propriis viribus, vel ab auxiliaribus externorum Principum suppetiis petenda;

Primum

A.C.1708

Primum in Generali totius Regni expeditione, & in stipendiaria, auctioreque militia consilium; Secundum à Tractatu cum externis Principibus, & utili armorum colligatione dependet. Utrumque S. R. Mtas D. N. Clēmus sine ulla exaggeratione pleno totius Reip: subdit arbitrio. In hoc tamen pro paterno suo affectu præcautum desiderat, quod præfata media salvandæ Reipub, vel alterutrum illorum, quanto celeriori executioni mandabitur, tanto citius calamitas armis fortiter admotis averti poterit.

Præmissis primo securitatis puncto proponit S. R. Mtas D. N. Clēmus optimè de Republ. meritæ tam Regni, quàm M. D. Litv: militiæ dilata stipendia, debitorum quantitatem & qualitatem non placet in publicam Instructionem inferere. Non dubitat enim S. R. Mtas constare singulis Provinciis inevitabilem necessitatem componendorum præfatae militiæ animorum. Ubi individuo nexu illigat S. R. Mtas D. N. Clēmus præclara merita, & erogatas de propria gaza summas ab Illustribus utriusq; militiæ Generalissimis, recommendando illos singulari Reipub: respectui.

Et quia ab Artilleria ex bellicis machinis præcipua defensionis & victoriarum dependet ratio, & illis submotis numerosissimi etiā exercitus efficaciter nequeunt operari, consentaneum cenlet S. R. Mtas D. N. Clēmus, ut Ordines Reip. conservationi & reparationi velint in tempore opportuno providere. Habendo singularem reflexionem ad curas præcipuas, & effusos de penu propria sumptus, ab Illustri Castellano Cracoviensi. Quod incendium rebellionis Cofaticæ dextera Domini ferro Polono represserit, extinxeritq; in tam præsertim difficili gemini hostis occursum solatium non tantum in S. R. Mtem D. N. Cl. verum in totā redundat Remp. nihil superest, nisi ut quamprimum Bialocierkieviente fortalitium de manibus Paley eliberetur. In cujus vindicationem sicut S. R. Mtas omnes suas curas & studia continuo impendit, ita parem sollicitudinem omnibus Reipubl: Ordinibus recommendat.

Ingerunt se memoriæ complures aliæ statûs præsentis materiæ, verum quia de salute universi agitur, & angustioris intervallum temporis consultationi usitatæ spatium non concedit, reservat illam ad feliciora desideratæ pacis momenta S. R. Mtas D. N. Clementissimus, & interim unicum & principale objectum securitatis internæ providendæ, universis proponit Provinciis. Cætera prudentiæ & dexteritati Generosi Nuntij nostri committendo, simul universis æque ac singulis favores & gratiam suam Regiam pollicetur.

Ad mandatum Sacrae Regiæ Majestatis Domini Nostri Clementissimi.

Varſaviâ 25 Maji.

Certum id eſt, quod in his Reipub. calamitatibus, vulnere ejus non niſi Comitia mederi poſſint, ijs ſolis ſciſſa civium ſtudia & corda, ceu ſalutari glutino in unum còaleſcere, læſam inter ſtatus confidentiam in priſtinam reſtaurari faciem, & jacta diſcordiæ ſemina convenire ad compagem, & harmoniam poſſe, confido. Utinam jam illo tempore ea ſtetiſſent, quo numeroſi undique à Palatinatibus Nuntij ad ea convenerant; ipſe meis inſtantiis urgebam, ſuadebat temporis opportunitas per occaſionem armiſtitii, ſub quod tanto tempore requieſcere utriuſq; partis Bellona videbatur, forſanq; actu requieſcebat: proſectò ſecuriora potuiſſent dari conſilia, maturiora provideri remedia, quàm in præſenti jam gradiente Marte. Non tamen deſperandum de gratia DEI; fiet feſtina feſtiva, quodq; non valuit aſſequi diuturna meditatio, poterit donare ſubitanea celeritas. Sancierentur ergo ſubitanea, & ſine ſolennitatibus Comitia tantò ſolenniora & memorabilia apud poſteros futura, quantò vigilantiora in id, ut priſtina fortuna Reipub. robuſtior evadat, corrigantur præterita acta, quorum malitiam inculamus, fiantq; efficax inſtrumentum converſivum eorum ad orbitam legum, quæ ab ultimis Comitiiis eandem exceſſerunt. Ad vos verò in Comitiolis præſentibus congregatos, quorum quemlibet diſtinctâ proſequor veneratione, quemadmodum pertinet ex amore in Patriam, & metu pejorum his, quæ nos premunt, cum magna prudentia providere de mediis ad aſſequendos hos fines; ita pro informatione eorum, quæ ipſe toto ſemestri hic reſidens egerim, in compendio refero. Conventum pro conſilio, in quem finem & exitum hic indixiſſem, (quamvis aut malevoli, aut ſuſpicionibus ſuis meticuloſiores variè & indebitè traduxerint) ipſæ actiones manifeſtant, vivumq; ſunt teſtimonium non interviſſe turbis, à quibus ſemper & mens, & vocatio mea abhorruit, ſed abbreviando diei malo, qui Rempub. extremè affligit, ponendo armis obici, verbo, quieti, & paci: nec falſus ſum in ſuppoſitione meâ, quòd ejus conſilii viam ad velociorem tractatum arripuerim. Siquidem hætenus adhuc in hoc ſuſpenſo aula Suetica hæret, ut conſilium ſit liberum, non partiale, & ſine omni dependentia, cui involvuntur omnia ab illis ad latus Regiæ Mtis conſilia expedita. Expreſſi perſuaſionibus meis à Rege Sueciæ reſponſum ad literas meas 4tâ Februarii datas, in quo primitus cœpit indicare ſuum affectum ad quietem. Commiſſariis non ſine difficultatibus audientiam & agnitionem characteris illorum conciliaſi. Movit hinc Rex Sueciæ, ſimul etiam ſpes proxima tractatûs migrare à nobis paxq; ipſa recedere in longinquas Regiones videbatur: nihilominus non cedendo minùs placido vultu nos reſpicienti fortunæ, non deſtiti ab urgendo ſucceſſu. Expedivi duas ante ſeptimanas hominem meum reſcripto ad manifeſtum, aliisque meis literis; ſed quamvis necdum cathegoricam retulerim declarationem, ſolatium tamen ex ſecretioribus capio innoſcentiis, quibus edoceor expeditionem parari. Deſtinantur Commiſſarii ad tractatum pro ejus ſecuritate, ipſiusmet Reipub. mediatio prætenditur extraneis omiſſis, quorum hætenus nullius opis interventum fuiſſe eſt manifeſtum, pro ſtrictiori autem fœdere armorum ſocietas. Hinc metus ſuboritur, quâ formâ & modo hæc Reipub. mediatio circumſcribetur? quod medium commoda belli effugiendi? (effugere autem ea impoſſibile futurum eſt)

A.C. 1703 est) uti ex conferentiis meis & scriptis Sueticis penitiùs intellexi. Res nobis cum dilemmate est, vel succedet tractatus, vel non? si successerit, nodus mediationis & armorum societas in futurum, pro aliis bellis nos manent: si non successerit (quod DEus avertat) certus in visceribus Regni nos expectat conflictus, cui exercitûs nostri vires sine extero peditatu impossibile, ut sufficiant: jam autem raptim & sine ordine capere hostem incertum, Saxonibus auxiliis toties infelicem aleam expertis credere lubricum, stante præsertim eâ diffidentiâ, quæ à Klissoviensi subrepsit in utrumq; tam exterum, quàm nostrum exercitum mutua. Unde nec Saxonibus sine nobis, nec nobis sine Saxonibus felicia (ut optamus) prælia præsumenda. Velitis igitur ipsi perpendere, & quomodo, quæ in bivio malorum constituta Patria vel utrumque vitare, vel minùs periculosum eligere possit, decidere. Ego interim extendam manus ad cœlos, DEum obsecrans; ut ipse dignetur succurrere, sana & consentanea inspirando vobis consilia; mihi verò vires & sanitatem indulgendo, ut & in posterum de charissima Patria bene mereri mihi liceat, cui ab ea, vitâ, honoribus, & opibus in tantum evectus, pro his tribus gratijs, nonnisi millenis votis bene precari possum. Nequeo dissimulare dolorem meum graviùs exinde sauciantem, quòd nec in congressu Sendomiriensi, nec in aliis consiliis ullam mei mentionem fecerint; tum primum non ex dignatione, sed ex necessitate mei subit memoria, dum res indies in casum vergunt.

Verùm hòc ad levamentum proprium commemoratò fraternæ me omnium vestrûm gratiæ commendo, rogans, ut in ea supra livorem & affectum conserver, utpote sincerus &c.

COPIA LITERARUM CARDINALIS AD THESAURARIUM

M. D. L. de data 30 Maji.

Rediit Dñus Jarzyna nullum tam longæ expectationis pretium secum referens aliud, præter Piperi literas; quæ non ut aliæ ostensivæ sunt, sed subobscuræ in tantum, ut nihil solatii in publicum ex illis excerpi possit. Confirmor nunc primùm in ea opinione, quam pridem mente coquebam, Regem Sueciæ nec cogitâsse quidem unquâ de dethronificatione, eam solùm pro titulo & fronte pixidis adhibuisse. Idem sentiendum de longo totius anni magisterio, ne scilicet erroris adversio nostram verberaret conscientiam. Jussit nos consulere tractatûs securitati, & hoc per literas: sic indubiè tota hujus anni expeditio finietur, nec unica quidem finitâ quæstione. Quid porrò hoc aliud quàm ludere latrunculis per postam? quæ materia in ipso congressu consulturis restaret? quod circa objectum versarentur comitia? his antea jam expeditis, irascitur nos in casum naturali favere defensionis, eamque actu assumere velle, vetat ne aut exercitus, aut Nobilitas se moveant, otiosos tantùm nos esse desiderat spectatores, cùm interea sanguine nostro luditur, Provinciæ in longum & latum vastantur, sacra æquè ac profana violantur, hícne sermo prudentis? sanè bellum in hostem gerat Rex Sueciæ, si modò de proprio suisq; sumptibus: vicissim Rex noster defendat se, verùm itidem de suo: nostrùm solùm sit cognatos conciliare Principes, non autem plausum dare tristi spectaculo. Jam in hac discretione unum anniversarium M. D. L. alterum Provinciæ Regni spe ac amore pacis absolverunt. Nolo ulteriores tecum agere, polles cœlitus tibi indulto judicio, concessum tibi ingens nomen, data & pro-

& proles est: imminent comitia, ijs me interesse, si tractatus in irritum *A.C. 1703* ceciderit, oportet. Ibo nullis instructus armis conatum tantum meum ferens. Si mihi tam felicem esse non licuerit; ut in ijs cum ramo pacis compaream, quod fieri posse sat manifestum est: facile quid tibi facto opus erit, arbitrari potes, imò jam nunc maturè tua castra metiri velis. Protectio Regis Sueciæ magnifica est sed lubrica, & an illa indignationem Reipub. præsertim totam cum colliget iram, vincere poterit, arcanum est, tutiora satius eligenda suaserim, felicius optandum asylum, cui nullum par credo præter sinum Reipub. his pro affectu insinuatissimum sum &c.

COPIA LITERARUM à DUCE EXERCITUS TURCICI AD CASTELLANUM CRACOVIANSEM KILKO 6. Januarij.

Correspondentiæ & literis nostris occasionem dedit tractatus perpetuæ pacis, fœdusq; per DEI gratiam conclusum inter serenissimum & invictissimum Portæ Ottomanicæ Cæsarem Dñum & Benefactorem meum Clementissimum ex una, & Seren. Christianum Regem Poloniæ inclytamque Rempub. ex altera parte: vi cujus eò primam & impensissimam curam nostram convertere debemus; ut fines & limites ditionum utriusq; Monarchæ juxta contenta sua determinentur & firmiter stabiliantur. Nescio verò fatone an casu tot jam præterlapsis annis negotium istud necdum optato fine coronatum esse. Per complures literas hac super materia à vobis ad nos datas factum existimaverim; ut quia desideria vestra in illis contenta penitus consideranda & trutinanda fuerunt, differri ad hoc usque tempus prædictum opus debuerit. Forasan cum majore diligentia, quo ad id, procedendum fuit, majoribusque rationibus urgendum: nam vel exiguus neglectus & cessatio nullius origo boni esse consuevit. Jam nunc ut expleamus & satisficiamus tractatui Cæsareo, quo ad decretam limitationem, cum Turcico Exercitu ex hac parte Danubij parati subsistimus vestram expectantes præsentiam. Hinc literas ad vos mitto innotescentiales; ut ijs acceptis & perpenis etiam vos maturè parati esse possitis, quantociusq; designetis tempus opportunum huic operi inchoando, & finiendo. Faxit verò DEUS ut hoc gloriosum opus felicia sumat exordia, & similem sortiatur finem: quatenus Principis mei voluntati in tam necessaria parendo occasione meo obsequio apud vos inclarescam, & in diebus tam justi Domini vulgus de quietis temporibus sibi redditis, inopes de restituta pace læti gratulentur. Precor interea à DEO annos incolumitate integros, felicitate florentes.

Hadzi Japhet Bafza
Gubernator ad Borysthenem.

LXV.

**ANDREAS C. ZALUSKI EPISC. PRINC. VARM. ET SAMB
REGNI CANCELLARIUS COMITI PIPER CANCEL: SUETICO.**

4. Junij.

EO fortius ad scribendum stimulari me sentio, quò diutius exoptabam occasionem mihi offerri tantum magni Regis consiliarium compellendi aliquando, & demerendi. Interim cum undiq; ad me infaustus hic rumor deferatur, quòd pro fideli, constantique in Seren: Regem meum & Dominum obsequio, insons Varmia plecti de-

A.C. 1703 beat, & jam in metam præsentî incursionî destinetur, sumo calamus, quo intimum doloris mei sensum coram prudentissimo Arbitro possum, submoto sipario candidè sincereq; aperire, atq; illâ civilitate exprimere, ut te deceat legisse, & me scripsisse non pœniteat. Difficulus tamen adduci possum, ut fidem habeam, laudatissimæ clementiæ ac miserationis Regem in eos velle arma sua, manumq; tot palmis, laureisq; plenam extendere, qui Domino suo juratam fidei & devoti obsequij Religionem illibatâ conscientiam profitentur. Neq; me latet (præter totius Europæ constans judicium) ita præstantibus suam Mtem excellere Consiliariis, ut facilè queant dissuadere, si quis fortè adversa fortune meis, & celeberrimæ tanti Regis pietati suadere niteretur. His reflexionibus permotus, audeo iterum, iterumque Te precari, quatenus Seren: tuum Regem, qui pariter sibi fideles subditos singulari fertur complecti benevolentiam, eò digneris inclinare, ne contra me, quasi unum folium promoveat potentiam suam, majoribus dignam victoriis & trophæis. Confido sincerè, sicut laudatissimæ Sereniss: Regis etiam in hostes suos clementiæ, ita efficacissimæ semper tuæ interpositioni, quòd fulmen hoc sit ab innocentis Varmia jugulo, compluribus hætenus calamitatibus tantum jam non fracto apud Seren: Suam Mtem deprecatura. Ita enim humile spoliū vix tam fortem deceret militiam, tua deinde bonitas superaddet fastigium celeberrimæ ubiq; nominis existimationi, si leo hic reverentissimè prostratis more suo pepercerit. Utinam verò, faxint boni Superi! ut gemini isti Reges, quasi duo ævi nostri & Martis fulmina, quorum florentissimam ætatem, & invicti animi robur, tota, quanta suspicit Europa, atq; in suas suspirat suppetias, in alium aliquando, quemcunq; demum illum hostem potius cognatas acies, quàm in mutuam Domus suæ Seren: vertant gloriam. Sed jam fortè ampliùs quàm sperabam mentem meam calamus prævolavit. Ego interim pro publici muneris mei officio, ad Regni Comitia excurro, in quibus cognatæ Majestatis componendis negotiis omnes vires meas diligentissimè laborabo impendere. Interim & miseram meam Mantuam infelici nimium vicinam Cremonæ, solius DEi exercituum patrociniū dedicatam relinquo, certus, quòd ea, quæ Regis Regum Paterna manus protegit, felici manu provehantur ad littus. Accedet ingens momentum gloriæ celeberrimo Tuo Nomini, si non aversâ aure submissi hujus folii, & miserabilis Varmia vocem exceperis. Quod dum mihi, illiq; à civilissima Tua benevolentia non vanus augur polliceor, testor, quòd sim &c.

COPIA LITERARUM REGIS Ad MARESCHALCū REGNI

9. Junij.

Volentes omnia obstacula, quæ debito successu imminentia comitia frustrare possent, maturè de medio tollere, damus plausum sagaci tuæ in officio vigilantia, quam compellatus à quibusdam Comitiolis, in expostulatione cum externis legatis ostendisti requirendo ab illis: ut juxta universalem Gentium morem, sua legationis causam, & ad quem venerint, exponerent, suumq; characterem probarent, num in commissis, aliqua ad nos, & totam Rempub. deferrent? mandando item, ut deposita residendi Varsavia spe, Lublini ubi etiam Ordines Reip. legitimè congregati erunt,

ex nunc sine ullo morarum obtentu, ad aulam nostram accelerarent, A.C 1703 quod illis in loco ulteriorem incolatum prolongare non tantum leges Patria sed etiam ingruentia, ex tot exercituum concursu, incommoda vetarent, imò nec tibi cum Officio collata potestas, ad id concedendum se extendere posset, ipsis etiam legatis, nè minimè id quidem pratendere valentibus, ex quo Aula Suetica, tam per Regis, quam Ministrorum literas luculentè declaravit, mediationem exterorum à se non acceptandam. Quocirca ut obligationi Ministerij tui insistas, singulosq; legatorum, ad præsens usq; Varavia morantium sui muneris admoneas urgentissimè desideramus. Tibi sub hac à D^Eo, bonam valetudinem precamur.

LXVI.

ANDREAS C. ZALUSKI PRINC. EPISC. VARM ET SAMB.
SUPREMUS REGNI CANCELLARIUS ALEXANDRO SALLA-
ROLI REGIO MINISTRO Romæ degenti 18 Julij Lublinô.

Quanquam tenuitatis meæ conscius me pudere deberet, quòd mihi plura tribui vis, quàm debita sunt, tamen amari abs te, diligì, ac laudari summopere gaudeo, & imprimis triumpho. Venit nunc in memoriam Joannes Papa tertius & vigesimus, is cum plus æquo laudaretur, scio inquit me ludi, sed falsa quoq; laus me delectat. Id etiam ego dicere possum, non sunt meæ quas mihi attribuis laudes, scio quo pede claudicem, quo laborem dente, laudari tamen falso, quàm verè vituperari malim. Sic ergo credo, quòd si peccare erga me aliquem oportet, malim laudando, quàm vituperando metas illū transgredi. Fecisti tu quod amantes consuevère, scripsisti de me, non quæ modò sciebas, verùm ea quæ voluisses esse vera, quod magnitudini amoris in me tui acceptum refero, qui amor nullis terminis includi se postulat. Jucundum in primis accidit à te laudari, utpote à laudatissimo ornatissimoq; viro, sed eatenus, ut laudes quibus afficior cum modulo meo conveniant, qui vix totus est bipedalis, non autem ut multis eum partibus excedat. At quod de me judicium facis longè majus est, quàm exigant merita, nosco me ipsum, nec fallor cum laudor, cum autem sciam te non esse ex ijs, qui in ore suo pacem cum amico suo loquuntur, & occultè ponunt ei insidias, & verbo alia pandunt, quàm mente volutant. Vellem ea in me facultas esset, qua postea me gratū ostendere non verbo, sed facto queam; scio tamen prudentiam, & mansuetudinem tuam ex me nihil amplius expectare quàm possim, & in redditione gratiarum animi tantum inspicere promptitudinem. Reddita igitur gratæ mentis testificatione ad ea accedo, quæ aut me scribere, aut te scire maximè intersit, nec quidquam præteribo, quòd ad rem pertinet aliis acta repetendo.

Scies imprimis quòd petij à Rege illo tempore veniam & licentiam appropinquante Paschate, ut possim officio satisfactorius meo excurrere in Varmiam, & cum eam obtinere, quamvis justa petitio fuit, non potuerim, statim repræsentavi suæ Mti, quòd nullas occupationes, & curas Episcopales, quasi leves, & nullius operis contemnere debeam, quibus si totas, nec ideo suffecturas ponderi vires obtulerim, adeò earum magnitudine premi me sentiam ut onus Ætna gravius sustinere me ducam. Etenim Episcopo tot sunt liberi, quot subditi, quibus sin-

1703] *gulis debet, si probus atq; perfectus esse vult, cœlestium epularum alimenta suppeditare, & virtutum ornamenta comparare, ac proinde ita semper anxio vigiliq; intentus animo sit necesse est, ut somnum morantibus sollicitudinibus, nullam partem quietis capeßere queat, insolita quippe ea, atq; inusitata amantis Jacob vigilantia sollicitudoq; gregi Labani exhibita, Christi ovibus protegendis æmulanda est. Explicui quod ponere mihi sæpius ejus ante oculos debeam summam, ac pene incredibilem in frigore, & fame, & siti, ac vigilijs perferendis patientiam, in laboribus sustinendis tolerantiam, ac perpetuam in proposito susceptoq; consilio fortitudinem, atq; constantiam, video mihi illum videre dies noctesq; concursantem, semper excubantem animo simul & corpore, nec partem ullam quietis capientem, & modò canes in venientes feras immittere, captas modò oves ex luporum faucibus eripere, modò eas ad pascua ducere, aut pastas indè reducere, nulla detrectare pericula, nullo labore teneri, & cum pluribus officium hócce meum deduxerim, & necessitatem indispensabilem comparendi his diebus in Diœcesi ostenderim, tandem habui licentiam, abij, & olea sacra consecravi Elbingæ, diem Veneris Sancti, Vormditi, & Sabbatum sanctum cum Paschate absolvi Guttstadii, ibi venit notitia de morte Dñi Joannis Gninski Palatini Pomeraniæ, cui ex gratia Regis Joannes Dzialynski dato D. Palatino Culmensi Capitaneatu Tlomacensi successit, nec injuria magnam sibi felicitatem peperit.*

II. Aprilis mediâ nocte insperatè (tantò enim secreto & dexteritate id actum est, ut nullus dolus metueretur) acceptus domo, & ductus in carcerem Saxonicum, arcemq; Königstein fuit D. Bechling Supremus Regis in Saxonia Cancellarius, & primus Minister. Ita fatales calamitates, nullo humano consilio possunt vitari. Humana consilia reguntur temporibus, mutantur ratione utilitatis. Multa hic consiliarius fecit, quæ sunt in conspectu omnibus, & propterea non iniquè fecisse id Regem omnes existimant. Venti Bechlingium impediverunt, ut amplius navigare nequiret. Scribere vereor singulariter omnia (ego novi filere) quia invidiam reformido, contra quam in veritate orationis nihil præsidii est, quia scio multos ei nocuisse, quibus ille multum nuper profuit, & contrarium ijs, quæ sperabat expertus, & superari eum fecit DEus ab amicis, quanquam nec inimici deerant; Varia de hac captivitate, & causis ejus, sed præstat fortasse hæc incerta, ita ut sunt relinquere. Rerum progressionem ostenderunt, multa quæ initio provideri haud facilè poterant, omnium facillimum est se ipsum decipere, quod enim quisq; vult, id etiam sibi fingit, sæpè autem natura rerum alia est. Optima via sublimitatis humilitas est, quam Bechlingius planè ignoravit, & ideo periit. Quàm vana, & quàm imbecillis est rerum humanarum conditio!

Redij interim Mariæburgum, ubi inveni responsum à Cardinale & Dño Capiteo Borzechoviensi, qui ut jam dixi independenter à nobis missus fuerat Varſaviam cum negotiatione secreta, sed nihil perfecit ex ultimo eventu, & quæ præcesserunt omnia solent æstimari. Fieri non potest, ut Cardinalis rebus gestis contentus otio se contineat. Facit semper aliqua, quæ tametsi parva existimari possunt, magna sunt.

Fuit iterum 18 & subsequentibus (est tamen pro nobis grande laboris opus) consilium in quo magnus fremitus contra hanc expeditionem ad Cardinalem, & multa dicta sunt, cum benedicendo nihil proficiatur, contra DD. Episcopum & Palatinum Culmenses. Voluit omni-

nò D. Procancellarius Litvaniæ, qui nunc optimè mecum convenit, ut (quòd præstari putabam & ego posse) expediantur ad Cardinalem literæ civiliores, vult Alexander DEUS fieri, fiat, sed nullo modo id DD. Litvani permittere volebant ex odio & invidia ea vituperantes, quibus non edebant meliora, quis præsentia malè agens futura ultro bene processura putat? ita quippe præsentia semper amittimus, & futura sua spontè se rectè habitura opinamur, paucis verò contingit amissam occasionem recuperare, sed optimè suadendi studium magis nunc, quam unquam fuit, redditur periculosum. Interim conclusio facta erat extradendarū literarū Restium, & jam universales subscripserat Rex, quod pessimè habuit D. Thesaurarium Regni. Quæ verò tunc facta sunt, ea infecta fieri non possunt, dixi illi semel nostra quid exagitas? nec meliora facis.

A.C. 1703

Stanislaus
Szuka.Joan Przen-
pedowski.

Transivit per Mariæburgum D. Generalis Horn, & prandit apud me 1. Maji optimè acceptus à Rege, cui multa dixi, & non dissimulanter dixi, quā die comparuit etiam Princeps Radziwił Cancellarius Lit.

Venerunt etiam puncta à Cardinale, quæ ipsi ratione pacis proposuit D. Piper, sed sunt indecentissima pro Rege, nec æqua, nec ferenda, nec tuta, & ideo nullatenus acceptari possunt, & nisi prius à Primante, hac in materia sæpè deceptus fuisset Rex, fortè jam Respubl. non tam laboraret.

Non utiq; res ab eo gestæ obscuræ sunt, ut disceptatio requiratur, sed notum est omnibus præteritum tempus evidenti nobis argumento, quemadmodum, quæ facta sunt scimus, sic nec illa quæ fiunt ignoramus, non eum pudet magis Regi extraneo vivere, quàm suæ Patriæ, à quo ea munera, quæ accipit, ferre se domum putat, cum interim ea, quæ domi sunt vendit, neq; sanè velim conjecturas meas esse veras, sed vereor, ut id jam nimis in propinquo sit. Ipsa res se ostendit, tu judex sis, creditu difficile non est, cum intueamur.

Estne proh Divûm fidem! (exclamare libet) quisquam sanæ mentis, qui vel pacem servantem, vel bellum secum gerentem ex verbis magis, quàm ex factis æstimet. Propositiones has mittendo, ista agendo quid facit? Nonne quæ dicit multum ab aliis quæ facit dissident? Non est oblitus eos, qui in rerum administratione constituti sunt criminari (ut solet) calumniari, nihil aliud faciens, nisi ut Respubl: ipsa de se pœnas sumat, & ea re occupetur.

Illi, qui præclarissimè pro Patria agunt, maximis conviciis, & contumeliis, præter meritum proscinduntur ab eo, sed nos cedendum temporibus credimus, postquam nos non tam impares putamus, quàm non debere considerare ea pro bono publico credamus, injurias privatas publicis utilitatibus non anteponendo, & dum bene agamus, male loquentem de nobis non timemus, ille quod ore promittit, nunquam opere complet, ut toties & tempus, & res comprobavit. Nos autem facimus bonum in conspectu Domini in corde perfectò.

4. Ejusdem venerunt infausta nova, Saxones pulsos esse Pultoviâ ab ipso præsentè tunc Rege Sueciæ, qui rei gerendæ tempus in apparando non consumit, occasiones, & casus oblatos ultro suscipit, ac flectit in consilium, nec nostram tarditatem expectat, & vix in campo Pultoviensi ante civitatem comparuit, tremor statim, & horror invasit sensus omnium, & fugit Israël, & ruina facta est magna in populo. Fortè Generalis Steinau imitari voluit illum Scytham, qui Dario Regi pugnare volenti respondit, si tecum prælium inire volui, hoc sedulò egi, ne

A.C. 1703

gi, ne tibi pugnam optanti obtemperarem, velut ille Antigonus Rex hostibus cedens non se fugere sed utilitatem retrò sitam persequi dicebat, tanquam sibi ab initio proposuisset, ut neque hostem prælio lacefferet, neque lacessitus in aciem descenderet, forsan Fabianæ artis, & consilij memor, bellum trahere, hostem morari, prælio abstinere. Nec nomina (ut noster ille apud Homerum ait) data sunt hominibus simul, alijs enim ars vincendi, alijs celeritas fugiendi, tanquam conservandi se studium non desit. Cum eo quippe rebatur hoste agendum esse, qui nec victor, nec victus quiescere potest. Quanquam videmus, Regem Sueciæ moram semper post victoriam trahere, & spatium quasi dare hosti ad respirandum, si enim persecutus & tunc fuisset, omnes planè quotquot illic erant delevisset. Scripsit Romanus quidam alteri Romano quærens quid Antonius facit? reposuit ille hoc, quod canes penes Nilum: bibit, & fugit; id forsan dici potest de D. Steinau, nimis enim vino & hinc prognato vitio quamvis provectæ ætatis deditus. Corrum-punt autem blandæ voluptates omne robur animi indolemque virtutū, ingenium labefactant, consilium eripiunt, quidquid hoc perniciosius humano generi afferri potest? quæ omnia tantò graviora videri debent in illo, quantò est Regis Sueciæ continentia major. Nam hic Rex præter cætera virtutis documenta, nec in potu unquam excedit, & in omnibus locis in quibus hostem superat, à captivis mulieribus semper vi-trices abstinet manus. Tabescebat cor Regi Sueciæ tanquam inertì Var-saviæ sedenti, nec pati potuit tam vicinos Saxones, quem semper desiderium belli armorumque tenet, sed illi pugnam cum hoste, videntes, quòd omnia ad futurum certamen præparaverat, committere voluerunt.

Hæc etiam die consilium finitum est cum applausu nostro, & mortificatione æmulorum, ita conservat Dñus, qui sperant in eum, strenuè quippè palàm ea dicimus, & agimus, quæ conveniunt. Erant literæ à Cardinale, à quo, & si spe frustrati sumus, tamen decepti esse, & videri non potuimus, ego timeo valdè, & nimis, ne ille dum belli finem non quærit, Dñum, quem post nollit, inveniat.

Sparsus etiam est rumor, is verusne est, an ut fieri solet plerumque confictus nescio, quòd jam Sueci fuerint in Prasnitz, ac proinde suadebatur Regi ut Elbingam eat, conclusum est fieri, debere Comitìa Lublini, sed hoc in secreto, utque universalìa pro ijs imprimerentur Brunsbergæ ordinavi, & sic Serenissimus Rex cum tota aula Elbingam venit.

Die II. Fuerunt Ablegati Gedanenses cum deprecatione Regis, quid illis responderim accipe.

14. Fuit conferentia cum D. Oberbek Ablegato Regis Prussiæ, qui nomine Principalis sui declarat quinque millia peditum, qui possint esse in præsidio, ubi Rex voluerit in civitatibus nostris, cum conditionibus plausibilibus, sed multis non est visum acceptanda hæc, & plures contendebant hanc acceptationem non è re, timentes ne id verificetur, quod historia dicit, ut amicus, & socius in Thessaliam ingressus occupavit, & tenet, ac postremo miseris illis se misisse ad eos ex benevolentia milites, qui eos viserent, audivisse enim se, laborasse eos, esset autem socij, & veri amici hujusmodi adesse temporibus, & proinde timentes Danaos, & donà ferentes, consentire in hunc tractatum noluerunt.

De nostris afflictionibus nihil tibi dico, quæ ex occasione certæ promissæ summæ, & necdum exolutæ exercitui nostro patimur à Deputatis, qui aliquoties in die impetunt nos, sed frustra, optimâ enim voluntate nostrâ nolunt esse contenti & nos præter id nihil habemus, pecunia

nia si rectè collocetur non deest, si malè deest, ac potius nulla satis est. Misi etiam expeditionem per manus D. Castellani Cracoviensis pro finiendis cum Turcis limitibus, cum tempus nunc instet, expeditio etiam ivit ad commissarios nostros, qui erant destinati ad tractatum pro pace cum Suecis, in qua quia non est mentio ejus, Cardinalis furit.

De intentione Regis Sueciæ, quòd velit oppugnare Thorunium, venit notitia, quod Regem affligit, omnis enim peditatus ibi manet.

Tandem 27 præcessi Regem Ser. qui se Heilsbergam venturū intra aliquot dies promisit, ubi ego 30 morbo calculi laborare cœpi, ita ut nec capax recipiendi Serenissimum fuerim, qui 31 venit à fratribus meis exceptus, nec tam lætus Herculem suscepit Euander, & Antestes Anchisem, quàm ego etiam si infirmus Regem. Voluissem florentes Metelli Hispaniæ Quæstoris habuisse epulas, & ita fercula exquisita, quæ Crispinus, aut Apicius, & alii Romani vorabant, quæ Regi præsentassem.

4. Junij gratiâ DEI surrexi & manducavi cum Rege, & jam pridem concertatas nuptias unius ex meis cum quadâ conversâ absolvi. Rexque fuit lætissimus, sed in crastino abiit, & ut præsens mentis meæ suavi-um erat, ita absens tristitia factus est, ubiq; per totum Episcopatum à meis exceptus, & tractatus lautissimè, ego etiam 7. secutus sum Regē.

In Wengrow inveni Ser. Regem, & cum eo ivi in Sielec quò DD. Generales nostri cum Exercitûs Poloni parte venerunt, tractavi eos apud me, & in crastinum exercitus suos præsentaverunt, & fuit consilium privatum, Rex, Dñi Generales, & nos duo cum D. Procancellario Regni, multa bona conclusa sunt, DEus det ut veniant in executionem. Dixi illis aliqua pro sensu meo, quòd si unquam tunc certè Patriæ causam agentibus occasio optima, quanta ulla unquam offerri potest, modò excitationes temporum non adferent; Explicui quanta patimur omnes, quanta toleramus eodem modo, quo qui grandinem (ut mihi quidem videtur) spectant, optat quisq; ne in suos agros deferatur, prohibere conatur nemo, tantum autem abest, ut illatas Poloniae injurias, & damna quisq; vindicet, ut neq; suas quisq; particulares ulciscatur, quod jã extremum est, cum ad hunc modū omnes cunctamur & effæminati sumus, & ad proximos respicim⁹, alij aliis diffidentes hoste tam apertè nobis insultante. Quid verò facturū putatis DD. mei eum, qui in universos ita est audax, ubi nos singulatum omnes subegerit. Et nos nec expergefieri possum⁹, illis qui mandragorā, aut simile aliud venenū biberunt, similes, inimici interim fruuntur ignaviā nostrā, otium agim⁹, & nunquam officio fungimur, tanquam illi Athenienses emoti ex eo fundamento, in quod illos majores eorum collocaverunt, talibusq; rebus jam circumventi sumus universi, ut etiam, quod consuli debeat, non sit in promptu, & ego dicere vereor, dico tamen: Confido enim, si quis rectè consideret, fore ut me vera, & ipso eventu comprobanda dixisse appareat, & si vera occultanda sunt, nihil dicere necesse est, non ergo amplius (petii per totum id quodcunq; sacrum credunt) non amplius humiliter & non ut eorum animi magnitudinem decet se gerant; Quid Patriæ, quid Regi conducat, considerent, servant, & hunc, & hanc, & quæ tum illis ipsis, tum Reipub. digna sunt, agant, ne posteritas arguat illos, quòd fuerint otiosi, & quidlibet aliud agentes, neq; curasse quid hostis ageret; Manus fortium dominabitur, quæ autem remissa est, tributis serviet.

Transierunt illac DD. Ablegati Rubiffon Angliæ, & Cravenborug Hollandiæ, sed parum morati iverunt Varſaviam, quibus insinuavi interesse omnium vicinorum, ut hanc potentiam còerceant, quam esse periculosa agnoscunt, quicunq; cerebrum in temporibus & non in calce-

A.C. 1703

Hieronymus
Lubomirski
Adamus Sie-
niawski

is conculcatum gerunt. D. autem Castellanus Cracov. ad Comitata, & D. Palatinus Belzensis minor Generalis cum exercitu, & optimâ informatione abiit, ego præcessi Lublinum, ubi Rex 17. comparuit, Princeps Wiszniowieccius in crastino venit, qui ut sit Director Comitiorum omnem conatum adhibemus, cras sciemus. Tu interim vale, & me ama.

P. S. Mitto tibi Diploma Regium, æstimationem, quam de te Rex, amorem, quo ego te prosequor, clarè in eodem videbis. &c.

DIPLOMA REGIUM CONFERENS MARCHIONATUM DOMUI SALLAROLIANÆ.

AUGUSTUS II. REX POLONIÆ, Magnus Dux Litvanie, Russia, Prussia, &c. Significamus presentibus literis nostris, quorum interest universis & singulis. Soles si radiis non illustrarent alios, nomen prope suum amitterent, & soli verius quàm soles appellari mererentur. Pariter Ser. Regum Mtas, inter singularia damna sua censeret dignitatis, si deessent in quos munificentia, & gratiarum suarum testimonia, pro seculorum memoria posset diffundere, præcipue quando non de uno Orbe meriti præmiandi occurrunt. In tam illustri serie optimè meritorum, ex Primarijs Regni nostri Ministris probè intelleximus esse nobilissimam Domum Sallaroli, tum antiquitate Familiae, tum virtutibus, Togâ, & Sago, non minùs Ecclesie Romana Catholica, & Italia Provincijs, quàm etiam Regno nostro conspicuam & probatam. Quapropter sincerâ Consiliariorum nostrorum informatione edocti non solum de antiqua Patriâq; familia, inter Nobiliores & Illustres familias, quæ in Civitate Bononiensi florent, ac de animi generosis ac te & laudabilibus virtutibus, sed etiam de singulari studio bene merendi de nobis & Rep. Nobilis ac Religiosi Alexandri Sallaroli Clerici Regularis Theatini Theologi nostri & Ministri apud Sanctissimum Papam CLEMENTEM XI, dignum esse censuimus, ut propter multa servitia Nobis & Regno Nostro, tam Romæ, quàm in Polonia præstita, Ipsi Regiam Nostram gratitudinem & affectum ostendamus, & spontè recognoscamus ipsum, suamq; Nobilem & antiquam familiam Bononia commorantem, & duos ejus Fratres Paulum, & Carolum Sallaroli, Nobiles Nostros familiares, & Regni Nostri Marchiones esse, prout de facto intuitu meritorum Nobilis, & Religiosi Alexandri Sallaroli Theologi Nostri & Ministri, præfatos ejus duos fratres, Paulum & Carolum illorumq; hæredes ac Postereros descendentes, qui legitimos utriusq; sexus ortos, sive orituros, in veros Solij Nostri Regalis, Regnorumq; omnium Marchiones creavimus, fecimus, creximus, sublevavimus, & Marchionatus titulo, honore & dignitate insignivimus, aliorumq; Marchionum catui, ac consortio adscripsimus, & aggregavimus. Quemadmodum tenore presentis Nostri Diplomatis, de peculiari nostra potestate & plenitudine nostra Regia creamus, exaltamus, facimus, sublimamus, insignimus, atq; aggregamus. Decernentes, & hoc nostro Regali edicto firmissimè statuentes, ut prænominati Alexandri Sallaroli Nobilis Familia ejusq; duo fratres Paulus & Carolus Bononienses, omnesq; liberi, hæredes, ac Posteriores ipsorum utriusq; sexus legitimè nati, & nascituri in infinitum, Marchionum Nomen & dignitatem assequi, obtinere, & ferre, tam his literis, quàm nuncupatione verbali nec non in rebus Spiritualibus, & temporalibus, Ecclesiasticis, & prophanis, in quibuscunq; negotijs, & nationibus, à Nobis & Successoribus Nostris, & alijs omnibus & singulis, cujuscunq; Status, Ordinis, Dignitatis, Conditionis aut Præminentie extiterint, pro veris Marchionibus haberi, teneri, nominari, & honorari possint, valeant & debeant, prout nos ipsos, eorumq; legitimos hæredes, ac postereros utriusq; sexus Marchiones nominamus, declaramus ac approbamus ac si à quatuor Avibus Paternis, ac Maternis tales nati essent, volentes & auctoritate Nostrâ expresse statuentes, quod ubiq; locorum, & terrarum tam in judicijs, quàm extrâ, omnibus & singulis privilegijs, indultis, & immunitatibus, libertatibus, juribus, consuetudinibus, honoribus, prærogativis, exemptioni-

Diploma Regium Domui Sallaroliana

501

A.C. 1703

ptionibus, gratiis, & favoribus uti, frui, potiri, & gaudere valeant, quibus alij Regni Nostri, & Imperij, ac aliorum Regnorum Marchiones, etiam ex vetusta progenie orti, uti, frui, potiri, atq; gaudere solent, & potiuntur, quomodolibet de jure, & consuetudine, omni contradictione, & impedimento remoto. In testimonium verò iberioris propensionis, & gratiae Nostrae Regiae, insignia ipsius antiquae Nobilitatis, & virtutis indicia, Alba Aquila Polona decore amplianda, & cumulanda esse duximus, condecoramusq; & ampliamus, quemadmodum hic illa Pictoris industria conspicue delineantur & exprimuntur.

Damusq; eidem duobus Paulo & omnibus & cunctis culis & Fæminis, plegnia Marchionalia & occasione, pacis, actibus, & exerci-



Nobili Familiae, Alexandro ejusque Carolo Fratribus Bononiensibus, cū ipsorū descendentiis legitimè Masnariam potestatem, sua arma & insi-ubique Terrarum, quovis tempore, & belli, in serijs & jocis, cunctisq; tiis decentibus, praesertim verò Gebus, Hastiludiis, alijsq; exercitiis E-

questibus privatis, & publicis, in scutis & vexillis, Tapetibus, Centuriis, Annulis, Sigillis, monilibus, clenodiis, in ostiis, fenestris, parietibus, & aedificiis suis, cunctisq; etiā supellectili quomodocunq; libuerit, jure, & more ceterorū Marchionū liberè, & absq; contradictione cujusvis, gestandi, affigendi, & exponendi, utq; iidem cum tota posteritate sua tam sacris, quàm prophanis in locis, officiis, honoribus, & juribus suis, cum suis successoribus gaudere, & potiri possint perpetuis temporibus benignè impertimur. Quod omnibus, quorum interest, praesertim verò Principatibus Ecclesiasticis, & secularibus, Archiepiscopis, Episc. Ducibus, Marchionibus, Comitibus, Baronibus, Capitaneis, atq; Officialibus Civitatum, Communitatū quarumvis, & Communitatum Praesidibus, Gubernatorib; Magistratib; omnibus in universum cuiuscunq; conditionis, ordinis, & Praeeminentiae exterarum Gentium fuerint ad notitiam deducentes juri gentium innixi constanter requirimus. Dignitariis verò, Officialib; ac toti Nobilitati Regni firmiter notū esse volentes mandamus, ut praenominatos Alexandrum, & Paulum, atq; Carolum Sallaroli Marchiones, eorumq; legitimos haeredes, & Posterorū utriusq; sexus ex ipsis descendentes, & descensuros in dicto Marchionatū gradu, ordine & dignitate permanere omnibusq; & singulis praeminentiis, privilegiis, prerogativis, & immunitatib; exemptionib; gratiis, & favoribus, Marchionibus de jure, & consuetudine servientibus ex hoc Diplomate nostro concessis liberè, quietè & absq; ullo impedimento uti, frui potiri, & gaudere sinant, & manuteneant, atq; alios ne quidvis contrarium attentent, vel moliantur pro viribus impedian. Pro gratia nostra. Praesentibus R.R. in Christo Patribus Dnis, Michaele S.R. E. Titulo S. Mariae de pace Praebitero Cardinale Radziejowski Gnes. Legato nato Regni Poloniae & M. D. Lit. Primate, Constantino Zielinski Lepolien. Archiepiscopis; Andrea C. Zaluskio Varm. & Samb. S. R. I. Principe, Terrarum Prussiae Praeside Supremo Regni Pol. Cancellario; Casimiro Kryszpin Samog. Theodoro Potocki Culm. & Pomer. Nicolao Wyzycki Chelm. Episc. Illustri & Mag. Hieron. Lubomirski S. R. I. Princ. Castellano Crac. Supremo Regni Duce; MM. Franc. Sigismundo Galicki Culm. Joan. Odrowaz Pienienzek Sirad. Georg. Towianski Lanc. Joa. Jablonowski Rus. Alexandro Zaluski Rav. Stanis. Morstyn Mat. Josepho Potocki Kijov. Martino Tarlo Lubl. Stanis. Sapieha Mins. Thoma Dzialinski Culm. Petro Kczewski Mariab. Franc. Zaluski Czer. Sigism. Dzialinski Pom. Palatinis; Joanne Duce Korybut Visniowiecki Vil. Alexandro Myszkowski Marchione Pincz. Sandomir. Stanis. Radomicki Culm. Casimiro Waczyski Siradien. Hieron. Zaluski Rav. Alexandro. Lasz Belz. Franc. Grzybowski Jumiwladi. Stanis. Procki Czernich. Christoph. Skarbek Leopold. Andrea Dluski Gostin. Matthia Lovienski Lubaczoviensi. Castellanis; Casimiro Bielinski Supremo Mareschalco Regni; Carolo Duce Radziwill Supremo M. D. L. Cancellario; Joanne Szembek Procancellario Regni; Stanis. Szczuka Procancellario M. D. L. Georgio Przependowski Supremo Thesaurario Regni; Casimiro Duce Sangusko Mareschalco Curiae M. D. Lit. Venerabilibus Alexandro Wybowski Referendario M. D. Lit. nominato Episcopo Luceoriensi, & Brestensi; Adalberto Wolff, Coadjutore, Episcopat

A.C. 1703

ius Livoniae: Casimiro Lubinski Episcopo Heracleensi Suffraganeo Cracoviensi: Alexandro Zgierski Episcopo Martiriensi Suffraganeo Vithensi: Joanne Pokrzywnicki Decano Gnesnensi, Praeposito Cracoviensi, Referendario Regni: Paulo Antonio Zasuski Canonico Plocensi Praeposito Solecensi. Generosis Georgio Dominico S. R. I. Principe Zubomirski Succamerario Regni: Stanislawo Rzewcoski Referendario, Adamo Tarlo Dapifero: Alberto Warszycki Ensisifero: Georgio Dziduszyci Venatore: Georgio Tovianski Pocillatore: Joanne Jablonowski Vexillifero: Stanislawo Potocki Metatore Castrorum: Francisco Szembek Vexillifero Curiae: Anastasio Maczynski Thesaurario Curiae Regni: Michaeli Duce Korybut Wisniowiecki Exercituum Magni Ducatus Litvania Campi Duce: Alberto Wolowiz Notario Supremo: Martino Pociay Praefecto Vigiliarum: Casimiro Sienicki Ensisifero Magni Ducatus Litvania: Matthia Kolinski Notario Decretorum Curiae Regni: Casimiro Sarnocki Dapifero Vitepscensi: Alexandro Plezewski Subdapifero Braclaviensi: Nicolao Probrowski, Secretariis Nostri, deniq, quam pluribus alijs Senatoribus, Dignitarijs, Officialibus, & Nuntiis Terrestribus Regni & Magni Ducatus Litvania ad Comitata Regni Extraordinaria Lublinum congregatis, In cujus rei fidem praesentes manu nostra subscriptas sigillo Majestatis Nostre communiter mandavimus. Datum Lublini sub tempus Comitiorum Regni & Magni Ducatus Litvania Extraordinariorum: Die 30 Mensis Junij Anno Domini M.DCCIII. Regni Nostri Septimo Anno.

AUGUSTUS REX

IDEM EIDEM PATRI SALLAROLI Lublino 20 Julij.

NEgotia (ut verbis Horatianis utar) per caput, & circum saliunt latus, nam quantum accedunt dies, augentur occupationes, non concedes tamen occupationem me esse Julio Caesare, qui eodem tempore bellum Gallicum & gessit, & descripsit. Utinam res eat ad vota tua, ut scilicet penes quem inchoati operis labor, penes eundem impositae coronidis gloria, honorque maneat: sed sic vos non vobis fertis aratra boves: solatium meum, quod rectefactorum verus sit fructus fecisse, & spero, quod habebit praeteriti laboris secutura recordatio suam olim delectationem.

Prima Comitiorum dies a sacro bello initium habuit. Controversum inter Patrem Kozuchowski Regium Praedictorem & Patrem Kaluski Ordinarium Lublinensis Collegij, quinam in votiva Spiritus Sancti praedicare deberet? Decisum in favorem Patris Kaluski. Post missam in Camera Nuntiorum intra tres horas electus Mareschalcus Princeps Michael Wisniowieccius Campiductor Magni Ducatus Litvaniae. Eadem die. 19 Junij Salutarunt Regem Nuntij, ego respondi, & post osculum dexterae Regiae feci propositionem, ut in copijs leges. In fine nomine Regis proposui ut in his circumstantiis dispensaretur lex, statimque sine separatione Status Equestris omnes jungeremur, metu appropinquantis periculi, ast id sine effectu. Duos ergo vel tres dies disputarunt inter se Nuntij. Quaesitum primo, an Legati majoris Poloniae admittendi? Nam Smigielski Capitaneus Gnesnensis impugnabat Comitola in quibus electi erant, adduxerat D. Pawlowski, qui ea rupit, ostensis (verisne an confictis, non dijudico) protestationib⁹. Multum altercatum inter Nuntios, quibusdam Regi Seren. suadentib⁹, maximum momentum publicis negotijs affore, si hi Nuntij abjudicabuntur voce activa, ego tutiora quam speciosiora consilia proponebam, & durum credidi esse relegare eos, quos possum⁹ necessitate ad illicita impellere, & dissimulandum credidi, serviendumq; aetati secuturae, quae semper exempla desiderat, ne quae ea desperatio inpiret, timui nec sine ratione: ac proinde voluisssem ut exacto fierent omnia iudicio, quod fieri non solum poterat sed & debebat, & quamvis excepto uno D. Jeruzalski, omnes idem sentiebant, ut rejicerentur, quia aliter sentire (si vera dicenda sunt) non poterant; Major pars populi facit libertatis im-

ma-

maturæ cupidine, quod cur faciat ignorat, instigante præsertim quodā, & vincente qui sua tantummodo æstimat, cætera consilia contemnit. Hæc certè non erant mei arbitrij, quæ prædixi non præscripsi, timeo enim ne hæc scintilla ad magnam contentionis flammam exardescat, & desperatione ultimâ temeritatis aliquid faciant, cujus rei est tam liquida, & obvia apparentia, nec ferendo par eram, quin erumpereim diceremq; sensum meum, & dolorem privatum ostenderem, qui re vera est publicus: Sed dum omnes in id consenserunt, ego quamvis probare volo, damnare non possum, æquius apparuit quod validius. Postquā ergo hæc materia abrogatione Nuntiorum Majoris Poloniæ post varios verborum magis, quàm rationum conflictus est finita; venit iterum magis ardua, quàm prior erat circa DD. Sapiehas, quos solus D. Jeruzalski defendebat, & sustinebat, (utinam omnes constantiam amicitiae ab eo discant) Connotatae sunt post vacantiae, quæ latis paucae erant. Archiepiscopatum Gnesnensem notari voluerunt plurimi, tanquam post traditorem Patriæ vacantem non parcendo honori ejus, qui in id eventus, super quod ascendi non potest, quam sacra purpura textit in ignominiam æternam, quæ nunquam oblivione delebitur.

23. Junij comparuit D. Cardinalis Primas Lublini, cui in occursum solus Episcopus Culmensis, cum Palatino itidem Culmensi ivit, in crastino salutavit Regem, sed omnes torvo oculo aspiciebant; Ita judicia DEI multa occulta sunt, nulla injusta, capti quippe semel in suspicionem animi omnia secus & in pejus interpretantur, omnia suspecta de eo fuerunt, omnia ex præteritis ejus actionibus timebantur ab eo, omnes ex ramis de arboris trunco, ex pampinis de vinea, ex frumento de area, ex frutice de radice, judicium ferebant. Confundebatur ille, non perfunctoriè, cum propinqua plus mentem, quàm remota feriant, ubi videbat irritatos & ubiq; omnes quocunq; tendebat, & quod omnes lætabantur (ut Pòeta vetus loquitur) malo alieno.

24. Devotio fuit solita, prædicavit Pater Kozuchowski, venerunt Angliæ, & Hollandiæ Ablegati, cum quibus ex mandato Regis habuimus conferentiam cum D. Procancellario Regni, quos vidimus tentare in apparentia multa, sed agere nihil, & ad famam non ad verum linguâ esse ad pacem inclinatissimos, cor autem eorum longè fortè est, & ego adverti ex certis circumstantiis, is novit quâ quæq; faciant fide, qui solus corda hominum explorata habet. Fateor me non ex vano timore insinuâsse verendum esse, ne potentiae, & vicinae, & remotiores promittentes sibi læta ex hoc bello, quod intra Poloniam occupat Regem Sueciæ, olim non experiantur tristitia, & dum rosas colligere pro se videntur, referant aliquando spinas, forsan melius esset junctis viribus, confociata ope, in herba suppressere hoc malum, quod potest colligationi magnæ, quandoq; præjudicare, expectant imminentem procellam, non adeo nocituram, si prævisam.

Habuimus etiam privatam conferentiam, quomodo ulterius prosequi debeamus Comitiae, & conclusum, differendam esse distributionem vacantiarum Litvanicarum.

26. Post conferentiam privatam cum Seren: Rege evicimus tandē, ut Camera Nuntiorum jungeretur cum Senatu, & ex consilio Rex transtulit se in locum commodiorem, ubi Camera Nuntiorum primò fuit, quo dum venimus, fecit ante omnia relationem D. Morstin Palatinus Masoviæ de gradibus, quibus pacem tractare voluit, & conclusit, sicut nullam salutem in bello, sic nullam spem esse pacis.

A.C. 1703

Tobia Towianski.

27. Compellatus Cardinalis per DD. Episcopum, & Palatinum Culmenses, ut Seren: Regi præstaret juramentum, secundo, ut satisfactionē daret publicam, tandem dum venit in Senatum; Nuntii Lencicienses ejicere omnino volebant curulem D. Palatino Lenciciensi, & tumultus fuisset factus ingens, nisi impedivissemus. Tandem mille criminationes, & impropria dicta Cardinali, qui dum ad juramentum accedebat, clamabant multi contra infidum mobileq; ejus ingenium, qui æq; citò ad fidem dandam, atq; mutandam propendet, exprobrabant, alij quòd ultra quam sanctioris Togæ deceret Antistitem, turbida quietioribus proferret, objiciebant alij quòd nulli jactantius fidem suam obligant, quàm qui maximè violant, alij quod proprium ejus semper sit mutare & pœnitere, & ingenium ejus insita quâdam vi ad mutationem feratur. Interim ille inter has acclamationes me dictante (publicè rotha juramenti confecta erat, nec mutari potuit;) juramentum præstitit, scilicet se nunquam fuisse causam, introitus Suecorum in Poloniam, nihil se molitum esse, nec unquam moliturum contra Regem. Votijam reus est, quidquid pollicitus, & juravit, DEus scit an opere complebit, & ego timeo, ut irritas faciat pollicitationes, verbaq; quibus obstrinxit animam suâ, hæc postea rei probabit eventus.

Junioem Towianski Pocillatorem Regni terribiliter plurimi confundebant, insultando, & vocando filium mulieris qui est de Galadd, quòd specificis verbis Dñus Warzzycki Enfiter Regni plena Rep. exprobravit. Quis virtuti laudem detrahet? aut non adnectet, quammeretur.

Vespere autem factò fuit Rex apud legatum Cæsareum in cœna, ubi cum Ablegatis Angliæ & Hollandiæ ego quoq; præsens esse debui.

28. Habuit Cardinalis audientiam privatam apud Regem, ubi sua Mtas, & nos reconciliavit cum illo, fuimus ergo post apud suam Eminentiam cum Dño Procancellario Regni, & D. Palatino Mariæburgensi. In Senatu iterum curulem ejicere volebant Domino Palatino Lenciciensi, sed tandem hæc sessio sopita, & negotia publica in sessiones Provinciales accepta ad referendum Reipub.

29. Fui in sessione Majoris Poloniæ, ubi rescivi quod promittebam magis, quàm optabam Cardinalem non siccata juramenti rotha contra Regem agere, omnia ejus facta suspecta facere, & sinistrè interpretando corrumpere, conari, pecuniasq; expendere ut Comitia hæc rumpan- tur, sed cum DEi auxilio, quamvis sit eo animo, ut velit, non erit ejus roboris, ut id facere possit, si error errori accumulatur pessimo ejus facto, timendum enim ne ad propriam ruinam exdestinato perveniat, qui impotenter graditur ad alienam, & ne sit tam contemptus, quàm contemnens. Idem Cardinalis 30 Junij post exacerbatum iterum animum Regis aggressus est me. cum actiones meas semper pro Repub. rectas magis vellet impedire, quàm esset in publico, ratione sigilli, cum nuper dato applausisset, sicuti ejus literas manu subscriptas penes me habui, ubi quæsitam meritis sumere superbiam jubet, easq; præsentavi, per quod patuit fluctuare eum semper inter varia consilia, nihil libere velle, nihil absolute, nihil semper, cum ex laudatore damnator factus eò acrior, quò fortior erat prius laudator. Justam ergo defensionem esse cum opprimitur innocentia arbitrabar, & sinister ejus in me affectus effecit, ut longius (neminem lædendi) ab instituto aberrarem, & contra ingenium, & consuetudinem meam aliquid iracundius, ac arrogantius (quamvis & id ipsum modeste) de me dicerem. Venit mihi in mentem textus ille Scripturæ Sanctæ: Pone Domine custodiam ori meo, &

& ostium circumstantiæ labiis meis, & observatio Sanctorum Doctorum, *A.C. 1703*
dicit Gregorius: Sanctus non petit poni ori suo parietem, sed ostium,
& origines addit proprium est justi tacere, sed non obmutescere, ne ut
dicit Ambrosius: tacendo confirmâssem, & defecissem non refellendo, ac-
ceptâ proinde voce, quia tantum dolorem superare non poteram, & ut
vela pro magnitudine navium, sic verba debebant esse pro rerum, er-
go qui prosperitate rerum in vanitatem nunquam usus sum, tamen sic
 respondi, ut redux ex Senatu domum in recenti proter te ipsum dictavi.

Gratijs relatis universis & singulis, omnibus, & cunctis pro eo fa-
vore, quem prius Thorunij concedendo, nunc tacito consensu appro-
bando eam gratiam, quam Rex in reddenda mihi in custodiam aquila
Polona præstiterat, testatur; permittendo me laboraturum, sudaturum,
& toto affectu Reip: serviturum, cui à juventute mea integer, eoq; in-
territus servivi sincero in Majestates, vero in Patriam zelo: Prosecutus
ulterius sum quòd scilicet declaravit me Rex Sereniss: dignum hoc ho-
nore, ex quo me juniorem protunc excluferat, hæc quæ pro more, non
pro crimine in multis invenitur invidia. Egit hæc partes suas non obli-
tâ quamvis innocuum, etiamsi nihil cuiquam mali fecerit; sed compen-
sat Regia gratia cum nunc sine cursu video me in culmine, cum sua
Mtas in eo me constituit gradu, & officio, quod non speravi unquam,
& jam possum dicere ingenuè, nec desideravi, optando reliquum vitæ
in tranquillitate finire, nec cogitans de ascensu, quia timebam de lapsu.
Nihilominus tamen tanquam Apelles cui amicus secreto in lecto ægri-
tudinis certam reposuerat summam, inveni potius, quàm accepi bene-
ficium. Extraxit me Mtas sua ex angulo satis quieto, ubi DEo servire, &
aternitati laborare proposuerâ, scribendo imediatè præteriti & nunc præ-
sentis ævi acta, excusabam me tenuitate meâ, in memoriâ reducebam in
compatibilitatem cum Episcopatu meo, nec plus valere volebam quàm
leges sinunt. Sed hæc omnia bonitas imprimis Regis superavit, & postea
congregati sub illud tempus per statutum Sendomiriense, confœdera-
tionem Palatinatum majoris Provinciæ sub directione Dambscii Ma-
reschalci Curia Regni, & accessum M. D. L. & tot Palatinatum Nun-
tii libenter hanc Regis electionem approbârunt, ita ut fuerim planè
constrictus eundi viâ ab Evangelio demonstratâ. Cum invitatus fueris
recumbe in novissimo loco, postea tamen dum mandatum venerit sine
ulterioribus ceremoniis ascende superius, & sicut Isaias nolebat accepta-
re officium usq; dum aperuisset labia ejus carbunculus sacer de altari,
ita nec ego ausus fuissèm sine calculo communi, & assensu omnium id
acceptare, imò gloriari (si id quoq; licet) audacter possem, quòd nu-
merari deberem inter Senatores Venetos, qui Prægati, id est rogati vo-
cantur, quia illud quod Rex jussit, sine persuasione magnorum in au-
la virorum non acceptassem, sed eâ vel maximè ad extremum convi-
ctus sum ratione, quòd ad me pertinet, datam mihi personam bene a-
gere, eligere ad Mtem, nunc si liceret DEus mihi testis, in cujus con-
spectu sto, quòd libentius, ad meam reverterer solitudinem, quàm co-
gnosciendo imperfectum meum locum occupare, quem dignior habe-
re posset, præcipuè cum Is, qui in eo loco invenitur, collocat cum for-
tuna in signum, cui contradicetur, quia inveniuntur tales, qui honorem
alienum injuriam suam putant. Notum est interea omnibus, quòd si-
cut nunquam manus mea supposita est lucro, ita non me inflat ullus
honor, vitium rebus solenne secundis; scio enim fortunam vitream es-
se, quæ dum splendet, frangitur. Habeo illam pro speculo, nec in ea

A.C. 1703 quidquam difformiter agendum puto. Præsentō me coram illa sapiens, ut videam quis sim, quantum sit munus meum, quid Patriæ, quid Majestati, quid vobis omnibus debeam totus in tuenda lege desudat labor. Libenter in memoriam revoco acta Antecessorum meorum, Magnorū virorum memor, quòd cui plūs committitur, plūs ab eo exigitur. Nihil opinionis, omnia conscientiæ causā faciam. Si dispensabitis legem, quæ non tam strictus carcer est, ut egredi ex illo nunquam liceat, maxime ubi illi dispensant, qui condidēre; libenter laborabo utorq; verbis magni illius Romani civis: Itāne Patres conscripti magis vestra interest ubi habitem, quem Episcopatum teneam, quā quis sim. Cæterū si distinguere voluerimus causas hujus impetitionis Eminentissimi Primatis, inveniēmus esse alias, alias videri: invehit ille in me non causā sed morbo; si enim Eminentia sua, si Stephanus Widzga Episcopus itidem Varmiensis per dispensationem Reipub. id munus & officium tenebant, cur & ego (non jactantia, sed fiducia est) non impar meritis tenere non debeam, apud quem plūs utilitas publica, quā mei nominis ratio Patriæ comodis, non verbis, sed re ipsā prospiciendi desiderium semper fuit, est, & erit. Sigillum aliis donum erat, mihi merces & labor, quia gradior viā publicā, nec ad dexteram, nec ad sinistram declinante. Accepi sigillum ab illo Principe, cui renuere non poteram operam. Suscepi necessitate coactus, sed si id non est ē commodo Reip. redonare illud libens, & fortē lætus insinuum dantis, & Reipub. disponentis promptissimus ac paratissimus sum. Resigno illud in manum Regis, a quo accepi in facie Reipub. totius, cedat digniori; obedientia mea vadit, quò ducitur, & quò debet; absolvat Respub. innocuum. aut damnet accusatum, constituo & confirmo voluntatem meam Reipub. beneplacito. Zelatus sum semper bonum, & cū nunc licebit renuntiare officio tam laborioso, minimē confundar, nec propterea derelinquam animum bene agendi, & in privato, si vota mea cum Eminentissimi Primatis concordaverint desideriis, ut me mihi vivere Respub. permittat. Veniam date si in aliquo per hoc tempus per ignorantiam, voluntariē enim nec per negligentiam, quidquam esse potuit, peccaverim: nemo magnorum fuit, qui non aliquid habuerit ignoscendum. Imitabar in zelo Antecessores meos, quamvis eos assequi meritō desperabam, pro laude magna reputans ē magno campo aliquid decerpisse. Iterum ergo iterumq; in manus M^{ti}s V^{ræ} cum submississima devotione repono reverenter, quod mihi clementissimē contulisti &c. Hæc & similia dixi, fecit enim indignatio versum, & DEus justus Judex, cui in corde, & corde hanc atrocem injuriam, quā me onerare voluit, vindicandam reliqui consolatus est, nam pulvis à quo excitatus est, in eum conversus, & per ipsas meum luxit ærurnas decus, cum illi posita est ara confusionis, mihi publico ore nemine excepto, & contradicente, integra compatibilitas à tota Repub. concessa est, ita quandoq; non tantum in bellis, sed & in consiliis, plus valet scutum Palladis quā gladius Martis.

Disputabamus post (hac cum gloria mea sopita materia) circa modum contributionum & Diploma Regium.

1^{ma} & 2^{da}. Julij vacabat, dies enim Dominica, & Festum Visitationis impedivit. Concredita mihi Thorunij Privilegia DD. Litvanorū reddidi Principi Cancellario Litvaniæ. Interim die nocteq; sudavimus componendo differentias, disponendo materias ad bonum finem Comitiū, cū etiam sapientissimos frustrantur sua consilia.

3tia. Fuit Cardinalis Primas apud Regem, & multa contulimus, *A.C. 1703*
 ille prolongationem optabat Comitiorum, quæ intelleximus, ut erant
 magis, quam ut dicebantur, quam nos non concessissemus, sed quia
 multi ebrij in sessione comparuerunt, & timuimus aliquem disordinem,
 ac proinde maluimus prolongationem promovere, quæ & concessa.

4ta. Fuimus ad combinandum scriptum ad Archivum, voluit Car-
 dinalis ut ad Suecos scriberet Resp. & peteret pacem ab illis, cum bel-
 lum tolerare non possit. Sed id non est visum ex honore Reipub. Duo
 dies impensi sunt combinationi contributionum, sed die 7ma D. Tar-
 lo Culinæ Regni Præfectus ebrius fecit insultum D. Mescinski Colo-
 nello in Senatu, inde vix non fuit ortus tumultus; & solvi debuit sessio.
 Interim quidquid illud peccati & facinoris fuit, ut mos est, etiam fortu-
 ita ad culpam trahere, & nulli in contrarium deest causatio, qua cul-
 pam suam elevet, Rex gratiam indulgit, & causa hæc fuit in privato ac-
 commodata quanquam huic actioni honestam non poterant prætexere
 libertatem. Per tres dies continuos, horas 15 quandoq; sessionibus im-
 pendimus cum magno labore meo, non ut me venditem hæc scribo,
 nam non is sum, qui ita mihi placeam, ut quod de me alii, sentiant
 sus-deque feram.

Tandem à decima hora matutina usq; ad noctem disputatum, &
 vesperè facto svasit D. Cardinalis, & D. Thesaurarius, ut sessio in crasti-
 num differretur, sed ego suspecta videns consilia petij, & suasi Regi,
 ut noctem impenderet totam, ut & factum est, horâ quintâ matutinâ
 lectum scriptum ad Archivum, & Constitutio de contributionibus, &
 horâ secundâ post meridiem in absentia Cardinalis Primatis qui abiê-
 rat, nec ita citò speravit finem, finita sunt gloriosissimè Comitia, & tan-
 ti in casum non cecidere labores, nam à longo tempore, cum tanta
 concordia, cum tanto plausu, & utilitate Reipub. non fuere, modò in
 executionem constituta veniant. Ivimus in Ecclesiam, & tunc venite-
 tiam & Cardinalis, & summa cum devotione cantatum Te DEUM
 laudamus, & post prandit apud me Princeps Wisniowieccius Mare-
 schalcus cum ingenti numero Senatorum, & Equestris Ordinis unde
 caput parum dolet, & finio cum fine Comitiorum, in quibus quæcun-
 que dixi, quoniam similia cupis, libens tibi ut amico adnecto.

*Joannes
Przedemski*

LXVII.

ANDREAS C. ZAŁUSKI PRINC. EPISC. VARM. ET SAMB.
 SUPREMUS REGNI POLONIÆ CANCELLARIUS NUNCIIS RE-
 gem salutantibus in Comitijis Lublinensibus 19 Junij ince-
 ptis respondet.

BEnè venerint lectissimi Filij Coronæ, & M. D. Lit. Portitores li-
 bertatis, Tutores indemnorum & legum, Hæredes illibatissimi,
 delicatissimi, & ab omnibus propè Regnis, ac Imperij invidendi
 Thesauri. Advenientes fausto utinam pede, bonis avibus bonum Ave-
 dantes, resalutat S. R. Majestas Dñus meus Clementissimus. Venite &
 videte, finito lingvæ officio aperiantur oculi, videte opera non Phidiæ,
 non Lisippi, non Protogenis, verum opera Domini. Opera nimirum
 sunt jam non verba, quodsi adhuc videantur verba, verba sunt per o-
 culos ad cor loquentia, verba conspicua; cunctus populus videbat vo-
 ces. Venitis & videtis Regem in decore suo. Quia non est splendidior
 Corona præter hanc, de qua facer Textus; Circa illum corona Fra-

A.C. 1703

trum, non est comitatus Aulæ dignior: in multitudine Populi dignitas Principis. Quid esset sol absq; radijs? Vos estis radij, non Vestro tantum bono Serenissima relucet Majestas, sed Vestrâ luce etiam resplendet. Si ego Aquilæ, Vos Alæ. Quid decentius? quàm omnes lineas ad Centrum suum convenire? cœli sphæras cum primo suo mobili concordare? apes ad suam Matrem convolare, communi Reipub: profuturas, dulci extendentes nectare cellas. Gratissimum est S. R. Mti Dño Nostro Clementissimo, videre filios sicut novellas Olivarum in circuitu; jucundum est audire gratas voces, quoties aperiuntur intimè corda Vestra, plena avito, & prisco candore. Imparem suis votis, & paternis affectibus reputaret metam, si nudis verbis promissa constarent. Sed illo stylo singulorum protestationes intelligit, quod non aër, quo verba traduntur, sed pondus inest verbis. Non redduntur contenti Magni Principes, pretiosis muneribus, quibus Serenissima Regia abundat, hoc unum par est Majestati munus; sincerum purumque cor subditorum, quod sicut perfectò admittunt gustu, ita mutuis grati animi desiderant testimonijs remunerari. Atq; ideo vellet S. R. Mtas D. N. Clementissimus vicissim animis, non auribus loqui singulorum. Optaret Regium suum pectus perinde conspicuum esse universis, atq; illa fuere mutuae benevolentiae adyta, quæ Platonici ex purissimo crystallo fieri exoptabant, ut omnibus animus pateret singulorum. Non cedit Magni Augustini desiderio Serenissimus AUGUSTUS Noster, qui optabat vitreos Mortales, atq; suam propè Majestatem, desiderat esse Seren: AUGUSTUS Dñus Nr Clementissimus, quo universis pariter ac singulis demonstrare possit plenum integerrimæ benevolentiae Cor, quod non aliter liquefit, in Vestræ contestationis æstu, atq; hybernæ nives in conspectu solis, vel cera propè ignem. Imò totum se ad Nos transfert, non relinquendo nisi cordis, pro corde locum, affecuratq; quod affectum, quem semel induit, retineat, sitq; ad supremas tabulas retenturus.

Mirabilis profecto fuit Ægyptiorum Principum Procerumq; consuetudo, ut toties suos convocarent populos, quoties publicos visui, non usui Colossos, aut Pyramides cogitarent erigere. Dispar est Serenissimorum Poloniae REGUM intentio; congregant suos subditos, ut non modò coram illis, sed cum illis constituent monumentum ære perennius, ponantq; Colossos, quibus pertingendo à fine, usq; ad finem, & in omnes partes ex alto prospicientes, eò firmiora providere consilia, in illisq; securitatem publicam fortius firmare possint. Si ejusmodi apparatus, atq; assistentiam spectaret ille, qui dixisse fertur: Principi nemo leges scribit, erubesceret tandem. Quia in hoc publico consilij theatro, nemo est, qui non sit legislator, & non alio fine huc convolastis universi. Spectat hoc benevolentissimo oculo Seren: Mtas D. N. Clñus, ibitq; per omnium vota Regiâ viâ, acceptando, & subministrando illa media, qualia & libertatis incremento, & Patriæ solatio, & communi commodo censebit convenire. Simul sicut antea, ita in præsentiarum, omni voto prius habebit condescendere, & suam inclinare sententiam, ad desideria & vota Ordinum Reipub. Emendaturus insanum Caligulae votum, qui optabat unam Populo Romano cervicem, ad unum ictum omnibus simul infligendum; S. R. Mtas D. N. Clñus, unam omnibus desiderat Cervicem ad amplexum. Præbit ad Bonum publicum promovendum sincerè, & Majestate, & diligentissimâ applicatione, idem ab omnibus & singulis sibi sua Mtas pollicetur; Medium non deferet unquam, cœli Phæbus iter; Communicabit Serenissimi Throni sui radios

dios universis, paratus singulos sicut accendere, splendore suo, ita vegetare, animareq. Non tædebit molestissimi quantumvis laboris, in præsentis illorum comitatu, quorum robur in armis, & pace probata fides. Congregantur nubes, ut sitientem terram cælesti rore aliquando recreent, ac refocillent. Dominus benignitatem & terra Nostra dabit fructum suum. In eam vicissim spem erigitur, quòd illum mutua benevolentia, & activitas Vestra non deseret, apud quos omne necessariis consilij robur, & sine quibus quamvis egregia invalida sunt. Non est dubium, quemadmodum de Paterna suæ Mtis, ita de mutua subditorum, & inviolabili societate. Confirmat spem illius locus ipse consilij, Societati JESU consecratus; atq; ita frequens Assistentia Mtis, quâ illam, & Patriæ famam cumulatis, cujus quia immortale olim Nomen, jam viluit, hodie per bella civilia, vel discordias, unanime decet esse omnium Nostrum studium, ut in stadio boni publici promovendi, decurrendo, ita singuli consilia nostra moderemur, ex quibus DEus Opt: Max. gloriam, S. R. Mtas D. N. Clm̃us solatium, Patria defensionem, Hostes repulsam, omnes securitatem possint decerpere. Non putandum porro est, quòd ille Supremus rerum Arbiter, qui congregatis in suo nomine, promisit singularem suam benedictionem, & assistentiam; sit suam negaturus præsentiam, Consilij Nostris, modò Nos obliqua non dissociet diffidentia, quos mutuus jungere debet amor. Procedamus ergo in viam pacis, & prosperitatis. Difficillimum videtur primum passum facere; tantillum ubi pedem ponam, sat mihi est præcipue jacienda, firmandaq; est (ante omnia) linea rerum agendarum.

En S. R. Mtas Dñus Clementissimus exemplo Regis Aragoniæ (nam & ibi celebrabantur Regni Comitia) inquit: Hodie nubo Reip. vel potius, veriusq; hodie renovo votum, nunquam violandi fœderis mei cum libertate, & confidentia ordinum percussi, quando cunctis ex more vocatis, quasi inter Hymenæi cujusdam Hilaria Regiam suam manum porrigit, ad osculum, singulos invitando.

PROPOSITIO DICTA NOMINE SERENISSIMI REGIS
ab eodem Supremo Regni Cancellario primo itidem die inceptorum Comitiorum Regni Lublini 19 Junij ad Senatores, & totam Rempublicam congregatam.

Locum hunc in quo Vicaria S. R. Mtis potestas justitiam sitientibus administrat, inimicæ Reipub. circumstantiæ, ad danda jura, legesq; ex necessitate vernis, quàm libera voluntate, destinaverunt. Casus agit virtutis opus, quando lucens & lugens aliena delicta, Resp. damnata antequam rea in medio congregatorum ordinum suorum constituta, sua fata narrans, contribules cives (nam fermè universi parifato, pœnâque plectuntur) classico inimici excitata judicialiter compellat; quis lachrymas Matris extinguet vestræ? ecquod remedium tam gravi erit malo? Erigit in hoc publico theatro, Regina libertas, iniqua pressa jugo sua jura plangens, gravem memoriam, acerbamq; præteritarum calamitatum, producit scenam deplorandam malorum præsentium, justum metum excitat futurorum. Conqueritur dolentissimè: vos videntes hoc, non videtis, sentientes non sentitis. Interrogat vos; quonam usq; feretis exitiale jugum? Respicite quæso Patriæ vestræ Provincias; Tellus hæc, nidus vester est gratissimus, à quo primam vitæ auram traxistis. Excitat è lethali somno, sepultam Regni gloriam. Aeneas

*Tribunalis
Regni Lub-
lini peragi
solent judi-
cia.*

AL. 1703 nea potesne securos hoc sub casu ducere somnos? Hortatur nos dolens; & charissima nostra Parens; induere fortitudine tua, excutere de pulvere, consurge, solve vincula colli tui, captiva filia Sion.

Repetamus exactorum memoriam temporum, præterita recolamus, an aliquando Polonia passa fuerit, quibuscunq; demum fulminibus aut procellis se deterreri, quoties rite atq; legitimè consilia sua ordinabat, quoties media defensionis tempestivè providebat, quoties venenum boni publici, & plurimorum fontem malorum discordiam è medio sui eliminabat: revocando sibi in memoriam veterem illam patriam; quod ipsius quoq; cœlestis Sphæræ Machina rueret, caderetq;, si civium illorum animos posset discordia subintrare. Præterita recolamus; quando innatus amor Patriæ, agebat, stimulabatq; Polonos ipsa animi magnitudo, vigorem suppeditabat: retinebant, confirmabantque consilia. Nam etsi quandoq; contingeret, humanam providentiam privatorum immemorem offensarum, suas reposuisse, & alteri tempori reservasse vindicias, & tamen semper media suggerebat, quæ verus in publicam tranquillitatem dictabat affectus, & amor incorruptus. Generosi civium animi, nullis difficultatibus exterrebantur. Quo graviore motus occurrebant, eò gloriosiores palmæ legebantur. Siquidem ingenium naturaque palmæ est, contra adversa surgere pondera, ipsisque attolli oneribus. Molles ferire dedignantur metas fulmina. dura petunt, franguntq;. Fortis leo suimet sanguinis profluvio ingentem sitim temperat: illi animus maximè erectus est negotii magnitudine.

Excitat S. R. M̃as Dñus meus Clementissimus pristinam annorū elapsum recordationem, & præsentis cum præteritis confert, comparatq; tragœdias. Reducit in memoriam, cordis Poloni semper sibi similis, constantiam; quod neque prosperis fortunæ Ethesiis attollebatur, neq; secundis rebus nimium confidebat, neque tandem adversis succumbebat, aut deficiebat, sed eundem semper ordinem, statumq; servabat, ubiq; veram sui referebat imaginem. Præsentia respiciamus. Non reperiemus in Annalibus Poloniæ, extitisse aliquando corda civium Regni hujus, & M. D. L. inter se ita discordantia. Privatorum amor commodorum distrahit, discerpitq; colligatos publicâ unione affectus. Ut aliqui juventur, plectuntur patiunturq; universi: Manifesta boni communis oblivio, sumit vires: inhumana sævities in proprium sanguinem arma cudit, contra jus & fas ipsiusmet naturæ. Inde est, quod omnia desiderabilia nostra, versa sint in ruinas; non existimo enim ita infelicem esse in toto orbe terrarum Rempubicam, quæ minus habeat apud suos cives, filiosq; amoris, atq; Polonia. Omnia magis curamus, quam nos ipsos. Unde timendum est, non ex vano; ne mala quibus premimur, non tantum non desinant, sed ne vincant. Quando jam hodie omnibus calamitatibus obvia Respub. nostra, infesta lassat fata, & excutere jugum impositum, non tam nequit, quam non vult. Ecce pulchritudo & claritas nostra desolata est; cui aut non credet posteritas nostra aut non ignoscet. Quare tam præterita, quam præsentia respicientes, comparantesq; sæcula futura provideamus tempestivè. Excitamur ab illo, qui præsidet. Permovit hic sonus S. R. M̃tem Dñum nostrum Clementissimum, qui omnes nos affatur; vellem omnes vos esse sicut me ipsum. Obsecro vos, ut salvi esse velitis. Nihil à vobis desiderat, nisi ut sepultam Poloni nominis gloriam erudere, suscitareque contendatis, & antequam de vobis opinionem postliminiò reducat, convenientem unicuiq; securitatem providendo, singula servari toti-

totius interest.

Inspirat universis æquè ac singulis, veram, puramq; ad bonum publicum animi propensionem, & mutuum Patriæ amorem, quo inflammati contendamus ad metam sine metu, ponamus studia, sequamur antiquos mores, donemus occultas spes utilitati Reipub. sine affectu. Optat ut scopus consilij nostri non alius prætendatur, nisi salus publica. Prodromus seu ductor necessitas. Comes unio animorum & concordia. Satis abundeq; loquitur, qui amat: satis & ego dictum arbitror illis, qui me dicentem intelligunt.

Non onerat vos S. R. Mtas gravi & prolixâ propositione, ut tantò celerius ad metam pervenire possimus præsentis consilii. Uno illo Gorgiæ utitur vocabulo: proponite; proponite inquam id, quod ad integritatem Reipub. spectat, quod solidam unius Patriæ defensionem concernit. Proponite desideria fratrum vestrorum, respondebit affectu Paterno, & quæ statim concedi possunt, sine cunctatione tribuet. Proponite & deponite in sinum paternum. Conferte ad invicem vobiscum, in fiducia plena & sincera; accedite ad thronum gratiæ fiducialiter cum secura spe omnimodæ satisfactionis, & consolationis. Qui molem aliquam erigit, altior, à profundo incipit fundamento, qui evertit ædes, aut prostrernit, à supremo tecto inchoat. Ut perfecta præsentis consilii coalescat structura, fundamentalia nobis tractanda sunt, omissis inanibus. Non modo audimus, spectamus, verum etiam sentimus intimè nostra mala, quæ nos undiq; circumstant. Lactabamur hucusq; vagâ & vanâ spe componendi Tractatûs pacis, solo ostentatorio, & nudo promissorio circa quod stabiliendum omni conatu, omni studio (vivit Dñus) laborabat S. R. Mtas, Dñus meus Clementissimus. Deponerebat & seponerebat Mtem, ut ad eum finem pertingeret, qui publicæ calamitati posset esse terminalis. Quærebat & apud externos Principes media, ad hunc finem obtinendum; non omittebat ad intra quidquam eorum, quæcunq; ex re, vel in rem pacis videbantur præstanda. Desiderabant nonnulli, ne hostis infestis à nobis irritaretur armis, fecit hoc Rex Clementissimus, quanquam invitus, refrænando heroicam suam indolem, ad res agendas promptissimam, quamvis probè intelligeret; hostem non domare, cum potes, est armare ut pereas. Quemadmodum postea contigisse palam est. Nam S. R. Mtis militia, nihil minus sperans, circumventa est, & non ita deleta, sicut dissipata, dispersaque. Nihil amplius exarbitravit, quàm ut posset generositate nixus, nec timide nec tumide cuncta gerendo dare orbi quietem, & sæculo pacem suo. Veruntamen cuncta hæc studia diligentissimæ ipsius non correspondere applicationi. Proinde extraditis universalibus suis literis pro communi omnium Regni & M. D. L. Provinciarum expeditione, & rem populi populo relinquendo, Comitibus Reipub. Generalia ad mentem omnium ordinum indulgere dignatus est, ut Rempub. relinqueret in manu consilii sui. Quando jam nulla spes refulget concludendi tractatûs pacis; quando jam Regia non tantum penitis exhausta, sed jam per jugulum ab hoste trahitur. Quid ulterius agendum, quoq; modo adornanda sit publica defensio? audiet sensus vestros, & parem consiliis diligentiam suam applicabit. Nullibi promptior ad consilia monstratur via, quàm ubi Magistrum agit calamitas. Discernat Respub. & decernat, cui viæ sit insistendum? si habere possumus fructum laborum, & laborum nostrorum pacem, hanc S. R. Mtas Dñus meus clementissim⁹ non tantum non refugit, sed avidis spectat & expectat oculis, si quis e-
jus

A.C. 1073 jus radius affulserit. Nam utilius ac melius arbitratur frui pace, quam bello vexari: verum quando desiderata pacis oleam referre non possumus, votis hostem frangere non poterimus; fortuna non est socia nihil conantibus; aut propria vires ad id præstandum adhibenda, aut tandem auxiliares externorum Principum copiae invitanda nobis sunt. Domesticum robur in publica Provinciarum expeditione, & stipendiaria militia, nec non in novis auctoramentis consistit. Proponit igitur hoc S. R. Mas Dñus meus Clementissimus diligentissimæ omnium ordinum reflexioni, & commendat, atque optat ex corde, ut ante omnia hæc sit materia consiliorum, votorumque omnino concludendorum; ad media deinde indifferibilis executionis accedendum erit. Ad te o inclytum Regnum spectat, demonstrare aliquando, quod sicut olim innumerabiles hostium legiones fugare, frangereque consueveras, & invidiam vicinorum, nec non orbis expectationem vincere; ita & nunc, quando nos ad præclara quæque absolvenda, consumendaque DEus Optimus maximus ducit, tempus urget, virtus accendit, totus quantus expectat orbis, dum tempus habemus operemur bonum. Secundus modus salvandæ Reip. constat colligationibus cum externis Principibus, quas quia non optabat S. R. Mtas Dñus noster Clementissimus, sine Comitibus, atque omnium Regni Ordinum consensu concludere, subijcit hoc arbitrio Reipublicæ totius, insinuando, quod sine præfatis colligationibus vix possumus subsistere. Melius enim esse duos, quam unum. Habent siquidem emolumentum securitatis suæ, si unus ceciderit, ab altero fulciatur. Quò verò celerius præfata media fuerint adhibita, tantò promptius publica quoque calamitas, siue per pacistractatum, siue per justum bellum declinari poterit.

Post primum propositæ securitatis punctum ponit ante oculos Reipubl: S. R. Mtas Dñus N. Clm̃us emerita Regni militiæ stipendia, & satisfactionem. De quantitate debitæ, & inevitabilis recompensæ otiosum esse loqui, cum omnibus palam sit illius necessitas. Proinde omnino concludi debet realis satisfactio. Cum verò totam Regni sui Militiam S. R. Mtas D. N. Clm̃us singulari omnium recordationi commendat, non potest Generalissimorum Ducum Militum oblivisci, qui cum notabili fortunarum suarum jactura, tam difficile officij sui Provinciam hætenus impleverunt. Faciet S. R. Mtas, quantum ad suæ munificentiae spectabit exemplum, interim confidit quoque memoriæ gratæ Reip. quòd tam insignibus promeritis suum non denegabit respectum.

Artilleriæ, tanquam præcipuam defensionis, & victoriarum rationem habendam esse censet S. R. Mtas D. N. Clm̃us. Sine illa enim maximi etiam Exercitus vix possunt aliquid insigne, præcipuumque operari. Proinde de conservatione, & reparatione illius sine mora cogitandum, agendumque hic arbitratur. Ex hac occasione Illustrem Palatinum Cracoviensem emeritum utraque Pallade Civem suo inprimis paterno cordi impressum, singulari commendat respectui. Incendium Rebellionis Cosaticæ dexterâ Domini, & armis Polonæ militiæ feliciter extinctum, post Generalissimos Exercituum Duces, quorum primus auctoritate, & debitâ dispositione; Alius suæ præsentiae assistentiâ bellum hoc adornavit, in Comitatu Illr̃morum & Generosorum Principis Castellani Vilenensis, Palatini Kijoviensis, Succamerarij, & Metatoris Regni, Gubernatoris Chmielnicensis, & aliorum, qui & gazas suas & vitam impenderunt, ut procellam hanc gloriosè componerent, debemus universi. Meruit gratam recordationem Palatinatus Volhinensis, in quo inter primos

*Martinum
Kazcki*

*Hieronymus
Lubomirski
Adamus
Sieniawski.*

*Janus Wi-
sniowiecki.
Josephus Po-
tacki*

*Georgius
Lubomirski*

mos eminuit Illustris Castellanus Volhiniæ. Rependent suum cuiq; de-
cus, tam præsens ætas, quam ventura posteritas. Quia tamen in hunc
usq; diem fortalitium Bialocierkeviense hæret in manibus iniqui pos-
sessoris, interest cogitare, ut quamprimum nobis restituatur.

A.C. 1703

Wielkowski

Occurrunt hic, & se insinuant complures aliæ, tam difficiles, ac
pernecessariæ ad trutinandum materiæ, sed quia illæ moram aliquam
requirunt, naturalis verò defensionis, sive per auctionem militiæ, sive
per Colligationes, inevitabilis, & manifesta est necessitas, quemadmodū
& solutio stipendiorum militiæ debitorum, & restauratio Artilleriæ, nec
non repetitio Bialocierkeviensis Fortalitij, sunt prima & præcipua ob-
jecta deliberationis, præsentium Comitiorum, pondere suo, non nume-
ro debent æstimari.

Unum adhuc punctum restat, quòd non ex oblata publicè pro Co-
mitijs Instructione, sed ex paterno S. R. Mtis D. N. Clm̃i promanavit
affectu; hoc nimirum; quòd optaret ex corde Sua Mtas, ne amplius
Terrestres Nuntij, ab aliis duobus Regni Ordinibus, etiam loco divi-
dantur. Tot enim tamq; necessariæ materiæ in tam angusto temporis
spacio, junctim atq; indivisim commodius, & facilius possent examina-
ri, discutiq;. Non libenter ergo jam Vos optimus Pater à conspectu suo
dimitteret, optaretq; reliquum hoc publicæ consultationis tempus sibi
à vobis donari. Quando ille quoq; neq; solitudine, neq; studio in pro-
movendo Bono publico se vinci ab ullo patietur, quando & illas horas,
quas suæ quieti aut solatio, aut remissioni, otioq; posset dedicare, indi-
spensabiliter constituit, impendere curis publicis. Præteriti Poloniæ Re-
ges martirij sui nomine Comitia Regni appellabant, & fortè jure meri-
to. Nobis enim prodire, redireq; atq; mutare subsellium licet, Mtas ve-
rò postquam semel conscendit solium, nunquam suam mutat stationem,
atq; ideo serò ad Senatum venire consueverant. S. R. Mtas D. N. Clm̃us,
audire Comitiorum consilia, ultrò quærit, & ambit. An non est par ad
reciprocam excitari correspondentiam? nimirum ne Vos subtrahatis à
conspectu benevolentissimi Regis, qui delicias esse suas ducit, vobiscum
Conclavi uno contineri.

Diffamavit Nos malitiânè humanâ? an data à Nobis ipsis occasio,
quòd mutuâ inter Nos discordiâ laboremus, quòd sit ingens inter sta-
tus diffidentia. Confundamus hac actione obliquas aliorum de nobis
interpretationes, ne scilicet amplius à Nobis separemur, semel in unum
congregati. Sument ab exemplo nostro animos reliqui cætus, qui per
omnes Palatinatus instituuntur. Amittet cor, animumque hostis, post-
quam de tam stricta & indissolubili nostra audiêrit unionem. Quodsi a-
getur de conservatione jurium Conclavis Terrestrium Nuntiorum, hæc
non cogitat tangere S. R. Mtas D. N. Clm̃us, quinimò sicut Augustus I.
maximis Conclave hoc auxit prærogativis, ita non modo in hac Re-
giæ munificentia laude Antecessorem suum desiderat imitari, verum
etiam superare. Cum igitur de præsentibus Comitijis extraordinariis
debet scribi constitutio, facile poterit hoc punctum superaddi; ne in
futurum nisi in similibus (quæ divina procul à nobis avertat manus)
similis trium ordinum fiat congregatio. Præterea in Conclavi Nuntio-
rum scribuntur jura & leges, eadem hic quoque scribentur in præ-
sentia trium statuum. Quodsi alicui placuerit, sed aliqua lege discepta-
re, aut in aliquo puncto dissentire, eadem erit omnibus hic libertas,
quæ est in Conclavi Nuntiorum terrestrium. Gratum tamen erit
S. R. Majestati Domino N. Clementissimo fugaces temporis horas unâ
vobiscum boni publici votis consecrare. Quod instanter, instantius in-
stan

stantissimè paternè requirit, spemq; certam concipit, quodsi ad extremum non rationi, quæ tamen est irrefragabilis, & nixa fundamento tam affectus paterni S. R. Mtis, quàm urgentis necessitatis, saltem cedetis affectui invitantis.

Quo ex re boni publici & ex mente Principis mei (nam ad mentem ignoro loqui) purâ simpliciq; suadâ communicato, finem impono; hæc est via, ambulate in ea. Nam hic quod asseritur; veritas, quod suadetur; utilitas, quod promittitur benignitas est.

VOTUM EJUSDEM IN IISDEM COMITIIS.

ITA sunt pretiosa præsentis consilii momenta, ut piaculum quoddam videatur in nudis allocutionibus, & otiosis Propositionibus illa deterere, consumereq; quando infelicitas Reipubl, facta non verba requirit. Res agenda, dictis non est opus. Aut silere ergo oportet aut adferre meliora silentio. Quare brevissimè sine præludio post debitæ erga S. R. Mtem D. N. Clmum fidelitatis meæ, & ingenitæ erga Rempub. sinceritatis, ac consuetudinis meæ contestationem, accedo ad hoc, quod est primum horum Comitiorum objectum. Dant animum ad loquendum ultimæ miseriæ, quas non exaggero, quæ Nos non tantum nunc premunt, verum & in generatione altera legentur, sentienturq;. Nullus adest, qui sit publicæ ignarus calamitatis. Non amplifico causas nostræ infelicitatis, hanc nihilominus inter præcipuas repono; quod errarintq; consilia nostra hætenus, quia non habebant metam, ad quam dirigerentur. Promittebatur nobis pacis tractatus, & quia illum optabamus, facile promissis credidimus. Ecce verò finis nullus, ubi finis putabatur. Bellum inchoare non potuimus solidum, quia non licuit contemplari, quæ videntur, sed quæ non videntur. Credere jubebamur, discutere prohibebamur. Hospes ille nonnullis aliquando gratissimus, hodie gravissimus universis. Quid igitur nobis agendum nunc? ego censerem nondum ita nos esse perditos, ut despectui simus. Tam frequentibus circumventam malis Rempublicam ex tam difficili discrimine vindicabimus, si unum DEUS Opt. Maximus pro conscientia nostræ officio cordi profundè impressum, si unam Religionem, si unam legem, si unum Regem præ oculis habuerimus, si ad mutuam omnes sincerè concordiam redierimus privatisq; injuriis condonatis, id ipsum dicamus omnes; ut non sint inter nos schismata.

Malè fuerunt natæ Athenæ, juxta cōmenta Poetarum; quia inter disputationes acerrimas DEORUM; verum longè deterius perierunt, quia inter discordias civium pertinaces. Non facio comparisonem, sed vehementer reformido, ne similes præmissæ parem (DEus avertat) adferant consequentiam. Dico proinde, quod ante omnia necesse sit; ut ponamus odia in perniciem Patriæ itura. Primus do exemplum & deprecor ex statione mea si fortè cuipiam vel minimam offensæ occasionem præbui, polliceorq; inviolabiliter seriam emendationem, paratus sensum meum pro Repub. toties mutare, quoties quidpiam salubrius in rem ejus advertero. Nunquam enim fui pertinax in sententia mea, plus æquo propugnanda, magis dicendo, quàm docendo, confirmaturus voti mei sensum.

Concordiâ mutuâ pro fundamento positâ per debitam animorum, & affectuum compositionem, assumamus hoc, per quod infallibiliter possumus eluctari. Si Pacis tractatus conciliari potest, quis illum non optat? quis non desiderat? quodsi verò illius consequendi, parva aut
nulla

nulla spes, procul omni morâ, amplectamur defensionem & arma.

Duas vias salvandæ Reip. in sua propositione demonstravit S. R. Mtas Dñus Noster Clm̃us: Non alterutram, sed utramq; amplecti par est. Et quamvis audiverim certum discursum colligationibus repugnantem; nimirum: quòd emptori volenti observare dentes equi vendibilis, aliquando Venditor responderit; noli, inquit, respicere dentes hujus equi; optimè enim manducat, quamvis parum laboret; facta deinde applicatio ad propositas cum externis & vicinis Principibus colligationes; quòd. scilicet plurimum consumant, & parum admodum profint; non diffiteor ego potuisse hoc, posseq; contingere non bene ordinatis subsidiis: verum plurimum mihi placuit propositus in Sendomiriensi confœderatione modus ineundæ colligationis; ut nimirum ejusmodi nobis ferant subsidia, quæ nos per diversionem armorum, & non per ingressum in viscera Regni tueri possint. Non teri igitur tempus necesse est, sed ad necessitatem fœderum descendendum. Interim securitatem repono in præstanti militia Regni, modò in illam, non in foliis descriptam stipendiariis, aut per agros, pagosq; nostros vagantem, neq; pictam, sed realem sub signis censere possimus. Censebimus porrò, si ex æquo, & possibili, emerita prius stipendia, exsolverimus, & futura non verbis, aut subscriptionibus nudis, sed reali assécuratione firmaverimus, & providerimus.

Priusquam verò de hac materia loqui exordiar, non licet præterire usitatam eò loci, ante me consuetudinem, publicas referendi gratias Generalissimis belli Ducibus, pro indefessa salvandæ Reipub. solitudine, & cura. Illorum nullo nutans constantia casu, vitam & sangvinẽ, imò & fortunas suas Reipub. litare par est, ut nos quoq; gratæ mentis contestationem, ad hanc publici consilii aram offeramus; Sacra verò Vra Regia Mtas dignetur justitiæ oblationem adornare; hoc est, ut obtineant, quod optabant. Huc refero gratæ memoriæ testificationem animis generosis Principis, Castellani Vilnensis & Palatini Kijoviensis, Generosorum pariter Succamerarii Regni, nec non Castrorum Metatoris, Magnificorum Rubieszoviensis, & Chmielnicensis Gubernatorũ, quia illorum indefessa solitudine redempta Vkrainæ securitas, illorum armis nostra tranquillitas composita, illorum sanguinis dispendio, ac discrimine, salus, vitaq; nostra comparata. Non se ferro, sed ferrum se ipsis armabant, non expavescebant sed terrebant mortem, nunquam interrogabant, quot hostes forent, sed in quo loco consisterent? Quomodo ergo illorum gratissima non debet hic celebrari memoria? quomodo S. R. V. Mtas tanta merita singulari suo respectu non præmiari? quomodo nos dissimulare debitas gratiarum actiones possumus? qui sponte propriâ tot discriminibus se amore Patriæ obtulerunt.

*Janus Wisniowiecki
Josephus Potocki
Georgius Lubomirski*

Post grati animi officia ex sinceri cordis mei inclinatione profecta, quantumvis intra verba stetere, jam ad rem ipsam accedo. Omnino emerita stipendia militibus exsolvi debent, & futura providenda. Nimirum: tam ferreo sæculo amandus miles, & emendus. Verum unde ememus panes? unde pares debito contributiones extorquebimus? Subditi nostri ad incitas redacti, & exhausti, ut illâ penè videantur inopiâ laborare, quam describit Historicus. Tanta inedia erat, ut mendici passim proclamarent; da quod manducem, & postea interfice me. Videtur mihi prorsus impossibile, quòd liceat nobis sperare tempestivum & certum, ex solitis contributionibus supplementum: frustra mungis capram, ad tres ollas lactis, & illa hætica est. Ille, qui vult sibi a-

A. C. 1703 liquid dari, necesse est, ut demonstret, unde possit accipere, alias non potest subsistere ratio facti; quando populus nullâ vi, nullo imperio cogi potest, ut det, quæ non habet. Nemo est, qui ignoret, quomodo derelictus sit in medio nostri, populus pauper & egenus. Quare si desideramus benedictionem divinam, suscipiamus protectionem & defensionem miserabilis populi; consolemur eos, qui in omni pressura sunt; non simus graves subditis nostris. Ferant nos ac sustineant; sed perinde, atq; Christum nubes portabat; & non gravabatur, quamvis subtilis & infirma. Si volumus nobis viam à DEO demonstrari, per quam tot, tantorūq; malorū Labyrinthū evitare possim⁹. In difficillimo rerum articulo præterita bella posuerant nostram Rempub. quæ illam simul tanquam dato signo, ad permiscenda omnia, sternendaq; invaserant, quidam vir singulari insignis probitate, ex speciali S. Spiritus instinctu (ut effectus docuit) suavit p. m. Casimiro Regi Serenissimo, ut votum conciperet; pauperum subditorum egestatem sublevandi, & à gravibus, quibus premebantur, tributis vindicandi. Secutus consilium viri Sancti Rex pietissimus. Cessavit exactor, quievit tributum, & ecce illico præpotenti DEI O. M. dexterâ, qui exurgit propter gemitum pauperum, ab extrema calamitate eluctati sumus. Darent utinam boni superi, eam Serenissimæ Mri Vrä, nobisq; omnibus mentem. Quia certus sum à nullo prorsus mortalium efficacius posse inveniri medium impendentia declinandi, evadendiq; discrimina. Quia nulla potentia par omnipotentia Divina cogitari potest.

Sed dicet quispiam: Numerari debent Militiæ Nostræ stipendia emerita, & futura provideri; quod est iustissimum; ut suum consequantur præmium, qui suum Reipub: præstant obsequium. Quomodo verò debita stipendia numerari possunt, absq; Contributionibus subditorum? Grave est demonstrare viam, quam nemo amplectatur, & tritam præterire. Appareat, cuicunq; libet difficile hoc Paradoxum, ego tamen illud explico. Non eo, etsi possem ad Romana exempla, qui pariter, atq; nos etiam, suis afficiebantur libertatibus; nihilominus præter ordinarias contributiones publicas, ex suis facultatibus pendi solitas, habuerunt quoq; pensionem quandam, quam appellabant Tributum temerarium. Quoties procella quæpiam, aut discrimen repentinum Imperio imminebat, ad Capitolium se omnes conferebant; & quidquid illis in auro, argento, & ære signato supererat, mutuò dabant Reipubl. Unde quidam Scriptor Magnus, inquit, erat amor Civium erga Patriam, sed non minor fides publica erga Cives. Nam illa, quæ mutuò data fuerant, deposita iterum omnibus integerrimè cum solenni gratiarū actione restituebantur; Non recurro, inquam, ad hoc medium, quia hic posset non succedere; hic verò certitudine Physicâ opus est, quia agitur de Contractu, qui, licet habeat nomen: Innominati; do, ut des, facio, ut facias; realiter, non tantum coli, verum etiam integrè servari impleriq; debet. Verum in memoriam imprimis revoco, modum contribuendi propositum in Comitibus ejusdem à zelosissimo Ministro M. D. Lit. Procancellario. Petiit protunc contributionem solidariam; denegavit Respub: seu potius nonnulli ex Proceribus fuerunt contrarii, ideo, quod Respubl: illo temporis intervallo, tanti fuisset, ut plus solidò posset in suæ tuitionem conferre securitatis. Nunc verò cum sit ad tantas Respub: redacta angustias, cur pro suimet conservatione, solidū hunc negare debeat, non video. Supplicat cum mendicante Bellisario afflictissima Patria; Date Obolum. Objurgat amantes filios, emollit lachrymis

chrymis indurata, si quæ fortè sunt corda, ut in hoc casu rejectis in aliud tempus privatis offensis, aut injuriis pro hac sola vice, non præjudicando (quod metuebatur, & adhuc fortè metuitur) cursui Comitiorum, dispensare, indulgereq; velint, quantumvis superari aliqua deberet difficultas. Præstat aliquos potius gravari, quàm totam Remp. (DEUS avertat) mergi. Quia si pondere hoc, quod nunc urget, nonnulli flecti nolumus, fortasse frangemur universi.

Memini ante receptum nobis à Turcis Camenecum graves fuisse Nuncios Palatinatus Podoliensis ad assentiendum cuidam contributioni, ad quam extradendam tota quanta Respublica jam consenserat. Avunculus meus, s. m. protunc Regni Procancellarius fortiter cum illis exostulabat, & cum neq; rationibus neq; precibus flecti, moveriq; possent, ut in aperta illa, graviq; necessitate Reip. à privata vellent recedere pertinacia; cum nec suadendi locus, nec ratio esset, his formalibus illos, me audiente, affatus est: Vultis Dñi mei hac vestrà pertinacia perdere Remp.? non est dubium, quia periclitabitur, veruntamen superabit tandem aliquando difficultates, & procellas; Vos verò primi peribitis. Dictum, factum. Nam eodem anno Camenecum expugnatum à Turcis, & Podolia recepta. Ita non desunt sapientiæ increata media, prius illos perdendi, qui se publicæ opponunt felicitati & saluti. Audeo proinde supplicare, ut, si quis vellet contradicere, tam justis, tamq; facilibus mediis, salvandæ Reip: donet hoc utilitati, & necessitati publicæ, ne impediatur tam facilis à tam gravi debito, molestiq; expeditionem, & militiæ stipendiariæ manutentionem in futurum in obsequio Reip. Non deerunt alia quoq; quæ etiam ego suggerere possum media; sed optarem ad hoc punctum componendum assignari Deputationem à S. R. Mte Vra ex Senatu, & à Mareschalco, ex conclavi Nuntiorum Terrestrium, ut Arbitri Deputati de mediis mutuò conferant, & illa jam postea condicta, proponant Reipublicæ, sinè arbitris. Quia multa possunt ejusmodi reperiri, quæ prius impediri possent, quàm proponi solide. Antiqua consuetudo fuerat Comitiorum, ut per Deputatos tractandæ conferentiæ, destinarentur, aut circuli, in quibus materiæ condicebantur. Projecta scribebantur, moles curarum devolvebatur.

Sunt tot materiæ, quæ dividi possunt inter deputandos alios, ad has, alios ad illas facilitandas. Constituanturve Deputati in primis ad ordinandos gradus colligationis; alij, ad combinandas prætensiones exercitûs; alij ad inveniendâ media sublevandæ Patriæ ab oneribus.

Satisfiet hac ratione tempori, quòd admodum est compendiosum, & breve, quando simul & semel omnes sessiones expediri absolveque poterunt. Postea verò relationes ad omnes pervenire, & mutuò consensu fraternè stabiliri. Quod enim omnes tangit, ab omnibus cognosci debet. Gravis profectò est procella, gravis casus involvit nunc Rempublicam, verum si efficacia adinvenimus media, poterit doloris magnitudo, gaudiorum ubertate superari.

Asper quidem est ventus, qui nos afflat, dicebat Augustinus, & classem impellit, sed erit prosper cum labore; sed citius ad littus nos deducet.

CONFOEDERATIO ITERATA MAJORIS POLONIÆ Oblata confederationis Posnaniensis & Calissiensis Palatinatuū 6 Julij.

AD officium & acta præsentia castrensia Wschovenfia personaliter veniens Generosus Andreas Kozierowski, Magnifici Petri Jacobi

A.C. 1703

bi à Paradyfz Bronifz, Capitanei Pyzdrenfis, confœderationis Pofnaniensis & Califfienfis Palatinatum Mareſchalci aulicus, nomine ejuſdem Magnifici Dñi fui, obtulit officio præſenti ad acticandum & actis præſentibus ingroſſandum, literas confœderationis, præfatorum Palatinatum Majoris Poloniæ, in Conventu particulari Sredenſi proximè præterito ſancitas, manu propriâ ejuſdem Magnifici Mareſchalci ſubſcriptas, ſigilloq; ejus communitas infra ſcriptas, quarum tenor de verbo ad verbum ſequitur, eſtq; talis:

In Nomine Sanctiſſimæ Trinitatis Amen.

Nos Confiliarij, Dignitarij, Officiales, & Equeſtris Ordo Poſnaniensis & Califfienſis Palatinatum ad Comitiola ex limitatione pro die 9 Julij incidentia Sredæ congregati, volentes in illis rebus ſecurrere laſpis & de interna ac externa Palatinatibus proſpicere ſecuritate, nec interim ſecundùm tam pia intenta procedere valentes, conatus noſtros, annihilante quorundam malevolentia; qua factum eſt ut ruptis præſentibus Comitoliſ liberè conſulendi & ſentiendi activitaſ ſiſteretur, acceptâ notiâ in iſdem Comitoli� à reducibus Lublino Legatiſ noſtris, quos illuc nemine contradicente ad extraordinaria Regni comitia duas hebdomadas duratura de medio noſtri, in ſecundis per iterata S. R. Mtis ad Caſtra Palatinatum noſtrorum univerſalia designatiſ in commune de Repub. conſulturos deſtinaveramus: qualiter eadem malevolentia quibuſdam perperam adinventiſ procuratiſq; proteſtationibus, quarum nullam ſub tempus noſtrorum comitiolorum illatam audivimus, activitatem ijs inſubuit, & à communi Reipub. conſilio per ſpeciem inæqualitatis illorum cum aliis Palatinatibus, ſeparavit præſentiaq; comitiola conſuñare negavit Hinc nolentes eſſe ſine conſilio domi, ſine armis foris, videntesq; undiq; in Palatinatus noſtros ingruentia pericula & diſcordiam pernicioſi eorundem Palatinatum per diſſolutionem inſolito prorsus modò comitiolorum intentam, conſugimus ad media in hac Repub. toties practicata, ad confœderationem ſcilicet, quam more majorum noſtrorum & exemplo pro fide Sancta Romana Catholica, Eccleſijs & aris Dñi, Mte Regia Sereniſſimi AUGUSTI II (ſalvo per omnia vinculo pactorum conventorum ex vi juramenti Regii promanante) pro juribus Regni & M. D. Litv. libertatibus & prærogativis, ſanguine Anteceſſorum noſtrorum partiſ, juramento & tot privilegiis Sereniſſimorum Regum ipſiuſque Sereniſſimi Regis AUGUSTI II feliciter moderni roboratiſ, in quibus potiſſimum ceu fundamento libertas noſtra ſubſiſtit, defendendis & tuendis condimus, conſtituimus, vinculumq; hoc noſtrum juramento infra poſito roboramus, proteſtando coram DEO; qui ſolus penetralia cordiſ inſpicit, noſ ad hanc colligationem mutuam non niſi ſalute publicâ & conſervatione jurium Patriæ, ut illa in eodem ſtatu, in quo ab Anteceſſoribus accepimus, poſteris & ſucceſſoribus relinquamus, non autem per rationem aliquorum molimini, à quibus procul mentem & intentiones noſtras removimus, paciſ utpote amantes, eamq; & integritatem jurium unice deſiderantes, induci & inductos eſſe. Proteſtamur coram S. R. Mte noſ pro ejus conſervanda dignitate (ſalvâ integritate jurium noſtrorum) ſanguinem, vitam, & fortunas noſtras immolare paratos eſſe, manifeſtamus noſ coram univerſa Repub. tanquam communi matre noſtra, quæ noſ omnes complectitur charitate, noſ non ex intentione & reſpectu excitandæ alicujus conſuſionis & turbarum, quibus Regna evertuntur, & Dominia ad incitas rediguntur: ſed merè intuitu reſtaurandorum ju-
rium

rium & libertatum nostrarum, defensionis tam Palatinatum nostrorum, quàm totius Reipublicæ nostræ, inhibitionis damnosarum factionum, reductionis jurium quæ ex suis cardinibus mota sunt, deniq; ex ratione probationis, quòd legitime Nuntios nostros in iteratis Comitoliis absq; ulla contradictione electos, ad extraordinaria Lublinsia duarum hebdomadarum Comitia destinaverimus, hoc salvandæ libertatis medium arripere conjurando & obligando nos ad Sacræ Romanæ Catholicæ fidei, Ecclesiis Dñi, integritati Patriæ, Mti R. AUGUSTI II. (salva integritate jurium nostrorum) juribus Regni & M. D. Lit. libertatibus & prærogativis, honori personæ & fortunæ Mareschalci nostri, & Senatorum Consiliariumq; nostrorum, & vicissim Mareschalcum cum Senatoribus & Consiliariis nobis invicem, nemine uno alterum deferente aut se separante, sed mutuò singulis singulos defendentibus, sangvinem ad supremam usq; guttam impendendum, assistendum, pectoribusq; nostris pro muro propugnandum. Cui præfato Marescalco Confœderationis nostræ, omni securitate, quo ad vitam, honorem & fortunam, consulturos & prospecturos declaramus, eumq; ab omni in omni casu impetitione evicturos, nec citius hunc nexu dissoluturos, quàm & ab intra & ab extra universa Respub. pacificata fuerit, & jura, libertates, prærogativæ, quæ sua firmitate exciderunt, servatis gradibus in Comitijs consultandi pristino restituantur statui. Ad quæ fidem, honorem & conscientiam nostram obligamus. Ut verò cuncta suo ordine tractarentur, invitavimus & elegimus in Mareschalcum hujus confœderationis Petrum Jacobum à Paradyz Bronisz Capitaneum Pyzdrensem, declarantes illi omnem modestiam, quodq; quæcunq; præfatus Mareschalco cum Senatoribus & Consiliariis in rem & commodum boni publici constituet, pro rato & grato habebimus, jam nunc ad executionem (dummodo ea pertineant ad conservationem libertatis) deducere concedentes. Omnem insuper Authoritatem tribuimus & facultatem damus eidem Marescalco convocandi nos universalibus, ubi id necessitas & quando postulaverit. Speramus interim huic tam sanctæ confœderationi nostræ universam nobilitatem adstituram, ad quam præviâ nostræ promptitudinis fraternæ commendatione Senatores & universos confratres Palatinatum nostrorum invitamus. Quæ omnia ut nobis mutuò præstemus, datam fidem nunquam falsuri in has juramenti rothas conjuramus. Et imprimis Mareschalco:

Ego NN. juro Domino DEO Omnipotenti uni in S. Trinitate, me ex voluntate Confratrum Posnaniensis & Calisiensis Palatinatum in Comitoliis ex limitatione die 9. Julij incidentibus ruptis confœderatorum, susceptum ministerium Mareschalcatûs Confœderationis sine ulla partialitate (secundum id quod mihi per Confœderationem scriptam commissum est) gesturum & insimul cum Senatoribus & Consiliariis uti etiam Confœderatis Confratribus pro Fidei Sacræ Romanæ Catholicæ, Ecclesiarum Domini, Majestatis Regiæ AUGUSTI II. (salvo per omnia vinculo pactorum conventorum ex vi juramenti Regij promanante) item jurium, libertatum, prærogativarum Regni, & M. D. L. jurium omnium Cardinalium omniumq; Confratrum in subscriptionibus hujus Confœderationis expressorum ad effusionem ultimæ guttæ sanguinis mei defensione laboraturum & staturum, nec functioni meæ Mareschal-

A.C. 1703 tali renuntiaturum, donec Respub: tam ab extra quàm ab intra pacificetur, & jura nostra, quæ ex orbita sua mota sunt, ad suum statum esse, & vigere reducantur. Causas omnes ad judicium meum Mareschalcale pertinentes itidem simul cum Consiliariis secundum jus scriptum, justitiam & equitatem sine ullo respectu amici & inimici, civis & peregrini, discrimine sublato judicaturum. Ad quæ omnia manu tenenda, implendaq; sub fide, honore & conscientia ut verus honestiq; amans Nobilis me obligo, sic me Dominus DEus adjuvet, & ejus S. innocenterq; intolerata Passio.

Consiliarij autem, quos è medio nostri eligimus, ut Vladislaum Poninski Subpræfectum Stabuli Regni &c. Stephanum Urbanowski Notarium Castrensem Wschovensem Secretarium hujus Confœderationis, &c. &c. Quibus omnibus uti Mareschalco nostro sic & illis usq; ad ultimas vires nostras assistemus, & honorem illorū æquè ac Mareschalci tuebimur, in hanc nos vicissim defensuri, juramenti Rotham jurabunt:

Ego NN. juro uni in Trinitate Sancta DEO Omnipotenti, me ex voluntate Confratrum Posnaniensis & Calisiensis Palatinatū, post rupta ex limitatione die 9 Julij incidentia Comitia Confœderatorum, assumptum ministerium Consiliariatus Confœderationis sine ulla partialitate (secundum quod per conscriptam Confœderationem mihi commissum est) gesturum & insimul cum Mareschalco & Senatoribus uti etiam Confratribus Confœderationis pro Fidei Sacre Romanæ Catholicæ, Ecclesiarum Domini, Mti Regiæ AUGUSTI II. (salvo per omnia vinculo pactorum conventorum ex vi juramenti Regij promanante) jurium item libertatum & prerogativarum Regni, omnium Jurium Cardinalium & omnium Confratrum in subscriptionibus Confœderationis expressorum defensione, ad effusionem usq; ultima gutta sanguinis laboraturum & staturum, nec muneri Consiliariatus mei renuntiaturum, donec Respub: tam ab intra quàm ab extra pacificetur, & nostra jura quæ ex orbita sua mota sunt, ad pristinum statum esse & vigere reducantur. Causas omnes ad judicium Mareschalcale pertinentes, simul cum Mareschalco secundum jus scriptum, justitiam & equitatem, sine ullo personarum respectu amici & inimici, civis & peregrini discrimine sublato judicaturum. Ad quæ omnia manu tenenda implendaq; ut verus honestiq; amans Nobilis sub fide, honore, & conscientia me obligo: sic me Dominus DEus adjuvet, & ejus S. innocenter tolerata Passio.

Nos verò ipsi Mareschalco, Senatoribus, & Consiliarijs nostris nobisq; invicem adstituri, obligamus nos in eam juramenti Rotham:

Ego NN. juro uni in S. Trinitate Omnipotenti DEO me pro Fidei Sacre Romanæ Catholicæ, Ecclesiarum Domini, Mti Regiæ AUGUSTI II. (salvo per omnia vinculo pactorum conventorū ex vi juramenti Regii promanante) item jurium, libertatum, & prerogativarum Regni, Magniq; D. L. omnium jurium Cardinalium, nostrimet ipsorum & Mareschalci nostri Senatorum & Consiliariorum nostrorum mutua & reciproca defensione ad effusionem

nem ultima gutta sanguinis nostri laboraturum, & statutum, nec A.C. 1703 à vinculo hoc me absoluturum: donec Respublica tam ab intra quàm ab extra pacificetur & jura nostra ex sua dimota orbita ad pristinum statum esse & vigere reducantur, obligatumque futurum subesse iudicio Mareschalci, observare, mandatisq; eius parere, ad quæ omnia implenda & manu tenenda sub fide, honore, & conscientia uti verum & honesti amantem Nobilem decet; sic me DEUS adjuvet & ejus Sancta innocenter tolerata Passio.

Quam Confœderationem nostram quemadmodum fide juratâ confirmavimus, ita seorsivis manuum nostrarum subscriptionibus roboramus, prædictasq; subscriptiones in depositum Mareschalco nostro reddimus. Congressum verò futurum hujus confœderationis nostræ, pro die Comitiorum futuræ relationis, quorum spem habemus, nobis designamus. Casu quo verò Comitiorum relationis non forent, declaramus, & fraternè nobis promittimus 30 Augusti nos huc Sredam more militari conventuros. Hæc ipsa Confœderatio cum juramentis ut ad acta authentica quævis Regni contraderetur, unanimi consensu Mareschalci ejusdem nostræ Confœderationis rogavimus. Datum Sredæ ab inchoata Confœderatione die 9. mensis Julij. Anno 1703.

Petrus Jacobus à Paradyſz Broniſz Capit. Pizdrensis Mareschalcus Confœd. Posnan: & Caliß: Palatinatũ &c.

LXVIII.

ANDREAS C. ZALUSKI EPISC. PRINC. VARM. ET SAMB. REGNI CANCELL. BENEDICTO SAPIEHÆ THESAURARIO LITVANIÆ 25. Julij Varſavia.

ET ante possessionem sigilli, & post immediatè & consequenter, per totum infortunij hujus nostri tempus, non aliud prædicavi Evangelium, nisi quòd Christus, Pax, Charitas; Pax necessaria in hac vita, charitas necessaria propter futuram, quæ est æterna. Et quicumq; cogitat, recogitatq; ea, si habet præsentis temporis sensum, debet habere & futuri. Æternitas nunquam finem habens, quemcunq; non penetrat, aut non est homo, aut minus est, quàm homo. Sed relictâ quanquam necessariâ moralisatione, recurro iterum toties repulsus à te, nihil veretur veritas, ut velis cogitare, quòd conscientia nominis tui memorat, magnæ arbores diu crescunt, unâ horâ extirpantur, & ad extremum tam gloriosi Principis, qui protegit commodum, & interesse vertitur evidens, ut ampliùs innocentissimam ex parte omni Rempub: aggravari non permittat, ultra id quod est, cur quisquam meliora sperare, aut cur non etiam graviora metuere debeat?

Comitia ultima, quia, sine illis nulla Reipub: autoritas, nulla etiam Regi Sueciæ in futurum esset securitas, finita sunt feliciter. Videt orbis universus, quòd Polonia etiamsi in disordine, ut prætenditur suo; in obsequio erga Reges non mutatur suos, & tamen erat tam provida, ut nihil desiderari possit, quod pertinet sive ad provisionalem, vel belli, vel pacis securitatem. Constitutiones nostræ, nullatenus lædunt quenquam, nisi aliquis velit adimere Poloniæ hoc, quod, & minimæ muscæ indulſit natura.

Securitas, quæ prætendebatur, in futurum provisa plus quàm satis Domui

AC .1703 Domui tuæ, modò finè præoccupatione judicare velis, est tam clara, & evidens, quâ majore non est opus. Tempus videtur breve, melius tamen sex septimanarum spatium, quàm nunc immediatè, si ad communem Nobilitatis ventum fuisset motum.

Si possem cor meum in his tibi mittere literis, videres in eo, quòd Patriæ meæ, Regi, quia aliter non licet, benè serviendo non oblitus sum, magnis adjutoribus fultus, & his, sine quibus pax esse non potest. Agamus ergo junctim. Si verò præoccupata à quocunq; demum impedit, DEUS, qui est omnium nostrùm Dominus, & supremus arbiter judicabit, & simul puniet.

Hic qui mittitur, reliqua ore dicet: O si concessisses fraternum colloquium, adhuc anno præterito! vidisses, quòd ego non quæram, quæ mea sunt, agnovisses res, tam benè accommodatas, ut nemo accusandi occasionem & rationem habuisset. Memineris tamen, quòd ubiq; benè, optimè tamen in propria Patria, redibunt pristina sæcula, modo ipse velis.

LXIX.

ANDREAS C. ZALUSKI EPISC. PRINC. VARM ET SAMB.
REGNI CANCELLARIUS STANISLAO LESZCZYNSKI PA-
LATINO Posnaniæ. 25ta Julij

R Eddita mihi literæ tuæ, & in illis mandatum, ut quas scripsisti, Regi præsentarem, sed id factum est præposterè, quia prius Rex, quàm ego accepi. Nec sic quidem malè, quia libens habeo, quòd non tantum ore meo, sed & propriâ tuâ manu convicta Mtas, de tua in se verbo antecederet, nunc effectu, confirmata propensione.

Longæ literæ scribi deberent, dando responsum super omnia puncta, ad quæ Rex succinctè respondet, ego verò tantum innuo, quòd præsens tantum temporis circumstantia, res interturbet.

Receperam de data 8va Junij literas tuas, in quibus, non tantum prima Comitola, & justè quidem, si ita se gesserunt, incusas, sed & alia condemnas absolute, nullam eis tribuendo auctoritatem. Et ego in eodem fundamento nunquam credidi, ut iterum quispiam authenticare illud deberet, quòd illi non placuit, & quòd inde nulla deberet oriri consequentia. Venerant tandem Nuntij vestri & nemine visitato, nec ulli verbo dicto, prius ab activitate erant abjudicati, quàm ego scivissem, quòd eam prætenderent.

Absolvebantur apud me judicia pro more, nisi ad conclave, quid ibi ageretur, & ecce missus, respondet, quòd Nuntij Majoris Poloniæ judicantur, venit alter brevi, quòd nemine contradicente fuerint abjudicati.

Memini in omnibus Comitij controversos, recordor multos repullos, sed in memoriam non venit, ut nemine contradicente fuerint aliquando quipiam abjudicati, & quando iidem Domini Nuntij, honorem mihi fecerunt, post aliquot dies me visitandi, querulabar, coram illismet ipsis, quòd non fuerint dignati, promptitudine meâ & obsequio uti, quia utrumq; efficaciter adhibuissem. Quis ergo causa hujus mali, non est res prima, nec nova, quòd Comitia, sine Nuntijs aliquorum Palatinatum absoluta fuerint, possem & ego ex memoria mea, non una Comitia allegare à quibus Nuntij Majoris Poloniæ, vel aliorum Palatinatum absentes erant. Aut tollendum omnino, liberum veto ubique aut non licet in uno, contra illud agere Palatinatu.

Nunc

Nunc Comitola, non ex legitimo termino, secundum te ipsum rupta, & quomodo confœderatio stabilitur? quare non expectastis ad comitiola post-Comitialia, quia quomodo legitime illud, quod ab illo venit principio, quod fuit invalidum. Vir magnus in Repub. ultra alios, & præ alijs emeritus dictus est Mareschalcus, & ego inde summe gaudeo, quia sciet in bonam partem Ministerio hoc uti suo, & fateor habuisse me aliquam voluntatem, ad scribendum illi, sed ex reflexione matura, malo, ut ipse sibi plura dicat. Illud tantum insinuo, quod non sit de tempore scindi; discordia nihil facit, charitas sola ædificat, rogo te tantum, ut velis & ipse persuasus esse, & ipsum convincere, quod amicitia mea, nec est, nec esse potest mutabilis, & quod tam tenere Patriam diligam, ut nemo amplius. Confidenter ergo agite mecum, quæ vultis, sed etiam velitis agere bene.

Petrus Bronisz.

LXX.

ANDREAS C. ZAŁUSKI EPISC PRINC. VARM. ET SAMB.
CANCELLARIUS REGNI STANISLAO LESZCZYNSKI PALA-
TINO Posnaniæ 7ma Augusti.

Libenter scirem, quem effectum literæ meæ fecerint, quas ad primam notitiam conclusæ confœderationis expediveram ad te, scribendo non tantum ex mente Principis, in fundamento legum & consuetudinum, sed & pro tenui sensu meo avertendo te, & Gubernatorem Pisdrensem antiquum amicum, ne in his infelicibus conjuncturis nodum in scirpo quæreretis, & ut id incipiat, quod moribus Patriis non est contrarium, non id, quod nec in publicum Palatinatibus, nec in privatum magnis nominibus ullum potest adferre commodum. Nunc debeo confidentius & sincerius scribere, quia etiam me profundius hoc tangit. quò injustius patior, quasi hujus mali ego esse deberem causa remota idq; eo modo.

Scis quis adversam partem sustinet in Majori Polonia, quamvis ego pro munere meo, sicut & tibi sincere consulebam, ita & illis persuadebam, ut sepositis omnibus diffidentiis obsequium Regium aggredi, obsequium Patriæ agere velint, quia ita citius veniemus ad finem malorum, quæ nos premunt, & prement ulterius. Venisti Mariæburgum & quamvis non fuisses in pleno innocentiae statu, habuisti tamen ex bonitate Regis omnia, quæ voluisti, etiamsi te nudo tantum promissorio obligasti; strepitus ergo contra me, quod ego tibi in obtinendis consensibus serviverim, quos etiam non habere fundamentum asseverant; quia magna mater tua jus communicativum non habuit, probareque illud volunt, allegando, quod, si hoc beneficium Principis non habuisses, Regem certe non deseruisses, sufficit, quod ego omnium dicar esse causa remota, nemo te melius scit, quia conscientiam & fidem tuam appello, si potui plura dicere, & persuadere in favorem tuimet ipsius, ut tandem videndo quid nocuerit in præterito, velles abjicere obliquas vias & arripere rectum iter. Promisisti disertis & expressis verbis, & ego, qui libens manuteneo cuilibet verbum, eram plus quam certus omnium. Quotiescunq; tuæ literæ veniebant, semper tanquam in triumpho gloriabar, coram Rege, apud quem magno desiderio desiderabam, commoda tua & utilitates quam optime stabilire. Hanc confœderationem ego optime interpretarer, & non pertinaciter, ut alij damno, si hoc salvo meas non confunderet rationes, quia est extremum

A.C. 1703 tremum quando cuiquam cantatur salve. Alterum est, quòd diploma datum & in volumen legum insertum absorbet omnes suspiciones, & vanos metus. Per amorem DEI cogita, ne ex tam parvis initijs, magna exoriatur scintilla & aliquid tale nascatur, quòd sit directè contra comoda Patriæ, adjuro te non tantum per DEum, sed per omnia jura amicitiae, ut sicut hæc cœpisti, ita in bonam reducas viam, non quod sit, sed quod fieri debet incipiendum, & absurdum quandoque toleratur, ut evitetur absurdus. Non des gloriam alijs, monstra quòd scias bono servire Principi, & quòd meam nolis fallere fidejussionem.

IDEM, PETRO BRONISZ GUBERNATORI PISTRENSI,
eàdem die.

Scribo fusè Palatino Posnaniæ non dubitans, id, quod scribo tibi communicandum, ac propterea dicta non repeto, sed tantum invoco illam prudentiam, & æquanimitem tuam, quam in omnibus tuis demonstrasti actionibus, sine rerum novarum cupidine & odio præsentium, ut ita res moderari velis, quatenus & antiquis legibus non sint contrariæ, & intricatis his temporibus, ad majores motus non aperiant campum, nec dent occasionem, & ne ex illis Palatinatibus, ex quibus alijs, ad res bonè, pro publico gerendas, normam accipiebant, semper aliquod scandalum Patriæ præjudiciosum veniat & oriatur. Plenus spei imò fiduciæ sum, quòd tua consummata prudentia id efficiet, indeq; ego, quidquid ingravescentis ætatis virium reliquerit, majorem campum serviendi habebò. Quandoq; constabit me tui gratuitum non mercenarium esse cultorem.

MANIFESTATIO CASIMIRI JOANNIS SAPIEHA DUCIS
Exercituum M. D. L. facta nomine Senatorum, Dignitariorum, &
Officialium, Nobilium, sive domi in oppressione degentium sive
extra limites vitæ securitatem quærentium. Nomine quoq; totius
suz Familiæ, & Exercitus M. D. L. in Augusto.

VIX primum in hoc afflicto & turbulento Reipub: statu, post finita extraordinaria Lublinensia Comitia, ex constitutione Regni, & M. D. Lit, actis ejusdem Regni, & Palatinatum eorum, in quibus eò temporis manifestantes contra eadem Comitia versabantur; ingrossatâ, accepimus notitiam de imperfecta nec satis firma pacificatione Reipubl: Polonæ, & M. D. Lit, ex nunc ad providendam, conservandam, & roborandam; tam publicæ libertatis, quàm salutis propriæ, honorumq; & fortunarum nostrarum securitatem, invocato in testimonium innocentiae nostræ DEo Exercituum, coram toto orbe, Regno Poloniæ, & M. D. Lit. solennem & publicam hanc fecimus manifestationem, de tenore sequenti:

Manifestum est DEo, orbi, omnibusq; Statibus totius indivisæ Reipub, quomodo post factam per eandem Kempub. coæquationem juri-
um M. D. Lit, annexarumq; Provinciarum, Comitijs Coronationis & pacificationis approbatam, à nobisq; amore æqualitatis sincerè acceptatam, quidquid in M. D. L. effrænis furor in Domûs nostræ, aliarûq; magnarum bene meritarum de Rege, & Repub. in sago & toga familiarum, ruinam, invidioso struxit molimine, quidquid splendorum, substantiæ, & fortunarum sangvineo conâtu acquisitarum, funesta seditio
legitime

legitimè possessionatis, violentâ manu eripuit, quidquid civilis licentia ferri fraterni sanguinis lachrymabili profudit alveo, totum id in proximè præteritis Varfaviensibus Comitijis, paternâ Regiæ Mæis curâ, interpositione Senatûs, autoritate Primatialis Dignitatis Regni Poloniæ, belli Ducum cooperatione, Mediatorum & Nuntiorum ab Equestri Ordine, & amicorum utriusq; partis applicatione, cum summa nostra injuria, unice ideo ut benè sit Patriæ, cum triumphali in Ecclesiis DEO, Principi pacis gratiarum actione, cum summo populorum applausu Christiana animorum teneritudo, æterna sepelivit oblivione, pro firmiori documento, omnia subscriptionibus utriusq; partis ea spe roborando, ut victrix vulneratorum cordium patientia furentium refrænaret ferociam, Patriorum jurium robur conservaret, concussæ civilibus odiis Patriæ conciliaret tranquillitatem. Id quoq; notum, quomodo tam sanctum, & laudabile pacificationis publicæ opus, applicatione Reipubl: in Comitijis concinnatum, habituata invidorum malitia tam valido è fundamentis evertit impetu, ut tota illa machina, planè dexteræ Excelli structura, in minutissimas atomos abire concussa debuerit, in turbidam quandam definens massam, ex qua cudendis dolis, machinationibus & civili tyrannidi materia subministratur: de quo in manifestatione ultima nostra in flagranti facta, multæ querulantur paginæ.

In hoc quoq;, quod præter expressas jam injurias nova patravit nequitia, ex dictamine justî doloris, quem silentio premere impossibile, coram DEO & orbe, totaq; indivisa Reipubl. convenit protestari, quomodo scilicet iidem authores criminum, imemores factæ in Comitijis constitutionis, callidissimis artibus, ipsam Mæem in eam induxerunt dissimulationem, ut potius consentire eorum machinationibus, quàm Regia autoritate, delicta juxta sequentem legum Mæis obloquentiam reprobare videretur: *Jura conservabimus, nulliusq; bona recipi mandabimus, aut captivari quempiam faciemus, nisi fuerit jure victus.* Quinimo pax & concordia à Regibus custodienda, justitia tenenda, licentia frænanda, ut cives Regni non vi, sed jure secum experiantur, unumq; sit omnibus jus, & æqualiter unicuiq;tribuendum, ne veniant Guerræ & privatæ ultiones: Legum autoritas retinenda propter vitia comprimenda, moresq; corrigendos, & justitiam servandam leges eadem sunt conditæ, nam justitia Regis pax populorum. Post præactam verò pacificationem omnia inverso ordine practicata, quando magnâ & forti Regiâ protectione fretæ pertinaciter contra nos obstinatae partes, in conventiculo Rozanensi, Vilnensi, Grodneni, cruentis insuper consiliis Wolczyni, per crudelia sancita, consummatis, illa, ex ordinatione adversarum partiû, exequente Zaranek Vexillifero Samogitiæ, loco restitutionis per officia Castrensia juxta instrumentum pacificationis, manifestantibus injustè ereptorum; substantias eorum, fortalitia in eisq; tormenta & amuntiones, Palatia, populosas urbes, etiam infantibus non parcendo, in Ducatu Samogitiæ, aliisq;, plus quàm Trojano incendio incinerata, æquârunt solo.

Loco traditionis, rebellis Exercitûs sub Ducalem meam potestatem, non solum insolentis militiæ per oppressionem pauperum in ruinam, novam erexerunt autionem, verum etiam Saxonicos Exercitus, contra tot statuta & constitutiones Comitiorum, & pactorum conventorum ac coæquationis intra limites continuerunt, & Moschoviticiis Co-faticisq; Exercitibus, ut suo furori satisfacerent, in magno numero in viscera Patriæ introductis, fortalitia Reipubl: & Terrestria, ut Bialcirkense

A.C. 1703 kense cum excidio populorum, & præfidiariorum, cum avulsione per Moschos Provinciæ Vkrainensis, contra pacta Andrusoviensia totq̃ tractatus per Nuntios, præsertim ultimum de perpetuæ pacis fœdere: Item Bichoviense, Lachovicense, Bierzanense hostiliter expugnârunt, & partim suo muniverunt præsidio; partim tormentis & amunitionibus abductis, devastarunt. Loco restitutionis ministeriorum & potestatum, contra jura Reipub. inter se de eis tractârunt, sibiq̃ appropriârunt, exercitum M. D. L. exauthorando, novos inscia Repub. erigendo, tributa ex bonis terrestribus insolita praxi & locis, imperando, & extorquendo: unde corruiet immunitas bonorum Ecclesiasticorum, nobilium, aliorumq̃, quæ ab omni contributionum genere, per legem positivam, immunita esse debent. Antea 10000 Exercitûs pro uno quartuali sexcentis sexaginta millibus contenta esse poterant, nunc minori Exercitûs numero longè majores impendunt summas, quando non tantum exquisitæ, absoluti Dominiij methodo, præsentij inunctæ constitutione contributiones, verum etiam in ijs bonis Terrestribus, in quibus, per internecionem plebis, domorumq̃ incinerationem, sola superest abominabilis desolatio & locatio Exercitûs, contra naturam bonorum terrestrium facta, & gravaminosissimæ in nescio quas expensas imperatæ extorfiones; cum tamen sub electionis tempus, typo expressus computus prodierit, authore Kociel Palatino Trocensi, probans duas hybernas, 8000 Exercitûs & aliquot centenis millibus pro hyberna, & stipendio sufficere, post quod redditum militibus; ex iisdem duabus hybernis 600000 pro ulterioribus Reipub. necessitatibus remanere debere, nunc verò tam hybernæ, quàm agrariæ contributiones, variæq̃ emunctiones per novam quandam computationem constitutæ cum oppressione populorum, quæ tamen Ministri statûs M. D. Lit. sub tempus modernorum comitiorum (parcent dicenti vera; cui salus populi suprema lex est) aut præcavere noluerunt, aut conniventer permiserunt; non offenditur dictis Palatinus Trocensis Kociel, cujus aliæ erant pro seditione propositiones, aliæ nunc populorum emunctiones; quibus continuo enervata jam, premitur Litvania: & tamen ex tantis importantijs Exercitui M. D. L. antiquioris expeditionis, pro quinquaginta quartualibus, quibus antea contra Ottomanicam potentiam, nunc pro Patrijs juribus & libertate militat, nulla pars deservitæ mercedis relicta, imò, quæ illi proprio meruerunt sanguine, hi novæ militiæ affecclæ, domesticis non nisi immorantes rapinis, inter se partiti sunt. Loco conservationis jurium circa correspondentias cum externis inconsultâ Repub. literalia consilia & occultas combinationes cum Czaro Moschoviæ in perniciem Patriæ practicârunt, residentes Czari foverunt & hætenus foveant, propter facilius cum eo conferendum, à quo pecunias, invadatis forsan secreto & suspecto condictamine limitibus, acceperunt, in suasq̃ partes dividerunt. Loco suppressionis violentarum invasionum, quib⁹ Dom⁹ Nobiliū opprimebantur, crudeliores nocendi modos arripuerunt, quib⁹ nō tantū aliquot millia inœcuæ plebis crudeli interneccione delerunt, verum etiam contra eas Domos, quibus pro eorum insignibus in Patriam meritis, tota Respubl: æternam debet gratitudinem, seditioso tumultu insurgentes, Comitem in Rozanka Pac, Succamerarium M.D. Lit. Marechalcum Vilkomiriensem; & Szolkowski, Notarium Terrestrum ejusdem districtûs, aliosq̃ complures magni Nominis, in variis Palatinatibus & Districtibus in propriis degentes Domibus, publicâ afsecuratos pace è domibus extractos stupendo sicariatu, alios sclopeta-

riis explosionibus, alios aliis tyrannidis artibus in metam posuerunt, bonis illorum in spoliis heroæ virtutis, in authores criminum distributis. Et quod maximum ut à malis ruerent in pejora, meliorem, in male ceptis perseverantiam, quam resipiscentiam è suæ sensu nequitiae judicantes, tribunal M. D. L. Areopagum justitiæ in majorem legum convulsionem de suis cardinibus everterunt, quando unâ cadentiâ Nobilem Kotowski Capitaneum & Deputatum Mozyrensem, ex Tribunalitiis redeuntem judiciis, contra constitutionem de securitate euntium, & redeuntium in publica via, operâ Chaleccij, crudeliter curârunt interfici; collato in præmium sanguinei operis authori, Capitaneatu Castrensi Mozyrensi. In eodem Tribunali quinque personæ, numero ad decidendum non sufficiente, in expressionem civilis sanguinis, volendo limitatione, contra omnia jura; de Tribunalibus, congregatarum sub Olkiniki turmarum augere numerum; contra hæc vota dum aliquot supra decem judices, civiles flammæ, adjectis augere nolentes ignibus, pro Patriis juribus protestarentur, non habito respectu pluralitatis votorum, tam personaliter contradicentes, quàm aliquot decades aliorum absentium activitate judiciali, ipsi judicij rei abjudicârunt. In aliâ verò cadentiâ, non habita ratione inchoati secundum legem antiquam Vilnæ completo numero, Tribunalis sub directione jurati sine ulla contradictione Mareschalci Zawisza Capitanei Minscensis, ubi Tribunalia nisi contra leges inchoari possunt, aliquot Personæ judicia Tribunalitia fundârunt & tractârunt; verbo concludam, in Litvania nihil prisce & integri, nec pudet dicere: leges erant, sed invalidum earum auxilium, quæ vi ac externâ potentia, postremo pecuniâ turbabantur; hæc verò ideo, quia desuper jus datum sceleri.

Cum ergo tam sacri circa publicam tranquillitatem laboris amari comparuerunt fructus, difficile nobis erat, ad protectionem Regis & Reipub: vel ad fraternos confugere affectus, ubi in variis Palatinatibus per expeditas legationes ac si contra everfam per nos coæquationem via præcluderetur: adversariis verò nostris reconciliari erat impossibile, quorum omnes in ruinam nostram congestæ actiones, potestate, & auctoritate Mtis nitebantur. Quapropter DEus innocentiae vindex, ultra spem & vota nostra externæ potentiae mirabili sua coordinatione nos erigendos commisit. Dum enim Rex Sueciæ non per nos introductus sed à Rege AUGUSTO, ultro contra pacta Olivensia, insciâ Republica per inductos, vetantibus pactis conventis, ac constitutione ultima cornitorum pacificationis, tum statibus tot protestantibus, quæ Senatorij, quæ Equestris Ordinis Exercitus Saxonicos, tempore domesticorum turbinum, sub prætextu recuperationis avulsorum, laceffit super colla eorum Exercituum à Rigeni oppugnatione fugatorum illatus potius, quàm inductus, tum sui Regni tum nostræ Reipub: consulturus integritati, observatâ per omnia ejusdem Reip. amicitia, ut toties universalibus suis literis est protestatus, introivit in viscera Regni: Nos in tanta oppressione nullam vitæ habentes securitatem; perterriti præsertim, non servata sub Olkiniki verbali adversariorum assecuratione & crudeli sanguinis Michaëlis Sapiehæ Præfecti Stabuli M. D. Litv. per Sienicium, Voynam Braslaviensem, & Bokum Ryczywolensem Capitaneos effusione, factâ manifestatione in Curia Regia Branscensi, coacti sumus, ad protectionem ejus recurrere, qui & vinculo colligationis cum Repub. & conscientiae rectitudine, manifestabat se auxilio affuturum violatis legibus & libertatibus per exoticam potentiam; etiam

A.C. 1703 tamen hac habitâ protectione, exulantes domibus & fortunâ in Rep: quæſivimus justitiâ, jam nunc cum Philosopho Athenis Athenas non inveniēte, in Rep. quærimus nec invenimus Remp. quò abiit Patria, quò ejus decora, ubi Priamus & Ilium & ingens gloria Dardanorum? ubi libertates, jura, justitia, veri, rectique cultus? ut hac saltem echo, quòd non ſimus Gens ſervilis, nec Filij ancillæ ſed liberæ, ostendamus. Dum verò à protectione ejus, Lublinenſium comitiorum nos advocat constitutio, ſcire vellemus quæ ſecuritas reſſus, ubi eadem constitutione, San-cti niriensis, Thorunenſis, Mariæburgenſis congreſſus acta, aliaque omnia privatorum Congreſſuum Lauda (quæ ab iisdem Palatinatibus, tum per reciproca lauda, tum per legatos ad Regem miſſos, reprobantur) ſunt confirmata? Ibidem cum reſſu à protectione Suetica vitæ tantum nobis bonorumq; declaratur ſecuritas, honores vitæ cariores, ſuſpectâ taciturnitate ſuppreſſi. Nolentes tamen contravenire voluntati Regis, & Reip. ejusq; conſummatam optantes pacificationem, in fundamento S. Fidei Catholicæ, pactorum cum Rep. Conventorum, observationis Patriarum legum, licet contra novellam Lublinenſium Comitiorum constitutionem, in plurimis Palatinatibus factæ ſint proteſtationes, & perplexæ Cancellariorum & Procancellariorum circa ſubſcriptionem præcuſtositiones, aliquid nocivi divinantes, magis tamen amorem Patriæ, quàm naturæ dolorem observando conformiter ad novellam legem, ſalvâ per omnia ſecuritate Ministeriorum & omnium honorum, vitæ, & bonorum omnibus manifestantibus in toto reſervatâ, non aliâ viâ, niſi in virtute ſacroſanctæ Conſœderationis Majoris Poloniæ, omnes injurias doloresq; nostros in ſinum afflictæ chariſſimæ Patriæ reponendo, ut in patientia noſtra poſſidere poſſimus animas noſtras ſacroſanctè, quidquid per ulteriores hujus Conſœderationis progreſſuum ſeries in bonum Reipubl: conſtituetur, ſiali cultu amplectimur. In quo coram DEo & orbe toto, cum tota Domo noſtra, omnibusq; injuriatis & cum Exercitib⁹ unâ nobiſcum ſub vexillo Crucis exemplo innocenter paſſi Ducis patientiæ militantibus, publicè nos manifestamus.

ALEXANDRO JOSEPHO ZALUSKI PALATINO RAVENSI
FRATRI SUO Imâ Auguſti.

Juſtè apprehendit futurum Reipubl. malum, quiſquis maturè conſiderat incipientis conſœderationis Majoris Poloniæ principia; quæ vereor, ne in interitum potius multorum, quàm in ſalutem ſit nata. Feci ego, quæ potui in eo puncto, nec facere deſiſtam, quamvis plerumq; impediatur. Expedita hic eſt ad Regem Sereniſſimum ab eadem conſœderatione Legatio, Miſciſlavius Zaleski Pocillator Breſtensis Cujaviensis, & Stanislaus Morawski legati ſunt. Verbis portant magnifica, timeo, ut re inania ſint, facilè id ex annexa inſtructione, quàm cum reſponſo etiam à ſua Mte tibi mitto, conjicies.

Plura oretenus referet lator præſentium, cum nec ſcribere vacet, nec expediat.

COPIA INSTRUCTIONIS A PALATINATIBUS CONFOEDERATIONIS MAJORIS POLONIÆ.

Quando jam ad eum inſelicitatis devenimus gradum, quòd non tam nobis fatorum vis, quàm oblita Patriæ matris ſuæ malitia omnes

omnes malignè per continuas insolito more Comitiorum rupturas, & excogitatas contra Nuntios nostros pro extraordinariis Comitibus Lublinsibus sine ulla sub tempus Comitiorum contradictione electos, & missas protestationes, abruptit consilia, & nos Mri suæ, & toti Reipub. in varias exposuit interpretationes, à mutua & debita consiliorum communicatione abalienavit. Tunc petimus expeditos hos à nobis Nuntios, ut Serenissimo Regi Dño N. Clño non tam in verborum splendore, in quibus vanam non quærimus gloriam, quàm in antiqua Polona veritate & virtute fidelis subjectionis nostræ Serenissimæ Mri suæ cum profundissima veneratione tenerrimam exprimant constantiam, manifestando nos coram DEO, qui corda hominum scrutatur, coram Regia Mte, & coram tota Repub. quòd nos ad hanc, in qua nunc conjurati sumus, confederationem, non alia induxit causa, nisi salus publica, conservatio legum Patriarum, ut illas in eodem statu, in quo ab Antecessoribus accepimus, successoribus relinquamus. Redintegratio verò inter status confidentiæ non pro aliquibus moliminibus, à quibus sumus alieni, quinimò omni desideramus conatu, ut post tam gravem Patriæ lethargum sub Augusto suæ Mtis nomine, tam ab extra quàm ad intra, & quàm celerrimè, & quàm efficacissimè pacificata reddatur. Quod unicè supplicabunt Nuntij nostri, petentq; à sua Mte Regia nomine Palatinatum Confœderatorum, ut exoptatâ tanquam Dominus fideles subditos, tanquam Pater filios post tanta gravamina solari & contentare velit pace. Securam reddendo Mtem suam, quòd penes integritatem ejusdem, penes prærogativas legum, immunitatum, & libertatum nostrarum vitas & fortunas nostras, fide, honore, & conscientia ponere nosmet ipsos obligavimus &c.

RESPONSUM EX CANCELLARIA datum 20 Augusti.

Sicuti arcano status Reipub. hujus vinculo Majestas cum libertate & his quibus imperatur, cum imperante sunt conjuncti & combinati, ut unus status sine aliis nec stare, nec cadere, nisi unà possint, & sicut in corpore humano mens sana esse non potest, nisi illo tempore, dum vitales ejus functiones in integro vigore existunt, ita & in politico Reipub. hujus corpore cum Mtas in perfecto manet felicitatis vigore, floremus, cum verò in prærogativa authoritatis suæ convellitur, & quasi deficere incipit, labimur, aut ruimus cum illa. Regum motus cuncta sequuntur. Considerarunt id providenti consilio, & providentiâ Palatinatus Posnaniensis & Calissiensis, qui sicuti semper celerius præstare, quàm promittere, celerius juvare, quàm jurare pro defensione integritatis Regiæ, & salute Patriæ consueverunt, ita & nunc, cum accommodando sese ad Generalem totius Reipub. in Comitibus præteritis unionem sacro fœdere penes Mtem Regiam, & integritatem boni publici confœderantur. Sua Regia Mtas compendium hoc filialis amoris per Ablegatos exquisitis verbis, & candore sponsonum repræsentatum pleno gratitudinis corde accepit, eam non tantum spem, sed & fiduciam habens, quòd digni illi prænominatorum Palatinatum Accollæ sicuti unius & indivisibilis Reipub. filij unanimi consilio, & viribus depressam Rempub. in spes meliores erigere volent.

Et sicut S. R. Mtas præterita extraordinaria Comitibus, felicissimè finita, principaliter ad instantiam Palatinatum Posnaniensis & Calissiensis indicare dignata est, ita desiderando ex illis decora ingenia in con-

A.C. 1703 filio habere præsentia ultra universales literas pro primis Comitoliis, etiam pro secundis in casu rupturæ primorum, expeditionem ex Cancellaria sua provisionalem ex particulari affectu & æstimatione eorundem Palatinatum extradere jusserrat, consequenter, quo magis in gremio consulentis Reipub. Nuntios eorundem habere præoptabat, eò sensibilius cum magno suo mœrore & dolore carentiam illorum tulit. Quorum circumstantiarum cum Palatinatus geminam sine mixtura falsi habuerint relationem, non tam quæsitis, quàm improvisis studiis adscribent hunc eventum.

Non cessans unquam S. R. Mtis ad celerem & veram pacem applicatio, sicuti universali Poloni & exteri mundi consensu agnosci debet, ita dum inimicus pro libitu suo agens abjecit non semel & nunc oblata media ad tractatum pertinaciter abjicit, non invenit sua Mtas certiore & veriore ad assequendam honestæ pacis viam, nisi per fortes more Majorum ausus, qui quandoquidem sine debito in numero & contentato in deservita mercede exercitu praticari non possunt, ad executionem sancitorum novellæ legis, quàm celerrimè, & quàm efficacissimè dictos Palatinatus S. R. Mtas autoritate suâ Regiâ invitat, sollicitat, & amore Patriæ stringit &c.

COPIA LITERARUM CARD. PRIMATIS AD MARESCHAL.
CONFOEDERATIONIS MAJOR. POLON. Varaviâ die I. Aug.

Hisce periculis, quæ ad interitum premunt Rempubl. etiam hoc accedit infortunium, quòd ad defensionem ejus pacifica haberi non possint consilia: Et quod maximum est; in inclytis illis Palatinatibus, in quibus exemplarem tot sæculis unitatem omnes reliqui Palatinatus suspiciebant, nunc nidum fundavit scissio & æmulatio, Diris utraq; devovenda. Pridem ego prævidi hanc, quæ nunc secuta est, Comitiorum rupturam, siquidem illa in quibus Nuntij electi erant, studiis malevolorum sunt invalidata; consequenter sicut in Comitijis Nuntiis negata activitas, sic objicientibus cogitandum erat, ut relatio in Comitoliis impediretur.

Bonum nihilominus opus operati sunt Palatinatus illi cum confœderationis modum arripientes, qui ut ad reinducendam animorū harmoniam, sic ad tollendas divisiones & particularitates efficacissimus, utpote ruptioni minimè obnoxius. Quia verò essentia hujus Confœderationis est, agere pro fide catholica, Mte, legum Patriarū & libertatum integritate, nemo est, cui non placeat tam præclarū opus, inde maximè, quòd te Directorem elegerit, cujus delicata conscientia, zelosi pro libertate Reipubl. sensus, ac ipsis major prudentia fatis, id ominis ferunt, quòd tanto oneri minimè lacertos submissis, nisi prævidisses, Te illud aliter non posse, nisi cum gloria tui nominis & solatio Reip. deponere. Quomodo verò tibi agendum sit, non suggero consilia, inspirabit ea spiritus unionis, in cujus fundamento & voto fabricata est hæc confœderatio, cui non prævalebunt adversæ partes, quarum unica occupatio est, moliri & demoliri.

Erit enim non dubito, tibi tam tuus, quàm illius Palatinatûs in
refle-

reflexione honor, ne integritati illius quidpiam derogetur, per abi-
tura in cassum tanta studia, quæ sicut in solam Reip. salutem esse
impensa, non ambigo; sic intra votum perseverantiæ, unum velle
& sentire vobiscum desidero, qui Patriæ velle non potestis nisi opti-
mum. Honori, qui se tibi ultro ingerit, humeros non subtrahas; dul-
ce quid libertas est, qui eam conservat, vel restituit, favus mellis in
ore ejus. Grave id quidem & molestum est, at coram DEo & ho-
minibus meritorium: experto crede mihi, qui licet lapidor pro bo-
no opere, non desero tamen pinguedinem meam, cum fructus boni
operis sit perseverantia.

UNIVERSALE MARESCHALCI CONFOEDERATIONIS
PALATINATUM POSNANIENSIS & CALISSIEN. 30. 7bris

UNiversis & singulis, præsertim Senatoribus, & officialibus Pa-
latinatum Posnaniensis & Calissiensis notum facio, ex mens-
te confratrum eorundem Palatinatum confœderatorum,
quod siquidem ex hoc loco cum vexillis moturi sumus, pro die 15.
mensis Septemb: congregari vexilla sub Starzyn volumus, in quo
loco pro præfixo tempore nomine publico ex obligatione confœ-
derationis nostræ, quæ quò magis placuit Mti, ut rescriptum ejus
ex cancellaria per Legatos testatur, eò confidentius, ut debitam con-
servandæ integritatis Reip. promptitudinem & zelum testantes, cum
requisito bellico apparatu, die & loco designato compareatis, postus-
lo, ubi omni curâ & studio desideratam totius Reip. quæremus pa-
cificationem.

COPIA LITERARUM PALATINI VILNENSIS AD PRIN-
CIPEM CARDINALEM. 5. Augusti.

JAM finita Comitia Lublinensia sunt, quid in iis actum & decisum
sit? quali restauratione infirmatis juribus suis Respub: consuluerit?
quo defensionis modo malis præsentibus occurrere decreverit? quo-
modo Majestati provisum? quid in ejusdem succursum valituum
putaverit? non ex constitutionibus ut solet in typum datis, sed ex pro-
jectis tantum didicimus. Roborata Mtas est, at per dispendia Reipubl,
utq; mihi videtur sumpsit illa vires ex hujus debilitate & detrimento.
Nihil adhuc hætenus mihi audire licuit; quod fatiscenti Patriæ affli-
ctisq; rebus spem faceret melioris fortunæ. Nec disquirere amplius de
his mihi placet utpote exulanti. Obtrudit nihilominus interdum fama
vel invito, quæ illa autoritas consiliorum? quæ facies rerum ibi fue-
rit? ut Sacra profanis mixta sunt? in ruinam inde juribus, libertatibus,
& honore humano euntibus. Devenit in manus meas projectum do-
mum meam concernens, in quo jubeor me sistere, & ad latus Mtis in-
tra sex hebdomadarum spatium comparere. In cassum id à me petitur:
nôsti enim ipse, quibus nuper adminiculis nixi in facie Reipub. com-
paruerimus, quâ præcustodiâ & cautionibus honoribus, fortunis, &
Personis nostris beneficio Reipub: indultis, interpositione tua roboratis
consultum fuerit: per hunc respectum te potissimum suadente rediimus

A.C. 1703 Varſaviam. Subſcripſiſti ipſe complanationi authoritate Regis & Reipſe interpoſitâ. Hæc mediatio tua & Ducum Regni exercituum colume- & mora labentis domûs noſtræ ſub illud tempus eſſe debuerat; cum contrarium experti ſumus: in gremio Reipub, in oculis Mtis vitæ noſtræ, quam maximè ſecuram arbitrabamur, ſubiimus periculum. Cum verò tantam hanc noſtram oppreſſionem Regi inſinuâſſemus, pro reſponſo retulimus querelas & cenſuras libertatis noſtræ, quam in licentiam verſam eò jam perveniſſe, ut ei ſuſtinendæ & frænandæ ſe impar- rem agnoſceret, licentiâ noſtrâ fieri. quod quiſq; pro ſuo poſſe quàm plurimorum collectâ aſſiſtentiâ ad comitia adveniat, aſſeruit. Altiffi- mo iudicio tuo id conſiderandum relinquo: an non hac in re fuerit ali- qua conniventia? nobis nonniſi exiguo numero venientibus, illis verò Varſaviæ ad opprimendam domum meam in comitatu aliquot millium comparentibus. Verùm non opus eſt, ut de hac materia pluribus ad te ſcribam; ipſe enim fuiſti ſpectator, tu vitæ noſtræ dediſti ſecuritatem, azylum innocentie noſtræ præbuiſti, te ſulciente & protegente ſecuri viximus Varſaviæ. Nunc ex directione Mareſchalci Lublinenſis com- plicis & majore ex parte Authoris omnium harum calamitatum ap- probata ſunt omnia lauda contra jura conſtituta, in quibus pro capi- tibus invindicabilibus agnoſcimur & declaramur. Homicidia pa- trata amniſtiâ ſepulta ſunt, jus datum ſceleri, unde facile colliges ex ſancitis Comitiorum, quis conſul fuerit? quem conſtitutio cooperuerit nonne eos ipſos, qui propria confeſſione conviſti, ut pœnas luere de- berent, primum Authores, tum ſub ipſius favore diverſimodè compli- ces ſclerum, evaſerunt, ac ſi innocentes ac puri corde forent. Quam- vis in propatulo eſſet, quàm ſecretis legationibus cum Moſcho, & Co- ſacis egerint, quantas in nervum belli ſummas contraxerint, quantum per latrocinia ſæviturum ſit, bonis noſtris & nobilium in communem præ- dam designatis, actûque ad ultimam ruinam redactis; nihilominus his corvis veniam per conſtitutionem Reipub. in præſentibus Comitiiſ non juſtitia ſed potentia dedit, nos interim culpamur ſoli, quòd declinave- rimus tantisper & abſconderimus cervices noſtras coram ſæviente cæde. Volunt nos ſuis imperiis adigere, ut majora adhuc amemus pericula in ijs perituri, eoq; advolemus; ubi adhuc imminent in omne momen- tum tam per vias, quàm ipſo in loco certæ inſidiæ: quibus an parendû ſit? ipſe diſpice. Securitatis hic quo ad perſonas noſtras mentio nulla, violatorum juriû reſtauratio itidem nulla, ea inſuper complanatio quæ jam facta fuerat, funditus ſublata, ſimplici & crudo citamur man- dato ad Comitia, ut ſub eorum favore liceat nos adhuc ſuperſtites eſſe. Velis altiffimâ tuâ prudentiâ arbitrari, ſecurûmne vitæ noſtræ ſit, huic furori nos objicere, & iſthinc movere, ubi adhuc ſpiritum ſecure duci- mus, & utcuq; inter tantas calamitates ſub umbra protectionis respi- ramus. Non pono obicem viæ, ſi quæ ſuper eſt ad pacem, imò quantû ex me eſt, allaboro, optans Patriæ meæ quàm conſtantiffimam pacem, quò tandem in libertatibus & juribus ſuis reſfloſcat, quæ uti hæten- te ſtante ſteterunt, ita DEum meum precor, ut tibi vires & incolumi- tatem conſervet, nos verò cum tota domo noſtra gratiâ & protectio- ne tua foveas, humiliter ſupplico. Non dubito, quemadmodum domui meæ experiri favorem tuum hætenus licuit, ita & impoſterum exper- turam, quam ob cauſam obligo me &c.

ANDRE-

LXXI.

ANDREAS C. ZALUSKI EPISC. PRINC. VARM. ET SAMB.
STANISLAO GODLEWSKI GUBERNATORI NURENSI
in Praga ad Varsaviam 6^{ta} Augusti.

L Iteras suæ Mtis, & constitutiones Comitiorum immediatè finitorum, pro Comitoliis relationis ibi mittendo, non possum & amicitiae jura debitis officiis & publicas utilitates, necessario destituere præsidio, sed noscendo, in tuo Palatinatu, populare tuum nomen, sicuti in antecessum efficacia semper noscebam suffragia, sic & nunc depono, in sinum tuum auctoritatem sancitorum Reip. minimè ambigendo, quòd pro innato in publicum zelo, ita voles disponere res, ut ad quàm celerrimam deducantur executionem. Quia verò livor edax malevolorum, & optimas plerumq; actiones, sinistrè interpretari solet, & sæpe libertas nostra ab aliena judicatur conscientia, sæpiusque qui minus commisit, plus patitur; recurro & in eo puncto ad affectum tuū, ut in illo consiliorum publicorum loco, suppetias ferre digneris, si in aliquo honor & Ministerium meum impeti deberet, quidquid gratiæ, & efficacioris applicationis tuæ mihi obvenerit, mutuo rependere non intermittam.

RESPONSUM EJUSDEM STANISLAI GODLEWSKI 31 Aug.

L Iteras tuas cum constitutionibus, sigillo Regni sigillatas, quamvis jam post Comitola Districtus nostri accepi, nihilominus in futuro ex limitatione termino delatas mihi tuas considerationes, in particulari habeo animadversione, & ipsemet ex studio constantissimi affectus mei faciam id, quod impositæ mihi ad obsequia tua, tot beneficiis tuis debeo obligationi. Eo vel maximè anguntur Districtus nostri, quòd illud, quod concors jam in Comitijs, quasi perfecerat confidentia, iterum corrumpit quædam occulti fati diffidentia, quando non tantum suprema militaris Gubernii capita, sed etiam ipsa corpora exercitus scinduntur, titubatq; foris, quod dissidet intus, & tamen non habent illi occasionem, ad deferendam Rempub. quæ sicuti in comitiis tributa laudavit, ita & in Comitoliis exequitur sancita, & positum est bravium, si currere velint. Interim tamen quando tempestas hæc Reipub. prudentissimo tuo regitur statu Ministerio, tunc ex auctoritate & mediatione Regiæ Mtis, brevi DEO sic volente civiles iras, in exitium hostium vertendas, speramus, nunc vero &c.

LXXII.

ANDREAS C. ZALUSKI EPISC. PRINC. VARM ET SAMB.
SUPREMUS REGNI CANCELLARIUS STANISLAO LESZCZYNSKI PALATINO Polnaniæ, 28 Augusti.

L Ongas literas tuas accepi, & deruli omnia ad quem pertinebant, vellemq; & optarem, ut hæc contestatio constantis tui affectus, eam faciat impressionem, sicuti facere solent illæ relationes, quæ videntur habere fundamentū certū, in quo pro candore meo informavi Abbatē Rozrazewski. Dilectissime frater, perim⁹ ita aut peribim⁹ successive ònes, agimur eo modo in ruinā quotquot sum⁹ nō alio quàm temporis disci-

A.C. 1703

discrimine, per has divisiones, si pars operis erimus & nos. Cur non deberem⁹ condonare Domino DEo injurias nostras, & insimul bonū publicum Patriæ huj⁹ curare, quæ proxima est ruinæ, cū sciam⁹ pro certo, quòd inauspicatus est medicus, qui necando discit mederi. Non dubito retulisse Nuntios Vestros, quàm bene fuerint recepti, quàm bene expediti, quid ergo restat? nisi ut conveniamus ad intra, & insimul jungamus manus, cordaq; ad conservandam cum Mte Patriam, quia unum sine alio salvari nequit. Explicui in eo sensus meos eidem Abbati, utinam efficacem faciant impressionem! ego ex corde toto diligo te, nemo est, qui plus vel melius tibi optet, modò ipsimet non impediatis. Nolite Patriam durioribus remediis, quàm pericula sunt velle salvare, quæramus populo pacem, non malum, ne eò rem deducamus, quod in proximo jam est, ut è Repub: non mala pessimam reddamus. &c.

STANISLAO LESCZYNSKI PALATINO POSNANIÆ

30 Augusti.

INcredibiliter lætatus sum, dum in Palatino Inowroslaviensi, Majoris Poloniæ Generali, eam ad concordiam & unionem inveni facilitatem, quam à tanto tempore, utriq; parti prædico moderans semper ne offendam, quem minimè volo, & nunc quasi fato quodam res benè processuras spero. Per amorem DEI, jam tempus est, nos de somno surgere, tempus est cogitare, quòd nihil boni hæc diffidentia nobis adferet, quod illa solamen hostibus auget, vires firmat, & roborat. DEus Charitas est, coram illo comparere, Patriæ respondere debebimus de futuris, si discordiâ nostrâ provocabimus mala. Sit optimum etiam instrumentum, dum chordæ non concordabunt, tangere illud benè, etiam perfectissimus non poterit Musicus. Obsecro per DEum vivum concurramus omnes ad harmoniam, tam necessariam, applicemus studia nostra, quis enim medicus ægros in transitu curat. Si vis benedictionem habere desuper, concurras ad id omni studio, quod millies & millies insinuando &c.

PETRO BRONISZ GUBERNATORI PISDRENSI MAREŝ
chalco Confœderationis Majoris Poloniæ eadem die.

Scribo ferventissimè, nam possibilène est in similibus frigidum esse, Palatino Posnaniensi. Non repeto dicta, sed te eadem charitate in DEum, & Patriam conjuro, ut regimen hoc quod tibi impositum est, in bonum Patriæ vertas, prosperum cœptum virtus vocatur. Minimè verò id sperandum esset, si deerit unio animorum, disjunctorū fatiscunt vires. Inveni in D. Generali æquanimitem, dicam tibi confidenter, quod multis ante hac putabam esse cornua, nunc agni sunt, balant tantum; Fac idem Charissime Dñe ex parte tua, & ita benedicet Nobis DEus, & hæc misera Patria eluctabitur, non ago multis quia scio & nosco cui scribo, & tu scis meum, & bonorum omnium votum.

Petrus Rademicki

COPIA LITERARUM PALATINI VILNENSIS Ad PALA
TINUM PODLACHIÆ ex Castris die 17. Augusti.

Accepi literas tuas datas 12 præsentis, quibus me certiore reddis de adventu Thesaurarij Regni tædioq; Principis Cardinalis inde concepto, quod redditum suum non maturet Tworzyanski qui

qui hic tanquam debellaturus Alexandrum in præsentia Regis Sueciæ *A.C. 1703* cum Generali Steinbock fecit mirabilia; sed non laudabilia, & abscessit tanquam importunus. Scripsi jam ad te per Zabrzescium famulum Principis Cardinalis, illum studio accurrisse, ut de pace solitudinem suam ostenderet, peteretq; designari Commissarios pro tractatu, ipsum etiam Thesaurarium Regni antecederet in eadem materia laborasse. Præclarus hic sanè labor & conatus, nam filium tenebrarum cum esse necesse est; cui pax in votis non est. Responsum ab aula Suetica, à Principe pacis nos pessimis puniri consiliis Reipub. (uti in præsentiarum constat) clandestinâ colligatione confœderatâ Moscho Litvaniâ, Oginscianis viribus eidem adjunctis; qui Oginscius quamvis malo suo Sueticas infestet copias, nunquam fere victor, semper victus; nihilominus salaria pecuniarum percipit, tractatus facit & concludit. Reflexione dignum & illud: Moschum limites Lit. transgressum ex ea Livoniæ parte, quæ Litvaniæ adjacet illiq; addicta est, invasisse & irruisse in Livoniam Suetico Regno incorporatam. In aperto est qualiter privatis conferentiis Rex noster cum Legatis agat, item consideranda etiam Comitia, quæ ex consilio Szaniavij hic & nunc fuerunt, impetrantibus id Moschoviticiis pecuniis, aliàs non prius futura, quàm prout Commissarii Reipub. in conferentia cum Comite Pipero declaraverant, pacis negotium concluderetur. Nunc verò contrarium factum est; unde eventus Comitiorum expectatur, conformisne Comitiolis futurus? in quibus propositio de colligatione Regis cum Moscho primum locum habuit, de quo ipso ex fonte, literis scilicet Regis Sueciæ ad Principem Primatem & Commissarios datis informari poteris. Reddet rationem DEO, quisquis ille Author est, ut tam pulchram machinam pacis venales animæ in gratiam monetæ dissiparent, utq; Saxonicae copiae in extremum periculum urbem Thorunium conjecturæ eidem pro præsidio imponerentur. Jam designati fuere Commissarii, ipse Comes Piper jam in procinctu erat ad tractatus; cum interim defertur Legatis exteris mediatoribus intra triduum discessum Varsaviâ imperatum, apprehensum id; quia non ex communi conferentia tractatum factum. Jam per consequens præsumere possumus & augurari iniquam sortem revolutionis; nisi enim Moscho renunciatum fuerit, privatamq; suam colligationem, quæ libertatibus nostris & pactis conventis periculosa est, Rex Poloniæ cassaverit; tractatui locus non erit. Ideo non necessario præcesserunt tractatum pacis Comitia, melius si secuta fuissent. Licuisset enim tum Reipub. ex duobus malis minus feriens cum minore incommodo & difficultate, tutiora, firma, utilioraq; eligere. Corrupti hæc omnia Regis cum Moscho confraternitas. Non istud pacis studium esse debuerat, ut Regem Sueciæ cum exercitu suo ex Patria exesse vellemus, Rege interim cum Saxonibus suis suæ privatæ colligationi Moschoviticae citra consensum Reipub. factæ incumbere permissio.

Quod privata mea concernit, uti honores & fortunas, fiducialiter præmoneo; Regem Sueciæ declarasse priusquam bellum sumat, expectaturum se, an jus & Respub. ex æquo mecum procedet? an verò in extraordinarijs Comitiiis duarum hebdomadarum confiscationem bonorum & honorum contra innocentem decernet? Num autem huic finit cogenda Comitia sunt; ut honores & bona nostra nobis vi erepta ijs in præmium cedant, qui juribus injurijs, libertati inimici, Reipub. turbatores audiunt; hi nostris muniis exaltentur innocentiam gemente? infontem esse sciens & pericula magnarum conjunctionum quæ Patriæ fatales esse

A.C. 1703 esse possent, prospiciens, pro posse meo non omisi decora excitare ingenia in variis Palatinatibus uti majoris Poloniae, Prussiae, Brestensis Kujaviae; quæ nos, uti luculentè de hac re informatus sum, jure & laudato à sæculis more defendant, trutinentq̃, quomodo pacificatio M. D. Lit. quem inter & nos, fortunam & honores nostros mediatio Reipub. declarata est, in salvo esse possit. Nescio quomodo ejusmodi Principi quispian aliquid persuadeat, qui cum sibi Rex & Consul sit, in DEUM tamen & Rempub. omnia devolvit: ad quam quomodo redeam, non video, quandoquidem non nisi vitam conservamus, expectamusq̃ dependentem ab illius fortuna fortunam nostram, calamitate calamitatem. Aliter antiquitus processit Respub. Janussio sub tempus vitæ clava adempta non est, tum prius parenti meo cessit, dum ille fatis concessit: Boguslao Radivilio Præfectura Stabuli erepta non est, non nisi cum vita finivit officium, bona omnia, Capitaneatus, manserunt Successori, Sobiescium tum adhuc Mareschalcum & Ducem exercituum Regni, quamvis eum per communem motum congregata Nobilitas sub Golembio judicaverit, honoribus & bonis tamen non spoliavit. Nos verò nullo jure convicti, solâ violentiâ ac conniventiâ Majestatis (verius dicam) mandato irati Dñi oppressi, honore & bonis exuendi sumus? vindicabit is qui justitias nostras judicabit. Opto ut filij Patriæ suaviora & meliora consilia, aliasq̃ ex his literis meis instinctu optimi affectûs scriptis facere velint consequentias & mensuras: nihil mihi relictum est præter id, ut me resignare possim divinæ voluntati, & tuæ de me sollicitudini. Scias me perire malle, quàm in exemplum esse malitiæ de innocentia in Patria triumphantis. Et profectò eò per malevolentiam deveniemus; ut & imposterum sub hoc jugo ingemiscamus? Veneror Theaurariû Regni, aliosq̃ Ministros; te verò oro has meas literas nolis sub modio positas delitescere, quinimò statue supra candelabrum, ut videant, quid domi nostræ agatur? quid futurum? quis causa speratæ tantû & non secuturæ pacis? Prognostico tuo de imminente domui meæ, quo ad honorem & fortunam occasu, an eventus responsurus sit? à Comitibus expecto. Memini civilium bellorum, par furor inter similes & malevolentia dominabatur, quæsitæ civilia remedia sunt; his scriptis maneo &c.

UNIVERSALE PRÆMONENS, & EXPRIMENS PERICULA Reipubl. simulque stimulans executionem sancitorum in Comitibus Lublinsibus Mense Septemb.

UNiversis & singulis, quorum interest, nobis fideliter dilectis. Quis non sperasset constitutum laudabiliter in Universalibus Lublinsibus Comitibus, renovato juratæ fidei sacramento confirmatû; mutuo indissolubili inter nos, statusq̃ Reipub. compactorum vinculo colligatum, & unanimiter à tota Repub. per omnes Provincias, Palatinatus, Terras & Districtus vulgatum & acceptatum generalis unionis animorum & armorum classicum, securitatem internam & externam dignitati nostræ, omnibusq̃ statibus Reipub. vigili custodiâ, animosâ resolutione, promptaq̃ constitutionum executione, allaturum; expulso è limitibus Regni, post tam longam, molestamq̃ hospitalitatem grassante hoste? & ecce iisdem callidis artibus conciliato à Rege Sueciæ lethargo sopiti, non tantum salutaria defensionis media, debitâ promptaq̃ resolutione observare & exequi nolumus, verum etiam sponte propriû præcipiti fato quærimus interitum, non tam persequendo, quàm sequendo

quando hostilis potentiae ludibria, quibus idem Rex Sueciae à prima, in Dominia hujus Reipub: irruptione, magis quam potentia & viribus, à libera gente, quae vult, despotica potestate evincit, & evincere deinceps juxta suum beneplacitum intendit, quando, partim insolenti armorum terrore, partim subtilioribus machinationibus, tot innocentium incolarum dejectis animis, potiusque confusis, quam devictis, sub colorato, & ad speciem grato, instaurationis jurium, & libertatis praetextu, per immutationem dignitatis nostrae, commotionem, & à fundamentis cardinum status Reipubl: eversionem, universalibus edictis, & literis suis, atroci, & ab universali more, gentium & Principum inter se contendentium, alieno stylo, publicatis & vulgatis, per absolutam hostilis Imperij tyrannidem, nostri dethronisationem, statibus Reipub: intimavit, adigens eos, non tantum ad deferendam juratam nobis fidem, verum etiam ad patrandum abominabile, nec unquam in Polonia auditum facinus: Verum, ubi Status Reipubl, congenita suorum Majorum virtute, nunquam ulla diffidentiae, aut non servatae suis Regnatoribus fidei labe, notatorum, (quorum magnus quondam Antecessor noster SIGISMUNDUS I, coram quibusdam Monarchis suas opes, Thesauros & magnalia exaggerantibus, integram nec unquam violatam fidelitatem, omnibus splendoribus & divitiis praetulit, coram iis totoque orbe gloriatus, usque ad invidiam, posse se in cujusvis Poloni sinu securè quiescere) tam in particulari Palatinatus, Terrae, & Districtus Regni, & M. D. L, tam in Comitibus per Lauda, quam per Generalem Provinciarum Majoris Poloniae & M. D. L. statuta, & confederationes, postea universale Marienburgense & Thorunense Consilium, & denique tota Respubl: in Comitibus praeteritis Lublinsibus, legitime juxta leges & consuetudines conservata, universali omnium Ordinum consensu, per protestationem, & assecurationem propriam, in prima constitutionum suarum facie, novo iurisdictioni nobis obstricta vinculo, & per reciprocum à nobis factum juramentum, novumque Diploma, mutua securitate roborata; malignum Regis Sueciae Projectum, quod etiam intueri Gens Polona dedignabatur, pro detestabili, nec unquam acceptabili declaravit, reassumpto antiquorum jurium rigore, contra quosvis similia fomentantes. Post quae Comitibus, quamvis ex mente Reipub: habentes provisum ad prosequendum hoc bellum, media; potuissimus ipsa instigante justitia, tam grandes Reipubl, nostrasque injurias jure armorum vindicare; vitantes tamen Christiani sanguinis effusionem, praefidentesque omnibus nostris injuriis, tranquillitatem publicam, simul volentes lenitate bonitateque nostra furorem Regis Sueciae & ejus adhaerentium mitigare & vincere, Commissarios à Reipub: designatos, ad reassumendos offerendosque Tractatus aulae Sueticae destinavimus. Praeterea per Cardinalem Primate legatosque exterorum Principum, de eliberanda Thorunensi Urbe ab obsidione, & oppugnatione, repetitis vicibus institimus, proponentes, non solum omnem facilitatem ex parte nostra, verum etiam per interpositionem, & mediationem externorum Principum, spontaneam deditio-nem nostrorum militum, pro praesidio illius fortalitij relictorum, declarantes, dummodo salva integritate ejusdem fortalitij, & restitutione in manus Reipub, more militari, liberè dimitterentur, imò appromittentes, licet bellum id diutius duraturum esset, illos milites, extra limites dominiorum hujus Reipub, ex nunc educendos, nec unquam directè vel indirectè adversus Sueticos Exercitus servituros aut militaturos. Rex tamen Sueciae, hanc propensionem & inclinationem nostram, cum
grandi

A. C. 1703 grandi postpositione M^{ti} nostræ, totiusq; Reipubl: aspernatus, Commissariis prius acceptatis, postea negato competente titulo, postpositis, non tantum ex ingenita & hæreditaria erga hanc Rempub, malevolentia, verum etiam ex fomento eorum, quos ad illum, vel diffidentia cum nostra M^{te} compulit, vel pertinacia deduxit, volens in constructo à se omnium infortuniorum theatro, hanc tragædiam, nunquam in Polonia practicatâ, totiꝑ detestandâ orbi, ulterius continuare, posteaq; per ruinâ boni publici tristi epilogo concludere, aliam speciem & figurâ continuandæ illusionis assumpsit, quando alios imagine insidiosæ pacis, quosdam exquisitis opinionibus & impressionibus, alios jam proprio, jam amicorû interesse seductos, in diversa distractos studia, plurimos verò vel gravissimis & intolerabilibꝯ contributionibus, vel violenta expostulatione: si non iveris ad confœderationem, mittam centum amicos ad te invitandum; coactos; vel intentata ignis & ferri super colla & substantias nobilium executione prostratos, ad privatos congressus sub titulo confœderationis, domesticis legibus, & novissima constitutione, anni 1699. condemnatos; velut jura M^{ti} & Reip: tollentes; ordinem, publicam pacem & auctoritatem Comitiorum, religiosissimè ab antecessoribus nostris conservatam infringens & invertens, angariavit, & hæctenus angariare, infestis armis per Palatinatus grassando, non cessat; tot Senatoribus, Officialibus & Incolis ob generosam constantiam extra patrios limites pulsis, qui quidquid chari & pretiosi erat, relinquentes, in alieno solo vitæ quærere securitatem sunt coacti. Ad hæc universalibus ex mente sua traditis, liberæ genti, quæ nemini servivit unquam, conventicula cogere, ubi verò nulla spes evincendarum suarum intentionum, propter constantem Equestris Ordinis erga M^{tem} nostram, fidelitatem, apparet, iterum domos repetere imperat, inventa sub velamine reassumendi Tractatûs, faciliore & compendiosiore viâ, assequendi intenti, per expositos ad tractandum, in re verò, ad cointelligendum secum, Deputatos, ut in personis eorum, inverlos statûs ordine, informi acephalæ vel dismembratæ Reipubl: monstro efformato, sine nobis, aliisq; statibus, ex integro ad negotia publica pertinentibus uno ictu totam posset Rempubl: jugulare, quodq; Avus ejus violento conatu, & præcoci fato efficere non potuit, id occultis machinationibus & conspirationibus, modernus Invasor, tentare cœpit, in hoc exquisitis artibus intentus, ut primo fundamento libertatis Polonæ, de libera electione everso, & per vim throno nobis, ad quem legitimè, unanimi totius Reipubl: consensu, evecti sumus, crepto, vel se ipsum hæreditarium Dñum, absolutè Regnantem declararet, vel similem sibi Invasorem, pari emolumento, inthronizaret, postea verò pro suo placito, de Dominiis & ditionibus Reipubl: disponderet, hocq; fine omnia fomenta diffidentiarum, oppressionum, invasionum, captivationum, violentarum coactionum, status nobilitatis, tum ex propria malevolentia, tum ex suggestionem suorum Adhærentiû, continuare non desistit, ut sonant originales literæ, quas nunc ad manus habitas, suo tempore & loco coram tota Repub: producere, non omittemus. Ideo, ubi in pleniorum omnium actionum, artium, & malignorum intenterum Regis Sueciæ agnitionem, propriâ tum nostrorum, tû totius Reip. infortuniorum venimus experienciâ, justum & necessariû, nostræq; M^{ti} consentaneum judicamus, ut collata re cum Senatoribus & Deputatis, ad nostrum latus pro tempore existentibus, fidelitates Vestras de omnibus præteriti statûs & præsentibus Reipubl: circumstantiis perfectiùs informemus, quidve sequendum aut fugiendum sit, omni

nni genuinæ veritatis manifestatione deferamus, & præcaveamus. Manifestamus itaq; nos hisce Universalibus coram suprema Majestate cœli terræq; Domini, per quem Reges regnant, & jura Regnorum subsistunt, quòd, sicut nihil magis quàm ineundam cum Rege Sueciæ pacem desideramus, semperq; convenientem Tractatum, sine ullo Mtis nostræ, & Reipub: præjudicio, sequentes pressè præscriptum præteritorum Comitiorum Ordinem, circa gradus, personas Commissariorum, & alias solennitates, in novella lege expressas acceptare volumus, ad mentem & beneplacitum designati à tota Repub: ex præteritis Comitiiis, ad latus nostrum Consilij, ita, omnia tam contra antiquas, quàm contra novellas leges attentata, vel qualescunq; innovationes, corruptelam, & eversionem statûs redolentes, novamq; Reipub: formam, & (quod absit) nocivam scissionem inducentes, quocunq; colore, prætextu, aut titulo, convocationes & privatorum conventicula quæsitæ; vel quærenda, occurrendo ulterioribus turbinibus & infallibili interitui Reipubl, nolentesq; in eodem statu, in quo ab Antecessoribus accepimus illam, Successoribus nostris, juribus, libertatibus, & consuetudinibus, integram & inviolatam relinquere, omnes hos, similesq; sive secutos, sive secuturos, sicut in virtute publicæ legis sunt annihilati, & cassati, ita pro interdictis, invalidis, nullis & irritis habendos volumus, præsertim in virtute constitutionum Comitiorum præteritorum, quas conservare & executioni mandare omni conatu allaboramus, jamq; eo fine vigore scripti ad Archivum, lege publica approbati, manu Cardinalis Primatis, & Mareschalci conclavis Legatorum in præteritis Comitiiis subscripti, legationes ad externos Monarchas pro implorandis subsidiis, observatis gradibus, per Cancellarias Regni & M. D. L, accelerando, quàm maturissimam præparationem & tempestivam virium auctionem ad humiliandum & deprimendum hostem, pro salute & utilitate communis boni ritè & legitimè expedire non intermisimus, præveniendò dolosos conatus eorum, qui unam à nobis potentiam externam avelerunt, alteramq; à qua præsentissimum in rem boni publici speramus subsidium, avellere nituntur: verum etiam animitus optamus, ut omnes Regis Sueciæ intentiones, molimina, actiones, depopulationes Provinciarum, direptiones, ruinas, tot fortalitorum urbiumq; incinerationes, Ecclesiarum vastationes, Thesaurorum spolia, ablationes artilleriæ, omniaq; in Sueciam transmissa, & alias violentias, invasiones, extremam jurium & libertatum convulsionem, simulq; incessantia ejusdem Regis Sueciæ molimina, factiones, & ab aliis extorsiones, ab aliis ereptiones pecuniarum, aliaq; juratæ hostilitatis facinora, sine mora, providâ censurâ, & maturâ pensantes consideratione, unicum salvandarum rerum medium, scilicet, indilatam sancitorum, in præteritis comitiis executionem, ad contentandum alliciendumq; militem arripere velitis, & voce promulgati prius classici, ad generalem armorum unionem excitari, supprimendo & annihilando omnes inter vos diffidentias, discordias, contradictiones, privatas publicasve oppositiones, & reclamaciones, auctoritatem præsertim Comitiorum infringentes, ultima auxilia subsidiaq; Patriæ eripientes, & præsertim tumorem & pervicaciam hosti conciliantes, qui unicè quærit, ut artibus suis nostram personam totamque Remp. uno possit operire sepulchro, superbosq; in eo triumphorum Colossos erigere. Hinc dum sola non nisi spes relicta in armis, unicūq; libertatis remedium sit, vi jugum excutere; obligamus, nostraq; Regiâ auctoritate monemus, quatenus ferro, noto quondam & terribili ho-

A.C. 1703

stibus, quod inclyti Majores ideo appensum gerebant lateri, ut sanctam Fidem Catholicam, Regiam Dignitatem, Patria jura, libertatesque in integro conservarent, obstinatum Regis Sueciæ ferociam coercere, & & suppressere velitis, hac nostrâ certi assecuratione, quod nos non solum personâ, capite, viribus, opibus, omniq; conatu; verum etiam vitâ, & extremâ guttâ sanguinis, integritatem Reipubl: Dignitatisq; nostræ, defendere & tueri statuerimus, & sicut singulari propensione, & affectu erga Polonam Gentem propter conservationem jurium ejus & libertatum, quæcunq; in proximè præteritis Comitibus Lublinensibus à nobis unanimi voto affectabant status Reipubl: promptè implevimus, eaq; sacrosanctè conservare volumus: ita in sequentibus, DEo dante, exorbitantiarum Comitibus; quæ, collato consilio cum Senatoribus & Ministris statûs, sine mora convocari optamus, quidquid antiquis juribus, & integritati Dignitatis nostræ non repugnare judicabitur, conformantes nos communi omnium Ordinum sensui, adimplere parati sumus, simulq; contra omnes eos, qui apertè vel occultè Regi Sueciæ, ejusque Exercitibus per contemptum legum & abusum sui statûs assistere quocunq; titulo vel prætextu ausi sunt, nec hætenus à male ceptis desistunt, vigori & rigori communis juris conformantes nos menti totius Reipublicæ, insistere declaramus.

LITERÆ UNIVERSALES AD TOLLENDAM CONFOEDERATIONEM MAJORIS POLONIÆ Varsoviæ die Sept.

AUGUSTUS II. Sc. Post Titul.

UNiversali Poloni & externi orbis judicio persuaseramus, quod feliciter finitorum ad vota populi Comitiorum Authoritas sacrosanctè & immobiliter à Majoribus nostris conservata, in cuius manutentione integritas jurium, vigor omnis regiminis, potestas efficacis defensionis, & salus publica ædificari solet, indivisibilem unionem, & invictas vires stabilire debuisset, per inventa efficacis subsidii media, auctos & assecuratos exercitus, laudatas in exsolvendam mercedem contributiones, extincta dissidentiarum semina, quando, quidquid ad manutentionem libertatum & jurium, quidquid ad auctorem eorundem pertinebat, per seperatum, diploma nostrum Statibus Reipub. assecuravimus & totum illud inviolabiliter manutenere volumus. Et ecce inventi sunt tales, qui privatis inducti passionibus fumos aliquos sinistrarum interpretationum ante oculos hominum innocentium ponendo, claritatem juris publici & Statutorum Comitiorum obscurare, & ignem dissidiorum inter Status dissipatum de novo accendere cupiunt. Et quod vel maximè dolendum, speciosum nomen vindicandæ libertatis præseferendo, ut eò ad metam destinatam proposita sua perducere possint. Comitibus solitum à sæculis in similibus Reipub. paroxysmis expertum antidotum in virulentum venenum transmutant, usurpando sibi novo exemplo, & maximè nocivo abjectâ superioritate authoritatis nostræ Regiæ particulares legibus vetitas pacem communem ex fundamento evertentes congressus, & tales actus, qui publicum scandalum

dalum compactatorum Statûs solutionem, & omnis boni Ordinis 4.C. 1703
 eversionem causare solent, & quantumvis prima illorum principia
 in meliorem partem interpretati sumus, & ulterius propter conser-
 vationem pacis internæ in eadem opinione manere parati sumus,
 cùm tamen effectus patientiæ nostræ doloris sint pleni, quos in ul-
 timo responso Aulæ Sueticæ legimus, quòd oblata à Commissarijs
 cum notabili authoritatis nostræ & Reipub. demissione, satis fru-
 ctuosæ & utiles pro parte sua à Rege Sueciæ conditiones postposi-
 tæ, fastuoseque tractatus reiectus, nullamque ad pacem reliquit spẽ,
 monstrando palàm fatale omnium malorum fomentum discordiam
 civium, separata consilia & divisa vestra, nonnullorumque repetitos
 congressus. Proinde obviando his, & ulterioribus in ruinam Patriæ
 paratis impetibus, ab hostibus verò in favorem proprium scandalo-
 se acceptis, volendo insimul manutenere authoritatem Comitiam
 in suo vigore, & ut his subtilibus practicis per longanimitatẽ nostram
 ad majores ausus contra nos & Rempub. ulteriora inconvenientia
 tentandi & moliendi occasionem non demus, Comitola Relationis
 hætenus ad effectum non deducta per universales literas nostras vo-
 bis indicimus, optando, & per amorem Patriæ obligando, ut exem-
 plo antiquorum Polonorum, qui non in sermonibus aut verbis va-
 nis, sed in negotiis & actionibus fortitudinis & unionis fundamen-
 tum consiliorum suorum ponebant, pro defensione authoritatis nos-
 træ, & securitatis miseræ hujus Patriæ justa & salutaria contra tam
 fortem inimicum more antiquo Polono acceptis resolutionibus ad
 communem Statuum Reipub. concordiam conformando se, & sta-
 tuta Comitiorum ad executionem deducere non intermittatis. Re-
 lictis à parte omnibus privatis consiliis, congressibus, conscriptioni-
 bus, quæ & antiquis legibus & recenter reassumptis, titulo de
 Guerris inhibentur, interposito pœnarum rigore ipso facto incurren-
 do, & irremissibiliter extendendo, & ad Domos vestras redeatis, cus-
 rando tranquillitatem publicam, quam omnibus Gubernatoribus
 etiam adhibito forti brachio manutenere jubemus secundùm leges,
 & constitutiones Comitiorum. Quod ut notum sit. &c. &c.

LITERÆ REGIÆ AD SENATORES ET DEPUTATOS
 ad latus suum eadem die expeditæ.

Sperabamus infallibiliter, quòd Comitiam præterita feliciter conclusa,
 post fundatam tot vinculis & restabilitam inter Status con-
 fidentiam, exoptatam ab extra, & ad intra, adferre debuissent
 tranquillitatem: Ita in eodem fundamento vocatis Varsaviam Com-
 missariis ad Tractatus, destinatis obligavimus, ut etiam non sine di-
 minutione nostræ authoritatis Regiæ & Reipub. propositiones, ulti-
 mos altissimæ securitatis gradus includentes ad aulam Sueticam mit-
 terent, ut ultimam destinatorum ejus resolutionem explorare possent.

A.C. 1703 *Et ecce loco exoptati responsi, & expectata inclinationis ad Tractatus contrarium rescriptum ad normam solita Cancellaria illius styli, quaesitis & improprijs argutiis impletum, omnem spem pacis excludens recipimus, cujus totum tenorem aperta invidia, & singularem causam in motus domesticos, & prohibita conventicula auctoritate Comitiorum, & superioritatis nostrae evertentia rejiciunt, & illa pro obtentu continuanda hostilitatis allegant, quando magis privata studia eorum, qui cointelligentias habendo cum hostilibus machinationibus jura & hostilitates antiquas aggrediuntur, & jurata abruptando fidem, obstinatas intentiones suas per extremam ruinam Patriae erigere intendunt potius, quam auctoritati totius, & indivisibilis Reipub. providere. Proinde in tam subito publici periculi casu insistendo novellae legi, cum Consiliariis & Deputatis ab Equesstri Ordine conferre volumus, & te pro die 16 Mensis Novemb. in anno praesenti ad latus nostrum, ubicumque, cum constituti fuerimus, pro consilio & auxilio invitamus, ut his & ulterioribus inconvenientijs mature obviando, ita ex consilio & sensu tuo procedere possimus, sicuti auctoritas legis communis, & ultimarum Comitiorum reassumpti vigores informabunt. Minimè dubitamus, quòd sicut soles constanter in his difficultatibus nobis & Republica veram testari fidelitatem, & nunc ad manutenendam integritatem boni publici laborem hunc indulgebis, certus meritorum tuorum recompensam, apud exterarum verò nationes immortalem nomini tuo vendicabis gloriam &c. &c.*

RESPONSUM STANISLAO GODLEWSKI 5^{ta} Septembris.

Accepi literas tuas de data 21. Augusti plenas constantis affectus, plenas dignarum pro bono Reipubl. defensionum, singularem inde habui satisfactionem. Ago gratias pro primo, accedoque sententiae tuae, secundo illud tantummodo addo, necesse esse dura Mortales pati, sic volente DEo; causa malorum omnium hujus infelicitatis nostrae est poena peccatorum nostrorum, quae justitiam DEI in nos armant. Diffidentiae injustae, simultates quaesitae, tanquam in medio pacis oblivio commodorum publicorum, tanquam Patria non nostra esset, insensibilitas super infortunia, & oppressiones tanquam non satis jam nos perstrinxerint, & quod majus malitiae genus, plurimorum causa malorum, quòd unus contra alium agit, alter alterum persequitur, & etiam bonam aliorum voluntatem ad bene agendum alii impediunt, quod nimium alienum est ab ingenio meo. Comitiam tam bene finita, merces tam abundanter laudata, & tamen exercitui cum suis Ductoribus non videtur esse satisfactum, & sic quod erat, esse non desistit, quia odio infelicitatis operosae ad otium, ut solent, nunc anhelant. Multa accusant, & pauca agunt, & multi ita sunt constituti, ut amissa Reipubl: piscinas suas fore salvas sperare videantur. Sed omnia haec, quaecunque scribo, scienti dico, qui his plura sibi dicere potest. Non moror proinde, sed vel è longinquo cordialiter amplector, securumque te reddo, quòd omnia agam pro bono publico, nam turpe crederem, cedere oneri, luctari cum officio, quod semel recepi &c.

Adne-

Adnecto Universales literas ad Palatinatus Majoris Poloniae, ut vi- *A.C. 1703*
deas nihil intermittere Nos, quidquid ad pacificandam Patriam profi-
cium esse credimus, maluimusq; interdum, ut multi nos nimis exacte,
quam pauci nimis negligenter facere existiment. &c.

COPIA UNIVERSALIUM LITERARUM AD PALATINA-
TUS MAJORIS POLONIAE. 2. Septemb.

P*ost tit.* Post finita feliciter Comititia Lublinensia inter primas
solicitudinis nostrae curas, celerem & indilatam sancitorum ex-
ecutionem omni conatu & applicatione promovere volu-
imus, ut in omnibus Palatinatibus & Districtibus Comitiola
relationis votivo Reipublicae eventu finita, praesidium & sub-
sidium integritati boni publici adferant, & eo fine Univer-
sales literas nostras pro Comitiolis relationis pro termino in
Constitutionibus designato Palatinatibus Majoris Poloniae expedire
demandavimus; quae quia propter pericula praesentia alicubi deten-
tae in tempore ad loco consueta non devenerunt, & publicari non
potuerunt, consequenter illa Comitiola annullari debuerunt. Pro-
inde satisfaciendo necessitati publicae ad mentem novellae legis in
loco consueto pro die.. Comitiola iterata relationis auctoritate no-
strae Regiae indicimus, & constituimus: obligando omnes, ut eradi-
catis ex cordibus vestris diffidentiarum seminibus, alienatis omni-
bus nocivis juribus, & consuetudinibus, antiquis obstaculis, sequen-
do tritum Antecessorum vestrorum iter, constituta Comitiorum in
omnibus punctis ad conservationem universi necessaria, quam ce-
lerrime & efficacissime executioni demandetis; & simul fortibus con-
siliis & viribus conjunctim cum exercitu Reipub: & nostro auxiliari
resistentiam grassanti inimico dare non intermittatis. Quas Univer-
sales literas &c.

MEMORIALE AD SERENISSIMUM & POTENTISSIMUM
POLONIARUM REGEM LEGATI CAESAREI 6. 7bris.

Infra scriptus S. R. Mti legatus in Polonia S. R. Mti Vrae eo, quo
par est, debito respectu, nomine & ex parte S. Caesareae Mti Domi-
ni sui Clementissimi exponit. Quod quamvis ab aliquo tempore S.
C. Mtas ex diversis partibus certior reddita fuisset Ragoccium, post-
quam per fugam ex carcere Nostradiensi evaserat, in Poloniam se con-
tulisse, in hocq; Regno pro se, suisq; adherentibus receptaculum & pro-
tectionem non sine publico scandalo invenisse, non potuisse tamen eam
haecenus talibus Nuntiis fidem adhibere, neq; sibi imaginari, fore, ut
aliqui in hoc sibi vicino, amico, & confederato Regno reperirentur, qui
nullam habitam causam, & quidem eo tempore, quo ipsa omnem operam &
curam impendit, ut pristina in hoc Regnum reducatur tranquillitas, qui-
esq; talibus hominibus de conspiratione in caput Augustissimi Impera-
toris legitimi ipsorum Dñi, inq; perniciem à DEo sibi datorum commis-
sorunq; Regnorum, & Provinciarum convictis non solum hospitium da-
re, verum etiam consilio & auxilio assistere, in eoq; summam ponere soli-

*Ragoccium in
Polonia*

A.C. 1703.

solicitudinem, ut in suis Regnis atq; Provinciis novi motus & turbæ ipsorum operâ & industriâ excitentur, conserventurq; proprio, & nefando ausu, inauditoq; apud alias gentes, quæ in mutua amicitia, atq; bona vicinitate vivunt, exemplo, privatâ authoritate præsumerent. Nisi modò certis Sacra Cæsarea Mtas edocta esset documentis, dictum Ragoccium, aliquotq; ipsius adherentes non tantum longo tempore in Polonia commoratos fuisse, & à diversis incolis omnia hospitalitatis beneficia recepisse, sed etiam in Hungariam ad exequendas perniciosas suas, & à quocunq; detestandas intentiones discedentem, validas auxilium trices aliquot copias secum ex Polonia, Magnoq; Ducatu Lit. eduxisse. Neminem latere potest, dictum Ragoccium cognitâ causâ, observatisque juris formalitatibus læsæ Mtis. perduellionisq; reum à Commissariis ad hoc constitutis pronuntiatum fuisse, & cum pravâ sceleratâq; conscientia ductus ex carcere ante latam sententiam evaserat, decem millia florenorum Germanicorum illi, qui vivum, sex autem millia, qui mortuum ad manus justitiæ consignaret, publico diplomate promissa fuisse. Hæc etenim principalis omnibus Regibus, Regnisq; ac Rebus publicis causa communis est, & esse debet, ne talia & tam enormia crimina, quæ in perniciem, interitumq; cujuscunq; Patriæ tendunt, maneant impunita, multò minus ut illi, qui talia perpetrarunt in sinu vicini, amiciq; Regni foveantur, assistentiaq; ipsis præbeatur. Sacra verò Regia Mtas vestra, hæcq; inclyta Respub. utpote quæ nihil hætenus habuit antiquius, sanctiusq; quam pacta & fœdera cum vicinis Principibus semel inita semper illæsa servare, neque permittere, ut illa, à quocunq; subditorum propriâ & privatâ authoritate violentur, ob fœdera & compactata perpetua, quæ à longo jam tempore Sacram Cæsaream Mtem inter & hanc inclytam Rempub. pro utriusq; partis bono & cum optimo repetitis exemplis comprobato successu intercedunt, & quæ semper etiam sanctè & inviolabiliter à S. Cæsarea Mte observata fuere, quæque graves & ipso facto incurrendas pœnas contra illos, nullo penitus excepto, qui rebellibus unius aut alterius partis receptaculum dare, protegere, aut quomodocunq; assistere auderent, decernunt, magis & sine mora mutuo isto pactorum & fœderum ligamine tenentur, ut contra illos, qui in hoc Regno, Magnoque Ducatu Lit. nunc recenter supradicto Ragoccio ejusq; adherentibus in Domibus, Palatiis, fortalitiis, terris propriis, aut jurisdictioni subjectis refugium recipere permiserunt, illosque ibidem protexerunt, nutriverunt, pecuniâ & consilio adstiterunt, & foverunt, seriò inquiratur, contraq; eos, qui rei inventi fuerint, secundum compactorum fœderumq; tenorem rigorosè, & exemplariter animadvertatur, prout etiam illis, qui in Hungariam pro rebellium assistentia ex Polonia, & M. D. Lit. vel separatim, vel copijs immixti se contulerunt, ut quantocius, & quidem intra præfixum certum temporis spatium ad Provincias suas redeant, nullumq; amplius in futurum neq; in Poloniam, neq; extra Poloniam directè vel indirectè per promotionem, cambium, vel transmissionem pecuniæ, munitionum, armorum, victualium, aut cujuscunq; alterius rei ad nocendum aptæ auxilium præstent, severâ fœderumq; & compactorum legibus præscriptâ comminatione injungatur. Quod, dum nihil æquius ac justius non solum, quia reciprocis pactis innititur, verum pro utriusq; partis Regnorum, Provinciarumq; mutuâ prosperitate & conservatione plurimum salutare imò necessarium est, ita S. Cæsarea Mtas notâ & ubiq; de prædicata æquanimirate pollicetur fore, ut huic indies magis,

gis, quia impunè gliscenti malo remedia sine mora adferantur oppor- *A C. 1703*
 tuna: offertq; se in similibus, aliisq; compactatis & fœderibus insertis,
 tum etiam in omnibus se præsentantibus occasionibus juxta bonæ vi-
 cinitatis & amicitiae jura idem sine ulla dilatione, debitâ desuper factâ
 requisitione facturum. Ego verò summo profundissimoq; respectu &
 cultu maneo S. Mtis Vrae, Humillimus & obsequentissimus servus.
 Henr. C. de Stratman.

IN VIM RESPONSI EXPEDITÆ SUNT LITERÆ UNIVER-
 sales ad Civitates limitaneas die 9. 7bris.

Post titulos. Quando nihil sanctius & antiquius Status Reip. super
 conservationem fœderum & Pactorum cum vicinis Monarchis esse
 credunt, & unanimi consensu immotam in eo nominis Poloni po- *Receptores*
 nunt reputationem, nullâ re violentius & sensibilius cor nostrum pater- *Ragocij*
 num potest affligi, quàm notitiâ & querela ab Augustissimo Imperato-
 re per legatum ejus ad latus nostrum nunc manentē nobis delatâ; quòd
 Princeps Rakocius pro rebeli declaratus, in Regno Hungarico grassans,
 quasi haberet aliquos ex Dominis nostris Regni & M. D. Lit. faventes,
 qui obliti severitatis pœnarum in constitutionibus Comitiorum contra
 violatores Pactorum cum externis expressæ, non tantum consilio adesse,
 sed & pecuniâ juvare, & copiis auxiliaribus, ut in destinatis suis & re-
 bellione faciliorem possit habere progressum, non intermittunt. Per quod
 omnes tales ipso facto non tantum in pœnas legum infamiæ, perduelli-
 onis, & confiscationis bonorum inciderunt, sed etiam pro hostibus Pa-
 triæ censerì debent. Proinde nos nihil magis nobis, quàm observatio-
 nem & conservationem in integro bonæ cum Augustissimo Imperatore
 amicitiae & vicinitatis optando; obviando etiam ulteriori subditorum no-
 strorum tam in Regno, quàm in Magno D. Lit. licentiæ, his universali-
 bus literis severè intimamus, ut omnes, quicumq; aliquas copias eidem
 Principi in subsidium miserunt, illas in tempore à publicatione harum
 literarum universalium sex septimanarū omnino revocent, & hi omnes,
 quicumq; quomodocumq; sive sparsim, sive sub signis assistunt, in domos
 suas redeant, & imposterum, ne quisquam ex istis vel aliis omnibus
 Regni nostri, vel Ducatus Lit. incolis audeat ullam Principi huic, & e-
 jus adhærentibus, nec hominibus, nec pecuniâ, nec armaturâ, nec ullis
 aliis necessitatibus bellicis auxilium ferre, nec etiam correspondentiam
 ullam cum illo habere sub pœna de Gverris & aliis rigoribus in con-
 stitutionibus Regni annorum 1588. 1590. 1607. 1609. 1613. 1618.
 expressis, quarum executionem contra transgressores & violatores legū
 irremissibiliter extendi debere declaramus. Eodem tempore Guberna-
 toribus, Capitaneisque nostris, præcipuè limitaneis hos insolentes homi-
 nes rapiendi, delendi, extirpandi, ad executionem leges deducendo, o-
 mnimodam permissionem damus, sub nexu officiorū eorundem, & sub
 pœnis iisdem constitutionibus determinatis. Has verò universales lite-
 ras, ut eò citius publicari possint, ad civitates, oppida, & loca consveta
 mandare jubemus. &c.

A.C. 1703 STANISLAO LESZCZYNSKI PALATINO POSNANIENSI
Varſaviâ 7. Septemb.

PLenas teneritudinis literas tuas accepi; Vellem abſtinere à ſcribendo & tantum cor obſigillatum meum tibi mittere; Plura enim in illo legeres de affectu meo erga te, quàm invenies verborum, quia hæc non invenio, quibus expectationem noſtram deſcribere poſſem, deſideria verò ex alia parte tua queam adimplere; Hoc eſt certum, quod medium à te conferendi ad invicem datum videtur mihi eſſe efficaciffimum, quia in uno quadrante plura loqui, quàm in toto papyri libro ſcribere poſſumus. Non recuſarem ego etiam medium itineris conficere, quia ubi agitur de obſequio Patriæ, nullus me antecurret, ſed præſentes conjuncturæ iter meum nullatenus permittunt. Si tu velles, poſſes tanquam in ea ætate conſtitutus venire in Caſunum tuum, tunc & ego non gravarer ibidem comparere, & in medium conferre de modis, ex quibus hic & nunc non video ullum meliorem, quàm illum, quẽ toties tibi inſinuavi, ut ſancita Comitiorum acceptentur, concordia inter omnes fiat. Omnium enim noſtrum in eo conſiſtit utilitas, ut è malis eluctemur, & junctim de miſera hac cogitemus Patria. Expecto proinde à te notiſſimam, an venies Caſunum &c.

P.S. Per amorem DEI, extingvamus hunc ignem, cum eſt exiguus, quia nemini eo nocebimus, niſi nobismetipſis.

LXXIII.

ANDREAS C. ZALUSKI EPISC. PRINC. VARM. ET SAMB.
S. R. CANCELL: ALEXANDRO SALLAROLI REGIO MINISTRO ROMÆ 13 Septemb. Varſaviâ.

GAUDIUM mihi à te vir amiciffime, ſunt enim amoris velut vades, qui nubeculas mœrorum diſpellunt, & dulcia dant curarum ac laborum intervalla, ſed magis mihi gaudium ab affectu, quem purum oſtendis, & ſine fuco; illum jam pridem calentem, magis quàm lucentem. A prima notiſſima amavi te, & occultius ab initio, aſt poſt apertè, & ſine velo; Repentinas illas amicitias non probo, quæ paleæ aut ſtraminis inſtar leviter accenſæ citi⁹ evaneſcunt, quàm coaleſcant, nectare dulciores, dum novæ, & recentes, poſtea vappa. Qua jactura quid levius eſſe poteſt, ſi amicus eſſe deſiit, qui nunquam fuit? ſolidus amor à virtute proſectus, tam finem neſcit, quàm ipſa virtus. Cui poteſt eſſe vita vitalis, qui non in amici mutua benevolentia acquieſcit. Quid dulcius quàm habere, qui cum omnia audeas ſic loqui ut tecum. Quis eſſet tantus fructus proſperis rebus, niſi haberes, qui illis æquè, ac tu gauderet. Adverſas verò ferre difficile eſſet ſine eo, qui illas gravius, quàm tu, ferret.

15tâ elapſi menſis venit mandatum Regium, ut ſummo manè ducerem mecum Principem Wiſzniowieccium ſolum, ſine ulla caterva, quam ſecum trahere ſolet, Odſochium, quo etiam venit itidem ſolus D. Caſtellanus Cracoviensis, fuit privatum conſilium bellicum circa quid agendum? combinare voluit Rex DD. Generales & ad fortia agenda excitare. Jui & ego ut potui, affectus enim ſincerus in Patriam urſit, & eo ardore, quo ſoleo, non cunctarar dicere, quæ ſentio. Noſti genium Caſtellani, unde concludes quantam difficultatem habuerimus in perſuadendo eo, quod è re Reipub. eſt, cum præſertim Cardinalis Primatis

matibus diversis gnomis imbutus videatur. Conclufum in hoc confilio, ut Dñus Castellanus ex hac parte Viftulae ubi Thorunium eft, Princeps verò Wiſniowieccius cum Exercitu Litvaniae in aliam tranfeat, & uterq; verſus Thorunium confilia ſemper & progreſſus ſuos communicando progrediantur. Vidimus autem nihil magis nunc Regem cogitare, quam ut peditatus ejus Thorunio ſecurè exire poſſit. Poſt conclufum confilium dixit mihi Rex delatum ſibi à Cardinale, quòd ego correfpondentiam habeam cum Dño Piper, aſt hoc à veritate alieniſſimum eſt, & non niſi unam epiſtolam ipſi ſcripſi, idq; cum ſcitu ipſiuſmet Regis, dum Lublinum ad Comitiam irem; item quòd eidẽ inſinuaverim regere me abſolutè & quòd ſine me Rex nihil faciat, è converſo faciat, quaecunq; demum mihi placuerint, hoc quoq; ab omni veritate abludit, neq; enim id prætendo, neq; prætendam unquam. Nihil facio quòd me pudeat feciſſe, & iniquè redarguor in multis, unde laudari mereor. Mens enim mea quam ſemel in Regem & Patriam implevit charitas, ſui juris eſſe non ſinitur, metuit quòd nescit, dolet quandoq; quòd non oportet, ſollicitatur plus quam noluerit, & unde noluerit, compatitur nolens, miſeretur in vita. Cum ergo nullius mali mihi unquam conſcius ſim, nihil commiſerim cui peccatum ſubefſet in Regem, & Patriam, vel nunc etiam, cujus me mea accuſet conſcientia, ut ergo me juſtificarem, & adverſariorum iniquas calumnias oſtenderem, petii à ſua Mte, ut mihi permetteret expoſtulare cum Cardinale, ut quòd aſſeruit, probet, cum valdè mirer, & plurimum doleam, quomodo pro certò affirmare id potuerit, de quo certum eſt, quòd certus minimè ſit, nemini enim de me magis credo, quam mihi. Et dum permiſſionem à bonitate Regis habuerim, in craſtino ſtatim, ne quis ſilentium meum, & modeſtiam in conſcientiam deduceret, fui apud D. Nuntium Pignatelli, quamvis mihi parum amicum, non meà certè culpà, ſed aliquà ſiniſtrà relatione, & petii ut tanquam Miniſter Pontificius vellet loqui cum Cardinale Primate, & rogaret ipſum, ut quod contra me injuſtè dixit, verè ſi poteſt probaret. Jam pridem ego vexor, ſcindor, laceror & creſcit indies malum, & ingraveſcit; ne ergo dilatio & mora ſit harum probationum, petij inſtanter, inſtantius inſtantiffimè non dubitans de Miniſtro capitis noſtri, quin vicem meà ita animo apprehendat, ut etiam plura hoc in paſſu curret, quam ego nunc poſſim deſiderare, cum credam firmiter, rectius hæc eundem cognita habere, quo zelo ſerviam Regi, & cujus rei ſim capax. Accidere poſſe ex his principiis quædam, quibus ut D. Nuntius provideat, neceſſitas exigit. DEum teſtem citavi, Poloniamq; univerſam non tantum me non quærere, ſed etiam diligentiffimè evitare, omnes quaſcunq; occaſiones offendendi Primatis, ſed tamen minimè ejus auctoritatem timere, primus eſt in Senatu, ſed par in ſententia dicenda. Faciat ergo Dñus Nuntius, quod videbit ex uſu fore, & confilium capiat, quod credet propoſitis magis conjunctum, quia diu in eodem loco res non poſſunt, ut jam ſeſe habent, commorari. Expectabam aliquot diebus, & reſponſum non habui ex impatientia, fultrà ratione iterum adij Dñum Nuntium, qui, reſpondit mihi, Cardinalem id ab alijs audiviſſe, nec velle mihi probare, eò quòd non poſſit, evidenter verò putet deteriora illum ſemper velle, quæ, quia ego viriliter impedio, vellet me ſi tantum virium eſt, quantum voluntatis, præcipitare, & ſic juſtus fert crimen iniqui. Quod ut Sereniſſimo Regi referret Dñus Nuntius enixè petij, ſufficit enim mihi quòd in probationibus defecerit, & quòd dixerit, non quæ

A.C. 1703 quæ ego mereor, sed quæ ille dicere solet.

18 Fuit apud me iterum Dñus Castellanus protestando contra Exercitum Litvanum, quòd ex hac parte progredi velit Vistulæ, quamvis eo concluso contentus nuper fuerit & cum ego de communi malo collocutus, remedia communicavi, interim tamen, ut ille ostendat mihi quid possum, quid velit, & lenire volui quæ exterrēt, compescere quæ irritant, discutere quæ fallunt, persuadebam, ut daret operam, ne quid unquam invitus faciat, quod necesse facturus est, & dimittere volui illum plenum fiducia, promittens, me evicturum apud S. Majestatem, quòd etiam si sit contra constitutum nuperi consilii permittet, ut etiam Exercitus Polonus hac ex parte eat, sed ille (nesciens sanè quid velit) nolle se simul cum Litvanis ire, cum enim eorum Exercitus sit absq; omni disciplina, nolle se pro eo respondere tot injuriatis. Quædā eum magis torquent, quàm debeant, quædam ante torquent, quàm debeant, quædam torquent, cum omninò non debeant.

Futurum enim primum despicere deberet, quod non facit, an certa sint argumenta venturi mali, plerumq; enim suspicionibus laboramus, & illæ illudunt nobis. Quàm multa non expectata veniunt, quàm multa expectata nunquam comparent! Sensus nostri nimius amor timoribus nos inquietat, solitudinibus onerat, contumeliis objicit.

Tandem ignā scripsit fortissimè D. Castellanus Cracovientis, quòd satius esset, ut ostenderet Rex Seren: simpliciter se contemnere, quàm perpetuā simulatione torquere, petiit ne Litvani transirent pontem, sed illā parte Vistulæ irent, continua & ex intervallis rediens mutatio, & semper præsentibus infesta levitas, sed hoc nunquam fiet, etiam si semper optetur, responsum datum negativum, ego voluissem civilius quia diffidentia hæc multa potest causare mala, & ea ad augmentum depressæ publicæ servient certò fortunæ.

23. Transtulit residentiam suam Rex in Uiaźdow; Captus est in taberna bibens Canonicus Vnieiovienſis Jasinski vocatus, mali corvi malum ovum, qui cum literis à Cardinale ad Generalem Reinschildt ūibat, interceptæq; literæ, quas consuevit in pileo. Tunc recentia magis clarescunt, cum fuerint malis comparata prioribus, nollem hæc dicere, sed nescio quid proſit, si quod mundus clamat, ego tacuero. Me ipso melius cognitum hoc habes, atq; perspectum, recordor enim semel de hoc nos invicem contulisse, quomodo certus Jasinski (& est Pater hujus de quo historia) arbor mala non potest bonos facere fructus, cujus est memoria in constitutione ea, in qua perduellionis, & læsæ Majestatis reus, Hieronymus Radzieiowski parens nostri Primatis condemnatus, ab hoc missus erat ille ad Cosacos sub JOANNE CASIMIRO, ut eos contra Regem, & Rempubl: adduceret, qui interceptus, à strenuo & bellicoso viro Wyzycki Patre hodierni Domini Episcopi Chelmenſis factus est, & non negavit omnia ea, quorum fine ad Cosacos ibat. Hujus ergo boni Patris non melior filius has literas portavit, in quibus præmonebatur Dñus Generalis Reinschildt, appropinquare exercitus nostros in illam, ubi castra sua erant partem, ut esset cautus paratusq; sive ad aggrediendum, sive ad se defendendum. Nolim laborē subire, ut tam clarum crimen describam manifestè, quod evidenter spectari potest. In summo ergo discrimine, ac perarduo, quale unquam evenire potuit, Primas noster versatur, non opus est testibus, propria manus vincit.

24. Fuit Cardinalis Primas apud Regem, & præsumens animo posse

se aliquid inveniri, quo se excusare valeret, & destinata Regis prohibere. Quidam nunquam magis, quàm cum erubuerint timendi sunt, quasi omnem verecundiam effuderint, volebat in recenti statim publicè se (non tantum præsentis, sed vigilantis est occasionem observare prope- rantem, vel frustratrices moras proponentem) excusare, sed privatim tantum admissus, & eadem, sed non eodem modo fecit, melius probat honesta, quàm sequitur; ad confessionem nempe dum adducebatur aliud respondebat, aliud putabat.

Dixit nobis post Rex ostendisse eum literas à D. Reinschildt, cui has, quæ interceptæ, responsorias esse declaravit, sed illæ primæ sunt frigidæ, nec tantam in responso requirebam confidentiam, non est huius animus in recto, cujus acta discordant, cum præsertim hæc, quæ dicebat, non possunt ita bene exprimi, quàm videri. Deinde nullam excusationem id admittit, quod hosti consilia contra Regem, & contra Patriam insinuet.

Interim Rex, qui multa, & quàm sæpe in caput suum casura tentat, pro malis bona rependit, quasi injuriam oblivisci deberet, officijq; meminisse, petiit à nobis, ut in hac materia parum, aut nihil loqueremur, & dolorem non ostenderemus, sed comprimeremus, sopire hæc in occulto prætendens, sed patet omnibus veritas, & magistra omnium rerum ratio, nondum est occupata multum, ex illa etiam futuris relictum est, quod factum est infectum fieri nequit, quod auditum est, celatum esse non poterit, cum præsertim levis est malitia, sæpè mutatur non in melius, sed in aliud. Sed Rex hæc non considerat aliis intentus, & hunc suum publicum dolorem æquo animo tulit. Evenit enim in his morbis, quibus afficiuntur animi, quò quis pejùs se habet, minus sentit, hoc semper erit post, quod ante fuit. Inter nos dicimus tam imbecillum esse qui nocet, quàm cui nocetur, & quòd deliberare res nescimus, de quibus non cum fama, sed cum rerum natura deliberandum est, cum similia fiant, aut metu pejoris, aut spe bonorum, consilium enim futuri ex præterito venire debet.

Apparuit & in eo, quod dicam obliquus in Regem Cardinalis affectus, permisimus, & facultatem dedimus postulatam DD. Ablegatis mediatorum, ut puncta hæc, quæ inter nos sunt conscripta communicarent, tanquam ex se Cardinali Primati, quod dum fecerunt, placuerunt illi, & acquiescere se in his simulabat, tamen morem pristinum inivit, cum addi voluit (nota animum) ut si Rex hæc non servaverit, quæ in scripto promittuntur, ut Respubl: ab ejus sit obedientia libera, cum quo puncto nocte fuit apud me D. Rubisson. Hæ prætexebantur causæ ad continuandam potentiam, adhibendum semper prætextum contra Regem. Ab homine homini quotidianum periculum, una hæc illi cura, in alia negligenti; Facilis quippe in proclivia decursus est.

25 Interum Cardinalis audacior jam tentat, movetq; magistra præsumptio ex declaratione Regis facta, quia acrior illi lucta adversus fortunam blandientem, quàm tonantem, petiit ut Senatûs-consilium convocaretur, ut in illo literæ interceptæ legerentur, ut ibi se purgare posset, sed hoc non est visum.

26. Dum Cardinalis in Palatio comparuit, Nos Ministri Statûs consultò abivimus, sine quibus consilium esse non potest, quod valde illi displicuit, fuimus immediatè apud D. Nuntium, qui mirabatur tam malam Cardinalis (formalia ejus verba) conscientiam, cum illi omnia, tanquam in speculo ostenderemus. Quanto non nasci (addidit) melius fuit,

A.C. 1703 fuit, quàm numerari inter publico malo natos.

Theodorus
Potocki.

29 Episcopus Culmenſis dixit mihi incuſari me à Cardinale, quòd ſcilicet ſcripſerim Romam, quòd de genu deprecatus fuerit Regem Lublini, & mille alia, quæ nec in cogitatione quidem habui. Primo ſcribere non ſoleo niſi vera, Lublino vix cuiquam ſcripſi, cùm tempus ſcribendi abſolutè defuerit aliis occupato. Ego his minimè movebar vitæ beatam efficiunt, tranquillitas conſcientiæ, & ſecuritas innocentia. Recordor bene moniti, ſi videris inimicum in manus tuas incidiffe, noli putare tempus eſſe vindictæ, ſed ſalutis, & tum maximè parcendum eſt inimicis, cùm in noſtra fuerint poteſtate. Injuria propositum hoc habet, aliquem malo afficere, ego nihil minus cogito, ſunt alij, qui ſcribunt, & quorum major pars conſtat vitio interpretantis, & augentur ſemper in majus rumores, ego verò nunquam, aut alienis infortuniis intentus ſum, aut meis anxius, & in hoc ſtudio ſine offendiculo conſcientiam habeo ad DEUM, & ad homines ſemper.

31. Venit notitia à Colonello Nowoſielski Litvano percuſſos Suecos quingentos in acie ſtratos, Saxones autem debilitate equorum ſe excuſaſſe (tanquam niſi ad fugam ſint fortes & expediti) quod ad eſſe huic occaſioni non potuerunt.

II. Currentis Procancellarius Litvania, & Theſaurarius Przependowski evicerunt à Rege, ut copias literarum harum interceptarum ſubſcriberent Senatores, tanquam cum originali concordantes, & ut originalia redderentur Cardinali, ſed ego de hac re dixi, & ſenſi abſque præjudicio, vel aliorum ſententiæ, ſi quid melius ſapiunt, vel cujuſlibet ſapientis, ſi hoc modò Rex vult, aut fortè ita expedire videt, ut reddat originalia, ut ſaltem in copia ſit nomen Cardinalis aſſerentis concordare cum originali, nihil enim prodeſt nos ut ſubſcribamus, ſi originalia reddentur, quod & factum eſt.

Scripſi expeditionem pro legatione ad Regem Pruſſiæ ex concluſo Senatûs, Legatus autem declaratus eſt Dñus Szczuka Procancellarius Litvania.

COPIA LITERARÛ CARDINALIS PRIMAT. ad REINSCHILD.

Illuſtriſſime & Excellentiffime Dñe. Nihil magis mihi volupe fuit, nihil ſolatio magis, quàm redditæ mihi nuper ab Illmâ Excellentia Vra literæ, quæ & de ſtatu proſperæ valetudinis & de continuato in diſtans erga me affectu, Illmæ Excellentia Vrae me informant, firmant, & roborant. Si cordis & affectus mei ſenſus leviori chartæ confidere valerem diſtincta hæc in me legeret: hoc unicum queror, quòd nulla mihi hucufq; detur occaſio realitate teſtandi, quòd animo optarem, nec opportunitas colloquii in his, in quibus Excellētiā Vram inſtructam vellem. Supplebit in aliquibus præſentium lator, dum ego in diſtincto affectu, & veneratione maneo, Illmæ Excellentiffimæ Dñatiois Vrae, affectiffimus ex corde ſervitor. Varſaviae die 21. Anno 1703. M. Cardinalis Radziejowski Primas.

COPIA INSTRUCTIONIS DATÆ LEGATIS AD BELLIDUCES REGNI POLONIÆ, die 17. Septembris.

NON orbi ſolùm Polono, verùm exteris quoq; eſt in propatulo nationibus, quidnam cum noſtra agatur Repub. quæ in ultimo verſatur discrimine. Nemo enim eſt, qui eam bellis oppreſſam pernici-

niciosis concussam, prostratam, & everfam machinationibus, non suspi-
ciat, eique non compatiatur. Unicè, libertates ejus sustentant, cum in-
clytis Heroibus, Belli-Duces, pro quo nomine confœderatorum Palati-
natuum, Nuntij nostri referent grates, id eis denuntiantes, quòd ad e-
xigentiam confœderationis nostræ, solam non nisi Reip. pacificationem
intendunt, cuncta eò dirigimus studia, ut tranquillitatem Principi,
Patriæ integritatem, jurium, & libertatum provideamus: Ideo cum nul-
la salus bello, nec salubriora pacis tractatu, restituendæ publicæ felici-
tatis dentur media, ad quem novo diplomate Rex Sueciæ, se esse pro-
pensum declarat; etiam nos pleno corde & affectu ad heroicam Ducum
& Exercitus recurrimus societatem, ut simul omnes, nimium motos
componere fluctus, valeamus; metuentes ut plurimum, ne bellis exha-
usti, aut solvendo herorū virtuti stipendio simus impares, aut extremis
ipsi ruinis opprimamur. Petent ergo nuntij nomine & voto confœdera-
torum Palatinatum Belli-duces, eorumq; Exercitus, quatenus ad conci-
liandam Reipub. tranquillitatem pari nobiscum concurrant applicatio-
ne, qui opus pacificationis aggredi nolum⁹, nisi prius fundata cum mi-
litari Ordine confidentia; ut, si quæ factorum iniquitas, quæpiam execu-
tioni obligationis nostræ posuerit obstacula, eò confidentius ad eos pos-
simus recurrere, à quibus ut Respub. habet præsidium, sic & nos ad re-
stituendam ejus libertatem, habeamus subsidium. Pro quo ut Ducibus,
sic Exercitui debitam appromittimus satisfactionem. Cætera dexterita-
ti & activitati Nuntiorum committimus.

RESPONSUM Ad PRÆCEDENTEM INSTRUCTIONEM.

Datum à Ducibus. die 2. Octobris.

Minimè ignorant belli-Duces, indivisæ Reipub. cives, nec perire,
nec salvos fieri, nisi simul posse; sic enim cujusvis, in æqualita-
te degentis, fert nascendi fortuna, ut bona, malaq; ejus ad Rē-
pub. pertineant: Ideo fiducialem Confœderatorum Palatinatum ad
comune Reipub. subsidium compellationē, inter fausta boni publici au-
guria, & efficacissima erigendarum libertatum recensent media. Licet
verò inter incerta famæ numeranda sunt, quæ hætenus sinistrae inter-
pretationes de natura & fundamentis hujus spargebant Confœderationis,
non sine scrupulo tamen ea audiebatur dissonantia, quæ communi pa-
ci, & firmatæ Comitii unioni, videtur contravenire. Si enim idem ob-
jectum intentionum confœderatorum fratrum, scilicet Regis manu te-
nere dignitatem, Patriam restituere libertatē, ad Regni concurrere tran-
quillitatem; ad quid rebus iisdem diversa nomina? singularis Reipub.
facies est, unanimiter conclusorum Comitiorum autoritas, qua voca-
tā in dubium, nihil in Regno stabile; sublatā verò ruit forma Reipubl,
Nimiam libertatem sentiendi trahit Rex Sueciæ in suarum favorem in-
tentionum, discordias nostras statuens pro lapide offensionis, ad Tra-
ctatum; & tamen conformius justitiæ videretur, omnium ferè Palatina-
tuum sensui, & Comitiorum auctoritati nostra conformare judicia, cum,
ubi sunt plures, ibi omnes. Quia verò confœderati Palatinatus Majoris
Poloniæ concludendi Tractatus spem faciunt, id optandum magis est,
quàm sperandum; gratulabuntur tamen belli-Duces, si populorum vo-
ta, sub horum Palatinatum auspiciis desideratum obtinuerint portum;
tam glorioso operi non animo solum, sed viribus etiam & auctoritate
assistere parati; dummodo sine præjudicio fiat juratæ fidelitatis, & læ-

A.C. 1703 fione sancitorum in Comitibus, à quorum stabilitate, non authoritas modò Reipub. verum etiã prætensionis Exercitus pendet satisfactio, quam quia illi confederati promittunt Palatinatus, ad fortiores pro Patriæ defensione heroa accendunt pectora.

LXXIV.

ANDREAS C. ZALUSKI EPISC. PRINC. VARM ET SAMB.
REGNI CANCELLARIUS HIERONYMO LUBOMIRSKI CASTELLANO CRACOVIANSI SUPREMO EXERCITUUM DUCI
Varfaviâ 28 Septemb.

GAvifus sum ex corde dum responsum tuum ad confidentiores meas recepi, & spem firmam habeo, quòd non erit neceffè currenti calcar, ardenti addere flammam, quandoquidem imbutus & edoctus ad fortia à juventute animus, idem vigor in hisce conjuncturis, idem amor in Patriam, cujus jam toties evidentia dedisti documenta, in tuis clarè patet literis; & hoc est unicum solamen meum in afflictione animi, quæ undiq; augetur, quando etiam nunc videmus omnem spem pacis abruptam ex parte Suetica. Non vanus ex alia incutitur metus, si puncta hæc, quamvis ea abnegat Baro Overbeck Brandeburgicus Ablegatus, sunt vera, quæ tibi adjungo; quanquam pro particulari mea opinione, & ego plenam illis adhibere nequeo fidem.

Dum hæc scribo, accipio alteras tuas de data 26 Septemb. quæ augent triftitiam, dum tanquam ex conditò inimica fata indies nova obstacula ad defensionem Patriæ ponere videntur; super quibus, dum profundius cogito, evidentem DEI pro peccatis nostris video pœnam, & ultimum miseræ Patriæ excidium, & fateri tibi ingenuè cogor, quòd nec verba dolori paria inveniam, quibus amaritudines meas exprimam, & tantò minùs inveniam media ad lenimentum mœroris; ergo in hoc angore scribere plura nequeo, sed eo immediatè ad altare indignus, triftia hæc nostra ipsi DEO, à quo solo consolatio dependet nostra, offeram &c.

P. S. Miserere amantissime frater Religionis & Patriæ, quia utraque peritura brevi, si efficaciter ea non defendes, media, ut aliquid facias, cœlum dabit; aggredere eò audentius ea, quò te Martia mens ducit; non avellant quævis obstacula, ne ullo negotio perfectò redeas; propterea DEus te constituit in eo loco, ut quò difficiliore sunt conjuncturæ, eò melius affectus tuus in Patriam pateat, experientia belli, vigor animi palàm sint. Soli tibi hic honor & fortuna debebatur, ut educaas Patriam ex hoc labyrintho; confirmet ergo DEus, quod operat⁹ est, scis, quàm omnia vellem tuâ causâ, mihi nec consilium, nec prudentia adest mala nostra consideranti. Quotiescunq; verò, & id fieri solet sæpè, infelix hoc administrando munus & ministerium, idipsum cogito, hoc unicum me solatur, quòd tu ad regimen navis hujus, & ita firmiter credo, sereno cœlo navem regit ultimus nauta, quòd vigorem tuum naturalem revocabis, & repositis in vulneribus Christi injuriis tuis, si quæ sunt à quocunq;. Imbecillia sunt, quæ se lædi putant, dum tanguntur, etiamsi habeas, quod doleas, quod querâre, hac viâ tamen eas, quâ & apud Dominum DEUM immortale meritum, & in posteritate prosperam famam, & in domum magnam, pulchramq; prolem omnem desuper attrahas benedictionem. Hoc non sine lachrymis scribo, quia sum sincerè & inviolabiliter tuus &c.

PUN-

PUNCTA INTER REGEM SUECIÆ ET PRUSSIÆ

A.C. 1703

Tractatum inter Reges Sueciæ & Borussiæ esse offensivum, substituisse in his articulis.

1mo. Quòd Rex Sueciæ agnosceret pro Rege Borussiæ Electorem Brandenburgicum.

2do. Quòd ambo Reges æqualiter agent, pro conservatione Religionis protestantis, & quòd eorum Ministri cum mutua intelligentia agent in Comitibus imperij.

Quòd discordiæ circa limites Pomeraniæ terminabuntur, quòd Rex Borussiæ nullum Regi Poloniæ præstabit auxilium, quin in contrarium si Respub. se declaret in favorem sui Regis contra Regem Sueciæ, & se contra Rempub. declarabit, & quòd Rex Borussiæ utetur prætextu evictionis Pacis Olivenfis pro declaratione belli contra Rempub. Poloniam.

Quòd nulla fiet pax separata, nec absq; eo, quòd prius habeatur satisfactio à Rege vel à Repub. Polona.

Quòd Rex Sueciæ agat in favorem Regis Borussiæ pro successione defuncti Regis Angliæ.

LXXV

PETRO BRONISZ GUBERNATORI PISDRENSI IDEM
CANCELLARIUS 29. Septemb.

Variæ hic interpretationes occurrunt recentis post finita Comititia Palatinatum Majoris Poloniæ Confœderationis, cujus tu diceris Alpha, non potui & necessariæ in hoc casu, curiositati, & affectui meo in personam tuam semper ad mensuram boni publici agentem temperare, quin cordialiter te veneratus ea in confidentia, quam semper tecum colui, à te quæram. Quis ardor ô Cives? ad quem finem dictus actus sic stantibus rebus tendit? Scio, quàm sis rigidus in omnibus honesti exactor, nulli humanæ necessitudini, legiq; ante æternam nullo commodo bonoque ante summum addictus, famam multum & maximè conscientiam revereris. Recenter finita Comititia concluderunt, & sigillârunt Generalem animorum & Statuum unionem, circa quod videbantur omnes præteritæ particulares laborare Confœderationes, & ita omnia nunc universali jurisjurandi solennitate absorpta, ut videatur nunc periculosus, & ad minimum insuetus morique prisco contrarius particularium sensus. Aut ergo præsens Confœderatio vestra volet propriis viribus niti, ipsa in se fiduciam animosq; ponet, tunc horum excellentium Palatinatum corpus quidem grande; particulare tamen separatum ab universali Repub. separare videtur, quæ dividi nequeunt. Aut omnibus aliis Palatinatibus jam autoritate Comititali junctis suos sensus & arbitria propinare intendet; & hoc est nimis arduum & operosum, mutandiq; Statûs periculum; generalia sancita particularibus inflectere; Metam hujus Confœderationis, ut parva capacitas mea concipere potest, attingere ex salva Pactorum ex juramento Regio promanantium assequenda executione. Sed & hic dubium dubitatione majus occurrit; quid est desiderabilius & securius? an nunc primum salvam eorundem pactorum stabilire, an verò jam salvatos pactorum articulos novo Diplomate & Jurejurando Regio in usus Reip. prosperiores manutenere, & cum mutuis id jam omnes Status vinculis constituerunt in præteritis Comitibus, mutuis oculis in his & similibus inspicere casibus,

A.C. 1703 bus, ne quid in posterum Respubl. detrimenti capiat. Hi & his similes, dum debitam meam in Patriam teneritudinem, eamque semper disinter-
essatam ab iis, qui publico obfluere, scrupuli divexabant non pruritu
ullo, quia vellem in profunda sepeliri solitudine, sed ne desim, ut innui,
officiis confidentiæ, & affectûs in te, magnarumque ejus dignitatum, sed
etiam juratæ fidei publicæ, manu propriâ privatim, & sine tuba hæc
vel leviter tangens precor per mutuum, cujus sum certus, affectum,
per amorem boni publici, quem semper in te ad imitationem aliorum
vidi, velis me confidentissimè, si mereor, de finibus rei gestæ edocere,
ad quam scilicet metam finemque res dirigatis? Non abutar confiden-
tiâ, & tantum ideo vellem aliquid scire, ut cognitis iis bene ominari de
Patria, vel meliora precari liceat; Maneo interim &c.

LXXVI.

ANDREAS C. ZALUSKI EPISC. PRINC. VARM. ET SAMB.
ALBRACHTO KAWECZYNSKI SUCCAMERARIO CUL-
MENSI 29 Septemb.

NON invenio rationem propter quam duæ meæ primæ literæ (re-
ligiosissimè enim illis, qui mihi scribunt, respondeo) ad tuas non
pervenerint manus, cum omnes solitâ viâ ad manus Dñi Grata
mitto, & nunc ad tuas 19nâ Sept. scriptas breviter repono; Amicitiam
tuam & affectum semper æstimavi, uti decet, curaviq; semper, ut darẽ
documenta reciprocè. Nec defecit in me idem sincerum desiderium,
& dedi vindicias honori tuo, quotiescunq; impetebatur, & recurrebat
frequentius hæc occasio. Castellatum Elbingensem amore semper di-
gnum; si quid dulcius dici potest, amavi semper, æstimavi, confidentiâ
ejus desideravi, quamvis me ab illa malignitas alia semper amovebat.
Libentissimè vellem communicare sensus meos sicuti cum dicto Ca-
stellano ita & non abs re esset, ut nobiscum conveniamus aut insimul
perituri, aut insimul nos salvaturi. Scio ego quod contra Varmiam me-
am multa agantur, sed hæc in bona est protectione, quia eam in DEI
manus reddidi, & non confundar. Et, si ejusdem DEI est voluntas, ut
hoc frustum panis mihi adimatur; nudus egressus sum de terra, & nu-
dus revertar. Obligato obligatiorem reddes, dum confiderenter denun-
tiabis aliquando de iis, quæ ibi gerentur. Apud nos omnia diffidentia
destruunt; unus ædificat, alter destruit; unus alium impedit, & ita
efficacia juvandæ Patriæ media adimuntur, Patriæ spes omnis e-
vanuit, ac proinde solidiora consilia & fortiora arripienda forent.
Si est aliquis modus, ut pro antiqua confidentia videas Thesau-
rarium Litvaniæ, libenter vellem, ego jam scribere non audeo;
Omnes enim meas originales literas huc mittunt, & quamvis
aliquid innocentissimè, & solo intuitu boni publici scribo, totum id
sinistris subjacet interpretationibus, & mihi omnis facultas serviendi
iisdem adimitur. Si tamen posses coram loqui, facias certiore, quod,
quantumvis viderem in supremo domum ejus felicitatis gradu, com-
pati tamen non desisterem ex amico & sincero meo affectu futuris,
quia quod præsumunt, fieri non poterit, & Patria tantum patietur &
perire poterit. Interim verò Religio sancta, quam tamen DEUS ma-
nutenebit, periclitatur, & pauper Populus, qui vindictam ad cælum
clamat, perit, & præ fame moritur, uti in multis locis jam id est, quod
in animas eorum cadet; Affligitur cor, dum consideramus, quæ nobis-
cum fiunt, & quæ fient, quia DEUS novit, quod non sine lacrymis scri-
bam;

bam; Prius omnes peribimus, antequam id, quod prætenditur effectuari poterit. Per amorem DEI cur à pace alieni sumus? scripsi & dixi toties, quòd securitas sit, & esse potest; cur de illa non loquimur? cur illam abjicimus? Spes in Confœderatione Majoris Poloniæ, DEUS det, ut sit in effectû, sed quærere libertatum remedium in perditione ejusdem libertatis, non invenio apud me, quomodo id fieri debeat. Aboleatur tantum Cardinalissimum Jus, ut Conclave Nuntiorum non habeat potestatem judicandi, & abjudicandi illegitimitatem Nuntiorum, tunc non amplius Comitola necessaria erunt, quia quicumq; volet, constituet se Nuntium pro libitu, & activitatem in Comitibus habebit; Abolere autem una Comitibus, quod hactenus nemo cogitare ausus est, quid est aliud, nisi omnem libertatem adimere? & ad Patres, vel ad unum omnia referre. Sedete paululum cum Castellano Elbingensi, & cogitetis statistice super hæc; certè invenietis, quòd magis hic libertatem adimit, qui sancita comitiorum abolere in animo habet.

Princeps Visznioweccius Dux campi Litvaniæ; Magni enim Ducis titulum non præfert, nec fortè præferet, comparuit hic. Exercitus Litvaniæ transibit per Varsoviam, quia ex rationibus judicium convictibus magis sunt necessarii in Litvania propter diversionem, junctum colligatis vel colligandis, quàm hic evitando exacerbationem Nobilitatis. Difficile enim denegare victum; exercitus verò Poloniæ ulterius procedit.

LXXVII.

STANISLAO LESCZYNSKI PALATINO POSNANIÆ IDEM
CANCELLARIUS REGNI 30 Septemb.

SI ex literis meis solatium aliquod capis, tunc mihi illud maximum obvenit ex tuis, certamen amoris & officij, in quibus lego sensus tuos, sed illud gaudium perfectius esset, quod ex affectu tuo habeo, nisi misceretur tristitia, quæ est justa, considerando, quòd tamen disjungamur. Iterum ergo clamo, iterum pulso, & si non clamosis vocibus, certè lachrymosis gemitibus. Cura, quam habes circa bonum publicum, esset laudabilis, si concordaret cum legibus Patriis, si ex fundamento non confunderet omnia jura & antiquas consuetudines. Didici ego semper sincerè sensus meos depromere in publicum, quomodo tibi, cui vellem cor meum & omnia aperire viscera, illud, quod sentio, celare possum? Sentire enim contrarium tuæ sollicitudini debeo, quia apud me invenire non possum, in quo fundamento hæc sit confœderatio vestra stabilita, quomodo fieri potest? quòd homines tam prudentes, tam Patriæ amantes delicias cum ea exercendo, in sinu eam opprimant, dum primæva libertatum & immunitatum fundamenta everunt. Cessent in Comitibus judicia, cessent abjudicationes, cui usui erunt comitola, cum cuivis liberum erit venire ad Comitibus, sedere, extra controversiam, loqui, consulere; quomodo ergo volumus sine radice arborum crescere, sine fundamento domum ædificare? Non meum est vestram docere sapientiam, noscitis hæc omnia; videte, ne hoc inteream⁹ vulnere, quod paramus; nam hæc fundamenta nota sunt omnibus. Pax promittebatur nobis nec ex vano sperabamus, quia optabamus, & ecce fundamentum ruptum tractatus confœderatio, uti ex adnexis intelliges. Bone DEUS! ubi promittebatur tranquillitas, inde majores oriuntur motus. Jurastis AUGUSTO, & in favorem CAROLI universales prodeunt literæ. Legimus nova Regis Sueciæ mandata, miramur,

A.C. 1703 & indolemus super fata nostra, quia, quod fuit ante, esse non desistit. Jubes, ut fides adhibeatur verbis tuis? ô quantum optarem, ut convinci ipse, & convicere alios possem, sed manifesta, quæ non egent probatione, in contrarium credere jubent, trahuntq; vel invitum.

Remedium contra mutationem statûs confœderationem esse allegas, & nemo est, qui non dicat, quòd principium mutationis statûs sit hæc confœderatio, quæ evertit Comiticia, & se erigit magis, quàm in Litvania, quia ibi fuerunt tamen omnes Palatinatus, & hic sola major Polonia Rempublicam totam repræsentat, & vult haberi pars pro toto.

Scribis mihi confidenter; des etiam veniam, si & ego plenâ itidem scribo confidentiâ; quanquam id à multis vicio mihi vertitur, quòd etiam tibi scribam, quia id inimici mei mihi publicant, crediq; volunt ea, quæ contra Mtem & libertatē directē pugnare videntur, obijciendo quoq; quòd literæ meæ per copias de manu in manum eundo animent multos, & trahant ad confœderationem; quanquam à principio statim finem ejus videre voluissem. Quidquid sit, liceat mihi (quia ego de iis, quæ dicuntur de me, incurius, quid agam planè attentus) adhuc semel tibi scribere, & obsecrare per DEum vivum, & per id, quod omnes charitates complectitur, per propriam Patriam, extra quam non est salus, ut cum gubernatore Pisdrensi in maturam reflexionem accipias omnes rationes & consequentias, iisq; consideratis, si prodesse aliis studetis, vobis profitis ipsi, & tandem maturè id concludere velitis, quod potest pacificare Remp., & non magis confundere. Cedet hoc coram DEO, qui lentus, sed certus vindex in meritum, cedet in gloriam utriusq; quod ultra spem ipsorummet hostium aspera hæc mutabitis, monstrabitisque, quòd amando Patriam, amatis & jura ejusdem, quæ hæctenus de Comiticiis erant incontestabilia, nec voletis evertere Comiticia, quæ semper antidota fuerunt contra omnia in Repub. pericula. Plura vobis dicetis ipsi, & tu adamantino vinculo junctum ama; nam amoris mei votum est, ut perennet. &c.

COPIA LITERARUM IMPERATORIS TURCARUM Ad REGEM POLONIÆ, AUGUSTUM II.

*Sultanus Achmed Chan, Filius Sultani Mechmet Chan,
semper Victor.*

IN præclara natione Christiana & inclyta religione piè degenti, summè Nobis fideli & sincerè dilecto Regi POLONIÆ, Domino Litvania, totiusq; Russiæ, aliorumq; omnium pertinentium ad eorum dominia, Monarchæ AUGUSTO II, incolumitatem, ejus successus optans, hisce, meæ Casarea præcellæ Majestatis, defero sciendum literis.

Totius orbis Supremas Dominus, Hæres æternus, qui moderatur Cælum, Terram & fortunam, eamq; largitur juxta suum beneplacitum, cui & quomodo vult de liberali clementiq; dextera sua, primo tritam viam, & vestigium dilecti sui, magni & ultimi Prophætæ Mahomet Mustaffi contemplatione, & miraculis Beati, postquam me fecerit imitari; in sublimis Monarchiæ thronum evexit. & Imperij latè dominia extendentis diademate decoravit, Anno 1115
mense

Mense Rebigilachyr die 9, feriâ quartâ: Sit DEUS benedictus, quod A.C. 1703
me extulerit ad tam sublimiter Magnificum thronam, qui orbis est
prima maximaque columna, usq; ad admirationem; quod factum
non sine speciali prædestinatione Divina, ubi obtenta ab omnibus fi-
delibus Adoratoribus Turcis oratione & benedictione ex ambona
publicè in omnium devotionum fanis, nominis mei coram DEO
commendationem consecutus, monetâ eâ, quæ in quavis Monarchia
sub nomine sui Domini est & esse debet, sub meo titulo & nomine,
propter contentationem omnium Statuum, cudi iussâ, solitâq; ejus in
ditionibus meis, coæquatione ordinata injuriis omnibus & dissensio-
nibus in Monarchia mea sublatis, provisa ubiq; in Regionibus meis,
non suspectâ iustitiâ, ubi velut sol inter splendores remansissem Se-
renissimus, placuit mihi, ut omnes Tractatus Nationum quicunque
cum Serenissima Porta mea de recenti sunt conclusi juxta conditio-
nes circumscriptorum pactorum, more antiquo à Majestate Monar-
chie meæ, non tantum conservarentur, verum etiam approbarentur.
Quapropter post felicem coronationem Imperij in Monarchia mea,
cum hujusmodi notitia & declaratione, ad Regnum tuum à latere
Majestatis meæ, Tersanu Emirri (scilicet Commissarium Navis
Turcicæ) Nominis magni & existimationis apud me, valde dis-
gnum virum Hrabinum, & cum eo literas mitto, quibus feliciter red-
ditis, & honorificè acceptatis, intelliges, quod, ut debite nobiscum,
summeq; omnibus necessaria pacis constitutus Tractatus fideliter, si-
ne ulla violentia in infallibili integritate, sacrosanctè manuteneatur,
& observetur, approbando, Regno tuo, Ministris, uti & Officialis
bus omnibus, dominij tui, denuntio strictæ inter Nos amicitia pæ-
cem, quæ recenter ante Imperium meum stetit, & jurata est, ut
tempore Monarchia meæ, in nullo quo ad omnes conditiones ledatur,
imò omni, solidaq; integritate & amore sacrosanctè colatur, & appro-
betur; cum hac declaratione protestor, quamdiu ex parte Regni Tra-
ctatus in observatione erit, tamdiu ab Imperio meo, nullam dando
rumpendi occasionem, debite pacis affectus solitâ amicitâ exhibebun-
tur. Hujus pacis, & Tractatus approbatio adfert securitatem, &
subditis sine omni suspitione quietem. Opto interea felicem successum
& optatum à DEO finem. Datum Adrianopoli, Mense Rebi-
gilachyr medijs diebus. Anno 1115 in Palatio Casareo Adrianopo-
litano. Id est ultimis Septembris 1703

Titulus superficialis.

Serenissimo in Natione Christiana, & Potenti ex Principibus
in Religione JESU, Amico mihi Fideli, Regi Polonia, AU-
GUSTO II, ut feliciter reddantur literæ. Casariatus Nostri.

COPIA LITERARUM VEZYRI TURCARUM,
AD REGEM POLONIÆ.

IN præclara Christiana gente religionis Christi Custodi, Nostro Amico valdè Nobis Dilecto Serenissimo Regi Polonia, Ducatus Litvania, & Ruthenarum Regionum Monarchæ immutabilem valetudinem omniumq; sublimium fortunarum successus, & semper optata solatia à Domino DEO amicitia nostra optantes, sciendum deferimus.

Gratia summi DEI illius, qui omnia Dominia & Monarchias distribuit, anno 1115 (scilicet 1703) mense Rebigilachyr, die 9nâ (scilicet mediis diebus Augusti) Majestatis Casarea, Coronaque ejus serenissima, potentissima, fortissima, Dominus meus, magnificentia ample Monarchia Præcellus Cæsar, Sultan Achmet Rex (cujus incolumitatem & Dominia in felicitate Dominus DEUS quàm diutissimè conservet) coronâ, omnibusq; ab altitudine Divina promanantibus benedictionibus, dignitatibus, divitiis totius Monarchiæ Imperio privilegiatus Dominus & Heres factus, rem dignam esse judicavit, ut omnes Tractatus, qui intervenerunt ante Imperium ejus, cum Porta Othomannica & variis Nationibus, sub tempus Imperij ejus approbarentur. Quapropter cum tali declaratione ad Vestram Regiam Majestatem cum literis Majestatis Suae Casarea, in officio magnæ authoritatis existentem antea Nobis fideliter dilectum Hrabin Age, mittit, per quem etiam Nos, testantes Nostram, Vestra Regiæ Majestati specialem amicitiam, simul literas mittimus: DEUS ipse id efficiet, ut omnia justè constituta pacta, in nullo labefactentur, quinimò approbationem firmam, solidamque obtineant, quamdiu ex parte Vestra Regiæ Mæis contra Tractatum non delinquetur, ex hac quoque Imperij Turcici parte, non habendo ullam rumpendi suppositionem, nec eam apprehendendo, in omni reverentia, & arcta pacis amicitia, juxta circumscriptionem Tractatus, & punctorum ejus colentur. Erit id tam toti Dominio Vestra Regiæ Mæis, quàm Incolis ejus, non sine quiete, & non sine fructu; assecuramus. Opto interim valetudinem à Domino DEO & fortunam immutabilem, & feliciter efficacem. Datum Constantinopoli, anno 1115 Hasan Basza, Magnus Vezyr Imperij Turcici.

LXXVIII.

ANDREAS C. ZALUSKI EPISC. PRINC. VARM. ET SAMB.
CANCELLARIUS REGNI HIERONYMO LUBOMIRSKI CASTEL-
LANO CRACOVIANSI Varlaviæ 5. Octob.

EXpostulavi immediatè post acceptas tuas cum Secretario Cameræ Mæis suæ, cur punctualiter non responderetur tibi, & statim Kicius deducebat, qui curam sigilli privati habet, quòd miserit responsum, certumq; me reddidit, quòd hætenus illud receperis.

Re-

Responsum Palatinatibus Majoris Poloniæ non poterat à te melius pro circumstantia temporis dari, simile & ex Cancellaria Regni accipient, mitto tibi illud. Legatio hæc, ut videbis, aliud portat in titulo, aliud in pyxide. A.C. 1703

Locutus sum etiam, ut voluisti, cum Principe Visniovicchio, quod non adfuerit in tempore opportuno Exercitui Polonico, reposuit non sine dolore, quod diu expectaverit, diutius expectare non potuerit propter ruinum tam longo tempore in campo manentem exercitum; qui fessus labore nihil aliud, quam requiem anhelabat, Ducis autem cura miles est. Jam video, quod à tempore, quo nos fortuna rotare cœpit, ita variis & inenarrabilibus viis ducit ad interitum; compatior ex tota anima justis tuis angoribus; scio enim, quo animo, ipse tuæ laniæna vitæ, servire vis Patriæ, & oblivisci non possum ingenti zeli, quem habuisti semper ad obsequium ejus. Spero, quod Dñus DEus nolet contristari te, & nos te amantes, & adhuc aliquam ad manus dabit & inspirabit circumstantiam, ut hic annus non tam steriliter finiatur, & hosti animum non addat, tunc enim erit gloria tua coram simul discumbentibus. Quis verò ego sum, ut dem consilium, circa quid agendum? quomodo ego docere te debeam id, cujus ipse inscius sum. Male agitur cum Domino, quem docet Villicus. Opus ante oculos, si vires aderunt, scio pro certo, quod non intermitteres bene agendi occasionem. Thorunium supra opinionem multorum se defendit. Si non veniet auxilium, timeo, ut diu sustinere illud possit. Ut verò illud veniat, voveo magis, quam spero. Quamvis nolo injuriam facere, nec per imaginationem magnis conatibus, & ingentibus ausis tuis, qui commoda Patriæ tibi prima putas &c:

INSTRUCTIO AD REGEM à PALATINATIBUS POSNAMENSI & CALISSIENSI CONFŒDERATIS data Sigismundo Unroug & Raphaëli Thomicki sub Staviczin 22 Septemb.

Quis non fatebitur magnas esse curas S. R. Mtis Dñi N. Clementissimi circa stabiliendam pacem, qui ut Pater Patriæ curâ & sollicitudine, bello quassatam Rempub. in desiderata videre pace desiderat. Fatemur magnam inde salutis suæ Mtis Dñi N. ruinam, cui Reipub. calamitates tanta adferunt incommoda, ut Serenissimum fatigent caput. Curabunt proinde imprimis Dñi Ablegati nostri, ut pro hac Paterna Mtis suæ cura & sollicitudine, quàm disertissimo sermone gratias referant, illud contestando, quod gratam in pectoribus nostris ad seram posteritatem laborum & sollicitudinum Paternarum suæ Mtis geremus memoriam.

Deferent insuper suæ Mti cum humillima submissione Dñi Legati, quod non ad turbandam Patriam, imò ad pacificandam eandem penes Mtem Serenissimi Regis conjuravimus, & nos confœderavimus, ut compositis manibus non aspiciamus ruentem à culmine Trojam, desiderando adhuc salubria inire consilia, tanquam quondam Abydeno populo, de quo scriptum est; triduum tantum Abydenis ad moriendum datum est, ita nunc omni studio & applicatione conamur penes auctoritatem S. R. Mtis Dñi N. Clmni conservandam, & videndo, quod nulla salus bello, curamus pacem, ad quam non minor videtur apparentia, dum Rex Sueciæ propalavit nuper manifestum, in quo propositiones idoneas pacis acceptare se declaravit. Imus proinde in assistentiam Cardinali

A.C. 1703 dinali Primati, Commissariisq; nostris ad tractatum destinatis, ut non tantum mutuâ cooperatione ad finiendum eum juvemus, sed etiam videamus, quis turbo nos vehit, quod ad exoptatam pervenire nequeamus pacem. Alij enim imperium M^{tis} Suae volunt videre gloriosum; nos verò vestigiis antiquorum Polonorum insistendo, volumus, ut illud faciamus tatum, & tranquillum. Addit non minus pondus ad pacificandam Rempub. & non vanas facit spes, quod una pars M. D. Lit. per confœderationem nostram pro pacificanda Patria proclamata, optat sibi redintegrari cum Republica. Ad alterius verò corda pulsamus per publicam nostram legationem, ut in unione animorum domesticæ possint accommodari collisiones, & ita securius erit labenti succurrere Patriæ. Non desperamus proinde, dum unione animorum juncta erunt civium corda, quod reflorescet pax, & quod domestica dissidia & disgustus incommodorum attulerunt, hoc ex Paterna S. R. M^{tis} Dñi N. Clm̃i cura pristinae reddetur felicitati. Expriment igitur Ablegati nostri intentionem nostram ad pacificandam Rempub. cum qua sicuti coram sua Mte humillimè nos manifestamus, quod illam quam celerrimè ad effectum deducere desideramus, ita supplicamus, ut cooperationem nostram Paterno recipere dignetur respectu.

Repræsentabunt etiam Legati nostri oppressiones nostras, quod non nobis serimus, non nobis metimus, quia quidquid labor æstivus pauperi populo panis attulit, illud varij Exercitus consumpserunt, & reverà res intolerabilis, quando status nobilitaris, tanquam servitio nata gens debet esse vectigalis. Rogabunt proinde suam Mtem Ablegati nostri, ut ex paterna gratia avertere hæc noxia dignetur, ac propitius esse velit, quia usq; nunc nullum habemus remedium contra potentiam, nisi solam patientiam. Quid enim valent leges, ubi prævalent legiones? Iterabunt adhuc Nuntij nostri, quod fide, honore, penes integritatem suæ M^{tis} Dñi N. Clm̃i, penes conservationem jurium, libertatum & immunitatum Patriarum acturos nos obligamus, optando, tanquam fideles subditi, ut aut nulli suæ Mti subsint inimici, aut si qui supersunt, fiant amicissimi. Cætera activitati Nuntiorum comittimus.

Petrus Jacobus à Paradis Bronisz Capitaneus Pisdrensis Mareschalcus Confœderationis Posnaniensis & Calissiensis Palatinatuum.

RESPONSUM EX CANCELLARIA S. R. M^{tis} ISDEM LEGATIS datum Varlaviz.

ADhuc non cessat vis occulta factorum post tot labores, fatigationes, curas, & sollicitudines S. R. M^{tis} deploratum caræ Patriæ exercere statum, & omne illud, quidquid demum pro salute & emolumento ejus salubria constituerunt consilia, & diligentes Comitiali fultæ autoritate prætulerunt curæ, usq; nunc sine effectû & fructu in publicum manent, cum tam nunquam compensando publicorum damno, ita cum ingenti dolore & ipsas medullas cordis Paterni suæ M^{tis} perstringente, qui nihil intermissâ curâ infinitos in rem publici labores pro solatio accipiens, & cuncta in melius trahens expressos excelso- rum incolarum ex Palatinatu Posnaniensi & Calissiensis filialis compassionis sensus aperto ingenitæ bonitatis acceptat affectu, & sicut horum laborum & incessantium applicationum sua M^{tas} pro principali objecto habet tranquillitatem publicam, sperando, quod accelerata constitu-

stitutionum Comitiorum executio honestam à Corona Sueciæ extorquebit pacem, ita statim post hæc finita Comitiorum non intermisit compellatione suâ sollicitare Commissarios ad tractatum pacis destinatos, ut etiam si non sine dolenda diminutione M^{ti}s suæ & totius Reipub. authoritatis ultimos gradus offerrent, intentionesq; aulæ Sueticæ mensurarent, & obligarent ad exoptatam pacem, & ecce aula illa, pleno contemptus & elato animi responso, exclusâ omni spe ad tractatus usitatis hostium artibus per civilia dissidia, & divisâ partium studia evertendo authoritatem Comitiorum, & dissolvendo Generalem totius Reip. unionem Sacramento jurisjurandi obstrictam, scissiones & diffidentias domesticas, singulariter tamen discordias, & contradictiones Incolarum Posnaniensis & Calissiensis Palatinatum allegat, & sumpta ab illis arma tanquam ad eversionem non siccatarum adhuc legum pro summo & insuperabili obstaculo, non tantum ad concludendum, sed etiam ad incipiendum Tractatum opponit, & in hoc fundamento totam machinam ulteriorum infelicitatum, abominabilium practicarum exequendarum, propositorum suorum, & prolongandi hujus belli in ultimam perniciem & ruinam, si non omnium hujus Reipub. Regnorum, ad minus adnexarum, & pingviorum ejus Provinciarum ædificare intendit, quando ad hanc confœderationem ad favorem suum artificiosè tractam quibusdam gladio & igne minando per rigorosa edicta, alios actu in substantiis ruinando, congregari omnes incolas despoticâ potestate inhibet; & quod majus, ut imperium evertat, libertatem præsert, ut hæc eversâ illam aggrediatur. Insuper Urbem Thoruniensem, decus & præsidium Reipub. non acceptando ullas oblatas sibi tam à sua M^{te} Regia, quàm à Præfidiariis, satis justas condiciones, plus quàm hostili ferocitate combussit, & tam multos innocentes homines perdidit, dominari contendit, & alias innumeras longissimas à cogitationibus pacis attentare non prætermittit actiones. Proinde S. R. M^{tas} post toleratâ tot malorum patientiam desiderando Rempub. ex his tam magnis difficultatibus educere, & in solitam redigere viam celerioris & fundamentalis defensionis, magnum consilium Comitibus ad materias belli vel pacis tractandas designatum intimandum credidit. Ad quod quandoquidem tractatus cum omnibus conditionibus & circumstantiis per destinatos Commissarios regulari & referri debet, non esset ex dignitate, & utilitate Reipub. ut cuivis ex incolis Regni promiscuè, aut cumulativè, maximè sub ipsum negotiationis hujus tempus accedere liceat, cum diminutione authoritatis imminentis consilii, simul & characteris Commissariorum, & cum contemptu tam dignorum & benemeritorum in publicum integræ reputationis. Accedit, quòd sicuti quisvis, ita & hic tractatus certis instructionum circumvallatus cancellis mitteretur in mare minus necessariarum dissertationum, & non tantum propter inusitatum inter gentes in publicis tractatibus exemplum, qui limitatum tantum numerum ex utraq; parte Deputatorum admittere solent, sed etiam propter infallibilem confusionem, & majorem motum, quem aula Suetica per hoc medium semel sub specie vindicandæ libertatis, alterâ vice sub imagine insidiosæ pacis notabiliter augere, & quàm diutissimè fovere curabit, ut solutis Cardinalium legum repagulis, & conjuratâ Magistratuum potestate in tale intrudat periculum Rempub. unde nunquam enatare possit: cunctaq; discordiis civilibus fessa, arbitrio & discretionis ejus in finem committat. Et propterea sua M^{tas} D. N. Cl^{mus} sicuti omnes subditos suos libenter vellet dulcedine quie-

A.C. 1703 quietis perfectè saturare; ita à cooperativo concursu neminem arcere vult, talibus tamen mediis, quæ hostium vires diminuere, & humiliare, & cogere, Rempub. verò fortificare & exaltare ad acquirendam honestā pacem quàm celerrimè possint, & ob hanc rationem omnes insimul & quemvis in particulari Accolas in Posnaniensi & Calissienſi Palatinatu paternè præmonere & obligare S. R. Mtas dignatur, ut avertendo tam clara molimina aulae Sueticæ, & propter incerta, periculosaq; vestigia apertè à Repub. & tritè per Commissarios alias jam prius à Corona Suetica receptos & acceptatos non declinando viā, quinimò omnia particularia consilia & congressus, intestina odia, & diffidentias, convulsionem legum, everſionem statūs producentes, tanquam prætenſum & allegatum ab aula Suetica ad tractatum obicem avertendo, & castrensia, campiq; incommoda in domestica tranquillitatis publicæ mutando commoda, ad communem Reipub. concordiam sese conformando, per indilatam Constitutorum Comitialium executionem & punctualem deservitæ mercedis exercitui exsolutionem ad tranquillitatem publicam laudabiliter & efficaciter cooperari non intermittant. Et cum exoptata in illis Palatinatibus accedet animorum unio, & antiquus Polonus penes integritatem Regiæ autoritatis sancitorum Reipublicæ in juribus & libertatibus eluceſcet zelus, infallibiliter tædiosis armorum strepitus cessabit, & brevi supremus pacis Author dissipabit gentes, quæ bella volunt, & in conspectum producet universo orbi, quod Rex noster Serenissimus unicè id optat, & vel maximè id curat, ut sit bene Patriæ, & fidelibus ejusdem filiis, quibus in communi & particulari gratias & favores suos clementissimè offerre dignatur.

AMICO CONFIDENTI Varſaviâ 6. Octobris.

NON relinquis petitioni locum, omnia faciens antequam rogeris, Meq; tibi summo, & inexplicabili amoris observantiæq; nexu in perpetuum obstringis. Accepi & literas, & adnexa. Cum totum me dederò tibi, parum est, ut dignè mihi videar recompensasse dimidium benevolentia, sufficit tamen quòd me semper memorem dices esse, & gratum. Nullo meo merito fateor, sed solo impulsu affectus facis, quod facis, tangere jam & tenere videor tuum cor. Scias reciprocè velim te à me coli, observari, ac diligi, quemadmodum & tuæ eximiae virtutes, & meæ antiquæ, & recentiores obligationes postulant. Precor interim, ut exequaris, quod promittis, meq; facias tam optati Nuntij quàmprimùm participem per literas, ut mihi gaudeam, tibi gratuler. Accipe interim hæc pauca ab homine summis negotiis, & infinitis propemodū occupationib⁹ distracto, & vix aliquid otii ad scribendū habente. Tā multis enim molestiis implicor, ut dies ad me expediendum non satis sit totus, imò interdum tempus adeo (tanquam alas habeat) mihi se subripit, ut vix aurora illuxisse, mox terras nox opacare videatur, ut non possim quandoq; esse, quin exclamem! ô nimiam temporis nobis ad vitæ usum dati celeritatem! ô nimium fugaces ac labiles dies! non ita citò per mare cursu naves remis, velisq; impulsæ feruntur, non ita celeritè fugâ ex arcu, undè dimittitur, ad scopum, quo dirigitur, abit, ut vita mortalis ad interitum, cui nos nostraq; debentur omnia, contendit. Sed de velocitate temporis scribens tempus perdo. Ergo ad rem.

Ad corrigenda errata & inconvenientia, quæ sunt satis magna, hoc est inventum medium, ut fiat aliquod scriptum per modum asscurati-

onis

onis, quòd ab exercitio horum officiorum & titulis abstinerebunt, à D. D. A.C. 1703 Nominatis subscribendum, sed meo iudicio magis firmantur in his officiis, quàm arcentur ab iis, scriptum itidem ad Principem Wisniowieccium, ut abstinere à titulo magni Generalis, quod scriptum præsentavimus Ablegatis Mediatorib⁹, sed illi non rectè, nec sincerè cum illis agi palàm, nec sine ratione murmurabant, quis audivit unquam tale, quis vidit huic simile? Rem inauditam dicebant ab orbe condito, nec audendam futuris sæculis exclamant sæpius; Vos videte, quì vobis undique constetis?

Die 14. fuit quædam Sessio, quam denegare Provinciæ Prussiæ non potui, apud S. Crucem, ubi conclusum est, supplicandum esse suæ Mti, ne legatio ad Regem Prussiæ mittatur, donec hic cum Ablegato ejus D. Overbeck aliqua concludantur, præcavendo indemnitati Reipub: & in particulari Provinciæ, & hæc fuit quasi indirecta negatio D. Procancellario Litvaniæ, ne eam legati ad illam in se sumeret potestatem, hoc verò ut ego cognovi factum est, ut D. Palatinus Culmensis Działyński, qui legationem Moscoviticam prætendit, eò facilius voto suo potiri possit. Venit etiam hoc vesperi D. Patkul à Duce Moscoviæ, non eum vidi, nec scio quid portet, ego semper hominem hunc uti Reipub. periculosissimum timeo, & non tantum abhorreo, sed & abhorresco, species quidem præbatur indoctæ plebi, quasi quid solidum, ac necessarium tractetur, cum nihil sit, quam aristæ puræ, quæ non perforant.

Stanisław
Szczuka.

Misit interim Rex Episcopum Chełmentem Wyzycki. ad D. Gubernatorem Samogitiæ (qui causa melior, Patrocinio pejor) emolliendum, qui unius in possessione virtutis est, hoc est resolutionis constantis, ex qua depelli nunquam potest, cæteris precario utitur, & cum videat insidias, quas paraverant illi, furit, & commovetur, dolet se perdidisse, quod habuit, & iisdem se manibus cadere, quibus sublatus erat, quin & celerius, surrexerat. Promissum enim à Rege Generalatum Litvaniæ Exercitus habuit, & quidem majorem prætendebat, nimis esse Principem Wisniowieccium juvenem dicens.

Voluit D. Procancellarius Szczuka, ut sessio esset apud Cardinalem, cui Rex consenserat, & mihi id commissum fuerat, quod ego boni publici causâ, etiam privatas simultates postponendo, paratus eram facere, sed D. Procancellario Regni non est visum, & 17 manè nomine Regis, ne id fieret, venit ad me: mihi par est fieri vel non fieri, tamen libentius viderem res pacatas, quàm turbulentas, & diffidentia undique plenas. Tandem 17. Castellanus Cracoviensis, transtulit exercitum per Vistulam, tanquam diceret: jurisq; locum sibi vindicet ensis. Præsentavit exercitum suæ Mti in illa arena circa transitum Vistulæ, ubi omnes videndi causâ fuimus, pulcher satis exercitus, sed non faciunt meliorem equum aurei freni, si agere tantum vellet, si omnes non discurrerent cum multorum manus, paucorum debeant esse consilia, & si diffidentis non necessariis, certoque timore, incertâ spe impediretur; Insuper tanta torpedio senio causata invadit quandoq; nostrum Ducem, ut si Generalem eum esse cæteri non meminissent, ille oblivisceretur, & meritam tot per annos gloriam omnia tuta timens, jam quasi videtur sepelire; Non ego is sum qui mentiri ita facile possim, quiq; non suo quemq; merito, sed meis commodis, atq; rationibus pandam, possunt quidem affectus, & confidentia me cuivis adstringere, ut autem laudabilis mihi quisquam, qui in aliquo non sit, videatur prorsus, non possunt efficere.

Joannes
Szembek.

Hieronymus
Lubomirski.

A.C. 1703

28. Stante pede fuit conferentia in præsentia Regis Seren: ubi legatio declarata est D. Palatino Culmensi in Moscoviam, habui parum differentiae, sed cum modestia cum Cardinale Primate, cui semper resisto in faciem, quotiescunq; id res utilitatis publicae requirit. Fuerunt in prandio apud me uterq; Generalis, cum magna copia officialium militarium, exercitus verò movit sub Bielany.

Franciscus
Pinatelli.Petrus
Krzewski

19. Fuit Ablegatio Senatorum ad D. Nuntium, ratione retardatae expeditionis Episcopatus Cracoviensis in favorem Domini Bokun, fuit autem facta me inscio, timebant enim, sed injustè, ne ego impedirem. Ubi D. Palatinus Mariæburgensis vir ingenio & eruditione alias pollens multa dixit, inter alia cum minis, quodsi non venerit brevi expeditio, D. Castellanus Cracoviensis movebit, D. Nuntius non expectato fine sermonis dixit, movebit versùs Thorunium, unde Deputatis risum excitavit, nec aliquid essentiale facere potuerunt. Interim D. Procancellarius Regni nomine Regis voluit, ut ego adessem examini Sacerdotis intercepti Jasinski cum literis, sed consulto hoc examen declinavi insinuans, ut id fieret coram loci Ordinario, & foro Ecclesiastico.

Bilinska

22. Existimavit D. Procancellarius Szczuka necessitatem esse indispensablem adeundi, & conferendi cum Cardinale circa negotium Regis Prussiae, & colligationem, sed hoc non est visum D. Procancellario Szembek. Veneram ego, & casu inveneram D. Cardinalem apud magnam Marechalcam, sed dum ego veni, ille abiit, nec copia dari potuit simul colloquendi.

23. Tandem fuimus DD. Procancellarij Regni & Litvaniae, & ego ex mente Regis apud Cardinalem ratione harum legationum, ipse credit, & suadet, ut necessariam ad Regem Prussiae, hanc autem ad Ducem Moscoviae paulisper vellet differri, & in illa, ut dicit temporizare.

25. Significavit mihi Cardinalis Primas venisse D. Overbeck, & nostros Ministros, me tantum expectari, ubi comparui rogans, ut stante pede id fieret, ne scilicet D. Overbeck prætenderet locum tanquam character insignitus. Dixit ergo Cardinalis Primas multa, quae ad renovandum antiquum, & stabiliendum novum affectum mutuum necessaria essent, melius est duos esse simul, quam unum; habent enim emolumentum societatis suae, si unus ceciderit, ab altero fulciatur, & quoniam currebant puncta quaedam, quae aliquam conjunctionem inter Regem Sueciae & Prussiae confirmabant, quaesivi à D. Legato, verane essent, an non? cum credamus multa esse, quae latent, quae verò patent non pauca, sed ille productis aliquot originalibus literis à D. suo abnegavit, nihilominus, quò magis negabat, eò veriora esse conclusimus; Hoc etiam vesperi venit responsum ad Commissarios nostros à D. Piper nihil de pace sperandum esse.

26. Suadebat mihi D. Procancellarius Regni, ut conferrem cum Patkulio, quòd ego usq; in hanc horam declinavi, cum concluderimus cum D. Procancellario Szczuka non esse utilem Reipub. praesertim hoc quo prætenditur modo hanc Colligationem, respondi ergo acrius D. Szembek; Vobis Diis Dñe mi, solum inter vos licet videre, mihi sola credo licere laudanda, Colligatio est necessaria, sed per diversionem, nec unquam permittere possum, ut hae copiae auxiliares intrent in viscera Regni, ut recognoscant oculis suis debilitatem nostram, ut ipsis pateant defectus nostri, ita amicos habeamus, ut post inimicos eosdem non timeamus, & quia ego firmiter, constanter, & indubitanter credo, quod multiplicabimus Gentes, & non magnificabimus lætitiā. Sed hæc surdis

dis narrabantur.

27. Fuit stante pede consilium in praesentia Regis, qui & propositionem, & conclusionem fecit obstantibus aliquorum sensibus, quidam enim, cum non sit ulla spes pacis congressum Generalem Nobilitatis suadebant, ut quantocius scriberentur expeditiones pro ineundis colligationibus, quod mihi sine mora ut facerem injunctum fuit, & ego Regi constanter adhærens mandata ejus impigrè non interpretando ea executus sum dictis nihilominus ijs, quæ ex re Reip. visa sunt, cum mihi præsertim, ut Ministro non liceat non facere, quæ jubeor. Habuimus interim notitiam de crescente in majus semper confœderatione Majoris Poloniae, quæ suis modis, & parvo negotio sopiri poterat, sed ob subortas suspiciones, & diffidentias non pro tempore. Desiderium hoc meum do tibi sub censuram, ipsum pro me loqueretur cælum, & in expedito res est constantibus impulsæ causis, timeo enim ne gravis hæc nubes damnum pariat, nocentius vulnus est, quòd propius cordi est, volentes palpitamus compressis luminibus, in media luce quærimus aliud semper, & aliud occurrit, quàm quod quærimus, & timendum, ne idcirco veniat super nos magna, quam non timemus, tribulatio. Quamobrem sapienter facturum Regem credebam, credoq; ut in hoc genere castigandi Medicorum consuetudinem sibi imitandam ducat, qui quoties alia spes reliqua est, nunquam ad urendum vel secandum accedunt, quid enim tam periculosum est, quid salutis magis contrarium, quàm cum relictus est lenitati locus, objurgationes cæteraq; acriora remedia adhibere, quæ vel in casu hoc nostro, quam rationem habebat non video, & non est hic modus, ut rivulus aliquis avertatur, ne in mare influat. Confœderatio hæc non est nimis adversum nos, ac proinde pro nobis esse poterit, semper quidquid dubium est, humanitas inclinatur in melius. Scit DEUS simplicitatem meam, quòd consilium bonum dabam, doq; ei qui non habet, sed dici potest: frustra Job aperit os suum, & absq; necessitate verba multiplicat, illi enim aliter suadent, quibus non tam jucundum est, multos post se videre, quàm grave aliquem ante se, qui diligunt vanitatem, & quærunt mendacium. Ego autem non profecturis littora bobus aro, omnia nobis difficilia fastidio facimus, cujus fortunam mutare constituit DEUS, consilia corrumpit, quæ aliis sunt excelsa, ipsis prærupta videntur, sed hæc satis apud te, satis est quod confœderationi huic, quam attrahere omninò deberemus, sapius respondet Rex dura derelicto consilio seniorum, utinam non pœniteat, sed serò & frustra.

28. Fuit apud me D. Overbeck in memoriam revocando imminens tempus pro exolutione summæ Elbingensis, quòd D. Thesaurarius Regni nullam spem esse exolvendæ, quamvis Comitibus ultimis fuerit indicta, asscuravit; ne ergo Principalis ejus jure suo uteretur præcavebat, & se manifestabat. Ecce ego super vos adducam mala, de quibus exire non poteritis.

Joan. Præpedowski.

29. Habui literas ab Episcopo Poseniensi, in quibus coram me protestatur, utq; id deferrem Regi precatur, contra omnes quascunque legationes, videtur esse partus D. Thesaurarij, quòd & Regi statim præsentavi, sed his non obstantibus, ut expeditiones pararem jussus sum. Fuimus hoc eodem vesperi apud Cardinalem conferendo de hac Confœderatione Majoris Poloniae, quam ille venturam Varsaviam fortiter asseverat.

Nicolaus Święcicki.

30. Valedixit D. Nuntius Pignatelli Regi Seren: sed absq; ceremoniis.

Tom. III

Bbb 2

niis.

A.C. 1703 niis. Rediit verò viâ quâ venerat 1. Octob. Princeps Wiszniowiecki, qui tanquam magno celebris fœnore nominis tentaverat multa, sed dici potest tentavit potius majore animo, sed non fortuna, ubi gloriæ suæ initium poneret. Iniquus est qui rem ab illo exigit, in quo videat animum non defuisse. Fuit cum multis in prandio apud me, & se excusabat, quòd nihil facere in rem Reipub: potuerit, tanquam ei finis instaret, impetu fatorum jam urgente; contra Cardinalem multa dicebat. Interim Thorunium fortiter impugnari scribunt.

4. Nov. Venit notitia Generalem Styrum fuisse malè tractatum ab Electore Baviaræ; Venerat etiam à Majoris Poloniæ Confœderatione ablegatio speciosa verbis, re inania portans.

Oginski

5. Rescivi omninò me consulto ab his abstrahendo, quòd jam concordia sit finita inter DD. Litvanos eo modo, quod Rex delinitus obsequiis acquieverit consilio in aliud tempus valituro, & sic omissis eò versæ erant omnium curæ, ut Major Principi Wiszniowieccio, Minor Generalatus Capitaneo Samogitiæ daretur, nunquid qui cadit non resurget? & qui averfus est, non revertetur? Thesaurarius D. Pociey, & Mareschalcatus D. Wołowicz, Palatinus Vilnensis Principi Wiszniowieccio majori natu, & Castellanus D. Principi Generali, sic de plenitudine Regis omnes acceperant, nimia celeritas plerumq; in lapsū præcipitat, nam imparem hanc credo vulnere huic medicinam, & per hoc certè Respub. meo judicio magis implicabitur, quàm liberabitur, multi enim sub ementito boni publici zelo intenta sua velant, & cum publicam fortunam bonam valde inclamant, privatam struunt, & alienam injuriam putant suam prædam, mel muscæ sequuntur, cadavera lupi, frumenta formicæ, ut Salustius dicit bonum publicum simulantes, & de privatis commodis dimicantes, quibus tamen dici potest: Nunc gaudete breviter, nam longum lugebitis, ita incendio propior erit, qui ignibus est, & præcipitio vicinior, qui montium vertici inambulare cupit.

Te interim rogo, ut quoniam semel amicitia tua me non indignum judicasti, judicium tuum tuearis, & me amare pergas. Copiam Instructionis, quam in manibus Regis deposui ad aulam Berolinensem tibi communico.

PLENIPOTENTIA Ad REGEM IN PRUSSIA mensis 8bris.

NOS AUGUSTUS II. &c. &c. Notum testatumq;, quorum interest, universis & singulis facimus. Quia nos post longam & maturam totius Reipub. deliberationem; tum assopiendis occasione assumptæ nuper in Prussia Coronæ, & certi pignoris Reipubl. eliberandi difficultatibus, tum hostilibus Suecorum armis amicitiatenus per ditiones nostras grassantibus, inq; ulteriorem, quod Superi avertant, perniciem nostram, vicinorumque nostrorum, ni obfistatur ituris occurrere ac providere cupientes, ad aulam Brandenburgensem nostro & Reipub. nomine, legatum extraordinarium magnum & plenipotentiarium Illr̃m Stanislaum Antonium in Szczuczyn & Radzyn Szczuka Pro-Cancellarium M. D. Lit. Castrensem Lublinensem & Vechsnensem Gubernatorem plenariè instructum, nominandum & designandum censuimus, uti quidem præ-

sentis

sentibus literis nostris nominamus & designamus, dantes & concedētes ipsi absolutum & omnimodam, prout est instructus, facultatem, cautis prius cavendis, evictis evincendis, abolitis abolendis, agnitionem Regii tituli & Mris Serenissimo & Potentissimo Principi Domino Friderico III. Marchioni & Electori Brandenburgico &c. tribuendi, cum eo Pacta antiqua, recentia, & nova revocandi, conservandi, stabilendi. Pignus certum pro summa Elbingensi depositum levandi, de levato prævia & mutua de prætensionibus quietatione, quietandi, contra infestas Suecorum vires Pacta & Societatem reassumendi, & securitatem omnimodam mutuam parti utriusque providendi, concertandi & concludendi. Cæteraque in talibus necessaria & observari solita, peragendi, exequendi, conficiendi, ac in tabulas referendi, ita, ut, quidquid per eum gestum, constitutum, ac instrumentaliter conscriptum & confectum fuerit, Nos totum id cum Republ. pro rato, firmo & grato suscepruri sumus. In quorum fidem præsentem nostram manu subscriptas sigillo Regni communiri iussimus. Dabantur Varisaviæ die Mensis Octobris.

CREDENTIALIALES AD REGEM IN PRUSSIA.

AUGUSTUS II. Sc. Post Tit.

Posteaquam nobis, ac universæ Reipubl. cognitum esse potuit Mtem Vram non ideo nuper Regium in Prussia assumpsisse titulum, ut veteribus atque recentibus cum Serenissimis Prædecessoribus nostris Regibus Poloniæ atque Republ. demptum aliquid imminutumque fœderibus queri possit, quin potius, ut auctus hic Regius splendor uberiores in vicina, fœderataque Regna ac provincias nostras utilitatis commodorumque explicet sphaeram; positus deum, qui hucusque liberam Remp. fatigavere scrupulis, quò firmiori nexu vetera & recentia constabulantur Pacta, obortæque difficultates omni meliori modo assopiantur, atque contra communem olim hostem, nunc Regni nostri sub fucato amico nomine gravissimum vastatorem, mutuis viribus desiderata securitas, promptaque periculi propulsandi media pro nexu fœderari perpetuo Principis adinveniri, & exequi valeat, extraordinarium legatum nostrum magnum & plenipotentiarium sufficienter instructum Illrimum Stanislaum Antonium in Szczuczyn & Radzin Szczuka Procancellarium M. D. Lit. Castrensem Lublinensem & Vechensem Gubernatorem ad Mtem V. designari fecimus. Huic itaque tam publicè quàm privatim eandem accedenti, quatenus benignas & faciles concedere admissiones, plenamque, quidquid nomine nostro & Reipub. proposuerit, fidem tribuere velit, quemadmodum à Mte Vra enixe contendimus, ita eidem à nobis vicissim redhibitum iri omni occasione pollicemur, ac interim faustissimos auspici regiminis cum longæva valetudine à DEo T. O. Maximo animitus precamur successus. Dab. Varisaviæ die mensis Octobris.

AC. 1703

INSTRUCTIO SACRÆ REGIÆ MTIS DOMINI NOSTRI
Clm̃i suo & totius Reipul. nomine ad Sernm̃um Principem Domi-
num Fridericum III. Electorem Brandenburgicum, nominandum
verò prævijs effectuantis infrascriptis conditionibus Serenm̃um &
Potentissimum Regem in Prussia Illrmo Stanislao Antonio in Szczy-
czyn & Radzyn Szczuka Procancellario M. D. Lit Castrensi, Lubli-
nensi, & Viechnensi Gubernatori, Magno Legato & Plenipotentia-
rio data in Cancellaria Regni die Mensis Octobris.

Postquam ea in Rempubl. nostram superingruerint tempora, ut
jam in secundum annum improvisis Suecorum lacecita armis,
nec oblati ad tractatum conditionibus valens hæcce quovis casu
concitos sistere motus, omnimodæ securitati suæ consultura, ad exter-
na demum Vicinorum, fœderatorumq; Principum tum vel maxime
suæ Serenitatis Brandenburgicæ, naturalis & perpetui cum Repub. ex
pactis Velaviensibus fœderati subsidia respicere teneatur, ad eumq; eo
nomine interpellandum difficultas de assumpto nuper in Prussia Regis
titulo plurimum anxiam, & dubiam hæcere faceret, tandem justos huc-
usq; habitos scrupulos in eum modum S. R. Mtas Dominus N. Clm̃us,
atq; Respublica resolvit.

1mo. Festinatis quantocius itineribus nominatus Illustrissimus Le-
gatus Regius & Reipub. magnus & Plenipotentarius in persona, vel
etiam per Nuntios & literaria commercia Legationem suam magnam
ad aulam Brandenburgensem institutam esse manifestabit, eam tamen
non prius adornandam & publico charactere ac ingressu solennisandam,
donec privatus omni deposito charactere, difficultates, scrupulos & de-
sideria Regia ac Reipub. assopita, exclusa, & concessa obtineat.

2do. Utpote ne usurpatio Regis in Prussia constitutis pactis Vela-
viensibus & Feudo perpetuo Reipub. in Prussiam Ducalem per eandẽ
cauto, quidquam deroget, sed valida, firma, nec in quopiam mutata, li-
cet Titulus Ducalis in Regium mutetur, permaneant, quo nomine se-
curitas omnimoda stipuletur, ita, ut mutatio solius tituli nihil substan-
tiæ rei prædictorum tractatum addere vel demere possit. Quapropter
cavendum erit, ne ulla nova telonia, impositiones, seu quocunq; nomi-
ne exactiones, terrâ, mariq; in ditionibus suæ Serenitatis Electoralis u-
surpentur, ne limites antiqui vel tractatum usurpatione, vel quovis a-
lio colore prætendantur, ne in lacu Drausen semper & antiquitus ad œ-
conomiam Mariæburgensem spectante piscatura per subditos suæ Sere-
nitatis Electoralis prætendatur, néve iidem in præjudicium Magnifici
Palatini Mariæburgensis, & plurium ejusdem Palatinatûs nobilium ag-
gerem in torrente Soigen moliri præsumant, sed omnia & singula jux-
ta veteriora & recentia Velaviensia pacta inviolabiliter conserventur.
Tum quoq; , ut Episcopatum Vladislaviensis Varmiensis & Cul-
mensis assopitis ad præsens justis prætensionibus in posterum eadem
Cathedræ, circa jura, jurisdictiones & immunitates, juxta eadem pacta
solenniter manu teneantur.

3tio. In favorem verò præmissi concedendi Regii tituli summa El-
bingensis trecentorum millium imperialium pignore certorum clenodiorum,
& in oneratione Territorii Elbingensis nuper per Rempub.
assecurata in perpetuum aboleatur, nec quidquam juris, prætensionis
vel

vel prætextûs in civitatem Elbingensem, vel ejus Torritorium inde relinquitur, clenodiaq; invadiata Reipub. integrè sub sigillis insignita restituenda in manus suas extradantur. Eadem civitas Elbingensis, & quævis alia loca ac subditi Reipub. in Teloniis sive prætoriis juxta vetera pacta conserventur, sublato onere Strandtgeld dicto, seu quovis alio, contra quem hucusq; civitas Elbingensis quæstæ, abusu in perpetuû.

4to. Summa super Capitaneatum Drahimensem integra Reipub. remittatur, ipseq; Capitaneatus possessioni Reipub. restituatur, aut si id nullatenus fieri possit exemptio ejusdem juxta anteriora diplomata omni beneplacito tempore caveatur.

5to. Præter ordinarium subsidium semi duorum millium peditum pactis Velaviensibus pro quolibet bello in rem Reipub. cautum, in post verò sublato quovis discrimine novi vel veteris belli tamdiu, quam diu duraturo, cavendum, desiderabit Illustrissimus Plenipotentarius Legatus, quatenus viribus suis sua Serenitas Electoralis contra Regem Sueciæ in ejus ditionibus per diversionem belli quantocius operationes bellicas incipiat, quo nomine de mutua belli diversione contra communẽ hostem, si ita visum fuerit, ineundi & conscribendi tractatûs plenariam habiturus est facultatem, vel saltem punctum tertium pactorum Velaviensium reassumptum per suam Serenitatem Electoralem manutenendum, sufficienti modo & effectu asscurari curabit. Cum verò subsidium illud ordinarium jam binis annis, nec ullâ vice stante moderno S. R. Mtis Dñi N. Clm̃i regimine, uti intererat sit subministratum in compensationem prætermisssorum, atq; in contestationem sinceram optimæ erga commoda & securitatem Reipub. voluntatis pactis Velaviensibus l. 10. & 11. punctis professæ & asscuratæ expetet, quatenus auctas ad plura vel ad minimum ad duo millia peditum copias cum re tormentaria, ac propria alimentatione pro binis saltem expeditionibus Sua Serenitas Electoralis ad primam S. R. Mtis Domini nostri requisitionem impertiri velit.

6to. His demum evictis, cautis, & obtentis ingressum publicum, & audientiam, uti & tanquam ad Regem in Prussia Magnus Legatus pro honore Regis & Reipub. ad honorem quoq; Regiæ Mtis in Prussia omni meliori apparatu adornabit, solennemq; faciet, plenum in publica audientia suæ Serenitati Electorali titulum Mtis, ac posthac in conferentiis & congressibus tribuet & à S. R. Mte Dño N. Clementissimo & Repub. in post tribuendum, & dandum, ita tamen, ut Regis in Prussia Legatus, vel Minister Regis Poloniæ & Reipub. Legato aut Ministro quovis loco manum vel præcedentiam sine omni controversia deferat, asscurabit, necessariaq; hujus rei instrumenta sive pacta mutua semper stando in pede pactorum Velaviensium conficiet.

7mo. Quod si præmissæ conditiones nullum apud suam Serenitatem Electoralem momentum sortiri valebunt, tum Legatus magnus charactere suo & agnitione Regii tituli omnino abstinens, de sola tantum numeratione pecuniæ per Rempub. in exemptionem pignoris Elbingensis nuperis Comitibus laudatæ, ac temporis certi lociq; præfixione, uti privatus transigere, declarationemq; obtinere annitetur, vel si pecunia laudata interea supervenerit, exnunc eandem numerari faciet, præviis, quietatione de eadem, & Territorio Elbingensi, ac restitutione clenodiorum oppignoratorum, idq; in manus suas.

8vo. Difficultas in quopiam vel in quibusdam non resoluta, si supervenerit pro resolvenda ea ad S. R. Mtem, Primatem Regni, & Ministros

A.C. 1703 nistros Statûs Regni faciet. Quo nomine S. R. Mtas & Ministri literarum correspondentiam semper tenendam cum magno Legato animadvertent, & vicissim idem eandem diligenter est observaturus.

9^{mo}. Interim quàm primum ex Cancellaria, & Thesauro Regni necessarias sumpserit expeditiones sui muneris & negotii momenta auspicanda ex nunc curare omni formâ & modo meliori non intermittet.

Reliqua fidei, prudentiæ, & zelo in publicum magni Legati & Plenipotentarii semper probatis agenda & perficienda plenè committuntur.

Ad mandatum Sacræ Regiæ Majestatis proprium.

LXXIX.

ANDREAS C. ZALUSKI EPISC. PRINC. VARM. ET SAMB.
CHRYSOSTOMO CZAPSKI CASTELLANO ELBINGENSI

14 Octobris.

Communis totius Patriæ infelicitas non tantum nos à communi conversatione arcet, sed etiam vicissim nobis de nobis consulere non permittit. Non habuimus fortunam videndi te in Comitijs, nunc quamvis pro brevi tempore habitâ licentiâ propter interesse Episcopatus mei huc venerim, nec sperare quidem licet, quod possim fraterno colloquio publicum lenire dolorem, cui etiam sinum pectoris aperire voluissem, liceat saltem literis compellare, & quærere, quid tandem cum nostra Provincia fiet? de qua cogitare multis titulis pro officio juxta & voto meo reputo. Paratam jam habebam in Cancellaria mea expeditionem pro Comitiorum Relationis, sed non est visum Senatoribus nostris quibusdam præsentibus publicare hanc expeditionem, quandoquidem commoditas coeundi nobilitati adempta. Expeditæ sunt Universales literæ ad sancita Comitiorum exequenda, præcipuè civitates invitando, sed nec hoc, ut audio, placuit, causa hujus vel maxima, dissensiones & diffidentiae nostræ, quæ hoc tempore, quo ad unum conjungi deberemus, cessare deberent, eò magis fato quodam nostro, & irrevocabili damno augentur, quia discordes bonum publicum privatis simultatibus impediunt, & ultra id, quid miserius accidere potest, quàm is status in libertate, quem aliæ Nationes non ferrent unquam in servitute. DEus, (quem licet indignus sincerè indies invoco in testimonium) Judex & Vindex erit publicæ, & Provinciæ nostræ injuriæ. Plura non scribo, ne plura, quàm licet, dicam, tuam fraternam invoco gratiam, ut velis antiquo me complecti affectu, & si quis usus mei, jube, quid velis, ut tibi servire possim, & hic, antequam abeam, & ibi, quò me infortunatum vocat ministerium, bonâ ergo fide utere me, sicubi usq; erit, reperies primum & affectum. Volo enim palam, tibi monstrare, quàm sim. &c.

IDEM STANISLAO MORSZTYN PALATINO MASOVIAE

Commissario ad Tractatum 8. Decemb.

Lætatus sum in his, quæ scripta sunt mihi, quando jam certo scio de adventu tuo, & ulteriori Varsoviæ residentia, quia afflictus eram, & sollicitus, ne prætextus absentiae Vestræ accipiatur pro alienatione à pace. Jam nos DEus punivit, uti Dominus, & destinavit tanquam malos & perversos in id, ut semper ei humiliemur. Non est ulla spes hoc rerum statu, ut vel minimus respectus gloriolæ quondam
Gentis

Gentis apud exteros habeatur; quomodo enim illi aliquid in favorem nostri cogitare debent? quando nos ipsi nihil boni de nobis cogitamus. Non semel petij animæ meæ, ut moreretur præ tædio præsentium, præ metu futurorū, sine spe lætiorum, cuncta quæ lenit mala. Comprimo calamum, quia fortè plura scriberem, quàm licet, sed in passionibus meis tam corporis, quàm animi, quia fluxiones ex oculis manant cum magno dolore. Angor animo inde vel maximè, quòd iterum post numerata ab Episcopatu 125 millia florenorum bonæ monetæ, non numerando honoraria, requirunt Sueci hyberna agere hic, ubi alij jam sibi destinârunt hospitia. Et sic vivo, tanquam unus ex Patribus in limbo, expectans unde auxilium, vel timens, unde malum veniet mihi: Intelles ex annexa copia, quæ nobiscum fient, si pro una nocte tantum dari debet, quiescere ne poterit vox à ploratu, & oculi à lacrymis?

LITERÆ GENERALIS REWELL COMMENDANTIS CIVITATIS THORUNII. 14. Octobris.

Descriptio obsidionis & deditionis Thorunij.

Vestra Celsitudo non in malam interpretabitur partem, quòd tamdiu nullas literas narratorias miserim, siquidem ita circumclusus hucusq; fuerim, ut intra 14. septimanas nullas literas à S. R. Mte acceperim, quamvis ultra 10. ad eam transmiserim. Post hoc tempus satis S. R. Mti miserandam militis nostri conditionem, necessitatem victus & pecuniæ patefeci, quòd milites gregarii unà cum exercituum Officialibus per 20 Septimanas durante primum æstatis fervore, post ingenti frigore, ac tempestate iniquâ sub dio in madente terra vestibus amicti, cubare coacti fuerint ideo, quia hostis vix 300 passus à nostra muralis fossæ lorica distabat, & periissent fame ac injuriâ tempestatis, nisi Generalis D. de Canitz alijq; exercituum Duces oppignorando res, bonaq; sua gregario militi succurrissent. Præterea morborum multitudo, & vehementia ita hic grassatur, ut decumbentium multitudo 2188. hominum numerum excedat, medicamenta cæteraq; vitæ subsidia deficiunt. In hoc tantoq; rerum discrimine S. R. Mtem imploravi, ut circa medium 7bris nos liberaret, ne aliâ ratione salutem quærere cogamur. Hac dulci liberationis aut subsidiorum mittendorum spe freti quovis momento votorum exitum expectavimus, sed frustra. Nihilominus cum interea 19 7bris hostis nocte appropinquaret, & in monte leporū inter Culmensem & Veter-oppidanam portam pedem fixisset, laborare incepisset, lineas aliquas formasset, D. Major de Sacken jussi, ut cum 200 militibus eruptionem faceret, quod feliciter ipsis cessit, ut non solum extra suas lineas non sine exigua hominum jactura (quod jam ipse fatetur, actionemq; totam laudat) fugaverint, at nostri perditis tantum octo hominibus, ex quibus aliqui vulnerati feliciter huc se receperint, 24 Septembris circa meridiem Sueci ex 6 locis bombis, globisq; igneis nos, urbemq; nostram infestare cœperunt, illudq; ad horam septimam matutinam continuabant, statim etiam curiam unâ cum 14 domibus incenderunt, soloq; æquârunt, ut fileam damna, quæ templis aliisq; Domibus inde obvenerunt, etsi enim hæc omnia præviderimus, omnemq; curam dederimus hæc avertendi, metus tamen & socordia civium, Magistratusq; obicem posuit; sequenti die 25 7bris duas post horas bombis, globisq; igneis eadem vehementiâ in nos jaculabantur, quod totam per noctem durabat. Die 26 manè post horam nonam vehementius adhuc tormentorum ignis fulgurabat, multaq; damna templis

A.C. 1703 plis, domibusq; dedit, ita tamen ut in flammis non eruperit, nihilominus ultimo die bombus aurifabrum quendam nomine Medinus dissecuit, simul etiam D. Capitaneum de Pontzig, & Dñum Capitaneum Carlvitium ita tetigit, ut ille paucos post dies obierit, alter adhuc lethaliter decumbat. Hic tormentorum furor animavit cives, ut factiones concitaverint, & publicè per Pracones ebuccinaverint, quos tamen Dñus Generalis à Canitz prout meruerant, excepit flagitantes, quòd in Castra quidam mitterentur, & induciæ peterentur, quod cum factu esset impossibile, omnibus modis rebelles conciliandos, & leniendos tentavimus, sed frustra cum tumultus magis, magisq; cresceret coactus ego Ducem Colonellum de Goitz cū 500 hominibus in civitatem mittere, quo seditiosos comprimeret, quod etiam Dñus Generalis à Canitz per Magistratum obtinuit, protinus tamen cœptâ sententiâ desistere noluerunt, sed consilium cœperunt de consignandis articulis transactionum. Interea in hoc conflictu & grassante adhuc morborum lue multi hominum perièrunt per præsidia in Insula novo opere aliis in locis posita, multum decrevit nostra militia, ut ad tuitionem Castelli non plus quam 1121 gregariorum remanserint. Cum igitur impossibile mihi visum fuerit tantillo hominum manipulo me defendere diutius, D. Generalem de Canitz cœterosq; omnes Exercituum Duces convocavi, certa puncta ipsis proposui, illorumq; sententiam requisivi. In tanto ergo rerum periculo deficientibus omnibus defensionis remediis magno animi dolore transactiones quærere coactus sum. Quare 7 Octob. Tympanistam in castra misi, qui Officialem belli expeteret, quo cum pacis consilia caperem, respondebatur Serenissimum Regem Sueciæ non esse præsentem, & ita nihil certi à Ducibus posse constitui, ut cras iterum accederemus, insurgebant, nec tormentis explodendis cessabant. Sequenti die alius delegabatur, qui efficiebat, ut ad nos Generalis Adjutor ante lineam ad Dñum de Haud, quem illuc deputaveram, accederet, nullasq; transactiones Regem Sueciæ accipere velle, nisi quæ essent sub discretionem, hocq; primam & ultimam fore resolutionem. Secundâ vice exire jussi dictum Majorem, ut S. R. Mti ob oculos poneret, non posse nos datas condiciones accipere, nosq; videri coactos extrema quæq; expectare, sperare tamen nos submissâ mente fore, ut ceu justissimus Rex secundum gentium jura condiciones rationi belli conformes sit concessurus. Respondit, ne quidquam ipsum recedere à priori resolutione, esse jam 5 Menses, quòd hanc urbem concluserit, & certè parum honoris & gloriæ in ipsum redundaturum esse, si patiatur sibi leges à nobis præscribi. Respondebatur nos haud esse in culpa, & si ab exercitu exegisset, refractarios non deprehendisset, nec potuisset urbem eidẽ ultro offerre. Decimâ, ultima Responsio facta priorem resolutionem adhuc manere firmam & immutabilem, nec aliter nisi sub discretionem illa transactionem suscipi, majori etiam vehementiâ tormentorum rugitus in nos frenebant, talesq; faciebant progressus, ut paucis passibus à nostra muralis fossæ exteriore lorica distarent. Cum ita jam extrema imminerent pericula, quid rebus sic stantibus faciendum? an gratia à Rege clementissimè stipulata arripienda, an defatigati milites internecioni immolandi? anceps hæsi. Hinc denuo 12 die Dñum Sogentin duabus vicibus ad hostis lineam misi, ut alias expeteret condiciones, sed nihil effecit, quod semel statutum erat immutabile, & nisi hoc acceptaretur, non admissuros Tympanistam ullum. Tandem ergo Regis clementiâ confisi die 13 sub vesperam nos dedidimus hoc annexo petito, ut

ut usq; ad hanc diem nos in priori statu sineret, prætereaq; sperantes *AC. 1703* non facturum nos captivos belli. Inde Sueci prætendebant, ut præsidia in porta Culmensi ponant, quod est illis concessum. Sueticæ militiæ à nostris militibus & civibus arma, quatuor vexilla equitum, & 18 peditum, & 12 tormenta tradebantur. Quales præterea vices simus experturi, experientia docebit; sumus quidem facti certiores nos esse futuros captivos belli, sed hæc omnia tempore fient manifesta.

ALEXANDRO SALLAROLI REGIO MINISTRO.

16 Octobris.

NON dubita, quòd hodie, qui olim fuit, nihil est imminutus amor. Hæc verò tibi communicanda censui videns Rex Sueciæ, nostrum nolle, in campo secum decertare, aggredi Thorunium omninò conclusit, non tantum quòd illud fortalitium sit satis munitum, sed etiam quia per possessionem ejus omnem adimet communicationem cum Gedano, & accepto illo totum planè peditatum Saxonicum sub potestate sua habebit. Datis igitur mandatis, ut peditatus sequeretur, citissimis passibus cum Equitatu movit. Sciendum autem Regem nostrum plus quàm 5000 Saxonum in illo fortalitio reliquisse, cum ipse Mariæburgum deinde Elbingā divertisset. Saxones resoluti ad defensionem primò suburbia, & Ecclesiam in illis, omnesq; hortos incinerarunt ad tollendam omnem Suecis facilitatem. 16 Maji incepit Rex Sueciæ oppugnationem tantum cum 8000 hominum. Præsidium urbis una cum Civibus erat tam numerosum, ut in fortalitio tam insigni 40 milibus hominum resistere potuisset. Aggressi erant Valachi Suecorum Saxones, qui pontem super Drweraca positum custodiebant, & victi fuissent, nisi Rex ipse Sueciæ comparuisset. Interim cum Rex Sueciæ informatus fuisset de majori Polonia minus affecta Regi nostro, misit illuc Generalem Reinschildt, strenuum & fortem ne invidia quidem negaverit, qui cum sua prudentia non tantum animos devicit ad libenter contribuendum, cum jam populus vel Regis Sueciæ metu, vel suâ sponte fuerit depravatus, sed etiam ad Confæderationem pro Rege Sueciæ inundam. Principium hujus prudentiæ Generalis hujus adscribendum, qui ita Polonam Gentem tractavit, ut illibenter Regem suum contributiones requirere assecuraverit; omnes, quicumq; partium eorum esse vellent, securos reddendo, quod extra omne periculum requirendarum contributionum sint futuri. Jungebat ille ad valorem & experientiam Magni Ductoris affectum boni subditi, & intellectum delicatum consiliarij. Unde non tantum meruit beneficia sui Regis, sed etiam Poloniæ æstimationem.

Non habebat à principio Rex Sueciæ, ea requisita, quæ ad aggrediendum & expugnandum fortalitium sufficerent, & quamdiu hæc ex Suecia non venissent, tamdiu fortalitium strictè quidem tenebatur, sed fortiter non oppugnabatur. Quando autem Rex Sueciæ Thorunium oppugnare cœpit, Primas Regni Manifestum publicavit, quod tibi adnecto, ex quo patebit contra animum multa scripta fuisse; quamvis Rex Sueciæ non est visus contentus ex hoc scripto, & Comiti Piper mandatum fuit, ut id ipsum significaret Cardinali, quod responsum consilij Varsaviensis non concordabat cum declaratione Suae Majestatis, quòd miraretur, cur expectabantur illæ personæ, quæ suspicionem movebant manutenendi inimici Regis Sueciæ. Ad-

didit

A.C. 1703

didit hic idem Minister quòd hic modus agendi non haberet pro fine tranquillitatem publicā; Unde Rex ejus majus positivum expectabat responsum. Et sicut illud consiliū non tantum videbatur condemnare omne id, quidquid ad bellū campū dedit, sed etiā, quòd sit dispositum ad inveniendā media, quibus impediri possint similes intentiones; credens Rex Sueciæ, quòd necesse esset, ut Respub. se explicaret clarius super ista media, non videns alia efficaciora, quā illa, quæ indigitavit pro stabilienda securā pace inter Sueciam & Poloniam. Ultra id addidit Comes Piper, quòd Sua Mtas Dominus ejus evitaverit semper differentias cum Repub, nolendo sentire etiam certas res, quas non patitur, qui arma in manu habet; non aggredietur, nisi sibi contrarios; Reges ut fulmina sunt, dura frangunt, mollibus plerumq; illæsis. Rapidus fluvius est, non temerè transvadari potest. Signum autem hostilitatis reputabit; si aliqui Palatinatus huic se immiscuerint bello, ita, ut Rex excusandus sit, si vim vi repellere cogetur.

Consilium nostri Regis credebat, quòd Legatus Imperatoris armistitium concluderet inter Reges, & quòd illud ruptum fuerit à Rege Sueciæ per victoriam Pultoviensem, ubi Generalis Steinau tanquam ex mandato Regis sui non se defendisset, & quòd Generalis Maydel sine ullo impedimento in Poloniam intravisset. Rumor hujus armistitij aliquem stuporem Cardinali incusserat, qui dum Thesaurario Litvaniæ eo nomine scripsisset, & ille Comiti Piper literas communicasset, responsum est nomine Regis Sueciæ armistitium hoc fuisse falsò publicatum, utq; scirent vel ex hoc ipso, quantum intersit inter verum & falsum, cum Rex ejus, nec Imperatoris, nec alicujus alterius potentiae mediationem acceptare voluerit. Est litera Ministri hujus scripta contra Regem nostrum, quam curabo tibi mittere, in qua etiam idem Piper amicitiam cum Repub. velle manutenere Regem suum asscurat. Videntur etiam Primatis Regi Sueciæ scriptæ literæ, in quibus brevi pacem fore sperat, dum utraq; Pars illam desiderare videtur; utque id melius fieri possit, precatur Regem Sueciæ, ut quantocius mittat Commissarios Varsoviā & ab oppugnatione Thorunij cesset; cum scilicet illa Civitas sit innocens, & sub protectione Reipub. & eò magis, quòd expugnatio ejus alienare possit animos à parte una & altera.

Respondit Rex Sueciæ Cardinali, & Commissariis, qui ei scripserant, quòd esset in tam proxima ad pacem dispositione, ut illis proposuerit securum medium ad illam perficiendam, sed se mirari, quòd illud nec exequerentur, nec acceptarent. Ingratum decus alit illorum mentem, semper aliam, nunquam diu eandem, quòd tuta consilia speciosis non anteferrent, imò tuta & præsentia negligant, vetera & periculosa malint, & quis illi secundus ventus, cui nullus certus fuerit portus naviganti. Proinde hoc quibus vacat, examinent, videantq; adhortabatur, qui cum habeant iter rectum, devios sequuntur anfractus, ut in tenebris tanquam cæci & debiles ambulaturi sint, nisi eos retrorsum infatuata pravis opinionibus pertinacia averterit. O si ratio ipsa quasi per anatomiam rerum momenta perpenderet, & oculatiùs inspiceret, plura, quæ Rempubl. aut absentia terrent, aut præsentia torquent, torquendi aculeo exarmarent, aut futurorum minis prudenter extenuarent, & præsentium molestiarum per resolutionem in tempore sumptā mitigarent, aut molestiarum incrementum ab imaginatione duntaxat magnum prudenter diminuerent, qui è nuce vult esse nucleum, frangat nucem, explicent ergo se clarius super his quæ illi proponere volunt.

lunt. Quantum ad Thorunium, non urbem aggreditur, sed Saxones, qui ibi sunt, nec omninò ab aggressione eorundem abstinere debet, tanquam contra inimicos.

Post Comitia Lublinensia, de quibus credo te informatum esse ex antecedentibus meis, ex una parte Poloni 100 Suecos aggressi, vicerunt, ex altera Litvani 400 Equitum pro contributione destinatorum, itidem in potestatem suam redegerunt.

Propositum erat ab Ablegatis extraneorum Principum Regi Sueciæ, ut Thorunium acciperet, & Saxones dimitteret, sed ille nihil se contra Thorunium habere, sed solos Saxones debellare velle respondit.

Cum hæc agerentur, Naves Sueticæ venerunt à Pucko cum Artilleria & 4000 hominum, & 20 Septembris fortiter aggredi cœperunt Sueci; unâ nocte 40 domus cum Prætorio Civitatis (cum Archivis non sine ingenti damno totius Prussiae, ibi enim conservari ex lege & consuetudine solent) tam pulchræ, ut vix Amstelodamensi cederent, combustæ sunt. Noluit Rex igne consumere Civitatem, sed tamen ita eam aggrediebatur, ut Generalis Rewell, qui nomine Regis nostri fortalitium hoc defendebat, evitando aggressum, qui parabatur, 12 Ooctobris colloquium petierit, sed illud Rex denegavit, utq; ad discretionem se dederent, ad finem quinque mensium obligavit. Dumq; in conspectum ejus venissent Generales Rewell & Canitz, optimè sunt excepti, & ad mensam Regiam tractati. Non multos perdidit Rex Sueciæ ex suis, Generalis tantum Lieben, cum vicinus esset Regi, occisus est, quem Sua Mtas satis doluit. Quàm pulchra fuerint ibi tormenta, explicare non vacat, missa sunt in Sueciam, & plus quàm 4000 hominum cum duobus Generalibus in captivitatem cesserunt. Omnis ergo pene peditatus Regis nostri periit, & fortalitium terræ ferè æquatum fuit.

Post hæc Residentia mea Heilsbergensis in Varmia honorem habebit (utinam eo privaretur) Rex scilicet Sueciæ ibi hyemare cum exercitu destinavit, sed memoriâ memor sum præmoniti: cave ne loquaris contra Jacob quidquam durius, quia quidquid ab hoc Rege decretum, id jure factum censendum est. Prophetat tamen verum ignorans Caiphas, quòd magnum Episcopatu huic immineat malum, non à persona Magni & clementissimi hujus Monarchæ, sed à numerofo comitatu, & rigido Commissariatu. &c.

LXXX.

ANDREAS C. ZALUSKI EPISC. PRINC. VARM ET SAMB.
LAURENTIO NYCZ CANON. VARMIEN. 26. Octob.

DEUS mihi testis, in cujus conspectu hæc scribo, quòd rumpar, & dirumpar præ afflictione, considerando non tantum præsentia, quæ jam videmus, sed & futura, quæ infallibiliter imminet, mala nostra. Nimia liberalitas eorum, quos delegastis ad tractandum cum Generali Steinbock omnem post se traxit infelicitatem, quia concedere tam magnam summam, quæ erat omninò impracticabilis, & quæ hætenus congregari non potest, dedit motivum ad majores prætensiones. Volunt, ut adferatur Tariffa contributionum, quid hoc significat? nisi quòd nova insupportabilia timenda onera, sub quibus succumbendum erit. Petii, optavi, ut cum remissione quinquaginta millium florenorum temporisaretur, & exolutio differretur, cum non desint iusti prætextus, quia quando jam tam largè dare incepimus, verendum,

A.C. 1703 ut nos etiam Brändeburgici salvent, qui quomodo intraverint, jam scis, & præsentes Canonici testabuntur, quantum fecerim, ut hæc declinarem mala. Inceperant imprimis tractare nobiscum, & cum nec mihi, nec præsentibus Canonicis visum fuerit, ut vel minimam conniventiam in eo monstraremus, & illi revelârunt arcanum primò verbis, nunc effectu, quòd volentibus, vel nolentibus hoc imponetur præsidium. Ad primam notitiam, quam habui de Wormdito, accessi statim Ducem Holstienensem, incusavi factum, sed contra omnes rationes meas hoc reposuit, quòd omninò velint defendere Varmiam. Si verò nos id ipsum nolumus, vel sumus ingrati, ipsi sibi providere debent, quia, si Suecos intrare permetterent, magna esset ruina in Varmia, & sic prætendunt favorem nobis præstari, sibi autem præcavent, quia infallibiliter venirent exercitus Polonici, Litvanici, Saxonici, & theatrum belli posset instrui, injuriæq; inferri Prussiæ eorum cum periculo incipiendi novi belli, quod illi minimè optant, & quamvis non negant intrâsse se in colligationem cum Suecis, non prætendunt tamen unquam vel minimum Reipub. præjudicium, offerendo omnimodam securitatem, quòd quidquid nunc ob rationes statûs fit, nullum inde Varmia habebit damnum, imò defensionem. Rogabant insuper, ut repartitio per nos fieret, ne ipsi illam facere cogerentur. Consideres ergo, quid mecum agebatur. Si essemus in statu dandæ resistantiæ, libenter prius darem vitam pro ovibus, & habeo tantum animi, ut ante aciem ponerem me primus. Sed quia vana sine viribus ira, ferendum erit, quod mutari non potest; interea verò optarem, quàm secretissimam, ne irriterus Cra-brones fieri protestationem meo & Capituli nomine, coram Notario publico suo tempore transportandam, vel ad Nuntiaturam, vel ad Metricam Regni, vel ubi demùm videbitur, ut orbis videat, quòd non tantum inscijs, sed & invitis hæc servitus imponitur. Optarem etiam, ut aliquem mittamus Berolinum, qui loquatur pro nobis, & numerum saltem excessivum deprecetur, securitatem procuret, quia hæc loqui, vel tractare cum Principe Holstinesi, vel Regimine Regiomontano vanus labor, quia illud quodcunq; Berolino præscribitur, ita ad literam exequitur, ut nihil unquam plus ultra sibi permittat.

Hæc est infelicitas, quòd vobis ipsis non constitistis, indixerâstis Capitulum Regiomonti, & in hoc supposito omnes meas cogitationes, quæ certè non tendunt, nisi ad optimum pro Ecclesia finem, reservaveram, & post mutatio facta, quæ omnia confudit.

Quantum ad literas Generalis Steinbock videtur habere rationem aut enim non erat promittendum? aut quando jam (absit injuria verbo) præcipitanter promisistis, numerare cœpistis, nescio quomodo reliqua evitari possunt, nam & Regiomonti nimiam hanc nostram accusant punctualitatem, cum solita nostra applicatio Divino fulta auxilio, ea invenire potuisset media, ne ex uno bove duæ pelles traherentur. Rescribendum credo civilissimè Steinbockio, excusando imprimis hanc moram pauperis exossati Populi, à quo vix extorta prima summa immediatè missa, reliquum colligimus, quantum fieri potest celerrimè. Quando verò nihil minus sperantibus comparuit apud nos miles Prussicus, quando sub ejus sumus regimine, possibilène est, ut immediatè satisfiat utriq; Spem non dubiam habemus, quòd justissimus æquè ac clementissimus Rex indolebit potius malignitati Fatorum, & non extendet potentiam suam; Nescio, si addi & id non deberet, ut Reges inter se conveniant, & nos, quoniam aliter fieri non potest, sortem, quam volu-

voluerit, patiamur. Interea ego etiam, quidquid mediorum inveniri *A.C. 1703* poterit, faciam, nihil magis, & præ oculis, & in corde habendo, nisi ut calamitati in præsens tam magnæ, indemnitati in futurum tam periculosæ provideri possit. Et hoc est certum, quòd diu vivam, si me hi circa bonum Ecclesiæ non conficient angores, inter quos hæc scribo.

DECLARATIO AD CAPITA ILLA QUÆ EXHIBUERANT

Illustres ac Mag. DD. Joannes Chrysostomus Czapski Castellanus Elbingensis, Valerianus Turuszynski Ensisfer, Andreas Kczewski Vexillifer, & Adamus Potulicki à Palatinatibus Culmensi, Mariæburgensi, & Pomeraniæ Nuntio facta in Castris penes Thorunium

26 Octobris.

Inter Regni hujus Cives, quibus Patriæ salus curæ cordiq; Provinciæ quoq; Prussiæ Majoris Poloniæ fœderi accedere, tantò majorem S. R. Mti Sueciæ parit animi voluptatem, quantò illam credibile est magis addituram pondus consiliis, quæ circa evertenda, quibus cum hætenus afflictata est, mala & revocandâ ejusdem proscriptam felicitatem occupantur. Quæ cum S. R. Mtis Sueciæ votis, destinatisq; omnino respondeant, nullum dubium est, quin S. R. Mtas Sua, desideriis Provinciæ annuat, quàm non agnoscere tantum in tuendis vindicandisq; Gentis Polonæ oppressis Juribus, sed curas ejus gemitusq; levare, atq; ad consequendum tam salutarem finem, consilia viresq; bene sentientibus jungere fixum habere propositum intelligit.

Imo. Quod igitur ad primum Instructionis caput attinet, ubi de tributorum mole queruntur Illustres & Mag. DD. S. R. Mtas Sua optaret, ut ab omnibus oneribus Regni hujus Incolas levare posset; sed cum ea sit belli ratio, ut sine milite geri nequeat, miles sine annona subsistere non possit, ad sustentandum exercitum aliqua conferre non gravabuntur, qui dum S. R. Mtis injurias ultum it, Jura simul & libertatem Poloniam defendit. Cui enim ignotum est quibus S. R. Mtas Sua provocata offensissima inducere, & vim illatam, vi repellere sit coacta aut cui non constat bello, contra ipsam insciâ Republ. suscepto, eversa Cardinalia Jura, vim illatam Regibus, & ad conculcatam libertatem viam paratam, quæ, cum causam S. R. Mtis Sueciæ, & Reipub. communem faciant, & æquiore animo ferent onus. Unde maximum ad illa redundat emolumentum, utq; tantò citius eo liberentur, executione bene destinatarum maturabunt, cum temporum momenta transeant, & rerum gerendarum occasiones evanescant, militarem, si quæ demonstrari poterit, licentiam severe puniendam S. R. Mtas Sua promittit, commodamq; securitatem pollicetur, bonis fortunisque omnium, inprimis autem illorum, quos domo abesse communis causæ, publicorumq; consiliorum ratio coegerit.

2do. Thorunij fatis S. R. Mtas Sua indolet, causam tamen eorum Saxones esse fatetur, quorum reditus, si curas S. R. Mtis sollicitudinemq; intendisset, minus in destruendis munimentis adhibitum fuisset diligentia, sed interest S. R. Mtis trahendi belli hostibus adimere opportunitates. Cæterum sicut S. R. Mtas Sua de Provinciæ Prussiæ, Palatinatum sinceri affectus & promovendæ communis cum fœderata Nobilitate causæ constantia, sit secuta, cum ipsorum maximè intersit pacari Rempublicam, & iis quæ bella comitantur calamitatibus liberari, ita de Regia sua certas quoque reddit benevolentia, quam universis &

A.C. 1703 singulis, & peculiariter Illustribus & Magn. DD. Deputatis testificari cum occasio tulerit, memor erit.

Ad Mandatum S. R. M^{ris} Sueciæ

C. Piper. Senator & Secretarius Stat^{us}.

JOANNI SZEMBEK PROCANCELLARIO REGNI S. 9bris.

DUM credebam, quòd triumphabo ex iniqua loquentibus, palàmque faciam, quòd præter alios amem punctualitatem, magis id sponte meâ, quàm metu alieno faciens, & ecce DEus nunc vel maximè me affligit, quia res est impossibilis, ut me in evidens & certum exponam periculum. Si scirem, quòd hæc præcipitata audacia mea usui esset obsequio Regis, DEus mihi testis, quòd inferius haberem & personam meam, quia satis ex gratia ejus habeo cordis eundi audacter in media etiam pericula. Sed quia hoc esset & clavim frangere, & seram non aperire, perdere me, qui possum adhuc utilis esse ad obsequia, perdere omnia: non potest enim tam longum iter sine bono expediri pro aliquot mensibus supplemento, quod cum difficultate acquisivi, & iterum esset impossibile acquirere. Insuper terret me, si ad redemptionem mei veniretur, cum magnum pretium personæ meæ infallibiliter impositum, vitam etiam periculo exponerem, quia ea non admitterem absurda, quo fine hæc contra me cuditur faba. Naturaliter non sum timidus, sed hic metus cadit in constantem virum, in qua materia fusiùs ad D. Referendum Litvaniæ. Cognovi semper affectum tuum: monstra ergo illum in hac necessitate, quâ majorem vix habere possum. Da vindicias honori meo, securum redde Regem, quòd mea nullo nutans constantia casu, quòd nihil me avellet, & dummodo aliquam non viam, sed semitam, etiam transeundo inveniam, certè nec jussus nec vocatus curram, modò indormiant vigilantes nunc contra me. Pluribus non moror; inter amicos namque prohibita est verboritas, quia spem non dubiam habeo, quòd tu in tam justo negotio eum mihi testaberis affectum. &c. &c.

INSTRUCTIO A SENATORIBUS DIGNITARIIS, OFFICIALIBUS, & Equestri Ordine Palatinatum Polnaniensis & Calissiensis, pro tunc congregatis, data Hieronymo de Konari Kolaczkowski, Pocillatori Calissienfi & Stanislao de Szoldt Szoldrski, Nuntijs ad Regem destinatis 13. Novemb.

Siquidem publica tranquillitas ita violento è cardinibus est mota turbine, ut distracta in diversum studia Civium & liberæ gentis non ducantur sed cogantur in devia animi, nos ad hunc locum congregati tempus id nolentes intermittere, quin in eo operemur bonum, committimus electis è medio nostri Nuntiis, quatenus præmissa profundissimâ veneratione Majestati, bonam valetudinem gratulati, longissimamque annorum precati seriem, agant gratias pro paterna cura & sollicitudine circa commune bonum. Exponent simul insuperabilem magnitudinem malorum, & pressurarum, quas iniquo patimur fato: Quare ut Regia M^{tas} valido auxilio, & quo-
vis

vis succurrat subsidio, si honesta & utilia pacis media non succedent, A. C. 1703
nomine congressus nostri demississimè supplicabunt.

Deferent quoq; cum profundissima veneratione & protestabuntur, quòd permanenti zelo, inconcussa fide, inviolabili voto, pro fide Sancta Catholica, Majestate, libertate, Patriisq; legibus fortunas, sanguinem, & vitam bono publico immolando, stare sinus parati, viritumq; & indivisim cum omnibus Statibus, & indivisibili Repub: nos habere velimus, solo intuitu firmatæ per Comitia generalia unionis animorum; & per immutabilem coadunationem & inconcussam, inviolabilemq; adhæSIONem firmandæ; imò invariabilem fidelitatis constantiam nomine nostro, ut contestentur, fraternè obligamus. Et sicut omnes detestamur scissiones, blandissimo quovis coloratas vocabulo, solam non nisi habentes præ oculis non interrumpam hujus Patriæ unionem, ita postulantes Regiam Mtem, ut per datas universales literas pro Comitiolis, quæ privatas extirpare possint scissiones, rebusq; in deterius labantibus succurrere, paternam pietatem R. Mtis omnium nostrum demississimas exprimendo preces supplici convenient desiderio.

Ut verò hujus Reip: corpus indistincto & indissolubili nexu cohareat, supplicabunt Mti Regiæ, quatenus alios Palatinatus, paternæ præmonitione præoccupet, ut à similibus abstineant attentatis. Postulabunt quoq;, quatenus R. Mtas urgentibus literis Duces exstimulet, ut suorum more Antecessorum, nostris subsidia afferant Palatinatibus.

Cætera dexteritati & activitati Nuntiorum pro opportunitate & exigentia, peragenda committimus. In quorum fidem petivimus Palatinum Inovladislaviensem, Generalem Majoris Poloniæ, & Præfectum excubiarum Palatinatum nostrorum, quatenus tam Senatorum, quàm Officialium, & Equestris Ordinis pro nunc congregatorum nomine, hanc subscriberet instructionem. Actum Kuciani.

LAUDUM CONFOEDERATIONIS PALATINATUUM MAJORIS POLONIÆ. 14 Novemb.

NOS Senatores, Dignitarij, Officiales, Equestris Ordo Palatinatum Polnaniensis & Calissiensis Confoederatorum, in castris sub Uniejovia subsistentibus ad circulum militare congregati: cum Commissariorum à Rege Sueciæ, rescripto nostris Nuntiis dato; hic præsentem cernamus, & cum eo spem desideratæ pacis, ob absentiam Cardinalis Primatis Regni & M. D. Lit. sine quo hoc negotium tractari nequit, & ob absentiam aliorum Palatinatum, qui pari nobiscum Confoederationis vinculo ad defensionem Patriæ conjuncti, nec per se, nec per Commissarios nobiscum comparent, tractare minimè possimus, nec hybernum tempus ulteriorem nobis in campo consistentiam permittat, actum Confoederatis

4.C. 1703 onis nostræ limitamus, obligantes nos tamen, antiquâ Polonorum Fide, & virtute, ad comparandum cum omni apparatu bellico in eo loco, ad quem universalibus Mareschalci literis, cum scitu Cardinalis Primatis, datis, evocabimur. Quapropter omnem auctoritatem Colonellis erigendi vexilla, si opus fuerit præsentī Laudo tribuimus, fraternâq; fidelitate appromittimus, quod satisfaciētes obligationi nostræ, ubi convenerimus ad locum Tractatui destinatum, cum Mareschalco nostro, Senatoribus & Consiliariis, omnes uniformiter, prævio juramento accedentium ad confœderationem, quæ situri simus omni cura & studio modos concludendæ pacis. Quia verò Tractatus hic sine scitu Regis nec inchoari, nec consummari potest, ideo de medio nostri elegimus ad Regem Nuntios; scilicet Raphaëlem Tomicki, & Stephanum Walknowski, quibus; acceptâ de loco & tempore Tractatûs à Cardinale Primate notitiâ, Mareschalcus scribet instructionem etiam id non omittens, ut legationes ad Carum Moschoviæ, & aliæ ex Senatûs-consilio contra jura destinatæ, ad conferendum cum tota Republ: in Comitiiis differantur. Petimus quoq; Mareschalcum nostrum, quatenus Nuntiis ad hanc legationem destinatis scribat, nomine confœderationis nostræ postulando, ut interim hisce legationibus supersedeant, in quo etiam Ministros statûs requiret. Palatinatus, qui tum per legationes, tum per literas protestati sunt, se nobiscum eandem suscepisse confœderationem, ut ulteriorum consiliorum nostrorum habere possint cōmunicationem, Mareschalcum, ut cum illis conferat, postulamus. Sicut verò in antecessum Magno Duci Exercituum M. D. L. totiq; Domui Sapiehanæ, cum eaq; militiam tractantibus, omnes ad pacificationem appromissimus applicationes, ita idem nunc quoq; declaramus, de quo illos in responso nobis dato certificabit Mareschalcus. Occurrendo præterea omnibus domorum nostrarum periculis, quæ securitatem internam turbare possent, & insolentibus voluntariorum infestationibus, petimus Colonellos nostros qui vexilla propria habent, quatenus in casu ingruentis alicujus periculi acceptâ ordinatione Mareschalci, ad tollendasq; hujusmodi insolentes turmas, illa ordinent. Quod si verò eorum milites tollendis illis impares fuerint, nos ipsi, universalibus literis à Mareschalco acceptis, arma contra hosce libertinos sumemus, invicem nos, nullus alium deferendo; defensuri. Quod Laudum nostrum ut Mareschalcus m. p. subscriptum, sigilloque munitum, actis Castrensibus Palatinatum nostrorum ingrossari curet, postulamus.

Datum in Castris sub Uniejovia. &c. ut suprâ

MANIFESTATIO NOBILITATIS PALATINATUUM POSNANIENSIS & CALISSIENSIS 15. 9bris: Acta in Costen feriâ secundâ post festum S. Martini Pontificis proximâ Anno 1703.

AD officium & acta præsentia Castrensis Costensia personaliter venientes Generosi Joannes Zakrzewski Notarius Castrensis, Pyzdrensis & Jacobus Stawicki quàmprimum sub hostili manu acta præsentia adire & congregari potuerunt, illico solennissimè tam suo, quàm aliorum confratrum & concivium à nexu confœderationis abhorrentium, dieq; hodiernâ, in Costen de mutuo suo consensu congregatorum nominibus manifestantur, & protestantur in eo. Quod posteaquam nec magnitudine periculorum, nec paternâ monitione, & repetitis obtestationibus S. R. M^{ti}s Dni nostri Cl., immotæ nonnullorum mentes à conflato cœtu præfatæ confœderationis abstinere videntur, imò altius, quàm par est, destinata sua intendunt, ad afflictionem gementis Patriæ, & solum plausum hostium. Quapropter iidem superscripti manifestantes, & protestantes inhærendo generali unioni animorum, seu confœderationi lege publicâ proximè præteritorum Comitiorum stabilitæ, tum quoq; obviando hisce inconvenientiis, per quas non solum interna concutitur tranquillitas, fundamentales convelluntur leges, & ipsa statuum symmetria confunditur, sed & externo hosti animus augetur, & vires adduntur ad evertendam Patriam, uti ad præmissa exequenda ab iisdem deputati per mutuam collisionem palàm ac publicè testatum faciunt, se se præ primis in præfata unionem generali animorum seu Comitiali confœderatione firmiter & inseparabiliter cum universa Republ. persistere, & circa verâ orthodoxam Religionem, Mtem coronati capitis, pretiosa jura libertatû vivere & mori in conclusa fide, ac per innatum zelû in omnia adversa & extrema perseverare velle. Porro contra omnes divisos & particulares actus, dismembrationem Reip, & manifestam scissionem præferentes juribus Patriis repugnantes, omniaq; exinde secuta, & secutura Reipubl. incommoda, atque quævis abrupta per impeditam executionem iterum atq; iterum hanc suam ingeminant manifestationem cum speciali protestatione, & nullitate de invaliditate omnium horum actuum illegitimè & indebitè prætenforum, & usurpatorum salvam sibi hujus manifestationis, & protestationis, augendi, corrigendi, meliorandi facultatem reservando pleno in robore. (L.S.)

DECLARATIO REGIA CIRCA CONCLUSIONEM CONSILII Jaworoviensis 20 Novembris.

EXperientiâ didicit in hoc consilio Majestas Regia Diadema ad unum, consilia ad omnes pertinere, ideoq; toties rarissima moderationis suæ datura documenta, quidquid unanimi voto optabat Respubl: etiam cum sensibili Regij honoris, sincerarum in rem boni publici intentionum, & opulentorum thesaurorum præjudicio, clementer indulgit. Certo certius, si mota quaestio nominata hic legationis penderet à singulari voluntatis Regia resolutione, pridem majori sibi duxisset gloria & satisfactioni, obtemperare, quàm etiam clementissimè imperare liberæ genti. Verùm quia tantæ importantiæ negotium jam antea à tota Republ. per Comitia determinatum,

A.C. 1703 non potuit, nisi ab omnibus Reipubl: Statibus rescindi, *Mtas Regia* optabat omnium per turnum exploratos habere sensus; eorumq; consformi, ac concordi voto se accommodare. Dum tamen partes inter se certantes, unam alteri non cessisse, pro constantia aut puncto honoris judicarent, interea proximè imminens hybernalis commissio, advocans belli Duces totq; alios ex Senatu & Equestri Ordine à quotidiana continuatione ejusdem Consilij excludat, angustia quoq; loci presenti Consilio & Aula Regia, debitam impediatur commoditatem, cum hoc se manifestat coram vobis omnibus *Mtas Regia*, quòd prapponendo commune bonum & publicam tranquillitatem omnibus intentionibus, negotijs & necessitatibus proprijs etiam maximis ex puro in publicum amore, simulq; precavendo quasitas invidiarum & suspicionum insidias, publicam dat omnibus sponsonem, quòd in quantum à die hodierna, in spatio quatuor septimanarum, sine ulteriore protelatione Tractatus vera convenientisque pacis cum Rege Suecia conclusus fuerit, Palatinum Culmensem, cum materia & forma, totaq; substantia legationis revocare declarat, hocq; ipsum per universales literas ad executionem sancitorum accedentes cum plena informatione de statu presente Palatinatibus omnibus deferre non intermitteret, simulq; præsens Consilium, licet juxta expressum constitutionis tenorem ad quosvis emergentes casus semper presentem habere ad latus desiderat, à quotidiana tamen illius reassumptione, cursuq; continuo liberat ad diem & horam alligato, asscurans, ubi aliqua belli, vel pacis materia contigerit, se Palatinatibus significaturum.

MANIFESTATIO ILLUSTR: & MM. INFRASCRIPTORUM
contra legationem Moschovitcam in Decembri.

Quia ipsi inhærendo solennissimis protestationibus & oppositionibus suis in proximè præterito Magno Consilio Javoroviae indutis solennissimè manifestantur in eo. Quòd cum Jura Cardinalia Regni, constitutiones publicæ, Pacta Conventa Seren: Regum, & moderni Regnantis, ac novissimum Diploma pro medela vulnerum, proximè celebratis Comitijs Regni Lublinsibus Statibus & Ordinibus Regni, à Sacra R. Mte Dñe N. Clmò ultro oblatum & juramento firmatum per expressum resonat, se insciâ & inconsulta Republicâ, nulla unquam fœdera initurum, & si quæ inita fuerunt, vel per imaginationem obtrudentur, pro nullis & invalidis declarat, nihilominus hisce omnibus non attentis, certæ legationes, ad vicinos Principes ex certa conferentia, stante pede Uiazdoviae expeditæ non attentis obstantibus contradictionibus interpositis ex Cancellariis Regni & M. D. L. emanarunt, atq; ad eosdem Principes Vicinos, Exteros Legati nulliter & indebitè, ac illegitimè per convulsionem legum, designati, etiam ad Seren: Carum Moschoviae instructio ex Cancellaria M. D. L. extracta & Legatus Magnus usurpato caractere vestitus & quæ nec Regibus concessa, nec ullo modo concedi potest, facultas, ac potestas solo arbitrio Cancellariæ Regni, & M. D. Lit: nescitur quo colore, & sinistra interpre-

pretatione scripti, ad archivum demandata tamq̃ ingentes & nunquam practicatae summæ impositæ, ac si hac egestate temporum Resp: abundaret, & ad faciendam inutilem profusionem pecuniarum. Cum verò hæc omnia absq̃ scitu, & consensu Ordinum Regni, ad hunc finem designati magni Consilij Lege novellâ, titulo Deputacyi do Boku Pán-skiego: in qua per expressum cautum est, quod hocce Consilium Deputationis, in toto juxta scriptum ad archivum Consilia belli, vel pacis, perficere debeat, nulliter gesta & attentata fuerint, neque per privatas conferentias, neq̃ per particularia Senatûs-consilia, multo minus Cancellariarum ministeria expediri poterant, atq̃ confusionem Statûs, imò manifestam eversionem præferant; tum postpositis Ordinibus Regni ea autoritas ad S. R. Mtem D. N. Clem. & totam Remp. spectans, unico beneplacito Cancellariarum, contrariisq̃ Ordinibus statui, & legibus, Consiliis, in pernitiem Reip. & convulsionem fundamentalium Jurium Rēgni sit relicta, Ea propter fatiscente Patria consulendo convulsioni, legibus in præceps ruentibus, & libertatibus ac juribus hujus Patriæ, tum ne præfatus eo modo insignitus legatus, propter præproperam limitationem, præteriti proximè Consilij Magni, ullatenus usurpatum legationis characterem, queat, tum Cancellariæ Regni, & M. D. L. ultra paritatem Statûs, de nullitate earum legationum Jura Mtis & Reip. sibi præsumat prætere.

Iterum de nullitate earum legationum præcipuè Moschoviticæ manifestantur & protestantur, & se ad præsidium legum publicarum recursuros declarant. Salvum hoc totum & integrum negotium futuro magno Consilio in termino quovis incidenti reservant.

Hieronimus Lubomirski Castellanus Cracoviensis Supremus Exercituum Regni Dux. Martinus Kački Palatinus Cracoviensis, Artilleria Regni Generalis. Adamus Sieniawski Palatinus Belzēnsis Capitanus Leopoliensis. M: W̄arszycki Castell: Lenciciensis. Stanislaus Kosiakowski Castell: Kijoviensis. Christophorus Skarbeck Castell: Chalicienſis. Ligeza Minor Castell: Chelmenſis.

COPIA RESPONSI PALATINI CULMENSIS CASTELLANO CRACOVIENSI. Leopoli mense Decemb.

JUstam ignorantia Patriarum legum censuram incurrerem, si tamdiu practicando, tam condendarum, quàm exequendarum legum Magistratum, qualibuscunq̃ de Repub. benemeritis, sat longo tempore ad hunc serpendo honorem, aliquid auderem, vel attentarem, contra leges Patrias in earum eversionem. Hinc non mediocris mihi attulit admirationis materiam, tua requisitio, suspicans me contra consensum Ordinum nocivam Reipubl. suscepisse legationem. Sat multas & quidem fundamentalissimas pro defensione ejus, rationes adducere possem, nam sicut conscius non sum, me intuitu Senatûs-consilij hunc suscepisse characterem, sed autoritate scripti ad Archivum dati; sic prorsus ignoro, quomodo illi contradicere Cardinalis Primas potuit, cum ejus dexteræ subscriptione, idem scriptum sit autorisatum. Id quoq̃ allegare possem, quod, si prætacto scripto ad Archivum, aliqua objiceretur invaliditas, vel totum rescindi, vel integrum valere deberet; & tamen quorundam legationes in præteritis Consiliis distinguebantur.

Idem

A.C. 1703

Idem scriptum ad Archivum complectitur auctorem Equitatus ad 2000, licet illi Respub: à 1^{ma} Febr. Peditatui verò à 1. Maji, sequentis anni, adjudicaverit stipendium. Nescio ergo, utrum ex toto an ex parte nominatum scriptum ad Archivum, suum habere valorem debeat? Non deessent plures aliæ defensionis rationes, à quibus ne propriæ causæ judex esse, aut pro domo mea perorare videar, supersedeo. Sicut verò scripti ad Archivum potestas, ex voluntate gratiaq; Regis, hoc me caractere authorisavit, ita, dum ad latus Regium destinatus, publico Consilij revocabor instrumento, certè non recalcitrabo; & sicut tuam requisitionem debitâ accepto veneratione, ita, quando authorisabitur consensu omnium Ordinum, præsentis ad latus Regium Consilij sine mora exequar. Vitio verò mihi nec debet, nec potest verti, quòd tam scrupulosè procedam hoc in negotio, triplici titulo juramenti, uni ac indivisæ obstrictus Reip, quæ excluso primo Ordine, nequaquam integra censerì potest, id me verò eò magis reddit ambiguum, quòd hanc requisitionem, præsentium ad latus Principis factam, sine Principe accipiam.

Nunc interim conjunctum cum Majestate Imperium, & vestros, quibus me commendo, favores præstolabor.

Stanislaus
Moršczyn.

COPIA LITERARUM PALATINI MASOVIAE AD CARDINALEM PRIMATEM. in Decembri.

Semper quidem speravi promissam per Expressum tuum notitiam, illo tamen diutius inter viarum impedimenta morante, & tardante; aliquot grandioribus negotijs coactus diverti Cracoviam, ad judicia, ubi mihi tuæ redditæ literæ, ad omnes nos, sed jam ante septimanam scriptæ; in hoc tamen opportunè, quòd hic Vexilliferum reducem Lublino invenerint, simul penè mecum ingressum Urbem, cū quo inito consilio, ex nunc expeditimus ad Capitaneum Ostrzeszovien: Præfectū Culinæ M. D. L. Ignari, ubinam sit? Gratum Nuntium; pro quo ingentes recipe grates, à te accepimus, de inclinatione, utinam verâ, Aulae Sueticæ ad pacem, eò magis afflictæ Patriæ necessariam, quò sensibilibus tot inter ærumnas illud ingeminat, Nulla salus bello. Impietas porrò esset, non solum imprudentia, Sueticos repudiare Commissarios, tamdiu desideratos, nec nisi illis displicentes, apud quos publicis necessitatibus privatum præponderat interesse. Nos verò quia nihil præter publici boni commoda intendimus, ideo tua jussa capeffere parati, prompto ea animo exequemur, si perpensis rerum circumstantiis, præsentiam ibi nostram necessariam esse judicaveris. Quod si Confœderati, nobis exclusis, soli tractare voluerint, secundet DEus, minimè nos invidemus. Parum interest, quisnā ille sit, qui ramum olivæ ferat, modò hic mancus non sit, aut aridus dishonore & publica calamitate. Nos apud Rempub. à qua toties confirmato insigniti sumus caractere, erimus excusabiles, utpote consilij nos fecisse, quæ potuimus tuo id testimonio approbante.

COPIA LITERARUM EJUSDEM AD EUNDEM PRIMATEM
Varlaviz 1. Decemb.

Post acceptas Cracoviz tuas literas, non habito licet iterato mandato, quòd supplici tibi literâ postulavi, huc me convertere malui, quàm eo, quò forte suasset præconcepata opinio inhibitionis, licet etiam

etiam hæc, si in his angustiis impeditura esset bonum publicum, acceptari, & venire in considerationem non deberet; nullam tamen fuisse, certò noveris. Non me latet fidelis Patriæ filij obligatio, quæ, quia debiles super lacertos meos, & collegarum, non leve in his circumstantiis, ipsâ tamen confidentiâ suave imposuit obsequij onus, magnam nobis inferret injuriam, qui inesse nobis respectum quempiam arbitraretur, qui distrahere aut impedire posset perpetuas cogitationes de salute Patriæ, quam aliter, nisi unico pacis remedio salvari non posse, omnes, supra, quàm infelici experientia didicimus. Non dubito etiam Collegas meos tuis persuasionibus, & præmissis accensos literis, Primatialē curam & paternam sollicitudinem exprimentibus, minimè tardaturos: Ego interim tua hic mandata & ulteriores expecto dispositiones. Si vera est, ut innuis, ad pacem inclinatio; cur ergo Tractatus sine mora sub auspiciis gloriosoq; ductu tuo non aggredimur? nisi fortè aula Suetica in nostris nimium constans miseriis; non levem vellet ostendere inconstantiam, iterumq; disputare, cum jam semel nos post multas disputationes pro legitimis & consensu præsentium, assensu absentium electis recognoverit; quod sine gravi injuria tuæ authoritatis esse non posset, ad quem immediatam habemus relationem; & nisi eadem aula propter novos Commissarios, qui ab una parte, inconsulta altera legitimari non possunt, optaret, ut tota Respub. quocunq; titulo ad unum locum congregaretur, vel potius commodiorem datura piscaturam extremè turbaretur, utq; impossibiles intentiones mordicus promovendo, quæ sine totali everfione statûs & libertatis succedere non possent, loco prætenfæ injuriatis assistentiæ, (quos nemo, nisi impius tam illicitis mediis salvare optat) vellet nos, honoribus, splendore, armis & fortunis spoliatos, ultimæ objicere perniciiei. An non enim in tanta sensuum discrepantia totalis est potius metuenda ruina, quàm sperandum; ut in materia non solum status, verum etiam conscientias involvente, esse possimus unius labij, unanimiq; consensu, ad Tractatum iteratò eligere Deputatos. Non tamen etiam hujus sum ego opinionis, nec tantum tribuo Græco subere ducto funiculo, ut nos ex infortuniorum labyrintho possit educere, timeo potius magnis motus rationibus, ne in funestum nobis laqueum convertatur. Verum si naufragio extremè periclitantes, etiam ea, quibus acriter vulnerantur, prensant & arripiunt, quid mirû nos etiam periculosa arripere media, quibus putamus nos è profundo calamitatum emersuros? virtus dexteræ Excelsi, Angelusq; consilii & pacis Vobis porrigat efficaciora; & cum promptâ ad magnos sensus vestros, salutem populi proculdubio pro suprema habentes lege, accessione me non tardaturum appromitto.

COPIA RESPONSI CARDINALIS PRIMATIS AD IMMEDIATE POSITAS PALATINI MASOVIAE. Dat. 3 Decemb. Skiernievicijs.

Subductus tantisper tubæ & turbæ populi, ad quietiorem locum, accipio literas, tuum mihi nuntiantes adventum Varsaviam, in spem inchoandi Tractatus in vimq; literarum mearum, quibus te ad illum invitavi. Verum quidem est, me scripsisse, hæc enim mens erat Confœderatorum, ut & tibi scriberem, & illos ad me ad mutuum consiliorum consortium convocarem; sed quia tu per Epistolam protestatus es, te expectaturum, iteratam à me de hoc notitiam,

A.C. 1703 tiam, interea, quia sub rigido Jove diutius Confœderatos morari erat impossibile, Varſaviam verò convocandi multas ob rationes non videbantur, limitatio actûs fieri debuit, cujus acceptâ notitiâ informari potuisti, fueritne tua hic necessaria præſentia, aut ſaltem iteratas meas literas expectare; nunc verò, nescio quam tibi daturus ſim resolutionem. Mitto tuas in originali literas Poſnaniensî Palatino, quidnam reſponſi ferent, ignotum eſt, certum tamen Confœderatos vobis inire velle, mutuaq; vobiſcum ſua ſtudia opportuna judicare: à Wachſchlager verò didici, principalem ſuum, minimè veſtrum curare characterem, ideo forſan, quòd illi innotuerit expreſſa Regis inhibitiô, ne vos Confœderatis associetis, ex quorum manibus licet rem optimam non acceptabit, econtra Rex Sueciæ cum nullo præter Confœderatos ſe velle tractare dicit: Si ergo nullum eſſet impedimentum, quid obſeſſet, conjungi vos Confœderatis? cum parum interſit; omnium ne ſimultaneo concuſſu an quorundam operâ, aliquid in ſalutem Reipublicæ peragatur.

LXXXII.

ANDREAS C. ZALUSKI EPISC. PRINC. VARM. ET SAMB.
JOANNI GEORGIO KUNIGK CANTORI, OFFICIALI,
& VICARIO SUO GENERALI VARMIENSI. 7. Decemb.

JAM ego hanc notitiam Gedanò à Canonico Nycz habui, nec quidquam mihi novi venit, quia omnia hæc verebar, quæ accidere poſſunt. Obviabam varijs vijs infortunio huic, & finitum fuiſſet feliciffimè hoc negotium, ſi malignitas horum, in quorum amicitia ſpem habebam, non impediviſſet. Alterum eſt, quòd non tantum præcipitanter conceſſiſtis tam magnam ſumam, ſed etiam ſine ulla adhuc neceſſitate eandem miſiſtis, re mecum non cômunicatâ. Quia quò facilius hæc pecunia eſt miſſa, eò majorem fecit appetitum; Inſupér, quòd Rex in Pruſſia ex proprio motivo, quia certè, ut peſſimè interpreta-
bantur mei inimici, nullam in eo habui partem, nec id factum ex voluntate mea, deſenſionem aggreſſus eſt, & fortè perfeciſſet eam, ut hic ſecurum me reddunt, cum magno pauperis populi emolumento, ſi diſcuſſus, & literæ quorundam publicatæ non impropérâſſent. Ego coram DEO non tantum proteſtor, quòd fecerim, quæcunq; tantum humanitus fieri poterant, in utilitatem pauperum ſubditorum & imprimis pro conſervatione Eccleſiarum DEI, ſed etiam in eo reſpondebunt Dño DEO, quicunq; dividi & avelli cupiebant propter ſuos privatos & obliquos ſenſus à ſincera mea applicatione; Hi enim & coram DEO, & coram hominibus, cauſa omnium malorum erunt. Hæc ex intimo cordis, quod in me rumipitur, exprimo; Nonne melius erat nunc habendo pecunias, habendo etiam aliquam ex Brandeburgicis deſenſionem, & prætextum, ut occuriſſemus venientibus, illosque deviciſſemus, Nam illi pro nihilo habent, quod jam acceperunt, quandoquidem hoc magis præcipitanter, quàm neceſſariò conceſſum, & datum eſt. Sed hoc jam tranſijt. Ego tamen facio, quæcunq; facere poſſum. Miſi hinc ad primam notitiam Officialeſ certum, qui bonæ mercedis ſpem habendo, quis ſcit an aliquid boni in rem noſtram non faciet? Quod inter angores &c.

DECRETUM IN PERSONAM COMITIS BECHLING CAN. A.C. 1703
CELLARII SAXONIÆ LATUM.

UBivis locorum notum est Sacram Regiam Majestatem Poloniarū nuper obligatam se sensisse, ut Supremum Cancellarium suum, & Consiliarium intimum Comitem Volfgangum Dittrichum de Beücholino in arcem Königsteinianam ducere, & ibidem arestare curaret. Postquam illum prius ad tales dignitates promoverat, & ob specialem in ipsum positam pro negotijs, & servitijs suis peragendis confidentiam innumerabilibus beneficijs & gratijs dotaverat. Qui autem nullo modo se his conformiter gessit, sed per malam & injuriosam rerum administrationem perfidias plurimas comisit. Expertum enim habemus prædictum Comitem Magicis & prohibitis artibus per certas ad hoc expressè conductas Personas se applicuisse, & iisdem in ipsam S. R. Mti Personam periculoso modo, & alios, quos inimicos suos esse præsumpsit, intentasse; Imò terras Hæreditarias, & Electoratum sub certo prætextu cujusdam administrationis (pro qua se prædictus Comes ipse obtulerat) fraudulenter S. R. Mti subtrahere præsumpsisse. Varias propria & sola S. R. Mti Persona destinatas, secretas & maximi momenti correspondentias in suum præjudicium autoritatis, & interesse S. R. Mti retinuisse. Proposita S. R. Mti referenda aut simpliciter filuisse, aut non cum ea, quā decet fidelitate, & sinceritate retulisse, & ita cum magna injustitia & perfidia expedivisse, Cartis blanquis à S. R. Mte ipsi ad petitem pro certis & determinatis expeditionibus datis turpiter abusum fuisse, cum multas earum pro negotijs S. R. Mti incognitis, & non prius relatis in suum præjudicium ejusdem S. R. Mti & aliorum adhibuerit ad quod melius perficiendum, Doctori Ritter (ejus enim elaboratione, assistentia & cooperatione specialiter usus) insolitā contra omnem Collegiorum & Cancellariæ S. R. Mti consuetudinem, tribuit Instructionem; vi cujus à nemine, quàm solo Comite dependeat, & donationes avertendi jus habeat. Quemadmodum autem per has & similes praxes nihil, quàm se divitem, & magnum facere intendit; ita ad meliorem eventum Thesaurum Regium ubiq; cum privatis suis promiscuit, cum maxima confusione administravit; Falsos calculatores, & quidem cum Juramento susceptos confirmavit. Econtra in S. R. Mtem continuo maximarum summarum præensionem fecit, non alium in finem, quàm ut hoc modo dispositionem proventuum Regionum retinere posset; prout etiam ad obcæcandam S. R. Mtem, & universos certam & specialem Commissionem Cambialem extra Ducatum instituere prætendit, ad demonstrandum, quasi pro necessitate S. R. Mti alibi pecunias procurare deberet, persuadere etiam præsumens, ut in posterum S. R. Mti idem in terris suis hæreditarijs juxta modum ejus calculandi inducat. Certas incompetentes auctoritates sibi vendicavit, quæ malevolam intentionem ejus detegere videntur, dum non abhorruit partim in certis expeditionibus, aut mandatis nomen suum eum in locum subscribere, ubi aliàs sola Regia Mti suum notare consueta, partim in certis monetis sub nomine S. R. Mti cusis crucem cum Ordine Equitum Danebrogensium ponendi; partim insignibus Comitibus à Cæsarea Mte ipsi concessis Mitram Ducalem adjungendi; & specialiter, dū certam Genealogiam Majores suos ex Familia Vittenkindiana, & consequenter linea Ducali oriundos demonstrare præsumpsit; Quod tamen vi Historiarum manifestè falsum, sexcenarios rubros, quorum S. R. Mti

A.C. 1703

ad demonstrationem ejus certam summam cudi permiserat ad 600000 imperiales augmentavit; neq; etiam ignotum est, quantas alienationes magnarum Terrarum, imò & Provinciarum, aut earundem Juriū partem perfecit, partim perficere intenderit, apud quas multæ perfidiæ, imò & delicta criminalia detecta sunt. Quibusdam enim votum & sessionem in Imperio, cum summo præjudicio S. R. Mtis cooperatus est; quibusdam etiam totas Provincias, & magnas Terras partim in vim Hypothecæ, & Antiochreticè partim in damnosam reemptionem extradere non erubuit. Quasdam etiam terras non considerando, quòd ex dignitate earum multò plus valeant, viliori pretio, quasdam etiam Jurisdictiones, Bona, & alios proventus perniciosis conditionibus, vi prætensionum à se in S. R. Mtem falsè licet factarum sibi ipsimet vendicavit, & appropriavit. Per quas alienationes magnas omnino pecuniarū summas lucratus, iisdem tamen minimè contentus, sed usq; ad 4. milliones ejusmodi Terrarū alienationes adinvenire præsumpsit. Soli S. R. Mti, & Statui Electorali Jus competens belli & pacis diminuere intendit, cum certos ratione certarum Terrarum contractus in sumum præjudicium S. R. Mtis perfecit, alias etiam constitutiones Electoratūs turbaverit, & mediis prohibitis locum tenentem Electoratūs de Fürstenberg aggredi attentaverit. Ultra alias perfidias, hoc etiam innotuit, quòd cujusdam extranei Ministri manum imitatus, in ejus nomine falsa scripserit & notificaverit. De reliquo per ipsum expedita Rescripta & Resolutiones demonstrantes perfidas ejus intentiones, & confirmant perniciosum ejusdem Ministerium. Cum toto vitæ tempore in prohibitas artes, delicias vitam, & alias otiosas expeditiones incumbens, solum ad se exaltandum; & ditandum sollicitus S. R. Mtis negotia multipliciter neglexerit, Interesse Regio apud multos extraneos Principes non invigilaverit, magna statūs & pecuniarum negotia Fratri suo supremo Hieracothidi, & Dominae Reichenbergianæ confisus fuerit, magni momenti conceptus per extraneas Personas juraverit, & paucissimas earum relegerit, plurimas expeditiones in Chartis blanquis à S. R. Mte eidem datis sine scitu Regio exequi curaverit. Quia itaq; per has & similes praxes, ingentes tam pro se, quam pro fratre suo pecuniarum summas cumulavit, ideoq; sine pecunia nihil, pro pecuniis autem, & injustiores processus, & decisiones expedit. Injustitiæ & Politicæ seu Statūs negotio per concessionē abolitionum Monopoliorum, Privilegorū, protectionum, & Promotionum (quæ communiter absq; prævia causæ cognitione, solum ad sibi divitias ex iis cumulandas partim S. R. Mti ab eodem certis coloribus, & simulationibus proposita, partim ab ipso melius alias scire obligato iniquè approbata, partim etiam in Chartis blanquis sine scitu Regio expedita sunt) commercio, & publico damnum irreparabile causavit. Non minùs damni S. R. Mtas in Oeconomicis per ipsum perpessa, dum prædictus Comes non solum salinas & alios proventus Poloniæ cum summa perfidia administraverit, sed etiam Cameram Electoratus per damnosas, & malè perpenas alienationes plurimorum Bonorum Cameralium Jurisdictionum, ablationem summarum capitalium & alias perfidias, institutiones & ordinationes debilitaverit. Omnes enim proventus tam pro Thesauro Aulae quam militari destinatos in cassam suam importare curavit, & ab iisdem pecuniis S. R. Mti usuram sumam (sub prætextu magiæ cujusdam) in S. R. Mtem capere præsumpsit. Prout etiam assignationes in futuros proventus non magnum præjudicium Statūs, Commerciorum & Thesauri, lucrum autem proprium expediti

pediri fecit. Quemadmodum autem S. R. Mtas, de his omnibus claris & strictius inquirendi certam Commissionem deputavit, & post habitam notitiam pœnam exemplarem nullatenus differre resolvit. Ideoq; ad notitiam omnium hæc sub Sigillo Electoratûs Saxoniae publicata voluit. Dresdæ 19 Decemb. (L. S.)

A.C. 1703

COPIA LITERARUM PALATINI MARIBURGENSIS

Ad Castellatum Cracoviensem, 21 Decembris.

Petro Reze-
wsky
Lubomirski

Sperabam, meis obsequijs non fucato candore, sincerâ applicatione, integrâq; fide tibi præstitis, tantum me gratiæ, fidei, & respectûs tui meritum, ut sinceris præmonitionibus, & demonstrationibus meis acclinem præberes aurem; verum fatone, an demerito meo, spe delusus contrarium experior: ubi enim ad omnia, quæ optabas Regem persuasionibus inclinasse, ubi nihil amplius desiderandum superesset, præter stabilimentum mutuæ confidentiæ & asscuratio Principis, in debita & accommoda defensione, tu in arena mutasti consilium, acceptisq; vocatorijs Principis, illi vicissim factâ tui adventûs, per Episcopum Coadjutorem Livoniæ, certificatione, comparere Jaworoviæ ante Regis abitum dignatus non es. Ego quidem devincto tot titulis affectu, plurimum tuæ me affici Personæ fateor, nec ulli palmam, in debitorum tibi à me obsequiorum puncto, concedam; capere tamen aut divinare nequeo, quisnam ille fuerit, qui diversas tibi, à primis instillavit cogitationes, avernaliq; planè nequitia, per tot commenta tuum à Principe cor avertere, omniaq; jam pene suo statui restituta, in deplorandam ausus est impellere extremitatem, matricidam hujusmodi ausim dicere Patriæ, qui inermem ejus jugulat cervicem, ultroq; internos quærendo tumultus, civili sanguine per intestina bella, publicam demergit salutem: Labijs dolosis & lingvâ iniquâ id tibi delatum noveris: certè dicet causam sæculis, qui tam nociva propinavit, panditq; viam ruituris in præceps rebus, Regnum enim in se divisum desolabitur. Moschus namq; eadem ratione suos quæret hostes in fundo nostro, qua Rex Sueciæ, titulo amici, hospitis & socij, qui si à Saxonibus se esse dicit lacessitum, in Saxonia eos quærere debuit, non in Polonia. Ex quo manifestas quis jam non videt consequentias? legiones enim trans-Borysthenensium in propinquo, Cosatica sævities est in promptu, Moschovitici Exercitus suum fors accelerabunt adventum, & nec Pruthenica tardabunt castra. Quib⁹ si civile accedet malum, certè erit una salus miseris, nullam sperare salutem. Nonne convenientius fuerat, arctare legibus, justisq; conditionibus, vicinam potentiam, roborare amicitiam, acceptare sine onere Reip. tam insignia subsidia impensa gratis, quæ à nullo hætenus habuimus, nisi per verbâ rebus inania, aut subdola? quod si porrò, id unum fuerat necessarium, ut per authoritatem magni Consilij hujusmodi negotia solennizarentur, ô quàm facilis esset inter homines bonæ voluntatis consensus! Corruisset tota moles invidiæ, demississent grave supercilium hostes, omnes demum difficultates facilitasset felix combinatio. Nunc sum extra consilium, nec quidquam, quod scribam, superest, præter dolorem; damna fleo rerum, sed plus fleo damna dierum, indies altius mergimur in profundum. Legatus itineri se accingit in Moschoviâ, Resp: tot in partes dividitur, & quot capita, tot sensus; pacis spes nulla. Palatino Mazoviæ, irritò cessit conatu acceleratus Varsoviæ adventus. Clas Bonde Commissarius Sueticus no-

A.C. 1703

vum genus contributionis invenit pro spiritualibus, scilicet ex quovis Decanatu 600 imperiales menstruatim dando, non tam sepiâ hæc tibi scripta, quàm lacrymis intellige.

CONSTITUTUM AB EXERCITU REGNI POLONIÆ IN CONSISTENTIIS EXISTENTE.

NOS Equites Regni Poloniæ sub signis infra nominatis militantes, assignatione Castellani Cracoviensis Magni Ducis nostri ad Provinciam Majoris Poloniæ pro consistentia ordinati, non tantum in Palatinatibus nullam securitatem ab exercitibus Sueticis habentes, verum etiam acceptis per eos aliquot vexillis nostris, cum magno exercitus detrimento aggravationes, personarum captivationem, bellici apparatus ereptionem, ingentesq; alias patientes injurias, ad hunc locum pro circulo congregari, occurrentes ulterioribus Exercitus Suetici moliminibus, nosque ipsos cum fortune nostris salvare volentes, cum sub ipsa castra hostium, quibus cum in præterita expeditione confliximus, sine legionum Præfecto essemus missi, nec, qui nos in tam gravi periculo tueretur, haberemus; elegimus Stanislaum Comitem in Lelzno Leszczyński Palatinum Posnaniensem, Odolanoviensem, Novodvorensem, Kazentem Capitanum, eandem unâ nobiscum militiam tractantem, in legionum Præfectum, illiusq; subjecti regimini obligamus nos, ejus in omnibus mandata, ordinationesq; exequi, cujus autoritate, rerumque bellicarum experientiâ, tantis nos eripiendos periculis, hybernisque hunc panem, quem sanguine proprio meruimus, nobis conservandum confidimus. Ut vero eò majorem habere possimus securitatem, hostiq; esse magis formidabiles, jungimus nos confœderationi Palatinatum Majoris Poloniæ, protestantes, velut filij ejusdem Matris Patriæ, pro ejus integritate, sancta fide Catholica, autoritate Ducum nostrorum unâ cum eadem confœderatione Majoris Poloniæ, quam in toto approbamus, nos usque ad extremam sanguinis guttam acturos: hac spe freti, quod post pacificationem Reipub. restitutionem suæ integritati patriorum jurium, mercedem nostram, sanguine deservitam, ex promotione omnium statuum, singulis recepturi, ex qua hætenus non redditâ, & præoccupatione ab exercitibus externis debitarum nobis hybernarum, juxta nostras ex Palatinatibus repartitiones, ingentes patimur injurias. Quod ut fides liter impleamus, verbo nobili & militari appromissa sequenti juramenti formâ, roboramus.

Nos *NN.* juramus DEo Omnipotenti, quod fidem Sanctam Romanam Catholicam, Ecclesias, Dignitatem Regis AUGUSTI II. (salvo vinculo pactorum conventorum, ex vi juramenti Regii permanante) autoritatem & personas belli Ducum Regni Poloniæ, jura, libertatesque patrias, unâ cum confœderatione Majoris Poloniæ, (cui nos associamus) vicissimq; nobiscum confœderatio, nostrarum

strarum modernum Legionum Præfectum, nosque invicem ſimus *A.C. 1703* defenſuri, nec nos, nexu hoc citius evinculaturi, quàm tota Reſp. ab intra & ab extra fuerit pacificata, ſic nos DEUS adjuvet & innocens Chriſti Paſſio. In cujus rei fidem conſtitutum hoc manu noſtra ſubſcriptum in manus Præfecti Legionum noſtrarum conſignamus. Actum in circulo generali die 24 Decemb.

AMICO CONFIDENTI. 30. Decemb.

Quid ante abitum Regis Varſaviâ, quid Javoroviæ actum ſit, quid nunc Cracoviæ agitur quæris? accuſando inertiam meam in ſcribendo, ſed ſcias me propriis impeditum, aliena minus curare, ut tamen votis tuis respondeam, punctatim respondeo, dicoque, quòd in medio Octobris ita Varſavia panico percuffa metu, falſoque perterrita fuerit rumore, quòd Sueci appropinquarent, & quosdam Saxones non ita procul trucidâſſent, ut totâ ſemel nocte trepidaverit, ubi non erat timor, & quidam ex Miniſtris ocreatus in anticamera Regis ſedendo totâ noctem conſumpſerit, quòd mihi ita deſcriptum erat, ut à riſu, quamquam non ſit tempus ridendi, abſtinere non potuerim. Jam quamvis armatæ erant manus, nullum niſi ab inermibus pedibus præſidium ſperabant, & certè fugam, quam parârunt nocte, manè arripuiſſent, niſi ab aliquibus Senatoribus falſum rumorem diluentibus cohibita fuiſſet. Nihilominus poſt alterâ diem Rex Ujazdoviâ ad Odfocum ſuum tranſtulit domicilium, ibique Conſtantinum Szaniawski Regentem Cancellariæ Majoris, poteſtque dici, quòd ſit & minoris, & ſi verum ſcribere licet, Generalis omnium Cancellariarum digniſſimus Regens, Referendarium M. D. Lit. poſt evectionem Vyhowſcij ad Epiſcopatum Luceoriensem, creavit, comendavitque illi, ut linguam Gallicam vel Germanicam diſceret, ſed hic coram amicis neglecturum ſe id ſtudium omnino declaravit, aſſerens magis ſibi profuturam earum ignorantiam, quàm peritiam. Callens enim eas linguas cogereſſet ſæpe interroganti Regi illico reſpondere, & ideò ſæpius minus proſperè quàm ſi per alium quaſita Regia ipſi innoteſcerent, ſpatiumque meditationi ſuper reſponſa præberet.

Ingratum accepit etiam illo tempore aula ex Majori Polonia Nuntium de indiſta à confœderatis conventionem Generali in Uniejow, & cogitatum eſt, & ſeriò quidem, ut altare contra altare erigeretur. Conſilium magnum vigore Comitiorum Lublinenſium indiſtum, de loco tamen ejus deliberatum, dum alij Cracoviæ, alij Zamofcij commodius illud peragendum contendiffent. Interim tamen Javororia deſtinata, & pro die 16 Novemb. pro iſto conſilio Senatores & Deputati convocati.

Agitata fuit cauſa Varſaviæ divortij inter Georgium Lubomirski Supremum Regni Cancellarium & Urfulam Bokonowna ejus hucusque conſortem, poſtquam verò deductum eſt Matrimonium illorum in quarto conſangvinitatis gradu fuiſſe contractum coram fratre ſponſæ Epiſcopo nunc Præmiſlienſi, ſine ſcitu & conſenſu Parochi declaratum eſt fuiſſe, & eſſe nullum. Multæ circumſtantiæ mihi in hac materia nuntiata, ſed parco famæ. Nam ulcus hoc niſi tactum non appareret.

In vigilia Ss. Omnium Epiſcopus Poſnanienſis benedixit matrimonium coram Regia Mte celebratum inter Erneſtum Dönhoff Archi-Camerarium M. D. L. & Generalem locum tenentem Gvardiæ ſuæ Mtis,

A.C. 1703

& Marianam Bielinska, filiam supremi Regni Mareschalci. Tota nox Hymenæo erat data, cum sequenti die Omnibus Sanctis dicata, quæ erat profectioni Regis versus Javoroviam destinata, sed ob injectum ab aliquibus superstitiosis infortunii metum, si eâ die, in quam eo anno festum Sanctorum Innocentium inciderat, iter arreptum fuisset, revera autem propter majorem nuptiarum honorem & hilaritatem, non nisi teriâ die Rex movit, & Javoroviam decimâ tertiâ Novembris pervenit, & palatium pro mansione sua elegit. Convenerant non pauci Senatorum, & Equestris Ordinis; Castellanus & Palatinus Cracovienses, Belzensis, Ruffiæ, Kijoviensis, Podoliae, Mariæburgensis, Czerniechoviensis, Palatini, & quidam Castellani, Culmensis, Kijoviensis Episcopi.

Adam Sienawski

Inchoatum consilium majori apparatu, seu veriùs apparentiâ quàm boni publici studio, per Procancellarium Regni à throno propositio facta, cultis verbis impleta, quæ nonnullorum animos ita movit, ut Palatinus Belzensis non potuerit comprimere suum exacerbatum animi sensum, quem post limitatam eâdem oratione sessionem conducendo Regem ad suum cubiculum aliquo murmure contra Procancellarium prodidit, mox in majorem erupturum flammam, singularis inter eos certaminis, nisi autoritas Regia postea intercessisset.

In illa prima sessione distributa sunt Consiliariis puncta consilij habendi modo inverso & inusitato, praxi in antecessum obtinente, ut puncta ante inchoationem consilii ad hospitia Senatorum mitterentur. Verum id puto factum, ob timorem qui tamen accidit. Nam cum ea essent verbis speciosa, re inania, non solum tam magno, sed etiam minimo haud erant consilio digna, ut videbis eorum copiam. Ad nomen magni consilii, magni cætus magnorum hominum, omnium intentæ erant expectationes magnorum negotiorum de summa rei, ac nominatim de colligatione cum Moscho & aliis Principibus externis ibidem tractandorum. Sed nihil de his. Illa magna à parvulo consilio, quinque personarum stante pede Uiasdoviæ absque præmissis punctis tractata, colligationes conclusæ, legationes expeditæ, Viales expensæ, nimium extensæ, & determinatæ. Uno verbo messis finita. Consilium verò magnū convocatum est ad spicas quasi colligendas. In primo puncto invocata autoritas consilii magni ad compellendum Thesaurarium Regni, ut enumeraret destinatam Uiazdoviæ summam Legatis ad Moschum & Brandenburgicum per quinquaginta millia imperialium singulis, ad Danum decem millia. Intellexere id Proceres nostri, & primum mirari super tales artes, dein stomachari cœperunt, illudi sibi tam tœdè indignantes, ac Duce Castellano Cracoviensi in proxima sessione exposuerunt suum dolorem, quòd vocati essent ad consilium, nec tamen data est eis materia consilii, ea enim, quæ in punctis sunt posita, magis executionem quàm consilium spectant. Proinde declararunt non posse se consentire in consilii hujus inchoationem, nisi restituta prius eius materia, ac dato campo deliberationi, de colligationibus ineundis nec ne? Attonitus hac resolutione masculâ Procancellarius Regni scipionem tenens directorium, quòd ejus tela non sic processit, ut eam est orsus, rogat, ut more solito Domini Senatores ad vota sua promenda ex ordine accedant, sed obruitur communibus omnium vocibus, seu potius uno omnium clamore materiam consilii sibi reddi postulante, & absque ea nullam hic haberi activitatem, nec quemquam loqui, nisi tantum passivè posse protestante. Dum in his passivis vocibus, scilicet absque petita licentia Mareschalci, & sine allocutione Majestatis (ut mos est in activis

vis vocibus) hebdomada una extrahitur, eandem semper recoquendo *A.C. 1703* cramben de restituenda materia consilij, ita, ut, unus ferè Procancellarius contra omnes, & omnes contra unum in hoc decertarint. Tandem Proceres nostri inito inter se consilio domi, clam aula scribunt & subscribunt ferè omnes epistolam ad Dñum Palatinum Culmensensem destinatum ad Moschum Legatum, qui tunc Leopoli agebat, & itineri in Moschoviam se accingebat, mittunt eam epistolam per unum è medio sui Equestris Ordinis exponentes dicto Palatino, qualiter indebito modo & contra leges ipsius legatio fuerit destinata, rogantes proinde ac obtestantes eū, ut suspensio tantisper suo charactere ad illos veniret in commune consultaturus, an illa colligatio & legatio sit Reipub. expediens; quòd si ita consilio visa fuerit, non se eam impedituros spondentes. Magis fortis quàm felix hæc nostrorum resolutio fuit. Nam & Culmensis indignè rescripsit, & Rex id resciscens indignius tulit. Cùm enim convenissent, frequens Senatus & Equestris Ordo die lunæ ad Palatium pro continuando consilio, stetissentq; ad secundam circiter horam post meridiem, ecce tandem egreditur Rex è suo cubiculo, & indignabundus mox talia fatur Gallico idiomate: Quid est hoc Domini mei? ubi nam est consilium, hic ne apud me, an apud vos? si apud vos? pergite igitur ad vos, & facite illud vobis. Et statim vertens terga abiit retrorsum ad suum cubiculum claudens ostium cum furore, & strepitu. Ita nempe loquitur Antonius ut Cicero timeat. Consternati nostri, quasi perculsi fulmine Jovis obmutuerunt tantisper & siluerunt à bonis: interim audiebatur hinc inde cordatiorum quorundam Equitum vox, non tamen ultra dentes: modò Rex sibi nocuit! modò suam causam destruxit! modò aliquid agendum: verùm facilius ista dicuntur, quàm fiunt, pro more nostro facilius est inchoare, quàm perficere fortia. Post quadrantem horæ intrat ad Regem Procancellarius, deinde paulò post Thesaurarius, ac post pusillum aggressi suadent Primoribus nostris, ut Regem deprecentur offensum illà epistolâ ad Culmensensem, respondent illi non agnoscere se in hoc ullam culpam, nec proinde posse petere veniam. Referuntur hæc Regi ab eisdem, & fortè suadentur molliora. Nam Rex contentus fuit, ut ab accitis ad se primoribus rogaretur ad consilium. Quod præstiterunt ambo belli Duces, excusantes epistolam, uti conformiter ad sensum communem in consilio expressum, exaratam, quòd literis, id voce asseruisse, & semper se asserturos esse, declarantes. Itaq; Rex processit ad locum Consilij, ubi Castellanus Cracoviensis passivâ voce satis animosâ, idem, quod antea repetebat. Suboriuntur, vel subordinantur querelæ aliquorum Deputatorum Ordinis Equestris ratione defectûs hospitiorum, ad quorum revisionem & dispositionem deputantur quidam è medio, & donec ea perficiatur, limitatur sessio ad feriam quartam. Non tam erat cura hospitiorum, quàm hospitum adventantium è Litvania, à quibus rem suam restituendam sperabat. Uti defacto illâ die venerunt DD. Wolowicz, Pociey cum fratre & alij quidâ, ac Regiam causam egregiè propugnare conabantur, sed quia mordicus, qui prius, resistebant, res in eodem semper hærebat vado. Ne tamen nihil omninò ageretur: permissum est Dño Tworzyanski Thesaurario Cracov: ac Secretario Tractatûs cum Sueco facere relationem illius negotiationis, & in quibus esset terminis. Cùm verò jam altera exspirabat hebdomada, obfirmatis utrinq; animis, Sabbatho plurimi convenerunt ad D. Castellanos Cracoviens:, omnes solliciti de tempore consilii inaniter extracto, ac de remedio aliquo adinveniando, inclinabantque omnium
sensus,

A.C. 1703 sensus, ut illud consilium limitaretur ad aliud commodius tempus. Sed varias formabant clausulas & præcustoditiones, quibus limitatio illa circumscribenda foret. Eunt inde omnes rectâ ad Palatium ipsâ horâ duodecimâ, & dum stantes erant pedes eorum in atriis domus Regis nostri, per horam circiter Rege non apparente, tædio in illa statione affecti iverunt ad locum consilii, sessionis gratiâ ibique Regem præstolabantur, qui horâ tertiâ venit, sedit, & Procancellario chartam aliquot verbis plumbeo stylo notatam dedit, ac aliquid insusurravit, quasi tunc eum informaret quidnam nomine ejus proferre deberet, quod tamen jam prius bene cum eo ruminatum & concoctum erat. Vix aperuit os Procancellarius stans penes Regem, ecce hinc inde interrumpunt eum Deputati, ingeminando, quòd præcustodimus nobis voces, si limitatio hujus consilij sit facienda. Prosecutus nihilominus Procancellarius, quòd & piè cœpit, ac declaravit nomine Regis, quòd in gratiam eorum, qui pacem sperabant, & promittebant cum Sueco, Palatinus Culmensis sistet gradum Leopoli ad proximè ventura festa Natalis Domini. Intra quod tempus si nihil certi de optata pace habebitur, liberum erit dicto Palatino elapso eo termino iter suum proseguere in Moschuam. Consiliū præsens limitatur, (absq; ullo præfixo illius reassumendi die) verum si & dum occasio postulaverit, non dedignabitur S. R. Mtas consilium expetere praxi usitatâ à præsentibus Senatoribus & deputatis ex Comitibus Lublinsibus. His dictis illico Rex surgit, & regreditur, unde erat progressus. Interim, vix se movit, admirabundæ erumpebant voces lamentis similes præsertim à Jeruzalscio vexillifero Bielscensi, & à Skrzencio Succamerario Lęcyciensi. Quid est hoc? jamne hoc est dominium absolutum? jam ne hoc Gallico vel Anglico more? & ubi jam nostræ voces? jam actum de nobis. Audiens hæc Rex, subsistit in medio illius conclavis, & in hanc ac illam partem, unde illi prodibant planctus vertens atrocem vultum, & oculos flammivomos, elatiori voce ait: Quid hoc vos vultis? quid est, quod vociferamini? an hoc vestrum est limitare consilia? & percusso aliquoties pectore suo dexterâ ingeminavit, ad me, ad me hoc pertinet non ad vos. Et processit usq; ad cubiculum nemine jam hiscente, ac si essent Raymundi serâ habentes occlusa ora. Pusillanimitatis ne id vitium, an venerationis Regiæ sit virtus? sub iudice lis est. Castellanus Cracoviensis secutus Regem ad cubiculum, statim valedixit ei paucis verbis, nullis verò à Rege acceptis, quem tamen honorem habuit Palatinus Belzensis eodem tempore pariter valedicens. Tantæ molis erat Polonam vexare gentem per tot itinera & sumptus ad solum Consilij nomen. Observârunt quidam resuscitatam in hoc consilio libertatem dicendi pro sensu suo, quæ vel jam sepulta erat, vel in turpem assentationem, vel in speciem servitutis degeneraverat. Quapropter ex hoc eventu maximopere damnabatur consilium eorum, qui persuaserunt Regi hanc Russicam mansionem, inter medios, ut ipsi ajebant, hostes.

Magna pars eorum, qui interfuerunt huic nominali consilio profecti sunt eâdem die Leopolim ad Commissionem Hybernorum. Ad quos paulò post misit Rex Dñum Volff Coadjutorem Livoniæ, invitando eos Javoroviam ad certum colloquium, sed excusarunt se. Quo obtento responso, statim Rex migrare statuit.

Post Consilium advenerant Duces Wiszniowieccij, & D. Przependowski, Thesaurarius Regni in Anticamera Regis insigni affecerunt injuriâ, & contumelijs, quinimò etiam manus injecissent in eum, nisi à circum-

circumstantibus fuissent impediti. Intrepidum tamen monstravit animum stans immotus, & æqualem se omnibus asserens, & de illo dici potest, quod sit ita contra casus induratus, ut nec quidem inclinari, ac nedum vinci possit, adversus apparatus terribiles, rectos oculos tenebat, nihil de vultu mutabat, quamvis illi dura dicebantur. Libertas verò Principum tanta erat, ut libertatis nomen excederet. Cuivis potest accidere, quod cuique potest. Hæc tamen læsio à Ducibus per bona verba coram Rege fuit compensata Thesaurario, qui etiam eos in habitu convivio excepit. Secutus doctrinam Apostoli docentis: Si habes inimicum, ciba illum, sic enim congeres carbones in caput ejus. Adveniebant etiam ex variis Palatinatibus & terris legationes, partim cum solitis assentationibus, partim cum lamentationibus contra Saxonum oppressiones, sed omnes eodem stylo expediebantur promissis ambagibus, amphibologijs; ita ut Cancellaria audito legationem ex Palatinatu Sendomiriensi cum gravibus querelis adornari, non dubitaverit audacter dicere; quod jam haberet paratum ipsi responsum: Sic illudimur, & allidimur: D. Szaniawski ad Abbatiam Coprinicensem, nominatus est à Rege, qui etiam expressum misit ad Urbem cursorem, instando ad Summum Pontificem pro concessione ejus Abbatiae in commendam suo nominato. Sed nec hæ preces, nec sollicitatio Comitis Laniafchi Ablegati Regij Romæ, nec Autoritas Cardinalis Pignatellij idem urgentis, nec unanimis Electio Monachorum potuerunt perfringere obfirmatū Pontificis animum, qui pro piaculo sibi duxit illam Abbatiam, antea commendari non solitam, concedere in commendam.

Movit Javoroviâ Rex 18 Decemb. & venit Cracoviam ipsâ vigiliâ Natalis Dñi, & post ea festa profectus est in Saxoniam comitante eum Francisco Szembekio Fratre Procancellarij, qui Cracoviae remansit, & figuram Aulæ repræsentat. Thesaurarius verò Przependowski dicitur esse disgratiatus, quinimò nonnulli, quibus datum erat nosse mysteria Aulæ, credebant, in proximo illum fuisse vitæ discrimine apud Regem contententibus ejus æmulis, sed ille non minus factis Achillem, quam verbis se probat Ulyssem, & ridet hæc, parumque curat. Nec plura &c.

DISLIMITATIO INTER POLONOS ET TURCAS.

In Nomine Sanctissimæ, Individuæ Trinitatis Amen.

EX mandato Serenissimi Potentissimiq; Imperatoris Turcarum Sultani Achmetani Filii Soltan Mechmetani cujus felicitatem Imperii DEus protegat & conservet. Emanarunt plenipotentes literæ ad illum & Excellentissimum Chadzi Juzow Basza ratione Dislimitationis cum Regno Poloniae de tenore tali.

Quoniam ex gratia DEI subsecuta est felicitas ad pacificationem & communem quietem; ex potestate itaque Imperii nostri demandamus, cum inter Serenissimum Regem Regni Poloniae, M. D. Lit. nec non hæreditarium Ducem Saxoniae, & Electorem Imperii sui & Carum Moschoviae acceptatus sit Tractatus Pacis, firmamque habet auctoritatem. Exinde Magnifice Gubernator Bassa imperamus, ut juxta obloquentiam ejusdem Tractatus & omnia puncta cum Regno Poloniae, & Ducatu Moschoviae in negotio Dislimitationis procedas, & te ita regas prout destinatus & designatus eras superintendens, à præterito imperatore Soltan Mustaffa Chano Fratre nostro; nam & à Mte nostra in eadem Jurisdictione tua confirmes, sicut & penes te residens fama, & virtute probatus Imbraim Aga, quem

A. C. 1703 quem uti muneris istius capacem designamus Commissarium, ad dislimitationem cum Regionibus Poloniae, cum quo & Jurisperitum Notarium mittas, ubi unanimiter satisfacere Tractatui necessum est, nimirum ut fundus Thenimensis incipiendo à littoribus Tyræ Imbraim Aga cum Dnis Poloniae exdividat juxta officium sibi competens, & quam diligentissime negotiationem suam ex integro perficere curet. Tali itaq; Ordine & expeditione, & gratiâ DEi acceptâ ab Illmo & Excellentissimo Dno superius specificato Bassa; ego Imbraim Aga discessi Themiâ acceptis in Crimenfibus & Budziacensibus dignis senibus fineq; confinio carentibus substituto in loco, ubi fluvius Jahorlik in Tyram incidit, ubi à Serenmo & Potentissimo AUGUSTO II. Rege Regno Poloniae communicato prius consilio cum Illmo & Excellentissimo Domino Hieronymo Lubomierski S. Romani Imperii Principe Castellano Cracoviensi, Supremo Exercituum Duce, ut Generali custodum Duce comparuerint cum plena & perfecta ad determinanda confinia potestate Illmi ac Excellentissimi Commissarii, videlicet imus Martinus Chomętowski Palatinus Braclaviensis. adus Joannes Koniecpolski Stabuli Regni præfectus. 3tius Stephanus Humiecki Subdapifer Regni & in vicino ubi Tyram præfatus fluvius influit, substituerunt, cum quibus in primo statim congressu, & in negotio dislimitationis plurimæ ab utrinq; propositiones factæ sunt, post quas petierunt documenta, instrumentaq; sibi exhiberi, & veritatem deducere: Quæ confinia à memorato fluvio incipere debeant, quibus testimonia dignorum tam Crimenfium, quam Budziacensium hominum pro infirmitate limitum ab hoc fluvio incipientium pro documento produximus; Poloni itidem Commissarii prodixerunt primam dislimitationem ante 70 annos ad datam præsentis instrumenti factam, quæ fuit insuper attendentia Abazi Bassa cum Commissario Mutesenica, Chuseim Aga, & Stanislaw Koniecpolski, Castellano Cracoviensi supremoq; Duce Exercituum Poloniae uti Commissario ex parte Poloniae, cujus dislimitationis ductus est Jahorlik turcicè Cainar appellatus, & hoc documento confinia ipsa demonstrârunt, & sic unanimiter sinè ullo dubio cognovimus esse fines, & initia eorum à memorato fluvio, & ita non procul à memorato, ubi se jungit cū Tyra in fundo Thunico, quæ nō ita pridē inhabitant Cosaci subditi felicissimi Chani Crimscēsis supra eundē fluvium ex opposito Poloniae villæ, ubi itidē habitât subditi & incolæ. Ex illis locis verò, ut memoratæ villæ transferantur, fuit propositū, atq; pars proposuit transferri debere, sequitur ut transferantur & vestræ; conclusum itaq; ut, si in concordia non habitabunt, & si injuria aliqua inter illos ostendetur, tunc omnia ab utrinq; demoliri debebunt, si verò in esse suo & integritate per villam permanferint, tamen nulla fortalitia ex utraq; parte erigi debent, & hæc est imposita conditio concernens Raszkow & Kamionka oppida. Quondam Palatini Valachiae Basili filia Dominia tenebat in possessione sua in summa Palatino Sandomiriensi data 40 florenorum jure obligatorio Raszkow, Kamionka verò etiam Palatino Sandomiriensi data viginti millium Polonicorū similiter jure obligatorio cum eadem declaratione, ut tamdiu præfata oppida in possessione usq; ad præsentem limitationem fluvii Kainardzie & jurisdictionem ejus teneat, donec ipsa præfata summa reponetur, & ideo clara res est, ut hæc prætentio cum Actoribus & Successoribus defunctæ Dominæ pacificetur; ut aut oppida successoribus Dominæ, aut summa restituatur. Ad quam propositionem subjuncta est ratio quòd Podoliam & Ukrainam totam Ssmus Turcarum nobis restituerit, & hæc prætentio respicit modernum possessorem

fessorem Rafzkow, & Kamionka id est Illūm & Excellentissimum Dñum Koniecpolski, qui uti præsens postquam illi circa requisitionē futuram ab actoribus demonstratum fuerit documentum, satisfactionē obtulit, & obligavit, & super hoc medio assensum est. Econverso proposuerunt Illūi & Excell. Domini Commissarii, siquidem occasio præsentionum orta est, habemus & nos quoq; huic similem prætensionem. Nonnullus enim Dominus de Regno nostro habet similem prætensionē requirendi debitum apud Bojaros & incolas Valachiae, uti hæc prætensio jam delata est Illustrissimo & Excell. Dño Bassa Seraskiero quā cognita causā injunxerat, ut officiosē satisfiat, sed quia & Hospodar & Bojari protunc erant Adrianopoli, ideo hæc prætensio sortiri non potuit effectum, & hæc prætensio est unius ex Regno nostro Magnatis evidens, & in quo commissā est cura Illūis & Excellentissimis DD. ad Dislimitationem Deputatis, & seriō inquirebatur dicendo, quod in simili occasione, & negotiis docent nos & tractatus ipsi, ut iustitia conservetur, & exinde pro re justa cognita est ad Valachos prætensio, & mutue ad Valachos requiratur. Item ut confinia inter Poloniam & Valachiam sint munda, proponebatur, repositum inter nos & Valachos ipse DEus fulmine & irā dislimitavit, ut nunc temporis quoad fundum nemo queritur ex Valachis, neq; de læsis finibus, aut damnificatione eorum, nihilominus habemus à Valachis multas injurias contra veterem consuetudinem in aliquibus locis circa Sorikau & Chocimum trajectus vulgò promi solum nostri erant, & ab aliquot annis Palatini Valachiae, illos quoq; sibi usurpauerunt; quod est veteri, & moderno tractatu (quoniam nobis solum competunt) cautum. Itaq; ut præfati trajectus Polonis tantum serviant deferri id præfulgidæ portæ volunt, optimaq; forma ad Palatinum Valachiae appromittitur, ut hæc injuria cesset, quæ parti infertur. Item vigiliis ad Tyram positis ex parte Poloniae Valachi ad fines circa fines residentes multa damna accersent in expilandis alvearibus & aliis rebus, quod damnum, ut recompensetur requirebatur, & hoc similiter deferre Præfulgidæ Portæ declaratum, ut exeat Ferman ad Palatinum Valachiae pro compensatione damnorum. Item Poloni tribus vicibus ad Jahorlik prætensionem suam promoverunt, quod ab antiquo fundi Vkrainæ ad illos tantummodo pertinebant, sed sub tempus hostilitatis Turcicæ, & Chami Crimensis rebellis Chmielnicki violenter Regionem illam possedit, cujus postea filius duxerat uxorem Dominam, & hæc à Palatino Sandomiriensi usq; ad medietatem fluvii Kainardzie jurisdictionem suam habuit, & quoniam hoc realiter deductum est, unanimiter decernimus, ut Cairar fluvius, sit communis partibus, qui in Tyram defluit. Et in isto loco ex una parte hostium sit Turcicum, ex altera verò sit positum Poloniae, in quibus hostis electi sunt de novo à nobis Commissarii duo scopuli, & quidem Poloni suo scopulo imposuerunt, in memoriam lapidem cum inscriptione anni & personarum Dislimitantium; inde circa Villam Carter, ubi fluvius oritur, processimus & incolis idoneis ex utraq; parte supra fluvium signa metallica fecimus, & ex una parte Turcica ex altera Polonica in oppositum sibi in ostiis montium locata, usq; ad sinistram ejusdem rivuli, itidem ubi duos magnos scopulos unum spectavimus, à quo loco in declivitate montis circa Cairar inter medios montes eundo in partibus nostris similiter scopulos posuimus usq; ad montem eandem vallem in dexteram & sinistram partem dividentem, ut alii vocant, Widły, à quo loco duæ valles, una dextra, quam pro ductu nostro accepimus, sinistra Polo-

A.C. 1703 Poloniæ, dexteram verò Ottomanis attributam, & in dextera parte Ottomanii, in læva Poloni signa sua locarunt, inde unâ horâ itineris ad locum Kokantik capitalem appellatum per transversum tractus, ut vocant, Kuczmanski Szak transivimus, ubi repertum est signum aliàs Stara mogiła & nomen ei Jagnizcia mogiła, quæ, cum non sit reperta alia similis, pro signo utriusque partis habetur. Inde solitâ viâ Humanium versus tendente venimus ubi caput Dely lacus nuncupatur, ulterius verò eundo Markow appellatam sylvam ad meridiem ex parte nostra accepimus, in sinistram verò partem ubi magna auris Acodema ad Septentrionem finitur. Ubi sylva est Poloniæ; hæc ergo mercatoria via per edita montium eundo ad finem Defy Icziora, Ucha lacus appellati sylvula est ad meridiem Ottomanica, & quæ aqua nullibi reperiri potuit, ductum habere per vallem Codema est ductus Poloniæ, magis verò remotior ad meridiem tendens Turcicus & taliter ad Septentrionem ultra & ultra per dorsum montis proficiscendo in locis Vidonerfis exstruebantur scopuli, donec ad locum confiniis nostris determinatum, id est flumen Boh, quem Sina woda ingreditur, pervenimus, & ibi substitimus, ibi circa ostium fluminis duo scopuli Turcici sunt erecti, ad meridiem & Septentrionem, item duo signa metallina sunt fundata à Polonis, & vertici unius, id est proximiori littori Boh impositus est lapis annum & finem & limitem continens propter majorem notitiam & memoriam, & hoc ordine Regnum Poloniæ cum imperio Ottomanico confinia Dominiorum suorum emundarunt, innovarunt, & dividerunt nihil intacti, obscuri, & controversi relinquendo pro majore firmitate & securitate mutua, limites inter nos unanimiter constituti, & superius specificati in casum alicujus controversiæ supra hæc produci & demonstrari debebunt, & ideo ab invicem instrumenta hæc Dislimitatoria in manus Commissoriales traduntur, & pro majori robore mutuis manibus subscribuntur, & sigillis muniuntur. Datum ad scopulos terminales fluvium Boh nuncupatum, ubi Sina Woda influit ex altera parte 14 9bris & Turciæ diebus primis lunæ 9bris Anno 1115 in originali Turcico subscriptum.


Hadzi Imbraim na Rozgraniczenie z Polską Commissarzznaczony za Hetmanem Cefarskim.

(LS)

Marćin Chomętowski Woiewoda Braclawski Commissarz
J.K. Moscy y Rzeczypospolitey

Jan Konicpolski Koniusz y W.K. Commissarz y Regimena-
tarz J.K. Moscy y Rzeczypospolitey

Stephan Humiecki Podstoli Koronny Commissarz J.K. Mos-
scy y Rzeczypospolitey cum Sigillis propriis.



LITERÆ OFFICIOSÆ PARITER AC COMMONITORIÆ A.C.1704
 à SACRA CZAAREA MAJESTATE AD REIPUBLICÆ POLO-
 NÆ PROCERES. Anno 1704.

NOS PETRUS DEI GRATIA IMPERATOR AC MAGN⁹
 Dux Moscoviæ, totius Magnæ, Parvæ & albæ Russiæ Autos-
 crator, quin & multarum aliarum Orientalium, Occidenta-
 lium & Septentrionalium Provinciarum atq; Regionum antiquus
 Hæres, Dominus atque Monarcha &c.

Percrebuit quidem ab aliquo tempore per universam ferè Euro-
 pam constans fama, esse in Seren: Republica Vestra non paucos, qui ex
 inveterato odio omnes cogitationes in id defigunt, ut Regia Sua Maje-
 stas Poloniæ, dilectus nobis sanctioriq; fœdere junctus Frater, amicus
 ac vicinus Noster, Throno dejiciatur, ipsiq; eò melius, quæ mente con-
 ceperunt, perficere, ac res novas moliri possint; Ea tamen nostra sem-
 per fuit de æquanimitate, fide atq; prudentia eorum, quos tanquam pra-
 vi hujus consilij fautores publica fama haud obscure designavit, opinio
 ac judicium, ut fidem his rumoribus adhibere vix potuerimus. Existi-
 mavimus enim, etsi hujusmodi perversa consilia inter Ordines Serenifi:
 Reipub. Vestræ gliscerent, bonos cives, ac religiosos officii erga DEum
 ac Patriam observatores, malevolos, qui partium privatique quod sibi
 fingunt commodi studio excæcati omnia miscere cupiunt, neque quid
 agant, aut cœptorum finem respiciunt, & autoritate & numero longè
 superare, nobisq; persuasimus, hos quorundam conatus domi etiam si-
 ne interventu Potentiæ exteræ facile extingvi posse.

Postquam verò pro certo cognovimus malum hoc indies latius ser-
 pere, præ omnibus aliis Principibus, qui hac re meritò commoveri de-
 berent, officij nostri esse putavimus partes nostras interponere ac pu-
 blicè testari, nos intellectis iis, quæ ad hoc propositum gentibus Chri-
 stianis indecens tendunt, valde conturbatos penitus omnem hanc rem
 examinasse, tandemq; decrevisse interveniendo id agere, quod & DEum
 & honestos quoscunq; probaturos existimamus; Excitati ad id impri-
 mis vi officij, quod in terris gerimus, & obligatione illa generali, qua
 quilibet Christianus Princeps, DEo totiçq; societati humanæ est adstri-
 ctus ad cœercendam vim & injustitiam, aliaq; prava consilia refrænan-
 da, quibus jura & vincula societatis humanæ convelluntur & publica
 Christianitatis Pax turbatur, ut ita jus & justitia ubivis ritè administretur,
 innocentes protegantur, inprimis verò causa Principum commu-
 nis Regumq; jura integra conserventur, ne in locum honestæ ac legi-
 bus divinis humanisq; concessæ libertatis, quâ gentes liberæ jure meri-
 toq; gaudent, Regum Principumq; contemptus invaleseat, majestas co-
 ronatorum Caputum, quæ imediatè à solo DEo est, pedibus quasi con-
 culcetur, unctiq; Domini turbulentorum libidini, qui res novas cupi-
 unt, exponantur, leges deniq; fundamentales, quas ipsa natura ad con-
 servationem societatis humanæ fancivit, convellantur, homines verò
 ad DEi imaginem formati in belluas, quæ sine legibus vivunt, dege-
 nerent.

Verùm alia adhuc est ratio particularis, quæ nos movet, ut huic
 negotio Nos immisceamus, Pax videlicet cum Regno Poloniæ an: 1686
 inita, quâ expressis verbis cautum est, uti ex adjuncto sub lit: A. appa-
 ret, ut inter Nos & Seren: Regem Poloniæ, *Art. 1. Fraternalis amor*

A.C.1704 *Et* inviolabilis Pax colatur, Art. 5. quilibet alterius commoda *Et* utilitatem curet, ac tanquam Fratres sibi invicem auxilia præstent, deniq; , Art. 23. ambæ Majestates ab una *Et* altera parte, uti fratres inter se omnia humanitatis, amicitiae ac Fraternalis benevolentiae Officia, quæq; ad commoda utriusq; spectare possunt, sibi invicem præstent, efficiantq; ne inimicitia vel aliqua occasio violandæ Pacis, multò minus bellum inferendi, sanguinem humanum effundendi, terras utriusq; devastandi suboriat, quin potius omni studio hæc omnia declinent, atq; impediant, omnem, quæ Christianos Principes decet, curam adhibentes ut Pax integra conservetur, neq; ob quamcunvis emergentem causam nova bella ac dissensiones suscitentur. Quæ omnia solenni juramento in Sacrosanctum Evangelium præstito utrinq; corroborata vim indissolubilem obligandi Successores quoscunq; in utrisq; Regnis acceperunt.

His fundamentis præcipuè nixi fœdere arctiori cum moderno Seren: & Potent: Poloniarum Rege anno 1699 cuso statim in primo articulo sub lit: B. hic adjecto Nos Nobismet invicem fidem dedimus, quòd, quamdiu supremo Numini placuerit Nos in Regnis Nostriis, quæ DEUS fausta esse jubeat, conservare, sinceram amicitiam ac omnia vicinitatis jura sanctè ac constanter inter Nos colere, nunquam illa violare, verum potius contra quoscunq; hostes nostros Nosmet invicem juvare defendereq; velimus.

Auget verò hanc obligationem præsentì Vestro negotio Nos immiscendi cura, quæ Nobis incumbit, pacem ac securitatem terris Nostriis ad limites Poloniæ sitis quovis meliori modo præstandi. Quamdiu enim hic ignis inter Vos gliscit, & proximus ardet Ucalegon, Nostram quoq; rem agi existimare vereriq; debemus, ne flamma ad terras usq; Nostre ditionis serpat, illæq; commodis priventur, quibus, Poloniâ pacatâ, gaudere solent.

Deniq; non ignoramus, quid nonnulli è medio Vestrûm monstri in sinu contra Nos alant, eosq; non dubitasse tam nefaria consilia suscipere ac palàm ferè profiteri, quòd, obtento adversus sacratissimam Personam Regiæ Poloniarum Majestatis proposito, se cum hoste Nostro conjungere Nosq; hostilibus armis aggredi velint. Quod supra memoratæ æternæ Paci tanta cum sanguinis humani effusione partæ expresse repugnat, ubi Art. 23. disertis verbis Regia Sua Mtas ejusq; Successores, vel post eandem electi Reges & Magni Duces Litvaniæ, imò Universa Respubl: Coronæ Poloniæ Magniq; Dtûs Litvaniæ, tam Ecclesiastici quàm Seculares utriusq; Nationis ordines, promittunt nolle se, nec ipsos, nec per alios subordinatos, hostes Nostros, vel apertos vel tectos, fovere, commercium cum illis habere, vel deniq; hostile quid illis permittere. Sic facilè quisq; videt, quanti Nostri inter sit, ut ignes hi cineri doloso suppositi, antequam in flammam erumpant, tempestivè supprimantur.

Quoniam ita ex adductis jus Nostri negotio Vestro interveniendi coram facie totius mundi satis superq; evictum esse credimus, ad Seren: Rempub. Poloniam ante omnia Nos convertere eandemq; amicè requirere volumus, dignetur in hoc frangenti illos, qui tam exitiosa ac bonis omnibus detestanda consilia agitant, monere, ut ad saniorē mentem redeunt cogitent, quid moliantur, & quantis periculis non

se, honorem atq; existimationem, verum etiam totius Patriæ salutem *A.C. 1704* exponant. Causæ enim, quas habere putant legitimè electum & ab omnibus etiam infensissimis hostibus agnitum Regem solio deturbandi, tam frivola minusq; legales cuivis à studio partium alieno videntur, ut artifices hujus consilij nomen Perduellium ac Perfidorum, quod à proprijs eorum fratribus in diversis & laudis & conclusis ipsis imponitur, effugere, impedireq; nequeant, quò minus omnes Christiani Principes, inprimis illi, quibus vel per fœdera, vel ex aliis causis politicis, Regiæ Poloniarum Mti suppetias ferre incumbit, ne in locum ejus Rex alius bono publico adversus subsequatur, ad negotium hoc omnibus viribus accedant, ac impia hæc consilia infringant. Neq; enim perturbatores isti cogitant S. Regiæ Mti, tanquam Electori Saxoniae, tot vires superesse, ut inimicos hosce faciliè confundere, bonamq; causam & jus semel quæsitum tueri possit, inprimis, quia major Seren: Reipub. pars Officii sui & jurisjurandi memor pro Rege sangvinem libenter effundere, omniaq; pro defensione ejus immolare paratam se esse gloriose admodum declaravit.

Cum hæc ita sint, quid ex perversis, de quibus egimus, inceptis provenire poterit aliud, quàm quòd Patria Vestra Theatrum belli futura maximo periculo ac Vicinorum deprædationi exponetur, Authores verò hujus propositi eorundemq; fautores meritas pœnas luent, sibi ac posteris indelebilem notam inurent, ac exitium proprium pœnitentiâ nimis serâ deplorabunt?

Sed demus, unum alterumq; ex gremio Vestro, (probè enim scimus, non omnem Seren: Rempubl. hæc consilia suscepisse, potiore verò ac seniore ejus partem Regi optimè velle) causas aliquot querendi habere; illud tamen certum est, etiam Jovem ipsum, optimosq; ac prudentissimos Principes non omnibus æquè placere posse; reprehensiones verò ac gravamina quorundam privatis affectibus, qui voces calamumq; dirigere solent, & studio partium privatiq; commodi ortum suum debere. Demus etiam querelas aliquas justas esse, quales quidem hic nondum videmus, illud tamen considerandum foret, morbos hos politicos Reipub: tantum detrimenti non inferre, quàm solent remedia, quæ in præsentī casu adhibere quidam nituntur, quæq; Legibus divinis & humanis repugnant, dum neglectis viis amicabilibus ac lenioribus, quas tamen Leges Poloniae fundamentales læsis præscribunt, statim ad extrema eaq; violenta proceditur.

Sed etsi tandem isti novarum rerum studiosi, providentiâ DEi propter causas occultas ita volente, (cujus rei non desunt exempla) propositum ad finem perduxerint, quid quæso lucrabuntur, nisi quod tardius ocys pœnas privatas luent, ac maculam, quam sibi toti; genti adspergent, diluere nunquam poterunt? Videtur quidem spes auxilij cujusdam externi Principis animum calcarque eis addere, verum exitus acta redarguet tempusq; docebit, in arena eos ædificasse, ac fundamentum, cui ædificium tam vastum superstruere conati, nimis debile fuisse, arundini tantum eos innixos talem causæ suæ Patronum elegisse, qui ad mercedem navatæ operæ sumptusq; repetendos jus sibi ipse cum Internecione Patriæ dicturus erit.

Pluribus hac de re tot periculis plena hic agere supervacaneum esse judicamus, confidimusq; illos, qui Seren: Rempubl. salvare cupiunt, inter quos multi prudentes Senatores boniq; cives existunt, sua sponte id acturos, ut fratres seducti ac errantes prudenti commonstratione alioq;

A.C. 1704 liq; meliori modo & dexteritate in rectam viam reducantur.

In præsens illud tantum declarabimus, quomodo ac in quantum Officia Nostra interponere decrevimus, ut non tantum boni Cives, qui Regem saluum esse cupiunt, sed etiam illi, qui officij DEo Regiq; debiti immemores perversâ fronte Regiæ Mti adversantur, omnemq; lapidem movent ad proposita perficienda, mentem ac intentionem Nostrâ cognoscant. Notum ergo sit, Nos ex sincero animo ad sopiendas querelas ac diffensiones, si quæ inter S. R. Mtem, & Seren: Rempubl. subortæ, tanquam à studio partium alienum respectivè fratrem, amicum ac bonum vicinum, omnia bona officia offerre, Nobisq; persuasissimū habere, Nos, DEo juvante, aliisq; si visum fuerit, amicis ac foederatis Nostris, quos hæc res tangere potest cooperantibus, ad beneplacitum, & satisfactionem utriusq; partis, & ad commoda Regni Poloniae Magniq; D. Litv. internam concordiam, Pacem ac tranquillitatem reducere posse. Neque dubitamus, quin hæc Nostra è sincero animo profecta Officiorum oblatio eadem sinceritate sine suspitione insidiarum accipiatur. Prout enim S. R. Mtas Poloniae de Amicitia Nostra ac fraterno amore abundè certa est, sic Seren: Respub. hanc non fucatam intentionem Nostram, qua libertatem Ejus factam tectam ob ante allegatos ex Pace æterna articulos propriumq; Nostrum Nostrorumq; statutum interesse servare studebimus, sibi promittere potest. Desideramus igitur, ut, quamprimum fieri potest, responsum catheticum Nobis mittatur, an hæc oblatio eodem affectu, pacis amore & tranquillitatis in Regno Poloniae & M. D. L. restituendæ desiderio acceptabitur, quo à nobis, (DEUS testis sit) in præsentī facta est. Interim non interitemus omnes eos apparatus facere, quibus, si Adversarij in proposito persistant, S. R. Mtem in solio, quod legitimè occupat, contra quoscunq; tueri ac confirmare valeamus. Eos quidem, qui partes Serenissimi Regis sequuntur, vel tempestivè ad officium redeunt, tam singulari gratia ac benevolentia complectemur, ac si Nobis ipsis Nostrisq; propriis comodis gratificati essent, neq; deerimus omni ope & auxilio ad sedandos hos motus illis adesse. Eos verò, qui Seren: Poloniarum Regi obnituntur, neq; ab exitioso proposito resilire volunt, pro hostibus Nostris, quos unà cum ijs, qui eorum partes sequuntur, flammâ, ferroque ubivis aggrediemur, declaramus, neq; cessabimus hostilia quævis in eos exercere, donec hi pacis publicæ perturbatores & hostes Patriæ (quæ nomina eis in laudis ac decretis præsentium motuum occasione factis ab ipsis eorundem Fratribus imponuntur,) in exemplum aliorum dignis pœnis affecti è Regno Poloniae & M. D. L. quorum tranquillitas curæ cordiq; Nobis est, zizaniæ instar extirpentur, Nostraq; Vicinia à similibus exitiosis hominibus purgetur. Ut verò eò major vis hisce literis Nostris insit, & non solum Seren: Reipub, sed universo terrarum Orbi innotescat, hanc esse seriam voluntatem Nostram, præsentem declarationem cum omnibus, qui causæ nostræ favent, Principibus communicabimus, ut extet passim eventualis eorum, quæ gesturi sumus, justificatio. Vicinos verò, quibus causæ eaq; justissimæ sunt hanc rem tanquam cōmunem Nobiscum considerandi, ad conjunctionem & consiliorum & virium invitabimus, nihil cæterum intermissuri, quod ad dignitatem & defensionem S. R. Poloniarum Mtis, cujus causam Nostram facimus, quovis modo spectare poterit. Quod superest, omnibus illis, qui Serenissimæ Reipubl: Vestræ commodis ac integritati conservandæ student, gratiam ac benedictionem Omnipotentis, utq; consilia, quæ susci-

scipient, in gloriam DEi, tutelam Regis, Patriæq; decus & emolumentum feliciter cedant, ex animo optamus, eosque bene valere cupimus. A.C.1704
Datum Slosburgi in Ingria 12 April. Anno 1703.

Bonus ac benevolus amicus PETRUS.

Adject. sub Lit: A.

Clausulæ quædam ex Tractatu Pacis inter Moschos & Polonos
Anno 1686 initæ.

Artic. 1. Hostilitates quæcunq; ab utraq; parte in omnem æternitatem abolentur, prout omne, de quo in præcedentibus tractatibus Andrussoviensibus convenit, perpetuæ oblivioni traditur. Inter Sereniss. Cæsares Moscoviæ verò eorumq; Successores, ac Sereniss. Reges Poloniae Magnosq; Litvaniae Duces ac eorum Successores æterna Pax, fraternus amor atq; amicitia statitur.

Artic. 5. Subditi Smolenscij, Kijovienses & Czernichovienses, aliiq; in locis ac oppidis Czareis Majestatibus cessis, ubi immorigeros ac refractarios se gerent, neq; à Successoribus ulla protectione gaudebunt, vicissim Czareæ Suæ Mtes Subditos Regios neq; fovebunt neq; recipient, verum quilibet alterius commoda curabit ac tanquam fratres se invicem contra quoscunq; juvabunt.

Artic. 23 Inprimis verò Regia Sua Mtas ejusque Successores vel post eandem electi Reges & magni Duces Litvaniae, imò universa Respubl. Coronæ Poloniae & M. Dtûs L, tam Ecclesiastici quàm seculares utriusq; Nationis promittunt, nolle se nec ipsos, nec per alios subordinatos, Czarearum Majestatum hostes vel apertos vel tectos fovere, vel commercium cum illis habere, vel deniq; hostile quid illis permittere. Vicissim repromittunt Czareæ Suæ Mtes pro se & Successoribus magnisq; Ducibus Russiæ se nunquam velle apertos vel tectos hostes, qui R. S. Mti, aut Coronæ Poloniae & M. Ducatui Lit. infensi ac nocivi esse possent, suscipere vel aliquod commercium cum illis habere, neq; pecunia vel militibus opem iis ferre, neq; occasionem vel ipsas vel per alias subordinatas personas præbere, quæ ansam ad inimicitiam dare posset. Neq; permittent Czareæ Mtes hujusmodi hominibus in Provinciis vel oppidis suæ ditionis versandi, multò minus hostilia quædam moliendi potestatem. Imò volunt Majestates ab una vel altera parte, durante hac Pace æterna, uti Fratres inter se omnia humanitatis, amicitiae ac fraternæ benevolentiae officia, & quæ ad commoda utriusq; spectare possunt, sibi invicem præstare, efficereq; ne inimicitia vel aliqua occasio violandæ Pacis, multò minus bellum inferendi, sanguinem humanum effundendi terrasq; utriusq; devastandi suboriatur, quin potius omni studio hæc omnia declinabunt, atq; impredient, omnem, quæ Christianos Principes decet, curam adhibitori, ut Pax integra conservetur, neque ob quamcunvis emergentem causam nova bella ac dissensiones suscitentur.

Adject. sub Lit: B.

Ex Tractatu Foederis inter Serenissimos & Potent. Principes Russorum Imperatorem ac Regem Poloniae. Anno 1699 cusi.

Artic. 1. Promittimus, quod cum Czarea Sua Mte sinceram ac Fraternali confidentiam, bonamq; Vicinitatem colere, neque committere velimus, ut, quamdiu DEo placuerit, Nos in Regnis Nostreis, quæ supremum Numen fortunare velit, conservare, hæc constans inter Nos ac fidelis amicitia aliquo modo violetur, quin potius unus alteri contra

A.C. 1704 hostes auxilia præstabit, idq; efficiet, ut unus alterius commoda atque emolumenta tanquam propria promoveat, eaq; omnia præstet, quæ veros amicos & fœderatos decent, eisq; alias incumbere solent.

AD MAGISTRATUM GEDANENSEM à STANISLAO SZEMBEEK EPISCOPO CUJAVIENSI.

Oppressio
subjectorū

Nobiles Dñi &c. Forsitan visus sum filere, quòd ad acceptam ante aliquot tempus à Nobilibus Dominationibus Vris epistolā animū non habuerim respondendi. Epistola illa tanquam post attentatas novissimè violentias, & commissas authorizationes in factò scripta non merebatur responsum; Si quid enim à Patre & Pastore erat exoptandū: sed quantumvis non scripsi, loquendum commisi nomine & autoritate meā cum Nobilibus Dominationibus Vris Reverendmo Dno Officiali nostro Gedanensi, & Perillri Dno Canonico Grasinski Præfecto clavis nostræ Sobcovienſis. Cū autem sermo eorum quā privatim, quā publicè nihil proficeret, compertum habeo nonnullos Proceres Regni Ecclesiæ, & nobis addictos motu proprio & scripsisse Nobilibus Dominationibus Vris, & locutos fuisse, ut incolas vicorum nostrorum *Schottlandt/ Stolzenberg/* & montis Episcopalis amplius non impetrent, atque ab aggravationibus eorum desisterent: ipsum quoque Venerabile Capitulum Ecclesiæ nræ Cathedralis Vladislaviensis in absentia nostra multas fecit requisitiones, partim per epistolas, partim per Cōmissarios. Quando neque ad persuasiones Procerum fuit auditus, neque ad compellationes Venerabilis Capituli fuit intellectus, visum est, ut exportaretur mandatum Regium prohibitione omnis injuriæ, & gravaminū memoratis vicis nostris illatorum vel inferendorum; ast neque huic Nobiles Dominationes Vræ obedire voluerunt. Ne itaque credant, aut me non vivere, aut si credunt, ne putent mala fundi mei, & Capituli non sentire, vel sic publicis ex munere senatorio functionibus abstrahi, ut quod est Episcopalis officii omittam facere, & ne dilatam magis ad epistolam suam responsum obliquè præsumant in vitiosum aliquem consensum trahere: ecce scribo, & præsentī epistolā Pastoralī Nobiles Dominationes Vras convenio, magnam mihi & Venerabili Capitulo meo Nobiles Dominationes Vræ fecistis injuriam, quando accisas quasdam, & alia multa onera, autoritate propriā super memoratos vicos nostros proprios imposuistis, & usque adhuc præter omne fas & æquum extorquetis. Numquid bona Episcopi & Capituli sunt bona Magistratūs Gedanensis? numquid incolæ & subditi vicorum nostrorum sunt subditi vestri? unde tanta juris alieni usurpatio? unde tanta præsumptio? tanta potestas, & autorisatio? injurias injuriis accumulatis, quando jam & aquā eisdem incolis vicorum nostrorum à die 12 mensis currentis interdicitis. Potestne quidquam pejus ad opprimendam gentem excogitari? potestne quid magis immane in præjudiciū jurium Ecclesiæ, Episcopi, & Capituli attentari? jam & res in præjudiciū, veriùs quoque in exitiū vicorum nostrorum quærebatis, & tentabatis, ut quod Magistratui negat jus & justitia, hoc tribueret potentia. Si Vatinianum odium suavit plus mali cogitare, quomodo sanum & prudens ex Proconsulatu judicium permisit aliquid finē nobis contra nos facere, & à Regibus postulare Rationes hostilitatis attentatæ; quæ res, non excusant, sed accusant; ergo cū proprium mantellum vi repetere non licet, alienum, quando quis opus habet, licet vi tollere? an jam sic depressæ e-

rant

rant anno præterito res civitatis? ut nisi subito opprimerentur vici nostri, aliter tunc salvari non possent, an non mons meus Episcopalis pro muro aheneo toti civitati est? an & ego ipse, quantum in me est, & erat, bonum civitatis agere, tueri, & defendere non eram paratus? sed, ut video, moribus antiquis placuit in turbido piscari; num autem hoc liceat, num deceat, & tam nobili ac insigni civitati conveniat, judicet omnis ætas; ego autem requiro, & obtestor Nobiles Dominationes Vras, ut ab inceptis violentiis, & aggravationibus vicorum nostrorum statim abstineant, & superfedeant, damna quævis illata compensent, & convulsam bonum pacis, & tranquillitatis, quod mihi semper erat in voto, & expectatione reducant, & redintegrent. Si verò vocem meam non audient, me declaro, quòd ad ultimum usque spiritum resolutus sum agere, & audere, quidquid tantum humanis viribus auxiliante Domino DEO datur, potero pro juribus meis, & Capitularibus defendendis, vindicandis, ac restituendis, &, dum incipiam agere non nova tantum, sed & vetera conabor etiam cum discrimine vitæ, si opus fuerit, vindicare. Vivit Rex, vivit Respub., nec adhuc ultimam animam agit; dabit Dominus DEus qui nos & percutiendo sanat, & ignoscendo conservat, præsentibus malis finem, & nostræ pastoralis sollicitudini latum campum, & spatiosum nimis ad agendum, & viriliter decertandum aperiet. Dabatur in claro monte Czesztochoviensi die 22. Julij.

UNIVERSALE REGIS SUECIÆ

NOS CAROLUS DEI Gratiâ Suecorum, Gothorum, Vandalorumq; Rex &c.

UNiversis & singulis quorum interest, inprimis verò Reverendis dissimis Illustrissimis Magnificis ac Generosis Russiæ Ordinibus, cunctæq; illic Nobilitati, præsentibus hisce literis nostris notum testatumq; facimus. Quòd Poloniam cum exercitu ingressi, non illud magis in animum induximus, ut illatum nobis iniquissimum bellum ruptamq; æternam pacem ulcisceremur, quàm ut Rempub. ex cuius incolumitate Regni nostri salutem non parum dependere intelleximus, à Saxonice insidiis oppressam simul assereremus. Justissimis armis nostris adeo favit cœleste Numen, ut hostis non una classe affectus non modò consistere magis nusquam auderet, sed etiam Respub. Polona tempus nancisceretur à malis, quæ illam afflictabant, paulisper respirandi, suæque libertati quam multifariis modis convulsam videbat, consulendi: facto initio à fœderatis in majori Polonia ordinibus, qui tot malorum non aliud remedium inveniebant, quàm ut abdicato injusto Domino eodemq; omnium discordiarum fomite, in locum eius in consuetis campis Varsaviensibus eligerent, Serenissimum Principem Stanislaum Primum Regem è suo sanguine, qui Patriarum legum, morum, linguæ, ac constitutionum gnarus, ac amans, Rempub. sibi commissam ex præscripto conventionum regeret avitamque gentis libertatem, cui ipse innutritus fuerat, ab interitu revocaret, conservaretq;. Nos igitur ob Excellentissimas animi ingeniiq; dotes quas in hoc Principe cognovimus esse sitas,

A.C. 1704

fitas, spem certissimam capientes, eum ut indigenam, veram & genuinam Patria suæ utilitatem quæsiturum, non tantum pro Rege agnovimus, verum etiam amicitiam, opem ac auxilium nostrum, eidem promissimus & obtulimus, contra quoscunque tam extra, quam intra Regnum, qui illius thronum infestare oppugnareq; sustinuerint, atq; ut eo sincerior amicitia coniunctiorq; vicinitas inter Regna Sueciæ ac Poloniæ constitueretur, legatos nostros misimus, qui abolitis dissidiorum causis, æternum fœdus Olivense restaurarent, eaq; paciscerentur, quæ ad utriusque Regni emolumentum, securitatem, tranquillitatemq; pertinerent. Huic proposito firmiter insistentes, vagum ac profugum hostem, omnesque eius assecclas persequi eousque cogitamus, donec fractis penitusq; extirpatis eorum viribus, novum Regem extra discrimen positum videamus, pacatamque esse Rempublicam. Nunc verò in has oras delati quas fugiens hostis metu sui exolverat, confidimus inclytos huius Provinciæ ordines laudabile cæterorum exemplum secuturos, erectoque libertatis signo sese aggregaturos, eorumque corpori, qui assumpto sibi capite ac Rege STANISLAO I. libertates, jura ac privilegia sua simul vindicatum iverant. Speramus hoc consilium eò promptius ab illis susceptum iri, quod recuperandæ tranquillitatis non aliam superesse rationem perspicuè viderint, omniaq; Saxoniciæ factionis molimina unicè illuc tendere, ut inclyta Polona Natio diutius sub intolerabili exterorum iugo cervices inclinatæ gerat, Regnumque hoc quondam florentissimum inducta barbararum gentium colluvie, miserrimè devastetur, inq; deformem convertatur solitudinem. Quapropter cum malis hisce averruncandis arma nostra dicavimus eos omnes ac singulos, quibus libertas ac Patria cordi est, ad fœderis huius societatem invitamus, parati eos in fidem ac tutelam nostrâ fulcipere, eos à quorumcunque hostium injuriis ac insultibus tueri, vimque omnem ac vexationem ab eorum bonis, fortunis, ac personis pro virili prohibere. Quo pacto ea simul consiliorum ratio iniri poterit, ne hosti occasio aut libido unquam redeat inclytas hasce Regni Poloniæ partes denuo invadendi. Quos verò hac benevolentia nostra ac sincera propensione susque deque habita, adversariorum partibus pervicaciter adhærere intellexerimus, inque perniciose adversus Patriam intentione perseverare, eos omnes hostium loco habebimus, & tanquam turbatores Reipub. quam defendendam suscepimus, eò rigore persequemur, quem natura ac jus belli dictaverit. Quod antequam ad extrema hæc progrediamur, promonere volumus ab inclytis Russiæ ordinibus, universaq; Nobilitate, qui exitium evitare cupiunt expectantes, ut nulla interposita mora suam ad nos declarationem mittant. In quorum omnium fidem &c. Dabantur in Castris ad Leopolim die 13 7bris Anno 1704.

(LS) CAROLUS

C. Piper.

LITE

LITERÆ à S. R. Mte Ad Civitatem Gedanensem Lipsiâ 7. Jan. A.C. 1705

Nobiles ac Spectabiles fideliter nobis Dilecti. Nunquam credemus fieri posse, quod jam per audaciam, an audentiam factum fuisse nunciatur nobis. Res ad Regiam personam nostram pertinentes, ex hostium ereptas faucibus, parum amicâ manu, sine ullo fidei, juris, & æquitatis respectu intercipi, sigillis insolitis muniri, in granario nostro, tanquam sub aresto indebito detineri, cum gravi cordis nostri sensu accepimus. Tantùmne sinistri animi fidelitatibus vris inest? ut hostem vereri eligant, & nos (quibus sacramento juramenti, nullo alio, quod vi vel metu extorqueri poterat abolendo obstrictæ sunt) omittant revereri. Optaremus proinde ex animo, qui in civitatem vestram verè paternus est, ac semper fuit, ut negotium hoc si nolint affectu, velint reputare ratione, ut scilicet, quod justè cupimus, & vobis expedit, ex detentione hac violenta, nec sperata, supellex nostra Regia absquè ulla mora restituatur, omnino nobis præcavescentes, & FF. vestras præcustodientes, si quid damni acciderit, eisdem tanquam hujus immediatæ causæ reputandum fore. Desideraremus etiam opinionem hanc amotam ab eisdem, quod fortuna nostra juncta semper cum integra Republica ita sit desperata, ut nos despectui esse debeamus, & vos prævalente fidei factione, vobis quodvis licere credatis. Est profectò DEUS, in quo nos fiduciam omnem ponimus, is certè justæ aderit causæ, à quo interim FF. vestris meliora de eisdem sperantes, bonam valetudinem, æquior mentem, & accuratior in præsentem ac futurum rerum statum, reflexionem ex animo optamus.

*Res Regia
arestata à
Gedanensibus.*

COPIA LITERARUM SERENISSIMI REGIS ad SUMMUM
PONTIFICEM Dresdâ 22. Februarij.

Post oscula pedum, mei & Regni mei humillimam commendationem, supremum in terris S. Sedis Apostolicæ regimen sorte nascendi alii, ego lumine tactus ab alto liberè recognovi, libenter & fide ad ultimum invicta veneror. Singularem verò Sanctitatis Vrae observantiam, quæ semper fuit, eandem esse, constanterque futuram remagis, quàm verbis testor. Notum bene est Sanctitati Vrae, quomodo D. Episcopus Poshaniensis, qui accommodans privatæ libidini publicâ authoritatem, velamen malitiæ habens libertatē, audientius, quàm consultius ea patravit, quæ nisi facta fuissent, fieri non crederet orbis, inter hostes hæreticos, quibus ope, consilio, & adjumento fuit, armis nostris captus ob respectum immunitatis Ecclesiasticæ, & imprimis authoritatis Stis Vrae communicato statim consilio cum Rndño Sanctitatis V. Nuntio, est detentus, & usquè nunc sub custodia Sanctitatis Vrae fuit. Ad primum autem ejusdem beneplacitum sub manu ductione venerabilis Abbatis Morenda à Rndño Dño Nuntio ad hoc destinati raræ activitatis & dexteritatis viri, nullâ interpositâ morâ Romam, uti voluntas dirigentis est, ad reddendam facti rationem, & recipiendam pro culpa pœnam, unde metus incutiatur aliis, transfertur. Sanè lentus in dolore meo à natura esse soleo, libenterque morbos tollendo, non ægros, universis ignoscerem, ne singulis irascar, sed Reipub. in eversionem statûs, tam graves inflictas injurias præterire, vel dissimulare non possum, neq; si possem, debeo. Opinari proinde, & planè ominari licet, quod Sanctitas Vra cui Summus DEus in terris judicium dedit, in dictum D. Episco-

*Nicolaus
Swiechowski
mittitur
Romam.*

A.C.1705 Episcopum animadvertet, neque uti spero, imò & credo Româ dimittet, ne ianua aperiatur ad res novas & pejora prioribus, quorum est capacissimus, audeat. Quod reliquum est, Illum, qui omnia potest, precor, ut Sanctitati Vrae firmam, in qua meae salutis partes positas scio, det valetudinem; mihi verò ejusdem Sanctitatis Vrae amorem paternum demissè depono, & pedes sanctissimos reverenter exosculor.

LXXXIV.

ANDREAS C. ZAŁUSKI EPISC. PRINC. VARM. ET SAMB.
PETRO KCZEWSKI PALATINO MARIÆBURGENSI 9 Jan.

E Pistola tua sermonibus tuis simillima, quàm me affecerit, quâ voluptate perfuderit, quem ad meam superiorem erga te voluntatem cumulum addiderit, nec mihi verbis explicare, nec tibi mente consequi facile est, exequar eâ diligentiam, quâ sinceritate jubes, loquar Regi, & loquar non perfunctorie, ut efficaciter tibi servire possim, nihil enim est, quod ego te jubente facere recussem, tum quia toto te pectore amplector, tum quia impietatis crimen mihi incurrere videor, si quid officii in te prætermisero. Informationem quam exoptas talem, qualem ipse habeo, tibi mitto.

INFORMATIO DE VARIETATE POSTÆ IMPERIALIS.

O Rdo Postæ Polonicae, ex speciali gratia ab Augustissimo Imperatore Ferdinando III, gloriose memoriae ad interpositionem Serenissimæ Cæcilie Renatæ Sororis suæ Poloniarum Reginae Divi Regis Vladislai Conjugis concessæ, non interruptâ temporis serie 1637. cum summo Regni & Reipublicæ, & commerciorum emolumento, ac incremento, usque ad finem expirantis sæculi, pacifice continuatæ. Huius Postæ cursus ita erat institutus, ut singulis hebdomadis Cracovia Holescioviam per expressum Cursorem literæ, & fasciculi totius Regni, tum in Imperium, & potissimum in Italiam expedirentur, Holescioviae post modum alteri Cursori postæ sarcina obfigillata, à Cracoviensi extradebantur, à quo huc Viennam deportabatur & Regio Residenti Poloniae ibidem consignabatur, à quo omnes literæ & fasciculi ex sarcina pro more inveterato recepti, mercatoribus & aliis remota jurium postæ solutione dispensabantur. Duo verò literarum fasciculi, Regius & particularium Venetias, ad postæ Polonicae Præfectum Dominum Joachimum Albertum Sûz adhuc superstitem à Regio Residente singulis septimanis, solutis porrò juxta pondus, scilicet pro uncia quatuor grossis Germanicis Postæ Cæsareæ, juribus pro fasciculo particularium hinc Venetias duntaxat, tam expediendo, quàm illinc adventante, juxta conventionem hocce Cæsareæ postæ officium inter, & Magistrum Generalem Regiarum postarum statim ab initio supradictæ postæ institutionis initam expediebantur. His stantibus Magister postæ Cracoviensis singulis mensibus, pecuniam pro exsolvenda summa officio postæ Cæsareæ debita, prout etiam eidem postæ Magistro Cracoviensi, incumbere postilionibus septimanalem cursus mercedem, ex ærario illius postæ satisfacere, de quibus omnibus & singulis Dominus Bartholomæus Sardi, olim generalis postarum Regiarum Poloniae Præfectus, ad unguem informatus est. Præfuit huic postæ Polonicae 40 annis liber Baro Nicolaus Siri, Antonius Colleti & Joannes Baptista Ro-

mani

mani 18 pariter annis, donec Christianus Schierl dictus, de Schierndorff, *A.C. 1705* dum Regii Residentis in aula Viennensi fungebatur munere, initis cum Domino Comite de Paur supremo postarum Cæsarearum, in Provinciis Hæreditariis Præfecto tacitis contractibus, & pactionibus, prout creditur sine Serenissimi Regis & Reipub. Polonicæ consensu, postam Polonicam Viennensem oppressit & totaliter extinxit. Appulerat hanc in urbem ante 18 menses modernus Generalis postarum Poloniae Magister, ut de hoc facto se informaret, dictum fuit illi à quodam incorruptæ fidei erga Serenissimam Rempub. viro, quodsi præfatus Schierl, sine consensu Regis & Reipub. hoc vulnus inflixit Poloniae Regno, gravissimā & exemplarem promeruisse pœnam, cum tali prærogativa, & insigni unionis pretiosæ ornamento, in Notorium Regni & commercii præjudicium, & jacturam, Rempub. ausu temerario exuerit, & publicè illimet postæ Polonicæ Præfecto objectum fuit, si hac super re collisionē cum supradicto de Schierndorff habuisset, pari pœna imò detrusione à suo munere, in pœnam perpeffi præjudicii fore mulctandum. Ipse verò jurando affirmavit, id sine suo præscitu actum fuisse, qui deinceps ad evitandum Ssmæ Reipub. de patrata in eandem injuria, justam indignationem, ab amicis præmonitus fuit, quòd ad se salvandum, eam arripere posset resolutionem, ad sui Cracoviam reditum, postam in pristinum pedem & statum remittendi, verum hucusq; saniori huic consilio, propter particulare fortassis suum commodum & privatum lucrū se submittere tacitè reluctatur. Existimatum salvo tamen meliori judicio, ut moderno postarum Polonicarum Præfecto, ad præscindendos omnium tricarum, quæ intercurrere possent, nexus, seriò & sub amissionis sui muneris cōminatione committeretur, quo postam pristino restituat statui, postiliones priores, aut eos sibi magis bene visos suscipiat, & ad Dnum Comitem de Paur, cum hac excusatione perscriberet, in oppressionem postæ Polonicæ Viennensis, nunquam se assensisse, ideoq; nullam & irritam esse, & hac ratione coram Republica servare se posset.

Prædictum etiam fuit Domino Comiti de Paur, contractum hunc cum Schierliano stipulatum, ideo rescindendum fore, siquidem à Serenissima Republ. nunquam ratificabitur, cum quæ in commune præjudicium cedunt, approbanda & ratihabenda non sint. Sublato hoc temerario & pernicioso contractu literarum cōmercium eò securius reddetur, & Regni Poloniae cōmodum restaurabitur. Hac in re non intercurrit Augustissimi Imperatoris assensus, sine quo tractatus, & quidem inter solum Dominum Comitem, & prænominatum Schiel, fuit conclusus.

LXXXV.

ANDREAS C. ZALUSKI EPISC. PRINC. VARM. ET SAMB.
 CANCELL: REGNI THOMÆ DZIALYNSKI PALATINO
 CULMENSIS Lipsiâ 17 Januarij.

PLurimum nuper & ex corde gavissus sum, dum te peracto gloriose negotio jam proximum Patriæ esse inaudij: nunc jam, dum feliciter intra ejusdem fines constitisti, de reditu tuo integrâ valetudine gratulor, ex animo optans: ut hæc negotiatio novis Patriam fortunet emolumentis, tibi verò immortalem progerminet gloriam.

Legens conferentiam tuam circa limitationem ob absentiam Principis tot rationibus fultam, comperi præcautionem & quidem meritò additam, quâ desideras: ut pro futuro consilio Legatus Moschoviæ parata

A.C. 1705 ta habeat omnia, quæ ad Tractatum ratificandum pertinent requisita, nec dubito ea habiturum: accurata enim valdè illa aula est, præsertim in rebus suis. Quia nihilominus mihi innotuit & quidem magnis Authoribus, eas auxiliares Copias tam Ecclesiasticæ quàm Nobilitari obfuturas immunitati, quòd Ecclesias Nostras in Rutheni Schismatis, ritûsq; Græci conversuræ credantur templa, & à Nobilitate contributiones exacturæ, & si mihi constet de incomparabili tua prudentia & innato circa utrumq; zelo, quo factum esse existimo, ut his malis abundè obviàm itum sit & cautum: pro munere tamen Officij mei & imprimis ex motivo conscientiæ, audeo te solennissimè rogare; ut maturè cum legato expostulare velis, quatenus id, si forsan per inadvertentiam vel conniventiam quid tale concessum est, corrigatur & annihiletur: periculosiora enim hoc modo auxilia forent. Habebo ampliorem campû; collatâ prius tecum re in omni confidentia, in futuro, DEo dante loquendi de iis, quæ ad conservandas statûs nostri reliquias pertinere credam. Illud insuper pro certo allatum est, Palatinatus Vitebscensem & Polocensem quosdamq; alios districtus, quantumvis perfolverint summam, nihilominus pretiosæ hospitalitatis immeritas luisse pœnas. Verùm etiam quo ad hoc tibi tuas non defuisse cautelas & præcautiones existimo. Mihi insinuâsse sufficit, nunc iterum iterumq; &c.

LXXXVI.

ANDREAS C. ZALUSKI EPISC. PRINC VARM. ET SAMB.
ALEXANDRO SALLAROLI MINISTRO REGIO ROMÆ DE-
GENTI Lipsiâ 20. Januarij.

Mille annis si tacuisses, nihil ad me scribens, nihil tamen de meo erga te amore diminuissem. Acceptis tamen his literis tuâ manu exaratis, quæ multos jam dies, ob summas, ut dicis, & innumeras occupationes tuas filuerunt, perinde exhilaratus sum, ut ille qui ex diuturnis tenebris tandem fuerit ad aspiciendam lucem emissus, nam & illarum suavitate mirabiliter sum recreatus, & incredibilem ex eo voluptatem accepi, quòd intellexi occupationes tuas, quantumvis maximas, nempe quæ ad utilitatem Regno nostro pariendam spectent, quo nihil nec excogitari quidem utilius, vel salutaris potest, non eam vim posse habere, ut me tibi ex memoria evellant, neque adeo omne tempus eripiant, ut nulla ejus pars reliqua sit, qua ad literas à me dandas utaris. Reciprocum accipe præmisso prius sincero voto, ut hic annus & subsequentes gratiam DEI in te augeant, amoremq; versùs me, qui te amo, & amando favebo, nec ulla tam alta erunt montium juga, tam vasta solitudinis maria, quæ te mihi præripiant, quin locis dissitus tibi adsim, semper affectu, quoniam corporibus non datur. Interim rogo ne tibi calamus plumbeus sit, nec papyrus aurea, quam dissipare formides, quia nunquam tantum scribes, quantum legam libenter, quamvis ex veteri amore, & propter silentium, si quandoq; est diuturnum effectum meo non detrahitur aliquid, nam qui me amari præsentio, non redamare confunderer; amo te proinde non immerito, quia amor sine merito, amo sine fine, quia sine principio me cognosco amatum.

Pernoctavimus ultimâ anni in arce Meyssensi, ubi etiam D. Legatus Cæsareus cum uxore fuit, manè die 1. Januarij ego apud me absolvi missæ sacrificium, antequam incepisset dies, & Dñus Kors ante Regem postquam autem ascendissemus currum, facta est tanta tempestas,

&

& ventus tam inusitatus, & violentus, ut à memoria hominum similis non recordentur. Venimus tamen prandi apud D. Bozen, ubi biberunt satis, 12 noctis Lipsiam, ubi frigidissimum cubiculum inveni.

3. Venerat expresse Princeps de Domo Radivilia vidua, cum qua duas horas impendi in antiquis commemorandis, illa abiit ad Dessau, & ego fui in collatione apud Dominum Thesaurarium Regni, ubi notitiam inivi cum Ablegato Daniae Alfeld, & D. Procancellarius scripsit pro Capitaneatu Raveni in favorem Dñi Subdapiferi Regni, infortunium hoc est nostri temporis, ut tunc potissimum divisi simus, cum expediret maximè esse unitos.

4. Habui permissionem Principes nostros Regios videndi in arce, quod sine lachrymis esse non poterat, barbas longas alunt, & relationē discursuum feci Regi corq; ejus emollire studui, quanquam vix præ dolore lingua mea fari, & mens assequi quibat.

5. Accepi literas ab Illustrissimo Dno Nuntio cum adnexis ad Regem pro eliberatione Dni Episcopi Posnaniensis, cui Rex respondere fecit, ut mittat aliquem, cui consignari possit & Romam duci, libens in id consentiet Rex, alias non.

6. Princeps Fürsttemberg fecit convivium magnum, ubi 60 Personæ erant, ego interim omnes adhibeo modos, ut Principes eliberari possint, & habui consolationem, jam enim Rex inclinaverat pro eliberandis, & jam mihi locutus de modo eliberandi, sed

7. Primo ex consilio, post ex acceptis ex Polonia nonnullis literis quidam in literis ad me vocat, & quòd utilitas fide sit illis antiquior, (quare via impiorum prosperatur? bene est omnibus, qui prævaricantur, & iniquè agunt) ita certè hi scelerum fraudumq; repertores vi cuncta trahunt, multa quotidie gerunt, de quibus præter eos, qui ea conficiunt, nemo quisquam certa cognoscit, pleriq; etiam ne facta quidem esse audiunt. Istis quæ miseratio, & moderatio? qui nihil unquam moderatè, nihil clementer unquam fecerunt. Et quanquam hoc consilium uti nimis crudele à multis improbetur, quia vi mera Rex ex bona intentione exturbatur, tamen intentum habuerunt, quòd in literis suis expresserunt, ut cautè in eo puncto procederet Rex, imò procuratus est articulus ab exercitu, ne dimitterentur, & sic in ipso conatu rerum circumegerunt, irretiverunt Regem plurimis rationibus, & blanditijs calami pertraxerunt illum, & ego validâ tempestate jactatus, ablata spe omni liberationis, mutationem vidi. Ex corde id dolui, cum præcipuè Rex Serenissimus miserit ad me Mareschalcum Fluk, quas rationes allegare possumus D. Stratman ulterioris detentionis, & quòd Rex excuset se Imperatori, nullatenus posse se hic, & nunq; illos dimittere. Quanto mœrore affectus fuerim, nec dicere possum, DEUS, & Pater Domini Nostri JESU Christi, qui est benedictus in sæcula, scit quia non mentior.

8. Fuit magna orta difficultas ex occasione, quòd Rex prius acceperit ad saltandum post Reginam, Principissam Vassenfeldt, quòd Dña Stratman tanquam magni Legati uxor prætendebat, & totum diem insumpserunt in negotio hoc, quærendo modos, ut accommodaretur, ut & sequenti vespere factum, dum enim convenissent, ex condicito Principissa Wassenfeldt ad parvam mensam incepit ludere chartis, & interea post Reginam successit in saltu Dna Comitissa Stratman. O quanta vanitas, sed ab his Epistolaris brevitatis supersedendum judicat,

10. Habuimus conferentiam in domo D. Stratman cum declarati-

A.C. 1705 one, & rationibus, quæ nec fortes erant nec bonæ, sed tantum prætext⁹ ut Imperator sit contentus quod Principes non dimitterentur; Rigidius respondit Dnus Legatus cum zelo negotiū hocce tractans, si forte quod credi nefas dicebat competens desiderium fuerit Imperatoris elutum, nova hæc auribus ejus afferentur; sed post muliebri consilium frigidiorum fecit, interim (non sine lachrymis hoc scribo) Principes patientur, adeo improvisum est, quidquid fortuna efficit, vires meæ pro animo non fuerunt, & magis me velle, scivi aliquid in favorem Principū præstare, quam posse, cum jam antecederet induxissem bonum quandoq; animum, ingeniumq; benignum Regis, non utrum, sed quomodo & quam citò dimitteret? sed cum hæc evanuerunt, dissimulare non valui tristitiam cordis mei, nec pati ultra latere omnem cruciatum quem patiebar, quia vermis ille continuo rodit me, & dolor meus in conspectu meo semper, & quidem aliàs satis tribulor sed ut verum fatear, in nullo æquè, cujus doloris prima & maxima causa literæ ex Polonia ab illis, qui quasi mare fervens quiescere non possunt, quorum pedes ad malum currunt, duplexq; illis lingua atra ex mente sonat, sed venit tandem dies semper quæ malas detegit artes. Quæremus eos & non inveniemus, fuerunt, quasi non fuerint, vetus renovabitur proverbium, magna est fornacula perituros audio multos, & summus iste locus, nullâ non arte petitus vertetur in infimum, non magna gratia completum debet accipi, quod velociter, quam oporteat videtur aperiri. Quæ cita sunt post se pœnituisse trahunt. Onera interim non ferenda felices mali, qui tum præcipue bene esse sibi credunt, dum Principibus serviunt, quorum res præter sententiam eunt, habui à quodam amico recentes literas in hac materia, &c. sed ego nolo serere super spinas, nec plus dico, quia dolor prohibet.

LITERÆ REGIÆ AD CONSILIUM LIMITATUM AD DI-

EM 8 Febr. Dresdâ 26 Januarij.

AUGUSTUS REX.

R Eddidit nobis Lubinius Colonellus noster, exaratas publico nō mine Vestras literas. Non miramur per dilationem rediū nostri, cujus non voluntas, sed necessitas causa fuit, mœrore tantisper præsentem in tempore, limitati Concilij congressum affectum esse, imò hoc ipso velut manifesto illibata fidei, nec mutati erga nos affectūs documento, letamur. Approbamus omnia, quæcunq; ibi prudenter acta intelleximus, nihil nobis gratius, hac desiderij Vestri, quo celestimum adventum nostrum præstolamini, expressione; quia id vobis optatis, quod nos enixè desideramus, ibi magis anhelantes esse, ubi non sumus, quam ubi sumus. Nec putamus majus votis nostris Vestram esse desiderium, quo nunquam divisa ut speramus, membra jungi capiti Vestro anhelatis. Asscuramus ergo, brevi Nos supra spem omnium, voto prius & desiderio, ibi corpore comparituros, ubi continuo mente præsentem sumus. Desideramus nihilominus, affectusq; Vestros invocamus, quatenus æquiboniq; consulere velitis, si impossibilitas ipsa in termino nos comparere non permiserit, tum propter structas, undiq; nobis insidias, tum propter innovatam ordinariam pedis nostri affectionem, quæ
seriam

seriam aliquot dierum exigit curam, ut ad instantes labores, & de A.C. 1705
 fensionem Patriæ, cui impendi, & superimpendi desideramus; sumus
 aptiores, omninò persuasi, Vos passuros minimè & Personam nostrā
 in periculum, & valetudinem conjici in incommodum, cum præser-
 tim toties certificemus, nos omnia facilius, quàm moram perpeti pos-
 se. Ne bona hereditaria aggravationibus opprimerentur, continua
 nostra hæcenus cura fuit, qui immutabilem inclytæ gentis erga nos
 experti affectum, volumus non mercenarium, sed Paternum erga
 eam gerere pectus. Expedimus severas inhibitiones ad Generales no-
 stros; quatenus omni possibili & imaginabili modo hisce bonis securi-
 tatem provideant, cujus etiam nos ipsi, ubi feliciter, & utinam ce-
 leriter redierimus, convenientia quæremus remedia. In reliquo af-
 fectum, cujus ab omnibus accepimus documenta, singulis nostrā be-
 nivolentiā rependimus, & in ulterioribus occasionibus, ut Confæde-
 rationis generalis Marechalco, cujus in Nos & Rempub. ætus sin-
 gularem ab utrisq; meretur gratitudinem, sic toti Confæderationi,
 quæ prædicato à Majoribus usu & more, circa Mitem nostram, &
 conservationem jurium ac libertatum, constanter persistit, repende-
 re conabimur; bonam omnibus & singulis à DEo precantes ex ani-
 mo valetudinem

EXCOMMUNICANTUR INVASORES BONORUM EC-
 clesiasticorum ab Eminent. Cardinale, 30 Januarij

Michàel S. R. E. tit: S. Mariæ de pace Presbyter Cardinalis Ra-
 dzieiowski Archi-Episcopus Gnesnensis Legatus Natus Re-
 gni Poloniæ & M. D. L. Primas, primusq; Princeps. Peril-
 lustribus & Rndmis Illustribus & Adm Rndis Venerabilibus ac Re-
 ligiosis, tum & universo Populo Archidiececesis Nostræ Gnesnensis
 Salutem in Domino, & Pastoralem Nostram benedictionem.

Admissa toties super mala Reipubl. hujus profundior contempla-
 tio nostra, aliam rimari nequit tanti infortunij causam, nisi peccatum,
 quod ordinariè miseros viventes facit; nec sæculorum hæc culpa est,
 quæ propter calamitatem temporum ferrea vocitari soleant, sed morum
 nostrorum pœna, quos à tramite recti aberrantes, & in omne nefas la-
 xis velut habenis, labantes ulciscitur ipsamet Divina justitia. Hinc est,
 quòd permittat etiam potentissima Regna ab alienigenis invadi, premi,
 debilitari, aliquando dirui & incinerari, viros bellicosos ac fortes, viros
 consilij aufert, spiritum suum Principalem, quo tanquam glutine Civi-
 um animos ad unionem suavem, & harmoniam componere & confir-
 mare consuevit, in ira sua revocat, postquam verò chaos, confusio, &
 discordia intestina triste Dominium obtinent, utitur iisdem tanquam
 rigorosis suis instrumentis ad punienda delicta nostra. Nonne ejus rei
 satis, superq; elucet veritas, dum Regnum istud vicinis olim formida-
 bile, nunc ita contemptum, & oppressum, ut pristinæ libertatis & glo-
 riæ vix jam umbra supersit. Eædem nobis erant, antequam fuissent di-
 reptæ, ut ante opes, eædem vires, quæ & superiori ævo, adeò evidens
 est, non degenerasse nos ab Antecessoribus nostris, sed tantum ex gra-

A.C.1705 tia Omnipotentis, ob flagitia nostra, quæ cum illa commanere nequeunt, excidisse, idem fervor, idem sanguis, idem robur, sunt & nunc viris animæ capaces mortis, nec ignominiam hanc, quam sibi vident inferri ab externis potentiis usq; ad tam longam, & scandalosam parentur ignaviam, nisi Divinæ benedictionis frustrarentur suffragio, respicere tamen & intelligere protervus impedit animus, imò quod audire dolentius, etiam nunc, dum bella fremunt, pestes grassantur, emuncta plebi, ultimaq; vitæ suæ sustentacula peridenti crudelis minatur famæ: his non attentis omnibus, quamvis patientissimis infallibilis iræ Divinæ signis, bibunt sicut aquam iniquitatem, ac si non essent Christiani & Catholici, sine illo timore Domini non tantum in proximos sæviunt, per cædes & rapinas, quidquid ad illas potest esse obvi in urbibus, pagis, villis, domibus, sed etiam Ecclesiis & Sanctuarijs DEi non parcendo, inferunt manus, ut hoc in plurimis Archidiœcesis nostræ sacris locis horrendè practicum, nobisq; delatum est, rapta ex illis esse effractis Ciboriis sancta vasa, ejectoq; malitiosissimè super terram Sanctissimo Corpore Dñi nostri JESU Christi. Pyxides aureas & argenteas cecidisse in prædam detestabilem adeò, ut non tantum de gentibus, verum etiam de indigenis possit justè dici: Venerunt impij Domine, polluerunt templum sanctum tuum. His itaq; meditationibus ægrum ac sollicitum exercendo animum nostrum, judicando simul, quod justa hæc super nos sacra Nemesis aliter leniri, & mitigari nequit, nisi per humiliationem, pœnitentiam, supplicationes ac devotiones fidelium, ad quas fervidius peragendas ipsummet quadragesimale imminens incitat tempus, tum etiam per aliquod adinveniendum serium & efficax medium corripienti hanc effrenem licentiam, reducendiq; ad saniolem mentem illos, quorum impietas discrimine nullo Divina & humana conculcat Jura, consultum esse duximus, recurrisse hac in parte ad Pastoralem animadversionem nostram, uti quidem autoritate ejusdem mandamus per totam Archidiœcesim nostram imò ut omnes Concionatores toties quoties prædicaturi sunt Verbum Divinum, commendent seriò universo Populo placandam Divinam Mtem pro pace, & unione animorum, ut ex fructibus & effectibus his possimus mereri misericordiam, & videre opera Domini, quæ posuit prodigia super terram, auferens bella usq; ad finem terræ, atq; ad hanc intentionem ultra ordinarias supplicationes, ex ambonis suis saltem diebus Dominicis, & diebus festis, si non quotidie tria Pater noster, Ave Maria, & unum Credo, aut ipsi recitabunt cum populo, aut dicenda insinuabunt. Distinctè autem Confessariis præcipimus, & autoritate nostrâ injungimus, ut super pœnitentes, illorumq; laxam, ac divagatam conscientiam diligenter animadvertant, & omnes, quicumq; manum miserunt ad iniquitatem, & raptores fuerunt rerum sacrarum vel profanarum, aut de Ecclesiis, Monasteriis, locis pijs, aut de bonis quibuscunq; & à quocunq; possessis, etiam circa confessionem Paschalem tales absolvere nolint, & dimittere peccatum, donec restituant ablatum, imò nec in ipso mortis articulo, nisi visa impossibilitate restituendi. Tum circa lectionem Bullæ Cœnæ Dñi itidem omnes generaliter, quicumq; ordinatione vel executione, consilio vel manu ausi sunt Ecclesias, Monasteria, & alia Divino cultui dicata profanare loca, immunitatem illorum tollere, deposita qualiacunq; illa fuerint, investigare, quærere, fodere, & unà cum sepulchris mortuorum eruere tales sine quavis exceptione mandamus sub eodem die & actu, tanquam putrida & scabiosa membra, à consortio fidelium abscondere,

dere, in illosq; fulmen Excommunicationis vibrare, & totaliter pro excommunicatis & ab Ecclesia DEI abjectis declarare, uti quidem & nos aucthoritate nostrâ per præsentis omnes tales pro excommunicatis declaramus. Quod ut ad notitiam omnium facilius & celerius pervenire possit, literas hasce indilatè publicari, & ad valvas Ecclesiarum Archidieceps nostræ Gnesnen: affigi desideramus & injungimus. Dab:Gedani.

COPIA LITERARUM REGIS SUECIÆ AD CARDINALEM
PRIMATEM REGNI POLONIÆ Ravicij I Februarij.

NON parum in ea opinione, quam de prudentia & integritate Eminentia Vrae semper habuimus, nos confirmavit Serenissimus Rex Stanislaus, cum ab itinere Prussiaco redux rationem consiliorum ejus nobis explicuisset, ipsemetq; pro restaurando tractatu cum Republ. sat tenerrimè egisset. Visa res hæc est tanti momenti, ut neutiquam permittendum nobis existimarem, quò minus Excellen: Vrae, quæ nostra circa eandem sit sententia dilucidius indicarem, & primum quidem, cùm ea cupidè amplectamur, quæ sedandis huiusce turbis, solioq; Electi Regis constabiliendo inservire videbuntur, moram constituimus facere nullam, quin tractatus Varsoviensis, qui improvisò est abruptus calu, quàm primum restitueretur, eo fine atque proposito, ut abolitis ibi omnium desideriorum seminibus Reipub. Polonia securitatem consequatur plenissimâ in omnibus, quæ ad jura ejus, libertatemq; avitam, ac limites Dominiorum ad eam ante inceptum per Regem Augustum bellum spectantes integerrimè conservandos pertineant, & æterno fœdere, inter Reges Regnaque Sueciæ ac Poloniæ redintegrato arctior armorum societas contra communes eorum hostes constituatur, cùm hoc nostrum semper fuisset propositum, in eodem permanere constanter decrevimus, simul ac intellexerimus nominatos esse eos, qui Reip. nomine, huic negotio interesse debent. Nos quoque absque mora designandos curabimus, qui in loco conventui huic designando maturè comparebunt. E re quoque existimamus ab Eminentia Vestra & Illustri Mareschalco publicari ejusmodi literas, quibus reliquæ Provinciæ, quæ nondum accesserunt ad societatem fœderis Varsoviensis invitentur, atque ad ea perficienda convocentur, quæ ad pacandam Rempubl. spectant, in quibus ad oculum ipsis exponi possit præsens rerum facies, ac discrimen Poloniæ, tum quoque non aliam superesse rationem ex his malis eluctandi, nisi ut discordiâ amotâ Reipub. universæ membra in unum corpus cœeant. In eum finem tractatum, qui Varsoviæ est sub auspiciis Electi Regis inchoatus, nos continuare velle, inque illo Regis securitati in posterum cavere, ac prospicere. Omnino enim persuasi sumus hæc ab Eminentia Vestra, & Mareschalco decenter exposita, longè majorem vim in animis ordinum Reipub. habitura esse, quàm si nos ipsâ operâ defungeremur, qui neque videmus partibus nostris convenire, ut ves-

A.C. 1705 teribus incerta judiciis, existimationem nostram committamus, postquam tot scriptis hætenus publicatis ad tædium usque propensissima nostra in rem communem studia manifestavimus. Quodsi illi, quorum maximè interest Patriam suam liberari, integerrimam nostram intentionem destituere perseverent.

Nos quidem propterea minimè ab instituto nostro abducent, sed impellent magis ad alias circumspiciendas rationes, quibus bellum hoc explicari posse æquè confidimus, sibi verò suæque Provinciæ acceptum referent, si tunc fortè cum majori eorum incommodo illud terminari contigerit, quò magis etiam speramus Eminentiam Vram, quæ industriam nunquam satis laudandam ad communem casum hætenus contulerat, neque nunc oneri se velle subtrahere, verùm tantò majori curâ, studio, ac diligentia eniti, usque dū in utriusque Regni emolumentum præclare ab ea suscepta sunt, lætum, optatumque sortiantur eventum. Quam cœlesti gratiæ commendatam rem gerere, quàm prosperimè vovemus.

EJUSDEM Ad MARESCHALCUM EJUSDEM CONFOEDERATIONIS. eadem.

Quanquam non dubitamus, quin ex responso, quod per Senatorem Comitem nostrum Piperedi curavimus, Dnationi Vrae perspicuè innotescat, quàm prona simus voluntate ad continuandum illum, qui cum Republ. Polona Varlavizæ inceptus est, Tractatum, nihilominus tamen cū ad nos reversus Sernmus Rex Stanislaus, idem nuper à fœderatis expeti docuisset, nostris quoque literis confirmare volumus apud nos nullam fore moram hujus rei restaurandæ, quàm primū à parte fœderatorum accipiamus nominatos huic fini esse legatos, locumque designatum, ubi conventum redintegrari posse censuerint. Quā occasione utilissimum fore ducimus, si Eminentissimus Primas & Dominatio Vra, qui fœderatorum Reipub. repræsentatis, publico diplomate cæteros status, qui à corpore Reipub. secesserant, ad societatem fœderis Varlavien-sis, eaque conficienda, quæ ad pacem pertineant, etiam nunc & postremò allicere, & convocare tentent, ubi præsens Reipub. conditio, nostraque ad eam juvandam intentio, diductius explicari possent, præsertim verò, quòd in futuro Reipub. tractatu, ita cavere, & prospicere parati sumus, ut compositis hisce moribus, tranquillitatem, securitatem, jurium suorum nanciscantur plenissimam, quemadmodum hæc fusius ad Eminentissimum Primatem perscripsimus, existimamus non vanam omnino fore hanc admonitionem, qui si susque deque abeant, sibi ipsis postea imputabunt. Si aliam queramus viam destinata nostra prosequendi, cujus facti fortasse illos postea magis pœnitebit. Cū verò in Dominatione Vra & summum in causam communem studium, & industriam plurimam fuisse inve-

invenerimus, spem quoque indubiam nunc concipimus eandem os
nus humeris suis susceptum non citius deposituram, quam liberatae
Patriæ suæ consummatam reportet gloriam, quam sic non defore
prævidemus, si ultimum hunc actum pari, qua cœperat, prudentiâ
ac ardore terminaverit. Nos eam interea bene valere jubemus, &
rem prosperè gerere.

LITERÆ REGIÆ Ad SUMMUM PONTIFICEM 27. Martij

POST oscula Sanctissimorum pedum, & Regni mei humillimâ
recommendationem. Nunc verè scio, videoq, signa non obscura
nec dubia Paterna in me voluntatis. Securitas mea quoquo mo-
do diligentissimè procuratur. Casus exactissimè pro mensura pericu-
li prævidentur, & casibus opportunissimè providetur. Obviâ fuz
turis malis jactum anchora antevertendo, non minùs à maximo,
quàm ab optimo Patre itur. Reverendissimo in Christo Patri Nuno
tio dignissimo omnis animadversio injuncta, utrum scilicet aliquis
ex Episcopis in Regno inveniat qui ante solis occasum Orientem
adorare velit? Num sit aliquis, qui audax unius inceptum prosequi,
& ad coronationem accedere præsumat, quam jam malitia inimico-
rum meorum, si tot modos, quot conatus haberet, perfecisset. Casu
quo reperietur aliquis, ut comminatione fulminis Vaticani abduca-
tur, & detineatur. Omnia ergo Sti V. cùm me debere profitear quid
ei amplius jam debere possum? Tantùm jam obstrictus, obligatus,
& devinctus sum, quantum persolvere in mea amplius non est po-
testate. Unicum mihi illud restat, ut pro hac cautione, qua ubi quid
timetur multum prodest, & pro hac immensa & plùs quàm Paterna
solicitudine de genu agam, quas referre nequeo gratias. Cura una
& unicum id studium mihi erit, ne moriar Sanctitati V. ingratus.

Accedit & alius recens sed non minor Sanctitatis V. favor, cùm
id, quod optavi, supplexq, petij obtineo. Quod scilicet Rdmus Nun-
tius Spada, non tam ob tituli munerisq, dignitatem, quàm ob insig-
nes, magnoq, Præsule, & tanti Pontificis Ministro dignas virtus-
tes, qua illum aequè, ac honor characteris, quem portat, illustrant,
mihi desideratus, & omnibus exoptatus ex beneplacito Stis V. ma-
nebit meo in Regno, donec tanquam melius sciens negotia incepta cū
Illmo Cardinale Primate, & Rndo in Christo Episcopo Posnaniensi
ad finem perduxerit perfectum. Et hæc sunt beneficia Stis V. Pater-
na, qua me in adversis sustentare solent, & pro quibus acclinis pro-
fundissimâ cum veneratione, quam mihi, nisi mors adimet, nemo,
debitas gratias, quarum nullus esse debet finis, humiliter iterum red-
do, Deumq, in omni corde, & in omni anima mea precor, ut det
Sti V. longævam vitam, mihiq, filialis, quam unicè in votis habeo,
obsequij gloriam. Cujus pedes Sanctissimos demississimè exosculor.
Dabantur Dresda &c.

CARDI-

A.C. 1705 **CARDINALIS PRIMAS ANDREÆ EPISCOPO PRIN. VARM.**
REGNI CANCELLARIO 28 Februarij Gedanô.

Quanquam nos hoc tempore æquavit calamitas publica, de qua quivis habet satis, & quisq; suos patitur manes. Quæcunq; tamē potui, ex affectu meo in hac vicinia in favorem Episcopatus Varmienſis feci; Regi Sueciæ scripsi, cum Generali Steinbock & Soldano Commissario contuli, petii, obligavi, ut vellent super hunc gregem, cujus & ego quondam fui Pastor, aliquam monstrare compassionem. Notabilis proinde facta est moderatio, uti ex tuorum literis intelligere potes; verum quidem est, quod & hoc grave erit exhaustæ solvere plebi, minimumque onus redactis ad incitas pro maximo, tanquam, si quis frequentius venam aperiendo, ad extremum sanguinem & vitam amittit; Sed quandoquidem aliter fieri non potest, pro remedio debet esse patientia, pro testimonio autem cordis mei promptitudo, tantum vadens, quantum valens. Cum verò hæc omnia pro te, & ex bona amicitia facio, eò majorem mœrorem habere debeo, quod ex tua parte videaris diversum cor ab ore & calamo habere.

RESPONSUM EIDEM AB EODEM II. Martij Dresdâ.

Habui jam notitiam à meis, & parabam debitam tibi gratiarum actionem pro ea cura & solitudine, quâ afflictos, & sub immiti gravioribus malis pressos jugo tandem respexit Subditos Episcopatus mei. Utinam antecederet eum meruissent respectum, dici posset cum Evangelio; Domine, si adfuisses protectione tuâ, non abivissent nunquam reparabili damno tot villæ cum fumo, non fuisset conversa tam pulchra Diœcesis sub felici Regimine tuo in Arabiam desertam. Sed, quandoquidem sic placuit Domino dominanti, ut manus ejus nos tangeret; nos humiliamur sub potentia ejus, & ego pauperem, & nunc sine fine, sine modo, jussis aggravatos contributionibus magis defleo, quàm propriam meam sortem; nihil autem interest, unde venerit, quod omnino venit. Quæcunque tu pro conservandis reliquiis his facis, & facies, uti apud Dñum DEum meritum, tibi æternam memoriam, à me non morituram habebis gratitudinem.

Quantum ad interesse, rogo te imprimis, ut melius de me judices; Quod enim lingua confitetur, tenet affectus; ambiunt defendi, qui timeant vinci, non accusationem confirmo tacendo, sed despicio. Tot enim melioris ævi transegi annos; nollem eam post me relinquere memoriam, quæ nec ætatem, nec Natales, nec characterem decet. Si scripsi Dño Grata, & aliis, cum ad liquidum veritas explorabitur, non invenies, quod verba mea operibus sint contraria. Infelicitas ævi hujus, quod optima pars societatis humanæ è medio tollatur, quando literarum nulla securitas. Quia, si Dominus Grata meas primas literas jam pridem scriptas recepisset, non incidissem in eam suspicionem & censuram, à qua me DEUS, qui veritatis clavem in cinctura portat, aliquando eliberabit &c. Interim spem habeo non dubiam, quod Domine Palatinæ tandem aliquando cessabit persecutio Personæ, & Domus meæ, quando jam illud effecit, quod publicè toties promittebat, quod scilicet & me, & totam Domum meam ad ultimam reducere intendebat paupertatem. Cecidi ego, cadet, qui sequitur.

Dolor tuus contra me defacto impedimento liberationi Palatini
 Len-

Lenciciensis esset justus, si esset; jam te toties sinistrae hae relationes frustratae sunt, consideres, quomodo res fiat, non quomodo fieri dicitur. Post calumniam natam turpiore & apertiore calumnia nemo petitus. Non judices ex rumoribus vulgi de me, nec credas id, quod est alienum ab ingenio meo. Perfricent frontem, si quam habent, maledicti hi homines, qui pingunt, quae pingi non possunt. Non mihi scribo panegyricos, quia naturaliter à vanitatibus abhorreo; sed securè scribere possum, quod nemo me diligentius, sincerius, & ferventius usque ad importunitatem circa hanc egit liberationem. Si verò usq; nunc fortunam & efficaciam non habui, apparet voluntatem DEI non fuisse. Hanc proinde justificationem in sinum tuum depono, & cum debito Personae, & dignitatis tuae cultu maneo &c.

CARDINALIS PRIMAS ANDREAE EPISCOPO PRINCIPI
VARMIIENSI REGNI CANCELL. Gedanò 31 Martij,

ACcepi heri ex literis Palatini Lencicien. indubium Nuntium translationis ejus de Stolp Dresdam ac spem plenioris libertatis, habui ab eodem informationem sollicitudinis & efficaciae curae tuae pro hac liberatione. Unde tibi debitas effundo pro hac charitate gratias, quod infortunium innocentis Senatoris tanquam Minister, afflictionem & senis, & valetudinarii tanquam Pastor respicere dignatus es.

Cum considero causas, propter quas Patria nostra in ruinam inclinata est, propter quas rationes tota Natio nostra in contemptu apud exterarum Nationes, aliam rationem non invenio, nisi illam, quod homo homini factus sit lupo. Mordemus nos ad invicem, devoramus nos, & attraximus ferissimos, qui nos consumunt, secundum Prophetam; Devorans devorabitur; Et quia sermo ad prudentem; Prætereo præterita, quod malè factum est corrigendum, non viribus, quia in his deficiamus, sed animorum concurlu & glutine, abalienatâ à nobis invidia, æmulatione, & omnibus præsentis temporis venenis.

Quantum ad me multa sum passus, sed necdum sepultus; si possem invenire viam salvandae Patriae, irem etiam duplicatis tormentis. Sed necdum video terram mollem, in qua possem securè figere pedem.

Condoleo & tuis passionibus & ruinis, & maledico homini, per quem scandalum venit, ac proinde maximam prætendo à te mihi factam injuriam, quod cogitare potueris me aliquid ad eam addidisse. Maxima inimicitia, maximum pretium non me induceret ad eam Castellani Polanecij mentem, in cujus literis Anti-Christi legere mihi contigit opus; Populi lachrymis se pasci, audito eo, quod iterum aliquot villas combusserunt Sueci in Varmia; Scripsi Regi Sueciae semel, bis Comiti Piper, bis Thesaurario Litvaniae sat patheticè; Aliis punctis respondens; ad hoc nec verbum. Instigasse eosdem scio, contra Civitates, ut comburerentur, & tamen hic ignis extinctus. Aggravatio & nunc magna, quanquam notabilis ab anno præterito alleviatio. Jam alium Cursorem expedit Generalis Steinbock, quod impossibile sit indictam congregare summam, quod in Varmia non amplius reperiantur pecuniae. Non tantum Varmiam Sponsam quondam meam amantissimam; sed, si possem etiam incognitos defendere, id ex anima libenter facerem, cum non possim lachrymas & miseras hominum inspicere. Diutius hunc Articulum tractavi, quia mihi est gravissimus. Rogo te, ut Christianè de me judices, cui interim interesse Palatini Lencici: iterum iterumq; recomendo, & me dico in affectu &c.

RES-

IN ipso septimanæ sanctæ cursu humanissimas tuas accipio literas; unde ante omnia in vota eo, eaq; ex intimo cordis deprompta, ut Dñus dominans resurgere faciat ex tam gravibus miseriis afflictam Patriam tuâ manu ductione, quia ego (nunc primum veteris voti reus) credo, quod nihil melius optari possit, quod & tibi gratius, & magno nomini esset convenientius.

Tale quale obsequium Palatino Lenciciensi exhibitum amplam habet mercedem ex beneplacito tuo, & majori gratitudine quàm merebar.

Tangis acum pro summa prudentia, & verum malorum nostrorū demonstras fontem; quæ grata sunt nobis, haud difficulter ea nobis persuademus. Nam etsi Patria pro se loqui posset non aliis verbis, quàm his uti vellet; Sumus & ad extra circumdati, & ad intra inimicis repleti, quia ego quemvis, qui mihi mea abripit, inter hostes numero, quamquam in fronte amici, colligati, aut auxiliarij præferat nomen.

Devenimus jam fermè omnes; quia, nescio, an aliquis inveniri possit ab hac calamitate liber, ad extremam ruinam, & brevi dissipatis mobilibus, quæ magno labore colligi debebant, deerunt media ulterioris vitæ, & interim tanquam in integra pace, tanquam id nos non tangeret, nihil agimus, nihil cogitamus, nihil facimus, nisi id, quod Chrysostomus Sanctus ad casum nostrum ante aliquot centenos annos scripsit. Feriorem feris vivimus vitam, non mordentes tantum, sed & vorantes alios alii, & propterea etiam, quia charitas, quæ ædificat, abest, cadunt fortunæ nostræ, cecidit omnis spes meliorum. Prævidi ego hæc quam parvus homo, & ab eo tempore, quo infelici hoc Ministerio angarizatus sum, scripsi, rescripsi, petii, repetii, feci, quæcunq; potui, ut omnes ad Regem traherem, Regem ad quemvis alligarem. DEUS mihi testis, in cujus conspectu omnia nuda, quod sanguine proprio redimere voluisssem hanc gemmam, ut in unione cogitarem, & averterem proxima, & imminetia mala, inventi sunt inimici homines, qui partes diaboli in se assumpserunt, triticum in zizania, bonas intentiones aliter vestièrunt, & me tot invidiis, & tot tanquam metam exposuerunt sagittis, ita, ut nemo sit infortunatior, quando alii per intervalla saltem, ego continuo patior cum eo majori cordis dolore, quod pauperes homines propter me, & sicuti illi, ita & ego coram DEO patimur innocentes & patiemur, quamdiu intra nos fuerit, dæmonis operatio; nam multi, qui de leonibus securi sunt, de hominibus pertimescunt, tanquã, si fugiat vir à facie leonis, occurrat ei ursus, & ingrediatur domum, & innitatur manu suâ super parietem, & mordeat eum coluber.

Per amorem DEI Princeps Eminentissime, quamvis terra non sit mollis, sume audaciam, & in duram accede, ad defensionem hujus Patriæ, pro gloria Primatûs tui. Graves morbi vel temerariis medicamentis curantur, licet inauspicatus est medicus, qui enecando scit mederi; consilium tutum celeritas faciet, temerarium morando fiet. Non dubites, quod deesse debeant sequaces, quia jam omnes notabiliter in his infortuniis nauseant. Monstres & mihi iter; curram viam mandatorum, & sincerè hoc negotium aggrediar, etiamsi deberem esse Anathema pro fratribus, ut tuum de me iudicium sustineam, & aliqua saltem ex parte respondeam illi expectationi, quam de me boni omnes habere debent.

Peto veniam, quod id scripsi, quod à Classico Authore magni in vulgo nominis, sed non pretii magni, mei habuerunt, & qui aliquando illud

illud ipsum coram iisdem, qui dixerunt, testari genuinos terminos, quibus est dictum, non intermittent. Scripsi autem ea, non quod perfectè crederem; nosco enim Christianum cor, & bonitatem tuam; sufficit ergo mihi verbum tuum, quod cum indicibili satisfactione mea recipio. Vindictet DEUS injurias pauperis populi, & super hoc, qui erat Author facti, & qui erat rumoris hujus, & delationis itidem Author. Castellanus Polanecensis ea egit in Polonia, quæ hostes in alieno facere solent Regno. Nihil est crudelius, quàm Rempub. corrodi ab ijs, qui in eam parum labore suo conferunt; propterea etiam sæpius affligitur, & non resipiscit, quia & nunc non de præda hostis, sed de lachrymis pauperum, cum omnia perdiderit collecta. damna sua recompensat, ut mihi scribitur ex bonis meis, & fratrum meorum hæreditariis. Finio, ut incepti infinito voto, ut DEus inspiret tibi ea consilia, quæ tibi gloriam, nobis salutem adferre possent &c.

CARDINALIS PRIMAS ELECTOREGI STANISLAO 7 Apr.

EXpecto, sed nescio, si venient illa magnalia, quæ promulgabat hic Kaweczinscius Culmensis Succamerarius, sicuti de minori Polonia, ita & de Rege Sueciæ, quæ dare impulsus debebant ad prosequendas operationes. Videndo verò tam publicas, quàm privatas calamitates semper magis in auge, & unum semper sistema Sueticum, jam & Mareschalcus confœderationis, & ego cerebrum perdidimus, quomodo collapsa firmiori debeant restaurari consilio. Offert Rex Sueciæ per literas tractatum pacis, credimus, quòd erit ad vota & solatia publica, & ego literas ad nos scriptas statim per copias publicassem per extensum, si illa verba ab initio non fuissent, folioq; electi Regis constabiliendo interservire, quæ non judicavimus congrua ad alliciendos eos ad unionem, qui non habuerunt partem in hac Electione, & quibus prius instillandus est affectus, & confidentia ad Regem, & post suaviter inducendi.

Quòd illi Palatinatus tyrannidem Saxonum fastidiunt, & quòd libenter commutarent Dominum, veritas est incontestabilis, sed hoc non indicat accessum ad illum, quem violenter sibi impositum credunt, & si tota Respub: cum fuisset in statu vitandi primo anno in primis viribus, in recentibus erga Regem suum disgustibus, hanc, quam nunc patitur calamitatem, faciendo id, quod Palatinatus Majoris Poloniæ ferrius inceperunt, & tamen abstinuit à dethronificatione, non ob aliam rationem, quàm quia hæc imperabatur magis, quàm suadebatur, idem & de præterita Electione, quæ imposita magis quàm proposita, evangelizandum prius, ut acceptetur.

Scribit Mtas Vra, quòd in Palatinatu Cracoviensi arma in manibus teneant, fortè ideò, ut exeuntes Saxones illa non eripiant, & ego heri inde habui literas, quòd in illis partibus neque de Confœderatione cogitant, imò prius ibi sperant Saxones, quàm Suecos. Palatinus Belzensis in Breszani, Kijoviensis in Stanislawow sedent. Optando proinde veræ meæ in Mtem Vram inclinationis dare documentum, liberius scribo, ut Vra Mtas hoc in corde suo impressum habeat, quòd non omnis, qui dicit Domine, Domine, sincerus ejus sit amicus. Scripsi ego, & misi in diversa loca, communicavi excerptum literarum Regis Sueciæ, undiq; mutua ac jeiuna responsa, ac proinde suspecta, quia si illi, qui habent inter se societatem animorum, sincerè cogitarent in commune bonum

A.C. 1705 bonum agere, nonne me convenire deberent in securitatem & auctoritatem agendorum..

Multa Mtas Vra aggressa est, quòd se nominare permiserit. Si hoc in Italia, vel alibi esset, nonne sacrificarent omnes consanguinei, colligati fortunas suas pro manutentione Mtis Vrae, & hic movit ne se vel unus in auxilium, vel saltem ad consilium. Marechalculus confœderationis vult extradere universales literas pro reassumptione consilii & congressus, pro quo si non venient, nisi Palatinatus Majoris Poloniae, quæ utilitas inde? & si adhuc non comparebunt, nisi illi, qui nominarunt, quis honor? Si verò violenta adhibere volumus, quæ securitas regnandi ulteriori tempore? debetne Polonia, teneturne pati infinitum? Si Generalis Strombeus loco Vielunii Cracoviae confisteret, nonne melius foret, & convenientius? nonne faciliteretur reassumptio congressus? Accessus Provinciae Minoris Poloniae? fuissentne ita fortes Saxones, qui extractis tot millionibus, illas deferunt partes, & versus Litvaniam movent. Succedent, credo, Sueci, sed pro parva consolatione, quia jam emunctus populus. Vidit hæc ipsa Mtas Vra, si mala consilia dabamus, acceptatumne est vel unum? Generalis Reinschildt nonne aliquot menses inutiliter consumpsit eundo Varsoviâ Cracoviam. Necessariò Rex Sueciae versus Leopolim movit, cum potuisset utroq; latere constringere inimicum. Nonne consilium erat? ut in aliam Vistulae partem aliquem exercitum ordinaret, quâ Rex AUGUSTUS in ruinam & confusionem nostram intravit. Datusne est succursus Palatinatibus Majoris Poloniae in tempore? & tamen legendæ sunt declarationes Regis Sueciae, literæ ejusdem, quomodo fortunas & bona nostra secura reddidit. De me loquor, & illis, qui ad me pertinent. Perii ex integro, sicuti in honore, ita & in fortuna; perierunt mei proximi, & libentius perire vellem & ego, & alii, si hanc fatalem non acceptassemus protectionem, quanquam maxima à Saxonibus fuisset tempestas. Pessimus Castellanus Polanecensis, scit Vra Mtas, quomodo omnia bona ruinavit, nunquam restauranda ævo meo. Punitus quidem à Suecis, sed quid mea interest? quando desunt boves poscentibus agris? Palatinatus Ravenfis ad maximas condemnatus contributiones, & ipsi non habent, quo vivant, & ita, quod non consumpsit Bruchus, consumet Locusta. Quæ omnia considerationi Mtis Vrae defero, verbo, concludo, nuce Iliadem. &c.

MANIFESTUM PRINCIPIS RAKOCII, in Aprili.

Universis orbis Christiani Principibus, & rebus publicis, nec non aliis quibusvis præsentibus has patentes nostras visuris, lecturis, & legi audituris Nos Franciscus Rakoczy electus Transylvaniae Princeps &c. Salutem à Duce justorum armorum DEO, & felicia quævis.

Sciat orbis Christianus eam unicè animi nostri, Confœderatorumq; Hungarorum fuisse semper, esseq; in præsens propensionem, ut, quemadmodum susceptis justis armis oppressas sub rigido Domûs Austriacæ regimine florentissimi olim Regni libertates redintegrare, pristinaq; dulcissimæ Patriæ quietem reducere coacti proposuimus, ita à pace nunquam alieni mitiora quoq; media ad consequendum felicem rerum eventum lubentes admittamus. Proinde scopo huic firmiter insistentes, licet Divina Nemesis inter tot circumadjacentes, ac in ipsis Regni quoq; visceribus constitutos hostes, æquitati causæ nostræ secundis successibus hætenus faverit, ac ulterius quoq; sub decursu temporis autumnalis felices

lices exercituationi nostræ sperâssemus progressus, nihilominus quàm primum per Deputatos Commissarios denuntiata passimq; divulgata Domûs Austriacæ de reddendis prostratis Regni libertatibus, eumq; in finem subsequens armistitii tractatu, propensa mentio nobis innotuit; summâ animi alacritate sperantes, tantæ felicitatis, quam armis restituere studuimus, mitioribus mediis per armistitium, itemq; secuturum pacis Tractatum, futuram consecutionem, non modò victricia arma à persecutione ingratae Regno Rascianorum gentis reduximus, sed & insuper post occupatam insultu sanguineo civitatem Szegiediensē, quamvis omnes apparatus bellici eò erant directi, ut ipsius quoq; fortalitii expugnationem quàm primum DEi benignitate subsequens sperâssemus, nihilominus ut proclivem in rebus tractandis sinceritatem nostram magis, magisq; luculentiorē reddere queamus, opus inceptum irritum linquentes, ac ab oppugnatione dicti fortalitii non sinē modica armorum progressûs jactura sponte supersedentes, ad concursum in oppido Gyongios celebratum sub spe in dies meliora pollicente, iis cum Ordinibus ad officiales bellicos datis venimus, ut ob commodiorem Tractatûs armistitii effectuationem ab omni hostilitate offensiva sese arceant. Hunc infucatum in susceptis negotiis bono fine terminandis candorem nostrum declarantes recepimus Armistitii puncta ab aula Cæsarea per Deputatos Commissarios nobis exhibita, quibus controversivè ab utrinq; disputatis, ac in uberiores considerationem sumptis eam quoq; actam sinceram superinde dedimus replicam, ut non modò omni belli jure acceptabilis sit, sed & ex ea unice propensam ad reductionem pacis intentionem nostram orbis Christianus dignoscere poterit. Par nobis indies de pari Domûs Austriacæ contestando erga afflictam hanc gentem studio & candore fuit fiducia, eumq; in finem Ordines nostros de prolonganda armorum suspensione reiterantes speravimus, Cæsareum quoq; Generalem campi Mareschalcum in parte Trans-Danubiana quietē substitutum, neq; ulterius progressurū. Verum enimvero non curatâ inceptæ negotiationis sinceritate, ostensâq; in præmissis proclivitate nostrâ, dum opportunum ad effundendam hostilitatem tempus seperesse ratus, non modò totam plagam Trans-Danubianam nullis sibi obviis armis, solo prætextuoso astu occupavit; sed & post communem, eiq; præcognitam mutuò tractatæ armorum suspensionis publicationem; fortalitia quoq; Simon, Tornya, & Sziklos præsidiis nostris munita contra solitū activitatis modum ad partes suas traxit. Hinc plenis justo dolore animis circumspicientes tot documentis probatam sinceritatem nostram contrariis eludi artibus, quamvis hostilem in Austriam irruptionem permittentes profligatâ Cæsareæ militiæ ibidē repertæ certâ parte amplior quoq; victoria armis nostris cesserit; nihilominus exmissi ab aula Cæsarea Commissarii præfatum campi Mareschalcum substituisse referentes, Legatosque Serenissimæ Magnæ Britanniae Reginae, ac præpotentum Confœderati Belgii Minorum. Ordinum pro medianda negotiatione ad nos venire notificantes occasione bellici progressûs tam opportunam è manibus remissam, denuò quoq; duplicatis Ordinibus determinatam suspensionis armorum prolongationem extendendam toties resolvimus. His præmissis tantâ sinceritate peractis, divulgata erat passim per totum Regnum communi rumore longè lateq; in exteris quoque Regnis sparsa ea opinio, quasi Domus Austriaca æquitate causæ nostræ cognitâ realem quoq; pristinae tranquillitatis, mutilatæq; Regni libertatis restitutionem exoperari velit, eo supposito firmiori, quòd intercedente

UNIVERSALE.

AUGUSTUS II. Omnibus & singulis quorum interest, notum facimus, Justo DEi judicio (cui pro omnibus sit honor, & gloria) blandæ ad speciem, fictoq; amicitiae nomine palatiæ Suecorum pollicitationes, à quibusdam prævisæ, sed pro levibus judicatæ, ab alijs susceptæ, ita jam prævaluerunt, ut zelosus ille Defensor, quidquid in hac Patria florens fuit aut splendidum, abstulerit, & hæcenus auferre non desistat; verum etiam servili impostitâ formâ, plus, quàm juratâ obedientiâ, in gente libera, extorsit, à malitiosis, quasi libertatem quærentibus, Electum ad coronam; hunc & non alium, nunquam auditis, in hac Republ: modis. Et quod atrocissimum est, fidemq; superans sæculorum, quod convocato, velut tibiâ dulcis Tractatu pacis, congressu Varsaviensi, æterna bellorum excitavit incendia, dividendo fratres à fratribus, filios à parentibus, subditos à vero legitimoq; Principe, quo nihil in Monarchiis Regnisq; fatalius & abominabilius, omnes furiae possent concitare. Jamq; non cessante quorundam hujus Patriæ filiorum nequitia, in eo infortuniorum gradu consistere Respub. coacta est, ut nec modus consulendi, succurrendiq; supersit. Palàm est omnibus, quantum statibus M. D. L. post constitutionem Comitiam ad unius tantum anni spatium, conditam, necessaria sint consilia, non tantum ad conservandum, firmandumq; robur domesticum, verum etiam ad providenda matura præparamenta contra hostem, si eò, (ut non vani spargunt rumores) gressus direxerit. Non potuimus nihilominus post longam deliberationem, in hisce turbinibus alium adinvenire consulendi modum, nisi ex singulari nostra bonitate & clementia dispensando, & indicendo iisdem M. D. L. statibus, exemplo à Majoribus nostris practicato, generalem duarum septimanarum convocationem, quam præsentibus literis nostris, paternè dispensamus, & indicimus, habendam in loco designando die. Mensis. anni præsentis. Ad quam, ut inelyti M. D. L. status; Senatorius per se, Equestres per Legatos, in modum Comitiorum electos, cum debita promptitudine & zelo, circa bonum publicum congregati, nihil amplius tractent, nisi quod pertinet ad augendas & roborandas vires proprias, & satisfaciendum Exercitui bene merito, simulque prævidenda omnia pericula, obnixè & instanter, per amorem Patriæ, aureaq; libertatis commendamus & obligamus. Quod Universale nostrum actis ingrossandum, & publicandum committimus &c.

INSTRUCTIO REGIA, DATA PRO COMITIOLIS, ANTE CONVOCATIONALIBUS M. D. L.

Nondum placata satis Divina Mtas, (cui pro misericordia incessanter est supplicandum, trahit omnes hujus Patriæ afflictionum & infortuniorum terminos, ut forsan ipsorum temporum acerbitate,

A.C. 1705

te, probet Regis nostri nullis frangendum casibus zelum circa bonum illius, & amorem: Econtra verò velut in speculo manifestavit illudentes libertati Polonæ Sueticæ simulationis colores, sub eisq; relictis dignis æviternâ destinatione suorum filiorum imaginibus, docuit, ubi verus jurium Patriarumq; libertatum amor, ubi genuinus, sua unice quærens commoda fucus, hocq; ipso ad optatam cordium & consiliorum traxit unionem. Tacente jam Majestate, viva loquantur documenta: Post tot contributionales unâ cum sanguine Nobilium, expressos millones, quæ jam Civitas cum Ecclesiis superest thesauris & splendoribus non spoliata per proclamatum dolosis scriptis protectorem? quod fortalitium, aut armamentarium, ablatis amunitionibus non exarmatum? Imò quod tormentum in tota Patria relictum est, à provocante ad validam defensionem, in re verò, disarmatis vix animam relinquirente? Magis porrò arduum erit divinare, quid intendat, aut quò collimet ingeniosus Protector. Quid ubi statuetur Tractatus pacis, tot specialitatibus, & conceptibus oblatus, dummodo cum divisa, quam talem fecit, fiat Repub. At fecitne pacem? innovavitne pacta Olivenfia? fecitne aliquam solatij spem iis etiam, qui ei tam serviliter ad perficiendam hanc exdivisionem, suam impenderunt operam? Imò verò in profundiorum infortuniorum abyssum præcipitavit Rempub, ignominiosè, loco promissi Tractatûs pacis, ad nunquam satis deplorandam, per calcata omnia jura, adactis illi faventibus Electionem, exhibuit in insolito monstro toti orbi spectaculum, & ludibrium, non ut periclitanti Patriæ succurreret, verum ut ea velut acrioribus civilium odiorum flammis incensâ intentos assequeretur fines. Unde cum tam manifesta documenta, & ipsi præteriti eventus, magistri debeant esse futurorum, ad averte-
tendos tam perniciosos, & periculosos casus, Mtas Regia, ut ipsa, quantum ex se, jam hæreditarias impendens fortunas, auxiliaremq; suppedi-
tans militem, jam personam Regiam, omnibus incommodis & periculis, in Saxoniam animo providendi futuræ expeditioni, per structas ab hostibus insidias, excurrens, pro posse agit, ita invocandi colligatos Exercitus, qui auxilio videntur futuri, modos non intermisit; Actu Czareo Exercitu in societatem armorum adscito, qui, licet transeundo, & subsistendo non potest nō esse incolis onerosus, & molest⁹, humanis tamē loquendo & agendo modis, estne possibile infirmitatem sine amara portione & quali tali curare patientia? Manifestius est, quàm scribi aut dici potest, quantis Respub. convulsa sit symptomatis, & debilitata, possibilēne erit, ut sine acerbitate sensuq; mali, pristino restituatur statui? Inde potius gaudendum est, quod hi advenæ non aliò collimant, nisi ad optatam, ope Numinis redintegrandam publicam salutem, pacificationem, & antiquam statuum felicitatem. His tamen stantibus, nisi propria statuum Reipubl. accesserit applicatio, etiam provisio virium externarum subsistere non poterit & conservari, nec, efficacissimæ licet R. Mtis intentiones & curæ eum assequantur finem, à quo dependet omnium salus & liberatio à tam pernicioso & omnia depascente bello. Nulli verò magis, ac statibus M. D. L. omnia in promptu habenda sunt præparamenta, cum, ex omnibus apparentiis eò vires hostiles converti poterunt, unde à valido Czareo Exercitu majorem metuent aggressionem. Tempestivè ergo R. Mtas futuris occurrendo periculis, ne sine convenienti Consilio status Reipubl. corruerent, alium non habens succurrendi modum, Paternâ clementiâ & providentiâ generalem duarū septimanarum convocationem, omnibus M. D. Lit. statibus clementer di-

dispensare, concedere, & designare dignata est, obligando omnes amore conservationis Patriæ, & quod in ea charissimum, Fidei S. Catholicæ & Ecclesiarum, ut in hoc actu practicatis jam sub Antecessoribus Regiæ M^{tis} exemplis, id tractandum assumant, quod ad defensionem, & danda hosti repressalia, efficacissimum videbitur; simulq; ad providenda bene merito Exercitui, sive juxta constitutionem Comitiorum Lublinsium, sive alio modo, stipendia. Ad hocq; ipsum Legatos, viros dignos, & pro publico bono zelosos, ex omnibus Palatinatibus & Districtibus in modum Comitiorum eligendos, ad eandem convocationem optat Majestas Regia, submotis aliis omnibus materiis. Omnia tamen reliqua consummato judicio, & zelosæ circa bonum publicum inclytorum filiorum sollicitudini, sicut plenè M^{tas} Regia committit, ita Paternam impertitur benedictionem, ut eis mittat spiritum auxilij & consilij ille, à quo robur, potestas & omne bonum descendit super Regna & Imperia, & cujus nutu omnes aguntur motus.

UNIVERSALE PRO COMMUNI MOTU Dresdâ 13 Aprilis.

AUGUSTUS REX.

OMnibus & singulis, quorum interest. Fallitur sinistra, planè illis subjectis congenita erga Eminentes interpretatio, malitiosè falsa pro veris seminans; calumniânsve nos, Regno nostro, medias inter syrtes & charybdes relicto, unice natalis soli illectos dulcedine, ad hæreditaria dominia esse elongatos. Perfricent frontem, si quam habent, injusti simplicissimarum & innocentissimarum actionum interpretes, & invenient, nos in hac elongatione, utilitati publicæ, ad quam velut centrum omnium nostrarum cogitationum lineæ diriguntur, quàm privato cuipiam intendisse gustui sacrificare. Licet igitur euntes semper viâ Regiâ, viâ lacteâ candoris & perfectæ cum subditis confidentiæ, (quidquid dicat malevolorum livor) non supponimus; hisce finistris non rectè de nobis sentientium informationibus, ullas in cordibus fidelitatum vestrarum factas esse impressiones; si quæ nihilominus exorta est tristium cogitationum nubecula, vellemus omnes à nobis informari, quod desertam non reliquerimus Rempub. de ea continuas facientes conferentias cum Senatu & Ministris, cum Marechalco & Deputatis ad confœderationem Sandomiriensem, ex Palatinatibus designatis. Abitus verò noster, ex necessitate factus ultima, quæ dat, non accipit leges. Commoda enim Regni Poloniæ ita sunt cum commodis hæreditariorum dominiorum nostrorum, præsertim sub tempus belli conjuncta, ut nisi hic ad vota omnium ordinarentur, manifestum Reipub. esset præjudicium, in qua nec sufficiens miles qui legatur, nec pecunia, quæ in stipendium detur, hisce deploratis temporibus, quibus omnia desiderabilia versa sunt in ruinas; inveniri potest. Interea hostili potentiâ indies invalescente, proportionatas conveniebat nobis, quibus cura de omnibus; & convenit providere vires, cum classica, non ore tantum, sed & ære sonare debeant, quod sine præsentia & diligenti ad fastidium usq; & sudorem applicatione nostra, sperari non poterat. Elongavim⁹ nos igitur ad breve tempus, qui immutabilem, quàm celerrimi reditus non voluntatem tantum, sed & cupiditatem habuimus. Fuimus, sumusq; alibi, non alii absentes, tanquam præsentis, quia supra omnes privatas necessitudines, charitatem æstimamus hujus Patriæ, cui viscera fortunarum, & redituum hæreditariorum, nunquam clausimus, sæpius effudimus: optaremus, non avellendo personam nostram, si possibile

A. C. 1705 bile esset, semper ante oculos, interq; manus commorari, qui nobis absumus, cum illi: nihil etiamnum nobis gravius, quam, quod in cursu institutorum nostrorum, cum progredi maximè vellemus, consistere sumus coacti. Omnis celeritas in desiderio, mora est; cum eo reditûs teneamur anhelitu, ut in puncto esse ibi velimus, quo votis ferimur. Factâ convenienti, ultimis curis, negotiorum non tam nostrum, quàm bonum commune concernentium, dispositione; toti in eo fueramus, ut eò quàm citissimè rediremus, unde avelli non possumus, nisi fato: Verum, cum interceptis undiq; tractibus, securum nullibi, ad transitum patebat iter, licuitne contra præscriptum prudentiæ personam nostram præcipitare, & seræ pœnitudini præceptum consilium damnandum tradere? Expediebátne prævisis ultro nosmet flammis injicere? Omnia sunt compensabilia, omnia in melius possunt converti fata: sed si caput Regium, quod non ita corona circumdat, ut animum sollicitudo manifestis objicientes periculis, manibus hostium tradidissemus, quid reliquū superesset? Non supponimus itaq; affectum illum, quem ambiguis temporibus juxta ac lætis, constantem semper experiebamur, eò devenisse, ut nollet æqui boniq; consulere, acceptareq; tam justas, summas, & ultimas, tam abitûs nostri, quàm retardati, nobis invitis, reditûs, rationes. Siquidem nos velut fluviûs ille (excurro huc illuc, sed nunquam à fonte recedo) si quando elongamur non tam libenter, quàm necessariò, nunquam cor nostrum avellimus, imò vel illud inter subditos nostros non fucato ardens amore relinquimus, vel in eo exarata subditorum nomina, & perennem eorum gerimus memoriam; omnia nostra studia & conatus unicè ad salutem publicam dirigentes, ut ea jura & libertates, super quæ semel juravimus, quocunq; demum flante vento, conservemus: Nunc quoq; de immutabili nostra, Fidelitates Vestras assecurantes sollicitudine, sincerè dicimus: Ut liberi nostri estis, sic eritis; Non in verbis sed in effectû patebunt impensi nostri pro defendenda libertate labores. Redibimus DEo dante, licet voto nostro tardius, expectatione tamen populi nostri velocius, & quidem redibimus, non tantum Fidelitatum VV. adimplendo desideria, sed etiam expectationem superando. Quare valitudinem nostram in proximis thermis, beneficio vicinitatis utentes, ex præscripto medicorum roborare brevi tempore volumus, & debemus, ut eo majorem, & sinceræ nostræ promptitudini parem, firmioris sanitatis adferamus cum persona nostra ad fortia agenda aptitudinem, optantes cum felici reditu nostro non tantum solatia exhibere, verum etiam illa in complexu totius congregatæ quærere Reipub. Præcavemus proinde omnes status; hominesq; pertinentes ad communem motum præsentibusq; unis pro duabus Restium literis certiores facimus, quatenus per Palatinatus, Terras, & Districtus omnis debita sit præparatio ad expeditionem bellicam juxta jura & consuetudines antiquas, de expeditione bellica; expectando tamen sine omni motu tertias Restium literas, quas post reditum nostrum, observatâ temporis opportunitate, & loci juxta præsentis conjuncturas, commoditate, tradituros nos appromittimus. In DEo verò, qui est iudex & vindex noster, & in virtute ac resolutione inclytæ gentis Polonæ cum tanta auxiliarium Copiarum potentia spem reponimus, quod ubi conjunctis omnibus viribus, fortius resistemus, non prævalebit adversum nos inimicus, imò ope Numinis adjuvante, abibit correctior viâ, quâ venerat. Non quærent amplius insensi Polonæ genti, ubi sunt fortes Israël? Redibit totum quidquid sub immiti gemens Respublica amisit

amisit fortunæ, peribit, quidquid admisit infortunii. Pro nostra spondemus persona, corpori valido, non defuturum caput, dummodo positus aliis curis, antiquam reassumere virtutem, consecratisq; occultis spebus utilitati Reipub. in communibus infortuniis, resolvere vos velitis ad propriæ Patriæ defensionem; cum, etiam misera, fel licet non habens columba, rostro tamen & pennis pro nido pugnet. Præmonemus interim omnes jurisdictiones, Capitaneos, omnesq; Castrenses Officiales, quatenus plus non audeant, quam jura sinunt, scilicet nullorum universalium exceptione legitima se tutando, illa quocunq; titulo vel nomine, à quocunq; data in derogationem Mti nostræ non suscipiant, cum non obsequi quisq; teneatur, quoties imperatum aliquod videtur contra leges. Insuper ut nemo audeat ullos congressus, & conventicula cogere, aut vexilla erigere, sub rigore pœnarum in legibus expressarum, quas alias cogeremur jubere secundum præscriptam normam executioni mandare. Quod reliquum est, proponentes hoc universale cordibus & oculis, commendamus, quam urgentissimè, animorum unionem, à qua, tota publica pendet felicitas; perseverantiam quoq; in affectu erga nos, non quærimus tantum sed & speramus: Diligite diligentem vos, sicq; ubi invicem amaverimus, certe pro stilla, Oceanus sperandus erit. Imperamus insuper seriò Magistratibus civitatum nostrarum & oppidorum, ut in præparatione ad obeundum munus ratione cõmunis motus, ita se gerant, quatenus, ubi pro eo tertiæ Restium literæ traditæ fuerint, nullum obsequij bellici sit ex eis detrimentum; volentes habere, ut hoc universale nostrum, manu nostra subscriptum, sigilloq; munitum, in Palatinatibus, Terris, Districtibus, actis castrensibus, Parochiis, aliisq; consuetis locis, propter meliorem omnium notitiam publicetur. Datum Dreisdæ in arce nostra hæreditaria.

LXXXIX.

ANDREAS C. ZALUSKI EPISC. PRINC. VARM. ET SAMB.
PETRO KCZEWSKI PALATINO MARIÆBURGENSI

Dreisdâ 15 Aprilis.

INcredibiliter & ego gaudeo, & communicatione miseriarum meas lenio, quotiescunq; documentum gratiæ tuæ, literas scilicet accipio, quibus instruor, doceor, informor, in uno tantum meæ non satisfi voluntati, quòd etiamsi vellem tuæ deferre spei, tuos sensus aliis explicare, in quibus ego per omnia convenio, non tamen licet adire Corinthum. Alii non audiunt, alii optima consilia sinistrè interpretantur nonnulli, quod est pessimum, omnia invertunt, quia ipsis nihil placet, quod verè cum commodo nostræ Patriæ convenire possit. Cederet alius, tanquam defatigatus, projiceret curam cum desperatione; curavim⁹ Babylonem, & non est sanata, derelinquamus eam. Sed non licet per conscientiam, & sit, quodcunq; volet, ad servilem usq; patientiam jam assuetus facio, & facere non desistam opportunè, importunè, etiam cum evidenti, quam non perfunctoriè jam experior, periculo offensionis, eò enim dementiæ venimus, ut qui parcè adulatur, pro maligno sit.

Quodcunq; mihi pro summa prudentia tua in literis tuis de data 4. Aprilis, propinare dignaris, nihil salutaris in præsentibus circumstantiis, nihil convenientius pro publicis commodis inveniri & excogitari potest. Nec pacem, quam nobis hesternum denuntiat Evangelium, sinè interna unionem, nec bellum perfectum sine perfecta confidentia habere &

A.C. 1705 & prosequi possumus, nec ad extremum aliquid boni peragere, si aliis distrahemur, tanquam ad nos res nostræ non pertineant, si constantem in rebus perficiendis, & rectè componendis non habebimus applicationem. Et hæc est summa votorum, hæc meta omnium meorum simplicium consiliorum, quamvis hætenus multum laboraverim, parum fructûs cepi, utinam quantocius in Poloniam redire liceat.

Habui notitiam de Generali Steinbock, cognoscit eum optimè Varmia, nosco Simonem, & Simon me. Placet tamen mihi actio ejus in defensionem Ecclesiæ die Beatæ Virgini sacro facta. Dubito, ut alia natio inveniatur, quæ id faceret? Quantum ad contributionem, ex Varmia homines pellentur, ut mihi scribitur, quòd in magna copia extra limites exeant, contributiones verò tantas, quantas habere vult, non poterit.

Sueci, ut notitiam habui, non movent se, nec certè citò movebunt ex magna Polonia, indulgendo tempus copiis auxiliaribus ad consumendos nos. Venit huc heri notitia, faciat DEus, ut mutetur, quòd Czestochoviam Sueci circumdant, & ubi illud promissum, quod fecerunt, quòd illum locum intactum essent relicturi.

Proclamavit hic Patkilius, quòd illa quatuor millia Exercitûs, cum quibus Generalis Levenhaupt ibat, ad internecionem deleverunt Moschi, sed credo hæc nova egent confirmatione &c.

UNIVERSALE REGIS STANISLAI I^mi.

Post tit. DEO Exercituum armatam innocentiam Nostram, & Omnipotentis dispositioni innixam ingenitam Nobis à Majoribus generositatem pro clypeo oppressæ Patriæ & libertatis, simulque pro signo ferimus Nostri sine clade triumphî in Patriam arenam. Non intromittimus Nos in altercationem & prælium quarumcunq; prætendentium rationum & prætextuum; quia innatus in hanc Patriam amor, debitus jurium & libertatum ejusdem zelus, & pretium sanguinis inclyti Equestris Ordinis omnes in Nobis moderantur passionibus: primas & præcipuas Nobis duntaxat assumpsimus curas, & in id toto corde & conatu intendimus, ut in contraria studia animos scissos feliciter componeremus, viresq; divisas in unionem conglutinares: quò tandem humeris Nostris hanc in casum inclinatam Patriam sustentare contingeret, & ad primum vigorem ac decus revocare Rempubl, tum in tot Provincias amplificato nido grandis magnarum alarum Aquilæ renovare ligeret juventutem. Dedimus hujus tam in Confœderatione generali, quam etiam transactionibus Varfaviensibus manifestum argumentum: in quibus propriæ confisi & conscij causæ, omnimodâ applicatione & conatu incubuimus, omnem possibilem modum & illicia adhibere studuimus, nec opum quidem Nostrarum, & si quid præterea in hoc arduo & turbido statu contribui posse vidimus, pepercimus dispendiis, intendentes hoc modo potissimam inclyti Equestris Ordinis potentiam, præcipuasq; Patriæ vires, vos scilicet hac vestri æstimatione Nobis quàm arctissimè devincire & obligare: & quamvis per divisionem animorum & virium vestrarum fructu frustrati fuerimus, nec eum, quem Patriæ & libertati precabamur retulerimus effectum; constitimus tamen Nobis, nullog; nutans constantia casu spem præconceptam deposuit nunquam. Expectavimus cum patientia & fiducia; dum hiberna stativa appeterent; sub quæ uti ab actionibus bellicis fatigatis Quiritibus ferias & quietem indulget Respub, ita opportunum reflexioni & meditationi de bono

bono publico tempus fore existimavimus: sed & tum in patientia pos-
sedimus animam nostram. Nunc dum tempus acceptabile & dies sa-
lutis publicæ proximè præ foribus est: velut meta ad sagittam expositi
& unicum tot periculorum objectum, quamvis elingves hucusq; siluê-
re dolores, gravibus nihilominus suspiriis eisdem prodere necessita-
mur: quando heroica & triumphalia, in sera sæcula gloriosa, extra Pa-
triam etiam multum inclyta Sarmatarum acta vi, mole, & fide labo-
rant suâ, jamq; in sua juratos vulnera cives, & propria victrici conver-
sos viscera dextrâ non sine ingenti dolore spectare cogimur. Agnoscit
præsens ævum, quia experitur: secutura tempora dolore & admiratio-
ne absorpta audient cives acuisse ferrum, quo graves Moschi melius
perirent. Gens ea barbaro elata fastu, suâ tyrannide insolens, tot nobis
ereptarum Provinciarum, Ducatum & non pridem 60 milliarium ter-
ræ necdum satiata lucro; adeò nostris pingvescunt monstra ruinis. Nec
minus damnosæ adlecti & hæreditarij AUGUSTI Regis auxiliares, qui
jam octavum annum intima hujus Regni viscera, angulos atq; recessus
in profundum, longum, & latum scrutati, hanc tam refertam nuperq;
lacte & melle manantem adamârunt in tantum terram; ut panem bene
meritorum, stipendia, & cruento Equestris militiæ obsequio parta præ-
mia interverterent, eaq; velut hæreditatis titulo sibi debita vendicarent;
Et jam ea arma quibus pacificum, suosq; intra limites contentum æter-
no fœdere & vinculo pactorum securum Vicinum infestaverant, nunc
cum Moschovitici conjuncta in Rempublicam videmus versâ. Quo-
modo igitur armata pietas non vocaret Danaos, quibus fiducia major,
major in arma manus? quomodo non meritò communes jungamus
vires; cum pietas & amor in Patriam id ipsum suadeat, & exigat; ut la-
tè grassantem flammam tandem restinguamus? singulare solatium ca-
pimus ex spe, qua de vobis auguramur, futurumq; præsumimus, ut vos
calamitatem præsentium temporum in vestram & Reipub. transforme-
tis gloriam, ac ubi sincerius perspexeritis, quis ille aureæ libertatis op-
pressor fuerit? quis regnum, quod integrum acceperat divisum & scis-
sum reliquerit? quisq; internam pacem ordinum & magnarum famili-
arum collisione, externam verò bellicâ vicini impetitione ex fundamen-
tis succusserit? concludatis; gloriæ ac libertatis, non autem flagitiosæ
servitutis Ducem & Commilitonem sequendum esse. Invitamus proin-
dè ad mutuum amplexum apertis præcordiis, ex quibus tam maximas,
quàm minimas offensas eradicavimus, & ad æternam oblivionem dam-
navimus, omnes & singulas amaritudines, quas pridem nobis in Patri-
am dulcoravit amor, in candidam erga vos transmutamus confidenti-
am, exq; speciali æstimatione vestri illud nobis assumimus, ut votis fle-
ctere cives, non armis tentare velimus. Et idcirco velut inermes in
Patrium progredimur campum, illudq; pro tessera edimus, servare ci-
vem, qui, quemadmodum unius nobiscum Patriæ Parentis proles, &
in eadem libertate & juribus ad invidiam exterorum educatus est, ita,
absit, ut hostilem fraterno sanguine infundat & opimet campum. Pro-
gredimur heroo & invicto corde, vitam nostram pro integritate Patriæ
& defensione fortunarum exposituri, & quidquid carissimum esse po-
test, eidem immolaturi, securi interea satis nos scuto bonæ voluntatis
vestræ, unione cordium & virium, eaq; fiduciâ quæ firmat animos &
roborat ausus, fore confirmandos. Illud verò compendium votorum no-
strorum est, ut bella plus quàm civilia avertamus, sanguinem innocen-
tem occasione feliciore servemus, ne gignat Patriæ lis intestina ruinam.

Precæ-

A.C.1705 Precamur sub hæc bonam à DEO vobis valetudinem. Universale verò, ut quantocius ad omnium notitiam deveniat, per Castra, Parochias & loca consueta publicari mandavimus. Datum Rydzini 7. Maji Regni Nostri Primo.

CONSIDERATIONES PRO FUTURO CONGRESSU VARSAVIENSI.

1^{mo}. **I**ntimatus Tractatus in universalibus Cardinalis Primatis, sine ulla avulsis, juxta diplomata Regis Sueciæ, magnam exigit circumspeditionem, solidamq; circumscriptionem, ut corona Sueciæ non solum nihil prorsus prætendat, verum etiam alij Interessati ex post, & ante, nihil prætendendum habeant, etiam imaginabili titulo, colore, & prætextu, ita, ut Livonia, Prussia & Curlandia in salvo remaneant, sine ulla etiam particulæ cujuscpiam avulsione; id ipsum non tantum per tractatum cum Rege Sueciæ, verum etiam per pacta conventa quàm optimè assecurandum; ut licet cuipiam etiam pretio adipiscendæ coronæ aliquid promitteretur, sit inane

2^{do}. Id quoque cavendum est, ne liberum Regnum Poloniæ in præsentî revolutione trahatur ad aliquam dependentiam à corona Sueciæ, verum ut semper sit liberrimum, nec novus Rex sit obligatus ad aliquas (superi avertant) Vasallagii præstandi Regno Sueciæ conditiones: quod doluisse Avum Regis Sueciæ refert historia Puffendorff, quod scilicet Protectorem se fecerit Poloniæ, & non potius talem Regem statuerit, qui ab eo tanquam Vasallus dependeret.

3^{io}. Quæritur, quinam ex Principibus vicinis Mediatorem, Cautorem, & fidejussorem aget, ad conservandum hunc tractatum? si enim Rex Sueciæ nollet stipulatas implere condiciones, ampliùsq; fortunâ, & ambitione proveheretur, quò esset refugium?

4^{to}. Quandoquidem tota Respub. patens à parte Saxoniz habere nequit plenam securitatem, per Guarrantiam totius Imperii vel per abdicationem Regis AUGUSTI quæ deinceps erit securitas? sic enim Resp. infinito bello implicaretur.

5^{to}. Non est alius modus pertrahendi alios Palatinatus, qui non fuerunt in campo electorali, ad accedendum; nisi unica iteratio & roboratio electionis, quo, in antecessum scissionibus finis imponebatur, statusq; Reipub. adunabantur; aliàs liberum & electivum Regnum converteretur in despoticum & absolutum dominium; cavendæ verò omnes proscriptiones, pœnalitates, condemnationes, confiscationes bonorum & honorum partis non accedentis, hac enim via unitas & concordia non restitueretur, ideoq; in charitate non ficta, sine spiritu vindictæ & rigore agendum & procedendum.

6^{to}. Si ventum fuerit ad agnitionem tituli Regij in Prussia hic quoque summa animadversio habenda est, ut non tantum affirmantur pacta Welaviensia seu Bidgostiensia, verum etiam elucidentur; præsertim hæc formalia pactorum conventorum verba: *Perinde præfatus Ducatus nunquam à Regno Poloniæ abelletur*. Item alterum punctum: *Perinde tamen feudi alienatio in perpetuum non subsequetur*: Id verò ideo faciendū, ut per assumptum titulum in Prussia, non tantum Prussia Regalis seu Polonica sit extra omne periculum & metum, verum etiam ut Prussia Brandenburgica in perpetuum à Polonia non avellatur, & ad imperium non pertrahatur. Sciendum enim, quod post extinctam lineam Electoralem

ralem ad præsens Regnantem, successuri sunt collaterales non jure su- A.C. 1705
premi dominii, sed jure Vassallagii, adeoque hoc jus feudale in cardinib⁹
pristini Vassallagii iterum reassumere & determinare omnino expedit.

7^{mo}. Explanandæ etiam sunt aliæ conditiones: ut de subsidiis fe-
rendis, quoties novum bellum oriatur, ut hoc sit in effectu non solum
in codice. Roboranda etiam renovatio fœderis perpetui circa futura
homagia Regum Prussiæ, ut iisdem solennitatibus & formalitatibus,
quibus ante, in futurum conserventur & observentur. Tractatusq; hic
quàm firmissimis vinculis circumscriptus & sub Guarrantia & stipu-
latoria autoritate, earundem Potentiarum, quæ pacta Bidgostiensia sta-
tuebant, concludatur. Quibus, quàm diligentissimè Palatinatus Prussiæ
attendere debent, totaq; Respub. concurrere. Si enim Crucigeri Prussi-
am possidentes ex telonio frumentis Poloniæ imposito, 5000 formalis
exercitus imò plura subinde conservabant, hisque contra Polonos bel-
labant, certè multum consistit Polonis in conservatione Prussiæ, sine
qua nec ipsi stare, nec suum possunt statum conservare.

8^{vo}. Non faciet difficultatem aula Berlinensis; quia nunc post as-
sumptum titulum per publicum scriptum, quod Varsaviæ typo edidit
Overbeck, item in diplomate, quod Regiomonto tulit Pocillator Re-
gni, cavit Rex Prussiæ; quòd ubi id à Repub. desiderabitur, vellet va-
lidissimum constituere tractatum.

9^{no}. Præterire non licet etiam Elbingensem civitatem, ut saltem
pretio coronæ Prussiæ remittatur illa summa, quia hujus, Ministri Re-
gis Prussiæ magnam videbantur promittere facilitatem.

10^{mo}. Indemnitas & securitas jurium pactis Bidgostiensibus, Lem-
burgensi & Bittoviensi Districtibus, cauta, postea verò constitutionib⁹
publicis & pactis conventis firmiter roborata, curæ esse debet, & cor-
di, ne qualicunq; modo aut prætextu supprimatur.

UNIVERSALE MARESCHALCI CONFOEDERATIONIS SANDOMIRIENSIS. 15. Julij.

QUandoquidem progeditur indies nefando ausu in Patriæ pernici-
em, & delicatissimorum jurium libertatumq; ruinam obstinata
adversariorum malignitas, simulq; exulcerata effræni ferociâ ge-
rens præcordia, eâdem lethali gangrenâ, Palatinatus & fida in eis pe-
ctora, hætenus afflare intendit & afficere, nova toties quoties novis ti-
tulis expediendo universalia, speciosis duntaxat prætextibus, & suo favo
aculeum portantibus, plena; cujus vidimus & funestâ didicimus expe-
rientiâ, tot probatæ fidei documenta: Ipsa majoris Poloniæ confœdera-
tio quàm pulchro tegitur velò, sub quo tamen informe, nec hætenus
auditū in Polonia monstrum alitur; scilicet dethronisatio, everio fundit⁹
Cardinalium juriū, jugulata libertas, conculcatus gentis honor, per sub-
jectionem servili & infamī obsequio in arbitrium externæ potentiæ, to-
ti ad continuationem Tractatūs, cum Regno Sueciæ quem tumidus for-
tunâ hostis concludere nunquam volet, vocatoriæ; quem alium fructū
post congressus attulerunt, nisi quod dulci spe amarissimæ credulis illu-
serint miseriæ? Unde etiam impræsentiarum colligendum est, non alio
fine data esse universalia, nisi ut iniquarum machinationum velle non
habens, Nobilitas Gotico leoni de fratribus nostris immolaretur in he-
catomben. Quapropter ex vi functionis meæ, suffragio Reip. mihi im-
positæ, in fundamento generalis Confœderationis Sandomiriensis, quæ
prohi-

A.C. 1705 prohibet omnia conventicula extra sphaeram generalis consilii ab eadem Confœderatione ad latus Principis designati, in fundamento universalium Regis AUGUSTI II. de recenti pro communi motu extraditorum, hoc meum universale, unâ cum commendatione promptitudinis ad fraterna obsequia, in vim præcautionis expedio, postulando, Capitaneos, Judices, Notarios, Regentes, susceptantes, totumq; simul officium omnium in genere castrorum, & amore boni publici obtestando, ne ullus universales literas convocantes Nobilitatem, seu conventicula indicentes ad acta suscipiat, aut publicari permittat; alias juratæ fidei, & sacrosancto vinculo, (quo nos in Confœderatione adstrinximus) expressæ legi, quæ similes actus reprobât, præjudicaret, & suspitione aperti fautoratûs adversæ parti, laborare censeretur. Quod universale ut quantocius per acta castrensia publicetur, obnixè commendo, & postulo, ac propter meliorem fidem ac valorem manu propria, cum appensione sigilli, subscribo. Actum in castris sub Losovo.

COPIA LITERARUM CARDINALIS PRIMATIS AD PALATINUM KIOVIENSEM.

UNiversalia mea pro congressu Varsaviensi die 11. Julij, ex desiderio publico, simulq; moræ impatienti Aulæ Sueticæ instantia, ad postremum in fundamento initæ à Rege Prussiæ colligationis, data; etiam me tacente, ipsa loquentur affectum & gratitudinem meâ, pro nunquàm satis laudandis tuis tuæq; Domûs intentionibus: Id enim innato erga jura Patria, libertatesq; fecisti zelo, quod nulla satis celebrabit ætas; mihi nihil restat, nisi ut supplices fundam Superis, quatenus tua bene cœpta secudent, quem pro termino præacti consilij, eò fortunatiores habituri successus; quò numerosiore Civium constabit frequentia, invito; minimeq; dubius de adventu sincero expecto affectu.

COPIA LITERARÛ PALATINI KIOVIENSIS AD DAPIFERUM REGNI. Visznicij 10. Maji.

EXpeditus utinam fausto omine in hanc viam cum Fratribus ad defensionem libertatis, nec ignarus te in propinquo residere, ea in qua semper vixi, & opto vivere tecum confidentia, ad te cum humili excurro postulatione, ut tuam mihi ad horæ spatium dones præsentiam, quatenus communicato tecum consilio, ruentem Patriam ab extremo vindicare possimus interitu: Præstitit mihi consimilem hodiernâ die gratiam Succamerarius Cracoviensis, aliq; complures, probè præsentem rerum statum penetrantes, qui ad penitus conferendum, suam mihi circa secundam feriam promiserunt præsentiam: Tu quoq; mea, hoc in puncto, coronabis vota, si in corona congregatorum fratrum comparueris, quem ut iteratis invito vicibus, sic ad futurum non ambigo.

RESPONSUM SUBDAPIFERI REGNI AD PRÆCEDENTem invitatoriam. 13 Maji.

HOdie primum dum in procinctu essem itineris, allatæ mihi, sed cancrino, quia effœtæ vetulæ passu, tuæ literæ, hacq; cunctatione præterit secunda feria; qua tua perspicacia necessariam judicavit meam Visznicij præsentiam. Humiles refero grates pro sublimiori

ori meæ personæ, non tam meo merito, quàm gratuito juxta te ac gratiolo tuo erga me affectu, existimatione: Verùm novi ego imperfectum meum, novi exilitatem judicij mei, tam implicato consilio, minimè suffecturam. Renuimus consulere, dum essemus robustiores, nec ita diversas in partes distracti; rectè nobis fieri videbatur, dum una dirueretur Domus, forsquæ auxilio fuimus ad ruinam: quæ tamen mensura fuerat cæterarum, eidem infelicitati destinatarum; ut in conferentiis comitiis audacter statibus Reipub: proponebam. Successit in eandem infelicem ruinæ sortem incluta in Regno Domus, nec nisi per miraculum resurget hic Lazarus. Faustiore tua, Illustrisquæ tuæ Domûs cæpta coronentur eventu, cujus æqua vel iniqua fortuna, etiam mihi velut colligato communis foret. Non ambigo te dolore oppressæ libertatis eò esse adductum resolutionis, ut arma capefferes, in quo tamen id feceris fundamento, penitus ignoro: Resolutio enim hujusmodi inniti deberet statorei cuiquam, quem tamen in Polonia non reperio. Non desunt equidem sat victoriosi Exercitus, at contra nos potius, quàm pro nobis. Suscipiunt alia quoquæ Dominia protectionem Vicinorum, verùm à quibus defendantur, non expilentur: sic nostrâ jam stante vitâ, Hollandia injusto licet prætextu tuebatur Angliam, conduxit cum classe, Principem Deonangum Vilhelmum; innocenter insimulatum per odium religionis Jacobum Stuartum expulit, inductum verò Principem ad solium evexit; non legi tamen, Angliam vel obolum Hollandiæ contribuisse. Defendit etiamnum Gallia Hispaniam, pro qua tamen pugnantem exercitum suis sustentat sumptibus, suo illi pretio conquirat comatus. Defendebat efficaciter expeditione præterita ex ordinatione Angliæ & Hollandiæ Princeps Marlbourus Imperatorem à prævalentia Bavarie; nemo tamen audivit, sub hisce auxiliaribus ejus gemuisse Provincias, nec hisce subsidiis enervatum, incineratum, & sepultum ruinis Imperium. Erigit nunc collapsam Gallia libertatem Hungariæ, at erigendæ impendit, non eripit nervum. Defendit insuper & Portugallia Carolum Austriacum, adeo tamen abest, ut quidquam ab eo acceperit, quin potius in omnibus gratis suam præstiterit assistentiam. Et hæc sunt iuxta Christiano more facta subsidia, quibus ipse DEUS Exercituum robur suppeditat. Si itaque tua resolutio & sincera Domûs ejus intentio similem reperit Protectorem, impletum jam est consilium, nec quidquam desideratur amplius, nisi ut illuminetur hac in parte nobilitas, nec contributionibus, coactione, igni aut ferro, verùm mollioribus persuasionibus pertrahatur; nam libera gens etiam optimos fines assequi aliter non vult nisi liberè. Et licet violenti modi successum ab initio habuerint, quàm facilè tamen mutari soleant in deterius, testes historiæ. Utinam fortunatiore auspicio & eventu, præsens fiat expeditio quàm præterita, in qua ad orientem alij, alij ad occidentem conversi sunt, Apostolorum more, non Bellatorum. De meo erga libertates Patriamquæ affecuro amore, præter quam, cum aliam extra limites non habeam, ubi Vestram seriam circa ejus defensionem applicationem videro, certè mea non deero promptitudine, qua nunc tua sum paratus ad obsequia.

UNIVERSALE SUPREMI REGNI THESAURARII

datum Berolini 16 Junij.

UNiversis & singulis, quorum interest, præsertim verò Teloniorum Administratoribus, Mercatoribus, quæ domesticis, quæ è postliminio, merces venales advehentibus notum facio.

Tom. III.

Hhh

Indo-

A.C. 1705

Indolere summopere cogor in modernis turbinum domesticorum occasionibus, varias exorbitantias, & inconvenientia, contra potestatem ministerij mei, & in præjudicium fiscalis jurisdictionis, tot Patriis legibus, omni ex parte, roborata, patrari; Quidam enim intrusi à primordiis statim ampliata Sueticæ potentia, spontè sub præsidium armorum Sueticorum confugientes, irruerunt ausu illicito, postpositâ pœnâ peculatûs, contra hujusmodi, Patriis sancitâ legibus, in fiscales proventus, suggerentes ad eorum interceptionem consilia, obsequia & auxilia, in detrimentum Reipub, illi verò, qui ante stipendiarij erant ejusdem ærarij, facti sunt perfidi & perduelles, spargentes & vulgantes per aurâ publicam, se ad exigendos ex iisdem Telonijs Reipubl. census, comportandosq; ad fiscum Sueticum, coactos esse, & violenter tractos; interea ipsi per potentiam Sueticam, eorumq; adhærentium, quærebant & curabant, authoritatem ab eis, penitus ad thesaurum non pertinentibus; & quidem non tantum propter rapinam, facilius in mercatoribus exercendam, faginandumq; ex turbido; Cum, Sueci, eorumq; adhærentes, qui jactabant, hætenusve jactant in publicum tuitionem libertatis, juriumq; Reipub. non deberent ullum cogere ad eadem jura violanda, & contra authoritatem mihi datam, ad interceptionem præactorum Proventuum: Quod licet iisdem Intrusis ac aggressoribus ærarij publici impune hætenus transierit, strictam tamen aliquando daturi sunt rationem, quidam verò malitia & audacia, qua thesaurum Reip. dispositioni & protectioni Sueticæ implicuerunt, alij pro suffurationibus, alij pro utroq; Volabant enim imprimis Universalia quædam, adhuc in Decembri anni proximè præteriti, per Cameratus Reip. erantq; principia; successerunt his armatae dispositiones Sueticorum Officialium, & erant pejora, inde enim proventus fiscales, secuti sunt factionem, & castra. Nunc iterum à posteriori & de novo emergenti, expeditus est non pridem quidam Commissarius cum assertione cujuspiam datæ sibi desuper, sine meo scitu, potestatis; iterando iniquam hanc thesaurorum tutelam; quia propter faciendam calculationem in Cameratibus Majoris Poloniae & Wieruszoviensibus, partim cum Notariis proventualibus, partim cum Intrusis ad eadem telonia, & propter ulteriorem quampiam eorundem thesaurorum dispositionem, quasi ex motivo absentia meæ & fiscalis generalis Notarij. Quod factum etiam in Cameratibus Dyboviensibus, fitq; hætenus, in Cameratibus Min: Poloniae. Imprimis notû toti fere universo, me in functione publica extra Regnû comorari, ubi me præter, tot alios Senatores & Ministros, sola evitandi mali intentio, & idē turbo distinet extra limites: Reliqui nihilomin⁹ ex vi officii mei sat bene dispositum Theaurû, ad recipiendos omnes, si qui sic stantib⁹ rebus turbulentis, inventi fuerint proventus; nec fuit necessaria tam Suetica, quàm alia quæpiam eorundem tutela; nisi hisce temporibus, quibus jus est in armis, opprimeret leges timor, & omne illicitum quasi jure fieret.

Probè novî etiam ipsos Regnantes consensu omnium electos & coronatos non prætenso & controversos; non habere à Repub. potestatem involandi in jurisdictionem supremorum Regni Thesaurariorû, multò min⁹ eorum violandi prærogativas, quos solos eadem Respub. ex ratione statûs suis præfecit proventibus, totq; constitutionibus, & statutis Regni circumscripsit: consequenter iidem Regnantes, etiam legitimi, legitimè vacante throno sublimati, præconisati, & coronati, nullas possunt dispositiones, & ordinationes facere, nec Commissarios privato motivo & sola sua authoritate, ad exigendos proventus Reip. dele-

delegare, ſolumq; à Repub. fit liquidatio per Commiſſarios à Deputatis designatos. Proceſſus ergo ille, præacti Commiſſarii adhærentis Suetici, uti & aliorum alibi, nullum habentium fundamentum præſumptionis ſuæ, quid aliud ſpirat, niſi ingens gravamen juridiſtionis meæ, conſequenter mutationem ſtatûs, ubi ſine Comitiis, ſolâ prætenſa authoritate, huiusmodi intruſi incipiunt ab executione, & quaſi ſummario proceſſu miniſteria Regni excutere, & infringere, hocq; ipſo me provocant ad manifefandum. Unde quia id ad totam ſpectat Rempub. non ad quempiam alium, nova regimina, & impracticatas unquam diſpoſitiones, inducentem, ideo præſenti univerſali, de poteſtate & munere meo, pro ſuprema in theſauro & indubitata authoritate meâ, univerſis & ſingulis deſero, prædictis verò Superintendentibus & Notariis teloniorum Reipub. à ſiſcali officio conſtitutis intimo, omnibuſque in teloniorum adminiſtrationem intruſis ſeverè, ſub dicta pœna peculat⁹ inhibeo, quatenus, accepto hoc univerſali meo non audeant, ullos expedire Mercatores, dependenter à dicta præſumpta diſpoſitione, & ingerere ſe huiusmodi functionibus, de quo etiam cum potentioribus adhærentibus Sueticis in tribunali Regni ſiſcaleaget officium, iique clientes ſeveriſſimas luent pœnas, ſi quocunq; modo, ſive à Suecis requiſiti & coacti, (ſi enim id ipſi non procurarent, vitare poſſent, quod illis in poſterum ſummè erit pernicioſum) ſive à Commiſſariis non à me delegatis, conſtituti, auſi fuerint continuare ſua importuna & illicita officia: Regeſtra cum perceptis exactis conſervent, idq; ad repetendam ab eis rationem in ſiſcali iudicio, quod ſicut ſolum ad extensionem juridiſtionis ſuæ, & non quiſpiam alius interpretativè ſeu intruſivè pertinet; ita non ſolum de bonis eorum, verum etiam de perſonis ea repetet, in quibus patitur injuriam: Non enim me latet, quod non tam Sueci ex motivo ſuo id fecerint, faciântve, quàm ex eorum inſtinctu, & ſuggeſtione, ut ſub hoc prætextu, aliqua Suecis offerentes, rapinis à Mercatoribus extortis, falſisq; expeditionibus, ſuam augeant fortunam. Nemo verò prætereſtere poteſt quocunq; titulo in præjudicium meum ſe fiſcoingere, ſeu uſurpare ſibi aliquam ejus diſpoſitionem. Quod autem hætenus mercatores ſive externi, ſive domeſtici, cujuſcunq; nationis, Sueticis dederunt aut dabunt ſubjectis, quocunq; titulo intruſis; ſiſcale officium non cenſebit pro ſatisfactione teloniorum Reipub. debitorum ordinariorum; ſed quodcunq; dederunt aut dabunt reputabit, uti & impræſentiarum reputat, potius pro extraordinaria redemptione, quæ pro libero paſſu eorum mercaturæ extorquebitur, & extorquebatur, nec poterunt dicere ſe bis ſolviſſe, potius enim deſiſtant ab exercitio mercaturæ, quàm ut debiti ab eis proventus intereant. Quodſi incolæ Regni non ſatisfaciunt ordinariis contributionibus publicis, licet Suecis contribuant, verum etiam debent illas contribuere, cum id præſentes temporis exigant circumſtantia, quanto magis tolerare debent, utrumq; tam externi quàm domeſtici Mercatores? Huiusmodi mercatores refragarios, qui ſolvendo Suecis aliisq; intruſis theſaurum defraudant, debitaq; ad illum non comportant telonia, in omnibus locis declaro ſequeſtrandos, mercesq; eorum fiſco ceſſuras. Si quis verò ex mercatoribus à teloniis fugerit, id, quod ille ſolvere tenebatur, ex aliis ejusdem mercibus, vel mercatoribus ejusdem nationis, etiam in futurum repeti & exigi curabo, malens potius ut non mercentur, quàm ut mercando præſens & emergens inferant theſauro damnum. Quos Mercatores Notarii teloniorum, in Regeſtris connotabunt, ut theſaurus, ſua aliquando cum lu-

A.C. 1705 cro possit vindicare. Eodem universali meo, in præactis Cameratibus Wieruszoviensi, Krzepicensi, & Wielunensi, aliisq; circumcirca, ut sit à Thesauro seria inspectio, statuo Alexandrum Paulum Smolenski exhibitorum præsentium, Revisorem Generalem, qui non tantum diligentem habebit curam dictorum Cameratum, tamdiu, donec à me mittatur Superintendens; verum etiam præmonere debet omnes Notarios teloniorum; tam à fisco constitutos, quam intrusos sive à Suecis, sive quocunque alio titulo authorisatos; de hac mea dispositione & universali, illudq; ad acta publica quævis authentica Regni, per oblatam dabit. Quod etiam Superintendentes mei facere tenebuntur, non tantum quo ad publicationem quivis in suo Cameratu, verum etiam quo ad oblationem ad acta publica, in cujus rei fidem, universale hoc manu mea subscriptum, sigillo muniri jussi. Datum Berolini.

ALIUD UNIVERSALE EJUSDEM 23. Junij.

UNiversis & singulis, quorum interest, notum facio. Nulla, ut video, calamitas sola; non satis enim, quod Patria nostra quondam stupor, nunc ludibrium gentium, data non pridem ad arbitrium hostis, nunc jam familiaris Martis, in iis est circumstantiis & conjuncturis, ut vix eum non hæredem civilium & internorum malorum nanciscatur; siquidem nos Patriæ filii, qui esse deberemus ex re boni publici, velut unus fasciculus, ideo firmus, quia in unum colligatus, acti sumus in diversa studia, affectuum & passionum nostrarum, exclusâ confidentiâ & unione animorum, pertinente ad conservationem nostri ipsorum, & ad idem bonum publicum; sectamur privata commoda, quidam præsentia sat misera, alij futura sat incerta adamantes, alii ex nausea quietis vetera contra jus, fasq; cum everfione libertatis fastidientes, eligimus qualescunq; licet cum periculo statûs inconvenientias, per insurreptiones eorum, qui intentiones suas, etiam per omne nefas mandare executioni cupientes, sub nomine pacis vix non hæreditarium, intestinum fovant bellum, eò suis collimantes studiis, quò sua quemq; trahit voluptas; immemores boni publici, præcæq; virtutis majorum: & hæc est calamitas una & universalis. Accedit, has inter Patriæ nostræ circumstantias, alia nec minor nec major, sed velut pedissequa & socia præcedentis, in congesta à vicinis potentiis & Principatibus moneta, quam, licet non inanes simus in Patria umbræ, nec vana nomina, vel per dissimulationem, vel per ignaviam, non se Patriis juribus dirigentis Regionis, tam cæca cupiditate acceptamus, ut sine discrimine concisum argentum, in titulos fasciæve minutos in unius marsupio lecta planè ex toto orbe numismata possint reperiri: in quo, licet toties quoties de coæquatione monetæ, cum vicinis & externis Principibus laboravit Respub. ad effectum tamen deduci, aut ipsi (ut nundinationibus ministeria redimerentur) non permisimus, aut aliqua alia circumstantia, sollicitos ejusdem Reipublicæ conatus irritavit. In præteritis immediatè comitiis Lublinensibus, proponebatur statibus Reipub. commissio in re monetaria, quæ tamen non tantum effectum, verum etiam plausum non habuit, fors sola libertate displicentiæ etiam in optimis, quid de lis dicendum, qui utcunque meliorem monetam externorum Principum, in Regionibus Regni repertam, pro licitatione coemunt, & pecunariam exercent mercaturam, occultis & investigabilibus modis invehendo in Regnum, ex vicinis itidem Provinciis longè deterio-
vilio-

vilioremve monetam? quod fit non solum per præstantioris statûs homines, verum etiam per Mercatores externos, & domesticos, simulq; Judæos, qui cum sint sæx orbis; variis artibus, intra delectum populorum subsistens, quanta damna in publicum causant, sicut ignotum nemini, ita notoriæ pœnæ obnoxium, quas contra hanc perversitatem & impium lucrifaciendi modum, non tantum constitutionibus in volumine legum, verum etiam statutis Regni sine executione hætenus existentibus, semper Respub. Regnantesve, propter bonum publicum severissimè constituebant. Accedit nunc novissimum pejusque prioribus malum, quod in Russiæ, Poloniæ, Volhiniæ Palatinatibus & Terris reperitur, jamq; à duobus circiter annis stante hoc turbido serpit latendo, scilicet falsificatio monetarum; primò enim ibi falsi tresses, deinde aurichalcina quædam ad speciem Cæsarianæ, nunc demum in copia ad speciem Moschoviticæ moneta reperta est, multiplicata sunt plasmata supposititia, de plasmatoribus suspicamur, qui illarum Regionum incolas, & cujusvis conditionis, & fortunæ homines, ad interitum ducunt, non tantum illis, verum etiam toti Regno perniciosi: Imperaveram pridem, de potestate officij mei, Superintendentibus meis & Notariis teloniorum Reipub. aliisque Officialibus fiscalibus secretè nonnisi, ex rationibus certis seriò id indagarent, sed id deprehendi palpabiliter non potuit, sensimq; est datum dissimulationi, nunc tamen ubi amplius indies sese malum hoc, & deplorandæ populi injuriæ publiciq; & privati ærarii extendit evacuatio, ut per literas informor, accedente supplicatione mihi missa à civitate Leopoliensi, ubi depravatores larvam superinducendo monetis publicis, versuras, & imposturas sine debito, imò sine ullo valore cudunt, (quod etiam cum valore legibus publicis prohibetur) & ex moneta, quam antiquitas in modum Deæ habuit, præsentiaque sæcula cultu vix dispere colunt, faciunt adulteram, adeoq; gehennæ filiam; inde enim publici tumultus oriuntur, & augentur, in publicis negotiationibus magnæ novitates & confusiones, detrimentum ingens, & injuriæ, non tantum ad omnes alios, verum præsertim ad pauperiores, stipem & subsidium exigentes, propriis victum quærentes manibus, mercatores quosvis, artifices, subditos in simplicitate & ignorantia viventes, impietas hæc derivatur, inde verò maledictiones, odia Magistratuum, collisiones, contentiones, cædes, caristiæ ob incertitudinem monetæ, mercaturæ & negotiationum abjectio, ruina publicarum & privatarum fortunarum accumulatur. Visum est itaq; mihi, ex vi authoritatis meæ, qua fungor, velut Minister ærarii Reipub. palàm de hoc notificare omnes, quod omnium bonum concernit, invocando alios, ut sibi, comunitatibus, publicisq; injuriis, penes quos est authoritas, consulere velint, aliis verò intimando, præsertim verò Superintendentibus teloniorum Reipub. aliisque Officialibus fiscalibus, ad quos hæc indagatio strictius pertinere censetur, quatenus omnem curam adhibeant, qua authores & plasmatores falsæ hujus monetæ, ubivis locorum investigent, falsificatores comprehendant, adhibito etiam brachio potentiore, eosq; ad acta castrensia pro pœnis criminalibus, contra hujusmodi, per leges publicas sancitis reddant, causasq; has, authore aut cōplice deprehenso, sumptu publico prosequantur: tales quoq; qui falsificatâ monetâ aut ement, aut aliud quidpiam solvent, ad acta in jus vocandi erunt, si fuerint nobiles, sin secus, captivandi ad reddendam rationem, undenam eam monetam acceperint. Quod universale ut omnibus innotescat, in actis castrensibus illorum Palatinatum publicari

A.C.1705 curabunt superintendentes teloniorum. Datum Berolino &c.

UNIVERSALE ELECTI CONTRA UNIVERSALIA THE-
SAURARII REGNI. Rydzyni 13. Julij.

UNiversis & singulis, quorum interest, præsertim superintendenti-
bus, Notarijs Teloniorum, Mercatoribus tam externis, quàm alijs
cujuscunq; Nationis, tam intra quàm extra Regnum negotian-
tibus, notum facimus.

Nondum vis occulta malorum sævire cessat; quando hæc Respub:
ab annis aliquot per studia perversa malevolorum, in abyssum incom-
modorum dejecta, ad eam etiamnum redigitur infelicitatem, ut licet
quis in contrarium in ea legum Patriarum agat, justo tamen se judice
tueatur. Documento hujus sit recenter datum ad Cameratus Nostros &
Reip: per Thesaurarium Regni, adhærentem Dethronisati Principis U-
niversale, qui molimina sua contra Rempubl: obtegendero, aliena rectè
facta pro criminibus reputat. Gloriatur se ad legationem extra limites
expeditum, cum consensu ibi Reipub. commorari: Verùm cui ignotus
prætextus est, quisve veram legationem esse judicabit à dethronisato
Principe non à Repub. constitutam? Non licuit ergo sub hac prætex-
tuosa legatione suum dimittere ministerium, verùm juxta jura invigi-
landum erat officio, ne Respub. detrimentum in proventibus pateretur,
qui forsan in sortem Thesaurarij non Reipub. recipiebantur: Ubi verò
Nos pro commodo Reip. in Aula Suetica restitutionem teloniorum ef-
fecimus & Commissarium nostrum ad recipiendos Cameratus delega-
vimus, & dispositionem eorundem teloniorum destituto à supremo Re-
gni Thesaurario & fiscali Notario, Regimine, facere jussimus, bonum
opus in Repub. malitia rodit. Non nos latet, quidnam Majestati nostræ,
quid Reipub, quid Patriis debeatur juribus: in jura Reipub. non invo-
lamus, imò ea ad pristinum statum reducere, adlaboramus: Nec ideo
ex alienis manibus proventus Reip. per commissionem vindicavimus,
ut eos nobis vendicaremus; verùm ut in emolumentum cederent Reip.
Dijudicabit Respub: in primis DEo dante Comitij, ad quæ & cognitio
recessus ex Polonia Thesaurarij reservatur, in ejusne conservationem
& tuitionem ab Exercitibus dethronisati Principis, contra quos, ut ve-
lut oppressores libertatis, & depopulatores Reip: propulsentur, Exerci-
tus nostros debemus conservare; an in tuitionem dethronisati Principis
& excogitatas ultra consensum Reipubl. legationes per Thesaurarium
dethronisati Principis adhærentem, converti debuerint? Nunc verò Su-
perintendentes, Notarios, Custodes seriò præmonemus, ne proposito
in Universali Smolenscio ullam præstetis obedientiam, ullosq; ei pro-
ventus reddatis; verùm eosdem proventus ex Teloniis nostris & Reip-
publ. juxta datam à nobis commissionem ad manus Commissarij, vel
ejus Substituti conferatis: Mercatores quicunq; ausi fuerint Vratislaviæ
hisce in nostra Repub: Intrusis proventus reddere, ab eisq; quietationes
recipere, non transmittatis, verùm ab eis in loco competenti, scilicet in
Cameratibus Telonia recipiatis, nec quietationes ab iisdem Intrusis da-
tas acceptetis; verùm ut juxta morem, nostramq; commissionem pro-
cedatis, sub gratiæ nostræ amissione, confiscatione bonorum & officio-
rum. Mercatores quoq; cujuscunq; conditionis præmonemus, ne sibi
ipsis sint detrimento, Vratislaviæ extra limites Poloniæ Telonia nostra,
& Reipub, Intrusis reddendo sed in Cameratibus & competentibus lo-
cis,

cis, sub pœna mercium amissionis: Ut verò non tollantur commercia, *A. C. 1705*
sed quisq; ea ad Regnum & extra Regnum possit juxta antiquas consuetudines vehere, de omni securitate in dominijs nostris & Reip. assecuramus. Quod Universale ut melius innotescat, in Cameratibus Vierzoviensi, & Krzepicensi alijsq; publicari, & actis ingrossari per Superintendentes in Cameratibus nostris & Reipub, mandamus.

UNIVERSALE CARDINALIS PRIMATIS PRO REASSUMPTIONE GENERALIS CONFOEDERATIONIS, CONSILIJ.

UNiversis & singulis, quorum interest, innotescat, quòd, licet cum profunda gravium dolorum impressione, inhæserint memoriz tristes Augusti, anni elapsi, Idus, quibus Rex AGUSTUS, fors fortunam nominis, sub hac æquivocatione probaturus, subitâ in civitatem Varsaviensem irruptione, consilium in ea terruit & interrupit, postea verò, collectorum ex omni gentium colluvie suorum Exercituum furorem, in templa, palatia, deposita bonaq; convertit, non inventis personis; quas vindictæ & indignationi suæ sacrificasset: Fateri tamen ingenuè possum, quòd elongatus cum Mareschalco Confoederationis Varsaviâ, hanc vitando tempestatem; usq; ad littus, infidi licet, tutioris tamen, etiam intra monstra maris, elementi & in tædiosa residentia, transactis plus quàm novem mensibus, non tam jacturam fortunarum, & inæstimabilem querebar ruinam bonorum, suscipiens eam grato animo, de manu ejus, qui dedit & abstulit, moderandoq; illo effato passiones: ad fati imperium, qui tacet ille sapit. Nec ita, grandem honoris mei depressionem, quod scilicet consumpta in laboribus & ærumnis, pro Patria ejusq; libertatibus ætate, ad extremum structos vitæ nostræ declinando laqueos, in alieno solo latere coacti simus: Nec ita deniq; omnes meas afflictiones, cum hæ humanitus & ordinariè viventibus obvenientes, aut adimere sensum mali, aut minuere soleant, quàm super hoc ex intimis cordis mei medullis doleo, quòd à centro Regni, adeoque à gubernaculo remotum esse, est committere Patriam, velut sine Remige Puppim, omnibus periculosissimis tempestatibus; Relinquere sine alimento & vitali humore cor langventis Patriæ, tum vel maximè, quando eorum, qui constituunt corpus ejus politicum, velut sanguis extrema occupans, alii vel extra limites, vel procul à meditullio profecti sunt, alij affectatâ authoritate, Majestaté consiliorum, de civitate in civitatem transferentes, nec, nisi confusionem, & rapinas autorizantes, instar humorum peccantium, augebant non minuebant symptomata, oboriebantur non semel oculis lachrymæ, ex consideratione statûs nostri & magnitudinis periculorum, quòd filii Hero-um, qui olim vicinis terrori fuerant in hæc inciderint tempora, quibus inter exoticorum Exercituum colluviem, vix nostræ gentis nomen dignoscitur. Ita nos confuderunt studia partium, ut velut in labyrintho diversas vias & capiam⁹ & capiamur. In Rep. Rempub: quærere cogimur, illud meritò desolationi ejus inscribentes: Cavete Cives, ne Civitas vestra per portas effugiat: Cuicunq; libet, dominatur nobis & populatur: Non mos, non jus, deterrima cuiq; impunè. Domorum, fortunarum, bonorum Spiritualium & Nobilium nulla immunitas, nulla securitas; ipsa sacraria, promiscuo in sacra & profana scelere, violentiis subsunt, & rapinis: Quia ij, qui antea angustijs fortunæ anxij, nihil simile in Rep: formidine pœnæ potuerunt aggredi, nunc excussis terminis licentiæ, in
con-

A.C. 1705 confusione & turbido, cupientes subito alienis ditari spolijs, signa ferunt non rogati, non ad defensionem Patriæ sed ad opprobrium & ludibrium heroi nominis, & ut devoret locusta, quod Bruchus non consumpsit. Id verò totum efficiunt dissensiones nostræ & discordiæ, quibus nostra prolongamus infortunia. Dum tamen ex speciali misericordia DEi, post omnes hæc afflictiones, præsentis conjuncturæ ad lætiorem tendunt revolutionem, & quorundam Palatinatum in Confœderatione Varfaviensi immutabilis constantia, aliorum proxima ad eam, tædio malorum affulget propensio; per hoc verò ad desideratam unionem, supra quam fortunata paratur via, glorioso exemplo magnarum in hac Patria familiarum, quæ præcurrentes ad Aram salutis publicæ, actu jam ferunt in holocaustum ejus fortunas & vitam suam, desperatis, amore, & applicatione Regis AUGUSTI, ejusq; reditu, qui fatone, an consilio extra Regnum profectus, tamdiuque in Saxonia subsistens, manifestè demonstrat, magis se de ruina Poloniæ, & vindicta, quàm de salute & tranquillitate ejus cogitare. Per quod videntur mala publica ipso malorum sensu mitescere, quando & Rex Prussiæ, amissa penitus spe, reconciliandorum Regum, AUGUSTI & CAROLI, circa quam non modico tempore laborabat, nullâ verò apparentiâ oboriente, Regem Sueciæ recessurum ab Electo Stanislao, quem publica legatione, totq; externis demonstrationibus, pro Rege recognovit, ipse verò in partes se Regis Sueciæ, consequenter Electi Stanislai declaravit: Quando insuper idem Rex Sueciæ re ipsâ confirmat, quod ingressus Poloniã tanquam amicus, ad erigenda collapsa jura, & libertates; gravisq; factus tam numerosis Exercitibus, per indispensabilem necessitatē nostris Regionibus, optat quàm citissimè abbreviatis eorū calamitates per reassumptionē, & consumationem, inter hæc duo Regna, Tractatus, nullam habens in corde aversionem; ut data tot ejus diplomata asscurant, per hocq; commodum concedens tempus adunandorum in unum cordium civilium, remotione & abstinentiâ illius, cujus lemma hætenus fuit: divide & impera: Nec volo, nec possum per conscientiam & innatum amorem Patriæ, clavum dimittere, & ex charactere meo, ac Primatiali auctoritate, designo ad consultandum, & amovenda omnia nostra infortunia, generalem congressum Varfaviæ 11. Julij, anni præsentis, invitando omnes, obtestandoq; quatenus in unione animorum, per Nuntios ex Palatinatibus & terris instrumento publico in congressibus vestris, particularibus, quæ pro die 26 Junij, in locis consuetis designamus, autorizatos in numero, qui vobis placuerit, in termino compareatis ad communem Patriæ defensionem, ad finiendas omnes transactiones, inducendam tranquillitatem internam, providendam externam securitatem, ut orbis videat quod antea mirabatur in gente nostra, invulnerabile esse, non quòd feritur, sed quòd non læditur. Quod universale manu mea subscriptum, sigilloq; munitum, ut citius omnibus innotescat, in actis castrensibus, Parochiis, juxta morem; sine mora publicandum erit. Actum Gedani die 31 Maji.

COPIA UNIVERSALIS ITERATI PRIMATIS CARDINALIS
Gedanò dati. 16. Junij.

OMnibus & singulis &c: Præsentibus significamus: quòd obstinata in pejus suiq; planè impos, ut Patriæ maturet exitium, malitia non tam prona mitigando sit; quàm promptè sese passionum suarum

arum permisit arbitrio: adeò facilius invadunt, quàm recedunt affectus. Fatentur ipsi, unicam nonnisi unionem animorum certissimum superesse salvandæ Reipub: medium; & tamen quoties unanimem consensum requirimus, toties ubi perversitate consiliorum obesse nequimus; ibi infestis armis spiritum turbinis animorum imittimus concordiae. Non pridem universalia mea edidi; quibus pro 11. Julij Generalem convocavi omnium ex Palatinatibus & Districtibus Terrisq; conventum, designatis partialibus comitiolis anticipativè pro 26 Junij: quamvis ergò ea secundum morem debite in omnia castra dimissa fuerint, & jam zelus civium fervorq; emicuerit, cupidus consulendi publico bono, per respectum eorundem universalium meorum: sed quia sacrorum intentorum effectum non tam impedivit, quàm abstulit partim non vanus metus conceptus de imminentibus undiq; partis contrariae copiis, in hunc duntaxat finem destinatis: ut Rempubl. uniri volentem distrahant, & in confuso relinquant; partim triste & inauditum exemplum abreptorum & captivorum Nuntiorum Palatinatûs Sendomiriensis: ideò dū hic & nunc ea tempestas ad incursum potentioris ab Aquilone retro cedere coacta, relinquit Palatinatibus libertatem & securitatem consulendi; ex ratione officij mei, & amore in hanc Patriam (ne filij ejus sint inter pericula sine remediis, inter casus sine consiliis & ut possint cum aliis quantocius comparere in inchoato jam feliciter consilio Varsoviensi) determino habendis in loco consueto Comitiolis diem.. Augusti; ut in illis pro libitu suo Nuntios ad consilium prædictum Varsoviense mittendos designent; quò omnes eæ transactiones, à quibus & publica solatia, & privata commoda dependent, fortunatè expediantur. Ad majus pondus fidem &c. &c.

RESPONSUM PRIMATIS AD LITERAS CONGRESSUS VARSAVIENSIS Gedanò datum 24. Julij.

TAM feliciter inchoatum, quia ultra spem & expectationem tantæ Civium frequentiae, quanta jam adest Consilium Varsoviense non tantum animum meum superabundanti replet solatio; sed etiam ominari jubet, quàm felicissimos ad finem suum successus, juxta commune illud nunc potissimum Patriæ necessarium proverbium: dimidium facti qui bene coepit habet. Est quod gratulemur Reip, quòd in extremis invenerit sincera Vestra circa defensionem sui studia & conatus: est pro quo Vobis gratiae agantur; quòd viarum pericula, dispendia vitae & fortunæ non præhabueritis necessitati periclitantis Patriæ, sed imò hæreditaria à Majoribus Vestris virtute & grandi candidoq; affectu, ne cadat universum, casus particulares contempsistis. Nolo damna, sumptus, labores, defessam usibus Reipub: valetudinem meam & ipsam hanc tam diuturnam hoc in loco non sine tædio & molestia repræsentare residentiam oculis Vestris; quia nec compassionis, nec laudis hac de re indigus sum: in minimo & modesto sensu de me declino eam, quam alij quæsitam meritis sumunt superbiam. Id mihi solummodo proposui cæteris omnibus infra positis, quo & dies vitae meæ absolvam; ut Patriæ succurram; quemadmodum & modò remis velisq; accelerarem ad gremium Vestrum; si non tardarent eadem viarum pericula, quæ vos cautò passu evitastis: quàm primum nihilominus securitas illis redierit & congressus Noster numerosiore adventantium frequentia solidatus fuerit; festinare non omitam & ad clavum Consilij hujus

A.C. 1705 hujus salutaris, & ad venerationem omnium Vestrûm, minimeq; attendam ad ea quæ ab extra terrent; id duntaxat à Vobis impensè peto: ut brevem absentiam meam non in tædii vertatis occasionem; in ejusmodi enim sumus conjuncturis, ut nec excludere moram, nec sine molestia pati possimus. Si autem evitare id impossibile; satius utiq; aliquid tolerare; quàm impatientiâ longiora mala provocare. Iteratò de accelerando adventu meo Vos asscurans exopto Vobis interea assitricem sedium sapientiam, quæ consilia Vestra quàm fortunatissimè ad vota omnium dirigat & confirmet, tenerrimo affectu maneo &c.

COPIA LITERARUM REGIARUM Ad SENATORES REGNI ex thermis Carolinis 18. Junij.

AUGUSTUS REX. Innotuit nobis produsse Gedanensi typo, sub 31 Maji Cardinalis Primatis universale, licet dandi universalia, nisi per abusum, nullam prætere possit, nobis viventibus, & regnantibus, potestatem. Non dubitamus, te legisse illud, factaq; supra continuatione pertinacis contra personam nostram, malevolentia, debita reflexione, indoluisset vicibus nostris, non ignorando, recentiq; volvendo memoriâ, tantum, in omnibus, quæ intervenerunt occurrentiis, affectum nostrum, tam erga personam, quàm erga domesticos ejus, in quocunq; eorum, & ipsius Primatis intercessit requisitio, nosq; testari potuimus: secuti sumus Primatialis ejus consilia, quamdiu in eis non apparebant doli, quibus iam à biennio, in continuis honoris nostri, reputationis, imò vitæ nostræ impetitionibus, manifestè sese prodentibus, defendere nos imposturis, criminationibus & delationibus vix sufficimus. Arguit adventum nostrum, anno elapso, Varsaviam, tanquam non liceret ad propria; ubi non tam mala inferre cuipiam, quàm impedire, ne ulterius contra nos malum serperet, intendimus. Si intentio fuisset nostra, sinistrum quid contra ejus personam agendi, an non id in nostra fuisset potestate? non est tantum Varsaviam inter, & Lovicium intervallum; habuimus verò tantum virium, licet eas ex omni gentium colluvie lectas, injustè criminetur; quibus eum in arce Lovicensi, metu percellere, idq; agere potuissemus, per repressalia, quod ille semper nobis, amotâ omni charitate Christianâ, peroptabat. Nunquam tamen non memores eramus innatæ æquanimittatis nostræ, imitantes illum, cui omnia contraria, licet primus in Polonia sacerdos agit, nolentes mortem peccatorum, sed ut convertantur, & vivant. Incusat fata Patriæ; quorum quisnam sit causa, dijudicabit & discernet DEUS, justus Judex. Indolemus cordialissimè omnibus his, quæ aguntur, utraq; per tantam agentur promotionem, infortuniis; subicimusq; cujusvis considerationi, utrùm tot collectæ turmæ, tot Valachorum vexilla, ad contrariam partem pertinentia, non plures gravioresve injurias & oppressiones pauperibus, quàm numerosissimi formales inferunt Exercitus? Si non scissa fuisset inconsutilis communis Patriæ vestis, si supra permissum jurium, contra omnem morem ad extraordinarias non facta fuisset resolutio, confederationes; si in iisdem non concessum fuisset ultra, quàm per leges Patrias licet, nunquam ad eam, quam omnes sentiunt, deplorant singuli, ruinam ventum fuisset. Redundent ergo in eos peccati pœnæ; qui sunt horum malorum causa, qui immemores DEI & legis, contra facta toties juramenta, cogitaverunt, & fecerunt nobis mala. Allegat idem Cardinalis Primas (alia puncta, quæ ejus potius

tius personæ, quàm nobis imputari, cujusvis judicio, debent) Regem Prussiæ nostrâ relictâ amicitia alteri eam testari promississe, & usurpatori Regni nostri assistere velle, cui nec nos, nec ullus, rationabiliter credere possumus. Primi fuimus, qui antiquorum vinculorum, & vicinæ Electoralis, aliarumq; rationum respectum habentes, pro Rege Electorem Brandenburgicum recognovimus, qui consilio Primitiali fultum cum prima gratulatione, Towianscium Pincernam Regni expedivim⁹, pro quo impossibile est, ut tantam referamus ingratitude, ut ille, cui titulum ultro & benevolè Regium detulimus, illum nobis ereptū transferre velit in alium, nemo sanæ mentis crediderit, illum Principem, qui in recenti coronam ipse obtinuit, nostræ detractiōe, daturū vicinis exemplum ad idem cogitandum, adsunt authentica documenta, quæ tuæ fidelitati exhibita, evidenter probabunt Regem Prussiæ de his, quæ sibi imponuntur, nec cogitasse, fidemq; hisce imposturis, penitus abrogare: adeoq; hæc ratio, quam pro Achille in suo ponit universali, subsistere nequit, mirumq; est, quod talia audet Regi Prussiæ & Reipub. imponere licet aliunde factâ reflexione super tot alios con-similes processus mirari desinamus, quis enim miretur, admissio absurdo uno; plura sequi? Convocat insuper, ad finem omnibus imponendum transactionibus, & ad tranquillitatem stabiliendam, omnes Palatinatus, quasi jam pro nobis non esset DEUS, quasi omnia nobis conservandi throni essent sublata media, ad quem nos DEUS liberis evexit votis. Visum est igitur nobis, te præsentibus compellare, invocando, & antiquam Domus tuæ erga Regnantes fidelitatem, & per obstrictam juramenti fidem, quatenus factâ maturè super præteritis, præsentibus, & futuris reflexione, non arripias novos perniciosos conservandæ Reipub. modos, teneasq; primam DEI ordinationem, certus de nostra in throno per eum, qui nos in illo collocavit, conservatione, nec eo te falli permittens, quod propter valetudinem nostram, quam summe necessariis roboramus mediis, ut ad defensionem Regni nostri, juriū & libertatum simus aptiores, tanto hic tempore commoramur. Cæterum jam pridem fuisset in Polonia, ut nobis unice optabamus, si debita prævisione periculorum, non fuisset nobis cavendum ab eis, à quibus judicio Cardinalis Primatis, nec licet nobis nos tueri. Sparamus tamen in DEO, sistendos nos ibi citius, quàm nostri optarent hostes, dandaq; nobis media efficacia, ad reprimeuda omnia eorum intenta, & testandam gratitudinem omnibus ijs, qui inviolatam conservant fidelitatem, & constantiam, circa bonam causam & personam nostram. Horum te certum esse volumus, à quo obnixè desideramus, quatenus id repræsentare velis amicis tuis, & toti Palatinatûs tui nobilitati, quæ certo noverit citius nos omnia bona, fortunas & vitam ipsam amissuros, quàm Regnum hoc relicturos, illosq; qui se ipsos tuitiōi nostræ consecrârunt. Bonam interea tibi à DEO precamur valetudinem. Datum &c.

UNIVERSALE CAPITANEI BISTRENSIS MARESCHALCI
CONFOEDERATIONIS GENERALIS VARSAVIENSIS.

Post subitum & insperatum, anno elapso, nostrum Varsaviâ in diversa abitum, non nemo forsitan considerando humanorum eventuum mutabilitatem, cogitare potuit, confœderationem nostram jam penitus dispersam esse, & solutam, sine mediis à dispersione congregan-

A. C. 1705 gregandæ, tractatumq; cum corona Suetica inchoatum, nec ad calcem deductum, abiisse secuturis sæculis in historiam. Verum justissimus DEUS intentionum actionumq; nostrarum iudex, ostendit manifestè contrarium, scilicet quidquid homines rectâ intentione, & cum ejus sanctissima voluntate, conformi, aggredimur, id serò licet ad præfixum deduci terminum, nec obstaculis, licet hæc intervenerint, impediri. Magnū mihi super Balthico litore cōmoranti honorem, sed non minorem constantiæ suæ spem fecerunt Palatinatus confœderati, expeditis ad Cardinalem Primatem, meq; suum Marechalcum legationibus, cum hac civium contestatione, quòd sicut circa sum sunt zelosi, propositum, casumq; ejus ingenitâ pati non possint magnanimitate, illam metuentes censuram, cœperunt ædificare, & non poterant consummare, ita desiderant obnixeq; requirunt à me, ut hic non morer otiosus, & aliquid operer in salutem publicam, ubi præsertim Rex Sueciæ ipse nos provocat ad reassumendos diu votis populorum desideratæ pacis tractatus, commissarios suos declarat mittere, & ne tam cōmodam elabi sinamus occasionem, præmonet. Unde obligationi characteris mei, unanimi vestrū omnium consensu, impositi satisfaciens, ne quid in posterum excusandum habeam, hæc mea mitto universalia, obtestando amore Patriæ, quæ tamdiu suspirat pacem, quatenus pro futuro, Deo dante; congressu à Cardinale Primæ, Varsoviæ indicto, juxta beneplacitum vestrum, è medio vestri expedire velitis Nuntios, cum ea prudentia & experientia; quæ ad tam operosum, sumamq; exigens circumsp̄ctationem, negotium, requiri potest. Expectando itaq; in designato Primatiali universali termino, cum extenso amplexu adventum vestrum, melioris valoris gratiâ, universale hoc manus propriæ subscriptione, sigilloq; munitum dedi Gedani 31 Maji.

EDICTUM SUMMI PONTIFICIS CONTRA CARDINALEM RADZIEIOWSKI. Romæ 10. Junij.

CLEMENS PAPA XI.

AD futuram rei memoriam. *Inter gravissimas commissi Nobis divinitus universalis Ecclesiæ Regiminis curas illa potissimum animum nostrum assidue sollicitat, ut ingentibus, quibus inclutum Polonia Regnum de presenti affligitur, malis opportunum aliquod remedium adhibere, alijsq; gravioribus, quæ inibi in dies Reip. universæ, quin & Ecclesiis, Catholicæq; ipsi Religioni imminere noscantur, periculis, quantum cum Domino possumus, salubriter occurrere satagamus. Cum itaq; sicut nobis innotuit prematuratis calamitatibus (quod planè dolentes dicimus) culpâ potissimum Dilecti Filij Nostri Michaëlis S. R. E. Presbyteri Cardinalis Radzieiowski nuncupati aditum apertum fuisse nimis exploratum sit, dum ille veluti muneris sui ac dignitatis oblitus amplissimam, quam in Rep. obtinet, auctoritatem, non Civium paci, Subditorum erga charissimū in Christo Filium nostrum AUGUSTUM Polonia Regem illustrem obedientia, ut omninò par erat, concilianda, sed concitandis dissidiis, turbandaq; advocatis etiam hæreticorum armis publica tranquillitati, ac ledenda demum, contemptis infraclisq; Patriæ legibus,*

ejus-

ejusdem legitimi Regis Majestati non sine maximo Ecclesiastici Ordinis dedecore impendit, nostrisq; insuper iteratis monitionibus, atq; mandatis, quibus eum ab hujusmodi excessibus retrahere, & coram nobis ad hanc aliam urbem nostram vocare curavimus, haecenus obedire detrectat.

Hinc est, quod hos, qui causam & causas praefatorum ejusdem Michaelis Cardinalis excessuum per alias nostras desuper in simili forma Brevis expeditas literas Venerabili Fratri Horatio Philippo Archiepiscopo olim Thebarum Episcopo Lucano apud dictum AUGUSTUM Regem Nostro & Apostolicae Sedis Nuntio audiendas, cognoscendas, & ad nos referendas commisimus, ut quod desuper statuum fuerit, maturâ deliberatione adhibitâ postmodum decernamus, nec ipse interim Archiepiscopali munere, ac maximâ, quâ fulget, dignitate in Ecclesia probrum, Reipub. exitium, & ipsius animae suae perniciem abuti pergat, providere volentes; Motu proprio ac ex certa scientia, & matura deliberatione nostris deq; Apostolica potestatis plenitudine eundem Michaelē Card. ab omni Pontificalium exercitio omniq; Metropolitana Ecclesia Gnesnensis cui ex concessione & dispensatione Apostolica praesse dignoscitur, & quam interim per Vicarium seu Officialem à praefato Horatio Philippo Archiepiscopo, Episcopo & Nuntio juxta ipsi à nobis attributam facultatem deputandum positus sub sequestro illius fructibus administrari volumus, regimine & administratione tam in Spiritualibus, quàm in temporalibus, nec non ab omnibus & singulis Juribus, Privilegiis, prerogativis, honoribus, indultis, & facultatibus quibuscunq; ipsi Michaeli Cardinali ratione dictae Ecclesiae Gnesnensis illiq; annexae dignitatis Primatialis Regni praefati quomodocunq; competentibus ad nostrum & dictae Sedis beneplacitum tenore praesentium suspendimus, & suspensum esse ac manere decernimus, & declaramus, ut in posterum ulli actui, functioni seu ceremoniae ad, pro tempore existentem Archiepiscopum Gnesn: & Polonia Primatem quomodolibet spectanti & pertinenti ac signater coronationis praetensi nulliter ac prosperam Electi novi Regis nullatenus se ingerere vel immiscere possit, & valeat, sub poenis statutis à Jure & Apostolicis Constitutionibus, aliisq; etiam gravioribus arbitrio nostro infligendis. Decernentes pariter ipsas praesentes literas, & in eis contenta, quacunq; etiam ex eo, quod dictus Michael Cardinalis & alij quilibet etiam specificâ & individuâ mentione & expressione digni in praemissis interesse habentes, seu habere quomodocunq; praetendentes, cujuscunq; Status, gradus, Ordinis, praeminentiae, vel dignitatis existant, illis non consenserint, nec ad eam citati, vocati, vel auditi, neq; causa propter quas praesentes emanarint, sufficienter adducta, aut justificata, vel verificata fuerint, aut ex alia, quacunq; etiam juridica & privilegiata causa, colore, pretextu, & capite etiam in corpore juris clauso, etiam enors

A.C. 1705

mis enormissima & totalis lesionis nullo unquam tempore de subreptionis vel obreptionis aut nullitatis vitio seu intentionis nostra, aut interesse habentium consensus, aliorum quolibet etiam quantumvis formali & substantiali defectu notari, impugnari, infringi, retractari, ad vitam seu terminos Juris reduci, aut in controversiam vocari, seu adversus illas operationis honoris restitutionis in integrum, aliudve quodcunque Juris, facti vel gratiae remedium intentari, vel impetrari, seu impetrato, aut etiam motu, scientia, & potestatis plenitudine paribus concessio vel emanato quempiam in judicio vel extra illud uti, seu se juvare posse; Sed ipsas presentes literas firmas, validas, & integros effectus sortiri & obtinere, ac ab illis, ad quos spectat, & pro tempore spectabit, inviolabiliter observari, sicque & non aliter in praemissis per quoscunque Judices Ordinarios & Delegatos, etiam causarum Palatii Apostolici Auditores, ac ejusdem S. R. Ecclesiae Cardinales, etiam de latere legatos sacrumque ipsorum Cardinalium Collegium, & Apostolica Sedis praefata Nuntios, & alios quoslibet quacunque praeminentia & potestate fungentes & functiones sublata eis, & eorum cuilibet quavis aliter judicandi & interpretandi facultate & auctoritate judicari, & definiri debere, ac irritum & inane, si secus super his a quopiam quavis auctoritate scilicet enter vel ignoranter contigerit attentari, non obstante nostra, & Cancellaria Apostolica regula de Jure quaesito non tollendo, aliisque Apostolicis ac Venerabilibus, Provincialibusque & Synodalibus Conciliis editis Generalibus vel specialibus Constitutionibus, & ordinationibus, nec non dictae Ecclesiae Gnesnensis, aliisque quibusvis etiam juramento, confirmatione Apostolica vel quavis alia firmitate roboratis statutis, constitutionibus, usibus, stylis, & consuetudinibus etiam immemorabilibus, Privilegiis quoque, indultis, & literis Apostolicis etiam Sacro Collegio praedicto, ejusque Cardinalibus, aliisque quibuslibet Personis etiam specificam & individua mentione dignis sub quibuscunque verborum tenoribus, & formis, ac cum quibusvis etiam derogatoriis derogatorijs, aliisque efficacioribus efficacissimis, & insolitis clausulis, irritantibusque & alijs decretis, etiam motu, scientia, & potestatis plenitudine paribus, ac consistorialiter, & alias quomodolibet in contrarium praemissorum quodcunque concessis, & pluries, qualibus, & quantiscunque vicibus approbatis, confirmatis, & innouatis. Quibus omnibus & singulis etiam pro illorum sufficienti derogatione, de illis eorumque totis tenoribus specialis, specifica, expressa & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores, causas, formas, & occasiones praesentibus plenè & sufficienter, ac exactissimè & accuratissimè expressis, insertis, servatis, & specificatis respectivè habentes, illis alias in suo robore permansuris

ad

ad præmissorum effectum hac vice duntaxat specialiter & expresse A.C. 1703 derogamus, ceterisque contrariis quibuscumque. Datum apud S. Petrum sub Annulo Piscatoris; Pontificatus Nostri Annô V.

BREVE APOSTOLICUM CLEMENTIS XI. AD ARCHIEPISCOPOS, & EPISCOPOS REGNI POLONIÆ. Româ 10 Junij.

V*enerabiles Fratres salutem & Apostolicam benedictionem.* Etsi præclara ac constans, quam de prudentia, fide, ac Religione vestra habemus, opinio, certam nobis spem faciat, vos memores eorum, quæ per alias nostras in simili forma Brevis literas pro restituenda Reipub: Vre tranquillitate, tuendaq; adversus invatores hæreticos Catholicæ Religionis, & charissimi in Christo Filij Nostri AUGUSTI Poloniæ Regis illustris causâ ad vos scripsimus, nihil unquam adversus eundem AUGUSTUM Regem admissuros, sed debita erga eum reverentiæ argumenta duros esse, ut omnibus palam fiat sacros Ecclesiarum Antistites non turbandæ, sed tuendæ juvandæq; Reipub. allaborare; Nihilominus cum nonnullorum audaciam eo progressam compertum sit, ut contemptis omnibus DEI & Patriæ legibus legitimo Rege postposito novum eligere, A catholicorum viribus potissimum adstipulantibus non erubuerint, timeriq; meritò possit, ne mala malis addendo ad pejora indies consilia, ac non nisi in extremam totius Regni perniciem celsura prolabantur. Hinc est, quòd nos considerantes quàm turpe esset & Episcopali Ordini indecorum Ecclesiasticam potestatem tam aperte legitimi Regis injuriæ patrocinari, quod sanè cavere vos maxime tam justitia ipsa ac leges Vestræ, quàm universi Regni Pax & tranquillitas, quin & Catholicæ Religionis ratio omnino postulant, ac proinde pro paterna, quam erga Rempub: V, ac vos ipsos gerimus, benevolentia, quibuscumq; gravioribus eventuris malis quantum cum Domino possumus, maturè occurrere cupientes motu proprio, ac ex certa scientia & matura deliberatione nostra, deq; Apostolicæ potestatis plenitudine vobis & vestrum singulis tenore præsentium districtè præcipimus, atq; inhibemus, ne coronationi prædicti nulliter & perperâ electi Regis, quæ quoquomodo tentari posset, vos ullatenus ingeratis sub pœna suspensionis ab exercitio Pontificalium, & interdicti ab ingressu Ecclesiæ, ipso facto & absq; alia declaratione incurrendis. Non obstantibus Apostolicis, ac universalibus, Provincialibusq; ac Synodalibus Concilijs, editis generalibus vel specialibus constitutionibus & ordinationibus, nec non quibusvis etiam juramento, confirmatione Apostolica vel quavis firmitate aliâ roboratis statutis & consuetudinibus, privilegijs quoq; indultis, & literis Apostolicis in contrarium præmissorū quomodolibet concessis, confirmatis, & innovatis. Quibus omnibus & singulis illorum tenores præsentibus pro plenè & sufficienter expressis, & de verbo ad ver-

A.C. 1705 bum insertis habentes, illis aliàs in suo robore permansuris, ad præmissorum effectum hac vice duntaxat specialiter, & expressè derogamus, cæterisq; contrarijs quibuscunq; . Datum &c. ibid.

F. Oliverius.

*Thomas
Dzialynski*

COPIA LITERARUM CARDINALIS PRIMATIS Ad PALATINUM CULMENSEM. Gedanô. 16. Junij.

Infortunia & calamitates hujus Reipub: ita ipsa influunt in oculos, omnesq; irrumpunt sensus, ut explicatione prorsus non indigeant. Tempus jam est, aut agendi quidpiam pro defensione; aut pereundi, nihil agendo. Gemit Polonia sub onere externarum gentium, modus salvandi omnes, alius non est, nisi unum sentiendo. Modicum nobis fuerat, premi à Suecis & Saxonibus, induximus insuper Moschum, unumquemq; sua perstringat conscientia, utrum id licuerit, & utrum rectè instituta fuerit hæc legatio, ex qua non remedium malorum, sed ultima emerfit Patriæ perditio; quæve facta, sublata voce vetandi, contra tot protestationes, magis affectu in Mtem, quàm in libertatem propensione. Opponatur; quemlibet pro posse, suis velificari commodis, quodq; sibi videtur ex privato esse proficuum, id esse utile judicare, & in publicum: At fallimur hac vehementer persuasione; nam licet, aliæ deessent rationes, res ipsa probat; nihil nobis Moschoviticam prodesse amicitiam. Unde, ut hæc vulnera in tempore sanari possint, nève sinas, hanc tibi in posterum elabi occasionem, quæ præponderante altera bilancis parte aut nulla erit, aut calva, obnixè ex charitate hujus Patriæ, postulo, & obligo; quatenus pro congressu Varšaviensi, cui diè 11m Julij designavi, venire non detrectes: Omnibus hic etenim & propria corrigere, & quid in publicum corrigendum est, convenit considerare. Quo ex munere characteris mei delato. Sum qui semper.

RESPONSUM PALATINI CULMENSIS AD PRÆCEDENTES literas. Turoviâ. 21. Junij.

Vocatorias, an monitorias, nescio qua potestate in parem tibi, præsumptas, de diè, 16. Junij Gedano hodie accepi. Exprimis calamitates hujus Patriæ, earum augendo cumulum; per inductos in M. Duc. Litvaniæ Exercitus Moschoviticos, causam devolvendo in legationem contra jus vetandi susceptam, Patriis nocivam juribus, privatum emolumentum, publicum damnum adferentem; in quo id me vel maximè solatur, quòd objectiones duntaxat, non probationes à te recipiam. Ut verò melius, quàm es, sis informatus; breviter, licet coram te justificari non teneor, innuo. Quo ad primum: suscepi hanc functionem in fundamento scripti ad Archivum; cui tuum, puto non temerè, subscripsisti nomen, quia illud prius tibi curasti legi; quod si postmodum est falsificatum, æquè tenet onus rationis reddendæ; à te, ac à Mareschalco actûs illius, mihi verò velut privato, intererat adimplere sancta, non interpretari: Insuper fors non pertigit ad te manifestum Castellani Cracovienſis, moderni tui colligati, qui sicut caput erat protestantium, ita reclamando, uberrimas dat in eo rationes; si imperas, tibi exemplar mittere, non gravabor. Objectionem de inducto Moschovitico Exercitu ipse Tractatus perimit, ex quo patet, me colligationem per diversionem armorum conclusisse; certusq; sum, quod ipse Rex Sueciæ,

*Hieronym
Lubomirski*

ciæ, velut magni Monarcha judicij, inter virtutes recensabit, me fidem A.C. 1705 servasse Dño, cursumq; fidelis obsequij consummasse: Quod verò sit ultra Tractatus contenta factum, ego nec accusare ausim, nec excusare. Innuis, me affectu in Mtem, & cupiditate privatorum commodum, non publicæ salutis, hanc suscepisse legationem: Quò ad primm, vel ipso hostili decidatur judicio, virtutine potius, an perfidiæ fuisset sacrificandum?. Quò ad alterum; à morte s. m. Regis JOANNIS III, ex quo infelicem hanc, in tutelam tuam, accepisti Rempub:, non tantum non restituiſti paci, verum ex similibus æqualium tibi Senatorum vocatoriis infero, te nolle reddere tranquillam & pacatam. De quo plura tibi exprimerem, nisi uterq; essemus sub censuris, tu non tantum primi Ecclesiæ capitis, sed etiam totius Christianitatis; ego sub tua indebita, à qua appellando ad pacatam & tranquillam Rempub:, concordēs status & ordines, relinquendo forum debitum & competens, sum &c.

COPIA LITERARUM REGIS POLONIÆ AD IMPERATOREM JOSEPHUM 17 Junij.

EX literis Majestatis Vestræ de 2. currentis, ad me amicè & fraternè emanatis fusiùs legi, quid eam ratione finalis liberationis Principis Poloni Jacobi repetendo idem, quod Mtas piæ defuncti D. Patris ejusdem, tanquam amicus, frater & vicinus desiderabat, à me iterum requirendi moverit cum fiducia, & spe indubitata, quòd ego præfatum Principem exnunc pristinæ libertati restituere ultra non cunctarer, ac ipso facto demonstrare vellem, ut sua Mtas in concepta erga me fiducia non erraret, imò ego ex corde dolerem, si Mtas Vra ex dilata hucusque non sine incommodo meo pacta liberatione supra memorati Principis Poloni aliter cogitaret, aut conceptam erga me fiduciam diminueret, cum ego omni possibili modo eam manutenere, ac constantissimè fovere unicè studeam, nec enim stante vitâ suæ Cæsareæ Mtis piissimæ memoriæ D. Patris sui æquissimis ejusmodi desideriis annuere intermissem, nec modò reale documentum animi mei Mti Vrà de ditissimi exhibere differrem, si de securitate mea, quam justissimè à me prætendi, nemo dubitare potest, sufficienter prospectum esset, cum Mti Vrà ignotum non sit, quatenus ex parte Cæsareæ Mtis D. Parentis sui, secundum solidas remonstraciones, rationum mearum gvarantiâ & cautio appromissa fuit, quòd Præfatus Princeps Jacobus sub sollicita inspectione ex cautela Græcium, alii autem duo Fratres Principes Alexander & Constantinus Romam pergere deberent, subsecuto etiam, quòd concernit ultimos duos suæ Sanctitatis assensu. Cum autem hucusque nulla realis declaratio subsecuta sit, nec ego ullam certitudinem habuerim, an & quomodo Mtas Vra cœptæ in hoc passu negotiationi inhærere, & ad effectum deducere intendat. Inde Mtas Vra innato sibi lumine evidentissimè perspiciet, quòd ego stante, indiesque accrescente Regni mei tempestate ac confusione ad executionem cœptæ, præsuppositâ

A.C. 1705 tamen supra memoratâ gvarrantîâ liberationis, sine magno mei ipsius periculo me determinare non valeam. Interim Mtas Vra in consideratione adductæ à me, ac ipsi sufficientissimè notæ circumstantiæ hócce responsum meum non eo sensu recipere velit, quasi ego votis ejus in hócce passu annuere nolim, quinimò certiores esse cupio, quòd ego ut in omnibus aliis occasionibus, ita in hac potissimum recedendo etiam ab occurrentibus usque modò obicem ponentibus præcautionibus, desideriis Mtis Vra confirmari non desistam, ac insuper propositionibus Mtis Vra per D. Legatum ejus Comitum Stratman in charactere suo confirmatum toties quoties mihi factis ita respondebo, ut ex iis constans desiderium meum conservandi amicitiae ac vicinitatis jura evidenter patere possit, utpote exoptans &c. &c. Datæ in Cæsareis Carolinis Thermis.

UNIVERSALE SEREN: PETRI MAGNI DUCIS MOSCOVIAE. Polociâ 25. Junij.

Post tit. Significamus omnibus & singulis Serenissimæ Reipubl. Regni & M. D. L. &c. Existimamus non tantum vobis, sed etiam universæ Europæ abunde notum esse, quæ ex occasione juxta obligationem ex condita in ævum duo inter Regna pace, postmodum verò sancita inter Mtem AUGUSTUM II. legitimè Electum Regem Poloniæ, uti & Rempub. utriusq; gentis ex una; & nos ex altera parte per legatos magnos Regni & M. D. L. colligatione, intuitu protelandi junctisq; viribus continuandi belli contra communem hostem nostrum Regem Sueciæ promanatam, ardentissimo zelo summoq; labore annisi simus; ut per intestinas discordias inductum in turbatæ Reipub. viscera hoste variis diversionibus ad excessum ex istis terris adigeremus, & per oppressionem ejus factioni adhærentium dethronizationem (proh inauditam hætenus orbi impiamq; audaciam) legitimè Electi AUGUSTI Regis impediremus; quam malevoli quidam de Repub. sive furtivi lucristudio, sive metu insupportabilis hostilis violentiæ & minarum in spem detestabili DEOq; abominabili actu hoc levamen quodpiam ab inimico obtinendi, jam ab hinc biennio in effectum & executionem deducere voverunt. Contra quos fœdifragos ex vi fraternæ colligationis & non interrupti amoris, intuitu defendēdi jus generale omniū regnantium Principum in publicis nostris literis ad totam Rempub. datis nostras sub illud tempus intentiones cum sufficientibus argumentis propalavimus, docuimusq; quali olim vindictâ ejusmodi etiam inter bestias & homines extraordinaria & fœda attentata ab Altissimo punientur, sed nec nos deerimus, prædictos turbulentos Principis sui & Patriæ inimicos pro nostris habebimus hostibus, ferro & igni persequi illos & delere satagemus. Ab hoc monito Nostro videbatur istud contagiosum incendiū remittere quodammodo & extingvi: verum latuit interea ignis sub cinere doloso eò usque, donec per supra nominatos hostes nostros Suecos subito excitaretur & diffunderetur. Demum contra jura & libertates hujus Serenissimæ Reipubl., imò omnium populorum, strictis armis Sueticis, ne audirentur leges, vocem suppressantibus ab exiguo numero villium hominū Palatinus Posnaniensis Lelczzynski inter ipsorummet Electorum & Confœderatorum ingentes controversias, illegitimè in Regem est

est nominatus; à quo non tantum Primas Regni & Cardinalis primique Senatores averfi sunt, & publicis protestationibus huic actui adversos se declararunt, (etsi sub id tempus à legitimo Principe suo discordarent) sed etiam ipse contra AUGUSTUM Regem initæ Confœderationis Mareschalcus cum adhærentibus suis nullo modo in illegitimam consensit Electionem, quin ab ea prorsus se separavit. Pensi nihilominus hæc habens Suecus pertinaciter in suis persistit intentionibus absolutam exercendo potestatem in libera Repub., adegit quosdam ad tractandum de pace nomine Neo-Electi: verum illi juxta decreta justi judicij à legitimo Rege AUGUSTO partim in servitutem abrepti, partim in exilium missi sunt. Et quoniam nostro principali exercitu aliquantum se elongante, Reipub. copiis in divisa scissis, justo milite destitutus supra nominatus AUGUSTUS Rex adactus est partem copiarum suarum impetui hostili & violentiæ subducere, meliorisq; ordinis & com meatum intuitu pro hibernis in Saxonia locare, quò etiam ipse consentiente Reipub. discessit, existimans se brevi compositis rebus dispositisq; in Regnū rediturum: verum propter infestas ab hoste vias nec copiis, nec ipse personaliter comparere potuit; ex qua ejus absentia opportunū nactus temp⁹ hostis ipse primū, tum etiam sub nomine Primatis Cardinalis in ordine ad confirmandā illegitimā Electionē edidit universalia pro 11. Julij, particularib⁹ in antecessū comitiolis pro 10. Junij indictis. Dubitam⁹ nos, nec omnino credere valem⁹ ea universalia à Primate Cardinale emanasse, cui nō tantum, ut præcipuæ & Ecclesiasticæ personæ, sed etiā ut primo Reip. Principi amplius præ omnibus integritatis Patriæ, concordiæ cum legitime Electo Rege, pacisq; publicæ incumbit habere curam. Unde existimamus ea provenisse de astuto conceptu mala meditantium inimicorum, volentium his omnibus decipere & ad illegitimum acceptandum inducere. Præterea apertam falsitatem in argumentum publicare non verentur; ac si Rex Prussiæ desperata reconciliatione Regis Augusti cum Rege Sueciæ ipse etiam in partes Sueticas declinasset, electumq; acceptasset: cui tamen contrarium verius esse non ignoramus: scimus enim id nunquam fuisse: solam ea duntaxat hostilem famam sparsisse; nam ejusmodi rumorem Rex Prussiæ scriptis ad Cardinalem refutavit, questusq; est, se falsò hujus rei insimulatum. Verum est Regem Prussiæ tanquam neutralem neutri parti hostem, consequenter nec Sueticæ fuisse; nihilominus nunquam speramus eum hanc illegitimam electionem pro legitima agnovisse: punctum enim hoc omnes Principes & coronata capita involvit, quorum non nisi supremi judicis de Majestate dethronizare potentis, aliumq; ad beneplacitum sanctum suum inaugurare potestati subest. Quomodo hic DEO detestabilis actus cuiuspiam legitimus haberi potest? & si non tantum exiguus grex, sed vel omnes subditi liberis vocibus legitime electum & coronatum Regem ex hostium libidine dethronizare præsumerent. Videtur igitur nobis universale hoc ab hoste potius, quam à favente Patriæ primo Principe emanatum esse; unde in eodem mentio facta ad incitas redactæ Patriæ, expilatarum Ecclesiarum, bonorum & possessionum: suppressum autem quis author? quis causa fuerit? indictus congressus habendi consilii causā de liberatione Reipub. à tantis calamitatibus & ruinis. Existimavit sic Suecus sua intenta de confirmanda illegitima electione Leszczyonii coronanda; si ejus tum promissa fucata, ac si ad succurrendum juribus Patriæ violatis advenisset, proponerentur: nos verò ejus sensus sumus, astuta illius & contagiosa (utq; verbo dicam) in exitium Poloniæ causa ei duntaxat

A.C. 1705 taxat placitura; qui hostili corruptione obcæcatus inter verum & mendacium distinguere nescit. Siquidem, (ut taceam, quæ orbi manifesta sunt universo) raræ civitates & fortalitia tam Regni quàm M. D. Lit. ab hoc assertore jurium & libertatis (qualem se nominat) imò nulla libera sunt. Quæ enim illa, quæ opibus & ornamentis armorum & tormentorum non spoliaverit? nudata templa & cænobia, reliquæ ipsæ sanctorum suis splendoribus amissis squallent, cessant cerimoniae, tacent campanæ, quia non sunt, omnes Palatinatus & districtus intolerandis contributionibus & rapinis exhausti. Hoc insuper addit apparens defensor, ac si non sui lucri gratiâ sed intuitu defensionis Reipub. & libertatis advenerit; cum interim Curlandiam suam fecerit in tantum; ut Generalis Levenhaupt in suis universalibus se ejus vice Gubernatorem scribat, idem utiq; etiam in Prussia quædam fortalitia passura sunt. Quis hic satis non arbitretur non aliam libertatem & pacem ex hac electione Reipub. progerminaturam; quàm quæ amplioribus ac qui modò sunt, constabit ignibus. Ecce nos secundum debitum supra commemoratæ colligationis inter nos & legitimè electum Augustum totamq; Remp. utriusq; gentis per publicam & solennem ex generalibus Comitiiis expeditam ad nos plenipotentiarum legationem sancitæ declaramus, quod nos obligati simus fratrem nostrum & colligatum omnibus viribus defendere & in legitimo throno conservare. Quamobrem juxta memoriales preces adacti posthabitis propriis commodis, nullius prætensionis intuitu, personaliter nos ingressuros in terras Reipub. cum corpore totius exercitus tanquam fidelem colligatum & amicū significam⁹ omnibus ordinibus Reip. ut cauti versuta ejusmodi & decipientia universalia nullaten⁹ audiant, nec ad illorū requisitionē particularia Comitia vel cōgressus per Palatinatus & Districtus habere, nec ad designata Generalia Comitia Varsoviam advenire intuitu detestabilis hujus DEo, falsæq; electionis præsumant: aliàs omnes ejusmodi audaculos pro hostibus Patriæ & nostris habebimus, actuq; hic & nunc pro talibus declaramus, imperantes exercitibus nostris, ut ubiq; illorum opes & bona vastent, ferroq; & igni perdant, & tanquam proditores honestatisque inimicos puniant. Quod ut cuivis manifestum sit; néve se imposterum ullâ excuset ignorantia; hoc universali Nostro intimamus. Pertinet verò ad omnes plurimum, tanquam ad fideles Patriæ suæ filios; ut satis compertâ habentes hostilem astutiam omnibus suis particularibus intestinis discordiis & odiis procul remotis in universalem coalescant unionem, conjunctiq; faventibus Patriæ & fideliter sibi addictis colligatis huic potissimum navent operam; quatenus sædifragum hostem ex Reipub. visceribus eliminent & assertæ de tot calamitatibus ruinisq; Patriæ quàm optimè prospiciant. Cui secundum Czareum Nostrium verbum Vobis datum. Nos tanquam verum colligatum sine ulla prætensione omnibus viribus nostris allaboraturos declaramus, possumusq; testari DEum Nos non alios ob fines, nisi merè ob impensas preces Vestras & supra memorata emolumenta Reipub; non autem ob necessitatem aliquam nostram in terras Vestras cum exercitibus ingressos esse, pro ut omnibus veritatem amantibus id ipsum asserimus, quòd præter ab ipsa Repub. in colligatione declarata quo ad necessarios commeatus pro copiis Nostreis, quorum tamen plurimos ex nostris dominiis advehi mandavimus, in nullo molesti erimus, actuq; injurias omnes & oppressiones sub pœna capitis inhibemus: sub hac optantes animorum unionem Reipub. & tot votis concupitam ab hoste liberationem manemus fidelis colligatus, obsequi-

sequiosus amicus. Datum ex Principali subsistentia ex castris ad Polociam 5. Junij. Regni Nostri 21. A.C. 1705

DESCRIPSIO FUNERIS REGINÆ PRUSSIÆ.

Berolinô 28 Junij.

Celebratum est solennissimâ cum pompa funus Reginae Prussiae sequenti modo. 1mo ab hora septima matutina ad 8vam, in omnibus templis æra campana resonabant, idemq; factum ab hora 9na ad 10, & toto processionis tempore, & ubi corpus tumbæ conditum esset. Eâdem matutinâ horâ, tam propter securitatem, quàm propter augendam pompam varia regimina confluerunt. Regimen Pyroboliorû Regij Principis ordinata stetit acie in area; nobiliores sclopetarij, vulgò Grandmûzketyri, splendide vestiti, in elegantioribus & generosis equis sub arce. Regimina verò Peditum ex utraq; pontis parte, in quatuor plateis eum in finem exstructi; rubroque panno cooperti, ut per eum processionaliter populus circuiret; eodem modo & ordine locata erant; Regimen desultorij militis, Generalis Derfling à cornu arcensis plateæ; ante ipsum templum Satellites Regij ceruleo pretiosiore amictu adornati in equis supparis prioribus valoris; Helveti verò soli lugubribus vestiti vigilias agebant in arce, templo, & processione. Horâ igitur 2dâ pomeridianâ inchoata est processio, quam cœpit æquo ad stuporem agili & pluribus instructo artibus Regij Præfectus stabuli vestitus pallio nigro ad terram usq; protenso, veloq; gossipino à galero pendente ejusdem longitudinis: Comitabantur eum tres Mareschalci, qui præcedebant scholasticos, & Ministros hujus religionis; quorum numerus circiter ad centum nonaginta, cum studiosis extendebatur; qui omnes vestiti erant palliis similis prioribus longitudinis. Canebant psalmos aliaque ceremonialia actui huic convenientia absolvebant: Iterum præibant tres Mareschalci, qui ex omnibus Deputatos partibus simulq; Berolinenfes ministros Ecclesiæ deducebant. Succedebant 12 tubicines, duoq; tympanistæ, omnes in oblongis palleis & gossipinis, qui sono funeri adaptato, voces canentium temperabant, tympana operta erant holoserico, in quo textorio opere ex auro & argento factæ fulgebant nigræ aquilæ in campo albo, similia à tubis pendebant ornamenta. Hos sequebantur tres Mareschalci, ducendo binos Deputatos ex omnibus civitatibus omniû Provinciarum Regis; 4 Mareschalci Landgravij (& fere omne Mareschalci Landgravij erant) Deputati à nobilitate, tã ex Prussia, quàm ex aliis omnibus Imperijs Regis Prussiae, cum eisq; 12 item tubicines, in simili prioribus habitu. His succedebant Mareschalci; quos proximè comitabantur personæ octo, brevioris habitu in modum dalmaticarum constructo, splendide auro & argento intertexto ornatae, fulgentibus ante & retro, Regiis stemmatibus. Hic incipit aula Regia, & ministri statûs, bini longis caudatis lugubribus palliis, & gossipinis, à galeris ad terram usq; protensis, ornati; suos comitando Mareschalcos, succedere deinceps personæ octo in holosericis togis, seu Ducalibus palleis, pellibus murium armellinorum subductis, & circa collaria, manicasq; obductis, inter quos, fuit Magister Besser, Magister ceremoniarû. Hæ verò personæ repræsentabant Reginam fuisse e Domo Electorali; sequebantur insignia Reginae à duobus ministris statûs super cervicalia holoserica aureis filis intertextâ portata, scilicet pomum & sceptrum, succedebat ipsa tumba, curru, quem octo equi, nigris holosericis pluviali-

A.C. 1705 vialibus ad terram protensis adornati trahebant, cum similibus ut supra stemmatis, penes singulos equos singuli erant Equites palliati, cum gossipinis ut supra velis, totidemque equisonibus ornatu simili: penes tumbam 12 ephebi, omnes in pallijs & gossipinis velis ad terram usque pertinentibus, opertis vultibus. Hi ephebi cum Academicis Berolinensibus ex arcensi sacello delatam currui tumbam imposuerunt, iterumque ex curru ad mausolæum in templo, in eum finem affabre factum, tandemque ad ipsum sepulchrum detulerunt, tumba operta erat primo candida telâ, deinde lugubri panno, tandem auro argentove gravi ad terram usque defluente materiâ, in medio coronis & stemmatis intertextâ: In parte anteriore ejusdem materiæ stemma Reginae, in posteriore, insignia Domûs Regiæ, traxino opere efformata fulgebant; quatuor partes ejusdem materiæ super tumbam à quatuor Generalibus portabantur; Regium verò diadema adamantibus dives super ternum Cussum auro textum, in tumba jacebat, supra quam umbella ad stuporem dives tota intertextis coronis splendide adornata à 12 Officialibus majoribus ferebatur, juvantibus eos alijs Equitibus Academicis, eodem ut supra habitu: Sat ponderis habuit umbella hæc, sub quo bacelli ferentibus frangebantur: Tumbam verò lugubri pallio, cum ampliore caudâ, & gossipino velo ad terram usque defluente, opertus Rex ipse comitabitur, assistentibus ei Marchionibus aliisque Principibus; caudam pallij Regalis portabat Marchio à Wartenberg, à partibus verò 24 Helveti circuibant. Regi succedebat Regius Princeps, post quem Marchiones, totaque Domus Regia ab utrinque à ministris deducebatur; à partibus pontis, simili, ut supra, modo, in lugubribus Helveti assistebant: His succedebat, præuntibus Mareschalcis, totum gynæceum Reginae defunctæ, & Marchionale; aliæque complures magnarum Familiarum fœminæ, quarum circiter 30 paria numerabantur; Omnes à capite ad calcem, candidis lineis indutæ vestimentis, cum caudis ad sex cubitos protensis: Tum demum procedebant tres Mareschalci cum Magistratibus tum Berolinensis urbis, tum aliarum propiorum aliisque Deputatis vilioris conditionis, omnes in protensis ad terram usque pallijs & gossipinis: Agmen hujus processionis clausit Præfectus stabuli Academiae Regiæ, equo generoso, agilique insidens simili prioribus ornatus modò: Penes templum tumba deposita per Ephebos & Academicos ut supra, ad templum delata & super Mausolæum, ad stuporem exstructum collocata: quo facto, in templo modestissime quisque in designato sibi loco subsistens, concionem à Jablonovio Episcopo Berolinensi habitam audivit, post quam legebatur vita Reginae, in eaque virtutes & alia ejus opera enumerabantur: deinde musica aliquot ante septimanis probata, in singularibus instrumentis est audita, cui successit; genti illi & religioni usitata in funeribus cantio, germanico idiomate hunc sensum continens: **Nun last uns den Leib begraben** &c. id est: Nunc ergo sepeliamus corpus, qua decantari incipiente, delatum est corpus ad sepulchrum, ibique ad aliam stanneam tumbam transpositum, tandem in omnibus templis campanæ resonabant, explosiones fiebant tormentorum hunc in finem circa urbem dispositorum, quas etiam regimina tum equitum tum peditum quæ sclopis quæ aliis varij generis bombardis, per ordinem à primis ad novissimos faciebant, ternis vicibus, ut factum etiam ex tormentis, tremebant fragore civitatis muri, fumusque tormentarius tenebris implevit urbem. Duravit ea solennitas ad 8vam usque vespertinam, ingenti confluxu populi, quem, amplum licet templum, capere non potuit, vix i-

is, qui processionaliter, juxta descriptum supra ordinem, venerunt, sufficiens. Reliqui verò propter tumultum ab introitu arcebantur. In plateis propter prospectum theatra constructa erant. Peractis funebribus ceremoniis, pergulis Rex perrexit ad arcem, reliqui suo ordine per plateam, ubi triduo solennissimis sunt tractati convivii, in quibus mensæ sexaginta numerabantur, sicq; actus ille finitus.

COPIA LITERARUM ILLUSTRISSIMI NUNCII APOSTOLICI Ad EPISCOPOS REGNI POLONIÆ.

EA est Illr̃mæ & R̃ndissimæ D. Vræ pietas, ac erga Apostolicam sedem cultus ac reverentia, ut dubitandum nullatenus sit, quin præcepto non ita pridem per me sibi facto, nomine Stis Suæ de non deveniendo sub quovis colore ac prætextu ad coronationem Dni Palatini Posnaniensis, nulliter ac perperam in Regem Electi, debita cum obedientia Illr̃mæ ac R̃ndissima D. V. sese sit submissura. Nihilominus tamen placuit Sti Suæ ut paternam, qua ob gravissimas istius inclyti Regni perturbationes ejus animus altò premitur, sollicitudinem uberioribus indies comprobet argumentis, per suas literas in forma Brevis expeditas, quibuscunq; ejusdem Regni Archiepiscopis & Episcopis Pontificiam suam voluntatē, magis ac magis declarare, ac præfatum præceptū renovando inculcare. Harum igitur literarum exemplar impressum atq; authenticum de mandato Stis Suæ Illr̃mæ ac R̃ndmæ D. Vræ communico, ac interea omnia sibi faustissima apprecatus ex animo dicor. Ratiboræ 1. Julij 1705.

RESPONSUM Ad HASCE LITERAS, ILLUSTRISSIMI EPISCOPI PLOCENSIS.

Ludovicus
Zaluski.

IN lachrymis dies meos numerans & mandatum Ss̃ni D. N. & literas Excenl: Vræ debito excipio cultu. Sequitur vertigo prærupta cernentidum amici molestè seduli, inanes jam ferè nidos populi sanguine Christi redempti funditus evertunt, rumpunt novis vulneribus veteres cicatrices, bona Episcopatus mei penitus eversa, anno elapso urbes quinq; & triginta pagi in favillam redacti, modò etiam in cinere dolofo reliquias miseriæ sepeliunt, templa spoliata ornamentis, nihil DEi honoribus relictum, sacerdotes excoriati, per sylvas errant vagabundi, subditi alii ad lutheranismum versi in Prussia degunt, alii fame (quod mihi gravissimum) sine bona animarum pereunt dispositione. Ad hæc obli-gando vulnera mea mittit mihi benedictionem Sanctissimus Dnus Noster, pro cujus incolumitate DEo preces fundo, ut quam diutissimè vivens, nodos quibus tota misera Europa ligata est, solvat, bella sopiat in exitium universi nata, Christianos ad concordiam convertat, ex spinis roseasnectere faciat coronas. Absit à me ut aliquando DEO periurus, Sanctissimo Dno meo inobediens, Regi ingratus reperiar. Educant illi ex ore Leonis mel, qui nec velle nec nolle quidquam diu possunt. Non cadet in naturam domus nostræ hæc labes & ut semel, sic semper constantissimi pro Mte revelata fronte & pectore agemus, nunquam malis innotescere intendentes facinoribus, fidelissimè itaq; quos habeant ventos vela mea insinuans indefinenter permaneo. 5. Julij 1705.

RESPON-

A.C. 1705

RESPONSUM ILLUST. SUFFRAGANEI PLOCENSIS.

Martinus
Zaluski,

Quanta sit totius Domus meæ, in sanctam sedem devotio, melius factis, quam verbis probamus. Quantus sit in Serenissimum AUGUSTUM zelus, omnium nostrorum bonorum evidens ruina, quæ ab adversa patimur parte, tristeq; omnium, alienis in terris exilium, ultimaq; calamitas documentum est. Confirmor & ego tanquam minimus Apostolorum, in utroq; benignissimis Excellentissimæ Celsitudinis Vrae literis, securamq; Excellentiam Vram ac per eundem Sanctissimum Dñum Nostrum, cui me subditum fidelem, ore ac corde profiteor, hisce præsentibus reddo, nunquam id à quopiam ex Domo mea, quanquæ ad incitas redacta, fieri posse quod conscientia nostræ nocivum, honoris & constantis fidei læsivum, ac imprimis voluntati S. Sedis possit esse contrarium. DEum interim Opt. Max. precor, ut Ssimo Dno Nostro longævam incolumitatem, ac felix Imperium Reipub. Christianæ imperiatur, meq; gratiæ perenni Excellentia V. demississimè recomendo maneoq;. Regiomonti 4. Julij.

XC.

ANDREAS C. ZALUSKI EPISC. PRINC VARM. ET SAMB.
Ad EUNDEM NUNTIIUM APOSTOLICUM.

Veniunt tardius ad manus Excellentia Vrae responsa Episcopi & Suffraganei Plocensiū fratrum meorum, quia locus exilii eorum est paulò longior. Nutu & arbitrato S. Sedis vivere ab omni tempore usq; nunc non volumus tantum omnes, sed & debemus. Ut ergo jam ad benignissimas Excellentia Vrae literas submississimè pro persona mea respondi, sic nunc non per Epistolas tantum hic adnexas, sed velut per syngraphas venit tota mea Domus afflicta cum aliis, imò præ aliis, solenniter spondens, nunquam nos nocendi voluntatem habuisse, nec habituros, cui serviendi ad vota & desideria S. Sedis constans studium fuit eritq;. Cum his me gratiæ perenni Excellentia Vrae commendo maneoq; Dresdæ 23. Julij.

COPIA LITERARUM SEREN: CZARI MOSCOVIÆ AD CIVITATEM GEDANENSEM. in Julio.

Premiſſis Tit: Etsi hætenus, ea nostra de prudentia, & æquanimitate Vestra fuerit opinio Vos in fide, quam Seren: Poloniarum Regi Fratri, Vicino, atq; amico nostro dilectissimo debetis, ac toties verbis factisq; probastis, constantes semper perleveraturos, tamen non tantum fama publica, sed & variorum literis & sermonibus, ad nos perlatum, reperiri in Civitate Vestra nonnullos, qui officij DEo, & legitimo Regi Vro debiti penitus obliti, commodis & studiis Suecorum, qui per tantum temporis spatium, quæ possunt hostilia in Regem & totam Rempub: Polonicam exercere pergunt, velificantur, ac ad nutum eorum qui Sueticas ac Leszczynski partes sequuntur, omnia quæ voluerint non tantum rectè, sed & apertè facere non erubescunt, omnia hanc in rem apud vos acta sigillatim, hic recensere supervacaneum, quia notoria sunt & ipsi omnium optimè nostis. Quia verò & Seren: Regi Vro Fratri atq; nostro-

amico nostro, totiq; Seren: Reip. Polonæ arctioris fœderis vinculo, *A.C. 1705*

aliisq; multis nominibus, jam pridem conjunctissimi sumus, proindeq; Regnis ac Ditionibus nostris, tantisper derelictis per DEi gratiã jam cum Exercitibus nostris in Poloniam venimus, hac solummodo mente, & sincerã intentione, ut Regnum hæc tempestate afflictissimũ & sub duro hostis jugo gemens, ex diuturni, & calamitosi belli incendio eriperemus, hostemq; nobis vobisq; infensissimum, ad pacem æquis legibus incundam impelleremus. Interim verò probe novimus, quantum ponderis Vestræ Civitatis conservatio, huic salutari negotio addere possit, diligenter ac sedulò vos hortamur, ne fidem, quam Seren: Regi Vrõ solemnibus sacramenti religione addixistis, violatis, verũ ejus commoda ac dignitatem, quantum quidem in vobis erit, & uti fideles coronæ Polonæ subditos decet, curetis, neque Vos ab eo proposito, vestroq; officio, vel diffidentia vel invasiones hostiles, aliæve periculi opiniones, si quæ forte ab aliquibus felicitatis V. minus faventibus Vobis suggerentur, abduci patiamini; facietis ita rem & Deo, & hominib9 gratã, justitiæ verò, bonæ famæ, utilitati, ac securitati V. convenientissimam, neq; nos unquam quâ publicis, quâ privatorum commodis V. deerimus, quin imò occasiones quas-cunq; quæ nobis suppeditabuntur, affectum nostrum vobis contestandi, lubentes amplectemur, commerciorumque VV. terra marisq; deniq; omnium eorum quæ ad vos spectare aliquando possunt, singularem curam ac rationem habebimus, speramusq; ita fore, ut DEi Omnipotentis ope, quem propterea supplicibus fatigamus precibus, urbi, ac toti Patriæ V, alma pax restitui, ac funesti belli fax in his partibus brevi extingui possit, nullis molestijs, laboribus, ac impensis parsum, donec hoc negotium ad felicẽ finem perducam9.

Vos verò secus si feceritis, ac aliquid eorum in posterum commiseritis, ex quibus studium V. in partes adversas colligi posset, firmiter decrevimus, vos tanquam hostis nostri amicos ubivis terrarũ habere, iisq; medijs adversus vos uti, quæ DEus Omnipotens ad exequenda consilia nostra bono publico proficua, ac ad quietem Regno vicino tandem restituendam necessaria, nobis cõcredidit. Hæc ut eã curã, ac diligentia quam res tanti momenti, Vestraq; propria salus, ac incolumitas exigit, perpendatis, Reique V. publicæ in hoc, prudenter ac bene consulatis. Cæterum de gratia ac benevolentia nostra certi bene valeatis, maximopere cupimus.

MANIFESTATIO SENATORUM BRESTÆ IN LITVANIA
PRÆSENTIUM CONTRA CONVENTICULUM VARSAVIENSE
FACTA 11 Junij.

NOS Senatores, Dignitarij, & Deputati à Repub. ad confœderationem generalem Sandomiriensem designati, qui ad locum hunc ex zelo boni publici, ad defensionem Patriæ convenimus, notum facimus præsentibus, futurisq; sæculis; quod secuti laudabilia Majorum

A.C.1705 nostrorum exempla, quibus conservatio Regiæ dignitatis, juratæq; fidelitatis, & tuitio libertatum semper vitâ charior erat & fortunis, ut antiquiores confœderationes Jędrzejoviensis, Vislicensis, Tyfzoviensis, aliæq; sunt documento; nullo bellorum turbine ab honesti amore dimoti, constante, nec variabili unquam erga Mtem, & libertatem certantes zelo, id orbi palâm facere volumus, quòd non omnia sint apud veteres meliora, idemque in nobis quod in Majoribus, gloriæ & felicitatis exemplum, & licet quorundam, præcipuè verò Radzieioviij Archiepiscopi Gnesnensis, & Petri Jacobi Bronisz, parturire & nutrire monstra ingratitudine violationeq; libertatum conterminum mare docuit; & fluctuans tumultuantis infortunij tempestas non evitatâ scyllâ, inhærere charybdi jussit; liceat tamen orbi palâm facere universo, etiam nostrû non sterile virtutis sæculum, quandoquidem DEo fidem, Domino fidelitatem, suum libertati decus, incorruptâ per malignitatem sæculi virtute, conservamus. Involvat dictarum personarum, aliorumq; omnium adhærentium obstinatio fraudem verbis, & in etymologia Seren: Nominis solamina quærat, cujus Mtas contra fœdisfragos, non utitur hastâ, aspectu contenta solo: Deformet victricia arma exquisitis nomenclaturis & sarcasmis, sit nobis melior dextra lingvâ; Eruat incineratam perniciosorum congressuum plenarumq; perjuriis conspirationum, in incendium Patriæ, scintillam; suum in his videbit mugire juvenicum: Incuset quantumvis Regni fata, inanes hæ querelæ sunt, nam frustra incusas fata, cum cudis ipse mala: Injustè collapsam in ruina hõnoris sui libertatem querulatur, qui eam fastui suo & ambitioni immolat, idque virtutem esse dicit, quod vindictâ, & obstinatâ probat malignitate. Pressa enim intra pectus tempestas, sopitæ alto silentio effrænium irarum objectiones, simili serpenti illi, qui dum latuit, hausit, quod vomeret inde virus, allicît turbatam dolo suo Rempubl: cupidam pacis, incerto tractatu; sic escâ adornat piscator hamum, ut gustum mortis persuadeat, sicq; dolosis implicatam illicitis in verum inducat Patriam labyrinthum, quo dum intrat, nescit qua exeat arte. Vocat in consortium publicæ infelicitatis senatum, ut eò magis authorisetur usurpata potestas, indicit comitiola præsumptuoso ausu, publicos congressus convocat, consilia determinat, dulcorat Tractatu, qui suavis propositus illicitis, ludicris semper terminabatur; congregat populum seditione, non ratione; ad gloriam enim nemo sibi socium quærit, ad lauream flagitij maxima turba placet. Exprobrat absentiam in Patria Domini, quem præsentem optaret nunquam, quæ cupit, increpat, quod jurat, improbat: Jam ergo etiam Princeps redit in Patriam, sanguinemq; Regium in ejus fert defensionem, nesciens sibi vivere, ni simul vivat & Patriæ; sicq; patere poterit, quod quibus displicuit absentia, displicebit etiam præsentia. Seducitur etiam hoc ipso populus, secretiorum minus gnarus, quod constitutum Electum externæ, vicinæ præsertim Monarchiæ (ut in recenti universali additum) jam pro Rege recognoscunt, cum tamen recognoscens reprobet ficta pro veris haberi, in quo etiam ipsum Primatem redarguit. Hic ergo quivis ad cautelam considerare potest, quibus motibus perversum agitur & agit ingenium, ut id quàm ordinatissimè ac ornatissimè perficiat, quod personæ actibusve ejus non turpe modo est, sed abominabile. Considerantes itaq; in tanta Mtem persecutione, spectantes, in honorem & fortunam ejus non tantum tracta ab exteris arma, verum etiam inductam in exitium Reip. ejusq; libertatum prædictam potentiam, cernentes everfos status Reip. perpendentes distra-

tractas occultis primò, deinde manifestis, nec cessantibus machinationibus vires ejus, videntes alios ambitione tractos, turpi alios lucro & blanditiis corruptos, alios vi adactos, & imperio, ut propositum Electum acceptarent, illum verò quem DEUS & libertas constituit non solum deferrent, verum etiam persequerentur, nec pro Domino recognoscerent, nos detestando imprimis fœditatem perjurij, ne infelicis luamus perjuria Trojæ, conservando simul fidelitatem, obedientiam, & recognitionem dominij Regis in ejus præsertim absentia, conformando nos confœderationi Sandomiriænſi, quam in omnib⁹ punctis, clausulis, & ligamentis velut fundamentum & basim jurium nostrorum, simulq; in præsidium Mtis, & vinculum virtutis ac honestatis nostræ, tot solennitatibus, & juramentis firmatam, plausuq; publico totius Reip: & inalterabili erga Mtem fide roboratam, & stabilitam, non tantum confirmamus, verum etiam iterato actu publico zeli, & ardoris nostri erga Principem & libertatem nostram, de consensu omnium renovamus, & ratificamus; sicut enim semel legitimam & solennem Regis electionem tueri, fortunas & vitam impendere declaravimus, nosq; obligavimus, ita nunc quoq; communi omnium consensu declaramus: omnes verò actus, quoscunq; antecedenter, quocunq; protextu & titulo contra Majestatem, & violentam Regij throni usurpationem, indebitamq; electionem, quam exotica potentia, & nefarius ausus insolentis malevolorum nequitia facere præsumpsit, ut in eadem Confœderatione Sandomiriænſi reprobavimus, nosq; contra id manifestavimus, ita nunc quoq; manifestamus, & non minus contra actum pro 11 Julij, anni præsentis, illegitimè, captiosè & seditiosè indictum, protestamur, & quidquid ibi reclamantibus & repugnantibus nobis statutum est, improbamus, execramur, & pro inani, illegitimo, violento & abusivo haberi volumus & habemus, eos omnes, qui dictos congressus inchoant, fomentant, solennificant, continuant, authorisant, declarantes pro Perduellibus, & hostibus Patriæ, protestantes coram DEO & toto universo, quòd semel Electum Regem AUGUSTUM II. manu tenere, nec eum deferere, pro ejus dignitate, fortunas & sanguinem cum vita volumus fundere, quòdve in nihilo Confœderationi Sandomiriænſi detrahemus, aut detrahere permittemus (exceptis iis, qui relictis partibus contrariis unum nobiscum sentient, nec sentire desistent) parati extrema potius quæq; subire, quàm huic Confœderationi etiam in minimo præjudicari permittere; siquidem eam sola virtus, amor Principis, & conservatio jurium in documentum posteris gloriæ, fidelitatis, & tuitionis libertatum, condidit, quod etiam sanguine consignare parati sumus. Petimus interea comitem Dönhoff Ensiferum Regni, Mareschalcum generalis Confœderationis Sandomiriænſis, quatenus hanc nostram manifestationem manuum nostrarum subscriptionibus roboratam, typo mandari, actis ingrossari, publicariq; jubeat; cui non à nobis solum debetur laurea gratitudinis, verum etiam sera posteritas decus ejus & gloriam celebrabit, pro tam constante erga Principem propensione & fidelitate, proq; tantis in Repub: laboribus & obsequiis, à quibus eum nec ratio sanguinis, nec in cineres redacta substantia, nec ulla illicia abduxerunt, aut traxerunt in adversa, unde illi in sera sæcula, memor meritorum Patria singularem debebit gratitudinem. Nos interim ex obligatione nostra, obstricto erga Mtem zelo, simul ad roborationem Confœderationis Sandomiriænſis, velut salutaris operis, & gentis nostræ gloriam repræsentantis, nec minus in reprobationem omnium contra Mtem moliminū,

A.C. 1705 congressuum, & conspiracyum, & quacunq; forma prodeuntium praestigationum, & recentis idoli abominationem, exinanitionem & annihilationem; hanc manifestationem facientes, eam manuum nostrarum subscriptione roboramus.

TRACTATUS REGIS PRUSSIAE CUM GEDANENSIBUS.

Dubito ut sit verus. Men: Augusti.

Imo. **H**abenda praecautio, quod Tractatus iste neq; Reipub: Polonae, neq; ipsi Civitati (quae incorporationi Reipubl: alijsq; suis, aut Religionis, aut aliis jurium, legum, privilegiis, ac libertatibus relinquitur) in praedictum fiat.

2do Ut Generalis in Prussia Regia semper vigilem oculum in Civitatem hanc habeat, suoq; milite ita eandem tueatur, quasi Regis sui propria foret; utq; Rex Prussiae praedictam Civitatem omnibus pactis & foederibus cum quibusvis caeteris Principibus, aut Statibus ineundis includat, ac ejus curam veluti propriorum subditorum habeat.

3tio Ut Rex Prussiae in modernum tempus duo millia militum, scilicet 1500 Pedites & 500 Equites; aut pro Civitatis arbitrio, aut etiam pro exigentia periculi plures copias suppeditet.

4to Si Civitas medium regimen militum susceperit, medium sustentabit, si totum, totum, quousq; miles hic praestiturus est Civitati juramentum, strenue & fideliter eam in quibusvis casibus defendendi. Jurisdictio autem militis penes Regem Prussiae relinquitur.

5to Si quis de hoc milite Civitatis Incolas violentiam, aut injuriam affecerit, puniendus erit à Gubernatore Civitatis, nihilominus communicato consilio, à Prussici Regiminis Officialibus etiam in quovis alio casu consilium petendum, nec aliquid sine illorum consilio in delinquentes agendum.

6to Si forte hic miles Civitati aut suburbiis imponetur, ordinariū singulis Mensibus percipiet stipendium, prout etiam stipendiarius Civitatis; si autem in bonis Civitatis, ita sustentabitur, prout in Ditionibus Regis Prussiae sustentari solet.

7mo Ubi in posterum, si haec Civitas hoc milite non eguerit, remittendus est, sed anticipato mense significandum de hoc Regi Prussiae.

8vo Ut Civitas permittat omni tempore copiis Regis Prussiae ex Pomerania in Prussiam, & econtra liberè victualibus à Regis Commissario, & Civitatis Ditionum colonis; quae copiae, si forte per Civitatem transitum petierint, centeni tantum mittendi sunt, & à Civitatis Equitibus traducendi, ne Civitatis Incolae habeant, quod metuant.

9no Si forte Rex Prussiae à quocunq; hoste in Prussia impetitus fuerit, Civitas nulli ejusmodi extero dabit subsidium, excepta tamen Reipub: Polonae.

10mo Ut tributum ordinarium, vulgò dictum corruptum à Civitate removeatur.

11mo Rex Prussiae curabit ut ordinatio & cura Postarum iterum, sicut olim Civitati conferatur.

12mo Insuper promittit se Rex Prussiae Civitatem defensurum, si forte hac de causa impetita fuerit, quod se coacte Confederationi Varsoviensi subscripserit.

13tio Item si denuò molestiam habuerit, ratione Rothicae hereditatis, se illi praesto futurum.

1480 Hic Tractatus duraturus est in annos 10. aut diutius, si Rex A.C 1705 Prussiae supervixerit ad dies vitae. Tandem postea relinquitur confirmandus arbitrio civitatis, sed intra sex hebdomadas ratificatio statuenda.

Tria Puncta secretiora.

I. Quod Rex Prussiae possit Copias in protectionem Civitatis missas in eadem Civitate restaurare aut diminutas redintegrare, atq; sub jurisdictione Civitatis novas inducere.

II. Ut Civitas singulis annis pro Regia protectione solvat 50000 imperialium.

III. Quod Rex Prussiae non prius exiget a Civitate praedictam summam, donec in toto concludatur hic Tractatus.

COPIA LITERARUM SEREN: REGIS PRUSSIAE AD CARDINALEM PRIMATEM. Berolinò 16 Junij.

VIdi universales literas quas publicari fecit Emin: Vestra in Polonia pro Convocatione Nobilitatis, & fateor mirari me super ea, quae dicta sunt de me, hoc est, quod cum Rege Suecia nos vos inierim Tractatus ad Poloniam pertinentes, & quod recognoverim Palatinum Posnania pro Rege per legationem publicam, & per plures alias demonstrationes.

Apparet malè eam informatam esse de ijs, quae in hac occasione gesta fuerint. Sicut ergo multum mea interest, ut sit melius informata, libenter eidem dicam, quod in hanc usq; horam nullatenus recognovi dictum Palatinum pro Rege, & quod nullus ex meis Ministris in mandatis habuerit ad id faciendum. Idem intelligendum est de Tractu cum Rege Suecia, cum quo nullus intercessit ab anno 1703 qui nullatenus pertinet ad praesentem rerum statum Regni Poloniae, & in quo nulla mentio nec de dethronisatione Regis AUGUSTI, nec de elevatione Palatini Posnaniensis. Et sicut clarè video, quod si Orbis in hac manserit opinione, in quam ejusdem universales literae inducunt, non bonos inde oriri posse effectus. Excusabit proinde, quod aliter hac in re informem non tantum Poloniam, sed & alias Nationes. Spem non dubiam habens confisus in prudentia ejusdem ordinaria, quod in similibus occasionibus, quae cum tempore accidere poterunt, nihil tale dicet ad personam meam pertinens sine seria animadversione super verum rerum statum, & sine necessaria mecum communicatione. Precor interim DEum mi Cognate ut eandem in bona sanitate & digna custodia sua conservet.

COPIA LITERARUM CARDINALIS PRIMATIS ADBOKUN
Episcopum Premisliensem nominatum Cracoviensem.

PRomisit mihi Castellanus Cracoviensis, se missurum unum ex intimioribus ad confidentius agendum de iis rebus, quae sunt Status & necessitatis praesentis, propterea eo tempore ad eundem non

A.C. 1705 scripsi, expectans eum, quem missurus erat. Modò ex literis tuis 23 Octob: Varlaviâ datis intelligo te, & non alium fuisse in causa Castellano Cracoviensi ad tractandum id negotium. Libentissimè ad coram tecum conferrem, non per literas, quibus concedere intimos sensus non est securum, maximè modò, quando & correspondentia, licitum illud amici ad amicum colloquium prohibitum, & propter malos interpretes, nam licet sanctissima exarentur, non evitant tamen suas pœnas penuræ. Ad puncta tamen literarum tuarum; quæ possunt esse considerabiliora, punctatim & quantum possibile brevissimè libenter responderem. Cœptam negotij tractationem, quæ mihi significas gratulor tibi. Reconciliare enim mentes offensas ac dissitas & ad bonam colligationem adducere, verè est virtus desuper, non cuivis concessa, tandem qui hoc scribit, ubi ad desideratum effectum deduxerit, ostendet ingenium felix & grande. Ego tamen ad hujus negotij tractationem, nullum ex parte mea dedi consensum, nec Rdñus D. Jelowicki non entia pro entibus potuit subsistere, nam cum Varlaviæ comparuit, solum me in anticamera convenit, & ex eo fuit mihi gratus & acceptus, quia Nomen tuum portabat, tanquam domesticus, cui literas reddidi gratulatorias reditus tui Româ ad Patriam & nihil amplius. Secundâ vltice iterum rediens, cum aliquid cœpisset tractare in præsentia Castellani Cracoviensis id interruptum casu, vel alio fine, interea statim discessit me insalutato. Et licet hoc non intercessisset, credas mihi, me in rem tantæ importantiæ minimè immisisssem, nec habendo confidentiam ad personam, nec proportionem ad annos. Originale Seren: Regis subscriptum monstravit mihi Thesaurarius Regni, cujus contenta idem sonabant, dum interpretati sumus, quod mihi & aliis per canalem derivare licuit. Sed quidquid sit scriptum hoc, quia adhuc in Julio datum penitus servire moderno rerum statui non potest, mutato longo sistemate, nam ego illo tempore eram totus impassibilis, modò verò non item, penitus ubiq; ad ultimam miseriam adactus ex voluntate Seren: Regis, & jam videtur dolor esse supra remedia, licet scribas. Opto ut respondeatis vocabulis. Sine me hæc omnia expediri possunt, qui sum in statu distincto à Castellano Cracovien; si videt quòd variabilitas est cum bono interesse familiæ suæ, permittat se fortunæ quæ etiam de natura sua variabilis, ego autem vela mea ad ventum applicare debeo. Expedire ad me hoc opus, quod struitis, pro ultimaria perfectione, esset supervacaneum, quia ego non melius possum scire interesse Castellani Cracov: quàm ipse, per consequens, neq; perficere has structuras: quisq; melius suos novit sensus, siquidem habet provisam à Seren: Rege securitatem, idq; talem cui confidere potest: igitur pro resolutione gratis ad me recurritur, quæ per modum consilij in rebus dubiis peti contuevit, componi & combinari etiam per minimos, dumodo bene, non refusè. Sed quia & Illust: Nuntius auctoritatem Sanctissimi in brachio ad componendam unionem inter Seren: Regem & me movet, ideo Illmum Dñm, uti recenter reduci Româ perspectum est, quòd ibidem omnia, eo tramite quo res cœpta, currit & finitur, & hæc me consideratio etiam ad tractandum cum Illust: D. Thesaurario M. Regni retraxit. Odium in Seren: Regem nullum habeo nec foveo, quia accedenti ad Altare non licet mun⁹ ponere, nisi prius reconcilietur. Quis autē magis exulceravit? si in literis tuis voluisti abesse notam assentationis, potuisti illos & me ommittere, quia per hoc celares passionem, quam monstrasti; & quasi minorem dolorem sentirem, si non dedisses occasionem reminiscendi gravium

vium ruinarum, video Palatia desolata, bona funditus everſa, depoſita recepta, nec Sanctuariis quidem indultum, quorum licet nullam aliam haberem offenſam, uti Princeps Sacerdos in hoc Regno Patronum agere debeo. Quæ ultra ſperanda ſecuritas, in Regno, quando profani jecerunt manus? Quæ immunitas bonorum Nobilium? quæ Anteceſſores noſtri cum ſanctuariis comparare voluerunt. An non præcedentibus temporibus fuere confuſio, perturbatio, tempeſtates Reipub; & tamen non legimus in collifione Civili ſimilia acta. An non fuit in ſummis tricis Prazmowski, tamen Lovicium non everſum. Contra Lubomirski Patrem Caſtellani Cracovien: in ipſis Comitibus conſtituta triſtis ſententia, in bonam tamen non ſecutum. Parens meus pro hoſte Patriæ declaratus, & tamen Radzieiowicz in integro manſerat? quæ omnia ſub regimine Seren: Regis everſionesq; ſui viderunt, & tamen minimè conſideramus, nec reflectimus nos, apud nos pluris valere exempla, quàm leges, & hæc infelicia præjudicata tranſire in cõmunis rapinæ licentiam. Non mea igitur, ſed totius Reipub: & legum publicarum Authoritas, quam prius reconciliare oportet, quàm meam unicam perſonam. Etiam & hoc mihi denunciat meas perſecutiones, ruinas eſſe præter mentem Seren: Regis, nec ullo modo voluiſſe capi Palatinum Lencicienſem, imò pro capto ordinationem dedit eliberationis, Saxones verò non attentò mandato duxerunt eum Varſaviam, Varſaviâ in Saxoniam, ergo & hoc præter mentem Principis. Judicet, an non illud mihi & bonitati Sereniffimi Regis, quam nimium dilaudas. Non poſſum hoc concipere, quo meruit Palatinus Lencicienſis, qui in nullas Reipublicæ tricas & negotia ſe immiſit, homo magis ruralis, quàm furialis, niſi Rex Seren: per impletos à Saxonia carceres Senatoribus & Nobilibus Polonis celebrare vult, vel notum reddere regimen ſuum & manũ potentẽ ſuam. Literæ Palatinæ Lencic: Gallico idiomate exaratae leviter nimiũ incurſerunt cenſuram, nam ego eaſdem legi, & non adverti aliquid mali, quod ſub eſſet interpretationi, quaſi Scripturæ ſacræ ſeptuaginta interpretum, & ſectariorum ſine numero: nullum bonum hic ſtylus potuit afficere, hic tantum ringitur, cui ulcus ineſt & quem conſcientia perſtringit. Ad Conſultationem vel conferentiam 12 præſentis futurã penitus non videtur neceſſaria mea præſentia. nam ſi conſulerem meo more, quæ ſummè neceſſaria Reipubl. non placerem, vel non eſſem Placentinus, aut ſi permiſſivè ad fas & nefas procederem, gravi in re Patriam meam deciperem & authoritatem characteris mei; Et ne nulleitatis ſim homo, ibi licet poſſem ſervire adhuc non obducto vulnere, malo à longe audire velut Tarpeja de rupe caſurum fulmen & conſiderare ad quid talia conſilia valebunt, in quibus exilia, conſiſcationes & proſcriptiones civium decernuntur & quis iſtorum finis, quæ per interitum ſingulorum ſalutem univerſi perimunt. Quod attinet gratiam Sereniffimi; hanc ſemper ambivi & ambio, quia non tantum libens apud Magnates & Reges, ſed etiam apud minimæ ſortis homines eſſem extra odium, tamen hanc confidentiam fugio, quæ non uni ſal in oculo, nec mihi poſſum perſuadere, optimè ab aulicis ingeniis illi conſuli, bene aulica ingenia velle, quorum ſtudium ſemper fuit diſſuere, non conſuere cointelligentiam meam cum Sereniffimo Rege, quod non ſemel probavi, dum exiſtens apud Sereniffimum ſemper reſceſſi benevolo, pleno affectu vel gratia ſumma, affectu ſingulari & confidentia eximia, quæ poſt aliquot dies imò miliaria ſtatim corruerunt & ſicut fuit magnus per ſinceri affectus conteſtationes reſceſſus, ita major poſtea. Interim ridiculum mihi maximè videtur

A.C. 1705 videtur te mihi optare sine mora ad Serenissimum festinare, hic verò mihi vix sexigæ supersunt, dum mihi omnes aliàs Saxones in Tygenhaussen surripuerunt. Non assuevi pedestri via incedere, nec sine comitatu servire, nec testudo properare potest. Hâc itaq; resolutione datâ tibi respon. Illi Dni Castellani Cracoviensis, nimirum quod velle suum cuiq; est, magno iudice secundum beneplacitum tuum tueri te poteris. Ego verò districtè, quæ mei interesse optima videbuntur providebo. Servus &c.

COPIA LITERARÛ GENERALIS CAROLI REINSCHIELDT
sub Zboſzyn 5 Septemb.

Invitatio
ad consiliũ
Varſaviam

CUM congressus modernus Varſaviensis pro bono publico, propter tranquillitatem, & redintegrandam pacem institutus non solum ex condicito, sed etiam ex munere officij, & addendum rebus gravissimis momentum præsentiam Illustrissimorum ex ordine Senatorio, & Equestri virorum requirat, hanc non sine admiratione nonnullorum, quorum consilia in dicto loco maximè essent necessaria, in domibus suis adhuc morari audio. Quando autem hos inter Illustrissima etiam Dominatio existit, proinde pro ea, quam erga ipsam testor sinceritate, etiam atque etiam monendum amicè duxi, ne absentia suâ Rempub. turbare, aut inchoata salubriter consilia retardare, sed damnatâ omni morâ Varſaviâ properare velit. Interea hoc Illustrissimæ Dominationi Vrae ad notitiam perferendum censeo. Omnes qui salutem publicam privatis posthabuerint rationibus & commoditati, nec intra decem abhinc dierum spatium Varſaviæ se stiterint sese ipsos certò certius gratiâ Regiâ prorsus privatuos, maximumque detrimentum bonis suis illatuos. Quicumq; verò debitum erga Patriam amorem accelerato Varſaviam itinere testari voluerint, in quorum numero Illustrissimâ Dominationem vestram maximè optarem, isti omnes re ipsâ gratiam & clementiam Serenissimi Regis & Domini mei, meam autem durante hac expeditione bellicâ erga seipsos, & terras suas propensionem & facilitatem experientur. Quod reliquum est, permaneo.

COPIA LITERARUM REGIS IN PRUSSIA AD SEREN: RE-
GEM POLONIÆ. 27 Junij.

FRIDERICUS DEi gratiâ Rex in Prussia &c. Regi Polonia AUGUSTO II. &c.

Accepimus literas à Mte Vestra die 21 Junij ad nos datas, atq; ex iis perspeximus, quæ ratione Universalium à Cardinale Radziowski in Regno Polonia haud ita pridè promulgatorum ipsa à nobis desideret. Primum quidem non vulgatum animo dolorem ex eo capimus, quòd motus illi, quibus res Polonica inde ab aliis quot annis concussa dilaceratur, necdum cessare, quin potius latius serpere, & majora indies sumere malorum incrementa videantur, adeoq; nihil nobis antiquius, & magis in votis est, quàm ut in Regno hoc aeternæ amicitie ætiorisq; fœderis nexu nobis conjuncto ad conciliandam firmandamq; pacem quidquam conferre, ac saluti ejus consulere queamus. Cui restituenda uti hæctenus omnia, quæ in potestate nostra fuerunt, etiamsi scopum, quem intenderamus, non affecti simus, re ipsâ ac libenti animo contulimus,
ita

ita impoſterum conferre nullo modo decrimus. Quod verò univerſas *A.C. 1705*
 lia in Regno Polonia à Cardinale publicata, & imprimis id caput,
 ac ſi Palatinum Poſnanienſem publica legatione ac aliis externis de-
 monſtrationibus pro Rege Polonia agnoviſſemus, concernit, id non
 minus nobis, quàm ſibi maximè mirum videri *Mtas V.* perſuaſiſſi-
 ma eſſe poteſt. Quapropter etiam eam ob rem nullà interpoſitā mor-
 rā ad Cardinalem literas dedimus, & de commentis hiſce graviter
 conqueſti ſumus; ad quæ ipſe Cardinalis literis miſſis nobis reſpondit,
 ſibi nūquam in mentem veniſſe talia de nobis in vulgus ſpargere, atq;
 verba ſupra nominata non de nobis, ſed de Seren: Suecia Rege, ut
 pote qui nihil, quod ad Palatinum Poſnanien: ad ſolum Polonia es-
 vehendum, in eoq; firmandum, quocunq; modo pertinere poteſt, ha-
 tēnus intermiſerit, interpretanda eſſe.

Quibus ita ſe habentibus, & quem *Mti V.* verè affirmare non
 dubitemus, eundem Palatinum neq; à nobismetipſis, neq; à quopiā
 Miniſtrorum Officialiumq; noſtrorum noſtro nomine unquam pro
 Rege agnitiſſe; certi ſumus *Mtem V.* quæ noſtrum in eandem
 affectum toties hætenus experta eſt, verbo huic noſtro Regio inte-
 gram adhibituram eſſe fidem, & eādem porro erga nos amicitia, ſin-
 ceritateq; uſuram, quā nos in eandem ſemper uſi ſumus.

Cæterum *DEum Opt: Max.* rogamus, ut *Mtem V.* optimā cor-
 poris valetudine incolumem, ac proſpero rerum ſucceſſu florentem
 eſſe velit. *Mtis Veſtra Bonus Frater & cognatus*
 Fridericus Rex.

XCI.

ANDREAS C. ZALUSKI EPISC. PRINC VARM. ET SAMB.
 ALEXANDRO SALLAROLI REGIO MINISTRO Drefdā 12 Auguſti.

Diligentiam literarum verus amor à me deſiderat, cū præcipue
 tuam etiam agnoſcam, vel amorem potiùs quo tu adductus mea
 negotia vel minima ita curas, quaſi maxima tua, maioremq; com- *Conſilius.*
 modi mei, quàm perſonæ tuæ rationem habes, & ego etiam non iſ ſum,
 qui temere amat, & temere etiam amare deſinit. Scribo tibi triſticia, quan-
 do læta non ſuppetunt; magnum fuiſſe inter Suecos metum ultimis di-
 ebus præteriti menſis nunciatum mihi, dum Clasbondus ſub quo primò
 equus occiſus eſt, & poſt ipſe generoſiſſimè ſe defendens occubuit, quo
 perterriti clauſum canere, & verſus Szolcium omnes illi, qui penes
 Vjazdovam conſtiterant, moverunt; ac poſtea inter Bielani, & Stawski
 in ordine ſtantes prælium expectârunt per aliquot horas; ſed cum ne-
 mo veniret, ad ſua rediêrunt caſtra. Venit etiam notitia, quòd Smigiel-
 ſki cohortes Palatini Vilnenſis ſub Lencica ex integro delevit.

Die 31mâ Julii pars Exercitus Polonici, Litvanici, & Saxonici illud
 elegit, quod dignum eſt ab hominibus approbari, fatius rati excutere
 ſemel jugum cum gloria, quod ferre non poſſunt ſine dedecore, itaque
 trajectâ Viſtulâ duobus milliaribus à Bielani ſub Wola conſtiterunt, &
 circumdederunt planè Varſaviam, ordinâruntque aliquot cohortes, ut
 ſub ipſam appropinquarent Varſaviam, circa Vielopole, Suecorum au-
 tem pars ſupra Viſtulam à Szolec per Suburbium Cracovien. incidit in
 noſtros

A.C. 1705 nostros in vicinia Ecclesiæ S. Trinitatis, ubi jaculabantur ab utrinque, & 15. homines ex equis ceciderunt. Sueci post transeundo per Lesnoiverunt versus Vielopole, sed ibi repulsam habuerunt, ut etiam retro cedere fuerint coacti ad corpus castrorum sub Ujazdow existentium. Duxerunt nihilominus secum quosdam ex Saxonibus, & Polonis, & informârunt Generalem Nierot, ex qualibet cohorte electos viros sub directione Domini Peykul adesse, neque Dominum Smigielscium, qui eis maximo erat terrori, illis junctum esse. De quibus informatus Generalis Nierot statim circa Iomam movit versus Wola contra dictas cohortes, cum quibus inceperunt Sueci dimicare. Ala sinistra imprimis Suetica, cum ala dextra Polona conflictum incepit, ubi magnum damnum fenserunt Sueci, cum prope 400 deleti, & alij retrocedere coacti, ex quibus Poloni tam Officiales, quam gregarii milites vulneratos captivando, ducebant ad Vistulam, multos equos in optimo non sine auro, & argento apparatu inter spolia numerabant Valachi ad trajectum Vistulæ, sed quia dextera ala Suetica divisit Litvanos à Saxonibus in sinistra ala Saxonica existentes, qui nec semel jaculati sunt, sed statim ex confusione fugam arripuerunt, & terga verterunt hosti, cujus frontem exhorruerunt, quos aliquot cohortes Suecorum insequiebantur. Interea Saxones & una Polona Hussarorum cohors fortissimè dimicabant ab hora undecima usque ad primam pugnando sub regimine Stanislai Chometowski Marechalci militaris viri fortis, audacis & prudentis. Ala tamen Suetica dextera venit in succursum sinistrae, mallebantq; Sueci perire, quam ignominiosè ex campo fugere, & ita cum in ordine iterum meliori stetissent, ruperunt Saxones, & Polonos & ultra Wolam in sylvas è campo expulerunt, tandem cum triumpho reversi per suburbia, imò etiam per civitatem aliqui ducendo nostros captivos transibant & cum multi ex Valachis inferius post arcem invenirentur, illos aggressi sunt Sueci, qui evitando periculum Leonis per Vistulam salvare se voluerunt, sed multi submersi, cum etiam contra eos Sueci jacularentur. Sciendum tamen, quòd multò plures perierint Sueci, quam Saxones; inter Suecos Major Lagerfeldt, & multi Capitanei ceciderunt; campum tamen Sueci obtinuerunt. Marechalculus confederationis propter securitatem, & Ablegati Cracovienses in castris Sueticis se continebant. Generalis Peykul in eadem occasione in captivitatem acceptus, qui singulorum excessit fortitudinem, omnium adæquavit, ô dura fata, & nullis æqua virtutibus!

Groniz

Multa pars exercitus Poloni & Litvani cum propter ingentes aquas transire Vistulam non potuissent, in vicinia Pragæ constiterunt, hoc approximatione suâ tantum effecerunt, quòd congressus ille & præsentis in eo Nuntij tot copiarum adventu & ipsâ ostentatione, quam nostri faciebant, volendo quasi in aliquibus locis pontes exstruere, perterriti disparuerunt Varaviâ, timendo aliquem casum; quod, dum vidissent Sueci illos, qui cum Marechalco erant præsentis, in honesta custodia tenuerunt additâ per modum assistentiæ custodiâ, de quo nemo, quod sciam dubitare potest unquam, omne quod est, dum est, necesse est esse.

Serenissimus Czar Moschoviæ, qui nihil felicitati suæ putat astrui posse, 20 Julii Vilnæ comparuit à Tribunali M. D. Lit. salutatus, cujus exercitus confluit Vilnam, & duodecim millia peditatus Moschovici jam Grodnæ appropinquabant, adhuc quædam sunt, quæ adversantur, quæ tamen spero fore diutius non impredient.

Idem

Idem Seren. Czar ſcripſit Principi Wiſniowieccio, ut ad adventũ *A.C. 1705* ejus aliquem Officiale ſueticum in promptu haberet, ex quo poſſet de rebus ſueticis informari, rerum novarum & fortunæ melioris ſpe plenus.

Poſt prælium iſtud, quod dici poteſt infelix; fuit aliqua querela, & differentia inter Referendarium Regni, & Mareſchalcum confœderationis militaris, ſed illam frater meus Caſtellanus Ravenſis amicabiliter compoſuit. *Rzewuſki Chom:to-wſki*

Quod reliquum eſt ſcias, quòd ipſe valeo, ſi valere eſt ſuſpenſum, & anxium vivere, expectantem in horas timentemque pro cara Patria, quidquid accidere illi poteſt.

AMICO CONFIDENTI 12 Auguſti.

Domin⁹ Mareſchal⁹ Varſavien⁹ Cõfœderationis viſitavit in Belweder penes Ujaſdow Nuntios, qui recenter cõparuerunt ex Palatinatu Cracoviienſi, etiã erant Cracovien, Dobczicen. Kozvalebien. & Dominovicen. Capitanei, qui in aſſiſtentia ducentorum Suecorum Varſaviam venerunt, & poſt die tranſfigurationis Dñi, abſolutâ in Collegiata S. Joannis devotione congregati ſunt in Palatio Varſavienſi, & proculcatas leges, & inania jura invocabant, lectæ ſunt literæ Cardinalis Primatis, poſtquam omnes ad eandem materiam locuti. Primò ut iterum ſcriberentur literæ ad Cardinalem, tanquam primum caput, quatenus omninò compareret in hoc conſilio: addita promiſſa à Suecis; ſcitur enim, quòd magnetem ferrum, hunc magnatem aurum trahit. Secundò expediendæ ſunt literæ univerſales ad illos Palatinatus, qui non habuerunt conſilia, ne dicatur facta fuiſſe conſilia de nobis ſine nobis. Tertiò rogandus iterum, iterumq; Rex Sueciæ, ut Commiſſarios ſuos mittat ad tractatum pacis, quibus auditis conſulit Mareſchalcus, ſe paratum eſſe omnia agere, quæcunq; demum illis placuerint. Univerſales literæ ad Palatinatus & Diſtrictus expedientur, & ſi non venerint, jam manus ſolutæ erunt, & debebunt alia inire media de ſalvanda Republ. ſumma enim prudentia eſt pederentim incedere, quia videmus quòd ex multis partibus offendicula pedibus non latenter ſed evidenter opponuntur. His diebus abſolutum eſt funus Claſbondi nuper occiſi, quem dolebant omnes ſuetici Officiales. Erat enim vir fortis, ſed non dolebant Poloni; erat enim ſtrenuus exactor. Prælium nuperum non defectu fortitudinis Polonæ & Litvanæ nec quidem Saxonicæ, ſed propter multas diſſenſiones illorum, quorum quiſque regere volebat, tam ignominioſè pro nobis, utiliter pro Suecis finitum, quamvis octingentos ex illis deficere aſſeverant, centum Officiales verò egregios quoq; perdiderunt. Ex noſtris non tam multi deſiderati, quia animæ in pedibus erant, ideoq; ſalvata. Et quia aliqui ex civitate affectum majorem in noſtros, quàm in Suecos ſtante illâ actione, demonſtrârunt, ideo quadraginta millia florenorum novæ in civitatem contributionis impoſita ſunt. Primus fuiſſe è noſtris, & cauſa fugæ aliis fuiſſe dicitur. Ita qui vivus exierit contra pauperes vires, ei deficiunt contra hoſtem; nam hic habitus ſemper eſt pro audaci fortiq; viro, & nunc ab omnibus pro timido ignavoq; non ſine ratione habetur. Notus eſt mihi quidem (dixerat ille) qui viſus eſt ſe tres oculos habere, & cæcus factus eſt. Generalis Peykul cum aliquot Officialibus remiſſus ad Regem Sueciæ, ubi non bene tractabitur, eſt enim natus ex Livonia, quamvis ibidem nullam poſſeſſionem habeat, & timeo,

A.C. 1705 timeo, ne similis fors Peikulium & Patkulium exspectet, fortè morientes privatam fugabunt servitutem, qui publicam viventes libertatem non potuerunt restaurare. Electum Stanislaum in assistentia duodecim millium Suecorum brevi sperant. Czar speratur Tykocini, Gñrlis Nierodt in Ujasdow existens palàm declarat non se unquam moturum Varfaviâ etsi omnes ad unum perdere deberet milites. Et ut solent fortissimi cedendo hostes cedere eliget satius, quàm cedere, Varfavia tam multis & tam frequentibus exhausta est contributionibus, ut amplius vix sufficere queat. De me fac bono animo magnoq; sis.

STANISLAUS GODLEWSKI CAPITANEUS NURENSIS.

Varfaviâ 22. Augusti.

REX Sueciæ feriâ secundâ præteritâ huc advenit, revisisq; omnibus locis feriâ tertiâ rediit Blonium; ubi etiamnum cum tribus legionibus, unâ peditum corporalis custodiæ, aliis duabus Equitum sub Colonellis Oehrenck & Kreütz subsistit, appropinquaturus. Varfaviæ, quam primum pons paratus fuerit; quem hodie absolvent, quò per illum notabilis pars exercitûs in alteram ripam post sequentem Dominicam transportetur. Idem Rex Sueciæ cogitat Litvaniam, eò quòd Dux Moscoviæ adhuc circa Grodnâ, vel (ut alij ajunt) Caunam moretur; qui duo millia duntaxat peditum Tikocinum expeditisse fertur; quò etiam omnes exercitus tam confœderatæ Litvaniæ, quàm Saxonici congregantur. Valachi per sylvas vagantur, Suecis ubiq; infesta. Hinc Pultoviam usq; exploratum dimissæ cohortes non reperto hoste redierunt, nec nisi aliquot Saxones, quos deprehenderant, adduxerunt.

Mareschalcus cum Nuntiis Sueciæ Regem invisit, in qua materia? non constat: putatur propositum, ut in ulterius tempus differri consilium concedatur, verum in cassum hæc attentantur: siquidem omninò decretum est, ut Tractatus Olivenfis reassumatur, tum colligatio fiat contra Moscoviam, coronatioq; expediatur: quam si Primas perficere noluerit; adest hic præsens Camenecensis Episcopus pro hoc munere sufficiens, eique Suffraganei adlegentur. Scripsit ad quempiam Cardinalis se non tam dementem futurum; ut hodie Varfaviam venire velit, cras fugam meditari: aut ut intersit coacto consilio. Missus etiam ad Palatinum Siradiensem, qui singularissimè invitaret, an adventurus sit, dubium est. Electa crastinâ die huc adveniet; hodie Rokitnis prandet, non diu tamen apud nos moratura, sed in Prussiam motura. Comparuere etiam hic pridie hujus, Palatinus Kijoviensis, Notarius Campestris Regni, & Capitaneus Bobroyscensis, exercitus illorum circa Tarczynum subsistunt: quo imposterum ituri, nescitur. Vulgavit fama Cracoviensem Palatinum Kocko itineri se dedisse, existimant alij versus Wengrowum moturum; ut expeditius Tikocinum se conferre possit: alij verò censent Sokalam profecturum, quò etiam Mazeppa collimat; qui jam Fortalitium Brodij præteriit. Additum ibidem fuit, Leopolum Cosacis præsidiariis occupandam, jamq; partem exercitûs illorû, rectâ Zbarafo destinata esse. Afferitur pro certò Moschis à Turca indictum bellum, jamq; à Ponto Euxino, an verò etiam ab Ostio Borysthenis in terras Cosacorum irrupisse.

Spargitur item aliquot centenos Saxones Oderam eâ intentione trajecisse; ut Ravicium, Lesznum, & alia loca expilarent: verum comperto, gnaviter his malis à Suecis occursum esse in tantum; ut summâ præcipitantia non sine damno se iterum per Oderam recipere in tutum necessum habuerint: quos fugientes Sueci insequi neglexerunt. Idem

Sueci

Sueci à Wſchowo uſq; Ravicium ſua extenderunt ſtativa, numerus eorum 12000 eſt. Hic itidem cum Rege 12000 verſantur, quæ in gemina diviſit caſtra, una ad Blonium, altera ad Varſaviam. Caſtra Polonica & Litvanica trajecerunt in alterum littus, tranſtuleruntq; ſe Brocum, & ibi præſtolantur Moſchos.

CXII.

ANDREAS C. ZALUSKI EPISC. PRINC. VARM. ET SAMB.
ALEXANDRO SALLAROLI 30 Aug.

EN meas tam frequentes literas, quas tuæ eliciunt, non excitor affectu tuo, ſed opprimor. Reddam mea ſi repoſces, reddam etſi non repoſces, nam te meorum conſiliorum adiutorem, dignitatis meæ fautorem omnibus in rebus amiciffimum cognoſco. Nutus ſummi mortalium mihi pro le, e merito, agnoſco enim obnoxium me, & ſubjectum eſſe debere, quidquid in terris eſt capiti iſti Divûm. Non invenio autem cur meliora ſperare, aut, cur non etiam graviora metuere debeam. Interim tibi, cui omnia debeo, quid ei jam amplius debere poſſum? Quæ mihi venerunt nova, deſero.

Venerunt Varſaviam Episcopus Camenecenſis, Vilnenſis, & Kijovi-enſis Palatini, & 26ta currentis cum multis aliis Nuntiis in Palatio congregati legi fecerunt ſcriptum per Secretarium Conſœderationis formatum ſub tit: Remanifeſtatio contra Breſtenſem Litvanicam Maniſeſtationem damnantem iſtius partis ſancitas leges, quam impreſſam per Palatinatus diſtribuent, ut intelligant omnes, quòd tres Provinciæ ſunt in unum congregatæ, & ut videant, Conſœderationem Sendomiri-enſem, jam eſſe extinctam.

In eodem projecto datum eſt ſpatium ad reſipiſcendum ad 4 ſepti-manas, ut accedant, aliàs extendentur pœnæ ſimiles, & ſine amniſtia, ut expreſſæ erant in Conſœderatione Sendomiri-enſi, ubi inſinuatam, quòd per primos Miniſtros Status ad eam infelicitatem devenit Patria, ut vix forma extet legum antiquarum, cum omnia erant per adulationem & aſſentationem Majeſtati, ſuper quos reaſſumi debet rigor, & pœna arbitrarيا, ſicuti etiam contra invaſores bonorum alienorum, contra ductores, & alios Officiales, qui ſuperviventes, gloriantur titulis honorum & Miniſteriis. Voluerunt circumſcribere Comitem Dönhoff Mareſchalcû Sendomiri-enſis Conſœderationis, & Chomętowſcium Mareſchalcum Exercitûs, ſed alij in charitate procedendum ſuaſerunt, cum poſtea in manibus erit totius Reipub: facere, & decidere juxta placitum. Cum verò Mareſchalcus urgere cœpit ſubſcriptiones, excuſabat ſe Episcopus Camenecenſis dicendo, quòd ſe magis paſſivè, quàm activè gerere deberet, conſiderando Breve Apoſtolicum, per cujus transgreſſionem redderetur incapax omnium obſequiorum ulteriorum; Convictus tamen precibus & minis æqualiter cum toto congreſſu ſubſcripſit, quæ ſervitus eſt, ſi hæc libertas, æſtimari debet? Non eſt punctum indiviſile libertas, neq; tota uno momento, ſed ſenſim cadit, hodie ab exceſſu, cras à defectu, ut ſemel amiſſa, vel parum, vel nihil ſpei ad ejus reparationem remaneat, non diſpar Elephanti immenſi molis beſtiæ, quæ ſi quo afflicta caſu conciderit vix unquam vel difficulter ſeſe poteſt erigere. Urgebant alij, ut quicumq; noviter accederet ad Conſœderationem, explere deberet eandem juramenti Rotham, ſed Mareſchalcus multa contra hanc propoſitionem dixit, quòd ſcilicet ſcleriq; nefando nomen ſit virtus, pro perjuriis puniet nos DEus. Melius Pagani ſuos Deos obſervabant,

A.C. 1705 quorum nomina in vanum accipere detrectabant, & nos veri Catholici, jam minus habemus assumere in vanum Nomen Domini.

Cum verò ulteriora consilia prosequi voluissent, venit declaratio Regis Sueciæ, quòd nullum Tractatum, nec incipere, nec prosequi vellet, nisi cum coronato capite. Ineuntur ergo consilia cum summa applicatione, quomodo istud fieri debeat. Castra Regis Sueciæ sunt sub Blonie. 31 Aug: Commissarij Suetici Horn, Wachtschlager, & Palmberg, habuerunt audientiam apud Electum Gallico idiomate locuti, optando utriq; Regno tranquillitatem. Commissarij interim eliguntur ad tractatum, quia vellent saltem incipere, & post cum coronato capite perficere; Suspensa tamen electio Commissariorum ad adventum Siradiensis, & Podlachia Palatinorum. Copiæ Vilnensis, & Kijoviensis Palatini, trajectâ Vistulâ sub Biaſolenka consistunt, & nescitur, quorsum ituri, nos incertis conjuncturis, idq; in rebus non magni momenti certum te reddere nolumus ingenuè agnoscentes, quòd nihil sit positivi, quod incertum sit, necne, alij, quibus vacat existiment, videantq;. Vellet Palatinus Kijovien: 4000 Suecorum habere, ut resistantiam det Mazeppæ sub Glinialy existenti, qui mandatum se habere asserit à Czaro Moscoviæ, ut ultimis Augusti veteri stylo Vistulam attingat. Rex Sueciæ tamen dare suos dicto Palatino absolute non vult. Card: Primas omninò urget confirmationem electionis, & Rex Sueciæ instat, ut quantocius coronatio fiat, & ita per iter imprudentis præcipitantia incedentes ad miserandæ servitutis terminum perveniemus. Aliud quod scribam non habeo.

AMICO CONFIDENTI. 18 Septemb.

TU meis semper literis modò paucis modò plurib⁹ verbis responsū dando, me quasi in possessione tuarum m. literarum constituere voluisse videris, his ergo deliciis, quibus non aliæ palato cordis mei suaviores, & assuefactus cum ab illis paululum abstrahor, quid mirum, quòd motum faciam, si animo commovear, ejusq; calamitas unde mihi provenerit quæram; & si major est calamitas felicitate aliquâ dejici, quam ascendisse ad eam, nunquam profectò tam altè ceciderim à perpetua humanitatis, & benevolentia possessione depulsus, quàm dum literis tuis uti testimonio affectus privor, ita ut contra istius mali acerbitatē, vix non melius dixerim scripsisse te nunquam, quàm dolenter amittere usum, & consuetudinem tuas recipiendi. Scribamus ergo vicissim, & non amplius inter nos legem taciturnitatis servemus, cum semper de rebus tuis scire desiderem; satis ne ex voto fluant, ut mihi gaudeam, tibi gratuler, & ita ex creditore, debitorem tibi constitues, cum nullum neque finem, neque modum faciens de me cogitandi, & bene merendi, jam nunc in eo totus sis, ut scribas.

Franciscus
Zaluski.

1. Julij horâ 10 abiit Rex Dresdam, & statim Palatium Regium, cui ego vicinus mansi, occupavit Dñus Colonellus Gospod, cum aliquot corporis Regii custodibus, & quando post prandium habita notitia, quòd Dñus Palatinus Czerniechoviensis veniret Pragâ medio milliari occurri, ille tanquam vestigans, & inquirens cum suis militibus cucurrit retrò, & evidenter vidi mihi illum invigilare; mira oppressio domus ardet ignis instat à tergo, & fugienti prohibetur egredi, evadenti suadetur regredi. Unde consilium inivimus quid faciendum, sed quia imprimis id à nobis extorquet fortunæ iniquitas, & quòd bene nobis conscii sumus ire Dresdam, quanquam sub honesta (si honesta unquam est?) debebimus

mus esse custodia. Patientiam tolerantiae tenore servantes, bona quippe sunt, & salutifera mala, quibus nos Dñs sapius visitat, si suaviter ea elevare, & DEO præsentrare velimus, adeo nihil est miserum, nisi quod putes. In memoriam revocandum ergo illud censui: verberaverunt me, sed non dolui, traxerunt me, sed non sensi, & quamvis fraudes labia eorum loquantur, habemus in novissimis spem, & spes nostra non peribit, cum defecerint ligna, extingvetur ignis, & susurrone subtracto jurgia conquiescent. Multa dicent contra nos, sed tandem deficient in verbis. Scit DEUS evertere, & eruere, & perdere, & iterum ædificare, & renovare.

Et cum 3tia Julij in quodam loco, ubi imago miraculosa Beatæ MARIÆ Virginis est, & residentia P.P. Soc. JESU fuerimus, itidem habuimus custodes hos, qui ne unum quidem pedem moveri nos absque assistentia permiserunt; Risus dolore miscebatur, utinam extrema gaudii luctus non occupet. Interim tamen in re mala animo bono uti adjuvat, quem qui possidet, nec amittere quidquam vult, nec fortuna potest auferre, cæterum mente caret, quisquis certare cum potentibus audet.

Dominum Patkul vidi, quem provocaverat in duellum Dñs Generalis Dönhoff, sed ille respondit cum magnis injuriis.

V. Ivimus in consortio cum Dño Legato Daniae, & intra duos dies aquâ pervenimus Dresdam, sed etiam in illa navi, quâ vecti sumus semper unum ex militibus custodiae Regiæ habuimus comitem.

VII. Fuit in prandio apud me Dñus Comes Stratman, & insinuat ut Viennam irem pro mediatione Pontificis & Imperatoris, quod ego libenter facerem, si essent media, sine quibus nihil, loqui tamen promisit Regi, ut hanc provinciam tanquam sibi gloriosissimam in se procuraret.

X. Fuerunt literæ Gedano quòd Cardinalis nondum se determinavit pro itinere Varšaviensi, & credimus, quòd ille terminus destinatus ulterius differetur.

XIII. Fuit quædam disputatio in præsentia Regis de loco cordis humani, ego in sapientis dextra, stulti sinistra esse allegavi, & inveniri hunc expressum textum in scriptura sancta asserui, & cum denegaretur; ostendi expressos terminos in Ecclesiastici capite 10 versu secundo.

XIV. Venit huc Dñus Beaufond à Principe Alexandro missus cum propositionibus pro eliberandis Principibus, cui ut procurarem audientiam rogatus petij, sed Rex distulit usq; ad reditum, abiit enim ad videndum suum exercitum.

XVII. Venit Dñus Thesaurarius Przependowski Berolino, & nihil boni inde tulit, nec quidem spem, multo minus fiduciam. Non omnia omnibus æquè placent.

XVIII. Fuit ingens expositulatio mea, venerunt enim literæ Dnæ Palatinæ Lenciciensis superbæ factæ potentiâ suâ, in quibus me habuisse cum Suecis correspondentiam asserit per Dnum Palatinum Czerwiechoviensem, quod est falsissimum.

XXI. Attulit postea Dnum Mareschalcum confœderationis Bronisz venisse Varšaviam, & cum parvum concursum invenisset ii. limitavit sessionem ad 18.

XXII. Fuimus in convivio apud Dnum Legatum Daniae, ubi legimus in novis, quòd aula Anglica acceptâ informatione, quòd nuper post mortem Gvilelmi Regis Imperator non portaverit vestes lugubres,

A.C. 1705 ipsa etiam jam acceptas ex nunc deposuit post mortem Leopoldi.

XXIII. Transijt hâc Lipsiam ad videndum suum Principem maritum Princeps Jacobi nostri uxor; vidi illam, lachrymasq; ejus apud Dñum Legatum Cæsareum, & post 28 rediit, & ulterius ultra Viennâ suum iter prosecuta est.

XXIX. Tulit postea Varfaviensis, quòd famosissimum libellum scripserim Romam contra Stanislaum, alia ex parte Dña Palatina Lenciciensis (mulier quæ superbia, & fallacia omnes & mortuas, & vivas fœminas longo intervallo post se reliquit) scribit, quòd contra me aliquod documentum mittat correspondentiæ meæ cum nova aula, & sic ab omnibus partibus impellor, quam rem neq; faciebam parvi, neq; etiam si innocens negligendam duco, quamvis minimè convicia ista curē, sciens quòd hæc fœmina occultas etiam de se querelas sæpius in vulgus edere, tanquam laudes suas velit, & ego apud eam odium consequebar semper ex veritate, melius certè est habitare in deserta terra, quàm cū miliere tali.

XXXI. Dominus Pstrokonski duxit tres Nobiles; Dnum Tremeski, D. Ankuuz, & D. Ligeza, quos euntes in legatione à Palatinatu Sendomiriensi interceptit. Ridentur hic talia, quòd scilicet unus in alterum sæviat.

I. Augusti vidimus scriptum Brestâ Litvaniæ, quod tibi communico, & jam putamus nos vicisse.

VII. Cū habuissem multa communicanda Serenissimo Regi, ivi ad Meyssen, sed nisi in crastino Regem videre potui, ubi 8. manē Patkulio communicatum fuit scriptum, quod dari debet Regi Prussiæ, admissus fuit D. Thesaurarius Przependowki, sed ego non, & evidens diffidentia monstratur.

Hâc eâdem die captus fuit & in carcerem ductus D. Gverin Galus, quem Rex Gedano ad se vocaverat, ut eum incarcerari faciat, dicitur locutus fuisse contra Ducem Moschoviæ.

XI. Rediit Rex, & accepit infaustum Nuntium, quomodo sub Varfavia fuerit conflictus Saxones inter, & Suecos, qui plus fiduciæ in belli causa, quàm in apparatus robore ponunt, creduntque, quòd non impunè ferent ausi turbare quietem, & quòd Saxones Poloniq; fugerint, primorum Generalis Peykul acceptus fuerit, quòd valde anxium reddidit Regem, multi cæsi fugæ magis, quàm pugnæ memores, sed id accidit (ut postea compertum est) celeri atq; ipsis demum exitiosa festinatione, quæ cita sunt, post hæc pœnituisse trahunt, & modò res nostræ (sic urgente fortuna) fœde concident; sed faciat me DEUS falsum vatem, potius quàm verum cum tanto damno; pericula enim nobis tanta, quanta verbis exprimi non possunt, plùs quàm certò imminet, quod non pauci admodum sed penè omnes censent.

XIII. Iterum Rex nemini dicto verbo abiit, nescitur quò, Dominus Kors interim valde insolens fieri cœpit, nec scimus rationem, propter quam bene inquit Comicus: Nihil homine superbo quidquam inhonestius, ac injustius, qui nihil rectè putat, nisi quod ipse facit.

De occiso Clasbonde Sueco tyranno, qui in tot nobiles sæviit, habuimus Varfaviâ.

XXII. Rediit Rex, & subscripsit Palatinatum Lublinensem vacan-tem post mortem D. Tarlo, in favorem Dñi Drzewicki Castellani Lublinensis, Castellanus autem cessit Dño Szaniawski Notario Lukonensis terræ.

XXV.

XXV. Habuimus Varſaviâ veniſſe jam Stanislaum, & exceptum fuiſſe lauto convivio à Dño Wielepoſki Generali minoris Poloniae, & quòd Generalis Horn in meo Palatio reſideat. Dnus Palatinus Mariae-burgenſis venit Dreſdam.

*Petrus Ketz
wſki*

XXVI. Retulit Regi idem, nondum eſſe redditum Breve Apoſtolicum Cardinali (quòd magnus Jupiter ſciat, qui cuncta vigili ſemper lumine aſpicit) quanquam ille, & primum nondum ſe aperuiſſe publicè aſſerit, magna ſanè contumacia! aſpernanti grandia modica minùs grata venire ſolent.

XXX. Abiit Princeps Tecinenſis Uratiſlaviam, ex inſperato rapta in id conſilium, quòd inopinata neceſſitas afferebat, id Rex doluit valdè, jam enim concluſum erat captivare eandem, & in aliquo loco ſecuro conſtituere, ſed illa praevenit: libenter ea conſcribo, quæ ſcio eſſe, ut ſciantur utilia, &c.

XIII. Sept. habuit relationem D. Smigielſki in Varmiam feciſſe in-cuſſionem & in arce Helsbergenſi aliquot Officiales Suecos accepiſſe cum pecunia ex contributionibus collecta, illum abiſſe, ipſos verò novas contributiones, quæ acceptam ſupplere poſſent pecuniam, indixiſſe.

XIV. Abiit Rex venatum, & D. Gratta ſcripſit mihi, vidiſſe ſe duas copias literarum mearum in manibus Cardinalis, quaſad Regē mittere intendit, cum ſit mihi inſenſus ob literas meas, quas zeloſè nimis in favorem Regis ſcripſi ad amicos, & colligatos meos.

XVII. Abiit ex improviſo D. Palatinus Mariae-burgenſis, & mihi per ſchedam tantum valedixit, dicitur velle omnino reconciliare Regi Cardinalem Primate, utinam ſanè.

Hodie fuimus in horto D. Daubicz, & ego non benè valens redii, ut hanc finire, & te de affectu meo ſecurum facerem, tuoq; me recomen-darem reciproco, cui ſi non cæteris in rebus, amore certè reſpondebo.

EDICTUM REGIS AUGUSTI 15. Aug: IMPRESSUM, & IN LATINUM TRADUCTUM.

UNiverſis & ſingulis notum facimus, quòd quamvis ſtatim poſt immutationem Religionis noſtræ fidelibus ſtatibus ac ſubdi-tis noſtris Regio & Electorali honore & verbo per publicè im-*Viſitatio
ſpiritualiſ.* preſſam intimationem de Lobſovia 7 Auguſti 1697 benignam im-pertiti ſumus declarationem ac ſecuritatem, quod nos prædictis ſta-tibus ac ſubditis noſtris libertatem conſcientiæ ſecundum Auguſtanam Confeſſionem, Eccleſias, cultum Divinum, ceremonias, univerſitates, ſcholas, aliasq; poſſeſſiones, bona ac redditus intas-
ceta ac immutata relinquere, conſervare, ac protegere vellemus, quod nos etiam poſtea pluribus per certas, ſingularesq; circumſcri-ptiones Cracoviæ 29. Sept: Anno 1697. ac Dreſdæ 17. Martij 1700 repetiimus, ac confirmavimus; imò hucusque per ſpeciales remon-ſtrationes intimis Conſiliariis noſtris Auguſtanæ confeſſioni adjectis, cum firma manutentione totius ſtatûs Eccleſiaſtici in ſuo veteri eſ-ſe ac conſtitutione adeò ſollicitè, paternè, benignèq; exhibuimus, ut meritoq; certeque conſideremus neminem reperiri poſſe, qui nos occultæ, aut apertæ reſeſſionis ab hac benigniſſimè data ſecuritate

A.C. 1705 argueret, aut infractiois jurium, Religionem, statumq; Ecclesiasticum concernentium inculparet, quinimò singulos paternum nostrum amorem, gratiam ac protectionem, exinde cum debita gratitudine recognoscere debere. Cum autem tempore residentiae nostrae in Electoratu nostro, cum summa displicentia inaudiremus, quòd malevoli, rumoribusque ciendis inclinati ausi sint varios, periculosos, ac praëjudiciosos discursus spargere, suspectos nos reddendo, quasi vellemus praëfatis assécurationibus nostris contravenire, statumq; Religionis ac Ecclesiae cum eorum annexis turbare, diminuere, ac innovare, aut alijs ad faciendum permittere, uti ejusmodi impiae calumniae ex occasione nuper à nobis ordinatae visitationis super spiritualia beneplacita, ac foundationes conceptae eò usq; serpsent, ut non tantum hic in nostro Electoratu, ac incorporatis Provinciis sparsum, quòd nos jam multos Ecclesiasticos ejus Religionis, quam modò profiteamur, occultè in terras nostras induxerimus, cum intentione aliquas eis Ecclesias cedendi, verum etiam, uti nobis relatum est, multi non erubuerint exteris protestantibus Principibus per ejusmodi imposturas varias impressiones facere. Quemadmodum autem nobis nulla unquam innovatio in statu Ecclesiastico, eorumq; annexis per nos aut substitutos nostros facienda in mentem venit, ita sufficienter ejusmodi sollicitudinibus in hoc puncto per Vestphalicum Tractatum provisum est. Hinc auxiliante DEo firmum propositum nostrum est, in posterum veterioribus documentis universis subditis nostris toties Regium ac Electorale verbum datum constantissime tenendi. Certos reddendo fideles status, omnesq; subditos nostros, quòd nos in supratacta visitatione Spiritualium foundationum, nihil aliud intendamus, quàm impedire abusus, qui in administrationem earundem irrepsent, ac Praëdicatoribus, scholarumque Ministris, quae insufficientem pensionem habent, de meliori subsistentia per Evangelicos intimos Consiliarios nostros, ac supremum Consistorium adinvenienda ac stabilienda providendi. His igitur iterum Regium ac Electoralem honorem, dignitatem, verbumq; nostrum obligamus. Ut autem mendacibus, effrontibusq; impostoribus, qui contrarium spargere ausi sunt, meta ponatur, universos & singulos admonemus, ac praëcavemus, ut ab ejusmodi falsitatibus abstineant, sub incursione gravis poenae, talis enim conscientiae, debitiq; sui immemor Calumniator cujuscunq; status, generis aut conditionis fuerit, secundum meritum in vita & corpore, honore ac bonis, sine ulla gratia ac respectu, in cautelam ad occurrendum ulteriori malo punietur. Mandamus igitur hisce universis & singulis nostris Majoribus ac minoribus civitatibus, ac militaribus Ministris, Praëlatis, Comitibus, Dominis, Equitibus, Administratoribus, Magistratibus, Judicibus, & scultetis sub amissione gratiae nostrae, quatenus ejusmodi homines, qui sibi complacerent, ejusmodi malitiosos ac scelestos rumores spargere,

gere, captivent, nobisq; aut Administratori nostro, intimoq; consilio A.C. 1705
ad veteriorem ordinationē capiendā notificent. Quicunq; autem des-
linquentē ejusmodi jure convincendum denuntiabit, habebit ducens
tos imperiales, tacito nomine suo, in recompensationem, à Came-
ra nostra numerandos. In quorum fidem hoc edictum, assicura-
tionemque nostram m. p., sigilliq; nostri Regij ac Electoralis ap-
positione roboravimus, ac per publicam affixionem, ac denuntiatio-
nem ex Cathedris in nostro Electoratu, ac incorporatis Provincijs pu-
blicare mandavimus. Actum Dresdæ 24 Augusti.

*Hic incipiunt characteres Andreae C. Załuski Episcopi Principis Varmiensis
S. R. Cancell. Innocentiae & Veritatis sub Epistolari stylo ad normā priscæ Gracæ
Familiaritatis, Authore se ipso veniā petente, si indignatio justa aliquem laeserit.*

CARDINALI RADZIEIOWSKI ARCHI EPISCOPO GNESNĒ-
SI PRIMATI, & PRIMO PRINCIPI REGNI POLONIÆ.

Dresdā 19 Septemb.

Complevit hodie manus Domini tangens me, quod pridem obli-
quus tuus Eminentissime Primas in personam meam, & ministe-
rium desiderio desideravit affectus, & in quo intentissimā curā
laboravit. Verificatur jam nunc ille Scripturæ Sanctæ locus: Et ecce
versus fuerat gladius uniuscujusq; ad proximum suum, dum Summus
in Regno Sacerdos mutatus in delatorem.

Contineo justum impetum, cohibeo coactum dolorem, rationem,
quā affectum sequi malo, veritati tantum ipsi præcisè indulgeo, quan-
quam plaga recens, & adhuc in vulnere primo scribere me fortius,
quā aliās soleo illis, quos veneror, & quorum nominibus semper as-
surgo co git, vel invitum.

Nemo tenetur honorem reddere ei, qui vituperium sibi facit. Ve-
neratus sacram Cardinalitiam Purpuram, quæ habet in te quod erube-
scat, scribo tanquam Confratri, Consenatori, & tanquam Primati, præ-
scindendo ab Emīnma dignitate, cui summus honor debetur ab omni-
bus, à me semper exhibetur.

Non tantum enim necessariò sed etiam justè ad eo modo scriben-
dum tibi descendo. Qui in id honoris erectus in Regno nostro, super
quem ascendi non potest, humili te, ac depresso loco putares stare, si
non supra Remp. stares, si non sensus tuos non pro, sed contra Patriam
agentibus contrarios opprimeres, & quod magis aggravat, stomacho,
non ratione, contumeliis non documentis, maledictis, non veritate u-
tereris, tanquam datum sit jus, optimum quemquam vexandi, & ex i-
psa inimicitiarum gloria, gloriam quærendi.

Magis hæc, crede mihi, dedecorant personam tuam, quam geris,
quā me, in quem scripsisti, cui nocuisti. Objecta ego antea tacendo
ferebam potius, quā refellebam, Stoica animi firmitate spernebam ea,
& longè infra muneris mei dignitatem nixus conscientiā, optimæ vo-
luntatis, ponebam obliquos calumniæ ictus, masculā virtute avertebam,
atq; eludebam. Cachinnabar sæpius, quā stomachabar, semper enim
paleas in me non tela, pulverem non saxa, fumum non ignem jactari
credebam. Omnes insimulationes inanes, leves, calumniosas minus ha-
bebam, atque non superbo, sed sublimi, & generoso pede ridens inania
famæ conculcabam, ficta factis diluendo, semper ita passus injurias, ut
vide-

A. C. 1705 viderer non sensisse. Et nunc fortiter iniquæ sortis furorem supportarem, si hoc meum non cumlaret dolorem, si hoc non me adigeret, (etsi filere mallet) ut scribam, quod Princeps Sacerdotum, Co-Episcopum, Primas, primusq; Senator, Reipub. Ministrum & Consenatorem (potest- nè atrocior injuria esse) accusavit, & sit venia verbo, falsâ accusatione ad eum induxit statum, ut nisi esset Pater, sapere eum dicerem haud be- bẽ. Quis hanc telam texuit? quis deduxit machinam istam? quis rexit? quæ sic est nigro sale referta, ut si tantum haberet solidi candoris, quan- tum extremæ malignitatis, nihil esset eâ vehementius, & acrius. Cogi- tastine Eminentissime non tantum id, quo ego dignus essem, sed quod te deceret? Quomodo verbis unquam satisfacies, quod re mihi malè fecisti?

Tam alienus sum ab eo flagitio (vivit Dominus) quo me sine cha- ritate Christiana aspersisti, ut si adversus illud censores creandi forent, ego inter primos in veste candida eum magistratum petere auderem, etiam hâc lege propositâ, ut si quæ de candidato unquam vel minima suspicio esset, petere non liceret.

Clandestinis cuniculis existimationem, & famam meam aggredieris, si honesta sunt, quæ facis, omnes sciant, si turpia, quid refert, neminẽ scire, cum tu scias, quanquam hæc jam in fastis ipsis popularis famæ jactantur & amplius jactabuntur, & ex te esse hanc infortunii mei cau- sam causarum, nulliq; id vel me non affirmante dubium est. Si aliquid vel in Patriam, vel in Regem peccavi, cur non palàm dicis, cur non publicè, sed secretò accusas! Non satis erat, quanquam satis superque esse debebat ultionis, Varmiam Episcopatum quondam tuum, odio mei eoque injusto in prædam demonstrasse, & dedisse, nisi & me in extre- mum hoc infortunii redequisses. Præpostera res est inimicum ulcisci, de- inde accusare. Ex hoc fonte malorum omnium meorum erumpunt ri- vuli, ex quibus apparet vera objecturum, si posses.

Quia ego operosæ servituti tergum non incurvavi, quia sæpius sci- pioni arundineo inniti renui, minui jura libertatis, non pravo initio æ- grè tuli, pravis consiliis recta opposui, soli tibi, plus quàm cæteris omni- bus tribuere authoritatis recusavi, quia propositi mei summa semper e- rat, ut quod sentiebam, loquerer, quod loquerer, sentirem, quia rati- onĩ semper malui deferre, quàm authoritati, quia nihil opinionis causâ, omnia conscientiæ faciebam, populo spectante fieri credens, quidquid me conscio faciebam, quia à novo consulendi modo non abhorrebam tantum, sed etiam abhorrescebam, quia spartam, quam nactus sum a- nimo non facilè in diversa flexili ornabam, quia procul eventura vidi, ut totius Reipub: de me judicia sustinerem, & aliqua saltem ex parte il- lius expectationi responderem, à sensu imò errore in quem multos du- xerat fragilitas, in veritatis viam reduxi, quia operam dabam, ne quid esset, quod in me quispiam reprehenderet, quia Dno adhæsi, & pro ve- ritate ex fide pugnans opus illius impigrè feci, ideo ægris oculis odio- sa lux erat, quæ puris amabilis, cum flecti nollem, frangi debebam, i- deo deveni ad summam malorum lineam, ideo (opus fide superius) ex eo tempore, usq; nunc amplificatum prius, quàm planum factum cri- men, suspensiones loco probationum allatæ, & cum causa laboraretur, falsa rixa quæsitæ, & nullo merito meo, contumelia tam bene inventa, & disposita.

Undè autem scintilla hæc ad hanc flammam exarsit? nisi à te E- minentissime Dñe, cui quidquid ira dictavit, quasi contumeliis, probris, con-

conviciis res peragi debeat, turbare me, & odiosum facere utiq; parti in animo erat. Poteram ego felicior esse nisi melior esse voluissem. No-
verant omnes, cuncti damnarunt obliquum hunc tuum in me affectum,
qui, quia nimius erat, modum non habebat.

In publicis Lublini Comitibus nolens, invitatus, coactus, spicula depuli, contra nihil jaciens, scuto tantum non gladio usus. Proposuisti in facie Reipub. contra jus sigilla Regni me tenere, reddebam ea, quia magis hunc honorem inveni, quam quæsi, dispositioni Regiæ deferendo, non in planum modò cum illo celebri Romano cive, ædes meas, honorem meum, sed etiam collū subjiciendo, monstravi palam plus apud me valere publicum bonum, quam nominis mei rationem, sed cum voluisses facere mihi malum, DEus vertit illud in bonum. Tota enim Respub. nemine excepto, non delationi tuæ, sed fidei meæ detulit, & ipse tibi mala cudisti mihi mala cudens, cum per quod existimationem, & gloriam meam petebas, per ea ipsa non modò restituta, sed etiam corroborata, aucta, illustrata.

Aggressus eras famam, & honorem meum & Varsaviæ (cum nunquam desit volentibus carpendi materia) ut benè notum Eminentissimo Cardinali Pignatello Nuntio tunc in Polonia præsentis, sed patuit clarè, & evidenter nec veri similitudinem, multò minus veritatem oppositam mihi fuisse, cum in probationibus defecisses.

Jam dudum ego novi, & sentio sinistrum hunc tuum erga me animum, sed potestatis tuæ hætenus non erat absolutaque facultatis, minoresq; erant vires, quam virus. Non defuerunt venti, quibus lacessitus sum, sed non erant tam validi, ut me potuissent movere. Famæ os semper clausi, nec efficere potuisti, nox sit ut atra dies; ex umbra in solem actiones meas eduxi (nunquam spina vulnerat bonos (ex meritis partam invidiam, inter titulos numerando, justam semper defensionem opposui, cum opprimebatur innocentia. Religione rem temperabam, crimina objectâ veritate refellebam, nihil etiam coactus de actionibus tuis subnotabam, nec more defuncti Episcopi Opalinski ullo verbo existimationem tuam læsi, amaritudinem atrocitatemq; missas feci, nec me fraternæ charitatis immemorem monstravi, & inde magis ingenua virtutis eminebat victoria, sed nunc dant animum ad loquendum ultimæ angustiae, quas excusabis, & in bonam partem accipies, si in impetu doloris ingrata profero, dum sunt justa: Dici hæc non solum possunt, sed etiam debent. Difficilior est moderatio, ubi propius dolor accedit, quis enim tam firmo, & tam ferreo pectore, qui diutius ijs ferendis sit?

Est mihi hoc dolendum quidem, quòd nullo concessio jure hæc fiant mecum, sed multò magis illud, quod origo calamitatis, fonsq; ærumnarum à Primatiali veniat manu. Tacui semper, silui, patiens fui, Reipub. tantum morbos sub Primatiali nomine auctos inculavi; nunc Alti tonantis Fulminatricem invoco dexteram. Judicet Dominus Arbitrator hujus diei inter Israël, & filios Amon. Lapsus ubi? quid feci? Officij quid omissum? quæ prætergressus? quid gestum tempore, quid non? scis hæc benè Emin: Dñe, sciat mundus nullo modo esse, quæ non sunt, non præsumi debet crimen, sed probari.

Falleris in multis, & periculosa authoritate alios fallis. Potentum quales sunt actiones, talis æstimatio. Exorabant multi benè sentientes, sed in cassum deprecabantur, ut à destinatis recederes, tranquillitatem publicam non impedires, mala hæc cessare faceres, quæ omnes male-
dicentes

A.C. 1705 dicentes nunc vicem suam, qui in eam diem, & Primatiam tuam dignitatem exiissent, nunc filiorum suorum, quod non post eam nati essent, deplorabant. Cum ab hoc fonte tot calamitatum scaturiunt Iliades, ut ægre ab afflictionum pondere respirare concedatur.

Sed comprimo calamum refecando injuriam, non retaliando, exprimere eam, & publicam, & privatam necessitas, non voluntas coegit, minuatur, mordeatur, lædatur, labefactetur, obscuratur malignitas famam meam, citius franget dentes, quam imprimet, ultima talis erit, quæ mea prima fides. Cæterum de omnibus sentiens honestè, de me modestè. Deo fretus homines non timeo, sufficit mihi fiducia in conscientia posita, & Supremi Numinis præsidium, cui corda omnium extra, & intus patent.

Voto autem, non querela finio, ut Emin: Vra tandem commotiora ad omnia turbanda relinquens consilia, quasi ovis in veri Pastoris caulas reportetur, & utinam tantum prodesse possit Patriæ, quantum voluit nocuisse.

JOANNI SZEMBEK PROCANCELLARIO REGNI POLONIE. 21. Septemb.

REM novam (si nova tibi esse potest) & hætenus impracticatam, tanquam fundamentali legi omnibusq; juribus liberæ gentis nostræ contrariam defero. Unde dolorem non tam sentio propter me, quam propter consequentias (quod mihi hodie, cui non cras?) ostendo & quanquam cum omnia mihi deerunt, supersit animus, & in præsentis sorte mea non aliter, quam rupes aliqua in vadoso mari destituta, quam fluctus non desinunt verberare, sed nec loco commovent, nec per tot ætates crebro incursum suo consumunt, ita & ego constantem semper animum gero, geramq;. Non possum tamen tacere, & collegæ meo, quid ærumnarum mihi acciderit deferre.

Dabitur licentia improbitati optimos quosq; contumeliis vexandi, cum non quod æquitatis, sed quod potestatis mecum exerceatur. Multa in speciem causæ jactantur, sed ea falsa, nec unquam probanda. Secretò credidit optimus hætenus Rex palam iratus, & pessimi delatores plus fidei invenerunt, quam fidele nec ulli suspicioni obnoxium obsequium meum.

Effet postulandi locus, utrum ratione factum, an præcipitantia? Maledicentiæ suæ frena intemperanter exolvens unus ex pessimis domesticis meis, prius me prodidit, quam prodicionem intellexissem, & fidem invenit. Servus tortus conscius furti quondam Catonem dixit, sed justitia restitit, quid agitis utrum plus tormentis, quam Catoni creditis? Non ego hanc inveni gratiam, non datum, quod unum innocentes oppressi percipere gaudium possunt, tempus justificationi necessarium, omnia non tam ratione, quam impetu acta. Et quanquam leges postulent, ut reus ipse accusationem audiat, & dictâ pro se causâ expectet judicium sententiam, quanquam eadem leges neminem carcerari, & condemnari permittant, nisi jure victum, tamen ego ad sinistram relationem condemnatus, & incarceratus hæc scribo. Nemo celerius opprimitur, quam qui nihil timet. Jamne Polonia nostra in servitutem non it, sed cadit? si aliquos fortuna liberat hæc poenâ, metu neminem.

Poteram quidem meritis meis factum hoc avertere, quorum nemo fidelior testis, nemo magis conscius, nemo frequentior laudator extitit, quam tu; Nec perturbaris istis angustiis, sed cum charactere Episcopali,

li, ad Pontificis, ex Officio Senatoris, & Ministri ad Reipub: pertineam *A.C. 1705*
judicium, illuc humiliter remitti peto, ubi pro meorum qualitate factorum iudex verus, & iustus, aut supplicia decernat, aut præmia. Respondebo audacter, quia conscientia recta testimonium prohibebit, & verba suggeret ad objecta calumniatorum in deterius recta torquentium.

Non invidebo interim altius stantibus, & ad ea tempora venisse me arbitrabor, quibus credi debet, cælum unius posse humeris inniti. Non reluctabor fortunæ ex professo mihi infestæ, dignitatis jacturam libens, modò justo iudicio exponam, & latam ostendendæ virtuti nactus materiam amisisse me libertatem dolens, sed non sentiens feram casum. Sæviat fortuna quantum velit, nulla potest calamitas intervenire tanta, ut vel culpam profitear, vel veniam deprecer. Non defui unquam officio meo in Principem, & in Patriam, & hæc calumniæ vis cum summa malignitate illata, non deprimet virtutem, sed extollet.

Apertè ergo loquor, & circuitione nullâ utor, si quid feci, si quid commerui, si quid peccavi, iudicer, non præsumi, sed probari crimina debent. Consideres si non iusta, si non æqua peto? si singuli ita lædemur, universi periclitabimur.

Inter Byfantinos Oratores unus interrogatus, qualis Byfantiis lex esset? qualem ego volo respondit. Quæcunq; tu voles omnia facile fient, nullum calamitati meæ solatium efficacius, quàm in tua fidei, & sincera repræsentatione repono. Et cum invalidum tantum natura sit querulum, nihil amplius dico, & taceo. DEum pro persequentibus, & calumniantibus me rogo, & ad te (sine quo nihil) iterum cum plena fiducia recurro, maneoq;.

CONSTANTINO SZANIAŦSKI REFERENDARIO M. D.
L. CANCELLARIÆ MAJORIS REGENTI, CANONICO Var:
mieni 21 Septemb.

DUM scribo Domino Procancellario, scribo tibi. Conglutinatæ enim animæ vestræ, nec est quod latet, unum, quod alter scit. Cum tamen magno dolori sufficientia verba reperire difficile sit, separatim & confidenter scribere placuit, quanquam melius sit aliquando vel cum causæ detrimento tacere, solo interruptæ fidei testimonio contentum.

Nihil profuisse fidei meæ ad omnem Legem exactæ, nihil diligentiae, & operæ, ne quid esset, quod quisquam in me reprehenderet; facile concludes, cum id, quod nunc patior, non culpâ meâ, sed proditione mihi accidisse scies. Veniet enim tempus, quo ista, quæ nunc latent, in lucem dies attrahet.

Quem tandem titulum mea calamitas habebit, non sum par dicendo, nam miseriis victus, depressus, obrutus, vocem quoq; ipsam in tantis perdiidi malis, quæ miratur nostra, atq; omnis mirabitur ætas. Ne tamen in posterum taciturnitatis me meæ pigeat, vel pudeat, amicis communico, omnia enim hæc, quæ occulta existimantur, jure cognitionis publicæ detegi debent, ut malis in aperto positis innotescant causæ. Toleranda quidem fors est, cum robur necessitatis sit inexpugnabile, frangenda hæc omnia tela, scutum proferendum contra inimicos, gladius non stringendus.

Lugenda potius, quàm legenda, nec ab iis, qui fecerant laudanda infelicitatis hujus meæ, quæ in hominem cadere suprema potest historia, posteris erit.

Ho:

A.C. 1705

Honores ego semper admisi potius, quàm quæsi, & nunc nullâ culpâ meâ, illorum operâ apud quos veritas, & calumnia juxta valent, privor illis indignè immeritus. Quomodo hæc dissimulanda? & dolor quem graviolem pudor facit, quomodo continendus?

Scio ego, quòd DEI maximi beneficio, divorumq; auxilio, qui justæ causæ nunquam defunt, veritas, quæ est filia temporis, clarè patebit. Et quamvis non audeam comparare me, qui se ipsos comendant, illud tamen pati nequeo, quod cura una, & unum sit studium illis, quibus lapides censentur, qui flosculi sunt, optimos quosq; calumniâ opprimendi. Patior quidem forti corde, & seposito metu, omnia hæc quæcunq; præoccupatæ mentes, & lingvæ in me conjiciunt, unicum contra omnes calumnias innocentiae præsidium habens. Sed consideres precor, an non satis datum fidei, quam Regi meo debebam, res certè me tacente loquitur, armis suis profligatur facilè mendacium.

Vana hæc, quæ Euripi in modum alternis vicibus affluunt, ac refluunt, contemnere ego jam pridem didiceram, & cum magno illo dolij habitatore meâ virtute me involvebam. Cum tamen non intra verba malignitas consistit, sed ad hæc violenta procedere coegit, quæ mihi gloriosa, authori non satis honorifica semper erunt, postulat hoc ministerium meum, ratio suadet, fama obligat, conscientia stringit, jubet ætas jam ad occasum vergens, ut intaminato honori, & domus, & personæ meæ publicas dem vindicias. Feram & perferam usq; quæ patior in corpore, sed tamen apertè loquar, injustè me pati, injustè delatum. Tam autem scio, cujus sit hæc techna, quàm me vivere.

Patefiet veritas, & nunquam aliam contumeliosius videbit mundus factam injuriam, quàm hæc est mihi, circumventus iniquè, impiè, extra noxam accusatus, suspicione me brevi exolvam, injuriam inclementer illatam expurgabo, crimine falso me expediam, & sicut per ostium semper ad honores intravi, sic me in illis, & totus quamvis illabatur orbis, conservabo.

Quancquam opes, honores, dignitates, ridebam semper, & flocci pendebam, satis beatus, si me vir⁹ comitaretur, & bonorum amor, quam DEUS fovebit mentem quamdiu vitam. Illatam nihilominus per temeraria judicia, & præcípites condemnationes, injuriam non feram, non patiar, non dissimulabo, extorquebunt pondera vocem, & re verba cõfundam, nec ex rumoribus vulgi statuendum convincam.

Ut nix solis radios, sic fraus veritatem ferre non potest, utraq; defluit, illa in lutum, hæc in confusionem.

Confidenter ergo te, & fraternè compello, ut innocentiam meam defendas, tibiq; & aliis persuadeas, inconvenienter, & injustè hæc fieri, quæ fiunt, proq; affectu tuo angustiis meis assistas.

LUDOVICO ZALUSKI EPISCOPO PLOCENSI FRATRISUO

22 Septembris.

CUm jam in hanc horam fama publica, cujus pedes veloces, perferre potuerit infortunium hoc, quod omnes homines, ex omni populo, tribu, atq; lingua mirantur, unde famæ meæ, & existimationi aliqua labes ab iniquis, & omnia in pejorem partem interpretantibus inuri potest, revelatâ fronte, & pectore tanquam fratri defero hæc, in quibus magis video, quàm indignor, ne quid præjudicatæ opinionis afferatur, ne inimici, qui hoc malum causerunt, etiam ad fallendum

dum compositis verbis multitudinem referant. Minus patitur, qui patitur. Communico injuriam, & simul certiore reddo, quod eam eò æquius tolero, quò iniquius illata.

Tu, qui sensus meos perspectos habes, cui status vitæ meæ, qui is est, ut ignorari non possit, est perspectus, judicabis utrum hæc, quæ mihi opposita, & non probata, dignum aliquid criminis carcere habeant, ad quem damnatus. Noscitis viri fratres mei, quod totis viribus & vos, & ego serviverimus Dño, quod debuimus facere, fecimus, bona omnia, fortunas perdidimus, & pro hoc zelo ecce præmia nostra, ecce merces nostra copiosa! consilium fecerunt inimici mei, ut me dolo tenerent & accusarent in multis, expectatorantes pristinā malignitatē, pingentes & quæ pingi non possunt, omnia falsa objecerunt. Multi palam, & plures occulte, cum justo bello superare non possent ex insidiis aggressi. Omnia hæc ut non expectata & me, & omnes reddunt attonitos. Con-surrexit ex domesticis, qui inimici mei sunt plerumq; à primo capite appretiatus Clericus ille toties malè notatus Chmielowski, qui lucri aviditate præponderante pietatem domesticam, dixit quæ dicere jussus, nec inventus est, ut olim verax Orator unico teste in judicio allato Judicibus exprobens, uni testi nè siquidem Cato esset, non credendum esse.

Quantum hoc feriat in honore, feriat in anima? paterer facile injuriam, si esset vacua à contumelia, sed illi hostes eò graviores, quia contra dissimilem omnem nocendi voluntatem exerere non dubitarunt. Unum concedendi petii mihi munus, idq; unum summis usq; peto precibus, ut liceat Regi optimo loqui, ut liceat ad Judicem competentem mitti, cum nullā sit ærumna gravior, quàm silere, cum defensionis media ab ipsa innocentia suppeditentur, de qua omnibus constabit, modò loqui liceat.

Video ego evidenter, quod illi, qui meritæ tot per annos gloriæ meæ, non tantum invidebant, sed etiam insidiabantur, honores quos pacatā Republicā habere non possent, turbatā in omnibus membris avidè captant. Illi certè sunt, qui dum clam, aut palam partium studia fovent, non eò inclinare solent, ubi veritas, sed ubi applausus uberior aucupis honorum, pecuniæ spes, similes illis, qui angvillas turbato quærunt stagno, aut qui aliorum incendiis, vel naufragiis rem faciunt, scorpionum more, qui dum ludere paulisper videntur, aut blandiri, mox obliquā caudā feriunt.

Vix me hîc teneo, quia effluam, quin dicam omnis mei initium, & causam mali, quin nominem illos, qui inter se dissentientes convenerunt contra me. Sed indicare eos mallens, quàm nominare, pudori eorum parco, & taceo propter charitatem Christianam, quam ipsi abjurarunt. Audietis illos ab aliis, satis & ipsi facile divinabitis.

Triumphant nunc, & vix non Cæsaris victoriam, Cannas & Hectoris cum Achille Monomachiam jactant. Si ego minutos istos DEOS cavissem, si non flocci fecissem, non cogerer nunc hodie ista devorare. Interim tamen obsecro te, aliosque charissimos fratres, per quidquid est divinum, atq; humanum, ut nec minimum vindictæ gradum incipiat, ut affectum ponatis. Crescat Rōma Albæ ruinis, nos crudum dolorem mitigemus, atq; mergamus, & ad id nos componamus, quod ratio suadet, ad quod necessitas cogit. Et quamvis homines simus nō scopuli, & illusione rerum fortuitarum moveamur, supremæ nihilominus voluntati nostram submittamus, à qua robur in hoc mœrore nostro certum, modò æquus animus ferat, quod illa jubet, leve fit, quod be-

A.C. 1705 nè fertur onus.

Mittam tibi brevi relationem infortunii mei eò veriore, quòd primæ in terris potestati Vicario Christi transmittendam.

Frater noster Dominus Palatinus Czerniechoviensis contraria omnino promissis patitur, & quanquam si culpa esset, mea esset, ille tamē in eadem mecum cum tota domo, sororeq; nostrā navigat navi. Sed ferenda, imò, ut jam dixi, devoranda hæc fors est; frustra enim nos vexat, & urit, quod emendari non potest. Contra Regem iterum iterumq; precor nihil dicatis, tantò minùs faciatis, diligentius Dij coluntur irati. Me ametis, uti ego soleo, & omnia bona, quia bonum DEUM habemus, expectetis.

CAPITULO VARMIENSI Eadem die

Innotuit jam credo, fratres charissimi, infortunium meum, tanquam pretium pro ministerio, in quo cultu rituq; perpetuo in conspectu omnis populi Regi meo, & Patriæ servivi. Testes ipsi, & conscij fuistis; quòd temporibus mutabilibus, immutabilis in Regem fui, ac proinde inexpectata hæc novitas plus aggravare & pondus adjicere calamitatibus deberet; sed vellem fratres charissimi, omnes vos esse sicut me ipsum, sedulò cogitans, neq; meo ab animo unquam dimittens, quòd quidquid adversi contigit mihi, à DEO imittitur, qui quòd salutis meæ expediat, longè quàm ego ipse melius noscit, obfirmata ad tolerandum quanquam lugubri mente nihil flectens, nihil fluctuans divinæ voluntati morem gero, cui nemo potest obistere, eiq; totum me trado. Quid stultius, quàm nihil proficientibus more Gigantum velle cum illa pugnare.

Æquo proinde animo fero, quæ emendare, vel mutare non possū, & DEUM quo authore cuncta eveniunt, sine murmure laudo, & etiam si interdum non possum, quin doleam, cū cogito illud mihi ab eo contingere, à quo minimè sperabam, tamen quoniam ita visum est cælo, exercere me per illos, qui ut muli in matres recalcitrant, & per hæc dura, & aspera ducere ad metam, quæcunq; deniq; accidunt adversa, mœstitiâ animum nequaquam dejectum, nec hâc mutatione exasperatum habens, nōne & Dominus tam indigna pro me perpeßus est? patior depulsis molestis ab animo cogitationibus, & omnia adversa sustineo, spem auxilii ejus non abiciens. Nunquam enim ille à suo eos auxilio desertos relinquit, quos in filiorum loco diligit, quos præcipuâ providentiæ suæ parte complectitur.

Potentiorum autem injurias hilari vultu, non tantum patienter ferendas esse sciens, quæ plerumque non incidunt, sed veniunt, gloriator in tribulationibus, in persecutionibus, in angustiis totas perpeßæ calamitatis pœnas, tot peccatis meis debitas, Divinæ voluntati, arbitrioq; permitto. Credo DEO, confido DEO, spes omnis in ipso, quæ enim est expectatio nostra nōne Dominus, qui solus potest educere me de terra Ægypti in fortitudine magna, & manu robusta. Omnis fors mea beata est æquanimitate tolerantis, spem non dubiam habens, quòd confundetur calumniantium malignitas & illud quod putabat facere materiam afflictionis, ego faciam esse virtutis, dum veris falsa redarguens, repositam recipiam coronam justitiæ, quam reddet mihi Dominus. Objecta mihi sunt, quæ non modò verà non sunt, sed nec veri similia, & sic virtus cedere debet, prosterni tamen non poterit. Utique hæc à suprema voluntate dicta homini Christiano est lex, premi, jactari, concuti.

Secu-

Securus interim & plenus fiduciæ, plenus animi, vitæ anteaactæ, conscientiæ, & sensus, illibatæ integritatis, non tam hoc deterreor periculo, affligor infortunio, quàm disrumpor dolore, quòd tamdiu consortio dilectissimæ sponse meæ caream, & hoc est, quòd non re solum, sed & cogitatione molestius mihi est. Major hæc venit indè super me tribulatio, quòd in hoc rerum motu, & metu, assistere illi nequeam. Testis tamen est mihi DEUS, cui servio, quòd vos porto in sinu meo, quòd Dominum DEUM pro omnibus vobis oro, quòd sine intermissione indignis precibus meis memoriam vestri facio, ac proindè firmiter credo, quòd ille non relinquet vos orphanos, quòd me non permittet mori, donec videam faciem vestram, Dominus est, quod bonum in oculis suis faciat. Oratio interim pro affectu reciproco, quem demereri semper cupiebam, fiat pro me pro peccatis meis, & imprimis pro Ssño Dño nostro Clemente Pontifice Maximo, & pro presentibus necessitatibus, ut videns videat afflictionem populi sui, & misereatur. Insuper ut veniam ad vos in gaudio per voluntatem DEI, & refrigerer vobiscum. DEUS autem pacis sit cum omnibus vobis.

PETRO KCZEWSKI PALATINO MARIÆBURGENSI

24. Septemb.

A Bitus tuus tam insperatus non ex vano perstrinxerat cor meum, si fuisses hic, si quid accessisset læti, gemina fuisset mea voluptas, si quid mali, uti satis est superq; mali, amor in me tuus dimidium ademisset ægritudinis. Non sentire infortunium & dolorem recentem non est hominis, ego hominem me scio, & nisi ratio temperaret, etiam lacrymas fundere non dubitarem. Cognovisti ex aliis quid factum sit mecum, ex me scito.

Incipio cum Scriptura. Audite hoc Senes, & auribus percipite omnes habitatores terræ, si factum est simile huic in diebus Patrum vestrorum! Filijs vestris hoc narrabitis, & filij vestri filijs suis, & filij eorū generationi alteri. 3tiâ die postquā (ne scilicet acceptæ contumeliæ deformis fuisses testis) Dresdâ abiisti, accusationes in me multæ, & accusatores non pauci surrexerunt, ille Chmielowski, ille Venerabilis Kors appretiati, qui manducaverunt panem meum, levaverunt contra me calcaneos suos. Multas & graves causas, quas tamen ego necdum scio, objicientes nunquam probaturi, de quibus me accusarunt testimonium mihi reddente conscientia. Custodiæ ergo traditus sum, tanquam in recenti crimine non auditus periniquo jure, & summa characteris Episcopalis, & legum Patriarum cum injuria. Causa, quæ nec civilis est, criminalis facta est. Reus actus, atq; peractus ab iniquis meis, atq; invidis, qui ita jusserunt, institerunt, urserunt, còegerunt. Parricidam non esse afficiendum supplicio, nisi legitimâ viâ convictum, & condemnatum leges jubent, mihi, magnum dico, sed verum est (magnum enim est, quod verum est) defensio omnis adempta, & sine ullo examine sub custodia constitutus sum. Quis unquam pronuntiat, priusquam alteram quoq; partem audierit. Ne judex fueris, partes ni audieris ambas. Facta fuit pro se dicendi potestas Miloni homicidæ, facta Verri sacrilego, facta Catilinæ parricidæ. Orestes quoq; cum suam matrem propriâ manu occidisset, tamen in defensione non facti sed juris auditus est. Hic ad famam falsa pro veris sæpius tradentem, malitiosè potius, quàm verè à pessimo servo vix accusatus, & statim condemnatus sum.

A.C. 1705

Qui verò lapidem hunc volverunt, & hanc telam texuerunt, venient statim in mentem, præterita respicienti, præsentia tangenti, nec sunt ex abdito eruderandi. Scio ego, quòd malignitas non poterit usq; adeo tegere lumen veritatis, quin illud per obstantia brevi erumpat. Contrahere cælum, solemq; nubes possunt, diem auferre non possunt. DEUS, coram quo omnia nuda Numina conscia veri, & ipsa rei veritas se tuebitur, ipsa se falsitas coarguet. Medicus omnium necessariorum maiorū tempus est, quod innocentiae meae veritatis testimonio medebitur.

Rem inauditam à Polonia condita, nec audiendam futuris sæculis, ut gesta est ad ungvem pro filiali confidentia juxta ac debito Pontifici Maximo describere debeo, vera erit, quia Vicarij Christi oculis legenda, postquam mittendi originalis securam occasionem nactus fuero, quæ si unquā aliquando, nunc certè mihi difficilis est, copiam tibi suo tempore communicabo. In qua plus, quàm Religiosâ Historicorum fide, cum singula eventa amplioris esse deberent expressiois, ea tantum dicam, quæ memoratu digna acciderunt, & quæ omninò prætermitti non poterunt.

Desino nunc, nec enim libet licentius exspatiari in hoc querelæ campo, hoc tantum liceat repetere, quòd dicta in me inimicorum à factis meis, ut non cælum à terra longius distant. In officio hoc laborioso, & addam invidioso id mihi negotij credidi solum dari, ut ita muneris ratione in solem evocatus viverem, quasi omnes censores nactus fuisset. Post editam animi constantis, fideiq; inviolabilis famam, id egi, ne factis, atq; consiliis meis quidquam fucatum, aut falsum inesset.

Recordabar bene magni illius inter Græcos Civis memoratu digna verba, qui cum in eum multis inimici invecti erant maledictis, respondit: ego utilia populo consului, sed non parebant mihi. Idem Antipatro in re minus honesta operam suam requirenti asperius dixit: Non poterit Antipater me simul & amico uti, & adulate. Adulatorū assentatio perpetuum malum Regum, qui cum ea, quæ volunt, libenter audiunt, sibi adulari sinunt, & falli æquo animo patiuntur. Adferebam ego, non quæ placebant maximè, sed quæ credebam optima, & propterea verum dicens factus sum inimicus. Testes proinde ego voco cælum, & terram, post calumniam natam turpiore, & apertiore calumnia neminem petiitum fuisse. Ego tamen his non perturbor, quæ meae potestatis vitare non erat, spesq; bona me tenet, quòd DEUS lentus, sed certus vindex, qui solus est omniscius, & erroris expers, non homines qui quotquot sunt, opinantur, vacillant, errant, ab his angustiiis & calumnijs me liberabit. Hæc in crudo dolore.

ALEXANDRO SALLAROLI THEATINO 26 Septembris.

Æ Què tibi mirum erit, quàm certum est ante dies quinq; hoc est 19. Septemb: vocatum me ad Serenissimum Regem, ubi quæ mihi ventura essent ignorans, dum comparui sine dubitatione accersitus, incepit loqui mihi tanquam potestatem habens, & ostendere magis inimica, quàm vera objecta, literas scilicet Clerici mei Chmielowski manu exoratas, quem ego sæpius asini caput nominavi, merebatur enim, sed eo ex capite sinuoso immensas eum emittere turbas potuisse, malo meo expertus sum, Quid autem in illis literis contineretur, non explicuit, fateri tantum me, nomine meo, & me jubente eas scriptas omninò pro autoritate desideravit & jussit. Imperare mœrori

rori silentium non potui, quamvis cogitabam, non quantum ille iratus, sed quantum liceat irato, & quid dicerem planè nescius, dedi dolori, (tactus eo intrinsecus) non quantum poscebat, sed quantum consuetudo in defendenda iustitia, & veritate. Profundere etiam animā pro ea debiti mei, virtutis, laudis, & præmii ducens. Petii humillimè, ne prius objectis his credat, quàm de eis iudicet, ut ad fundum veniat, ubi veritas posita est, quam nunc in summa terra & levi manu quærit. Ad didi, quòd si causam seriò examinaverit, non modò me absolvet, sed nec levi quidem pœna mecum transigendum esse putabit, sed Regibus boni, quàm mali suspectiores sunt, semperq; his aliena virtus formidolosa est, non ergo ad ordinem respiciens, nec ad dignitatem, tempus, qui omnium consiliariorum est optimus, præstolari nolens fortius institit, ut faterer, & ut darem clavim, quæ secretiores illos aperire, & explicare posset characteres, ex abditiori loco, quem infallibiliter in vestibus meis me habere dixit, eruam, illiq; tradam. Non in hoc Regem unquam mores sui antea ferebant, & sit cum venia dictum, animum non verè mansuetum, sed severitatem ejus arte quâdam necessitatis causâ fuisse celatam, nunc demum agnovi, quòd illis, qui altiùs hujusmodi rem considerabunt, dijudicandum relinquo.

Repetii iterum cum submissione debita, & solita, latius diffuso sermone, quàm ut hic breviter colligi possit, mox verum ne sit hoc? appariturum, & ut (malitiam magis inimicorum, quàm irā Regis timens) malorum impetus mollivissem, omnes quascunq; penes me habui extrahere literas, abscondita quæq; ad conservandas eas eruere loca, audacter cœpi, conscientia recti fretus, omnia in oculis Regis evolvi, nec quidquam quod quærebatur, & quod invenire cupiebat planè reperit, quomodo enim reperiri potuit penes me, quod nusquam fuit. Faceffivit trepidatio, procul abiit metus, timores exciderunt, hanc injuriam mihi indigno illatam, magno animo ferens, ignarus utrum deberem mirari, an timere, nunquam enim nec contra eos scribere, qui possunt proseribere, sed nec contra ullum didici, & consuevi, amaritudines forti animo, magnā fiduciā, bonā spe causam veritatis, causam iustitiæ, nam hæc est causa DEi, defendi, propugnavi, & evidentes doloris mei causas eò liberius explicui, quò innocentius petebar.

Sciendum verò, quòd ego tunc nesciebam, & nunc, non alieni enim negotii, sed mei narrator, omnino non omittendum reor, referens ordine malorum meorum eventum, quem nemo tam crudelis, nemo tã sævus audiet, vel leget, ut mihi non compatiatur; aliquorum enim iudiciis oblatrantium non satis moveor, qui in utramq; partem aut amore Regis, aut odio labuntur meo; sciendum dico quòd in illo cubiculo, ubi hoc magis atrox, quàm longum fuit certamen, parata erat mensa, & pro septem, vel octo Consiliariis, qui in proximo erant, disposita cum sedibus, chartâ, calamis, & atramento paratis ad examinandum me, ut scilicet confessio proprii mei oris decreto formando materiam suppeditasset, nam quæ ego repentina credidi, illis prævisa venerunt. Sed cū Rex veritatem exquisivisset, & ego mendacium dicere non potui, malens crucem pati, quàm mereri iudicium hoc, quod paratum erat, evanuit, & me cū iterum iterumq; admonuisset Rex, ut faterer, & ego iterum iterumq; fateri non posse omnino contra veritatem dixerim, abire iussus, exivi, & infinitos aulicos, qui numerari, suppetari non possent, & nunquam frequentiore in Regia concursus vidi, omnes enim scire eventum rerum desiderabant, quæsi ubi esset Generalis Dönhoff,

A.C. 1705 quod mihi post vitio vertebatur, quanquam id ideo feci, ut ad prandium antecederet à me invitatum duxissem. Nunquam minus impertitum rebus his vidisses, quanquam ictus eò gravior, quò minus speratus, & inexpectatus erat. Inveni domi, quem requisivi in palatio, sub id enim tempus Consiliarius Meiler ex Saxonibus cum duobus quos copistas in Cancellaria vocant, & Dñus Dönhoff, & Szembek ex Polonis in domum meam missi, quo vis non ratio trahebat, omnia secretiora sibi aperiri, omnes meas scripturas reddi, nomine Regio jusserunt, & mei obedierunt, integrum non erat authoritati repugnare, & si repugnare voluissent.

Inveni eos Commissionem hanc finientes, & cum summa resignatione opus inceptum juvi, portari etiam scrinia omnia feci, claves reddidi & quidquid intus erat revidere permisi. Acceptæ scripturæ tanquam in triumpho (diceres ipsam victoriam vicisse) portatæ, egregiam verò laudem & spolia ampla! Revisæ à multis, & post alterâ die mihi remissæ sub sigillo Regio, sub quo hætenus tenentur, & ad diem judicij etiam extremi tenebuntur.

Missæ interim sacrificium dici ordinavi, & medio absoluto, significatum est mihi Dominum Colonellum Bretschneider (idem est qui Ablegatum Galliæ Dominum Deheron Varsoviæ raptum abduxerat) loqui mihi nomine Regis velle, & cum finem sacrificii expectare nolisset intrare permisi, arrestumq; personæ meæ ex parte M^{ti}s suæ impositum audiui, factâ provocatione ad summum Pontificem, cui ut Episcopus, & ad Rempub. cui ut Senator subsum, magis indignatus, quam disputans, ne dum calcari nolimus, videamur posse calcari, non tam libenter, quam reverenter dictum arrestum, quid enim potui recusare? suscepi. Post prandium Dominos Dönhoff & Szembek ardentissime rogavi, ut Serenissimo nomine meo, quam demississime supplicarent, ut mihi tres solos dies, etiam sub custodia, si ita placet, impertiri velit, modò sine tam magno strepitu, & ut eo, quo tunc, nunc utar termino, sine tanta publicitate, & ego honorem meum, & vitam, & si quid carius his esse potest in vadium dare paratus sum, quòd his tribus diebus claram, nec ulli suspicioni subjectam monstrabo palam innocentiam; quæ ipsi non promittebant modò sed & spondebant. Et id ipsum per Dominum Generalem Fleming, qui me eodem die invisit petii supplex, sed quis jacturâ movetur alienâ! multi sunt, qui incendium malunt spectare quam extinguere, non sum exauditus, revellere objecta volentem renuerunt, orantem vel audire aspernati sunt, imò statim in portis civitatis, quæ dum ego examinabar à Rege clausæ erant, & non nisi circa vesperum apertæ, mandatum fuit, ut nec ego, nec quisquam ex meis dimitteretur promulgatum, & in scripto affixum, & sic quem voluissent torquere, tamen nolebant audire, quem nocentem probare confisi non sunt, innocentem sine probationibus condemnare, & inaudito irrogare pœnam fecerunt, id quod petij non obtinui, & factum est vespere, & manè dies unus.

Hic qui sigillatas scripturas mihi in crastino, ut dixi apportavit, inventa fuisse in cifris meis multa nomina asseruit, quæ quoq; in literis interceptis reperiuntur, nam id quoq; eodem fine, quo omnia alia meditata sunt, & facile id fieri potuit, cum eo modo cum multis ante significandi secretiora usus fuisset cum Cardinale scilicet Primate sub tempus interregni, & alijs. Ad condemnationem ergo eò faciliorem hoc artificio usi sunt, nomen Regi ut magis in me exacerbarent Prothei,

thei, ipso Chamaleonte in mutanda forma celeriores dederunt, nullusque ex præcipuis in aula est, quem non immiscuerint, ut me omnibus odiosum reddidissent. Literarum autem harum auctum fuisse numerum audiui, heri tres, vel 4tuor fuerunt, & hodie plùs quàm 15 numerantur, heri omnia in cifris, hodie plurima absque cifris. Nec mirum hic, qui scripsit primus artifex, cui ad exercendam artem instrumenta non desunt, est, nec erit difficilis ad ulteriora, qui antecedenter tanta ausus. Quàm in manu, & ad manum justum verò esset, ut hic, (ut quondam usus ferebat) qui falsum testimonium dixerit, vinciat apud eum, in quem dixit.

Eodem die hoc est 20 Sept., sequor enim ordinem, & dierum, & malorum, D. Generalis Dönhoff insinuavit Fratri meo Palatino Czerniechoviensi, ejusque uxori, sorori, & nepotibus meis, quorum unus annos decem non excessit, Regis nomine arrestum manendi domi, nec ex ea exeundi, quod mihi dolori fuit, magis alienis periculis intento, quàm meis propriis anxio, mœrore enim illorum macerari, marcescere, contabescere debui, & lacrymis debilioris sexus futuri expectatione solliciti, tam justè cadentibus. Quisquis audiet hæc, si amicus est, deflebit, si inimicus, spectabit, illi à patriis laribus, à conspectu natalis soli, ab assueta aura accersiti spe ac promissis ingentium gratiarum, venerunt his freti nunc indignè facinoris, si quod erat, participes cum non sint, idem subire periculum, omni ratione subducta, eandem debent poenam pati.

Franciscus
Zaluski.

Missus eodem die Berolinum D. Generalis Fleming, ut majorem informationem clariusque lumen de hac prætenfa mea correspondentia caperet. Dominumque Illigen Ministrum ex primis aulae illius requireret, quatenus clavim à cifris, quæ à me dari non potuit (habere enim prius dicit quàm dare) communicaret, meque correspondentem declararet, sed iter quoque hoc inutile esse debuit, nihil enim reportavit, nisi habere eam aulam ubique tales, qui sibi scribant occurrentia, sed de me nihil unquam scire, quanquam post reditum Dñi Generalis alia vulgata sunt, quæ me tanquam convictum arguebant. Omnia ex compolito fiunt, unus mentionem infert omnes approbant sibi plaudentes, ac mutuum ut ajunt scabentes. O quando illa veniet dies, qua nemo in honorem Regum mentietur? Insuper quod Chmielowski Clericus, quem ego nec oculis meis vidi, in præsentia Regis me convicisset mandati scribendorum, quæ scripta monstrabantur, & jussu meo factum omnino dicebat, & sic veritas, quam seminabant patrocínio falsitatis semper niti debebat. Nec hi Christiani erubescabant, qui veritatis, ac lucis filij nominantur, proloqui quæ non modò vera non sunt, sed nec verisimilia. Ego interim contentus virtute, quæ fortuitis non dejicitur, imò in tribulatione perficitur, habeo mecum vera bona, in quæ manus injici non potest. Amplectendam eam, quæ à nonnullis solet admodum derideri, patientiam injuriarum animique remissionem reor. Catoni ebrietas objecta est, at bene responsum; facilius efficiet, quisquis objecerit crimen honestum, quàm turpem Catonem. Nec mihi nihil detrahit fortuna, nisi quod dedit, virtutem autem non dat, ideo non detrahit, libera & inviolabilis, immota manet in statu, & quidquid evenit in suum colorem detrahit; Ita ut mecum disputem aliquando nihil quod agam habens, utrum merito mihi acciderint ista, aut immerito? si merito? non est contumelia, judicium est, si immerito? (uti certè immerito) illi, qui injusta facit erubescendum, non amittit infelix virtus gloriam. Et si fortè injurias moderatè tuli, quantò magis hominum potentium, quos

A.C. 1705 quos scio manus fortunæ esse. Patientia ergo me ac animi magnitudi-
ne defendo, & licet causæ eventorum magis movent, quàm accepta e-
venta, & non tantum unde venerit malum, sed quò tendat respicere
debeam, nunquam tamen præsumens animo posse aliquid intervenire,
quod destinata prohibeat tanquam nominatus jam à me Cato stans in-
ter ruinas publicas, & meas privatas erectus, quietus, placidusq; con-
tra incurrentia nulli modo cedo, sed etiam si succiderim de genu pro
innocentia pugnabo mea. Nullius protectionem invoco, nullos hic a-
micos molesto, & impeto, me potius ne petam teneo, quàm illos ut as-
sistant, requiro, Divinæ me meaq; in omnibus subjiciendo voluntati.

Tertiâ post die Dñus Szembek Procancellarii frater, cujus præ-
ter cæteros nobilitata est contra nos actio, secundæ res etiam ingenia
modica attollunt, ut magis sibi videantur, cristasq; erigant cum excel-
siori loco se constitutos cernunt, sic hic Dñus Juvenis odio non bene-
volentiâ affectus mihi (tanquam in fatis esset ut senex cum pueris de-
certarem) venit ad Fratrem meum Palatinum, dicendo nomine Regis,
quòd Generalis Dönhoff quid pro quo dixerit, cum Sua Mtas non præ-
tendat, tam stricto eum, totamq; domum (me solo excepto) teneri a-
resto, posseq; quoties voluerit ex hospitio, modò non ex urbe egredi,
suadebatq; idem, ut Palatinus me relicto Regis se reddat protectioni, &
ut ego in iudicium me solius Regis darem, sed respondit pro me Alci-
biades, qui dum interrogaretur, cur non fidem haberet Patriæ? omnia
quidem facile ei credo; vitam ne matri quidem meæ in iudicio commi-
serim, metuens ne fortè per errorem nigrum calculum, pro albo in ur-
nam immitteret. Petij ego constanter, ut ad iudicem competentē mit-
tar, malorumq; istorum semel mole exonerer, aut tua me Sestos, aut
te mea sumat Abydos, vel Illñus Nuntius pro informatione causæ Ro-
mam mittenda huc veniat, aut ego ad illum mittar, quod & per Baro-
nem Szenk juniorem proposui, de cujus fide non addubitabam, sed ta-
men quantum conjecturâ suspicari licet, conqueri deberem.

Sperabatur hic Dominus Thesaurarius Berolino, sed casu meo edo-
ctus, fugiet has terras, nec illuc veniet, unde facilis regressus non est.
Reges Parthos non potest quisquam salutare sine munere, hic valedi-
cere non licet gratis. Voluit Dnus Comes Stratman videre hæc objecta
contra me, sed non monstrata.

Abiit hodie Baro Oberbek ad Dñum Castellani Cracoviensem
(cui scribo) redux, qui valedicendo mihi dixit vidisse se hunc, qui cu-
ram arcis Messensis habet, qui pro re certa, & indubitata ipsi retulit, ha-
bere se in mandatis, ut comoditatem pro tribus personis procuret in ar-
ce; illuc enim ego transportari debeo. Nihil differt utrum in ligneo le-
cto, an in aureo ægrum colloces, quocunq; transtuleris, morbum suum
secum transfert, ubicunq; ponitur, malum suum illum insequitur. Nec
ego his permotus sum, non ubi, sed quis sim magis curans, locus ne-
que dat, neque adimit virtutem.

Hodie etiam vocatus Decanus Paucensis ad excipienda contra me
testimonia, jurisdictionem suam in Camera Patris Jesuitæ missionarii
fundavit accersitis ad hoc tribunal aliquot, qui nunc hic morantur Ca-
pellanis. Scripsi ipsi præcavendo immunitati characteris mei, quòd jus
in me inquirendi non habeat, respondit submisit, & civiliter, sub pote-
state eum constitutum, non ea quæ vult, sed quæ debet facere obliga-
tum. Completi ergo hodie sunt dies septem, sed nec ab opere hoc est
à continuatione molestiarum, amaritudinum, & afflictionum mearum
cessa-

cessatio, & quies, nec quòd sint bona, quæ facta sunt, dici possunt, Multi sunt eorum, ut quisq; timet, dolet aut dubitat, alii publicam, alij privatam, quidam utramque calamitatem deplorantes, multi sunt qui ad fortunæ meæ mutationem animos quòq; suos accommodantes, miserationeque permoti intuentur, magnam occultarum, & Divinarum causarum vim, quam in me omnium conspectui expositum exercet. Multos esse scio quibus dolorem hæc mea calamitas attulit, quos ego consolationis ipse indigens infortunij mei causâ mœrentes etiam consolor.

Longius processi, quàm solet epistola, quæ solitum excedit, sed nihil supervacuum ingessi, necessarium subtrahere non potui, non servio materiæ, sed indulgeo, quæ quò ducit, sequor, non quò invitat. Quod diu parturiebant inimici nostri, pepererunt tandem, nōne hæc prædixi tibi? nōne divinabat animus? Hoc autem scias, & mihi pro tua fide credas, non amore Regis, cujus hostes sunt, aut virtutis reverentiâ, quam nunquam degustarunt, non decoris nomine, quod in aliis quoq; everterunt, ad opprimendum me incubuerunt, sed invidiâ, sed dolore, sed malevolentia, & quòd illis non aliter est habenda fides, quàm alteri, qui de vespis intra nares Vespasiani inædificantibus, & de rana partu à Nerone emissa Romam impleverat, sed magna est vis, magna divinitas veritatis, quæ sine magno conatu ab omnibus dolis, ac fallaciis se ipsa defendit, ut non iñmerito cum esset apud Darium Regem exorta contentio, quid foret maximè validum, & aliud aliter diceret, tributa sit palma veritati. Spero & ego quod ipsa temporis ratio ostendet tandem festinatione magis, quàm consilio omnia hæc incepta esse. Hæc omnia ut referas Romæ precor, brevique, modò occasionem certam habeam, diligenter enim manus meæ observantur gressus, deferam ipse &c.

PRINCIPI HIERONYMO LUBOMIRSKI CASTELLANO

◀Cracoviensi Exercituum Duci 26 Septembris.

Redit ad te Dominus Baro Oberbek pecuniâ emunctus, vix non ad inediam post exantlatos per tot menses ingentes labores, ut ad finem negotia tua perduceret. Cui ego si non quantum valebam, sed quantum potui, si non ita servivi ut optabam, nam vires pro animo non fuerunt, ignosci postulo. Perhibebit tamen testimonium fidele alacritatis, voluntatis, & promptitudinis meæ. Sicut enim sum persuasus, & libens de tuo in me affectu, vellem pariter, ut tu de meo sis certus, quem constantē, atque etiam fidum reperies, nec nisi cum ego solvā, solvendum.

Utor eâ commoditate, ut cordis ægri diluam fastidium. Referet idem tanquam nescius fraudis, ac dissimulationis, melius quàm literæ meæ exprimere possent, (tantum opinio præjudicata poterat) angustias meas, quas pati nec debui, nec speravi minimè dubitando, quòd hanc jacturâ meâ, cum injuria ad Remp: quoq; redundet, moveberis. Tristis spectaculi, & tantum non ipsis, qui fecere miserendi, testis de visu fuit. Haud leve senectutis oblectamentum, in cujus limine versor, quòd posteris cunctis canent sæculis. Evadet effrænis hæc audacia in optimi cuiusq; deformationem, si tantum calumniandi libidini permittitur, si rumusculis, & obtrectantium susurris adhibetur fides, & famæ jacturam patientur (nisi qui scit facere injurias, nescit metuere) qui non meruerunt, ubi etiam ij, qui vitant culpam, non effugiunt infamiam, ubi multi fumi, multi fuci, ubi mala unde minimè sperantur erumpunt, & carpitur magnusq; bonusq;. Ubi tanquam lex Lapia revocaretur, quâ delatori-

A. C. 1705 toribus præmia constituta erant, & tanquam sub Tiberio, qui causâ præcipui questus tantum delatoribus tribuerat, ut nemini fidem abrogaret, sive quid vani, sive veri referret. Quid sibi quisque nunc speret? cum videat optimos pessima pati, cum eò ventum sit, ut pretio sit contumeliæ amor, & summa flagitiorum voluptas inquinare honesta. Difficile est mihi, qui apud alios homines vixi, apud alios de causâ mea respondere, ubi circa verum erratur, ubi rarò veritatis succedit cognitio, ubi in omnes sine discrimine ad placitum fingunt, ad libitum excogitant quæcunque volunt. Malis tamen meis gaudere poterunt, & non gloriari, dum falsâ nunquam probabunt, & nemo credet me tam amantem fuisse, ut putarem noceri mihi nec à Jove quidem posse, aut. me nocere etiam Jovi posse.

Si quæres unde tempestas hæc orta fuerit, difficile esset seriem implexam explicare causarum. Occultum est, de quo queruntur, in quod se credentium fides debet extendere. Non tantum tamen suspicari, sed pro certo etiam affirmare possum, initium calamitatis meæ Antipatri, dico Cardinalis Primatis in me fuisse odium, quis credere poterit, quod tanta vis mali ab eo semine ortum habeat, si turpe faciunt quid Dii, non sunt Dii. Calicrates vir fortis, & strenuus ictus sagittâ & moriens non mortem se suam dolere dixit, (etenim domo in hoc ut pro græcia moreretur, venisse,) sed quod non usus manibus periret. Inter iratæ sortis procellas, cum spes miseras nulla sustineat meas, hoc me tantum mole sub alta afflictionum angit, omnia enim non casuum temeritati, sed divinæ rationi tribuo, quod nec refecare, nec retaliare injuriam possim. Egregiam verò laudem Sacerdotum Principi unum ex Co-Episcopis aggredi, infamare, quasi Trojam, vel Babylonem cœperit gestire, & ad pudendum ipsique aliquando pœnitendum perducere statum. Vereor sanè ne sicut illius Episcopi Ephesi postquam charitatem reliquerat, & memor non erat undè exciderit, motum est candellabrum de loco suo, ita & nostrum Eminentissimum Primate magna aliqua à DEO non expectet pœna. Justus enim est Dominus innocentiae protector, & vindex, res mala, quæ struitur, structori pessima res est, justitia tacito veniet haud dubium gradu, nam qui patravit aliquid, huic superest pati.

Non tantum tamen his manibus, sed & cupiditate, impulsuque aliorum hoc opus perfectum extitit, sed ego non miror illos, qui sunt in hoc cooperati, nam nosco quid illis cordi est, nihil privata nisi quod res, & utilitas jubent; quò jam virtus oblita recessit, non miror dico illos quod captent, inescant, fascinent, & ad hoc amplectantur ut strangulent, qui ne operâ meâ, & Respub. & amici utantur, ibi doloris aperiant scenam, ubi ego sperabam gaudiorum theatrum. Sed stupor opprimat, nullâ necessitate coactum sumum Sacerdotem ea fecisse, quorum & apud DEUM, & apud homines, si non impossibilis, difficilis certè erit restitutio.

Sed nolo mœstus tantæque calamitatis vulnere afflictus gravissimo (incusando) indulgere dolori, quem etiam si quandoque querelæ levant, non tamen tollunt. Imò in spem certissimam adducor, quod sicut premente DEO, fert DEUS alter opem; sic dum à primo tanquam omnium causa malorum Ecclesiastici opprimor, à primo itidem sæcularis ordinis relevabor Senatore. Laudatus quidam à Senatu, ego verò vos inquit nequaquam laudo, quod in periculo constitutum Prætorem destitueritis. Non dubito proinde de te, qui ex tuo ingenio alios æstimas, qui

qui vitâ, & gloriâ libertatem cariorem habes, qui unamquamq; rem ponderibus suis, ut est dignum, examinas, non tantum compassione movendum, sed etiam si quid potis erit, sine cunctatione, & absq; mora succursurum. Ego interim quamvis homo sim, non scopulus, & illusione rerum fortuitarum comoveri debeo, neq; tamen fortunæ prioris affectu desiderioq; tabesco, fortiter iniquæ sortis casum, in quo necessitas Dñi est, supporto, minusque hac in parte Philosophia finxit, quam ego gero, & affixus domui, ut testudo suæ cochleæ, supremæ voluntati me submitto, spes hominum justas divina potentia nunquam deserit, & æquo animo fero, quod jubet. Precor interim, ut DEus te tuosq; in sua divina servet gratia, in quo, & à quo omnis salus.

RESPONSUM JOANNI PRZEPENDOWSKI THESAURARIO REGNI ad condolentiam 28 Septemb.

R Epleor consolatione, & quamvis attonitus adhuc, subitoq; malo stupens, superabundo lætitiâ, quod amicam recenti ulceri fraternamq; adhibeas manum. Gaudeo inprimis gaudio magno valde, quod delationi non obscuræ perfidiæ plenæ, quod alternanti vices suas fortunæ, & cunctis spe tua durioribus injuriis meis, ut par est indolere dignaris. Innocentiam meam quis exceperit eventus vides, pro obsequii præmiis, falsi sceleris pœna, pro intaminatæ virtutis studio, custodiam & carcerem, ubi nec ambiguae fidei suspicio esse deberet, improbâ delatione damnationem maturatam testaris.

Nihil est tam acerbum, in quo non æquus animus solatium inveniat. Est quædam in ipsis malis miserorum voluptas, & omnis adversa fortuna, non tam in querelis, quam in solatio amicorum habet levamentum. Hinc est, quod epistola tua non odio bonorum, sed invidiâ pressum malorum, non tantum solatur, sed injuriarum etiam abolet memoriam. Non est dubium, quod hæc pœna omnem modum, moremq; transgressa, properi fuisse consilii agnoscitur, quanquam non repentina hæc, sed prævisa, occultâ fati lege venit, virtutis meæ occasio futura, cum ad toleranda omnia obfirmata mens, miserum me ostendet, sed non faciet. Scitè, sed falsò hæc omnia objecta sunt. Quæ futura prospiciebam (appello tuam memoriam) impendentia pertimescebam.

Quandoquidem autem id extorquet fortunæ meæ iniquitas, quando inimici mei, qui solem, si possent, extingverent, fecerunt mihi, quodcumq; voluerunt, quando pœna sine iudice constituta, quando nondum nocens, & jam sum reus, quando vita morte gravior detractâ libertate, quando crimine incerto, nec defensione datâ hæc pati cogor, quando actiones meas, quas calumniari nec calumnia quidem deberet, non ratione, sed prorsus libidine condemnari video, spes hominum fallaces, & in casu positas magis doleo, quam luctus turpes, & querimonias advoco, totum eventum DEi optimi (nemo bonus nisi unus DEus) dispositioni relinquens.

Tibi verò magnas & ago, & habeo gratias, quod dum victrix exultat super me iniquitas, dum malignitas conflatur odium innocenti, dum virtus temporibus jacet depressa nostris, properas illuc, unde alij fugiunt, & affectum tuum testatum facis. DEus justus iudex, & vindex renumerabitur, & ego, qui me ita compono, ut conveniens est fortunæ meæ, si vita suppetet, memoriâ memor gratusq; semper ero.

EIDEM

Affectus tuus, quem in beneficio pono, toto se sinu effundit in literis hoc momento acceptis. Quid rependam? hoc unum quod possum, gratiam. In certamen intimum non descendo rationum, quia sic mones, & quia juvat sic facere. Vadum hoc, quod suades tentabo libens, & quamvis in iis diligentior esse deberem, cum videam me tam facile damnari, & tamen negotium hocce nomine tuo, vel si placeat, etiam meo tractes, perficias, finiasq; peto, rogo, postulo. Non reprehendit quidem me cor meum, nec video in quibus me quispiam existis, quos S. Augustinus pravicordios, & torticordios vocat, justè accusare possit, nisi mendacium operetur, stylus mendax scribarum extendens calamum suum quasi arcum mendacij, & non veritatis.

Non invenient causam in me isti in alia discordes, in hoc convenientes tanquam Pilatus, & Herodes ab illa hora facti amici, si rationis forum ingrediamur; quia quidquid ex invidia dicitur, veritas non putatur. Fingunt illi, quæ volunt, putantq; palmam mentiri bene gloriosiore. Possunt ne prætextus, & colores unquam deesse, cum non desit facultas, & occasio? sed facile ista meditata invidia, nugamenta calumniæ, explodere, refellere, revellere, projicere, dilaniare possem, facile purgare esset, si coram delatores arguendi facultas daretur. Disparerent umbræ, si veritas ingrederetur, nec circa lucem apparerent tenebræ. Non auderent in faciem dicere calumniatores hi amarulenti, servi mali malorumq; pessimi confunderentur, si ad respondendum, & ad refellendum admitterer, sed cum præter opinionem meam, hæc in meum caput mali moles, non rectâ viâ, sed ex obliquo irruat, cum suspiciones majorem inveniunt fidem, quàm ipsa facta, premit infontem debita sceleris pœna.

Recordaris Dne mi dixisse, scripsisse, & suasisse me semper tutiora, quàm speciosiora & quæ visa optima, utilitatem juvandi prætulisse me gratiæ placendi, à die illa, & deinceps quâ me obsequiis reddidi Mtis, & propterea ut proborum benevolentiam adeptus eram, sic improborum adversum me odia concitavi; nullo quippe ut plerisq; moris est, elatus fortunæ favore, in cothurnum me magnæ potestatis erexi, sed æquitate cuncta moderans, gratiam Regum in me non reddidi otiosam, dicens liberè, dicens affectuosè, quæ sentiebam. Tenui semper constantem in Patriam fidem, in qua puer natus sum, testis in cælo meus, & vigilavi, accuravi, ut potui omnia ea, quæ ad obsequium meum, in Regem officium, & ministerium pertinebant, & propterea ab hostibus Regis rapta sunt, adimi quæ potuere mihi, & toti domui meæ; sed non tam hæc rei familiaris jactura, non tam fulmina fortunæ feriunt, quàm isti contumeliarum aculei lacerant, atq; cruentant, quò me tanquam retia, & casses implicuerunt, nec ante me captum sensi, quàm dum captus. Undè apparet quanti sint inimici mei, quantum valeant, possuntq; cum quid potuerint, perditum me malentes, quàm servatum ostenderint.

Sed hæc quanquam acerba, quia tollere non possum integer, eoq; interritus tolero patienter, & æquitati causæ confisus, quòd tandem apparebunt res meæ, quid sint, non quid vocentur, innixus spe futuræ protectionis è cælo, conscientia optimæ mentis sustentus, molestiam istam longè gravissimam lenire studeo. Nullum est certius, nullum verius, nullum solidius solamen, quàm ex securitate rectefactorum proficiscens. Itaq; in re tanta, quâ & offendi tam periculosum est, quàm queri,
dolo-

dolorem haurio, & considerata benè rerum cohærentium serie, quamquam grave est non assuetis cervicibus jugum, cum non extimescat generosus animus leges, competentem Judicem invocavi, qui in judicandis Episcopis summum jus habet. Ibi enim me oportet judicari, ut facti qualitate discussâ, proferatur jure valitura sententia, certè quæ mihi obijciuntur, invenientur falsa, & justâ judicatione decerni debebunt. Nôsti oblatrantis invidiæ morsus, nôsti quàm facillimè in difficillimis causis iudicium livor ferat.

Nihilominus tamen, quia non aliter scribis, quàm sentis, indignū arbitratus amicum sine auxilio derelinquere, fiat, non quod ego cupe-rem, sed quod expedit. Non moror nec tuam impedio promptitudinem, modo inanem operæ & olei non perdas laborem. Ad suscipiendam Regis gratiam non cunctabor, sed accelerabo, non renitar, non tardabo, quamvis (dulcis inexpertis cultura potentis amici) expertus metuam, ut hæc negotiatio, quam in te sumis, exitum fortiatur felicem.

Scio ego inimicitias potentum graves esse, & timeo, ne quid interveniat, quod desiderium tuum perdat. Non efficientiæ proinde securitate, sed amicitiae tuæ præsumptione ad gratias agendas, pro illata injuria, non tantum me paratum invenies, sed obvium. Ratem meam procellis committo, impetum honorem, læsam famam, oppugnatam dignitatem in manus tuas trado, injurius enim affectui tuo essem, si id negarem. Si persuaseris mitiora, agam, si non persuaseris, & ita gratias agam, & fruemur Diis iratis, si placatis uti non licebit. Necessitas legem non accipit, sed dat.

Non dico quidquam, quod contumeliâ injustè irrogatâ, & infamiâ tantâ affecto damnum famæ, & existimationis restaurari deberet, quia in omnibus his te audiam, sequar, obsequar, cum hac positiva, nec unquam immutandâ declaratione, quòd sol citius splendorem, quàm ego venerationem Regi debitam, & cultum ejus linquam. Faveant superna dispositis, secundet intentionem, & operationem tuam feliciter ille, à quo omnia

ALEXANDRO SALLAROLI REGIO MINISTRO 3 Octob.

AD 26tam præteriti Mensis plenum afflictionis habuisti diarium, altera enim ex fine alterius orta, & quædam cum incremento, non tantum in majus exit, sed in aliud, quod majus fit. Non plus solatij, & ex præsentis recipies, si in eodem, ut non spero, sed credo in me persistis amore.

Die 26. Sept: ex insperato nec prius ulli præviso Rex Seren: occasionibus intentus, ideoq; festinans Dresdâ abiit, accepto in societatem itineris Generali Szulenburg, quò nescitur, credunt autem, qui scire deberent, campum invisendi causâ excurrisse, pro nundinis Lipsiam reversurum, vel etiam inde ut quidam divinant rectâ in Poloniam moturum, & ego tanquam Daniel in spelunca leonum cum meis inclusus expectabo miserationem DEi, in ea patientia quæ decet. Non est enim consuetudo mea, ut vel secundis rebus efferar, vel adversis succumbam, & certissima firmitas, quæ omnes incurfus respicit. Invulnerabile est, non quod feritur, sed quod non læditur, vera animi magnitudo, & constantia rebus adversis ferendis, emendandisq; casibus elucescit.

Interim post examinatum Clericum Chmielowski, & Dominum Kors, qui quid dixerint, ego nescio, falsa tamen dixisse suspicor non ex

A. C. 1705 vano, venit ad me 27. sub ipsum prandij tempus certus aulae Secretarius, vocatur Hinter, nomine Regio requirens, ut Ephebos meos examinandos ad D. Paucensem Decanum mittam, dum tempus nuntiabitur, libenter id me facturum promisi, & feci, dum sub ipsum vespere crepusculum fuerunt accersiti, qui & redierunt dicentes sibi prohibitum fuisse, ne quid dicerent ex iis, de quibus quaestio erat, nec ego etiam inquisivi. Princeps Firstenbergius, cujus operâ crebrò utitur Rex, quoties dignitate conspicuos viros vult impetere, & mortificare, qui ferendarum injuriarum impatiens, faciendarum semper cupidissimus, dum visitavit, D. Palatinum, exposuit ei, non me habere, nisi duos hos, quorum unus culinæ, & expensæ, alter cellarij, & librorum curam habet, ut mihi relinquerentur, petiit, audivit enim, ut post accidit, accipiendo, promisit ille quidem, sed ut inferius patebit, petiisse id nocuit. Persuadebat mihi idem Princeps, spem adjiciens impetrandæ, & paratum se dicens, quidvis pro nobis subire, si me qualem postulabat, & optabat, præberem, hoc est, si fatear vera esse, quæ mihi obijciuntur. Gratiâs egi pro amico consilio, & cum multas similitudines, partim occultas, partim apertas, subeundas mihi esse intelligam, felicitatis duxi, quo tempore vis non parum valet, eo, qui vim facere potest, humanissime uti, acceptare me quidem libenter velle omne ejus consilium, cum tamen nihil audivi, quod mihi vellet præstare, sed quod me vellet fateri, committere non possum, ut id faciam defensionis sollicitudine, & libertatis integræ spe, quæ si millies hoc pretio offerretur, nunquam acceptarem, magnâ vi opus est, ut aliquis accusans se miserabilem faciat. Conjecturam potius criminis mei prætensi, quàm cognitionem esse audacter asserui, & si documenta certa habentur, ad quid ulteriores per infamem confessionem meam desiderant probationes? qui persuasus est & planè acquiescit, nec ulterius lumen desiderat, ac proinde id, quod mihi suadet acceptare me nec posse, nec debere, propositum nunquam mutaturum, etiamsi successu, quem ille promittebat bono res meæ carere deberent. Erupit tandem ea, quæ nimis latebat malignitas, & multarum rerum authorem effudit seriem causarum, ex quibus meum nequitur fatum ostendens. Necesse est semper ab iisdem causis eosdem effectus proficisci, testatum id Princeps reliquit, quod deinde est subsecutum.

Habui interim 28 præteriti à Dño Rors, qui se fidelem fingeat & non erat, præcautionem, quod fuerit conclusum in privato consilio statuendos esse Commissarios, qui iterum scripta mea reviderent, & res etiam fratris, sororis, & totius Domûs excuterent, & jam actum fuisset, nisi se Dnus Generalis Lang tanquam Catholicus excusasset. Sed omnia leviora accidunt expectantibus, cum sciam me inter tales esse, apud quos, quælibet res telum est. Fuit apud me 29 Szenk Junior, qui cum solita sua pietate securum me reddidit, quod Dnus Bretschneider (an poenitentia subiit Regem) nullum mandatum à Serenissimo habuit arestum mihi insinuandi. Ergo respondi ego, puniri deberet ad exemplum, ne talia injussu Regis audeat in posterum. Quasi verò id facere sine expresso potuisset mandato. Iterum ultimâ Sept. ut nulla dies sine linea, dictum est nobis, transferendos nos, vel omnes, vel me solum in Meyssensem arcem.

Die primâ Octobris iteratò vocati sunt Ephebi mei, & claris verbis insinuatum est illis, quod ego amplius (termini præcisi erant) caput non levabo, quod omnia fortuna abstulit, & nec spem reliquit, quod in

in carcerem perpetuum destinor & quod illi cogitare deberent de se ipsis, ut præsertim malorum molestiam evitent, & mutationem boni loco ducant, sed nihil adversus virtutem fortunæ oblatio tunc potuit. Promissa post ampla, blanditiæ molles, & spes magnæ injectæ, unum penes Regem, alterum penes Principem Firsztembergium servitium non inutile habituros, & denique ea offerebantur, quibus maximè eos opus habere sciebatur, sed prævaluit adhuc honestas eorum, & maluerunt meam adversam sequi, quam propriam prosperam habere fortunam, nec ingrati, nec honestatis sunt obliti, quanquam vix sufficere possit quis tot armatis cupiditatibus. Ut quisque pessimè facit, ita maximè & tutus, & felix est. Remissi sunt mihi iterum, sed brevi iterum accipiendi, nec amplius restituendi. Unde argumentum evidens, quod factum, quod promissum idem fuerit, & Chmielowscio ad omnem fortunam cogitationes dirigenti, qui ut infimæ sortis natalibus, sic & virtute impar nobilibus his resistere tam forti non potuit tentationi. Dictumque est mihi 2da Octob. etiam quod Dñus Baldamus Principis Firsztembergii Capellanus non scribat, sed componat delationes, & non id, quod deponunt accersiti testes, quod jubetur in acta inferat. Dictum iterum & vulgatum, quod ego antequam ivissent ad examen Ephebi, multis verbis exhortatus sum eos, ut fidem mihi servarent, & id tantum dicerent, quod mihi juvaminis esse possit, non ea, quæ contra me dici possunt. Quod est falsitate ipsa magis falsum, nec enim unum verbum simile, vel aliquid hacce in materia me dixisse bonâ fide testor. Innocentia enim mea satis mihi præsidii per se ipsam allatura est.

Dictum iterum hodie adhuc in thermis Carolinis habuisse Sere-
nissimum Regem evidentia contra me documenta, eaque Dño Comiti
Stratman monstrasse, quod ille negat, & mihi testimonium hujus ne-
gationis authenticum dedit. Abiit hæc eadem die Daus Legatus Li-
psiam, pro nundinis. Capellanus Dni Lang nationis Italicæ, quia ali-
quoties fuit apud me pro dicenda missa, prohibitus est, ne exiret exci-
vitate, quanquam ad unum periculose infirmum vocatus fuisset &c.

AMICO CONFIDENTI 7 Octob.

Quanquam habeam majora, quæ curem, quam quæ scribam, ta-
men cum eò opinionis jam venerim, perspectumque mihi sit, li-
benter te de statu rerum, quamvis sit ille miserandus, legere, &
ego libenter scribo, quis scit an literæ hæ, ut quondam orationes Salu-
stii in honorem historiarum non legentur? Id mihi verò solatii est, non
postremi loco, quod tuum præparatum pectus sciam, in quod tutò om-
nis angor meus descendat & amaritudo; cujus conscientiam minus, quam
meam timeo, cujus literæ sollicitudinem meam leniunt, & consilium
expediunt, quanquam familiarem hic adjicere deberem querelam, quod
mihi ea suades, ad quæ cum S. Paulo respondere contentus: Melius est
mihi mori, quam ut gloriam meam quis evacuet. Venit mihi in men-
tem Curio ille, qui cum causam Transpadanorum diceret esse æquam,
sed semper addebat; vincat utilitas, potius diceret, non esse æquam,
quia non esset utilis Reip. Ego quod consilium tuum non sit honori
meo utile, rejicio, non accepto, nec pro eo gratias ego.

Die 4. Octob. Ut sequar ordinarium cursum, & si quid notatu meo,
& scitu tuo dignum invenio, significem simpliciter; non enim cura de
verbis, non de frondibus arborum, sed de pomis, & fructibus, rebus in-

A.C. 1705

anibus te non occupo, & verius à nobis, quàm ornatius scripta accipe. Die, ut dixi, quartâ venit ad Fratrem meum Palatinum Institutorem Nepotis mei, & Filij sui, & dixit audivisse se aliquot ante septimanas, ante casum nostrum ex ore Chmielowscij, quod illum scilicet Venerabilis ille Kors examinaverit, quid scribat sæpius apud me, characteremque ejus omninò habere voluerit. Sciendum tibi (sed paululum ad altiora ducente stylo transeundum ut hanc historiam melius intelligas) quòd ego imitatus sum Agefilaum, qui Menecrati medico Jovis cognomento ex eo quòd deploratos quosdam sanitati restituisset, superbius utenti sibi que scribenti: Menecrates Jupiter Regi Agefilao salutem, ita rescripsit; Agefilaus Rex Menecrati sanam mentem. Nôsti bene, quem nomiavi Korsium, qui oblitus cubilis sui (Resilio oriundus) multas quidem virtutes habet, sed affinia virtutibus vitia graviora, gravitati ejus facile fastûs nomen dares, libertatem loquendi, & se publicè exhibendi superbiam potius dices; fugæ communium personarum contemptûs vocabulum inscriberes, pruritus insuper loquendi, nullum unquam secretum propter ingenitam loquacitatem retinendi, ita ut, si quis publicatum quid veller, sub secreto ei confidat; qui de illorû numero est, quibus ipsa authoritas præbet audaciam mentiendi. Non placuit mihi hic agendi modus, ac proinde Angelica primo, & alia post peccata inter me & illum, ut soleo plerumq; reprehendi, & conscientiae motus stimulo tanquam meo Diœcesano & dupliciter subdito veritatem suam dixi, quæ mihi, ut sæpius cognovi, odium peperit. Hinc est, quòd ille, cui multam in permutandis amicitijs, inimicitijsque infidelitatem, quasi neq; rebus, neq; hominibus diu iisdem uti posset, & quòd nullos magis odio habeat, quàm quibus plurimum debet, Religio Missionariorum (quam post 20 annorum spatium reliquit) testimonio est. Ut ergo sub specie devotionis in fallendis hominibus callidissimus crescere dum proposuit, ex mea injuria omni conatu confidentiam Regiam sibi demereri studuit, ac per minus affectos nobis viam sibi ad eam struxit, & cum nihil ad cõmodum suum non referret, & me, quem aperto Marte aggredi, non sibi tutum credebat, dolis capere volebat, & se conspirantibus contra me facile adjunxit, & iis, quæ contra me facta sunt ini que (ut serò rescivi) non tantum interfuit, sed præfuit, non testis, sed in magna parte Author. Hanc ergo fabam è longinquo præparabat, & fortè jam tum eam contra me cudi sciebat, ac propterea manum Clerici cognitam sibi volebat, si iste Præceptor dixisset tunc, quæ nunc dixit, præveniri hæc machina poterat, quæ me oppressit, sed hoc est dominorum fatum, ut sciant ultimi, quæ scire deberent primi.

Sextâ hujus abiit Lipsiam D. Generalis Fleming, qui visitans fratrem meum petitus, ut nostri memoriam teneret, clarè dixit, maxime Regem ultionem timere, dixisseq; si ego in ultimis Indiis, & ultra Sauromas etiam essem, nocere me ipsi posse, & hanc propter rationem timebat, ne diutius, quàm ego vellem, & quàm justitia suaderet, sim detinendus.

Tandem die septimâ Pater Vota, quem tu benè nôsti, cui nec verborum tantum copia, sed rerum etiam est, quoties velis eandem rem, & quam velis, dicet cum eo ordine, quem impetus dat, venit ad me sed me dormientem invenit. Multum affectûs testatus est fratri meo, quem mihi portare se affirmavit, & si ad negotium hocce vocatus fuisset, potuisse se accendere lucernam, quæ dedisset lumen. Finxit se nihil, nisi ex post facto scivisse, & ego plus quàm securus sum, literas has eum

eum revidisse Regias, Romam & ad Nuntium terribiles composuisse, & persuasisse umbram suspicionis sufficere, ut hoc crimen tanquam læsæ Majestatis puniatur. Sed sufficiat, postquam ad ultimum tuum responsum dederò punctum, & quæsitum, gratiâ pro affectu relatâ, quod ubi rescivisti, adeo ægrè injuriam meam, credulitatem meam, & crudelitatem inimicorum meorum, & tam pessimum exemplum tulisti, ut nunquam in omni vita vir ingenio placidissimus, videris mihi videri iratior. Quis fuerit author mali, quis fons & origo, accipe adjunctâ copiam eorum, quæ Primati nostro scripsi, & rescies. Imitatus sum non voluntarius, sed coactus bonum gladiatorem, qui eodem ictu occurrit, pariter, & ferit, dum devitavi semper vulnerare, volentem nunc forsitan vulnerabo. Scis quod ei restiterim semper (cum debito tamen puræ respectu) in faciem, non ideo enim major omnibus quia primus. Nec ideo prima maximorum instar sunt, quia sine primis maxima esse non possunt: Nullum mihi cum eo privatum dissidium est, vel unquam fuit. Græcinus Julius vir egregius occisus fuit ob hoc unum, quod melior vir erat, quàm esse illo tempore quenquam oportebat, est & alius sub Tiberio vel Nerone bene notus, sed mihi nunc non occurrat. Hoc majores nostri questi sunt, hoc nos & non frustra querimus, hoc & posterì nostri fortè querentur, everfos esse mores, regnare nequitiam, in deterius res humanas, & in omne nefas labi.

Quæ facit, & quam ad faciendum aliis contra Patriam, contra Regem dat occasionem Primas noster, notius est, quàm ut explicare egeat, nunquam id à memoria hominum exiturum est. Et quis boni publici amator à lachrimis temperet, cum videamus damno nostro incredibili Regnum nostrum in pejori statu esse, quàm olim Roma capta à Gallis, omnia everfa, incensa, diruta. Non mihi hæc ut nulli honesto placere potuerunt, dixi multa ore pro affectu juxta ac debito, scripsi plura, ut tibi copias mittebam semper, sed nihil profuit publico, zelus meus, mihi, si aliquando, nunc certè nocuit, dum me, quod semel animo destinavit, omni studio perdere contendit, & quidquid antiquum odium conceperat, quidquid novum adjecit in me solertissimâ arte per fabricatam cum omni circumspectione machinam, non palam, sed clam, non suo, sed alieno nomine usus aggressus est. Doloque quod ad cavendam fraudem minimè intentus fui, circumvenit, ego nihil metuebam, nihil suspicabar, & credebam nulli me fraudi ansam præbuisse, sicut & in lucta, qui se nunquam movet, nullum ad sternendum colluctanti momentum dat, sed longè aliter accidit mihi, cum unum ex malis pessimum domesticum meum ad scribendas secretiori stylo ad Ministrum aulae Berolinensis præcipuum (quem ego semel per unius quadrantis spatium vidi) literas per unum suum, quem cognosco benè, & qui respondebit mihi, induxit quæ post interceptiebantur, & ab his, qui hic degunt, & qui me perditum volebant, reddebantur Regi, & hinc omne malum. Sed dices, quomodo Rex hæc credere potuit? an eum tam subito tot meritorum cæpit oblivio? hoc & ego miror, & posterì mirabuntur, quando super ea, quæ in favorem Regis mei feci, cum reflexione considerabunt. Ita res benè incepta & combinata est, ita mendacium specie veritatis obductum, ut quod deberet esse incredibile, verisimile imò verissimum visum est, scripsisse literas Chmielowscium, & scripsisse Lamprechto uni ex meis, ego non nego, concedo, fateor, sed scripsisse nomine meo has, quæ in manu sunt, non consentio, non concedo, nego. Ita hæc incepta sunt, more omnium, qui mendacia machinantur, à ve-

A.C. 1705 ro in ceperunt, ut sequentibus, quæ falsa sunt, concilient fidem, & aula nostra mihi parum favens, cum vera non reperit, tam prona fuit, & est credulitate, ut pro vero falsa habeat. Non terram, ut adjurabat quondam Demosthenes fontes, latices, flumina, sed tuam inquirō conscientiam, testimonium postulo, cui omnia mea etiam abditissima nota sunt, si ego capax eorum, quæ mihi tam injustè obijciuntur, unquam fui, vel unquam esse potui. Veniet tempus, quod ista, quæ nunc latent, extrahet longius. In eo enim sum ego, ut omnes literas, quas Chmielowscius à tempore, quo venit cum fratre meo Dresdam, meo nomine scripsit, in manu, quibus scripsit, habeam, videbitur is fuisse modus, ea fortè & nomina, & cifrae similes, sed non id, in quo accusor, significantia, & ad privatas tantum res meas, quas propter residentiam Gedani Primatis, & postea in potestate habentis, & Suecos Elbingæ in præsidio existentes clarè & distinctè scribere non potui, & cifras miscendas ad me explicandum adhibui, sed ibi nihil ad publicas materias pertinens invenietur; quamvis & hoc ipsū charactere & officio meo non esset inconveniens, non frustra Apostolus portabat gladium, nec ego Cancellarii nomen. Chmielowski est in manu, nec mihi certè copia esse potest ejus, quando literæ aliæ meo nomine ab illo scriptæ comparebunt, quid dicent inimici mei? scias ergo prorsus me innocentem, scias DEO meo afflictiones has meas reddidisse, & in vulneribus Christi Dñi reposuisse, & spem firmam habere, quòd omnium istorum, qui me affligunt, & affligent, bracteata erit felicitas, puniet illos, qui volunt mihi mala, qui hujus infortunii causa sunt, & me DEus tandem qui potens est, de manu captivitatis meæ liberabit.

DIPLOMA SEU ASSECURATIO DATA ORDINIBUS REGNI

Poloniæ à Stanislao circa jura, leges, & libertates manutenendas.

Varaviae 4. Octobris.

In Nomine Domini Amen.

AD perpetuam rei memoriam. Quandoquidem in humanis actionibus nihil est tam firmū & stabile, quod non vetustate confescescat, & oblivione deleatur, rectè indagatrix omnium rerum sapientia providit: ut æternitatem rerum, monumenta literarū custodiant, & ad sempiternam hominum memoriam usq; permittant. Proinde Nos STANISLAUS I, DEI gratiā Rex Poloniæ, & Magnus Dux Litvaniæ &c: &c. manifestum testatumq; facimus omnibus, quorum interest, tam præsentibus quàm futuris, horum notitiam habituris: ut perpetua grati nostri animi erga hoc Regnum Poloniæ & M. D. L, cæterasq; Provincias testificatio exstaret, & si nihil habeamus ita charum, quod non libenter ipsius ornandi & amplificandi causā faciendum nobis esse putemus, tamen singulari Reipub: studio provocati, quod Nos in Regem Incolæ hujus Regni elegerint, nostramq; Personam inter alios Principes Orbis Christiani prætulerint, sacrum Diadema Capiti nostro imponi curarint, omniaq; jura, privilegia, libertates, prærogativas, & quæcunq; potuerunt in Patria habere charissima & nobilissima nobis concediderint: ut ea manibus nostris, tanquam in aliquo sacrario reposita con-

conserveamus, & tueamur. Horum tantæ benevolentiae & fidei, ut parem animum & gratiam referamus, testemur in perpetuum omnia nobis præ incolumitate & splendore Regni hujus esse & fore semper inferiora. Quapropter spontè & liberè, maturâq; deliberatione super his habitâ, omnia privilegia, donationes, inscriptiones, advitalitates, libertates, prærogativas, immunitates tam Regni Poloniæ, & Magni Ducatus Lit. Ruffiæ, Prussiæ, Masoviæ, Samogitiæ, Kijoviæ, Volhinæ, Podoliæ, Podlachiæ, Livoniæq;, ut & in specie Ducalis Prussiæ Lemburgi & Bittoviæ, juxta jura sua, tam Terrarum earundem communes, ipsis junctim aut separatim concessas, quàm privatarum personarum, cujuscunq; statûs, conditionis, sexûs existentium, Civitatum, Oppidorum, & locorum quorumcunq; privatas, Ecclesiasticas, & sæculares cujuscunq; generis, per Antecessores nostros Regni Poloniæ, & M. D. L. Terrarumq; iis conjunctarum, Reges, Principes, Duces, & Dominos tam in toto, quàm in parte, præsertim Casimirum Magnum, & Ludovicum Lois nuncupatum, Vladislaum II. Jagielonem dictum, Fratresque ejus Vitoldum, & Sigismundum Magnos Duces Litvaniæ. Vladislaum III, Casimirum III. Jagielonis Filios, Joannem Albertum, Alexandrum, Sigismundum I, Sigismundum II, Augustum ac Henricum, Stephanum & Sigismundum III, Vladislaum IV, Joannem Casimirum, Michæelem, & Joannem III. Reges Poloniæ, & Magnos Duces Litvaniæ, ac etiam per Magistros Prussiæ atq; Archiepiscopos, Episcopos, Magistros, Perceptores antiquos Livoniæ, nec non Duces, Principes ac Dominos Terrarum Prussiæ, & Masoviæ, justè & legitimè concessas, & emanatas, ac juri communi, utriusq; Gentis non contrarias. Item Jura, leges, statuta, constitutiones, judicia tribunalia, ultimæ instantiæ, ac Decreta, libertates, & immunitates in conventibus Regni generalibus quibuslibet, ordinationesq; latas atq; sancitas, nominatim autem libertates & leges in conventu Electionis Henrici Regis, ac in conventu Andrejoviensi, & Coronatione Regis Stephani, Constitutione Seren: Sigismundi III. laudatas, ac denique leges & constitutiones in præsentí Confoederatione generali Varsoviensi sancitas, aut quæ adhuc sancientur, & nobis exhibebuntur, ita tamè, ut nec specialitas generalitati nec generalitas specialitati deroget. Tum etiam Constitutiones cû Ordinib9 sancitas, in omnibus eadē articulis, pñctis, clausulis, cōditionib9, approbandas, roborandas duximus, approbamusque, roboramus, confirmamus, per præsentès literas nostras decernentes illas, & illa omnia, quæ superius commemorata sunt, perpetuæ, indubiæ, & inviolabilis firmitatis robur obtinere debere. Recipimus, spondemus, & Regio verbo nostro pollicemur, illas in prædictis earum pñctis, articulis, clausulis, conditionibus, firmiter, inconcussè, inviolabiliter tenere, observare, implere, & exequi, ac omnibus & singulis ex ijs satisfacere cum affectu, & teneri, observari, & exequi, facere. Item pollicemur, recipimus

A. C. 1705 mus ac spondemus, quòd omnia per hostes finitimos injustè à Regno Poloniæ & M. D. L, Dominiis earundem quomodocunq; occupata, vel bello, vel quovis alio modo distracta, ad proprietatem, & unitatem ejusdem Regni Poloniæ & M. D. L, tum & Provinciarum iis annexarum aggregabimus. Neq; fines Regni, & Domini-
orum nostrorum minuemus, sed pro viribus nostris proferemus, & dilatabimus. Quòd si aliquid contra libertates & immunitates, jura & privilegia, prædicti Regni, & M. D. L, cæterarumq; Provinciarum iis annexarum fecerimus, non servantes (quod absit) aliquid illorum in toto, vel in parte, id totum irritum & inane, nulliusq; momenti fore, decernimus, & pronunciamus. Quòd verò supra hisce literis privilegia, libertates Ecclesiasticas, cum cæteris confirmaverimus, in juramento nostro Ecclesias Catholicas Romanas, nominaverimus, id nihil omnibus Ecclesiis Græcis, & privilegiis earundem obesse debet, imò eadem in suo robore confirmamus, nec non & articulo juramenti hujus, ne unquam derogare volumus. Quod videlicet pacem & tranquillitatem inter dissidentes de religione, tuebimur, ac manutenebimus, quam inconcussè, firmiter, & cum effectu observaturos promittimus ac spondemus. Jura quoq; Terrarum Prussiæ, specialiter verò Indigenatus in omnibus manutenebimus, & in suo robore conservabimus, vacantiasq; omnes in Terris prædictis juxta tenorem Jurium Terrarum prædictarum & Constitutionum anni 1647 Indigenis Terrarum Prussiæ conferemus, & articulum de distribuendis vacantiis Pactis Conventis felicis Electionis Joannis Casimiri insertum speciali Juri Terrarum Prussiæ derogare non debere declaramus. Dantes insuper per potestatem Cancellariæ nostræ, ut has literas Confirmationis Generalis Jurium, privilegiorum, & libertatum Regni, & M. D. L, & Terrarum iis annexarum authenticè sub sigillo etiam cubiculari, quod nobis pro interim ad certum tempus, per Statum & Ordines Confœderatos pro usu & commodo est concessum Terris & subditis nostris, qui eas requirent, non expectato alio mandato nostro extradat. In cujus rei fidem literas hæc manu nostrâ subscripsimus, & sigillum cubiculare appendi jussimus. Dat: Varsoviæ sub tempus felicis Coronationis Nostræ.

THESAURARIO REGNI 7 Octobris.

DE affectu tuo omnia non spero, sed credo, qui fortunæ meæ in arcto positæ, qui libertatis propter communis Patriæ jura, causam suscipere & potes, & debes. Qualescunq; enim essemus, tamen hæc, quæ patimur, pati, incarcerari, captivari non deberemus, donec ad liquidum veritas explorata esset, donec convictio processisset, negligentia quippe vitium est præsumptiones sequi, quas jura omnia præcipiunt, amputare. Scis bene quantum sæpius specie veri decipiamur, quàm frequentius insitum sit, ut levem quamcunq; auditionem pro re comperta habere soleamus, quod rumoribus incertis atq; auditionibus

onibus permoti, de summis sæpè rebus consilia ineamus, quorum nos è vestigio pœnitere necesse est. Eadem est infestæ fortunæ meæ violentia, sed densæ mendacii tenebræ claro veritatis lumine excutientur. Omnia hæc in quibus accusor falsa, veri speciem tantum ferunt, decipitur & visus, glacies videtur crystallum, & non est, & dum calcato expunctoq; omni mentis affectu, abacto in suam caliginem livore diligentius inquireretur, veritatem, quæ est filia temporis, & quam DEus respicit, & non præsumptionem liquido manifeste, evidenter dies aperiet, & in lucem protrahet; & captivitas hæc mea nomen calamitatis non turpitudinis ad memoriam habebit omnium gentium sempiternam. Infami enim tactum invidiæ, quâ possunt, urgent, qui sunt proximi & qui sunt longè, & ne in scopulis hæream semper iisdem, novos affligendi me modos, utpote prava à pravis ingeniis proficiscuntur, ita insinuant, ut novâ semper patientiâ sit opus mihi. Etiam si multâ contra expectationem accidant, nunquam tamen posse fieri tanta contra me putâstem. Sed ad patientiam me hortaris, & constantiam in perferendis iis, quæ summè illi rerum Arbitro (fit absq; nutu quippe cœlesti nihil) propinare mihi visum est de tristi illo mœrorum poculo. Patientiâ leniri posse Principem credis, cum lingua mollis frangat duritiam, cum ventorum flatus non semper sint validi. Certum habeas id, quod confitetur lingua, tenet affectus; quòd, quanquam indigna putem, quæ inopinata sunt, & maximè cōmovent, quæ contra expectationem, contra justum & æquum fiunt, tamen colere DEOS, nec iratos quidem desisto, debitæ subjectionis fidelitatem non obliviscor (invita id fateatur usq; necesse est invidia, & æquo animo fero, quæ non sunt mala, nisi malè sustinenti. Non obliteratur veterum benefactorum memoria, quæ adhuc in me viget. Didici pridem in aulis Regum superiorum injurias mussitandas, ac de iis gratias agendas. Et in hoc dicto tuo sum, eròque audiens, atq; ex præscripto tuarum literarum acceptam contumeliam non modò non vindicare, sed nec reminisci volo. Vera enim virtus fortunæ mutationes calcitrat, & despicit. Spem bonam, ut me jubes, habeo, in malis sperare bonum nisi innocens nemo solet. Quicumq; ergo casus acciderit mihi, extabit semper pro solatio conscientie meæ testimonium. Gubernator in navi cum frangere non possit magnos illos & decumanos fluctus, vitat ac declinat, sic & ego, quod consentaneum credis, & (ut dum dissensio ab aliis, à te incipiat reconciliatio) fraterno mandato decernis, quiescam, nec quidquam aliud quærendo fortitudine masculâ, & stoicâ patientiâ ferendam arbitror hanc famæ & existimationis meæ jacturam, precor tantum, ut impedias ulterius eam minui, lædi, dejici, labefactari, æstimans omnia, quid fieri in tanta causa oporteat, providentia tua reponat. Non solum autem pro me, sed pro veritate respondere potes, neq; in hoc, in quo accusor, neq; in alio unquam me peccasse, quòd brevi (modò velitis examinare) utrum ita sit apparebit. Novi ego bonitatem Regis summam, si non vanitate mentis credulæ deciperetur, scio, quòd quemadmodum quædam corpora facile quidem incalescunt, sed simul atq; ignis abit, statim refrigerantur. Simultates minimè sunt dignæ magno Principe, quid gloriosius illi erit, quàm iram amicitia mutare? quàm omnem è medio tollere injuriarum memoriam? propositum Regale debet esse pressis labe fortunæ pietatis remedio subvenire, & acerbos casus injuriæ meliore sorte maturare, ut indefensus contra juris ordinem non patiatur, & inde habeat remedium, unde hætenus sumpsit incommodum. Nónne leniter qui
favi-

A.C. 1705 *ſæviunt, ſapiunt magis? nōne major ſemper ab amore, quàm à metu veneratio? affectui tuo hoc totum negotium tribuendum credo, velis tantum fortiter & ſuaviter innocentiam meam ad omnem legem exactam explicare, cū non veritas, ſed informavit invidia, clementiam, quam non tantum pœnâ digni invocant, ſed etiam innocentes colunt, in Rege optimo excitare; ſumma poteſtas citius exoratur, quàm perſuadetur; nam cogi omnino non patitur; perdidiffe me, domumq; meam, omnia deſiderabilia, & immobiliter ſuſtinere Regi debitam fidem commemorare. Ubi rerum teſtimonia adſunt, quid opus eſt verbis? & tamen deprimimur, quos magis deceret ſublevari. Eſſi nihil, ut certè nihil peccavi, in priſtinum ſtatum me, famamq; reſtituere, Regis voluntatem mihi quantocius explicare, ejus eſt promulgare, quid fieri velit, civium obtemperare.*

Cujus ergo ſpem feciſti, effectum præſtes, quanquam ex præterito futura metiendo, rem hanc & difficilem, & moleſtam fore credo, ut tela hæc ad finem protexatur, conandum erit contra iſtus fluvii. Quod tu perficere voles, inimici deſtruent, & ad effectum non trahetur, quod tu ſalubri ordinatione diſponis, quatenus res de vicino fine gaudentes, ad pleniffimum perducantur eventum. Sis ergo cautus, ut has vites cautes, & fer opem, qui ſpem dediſti.

PROCANCELLARIO SZEMBEK 10 Octobr.

DAre proſectò grande patientiæ debeo documentum, dum nullum mihi tempus longius videtur, & tardè ire queror. Nihil enim ad nuper ſcriptas hætenus à te venit reſponſi. Cauſa ſilentij cauſam non habet, niſi fortunam meam, quæ ſpoliatum honore, libertate, bonâ famâ omnia ſuperante amicis quoque ſpoliare intendit, qui deſerunt infelices plerumque. Calumniâ nihil pejus, clàm enim decipit credentes, ſi præſertim quis dicat, & quid dicatur non attendimus, credendo, quæ credi non oportet. Fero ſilentium tuum moſtè, ut ratio jubet, magisq; doleo, quàm queror. Ibit tamen iterum in verba dolor, & quamvis in perpetua hac, atque artiſcioſa crudelitate longè gravius torqueatur, & plus ſit injuriarum (miſerum eſt ab illo lædi, de quo non potes queri) quàm querimoniarum, nec tam bene ærumnas, quas ſuſtineo, ſcribere; quàm bene ſcio (alij miſeriis loquaces redduntur) pati, tacere, & adverſus quemcunq; ſtatum animum tenere munitum.

Audiſti ex fama, vididiſti ex primis literis meis novam captivi, ſuſtā Patriæ, mihi indecoram vicem. Quæ peſtis efficacior ad nocendum quàm familiaris inimicus, qui, cū, quod libuerit, objeciſſet, tamen idipſum falſum reperitur. Hi, quos tuos reris, qui Dominum vocant, heu quàm levibus ex cauſis mutantur, & ex ſervis hoſtes fiunt! Etiamſi verò defectionis ſigna ab juſto dolore proficiſci viderentur, tamen multum intereſt in cauſa mea falſum aliquis deprehenderet teſtē, an ſervum, cū alteri credi non debeat, alteri non ſoleat, præſertim, ſi non quod erat, ſed quod inimicos velle credebat, detuliſſet.

Dicebat Tyberius ſubverti jura, ſi cuſtodes legum amoverentur. Quoties duobus communis eſt poteſtas, ejus tota eſt, qui præſens eſt. Tibi ergo ſoli nunc incumbit, quod ego ut ſemper ante ad nova parandæ libertatis conſilia ſolenniſſimè converſus eram, nunc facere nequeo. In memoriam vellem tibi revoces legem nihil velle temerè fieri, ut dijudi-

judices quid contra naturam legum sit peccatum, cum frustra dicerem hic, aut ibi, cum æquè in omnibus justè incusando sortem iniquam, quòd post hoc Athenis vera libertas aberit; nihil enim ibi valent leges, ubi vis valet.

In laqueos eos debui ego prius cadere, quàm eos potui cavere; ac proinde non possum servire Patriæ, subvenire Juribus læsis, & non posse me hoc modo gaudeo; imperare tamen dolori silentium difficile est, & cum non sim par assultui, quem tanta vis paravit, id quod posse me, & meritò posse arbitror, ad te iterum recurro, publici enim interest innocentem à quolibet defendi, & neminem sine defensione relinqui. Ego jam inutilis Patriæ (sic contra me animati sunt, ut nihil videre permittatur, nisi quod libet) sequor Catonem, qui Author Senatui fuit, summam rerum Pompejo permittendi, ejusdem esse dicens; magna mala inferre, ac depellere. Et, cum eo nomine semper fuerim, ut de utilitate publica non minùs sapè, quàm de mea privata cogitaverim, nec unquam rationes meas publicas præposuerim, licet majorem partem ætatis, certè meliorem hisce usibus Reip, dederim, & audacter cælum hoc & conscia sydera testor, quòd neque fidem, neque spem de virtute mea conceptam unquam fefellerim, & tamen postquàm eripuisset fortuna, quod dederat, cui character Episcopalis, Senatorii Ordinis officium, Cancellariatùs Ministerium opitulari debebat, invidia oppressit. Ætatem ergo meam fatiscentem, valetudinem jam fessam ob labores continuos agnosco, brevem vitam hominis, multò magis senis & tot calamitatibus oppressi sentio, tibi verò ut juniori veteranus ac missione jam dignus lampadatrado, postquam tamen si non amicitia, at saltem veritati testimonium perhibueris, postquam ut fas, ut æquum censere, ut æquum videre debes, negotium meum secundùm leges examinaveris, recorderis sacrorum verborum; Maledictus omnis, qui non permanserit in omnibus, quæ scripta sunt in libro legis, & non fecerit ea. Cum innocente illo insuper recurro cive; Athenienses, si nihil merui, succurrite, si merui, reddite Philippo; ego rogo, insto, oro, reddite Romæ, reddite Patriæ, ut per omnia juris ordine constituto, si crimen, quod intenditur, fuerit comprobatum, ipsarum quoq; legum districtione plectatur, ut rei abdicti, atq; secreti per hoc vindictæ genus à culpis talibus arceantur, quos ad leges trahere non debet, nec potest incerta notitia. Discutiatur hæc causa Romæ tanquam contra Episcopum; vel in Patria tanquam contra Senatorem, & Ministrum, & legibus finiatur; jus serò veniat licet, jus erit, si in crimine, cujus impetor, fuero convictus, sententiam subibo, quam juris definita sanxerunt: Si verò innocentia mea detestabili pulsatur invidia, opprimi me nullâ ratione patiaris, & vis provida ausus discutiat temerarios, Ephesi natus sum, non in Appulis. Ad justitiam & ad clementiam, si ita vultis, ducite Principem, quæ unâ mortales superis æquat, ejusq; muneris memoria nunquam apud conservatos obsolescit. Commemorate sæpius boni Principis, quòd boni Medici arcanum, non ægros tollere, sed morbos. Ego verò, qui semper in malis meis non fortunam, sed causam spectavi, qui sæpius dicens verum, sustinui odium, audacter, quia verè repeto, semper idem; bonam causam haberem, si alium accusatorem & Judicem haberem. Nihil tam certum & exploratum est, quod in dubium vocari non possit; objicere facilius, quàm probare; non omne verisimile verum est, crebrò faciem mendacii veritas retinet, crebrò mendacium specie veritatis occultatur. Patebit hæc aliquando, sed pro me
serius

A.C.1705 seriùs. Non latet in turba laco quocunq; Xerxes aspexerit, Spartanum inveniet, & videbit. Patriam amavi, amoq; & hæc est contumacia mea. Cæterum memineris Domine mi, quòd cecidi ego, cadet, qui sequitur, qui se existimat stare, videat ne vacillet, in me folia cadunt, possunt in alios cadere arbores. Ad propriam ruinam è destinato pervenit, qui impotenter graditur ad alienam.

Iterum proinde, iterumq; de innocentia mea ex rationibus, quæ non persuadent, sed cogunt, protestor, meam culpam oportet esse, ut mea pœna sit. Pelopidas, cum fortis quidam per calumniam apud ipsū deferretur, quòd ei conviciatus esset, dixit; facta ejus respicio, dicta non audiui. Feci, quæ potui, cum summa applicatione, cum summo labore officium Ministerii mei, quanquam bos arabat, sed fructus aratri, nullus ad bovem redibat, vel, ut scriptura loquitur; Boves arabant, asini verò pascebantur. Sed satis in materia tam certa, ego nulli malum pro malo reddam, sed ad imitationem Salvatoris mei malum in bono vincam, tuusq; ero, etsi nolis, sed malletm volentis.

CONSTANTINO SZANIAWSKI REFERENDARIO M.D.L.
eâdem die.

TAntam, tam insperatam, tam subitam mutationem admiror, doleoq; quòd non tantum neglectione literarum amicitiam oblitescere, aut tollere velis, tanquam anathema consecrasses oblivionis, sed etiam quòd meæ prostratæ & afflictæ fortunæ, cum nullius amplius sit tibi usui, à præstando auxilio referas pedem, & plus non obscurâ voluntatis significatione credas mendacio, quàm veritati, calumniæ, quàm innocentia, invidia, quàm virtuti. Supra veri fidem positum hoc, quis crederet? si palam non esset, cum ad literas meas nihil respondeas, cum me sic curas, sic negligis, quasi in hominum numero ferè non habeas, unde dolor me in hac vita, quæ continua calamitatum est nunc seges, multò perstringit acerbius, quàm tua ferat opinio; contingunt enim insperata, & graviter dolent, si inde proveniat malum, unde credebatur auxilium.

Occasiones ego, quibus prodessem tibi occupavi semper, & quasi vi nunquam prosperitate rerum in vanitatem usus, quæ facienda erant, ad testandum affectum & cordis abundantiam sine ostentatione semper feci, & nunc quasi nulli me magis odisse debeant, quàm, qui plurimum debent, in te experior, quasi sis inter ejus generis ingenia, quæ cum fortuna mutabilem ferunt fidem. Omnes se mihi, dum prospero utebar successu, adjungebant, nunc obscurantur oculi eorum, ne afflictiones meas videant; Non sunt præsidio, quia illos non virtus, sed fortuna, quam turba tremens sequitur semper conciliaverat. Video nunc eos, qui aureos montes pollicebantur, tandem pro thesauris monstrare carbones; ita scilicet nec exitus calamitatis, nec remedium reperitur; tamdiu cordi fuimus multis, quamdiu usui; tamdiu placuimus, quamdiu utiles fuimus; florentes amicorum turba circumstabat, circa everfos ingens solitudo est, & inde amici æquè frangere fidem pertinares, quàm dare prompti, fugiunt, ubi probantur, ubi res labat, ibi colabescunt. Siccine infelicium fortunatus nullus amicus! Auxilium ego præcipuè à te sperabam, solatium expectabam, & habere certè debebā, si esses, qui esse deberes. A D. Procancellario Collega meo etiam nihil literarum.

Sentio

Sentio hoc nimio plus, sed, si non oportet, non indignor, nihil enim minus cogi patitur, quam fides & amor, quanquam crederem juvare miseros optimis dulcem esse laborem, sed quidquid aliis non licet, illi soli licere, quis tam imprudens qui nesciat? quis tam impudens, qui neget? Quantum tamen ad Personam tuam, non possum exprimere verbis, quam magnum ex silentio hoc, ex contemptu, hoc animo vulnus accipiam, & dolor de pectore invito voces elicit, cum solus, qui non deficere soles, donec efficias, mearum oppressorum possis esse remedium, quod tibi esset facile, derelinquis, non juvas, non defendis. Nihil est opus conjectore, res evidens, res aperta, tu cælo imperas, tu cuncta facta cælum atque hominum notas, nec valet humani vigor ingenii ullis viribus assequi, quid possint, quidve tui valeant humeri, vos duo solio Jovis magni sedetis proxima Numina, quæ sit mens superum, vos soli scitis, vos venerantur omnes, & meas non auditis preces.

Si verò nimium diu tristitia passum gravibusolvere non vultis afflictionibus, quanquam leve est miseras ferre, perferre autem diu grave, concoquendum tamen, supportandum hoc vulnus successu spei non respondente, & eadem magnitudine animi, quæ omnia adversa, tolerandum erit. Jam enim ita Philosophus factus sum, ut vel cum fabris vivere possim, semper aliud malum post aliud mihi nascitur. Mitto, quæ sunt palam, quæ ita se habent, ut nemo, qui vivit, hæc ignoret. Quod sæviatur in virtutem à fortuna destitutam, vel me tacente res loquitur. Turpe est (incusabat ille) in ea civitate Ciceronem non defendi, in qua defendi potuit etiam Popilius. Veniunt in me tribulationes tales, quales non fuerunt ab initio, & nemo est, qui soletur, qui compatiatur, qui succurrat, & non magis sum, quam ille, qui jam nullus est.

Legi nuper. Cum nemo pro Phocione accusato dicere quidquam ausus fuerit, vox præ tumultu ægrè exaudiri potuit, quærentis juræne an injuriâ occidere me vultis? respondentibus quibusdam jure, quomodo autem hoc scietis non cognita causâ? quod oculo lux est, idem est animo veritas. Homo fœdus & apertè malus, seminavit, quæ somnavit, falsa pro veris dixit, clariora documenta subvertente fato, multa deposuit contra me, & impetu ad rationem non revocato, nullo jure, more pravo, pessimo exemplo objecta crimina pro approbatis accepta, & ego in eo fundamento condemnatus sum. Nullus domi major inimicus, neque peior possessio, neque inultior servo. Quærit tandem Poëta, quod nusquam est genitum, reperit tamen, facit illud verisimile, quod est mendacium. Nulla major pestis humano ingenio incidit, quam altè concepta suspicio, cum hæc semel inceperit, ægerrimè, & ipsa ratione, quæ rei dubiæ facit fidem, convellitur, ut neque peritiùs neque opportunius, quidquam ad nocendum excogitari possit. Utinam verò esset, qui imitaretur pium Antonium, qui delatores, si non probarent, capitali pœnâ afficiebat, si probarent, oblato præmio dimittebat infames; & Domitianus Fiscales calumnias magnâ calumniantium pœnâ repressit, ferebaturque vox ejus: Princeps, qui delatores non castigat, irritat. Probationes contra me ille, qui vidit, quid sint, scire negat. Non ego scribere jussi, quod ille se jussu meo scripsisse mentitur. Qui ergo profundâ mente vestigaret, verum inveniret, & rumor, qui de nihilo natus est, mox suâ sponte evanesceret, nec in aliud proficeret vanitas, nisi ut omnibus spectatior fiat innocentia, quia quidquid pro vero accipit, abripitur falsâ opinione deceptus, & justitia justiori causæ favens, non ut inimici mei volunt, sed, ut æquum est decernet semper. Con-

A. C. 1705 scius enim mihi sum, culpam hanc à me procul esse; solus DEus verax, omnis autem homo mendax.

In conspicuum quod est per signa credibilia venari datur, nec haberi nudis vellem verbis fidem, dictorum ipsa res sponzor est meorum, heu, quòd ipsis non datum est rebus loqui! Quanta damna habeam in Varmia, quæ multorum annorum cursu sarciri vix poterunt, quantum omnes fratres mei, & tota Domus patiatur, & propter quem, me ipso melius tibi sunt cognita, ac perspecta & tamen gratia Regis, quasi solstitialis herba, ut dicitur, fuit, quàm repente exorta est, ac repente occidit. Datum satis fidei, quam Regi meo debebam; quæsiui gratiam, sed non obtinui constantem, egi, ne me meritò odisset, & declinare tela iræ, & furoris non potui; sed his omissis illud pro ultimo in memoriâ redigo tuam, quod unum certum scio, hoc me meritum esse, ut memor sis mei.

MANIFESTUM CONFOEDERATIONIS SENDOMIRIENSIS
 sis contra Coronationem illegitimam Stanislai Leszczyński
 Tykocinij II. Octobr.

NOS Proceres Regni, Dignitarij, Officiales ac universa Nobilitas Palatinatum Regni, & M. D. L., in virtute Confoederationis Generalis Sendomiriensis congregati, notum facimus præsentibus ac futuris sæculis, quòd animadvertentes crescentem indies magis, magisque incomparabilem malitiam & obstinationem non verorum, sed (quod liberè dici potest) degenerum infelicis Patriæ filiorum obstupescere ac obrigescere debemus, quando nec Dominum, nec Jura colunt, sed quasi desperatione quâdam acti, sua quisq; & publica fata præcipitare cupiunt. Excussis namq; Jurium ac libertatum omnium repagulis, in se vertunt manus, se ipsos non Principem perdunt. Arripuit speciem non invenit culpam insolens primorum audacia. Fallebat & seducebat populum falsis criminationibus contra suum Dñum, accusando non probando judicavit, & sententiavit, edicto non judicio, sine termino, delatore, & reo omnia judex erat. Talisne legis, judicij ac justitiæ forma? Et quod majus est, nec facultatem desuper, nec cõmunem consensum habendo. Illud namq; quod commune est, unus solummodo paucis cum Affeclis suum esse putavit, & relinquere & dicere Regem. Exindeq; audax & nefarius ille notabilem apud vicinos Principes liberimæ genti inussit infamiam. Mavult Lechia Civi, quàm Dño servire suo! Adhibuit externam potentiam, qui suum scelus alieno facto teget, aut honestaret, sed perspicax mundus novit optimè diuturni laboris curam, novit illum, qui ad eum finem conventicula intimabat, qui illa autoritate suâ manutenebat, qui fœda divortia suadebat, qui adinveniebat rationes, qui & quali esca minus peritam nobilitatem ad rebellionem alliciebat & congregabat, licet ea, quæ in cogente fiunt, pro nullis habeantur. Cùm verò etiam Nobilitas memor fidei, honestatis, ac vinculorum suorum erga legitimum Principem ac Dominum suum tam indecorum facinus averfari, & sese retrahere omninò deberet, usus est non hospitis, sed hostis ope, & paucorum insimul domesticorum & conquistorum amicorum, ac colligatorum aliquorum suorum subsidio, ut in hac societate malorum intenta sua persequi, inceptaque perficere possit. Nec id tamen successit ad vota, nam Rex Sueciæ concreditus ipsi solummodo curis & laboribus, ipse sibi potestatem eligendi & discernendi reservavit, adhibitâ juxta usitatam maximam Tyrannorum

rum communicatione. Si vos nolueritis, hic faciet & sic ambitioni illius in pœnam & tormentum animi datum est in præmium patii. Finita tandem fuit præfata violenta, exlex Electio, nec primis divortiat, nec secundis ritè conciliatis nuptiis, quando infamis rivalis non sponsus obstupescendo toto orbe promulgatus fuit, absente & renitente alienâ conjuge conjunx. Sed neq; hic terminum habuit infesta sorti publicæ ac indefessa in illusionibus suis malitia, quærebat semper & investigabat per rudera legum, secretiores ac perniciosiores modos pergebat in concitatione incolarum Regni ad rebellionem, in fœdum alienæ cupidinis firmamentum, indicebat nefarios variis sub nominibus congressus, odio pacis, & persecutione Domini sui & benefactoris dispensabat perjuriis non persuasionibus, & exemplo, & non solum dispensabat, sed violentis copiis sub minis ferri & ignis renitentes suumque interitum præ oculis habentes adigebat. Confluxere obedientes ad pabulum, contrarii ad metum pro ultimo Varfaviensi conventiculo, in quo impetratâ ab aliquibus subscriptione, hac ipsâ saltem iste carus hospes, an inuasor Reipubl. monstrum suum erigit & exaltat. Alter vero à fortuna excæcatus, ignorat se tunc esse miserrimum, dum se felicem reputat. Verum enim vero non illum solum, sed hosce omnes, quos idem malitiæ ac pertinaciæ concatenavit vinculum, eadem cæcitas percussit, dum interitum libertatis, ruinam Regni, spoliationem Patriæ de cunctis decoribus, abductionem de variis locis machinarum bellicarum, exustionem Regalis arcis Cracoviensis, rudera Patriæ, nunquam alias excogitatas & intolerabiles contributiones, & quod maximum est, spolia templorum videre nolunt, vel nequeunt. Proh dolor! Ocives! quæ tanta dementia vestra? Prætendunt vobis sæpenumerò suavissimam pacis spem, & effectu ejus defraudant, posito etiam, quòd perficiatur, qualis erit, certè cum damno & detrimento Patriæ, & hoc tum demum, quando è ruderibus, cineribus ac ruinis Patriæ nil amplius rapere poterunt, & cum desolationem fecerint, pacem appellabunt. Nolumus tamen omnes agnoscere intentum nostrum, non enim pars turbulenta, solum & contumax non recogitat, quantum Patriæ tanquam matri suæ debeat, verum nec intentum Sanctæ Religionis attendit, dum jurisdictionem supremi Pastoris Vicarij DEI, cui soli DEus Optim⁹ Maxim⁹ curam & præsidium ovilis sui concredidit, & qui illud insomni custodia custodit, gubernat, & qui potestate & Authoritate suâ errantes corrigit, & inobedientes arguit & punit, quondam scripto aggressa est. Ille. verò, qui jurisdictionem hujus Pastoris impugnat, sine dubio recordatur illius dicti: Quicumq; Ecoesiâ non audierit, sit tibi sicut Ethnicus & Publicanus. Nos verò, qui datam desuper supremo Antistiti potestatem, cum omni veneratione colimus, ita, quidquid ad emendationem status Spiritualis necessarium esse vel facere censuerit, agnoscimus pro summa æquitate. Nulla nobis cum eo lucta, in quo læditur ipse DEUS. Sed sinamus Jura Ecclesiæ, quæ suis in manibus tenet gladium, & habet vindicias potestatis suæ, quem uti extendere, ita eodem & ferire potest, id solum modò animadvertamus, quòd tam profundè venerata processit malevolentia primi haud dudum. Nunc verò jam exvincti Præsulis & accitorum in publica incendia sociorum, ex quibus velut ex fumante Vesuvio major in dies evaporat infectio, dum hæc eadem malitia erectum ante annum flagitioso ausu idolum, paludamento Regio regere, & insignia Regum nulliter & perperam capiti ejus in majorem aggravationem sui criminis imponere ausa est omissis solennitatibus

A.C. 1705 tibus legis & praxis, sine comitiolis, sine comitiis, calcatis legibus, & consequenter furtivo & non publico actu, sine notificatione vicinorum, Monarcharum, sine præsentia eorundem Ministrorum, quos in plausū & honorem coronandorum delegare semper consueverant. In summa, ut semel fœda hæc dolosa, seditiosa, & infamis rabies contra Dñum suum insurrexit, ita impietati, perfidiæq; suæ insistendo, eò usq; sese extendit, donec in culmine ipso coronatum scelus posuisset. Nos itaq; supra nominati Proceres, Dignitarij, Officiales ac universa Nobilitas Regni, & M. D. L., conformando nos Confœderationi nostræ Sendomiriensi, simulq; recogitando, quantum DEo, conservationi Ecclesiarum, amplitudini Majestatis Serenissimi Principis ac Dñi AUGUSTI, Regis ac Domini Cleñi conservationi integritatis, libertatum nostrarum corroborationi Confœderationis nostræ Sendomiriensis debeamus, utpote ad quā manutenendam etiam communi dispendio nostro nos toties obstrinximus, communi assensu, unanimi corde ac mente declaramus, ac nosmet invicem nobis ipsis obligamus, quod quemadmodū antea contra omnia conventicula, & quocunq; nomine vocitata, & intervenientes consultationes, conversationes, & sancita, ut & contra id, quodcunq; dolus & industria pepererit, præsertim contra ipsam inordinatam ebriam, coactam, & sub gladio extortam Electionem, (prout id ipsum manifestatione suâ Illñus D. Castellanus Cracoviensis Supremus Exercituum Regni Dux S. R. I. Princeps Hieronymus Lubomirski ultrò sufficientissimè deduxit) manifesti & protestati sumus, ita & in præsentī contra violentam illegitimam, abusivam, coactam, & infestam legibus Patriis coronationem, manifestamus, & protestamur parati existentes vitam & fortunas prius amittere, quā semel liberè Electum Principem Seren: AUGUSTUM II, Dñum Nostrum Cleñum deserere. Obtestamur tandem charitate Patriæ illos omnes, qui laxatis hucusq; conscientis impio gregis sui antesignano auxiliatricem præbuerunt dexteram, ut recordentur quantum DEo, quantum Regi, quantum Patriæ debeant, contra tam infamem, abominabilem actum nobiscum, simul & pari zelo consurgant, nostramq; licet serâ pœnitentiâ & virtute ducti, laudabilem ad futura tempora perennaturam resolutionem adjuvent, declarando se, quòd fideliter & constanter ad ultimam sanguinis guttā Majestatis Seren: AUGUSTI II. liberam Electionem, simulq; ipsam libertatem tueri, defendereque velint, illiq; mori; Hæc libera nasci, hæc vult libera turba mori. Detestamur & execramur totum id, quidquid, ut ab ipsa origine, ita & post, & in ulteriori tractu præjudiciosi Majestati, & nocivi libertati factum, habendo omnes adversæ partis consultationes, attentata & facta, pro piaculo uti fomites perfidiæ & nutrimenta malorum, à quibus, seu à face accensa ardent Jura, ardet ipsa Patria, & in flammis istis cuditur nobis malleus, qui nos tundat & contundat, ac exanimet. Ipse quippe & non alius infelix malleus, & non sceptrum datur, alieni Throni incubo, & porrigitur ab illa manu, quæ non ita pridē libertate nobis ademptā liberos in servos rediget, ut qualis Magister, talis etiā esset discipulus. Videmus utiq; quomodo fortuna ejus extruat pro libertate Imperium, ubi voluntas pro legibus docet jam triennali Magisterio, quomodo liberâ uti gente, quomodo imperare suo quidem exemplo secundum illam politicorum normā, terrere nī metuant, ubi pertimuerint, impunè contemni. Quapropter cum hæc tristis facies, tragicâ scenâ peracta sit, ne tam sacrilegum nefas ullo temporis momento maturescere valeat, sentiamus tandem ma-
la

la nostra, & retundamus, seu virulentam turbam reorum & minacis hospitis enses. Non prima utique, sed ultima fortuna demonstrat victorē. 4.C. 1705

Causa jubet melior superos sperare secundos. Præstò nobis est bellicosa dextera Inviētissimi Monarchæ Seren: Czareæ M̃tis, cujus Herculeæ Clava sciet sævientis leonis contundere & abscindere ungves, hucusq; rei infallibilem cum adiutorio Omnipotentis DEi spem concipimus, ex recenter reportatis de hoste victoriis, ex liberata Provincia, & adaectis ad traditionem Fortalitiis. Restat tantummodo exuvias adhuc portare leonis, & cruore hostium signare monumenta pacis. Quemadmodum itaq; jam semel DEum ter Opt: Max. vindicem innocentium in auxilium nobis sumpsimus, ita sub clypeo ejus extrema quæque & omnia discrimina pati circa Regem nostrum, & Confœderationem nostram Sendomiriensem stare cupimus, æstimantes caput hoc, quod ex vocatione Ordinis Equestris sub casside erat, nunc verò sub Corona esse, & fastidio æqualitatis, fastigio Regni adornari intendit, cum omnibus hiscè, qui eundem adjuverunt, ipsi adstiterunt, & quovis modo favorunt, authorisârunt, juverunt, pro perduellibus & hostibus Patriæ, annihilando, execrando omnes actus, conjurationes, sancita, Electiones, coronationes, uti damna, præjudicia, & exitia publica, inhærendo firmiter Confœderationi nostræ Sendomiriensi, omnibusq; vinculis & ligamentis illius, nec minus adhærendo Præsidi illius Illust: Stanislao Comiti à Dönhoff Ensifero Regni, Mareschalco Confœderationis nostræ Sendomiriensis, cujus fidissimis vigiliis Majestas & libertas concredita, cujusque virtutem & famam canit sonora tuba, & in sæcula duraturæ tradit memoriæ, ut sit tam diuturna, quàm celebris, ut videat posterior ætas, quem præsens amavit. Obstringimus insuper & obligamus eundem Illust: D. Mareschalcum Confœderationis nostræ Sendomiriensis, ut hanc Manifestationem & protectionem nostram de communi assensu & consensu factam, actis Regni inseri procuret. &c.

CVI.

ANDREAS C. ZALUSKI EPISC. PRINC. VARM. ET SAMB.
PONTIFICI MAXIMO CLEMENTI XI die 12 Octobris.

AD oscula Beatissimorum pedum, à quibus hætenus arcebar, de genu humiliter accedo, & in sinum Sanctitatis vestræ Paternum injuriis victus, depressus, angustiat, & afflictus, tanquam ad unicum innocentiae meæ præsidium demississimè confugio, auxilium & solatium, ut ab optimo Patre (notum sit omnibus esse Dominum in medio terræ) supplex exoro. Nemo post calumniam natam turpius & ignominiosius petitus, dum non amplius per cuniculos sagittantes in occulto, ut antè, verum cum machinis inimici mei steterunt contra me, & Regem Serenissimum meliorem bonis Principem in id induxerunt, quod jam non rumor, sed constans fama per orbem, quâ patet, universum divulgavit. In cœlis testis meus est, quod magis læsam per omnia & in omnibus Ecclesiæ (pro qua executionem pati gloria, mori lucrum mihi esset) immunitatem doleo, quam de tanta mei nominis, famæ & honoris jactura queror. Petii ab initio statim, nec hucusque petere desisto, ut ad competens judicium remittar, ut liceat ibi respondere, ubi vel puniri, si nocens, vel absolvi, ut innocens queam, neve diutis irrisioni, & subsannationi Acatolicæ urbis, quæ dedecus nostrum suam famam arbitratur, exponar. In tribulatione patiens, & spe

A.C. 1705

gaudens, quòd deficient inimici mei, in multitudine adinventionum suarum & DEus iudex & vindex vertet mihi in bonum, quod illi machinati in malum, dum ex isto calumniarum & calamitatum cœno extractus, ad pedes Sanctitatis Vrae appropinquare, & post deductam innocentiam meam, quam veritas filia temporis cum DEI auxilio palam faciet, & ex benignitate Sanctitatis Vrae cassæ reliquum senectæ, soli DEO, ut constanter exopto, impendere licebit. Succinctam interim æquè ac veram facti relationem Eminentissimo Cardinali Paloucci, si videre eam Sanctitati Vrae placuerit præsentandam transmittito. Non querelâ, character enim meus magis fortem in angustiis, quàm querulantem requirit, sed voto finiens, DEumq; precans pro incolumitate, & felicissimis Sanctitatis Vrae successibus, me iterum ad pedes ejusdem humillimè prosterno.

EMINENTISSIMO CARDINALI PALOUCCI eâdem die.

Miraberis Eminentissime, quòd tamdiu siluerim, sed silentium hoc non fuisse voluntarium agnosces, cum rationes ejusdem in annexa succincta, & vera facti relatione videris. Ad hanc non habeo, quid addam, nisi humillimam petitionem, ut sis adjutor in tribulationibus meis, & memor verbi tui servo tuo, in quo mihi spem dedisti, redimas me à calumniis malignantium, & ad iudicem competentem validâ tuâ protectione trahas. Judicium terminat causas: ut summo Pontifici cõmendes, cui ut vigilantissimo Pastori, ut amantissimo singulorum Patri, cura est æqualiter de omnibus. Quæ est expectatio mea, nõne Dominus? non peto favorem, sed sitio justitiam. Invoco etiam consilium Eminentiaæ Vestrae, quid agere debeam, cum documenta evidentissima sint ad manum, quòd Eminentissimus Primas noster pace factâ cum his, qui non minus ipsi, quàm mihi inimici erant, hanc formaverit machinam inter inimicissimos sociatis consiliis, & perdendi me desideriis, hac motus ratione, quòd ego, ut sum offensionum pro utilitate publica non pavidus ex vi officii ago, quæ agere debeo in defensionem Regis, quæ sine offensione ejus fieri nequierunt. Non fac, non dicent, qui facit, quæ vult, audiet, quæ non vult. Juravit igitur Domino, utinam non eum quandoq; pœniteat, perditionem meam, & nulla media ad hunc finem negligit. Invenit quidem nunc tempus acceptabile, tempus ruinæ meæ, tam probabiles adhibendo apparentias, ut sit difficile, ne pro veris accipiantur, quæ sunt falsissima. Pretio conductus unus de meis Varmiensibus scripsit, quæ ei demandata sunt, & hæc attributa sunt mihi, quæ nunquam cogitavi. Est quidem verum, quòd hic Clericus scripserit aliquoties à me, scripserit huic, cujus nomen profiteor, sed in Varmiam, non Berolinum. Verum & id, quod secretiori cyfrarum modo usus fuerim, omnes enim literæ per Gedanum, ubi Eminentissimus Primas illis invigilat, & per Elbingam, ubi Commendans Sueticus non est in similibus negligens, evitando ergo hæc pericula, sic scribere debui, sed in re familiari, nec ullatenus publicum tangente, ut hæ literæ patebunt suo tempore scriptæ jam sunt, nec mutari queunt, cum hic idem Clericus in manibus Regis est, nec ulla ejus copia, nulla communicatio mihi. Interceptæ aliquæ, uti scio non pervenisse eas ad manus ejus, ad quem pertinebant, & ex his illa nomina & cyfræ, quas ego ad meum Domesticum in re merè æconomica adhibui, in aliam materiam versæ. Clericus jussus est, à Principe Firschem-

tembergk, uti certò scio latebrosis artibus scribere, quæ ad mei con- A.C. 1705 demnationem serviebant, & quasi per postam hæ literæ venirent, Regi præsentabantur, quem facile & pronum est quâlibet larvâ fascinare, ut eò melius contra me persuasissent, de quibus nulla mihi uti cogitatio, sic nec minima erat suspicio, non observat ventos, qui non navigat. Erit tempus, quo Eminentia Vra non mirabitur tantum, sed & stupebit super perversum modum, quo malignitas usâ est, ut me perderet. Cor Christianum quomodo id facere potest? vindictam Deo relinquo, justus enim est Dominus, precorque, ut addat ad patientiam, dum addit ad mœrorem. Petii humillimè à S. Mte per Comitem Stratman, & alios (dura molliunt calentes preces) ut permittar ire Romam pro justificatione mea, & danda ratione, cui debeo actionum mearum, & si id non placet (ut non placere inaudivi) ut dimittar ad aliquam civitatem Catholicam usq; dum causam meam dicere possim, cum iis obligationibus, quas Eminentia Vra in annexo folio leget. Obedivi Domino meo Pontifici, parendum est Domino, sive vocat, sive revocat, dum per Eminentiam Vram jussus sum; ut assisterem Regi, feci, quæ potui, & nunc hæc patior. Quod pertransivit, scio, quod futurum sit, ignoro, quæ minus certè haberem, sed de nulla re sum magis sollicitus, quàm de exemplo & præjudicio, quæ plus valent immunitati Ecclesiasticæ, tam nocivis, ego enim, quò ad personam meam, minus curo, & in solatium virtutem adhibeo, stabunt justi in magna constantia. Quæ omnia Eminentia Vra dum sincerè exaro, ejus me perenni gratiæ, & notæ per tot annos bonitati, & authoritati validæ, subest enim tibi, cum volueris posse, quàm demississimè recomendo.

SUCCINCTA ET SINCERA EORUM, QUÆ CUM EPISCOPO Varmienfi sunt acta Dresdæ usq; ad diem 12 Octob. Anno 1705.

Nihil hic de iis, quæ à tertia Decembris anni peteriti, à tempore scilicet adventûs sui in hanc Electoratus Metropolim, mente, quâ decet, sed plus, quàm stoica tulit & pertulit patientiâ Episcopus. Acerba quidem erant, tolerabantur tamen, si molimina, quibus impetebatur, ignominia, quibus onerabatur, si omnia, quæ non sorbere tantum, sed & concoquere debebat, calamo exprimenda essent, nec pelles Madian fortè caperent. Vix mandato Regio vocatus Dresdæ comparuit, insurrexerunt statim inimici multi, invidi penè omnes, nullamq; intermiserunt occasionem, quâ per occultas vias affectum Regium à fideli Ministro averterent. Quis fuerit ejus angor animi, quæ causæ & concausæ mœroris justî, D. Abbas Merenda per aliquot septimanas hic præsens sincerum perhibere posset, si vellet testimonium.

Adimplevit mensuram perversa calumniantium malignitas, tam forte, tam bene malum in finem ordinata aggrediens machina, ut res se ipsâ falsissima, vero verior appareret. Decimâ nonâ Septembris vocatum ad se Serenissimus Rex compellavit, literasq; manu corrupti Domestici sui scriptas ostendit omnino volens, ut clavem cifrarum, quib⁹ illæ literæ scriptæ dicebantur, produceret. Cum verò Episcopus nihil se de literis, de cifris, de clavi earum scire constanter affirmaret, urgenteq; Mte, tanquam eam penes se haberet, omnia loca vestium, ubi chartæ servari possent, libens cum omni diligentia investiganda obtulit. Post contentiones, quæ ab una parte calidius, ab altera cum summo respectu æquè ac stupore super re planè insperata nec prævisa finitas, jussus abire

A.C. 1705 abire domum Episcopus. Sciendum verò examen hoc factum fuisse in una camera, ubi mensa cum atramento, calamis, chartâq; paratis instructa erat, & Consilarii nutum in anticamera expectabant, res enim adeo certa credebatur, ut ad notandam depositionem parati tenerentur, postquam factam (uti arcanum post revelatum erat) Episcopus ad arcem Meissinensem cum duabus personis in carcerem duci debebat. Sed cum non minus verè, quàm constanter factum pernegaretur, congressus ille Consiliorum evanuit.

Interea dum hæc in Regia geruntur, missus est Consiliarius intimus Nemler cum duobus ex Cancellaria Copistis in assistentia D. Generalis Dönhoff, & junioris Szembek Polonorum in domum Episcopi, qui omnes scripturas & literas cum summa diligentia, & exacta, uti jussi erant, inquisitione revidebant, & nec lectus quidem ab illorū excussione liber erat, ubi quæsierunt magis, quàm aliquid invenire potuerunt, nullo modo enim esse possunt, quæ non sunt. Quidquid verò secretiorum scripturarum erat, sigillo Regis muniebant. In hoc statu dum ab aula Episcopus reversus, eos invenit, statim claves ab omnibus scriniis, quæ intacta erant, dedit, & ea apportari, & aperiri, scripturasq; ibi contentas præsentari jussit, quas sigillatas tanquam in triumpho portârunt. Dum verò ad audiendam immediatè Missam Episcopus accessit, venit Colonellus Bretschneider, & finem sacrificij expectare nolens, aggressus Episcopum, hæc formalia Gallico idiomate dixit: Annuntiat tibi Dñe Episcope Rex Seren: arrestum, utque in domo te contineas, neque exire usq; ad aliud mandatum audeas, neq; ullas sub quocunque prætextu literas scribas, jubet. Dato brevi responso: quod quanquam potestatis magis, quàm æquitatis illud esset mandatum, pro lege nihilominus futurum: ille abiit, & Episcopus ad continuandam Missam accessit.

Petiit postea Episcopus per DD. Dönhoff, & Szembek humillimè Suam Majestatem, ut res hæc tanquam Religioni, & præcipuè Ordini Episcopali pudenda, sine tanto strepitu perageretur, esse se sub potestate Regia, & tantò minus de abitu hinc cogitare, quantò se innocentiorum agnoscit. Erat altera etiam petitionis hujus justæ ratio, quòd origo calamitatis, fonsq; ærumnarum, scilicet vel cooperator hujus calumniæ facilius investigari potuisset, si res non tam publica acta fuisset.

Quantus rumor! quanta confusio! cum etiam Fratri, Sorori, Cognatæ, Nepotibus, totiq; domui arrestum denuntiaturum fuit, quanta consolatio Acatholicorum! qui sermones & discursus injuriosi? nec animo hæc concipi possunt, multò minus verbis exprimi. Prohibitum est, ne Capellam (quæ unica hoc tempore fuisset consolatio) visiteret, & solatio orandi DEum cum populo privaretur. Affixa sunt edicta in portis, & locis, ubi milites conveniunt (Courdigardas vocant) quibus specificè Episcopum, & omnes Domesticos ejus, ne ex urbe exire audeant, inhibetur. Portæ hæc die integrâ clausæ, in crastina autem, & aliis diebus exeuntes indiscriminatim examinabantur, cum eo rigore, qui sine pudore describi non potest.

Die 28 Sept. sub tempus prandij missus est aliquis Secretarius Regius, ut Ephebos suos Episcopus in Commissione Regia examinandos statuatur. Dum verò, qui sint Commissarii quæsierit, responsum est esse D. Decanum Baucensem cum tribus Capellanis: primò Principis Fürstenbergij, 2dò Comitis Stratman, 3tio Generalis Lang. Visum est Dño Episcopo præcavere Immunitati Ecclesiasticæ, & indemnitati Characteris

ris sui; scripsit ergo schedulam ad dictum D. Decanum, cujus erant hæc formalia: Venit ad me ipso tempore prandij aliquis, uti se dicit, Secretarius Regis, ut ad commissionem S. R. Mtis mittam Ephebos meos. Respondi me esse sub manu Suæ Mtis, totamq; Domum meam. Interim sciens V. Dñem Perillustrem hanc Commissionem absolvere, præcaveo Juri Sanctissimi D. Nri Pontificis, cui & non alij subsum, rogatamq; vellem Perillustrem D. V, ut se reflectat, utrum jure agat, quod agit, in reliquo maneo in affectu. Ad quam tale responsum habuit. Requisitus à Sua R. Mre, tanquam unicus in Ditionibus Saxonice loci Ordinarius ad hoc negotium, cum personæ hæc aliàs per sæculares examinandæ supponebantur, censui me salubrius facturum, si ad avertendum majus statui Ecclesiastico præjudicium, hanc Commissionem, licet ab ea libentissimè immunis esse voluissem, in me susciperem, sperans Suam Celsitudinem mihi id non in malam partem interpretaturam, cujus esse, & mori cupio. Et eodem vesperi Ephebi examinati, & post tres iterum dies ad idem examen vocati, ubi præmissis variis protectione, promotione, favoribus, largis oblationibus inducebantur ad fatendum id, quod desiderabatur, & quod illi ideò negarunt, quia falsa dicere volebant, ea tantum dicendo, quæ vera sunt, non quæ illi dici voluissent. Cum verò blanditiis hisce emolliri non poterant, tandem alterâ die, postquam Pater Vota Commissionem ab Illmo Nuntio Apostolico Spada habuerit, eximendi de foro sæculari, & in custodiam Spiritualem D. Episcopi recipiendi, noctu violenter ex domo Episcopi dicti Ephebi, ingenui Juvenes ex domo extracti, sine pileis ingenti tunc pluvia cadente, tanquam latrones in carceres ducti, in quibus quivis eorum separatus, in locis humidis & obscuris, stante semper apud quemvis in eadem Camera milite cum stricto & nudo gladio, & sex aliis militibus extra: non conceditur cuiquam licentia adeundi eos, miserè tractantur innocentissimi, & in testimonium vocati patiuntur, tanquam rei, & die festo ad audiendam Missam non dimissi.

Nulla dies, quæ novas non adferat afflictiones, tristitiasq; super tristitias, quæ cruces possunt comparari cum his! Interim cum supplicandi copiâ, defensionisq; potestate careat Dñus Episcopus per Comitem Stratman Legatum Cæsareum, Principem Firstenbergk, Comitem Fleming, Baronem Szenk, & alios demississimè has Suæ Mti propositiones fecit.

Esse se innocentem, & precari, ne amplius irrisioni A catholicorum cum summo Religionis præjudicio exponeretur, sed ut pro justificatione ad competens judicium Romam dimitteretur, offerendo daturum se plenam obligationem in scripto, quod imprimis nullâ interpositâ morâ, viâ, quâ rectissima poterit Romæ se statuet ad respondendum. Quod nec directè, nec indirectè interea quidquam dicet, vel aget, quod præjudiciosum rebus Regiis esse posset. Quod literas sigillo volante ad manus, quas sua Mtas voluerit, ad fratres & amicos suos in Poloniam scribet, nihil se passum, præveniendi quosvis motus, quæ ex hac occasione oriri possent.

Si verò Romam, uti jam fama est, ire non conceditur, ut ad Illustrissimum Dominum Nuntium remittatur, vel ut expectando ulterius Sedis Apostolicæ beneplacitum ad aliquam Catholicam civitatem transeat, præviâ securitate in scripto, quod nec in Poloniam ibit, nec quidquam, ut supra expressum, aget, quod sit cum præjudicio suæ Mtis, idq; sub ligamento honoris, & incurrendæ Sanctissimi Dñi Nostri indignationis.

Petita

A.C. 1705

Petita hæc ab omnibus, quorum ad notitiam veniunt, iusta videntur, necdum tamen ullum habere potest Dominus Episcopus responsū, quotidie novæ afflictiones augentur, quas cum injurijs, etiamsi id non didicerit, ferre debet, in Deo solo fidens, & suâ se virtute, & innocentia involvens, humana omnia mala, tam alacriter ferre paratus, quàm inimici ejus inferre.

UNIVERSALE REGIS AUGUSTI INGREDIENTIS POLO- NIAM in Octobri.

Possit *tit.* Significamus omnibus. Ingredivimur pro ut nobis pridem optavimus, vobis constanter promissimus in fines Regni nostri; in cuius gratiam publico intenti commodo tantisper nos absentavimus. Ingredivimur, ut imprimis fidei sanctæ Romanæ Catholicæ integritatem, totius Reipub. incolumitatem, jurium, prærogativarum, & libertatis vigorem, omnium ordinum in universum & singulorum in specie securitatem, & prosperitatem, in hoc erubescendo, lugendo, miserandoq; nobis; hosti ridendo & spernendo rerum statu à suprema ruina conservemus, & manuteneamus. Ingredivimur; ut egentes, angustiatos, & afflictos subditos nostros consolemur; quorum propagata ad natos usq; Natorum miseria, & tanta nunquam satis deploranda, nec compensanda damna nostrum agebant & tangebant animum. Ingrediamur, ut quiescat vox à ploratu & oculi à lachrymis; ut tam graves nobilitati plebiq; juxta intolerandæ cessent angariæ. Ingredivimur cum ingenti cordis nostri dolore, intuentes in aliquot Personarum gratiam, apud quos nulla legum reverentia, juris nulla, quicq; velamen malitiæ habentes libertatem, vindictæ potius, quàm tranquillitati studere, depopulata est omnis Regio, luget populus, confusi sunt agricolæ, ululant super desolatione desolatæ terræ. Ingrediendo autem, fausto utinam pede (fortunet ille, à quo omne robur & fortitudo) cum exercitu nostro, nihil aliud quærentes; præter ea: quæ nostra sunt, non aliis ad vos, à quibus nobis præstanda spondemus, quæ scimus deberi, utimur verbis, illis præterquam: excutere de pulvere, consurge, solve vincula colli tui, captiva filia Sion. Expergiscimini inclyti Poloni, tempus est jam somno surgere: congregamini filii Juda & filii Israël pariter, festinate ad gloriam rectâ viâ obliquas semitas omittite, restituite vobis, & pristino nitori. An non videtis cum dolore nostro & dedecore damnoque vestro, hæreditatem vestram esse versam ad extraneos, argentum vestrum abiisse in scorias, posteriorem diem acerbiorē priore, & insequentem horam alteram alterâ calamitosiorem? usquequò sub immiti ingemiscetis jugo? nōne temp⁹ doceri plagis, tantisq; damnis? necdūmne satis casuum, eventuum, mutationum voluntatum, temporū, consiliorum? jam non tantum manibus, sed toto corde & corpore sentitis spinam rosis obsitam, gustatis absynthiū melle illitum, viperam inter flores prensatis: quousque vagis erroribus acti, privatae quorundam libidini publicam auctoritatem accommodari, oleum ad miserum Patriæ incendium, quo nunc ardetis, suggeri, libertatis umbrâ, cuius immodicus usus servitij occasio est, illudi, parricidas matris suæ, qui omnium horum malorum, quæ videtis & sentitis, (quid autem mali non videtis) causa sunt, tanta sibi permittentes patiimini? quousq; recti specie decipi, & plura voletis indulgere, quàm jura sinunt, excæcatæ malevolentia? quæ totam vim suam & robur in mendaciis venenatis, perversaq; libertatis affectatione, quò superbiam suam

suam & arrogantiam velet, reponit. Quis non videt? quòd quidquid sibi proponunt, non tam libertas est, quàm libertinitas; id est impunè ad libitum per fas & nefas quidvis faciendi licentia: sua sibi confingunt vota, scribunt, & dicunt, omnia ad voluptatem, nihil ad veritatem: ea tantum superest fortuna, quòd malitia tantas vires non habeat; quantos habet conatus: & hæc omnia vana veritatique dissentanea, sub celebri eduntur nomine; dummodo Reipub. dissolvatur unitas, firmitas relaxetur: dummodò possint cum illa Trojana Hecuba mordere, oblatrare, maledicere, conviciari, fingere quæ volunt. Si omnia adinventata contra supremum Ecclesiæ caput, quàm contra nos & propriam Patriam, si modi singuli malitiæ partus calamo exscribendi forent, non caperent omnes pelles Madian. Quomodo id nos non affligat? quando non tantum spoliare gloriâ, & auferre coronam de capite hæc viperarum genimina ad excogitandum acutissima, ad audendum impudentissima, odio magis, quàm ex causâ; novo magis exemplo, quàm concessio jure volunt: sed etiam bonâ nos famâ exuunt, magnum nomen temerant, innocentem populum ad universalem seditionem hortantur, excitant, impellunt: quando ea, quæ nunquam fuerunt, nec erunt, uti certissima habemus argumenta, typis mandant audacter, probant insidiosè, asserunt apertè. Ad dandas igitur vindicias manutenendis juribus, conservandis supremis reliquiis veterum libertatum, propugnandæ demum personæ nostræ, & throno; quem nemo nobis nisi mors adimet, venimus & festinamus reponentes spem non tam in nostris exercitibus, quos sat numerosos ducimus, aut Colligatorum succursu; quem non jam sperat, sed spectat Patria, quàm in ipso Deo. Ædificet alter quispiam carnem brachium suum; nobiscum Dñus Deus Noster, quem auxiliaturum nobis pugnaturumq; pro nobis suppliciter imprimis invocamus, tum etiam vos, quorum toties non obscurum nec dubium amoris in nos symbolum perspeximus, invitamus, ut ex æquo nobiscum, quod fieri oportet & omninò opus est, si Remp. salvam volumus, unâ eademq; omnium voluntatè, pariq; studio ac propensione defensionis Patriarum legum cooperari velitis. Despiciant nos, calumnientur, mordeant, lacerent hostiles lingvæ, & calami: nos quidquid ad nostri manutentionem defensionemq; honoris, conservationem jurium, prærogativarum, & libertatum Reipub. nec non ad ampliandum & augendum comòdum ejusdem spectat (deliramenta hæc omnia pensi habentes) fortiter & constanter agemus. Animosiùs nunc & loquimur & scribimus: quòd non succedet in perpetuum fraus neq; semper proficient doli; quia invocato in auxilium Numine enitemur, prosequemur, & perficiemus; ut videant populi, intelligant nationes, cognoscat mundus sequiorem de nobis fuisse opinionem. Patria autem exultet, gaudeant omnes, quando justa & manifesta causa pro se habebit sententiam. Festinate igitur; maturato enim opus est: Venite ad me omnes, qui onerati estis, qui vosmetipsos & Reipub. salvam vultis, redite ad Patrios mores, & ritus, si modò velimus, auxilio desuper avertentur retrorsum, qui volunt nobis mala. Nos pro persona nostra & exercitibus nostris fidem facimus, nos tales quales verbo absentes sumus, re etiam præsentis futuros, in facto rem populi non nostram esse credemus, injustis & nefariis conatibus in testata spectataq; vestra fide non postremam spem ponentes obviabimus, & re non verbo in confusionem eorum, quibus utilitatis potior, quàm honesti cura est, liberos reddem⁹. Et quemadmodum eos qui fide erga nos ad ultimum invictâ nobis adstiterunt,

A.C. 1705 stiterunt, certificamus, verboq; nostro assecuramus de constanti & immobili gratitudine: ita & eos, quos imposita necessitas ad deferendos nos, favendum hostibus, fovendasq; inimicorum nostrorum intentiones perperam induxit: (ut demonstremus consuetudinem bonitatis, nobisq; in animo esse morbos, non ægros eradicare, probè utpote scientes, quòd eosdem pœniteat, pudeat; dummodo tamen cogitent de petenda seu furoris seu erroris venia, & temeritatis emendatione) sanare potius vitiosas partes quàm refecare optantes, dummodo indultâ primò sceleri veniâ non exhibeant se metuendos de relapsu in secundum, omnes resipiscences suscipere parati sumus, non dubitantes eos; quidquid vel ex levitate vel malitia, vi vel metu in constantem virum cadente, perpetrârunt, affectu suo & ulteriori zelo nobis & Reip. compensaturos. Jam ergo venit hora & nunc est; ut affectum vestrum tam in personam nostram, quàm bonum publicum non significare tantum sed etiam probare velitis. Venimus ad suum: arripienda ea sunt, quæ è re vel in rem Reip. videbuntur. Sit nobis omnibus carior vita, & libertas publica; velimus modò: audacia hostium nostrorum rationis viduata ductu confundetur, spes plus nimio tumida crepabit. Quisquis igitur ad latus nostrum approximare potest; expansis eum manibus & corde præstolamur; quisquis autem tanti esset, ut sive collectivè sive divisivè publicum hostem invadat & minuat, pro gloria gentis, quæ propè jam sepulta jacet, audeat certus meriti apud DEum, gratitudinis apud nos, memoriæ apud posteritatem, aliâ viâ sine periculo portus non obtinebitur. Si eluctare desideramus ex tantis procellis, studeamus uniri, familiaritatem cum hostibus intempestivam ejuremus. Nos verò non verbis, sed re ipsâ moræ ultra impatientes vitam & fortunas nostras promptè subditis nostris impendere, in omnibus occasionibus adesse, interesse, & præesse non desinemus, certificamus & assecuramus quemvis iterum iterumque de affectu nostro Paterno. Quàm primùm autem opportunum tempus & locum, de consilio ad latus nostrum à Sendomiriensi Confœderatione destinato perspexerimus, tertias & ultimas literas restium ex Cancellaria nostra edi demandabimus.

Interim volumus; ut hoc universale nostrum ad faciliorem velocioremq; notitiam omnium Palatinatum, terrarum & districtuum per castra, parochias & loca consueta publicetur. In quorum fidem Nos manu nostra subscripsimus & sigillum applicare mandavimus. Datum &c.

MARTINO CHOMETOWSKI PALATINO MASOVIAE

26. Octobris.

Fortunâ an casu, utrumq; fuisse credo, recepi tuas humanissimas, jam enim in manibus sub potestate, quarum & ego sum, fuerant, & tamen ad me venerunt intactæ, in quibus eò magis affectum tuum video, venerorq;, quò rarior hoc ævo. Ita me totum tibi conglutinas, atq; conjungis, ut nulla locorum distantia, nullaq; Regionum diversitas arctè constrictum amoris sui vinculo dissolvere, ac distrahere poterit, cum me benignus sublevâsti in tempore. Nulli vel pauci sunt, qui inter angustias alienas proprio metu occupati calamitatis misericordiâ moveantur. Infelicius fortunatus nullus amicus. Habes ergo me majori devinctum necessitate, quàm hoc loci exprimam. Non ducis, sed trahis in obligationem, dum in hanc exilij mei solitudinem motus affectu aversitatis tempore à fortuna destitutum non deseris, & dolo-

dolori meo quasi callum obducis. A tam prospera voluntate aliter expectare non poteram, & tanta me voluptas invasit, quantam nunc maxime capere possum, dum illud mecum reputo, me in tua memoria esse. Ingratissimus proinde essem, si me quotidie non videres causâ tuâ efficientem, quâcunque potero, conantem etiam ea, quæ non potero. Amorem tuum sic literis exprimis, ut etiam animo meo eum imprimas, quem eò impensius æstimo, quòd candidum & sine fuce effectum, curamque virtutis non spirat tantum, sed & inspirat.

Non est sollicite, quod quæras, vel judices de angustiis meis, cum, si rem ad rationem reducas, damnato potius sit gratulandum; voluptas rebus afflictis sua est. Quædam interpretatio producit, ut videantur injuriæ. DEUS autem ridet, si mortalis alteratus trepidat. Nihil enim ille rerum Arbiter vult, quod è re nostra non sit, nihil decernit, quod non utile nobis sit, & salutare, nec rerum malarum danda est species bonis; Mala enim hæc adscita nobis sunt non adsita, omnes inter quos portat humus, nemo est ex omni parte beatus. Nihil autem est, quod non valeat DEI potestas. Ille, & tempus hæc sanabit, qui communis est Medicus, Illum ego sequor, fero casum, nec curo, quæ de isto posteritatis judicia erunt, cum non id agam, ut homines de me loquantur sed ut ipse honestis actionibus de me ipso loquar. Neque me quisquam æstimet supra id, quod videt in me, aut aliter quod vidit ex me. Et quamquam videatur certissimus dolor, qui nos ferit, & remedium sæpe absit, quod leniat, queri tamen his, aut angere mollicitia est, reductari insania, vita dum incolumis manet, quotidie supplicia nascuntur nova, vacuâ doloris si tibi vitam putas semper futuram, spe beatâ pascaris, sed ea DEorum vita non mortalium; res sunt cognatæ, vita & anxietudines, quicunque terræ munere vescimur, si ad veritatem revocare voluerimus rationem nihil esse constans, sed vagas rerum humanarum esse fateri debemus vices.

Obedientiæ ergo obstrictus legibus, demitto caput, obsequor, & continuus ordo factorum, cursusque eorum inevitabilis mei solamenque mali vel maxime est, qui humiles consolatur DEUS. Quæris causam infortunij mei? reticenda hæc esset potius, quàm recitanda, ferenda, imò devoranda hæc tædia. Persecutionem patior, & non angustior, scopulū accepi, ubi securitatem quæsi, inveni periculum. Scies dies quondam apud Antiquos fuisse festos, quibus servi Dominis imperabant, isti corrupti pretio & mercede conducti perdiderunt imprimis, si tamen perdere possunt famam, & existimationem meam, & in hoc afflictionum intruserunt barathrum. Ab homine homini quotidianum periculum; inimici ejus, domestici ejus; iis autem, qui altius rem considerant, dijudicandum relinquo, an rationis deterius sit, quàm hominis nunquam nisi dolos mentitaque verba loquentis, ejusque servi testimonium, non meruit hoc crimine servus supplicium, qui testis adest, qui detulit injuste.

Miraris me tot tantosque habuisse inimicos, indignare potius me nullos habuisse amicos, quos non injuria quidem, sed invidia fecit hostes, cum totâ vitâ meâ curaverim, ne quis me merito meo odisset, an nescis plenum esse mundum his amicis, de quibus Ecclesiasticus: In labiis suis indulceatur inimicus, & in corde suo insidiatur, ut subvertat te in foveam.

Inculcas, quòd casum non prævenerim, sed scias me ex illa parte hominum esse, quæ navigatura de tempestate non cogitat, infortunia

A.C. 1705 inopinata fugere non est in nostra manu, multa nec sperata proveniunt tamen, fatorq; manet, quodcunq; vitari nequit; non ostenderunt inimici mei bellum, priusquam intulerint.

Actionum mearum fructum bonâ conscientia non judicante, prurigine metiebar, metiorq;. Testimonio estis cum D. Palatino Podoliæ, aliisque ultra Fratres meos; latere enim per tantum tempus conversantes ad invicem non potest, quo affectu ferebar in Principem, pro quo mortem etiam suscepissem libens, nedum laborem. Audacter proinde coram te colligato meo, & coram universo orbe clarâ, & quantâ possum, voce profiteor, proclamo, denuntio, dico, assero, & hoc modis omnibus probabo, quod non tantum habeam, ut res ipsa tempusq; docebit, quo me defendam, sed etiam quo glorier. Verisimilitudine tantum contra me coloratur veritas. Qui videret defensionem meam, non posset aliquid contra veritatem, sed pro veritate. Cephalo quidam Aulicus cum cruentum aspexisset, & adstantes mirarentur, hoc est, dixit; præmium amicitiae Regiæ. Sic & ego promittens mihi læta, expertus sum tristitia, dum rosas mihi colligere videbar, retuli spinas, & comedi uvas acerbæ, pro mercede ignominiam reportavi, dum curavi famam, ut benè tibi notum, est Regiomontō fugiens, incidi in flammam, quæ, unde putavi, minimè posse venire, venit. Omnia ista mala ratio quidem, quæ faciliè divinabis, sed non recta ratio commenta est.

Dicis; Regem nostrum in remunerando largum, in puniendo mitem, & clementem omnes compererant. Ita & ego credebam, sed quanto humanius mitem, & paternum animum præstare solebat aliis peccantibus, tanto longius ex instigatione inimicorum meorum dolor processit; ut verbis explicari, multo minus sanari possit & nisi in oculos incurrisset, & manifestus fuisset, nec ipse credidissem. Sed hæc non secus ac flumina, procellæque, aut, si quæ alia irrevocabilia sunt, quæ non eunt, sed cadunt, evenere.

Scis quod suscipio majorem pariens calumniam quam ipsa facta, vana irrumpit sæpius, & non objurgat credulitatem, hæc enim castigatio consuetudinem efficeret non faciliè credendi. Ergo ut ad irascendum causa non defuit, sic nec ad ulciscendum potestas, rationem verò, quam sermo explicare non potest, fides credat. Majestatis forsan diminutio esset, confessio erroris, mutanda fecisse.

Ut autem impleam mandata, tristis scenæ hujus descriptionem, quæ nec taceri ullo modo, nec pro magnitudine sua explicari potuit, hic accipe; quam, cum filiali confidentiâ, imò & securitate, ita, ut res dolenda hæc, & erubescenda se habuit, singula paucis plena facere conatus, summo Pontifici narravi, & transmissi. Quod reliquum est, sincerâ fide, & ultimâ confidentiâ hanc epistolam claudio, quod decreverim relictis omnibus curis quærere sedes ubi fata quietas ostendent, quò illa trahunt, retrahuntque, sequi, ut virtus tacita consenescat, ut tanquã in portu sedens turbulentissimo ambitionis æstu eos jactari, qui se illi committerent, aspiciam, eisq; navis Reipub. benè gerendæ laudem concedam, & mihi, ut dicitur, vivam. O quam jucundum mores exoso malos est solitudo.

Quocirca allaborandum magis mihi credo, ut de infinito illo æterni temporis spatio, quod me è corporis custodia emissum excipiet, quam de exigua vita cogitem; quam cogitationem Regius Vates ab animo missam faciebat, quia annos æternos in mente habuit. Legem ergo hanc condixi, atq; constitui mihi, ut rideam ludibria mundi, stat soli servire DEO sententia.

HIE-

HIERONYMO ZALUSKI CASTELLANO RAVENSI FRA-
TRI eâdem die.

ACcepi eâdem viâ, quâ à Domino Palatino Masovia, & quidem fortè fortunâ tuas integras & intactas. Respondeo hisce forsan perituris utriq, refero me ad primas, quibus, quanquam minimè curem, ut de rebus meis quis quid sentiat, adversos de me tamen rumores explodere neceſſè credidi. Non repeto dicta, nullus enim mihi domi, cujus oculis aut manibus legam, aut scribam. Dembowski & Tausch in detentione sæpius examinantur, primò minis & terrore, post blanditiis, donis, & promissis, ad deponenda contra me testimonia inducuntur. Nescio an resistant tentationi, cujus nec finis, nec modus; Juvenes enim sunt. Ego autem in aurem utramq, otiosè dormio; securamens dulce convivium, virtus non est diminuta. Omnem penitus adversariorum calumniam nudabit, & suo tempore res ipsa refutabit, & DEUS, quo volente quisque ridet ac flet, insidias impiorum subverter. Calumnia aliquantisper audientium opinionem confirmat, progressu verò temporis nihil ipsa imbecillius est. Interim etiam si ingeratur oculis veritas, amant, & tuentur errorem inimici mei, coargui nolunt, & in malè cœptis honestior illis videtur pertinacia, quàm pœnitentia. Ego cedo huic Deæ, cui & fata cedunt, injurias ferre non didici, sed scio & hæc, quæ non didici, nunc tandem discere serum est. Occasione tamen ad melius versâ levis fit patientia, quidquid corrigere nefas; nemini enim viventi licet dicere hoc vel illud non patiar. Neceſſè erat mihi evenire, quod evenit, si tamen literæ tuæ non me relinquere Regiomontanam quietem obligassent (ô quàm vellem non inde abiisse, & fuerat melius!) fuisset in sicco, fuisset in portu, servivissem DEO in Diœcesi, afflicto populo meo pro posse astitisset, & nunc non ut semen-tem fecimus, ita metimus; ecce fructus constantis obsequii, & fidelitatis! tu indignaris, quia propinqua plus mentem, quàm remota feriunt, & quereris, sed scias nihil contra me inest in istis mali, nisi hoc unum quòd indignaris & quereris, cum ego libenter feram, quod neceſſè est; valentior est omni fortunâ animus, & in utramq, partem ipse res meas ducit; dolor patientiâ vincitur. Neq, credo, quòd tu apprehendis, ne scilicet Serenissimus Rex velit & à vobis fratribus, & ab amicis meis sive peccati, sive infortunii hujus mei exigere pœnas, ne inclementia adversariorum faciat calamitatum nostrarum societatem. Nulla enim major post homines natos esset injustitia. Me autem miserum non putetis, nisi & innocentem firmiter credatis. Scripsi Dño Episcopo Plo-censi, repeto hic idem, ut hæc sit vestrarum curarum, quæ meorum est summa votorum, ut ita vos ubiq, modestè geratis, sicut ego hic fortiter & constanter omnia supporto, ut omnes videant, non tantum nos causâ, verum etiam modestiâ esse superiores, malum, quod urget, spargere in vulgus cavete, molestum est, ubi quem sollicitudines mordent, tum quemvis testem cogi adhibere, in hoc situm est casum prudenter ferre, si solus feras, & tua non denudes aliis infortunia, imò occultes; nescit enim plebs tacere, interdum & hoc loquitur, quod à nemine perpetratur, & ut callidè vulgatur, sic temerè creditur. Regi fideliter (in cœlites vim non parare optimam est) Reipub. sincerè serviatis, in memoria semper recenti illius Historici Romani habentes, & ad rem præ-sentem accomodantes verba; tanta sunt populi Romani in Siculos bene-

A.C. 1705 ficia, ut etiam injurias eorum majores nostri ferendas putaverint. Non exacerbetis inimicos nostros, qui quos læserunt, oderunt, credite illis, quanquam falsa promittant, quanquam os eorum abundat malitiâ, & lingua eorum concinnat dolos, satius enim in quibusdam rebus decipi, quam diffidere. Fortunam nostram non incusetis; nunc non attendit luctum res, nec respicit, seu plores, seu non plores, insilit viam. Ego ob res istas doleo vehementer quidem, sed præ dolore sapere non cesso tamen, & ex malorum segete progigni quandoque bona credo, non minus adversa fortiter, quam prospera tolerare debet animus verè nobilis. Quicumque casus atque fortunæ vices ratione supportat, hic minus multò est miser. Negotio meo minimè publica turbetis, vel impediatis, sitisque æquo animo, in tanta inæqualitate fortunæ, si aliquis metum vindictæ monstraverit, certum & securum reddere potestis, tantum abesse ab animo meo, ut ultionem aliquando quæram, qui credebam semper, dicebam sæpius miseriores esse, qui faciat, quam qui afficiatur injuriâ. De filio tuo non sis sollicitus, nil deerit ipsi, & curam habeo, ne otietur, & quanquam sciam, quòd Dii obliti sunt, quem Præceptorem fecerunt, libenter tamen ego id muneris exercebo, ipse invigilabo, doceboque, quandoquidem sic fata volunt, ut ad scholas mittar senex.

HIERONYMO LUBOMIRSKI CASTELLANO CRACOVIANSI 19 Octobris.

Accepi expectatissimas optatissimasque tuas, cum ante septimanas circiter duas, dederim meas in manus redeuntis Dñi Baronis Oberbek. Ducens in malis dies meos non potui majus habere solatium, quam à fraterna tua manu. Et quamvis gaudia sint miseris socios habere, ego tamen magis tuo, quem lego, quam proprio meo angor dolore. Potes audacter animum tuum sic exonerare, tanquam uni ex intimis, & ex asse amicis. Testor enim conscientiae meae fidem, ut si non satis gratum in his angustiis me exhibere possum, ingratum tamen me esse confidentiae tuae nunquam apparebit. Quocumque demum flante vento persistam in statione, & desiderio firmo serviendi tibi, tuisque.

Quæris de mea salute? hanc DEus utique dat bonam, si quis salve dicat mœrenti obviis, salvere voce, req; ipsâ flere illum jubet, cum ejus miseriarum non sit finis, sed mutatio.

De meo statu jam scripsi, & aliundè scis, unde quod addam non habeo, nisi illud. Demetrius tuus sic vivit lare secreto, sed minus tuto tectus, non tanquam contempserit omnia, sed tanquam aliis habenda permiserit. Non aliunde certè, quam ut tu prudentissimè dicis ab ira, invidia, crudelitate, superbiâ pessimis animi impulsoribus, suasoribusque malum mihi venit. Et cum non minima earum literarum pars in meis laudibus recensendis consumpta est, quas, quia in me non cognosco, sed tuas esse omnes intelligo, in te, unde ortæ sunt rehero. Meas verò afflictiones quanquam & novæ, & ingentes non exaggero, is enim inimicis meis est animus, ut unica quasi sit cura in alia negligentibus, ut me affligant. Ego autem ne levis arguar mentis, quæ ad quemvis tactum, seu jactum exclamat (bonus animus in re mala, dimidium est mali,) quanto plus injusti patior tormenti, tanto plus spero habiturum me gloriæ, dum mea patebit innocentia, omnem mali mei causam fortunæ meae iniquæ, invidiæque nominis adscribendo. Et cum argumentum recti sit malis dispicere, tanquam cymbalum resonans sine sensu, minus habeo, &

& frangam hæc omnia, tela dum contemno, sperans omnino, quòd tantum aliquando poterit veritatis lux, ut clausos etiam feriat oculos. Crimen mihi hætenus nullum probatur, nec probari poterit, non entis nullæ qualitates; imò calumnia, quâ res nulla pestilentior, quæ decipit malâ arte credentem sibi, & immerenti pertinax odium struit, calumnia inquam condemnari deberet, & quidem pœna talionis, ex lege duodecim tabularum, quæ ait; Calumniator idem quod reus patiatur, si convictus erit.

Jam unus ex principalioribus DEO respondet, turpe hoc aliis, illi tanquam quondam Camillo nefas etiam fuit, qui tam caram haberi voluit suam, tam vilem meam fecit famam, & ego qui bonâ conscientia fretus, nec damna, nec verborum contumelias, nec quidquam aliud considero, doleo sincerè de inopinato ejus fato. O si tantis, tamq; vagis erroribus non fuisset actus! bonum virum etiam si quandoq; quis negaverit, magnum fuisse fateatur necesse est. Hæc via & nobis restat calcanda serius, aut citius. Animæ benè precor, & cum Aristide interrogato quâ de re in exilio maximè contristatus esset, & respondente dico ingenuè tibi, ut colligato ejus, & amico meo, quod ego doleam maximè propter dedecus nominis ejus, inter alia malè audientis, & augendi mei infortunii causa. Non queror amplius, nihil enim queri prodest, cum & hæc à DEo. Nec aliunde huic malo medicinam expecto, quàm à talibus Æsculapiis, hoc est, ut tu es, sinceris amicis, & quamvis nos reliquerint bona, at celsus animus, & decus gentis manet, nam illud ante cuncta discendum putavi ferre haud gravatè si quid evenit mali, & patiens mihi cor fata dederunt.

Contumelias non curo, ut in via si canis, aut equus me luto aspergat; non lapidem percutio, non excandescio, non injuriam regero, sed eluo potius hoc lutum, quàm respergam. Omnes inimicos meos pro caniculis potius, qui sæpius pro consuetudine, quàm pro feritate latrant, habeo, quia non judicio, sed impetu lædunt, quibus meliorem me agnosco, & in nominis mei fama labem tantam relinquunt, quantum in flumine vestigium cymbæ, nec obrectatoribus meis respondeo, qui canino dente me rodunt in publico, detrahentes, & lædentes in angulis.

Interrogatus quispiam an calumniam haberet, reposuit ipse negligentiam meam nosti, an habeam? nescio, accepisse me scio. Et si aliquando doleo, magis doleo Reipub. vicem, quàm meam. Nihil enim feci unquam, quod non debui, nolle non potui, & nihil prætermisi, quod debui. Damnationem meam sic fero, ut quondam Rutilius, cui nihil aliud molestum erat, nisi quod malè judicaretur. Non examinant rem, & causam, quibus semel mentis offensæ aciem perstrinxit sua opinio, & perindè rem æstimant, ut illa suadet, quàm penitus imbiberunt, & ut oculus in quem humor illapsus est, parum videt, sic mens in quam affectus.

Sed de his filere malo, cum plures sint accusandi, & cum quivis principio cognito quis sit rerum finis facile conjiciat. Tanti sunt horum malorum trunci, ut ad eos extirpandos, nullæ manus, nullæ vires sufficerent. Ex arena funem ducunt, pro virtute iram, pro consilio furorem, pro ratione habentes impetum.

Postquam dixerim, & forsàn plus quàm satis est ea, quæ ad me pertinent, ibi hominis animus est, ubi cruciat dolor, debitas mortificationibus tuis, quas, ut dixi, plus sentio, quàm proprias meas, & justas vi-

A.C. 1705

ces exhibeo. Veniunt jam tempora illa, quæ sacræ non sinè minis promiserunt literæ: Ecce ego mittam vobis serpentes, & mordebunt vos. Unusquisq; se à proximo suo custodiat, nam hi, qui ementito publici boni velo, cum publicam fortunam inclamant, privatam struunt, mulcentes populi blandis sermonibus aures, qui absente Rege indebitè sibi, superbè, & præjudiciòse, nunquam auditum prius à Patribus nostris aulæ usurpant nomen, unumquemq; ut arbitror ad mensuram suæ dignitatis prosequuntur. Quis non exclamet? videre videor jam duos soles mihi duplicesq; Thebas? verso Reipubl. statu nihil prisce, & integri moris exutà æqualitate, titulos sibi, & prærogativas Regiis similes arrogant, vixq; non publicè dicunt cuivis, vade foras, aut moribus utere nostris, novis rebus nova nomina imponunt, ultraq; terminos erigunt suam dignitatem, publicum est quidem omne quod agunt, amnes retrò fluere, & nostra videbit ætas, ubi insolenter cuncta pro libidine facere impune est. Vidi semel, & cum multis risi inscriptionem, & titulum in literis Regi, loco Varsaviæ vel Cracoviæ, quòd etiam ordinariè omittitur inscriptum fuit IN AULA. Cogitabat ille quanquam imprudentius scribens, fore olim, tam animi sui impotentes, qui sinè Rege Regalia exercebunt, qui sinè Rege aulæ repræsentabunt dicentq;. Nos muscæ aramus, dum cornib⁹ boum infidebant. Non est qui non malit has muscas omnem viam declinando fugere, quàm iis obviàm fieri. Optimè eos in tuis describis literis, quòd scilicet omnia illis promptum honesta, atq; inhonesta laudare, blanda libentius proponere, quàm salutaria, ad voluptatem omnia, non ad veritatem loqui, sunt tanquam illi Abari aliud in ore habentes, & aliud sentientes, aliud palàm, aliud secretò, mos est, quòd hi cubiculares, hi consiliarij sunt, à quibus (utamur verbis similia inculantis) bonus, cautus, optimus venditur Imperator. Consilium à me requiris, quid in hoc passu agere debeas? pars quidem nunc consilij censetur, consiliis se non miscere, sed quia jubes ut dem, me ipsum pro consilio do libens & exemplo. Scio ego, quòd nihil tam exasperet fervorem vulneris, quàm ferendi impatientia. Scio quantum noceat rebus Patriæ suspicio, dum ea animis insidet, & quòd fallere sæpius doceant, qui falli metuunt, & vix non jus peccandi dant suspicando. Sed quæ tollere non possumus, toleranda sunt. Quæ putamus perfici, vel impediri non posse tempus expedit. In mora modica (Rex enim Seren: veniet brevi) temporis, non magnum damnum inesse censeo, non sit nostra districtio nimia, quam lenis patientia non præcedat. Scio quod justè conquereris cum Photione, pro officio Magisteriæ dignitatis, cum se multi ex Atheniensibus in officium Ducis ingererent. Quàm ego multos Duces, paucos milites habeo? sed retine apud te ipsum dolorem, & fortiter fer, qui tibi contingunt casus, melioris eventus fiduciam habe, & si quid infelicitatis accidit, tempori tribue, non Principi, sin fieri non potest, quin aliquis malè de nobis loquatur, saltem illud curandum, ne quis id merito nostro faciat, dura interim perfer reliqua, qui jam graviora tulisti. Molestum quidem est pati, & ossa consumit dolor, sed jubet necessitas, nam multos sæpe calus in melius tulit, monstrabit sed longa dies meliora. Non expedit omnia audire, omnia videre, multæ nos injuriæ transeant, non vis esse iracundus, ne sis curiosus. Quod reliquum est, contemnas inania famæ, & mecum in DEo fiduciam habens, firmiter crede. Quòd elevati sunt ad modicum & non subsistent, & humiliabuntur sicut omnia.

JOAN.

24 Octobris.

JAM publica fama venerat de fato hoc Cardinalis Primatis, antequam literæ tuæ ad manus meas. Non lætor ex præmatura (alij dicunt parum pro Patria tardiori) morte, quia hæc ab ingenio meo aliena, claudantur odia cum sepultis. Utinam illius purpura non habeat coram Deo quod erubescat. Utinam in vanitate non ambulasset sensûs sui. Utinam nōvisset suas, & aliorum non publicasset maculas. Utinam aperto Marte non furtivè sagittans, in occulto tot innocentes aggressus non fuisset, non oppressisset. Utinam non tantum valuisset ad nocendum, optima dicta, aut facta non detorsisset in contumeliam. Utinam sublimia semper mente non agitasset, & tumida, majorem indignatus paremque. Utinam contra publicum, contra unctum Domini, contra privatos tanta tela lethali furore tineta non fuisset jaculatus, quæ nunc jam è manibus erepta ab eo qui Judex, & vindex justus est. Quanta repente mutatio non sine DEO apparet? qui conturbat alios portat judicium quicumque sit ille. Pleni quid honoribus anni profuerunt? scilicet omne Deo contranitante superbum evanescit opus, sed hæc ei in cujus posita erant arbitrio, relinquamus.

Ego quanquam ejus coloribus, ejus penicillo tam enormiter depictus, & diffamatus, in vulneribus Christi injurias omnes depono, & cor in me mœrens habendo, animæ benè precor, pejoraque rebus meis ex hoc inexpectato fato, non tantum ex parte prophetizo, sed etiam non ex vano timeo. Cum fortuna multis rebus ereptis usum mihi benè discernendi reliquerit, & experientia seris veniat ab annis, sum nunc ad præsentia cautus, ad ventura sollicitus, quia instructus redditur animus in futuris, quando præteritorum comonemur exemplis, scio, quæ, & cur, scio, patior, & is status rerum mearum est, ut nihil boni divinet animus, hi enim, qui crescere ex meo proposuerunt infortunio, & occasionibus potius, quàm virtute petere honores malunt, qui quod illis collibuerit audent, quod audent possunt, quod possunt, prosequuntur impotenter, quorum affectans primatum ambitio nunquam contenta secundo, odit, quem metuit, & reum semper faciet, & sic erunt sine longo labore Primates. Et ita cum ad nocendum nulli satis viriū non sit nec flectere eos, vel si sanguine quis fleverit unquam poterit. Nec crudelitas eorum nostrâ calamitate satiabitur, cum animus sit, vigeatque se suamque dignitatem attollere, cæteris depressis, ita se quisque extollit ut deprimat alium. Ac proinde quanquam vellem, ut appendantur peccata mea, quibus iram merui, & calamitas, quam patior in statera, quanquam veritas nullo adulterata fūco apud nos sit, illi apud se esse prætendent, & securi de facilitate credentis, per mendacia venenata ea infligere famæ meæ non desistent vulnera, quib⁹ nec Florentinus mederi posset.

Vides ergo jam Dñe, quòd non hoc sine mea stabunt mala, agnoscis quòd ego semper prævidebam, ita verum esse, ut ipsa veritas, nihil pro futuris te laborem impensurum, nec studia voti terminum assecutura, quia tela contra me ex istis pharetris semper suppeditabuntur. Quomodo resistam violentiæ cunctorum auxilio fortunæ destitutus? Sed boni viri est præbere se fato, nec futuri quamvis certâ expectatione torqueri. Cum sim optimæ mentis nifus conscientiam murum hunc Ahæneum, & Icarium scopulum adversus hos obtreptantium affili-

A.C.1705 filientes fluctus opponam, & cum par illis nunc esse non possim, donec fortuna melioribus fatis viam aperuerit, illud solatii loco habebo, quod mihi nihil conscius securâ mente quiescam, non dubius DEum nunc testem esse, mox ultorem. Mitte ergo hanc jam de pectore curam. Quod altè jactum est lentâ manu non eruitur, inter vota potius hæc numeranda, quàm inter sperata. Ego cum hanc, quam volui non habebo gratiam, sustinebo odium, & ferendo vincam. Hæc est enim mea in desperatione securitas.

Princeps Fürstenbergius, ut video, apertè mihi nescio (quanquam fortè scio) quare non amicus? Ergo jam & tu Dñe mi per experientiam toties sciens quanti constent Regis amicis bona consilia, dum non ex destinato proposita fluunt, omitte veri consilii periculosam libertatem, sit utcunq; velit argumentum irascendi graviter irasci. Olim sub Flavio Vespasiano inter virtutes præcipuas erat, injuriarum oblivisci, nunc ex consilio malignantium nullus ut contumeliarum, ita & irarum finis. Quid de Cæsare Suetonius? si quæ cogitarentur contra se, aut dicerentur, inhibere maluit, quàm vindicare. Nescio hi, quam ex sæva animadversione gloriam Regis volunt? Ego in alia negligentior, omnia DEo meo committo, qui facit misericordiam, & judicium, & justitiam in terra.

UNIVERSALE AUGUSTI REGIS AB ADVENTU SUO IN POLONIAM. in Novembri.

POST Tit: Videat Orbis & Elector populus liberis suis Regni Nostri suffragijs Author, certum Nostri in se amoris capiat pignus; qualiter impenso conatu Nostro id tantum contendimus in hac Repub, & ab ipsis Regni Nostri auspiciis huic uni desudamus; ut civibus Nostris realiter & palpabiliter ostendere possimus, Nos nec salutis Nostræ neq; dignitatis habere rationem, nisi insimul & semel cum plena felicitate hujus inclytæ Reipub. & conservatione jurium libertatumque eam jungamus, in tantum; ut securè coram DEo humanorum cordium scrutatore testari valeamus, omnibus actionibus & intentionibus Nostris nullatenus privata commoda, compendia & particulares fines immixta fuisse: nullos in actus subrepsit partemq; tulit, sibi nata voluntas. Nolumus esse nimij iis commemorandis, quæ meruisset verus & constans sibi à gratis hujus Patriæ filiis zelus Noster? satis habemus de sola virtutum & rectefactorum conscientia, seriq; temporis, quod intentionum cujusq; & voluntatis lydius lapis est, grata memoria, certaqq; quæ reprehendi non poterit sincerorum quo ad omnia intentorum nostrorum animadversione cōmendari. Et quamvis simul cum Sceptris Nostris enatus livor, (à cujus maligna rubigine nulla est exfors potestas, fato communi regnantum; simul namque ista Conditor mundi posuit DEus odium atq; regnum) per meram, quâ destinatum non attigit scopum malitiam suam, singulas in publicum prodeuntes actiones nostras suppressere & obruere conetur; non tamen suppressi & extingvi etiam præsentissimo veneno queunt: est aliquod meris

meritis spatium quod nulla furentis invidiæ mensura capit.

Possumusne clariora indicia & supra omnem invidiam majora dare argumenta Paternæ Nostræ relationis & amoris? quo recipro- cum in vestris cordibus radicemus affectum, diversas suffocemus sus- piciones, confundamus malevolorum sensus, deteramus & delea- mus sinistrae interpretationis Idæas, ac si Nos vel tranquillitas & dul- cedo hæreditariarum ditionum detinerent, vel turbidus status liberæ gentis retardaret à reditu: nam quemadmodum concesseramus ad propria, non commodis Nostris, sed potius malis Patriæ hujus a- vertendis prospecturi, ut condignum robur exercitûs cogere posse- mus: ita recordantes obligationum Nostrarum in accessu ad Regni limina, & in amplexu sceptri liberæ gentis, præsertim ex nexu & vinculo Confœderationis Sendomiriensis Sacramento juramenti mu- tui roboratarum, qualiterq; per Universale Nostrum unarum pro duabus literis restium editarum, effectivè promissimus: ita iisdem ob- ligationibus & desideriis exæstuando, præponentes cujuslibet Ve- strum honorem & substantias vitæ Nostræ commisimus sorti Perso- nam, Mtem nostram Regiam, & vitam: & auxiliante eo ac bene- dicente, qui dedit Nostræ diadema fronti, per mille laqueos & tot discrimina rerum insidiasq; hostium Nostrorum constitimus in ex- optato litore, feliciter Tykocini, I. Novemb: quod dum omnibus Ordinibus significamus; inexplicabilem gratitudinem de Nobis ser- vata fide, contestatoq; per publica Manifesta circa tuitionem Mtis Nostræ zelo, contra violentos & condemnatos partis adversæ actus, & processus, omnibus pleno corde intimamus, recognoscimusq;, fir- mum esse amoris nodum, quem non solvit absentia. Etsi cui ha- ctenus ad plenitudinem melioris de Nobis opinionis defuit robusta & viva fides: nunc saltem postliminio colligat & anteaكتورum res- titutionem, & futurorum certitudinem; intentionum Nostrarum nec fuisse, nec esse, nec futurum aliud objectum, nisi gloriam DEi, Fidem Catholicam, libertates & prærogativas à Nobis juratâ fide firmatas, defensionem inclyti Regni hujus, integritatem, gloriam pacem & tranquillitatem. Admonemus insuper omnes; quotquot vel lubrica moribus ætas, vel devius egit error, & in contrariam propulit partem; ut ante proximi imminentis Consilij generalis ter- minum, & judicia per Confœderationem designata, quorum spatis- um pro clementia Nostra Regia tam bonorum consensui, quàm et- iam malevolorum pœnitentiæ offerimus, resipiscant & accedant ad Mtem Nostram, certi existentes; in accessu suo omnimodam Cle- mentiæ Nostræ gratiam experturos, uti etiam econtra, casu quo & imposterum obstinati in crimine perduellionis persistere vellent, ri- gores legum in illos exercendos. Et quia justitia sancta omnium Dominiorum & Regnorum certissimum est monumentum & basis; (ubi enim non est pudor, nec cura juris, sanitas, pietas, fides: in- stabile

A. C. 1705 stabile Regnum est) intimamus omnibus jurisdictionibus, Tribunalibus tam Regni, quàm M. D. Litv, Officijs terrestribus, Castrensi-
busq; subtelius, demandamusque; ut sub auspicijs & nomine Nos-
stro sitientes justitiam de ejus fonte ubertim hauriant solatia, quo-
rum multiplicatam seriem omnibus in genere & singulis in parti-
culari paternè exoptamus, insimul, ut hoc universale per castra, Pa-
rochias & loca consueta publicetur, commendamus & seriò præcis-
pimus, in quorum fidem propriâ subscriptum manu, sigillo roborari
jussimus. Datum &c.

Augustus Rex.

DOMINO ILGEN MINISTRO AULÆ BEROLINENSIS

19 Novembris.

NON dubito famam publicam, quæ jam universum per orbem ru-
mor est, pervenisse ad aures tuas Vir Excellentissime de casu meo,
ejusq; causa. Inimici famæ, & existimationis meæ, quam usque
nunc integram curavi, ut mos calumniæ est vincere, quòd rectius Se-
renissimum Regem meum Principem bonis meliorem in id induxe-
runt, quod naturali ejus clementiæ è diametro contrarium est, ut scili-
cet ego, qui propter fidem in rebus ambiguis non ambigam, omnia
(ut res cujus testimonium validius semper, quàm verborum sole cla-
rius monstrat) cum tota domo mea perdidì, ad ultimasq; sum reda-
ctus angustias, prius nocens, quàm reus factus sum, sed hæc patienter,
ut aliàs & nunc ferre, quàm queri mallet, nullo quæ in me multa con-
jiciuntur penetrabilis telo, nisi supremæ potestati, cui unicè, & imedi-
atè subsum responsurus, præsidio, & solatio honoris mei à testimonio
tuo, quod hisce libenter, & reverenter invoco, non egerem, & illud ha-
bere mihi non oporteret, & necesse non esset. Accusor imprimis habu-
isse me tecum literarum communicationem. Honori quidem ducerem com-
mercium hoc cum tam magno Ministro, quem vix per unius quadran-
tis horæ spatium videre, & alloqui licuit Regiomonti. Deinde quod pre-
tium hujus correspondentiæ ab eodem habuerim, specificèq; 200 aurei
in singulos menses mihi destinati, & à me numerati, quanquam usq; ad
hanc horam ingens melioris ævi spatium emensum, & in nullius aulæ
unquam ex vicinioribus, & remotioribus expensis, & rationibus inven-
tum, nec præsens quam patior cum aliis, imò præ aliis calamitas, &
sors iniqua eò inducere posset, quod debito meo repugnaret, & quod
nunquam ab illa aula à me desideratum, multò minus requisitum. In
his ergo duobus punctis an scripserim? & an pecuniam numeraverim?
vel ejus spem habuerim? cum res moram non patitur positivum re-
sponsum, & fidele ut tantum virum, & tanti Principis Ministrum de-
cet enixè peto, expectoq; impatienter testimonium. Certam spem &
firmam fidem constituens mihi eam gratiam pro charitate imprimis
Christiana, tum pro justitia & æquitate non fore denegandam. Mea in-
terim obsequia cum omni officiorum promptitudine defero, maneoq;.

PETRO KCZEWSKI PALATINO MARIÆBURGENSI

21 Novembris.

Lætatus sum in his, quæ dicta sunt mihi, quod ex occasione futu-
ri brevi Grodnæ consilii excurrere cogites ad latus Serni Regis,
non tantum enim publicis non leve ex præsentia tua accedet mo-
mentum

mentum rebus, sed etiam (quanquam mei nullius meriti sum conscius) privatas meas spes, quæ sunt vigilantium somnia, & quarum in DEO fitus est exitus, erigere possum. Scio etiam si bonam causam malè agendo perdi, & periculosum est in tot humanis erroribus solâ innocentiam vivere, cum frequenter noceat aliis ipsa quoque integritas actionis, & in hoc negotio tibi tribuo quantum nemini, quod lumen lumini adferre, & veritati veritatem facillimè poteris, ut alia soles ingentem tuam conciliare prudentiam, ut & qui nesciunt jura, & nemo audeat reprehendere, quod Principem constiterit censuisse, rationem tamen veritatis agnoscant. Hoc porro vellem, ut mihi præstes quod deprecor, ut scilicet roges nomine meo Regem Serenissimum, ut si quid tristius parat, celerius conficiat, & ex hac doloris, & mœroris mei multitudine me liberet, verum tamen ita rem tractes, non sicut ego volo, sed sicut tu judicabis, nam quod imposueris, feram, scio enim quod in misericordiam dispones omnia, & ostendes inimicis nostris, quia tu es, qui nos liberare vis ab omni malo, in quo una spes mihi, à te certum præsidium in malis, sit ergo nobis quod cupio, & quod expedit; demittere animum debet is, quem fors premit, mihi non datur concessio vocis, vindices ergo veritatis suffragio innocentiam meam ab oppressione, cum personæ, per quas hætenus res meæ actæ sunt, tales sint, ut meritò possint haberi pro suspectis. Aspides eò sunt nocentiores, quò minus vitari possunt. Quos fugiam, habeo multos, ad quem confugiam, vix aliquem; plures sunt quos vitare, quàm quibus fidere possum, unde afflictio amara nimis, & ut in mari unda undam trudit, sic in hoc meæ vitæ salo, multa falsa, & amara, dolor dolorem excipit, calamitas calamitatem, & quantum accedunt dies, augentur tribulationes. Interim latet altè veritas abscondita, & caliginosa nube circum clauditur, fixum est in animis hominum, & nulli est in ore quod sim nocens, nec probi quippè immunes à probris, sæpè qui minus commisit, plus patitur. Notatur tantum quis quid faciat, & plerumque cadit causa innocens vitio interpretantis, maximè inter illos amicos, qui amorem, & amicitiam solâ fortunam metiuntur, cui si materiam subtrahas, diffugiunt, & nos tanquam inter non necessaria rejiciunt.

Promiserat Dñus Thesaurarius Regni assistentiam & applicationem seriam in mea causa, sed spes facta, effectus non secutus, expectata nunquam comparuerunt, speratus toties, & nunquam impositus finis, ut in promittendo fuit liberalis, sic ex pollicitis nihil planè fecit, non quia noluit, sed quia non potuit. Interim quo ultra progredi possit calamitas non habet, & tam atrox cordi vulnus fortuna inflixit meo, ut non in majores possim incidere afflictiones, quàm quibus opprimor. Multos occidit tristitia, & non est utilitas in illa, & nunquam magis vastantur pectora, quàm perpetuis sollicitudinibus. In tam tenui valetudine, in tam adversa fortuna hoc mihi unicum ex plurimis miseriis reliquum restabat malum, quod quidquid ira dicat, in me jaciunt, quæ contra me in occulto fiunt, turpe est & dicere, satis est, quod non unus istam pingat ærumnam color, non una signent verba, præsertim cum credatur, quod contumeliis, probris, & conviciis res possit peragi & debeat.

Non libenter vellem pugnam cum conviciis (fide stamus, non probabilitate rationum) sed cum documentis, non cum scurrilitatibus, sed cum autoritatibus, non cum larvis, sed cum armis, hæc feriunt, hæc sternunt, hæc victoriam tradunt, illa verò inania sunt, & magis lædentia, quàm adjuvantia. Ego sto immotus, loco nec cedo, decreta DEI agno-

A.C. 1705 agnosco firma esse, & statuta, nec magis mutari posse, quàm ipsum DE-um, iisq; volvendis imparem esse humanam fragilitatem, nec contrae-justitiam datur homini fuga. Contumeliarum, calumniarum, convici-orum, & maledictorum libens probationes viderem, & responderem verba rebus confundendo. Sed ipsi decernunt absente reo, condemnant sine accusatore, judicant sine forma, non argumentis, sed conviciis, & quod magis aggravat occultis rem agunt, quod non tantum praesentes improbant, sed & posterius mirabuntur, quod ad eos talia transferantur exempla.

Spargunt manifestissima, & veri similitudine tantum temperata mendacia, quae facile quivis divinare potest, quid haec res protinus sibi velit? & non tantum pro me, sed etiam pro veritate virulentis his, & circa lucem tenebrosis respondere, quos ego contemnendos potius ducerem, quàm refellendos, si non multum afferrent tenebrarum abscondita, & rursum lucis plus veritas intellecta. Bene S. Augustinus: Nobis necessaria est vita nostra, aliis fama nostra, si verò peccavi, cur non vincor ab ijs quibus probationis onus incumbit? quamvis vehementer pigeat ad ista respondere, quae fundamenti nullam speciem habent. Satiùs appellationem non legitime latae sententiae ut non à Dñis interponerem, ad praesens, & futurum saeculum ut juxta aestimationem mensuramq; delicti pro judicii sui maturitate, de oppressione mea pronuntiet. Novit is, quae feci, quàm innocens sim, qui solus corda hominum explorata habet.

Inducas ergo in animum tuum, quod induxere Patres, Avicq; nostri, si haec justa est saevitiae ratio? cujus causas cernere promptum est, ac cum modestia, id est cum matre sapientiae, defensiones meas, quae rejici nullo modo possunt optimo Regi repraesentata, cum impensi longae sedulitate, servitii recordatione, qui relictâ genitalis soli dulcedine illi malui inhærere. Commemores Dominum, & Judicem Evangelicum, qui cum conscius fuerit nequitiae villici, dissimulavit tamen se scire, donec publicus rumor ad eum detulisset, & postea quasi incredulus quaesivit, quid hoc audio de te? Et hic quoq; modo audita pro compertis habentur, error cui non resistitur, approbatur; veritas, cum minimè defensatur opprimitur. In memoriam item reducas tibi, non obscura illa nec dubia, sed manifesta imminentis ruinae meae signa. Tempestas minatur antequam surgat, crepant aedificia antequam corruant, praenuntiat fumus incendium.

Non plus dico, non scribo amplius, scio enim cui me credam, is verò erga te ero, qui debeo, & qui semper fui.

HIERONYMO LUBOMIRSKI CASTELLANO CRACOV-
ENSI 22 Novembris.

SI meis ad te literis recreari te, ac refici dicis, ego vicissim tuis reddi mihi animam sentio; obliviscor meas, dum tuas innumeras dolendi lego in tuis, quas nunc à te recepi causas. Video tristem cordis & calami concentum, scio circumfluens verborum cum mente non esse dissidium. Meritas tibi tanto pro munere grates persolvo, & obligato reddor obligatior, dum eam testaris confidentiam. Nihil est certe periculi caro pectori secretum proferre, & manum ad id ferre, quod doleas. Qui consoletur enim invenies, cum id ipsum malum, communem aliquem, & usitatum vexandi bonos habeat modum, illustriora
livor

livor infestus petit. Intervallis distinguimur, re ipsa æquamur. Beatus, qui loquitur in aures audientis, & ego addo similia patientis, libenter enim si non minuit dolorem, conatur saltem ut minuat. Et mihi plus quam vellem, uberem tecum dolendi, querendiq; materiam ista communis oppressio suppeditat. Dolenda pateris video, tentandum tamen, ut facile toleres, quod jubet necessitas, multa eveniunt mala, rectè ferendo quæ vertuntur in bonum. Grave est quidem ferre fortunam, veruntamen illam perferre rectè decet, ut sarcinam, esse infortunatum cuiusvis puto, adversa rectè tolerare id verò viri; quinimo ille vir virorū est optimus, qui melius aliis callet ferre injurias, etiam ipsa calamitas lassari solet, adversa verò ferre generosum decet; in hoc ævi, & in hanc sortem nati sumus, iniquitas eorum doctrina nostra est, sed idcirco non sumus justificati. Mali homines, & seductores in pejus errantes, & in errorem mittentes, circumferentes ornamenta cruciandæ simplicitatis, & suspendendæ veritatis, vana hæc quamvis maligna agunt, quæ scire magis juvaret, quam prodest. Quis bonorum non retulit vulnera à talium morfu? quis non venena ab hac vipera? quis hoc ævo non proximus aliquando stetit huic igni? quem non adussit hæc flamma? ut ferè sit signum boni viri similia pati. Picturæ lucem umbra commendat, ex hac obtreffatione quales quantiq; sint in Repub. viri apparet, dignitas & amplitudo eorum eò clariùs innotescit, quò magis obnoxij sunt telis istorum, qui contumeliis eos onerant, quorum morum similitudinem desperant. Fatalis ferè hæc est virtutis, ac bonorum hoc sæculo fors, ut expositi malignitatis scopo invidiam perpetuò comitem habeant, ut in luce solis ambulantes umbræ. Valde fragili staret loco omnium bonorum fama, si à fragore horum detrimentum caperet; sed rerum prudens secundis temporibus dubijsq; rectus, frangit hæc, & tū vindicat, dum flocci pendet.

Fortem ergo, qui es in pace decus, in bello præsidium, indue animum, nudata cuncta tempus in lucet trahet, dedecoris antiqui memor secundum expectationem, & spem meam, te ipsum contra fortunæ tela erigas, sicut bonus architectus & novas domos parat, & veteres reparat, utrumq; cum laude, sic tu felle natum triste ac infelix genus fastidiosæ plenum contumaciæ contemne, & non hoc considera, quod illi dicunt, sed quod te agere expediat. Celsus animus, & recti conscius affilientes calumniæ fluctus ad innocentiae suæ rupem elidit, & quidquid audax in eum audet protervia, integritate conscientiae fretus generoso eludit contemptu. In tales tantum dolia fellis effunduntur, & eò acrius, quò incautius feriuntur, qui Rempub. solam curant, & in hac sollicitudine solatium habent, in spem futurorum erecti, quòd pro honesto dura tolerant.

Ac proinde criminationes, calumnias, imposturas, credentes plura nobis mala contingere, quam accidere posse, moderatè feramus, ad vindictam non contendamus, minimè ad iram præcipites simus. Et cum Dñe mi (tecum enim quanquam in numero plurali ago) nec insuavis, nec irritabilibus moribus superabundas, stabilem animum retine, verè pulchrum & magno Duce dignum est, ut quietiorem mentem & manus continentes habeat. Cura mentem eorum ægram, & aut vitiis si potes liberā, aut vagantem, & ad pejora pronam contine, tuam autem famam posteritati relinque æstimandam. Necessitatem effugit, qui vult, ad quod ipsa coactura est.

Convenio certè in eo tecum, quòd hi, qui prætextu populari Rem-

A.C. 1705 pub: subvertunt impediri omnino deberent, sed hoc in primordiis faciendum erat, nam non obtinebis, ut desinant, si permiseris incipere. Ad eum pervenimus statum, ut ad hæc omnia componi debeamus, & pari non quod oportet, sed quod illis sic licet cogitando de mediis, & adhibendo ea non quæ solent, sed quæ fieri possunt. Quia verò commune hoc est, ut malis conflictati, virtutis recordentur, DEUM à quo omnis medela, ut præsentem, & sinceri nostri in Patriam affectus inspectorem invocemus, & mutabuntur hæc, nos autem permanebimus, & omnia in tempore suo comprobabuntur.

Nullus dolor est inquit Romanus ille, quem non longinquitas temporis minuat, atq; molliat, si verò quid in his Dñis Patronisq; non tantum nostris, sed etiam totius Reipub: delictum agnoscimus, ignoscamus, plerumque enim nesciunt quid faciunt, & brevi post hæc non habebunt amplius quid faciant. Iusta quidem defensio est, cum opprimitur innocentia, sed quia hoc directè Regem tangere posset, cui debem⁹ nos debere fateamur. Revocemus in memoriam quæstionem illam satis delicatam, an is, qui profuit nobis, si postea nocuit, paria tegerit, & nos debito solverit, quanquam plus postea nocuit, quam antea profuerit. Ego firmam & inalterabilem resolutionem hanc accepi, ut omnia Deo qui quandoq; pluit quandoq; serenat, offerā, & omnia patienter ferā, video bene quòd indignatio contra me ex cupiditate honoris venerit, quòd mala ambitio mentes inimicorum meorum exagitaverit, & ego abundantiam virtutis ostenderem, ut etiam quòd liceret accipere, nec curare me quidem palam & evidenter facerem. Omnem dico tibi ingenuè spē dimisi, unum tantum firmiter decrevi; non servire,

Fac & tu similiter, rideas, quòd excitent ad fortia, & media denequant, quòd faciant animum, quem non habent. Magis urgent sæva inexpertos. Id verò vel pallente invidiā credamus, & sciamus uterq; quòd, qui extolluntur, iisdem ferè manibus cadunt, quibus sublevati sunt quin & celerius quam surrexerunt, facilior est enim per præcipitia casus, lento gradu in verticem ferimur, lapsus in momento est.

MARTINO CHOMETOWSKI PALATINO MASOVIAE
eàdem die.

Appropinquare te Grodnam, cujus anima est secundum animam meam, multa animo in favorem meum volvere & revolvere tanquam Civem qui natus in libero populo, inter jura legesque, & Senatorem verum, & rectum decet, ex tuis humanissimis accipio. Singulares de tua hac in me voluntate gratias ago, innitor prudentiæ tuæ, fidei tuæ me committo, & habeam fiduciam, cui si non cæteris in rebus, amore certè respondebo. Senties id & gaudebis, nec habebis unquam quòd de me dubites. Certum timorem, incertam spem damno, implebit DEus omne desiderium nostrum, conscientiæ enim optimæ, voluntatis felicitis te nosco, & video per te ærumnarum mearum finem affuturum, & ex hac tam longa captivitate, in lætissimam restituendū libertatem confido. Abraham credidit DEo, & reputatum est ei ad justitiam. Nunquam bono exosus est alter vir bonus, in opere quovis si bonum est primordium, credibile est, finem quoq; habiturum bonum modò nihil nomine meo, & dignitate fiat indignum. Ne in casses jam experti rursus incidamus, magistrā rerum edoctus experientiā, discipulus est prioris posterior dies; aliqua fratribus meis communicanda. &
truci-

trutinanda, quanquam adversæ res consilium omne adimunt, in memoriam quæ occurrunt mihi, insinuo, cum res ipsas augeat accedens dies sine verborum cura, plura, & meliora occurrent vobis, hujusmodi enim tumultuariâ scriptione, stylum per se satis malum faciens deteriorem, multa dico, quæ melius omittenda essent, multa omitto quæ omnino dicenda forent, & cum omnia me collegisse puto, plura relinquo. Veniam date, addite, detrahite, mutate, ut placebunt, vel displicebunt. Mihi censeo, mihi erro.

Ac inprimis cum imbecilla se lædi putent, si tangantur, recens ulcus, vel modicus tactus non exasperet.

Ad quos unice omnis nunc totius Regni devoluta est potestas, honorentur, si voluntas tantum eorum in unius coloris favorem migrare vellet, quanquam in gubernaculo plus spei, quam in remigio ponendum crederem. Populi loquacis suspiciones diluantur. Comparare enim nos posset Cicero nunc ad illam Siculorum naturam, quæ tam facilis fuit ad querelas, ut solitâ consuetudine debuerint etiam iudices de suspicionibus judicare. Ac proinde ad nos post mortem non pertineat, quid de nobis homines loquantur, nunc tamen pertinere quid locuturi sint de nobis posteris, est prospiciendum. Eos, quibus sanitas est certè timere debemus, qui nostrâ lætantur ruinâ, relinquantur, non erunt ipsi, attestante scripturâ impuniti. nec cum iis velitis conciliari, qui nobis insidiantur, & à zelantibus nos abscondite consilium, illis enim libido est prava cum dicunt, tamen trahere audientes pestilente audaciâ, & nisi quod ipsi faciunt haud rectum putant. Qui sapiunt non hominibus etiam jurantibus, sed rebus ipsis semper adhibent fidem. Recedant verba, quæ charitatem vulnerant, ut querulis vociferandi amputetur occasio, & cum inimici mei famam non ita, ut est nata, ferant, circumspecti super omnia, dicite, & facite metu novæ calumniæ, & ne improba delatione majorem damnationem meam maturent, non sunt enim, ut fuerunt sub Constantino Magno felicia tempora, ubi nullus ad obsequia Imperatoris admittebatur, qui semel in mendacio fuisset deprehensus, innocentia quippe mea, iniquam sui condemnationem in acculatores, justè condemnandos deberet retorquere. Et quamvis tela arbitror omnia jam è manibus ejecta, aut sponte lapsura, quædam enim sic jam retorsimus, ut vel arcem dedere istam cogantur inimici, vel se ipsos redarguere, cum illis nec à testimoniis certum, quandoquidem servo etsi loquatur vera, non credendum, antiqua docet doctrina, nec ab argumentis quidquam securum, quæ ita levia sunt, ut ea qui refelleret, videretur sibi cum Ænea Virgiliano prosequi tenues sine corpore vitas. Nihil tamen querulæ mentis asperitas agat, sermonis innatam dulcedinem nulla amaritudo corrumpat. Mercedem Evangelij requiramus modestè, evidentia damna, ruinam claram, integram totius Domus monstrando everisionem. Ecce perdidimus omnia, quid ergo erit nobis? vincula, tribulationes, captivitas, infamia, labores, & affectus, pulchrâ remuneratione pensantur, cum tamen nullus à Regia munificentia deberet reddi alienus, quem sua damna gravaverunt.

Commovēbuntur non dubito viscera super nos ejus Principis, qui semper evisceratus, ac pronus itidem ad clementiam, non patietur tantum in se dedecus amplius admittere.

Merita in Majestatem, & Rempub. mea, & Domus meæ in memoriam revocanda, sed cum moderatione, ne videamur militem gloriosum imitari, cujus omnis de suis laudibus oratio, quanquam res sit

A.C. 1705 evidens, atq; omnibus ad intelligendum exposita. Temporis moram festinatione & diligentia emendetis. Nihil autem quæ vobis dicentur, sed operibus tantum credite, & nisi quod est verissimum, hoc est, quod à me veniet. Recordemini quòd multa excusantur, antequam contra me dicantur, quòd conscientiam nocte dieq; meum geram in pectore testē. Gloria nostra hæc est, testimonium conscientiae nostræ, quòd non sit inventus, qui cunctis placeat, qui modò vivit, nisi fiat ut dixit ille placenta, quòd alii sint in culpa, alii in pœna, quòd ingenuæ mentes duci volunt, non trahi, quòd illud conciliavit mihi odium, & id ipsum poni debebat in amore, quòd hominis voluntas cogi non potest, & si cogeretur non esset voluntas, quòd non fatebor unquam, ut illi volunt, quia verum dum inquiritur, falsa dicere nequeo, sed principis me committo iudicio, & quamvis dato, sed absolute non concesso, aliqua fatearer tamen in confessione facti juris defensio suscipi potest, ac debet, quòd nocere ei non possum, prodesse famæ ejus possum, quòd mutuò hæc se provocant, Patrem Princeps se ostendit, subditos sentiet filios, nec validius quidquam amore, ad amorem suorum parandum, quòd nulli imperium facilius ferunt, quàm nostri Poloni si se amari senserint, facilius excutiant, si se negligi viderint, nulli facilius pacantur, si Principes Patres experti fuerint, nulli pertinacius exasperantur, si servorum more habeantur, quòd delator præcipuus mortuus, videtur à DEO punitus, alii iudicium expectant, & interim acus inducto in tunicam filo exit, filum autem inter villos sepelitur, conteritur, & putrescit, & res nunquam in integrum redibit. Quòd iudicium competens invocem, si vera erunt, quæ mihi obijciuntur transire nunquam poterunt impunita, nam actioni cuique ut meretur, geritur laus, aut probrum, quis autem nisi culpæ conscius, iudicem, & testes metuit vera locuturos?

Quòd si spe nostrâ frustrabimur, at non causâ, quæ adeo certa, & indubitata est. Quòd in multis, ut ait Jacobus offendimus omnes, qui in verbo non offendit, hic perfectus est vir? Et dum ego in virtute verbi tui spei bonæ laxabo rete, laxate vos interim pedem, ubi vis ingruet aquæ, & non obliviscamini ante omnia veritatem nullis cognitam sæculis explicare, circumdederunt me undiq; mala, nec est qui adjuvet, quanquam de hoc par loqui erit, vel non loqui.

Nihil occurrit quod vel addam amplius, vel detrahâ, vel si maxime vellem, sed satis multa in causâ, ne etiam plura fortassis, quàm oporteat, nam pervigil animus quæ timet esse putat. Qui legetis hæc putate à sincera, & pura mente esse, sed magis à dolore, quem justum difficilius continere, quàm miracula facere. Heu qui res hominum casus rotat, ut fortuna aliam subit altera! & nihil incredibile, aut factum est, aut fieri potest humana in vita.

Cæterum rogo vos, ut sitis sicut ego, quia & ego sicut vos, habetis intencionem meam notam, & perspectam ex integro in plena confidentia explicatam, hoc plus, quàm certo sentite de me, hoc prædicat ut necesse sit prorsus mihi credere.

Communico vobis Breve Apostolicum in causâ mea missum.

COPIA BREVIS APOSTOLICI

Charissime in Christo Fili noster salutem &c. Non potuit sine multa molestia à nobis audiri, quòd Venerabilis Frater

*ter Episcopus Varmiensis gravem, atque vehementem in animo 4. C. 1705
Majestatis Vestra excitaverit suspicionem circa suam fidei sinceris
tatem erga te, quam certe omni cultu, atq; officio, quod rectè fieri
poterat prosequi tenebatur, ita ut propterea tu ad explorandam rei
veritatem Pontificiam nostram, ut par erat, auctoritatem adver-
sus eundem, & quendam Clericum ejus domesticum requirendam
esse intellexeris. Nos itaq; qui justitiæ debitum cuiq; reddi, ac vi-
cissim congrua nobis in his præsertim, quæ Catholica Religionis bonū
respiciunt, observantia responderi cupimus, Venerabili item Fratri
Horatio Philippo Archiepiscopo Episcopo Lucensi speciali super hoc
expedita commissione facultatem tribuimus inquirendi adversus Epi-
scopum, & Clericum ejus prædictos, ac procedendi in hac causa pro-
ut juris fuerit, usq; ad sententiam exclusivè, quod notum esse cupi-
mus Mti Tuae Apostolicam benedictionem amantissimè impertimur.*

**FOEDUS INTER SACRAS REGIAS MAJESTATES, SUECIÆ
& POLONIÆ, ATQ; REMPUBLICAM POLONAM CONCLUSUM**

Varsoviæ in Cœnobio Carmelitarum Discalceatorum die 18.

Mensis Novembris, Anni M. DCC. V.

NOS CAROLUS DEI Gratiâ Suecorum, Gothorum, Vans-
dalarumq; Rex, Magnus Princeps Finlandiæ, Dux Scaniæ,
Esthoniæ, Livoniæ, Careliæ, Bremæ, Verdæ, Stetini, Pomera-
niæ, Cassubia, & Vandalia, Princeps Rugiæ, Dominus Ingridiæ, &
Vismariæ, nec non Comes Palatinus Rheni, Bavariæ, Juliaci, &
Montium Dux. Omnibus & singulis, quorum interest aut ullo mo-
do interesse poterit, notum, testatumq; facimus. Quod cum ad res
novandum Olivense Fœdus, illudq; pro habitu præsentis temporis
amplificandum Nos inter, & Seren: ac Potent: Principem, Fra-
trem, Amicum, & Vicinum Nostrum Charissimum, Dnū STA-
NISLAUM I. Poloniæ Regem, Magnum Ducem Litvaniæ, Rus-
siæ, Prussiæ, Masoviae, Samogitiæ, Kijoviae, Volhyniæ, Podoliæ, Pod-
lachiae, Livoniæ, Smolensciæ, Severiæ, Czerniechoviæq; &c: &c: &c:
nec non Rempublicam Polonam, per denominatos utrinq; Legatos,
ac Commissarios, Varsoviæ Tractatus sit institutus, atq; hoc anno,
die 18^{va} Novembris, ab iisdem conclusus, atq; signatus, sensu, ac tes-
nore, quo hic insertus reperitur. Universis ac singulis &c: Igitur
supra memoratum Tractatum, omnibus & singulis punctis, ac clau-
sulis, sicut hic verbotenus descriptus, ac insertus legitur, approbavi-
mus, & ratihabimus; quemadmodum etiam virtute præsentium,
illum approbamus, & ratihabemus, Regio verbo spondentes, Nos o-
mnia, ac singula in eodem comprehensa religiose observaturos, ac
impleturos. Neq; quantum in Nobis erit unquam passuros, ut ullo
modo, ac prætextu violetur, ac infringatur. In quorum majorem
fidem hoc Diploma manu nostra subscriptum, sigillo quoq; Regio cor-

A.C. 1705 roborari jussimus. Quod factum est in Castris nostris ad Bloniam, die 24^{ta} Novembris, Anni à Nato Salvatore supra Millesimum septingentesimi quinti

CAROLUS (LS)

C. Piper mpp.

NOS STANISLAUS I, DEI Gratiâ Rex Poloniae, Magnus Dux Litvania, Russiae, Prussiae, Masovia, Samogitia, Kijovia, Volhynia, Podolia, Podlachia, Livonia, Smolenscia, Severia, Czerniechoviaque &c: &c: &c: & Respublica Poloniae. Universis & singulis quorum interest, aut ullo modo interesse poterit, notum, testatumq; facimus. Quod cum pro habitu praesentis temporis, atq; mutua securitate, ac defensione, è re visum sit inter Nos ex una, atq; Seren: ac Potent: Principem D. CAROLUM XII, Suecorum, Gothorum, Vandalorumq; Regem, Magnum Principem Finlandia, Ducem Scania, Esthonia, Livonia, Carelia, Bresmae, Verda, Stetini, Pomerania, Cassubia, & Vandalia, Principem Rugia, Dominum Ingria, & Vismaria, nec non Comitem Palatinum Rheni, ac Bavaria, Juliaci, Clivia, & Montium Ducem &c: &c: &c: Fratrem, Amicum, & Vicinum nostrum Charissimum ex altera parte, vetus renovare fœdus, arctioriq; nexu adstringere, quod per constitutos utrinq; Legatos, & Commissarios, iusta auctoritate instructos Varsovia die 18 Novembris Anno 1705, confectum, signatumq; est, sensu ac tenore, quo hic insertum reperitur. Universis & singulis &c: Idcirco supra memoratum Fœdus in omnibus, & singulis punctis, & clausulis, approbavimus, & ratum habuimus, Regio Verbo spondentes Nos omnia, & singula, in eodem comprehensa, religiose, & inviolabiliter observaturos, observariq; & impleri curaturos, neq; quantum in Nobis erit passuros, ut à quopiam, sub quocunq; pretextu violetur, & infringatur. In maiorem horum omnium fidem, hoc Diploma manu nostra subscriptum, sigillo quoq; Regio muniri jussimus. Quod factum est die 5. Decembris, Anno 1705^{to}.

STANISLAUS REX (LS) Adamus Radoński Capit: Inowlod: Secretarius, & Not: Cubicul: S.R.M. mpp.

NOS pariter infra scripti Senatores, & Equestris Ordinis, à Seren: Rege STANISLAO Primo &c: &c: & Ordinibus Regni, Magniq; Ducatus Lit: Confœderatis delegati Commissarii constare volumus, quorum interest universis & singulis. Quia vigore Potestatis nobis à Sacra Regia Mte, & Republ: Confœderata concessæ, nomine eorundem praesentia Fœdera, cum omnibus suis Articulis, punctis, clausulis, ut sunt prainserta approbamus, & ratihabemus perpetuò, & in ævum, nec ab ullo Reipubl: statu, Vasallo, Officiali, aut Subdito, quovis modo violari Nos passuros promittimus, & cavemus Nos Diplomata Ratificationis hujus Pa-

li,

Pacta inter Suecum & Stanislaū Reges

757

*Et, tam S. R. Mtis, quàm hoc Nostrum in proximis Comitijis Res a.C. 1705
gni Generalibus confirmaturos, & Volumini legum nostrarum in-
seri curaturos. In cujus rei fidem, manibus nostris, hancce subscri-
ptam approbationem sigillis nostris communivimus. Datum Var-
saviae 5ta Dec: Anno 1705. (LS)*

Petrus à Paradyż Broniż Capit: Pyzdren: Marefchalcus Confæd. Generalis.

Casimirus Sapieha, Palatinus Vilnensis summus Dux M. D. Lit.

Josephus Potocki, Palatinus Kijoviensis Capitaneus Halicensis.

Georgius Warszycki, Castellanus Lanciciensis Capitaneus Petricoviensis

Andreas Morstyn, Capitaneus Siradiensis.

Franciscus, Desiderius Jagniatkowski Pocillator Lanciciensis.

Petrus Boglewski Dapifer Cernensis.

Stanislaus Kozuchowski Pincerna Terra Vielunensis.

Georgius Sapieha Dapifer M. D. Lit.

Franciscus Eperiasz.

In Nomine Sacrosanctæ, & individuæ Trinitatis.

UNiversis & singulis quorum interest, notum, testatumq; sit.
Postquam Olivense fœdus, cujus tabulis stabilita inter Regna
Sueciæ, ac Poloniæ amicitia, quadraginta annorum spatio in-
temerata viguerat, hostili, Regis olim Poloniæ Friderici Augusti in
Livoniam irruptione, lætum, ac violatum erat: tanti inde motus sunt
secuti, qui gravibus quidem utramq; nationem affecerant incom-
modis. Poloniam verò admodum funestis turbis implicuerant, ac
discordiis, quas componi cum utrisq; Regnis, quàm maximè inter-
esset, bonâ verò fide tolli hæc mala, ac sopiri posse non viderentur,
nisi amoto eorum auctore, cum quieti communi, tum Pactorum
veterum perpetuitati provideretur. Respublica Poloniæ non modò
Regem sibi elegit, ac creavit Seren: Principem Stanislaum I. sed e-
tiam præ se justum tulit desiderium, veterem cum Regno Sueciæ
redintegrandi amicitiam, consolidatisq; cunctis, quæ in pristino fœ-
dere, mora, ac concussa invenirentur, arctiori sibi illud vinculo ad-
stringendi, ad libertatis, & jurium suorum tuitionem, mutuumque
decus, defensionem, ac emolumentum. Ad hoc institutum, cum par
studium, nec minorem voluntatem S. R. Mtas Sueciæ attulisset, in-
ter utramq; R. Mtem Sueciæ, ac Poloniæ, Seren: ac Potent: Re-
gem CAROLUM XII, DEi Gratiâ Suecorum, Gothorum, Vanda-
lorumq; Regem, magnum Ducem Finlandiæ, Ducem Scaniæ Estho-
niæ, Livoniæ, Careliæ, Bremæ, Verdæ, Stetini, ac Pomeraniæ,
Cassubiæ, ac Vandalæ, Principem Rugiæ, Dnum Ingridiæ, & Vi-
smariæ, nec non Comitem Palatinum Rheni, Bavariæ, Juliaci,
Cliviæ, & Montium Ducem &c. &c. &c. & Seren: ac Potentissimum
STANISLAUM I. Regem Poloniæ, Magnum Ducem Litvaniæ,
Russiæ, Prussæ, Masoviæ, Samogitiæ, Kijoviæ, Volhyniæ, Podoliæ,
Podlachiæ, Livoniæ, Smolensciæ, Severiæ, Czerniechoviæq; &c.
&c.

A. C. 1705 &c. &c. Rempublicamq; Poloniæ, conventum est, ut constituti utrinque Legati ac Commissarij Varſaviæ convenirent, ac congregarentur, quorum operâ negotium, non salutare minus, quàm necessarium, tractari, ac concludi posset. Quemadmodum etiam à S. R. Mte Sueciæ, missi illuc sunt Legati extraordinarii mandatis necessariis, plenaq; potestate instructi Illrmi, ac Excellent: viri. Dnus Arvidus Horn, liber Baro, Satellitum Regionum Præfectus, & Generalis Equestrium copiarum Dux Vicarius. D. Georgius Wachsſchlagerus Secretarius statûs, ut & D. Justus Palmbergius Supremi in Livonia Tribunalis Vice Præsides; à S. R. Mte verò Poloniæ, & Reipubl: constituti sunt Commissarii, pari itidem potestate muniti Illmi & Excellent: DD, ex ordine Senatorio quidem D. Nicolaus in Święcice Święcicki Episcopus Poſnaniensis, D. Hieronymus Lubomierski, Castellanus Cracoviensis, Supremus Dux Exercituum Regni. D. Joannes Odrowąż Pieniązek Palatinus Siradiensis, D. Stephanus Brannicki, Palatinus Terrarum Podlachiæ, D. Franciscus Grzybowski, Castellanus Inowladislaviensis. Ex Ordine verò Equestri, & quidem ex Provincia Minoris Poloniæ, D. Venceslaus Jeruzański, Vexillifer Terræ Bielscensis, D. Alexander Gaſowski Dapifer Terræ Bielscensis, D. Casimirus Skiwski, Subdapifer Terræ Drohicensis. Ex Provincia Majoris Poloniæ, D. Vladislaus à Ponin Poninski, Vice Præfectus Stabuli Regni, D. Ludovicus Antonius bini nominis Laſocki, Capitaneus Zakrocimensis, D. Vladislaus Comes à Czarnkow Czarnkowski. Ex Provincia M. D. L. D. Michàel Comes à Czereia Saſpieha Notarius Campestris M. D. L. Dolinensis, Reſoviensis, Kirsnensis &c. Gubernator, D. Daniel Wyhowski, Niechoroviensis, Reklinenſis &c. Gubernator, qui superiore anno 5. Augusti Varſaviæ, in Czarnobio Carmelitarum Discalceatorum convenientes, invocato Supremi Numinis auxilio, Tabulis plenæ potentiaë invicem commutatis, opus aggressi sunt. Quod licet paulò post iniquitate temporum dilatum esset, hoc tamen anno post nativitatem Salvatoris nostri, 1705, die 3 Septembris ordinariis, & delectis S. R. M. ac Reipubl: Poloniæ Commissariis, quorum numero ob absentiam quorundam ex prioribus, qui aut non comparuerunt, aut factorum injuriâ, multi à Patria absunt, aut spontè in adversas transierunt partes, additi sunt, & quidem ex Senatorio ordine, Illmi & Excellent: DD, D. Chrysoſthomus in Gnin Gninski Episcopus Camenecensis, Abbas Wągrowecensis, D. Franciscus Zapolski, Castellanus Siradiensis, D. Franciscus in Dębiany Dębinski, Castellanus Sandecensis. Ex ordine verò Equestri, & quidem ex Provincia Minoris Poloniæ, D. Stanislaus Comes in Melsztyn Tarło Præfectus Culinæ Regni, D. Franciscus in Włodzisław Lanckorński, Succamerarius Generalis, Palatinatûs Cracoviensis, ac Zatoriensis, & Olſwiecimensis, Ducatus um, Vielicensis, Bochnensis, Rognicensis, &c. Capitaneus, D. à Zydomo

Zydowo Zydoski Vexillifer, & Judex Castrensis Cracoviensis, D. A.C. 1705
Albrachtus à Dębiany Dębinski, Vexillifer Ducatum Zatoriensis,
& Olwiecimensis. Ex Provincia Majoris Poloniæ, D. Franciscus à
Bnin Radzewski, Wlchovenfis Gubernator. Ex Provincia M. D. L.
D. Christophorus Comes in Bakszty, & Burdyczow Zawisza, Min
scensis, Czernscensis, Dolinensis Gubernator, D. Josephus Piotrowski,
Tribunus Czerniechoviensis, renovatis auspiciis feliciter adeo con
tinuari coeptum est, ut in mutuas tandem fœderis, & æternum du
raturæ amicitia leges concesserint tenore sequenti:

Maneat Pax perpetua, sit vera, sinceraq; amicitia, inter Seren. ac *Articulus I.*
Potent. Principem, ac Dominum, D. CAROLUM XII. Dei Gratiâ Sue
corum, Gothorum, Vandalorumq; Regem, Magnum Ducem Finlandiæ,
Scaniæ, &c. &c. &c. ejusq; Regiæ Mris Successores, ac posteros Reges
Suecorum, Regnumq; Sueciæ, nec non subjectas illi Regionēs, ac Pro
vincias ab una, atque Seren. & Potentissimum Principem, ac Dominū,
D. Stanislaum DEI gratiâ Regem Poloniæ, Magnum Ducem Litvaniæ,
Russiæ, Prussiæ, Masoviæ, Samogitiæ, Kijoviæ, Volhyniæ, Podoliæ, Pod
lachiæ, Livoniæ, Smolensciæ, Severiæ, Czerniechoviæq; &c. &c. &c. e
jus Regiæ Mris Successores, ac posteros Reges Poloniæ, Magnos Du
ces Litvaniæ atq; subjectas illis Regionēs & Provincias ab altera par
te, ita, ut altera pars alteri nihil hostilitatis unquam, aut inimicitia,
clām, ac palām, directē, vel indirectē inferat, vel per suos, aut alios
inferri faciat, nec alterius hostibus auxilia quocunque nomine præ
stet, non cum alterius hostibus fœdera huic pacto contraria ineat, nec
quicquam in alterius statū, & securitatis diminutionem, per se, vel per
alios moliatur, sed ut utraq; pars, alterius utilitatem, honorem, ac
commodum quærat, ac promoveat, & fidem invicem, pacificamque
vicinitatem, colat, ac servet, pericula quoque alteri imminētia, quan
tum possit, amoliatur, ac præveniat, nec non intempestivē moneat, si
quid alteri discriminis instare intellexerit. Pacta verò, ac fœdera, quæ
cum aliis Principibus, ac statibus utraq; pars sancita habet, in anti
quo rigore conserventur, ita tamen, ut huic fœderi, nihil quicquam
derogare possint.

Pax Olivenfis huic tractatui, ut basis, & fundamentum inviolabi
le substernitur, adeoque ad omnia sua capita, articulos, & clausulas,
tanquam verbotenus hīc inserta esset, confirmatur, nisi quatenus aliter
jam statutum, uberiusque explicatum, vel in posterum ob utriusque pa
ciscientium partis commodum, & ad præsentēs motus componendos,
& per rationes belli, mutuo consensu statuere, & necessario decerne
re fuerit. *Artic. adus*

§. 1. Cum ex bello hoc, quod factio Saxonica excitaverat, non pau
ca in utramq; gentem redundassent in commoda, ea omnia, quocunque
tandem nomine, sive molestiæ, hostilitatis, onerum, aut studii partium
veniant, generali hāc amnistiā perpetuæ tradantur oblivioni, nec uni
partium post hunc diem, liceat eorum, quæ ita acta sunt, alteri quid
quam imputare, exprobrare, aut quempiam illorum, qui alteri parti
adhæssent, propterea accusare, aut persequi. *Artic. 3^{ius}*

§. 2. Hāc generali amnistiā gaudeant omnes, & singuli cujuscunq;
statū, conditionis, & religionis fuerint, ut & omnes communitates, quæ
utrinq; partes belligerantes secutæ sunt, aut in hostilem potestatem de
vene

A.C. 1705 venerunt, præsertim autem illi, qui relictâ parte contrariâ, salutare in publicum Majoris Poloniæ sensus amplexi sunt, ejusdemq; boni publici promovendi, & salvandæ Patriæ conatus, operâ suâ adjuverunt, aut non impediverunt, quibus anteriores actiones, studia partium, & hostilis in paciscentes animus, ne utiquam nocebunt, sed cuncta perpetuæ oblivioni tradantur.

§. 3. Cum verò quorundam impietas augendæq; per mala Reipub. fortunæ studium, ingentium tam Regno Sueciæ, quam Poloniæ ærumnarum dederit occasionem. Proinde excluduntur, ab hac amnistia omnes, qui unâ cum factione Saxonica, pacem publicam, & amicitiam inter Sueciæ, & Poloniæ Regna perturbarunt, qui parti contrariæ contumaciter, & perfractè adhærentes, non tantû salutem publicam variè morati sunt, & adhuc morantur, vel morabuntur, sed & hostium Reipub. destinatis omni modo faventes, contra Rempub. ejusq; fœderatos, exercitus ducere, consiliisq; aut aliâ ratione, mala Reipub. augere, & protrahere ausi, interitum ejus jugiter promotum ivère. In hos omnes licet ex rigore Patriarum legum, animadvertendum esset ita, ut hostes Patriæ, ac tanquam Perduelles, honoris, bonorum, vitæque jacturam meruisse cernerentur, quo tamen utriq; Regno quies, ac tranquillitas, tantò facilius restituatur, animique civium coalescant, detur illis resipiscendi spatium trimestre, à die conclusi, & subscripti tractatûs computandum ita, ut intra determinatum tempus resipiscentes, & ad meliorem mentem redeunt, testimoniis documentisq; authenticis, & ipso facto bonam fidem, ac sincerum animum comprobantes, S. R. Mus Sueciæ gratiam quærentes Seren. Regis STANISLAI, ac Reipub. fœderatæ obsequium amplectentes, idem amnistiaæ beneficium, & præteritorum obliivio complectatur. Quod si neglexerint, utraq; paciscentium pars illos ut hostes eâ, quam merentur, severitate ubivis locorum persequetur.

Art. 4^{us} §. 1. Quemadmodum AUGUSTUS Rex quondam Poloniæ, hac amnistia comprehendere nequit, ita ille, omnesq; illius Partibus adhærentes, sive Saxones sint, sive alterius nationis, pro utriusq; Regni hostibus habendi, ac tamdiu hostiliter persequendi, donec Reipub. finibus ejiciantur, neque ulli Parti Paciscentium liberum erit cum iis transigere, inducere, facere, pacem inire, aut ullam aliam conventionem stabilire, sine mutuo utriusq; partis consensu, cujus hæc necessaria erit conditio, ut dictus Rex AUGUSTUS Coronæ Poloniæ, omniq; Juri, quod ad ipsum prætendere vellet, renuntiet, & S. R. Mti Sueciæ, ut & Reipubl: Poloniæ, pro omnibus molestiis, damnisq; quæ hujus belli occasione passæ sunt, satisfaciat.

§. 2. Et sicut hoc bellum contra Jura, & Constitutiones Reipubl: Poloniæ cœptum improbat, ita S. R. Mtas & Respubl: Poloniæ clarigationem initio hujus belli à Rege AUGUSTO, contra S. R. Mtem & Regnum Sueciæ editam, declarant nullo fundamento nixam, nullam, & irritam, uti & omnes criminationes, quæ in ea allegantur, pro non competentibus, & nullius valoris, cum Respubl: in præfatæ clarigationis promulgationem nunquam consenserit. Quemadmodum Seren: Rex, & Respubl: Poloniæ, ad suam censuram pertinere non existimant, quidquid Sernio Regi Sueciæ in subditos Livoniæ suæ, aut aliarum Regni Sueciæ Provinciarum, visum fuerit, statuere.

§. 3. Decreta, & Statuta, quæ vulgò Lauda vocantur, quocunq; tempore, nomine, & loco, tam in Regno Poloniæ, quam in M. D. Lit, præsertim

sertim verò in Varſavienſi Senatûs-confilio. Mariæburgenſi. Thorunenſi, A.C. 1705
 Elbingenſi, Savorovienſi, Sandomiriênſi, Cracoviênſi, Breſtenſi, Olki-
 nenſi, Olkinicenſi, & aliis Congreſſibus, tam extra, quàm intra Provin-
 cias Regni, & Reipublicæ, durante hoc bello per AUGUSTUM Regē,
 ejusq; Affeclas peracta, non tantum in everſionem Statûs Reipubl: Po-
 lonæ, ſed etiam in ſublationem Pacis publicæ per Pacta Olivenſia cum
 Regno Sueciæ conclufæ, & ſtabilitæ, tum & ipſa Comitia Lublinenſia,
 uti libertati Polonæ nociva, & ipſis Pactis Olivenſibus contraria, decre-
 taq; in contumaciam Tribunalicia, cæterorumq; ſubſelliorum M. D. L.
 durante hoc bello, contra adhærentes Partibus Pacifcentium, in Regno
 verò Poloniæ, poſt remotionem Regis AUGUSTI, quovis loco & tem-
 pore, à parte contraria lata, confiscationes bonorum, & abrogationes
 dignitatum, pro irritis, & nullis declarantur.

S. R. Mtas, & Reſpub: Poloniæ, improbant, irritaq; pronuntiant om- *Artic. 5^{mus}*
 nia Pacta, vel Fœdera, quæ cum aliis Principibus, Statibusq; antehac
 ſancita ſunt, quatenus S. R. Mti Regnoq; Sueciæ noxia deprehendun-
 tur, præcipuè autem ea, quæ à Rege AUGUSTO in clarigationem ſu-
 perius abrogata allegantur, ibiq; ad conciliandum injuſto huic bello a-
 liquam ſpeciem, recensentur. Pari modo Srñus Rex, & Reſpub: Polo-
 niæ, nullum prorfus fœdus pacifcentur, & concludent cum ante me-
 moratis, aut alijs extraneis Poſteſtatibus, quæ in damnum, aut præju-
 dicium S. R. Mtis Regni Sueciæ vergere potuerunt, nec Reſpubl: Re-
 gibus ſuis ulla fœdera inire permittet, quæ Regibus Regnoq; Sueciæ
 contraria ſint, ſed ea impedit, & improbabit; quemadmodum etiam ea
 hiſce in anteceſſum pro nullis declarat.

§. 1. Quoniam Czarus Moſcoviæ, non modò pacem præſenti bello *Artic. 6^{mus}*
 ſubdidit, artibus, & moliminibus ſuis, ſed etiam ad illud proſequendū,
 tum armis, Copiisq; tum pecuniâ Regem AUGUSTUM adjuvit, &
 adhuc adjuvat, maxima damna utriq; Regno intulit, & etiamnum in-
 fert. Idcirco pacifcentes mutuo conſenſu de eo conveniunt, quòd ab
 hoc fœdere non tantum excludatur, ſed etiam quòd cum S. R. Mte Sue-
 ciæ, S. R. Mtas, & Reſpubl: Poloniæ conjungant, iisque ipſum tamdiu
 perſequantur, uſque dum pro illatis illi utriq; parti injuriis & damnis,
 tyrannideq; quam in Terras, & ſubditos utriusq; Regni exercuit, ad
 deſiderium ſatiſfecerit. Quemadmodum etiam unanimi conſenſu statu-
 tum eſt, ut neutra pars Pacifcentium, inducias, pacem, aut quæcunq;
 demum fœdera, pactave cum eo inire poſſit, aut velit niſi præviâ mu-
 tuâ deliberatione, communicatiſq; rationibus, & conſiliis.

§. 2. Quo autem modo, quibus conditionibus arma conjungenda,
 quoq; numero, & quibus in locis auxilia præſtanda ſunt, peculiari pa-
 cto convenietur.

S. R. Mtas Sueciæ, hiſce quoq; promittit S. R. Mti, & Reipub: Po- *Artic. 7^{mus}*
 lonæ, auxilia ſua contra præſentes eorum hoſtes, quodq; arma ſua, non
 prius revocatura ſit, quàm DEo favente Srñus Rex, & Reſpublica in
 quiete, & ſecuritate ſint conſtituta.

Si annuente Supremo Numine, à S. R. Mte Sueciæ, & auxiliariſq; *Artic. 8^{mus}*
 ejusdem armis. Provinciæ, & loca aliqua munita, quæ anteriori bello,
 per Czarum Moſcoviæ Reipub: Polonæ adempta ſunt, recuperata fue-
 rint, repenſis S. R. Mti Sueciæ ſumptibus, Reipub: Polonæ reſtituentur.

Loca munita Regni Poloniæ, & M. D. Lit, quæ S. R. Mtas Sueciæ *Artic. 9^{mus}*
 præſenti tempore tenet, in poſterum ex circumſtantiis ſuis belli ab ho-
 ſtibus capere poterit, eadem S. R. Mtas teneat, ibiq; præſidia ſua habe-
 at, & collocet. Sacræ

A.C. 1705

Articul. 10.

Sacrae Regiae Mti Sueciae, liberum erit per totam Prussiam, ejusque urbes, oppida, & pagos, aliasque Reipub: Provincias, ubicunque visum fuerit, milites, exercitumque conducere, & supplementa facere durante hoc bello, atque quamdiu Srmo Regi Sueciae propter motus Polonicos Copias suas intra fines Reipub: retinere necesse fuerit, ita tamen, ne delectus militum Srmi Regis Poloniae ullo modo impediantur.

Articul. 11.

Quod si S. R. Mti Sueciae Copias, apparatus bellicum, aliasve res suas ex Polonia, vel Litvania, alio per mare, vel flumina transportare necesse fuerit, non modo iisdem portus Reipubl: patebunt, sed etiam cujuscunque magnitudinis, & generis naves, ad eas trajiciendas, sine ulla remora, & objectis obstaculis concedentur.

Articul. 12.

Si alterutri Regnorum Sueciae, & Poloniae, ac M. D. Litvaniae, bellum cum vicinis eorum gerere contigerit, altera pars, alterius hostibus, hostiumque adjutoribus, nullam bellicam supellectilem, vel vetitas merces advehet, vel quocunque modo suppeditabit, aut advehi, vel suppeditari faciet, aut finet. Praeterea nullos transitus militum fieri, nullaque cujuscunque generis auxilia praestari iisdem permittet, nec ulla ratione in alterius partis damnum favebit.

Articul. 13.

Quodsi post finitum hoc bellum, quispiam ex Regni Poloniae, & M. D. Litvaniae incolis, vel civibus arma, contra sacram Regiam Majestatem Sueciae sumere, ejusque Regna, vel Provincias hostiliter aggredi, aut infestare, quemadmodum hoc bello factum est, ausus fuerit, vel tentaverit, S. R. Mtas, & Respub. Poloniae se praesenti foedere obstringunt, quod talia molimina, ceptave serio reprimere, delinquentes debita poena afficere, atque Serenissimo Regi, Regnoque Sueciae pro illatis damnis satisfacere velint.

Articul. 14.

Omnes, qui hoc bello, quocunque in loco capti, vel posthac capientur, sive Sueci sint, sive Poloni, sive alterius nationis, cujuscunque demum sortis, vel generis, conditionis, ac status, sub signis Sueticis, vel Polonicis, vel Litvanicis militarunt, sine ullo soluto pretio, finito hoc bello, pristinae libertati restituantur, sicut & illi, qui ob delicta sua capti detinentur, tunc reddentur Dominis suis, pro arbitrio, ut cum ipsis agant, si autem natione Sueci, aut alii, qui arma Suetica gestarunt, inter Tartariam, aliasque Regiones finitimas in captivitatem adducti comperiantur, Seren. Rex, & Respub. Poloniae, ad liberandos eos, si reperiri possent, sedulam operam navabunt, qui durante captivitate debita contraxerint, eadem solvere, vel vadimonium dare tenebuntur.

Articul. 15.

Si quis Suecorum Subditorum, qui hostis signa vel partes secutus est, a copiis Polonicis captus fuerit, is sine omni cunctatione Sueticae militiae Praefectis reddetur, pari modo S. R. Mtas Sueciae, Regni Poloniae cives, aut subditos, ejusque delicti reos Reipub. restituere vult, praevia cautione, ne hostibus postea serviant.

Articul. 16.

Omnes Subditi Sueci, sive milites, sive Rustici, aut cujuscunque conditionis, & status homines, qui hoc bello, a Regionibus Sueticis, in Provincias Reipub. transfugerunt, sine ulla mora, ubicunque deprehendantur, cum uxoribus, liberis, familia, bonis, & rebus suis Dominis eos requirentibus reddentur, & restituentur, nec ulli Regni Poloniae civi, vel subdito e Territorio Suetico profugos, apud se recipere, & celare liberum erit, sed tales cum venerint, prehendet, & in custodia detinebit, donec Domino, vel proximae adjacenti urbi, vel loco munito significatum fuerit, qui eos recipiant, & abducent. idem viceversa observabitur, si qui fugitivi a Territorio Polonico in Provinciis Sueticis reper-

reperi fuerint. Caverur tamen, ne civitati Rigensi in jure suo præscriptionis biennalis, quod in fugitivos è Regionibus Reipub. ab iisdem temporibus, quibus Episcopis, & Magistris Ordinis Teuthonici paruit, continuâ temporum serie habuit, Regesq; Poloniæ pluries illi confirmarunt, quicquam decedat, sed ut eodem civitatis vetusto jure, in posterum, velut hæcenus illibato fruatur, salvâ tamen restitutione bonorum si extant, quæ, eodem transfugas secum injustè abstulisse probari potest.

A.C. 1705

Quæcunq; in Illmâ Sapiëhanam Domum, cæterosq; Litvaniæ nationis, à factione Saxonica eo nomine sancita sunt, quod ejus cœptis, moliminibusq; obstiterint, hoc fœdere in perpetuum abrogata sunt, & ne in posterum ad similia deveniatur, in auctores adversæ factionis, qui per ruinam hujus familiæ, Reipub. simul oppressum juverunt, violatæque securitate, publicâ Præfectum Stabuli in M. D. L. Illustrem Comitem, Michæelem Sapiëham, crudelissimè trucidarunt, ex rigore Patriarum legum animadvertetur, & utraq; paciscentium pars, de dicta cæde curabit satisfactionem fieri. Dicta autem Domus, cæteriç cum eâ oppressi in pristinam dignitatem, honores, munia, prærogativas, ac fortunas, factâ refusione damnorum, ab usurpatoribus, omnimodè restituentur. Bona verò Regalia, quæ hisce in conspirationis præmium cesserant, ad primos Possessores redeant. Utraq; demum paciscentium pars cavet, ut non ea modo, de quibus ita hic conventum est, executioni mandentur, verum etiam ut eum, eosq; qui dictam domum, cæterosq; cum ea oppressos, hæc ex occasione perturbare in posterum, & persequi instituerint, pro perturbatoribus pacis publicæ, habeat, & vindicet.

Art. 17^{mo}

§. 1. Sacra Regia Mtas Poloniæ, & Respub. rati habent, ac se tuituras declarant, Pacem, ac securitatem, quam dissidentes à religione Rom: Catholica, tam in Polonia, quàm in Litv. nacti sunt. Confœderationib; Pactis conventis, confirmationibus jurium, & ipsismet juramentis Regum firmatam adeo, ut protestantium Religioni addictis, quamdiu pacificè se gerant, fides, quam profitentur, damno non sit futura, aut quocunq; prætextu impedimentum adferatur, quominus locis solitis, ac concessis, sacra ritè peragant, liberosq; suos in religione avita instruire ac educare possint, si quæ actio cuiquam causâ religionis eorum intendetur, illa non ex capite arianismi. sicut Arianorum dijudicabitur.

Art. 18^{um}

§. 2. Civitatibus Prussiæ, omnia jura, immutationes, privilegia, jurisdictiones, & prærogativæ, quibus sive in Ecclesiasticis, sive profanis, ante vel post factam pacem Olivensem conservantur, & confirmantur. Si vero aliqua postmodum, contra eandem acta, & tentata fuisse inveniuntur, à S. R. Mte Poloniæ, & Repub: dijudicabuntur, & modo irrita, injustaq; declarabuntur, sed etiam abrogabuntur, & abolebuntur, pristinoq; statui restituentur, sicuti etiam Seren: Rex, & Respub: Poloniæ hisce spondent, sancteq; promittunt, quod nullam infractionem, vel mutationem dictis in rebus in posterum facient, vel fieri sinent.

Sint inter Sueciæ, & Poloniæ Regna, & M. D. L. ut & inter Prussiæ, Russiæ Samogitiæ, Curlandiæ, totiusq; Livoniæ incolas, & subditos, tam terrâ quam mari, libera, & secundum veterem, atq; antiquum usum, non impedita comœrcia. Dictû verò pristinû, & veterẽ usû inter alia in sequentibus consistere, & observari debere utrinq; conventum est nempe.

Art. 19^{um}

§. 1. Ne portus & nova emporia alibi, quam Rigæ debeant erigi, & frequentari, sed merces, ex Litvania, Russia, Prussia, Samogitia Curlandia,

A.C. 1705 landia, aliisq; Provinciis, ad solum portorium & forum Rigense, secundum morem, & antiquam consuetudinem, privilegiis, & Pactis cautâ ubiq; venire, & distrahi, indeq; ad naves evehi debeant. Iis verò, qui nihil Rigæ debent, aut ibi contraxerunt, liberum sit merces suas domi vendere, aut Rigam, aut Vilnam transferre.

§. 2. Ne mercibus aut mercatoribus, Rigam tendentibus, aut inde venientibus, impedimenta ulla fiant, neglecta hætenus, viarum, aut portorum, trajectuumq; resectio in Ducatu Litvaniæ, Russiæ, Prussiæ, Samogitiæ, Curlandiæ, & aliis locis, ubi ab antiquo fuerunt, quanto-cius fieri, & facta tecta conservari debent.

§. 3. Ne cives Rigenses, in jam dictis locis in libera cõemptione rerum necessariarum, boum, lignorum, piscium, aliarumq; rerum impediantur, aut prohibeantur, secundum veterem praxim, salvis teloniis Regiis, & Reipublicæ, ab antiquo desuper constitutis.

§. 4. Ne bona naufraga, naves vi ventorum, aut tempestatis in littora, & brevia adacta, cæteræq; res omnes, quocunq; locorum, aut in mari, aut in fluminibus à quoquam occupentur, aut sub quovis prætextu detineantur, sed Dñis, atq; Proprietariis, absq; ulla tergiversatione restituantur, nec præter æquum, & justum, pro solo salvationis labore præmium inter partes, si ipsam & ea de re convenire non possint, à Judicibus juratis determinandum quicquam exigatur. Infortunium ejusmodi passis quocunq; modo ab Accolis littorum, atq; fluminum, aliisq; auxilium invitis non obtrudatur, sed liberum sit pro libitu, aut cum nautis suis, aut cum aliis quibuscvis, quos illi ipsimet, ad istud vocaverint, res suas salvare, & sibimet opem ferre, ac quærere, neq; quando auxilio indigent, idq; per signum quoddam indicant, adstricti sint expectare, donec illi, qui fortè à Dñis fundi, vel rippæ ad id destinati sunt, veniant, sed quemcunq; qui prior est, recipere, ipsiusq; opera, pro debita satisfactione, uti fas sit. Quemadmodum licitum cuilibet sit ad ejusmodi signum datum, sine mora accurrere, & quo potest meliori modo, in periculis constitutis opem ferre, scopulos quoq; ad quos ferè quotannis naves, & rates, cum maximo commerciorum damno & impedimento alidi, & frangi solent, remove, non requisito fundi Dno, nisi ipsemet monitus, hoc præstare vellet, cuilibet id liberum sit, citra tamen jus eo nomine, à mercibus, aut navigiis prætereuntibus aliquid exigendi.

§. 5. Ne novis telloniis, aliisq; impositionibus quibuscunq;, contra pacta Olivenfia personæ, & merces Rigam devehendæ, in Russia, Litvania, Samogitia, Curlandia aliisq; locis graventur, vice etiam versâ subditi polonici in Livonia, eodem jure gaudeant. Ideoq; quæ contra dicta pacta in hac re facta sunt, injusta declarentur, & aboleantur, taliq; in posterum fieri prohibeantur; quemadmodum mos etiam iste, qui post factam pacem Olivensem in Regionibus Reipubl. invaluit, quos scilicet mercatores, & alii subditi Suetici Połockam, Witepskum, Dyssnam aliasq; ad hoc fluvium Dunæ urbes & loca adeuntes, censum trium, aut quatuor, aut quinq; talerorum imperialium, per singula capita solvere coacti fuerint, non modo improbatur, & rejicitur, sed etiam si quid in posterum ejusmodi evenierit in casu protractæ, vel denegatæ justitiæ, jus tallionis in Incolas Reip. in Territorium Sueticum venientes exercere licebit.

§. 6. Merces omnes ex dictis locis Rigam delatæ censuram publicam, per juratos Censores subeant, & merces, quæ non notæ sunt, Dnis suis restituantur, ut de iis pro libitu disponere liceat.

§. 7.

§. 7. Ne nobilibus subditisq; Polonicis simul cum duobus de mercibus suis contrahere, aut postquam quispiam illorum ab uno cive Rigensi pecuniam mutuo accepit, postea quoq; ab altero infcio priore sumere liceat, quo facto anterior Creditor, tanquam tempore prior, potius jus, & præferentiam in omnibus debitoris sui mercibus pro pretio, quod tunc communiter erit habeat, reliquis Creditores paratâ pecuniâ, a priore Creditore exolvenda contenti sint.

§. 8. Ne dicti Poloni Nobiles, & subditi, tempus de mercibus suis, certum, & determinatum pretium cõmuniter statuendi protrahant, præcipuè illi, qui debita contraxerunt Rigæ, sed ut teneantur, quando tempore verno, cum ratibus, & navigiis suis vulgò Strusii dictis, mercatores ad numerum circiter viginti descenderunt, pretio cum civibus Rigensibus intra octiduum convenire, tempore verò autumnali, qui tunc navigatio minorem moram patitur, statim post adventum suum.

§. 9. Cum ab antiquis temporibus, etiam Rustici Litvanici, æquè ac alii, postquam Dominis suis præstanda præstiterint, liberam vecturam mercium reliquarum ad civitatem Rigensem habuerint, & pluri mi eorum ibidem mutua debita contraxerint, eadem iis in posterum, negotiandi libertas relinquatur, ne Domino fas sit contra veterem usum, & in fraudem creditorum, ipsorum merces, ab illis cõemendo impedire, quominus Rigam venire, & debita sua solvere possint.

§. 10. Quicumque contractui suo non satisfacit, ejus bona omnia tam mobilia, quàm immobilia, eorumque redditus, ubicunque locorum sint, Creditori suo Hypothecæ loco obligatâ manu, & quamvis ipe Debitor morte extinctus sit, hæredes ejus, aut quicumque occupator, atq; Possessor debitum solvere teneatur, nec liberum sit, ejusmodi bona, eorumq; proventus in fraudem Creditoris emere, nisi depositâ in judicio, aut alio loco tuto pecuniâ ad satisfactionem Creditoris.

§. 11. Securitas in utrisque Regnis eorumque Provinciis, aquâ, & terrâ peregrinantibus, & res atque negotia sua curantibus præstetur tam pro personis, quàm pronis suis.

§. 12. Quæ ratione mensuræ, & ponderis inter subditos Poloniæ, & M. D. L. & cives Rigenses conventa sunt ea strictè observari debent.

§. 13. Cum penes fortalitium Kokenhausen subditi Polonici navigia sua quando ibidem visitantur, propter rapiditatem fluvij Dunæ sæpius perire, naufragiumque pati quærantur, commodior si fieri potest locus per Commissarios ad id deputandos deligi, ibidemque visitatio fieri debet.

§. 14. Nemo Mercatorum Rigensium famulo, vel servo alicujus Poloni pecuniam dabit, Plenipotentia vel assignatione Domini sui non instructo.

§. 15. Si subditus aliquis Litvanicus debita apud Rigenses contracta non solverit, bona alterius eam ob causam aresto nunquam sunt prosequenda, sed ipse Debitor, ejusque Fidejussores soli ad solvendum adigi debent.

§. 16. Quâ ratione debita, inter institores, vel mandatarios, & subditos Polonicos, cum civibus Rigensibus, in posterum ita contrahi, & probari debeant, ut nec Creditoribus, nec Debitoribus injuria fiat, & quæ præterea ratio ne commerciorum, eorumq; cõmodioris usûs utrinq; moneri possint, ea cum ab ipsis contrahentibus, ex conventionem desuper facta melius determinari queant, per Commissarios utrinq; ab ipsismet denominandos, in loco ipsis commodo complanari ac postmodum

A.C. 1705 dum à Regibus utriusque Regni ratihaberi, & confirmari poterunt.

Articul. 20 Debita inter utriusque Regni subditos literis chyrographis, contractibus, aliisque legitimis modis probata, sive ante sive durante hoc bello contracta, aut in posterum contrahenda sint ritè, atque exactè solvi debent, & Creditoribus opem ipsorum, qui in quolibet loco, Regione, ac Provincia, Judiciis, aut incolis cum imperio præsunt, desiderantibus, sine ulla mora, justitiâ ad ministrari, ipsisque statim ad desideria ipsorum, responsum literis consignatum extradi debet. Sententiæ, aut decreta super debitis, aliisque rebus, inauditâ partis potentis causâ lata irrita, & nulla sint, omni prorsus effectu in perpetuum careant ita, ut auctori integrum sit, causam suam legitimam, juris viâ postmodum liberè prosequi, ac si nunquam iudicium aliquod, aut nulla sententia intervenisset.

Articul. 21. Cum antehac Poshania, versus Stetinum, per fluvios Wartam, & Oderam mercium transitus liber fuerit, commerciumque inter eandem, aliosque addictos fluvios, ac jacentes urbes locaque, in magnum utriusque Regni incolarum emolumentum viguerit navigatio ista, per fluvium Wartam, unde potest esse navigabilis in posterum, liber, & immunis reddetur. ideoque molendina, aliaque ædificia, quæ super dicto fluvio instructa, navigationem impediunt, destruentur, & tollentur.

Articul. 22. Quandoquidem contra veterum usum, & damnum tam civitatum Livoniæ, quam Prussiæ & Curlandiæ portus novos ad Polangam, ante aliquot annos exteris navibus frequentari cœperat, ideo desolabitur, nec ibi, nec alibi novus quispiam portus erigetur, aut præter antiquos frequentabitur. Prout etiam nulli abhinc sive indigenæ, sive extraneo illuc vela facere, vel cujuscunque sortis merces inde transportare licebit. Quodsi quis tentaverit eum prohibere & abducere, Suecis fas erit mercibus cum navi publicatis.

Articul. 23. §. 1. Mercatores Suetici, quibus in Polonia, sive per Provincias, & flumina ejusdem, mercaturam instituere, & exercere volupe fuerit, eodem usu, iisdemque ut alii amicissimarum nationum mercatores, libertatibus, prærogativis, & privilegiis ibidem gaudeant.

§. 2. Imprimis liberum sit Sueticis subditis, mercatoribus eorundemque institoribus omni onere exemptis commorari non solum prout ante hac moris fuit, Gedani, verumetiam in aliis majoris, minorisque Poloniæ civitatibus, utpote Torunii Varsoviæ, Cracoviæ, Leopoli, & Jaroslaviæ, atque in civitatibus Litvanicis, aliisque fluminibus proximè adjutoribus locis, ibique merces quascunque venales pro libitu cõemere, & ad urbes maritimas, terrâ, aut aquâ in scaphis, aut navigiis, quæ aut ipsimet sibi comparare, aut pro justo pretio ab aliis conducere possunt, transportare, absque ullius certa dictanda pœna, turbatione, vel interruptione.

§. 3. Conceditur Sueticis mercatoribus pro quo conveniri potest, ordinarium tamen non excedente sed usitato pretio, singulis annis, ex salifodinis Reipub. emere certam copiam salis, eamque vel in magnis partibus, prout frangitur, vel cõactam ad urbes maritimas, atque illinc postmodum in Sueciam transmittere solutis, quæ Reipub. pendi solent vectigalibus.

§. 4. Similiter quoque varias hungaricas merces, utpote vinum, carnem bovinam, coria, adipem, certam, & ejusmodi alios fructus apud Hungaros venales emant, eosdemque ex Hungaria, per Territoria Polonica tuto abducant, nvehant, & exportent.

§. 5. Quasunque demum merces, & mercimonia, quæ vel in Polonia, vel ex vicinia Hungaria cõemuntur, integrum sit Sueticis incolis, solutis tantummodo teloniis ordinariis, & usitatis exportare, & ad urbes maritimas, terrâ, & aquâ vehere, ita tamen, ut modo dictæ merces in aliquo loco Polonico, in Polonicorum mercatorum noxam, aut præjudicium non possint divendi.

§. 6. Contra autem commercia, quæ Moschovitæ per Poloniam, & Litvaniam, cum exteris nationibus, aliquo tempore exercuerunt, prohibeantur, utpotè non modò civitatibus Polonicis, summè noxia, sed etiam juribus, & privilegiis earum repugnantia adeò, ut nullas abhinc merces è Moschovia in alias Regiones, vel ex illis in Moschoviam per Reipub. Provincias transmeare, licitum sit, sed ejusmodi merces, in civitatibus Polonicis deponentur, & dividuntur, secundum veterem legē, & consuetudinem in locis lege descriptis, iis tantummodo exceptis, quæ longo usu, aquâ vel terrâ, ex Moschovia per Territoria Reipub. Polonæ, & M. D. L. Rigam vehuntur, quibus eadem, quæ hæctenus transeundi libertas conceditur.

Quod si ex incolis Regni Sueciæ, ejusq; Provinciarum, Jure condictionis, vulgo arendæ ad extenuationem, perceptionemve summæ pecuniarum mutuò datæ, bona Nobilium, ac Regalia acquisiverit in Polonia, & M. D. Litv, quamdiu illa possederit, Reipubl: patrocínio & securitate, ac privilegiis gaudeat, ac jurisdictioni subjaceat, uti incolæ ejusdem.

Cum ad commerciorum faciliorem usum, & negotiorum quorumcunq; promotionem quoq; spectat, Postarum, seu Tabellariorum publicorum liber cursus, S. R. Mti Sueciæ prout ante, & durante induciarum tempore, & posthac quoque liberum sit, tam Veredariis, quàm Equitibus, per quasque Reipub: Provincias, & territoria, istum usum continuare. Ideoque ubicunq; Tabellarij insignibus Coronæ Sueciæ muniti seu abeant, seu revertantur, non tantum nullo modo, nulla specie detinebuntur, vel impediuntur, quominus tempore cursuq; consueto, salvi, liberi, & inviolati cum literis, vecturâ, hominibus, & equis transeant, verum etiam certa iisdem stationum loca, vel hospitia assignabuntur, quâ ut opus fuerit divertere, requiem capere, & equos commutare, ac justo pretio conducere possit.

Conventum quoque est, ut omnis moneta depravata, sic, & solidi Valachici vulgo Dumnicze abrogentur, cursusq; eorum, vigore Tractatus præsentis interdicatur, salvo usu solidorum Regni Poloniæ ordinariorum in Regionibus ejus. Quando verò in tranquillo statu Respublica monetam cudere statuerit, talem cudi curabit, quæ pretio, & valori monetæ Regni Sueciæ ejusq; provinciarum respondeat.

Ad omnimodam vim, & firmitudinem præsentis fœdere conciliandam, S. R. Mtas, & Respub: Poloniæ idem cum omnibus suis punctis, articulis, & clausulis, se candidè sanctèq; servaturas hisce in præsentiarum testantur. Quod verò ad tempora futura attinet, Respub: Poloniæ promittit, & spondet se singulos Reges suos continuâ serie regnatueros, ac ejusdem observatione per Pacta Conventa, & Juramentum Coronationis obstringere velle, & debere, quemadmodum se ipsam ad idem jam, & in perpetuum obstrictam declarat. Et si quis autem Regum Poloniæ præsens fœdus ruperit, & Respub: consiliis & armis seriò se ei non opposuerit, Respubl: de damno & injuriâ illatâ S. R. Mti Sueciæ debitam satisfactionem præstabit.

A.C. 1705

Articul. 28

Si quæ Regna, Reipublicæ, & Status, hoc fœdere comprehendere, idemq; quo ad omnes partes comprobare velint, unanimi utriusq; Paciscentium partis consensu admittentur, & recipientur.

Articul. 29

Præterea de eorum Principum, ac Potestatum Fidejussione, & Guarantia super hoc pactum conjunctim expetenda conventum est, qui eandem propter publicum commodum in se suscipere velint, quorumq; salus, & conservatio Regnorum Sueciæ, & Poloniæ, quàm maximè interfuerit.

Articul. 30

Deniq; præsens Conventio, hoc modo feliciter peracta, utrinq; intra hebdomadam, à die subscriptionis computandam optimâ vitatâque formâ rati habebitur exemplaribus rati habitis, intra præfatum tempus commutatis. Atq; & eò firmior, & stabilior permaneat, Respub: eandem proximis Comitibus non modo iteratâ rati habitatione se confirmaturam, sed etiam Volumini Legum, & Constitutionum Reipub: universalium, tanquam legem inviolabilem universalem, inq; perpetuum observandam, inserturam esse sanctè promittit. In quorum omnium testimonium, & fidem, tam Nos S. R. Mtis Sueciæ Legati Extraordinarii, quàm Nos S. R. Mtis Poloniæ, & Reipub: Commissarii, præsentem Tractatum, cujus duo exemplaria ejusmodi tenoris scribi, literisque mandari fecimus, in pp. signavimus, ac sigillis nostris corroboravimus. Dabamus Varsoviæ in Suburbio Cracovienfi, & quidem in Cœnobio Carmelitarum Discalceatorum 18 Nov: 1705. (LS)

Arverd Hom. Georgius Wachschlager. Justus à Palmberg. Chrysof: Benedictus Gninski Episc: Camen: Abb: Wag. Franciscus Zapolski Castell: Siradien. Franciscus Grzybowski Castell: Inowlad. & reliqui qui supra.

Grodnae 21. Decemb: Anno 1705 Consilium magnum Statuum Reipublicæ ad Sendomiriam Confœderatorum 24tâ Novemb: reassumptum in præsentia Illustrissimorum Brzostowski Episcopi Vilnensis: Zasuski Episcopi Plocen: Wyhowski Episcopi Luceorien: Potocki Episc: Culm: Illrmi Lubomirscij Castell: Cacovien: Exercitus Regni Supremi Ducis, Illrmi Principis Wiszniowiecki Castell: Viln: Supremi Exercitus M.D.L. Campiducis, Radomicki, Palatini Inowlad: Generalis Majoris Poloniæ, Zabochlicki Pal: Podolia, Sieniawski Pal: Belzen: Exercitus Regni Campiducis, Zasuski Palat: Raven: Sluska Pal: Polocen: Pociy Pal: Witepscen: Komorowski Pal: Brest: Lit. Chomętowski Pal: Masovia, Dzialynski Pal: Culm. Radomicki Cast: Calissien: Sianiawski Cast: Lubl: Zasuski Castell: Raven: Liniewski Cast: Lubaczovien: Chomętowski Cast: Czechovien: Wołowicz Supr. Marechal: M. D. Lit., Principis Radziwil Cancell: M. D. L. Szembek Procanc: Regni, Szczuka Procanc: M. D. L. Pociy Supr: Thesaur: M. D. L. Princ: Sanguszko Marechal: Curia M.D.L. Senatorum, & Ministrorum Status. Dönhoff Ensifer Regni, & Confœderati Exercitus Regni Marechal: Rüdmi Szaniawski Referen: M. D. L. nominat: Episcopus Vladislavien: Wulff Coadjut: Episc: Livon: Sapieha Secretarius M. D. L. Abb: Paradisien. Dziduszycski Stabuli Regni Præfect. Potocki Incisor: Regni Szembek Vexillifer Curia, Olszowski Venat: Curia Regni, Sienicki Ensifer M. D. L. Crzuzewski Cul: M. D. L. Præfect. Zaranek Exercitus M. D. L. Præfect. Kryszpin Notar: Camp: M. D. Lit. Szczyt Pincerna M. D. L. Potocki Venator M. D. L. Brzostowski Not: M. D. L. Mnifzek Gen: Artilleria M. D. L. Lubomirski Cap: Chmieln: Wyzycki Cap: Bracław: Potocki Cap: Tłumacen. Dąbski Cap: Nakiel: Sapieha Cap: Brest: Lit. Sierahowski Cap: Olszanen, Oginski Cap: Gorzdovien

vien. Bieganski Cap: Starodubovien. Lubomirski Conel: in Exercitu Regni, & aliorum plurimorum Officialium Nuntiorum Regni, & M. D. Lit. Deputatorum variorum Palatinatum, maximâ frequentia, adeò ut major in Cominciis Regni reperiri non possit, in tanto ergo Senatûs, & Equestris Ordinis concursu præfatum Consilium magnum, per spatium duarum, & ultra septimanarum agitatum, post finitam conferentiam Czareæ Mtis, intuitu executionis Tractatûs conclusi, ratificationisq; ejusdem, post audientias Delegatorum ab Exercitibus Regni, & M. D. Lit, post exaudita vota Senatûs Ordinisq; Equestris, tandem 16 præsentis feliciter conclusum, cum universali assensu, publicatumq; resultatum, continens hæc in se Puncta:

1mo. A Capite conclusi, seu verius resultati, exprimitur sollicitudo S. R. Mtis erga Bonum publicum, adventus ejus tot superatis periculis non alio fine, nisi ut succurrat fidelibus subditis suis.

2do Sequitur approbatio Actorum in absentia S. R. Mtis per Statum Reipubl: confœderatæ, tum detestatione, & cassatione omnium actuum, & ultimarij Tractatûs capti, & in adversæ partis extendendo rigorem pœnarum legum, tam contra usurpatorem solij Regni, quàm & Asseclas ejus actû, & Consilio ipsi assistentes. Contra reliquos verò adhærentes, decernitur judicium ad latus S. R. Mtis, sub directione Dñi Mareschalci Confœderationis Statuum Reipubl: formandum, præviâ extraditione Citationum partibus.

3tio Exercitus Regni confœderatus salvâ per omnia Confœderatione Sandomiriensi exvinculatur præscriptâ generali amnistia securitate personarum, & Bonorum DD. Chomętowski Mareschalci, & Castellani Polanecen: substituti Exercitus Confœderati. D. Rzewuski Refer: Regni. D. Smigielski Capit: Gnesnen: & aliorum in Confœderatione existentium, exceptis, causis privatorum quæ sub generalem amnistiam includi non debent, hic verò Exercitus exvinculatus, præmissis Tractatu, cum Illmîs Exercitûs Regni Ducibus, ante omnia in Tribunali Thesauri Regni in eundo sub Jurisdictionem Ducum reinducitur, cavendo, ne vexilla, quæ necdum jurârunt, Juramentum fidelitatis S. R. Mti, & Reipubl: coram Tribunali Thesauri Regni præstent.

4to. Tribunal Regni Commitiis Lublinensibus institutum, jam Grœnæ sub directione Illustrissimi Palatini Masoviae inchoatum: & luceoriam in diem vigesimam quintam Januarij anni futuri limitatum, reasumitur, ut quæ quatuor vicibus in duobus annis secundum scriptum constitutionis Lublinensis celebretur, decernitur, dando plenariam facultatem eidem Tribunali thesauri, Exercitum Regni ante omnia combinare, eidem stipendia, conformando se ad præscriptum scripti ad Archivum, quo Exercitus Regni ad triginta sex millia militum, scilicet duodecim millia Polonici, & viginti quatuor millia Germanici, in quo potissima pars peditatus comprehenditur auctoramenti, præter Exercitû Litvaniæ ordinatus est assignare. Necessitates Artilleriæ, & peditatûs providere; interim in supplementum dictæ Artilleriæ, Exercitus Regni quadraginta millia florenorum pro Litvanica verò triginta millia florenorum assignata ex præventibus thesauri Regni.

5to. Commissio hybernalis in diem octavam Luceoriam determinata, ad quam Commissarii, tam ex Ordine Senatorio, quam Equestri sunt designati.

6to. Contributiones, solidariæ, & Capitalis in Commitiis Lublinensibus laudatæ in Regno reasumuntur, cum intimatione per literas univers-

4.6. 1705 versales ut exactores easdem ad Tribunal Thesauri Regni comportent sub rigore in constitutione Lublinensi expresso. Quia hæ contributiones pro exolvendo tantum Exercitu, ex causa existentium sub hoste majorem & meliorum Palatinatum, sufficere non poterit. Igitur confirmando se ad Constit: Anno 1673. Lit. defensio Reipub: loco expeditionis unius peditis ex viginti fumalibus per ducecentos florenos extradant, sub executione militari decretum.

7mo. Contributiones in M. D. L. in iis Comitibus Lublinen: laudatæ, scilicet præter ordinariam repartitionem per quatuor florenos ex quolibet fumo reassumuntur. Tribunal thesauri M. D. L. in diem 3tiam Martij Anni futuri assignatur præviis particularibus Comitibus per Palatinatus celebrandis.

8vo. Ne vero hæ Contributiones, ex defectu rei numariæ remoram patiantur, data facultas Regni thesaurariis & M. D. L. cudendi monetæ argenteam, scilicet Tynphorum, Sextonum & solidorum secundum valorem, & fœdera cum vicinis Principibus.

9no. Tractatus defensivi, & offensivi fœderis, cum Czarea Mte ratificatur, assignando Commissarios ad receptionem fortalitii Bialocerkiew, & aliorum locorum in Ukraina à Cosacis Moscoviticis occupatorum. Commissumq; S. R. Mti, ut ad similem colligationem, diversionem armorum in Ditiones Sueticas faciat, vicinos Principes invitet. D. vero Thesaurario Regni injunctum, ut summam restantem pro legatione Moschovitica assignatam Palatino Culmensi indilatè exsolvat, vel proventus ex Teloniis Masoviae per Contractum salvâ plus offerentiâ usq; ad extenuationem ejusdem Summæ tradat.

10mo. Erogata per D. Procancellarium Lit. quindecim millium Imperialium, pro comparatione rerum necessariorum in ordine ad legationem Berolinensem, siquidem alter in locum ejus destinatus, usq; ad exsolutionem in Advocatia Taynensi, & Tenuta Bronoviensi affecurantur.

11mo. Legatis ab Exercitu Regni & M. D. Lit. in vim gratitudinis per duo millia florenorum, reduci vero ex Crimæo, & Valachia cum responso, amicitiae cum S. R. Mte, & Reipub: quatuor millia flor: Pol: ut thesaurus Regni exsolvat, mandatur.

12mo. Per respectum magnorum sumptuum Dñi Mareschalci Confœderationis Regni eidem pro ulteriori sustentatione Saxaginta millia florenorum in thesauro Regni annuatim exsolvenda assignantur. Ejusmodi resultatum de communi statuum Reipub: consensu conscriptum ut Typis detur, & per Palatinatus transmittatur, supra nominato Dno Mareschalco Confœderationis. Commissum consilium verò taliter ex re, & utilitate boni publici conclusum, & dispositione S. R. Mtis in quovis casus, ex necessitate reassumendum, absq; præfixione loci, & temporis, dilatum, & limitatum. Combinatio auctoritate S. R. Mtis inter illustrissimos M. D. Lit. Exercitus Duces facta Guarantiam eadem S. R. Mtas in se suscepit, nudius tertiùs abutrinq; subscripta est, Cæsarea Mtas Moschoviae protento die Sabathi, dispositis bigis, equis in Moschoviam abitt, resoluta S. R. Mti favente suo Principe Alexandro Danielovicz, Męzykow, quem unâ cum toto Exercitu Moschovitico Regimini S. R. Mtis ulq; ad redditum suum subjecit.

CONSTITUTUM GENERALIS CONSILII GRODNENSIS *A.C. 1705*
In Novembri.

OMnibus & singulis, quorum scire impræsentiarum interest, & in futurum intererit, præsentibus significamus; quod memores obligationis Nostræ ex vi juramenti, quo ad invicem cum Statibus Reipubl: ad Sendomiriam. Nos obligavimus, Regnum hoc, Fidem S. Romanam Catholicam, Majestatem Nostram, Jura & Prærogativas Nobilitatis defensuros; posthabitis & neglectis hæreditarij Domini Nostrî non levis momenti commodis & emolumentis, per tot discrimina rerum, viasq; insidiis malignantium & fraudibus incessas, fortunat in eâ duntaxat mente reditum acceleraverimus; ut internis & externis malis quassatam Rempubl: quantocius armis & consilijs munitam redderemus; unde quidquid ab Ordinibus Reipubl: in præsentē generali Consilio, in virtute ultimorum Comitiorum & Confœderationis Generalis Sendomiriensis legitimè ex anteriori limitatione incidente, Congregatis, pro jure Naturalis defensionis & necessitate indispensabili determinatum & sancitum est; Regiâ Nostrâ autoritate confirmamus, & secundum unum idemq; Confœderatorum Statuum velle unanimemque consensum sine mora & dilatione executioni mandari volumus, & assentimur; non derogando autoritate Comitiorum & constitutionum de eorum indictione conscriptarum.

Et imprimis in virtute præactæ Confœderationis Sendomiriensis, uti & novissimorum Comitiorum Lublinskium & aliarum, quæ publicarum, quæ particularium totius Reipubl: tot Palatinatum Confœderatorum (quarum sancita in perpetuo vigore manere & conservari volumus) omnes Regis Sueciæ, ejusq; adhærentium contra Nos viventē & legitimum Principem, liberamq; electionem actus; quicumq; & quocunq; prætextu ab ipsis præsentis belli primordijs præsumpti sunt, ceu violentos indebitos & ex principio infecto & seditioso Natos, cum omni præterito & secuturo effectu, specialiter cum ultimo captioso, & præjudicioso Sanctæ Fidei Romanæ Catholicæ & vetustis ab ævo libertatibus, & cum tractatu, tanquam ipso & facto nulla & vitiosa attentata cassamus, & condemnamus: item particulares Confœderationes, omnesq;, quæ hanc Generalem Sendomiriensem non respiciunt, nec ei aggregantur, aut novitates, insolitas sine consensu communi Ordinum Reipubl: in generalibus Consilijs, statuunt, decernunt, vel approbant, abrogamus & annihilamus: simul rigores pœnarum in præactis Constitutionibus & Confœderationibus descriptos, indilatè tam inviolenter intruso, quàm & adhærentibus nominatim Comitiorum Lublinskium & Confœderationis Sendomiriensis decretoriâ sententiâ punitis, executioni dari mandamus. Cum iis verò, qui postea à partibus nostris malitiosè defecerunt, sive actualiter hic & nunc adversæ parti aut personaliter aut consilio, auxilio & correspondentiâ adhærent, vel imposteorum adungere se illi vellent; quamvis condignum esset juris in illos extendere rigorem, nihilominus volentes suppetere tempus reflexioni & resipiscentiæ, cum moderamine procedendum duximus, per prius mandata & proclamationem judiciorum in eadem Confœderatione Sendomiriensi designatorum; quæ judicia in istam Martij proximo DEO dante anno 1706 incident, & postmodum secundum præscriptum ejusdem Confœderationis ad latus Nostrum continuabuntur. Nobili nihilominus Michaëli Eperyas, si secundum Nobis factam à Capitaneo Samogitiæ

A.C. 1705 gitiae Campiduci M. D. L. declarationem in spatio quatuor hebdomadarum coram Nobis comparuerit, gratiam & Clementiam Nostram Regiam cum affecuratione vitae & fortunarum ejus pollicemur.

Volentes autem distractos mutuis inter se odiis Civium animos, dissectasque Reipub: vires perfectæ uniones redintegrare vinculo, & pristino vigori restituere; spontaneè & laudabiliter Ducibus Regni ad Cōfederationem Generalem Sendomiriensem accedentibus, jamq; ab illis expleto juxta Rotham in eadem Cōfederatione expressam juramento, tot eorundem fidelitatis in effectu præviis argumentis, distractū & divisum hætenus infelici discordiâ corpus exercitûs Regni potestati & obedientiæ eorundem Ducum juxta jura, veteresque consuetudines cōmittim⁹, combinamus, & ad Cōfederationē generalē Sendomiriensē circa Mtem Nostram & Prærogativas Nobilitatis, exnunc mediante tractatu, methodo infra scriptâ suscipimus, & incorporamus salvo rōbore, & vigore ejusdem Cōfederationis Sendomiriensis, quoad alia puncta; eo nihilominus modo: ut imprimis omnia vexilla, quæ ad hoc usq; tempus sub Ducibus, eorumq; Legatis militaribus fuerunt, juramentū in prædicta Cōfederatione præscriptum, coram Officialibus suis, vel eorum locum tenentibus quantocyus expleant; ipsi verò Officiales, uti Legati, Colonelli, vice-Colonelli, Primicerii in Tribunali Thesauri, personaliter comparere, manipuli verò per suos Deputatos documenta authentica cum subscriptione suorum Commilitonum & testimonia juramenti peracti producere, & in manus Mareschalci Tribunalitij resignare, tum ibidem simile juramentum additâ clausulâ super realitatem receptorum juramentorum, explere tenebuntur, sub vinculo rigoris in eadem Cōfederatione expresso. Jam quemadmodum eæ Copiæ, quæ sub directione Generosi Stanislai Chomętowski Capitanei Radomiensis, Mareschalci sui, laudabili zelo legitimè circa Mtem Nostram & Rempub: sunt Cōfederatæ; à Statibus Reip: prænominatæ generalis Cōfederationis Sendomiriensis immortales laudes & omnimodam affecurationem sunt consecutæ: ita eadem monumenta gratitudinis & securitatis præfato exercitui æterna volumus, nostrum affectum declaramus, utq; per prædictum tractatum specialem in futuro Tribunali Thesauri, cui hoc negotium specialiter autoritate præsentis consilii, demandam⁹ plenā satisfactionē & securitatem in desideriis suis assequantur, eadem lege cavemus, nec non eundem tractatum, quem præ omnibus in reassumpto Tribunali Thesauri expedire & finire oportebit, in omnibus punctis & articulis confirmamus. Jam autem; ut is tractatus tantò secundiore sortiatum effectum, eoq; felicius cum perfectâ notitia & consensu Exercitûs circa Mtis nostræ & totius Reipub: defensionem laudabili & glorioso ad Posteritatem exemplo Cōfederati, inchoari & coronari possit: compellamus autoritate nostrâ Regiâ & interpositione Ordinum eundē Reip: & nostrum exercitum; ut in generali futuro Congressu, nostro & totius Reip: sese accomodet arbitrio, supraq; memoratam combinationem salvo honore & securitate suâ suscipiat. Quia verò Mareschalcus tam suam, quàm Illustris Parentis sui substantiam, & bona, per sincera & candida nobis & Reipub. impensâ obsequia, non tantum hostili indignationi obnoxia reddidit, sed etiam ultioni ejus immolavit, majore illorum parte in cinerem, aliis rabie & sævitæ hostis ad incitas redactis: præterea quia pro obeundo munere debita illum contrahere necesse fuit: ideò non tantum ex debita gratitudine, sed etiam ex ipsa justitia memoratum Tribunal tantorum damnorum habebit

bit rationem, inibitq; modos; quò sumptus illi refundantur, pretiumq; *A.C. 1705* referat meritorum, consensu nihilominus nostro & approbatione præsentis consilii in virtute confœderationis Sendomiriensis nixi super hoc requisitâ. Sub hæc tam Mareschalco, quàm Castellano, Polaniecensi substituto ejus, consiliariis & omnibus in genere Officialibus, item in particulari Rzevuscio Referendario Regni, prædicti exercitûs Legato, pro optimè gestis ministeriis & officiis, pro susceptis laboribus & dispendiis opum & valetudinis, gratiam & respectum nostrum, tum etiam ex distributiva justitia gratam à Repub. consignamus memoriam, amnistiam insuper sancientes & condonantes omnia damna & injurias in bonis & fortunis per necessitatem belli vel indigentiam militarem privatis illatas, (excipiendo nihilominus hiberna ultra debitum & præscriptum extorta, non observatâ æqualitate vexillorum unis detracta, aliis in majore quantitate decreta, tum causas criminales violentias, invasions aularum, & violationes immunitatis Ecclesiasticæ; quos excessus præsertim in privatis personis nulla operire consuevit amnistia) Colonelli item & Legati legionum M. D. L. qui sub præsentis belli tempus in Regno hostem divisis copiis infestârunt & ceciderunt, eâdem amnistia gaudeant necesse est.

Verum ut præmissa de combinatione debitæ exolutionis & erectione Exercituum Regni, intuitu prosequendi proximo Deo dante vere belli facilius, & maturius ad effectum deduci possint; Tribunal Theauri Comitii Lublinensibus constitutum, postea per violentam adherentium Sueticorum resistantiam, sub colore confœderationis Majoris Poloniæ impeditum, in præsentem autem generali consilio ex necessitate boni publici, præviis solennitatibus solitis, Electoq; Directore Martino Chomętowski Palatino Masoviæ ad diem 25 Januarii sequentis anni Luceoriam limitatum, autoritate præsentis consilii instauramus, & constituimus: pro quo Tribunali præter Duces Exercituum Regni deputamus ex Senatu Rmum Episcopum Culmensensem &c. NN. Ex equestri verò ordine (quandoquidem propter impedimentum hostilitatis & prænominatæ confœderationis Majoris Poloniæ Comitiola relationis post præterita comitia habita non sunt, nec ad præsens securâ libertate expediri possunt, in aliis autem Palatinatibus, quamvis expediri potuissent, electi nihilominus Commissarii in partes alienas declinârunt,) hinc in tam præcipiti periculo inevitabilem Reipubl. attendentes necessitatem, pro hac sola vice, ex consensu omnium ordinum Reipub. vigore præsentis consilii, tam electos per Palatinatus confirmamus, quàm etiam ubi non sunt electi, designamus & declaramus: idq; ex alternata minoris Poloniæ, ex Palatinatu Cracoviensi. Damus prænominato Tribunali insuper specialem autoritatem & facultatem plenariè conficiendi, & concludendi quantocius tractatum pro exercitu, ineundiq; modum perfecti ordinis, solutionisq; debitæ exercitui circa Majestatem nostram, & Rempublicam constanter confœderato, secundum computum in Comitii Lublinensibus sancitum, & manu nostra subscriptum; quem juxta scriptum ad Archivum reducere, & complere efficaciter intendimus. Id verò Tribunal quatuor vicibus, singulis illarum sex hebdomadarum spatium duraturis, successivè intra biennium, sive in eodem loco, sive ubi per opportunitatem circumstantiarum licebit, præviâ intimatione absolvendum erit, ad normam & præscriptum comitiorum Lublinensium, cum plena potestate limitandi, transferendi, simulq; sancita Reipub. præterita, & præsentia per rigores legum & fortem manûs militaris

A.C. 1705 taris executionem ad effectum deducendi. Hoc Tribunali Thesauro Regni sic fundato, & tractatu circa combinationem Exercitûs definito, commissionem hiberna concernentem ibidem Luceoriæ pro 8. Februarij sequentis anni designamus; ad quam præter Duces Exercituum Regni Rñmum Episcopum Luceoriensem ex Senatu &c. NN. deputam⁹, ex Equestri verò Ordine eosdem ipsos jam ante Comitij Lublinensibus designatos, loco autem Adam Szaniawski ad Senatum & Castellatum Lublinensem translatis, Nobilem Stephanum Jerusalski confirmamus & determinamus, obligantes & admonentes singulos bonorum hibernis subjectorum Possessores; ut in ea Comissione intuitu calculationis faciendæ cum exercitu, comparere cum documentis sine mora non detrectent. Ex quia authoratio peditatûs, & exercitûs exolutio sine pecuniis, pecuniæ autem sine contributione haberi nequeunt: ideò non tantum laudem Comitii Lublinensis, id est contributionem communis solidi, & alteram triplicis à capite censûs in ordine ad antiqua militis solvenda debita lege publicâ decretam, partiumq; per discordias & domesticas factiones, partim per hostem impeditam, aut difficultatam, vel etiam si jam collecta fuit, inter privatos divisam: sed etiam attendentes ad tenorem constitutionis 1673 (titulo: defensio Reipub.) in simili casu conditæ, loco peditis cum toto apparatu ex viginti sumis generaliter omnium bonorum nostrorum, sive Nobilium, sive Ecclesiasticorum, 10 florenos à fumo ab iisdem exactoribus quos ad cogendas pimas contributiones in Comitiorum relationis, post præterita Comitiorum elegimus, exigendos, reassumimus & constituimus præviâ expeditione in eum finem universalium nostrorum quæ ad Palatinatus & terras cû intimatione reassumptionis hujusce laudi exnunc edemus. Quod si autem Palatinatus & terræ per casum ruptorum vel non expeditorum præteritorum relationis Comitiorum nullos Quæstores elegerint: tum juxta Comitiorum Lublinensium rigores Tribunali thesauri (cui in eum finem vim necessariam & facultatem amplissimam in vigore præsentis consilii declaramus & concedimus) volentes quantocius agonizantem salvare Patriam, & ab intentis in perniciem ejus tutari hostib⁹, id relinquimus: ut per delatam cum executione militari procedat, & carentiâ vocis activæ arbitrariâq; impositione summæ contra Refractamos agat.

Habentes item sollicitudinem de futura expeditione exercitûs M. D. L. per legem insuperabilis necessitatis, & naturalis defensionis simultaneq; cum Regno tutelæ sancitam in Comitiorum Lublinensibus quatuor florenorum à fumo generaliter à quibuslibet bonis contributionem, ad normam constitutionis eorundem Comitiorum pro hoc duntaxat anno & hac sola vice de novo merè eo intuitu; ut aucto exercitui externi authoramenti secundum compitum manu nostrâ subscriptum solvatur, reassumimus, & constituimus, asscurando interim quantocius providendum fore de exsolutione exercitûs, Polonici authoramenti, salvo beneplacito & rati habitatione Palatinatum & districtum M. D. L.; quibus ex ea ratione Comitiorum in diem tertium post Comitiorum Purificationis, hoc est in 11. Februarij sequentis anni 1706. in locis consuetis designamus, in ordine ad eligendos Quæstores, ordinandamq; exactionem prædictæ contributionis; simul tribunal thesauri pro plena & perfecta harum & præteritarum contributionum dispositione, sub directore & Commissariis per Comitiorum Lublinensia assignatis, & à Palatinatib⁹ anteceder eodem hoc anno Vilnæ 3 Martij Electis, juxta obloquentiam constitutionis

tutionis eorundem Comitiorum determinamus. Sumptuum & pecuniarum provisionem in ordine ad reparandum armamentarium Regni & M. D. L. Thesaurariis & Tribunalibus thesauri utriusq; gentis commitimus, seriò obligantes; ut ineant modos debiti pro futura expeditione apparatus conficiendi, in quem finem pro subsidio sanciti Comitiorum Lublinensium specificè armamentarii Regni, summam quadraginta millium; Litvanici verò tringinta millium currentis monetæ ex thesauris utriusq; gentis, vel primis contributionibus & proventibus Reipub. assignamus. In finem autem contentationis exercitus M. D. L. bona Sapienharum uti & bona Neoburgici ac adhærentiū meliori observantiâ quam hactenus ordinamus, iisq; ad quos pertinet unicè commendamus, salvis nihilominus juribus creditorum & indemnitate eorum bonorum; quæ per Constitutionem Olkienicensem sunt excepta, & quæ ad hanc generalitatem non pertinent. Ut verò præmemorata sancita & contributiones omnes cum irreparabili deceptioe exercitus & totius Reipub. non in sola duntaxat charta, sine executione existant, ob notorium defectum rei numariæ; quam partim contributiones tam hostilium, quàm nostrarum & auxiliarium copiarum, partim impedita terrâ & aquis commerciâ penitus exhauferunt; cogente ultimâ necessitate ex consensu omnium Ordinum Monetariam Officinam pro cudenda argentea Tymphorum, Sextariorum, & solidorum juxta antiquam cum exteris dominiis & civitatibus jus cudendæ monetæ habentibus conventionem, aperiri posse dispensavimus: commendantes executionem hujus negotii Thesaurariis Regni & M. D. L. quibus præter Marschalcum generalis Confœderationis, Commissarios N N. &c. addimus intuitu contrahendi crediti super capitale materiæ, ordinandique prædictam monetariam, uti & verificandi expensas & lucra inde Reipub: provenientia, quæ in exsolutionem exercitus cedere debebunt. Thesaurariis verò utriusq; gentis seriò injungimus; quatenus sedulè incumbant ut prædicta argentea moneta in valore & pondere sit uniformis & in vicinis dominiis æqualiter acceptari possit.

Tractatum Offensivi & Defensivi cum Duce Moschoviæ fœderis contra Regem Sueciæ, vigore scripti ad archivum in Comitibus Lublinensibus anno præterito dati, operosâ curâ & exemplari zelo Palatini Culmensis confectum, nunc verò post factam relationem coram statibus Reipub: à Nobis juxta jura & veterem morem pro rato agnitum, in omnibus punctis & articulis confirmamus, & prout ex Nostra parte sincerè & constanter illum servare volumus, ita non dubitamus eundem à Duce Moscoviæ integrè & inviolatè conservandum: quod ut fiat, Nostra sollicitudo & studia non deerunt, uti etiam, quo nobiscum similia fœdera contra Regem Sueciæ ad diversionem belli faciendam exteræ potentiæ ineant, eas invitare & obligare juxta mentem Comitiorum Lublinensium tam per literas, quàm per legationem publicam non intermitteremus. Interea juxta obligationem ejusdem Tractatus & declarationem Ducis Moscoviæ, pro receptione Białocierkviæ, fortalitorum & locorum Ucrainensium ad Rempub: secundum ultimata pacta & limitationem pertinentium, cum debita assistentia intuitu occupationis illorum Commissarios nostros tam de senatu N N. &c. quàm de equestri ordine N N. ordinamus &c. qui secundum tenorem Tractatus & instructionem nostram commissi sibi expedient. Quoniam verò Palatinus Culmensis, partis adversæ non attendens molimina, susceptâ prænominatam legationem Moschoviticam non tantum cum discrimine

A. C. 1705 vitæ, sed etiam cum ingenti fortunarum suarum ruina laudabiliter & cum honore gentis Polonæ peregit; nec non cum maximo emolumento statuum Reipub: Tractatum cum Duce Moschoviæ conclusit, pensantes illius damna & fidele obsequium nobis & Reipub. impensum præfatum Palatinum etiam quoad personam nostram ex distributiva justitia præmiari pollicemur: summam autem quinquaginta millium Imperialium, quæ ad tymphos reducta trecenta millia facit, per Senatus consilium Varfaviense pro ea legatione decretam, Thesaurariis utriusque gentis solvendam injungimus, hoc est Thesaurario Regni summam ducentorum millium Tymphorum; quem, (si calamitoso tempore ei indilate reddendæ impar esset) obstringimus; ut prævio contractu & salvâ concurrentiâ plus offerentis, Masoviæ portoria tam terrestria quàm aquatica Vistulæ, donec summam concreditam per illorum obventiones sibi exsolvant, creditoribus oppignorent; de quo in casu contraventionis Thesaurarius Regni in quovis foro reddere rationem obligatus erit, sub vinculo ejusdem Confœderationis generalis. De summa verò centum millium Tymphorum eidem Palatino debita, siquidem thesaurus M.D.L. jam notabilē exsolvit partem: restantia sive ex ordinariis, sive extraordinariis proventibus & contributionibus Thesaurario M. Duc: Lit. injungimus præsentis consilii autoritate instantaneè solvenda: Secretario verò Legationis, cum jam Thesaurus M. D. L. de pleno pro sorte sua satisfecerit; ut Thesaurus Regni summam ipsi assignatam viginti millium tymphorum in toto sub eodem rigore exsolvat, decernimus. Et quamvis Illustris Szczuka in virtute Comitiorum Lublinensium ex Senatûs Consilio cum charactere Legati Magni ad aulam Berlinesem designatus, propter surrogationem alterius subjecti munus id non sit executus; nihilominus quia pro honore gentis in apparatus requisitum, pro eo officio, summam quindecim millium imperialium, secundum indicem ad acta publica datum, expendit: impari ad præsens Republ. solvendo, vigore & autoritate statuum Confœderatorum, ipsi & Successoribus de ejus Tainenfi Præfectura in Palatinatu Podlachia, & Bronoviensibus sylvis in terra Visnensi cum attinentiis, quæ aliàs ad Thesaurum Regni inferri debebant, in vim summæ solvenda decernimus & affecuramus. Similiter & Præfecto Stabuli Regni, nostro post felicē Coronationem nostram ad summum Pontificem Ablegato, assignatam & subscriptam quatuor millium imperialium summam, ultra quam prædictus Georgius Dzieduszycki Præfectus Stabuli, pro honore nostro plura expendere debuit, videntes egestatem Thesauri Regni, ex præsentis Consilio de Præfectura Cuculoviensi in Leopoliensi terra, & districtu Zydzaceviensi recipiendam, ipsi & Successoribus ejus assignamus, cavemus, & affecuramus. Legatis exercitûs Regni singularum divisionû in vim consueti tractamenti, & incitamenti omnium ad obsequia nostra & Reipub. ex primis proventibus & contributionibus in Tribunali Thesauri duo millia currentis, per singulares singulis assignationes, uti & Legatis exercituum M. D. L. ex Thesauro ejusdem Ducatûs declaramus. Item Nobilibus Nicolao Milkiewicz & Francisco Szpringer Præcursoribus Legatorum, primo pro laboribus & sumptibus in via Krymensi exantlatis, quatuor millia, alteri autem pro via Constantinopolitana tria millia ex Thesauro Regni autoritate præsentis Consilii designamus.

Demum, ut prædicta sancita nostra & statuum Reipub. quantocius ad notitiam omnium & in executionem deveniant, Stanislao Dönhoff

hoff Mareſchalco Conſœderationis (cujus invictam fidelitatem imò cō-*A.C. 1705*
ſtantioſiorem è cineribus exuſtarum hoſtili igne fortunarum circa Mtem
noſtram & Remp. zelum, multiplicatis gratiis & favoribus nos præmi-
aturos cum aſſecuratione evincendæ realis à Repub. gratitudinis pol-
licemur, eidemq; in vim ſuſtentationis & expenſorum continuorum ad
latus noſtrum annuatim ſummam ſexaginta millium florenorum Polo-
nicalium, numerando curſum illius ab exordio conſœderationis Ge-
neralis ex proventibus Reipub. de conſenſu omnium ſtatuum designa-
mus) commendamus, ut ad acta publica maturè porrigat & typis edi-
ta per Palatinatus, terras, & diſtrictus mittat, publicariq; faciat, cum
ſubſcriptione Cancellariorum, & ſub ſigillo Regni in Regno, in Litva-
nia autem ſub Litvanico, in virtute præſentis conſilii Generalis ſtatu-
um Conſœderatorum Regni, & M. D. L. datum ut ſupra.

UNIVERSALE REGIS AUGUSTI DATUM GRODNÆ

18. Decembris.

Divinæ providentiæ opera, quamvis pari affectu proſequi &
immortales eidem (cum aliter nequeamus) refundere grati-
as Nobis neceſſum eſt: quòd tot tutelæ & aſſertionis in me-
lius Reipublicæ huius deſuper ſubmittat inſinuetq; media; quot
econtra infauſtas revolutiones & calamitates ruinæ ejusdem manife-
ſtas, ferox protulit ætas. Mirabitur orbis univerſus; inimicæ autem
gentes etiam afflictam apprehendent & pertimeſcent Rempublicam,
dum pertinaci rerum ſucceſſu, humanis fatiſcentibus conſiliis, eam
tam efficaciter & luculenter ſuccollat & ſecundat Divina clemen-
tia; ut, quidquid hoſtilis hætenus tentârît potentia, & immemor Pa-
triæ degenerum filiorum contra nixa fuerit malitia; quæ per impe-
dita Comitiorum Lublinenſium ſancita, aut ſuſtulit aut confudit Or-
dinem, ſciſſis Civium ſtudiis auxit pericula, malorum diſtulit reme-
dia: jam nunc ex poſtliminio breve intra tempus, ſub reditum no-
ſtrum per reaſſumptum & feliciter coronatum Generale Grodnenſe
ſe Conſilium, reſtituat & compenſet, implicata diſtingvat, diſtincta
conjungat, naufragas tabulas ad promontorium bonæ ſpei appels-
lat, meliusq; jubeat proſtratis confidere rebus: quando Ordines Rei-
publicæ antiquo Majorum ſuorum zelo, non tantùm invicem novis
vinculis & ſacroſanctis ſponſionibus plenam ſtabilemq; roborârunt
unionem, & perfectam aſſecurârunt confidentiam; ſed etiam ſalutar-
ia adinvenerunt, ſanxeruntq; media, quorum vigore Majeſtati no-
ſtræ tutela, hoſti certa reſpreſſalia, afflicte autem Patriæ deſiderata
& expetita obtingere poteſt pacis tranquillitas. Hæc ſunt Regno-
rū omniū invicta columina, fortitudo adverſus hoſtes & mutua inter
Cives concordia: ad hos fines dextera excelsi præſentium Reipubl:
ſtatuum ita inclinavit corda, mentem & ſenſum combinavit; ut de
unanimi omnium ſententia, & conſenſu univerſali, imprimis cum
Czaro Moſcoviæ Tractatus offenſivi & deſenſivi foederis contra e-
latum victoriis hoſtem, cum omnimoda ſecuritate & emolumento
Tom. III. *Sss2* *Reipub,*

A.C. 1705 Reipub, cum restitutione Ucrainæ, & plenaria Colaticæ Rebellionis pacificatione approbaretur, & ratificaretur: consequenter propriarum utriusque gentis virium, ut sint pares aquilæ hostili leonis potentia, auctio in executionem deduceretur; quoniam quies gentium sine armis, arma sine stipendiis esse nequeunt, intuitu exsolutionis Exercituum Regni sancitorum in Comitibus Lublinsibus nuper executio confirmaretur, obolusq; cursûs communis minus sensibile onus in ulterius etiam tempus prorogaretur, item contributio in vim agrarij militis secundum præscriptum constitutionis 1673 florenorum ex fumo, in Ducatu Litvaniæ autem juxta sancitum eorundem Lublinsium Comitiorum 4tuor flören: pro hac sola vice, in hunc tantum annum reassumeretur: insuper ad supplendum rei monetariæ defectum, ærarium sive officinam cudendæ argenteæ pecuniæ in æquali pondere & liga cum vicinis Dominiis, per Poloniā & Litvaniam Thesaurarijs & Commissarijs aperiendi indulgeretur potestas. Dum autem tam impensam sollicitudinem nostram, simulq; publico totius universi bono sancita vobis universali Nostro intimamus, & promulgamus: obtestamur unicè amore declinantis in ruinam Patriæ; ut intuentes & audientes, quomodo pars maxima inclyti Regni sub hostili ingemiscens iugo, vocalibus lacrymis, lethali correptos somno suscitatur ad vindictam sui, & accelerandæ defensionis avertendæq; impendentis capiti ruinæ & servitutis extremam imponit necessitatem, perpendentes quomodo hostilis licentia ferri jam annos aliquot in vitas & fortunas civium impunè grassata, nullo solubilem fato generosarum gentium unionem, simulque Mris & libertatis compagem dissolvere & dirumpere laboret; quò facilius divisos & enervatos premat, & perimat, habentes demum præ oculis tot clades & funera fratrum, proximeq; imminentem universalem omnibus perniciem, exhibeatis experimentum constantis in Nos fidei, & affectûs, uti etiam resolutionis, promptitudinisq; nullis hebetatæ casibus, quoad Naturalem Vestrummet ipsorum gloriæ Divinæ, Fideiq; sanctæ defensionem reale edatis argumentum: certi magnam partem sanitatis esse, velle sanari. Demonstrabitis tanquam in speculo præsentium consiliorum plenum vigorem, ostendetis quo zelo ardeatis in Patriam; quando sepositis quæstionibus & scrupulis, omniq; sinistra de nobis & publica concordia interpretatione adeoq; omnem remoram & dilationem remediorum salutis publicæ perosi, voletis adesse & succurrere communi utilitati; & tam retenta sanciti præteritorum comitiorum, quàm etiam recens prorogata & adinventata, juxta modum & ordinem in concluso Generalis Consilij præscriptum, ad Tribunal Thesauri intuitu exsolutionis exercituum constitutum, conferre & extradere non denegabitis; ad quæ Quæstores, Administratores & Exactores singulos; ubi Electi sunt, autoritate juris communis obstringimus; ibi verò ubi necdum hactenus

Stenus competens ordo pro exactione prædictarum contributionū est institutus; Primores Palatinatum & Terrarum conjuramus, Regiaq; Nostrā auctoritate compellamus; ut convocatione factā, colata re cum bene sentientibus pro Nobis & Republ: Ordinem ejusmodi & Electionem Quæstorū quantocius exequantur, non intromittendo se in alias materias statūs, simul tamen occurrendo molestis consequentiis prætaxationis, per assignationes executionis militaris. Perpendite modò sedulè revoluta retrò sæcula, quibus initiis parta stetit libertas: arbitremini Majorum Vestrorum ingentem zelum, resolutumq; animum; ut illi dispendijs vitæ & opum suarum integritatem Regni, fidei Sacræ, & libertatum Patriæ propugnârunt; trurinate, quantum jam felicitatis his inclytis accessisset Nationibus, si sponte modicum id suæ defensionis impendissent, quod hostis in perniciem illorum ex ipsismet ferro & flammis extorsit. Considerate, ut in similibus occasionibus & calamitatibus, rapiebantur potius quàm quærebantur consilia, & ejusmodi defensionis assumebantur media: facile ex hac idea & memoria anteaكتورum boni consulere, fateriq; cogemini agendorum ad præsens indispensabilem necessitatem. Si quid verò lex suprema salutis Reipub: deberet mori Patrio, quoad declarationem prædictorum sancitorum; id pacis optatæ beatitudo compensabit; redibit cum fœnore comitiis, consilijs, jurisdictionibus & singulis Patriæ consuetudinibus suus honor & vigor; quorum integritatem & inviolabilem observantiam Nos manutenturos pollicemur: demum salva Patria & incolumis Respublica omnia salva præstat, amissā illā nemo tutus, non vita, opes, jura, & libertates: Unde uti à DEo omnium sunt potestates; ita ut sacris illius instinctibus ad omne id sine tædio & fastidio inclinentur voluntates, ardentissimè precamur. Sub hæc Universale Nostrum manu nostrā subscriptum & sigillo roboratum, quò citius innotescat, per Castra, Parochias & loca consueta publicari mandamus.

AUGUSTUS REX.

CXII.

ANDREAS C. ZALUSKI EPISC. PRINC. VARM. ET SAMB.
ALEXANDRO SALLAROLI REGIO MINISTRO 16 Decemb.

MAgnum Consilium Grodnæ tribus septimanis post adventum in Poloniam Regium reassumptum. Incepit illud Comes Dönhoff *Consilium Grodnense* Ensiser Regni, tanquam confederationis Marechalculus, cujus activitas nunquam debet sine laude memorari, publicum lætitiæ exprimendo sensum, ex felici S. R. Mtis adventu, & ex præsentia duorum siderum in firmamento Poloniæ Castoris, & Pollucis optimæ inde formando spei auguria afflictæ Reipub. supplicando, ut sua Mtas succurrat rebus Patriæ, & consulat cunctis.

Tandem Procancellarius Regni diserto, & preparato sermone exprimebat affectum Regis in suum Regnum, quò scilicet per media pericula, & hostiles cuneos transeundo ad limina Patriæ hujus appulit.

A.C. 1705 Invectus est paulisper contra illos, qui Regi sunt contrarii, quos retrorsum infatuata pravis opinionibus malitia rapuit, qui cum habeant iter rectum, devios sequuntur anfractus, planum deserunt, & per præcipitum labuntur, lucem relinquunt, ut in tenebris cæci ac debiles jaceant, non difficile sanè erit paucorum hominum pravè sentientiū sententiam redarguere, & còercere, actu, & infallibiliter omnipotens mercedem sceleris exsolvet, quia ut est erga pios indulgentissimus pater, sic adversus impios in Regem & Patriam rectissimus, & severissimus judex. Propositio verò in his terminis facta.

1mo. Quomodo concordēs in eodem fine penes Mtem Regiam, & & manutentionem libertatum; in mediis verò discrepantes, ad perfectam unionem inducere, præcipuè verò circa combinationem Statūs militaris, juxta prærogativam jurisdictionis Ducum.

2do. Si adhuc adhærentibus Sueticis concedi ulterius debet spatium ad resipiscendum, vel si debent rescindi, ne noceant exemplo, & opere.

3tio. Auctio Exercitūs præcipuè peditatūs pro imminente expeditione.

4to. Destinatio Tribunalis Thesauri propter combinationem, & reductionem exercitūs sub uniformem obedientiam, quo loco, & tempore id fieri debeat cum destinatione Commissariorum, in locum illorum, qui vel per malitiam, vel per infortunium contrariæ parti adhærent.

5to. Subsecuto effectu combinationis in Tribunali Thesauri, si, & ubi expedit Commissionem hybernalem indicare.

6to. Reparatio rei armamentariæ, seu Artilleriæ Regni ruinatæ, & provisio subsistentiæ præsidio Camenecensi.

7mo. Pacificatio Tractatūs cum Czaro Moschoviæ facti, & executio ejus.

Auditus est etiam Ablegatus ab Hano Tartarorum, qui se offert ad omnem nutum Regis, & Reipublicæ.

Vigesima 7mâ reassumpta sessio in Majori frequentia Senatūs, & Equestris Ordinis per Marechalcum Confœderationis, qui postquam cōmemorasset prædiorum, ac facultatum à Suecis subhastationes, à nostris autem confratribus, sanctissimarum legum profanationes, immunitatum ac privilegiorum, conculcationes modum omnem supergressas, milite Suecorum superbissimo in populum natum ad humanitatis cultum, & mitioribus imperiis assuetum promiscuo sæviendi libidinem, nunquam fando auditam, nunquam in Annalibus memoriæ proditam, qui magnitudinem fortunæ suæ peccandi, rapiendi, spoliandi licentiā metiuntur, quidquid liberet pro licito judicantes repræsentavit, quòd primum objectum magni hujus consilii sit ratificatio Tractatūs cum Czaro Moschoviæ, ac proinde necessariam negotiationis Tractatūs facti crederet esse relationem, pro qua facienda petitus est Palatinus Culmenensis, tanquam magnus ad id faciendum Legatus, & Plenipotentarius, qui in continenti acceptâ voce, exprimendo, quòd solennis relatio ob particularitates, & formalitates non potest absolvi, nisi in plena Rep: ut illi justificationem dare possit, quidquid pro commodo ejus conclusit; nihilominus reservatâ hâc solennitate, puncta Tractatūs valde necessarij, & salutaris lecta sunt, post quam lectionem idem Palatinus Culmenensis affectum sincerum Czari demonstravit, quòd scilicet non tantum concluso Tractatui ex parte satisfecit, mittendo Exercitum suum, sed etiam plura præstitit, cum non tantum duodecim millia per Tractatum conclusa

clusa Exercitûs sui nobis dedit, sed etiam ipse in persona sua cum validiori exercitu adfuit. Gratias post nomine Regio retulit Procancellarius magnas tribuendo laudes legato pro concluso feliciter tam exoptato opere, commemorando insimul insignia ejus in Rempubl: merita. Quia verò nonnulla desiderantur in executionem dicti Tractatûs, ideo destinata est conferentia cum Ministris Czari. A.C. 1705

COPIA LITERARÛ AD PONTIFICEM A CAPITULO VARM
MIENSI. 18. Decemb.

Post oscula beatissimorum pedum Vestrae Sanctitatis, nostriq; humillimam recommendationem. Graviter perstrinxit Collegium nostrum insperata detentio Rñdmi Præsulis nostri in ditionib⁹ Saxonis, eo vel maximè tempore, quo sub his publicis calamitatibus, exhausta, & ferè ad incitas redacta Diœcesis Varmiensis, sui se sperabat Pastoris Pastoralis cura, quam nunquam subtraxit & omisit, sollicitudine in his tantis angustiis protegi & defendi. Arduum nobis Beatissime Pater, anceps, & pro nostris personis Capitularibus admodum periculosum erat, & hucusq; est inter ingentes tempestates, unà cum Ministris Ecclesiæ Cathedralis, pro continuando Divino cultu inter militares acies, & executiones, incendia pagorum, & incinerationes tandem, Ministrorum Episcopaliū Capitularium abductiones, minasq; captivationis nobismet ipsis sæpius intentatas, sub sola Divini Numinis protectione hucusq; declinatas degere, & commorari; interim dum graviora indies & suprema imminet, dispersionis Incolarum, in partes hæreticas ob extremam inopiam, & ipsius periclitantis religionis incommoda, magis secuta in arduis expectabamus consilia à Pastore animarum nostrarum, Rñdmo Præsule nostro, cujus eminens in Regno auctoritas, judicium in rebus agendis sublime, & longo rerum usu firmata, felix activitas. Hinc est Beatissime Pater, quòd in tam miti & molesta nostra orbitate, & in hoc publico majori, quàm aliàs discrimine sincere compati, indolere debeamus, & Præsuli & ovili, sui Præsulis regimine destitutis, humillimè supplicando, dignetur Sanctitas V, in visceribus Paternæ charitatis, uti Præsulem huncce nostrum, ita nosmetipsos clementissimè fovere, & afflictissimis rebus hujus Diœcesis manum Pontificiam porrigere, DEum precamur, ut Sanctitatem V, militantis Ecclesiæ præsidio, & decori, nostroq; solatio, quàm diutissimè incolumem servet, cujus sacras plantas prociduo cultu, & humillima veneratione exosculamur.

AD CARDINALEM PAULUCCI 5tâ Januarij.

Ingravescantibus in dies, super nos populumq; Diœcesianum afflictionibus, non leve addidit momentum inopinata in ditionibus Saxoniae detentio Illust: ac Rñdmi Dñi Episcopi nostri, quæ eò nobis est sensibilibior, quò magis & illi consuetâ Pastoralis sollicitudine salutarique hætenus cura, gregi sibi à DEo, & Vicariâ ejus in terris potestate, concredito succurrere, & nobis pro nostra populiq; salute, cum illo communicare consilia, planè non est integrum; si causas desolationis hujus Diœcesis penitus indagemus; alias prorsus nullas reperimus, nisi quòd Præsul noster in obsequio fidei erga S. R. Mtem immobilis extiterit, rejectis quibusvis propositionibus, etiam in rem Diœcesis favorabilibus multifariam multisq; modis ac vicibus ab adversa parte interpositis. Palam

A.C. 1706 Iam enim ac publicè ante biennium, non tantum aulæ Sueticæ Ministris, sed etiam illam sequentes Magnates Poloni firmiter & constanter asseruerunt, non posse Varmiam, nisi per accessum Antistitis, ab extrema ruina liberari; sed maluit Illust: Episcopus noster ultimam sui ipsius, ac proventuum suorum Episcopaliū, exinanitionem & ruinam ferre viriliter, & Apostolicis Suae Sanctitatis mandatis, ea quā par est promptitudine parere, quā iis contraveniendo, partibus Sueticis assistere. Unde evenit, quod non solum Diocesis hæc, partim per funestas omnium prædiorum Episcopaliū, (nullo excepto) & villarum ultra centum incinerationes, partim per immensas contributiones, & datarias, ad extremam ruinam & abominationem desolationis devenit, sed etiam deducto in sanguinē odio, Illustrissimi Domini, Episcopus & Suffraganeus Plocensis, nec non Palatinus Ravensis cum numerosa prole sua, Germani fratres, Præsulis nostri, à Patria exules, nec ullam in Polonia commorandi securitatem, ob insidias Sueticas habentes, in terra aliena sumptu suo, omnibus fortunis & bonis, per incinerationes & depopulationes ad incitas redacti, exuti, hucusq; degere & morari cogantur. Quod oculis omnium subjectum est, nec licet commissio desuper à sua Sanctitate expediretur, erubescendum quidquam nobis de assertione nostra superesset. Implacabili huic Suecorum odio, velut igni oleū affuderunt publici processus, & edicta Præsulis nostri, per Diocesim hanc multiplicatis vicibus publicata, fideliter executioni mandata, ac in hanc usq; horam (non attentis ex inde provenientius periculis) sacrosanctè in tota Diocesi vigentia, quibus seriò, ac districtè mandavit injunxitq;, imò pro sua Sanctitate, 2do pro Serenissimo Rege Augusto, sine intermissione orationes fieri ad DEum Omnipotentem à Clero & populo universo. Unde satis patet Illmī Dñi Episcopi Nostri, circa suam Sanctitatem inconcussa obedientia, erga Serenissimum verò Regem Poloniæ, integra, nec ulla vicissitudine alterata fides. Sed nondum tribulationis nostræ finis, graviora in dies dispersionis incolarum in vicinas partes hæreticas, cum evidenti periculo perversionis incommoda. Post Ministrorum Episcopaliū, & Capitularium realem à Suecis captivationem, nobismetipsis, qui hucusq; inter ingentes tempestates, sub sola Dei protectione, ex Pastoralis Præsulis nostri animatione pro continuando Divino cultu, circa Ecclesiam Cathedralem commorabamur, minæ captivationis intentantur, nec nobis præstò est animarum nostrarum Pastor, à quo, in tam arduis & solitò periculosioribus conjuncturis consilium capere possimus, quibus hætenus ante Saxoniam detentionem & nos in Ministerio Ecclesiæ, & incolæ circa Religionem & possessiones suas, securè manutenebantur, & res omnes, tam in spiritualibus, quàm temporalibus suo cursu & ordine ritè procedebant. Hinc est, quod in hac funesta nostra orbitate, majoriq; quàm antea discrimine constituti, Beatissimis pedibus suæ Stis advolvamur pro reddendo nobis oviliq; suo pastore, cujus eximia in Regno autoritas, & felicissima in rebus agendis activitas, desperatissimis nostris ac Diocesis hujus unice potis est succurrere rebus. Quod ut pro gloria Dei, communi nostro & populi Diocesani solatio, melius ac opportunius succedat, Eminentia Vra innatam, & toto orbe celeberrimam benignitatem, profundissimo cultu invocamus, supplicamusq; confidenter, quatenus Eminentia Vra congestam compendiosè in hoc folium, ac verissimam afflictionem nostram populiq; Diocesani, ad dispersionem ob extremam inopiam inclinati calamitatem, in paternum suæ Sanctitatis sinum deponere,

ponere ac efficaciter cooperari dignetur, quatenus pastor suo ovili re-
stituat, & ovile sine pastore, à dispersione in partes hæreticas arcea-
tur; tot animarum pretioso Christi sanguine redemptarum asserta, con-
servataque salus, cedit Eminentiae Vrae in universum æternæ salutis
præmium, & perennaturam magni sui nominis gloriam. Cæterum fim-
briam sacrae purpuræ Eminentiae Vrae, submississimâ veneratione ex-
osculantes manemus.

LUDOVICO ZALUSKI EPISC. PLOC. FRATRI SUO 12 Jan:

TAnquam aqua frigida animæ sitienti, & nuntius bonus de terrâ
longinqua, sic literæ tuæ eò jucundiores, quò minùs expectatæ
annunciantes bonum, prædicantes salutem, tantùm grataiter ac-
ceptæ, quantum optabantur, ex quarum principio plus spei capio, quàm
credidissem, cum de statu vestro me non vultis ignorare, sed eum notû
mihi facitis. Auferet omnia oblivio si poterit, si non, utcunq; semper si-
lentium teget. Jam non memini pressuræ præ gaudio, & oblivisci fa-
ciet me Dñus omnium, si vera erunt, quæ promittis, & si quæ nunc sunt
verba, erunt opera. Memini, & adhuc mihi memoria recentium rerum
adeſt, quomodo indignatio Regis tanquam nuncius mortis, nunc dum
invenisse te eum significas iratum, sed reliquisse placatum, ut ille qui ad-
versis tempeſtatibus actus, trajecto infesti maris æſtu, portu gaudet tan-
quam fidissimo vitæ sinu, sic & ego, qui de hujus lampadis claritate
lucere me etiam agnosco, post tot molestias erigor, quem sortis meæ
adversa preſſerunt. Quid non timendum felicibus? quid sperandum in-
felicibus?

Quamvis verò nunquam ego ullis rebus toties secundis, & adver-
ſis modò ex prospero ſucceſſu tristem, modò ex afflicto ſtatu lætò mu-
tavi animum, gaudium nihilominus ſi non plenum, perfectius certè fu-
iſſes, ſi expreſſius ſcripiſſes, ſceleſtam falſitatem à conſortio veritatis re-
jectam, nam cuncta turbantur, integritas cum fraudibus miſceatur, &
ad illuſionem juſtitia, vel ſi ita vis clementia fraudum compendia ju-
vant, & conſueto infelicitatis eventu fit dedecus proprium, ſcelus alie-
num. Si cognoscere cauſam bonus Rex permiſſus fuiſſet, ignoscere po-
tuiſſet, poſtquam ejus impleta eſt voluntas & ſi recordatus fuiſſet, ſic
me juſſa ejus peregiſſe, ut nullus unquam moraretur dilationibus impe-
rata.

Acceſſiſſe te propiùs, doloris cauſas inquiſiſſiſſe, & manu quod a-
junt, ulcus tetigiſſe dicis, indicata quædam, & forſitan non fruſtra fuiſſe,
& tamen non ſcribis, an obſcuris dolis effectum Regia ſuſtulit autho-
ritas? nam aliter quomodo poterunt maculoſæ notæ vitiatæ abſtergi o-
pinionis? quomodo omnia detrimenta nobis ſarciuntur, quibus incom-
petenter damna facta? ſpem ergo aſſers, ſed & metum intendis, ne eo
fluxu, quo fluxere res, fluant adhuc, & ne ſolo oſtentatorio, aut nudo
promiſſorio hæc finiantur.

Si reſpondere oportebit ad aliqua quæſita, ſcias me interrogatio-
nibus tuis, non ad famam, ſed ad verum heriliter, non ſerviliter, nec
ut quidam fortè arbitrantur, qui turbato rerum ſtatu compendia faci-
unt, reſponſurum, cedere poſſum, à vero, & recto ſpectu non poſſum, &
cum omnia mihi adverſa fortuna eripuerit, ſolam reliquit cauſæ æqui-
tatem.

Poſt edita animi conſtantis, fideique indubitatae facinora, nihil fa-
ciam,

A.C. 1706

ciam, quod me non sit dignum. Gratanter implebo, quod ille (modò sit honestum) pro me constituet, cujus reverentiâ ita constringor, ut sine dubitatione fiat, quod illum decrevisse cognoscam, faciamque quod jubet Dominus meus. Ac proinde canticum quod me cantare jubes, quamdiu in terra aliena ero, non cantabo, & si sententiam non attuleris, à qua non debeam & ipse appellare, mutabitur cythara nostra in luctum, quanquam non tantum credo, sed nec dubitare debeo, quidquid à vobis factum est, factum esse pro me. Illud tamen solummodò perfectum dicitur, quod de voluntate simul, & actione laudatur. Non contristabit autem justum quidquid acciderit ei, sæva urgent inexper-tos, ridebo ego, & in opprobriis non loquar, non respondebo, si non exaudiar, in die tribulationis meæ, feram, patiar, nec movebor, quam desideriiis abnegatis, vulnus geminetur afflictiis.

Promittis te cursore velocius venturum, & facile adducor ut credam, quòd uteris propriâ velocitate, sed nihilominus adjuvat etiâ, quâ currere hortatur, gratam certè rem facies, spes quæ differtur, affligit animam, & melius est videre quod cupias, quàm desiderare quod nescias. Nihil novi est apud me, de illis quorum unus judicio suo eruditissimus, & meo non ineruditus, qui privatas spes agitans sinè publica cura capto semel in suspicionem animo, omnia secus interpretari solet. Nónne ab istis damnum omne venit, quod nobis adest, & quod adesse poterit? expectabam ego ea semper, quæ nunc experior, & mala flere vetera oculis nolo novis. Si facultatem sibi deesse dicunt, non voluntatem, nolle in causa est, non posse prætendi credas. Amicitias illi ambiunt dejecti, aspernantur erecti. Nocentius quidem hoc vulnus est, quia propius cordi, illata mihi per eos dispendia, quos deceret potius præstare juvamina, & licet falsitates, fraudesq; dies aperiet, damna tamen ante dabunt, sicut jam sequentia declarant præcedentia, nihil timentem in præcipitia, & fraudem impulerunt, quam veritas citra controversiam detegere, & quidquid pravâ interpretatione obscuratur, mendacij nube revelari poterit.

Sed non moror hos, qui DEUM nec curant, nec colunt, qui nunquam jactantiùs fidem suam obligant, quàm dum maximè violant, quorum dicta veritati nunquam conveniunt, quos nemo cavet, etiam si cavisse ratus, qui loquuntur pacem cum proximo suo, mala autem in cordibus eorum, qui semper ægri aliquid in Republica volunt ut sit, ad cujus curationem adhibeantur, adeo protervè, & petulanter dominantes, ut non aliam felicitatem suam, quàm in oppressiõibus, & servitute multorum collocatam esse putent. Jactari nos illi desiderabunt semper, tanquam in vastissimo mari quassatam navim mox ab infesto gurgite devorandam. Sed DEus ultionum Dominus præclara magnitudinis suæ ope liberabit, & ipsi nos mirabuntur in subitatione insperatæ salutis. Propera ergo frater, & iterum dico propera, ut celerius restituar vobis, & nostra anhela desideria ab expectatione, & angore tandem conquiescant, quia non potero æstimare jucundum, quòd ingrata fuerit dilatione suspensum.

PALATINO MARIBURGENSE. 16. Januarij.

HÆret adhuc in corde meo ea consolatio, quam suavissimi tui im-
prefferunt characteres; Tibi me virtus tua fecit amicum, & hæc
ad id, à quo prohibitus sum usq; adhuc, ducit, ut fortunæ meæ

ex professo mihi infestæ hocce dem levamen, paucis verbis, quæ A.C. 1706
etiam in incertum scribo, non ut meam accussem infelicitatem; quia
adversitas mea in querelis nullum invenit levamentum, & manet adhuc
integer animus, superestq; cum omnia desint; quia hic afflictione ma-
jor omnes tribulationes cum gaudio sustinet. Et jam extra desideria
positus mea me virtute involvens tacitam ducam vitam. Scripsi iis, qui
rerum potiuntur, aliisq; plures literas, à quibus, si non affectum, saltē
Christianam expectare potui charitatem, sed rariùs responso dignantur,
& sic ea amplius non appello Numina nunquam responsura; totam con-
solationem in DEo, quia justus & misericors est, repono, & te, quem
omnes supergressum inveni, paucis his verbis compello, in testimoniū
inextingvibilis meæ gratitudinis rogans te, ut literas has remittas, quæ
simpliciter pro sublevandis necessitatibus meis mittuntur, quia jam de-
ficere incipit mare nostrum; Et, si non succurreretur mihi, cum literæ
meæ interceptantur, grave mihi esset; Scis quàm hic carè vivitur, &
quæ charitas?

Dñus Baro Schenck senior monstravit mihi literas, in quibus fit
aliqua spes, quasi Fratres mei in favorem meum aliquid obtinere debu-
issent; sed ego in his Thomas; non semper festiva sunt, quæ festina. Po-
test aliqua umbra bonæ spei apparere, & pòst alia difficultas orietur ex
condictio. Servi accusabunt, calumniabuntur in occulto, & credetur.
Hoc iniquissimum & legibus vetitum, tamen illi admittent, cum justa
& magna indignatione eorum, qui Patrias amant libertates, & mea de
die in diem protrahetur libertas, cum interim hodie sunt 17 hebdoma-
dæ, in domo consumor, quia liberiori aëri assuetus coarctor, & sedenta-
ria vita minuit vitam. Sed fiat voluntas DEi; in memoriam mihi re-
duco Vigiliū Papam, qui in similibus dicere solebat: Si digna pro pec-
catis pœna irrogaretur, etiam majora mereor.

CASTELLANO CRACOVIANSI 18 Januarij.

Video ex tuis ultimis, gaudeoq; gaudio magno sanum te Grodnâ
abiisse corpore, quanquam animum, plùs quàm satis ægrum, pro-
pter id lego, & ex toto corde doleo, quòd non solum dignitatem
tuam ulterius diminutam, sed etiam calamitatem queraris auctam ab
iis, quos habere sensum, rationem, judicium nemo sentiet, nisi qui sen-
sum omnem ejuravit.

Quis miretur canes latrare, & porcos cæno, & sordibus delectari?
Quid non audent dicere, qui pessima faciunt? Quæ gloria ergo collidi
cum talibus? cessisse præstat, quàm incessisse, satius est apparari, quàm
commoveri, nam si viceris, sine macula non potes, tam maculatos. Mi-
rror & ego interritam eorum mentiendi fiduciam, qui amant langvo-
res suos, & credunt quòd sanitatem habeant, cum ægrotare se nesciunt,
sed si non favent, imò obstrepunt, damnemus improbos, non odio ha-
beamus, si optimè à te facta sinistris interpretationibus volvunt, & re-
volvunt, virtutis fermè, ac magnitudinis signum est, talibus displicere,
ac contemni à non laudatis laus, adeoq; non te lædant inania hæc ser-
munculorum, imò rideas ea, ut ego sæpiùs facio, & utere iis potiùs ad
segetem, & materiam gloriæ. Spernenda hæc, & ut gratiæ, sic & offen-
sæ simultates, odia flocci pendenda, solaq; recti conscientia fretus fran-
ges facile contemnendo leves istos levium hominum susurros, rumu-
sculos, minas, omnia hæc ut à scopulo fluctus elidentur, dum te eum
debere

A.C. 1706 debere esse credes, quē nec falsus honor juvat, nec mendax infamia terret.

Odi & ego pariter tecum genus illud hominum, lingvā factiosū, vana opera, sublesta fide, sed consuetudinis magna vis est diuturna perpeſſio malorum, & illud mihi frequentius in memoriam redigo praeceptum, condona proximo tuō, & tum deprecante te peccata tua diſſolventur, bene ſciens à contumelia ultionem non differre, niſi ordine, qui dolorem regerit excuſatiuſ tantū ſed tamen peccat. Nulla afflictionis invenio remedia efficaciora, nulla contumacis doloris fomenta certiora, nullum praeſentiuſ ſolamen, quā ſpē futuri temporis, quae omnia moleſtiarum quaecunq; occurrunt lenire debet, aut ſuperare. Ille verò patiens eſt, qui & adverſis non conteritur, quia ſpecie ſuae rectitudinis non curvatur, credens ſemper, quòd contumeliis gratia magis, quā ira debeatur. Quorum interventu DEO iudice poena futuri ſaeculi gravior declinari poſſe confiditur, nullus eſt homo, cui non det mala multa Dominus. Inſuper quis eſt tam durus, tam ferreus qui dicat, nunc ſi malè eſt, ita & olim erit? hæc vera patientia eſt, omnia mala æquanimiter perpeti, contra eum quoq; qui mala irrogat, nullo dolore moveri. Ridemus illos, qui ſuccenſent Jovi, non modò ſi non pluit, ſed etiam ſi ſeriuſ, quaſi Reges boni non ſint muneris Divini, mali poenae populi. An neſciſ, quòd Princeps qui aliquando audit mendaciū, ſi non omnes, multos certè, & praeſcipuos habet impioſ Miniſtroſ. Grave eſt quidem vidēre, quòd malum conſilium cupidè accipiat, & arreptum ſemel, cupidius ad executionem deducatur, multa alia meliora irrita cadunt, errant porrò conſilia noſtra, quia non habent quo dirigantur, ignorantem quem portum petat, nullus ſuus ventus eſt, & ſæpè in multoſ neceſſe eſt, ut labatur erroreoſ. Graves ſunt illi famae Veſpilloneſ, ſed ut nulla ſinè umbra lux, ita nulla virtus ſine aliqua calumnia, aut livoris nebula. Nemo tam timidus offenſarum, qui in illaſ etiam cum vitet non incidat. Et ſi illa tibi accidiſſe ab eo, & propterea graviora eſſe dicis, à quo minimè ſperabas, & quòd tibi plus illuſum fuerit, ego autem dico, quòd quaecunq; fortuna, vel caſus exceperit, æquo animo ferendum, nulla eſt patientia, quam non reparabili damno longinquitas temporis conterat, penitus conſumat, & aliquando non compenſet.

Mart. Chomgowski.

Reſ eſt plena fiducia brevi id corrigendum, cum praeſertim ſciam Palatinum Maſoviae illi Commiſſioni praeſuturum, virum rectae, & incorruptae fidei, omni exceptione majorem, & ad communem deſiderij expletionem, pro exvinculatione militis, & liberandi ab ulterioribus filij ſui turbis inclinatiſſimum. Nihil ſcio pro certo, faciet libentiuſ, qui conſiliis malevolorum nec accedere, nec rapi ſolet, imò audivi toties ab eodem, ſtultos vocari eoſ, qui amiſſa Republ: piſcinas ſuaſ fore ſalvas ſperare audent. Credo igitur firmiter, quòd Luceoriae finientur iſta, modò ſufferentes voſ invicem, & condonantes vobis mutuò, eandem voluntatem omneſ & ad pacis, ac tranquillitatis ſtudium parem propenſionem habeatis, quod ut approbante DEO, quò nihil abnuente perficitur, feliciter fiat, ex animo opto, eoq; nomine boni publici motuſ amore, aliis, ſed praeſcipue fratri meo ſcribo, quem in corpore Commiſſariorum lego, ut omni conatu ad concordiam contribuat, quo fortiores ad repellendos hoſtium Patriae inveniamur conatuſ.

**Hieronymus
Zaluski Ca
ſtellanus Ra-
venſis**

Merito verò ingratitudinis eſſem poſtulandus, ſi ad quaestionem, quam ex affectu de meo ſtatu facis, cum debita gratiarum actione non reſponderem breviter. Completa eſt contra me iniquitas Sion. Apprehenderunt

henderunt pariter inimici mei mendacium, & noluerunt reverti, & e- A.C. 1706
go, non tantum patiens, sed etiam volens placidam ducam per tempo-
ra vitam ambitione procul, nec sero viscera morsu corripit invidia ex
vicinis rebus opimis, nec rapit ex oculis somnos ferus ardor habendi.
Utinam & ulterius hanc patientiæ gratiam à Deo habeam, & ut rebus
humanis fluxis, & caducis valere jussis, totâ illum mente complecti
possim, nam abundè mihi essent omnia cum illo. Vivo interim lætus
& cum in humanis auxiliis nihil jam ferè sit auxilii relictum, à DEO
omnia expecto.

EIDEM PALATINO MARIBURGENSE 17 April.

JAM secundus venit Tabellarius, & à te nihil literarum, & conse-
quenter pro me nihil solatii: sed patiens homini cor fata dederunt.
Ego interim solitâ veneratione eo in conspectum tuum, nuntiando,
quod rigidus Theatinus, qui mihi pro Guardiano post discessum Patris
Votta designatus, volendo fortè cruciatibus meis aliquod levamen ad-
ferre, videndo, quod nullus similem pingere ærumnam posset color,
nulla signare verba, dixit mihi habuisse se à Nuntio aliquod solatiū, &
quod non inanis spes monstratur ac fiducia promptæ meæ & celeris hinc
translationis. Et quamvis toties spe deceptus, & frustratus firmam non
adhibeo fidem, inscius, quem mihi finem destinet rector DEus, tamen id
tibi cōmunico, nam te non ingrātè acceptaturum scio. Non possum
verò pro solita confidentia & hoc celare, quod quamvis votiva hæc li-
bertas mihi esse debet, tamen non sine angore, si ad id res inclinabit,
deferere hanc solitudinem potero, ad quam ita assuevi, ut etiam visita-
tiones amicorum sint mihi graviores, dum ad reddendas illas quempi-
am Christiana charitas excitat. Si DEus permetteret angulum aliquem
domesticum & quietum non tantum in omnibus actis, sed etiam in me-
trica Regni omnium honorum, omnis spei, & transfusionem & abre-
nuntiationem libenter facerem. Et hoc ita est certum, quàm illud intal-
libile, quod sim &c.

P. S. Dum hanc finio, venerunt tuæ desideratissimæ, in quibus de-
sideras, ut tibi confœderationis Tissovicensis copiam, quæ toties in Po-
lonia nominatur, mittam, libens id facio, addendo etiam legationem
illo tempore ad Joannem Casimirum Regem institutam, ut monstrem,
quâ alacritate mandata tua exequar &c.

CONFOEDERATIO ET VINCULUM GENERALE TAM
Exercitûs, quàm Equestris ordinis in calamitoso Reipubl. Statu us
nanimiter constitutum Tyszowicis 29 Decembris. 1655

NON miretur orbis, nec ullus existimet virtutem Polonæ gentis
blandis fœdifragi Dñi victam pollicationibus, à legitimo, quem
nobis ipsi liberis vocibus elegimus, Principe fecisse aliquando se-
cessionem: verum est, utrumq; statum tam R. Mtem, quàm Equestrẽ
Ordinem eo iniquioribus adactos fatis; ut undiq; ingruentibus conjura-
tis hostium diverforum in exitium Reipubl. copiis, R. Majestati dilectâ
vitare Patriâ, Equestri autem Ordini & Palatinatibus pro protectore Re-
gem Sueciæ agnoscere necessum fuerit; cui ut juxta obligationes nostræq;
manûs subscriptiones inviolatâ respondeamus fide, jam condeceret: at
dum intuemur, qualiter nullo à nobis dato belli initio & occasione, post-

A.C. 1706 habitis pactis olim à gloriosæ memoriæ Rege Vladislao Stundorffi, cum Corona Suetica conclusis, Rempub. aggressus est, & quamvis tam ab Exercitu, quàm universis prope Palatinatibus pro Protectore sit acceptatus, promissâ illis omnimodâ defensione & Religionis Sanctæ Catholicæ in toto conservatione; nihilominus intra tam breve tempus promissâ invertere & convellere adinventis in contrarium industriæ modis obtrusa ea incepit protectio: insuper idem Rex ditiones & Provincias Regni velut signo ad prædam dato Exercitibus suis devastare, civitates & aulas nobilium expilare, & ad incitas redigere desuper indulget, Ordinē Equestrem aliosq; cujusq; statûs exactionibus, supra posse & proventus aggravat, easq; nullo prævio Comitiali sancito de suæ solummodò voluntatis & libiti arbitrio intra terminos angusti temporis extradi imperat, munia & judicia tam Ecclesiastica, quàm civilia antiquis consuetudinibus communiq; jure roborata pessundat, & eorum potestatem ad Gubernatores peregrini idiomatis, imperitos juris & moris Patrii transfert, qui inauditâ nec judicatâ causâ Sacerdotes Dñi & nobilitatem compedibus onerant, carceribus includunt, deniq; tyrannicè in illos deserviunt, & pro scopo sclopetariis exponunt, quodq; acerbius est Ecclesiis Dni omni splendore & thesauro nudatis, quæstionibus in claustrales exercitis, iisq; gravissimis tormentis excruciat, per respectum ut sicubi argentum Ecclesiæ depositum & defossum lateret, notitiam per ejusmodi supplicia extorquerent, deniq; etiam compluribus ob eam causam per talia pœnarum examina neci datis, consuetum campanarum pulsum, donec eæ imperatis nullatenus tolerabilibus summis redimantur, inhibet, jamq; etiam Ecclesiam Clari montis, locum non tantum Polono, sed etiam toti Christiano orbi venerabilem, pietate mortalium & miraculis antiquitus Augustæ cœli latè radiantem, similis prædæ & thesaurorum æterno Numini devotorum cupiditate illectus aliquot millenis militum obsideri & sacrilegæ manus aggressionem expugnari demandavit: ut hoc devotionis Catholicæ fortalitio, arceq; Religionis occupata, inquinato sacerrimo delubro, ulterioribus imposterum progressibus tantò facilis fidei veræ eliminaret Professores, in eorumq; locum peregrinos, ut lingvis sic sectis diversos, per Regnum substituat: bona ad vitalitium bene meritis à Regibus juxta jura Reipub. distributa, circa quæ conservaturum se possessorem promiserat, erepta Ecclesiasticis ad sæculares, eosq; diversæ Religionis transtulit, fraudando ita DEum gloriâ, denu-dandoq; provisione Ecclesias & servos Dni; Regalia verò aliis donatariis de numero adhærentium suorum contulit, nihili pensis privilegiis, declarationeq; propriâ veluti cassatâ. De renovatione pactorum cum Crymensi Tartaro conclusorum & juratorum ne cogitat quidem: quinimò cum certissimis inimicis nostris conjungere arma, tum nos tot malis fessos bello Turcico in supremam nostram perniciem implicare intendit. Quidquid declarationibus suis sive Reip. sive exercitui devovit & instrumentis literariis propriâ subscriptis manu assecuravit; totû id in recenti statim ab ejusmodi cōcessione revocavit, & prorsus anihilavit, Ecclesias Dni Clerû & Nobilitatē omnesq; etiam infimæ conditionis homines oppressit. Priusquam igitur tam gravis & impius Dñus dilatet potentiam suam, priusquam militem gentemq; Polonam acerbis Germanicorum morum subjiciat jugo, & Regni Fortalitia in suum vindicet sequestrum; jam Serenissimo Joanne Casimiro, quem liberis vocibus in Regem elegimus, nos assecurante, quòd pro integritate fidei Catholicæ, Patriæ, Ecclesiarum Dñi, jurium & libertatum nostrarum nobis assistere in persona, Regiumq;

giumq; caput heroico planè animo devovere, insuper auxiliaribus co-
piis succurrere velit, harum rationum intuitu & congenitæ Sarmaticæ
genti virtutis, debitæq; Principibus suis fidelitatis ductu, occurrentes ul-
teriori Ecclesiarum desolationi, Patriæq; solitudini prænominatum Re-
gem Sueciæ pro protectore recognoscere non possumus: omnia ejus a-
cta & quocunque modo collationes honorum, annihilamus, ipsumq;
cum omnibus, qui illi quocunq; modo adhærere voluerint, etiamsi ci-
ves de corpore Regni fuerint, si obstinati non resipuerint, pro hostib;
Reipub. declaramus, & contra eos ceu hostes Ecclesiæ, fidei & Patriæ
pro fide Sancta Catholica Ecclesiæq; asserendis, tantis injuriis & dam-
nis Reipub. vindicandis, juribus, libertatibus, & prærogativis nostris
restituendis, omnes invicem tam exercitum, sine respectu ad stipendia
non exsoluta, quorum recuperationem ad pacifica tempora Patriæ dif-
ferimus, quàm Ordinem Equestrem non attendendo ad ulla jura præ-
teritis temporibus quocunque modo obtenta, conjunctim & inseparabi-
liter, more militari insurrecturos pollicemur, totoq; bello constanter
perseveraturos, donec pacificetur Patria, promittimus, obligamusque
nos juratâ fide: quòd unus alterum non deseret, etiam in gravissimo
Reipub. periculo; nec in alienas partes transibimus, factiones nullas,
nec scissiones vel seorsivas actiones, dismembrationes, abalienationes ab
exercitu, perniciosas vinculo nostro conferentias, circulos, vel congres-
sus privatos attentabimus, sed uno eodemq; velle & corde defensionem
Reipub. incumbemus. Quia autem in tanta confusione Reipub. non-
nulli civium Patriæ in partibus Regis Sueciæ existunt, iis omnibus ex
certis rationibus tanquam filiis Patriæ fraternam promittimus amni-
stiam, eâ conditione; ut mox ab accepta notitia de confœderatione no-
stra, priusquam ad prælium cum hoste deventum fuerit, eidem adjun-
gantur vinculo, unaque nobiscum hoc hæreditarium gloriæ divinæ Re-
gnum tueantur. Alias contumacium bona judicio Ducum & Commis-
sariorum nostrorum subjacebunt. Præterea omnibus jure convictis, a-
deoque locum standi non habentibus, specialiter omnibus alterius ab
Equestri Ordine statûs etiam extraneis, non tantum bene merendi in
Repub. campum, aperimus; sed etiam occasionem ostendimus, & re-
præsentamus invitamusq; ut ad Nobilitares progressus (prout quisque
potest) vinculum nostrum, beneque merendum de Repub. accedat.
Ut verò eò felicius securitati Reipub. provideatur, tantoq; solidius bo-
no publico consulatur, decernimus, ut præter Stanislaum Potocki Pa-
latinum & Generalem Kijowensem, Ducem Supremum Exercituum
& cæteros (enumerantur hic nomina Consiliariorum) quilibet Palati-
natus unum de gremio suo pluralitate vocum eligat; qui ubi literas pa-
tentes super legitima electione exhibuerit, prævio juramento subselli-
um Palatinatûs sui in consilio occupabit: prout jam aliqui Palatinatus
ejusmodi Commissarios elegerunt, dando omnem potestatem Ducib; cum
adminiculo & consilio Commissariorû (qui semper vocandi erunt ad con-
fessum, nec quidquam sine illis concludendum præviisq; votis illorum)
cunctos exorbitantes juriq; communi & huic vinculo non parentes, nec
non quomodocunque excessivos definitivè judicandi, præterea omni-
bus periculis Reipub. occurrendi, simultaneeque de illis consilia haben-
di, legationes expediendi & suscipiendi, confidentiam cum Principibus
exteris ineundi, conjunctiones armorum declarandi, pacta fœdera con-
cludendi, pecunias ad usum publicum contrahendi, omnibus Reipub.
necessitatibus prospiciendi, & quidquid in rem & bonum Reipub. ac

A.C. 1706 conservationem moderni statûs proficuum foret, faciendi & exequendi: quorum actorum suorum non nisi soli DEO reddituri sunt rationē. Attendendum in consilio erit, ut quicumque Ducum in his bonum publicum concernentibus consiliis, præfederit; geminæ illi voces ac si uterque adesset, adscribantur, & cuncta consilia pluralitate sententiarum non obstante quorundam absentia definiantur, non præjudicando interim dignitati Ducum, quo ad usum potestatis in progressibus bellicis. Ut verò hæc consilia & negotia Reipub. quàm perfectissimè & justissimè peragantur, & hoc sanctum vinculum tantò efficacius sit: juramentis ad aram in Ecclesia exsolutis juxta præscriptam normam roboramus.

JURAMENTUM DUCUM.

EGO NN. juro DEO Omnipotenti uni in Trinitate, quòd debito muneris mei & obligationi mihi ab Exercitu & concivibus Regni in hac Confæderatione imposita pro posse meo satisfaciam, & ad quidquid ex vi officij mei teneor, secundum DEUM conscientiam & jus commune exequar, nullo respectu ducar, nec rationem commodi privatorumq; meorum habebo, aut de illis tractabo: sed omnia tam in temporalibus Reipub: causis quàm bellicis ad bonum publicum dirigam, arcana tam judicialia quàm etiam consiliorum nemini revelabo. Sic me DEUS adjuvet &c.

JURAMENTUM COMMISSARIORUM.

Juramus DEO Omnipotenti uni in Trinitate, quòd imposita nobis in hac Confæderatione ab Exercitu & concivibus Regni obligationi satisfaciemus, & pro posse debitum nostrum explebimus in consilio & prolatione sententiæ nostræ, quam edemus secundum DEUM, conscientiam & jus commune, nulla commoda aut privata propria respiciendo, nec in judicijs amicitiam vel inimicitiam, aut munera & promissa attendendo, factiones nullas attentabimus, sed merè tam in judiciis, quàm aliis negotiis Reipub: bonum publicum præ oculis habebimus, in omniq; arbitrium & ductû conscientie sequendo. Nulla siue judiciorum siue consiliorum arcana revelabimus. Sic nos DEUS adjuvet &c.

JURAMENTUM EXERCITUS ET CONCIIVM.

Juramus DEO secundum obligationem cum Exercitu nostro & Commissariis &c.

JAM ergò in Nomine Domini vigore hujus Generalis & Sacratæ initi vinculi, ad arma omnibus conclamandum idèque communem motum decernimus, ac universalia jam antè edita confirmantes, hoc adhuc addimus: ut omnes eo modo, qui ultimis universalibus declaratus fuerit, præstituto tempore ad designatum locum conveniant, sub pœna executionis tam in personas, quàm bona inobedientium vinculo nostro decernenda, quàm efficacissimè, prout Ducibus & Commissariis nostris videbitur: etiamsi

in bona & personas integra vexilla immittere oportuerit, ne maximis quidem ab hac pœna exemptis. Quia verò ex quibusdam Palatinatibus & terris Regni ob manifesta pericula Deputati non potuerunt adesse, fraternè id accepimus, invitantesq; illos asscuramus, quàm primum advenerint, in gremium & consortium nostri vinculi prævius juramenti recipiendos. Interea in hoc consilio nostro sancta benedixit concordia vinculo & intentionibus DELLs intimando; qualiter Dux & Exercitus compluresq; concivium M. D. L. animos & vires suas nobis adungere parati sint; unde tantò promptiùs nobis festinandum est, & vicissim alacritas & animus viresq; nostræ prædictis ceu ejusdem communis parentis Patriæ filiis & fratribus nostris representanda. Ducibus & Commissariis facultatem & potestatem conferendi & consulendi ulteriùs conferimus. Hoc igitur nostrum sancitum & gloriosum vinculum sub obligatione juramenti expleti, & amissione honoris, vitæ, & bonorum, quæ omnia executioni Ducum & Commissariorum subijcimus, nos manu tenturos in quovis & minimo puncto pollicemur, & ad meliorem fidem, valorem & pondus ad subscriptiones Ducum & Commissariorum, quidam per Deputatos à vexillis, & Palatinatibus, quidam ipsimet nostra nomina subscripta manu propria adjicimus. Actum Tysowicis anno ut supra.

INSTRUCTIO DATA LEGATIS EXERCITUS AD JOAN- NEM CASIMIRUM REGEM.

Sacris Majorum Nostrorum, tanquam non degeneres Patriæ nostræ filii prementes vestigia, qui semper gloriosam mortem insigni gloriæ præoptarunt vitæ, malueruntque non vivere quàm labe perfidiæ in Principes suos aspersam in publicam efferre frontem. Didicerunt id experienciâ feliciter nobis Dominantes Mtes; quæ in cujusvis sinu securam capere quietem poterant. Impræsentiarum quidem graviter indoluimus; quòd forsan sinistra fata Reipub. aliam nobis instillassent mentem; dum Mtem exulare Patriâ coegerant, cujus desperato reditu ad id deventum est, ut alterius Patrocinii nobis accersendum putaremus: verùm quàm primum fama detulit feliciter reducem ab exteris Principem nostris appropinquas repartibus, ceu corde reddito corpori nostro vigor & animus rediit, jamq; recurrimus ad Dominum subditi, militarem subjectionem & faventem affectum Mti contestantes nostrisque commendantes Legatis, ut præmissâ optimæ valetudinis & prosperrimorum successuum apprecatione de constanti Exercitûs fide & obsequio Mtem edoceant & luculentum vinculi nostri, quod eo duntaxat fine coaluit, ut Mtem Regiam, jura, & libertates nostras ad vitæ & sanguinis profusionem defenderemus, deferant testimonium, idq; persuadeant nos non passuros desiderari operam nostram, nec tam verbis

A.C.1706 quàm re ipsa probaturos: generosos spiritus ipsamque vitam bono publico & Mti immolare, hostesque nostros omnimodè persequi voluisse.

Et quia tota spes nostra secundum DEum à Regiâ pendet Mte, commendamus Legatis nostris, ut Mti, cujus vitæ & integritati defendendæ vitam nostram devovemus, insinuent, quatenus olim meminisse velit meritorum nostrorum sanguinis dispendio partorum, ubi fortunantè DEO feliciter pacificata Repub. in thronum Regni restitutus fuerit, petentque ut super hoc assecurationem Principis & præsentium ad latus Senatorum nobis habere liceat, præterita, præsentia, & futura Deo dante deservita stipendia minimè desideranda fore. Quo ad hoc punctum seriò Legati nostri laborabunt.

Præterea impensè Legati nostri contendunt, ut quemadmodum nos promptissimam nostram voluntatem & vires Regiæ Mti declaramus, ita aliquam gratitudinem ab eadem nobis referre contingat. Sentimus quoad id de Domino in bonitate, nec dubitamus; quòd intuitu præsentium damnorum, laborum, & calamitatum, quas in abundanti supra solitum perferimus, dignabitur nos fideles suos subditos certâ hic & nunc delinire sibi; obligare summâ, eâ ad minimum, quæ reparando apparatui bellico, & æmissis sociis postariis sufficiat. His commendatis Legatos nostros obligamus fide, honore & conscientiâ, ne privatis se duci sinant, sed fideliter & obsequiosè ceu fratres nostri nobis hac in parte deserviant. Datum Tysovicis 30ma Decemb. Anno 1655.

EIDEM PALATINO MARIÆBURGENSI. Venetijs 7. Maji.

HUjusmodi tempora nostra sunt, ut nec à te literas expectare, nec ipse ad te scribere possim. Non potui tibi scribere, nisi brevissimas per totum itineris mei tempus. Lacedemon servire jubebatur, Athenæ tacere, ad oculum enim, ut ajunt serviebant mihi, qui conducendi me curam habebant, & patientiam tenore tolerantiae servare debebam. Reassumo ergo cursum ab eo die, quo finivi, neque vereor, ne mihi verba non suppetant, ut res, tempusque postulat, nam luscinolæ, ut est in proverbio, cantio deesse non potest.

18vâ Aprilis accingebam me itineri, quanquam stragula semper convoluta habebam, nihil horum timens, quæ passurus eram.

Scripsi ante abitum Regi Serenissimo, quòd obedio in omnibus, & testimonium obedientiæ meæ, quæ vadit quò ducitur, non quò deberet, præstabunt mihi illi, qui me nescio ipse quò? ducunt, & cum infelicitas mea ab actuali me Mtis suæ alienaverit obsequio, precabor semper in locis sacris DEum pro omni prosperitate suæ Mtis, & patebit mihi in cælum reditus, si in Patriam non dabitur. Non vitium nostrum, sed virtus nostra nos afflixit, peccatum est nullum, nisi quòd non unâ animam cum ornamentis amisimus. Libenter verò exilium hoc, quod nulla cum utilitate vel suâ vel publicâ conjunctum feram, ibo cum summa satisfactione ad eum judicem, qui vel me absolvet innocuum, vel damnabit accusatum, & si turbidissima patienter ferebam, tranquilliora late

lætè feram. Precatus ad finem sum, & sincerè vitam inoffensam, fortunam prosperam. Et tandem post septem Menses exilii, & carceris mei expletos; à Septembri enim præterito in hunc usque diem afflictio mihi perpetuus comes fuit, ususque familiaris facta permanfit.

19. Aprilis horâ tertiâ post prandium, excusso pulvere de pedibus meis tanquam fugiens incendium, nec retrospiciens, nè fortè in salis statuam obdurarer, movi Dresdâ. In Suburbio cum quanto dolore meo, non libet meminisse, & piget dicere, juncti sunt mecum sex Officiales, qui me semper sequebantur (ô provisâ majorum!) primâ nocte dati sunt mihi custodes ad portam, qui nec exire camerarium meum permiserunt, sed aliis sequentibus remoti. Faciebant deniq; illi quæcunq; voverunt. O quàm acres habet dolorû aculeos contumelia, quam inferiores imponunt? primâ nocte fui Treimburgi, ubi sepulchra sunt Electorû Saxoniae, sed hæc non me permiserunt videre, post per Kemnicium, Cuikau, Ruchembauk, post per Bareit, indè dum exivimus, Capellan⁹ meus cum curru cadens pedem sibi luxavit. Cracen Slithium, Aremberk, quam civitatem ante duos annos Imperiales è manibus Bavarorum vi acceperunt, venimus Ratisbonam, ubi ex consilio Patris Theatini reliqui meum Capellanum dato mandato, & necessario ad iter conficiendum supplemento, scripsi & per eundem, & per postam tibi, sed tantum ut in itinere breves esse debent, & solent epistolæ, tria verba, quòd scilicet benè valeam.

In crastino autem Dominus Colonellus *Lege* de cujus ego indole credebam, quòd esset admodum generosa, & aperta, animoque magis Peloponesio, quàm Athico, sed ex hac actione, & ex aliis subsequenti- bus cognovi ad res magnas ineptum, ad vanas idoneum, quanquam in eo defectus potius virtutis, quàm nequitiae vitia notavi. Manserat ille Ratisbonæ, & in crastino reduxit mihi Capellanum, allegans, quòd Dnus Comes Vart de quo ego in vita mea nihil audivi, Ablegatus ibi Regis nostri malè habuerit, quòd ego ablegaverim Capellanum, & per Berolinum transire jusserim, stultè objiciens, quæ probare nequibat, nam aperui in præsentia ipsius literas, quas idem sacerdos habuit ad Dnum Neglein Berolinensem, ubi nihil aliud erat, nisi ut illi, si eo necesse habuerit, aliquod supplementum det à me restituendum. Dixit Capellanus quàm indignè, & personam ejus, & honorem meum tractaverit idem Colonellus, sed hæc cum aliis ferenda. Abiit ergo ille retro versus Varmiam, & nos per Lancutum satis pulchram civitatem Ardiugè, Lamphertin, Rosenbaum, ubi in Ecclesia audire missam volui, sed à Patre Aprosio non erat possibile id impetrare. Sceleratis sol oritur, Pyratis patent maria, mihi Episcopo ultimum adversarum rerum solatiū, clausa est Ecclesia, ostendebat scilicet bonus, & elatus Pater, quid possit, & quid velit, id solum putans licere, quod ipsi placeret. Transivimus Komstein locum munitum sed nunc dirutum ultimo bello, & vix aliquam commoditatem habere potuimus.

29 obviarunt nobis in villa Vorgen vocata, Patres Soc. JESU Pragenfes, per quos Dno Palatino Czerniechoviensi, & tibi tria verba scripsi, & hac die Oenipontum venimus, ubi Dnus Colonellus triginta imperiales, pro curriculo dedit, & me quinquaginta solvere Pater Aprosius jussit. Reliqui ibi meum currum, & res aliquas penes Patres Soc. Jesu, & 30 prosequeremur nostrum iter per Szemberk, Prener, Storcingen, Colman Bransol, Necmæht, & sanctum Michæelem, ut vocant Italianum. 3. Maji venimus Tridentum, ubi non diu morati transivimus Burgo,

A.C. 1706

Burgo, ubi reduces fugitivos ex ultimo conflictu, quem Galli lucrati sunt, antequam Princeps Eugenius venisset, transivimus Pomolom, ubi multos Imperiales reperimus, post Bassano, ubi vidi fratrem chari nostri Patris Bellaviti, inde Trevisium, unde Pater Aprosius præcessit nos, & post secuti sumus, venimusque noctu Venetias die quartâ Maji, & diu sine hospitio mansimus, nullam à Patre nostro dilectissimo habentes notitiam. Misit Illū Nuntius in domo sua omnem commoditatem offerens, sed me summis precibus excusavi, debuit ergo licentiâ accipi pro more Reipub. illius, ut possem ad Patres Theatinos descendere, quâ habitâ, horâ undecimâ ante mediam noctem veni cum aliquo bonorum illorum Patrum incommodo ad Monasterium.

Maneo jam tres dies hic, vidi Illū Nuntium, qui forti meæ compatitur, multa mihi pro itinere misit ad cibum, & potum. Non potui habere gratiam, quamvis id petebam, videndæ Electricis Bavariæ. Vidi apud Patres Carmelitas dentem S. Thereffiæ, & data aliqua pro præsentis statu Dnis officialibus, qui me duxerunt gratitudine pecuniaria, paro iter, jam enim consuetam navim ad portas Conventus esse audio, plura tibi dum Romæ ero scripturus. Interim in voto finio, & te longum vivere, & valere opto.

AMICO CONFIDENTI Anconâ 31 Maji,

Quæris cur veniant literæ meæ tibi tardiores? magis quereris & fortè questum audiam, quando non Româ ut tu & ego certò sperabamus, sed ex arce Anconensi has recipies. Miraberis, ut ego stupui, sed quia voluntas Dei talis est, minimè his moveor, devorandū strenuè quidquid molestiarum sese offert in hoc cursu. Non cogito qui fuerim, sed qui sim nunc, aptoque me fortunæ præsentis ad modum. Oblitus sum omniū, scio me esse servum, non sum ego, qui, fueram, tale ingenium, tales jam sunt mores mihi. Nōne ille bonus dicendus est, qui bene fert mala, & ego præsens habeo antidotum, quo levia mihi fiunt, quæ gravare possunt. Credebam, quòd trajectis Syrtibus anchora mihi jacta esset. Sed interim video immotus circa me mala omnia, sic fortuna res humanas agit, arctatque, ut lubet, hoc mihi unum ex pluribus miseriis reliquum fuerat malum; sed tamen finientur hæc cum honore meo, quamvis nunc patiendum est. Non hic te carmine longo, neque per ambages, & longa exordia tenebo.

Die 8va Maji reliquimus Venetias in marique ea die sub Malamoco pernoctavimus, censebam me jam effugisse, & non effugi, ne navigarem tandem hoc ætatis senio.

9nâ autem post mediam noctem, dormientes movimus, & transivimus, Chiosam, Fornaci, Goro Volana, Magna Vacca, Primara, Ravenna, Saugo, Casanetico, & circa horam 3tiam post meridiem venim⁹ Reminum, ubi & in navi pernoctavimus.

Roma verò à media nocte abiimus ulterius transeuntes Catholicâ, Pisaurum, Fanum, Semigalliam, & stetimus in portu Anconæ famoso antea, ut solus portus in Ancona fuerit in æstimatione. Iter terra versus Romam prosequi volebamus, sed prohibitum fuit ubique, ne nobis equi suppeditarentur, & brevi post adventū nostrum in absentia Gubernatoris, qui est Reverendissimus Caraffa Neapolitanus, loco tenens ad portum venit, & res nostras in littus transportatas ad Palatium Pontificium ferri jussit, quò ut declinarem, ad speciem precibus, re autem ipsa vi coegit. Quid agerem, aut quid captarem consilii? quod remedium

um

um nunc huic malo invenirem? tam incertus quid mihi evenisset, verba illi dare difficile mihi erat. Istud est sapere, qui ubicunq; opus sit, animum possit flectere, sequebar ergo illum, & intra quatuor horas redit Laureto Governator, à quo dum petii, ut eo vespere possim adhuc Lauretum ire pro absolvenda in crastino devotione, respondit mihi, quòd aliqua prius conferre vellet cum Angelo meo custode Patre Theatino. Post brevem sermonem venit ad me, & mentem voluntatemq; Sanctissimi explicuit, quòd scilicet ego Anconæ manere deberem usq; ad novum ejusdem mandatum. Quanquam animi decem in pectore incerti certabant, quamvis ictu percussus eram inexpectato, sciens tamen præstare, unum veræ obedientiæ actum exercere, quam sexcenta patrare miracula, non tam inops consilii, quam attonitus respondi, facturum me libenter & reverenter quæ jubentur, & intra mediam horam, cum suo, ut apparebat maximo mœrore annunciavit mihi, quòd ejusdem Sanctissimi sit voluntas, me in arce debere manere. Tantum patientiæ ex gratia sua dedit mihi Dominus DEus, ut tam gravem rem, in portu passus naufragium, acceperim cum omni resignatione in voluntatem ejus, neq; intra me nimis sensibilem sentiendo mortificationē, quasi non verbis sed re dicerem Domino Governatori: vincere vis, ostendo manus, tu habes lora. Nōne potuit ad me dici: Romule hoc audies, videbis, & feres? Quis aliàs hoc potuisset audire, quis posset patienter pati, ego fortunâ casuq; oppressus acerbo, quanquam clauso tenebam in ore, & vix sensi intra me posse me tanta videre mala, tamen debui imitari gaudia falsa. Fecit mihi expressionem suam idem Dnus Governator affectus & doloris sui, ut tristis animi levaret curas, (frangit & fortia corda dolor) quod mandatis Principis sui obedire cogatur, permittendo me interim, ut scribam ad quem voluero Romā, per cursores, quem eodem momento, significando de adventu meo expediturus erat. Scripsi ergo cui semper dedita serviit mens mea Cardinali Pauluci, si meum respectat ut ante amorem, quia amatus tantū, quantum amabitur ullus, in hunc sensum. In tempore quo plenus desiderii osculandi pedes Sanctissimi, sperabam brevi hanc me fortunam habiturum, cum præsertim secundari vota mea ab optimo vento crediderim; recipio voluntatem Sanctitatis suæ cum omni resignatione, & obediam libens, etiamsi necesse foret, & ipsius mortis reciperem decretum, cum pari submissione, quod ut Eminentia Vra, cujus bonitas erat semper adjutans, si forte movetur infelicitate mea & si animus ejus erga me idem est ac fuit, deferat, meiq; tanquam antiqui servi recordetur, precor, eo addito, quòd absens non auditur, nec incognitâ causâ condemnatur quisquam, & etiamsi quantavis scelera quis faceret, non tamen nisi confessus aut convictus debet puniri, si accusor, permittar, ut me defendam, nihil enim est quod malim, & tunc non me putabo miserum, miseriq; fati, dum Romam venire jubebor, ubi falsam calumniam vera responsione infallibiliter confundam.

Fui in Palatio usque ad noctem, ubi voluit me tractare, sed nihil manducavi. 2dâ autem horâ noctis, reduxit me usque ad currum cum omni humanitate, & post viginti in circa Zbiri, tanquam Pisonis comites cohors inanis circumdederunt currum & duxerunt usq; ad arcem, ubi sub monte constitimus pedibusq; ire debui, cum aliter fieri non so- leat. Intravi arcem, in medioq; dispositorum militum transivi, jungendo afflictionē meam cum illa Christi confusione, quam noctu conductus sensit. Non ullus istam pingat ærumnam color, non ulla signent verba.

Cum

A.C. 1706

Cum verò in cubiculis satis bene mihi præparatis starem, reddidit me Dominus Locotenens, qui mecum venerat Dño Marchioni Pierizzi, Castellano arcis ejusdem, optimæ voluntatis viro, utq; curam personæ meæ haberet, ex mente Sanctissimi commisit. Ita cum per totam vitam impensius curavi, ut digna me, digna charactere meo agerem, hæc indigna (mitto alia intolerabilia) patior, quæ & nunc tacenda reor, cum ea si me aliquando vestri & Patriæ compotem fortuna fecerit, ex ore meo disces. Cum verò non liceat mihi opitulari, saltem in gratiam anteaكتورum condoleas, cum super eo casu, non propter me, quem fortuna magis, quàm virtus deseruit, optimus quisq; sed Reipub: causa mœrere poterit.

Data est post cœna, nunquam cum meliori appetitu manducavi (necessitas in loco, spes in virtute) nunquam quietiorem somnum habui, itaq; ad octavam horam matutinam contra morem & usum, tanquam rebus ex voto fluentibus pacatissimè dormiverim, vires refovendæ magis, quàm spargendæ.

Habui Missam in Capella cum collecta de Ssma Trinitate gratias agendo Domino DEo, pro ista bene merendi occasione, & pro Pontifice. Non describo tibi locum hunc satis ab extra amœnum, non dubito enim vidisse te eum per curiositatem, hoc tantum dico, confusè omnia recensendo, & uti se dant sub manum, nisi sicubi affectus abducatur. Non omnes inveni fenestras, quæ fortè ventum, qui frequentior (uti dicitur) esse solet, impediunt. In cubiculis nullum pavementum ligneum est, ex terra tantum & argilla, unde oculis multum incommodi meis præcipuè, cum non sim ad id assuetus. Quidquid verò reptibulum & ex genere vermium volatilium parvorum & magnorum, esse potest, nihil deesse videtur, quorum omnium numerum inire aut longum aut supervacaneum; Sufficit quòd salvum me esse adhuc & credas, & gaudeas, id etiam cogita, quòd totos dies mecum scrutor, facta ac dicta mea remetior, & necdum causam in me invenio, cur hæc patiar? nisi quod antea levem injuriam nunquam silentio ferre volebam, unde ex justitia DEI gravissimis malis obruor. Inter voluptates tamen est superesse quod sperem, latam enim ostendendæ virtutis nactus materiam, recordabor eorum, qui etiamsi vitassent culpam, non effugere tamen infamiam, & me consolabor, quòd oporteat, ut adversi aliquid incurrat, quod animum probet. Virtus enim tunc apparet quanta sit, quantum valeat, polleatq; cum quid possit, patientia ostendit. Calamitas virtutis occasio.

Fuit apud me Pater Pisiarelli Philosophiæ Professor Societ: JESU, quem in consolationem unicum mihi destinarunt, cui post aliquot dies in confidentia locutus sum, ut ad Patrem Sesti scriberet, nuncq; tempus acceptabile nunciaret esse pro finiando negotio, quod illi commissum erat, cum scilicet Pontifex petitam tanto tempore gratiam, eò facilius & libentius (vincuntur molli pectora dura prece) præstare mihi potest, quo commodius Regis AUGUSTI, cujus causa carcerem huncce fero, satis fieri possit intentionibus, vanoq; liberari metu, quidcunq; mali, & quidquid triste timet, sicut dicitur timere, ne ego meum honorem, & confusionem tantam vindicem. Crede mihi, nunquam à DEo majorem recipere possum gratiam, quàm si commoditatem finiendarum mearum intentionum præbere posset.

Ex occasione altioris residentiae dictum est mihi, quod ALEXANDER VIII. Papa petitus à PP. Societ: gratiam quandam concessit, quæ ne

ne concederetur in omnibus Congregationibus, cum fuisset Cardinalis, se opponebat, & cum quidam ex confidentioribus, contrarium fuisset ante, & nunc tam liberaliter concedere insinuasset. Respondit: in altiorum & superiorem partem nunc ascendimus, & proinde videmus melius. Idem volebat in Collegium Romanum contra usus antiquos constituere quendam Venetianum, & cum opponebatur ipsi, quod nec Dux Venetiarum vellet constituere unum Romanum in Collegio Veneto, & Pontifex respondit: Vellet certe si Dux Venetus esset natione Romanus. Audivi hac eadem die, quod dum CLEMENS X. eligeretur Pontifex, acceptare diu noluit, ex ea ratione, quod scilicet Juvenis, à pio quodam Religioso hanc habuerit prophetiam, quod erit Prælatum, post Cardinalem, ad extremum Papa, sed timere debet infernum. Electus ergo dixit, nolumus esse Papa, quia videmus infernum apertum, cui Cardinalis de Medices reposuit, qui videt infernum apertum, non illuc unquam intrat. Super his meditor, & tempus meum non inutiliter tero. Addiscere aliquid digna res etiam sene.

12ma post Missam dictam neminem vidi, cum nec Pater Theatinus dignatus fuit visitare me, locutus sum tamen cum D. Castellano viro honestissimo, & insigniter DEum timente. Retulit mihi dolorem suum, afflictus & confectus luctu, qui jam à tribus annis durat, ob præmataram mortem filii sui, qui magnam spem, quæ jam non in flore sed in fructu erat, promittebat, & longiori vita dignus, viginti annos non excedens mortuus est, unde uxor ejus præ dolore in hanc arcem amplius ingredi non vult, & ipse quoties occasio se in memoriam ejus revocandi offert, nunquam id sine lacrymis facit, quem ego solabar dicens: Lamenta nostris si mederentur malis, & possent fletu deliniri miseriæ, auro pretiosiores essent & pluris lacrymæ. Monstravit mihi quasdam literas, ubi Gallus quidam dicit, quamdiu vivet Ludovicus, non deerunt Ludovici, & quando erunt Ludovici omnes res bene cessuræ sunt.

13ta Dies fuit Ascensionis. Post dictam Missam in camera, exire enim nec ad Ecclesiam liberum erat, visitavit me D. Gubernator Caraffa, animum vanis lætans imaginibus, & melius cras fore semper ajens, & spem aliquam appropinquantis libertatis meæ, de qua ego minimè curo, fecit; Ego etiam inter adversa salvam conservans virtutis famam, & erecta cervice ferens, quæ injicit malignitas, dixi me hac eadem die legisse in Lipsio: quod duos clypeos contra calumniam suggerat, innocentiam & patientiam, & quod clarè videam meis incommodis inimicissimam invidiam variis modis, & semper fere novis, optimam voluntatem Pontificis impedituram, & sic plus futurum semper erit quod obstet, quam quod succedat, sed assuescam tandem & hic pati cum tempore, nemo duraret, si rerum adversarum eandem vim assiduitas haberet, quam primus ictus, quamvis quandoq; adhuc mentem perurunt mille sollicitudines, sed cum fortuna difficilis colluctatio est.

14ta Misit ad me Cardinalis D'Asti, Dux gregis inter oves Episcopus loci istius, vere vir sanctus, nepotem suum, qui manet hic penes illum, & pensionem pro se 60 scutorum per annum solvit, quia hic sanctus vir omnia quæcunq; habet, etiam argenteriam mensæ inter pauperes distribuit, & minimum suis consanguineis, ne offendant conscientiam, dare timet. Sanctorum vita cæteris norma est vivendi. Venit cū eodem nepote ejus Magister Cameræ eques sancti Stephani, cum cruce rubra, omnem humanitatem exhibuerunt mihi nomine Principalis casui meo ex corde condolendo. Ego etiam vice versa nepotem meum qui

A. C. 1706

Mors Lubo-
mirski.

qui mecum est Capitaneum Ravensem ad Eminentiam suam misi, quæ consolari me voluit brevi liberationis meæ spe, quæ credulam vitam fovere debet, cujus certitudinem habere se dixit. Venerunt nova ex Polonia mortuum fuisse (sic & Principibus, quos clarat adorea martis, moriendum est) Dominum Hieronymum Lubomirski Castellatum Cracoviensem, supremum Exercitus Ducem, quem longa conantem mors oppressit, & illuc abivit, unde negant redire quenquam, soles occidere & redire possunt, nobis cum semel occidit brevis lux, nox est perpetuò una dormienda, non mirum est lateres si veteres ruunt. Quem ergo vides periisse, perditum ducas. Non eo in laudes viri hujus, nec illius meis ampliori stylo inscribo nomen in actis, non commemoro quanta gessit castrisve forove. Fato peremptis tu bene, an facias malè perinde est, atque tantundem valet, cum opera eorum præcipuè autem hujus viri semper canet vetustas anus, & in tot meis ad ipsum & de ipso legisti literis, ut ea repetere, vel nova superaddere supervacaneum ducā. Evectus est ad dignitatem Cracoviensis Castellatus Dñus Kacki, nullo non dignus honore, supremum armorum Regimen cessit Domino Adamo Sieniawski Palatino Belzensi, post quem minus regimen cessit Dno Stanislao Rzewuski, Referendario Regni, sicque unius corruptio trium est generatio.

15. Misit mihi Eminentissimus D'Asti pisces ætatis justæ, non infantulos, Ostreas, & optimi vini 20 lagenas. Utantur vino vetere senes.

19. Venit noticia de promotione 19 Cardinalium, quorum primus Dnus Philupuci nullatenus purpuram acceptare voluit, an verò ad acceptandum cogi debeat? materia hæc Romæ sub incude est. Accepi etiam literas à Dno Cardinale Paulucci, in quibus mirari se dicit, quòd ego scilicet non sim contentus ex residentia Anconensi, cum tamen magna sit differentia à Dresdensi, quasi irascendum non esse Magister iracundissime disputares, sic recti apud nos locum tenet error, ubi publicus factus est, cui ostendi majorem indignitatem mei casus, quòd perspectum sit, nec mea crimina talia esse, quæ vel accusatores cum specie aliqua fidei possent objicere, vel quivis etiam inimicissimus iudex ullo colore justitiæ posset condemnare. Differentia Dresdensis & hujus carceris est hæc, quòd ibi includantur, sive ea causa levis, sive ea causa gravis, quòd ibi non tantum necessitas in justitia errandi, sed errorum amor, hic examinari prius fortè quàm condemnari deberet. Nihil dixi amplius, cum os morsicandum potius, quàm aliqua proferam. Imò licet me hic videam injustè, ut patebit aliquando, in carcere extra Patriam, tamen non ideo ab animi mei constantia & tranquillitate recedo. Non me ullo tædio carcer afficit, si sanitas tantum foret, & si impatience non esset justa, si valetudo non decresceret, nam accrescunt anni, si, dum differtur medela, non augerentur mala, & ut quantocius innocentiam meam palam facere possem, cum Eleutherius Papa prohibuit, ne absente reo, quem accusator reum facit, sua in causa decerneretur, citra defensionem & iudicium quod quidem & Damasus Pontifex & jus Pontificium postea confirmavit. Nam justis factis gaudet omnipotens DEus, & si interim alius aliud, ego me beatissimum existimo in eo, quod bonæ mansuetudinis famæ præsumptione perfruar, certusque innocentie meæ contentus vivam, nec quid metuum habeo, nec cur trister; imò multum in eo debere me fateor præsentibus incommodis, quæ eodem quasi conjuncta fœdere auxilio sunt ad humilitatem, plus mihi boni adversitas, quàm omnes suis favoribus præstant amici. Cum
De-

DEus pro sua providentia tantas ærumnas & pericula ab hostibus nostris opponi eò videlicet sinit, ut spiritus nostros frangat, animos demittat, nosque ad submissionem animi, humilitatemque erudiat. Stare ergo debeo rectus sub quolibet pondere, nulla me res minorem faciet, nihil mihi eorum, quæ ferenda sunt, displicebit. Gubernatoris boni officium ad ventorum mutationes sese aptare, viri autem sapientis ad fortunæ.

20. Fuit apud me Dominus Gubernator, excusavit se quòd neminem ex meis exire permittat, hoc enim in mandatis habet, & ego nil paternis jussibus duco prius. Si tamen volo scribere, possum, modò idiomate, quod ille intelligit, & ut prius videat quid scribitur. Adduxit mihi quendam cæcum, qui perfectissimè citharam tangit, & cum sit à nono Mense nativitatis suæ cæcus, interim tamen sine ullo ductore per civitatem ambulat, Ecclesias, conventus, & domos frequentat, musicam docet, & quod mirabilius est, notas etiam ejusdem dictat.

26. Habui literas à Cardinale Pauluci, ubi expresse hæc verba scribit: non id Pontificem facere quod vult, sed quod obligatus est. Pater Sallaroli scribit mihi habere se multas ad me literas ex Polonia, sed primo debent aperiri, antequam mittantur, & quod possum mutare hunc locum pro Perusio, ad quas literas 27 respondi, & quoniam scivi, quòd agnoscat in innocentia mea, quæsi vi si innocens tanta patior, quid esset, si essem criminis reus?

28. D. Cardinalis Pastor scripsit in favorē meum in fundamento supplicis libelli, quem ipsi misi, nihil aliud rogans, nisi ut mihi detur locus & libertas justificationis cum protestatione, quòd libenter feram etiam strictiorem carcerem, si hic servire potest pro stabilimento Religionis, aut manutentione Regis Augusti.

30. Accepi literas à Serenissima Regina Casimira verè materno stylo exaratas, scripsit & alias Gubernatori huic impensius me recommendando. Dnus Cardinalis Pauluci scribit mihi, credere jubemur, discurrere prohibemur, cum omni affectu spem faciens, quòd expectentur tantū certæ informationes ex Polonia, quibus acceptis liberabor; sed ego nihil boni sperare possum ex illis informationibus, cum eæ veniant ab Eminentissimo noviter factò Cardinale Spada, qui non tam mihi est inimicus, semel enim tantum eum vidi, quàm zelans pro Rege, jus cui nullum, nisi quod liberet, à quo sæpius veniunt munera, quæ placant hominesque DEosque, nihil attingo, nisi quod fas tangere non est. Et amicus inimicis meis, qui accomodant Regium nomen pro libidine sua in omne nefas, & qui omni possibili modo ejus demereri gratiam, odium in me concitare curant, & conantur, itaque clara quæ sunt, non videt, & cum videt, DEus veritas est, quidquid simulatum est, odit; ubi vox Jacob sonat, manus autem sunt Esau. Prona errori sternitur via, dies reliqua docebit, iste illum ostendet, mihi veriloquens index, sitne bonus an sit malus, per bonum intelligo justum. Finio has, cum occasio per redeuntem quendam Presbyterum Germanum occurrat, qui missurum se hæc in Poloniam certè mihi appromisit. Et nos validā teneamur uterque catenā, nec ulla queat nos solvere dies.

COPIA SUPPLICIS LIBELLI GABRIELIS FILIPPUCI PONTIFICI porrecti in Majo.

INvaluit rumor S. V. inter Cardinalitiâ dignitate decorandos me quoq; adscribere deliberâsse; Fateor ingenuè me hujusmodi rumorem non modò vanum prorsus, & inanem, sed etiam uti summæ prudentiæ S. V. injuriosum semper habuisse, & adhuc habere, cùm revera me nullâ ex iis qualitatibus præditum agnoscam, quibus ad tantæ dignitatis culmen paratur ascensus; Verùm quia summa, & innata charitas, quæ in S. V. residet his omnibus posthabitis vera adhuc efficere posset, quæ falso, ut dixi, à fama nuntiata essent existimanda. Idcirco in hoc casu humillimè provolutus ad pedes S. V. majori, quàm possum submissione, aliisq; quàm plurimis rationibus omissis pono ante ejus clementissimos oculos gravem meam ætatem, quæ in hisce postremis diebus omninò indiget pace, & quiete; non autem agitationibus, quas secum ferunt negotia eidem dignitati necessariò annexa. Spero itaq; S. V. benignè admissuram esse eam, quam post diuturnas ad DEum effusas preces, spontè, liberè, & maturè præviâ deliberationem facio, in qua constantissimè DEo dante, quoad vixero, perseverabo; recusationem vel potius non acceptationem, ac etiamsi opus fuerit, repudiationem aut renunciationem Cardinalatûs cum proventuum tamen facultate, quatenus opus sit, si ita placet summæ benignitati S. V. retinendi pro mea honesta sustentatione Canonicatum, quem nunc obtineo in Ecclesia S. Joannis in Laterano cum pensionibus, una scilicet super alterû Canonicatû ejusdè Ecclesiæ; aliâ super Canonicatum Basilicæ S. Petri, & reliqua super dignitatem Cathedralis Ecclesiæ nec non alia officia, quæ modò obtineo, venerabundus deosculor pedes S. V. deprecans ei à DEo Opt: Maximo omne bonum &c.

AMICO CONFIDENTI. Anconâ 20 Sept.

TIBI persuadeas, te à me fraternè amari, & quòd nemo sit omnium, quem ego magis nunc cuperem, quàm te, ut me à morbo valentem ab animo ægrum consoleres, quod spei sit reliquum pernoscas, & ut tibi tanquam intimo dolores meos, consiliaq; credam omnia. Quis scit? an aliquod remedium tam gravi non invenires malo? & meas misérias sublevares pro viribus, ut facilius tempestas serenaretur.

1. Junij D. Cardinalis Pastor accepit secum pro recreatione Nepotè meum, & humanissimè eum excepit. Publica nova portant, quòd Moschi inde abeant, non sine promissis, quòd junctis aliis viribus fortiores redituri sint, quòd Rex AUGUSTUS fuerit in periculo, pons enim dum ille transibat fractus erat. Quod Barcelonæ venerit succursus, & quòd Galli combustis omnibus amunitionibus abierint.

2dâ Accepi Româ à Patre Aprosio, nihil nisi spem meram, stultior stulto essem, qui iis tabellis crederem, errat qui talium verbis credit, hominum facies habent animos harpyarum. Novimus nos ejusmodi stelliones, qui amicos quibus arrident, mox arrodunt, & quibus nulla spes famæ est, nisi in labe famæ alienæ, vellem ut hominem esse semet perpetim dicat sibi. Habui enim aliunde omnia eumcontra me agere.

Ego 4ta petii à Cardinale Paulucî, ut mihi saltem cum sola Dicecesi

cesi liberum permittatur literarum commercium. Hac eadem die venit notitia, quod proscriptio promulgata fuerit, contra Colonensem & Bavariae Electores, non est prudentis esse tristem, cujus potestas plus potest. Habui tamen de illis certam notitiam, quod tanquam inter fulmina illæsi, inter nubila sereni, inter tonitrua placidi, inter tempestatem quieti stent in hoc casu, audeant in periculo, & eruantur in ruina, quæ fortuita censentur, mortalibus destinata esse credentes cælo. Unus ex meis infirmus translatus est ad hospitale, volui ratione ejus alloqui certum Patrem Dominicanum Polonum, qui hic manet, sed nec hoc mihi concessum.

9^{ma} Ipso vesperi cum postea comparuerit, manè venit ad me Dnus Gubernator clamore clamans valido antequam venisset, bona nova nuntiando, quod scilicet detur mihi libertas, ut aut cum Cardinale aut cū illo, aut cum D. Castellano possim exire pro ambulatione, & voluit statim me ducere ad Cardinalem, sed distuli usq; in crastinum.

10^{ma} Cum manè secundum dicta D. Gubernatoris hesternæ, voluissim adorare Ssmum Sacramentum in Ecclesia in consortio Dai Castellani, sed voci par echo non respondit, nam in hoc aliquam difficultatem fecit D. Castellanus. Pro explicatione proinde scripsit ad Dnum Gubernatorem, qui post prandium literas ex Palatio sibi scriptas in originali attulit, quæ ita sunt restrictæ, ut id nullatenus permittere audeat, ubi autem aufertur possibilitas, aufertur & vitium, nemo enim in eo condemnatur, quod facere non potuit. Affligeret me hoc, si id non consolaretur, quod cogitem, valde infirmum esse, quem tactus minimus ad dolorem commovet, & cum sciam causam consolationis nostræ, non esse nisi in misericordia DEI.

Vesperi visitavi Cardinalem Pastorem, idq; ab eodem petii, ut saltem semel in die vel si hoc fieri non potest, saltem diebus festis invisere liceat Ecclesiam aliquam, sed permittere id mihi nullatenus volebant, & pro explicatione mandati scribere debebant, ego interim tanquam ethnicus & publicanus à communione fidelium arcebar & sæpius domi manere, neminem videre, nihil audire cogebar, & ita mihi quod trochis accidere solet, quos in orbem volvi videmus, atque imotè ut sic loquar rotari, non autem progredi, sed nullibi virtus melius addiscitur, quàm cum Magistrum agit calamitas.

12. Scripsi ad Dnum Palatinum Czerniechoviensem fratrem meū, qui huc venire vult, ut non se moveat, donec ego Romā habeam declarationem, si permittar illi loqui.

17. Venit notitia, quod Galli perdiderint in Belgio, quod filii Electoris Bavariae transportati sunt Monachio.

20. Cum Apostolica benedictione, misit mihi Cardinalis Pauluci licentiam & facultatem loquendi & videndi fratris mei dum venerit. Misereri enim etiam si sæviat credo, & ex tali manu, mala etiam vim gratiarum habent. Item permissionem exeundi cum superius nominatis, dare nihilominus obligationem manu mea exaratam debui, quod pro nocte redibo semper ad arcem, quod libenter feci, cum non tantum experimentum, sed nec suspicionem hætenus lubricæ dederim fidei ubiq; & imposterum omnes rectitudinis numeros adimplebo & omnia mihi detrahi patiar, quàm hanc virtutem.

Et cum pro justificatione mea petierim ut Presbyterum Kors, Clericum Chmielewski, & Ephebos meos, qui dicuntur contra me testimonia dedisse (res nulla servo pejor est etiam bono) & si necesse est,

A.C. 1706 meo etiam sumptu huc permittat Pontifex venire, ad confrontandum & convincendum me in eo, quod asseruerunt, sed hoc denegatum, & quod certa tantum expectentur responsa, quæ ut veniant, urgetur: Quæ eo modo veniunt, ut dicit Comicus, si podagrosis pedibus esset Euty-chus, jam à portu rediisse potuit, nam hæc dum expectantur, menses (ut dicitur) abierunt decem, datur tamen aliqua spes, quod dein fa-cile ex iis emerfurus sum malis.

22. Fui apud Patres Capucinos cum Cardinale & post apud PP. Jesuitas cum Castellano: Confirmatur victoria de Gallis Bruxellis. Lo-vanium, Gandavum, & multæ aliæ civitates in favorem Caroli III. fi-delitatis juramentum præstiterunt, Moschi ex Polonia abiverunt.

23. Dominus Castellanus dixit mihi, non bene habere D. Guber-natorem quod pauci illi quos mecum habeo, in comitatu me sequan-tur, ac proinde illos manere semper domi jussi, habens assistentiam ex militibus arcis. Habui etiam præcustoditionem Romæ, quod Eminen-tissimus & contra me vigilantissimus Cardinalis Spada, scripserit quod ego maximam & immensam (hæc erant formalia) pecuniarum sum-mam mecum avexerim, æquè beatus est, qui cum nihil habet, cupit nihil, quàm qui habet omnia, quæ cupit, nisi tam lynceus sit, ut ea quo-que per tenebras videat, quæ nusquam apparent, & quod possim cu-stodiam corrumpere, viasque meas abire. O quæ falsitas! & unde pecu-niæ? cum nulli veniant proventus? O quæ injustitia credunt me velle abire, quod ipsi vellent, ut ex innocente fiam nocens. Nulla fugæ ra-tio, cogitare id non possum, nec si possem, vellem, ita certè commutata veritas DEI, & mendacia vincunt. Sed contumelia, si judicium est, sit tibi ad cautelam, si mendacium est, pudor dicentis, quod monstrabit e-videnter illud ipsum naturale remedium temporis, quod ærumnas ma-ximas quoque composuit. Ego enim id agam, ut malè de me nemo lo-qui absque mendacio possit, & prorsus à me opinionem hac de re armo-tam volens, 25ta. Omnes res meas, non relicto nisi eo, quod ad quoti-dianas expensas requirebatur, in manus Dni Castellani reddidi, ut eo fucurior sit, quod nihil mali cogitem, cum videam, tanquam sit accisa res mea, ita hoc negotium hædere.

26. Scripsi literas ad Sanctissimum & Cardinalem Pauluci, certa loquor, sed nulla fides, vera quidem scribo, sed profunt quid mihi vera, omnem securitatem personæ meæ dando, quandoquidem de ea du-bitatur, omnem possibilem si abiero extendendo rigorem, ut obstru-am os iniqua loquentium. Retinebit me certè proprii honoris re-spectus, alias si id facere vellem, Argus servet qui oculus totus fu-it, quem quondam Jovi Juno custodem addidit, me nunquam, & quamvis qui fugere cuperet hinc, præcipuè servaret. Mitto tibi co-pias earum, quæ pura sunt nuda, fieri amant. Habui alias literas 30 à Serenissima Regina nostra, cum summo affectu mihi scriptas, in qui-bus spem aliquam mihi facere videtur vicinæ libertatis, quam & optat, non propter factiones, ut ibi supponitur, sed pro consolatione, ut in affli-ctionibus suis miscere mecum posset lachrymas. Habui in literis etiam beneplacitum supremum, ut suffraganeum constituam in Varmia, sed in hoc puncto absolutè me excusavi.

1. Julij comparuit hic Cognata Pontificis, & rectà ivit ad Palatium Episcopale, quam in medio scalarum in brevi vestitu nigro excepit Car-dinalis, secretiori porta intravit, ne tormenta in favorem ejus, quod ab-solutè Papa prohibuerat, exploderentur. Separatim manducavit à Cardi-nale,

nale, & hac eadem die abivit, prosequendo vias suas versùs Urbinum.

2. Domi absolvere debui devotionem, & vesperi fui in Ecclesia B. Virginis, ubi est imago cum subscriptione: *Quem genuit, adoravit.*

6. Habui notitiam, quòd Pontifex per schedam manu sua propria scriptam obtulerit, post demortuum Cardinalem Barbarigo Episcopatum in Montefalcone pinguiorem multò Anconensi, sed nullatenus eum acceptare Cardinalis voluit.

Habui responsum 7. quòd Pontifex libens literas meas acceptaverit, quòd ex Polonia expectentur responsa, cum præcipuè pessima semper contra me D. Cardinalis Spada scribat, & nulla sit cognoscendæ veritatis libertas. Significavi Romam, quòd nullum aliud habeam confortium in arce, nisi certi Episcopi Dalmatæ furiosi, & alterius, qui fratrem proprium occidit, novissimè verò, quia hac eadem die adductus fuit quidam filius prodigus, à proprio Patre in custodiam datus, cum non potuisset, vel occultare quod factum est, vel negare.

11. Venit magna navis in portuq; stetit, quæ Cardinalē Grimani adduxit 24. vicibus quilibet Cardinalis ex arce salutatur, qui nulla interpositâ morâ Romain abiit. Transiit hac 12 ille sacerdos ex Saxonia qui mecum venerat, sed apparet prohibitum ei fuisse à Patre Aprolio (corrigere ramum curvum ne prætenderis, nulla est natura quam cogat necessitas) ne me videret, servus autem Patris Aprolii, qui cum eo redibat, publicavit dictum Patrem brevi Episcopum fore. O tempora! qui sapienter admonendus esset, ne misceat unguenta qui lentem coquit, prius est ut incumbat remò, Regimen quam poscat clavi.

Scripsi 15 fortiores literas Romam, cur enim non judicor? cur non condemnor, si sum reus? à tot mensibus expectantur probationes, & non veniunt. Magnum inceptas opus, si expectas id, quod nusquam est.

21. Solantur me, quem mœror quotidianus lacerat, & conficere jam deberet, sed sæpè jam spes hæc frustrata me est, & quantò spei plùs datur, tantò ego minùs habere debeo, cum consilium futuri ex præterito veniat, toties data fuit & sine effectù, quis scit an idem saxum non erit ulterius volvendum? & cum incusassem incommoditatem summam ascendendi in arcem, quoties pro ambulatione exeo, responsum est, quòd mihi permittatur duos equos emere, qui me illuc conducant, quasi id practicabile esset. Consulitur mihi Româ, ut petam veniam exeundi sine comitatu D. Castellani, sed ego petere id nolo, quid enim refert, absit ille vel adsit. Interim domestici mei licentiam exeundi habuerunt, sed quia tu soles meas esse aliquid putare nugas. Parvum & ridiculum fortasse videbitur, quòd dicturus sum, dicam tamen vel ideo, ut rideas, quòd D. Gubernator prohibuerat, ut meus Heyducus absq; (ut dicitur in vulgari) obucho exeat, terribilis enim res hoc genus armorum Italæ, & timuerunt, ne totam Anconam expugnaret. Credunt simpliciores duo regimenta militum in eo includi, ille etiam ut nequam est, facit ad normam bravorum, jactat se hostes vivos rapere solere ex acie, & hoc nomen illi harpax est. Regiones diffilare spiritu quasi ventus folia. Mulciber ut jactat, hæc ei arma fecit. Stratipocles quòd sit, tanquam Rhodius terror hostium, si audias illius pugnas, fugies manibus demissis domum, nec scies unquam quot animas habeat?

29. Iterum scripsi Cardinali Pauluci, ut misereantur mei, & me in aliam residentiam transferant, nimis enim in tantis caloribus fastidiosa est, & enumerare omnes acerbissimas incommoditates longum esset. Res mirabilis, hac nocte vidi in somnio Regem AUGUSTUM nudum,

4.C. 1706 & terribiliter sudantem, & manè literas accepi, conclusum fuisse in consilio Suetico, ut Saxoniam intrent. Invitatus à PP. Soc: JESU, manducavi cum eis die S. Ignatij, sed malè hoc & quidem pessimè habuit D. Gubernatorem, & ego tantum de re ista sollicitus sum, tanquam non ad me, verum ad alium pertineat, & exposulavit cum D. Castellano, scribereq; Romam minatus est, ut & scripsit sed non credo vitio id mihi vertendum, nullam mihi injuriam sicut (ut ille) ne Diis quidem hi, qui aras evertunt, sed malum propositum apparet, malumq; consilium, etiam ubi nocere non potuit.

Afflixit me magis relatio certa 2. Aug: quod scilicet D. Cardinalis Pauluci primo Ministerio, ad satisfaciendum aulae Viennensi valedicere, ac alter Cardinalis subintrare debebat, nimis sollicitus sum in eo negotio, in quo meam salutem verti credebam. Interim D. Gubernator commotus meo prandio apud Jesuitas per aliquot dies me mortificavit, nihilominus id aliquid nihil est. Ità significavit mihi de data omnimoda libertate adeundi, & recipiendi quemcunq; voluero ex Religiosis, sic gratia altera alteram semper parit. Venit interim secretiori stylo scripta Epistola à D. Palatino Fratre meo, quam penes se servaturum se promiserat D. Gubernator, sed scio quod missa fuerit Romam, his fluctibus absorbetur, qui per hæc maria navigat. Iterum habui responsum Romam à Cardinale Pauluci, post sinceram factam compassionem, quod scilicet Sanctissimus sit nimis obligatus ad faciendum id, quod Nuntius ej⁹ Regi Augusto appromisit, & quod cōtētus esse possim quod Dresda mutata sit in Anconam, sed ego respōdi, quod ille primus carcer, non fuerit tam pro me infamis, univers⁹ enim scit orbis (nō loquor Dnis malè) quod ibi violenta prævaleant cōsilia, majorq; premit pœna minores, & quod ab omnib⁹ judicabar innocens, hic autē, cum in tā stricta sum detentione, omnes suspicari debent, magni aliquid à me patratū, & levato velo istam causam cognitā fuisse, verum esse, quod inimici mei promulgabant, ut pronæ semper in pejus mentes hominum sunt, cum nemo possit credere detineri me injustè, ubi si justitia alibi exularet, hic inveniri deberet, & cum nullum esse mendacij debeat pretium, tamen invalescit per moras malignitas mali. A condita Polonia inauditum est, nec ullum extat exemplum, ut aliquis indefensus & inauditus condemnaretur.

Recomendatione Patris mei Pisiarelli, qui nunquam visitat me, quin Doctiorem relinquat, accepi pro obsequio meo unum Presbyterum Italum, stante enim infirmitate nepotis mei quæ jam per aliquot dies durat, adhibere debui unum ex militibus, qui vocantur Zbiri, qui mihi dicenti Missam responderet, cum nullus ex meis id sciret. Consulendo proinde decori Episcopali, saltem in eo puncto, adscivi mihi, ut dixi, Sacerdotem commendatum pro Capellano.

EIDEM Romam 31. Decembris.

Accipe & Romam monumentum & testem fidi, ætatiq; amoris mei hanc Epistolam. Durus es nisi veniam silentio meo nunc frequentiori, non dicam largiris, sed offers. Certum porrò est, quod si tantum facilitatis ad transmittendas, quantum otii ad scribendas, haberem, sæpius haberes literas meas, & ex earum inconstantia bene mentis meæ motum videres.

21 Septemb: venit confirmatio de succursu dato Turino per Principem Eugenium & de conflictu, cum magno Gallorum infortunio. Marechalculus Marsin in eodem lethaliter læsus, inter manus Principis Euge-

Eugenij expiravit. Dux Auriacus versùs Pinarolum cum equitibus, pedatus autem versùs Ciuasum ivit. Paulò verò antecederet D. Generalis Medavi multos Hasianos trucidavit. Ex Saxonia autem, jam ibi esse Regem Sueciæ scribitur. Principes Regij ad strictiorem in Königsstein ducti carcerem. Fortalitiū Menin in Flandria expugnatū ab Anglis.

22. Locutus sum apud PP. Capucinos, ubi frequentius esse soleo & libenter, cum Cardinale, qui deplorat statum fidei nostræ. Habui Româ promissum, quod in Mense Novembri certò meam sperare debeam libertatem, sed toties spe illusum quomodo credam? & quòd Advocatus Pauperum innocentiam D. Episcopi Posnaniensis declarare debeat. O tempora! ad eum statum Episcopi Poloni, ad memoriam subsequentiū temporum reducuntur! quis nunc honorem nostrum emeret vitiosa nuce?

4tâ Octobr. Venit D. Cardinalis Imperiali, quem & ego visitavi, promissumq; accepi favoris & gratiæ. DEus scit an quid certum? multi enim promittunt, & nemo promissa exequitur. Scribit Oviedo Author Hispanus, pulcherrimo modo somnia sua, inter alia vidisse se tres proceras personas quasi Gigantes & contra eas unum Pigmæum pugnantem, easdem vincentem, explicando quod hic parvus vocetur Interesse, & hi tres Gigantes Caro, Dæmon, & Mundus. Mediolanum jam cessit Principi Eugenio, quamvis arx defendere se velit. Lipsia reddidit se Regi Sueciæ.

6. Habui à fratre meo, quòd modica sit spes libertatis meæ, nisi à Rege AUGUSTO veniat aliquid in favorem meum. Quòd necessario fieri debeat nomine meo Manifestum, in quo monstrem, & palàm faciam innocentiam meam, sed quia hoc multi omnino læderentur, nunquam id faciendum reor.

7. Visitarunt me certi Patres à quibus didici, tres esse vias Romæ, quæ ducunt ad templum S. Petri, prima argentina sic vocatur platea, altera coronara, tertia longara, quasi diceret, tria esse media assequendarum ibi dignitatum, aut per argentum, aut per devotiouem, sive ea sit vera, sive ficta, aut per longam patientiam, per gubernia, nunciaturas &c. &c.

Tandem die S. Theresiæ singularis Patronæ meæ sacro, venerunt literæ Româ, in quibus motus justitiæ ipse Pontifex ordinat, ut ex arce exeam, totaq; civitas Anconensis mihi carcer fiat. Nontamen exire me permisit D. Gubernator antequam subscripsissem scriptum certum in omni forma memet obligando, quòd non movebor, & ad quamvis requisitionem redibo retro, vel ibo, ubi me voluntas ducet dirigentis. Libenter eo modo quo volebat subscriptam chartam dedi, neq; enim istic, nec alibi inveniet, quisquam in me, nisi ad quod & natales, quæ mihi non mentiuntur, & character, quem maculare minimè ullo pudore digno vellem, facto ducunt non invitum, monstrabo semper palàm, quî genus unde domo? & sic in domo Paræciæ S. Marci quanquam in civitate commodius esse potui, sæpe incommoda non sunt, quæ creduntur esse, residentiam meam fixi. Fuit hic conventus antecederet Crucigerorum, sed ab Innocentio X. in Parochiam transformatus.

23. Tulit nobis posta de conflictu 28 Octob. Regis AUGUSTI cū Suecis, & quod Generalis Mayderfeldt conflictum hunc in partem suam pessimum habuit, omnes enim qui sub ejus imperio erant perdidit Suecos. Dulce est spectaculum hostem ex beato cernere in clades datum, hostibus nocere si cupias tuis, lex nulla prohibet. Dnus Palatinus

nus

A.C. 1706 nus Kijoviensis Potocki, & Dnus Culinae Præfectus Tarlo cesserunt victoribus, & prius cum uxore & filiis incarceratus, contra conventionem hanc, quam nomine Regis D. Generalis Brandt fecerat, habens commissum pro eo manu ipsius scriptum.

28. Accepi Româ adhuc, quod fuerit congregatio supra meam materiam deliberans, post quam finitam indixit silentium & secretum sacri officii Sanctissimus. Tandem

30. Venit notitia de pace conclusa inter Regem Sueciæ & AUGUSTUM, in qua cedit Stanislaô Regnum, retento tantum titulo Majestatis.

17ma. Decembris habui Româ impeditam fuisse Congregationem à Regina, sub spe melioris meæ conditionis sed quod differtur, affligit animam, spes interea tamen datur, quòd dum Cardinalis Spada redierit, & processum reddiderit, negotium meum finiri poterit. Sperant fortè aliqua contra me documenta, quod supra spem est, sed non invenient id quod inveniri nequit. Cum verò confirmetur ubiq; pax inter Regem Sueciæ & AUGUSTUM, quod Principes Regii proximè eliberabuntur, res meæ incipiunt melius ire, & scribitur Cardinali D'Asti, quòd ego vincere debeam causam ante Decretum.

12. Appulit in navi Veneta incognito Cardinalis Spada. Mansionē accepit apud PP. Jesuitas, fui apud illum, & quatuor horas in Anticamera expectavi, tandem admissus, dum volui in negotio meo aliquid dicere, nec audire quidem ipse fortè propter conscientiam, & præ pudore voluit. Sinistri animi auris nunquam est dextra. Promisit interim obsequia sua. Abit 14ta, & nos cum D. Gubernatore ad Abbatiam Clarevallensem ivimus, ubi ab Abbate Regulari, Princeps enim Lotharingiæ Commendatarius est, civilissimè excepti. Jam reliquerant hanc Abbatiam Religiosi Cistercienses, quando sub Gregorio XI Commendatario cesserat, sed post sub Pio IV. redierunt, Ecclesia magna est, statua crucifixi miraculosa, & Religiosi revera boni.

16. Misit ad me D. Cardinalis Equitem Paldolphini suum Cameræ Præfectum, cum literis D. Cardinalis Pauluci. Quid datur à Divis felici optatus hora? ubi declarat voluntatem Pontificis, quòd scilicet libertas mihi relinquatur omnimoda, vel manendi Anconæ, vel veniendi Romam sub iisdem ligamentis, hoc est ut Roma carcer sit. Sapere isthac ætate oportet, qui sunt capite candido, ergo provisus quæ tempus monebat, iter statim resolveri, neq; mihi ullus obsistet annis, neq; mons, neq; si mare esset in via, solem libenter feram & sitim, citius ventis properabo. Quia ut animus in spe atq; in timore usq; ante hac attentus fuit, ita postquam adeptus quod sperabat, lassus & cursu confectus stupere non debet, sed beatæ spei initia celebrans properare quò fortuna vocat. Scriptâ proinde epistolâ Cardinali Pauluci & securitate data, in spatio trium horarum expedivi me, & conductus duobus milliariibus Italicis à D. Gubernatore & aliis amicis veni Lauretum, & cum in hospitio essem, visitavit me D. Gubernator Spada, enixè petens ut in Palatium descenderem Apostolicum, sed me absolutè excusavi. In crastino ergo, hoc est 17ma post absolutam in Capella devotionem abibi per postam veredariorum more, transivi Maceratum, Tolentinum, Valcimaram, Savarolam, pontem de la Trave, & veni noctu Fulinum. Pluvia interim maxima erat.

18. Transij Spoletum, Stretturam, Terni, Narni, Utricoli, & in Civitate Castellana pernoctavi.

19. Autem sumpto prandio in Castello novo veni Romam circa horam quartam, ubi occurrit mihi ante portam populi frater meus, & aliqui mei. Vix in domo eorundem constiti, statim mihi ad Cardinalem Pauluci, & Reginam cum denuntiatione adventus mei.

20. autem misit ad me Regina, quasi mentem Pontificis explicando, ut in aliquo Conventu confisterem, quod & ego libens facerem, quamvis videtur, quod strictius teneri debeam Romæ, quàm Anconæ, & impropria impropertantium possent cadere super me. Sed tandem.

21. Accepi schedulam à Sernmā Regina, ubi jam integra permissio data est, ut infimul cum fratre meo manerem. Fuit hoc vesperi Cardinalis Barbarini apud meam cognatam, ubi & ego habui honorem videndi magnum hunc Cardinalem, & recipiendi securitatem protectionis ejus, audiviq; jam processum examinari, & si nondum in manu, tamen præ manu est, & spero quod omnis res brevi in vado erit.

23. Cum rogassem ut possim assistere in Ecclesia sub tempus homiliæ die Natalis Dni, id mihi denegatum, nec qua via sententia mutari possit scio, quamvis aliqua facilitas Pontificis fiduciam dabat.

24. autem aliquod bonum pro me necesse est evenisse, venit enim ad me Comes Saint Martin nomine Pontificis cum beneplacito, quod possim incognito audire homiliam, & quod ille ducere me sit jussus. Rumpantur iniqui, vicimus! opperiri futura & præsentibus frui, pro solatio habemus.

25. ex præscripto ejusdem in peruca & in pallio rubro, in destinatum locum ubi videre & audire possem ductus, vidi protunc & Principissam Bernardinam cognatam Pontificis, & filium ejus Annibalem. Erigebam vacuas aurium ædes, audivi ex ore quod legebam ante in scripto. Quo zelo, quo affectu, quā gratiā ad ædificationem, ad commotionem, ad miraculum, facilius tu cogitabis, quàm ego exprimerem, & nolo perfectum imperfecto minuere, vel destruere stylo. Post ceremonias redii & vesperi fui apud Sernmā nostram Reginam, ubi sum summā exceptus bonitate. Interea.

27. Præcustoditionem aliquam habui, ut aliquando fit, quod maxima de nihilo nascatur historia, quod aliquæ personæ minus affectæ, & ut læta apud plerosq; ita apud quosdam sinistra simus fama, tanquam insultando murmuraverunt contra id, quod incognito fuerim in templo S. Petri, sed ut malè agere res plena est periculi, plena anxietatis, ita dum nihil egerim, quod egisse me pudeat, vel pœniteat, dum ex mente id factum Pontificis, loqui cessarunt, abacta procul falsarum rationum caligo, & malitiolæ interpretationis fumus abscessit, excusavit scilicet præsumptionem meam autoritas imperantis.

RELATIO CONFLICTUS AD CALISSIUM 29 Octob.

REX castra metatus sub Siradia, auditoque Suecos sua fixisse sub Calissio, extemplo relictis curribus tam exercitûs Saxonici quàm Moschovitici die 26 substitit sub oppido Stawy milliari distante Calissio, quo jam Duces exercituum Regni Poloniae cum castris venerant. In crastinum die 27 manè movit Regia Mtas sub Calissium ibiq; recognovit situationem loci, & hostem, qui Civitatem inter & Villam Ecclesiasticam armatus in acie aliquot diebus stetit, habens à tergo fluvium Prosnam. Castra verò in Civitate & penes Civitatem ad fortalitium, Die 28. præsentis transierunt fluvium Prosnam exercitus Saxonici sub Chmie-

A.C.1706 Chmielewo, Moschi sub Stobna, exercitus verò Regni Poloniæ post Saxonicum. Milliari ab hoste stetimus totâ nocte in acie ordinata, tandem in crastinum 29 Octob: ordinatis Cosacis, à Civitate & D. Smigielski disposito, ut cum sua divisione à tergo invaderet hostem pariter nobiscû, movimus contra hostem habentes faventem nobis ventum, extendebatur acies ad Villam Ecclesiasticam sinistrâ alâ, in qua milites Saxonici in duas lineas dispositi stabant. Dextram verò alam & corpus Moschi in tres dispositi lineas tenuere. Exercitus Regni Poloniæ bifariam divisus ad alas positus erat, à dextris Dux Campestris Regni Poloniæ, comitantibus eundem Castellano Kijoviensi, Ensifero Regni Poloniæ, Dorpowski, Ribinski, Cinski, Zahorowski, à sinistris verò Dux Magnus Regni Poloniæ, cui assistebat Princeps Janusius, Palatinus Cracoviensis, Palatinus Lublinensis, Bruchowski, Olizar Capitaneus Belzensis, Kalinowski, Granowski, cæteraq; alia vexilla adducebant. Dextra ala in qua steterunt Moschi Princeps Męzyk, post eum Rhen, Baur, Flugk, & alij Generales Moschovitici. Sinistræ alæ in qua Saxones subsistebant, primam lineam tenuit Generalis Brant, subsequebatur eundem Schulemburg & Holland, alteram lineam Generalis Pletz, post quem Milkau & Brantstein Generales Saxonici ordinabant. Tormenta autem in ala sinistra, in corpore Moschorum ac in dextera ala tredecim posita erant. Itaq; promovimus castra adversarios versus, qui duabus lineis Calissio ad milliare integrum se extenderant. Dextram alam duxit Palatinus Kijoviensis, in comitatu castrorum Præfecti Culinæ & Metatoris Regni, sinistram alam Sapieha M. D. L. cum Notario Campestri Regni & cum Capiteo Bobroyscensi. In corpore verò cum militibus Polonis Equitatus & Gregarij, Exercitus Sueticus sub regimine Generalis Leytmant Maderfeld, qui exercitus sui, ut ipse retulit, habuit septem millia, nimirum 26 turmas equitum & sex legiones peditum interpositis equitibus. Exercitus autem adhærentium 12000 numeravit. Hora quartâ post meridiem in colle magnæ palnitiei congressi sunt exercitus utriusq; partis, & post explosum ab utrinq; tormentorum salve, irruerunt Sueci magno impetu in exercitum nostrum. Sequebatur Triarius miles Regiæ Mtis, quem in fronte præbat Gardia, Generalesq; Sampold & Gospod eundem duxere. Superato igne hostili strictis gladiis fregere aliquot turmas Stanislai equitatus, cujus ordine confuso simulq; per equites Polonos alæ dextræ adhærentium Sueticorum viribus contractis, iidem Triarii milites à tergo sequebantur Suecos in Moschos & Saxones magno furore involantes, represserunt eosdem, sed Moschi & Saxones collecti, iterum aggressi sunt adversarios. Moschi incessanter tormenta explodendo fortiter resistere, nec vires animosq; suos infringi sunt passi, nam quotquot vicibus Sapiehana vexilla illos aggredi tentabant, toties eis cohortes Exercitus Regni Poloniæ dextram alam tenentes auxilio præstò erant. Ad extremum equites Poloni adversæ partis sunt conversi in fugam, quos insequiebantur nostri. Equites deinde Suetici sustinere non valentes impetum, fugæ secuti consilium, relictis in acie peditibus erupere, qui post diuturnum & strenuum conflictum, à nostris tamen circumcincti in majori parte cæsi sunt, turmæ scilicet ex Gallis & Saxonibus sub Wschovia acceptis excisæ: Uni tantum turmæ Sueticæ, quæ deposuit arma, vitæ data est indulgentia. Et sic completâ victoriâ de hostib⁹ DEo opem ferente reportavimus; quos viis varijs fugientes quousq; poterant nostri in seram noctē persequebantur, præsertim Szmigielski cum sua divisione omnes excidendo, plurimi tamen fluvij gurgitibus sunt

sunt absorpti. Duravit conflictus hic horis duabus inter assiduos ignes. Vexilla 20. Polona ac Suetica, inter quæ cataphractum & loricatum Dñi Notarij Campestris Regni, victas dedere manus D. Enifero Regni. Generalem Maderfeld, Colonellos, Miller, Horn, Marsal & complures officiales Sueticos Moschi in captivitatem interceperunt, quos Princeps Męzyk antequam subderentur inter debitam gratulationem cessit R. Mti. Regia verò Mtas vulneratos, scilicet Colonellum Horn aliosq; medicæ chirurgorum curæ comisit. Tormenta bellica hostium 10, vexilla Suetica & Polonica complura; tympanorum paria aliquot decem accepta sunt. Cæforum in acie ex parte Suetica ad tria millia numerantur, ex nostra autem parte circiter 120 Saxones, Moschi 230, Poloni circiter 100 cecidisse comperti sunt, inter quos D. Jachowski Colonellus militum Gregariorum Polonicorum, Gierzdow Colonellus Saxonicus, Colonellus Moschorum & alij Officiales aliqui. Vulnerati non pauci maximè ex Moschis, contra quos maximam potentiam Sueci impenderant, volentes eos perfringere. Quia verò Palatinus Kijoviensis cum Præfecto Culinæ Regni Poloniæ & alijs cohortibus sese receperunt ad castra sua, sexcenti verò Sueci ad civitatem confugerunt, oppugnare verò eos propter seram noctem erat difficile, ideo Mtas Regia legionibus suis quatuor, sex verò Moschoviticiis cingere eos mandavit, ipsa verò in loco conflictus sub dio cum exercitu mansit. Interim Palatina Kijoviensis & Notaria Campestris Regni Poloniæ salvando vitam suam prolisq; suæ, expedit Ablegatos ad R. Mtem clementiam implorando, uti etiam facile placabilis Princeps illam impertitus est per Generalem Brandt ad eas ordinatum, dummodo se in discretionem ejus committerent, quod ipsū & ipse Generalis Mardefeld literis suis persuasit. In crastinum horis matutinis Generalis Brandt recepta submissione Palatini Kijoviensis & Præfecti Culinæ Regni Poloniæ, Colonellum Skorzewski & alios complures Officiales adversæ partis, Palatinam Kijoviensem cum sua prole, & Notariam cum curribus omnibus sub comitatu Saxonico eduxit ex castris. Milites verò eorum 20 vexillis comprehensi in castris subsistentes, pariter residui gregarij, equitesq; receptis armis vitâ donati sunt. Currus eorum ad 5000 numerati sunt, qui & universa castra exercitui in prædam cesserunt. Circa meridiem etiam Sueci in civitate degentes ad currus suos victuales, commiserunt se discretioni Regiæ Mtis, quibus pariter arma recepta sunt, debito in civitate præsidio (ne fortè cives spoliarentur) posito. DD. Dapifer M. D. Lit, Notarius Campestris Regni Poloniæ, & Castrorum metator, Capitaneus Bobroyscensis cum compluribus equitibus evasere. Ex quibus Notarius Campestris misit nunciū implorando clementiam R. Mtis. Palatinus Kijoviensis verò cum Præfecto Culinæ Regni Poloniæ & alijs adhærentibus capti, quorum ad 6000 inter varia vexilla numerantur, manent hucusq; accepti in asssecurationem. Generalis Maderfeld cæteriç Officiales, quorum indies plures adducuntur, & non minus gregariorum militum sub custodiis R. Mtis reperiuntur. Verbo: dextra Domini fecit virtutem, cum superbos hostes certas sibi ominantes victorias delere nobis concessit. Omnis enim potentia eorum in Polonia conculcata, & vix paucus Suecorum numerus, manus nostras in Silesiam profugus evasit, alij partim cæsi, partim capti, pro successu Eucharisticon cecinit Victor exercitus. 30 Octob: ipse Rex Seren: in exercitu Regni Poloniæ adfuit sacro Illust: Episcopi Cujaviensis. Te DEum laudamus decantatum, exercitus verò Polonicus omni genere tubarum & machinarum applausit.

UNI-

Omnibus & singulis quorum interest, peculiariter tamen omnibus in genere, cujuscunq; status, gradus, & conditionis adherentibus, Fautoribus, & omnibus adversæ partis Suetica adiutoribus notum facimus. Non sine graviore cordis nostri vulnere recogitare mala possumus hujus Reipublicæ; nam Patris curam amimumq; gerimus & hunc in finem vitam, honorem, & fortunam nostram, mille dispendiis & periculis objicimus, ut illam etiam infelicitate nostra reddere possimus felicem, & eò magis urit intima præcordia dolor, quòd tantarum arumnarum causa non tam judicari debeat. externi inimici præpotentia, quia hac pridem tum temperari, tum reprimi potuisset; quàm verius interna dissidia, inimicitie, dissidentie, diversa partium studia & cœtenus nonnullorum protensa ambitio, qua in lucro reponeret si in adeptione finis sui regimen nostrum proterere & sepelire posset, & bene sentientium nobiscum vitas & fortunas pessundare, ut idem supremus Patriæ esset Hectorisq; dies. Et ecce recenti modo & utinam non memorando aliquando exemplo nonnulli ingrati hujus Patriæ filii in campis Calissiensibus exhibuerunt Pharsaliam, contulerunt cognatas acies & qui Patrijs armis uti debebant in vindicias & defensionem Orthodoxæ fidei, dignitatis nostræ, legum, privilegiarum, & libertatis, temerario & nefando ausu conjuncti inimico, augendo & efferendo vires illius contra nos & Rempub. constiterunt. Et quantumvis Deus venit tantis ausibus ultor, & verso in Authores funesto exitu victoriam nobis integram pro solatio dedit, nolimus illa uti in vulnera & cades malorum civium, quinimo cohibuimus exercituum nostrorum victorem gladium, ex quo non alia commoda, nisi pax, tranquillitas, & salus universorum nostris queritur armis. Hinc volentes quàm primùm dissipatos honoris nostri & Patriæ adversarios in integrum Reipub. corpus colligere & readunare, & ut quàm maxime decorà verticem nostrum distingueremus coronâ civicâ, ob servatos cives ultimariè monemus & hortamur omnes Paterno amore quodvis titulo & prætextu, adversæ potentie adherentes intra vel extra Regnum manentes, ut intra sex septimanarum spatium à data præsentium computando ad cor reduces, ad nos, personaliter cum signis suis & comitatu, vel omnes simul, vel singuli revertantur, certi in accessu suo de nostra benignitate, indemnitate vitæ, bonorum & honorum, in renitentes verò & contumaces absq; ulla ulteriori clementia severa legum & armorum executione, tanquam contra nostros & totius Reipub. hostes, nos progressuros declaramus. Interea ut hoc universale nostrum citius in notitiam deveniat, commendamus ut per districtus & Paracias publicetur, ac pro meliori fide propria manu subscripta idem sigillo nostro muniri fecimus. Dabatur Varsavia die ut supra.

UNIVERSALE

Adami Nicolai de Granova Sieniawski Comitis in Szklowia & Mysza Palatini Belzensis Supremi Exercituum Regni Ducis sub
Opoczno 14. Octobr.

Notum sit omnibus cujuscunq; conditionis, præeminentie & status hominibus, præsertim hujus communis Patriæ nostræ concivibus, maxime autem Illustrissimis, Perillustribus, Magnificis DD. Senatoribus, Dignitariis, Curatoribus, & toti nostro Equestri Ordini non coactè & maxime sub signis privati authoramenti existenti, cum delatione fraterni mei affectus, per hoc Universale per modum manifesti, considerandum trado. Non me in particularem & profundam

dam immittere disquisitionem, quæ fatales Patriæ nostræ constellationes explicuerunt nobis cognatas acies, & cogunt in prælia domesticum ciere classicum, an indiscretus patrii juris zelus, & pejora morbo remedia? an privatæ passiones, an vindicta, aut spes, an commodum & multis utile bellum? Præparet quivis in scrutinio conscientiæ suæ Deo & Patriæ aliquando reddendas rationes. Nec ad stateram reflexionis accipio examinandum, in quam lancem salus populi, honor gentis, & in quam ultimæ ruinæ consequentia, & sub jugo externæ potentiae infame servitutis pretium imponendum sit, cum hoc me solum manifesto, quod ei parti firmiter adhiæream, & dum vita superstes, adhærere non desistam, in quam me unanimis & liberæ tunc Reipub. cōmunis voluntas collocavit, cum dominaretur ille, qui per electionem sine suffragio externorum armorum impositus acceptatus est, & per coronationem in throno collocatus, per generalia pacificationis comitia arces patefactæ, quem mundus universus Regem agnoscit, potestas Ecclesiæ cunctis adoranda, nexu & obligatione indispensabili facti juramenti sustinet; ac proinde qui non est nobiscum, est contra nos, ideoq; horrescit animus ad solum nomen belli domestici, quoniam & profunda, ac curatu difficilia solent esse civilis belli vulnera, & infallibiliter proprio prius satiaretur sanguine, qui fraternum sitiret. Proinde in tractu suscepti belli nostri contra hostem præmitto faventem persuasionē & petitionem, invitando cognatas aquilas universas & singulas ad nidum suum ad castra Kwarcianorum, invito ad mutuam defensionem Patriæ jam in ultimis gradibus ruinæ positæ & ad suscipiendum quemlibet revertentem ad viam salutis publicæ pando cor, in amplexum expando manus cum plena amnistia anteaactorum, quam etiam à tota Reipub. approbandam fore, in me suscipio evictionis provinciam, & præterea ipse Rex Serenissimus D. N. Clement. jam paterno sinu offert clementiam. An non jam palam sunt omnibus tam clara documenta, quid intendat hæc fatalis amicitia & protectio Sueticæ pro nomine defensionis & reparationis libertatis. Cardinalissimæ leges liberæ electionis sub hastam iverunt militarem sub asssecuratione conservandæ publicæ & privatæ fortunæ, in omnibus Palatinatibus tot pagos Vulcano consecrarunt, præcipuum objectum nostrum est conservatio sanctæ fidei, Nobis spectantibus prophanatæ Ecclesiæ, ornamentis suis spoliata, Sacerdotes & DEO consecratæ personæ odio fidei violenter tractatæ, prout triste hujus recens est exemplum, cum propter conversionem hæretici ad fidem Catholicam Religiosus ad furcam damnatus est, & quidnam tam sacrum & pretiosum est in Patria nostra, quod protegens hæc dextera malitioso ausu cum expresso mandato non profanet? Si quis illuditur fortunâ, quam hæc potentia nunc velut loro ducit, spectet extremam fortunæ volubilis rotam. Plenæ historiæ, nec extra hominum est memoriam, quod nullibi magis alternante saltetur choro quàm ad sonitum Martialis musicæ, etiam in Annalibus Sueciæ facile est legere utriusq; fortunæ documenta. Sperandum in Deo, causa jubet melior Divos sperare secundos. Si autem ita pertinaciter partium studia, & imperluasibilis est ira, hæc inclyta Pælopi domus ruat vel in me, dummodo in fratrem ruat, lavo tempestivè manus & conscientiam meam, quicumq; occasio erit effusionis sanguinis fraterni, sit ipsi in damnationem. In quo coram Deo & mundo manifestor, quod illis solummodo, qui privatas injurias aut commoda publico nolunt donare bono, crimen erit & me fecisse nocentem &c. datum ut supra.

A.C. 1706

792

A. C. Z. Epistola CXV.

COPIA LITERARUM STANISLAI I. REGIS POLONIÆ AD
Serenissimam Mariam Casimiram Reginam Poloniæ.

Eliberatio
Principum
Polonia.

Ineffabilis, & nunquam satis deprecanda bonitas Omnipotentis DEI TER
Optimi Maximi post conclusum non ita pridem hic in Saxonia cum Sere-
nissimo AUGUSTO Rege Electore Saxonie pacis tractatum plurima nobis
præstitit gratiarum suarum magnalia, sed inter hæc illud maximè præcipuum,
quod non prius liberam nobis ab Antagonista cum sceptro concessit coronâ, quàm
ut decora orbis Poloni pignus omni pretio majus per secula nunquam satis de-
plorandi Sermi JOANNIS III. Regis Filios Principes Sermos in maximum
Mtis Vra solatium liberos nostris cerneremus oculis; quam scilicet adeo desi-
deratam, & gloriosam libertatem non cum sola Regia Corona, sed cum ipsa-
met vita nostra, prout in equali lance ponebamus, ita dum in hoc jam exopta-
tus vota nostra adimpleret effectus, idq; per efficacissimam, & in universum or-
bem Serenissimi Regis Sueciæ resolutionem & applicationem gratulamur Mti Vra,
quod post dilatam tanto tempore non sine ingenti tædio expectationem in bre-
vi DEO adjuvante hos materno licebit amplecti pectore, & corde, qui illud
hucusq; sustinere, & innoxia ex parte sua afflictione replere debuerunt. In qua-
telemcunq; recompensam dolorum, & honoris id reputando: quod duobus Regibus
in vindicandis, educendis, atque in suas manus recipiendis descendere in Sa-
xoniæ fuerit necesse. Quemadmodum autem hic supra modum gravis, & do-
mui Serenissimæ injurius extitit casus, ita in eodem sit ultima in omne ævum
quarumvis infelicitatum periodus. Nos verò primordia Regni nostri sic felici-
ter pacificati non solum Mti V. deferimus; verum insuper exhibemus gratam
ejusdem beneficii memoriam, & amorem; minimè dubii, quod, ubicunq; se se
obtulerit occasio, Mtas V. monstratura sit nobis non solum dignissima ante-
cessoris, verum præstantissima, atq; amantissima, nostri, & Patriæ Inclytæ ma-
ter. In cujus spem habet in commissis à nobis, Rndus in Christo Pater Epis-
copus Livoniæ, quatenus dependeat in omnibus à consummata prudētia, & arbi-
trio Mtis Vra. Cui &c. Datum in Leisnick in Saxonia die 20 Decembris
Anno 1706. Regni verò nostri Anno tertio.

LUDOVICO ZAŁUSKI EPISC. PLOCENSI Vratislaviâ 6 Maji.

Oblivisci me fecit Dnus omnium amaritudinum, omnium fatiga-
tionum in itinere, dum jam Vratislaviæ, tanquam in vicino Pa-
triæ meæ loco, constitui, ubi multos inveni residentes; ex præci-
pui Palatinus Kijovien: qui non dormit, neq; dormitat, cum vxore;
Episcopus quoq; Kijoviensis Gomolinski, qui jam nominatus Posnani-
ensis à Stanislao declaratus, cui magna spes est futuræ felicitatis, ac pla-
nè fiducia, Princeps Mareschalca Regni manet hic quoq; sed eam non
visitavi, nec visitabo, multa enim didici, quàm sit mihi insensa, depri-
mi virtus potest, opprimi non potest, loquitur malè hæc bona Princeps;
quia nescit benè. Principes Alexander, & Constantinus Regii sunt hic
quoq; præsentés. Narraverunt nobis, quomodo invitati à parte Stanis-
lao contraria, ut de Regno Poloniæ seriò cogitarent, dum id Regi Sue-
ciæ communicarunt, pessimè id accepit, & nec audire voluit. Habui
etiam informationem de assecuratione quadam, quam Stanislaus an-
te Electionem suam Principi Alexandro in favorem domûs suæ dedit;
nihil est, quod malim, quàm me & gratum esse huic domui, & videri,
quanquam mihi ad remunerandum illis nihil suppetat præter volunta-
tem; moriar beneficio Serenissimorum Patris, & Matris impar, ideoq;
infelix

Infelix, sed non ingratus.

Invitatus sum in Saxoniam, sed, quia nondum planè sanus eram, non nisi 3. Aprilis movi Vratislaviâ, obvium post ultimam postam habui Episcopum Culmensensem, qui post contestationem affectûs Regis, & Regiæ Matris persuadebat mihi propria voluntate, & ore eorum locutus, ut ab exercitio sigilli abstineream, propter rationem, ne Confœderatio Varsoviensis debilitetur: quamvis dixerit, quòd Regni sigillum cum inconcussæ fidei sigillo hætenus tractaretur: offerendo mihi Archi-Episcopatum Gnesnensem (tam sæpè parum refert inter dona, & damna) quia D. Szembek Rex Sueciæ non vult, & D. Zielinski in Moscua exulem, jam eidem renunciâsse certum est; æquore turbato præstat demittere vela; persuadendo insuper, ut Romam omnibus, quascunq; voluero, expeditionibus munitus redeam. Risi ad has propositiones, bonus animus in re mala dimidium est mali; bonum est formicæ absq; alis, quanquam mihi graves erant, indifferenter tamen respondi: nam dissimulandum credidi. Quomodo ego acceptare potui Archiepiscopatum, cum omnino ex mente Pontificis persuadere debeam, ut in possessione sua, qui est ab eo declaratus, maneat: qui vivendi novit artem, cedendi etiam novit opportunitatem. Die 7mâ in Lesznik comparui, ubi tenerrimè ad speciem exceptus, sed in re adverti intentionem stabiliendi omnino Joannis Jabłonowski Palatini Russiæ in exercitio Ministerii mei, quod ego ipsemet, cum sim minimè ambitiosus, minimè in rogando molestus, libenter fessus aliis vanitatibus mundi dimitterem, modò dimittar ad tranquillitatem meam, & Episcopatum à tantis contributionibus liberum faciam.

In crastino multis contulit mecum Mater Stanislai, petenti stipem porrigens stipitem persuadendo de Archi-Episcopatu, sed ego (nil verita veritas) firmiter, constanter, & irrevocabiler respondi, nullatenus me illum acceptaturum, quinimò persuadebam, rationibusq; plurimis idipsum deducebam, quòd voluntati Pontificis absolutè deterendum esset, qui jam in publico Consistorio expeditiones istas ratas habuit, nec quisquam potest ullo tempore sperare, ut hæc immutari aliquomodo possint.

Interim Stanislaus magnis juramentis me securum reddere voluit, quòd omne impedimentum circa Ministerium mihi restituendum veniat ab Aula Suetica, quod absolutè Thesaurarius Sapieha abnegavit, formalia Regis Sueciæ dicendo: faciat, quòd Rex Stanislaus vult, ego non curo, an non licet ipsi facere, quod libet? Cæterum ego quidquid sit, quidquid non sit, fero æquo animo, ac fortiter; quid enim nisi vota supersunt?

Scripti Romam relationem faciendo eorum, quæ audivi, aliquot post dies Rex Stanislaus abiit ad Regem Sueciæ, Sed ego mansi, & interrogatus, quid desiderarem, petii libertationem Varmiæ, quæ hætenus sub jugo servitutis gemit.

Insinuavit mihi idem Stanislaus, ut ad Aulam Sueticam recurrem, pro restituendo mihi Ministerio, sed ego Deos alienos me nescire colere nec tumidè, nec timidè respondi, nec velle unquam extraneo judicio justitiam causæ meæ judicandam committere.

Redux Stanislaus attulit mihi libertatem à Rege Sueciæ redeundi, & manendi in Varmia, quod signum erat dimissionis meæ, quam ego libenter, & quidem libentissime habebo, cum videam Palatinum Russiæ omnino velle Principis ore loqui, dilatando philacteria sua, & magni-

A.C. 1706 gnificando fimbrias intendat regere Aulam hanc: Deus ipsi propitius sit; ventis adspirent vota, & ego per invia, & invita fortunæ eluctatus libens tranquille, privatusq; vivam secedendo à rebus etiam meis, imò etiam à me ipso; in occulto jacebis, cum te maximè clarum voles, an parum habebo, si non algebo, non esuriam, non sitiam; plus Jupiter (ut ille dicit) non habet. Spes enim benè meritorum langvet, cum majora præmia adipiscuntur iñeriti, & benemeritorum opera parvi penduntur.

Tandem quia appropinquabat Pascha, manendum mihi Lefznicij pro festis statui. Proposuit mihi Rex, quasi id in satisfactionem meam esset, ut Varsaviæ manerem sub illud tempus, quo ille cum Rege Sueciæ in Moschoviam ibit, & totam molem negotiorum cum cõmunicatione Mareschalci confœderationis sustineam.

Sicut Jacob vidit Angelos ascendentes, & descendentes, & conclusit esse domum DEI, quia de culmine non vi pulsi, sed sponte descendentes, legunt alij decedentes, sic Stanislaus noster libenter haberet, ut ego sigillo, Prependovius Thesauro, Dabscius Scipione voluntariè descenderemus, in alios dignitates hæc transferri cupiens. Homo proponit, DEUS disponit: in memoriam mihi venit locus scripturæ: aruerunt ossa nostra, & periit spes nostra, & abscissi sumus. Dicit autem Dñs DEUS: Ecce ego aperiã tumultos vestros, & educam vos de sepulchris populus meus.

Itaq; id, quod proposuit, nec velle, nec facere me posse respondi, nisi restitutus in integrum, & in Ministerio, & in possessione Episcopatus mei liber ab omni contributionum genere declararer, sed vix hujus voti spes fuit ulla mihi.

Die Jovis magno relationem habui, quomodo Princeps Mater Regis multa dixerit Palatino Russiæ, qui crescere vult per injuriam meam; magnam propter illum oriri, & orituram invidiam; & non sunt ferenda unius augmento plurium detrimenta; virtute ambire oportet, non favoribus. Ad me etiam missus Pro-Cancellarius Litvaniæ Szczuka, cui maximas egi gratias, majores etiam habui, cum sim minimè ambitiosus, ut inveniret mecum media satisfaciendi mihi, etiam quæ utilitate profunt, novitate conturbant, sed post multos discursus non aliud justius erat, nisi restitutio mei officii in integrum; ego jacto in DEum curam meam, & ipse me enutriet; cum me consumptum putaverint, faciet DEUS, ut iterum oriar, quanquam mihi fastidium est omne fastigium. Accedit, quòd nunquam sub sigillo meo pressa libertas est, nunquam innocentia ingemuit.

Die Sabbathi magno venerunt duo Cursores Româ reduces, cum declaratione, quòd Papa nec Electionem, nec Coronationem Stanislai, & nec quidem Abdicationem Augusti approbare potest; unde Rex Stanislaus ita exarsit, ut nobis, (qui bonâ fide DEum colit, sacerdotes amat) palàm minaretur Episcopis ejiciendos nos ex Senatu, sed ego (livore nemo judice fit nocens) palàm in faciem restiti, & dixi; dum furor in cursu est, currenti cede furori, rem hanc esse absolutè impracticabilem; qui exasperant, non exaltentur in semetipsis. Consilium erat post privatum me excluso, quia malui aures offendere loquendo, quàm veritatem tacendo. Tandem conclusum, ut mihi precibus, minis, & omnibus rationibus persuaderetur, ut iter Romam omninò arriperem, sed ego nullatenus me id facere posse, & velle respondi.

Quantas mortificationes super mortificationes habuerim, exprimere

mere non possum, tot invidiæ, malevolentia, obrectationes, simultates, apertæ inimicitia ita me circumdederunt, ut vix hiscere potuerim, sed illa infelicitas non fregit, quem nulla felicitas unquam corrupit.

Interea jam me relicto omnino persuadere voluerunt, euntes in adinventionibus suis, & inclinantes ex hoc in hoc, ut Palatinus Czernehovienſis Frater meus hanc legationem in se susciperet. Disputavi diutius, sed ut prætextum redeundi Vratislaviam haberem, persuasurum me eidem, ut in hoc obsequio non se excusaret; Iter etiam ad D. Nuntium Piazza in Troppau residentem uti petebant facturum me promissi, modo licentiam abeundi omni meliori modo habere potuissem.

28. Iterum ad Aulam Sueticam cum Rege eundum mihi erat, ut meliorem, & favorabiliorem expeditionem pro Varmia haberem. Eodem tempore fuit etiam Dux Milort, Malboroug, credidimus recognitionem illum ab Anglia attulisse, sed de illa tam citò dubitatur.

Comparasse etiam Dñum Jelec cum propositionibus ab illa parte dicitur: Consilium à me petebatur, acceptandusne, an rejiciendus? Acceptandum ego credidi; Utilia sectanda essent, non futilia, ne sint; unus ædificans alter destruens; Minus profunt externæ amicitia, ubi non est pax domestica. Hinc arbor, quæ non admittit ventos, & imbres domestico vermiculo corrosa cadit; Et majus emolumentum ex accessu illius partis, quàm ex recognitione exterorum Principum proventurum repræsentavi.

Petii interim Regem, cassationem Privilegiorum mihi subscriberet, cum illa, quæcunque Rex AUGUSTUS Domui meæ contulit, sicut Vielunen. Raven. Inovladinen. Capitaneatus inter alios Rex STANISLAUS distribueret. Denegatum & id, & ego Privilegia parata in ignem projeci non sine ingenti dolore. Interim 3tia Maji (extorserunt enim pondera vocem) protestatus coram Episcopo Culmensi, & Procancellario Szczuka de oppressionibus meis, & injuriis, quod arcear ab exercitio Sigilli; Tantumne aliquis sibi posse videtur, fata quoque ut superet; quod leges non servantur, imò illis palam contraveniatur; si invidetis, mordetis, & consumitis, videte ne ad invicem consumamini; O navis referent in mare te novi fluctus! Et post abivi. Quod dum rescivit Rex præcipue de manifestatione eo nomine facienda, misit ad me Smigielſcium, minando expressis verbis, quod Rex Sueciæ potest aliquid facere, quod mihi displicebit, sed ego minime me timere minas clarè respondi: Scripturum me lingvâ latinâ hoc Manifestum, & illud ad Cancellariam Sueticam mittam immediate pro lima. Tandem per postam veni Vratislaviam heri vesperi: & hodie tibi scribo, ut scias, ubi sim, quæ valeam, & quid agam.

EIDEM IDEM Vratislaviâ 19 Julij 1707.

REdux, ut præteritis tibi significavi, Vratislaviam, inveni adhuc Principes Regios, ubi in prandio etiam fuit Princeps Principis Jacobi Consors. Conturbatos multos hic reperi; timent enim, ne Rex Sueciæ arma in Cæsarem moveat; Ea exequentur causæ secundæ, quæ imperavit semel DEUS.

15. Maji respondi me ad visitandum Nuntium Piazza, non tam, quia illuc voluntas dirigentis ducebat, propter interesse, quod mihi seriò commendatum erat, Regis STANISLAI, sed magis propter renovandam amicitiam cum hoc dignissimo Ministro, quam Bruxellis, dum legatū

A.C. 1707 conducendo Electricem Bavariae, & ille Internuntium Pontificis ibidem ageret, strictam ligaveram. Habui à Dno Palatino Czernichovien. expressum missum cum præcautione, quòd mihi insidiæ aliquæ in via essent paratæ, sed ego nihil timui, fiducialiter egi, & non verebar, si consistant adversum me castra, non timebit cor meum.

17. Opaviam veni, & 4tuor integras horas in conferentia cum Illmo Nuntio consumpsi. Impedimenta ad recognitionem Pontificis multa didici, quibus remedia adhiberi possunt, si Ministerium præsens vellet, aut sciret; sed video, quòd sine calce ferruminare, sine cæmento glutinare, sine arena omninò velint ædificare: Profutura enim non admoventur, nec amovent obfutura, nec sentiunt damna, nisi postquam acceperint; Omnes sciunt fistulam inflare, sed digitos applicare nesciunt, & ita si aquam semper turbaverint, semper sitient, cum nec manus agnoscat, quem non exercuit arcum; quia isti nodum in scyrpo, fissuram in plano, angulum in circulo quærunt.

Post habitam iterum in crastino conferentiam, abivi iterum, & cõparui 20 Vratislaviæ; Misi Plezovium meum ad Lesznicium cum relatione Actorum apud Nuntium.

Habui interim notitiam, D. Episcopum Culmensensem habuisse subscriptum Episcopatum Cracovien. in personam suam & quòd delectetur in Domino, quia dat illi petitiones cordis sui; Pisces sæpe minutos magnus, & aves enecat accipiter.

Habui etiam notitiam Dñum Hemof, & Fingkst, qui nuper pacem inter Reges Sueciæ, & AUGUSTUM Poloniæ concluserunt, sub arresto esse, & in fortalitio Königstein à Rege AUGUSTO incarceratos. Dexteram tuam sic notam fac.

28. Rediit Plezovius cum literis teneritudine plenis. Interim audi vi Palatinum Russiæ in Poloniam divertisse; & id iter pro objecto habet media aliqua cum Dña Palatina Belzensi, quæ apud Posnan: Palatinam inveniri debet, reperienda, pro ineunda cum parte adversa concordia. Scivi etiam ex ore Czarnhovij moderni Thesaurarij Regni, quanto contemptu Stanislaus à Rege Sueciæ, & Ministerio ejus tractetur.

Audi vi itidem quòd Româ expeditæ fuerunt literæ ad Archi-Episcopum Szembek, & Episcopum Cujaviensem, ne de nova cogitent Electione.

Rex interim Sueciæ optimè convenit cum Seren: AUGUSTO, & frequentius se visitant, quanquã tam citò ex Saxonia exire non cogitet.

Ex Varmia habui, quòd tu tanquam propior scire debes, augeri indies contributiones Sueticas, & his non obstantibus Rybinscium novas assignationes solvendas prætere; consilio illi tamen essem, ne erigat oculos suos ad opes ex alieno coagulatas, quia facient sibi pennas quasi aquilæ, & volabunt &c.

Mortuum esse Cardinalem D'Arken annos centum, & duodecim (ut dicitur) habentem, Patrem Serenissimæ Casimiræ, Româ scribitur. Scripsi, & misi eo nomine pro debito meo Majestati suæ condolentiam. Interea Lublini denuntiaturum esse inter-regnum constans fama est.

Româ Julij habui ex Saxonia non admissum fuisse Comitem Vratislaw à Rege Sueciæ Imperatoris Legatum cum satisfactione missum, quæ, quia nondum ad mentem erat, si Imperator illam, ut desideratur, non dabit, ipse illam, res memoranda novis annalibus, atque recenti historiâ! in bonis hæreditariis Cæsaris sumet, nihil tangendo Imperium (procul recedat, qui ardere, & consumi timet ab hoc fulgurante

rante Regiæ M^{tis} conspectu) Quanquam Rex Stanislaus multum juvenet hanc negotiationem & omnia, quæcunque potest, apud Regem Sueciæ faciat, &, quæ procedunt de labiis ejus non semper fiunt irrita.

Habui literas à Cardinale Pauluci, in quibus absolute declarat, non posse Pontificem ad recognitionem Stanislai venire, nisi tota Respublica in eo conveniat.

Craftinâ die omnino movebo Vratislaviâ, iterq; meum directe in Varmiam prosequar, & jam res omnes meas recte Gedanum expedi- vi (utinam ventos habeant mea vela secundos, utinam te aliosq; fratres meos sanos reperiam!

ALEXANDRO SALLAROLI THEATINO

Regiomonto 31 Decembr.

Liber aliquantum à doloribus calculi non ex integro, animo male valeo, dum indies majorem ruinam Episcopatus meus experitur; continua contributione ab Elbinga ita pressus, ut vix respirare queat; sed flere non licet amissa metu reliquorum; severissima etiam mandata inde prodiêrunt contra meos Administratores sub pœna capitis prohibendo, ne quidquam mihi provideatur. M.Brutus satis hoc putat, quod licet in exilio viventibus virtutes suas habere secus; fortis est animus, ad quæ præparatus venit, cum semel animi virtus indormivit, invulnerabilem præstat.

Habui à Pro-Cancellario Litvaniæ de die 8vâ Octobris, quod Rex Sueciæ jam sub Slupeza constiterit cum Stanislao; incertum verò illo tempore erat, quâ transire deberet. Interim Rybinsciani sibi ignavi, nobis graves in Varmia grassantur, ne Sueci Elbingenses audeant se illis opponere.

Habui etiam ab Aula, quod Palatinus Russiæ (concupiscunt homines, & quæ non possunt, pessimum eorum vitium est, qui id quo insaniunt, cæteros putant furere) jam se palam Cancellarium Supremum Regni dicit, quod ego minimè curo, invalidum omne naturâ querulum est; aut enim libertas in integro erit? tunc & ego ad Ministerium redibo meum, aut omnino peribit, tunc ego in servitute nullatenus Cancellarius esse vellem. Ratio judicari vult, quod æquum est, passio id æquum videri vult, quod judicavit, in male cœptis honestior illi pertinacia videtur, quam pœnitentia; quippe alter in alterius exitium levi compendio ducitur, ego autem credo, proprium esse magnitudinis veræ non se sentire percussam.

Moschi venerunt in Litvaniam; interim nos hic non otiamur, & per modum alicujus Academiæ quotidie convenimus, & ex lecto quicque specialiter sibi dato libro, quæ scitu, & notatu digna credit, refert, & sic tempus non otiosè terimus, & illud benè disponimus, quod nobis natura consumendum dedit; Officia si Senatoris, si Ministri amisi, hominis exerceo, non exiguum temporis habemus, sed multum perdimus; non accipimus brevem vitam, sed facimus, nec inopes ejus, sed prodigi sumus; Vitâ, si scias uti, longa est.

Pons sub Varsavia dirutus. Habui notitiam, quod ille Patkul ex mandato Regis Sueciæ jam occisus est sub Casimiria in magna Polonia existente baculis primò enormiter concussus rotæ vivus adhuc implicitus, & post caput amputatum, & corpus in 4tuor partes divisum. Hic ille est, qui omnium malorum in Polonia fons & origo fuit, & pœ-

Patkul occisus.

A.C.1707 nas justas luit, sed lachrymas, & damna nostra quis restituet? Nunquā sunt grati, qui nocuere; quomodo illum amare possum, per quem factus sum miser.

Videntur hic universalia Josephi Potocki Palatini Kijoviensis, qui datum sibi regimem Generalis exercitus Regni annunciat, quod Palatino Belzensi ademptum à Rege Sueciæ dicitur ex eo, quod ad ejus partes transire nolit.

Palatina
Belzensis
capta

Curiosa, satis dolenda, & erubescenda Postea Varfaviæ attulit non vanæ rei author, de die 15 Novemb. quod Varfaviæ Dnam Sienlawski Palatinam Belzenlem supremi Exercituum Regni Ducis Vxorem Valachi Suetici vi Varfaviæ acceptam ad castra duxerunt, etiam si satis infirma fuit. Ingeniosa nunc est in contumelias Polonia, in qua etiam qui vitaverint culpam, non effugient infamiam; potentiorum injuriæ hilaris vultu, non patienter tantum ferendæ sunt. Non pietas illam iram, sed infirmitas movit suâ causâ non legum puniendo; ita fulmen est, ubi cum potestate habitat iracundia: quid est iniquius quàm secreto credere, palam irasci, quibus nec ad irascendum causa deest, nec ad ulciscendum potestas; irascuntur in suorum injurias; dabo tibi, qui in rebus minimis, & per delicias irascuntur; major quotidie peccandi cupiditas, minor verecundia est: sed illa suum, publicumque dolores æquo animo tulit. In castris etiam Stanislai tumultum aliquem fuisse, & Principem Janusum Visnoviecki non omnino sobrium multa fecisse, & castrorum metatorem, Lubomirski vulnerasse scribunt, quodque Princeps Casimirus Czartoryski thesaurarium M. D. L. sub conditione solvendorum 20000. talerorum filio defuncti Thesaurarii, officium thesaurariatus Lit. subscriptum habuit, etiam juramentum eo nomine explevit.

Tandem tamen 16 Xbris venit notitia liberatam fuisse ex tædioso satis carcere per instantiam Stanislai Palatinam Belzensem, & Varfaviam rediisse. Irasci non magis sciunt, quàm ignoscere, sed timeo, ne etiam cum vulnus sanatum sit, cicatrix maneat.

Turcicus etiam Legatus audientiam habuit, sed audio contra morem antiquum; Rex enim Stanislaus sedebat, sedente etiam in tapete Legato, & omnibus Senatoribus.

Finio & literas, & annum.

CONSIDERATIONES IN PRÆSENTI SCISSÆ REIPUBLICÆ statu 1707 exponuntur.

DUM Respub: juris & libertatis Domina eò devenit confusionis; ut in duas divisa sit partes: hinc AUGUSTUS II. Electus, novennio per gemina Comitia dominatus adversa tulit fata; stante enim ejus dominio Æmulus Regni potentiâ Sueticâ in Regem coronatus est STANISLAUS I. In nimis successibus Coronæ Sueticæ successerunt postmodum inter Monarchas infcio Electore populo pacta; unde quilibet perpendere potest duos esse Reges, ambosque ejusdem sensus: non resigno nisi in ligno.

Inde stantibus his, adhuc requiritur Regis Electio ex rationibus; quod unus abdicaverit, alter illegitimè electus sit: ad quam Electionem potens vicinus Amicus supponitur, suadens eam, & interregnum esse existimatur. In hoc puncto nodus & saltus est; hic se subtrahunt à Consilio Senatores, Majoresque Nuntij adamant indifferentiâ, & eo ipso quamvis possint, non salvant Rempublicam.

Ex

Ex præmissis afflictio Reipublicæ.

I. Scissio in duas partes. *II.* Rex AUGUSTUS *II.*

III. Rex STANISLAUS *I.* *IV.* Electio petita novi Regis.

Imum punctum afflictionis est, Respub: in duas partes scissa; quod utinam non esset: eo enim manifestè & gravissimè perit Patria. Processit hoc scisma ex Electione controversa AUGUSTI Regis; cessit ille tribus anni trimestribus; cedere etiam deberet scissio, & pacatam relinquere Rempub. Jam AUGUSTUS origo scissionis convenit cum Corona Suetica, jam STANISLAUS obicem non habet, uno eodemq; subnititur uterq; Principali. Nam si quæpiam est averfio à Nobis intuitu STANISLAI Regis: facilius ille servatis servandis manu teneri poterit; ubi primum congregati fuerimus, potiusq; conveniendum erit, quam ibi residendum, ubi fortius de rebus Gallicis agit Corona Suetica, pensi interim habens negotium Poloniae. Melius enim cuiq; suæ residere domi, quam extra fines utili & honesto se occupare. Quare ad unionem omnino convocatione opus est; sic omnia facilius cessura sunt.

REX AUGUSTUS disgustatus à quibusdam Polonis, malè contentus de illis esse potest; & quidem de unis illorum magis quam de aliis:

Quia quorundam consilio Suetico inchoavit bellum.

Quia forsitan præjudiciosè quorundam auxilio frustratus est.

Quia exinanivit se ipsum, unde coactus est Tractatum assumere cum Rege Sueciæ.

Quia hæreditarium dominium illius ad ultimam devenit ruinam.

Reciprocè à Rege AUGUSTO Respub: prætendit, quòd inconsultà Republ: bello Suetico dederit initium.

Quòd occasio fuerit desolationis Regni, extorsionis pecuniarum cujusq; generis, auri, argenti, apparatus bellici, & ornamentorum Reipub: amissionis.

Quòd suis Exercitibus oppresserit Provincias, gravesq; contributiones exegerit.

Quòd dominando in Polonia totam fiduciam in Germanis collocaverit, non in Polonis, contra morem & consuetudinem Regum Poloniae.

Quòd cesserit de Repub: alteri cuiquam, non autem iis Polonis, qui illum in Principem elegerunt, & reddiderit diploma Electionis.

Quòd totius mali & belli præsentis author sit & causa.

Possent hæc tamen omnia reparari; si pœniteret, si vinceret, si æmulum in timorem conjiceret, his potissimum rationibus

Qualiter Poloni quæsierunt Regem etiam in Cluniacensi Cœnobio.

Qualiter nullum dethronizârunt unquam.

Qualiter usq; ad fata suos patiebantur Reges eosq; venerabantur.

Rex STANISLAUS hæc considerata habet, ex quo est, os de offibus Reipub: & tam in minore quam majore Polonia, uti etiam M.D. Lit. magnas habet colligationes.

Ex quo ab æmulo nullū habuit impedimentum, tam in Electione, quam Coronatione. Ex quo potenti Coronæ Sueticæ subnititur præsidio.

Ex quo adhærentes habet magnas domos Potocianā, Lubomirski &c

Verum est, omnes eas rationes esse bonas: obest nihilominus, quòd quidam Reipubl: studiosi has tantas colligationes suspectas habeant & periculosas libero dominio existiment. Pro impedimento insuper objiciunt jus de libera Electione scriptum, contra quod omnia gesta sunt. Coronæ Sueticæ protectionem Respub: damnosam censet, & fœdus cum ea initum gravem putat oppressionem & inæstimabilem Thesaurorum Reip:

A.C. 1707 Reip: & ornamentorum desolationem. Adhærentia hæc felicibus dumtaxat obsecundat ventis, cessatura & ipsa; ubi venti remiserint: media verò in contrarium deesse non poterunt, si paululum indagare placuerit.

Requiritur Electio Regis. Dicunt alij necessariam non esse.

Quandoquidem Rex AUGUSTUS à Comitibus Lublinensibus liberum passum habuit intuitu consulendi valetudini suæ: potest hoc se tueri & pacatis rebus hæreditarij dominij reassumere cogitationes de Regno nostro; siquidem necdum reddidit diploma Electionis Reipub: jus autem Electionis ad alium non est transferibile.

Quandoquidem Nobis non constat de ipsius resolutione & mente, quòd Nos dereliquerit, spe omni reditu præcisâ. Abdicatio autem non nisi in Comitibus facienda est, uti fecit Joannes Casimirus etiam à Nobis non interrogatus de hoc, quemadmodum id ab Henrico studiosè requisivimus.

Quandoquidem majus immineret periculum à tertio Electo. Satis & sic magna sunt discrimina Nostra ex duobus. Sequeretur indubiè; ut Respubl: quæ modò divisa est, adhuc subdivideretur, adeoq; longè debilior foret.

Quandoquidem jam aliqua Regna Regem STANISLAUM pro Rege agnoverunt, & Tribunal sub ipsius nomine Petrikoviæ stetit: uti etiamnum in Litvania sub ipsius auspiciis illud absolvitur, & major Polonia eidem adhæret.

Quandoquidem ante Electionem Regum non solebant esse scissiones, & nunc necessarius esset consensus pro declarando interregno, & judicijs capturalibus: jam autem ab ejusmodi Consiliis tam Senatores, quàm Nobiles sese subtrahunt, & quodammodo à longè rem Patriæ speculantur.

Quandoquidem nescimus, quis Rex esse vellet, sive ex exteris Principibus, sive ex domo Regia, sive ex incolis Regni: cum singuli videant, quòd hæreditarius ditionum suarum Dominus AUGUSTUS Rex impar fuerit protectioni Aquilonari, nec manuteneri potuerit: quid tertius agat? quomodo, de quo suam sustentet Majestatem? Alii dicunt necessariam Electionem ex rationibus.

Quia sine capite sumus, Rex necessarius est: duo extra Patriæ fines existunt, quia sine bello exteri & Nostri Nos aggravant, quod totum cessaret, si electio daretur.

Quia est periculum ulterioris desolationis.

Quia est periculum exauthorationis & subhastationis Reipub: interest igitur illius sancire Electionem; ut securitati consulatur.

Imò. Offerat se Respubl: & suscipiat in se mediationem inter Czarum & Coronam Sueciæ.

2. Provideatur & curetur, ut scissiones in unionem coalescant.
3. Communis motus decernatur juxta Constitutiones anni 1621.
4. Exercitui stipendia trimestrium declarata exsolvantur.
5. Quia deficit Nobis peditatus, suscitentur antiquitus usitati Agrarij milites Haydones, & Dragani, ex fumo 25 fl. imperatâ pensione. Nostra si sunt exigui pretij fiant meliora.

**ROBORATIO CONFOEDERATIONIS GENERALIS SEN-
DOMIRIENSIS** Leopoli 7 Februarij 1707.

NOS Senatores Regni & M.D.L. Deputati Nuntiorum terrestrium ex Comitibus Lublinsibus & ad Confœderationem generalem Sen-

Sendomiriensem destinati, & omnes alii status unius & indivisæ Reipublicæ, qui factâ & promulgatâ sine scitu & consensu nostro abdicatione AUGUSTI Regis II. pro hoc congressu ab Eminent: Primate & Illmo Marechalco Confœderationis Generalis Sendomiriensis per universalia determinato, convenimus: ad præsentem notitiam & perpetuam rei memoriam, omnibus & singulis, quorum scire interest, porrigimus: quòd nos juxta antiqua jura & leges Reip: sine visibili & publica Mte Regis persistere non valentes, nec ullum alium in throno Poloniae pro Rege nostro agnoscere & pati; nisi illum solummodò quem non coacta necessitas, aut externa potètia sed unanimis duntaxat & spontaneus omnium consensus ad regnandum & dominandum nobis viâ legitimâ vocavit, acceptavit, & illi spontaneam obedientiam secundum jura & vincula deberi pactorum recognovit, præsentibus periculis Reipubl: & gravissimis calamitatibus infelicis belli, scissæq; in partes Reipub: inducti, primo exemplo majorum nostrorum ipsi inter nos mutuò Ordo senatorius & Equestris in præsentem congressu veram concordiam, unionem & confidentiam sancimus, constituimus, & fundamus in fundamento sacrorum vinculorum & roboratione confœderationis generalis Sendomiriensis omnium Reip: Ordinum, quam specialiter per respectum duntaxat fidei sanctæ Catholicæ, liberæ Electionis, jurium & libertatum Patriæ reassumimus, & confirmamus (excluso puncto circumscriptionis Ducum exercituum & Castellani Cracoviensis) declarando & pollicendo nobis sub sacramento juratæ fidei, honoris & conscientiæ; nos nemine excepto, in præsentem sacro vinculo confœderationis generalis Sendomiriensis perseveraturos, & perstituros eò usq; dum certum & legitimum regnantem de consensu totius Reipub. in solio Regni firmemus, sic confirmando & conservando indivisim liberam electionem inviolatam, cujus integritatem saluti, vitæ, opibus, & substantiæ nostræ præponimus; in quem finem omnes concives Regni & M. D. L. in genere & in particulari, authoritate publicâ modernæ congressûs nostri per amorem Patriæ obtestamur: ut omnibus particularibus respectibus privatisq; commodis sepositis quantocius ad salvandam Rempub: liberamq; electionem, quæ fons omnium libertatum nostrarum est, sociatis viribus & animis concurrere velint, perseverando & assistendo constanter gloriosæ & juramento firmatæ Confœderationi nostræ, simul principalem fiduciam eò vertendo, unde veniet auxilium nobis, in cujus scilicet potestate sunt omnium jura Regnorum, qui ubi humana non suppetent consilia, mittet nobis auxilium de sancto.

Inter primas verò curas de bono publico Principem Primatem & Marechalcum statuum Reipub. confœderatæ Generalem obligamus; ut sine mora, indilatè aulas vicinorum Monarcharum, ubi nostri hic & nunc Ministri resident, per illos, ubi verò non sunt, per literas publicas de statu præsentem Reipub. de juribus & consuetudinibus nostris, uti & de gradibus modernorum consiliorum informet, & enixè authoritate Reipub. expostulent: ut non ex alieno arbitrio, verum ex universalis ejusdem beneplacito & requisitione eum imposterum tantummodò pro reali & vero Rege & Principe nostro censeant ac recognoscant, qui secundum jura & consuetudines nostras interveniente pleno omnium consensu pro throno electus, ei adjudicatus & constitutus legitimè erit. Similiter civitates Prussiæ seriò admonitas volumus, easdemque obligamus; ut non intrinsecando se in materias statûs specialiter circa liberam electionem arbitrium & decisionem universæ respiciant Reip-

A.C. 1707 Reipub. & ad eam se referant. In quantum verò temere & præcipitanter ultra fas & præscriptum jurium Patriæ sibi quidpiam, quo ad hoc punctum licere putarent, aut etiam defacto concederent; ejusmodi attentata pro nullis & irritis declaramus, reparationem verò læsæ auctoritatis Reipub. ulteriori ejusdem voluntati & judicio reservamus.

Et quemadmodum Illust. Ducibus & toti Equestri Ordini utriusque gentis pro immutabili zelo & constantia circa conservationem liberæ electionis nostræque generalis confœderationis immortalem in animis posterorum consignamus gratitudinem, simulque solliciti de exsolutione desertorum meritorum, quam citissimam & realissimam desiderantes sancitorum Comitiorum, quo ad hoc punctum executionem, speciale insuper à Repub. spondemus remunerationem: ita vicissim eos omnes quotquot sive simul sub suis signis, sive sparsim ad contrariam partem pravo & damnabili usu sese transtulerunt, vigore præsentis congressus nostri admonemus, & vinculo juratæ fidei ac militaris obedientiæ obligamus: ut intra spatium sex hebdomadarum à data innotescencia constituti nostri, ad corpus exercitus sui redeant; quò irremissibilem in bonis & personis suis rigorem, per statuta & constitutiones Comitiales, articulosque militares contra desertores castrorum expressum, effugiant; quem Duces exercituum mox à constituto termino indilatè extendere tenebuntur. Id verò interstitium indulti temporis iis duntaxat inserviet vexillis, quæ recenter per violentiam sunt coacta: cum iis verò qui liberè Ducum excussâ obedientiâ & hibernis acceptis in partes adversas transierunt, nec post præteritum prælium reditum maturarunt; instigator vel vice-instigator Regni jure agant in Commissione thesauri, sive ij desertores castrorum sive interceptores vexillorum fuerint, pro pœnis personalibus & restitutione hibernorum ex bonis inculpatorum sine mora vindicanda. Iisdem Instigatori & vice-Instigatori Officiales sub honore & conscientia reddere tenebuntur indicem militum, qui ultra debitum & statutum exactis hibernis in præterita non fuerunt expeditione; ut sic jure militari ad satisfaciendum urgeantur, unde tempus commissionis præsentis consilio militariis ereptum negotiis, compensari posse concedimus. Commendamus urgentissimè Ducibus, ut insolentes turmas (quàm primùm de illis ab aliquo vim patiente resciverint) vigore jurium suorum irremissibiliter tolli & deleri imperent, eosque qui insciis iisdem Ducibus militem authorare præsumerent, pro turbulentis seditiosisque turmis censeant, similiq; rigori subjiciant.

Hoc igitur primario fundamento in nexu animorum & armorum statuum Reipub. pro ulterioribus consilijs nostris posito, testamur & nostra omnia intenta sincerè & realiter coram statibus Reipublicæ & universo mundo ingenito Polonis candore manifestamus & publicam; quòd sine ulla ab intra & ab extra dependentia & partialitate illibato & unito corde, purè & liberè, merè de conservatione integritatis boni publici liberæque electionis nobis prospicere, illamque salvare per restitutionem in integrum statum pro ut ab ævo Majorum nostrorum fuit, servatis gradibus & solennitatibus desideremus; & ideò in tam grandi, & ad omnes pertinentes opere nullo modo temere, præcipitanter & de repente procedere volumus, sed omnes tam Senatorii statum quàm Equestris Ordinis sive ij domi resideant sive consulendo securitati suæ exilium ex Patria præelegerint, sive denique per desperationem & fastidium malorum in partes contrarias secesserint; universali nostro ad tutandam

tandam Patriam conservandamq; liberam electionem invitamus, postulamus, & ardentem obligamus: ut quantocius ad commune & liberum consilium nobiscumq; accelerare velint; in quem finem salvo per omnia vigore confederationis Sendomiriensis cursuq; & continuatione præsentis consilii Comitola per Palatinatus & Districtus Regni ac M. D. L. conservando circa activitatem Deputatos, tam ex Comitibus Lublinsibus quam etiam ex generali confederatione pro 28 Martij anni præsentis, in ordine ad conservandam liberam electionem & confederationem generalem, uti & eligendos Nuntios Terrestres destinandosq; ad præsens consilium, pro quo tempus & locum secundum præsentis conjuncturas Primas & Mareschalcus designat, in ejusdem virtute determinamus, simul hanc nostram unanimem & concordem roborationem generalis confederationis ut eò citius omnibus innotescat, nosq; congreget, typis mandari & per Palatinatus, Districtus, & Terras spargi mandamus. In præsentia Stanislai Szembek Archiepiscopi Gnesnensis Primatis &c.

COPIA LITERARUM REGIS PRUSSIÆ, QUIBUS RECO-
gnoscit Regem Stanislaum pro vero & legitimo Rege Poloniæ.

QUam primùm ex literis Mti Vra die 29 Mensis Novemb. anni elapsi ad nos datis, & à Seren: Regis Sueciæ legato nobis traditis intelleximus; confectâ tandem pace Mti Vra possessi-
onem Regni Polonia, ac Regiæ dignitatis assertam, firmatamq; esse, nihil prius, atq; antiquius duximus, quàm eidem adeptum hoc jūmum decus, quod quidem summò studiò, benevolentia, ac voluntate facimus, gratulari, atq; simul testari nos splendidissima Familia ex qua Mtas Vra orta est, erga Patriam suam officia, imprimis Mti V. virtutes, atq; in nomen Polonorum merita excelso hoc fastigio dignissima semper judicasse, neminemq; libentiùs in eo collocatum unquam voluisse. Faxit D. O. M. ut hoc Regnum sit Mti Vestræ, & Polonorum Genti diutissimè felix, & discordiarum reliquiis quietissimum ac gloriosissimum. Quod superest Mtas V. certissima esse potest, nihil nobis sanctius unquam futurum esse, quàm æternis illis amicitia, vicinitatisq; legibus, quæ nobis cum Seren: Polonia Regibus, ac Incluzo Polonia Regno intercedunt, aut unquam intercedent, religiosè stare, commodis, ac ornamentis utriusq; ubiq; studere, ac favere. Ac deniq; traditum à Majoribus in vos, ac commoda Polonici Regni studium impensè colere, & augere; Mti Vra à Divino Numine prospera quævis precantes. Dabantur in Arce Regia Colonia Brandenburgica die 9 Febr. Anno reparata salutis 1707 & Regni Nostri VII.

STANISLAUS DEI GRATIA REX POLONIÆ, Magnus Dux
Litvaniæ, Russiæ, Prussiæ, &c.

UNiversis & singulis quorum interest, aut quomodolibet interesse poterit, præsertim verò majoribus, & minoribus Officialibus ac Militibus in Exercitu Moschovitico reperibilibus oriundis, vel indigenatum habentibus, aut eundem prætendentibus, vel successio-

A.C. 1707 nem habituris ex Regno Polonia, M. D. L, Prussia, Livonia, Curlandia, & Pomerania, alijsq; Provincijs ad Regnum Polonia spectantibus sincerè ac fideliter nobis Dilectis ad notitiam indubiam deducimus; Quòd quàm primùm plenè informati fuerimus, plures subditos nostros sive indigenas ex Dominijs nostris, Provincijsq; annexis in actuali obsequio ac exercitio Moschovitici exercitus contra Nos, Patriamq; nostram militare, ac arma tractare; jam verò tam Jura publica, quàm Constitutiones & Statuta Regni seriò contra tales animadvertant, pœnasq; rigidissimas declarent, nos ex tunc presentibus literis nostris omnes majores, & minores Officiales ac milites cujuscunq; præminetia & conditionis ad Regnum, & Dominia nostra vel indigenatus, vel ad successum quocunq; nomine & titulo spectantes ab eodem exercitu, & servitio Moschovitico revocandos esse duximus, presentibusq; revocamus; mandantes, ac injungentes, quatenus omnes tales à data presentium intra duos Menses inclusivè servitium bellicum contra Patriam detestabile, atq; prohibitum projiciant; ad nostrum verò legitimum sese conferant obsequium, vel in domos suas redeant, sub pœnis capitis, confiscationis Bonorum, & incapacitatis etiam per Successores suos, vel Consanguineos earum successionum in omnibus Dominijs nostris sinè quavis indulgentia & exceptione. Quod ut omnibus citò, legitimè, ac ritè innotescat, presentes manu Nostrâ subscriptas; sigilloq; Reip: cõmunitas typis mandari, ac ubiuis locorum publicari fecimus, jussimus, atq; facimus, & jubemus. Dabantur in Saxonia Lesnicia 16 Aprilis 1707.

JOSEPHUS DIVINA FAVENTE CLEMENTIA &c.

SERENISSIME &c. Pauci, imò nulli sunt in Europa Principes, ad quos inclyti Poloniae Regni salus, & incolumitas aequè ac ad Nos, & Augustam Domum Nostram pertineat, quosq; civilia & funesta istius Reipublicæ dissidia majori commiserationis sensu affecerint. Cum ergo horum sopiendorum, pacisq; interna redintegrandæ amore Seren: Regem AUGUSTUM Coronâ, Regnoq; hoc abdicâsse, Juribusq; omnibus in illud renunciâsse acceperimus, literas Serenitatis Vestrae 29 Novemb: nuper elapsi scriptas, quibus regiminis sui exordia nobis nota, & participata esse voluit, è manibus extraordinarij apud Nos Ablegati verbis & assècurâtionibus Nos certos reddentis de religiosè colenda à Serenitate V: priscorum inter utriusq; Regna, & Provincias intercedentium fœderum fide, bonaq; vicinitatē. Quare excelsum Regij honoris fastigium eidem fraternè gratulantes, Divinum precamur Numen, ut illud Sti V. gloriosum, & Reipub; Genitiq; Polonæ faustum, ac salubre esse velit; Vestramq; Seren: de mutua Nostra benevolentia, & sincera amicitia, fideq; vicinitatis juxta Prædecessorum pacta inviolabiliter observanda cupim9 omnino esse securâ. Dab. in urbe Nostra Vienna 20 Feb: 1707; Regnorum Nostrorum Romani 18, Hungarici 20, Bohemici 2. anno.

LITE.

LITERÆ PRIMATIS & MARESCHALCI CONFOEDERATI. A.C. 1707
ONIS Ad CZARUM MOSCHOVIÆ 8. Martij.

JAM latè resonante veridicâ famâ Archi-episcopum Leopoliensem *Archiepiscopus Leopoliensis caput* ab exercitu Vrä Czareæ gratiæ, sub directione Generalis Rönne existente captivatum, status Reipub. per nos repræsentant jura Ecclesiæ, & Regni nostri de libertatibus & prærogativis Cleri. Duxerunt illa laudabilem ortum suum à pientissimis magnis Monarchis, Imperatoribus & Regibus, qui in primo susceptionis fidei Christianæ exordio renuntiârunt omni potestati & jurisdictioni sæculari in Sacerdotes, Episcopos, & universum Clerum; quam antè usurpabant, eamq; Ecclesiastico officio tanquam superiori & principaliori resignârunt, seq; insuper cum successoribus suis ejus subjecerunt arbitrio, Episcopos & Archiepiscopos Patrum decorârunt nomine, indignam ac indebitam rem esse censentes, ut illi & successores illorum tanquam filii, judicium in Sacerdotes & Episcopos aliquando exercerent. Prout igitur Vestra Czarea Serenitas horum magnorum Monarcharum verus Successor est, & ad defendendum jura nostra Ecclesiastica & sæcularia in ditiones hujus Reipub: cum generosis exercitibus suis venit; ita non dubitamus, quòd intuitu eorundem conservandorum sine ulla labefactione prædictû Archi-episcopum Leopoliensem sub custodia & potestate exercituum constitutum, tanquam Senatorem statibus Reip, tanquam Pastorem & Archi-episcopum suis ovibus & Diœcesi reddi; vel si exemplo Regis AUGUSTI insistere placuerit, Romam remitti imperabit. Consequetur ex eo facto Czarea V. Serenitas apud universum orbem ingentem nominis sui gloriam; quod cum iterum ordines Reipub. à V. Serenitate expectunt impensissimè nos unà cum illis particularem ad V. Serenitatem inferimus instantiam manendo &c.

UNIVERSALE REGIS STANISLAI I. Lefzno datum 16 Martij.

Post titulos. *Omnes & singulis &c. intimamus. Congressus Leopoliensis sine auctoritate indictus, criminosè usurpatus & continuatus, malis artibus repræsentatus, oblitus Patriæ, in suum effrenatè ruens exitium, suo feralis temporis, secuturis pudendus sæculis; Moschovitica desideratorum, propria autem genti tristitiam ac sedorum omnium portitor, unam & indivisam Rempub. (quæ vim, non speciem libertatum juriumq; manu tenuit, tractatu Olivenfi reassumpto sese contra pericula Religionis & avulsorum fortiter & fundamentaliter asscuravit, altero item tractatu pacis & abdicatione Serenissimi AUGUSTI Ransketi concluso plenam ab intra tranquillitatem obtinuit, uno verbo mirabilem virtutem & assistentiam Divinæ dexteræ est experta) abjectam à se novis factionibus discindens, (dum manifestè demonstrat non legitimitatem prænominati AUGUSTI, quâ se ipse, si illa quapiam superfuit, hætenus pallium tot attentatorum contra Patriam exuit) ea causare sed furentem quorundam malitiam, & insolentem in turbido aut crescendi, aut retinendi per spolia adeptos honores spem, aliosq; necessitate armorum coactos, alios liberali asse Moschovitico illectos, omnes fallaci impossibilium imaginationum & promissorum fascino infatuatos contra Regnum Nostrum spe, & opinione citius per gratiam DEI pacificatum, & universaliter planè ab omnibus recognitum, impio ausu tristia conari molimina, novam quandam de exulceratis & recisis à Repub. membris in jure vetite machinationis & perduellionis fundamentis sub adlecto despoticè Primatè & digno aliàs nunc autem*

A.C.1707 condemnato sublata confederationis Mareschalco, fallacium consiliorum exhibet formam, & per violentiam communem in omnes de pectore nostro eripit affectum, invitisq; manibus fulmina rigorum juriumq; tam criminosis ausibus debitorum insinuat. Nos etsi non dubitemus cuius ad honestatis normam factum, & antiquis viventi moribus constare satis, arbitrariq; quid agatur rerum? quid serus vesper vebat nobis spe citius & Serenissimo federato Reipub. Rege Suecia redeuntibus? ne tamen silentium boni in scandalum vertat, malis autem fiduciam prebeat, quemadmodum primo universali nostro contra Moschovitica projecta magis, quam mandata & Primatis innotescencias edito, omnes admonuimus & cavimus: ne incliti Regni hujus filii & Reipub. decora, innocuus Equestris Ordo se tantis servilitatibus seduci sineret: ita presentis etiam publico instrumento iterato cavemus, quod & consilium Leopoliense ejusq; conclusio, & comitiola inde suam originem sortita, & quidquid ex illo aut jam ortum duxit, aut ducet, totum id sementis & messis sit pœnarum & rigorum jurium Patriæ expresse, etiamsi sileremus, pro nobis obloquentium (uti prætermisiss alijs 1588) tum ejusmodi, tanquam in manifesto crimine perduellionis deprehensos pro hostibus Patriæ declaramus, & bonailorum confiscamus, & in mercedem iis qui ex ista occasione damna & injurias tam in bonis, quam in personis, quæ per juramentum liquidari debent; passi sunt, convertimus. Et infra anno 1589 non debet machinationes facere, nec ad externos discedere, aut mittere, aut cointelligentias habere, sive per se, sive per alios sub pœna capitis vel infamiae ac variis supra scriptis, hoc est, ducentis millibus florenorum. His tantis rigoribus ipsimet Patriæ hujus existentes propago & naturali cuius devincti affectu prout neminem subjacere exoptamus. quinimò omnes sub nostra & totius Reipub. simultanea & indidise jam in tribus ordinibus conclusa protectione videre desideramus, ita ob certam & inexcusabilem impostero notitiam universale hoc nostrum semel pro semper. in vim supremæ admonitionis & cautelæ ex mero & vero in publicum affectu, avertendo omnia prævisa mala ab infonibus, edi & per omnia castra, Paracias & loca consuecta publicari mandavimus, & mandamus, manuq; propria subscriptum ad majorem fidem consuetum sigillum applicari jussimus. Dab. &c. Anno Regni Nostri III.

UNIVERSALE MARESCHALCI CONFOEDERATIONIS STANISLAI COMITIS DÖNHOF 15 Aprilis.

OMnibus & singulis &c. notum facio. Respub: nostra despoticam externæ potentiæ detrectans impositionem, Patriis juribus non alieno subjecta arbitrio, glorioso in posteritatem zelo veris æmulationis impendens operam; non servili, infami & detestabili obsequio sub pallio falforum prætextuum cum detrimento commodi proprii alienis famulans factionibus: exorbitantias sibi tanquam Domina juris sui ad emendandum relinquens, non exoticæ suadens censuræ, Jus Reges corrigendi, si quando ex descripta legibus sphæra exerrassent ac tandem in casum incorrigibilitatis, dethronizationem sibi ipsi conservans, non autem favori & judicio vicariæ & invidiæ hujus extraordinariæ prærogativæ libidinis concedens: & ideo Regi suo legitimè Electo & in thronum inaugurato fideliter ad ultimum usq; punctum temporis assistens, conjurationes, conventicula, tractatus in illis omnesq; actus, tanquam sub forti exteræ potentiæ manu, sine nobis absolutos, præcipuè delicatissimas maximèq; essentielles & constitutivas vitæ politicæ statûs nostri materias, exvinculationem, dethronizationem, & novam Electionem de-

cidens, pro nullis, illegitimis, & funditus evertentibus compagem statum, quæ ingentibus ausis & factis majorum nostrorum coaluit, & ad invidiam gentium consurrexit: prorsus hæc Respub: nostra quæ ab ipsis calamitosi belli primordiis fatalibus ejus effectibus nunquam alterata, semper libera, independens, constans, nulla vi fatorum labefactata, de ruina & cineribus suis augustior, ex flammis clarior, ex pressuris celsior emicuit, naturalis hic & nunc adhuc, & eâ, quam nulli deviorum sensuum & machinationum insultus illi inviam reddent, procedit viâ, pristinumq; suæ (quamvis monstrosa illius membra defigurare & transformare) figuræ conservat honorem, ideoq; constans sibi Respublica rigide observans immunitates suas, abdicationem Regis AUGUSTI non pro abdicatione, quia non servatis in tali casu gradibus, nullâ denuntiatione & admonitiones statuum hac super re præviâ, sine Comitibus & communi omnium consensu, sed merè pro cessione throni indubitâ, nunquamq; practicata in libera gente habens, collecta & congregata legitime, per universalia Illm̃i Primatis à legitimo Rege nominati, à supremo Ecclesiæ capite approbati, per mea etiam universalia, quorum edendorum potestatem mihi sana Respub:, nulla partialitate innodata, neq; aliquâ violentiâ coacta, dedit, jusq; concessit in virtute Generalis statuum suorum ad Sendomiriam Confederationis roborationem ejusdem Confederationis tanquam unicum & practicatum semper à majoribus nostris in similibus casibus salvandi modum, pro basi & fundamento aliorum salutis mediorum determinavit, & constituit, liberam electionem pupillam libertatis, spiritum vitalem, unicam inter Dominationes, universi Phœnicem, conservare sanctè sanxit, & Comitola eo intuitu per omnes Palatinatus, terras, & districtus edixit; in quibus minimè dubito à vobis necessarias ad communem salutem factas dispositiones: nunc ex vi officii mei non ad turbanda ciendo jura Quirites, sed ad restaurandas convulsas, funditusq; everfas libertates, ad plurimū inclinatam liberæ gentis gloriam, suo rigori & esse restituendam, confracta jura in pristinum statum reducenda, conservandam & erigendam in oculis universi, quo ad naturalia decora sua, vim, & essentielles prærogativas, supra æstimationem & pretium inclytam, qua supra sortem communem aliorum Regnorum extollimur, liberam electionem, generalem congressum pro die 23 Maji Lublini determino; pro quo sive viritim, sive per Nuntios, ut quàm numerosissimè cōparere velitis; amore boni publici obtestor, & quàm ardentissimè exoro: sub hæc ex persona mea infractam fidelitatem, zelum ardentissimum, applicationem indefessam, & fidelissimam sancitorum executionem, cum debita omnibus veneratione declaro. Hoc verò universale ut eò citius innotescat per castra & Paræcias publicandum commendo, in quorum fidem me manu propriâ subscripsi sigilloq; signavi.

UNIVERSALE PRIMATIS STANISLAI SZEMBEK 15. April.

OMnibus & singulis &c. notum facimus. Sollicitudo muneris Primatialis, limitato nuper generali congressu nihil temporis indulget quieti nostræ; quamvis provecta ætas & fracta valetudo eam sibi depostulet ceu necessariam. Jam dudum in ipso congressus hujus initio egregium posuimus fundamentum ulteriorum publicorum consiliorum, in nexu animorum & armorum statuum Reipubl. roborando generalem Confederationem Sendomiriensem: incepimus in hoc fundamento ex innato nobis in Patriam & libertates ejus affectu per

A.C. 1707 absoluta recenter Comitola exoptatam fabricam consiliorum nostrorum, in ordine ad salvandam Rempub., pristinum morem reducendū, conservandam in oculis universi orbis spectantis præsentes funestas conjunctiones, & reparandam, quo ad antiqua ornamenta & libertates liberam electionem, quæ verè fons est & anima omnium prærogativarum, fortunarum, immunitatum Ordinis Equestris: quam semel dimisisse & perdidisse, est perdidisse & amisisse omnia, non tantum cum inde perennaturâ in ævum & orbem universum infamiâ sed etiam cum irreparabili detrimento. Quod enim hætenus tot iam sæculis revolutis non eandem cum aliis Regnis & gentibus, quas grave servitutis jugum premit, acerbi Imperij sortem & despoticâ Monarcharum absolute regnantium subiverimus conditionem; quod veri DEI & Servatoris Nostri fide uncti & animati ex æquo fideles & liberi in gremio S. Romanæ Catholicæ Ecclesiæ vivamus & constantes hucusque perseveremus; quod virtute legum & grata metamorphosi regamur à Regibus, & ipsi illos regamus, antequam illis ex arbitrio nostro constituamus & porrigamus jura, quam Coronam & Sceptrum, eaq; viâ ad eam augem nostram extulerimus libertatem; ut jam quo crescat non habeat: omne id ex fonte liberæ promanat electionis: dum enim non fors nascendi fortuita nobis obtrudit Principes, nec externa per violentiam imponit potentia, sed liberæ voces & corda civium juxta jura & morem priscum eum tantummodo recognoscunt Dñum, in quem omnes unanimiter consentiunt, quem per prius dignum throno arbitrantur, quam in throno vident, cuique sponte sese subjiciunt, ac jura sua simulq; imperium per prius dant, quam suscipiunt. Ad salvandum igitur hunc tam pretiosum fontem, ex quo tot rivuli felicitatis nascuntur, ne tandem deficiat, ad defendendum hunc thesaurum, in quo omnia Patriæ nostræ pretiola decora abscondita latent, ne depereat: ad conservandum unicum hoc gentis nostræ ornamentum, quo nos hostilis spoliavit violentia, ut iteratò ad nos redeat: generoso animo & ardentissimi amoris quâ in DEum, quâ in Patriam affectu nunc opus est, nunc inquam: quia non est tempus nisi nunc, necessariò & omninò sincerè amor est exerendus. Ne verò in me aliquando negligentia alicujus culpa retorqueatur, non desum tempori, & tam ex vi characteris Primatialis, quam congenito in Patriam affectu omnem, qui modò possibilis Rempub. salvandi modum tentare in votis habeo, obtemperans dato desuper per vatem mandato: clama ne cesses, quasi tuba exalta vocem tuam: zelosam Patriæ in ejus auxilium vocans consacro vocem, procul existens à concitandæ seditionis intento; utpote homo pacis & ab adolescentia mea assuetus cum pacificis agere, à seditiosis cavere: non adjicio ligna aut affundo oleum flammæ, quæ propè totum in cinerem & favillam convertit regnum, sed quæro in pulvere sepultam libertatem ad necdum extinctam civium verè filiorum in Parentem Patriam amoris lampadem, & ceu verus, indubius, quia non controversus Primas, DEI gratiâ, affectu legitimi Principis, non despoticè electus, sed de gradu in gradum promotus, & autoritate Sanctæ Sedis Apostolicæ (cujus suavem & fortem de aliis curam, de aliis censuram universus orbis censurare nequit) in specula hujus Reipub. prout decuit & debuit, secundum jura & morem constitutus, & nido Sarmaticæ Aquilæ unâ cum aliis, qui se non degeneres probant à Patrio alite filios, irretorto oculo solem oriturum meditor intueri. Jamq; attendendo ad mentem supra memorati congressus nostri, alterum conventum generalem (fortunet

net DEus) pro 23 Maji præsentis anni Lublini designo & determino, *A.C. 1707*
 intuitu ultimatae provisionis, consilii & defensionis fatiscantis sub tantis
 malis Reipub. & præcipuè conservationis liberæ electionis Regis no-
 stri, stabilisq; in thronum Poloniæ exaltationis, uti etiam demandatio-
 nis executioni omnium sancitorum publicorum, dictum congressum
 sequentem antecedentium: pro quo ut ex Palatinatibus, Terris & di-
 strictibus, sive per Nuntios de gremio suo electos, sive viritim con-
 fluere & adesse velit, enixè desidero & peto. Spero quàm numerosis-
 simos pro tempore designato in loco congressûs comparituros. Ad Ma-
 jorem fidem universale hoc manu propriâ subscriptum & sigillo robo-
 ratum per castra & Paræcias more solito publicandum commendo.

ORATIO PRINCIPIS PRIMATIS IN VALEDICTIONE CON-
 gressus Generalis & limitatione sessionis An: 1707 9. Julij.

QUando aliquot hebdomadis nihil agere visi sumus; intra dies ali-
 quot peregrimus totum, quidquid ex re, tempore, juxta jura &
 consuetudines antiquas nobis agendum incumbibat. Nemo no-
 stram reprehendere cunctationem potest; qua non tantum eguit, sed et-
 iam eam exegit spes pacis desiderata & facta. Nemo censuræ subicere
 omnem modernam dispositionem: imus enim & procedimus in rebus
 viâ ordinariâ, modo naturali, jure & more in volumine legum descri-
 pto & practicato. Constituimus Rempubl: sub certa regiminis forma;
 ut quamvis careamus Dño, ipsa tamen ceu Domina regere sua & regna-
 re possit. Relinquimus illam in plena libertate & potestate tam sentien-
 di, quàm agendi; ut imposterum, quidquid ei pro sua conservatione vi-
 sum fuerit, consulere & exequi valeat. In viduitate sua, dum nuper Do-
 mina gentium, Princeps Provinciarum, jam non tantum sine Principe;
 sed etiam sine filiis & amicis, qui dolendâ metamorphosi ei facti sunt
 inimici; numerat non tantum dies, sed & horas afflictionis suæ, omnis
 populus ejus factus est sub tributo, gentes quæ glorificabant illam, mo-
 dò spreverunt eam, jura & libertates, ornamenta & fortunæ ejus, quæ
 habuit à diebus antiquis, non tantum diminuta sunt, sed prorsus in per-
 ditionem data: dum tamen vos de ejus salute consulitis, necdum desper-
 rat, nondum extra spem salutis est, non est extra spem redintegrationis.
 Et videmus & sentimus multa flagella peccatorum: castigans castigavit
 nos Dominus; nec tamen morti tradit nos; adhuc rigidum suspendit de-
 cretum, quod olim alteri comminatus est genti, propter iniquitatem &
 peccata ejus: ecce Dominator Dñs Exercituum auferet à Jerusalem &
 Juda validum & fortem, omne robur panis & omne robur aquæ, & au-
 feret virum bellatorem, judicem, consiliarium, sapientem & prudentem.
 Me profectò in hac provecta ætate mea, in tam debili & attrita tot la-
 boribus valetudine, nihil secundum gratiam DEi ita in vigore & fer-
 vore publici sustentat obsequij, ac hoc, quòd cum sapientibus & pru-
 dentibus & bellatoribus de rebus Reipublicæ sit fermocinatio mea.
 Laudes idcirco Altissimo, vobis autem omnibus & singulis, tam
 qui ex Illmo Senatu, unâ cum Marechalco Generali Confoederationis
 primam potius curam salutis Reipubl: quàm Vestræ habetis, incessan-
 terq; boni communis bajuli Patriæ continuatis obsequium; quam ex in-
 clyto Equestri Ordine gratias persolvo, pro consortio laboris & sedula
 ad promovendum bonum publicum applicatione, petoq; imposterum,
 ne cessare ab opere ulterioris vindicationis Patriæ, & à futuris DEo dan-
 te,

A.C. 1707 te, consiliis, ne præsentiam vestram & fervorem excusare velitis. Perseverantia coronat opus, etiam quod pietatis est, & quemadmodum in Divino obsequio non attenditur principium, sed finis; ita nec in obsequio Reipubl, in quo prius illud clauditur. Non respiciamus privata commoda, non proximorum colligationes, dum veris Patriæ contrariantur emolumentis: meminisse decet DEi, qui inimicos diligere jussit, amicos verò amplius; & nihilominus Patrem & Matrem, fratrem & sororem, imò & uxorem odio haberi voluit; quoties rectam nobis impediunt viam obicemq; ponunt operibus salutis. Non reddat difficiles nobis virtute natas resolutiones dubius eventus, incertus rerum Magister; quia & hic in optimis quibusq; & perfectissimis dispositionibus pendet à DEo; qui mortificat & vivificat, deducit ad inferos & reducit: non nostrum est scrutari futura momenta rerum, & temporum; quæ DEus in sua posuit potestate. Nostrum est rectâ DEum sequi, & juri, conscientiae & voluntati Divinae, quæ in sui dispositione non fallitur & cui nemo contravenire potest, effectum consilij, intentionum laborisq; committere. Quòd si verò (quod tamen non timeo) ultima crisis justo DEi judicio ob peccata nostra huic regnò immineret; sic nobiscum concludamus; posse nos opes perdere; at sequendo DEum, ductumq; juris & conscientiae animam amittere non posse; qua nihil pretiosius in possessione habemus. Valedico omnibus, sessionem autem congressus hujus ad ii. Augusti proximam Lublinum limito.

INTIMATIO INTER-REGNI.

NOS Senatores Regni & M. D. L. pro præsenti congressu vigore universalium ab Illmo Primate & Mareschalco Confœderatorum statuum Reipub. emanatorum, in ordine ad prospiciendū & consulendum Reipub, & præsertim ad conservandam liberam electionem fundamentalemq; in thronum Poloniae Regis inaugurationem, congregati, præsenti & secuturis sæculis notum facimus: quòd nos quemadmodum in præterito Leopoliensi Congressu nolentes orphanæ & undequaq; sub tempus modernæ scissionis, funestiq; belli afflictæ Reipub. facta præcipitare, indulgimus moras expectationi salutis publicæ; attendentes interim ad ex domesticis & vicinis conjuncturis emergentia; præsertim verò perpendentes insolentem & jure vetitum Regis AUGUSTI processum, qui secundum pacta conventa jurata propria, & Serenissimorum Antecessorum suorum, nominatim contra articulum in pactis conventis piæ memoriæ Regis Michælis in volumine legum 1669 folio 10 expressum, item contra tenorem in propriis pactis fol. 6. 7. expressè cautum, nullo modo quocunq; titulo vel prætextu sive propriâ sponte, sive coactâ voluntate abdicare Regnum, aut de abdicando cum aliquo transigere vel componere potuit, tanto verò magis inconsultis & invitis statibus & Ordinibus Reipubl. qui etsi urgente inevitabili casu in id consentire aliquando & super hoc dispensare vellent, non possent tamē tam grande opus ad omnes spectans in materia status concludere, & determinare; nisi habito Generali omnium consensu in Comitibus, in facie totius Reipub.; servatis solennitatibus & gradibus in lege præscriptis: ita & nunc in præsenti congressu nostro ex iisdem rationibus præcipitantiam exitiosam in publicum perosi, quæ Rempub: in hisce circumstantiis amplius confunderet, quàm salvaret, indies sessiones nostras limitavimus, quærendo maturâ deliberatione salutaria & profectura ad resti-

restituendam fatiscentem undiq̃ Rempub: erigendamq̃ de rudibus & ruinis libertatum & prærogativarum Poloniæ liberam electionem, media: si quæ conformis legibus & institutis majorum nostrorum occurreret via, quâ in hoc turbido & periculossissimo rerum statu ulteriore conservationem authoritatis & vigoris Reipub: consequeremur: verum quia non existente in throno Poloniæ personali ac legitimâ Mte, hoc est sine Rege nostro, consentientibus votis & animis ad Regnum exaltato, in statu nullo vel dubio absq̃ certa regiminis forma diutius constare nobis non possumus, ideò antiquis juribus & consuetudinibus antecessorum nostrorum insistentes, qui in similibus casibus destituti legitimo Principe, ipsimet more prisco & legibus Rempub: regere, ejusq̃ integritatem quo ad jura & libertates conservare consueverunt, vigore præsentis congressûs nostri ex unanimi omnium consensu orbatam faciem Reipub: recognoscentes, Inter-regnum declaramus, simul Rempub. dominam jurium & libertatum suorum liberam & independentem proclamamus, & publicamus. Et quia ab ejusmodi intimatione & promulgatione statûs Reipub. cuncta judicia tribunalicia & jurisdictiones sub nomine Regis silere debent; illorum loco consulentes securitati publicæ, & justitiæ sanctæ prospectum volentes, consueta capturalia tam generalia quàm particularia per Palatinatus, terras, & districtus judicia juxta antiquas consuetudines & ordinationes constituimus. Intuitu executionis horum, & in ordine ad conferendum & constituendum de necessitatibus Reip. juxta exigentiam præsentium & imminentiû circumstantiarum Comitola relationis pro 1. Augusti currentis anni in consuetis per Regnum & M. D. L. locis designamus. Sub hæc fundantes nos in nexu & robore generalis Confœderationis Sendomiriensis, uti non nisi ex sola animorum unione felices eventus & effectus consiliis & resolutionibus nostris augurari & præsumere possumus, ita constanti & unanimi consensu vinculo sacrosancto omnes adinvicem repetitis sponsonibus declaramus, & sub fide, virtute & conscientia nostra pollicemur: Nos sine ulla scissione & dismembratione immotè & constanter in hac nostra Confœderatione generali Sendomiriensi toties confirmatâ perseveraturos, simul principaliter ad propugnandam sanctam Catholicam Romanam fidem, defendendam liberam electionem, & integritatem finium Regni, etiam cum discrimine vitæ opumq̃ & fortunarum nostrarum paratos futuros, item Marechalco Confœderationis, conservandæ dignitatis illius, & characteris respectu, constanter memorando exemplo communi nobiscum defensionis assistentis eousque adstitutos; donec hos duos cardines, in quibus integritas Reipublicæ nostræ sustentatur, hoc est fidem sanctam, & liberam electionem in statu integro conspiciamus: unde eum duntaxat Regem nobis designabimus thronoq̃ Poloniæ inaugurabimus, qui in Catholica fide natus consentientibus liberis suffragiis, juxta antiqua jura & consuetudines nostras eligetur, nominabitur, & pro Rege agnosceatur: simul contra quemvis, qui sive per potentiam externam, sive per domesticas factiones thronum Poloniæ sine generali consensu nostro incendere attentaret, aut ejus possessionem invitis nobis violento modo prætenderet, vel usurparet, secundum consuetas obligationes majorum nostrorum, tanquam contra hostem Patriæ consurrecturos, ac eo usq̃ viribus nostris unanimiter, junctimq̃ cum auxiliis colligati Serenissimi Czari, intrepidâ generositate & resolutione restituros declaramus: quousq̃ jura & libertates nostras circa Religionem Catholicam & liberam electionem

A.C. 1707 onem integras & salvas in suo vigore comperiamus. Quocirca Duces Exercituum ipsumque exercitum ad agenda fortia, & ad communem defensionem nobiscum obligamus, simulq; ut præterita constituta & repartitiones in tribunalibus thesauri declaratae & factae respectu exsolutionis meritorum militarium suum sortiantur effectum, vigore præsentis congressus Palatinatus & Terras compellamus.

Quia verò in præjudicium hujus indivisæ unionis nostræ non obscura adversæ revolutionis in M. D. L. indicia erumpere cœperunt, huic malo maturè occurrentes, ut Palatinatus & Districtus sua pericula tempestivè prævidere & de defensione ab exercitu M. D. L. facienda contra quosvis casus certi esse possint; sequendo practicas consuetudines, generalem congressum Novogrodeci pro 8. Octobris currentis anni (in ordine ad roborandam coëquationem, antiqua sancita, lauda, & confederationes, ad stabiliendam unionem inter cives, uti & conservandum in debita obedientia exercitum Litvaniæ, circa Rempub. & colligationem cum Magno Duce Moschoviæ, item ad augendas vires & providendum de exsolutione exercitus) unà ad eundem finem Comitola sive ad destinandos Nuntios, sive decernendum viritim communem motum ad eundem prædictum congressum, pro 24. Septemb. in locis solitis determinamus, sine præjudicio nihilominus moderni ulterius adhuc duraturi generalis conventus nostri, & sine avocatione jã ante ad illum destinatorum Nuntiorum, quos autoritate præsentis congressus approbamus ut invicem nobiscum tam hic præsentibus à nobis non discedendo, quàm etiam alii ex præteritis Comitolis ad nostrum gremium designati circa tuitionem liberæ electionis persistere & perseverare velint.

Volentes verò continuo & communi zelo integritati & indemnitati Reipub. prospicere; quatenus in tam manifesto periculo nobis semper consulere possimus, simulque in promptu consilium habeamus, cursum & vigorem præsentis congressus nostri cum toto effectu Lublini in eodem loco ad diem 11m Augusti anni currentis differimus & limitamus, obtestando amore boni publici tam Senatores quàm Nuntios præsentibus, Deputatosq; sive per Comitola Lublinensia, sive ex confederatione Generali Sendomiriensi designatos, nec non omnes concives Regni & M. D. L. hic præsentibus, aut domi residuos, aut extra Regnum existentes: ut vel sigillatim, vel viritim communi motu vel aliter expediti juxta libitum suum ad prænominatum congressum intuitu communis consilii, defensionis Patriæ, & præcipuè conservationis liberæ electionis liberiq; Principis eligendi, ad eundem locum, sive ex laribus suis accelerent, sive insimul nobiscum hic persistent; asscurando omnimodam securitatem euntibus & redeuntibus ad dictum conventum, & hoc præcavendo; ne ad locum nominatum milites cujuscunq; exercitus militari modo venire & publica consilia impedire præsumant, sub pœnis in legibus expressis. Ultimatè sicut dispositiones in recessu præterito Leopoliensi declaratas in eodem valore haberi volumus, ita omnia desideria publica & privata præsertim Castellani Lubaczoviensis & Exulantum Starodubiensium & alia ad futurum congressum differimus, & simul hoc Inter-Regnum constitutumq; nostrum, manibus Celsissimi Principis Primatis, ac Illustrissimi Mareschalci confederationis subscriptum ut quantocius per Palatinatus spargatur, consuetoque modo per castra promulgetur, & publicetur urgentissimè commendamus. Actum Lublini 11. Julij in præsentia Celsissimi Primatis &c. ex equestri Ordine coram Illustrissimo Mareschalco &c.

UNIVERSALE CAPITANEI SAMOGITIAE GREGORII O. *A.C. 1707*
ginski contra Universalia Principis Wiszniowieccij. 22 Julij.

Committo nos tantum Celsissimis &c: Senatoribus, Dignitarijs, Officialibus Terreſtribus & Caſtreſibus, Equeſtri Militia & Ordini, Palatinatibus & Diſtriſtibus; ſed etiam omnibus cujuſcunq; ſtatũs, dignitatis, & eminentia intra limites M. D. L. pronunc exiſtenti- bus arbitrandum exemplare facinus Principis Michaëlis Wiſzniowiec- cij; qui nullis prævijs meritis in M. D. L. ſupra capacitatem annorum, tot bene meritis neglectis, preſatos in tenera ætate adeptus faſces, in ſpem & pretium affectũs, fidelisq; in bonum publicum obſequij, nova ingrati- tudinis monſtra ferali de aſtutia conceptu effudit partu. Imprimis conſecutus Generalem Colonellatum M. D. L. juſ coæquationis & Olkinienſe conſtitutum magis Nobilitatis ſanguine quàm ſepiã conſcri- ptum, delevit & caſſavit, per oppreſſionem exercitũs, per mutationem repartitionis, per exactionem in quadruplo hibernorum, per privatas in immeritas Perſonas de publicis proventibus largitiones, per bonorũ Terreſtrium vexationes, & ex illis in proprium commodum millionum extorſiones, per juſ Regii quo ad diſpoſitiones Capitaneatum vendi- cationes, & inde collisiones inter Concives cauſatas; quodq; ſummum eſt: ipſe Comitiorum Lublinenſium exiſtens Mareſchalcus ignotum pa- torum Nomen à ſe caſſatum reſuſcitavit, ipſe in ruinam Patria inſup- portabilibus, ne meritiffimorum quidem attendens preces, contribu- tionibus oneravit bona, in Nobilitatem & aſulas illectã exoticã gente exe- cutionem exercuit, & poſtquã in prædictis Comitijs Rempub: in vinculu colligationis cum Czaro induxit, ſtatibusq; M. D. L. ejusdem ratificati- onem perſuaſit, ipſemet ſœdiſragus primus ab illa reſeſſit, cum hoſte condiſta & armiſtitia ſanxit, cum Repub: in diſpoſitionibus publicis hy- pocriticẽ duplici corde & ore egit, prorsusq; oblitus beneficiorum ejus in domũ ſua totĩ abivit probrũ, adlecto ejusdem farinae Conſiliario Sie- nicki, correſpondentiis & indignis Duce Conſiliis, quorum authentica publicẽ præſentabuntur, gentis temeravit honorem, tantis delictis Patriã in mille ſuſpicionem & diſcrimina conjicere voluit, pecunias, quæ in cõ- ſolationem Exercitui vehebantur privatis ſuis copiis diſtribuendas per latrocinium eripuit, demum ut fraudes coronaret, in obſequium & par- tes Stanislai tranſivit. Ille pro inhabili à Reipubl: ad Mareſchalcalem Scipionem agnitus, ſobrio nunquam Capite extollit thema, continuas legationes per diverſas abſolvit Perſonas, non conſiderans ſequentem perduelles pœnam, quinimò per abuſum Ducalis Clavæ Equeſtrem Militiam & Nobilitatem in ſuas partes trahit, quam adhuc ſub Chris- burgienſe prælium, irreflexis, vel ſatiũs ſtudioſẽ adinventis exploratio- nibus exſpectare & defendendo imparem reddere conatus eſt: ut tan- tõ faciliũs diſarmatã Patriã gratiam iniret hoſtis, ſuumq; manu teneret Stanislau, à quo ſtante ſolio AUGUSTI Regis erat appretiatus. Per- pendet id conſummata cujuſvis Veſtrũ & cana prudentia, quòd hoc ejus propoſitum non tantum faſcinare Reipubl: Ordines; ſed etiam (ubi culpam in decus ſibi verterit) incauta poſſit animare ingenia: unde ego cui in hac Patria intra falces eſſe, à Patre, avis ataviſq; Lucina indul- ſit, non habendo unquam præeminendi ambitum ivi communi via per obſequia Patria à minima militiæ functione ad uſq; Ducalis poteſtatis miniſterium: quo Palatinatibus & Diſtriſtibus intimato præcaveo, opto, & pro amore in Patriam peto; ut quotquot natos, fratres, colligatos & quo-

A.C. 1707 quocunq; titulo obligatos amicos inductos ad assistendum manifesto habetis proditori; quantocius domum vestram revocetis: Vos autem quos verus boni publici incendit zelus; unâ mecum defensionis Patriæ, juriû, libertatum & fidei incumbatis, jungendo vires cum viribus colligati Monarchæ; qui ad clariùs esse hujus proditoris dignatus est edere Universalia sua cum speciali demonstratione actionum tam Principis Wisniowieccij quàm Sienicij: aliàs si quis ejusmodi præcautionibus parere nolle ipse sibi injuriæ Author, ipse damnorum fatique parens, fortunæ, honoribus & vitæ foret. Datum Minisci &c.

UNIVERSALE PETRI I. DUCIS MOSCOVIÆ.

Post titulos. Omnibus & singulis &c. Significamus. Cum pertinaciter ab ipsis belli hujus initiis communis noster & Patriæ hujus Poloniæ hostis, prout incepit, pergat, nullum sibi indulgens otium, quo à nocendo desistat, & in immemori corde suo odia & obstinata malitiæ bajulet partum, ut omninò huic satis jam afflictæ Reipub. gignat exitium; qui sciens, quòd nihil æquè pessimo ejus proposito obesse possit, quàm unio & confidentia, ut hoc antidotum in toxica vertat, spargit, ubi potest, semina diffidentiarum; ut optatam intentorum malignantium assequatur messem: Quemadmodum etiamnum recenter nobis innotuit, quòd inter frumentum Electorum, inter Electos & veros hujus Patriæ filios, qui in tanto ardentis lateque desolationis flammis vibrantis Trojæ incendio, non privata propensionis insectantur, commoda, sed planè ut olim Achilles Parentis auxilium, sic illi Patriorum jurium prestant tutelam, volentes ex manifesto Patriam salvare periculo, factâ confederatione fideliter & sanctè circa jura & libertates suas, sancitâ verâ intuitu defensionis & tutelæ Reipub. nobiscum colligatione, ut sint decus & columen Patriæ, fideliter & constanter eandem conservant, & inter tot cruda & aspera sicut Scævola manum de igni ob amorem Patriæ efferre nolunt, inimicus homo, cui quidquid bonum est contrariatur, non valens pati hanc sibi damnosam Patriæ autem salutarem unionem & confidentiam, seminet zizania; ut faventes nobis & Patriæ affectus à coalita abscindat confidentia, falsosq; divulget rumores: ac si nostra Czarea Majestas Generalibus & exercitibus nostris pleno & rigido nostro mandato, tam amicorum, quàm inimicorum omniumq; sine discrimine & exceptione ulla, bona non tantum ad incitas redigere, sed de toto immixtis ignibus annihilare & eradicare, sub prætextu prohibendæ necessariæ ingressuro Poloniæ Provincias hosti subsistentiæ, imperassemus. Et quamvis quilibet facile dignoscere possit vanæ mendacia famæ; quæ ex hostilis malitiæ profluunt cerebro, nec alio nituntur fundamento, præterquam animo injuriandi: nihilominus nostra Czarea Mtas justum bonumque existimavimus, ut toties jam iteratas intentiones & declarationes nostras, hoc etiam universali confirmaremus & edoceremus, quòd quemadmodum per rationem defensionis Reipub. & conservationis jurium & libertatum, juxta conclusum nobis fœdus Poloniæ Regnum ingressi sumus, & communia commoda fulcire non destitimus: ita semper etiam imposterum omnium nobis & Reipub. faventium bona ac fortunas non in ruinâ acturos, sed protectione nostra tuituros, & conservaturos polliceamur. Illud verò neminem à nobis avertere debet, quòd adhærentium hosti nostrisq; & Reipub. commodis non faventium bona contributionibus im-

impositis premere, & exhaurire mandaverimus; quò sublati medijs *A.C. 1707*
nocendi unum nobiscum sentirent, quòdque Generales nostri & Officia-
les eorum, qui in pertinacia perseverant, domosque suas fugà se ad ho-
stiles partes salvando conferunt, ne contributionibus subjaceant, flam-
mis vastare, ut pœnas luerent obstinatæ mentis suæ, coacti fuerint: in
quo tamen ad interpositionem meliorum & faventiorum nobis ac Re-
ipub., volentes beneficentiâ nostrâ superare malitiam, omni modera-
tione uti jussimus; nihilominus adhuc, ne clementiæ nostræ contrarii
nimium confidant, néve ullam communicationem cum hoste habe-
ant, specialiter, ne ullos modos, quibus nobis nocere possit, suppeditent,
seriò & ultimam admonemus: sinceros autem & neutiquam degene-
res Patriæ filios, qui jura & libertates Patriæ unà nobiscum, ut salva
faciant, quæ perierant, sustentant, non dando fidem falsis hostilibus ru-
moribus de plena protectione & gratia nostra asscuramus, & confir-
mamus. Id ad plenioram notitiam Universali nostro omnibus intima-
mus, quod per castra & Paræcias locaque consueta publicari mandavi-
mus. Datum Varsoviæ Mense Augusto.

STANISLAUS I. DEI GRATIA REX POLONIÆ, M. D. L.
RUSSIÆ, &c. in Steinhoff 14 7tembris.

Reverendis in Christo Patribus, Venerabilibus Prælatiis, Canonici-
cis, totique Capitulo Metropolitanæ Ecclesiæ Gnesnens: sincerè ac fi-
deliter nobis dilectis. Dedimus aliquoties ad Sinceritates vestras
litteras nostras, quibus & gratiæ Regiæ documenta, & statum Archi-
cathedralis earum Ecclesiæ, in quo versaretur, luculenter expressim⁹.
Nunc ubi relictâ longiori ultra spem statione Saxonica postliminio Pa-
triam repetimus, limitibusque ejus fideliter cum Serenissimo & Potentissi-
mo Rege Suecorum Fœderato nostro, ejusque exercitibus tam propè in-
sistimus, Sinceritates Vras ac Fidelitates advertendas, & præcavendas
esse duximus, uti quidem præsentibus advertimus, & præcavemus, Re-
verendum in Christo Patrem Szembek Episcopum Cuiavien: usurpa-
torem Archi-Episcopatus Gnesnens. ultra quòd non sit nominatus à no-
bis, omnia hostilia contra nos attentasse, in captivitatem Rñdmi Archi-
Episcopi Leopoliens. Nominati nostri Gnesnens: hostiles Schismaticas
manus, & ordines astutè exquisivisse, barbarum Moschorum furorem,
& flammam in devastationem nobilissimæ Provinciæ Majoris Poloniæ,
aliarumque excitasse, cum iisdem falso nomine quasi ad conservationem
Patriæ (cùm contra crudeliter exacta sint) fœdus quoddam pepigisse,
ac denique verbo uno hostem se nostrum, atque publicæ tranquillitatis om-
nibus suis actionibus reddidisse. Tam verò Regiam Mtem Sueciæ sta-
tuisse talem, & tales, qui regimen nostrum gloriose in & propter con-
servationem Patriarum libertatum susceptum ac stabilitum non agnos-
cendo commune bonum, atque expetitam diu quietem publicam pertur-
bant, hostium horum loco censere. Proinde ne Venerabile capitulum
sinceritatum & fidelitatum vestrarum, ut relatum habemus per divisi-
onem internam, & studia quorundam ad usurpatorem translatorum, quæ-
cunque hostili adspargatur notâ, interest omnium pro conservatione bo-
norum Ecclesiasticorum dicti Archi-Episcopatus pro debita inter se ca-
pitulari deliberatione distingvere, atque segregare à studiosis & fautori-
bus hostium nostrorum. Statum Archi-Episcopatus uti ab initio ita nunc
etiam vacantem, & hucusque etiam orbatum retinere & repræsentare.

dios Tuæ menti propitius infundat, ac Te perfectâ charitate Nobis ac Catholica Ecclesiæ conjungat. Datû Romæ in Octobri sub annulo Piscatoris. Pontificatûs Nostri Anno VII.

UNIVERSALE JOSEPHI POTOCKI PALATINI KIJOVIENTIS.
SIS. 25 Octobris.

Post titulos. Omnibus & singulis &c. Significamus. Jam annus elapsus est, ex quo publicis literis meis universis Reipub. Ordinibus intimavi; qua sim origine; quove instinctu avidus me immolandi Patriæ & libertatibus eò contenderim, ubi illæ eversæ & perditæ vindicabantur. Vidit Dnus, contuli me eò, non ad sonum barbaræ moneatæ; quia Innocentinæ partes, id est Respub. ex Despotismo sustollens caput, puras ab ea servavit, hætenusque conservat manus: ivi potius ad clamorem innocuæ plebis vindictam cœli contra tumultus & oppressiones Saxonicas invocantis. ivi ad supplices voces querelasq; gementium Ordinum Regni, & M.D.L. (nam qui Palatinatus, quæ terræ & Districtus non elevaverunt vocem suam, aut per Nuntios cum priore Domino non clamaverunt contra violentias opem implorantes; quas ab ipsius consiliariis & hominibus in antiquis suis patiebantur libertatibus: deniq; etiam, cum apud Principem nihil proficerent, Primatis aures tristi verberârunt sono. Vivam malorum utique horum imaginem adhuc memoria repræsentat, extortos hos de imo pectore gemitus publica per Cancellarias adhuc exstantia loquuntur instrumenta: quæ Comitola sub idem tenuere silentium, nec illud grandi vulneris indicio ingeminârunt? exoriare aliquis nostris ex ossibus ultor? Et ecce dum dextera Dñi fecit virtutem, dum os de ossibus nostris elegit, dum grandem animam & heroicam inspiratam spirituq; Principali confirmatam pro fide, libertate & Patria, pro aris & focus in omne martyrium se immolantem Seren: STANISLAUM feliciter in Thronum Regni inauguravit; in eoq; nobis potentissimam providit tutelam: invasit vertigo quorundam sui obliorum concivium capita in tantum: ut orbe universo attonito, supra captum viventium & videntium, cum ævi præsentis posteriq; diei scandalo, quidquid antè optaverant ipsi nollent, quod optare noluerant, jam amare inciperent, ac si illud optâssent: qui unius Saxonicæ oppressionis gravis admodum cervicibus liberis impatientes fuerant; jam sub geminum simul Saxonicum & Moschoviticum nesciam hætenus servitutis Patriam jugum reclinarent malè docti politicæ Magistri; ac si hæc libera & sensu jurium suorum delicatissimo excellens mater non unâ sed pluribus simul aggestis calamitatibus pressa ac suffocata tacere posset. Indulsi Regiæ Majestas tempus, quo vel senescerent odia, vel quiescerent ambitiones procul à Divinæ voluntatis scopo aberrantes, quando intuitu plenæ pacificationis Regni tantisper Patriæ suam subtraxit præsentiam. Ipse DEus verè an pro tempore scrupulantes, à conditis annuatim absolvit juramentis, & minus rectè de omnipotente ejus ad dethronizandum virtute sentientes, indagantesq; ubi Rex prior mansurus esset, manifestè edocuit, ipsi essentialiter jus competere suscitandi & deponendi Reges, quæque nutu manent superno, quamvis sic defensa nullatenus vitari posse, quando Serenissimum AUGUSTUM eò inflexit, ut sponte abdicato Regno supremum honorem in humeros moderni feliciter regnantis deponeret. Hi omnes cœli terræque favores, hæ æterni Numinis gratiæ nobiscum

A.C. 1707 & cum Patria mirabilia facientis, tum labores Serenissimi Regis ad mille discrimina resoluti, & incessanter liberali amore omnes invitanti particularibus promissis ad unionem pellicientis; geminis universalibus simul & semel ad Status Reipub. & equestrem militiam Regni ac M. D. L. ex Saxonia editis rigores jurium contra omnes abortivos proclamati stante glorioso regimine suo interregni actus repræsentantis, inevitabiles pœnas in tam audacem rebellantium coronato capiti temeritatē, suadā, monetā & viribus Moschorum fultam, non tantum à confœderatione recenti Varsaviensi, sed etiam antiquo jure emanatas proponentis; vacantem Majorem Regni clavam usurpantes in spem relapscentiæ ultra morem & modum clementiæ, longanimiter sustinentis; omnibus denique viis liberalissimæ bonitatis suæ ad meliora revocantis, ad hanc usque horam in cassum fuere: imò hæc omnia ceu addita fomenta, aut oleum ampliârunt flammam, ausi illi sunt ulteriora crimina, indixere capturalia judicia sine anima futura, certificârunt stante vitâ Regis de nova electione candidatos adeoq̃ non una morte dignum attentârunt nefas. Ego ipse, si gloriari licet, purissimâ mente, mero salvandi Patriam intuitu, ipsismet Ordinibus Reipub. expostulantibus, suæque mala repræsentantibus obsecutus, pensi habito fortunarum mearum excidio, per notorium carcerem, per ferrum, per ignes, probans, quàm sit dulce pro Patria pati quid profeci? quem hac congenitâ antiquitus Polonis virtute & non devio exemplo lassatum in via errorum ad rectum tramitem revocare potui? notatæ singuli Patriæ hujus inclyti filii, qualiter adversi hi & tanta moliti susceperint Principem, in finibus Regni consistentem, præstolantemq̃ unâ cum Seren. Sueciæ Rege fœderato suo, qui nostræ lucra Reipub. sua putat, tamque eidem sincere assistit: ut amissarum suarum, receptarumq̃ Provinciarum propemodum oblitus intentam liberi Regni conservationem suis anteponat commodis; nōne cum gravissima injuria Patriæ peccatum id obstinatæ diffidentiae nostræ, nunc verò etiam rebellantis in tantum malitiæ est? ut procul dubiò calamitatum & damnorum cursum infandâ suâ & per orbem vocali perduellione in complures adhuc sit extensura annos. Non recognoscunt nec recipiunt Principem, quamvis manifesto benedictionis cœlestis probet argumento, in se verè fortunam & virtutem per æmulationem ad omne decus gloriæ conspirasse: sed inò consummunt insolentes vano labore turrim Babel, apertè cupidi constanter furere, & per universorum ruinas ad scopum grassari. Unde Mtas Regia feliciter in Dominia sua redux visis & perperis abominandis artibus, quibus nullum satis grave supplicium est, ultimis insistendo prænominatorum universalium ex Saxonia editorum quo ad jura pœnalia declarationibus, vacantem Regni majorem clavam clementer mihi conferre dignata est, obligans me ut sine mora activitatem meam ex præscripto muneris exererem. Quare explicatis in Generali gentis nostræ periculis, quò omnibus fascinantem larvam detraherem; in particulari ad omnes quotquot nomine censentur militum, meum converto stylum, & obligationem mihi concreditæ intimo potestatis: tum significo omnibus Vobis hætenus clementiæ Regiæ & defensionis favere umbram, nec quò damnosis bono publico directionibus obsecuti fueritis, vobis sub obedientia existentibus, sed solis fraudulentis directoribus ad culpam & pœnam imputandum fore. Et tanquam Concivibus nostris, asscurante Principe honor, substantia & merita integra sunt; dummodo abhinc à publicatione universalis hujus sub
feliciter

felicibus auspiciis M^{ti}s, ubi ejusdem vel nostræ Ducales Ordinationes A.C. 1707
innotuerint, id omne, quod amantibus Patriæ filiis pacificationi ejusdē,
sedationi tumultuum & rebellionum, victoriæ per malitiam inductorū
Moschorum hæreditariorum ab ævo hostium Regni & M. D. L. servi-
tutum videretur, expleatis & exequamini. In quem finem ex nunc pro
congressu ad generalia castra in quibus sive simul totum Exercitūs cor-
pus acie instructā, sive (si id fieri nequit) divisi per vexilla & legiones,
comparebunt, autoritate meā Ducali ibi designo locum; ubi sub id
tempus M^{tem} morari contigerit, pro die 6 Decemb: anni currentis de-
mandans, in tractu omnimodam sub pœna articulorum militarium ser-
vari disciplinam. Si verò post ejusmodi universalia, eorumq; publica-
tionem damnosa cum adversariis attentaretur ab aliquibus persistentia:
tum ejusmodi homines pro abjudicatis à meritis & pro turbis insolent-
ibus, adeoque pœnis & captivationibus à Palatinatibus & Terris exe-
quendis, subjacentibus; consequenter ad nulla stativa & hiberna admit-
tendis, ex mente & usu Reipub: declaro. In quem finem ad majorem
fidem m. pp. me subscribo, sigilloq; roboro, & hoc universale meum,
ut typis editum ad omnium notitiam deveniat, per Castra, & Parœci-
as publicari impensè ab iis ad quos pertinet peto, sub onere complici-
tatis. Datum ex Castris ad Slupcum. 1707.

DECLARATIO NULLITATIS

Electionum duorum Administratorum Ecclesiarum Gnesnensis, & Vla-
dislaviensis ab illarum Capitulis, & Canonicis per abusum laicalis po-
testatis, ac in præjudicium modernorum Archiepiscopi Gnesnensis, &
Episcopi Vladislav: respectivè factarum, nec non quorumcunq; inde
secutorum, & secutororū, cum illorū damnatione, revocatione, & aboli-
tione, ac cū aliis diversis ordinationibus, & decretis super eadē materia.

CLEMENS PAPA XI.

An: 1708

Ad futuram rei memoriam.

Romanus Pontifex in sublimi Apostolicæ Sedis specula cum pote-
statis plenitudine à Domino constitutus sua, & Apostolicæ Sedis,
inferiorumq; Ecclesiarum, ac illarum Præsulum Jura, ex commissi
sibi cælitus Pastoralis Officii debito, facta tecta tueri, & si quando ea
temerarijs quorumcunq; ausibus violata esse novit, ab ejusmodi viola-
tionibus asserere studet, sicut omnibus maturæ considerationis trutinā
perpensis, æquitati, & justitiæ consentaneum esse in Domino arbitratur.
Ad nostri siquidem Apostolatus notitiam, non sine gravi animi nostri
molestia pervenit, quòd tametsi Nos aliàs, nempe die 7. Junij 1706 in
Consistorio nostro Secreto, ut moris est, Venerabilem Fratrem Stanisla-
um Szembek tunc Episcopum Vladislaviensem à vinculo, quo teneba-
tur, Ecclesiæ Vladislaviensis, cui tunc præerat, de Venerabilium fratrum
Nostrorum S. R. E. Cardinalium consilio, & Apostolicæ potestatis ple-
nitudine absolventes, illum ad Metropolitanam Ecclesiam Gnesnensem. cer-
to tunc expresso modo Pastoris solatio destitutam, de consilio, & pote-
statis plenitudine paribus transtulerimus, ipsumq; eidem Ecclesiæ Gnes-
nensi in Archiepiscopum præfecerimus, & Pastorem: curam, regimen,
& administrationem ipsius Ecclesiæ Gnesnensis illi in Spiritualibus, &
temporalibus plenariè committendo, liberamq; illi ad Ecclesiam Gnesnensem
hujusmodi transeundi licentiam tribuendo; nec non tametsi subindē, nē-
pe die 25. ejusdem Mensis Junij itidem in Consistorio Nostro Secreto ipsi
Ecclesiæ Vladislaviensis: per translationem hujusmodi vacanti de persona

A.C. 1708 Ven: fratris Constantini Szianiawski Nobis & Cardinalibus præfatis ob suorum exigentiam meritorum acceptâ, de eorundem Cardinalium consilio, autoritate Apostolicâ providerimus, ipsumq; Constantinum eidem Ecclesiæ Vladislavien. in Episcopum præfecerimus, & Pastorem: curam, regimen, & administrationem ipsius Ecclesiæ Vladislavien. illi in Spiritualibus, & temporalibus plenariè similiter committendo, & alias prout in binis, seu pluribus nostris sub plumbo desuper expeditis literis uberius continetur; ac tametsi demum ipsius Archiepiscopus, & Constantinus Episcopus, post captam & apprehensam Ecclesiarum præfatarum possessionem, suos in illis respectivè Officiales constituerint, & deputaverint: nihilominus non defuit, qui omnium humanarum æquè, ac divinarum legum immemor, nullaq; ad id legitimâ auctoritate suffultus, sed solâ laicali potestate, seu potius armorum violentiâ fretus, per suas literas dilectis filiis Capitulo, & Canonicis dictæ Metropolitanæ Ecclesiæ Gnesnen. die 16. Sept: anni proximè præteriti, seu alio veriori tempore conscriptas dictum Stanislaum Archiepiscopum usurpatorem illius Ecclesiæ nuncupare, ac proinde ab ipsis Capitulo, & Canonicis aliquem ex eorum gremio in Administratorem bonorum ejusdem Metropolitanæ Ecclesiæ, perindè ac si illa adhuc vacaret, eligendum esse temere, injustè, & sine ullo prorsus legitimo fundamento asserere præsumpsit; ac subindè non minus audacter per alias suas die 23 ejusdem Mensis Sept:, seu alio veriori tempore exaratas literas eisdem Capitulo, & Canonicis injungere ausus fuit, ut omnes proventus dictæ Metropolitanæ Ecclesiæ Gnesnen. tanquam vacantis à tempore obitus postremi illius Archiepiscopi tam præteritos, quàm futuros, titulo mutui futuro Archiepiscopo, ut asseruit, per Rempub: refarciendi, in manibus cujusdam Capitanei Commissarij à se nominati, ad effectum illos erogandi pro authorandâ totius Patriæ militiâ, consignari, extradi, & numerari absq; ulla cunctatione curarent, sub pœnis per leges contra mandatorum regionum transgressores statutis, ac adjunctâ insuper executionis militaris comminatione; Successivè verò, cum animadvertisset quod literæ hujusmodi, & mandata in eis contenta (Capitulo, & Canonicis præfatis obtemperare eis meritò detrectantibus) inania prorsus, & absq; ullo effectû remanebant, Militaribus Copiis, inter quas plures A catholicorum secum fœderatorum legiones numerabantur, stipatus, versus Civitatem Gnesnen. se contulit, ibiq; in Oppido Slupen nuncupato à dicta Civitate quatuor circiter milliaribus distante easdem Militares Copias disposuit, deinde autem per quendam Ablegatum suum ad eandem Civitatem missum, Capitulum, & Canonicos præfatos ad electionem memorati Administratoris, qui, Officiali, quem præfatus Stanislaus Archiepiscopus, ut præfertur, constituerat, amoto, regimen dictæ Metropolitanæ Ecclesiæ Gnesn. nec non curam, & administrationem bonorum illius Mensæ Archiepiscopalis susciperet, urgere cœpit cōminando renuentibus omnimodam ejusdē Metrop: Ecclesiæ desolationē, omniumq; illius Mensarū Archiepiscopalis, & Capitularis bonorū devastationē, aliaq; similia gravissima damna in ipsorum perniciem, & everSIONem inferenda. Porro Capitulum, & Canonici supradicti ejusmodi minis perculsi die 3. Octob. proximè præteriti, licet illa non esset dies Capitularis, secluso, ut asseruerunt, contemptu clavium, ac declaratâ verbis ergà hanc Sanctam Sedem obedientiâ illâ, quam re ipsâ negabant, Venerabilem fratrem Joannem Dluzevski Episcopum Gratianopolitanensem Suffraganeum Chelmensem, ac dictæ Metropolitanæ Ecclesiæ Gnesnen. Custodem

dem, in illius Administratorem Generalem, non tamen sine aliquorum dissensu, elegerunt, ac ipsi plenariam Jurisdictionem Administratoribus hujusmodi de Iure, & consuetudine competentem tam in spiritualibus, quam in temporalibus concesserunt, totumque ei regimen tradiderunt. Subindè verò, nempe die 21. ejusdem Mensis Octobris, dictis militari-
bus copiis ipsam civitatem Gnesnensem adhuc circumfidentibus, adeoque eodem metu perdurante, electionem Administratoris hujusmodi in omnibus, & per omnia approbarunt, & ratificarunt. Cæterum non minus injustè, ac violenter cum Ecclesia Vladislaviensi actum fuit; Dilecti siquidem filii Capitulum, & Canonici dictæ Ecclesiæ Vladislavien. cum literas non dissimiles eis, quæ ad Capitulum, & Canonicos Gnesnenses sicut præmittitur, transmissæ fuerant, imò eadem die 23 Septembris proxime præteriti, eodemque nomine sibi conscriptas, & per eadem ferè verba exaratas receperunt, in quibus scilicet falso æquè, ac temerè præsupposito, quod dicta Ecclesia Vladislavien. vacaret, fructus, & proventus illius Mensæ Episcopalis tam præteriti, quam futuri per aliquem è sui gremio eligendum Administratorem colligendi, similiter titulo mutui per Rempub. futuro Episcopo refarciendi, eidem Capitaneo Commissario, ut præfertur, nominato pro authoranda quantocius Patriæ militiâ consignari demandabantur; & cum subindè ipsi gravium malorum comminationibus perterriti fuissent, nisi ad Administratoris hujusmodi electionem devenissent, ut majora scandala, & infortunia, imò & bonorum omnium jacturam evitarent, dilectum filium Adalbertum Ignatium Bardzinski, qui prius ejusdem Ecclesiæ Vladislavien. Officialis à præfato Constantino Episcopo deputatus fuerat, in Administratorem hujusmodi, ita ut titulo Officialis in alium Administratoris commutato, cæteroqui penes ipsum cura, regimen, & gubernium dictæ Ecclesiæ Vladislavien. ut prius, remaneret, eligere coacti fuerunt. Cum autem hæc omnia per execrabilem, scandalosum, ac à Sacris Canonibus, & Conciliorum Generalium Decretis, Apostolicisque Constitutionibus sub anathemate sæpius damnatum sæcularis potestatis abusum gesta fuerint; adeoque libertatem Ecclesiasticam DEI ordinatione, & Canonicis sanctionibus constitutam manifestè læserint, ac lædant, nostraque, & Apostolicæ Sedis authoritatem, quâ Stanislaum Archiepiscopum Metropolitanæ Gnesnen. & Constantinum Episcopum præfatos Vladislavien. respectivè Ecclesijs supradictis, sicut præmittitur, præfecimus, gravissimè & apertè violaverint, & violent: ac præterea animas pretioso Salvatoris, & Domini Nostri JESU Christi sanguine redemptas in gravissima pericula conjecerint, & deplorandis malis adhuc involvere pergant; novaque proinde, & sanè graviores multiplicibus illis, atque diuturnis, quibus florentissimum olim, nunc perturbatissimum Poloniæ Regnum ærumnis premitur, calamitates adjungere noscantur. Hinc est, quod nos, qui jurium Ecclesiasticorum supremi assertores in terris à Domino constituti sumus, nec non omnium Ecclesiarum, & Christi fidelium curam, & sollicitudinem supernâ dispositione gerimus, Regnumque præfatum, & illius inclytam Nationem paternâ charitate complectimur; tametsi non dubitemus Venerabilem fratrem Iulium Archiepiscopum Nazarenum nostrum, & dictæ Sedis in eodem Regno Nuncium omnia, quæ ei hac in re à nobis mandata fuerunt, quæque proinde firmâ semper, & salva esse volumus, sedulò, ac fideliter, quantum sibi in præsentis infelicissimo illarum rerum statu permissum fuerit, jam implevisse: nihilominus, ex injuncto nobis divinitus Apostolicæ servitutis munere,

A.C.1708

nere, præfatarum Gnesnen. & Vladislavien. Ecclesiarum, illarumq; Præ-
 sulum indemnitati uberius consulere, nostraq; & dictæ Sedis jura Sar-
 ta tecta, atq; illibata enixius tueri, & conservare, nec non animarum
 hujusmodi periculis, quantum nobis ex alto conceditur, per amplius
 occurrere cupientes, ac omnium, & singulorum in præmissis tam à Ca-
 pitulis, & Canonicis Gnesnen. & Vladislavien. præfatis, quàm ab Ad-
 ministratoribus per eos, ut præfertur, electis, & alijs quibuscunq; quo-
 modolibet actorum, & gestorum seriem, causas, & occasiones aliave quæ-
 libet etiam specificam, & individuum mentionem, & expressionem re-
 quirentia præsentibus pro plenè, & sufficienter expressis, ac exactissi-
 mè, & accuratissimè specificatis habentes; motu proprio, ac ex certa
 scientia, & maturâ deliberatione nostris, deque Apostolicæ potestatis
 plenitudine, electiones eorundem Joannis Episcopi in Metropolitana
 Gnesnensis nec non Adalberti Ignatii in Vladislaviensis Ecclesiarum
 præfatarum, earumque bonorum, reddituum, & proventuum Admi-
 nistratore, ac cujuscunque jurisdictionis concessionem, & regiminis
 traditionem eis ab earundem Ecclesiarum Gnesnen. & Vladislavien.
 Capitulis, & Canonicis respectivè factas, ut præfertur, & quomodolibet
 ratificatas, seu confirmatas, aliq; omnia, & singula in præmissis, vel circa
 ea tam à Capitulis, & Canonicis, quàm ab Administratorib⁹ hujusmodi, vel
 illorum aliquo, præfatarum suarum electionum, eisq; sicut præmit-
 titur respectivè commissarum administrationum vigore, seu prætextu,
 per se, vel alios quomodocunq; & qualitercunq; acta, facta, gesta, mā-
 data, decreta, ordinata, vel disposita, ac forsan in futurum (quod DE-
 us avertat) agenda, gerenda, facienda, mandanda, decernenda, & or-
 dinanda, cum omnibus & singulis indè quovis modo secutis, & quan-
 docunq; secuturis, penitus, & omninò nulla, invalida, inania, irrita, te-
 meraria, & à non habentibus potestatem damnabiliter, attentata, & de
 facto præsumpta, nulliusq; roboris, momenti, & efficacæ esse, & ab ini-
 tio fuisse, ac perpetuò fore, tenore præsentium declaramus, & decer-
 nimus, illaq; damnamus, & reprobamus ac nihilominus ad majorem,
 & abundantiorē cautelam, & quatenus opus sit, illa omnia, & singu-
 la, quatenus de facto processerunt, revocamus, cassamus, irritamus, &
 annullamus, viribusque, & effectu penitus, & omninò vacuumus, nec
 ullum per ea Ecclesiis, earumque Præsulibus prædictis præjudiciū il-
 latum fuisse, aut inferri quodocunq; posse, sed ipsas Ecclesias, earum-
 que Præsules in suis primævis juribus continuare debere similiter de-
 claramus, in omnibus, & per omnia perindè ac si illa nunquam facta
 fuissent, nec evenissent, neque unquam fierent, vel evenirent. Quocir-
 ca Joanni Episcopo, & Adalberto Ignatio Administratoribus, ut præ-
 fertur nulliter electis prædictis, & eorum cuilibet in virtute Sanctæ o-
 bedientiæ, ac sub obtestatione Divini judicii, & interminatione maledi-
 ctionis æternæ, nec non ipsi quidem Joanni Episcopo sub suspensionis
 ab exercitio Pontificalium, & interdicti ab ingressu Ecclesiæ, dicto verò
 Adalberto Ignatio sub excommunicationis majoris, utriq; demum sub
 privationis beneficiorum Ecclesiasticorum quorumcumq; per eos re-
 spectivè obtentorum, perpetuæque inhabilitatis ad illa, & alia similia,
 vel dissimilia quæcumq; in posterum quomodolibet obtinenda ipso fa-
 cto absque alia declaratione incurrendis pœnis, districtè prohibemus, &
 interdiciamus, ne suarum irritarum electionum, sibiq; nulliter, ut præ-
 fertur, commissarum administrationum hujusmodi vigore, seu prætex-
 tu præfatarum Gnesnen. & Vladislavien. respectivè Ecclesiarum regi-
 men

men suscipere, & assumere, sive jam susceptum, & assumptum de cætero retinere, minusq; ullam jurisdictionem, potestatem, vel authoritatem in illis exercere, ullumve inibi actum jurisdictionalem facere, seu continuare, neque illarum fructus, redditus, & proventus percipere, seu forsan iam perceptos cuiquam alteri, nisi earundem Ecclesiarum respectivè Præsulibus, seu illorum legitimis Procuratoribus, vel aliis, quibus nos illos tradi, vel consignari mandaverimus, tradere, vel consignare ulterius audeant quovis modo, seu præsumant. Eos quoq; qui illis, vel eorum alicui scienter in præmissis paruerint, vel auxilium, consilium, vel favorem quovis modo præstiterint, cujuscumq; status, gradus, ordinis, conditionis, præeminentiæ vel dignitatis fuerint, similibus pœnis, eo ipso innodamus, & innodatos fore, ac beneficia hujusmodi, quorum privationis pœnam propter transgressionem præsentis prohibitionis per præfatos quomodolibet incurri contigerit, ipso facto absq; alia declaratione vacare, illaq; per quoscumque impetrari posse decernimus itidem, & declaramus; nec non eorumdem beneficiorum sic vacantium collationem, provisionem, & omnimodam dispositionem, ac præfatarum pœnarum absolutionem, seu relaxationem nobis, & Romano Pontifici pro tempore existenti duntaxat specialiter reservamus. Monentes insuper omnes utriusque sexus Christi fideles, de quorum æternâ salute solliciti esse debemus, præfatos Joannem Episcopum, & Adalbertum Ignatium nullam in eisdem Ecclesiis; suarum irritarum ac invalidarum electionum, eisq; nulliter, & de facto, ut præfertur, respectivè commissarum administrationum hujusmodi vigore, vel prætextu, sive quoad temporalia, sive quoad spiritualia, jurisdictionem, aut potestatem habere, vel habuisse; adeoq; nec ullam circa ea, quæ Sacramentorum administrationem, aut alias forum conscientia; vel contentiosum quomodolibet concernunt, authoritatem interponere ullo modo valide posse, nec potuisse; neque contra hæc allegari, vel prætendi posse excusationem ex communi errore; nam præterquam quòd satis omnibus notum erat, atque est, neutram ex Ecclesiis prædictis vacare, & utramque illarum suum habere Pastorem à nobis canonicè constitutum, abusus sæcularis potestatis in electione Administratorum prædictorum ferè cõmuniter innotuit, omniumq; rectè sentientium horrore, & detestatione reprobatus fuit, prout illum ab omnibus damnari, & reprobari volumus. Præterea cum notorii, & explorati juris sit, eos omnes, qui Capitula, & Canonicos supradictos ad præmissa peragenda per se, vel alios quoquo modo adegerunt, nec non adhærentes, fautores, consultores, & defensores eorum, quocumq; tandem gradu, seu dignitate quantumcumque sublimi præfulgeant, censuras omnes, & pœnas Ecclesiasticas à Sacris Canonibus, generalium Conciliorum decretis, & Apostolicis constitutionibus, ac præsertim literis die Cœnæ Domini singulis annis legi, & promulgari solitis contra similia perpetrantes inflitas damnabiliter eo ipso incurrisse: notum similiter omnib⁹ esse volum⁹, illos à censuris, & pœnis hujusmodi post debitā, & condignā Ecclesiæ ac partib⁹ præstitā satisfactionē, nō nisi à nobis vel Romano Pontifice pro tēpore existente (præterquā in mortis articulo constitutos, nec etiā tunc, nisi de stando Ecclesiæ mandatis, & satisfaciendo, cautione præstitā, atq; cum reincidentia eo ipso quo convaluerint) absolvi, & liberari posse. Decernentes etiam easdem præsentis literas, & in eis contenta quæcunq;, etiam ex eo quòd præfati, & alij quicunq; in præmissis, seu eorum aliquo Jus, vel interesse habentes, seu habere quomodolibet prætendentes, cujus-

A.C. 1708 cujusvis status, gradus, ordinis, præminentiae, & dignitatis existant, seu alias specificâ, & individuâ mentione, & expressione digni illis non consenserint, nec ad ea vocati, citati, & auditi, causâq; propter quas præsentem emanarint, sufficienter adductæ, verificatæ, & justificatæ non fuerint, aut ex alia qualibet, etiam quantumvis juridicâ, & privilegiatâ causâ, colore, prætextu, & capite, etiam in corpore Juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, vel interesse habentium consensus, aliôve quolibet, etiam quantumvis magno, & substantiali, & incogitato, & inexcogitabili defectu notari, impugnari, infringi, retractari, in controversiam vocari, aut ad terminos Juris reduci, seu adversus illas apertionis oris, restitutionis in integrum, aliudve quodcunq; Juris, facti, vel gratiæ remedium intentari, vel impetrato, seu etiam motu, scientiâ, & potestatis plenitudine paribus concessio, vel emanato quempiam in judicio, vel extra illud uti, seu se juvare ullo modo posse, sed ipsas præsentem literas semper firmas, validas, & efficaces existere, & fore, suosq; plenarios, & integros effectus sortiri, & obtinere, ac illis, ad quos spectat, & pro tempore quodcunq; spectabit in omnibus, & per omnia plenissimè suffragari, & ab eis respectivè inviolabiliter, & inconcussè observari; Sicque, & non aliter in præmissis per quoscunq; Judices Ordinarios, & Delegatos, etiam Causarum Palatii Apostolici Auditores, ac S. R. E. præfatæ Cardinales, etiam de latere Legatos, & ejusdem Sedis Nuncios, aliôsve quoslibet quacunq; præminentiam, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari. Non obstantibus præmissis, ac quatenus opus sit, nostra, & Cancellariæ Apostolicæ regula de Jure quæsito non tollendo, aliisq; Apostolicis, ac in Universalibus, provincialibusq; & Synodalibus Consiliis editis generalibus, vel specialibus Constitutionibus, & ordinationibus, nec non præfatarum Gnesnen. & Vladislavien. Ecclesiarum, & aliis quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, ac usibus, & styli etiam immemorabilibus; privilegiis quoq; indultis, & literis Apostolicis præfatis, aliisve quibuslibet personis etiam quacunq; Ecclesiastica, vel mundana dignitate fulgentibus, & alias quomodolibet qualificatis, ac specialem expressionem requirentibus, sub quibuscunq; verborum tenoribus, formis, ac cum quibusvis, etiam derogatoriis derogatoriis, aliisque efficacioribus, efficacissimis & insolitis clausulis, irritantibusq; & aliis decretis, etiam motu, scientiâ, & potestatis plenitudine similibus, ac consistorialiter, & alias quomodolibet in contrarium præmissorum concessis, editis, factis, ac pluries iteratis, & quantiscunq; vicibus approbatis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumq; totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & insererentur, præsentibus pro plenè, & sufficienter expressis, & insertis habentes, illis alias in suo robore permansuris ad præmissorum effectum hac vice duntaxat

taxat specialiter, & expresse derogamus, ac derogatum esse volumus, cæ-
terisq; contrariis quibuscunq;. Volumus autem ut earundem præsentium
literarum transumptis, seu exemplis, etiam impressis, manu alicujus
Notarij publici subscriptis, & sigillo personæ in Ecclesiastica dignitate
constitutæ munitis, eadem prorsus fides tam in Judicio, quàm extra
illud ubiq; adhibeatur, quæ eisdem præsentibus adhiberetur, si forent
exhibitæ, vel ostensæ. Datum Romæ apud S. Petrum sub annulo
Piscatoris die 4. Jan. 1708. Pontificatûs Nostri Anno VIII.

(LS)

F. Oliverius.

LITERÆ UNIVERSALES GENERALIS SUETICI KRASSAU

OMnibus quorum interest, & singulis &c: post Officiorum meorū
& propensæ voluntatis contestationem notifico: Quanquam sperandum
erat post ejectos totâ Poloniâ per arma Seren: Regis Dñi mei
fœdifragos Moschos, tandem dissentientes adhuc Regni Magnates,
ex naturali in Patriam suam studio & amore, rejectatâ periculosâ sibi
Moschorum Colligatione ad Seren: Poloniæ Regem accessuros: Res tamen
contrarium docet, quando nonnulli ex Poloniæ Procëribus posthabitâ
privatis commodis suis salute publicâ Milites S. R. Mtis Sueciæ per
Emissarios suos hostiliter invadere, summa imis miscere, adeoq; in
Patriæ suæ viscera favire ausi sunt, turbulentis & licentiosis machinationibus
suis libertatis tuendæ Poloniæ titulo, authoritatem & suffragia captantes,
quando eadem apud meliora sentientes, Palatinatus dolosis rationibus
obtinere, non potuerunt, Comitiam eorum impediendo, Nobiles captivando,
minis, vi, & armis censum Civium extorquere aggressi sunt; In quem autem
finem hanc in Patria sua foveant discordiam, neminem jam latere poterit,
qui corruptas Moschorum mercede, Principum manus, depopulatam ausibus
illorum Majorem Poloniæ partem, usurpatas Oeconomias, & direpta vectigalia
Regia propius examinauerit. Sperari ergo nequit, cordi ipsis aut curæ
futurum esse, ut ea dissidia, & belli molem ac incommoda, ex Polonia in
hostium Provincias devolvant, sed quantum de ipsis dependet, scissiones
alere, turbida pacificis præferre & quod impunè licuerit, tam per reditus
soli Regi debitos, quàm per rapinam & sanguinem Civium privatam
fortunam suam augere non cessabunt. Hanc ipsorum intentionem cum
præviderit in Moschoviam abiens Seren: Rex & Dñus meus prospiciendo
saluti colligati sibi Regni, vigore sanciti fœderis ordinavit me, in
subsidium S. R. Mtis Poloniæ, deditq; mihi in mandatis; ut contraturbatores
pacis & unionis publicæ armis agerem, donec ad saniora redirent consilia,
& Seren: Regem Poloniæ, de cujus abundè persuasi sunt clementia & gratia,
damnata omni mora accedant, & deinceps plenâ securitate fruantur. Ne autem
obstinati, quibus in hostium exercitu militiam continuare satius visum fuerit,
contumaciam suam impunè fèrant, proinde tempestivè sciant, quòd ipsorum
oppida, villæ & prædia, ubicunq; illa reperiet Miles Sueticus, more belli
prout olim ejusmodi refragariis contigit, extrema quævis experientur. Sicuti autem
invitus ad hanc procedo extremitatem, ita omnibus ad latus Regium properaturis,
Parentibus etiam filios suos revocaturis, 15 dierum à data harum conceditur
spatium. Quo elapso omnes qui literis Mtis accessionem suam probare non poterunt,
infallibilem ruinam, & excidia Bonorum suorum sibi ipsis debebunt. Datum in
Statione mea in Glinstoch die 8. Jan.

(LS)

Ernestus Detloff de Krassow.

A.C.1708 ANDREAS C. ZALUSKI EPISC. PRINC. VARM. ET SAMB.
STANISLAO SZCZUKA PROCANCELLARIO
Litvaniæ respondet 16. Januarij.

Supervacaneum esset impunctualitatem incusare ordinariæ postæ, siue fleas, siue non fleas, malignitatem peragit suam. Religiosæ Carmelitanæ Sanctis tribus Regibus literas suas offerunt, ne aberrent, dubito, ut hæ preces sæculo nostro in favorem literarum nostrarum efficaces esse possint. Jam multa scribere desij, pauca scripturire soleo, novas amicitias non expetendo, veteribus colendis operam quandoq; dando, pauca significando, quia nihil me scire puto, quod ab aliis nesciatur, & tamen curiositas prævalet, & literæ meæ non eunt, quò mittuntur, sed quò illa avocat.

Cur non curreat ad Primum. Quæris à me, cur sim minimè ad rem attentus, circa quam possū pedes movere, ut non curram, currere non possim, ut pedes non moveam; facit id ætas provecta, non multum viæ restat, cur onera augeri debent? Puderet me si non alios, certè mei ipsius, si id curarem, quod contra mentem Pontificis esse certè scio; ad quid quærere magno conatu debeo, quod brevi aliis pudore, quàm damno miserior habendum cedere obligarer; certa amittimus, cum incerta appetimus. Accedit, cujus DEus est mihi testis, quia non mentior, ut, quæ mentis meæ exprimere sensum queant verba, rursus nulla suppetant, id tamen simpliciter dico, quòd & ea, quæ in manu sunt, deferere satius, quàm nova appetere eligo; cum non sim ex illis, qui semper Tantali, semper in novas cupidines inhiantes, & ad iter, quod inhabile scio, non accedo, ac proinde non vellem ibi stare, ubi ipse sol trepidat, & ultra id scio plus semper futurum, quod obstat, quàm quod succedat, & idcirco injuriam mihi faceres, si me hoc desiderare judicares, qui futuri desiderio non laboro præsentium tædio. Cum tamen tuum videam affectum, cui ad me ornandum cum voluntate quærentur media, mihi autem ad gratiam referendam præter voluntatem nihil relinquitur; reddo me tibi totum, quantum in obsequium; id mihi gratissimum fore asscurans, dum hanc sollicitam curam intermitteres; possum miser dici, non possum esse.

Suffraganeus Luceoriensis. Abbatiam centum Villarum, si vacat certò, nec istam tribui mihi vellem, quamvis dicas, quis influentis dona fortunæ abnuat? quamquam grave est à deterioribus honore anteiri, quibusdam alienâ umbrâ laborantibus. Si non sum in promptu ad petendum, excusa, & errata non corrige, quamvis didici docibilis esse in aliis, nec unquam fui in sensu meo pertinax. Mutare consilium in melius paratus sum, sed ibi, ubi mutari virtus est. Domino Suffraganeo Luceoriensi & ego, ut opto, ita & persuadebo, ut compareat in conspectu Domini. Quærebat Saul asinas, & coronam invenit, si dignus hic Prælatus gratias referendo pro collata Abbazia Episcopatum inveniret, quale esset mihi gaudium? quæ voluptas? teneris independentem etiam à sanguine, & affectu promovere eum, ut ascendat superius, & citius. Tales sunt in candelabrum exponendi, qui Regi & Patriæ & sciant, & velint servire; necessè est ei placeant, cui non nisi optima placere debent.

Nova non scribo; veteribus tantum immoror, non sine solatio, quòd frequentius nomen tuum occurrit, quo nec unam paginam, nec semel implebo. Facerem id melius, & perfectius, si mihi copiam tuarum, toties scriptarum mitteres expeditionum; miscerentur hæ in historiam meam,

meam, & essent pars pulcherrima libri. Si quid dignum invenies, quamquam nihil invenies, quod non sit dignissimum memoriâ posterorum. Historia mea incipit ab abdicatione Regis Casimiri, Regnum Michælis breviter excutiam, in Joanne diutius morabor, Interregnum, Electionem, scissiones diligentius describam, & hoc est sub incude. Omnia hæc exprimentur, quæ hætenus patimur, recentior est memoria, quamquæ quærenda est informatio, quid actû, dum ego in exilio essem, omnia tamen ea praxi, modo, & stylo, quem tu vidisti in illo projecto familiarium literarum, quia tantum adamavi titulum, quem fraterna tua præscripsit manus, ut illum immutare non cogitem, nec, si vellem, possem.

Plura non scribo, ne supervacaneâ rerum curâ distentus legas.

P. S. Estne verum quod Dno Kczewski Palatinatus Mariæburgensis sit acceptus, & alii collatus, indigna certè res esset tam dignos, & pro Patria meritos non tantum honoribus non ornare novis, sed etiam privare antiquis; si ad hunc modum est innoxij honor apud vos, causa Palatini hujus, nunquam mala est.

Dominus Palatinus Siradiensis est hic, miscemus quandoque lachrymas, &, quamquam aliquando incuset, quod Respubl. corruptior sit, quam ut adjuvari possit, tamen non perturbatur his, quæ vitare eum non est potestatis, ut exactæ diligentiae senex, vir fortis, cum mala fortuna compositus. Habet ubi se etiam in privato lare explicet magnus animus, & qui nuper omnia deplorabat, cui nulla non causa in querelas placuit, nunc eum mala Patriæ necessitas & consuetudo facile ferre docuit nullo melius nomine de nobis natura meruit, quam quod, cum sciret, quibus ærumnis nasceremur, calamitatum mollimentum consuetudinem invenit citò in familiaritatem gravissima adducens.

Vidi nuper Comitem Donau, qui mihi inter alia dixit, quod Stokolmæ fuerit in Coronatione Regis Sueciæ præsentis, cui equitanti die illo ceremoniarum corona de capite casu deciderat; estne hoc verum, facile id à Secretario Hermeling, cum quo colis amicitiam, rescies.

COPIA LITERARUM CARDINALIS AD CZARUM

Opaviâ 20 Januarij.

CIS limites patrios, quò persuasione Palatini Belzensis Supremi Exercituum Regni Ducis, aliorumq; Senatorum ductus me contuli, tam ob securitatem meæ personæ, quam depositi quod ab aliquot annis Resp: curæ & solitudini meæ concredidit, appello Czaream Mtem V. cum delatione observantiæ meæ & manifestatione constantis meæ unâ cum Repub: erga Interesse Czareæ Mtis benevolentiae. Volens autem satisfacere debito & obligationi meæ Primatiali, innovo petitionem meam ad Czaream Mtem Vra, ut omnia, quæ in publica statuum Reipub: legatione in responsoriis Vra Czarea Mtas (uti ratione reddendæ Ucrainæ, enumerandorum millionum pro exercitu Regni, & M.D.L. servandæ disciplinæ in exercitu suo, puniendarum exorbitantiarum, inhibendarum contributionum, compensationis injuriatorum & spoliatorum, per Cosacos & Kalmucos Ecclesiarum & plurimorum variæ conditionis hominum) & in aliis punctis declarare & promittere dignata est, effectum sortiantur, & executioni mandentur. Quod cum à justitia Vra Czareæ Mtis & liberali Genio indubitanter sperem, revoco Vestrae

Tom. III.

Aaaa

Cza-

A.C.1708 Czareæ Mti propria mea damna exspoliatis Ecclesiis Archiepiscopatus mei, & Cathedræ Vladislaviensis, ubi & mea deposita per tempus belli in securo locata, non ita pridem ante abitum Vrä Czareæ Mtis ex Prussia & Cujavia, Kalmuci & Cosaci cum omnium admiratione abstulerunt, revoco ruinam bonorum meorum, & Fratris mei Vice-Cancellarij Regni, petensq; satisfactionem, profiteor me esse &c.

COPIA LITERARUM PRIMATIS AD SENATORES

Opaviä 20. Januarij.

Proposueram quidem post aliquot annorum itinera, & molestas de loco in locum translationes, prout circumstantia temporis, & custodia Commissorum fidei meæ requirebat, redux in patriam ad functionem muneris Primatialis, amplius extra limites non abire, & qualemcunq; fortunam pati, sed cum securitati personæ meæ provideri non posset, secutus persuasionem Palatini Belzensis Supremi Exercituū Regni Ducis, & aliorum Senatorum volens nolensq; cum magna incommoditate & sumptu ad aliquot tempus huc extra limites excessi, unde convenio hisce Illmas DD. VV. non tantum in signum affectus mei, verum etiam ut testificer, quod etiam hic non deponam sollicitudinem de publico; & faciam ea quæ muneri meo incumbunt, disponens omnia in executionem sancitorum, instando apud Czaream Mtem & Ministros ejus, ut quidquid sive tractatibus cum Republ: sive datis per legatos à Statibus Reip. declarationibus, promissum est, executioni mandetur tā in Regno quā in M.D.L. Peto insimul ab Illnis DD. VV. sinceram communicationem sciendorum, & judicium in occurrentiis per postas à Ducibus dispositas, cum asscuratione, quod ubi id necessitas exegerit, citra moram ad stationem meam sibi reversurus.

LITERÆ NUNTII APOSTOLICI AD PRINCIPEM VARMIENSEM Opaviæ 18. Februarij.

IN fine ferè itineris mei cogor Illustrissimæ Vrä Dominationi literis obsequi, quando coram testari meam observantiam summo opere concupiērim; causa eadem est, quā cor suum torquebitur, istorū videlicet Regnorū interrupta quies adeo, ut nullum tot, tantarumq; Provinciarum latè tuto oculo respiciatur. Quare mihi in Poloniae Regnis Sanctissimi Dñi Ministerii Apostolici Nuntij munus ad implendū missō die non affulgente, quā eorum fines ingrediar, usq; dum jucundiori sole pateat iter, legationis meæ officium hic obire conabor; adventūs autem mei Nuntium his literis præmitto, quæ signa obsequii mei apud Illustrissimam Dominationem Vram deducunt. Illa recipere humanitas sua non dedignetur, & si quid ad publicam Regni tranquillitatem restituendam aptum cognoscet, me docere diligentia suā non sinat; & interea reverenter Illustrissimæ Dñis Vrä manus deosculor.

RESPONSORIÆ AD PRÆCEDENTES

Gratias corde habeo, calamo dico Excell. Vrä, quod me de fine itineris sui humanissimis literis suis 18. Febr. scriptis certiorē reddere sit dignata. Quā ergo in me egit humanitate, eadem repondo gaudens, ex animo gratulor Excell. Vrä, quod celeritate gratiarum adventus sui auxerit, cujus laus est, & virtutis fama in mundo amplum exhibendæ ejus erit theatrum Polonia, in qua libentius Excell.

Vram

Vram videre optarem, ut propius in lumine suo videamus lumen, hoc præcipue tempore, quo vastata Provinciæ, desolata ferro & flammâ Patria nostra, Jura DEI & hominum violata, in affectu Paterno ejus, cuius locum tenet, solatium habere posset. Omnis enim in eo expectatio nostra sed cum id fieri forte nequeat, feremus patienter, & longius manentem in solatium nostrum ex Excell. Vra non eandem videamur æstimare, cum præsertim sciamus arduum hoc munus, & magnum mole, curâ, periculo, fortitudine animi sui, quæ summa est, bene ubiq; perfecturam. Ego verò Sanctissimo Dno Nro devotus ad omne genus obsequii Excell. Vra paratus ero. Constanter enim mihi summi DEI gloria, Apostolicæ Sedis dignitas, salus publica sicut semper fuit, sic & erit in posterum antiquissima. Multa essent ad publicam Regni tranquillitatem apta, & necessaria, sed ea à me in solitudine protunc procul ab omnibus publicis negotiis vitam degente minimè desiderari, ut in literis suis Excell. Vra proponi videri possunt, sufficereque mihi credo, ut toto affectu, & votis DEum precer, ut Excell. Vra in tristi hac temporis injuria ea inspiret media, quibus studia sua in desideratam hanc tranquillitatem valeant, unitas spiritûs in vinculo pacis procuretur, & ut, quidquid est turbidum, serenetur. Voluntatem promptam interim ad exequenda quævis mandata submissem offero, cum ea verissima declaratione, quòd, sicut fui ab initio, ita ero sine fine.

ALEXANDRO SALLAROLI Brunsbergâ 25 Februarij.

JAM Regem Sueciæ cum nostro STANISLAO approximare Grodnam scribit mihi Procancellarius Litvaniæ, cujus domum Szcucin, visitârunt, & ibidem humanissime excepti. In illis autem sylvis sub Myszinice jaculatores arma sua opponere voluerunt, & quasi conditiones Regi Sueciæ proponere ausi sunt, quibus illum per illas longas, & latas sylvas liberè transire permitterent, sed Rex Sueciæ rem uti indebitâ, ita minimè speratam miratus, cognoscensq; quòd hi sunt, qui neq; ferire, neq; feriri nisi in terga noverunt, cum sit fortis adversus fortuita, & opinionum suarum securus, qui nec ita natus, ut dissimulare injuriam posset, aut pati, gnarus factò magis, quàm consilio seditiones reprimi, primos audacter proponentes suspendi, alios dispergere forti manu jussit. Ceciderunt nihilominus multi Suetici Valachi, & nonnulli etiam Sueci, sed non cogitatur, quòd perdiderint, sed quòd evaserint.

*Jaculatores
Myszyneni*

Habui etiam ex Silesia, quòd Procancellarius Regni Dresdam, Primas Opaviam, & Episcopus Cujaviensis in castra Polona moverit, & quòd Rex AUGUSTUS de reditu in Poloniam cogitet. Hoc momento percepi etiam à Procancellario Litvaniæ, quòd per sylvam cum uno tantum ex Drabantis suis cucurrerit, qui occisus à Jaculatoribus; Rex autem vix periculum evasit; Magnus gubernator & scisso navigat velo; varij sunt casus etiam si graves, naufragium facere, vehiculo everti; ab homine homini quotidianum periculum est; Quòd Dñi Sapientiæ omnino curent amovere exercitum à Principe Wiszniowiecio, & quòd sperent numerosiore se habituros, quòd in viscera Litvaniæ Sueci procedant.

Ego interim habens certa negotia Ecclesiæ meæ Tylzenfis, ubi Missionarios PP. Societatis habeo componenda; Natura pedes dedit, ut per nos ambulemus, oculos, ut per nos videremus; iter illud in spem rei prosperè transigendæ, quanquam in via pessima aggressus sum, & vix

A.C. 1708 in luto naufragium cum Dño Suffraganeo Luceoriensi, quem comitem itineris accepi, evasi, ubi præter Episcopum Vilnen. qui continuo nunc Tylzæ manet, Palatinam Vilnen., Mareschalcum Litvaniæ Sapieham, & Castellatum Samogitiæ Grothus inveni, huc notitia venit, quod Rex Sueciæ pontem sub Grodna super fluvium Nemen acceperit, vix ab uno ex custodibus milite non occisus, Grodnâ verò potentia Sueticæ impares Moschi cedere debuerint. Cum verò Rex Sueciæ cum 600 tantum hominibus absq; ulla custodia in Collegio PP. Societatis pernoctasset, si solitâ resolutione, & fortitudine sibi naturali non usus fuisset.

Non dico tibi quæ fecerim in rem Sanctæ Religionis Tylzæ; hæc enim publici Juris esse non possent. Spargenda est manus; non potest ferre, ut non aliquando succedant, multa tentantur; & post malam segetem ferendum est. Sæpè enim quidquid periërat assiduâ infelicitis soli sterilitate, unius anni restituit ubertas.

Ultimo die Bachanalium, summo manè abivi Tylzâ, & eodem die Insterburgi fui, ubi Principem Wiszniowiecium Generalem, & Principem Czartoryski Thesaurarium Litvaniæ inveni, cum quibus multa de publicis contuli, & post Brunsbergam perrexi, ubi cum licentia Superiorum meorum, hoc est Commendantis Elbingensis tempus Quadragesimæ absolvere intendo. Precare DEum pro me, ego pariter idem faciam.

S. R. Mtis SUECIÆ DECLARATIO SUPRA LIBELLUM QUEM
foederis Varfaviensis Mareschalcus Illustris D. Bronisz obtulerat;
facta Smorgonij in Litvania II. Martij.

PErgrata sunt S. R. Mti studia, quæ Illustris D. Bronisz Mareschalcus nomine Fæderatæ Reipub: erga se testari voluerat, & quemadmodum DEUS prosperaverat consilia, quæ propter communem causam hætenus suscepta sunt, ita sperat S. R. Mtas ea, quæ porro agenda veniunt, felicem habitura esse eventum, Rempub: Poloniam sedatis motibus, quibus concutitur plenâ tamen ac optatâ gavisuram esse tranquillitate. Et cum hunc præcipuum esse scopum S. R. Mtas existimat, ad quem consilia quàm maximè dirigantur, destinata ea, quæ Seren: Rex Polonia ad hunc finem obtinendū censuerit adeo non improbat, ut cunctis viribus ea sufficienda statuatur, quemadmodum neq; recusat, quin Comitibus Generalibus pacandæ Reipub: causâ indicantur, & celebrentur. Si tam salubre perficiendi propositum, quamdiu S. R. Mtas copias suas intra fines Regni contineat, ratio certa, ac secuta inveniri possit, cui tamen exequendo præsens tempus fore opportunum S. R. Mtas non arbitratur. Bene perpendit S. R. Mtas incommoda, quæ major Polonia, & imprimis Palatinatus Posnaniensis, atq; Calissien. hoc bello sint perpeffi: Quapropter, ut illis aliquomodo subveniretur, & copiis suis, quæ inibi sunt relicte simul prospectum esset, jusserat omnia, quæ tributorum nomine exacta sunt, eo tempore, quo hospitibus in illis Palatinatibus Exercitus Sueticus habuerat, in solutionem computare. Quo pacto novis oneribus non aggravantur, quia ad exercituum sustentationem antea quidquam contulisse reperiuntur, existimat tolerabiliorem fore eorum

conditionem, eosq; ipsos, quibus computationis solatium contigit, prom-
ptiores fore ad ea exsolvenda, quibus copiae ad eorum defensionem
destinatae indigere videbuntur. De cetero Illust: Mareschalcum
confederatae Reipubl: Regiâ gratiâ, ac omni benevolentia amplecti
non desinet. Dat. ut supra Ad mandatum S. R. Mtiis Sueciae.

C. Piper.

RECOGNITIO PER LITERAS SERENISSIMI STANISLAI
A REGINA ANGLIÆ.

Majestatis Vestræ literas accepimus, quibus Vos post tantam
utriusque fortune exercitationem Polonorum Regem eva-
sisse intelligimus, Principem tot virtutibus ornatum, non
solum Subditorum suorum felicitati, quin totius Europæ benefi-
cio natum auguramur. Quem ideo in summum illud honoris fasti-
gium Suetici Regis crexit amicitia, Polonorum Senatus elegit, suffra-
gium Principis Augusti compellavit Abdicatio, Regem fratrem lus-
bentissimè agnoscimus. Quod superest, Mtem Vrà, & res Vestræ
Divini Numinis tutelæ ex animo commendamus. Dabantur in Pa-
latio Nostro apud Nensington die 8. Aprilis.

COPIA LITERARUM PRINCIPIS VARMIENSIS Ad ILLU-
STRISSIMUM NUNTIIUM Brunsbergâ 30 Martij.

Deploranda Regni nostri ita sunt universo orbi nota, ut illa vel
insinuare Illmæ Doni Vrà non sit necesse. Illud tantum, quod me
super omnia angit, reverenter defero, auxiliumq; efficax demis-
sissimè peto; non dubito Illmæ Dñi Vrà notum esse, quòd Episcopa-
tus meus ita sit undequaq; A catholicis cinctus, & circumdatus, ut alium
ex Varmia exeundo nullus possit etiam aerem respicere. adjunctus est
Varmiensi & Sambienſis Episcopatus; in quo Regiomontum, Tilza, &
aliæ Brandenburgicæ ditiones continentur. Liberum in illis Catholicæ
Religionis exercitium fuit hætenus pactis id Polonicis cum illa domo
clare volentibus, nunc autem tristem nuntium à Parocho meo Regio-
montano accepi, quòd aliquid intervenerit (prætextum esse timeo) Co-
loniæ inter Patres Soc. JESU, & Ministrum Regis Prussiæ, unde magnæ
querelæ, & injusta ultio. Seriem rei adjuncta litera mihi scripta Illu-
strissimam Dominationem Vestram informabit, minimèque ambigo
pro naturali suo in Religionem zelo id Illustrissimam Dominationem
Vestram facturam, quod è re nostra faciendum credet. Ingens enim
nec verbis exprimendum imminet rei Catholicæ periculum, nisi matura
disordini huic occurratur, & multa fortè ex conjuncturis præsentibus
sibi favorabilibus perficere volent. Exosculor interim reverenter
manus, maneoq; perpetuo cultu.

Exercitium
Religionis:

IDEM MARTINO ZALUSKI EPISC: ROSMENSIS SUFFRAGANEO;
& PRÆPOSITO PLOCENSI DUCI SIELUNENSI FRATRI SUO.

Heilsbergâ 25. Aprilis.

NON mireris diutius me siluisse; Quadragesimales enim occupa-
tiones me detinebant, & occurrebant etiam, quæ nec tutò nar-
rantur, nec tutò audiuntur; & propter hoc ipsum multa scribere
non licet, quia, non quidquid debet dici, sed quidquid potest, cum his-

Tom. III.

Aaaa 3

ce

A.C. 1708 ce temporibus possit non ex vano scribi, quòd ex tempestatibus pessimæ sint, quæ variant maximè.

Transivit per Brunsbergam Dñus Poninski Referendarius Regni, qui me securum reddidit, quòd Stanislaus (ita in Demosthene magna pars Demosthenis abest) libertatem habebit à Rege Sueciæ redeundi in Poloniam. Discant hi, quicumq; magnam potentiam inter homines adepti sunt, sine consilio ne fulmen quidem mitti, sed vocare, considerare Superiorum sententias, placitum, temperent, & hoc sibi persuadere noster Stanislaus debet, ne Jovi quidem satis esse suum consilium, tanquam & ipse, prolatae (si voluerit) sententiæ majori cognitori debet dare responsum. Contemnitur, non quia vult, sed quia debet. Ut ergo Rex Sueciæ inclinari possit ad hanc redeundi permissionem, missus est Dñus Palatinus Jablonowski cum Dno Bronisz Marechalco Confœderationis, deducendo rationibus necessitatem reditûs. Contuli etiam cum Episcopo Culmensi præsentis Cracoviensis Nominato, præsertim in eo, quòd Palatinus Kijoviensis (pestifera vis est valere ad nocendum) excurrere velit in Varmiam, pro extorquenda aliqua contributione, quam impediturum se promisit Dñus Ekenblat Commendans Elbingensis.

Heilsbergensis arx mea fortificatur à Suecis me spectante, nec possum oppositionem interponere. De morte Episcopi Samogitiæ Kryszpin scribitur mihi.

Ne Tribunal incipiat sub nomine Stanislai; impedit adversa pars. Audivisti aliqua Gnesnæ attentata à Dlutzewscio Suffraganeo Chelmësi tanquam Administratore Sede vacante Archi-Episcopatûs; doleo valde virum hunc honestum, qui permisit se circumveniri, & credidit sermoni sine ullo vero Authore disperso, cui malignitas initium dedit, incrementum credulitas, quòd scilicet Dñus Szembek jam Archi-Episcop⁹ pleni Juris degradari debeat, & sic fraude mimicorum falsa vulgantium deceptus est, ut dici de eo possit, non multum navigavit, sed multum jactatus; parvum fructum, sed ingens damnum habiturus cum venerit Româ cassatio horum omnium actuum, quam tibi per otium legendam hic jungo; unde totam historiam leges. Ames me, nam ego te diligo.

COPIA LITERARÛ à SANCTISSIMO D. N. P. CLEMENTE XI. nuper datarum ad Serenissimum Principem Fürstemburgium Electoralis Saxoniae Gubernatorem.

Dilecte Fili, Nobilis Vir, salutem & Apostolicam benedictionem. Agnoscimus & adoramus misericordias Dñi DEI nostri, qui nos in multis tribulationibus propter diuturnas Christiani populi calamitates, & assidua pericula, ac detrimenta veræ fidei constitutos recreare voluit spirituali consolatione, per postremas Nobilitatis suæ literas, nobis allatâ. Neque enim illæ quidquam gratius atque jucundius afferre nobis poterant, quàm quod attulerunt, propitiante scilicet DEO, & favente Charissimo in Christo Filio Nostro Augusto Poloniæ Rege Illustri apertam demum fuisse felici sanè lætiorum eventuum auspicio, cum sperare fas sit, quod qui cœpit, ipse perficiet, & orthodoxam veritatem, quasi postliminio illuc reductam amplioribus in dies incrementis augebit. Quâ in re lætari meritò potest Dilectus filius Religiosus vir Carolus Mauritius Vota è Societate JESU, licuisse sibi per
ata-

ætatem optatum votorum suorum fructum, quasi suâ manu, quâ sacris A.C. 1708
palam est operatus colligere. Ipse verò AUGUSTUS Rex non tam
partam nomini suo gloriam, quam quæsitum animæ suæ ingens lucrû,
gratulari sibi perpetuò debebit, non postremam interim laudem tibi
deberi, ultro ac libenter agnoscimus, ex perspecta enim nobis præstan-
tia tuæ pietatis, & zeli, facile conjicimus te operâ ac consilio tuo non
parum huic bono profuisse. Cæterum gaudio nostro cumulus protecto-
rum demum accedet, si quod sæpius exquisivimus, ac semper opta-
mus, id tandem obtinebimus, ut Regis filius Catholicè instituatur, quod
cum Rex ipse tum pro sua in DEum fide ac Religione, tum quia id se
facturum non semel est nobis pollicitus, præstare debeat, tua ut ope
quàm primum perficiat, magnopere cupimus, ex quo nostro desiderio
Rex agnoscere debet, quàm propenso animo in eum simus, qui viam
ipsi revocandi in caput suum cœlestes benedictiones innuimus, & No-
bilitati tuæ in solidum Paternæ nostræ charitatis pignus, Apostolicam
benedictionem peramanter impertimur. Datum Romæ apud Sanctum
Petrum sub Annulo Piscatoris Die 28. Aprilis. Pontificatus Nostri
Anno 8.

Vlysses Josephus Archiepiscopus
Theodosiensis

COPIA LITERARÛ PALATINI BELZENSIS SUPREMI EX-
ercituum Regni Ducis ad Palatinatus pro Comitibus juxta uni-
versale Primatis incidentibus. Leopoli 16

FOrs adhuc dextera Excelsi non properat in ultimam nostram ru-
inam, & in tanta confusione detinet adhuc lethales ictus, cum in-
dulget tempus in hisce congressibus nobis consulendi. Unde ope-
remur salutem Patriæ, dum tempus est. Quid prodest inani lamento af-
flictam deplorare sortem? quid liberam inclinare cervicem, ut jugum
imponatur? Polonæ saltem sit virtutis agere & pati fortia. Univerſa
Reſpub. repræſentat captæ urbis speciem, jam non abdite fundamentis
libertatis ſubjectæ minæ, ſed ariete apertæ ſunt portæ ſervituti. Publica
& privata fortuna in prædam cedit, nec pro libertate & ſubſtantia du-
ctu naturæ aggredimur fortia. Omnes miſerentur, nemo ſuccurrit. Ple-
riq; ex concivibus declinant ictum adverſæ fortunæ, vel extra limites
applicant aurem ad fragores labentis Patriæ, vel domi ante tempus
inanibus nœnijs agonizanti abſolvunt exequias. Vindicanda injuria, &
viva ſumenda reſolutio ad reſpreſſalia. Cum autem vana ſit ſine virib;
ira, ego ex obligatione mea cum apprecatione feliciſſimi ſucceſſus conſili-
orum pro meta colloco intereſſe exercitus, qui ſicut in pace ita præ-
cipuè in bello eſt præſidium. Inanis ſpes in finitimorum ſuppetiis, niſi
domesticus fulciat vigor, & bellicus apparatus. Unde quamvis in Co-
mitibus Lublinenſibus ad præſentem caſum ex contributionibus prævi-
ſa ſint ſubſidia, in omnibus planè Palatinatibus hucusq; oblivioni non
executioni data; Tribunal tamen theſauri tam præteritum Luceoriæ
quàm præſens Leopoli juſ ad effectum deducens, tres tetrantes per
repartitionem deſtinat in ſolutionem exercitus ex contributionibus per
ultima comitia laudatis. Primum tetrantem pro obſequiis Auguſti an-
ni 1698 juxta liquidationem, duos ad computum auctionalem, præteri-
ti & currentis Majalis, ſalva liquidatione eorum in futuro Tribunali.
Pro duobus primis ex declaratione Tribunalis ad congreſſum Domi-
nationum veſtrarum repartitionem, pro tertio jam eſt ſub incude la-
bor,

A.C. 1708 bor, prodibitq; intra paucos dies. Pro quibus nisi satisfiat, quid damni in rem emerget publicam Dominationibus vestris dijudicandum relinquo, sine nervo enim vires bellicæ nec conservari nec augeri possunt maximè peditatus, & tamen in his adhuc quadantenus innititur Respub. cur non aliquid molestiarum pro conservatione universi subeundum? Si enim olim Saguntinæ mulieres propriorum capitum non percerunt crinibus pro nervis & restibus ad tormenta bellica; cur capitalis contributio laudata nobis videatur impracticabilis, cum interea quivis rapiat sine resistentia. Cur contributio ultimæ consumentia videatur difficilis, cum animosi olim cujusdam fortalitii Hispanici Præsidarii in defectu plumbi propriis dentibus contra hostes bombardas onerarunt. Latius has reflexiones non prosequor, in talibus enim circumstantiis ferro res eget & auro, non diffusis verbis, solummodo efficaci respectui Dominationum vestrarum iteratò comendo indispensabilem necessitatem augendi vires militares per solutionem nominati triplicis tetrantis.

COPIA EPISTOLÆ CLEMENTIS XI. AD CÆSAREM.

HActenus lenitatis & patientia dedimus grande documentum, cum à te Cesare sæpe laceßiti, ac tuis armis etiam vulnerasti, non modò nos ultionis cupiditas non excitavit, sed culpam patienter dissimulavimas, ne graviter descenderemus ad pœnam. Egimus semper erga te, ceterosq; Principes veluti bonus Pater suos erga Filios, qui singulos cum amantissimè diligit, non patitur in illis quenquam amoris sui principem locum occupare. Oblivisci non potes, cum Imperij regimen suscepisti, quantum tibi ceterisque Germaniæ Ordinibus luculenter fa verimus. Dolebamus te primum Regnis imperare, cum inter te Galliarumq; Regem vehementissimum bellum arderet, diu multumq; studuimus tranquillitati tue, ac tale dissidii authoritate non solùm nostrâ, sed precibus etiam componere meditati sumus. Verùm adeo altè vulnus erat impressum, ut in dies recrudesceret magis, ac magis cujusq; manum respiceret. Verumtamen etsi pacem tuam habere non licuit, studia pacis nunquam amisimus. Curavimus ideo semper Paternam quandam indifferentiam, ut ad id magis idonei essemus, ac consensionem armorum, quæ nobis offerebatur, ut exteris legionibus Italiam destrueret, constanter rejecimus, ne locus esset suspitioni. Accepimus milites tuos, & detrimentum, quod ab ijs Domini Nostri pars melior accepit pene negleximus, nec ad aures tuas jussimus querelas nostras deferri. Neapolitana expeditio à nobis initium habuit, & incrementum, ac quod neq; vi & armis consequi potuisses, ultro concessimus, ut commodis tuis, ac progressibus favere nos magis, quàm nostræ felicitati videremur. Cum verò lenitas hæc tanta te non modò in debito in Ecclesiæ obsequio non confirmaverit, sed illi injurias & damna inferendi consilium dedisse videatur, nos quoq; amissâ lenitate, & patientiâ severissimè nostrum munus implebimus. Opinamur te (conscientia tua per se tibi denuntiet) censuris irretitum teneri, cum Domini partem non

non ita exiguum hostiliter depraedatus esses & pensiones ac beneficia, quæ Ministris Ecclesiæ conferebantur tibi vindicaveris extorsione violentâ. Accedit etiam (sic enim accepimus ex literis tuorum) ut causam Christi Domini, ejusq; degentis in terris Vicarij, tu ipse velis judicare. Desiste Fili, & ad reverentiam Ecclesiæ animum tuum revoca. Obliviscemur nos injuriarum, ac te tanquam primogenitum filium diligemus, sed si perstabis in tanta intemperantia consilij, abjiciemus Patris clementiam, & in te tanquam in rebellem filium excommunicatione, & armis si opus fuerit animadvertemus, neq; verò si consistant adversus nos castra, timebimus, Christi Domini ejusq; causam Ecclesiæ defendemus. Christus ipse vires dabit, ut vincamus. Teq; nisi pudet Ecclesiæ oppugnare, & DEUM ipsum ab illa avita pietate, ac præcipue Patris tui Leopoldi, & Sanctissimæ Sedi addisctissimi declinare scias. Idem ipse DEUS qui Regna confert, Regna disperdet.

RESPONSUM PALATINI BELZENSIS EXERCITÛUM DUCIS ad universale Palatini Kijoviensis ante conflictum Koniecpolsensem typis editum & publicatum.

UTinam infelix internarum confusionum Reipubl: nostræ Pharsalia, in sola papyro atramento imbiberetur, nec effuso fratrum sanguine, præsentiaequè ac secuturis sæculis allineret ruborem. Quis credidisset ambitionem inter æquales ad hos perventuram gradus, ut furoris sui idolo vitam concivium consecraret in victimas. Scilicet ut Turno contingat Regia, nos animæ viles infletaq; turba sternamur campis. Assistendum erat sub Calissio Regi Sueciæ propter officium clavæ; & pugnandum sociis armis contra fratres hostem persequentes, quod olim facere renuit Sertorius nolens pro sua contra æmulos in eadem Patria conservatione oblatam cum Mitrydate ejusdem Reip. hoste inire colligationem. Ast fuerit sanè sub Calissio prætextus, eò quòd Moschus peteretur, verum sub Skrzyno effusus fratrum sanguis quo pallio obvelabitur, qui ex utraq; parte ad aliquot milliaria sub auspiciis hujus novæ clavæ campos inundavit; aut præceps acceleratio sub Koniecpole, ubi quasi ad augendam sitim sanguinis aliquot miliaribus sine respirio fuit contentus impetus. Et hæc sunt speciosa verba quæ Palatinus Kijoviensis in suo publicat universali, hoc Evangelium, quod prædicat: Pax, & non est pax, promulgat, quòd quietem quærit Patriæ & sanguinis effusione erumpenti igni affundit oleum. Potestne mihi simile quid objicere invidiosissime Censor, insisto juribus novæ electionis, non cedo officio meo, sed bello intestino ignem non adjicio, sustineo Remp. in omni modestia, nec frameam stringo in ruinam civium, sed merè jure naturalis defensionis oppono me ad ictum Reipub. intentatum. Sibi imputet, quisquis mihi arma eripiens se ipsum lædit, ego autem coram DEO & Rep. protestor, quòd non sim reus civilis sanguinis. Jam verò ad fuisse objecta in præfato Universali & exaggerationes, nolo renovare Thuscum jurgium, & per eandem lineam serum trahere. Sæpè jam rescripsi ad id quod putabat convincibile, & sic videor mihi in justitia & rationibus fundari, ne autem Palatinus Kijovien: triumphet, ac si sigillo literis suis impresso in interesse clavæ Ducalis os mihi obsignasset, publicæ luci communico, quod rescripsi.

RES.

A.C. 1708

RESPONSUM PALATINI BELZENSIS EXERCITUUM DUCIS
AD LITERAS PALATINI KJOVIENSIS.Præfatio
clava.

B Onum prognosticum futuræ victoriæ meæ agnosco, cum ab Illmâ D. V. ratione clavæ ducalis citor ad iudicium Reip. literis de data, 1. Aug. Siquidem etiam meum privilegium hujus officii est de eadem data, & sperare convenit, non cessuros dies primos secundo. Declaratio Illmæ Donis Vrä numeroſo Patrum Senatui data, quod velit in ſuſpenſo tenere militares faſces uſq; ad deciſionem Reip. meretur à me gratiarum actionem pro hac æquanimiſſitate erga Patriam. Attamen laudabile hoc exemplum cum ſit in diſpari cauſa, mihi non undequaſq; eſt imitabile. Ego ſelqui trium annorum in hoc miniſterio ſum bonæ fidei poſſeſſor, Illmâ verò Dōnatio à ſemiduobus annis juris quæſiti prætenſens, unde ego in poſſeſſione relinquendus ſum, donec aliter decidaſt poſteſtas legitima, Illmæ verò Dōni Vrä exſpectandum decretum in præfata nova prætenſione, cum violenta invaſio alienæ poſſeſſionis ſevero jure ſit vetita, & in primo termino ferri debeat decretum in favorem primi poſſeſſoris, ut ante omnia reinducatur. Scribit mihi Illmâ Dnatio Vra quod non caduca hæreditate obtinuerit Clavam ducalem, ſed per ceſſionem jurium & diſpoſitionem Seren: Regis AUGUSTI in perſonâ alterius devolutam, & quomodo talis ceſſio abſq; univerſali conſenſu integræ Reipub. facta & ſubſiſtere poteſt? ſiquidem in hoc libero Regno mutua ſunt vincula inter majeſtatem & libertatem, nec poteſt una ſine altera facere divortium, nec poteſt res inter duos acta præjudicare tertio ac pluribus aliis. Unde ſi Illuſtriſſima Dominatio jus habet ad clavam, non aliunde illud obtinuit, niſi per caducum, aſt morbum qui corpus Reipub. tam graviter affecit, ut in hoc diſſenſionum & æmulationum paroxiſmo nequeat ſe in ſui tutelam erigere. Neſcio cur in hiſtoriis quærenda ſint exempla hujus facilitatis, cum omnia acta plena ſint, quod ab indebitis prætenſionibus liberi ſiant reſeſſus. Quod concernit iudicium Reipub. inter nos, non excipio forum & agnoſco ſupremam in me auctoritatem Reip. dummodo unanimis, integræ, & non illius, quam Illmâ D. V. ad hoc negotium eligit iudicem. Regem Sueciæ acceptare nequeo, nec ejusmodi iudicium compoſitum, nam apparet quod hanc prætenſionem velit finire ferro, ubi merè meſſura juris viſ eſſet. Et quod ſi hunc Colligatum licet tantum in Patronum habere, mihi quoq; petenda eſſet additio Patroni Czari Moſchovitici. Non efferatur, quod Perſonalibus meritis apud hunc Monarcham obtinuerit reſpectum, nec ego confundi deſeo, quod idem ſine cauſa mihi ſit offeſſus, imò ſi gloriari licet, me dignum Cæſaris irâ. Perſonalia merita an cuiuſpiam ſunt tanti ponderis apud Regem Sueciæ ex œconomia Reipub. noſtræ, niſi ex illis vacantibus officiis, quæ habet in regno Sueciæ vel in exercitu ſuo; Nobis autem Polonis non niſi à Regibus Poloniæ diſtributionem præſtolari expedit. Proinde nec exemplo Illmæ Dōnis V. convinci deſeo, ex ratione præmiſſa, ut ex poſſeſſione clavæ cedam ante deciſionem Reip. nec in iudicem aut Patronum Regem Sueciæ aſſenſum præbere poſſum, & cum exhortatur Illmâ D. V. exemplo ſuæ benignitatis, ut Polonus imiter Polonum, & cauſam hanc committam iudicio Poloniæ communis noſtræ Matris, infero ut nullum quærat iudicem aut Patronum præter ſubſellium Reip. prout me facturum appromitto. Hinc non video, cur hæc exclamatio formaretur; Quid potui facere & non feci. Nam non potuit plus facere pro Patria, quam ſi non

con-

concurrisset pro eo quod manibus meis jam erat traditum, & facile poterat consequentias inferre, hanc declarationem meam non posse fieri sine confusione, potest etiamnum modò plus præstare in publicum, si habens litem cum concive non adhibeat exoticâ potentiam ad ejus eversionem, sed contentetur judicato Reipublicæ. Perpendat me non in eadem navi, quæ lacrymis inopum vel sanguini Poloniæ innatat, navigare pro hoc aureo vellere. Obtinui clavam sine cujuscumque injuria, quia ex gradu liberæ post fata antecessoris mei, de manu ejus, quem tunc major pars Reip. & ego cum illa pro Regnante agnovimus legitimo. Nec igitur lacrymæ & sanguis Poloniæ super me, quod juri meo primitivo insistam, nec dilaceratæ jurium & libertatis nostræ integritates imputandæ, non enim divisi unitatem publicam, concurrente pro alieno officio, honore & fortuna. Denique persuadet mihi Ill^ma Dominatio Vra planè acsi populari materia publico me vellet exponere odio, ut exercitum in gloriam Poloniæ & defensionem limitum deducam in finitimam Monarchiam, quò jam prævenierunt Colligati. Quæro, proculne abierunt? fors non procul distant Mohiloviâ, tumulos sibi quarunt, & qui hócce jam tempore volebant in Metropoli Moschoviæ dare jura Septemtrioni, fors ipsi ea inde acceptare debebunt. Præterea, cujus auspiciis & auctoritate Exercitus Reip. cogendus in offensivum bellum? utique Comitia Lublinsia, quorum Ill^ma Dominatio Vra pars magna fuit, autionem fecit exercitus, non contra Moschum sed pro defensione contra invasorem, imò ipsæ primipilæ cohortes Ill^mæ Domⁿis Vrae ex Sendomiriensi equitatu in quem tunc acurrunt frameas nisi in Suecos? Non illud ducibus bellum justum & licitum quod videtur facile & proficuum in aliqua colligatione, sed illud, quod Senatus populusque jubet cum unanimi consensu. Aperui itaque mentem meam Ill^mæ Domⁿis Vrae quod paratus sim fasces meos submittere judicio supremæ auctoritatis totius Reip. Sed ante ejus decisionem, ex possessione detruendus non sum. Iudicem hujus causæ Regem Sueciæ agnoscere nolo, nullam enim in me habet jurisdictionem. In bellum contra Czarum Moschoviticum consentire nequeo, nam Comitia ultima Lublinsia elegerunt sibi eum in Colligatum, & non in hostem, nec potestatis meæ est dispensare in legibus, maxime tantæ consequentiæ. Cum Ill^ma Domⁿe Vra opto mihi sinceram amicitiam, & paratus more antiquorum Polonorum in eodem curru discedere ad judicium, ne interea propter hanc collisionem repulsam pariatur pacificatio Patriæ. Cum hac relatione permaneo semper &c.

RELATIO CONFLICTUS KONIECPOLSCENSIS.

SUB Skrzywno in absentia Palatini Kijoviensis, fortuna Generali Smigielski in dispersione divisionis Exercitus Kwarcianorum sub directione Generalis Rybinski, paulò antè favens, occasio fuit, quòd sub adventum Palatini Kijoviensis Laskum ante festum Omnium Sanctorum hisce mediis sibi accesserint. Undè formatò Lasci consiliò, an ob metum traducti Baranoviâ exercitus Kwarcianorum cum Generali Rybinski ante sylvam subsistentis, nam tunc Kwarciani excursionibus multos milites Palatini Kijoviensis abducebant, an propter aliquod stratagemata, ultra Leczyciam Palatinus Kijoviensis cum exercitu recessit, vadis loci illius per excubias bene munitis. Tandem 17. Novembris Sabato nullo ex nobilitate aut plebe Palatinatus Lenciciensis cis vadum trans-

A.C. 1708 transmissio, ne ulla ad Kwarcianos veniret notitia de hoc motu, Palatinus Kijoviensis cum exercitu die & nocte vadum quoddam trajecit. Pergebat exercitus maximè Polonicus dimissis vexillis, idq; ne agnosceretur exercitus, citis passibus. Szczyreovia Decem milliaribus Koniecpoli intellexit Pal. Kijoviensis à captivo Kwarcianorum, Rybinscium cum Exercitu post Koniecpolim subsistere, nec inde moturum. Unus tamen captivorum evasit ad Kwarcianos referens plurimas copias appropinquare, Szczyreovia die Lunæ sub mediam noctem movisse Palatinum Kijoviensem, cujus exercitum Kazycis ob incensa horrea cum omnibus frumentis, lamenta & gemitus populi comitabantur, sed id factum ex inanimadvertentia discolorum militum. Festo purificationi B. M. V. Iacro substitit in pago sesqui milliari Koniecpoli, quo captivus ab Exercitu Kwarcianorum adductus, retulit hunc exercitum sub Koniecpoli in acie stare. Audito missæ sacrificio lento passu gradiebatur Palat. Kijoviensis cum exercitu, pluviae continuæ usque ad meridiem accelerationem impediabant. Non procul Koniecpoli in ipso planè meridie sub monte ad formandum consilium substitit. Interea alacriores ex utraq; parte per velitationes præludebant. Arridet serenius cælum, Pergit Palat. Kijoviensis habito consilio. Dexteram & lævam Exercitus Polonicus, corpus formabat exterius non procul ab exercitu Kwarcianorum, qui ob planiciem & propinquitatem conspici poterat dum fere tantum decem stadiis abesset, Legatos quatuor ab exercitu Kwarcianorum cum Tubicine, inter quos Siemianowski Castellanus Wielunensis Colonellus, cui totum negotium Legationis commissum erat, habuit obvios. Qui Siemianowski arte & marte clarus condignè officio legationis functus, attamen tædium longo etsi eloquenti sermone suo Palatino Kijoviensi creavit, unde ab eodem stimulatus, ne ceremoniis tempus extraheret, brevibus seriem legationis suæ, idq; ob temporis angustias, die jam in vespertum inclinante comprehenderet, quod & factum à legatis primò ut Palatinus fide caveat nomine Regis Stanislai, quod Reip. libera sit futura confirmatio Electionis regiae, 2do quod Rex recessurus sit à colligatione cum Rege Sueciæ. Quas propositiones ægre ferens Palat. Kijoviensis clamavit, Dominationes Vrae sunt filij Regni, servi Reip. non Respublica, proinde quod ad universam pertinet Remp. id sub vestram non cadit disputationem. Subintulit Colonellus Poniatowski, qui recenter partibus Regiis accesserat, hi non sunt Legati sed exploratores, cum nullas in authentico instrumento à Principalibus suis adferant propositiones optavitq; sub arrestum accipiendos. Pauci in id consenserunt, & factum est ita. Siemianowski protestatus est id esse contra jura gentium, asserens nunquam se id officium suscepturum fuisse, si hunc dishonorem prævidisset. Dein Colonellum Poniatowski allocutus: Domine Colonelle, quid fiet me arrestato? quis meum in aciem ducet vexillum, cui reposuit Poniatowski, statim recta cum mea cohorte moveo contra vexillum Vrae Dominationis, intimet in qua sit ala, & ego omnem meis inhibebo explosionem, donec receptui canatur. Post hæc signo dato impetu ruunt. Stadio uno ab exercitu Kwarcianorum substitit Palat. Kijoviensis cum toto exercitu, verum à tormentis Kwarcianorum ad certamen vocatus, insultum fecit in eos. Ad primum ejus conspectum statim Kwarcianorum Polonorum utriusq; alæ vexilla terga verterunt. Solus exercitus externus sub directione capitanei Wielunensis restitit toti exercitui Palatini Kijoviensis. In hoc prælio ob trajectum equum Capitaneus Wielunensis in partes cessit Pala-

Palatini Kijoviensis, obit And. Olszowski munus Legationis à Palat. Kijoviensi ad D. Sosnowski ut se cum toto subderet peditatu. Interea Colonell⁹ Szaszewski ex exercitu Kwarcianorum erupit, & milites Palatini Kijovien. in dispersionem egit. Evasit Capitaneus Wielunensis ad suos. Tandem Kwarciani congregati, exercitū de novo in succursum Externis per Palat. Kijoviensem adductum, fatis sic volentibus, dispergunt, eumq; insequendo tam in campo quam in sylva cædunt.

COPIA BREVIS APOSTOLICI AD IMPERATOREM.

CLEMENS PAPA XI.

Charissime in Christo Fili Noster salutem &c. Vix simile verò videretur, copias illas, quæ stipendia faciunt sub vexillis M^{ti}s Tuae in Italia, post tot, ac tantas molestias, & gravissima damna, frequenti earum transitu per Ditionem Ecclesiasticam populo Nostro illata derepentè, nullâ factâ belli indictione, intentâsse hostile aliquid adversus easdem Ditiones; nisi actu, req; ipsâ ex his, quæ ad Nos nuper allata sunt, nimium compertum esset, id planè evenisse, easdem copias, loca quadam Jurisdictionis Nostra paulò antè occupâsse, ibiq; constituto presidio, luisq; signis explicatis tanquam in terris justo bello acquisitis inledisse animo, ut apparet majora aggrediendi, ubi novis militiis quæ mox affutura dicuntur, augeantur. Vides Casar hac contra omnem equitatem ac rationem, contra debitam Nobis & Apostolica Sedi reverentiam, contra fura, ac rationes Ecclesie per abusum Tui nominis admissa, Divinis, humanisq; legibus repugnare, recloq; opponi titulo Defensoris Ecclesie, quo maxime gloriati sunt Imperatores, inclyti Majores tui. Non ignoras, quàm graviter, & districte Sacri Canones, & Apostolica Constitutiones decernant adversus eos, qui vim rebus, & Juribus Ecclesie inferunt. Expende itaq; quousq; te abripuerint (si modò id te jubente, & conscio admissum est, quod nefas esse videtur de Tuo animo existimare) prava & iniqua eorum consilia, qui te ad prouocandam tam graviter, & tam manifestè DEI iram impulerunt, & pedem sine ulla mora inde refer, unde certa anima Tua perniciēs, ne dum perpetua Tuo nomini labe consecutura est. Interim verò de Nobis sic existima, Nos de Divina ope, quàm humiliter, & enixè implorare non cessabimus, confisos eâ animi firmitate hanc causam & ea omnia, quæ tutela nostræ commissa sunt, complexuros esse, ut nemo unquam nobis succensere possit; Nos muneris nostri partibus defuisse, aut medijs siue spiritualibus, siue temporalibus pepercisse, etiamsi cujuscunq; rei jacturâ & vite nostræ dispendio faciendum sit, non enim animam nostram pretiosiores facimus quàm nos, dummodo consummemus cursum nostrum, commissumq; Nobis calitus Ministerium usq; ad mortem fideliter impleamus. Memores siquidem sumus, quemadmodum etiam Te esse oportet, omnes homines, quâcunq; demùm dignitate prestantes, constituendos esse aliquando ante tremendum illud Tribunal, coram quo tum qui fecerint opus suū

- A.C. 1708 *negligenter, tum qui traditâ sibi potestate abusi fuerint justî Judicij iram non evadent, declinantes enim in obligationes adducet Dominus cum operantibus iniquitatem. Hac cogitatio Nos DEO adjuvante impigros in obeundo munere Nostro efficiet. Consulat & sibi Mtas Sua. Noli Charissime Fili Nosler (nomine Domini JESU Christi, cujus vices indignè gerimus postremò alloquimur) noli primitias florentis ætatis Tuae totius Christiani populi scandalo maculare, & ab Ecclesia, quæ Christi sponsa est, Apostolorumq; ejus injuria Imperij Tui primordia auspicari. Quod quidem ut planè intelligas, & meliora DEO favente sapias Mti Tuae Apostolicam benedictionem amantissimè impertimur. Dat: Roma 2. Janij.*

UNIVERSALES AD PALATINATUS RUSSIÆ PRO GENERALI conventu à Stanislao Rege emanatæ.

Universis & singulis &c. Inter Classica Gradivi, & sonoros armorum strepitus, Castrenses sudores, vigiliæ, ac plus quàm Herculeos labores, & graves cæli, instabilisq; æris injurias, dum hyberna æstivis, æstiva hybernis commutamus, dum sub Jove rigido bellicosam Martis indolem accendit ardor, in hoc ipso æstu, & prosecutione belli, nec publicas & civiles remittimus curas, nec manu cessamus, nec consilio, ut Respub: tot turbis, & tumultibus erepta, & ab infesta Gentium colluvie liberata, purgataq; quàm primum partâ, domi, forisq; pace Juri suo antiquo, decori, & nitori, liberrimoq; Statui reddi, tum sua legibus reverentia, sua Judiciis autoritas, suos consiliis publicis vigor redire, nec non dissociata membra in unam eandemq; compagem, & interni motus in mutuam concordiam, & suavem harmoniam coalescere queant. Porrò, cum ad optatam hanc è votis nostris Reunionem, restabiliendamq; animorum & consiliorum combinationem Provincia Prussiæ seriò concurrat, & prout semper intemeratâ erga Reges fide, celebri in publicum amore, & optimo ab intra ordine juxta vetera Majorum suorum instituta, & specialia Jura claruit, ita nunc publico exemplo præire aliis satagat, eoq; nomine tam per Delegatos suos ex nupero Suecensi Congressu, quàm subsequenter per DD. Senatores pro obtinenda expeditione Generalis Conventus cum solitis solennitatibus, & praxi usitata flagrantissimè institerit. Nobisq; exponi fecerit, qualiter juxta fundamentales leges suas, & indissolubile cum Civitatibus vinculum ab ipso olim spontaneo accessu ad corpus Reipub. sinè simultaneo earundem interventu, & unanimi consultatione, nulla retroactis temporibus publica consilia inibidem expediri consueverint, omnisq; novitas, & dismembratio uti nociva, & præjudiciosa diligentissimè præcauta fuerit. Nos itaq; non modò hæc desideria, & optimas intentiones grato animo accipimus, & Jura, Prærogativas, nec non quasvis immunitates, ac consuetudines Statuum, & Ordinum Terrarum Prussiæ omni favore, & protectione Nostrâ Regiâ complectimur, sed insuper singularis gratiæ Nostræ evidens daturi documentum, tam pro effectuada desiderata animorum & consiliorum conjunctione, quàm redintegrandâ primæva symetria Statûs, priscaq; forma restauranda ad instar priorum temporum, nec non restituendo ab intra bono ordine præcipuè justitiæ sanctæ cultu reducendo extraordinarium Generalem Conventum ex suo alter-

alternò recurſu... indicentem pro die.. Menſis.. Anni præſentis Sinceritatibus & Fidelitatibus VV. deſignandum haud gravatim reſolvimus, & jam ex nunc præmiſſis de more conſueto particularibus Conventibus damus, deſignamus, & declaramus, non derogando in quopiam Generali Conſœderationi in pleno vigore ſuo, & robore ad futura DEo dante Comitia Pacificationis conſervatæ; obnixè autem requirimus, Sinceritates & Fidelitates VV. ut pro eodem Generali Conventu per Nuntios ſuos tempeſtivè convenient, & Jurium ſuorum integritati, propriæq; combinationi, tum commodis, ac indemnitati, quàm efficaciſſimè ſtudeant, conceſſaq; hac gratiâ Noſtrâ taliter utantur, qualiter & vota Noſtra, & deſideria eorum optimo coronentur eventu. In reliquo DEum pacis, & concordiæ Authorem precamur, ut leni aurâ ſpiritum veri conſilij, charitatis, & mutuæ confidentiæ inſpiret, cunctaq; ad hunc finem cœlitus diſponat. &c.

ALEXANDRO SALLAROLI Brunsbergâ 16 Junij

NON mireris, quòd per totum Quadrageſimæ tempus nihil ſcripſerim. Occupationes enim Diœceſanæ ſcribere non permiferunt, quibus hætenus propter impedimenta à Suecis, vacare non licuit reduci ex tam longo exilio, Brunsbergam veni; jam enim magis amo ſolitudines, quàm congregationes hominum, & cum non ita de meo periculo ſollicitus ſum, ſicut de ſalute meorum ſubditorum cogito, invitavi ex condicito Dñum Cōmendantem Elbingen. Baronem Echenblat, qui omni humanitate exceptus, donis etiam ipſe, uxor, filiæque pro poſſe honorati, cum nemo ignorat teſtimonium, quod à rebus trahitur, certius eſſe quàm verborum. Ut ergo reliquiæ Iſraelis ſalvæ fierent, neceſſè erat redemptione tam præſervativâ, quàm curativâ affectum ejus realiter devincire, quod, dum factum, poſt duos dies abiêrunt, & libertatem manendi in Diœceſi permiſſam habui. Et hic modus in futurum ſerviet mihi.

Non deſunt hic plurimæ occupationes; inter aliàs ordinandi erant plurimi Sacerdotes neceſſarii ad curam animarum; quanquam iſdem ſuccurrendum erit, cum omnia bona ſint deſolata. Reviſitare etiam debui D. Cōmendantem Elbingenſem, ut humanitate, & civilitate ulterius eundem devincirem, mihiq; favorem, & libertatem faciendi, quæ officii mei ſunt in Varmia, procurarem; breviter ille orare docet, & in aliqua parte citò vult poſtulata præſtare; externus generatione, ſed poſſeſſione domeſticus ſeu Dnus abſolutus. Tranſiit id tempus, ubi nemo auſus eſt dubitare, quin ex alienis ſpicis excuſſum frumentum ejus ſit, cujus & ſpicæ fuerunt. Optimè ab eo exceptus cum Canonicis meis. Venerat ſub id tempus Elbingam etiam Dñus Palatinus Culmenſis, cum quo multa contuli, collatum fuiſſe Episcopatum Cracoviensẽ à Stanislao Dno Theodoro Potocki Episcopo Culmenſi audivi, & jam titulum Principis admittere ſcivi, quanquam aliundè ſim informatus, quòd Dnus Caſimirus Lubinski Chelmenſis Episcopus præſentationem à Rege AUGUSTO habuerit. Tres jam ergo Nominatos Cracovien. habemus. Ego credo Lubinſcium victurum.

Vidi etiam declarationem à Rege Stanislao, in qua promittit omnibus, quòd officia, & dignitates à Rege Augusto collatæ penes antiquos poſſeſſores relinquentur. Solum tantum ſigillum Regni Majus cui Palatinus Ruſſiæ inhiat, reſtringitur, patientia!

A.C.1708

Nos hic opus arte Syllogisticâ eliciendæ ex præmissis conclusioni, quomodo me, & quo loco habeant; sed iusta erit defensio, cum opprimitur innocentia. Silentio transmitti nequit tanta oppressio, ipsa inanima pressa clamant & queruntur. Nec laurus sine strepitu ardet, nec vir bonus injuriosè secum agi sine clamore patitur; Ita Dnus Palatinus oppressione vincere vult, quem rationibus superare non poterat, & ad Aulam præsentem religiosa sunt vitia, atq; non modò non vitantur, verùm etiam coluntur.

Venerat etiam ex Litvania notitia, quòd jam DD. Sapiehæ non tantùm inquisitionem, sed etiam executionem super eos, qui causâ mortis erant Stabuli Præfecti Litvaniæ sub Olkiniki, & quòd iterùm sævire incipiant, timeo, ne, ut antea, excedant, & affectus nobilitatis perdant. Interim Rex Sueciæ non permittit ullatenus Stanislao publicum cum alia parte tractatum, sed tantùm, ut admittantur, quicumq; ad illos venient. Non dico tibi plura, quid enim dicerem? Oravimus, devoti fuimus, & dies sacros in timore DEI peregrimus; absoluto mediâ nocte ordinario die Paschatis matutino; pro solemni Missa ad Cathedram Fraumburgensem ivi, ubi me etiam Dnus Commendans Elbingensis invisit. Quo vesperi etiam literas ex Litvania habui, ubi reddi sigillum Regni Palatino Russiæ debuit, qui valet non tam impetrare, quàm extorquere; & idcirco, quod facere cogitavit, & perficere hætenus non aulus, ea aggreditur. quasi difficilè iustitia sine timore custodiatur. Fuerunt tamen qui se opposuerunt, & Culmensis, Kijoviensisq; Episcopi, quanquam magis Palatino Russiæ, quàm mihi amici, negotio huic favorabiles non fuerunt. Ita DEus honori meo defensionem dedit. Nunquam, dicit Origenes invenimus Dnum tantum laudasse Moysen, quàm, cum ei detrahitur. Prætextus autem erat, quòd Rex in Moschoviam cum Rege Sueciæ procedens egebat sigillo in casum tractatus alicujus cum Moschis; sed, cum præsens Pro-Cancellarius Litvaniæ esset, allegatum est Sigillo Litvaniæ omnes Moschoviticæ sigillari expeditiones. Et proinde illud consilium cum ingenti angore Stanislai, & summa confusione Palatini Russiæ evanuit, qui est author hujus imperfecti operis. Ita nempe omnes cultores talium Deorum magis intuentur, quid Jupiter fecerit, quàm quid docuerit Plato, vel censuerit Cato.

Post absoluta omnia, quæ tanquam Episcopus agere debui, excurro hodie pro negotiis itidem Ecclesiæ Regiomontum, unde, dum rediêro, & tibi nuntianda aliqua habuero, scribam, teque, ut semel cœpi, semper amabo.

CXXIV.

ANDREAS C. Z. &c. ALEXANDRO JOSEPHO ZALUSKI PALATINO RAVENSI FRATRI SUO. Guttstadij 13. Julij.

Certum est, quod scribis, fuisse aliquem conflictum in Litvania inter Moschos, & Suecos cum jactura notabili ultimorum; de numero tamen non constat.

Habui etiam gratissimum hospitem D. Episcopum Luceoriensem, cum quo excurri ad S. Tiliam, ubi die Ascensionis inveni Episcopum Vilnensem cum Principe Czartoryscio Litvaniæ Thesaurario, ubi aliquot dies in lætitia, quanta nunc esse potest, absolvimus. Et cum Dno Episcopo Luceorien: iterum Heilsbergâ redivimus, qui 22 abiit Regiomontum, & inde in Poloniam, & Dnus Palatinus Czerniechovien. cum valde infirma Dna Palatina 24 Guttstadij comparuit, ubi illis occurri, & jam

jam hic residentiam figere placuit.

Ex Litvania scribitur (ita per scopulos ducimur ad littus) Domino Sapieha Bobroiscensi Gubernatori post resignationem Casimiri Sapiehae Palatini Vilnensis, qui non tanquam contempsisset omnia, sed tanquam aliis habenda permittat, Supremum Exercitus Litvanici Regimen in praedictum Principis Wisniovieci datum fuisse, praevia Alexandri Sapiehae Mareschalchatûs Lit. in manus Regis Stanislai resignatione; recordor nunc ex hac occasione; respice mundum, nudos videbis DEos, omnia dantes, nihil habentes; si vis vacare animo, aut pauper sis, oportet, aut pauperi similis. Unde Mareschalcus plenus irae dixit Palatino Russiae, cujus omnis inclinatio in colores novos transit: Ego quidem non ero Mareschalcus, sed nec tu Cancellarius, galeatum serò duelli poenitebat, speciosa, & magna contravidentibus, cum ad pondus revocanda sunt, fallunt.

Mareschallarus verò minor M. D. Lit. cessit Equiti Meliteni Pac. Palatina Vilnensis de domo Galszewska primi voti Josephi Słuska Castellani Vilnensis Campi-Ductoris Litvaniae uxor, postea secundo voto nuper Palatino Vilnensi nupta, ex itinere, quod pro domo Sapiehana fecerat ad aulas Regum Sueciae, & Stanislai rediit Vilnam, & 7mâ Junij ibidem mortua ex asse bonorum suorum haeredem reliquit maritum, omiſſis sanguine proximioribus. Digna hæc matrona longiore fuit vitâ, nisi solidam ejus devotionem citius in Regno suo DEUS coronare voluisset. Durissima alapa (dixit ille) quam Reipub. infligere solet DEUS, ea est, cum illi adimit probos.

Mors Palatinae Vilnensis.

Cum redirem Regiomonto, quò excurreram (admoverunt oculis distantia sydera nostris) ex improvise in via deprehendi redeuntem ex Litvania Regem STANISLAUM, & usq; Wormdittum reduxi, ubi sumptâ cenâ properavit per Elbingam Mariæburgum, nullatenus morari volens, quem etiam meis equis usq; Elbingam remisi; vis scire, utrum mutatus est? accipe, nunquam ipse, semper alius, etsi semper ipse, quando alius toties mutandus, quoties movendus; fieri tamen potest ut, qui hodie sunt zizania, cras fiant frumentum. Cujus dum tenerimis literis Mariæburgum vocarer, ut adſim, & veniam, vult utilitas non aliud postulat, timens, ne Sueci contra me ex instinctu ejus sæviant, non tam libenter, quàm reverenter ad hoc iter me præparo. Unde plura &c.

COPIA LITERARUM AD ILLUSTRISSIMUM D. NUNTIIUM à COLLEGIO EPISCOPORUM Scriptarum Mariæburgi
17 Julij.

Vidimus Dñum, & jam reducem inviscera Regni veneramur beati, quòd talem habeamus, beatiore quòd meruerimus. Spem enim conceptæ felicitatis vel ex eo arripimus, quòd omnes subditos, etiamſi ſufficientes vires contra eos, qui volunt ſibi mala, non deſint, Paterno potiùs, quàm ferro in votis habeat ſtringere amplexu. Ad quod ut ſacer Senatus vel maximè contribuât, non minùs poſtulat, quàm exigit, obligatq; tanquam intermediij noſtri Ordinis officium, quod gerimus, ut nempe in id certatim incumbamus, in quo bonum verum, ac ſolidum Religionis Sanctæ conſiſtit, neque cunctationi eſt locus in eo conſilio, quod non poteſt laudari niſi peractum. Convenire proinde unanimiter, ſinus pectorum noſtrorum aperire, Illuſtriſſimam Excell. Vram tanquam capitis noſtri digniſſimum Miniſtrum con-

A.C.1708 fidenter compellare, eiq; ante oculos rem hanc non injustam ponere visum est. Jacturam Religionis ex his continuatis motibus, & publica ruina, pericula characteri nostro imminet, & proxima ille non videt, qui se contra manifestam obdurat veritatem. Ad capita infortuniorum nostrorum non descendimus, quia palam sunt, & collatione præteritorum quisque divinare facile potest ventura, ex quibus non nisi per ipsas difficultates exeundum erit. Non aliunde itaq; finis malorum sperari potest, nisi à Paterno Sanctitatis suæ in devotam S. Sedi semper gentem nostram affectu, cujus humillimis nostris precibus in præsens sensum in futurum movere desideramus providentiam, atque amplius non tardet, ut pro autoritate & potestate confirmet dubios, convertat ad Dominum devios, reducat errantes ab inaudita hac ad libertatē via, cessare faciat de die in diem majores gementis populi afflictiones, supplices de genu petimus. Modus autem, ut aspera hæc in vias redeant planas, non est alius, nisi ut se Illmæ Excell. Vra viciniorem nobis reddere, & tandem post mutuam, eamq; confidentialem inter nos conferentiam, per interpositionem autoritatis Apostolicæ miseris finem imponere, requiem fessis præbere velit. Ita hic præsentēs omnes, & qui sunt corpore absentes, sentimus, quia aliter sentire non possumus, & si efficaciter perficere id dignabitur, certa esse debet, quod, quantum in nos emolumenti, tantum in personam suam gloriæ demanabit, & nobilitati generis addet splendorem virtutis, & meritorum. Hæc ex sensu aliorum etiam confratrum nostrorum, & pro vero in Religionem, & libertatem, quæ credimus indivisibilia, zelo cum veneratione proponimus illud addentes; quod idipsum intelligere nos oportet, ac scribere, quod omnino non sit tuta mora. Quidquid Ssmus Dñus Noster pro grege suo per operam, & curam Illmæ Excell. Vrae hic egerit, DEUS Opt. Max. certè rependet, quem precabimur continuo, ut Sanctitati suæ, & per se generi humano prospera omnia, id est digna sæculo suo contingant; manus interim Excell. Vrae reverenter exolulamur.

CXXV.

ALEXANDRO JOSEPHO ZALUSKI ANDREAS C. Z. &c.

30 Augusti Guttstadiō.

INvitatū me scivisti Mariæburgum, ubi optimè exceptus. Quærebantur media (impatienti desiderio nihil citò festinatur) satisfactionis meæ, sed frustra velociter currit, qui priusquam ad metam venerit, deficit, cum illa cum præjudicio honoris mei fieri deberet, libentius (non jactantiâ, sed fiduciâ) pati, quàm in Tractatum intrare volui, non uno sternar ictu; nam, quamvis me spes tota, nondum tamen cura deseruit; Si volunt esse templum veritatis, frangant idola falsitatis; Verecundantur mihi in aperto dicere, quod utinam in aperto timeant facere! Princeps Radivilius Litvaniæ Cancellarius etiam in Aula comparuit, à quo, quid verbis opus est, cum rerum nullus sequatur effectus (ut confidenter tibi dicam) modicam, aut nullam habui consolationem, D. Bonak Ablegatus Galliæ audientiam nuper habuit, recognoscendo Stanislaum nomine sui Principalis pro Rege; dando etiam titulum Matri; Celsitudo Regia.

De intentionibus renovandi vota Matrimonialia Regis Prussiæ jã constans fama tulit.

Visum mihi fuit absolvere Comitia Prussiæ, in quibus tandem post aliquas contradictiones præstitimus juramenta solita; Episcopus & Palatinus

latinus Culmensis, Mariæburgen. & Pomeraniæ itidem Palatinus, & duo A.C. 1708
Succamerarii. Elbingenses etiam aliquam difficultatem habuerunt, cum
eos noluissent admittere; sed post admissi.

Tandem duodecim dies Comitiiis Prussicis impendimus, illaq; ta-
liter, qualiter finivimus, datâ aliquâ spe Nobilitati diminuendarum Cō-
tributionum; sed ego non credo absolutè id posse fieri.

Intra hoc tempus factæ sunt nuptiæ D. Jacobo Potocki Fratri Ger-
mano nominati Cracoviensis, cum Catharina Bielinska Supremi Mare-
schalci Regni Filia cum omnibus, quæ fieri poterant, solennitatibus.

Et ego etiam, cum, quidquid habeam in mente, id etiam fero in
opere, quanquam sapius, dum studeo fugere, curro in flammam, quā-
quam retinere me omninò volebat Aula, Gedanum abivi, nemini vale
dicto, in memoriam mihi revocando verba Batilij: Unus Aulæ scopus
est ubiq; quæ sua sunt, quærere, & pro amico habere, si quis desideri-
is ipsius cooperetur, hostem verò dicere; si quis ipsius desideriis resi-
stat. Gedani voluimus omnino reconciliare Palatino Siradiæ Principē
Sanguszko, qui malo magis exemplo, quàm concessio jure bona ejus pos-
sident, sed non erat modus ad concludendum, imò nodus, & propterea
ego etiam redij Gutstadium, quò, si veneris gratus hospes eris &c.

COPIA LITERARŪ AD NUNTIIUM APOSTOLICUM à THE- odoro Potocki Episcopo Culmensi nominato Cracoviensi.

Literæ Illmæ & Rdmæ Excellentiae Vestrae id sanè loquuntur, quòd
S. Regia Mtas Dñus N. Clem. agit, atq; pridem cupit, nos omnes
votis, desideriis, curis, imò & continuis ad Superos precibus pro-
movemus; Si enim Sanctissimi Dñi Nostri gratiosior erga Regem no-
strum respectus, ad hæc tantum duo puncta, quæ in literis suis insinu-
are dignatur, Religionis nempe conservandæ, atq; pacis in Patria re-
stabiliendæ extenditur, votum nostrum impletum videtur. Nam de Re-
ligione sacra dicendum aliquid nullatenus occurrere puto, cum pro il-
la Seren: Rex mille mortes oppetere paratus sit, neq; quidquam contra
eamdem admissum quisquam deducere poterit. De sola ergo pace inter-
na restabit agendum, pro qua reducenda salvis Juribus Mtis Regiæ, &
Reip. Sanctitas Sua uti Pater Optimus, & intelligentissimus Excell. Vrae,
cum nullus dubitem, quin dederit paterna remedia non superest mihi
nisi currere in odorem suavitatis mandatorum Sacrorum; jamq; statim
iter insinuatam libens ad Excell. V. arripuissem, si illorum quameuncq;
mentionem in literis suis fecisset, vel saltem si profundissimos de con-
stituendo firmandoq; Rege (ut sonant formalia epistolæ) qui constitu-
tus, & firmatus jam per DEi gratiam adest, non iniecisset scrupulos.
Dignetur itaq; Excell. Vra aliqua salvis Juribus Regiis & Reip. redinte-
grandarum difficultatum media insinuare, idq; ideo ut mox super his
plenas à Rege resolutiones recipere valeam. *2do* Ut hocce negotium sub
expresso, tituloq; Regis non ambiguo, ut hucusq; usurpatum Principa-
lis, aut quod acerbius nunc constituendi, vel firmandi Regis auspicari
cum comparuero, valeat, quam primum ab Excell. V. recepero, cursu po-
starum velocissimo curabo me in conspectum suum reddere, gavisurus
iis momentis, quæ pridem Patriæ meæ voveo, ut benignitate, atq; soli-
citudine Paternâ Ssmi Dñi Nri miseriæ tandem & calamitates externæ
Regni Nostri assopiri quantocius possint; Mansura inde laus æterna
Excell. Vrae celebrabitur, non in Polonia tantum Nostra, sed orbe to-
to,

A. C. 1708 to, ad quam minimâ saltem portione animitus contribuere cupio, in testimonium quod unice desiderem esse. &c. Mariæburgi 10 Septemb.

UNIVERSALE REGIS STANISLAI

OMnibus & singulis quorum scire interest præsertim tamen Reverendissimo in Christo &c. cum oblatione gratiæ nostræ Regiæ significamus. Quartus appropinquat annus, ex quo nutu supremo hæc unica intentio nos ad coronam vocavit hujus inclytæ & à sæculis liberæ Reipub. ut in ea quæ jamjam proxima erat casui, libertas, integritas limitum, fides Sancta Catholico Romana æterna sint. Oppone hic etiam invidiosissime critice, an non hoc fine auspicia Regni nostri mirabiliter Omnipotens DEI manus benedixit & benedicit. Hucusq; alia sæcula liberam reliquerunt Regum electionem, nostrum monstrat jus incontestabile ejusdem liberæ matris, tam eligere bonum quam reprobare malum. Aliorum Regum velox erat saltus ad pompam Mtis; ad potio-rem sui quam universi securitatem, gressus nostros nunc non licet videre, non tantum Mtis sed etiam domus nostræ oportet oblivisci per mille discrimina rerum, antequam Patria mutuâ sibi provideat securitate, non verba hæc sunt, facta committimus examini, ita ut ad finem omnis ardentissimi mali ad effectum multiplicis in publicum commodi, ad obtinendam expetitam tranquillitatem, verbo ad gloriam & ævitertam Poloniæ memoriam hoc tantum desideretur, quod non advertamus, quis nos turbo vehat. Adest exercitus, stipendia numerantur gratis: imò si hoc solum: ruinæ subicit Regnum, si aliquid superest medullæ, exsugit, velut capitalissimus hostis, omnia consumendo & digerendo, nulla militaris disciplinæ umbra, & præterea nec scitur, cui aut quo fructu serviat; si Reip. & in bonum ejus, nonne jam ibi comparandum fuisset, quò vestigia & gressus triumphales Herois per sæcula memorandi Serenissimi Colligati nostri Regis Sueciæ invitant trophæa, panduntur creptæ provinciæ, evocant hæreditaria hujus Patriæ dominia, monstrant mundum in hostico panem, non mixtum lacrymis & sanguine in visceribus. Illuc nos in nomine & auxilio Domini exercituum divisus viribus cum Rege Sueciæ ad agenda fortia vertimus omnes vires & robur tam concrediti Colligati quam Patrii exercitus. Volumus Patriam cum gratia Omnipotentis ab hoste eliberatam, etiam à proprio liberare milite, ut interea aliquantum respiret non tantum ab oneribus belli, sed etiam ab ipsis pensionibus & stativis querendo hoc totum cum spoliis apud hostem. Hæc intenta nostra oprant & ut omnibus Palatinatibus, terris & districtibus non tantum innotescerent, sed etiam ut auxilium & vigorem inde sumant, æquum duximus universalia comitiola indicare, sicut hocce universali nostro pro die iima Septembris currentis anni indicimus, volentes ut omnes Palatinatus, Terræ & districtus in consvetis locis, aut, ubi ob contagionem non licebit, in aliis, in termino nominato conveniant invocato altissimi Lumine, non perfunctoriè, nec ob privata comoda, quæ publicis officere, officientque semper, perpendant, quam umbratiles hætenus illusiones & mera phantasmata trahant miseras & calamitatem hujus Patriæ, violenter impediendo viam ad terminum omnis malæ horæ & exordium diei exoptaret pacis & novæ publicæ fortunæ, velut ingratiè exhibita huic Patriæ beneficia DEI non admittantur. Agendæ fuissent superis gratiæ pro liberatione de fato pereuntis gentis & libertatis, laqueus contritus est & nos eliberati sumus, & ecce novo jugo tra-

tractatûs & juramenti non minus audacter quàm periculosè generosos spiritus Reipub. siverunt illaqueare Moschoviticâ potentiâ, quæ ex imaginatione fatali, & coacta protectione jam potestatis, juris ac stemmatis sui facere præter alias ereptas provincias, ut in impressis habetur authographis (quorum exemplar in nostra asservatur Cancellaria) incepit Volhiniam, Podoliam, Polociam, Vitepscum, Mcislaviam. Expediebat ad felicem cum abrenuntiatione coronæ Serenissimi Regis Augusti adventum nostrum convenire & dare dexteras dexteris contra confusum & statim recedentem inimicum, nullos huic laudabili pacificationi contrarios quærendo actus, uti duabus vicibus universalibus literis nostris ex Saxonia præcavimus omnes, & ecce huius loco quis labor aut cura assumpta? novi candidati ad coronam ambitiosè propositi, interregnum proclamatum, nobis & Serenissimo nostro Colligato extrema hostilitas exhibita. Expediebat honestis & probis (ut se jactant) Prælati Sedem Sanctam informare de veritate rei, brevissimâ viâ, de liberatione Poloniæ ab omni malo politico & spirituali, profiundo omnipotentiam DEI in assumptione nostrâ ad thronum, & ecce hucusq; compactæ ex meris mendaciis figuræ illudunt vicariæ Dei in terris potestati, ac si & fidem amiserimus, & eam invenire nequeamus, qui unico motivo his nos casibus servavimus, & proprio sanguine eidem nos semper subscribemus. Tempus hæc larvas deponendi, sed quo emerget libertatis Poloniæ à Roma nunquam dependentis in electionibus suorum Regum deductum periculum & scandalum, adeo ut hucusq; omnibus spiritualibus expeditionibus suspensis ultralimitanea Nuntii Jurisdictione jura Regni contaminentur, provocentq; extensionem brachii sæcularis, constitutionum Regni de jure patronatûs Regii & Corthesanorum. Aptæ ad decipiendas innocuas mentes proborû filiorum hujus Patriæ erat larva, quod hæc omnia fierent ad eludendum & declinandum furorem Moschoviticum, ubi autem hæc veritas, cum hic imaginarius furor ventis sit expositus, cur fugientem post infinita damna nobiscum non placuit insequi hostem? Placuit alia prætexere vocabula, & ne videretur frænum libertati & nobilitati injectum, placuit illud tegere exotico nomine Cantoni cum expressa ruina & oppressione, in re ipsa retinendo solum aliquot particularium personarû ambitionem, & illusoriam imaginationem, se ipsos decipiendo, quod sola sua voluntate & potentia supremus Dominator facit, per me Reges regnant. Sistere hic & perpendere deberet cujusq; Patriam amantis filii prudentia quis fructus accedat Reip. ex omnibus malitiosè formati actibus, per Poloniam æquæ ac Litvaniam indictis convocationibus, judiciis sublati, exercitu liquidato, unicus dolor, unicum nunquam reparabile damnum, cum etiam recenter magnificavit Dominus magnalia sua, concedendo Regi Sueciæ capitalem victoriam 14 die Julij partim per trajectum fluvium & paludes, partim per occupata castra, acceptaq; tormenta hostiumque prostratis numerosis cadaveribus. O utinam fatalis hæc soli ambitioni & ultralimitaneis excubitoribus famulans id advertisset machina, in vera obligatione & amore erga Patriam, nosq; in Patriam reduces suscepisset, jam auxiliante Altissimo haberent pacem gloriosam, Patriamque ab his calamitatibus liberassent, de quibus meritò querimur, sed eas tollere difficilè, quamdiu regnat tumultus decipiens, provocans & dilatans, & quidquid nos exterminat, nec exterminatur, premit nec relevatur. Facilè advertent Palatinatus & districtus quomodo pessimis his malis obviandum. Nullum agnoscant

A.C. 1708 fiant militem, nec inter deservita, repartitiones numerent, quisquis nobiscum in hosticum non fuerit progressus. Ex omnibus actis Dominio nostro contrariis, si quæ irrepsit macula, per lauda sua tollant & expungant: justitiam in omnibus judiciis, præsertim in tribunalibus Regni reassumendo & instaurando quæ nos hoc universali nostro, uti pridem reassumpta, & instaurata, firma & inviolabilia declaramus, verbo in virtute & vinculis generalis Reip. Confæderationis omnia cavendo, quidquid ulterius Remp. posset perturbare, vel Romæ falsas adhuc facere posset præinformationen, per speciale punctum latino idiomate juxta appositum projectum manifestantes se in laudis suis, & ad nos per extractum authenticum hoc punctum mittentes, ad quod transmittendū Officiales Castrenses obligantur.

NOS Senatores dignitarij Officiales terrestres & castrenses universusq; Ordo Equestris ac tota nobilitas Palatinatus Terræ vel Districtus,

Disturbis in Regno ac pessimis quibusvis interpretationibus ad sanctam Sedem usq; delatis modum ponentes verâ ac solenni, majoresq; nostros decenti fide contestamur, quod post dethronisationem abdicationemq; Serenissimi Regis AUGUSTI abominati omnes qualescunq; & quorumcunq; turbas Serenissimum Regem STANISLAVUM I. Dnum nostrum Clementissimum feliciter nobis regnantem pro vero & indubitato Rege nostro habeamus agnoscamusq; atq; colamus. Actum in Conventu nostro die.. Mensis.. Anno Domini..

Bonitas Divina omnes licitos actus Comitiorum spiritu forti & principali adaugeat. Nos autem intimo voto nostro benedicentes, hoc universale nostrum, ut quantocius omnibus innotescat, per Castra, Parœcias & loca consueta publicandum mandamus, & pro meliore fide manu nostra nos subscripsimus, sigilloq; proprio munire jussimus. Mariæburgi II. Septemb. Regni Nostri IV.

RELATIO CONFLICTUUM INTER EXECITUM MOSCHOVITICUM cum divisione Generalis Suetici Levenhaupt, in districtu Orfensi & Rzeczyensi à 7 Oct. usq; ad II. ejusdem Anno 1708.

QUàm primum Szklowâ per Borysthenem universum exercitum 4tâ Oct. trajecit Generalis Levenhaupt, mox leviores cohortes Moschorum, Cosacorum & Kalmukorum irruerunt Szklowam cum Generali Adjutante Schultz, qui prius in exercitu Dñi Sienicki Capitaneus fuit, & traditâ Bichoviâ ad Moschos transiit Pruthenus Regionem montanus. Hi assecuti provisores exercitus cum victualibus partim cis Borysthenem in Szklowcensi suburbio, partim Wolovix milliari à nocturnis stativis Gen. Levenhaupt, quæ erant Pleſczywix ab extrema acie eos sejunxerunt, currus receperunt, ipsosmet, partim necârunt partim captivarunt, plurimi tamen salvi evaserunt.

Die Veneris & Sabbati progressus Levenhaupt super Borysthenem duobus, ad summum tribus milliari⁹ à Mohilovia in ipsa œconomia Mohiloviensi, hunc sequebatur Czarus Moschovix cum filio, Principe Męzykow, Marechalco campi Goltz à limitibus suis, ab altero latere Generalis Baur, Exercitus Moschovitici numerabantur prope 100000. Exercitus hujus unica erat intentio, non permittendi Generali Levenhaupt conjunctionem cum Rege Sueciæ.

Primum experimentum sub Bzelica & Polhymecho die dominicâ ubi Moschorum cecidère fere 1200, Suecorum vix aliquot, jamq; ibi plenâ Generalis Levenhaupt potitus fuisset victoriâ, nisi præsentia Czari fugien-

fugientes stitisset, aciesq; ordinasset. Subordinato enim exercitu suo, Co- A.C. 1768
facis & Kalmucis, citra respectum iussit interfici (non parcendo Offici-
alibus nec sibi ipsi) quisquis in fuga salutem suam quæsiuisset. Periêre
tali modo ultra 50 Moschorum, aliquot ipsius Czari manu interfecti.
Modicum quiescentibus Moschis Generalis advertens hostem fatigatum
vires colligere, volens principali suo appropinquare ulterius promovit
exercitum, sed infelicitè, nam proditor rusticus cum exercitu eum in-
duxit in insidias Moschorum & paludes impervias, ita ut Sueci nec per-
gere nec in angusto loco aciem explicare possent. Hi eos die Lunæ
Lefznam inter ac Raczbovicios aggressi, undiq; cinxerunt. Moschis lo-
cus erat sufficiens, munimenta parata, ex sylva munda & sicca, unde
poterant hostem ex tormentis impetere ac lædere, & ne vicissim læde-
rentur, sylva impedimento erat, attamen desperanter utrinq; pugnatum
est, hinc Czaro suos impellente, inde Suecis arctatis vitam tutantibus.
Imprimis etenim currus illis adempti sunt, circa quos peditatus se stre-
nuè defendebat, tandem tamen succubuit, pars in loco occisi, pars in fu-
gam acti. Ipse etiam àer Suecis oberat, turbo etenim & vehemens tem-
pestas nivibus oculos oppleverat, hostis autem severè instabat, ipsi ve-
rò arcto se loco incluserant, tormentisq; circumdederant, quibus ipsis
Moschis valde nocuerant. Pars autem peditatus Suetici ordinati ad ob-
servandas insidias videntes suos fluctuare, fugâ sibi consuluerunt. Itaq;
omni ex parte eos Moschus impetiit, quasi formali assultu fortalitium
oppugnaret, Suecis vice versa se defendentibus usq; dum nox supervē-
niens prælium interrupt.

Moschus à cadaveribus suorum milliare pro nocte recesserat, Le-
venhaupt autem mandans tota nocte explodere tormenta cum equitatu
beneficio noctis paludes illas trajecit. Peditatus Sueticus pene totus
periit, etsi non totus in loco occubuit, namq; continuò multi per Mo-
hiloviam secundâ jam septimanâ, jamq; ultra 3000 transiêre, & necdum
finis, relationem certam conflictûs dare nequeunt, partim quia idioma
non callent, partim quia prælio non interfuerunt, sed ordinati ad dissi-
pandas insidias. Equitatus Sueticus evasit, fluviumq; vado trajecit Ge-
neralis Sztakielberg primò dicebatur ex vulnere decumbere, aut vul-
neratus in captivitatem abductus, posterior autem relatio inter super-
stites eum & liberos numerat. Valachorum Sueticorum multi capti-
vati, inter quos Colonellus Bude, alii evaserunt.

Ex parte Moschorum Generalis Baur globo per os trajectus, etsi
ictu non lethali attamen os incurvante. Princeps Darmstadenfis in ma-
nu trajectus, osq; in ea ipsi comminutum, de aliis occisis & vulneratis
Moschis fama variat. Aliqui cadaverum Moschoviticorum numerant
prope 3000, qui autem græcæ religioni addicti sunt, eorum cladem mi-
nuunt. Fugientem Levenhaupt iussus insequi Princeps Mezick, qui Lu-
piis aliquot dierum quiete sumpta præmisit Generalem Fervendon, qui
fertur à Suecis cæsus. Czarus aliquot diebus Czucis quievit, ubi Gene-
ralis Baur vulnus deosculatus est, & mixta lætitiæ commiseratione illud
mulsit, eademq; via Smolenscum misit, ipse ex communi consilio &
obtestatione suorum Ministrorum Moscuam perrexit 30. Oct. partim ne
postea tam manifesto discrimini se exponeret, partim ut pro suscipien-
dis hostibus ex Ucraina regno suo provideret, pro imminente hyeme
hospitia pro iis calefaceret, aut potius omnia succenderet, quandoquidē
despoliatis & exustis civitatibus albæ Russiæ, Mohilovia, Dabrowna
Horek, Vitepsco, Biezenkowicio &c. apparet quòd in victimam suorū
disgu-

A.C. 1708 disgustuum ordinavit, ut fato æquali civitates Ucrainæ in cinerem abeant, qualcunq; Suecus sibi pro subsistentia ordinavit, & per consequens nec Moschoviæ parceret, cui Suecus appropinquat. Formalis insecutio ex clade fugientium Suecorum in Litvania non fuit. Schlowiâ tantum & Kupisko jam aliquot diebus nudos & exhaustos Suecos conficiunt an sibi hostes minuendo, an feritatem in his miseris pascendo. Tam Schlowiæ quàm Kopicis sub interminatione mortis inhibitum, ne quempiam Suecorum per Borysthenem deducant. Pridem id factum Mohiloviæ, imò existentes adhuc in præsidio Bichoviensi Moschi & Cosaci circiter 1500. nollent in cinere & ruderibus civitatis, fortunæ prioris reliquias scrutari, nisi divisio Colonelli Chamari eos detineret, qui circa Bychoviam hinc inde se insinuando, ex fortalitia egredientes intercipit, & cædit, & magnum in intentionibus eorum scrupulum movet. Dabantur Mohiloviæ 14 Oct. 1708.

RELATIO CONFLICTUS KWARTIANORUM SUB DIRECTIONE Pociey Thesaurarij Regni M. D. Lit. & Rybinski sub Koniecpoli 21 Novemb. 1708.

Palatinus Kijoviæ veniens ad exercitum suum nomine Kwartianorum territorium, præcipiti passu recedens à Vistula cum Smigielscio tunc suo Colonello trans cænosa loca Leczyciensia difficili itinere abiit. Post resolvit se cum exercitu suo tendere contra hosce Kwartianos ea ratione inductus, quod inter Kwartianorum è vexillis Polonicis multos haberet correspondentes. Diu hanc resolutionem dissuasit Princeps Janusz Wiszniowiecius Palatinus Gracovien, sed eum ab hoc proposito non valens dimovere, nolensq; huic actioni interesse, abiit in Litvaniam. Palatinus Kijovien. celeri gradiens passu 20 Novemb: substitit sub Zytno 4. miliaribus Koniecpoli, de quo Colonelli à suis excursorib⁹ acceptâ notitiâ eadem die ante crepusculum in aciem disposuerunt exercitum loco commodo, tergum tegebat Koniecpolis, frontem muniebat fossa quamvis sicca, multum tamen insultum impediens. Unam alam confecerant Desultorij & Equites, corpus Pedites, alteram alam Equitatus Polonicus, hanc fossa tutabatur, in casum reservabantur aliquot dena vexilla. Hoc situ tota nocte constitit exercitus, exspectans hostem, qui non nisi decimâ horâ perendie, id est 22 currentis cum cohortibus suis apparuit, visaque acie Kwartianorum, eas quadrante miliaris cis montem locavit dirigendo in frontem Kwartianorum, præmissis nonnullis pro velitari pugna, in quos non nemo Kwartianorum irruit, quo adverso Colonelli suis reditum imperârunt sub interminatione mortis exitum ex ordine prohibentes. Interea adfuit tubicen adversæ partis significans adventum Ablegatorum, qui etiam in instanti advenerunt, ast Colonellorum mandato detenti sunt ante aciem in quadam fossa, unde fitus exercitus nostri eis non pateret, ipsi soli eò profecti sunt referenda audituri. Ubi conventum finitis complementis à Palatino Kijoviensi has attulerunt propositiones, ut se dederent in nomen Regis STANISLAI, quodsi facere nollent, mandatum ejus tanquam Ducis Regni esse, ut potestati suæ se subderent. Citra moram eis data est resolutio à Colonellis: non agnoscimus eum Regem quem potentia Suetica imposuit cum violatione jurium & libertatis nostræ, nec parati sumus alienos colere Deos, sed arbitrio veri Ducis Reipub: partes tuentis obedituros, eiq; nos adhæsuros declaramus, nec ab eo recedere nobis licet, si autem ad

ad acies Pharfalicas ire audet, DEum in auxilium assumimus, qui allet palmam in manibus justorum relinquere, ut justam tueatur partem. Mox hoc responsô acceptô abiêre furibundi, statimq; acies eorum cis montem prodiit sat fortis & lata, utraq; enim ala constabat ex Desultoriis & Equitibus viris ignei fervoris, nostraq; aciei paribus, tertiam demum lineam conficiebant Poloni, in aciem autem nostram ordinati erant, in dexteram alam Smigielski cum exteris cohortibus & Dobrosolowski cum 40 vexillis, in lævam alam pari numero Palatinus Kijov. cum Grudzynski & Poniatowski Colonellis. Appropinquarunt nobis hoc ordine sat celeri passu, cumq; jam propè essent, utraq; ala insimul se convertit, & in alas nostras utraq; magno impetu insiliit, Desultorij & Equites in frontem, Colonelli autem perfregerunt duas cohortes dexteræ alæ & fossam, illa enim vexilla quæ in suppetias relicta erant nulla explosione facta confusa sunt & campo cesserunt. Unde Colonellus huic alæ præpositus nullo modo eos revocare poterat, nonnullos tamen retentos reduxit ad alam. Læva autem ala toleravit insultum, licet suppetiæ longè abessent, attamen confusa dextera ala restituta ordini, collectis nonnullis vexillis hostem repulit, interim vexilla Polonica ad tormenta hostium perrupere, omnes ab eis equos sejungere, cum ipsa nequirent ad Peditatum devehere. Cum hæc esset confusio, tam in hostili quàm nostro exercitu, valde dubia sors victori hærebat, sed iteratò in alium ordinem redacti in læva ala Peditatus, Desultorij & Equites in triangulum & Polonica vexilla in suppetiis constitutis animos addidere. Colonelli etiam non expectato altero assultu quem hostis præparabat, impetum suis facere mandarunt in utramq; alam multo fulminantes igne, Polonis autem à tergo irruere, quo factò in momento peculiariter auxiliante DEo confusus hostis & in turpém fugam redactus, quem Equites Poloni quotquot poterant insecuti. Colonelli autem cum Desultoriis & Peditatu ulterius progressi ad quadrantem miliaris in illum locum ubi hostis se locaverat, Equites autem insecuti ad duo miliaria in seram noctem. Tormenta octo & currus cum pulvere & globis, currus item Smigielski & Palatini Kijoviensis cum panno, pecuniis, vino, variisq; rebus nostris in prædam cessere. Notandum, tormentis inscriptum fuisse: *Josephus Potocki Supremus Dux Exercituum Regni &c.* Exercitus autem eorum secum non habuerat currus. Terræ mandata sunt cadavera hostium è propinquo advecta, Desultoriorum & Equitum 300, exceptis Polonis, triplo plures periêre ab insequentibus, nam ut refertur vix cum 400 Desultoriis & Equitibus Radomiam rediit Palatinus Kijovien. eadem die sex hinc miliaribus, quem postera die omnia vexilla Polonica insecuta sunt. Captivati Desultoriorum & Equitum prope 300 exceptis Polonis, & continuo plures accedunt, quibus certus numerus præfigi nequit, eò quòd Colonellis insequentibus hostilem exercitum semper plures adducantur captivi laceri, varij item Poloni in conflictu captivati, Colonellus Wilczynski, aliquot Centuriones, & sex vexilla Polonica quæ se subdiderunt; Exterorum, Brandt & Schenck Colonellos, Generalem Adjutantem Palatini Kijoviensis, duos vice-Colonellos, Capitaneos, Subcenturiones, & varios Officiales; in variis locis, sylvis & campis vulnerati & trajecti non pauci, qui nunc comprehendi nequeunt, cum semper augeatur numerus captivorum & cæforum. Primarij captivorum missi sunt ad Duces. Duravit hic conflictus à prima usq; ad quartam, & sic DEus contrivit fortitudinem inimicorum & exercitum eorum, cujus numerus 6000 excedebat. Pro quo sit DEo

A.C. 1708 laus & gloria, quia dextera ejus fecit virtutem. Notandum ex nostra parte occisorum cum vulneratis inveniri prope 200, plura post affecutionem, aut utinam post deletionem adversantis exercitus patebunt scienda.

LITERÆ PRIMATIS REGNI POLONIÆ, & M. D. L. AD
PONTIFICEM Olomucij 7. Octob.

Post oscula Beatorum pedum Sanctitatis Vrae humillimam Ecclesiae meae, ac mei commendationem Paterna cura & Apostolica sollicitudo Sanctitatis Vestrae de universo grege Christi fidelium, ac non minor de nostra afflictâ Republica Polonâ suavit Proceribus ex Senatu & Equestri Ordine ut ad Sanctitatem Vram tanquam ad communem Orbis Christiani, nostrumq; Patrem cum plena fiducia unâ mecum recurrerent, ac omne suum postulatam uti fundamento juris Patrij & veræ justitiæ innixum, quod istis literis appono ad Aram Sanctitatis Vrae, & lancem Judicij ejus proferrent, illudq; benignè admitti humillimè supplicarent. Erat quidem hoc commune omnium votum, & meum particulare, ut jam tandem exoptatam de unione, & tranquillitate Reipub. notitiam Sanctitati Vrae possemus ferre ad consolandum ejus cor Paternum, quod ob continuas totius Christiani orbis turbas graviter affligi compertum habemus; testis & mihi est supremus ille qui omnia videt, oculus, quod non orabam tantum, sed & laborabam, quantum in me erat pro instauranda publica tranquillitate, pro conservanda fide Catholica, & asserenda Patria libertate non ideo tantum, ut hoc facerem, quod erat, & est muneris mei Primatialis, sed etiam ut pro modulo meo tanquam humillima Creatura Sanctitatis Vrae aliquod levamen Apostolico ejus dolori, & mœrori subministrare valeam. Cum autem ob delicta gentis nostrae non sumus adhuc digni propitiatione Divinâ, & optatâ felicitate, propterea cogor in amaritudine animae tristè ad hæc tempora afflictæ & luctuosæ Reipub. faciem remonstrare ante oculos Sanctitatis Vrae bellum ab annis octo & ultra cœptum, quod Regnum nostrum vehementer fatigat, nunc jam ferè totaliter vastavit, ubique induxit ingentem abominationem desolationis, causavit extremam pauperiem, & observatam in multis locis famem, ac nullibi reliquit angulum ad quietem, aut ad securitatem. Ad tristes verò causas has, & effectus belli accessit pestifera lues, & hæc dum valde sævit, miseria afflictæ Patriæ in immensum auget, & producit; super omnia autem mala morbus interni dissidii inter nos tantopere invaluit, ut vix videatur esse curabilis, nisi Dominus DEUS, à quo est omnis salus speciali dono curationis suæ eam curare, & sanare velit; inexplicabile hoc est, quàm sit difficile ad pacis & charitatis leges reducere, & componere, quod præcedentibus annis inaudita ambitio, inordinatus valde privati comodi, & emolumenti respectus, ingens vindictæ sumendæ appetitus ac demum sæva civilium odiorum rabies dissolvit, detraxit, & destruxit, quomodo omnia jura, omnes libertates, & omnes antiquas consuetudines evertit, pessundedit, conculcavit, & quod adhuc magis mirandum, horrendum ac dolendum est, pleriq; filij afflictæ Matris suæ Patriæ exoticis persuasionibus, & pollicitationibus suis, aut passionibus inducti, capti, & quasi illaqueati post tot præjudiciosos, imò perniciosos actus contra Religionem, & libertatem attentatos hucusq; seu non volunt, seu non possunt propter nimiam à nutibus externæ potentiae depen-

dependentiam animum & manum admove ad usitata alioquin à Majoribus in casu scissionum media unionis & pacis ineunda, quæ anteriores & recentiores manifestè ad oculum indignant revolutiones, & exempla, imò quotidie magis, ac magis in altitudinem illius procellosi maris quod navigatur, & novos ipsius fluctus se ipsos, & Rempubl. protrudunt, & impellunt per inusitados in libertate agendi, procedendique modos. Quòd autem ita se res habeat, ut profertur, annexa manifestatio, quam cum demississimo cultu ad Sanctitatem Vram transmittito, plenius informabit. Discernet exinde facile benignè Sanctitas Vra pro sua summa sapientia, & summa justitia manifestationem istam in fundamento legum, & consuetudinum antiquarum amore Religionis, & favore libertatis esse factam. Adinveniet ex tam laudabili resolutione & intentione vota, & desideria publica eidem annexa, quæ in Paternum sinum Sanctitatis Vrae esse recta, justa, & Pontificia consideratione, admisione, ac benedictione digna. Quam benedictionem Apostolicam, & gratiam cum nomine omnium & singulorum, quos sub nexu Confœderationis Generalis Sendomiriensis, ipsa ratio, rectitudo, & purus tuendæ, ac defendendæ libertatis Patriæ zelus firmavit, & nunc in eodem immotos tenet, à Sanctitate Vra demississimè imploro, non temerè cum magna animi fiducia Sanctitatem Vram de hoc velle persuasam esse supplex rogo, quòd sicut per annos præcedentes Confœderatio nostra nec in minimo puncto potest argui, contra Sanctitatem Vram, & S. Sedem Apostolicam, ac ejus jura, ac immunitates deliquisse, ita quòd nobis verè jucundum sit, & erit dare nos, imò immolare nos omnes in obsequium ejusdem S. Sedis Apostolicæ, non solum ut sic debitum nostrum ex vinculo fidei faciamus, sed etiam ut particulari obligatione, cultu, ac memorando ad posteritatem amore Sanctitati Vrae obedientes, addictos, & adstrictos nos esse exhibeamus. Loquuntur etiam nobis taciti sensus Sanctitatis Vrae, & hoc ipso magnam ejus de bonis Reip. curam, & sumam providentiam testatam faciunt; quòd ab Apostolica illa specula omnia licet è longinquo perspicaciter de notitiis Statûs nostri considerentur; nihil autem etiam in resolvendo ad importunas preces, & factiosos ac urgentes conatus præcipitetur. Spero in Domino DEO quòd beatum illud sidus Sanctitatis Vrae quod pretiosis undis, & sacro Ternioni montium est pro corona, nobis erit pro cynosura in omni tempestate, imò erit sol, qui tenebras, & omnes turbas pellat nostras, & post hos nimbos in portu desideratæ tranquillitatis fessam, & vix jam non concussam navim totius Reipub. constituat. His omnibus nomine publico ex munere meo Primatiali præmissis addo, ex debito personæ meæ humillimam, & nullo apparatu verborum satis explicandam gratiarum actionem pro omni valida protectione, & benefica gratia Ecclesiæ meæ Primatiali Gnesnensi, & mihi ipsi hætenus præstita adversus potestates tenebrarum harum, quas paulò ante ingens Schisma produxit, inter suprema beneficia, quæ mihi DEUS contulit, hoc recensebo semper, quòd à Vicario ejus promanavit. Recommendo demississimè eidem ulteriori protectioni, & gratiæ Sanctitatis Vrae Ecclesiam hanc meam, ac me ipsum, & supplicando Mti Divinæ, ut Sanctitatem Vram ad annos plurimos servet incolumem, ejusq; S. Sedem Apostolicam, Ecclesiæ suæ tuitionem, & gubernationem prospiceret omni die, omni momento recognosco me esse semper quamdiu vivo.

A.C. 1708

STANISLAUS I. DEI GRATIA REX POLONIÆ &c.

Dat. in Castris ad Slupie 11. Octob.

*Venerabilis Devote Nobis dilecte.**Vanni non
sit Auditor*

QUandoquidem omnis alia communicatio aut præclusa omninò, aut impedita visa est, compellamus devotionem tuam, ut impetratâ tibi à Sua Sanctitate audientiâ id expressis verbis eidem sine omni dilatione, & mora deferat. Mirari nobiscum non tantum Poloniam, sed & Christianitatem universam non satis posse, quòd hætenus viscera Paterna Sanctitatis Suæ non moveantur, & cum nos omni possibili conatu, tanquam nulla res observantiam nostram nec extinguere, nec minuire possit Filialem Nostrum in S. Sedem, & Sanctissimam Religionem zelum testari non desistamus, ut aliquando sublatâ nube veritas pateat, eò longius Paternus à Sanctitate Sua affectus elongari à Nobis palàm videatur. Accedit novissimè nova dolendi causa, nec possumus exprimere verbis, quantum id animo nostro vulnus infligat, quòd certus Vanni homo turbulentissimus, & perversissimus, post tot attentata contra personam nostram, cujus non dubia nec obscura, sed evidentia præ manibus sunt documenta pro Auditore novæ Nuntiaturæ sit destinatus. Credimus quidem non benè, ut sæpius hætenus experti sumus, Sanctitatem Suam informatam de subjecto hoc nominato fuisse, & pro ove depictum esse, qui vulpes est. Repræsentet proinde Devotio tua, & imprimis oret, ut hic homo aut retineatur, aut si in via jam est, omninò revocetur. Quòd si verò factio inimicorum nostrorum, quæ hætenus & nos, & in persona nostra totum Regnum Nostrum persequi non desistit, fortior esse deberet, quàm justâ petitio nostra declaret clarè, & explicitè, quòd hunc Vanni nullatenus nec in munere Auditoriatûs, nec sub aliquo alio titulo vel prætextu morari, & sedem figere pro aliquo etiam minimo tempore in Regno nostro permittemus; Et nollemus, ut respectus, quem deberi Sanctitatis Suæ nomini scimus, aliquatenus diminui, ad quod obligaremur pro honore, & interesse nostro, in persona istius Vanni possit; Spem interim lætiorum, cuncta quæ lenit mala, habentes, bonam à DEO valetudinem Devotioni Tuæ ex corde optamus.

CXXVI.

ALEXANDRO JOSEPHO ZALUSKI ANDREAS &c. 30 Xbris.

CUM summo affectu, sed & impatientia expectavi præsentiam tuam, & ecce literæ tantum veniunt, eò minus gratæ, quòd ab infirmo. De peste hac, qua significas, hæreo, & cespito, quod certius dicam, non habeo, attamen sum summè sollicitus, DEUS misereatur nostri.

Ex Litvania habuimus, Regem Sueciæ (quod ego opinando potius quàm asseverando dixerim) expectare adventum Generalis Levěhaupt. Generalis autem Krassau hic in Prussia degit, degetq; usq; dum ad minimum quadrantem omnes solvantur contributiones, sum verò in metu, ne hæc iter sibi eligant Sueci, quamvis Princeps Wisnioviecius hæc transiens aliter mihi dixerit, qui pessimè contentus est de aula. Missum fuisse Canonicum Sołtyk Opaviam idem retulit; scriptum autem mihi est Opaviâ, quod attendat, & auscultet Illñus Nuntius, & dicit, neminem, quòd bonum est, loqui. Habui etiam hospitem Heilsbergæ, quò ad excipiendum excurri Dnum Sczuka Pro-Cancellarium Litvaniæ.

Prodiit

Prodiit aliquod scriptum ad Palatinatus, quibus Cornitiola indicta A.C. 1708 sunt, ut Regem agnoscant STANISLAUM, sed nullum habuit effectū.

Postquam Canonicus Sołtyk ab Illmo Nuntio rediit, ipse D. Nominatus Cracovien. iter idem arripuit, videbimus, an cum meliori effectū.

Interim, cum de transitu per Heilsbergam STANISLAI inaudiverimus, resolvit se Dna Palatina Czerniechovien. abire Regiomontum, & D. Jabłonowski Palatinus Russiæ 2do die Heilsbergæ fuit; de similitum ambitione loquitur Plutarchus; plorant se non gestare vestem Patriam, & si ferunt, quod non sint Prætores, & hoc adepti, quod non Consules, & Consules, quod non priores, & posteriores fuerint renunciati. Magis eos unus lædit, qui præcedat, quam recreant mille, qui sequuntur. Post abitum ejus intra tres dies comparuit ipse Rex, ubi etiam præcessit eum D. Episcopus Plocensis cum magno meo solatio; nam dentium dolorem magnum habui, & qui humanitatem exhibuisset, non habuissem. Vidi ibi manifestum Palatini Kijoviensis contra Belzensē; non sunt hæc ad pacem, nec ad odia restringenda, sed quinimò magis accedenda. Gloriatur enim, quod ejus consilio nullum adscriptum, id est vacantem, & tribunum, nullum Scipatorem haberet, qui non pugnaret; ita, ubi dolet corpus, statim manus, ubi anima dolet, homo linguam statim apponit.

Unâ nocte tantum apud me moratus Rex abiit, & ego eodem vespere accepi nova de integra clade Generalis Levenhaupt, quod & Regiomonti confirmatum est, quod evitando venientes pro executione Rybinscianos, qui non sunt pressioris disciplinæ, excurrere nolens volens debui.

Abiit etiam ad aulam, & fortè ad castra meditatur Suetica Comes Donau; per invia, & invita fortunæ eluctari omnino cupit, sed credo, Herculis exemplo faciet, qui juvandis aliis sudabit sibi inutilis. & timeo, ne ex sermonibus suis justificatur, & ex sermonibus suis condemnetur; quanquam ego omnibus rationibus hoc iter ipsi dissuadebam.

His diebus Princeps Rakozzia venit Heilsbergam, & in arce mea pro aliquot diebus constitit. Vanitate nihil levius, gravat tamen.

Pro consolatione tua defero, quod primogenito tuo Andreæ enixis precibus id petenti (quod voluerit cor, lingua testabatur) die ipsius Patrono sacro primam tonsuram dederim. Spero in DEO, quod non privabit bonis eos, qui ambulant in innocentia bonum Ecclesiasticum fore, & consolationem ex eo nos habituros; non ex ebore tantum faciebat opera Phidias.

De morte Georgij Principis Regii Daniæ; Reginae verò Angliæ Mariti venit notitia.

Relationem de conflictu inter Moschos, & Generalem Levenhaupt brevi tibi mittam; in omnibus, qui militiae nomen dederint, ratio est habenda meritorum, ut is potissimum priorem adipiscatur gradum, qui meruerit de labore suffragium, nec queratur, quis militarit primus, sed quis manserit in stadio apparationis assiduus.

Nihil verò boni egisse Episcopum Culmensensem apud Illmum Nuntium hoc momento accepi.

De reditu AUGUSTI omnes mussitant, ego optarem.

Venit etiam his diebus Princeps Radivilia Litvaniæ Cancellaria, sed ego partim propter infirmitatem veram, partim ob metum tot congregatorum in Varmia militum; nam & Rybinsciani imponunt homines

A.C.1708 nes supra capita nostra, & Grudzinsiani veniunt, redeunt, & quæcun-
quæ placet, rapiunt; ad quos potest liberè dici; timete: quicunq; pau-
peres in variis afficitis; habetis nunc vos potentiam, opes, pecuniam,
sed habent illi arma omnium validissima; luctûs & ullulatûs, quæ è cæ-
lis auxilium attrahunt; hæc arma domos effodiunt, & integras gentes
evertunt. Et D. Commendans Elbingen: prohibet, ne quidquam detur.
& violenter accipientes non remonet. Interim tamen mei Resse-
liens audaciâ sumptâ illos, qui Resse-
lii erant expulerunt. Siquis suorum mi-
serorum domesticorum curam non habeat, fidem negavit, & est infide-
li deterior. Nec plura scribere vacat. &c.

**SERENISSIMÆ DOMUS SOBIESCIANÆ ORIGO & CON-
junctiones transmissæ à Principe Albrachto Dönhoff Episc: Crac.**

CAPUT Domûs fuit Wyssimirus Frater, tertio genitus Lesconis
nigri Ducis, & universalis Monarchæ Poloniæ, quod ipsum Stem-
ma deducit, Clypeus nempe datus è cælo tali occasione: Cum
Dux Lesco cum fratre suo Wyssimiro pugnaret in certis campestribus
contra Ethnicos Jactewingos & totâ nocte oraret, apparuit illi S. Mi-
châél victoriam contra innumeram hostium multitudinem promittens
tantummodo fundaret in illo loco urbem & Ecclesiam Principalem sub
titulo S. Michâélis, in signum verò illi obtulit illi Clypeum, quem ge-
stabat Archangelus obtestans, ut hoc haberet Domus ista pro insigni
uti nunc apparet. Victoriâ acceptâ Lesco Monarcha Civitatem in loco
campestri dictam Lublin fundat, Ecclesiam Collegiatam in medio civi-
tatis S. Michâéli Patrono suo extruit & dotat. Hinc Wyssimirus loci a-
mænitatem captus cæpit ad Lublinum Possessiones magnas extruere, uti
nunc adhuc illas Serenissimorum Sobiesciorum Domus possidet: à Le-
scone nigro rude tunc sæculum nihil nobis reliquit, de Successoribus
Wyssimiri, magis enim tunc Poloni bella quàm dignitates curabant.
Aparet tamen illos, ut constat ex manuscriptis fuisse Lublinenses Bel-
zenenses Palatinos, & alia munia obiisse. Tandem sub STEPHANO Re-
ge ad magna natus Juvenis ex ista Familia Marcus Sobieski, tanquam
iôl è tenebris eluxit, qui etiam à Possessione Sobieska Wola prope Lu-
blinum Sobieski vocari cæpit. Iste post navatam bello Gedanensi tur-
bulentissimo, ubi Civitas illa contra Regem suum STEPHANUM ar-
ma sumpterat summam operam per multas Curules factus Palatinus
Lublinensis. Marcus ex Firleiwona Palatini Cracovien. Filia habuit Ja-
cobum, qui etiam per gradus factus est Castellanus Cracovien. vir ma-
gnæ experientiæ, tribus vicibus Marechalceus in Comitibus Regni ad Pa-
cta sub Chocimo primo illo bello regnante SIGISMUNDO III. missus
Commisarius feliciter ea confecit. Hic ex Danielowycia Palatini Rus-
siæ Filia, quæ ortum duxit ab DANIELE Rege, Haliciæ, genuit primo-
genitum Marcum, secundo Joannem, Marcus Gubernator Krasnostavi-
ensis Juvenis innuptus fortiter cum Tartaris pugnans in bello occubu-
it. Secundo genitus Jacobi JOANNES III. Poloniæ Rex qui Sceptrum
Polonicum feliciter gessit 22. annis, intra horrida pacatam conservans
Patriam.

Serenissimi JOANNIS III. proles Seræmi Principes Jacobus, Alexan-
der, & Constantinus, & unica Filia Serenissima Electrix Bavariæ, The-
ressia Cunegundis.

Feliciter & faustè vivant.

Marcus

Redeo ad lineam fœmineam.

Marcus Palatinus habuit unicum filiam, habuit sex filias, prima nupta Myszkowski Palatino Cracoviensi, quos Myszkowskios ob magna merita Serma Domus Gonzagorum in suam familiam recepit, & vocantur apud nos Myszkowskij Gonzagæ habentes ordinationem bonorum suorum diversam ab alijs Nobilibus.

Secunda nupta fuit Czarnkovio Palatino Poseniensi.

Tertia Radziejovio Palatino Lanciensi moderni Primatis Regni Poloniae Avo.

Quarta Wodynscio Palatino Podlachia.

Quinta Wießolowsco, jam Domus defecit præpotenti Viro M. D. Lit. Marechalco.

Sexta facta Monialis splendidissimum extruxit cænobium Monialibus S. Brigittæ Grodnæ in Litvania.

Jacobus extra filios Marcum & Joannem III. Regem Poloniae habuit filias duas Catharinam & Annam.

Catharina primo voto nupserat, Duci Ostrogio Palatino Cracoviensi, qui rexit etiam Supremum in militia Ducatum, cum Duces capti essent à Tartaris, & in tauricam deducti; habuit ex hac Catharina filium Alexandrum, qui mortuus innuptus. Filia verò Thephila primo voto fuit Demetrii Wiszniowiecij Supremi Ducis Exercituum Uxor, hodie verò Josepho Principi Lubomirscio Marechalco post mortem præteriti nupta, pulchra gaudet prole & vivit.

Secunda filia Jacobi Anna facta Monialis in Conventu Leopoliensi S. Benedicti, ante Professionem mortua.

Catharina post mortem primi mariti Ducis Ostrogij, item nupsit Casimiro Michaëli Radivilio Procancellario Litvæ, ex quo post multas proles unum tantum reliquit filium Carolum Supremum M. D. L. Cancellarium, qui hucusq; eundem Cancellariatum gloriosissime portat. Et hæc est à Marco Lublinensi Sobiescorum tam per filios, quam per filias & Conjunctiones clara & vera descriptio.

EXCERPTUM EX MANUSCRIPTO REGIS JOANNIS III.

CUM Nuntius Apostolicus habuerit curiositatem sciendi acta meæ domus, antiqua non eruderando, uti Janinum Palatinum Sendomiriensem sub Lesco Nigro, à quo & ipse, originem traxit, hic extirpavit illos Jazyges ex Podlachia quod adhuc testantur grandes circa Sobiescinam supra Wieprzem tumuli & pagus Poganow non longe inde distitus, qui ab illa clade nomen retinet, eò quod ubi eos fuerit affecutus & deleverit. Prætereo alios magni nominis heroes, grandesq; expeditiones cum Moschis, Suecis, alijsq; hujus regni hostibus, solaq; bella Domini placet refricare, eosque quorum sanguine imaduit terra Paganorum, & mihi occasionem vindictæ ac quasi innatam domui meæ cum Paganis antipathiam reliquere. Unum memoro avum meum Marcum Sobieski Palatinum Lublinensem, qui talem apud Regem Stephanum habuit reputationem, ut sæpius dixerit, quod si totum regnum uni duello committendum esset, non alium illi muneri aptiorem fore ac Marcum Sobieski. Ipse, (ut scribit Heindstein & alij) occasio magnæ illius Zamoyscianæ in Moldavia supra Telczynium victoriæ, observato loco apto ad aggrediendum hostem, & asscurato de victoria Duce, ipse coronidem imposuit victoriæ præfectus tunc exercitui Kwartiano-

A.C. 1708 tianorum, cum Zamoyski in Livoniam expeditus, nulli alteri hanc provinciam committere voluit, Regique persuasit quam Marco Sobieski. Ipse non modica fuit occasio disgultus Zamoyscij, ut scribit Piascius, qui & causa fuit, mortis Zamoyscio, quod Rex Sigismundus scriptiorem Marechalcalem Mysczynscio & non illi contulerit, quem promoverat. Inter alias multas actiones hujus Marci Sobieski, de quo potentissimus ille Rex Stephanus tantam habuit opinionem, numerantur etiam hæ duæ. Prima cum Gedanensibus sub Derschavio, dum in Juvenili adhuc ætate sub vexillo aulico suam etiam adduxit cohortem, (in hoc enim prælio nec Kwarciani nec alius erat miles præter aulam regiam, turmas Dominorum) ibique notabilem Officiale insecutus armatum se in Vistulam conjecit, eumque assecutus confecit. In venatione Litvanica ursus ingentis magnitudinis erupit contra Regem Stephanum, quo viso Marcus Sobieski advocavit aulicum specialem suum amicum Allemanni Italum, & avum p. d. Matris Polubinski Marechalcum Litvaniæ & Milodziejowski, quorum ille solo gladio, hi framea tantum armati ingentem hanc bestiam in oculis regis confecerunt. Cū autem ipso vivente non fuerit bellum cum Turcis, alia ejus acta & gesta prætereo. Filius ejus Jacobus Parens meus in recenti hæret memoria. His initiis sumptis ab expeditione Moschovitica & oppugnatione ipsius Metropolis, in qua graviter in brachio jaculo vulneratus, nullam postea intermisit expeditionem, adducens semper vexillum Hussarorum propriis sumptibus, quod aureum vocabatur obdivitem apparatus & specialem ordinem. Hic Sueticos, Cosaticos, Turcicos confecit tractatus. Hic quatuor vicibus fuit Marechalceus Nuntiorum, ultimò in electione Regis Vladislai, destinatus extraordinarius Legatus ad Pacem Monasteriensem, primus obiit Senator sæcularis, id est Castellanus Cracoviensis, functus variis officiis per curules Senatorias, Palatinatus Betzensis & Rzeczensis hucusque scandit.

Ex linea materna Proavus meus Stanislaus Zolkiewski variis victoriis contra hostes potitus, scilicet sub Byczyno alam duxit sub Revelio cum Reinoldo Arnep Generali Regis Sueciæ, qui ibi occubuit in genu trajectus, in Litvania, de quo fuit Bialecki. Cum Nalewayko ductore rebellium Cosacorum, quem ipsemet vivum accepit & Regi tradidit, Tartaros sub Brynino fugavit, sub Buszo celebrem cum Turcis conclusit pacem, ubi nec palmam ferre hosti indulgit. Imò à pascuis in desertis campis gregi Valachorum unā cum Turcis tributa imposuit. Universam Monarchiam Moschoviticam obtentā celebri illā victoriā sub Klussino cum quatuor millibus Hussarorum, 200 Hayducis, cum dubus parvis tormentis, & duobus vexillis aulicorum contra 40000 Moschorum & 8000 externorum, quibus præerat Pontul de la garde viv⁹ ibidem captivatus, Regi Sigismundo subjugavit, Metropolim cum omnibus thesauris ademit, ipsum Czarum cum fratre in Comitibus Varsaviensibus Regiis pedibus prostravit, Principem Regium Vladislauum Moschoviæ Czarum imposuit, ipsemet in Prawetelum aut Vice Regem totius Moscoviæ electus fuit. Omnia hæc egit existens Palatinus Kijoviensis, & Campidux. Majorem enim clavam post mortem Zamoyski diu Rex retinuit. Numeratur & illud inter præclara ejus acta quod sub tempus confœderationis cum exercitu Kwarcianorum suppetias tulerit Regi, etsi confœderatorum ductor fuerit Zebrzydowski Palatinus Cracoviensis affinis suus, attamen ipse cum exercitu suo dexteram alā conficiens Confœderatos fugavit, quos cum nonnulli prosequi vellent, dixit

dixit Regi: satis hucusq; habes victoriam, securus es rerum tuarum, *A.C. 1703*
parce civium sanguini. Factus postea supremus Dux & Cancellarius,
pericula à Turcis semper Reip. exposuit, ad resolutionem eam addu-
xit, exhibuit in scriptis, quæ hucusque exstant in archivis domus nostræ,
quòd tunc temporis in flore existens Resp. cum subsidiis Principum
Christianorum huic sufficeret. Revocavit grandes intentiones Regis Ste-
phani, quarum ipse solus cum aliquot confidentibus conscius erat. Ac-
cessit huic colligationi per directionem Summi Pontificis Czarus Mo-
schoviticus, aliq; Principes Christiani subsidia pollicebantur maxime
Rex Hispaniæ, Rex Stephanus Generalem agere debebat exercitus ter-
restris, classis autem navalis convenire debebat in Archipelago. Exstat
hujus memoria in literis, quibus valedixit Regi Sigismundo, conferens
se ad extremam expeditionem, & sigillum magnum Regni resignans.
Cum aliquot tantum millibus contulit se in Vallachiam in auxilium
Gratiano Hospodaro, volens jura Reip. conservare, quæ suæ erat incu-
ria, vel potius mandavit ea tueri, aut nervus æquè ac milites deerant.
Idem Gratianus, & se & illum decepit, proprii enim subditi ab eo re-
cesserunt & prodiderunt. Eò igitur loci mortuus honori stando, ut Im-
peratorem decet, asperfit sanguine suo campos Valachicos, cujus etiã-
num modò exstat memoria in marmorea columna, quam in hunc usq;
diem Christianæ ibi nationes lacrymis aspergunt. Cumq; filius ejus i-
psemet ex vulnere decumbens cum consobrino suo expeditum submi-
sisset equum, ut se salvaret & meliori servaret fortunæ: respondit, ubi
oves pereunt, ibi & pastor, quid enim si quæreretur: ubi sunt oves tuæ?
Filius ejus Joannes Zolkiewski Capitaneus Rubieszoviensis sic vulnera-
tus incidit in manus Tartarorum, Lucas autem Zolkiewski Capitane-
us Kalussensis post fata ejus factus Campi Dux, bene postea meritis in
expeditionibus Sueticis, Moschoviticis & Nahaycensibus Turcicis, qui
postea sollicitudine principis Zbaraski tempore legationis suæ Con-
stantinopoli eliberatus cum Koniepcollcio Stanislao tunc Campiduce,
& genero Zolkiewski Supremo Exercituum Duce, & postea Castellano
Cracoviensi ac Duce Supremo. In hoc igitur prælio Zolkiewski cum
tota domo sua occubuit, id est cum filio, nepote & genero, tresque vul-
nerati in manus Paganorum devenerunt, sed de his plura licet legere
in historicis. Cancellaria & Ducissa vidua, domo Herbultowna, quæ
domus cum omnibus pene familiis iniit colligationem, primam im-
pendit curam obtinendo capiti mariti sui, quod usq; Constantinopolim
avectum fuerat, quod magnis impensis obtentum unâ cum corpore in
basilica Zolkiewiensi ab eis fundata condidit. Filium autem Joannem
Zolkiewski Capitaneum Rubieszoviensem magnâ sumâ à Tartaris re-
dimere debuit, quæ quia enormis erat, extendebatur fere ad ducenta
millia imperialium, indulgit Resp. Zolkwiæ officinam monetariam, &
sumam argenti, quo tunc thesaurus ille abundabat, cudere. Hic redux
ex captivitate, volensque vindictam sumere de sanguine Patris & suo,
ac captivitatis, iniit cum Cosacis Zaporoviensibus pactum, quòd ad pri-
mum suum adventum, gratis Regi actis pro instantia liberationis suæ,
omnem hæreditatem sit venditurus (adhuc enim cælebs erat) & mili-
tem conscripturus adversus eos ad sedandum scrupulum de occupanda
Crimæa, sed DEUS non sivit intentiones effectum sortiri, mox enim
Varsaviæ gratis actis, dum vellet domum redire & præmeditata exe-
qui, ex gravi vulnere, non bene adhuc sanato, satis cessit, sicq; cum eo
domus tota interiit, ac intentio evanuit, quæ alias juxta Heroum judi-
cium

A.C. 1708 cium effectum fuisset sortita, hæreditas autem omnis cessit forori ejus & filiae Ducis Sapiehæ Zolkiewskæ, aviæ meæ. Hæc nupsit Danilowicio Palatino Russiæ, fratri Thesaurarii M. D. L. qui Marechalci officio functus in conclavi Nuntiorum in Comitibus inquisitionis, cum partes sibi adversæ in alium convenire non possent. Huic filius fuit Stanislaus Danilowicz germanus frater Matris meæ, avunculus meus. Hic in juvenili ætate redux ex exteris, sedulo illud expendens: *Quæ non facimus ipsi vix ea nostra putamus*, non contentus laude utriusque lineæ, Avorum, Proavorum, Atavorumque, sed ipse propriis impensis conscriptum militem neo electo Regi Vladislao pro expeditione Moschovitica obtulit, per quem quid operatus sit, vivi adhuc extant testes, quibus non tantum celebrare sed nec eloqui laudem ejus difficile est. Hæc heroica facinora considerans magnus ille Monarcha Vladislaus, non tantum ipsi gravem offensam conceptam contra eum ob duellum initum victumque Kacinowski Varsoviæ tempore interregni ad latus decumbentis adhuc in arce cadaveris Regis Sigismundi Parentis sui, sed ad specialem etiam admisit confidentiam. Finito bello Moschovitico, eundem ardorem suum bellicum testatus est in expeditione Prussica, ad quam cohortem stitit, cujus etiamnum meminerunt, qui ei expeditioni interfuere, cumque nec hoc bellum ad effectum sit deductum, per tractatum enim compositum est, non sopiendo hunc ignem, quem heroica facta antecessorum in eo excitarunt, volensque ulcisci sanguinem avi & avunculi Stanislai Zolkiewski Cancellarii & Ducis, ac Joannis Zolkiewski Capitanei Rubizoviensis, cum Cosacis ac milite suo propriis impensis conscripto conatus est Tartaros tollere, qui in desertis campis usque ad pagos nostros sese dilatarunt. Feliciter eos aliquot vicibus prostravit, tandem ardore ductus quo sors & fata traxerunt nolentem, ut animositate & fortunâ suâ elatus, nec amicorum, nec militum, nec Cosacorum belli peritorum precibus detineri potuerit. Ibi impetum faciens in imparem numerum, cum ad Cosacos suo more recedentes inter equos cum sclopetis recedere noluit, sed suis fissis viribus, equo trajecto in manus incidit Paganorum, à seniore Tartarorum Netszey Murza, cum quo res agebatur mirè tam ibi quam domi ipsius plusquam Christianâ susceptus humanitate. Sed Kantamir, quod nomen sonat sanguineum ferrum antiquissimum ex hac domo, ac consequenter præfectus toti exercitui qui in hisce campis se dilatarunt, ac in limites Poloniæ irrumpere solebant, celebris non tantum ex continuis prædis verum & clade suorum filiorum sub Uscieu-ro, ubi unum eorum amisit, nam & cum ipso Hano bellavit, & dominium ejus excussit subdens se portæ Ottomanicæ, qui postea à Tesse Porty in Sylistinia strangulatus est. Hic igitur jussit sibi captivum adduci, & sine magna recollectione, à crapula sui nondum compos, filio suo, & fratri ejus, qui sub Uscieu-ro occisus, mandavit, ut caput ei demeteret, qui diu refugit utpote magis sobrius & misericors, alit cum ei parens minaretur exhæredationem, nisi sanguinem fraternalium ulcisceretur, quod dimiserit hunc angvem in perniciem totius gentis suæ, trepida manu ictum innoxium inflixit, quem demum armiger ejus gladio confecit, sicque etiam hac largè sanguine suo terram Paganorum superfudit, pro fide Christi, Patria, & gloria domus ac Antenatorum suorum, corpus ejus prior Murza acceptum honorificè unâ cum Rzeszowski famulo qui morti aderat Zolkwiam ad sororem Germanam, matrem meam remisit, conditumque est in sepulchro avi & avunculi. In domo igitur hac ex sorore ejus apud matrem ejus ac aviam natus sum, atque apud

pud eam usq; ad mortem educatus. Natus sum in Oleſcenſi arce in edito monte, ubi etiam Rex Michâél natus est. Sub tempus nativitatis meæ ingentia erant tonitrua, ita ut sartor matris meæ inde auditum amiserit usq; ad mortem. Eodem planè tempore Tartari excursionem fecerunt sub arcem, sed eos fugavit celebris ille Chmielewski. Ex occasione nativitatis videtur & illud memorandum, quo historiæ Romanæ aliæq; plenæ sunt. Cum Stanislaus Zolkiewski Cancellarius & Dux adhuc infans sugens ubera nutricis suæ, in prædio milliari Zolkwiâ nomine Turzina in horto super gramen à nutrice se elongante ardentibus solis æstibus expositus esset, advolans avis super eum alas expandit, ac à solis radiis obumbravit, ut redux nutrix cum aliis oculatis testibus vidit & retulit. Tempore autem illius celebris victoriæ Klusziensis visa est equo ejus à tergo avis parva alba insidens. In ultima autem expeditione ejus, in qua pro patria gloriôsè occubuit, visi sunt in cœlo ignei exercitus secum depræliantes, cum autem Dux à somno fuisset excitatus, phœnomenonq; ei ostensum ait: hoc capiti meo imminet, nam & alias plurimis retulit, quòd adhuc in teneris transiens pagum quendam Swincza nomine sub Rzeszowa nunc sub dominio Pac Equitis Melitensis ab anu quadam præſagium omnis felicitatis & mortis acceperit. Sæpe id ab eo referri audivimus. Parenti meo duæ fuerunt uxores. Prima fuit Princeps Zbarensis Wiſniowiecka filia Principis Palatini Ruffiæ, & matertera Principis Dimetrii, ex hac genuit duas filias, quæ in teneris mortuæ sunt, sepultæ in Zolkwiensi Ecclesia; secunda Theophila Danilowiczowna filia Joannis Danilowicz Palatini Ruffiæ & Sophiæ Zolkiewska filia Cancellarii & Ducis exercituum Regni, matrimonium inierunt cum dispensatione, consanguinei enim erant in quarto gradu ex Herbultis descendendo. Parenti meo non fuit germanus frater ex eadem matre, solumq; quinque sorores, quarum una nupsit Palatino Podlachia, Vodynski, altera Palatino Leczyciensi Radziejowski, tertia Mareſchalco M. D. Lit. Wiſioſowski, quarta ni fallor prius Palatino Ravenſi Karnkowski, postea Rozrazewski Dapifero regni, quinta monialis abbatissa monasterii Grodnensis ex ordine S. Brigittæ. Id ex primo matrimonio Marci Sobieski; qui prius junctus erat connubiali vinculo Snopkowſciæ sorori Vexilliferi Regni, secundo autē Tęczynſciæ ex qua genuit filium Joannem, & filiam Helenam, qui ambo, ille in juventute redux ex exteris, summa exſpectationis heros, in limitibus Odolanovia apud affinem suum Rozrazewski, hæc autem subitanea planè morte in via incomparabilis pulchritudinis, mortui sunt, sepulti sunt in Zolkwiensi Ecclesia. Ex linea autem materna, Avus meus, & parens matris meæ Joannes Danilowicz Palatinus Ruffiæ, junctus prius erat matrimonio cum Krafincia, filia aut sorore Palatini Podolia, ex qua duas tantum genuit filias, quarum una nupsit Koniecpolſcio, altera Firleio, in altero autem matrimonio junctus fuit Sophiæ Zolkiewſciæ filia Cancellarii & Ducis & Regina Herbultownæ, quæ fuit in tutela Joannis Zamoyski Cancellarii & Ducis M. D. Lit. Nam & ipſe ex Herbultowna genitus est. Ex hac igitur Sophia Zolkiewſcia tres habuit filias nobiles, filium Stanislaum, illum celebrem heroem à Tartaris interfectum, matrem meam, Theophylam & Dorotheam Abbatissam Leopoliensis monasterii S. Benedicti, adhuc in vivis superſtitem. Ex hoc igitur horoico sanguine genuit Parens noster quatuor filios, & tres filias, primus fuit Marcus, de quo inferius, secundus Joannes anno uno & tribus menſibus junior, tertia Sophia, quæ in infantia obiit, quarta

A.C. 1708 ta Catharina, prius Princeps Ostrowska, Palatina Cracoviensis, postea Princeps Radzivilia Procancellaria & Ducissa M.D.L. quarta Anna Monialis Leopoliensis, fratres duo Stanislaus & Michaël qui fati cesserunt. Hi igitur parentes nostri procreati fortes ex fortibus, instituerunt nos à teneris, ne ab antenatis degeneremus, & cum nos in exteras nationes expediverunt, in scripto nobis Parens dedit instructionem & doctrinam. Mater autem ex exteris reducibus jam post fata Parentis post Pilaviensem expeditionem sæpius dixit: si quispiam filiorum meorum fugeret ex prælio, non foret mihi filius, sæpius nobis in stemmate nostro monstrans: *vel cum hoc, vel super hoc*. Sicq; factum est, non sine dolore materno, nam primogenitus Marcus Capitaneus Cracoviensis major natu frater meus non tantum sanguine suo campos Ucrainenses asperxit, sed & ossa ejus carent sepulturâ, & quod majus est, non in prælio interfectus, sed altero post prælium die exemplo crudelitatis inauditæ manu prædestinati ad lineam domus nostræ genere Kantimiri. Sic igitur Atavus, Avus, Consobrinus, & frater paganorum manibus occubuerunt pro sancta fide. Ego sic volente DEO à tali nece præservatus sum.

INFORMATIO DE STROMGELD REGIOMONTANO, Aliàs de Telonio in fluminibus ab Electore Brandenburgico imposito.

A Liquot ante annos novum telonij genus, quod **Last** vel **Stromgeld** dicitur, Regiomonti institutum est, quod primò sub nomine examinis mercium nullâ desuper factâ exactione, deinde de singulis navigiis pro eorum quantitate seu magnitudine, non autem de mercibus, porro de mercibus, sed moderatè, tandem præfixâ certâ taxâ de omnibus omninò mercibus exactum est, ut etiam nunc exigitur.

Hanc exactionem seu **Stromgeld** extra communia Jura totius Prussiæ, tum imprimis Regalis, immunitates, libertates, & consuetudines impingere, subsequenter evincunt fundamenta.

Imo Atq; originaliter Jus, immunitasq; à nostris telonijs, alijsq; exactionibus fundatur in Privilegio Culmensi Culmiæ.

Anno 1251 ab Hermanno Magistro datum & concessum: cujus hæc sunt verba: *Absolvimus etiam totam terram prædictam ab omni penitus telonij exactione.*

2do Huic suffragatur pax, & concordia inter Vladislaum Jagellonem Poloniae Regem, & Conradum ab Jungingen Magistrum Prussiæ Anno 1404 facta & constituta in verbis: *Præterea volumus, quod homines D. Regis, & suorum Successorum in terris Litv. & Russiæ constituti, in omnibus terris Ordinis mercari, & negotiari liberè valeant absq; telonijs, & alijs exactionibus, quos etiam defendere tenebimur, sicut nostros salvo tamen telonij ab olim institutis.* Quæ quidem libertas licet principaliter Litvanos & Russos tantum concernat, nihil tamen obstat, quominus exinde ostendamus, & deducamus, quod Dux in Prussia directè contraveniat istis Pactilatis, quando Litvani & Rutheni merces suas per Pregelam & Havum Gedanum defluitantes istud **Stromgeld** exsolvere coguntur. Unde Gedanenses communi mercatu cum Litvanis & Russis, quo tamen jure vigore Privilegiorum suorum liberè gaudent, per indirectum excluduntur.

3tio Huc faciunt pacta ejusdem Jagellonis cum Magistro Rusdorff in anno 1430 inita: in quibus expressè est cautum quod excepto **Pfundzolle** aliæ omnes & singulæ exactiones quibuscunq; nominibus vocitentur

tentur, à Mercatoribus Terrarum Regno Poloniae, & Ducatui Magno Lit. & Ducatibus Prussiae subjectarum amplius exigi non debeant. A.C. 1708

Quod 4to repetitum planè est, in conditionibus pacis perpetuae inter Regem Poloniae Casimirum, & Ludovicum de Erlichshausen anno 1466 ubi sequentia leguntur verba: *Quoniam per Mercatorum industriam, Respub. notabile accipere consuevit incrementum, statuendo decernimus, & spondemus, quòd nulla telonia, deposita, Gabellas, foralia, sive quascunq, alias consuetudines, locis & personis in Regno nostro, Principatibus, & Dominiis nostris & Regni nostri imponemus de novo, aut imponi permittemus, tam in Terris, quàm in Aquis sed tantummodo utemur impositis. Quòd idem Magister Ludovicus, Successores sui, Commendatores in suis quoq, Terris observabunt.*

5to Superiores allegationes Jurium declarantur, & confirmantur per pacem perpetuam, inter Marchionem Albertum, & Regem Poloniae de anno 1525. Item quòd deinceps de libero transitu, & commercatione sic loquitur: *Omnes Incola Terrarum Prussiae utrinq, reciproca vicissitudine in terra & mari negotiationes sine impedimento exercere, praterea Stratis proficisci, & curribus transire, nec non in Privilegiis suis hoc casu permitti debent. Item §. quòd profundum Ralgense caput Vistula & omnia flumina omnibus Prussiae Incolis navigare, & trajicere liberum.* Subsequitur §. de immunitate. *Nulla telonia, depositiones, vel alia gravamina in Terris Prussiae extra antiquam consuetudinem & Privilegia ab ulla Partium institui debent, sed vetera telonia permanere; Si ab altera Partium à tempore Transactionis Regis Casimiri telonia essent instituta, ea quoq, hinc inde abrogari debent.*

6to Idem vult renovatio istius pacis & concordiae inter Regem Poloniae Sigismundum Augustum, Electum Magnum Lit. Ducem, & Ducem Prussiae de anno 1529. Item liber sit transitus, ubi libertati transitus & itineris pro commercantibus prolixè est prospectus, contra depositoria, & exactiones angariasq, addita, salvâ antiquorum Jurium, & consuetudinum contra allegata Jura nova hæc exactio *Stromgeld* supra indigitato modo. Regiomonti de omnibus tam illatis, quàm evectis mercibus instituta est, quòd indiscriminatim sive Russi vel Litvani, sive Prussi exsolvere coguntur. Quo ipso communis Gedanensium mercatus cum Prussis, Litvanis, Ruthenisq, redditur difficilior, & lucrum, redditusq, Regij magna ex parte imminuuntur. Cujus rei secretiores conferentiae reservantur.

In Pactis Bidgostien. §. 17. hæc leguntur verba: *In Dominijs verò utriusq, Partis nulla nova teleniorum onera tam Terrestris, quàm Maritima, quæ ante hoc bellum non fuerunt, in gravamen cujuslibet partium imponantur. Quòd si aliqua è re communi de novo imponenda, aut augenda videbuntur, id partium consensu fiet; quòd neglectum.*

ALEXANDRO SALLAROLLI Heilsbergâ.

AB initio hujus anni movere D. Palatinus Czerniechoviensi cogitavit Vratislaviam, & fecit, quem ego Gedanum usq, conduxì, & post usq, ad Abbatiam Olivensem. Habui quidem tentationem eundi ulterius, sed, dum suspicio itineris mei in Silesiam oriri cœpisset, redire malui, ubi aliquot dies moratus rediì domum, ubi mortem Stanislai Ujeyski Decani Varmiensis inveni. Post quem Decanatus cessit Dño Nycz. Pro Bachanaliis venerat Dnus Episcopus Plocensis, ex cuius motivo misi Canonicum ejus Plocensem Przybołowski ad Generalem Regni pro moderatione Contributionis hyemalis, & incusando,

A.C. 1709 quòd nunc plus cum exercitu, quàm cum hoste negotii est; non milites, sed hostes; plus amicis, quàm hostibus nocent; ex alieno pascuntur, quod oporteat quibusdam comedentibus alios diu expectare; quod non erat conveniens, quòd milites, qui à malo, quod avertere tenentur, maiorum inferunt pondus, potius sunt impedimentum, quàm auxilium; quòd Rustici qui cunctos nutriunt, ab omnibus opprimuntur; stipendia constituta, ne praeda grassetur hæc tamen exercetur.

Dñus Episcopus Luceorien: transivit hæc Regionem in Diocesim suam. Doluimus insuper mortem Cardinalis Colorado Romæ defuncti. Convenimus ut scriberet ad Primate de languida Reipublica cura, & quid Patriæ prodesset; tardè velle nolentis est: interim crescunt suis fragmenta dispendiis, &, quia casus emergentes nova amant consilia, quia facilius, & levius tolerari possunt, quæ ante præsciuntur, ne malum per longas invalescat moras; ut Collegium Episcoporum convocaret ad ineundas rationes tranquillandæ Patriæ. Veniebant interim nova de seria Regis AUGUSTI redeundi in Poloniam cogitatione; nihil prodest, quod non lædere possit idem, qui nimia sollicitudine futurum successionis eventum inquit; Divinam providentiam videtur abnegare.

Cogitabant hoc Mense sub Rybinscio existentes cohortes circa expugnandam arte Elbingam, sed res hæc effectum non habuit.

Mors Mart. Zaluski Interim absolvimus Pascha Heilsbergæ cum Dno Episcopo Plocen: afflicti ex diuturniori, & pertinaci Fratris nostri Suffraganei Plocen: infirmitate, qui (afflictio nostra sinè voce vocalis est) 8vâ April. ipso die Annuntiationis Heilsbergæ cum omni resignatione in voluntatem DEI, & exemplari pietate DEO spiritum reddidit, cujus corpus ad Capellam S. Stanislai solenniter transtulimus. Copias autem universalium Regis AUGUSTI ratione Abdicationis & aliorum habuimus, quas tibi fideliter mitto.

Invisi etiam Gedanum (pro temporis varietate varianda consilia) ubi cum Dno Palatino Russiæ, qui absolute mihi restituendi Ministerii spem fecit, sed ego timens, ne inde venenum sumam, unde mel libare debeam, non credidi. quamvis ille ante Comitia id se facturum omnino sub beneplacito Regis STANISLAI promisit, quod ego, non facturum, certus eram. Indignum est in eadem Republica non iisdem legibus omnes teneri; indignius in illa Repub:, quæ tenetur legibus, discedi à legibus; sagitta facile ingreditur, sed difficile extrahitur.

In reditu meo valedixit mihi Canonicus Magnanini Romam properans, & ego, secundum quod constitueramus cum Dño Episcopo Plocen: veni Pultoviam, ubi per aliquot septimanas moratus sum. Nova mihi gratissima de evectione in Cardinalatum amici antiqui, & Patroni Domini Gozzadini habui. Quod pluribus placet, vim recti obtinet. Exequias Fratris nostri Suffraganei ibidem solennes absolvimus, & post Octavam corporis Christi inde perrexi, Heilsbergam veni, ubi in solitis occupationibus tempus impendi, gavisus porrò magis suâ magna relinquens.

Capellam ex voto, ut Dñus DEUS à peste nos liberet, extra civitatem Heilsbergen: ædificare cœpi, transportato in arcem miraculoso Crucifixo cum omni solennitate.

De fœdere inter Danum, Moschum, & nostrum AUGUSTUM cum interventione Regis Prussiæ concluso certa habuimus nova, quam facti alieni probabilis est ignorantia, in quo prudentissimus etiam errare potest,

test; & quòd Gedani contagio inceperit.

Habuimus hic Regiomonto certam notitiam de ingenti Moschorum contra Suecos victoria, cui ab initio credere volebamus, sed indies nova, & auctior veniebat confirmatio. Cæsos ad internecionem sub Pultava Suecos, 15000 positis armis in captivitatem abducta, ipsum Regem cum paucis per fluvium evasisse in Turciam in civitatem Bender.

Stephanus Branicki Palatinus Podlachiae vir prisce moris, raræ pietatis, singularis honestatis, filiam Palatini Vilnen: in Matrimonio habens, cum eaq; insignem prolem, mense Augusto mortuus est.

Electrix etiam Palatina Mater Imperatricis diem suum obiit.

Attulit etiam Posta, quòd Dñus Episcopus Culmensis, Palatinus Russiæ, & Pro-Cancellarius Litvaniæ relicto Stanislao cum propositione ad unionem, & declaratione Regis STANISLAI, qui credebatur, quòd si locutus fuerit ad eos verba lenia, erunt ipsi servi, qui & spondebat se universa daturū, qui nihil habet, & quòd resolutionē abdicandi Regni sumperit, Varsoviæ in arrestum accepti à certo Edymin, qui alienum iurgium (suâ malitiâ semper armatâ) putat esse causam, & qui, ut ipsis benè sit, optant aliis mala esse; frangit & attollit vires in milite caula; sed post ex mandato Palatini Belzensis dimissi.

Serenissimus Czar Moschoviæ cum Porta Othomanica expostulat de restituendo sibi Rege Sueciæ qui post deperditum sibi tam enormiter conflictum in Ditiones Turcicas (scientia pro voluntate habetur) transit, & receptus, quod est de genere malorum prohibitorum, directè contra expressa Pacta pugnat; qui hostem illius defendet, illum offendit, & quod melius sit intacta Pacta servare, quàm post vulneratam causam remedium quærere.

Multa scripta circa id tibi adjungere placet. &c.

UNIVERSALE REGIS STANISLAI Siemieniæ 26 Januarij.

Omnibus & singulis &c. Eâ spe, qua in Universalibus Nostri Mariæburgensibus pro Comitibus editis per initum zelum & salutare in publicum contentiones palam fecimus, quòd pro oblatione exercitūs, & in hostium extra Patrios limites educatione, eò secum tracturi gemitus pauperum, omnis spiritus laudabit Dominum, substitimus in hoc inclyto Palatinatu Lublinensi, in eoq; per octo septimanas non sine discrimine gravaminū innocui coloni moramur, adversæ nobis & bono publico parti ea omnia offerendo, quæcunq; gratia & clementia concedere potuit, gradiendo ad privata commoda à supremo usq; ad infimum, quascunq; thronus distributivas facere potest, elargiendo, quodvis nomen dulce pacis & tenionis, vel ut vocant tractatus, nihil intentatum reliquimus, ut amantes Patriæ filios ad recuperandos limites alliceremus. Ponimus ob oculos dignum æviterna laude & gloria Ducem Zaporoviensem Mazeppam, qui primus misertus Patriæ, subdens se in nomen nostrum cum gente & terra sua, priusq; vias justitiæ ingressus restituendo aliena, antequam exercitus Kwartianorum stipendiario titulo unâ cum Ductoribus suis eat in leges debiti, tam custodiendi quàm recuperandi proprios limites. Quis non putaret tam præclarum externorū exemplum aliis additurum alas ad festinandum eo quòd tota se offert Ucraina, & ecce signa militaria audimus Cracoviam versùs dirigi, loco Kijoviæ vel Ucrainæ. Cor præ dolore finditur in his omnibus, quod ipsa non credet posteritas, vel præ confusione mentionem non faciet, à

Mazeppa
accedit Sta
nisl 40.

A. C. 1709 præsentibus autem & contemplantibus dissimulatur, fors etiam in honore habetur. Juva quisquis & Patriæ amans non dolere aut flere, quæ satis defleri non possunt, verum considerare, quid potuit DEus pro hac Patria facere & non fecit. Deposuit potentes de sede, qui in eam unâ cum gentibus induxerunt afflictiones & misérias. Præliantur pro ea exteræ nationes, invitant subdentes se provinciæ, at ipsi bellageri placuit nullos habitura triumphos, quasi non oris recuperatis, sed quem civiles hauserunt dextræ, sanguine nomē foret celebrandū. Nunquā fuit hæc nostra intentio, sibi quisq; provocat fata, imò & modò licet hic sit scopus intentionum nostrarum, obvertimus tamen oculos paternos, an non revertantur qui terga verterunt. Si autem fuerit mens sequior, inimica paci & oblato utili publico, in tempore omnium conscientias in jus citamus, quòd voluerimus, & omnia media adhibuerimus, nec alios modos excogitare potuerimus præter eos, quos obtulimus ad cohibendas & deducendas Patriæ lacrymas & oppressiones pauperum & cor nostrū ferenandum super hæc omnia mœrens. Veniat super nolentes & non acceptantes, quod adhuc non supponimus, omnis maledictio, licet expendere omnes censuras, examinare omnes nostras actiones & applicationem ad Majestatis usq; demissionem, concedimus præterea eo fine Palatinatibus & terris, si videbitur Comitioia nomine nostro indicta absolvere aut limitata reassumere, ut super tecta videatur innocentia nostra, & ut pateat quis sit aut erit causa tantorum malorum, quis post tentatos omnigenæ felicitatis ad pacificationem modos lusit Deos hominesq; & laudabili intentioni nostræ placulares posuit metas, & ad quæ pertinebit, culpa redarguat ipsum. Hæc universalis provisio nostra & coacta cautela ut omnibus innotescat, mandamus per castra, parœcias & loca consueta ut publicentur &c.

COPIA RESPONSI PRIMATIS AD LITERAS SENATORŪ

Olomucij 18 Februarij

A Ccepi cum omni respectu literas Illustrissimarum Dominationū Vestrarum de data 27 Januarij. Tarnoviæ scriptas, & cum debita reflexione perlegi, fateor me sæpe habuisse à Palatino Belzenfi Supremo exercituum Duce & Ensisero Regni Mareschalco Generalis Confœderationis Reip. instantiales ad accelerandum reditum, verum & illi debent testimonium dare veritati, quòd ex responsoriis meis non tantum videre sed & palpare potuerint ardens votum & desiderium meum redeundi ex hac translimitanea & nimis molesta residentia, nam verè jam vellem ibi esse corpore, unde corde & affectu nunquam abivi, & ubi dulcissimum est unâ cum Illustrissimis Dominationibus Vris in commune consulere. Obsepsit mihi viam indies magis invalescens contagio pestifera, remoram injecit præ aliis cautelis, defectus securitatis personæ meæ, & præ cæteris incertitudo termini ad quem in tantis conjuncturis difficilem reddidit resolutionem, & retardavit sinceram redeundi intentionem. Nunquam respiciebam illud intentum quod Illustrissimæ Dominationes Vræ in literis suis exprimunt, & planè pro ratione & fundamento ponunt suæ hujus ad me compellationis. Nullius mihi conscius sum, & in Repub. nihil aliud quàm Remp. specto, perseverans in innocentia cordis & operis sanarum pro bono publico intentionum, nec in ullas cum quopiam me immitto transactiones, nullas ad quempiam expediens Ablegatos, omnes noxias vitando correspondencias, & negotium univerforum, uti & sensum ac votum meum
ad

ad plenam Remp. referendo, solummodo respiciebam & respicio etiam annum tempus mei desideratissimi redditus, & convocationis Ordinū Reip. nec semitam ingredior cum maximè cupio viam, ut securè, & liberè semoto omni metu consulere de Patria possimus. Obtinere id à DEO ad hoc usq; momentum non potui, cum Palatinatus Majoris Poloniae sub pressuris Præsidi Polnaniensis, Prussiae sub pondere incessabilis auctoramenti Suetici, ultra Vistulam Mazoviae & Podlachiae sub infestis signis, minoris Poloniae pars sub Sueticis armis, pars malleum inter & incudem continui timoris venturorum malorum, & M. D. Lit. compars Regni maxima & nobilissima sub æquali sine intermissione gemit jugo pressurarum, consequenter non posset in congressu Generali comparere, & nihilominus ultimam jam assumendo resolutionem, ultimumque resolvendi interregni figendo gressum Resp. deberet in numerosissimo congressu, faxit DEus, communi motu decidere de fortuna sui, aliter enim tam grandes & prægnautes materiae, statum Reipub. tangentes determinari nequeunt. Attramen jam accelerat desideratum tempus, cum magni & erecti animi Duces obviam eunt publicis fatis, cum infracto in amore Patriae & ardore conservandae veteris Reipub. formae Scipione Ensisfero Regni, Marechalco Generalis Confœderationis Reipub. cum alacritate & indies majore ac promptiore D.D. Colonellorum, omnium Equitum ad agenda fortia resolutione, cum felici ex colligata Monarchia succursu. Scient (spes in Deo) Duces tam graves hospites & socios, ut se falsis nominibus vocant, etsi non instantaneè evacuare, saltem cohibere prædicta præstilia, ne tam graves extortiones, abductiones nobilium fratrum, usurpationem potestatis absolutae in eos vitae & necis, aliasq; mille oppressiones faciant, & accursum Palatinatum ad futuram convocationem non impediant. Eo tempore, faxit DEus, quo domi sua cuivis erit securitas, non tantum ego ad exercitum muneris mei Primatialis ostium apertum habeo, sed plurimi insignes & emeriti ex spirituali & sæculari Ordine modo ultra limites non habentes securitatem in bonis suis comorandi, ut ita dicam, oberrantes, aderunt in obsequium publicum & Illustrissimarum Dominationum Vestrarum. Redibunt etiam illi, quos qualiscunq; turbo sustulit è medio Confœderatorum ordinum Reipub. intuentes revolutionem simulq; considerantes memorabiles innocentis Reipub. successus, apertum ad eos suscipiendos cor, sincerassq; nostras pro sola securitate & utilitate publica intentiones simulq; cum coadunata Rep. integritati ejus consulent. Ut autem Illustrissimae Dones Vrae advertant, moram hanc redditus mei non provenire à voluntate, utq; agnoscant quanti faciam judicium & consilium vestrum, declaro, ubi per viam licuerit, (hic enim jam est resolutio) me limitibus appropinquaturum. Reciprocè Illustrissimas Dones Vras per amorem Patriae, quae omnium charitates continet, precor enixè & obtestor, ut ad eum finem res deducant, ut tandem se Resp. per curam Vram, non solum in nomine, sed etiam corpore & specie contempletur, & post tot ærumnas ac pressuras, licet convulsa, & incinerata ut saltem in cineribus invenire possit antiquum statum suum, & deposito tam multiplici ac gravi jugo, (nam plures particulares personae aufæ sunt, audentq; id, quod nullus Regum aut Principum auderet, per indictionem & exactionem fumalium contributionum, per praelationem sui super æquales, ac sæpe super eos quos DEus & merita in Patria altius collocarunt, atq; per alios inauditos & illegitimos contra antiquum & Patrium morem, procedendi modos)

A.C 1709 ut inquam deposita hâcce usurpata, non permissa potestate, unicum juxta jura liberis suffragiis possit Resp. fundare Regnum, conculcata & sepulta jura libertatis, æquitatis ac justitiæ decora ac consuetudines innovare, & in antiquo vigore collocare, & edocta tristi experientia, sumens ex tot calamitatibus stimulum, ut quàm efficacissimas pro sui defensione, pro exsolutione & manutentione Exercitûs in fide & obsequio Reip. permanentis, & ad obviandum varijs exorbitantiis assumere possit resolutiones. Ego autem quàm primum tempus commodum & modum salvandarum rerum ex ulteriore cum Illm̃is Dominationibus Vris collatione, appromitto, quòd nullum intermissurus sim momentum ad amplexum Illm̃arum Dominationum Vestrarum, & indicendum consilium, atq; determinanda in eo universarum assensu in suspenso etiamnum hærentia publica negotia. Fido Deo & præfatæ Illustrissimarum Dominationum Vestrarum in patriam charitati, nec non speciali, in hac rerum tempestate erga bonum publicum zelo, quòd ingenita fortitudine & magnanimitate junctis cū Rep. viribus postliminio reducetis optatum illud tempus, quòd ego desiderio desiderando, adjungo magnis Illm̃arum Dominationum Vestrarum pro patria conatibus pastorem meam benedictionem, & fraternæ me commendans gratiæ, maneo.

COPIA LITERARUM ILLUSTR: NUNTII AD EPISCOPUM
VARMIENSEM. Opaviæ II. Junij.

AUditis per SSm̃um Dñum Nostrum relationibus deferentibus remissionem contagiosæ luis tam Cracoviæ, quàm Varsoviæ, aliisque in locis Regni Poloniae, adeo ut sit firma spes integræ extinctionis ejusdem mali in toto Regno, usq; ad gaudium solatus, sicut benè cognovit, quòd Dominus DEUS respexerit ad preces Fidelium occasione Jubilæi ad cælum elatas, ita Dñi V. Illm̃æ iterum committi voluit, ne sinat populum suæ Diœcesis in oratione frigescere, quâ non est aptior medela pro angustiis reliquis, quibus ubiq; Regni Provinciæ vexantur. Dum itaq; Dñi V. Illm̃æ Sanctitatis Suæ amantissimas curas expono, omne studium, quòd impendatur in excitatione Fidelium sibi commissorum ad placandam Divinam indignationem mediantibus, non intermissis pietatis operibus, & orationibus respondebit quidem menti suæ Beatitude, sed ad utilitatem vertetur proprij laris, pro quo DEO Omnipotenti, si vim nostrarum supplicationum inferamus, non deficiet misericordia ejus; Dñi V. Illm̃æ interea meum cultum obtestor, & fausta sibi cuncta apprecans maneo.

RESPONSUM AD EASDEM 6. Julij.

CRudelitatem fati sic peccatis nostris merentibus tot annis in Regno nostro continuatam solatur Paterna SSm̃i Dñi Nostri sollicitudo; vult, jubetq; ut abscedat omnis de calamitate tristitia, dum primò ad placandam justam DEI iram Jubilæum indulget, nunc quò magis urgemur adversis, eò intimius Nos Divino admovet Numini, & ad id ad quod nos vinculum necessitatis obligat, non obscurâ affectus paterni significatione, & benignissimâ suâ per Excell. V. commonitione monet, urgetq;. Implevi ego cum pusillo, & misero grege meo prima pro viribus mandata, promptissimus & nunc ad continuò exequendū, quidquid, & qualecunq; id fuerit, sinè mora & cessatione faciens, quòd velle

velle Suam Sanctitatem cognosco. Credens de Divinitate propitia, quòd *A.C. 1709* tandem desideria ejus paterna, & curam circa Poloniam secundabit, & convertet luctum nostrum in gaudium. Spe proinde gaudentes, in tribulatione nostra patientes omnia vota jure merito in victimam offeremus, & illum qui omnia potest, cum summo fervore precabimur, ut longos faciat dies suos, & adsint illi prospera omnia, quæ vovemus? Quidcunq; verò Excellentia V. in futurum nomine Pontificis, vel suo ordinabit, factum immediatè putet. Cujus me perenni gratiæ cum submississimo obsequio recomendo, & manus ejusdem reverenter exosculor.

MODUS RESTITUENDÆ IN ANTIQUM STATUM PROVINCIAE PRUSSIAE, tum etiam eliberandæ à Stativis, Recrutis, Transitibus, ac aliis vexationibus Exercitûs Reipub.

I. **N**otandum est, quòd prætextu panis hibernalis, tum pro eodem exigendo immititur miles Reipub. in Provinciam, & Recruta assignantur, per quod plurimi sequuntur abusus, & innumera-bilia inconvenientia; Cui ut efficaciter obviari possit, tali, ut sequitur, utendum est methodo:

1do. Sciendum, cum Respub. instituit aliquod bellum, & constituit exercitum Polonicum triginta sex millibus constantem, Ducatus Litvaniae duodecim millia; Provinciae nostræ imponuntur semi-quatuor millia, vel quid ultra, & licet si Dñi Nuntij Terrarum Prussiae tantummodo sexcentorum millium tinsonum sumam pro alendo exercitu annuatim proponant, ejusdemq; acceptionem ad Conventum Terrarum Prussiae recipiant, hoc non obstante *imo* per repartitionem Ducis Exercitûs. *2do* per Tribunal Radomiense memorata nobis alenda violenter imponitur semi-quatuor millium repartitio.

3tio Pro persolvendis itaq; memoratae Repartitionis stipendiis cogitur Provincia laudare 31 Agrarias, & 59 Accisas cum summo præjudicio, & onere Bonorum Regalium, Spiritualium, & Civitatum; Quæ Agrariæ cum Accisis nec dum sufficient pro tali exolvendo annuo stipendio.

4to Aggravatio Bonorum Spiritualium, & Civitatum exoritur ex injusta Tariffa Agrariarum ex bonis Terrestribus proveniente. Cum in Bonis Regalibus, & Spiritualibus omnes Cmethonales mansi aut possessi, aut deserti, prout ab antiqua fundatione extiterunt, ita & nunc existunt, & ab illis penduntur Agrariæ; In bonis verò Terrestribus omnes cmethonales mansi in prædiales conversi, & in Tariffam non includuntur, propter falsa Possessorum abjurata.

5to Ut itaq; iusta fiat coæquatio, & proportio universi statûs bonorum in Provincia existentium juxta normam vicinorum Dominiorum ex Bonis Regalibus, & Spiritualibus & Civitatibus porriguntur exemplaria ad proportionem 31 Agrariarum, & 59 Accisarum, tum & panis hibernalis justæ & adæquatae dispartitionis, quibus manifestè monstratur, majorem numerum militis, minori onere contributionum posse fieri.

6to Ex Bonis Terrestribus, ubi fertilior gleba, ex viginti mansis unus pedester miles; ubi verò arenosa, sicut in Palatinatu Culmensi, in Terra Michałoviensi, in Palatinatu Pomeraniae, in Cassubia, videlicet in Districtibus: Pucensi, Mierachoviensi, Koscierzynensi, Tucholiensi, Człuchoviensi, & alijs ex triginta mansis unus miles expediatur; Ut autem
iusta

A.C. 1709 *justa Tariffa elici possit, jurati Geometrae, & integræ fidei à Statibus deputandi pro dimensione bonorum Terreſtrium, cum injunctiōe pœnæ per Palatinos locorum irremissibiliter exequendæ, super corrumpentes duorum millium aureorum, & abjudicatione Nobilitatis, super corrupto, capitis.*

7mo. Stipendia pro unoquoq; milite assignanda (ut in Exemplari) centum & viginti floreni bonæ Pruthenicæ monetæ pro quatuor Quartalibus pro unoquoq; milite Pedestri.

8vo. Licitum erit unicuiq; Possessori tam Regalium, quàm Spirituum & Terreſtrium Bonorum, quàm & civitatibus omne genus, & modum contributionis juxta suum beneplacitum eligere, dummodo illa contributio quantitati militum in bona ipsius impositæ satisfaciatur.

9no. Cum verò erectio novi exercitus pluribus egeat, quàm conservatio ejusdem, expensis, assignandi sunt pro unoquoq; milite cum sufficienti bellico apparatu statuendi 20 Taleri currentes. Licitum autem erit tã omnibus in genere Possessoribus quàm & civitatibus aut in specie militem armaturâ sufficienti instructum Officiali assignato reddere, aut pecunias enumerare.

10mo. Ut autem conservatio prædicti exercitus efficax possit esse, assicurandum est omnibus Officialibus in antecessum unum Quartuale v.g. si incipiat bellicum servitium à prima Maji antecedens Quartuale loco contentationis videlicet à 1. Febr. assicurandum erit. Circa statuitionem verò militis unusquisq; expediens obligatus erit duo Quartalia videlicet 20 Tal. currentes Officiali solvere, pro alendis militibus, quos expedire tenebitur.

11mo. Cum verò bona terrestria ad paria cum Bonis Regalibus, Spiritualibus, & civitatibus non sunt obstricta ferenda onera pro erectione militum ex illis Bonis provenientium, tres in duos computabuntur, ut ex tertio milite duobus statuendis cuilibet 20 Taleri currentes applicentur, quæ computatio primo anno tantummodo fiet, subsequentibus verò tertii militis stipendia, vel pro instauranda Artilleria, & ammunitionibus, vel prout status Prussiæ ordinaverint, applicabuntur.

12mo. Circa expeditionem Peditatus, etiam certus numerus Draganorum expediri debebit. Pro quorum stipendiis videlicet pro quolibet Dragano duo pedestres computandi, id est 240 floreni. In primo verò anno erectionis illorum tres Pedestres, id est pro erectione singulorum 360 floreni, quæ summa in subsequentibus annis supereminens similiter applicanda, & intelligenda erit, prout expressum est de expeditione ex Bonis Terreſtribus.

13tio. Ut bonum Regimen exercitus, & conservatio disciplinæ militaris vigeat, eligetur à Statibus & Ordinibus Generalis Lieutenant cum duobus Generalibus Major, qui juxta capitulationem secum per statum Provinciæ initam rigorem observabit disciplinæ militaris. Quod si remissius egerit, responsurus juxta infra scriptam ordinationem. Officiales exercitus ad recommendationem Generalis Lieutenant, per determinationem verò Statuum, & Ordinum Provinciæ constituentur; Colonelli verò; Vice-Colonelli, & Majores immediatè à Statibus, & Ordinibus Prussiæ sive per pluralitatem votorum, sive, ut visum fuerit, creantur.

14to. Ne verò Patriotis ad bene merendum præcludatur via, licitum erit illis servitia peragere bellica. Nequaquam autem ad munia, vel superiora promovebuntur officia, nisi prius juxta veterem, & observatum morem

morem gregarii militis obiêrint munia, & benè didicerint exercitia, cui animadversioni Capitanei sub pœnis gravissimis invigilabunt. A.C. 1769

1510. **Kriegsrecht** seu Judicium militare constituetur contra Officiales negligentes, & obligationi suæ non satisfacientes, ut delinquens primâ vice abjudicatione Officii, secundariò verò pœnâ capitis condemnatur. In subsequentiis insuper articulis ejusdem **Kriegsrecht** obvia crimina, & excessus cum suis pœnis exprimentur.

1610. Vt tam Officialis, quàm Gregarius miles obligationi suæ satisfaciât, nec contra articulos militares, ob retenta sibi stipendia delinquat, duplici ratâ persolventur stipendia videlicet primâ Maji duo, & primâ Novembr. alia duo Quartualia, quæ in casu contraventionis à re-nitentibus unusquisq; Officialis in loco sibi assignato militari vindicabit executione.

1710. Vt unicuiq; pateat quanta, & unde pendenda erunt stipendia, Tariffa uniuscujusq; Palatinatûs in suo castro ingrossabitur.

1810. Hæc integra Ordinatio per conventum Generalem Terrarû Prussiae determinabitur. Qui conventus annuatim in autumnò juxta beneplacitum Statuum, & Ordinum Prussiae celebrabitur, in quo omnia negotia statum, & Ordinationem concernentia pluralitate votorum, si-vè calculorum determinabuntur. Licebit nihilominus unicuiq; ad quâ-cunq; materiam semel suum votum exprimere, etsi non intervenerit consensus ad calculos, seu ad vota descendere. Ne autem per multitudinem comparentium confusio emergat, numerus Nuntiorum, videlicet ex Palatinatu Culmensi sex, vel 4tuor: ex Mariæburgen: duo; ex Pomerania decem, vel octo designabuntur. Tum ex civitatibus minoribus, videlicet Graudentinensi, Mariæburgensi, Derszaviensi Internuntii deputabuntur. Hæc Deputatio nihil præjudicabit ante-Comitialibus Conventibus, in quibus licebit viritim integræ Nobilitati comparere hoc præcustodito, quod nulla facultas erit in præfatis Conventibus interpretandi, augendi, minuendi, vel aliquid sentiendi in Contributionibus, neq; quidquam cassandi, quod actum est in ordinariis Conventibus, imò omni illæsa relicta ordinatione, de quo disceptatio, solis tantum annuis Conventibus relicta potestas.

1910. Commissio itidem quolibet anno in mense Aprili juxta beneplacitum Statuum Prussiae assignabitur tum pro liquidando Exercitu, tum etiam pro judicandis excessibus ipsius, ac pro compensandis damnis, ad quam deputabuntur Commissarii ex quolibet Palatinatu duo ex Ordine Equestri, quæ Commissio juxta præscriptum Conventûs Generalis peragetur, & omnia illius negotia per pluralitatem determinabuntur, prævio juxta præscriptum Juramento, cujus acta ad Conventum Generalem comportabuntur. In eadem Commissione licitum erit Dnis Senatoribus comparere, & plenâ frui activitate, præmisso nihilominus, sicut cæteri, Juramento. Ex majoribus etiam civitatibus, atq; ex minoribus tribus, ut præmissum est, singuli deputabuntur; tum ex Capitulis Varmien: & Culmensi, qui etiam pari utentur activitate præmisso nihilominus, ut cæteri Juramento; tempus & locus Commissionis ad beneplacitum Ordinum determinabitur. Præsentia vel directio Commissionis circa primum Senatorem Sæcularem, qui in primo termino compariturus est, manebit. Et licet, si tractu Commissionis altioris subsellii Domini Senatores supervenerint, præsidens circa illum quem inchoavit actum, usq; ad determinationem relinquetur.

2010. In illo actu præter solam liquidationem & stipendia militaria

A.C. 1709 ria nihil aliud agitabitur. Cujus Commissionis actus in conventu annuo examinabitur. Quòd si autem aliqua prævaricatio inventa fuerit, reus illius abjudicatione Officiorum, & privatione in perpetuum activitatis per edictum Conventus punietur.

21mo. Tempore belli 4tum Quartuale videlicet Augusti propter aliquam Officialium consolationem non liquidabitur, sed pro completo acceptabitur. Tempore verò pacis omnia Quartualia liquidabuntur; Ad quam Commissionem omnes Majores omnium legionum tempore belli cum Regestris comparere tenebuntur, tum & illi Officiales, quicunque ob aliquod crimen fuerint citati, præcisâ omni exceptione. Tempore verò pacis omnes Superiores Officiales, illis tantum exceptis, qui aliquâ Commendâ fruuntur in aliquo loco sibi commisso.

22do Numerus Exercitus, licet si in exemplari exuberet, licebit Statibus, & Ordinibus Prussiæ pro exigentia temporis belli, & pacis diminueri, dividere, & pro beneplacito illum disponere.

23tio Tempore belli Exercitus prædicti quantitas determinata à Statibus & Ordinibus Prussiæ sub Regimen Ducum Exercitus mittetur, cujus locatio in confiniis Regni evitabitur, sed ad Stativa hibernalia in Provinciam revocabitur, nisi summa id necessitate impediante.

24to Tempore pacis integer Exercitus revocabitur, & quantitatis, tum locationis dispositio vel pro erigendis novis fortalitiis, vel pro restaurandis veteribus applicatio ab arbitrio dependebit Ordinum Provinciae.

25to Quod si contigerit aliquis circa Fortalitia labor, congregatus ad præfatum laborem miles stipendia ex suis locis merebitur, provisâ ab habitantibus loci illius laborantibus aliquâ consolatione.

26to Civitas Gedanensis cum semper competenti egeat præsidio, duas tantum partes expedire tenebitur, tertiâ pro præsidio relicta. Quod si verò intra Provinciam, vel in Majori Polonia fuerit bellum, non tantum totum quantum retinebit, verum etiam tota Provincia ad nullam tenebitur expeditionem; Impositum autem sibi quantum in exemplari in supposito conjungendæ Jurisdictionis Civitatis cum omnibus Suburbis.

27mo In bello civili vel scissione ad nullam Provinciam tenebitur expeditionem, præmissum Exercitum in tuitionem sui conservatura.

28vo Quantitas etiam Exercitus pro tuendis confiniis Provinciae propter Prædones, Devastatores licentiosos relinquenda.

29no Cum verò Thesaurarius totaliter se suâ dispositione & proventibus suis velit exuere, toto negotio in manus Provinciae commissio assignari pensionem sibi debere censet.

30 Antequam hæc sunt declaranda Ordinibus Regni, *1mo* evincenda sunt per Illmos DD. Senatores, & Internuntios sequentia; quod si in Comitibus per Constitutionem, quod si in Confœderatione per punctum primis Comitibus celebrandis approbandum, tum per Diploma Regium volumini legum ingrossandum, ut Jura municipalia nostra in integro conserventur, collapsa restaurentur. *2do* ut panis hibernalis de bonis Spiritualibus & Regalibus in Provincia existentibus, in cujus compensationem major pars Exercitus determinabitur, totaliter abrogetur. *3tio* ut Duces Exercitus nullam potestatem habeant, tam pro Stativis, Recruitis, quàm Transitibus Exercitus Regni extradendarum Assignmentum, quod si quæ in contrarium emanaverint pro irritis censeantur, & insistentes illis pro Invasoribus, quos licebit Provinciae uti prædones ex finibus

nibus suis propulsare. *4to* ut nullatenus Provincia Prussiae ad Tribunal Radomense pertineat, cum certo numero militis subventuram se Reip. declaret. Ultimo DD. Nuntiorum Terrestrium circumscribenda potestas sub poenis gravissimis, ut nihil aliud liceat illis in Comitibus tractare, praeterquam in negotiis communibus Reip. videlicet indicendi, vel reclamandi belli, ineundorum cum externis Principibus foederum, concludendae pacis & praecisae omni potestate tam in negotio contributionum, quam expediendo certo Quanto militum, toto hoc negotio ad suos Principales remisso.

COPIA LITERARUM ILLUSTRISSIMI NUNTII APOSTOLICI AD D. EPISCOPUM VILNENSEM. Opaviae 20 Julij.

SUM in continua expectatione consignationis Canonici Biallozor sive in manibus Domini Vrae Illmae, seu Illmi Episcopi Luceorientis, cui facultates oportunas pro expeditione adjunxi, tum quia alias in sua Diocesi ductus fuerat captivus, tum quia pro parte Dominationis Vrae Illmae ego ipse monitus super aliquo timore, quo adstringebatur, ne in suspitione haberetur, credidi hoc remedio omnes repugnantiae adimere excusationes. Pateat tamen sibi, me eodem tempore, quo dictum Illmum Episcopum hoc pondere oneravi, ipsum rogasse quoque, ne quidquam exequendum susciperet, antequam secum communicaret, & conferret, ut eum recte disposito conserto consignatio D. Canonici consequatur. Pro hac itaque iterum rogo Dominationem Vram Illmam suas curas non relaxare tanto magis, quod jam suus zelus ad submissionem perduxerit Dñum Palatinum Vilnensem: sive enim sibi consignetur, sive Illmo Episcopo Luceorienti tradatur; immunitati Ecclesiasticae erit provisum, ipsiusque indemnitati, quam solum nos pra oculis habere debemus, consultum, & Dominationi Vrae Illmae meum cultum obtestans maneo, qualis verò sum &c. Dominationis Vrae Illmae & Revmae cui supplico, ut caveat, ne promissioni deficiat adimplementum; nolenti etenim ut plurimum sunt in proximo subterfugia, & diuturna resistentia in materia tam clara non indicat bonam intentionem, adeoque denuò suae constantiae commendo immunitatis Ecclesiasticae defensionem de mandato esse Ssni, de cujus Pastoralis sollicitudine testimonium in acclusis literis apertum habet, & interim me ratifico &c.

COPIA LITERARUM AD REGEM GALLIAE A REGE AUGUSTO.

Serenissimo ac Potentissimo Principi Domino D. LUDOVICO XI. DEI Gratia Christianissimo Galliarum, & Navarra Regi Fratri Nostro Charissimo.

AUGUSTUS II. DEI GRATIA REX POLONIAE, &c. Arcissima illa Nos inter & Rempub. Poloniam intercedentia Sacri Jurisjurandi vincula non permittunt nos ulterius publica progressu nostro in Poloniam morari vota. Quapropter Juribus nostris innixi dum felicem nostrum in illud Regnum Divinae bonitatis gratia concordibus liberrimi Populi suffragiis, universalisque totius Reipub. assensu pridem nobis conceditum apparamus ingressum; Partium nostrarum esse censuimus Mem V. de eodem residuo

Biallozor
Canonici

Rediens in
Poloniam
nuntiatur

A.C. 1709 *ditu certam, & participem facere, confidentes planè Mitem V. hancet immutabilis, firmissimæq; voluntatis nostræ significationem pergratè accepturam, justisq; conatibus nostris tranquillando Reipub. Statui necessarijs pro congenita animi sui magnitudine votis suis affuturam. De reliquo Mti V. prosperrimos successus cum optima valetudine ex animo precamur. Dabantur in Arce Nostra Drezdensi die XII. Augusti.*

COPIA LITERARUM AD INCISOREM REGNI 30 Aug.

*Senatores
captivati,*

NE mireris quòd extraordinaria innotescencia de abductis Senatoribus Varfaviâ, cogit me quærere, quòd fuit motivum Palatino Belzensi, eos violenter capiendi, qui ultro se offerebant? Convennerunt vos prius literis, & quomodo melius suæ poterant consulere securitati, nisi posito charactere, quod vi armorum requirebatur. An poterant habere pulchriores fasces post obtentam victoriam, quàm ex unione statuum? an celebriora trophæa, quàm ex asserta libertate Reip. an majus pretium hujus victoriæ, quàm conclusione belli intestini? Quid his omnibus ex parte mea potui efficacius adjungere, quàm quod feci, universali meo omnes ad hanc unionem animando, quæ sola potest constituere Remp. Dominam supremam jurium suorum, appendendo supremo effato ejus sortes meas: ideoq; non contrariabar sententiæ Senatorum apud me præsentium, sperans eos futuros resuscitatores libertatis, ast fato dolendo fiunt monumenta servitutis. Non reputetis hanc esse expostulationem, novi enim nunc omnia vestra argumenta in ultima ratione Regum fundari, omnem rationem esse vim victoris, quamvis non deceret nos Polonos subesse armorum exoticorum decisione. Nec puto Czaream Majestatem quærere pretium fortunatorum suorum successuum in Patria nostra, cum plenam dederit vobis, ut audiavi, libertatem sibi ipsis consulendi. Consulite Patriæ privatim & congregatim Faxit DEus, ut hic sit finis malorum, quòd Patria nostra in sensus tantum fuerit divisa, nobis autem videtur, vos nullo fati imperio à vinculo sanguinis eximendos. Proinde per illum nexum precor te, ut mihi intimes, quæ sit dispositio hujus nobilis victimæ pro libertate captivatorum Senatorum, cum inde ideam spei sim habiturus, etsi à desperatione de unione Reip. Nunc sum &c.

RESPONSUM PRIMATIS, AD LITERAS ALIQUORUM SENATORUM.

BOnorum operum non potest interpretem agere perversa opinio. Ipsum veritatis labium & si quispiam quàm maximè contorqueat & occludere velit, tantarum est virium, ut ad quamvis prævaleat echo. Quæ autem opera, qui fructus discordiæ sævientis non tantum in personas in nexu Sendomiriensis Confœderationis comprehensas, sed in ipsa capitalia Patriæ jura & libertatem, jam orbis vidit universus, & etiamnum id demonstrant Tractatus Varfavienses & Albranstadienses, an hæc fuere media quærendi & assequendi unionem, proscribere cives, confiscare honores & bona eorum, aliæq; his similia attentata, tristia & funesta. Fateor quòd post cladem Lewenhaupt sub Leszno, propositionem fecerim de particulari accessu cum domo mea, verum an potuit, aut debuit fides mea & amor Patriæ esse tam frigidus, & imbecillus,

cillis, ut ei accederet. Nunc accepto magno affectu expressam Dominationum Vestrarum bonam voluntatem, & cum auxiliante Deo victoriosissimis armis Czareæ Mtis, hoste devicto iusta Reip. causa triumphare incipiat, non modica etiam inde mihi accrescit consolatio, quòd tandem Doñes Vràe ab contagione recesserint, in qua diutius salvæ & sanæ esse non poterant. Sit DEus benedictus, quòd cum tanto tempore bonitas ejus in vim rectam Doñes Vras deducere nequiverit, jam correctio ejus Paterna velut manuducat. Nos autem omnes, quos laudabilis in sæcula Confoederationis Sendomiriensis colligatos tenet nexus, extra limites, sicut parati eramus speciali nostra applicatione ad pacificationem Patriæ, & conjunctionem cum Dominationibus Vris, pariter & modò quietem non vindictam curamus, & charitate Doñes Vestras vincere unicè optamus. Non numerabimus gressus in opere pacandæ Reip. & instaurandæ unionis, quo ad vires & modi suppetent. Deo duce & zelo procedimus. Quam promptitudinem cum Dominationibus Vris, re collata cum aliis Senatoribus, offero, infimul assecuro, si commoditas redeundi in Patriam fuerit, revertar ad stationem meam, & ad eum finem omnem curam meam convertam, ut quantocius in unione sincera & stabili nos intueamur. Spes in Deo, quòd benedicturus sit nostris intentionibus &c.

MANIFESTUM REGIS STANISLAI.

Omnibus & singulis &c. Non revocamus belli hujus infausta initia, non exprimimus, quomodo finiri possit, quidvis enim non immemor originis sue recordari potest anteaكتورum, ad qua libertas Patria nobis jura dedit, & justitia resuscitandi ea qua acta sunt, nec intendimus querere reum qui bucusq; Patrie impedit pacificationem, solum volumus deducere in hoc manifesto curam & applicationem nostram pro manutenenda integritate Patrie, nihil aliud intendendo, nisi qua ratione juxta juramentum amissa jura & libertas Regni nobis à DEO commissi vindicanda sint. Reor nos ea resuscituros, si in sinum Reip. confugerimus, volentes eam liberam & independentem, atq; in juribus suis fundatam constituere, ast experti sumus, quòd in manibus eorum sit Zelantum, apud quos pro libertate pereundi licentia. Expectavimus post extradita universalia nostra, an aliquis in illa parte unionis & charitatis reperiendus sit amor, verùm agnovimus quomodo spes unionis ceciderit per abductos Varsavia Senatores, quomodo vi implicetur Resp. Potentia huius bello colligata, quomodo fomes domesticæ confusionis indies amplificetur, quomodo deniq; tota Resp. ad privatos reducta, in aliquot consistat personis. Unde cum sciamus talem non esse constitutivam & legitimam, sed potius subjectam victricibus armis, manifestamur contra omnes ejus actus usi nullam formam habentis, sub Rege invasore, cujus ruptos tractatus nobiscum & cum Serenissimo Rege Suecia, colligata nostro, justus DEus & justitia armorum discernet. Protestamur coram DEO & rectè sentientibus, quòd non agnoscentes nec videntes eam independentem & liberam, curabimus ut eam faciamus Dominam suorum jurium, & libertatis sue securam &c.

COPIA LITERARUM ILLUSTR. NUNTII APOSTOLICI AD PRINCEPEM EPISCOPUM VARMIENSEM 6. Septemb.

CUM occurrente vacatione pluriū Ecclesiarū Parochialium perspectū fuerit in earū collatione formā à S. Cōsilio Trid. præscriptā sess. 24 cap. 18 & à B. recordationis Pij Papæ V. cōstitutione, quæ incipit, in

4.C. 1709 ferendis; instauratam in plerisque Regni Poloniae Diocesisibus servari nequaquam posse ob defectum Examinatorum Synodaliū qui in concursu hujusmodi collationibus præmittendo examen promovendorum intervenire debeant, ac proinde collationes ipsas nullitatis vitiis subjacere. Hinc supplicatum Sacrae Congregationi Concilii, ut aliquo provisionali remedio consulere dignaretur eadem; Sacra Congregatio benigne indulgit; ut nomine & autoritate suis Illm̃is Episcopis, & RR. Vicariis Capitularibus respectivè facultatem concedam eligendi de cōsensu uniuscujusque Capituli sex Examinatores ad biennium duraturos, qui in examinibus promovendorum ad Parochiales Ecclesias perinde adhiberi valeant, ac si in Synodo fuissent electi ita tamen, ut si qui ex deputatis in ultima Synodo supersint, ijs etiam unā cum Electis DD. Episcopis, & Vicarij Capitulares utantur. Omnium verò etiam de termino biennij durante exspiret potestas, ubi celebrata fuerit Synodus, quam cogere eadem sacra Congregatio Illm̃os Episcopos enixè in Dño hortatur, & paternè admonet. Habito igitur hoc S. Congregationis oraculo illud Dñationi Vrae Illm̃ae significare non differo; impertiendo ejusdem nomine facultates pro electione cum supradictis conditionibus sex examinerum, juramentum ad formam S. Concilii præstent, & dum rogo, ne velit gravari super adimplemento me certiore reddere, faustissima quæque Dñationi Vrae Illm̃ae ex animo apprecans pleno cultu maneo Illm̃ae & Rndm̃ae Dñationis Vrae. Opaviae 6. Septembris.

RESPONSUM EPISCOPI PRINCIPIS VARMIENSIS.

EX benignissimis Excellentiae Vrae de data 6. Septembr. literis jure summo factam, maximā laude dignam sacrae Congregationis, cui legum diligens custodia est, accipio decisionem, ut secundum præscriptam formam à Sacro Concil. Trid. Sess. 24. c. 18, & à Beatae recordationis PII V. Constitutione, quæ incipit; In conferendis, Examinatores Synodales destinem, qui examini promovendorum ad Parochias interveniant. Mandatum hoc Sacrosanctum apud me, & debita illi obedire cupit mens mea, cum in exequendo non liceat esse negligentem, nec putare parvi. Invenio ego in Constitutionibus Synodalibus Diocesis meae Martini Cromeri ante centum & ultra annos viventis eam ad mentem S. Concilij Examinatorum destinationem, sed postea, uti omnium rerum vicissitudo est, in subsequentibus Synodis intermissa ita Examinatorum nominatio, & videbatur antiquata, illa Cromeriana Constitutio ex non usu meorum Prædecessorum. Quid verò fuerit causæ, & suspicor & scio, quod scilicet per foundationem Alumnatus Brunsbergensis à sanctæ memoriæ GREGORIO XIII. ex institutione Patrum Societ: JESU dignissimi homines prodibant, & nunc per gratiam DEI prodeunt, ut nullum sciam ex Parochis meis, qui non perfectus sit Theologus; ac proinde præsumebantur sinè rigido examine, & multa diquisitione capaces curæ animarum. Interim tamen me meo officio nihil egressum fuisse, meum, in observandis statutis desudasse laborem, ne deficeret pristinus vigor, satis operæ, studii, diligentiae, laboris adhibuisse, operosè egisse, agere, quod opus est semper, dum in Diocesi residere licebat examini expositorum ad Ordines Sacros, & præsentationi ad Parochias cum Theologis memet ipsum adfuisse, in absentia mea meum vicarium debito non defuisse suo; non ex jactantia, cum plus in conscientia, quàm in fama reponam, sed ex fiducia Excellentiae Vrae,

Vræ, & per eandem Sacræ Congregationi deferre debiti mei ducō. Synodum Provinciale pridem destinaveram, ex lege quod est, prosequi volens, sed hætenus optimæ voluntati adesse non poterat facultas, nam in hac calamitate Regni publica regimur magis, quàm regimus. Desiderium tantum superest, ut, dum ex misericordia DEI id licuerit, officium in hoc meum (nihil est quod magis optem) & Sacræ Congregationis exequi nutum fas ipsum jubet, adimplebo voluntatem, & Synodum Provinciale indicam. Interea verò exequar, & mandata non interpretabor, & statim cum Capitulo meo conferam; Examinatores ad mentem destinabo; Vra Excellentia dignetur jubere, mihi obsequii gloria relicta est; cujus sacras manus reverenter exosculor. Dat. Heilsbergæ in Varmia, die 30. Septembris.

COPIA BREVIS APOSTOLICI

Venerabilibus Fratribus Archiepiscopis & Episcopis, ac Dilectis Filiis Nobilibus Viris Ordinis Senatorij & Ordinis Equestris in Consilijs Generalibus Regni Polonia, & M. D. L. congregatis.

CLEMENS PP. XI.

Venerabiles Fratres, ac Dilecti Filij salutem & Apostolicam benedictionem. Quod Vobis significandum inprimis à Nobis hoc tempore videretur: Summam scilicet esse charitatem illam, quâ Rempub. V. tot hominibus inclytam, & universum istud Regnum amplam, ac præclaram Christiani Orbis partem, ac magnum Romanæ Ecclesiæ præsidium ac ornamentum ex animo prosequimur, hoc supervacaneum esse ducimus in præsens commemorare, quandoquidem ex assiduis, ac indubijs Paterni Nostri amoris documentis, quæ tum præsertim ad Vos perferri curavimus, cum res Vestræ in magna nuper perturbatione essent, ac in summum discrimen adducerentur, Pontificia Nostra erga Vos benevolentia magnitudinem Vobis innotuisse existimamus. Nam, quæ duo potissimum esse in rem Vestram agnovimus, ea Nos per iterata Officia Nostra ad singulos Reipub. V. Ordines directæ, & per Nostros istic pro tempore residentes Apostolicos Nuntios, quâ privatim, quâ publicè monitis, ac consilijs Nostris Vobis significare, eademq; hortatu ac precibus Nostris apud Vos urgere non prætermisimus. Quorum quidem illud primum semper fuit, ut integritatem & incolumitatem Catholice Religionis tueremini; Alterum verò ut concilianda ac stabilienda inter Vos tranquillitati, ac paci seriò incumberetis. Cum enim in utroq; ejusmodi bono, tanquam in duplici firmissimo cardine veram Patriæ Vestræ salutem versari intelligeremus, nullo præclariore testimonio sollicitudinem, quam de rebus Vestrīs gerimus, explicare Vobis posse arbitrati sumus, quàm si utriusq; desiderio animos Vestros incenderemus. Conciliaturi autem Vobis inter tot calamitates, atq; pericula cœlestem opem, sine qua humana consilia prorsus deficiunt continenter, ac enixè efflagitavimus ab eo, qui potens est facere procellam in auram, ut subsidere jussis æstuantibus istic dissidiorum, ac bellorum

A. C. 1709 fluctibus, optatam tandem serenitatem Regno redderet, stabilemque inter Vos firmaret concordiam, quatenus liberis mentibus sociatisque animis ea consilia, quæ communi saluti magis expedirent, susciperetis. Et sanè advenisse nunc tempus speramus, quo Deus velit vota Nostra misericorditer solari, & se propitium rebus Vestris præbere, si modò oblatam Vobis occasionem irritam non dimiseritis; jam enim submotis gravioribus difficultatibus, ac reduce ad Vos Charissimo in Christo Filio Nostro AUGUSTO Polonia Rege Illustri, spes non obscura ineunda quamprimum istic Pacis affulgere videtur. Agite itaque Ven: Fratres, ac Dilecti Filij, proferte zelum Vestrum, & se posito quocumque privato studio, indemnitate Catholica Fidei, & publicam Regni tranquillitatem constanter asserite, ac certi, Vos hanc sine illa assequi non posse; id imprimis curate, ut quacunque abominations, aut prava consuetudines à Lutheri Sectatoribus, aut ab alijs forsan Hereticis in Partes vel clam, vel palàm ad evertendum veræ Religionis cultum invec̃ta fuerunt, istinc quamprimum eliminentur, hoc enim pietatis studio & fervore ac talibus hostijs conciliabitis Vobis divinam opem, quam præterea desiderijs Vestrīs affuturam, & perennem Nomini Vestro laudem accessuram esse certè Vobis pollicemur; dum Ven: Fratres ac Dilecti Filij Apostolicam Benedictionem peramanter impertimur. Datum Romæ apud S. Mariam Majorem sub annulo Piscatoris die 21 Septemb. 1709. Pontificatus Nostri Anno IX.

Ulysses Jos. Card. Gozzadinus.

CXXX.

ANDREAS CHRYSOSTOMUS DEI ET APOSTOLICÆ SEDIS
GRATIA EPISCOPUS VARMIENSIS &c.

VNiverso tam sæculari, quàm Regulari Clero, populoque Diocesis nostræ Varmien. Devoto fidei salutem in Domino, & Pastoralē benedictionem. Pontificis pro hominibus in iis, quæ sunt ad DEū constituti, ut offerat dona & sacrificia pro peccatis assumpto officio ad placandam Divinam Majestatem delictis nostris offensam, & antevergendam plagam mortis insanabilem, dum cervicibus nostris jamjam appropiaret Angelus percutiens, qui ab anno & ultra populosissimas vicinas prostravit, & etiamnum incessanter prosternit civitates, ac loca omnibus nota, frustraneā compertā vigilantia humanā, nisi ipse Dñs custodiērit nos, nec nisi desuper, & præprimis ab eo, qui pro nobis exaltatus in medicinali Crucis arbore seipsum posuit sacrificium, oblationem, & hostiam placationis, cujus amoroso conspectu omnes à serpente ignito icti sanarentur & incolumes servarentur, superesset auxilium, nostro, vestroque conjunctim nomine; quos Divina bonitas salvos in fide, & dilectione sua conservet, votum vovimus DEO cœli, & Domino mortis devictori in cruce exaltato extruendæ novæ aræ, quàm etiam in centro hujus Diocesis, pusillique gregis nostri in aperto campo propè hanc residentialē Civitatem nostram Heilsbergam extra muros intra limites Parœciæ hujus citra cujusquam præjudicium, ex quo celebriori modo inter summè turbidorum temporum, & depressarum for-

narum

tunarum angustias fieri, vel exordiri potuit, auxiliante eodem Domino, eo in loco, qui sub miserandæ aut derelictæ crucis nomine, & effigie non sine specialium gratiarum experimento devotè à piis Christi fidelibus frequentabatur, in forma templi exstructam, & erectam hodie solemmniter in cleri & populi frequentia ritu consecrationis solito dedicavimus sub titulo Exaltationis Sanctæ Crucis. Quod Festum Exaltationis S. Crucis alioquin duplex majus ut etiam deinceps stabiliter in tota Diœcesi hac Varmien. ad populum devotè celebretur, diem Dominicā proximam post octavam B. Virginis Mariæ designare in Domino placuit, atque ad eum locum, & diem immediatè dictum, nec non pro die Festo Inventionis S. Crucis à S. Sede Apostolica expetere, & obtinere indulgentias plenarias verè pœnitentibus, & conversis ad Dñum DEum, qui non vult mortem peccatoris, sed ut vivat DEO misereni summo bono impetravimus. Dominus iratus est populo suo, & signa sunt evidentia æquè, ac terribilia iræ suæ, quæ ita ex omnibus apparet partibus, ut dubium ejus nullum relinquatur. A tot annis affligimur infelicitate crudelis belli, sensimus rigorem frigoris excessivi, unde infirmitates periculosæ, & extremæ miseriæ; terra renuit providere nobis ad vitam alimenta, & videtur minari maledictionem, quâ est percussa post peccatum primi nostri Parentis. Ad extremum non audimus, nec videmus secundum verba Jeremiæ non nisi planctus, non nisi gemitus miseri populi, qui panem petit, non nisi timorem proximæ famis, & aliarum punitionum, quæ funestè subsequuntur; unde venit diluvium tot calamitatum, quod inundat terram? nōne de corruptione ista universali? quæ regnat inter homines, nōne de multitudine peccatorum nostrorum? quæ in dies augentur? quæ in tantum excreverunt, ut eripiant è manu DEI tam misericordis ingentia hæc, sed justa flagella, quibus nostros punit excessus; nōne propter eam causam, quod superbundaverit iniquitas, pluit super capita nostra nocentia abundantiam infelicitatum? Et si frigus, & rigor præcedentis hyemis suffocavit maximam partem seminum terræ, nōne ideo? quod Charitas non tantum est refrigerata, sed etiam extincta in cordibus multorum. Quia verò DEus plenus bonitatis, & Pater misericordiarum non punit nos, nisi peccatis nostris adactus, exercetq; justam suam vindictam; idq; nisi ut cogat nos, quatenus ad eum revertamur, & ut nos ponat in statu clementiæ suæ, & misericordiæ. Promisit enim nobis ore Prophetarū, quod si convertemur ad eum ex toto corde nostro; si observabimus Divinam suam legem, providebit abundanter necessitates temporales, dabit fecunditatem terræ, suppeditabit, quidquid est necessarium ad conservationem vitæ temporalis, quæ non est nobis data, nisi ut laboremus pro acquirenda illa æterna, & immortalī. Revertamur ergo ad Dominum, invocemus eum, nam propè est; Pater noster est; cura & sollicitudo ejus extenditur super omnes creaturas: Dat escam animalibus, suppeditat volatilibus provisionem, quam petunt, non denegabit & nobis eandem, qui filij ejus sumus. Exire fecit quondam aquam abundantem ex petra per manum Moysis in favorem sitientis in solitudine populi; potest etiam emittere ex sinu terræ semina, quæ retinet; potest sine dubio, & sperandum est, quod faciet, si confidimus in Divina ejus providentia; si cessamus murmurare, & esse increduli. Appropinquemus ad thronum clementiæ, prosternamus nos ante divinam ejus Mtem, imploremus gratiam, precemur corde contrito, & humiliato, ut misereatur nostri. Constringamus eum cessando à peccatis, mutando vitam, detestando

*Calamitates
varie.*

A. C. 1709 testando vitia, ut avertat à nobis terribilia flagella, quæ minatur; non delistamus implorare ejus bonitatem, lachrymis & suspiriis, sincerâ pœnitentiâ, ut det nobis panem, quem ab eo petimus, tanquam à Patre nostro Cœlesti. Non vult nos ille perdere, sed periculis erudire, ut usu docti intelligamus, quàm infirmæ sint spes nostræ, quoties aut nostris viribus, aut præsidiis nitimur humanis. Confugiamus ergo ad Aram misericordiæ ipsius, qui nobis in loco habitationis nostræ singulare erexit cornu salutis de salutifera S. Crucis suæ, & passionis memoria; extirpemus omnem malitiam, & superbiam ex corde nostro, humiliemur contriti in conspectu Domini; emendemus quæ ignoranter peccavimus, ambulemus, & serviamus ipsi in timore incolatûs nostri, & novitate Spiritûs excitati ad currendum vias mandatorum ipsius, ut sub præsidio S. Crucis ab omnibus liberemur adversis, & infelici morte; à cruci affixo reis concessa venia, piis adaucta gratia: quem venientem judicem, dum in nube parebit signum filij hominis læti aspiciere mereamur. DEUS pro sua providentia tantos terrores, æumnas, pericula ab hostibus opponi ideo videlicet finit, ut nostros spiritus frangat, animos domet; nosque ad submissionem, & humilitatem erudiat. Illos quocirca, quibus incumbit cura, verbô & exemplô erudiendi populi hortamur in Domino, ut sub hocce gravissimo metu & amaritudine, quâ undiq; replevit nos Dominus, & impendentis nobis iræ desuper tot jam præfagiis, & monitis supernis nobis præparati, & indicti acerbioris flagelli doceant confugere, per veram pœnitundinem ad asylum, & locum salutis votivum crucifixi DEI, si fortè respiciens rectos gressus ad se venientis seu revertentis, & post tergum retrorsus abjicientis peccata sua populi, nec nova accumulantis exaudiat nos, & propitietur, ne pereamus. Volumus autem ut in Ecclesiis univèrsis certum hoc in afflictionibus nostris solatium populo proponatur, & ad devotionem ad JESUM Crucifixum in hoc dicto loco excitetur, ut flagella imminèntia belli, pestis, & famis deprecari queat. Quod per cursoriam solitam denuntiandum omnibus est, utq; id primo post receptionem earum, festo, populo intimetur, commendamus. Datum in Arce Nra Heilsbergensi 30. Septembris.

PETRO KCZEWSKI PALATINO MARIÆBURGENSI.

Heilsbergâ 12 Octobr.

DE itinere meo pro Capitulo præterito Plocensi nuntiavi tibi; sicuti & de liberalitate Dñi Palatini Siradiensis, qui sex millia floren: pro Missione Regiomontana in paratis misit.

Scriptum contra reditum Regis AUGUSTI meo judicio per Vice-Cancellarium Litvaniæ ego etiam habui.

Visitavit me Palatinus Vilnensis, qui tanquam in ultimo æumnæ cumulo desperat (magnus sibi ipsi non facit finem dolor) nam inimici sunt multi, invidi pene omnes; In consilium eorum non venit unquam anima mea & in cœtu illorum non sit gloria mea.

Libenter te habuisssem pro 30ma præteriti; Consecravi enim Cappellam ex voto ædificaram Heilsbergæ.

Jam scio Matrem Regis Stanislai (impatiens medicus pejor est morbo) cum Aula sua Elbingam Gedano transisse, & quidem modo particulari, quanquam communiter rerum visarum, vel auditarum Jura, & etiam ultra rem adjungere solent. Resciverat illa D. Cômendantem Elbingen-

bingensem non libenter eam Elbingam intromittere velle, hoc artificio usa est; (misericordia isthac, misericordia est) accepit literas passus Mariæburg, tanquam pro Mercatore cum uxore sua, & in curru cum mercibus pleno (quod ferebat tempus, & monebat necessitas) civitatem ingressa est, & tunc primum se declaravit; (præstat periculum semel subire, quam cavere semper) Jam enim Thorunij Saxones esse scivit; Stultitia est ei te esse tristem, cujus potestas tantum potest ubi Commissarius Bliwernitz plurimum filiginis, & avenæ congerebat. Pons autem exstruebatur sub Plocko, forte ad evitandos Suecos.

Cum sciam jam Regem AUGUSTUM esse Thorunij, & quod illum Rex Prussiae Kwidzinij speraret, determinavi iter versus Suiaviam, nemo me ergo acculabit merito meo, cum hoc sit necessitatis, & voluntatis, nam ibi invenire volui scopum salutis, & quietis privatae; & cum spes offertur, metus intenditur, ne de nobis tristis sententia feratur, timeo enim ne subiaceam Serenitati Czari edicto in Universali expresso. Proinde hodie hinc moveo, speroque te me visurum; Facies ea credo, ibidem quæ ut faciam, mihi suades, ipse me conformaturus ad voluntatem ejus, à quo honestè dissentire non possum. &c.

DENUNTIATIO ADVENTUS REGII.

NOS Consilarii Regni & M. D. L. qui copiosè ex Senatu & Equestri Ordine latus S. R. M. in præsentia M. D. Stanislai Comitis Dönhoff Ensisferi Regni Mareschalci Generalis Confœderationis Sandomiriensis Ordinum Reip. inseparabili semper, ac memorando ad Posteriores zelo, circa tuitionem Majestatis ac libertatis cum dispendio propriarum fortunarum convenimus.

Omnibus & singulis, quorum scire interest, significamus, quod cum Ss. Rex AUGUSTUS II. post extortum vicissitudine ac necessitate rerum ad hæreditaria dominia abitum, feliciter ad commissum sibi à DEO & libera gente Regnum rediit, huncque optatum reditum per literas universales promulgavit, invitando nos pro defensione Mæstis Suae & integritatis Reipub. Nos probè expendentes expressas in hoc S. R. M. Universali justas rationes & motiva & sufficientes in fundamento jurium nostrorum radicales præteritorum explicationes, simulque jurium & libertatis nostræ assècurationem, videntes præterea velociorem & feliciorum calamitatum Reipub. non posse esse finem, nec securiorem defensionem, nisi unanimiter S. R. Mæsti adhæreamus, tanquam Domino legitimo, benefico, & in charitate omnia disponenti, quod ipsum jam multi Palatinatus, terræ & Districtus, ipsumque Tribunal Regni, per publicam ad S. R. Mæstem ablegationem, judicio & plausu suo probarunt, & firmarunt, prout etiam Duces Regni, qui in his omnibus inauspicatis Reip. conjuncturis, illibata fide, infractâ constantiâ, sanis consiliis, & incomparabili fortitudine integritatem jurium, & Patriæ libertatem cum dispendio fortunarum, cum toto exercitu Regni heroicè, & indefesse tutati sunt, & modò cum eodem exercitu in tuitionem S. R. Mæstis & throni ejus advenerunt, propter has rationes acceleravimus in obsequium S. R. Mæstis, volentes & appromittentes, Mæstem, dignitatem & securitatem ejus, prout genuinos decet Polonos tueri & pro ea pectora opponere. Quemadmodum autem huc convenientes intelleximus, quod per totum hoc tempus loco solùm disjuncti eramus, intentionem autem verè S. R. Mæstis continuandæ possessionis Dominij sui secundum jura nostra,

nosque

A.C.1709 nosq; præstandæ ipsi fidei quàm proximi esse optavimus, quæ omnia in futuro volente DEO, generali congressu quem S. R. Mtas post finitam bellicam expeditionem se indicturam, præmissis in antecessum comitiolis, declaravit, luculentius statibus Reip. patebunt; ita abstrusam vi factorum mutui hujus propositi, intentionis & voluntatis conscientiam in lucem publicæ cognitionis MM. Dominationibus Vris & fratribus edimus, certi, quòd MM. Dominationes Vràe grato animo accipient reditum ad nos S. R. Mtis & declarationem nostræ lateri ejus adhæisionis.

Et quoniam Celsissimus Princeps Stanislaus in Slupova Szembek Archi-Episcopus Gnesnensis Primas Regni, & M. D. L. (qui in hac desperata Reip. plaga & inter tot præcipites casus decus publicæ fidei animiq; constantiam illibatè conservando, maturo consilio & salutaris in publicum cunctatione restituit rem Polonam æviternâ nominis & facinorum suorum gloriâ) adhuc dum ob defectum securitatis redire non potuit, unde volentes servatam auctoritatem & dignitatem Primatialē, rogamus eundem, ut in reditu suo non dilato in Patriam, similibus suis innotescentiis reditum S. R. Mtis statumq; præsentis Reip. sub auspicijs Regnantis Domini juxta normam præteritorum temporum, in toto Regno Poloniae & M. D. L. promulget, simulq; lateri ejus pro consilio adesse velit. Interea instrumentum hoc propriis manibus subscriptum typis edendum & juxta morem publicandum commisimus M. D. Marschalco Generalis confœderationis. Actum Thorunij 21 Octobr.

MEMORIALE AD CONFERENTIAM CUM MINISTRIS CZARÆ MAJESTATIS.

Quandoquidem Respub. initum cum Czarea Mte fœdus in omnibus sacrosanctè servavit, cum appreciatione obtentæ victoriæ de communi hoste, ad quam hæc Respubl. ex parte sua, & detentione Krassau, Stanislai, & Palatini Kijoviæ per exercitum suum non parum auxilij contulit, expedit satisfactionem tractatûs flagitare in his punctis. Executio ex parte Czareæ Mtis desideratur.

Et primo quidem fœdus hoc obligavit Czaream Mtem ad succursum Reipub. in 12 millibus auxiliaris exercitus sub directione S. R. Mtis, alendi sumptibus Czareæ Mtis, modò autem per aliquot annos aliquot dena millia portionum in equestrem & pedestrem exercitum Czareæ Mtis exhausta Respubl. in Polonia & Litvania cum magno suo damno providendo etiamnum modò sub eodem jacet onere. Proinde Respub. precatur Czaream Mtem ut compatiatur ruinæ suæ, educatq; hunc exercitum ex visceribus regni & M. D. L. relicto numero in pactis expresso, non enim est possibile, ut pauperes homines fame morientes tantæ multitudini alimenta suppeditare possint, nec opus est pluribus copiis, quandoquidem Respublica si exercitui Sacræ Regiæ Majestatis suum & peditatum Moschoviticum in pactis expressum jungeret, cuivis hosti par esset resistendo.

Sine notitia Czareæ Mtis fieri debet, quòd aliquæ civitates in Palatinatibus uti Lublinum præter commeatum adigantur ad summas pecuniarias, quod per exercitum Czareæ Mtis templis, Monasteriis & aulis Nobilium nulla securitas, sacerdotes, Religiosi, Nobiles verberati, inhonestè tractati, equi jugales, greges, & armenta sub titulo postæ & angariæ adëpta, stabula juvenis & ovib⁹ evacuata. Transitus præterea in
viis

viis haud securus, nam milites Czareæ Mtis sine distinctione personarū per rapinas & spolia necessitatibus suis provident. Rogat itaq; Respub. Czaream Mtem, ut compatiendo pauperibus incolis, qui servando sœdus sanitatem & fortunas amiserunt, oppressiones hasce tollere velit, & sistere lacrymas inopum cœlum penetrantes, ut discrimen sit inter manus amici & inimici. Sciendum autem quod Antecessores nostri ante selqui centenos annos, sub hæreditariis adhuc Regibus hujus oppressionis jugum excusserint, ne ullo prætextu ab eis angariæ & commeatus exigenterentur, præsertim ut in domibus suis & viis multò magis in locis DEo sacris ab omni qualicunq; infestatione essent securi, quo effecerunt, quod Nobiles ab hoc semper fuerint immunes, ut nec Regibus in hoc sit concessa potestas.

Ukrainæ cum Bialocerkiensibus tormentis restitutio toties declarata, & ad reditum S. R. Mtis, ac pacificationem tumultuum in Dominis Czareæ Mtis dilata, nunc expleri debet, cum Rex Seren: intra limina Regni feliciter substiterit, & Rex Sueciæ Bendero per Valachos actū in Hungariam tendat, uti ex Valachia certæ literæ informant. Rogat itaq; Respub. impletionem hujus puncti habens proprium militem ad manutenendam hanc provinciam, simulq; evacuationem nullo jure occupatorum fortalitiarum, ac bonorum, maximè Miedzyrzecij & Polonij, quæ ut legitimæ possessioni hæredi D. Succamerario Regni restituantur, instat Respub. eandem instantiam defert de Brachilovia & Bychovia.

Exercitus Reip. in aliquot expeditionibus sine respiro, & in præfenti per 18 menses instantè operando, cum nec stipendium, nec hyberna stativa habere possit, rogat ut declarati per tractatum ex thesauro Czareæ Mtis milliones in integro numerentur.

In proventibus teloniorum notabile Respubl. passa est damnum, quòd Mercatores cum mercibus transiverint limites Poloniæ sub protectione Dominiorum Czareæ Mtis, in quo à præterito satisfactionem, in futurum autem severum decretum petit Respub.

Coæquatio universalis monetæ utriusq; gentis valde necessaria est, unde cum per experientiam constet, quòd tymfo Polonicus tantum habeat argenti, quantum 15. kopiki, ut igitur hic decreto Czareæ Mtis promulgetur instat Respub.

Siquidem omnes unum corpus Reipub. constituunt, id est, tam illi qui in confœderatione perseverarunt, quàm illi qui quidem recesserant, nunc autem saniora consilia sequuntur, ac proinde omnium bona velut perpetua Reip. patrimonia ab oneribus libera esse debeant, distinctè tamen pro bonis regalibus, & spiritualibus quæ jure naturali & antiquo ad alimoniam exercitus Reip. & subsistentiam ejus pertinent, uti etiam pro bonis Equitum in confœderatione bene meritorum, Respub. instat apud Czaream Mtem, petens, ut in hisce bonis exercitus ejus nullam audeat extendere exactionem, multò minus subsistentiam prætere.

Tormenta ex fortalitijs Reip. adempta, ut Brodoviâ. Dubnâ, Olygâ, & ex Litvania, Slucco, Mochiloviâ, Bichoviâ, alijsq; quibus Duces præfidiarios imponere intendunt, ut Czarea Mtas jubeat reddere juxta assecurationem in multis declarationibus datam, petit Respub.

Varia navigia in Vistula detenta, quandoquidem plures quadragenas sine suspitione contagionis sustinuerunt, ut possessoribus suis relaxentur & reddantur, requiritur.

Pro finali petit Respub. Czaream Mtem, ut relinquatur circa supremum & Cardinale jus Dominij sui, id est ut desistatur à sequestratione

1709 one personarum, quæ hætenus partes adversas secutæ, redeunt ad obedientiam Seren: Regis, siquidem Respubl. futurorum provida jam in Confœderatione Sendomiriensi contra tales judicium constituit, putatq; illud sufficiens fore ad satisfactionem injuriatorum, proindeq; ut sequestratas varias personas in suis terris, maximè Principem Michæelem Wiszniowiecki, pro quo Respub. jam per Legatos instabat, Czarea Majestas dignetur eliberare, eadem Respub. instantissimè petit, insimul ut à persecutione Excubitoris Regni abstinenceatur, utq; bona ejus ab exercitu Czareæ Majestatis libera sint, instat Respubl. & in suum id recipit judicium.

Non postremæ Confœderationis recenter dissolutæ exorbitantiæ, deprædationes & homicidia in Palatinatu Braclaviensi, circa vineas & in vincinia, ubi nulla securitas in domibus Nobilium, sicuti recenter Dñum Daszkowski cum uxore & filiis occiderunt, substantiam abduxerunt, in pagis, & viis infestationes plurimæ & latrocinia, ideo ut horû Nebulonum, quos Respub. ad pœnas trahere intendit, Czarea Mtas protectionem prohibeat tam Duci exercitus Zaporoviensis quàm aliis præfectis, petit Respub. Facile autem his omnibus obviabitur, si sine dilatione ulteriori Ukraina possessioni Reipub. reddetur.

Quandoquidem notitia venit de cæsis Suecis in limitibus Valachiæ per exercitum Czareæ Mtis, proinde cum non videatur ultra necessarius hic exercitus in Podolia & Pokucia, rogat Respubl. ut hæ terræ totaliter evacuentur.

Notum orbi Polono justum interesse ex injusta deprædatione cimeliorum & domesticorum ornamentorum proveniens Dñæ Zachorowska Castellaniæ Volhinia per Kalmucos & Cosacos Danicos facta, variis legatis satisfactio sed citra effectum fuit commendata, cum sine recompensatione intepe scat, commendatur meliori determinationi damnorû, ne diutius in steriles curas in tœdiosa maneat expectatione.

Prætensio Castellani Lubaczewski, tot publicis legationibus fulta, in tam gravibus ejus despoliationibus, hucusq; suam non habet satisfactionem, cum pro acceptis sesqui ducentis millibus, non sint dati nisi ad rationem quingenti Rublones, residuum hucusq; manet in promissis.

Accepta Dubnæ notabilis supellex Dñæ Succamerariæ Regni, nec non depositum Capitanei Wlodzimiscensis, quod hucusq; non sint refusa, justum dolorem & injuriam Respub: demonstrat.

RESPONSUM Ad PRÆMISSUM MEMORIALE die II. Octobr.

Quod attinet conservationem initæ colligationis Czareæ Mtis, quodq; ei satisfactum sit, gratificatur, contentaq; est, quod cum auxiliaribus copiis Sux Czareæ Majestatis detinuerint.

Ratione autem auxiliaris exercitus, Czarea Mtas satisfaciendo colligationi, eundem exercitum ipso necessario tempore, cum hostis cum omni potentia in visceribus domini ejus esset, misit sub directione Generalis Mareschalci Goltz ad defendendas Dominationes Vras ab hoste ne eas committeret discretioni hostili & ab ultima ruina defenderet, devicto autem hoste sub Pultava victoriosissimis armis Czareæ Mtis, habitaq; notitia de Generali Suetico Krassau, quod adhuc in Polonia hospitaretur, ac quovis momento plures copię ad eum accederent, cui Regni & M. D. L. exercitus non possent dare repressalia, cum eoq; confligere, aut ex Polonia eliminare, nisi junctus prænominatis auxiliaribus copiis

copiis Czareæ Mtis, ne igitur ille magis roboraretur, aut vel caderetur vel ex Polonia pelleretur, ideo Czarea Majestas jussit aliquot cohortes Equitum suorum tendere in Poloniam, ut jungerentur præfato exercitui prius in succursum misso, antequam sciretur de abitu Czareæ Mtis. Cum autem hic hostis audivit de adventu exercitus Czareæ Mtis secedere coactus est in Pomeraniam Sueticam. Et quamvis exercitui Regni possibile erat exitum impedire ante adventum exercitus Czareæ Mtis, id tamen factum non est. Quid desiderant status Reip. ut exercitus Czareæ Mtis educatur ex Polonia, utq; solum remaneat numerus in colligatione expressus, nimirum 12 millium, ipsæ Dominationes maturum super hoc possunt ferre judicium, quomodo possibile sit in tali resolutione hunc exercitum, qui tantum iter à Pultava pro Regni defensione suscepit, iteratò hoc iter remetiri possit. At expedit ut Dominationes illis compatiantur, & pro defensione armis Czareæ Mtis à communi hoste jurium & libertatis, præstito auxilio pro restitutione in thronum legitimi Principis, curam habeant hujus exercitus, ut quiete fruantur in consistentiis, habeantq; necessariam annonam & pabulum post tot exantlatos labores & itinera, utq; possint refectis viribus iteratò fortiter agere contra communem hostem, cum non sit certum, an hostis non possit restaurare vires, & pro vere in Poloniam irrumpere. Si autem sequenti expeditione hostis in Poloniam non irruet, nec aliud periculum apparebit, tunc Czarea Mtas relicto numero exercitus in fœdere expressi, reliquos jubebit excedere, quo eis contra hostem opus habebit. Quod autem dicant in aliquibus Palatinatibus aliquot civitates & oppida præter commeatum aggravata esse pecuniariâ contributione, ad id respondetur: quòd ab aliquibus locis, quorum incolæ commeatum dare nolebant, Commissarii modicam summam exegerunt pro eodem commeatu còemendo. Quod autem scribant, ruinam factam in Polonia ab exercitu Czareæ Mtis, hujus nullum adferunt documentum, quis. ubi, aut cui aliquam intulerit ruinam, hujus autem mentionem non faciunt, quot de exercitu Czareæ Mtis in viis ab adversariis interfecti, nec ullibi liberum transitum habent, contra quos adversarios Resp. deberet judicium formare, justitiæq; insistere, has insolentias non concedendo, quandoquidem ab ijs datur occasio exercitui Czareæ Mtis contentionum cum incolis Reip. Si autem quispiam ex exercitu Czareæ Mtis præsumeret aliquid insolentius agere contra edictum ejusdem Mtis, id cum certis documentis deferatur Generali Marechalco Principi Mezykow, aut si alibi contingeret, gubernium habentibus Generalibus, qui in mandatis habent insolentes & reos juxta judicia puniendi. Quandoquidem universo exercitui severo edicto intimatum est, ne ullam injuriam aut ruinam genti Polonæ inferant, sub interminatione severi supplicij, hæc autem edicta etiam modo sunt iterata.

Ratione commeatum & pabuli, hæc cum plena potentia à Republica ablegatus Palatinus Culmensis Dzialynski ad Czaream Mtem declaravit in constitutione colligationis, Ipsiq; Illm̃i Dñi Proceres à Rep. pro consiliis deputati commeatum hunc pro exercitu Czareæ Mtis concesserunt, in quo nunc post defensionem ab hoste non deberent contrariari, siquidem hostis centies plura cum magna illorum ruina accepit & prætendit.

De reddenda Ukraïna. Quandoquidem Czarea Mtas apud Serenissimum Regem & inclytam Remp. relinquere vult extraordinarium cū omni plenipotencia Legatum, intimum consiliarium & Equitem Principem

A.C.1709 cipem Gregorium Federowicz Dolhoruki, ideo eidem in mandatis dedit in futuris comitiis, vel generali consilio nonnulla negotia Serenissimo Regi & ordinibus Reip. pertinentia ad ejus & Reip. commodum patefacere, & si optatam propositionum suarum impletionem & satisfactionem obtinebit, habet idem Legatus facultatem à Czarea Mte hæc loca in Ukraina reddendi. Quod autem concernit Poloniam, Miedzyrecium, Brachtloviam, nunquam Czarea Mtas hæc loca sibi occupavit, nec ea sibi præten- dit. Unde si Serenissimus Rex secundum judicium Reip. hæc adempta adversariis suis, alicui de se bene merito in possessionem tradere dignatus est, Czarea Mtas id impedire non potest. In reddenda Bychovia Czarea Mtas sic faciet, sicut Ordinibus Reip. nuper in generali consilio Lublini juxta eorum desideria manifestavit.

De auxiliaribus pecuniis pro exercitu Regni, Czarea Mtas nunquam contradixit eas pro exercitu Reip. dare, sicut etiam in hac expeditione factum, etsi præter expensas incomparabiles difficultates bellicas habeat, etiam in posterum consideratis meritis exercitus Regni in hoc contrariabitur, dummodo juxta declarationem exercitus in campo sistatur, & actiones bellicas, ut decet, obeat.

De teloniis à mercatoribus discedentibus per Dominia Poloniae jam est extraditum mandatum à Czarea Mte ad exercitum, ne huic rei se immisceant, & concreditum Illmo Palatino Belzensi supremo exercituum Regni Duci.

De moneta currenti Czareae Mtis, possunt ipsæ Dominationes advertere, quod etsi moneta Rossicensis parva sit, ex probato tamen constat argento non tali, quale est in tynsis, in quibus parum argenti invenitur; unde pertinet ad ordines Reip. ut Rossicensis moneta in Regno Poloniae ubique sine difficultate acceptetur, & ut pro tynso non accipiantur 15 Kopikæ, sed sicut olim 12 vel ad summum 13, similiter ut super hoc mandatum mittatur ad mercatores & incolas.

Quod autem scribant, unum corpus constituere tam eos qui in confederatione fuerunt, quam eos qui adversæ parti adhæserunt; nunc autem revertuntur, Czarea Mtas debet discrimen facere inter eos, qui ejus erant amici & confederati, cum iisque velut cum amicis procedere, benignitatem & gratiam ijs exhibendo, & inter eos qui hostes ipsius erant & adversabantur, vel etiamnum adversantur, ac cum his velut cum hostibus procedere, cum id non tantum externis, sed etiam unius gentis hominibus in toto mundo fieri soleat.

Ratione subsistentiarum hybernalium, de hac Serenissimi Regis relatione conferre potest Princeps Męzykow Marechalculus cum Ducibus Regni, dispositionemque facere, quod idem Princeps in commissis habet.

Ratione tormentorum ex locis Reipub. quibus hostes aut adherentes ejus non sunt usi contra exercitum Czareae majestatis, reddentur juxta primam declarationem. Quod autem Ordines Reipub. in memoriali suo scribunt, & desiderant, ut à sequestratione eorum, qui adversæ parti adhærebant, cessetur, etiam super hoc mandatum dare dignata est Czarea Mtas prænominato plenipotentiam habenti legato suo Principi Dolhoruki in futuro Generali consilio proponendi & satisfactione de iis, qui palam & occultè hostes erant Czareae Mtis, & contra exercitum ejus bellabant, exigendi, quod tunc temporis clarè ex propositione Dni Legati intelligere poterunt. Quod autem intercedant pro Principe Michaële Wisniowiecki, ut eliberetur, putat Czarea Mtas Ordinibus Reip.

Reip. bene notū esse, quantas contrarietates & inimicitias Eidem fecerit, non perpendens varia subsidia à Czarea Mte præstita exercitui Litvanico, ac præcipuè particularem personæ ipsius præstitam gratiam, bevolentiam, sublevationem in pecuniis, promotionem ejus apud Serennum Regem, & alia, attamen semper non tantum contra exercitum Czareæ Mtis egit, sed multos libellos famosos sub specie universalium quæ tangebant personam & honorem Careæ Mtis edidit malamq; in personam ejus habuit intentionem, maximè cum nuper Careæ Mtas proficisceretur Varavia Grodnam & Vilnam, miserat exercitum suum volens eam intercipere, à quo exercitu tunc equi ejusdem Mtis accepti sunt. De excubitore Regni testimonium perhibebunt in scriptis accepta apud eum documenta, quòd totaliter contrarius fuerit Czareæ Mti & Reip. ex quibus colligitur quòd intendens avertere Hanum Krimensem, & deducere in dominia tam Reipub. quàm Czareæ Mtis Tartaros, de quibus referet Legatus in generali consilio propter documentum ipsius originale.

Ratione insolentiarum & latrociniorum in Palatinatu Braclaviensi prope vineas, quos ad pœnas cogere vult Resp. nec id Czareæ Mti notum est, à quo fiant. Si autem à gente Polona, non militant contra Czaream Mtem, si autem à Cosacis subjectis eidem Majestati, mittetur super hoc juxta voluntatem Reipub, mandatum ad Ducem exercitus Zaporovienfis D. Skorupaki, ut insolentes còerceat, nullam eis det protectionē.

Exercitum ex Pokucia & Podolia evocare nondum est possibile, quamvis Rex Sueciæ cum reliquiis militum suorum est Bendoræ, siquidem mandatum habet ut residuos observet in viis, quod ubi perficietur evacuatio fieri poterit.

Quandoquidem in negotio Castellanae Volhyniæ antea sæpe responsum est, quòd post factam inquisitionem, nihil probatum nec inventum est, & quod fieri potuit, est satisfactum.

In negotio Castellani Lubaczewski, assignati Commissarii, ad compositum judicium, cum esset Czarea Mtas in Polonia, ut ei justitia administraretur, ast tunc post propositas à Judicib⁹ difficultates, inveniri non potuit, cum rei non sint intercepti, attamen Czarea Mtas etiam tunc ex thesauro ex benignitate sua aliquam summam in compensationem dare jussit.

Quis acceperit Dubnæ depositum Succamerarii Regni uti etiam Capitanei Wlodziwciscensis, cum de hoc non constet Czareæ Mati, an etiam id eo tempore factum, cum adversæ adhærerent parti, maximè Succamerarius Regni exercitui Czareæ Mtis palàm contrariabatur, & subditis ejus inferebat ruinam, de quo informari debet Plenipotentarius & extraordinarius Legatus.

De cæteris non est facienda instantia, sed oportet ut compareant ad inquisitionem, siquidem incidentes in Capitaneum ex exercitu Czareæ Mtis cum aliquot militibus vulnerarunt & occiderunt, similiter Cancellaristas ejusdem Majestatis, pluresq; alios interfecerunt, post factam autem inquisitionem, morte in eos animadvertendum, ne similes prædones imposterum audeant latrocinia exercere, aliàs alio modo de iis quæretur satisfactio.

SERMO THOMÆ DZIALYNSKI PALATINI CULMENSIS AD REGEM AUGUSTUM Thorunij 30 Octobr.

NON errantes sed errabundi quia derelicti Palatinatus nostri terræ Prussicæ occurrunt & per nos Nuntios suos & juratos Senatores

A.C. 1709 se plantis Regiæ Majestatis Vrä substernunt. Repræsentantes calamitatem suam, emendicant ab innata Mtis V. clementia, jurium & libertatis suæ nondum conculcatæ benignam conservationem. Deferimus Mti V, quòd bella geramus, & hostem nequeamus agnoscere, à manu premente pereamus, & quæ illa sit, nesciamus, omnes pro libertate, reparatione lapsorum jurium se declarent, & loco felicitis reductionis ad thalamum, palàm per exhaustionem Patriæ nostræ fodiant tumulum. Conabatur & etiamnum conatur Anglia & Hollandia Carolum ad thronum Hispanicum sublimare, Rex autem Galliæ Philippum sustinet, & pro eorum conservatione non exigunt milliones. Unica Patria nostra contrario petitur modo ad externum auxilium, & licet undiq; spoliata, pax tamen nondum revehitur. Quærimus Cardinalis juris velamen, quo vel ipsis Apostolis in plantatione vineæ Domini, licet apud Paganos gloriari licuit, Civis Romanus sum, appello ad Cæsarem, hoc idem licet aliis verbis, neminem captivabimus, nulli bona adimi permittemus, nisi victo, nec invenire possumus, hujusmodi mentionem facere non licet, cum procul ab eo distemus tempore, quo quidquam in nos sine nobis statuere non licuit, & quod intolerabilius, cum deficiebat externa manus, proprii filij Patriæ imponendo sine auctoritate assignationes intolerabiles, contrarias juribus nostris extorquebant contributiones, manus suas in sanguine laverunt, expilando impunè sacrarium Domini, aulas Nobilium, casas inopum; & ubicunq; agebatur de reputatione Nominis & Gentis Polonæ, cum adversa pars appropinquaret, abductis spoliis, aut iis relictis in manu hostium, terga vertebant. Non enarrant Fratres nostri calamitates suas, sed cum plena fiducia accedunt thronū gratiæ Mtis Vrä, submississimè supplicando, ut restituat Patriæ tranquillitatem, in qua eam reperit post felicissimum p. m. JOANNIS III. Dominium, sub quo Sacraria Domini fuerunt intacta, Ministri altarium in observantia, Nos Nobiles in domibus nostris cum juribus & decore securi, civitates in suo flore, miser deniq; rusticus persoluto suo debito, securus & hilaris sub tecto suo cecinit: depresso incipiat jam tum mihi taurus aratro ingemere, & sulco attritus splendescere vomer. Aliud autem efficacius medium non reperiunt Palatinatus nostri, nisi per internam concordiam, & citissimam indicationem comitiorum Pacificationis, quam enixè precantur, certum enim putant, per externa auxilia ignem hunc posse tegi, sed non statim extingvi faciliusq; mutationem statūs, ruinam jurium & libertatis quàm remedium allatura. Quòd S. R. Mtas cum reditu suo has omnes calamitates à nobis avertet, firmiter sperant Fratres nostri, si præteritorum oblivionem Paternā clementiā, præsentium temporum calamitatem innato & heroico respectu, miseriæ nostræ, futurorum felicitatem fortunarum & jurium nostrorum benigna sublevatione sustentaverit.

COPIA LITERARUM REGIS AD PRIMATEM.

Reverendissime in Christo Pater, & Domine sincerè Nobis Dilecte.

DEbitas Divina Majestati referimus gratias, quòd cum reditu Nostro ad hanc inclutam Rempub. omnia aspera convertit in vias planas, numerosam planè ab omnibus Palatinatibus & Terris accepimus benevolentia & fidelitatis contestationem, habuimus relationem à Tribunali Regni per inclytos ejus Deputatos, ab Exercitu utriusq; Gentis per Duces & publicam legationem fidei & zeli honoris nostri expressionem. Gavisi sumus copiosa ex utroq; sacro

ac seculari Senatûs ordine frequentia suscepimus patienti clementie nostrae sinu ad Nos confugientes, exortas inter cives & familias M. D. Lit. differentias ex parte sopivimus. Legatum ab Hano Tartarico habuimus, & post datam ei audientiam, agnita in conferentiis vera amicitiae contestatione convenienter expedivimus, Nobilem Bakowski cum literis ad Portam Ottomanicam cum contestatione constantis amicitiae nostrae & Reip. expedivimus. Generale consilium pro 4. Febr: Anni sequentis cum assignatione comitiorum pro 7. Feb. conformando Nos publicae expectationi ad sananda hujus Reip. vulnera, & integram ejus pacationem indiximus. Inclytum exercitui utriusq. Gentis laudabili zelo honorem nostrum sub directione suorum Ducum tuenti ad addendos animos, eo quod distributiva justitia manibus nostris concedidit, satisfacimus, omnem dispositionem cum exercitu utriusq. Gentis unâ cum Ducibus fecimus, prorsus nihil intermisimus, quod ad vota publica & satisfactionem ex parte nostra pro tunc considerari & expectari poterat, & cum in hac inclita Rep. quieti vacare vellemus, disponentes Nos pro curis & laboribus imminentis congressus, deferuntur ad Nos gravia hereditariorum nostrorum Dominiorum negotia, propter quae utpote cum commodo hujus Reip. ob personam nostram correlationem habentia, necessitate coacti ad breve tempus illuc nos transferimus. Quod primario Excell. Vra, de cujus felici in charam Patriam reditu & datis innotescentiis specialem habuimus satisfactionem, significamus, multumq. desideramus, ut Excell. Vra per hoc tempus elongationis nostrae vigilem habeat oculum in omnes partes, & nobiscum vel per dispositos postarios vel per expressus veredarios in omnibus negotiis publicis pro gradu suo in Rep. conferre dignetur. Scripsimus speciales ad Duces utriusq. Gentes, intimantes eis abitum nostrum. Affecuramus autem Excell. Vram quod compositis Dominiorum nostrorum negotiis, in tempore ante terminum sequentis Consilij reditum nostrum maturabimus. In reliquo Excell. Vra bonam à DEO valetudinem & fortunatum successum optamus. Dat. Thorunij 19 Novemb. Anno Domini 1709 Regni Nostri XIII.

UNIVERSALE PRIMATIS.

Stanislaus in Slupow Szembek Archiepiscopus Gnesnensis Legatus Natus, Regni Poloniae & M. D. L. Primas Primusq; Princeps.

OMnibus & singulis &c. Nunquam fuit intentio mea extra limites abire, sed potius semper adesse afflictæ Patriæ non tantum corpore, sed etiam consiliò, curâ & auxiliò, uti decet officium meum Primatiale. Ad tutiora me recepi coactus potentia exercitus Suetici, qui universam planè Remp. inundarunt. Nec tamen citius ad id me resolvi, quam præcessit altum judicium & consilium multorum Senatorum Leopoli præsentium, in quorum sententiam concedere planè mihi tunc conveniebat. Ut egressus sum limites, non quievit animus, quod in propinquo Patriæ servire, & in consortio consiliorum & curarum adesse non possem, prætædio dies mihi fuerunt pro ut anni, & sæpe ipsum cor ærumnarum non particeps, imperterritum tamen videbatur esse ad subeunda pericula, solummodo ut præcedere posset ex munere commissi sibi officii, ad conservanda jura & libertatem patriæ, ad conservandum in integro nexum Confœderationis Sendomiriensis, & pacificandâ totaliter Rempub. Sed impediti undiq; ex Silesia transitus notum omnibus opposuerunt impedimentum. Ne tamen in his circumstantiis tempori & loco deessem, obligationis meæ erat, & ne amor hic in Patriam, qui semper animo meo insidebat & suscitabatur cogitationibus assiduis, videretur sopiri & infirmari, ac in discrimen præposteræ alicujus interpretationis

A.C.1709 tationis venire, observavi sedulam consiliorum communicationem, tam cum Illmis Ducibus, quorum heroicam virtutem & gloriam sicut præsens suspicit ætas, sic etiam ad posteros loquetur, quam cum M.D. Marechalco Generalis Confœderationis Reip. cum viro magno & cum maximis comparando, & quidquid ex hac communicatione pro utilitate publica fieri expediebat, omnem in id converti curam & applicationem. Maximè cum Echo de reditu Regis Serenissimi auribus meis insonuit, conabar reditum hunc S. R. Mti antevertere, verum cum succedens exercitus auxiliaris ipsiusq; Czareæ Mti præsentia, uti etiam exercitus hostilis proximus translimitaneæ meæ residentiæ non permiserunt, uti S. R. Mti exspectare & observare solennitates regressus sui, ita & mihi adimplere veras intentiones & proposita mea ad facilitandas & amovendas publicas difficultates, ipsasq; has solennitates, nisi cum magno periculo personæ meæ, volens nolensq; exspectare debui etsi cum magna molestia mea securum transitum. Tandem cum desiderium redeundi amplius moram pati non posset, postquam exercitus hostilis ab his proximis limitibus declinasset, etsi tunc nondum undequaq; securo tractu itineri me commisi, & superatis periculis, huc per gratiam DEI feliciter perveni, ubi imprimis DEO ad gloriam deinde Patriæ ad publicos ejusdem usus offero ulteriorem vitam & fortunas meas. Quæ omnia exponendo Illmis Dominationibus ac fratribus meis corde puro & vero, insimul promulgatum tam universali quàm extraditum meum translimitaneum ab Illmo numerosissimo Senatu & inclyto Ordine Equestri tunc præsentis ad latus S. R. M. Thorunii, instrumento, regressum Serenissimi Regis, Principis in neminem injurii, benefici in plurimos, Illmis Dominationibus Vris significo, maximè post inchoatum fausto omine Tribunal Regni, & expeditos ad S. R. M. cum expressione illæfæ hætenus & sinceræ fidelitatis, legatos à pluribus Palatinatibus, quorum universali judicio sensum meum accommodaturum me semper declaravi. Non dubito quòd quidquid ad pacificandam & uniendam Remp. ad conservanda jura, libertatem ac decus Patriæ, ad restaurandum id, quod ex orbita declinavit, expediens fuerit, totum id in primo DEO volente conventu sepultis civilibus discordiis, firmabitur & auctorabitur publico actu, ad quod ego omni cura allaborabo. Sensem meum in sequentibus comitiolis aperiam. Interea ut DEus inspiret bona consilia simul & facta, Mti ejus supplico, & pro meliori fide ac valore universale hoc meum sigillo apposito manu propria subscribo, quod statim per castra, Provincias, & consueta loca transmittendum & publicandum commendo. Dat. Czestocoviæ 7. Novemb. Anno 1709.

UNIVERSALE REGIS

AUGUSTUS II. DEI Gratiâ Rex Polonia &c.

Omnibus & singulis &c. Et Nos & mundus universus palàm videt, realiter agnoscit, quòd quem DEus protegit, frustra ab hominibus impetitur, quòd Spiritus Omnipotentis magnam facit suæ ostensionis evidentiam, quòd quidquid sit aut factum, à DEO factum est istud. Nam vix dum extraditis innotescentiis nostris in finib⁹ Regni substitimus, & statim hostis ex nostris ad suas pulsusterras, in cordibus quoq; subditorum nostrorum non immutatum zelum inveniunt, auribus & oculis excipimus tot in occursum obvios utriusq; ordinis Senatores, tam multos ex Equestri Ordine selectos cum fide-
deli

deli testimonio affectus ad latus nostrū comparentes, ex Tribunali Regni, ex universa Provincia Prussiae, ex variis Palatinatibus, Terris & Districtibus Regni & M. D. L. ablegatos Nuntios, audivimus, quorum affectib⁹ non tantum delectari, sed etiam gloriari convenit. Agnoscim⁹ autem & profiteamur hunc esse effectum memorandæ in perpetuas æternitates Confœderationis Sendomiriensis, quæ latam ostentandæ virtutis nacta materiam tam constanter, tam prudenter nullis adversitatibus fracta ad stuporem universi pro fide sancta, honore nostro, juribus & libertate sua exemplo Prædecessorum suorum in æviternam secuturæ posteritatis memoriam perseveravit. Hinc non tantum patet certitudo, quod verè imperent, qui imperant volentibus, non tantum spes sed & spei fiducia, quod etiam secuturis temporibus in totius Regni & M. D. L. civibus status pristinus rerum in desiderium veniet. Nos autem quod concernit, palam loquimur & profiteamur esse, quod sumus, in hoc Ordines Reip. asscurando, quod nihil magis desideremus quam mite velut ante imperium, impensissimam pro bono publico curam, promptissimos in omne genus curarum, & defatigationum humeros, hæreditariam fortunam nunquam eam dividendo à fortuna Regni nobis à Deo commissi, vectigalem Reipubl. non minus oneri quam honori sacrum ferre caput, pro scopo & meta unicè statuendo quietem Regni & pro præmio Reip. felicitatem, volentes in vim gratitudinis Regno & M. D. L. non frustra hanc spem de nobis conceptam esse, quod potestas nostra ad singulorum auxilium, non ad perniciem universorū comparata est. Sic geremus Principatum, ut orbis universus videat, rem populi esse non nostram, ut quamprimum Rep: in tranquillum reductâ, recuperatâ publicâ fortunâ Dominiorum nostrorum palam faciamus, & eâ unâ cum omnibus gaudeamus, ut hos à quibus amari nos sentimus, amemus, ut totum quidquid amisit fortunæ vel admisit infortunii Resp. ex integro reparare possimus. Ut deniq; ordinata sollicitudo secuturis temporibus pariat securitatem, nam reparare præterita, amandare præsentia, præcavere futura infortunia ad omnes pertinet Reipub. Status. Cum nos (quo coram Deo & hominibus manifestamur) nihil aliud magis optamus, quam demonstrare, quod omnino velimus corda subditorum nostrorum naturali & innata nobis bonitate devinciendo, de nulla re magis quam de gloria Regni esse solliciti, ut permaneat & duratura in Dominiis nostris revertatur felicitas. Ac proinde habentes pro justis & legitimis, quæ Reip. salutaria sunt, statuimus quamprimum non tantum verba in aures immittere, sed aperto pectore præstando plura quam pollicendo, omnibus congregatis Ordinibus Reip. id palam facere. Magnum itaq; consilium in fundamento Confœderationis Sendomiriensis indicimus Varsoviæ pro die quarta Mensis Februarij Anno Dñi 1790 Ante quod Universale pro comitiolis Palatinatibus, Terris & Districtibus omnibus tam Regni quam M. D. L. extradimus pro die 7ma Mensis Januarij ejusdem anni. Pro quibus ad declaratos jam antea deputatos per Comitua Lublinensia & Confœderationem Sendomiriensem, si fuerit necessitas aut voluntas, eligere poterunt (exceptis his, qui hosti nostro assistebant, ausiq; sunt & præsumpserunt manus elevare contra Mtem nostram, & contra exercitum Regni, & consilio juvare adversam partem) ut hi quod tempus monet, provideant, & quidquid pro bono publico, necessarium judicaverint, nomine Palatinatum, terrarum & districtuum suorum in publico consilio proponant. Hoc maxime hisce nobilibus Nuntiis comendando, ut in unione ani-

4.6.1709 morum id agant, quod omnino si salvam Remp. volumus, agendum est. Interea ut sancita Reipub. in comitiis Lublinsibus, consiliis & congressibus præteritis executioni mandentur, non tantum laudabilem sed & necessariam cogitationem eamq; seriam, & reali effectui datam, quivis Patriæ amans nobiscum fateri cogitur, præcavendo ne in casses jam expertos rursus incidamus. Cum autem jam agnoverit Polonia, quid sit in partes, in dissidia, in opiniones scindi, Paterno affectu nostro cupimus, ut eadem omnium voluntas, idem ad conservationem universi studium, par in omnibus reperiatur propensio, omnis res anterior posteriori vel normam vel cautelam præministrat. Hæc ad notitiam omnium Palatinatum, terrarum & districtuum tam Regni quam M. D. L. (cui civitatem Sionimum pro congressu consignamus Brześć Litvaniæ Anno.. Mense.. die.. In ordine ad celeriores Sancitorum executionem Lublinsium, intuitu erigendi exercitus, & fulciendæ confederationis Sendomiriensis) volente DEo pro magno consilio Varsoviensi inter vota ponimus, ut cunctorum figatur cordi, quod ad omnes pertinet, in quo omnium & singulorum pendet felicitas. Universale hoc manu nostra subscriptum, sigilloq; Cancellariæ munitum pro omnium notitia in castris & locis ad id deputatis publicandum mandamus. Datum Thorunij die 8va Mensis Novemb. Regni Nostri XIII.

AD REMPUBLICAM HOLLANDIÆ PRO GUARRANTIA.

AUGUSTUS II DEI GRATIA REX POLONIÆ, Magnus Dux Litvaniæ, Russiæ, Prussiæ, Masoviæ, &c.

CELSI, Præpotentibus Dominis Generalibus Ordinibus Provinciarum Fœderati Belgii amicis nostris charissimis salutem, & omnis felicitatis augmentum. Celsi, Præpotentes Domini Amici Nostri Charissimi. Posteaquam ad vota populorum cum ingenti certatim accurrentium tam utriusq; Ordinis Senatorum, quam ex Equestri Ordine obviorum plausu in visceribus Regnorum nostrorum compa-
raverimus, postquam junctis nostris viribus cum auxiliariis Serenissimi Magni Moschorum Ducis Colligati nostri copiis, & redeunte ad obedientiam Litvaniæ, firmiter, constanterq; in ea perseverante Polono cum Ducibus suis exercitu, hostis, qui hætenus periniquo jure, & summa cum injuria, quidquid liberet, pro licito judicavit, non tantum ultra nihil tentare ausus est, sed etiam cum ultima, eaq; nobis multo inferiori manu Regno nostro cedere, & ex improvise in Pomeraniam citis passibus movere debuit. Hinc, cum belli conjuncturæ nullum majus discrimen, quam ex negligentia occasionum intervenientium pati soleant, & Serenissimi Moschoviæ Czari arbitrio, & Generalium Ducum nostrorum suffragiis, militumq; ardentibus votis, nec non omnium constantibus impulsorum causis judicio res ad consilium delata, comprobataq; fuisset, ut scilicet non parcendo illis, qui nostra penè destruxerunt, id faceremus, quod facile nostris faciendum superaret viribus, & non labescente vestigio, hosti non dubiâ, sed certâ spe summæ utilitatis insisteremus, ac per id maturè præveniremus, ne eâ præsumptione amplius uteretur, & ut sibi solus, quod hætenus fecit, plus quam cæteris omnibus in posterum tribueret, authoritatis. Metus in futurum, ne ex illa parte invasio aliqua, vel impetio fiat, & ex metu consilium, & omnium votorum summa erat, cum nihil commodius visum fuisset, ut id ageretur, quod monebat communis Colligatorum nostrorum utilitas,

tilitas, & ut Generalem Krassau cum Suetico exercitu in Pomeraniam *A.C. 1709* ingressum persequeremur, ne Sueci nunc jam satis attriti, reassumptis, si id fieri poterit, viribus amplius nos ex illa parte aggredi audeant. Arduum nobis erat tot consilia pro salute Reipub. & communi Colligatorum utilitate in contrariam sententiam vertere; evicit tamen & pronior semper, quàm affectus movet in commoda, altæ colligationis inclinatio, & Regiæ nostræ recordatio declarationis de non interturbanda Romani Imperij quiete, & nulli dissidio danda occasione, & ut per hanc nostram seriam applicationem, & Celsitudines Vras, & omnes Earum Colligatos certius atq; certius semper de constanti, eaque firma, nec immutanda unquam amicitia convinceremus? Persvasimus proinde & Serenissimo Moschorum Duci, & Regnorum Nostrorum Exercitui, ut id, quod sors obtulerat, & quod optimo idoneoq; tempore fieri poterat, agere differant, omnes in ea fiducia confirmantes, quòd Celsitudines Vre cum omnibus magnæ Colligationis Capitibus (de quorum justitia omnia non speramus, sed credimus) ad eum finem res disponent, & omnimodam securitatem, securitatisq; Gvarrantiam dabunt, quòd ex Provinciis Sueticis nulla in Ditiones nostras, & Serenissimorum colligatorum nostrorum, in Polonia, Saxonia, Dania, & Magni Moschoviae Ducis Ditionibus, in quantum status illorum in proximo situati sunt, timenda veniat irruptio, ex parte Sueticæ Pomeraniæ, neq; Sueci novum militem in Imperio conscribere, neq; conscripto exercitum suum in Provinciis suis augere permittentur, cum ex antiquis fœderibus non liceat etiam Coronæ Sueticæ in Ditionibus suis, quæ in Imperio reperiuntur, plures milites fovere, ultra defensionis necessitatem, & præsidia solita. Minimè ambigimus, quòd Celsitudines Vre hanc pro commodis altæ colligationis, quam nunc cognitam facimus, applicationem nostram gratè accipient, & quàm celerius poterit nobis, Regnoq; nostro, Serenissimisq; Colligatis nostris facient securitatem, nostramq; hac in parte in fiducia non deneganda evincent assecurationem; si verò id à Celsitudinibus vestris ex alta Colligatione provisum non fuerit, quæ ratio supererit, quæ nos, colligatosq; nostros impedire deberet ab evellendo radice ejus potentiæ, quæ reddita indies formidabilior posset olim nocere nobis. Non domare hostem, cum possis, est permittere, ut fortiores se reddat. Si autem nos, Regnumq; nostrum hunc æquitatis, & justitiæ (quod minimè credimus) habere non possemus gradum, in illo casu nos, Regnumq; nostrum, & Magnus Moschoviae Dux armis eam securitatem quærere cogemur, quæ prompta, parata, militumq; nostrorum alacritate fulta in ditionibus inimici quæri, & inveniri poterit. Quod, dum Celsitudinibus Vris deferimus, ne olim arguamur, non sufficientem nos fecisse præcautionem, nec Generalem Krassau ad incitas reduxisse, sicuti nunc fieri poterat multò inferioribus illius viribus, & in miserabili statu existentibus. Pluribus de hac re non agimus cum Celsitudinibus Vris, res enim ipsa pro nobis loquitur, quibus optimam à DEO valetudinem, omnemq; prosperitatē, ex animo precamur. Dabantur Thorunij die 9na Novembris.

CXXXII.

ALEXANDRO JOSEPHO ZALUSKI FRATRISUO. ANDREAS &c.

Thoruniô 10. Novembr.

S Perabam ego, & firmiter credebam, quòd cum Dno Episcopo Plocensi, & Castellano Ravensi fratribus, quos hic inveni, te quoq; videre deberem, unde magnum tecum, sed fraternum dissidium erit, quòd

A.C. 1709

quòd in aliud tempus hoc iter distuleris. Multaq; prævideri non possunt, fortuito melius cadunt. Scias quòd voluerim in Kwidzin, ubi omnes tres Monarchæ sperabantur, per interpositionem Regis Prussiae ad osculum manûs Regiæ admitti, sed, cum non tantum non venerant, sed nec citò sperabantur, visum est mihi Thorunium invisere, ubi, cum hospitium non invenissem, per viam facti in Collegio Societatis JESU, quanquam id non nimis gratum erat, constitui, ubi etiam Episcopus Cujaviensis residebat, Reddidi statim in crastino visitationem Dno Procancellario (& quis est, qui eo animo florentes amicos celebrat, ut nunquam labentes deferat) consilium capiens, quomodo Suae Mti me inclinare deberem; qui in crastino me revisitando; dixit, mirari Suam Mtem (quasi fortuna obesse nulli contenta est semel) quòd Thorunii sim, cum me ille Romæ esse credidisset; cum scilicet satisfactionem pro læsionibus suis à me prætendat; cui ego, qui fortunæ nunquam nec dona curavi, nec damna; cum rectè egi, neminem timui, ut manifesta palam res indicavit, statim cum omni resolutione respondi; etiam Romā me velle reverti. Sed post aliquot dies tandem sua Mtas me admisit, & cum summo affectu recepit. Taceo hic multa impedimenta, quæ malevoli struebant; nullum est illustrius probitatis documentum, ac testimonium, quàm odio haberi ab eis, qui probitatem oderunt. Ita, qui invident, egent, illi quibus invidetur, rem habent. Benè suasit ille; unus tibi hic, dum propitius est Jupiter, tu istos minutos DEOS flocci feceris; sufficit admissum me fuisse; (si id ex invidia processerit, contemnendum, si ex offensione, miseratione dignum? si ex malitia? dimittendum.) & statim Ministerium meum exercuisse, fuerunt enim à Palatinatu Plocensi Ablegati, quibus ego nomine Regio respondi. Præsentavit me etiam sua Mtas Serenissimo Czaro.

Fuit audientia Legati Tartarorum, cui denuntiavi primò apud me esse illum debere, quod & fecit, petiitq; ut cooperto capite Regi sese inclinaret; cum particulare Privilegium ex eo prætenderet, quod sepulchrum Mahometæ invisisset, & in numero eorū esset, qui apud illos Spirituales vocantur. Inventum à me medium, ut propter hanc causam non Portinarius, sed aliquis nobilis pileum ei detraheret; quod & factū. Fuit Serenissimus Czar in hac audientia incognitò præsens.

Scriptum à Mareschalco Confœderationis Sendomiriensis Comite Dönhoff ab omnibus nobis subscriptum; denuntiationem scilicet adventus Regii tibi communico. Nunc, ne quis erret, paucis in viam deducitur, & nemo timet, ne sint irrevocabilia Patriæ casu posteriora remedia, quàm mala, cum vicus optimis quibusq; modis libertati provideatur.

Interim Seren: Czar ad videndum Regem Prussiae per aquam movit, quem noster Sereniss: aliquantulum conduxit. Eòdem manè venit D. Sapieha Capitaneus Bobruyscensis, nuper Generalis Supremus Exercitus Litvaniae, cui hoc Regimen absolutè ademptum est, qui æquiore animo tulit præcidi spem suam, quàm trahi, cum pactione privatorum Juri publico minimè derogari debeat; Ita fortunā citius reperies, quàm retineas, etiam oblivisci, quid habueris interdum, expedit quamvis contumeliam nec fortis potest, nec ingenuus pati, tamen pulchrius duxit parere, quàm nolentibus imperare; Parendi necessitas caret culpâ.

De morte etiam Gregorij Oginski Gubernatoris Samogitiæ, cui hoc Supremum Regimen destinabatur, venit notitia. Itaq; cum Vitzniovieccius in detentione esset Kijoviae, supremum Regimen cessit Dño Pociy, & Dñus Comes Dönhoff Ensiser Regni, ac Confœderationis Generalis

neralis Sendomirienſis Mareſchalcus Campiductor factus eſt Litvania, A.C. 1709
(beneficium dignis ubi Rex dat, obligat) & Dominus Sapieha afflictif-
ſimus abiit.

Paro interim expeditionem pro Concilio Magno, cujus tibi copi-
am adjungam.

Caſtellanatus Gedanenſis poſt mortem Borowſcij ceſſit Enſifero
Pruſſia, & Staroſtia Grudzienenſis Procancellario Regni.

Rediit etiam Michałowſcius Romā ab ingreſſu Suae Mtis miſſus,
qui de magno gaudio Romae ex reditu Regio nuntiavit.

Declaratio facta eſt conſilij (deliberandum eſt diu, ſed ſtatuendum
eſt ſemel) non pro tertia, uti ab initio in intentione erat, quandoquidē
hac die Judam ſe ſuſpendiſſe ajunt, ſed pro 4. Febr. Varſavia; Comiti-
ola autem, pro quibus adneſto Univerſales literas 7. Januarii declarata;
ubi cuncti ex more vocantur, ut, quod nunc iſtat, agant.

Expeditione igitur, & pro hoc Conſilio Magno, & ad Principes Col-
ligatos, ut ingreſſum ex Pomerania Suecorum arceant, & audientiā va-
ledictoriā legati Tartarici peractā, ab eo Thorunio, & domo plura con-
fidentiū ſcribam.

COPIA LITERARUM REGIARUM AD IMPERATOREM TURCARUM.

*Sereniſſimo & Potentiſſimo Principi Domino... Imperatori Conſtan-
tinopolitano, atq; in Aſia, Africa, & Europa, Arabum, Syriaq;,
Ægypti Dno Amico, & vicino Noſtro auſpicati Regininis, ac
bonae, veraq; amicitiae incrementa, felicitatem, & mutuam bene-
volentiam.*

Sereniſſime & Potent: Princeps Amice, & Vicine Noſter. &c.

Poſteaquum ad vota fidelium Polonorum, liberi, & Electoris Po-
puli auſpice Supremo Numine, applaudente Senatu, & totā
Repub. effuſā in feſtiva gaudia, & ſonoras exultationes redi-
tum noſtrum ad rehabendam poſſeſſionem Regni hujus poſtliminiō
maturavimus, jamq; Thronus Noſter, & Majeſtas Regia velut de-
pulsā tempeſtate clariūſ reſplendescit, quippe omnes ſuum Regem ag-
noſcunt, ac pronā animorum venerantur devotione, & quemadmo-
dum Nos ſemel legitime elegerunt, & proximē retroactis temporis
bus concordi, & unanimi conſenſu, ac demū ſolemnib; vinculis, & Sa-
cramentis praſtiti Jurisjurandi in Solio Regali firmarunt, & roborā-
runt, ita à Nobis regi & gubernari volunt, à Natura formato li-
berrima Gentis ingenio parere ſemper legitimo Regi, ſervire nun-
quam. Nihil itaq; prius in animo habuimus, quā de ea Nos Divis
na benignitate, ac totius Reip. celebri fide, zelo, & affectu Serenitas
tem V. ſinē mora certiore reddere, eidemq; hac omnia per Generoſ-
um Bałowski Secretarium Noſtrum, & Praeſurſorem futurae Able-
gationis ex proximē incidenti Magno Conſilio ad Fulgidam Portam
ordinanda communicare teſtificantes conſtantem Noſtram bonae vo-
luntatis, & propenſionis erga Seren: V, & Excelſum Imperium Ot-
tomanicum firmitudinem tum offerentes Nos ſolidam ex parte Noſ-
tra

A.C. 1709 stra, & Reipub. amicitiam, juxta tabulas perpetuae pacis non modò conservare, sed omni meliori modo augere & ampliare velle; Enime vero ita deniq; firma, & stabilia sunt terrarum orbis Imperia, si fœdera semel inita, & coram DEO rerum omnium Domino, per quem Reges regnant, sanctè jurata servantur, & salvâ ac inviolatâ fide manteneantur. Quod, dum Nos re ipsâ comprobare, complere, & observare omni meliori modo desideramus, vicissim Nobis de Seren: V. promittimus, quòd reciproca sinceritatis, benevolentiae, atq; mutuae amicitiae documenta Nobis & Reipub. sit datura; & exhibitura. De reliquo Seren: Vestrâ inter prosperrimos rerum successus bene ac diu sospitem vivere precamur. Dabantur Thorunij die.. Novemb. Anno à Nativitate DEI, & Salvatoris Nostri JESU Christi MDCCIX. Regni verò Nostri Anno XIII.

AUGUSTI II. REGIS AD VEZIRUM.

ETSI publicâ Europæ totius famâ felicem reditum Nostrum tot votis Inclytæ, & liberrimæ Gentis Polonæ expetitur pro re habenda possessione Regalis constare Vestra Illustritati minime dubitamus, quò tamen intimiora amicitiae Nostræ, & sinceræ benevolentiae erga Excelsum Imperium Ottomanicum exhibeamus documenta, hoc ipsum per Generosum Bakowski Secretarium Nostrum, & Praecursorem futurae Ablegationis notificandum esse duximus, antequam ex futuro Magno Consilio proximè Varſavia congregando, & celebrando Ablegatus Noster, & Reipubl. nomine ad Fulgidam Portam expedietur, pro firmandis, perpetuandisq; aeternæ pacis incrementis; optimum enim Regnorum fundamentum existis manus esse sanctam & inviolatam fœderum, & bonæ vicinitatis conservationem, & observantiam, in quem finem, quantum Illustritas V. equis suis, bonisq; studiis facere curabit, tum quidquid latori præsentium humanitatis, & facilitatis ad obtinendam suam expeditionem præstiterit, Nos certè tantundem luculentis Regiæ benevolentiae Nostræ documentis semper redhibaturi sumus, qui etiamnum Illustritati V. prosperos rerum eventus cum bona valetudine exoptamus. Datum Thorunio &c. ut suprâ

CXXXIII.

An: 1710 IDEM ALEXANDRO JOSEPHO ZALUSKI PALATINO RAVENSI 24 Januarij.

BEnè facis, quòd in spe prompti adventûs Regij illas in oras ibi Mtem suam, & nos expectabis. Ego ultimis Januarij si DEO placuerit Varſaviæ me reddam.

Communico tibi communem totius Varmiae dolorem, ob mortem non inopinatam quidem, sed diu prævisam, sed tamen maximè hoc afflicto tempore præmaturam Laurentij Nycz Decani Varmien. apoplexia tacti Frauenburgi ad Cathedram, qui statim & sepultus est in Cathedrali

drali Ecclesia. Compati ita Provinciæ non possum, uti doleo. Credebatur, & esse debebat ditior, quàm inventus est, quia fortè ut præsumitur, in vita disposuit. Rationes tamen, & publicæ, & privatæ meæ sine dubio patientur. In locum ejus constitui (iniquum æstimans meritis præmia sua denegare, sive differre) Dñum Simonis Archi-presbyterum Wormbdi-tensem, virum activum, quamvis sanitate debilem idq̃ pro Commissario in cotributionibus publicis; nam Weidner Archi-presbyter Heilsbergen: privatas res meas agit, nec multum etiam nunc agendum est, cum post Suecos Saxones dominantur, qui triginta millia Talerorum præ-tendunt, ultra alimentationem, quamvis hoc anno messis non respon-dit arantis labori.

Regiomonti pestis grassatur, & ex Patribus Societatis jam duo mor-tui, in quorum locum alios constituo; in principio Xbris jam mille ho-minum mortui erant.

Habui multa Scripta; universale scilicet Primatis, literas Regiæ a-bitum suum in Saxoniam denuntiantes, & alia, quæ tibi per otium le-genda cōmunico; omniū intererat illud scire, quia in rem omnium erat.

Ordinaveram quædam Varsaviam, mihi necessaria portanda, sed à Saxonibus prohibeor. Et hæc est consolatio mea, cui reniti non potes, molliter obsequere. Ita illis subest non pauca velle, quòd multa possint, Irata potentia tantò placatur æquius, quantò reputat honestius, nocere, cum possit, velle.

Habui etiam id quod mihi significas, de renovata Varsaviæ peste, & de mortuo Ephebo apud Generalem Rhen tempore prandii, de per-territis ejus hospitibus; nec ego in minori terrore sum, nam in loco pa-rum distanti Heilsbergâ unus homo, nescio, unde veniens, ex impro-viso mortuus est, & timeo, ne mali fons hic sit.

Nescio an audivisti de morte Principis Theophilæ Lubomirska su-premæ Regni Mareschalcæ, quæ Olomucij dicitur diem suum obiisse.

Negotium cum Gedano per Commissionem judicari, an componi debet? fortè magis succurratur illis, qui certant de damno vitando, quàm, qui de lucro captando. Commissio autem expedita est, in personas Dñi Episcopi Cujaviensis, Thesaurarij Regni, & Dñi Supremi Mareschalci Exercitus Saxonici Ogilvi. Melius est prorsus non facere, quàm non ri-tè facere. Timeo, ne verborum minutiis rerum pondera frangantur, nam ego credo, quòd non sit respiciendum, quid sit sed quid fieri debeat.

Mitto tibi literas ad Primatem, quas, ut expedias, rogo, suadeo Cel-situdini suæ, precorq̃, ut Varsaviam maturè veniat, ad res disponendas, antequam sua Mtas redeat, occurrendo, & impediendo illos, qui undiq̃ criminandorum Patriæ apud plebem occasiones quærunt, media resti-tuendæ libertatis investigando, cum gratissima est omnibus temporib⁹ futuri temporis expectatio. Qualia principia erunt, talia quæ consequen-tur: Possumus multa in antecessum facere, omnia, quæ Reip. salutaria erunt, eadem justa, atq̃ legitima habebunt, dum convenient Status; nam, qui magnarum rerum consilia suscipiunt, cogitare debent sedulò, an quod aggrediuntur, Reipub. utile, DEO gratum, gentibus gloriosum, & effectū facile, vel certè arduum non sit. Ego verò juxta parat⁹, vel candidè dicere, quod scio, vel patienter discere, & audire, quod ignoro. Scripsi idem etiam Dno Episcopo Cujaviensi, & Generali exercituū Supremo insinuo. Necessitas enim mihi videtur summa in vim præparamenti es-sentiales materias in hoc consilio tractandi, digerendi. &c.

Reffelii iterum pestis grassari cepit; Nepotes meos, & Nepotissas;
filios

A.C. 1710 filios tuos Guttstadii penes Collegiatā; filias autem in Elditt apud D. Hattinska relinquere determinavi; Interim, dū Varfaviæ manere obligabor.

Iter meum cras Varfaviam destinavi, expeditis illis omnibus, quæcunq; hinc expedienda sunt. Per Guttstadium & Allensteinium ibo; fortè filium tuum Martinum Varfaviam accipiam; non otiaabitur; aliquis enim ex meis Capellanis supplebit pro Inspectore. Circa 30nam amplectar te Varfaviæ, uti nunc per literas facio &c.

GVARRANTIA PRINCIPUM CONFOEDERATORUM IN FAVOREM REGUM POLONIÆ ET DANIÆ, ET CZARI MOSCHOVIÆ.

QUum Sacræ Cæsareæ Majestati, S. R. Mti Reginæ Magnæ Britanniaë, & Celsis & Præpotentibus Dominis Ordinibus Generalibus uniti Belgij maximè semper cordi fuerit, & etiamnum sit, ut quies, & tranquillitas in Imperio conservetur, & ideo communicatis cum quibusdam fœderatorum suorum consiliis ab aliquo jam tempore ad conservandam eandem quietem, & tranquillitatem Principes in Septemtrione inter se belligerantes sedulò. & seriò exhortati sint, atq; officia sua interposuerint, ne occasione belli, quod in oris Septemtrionalibus geritur, turbaretur, vel quidquam agatur sive revocando copias, sive alio quocunq; modo, quod rationibus & commodis Fœderatorum contra Galliam belligerantium noxium sit, præjudicium afferre queat. Quumq; S. Czarea Mtas ejusq; Fœderati Poloniaë, & Daniaë Reges mox nequaquam resistentes declaraverint firmam sibi stare sententiam nihil quidquam facere, quod ad turbandam tranquillitatem in Imperio ansam præbere possit & ex quo res fœderatorum bello Gallico implicatorum, sive revocando copias, aut alio quocunq; modo detrimentum vel præjudicium patiatur. Et cum simul etiam postulaverint, ut securæ reddantur copiae Regis Sueciæ, quæ jam in Pomerania sunt, in Poloniam non redituras, nec actus ullos hostiles in Terris Imperii commissuras; idcirco etiam illorum Ministri sæpius instanter flagitarunt, ut altè memorati fœderis illos hac de re certos, & securos reddere velint, quorum petitiones S. R. Mtas Borussiaë officiis suis suffulcit. Quum etiam post communicata hæc desideria cum Regimine pro administratione Regni Sueciæ in absentia Regis constituto Regiæ Suae Mtis Sueciæ Ablegatus extraordinarius de Palmquist acceptis hac de re illius mandatis declaraverint per Sueciam minimè statutum, quò minus constans neutralitas in Imperio servetur, eumq; in finem separatim fore nomine Sueciæ spondere, copias Sueticas, quæ in Imperio sunt, ibidem, uti etiam nec in Polonia, nec in Ducatu Sleswicensi, nec in Juslandia, aliquid hostile tentaturas, hac tamen sub conditione Sueciæ securam redditum iri, copias Regis Daniaë, quæ sunt ex hac parte Maris Balthici, vel quæ sunt in Juslandia, in Ducatu Schleswicensi in terris Imperij ad hanc coronam spectantibus, & quæ fœderatis militant, nec intra, nec extra limites imperij aliquid quoq; hostile tentaturas. Quumque communicata postmodum Regis Daniaë conditione, sub qua Regnum Sueciæ neutralitati in imperio adstipulatur supra nominati fœderati quoq; ad conservandam in imperio tranquillitatem & neutralitatem proposuerint, ut ab una parte Rex Daniaë spondeat, & consensum præbeat copias suas in Juslandia, in Ducatu Schleswicensi, & in imperio degentes nihil hostile contra ullum, quisquis ille fuerit, nec intra, nec extra limites imperij toto Ducatu Schleswicensi, & Juslandia unà cum comprehen-

sis tentaturas, vel facturas esse; utq; pari modo ab altera parte Regimē *A.C. 1710* in Suecia constitutum vicissim spondeat, & consensum præbeat copias Regis Sueciæ in Pomerania, & aliis imperii terris, & Provinciis existentes in Poloniam non redituras, nec quidquam hostile contra ullum, quisquis ille fuerit, nec intra, nec extra limites imperii, toto Ducatu Schlesvicensi & Juslandia, unâ cum comprehensis tentaturas, vel facturas esse; additâ quoque ulteriori declaratione à supra memoratis fœderatis se propensos, & paratos fore alias copias partis utriusque ad usum suum conducere, & de iis quantocius transigere; super quibus cum hic degens de Stolcen Regis Daniæ Secretarius renovatis modò dictæ S. R. Mtis obtestationibus nullum se vel revocatione copiarum, vel alio modo fœderatis incommodum, vel præjudicium allaturam, præterea nomine ejusdem Sacræ R. Mtis declaraverit illam, ut documento ostendat, quam prono erga fœderatos feratur affectu, utq; ad illorum petita respondeat, consensum præbere, si ex parte Sueciæ positivè affirmetur, copias ejusdem nunc in Pomerania degentes sub ductu Krasfavijs aliasque omnes in Provinciis Sueciæ in imperio sitis existentes nihil hostile contra Ditiones Regis Daniæ, nullas ex Ducatibus Holsatiæ, Schleswici vel ex Juslandia copias advocaturam, nec trans mare Balthicū transportaturam, quin & copias à Czarea sua Mte auxilio mittendas per Germaniam ullasve imperii ditiones vel terras minimè transituras, in his omnibus confidens absque ulteriori mora fœderatos sponsonem sive Guarrantiam suam pro stabilienda in imperio, Ducatu Schlesvicensi & Juslandia neutralitate interposituros esse.

Itaque infra scripti Plenipotentarii, & Deputati Sacræ Cæsareæ Mtis, S. R. Mtis, Magnæ Britanniae, & Dominorum Ordinum Generalium Uniti Belgii ritè perpensis Czareæ suæ Mtis, Regumque Poloniæ, & Daniæ & Borussiae iteratò expositis desideriis pro tuenda, & sponsonem sive Guarrantia confirmanda neutralitate intra limites imperii acceptisque super his ab Imperatore, Regina, Ordinibusq; Generalibus mandatis, illorum vi tenore præsentium notum, testatumq; faciunt, nomine S. Cæsareæ Mtis, S. R. Mtis Magnæ Britanniae, & Dominorum Ordinum Generalium Uniti Belgij, se grato, atq; libenti animo accipere supra memoratorum Principum in Septentrione belligerantium mentis, & voluntatis declarationem pro conservanda in imperio tranquillitate, & quiete, & illæsa neutralitate tam in omnibus Imperii Provinciis, & Ditionibus, quam in toto Ducatu Schlesvicensi, & Juslandia promittentes S. Cæsaream Mtem, Regiam suam Mtem Magnæ Britanniae, & Dominos Ordines Generales conjunctim allaboraturos, ne ullo modo neutralitas in terris imperii infringatur, sed ut ab utraq; partium ritè servetur, eumq; in finem operam daturus, ne copiae Regis Sueciæ in Pomerania, alijsq; imperii Ditionibus degentes in Poloniam redeant, nec actus ullos hostiles contra ullum, quisquis ille fuerit, nec intra, nec extra limites imperii toto Ducatu Schlesvicensi, & Juslandia alijsq; in illo comprehensis committant, & ne pari quoq; modo copiae Regis Daniæ in Juslandia, Ducatu Schlesvicensi, & Ditionibus imperii degentes, actus ullos hostiles contra ullum, quisquis ille fuerit intra vel extra limites imperii, Ducatu Schlesvicensi in illo comprehenso committant. Quemadmodum etiam ne copiae Czareæ suæ Mtis Regi Daniæ in auxilium forsan mittendæ per terras imperii transeant, verum ut omnes & singulae imperii Ditiones respectu partium in Septentrione belligerantium ab omni transitu copiarum imunes maneant, & perfectâ neutrali-

A.C. 1710 tate gaudeant. Præterea infra scripti nomine ut supra declarant S. Cæsareæ Mti, S. R. Mti Magnæ Britanniae, & Dñis Generalibus Ordinib⁹, statutum esse eo, quo dictum est, modo, quietem & tranquillitatem in imperio tueri. Et quamvis post declarationes supra memoratas minimè expectandum sit, neutram belligerantium partem illam infringere, vel quidquam, quod illi contrarium sit, facere velle, si tamen præter omnē spem, & expectationem quisquam neutralitatem observaverit, & factæ violationis refectionem petierit, conjungent, quo casu si opus fuerit, communibus viribus ad conservandam neutralitatem eo, quo dictum est, modo utentur.

Ut autem hæc declaratio promptiorem effectum sortiri possit, S. Cæsarea Mtas operam dabit, ut imperium huic declarationi quantocius accedat, sicut & Regina Magnæ Britanniae, & Dñi Ordines Generales imperium ad hoc invitabunt.

Principes pariter & status, quibus conservatio neutralitatis, & quietis in imperio cordi est, ad corroborandam accessione suâ hanc declarationem, quæ partibus, quarum interest hinc inde loco Guarrantiæ erit, invitabuntur. Præsentis declarationis exemplaria dabuntur Ministris S. Czareæ Mtis, & Regiarum Mtum Poloniae, & Daniae ab una, & S. R. Mtis Sueciae ab altera parte; requirunturq; ut officia sua adhibeant; quo Czarea & Regiæ Mtes supradictæ declarationem hanc gratam habere, nec quidquam, quod illi contrarium sit, facere velint.

Actum & signatum Hagæ Comitum die 31 Martij.

DECLARATIO A MINISTRIS CZAREÆ Mtis FACIENDA Imperatori, Angliæ, Hollandiæ, universisq; Statibus Imperij.

Quandoquidē universo mundo constat de periculosa intentione Regis Sueciae presenti bello Czareæ Mti nocendi, & omnes machinationes ad inferendam injuriam Regiæ Poloniarum Mti palàm factæ sunt, quamq; præjudiciosos conatibus ruinam Regni Daniae quasièrit, ac contra insolentes ejusmodi Sueticos ausus præfata tres potentie offensivum, & defensivum sædus Colligatis contra Galliam sinistram aliquam faciat impressionem. Ideo Czarea Mtas suo, Regumq; Poloniae, ac Daniae nomine universis Serenissimis Colligatis declarandum duxit, quod, quamvis fortunam armorum suorum cum extremis viribus tentare, ac Regem Sueciae eodem modo, quo ipse eos tractare intendit, persequi possent, tamen eorum finis & scopus dicti fœderis eò non tendit, ut Regnum Sueciae totaliter evertatur, sed tantum ut ad justos terminos redigatur; Ad obtinendam vicinis pacem & securitatem, & ad impediendum, ne impostèrum à Suecis, ut antea factum, ad eorum placitum inquietentur. Neq; eò collimat præfatarum trium potentiarum sædus, ut Imperium Romanum turbetur, neq; ut Colligatis contra Galliam ad proseguendum bellum obex ponatur, sed ad hunc finem convenerunt, ne Sueticas in Imperio Ditiones aggrediantur, neq; Regis Poloniae, & Daniae milites suos in servitio præfatorum Colligatorum existentes ante terminum præfixum vigore Tractatus revocent, siquidem in aperto est, quod hoc offensivo & defensivo fœdere Colligatis neq; in particulari, neq; in genere præjudicavit, vice versâ confidunt Czarea, Regiæq; Mtes Poloniae & Daniae universis Colligatis, ac Romani Imperij Statibus, quod non tantum huic bello contra Sueciam se non immiscebunt, nec contravenient, imò Regi Sueciae neq; directè, assistent; Et, quoniam Czarea ac Regiæ Poloniarum Mtas concluderunt elapsū à Polonia Generalem Krassau cum Suetico exercitu in Pomeraniam non persequi, quamvis secundum Jura Gentium eis licuisset, præsertim cum præfatus Ge-

neralis irreparabile damnum spoliando, & depravando Polonia intulerit, ad demonstrandum, quod verbo stare velint, de non interturbanda Romani Imperij quiete; ideo sperat tam Czarea, quam Regia Polonia, & Dania Mtes, quod Colligati, in specie autem Casarea Mtes cum ceteris magna Colligationis capitibus, nec non Status Imperij ad eum finem res suas disponent, quod ex Provincijs Sueticus nulla prefatis tribus potentiis ingruet irruptio in eorum Ditiones, neq; dicti Sueci novum militem in Imperio conscribent, neq; acquisito in Imperio milite in suis Provincijs exercitum augebunt, cum Corona Suecia non sit licitum in Ditionibus suis, quæ in Imperio reperiuntur plures milites fovere ultra defensionem suam, & presidia necessaria. Neq; dubitant prefate, Czarea, Regiaq; Mtes de constanti amicitia Colligatorum, quod Guarrantiam suam interponant ad stabilendam in supradictis securitatem. Cum enim digna, & iusta petant, vicissim declaratum esse volunt, quod, casu quo à supradictis Colligatis; desiderijs eorum, quoad iustè, & legitime requisitam securitatem non annueretur, neq; Guarrantia ab ijs susciperetur, imò Suecis qualicunq; modo suppetiæ darentur, ac augendi militis in Regno facultas concederetur, nec nō permitteretur Sueco militi provincias supradictarū Mtu invadere, aut in Poloniā reverti tū eis nō debere vicio verti, si pariter promissis suis non tenebuntur, quinimò hostē suū, ubicunq; fuerit, insequerentur, ac, antequam vires sumat, debellare conabuntur, non parcendo etiam quibuscunq; ejus Ditionib; præcavescentes quod ab omnibus damnis immunes erunt.

COPIA LITERARUM EPISCOPI PRINCIPIS VARMIENSIS
AD NUNTIIUM APOSTOLICUM. Gutstadij 16 Julij.

Excellentissime Illustrissime, ac Reverendissime Domine &c.

BEnignissimæ Excell: Vrae de data 4 Julij literæ in memoriam reducunt nihil flectenti, nihil fluctuanti mihi id, quod facere non tantum ut Judex, sed ut Episcopus operi meo intentus teneor; Sortitus sortem Ministerij Cancellariæ Regni do semper operam, ne quid sit, quod in me quisquam reprehendat. Et mentem zelo Religionis Apostolicæ Sedi mancipatam semel, cælo Judice, veritate teste nunquam emancipavi. Prodesse Sanctæ Fidei, si non valui aliquando, certè semper æquè vitæ, ac laboris parvus volui. In negotio hoc Gedanensi, quod Excell. Vra pro summo suo in Religionem fervore tam zelosè insinuare dignatur, curam fidei non inter ultima, quod est veræ pietatis officium, mihi esse monstrâssem, si illud negotium ad iudicium consilio ultimo destinatum pervenisset. Viriliter certè egissem, & Excell. V. vidisset impigrum (quodcunq; enim facio, ex animo operor) nisi Commissio hæc ex rationibus in tempus fortè favorabilius dilata fuisset. Unde & ego in Diocesim meam (quæ his infelicissimis pestis, & belli temporibus maximè assistentiâ meâ ad conservandas pusilli gregis reliquias eget) abivi, & in illa moror, ubi ulteriora mandata Excell. Vrae cum desiderio exequendi eadē opperior, & sacras manus reverenter exosculor.

EXCERPTUM EX LITERIS AMICI CONFIDENTIS VILNÆ 24 Apr.

APud nos est videre miseriam, qualis nec in historiis legitur, nec in seniorum memoria est. Aura apud nos saluberrima, pestis nulla, contagio nulla prorsus, mortes tamen innumerabiles ob famem inauditam. Stupebis ad ea, quæ ex vero scribo, quotidie oculatus testis, & certâ notitiâ. Tonna filiginis florenis 60. In Volhyniam hinc currus expediuntur pro coemendo frumento. Rustici à milite omnibus exuti, millia palabundi, angustiiati, egentes cum uxoribus & liberis Vilnâ confluunt pro stipe emendicanda, quibus alendis vix provincia sufficeret.

*Lues Vilnæ
ex fame.*

A.C. 1710 *ret.* Hi populi sicut aquæ multæ inundârunt; cadunt sicut muscæ, quotidie omnes plateæ plenæ cadaveribus mortuorum. Nemo afficitur, cives, familiæ, & quibus panis non deest, sani sunt, nihil curant, siccis oculis transeunt, suis intendunt. Mense Julio anni elapsi quidam tertij Ordinis Eremitarum S. Francisci cum socio, suscepit curam sepeliendorum (qui etiam pro hoc charitatis obsequio obtinuit Hospitale ad arcem, ac duas domos, jamq; crucem affixit) hic hætenus colligit quotidie cadavera per plateas, (habet enim duos carros & famulos vespillones) & plenos currus quotidie evehit, ad unam foveam 70 ad aliã 60 &c. Sepelit illos extra civitatem in variis montibus. Jamq; à Julio usq; ad Sabbathum Dominicæ Passionis inclusivè sepultorum annotata habet in charta 22862. Nunc intra tres hebdomodas multi centeni accesserunt, quorum numerum nondum rescivi. Hac nocte præcedente triginta aliquot ejusmodi mendicabulorum (jacent enim in omnibus plateis ante domos, claustra ac templa) inventa sunt hodie manè extincta; ducuntur carris ad foveam, sicut ligna, prout inveniuntur. Socius hujus Patris ex alto ponte cecidit, & collum fregit, nunc solus operatur. Ante hebdomadam dum eveheret cadavera 10 in grandi curru, milites exotici equos ei rapuerunt ab ipso curru. Civium charitas alios illi restituit, pergit in opere sancto. Inter hæc omnia tanta adhuc est ejusmodi plebis multitudo spirantium & langventium. Ad portas singulas trium domiciliorum Patrum Soc: Jesu plures quam 400 quotidie cibantur, datur particula panis & cochlear alicujus oleris, idem fit apud quosdam alios Religiosos, sed quid hæc inter tantos? audias statum Jerosolymæ. Dum equus extinctus effertur, aut alicubi cadit, turmatim accurrunt, & contentiosè scindunt assaturas, ac devorant; præterquam quòd hæc certò scirem; multi ij ipsi qui id fecerunt in Quadragesima mihi facti sunt. Cati, canes habentur in deliciis sicuti arripi possunt. Aliqui excurrunt ad pagos, & accendunt horrea, ubi pecora asservantur, & postea ustulata devorant. Aliqui post Vilnam ejusmodi Rustici mactarunt Dños, & substantiam pro esca sibi diviserunt, ac vagi dispersi sunt. Septem milliaribus post Vilnā maritus cum uxore mactarunt filium primò minimum, deinde secundum annorum prope septē, coxerunt, devorarunt. Aliqui mortuorum hominum cadavera in escam sibi sumpserunt. Hæc non solum circa Vilnam, sed etiam Düneburgo, Novogrodeco & aliunde similia & eadē huc perscribuntur. In viis, in sylvis, plurima reperiuntur cadavera fame enectorum, quæ jacent insepulta, luporum præda. In pagis plurimis domus sunt impletæ cadaveribus humanis, solitudo, nemo sepelit, putrescunt super terram. Reperti etiam caupones, qui divertentes ad se hospites mactarunt, carnes sale conspersas in tonnis asservarunt. Rustici quorundam nobilium cum aliquid venale ad civitatē ferunt, relictis equis aut bobus extra civitatē, ne rapiantur à milite exotico, ipsi currū trahunt ad forū. Hic status hujus Provinciæ.

AMICO CONFIDENTI 25 Decembris.

Quod orbis novit universus, ab amica exaratum manu oculo perlege benevolo. Affligens afflixit Dnus plurium annorum decursu Poloniam, bello, fame & peste. Bello, quando discordantibus civium animis pars Regis AUGUSTI, pars STANISLAI partes secuti, externos milites, Moschos, Suecos & Saxones in viscera Patriæ induxerūt. Stupebit posteritas tot annis Poloniam ejusmodi alumnis sustentandis suffecisse, vel maximè recolens per universum Regnum & M.D. Lit. igne sævitum à Suecis, nobilissimas arces subrutas, domos cum supellectili, horrea

horrea cum frumento, quandoq; cum pecoribus (dum omnibus abigendis exercitus non sufficeret) hortos cum arboribus incineratos. Edax hoc elementum per 30 alibi milliaria vix casam reliquit intactam, ut vel in partes Sueticas pertraheret, quos amor coronato capiti conjunxerat, vel in cineribus thesauros quærent pro exactionibus persolvendis, quibus res angusta domi. Successit altera plaga, fames, ut ex prioribus meis collegisti. Ortum illa habuit ex eo, quia gens ascendit in terram, quæ messuit quod non sevit, & quod semini DEus non benedixerit, omnis enim sili-go in cassum in terram jacta, 30 modii seminati alibi nec unum reddidêre. Adjuvit calamitatem hanc intensissimum gelu anno 1709. in Januario & Febuario, quo non solum arbores passim in hortis & campis, sed etiam aves in aère, & animalia in stabulis & sylvis copiosè emortuæ. Nec solum frigore ast contagiosa etiam lue pluribus in locis pecora sunt absumpta. Supervenit tandem & tertia plaga, pestis, quæ dominata prius in Regno evacuavit Cracoviam, Leopolim, Posnaniam, Calissium, Varsaviam & plurimas alias civitates ac pagos, transiit in Prusliam, anno 1709. Thorunii mense Septembrri initium sumpsit, spatio quatuor mensium supra 4000 hominum, inter quos ultra centum cives, absumpsit. Recruduit ibidem anno 1710. in Junio & Julio. Magis sæviit Gedani, ubi mortuorum catalogus in una connotatione extendebatur ad 25000, volunt alii durante hac calamitate è viris cessisse 48000. Nec Regiomonti benigniorem se Mors exhibuit, aut Tilsæ aliisq; civitatibus Pruthenicis, ut in pluribus locis non fuerint homines, qui frumenta demeterent, debuerintq; coloniæ aliunde duci, pecora sine Dñis passim per campos vagabunda efferescebant. Nec Varmia pars, in qua contagione mortuorum numerantur 12000, maximè luit Brunsberga, Meelsaccum, Fraunburgum, Allensteinium, Heilsberga, Resselium & Bisburgum. Vormditum, Guttstadium, Seeburgum, Vartenburgum, Bisteinium præservata. Exhausta nuper fame Litvania, modò peste pene evacuata est. In sola Vilna hoc anno à medio Julio mortuorum (de quibus scitur & connotati sunt) Christianorum ultra triginta millia, Judæorum tria millia octingenti aliquot. Præterea totam Litvaniam inundavit hæc contagio, vix pagus ubi non grassata & etiamnum serpit. In tota Samogitia cum Religiosis tantum 17 remanserunt Sacerdotes. Ex Canonici Vorniensibus unus mansit superstes. Collegia PP. Societatis Crosense, Possaviense, Caunense, Residentia Mittaviensis &c. pene evacuata. Tam in Regno quàm magno Ducatu Litvaniæ plurimi in obsequio peste infectorum ceciderunt victimæ charitatis, super quo cum Nuntius Apostolicus in Regno Poloniæ scripsisset ad Sanctissimum, hic sibi à Patre Generali ejusdem Societatis exhiberi voluit nomina in hoc charitatis obsequio defunctorum, moxq; instituta Congregatio Cardinalium in ordine ad Canonizationem B. Stanislai Kostka, nec non aliorum ejusdem ordinis.

*Observata
tempore pe-
stis*

In hac contagione observatum egentes maximè infectos & consumptos fuisse, prægnantes rarò feliciter enixas; lactentes sæpe ad ubera mortuarum matrum illæsos permansisse, raras aves in aère compa-ruisse, tempore siccitatis fere quavis nocte visas coruscationes absq; tonitru & pluvia, quod quibusdam videtur esse signum futuræ pestilentiæ, mense Septembri anno 1708. extraordinarium fuisse calorem, ita ut secunda vice rotæ germinaverint.

A.C. 1711 COPIA EPISTOLÆ PERILLUSTRIS & Adm Rndi D. ROGALLI
Gutstadiensis Canonici, Secretarij S. R. Mris Sigilli majoris Regni
ad Magnificū D. Kolinski Notarium Decretorum in Curia Regni.
Gutstadiō 1. Maji Anno 1711.

*Authoris
morbus, &
circumstan-
tie moris.*


AMOENUS Majus alijs in flores, in tristes nobis reviruit cupressos, quos eò acerbiori dolore, quo lætiori tempore, penè oppressit; Dum flos ille Præsulum Antistes, & Princeps Noster VARMIENSIS Mortis falce succisus occubuit. Prima hujus Mensis, ultima fuit illi dies, in ipsa aurora solis, inter secundam & tertiam horam fatalem adferens occasum, quem quia & tibi dolendum non ignoro, in commune utrinq; doloris levamen circumstantias morbi & mortis, nulli satis luendæ, accipe ejus viri qui ut vivens memoriam meruit sæculorum, ita moriens in memoria saltem nostra vivat. Causa præcipitis facti, si naturæ arcana scrutari licet, videtur fuisse Quadragesima solito stric- tius in villorum esu ciborum traducta, & in continuis hujus Collegiatae variarum devoti- onum exercitijs utcunq; finita, potissimum Hebdomada S. inter cujus ferias omnibus Ec- clesie solitis ceremonijs ipse in persona licet jam satis ægra fatiscens valetudine, ritè ex- actis, dolorem fluxumq; oculorum ipso Parasceves die, quasi condolens & passo illacrymans Salvatori, contraxit, quo tamen, ceu nullo periculo, spreto, illo & sequenti Sabbatho S, à pastoralis pietatis non destitit proposito, donec non sine magna omnium ædificatione, tam longas illo die circa fontem &c: finivisset ritus, brevi & vitam finiturus. Dominicà Paschatis ingravescente malo in privato oratorio hostiam DEO litare coactus non sine in- fausto multorum omine, malè præsagientium, ne & ipse Paschalis víctima avitus hic Agnus brevi post mortem cadat in holocaustum. Fefellit (ac utinam fefellisset) spes tantisper omen, ac in mellus commutavit, cum ille non tam solutus ægritudine, quàm occulta vi morbi in insidijs latente perfectè se solum credens exactis Gutstadij Festis Paschalibus profectus est Brunsbergam, ubi post collatos aliquot Pontificij & Diocesani Seminarij Alumnis minores Ordines, Frauenburgum ad Ecclesiam Cathedralē negotia quædam absolaturus, an verius præfago quodam naturæ instinctu, ultimum vale Sponsæ suæ dicturus, excurrit, extraordi- nariè omnibus vilis est latus & vegetus. Sed ut in mari nimia malacia Nautis, ita mortali- bus nimia læticia semper suspecta sit necesse. Regiomontum inde potiorem substantiæ suæ, partem securitatis gratiā ibi depositam dispositurus, quasi præsciens futuri, ivit. Et certè non sine interno quodam animi præfago, toto hoc elapso anno, omnia in eum finem agebat di- cebatq; ac eo modo, quasi certo sequentem non esset supervicturus, quod eventus monstra- vit, hinc & testamentum non sine reflexione ad singulas circumstantias confectū paratumq; habuit, in quo præter dispositionem substantiæ, piaq; legata omnem pompam funeris seve- rissime inhibuit, simplici absque ulla vestitura tumba contentus, etiam epitaphium præsen- tem exprimens annum reliquit hoc acrostycho. *Hic jacet Andreas Episcopus*, tandem: CONCULCATE PECCATOREM ZALUSKI, AC PRO EO ORATE. Regiomonti primā adventus sui nocte stomachi viscerumq; insperatus dolor eum Incessit, qui tandem in tumorem quen- dam dextri colli degeneravit, utcunq; tamen sensim remisso malo, Missam in illa celebravit Ecclesia, iterq; demum 3tia die Gutstadium ad suam pro tunc residentiam arripuit. At vix attigit locum, latens leniterq; hætenus serpens malum jam notabiliter invalescere, viresq; exerece cœpit, cui imparem resistendo naturam sentiens Regiomonto familiarem olim sibi Medico-chirurgum Saint Blancart Gallum sæpius aliàs felicem ejus manum expertus advo- cari curavit, qui accurrens 27 Aprilis, continua observata febris auctoq; præter solitum tumo- re, à corrupto hunc provenire sanguine, aut diffusa bile suspicatus, venā secuit, applicuitq; re- media quæ ex peritia artis congrua judicavit, non tamen sine metu, quod prodroma quædam lethargi signa observasset. Die 29 ejusdē supervenit Rdmus D. Rostkowski Suffraganeus Lu- ttorienſis ab infirmo expetitus & expectatus, cum quo & aliis præsentibus jucunda mi- scebat colloquia ita vivaciter, ut omnes in meliorem de se erigeret spem; nihilominus D. Suffraganeus pro antiqua erga eum confidentia, insinuavit ipsi dispositionem animæ & sub- stantiæ, qui æquo id animo ferens respondit: substantiam jam esse dispositam per Testa- mentum & codicillos; quo ad animam verò jam quidem à longo tempore se ad mortem disposuisse nunquam tamen sufficientem posse fieri pro illo tremendo articulo dispositio- nem. Suspiciens autem ex insinuatione ejusmodi aliquod sibi imminere periculum, adhor- tatus medicum, ut eum de hoc sincerè præmoneret, & verum ediceret, quid de statu suo sentiret: qui respondit rem esse inter spem & metum, suasitq; ut etiam alios vocare cura- ret Medicos pro formando consilio; sed æger replicavit: nolle se in forma mori scilicet in- ter multorum argumenta medicorum, sufficere sibi unum qui suas jam pridem novit in- firmitates, easq; feliciter hætenus curavit. Quod si DEus (inquit) exitus mei determina- verit horam, malo sub fida unius experti manu Divini executionem expectare decreti, quā omni

omni momento promptus acceptabo. Aliquot post horas vocavit ad se Dnum Suffraganeum, cum quo prolixum habuit sermonem, pluraq; ipsi revelavit animi sui arcana. Iam Dno Palatino Czerniechoviae in antecessum nota. Inter alia, quod non valens tantas Episcopatus hujus tolerare & tollere oppressiones ac injurias, per continuas & gravissimas variorum exercituum extorsiones, metuensq; post hac graviores adscivit sibi in Coadjutorem (accedente Serenissimi Regis instantia) Serenissimum Ducem Saxzeit Primatem Hungariae, eo solo motivo, ut ipse pro sua majori Authoritate, posset ulteriori Episcopatus occurrere ruinae vel iacturae. Vidensq; statum Reipub. maximè perturbatum, & cupiens reliquos vitae suae dies in quiete & poenitentia ac mortis meditatione finire, firmum & immutabile fecerit propositum deponendi sigillum in manus Serenissimi Regis obtenta jam ab eo sponsione, quod Sigillum minus personae à se electae collaturus esset, ad quod munus jam pridem in corde suo designatum à se dixit eundem Dnum Suffraganeum, quod secretum jam longè ante Dno Praedicto Palatino concediderat. Resignato verò sigillo retentaq; aliqua ex Episcopatu pensione, quod ad aliquem privatissimum secedere locum fixum ratumq; erat, omniaq; ad eum finem media esse jam disposita, de loco tantum relicta deliberatio; cupereq; se isthaec perficere vota in Monasterio aliquo, ejusque muros utinam quam citissimè deosculari liceret. Et quidem (aiebat) Anconam vel maximè mens me trahit, uti ad locum majoris meae humiliationis. O Ancona amabilis! ô Ancona felix! (repetebat cum lacrymis & suspiriis) ô Ancona quae mihi oculos aperuisti, ut penitus me & mundum cognoscerem, ô Ancona quae me DEO conjunxisti &c. Si verò DEus firmam hanc imò firmissimam non permiserit resolutionem à me adimpleri, vitæq; meae fila praeciderit; forsan praevidet, quod cum adhuc offendere possem, ideoq; libens etiam nunc mortem oppetere imò & appetere volo, si ita Dno vitæ & necis placuerit. Sum obligatus medico, quod me de imminente praemonuerit periculo. Et observo quod omnia ita mihi eveniunt, uti praedixit; plura similia locutus in particulari de sua dispositione/substantia, quae uti & parvulos Nepotes D. Palatino commendabat, omnia majora debita à se jam hoc anno persoluta, siq; superessent minora, ea ex derelictis persolvenda; Multa de Deo, de aeternitate summo pietatis sensu proferebat, cum omni animi resignatione & ad mortem promptitudine. Hinc ad mentionem spei restituendae sanitatis, vitæq; prorogandae, reponebat semper: fiat, si est Dei mei voluntas; declaravitq; se velle in crastino exomologesi sacra peccata expiare, ac viatico & extrema unctione muniri. De mane ipse sua sponte vocato ordinario suo Confessario R. Dno Jezewski confessus, cum signis summi doloris. Quia verò sequenti luce festivitas Ss. Philippi & Jacobi Apostolorum imminabat, erga quos ille tota vitâ singulari certae devotionis ferebatur cultu vel maximè à S. Philippo confissa petebat in dubiis, quem ipse Christus interrogavi; unde ememus panes? Indicavit se cupere in eorum solemnitate, caetera percipere Sacramenta. De quo D. Suffraganeus certior factus accurrit, suavitq; seria non esse differenda in crastinum, de quo non constat utrum erit nostrum, si verò vita foret superstes, posse alia communione sacra illos Ss. honorari Apostolos: dum his æger non ægre imò annuit facile, utq; praelegeretur ipsi per D. Chlusi Secretarium, ex quodam pio libro ab ipsomet vernaculo idiomati donato, caput de pia ad communionem sacram ritè percipiendam dispositione, quae lectio per mediam durabat horam, ipso attentè auscultante, D. Suffraganeus in assistentia totius Cleri & Canonicorum hujus Ecclesiae Collegiatæ attulit Ss. Sacramentum, postq; brevem & devotam exhortationem suspiriis & lacrymis infirmi exceptam, jussit is è lecto se levare cū propriis niti viribz debilitas jam non concederet, frustra illū incommodū inhibente motū D. Suffraganeo. Et sic positus in terra genibus in spiritu humilitatis & animo ad pietatem composito ultimam Ss. Corporis Christi sumpsit refectionem, & mox in margine sedens lecti, extremam unctionem, ad singulos sensus pro delictis cujusq;, contritionis satis vivaciter eliciens actum. Depositus in lecto Testamentum animæ à S. Carolo Borromæo compositum, & à se per totam Dioecesim aliquot ante annos transmissum, & certis publicè in Ecclesia temporibus legi à Clero & populo demandatum, à se verò ultima cujusvis Mensis die cum tota familia repeti solitum, mandavit à praesentibus tunc familiaribus ante se, suoque nomine flexis genibus perlegi, quod, etiam statim manu propria tanquam singula in eo contenta approbans subscripsit. Hac usus occasione D. Suffraganeus, iterū testamentum ratione dispositae suae substantiae insinavit, ac ubinam esset inquisivit, quoniam verò ante aliquot annos, conditum intellexisset, aliquo signo approbari illud suavisit. Tum æger invitari ad se jussit D. Palatinum Czerniechoviae, in cujus manus Testamentum 369 obsecratum sigillis consignavit & quod in eo scripti essent Executores, idē D. Suffraganeus & D. Kunigk Custos & Officialis Varmiensis, indicavit, ad quos eundem D. Palatinum Czerniechoviae tunc adjunxit, multaq; cum eo contulit totamq; suam substantiam quae non esset testamento vel Codicillis disposita eidem commisit, & tradidit approbationem & innovationem hujus Testamenti salvis Codicillis ante omnia exequentis,

A.C. 1711

dis, in exteriori Testamenti sigillati parte per suum Secretarium D. Chluski scribi iussit, & ipsemet subscripsit ad mensam sedens, ad quem se duci eo sine præceperat, ibidemq; 4 Nepotibus Palatinidis Czerniechoviæ & Raven, ultimam impertitus est benedictionem, cum energica Pastoralis exhortatione, ut Deum timeant & Parentes honorent. Demum ad lectum reductus, Hic quasiivit ex eo D. Suffraganeus, an molestum non foret, si aliqui pii affectus illi inlinuarentur, huic periculoso tempore opportuni, quin imò (respondit) rogo ut nihil omittatur, quodcunq; salutem animæ conducere scirent. Idcirco idem D. Suffraganeus alternis vicibus, cum R. P. Eustachio Reüscher Soc. Jesu, Moderatore D. Palatinidæ Czerniech. varios ipsi pios inculcabant affectus illi tempori congruos. Circa 2dā post meridiē horā vicina mortis signa, & langvores sentire cæpit: identidē e lecto ad mensā se duci iubendo, ad quā imprimis Litanias à se cōpositas de diversis Ss. per singulos hebdomadæ dies distributas & à se cum Familia singulis Vesperis recitari solitas dicere tunc voluit, sed ob debilitatem non valuit, quas ideo D. Suffraganeus prælegit, de Ss. Trinitate. Nihilominus surgens à mensā non sine pietatis sensu suspiciens in cælum ejusq; desiderio captus dixit: Si moriendum est, utinam suaviter mori liceat, in spem erecturus de non timenda bene dispositis morte subjunxit D. Suffraganeus versiculum Psalmi: Lætatus sum in his quæ dicta sunt mihi &c. Postquam paululum in lecto quievisset, iterum ad mensam ductus Capitulo huic, ante se genu flexo benedixit, sed verba proferre non potuit; ad lectum reportatus, nam pedibus jam insistere non valebat supinus & immotus ad finem jacuit. Hic Indulgentias in articulo Mortis à Summo Pontifice ipsi concessas in memoriam ei reduxit D. Suffraganeus, ut eas tunc sibi applicaret, Imaginem Servatoris Crucifixi & DEiparæ Virginis sapius ab ipso devoto osculo exceptas, sacras Reliquias, & Rosarium ante ipsum posuit, aquā lustrali lectum & cubiculum sapius aspergi, herbas benedictas cremari, cereum sacrum accendi, Commendationem Animæ, & varias Litanias, & Psalmos à clero assistente dici iussit, Ipse interim varios actus & affectus ægro insinuans cum supradicto Patre, donec post horam stā in lethargum incidisset, & Medico attestante nihil jam audire vel percipere potuisset; Orationes tamen ab assistentibus continuabantur. In eo lethargo sentim fatiscentem viribus, & gradatim debilius respirantem, ad extremaq; deductum, post horam 2dam matutinam cadavereus infuseavit color, quod ubi advertimus, ultimum instare punctum coniecimus. Ideoq; orationes solitas pro Agonizante ingeminavimus, ubertim cadentibus lacrymis, supra factis tanti Præsulis, & Pastoris nostri, qui satis quietē ut optabat omnibus munitus Sacramentis, & optime quantum per morbi circumstantias licuit per virtutum illi tremendo articulo opportunarū actū dispositū, in assistentia totius cleri sui, viam æternitatis, ut sperare & p̄ credere fas est felicitis, ingressus, adeo insensibiliter, ut dubitarem, an jam certō obdormierit in Domino. Deposito dubio mox pro more à clericis ablatus, & Pontificalibus indutus in porticu expositus, ob maiorem commoditatem, ad spectandum & pro defuncto orandum, concurrentis multitudinis, quæ pro singulorum affectu, varios sensus & sermones miscebat. Nempe prout quisq; affectus rebus, ita loquitur. Sed scrutator cordium DEus certiora format iudicia, & sæpe quos homines incusant ut reos, absolvit ut justos, sic postquā communi omnium necessitate aureum hoc nostrum Os, tam nuper in Patria vocale obmutuit, & ego iusto succumbens dolori, calamo impono silentium, Teque bene quā diutissime valere opto.





INDEX RERUM

Quæ Tomo III. continentur.

A

Abitus Regis.	<u>890</u>
Acta apud Suecos & Sapiehas	<u>236</u>
Acta Dresdæ	<u>673</u>
Acta in comitiis Varfaviensibus anno 1701.	<u>137</u>
Acta Suecorum Cracoviæ	<u>226</u>
Acta Suecorum in Curlandia anno 1702.	<u>156. 134</u>
Acta Varfaviensis Consilij	<u>235</u>
Acta Moschos inter & Suecos	<u>278</u>
Acta in Volhynia	<u>294</u>
Acta in Ukraina	<u>335</u>
Acta Thorunij	<u>364</u>
Acta sub Pultovia	<u>463</u>
Acta cum Rege Sueciæ	<u>471</u>
Acta in comitijs Lublini	<u>502</u>
Acta Varfaviæ	<u>547</u>
Acta in consilio & exercitu	<u>562</u>
Acta Lipsiæ	<u>611</u>
Adventus Regis denuntiatur	<u>883</u>
Ærarium Regis Sueciæ	<u>195</u>
Aggravationes in œconomij	<u>98</u>
Aggravationes Sueticæ	<u>188</u>
Aggravationes in Varmia	<u>304</u>
Allocutio Raczyński	<u>410</u>
Apologia Thesaurarij Regni.	<u>250</u>
	<u>282. 285.</u>
Apprecatio dignitatis	<u>193</u>
Archiepiscopus Leopoliensis. captus.	<u>805</u>
Arrestum super res Regis à Gedaniensibus.	<u>607</u>
Articuli aliqui ex tractatu fœderis.	<u>603</u>
Audientia Commissariorum apud Regem Sueciæ	<u>454</u>
Auxilia externa.	<u>635</u>

B

Bassani Canonici causa.	<u>291</u>
Bechling in carcerem acceptus	<u>496</u>
Belli inchoati an conscia Respublica.	<u>67. 72</u>
Bellum Regi dissuadetur	<u>44</u>
Bialosor Canonicus.	<u>875</u>
Brevia Apostolica de Coronatione Regis Prussiæ	<u>62 & seq.</u>
Breve Apostolicum ad Episcopos Poloniæ	<u>228. 649. 874</u>
Breve Apostolicum Episcopo Warmiensi	<u>370</u>
Breve Apostolicum ad Imperatorem.	<u>841</u>

C

Cædes in Litvania.	<u>256</u>
Calamitates Poloniæ	<u>904. 881</u>
PP. Camedullorum oppressio	<u>98</u>
CAROLUS Rex Sueciæ à Ministris Statûs interpellatur de transitu in Poloniam	<u>70.</u>
Succurrit Rigæ & Narvæ	<u>68.</u>
Dat causas cur exercitum non possit reducere in Sueciam	<u>109.</u>
Die Coronationis corona cadit de capite ejus	<u>829</u>
Casus Regis Sueciæ	<u>280</u>
Clades Suecorû sub Zamostio	<u>443</u>
Clades Moschorum	<u>68</u>
Clypeus cœlo datus	<u>858</u>
Collocatio militis	<u>335</u>
Comitiorum designatio	<u>44</u>
Comitia Varfaviensia anni 1702	<u>126</u>
Comitia Varfaviensia anni 1702	<u>156</u>
Comitia Pruthenorum	<u>847</u>
Commissarij ad tractatum	<u>449</u>
Commissio cum Suecis	<u>460</u>

)1(

Com-

- Concernentia coronationem Regis Prussiae [26](#)
 Conclusio Consilij Mariæburgensis [207](#)
 Conclusio Consilij Varsaviensis [263](#)
 Conclusum Senatûs Consilij [191](#)
 Conclusum Consilij Thorunensis [367](#)
 Conclusum Consilij Mariæburgensis [450](#)
 Confœderatio Majoris Poloniae [282](#)
 [353](#) [517](#)
 Confœderatio Sendomiriensis [241](#)
 Confœderationis instrumentum [288](#)
 Confœderatio M. D. L. [429](#)
 Confœderatio Tussowicensis [767](#)
 Conflictus inter Suecos, Saxones, & Moschos [66](#)
 Conflictus inter Suecos, Saxones & Polonos [219](#)
 Conflictus sub Pinczovia [222](#)
 Conflictus cum Clausbonde & sub Varsavia [667](#)
 Conflictus ad Calissium [787](#)
 Conflictus Konięcpoliensis [839](#)
 Conflictus cum Suecis [850](#)
 Conflictus Kwarcianorum [852](#)
 Consecratio Regiomontanæ Ecclesiæ [21](#) Tilsensis [105](#) Novæ civitatis Brunsbergensis & aliarum [190](#)
 Resselij in suburbio [215](#)
 Consecratio Joachimi Skirmont [191](#)
 Considerationes pro futuro congressu [632](#)
 Considerationes de scissa Rep. [798](#)
 Consilium Mariæburgense [217](#)
 Consilium Varsaviense de coronatione Regis Prussiae [4](#)
 Consilia variorum in negotio Sapieharum [145](#)
 Consilium post-Comitiale [162](#)
 Consilium Leopoliense [314](#) [803](#)
 Consilium Grodnense [759](#)
 Constitutum ab exercitu Regni [690](#)
 Constitutum consilij Grodnensis [751](#)
 Contributiones à Suecis requisitæ [53](#)
 Contributionis solutio urgetur à Gedanensibus [60](#)
 Controversia fidei [140](#)
 Controversia Clavæ ducalis [838](#)
 Conversio aliquorum ab hæresi [25](#)
 Convocatio ad consilium [387](#) [391](#)
 Coronatio Regis Prussiae. [1.](#) [14.](#) [17.](#) [27](#)
 Coronatio non præjudicat juribus Poloniae [33](#) & seq.
 Coronatio prohibetur [657](#)
 Cracovia occupatur [246](#)
 Cur Carolus Gustavus ruperit fœdus [481](#)
 Częstochovia obsidetur à Suecis [277](#)
- D
- Declaratio Electoris Brandenburg. de assumpto titulo Regis Prussiae [7](#)
 Declaratio Regis Sueciæ [49](#)
 Declaratio Palatinatûs [Siradien.](#) [404](#)
 Declaratio amnistie Cosacis dandæ [415](#)
 Declaratio ad puncta legatorum ad Regem Sueciæ [577](#)
 Declaratio Regis circa conclusionem Concilij Jaworovicensis [581](#)
 Declaratio Regis super libellum porrectum [832](#)
 Declaratur nullitas electorum administratorum [821](#)
 Decretum contra Bechling [587](#)
 Defensio læsi [413](#)
 Dethronizatio dissuadetur [210](#)
 Dignitatum collatio [158](#)
 Dilucidatio desideriorum civitatis Gedanensis [303](#)
 Dünamūnda occupatur [67](#)
 Diploma affecurationis datum Litvanie [21](#)
 Diploma donatæ artilleriæ [262](#)
 Diploma pro Marchionatu domui Sallarolianæ [500](#)
 Diploma Regis Stanislai datum ordinibus regni [700](#)
 Discordia in Litvania [59.](#) [88](#)
 Dislimitatio inter Polonos & Turcas [595](#)
 Dissuasio confœderationis [554](#)
 Dispunctio libelli famosi [71](#) & seq.
 Dluszewski Administrator [834](#)
- E
- Eccho responsi. [85](#)
 Edictum Pontificis contra Primatem

Rerum.

3

tem.	646
Edictum Regis AUGUSTI.	675
Eliberatio Principum regionum	651
Eliberatio Principum Poloniae	792
Epulae funestae	256
Exactiones militares	312
Examinatores cleri	878
Excessus Saxonum	71
Excommunicantur invasores bonorum Ecclesiasticorum	613
Exercitium Religionis in Prussia	833
in Saxonia	834
Expeditio pro convocatione	625

F

Fames.	903
Fœdus inter Reges Poloniae & Sueciae	733
Forma juramenti communis motus	115
Fulmen	256
Funus Reginae Prussiae	655

G

Gedanensibus suadetur contributio danda	139
Gelu	905
Gravamina à Suecis	99
Guarrantiae petitio	894
Guarrantia	900

H

I

Jacobus Princeps queritur œconomias hypothecatas aggravari	123
Imperator Turcarum amicitiam promittit	556
Imperator recognoscit Stanislaum	804
Incendium in arce Cracoviensi	276
Indictio Comitiorum	543
Informatio Regis data Deputatis ad Litvaniam	22
Informatio Nuntio Apostolico	455
Insinuatio malè actorum	421
Instructio Regis data Legato ad Regem Prussiae 15. Responsum à Rege Prussiae	16
Instructio Regis data Lubinscio	22
Instructio Regis ad comitia	56

Instructio Deputatorum Lityaniae ad Regem.	96
Responsum ad hanc instructionem	101
Instructio nuntijs data ex comitibus Srzedensibus	118
Responsum Regis ad instructionem	121
Instructio Legatorum ad Regem Sueciae	153
Instructio Fictomio data	186
Instructio data Legatis	260
Instructio Legatorum Palatinatus Prussiae ad Regem Sueciae	346
Responsum	349
Instructio Commissarijs data ad exlimitationem	371
Instructio Commissarijs ad renovandos limites	483
Instructio ad Palatinatus	488
Instructio à Confœderatis Palatinatibus	528
Instructio Legatis data ad belli duces	550
Responsum ad instructionem	551
Instructio ad Regem à Palatinatibus	559
Responsum	561
Instructio ad Regem in Prussia	568
Instructio pro comitiolis	625
Intimatio interregni	810
Invitatio pro consilio	265 419
Invitatio pro dislimitatione	493
Invitatio ad consilium Varsavienſe	666

Invitatio ad unionem	790
Joannes III. non fert à Primate Regalia usurpari	5
Joannis III. laus	19
Juramentum Episcopi Varmienſis	313
Juramentum Senatorum	357
Jus convocandi Senatum	420

K

Kokenhaufe occupatur	68
Ducis de Kroij jactura	ibid.

L

Legatio ad Regem Sueciae. 185 & seq.	
)2(Lega-	

- Legati petunt audientiam [171](#)
 Grodna determinatur pro audientia [172](#)
 Legationis impedimenta [181](#)
 Legationis Sueticae retardatio [185](#)
 Legatio in Hispaniam [227](#)
 Legatio & mediatio Reipub. non admissa [231](#)
 Legati Galliae causa [248](#)
 Legatio à Palatinatu Cracoviensi ad Regem Sueciae [255](#)
 Legatio Caesaris [257](#)
 Legatio ad Regem Sueciae [258](#)
 Legatio ad Aulam Brandenburgicā [381](#)
 Legatus detentus [436](#)
 Legatio Moschovitica [592](#)
 Lelczynski Palatinus Lenciciensis [170](#)
 Lelczyncio suadetur reconciliatio cum Rege [323](#) licentia legatis data à Rege Sueciae abeundi [201](#)
 Literae Regis Sueciae ad Primatem [46. 84](#)
 ad Ordines Poloniae [47](#)
 ad Exercituum Ducem [49](#)
 Primatis ad Regem Sueciae [50. 177](#)
 Regis Sueciae ad Primatem [155](#)
 Regis Poloniae ad Imperatorem [177](#)
 ad Regem Galliae [178](#)
 Literae Primatis ad Palatinatus Majoris Poloniae [179](#)
 Literae Primatis responsoriae ad Senatores [187](#)
 Literae Primatis ad Regem Sueciae & hujus responsoriae [200](#)
 Primatis ad Brandenburgicum petitoriae ne concedat Suecis transitum per Pomerainam [909](#)
 Regis Poloniae ad Senatores [211](#)
 Literae legati Regis Galliae ad Piper [229](#)
 Ejusdem ad Thesaurarium M. D. L. [ibid.](#)
 Literae Regis ex castris Ducis exercituum [247](#)
 Literae Regis ad Thesaurarium Regni [251](#)
 Literae interreptae [251](#)
 Literae Palatini Mariaeburgensis ad Thesaurarium Regni. [263](#)
 Palatini Masovia ad Piper [267](#)
 Levesi nomine Pontificis ad Regē Sueciae. [341](#)
 ad Regem Sueciae & vicissim [270](#)
 à Confessario Principis Jacobi ad Patkul [289](#)
 Literae Regis ad Senatores [310](#)
 Literae Generalis Steinbock ad Palatinum Russiae [342](#) ad Palatinum Volhyniae [345](#) Ejusdē ad Palatinum Russiae [347.](#) Regis Augusti ad Regem Daniae [361](#) Primatis ad Czarum [373](#) Dolorucij ad Mazepam [374.](#)
 Literae Regis Daniae ad Regem Poloniae [395](#) Czari ad Mazeppā. [399](#)
 Episcopi Posnaniensis ad Thesaurarium Regni [411](#) Primatis ad Regem [432](#) Patkul ad Palatinum Belzen. [434](#)
 Literae Restium [453](#)
 Cancellarij, & Procancellarij ad Palatinatus [486](#) Primatis ad Comitiola [491](#) ad Regem Poloniae [558](#)
 Laudum Confederationis [579](#)
 Literae Palatini Mariaeb. ad Castellatum Cracoviensem [589](#)
 Literae Czari officiosae & Comminationis [599](#)
 Literae Regis Sueciae ad Primate [615](#)
 Ejusdem ad Mareschalcum Confederationis. [616](#)
 Regis ad Summum Pontificē [617](#)
 Primatis ad Episc. Varmiens. [619](#)
 Ejusdē ad Electum Stanislaū [621](#)
 Regis ad Senatum Regni [644](#)
 Czari ad Gedanenses [658](#)
 Regis Prussiae ad Primatem [663](#)
 Regis Prussiae ad Regem Pol. [666](#)
 Capituli Varmiensis ad Pontificē & Cardinalem Pauluci. [761](#)
 Pontificis ad Caesarem monitoriae [837](#) Ducis responsoriae ad Palatinum Kijovien. ante conflictū [737](#)
 Episcoporum ad Nuntium Apostolicum [845](#)
 Episcopi Culmensis ad eundē [847](#)
 Primatis ad Pontificem [854](#)
 Regis ad Imperat. Turcarum [897](#)
 Locatio militis Externi. [237](#)
 Ma-

Rerum

5

M

Manifestatio nomine Litvaniæ contra famosum libellum	50
Primatis & Commissariorum	52
Manifestatio	202
Manifestum Regis Augusti in Consilio Mariæburgensi	396
Manifestatio Casimiri Sapieha	524
Manifestatio Palatinatum Majoris Poloniæ	581
Manifestatio contra Legationem Moschoviticam	502
Manifestum Principis Rakocij	622
Manifestatio contra congressū Varaviensem	659
Manifestum Regis Stanislai	877
Mazeppa accedit Stanislao	867
Memoriale legati Cæsarei ad Regē Poloniæ	543
Ad conferentiam cū Moschis	884
Missinenses jaculatores	831
Moneta cudenda	60
Mors Jacobi Regis Angliæ	128
Josephi Sluska	157
Stanislai Lubomirsky	109
Palatini Cracoviensis	184
Dönhoff Episcopi Cracovien.	190
Mors Jablonowski Ducis	214
Potocki Ducis	215
Mareschalci Lubomirski	216
Mors Stanislai Jablonowski	224
Mortis Prodromi	225
Mors Josephi Lubomirski	366
Mors Raphaëlis Lefzczynski	439
Mors Palatinæ Vilnensis	845
Moschi cæsi in Litvania	218
Moschi cædunt Suecos	277

N

Necessitas Reipublicæ	335
Nuntiorum Curlandiæ, & Semi-Galliæ postulata	55

O

Obsidio Thorunij	571
Oppressio Civium	412
Oppressio Schottlandt & Stoltzenberg	604

Oppressio ab externo milite	650
Oratio Ludovici Pociej	116
Oratio Suchorzewscij	120
Oratio Clementis XI in consistorio	130
Oratio Primatis in valedictione	809

P

Pacificatio M. D. L.	149.	157
Pac vult rumpere comitia		161
Palatinus Calisiensis vulnerat ⁹		259
Pacificationis impedimenta		268
Pacificationis media		325
Pacificationis modi		363
Paleij acta		434
Patkul occisus		797
Palatina Belzensis capta		798
Parænesis de Coronationi Regis Prussiæ.		27
Patkul mittitur ad Regem Sueciæ		669
Pestis in Polonia		905
Perturbatio Regni		339
Pignus redimendum ab Electore Brandenburgensi		59
Plenipotencia Legatorum ad Regē Sueciæ		155
Plenipotencia data Legatis		259
Plenipotencia ad recipiendam Biacerchviam		418
Plenipotencia ad Regē in Prussia	566	
Poloniæ status		327
Postæ Imperialis varietas		608
Pontifex non approbat Electionem Stanislai		794
Primas Regi acerbè loquitur		45
Projectum ad concordia ineundā		93
Protestatio contra Coronationem Electoris Brandeburgici		127
Promissorum à Czaro petitur executio		829
Prætensio clavæ		838
Prussia quomodo antiquo statui restituenta		871
Puncta ad Consilium post-Comitiale		162
Puncta tractata in Consilio	245.	246
Puncta ad conferendum cum Legato Cæsareo		297
Puncta civitatis Gedanensis ad Regem Poloniæ.		302

)3(

Pun-

Puncta Commissionis. [457](#)
 Puncta Legatis data [459](#)
 Puncta ad firmitudinē tractatūs [477](#)
 Puncta inter Regem Sueciæ & Prus-
 siæ. [553](#)

Q

Querelæ contra Sapiehas [100](#)
 Querelæ Castellani Cracovien. [124](#)
 Querelæ de oppressione [441](#)
 Querelæ Palatini Vilnensis [534](#)
 Querelæ Cardinalis Primatis [664](#)
 Querelæ Sapieharum. [414](#)

R

Radivilij Principis affecuratio su-
 per tutela. [115](#)
 Regiomontanæ Ecclesiæ consecra-
 tio [21](#)
 Rescriptum ad Instructionem Sta-
 nislao Szczuka datam [95](#)
 Receptores Ragocij [543](#)
 Reditus Regis in Prussiam [875](#)
 Relatio conflictus Koniecpoliensis [839](#)
 Responsum Primatis datur Duci-
 bus [238](#)
 Respublica non potest esse media-
 trix [272](#)
 Reipublicæ status [872](#)
 Responsum Ducis Zaporoviensium [400](#)
 Responsum ad universales Prima-
 tis [428](#)
 Relatio congressus apud Primatem [428](#)
 Rebello sopita [455](#)
 Responsio ad manifestationem Re-
 gis Sueciæ [465](#)
 Responsum Regis Sueciæ Commissa-
 rijs datum [468](#)
 Responsum Primatis ad Senatores [868](#)
 Rex venit Heilsbergam [499](#)
 Responsum Primatis ad literas con-
 gressus Varfaviens. [643](#)
 Rex Prussiæ recognoscit Stanislaū [803](#)
 Item Regina Angliæ [833](#)
 Resignatio dignitatum in Litv. [845](#)

Roboratio Confœderationis [800](#)
 Rzeciccenſis district⁹ vastatus [98](#)

S

Status Reipub. calamitosus [306](#)
 Sapieharum causa proposita in con-
 filio Varfaviensi [4](#)
 Eorum lapsui indolet Author [7](#)
 Origo lapsus [18](#)
 Sapiehæ putantur Regi adversari [19](#)
 Consolatur eos Author [106](#)
 Saxones Varmiensibus molesti [104](#)
 Saxones cæsi [105](#)
 Sapieharum literæ ad Regem & Pri-
 matem [146](#)
 Ad conclave Nuntiorum [147](#)
 Responsoræ à Rege [148](#)
 Sapieharum defensio
 In Sapieharum negotio fit Sessio [43](#)
 sine effectu [44](#)
 Saxones pulsi Pultovia [497](#)
 Scriptum pro dethronisatione [99](#)
 Sententia de SS. Patribus [24](#)
 Senatus-Consilium Varfaviense [65](#)
 Senatores captivati [876](#)
 Sermo Stanislai Szczuka [89](#)
 Joannis Odrowąż Pieniązek ib.
 Sermo ejusdem [100](#)
 Sermo Palatini Lenciciensis [112](#)
 Sermo Pontificis in Consistorio [128](#)
 130.
 Sermo Palatini Califfiensis ad Re-
 gem Sueciæ [173](#)
 Sermo Præfecti ad eundem [174](#)
 Responsum Suecorum [175](#)
 Sermo Pontificis in Consistorio [370](#)
 Senatus-consilium Mariæburgi [423](#)
 Sermo Palatini Masoviæ ad Regem
 Sueciæ [443](#)
 Sermo Thomæ Działyński [889](#)
 Sueciæ Regis responsum [444](#)
 Solutio militum [59](#)
 Sobiescianæ domûs origo & acta [838](#)
 Stenau Generalis Saxonum [105](#)
 Supplex libellus Philippuci [780](#)
 Sueci Dwinam transeunt [105](#)
 Suecorum ingressus in Curlandiam
 & Litvaniam [134](#)
 Limites transgrediuntur [182](#)
 Suecorum captorum extraditio [237](#)
 Suc-

Rerum.

7

Succursus venit Suecis. 239
 Suecorum aliqui cæsi. 280
 Sueci veniunt in Varmiam 353

T

Telonia aquatica in Prussia 864
 Thorunium occupatur 352
 Tractatus Regis Prussiae cum Gedanensibus 662
 Tribunalitia Judicia solent Lublini peragi 509
 Tumultus in Litvania 2
 & seq.
 Tumultus in Saxones 43
 Inter Lubomirski & Wisniowiecki 44
 Tumultus inter Nuntios 158

U

Valachi & Tartari vastant circulum Varfaviensem 275
 Valedictio nuntiorum Regi 123
 Varmiae calamitas 298
 Ukrainae status 300
 Ukrainensium motuum pacificatio commendatur 337
 Velitationes variae 246
 Victoria Suecorum de Saxonibus 131
 Vilnae lues ex fame 903
 Violentia Legato Gallico illata 238
 Visitatio Spiritualium 675
 Universale Primatis ad Status Litvaniae 151
 Regis Augusti 182 Ejusdem pro communi motu 220
 Universale Regis Sueciae 198
 Universale Regis invitans ad confederationem 264
 Universale Regis 290
 Universale pro communi motu. 295
 Universale Regis ad Rebelles 375
 Ejusdem pro comitijs duarum septimanarum 489
 Universale de periculis Regni 536
 Aliud ad tollendam confederationem Majoris Poloniae 540

Universale pro communi motu. 627
 Universale Stanislai Regis 630
 Universale Mareschalci confederationis 633
 Thesaurarij Regni 635
 Aliud ejusdem 638
 Electi contra Universalia Thesaurarij. 640
 Primatis pro reassumptione Confederationis. 641
 Aliud ejusdem 642
 Mareschalci Confederationis 645
 Czari Moschoviae 652
 Universale Regis Stanislai ingredientis Poloniam 716
 Regis Augusti ab adventu suo in Poloniam 726
 Ejusdem datum Grodnæ 757
 Universale Ducis 790
 Universale Stanislai Regis 803
 Mareschalci Confederationis 806
 Primatis 807
 Capitanei Samogitiae 813
 Czari 814
 Stanislai Regis 815
 Palatini Kijoviensis 819
 Generalis Suetici Kraßau 827
 Ducis pro comitiolis 835
 Stanislai Regis pro conventu. 842
 Aliud ejusdem 848
 Universale Regis Augusti ad Palatinatus 133
 Universales Regis Sueciae 605
 Primatis 891
 Regis. 892

W

Wyżniowiecki Princeps queritur de violentia sibi facta Vilnae. 114

X

Y

And. Za-

And. Załuski Consilium.	45	Reginæ scribit cur acceptârit sigillum majus	409
Sermo in consilio post-comitali.	164	Sermo in consilio Mariæburgensi	424
Inquirit consilium à Palatino Culmenfi	205	Respondet Nuntijs in Comitibus Lublinsibus	507
Convocat Palatinatus Prussiæ Mariæburgum.	206	Propositionem facit nomine Regis	509
Magistratus civitatum	207	Votum ejus in Comitibus Lublini	514
Invitat ad Comitola	208	Residet Lipsiæ	610
Cur non possit ire Cracoviam.	209	Ibidem in aresto scribit ad varios literas Apologeticas	677
Scribit Capitulo Varmiensi de Contributionibus	221		& seq.
Petit diminutionem militum.	283 292	Succincta narratio illorum quæ cum ipso sunt acta Dresdæ	713
Cur nolit concurrere ad Procellarium	307	Iter ejus Anconam	773
Sermo ejus nomine Prussiæ ad Regem	311	Ibidem ejus arrestum	775
Suscipit sigillum majus	318	Iter ejus Romam	786
Gratias agit pro sigillo	313	Reditus in Poloniam	792
Significat variis collationem sigilli	328	Cur non concurrat ad Primatum	828
Suadet concordiam	388 398	Sigillum majus ei vult præripere Palatinus Kijovientis	844
		Morbus & mors	906

FINIS TOMI III.



1773-13

de. Apposito pag. 767-773-74-75-77-80-83-

P. Sławski, centies, et 779 - Diploma 500 -

Gran Senatore 772 -

Ric. Stanislao nel 1704 eletto = 605

Stanislao Szembek epō (uiauien) = 604

Conostantino Szaniawski pag. 681-706-

19. E. 15.

